



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





Migne, Jacques Paul

PATROLOGIÆ

CURSUS COMPLETUS,

SEU BIBLIOTHECA UNIVERSALIS, INTEGRÆ, UNIFORMIS, COMMODA, OECONOMICA,
OMNIUM SS. PATRUM, DOCTORUM SCRIPTORUMQUE ECCLESIASTICORUM,

SIVE LATINORUM, SIVE GRÆCORUM,

QUI AB ÆVO APOSTOLICO AD TEMPORA CONCILII TRIDENTINI (ANNO 1216) PRO LATINIS,
ET CONCILII FLORENTINI (ANN. 1439) PRO GRÆCIS FLORUERUNT :

RECUSIO CHRONOLOGICA

OMNIUM QUÆ EXSTITERE MONUMENTORUM CATHOLICÆ TRADITIONIS PER QUINDECIM PRIMA
ECCLESIE SÆCULA ET AMPLIUS,

JUXTA EDITIONES ACCURATISSIMAS, INTER SE CUMQUE NONNULLIS CODICIBUS MANUSCRIPTIS COLLATAS, PERQUAM DILIGENTER CASTIGATA; DISSERTATIONIBUS, COMMENTARIIS, VARIISQUE LECTIONIBUS CONTINENTER ILLUSTRATA; OMNIBUS OPERIBUS POST AMPLISSIMAS EDITIONES QUÆ TRIBUS NOVISSIMIS SÆCULIS DEBENTUR ABSOLUTAS DETECTIS, AUCTA; INDICIBUS PARTICULARIBUS ANALYTICIS, SINGULOS SIVE TOMOS SIVE AUCTORES ALICUJUS MOMENTI SUBSEQUENTIBUS, DONATA; CAPITULIS INTRA IPSUM TEXTUM RITE DISPOSITIS, NECNON ET TITULIS SINGULARUM PAGINARUM MARGINEM SUPERIOREM DISTINGUENTIBUS SUBJECTAMQUE MATERIAM SIGNIFICANTIBUS, ADORNATA; OPERIBUS CUM DUBIIS, TUM APOCRYPHIS, ALIQUA VERO AUCTORITATE IN ORDINE AD TRADITIONEM ECCLESIASTICAM POLLENTIBUS, AMPLIFICATA;

DUCENTIS ET AMPLIUS LOCUPLETATA INDICIBUS AUCTORUM SICUT ET OPERUM, ALPHABETICIS, CHRONOLOGICIS, STATISTICIS, SYNTHETICIS, ANALYTICIS, ANALOGICIS, IN QUODQUE RELIGIONIS PUNCTUM, DOGMATICUM, MORALE, LITURGICUM, CANONICUM, DISCIPLINARE, HISTORICUM, ET CUNCTA ALIA SINE ulla EXCEPTIONE; SED PRÆSENTIM DUOBUS INDICIBUS IMMENSIS ET GENERALIBUS, ALTERO SCILICET RERUM, QUO CONSULTO, QUIDQUID NON SOLUM TALIS TALISVE PATER, VERUM ETIAM UNUSQUISQUE PATRUM, NE UNO QUIDEM OMISSEO, IN QUODLIBET THEMA SCRIPSERIT, UNO INTUITU CONSPICIATUR; ALTERO SCRIPTURÆ SACRÆ, EX QUO LECTORI COMPERIRE SIT OBIIVM QUINAM PATRES ET IN QUIBUS OPERUM SUORUM LOCIS SINGULOS SINGULORUM LIBRORUM S. SCRIPTURÆ VERSUS, A PRIMO GENESEOS USQUE AD NOVISSIMUM APOCALYPSIS, COMMENTATI SINT:

EDITIO ACCURATISSIMA, CÆTERISQUE OMNIBUS FACILE ANTEPONENDA, SI PERPENDANTUR CHARACTERUM NITIDITAS, CHARTÆ QUALITAS, INTEGRITAS TEXTUS, PERFECTIO CORRECTIONIS, OPERUM RECUSORUM TUM VARIETAS, TUM NUMERUS, FORMA VOLUMINUM PERQUAM COMMODA SIBIQUE IN TOTO PATROLOGIÆ DECURSU CONSTANTER SIMILIS, PRETII EXIGUITAS, PRÆSENTIMQUE ISTA COLLECTIO, UNA, METHODICA ET CHRONOLOGICA, SEXCENTORUM FRAGMENTORUM OPUSCULORUMQUE HACTENUS HIC ILLIC SPARSORUM, PRIMUM AUTEM IN NOSTRA BIBLIOTHECA, EX OPERIBUS ET MSS. AD OMNES ÆTATES, LOCOS, LINGUAS FORMASQUE PERTINENTIBUS, COADUNATORUM.

SERIES LATINA PRIOR.

IN QUA PRODEUNT PATRES, DOCTORES SCRIPTORESQUE ECCLESIE LATINÆ
A TERTULIANO AD INNOCENTIUM III:

ACCURANTE J.-P. MIGNE,

Bibliothecæ Cleri universæ,

SIVE CURSUUM COMPLETORUM IN SINGULOS SCIENTIÆ ECCLESIASTICÆ RAMOS EDITORE.

PATROLOGIÆ TOMUS LXXII.

JOANNES PAPA III, S. MARTINUS, BRACARENsis EPISC., S. GERMANUS, PARISIENSIS EPISC.,
S. DOMNOLUS, CENOMANENSIS EPISC., S. RADEGUNDIS, BENEDICTUS PAPA I,
LICINIANUS, CARTHAGINENSIS EPISC., PELAGIUS PAPA II, ET ALII NUMERO TREDECIM.

TOMUS UNICUS.

PARISIIS,

APUD GARNIER FRATRES, EDITORES ET J.-P. MIGNE SUCCESSORES,
IN VIA DICTA AVENUE-DU-MAINE, 189, OLIM CHAUSSÉE-DU-MAINE, 127

BR

60

.M4

t.72

ABPLEBIA.JIN

JOOHOZ YTBIVK

**PELAGII II,
JOANNIS III, BENEDICTI I**

SUMMORUM PONTIFICUM

OPERA OMNIA.

INTERMISCENTUR

**S. MARTINI, S. DOMNOLI, S. VERANI, S. AUNARI, S. LEANDRI, LICINIANI, SEDATI, MARII, JOANNIS
QUORUM EPISCOPATU SEDES BRACARENSIS, CENOMANENSIS, CABELLITANA,
AUTISSIODORENSIS, HISPALENSIS, CARTHAGINENSIS, BITERRENSIS, AVENTIGENSIS,
ARELATENSIS ILLUSTRATÆ SUNT,**

NEC NON

SANCTI GERMANI

PARISIENSIS EPISCOPI

**S. RADEGUNDIS, S. ARIGII, FLORIANI, JOANNIS BICLARENSIS,
VITAM MONASTICAM PROFESSORUM**

AC DENUM

COGITOSI, ANTONINI PLACENTINI, LUCULENTII, ANONYMI

SCRIPTA QUÆ EXSTANT UNIVERSA

**AD S. GERMANI OPUSCULA IN APPENDICIS VICEM ACCEDENTIBUS PRETIOSISSIMIS ANTIQUÆ LITURGÆ
MONUMENTIS, INTER QUÆ LOCUM PRINCIPEM OBTINENT MABILLONII LIBRI TRES DE LITURGIA GALLICANA.**

TOMUM CLAUDIT

**SYNTAGMA LEGUM DECRETORUMQUE SELECTORUM QUIBUS SIVE REGES SIVE IMPERATORES, SEXTO
PRÆSENTIM SÆCULO, SESE REBUS ECCLESIASTICIS INGESSERUNT AUT SUAM IN DEUM PIETATEM TESTATI SUNT.**

TOMUS UNICUS

VENIT 10 FRANCIS GALLICIS.

PHILADELPHIA

PARISIIS, UNIVERSITY SCHOOL

APUD GARNIER FRATRES, EDITORES ET J.-P. MIGNE SUCCESSORES,

IN VIA DICTA AVENUE-DU-MAINE, 189, OLIM CHAUSSEE-DU-MAINE, 127.

1878

ELENCHUS OPERUM

QUÆ IN HOC TOMO LXXII CONTINENTUR.

JOANNES PAPA III.

Epistolæ et Decreta.	Col.	9
S. MARTINUS, DUMIENSIS EPISC.		
Opuscula septem.		21
S. GERMANUS, PARISIENSIS EPISC.		
Epistola ad Brunichildem		77
Privilegium monasterii S. Germani		81
Expositio brevis antiquæ liturgiæ Gallicanæ.		83
Appendix ad opera S. Germani, varia monumenta liturgica continens, inter quæ principem locum obtinet Mabillonii opus de liturgia Gallicana		99

S. DOMNOLUS, CENOMANENSIS EPISC.

S. Domnoli Vita et Testamentum		629-651
--	--	---------

S. RADEGUNDIS.

S. Radegundis Vita et Testamentum.		651-681
--	--	---------

BENEDICTUS PAPA I.

Epistolæ		Ibid.
--------------------	--	-------

LICINIANUS, CARTHAGINENSIS EPISC.

Epistolæ duæ		637
------------------------	--	-----

S. VERANUS, CABELLITANUS EPISC.

Sententia de castitate servanda		701
---	--	-----

PELAGIUS PAPA II.

Epistolæ et Decreta.		Ibid.
------------------------------	--	-------

S. AUNARIUS, AUTISSIODORENSIS EPISC.

Relatio concilii ab Aunario celebrati.		761
--	--	-----

Aunarii et Stephani abbatis epistolæ amœbææ.		767
--	--	-----

SEDATUS, BITERRENSIS EPISC.

Homilia de Epiphania.		771
-------------------------------	--	-----

Sermones duo (hic tantum memorati).		773
---	--	-----

S. AREGIUS.

Vita et Testamentum (hic tantum memorata).		Ibid.
--	--	-------

COGITOSUS.

Vita S. Brigidæ virginis		775
------------------------------------	--	-----

MARIUS, AVENTICENSIS EPISC.

Chronicon.		793
--------------------	--	-----

LUCULENTIUS.

Commentarii in aliquot Novi Testamenti partes		803
---	--	-----

JOANNES, ARELATENSIS EPISC.

Epist. ad virgines monasterii Sanctæ Mariæ.		859
---	--	-----

JOANNES, BICLARENSIS ABBAS.

Chronicon.		863
--------------------	--	-----

S. LEANDER, HISPALENSIS EPISC.

Regula		873
------------------	--	-----

Homilia in laudem Ecclesiæ.		893
-------------------------------------	--	-----

ANTONINUS PLACENTINUS.

Itinerarium		897
-----------------------	--	-----

FLORIANUS ABBAS.

Epistola ad S. Nicetium.		917
----------------------------------	--	-----

ANONYMUS.

Appendix ad Eusebii Chronicon (hic tantum memorata).		919
--	--	-----

SEXTI SÆCULI SUPPLEMENTUM.

Syntagma decretorum, præceptionum ac edictorum præcipuorum, quibus sive imperatores sive reges scse rebus ecclesiasticis ingesserunt.		Ibid.
---	--	-------

JOANNES PAPA III.

(Mansi, Collect. Concil.)

VITA JOANNIS III,
Ex Libro Pontificali.

(NOTA. Labbæo esse tribuendum quidquid, uncinis [] conclusum, non cod. Lucensi nominatim tribuitur.)

Joannes (a) natione Romanus de patre Anastasio A illustri [Cod. Luc., illustrio], sedit annos duodecim

NOTÆ SEVERINI BINII.

(a) Die 27 mensis Junii, anno Christi Redemptoris 559, qui est Justiniani imperatoris 33, in locum Pelagii subrogatus fuit Joannes hujus nominis papa tertius, postquam sedes apostolica tribus mensibus et viginti quinque diebus pastore orbata et viduata fuisset. His temporibus Theodominus, post filium suum in transportatione reliquiarum sancti Martini miraculose sanatum, ab Arianismo ad fidem catholicam est conversus. Gens Pictorum, in Britannia insula commorantium, per sanctum Columbanum ad fidem Christi perducta fuit (*Bedæ de Gestis anglicis, libro iii cap. 4*). Belisarius anno 3 pontificatus Joannis in suspicionem conjurationis adductus, a Justiniano imperatore, omnium scriptorum testimonio, in ordinem redactus fuit; eamque suæ impietatis penam incurrit, de qua supra dixi in notis ad Vitam Silverii, quem ille innocentem injuste relegaverat. Post obitum Childebiti regis, Clotarius germanus illius frater regnum accepit; ejectionisque filiabus Childebiti, solus totius Francie regni monarchia potitus fuit. Hic cum Parisios venisset, ibique repente in morbum incidisset, ideo quod sanctum Germanum ejus civitatis episcopum contempsisset, per ejusdem sancti Germani contactum miraculose sanitatem recuperavit (*Fortunatus in Vita sancti Germani apud Suriam, etc.*).

Rex compluribus delictis obnoxius, ob incestas nuptias a Nicetio Trevirensi, quem relegaverat sæpe monitus et excommunicatus, obiit. Defuncto illo, quatuor illius filii, nempe Charibertus, Chilpericus, Guntheramus et Sigebertus regnum vicissim inter se partiti fuerunt, anno post natum Christum 565 [imo 561, aut 562], postque obitum Clodovei regis 51.

Justinianus imperator, qui se divinis rebus plus nimio immiscuit, quique pontificium munus inferendis legibus ecclesiasticis, iisque exigendis, et in relegandis episcopis, sibi arroganter assumpsit, cum hæreticis velamento pacis et concordie familiaris quam oportebat agere consuevit, a Theodoro illo nequissimo Cæsaræ Cappadocie archiepiscopo Origenista et occulto Eutychiano, in errorem Aphthardocitarum sive incorruptibilium justo Dei vindicis permissu inductus, et specioso Incorruptibilis nomine deceptus, execrabilis et detestabilem hæresim in ecclesiam induxit, eorumque, quibuscum liberius vivebat, venena pestilentissima imbibit. Resistentem suæ sententiæ Eutychium Constantinopolitanum episcopum exsiliis multavit: cumque « Anastasii, inquit Nicephorus lib. xvii cap. 31, sacerdotumque ejus, qui eodem cum illo ardore flagrant,

exsilio bellum dictaret, visibili ictus plaga ex hac vita excessit. » Quando nimirum annis triginta octo et mensibus octo imperium administrasset.

Corrupticolæ sive Severiani, et Aphthardocitæ sive Incorruptibiles, qui erant duarum Eutychianarum sectarum diversi sectarii, his temporibus inter se confligebant. Corrupticolæ affirmabant (quod hæreticum est) Christum habuisse carnem corruptibilem et passionibus ex necessitate obnoxiam, ut nequaquam se ab his liberum reddere potuerit. Aphthardocitæ contra docebant Christi carnem (quod non minus erroneum est) sua natura incorruptibilem et passionum expertem fuisse, tamen quando volebat, eam passionibus subjicere potuisse. Horum de incorruptione venenosam sententiam Justinianus non tantum imbibit, sed etiam inconsulta sententia episcoporum, edicto publico, ut refert Evagrius lib. iv cap. 38, stabilivit et confirmavit; ita ut exsilio penam incurreret quisquis contra suam hac de re opinionem sentiret. Nullo metu exsilio aut mortis prohibente, Anastasius Antiochiæ episcopus edicto imperatoris contradixit. Justinianus eum sine dubio gravi pœna relegationis punivisset, nisi ultione divina percussus, in proposito suo exsequendo morte præventus fuisset. Facti hujus turpissimi illum in extremis poenituisse, atque Eutychium, quem relegaverat, ab exsilio revocari mandasse, non citra probabilitatem a plurimis asseritur ex eo, quod sanctus Gregorius papa una cum Patribus synodi vi aliisque pluribus eum nominet imperatorem piæ memoriæ, quando illius alibi mentionem facit. Ut sit, non immerito respuit Ecclesia illa Justiniani scripta et constitutiones, quas de usuris, ecclesiis, personisque ecclesiasticis arroganter nimis edidit. Suidas tradit illum litterarum imperitum ac plane analphabetum fuisse. Quod si verum est, affirmari debet, quod sicut Triboniani fuerunt leges civiles, ita etiam Theodori Cæsariensis fuerint illa scripta atque edicta de fide, quæ sub nomine Justiniani vulgata leguntur. Justinus ex sorore Justiniani nepos, prout illi Eutychius episcopus ante triennium prædixerat, defuncto Justiniano successit: insignia imperii non prius accepit, quam ad templum progressus pias preces fudisset. A patriarcha Joanne benedictus, coronatus, et in solio collocatus, absolutis acclamationibus ad populum orationem habuit, ante cujus initium frontem signo crucis obsignavit. De fide catholica edictum edidit. Quæ sane maxima laude digna forent, si non admodum in voluptatibus

* Auctoribus quos in hoc tomo recudimus, locum ante Gregorium Turonensem vindicabat ordo chronologicus: quia vero paucis tantum annis ab illo distabant, justumque poterat ex ipsius operibus incunctanter coalescere volumen, cum plerisque aliorum opusculis nonnisi per longas investigationem vel transcriptionum ambages potiri liceret, sanctum Episcopum præponere non dubitavimus, licentiæ dubio procul innocue faciem apud lectores veniam habuit. ENR.

(a), menses undecim, dies viginti sex. Hic ampliavit [Cod. Luc., amavit] et restauravit cœmeteria sanctorum martyrum. Hic constituit ut oblationes et amulæ, vel luminaria in eadem cœmeteria per omnes dominicas de Lateranis ministrarentur. Hic perfecit ecclesiam sanctorum Philippi et Jacobi, et dedicavit eam.

Eodem tempore Eruli [Forsan, Heruli in Tusciam] in Tursiam [Cod. Luc., Tassiam] exierunt, et leverunt sibi regem Sindual [Cod. Luc., Sindual], et premebant cunctam Italiam. At egressus Narses ad eum, interfecit regem [Cod. Luc., interfectus est rex], et omnem gentem Erulorum sibi subjugavit. Deinde venit Amingus dux Francorum, et Bucellinus (b), et simili modo ipsi premebant Italiam. Sed, auxiliante Domino, et ipsi a Narsete interfecti sunt. Erat ergo tota Italia gaudens. Tunc Romani (c), invidia ducti suggererunt Justino [Cod. Luc., Justiniano] et Sophiæ, quia expediret [Forsan, quia magis] Romanos Gothis servire, quam Græcis, ubi Narses eunuchus imperat, et servitio nos subjicit, et piissimus imperator hæc [Cod. Luc., princeps noster hæc] ignorat. Aut libera nos de manu ejus et civitatem obscenis volutatus, illicita conjugia constitutione sua approbasset, justumque matrimonium communi conjugum consensu dissolvi posse, lege sancita edixisset; denique, si non pecuniæ ardentem appetens, etiam ipsa sacerdotia plebeiis hominibus venalia exposuisset (*Evagrius lib. v, cap. 4*). De Justino refert Cedrenus, quod cum apud rebelles subditos scriptis non proficeret, ad populum libere dixerit, si præceptis suis parere nollent, alium sibi suo arbitrio imperatorem deligerent. « Ego enim (illum dixisse ait) contumacibus, injustis et aliena volentibus imperare nolo. » Addit unius refractarii graviore et acerbioris supplicio effectum fuisse, ut ubique in summa pace viveretur, atque intra trigesimam diem neque actor ullus esset, neque reus injuriarum.

Anno 9 pontificatus Joannis, qui est Christi 568, Alboinus rex Langobardorum e Pannonia (quam, ex Scandinavia insula progressus, per suos occupatam quadraginta duobus annis obtinuerat) primus in Italiam inagnis viribus potens ingreditur. Per conjugium Clothosindæ Clotarii filiæ, quam, teste Gregorio, in uxorem duxerat, quatuor reges Francorum sibi confœderavit, ita ut aliorum etiam barbarorum auxilia adeptus, Romanis effectus fuerit formidabilis. Post vastatam Venetam provinciam, captasque prope universas Liguriæ civitates (justo enim Dei judicio primum feris barbaris consumendi traduntur schismatici Aquileiensis provinciæ illi, quos tam multis litteris Pelagius papa ad Ecclesiæ unionem invitaverat) præter eas quæ in littore maris sitæ sunt, insidiis Rosimundæ uxoris interficitur, cum tres annos et sex menses in Italia regnasset. Successit post Alboinum Clephis, tenuitque regnum Italiæ anno uno et mensibus quinque. Ita Dei permissu feri barbari Italiam invadere cœperunt, ut ejus dominio orientales imperatores, quibusvis barbaris adversus Romanos truculentiores, paulatim exueret; sicque tandem fieret, ut excussa Græcorum tyrannide, et vindicata a Francis cum urbe Italia, eadem magna ex parte Romano pontifici cederet. (*Paulus diaconus de Gestis Langobardorum lib. II cap. 10 et seqq.*)

(a) Annis tredecim atque diebus quatuordecim pontificatum tenuisse indicant ea tempora quibus hoc munus apostolicum administrare cœpit et desiit. In Idus Julii defunctum esse fatetur Anastasius. Si ergo die 27 Junii post interregnum trium mensium et

[Cod. Luc., aut certe et civitatem] Romanam, aut certe gentibus deserviemus. Quo audito, Narses dixit: Si mala feci Romanis; male inveniam. Tunc egressus Narses de Roma, venit in Campaniam, et scripsit genti Langobardorum ut venirent, et possiderent Italiam. Ut cognovit Joannes papa, quia suggestionem suam ad imperatorem contra Narsetem misissent, festinus venit Neapolim, cœpitque eum Joannes papa rogare, ut reverteretur Romam. Tunc Narses dixit ei: Dic, santissime papa, quid mali feci Romanis? Vadam ad pedes ejus qui me misit, ut cognoscat omnis Italia, quomodo totis viribus laboravi pro ea.

Respondit Joannes papa, dicens: Citius ego vadam, quam tu de hac terra egressus fueris. Reversus est ergo Narses cum Joanne sanctissimo papa. Tunc sanctissimus papa retinuit se in cœmeterio sanctorum Tiburtii et Valeriani, et habitavit ibi multum temporis, ut etiam episcopos ibi consecraret. Narses vero ingressus Romam, post non [In Cod. Luc. non deest] multum temporis mortuus est. Cujus corpus positum est in locello plumbeo, et reductum est cum omnibus divitiis ejus Constantinopolim. Eodem tempore viginti quinque dierum, pontificatum adeptus fuit anno Christi 559 ut supra dixi necessario affirmari debet quod qui ad mensem Julium anni 572 supervixit, per annos tredecim et dies duodecim sedem pontificiam obtinuerit.

(b) Hæc teste Agathia lib. IV contigerunt anno 29 Justiniani imperatoris, anno Domini 555, sub pontificatu Vigili, et Theodobaldo Francorum rege. Errat itaque Anastasius, qui hanc historiam ad tempora Joannis papæ III hic refert (*Vide Baronium anno 555 num. 12 et 15*).

(c) Ad historiam istam Anastasii Paulus diaconus lib. I cap. 5 de Gestis Langobardorum addit, Narsetem Romanorum invidiam incurrisse, quia multum auri et argenti, aliarumque rerum divitias acquisivisset. In reliquis fere conveniunt; nisi quod Paulus diaconus historiam hanc paulo prolixius recenseat. Utriusque historiam tanquam fabulosam et plane commentitiam refellit Baronius anno 567, num. 11 et seqq., ubi, auctore Corippo grammatico Africano, ostendit Narsetem ante annum 567, quo Langobardi ex Pannonia in Italiam irruere cœperunt, Constantinopolim revocatum, magnumque honorem consecutum fuisse. Deinde idem eo argumento convincit, quod ipsi scripto proprio fatentur mortui cadaver cum honore Constantinopolim translatum esse. Quod si verum est, ipsi Narsetem ab Italia proditoris crimine immunem reddunt, suamque hac de re enarrationem in mendaciorum textrina contexta esse, propria confessione revelant. Nam si Narses, quod referunt illi, Langobardos in Italiam evocavit, pro sceleris magnitudine, non modo tanto honore et triumpho spoliandus fuerat, sed potius exhumandus, combustisque cineribus plane foras ejciendus erat. Si dicas ipsum Narsetem ab imperatore iterum in Italiam esse missum cum eodem munere præfecturæ; repugnant omnes scriptores, qui unanimi consensu fatentur. Longinum in locum Narsis subrogatum fuisse. Explosa igitur fabulosa utriusque hac enarratione de prodicione Narsis, ejusque obitu et translatione, cum Græcis scriptoribus asseramus, ipsum honorifice Constantinopolim esse reversum, substitutoque illi Longino successore, mirifice cultum, ibidem usque ad obitum permansisse, et sumptuosa ædificia erexisse. Hæc ex Cedreno, Corippo, aliisque scriptoribus, Baronius ann. 567 et 568, num. 3 et sequentibus.

pore Joannes papa et ipse mortuus est, et sepultus in basilica beati Petri apostoli, III Idus Julias [In Cod. Luc. III id. Jul. deest]. Hic fecit ordinationes duas per mensem Decembrium, presbyteros triginta octo [In Cod. Luc., triginta novem] diacones tredecim episcopos per diversa loca numero sexaginta unum. Et cessavit episcopatus menses, dies tres [In Cod. Luc., menses decem, dies tres sub die 13 mensis Jul.]

EPISTOLA * (a) JOANNIS PAPÆ III

AD EPISCOPOS GERMANIÆ ET GALLIÆ.

- I. *Primum chorepiscopos quosdam temerarios olim jam damnatos arguit, quod nimium sibi sumerent auctoritatis in impositione manuum.*
- II. *Deinde monstrat Clementem I post beatum Petrum sedem apostolicam rexisse, idque tradente sibi ipso Petro*
- III. *Tertio tradit quanta cura atque sollicitudo illi subeunda sit, qui gregem Christi pascat.*

Joannes episcopus universis per Germania et Galliæ provincias constitutis, in Domino salutem.

Optaveram siquidem, charissimi, pro nostri charitate collegii, omnes Domini sacerdotes in una devotione persistere, nec quemquam prohibita gratia aut favore sacerdotum sectari, aut a via recta discedere. Et quanquam credamus, Dilectionem vestram ad omne opus bonum esse paratam [devotam], ut tamen efficacior fiat congruum nobis visum est, litteris sedis apostolicæ (ut antecessorum quoque nostrorum vestigia imitemur vos monere, præcepta divina et apostolicæ sedis instituta viriliter peragere, et prohibita non tangere, sed cavere; nec cuiquam liceat unquam doctrinam Patrum deserere, et sacerdotali honore gaudere.

I. Perlatum est ad sedem apostolicam emersisse et denuo reviviscere prohibitum et funditus extirpatum tam a sancto Damaso, quam a sancto Leone, viris apostolicis, atque ab universis synodali auctoritate episcopis, reprehensibilem atque oppido inolitum usum, eo quod quidam chorepiscopi (qui et a prædictorum antecessorum sanctorum apostolicorum patribus et viris apostolicis, et ab ipsis, sive a nobis sunt prohibiti, sicut eorum hactenus testantur decreta) ultra modum suum progredientes (Conc. Parisiense VI. lib. I c. 27), donum sancti Spiritus per impositionem manuum tradant, et alia, quæ, solum pontificibus debentur, contra fas peragant: præser-

tim cum nullus ex septuaginta discipulis, quorum speciem in ecclesia gerunt, legatur donum Spiritus sancti per manus impositionem tradidisse. Quod autem solis apostolis, eorumque successoribus proprii sit officii tradere Spiritum sanctum, liber Actuum apostolorum (Act. VIII) docet. In concilio vero Cæsarensi ita de chorepiscopis habetur scriptum (Neocæs. concil., can. 13): Chorepiscopi quoque ad exemplum et formam septuaginta videntur esse: ut comministri autem, propter studium quod erga pauperes exhibent, honorentur. Si enim meliores sanctioresque sanctis apostolis [vos] esse putatis, facite quæ illi non fecerunt, et superextollite vos illis. Si vero ejusdem ordinis estis, et æquiparare vos vultis illis, nolite ea agere, quæ illi non egerunt: sed imitamini, prout melius potestis, exempla et vestigia eorum. Illi autem, præcipiente Domino, illisque denuntiant, ut illi et successores eorum tantummodo per manus impositionem traderent Spiritum sanctum, nulli unquam ex septuaginta tradere Spiritum sanctum per manus impositionem permiserunt, eis (quorum typum, ut prædictum est, chorepiscopi, antequam prohibiti essent, gerebant in ecclesia) scientes illicitum fore, dantes successoribus eorum exemplum, ne unquam talia præsumerent. Unde in Actibus apostolorum scriptum est (Act. VII): Cum audissent apostoli qui erant Hierosolymis, quia recepit Samaria verbum Dei, miserunt ad eos Petrum et Joannem. Qui cum venissent, oraverunt pro ipsis, ut acciperent Spiritum sanctum. Nec dum enim in quemquam illorum venerat, sed baptizati tantum erant in nomine domini Jesu. Tunc imponebant manus super illos, et accipiebant Spiritum sanctum. Non ergo (ut jam dictum est) aliquem ex septuaginta, licet pauci essent apostoli, ad hoc opus perficiendum direxerunt, sed Petrum et Joannem apostolos per manus impositionem tradere Spiritum sanctum miserunt: quorum vicem episcopi in ecclesia gerunt, et non chorepiscopi (Nicol. I, in epist. ad Rudolphum Bitur. arch.), qui septuaginta discipulorum formam ante prohibitionem eorum gerebant. Quod illi non fecerunt, vos facere nolite, ne dissimiles eis, et indigni eorum successione et ministerio esse videamini: quia (ut ait Dominus in Evangelio) qui non est mecum, adversum me est: et qui non colligit mecum, dispergit (Luc. XI, 23).

II. Si autem Petrus princeps apostolorum adiutores sibi ascivit Linum et Cletum, non tamen po-

(a) Adulterinam omnes docti censent, nec ipse Baronio præeunte ausus est refragari Binius. LABB.

NOTA SEVERINI BINII.

* Hanc epistolam ab aliquo impostore sub nomine Joannis papæ III post obitum illius suppositam fuisse, multis argumentis ostendi potest. Primo, quod sub consulatu 16 Justini IV Kalendas Augusti, anno 7 Justiniani, et 572 Christi scripta fuisse reperitur, quo tempore Joannes papa jam in vivis esse desierat. Secundo, quod nota consulari insignita sit, qua his temporibus epistolæ pontificiæ consignari desierant. Tertio, quod in ea scribatur Linum et Cletum fuisse tantum chorepiscopos; quo tamen omnis pene antiquitas scriptorum optimorum, ut in notis

ad Vitas eorumdem pontificum diximus, pro veris pontificibus agnovit. Taceo quod nomen chorepiscoporum, de quorum munere integra epistola scripta est, in Gallia et Germania plane abolitum fuerit. Hoc unum duntaxat sanctissimi pontificis scriptum* commentitium, germanis ejusdem epistolis deperditis, exstare, vehementer est dolendum (Vide Baronium anno 572, num. 3).

* Ab inficeto plagiario qui sub Isidori larva delitescit, mercesque suas imperitis obtrudit et obsecratis scriptoribus. LABB.

testatem pontificii, aut ligandi, aut solvendi eis normam tradidit, sed successori suo sancto Clementi, qui sedem apostolicam post eum, et potestatem pontificalem, tradente sibi beato Petro, tenere promeruit. Linus vero et Cletus ministrabant exteriora, princeps autem apostolorum Petrus verbo et orationi insistebat : quæ non incongrue ad traditionem Spiritus sancti per manus impositionem pertinent. Unde et in Actibus apostolorum scriptum habetur (Act. vi): *Non est æquum, nos relinquere verbum Dei, et ministrare mensis.* Quapropter septuaginta electi sunt discipuli, qui exteriora peragerent, ipsi vero apostoli verbo et orationi insisterent; inde et in Evangelio secundum Lucam scriptum est ita : *Post hæc autem designavit Dominus et alios septuaginta duos, et misit illos binos ante faciem suam in omnem civitatem et locum, quo erat ipse venturus. Et dicebat illis : Messis quidem multa, operarii autem pauci. Rogate ergo dominum messis, ut mittat operarios in messem suam. Ite. Ecce ego mitto vos sicut agnos inter lupos. Nolite portare sacculum, neque peram, neque calceamenta; et neminem per viam salutaveritis. In quamcunque domum intraveritis, primum dicite : Pax huic domui. Et si ibi fuerit filius pacis, requiescet super illum pax vestra; sin autem, ad vos revertetur. In eadem autem domo manete, edentes et bibentes quæ apud illos sunt. Dignus est enim operarius mercede sua. Nolite transire de domo in domum. Et in quamcunque civitatem intraveritis, et susceperint vos, manducate quæ apponuntur vobis, et curate infirmos qui in illa sunt, et dicite illis : Appropinquabit in vos regnum Dei. In quamcunque autem civitatem intraveritis, et non receperint vos, exeuntes in plateas ejus, dicite : Etiam pulverem qui adhæsit nobis de civitate vestra, extergimus in vos. Tamen hoc scitote, quia appropinquabit regnum Dei. Dico vobis, quia Sodomis in illa die remissus erit quam illi civitati (Luc. x). Et in Matthæo evangelista est : *Ecce ego mitto vos sicut oves in medio luporum. Estote ergo prudentes sicut serpentes, et simplices sicut columbæ. Cavete autem ab hominibus. Tradent enim vos in conciliis, et in synagogis suis flagellabunt vos; et ad reges et præsides ducemini propter me, in testimonium illis et gentibus. Cum autem tradent vos, nolite cogitare quomodo aut quid loquamini. Dabitur enim vobis in illa hora quid loquamini. Non enim vos estis qui loquimini, sed Spiritus Patris vestri qui loquitur in vobis. Tradet autem frater fratrem in mortem, et pater filium, et insurgent filii in parentes, et morte eos afficient. Et eritis odio omnibus propter nomen meum. Qui autem perseveraverit usque in finem, hic salvus erit (Matth. x).* Linus namque et Cletus nihil legitur unquam ex pontificali ministerio egisse potestative : sed quantum eis a beato Petro præcipiebatur, tantum solummodo agebant. Nam et in canone legitur Nicæno (Nicæni concilii can. 4) : Episcopum namque convenit maxime quidem ab omnibus qui sunt in provincia episcopis ordinari. Si autem hoc*

A difficile fuerit aut propter instantem necessitatem, aut propter itineris longitudinem, a tribus tamen omnimodis in idipsum convenientibus, et absentibus quoque pari modo decernentibus, et per scripta consentientibus, tunc ordinatio celebratur. Firmitas autem eorum quæ gerentur per unamquamque provinciam, metropolitano tribuatur episcopo. Omnia quoque maxima concilia affirmant, eum non esse episcopum, qui minus quam a tribus episcopis, auctoritate etiam metropolitani, fuerit factus episcopus. Ideoque illos quos chorepiscopos vocatis, quia ab uno (ut audivimus) fiunt episcopo, episcopos non esse, nec aliquid de pontificali privilegio agere debere, perspicuum est. Quoniam si nomen non habent, quomodo officium possunt habere [facere] ?

B Si ergo episcopi non sunt, et presbyteri (quorum vicem gerunt, quia ad exemplum et formam septuaginta olim fiebant) esse despiciunt, quid erunt ? Profecto quod ratione caret, aut nihil aut parum prorsus est. Si quis de his amplius, et quod fieri non debeant, voluerit scire, legat prædictorum apostolicorum (Damasi scilicet et Leonis) decreta, et ibi reperiet. De quibus aliqua et hic inserere, dignum duximus.

III. Si Domini desideramus esse discipuli (a), ipsius imitemur vestigia, ut de nobis dicatur : *Ego sum pastor bonus, et agnosco oves meas, et voco eas nominatim, et cognoscunt me meæ, et reliqua (Joan. x).* Et iterum, monente dominicæ vocis imperio, quo beatissimus apostolus Petrus trina repetitione mysticæ sanctionis imbuitor (Joan. ult.), ut Christi oves, qui Christum amat, diligenter et cum magna cura pascant, quoniam ipsius sanctæ sedis (cui per abundantiam divinæ gratiæ præsumus) ipsius amore et reverentia coarctamur, ut tantæ superstitionis, quæ nullius (ut sæpe dictum est) fulcitur auctoritate, periculum (quantum possumus) declinemus, ne beati magistri nostri Petri summi apostoli dilectio; qua se amatorem Dei esse testatus est, vana inveniatur in nobis : quoniam omnis negligenter pascens toties commendatum sibi dominicum gregem, convincitur summum non amare pastorem, nec ejus velle se discipulum fieri, cujus exempla negligit imitari. Nam gratia prorsus major acquiritur, si de commissis ovibus lucrum offerat domino sollicitudo pastoris. Nam et beatum Jacob, qui pro uxoribus diu servierat, dixisse meminimus (Genes. xxxi) : *Viginti annis fui tecum : oves tuæ et capræ steriles non fuerunt : arietes gregis tui non comedi, nec captum a bestia ostendi tibi : ego damnum omne reddebam, et quicquid furto perierat, a me exigebas. Die noctue æstu urebar et gelu, fugebat somnus ab oculis meis.* Si igitur sic laborat et vigilat, qui pascit oves Laban, quanto labore, quantisque vigiliis debet intendere, qui pascit oves Dei ? Sed in his omnibus ipse nos instruat, qui pro suis dedit ovibus animam, et adjuvet nos, ut de his qui nobis commissi sunt, fructum multiplicem [multiplicet], ac mensuram supereffluentem ad æterna

(a) Damasi papæ epistola 5, imo impostoris Mercatoris ineptus cento. LABB.

gaudia reportare concedat : tantusque vos beati Petri apostolorum principis amor accendat, ut in ovili ipsius, cui omnes creaturæ sunt traditæ, omnes taliter errantes, et illicita atque prohibita præsumentes, sanctis vestris studiis summo redintegrare cum desiderio festinetis, qualiter animæ pretioso Christi sanguine redemptæ, eorum non depereant deceptione. Restat etiam, quod per ostium hi nequaquam subintrarunt, quia non habebant ostium per quod ingrederentur : quia (ut dictum est) si nec episcopi sunt, et plusquam presbyteri esse ambiunt, per quod ostium intrabunt ! cum hi tantum duo ordines in ecclesia legantur, nec amplius ad pastorale officium aliquod patet ostium, per quod pastor intret. Audite, fratres, non me, sed ipsam Veritatem dicentem (Joan. x) : *Qui non intrat per ostium in ovile ovium, sed ascendit aliunde, ille fur est et latro, et reliqua.* Cum etiam egregius prædicator dicat : *Fundamentum aliud nemo potest ponere præter in quod positum est : (I Cor. iii) : prædicta duo fundamenta in Ecclesia tantummodo posita inveniantur, quidquid amplius in his positum invenitur, stare nullatenus poterit.* Et ideo cum omnibus suis fundamentis, actionibus atque radicibus ut evellatur, necesse est, ita ut amplius nec pullulare, nec germinare valeat. Non ergo generet, et non faciat vobis, fratres, toties repetita locutio fastidium : quia summa necessitas est sæpius prohiberi quod toties illicite usurpatur : et quoniam veritas sæpius exagitata, magis splendet in lucem ; et quod toties repeterdo admonetur, minus usurpatur. Super his enim multa jam ab antecessoribus nostris dicta sunt ; a quibus ipsi, sicut nunc a nobis, ita olim ab ipsis damnati et prohibiti sunt. Ideo sæpius repetentes, omnes monemus, ut vitentur hujusmodi, et a talibus se absterneant, qui noluerint una cum eis a sacerdotali ministerio, ut rebelles, fieri alieni. Quod demum probare poterimus, si tales extirpare, et

(a) Hactenus ex laciniis Isidori sub persona Damasi delitescens. LABB.

non eis favere, decertaveritis ; et ita in postmodum de tali re querela cessabit : quia contumeliæ studio fit [appetit], quicquid interdictum toties usurpatur. Omnia hæc decretalia, et cunctorum decessorum nostrum constituta, quæ de ecclesiasticis ordinibus et canonum promulgata sunt disciplinis, ita vobis et omnibus episcopis, ac cunctis generaliter sacerdotibus custodiri debere mandamus, ut si quis in illa commiserit, veniam sibi deinceps noverit denegari : quoniam occurreret veritas, si falsitas displiceret. Et merito nos, qui summa ecclesiæ tenere debemus gubernacula, causa respicit ; si silentio faveamus errori (a). Data xiv Kalendas Augusti, Justino [Justiniano] sexto et Narsete viris clarissimis consulibus (b).

EPISTOLA JOANNIS PAPÆ III,

AD EDALDUM VIENNÆ ANTISTITEM.

OBSERVATIO LABBÆI.

Joannes a Bosco monachus ord. Cœlestinorum, editor Bibliothecæ Floriacensis cœnobii O. B., vulgavit per brevem Joannis III papæ epistolam ad Edaldum Viennæ antistitem, quæ sic habet :

Joannes episcopus Edaldo Viennensi, archiepiscopo.

De officiis missarum, de quibus in litteris vestris requisistis, sciat Charitas vestra quia varie apud diversas Ecclesias fiant ; aliter enim Alexandrina Ecclesia, aliter Hierosolymitana, aliter Ephesina, aliter Romana facit : cujus morem et instituta debet servare Ecclesia tua, quæ fundamentum sancti habitus ab illa sumpsit. Venerabilis pallii usum per sanctum presbyterum vestrum Felicem tibi destinavimus nolentes te privari antiquo beati Petri munere : simul mittentes de capillis sancti Pauli, ut esset Ecclesiæ vestræ illius intercessione solatium, per cujus discipulum suscepit primum religionis honorem. Et alia manu : Benedictio apostolorum vos ab imbre malignorum defendat.

(b) Falsa consulum nota. LABB.

ANNO DOMINI DLXXII.

S. MARTINUS DUMIENSIS

EPISCOPUS BRACARENSIS.

(Galland. Biblioth. tom. XII.)

NOTITIA DE SANCTO MARTINO

EPISCOPO BRACARENSI.

I. Inter eos viros eruditos qui sancti Martini Bracarenensis episcopi gesta litteris tradidere, cl. Mabillonius eminere nobis videtur ; ex quo proinde cæteris summatim pro instituti nostri ratione nonnulla hic describenda censuimus. Et primum quidem inquit (a) : « Martinum alii Pannonium a Patria, alii Galli-

ciensem a provincia Hispanica in qua degit, Dumiensem et Bracarensem alii a sedibus quibus episcopus præfuit, cognominarunt. » Ex his porro viri docti verbis nobis succurrit, quod in Baronio nostro Tamayus notavit (b) ; ipsum nempe res Hispanicas obiter tractantem, de unico Martino tres conflasse,

(a) Mabill. Act. SS. Ord. Ben. sæc. I. 244.

(b) Tamay. Martyr. Hisp. tom. II, pag. 308.

Galliciensem scilicet, Bracarensem et Dumiensem (a). Verum si censor iste Hispanus ea novisset quæ magnus Annalium ecclesiasticorum parens de suis illis notationibus in Tabulas ecclesiasticas præmonitum lectorem voluit, fortasse paulo mitius cum viro maximo egisset. Sic igitur ille (b) : « Quod autem in nostris notis ad Romanum Martyrologium negatum est, Lucium esse passum sub Volusiano, ex Annalibus errorem corrige : sicque semper, cum videris discrepare ab iisdem notis Annales, eas ex his emenda. Nunquam hactenus concessum doleo, ut easdem singulas recognoscerem. » Hac igitur generali regula adhibita, quam ipsemet Notationum auctor præscripsit, se ipsum jam dudum emendasse, neque Tamayo *κατενευγ* opus habuisse intelligimus. Agnovit enim fuisse unum eundemque Martinum Dumiensem et Bracarensem, ut ex Annalibus compertum habemus (c); qui nimirum primum fuerit monasterii Dumiensis episcopus, deinde tanquam metropolitanus concilio Bracarensi n præ sederit. Quod si alicubi etiam Galliciensem episcopum post Gregorium Turonensem (d) appellat, existimandus propterea eum sic nominasse, quod Bracara qua in urbe sedebat, Gallæciæ metropolis ordine censebatur.

II. Verum his missis, ut ad ea propius accedamus quæ sunt reliqua de præsule nostro enarranda, e Pannonia digressus ille, in Orientem tum religionis tum litterarum discendarum gratia profectus est; unde postea redux in Gallæciam pervenit, ut ex Gregorio Turonensi (e) et Isidoro Hispalensi (f) erudimur; quorum prior disertius hæc habet : « Martinus Galliciensis episcopus Pannoniæ ortus fuit, et exinde ad visitanda loca sancta in Orientem properans, in tantum se litteris imbuat, ut nulli secundum suis temporibus haberetur. Exinde Galliciam venit, ubi cum beati Martini reliquiæ portarentur, episcopus ordinatur. » Posterior vero : « Martinus, inquit, Dumiensis monasterii sanctissimus pontifex, ex Orientis partibus navigans, in Gallæciam venit. » Porro ut sancti antistitis Hispalensis verba, quibus tum hic, tum in Chronico Suevorum sub finem (g), Martinum Dumiensis monasterii pontificem et episcopum vocat, rite percipiantur, animadvertendum præsulem nostrum de quo loquimur, ædificasse in Dumio, nobili Tarraconensis Hispaniæ oppido, vix uno milliari a Bracara distante, illustre cœnobium instituti Benedictini, ut concilium Toletanum x, anno 636 celebratum, perhibet hisce verbis (h) : « Delatum est ad nos in conventu sancti concilii.... testamentum gloriose memoriæ sancti Martini ecclesiæ Bracarensis episcopi, qui et Dumiense monasterium visus est con-

struxisse. » Hujusmodi autem monasterium ex concilio Lucensis i decreto in sedem episcopalem erectum comperimus (i) eique *familia regia*, sive ut in aliis exemplaribus, *familia servorum sex* attributa. Quæ tamen posterior lectio sic reformanda videtur cum Harduino, ut legatur *Familia Suevorum pro servorum* vulgata. Testatur siquidem Isidorus (j), Martinum cum in Gallæciam pervenisset, « conversis ab Ariana impietate ad fidem catholicam Suevorum populis » cum Theodemiro eorum rege, « regulam fidei et sanctæ religionis constituisse, ecclesias confirmasse, monasteria condidisse, etc. » Quapropter Dumiensis cœnobii ab eo constructi primus abbas et episcopus effectus, sibi assignatæ *Familie regie* sive *Familie Suevorum* regimen sumpsisse dicendus videtur. Verum alio sensu synodi Lucensis verba, *Familia servorum sex*, interpretatur Garsias Loaysa (k), sic in-
quiens : « Attribuitur ei tantum *Familia regia*, hoc est, regimen sanctorum monachorum; nam ipsi sunt ex regia familia; et alibi dicitur *Familia servorum*, qui Christo regi summo dicati, studium omne in cultu religionis et pietatis collocant. » Cur porro non edisseruit interpres numerum illum *sex* in synodi contextu additum verbis iis, *Familia servorum*? Existimarim equidem pro *sex* (VI) rescribendum *undecim* (XI) ut intelligatur *Christi* : qua quidem restitutione admissa, proba videri queat Garsie sententia, ut synodi locus accipiat de *Familia servorum Christi*.

III. Utcunque autem res se habeat, Martinus episcopali caractere insignitus, antequam sedem Bracarensem obtinuisset, concilio Bracarensi i subscripserat (l), quod male in editis ordine ii inscribitur; adeoque, ut recte arguit Mabillonius (m) « si acta synodi Lucensis i conferantur cum synodo Bracarensi i anno 3 regis Theodemiri sive Christi 563 habita, cui Martinus jam episcopus Dumiensis subscripsit; facile intelligemus concilium Bracarense i posterius esse Lucensi itidem i, in quo Martino abbati Dumiensi episcopalis dignitas et ditio concessa est. » Deinceps vero metropolitæ Bracarensi Lucretio decedenti suffectus perhibetur antistes noster Dumiensis : quo autem anno, haud satis liquet. Hanc certe novam dignitatem dudum consecutus fuisse existimandus D anno 572, quo præfuit concilio Bracarensi ii quod perperam in editione Labbeana dicitur iii (n). Denique post plurima virtutum insignia quibus Dei Ecclesiam illustravit in cœlos migravit. Ejus obitum Gregorius Turonensis anno 5 Childeberti II consignat (o); adeoque supremum diem clausit beatissimus præsul anno 580, in quem juxta communio-rem sententiam

(a) Baron. Notat. in Martyr. Rom. ad diem xi Kal. Jul.

(b) Id., ad ann. 257, § 3.

(c) Id., ad ann. 560, § 12 et 572, § 10.

(d) Greg. Tur. Hist. Franc. lib. v cap. 38.

(e) Id., ibid.

(f) Isid. Hisp. lib. de Vir. illustr. cap. 35 edit. Breul.; al., 22.

(g) Id Chron. Suev. pag. 404 edit. Paris. 1601.

(h) Concil. tom. VII, pag. 482, c, editionis primæ Ven. Labb.

(i) Concil. tom. VII, pag. 557, a.

(j) Isid., loc. cit.

(k) Concil. tom. VI, pag. 570, c.

(l) Ibid., pag. 523, c.

(m) Mabill., pag. 246, § 11.

(n) Greg. Tur. lib. v capp. 34 et 38.

(o) Concil. t. vi, p. 575 et 581, d.

incidit annus 5 Childeberti junioris. Sic Mabillonius (a). Qua de re videsis Pagium (b) et Bollandianos (c). Ejus dies festus celebratur die 20 Martii. Exstat apud Fortunatum (d) luculentum carmen cui præmittitur epistola eidem Martino inscripta, ubi præclare ejus gesta miris laudibus exornantur. De eo item refert alia nonnulla, præter superius allata, Gregorius Turonensis (e).

IV. Plura exstant ipsius ingenii monumenta : « In his, inquit Mariana (f), quoniam crebris sententiis et styli acumine ad Senecæ similitudinem proxime accedit, duo libri *De moribus*, et *De differentia quatuor virtutum cardinalium*, ejus philosophi nomine inter reliqua ejus opera circumferuntur. » Septem itaque beati hujus præsulis typis excudenda tradidimus opuscula, quæ in antea editis divulsa habebantur. Eorum primum inscribitur *Formula honestæ vitæ*, prout illud ex auctoris sententia laudant Trithemius (g) et Sigebertus (h). Idem tamen se legisse testatur sanctus Isidorus sub titulo *De differentiis quatuor virtutum* (i); cui proxime accedit anonymus Mellicensis (j). Hujusmodi libellum dicavit auctor *Mironi regi Galliciæ* : quam nuncupatoriam epistolam velut adhuc ineditam Dacherius in suo Spicilegio evulgavit (k); cum jam pridem eam edidisset Pictavis anno 1544 Elias Vinetus, et quidem alicubi emandationem, ut ex collatione ab editore Dacheriano instituta constat. Prodiit vero libellus idem absque præfatione tum inter

A opera Gilberti Cognati anno 1562, Basileæ, tum in heroicis et ecclesiasticis Quæstionibus Boethii Eponis Duaci, anno 1581.

Opusculum istud excipit alterum *De moribus*, cura Leodegarii a Quercu anno 1556, Parisiis, in lucem emissum. Utrumque porro excusum exstat in bibliotheca PP. Lugdunensi (l), ut alias editiones omittamus. Quæ vero sequuntur reliqua quinque, *Pro repellenda jactantia*, *De superbia*, *Exhortatio humilitatis*, *De ira* et *De Pascha*, ex codicibus manu exaratis descripsit ediditque Joannes Tamayus Salazar in suo Martyrologio Hispano (m), unde illa desumpsimus. subjectis nonnullis conjecturis, quibus melior lectio fortasse alicubi reddatur. Denique septem hisce opusculis subdidimus ejusdem sancti Martini carmina B tria, quæ Sirmondo accepta referimus (n), quorum prius Gregorio Turonensi memoratur his verbis (o) : « Versiculos, inquit, qui super ostium sunt a parte meridiana in basilica sancti Martini, ipse (Martinus Galliciensis episcopus) composuit. » Qui quidem Gregorii locus cl. editori haud succurrit. Porro non est cur hic disseramus neque de *Sententiis patrum Egyptiorum* ab auctore nostro ex Græco Latine redditus, quas in Vitis Patrum edidit Rosweyodus; neque de *Collectione canonum orientalium ex Græcis synodis*, quorum item Latinam versionem idem elucubravit, de qua vero Collectione plura videas apud Fabricium (p).

(a) Mabill. loc. cit. pag. 247, num. 15.

(b) Pagi. ad ann. 583, § 8.

(c) Bolland. Act. sanct. tom. III. Mart., pag. 86, § 1, nom 2.

(d) Fortun. lib. v, carm. 1, Bibl. PP. Ludg. tom. X, pag. 552 seq.

(e) Greg. Turon. lib. 1 de Mirac. sancti Martini. cap. 11.

(f) Marian. de Reb. Hispan. lib. v. cap. 9, tom. I, p. 177, edit. Hag. Com. 1733.

(g) Trithem. de Scriptor. eccl. cap. 221.

(h) Sigebert. de Scriptor. eccl. cap. 19.

(i) Isid. Hisp. de Vir. illustr. cap. 35; al., 32.

(j) Anon. Mellic. de Script. eccl. cap. 68.

(k) Dacher. Spicil. tom. III, p. 312 nov. edit.

(l) Bibl. PP. Lugd. tom. X, pagg. 382 seqq.

(m) Tamay. Martyrol. Hisp. tom. II, pagg. 317-328.

(n) Sirmond. opp. tom. II, p. 907 seq. edit. Paris.

(o) Greg. Turon. Hist. Franc. lib. v cap. 38.

(p) Fabric. Bibl. Gr. tom. XI, p. 65 seq.

SANCTI MARTINI DUMIENSIS EPISCOPI BRACARENSIS OPUSCULA SEPTEM

OPUSCULUM PRIMUM. FORMULA HONESTÆ VITÆ.

AD MIRONEM REGEM GALLICIÆ.

Gloriosissimo ac tranquillissimo, et insigni catho- D milis episcopus. Non ignoro, clementissime rex, flalicæ fidei prædito pietate, Mironi regi Martinus hu- grantissimam animi tui sitim sapientiæ insatiabiliter

* Hanc præfationem desumpsimus ex Dacherii Spicilegio, tom. III, pag. 312. Eam laudat Trithemius lib. de Scriptor. eccl. cap. 221.

poculis inhiare, eaque te ardentem quibus moralis^A scientiæ rivuli manant, fluente requirere. Et ob hoc humilitatem meam tuis sæpius litteris admones, ut Dignationi tuæ crebro aliquid per epistolam scribens aut consolationis aut exhortationis alicujus, et qualiacunque sint dicta offeram^B. Sed quamvis hoc a me exigat laudabile tuæ pietatis studium, scito tamen tenuitatis meæ insolentem continuo a cautis impingi propterviam, si regalis reverentiæ gravitatem aut assiduus aut vilibus, ut libet, dictis adjungam. Et ideo ne aut ego licentia piæ invitationis abuterer loquendo, aut vestro magis desiderio obsisterem reticendo, libellum hunc nulla sophismatum ostentatione politum, sed planitie puræ simplicitatis excerptum, capacibus fidenter auribus obtuli recitandum. Quem non vestræ specialiter instituo potestati cui naturalis sapientiæ sagacitas præsto est, sed generaliter his conscripsi, quos ministeriis tuis astantes hæc convenit legere, intelligere et tenere. Titulus autem libelli est: *Formula vitæ honestæ*; quem idcirco tali volui vocabulo superscribi, quia non illa ardua et perfecta, quæ a paucis et peregregiis Deicolis patrantur, instituit; sed ea magis commonet, quæ et sine divinarum Scripturarum præceptis, naturali tantum humanæ intelligentiæ lege etiam a laicis recte honesteque vivantibus valeant adimpleri.

Quatuor virtutum species multorum sapientium sententiis definitæ sunt, quibus animus humanus componi ad honestatem vitæ possit. Harum prima est prudentia; secunda magnanimitas; tertia, continentia; quarta, justitia. Singulæ tibi in officiis quæ subsunt, annexæ sunt, ac bene moratum virum efficiunt.

CAPUT PRIMUM.

De prudentia.

Quisquis prudentiam sequi desideras, tunc per rationem recte vives, si omnia prius existimes et perpenses, et dignitatem rebus non ex opinione multorum, sed ex earum natura constituas. Nam scire debes quia sunt quæ videantur esse bona et non sunt, et sunt quæ videantur non bona esse et sunt. Quæcunque autem ex rebus transitoriis possides, non mireris, nec magnum existimes quod caducum est; nec apud te quæ habes tanquam aliena servabis, sed pro te tanquam tua dispenses et utaris. Si prudentiam amplecteris, ubique idem eris; ~~et~~ prout rerum ac temporum varietas exigit, ita te accommodes temporis; nec te in aliquibus mutes, sed potius aptes: sicut manus quæ eadem est, et cum in palmam extenditur, et cum in pugnum astringitur. Prudentis proprium est examinare consilia, et non cito facili credulitate ad falsa prolabi. De dubiis non definias, sed suspensam teneas sententiam. Nihil inexpertum affirmes quia non omne verisimile statim verum est; sicut et sæpius quod primum incredibile

videtur, non continuo falsum est. Crebro siquidem faciem mendacii veritas retinet. Crebro mendacium specie veritatis occulitur. Nam sicut aliquando tristem frontem amicus, et blandam adulator ostendit; sic verisimilitudine coloratur veritas et ut fallat vel subrepat, coloratur. Si prudens esse cupis, in futurum, prospectum intende; et quæ possunt contingere, animo tuo cuncta propone. Nihil tibi subitum sit, sed per otium ante conspicias. Nam qui prudens est, non dicit: Non putavi quidem hoc fieri; quia non dubitat, sed exspectat; nec suspicatur, sed cavet. Cujuscunque facti causam require: cum initia inveneris, exitus cogitabis. Scito te in quibusdam debere perseverare, quia cœpisti: quædam vero nec incipere in quibus perseverare sit noxium. Prudens fallere non vult, falli non potest. Boni est viri, etiam in morte neminem fallere. Opiniones tuæ judicia sint. Cogitationes vagas et inutiles, et velut somnio similes non recipies; quibus si animus tuus se oblectaverit, cum omnia disposueris, tristis remanebis: sed cogitatio tua stabilis, et certa sit; sive deliberet, sive quærat, sive contempletur, non recedat a vero. Sermo quoque tuus non sit inanis, sed aut suadeat, aut moneat, aut consoletur, aut præcipiat. Lauda parce, vitupera parcius. Nam similiter reprehensibilis est nimia laudatio, ut immoderata vituperatio. Illa siquidem adulatione, ista malignitate suspecta est. Testimonium veritati, non amicitiae reddes. Cum consideratione promitte plenius quæ promiseris præsta. Si prudens est animus tuus, tribus temporibus dispensetur. Præsentia ordina, futura prævide, præterita recordare. Nam qui nil de præterito cogitat, perdit vitam, qui nil de futuro præmeditatur, in omnia incautus incidit. Proponas in animo tuo futura mala et bona ut illa sustinere possis et ista moderari. Non semper in actu sis, sed interdum animo tuo requiem dato: et requies ipsa plena sit sapientiæ studiis, et cogitationibus bonis: nam prudens nunquam otio marcescit. Habet autem aliquando remissum animum nunquam solutum. Accelerat tarda, perplexa expedit, dura mollit, exæquat ardua. Scit enim quid qua via aggredi debeat: et distincte cuncta videt. Consilium peritorum, ex apertis obscura æstimat ex parvulis magna, ex proximis remota, ex partibus tota. Non te moveat dicentis auctoritas, nec quis, sed quid dicat, intendito. Nec quam multis, sed qualibus placeat, cogita. Id quære quod invenire possis. Id discis, quod potes scire. Id opta, quod optari coram bonis potest. Nec altiori te rei imponas, in quâ tibi stanti tremendum, ascendenti cadendum sit. Consilia tibi salutifera advoca. Cum tibi alludit vitæ prosperitas, tunc te velut in lubrico retinebis ac sistes, nec tibi dabis impetus liberos, sed circumspecies quo eundum sit, vel quousque.

^A Sic ex editione Vineti Pictavis vulgata anno 1544 Baluzius; antea mendose legebatur *mortalis*. — Editor Bacherianus, qui ex eadem editione, mox tuis

addidit ante illa *sæpius litteris*.

^B Sic idem rescribit, ubi antea erat *afferam dictu*.

CAPUT II.

De magnanimitate.

Magnanimitas vero, quæ et fortitudo dicitur, si insit animo tuo, cum magna fiducia vives liber, intrepidus, alacer. Magni animi hominis bonum est non vacillare, constare sibi, et finem vitæ intrepidus expectare. Nil aliud magnum in rebus humanis, nisi animus magna despiciens. Si magnanimus fueris, nunquam judicabis tibi contumeliam fieri. De inimico dices: Non nocuit mihi, sed animum nocendi habuit; et cum illum in potestate tua videris, vindictam putabis, vindicare potuisse. Scito enim honestum et magnum genus vindictæ esse ignoscere. Neminem susurro appetas, neminem suffodias, palam aggredere. Non geres, conflictum nisi indixeris; nam fraudes et doli imbecillum decent. Eris magnanimus, si pericula nec appetas, ut temerarius, nec formides, ut timidus; nam nil timidum facit animum, nisi reprehensibilis vitæ conscientia. Mensura ergo magnanimitatis est, nec timidum esse hominem, nec audacem.

CAPUT III.

De continentia.

Continentiam vero si diligis, circumcide superflua et in arctum desideria tua constringe. Considera tecum, quantum natura poscat, et non quantum cupiditas expetat. Si continens fueris, eo usque pervenies, ut te ipso contentus sis. Nam qui sibi ipsi satis est, cum divitiis natus est. Impone concupiscentiæ tuæ frenum et modum, omniaque blandimenta quæ occultam voluptatem trahunt, rejice. Ede citra cruditatem, bibe citra ebrietatem. Observa ne in convivio aut in qualibet vitæ communitate, quos non imitaberis, damuare videaris. Nec presentibus deliciis inhærebis, nec desiderabis absentes. Victus tibi ex facili sit, nec ad voluptatem, sed ad cibum accede. Palatum tuum fames excitet, non sapor. Desideria tua parvo redime, quia hoc tantum curare debes, ut desinant: atque quasi ad exemplar compositus divinum, a corpore ad spiritum, quantum potes, te festina reducere. Si continentia studes, habita non amœne, sed salubriter: nec dominum esse velis notum a domo, sed domum a domino. Non tibi ascribas quod non eris, nec quod es; nec majus quam es videri velis. Hoc majus observa, ne paupertas tibi immunda sit, nec parcimonia sordida, nec simplicitas neglecta, nec lenitas languida; et si tibi res exiguae sunt, non tamen sint angustæ: Nec tua defleas, nec aliena mireris. Si continentiam diligis, turpia fugito ante quam accedant; nec quemquam alium vereberis plus quam te. Omnia tolerabilia præter turpitudinem crede. A verbis quoque turpibus abstineto, quia eorum licentiam imprudentiam nutrit. Sermones utiles magis quam facetos et amabiles ama, rectos potius quam obscundantes. Miscebis interdum seriis jocos, sed temperatos, et sine detrimento dignitatis ac verecundiæ. Nam reprehensibilis risus est, si immodicus, si pue-

aliter effusus, si muliebriter fractus. Odibilem quoque hominem facit risus, aut superbus, aut clarus [An elatus?] aut malignus et furtivus, aut alienis malis evocatus. Si ergo ipsos jocos exigis, hoc quoque dignitate sapientiæ gere, ut te nec gravent tanquam asperum, nec contemnunt tanquam vilem. Non erit tibi scurrilitas, sed grata urbanitas. Sales tui sint sine dente, joci sine vilitate, risus sine cachinno, vox sine clamore, incessus sine tumultu: quies tibi, non desidia erit; et cum ab aliis luditur, tu sancti aliquid honestique tractabis. Si continens es, adulationes evita: sitque tibi tam triste laudari a turpibus, quam si lauderis ob turpia. Lætior esto, quoties displices malis, et malorum de te existimationes malas, veram tui laudationem ascribe. Difficillimum continentia opus est, assentationes adulatione repellere, quarum sermones animum voluptate resolvunt. Nullius per assentationem amicitiam merearis, nec ad tuam promerendam per hanc aditum pandas. Non eris audax, nec arrogans: submitte te, non projicies; gravitate servata, admoneberis libenter, et reprehenderis patienter. Si merito objurgabit aliquis, scito quia profuit; si immerito, scito quia prodesse voluit. Non acerba, sed blanda timebis verba. Esto vitiorum fugax ipse; aliorum vero neque curiosus scrutator, neque acerbus reprehensor, sed sine exprobratione correptor, ita ut admonitionem hilaritate prævenias, et errori facile veniam dato. Nec extollas quemquam, neque dejicias. Dicentium esto tacitus auditor, audientium promptus receptor. Requirenti facile responde, contemnenti facile cede: ne in jurgia execrationesque discedas. Si continens es, animi tui motus corporisque observa, ne indecori sint. Nec illos ideo contemnas quia latent; nam nil differt, si nemo videat, cum tu ipse illos videas. Mobilis esto, non levis; constans, non pertinax. Alicujus rei scientiam habere te nec ignotum sit, nec molestum. Omnes tibi pares facies: sed inferiores superbiendo non contemnes. Superiores recte vivendo, non metuas. In reddenda officiositate, neque negligens, neque exactor appareas. Cunctis esto benignus, nemini blandus, paucis familiaris, omnibus æquus. Severior esto in judicio quam sermone, vita quam vultu: cultor clementiæ, detestator sævitæ, bonæ famæ, neque tuæ seminator, neque alienæ invidus. Rumoribus, criminibus, suspicionibus minime credulus vel malignus, sed potius his qui per speciem simplicitatis ad nocendum aliquibus subrepunt, oppositissimus. Ad iram tardus, ad misericordiam pronus, in adversis firmus, in prosperis cautus et humilis: occultator virtutum, sicut alii vitiorum. Vanæ gloriæ contemptor, et bonorum quibus præditus es, non acerbus exactor. Nullius imprudentiam despicias. Rari sermonis ipse, sed loquentium patiens. Severus, non sævus; sed hilarem non aspernens. Sapientiæ cupidus et docilis: quæ nosti, sine arrogantia postulanti imparties; quæ nescis, sine occultatione ignorantia tibi postula impartiri. Non conturbabit sapiens mores publicos, nec

populum in se vitæ novitate convertet. Justitiæ post hæc virtus est.

CAPUT IV.

De justitia.

Quid est justitia, nisi naturæ tacita conventio, in adjutorium multorum inventa? Justitia non nostra constitutio, sed divina lex est, vinculum societatis humanæ. In hac non est quod æstimemus quid expediat: expedit tibi, quidquid illa dictaverit. Quisquis ergo hanc sectari desideras, Deum time prius et ama, ut ameris a Deo. Amabilis eris Deo, si in hoc illum imitaberis, ut velis omnibus prodesse, et nulli nocere. Et tunc te justum virum appellabunt omnes, sequentur, venerabuntur et diligant. Justus enim ut sis, non solum non nocebis, sed etiam nocentes prohibebis: nam nil nocere, non est justitia, sed abstinentia alieni est. Ab his ergo incipe, ut non auferas, ut ad majora proveharis, et aliis ablata restituas. Raptores quoque ipsos ne aliis timendi sint, castiga et cohibe. Ex nulla vocis ambiguitate controversiam nectes, sed animi qualitatem speculari. Nihil tibi intersit, an firmes, an jures^a. De fide et religione scias agi, ubicumque de veritate tractatur: nam si jurejurando Deus invocetur, et non invocanti testis est, tamen non transies veritatem, ne justitiæ transeas legem. Quod si aliquando coarcteris uti mendacio, utere non ad falsi, sed ad veri custodiam^b; et si contigerit fidelitatem mendacio redimi, non mentieris, sed potius excusaberis: quia ubi honesta causa est, justus secreta non prodit, tacenda enim tacet, loquenda loquitur: atque illi aperta, et secunda tranquillitas, ut dum alii vincantur a malis, vincantur ab illo mala. Hæc ergo si studere curaveris, lætus et intrepidus cursus tui finem expectabis, prospicies hæc tristia hujus mundi hilaris, tumultuosa quietus, extrema securus.

CAPUT V.

De mensura et moderatione prudentiæ.

His ergo institutionibus observatis, quatuor virtutum species perfectum te facient virum, si mensuram reclitudo earum æquo, vivendi fine servaveris. Nam si prudentia terminos suos excedat, callida et pavida commiseris, investigator latentium, et scrutator qualiumcunque nozarum ostenderis, notaberis timidus, speciosus [*forte*, suspiciosus], attentus semper aliquid quærens, semper aliquid timens, semper aliquid dubitans, et subtilissimas suspensiones suas ad animi tui apprehensionem impingas. Monstraberis digito astutia plenus, versipellis, et simplicitatis inimicus, contemplatorque culparum et postremo uno nomine vocaberis a cunctis, malus homo. In has

^a Caute lege: nam multum interest inter simplicem assertionem et juramentum. Et hoc sane opus est religionis: illud non. Forsan hyperbolice ita locutus est, quod vir probus atque perfectus. Est est, Non non, nisi major adsit necessitas, contentus esse debet, ut Christus monet in Evangelio.

^b Caute ista lege: nam certum est, mendacium

ergo maculas prudentia immensurata perducet. Quicunque in illa mediocri lance persistit, nec obtusum in se aliquid habeat, nec versutum.

CAPUT VI.

De moderanda fortitudine.

Magnanimitas autem si se extra modum suum extollat, faciet virum minacem, inflatum, turbidum, inquietum: et in quascunque extollentias dictorum actorumque, neglecta honestate, festinum; qui momentis omnibus supercilia subrigens, et bestiarius etiam quieta excitat, alium ferit, alium fugat. Sed quamvis audax sit impugnator, tamen multa extra se valentia ferre non poterit. Sed aut miserum appetit finem, aut ærumnosam sui memoriam derelinquit. B Mensura ergo magnanimitatis est, nec timidum esse hominem, nec audacem.

CAPUT VII.

De modo temperantiæ.

Continentia deinde his terminis astringat: cave ne parcus sis, ne speciose et timide manum contrahas. Ne in minimis quoque speculum ponas. Nam talis et tam circumcisa vilis putabitur integritas. Hac ergo mediocritatis linea continentiam observabis, ut nec voluptati deditus, prodigus et luxuriosus appareas nec avara tenacitate sordidus aut obscurus existas.

CAPUT VIII.

Qualiter sit moderanda justitia.

Justitia postremo eo mediocritatis tibi itinere regenda est, ut nec ductu jugiter [*Al. turpiter*] levi immotam semper animi rationem negligentia subsequatur. Dum neque de magnis, neque de minimis errantium vitiis corrigendi curam geris, sed neque licentiam peccandi, aut illudentibus tibi blande, aut illudentibus proterve permittis, neque rursus nimia rigiditate et asperitate, nil veniæ aut benignitati reservans, humanæ societati durus appareas. Ita ergo justitiæ regula tenenda est, ut reverentia disciplinæ ejus neque nimia negligentia communitate despecta vilescat, neque severiori atrocitate diuturna gratiam humanæ amabilitatis amittat.

Conclusio præmissorum.

Si quis ergo vitam suam ad utilitatem non tantum pariat, sed multorum inculpabiliter componere desiderat, hanc prædictarum virtutum formulam pro qualitatibus temporum, locorum, personarum atque causarum sequatur: eo mediocritatis insistens, quo per abrupta altrinsecus præcipitia, aut ruentem corporis devitet insaniam, aut efficientem puniat ignaviam^c.

quantumvis officiosum, nunquam esse licitum. Vide S. Thomam 2. 2. quæst. 110, art. 3, et Sixtum Senensem lib. v, Bibl. annot. 107.

^c In ms. Codice his verbis desinit hoc opusculum: Aut deficientem contemnat invidiam, ut observat laudatus editor Bucherianus.

LIBELLUS DE MORIBUS.

I. Omne peccatum actio est. Actio autem omnis voluntaria est tam honesta quam turpis; ergo voluntarium est omne peccatum. Tolle excusationem; nemo peccat invitus. Educatio et disciplina mores faciunt; et id unusquisque sapit, quod didicit. Itaque bona consuetudo excutere debet quod mala instruxit. nihil interest quo animo facias quod fecisse vitiosum est, quia facta cernuntur, animus vero non videtur. Nulla autem laus est non facere quod facere non possis. Quid homini est inimicissimum? Homo. Libenter feras quod necesse est; dolor patientia vincitur. Exspecta quo nunquam pœniteas. Non quam multis placeas, sed qualibus stude. In hoc tantum incumbere, ut libentius audias quam loquaris. Multos vitam differentes mors juncta prævenit. Itaque omnis dies velut ultimus judicetur. Tristitiam, si potes, ne admiseris; sin minus, ne ostenderis. Amico secreto admone, palam autem lauda. Verba rebus, non personis æstimanda sunt. Oratorem te puta, si tibi ante omnes quod oportet persuaseris. Ut licentiosa mancipia animi, imperio coerce linguam, ventrem et libidinem. Quod tacitum esse velis, nemini dixeris. Si tibi non imperasti, quomodo ab alio silentium speras? Ridiculum est aliquem odio nocentis innocentiam perdere.

II. Monstro similis est avaritia senilis. Quid enim stultius est, quod dici solet, quam via deficiente viaticum augere? Omnes infantes terra nudos excipit. Non pudet te fortius nasci quam vivere? Quid dulcius quam habere amicum cum quo audeas ut tecum omnia loqui? Magnarum virium est negligere lædentem. Quid sis interest, non quid habeas. Nondum es felix si te turba non deriserit. Si vis beatus esse, cogita hoc primum, contemnere et contemni. Prius quam promittas deliberes; et cum promiseris, facias. Id agas, ne quis merito te oderit; et si nullos inimicos tibi faciet injuria, multos facit invidia. Solitudinem quæret, qui vult cum innocentibus vivere, optimus ergo animus et pulcherrimus cultor Dei est. Abstinebis ab alieno matrimonio. Præstabis parentibus pietatem, cognatis indulgentiam, omnibus æquitatem. Devitabis crudelitatem, et ministram crudelitatis iram. Non aliter vivas in solitudine, aliter in foro. Nihil petas, quod negaturus fuisti: nihil negabis quod petiturus fuisti. Pacem cum hominibus habebis, cum vitis bellum. Hoc habet omnis affectus, ut in quod ipse insanit, in id putet etiam cæteros furere. Maximum in eo vitium est, qui non melioribus vult placere, sed pluribus. Vis omnibus esse notus? prius effice ut neminem noveris. Bonum est non laudari, et esse laudabilem. Stultum est timere quod vitare non potes.

III. Male opinentur de te homines, sed mali. Ma-

lis displicere, est laudari. Male de te loquuntur homines, bene autem loqui nesciunt; non quod merearis, sed quod solent ipsi. Homines de te mala loquuntur? Si merito, non quod loquuntur molestum est, sed quod non mentiuntur. Si immerito? Innocentia mea nunc maxime gaudeo; apparet enim illos vera objecturos si possent. Non es in patria tua? Patria tua est, ubicunque bene es; illud enim per quod bene est, non est in loco, sed in homine. Nihil magnum, nisi magno animo despicias. Quæ sunt maximæ divitiæ? Non desiderare divitias. Quis plurimum habet? Is qui minimum cupit. Quid est dare beneficium? Deum imitari. Honestius est cum judicaveris amare, quam cum amaveris judicare. Dissensio ab alio incipiat, a te autem reconciliatio. Succurre pauperati, amicorum, imo occurre. Amicos secundæ res parant, adversæ certissimè probant. Pejora sunt tecta odia quam aperta. Itaque te minus loquax inimicus offendit quam tacitus. Mira ratio est, quæ non vult prædicari quod gaudet intellegi. Ignosci amat, qui quod odit ostendit. Eleemosyna non tam accipientibus quam dantibus prodest. Et spes præmii solatium sit laboris. Quæ est maxima egestas? Avaritia. Pecuniæ imperare oportet, non servire. Nullum conscium peccatorum tuorum magis timueris quam temetipsum. Alium potes effugere, te autem nunquam. Quis est pauper? Qui sibi videtur. Qui a multis timetur, multos timet. Infelicem erige, submitte felicitatem. Vera felicitas innocentia est. Nequitia ipsa sui pœna est. Mala conscientia sæpe tuta est, secura qui exitum cogitabit. Beneficii accepti nunquam oportet oblivisci; dati, protinus.

IV. Inhonesti victoria est, suos vincere. Satis est pœnarum, potuisse punire. Inimicitias tarde suscipe, amicitias exerce moderate. Simultates depone. Imago animi sermo est. Qualis vir, talis oratio. Magna res est vocis et silentii temperamentum. Qui æquo animo malis immiscetur, malus est. Neminem laudaveris, neminem cito accusaris: semper puta te cum diis testimonium dicere. Vitium est omnia credere, vitium nihil credere. Utendum est divitiis, non abutendum. Nullum putaveris locum sine teste. Excusationem quærere, vitium. Fortior est qui cupiditatem vincit quam qui hostem subjicit. Est difficillimum, se ipsum vincere. Inique irascitur, qui suis irascitur. Amare sic incipe, tanquam non liceat desinere. Magnarum rerum etiam si successus non fuerit honestus est ipse conatus. Nobilitas animi est generositas sensus; nobilitas corporis, generosus animus. Honestior est quem senectus ad otium reurit, quam quem in otio invenit, et tunc incipit laborare. Turpe spectaculum præbet animus æger. Nunquam sit tristis facies tibi in commodo alterius.

31. **H**omo suus: quomodo de vitiis secundarum rerum invidiam? Si felicitatem jactaris, etiam tuus dives eris. Quomodo optime potentiam tuebor? Impotentia occasionis. Locum tenet innocentiae proximum confessio. Ubi confessio, ibi remissio. Iræ severitas in vitio est. Boni iudicis est dispensare, non tantum quid damnandum sit, sed quatenus. Proximus justitiæ modus, severitas.

V. Quietissimam vitam agerent homines in terris, si hæc duo verba a natura omnium rerum tollerent, meum et tuum. Qui paupertatem timet, timendus est. Vires tuas amici magis sentiant beneficiis quam injuriis. Pecunia non satiat avaritiam, sed irritat. Homo semper indigens pecunia, scit cum ejus moribus convenire. Mihi crede, non potes dives esse et felix. Auribus frequentius quam lingua utere. Quidquid dicturus es, ante quam aliis, dixeris tibi. Nihil interest inter iratum et insanum, nisi unus dies: alter non semper irascitur, alter semper insanit. Facillime bonus fueris, si ea vitaveris quæ vituperaveris. Cum alienos timueris, te ipsum vere: nam sæpe sine aliis esse potes, sine te nunquam. Si bene te instruxeris, pudeat deteriora facere. Quod persuaseris erit diuturnum, quod coegeris erit in occasione. Alteri semper ignoscito, tibi ipsi nunquam. Tantum ad virtutem adjicies, quantum ex voluptate abstraxeris. Stultum est somno dejectari, et quasi mortem moliri. Bonis nocet, qui malis parcat. Multi cum aliis maledicunt, sibi ipsis convitium faciunt. Nihil turpius quam qui objicit alteri; sibi objiciendum. Ut licentiosa mancipia animi, imperio rege linguam, libidinem, ventrem; cupiditatemque comprime; si non potes, paululum remitte. Sæpe ea quæ sanari ratione non poterant, sanata sunt tempore. Qui propter pecuniæ amorem et libidinum moritur, ostendit se nunquam sui causa vixisse. Turpia ne dixeris, paulatim enim pudor per verba discutitur. Sic habita, ut potius laudetur dominus quam domus: consuetudinaria res est innocentia. Non damnatio, sed causa hominem turpem

A facit. Merito damnari, poena est: damnatio immerita, damnantis est calamitas.

VI. Si aliquid cogitaveris, cito apparebit conversantibus. Videri vis ab omnibus? nunquam bonæ honestatis simulatio longa est. Quod de alienis tractas, ex tuis iudices. Multi sunt obligandi, pauci offendendi; nam memoria beneficiorum facilis est, injuriarum tenax. Objurgationi semper aliquid blande admisce; facilius enim penetrant verba quæ molli vadunt via, quam aspera; nemo enim se mutat, quia mutari se desperet. Quoties scribens aliquid dicturus es, scito morum tuorum te hominibus chirographum dare. Qui in servos irascitur et crudelis est, satis ostendit potestatem adversus alienos sibi defuisse. Qui nescit tacere, nescit loqui. Facilius est pauperi contemptum effugere quam diviti invidiam. Bonus fruitur bona conscientia. Malis hominibus tutissimum est cito fugere. Nulla pusilla domus, quæ multos amicos capit. Scire uti paupertate, maxima felicitas. Acuit intentio, frangit animum remissio. Nunquam scelus scelere vincendum est. Bonus vir est qui eo perduxit affectu animum, ut non tantum peccare non velit, sed etiam non possit. Regnantibus pejus multo periculum quam his qui judicantur; hi enim singulos timent, illi universos. Nunquid fortis fortem se gloriabitur, quem corporis ægritudo efficit infirmum? Nunquid dives in opibus suis gloriabitur, cujus spem fur vel tyrannus abrupit? Nunquid nobilitas gloriabitur affecta, nonnunquam indignis et miserabilibus serviens? Diabolus aliquando se gloriabatur interfectorem tuæ misericordiæ, nunc intergemiscit socios tuæ beatitudinis. Fugienda sunt omnibus modis et abscindenda igni ac ferro, totoque artificio separanda, languor a corpore, imperitia ab animo, luxuria a mente, a civitate seditio, a domo discordia, a cunctis rebus intemperantia. Dixit quidam, amicorum omnia esse communia, et amicum se ipsum esse alterum. Duorum temporum maxime habendam curam, et eorum quæ acturi sumus, et eorum quæ gessimus. Post Deum veritatem colendam, quæ sola homines diis proximos facit.

OPUSCULUM III.

PRO REPELLENDÀ JACTANTIA^a.

I. Multa sunt vitiorum genera, quibus humana fragilitas infestatur, et quorum vulneribus pene omnes homines sociantur. Nam ut dicam pauca de multis aliis: qui ab iracundia vincitur, cædibus homicidiis, clamori ac seditioni deservit. Alius qui avaritia impellitur, inhumanitatem, rapacitatem, falsa testimonia, violentias, perjuria, furtiva, mendacium et fraudationes exercet. Alius qui a libidine

D sordidatur, turpiloquiis, ludibriis, scurrilitatibus, adulteriis et fornicationibus succumbit. Alius qui gulæ ingluvie superatur, comessionibus, crapulæ, ebrietati deservit. Et ut non multa prosequar, quæcunque memorare per longum est, cum singulos homines constet: unus inter hæc omnia morbus est, qui conditionis suæ non singillatim quosdam, sed congregatim cunctos addicit; et cum cætera vitia

^a Hæc et quæ sequuntur opuscula quinque primus edidit Joannes Tamayus Salazar in suo Martirol. Hisp. tom. II. pag. 317-328. Quorum tria priora descripsit e pervetusto Codice ms. bibliothecæ D.

Garcia de Loaysa. Reliqua vero duo unde desumpserit, expresse non indicat, quæ tamen ex eodem Codice ille hausisse videtur.

particulatim sibi vindicent quos vicerint, hoc unum non nisi omnibus dominari contentum est. Id autem est inane laudis studium, quod Greci *κενοδοξία*, Latini *vanam gloriam* seu *jactantiam* vocant. Quod quale sit malum et quomodo universos vulneret, dicam.

II. Cum in omnibus hujus vitæ studiis, aliqua plus, aliqua minus humano generi placeant, nihil magis delectabilius ab omni homine quam studium humanæ laudis appetitur. Et alia quidem quamvis ardentissima cupiditatis ambitione sunt acquisita; tamen postquam haberi cœperint ipso quotidiano sui usu quamvis magna sint, continuo fastidiuntur. At vero inane hoc *vanæ gloriæ* desiderium tanto amplius quæritur, quanto amplius inventum est: ita ut nihil ex omni opere plus homo cupiat quam laudari; nec aliud aliquid gratius sibi existimet reddi, quam si quis illum quasi gloriosum fuerit admiratus. Hoc ergo reges, hoc judices, hoc urbani, hoc rustici, hoc viri, hoc feminæ, pueri, adolescentes, juvenes et senes hoc ambiunt. Omnes laudari volunt, quamvis false laudentur. Nam pueri adolescentum sibi ingenium vindicant, adolescentes juvenum in se fortitudinem mentiuntur, juvenes senum sibi prudentiam ascribunt: senes, quia ulterius ire non possunt, redeunt retro, gloriam sibi exigunt de transactis; feminæ quamvis sexu non possunt, animo se tamen virilitatis extollunt; rustici urbanos videri se gestiunt; judices hoc sibi quærunt deferri, quod regibus; reges hoc se somniant posse, quod Deus. Atque ita dum singuli se plus volunt videri quam sunt, gloriam laudis quæ soli Deo veraciter debetur hostiliter deprædati sunt. Et quod ad summum nefas pertinet, hinc illud sacrilegium exoritur blasphemum, ut quia totum quod laudis est homo diripit, nihil aliud Deo nisi sola vituperatio relinquitur. Excessit mensuras suas genus humanum, dum neminem invenias qui non ita mirari se velit ut Deus. Quis ergo modus potest esse talibus, a quibus et cœlum est pignoraturn ad cujus altitudinem nisi quis fuerit humilis, non attingit?

III. His autem a quibus id quod supernum est usurpatur, ut mihi videtur, nihil aliud remanet quam infernum. Non enim habent quo ascendant; quia semper ascendendo, hoc illis tantum superest, quod descendant. Omnes enim ad gloriam, nec tamen una via concurrunt; alii enim de acceptis honoribus laudem cupiunt, alii de relictis; quidam auro elati, quidam panno vilissimo gloriantur; alius quia deliciose vivit placere vult, alius quia parce; postremo alter vitiis, alter virtutibus. Omnes ubique famam suam prorogare contendunt: et ideo difficillima est hujus *jactantiæ* curatio, quia non vitiis tantum, sed etiam virtutibus se immiscet. Nec enim permittit hominem qualis sit a semetipso dignosci; quia dum laudibus alienis adgaudet, ejus exaltatio sequitur gaudium, exaltationem vero tumor et nimia æstimatio sui, plus siquidem in se æstimat quam quod videt. Atque ita fit ut non tantum aliena adulatione sumus miseri, sed etiam nostra: nam dum nullus

A de se sibi hoc quod verum est confitetur, gloriam suam ex aliena opinione suspendit; et cum dicitur beatus, magnificus, potens, non quia ita est de se, sed quia ita dicitur credit. Hoc enim est mortiferum illud vitium de quo Dominus in Evangelio ita loquitur ad Judæos: *Quomodo, inquit, vos potestis credere, qui gloriam ab invicem accipitis, et gloriam quæ a solo Deo est non quæritis* (Joan. v, 44)? Ostendit enim Dominus, quia quisquis ab hominibus gloriam quærit a Deo non habet quod exspectet. Unde etiam illud de hypocritis eleemosynam facientibus dicit: *Ideo hoc faciunt, ut glorificentur ab hominibus. Amen dico vobis quia receperunt mercedem suam* (Matth. vi, 2); id est, laudem humanam solummodo in præsentia. Paulus quoque Apostolus nos monet: *Nolite, inquit, fieri inanis gloriæ cupidi* (Gal. v. 26). Inanem appellans gloriam quam fenerat mendice mendicus. Inanem dicens et vacuum qua si quid boni agitur, dum sibi homo tribuit, omnium laborum fructus evacuat.

IV. Nec solum merita virtutum excludit, sed etiam reus efficitur æterni supplicii: quia opus bonum quod obtentu jubentis Dei debuit exerceri, acquirendæ laudis gratia exerceatur. Tolle favores, tolle admirationes humanas, paucos invenies qui aliquid boni aut amore Dei, aut (si hic non fuerit) timore perficiant. Unde non levior nos culpa commaculat, quia homines Deo, et gloriam humanam gloriæ cœlesti præponimus. Acutus nimis hic elationis est morbus: ex utraque parte pestiferat, ac incautos exulcerat. Nam alii sibi, quia boni sunt: alii, quia mali sunt, gloriantur. Sed de bonis elatis dicitur: *Quoniam Deus dissipavit ossa hominum sibi placentium* (Ps. lxxvi, 6). De malis vero inflatis dicitur: *Quoniam laudatur peccator in desideriis animæ suæ, et qui iniqua gerit benedicitur* (Ps. x; sec. Heb. iii). Et illud apostolicum: *Quorum deus venter, et gloria in confusionem* (Philipp. iii, 19).

V. Ubique enim hoc *jactantiæ* vitium serpit, et suas utrobique partes exercet. Sed si illos qui in bonis operibus viventes humanam gloriam aucupantur, auctoritas divina condemnat, eo quod se in illis magis voluerunt laudari quam Deum; quid de illis fiet qui et male vivunt et tamen laudari volunt? Ipsi considerent. Nullus igitur *vanæ gloriæ* finis est: nec solum ea quæ gesta sunt requirit, sed etiam ea quæ gerenda sunt antecedit. Nam si quid boni operis ab aliquo destinatum est, continuo hæc alludit; et quantum ex eo admirabilis fiat cæteris, jam depingit. Si aliquid recte quosdam docere voluerit, prius quam ab aliis eruditus aut eloquentissimus appelletur, jam hoc præmissæ suspicionis delectatione aures depruriunt audire. Si quoties aliquando dirigatur litteræ ad amicum, prius quam transmittantur, aut in manus ejus cui sunt scriptæ perveniant, quantum in eis apud illum doctissimus videatur, quantumque illi admirationis per quædam dictatus sui loca nascatur, sagaci quodam commendationis suæ cogitamine prædivinat. Si alicui in loco necessitatis beneficium

prompte præstetur, antequam accipiat, qui præbet, quantum ex eo benignus omnibus aut largientissimus videatur, hic qui daturus est metitur. Miles denique ipse sumptis armis pergit ad prælium; dum adhuc, cui cedat victoria, nescitur, præsumpta sibi fortitudinis arrogantia, ita typhosus, quasi jam victor ingreditur. Præludit ergo elatio in quibusdam, et velut dux quædam suadet omnibus. Nec solum magnis dat animum, sed et parvis. Nam in quovis operis conatu vel ponderis, quamvis invalidum mox laudaveris, plus valebit. Si parum ponderis portantem quasi admiratus fueris, majori succumbit. Si pigro dixeris quia velox est, continuo evolabit. Postremo et cui vires vana gloria dare non potuit, vel impetum commodavit. Itaque ergo quædam præcedit, quædam

sequitur : ut nisi quis illam in omni opere suo circumspice provideat, nihil Deo ex omni opere ejus nihil proximo, nihil denique eidem ipsi proficiat; sed velut infelix mancipium, sub aura domina quantumvis laboraverit, tamen semper est nudum.

VI. Sed dicet mihi aliquis : Ergo nihil charitati, nihil misericordiæ, nihil postremo quod gessimus, cuicunque deputabitur bonitati? Audacter dicam : nihil. Quia soli inanitati suæ vana gloria vindicat, quidquid non bonitatis, sed ejus imperio est perfectum. Multa sunt quæ de hac contagione dicantur; sed quia jam multiformis subtilitas ejus potest sapienti viro his paucis judiciis perlucere, nunc ad reliqua transeam, et quid aliud pejus ex hoc malo generetur expediam.

OPUSCULUM IV. DE SUPERBIA.

I Qualis electus sit David in populo Dei propheta et rex, quantaque misericordia, summæ et mansuetudinis fuerit præditus dignitate, puto te, charissime sacrorum voluminum testimoniis agnovisse. Intendat ergo prudentia tua, quomodo ille Deo placidus [*Fortè*, placitus] vir hunc nequissimum vanæ gloriæ spiritum, ne sibi subreperet, formidavit. Conspiciens enim qualia et quanta bona illi quotidie Dei gratia largiretur, id est, tot victorias alienigenarum, tantam divitiarum affluentiam, vindictam in æmulis, innumerositatem in civibus, mansuetudinem in judiciis, postremo prophetiam Spiritus sancti in agnitionem omnium futurorum; tamen ne illum in his tantis bonis aliqua vana gloria usum inflaret elatio, orat Deum attentius, dicens : *Non veniat mihi pes superbiæ, et manus peccatoris non moveat me. Ibi ceciderunt omnes qui operantur iniquitatem; expulsi sunt, nec potuerunt stare* (Ps. xxxv, 12, 13). Videamus ergo quid est hoc, quod dixit : *Non veniat mihi pes superbiæ, et manus peccatoris non moveat me*. Pes siquidem in homine, quantum ratio indicat, quamvis extremitas corporis sit, tamen quasi fundamentum aliquod initium surgentis status est, a quo etiam veluti fabricata formatæ carnis altitudo consurgit. Quod ergo ait : *Non veniat mihi pes superbiæ*, tale est, ac si diceret : *Non veniat mihi initium superbiæ*, id est, vana gloria, ex cujus fundamento ruinosa illa *Superbiæ* celsitudo producitur. Una enim generatur ex altera, et propinquitas earum vix paucorum forte discretionem cognoscitur. Nam ex quocunque bono nimium fuerint homines gloriati, hoc continuo subsequitur, ut ipsum bonum, non largitori Deo, sed suæ tribuant potestati.

II. Vana gloria est ergo humanis laudibus delectari : superbia vero est, bonum pro quo aliquis laudatur, sibi hoc applicari, non Deo. Et vana gloria quidem ex aliena æstimatione nutritur, superbia vero

ex vana gloria. Cum semel aliorum assentionibus consuevit homo, quod magnus sit, necesse est ut hoc sibi et ipse consentiat. Quam miseriam illud quod est pejus assequitur : quia quidquid apud se etiam proprio testimonio roboravit, quamvis falsum sit nulla id ei [*Edit.*, eum] poterit extorquere suasio; et ob hoc inemendabilis status, spretis aliis, se tantum quotidie admiratur, id solum irreprehensibile perfectumque judicans, quod ipse sapuerit. Hoc igitur erat, quod rex David, ne illi subreperet, exorabat; ne forte aliqua suasionem, vana laudis inductio, non hoc divinæ gratiæ, sed suæ potestati, quia tam magnus erat, ascriberet.

III. Quid autem superbiæ spiritu inflatos homines subsequatur, proximis idem propheta verbis adjunxit. Cum enim dixisset : *Non veniat mihi pes superbiæ*, continuo addidit : *Et manus peccatoris non moveat me*. Sciebat enim quia omnem superbiæ mobilitas statim sequitur peccatorum. Ita re vera est. Nam quisquis superbiæ tumore [*Edit.*, timore, mendose] distenditur, in hoc Dei gloriam imitatur quod nemo illi sit similis : tanquam vere profanus, qui ad injuriam Dei consurgit, derelictus ab eo, in manibus traditur peccatorum, in operibus actuum immundorum, at ignominiosis passionum flagitiis incurvatus, discat se terram esse et cinerem, et quod inflatus in se videre non potuit, humiliatus agnoscat. Unde et Salomon ait : *Immundus est ante Deum, qui exaltat cor suum* (Proverb. xvi, 18; xviii, 12).

IV. Quid autem post hæc rex David secutus sit, videamus. Ibi, ait, *ceciderunt omnes qui operantur iniquitatem : expulsi sunt, nec potuerunt stare*. Evidenter ostendit quia in superbia omnium iniquorum prima ruina est. Idemque etiam alibi scriptum est : *Initium peccati superbia* (Eccli. x, 15). Quod ut apertius demonstretur, angeli illius primi recordemur exitum, qui pro splendore decoris sui Lucifer nomi-

natus, ex illo sublimi beatoque angelorum loco, nullo alio nisi hoc solo superbiae vitio, ad inferna dilapsus est. Quia cum inter cæteras supernas virtutes clarioris pulchritudinis lumine præmineret, non hoc beneficio creatoris sui, sed propria virtute se credidit obtinere; et tanquam nullius non egeret auxilio, sicut Dens ita se illi similem iudicavit, dicens: *Ponam sedem meam ab aquilone, et ero similis Altissimo (Isai. xvi, 13, 14)*. Hæc enim cogitatio sola illum dejecit: nam mox desertus a Deo cujus se protectione credidit non egere, infirmus subito et miser effectus, et mutabilitatem naturæ suæ quam non agnoverat sensit, et Dei munus quod habebat amisit. Post hæc etiam videns a Deo hominem factum ex pulvere in loco beatitudinis quem ipse perdiderat subrogari, instigatus invidia, eodem superbiae illum telo quo ipse est dejectus appetit. Sibi enim dixerat: *Ero similis Altissimo*. Adæ et Evæ dixit: *Eritis sicut dii (Gen. iii, 5)*. Quod illi concupiscentes, non ob aliam causam, sed tantum ut dii fierent mandatum Dei transgressi sunt. O quanta est cecitas, in appetitu vanæ gloriæ! Non vidit homo tam apertam fallaciam, in qua illi versa vice similitudo Dei non ex obedientia ejus, sed ex contemptu promittitur.

V. Ecce hic est primi illius veneni saporatus interitus, qui amarissimo inanis jactantiæ melle circumlitus, et angelum fefellit et hominem. In hoc et cælestis et terrena cecidit creatura. Ob hoc de sedibus suis, ille de cælo, hic de paradiso expulsi sunt; et non potuerunt stare, quia graviter ceciderunt. Quale ergo superbiae malum sit quod rex David aperte timuit, subjectis ruinarum causis ipse monstravit.

VI. Omnia peccatorum genera, id est, luxuria, avaritia, adulterium, et si qua sunt alia, quamvis et in his omnibus Deus irascatur, tamen aut per angelos, aut per homines talium etiamnum vindictas exsequitur. At vero superbia, non per alium quempiam, sed ipsum per se Deum meretur habere contrarium. Ita enim scriptum est: *Superbis autem ipse resistit (I Pet. v, 5; Jac. iv, 6)*. Cætera enim vitia vel in eos ipsos qui illa perpetraverint, retorquentur vel in alios homines videntur admitti. Hic vero superbiae tumor proprie nititur contra Deum, et idcirco illum patitur inimicum; quia se in excelsum tendens, hic semper appetit quod illi soli est proprium. Quamvis autem generaliter hæc superbiae labe infesta sit, non plus tamen aliis metuenda est quam his qui aut spiritaliter ad perfectionem virtutum, aut carnaliter ad divitiarum copiam et summos honorum titulos pervenerint. Tantum scilicet in illis major efficitur, quantum et major est qui superbit. Neque illa viles quoque aut populares subvertisse contenta est, sed et in illorum qui maximi insidiis assidet: quorum quantum altior gradus est, tantum altior et ruina. Unde etiam et illud de eodem superbiae spiritu Scri-

ptura commemorat: *Et cibus, inquit, ejus electus (Habac. i, 16)*. Electos ille viros et sublimes aggregatur. Illis suggerit quia magni sunt, quia nihil indigeant, quia quidquid agunt, cogitant vel loquuntur, totum id sapientia sit totumque prudentia. Quibus si quid utile, Deo id gubernante, provenerit, suis illud continuo viribus suæque industriæ deputantes, clamant: Ego hæc feci, Ego dixi, Ego excogitavi; et quasi stupentibus cunctis, prærepta gloria Dei, ad ejus se similitudinem proferunt admirandos. Quibus justo Deus judicio præsidia sua subducens, *tradit illos*, sicut ait Apostolus, *in reprobum sensum, ut faciant vel cogitent quæ non conveniunt (Rom. i, 28)*. Quia cum in omnibus Dei providentiam adesse cognoscant, non ut Deum magnificent vel gratias agunt, sed gloriantes in semetipsis evanescent in cogitationibus suis. Dicentes se esse sapientes, stulti sunt; jactantes se esse stabiles, invictos, potentes, infirmi, victi et impotentes existunt.

VII. Quæ cum ita sint, satis manifestissime est compertum quia omni vigilantia omnisque cordis industria appetitus nobis vanæ gloriæ est fugiendus, ne forte si virulentum vel semel morbi contagium in penetralibus nostri cordis irreperit, in omni operum nostrorum prosperitate, subtilissima humanarum laudum delectatione succrescens, ex abundantia nequitiae suæ deterrimum illum et crudeliorem superbiae proferat partum. Quæ cum utraque pestiferis fundatæ radicibus humanæ mentis arcana suppleverint^a, undique mutata insidiarum specie improvisis occurrant. Nam his qui ad spiritualia se studia contulerunt, mox vana gloria illis de jejuniis, de vigiliis, de lectione, de solitudine eremi, de patientia, de taciturnitate blanditur. Et si statim hæc prima sollicitatio circumspectæ mentis oculo deprehensa non fuerit, dirior illam e vestigio superbia comes assequitur; quæ illis mentiatur et sanctiores eos melioresque omnibus esse, et in summo perfectionis culmine, propria etiam virtutis stabilitate, quasi nunquam casuros stare divendit. His vero qui adhuc carnalium passionum oblectationibus quibus subrepunt, cum semel sibi obtinuerint domicilia mentium humanarum, tum multiformem ex utraque fomitem pullulant vitiorum. Nam vana gloria generat ex se præsumptionem omnium novitatum, ad inventiones falsorum dogmatum, quæstionum torturas, contentiones, hæreses, sectas, schismata. Superbia vero parit indignationem, invidiam, contemptum, detractionem, murmurationem, et execrabiliorum his omnibus blasphemiam. Quorum malorum causa si quis extirpare in veritate desiderat, origines earum a se prius et radices excidat. Ita namque omnium vitiorum funditus poterunt soboles extirpari, si ipsa quoque eorum semina, priusquam germinet, evellantur.

^a An succreverint! Malim tamen supplantaverint.

OPUSCULUM V.

EXHORTATIO HUMILITATIS.

I. Quisquis nutu Dei cujuslibet officii dignitate præluces, hic providæ gubernationis utilitate cæteris præcedis^a hominibus, hanc exhortatiunculam meam diligenter, quæso, recipias, nec pomposas in ea spumas rhetorum quæras; quia humilitatis virtus non verborum elatione, sed mentis puritate requiritur. Et si forte durius aliquid videor loqui, veritatis hæc culpa, non mea est. Nam ideo quædam dura sunt, quædam mollia; sed et quamvis alterutrum sibi omnes homines debeant veritatem, libere tamen loquar: nemini verius debere aliquid dici, quam ei qui præsidet multis. Cui etsi asperum aliquid ex veritate aliquando, ut assolet, offeratur, velut antidotum quoddam, quamvis forte sit, tamen quia salutiferum est, etiamsi, amaricet, bibendum est.

II. Hoc ergo hortor in primis, ut semper delectabilia illa nimis hominum blandimenta pertineas. Non enim in hac re tanta vigilantiae industria adhibenda est, quantum in illis sermonibus repellendis, qui si^b rigiditatem animi quadam simulationum delectatione subnervant, qui promerendæ gratiæ aditus, non laborum merito, sed adsentationum rimatur acumine. Utilia ergo potius quam obsequentia verba recipies, recta magis quam affabilia et jucunda captabis. Adulanti siquidem adgaudere, regium vitium est; adulari vero, servile est. Sed quamvis adulanti adgaudere regium sit, tamen vitium usu vernaculum hoc, et quasi proprium munus est, egregie verba potentum subsequi, et ex illorum voluntatibus formare sermonem. Nam si quid forte laudaverint, et id non libenter audiri prospexerint, continuo accusant, si quid paulo ante laudaverunt. Si quid vero vituperaverint, id iterum, si ita patrono visum fuerit, laudant. Atque ita inter hos tales adulati animus fertur tanquam navis inter varios aurarum flatus, quia non habet unde exeat et fluctuatur. Inter hos ergo quorum uberrimus quæstus, hic maxime est, desideriis vivere alienis, animum tuum summa discretionis mensura constringe; ut cum multi adulantes hinc atque inde nihil aliud nisi tantum quod delectet insinuant, offerentes quædam gloriæ verba, in quibus hoc tibi dicitur quod et Deo, agnoscas nihil aliud ex his proprium tuum esse, nisi hoc tantum quod et tecum, et cum de hac vita excesseris, permansurum est.

III. In omnibus ergo in quibus adulationum nimietas etiam terminos homini competentes excessit, illud Davidicum recordaveris documentum, in quo ille venena adulationum devitans, ait: *Corripiet me justus in misericordia, et arguet me; oleum autem peccatoris non impinguet caput meum* (Ps. cxl, 5).

^a Forte, ut lectio constet, legendum, *ut providæ... præcedas.*

^b Particula *si* redundare videtur, alioquin suspensa

A Oleum autem peccatoris adulatio est, quæ levi quadam et suavi unctione caput interioris hominis, quod est cor, quasi ungendo dinitidat. Melius ergo sibi ipsi esse dixit propheta David ab homine justo argui vel moneri, quam a quovis adlatore laudari. Recte autem adulatorem peccatoris nomine denotavit, cujus id maximum ante oculos Dei et detestabile est peccatum, aliud corde tenere, aliud ore proferre. De talibus enim et in alio Psalmo dicit: *Molliti sunt sermones ejus super oleum, et ipsi sunt jacula* (Ps. lxxv, 22). De justo autem dicit: *Loquitur veritatem in corde suo, et non egit dolum in lingua sua* (Ps. xiv, 3). Ut autem in his rebus quævis hominum subtilitas nullo unquam laudationis titillamento^c credulitatem mentis tuæ attrahat in consensu, ad B ipsius Domini nostri Jesu Christi evangelica illa gesta convertere; et invenies illum *dominantium Dominum* (Apoc. xix, 16) magnum nobis dedisse inter humanas laudes humilitatis exemplum. Hanc ergo excole, hancque magistram habeto, hanc tibi inter laudationum illecebras arbitram pone. Quanta portio ex his quæ homines adlaudando tribuunt, vel quanto tempore tua sit, hæc non permittas placidis auribus audire, quia ficta.

IV. Postremo hæc sancta humilitas, subductis a te omnium simulationum illecebris, tunc tibi cælum aperiet, cum tibi in aure dixerit: *Quia terra es* (Gen. ii, 19); tunc te in illa vera societate hereditatis Dei introducit, cum te in omnibus admonuerit: C *Quia homo es et peccator*. Et cum universas rationes ex his quæ ad te pertinent, in hujus humilitatis supputatione prospexeris (miram rem dicam), invenies homines ad honoris tui cumulum augmentando minuire, hanc vero solam minuendo plus addere. *Quantum ergo magnus es*, ut ait Salomon, *tantum te humilia* (Eccli. iii, 20). Quia et cum multos gubernaveris, non est tamen perfectio, si hoc quod majus est, tu solus restiteris, quem gubernare non possis. Tunc enim aliis vere præbis, cum prius præveris tibi. Nec enim malis nunc ergo, sed quam maxime bonis hæc loquor. Nam si ad magisterium Dei respicias, non solum peccatori, sed sanctis data præcepta sunt. Dicitur et illis verbum veritatis, non tamen ut fiant boni, quod sunt; sed ne fiant mali, D quod non sunt. Credo autem quia bonis plus hoc quod purum, quod sincerum est, placeat. Nam Deus noster non tantum dulcibus adorantium se precibus, quantum innocentia et simplicitate placatur. Plus illis autem inclinans, qui sinceram puramque ei mentem offerunt, quam qui suavia orationum intulerint blandimenta. Non enim ad aliud mihi de vana

sententia.

^c Ita rescripsimus quo *titulamento* Edit.

gloria aut superbia visum est loqui, nisi ad te, quicumque prior es aliis : qui etsi non recipias, tamen omnes hæc ingerunt, omnes blandiuntur, omnes extollunt ; nemo ex illis id offerens ; quod ita dulce sit, ut tamen a periculo longe sit. Nec enim miror omnibus esse in promptu, quia laudare potentem, sicut nec labor, ita nec timor est.

V. Tibi igitur me oportuit hæc humilitatis instrumenta porrigere, tibi gubernaculi, quamvis et ipse habeas, etiam hoc superfluum addere moderamen. Quia ibi semper elationis fortior ventus est, ubi honori fortior altitudo. Cupio ergo te ante oculos Dei quibus nuda est abyssus humanæ conscientiae humili corde semper incedere, quia scriptum est : *Super quem, inquit Dominus, requiescet spiritus meus, nisi super humilem et trementem verba mea (Isai. LXVI, 2)?* Cupio te omnia mandata Christi servare ; et cum illa operibus bonis adimpleas, illud quod ipsis apostolis dictum est, recordari. Ait enim illis : *Et cum hæc omnia feceritis quæ mando vobis, dicite : Quia servi inutiles fuimus ; quæ debuimus facere fecimus (Luc. XVII, 10) ;* id est, non ex dono tanquam liberi, sed ex debito tanquam servi. Nullus enim quamvis perfectus in omnibus vir, ita aliquando hæc præoccupavit quæ Deo sunt placita, ut prius aliquid illi fenerans, non debitor fuerit, sed exactor. Quis enim aliquid habet, quod ab illo datum non est ? Aut quis, sicut Apostolus ait, *prior dedit illi, et retribuetur ei ? Quoniam omnia ex ipso, et per ipsum, et in ipso : ipsi gloria in sæcula. Amen (Rom. XI, 35, 36).*

VI. Ecce hæc est vera illa et Christiana humilitas. In hac eos quibus præsides, optime gubernabis. In hac victoriam ex omni vitio poteris promereri, Deo hoc quod viceris tribuendo, non tibi. Nam, quod aliquoties, patientia victa, vitia iterum vires accipiunt, nihil aliud est, mihi crede, nisi quia non dicimus Deo, quod belligerator ille David bella Domini bellans : *In te, inquit, inimicos nostros ventilavimus, et in nomine tuo spernimus insurgentes in nos (Ps. XLIII, 6).* Et iterum : *Quia non virtute sua potens est vir ; Dominus infirmum facit adversarium ejus.* Sed forte respondetur mihi : Ergo et Deo non agimus gratias, non referimus laudes ? Credo, quia agimus gratias ; potest fieri, sed verbo tenus, sed in sinu. Deo privatim gratias agimus, nobis publice ; Deo in labiis laudem tribuimus, nobis et in labiis et in

A corde. Ecce hoc est, quod incurvatum sæpius erigit inimicum. Peccatum namque elationis nostræ, robur illius. Sola ergo humilitas cordis est, quæ se infirmam dicendo, omnia potest, quæ totum quod boni est obtinet, Deo hoc semper applicando, non sibi ; in qua si quis ascenderit, non habet unde cadat. Omnes aliæ virtutes ad perfectionem suam per excelsa quædam nos et ardua poterunt provocare, hæc sola in plano est ; et quamvis humilior aliis videatur, cælo tamen est altior, quia in regno ejus hominem non ascendendo, sed descendendo perducit. Per hanc obtinuerunt sancti futuræ beatitudinis præmia, custodientes dominicum illud eloquium : *Beati pauperes spiritu, quoniam ipsorum est regnum cælorum (Matth. v, 3).* Ille scilicet est humilis, qui spiritu plenus est, flatu quodam elationis abundans elatus, ut uter est.

VII. Sed jam quomodo ipsa virtus obtineatur, charitas tua paulisper intendat. In primis si quid volueris boni operis inchoare, non hoc proposito acquirendæ laudis, sed studio inchoationis faciendæ bonitatis incipies. Dehinc cum perfectum fuerit opus, illud quodcunque est opus, omni custodia serva cor tuum, ne forte humanis favoribus acquiescens, inde te existimans, tibi ipse complaceas ; aut aliquam ex quovis actu gloriam quæras, quia natura gloriæ ita est, ut umbra corporis : si illam sequeris, fugit ; si fugeris, sequitur. Sed semper te minimum omnium æstima, et reminiscere : Quidquid tibi in omni vita boni successerit, totum hoc Deo qui dedit, non tibi qui accepisti, conscribas, convincens te illo testimonio Pauli : *Quid autem habes, quod non accepisti ? Si autem accepisti, quid gloriaris quasi non acceperis (I Cor. IV, 7) ?* Similiter et illud apostolicum : *Quia omne datum optimum et omne donum perfectum desursum est, descendens a Patre luminum (Jac. I, 17).* Cumque ex his pretiosissimis sanctæ humilitatis lapibus, in corde tuo Spiritui sancto templum ornaveris, tunc orans in eo, assumens canticum David prophetæ, non verbo tantum, sed et opere decantabis : *Domine non est exaltatum cor meum, neque elati sunt oculi mei ; nec ambulavi in magnis, nec in mirabilibus super me (Ps. CXXX, 1).* Quod carmen tunc in veritate offerre poteris Deo, quem te humiliando laudas ; cui veraciter cum omnibus fidelibus et tu quotidie dicis : *Te decet laus (Ps. LXIV, 2), illum glorificans.*

OPUSCULUM VI.

DE IRA.

PŒFATIO.

Domino ac beatissimo, mihi desiderantissimo in Christo patri, Vitimiro episcopo Martinus episcopus.

Dum simul positi dudum mutuo collationis aliquo frueremur, illud inter cætera tuæ a me dili-

PATROL. LXXII.

gentiæ charitas elicit, ut de passibilitate iræ, vel qualitatibus ejus effectibus, brevi tibi aliqua libello digererem. Parui protinus libens, paucisque hæc tuo studio de fugienda ira, saltem si id non eveniat, de lenienda, disserui. Quidam de sapientibus iram dix-

runt *brevem esse insaniam*. Ea enim sui est impotens, obliviscitur honestatem, affectuum immemor, rationi consiliisque præclusa; dum variis agitata causis, ad considerationem justitiæ inhabilis et ruinæ fit simul, superque in quod oppresserit, frangitur.

CAPUT PRIMUM.

De habitu iræ.

Habitus audax et minax vultus, tristis frons et torvus intuilus, faciei aut pallor aut rubor : æstuat ab imis præcordiis sanguis, flagrant et micant oculi, tremunt labia, comprimuntur dentes, crebro et vehementius acto suspirio quatitur pectus, gemitus anxius, et paulo explanato sono sermo est præceps, rabida vocis eruptio, colla distendit, inquietæ manus, sæpiusque compulsi coitus digitorum, dentes strident, citatus gradus, pulsataque pedibus humus, artus trepidi, et instabili fluctuatione totum concitatum corpus; magnas ex se proferens iras horribilis ira, depravat se atque intumescit; ita ut nescias utrum magis detestabile sit vitium, an deformē. Qualem putas intus esse animum, cujus extra imago tam fœda est? Cætera vitia absconduntur et in abdito refugiunt; ira se prodit, et in facie exit; quantoque major est, tanto manifestius exardescit. Nihil ergo minus quam irasci prudentem decet.

CAPUT II.

De effectibus iræ.

Ira omnia ex optimo et justissimo in contrarium mutat. Quemcunque obtinuerit, nullius eum meminisse officii sinit. Da eam patri, inimicus est; da filio, parricida est; da matri, noverca est; da regi, tyrannus est. Ira nec in præliis utilis invenitur, quia in temeritatem prona est; et pericula dum inferre vult, non cavet; venitque in aliam potestatem dum non est in sua. Ira ex proprio libito judicat; audire non vult, nec patrocinio relinquit locum. Judicium suum eripi sibi, etiamsi pravum sit, non sinit. Amat et tuetur errorem suum, nec vult argui, etiamsi oculis manifesta veritas ingeratur. Honestior illi in male cœptis pertinacia, quam correctio æstimatur. Quamvis enim vanæ illam concitaverint res, perseverare vult, ne videatur sine causa cœpisse. Et quod est iniquius, dum retinetur, fit pertinacior et augescit, quasi hoc ipsum graviter irasci justæ iræ sit argumentum. Quod si quantum minatur, tantum valuerit, ob hoc etiam quia terribilis est, amplius est invisā. Si vero sine viribus est, contemptui est magis exposita, derisumque non fugit; sed periculosius est illud, tamen tutius, despici. Omnes alias passiones ira sibi subditas facit, nullaque est ambitio animi in qua ira non dominetur; et avaritiam pessimum malum minimeque flexibile ira calcæ. Quoties scilicet iratus animus opes suas adactus spargit! Quoties magno æstimata pretio insignia projicit! Iræ violentia repentina, et universa est: non paulatim procedit; sed dum incipit, tota est; nec aliorum vitiorum more sollicitat

animos, sed abducit. Cætera vitia illiciunt; iræ vero, ut solent flumina procellæque, præcipitat, nullaque magis urget, sive valet superba, sive frustratur insana. Alia vitia a ratione, ira autem a sanitate discedit; nam nec repulsa, in tedium agitur sui; sed ubi adversarius subtrahitur, morsus suos in semetipsam convertit. Cætera vitia singulos quosque corripunt, ira autem interdum multos publice invadit, nam nunquam populus universus simul fornicandi cupiditate succensus est; nec in lucrum pecuniæ spem suam tota simul civitas misit; nec honoris ambitus gregatim cunctos, sed virilim singulos occupat: at vero in iram uno sæpe agmine curritur catervatim.

CAPUT III.

De tribus iræ remediis.

In iram primum remedium est, non irasci; secundum, cito desinere; tertium, alienæ quoque iræ mederi. Primum est ergo, ne incidamus in iram: quod si acciderit, secundum remedium est, ne in ira pecemur. Nam sicut in corporum cura, alia de conservanda sanitate præcepta sunt, alia de medendis morbo correptis; ita aliud est iram cohibere ne insurgat, aliud compescere jam erectam. Sicut enim pars superior et propinqua sideribus, nec in nubem constringitur, nec in turbinem vertitur; inferior vero sæpius fulminatur: eodem modo sublimis animus, quietus semper et in tranquilla statione locatus, omnia infra se premens quibus ira contrahitur, modestus ac venerabilis invenitur. Animus autem qui in negotia multa discurrit et varia tentat, in multis incidit querelis. Alius spem ejus fallit, alius differt, alius intercipit: atque ita omnium rerum existit impatiens, et ex levissimis irascitur causis, nunc personæ, nunc negotio, nunc tempori, nunc loco, nunc sibi. Ut ergo quietus sit animus non est multarum rerum actu lassandus, nec magnarum ac supra vires appetitarum. Facile est enim levia applicare cervicibus, et in utramlibet partem sine lapsu transferre.

CAPUT IV.

De causis quibus enascitur ira.

Contra primas ergo causas iræ pugnandum est. Causa autem iræ, opinio est injuriæ: cui non facile est credendum, nec apertis quidem manifestisque conjectationibus statim est accedendum, quia interdum falsa veri speciem ferunt. Differendum semper est tempus: dilatus dies aperiet veritatem. Non facile aures criminantibus pateant; sed hoc humanæ naturæ vitium suspectum notumque sit nobis, quod ea quæ inviti audimus, facile credimus, et irascimur. Multi enim suspicionibus impelluntur, et ex vultu risuque alieno pejora interpretati, innocentibus irascuntur. Plurimum mali credulitas facit. Quamobrem sæpe nec audiendum quidem est, atque ex animo tollenda suspicio. Nunquam argumentatio deest, et conjecturæ irritamenta fallacia. Simplicitate et benigna rerum æstimatione opus est uti. Nihil credere

oportet, nisi quod manifeste occurrit in oculos; et quoties suspicio apparet in animo, credulitas ob-
 jurgetur. Hæc enim objurgatio consuetudinem non facile credendi efficiet. Si non vis in iram incidere, ne sis curiosus. Qui inquit quid de se dictum est, et malignos sermones, etiamsi secreto dicti sint, eruit, ipse se inquietat. Dum enim perpetrantur, ad hoc producuntur, ut videantur injuriæ. Sed in ea perpetratione, alia defendenda sunt, alia donanda, alia deridenda: atque ita his modis præveniendæ est ira. Multas injurias transit prudens, et plerasque non accipit; quia aut eas nescit, aut si scierit, in ludum eas jocumque convertit. Nam si quereletur aut falsa suspicando aut leviter aggravando, non ira ad illum, sed ipse venit ad iram; quæ nunquam accersenda est, sed cum irreperit refutanda. Magni animi est, despiciere injurias; altius in se demittere [*Edit.*, demisere], dum vindicant; potius est non agnovisse, quam ignovisse injuriam. Enimvero ille magnus est et nobilis, qui more magnæ feræ latratus minutorum canum securus exaudit. Sanctius siquidem est dissimulare injuriam quam ulcisci. Potentiorum vero injuriæ non tantum patientia, sed etiam hilari vultu ferendæ sunt. Facient iterum, si te passum, et se fecisse crediderint. Adeo enim injuriam sæpe vindicare non expedit, ut nec fateri quidem expediat. Abstinendum itaque ab ira est, sive superior sit qui lacessit, sive par, sive inferior. Cum superiore contendere, furiosum est; cum pari, anceps; cum inferiore, jam sordidum.

CAPUT V.

Nihil susurronibus credendum; nec nobis, audiendo aut videndo.

Ex his autem quæ solent offendere, alia renuntiantur nobis, alia ipsi audimus, alia et videmus. De his ergo quæ narrantur, cito non debent credi, quia alii mentiuntur, ut decipiant; alii mentiri non existimant, quia et ipsi decepti sunt. Alius criminatione gratiam captat; et ut videatur loqui, finxit injuriam. Est etiam aliquis, qui hoc occulte loquitur et maligne, ut amicitias dirimat cohærentes, aut ut certe suum apud te insimulet inimicum. Dicitur aliquis de te male locutus. Cogita an prior hoc feceris. Cogita de quam multis ipse loquaris. Cogita non facere aliquos injuriam, sed reponere aliquos pro nobis facere; alios adversus nos, sed coacte; alios et ignoranter. Eos autem qui volentes scientesque faciunt, non ipsam injuriam appetere, sed aut dulcedine urbanitatis prolapsos; aut fecerunt aliquid, non ut nobis obsessent, sed quia aliter consequi quæ volebant non potuerunt. Ac in his quæ audiendo aut videndo cognoscis, naturam voluntatemque discuties facientis, peccantisque animum perpensabis: voluerit, an inciderit; deceptus sit, an coactus. Puerum excuset ætas, quia nescit an peccet; extraneum libertas; domesticum familiaritas. Si primum offendit, cogita quam diu placuerit. Si sæpe, fer quod sæpe tulisti.

A Jussus fecit, necessitate fecit; quare succenseas? Quod si injuriam recipis, non est injuria, quod superius feceris pati. Judex est; si nocentem punit, cede justitiæ. Amicus est; fecit quod noluit. Inimicus est; fecit quod debuit. Pater est; cogita quia tantum profuit, ut ipsi etiam injuriam facere fas sit. Mutum animal est; ipsum si irasceris, imitaris. Postremo si bonus vir est qui injuriam fecit, noli credere; si malus, noli imitari. Prudentiori cede, stulto remitte. Regis quisque intra se animum habet, ut licentiam sibi in alios dari velit, in se nolit. Qui ergo semper futurum aliquod quod se offendat existimat, minime cum acciderit irascetur.

CAPUT VI.

Aliæ in iram censuræ.

B Quin illud valde in hæc illiberale et sœdum, cum minimis sordidisque animus exacerbatur in rebus. Si parum agilis fuerit puer, si tepidior aqua poturo porrigitur, si turbatur torus aut mensa neglectius posita, si musca parum furiose fugata, si e manibus servi negligentius clavis elapsa; cum hæc non in tuam contumeliam fecit, nec sic ut te offenderit, fecit, innocentibus parce. Sæpe etiam quam stulte his rebus irascimur, quæ [*Edit.*, qui] iram nostram nec meruerunt, nec sentiunt. Ecquid hac insania dementius, quam bilem in homines collectam, in rebus effundere? Ager et infelicis valetudinis animus est, quem talium rerum levis cura conturbat. Ubi enim et animum simul et corpus voluptates corruperint, C nihil est tolerabile; quia illa dura^a, sed quia qui patitur mollis est. Nulla itaque res magis iracundiam alit quam intemperans et impatiens luxus. Dure ergo tractandus est animus, ut ictum non sentiat, nisi gravem. Ad coercionem autem errantium, irato castigatore opus non est. Nam cum iræ delictum animæ sit, non oportet peccantem peccato corrigere. Quod si tantum irascatur sapiens, quantum sceleurum iniquitas exigit, non irascendum illi, sed insaniendum est. Furta, fraudes, inficiationes, et si quæ sunt alia; omnia ista tam propitius aspicit sapiens, quam medicus ægros suos. Nunquam itaque iracundia admittenda est, aliquando simulanda. Si segnes audientium animi concitandi sunt, aliquando incutiendus est his metus, apud quos non proficit ratio.

CAPUT VII.

Quo modo leniatur ira.

Hæc dicta sunt, ne veniat quis in iram: quod si jam ira proruperit, maximum illi remedium est, moræ dilatio. Hoc primum petatur, non ut ignoscat, sed ut judicet. Si expectaveris, desinet; nec universam illam tentaveris tollere, quæ [*Edit.*, qui] graves habet impetus primos. Tota vincitur, si partibus capiatur; donec quod ex ejus imperio erat agendum, ipsi potius jubeamus. Agendum est enim ut primus ejus fervor relanguescat, et caligo quæ præmit mentem aliquantulum tenuetur. Pugnet autem

^a. Sic edit.; sed legendum, non quia illa dura.

unusquisque secum, ut si vincere jam non potest, vel celare meminerit. Si exitus illi non datur, signa ejus obrui possunt, licet cum magna hoc molestia sit. Cupit enim exsilire ira, et incendere oculos faciemque mutare; et si paululum illi extra nos emittere licuerit, supra nos est ut in imo pectoris recessu condatur; feraturque, non ferat. In contrarium omnia ejus flectantur judicia, vultus remittatur, vox lenior, gradusque sit lentior; et ita paulatim cum exterioribus interiora formantur. Sicque flet ut si aliquis iram tuam intelligat, tamen sentiat nemo. Faciunt ergo nos moderatiores respectus nostri, si consulamus nos; nam tale aliquid et ipsi aliquando commisimus. Nam si sic erravimus, expeditne nobis in aliis illa damnare quæ effugere ipsi nequivimus? Faciet etiam nos mitiores, si cogitemus quid nobis ille cui irascimur aliquando profuerit, et sic præsens offensa prioribus meritis redimatur. Illud quoque occurrat, quantum nobis commendationis allatura sit fama clementiæ, quam multos inimicos venia fecerit utiles. Nihil gloriosus quam iram amicitia commutare. Irascitur aliquis? tu contra beneficiis provoca. Cadit statim simulas ab alterutra parte deserta, nisi paria non pugnant. Quod si utrumque certaverit, ira concurritur. Ille est fortior, qui prior retulit pedem; victus est sæpe, qui vicit. Percussit te? recede; nam referiendo, et occasionem dabis sæpius feriendi et excusationem: postremo cum volueris reverti, non poteris.

CAPUT VIII.

Injuriam vindicare est vitium vitio opponere.

Qui irascitur injurianti se, vitium vitio opponit. Nunquid non insanire videtur, si mulum calcibus petat, aut canem a quo morsus est lancinet? Eodem loco est, quisquis concilio caret. Quid enim refert, an alia multa dissimilia habeat, si hoc simile habet, quod omni peccata munda defendit? Eo nos loco constituamus, quo ille est cui irascemur. Nostram esse causam illius affingamus: nam fecit nos iracundos iniqua nostra æstimatio; quia ea quæ volumus facere, nolumus pati. Memento etiam quia sanctissimi quique viri multa delinquant: quod si etiam prudentissimi viri peccant, cujus error causam non habet ignoscendi? Nemo est tam timidus offensarum, qui non illas dum vitat, admittat. Equiore enim animo

A feret se contemni cuicumque venit in mentem nullam esse tantam potentiam in qua non incurrat injuria. Demus spatium peccanti, quo possit considerare quid fecerit, et ipse se castigabit. Quid ergo, inquis, impune ille erit? Puta velle te; nam non erit. Quia non magis gravius addicitur quam qui ad supplicium pœnitentiæ datur. Respiciendum est deinde ad conditionem rerum humanarum, ut omnium accidentium æqui judices simus. Iniquus est autem qui commune vitium singulis objicit. Omnes inconsulti atque improvidi sumus; omnes incerti queruli, ambitiosi. Quid levioribus verbis publicum malum abscondo? Omnes mali sumus. Quidquid in alio deprehenditur, id unusquisque in sinu suo inveniet. Mali vivimus inter malos.

CAPUT IX.

Alienæ iræ curatio.

Nunc jam tertio in loco videamus quo modo alienam iram leniamus. Nec enim sani tantum esse velimus, sed sanare. Primam ergo iram alterius non audebimus nostra ratione mulcere, surda est enim et amens: dabimus illi spatium; nam remedia medicorum non in accessibus infirmitatum, sed in remissionibus prosunt. Quod si tumentes oculos quis tentet inungere, recente vi magis incitat commovenda. Sapiens furenti amico omnia ultionis instrumenta occultius removebit, ipseque iracundiam simulabit ut tanquam auditor doloris et comes, plus auctoritatis in consiliis habeat, moras nectet: et dum majorem pœnam quærat, præsentem interim differet, et omni arte furori requiem dabit. Quod si tu potentior es, aut pudorem illi cui vi resistis, aut metum incuties. Alteri dices: Indignum nimis, et non invenio dolendi modum; sed expectandum est tempus: dabit pœnas. Serva istud animo tuo, et pro mora, cum poteris, reddes. Alteri dices: Vide ne iracundia tua voluptati sit inimicis. Alteri: Vide ne magnitudo animi tui, et creditum apud plerosque decadat robur. Ita enim abscondet et medicus ferramentum, et æger dolorem, dum sperat, feret [*Edit., ferat*]; nam quædam non nisi decepta sanantur. Castigare autem irascentem, et ultro irasci, castigare est. Itaque vario modo ira sananda est.

OPUSCULUM VII. DE PASCHA.

I. Plerique mysterium Paschæ enarrare voluerunt ex ratione supputationis in mense, et luna, et die: sed, sive scientiæ, sive sermonis impossibilitate, id reliquerunt obscurius, quasi nihil inde dixissent. Scio enim multos scrupulosius interrogare solitos quare secundum morem Judæorum ad lunæ computationem diversis generibus Pascha celebremus, dicentes rectius sibi videri si dominicæ passionis com-

memoratio agatur, ut unum anniversarium natalis diem observemus, sicuti a plerisque Gallicanis episcopis usque ante non multum tempus custoditum est, ut semper viii Kal. April. diem Paschæ celebrent, in quo facta Christi resurrectio traditur. Placuit autem mihi, inquirenti curiose quid majores nostri secuti essent, aperte exponere.

II. Passio Christi redemptio est creaturæ, de aqua

Apostolus ait quod *subjecta fuerit servituti non sua sponte, sed propter eum qui eam subiecit in spe : quia ipsa liberabitur a servitute interitus, cum libertate florum Dei* (Rom. viii, 20, 21). Hæc creatura est spiritus vitæ, qui^a creavit omnia terrenæ corporaturæ, subjectus in eam spem, ut de corruptelæ interitu cum libertate filiorum gloriæ liberetur : quæ utique in hodie subjecta est servituti, in quo^b mundus effectus est, quam Christus liberare venisset, et servavit, ut in eo tempore pateretur, in quo creatura subjecta erit [An erat?]; ut qui dies ille tristitiæ fuerat, jam lætitiæ redderetur. Quoniam vero agni huius sacramenta tanta essent, ut veritatis ipsius etiam umbra proficeret ad salutem liberandi, sicut de his, de servitute Pharaonis, quasi jam libertas creaturæ de servitute corruptelæ figuraretur. Figuræ passionis Christi imago in adventum salutis operata est; et ideo dictum est a Deo, ut in primo mense anni quarta decima luna agnus immaculatus, anniculus, immolaretur, de cuius sanguine domos suas super limina obsignarent, ne a vastatore angelo terrerentur; atque in ipsa domo, comesto per domos agno, quod est Paschæ celebratio, liberationem per fugam servitutis acciperent. Non obscura est figura, agnum immaculatum esse Christum : huius immolationem, ad servitutem nostri interitus liberandam. Nam signo crucis ejus quasi sanguinis aspersione signati, usque ad consummationem mundi, a vastatoribus angelis vindicabimur. Hoc breviter et strictim dixisse sufficiat, ut id quod querere propositum est, rationem observationis, et Paschæ, et mensis, et lunæ, et diei, sine molestia multiloqui aperiatur.

III. Quæsitum est ergo a maioribus nostris, secundum id quod scriptum erat, quis esset primus dies, et in quo die decima quarta luna efficeretur Pascha celebrari. In illo enim tempore in quo Judæis facta traditio est, necdum mensis ad lunæ cursum significatione nominum computabatur. Dedit autem illis argumentum, jam calculo computationis invento, tempus et dies passionis; ut ex eo intelligerent, quem primum mensem anni, et quem primum ejusdem diem, et quando quartam decimam lunam [Edit., quarta decima luna] fuisse susciperent, et quare hoc mysterium Paschæ secundum diem et lunam observari deberet. Hoc autem in primis judicaverunt, cum per singulos annos Pascha, et tempus non conveniret ad lunam et ad diem, melius esse tempus extendere, quam non lunam diemque retinere. Primum quia duæ res justius præberentur. Deinde quia hæc viderentur in observatione potiora.

IV. Definiamus igitur quis primus mensis in mensibus anni; deinde quis primus ejus dies. Diximus ergo argumentum habuisse majores nostros ex tempore passionis et resurrectionis Domini. Resurre-

^a Lege quæ, respectu habito ad illud vitæ, id est, Christi, ut ipsemet de se ait : *Ego sum via, veritas et vita. Quæ quidem vita creavit omnia*, ut ait auctor, *terrenæ corporaturæ*. Nam omnia per ipsum facta sunt. Absurdum quippe de spiritu hæc intelligere, qui au-

xisse enim traditur Dominus vii Kal. Apr. Dominica die. Quinta feria autem præcedente, Pascha cum discipulis comedisse : quod fuit xi Kal. Apriles. Rationem hanc temporis hujus habuerunt, quod creatura quam liberarat in sanguine suo, in eo tempore servituti fuerat subjecta. Probandum itaque nobis est, in hoc tempore mundi initium constituisse [Forte, constituisse]. Inchoasse mundum veris tempore Genesis docet. Cum primum appareret aridam quam vocavit Deus^c, dictum est : *Germinet terra omne fenum omne pabulum, et omne viride ligni quod ferat semen secundum genus suum* (Gen. i, 11). In quo germinare omnia videmus; atque ita in eo esse principium mundi, non dubitamus. Sed cum tres menses verum tempus habeat, horum trium medius est, qui initium mundo dedit. Nec solum mensis medius, sed etiam dies mensium medii. Ex v Id. Febr. veris est inchoatio : in v Id. Mart. in viii Kal. Apr. quindecim dies sunt, id est, medietas mensis : ita unus et dimidius mensis subsequitur. viii Kal. Apr. æqualis est nox et dies, sicuti factum mundi initium Genesis docet, dicens : *Divisit Deus inter lucem et tenebras, et vocavit lucem diem, et tenebras vocavit noctem* (Ibid. 4, 5). Omnis enim divisio æqualitatem habet. Ita, in quo æqualitatem noctis et diei invenimus, in eo initium mundi constitutum intelligamus.

V. Sed non sine causa majores nostri super viii Kal. Apr. tres dies addiderunt, ut primum diem mundi invenirent. ii Kal. Apr. primum mensem mundi et diem majores nostri existimaverunt : quia ante quam sol in principatum mundi conderetur, triduum ante præcesserat. Refert Genesis (Ibid. 16, 19) quarta die facta luminaria solis et lunæ : propterea invenimus Christum viii Kal. Apr. resurrexisse. Verum xi Kal. de Pascha cum discipulis inchoasse : quo die primum subjecta fuerat creatura servituti suæ, quam per passionem suam venerat liberare. Diem autem Dominicam, primam diem esse mundi, dubitari non potest; quia dicit Scriptura (Gen. ii, 2, 3), sex diebus factum esse mundum, et septima die requievisse Deum : quam septimam diem Sabbathum appellavit. Unde est manifestum primam diem mundi Dominicam fuisse : et plenam lunam factam intelligimus, quia facta est in inchoatione noctis et principatus. Sed hoc sicuti computatione ostenditur, percurrere sibi per singulos annos non potest, scilicet xi Kal. Apr. die, semper et quarta decima luna die Dominica inveniatur. Sequenti autem anno xi Kal. Apr. invenitur luna vicesima quinta et feria secunda. Itaque cum duæ res, et luna et dies, commutatæ inveniantur, recte xi Kal. Apr. natalis mundi observari visus est.

VI. Itaque majores nostri judicaverunt mensem integrum esse observandum ad natalem mundi, et Pascha celebrandum, in quacunque parte ejus et ceteri statim dicitur *subjectus in eam spem, ut de corruptelæ interitu liberetur*.

^b Forte, ex quo. Quæ sequuntur manca videntur.

^c Vox terram deesse videtur.

dies et luna concurrerent. Neque enim hoc sine Scripturæ auctoritate. Ait enim Moyses : *Mensis hic vobis initium mensium est : primus erit in mensibus anni* (Exod. xii, 2). Quo verbo totum mensem ad natalis mundi diem consecravit. Ita majores nostri qui xī Kal. Apr. die natalem mundi invenerunt, mensem primum constituentes in xī Kal. Maias definierunt. Sic Pascha nec ante xī Kal. Apr. nec post xī Kal. Maias celebrare licebit. Sed cum in hoc mense et luna et dies convenissent, luna scilicet decima quarta et dies Dominica, tunc Pascha celebraretur. Sane quia rursus frequenter luna decima quarta cum Dominica die concurreret, extendi lunam septem dies maluerunt, dummodo diem Dominicam in resurrectionis lætitia retinerent. Ita quando sic dies venerit usque ad vicesimam primam lunam, propter Dominicam diem Pascha differimus semper, ut nec ante xī Kal. Apr. nec post xī Kal. Maias celebraretur : sic inventum est, ut mensis et dies et luna in celebratione Paschæ retineretur.

VII. Prudenter igitur magis ad lunam et diem, quam ad xī Kal. Apr. ad natalem mundi redigemur. Luna enim prima totas noctis illuminat tenebras, et Dominica dies resurrectio est dierum : ad initium

* Ex antea dictis rescribendum videtur, *ad vicesimam primam*.

enim rediit [*Forte, redit*], et finem dierum renovat. Hæc magis erunt in natalis lætitia, et in creaturæ liberatione servanda, maxime cum intra primi mensis terminos retinentur. Rursus majorem diei religionem, quam lunæ dicerunt. Decimam quartam enim lunam egredimur; diem autem nunquam egredimur, quia tota salus est in resurrectione diei. Dies autem Dominica et initium dierum habet et resurrectionem; propter quod in ipsa dominus surrexit; luna vero, licet usque ad vicesimam primam partem extensam [*An extensa?*], non totam complet noctem : plurimum tamen noctis illuminat, et post se quidem relinquit tenebras, sed eas quæ in ante sunt superat : in quo majores nostri maluerunt usque ad vicesimam^a quam ante decimam quartam Pascha celebrari. Quia relinquere tenebras post tergum melius est, quam antecedentes non posse superare. Itaque hac summa et hac conclusione, quæ a maioribus constitutum est^b, Pascha neque ante xī Kal. Apr. nec post xī Kal. Maias posse celebrari. Cujus pinacis constituendi quæ fuerit ratio, in quo mediocritas potuit, ediximus : per gratiam Salvatoris nostri Jesu Christi, cui est honor et gloria in sæculis, et in sæcula sæculorum. Amen.

^b Ant delendum relativum *quæ*, aut rescribendum *constituta est*. Quod tamen posterius minus placet.

B. MARTINI DUMIENSIS EPISCOPI VARII VERSUS.

IN BASILICA.

Post evangelicum bissemi dogma senatus,
Quod regnum Christi toto jam personat orbe,
Postque sacrum Pauli styllum quo curia mundi
Victa suos tandem stupuit siluisse sophistas.
Arctous, Martine, tibi in extrema recessus
Panditur, inque via fidei patet invia tellus.
Virtutum signis, meritorum et laude tuorum,
Excitat affectum Christi Germania frigus,
Flagrat et accenso divini Spiritus igne,
Solvit ab infenso strictas Aquilone pruinas.
Immanes, variasque pio sub fœdere Christi
Asciscis gentes. Alamannus, Saxo, Toringus,
Pannonius, Rugus, Slavus, Nara, Sarmata, Datus,
Ostrogothus, Francus, Burgundio, Dacus, Alanus,
Te duce nosse Deum gaudent. Tua signa Suevus
Admirans didicit fidei quo tramite pergat,
Devotusque tuis meritis hæc atria claro
Culmine sustollens, Christi venerabile templum
Constituit, quo clara vicens, Martine tuorum
Gratia signorum votis te adesse precatur.

^c Sic Bollandiani Act. sanct. Martini tom. III, pag. 89, num. 13. Al., *dicatur*.

C Electum, propriumque tenet te Gallia gaudens
Pastorem, teneat Gallæcia tota patronum.

EJUSDEM IN REFECTORIO.

Non hic auratis ornantur prandia fulcris :
Assyrius murex nec tibi sigma dedit.
Nec per multiplices abaco splendente cavernas,
Ponentur nitidæ codicis arte dapes.
Nec scyphus hic dabitur rutilo cui forte metallo
Crustatum stringat tortilis ansa latus.
Vina mihi non sunt Gazetica, Chia, Falerna,
Quæque Sarapteno palmitis missa bibas.
Sed quidquid tenuis non complet copia mensæ,
Suppleat hoc petimus gratia plena tibi.

EPITAPHIUM EJUSDEM.

Pannoniis genitus, transcendens equora vasta,
Gallicie in gremium divinis nutibus actus,
Confessor, Martine, tua hac dicatus^a in aula
Antistes, cultum instituit ritumque sacrorum ;
Teque, patrone, sequens fumulus Martinus eodem
Nomine, non merito, hic in Christi pace quiesco.

SANCTUS GERMANUS

PARISIENSIS EPISCOPUS.

NOTITIA

(*Ex Gallia christiana*).

In pago Æduensi, vico Lausia, Eleutherio et Eusebia parentibus natus Germanus, diaconus, triennioque post presbyter a sancto Agrippino Augustodunensi episcopo ordinatus, abbasque Sancti Symphoriani a Nectario præfectus, cum eo concilio v Aurelianensi, anno 549, interfuit. Cum autem sanctitate vitæ, moribus et miraculorum virtute claret, vocatur ad regimen Parisiensis Ecclesiæ, mortuo Eusebio an. 555 (*Act. sanct. Bened., t. I, p. 234*) ut testis est Fortunatus auctor, suorum temporum episcopus Pictaviensis qui res ab eo præclare gestas libro de vita ejus scripto tradidit, consentitque Gissemarus in Vita sancti Droctrovei.

Nihil novus dignitatis gradis mutavit in cultu, victu, vigiliis et asperitate pœnitentiæ sanctissimi viri. Interfuit anno 557 Parisiensi in concilio, habito ad resarcienda damna omnia Ecclesiæ ex bellis civilibus illata. Astitit anno 558 translationi sancti Ursini Bituricensis episcopi, sicut et Sancti Albini Andegavensis, cujus tempus non adnotatur. Hujus in honorem ecclesiam voluntate et imperio Childeberti regis ante portam Andegavensis urbis fundasse memoratur in charta Nesingi episcopi, in notis Baluzii ad Servatum Lupum, pag. 378. Quantum sub eo præsulè Childebertus rex pietate enituerit, ostendit imprimis, quod Ecclesiæ Parisiensi, sanitate recepta precibus sancti Præsulis, cellas, regiam villam in qua convaluerat, cellamque in provincia cum basilica Sancti Romani donaverit anno regni 47, in mense Januario (*Hist. Eccles. Paris., t. I, pag. 82*). Sed præsertim notatu digna regis hujus effusa in pauperes liberalitas, ita ut auream et argenteam suppellectilem ad eos nutriendos et fovendos confringeret ac conflaret, consilio et exemplis Germani permotus : unde forte nata opinio sanctum Germanum fuisse regi ab eleemosynis primum, et, ut modo loquimur, magnum eleemosynarium. Cæsaraugustæ urbis opulentissimæ in Hispania ad ripas Iberi obsidione soluta, et inde allata Vincentii diaconi et martyris stola, reversus Lutetiam Childebertus ædificare cœpit (*Ibid., p. 87*) sancti Germani pontificis hortatu, sancti Vincentii nomine, illustrem basilicam, in qua dictam stolam deposuit. Hanc autem absolutam dicavit, et pluribus donationibus auxil sanctus Germanus 23

Dec. 558; qua die defunctus Childebertus paulo post inibi sepelitur. Successor ejus Clotarius Francorum coronam adeptus, Parisios venit, ubi ob contemptum beatum Germanum in gravem morbum incidens, ab eodem sancto sanatur, scribente fortunato. Eumdem acceptis reginæ Radegundis sacramentalibus litteris a proposito uxoris recipiendæ deterret sanctus Germanus ann. 559; tum Pictavos profectus ut ab ea pro rege veniam deprecaretur, Agnetem coram aliis episcopis in monasterio sanctæ Radegundis abbatissam consecravit, quod in epistola ad episcopos concilii Turonensis ipsa memorat Radegundis. Ordinavit anno circiter 560 Syagrium Alduensem episcopum. Inter alia privilegia, immunitatem ab episcopo Parisiensi et quovis alio monachis Sancti Vincentii largitus et xii Kal. Septembris anno 5 Chariberti regis, Christi 565 (*Ibid., p. 89*). Astitit an. 566 xv Kal. Decemb. concilio Turonensi ii, ubi decretum episcoporum de suscepta beatæ Radegundis epistola conscriptum est (*Conc. Hard. tom. III, col. 367*). Consecravit anno 568 Felicem Biturigum episcopum. Circa idem tempus, est Charibertus rex incesti crimine insimulatus; quippe qui repudiata legitima conjuge Ingoberta, Merofledem ac postea Marcofevam ejus sororem religiosa veste indutam, conjugio sibi copulaverat. Cum nollet eam dimittere, ab eodem Germano sacris interdictus est: quod recitant Gregorius lib. iv, cap. 26, et Gesta veterum Francorum cap. 30, ubi et legitur a rege Chariberto Encolismam civitatem missum Germanum cum Gregorio Turonensi consecrasset basilicam sancti Eparchii (*Labb. Nov. Biblioth. t. I, p. 152*), qui inibi nuper sepultus fuerat. At errorem in nominibus deprehendunt doctissimi Bollandistæ ex temporis ratione: nam sanctus Germanus æque ac Charibertus rex ante sanctum Eparchium e vivis excessere, ut notant tomo I Julii, pag. 109. Invitalus a Domnolo Cenomanensi episcopo ad dedicationem monasterii Sancti Vincentii juxta urbem Cenomanorum eidem astitit anno 571, Kal. Novemb., ut constat ex litteris Domnoli pridie nonas Martias datis in hanc rem, quibus subscripsit Germanus. Interfuit anno 573 concilio Parisiensi iv (*Conc. Hard. tom. III, col. 404*), ubi inter cætera depositus est Promotus, qui episcopale officium in diœcesi Car-

notensi usurpat, nimirum in Castro dunensi, et qui ad synodum a Germano invitatus venire contempsit. Anno 575, Brunichildem reginam luculenta hortatus est epistola ut Sigibertum conjugem a consilio belli quod fratri inferebat suo revocaret (*Hist. eccl. Paris., t. I, p. 96*). Hanc habes in appendice Operum Gregorii Turonensis novissimæ editionis, col. 1343 (*Vid. infra col. 900*). Infinitus essem si sancti antistitis virtutes et miracula recensere vellem. Hunc Robertus rex in diplomate Parisiorum clypeum inextinguibilem nuncupat. Celebrat Fortunatus ejus morum sanctitatem, clerique Parisiensis sub eo pontificis religionem et ecclesiastici chori concentum: nam poemate 19, lib. II, ejus institutum recens de psalmodia commendat, quam a populo et clero parisiensi mira frequentia et animorum alacritate perhibet susceptam fuisse. Demum fere octogenarius in cælum migravit Germanus v Kalend. Junias anno 576, paulo post quam Sigiberto regi comminatus mortem fuisset ac prædixisset, ut refert Gregorius Turonensis lib. IV, cap. 52. Diem quoque sui ipse obitus paulo ante pronuntiaverat. De ejus funere ita laudatus Gregorius libro V, cap. 8: « In cujus, inquit, exequiis, multis virtutibus quas in corpore gesserat, hoc miraculum confirmationem fecit. Nam carcerariis acclamantibus, corpus in platea aggravatum est, solutisque eisdem, rursus sine labore levatur: ipsi quoque qui soluti fuerant, in obsequium funeris usque ad basilicam in qua sepultus est, liberi pervenerunt. Ad sepulcrum autem ejus multas virtutes, Domino tribuente, credentes experiuntur. » Hæc Gregorius, qui postea commendat librum vitæ sancti pontificis a Fortunato presbytero compositum. Aliicitius, tardius alii mortem ejus assignant, nempe annis 575, 577. Baronius biennio post defunctum tradit Germanum, et Hugo Flaviniacensis ex Chronico Virdunensi apud Labbæum p. 101, 9 Februar. 582, ubi perperam fratrem ei fuisse Paulum Virdunensem episcopum asserit, qui vigeat anno 630. Tumulatur in oratorio sancti Symphoriani, quod ipse construxerat in ingressu basilicæ sancti Vincentii, ubi prius sepulturæ

A dati fuerant parentes ejus Eleutherius et Eusebia, pro quorum anniversario multa largitus fuerat eidem ecclesiæ. Germani epitaphium a Chilperico rege, in poeticis litteris exculso, conscriptum notat Aimoinus lib. III, cap. 16; quod tamen alii a rege ei positum tantum, ab illo vero qui Vitæ sancti Germani acta composuit, scriptum esse contendunt. Mabillonius ad annum 576, n. 68, a Chilperico rege compositum quidem epitaphium conjicit, sed ab Aimoino expositum. Sic autem habet:

Ecclesiæ speculum, patriæ vigor, ara reorum,

Et pater, et medicus, pastor, amorque gregis,

Germanus virtute, fide, corde, ore beatus,

Carne tenet tumulum, mentis honore potum.

Vir qui dura nihil nocuerunt fata sepulcri,

Vivit enim, nam mors quem tulit ipsa timet.

Crevit adhuc potius justus post funera, nam qui

Fictile vas fuerat, gemma superba micat.

Hujus opem ac meritum mutis data verba loquuntur,

Redditus et cæcis prædicat ore dies.

Nunc vir apostolicus sapiens de carne trophæum

Jure triumphali considet arce throni.

Translatum est sacrum Germani corpus ad majorem ecclesiam VIII Kal. Augusti anno 754, astante Pipino rege, latus ejus stipantibus Carlomanno et Carolo qui postea dictus est Magnus, sub Lansfrido sancti Germani abbate, cujus festi memoria recolitur die 25 Julii. Ejus in honorem Bertichramnus, Cenomanorum episcopus, qui ab eo presbyter ordinatus fuerat, monasterium apud Cenomanos ultra fluvium Sarthæ condidit et dotavit, quod nunc redactum est in paræcialem ecclesiam suburbanam. Ab ejus quoque nomine dicta apud Parisios ecclesia sancti Germani veteris, prius capella Sancti Joannis Baptistæ ab ipso sancto Germano tunc abbate Sancti Symphoriani constructa, in quam ob metum Normannorum ejusdem sancti corpus translatum anno 886, per biennium depositum mansit. Sancto Germano tribuitur opus de Missa tomo V Anecd., col. 91.

SANCTI GERMANI, PARISIENSIS EPISCOPI

VITA,

AUCTORE VENANTIO FORTUNATO EPISCOPO PICTAVIENSI

Ad mss. Codd. diligenter recognita.

I. Beatus igitur Germanus Parisiorum pontifex, territorii Augustodunensis indigena, patre Eleuthero, matre quoque Eusebia, honestis honoratisque parentibus procreatus est. Cujus genitrix, pro eo

B quod hunc post alterum intra breve spatium concepisset in utero, pudore mota muliebri cupiebat ante partum infantem extinguere: et accepta potionem ut abortivum projiceret, dum nocere non posset, incu-

habat in ventre, ut pondere præfodaret quem venena cedere non valerent. Certabat mater cum parvulo, renitebatur infans ab utero : erat ergo pugna inter mulierem et viscera. Lædebatur matrona, nec nocebatur infantia : obluctabatur sarcina, ne genitrix fieret parricida. Id actum est, ut servatus incolumis, ipse illæsus procederet, et matrem redderet innocentem. Erat hinc futura prænoscere, ante fecisse [*Al.*, factam pro eo] virtutem, quam nasci contigerit.

II. Deinde cum Avallone castro (*a*) cum Stratidio propinquo puer scholis excurreret, mater parentis (*b*) ut ejus hæreditatem acquireret, de adolescentis fallitura nece tractavit. Quæ temperatam potionem in ampullula condidit, vinum quoque in altera, præcipiens puellæ ut venientibus ambobus illi porrigeret de vino, isti de maleficio. Sed ignorans ministra, ampullulam mutat et pocula; vinum sancto Germano, venenum dat Stratidio; et dum insonti præparatur interitus, auctor cadit in laqueum. Quo mater ejus cognito, puellam increpat cum fletu, exstinxisse se filium. Cui Stratidio, sollicitè impenso studio, facto de ipsis maleficiis vario, etsi mors vitam non abstulit, tamen signum mortis infixit.

III. Hinc ad parentem suum sanctum Scopilionem Lausia (*c*) se conferens, moribus honestis alitus et institutus est. Qui cum fere mille passus longe a vico consisterent, jugiter ad matutinos currebant, ducti fidei calore per tempestatem, per hiemem. Qui intra terni lustrī spatium (*d*) a beato Agrippino diaconus instituitur, et sequente triennio presbyter ordinatur. Dehinc a pontifice Nectario abbas ad Sanctum Symporianum merito dignus asciscitur. Quanta vero inibi abstinentia vixerit, quantis quoque vigiliis continuando duraverit, quibus eleemosynis profusus exstiterit, illa res una testis est, cum jam rebus reliquis pauperibus erogatis nec panis ipse resideret quatenus fratres reficerentur. Qua de re insurgentibus adversum se monachis, retrudens se in cellula, amare flevit et doluit. Inter hæc ipso orante quædam Anna matrona duorum saumariorum (*e*) cum pane dirigit onera. Sequenti etiam die cum annona destinavit plena carpenti vehicula : ita ut exinde monachi cum saturarentur cibo, terrerentur miraculo (*f*). His itaque celebriter intentus officiis, non desiit prædicandis manifestari miraculis.

(*a*) Avallo seu Aballo (*Avallon*), oppidum in ducatu Burguntiae inter Augustodunum et Antissiodorum.

(*b*) Alia exemplaria habent, *propinquus*, sed utraque vox, *parens* et *propinquus*, Fortunato synonyma est. Hinc ad parentem suum sanctum Scopilionem, etc., hic, num. 3.

(*c*) Lausia seu Lansea (*Luzy*), oppidulum inter Augustodunum et Ligerim medio fere intervallo positum.

(*d*) Dubium est an spatium istud quindecim annorum a sancti Germani nativitate, an a tempore quo Scopilionis disciplinam subiit, sit metiendum. Posterior magis arridet : nam Agrippinus Eduensis episcopus, qui Germanum ordinavit diaconum, nondum sedem obtinebat anno 517, quo Pragmatius ipsius Agrippini decessor Epaonensi concilio subscripsit.

IV. Igitur quadam vice dum cibum fessus acciperet, ingrediente Amando monacho in fenile cum lumine, carbone decidente, flamma fenum corripuit, et arida nutrimenta vorax ignis allambit. Concurrentibus reliquis, nec tamen incurrentibus, tardius ipse prosiliens, rapta de foco cucuma, ascendens supra fabricam concinens Alleluia, fundens paululum aquæ in crucis imaginem restinxit incendia : ac de manu Sancti imbre sedata est ignis unda, quam vix extinguerent flumina. Quod tamen postero die cujus insidiis actum est hostis ipse confessus est.

V. Chariulfus quidam Francus partim villæ basilicæ res obstinatus invaserat. Quem cum Vir Dei ad reddendum aliquatenus commoneret, nec tamen proficeret, ad orationem se convertit, nec fides vindictam distulit. Statim ex vicino ferus ursus exsiliens tres illius equos interfecit, nec sic a duritia resipiscit. Sequenti vero nocte duplicavit ultor perniciem. Sex jumenta interemit, nec si quoque pœna suffecit. Tertia idem nocte novem vehicula prosternit, triplicato cadavere : sic labor crescebat in cladem. Dehinc ad beatum Virum tardius dirigit puerum; agrum reformat invasum, calamitas compescitur. Id actum est, ut bestia castigante homo sensum acciperet, et daret non intelligenti bellua rationem.

VI. Dehinc beatus Agricola Cabillonensis (*Chalon-sur-Saône*) episcopus habens cubicularium graviter vi febrium fessum, qui destinato animo totus pendebat in transitu, dirigit ad sanctum Virum intercedendi suffragium. Tunc perceptis apicibus basilicæ sub porticu ad sancti Symphoriani sepulcrum progreditur. Interea vir justus orationi incubuit, terram corpore premens et sidera mente transcendens; et quasi ante se habens præsentiam Domini, pro voto supplicis obsecrator accedit. Nam mox vicinus Redemptoris auribus exauditur, et adhuc isto recubante in pulvere, ægrotum medicina perfudit; ac justo jacente in pavimento, languidus surgit de lectulo, ante currentem medelam [*Pro currente medela*] quam peroret qui supplicat : ita ut portitori redeunti obviam puer occurreret cui parabantur exsequiæ; ut non esset ambiguum eadem hora languidum saluti fuisse redditum, qua Vir beatissimus fusus orasse comperitur.

VII. Nec illud omitti convenit, quod ad domum

At vero sanctus Germanus anno citato, viginti minimum annos jam attigerat, siquidem fere octogenarius evolavit ad cœlos (*Ex Fortunato num. 76*) anno 676.

(*e*) Saumarī, equi Sarcinarii, Gallis *sommiers* a *σάρμα*, *sarcina*.

(*f*) Post hæc verba apud Surium et in nonnullis apographis posterioris ætatis inseruntur hi versus : « Cujus bonis operibus inflammatus episcopus, sanctum Virum neque adhuc ista recusantem, quem etiam prædicabant dæmonia, in custodiam trusit. Cui fateor nutu divino aperiebatur ergastulum, sed non hinc egrediebatur, nisi supplex et episcopalis daretur præceptio. » At cum ista in antiquioribus sincerioribusque membranis non legantur, huc revocanda in secessum duximus.

Ebronis pro fide Justi collatum est. Cujus ingrediente domum, Anna matrona proclamat rem mirabilem se videre. Inquisita a conjuge quid esset quod inspiceret, ait : Ecce beatus Germanus cornuta facie mihi videtur incedere : quod pene vix valeo aut intueri lumine, aut sermone conferre, sanctum virum novo more cornibus radiantem. Consternataque mirabatur mulier hominem nostro tempore in figura Moysi potuisse conspiceri. Credendum quod et iste post colloquium Domini potuit a muliere cornu exaltatus agnoscere. Cujus causæ pavore Ebri eadem die juxta Sanctum sedere nullatenus præsumpsit duplici pro merito, mœrore pariter et terrore.

VIII. Contigit ut pro villis Augustodunensis Ecclesiæ Theodeberto regi Cabillone occurreret. Memor sancti Symphoriani in ingressu palatii, ita Spiritu Dei redundante locutus est, ut ante rex annueret, quam verba petitor explicaret. Cui et ore prophetico finem dixit de transitu. Quod paucis interim diebus (a) dum ad Rhemos remeavit, in ipso itinere rex extrema sorte defecit, quasi sancti Viri sermo dictus fuisset ab angelo.

IX. Et quoniam beatissimo erat familiare in basilica sancti Symphoriani soli vigilias ducere, euntem eum monachus Sylvester prosequitur. Et ingressi pariter ad sancti martyris tumulum, circa noctis medium ab altari tumultum frequentantem rumores accipiunt, tanquam si ad rapinam collecta curreret multitudo. Credeus enim vir Dei versari latronum incursum, imperat monacho ante sepulcrum psallere. Ipse vero accedit ad altare. Dehinc illa turba ad monachum quo psaltebat alacriter properat. Quo mactato graviter et in terram projecto ac semivivo relicto, veloces effugiant. Qui vix voce flebili eadem suam replicans, a dæmonibus se cæsum gravi congressu confessus est.

X. Accidit ut Sabarici famulus Æsarius nomine a virum de quo loquimur injuriam passus confugeret, supplicans ut quolibet pretio eum de insolentis domini servitio liberaret. Quod indignatus Sabaricus pro Æsario et conjuge vel unico ejus Filio, octoginta solidos pretii nomen petit, quominus famulos servili ditione laxaret. Tamen hoc non dubitavit misericordia Justi vel perquirere vel donare. Quo pretio persoluto, contigit ut ante basilicam sæpe dictus Sabaricus præteriret, nec tamen orationi quoque occurreret. Qui domum suam ingrediens, statim affligitur, ligatur, et catenis revinctus ad Sanctum perducitur. Neque sic a pio viro misericordia tollitur, sed statim missa prece ejus obtinente fide purgatur. Tunc adjecit Sabaricus adhuc viginti aureos ad pretium quod acceperat, et de centum solidis crux ad sepulcrum beati Symphoriani ab ipso suspensa est : quæ usque hodie res est in

(a) Et tamen Gregorius Turon. in lib. III Hist., cap. 36, scribit Theodohertum diutissime ægrotasse, et cap. 37, anno 37 post Clodovei obitum, regni sui 14, Christi scilicet 558, obiisse.

(b) Alexia (Alise), oppidum quondam validissimum in colle apud Mandubios in Burgundia situm,

A testimonio. Qua occasione filii vel filiæ ita sancte conversati sunt, ut per monasteria nunc regant agmina monachorum. Quæ causa modo mirabili profuit patri vel germini, ut parvum genitoris flagitium posteris transiret in luctum.

XI. In pago Alisiense (b) hæc res gesta est. Conjux illustris viri Vulfarii, Destasia nomine, vitalis spei destituta solatiis, linguæ carens officiis, per biduum jam muta, spiritu deficiente decumbens, apparatis exsequiis jam palpitabat exanimis. Cui eulogiis per presbyterum suum directis et violenter adaptis præmortuæ dentibus in ore transjectis, mox ut fauces semivivæ liquor benedictionis introiit, statim incipit præmortua vitæ flatibus anhelare, oculi nece præclusi lumen diei requirere, ut post funerum pallorem facies in ruborem transiret, donec cunctis stupentibus vivificata consurgeret, et circumstantes auctorem muneris gratiam prædicarent. Quæ singulis annis tributum vitæ solvit pro pretio.

XII. Cæterum revelationum suarum quis scrutator introeat, cui ante quatuor annorum curricula, ipsa episcopatus sui causa non est abscondita? Itaque positus in sopore, inspicit a quodam sene claves sibi portæ Parisiæ porrigi. Interrogans quid hoc fieret, accepit responsum, ut salvas eas faceret. Quod post civitatis ejus episcopo (c) decedente dum præcellentissimo regi Childeberto occurreret, in ejus electione effectum illa vox promeruit. Ordinatusque pontifex qualis quantusque se gesserit, hoc expedire lingua mortalis non sufficit, quoniam supra hominem fuit omne quod edidit. Denique adeptus gradum curæ pastoralis, de reliquo monachus persistebat. Ilinc se frequentibus exercebat vigiliis, inde continuatis macerebat inediis. Pernoctabat algida senectus per hiemem sustinens dupliciter frigus, ætatis et temporis, quod nec tolerare possint petulenti juvenes : seipsum pene obliviscens pro victoria corporis, tanquam si simul accessissent dignitas et necessitas ; quæ vero eleemosynæ tam de rebus ecclesiæ quam populi oblatione vel regio munere per manus Sancti factæ sunt, solus ille qui omnia sit, novit et numerat.

XIII. Denique quadam vice præcellentissimus Childebertus rex cum ei direxisset sex millia solidorum pauperibus eroganda, expendens tria millia revertitur ad palatium ; interrogatus a rege si adhuc resideret quod egenis tribueret, respondit medietatem resedissee, nec invenisse inopes quibus totum expendere. Cui rex inquit : « Domine, dona quod restitit : nam Christo largiente quod donetur non deficiet : » incidens orata missoria, argentea vasa comminuens, quidquid primum habuit dans sacerdoti ne perderet. Erat ergo exspectanda contentio inter sacerdotem et principem. Faciebant apud se de misericordia pugnam Cæsari notissimum lib. VII de Bell. Gall., nunc vicus est colli declivis impositus.

(c) Eusebio sanctus Germanus successit in sedem Parisiacam ante concilium Parisiense III, anno 557 celebratum, cui Germanus subscripsit.

et de pietate certamen, thesauros ut spargerent, et de suis talentis egeni ditescerent, festini ad futura lucra, ut bratheum semen (a) sererent, et post messores accederent aurolentam persegetem: ut sacerdos locupletaretur regalibus thesauris, et in regem floret gratia sacerdotis, qui suum solum hoc credidit, quod nudus aut egenus accepit.

XIV. Sed revertamur ad ordinem. Quidam in Exona (Essone, prope Corbolum) vico de fiscalibus famulis Gildomeris nomine, cum die Dominico quiddam operatus sit, ita contrahitur digitis, ut unguium acumen partem transiret in alteram. Qui Parisius sancto viro occurrit in oratorio; et oratione data, manuque peruncta oleo, unguis de palma retractæ sunt. Digitis redditur organum et in antiquo officio nervorum tela retexitur. Quem clericum post effectum, et ut integrum saluum faceret, peste liberavit et crimine.

XV. Rursus quædam mulier nomine Favonia in urbe Parisiaca per novem dies percipiens nihil præter pulcritudinem, ore aperto inhians sancto Viro oblata est. Quæ velut ferro opposito nulla lege poteratungere dentes aut labia. Quam in oratorio sacro peruncta oleo, palpato undique capite sine tarditate saluti restituit.

XVI. Accidit ut puella quædam de Medardi Moglindunensis (b) familia filans die Dominico, contracta manu damnaretur supplicio. Qua contacta oleo virtus infudit remedium. Hinc stupentes digiti vigorem pristinum resipiscunt, oblitum artis officium reducti articuli meditantur, manus ramosa distenditur, et purgata vitio dextera saluti reducit.

XVII. Recte creditur inserendum illud quoque miraculum. Bobolinus quidam de vico Novio (Noyon, in Picardia) vehementer inimici pervasus insidiis, ad Hominem Dei vinculis nexus adducitur, rebeli spiritu rotatus excutitur nec lassatur. Qui, exorante sancto Viro, quasi de longo itinere ad se suamque mentem septimo die revertitur. Sic dupliciter liberatus, dum fugit umbra de sensibus, catena cadit de manibus et sanus redditur et solutus.

XVIII. Hoc autem memoriæ jure perpetuo est tradendum. Quidam ex Nantharici [An Nemptodori? Nanterre?] familia, separatis ab invicem maxillarum juncturis, ore aperio ad sanctum Virum perducitur. Quem signo crucis impresso sanitati redditum vetuit ne acciperet vini potum aut carnis edulium (c). Qui præcepto postposito ad normam sui langoris statim reductus est. Sed ne prævaricantis negligentia justo subtraheret gloriam, in Spedoteno (d) villa rursus ei oblatus est. Cujus loca maxillarum sancto perunguens oleo, ac beatis manibus mentum astringens et labia

A Christi nomine invocato, concussa sanctis digitis ad se junctura revertitur, et suæ fidei merito salvus domum reducit.

XIX. Item faber, Ligerius nomine turbulenti dæmonis arreptus insania, ita bestiali feritate proruperat, ut catenis collo manibusque revinctus vix ad beati Viri traheretur præsentiam. Inde miserabilior, ut qui sustinebat ab hoste violentiam, ipsi adderetur altera pœna per vincula. Quem tamen sacerdos apud se imperat detineri; et, sicut septimo die Deus quievit ab opere, ita et opera Dei transacta hebdomada eripitur a dæmone; sicque in propria redire securus meruit liberatus ab hoste.

XX. Waddo vir illuster, consiliis regis particeps, typum dupliciter incurrens febris et frigoris, expurgandus sancti Viri præsentatur obtutibus. Interea hora solita febre concussus gravissimam, ut refrigeraretur vel aquam instanter expostulat. Qua sibi denegata in sancti pontificis inolescitur injuriam. Vir tamen Dei contentus ut obtineret victoriam, oratione explicata, potum ei donans in calida, hominem revocavit salutem ad pristinam, et imminens periculum tali curavit antidoto, febrem curans per calidam.

XXI. Nec illud est prætereundum similis causæ miraculum. Reginæ Chrodosintæ (e) minister, Ulfus nomine, typo [Id est, febris periodica] vexabatur gravissime. Poscens suffragia medelæ, perrexit ad pontificem. Quem vir Dei constanter ducit ad baptisterium. Sed exorante Sancto cœpit affligi gravius in proximo liberandus. Postulat ardens et æstuans aquæ modicum, sed negatur. Qui fellis amaritudine suscitatus acerrime, balneum suum ad Sancti vestigia projecit clamans: Tu me, domine, interficis, cum sanare debueras. Sed hoc tibi notum sit, quia per te morior. Vita mea a te erit requirenda a rege vel a parentibus. Interdum præ calore per baptisterii pavementum volutatur. Orante beato Viro in soporem convertitur, et aliquantulum post somnum excitatus, ab ipso in omnem incolumitatem languidus reformatur. Inquisitus a pontifice cur tantum locutus sit ad injuriam sacerdotis, respondit solum ei gratias referens, nihil se de suis verbis recordari confessus est.

XXII. Præcellentissimus Childebertus rex cum equum necessarium ad sellam beati viri donasset vehiculum rogat ipse qui dederat ut eum sibi retineret, nec cuiquam tribueret. Interim beatus vir, postulante captivo, equum donat in pretio, quoniam apud pontificem plus fuit quam illa regis vox pauperis. Jubet igitur ut quindecim eum venundaret solidis: quem pauper ipse cum duceret, negotiator

(a) Ita mss. Codd., ubi legendum videtur *bracteam semen*, hoc aureum vel argenteum: nam bractea est auri vel argenti lamina subtilior. Cui interpretationi favet quod sequitur de aurolenta segete.

(b) Melodunum (*Melum*), ad Sequanam decem leucis supra Lutetiam Parisiorum. In quibusdam Mss. legitur *de domo Medardi Meglidunensis familie*.

(c) Simile quid de sancto Patre Benedicto legitur in lib. II. Dial. greg. Magni, cap. 16.

(d) Al., Spedoteno (*Espone*), vicus prope Meduntam Castrum (*Mantes*) decem leucis infra Lutetiam Parisiorum, non longe a confluyente Mandræ in Sequanam.

(e) Gregorio Turon. In lib. IV, cap. 3, Clotsinda vocatur, Clotarii regis filia, quæ Alboino Langobardorum regi postea nupsit. Ex hoc loco videas regum Francorum filias in paterna domo adhuc degentes reginas appellari.

occurrit, eruitque prædictum equum duodecim aureis. Quo empto negotiator adducit ad stabulum. Sed quoniam minus dederat quam vir Dei præceperat, equus sub nocte moritur, ne Sancti verbum iret incassum. Unde sequenti die sellarem de stabulo junctis bobus extinctum retraxit emptor mortuum vehiculum, qui versa vice capistro non capite, sed pedibus alligatus educitur.

XXIII. Est operæ pretium illud memoriæ tradere, qualiter Sacerdos Christi solitus erat de ipsis quoque regibus triumphare. Igitur cum glorioso Clotario regi occurrisset ex solito, nec tamen de sancto Viro stante ante palatium ei fuerit nuntiatum, mora facta ante vestibulum non repræsentatus inde domum revertitur. Sequens nox in oratorio vigiliis ducitur, rex dolore atque febris infestatione torquetur. Vix primo diluculo ad domum ecclesiæ a proceribus concursatur; pœna regis exponitur, ut sua visitatione regis doloris vim mitiget optimates deprecantur. Mox apud pietatem injuriæ causa postponitur, qui ante nec nuntiabatur, intrat honoratus et exoratus palatium. Rex vix assurgit de lectulo, cæsum se divino flagello conqueritur. Allambit sancti palliolum, vestem Sacerdotis deducit per loca doloris. Culpam confessus criminis mox dolor omnis fugatur: idque actum est, ut cujus incurerat de contemptu periculum, sentiret tactu remedium.

XXIV. In pago Parisiaco Vico Novo (*Infra*, num. 40) res gesta est. Quidam in eodem loco impetu lupi rabidi laceratus et extra sensum effectus beato Sacerdoti miserenter oblatus est. Hic ad illa suæ artis recurrens suffragia, mox brachio olei benedicti liquore circumlito et sacris eo digitis medicabiliter attractato pestis illa quæ viscera dolore grassante pervaserat, loca fugit obsessa, et jam putredine resoluta, vigore pristino restituto, sine cunctatione velut expectrecto de sopore dolor recessit, mens rediit.

XXV. Item de Vico Mantola (a) Waldulfi cujusdam ancilla, anno et novem mensibus gravi cæcitate percussa, per soporem admonita ut fimbriam Sancti si tangeret, mox visum reciperet, die quadam sacerdoti occurrit; sed multa nocte circumdata ita constrictis luminibus, ut unde oleum benedictum injiceret, luminis additum non præstaret. Tamen peruncti palpebris desuper et locis reliquis capitis, oratione data, pane et sale signato, mulieri præcepit ad mansionem se condere. Ipse a primo somno in oratorio pervigil, circa medium noctis mulier clamat hospitem se lacrymare profuse. Tum accenso lumine ab oculorum compage cernit manare sanguinem. Quæ cum eodem cruore mane ad Sanctum rediit, sed ipse cum aqua palpebras fovens et ablvens, orationibus additis oculus unus apertus est; deinde altero peruncto mulier domum revertitur. Dehinc eadem sub nocte, nimium fuso sanguine, appropinquante die, Sacerdoti se obtulit. Qui cum de regis occursu domum revertetur,

retur, ingressus in oratorium statim mulieri alter oculus aperitur, et præstante Domino gemello se videre lumine gratulatur.

XXVI. Magnofledis [*Al.*, Rannoflidis] puella cum talibus decepta illuderetur insidiis, ut quoties ad ecclesiam voluisset accedere, gressum facere non valeret, servo Dei in villa Savara (b) præsentata est. Confestim ut Sancti manus super caput puellæ titubantis imponitur, tali investigatione occultus hospes [*Al.*, hostis] detegitur, et se diu latuisse multo gemitu confitetur. nec in Beati præsentia clamat proprio se posse celare præstigio. Ergo ita se proditum et egressum gravi ardore conqueritur. Interim non cessante sacerdote manu crucis signum depingere, expectantibus omnibus in muscæ similitudinem prorumpens, cum sanguine de naribus mulieris inimicus egressus est. Quam sanitati restitutam, monachali veste mutatam, Dei servitio traditam bis triumphare fecit, hoste victo vel sæculo.

XXVII. Quid illud quod sine mora curavit debilem dexteram? Cum ad festivitatem sancti Martini Turonis accessisset, egresso de monasterio offert se mulier barbara, manu nervis contracta, postulans medicinam. Quam sub casula receptam, suo sputo illitam velut sparsum farinæ collectum commacerat. Hinc resudante dextera digitos tendit et replicat, torporem veteratum ad vivacitatem resuscitat. Et priusquam veniret ad beati Martini januam digitis suis extensam reddidit incolumem dexteram. Quam mox sentiens esse directam, mulierem a se repulsus est [*Pro repulit*], ingressus basilicam.

XXVIII. Deinde egrediente de prædicta basilica, cum se ad mansionem servus Dei reciperet, offert se manca altera palma digitis affixa, quæ prius tacta de saliva, dehinc oleo peruncta, pristinae sanitati de præsentia est reddita. Nam causas infirmitatis hoc erat sancto Viro curare quod tangere.

XXIX. Erat sane mirabile, quoties famulus Dei ad Augustodunum voluisset accedere, mox ad Sanctum Symphorianum dæmones nuntiabant. Et occurrentes per Murvinum (*Num.* 32), fletu gemituque clamabant: Vir sancte, si de locis cultis nos inconsideranter repellis vel habitare, concede silvarum per solitudinem, ut liceat miseris per deserta securos errare. Ante tuos oculos nec corpora nos celant, nec nemora. Qui deflentes et Sancti non tolerantes præsentiam, admota ejus dextera de obsessis corporibus passim vertebantur in fugam, et de salute populi projecta dæmonia lamentabatur.

XXX. Producat in medium nobile illud miraculum. Cum regrederetur pontifex de sancto Symphoriano, castello Avallone (*Supra* num. 1) iter agens ingreditur, ubi reorum multitudo tenebatur ergastulo. Hinc a Nicasio comite invitatus ad prandium, Vir Dei cœpit de misericordia habere colloquium: ut datis fidejussoribus laxarentur de vinculo, et partem

(a) An castrum Medunta aliis appellatum? Certe vernaculum nomen *Mantes*, satis accedit. Vide supra, num. 18.

(b) Savara (*Sèvres*), duabus leucis infra Parisios, prope Meudonis castellum (*Meudon*).

culpæ cederet pietatis intuitu. Quod ille facere distulit obstinato spiritu. Unde antequam perpranderet, se de mensa Sanctus proripuit, et carceri subterraneo superjectus diutius oravit cum fletu, ut divino conferretur auxilio quod a temporali iudice non esset obtentum. Sic cursus ille lacrymarum per aera surgit in cælum, et gemitus pervenit ad votum. Itaque deputatur angelus ad effectum. Dehinc vir venerabilis spem promittens inclusos hortatur. Nec perdit sermo quod loquitur: fides gestis impletur. Eo discedente mox catenarum bacæ (a) franguntur, vinctæ januæ reserantur, dies in carcerem reducitur, damnati de tenebris in lucem procedunt, nec diutius pœna tenuit quos torqueret. Sic erepti, Parisios occurrunt pontifici, qui periclitabantur inclusi. Sed ut culpabilibus aliquid plus conferret, a rege quidquid fisco B pro his debebatur obtinuit.

XXXI. Dehinc ad sanctum virum Nicasius cum vellet occurrere, et jam præsentatus, mox gravissimo casu in terra prostratus est, et pene omnibus salutis destituto solatiis, ipso Sancto intercedente homini desperato virtus et sensus regressus est. Mox balteum quo cingebatur et spatam pro munere beato Germano contradidit: quod ipse comes dato pretio post redemit. Id actum est ut quod prius incarcerationis concedere distulit, hic duplicato fenore debitor compensaret, et aucta dote damna sarciret, prius pro eis differens, post et seipsum redimens. Ante non illis pius, modo et de se trepidus, didicit casu proprio ærumnis succurrere alienis.

XXXII. Prorsus illud stuporis retexatur in pagina. C Eunte sancto viro ad beati martyris Symphoriani occursum, dum de vico Cervedone in Murvino (b) progreditur, habitatores loci occurrentes suggerunt ut segetem Panitiæ [An., Pistoficiæ] mulieris viduæ nihil habentis residui, quæ ab ursis vastabatur, visitare præciperet, et sancto suo adventu repelleretur incursio. Qui concitus ministris irridentibus ad locum perducitur, et oratione data desuper fecit signaculum. Hinc instinctu divino in parentales bestias feralis ira succenditur, odium nascitur in affectu, in pace pugna committitur. Furore bestię bis armantur, statim præfocatur unus ursus ab altero, et ipse qui restiterat dum vellet foras egredi, sepis palo transfoditur. Sic utrique vastatores uno momento perimuntur et ipsi sibi confestim arma mortis effecti sunt. Post ipsi redeunti mulier pelles ursorum obtulit ex studio, et quasi victori suo representat spoliū, quod tamen omnino ipse recusavit accipere; et qui prius riserant, pœnitere cœperunt videntes miraculum.

XXXIII. Et quoniam de Dei dono non debet esse fastidium, illud etiam breviter ducimus explicandum. Beretrudis quædam mulier Munsunthi [Al., Mun-

(a) Bacæ, seu Baccæ, lauri vel juniperi fructus, item gemmas et mortuorum capulum significat, hic insolito quidem catenarum annulos.

(b) Cervedo (Cervon), vicus prope Corbiniacum, vulgo *S.-Léonard de Corbigny*, in tractu Morvinensi (le Morvan), qui tractus Burgundiam a Nivernis dirimit,

A suinthe] matrona, dum tempore litaniarum præ cæcatis oculis non posset ire cum populo, audiens chorum psallentium cum lacrymis domini Germani implorat auxilium. Tertia sequenti nocte per soporem visus est ei vir beatissimus astare prope lectulum et quasi cæcis oculis fecisse signaculum. Evigilans mulier marito narrat quæ gesta sunt. Mox stillante sanguine dies oculis redditur, et diuturnum post nubilum lumina sereno radio micuerunt. Clarescente quoque die ad missam cum populo progreditur mulier in processu, ita ut sancti viri sic visa per somnium esse imago remedium.

XXXIV. Adest nec minus laudabile reddita vita infantulæ. Cum in Turonico illustris viri Pienti matrona expositæ filiæ lamentaret extrema, et obseratis oculis nec anhelitu mobili respiraret infantula, ad sancti Viri præsentiam tota committit præsidia. Qui per missum invitatus, quantum valet ad conclamatæ puellæ cadaver [Antiq. Codd., cadaverem] properat. Exceptus multis fletibus, deplorante familia, appropinquat subsellio quo jam rigeat infantula. Cælo vim facit questibus. Fere transacto inter hæc unius horæ spatio, mobili singultu flatus puellæ reducit, viscerum vitalis calor per membra diffunditur. Dehinc [paulatim animata] potum poposcit ut biberet. Tunc a beato Viro pane signato vel calice degustato, infantulæ revocatæ de funere totum vertitur in salutem. Quæ post in monasterio beatæ Rade-gundis felicioris vitæ terminum consummavit.

XXXV. Quidam clericus de juxta monasterio beati C Sylvestri in Ternoderinse (c) cum die Dominico, ut loquimur ex consuetudine, caligas circinasset, debilitatem manuum vel pedum incurrit. Sed de beato Sylvestro gressus recepit officium; per soporem admonitus occurrit sancto Germano poscens salutis compendium. A quo interrogatus, causam culpæ confessus est. Tum imperat clerico ut clamaret per populum, nec quis temere die operaretur Dominico. Quo, quinto die transacto, superfuso oleo debilis palma dirigitur, et ad propria eundi cum libertate dimittitur.

XXXVI. In pago Amoniense (*Mosny* in Bria) quod gestum est replicetur. Rotegiaci [Rozoy] villa Parisiæ Ecclesiæ septem ei viri debacchantes oblatis sunt. Quibus curatis unus qui graviore vexabatur spiritu cum exire cogeretur, homini Dei professus est, expulso se de illo loco gravem lamentationem Parisiacis facere. Tunc fugata pestis de sancti viri Germani transitu famam fudit per populos, et pastoris pro obitu gregem movit in fletum. Qui tamen energumenus etsi seminavit mendacium, expulsus non defendit obsessum.

XXXVII. Et quia Justi opera crescere cgebant miracula, item in prædicto loco affertur ei paralyti-

(c) Ternodorensis tractus cujus caput Ternodorum, seu Tornodorum (*Tonnerre*), in Burgundiæ ducatu, extenditur usque ad monasterium Reomense, vulgo *Moustier-Saint-Jean*, cui tum sanctus Silvester abbas præerat. Lege Vitam sancti Joannis Reomensis,

cus membris dissolutus, carpento subvectus, gressu destitutus et actu. Quo sanctificati olei liquore perfuso cum cutis summa tetigisset, vigor medullas introiit. Dehinc redivivæ manus ad usum mobilem redeunt: thorace pectoris vitali appulsus fit fortior, genua columnaris imbecillitas roboratur (a), plantæ solidatis basibus subriguntur. Inter hæc tota membrorum fabrica reparatur: qui sanitate recepta, redeunte sancto viro occurrit in itinere, præparato exenio gratias Christo referens de reddito corpuscule.

XXXVIII. Nec hoc prætereundum est, qualiter simili merito claruit virtus in altero. Igitur Emmegesilus de vico Bucciaci (b), quidam puer admodum parvulus membris paralyticus in sella Parisios ad sanctum virum manibus bajulantium delatus est (c). Nec dextra vicens mobili, nec planta surgens stabili, nec lingua sonans volubili, totius debilitatis marcere captivus, quodammodo sine naturæ ordine in rerum natura præfusus. Quem Sanctus continuatim per triduum sacro liniens oleo, sanitati restituens uno sub momento voce, manu, vestigio. Cunctos stupor amplectitur, clamor in cælum educitur omnem artem medicorum sanctum superasse Germanum.

XXXIX. Item de eodem vico Bucciaci quædam occurrit Parisios ita manu contracta, ut unguium acumen palmam foraret in intimam. Qui tantum oris sui ducta saliva pollice, nervorum distentionem, manus reformat imaginem.

XL. Retinet ejus laureas et pagus Bituricus. Igitur Pastor bonus cum de vico Novigento ad Vicum Novum (d) visitandi regis cura solita pervenisset, offertur quædam vetula annorum his quaterna gerens in cæcitate curricula. Cujus super oculos signum nostræ redemptionis Sacerdos imponens, imperat ut sequens iret qua Pontifex pergeret. Altera quoque die cum prædicto occurreret ei ex improvise, sanguinem manantem de lumine largo fonte salutem suam oculi lacrymabant. Quæ inter reliquos astante sancto viro conspicitur. Qui tollens se de consessu, mulierem ut pote cæcam trahit in diversorium, quo sibi erat cubiculum. Cujus lumina aqua tepida suis manibus ablens, diem refudit in oculis. Quæ mox lucem inspicit, sancti viri digitos insatiata gaudio suis immersit faucibus, pariterque ministris compunctione deflentibus videre se hominem qui cæcis pro

A pecunia in domo lumina dispensaret. Sed hæc in cubiculo præsentem me gesta sunt.

XLI. Cum ad possessionem ecclesiæ quæ dicitur Inethe (Al., in Æthe), Sacerdos accederet, quidam ei fit obvius, conquerens de quadam villa se solum incolumen esse, universos vero accolæ gravi lædio laborare. Cujus eulogiis ad infirmos portatis, statim ab ægrotis languor omnis fugatus est, et primo gustu eulogiarum morbus cum pane consumptus est. Sic fuit ab illa turba cum esca sanitas manducata!

XLII. Item cum Parisios ad basilicam beatæ crucis (e) vir Dei procederet, mulier parvulum in albis ultimo flatu palpitantem et jam migraturum ante Sanctum exposuit dicens: Pie Pater, si velles ad lamentantem respicere, mater flebilis non orbarer. Neque hinc discedere malles plenam gemitu vacuatam de fructu. Et nisi festines succurrere, vides infelicem extorquente morte rapi natum ab ubere. Aut filium restitue, aut pariter cum ipso funeraturam me obtine. Indulge, pastor, miseræ quam suus dolor facit audacem. Qua flebiliter poscente, mox ut Beati dextera supra expirantem signum crucis impressit, quasi vigil de sopore lac matris expetiit, qui jam frigebat in funere. Ita momento temporis filius de mortis fauce, mater tollitur de mœrore. Hinc circumstans populus stupore concutitur, fragor in partes attollitur, gratias Creatori referentes de præmio tempore Sacerdotis præcipuo, a quo morbis jugiter et mortibus imperetur.

XLIII. Deinde accedente in Bradeia vico (Brie-Comte-Robert, in Bria), pagi Parisiaci, missa celebrata, et in sacrario cathedra deportata offertur paralytica universorum membrorum damnata gerens officia, nullum vigorem retinens plantæ vel dexteræ. Mox habens in eo fiduciam, qui dona sibi larga præstabat, eam ut vitalis olei benedictione superlinivit; statim morbus excluditur, salubris vigor illabitur; recreatisque visceribus, melius renascitur saluti quam germini, plus acquirens ex munere quam sumpsisset origine. Ita ut suis postea manibus tunicam Sancto faceret quasi acquisitæ tributaria medicinæ.

XLIV. Tradidit memoriæ quod juvat in laude. Itaque Audegisilus major domus regiæ cum quartano typo graviter ageretur, occurrit beato viro, fidens de beneficio. Homo Dei in sua cella deputat, et cum uno diacono residere jubet inclusum. Tum anxius et jejunans minister, quid faceret excogitat trepidus

(a) Ita Mss. Codd. Legendum tamen videtur: *Thorax pectoris vitali pulsu fit fortior genuum columnaris imbecillitas*, etc.: nisi forte genua adjective sumatur.

(b) Bucciacus (Poissy), paulo supra Lutetiam, inter Sequanam et Matronam.

(c) In pluribus Mss. hic inseruntur ista verba: « Per triduum voce, manu, vestigio, pudore concutitur, rumor in partes tollitur, gratias creatoris referentes, hominem a quo morbis jugiter et moribus imperetur. » Sed cum textu non bene coherere videntur.

(d) Fortunatus, supra, num. 26, mentionem fecit Vici Novi quem juxta Parisios locat. Hic idem omnino esse videtur apud Bituricas a quodam Gallico para-

phraste perperam quæsitus, cum solita cura a sancto Germano visitaretur. Fuit proinde mulier illa Bituricensis diocesis, sed nequaquam Novigentum, vel Vicus Novus. Sancti Clodoaldi vicus, vulgo *Saint-Cloud*, olim Novigentum dicebatur. Vero tamen simile est hunc locum interpretandum de Novigento silvæ Vincensi (*Vincennes*) proximo, a quo non longe distat Villa Nova sancti Georgii communiter appellata.

(e) Basilica sanctæ Crucis, alias sancti Vincentii, nunc sancti Germani Pratensis, in suburbio Parisiensi. Lege Vitam sancti Droctrovei abbatis, num. 13. Amanuensium interpretatio est id quod in nonnullis Mss. Editisque libris additur, *in suburbio ejusdem civitatis positam*.

unde curaretur infirmus. Idcirco febricitantem virum Dei Servi rachena (a) undique obvolutum componit ejus in lectulo. Eadem quoque die tactu vestis nobilis quasi impetu fluminis, ita quartanæ febris ignis omnis exstinctus est. Et redeunte de prandio, reserato cubiculo, sanus surrexit e lectulo, exultante ministro pro sanitatis præmio, tunc sibi resolutum jejunio. Sic tactu Beati vestis salutem operatus est absens.

XLV. Exsequamur itineris accepti viaticum. Itaque cum Pictavis (*Poitiers*) vir Dei ad beatum confessorem proficisceretur Hilarium, quædam Baudo Feifa de Sene Corbiaco (*Secorbî*), villa inter duos vix advecta ei repræsentata est, quæ erat muta, clauda vel manca. Lingua rigeat immobilis, anhelitu palpitante, pars erat tota de funere, ut videntibus oculis reliquum esset cadaveris. Super quam misericorditer ut signum sacræ crucis expressit, confestim omnis vigor per membra diffunditur, venarum fluxuosi rivuli suscitantur, nervorum imbecillis stupor excutitur, naturalibus motibus ad vitalem usum tota fabrica renovatur. Mox linguæ plectrum resolvitur, digitorum glomi tenduntur, pedum bases solidantur, totam quæ viscerum molem hoc fuit apud sanctum vivificare quod tangere. Quæ convalescente medela tertia die ad civitatem Sancto gratias referens suis occurrit vestigiis.

XLVI. Operæ pretium creditur etiam illud insere curationis præconium. Pago Vindocinensi (*Le Vendomois*), vir beatus dum præteriret, in Ransidonem (*Ranscé*), manendi gratia declinavit: ubi tanti robur benedictionis invaluit, ut stipulam lectuli in quo vir sanctus requievit, quisquis fideliter abstulit, donum medelæ portaverit, et de semine paleæ frugem meteret medicinæ.

XLVII. Reddat hic testimonium nobilis facti urbs Nannetum (*Nantes* in Armorica). Quo vir Dei accedens, religioso admodum exceptus obsequio, occurrit ei Tecla Damiani matrona hominis prompti negotiis, supplicans ut virum suum aut ipse pastor, aut missi sui requirerent. Quo quia ipsi fuit accessus difficilis, cum chrismariis (b) suis diaconum direxit. Qui percurrrens ad hominem ut sibi jussum fuerat, infirmi viscera tangit. Altera die exoratus ipse sacerdos accedit ad debilem, qui duplici sub tortore, hinc pressus valetudine, inde podagræ vulnere cruciabatur homo miserandus procaciter. Tum Sacerdos Altissimi infirmum oleo benedicto perunxit. Eo momento debilis statim manibus directis longinquo de languore gressu solidato prosilivit.

XLVIII. Sed ut duplicaretur in una domo mysterium, et quæ præcessit in patre medela perveniret ad prolem, habentes filiam, offerunt ei, nomine Mariam cæcam, surdam et mutam. Exponunt vivum cadaver [*Al.*, cadaverem] ante sancti vestigia dicen-

(a) Alii scribunt *rachana*, sed utrumque recte, a verbo Græco *ράχη*, quod divulsiones significat. Unde *rachana*, villis et lacera vestis Vossio de Vitiis serm. videtur. Sed aptior huic loco Menardi nostri interpretatio in Concord. tegul., pag. 921, ubi *rachanas*

ates : Bone pastor, adhuc quod huic languidæ medicinæ restat impende. Nam tibi credimus reservatum, unde teneres præconium, ut restituta familia acquirat a sacerdote quod amisit de germine. Tunc pietas insignis advocatur in lacrymas; mox ad militiæ suæ belliger arma convertitur, et ad obtinendam victoriam preces offert fortis orator. Tunc vir beatus surgens ab oratione, oleo benedicto loca perungens capitis, in Trinitatis nomine trino depulso languore, statim patefactis aurium oculorumque meatibus, plaudentibus universis muta loquax effecta est. Quo facto negotiatores civitatis Nanneticæ quisque sui remedium, pecuniam, ut potuit, sancto viro dispensandam pauperibus devote vel obtulit vel direxit.

XLIX. Leudegesilus vir illuster juxta quod ipse professus est, cum aliquis ex familia sua domus incurreret typum cujuscunque febris aut aliquid frigoris, lavans illas litteras quas in subscriptione manus Sancti depinxerat, quamplures suos hac medela saluti restituit.

L. Breviter his perstrictis prosequamur ex reliquis. Chusinus quidam incongrue dum die Dominico equo curam impenderet, missa manu in vulnerem digitus ejus intumuit. Hinc, grassante fervore, tota pars brachii relaxatur putredine. Qui per Belsam (*La Beauce*) Sancto itinerante ut ad domum suam diverteret precibus fuis obtinuit. Mox ejus brachium vir Dei aqua callida confovit; insuper oleo benedicto perungens superpositis caulibus foliis mirificus medicus alligavit. Sic quidquid inerat ulceris, pretiosa cura restinxit. Post ipse gratias referens sancto viro occurrit tali curatus malagmate.

LI. Item servus ecclesiæ, Libanius nomine, die Dominico sepe inconsulte dum clauderet, manus ei contractæ sunt ultione præsentis: qui ad sanctum virum Parisios morbo castigante percurrit. Quem olei benedicti liquore perfusum ac mysterii potius unguento respersum addita oratione incolumitati restituit.

LII. Per singulorum compendia currant rerum miracula. Namque Andulfus Ecclesiæ Parisiacæ clericus dum die Resurrectionis [*Id est die Dominico*] in vincula sua nubes ab arbore excuteret, pro eo quod operatus est in die illuminationis, cæcitate percussus est, et vultu tenebroso perstitit anni spatio. Dehinc Pontifici oblatus, et sancto unguine perfusus, diel rursus redditus, et sacerdotis serenum purgavit clerici nubilum. Sic quidquid minister amisit medicabilis præsul obtinuit.

LIII. Et quia crescunt genera miraculorum per tempora; cum regi præsentandus vir beatus occurreret villa Roteiaco, clericus ei nequitiae spiritu vexatus adducitur. Unde expulso adversario videntibus circumstantibus, velut avis parvula de capite energumeni, umbra fugata, egreditur. Quam dum reliqui pro lectorum operimentis usurpat. Alibi tamen Vossii expositio quadrat, ut in lib. II Vitæ sanctæ Rade-gundis, num. 4.

(b) Chrismaria vasa erant ad recipiendum Chrismas.

per domum volitantem insequerentur, ipse Sanctus A suis eam contrivit vestigiis : et cum pede compri-meretur, conversa est repente fallax in sanguinem, geminato præconio, ut nec calcaretur, et sui casus indicio multifarius artifex fieret sanguis, reus sanguinum.

LIV. Producat pagus Oximensis (a) inter nostra quod suum est, ne teneatur in obscuro posteritati res luminis. Siquidem vir sanctissimus ad villam Tasi-liacum (Ville-Taillac) cum declinasset itinere, offer-tur et mulier cui duplex morbus erat, inde vetustas, hinc cæcitas. Salutem deprecari verbis trementibus incepit. Qua supplicatione motus senis mulieris et debilis oratione præcedente oleo superfuso, lucernæ oculorum reddunt luminis radios, et datis speculari-bus tenebræ fugerunt. Qua illuminata, Deo reddentes B gloriam per quem Christus operatur, astantes sancti Germani præconati sunt merita.

LV. Dinumerandi sunt morbi, ut prædicetur fons medici. Daningus Ardulfi filius ita capite, oculis et totis hydropis morbo tensus erat visceribus, ut in utris similitudinem quasi totus venter esset, pene-tratis vitalibus velut vitrum perlucere infecta cutis intrinsecus. Qui a medicis desperatus, ad Beati con-fugit extrema sorte remedium. Quem mox vestibibus exutum et sacris manibus perunctum, hydropis in-clusus liquor liquore consumitur, et aqua infusione olei desiccatur. Sic modo admirabili nec humor foris egressus est, nec intus languor retentus est, arte prædicabili humorem ex humore siccari.

LVI. Item cum ad basilicam beatissimorum Ger-vasii et Protasii vigilaturus accederet, quidam cæ-cus institit misericordiam postulans. Cui vir Dei præcepit inter altare et sanctorum reliquias ut jace-ret. Quo peracto primo diluculo, mox super oculos signum crucis intulit, lux effulsit. Et totus labor medici curam virtute crucis impendit.

LVII. Mulier de Oximense petens redemptionem a sancto viro, qua sorte, nihil accipere meruit. Dehinc Britannum presbyterum pro infirmitate rectoris pa-triæ suæ benedictionem prædicti et reliquias expetiit. Qui iter suum egrediens, mansionem in villa qua prædicta mulier habitabat obtinuit. Quam maritus allocutus ut sicut alii et ipsi ad reliquias domni Ger-mani occurrerent. Quæ despexit pro eo quod ei san-ctus vir redemptionem non dederat. Sed statim in D loco quo stetit velut fixa stipite gressum movere non

(a) Vicus Oximensis (Hyesme), in Normannia, ex sancti Ebrulfi monasterio nomen accepit, vernacule *Saint-Eurouli*.

(b) Phrasin inusitata et Fortunato peculiaris, ab eo iterum in lib. I Vitæ sanctæ Radegundis, num. 14, usurpata, sed utrobique in libris editis depravata foedissime. Hunc locum Surius recentiorum exem-plarium fidem secutus ita exhibet, « Vigiliis in honore sancti eodem in oratorio devote celebratis ac missa, de præsentis curata est. » Omnino vero exemplaribus veterrimis in nostram lectionem coeuntibus subscri-bendum. Quid ergo *missa* revocata? Nempe dies festus annua vertigine recurrens. Patet ex conc. Pistensis cap. 3 : « Communi placito constituimus, ut usque ad missam (sancti Remigii), hoc et kalendas

potuit : manibusque contractis ad reliquias sancti, manu mariti portata est. Inter hæc dicti pœnitens, miserante pio viro salutis reducta est, confitens ejus despectu sibi repentinum accessisse periculum.

LVIII. Et quoniam suo merito semina salutis per quæque loca dispersa sunt, contigit ut venerabilis Flameris abba de Cadone (*Chinon*, supra Ligerim) Turonico, manu beati Germani subscriptam acce-pisset epistolam. Qui cum suum monachum per duos annos febribus decubantem ad lectulum visitaret, re-quirat infirmus unde venisset pagina. Respondit abba a Domino Germano sibi fuisse directam. Quam petiit sibi porrigi. Qui de subscriptione ejus lingua deter-gens litteram, salus descendit in viscera, et atramenti pictura cuncta vicit unguenta. Unde approbatum est languido recuperato ut dicamus communiter, de Sancti subscriptione sibi salutem linxisse.

LIX. Dehinc cum ad Carnonam (*Charoy*, in tractu Wastinensi) castellum accederet; quidam se ei in-gerit manu contracta debilis pro eo quod die Domi-nico aliquid operatus sit. Quem præcepit in villa Cariaco (*Chevy*) post se festinum occurrere. Quo accedente, dum digitos ejus sacro perungeret oleo, subito sicca palma revirescit ex altera. Astrieta cutis ossibus intercurrente humore relaxavit articulos. Juncturæ pene disjunctæ retenduntur in digitos, ariditas diuturna suffusa reflorescit in vena, statim-que vulnere clausa dextera inter manus medici sana redditur et distensa.

LX. Accidit ut sanctus vir remeans de Namnetico, domum Nunnichi illustris [Al. illuster] illustraret et vestigia. De cujus veste matrona, rapto fideliter filo, recondit in oratorio; quæ valetudinem irruens [incurrans], vigiliis in honore sancti solemniter celebratis ac missa revocata (b) de præsentis curata est. Ita Beatissimus non solum manu sanavit quod tetigit, sed nominatus curas sparsit.

LXI. Attila vir illuster ac regalis aulæ domesticus, corruens in balneo, læso graviter brachio, compu-truerat ipsa tota manus ab humero. Qui medico adhibito dum curam velet impendere, rupta vena viscerum pene omnis in momento vitæ sanguis effusus est. Nuntiatur Pontifici hominem esse in funere. Pietatis impulsu, occurrit senior. Quem la-crymis conclamantum sine ulla spe oculis clausis oppressum invenit expositum. Cujus vix adaperit fauces cum cultelli manubrio, oratione prius data,

Octob., spatium habeant illi qui in istis temporibus istas deprædationes et alia male facta criminaliter et publice fecerunt, ut inde apud Dominum et apud eos (quibus) *malefecerunt* se pacificent. » In capitul. lib. II, cap. 10, Carolus Magnus monetæ emendandæ concedit spatium usque ad missam sancti Martini; et cap. 20, pontibus resarciendis ad missam sancti Andreæ. Si igitur missa sancti Remigii, sancti Mar-tini, sancti Andreæ pro die ipsis dicato sumitur, ut ex locis adductis manifestum est, recte et ad textum apposite Fortunatum hic de anniversario, ut loquun-tur, festi sancti Germani recursu interpretari licet, nec aliter fortasse licet. Cum enim de sacro sancto missæ sacrificio is auctor agit, non recedit ab usitatæ loquendi more, supra, num. 43.

intulit ei in ore paululum aquæ frigidæ semel, secundo vel tertio. Interim exspectans quis esset rei exitus, assedit circa lectulum. Transacta fere hora, redivivo singultu exanimatus concutitur, ac mollis motu anhelitus evocatus reducitur. Faucium meatus relaxatis visceribus spiritu intercurrente reducitur, paulatim convalescens, vita de morte revertitur. Dehinc quasi de sopore expergefactus, interrogat ad caput ejus quis fuit. Adesse domnum Germanum a circumstantibus dicitur. Postulat manum Sancti sibi dignanter porrigi, ita incipiens alloqui : Domne, tu me revocasti longo eunte itinere. Statimque obtulit saccalum plenum pecunia et balneum ampli ponderis, quos pauperibus erogaret mercedem vitæ vel gratiæ.

LXII. Pergens Augustodunum vir sanctus Rotagiaco (*Rozoy*, in Bria) dum pervenit, comperit ab Abbone quosdam retrusos in carcere. Igitur pro absolvendis supplex tribuno suggerit ; sed ille durus non annuit. Hinc ipse cauto consilio dum dicit se campum circumire, currit devotus ad carcerem. Itaque ad exorandum provolutus sternitur, ibique tempore nocturno catenæ discussæ sunt, validus tormenti rigor ad fragmenta redigitur sera gravis illiditur, postis cardine vellitur, feralis carcer recluditur, damnati ad vitales auras quasi redeunt de sepulcro. Ita fit ut ei Rotagiaco matutino tempore ingressi occurrerent : et qui Sancto non præstitit pro absolutis reis, tribunus reus effectus est.

LXIII. Igitur cunctorum salutis semper instans sollicitus, cum Bituricas (*Bourges*) accessisset pro ordinatione Felicis episcopi, prædicante sacerdote Sigerius quidam Judeus fidei sacramento percepto conversus est, habens in Judaismo Mammonam nomine conjugem. Quæ cum de conversione nec mentionem reciperet, et per missos Beati admonita refugeret, facta ab eo vigilia Doctor ipse profectus est. Quæ cum beatum virum nec visu vellet intendere, cantato cursu tertiæ, manum suam Pontifex ad mulieris frontem dignanter admovit, pietatis ex opere. Statim a circumstantibus de mulieris naribus scintillante igne fumus egredi visus est, ut cunctis claresceret, ejecto insidiatore mulierem usque tunc illum salutis suæ repugnasse per obsidem. Tunc exonerata inimici fasce, respirans confessa est nunquam se prius faciem beati viri potuisse conspiceri. Qua petente ac precante, effici Christiana cum propria domo promeruit, et quasi capite subdito exemplo ejus multi Judæorum conversi sunt.

LXIV. Decet hic illud inseri, qualiter peregrinula sit revocata lux oculi. Itaque pergens Augustodunum pro ordinatione Syagrii episcopi, huc inter reliquos cives Florentinus illuster pro consensu delatus est habens nævum in oculo speciositati derogans aliquantulum ne florens haberetur in vultu. Interea dum laudes acclamantur episcopo, a quodam ignorante ex improvviso percutitur eodem in oculo, evulsoque de loco cœpit supra maxillam dubio pendere cum visu. Qui cursu præpropere ad beatum Germanum cum

clamore prosequitur, multa ipse concrepitans, ut loqui solet calamitas. Tunc sancti Germani manu lumen in locum reducitur, et ab eo ad beatum Symphorianum dirigitur. Qui pro ipso tandiu vigiliis institit, donec amissus oculus purgata pristina macula addito beneficio integrior redditur, et melius redit post vulnera, quam quod natus erat per naturam. Qui Florentinus (*Florentinus episc. Matiscon.*), deinceps Matiscone (*Mâcon*) ordinatus est episcopus.

LXV. Quanta vero fuerit virtus ejus signaculi, adest inter reliqua res ista testimonii quæ producitur in sequenti. Cum de basilica sancti Martini ad villam sanctæ ecclesiæ Severiaco (*Sivray* apud Turones) recurreret, adjungit in itinere quemdam Amantium juvenem, quem deprehendit a Judæis duci nexum in ferreis. Requiritur quid fecerit. Puer respondit veraciter ob hoc duci in vinculis, quia se recusaret legibus subdi Judaicis. Tunc dissimulabant cum clave Judæi vincula ferri reserare. Facto a sancto viro desuper crucis signaculo, mox ferri sera revellitur.

LXVI. Itidem cum Parisios ad basilicam sanctorum Gervasii et Protasii orandi causa procederet, januis obseratis ingressus illi negatus est. Tunc requisitis clavibus, nec ipsis aperientibus, sic reseravit pessulum, facto crucis signaculo. Stupor animos invasit præsentis miraculo, aperiri de virtute quod clave duce non potuit. Ilæc quoque veneranda præsentis me gesta sunt.

LXVII. Et quia beato viro nullum obstitit metal-
C lum, cum ligna, saxa, ferramenta ante ipsum soluta sunt, accidit una dierum Parisiis orationem cum daret ad ostium carceris, sequenti nocte trusus apparet lumen in carcere. Visus est eis admonere quod foderent ut foris procederent. Qui dicentes ad invicem domnum Germanum se vidisse, et signa singuli referunt. Inventa costa de pecude, fodientes amovunt lapidem, et prædicto amico Dei occurrunt ad ecclesiam matutino tempore, cum rediret ad requiem. Sic multis causa salutis fuit imago Pontificis, et ad vicem beati Petri dedit nostri Sacerdotis ipsa figura remedia.

LXVIII. Dehinc illis ereptis, tribunus civitatis sævire cœpit in milites, deputans eorum fuisse negligentiam, quod viro sanctissimo deputatur ad gloriam. Conversa in custodes iracundia iudicis, qui solebant asservare, tradidit servandos in carcere, et ablatiis clavibus iudex fit custos custodibus. Interim vir beatus tribunal vocat ad prandium. Ac dum pariter sederent in eodem convivio, ad mensam sancti viri occurrunt et ipsi qui fuerant missi pro reis in compede. Claves habens in manibus cum tribunus de ereptis vix crederet quod videret, agnoscens se sic custodisse similiter sicut et milites carcerem, data vicissim venia, culpa transit in gratiam.

LXIX. Inferat Aurelianus (*Orléans*) nobile viri præconium. Qua de civitate vir sanctus progrediens damnatorum voces exaudivit in carcere, quo certe subterraneum habebatur ergastulum. Quo super ascendens et prostratus accubans orationem dedit

amicus Christi cum lacrymis. Prorsus obtentu oraculi insequenti nocte carcere patefacto ab basilicam sancti Aniani confugiunt. Et ita beatus Pontifex quamvis prælereundo post se reliquit suffragium.

LXX. Non fastidium sit audire quod Christus præstat fidelibus, dum miraculorum simul virtus crescit et numerus. Itaque Sanctissimo occurrit quidam Parisius, cujus quasi pugnus extuberaverat oculus, ut etiam dictus vergeret in ruina post vulnera. Quo regnante vir Dei de saliva oris sui oculum illiniens, medelam luminì revocavit et gratiam.

LXXI. Moverta [*Al.* Noverca] quædam Parisiis pustulam habens in brachio, cruciata doloribus, occurrens beato viro, pari medicamine tactu salivæ curata est.

LXXII. Sed si exsequamur miraculorum singula quæ suis gestis præsentì floruerunt in vita, hæc sine fine sunt cœpta, non erit modus in pagina. Quia quæcumque Pontificis se convertit præsentia, nulla morborum generibus defuit medicina et quanta se obtulerunt languentium vulnera, salutis fudit tot semina. Namque prima Pontificis exsequamur vel ultima, cum per salivam oris sui multa curata fuerint ulcera, purgata sint energumena. Ante quem quamvis occulte venisset hostis nequitia, statim se manifestavit fraudulenta fallacia: ac de conspectu sancti viri quia celari non poterant, nec tolerabant præsentiam, terribili ululatu sua gemebant incendia, passim per loca volitantia exponebant et crimina, suspensi per aera: frequenter nec interrogati confitebantur et nomina. Cum sæpe suo impulsu currebant ad sanctum virum crucianda dæmonia. Cujus minister quo loco Sancti tenebat baculum, illic energumenus pendebat religatus aëro vinculo, et quasi clavis affixo tenebatur vestigio.

LXXIII. Et quia sancto viro sæpe inimici tendebantur insidiæ, ut aut equus lapsus incurreret, vel ramus arboris tangeret, aut aqua vallis vel glacies periculum generaret; mox qui aut quanti aut qualiter totum energumina factum omne confitebantur et numerum. Cum vero pedem efferret de domo vel ecclesia, videres strages dæmonum ante tanti Pontificis ac triumphatoris obtutum. Cadebant circa Sancti catervatim vestigia diversis modis effusa: hæc muta, illa clamantia; illa fixa, hæc lubrica. Et velut ad judicem dum gesta referrent propria, non effugiebant tormenta. Sed ad Sancti præconium quanta est hæc laudatio, cum ineffabiliter multa et stupenda ab eo fierent sub momento?

LXXIV. Cæterum elemosynis quantum fuerit pro-

(a) Scriptores antiqui *cursus* seu *decursus* nomine divina officia, sive horas, ut vocant, canonicas intelligebant, quod persolvantur quotidie ac decurrantur. Regula sancti Macarii, cap. 9: « Cursum monasterii super omnia diliges; qui vero sæpius orare voluerit, uberiorem inveniet misericordiam Christi. » In Vita ms. sancti Serenici abbatis (*sæculo vi Bened.*) hæc leguntur: « In orationis autem studio tantus illum fervor accenderat, ut absque peculiari supplicatione Romanum seu Gallicanum, et sanctorum Patrum Benedicti seu Columbanii cursum horis sin-

digus, explicari non poterit, nec si totius populi vox in uno se glutinet. Qui frequenter contentus casula vel tunica, quidquid erat residui, nudum pauperem vestiebat, ut inops calefieret largitore argente. Quanta etiam fuerit redemptionis effusio, nullatenus explicabitur vel loco vel numero. Unde sunt contiguæ gentes in testimonium, Hispanus Scotus, Brito, Wasco, Saxo, Burgundio, cum ad nomen Beati concurrerent undique liberandi iugo servitii. Cum vero aliquatenus nihil esset præ manibus, tristis sedens et anxius severior in vultu, austerus erat alloquio. Tunc si fortassis ab aliquo invitaretur ad prandium, compellebat convivas aut ministros proprios, ut conferentes pariter unde vel unum captivum servitio liberarent, et sic aliquantulum Sacerdotis respiraret animus ex mœnore. Quod si Dominus aliquid per manus Sancti dispensandum alicunde dirigeret, mox in spiritu prævidens solitus erat dicere: Gratias agamus divinæ Clementiæ, nam unde fiat redemptio appropinquavit. Continuo sine ambiguitate præsens probabatur effectus. Quod dum accepisset in manibus, resoluta ruga frontis vultu florebat senior, gressu pergebat alacrior, lingua fluebat jucundior: ut crederes hominem pro redimendis aliis se ipsum servitutis vinculo liberandum.

LXXV. Quis vero digne repetat quanta virtus verborum ab ore rotabatur cum prædicaret in populum, ut omni litteraturæ nasceretur stupor, et fieret in commune generalis compunctio, atque ex ore dicentis crederes ut verba formarentur ab angelo, dum plus quam homo loqueretur translatus in mentis excessu, cum abrais maculis sinceritate dogmatis pectora plebis, cogeret divinis effragare pigmentis.

LXXVI. Qui equitans in itinere, semper Deo aliquid aut verbo contulit aut cantavit, cursum (a) nudo capite dicens, etsi nix aut imber urgeret. Cum vero venit ad mensam confestim recitans adfuit minister divina colloquia, ut inter cibi fercula animi pastus alimento plus saturaretur conviva. Nullum tempus interpolans quo non aut aliis prodesset, aut non ipse proficeret.

LXXVII. Quantam vero vigiliarum curam semper impenderet quis enarret? Aut toleratos algores ardore fidei prædicet? cum frequenter in lectulo antequam reliquos de sopore commoneret assurgere, quin quaginta psalmos vel amplius, indefessus in templo sui pectoris Domino decantaret. Sed quis illud furtum felix [*Al.*, felicem] vel auditu senserit vel visu deprehenderit, cum ipse de lectulo frequenter sine gulis Domino decantaret. » Ubi particula *seu* utrobique copulativa est, nec cursus Romanus hic alius est a Gallicano. Nam Gallos olim Romanos appellatos in Vita sancti Samsonis episc., præfat., pag. 163, observavimus (*in Actis sanct. ord. sancti Benedicti*). De cursu Gallico iterum mentio fit in Vita sancti Walarici abb., apud Surium, 1 April., num. 14. Porro nihil hac voce usitatus apud Gregorium Turon., qui librum unum de cursibus ecclesiasticis a se compositum in lib. x Hist. commemorat.

caligis, ne sentiretur ab aliquo, perrexit in oratorium, nullum sibi cupiens testem in illud [*Al.*, illum] furtum præter Christum occurrere. Qui celebrata vigilia remeans ad lectulum quasi nihil egerit, tunc primum reliquos excitaret. Quanta vero ad psallendum fuit constantia, dum velut ferri rigore induta caro subsisteret, cum saxa frigus decrustaret, et aquas in crustam verteret? Qui cum suis visceribus dimicaret et vinceret, pene seipsum obliviscens, ut domestico tormento superato corpore de se triumphum in pace factus martyr acquireret : ut, se mutantibus clericis, sine vicissitudine ipse decantandi modulamina non finiret. Cum pene hoc incredibiliter dicitur quod scitur : quia tertia noctis hora ingrediens in ecclesiam, non est egressus ulterius psallentium ab ordine, donec clarescente die, decantatus solemniter cursus universus consummaretur ex canone. Cum vero domum regrederetur fatigatus ætate vel frigore, aut illata diversorum inquietabat suggestio, aut ab ipso requirebatur ubi præberet suffragium : ut etiam ad requiem reclinanti, vel paululum de querelis occurrentium afflictorum vel pauperum, crux pararetur in lectulo; postponens suas injurias, ne suggerentem

A premeret illata necessitas. Paratus pro misericordia, semper currens pro venia, pater et pastor populi ad se alienas causas transferens et querelas, aut pro parte mitigabat, dolores compatiens aut quantum posset ex toto curabat corde subveniens.

LXXVIII. In tantum quoque sacris amplificatus provectibus, etiam diem beati sui transitus ita prædixit ut subdimus. Ante aliquos dies nam vocans ad se notarium suum, imperat in cubiculum supra lectum suum scribere hoc tantummodo, sed nescientibus (v Kalendas Junias) omnibus quid hoc esset; post ejus Sanctus discessus manifestavit de sæculo; nam neque hoc Dominus familiari animæ abscondere pertulit. Denique eadem die post peractum prælium Beatus migravit ad Christum. His et consimilibus studiis occupatus ac semper intentus fere octogenarius per orbem mirandis actibus asciscandus martyribus, apostolis aggregandus, glorificandus meritis, coronandus in populis, ereptus corporeo vinculo, immaculato spiritu beatis fidei dotibus perpetualiter victurus, victor evolavit ad cœlos, (a) regnante Domino nostro Jesu Christo, cui est gloria, honor et potestas in sæcula sæculorum. Amen.

(a) De sancti Germani obitu Gregorius Turon., in lib. v, cap. 8, ita scribit : « Eo anno (primo scilicet Childeberti junioris, Christi 526), et beatus Germanus Parisiorum episcopus transiit : in cujus exsequiis multis virtutibus, quas in corpore gesserat, hoc miraculum confirmationem fecit. Nam carcerariis acclamantibus, corpus in platea aggravatum est, solutisque eis rursus sine labore levatur : ipsi quoque qui soluti fuerant id obsequium funeris usque ad basilicam in qua sepultus est, liberi pervenerunt. Ad sepulcrum autem ejus multas virtutes Domino tribuente credentes experiuntur : ita ut quisque si justa petierit velociter exoptata reportet. Si quis tamen strenuas virtutes illius quas in corpore fecit, sollicite vult inquirere, librum vitæ illius qui a Fortunato presbytero compositus est, legens, cuncta reperiet. » Et lib. de Glor. conf., cap. 90 : « Ingrediente, inquit, Chilperico rege in urbem Parisiacam, postridie quam rex ingressus est civitatem, paralyticus qui in por-

ticu basilicæ sancti Vincentii, in qua beatus Germanus requiescit in corpore, residebat, dirigitur. » Addit Aimoinus in lib. iii de Gest. Franc., cap. 16, « quod cum regi nuntiatum foret magna cum devotione illuc adveniens, et tanto gavisus miraculo ejus epitaphium his distichis rhythrice composuit, » ab Aimoino fortasse expolit.

C *Epitaphium sancti Germani per Chilpericum regem.*

Ecclesiæ speculum, patriæ vigor, ara reorum
Et pater et medicus, pastor amorque gregis,
Germanus virtute fide, corde, ore beatus,
Carne tenet tumulum, mentis honore polum,
Vir cui dara nihil nocuerunt fata sepulcri :
Vivit enim, nam mors quem tulit ipsa timet.
Crevit adhuc potius justus post funera ; nam qui
Fictile vas fuerat, gemma superba micat.
Hujus opem ac meritum muris data verba loquuntur,
Redditus et cæcis prædicat ore dies.
Nunc vir apostolicus rapiens de carne tropæum,
Jure triumphali confidet arce poli.

SANCTI GERMANI,

PARISIENSIS EPISCOPI,

EPISTOLA AD BRUNICHILDEM REGINAM.

Domine clementissimæ atque præcellentissimæ, et nobis semper piissimæ domine et in Christo sanctæ Ecclesiæ filiæ Brunichildi reginæ Germanus peccator. Quia charitas congaudet veritati et omnia sustinet et nunquam excedit, propterea ex contribulato corde et ex intima animi dilectione audemus vobis suggerere. Quia eo tempore quando minor erat numerus populi Christiani, et cum Dei auxilio licebat residere quietum, cum apostoli dicebant : Ecce

nunc tempus acceptabile, ecce nunc dies salutis. Nunc e contrario tam funestos et luctuosos ante oculos habentes dies, flenter dicimus : Ecce dies tribulationis et perditionis nostræ adveniunt. Væ nobis quia peccavimus. Si nos istæ conteruissent amaritudines et tribulationes, et corpori exhibuissent infirmitatem, per nosmetipsos vestræ debuimus occurrere pietati. Quia si fas dici est singulariter et vestri dilectionem in nostro gestamus pectore, et unice de vestra præ-

sentia spirituali desiderio sitientes, sicut cultores et peculiare filii Dei, ambientissime vos vivere atque proficere in omnibus pie optamus. Sed quicumque hominem in anima diligit, si minus oculis carnalibus eum valet intueri, quæ ad animæ et corporis vel prosperitatem pertinent et salutem, omnimodis literario officio reticere non debet. Vulgi verba iterantes quæ nos maxime terrent, vestræ pietati in notitiam deponimus, quæ ita disseminat, eloquentium ora detrahuntur, quasi vestro voto, consilio et instigatione Dominus gloriosissimus Sigibertus rex tam ardue hanc velit perdere regionem. Non propterea hæc dicimus, quasi a nobis credatur : sed supplicamus. ut nulla occasio tribuatur dicendi, unde vobis tam maximum et periculosum generetur blasphemium. Licet hæc regio jam caruisse felicitatem, et perditionis nostræ concludamus terminum : sed de misericordia non desperabamus divina, adhuc ultionis suspendendi manum, dum emendationis expectatur remedium, si non dominaretur intentio, quæ mortem operatur ; cupiditas quæ radix est omnium malorum ; iracundia quæ sensum aufert prudentiæ. Salvator noster perspicuus suæ passionis imminere tempus, dixit : *Væ homini per quem scandalum venit*. Quod ore proprio detestatus est, impune non posse manere credimus, omnibus clamamus omnes conscientie suæ cogitationes et actiones considerent et caveant ne cum Juda proditore hujus condemnationis sortiantur iudicium. Deo sufficit nosse, optabam aut pro ipsis mori, ut illi viverent aut ante eorum interitum quocunque casu vitam finire, ut nec eorum, nec regionis cerneremus interitum. Sed alter ab altero excusatione utitur, et nullus ex ipsis ante oculos Dei ponit iudicium ; neque aliquid Dei reservat potestati iudicandum, nec credent se jam sub Dei notitia. Quia a nullo audiri meremur, vobis et ideo supplicamus : quia si illi regnum perdiderint, nec vos nec filii vestri magnum possidebitis triumphum. Ad hoc vos hæc regio suscepisse gratuletur, ut per vos salutem non interitum percipere videatur. In hoc populi restringitis verba si mitigatis furorem, si Dei facitis expectare iudicium. In veritate suggero, si meam humilem non despiciatis supplicationem, adhuc devotorum vestrorum gaudemus plenitudine. Propterea hæc dolens scribo, quia video qualiter præcipitantur et reges et populi, ut Dei incurrant offensam. Ita legimus : *Quicumque in brachii sui fortitudine speravit, antea confusionem quam victoriam promeruit*. Quicumque adminiculo gentis sibi adjuvari posse confidit, antea periculum mortis quam salutem promeruit. Quicumque propter copiam auri et argenti elevatur in superbiam, antea desolationis opprobrium

A sustinebit, quam suæ cupiditatis consulisset aviditati. Ipse Judex æternus nunc iudicat, perpetuam judiciariam possidet potestatem : non corrumpitur præmiis, aut aspicit ad vota impiorum, sed considerat cogitationes cordium, et reddet unicuique secundum opera sua. Inhonesta victoria est fratrem vincere, domesticas domos humiliare et possessionem a parentibus constructam evertere. Contra semetipsos pugnant suamque felicitatem exterminant : de sua perditione gaudet accelerans inimicus. Qua fide et ex animo, qua devotione hæc scribimus Deo sufficit nosse, ut vobis bona futura præparetis, et nos cum Deo absolutos esse vel paululum sentiamus. Sed quia sacerdotibus præceptum est : *Ut tuba exalta vocem tuam et annuntia populo meo opera eorum* ; ergo, piissima domina, intelligite mysterium et cavete exemplum. In principio duobus fratribus ... erat mundus : unus ex ipsis Cain fratricidium perpetravit et usque septuplum punitionis sententiam suscepit. Joseph fratres sui per invidiam vendiderunt, et postea servituti ipsius subjugati sunt. Saul sanctum David per invidiam nitebatur occidere, ipse postea in eum misericordiam exercuit. Absalon fratrem interfecit, patrem e regno voluit remove, et qualem suscepit interitum nulli habetur incognitum. Præcipue quoque David propheta dicente : *Quoniam qui nequiter agunt exterminabuntur ; qui vero expectant Dominum, ipsi hæreditabunt terram*. Apostolus clamat : *Qui odit fratrem suum, homicida est, et in tenebris ambulat, et nescit quovadat*. Salvator denuntiat : *Beati pacifici, quoniam filii Dei vocabuntur. Pacem meam do vobis, pacem meam relinquo vobis*. Ubi est pax et charitas, ibidem est Dei pietas. Legimus per Esther reginam populo fuisse concessam salutem. In hac parte et vestram ostendite prudentiam, et fidei vestræ salubritatem atque perfectionem, ut et dominum regem a Dei revocetis offensa et populum a parte sua vivere liceat quietum donec Judex æternus consuetam discernat justitiam. Quia evidentissime omnibus patet, qui charitatem fraternam postponit despiciat consortium, non acquiescit veritati. Omnes prophetæ contra ipsum loquuntur, omnes apostoli ipsum detestantur, et Deus omnipotens ipse quod constituit iudicabit. Præmissa salutatione obsequia supplicamus, ut latorem præsentium, servum vestrum Gundulphum, commendatum habeatis, et quæ per eundem verbo mandamus absque hæsitacione credentes recipiatis, et implere non despiciatis et elaboretis, qualiter de vestra salute nobis gaudia præparetis. Illud petimus ut per vestræ pietatis rescriptum ex omnibus jucundari mereamur.

PRIVILEGIUM

MONASTERII SANCTI GERMANI, PARISIENSIS EPISCOPI,

SIVE CHARTA * QUA GERMANUS, PARISIENSIS EPISCOPUS, IMMUNITATES CONCEDIT PARISIENSI BASILICÆ SANCTÆ CRUCIS ET SANCTI VINCENTII.

(Ex Brequigny opere cui titulus : *Diplomata, chartæ, epistolæ et alia monumenta ad res Franciscas pertinentia.*)

21 Aug. 566. — Dominis viris apostolicis, sanctis et in Christo fratribus, omnibus episcopis Parisiæ urbis cum gratia Dei futuris, et celesti visitatione ditatis, Germanus peccator. Omnibus non habetur incognitum, qualis ac quantus circa monasteria et ecclesias, aut erga Deum timentium virorum fuerit inclite memorie gloriosissimus Childebertus rex, cujus summa benivolentia multis largita est copiosa beneficia, et immunitati nostre stabilitatem perpetuam. Scilicet cogitans quia, qui ista temporalia reservaret metenda, sibi multo majora a Deo illi attribuerentur, si ob ejus... (*Sic apud Bulliardum*) ecclesias et templa fundaret, et egentium inopiam sustentaret, et pro magnis parva offerret, atque pro terrenis celestia adipisceretur. Unde et nobis ob sepulturæ suæ meritum aliqua a se considerare mandavit et considerata cessit. Itaque inclitus iste princeps Parisius basilicam in honore sanctæ crucis et domni Vincentii vel reliquorum sanctorum in unum membrum construxit, et sibi sepulturam inibi collocavit, ac largitatis suæ copiam per testamenti sui paginam nobis habere decrevit, et habendi meritum loco tanti ordinis constituit. Sed dum pagina testamenti sui et cordis fides sub humana fragilitate temporaliter vigeret, agente in quorundam calliditate, ne æterna illi tribueretur beatitudo, ac scriptum non sortiretur effectum, simulque abbas et congregatio deputata non perciperent, ac sterilitate victus et vestitus deperirent, monuit me illius

A recordatio, et ob amorem illius terruit me tanta securitas simulque pietatis et caritatis affectus; ille enim post Deum, dum superesset, fuit nostra immunitas et securitas, pax et recuperatio ac sequestratio omnis a civili negotio. Nos vero in hac re pietati illius consulentes, et cæterorum Regum velle stabiliri conantes, caritatem fraternæ dilectionis vestræ nobiscum volumus concordari, quatinus illius sancti loci honor celeberrimus et memoria jam dicti principis gloriosi eniteat eodem in loco omnibus ejus ævi temporibus, habeatque abbatem ex propria congregatione ipsa ecclesia, qui sub gubernatione regum, per successiones eundem locum provideat; sitque alienus pontifex omnis Parisiorum ab eodem loco, ut non deinceps aliquam potestatem in omnibus ad ipsum locum pertinentibus habeat; simulque sancimus ut nullus metropolitani, aut aliquis suffraganeus ejus, causa alicujus ordinationis illuc ingredi præsumat, nisi solummodo ab abbate ejusdem loci vocatus venerit ad sanctitatis misterium celebrandum, aut ad ecclesias consecrandas, aut ad benedictiones clericorum vel monachorum instituendas; quod debitum renuere nullatenus debet. Cæterum quicquid a die præsentis, tam a tempore meo, quam et successorum meorum omnium in sede Parisiorum residentium episcoporum, vel a Deum timentibus principibus ejusdem plebis, in fiscis, villis, agris, in auro vel argento fuerit delegatum vel donatum, ut ad in-

* Privilegium hoc immunitatis primus typis mandari curavit Breulius cum notis suis, in editione Historiæ Aimoini (*Aimoini Hist.*, p. 74 seq., edit. 1603), in quam illud inseruit. Codicem Aimoini manuscriptum quo usus est, nos ipsi vidimus in bibliotheca abbatiae sancti Germani a Pratis et sæculo XI tribuimus. In eo fit mentio præcepti immunitatis a Childeberto concessi, at ibi transcriptum non est. Chartam sæpius recusam a Gerardo Dubois (*Hist. eccles.*, Paris., lib. II, cap. 6), Cointio (*Annal. eccles.*, t. II, p. 63), Felibiano (*Hist. Paris.*, t. III, p. 16), et aliis qui de antiquitatibus Parisiorum scripsere, vulgavit tandem Bulliardus (*Hist. S. Germani a Pratis. prob.*, p. 2), ex originali, ut vocat, depromptam, exarato in cortice, et quod ipse Breulius viderat. Magna fuit de sinceritate hujus chartæ controversia, præcipue inter J. Launoium et Rob. Quatremairium*. Hic notabimus: Mabillonium, cui jura Sangermanensis monasterii cordi esse debuerunt, non ausum fuisse veritatem hujus instrumenti se assertorem constituere (*Annal. Bened.*, t. I, p. 137); Cointium (*Annal. eccl.*, t. II, p. 64 et seq.) pro fictitio apographo habuisse id quod Bulliaro autographum visum est. Falsum autem præcipue arguit Cointius ex subscriptionibus

C Episcoporum, quæ fere omnes nulli episcopo sedem suam assignant, ut infra declarabimus. Sic et Gerardus Dubois, qui confictum conjicit apographum post tempora Gregorii papæ VII (*Ubi supra*, p. 92). Quod si nobis fas sit sententiam nostram aperire de hoc instrumento, apographum censemus non quidem omni ex parte confictum, sed forte in pluribus locis, certe in subscriptionibus quoad sedes episcoporum subscribentium, adulteratum ab imperito falsario, qui chartæ fidem abstulit. Fatebimur plures ex Romanis pontificibus privilegium in ea contentum confirmasse sæculis XI et XII (*Gall. christ.*, 2^a edit., t. VII, col. 417). Cum vero, sæculo XVII frequenter impetum, litium infinitarum fons esset perpetuus inter Parisienses antistites et Sangermanenses abbates et monachos, inter utrosque intervenit concordia anno 1668 (*Gall. christ.*, ubi supra), et missa disputatione de sinceritate primigenii documenti, unicuique jura sua in postremum assignata sunt.

* Launoii *Inquisitio in chartam immunitatis S. Germani*, 1657, Quatremairii *Privil. S. Germani propugnatum*, 1657, S. Germani jura propugnata, 1668, etc.

tegrum habeat volo, rogo, conjuro. Decrevi etiam per hanc cartulam immunitatis et cessionis, meam basilicam superius memoratam sine gestorum obligatione manere. Et quia id antea consuetudo non fuit, et modo a regibus et principibus mihi est concessum, voluntatem pietatis vestræ in hoc scripto pretermittere nolui, sed in omnibus per vos roborari, et conformari exposco, ut deinceps ratum permaneat. Et si quis unquam fuerit, qui contra hanc deliberationem meam, quam ego pro firmitatis studio cum metropolitani et reliquorum episcoporum consilio ac suasionem decrevi conscribere, quoquo tempore venire temptaverit, aut fortassis locum refragandi quesierit, in primis a liminibus sanctarum ecclesiarum ab omnibus episcopis et sacerdotibus Dei, tam presentis temporis quam futuri, sit excommunicatus, et alienus a pace, et in futuro iudicio cum sanctis et amicis Dei, in quorum honore hec conscriptio facta est, meum ac dominorum meorum metropolitanorum seu episcoporum presentium super se adesse sentiat iudicium, et sit anathema maranatha. At insuper ut hec cartula firmiorem possit adipisci plenitudinem, comprovincialium dominorum episcoporum et fratrum meorum presbyterorum seu diaconorum conscriptionibus ipsam volui corroborare. Actum Parisius civitate, sub die XII Kalend. septembris, anno 5 Chariberti regis^a. Germanus peccator hanc cartulam cessionis et emunitatis a me factam relegi et subscripsi, sub die quo supra. Ni-

A cetius Lugdunensis episcopus in Christi nomine, petente apostolico domno et fratre meo Germano episcopo et domna Ulthrogthe regina, atque domna Chrodesinta ac Chroberga, constitutionem hanc, scilicet a presenti tempore a successoribus domni Germani episcopi perpetuo custodiendam relegi, et manus mee subscriptione corroboravi notato die^b. Pretextatus Cabillonensis episcopus, deliberationem superius comprehensam, rogante et presente domno Germano episcopo, gaudenter suscepi relegendam et subscripsi notato die. Felix Aurelianensis episcopus juxta consensum et deliberationem domni Germani in perpetuo mansuram, subscripsi notato die. Eufro-nius Nivernensis episcopus, rogante domno apostolico Germano episcopo, hanc deliberationem relegi et subscripsi, notato die. Domicianus Carnotensis episcopus, juxta consensum et deliberationem fratris mei Germani episcopi consensi et subscripsi notato die. Donnolus Cenomanensis episcopus, consensi et subscripsi notato die. Caletricus peccator, juxta consensum et deliberationem domni Germani episcopi, consensi et subscripsi notato die. Victurius peccator, juxta deliberationem hanc, Germano presente fratre meo et rogante, consensi et subscripsi notato die. Leodebaudus peccator consensi et subscripsi notato die.

Amanuensis notarius, sub jussione domni Germani episcopi, hoc privilegium cessionis scripsi et subscripsi.

^a Cum Chlotarius, Chariberti pater, ad annum 561, ultra diem decimam novembris vitam produxerit (*Longueruana*, p. 164, dies xij kal. sept. id est 21 Augusti, anni quinti Chariberti, incidit in annum Christi 566.

^b Ex episcopis quorum hic apposita sunt nomina, si Necetium et Domnolum excipias, nulli sua sedes as-

C signatur. Prætextatus enim tunc erat episcopus Rotomagensis, Felix Nannetensis, Eufro-nius Turonensis, Domitianus Andegavensis; ut arguit Cointius (*Ubi supra*, p. 67) ex subscriptionibus concilii Turonensis habiti post menses duos et 27 dies a tempore quo data fingitur charta de qua agimus.

SANCTI GERMANI, PARISIENSIS EPISCOPI, EXPOSITIO BREVIS ANTIQUÆ LITURGIAE GALLICANÆ

Ex ms. Codice sancti Martini Augustodunensis a D. Martene exscripta Thes. anecdot. t. V.

D. MARTENE ADMONITIO.

Post abrogatam apud patres nostros antiquam Ecclesiæ Gallicanæ Liturgiam, quæ ei suffecta est missa Romana, brevi tempore adeo prævaluit, ut paucis post annis omnis illius memoria apud universos pene oblitterata videretur, vixque ipsius nomen apud aliquos audiri contingeret. Quapropter qui nostra ætate de rebus liturgicis tractaverunt scriptores accurati, hanc in se provinciam in primis susceperunt, ut eam jacentem ac pene sepultam in tenebris, ex pulvere suscitarent. Primus nec sine digna laude id tentavit piæ memoriæ cardinalis Bona in libro : *Rerum liturgicarum*, cap. 12, ubi antiqui ritus Gallicani vestigia

ex veteribus scriptoribus ob oculos ponit. Sed hæc pro rei dignitate et magnitudine levia sunt. Multo felicius rem exsecutus est vir multæ eruditionis Josephus Thomasius, qui Romæ tres veteres Codices Liturgiæ Gallicanæ ex bibliotheca reginæ Sueciæ typis mandavit, rursum Parisiis recusus a Mabillonio cum veteri Lectionario Gallicano ab eo in Luxoviensi monasterio reperto, et eruditis observationibus illustrato : qui et ipse quartum Liturgiæ Gallicanæ Codicem ex bibliotheca Bobiensi publici juris fecit in Musei Italici tomo primo. Verum his omnibus in libris, id unum duntaxat, quod tamen præcipuum est, habemus, ut eas sciamus preces, quas ad altare celebrans sacerdos recitaret, cum lectionibus quas sacri ministri populo pronuntiabant. At quid interim chorus decantaret, quoque ordine, nos hactenus latebat. Id quidem auctoritate veterum demonstrare quidam tentaverunt; verum omnino fere incassum. Nam præterquam quod in multis defecerunt, in aliquibus etiam erraverunt.

Illud autem emolumentum ex sequenti Expositione antiquæ Gallicanæ Liturgiæ accidit, ut integrum illius ordinem, quidve in choro cantaretur, penitus resciamus.

Nam primo Liturgia incipiebat ab antiphona, quam cum versu psalmi et gloria Trinitatis chorus præcinebat.

2. Antiphonam sequebatur præfatio, seu admonitio ad populum, quam sacerdos prælegebat ad hortandam plebem, ut ad quam convenerat solemnitate debita cum veneratione celebraret. Non me latet quosdam inter antiphonam et præfationem constituere hymnum angelicum a choro decantandum. Verum id absque ullo auctoritatis fundamento. Nam duo ex Gregorio Turonensi loca, quæ ad id probandum proferunt, nihil prorsus evincunt, sed hymnum illum in quibusdam aliis supplicationibus publicis decantatum fuisse demonstrant. Imo in Liturgia Gallicana, quam ex Codice Bobiensi vulgavit Mabillonius, hymnus *Gloria in excelsis Deo* pro gratiarum actionibus post missam privatim recitandus constituitur. Itaque antiphonam sequebatur præfatio seu prælectio, unde in nostra sequenti expositione dicitur *Antiphona ad prælegendum*, id est ante præfationem quam per modum exhortationis prælegebat sacerdos.

3. Post præfationem diaconus alta voce silentium indicebat, cujus ritus meminit Gregorius Turonensis lib. vii Hist. Franc. cap. 8, his verbis : « Unde factum est, ut quadam die dominica postquam diaconus silentium populis, ut missæ auscultarentur, indixit, » etc. Quo loco *missæ pro orationes* sumi non dubito.

4. Indicto silentio, sacerdos populum salutabat, ac populi responsioni collectam subiciebat a cunctis flexis genibus devote audiendam, ut probant sancti Cæsarii quidam sermones.

5. Post collectam chorus cantabat trisagium, et quidem græce et latine, quod sequebatur canticum Zachariæ *Benedictus Dominus Deus Israel*. Hoc tamen canticum in Quadragesima cum aliis lætitiæ hymnis supprimebatur.

6. Sequebatur lectio ex prophetis et ex apostolo. Nam præter Evangelii lectionem, duas, unam ex veteri, alteram ex Novo Testamento, lectiones cantabant, quem ritum videre est apud Gregorium Turonensem lib. i de Miraculis sancti Martini cap. 5, ubi hæc habet : « Factum est ut illa Dominica, prophetica lectione jam lecta, ante altarium staret, qui lectionem beati Pauli proferret. » In sanctorum festivitatis sive martyrum, sive confessorum acta eorum etiam publice legebantur, ut auditis eorum virtutibus populi ad similia perpetranda accenderentur. Ita Gregorius Turonensis, lib. i de Gloria martyrum cap. 86, lectam fuisse sancti Polycarpi passionem narrat.

7. Lectionibus pronunciatis, chorus hymnum trium puerorum decantabat, et quidem, ut reor, per modum responsorii, quem sane hymnum a Gregorio Turonensi, Historiæ Francorum lib. viii, cap. 3, *psalmum responsorium* dici conjicio. Nam quælibet ex Scripturis cantica psalmorum nomine donare consueverant veteres. Porro ad hunc ritum spectare existimo canonem 13 concilii Toletani iv, « Ut per omnes Hispaniæ Ecclesias vel Galliæ in omnium missarum solemnitate decantetur hymnus trium puerorum in pulpito. »

8. Dum diaconus ad analogium Evangelium cantaturus procederet, chorus interim trisagium præcinebat, quod quantato Evangelio iterum repetebat.

9. Post Evangelium, episcopus verbum e suggestu habebat ad populum; aut si per infirmam valetudinem id sibi non liceret, vel forte tardioris esset linguæ, homilias proprias aut ab aliis compositas, maxime sanctorum Patrum, pronuntiari a sacerdotibus aut diaconis jubebat.

10. Deinde diaconus super audientes et catechumenos preces constitutas effundebat, de quibus ritibus satis egimus in libro i de antiquis Ecclesiæ ritibus.

11. Ejectis catechumenis, diaconus silentium indicebat; tum corpus Domini in turri conservatum ex præcedenti sacrificio deferebat ad altare, ut constat tum ex hac nostra expositione, tum ex Gregorii Turonensis libro de Gloria martyrum, cap. 85. Romani non in turri, sed in capsâ illud deferebant, idque in nonnullis etiam Gallicanis Ecclesiis observabatur. Porro ex hoc ritu lucem aliquam afferre possumus canonem 17 concilii Arausiacani i, ad quem omnes fere eruditi hactenus cæcutiunt : « Cum capsâ et calix offerendus est et admixtione Eucharistiæ consecrandus, » ut scilicet capsâ dominicum corpus continens

afferatur ad altare, cum facienda est in missa oblatio calicis cum admixtione seu præsentialia Eucharistiæ consecrandi.

12. Allata ad altare Eucharistia, fiebat panis et vini consecrandi oblatio, atque interim chorus canebat *Sonum*, id est antiphonam quæ nostro offertorio respondebat, aut quid simile. Forte *Sonus* aliud nihil erat quam quod Expositio nostra mox *Laudes* appellat. *Laus* autem in Missali Mozarabum constat ex Alleluia et uno versiculo, sed in Gallicana Liturgia ter repetitum fuisse Alleluia ad-significanda tria tempora, ante legem, sub lege, et sub gratia, docet nostra Expositio, idque forsitan cum triplici versiculo.

13. Facta oblatione, sacra recitabantur diptycha, hoc est nomina episcoporum et aliorum scripta in tabella altari superposita. Hujusmodi tabellam eburneam vidi in Ecclesia Bituricensi, in qua archiepiscoporum nomina continentur, sed hodie nullus illius usus superest apud Biturigas.

14. Recitatis diptychis, sacerdos *Collectionem post nomina* dicebat, postea pacis osculum fideles sibi invicem impertiebant; tum sacerdos recitabat *Collectionem ad pacem*, quam sequebantur contestatio (ita præfationem illi appellabant) et canon qui brevissimus erat.

15. Post consecrationem sacerdos recitabat orationem *Post secreta*, quæ verba demonstrant consecrationis verba secreto ac sub silentio a sacerdote fuisse prolata. Post ea fiebat confractio et commixtio Corporis Christi. Atque interim chorus antiphonam concinebat, eaque finita, sacerdos collectam ante orationem Dominicam recitabat, orationem Dominicam sequebatur altera collecta a sacerdote pronuntiata.

16. Ante communionem, benedictio populo impertiebatur, et quidem tribus orationibus ab episcopo, unica eaque brevi a simplici sacerdote, hoc modo : *Pax, fides, et charitas, et communicatio corporis et sanguinis Domini sit semper vobiscum.*

17. Dum fiebat communio, aut ea peracta, chorus psallebat Trecanum. Quid autem esset Trecanum non satis capio. Triplicem cantum vocis et etymologia significare videtur. In regula autem Aureliani præscribitur, ut *psallendo omnes communicent*. Erit forte qui Trecanum interpretetur symbolum apostolorum sanctæ Trinitatis fidem explicans, quod in Missali quidem Mozarabum post consecrationem ante communionem dicendum præscribitur, in Gallicana vero Liturgia post communionem recitaretur.

18. Tandem sacerdos dicebat orationem *Post Eucharistiam*, quam sequebatur alia collecta.

Hæ sunt fere omnes antiquæ Gallicanæ Liturgiæ partes, quas hic breviter ob oculos ponere et illustrare libuit ad promptiorem sequentis operis intelligentiam; in cujus parte seu epistola secunda multa alia notatu dignissima occurrunt, ea maxime quæ de Quadragesima et de traditione symboli competentibus narrat, in quibus ritus hactenus ignoti expenduntur.

Verum ad antiquorum rituum cognitionem, quam ex sequenti opere accipimus, illud accedit, et quidem longe majoris momenti, quod duo præcipua Ecclesiæ catholicæ dogmata de Eucharistia in ea clare omnino asseruntur. Transsubstantiationem dico, et realem Christi sub speciebus panis et vini præsentiam : quæ duo præsertim impugnant hodie heterodoxi. Primum clare enuntiatur his verbis : *Panis vero in corpore et vinum transformatur in sanguine, dicente Domino de corpore suo : Caro mea vere est cibus, et sanguis meus vere est potus.* Alterum cum ait : *Antiquitus sanctis Patribus fuit, ut dum sacerdos oblationem frangeret videbatur quasi angelus Dei membra fulgentis pueri cultro concidere, et sanguinem ejus in calicem excipiendo colligere, ut veracius diceret verbum dicente domino, carnem ejus esse cibum et sanguinem esse potum.*

Reliquum est ut de auctore hujus operis et de tempore quo scriptum sit breviter inquiramus. De auctore, cum nomen ejus non præferat vetus Codex sancti Martini Augustodunensis, ex quo illud descripsimus, nihil certo definire possumus; conjecturas tantum damus. Initio hæc leguntur : *Germanus episcopus Parisius scripsit de missa.* Igitur aut Germani fetum hic esse existimamus, aut prolixioris ejus operis epitomen, ab aliquo ejus discipulo conscriptam et forte in Æduensi sancti Symphoriani cœnobio, ubi ille vitam monasticam profitebatur, priusquam ad infulas ecclesiæ Parisiensis eveheretur.

De tempore quo scripta fuerit sequens missæ Gallicanæ Expositio, duo mihi certo constare videntur, primum post assumptum ad sedem Parisiensem Germanum; alterum ante abrogatam in Gallicanis Ecclesiis antiquam patrum nostrorum Liturgiam, quæ statim post inductam ejus loco missam Romanam non comparuit scriptam fuisse : id autem factum a Carolo Magno, hortante Adriano papa, vulgo docent qui de his rebus accuratius scripserunt, hoc est sub finem sæculi viii. Verum ut ad Germani episcopi tempora hanc scriptionem referam, illud facit, quod post lectas sanctorum Patrum homilias, declarat preces a diacono super catechumenos factas ante eorum et infidelium de ecclesia ejectionem, qui ritus vix Germani tempora attigit. Quapropter saltem medio sæculo vi opus sequens scriptum fuisse existimamus, cujus vel inconditus scribendi modus et barbaræ voces antiquitatem demonstrant; unde et religio nobis fuit quidquam in eis corrigere.

EXPOSITIO BREVIS ANTIQUÆ LITURGIAE GALLICANÆ IN DUAS EPISTOLAS DIGESTA.

EPISTOLA PRIMA,

QUOMODO SOLEMNIS ORDO ECCLESIAE AGITUR, QUIBUSVE INSTRUCTIONIBUS CANON ECCLESIASTICUS
DECORATUR.

Germanus episcopus Parisius scripsit de missa : —Prima igitur ac summa omnium carismatum missa canetur, in commemoratione mortis Domini, quia mors Christi facta est vita mundi, ut offerendo proficeret in salute viventium et requiem defunctorum.

DE PRÆLEGERE.

Antiphona ad prælegendo canetur, in specie patriarcharum illorum qui ante diluvium, adventum Christi mysticis vocibus tonuerunt, sicut Enoc septimus ab Adam, qui translatus est a Deo, propheta-
vit dicens : *Ecce venit Dominus in sanctis mirabilibus suis facere iudicium* (Judæ, 14), et reliqua. Quod testimonium Judas apostolus frater Jacobo, in Epistola sua commemorat. Sicut enim prophetantibus venit manus Domini super arcam, ut in damnatis daret reliquias terræ; ita psallentibus clericis procedit sacerdos in specie Christi de sacrario tanquam de cælo in arca Domini, quæ est Ecclesia ut tam monendum * quam exhortandum nutriat in plebe bona opera, et extinguat mala.

DE SILENTIO.

Silentium autem diaconus pro duobus rebus annunciat, scilicet ut tacens populus melius audiat verbum Dei, et sileat cor nostrum ab omni cogitatione sordida, quo melius recipiatur verbum Dei.

Sacerdos ideo datur populo, ut dum ille benedicit plebe dicens : *Dominus sit semper vobiscum*, ab omnibus benedicatur dicentibus : *Et cum spiritu tuo* : ut tanto magis ille dignus sit populo benedicere, quantum, favente Deo, de ore totius populi recipit benedictionem.

DE AIUS ^b.

Aius vero ante prophetia pro hoc cantatur in Græca lingua, quia prædicatio Novi Testamenti in mundo per Græca lingua processit, excepto Matheo apostolo, qui primus in Judea Evangelium

* Id est monendo et exhortando.

^b Aius pro Agios hic poni nemo non videt, intelligiturque de trisagio seu brevi oratione quam chorus post benedictionem ante prophetiam decantabat, qualem forte legimus in missa Mozarabum in hunc modum, *Agios, Agios, Agios, Domine Deus rex æternè, tibi laudes et gratias*. Aut similem illi quam in Parasceve concinit Ecclesia *Agios o Theos, Agios Ischyros, Agios Athanatos eleyson imas*.

^c Ita sacro Parasceves die Ecclesia Græce et Latine decantat *Agios o Theos, Agios Ischyros, Agios*

Christi Hebræis litteris edidit. Servate ergo honorem linguæ, quæ prima Evangelium Christi vel suo senio recipit, vel suis litteris docuit primum canticum. Incipiente præsule Ecclesiæ Aius^c psallet dicens Latino cum Græco, ut ostendat junctum Testamentum Vetus et Novum. Dictum *Amen* ex Hebræo instar tituli quod in trinitate linguarum instigante Deo Pilatus posuit super crucem confitens quamvis ignarus *Jesus Nazarenus*, id est Sanctum et Regem. Tres autem parvoli qui ore uno sequentes *Khyrie Eleison* Hebræa scilicet Græca et Latina, vel trium temporum sæculi, ante legem scilicet sub lege et sub gratia.

DE PROPHETIA.

Canticum^d autem Zachariæ pontificis in honorem sancti Johannis Baptistæ cantatur, pro eo quod primordium salutis in baptismi sacramenta consistit, quod in ministerium Johannis Deo donante suscipit et deficiente umbra veteris, et oriente nova Evangelii claritate Johannes medius est prophetarum novissimus et evangelistarum primus ante faciem veræ Lucis radians lucerna fulsit : ideo prophetia quam pater ejus ipso nascente cecinit, alternis vocibus ecclesia psallet.

DE PROPHETA ET APOSTOLO.

Lectio vero prophetica suum tenet ordinem, veteris videlicet testamenti corripiens mala et adnuncians futura, ut intelligamus ipsum Deum esse, qui in prophetia tonuit, quam qui et in Apostolo docuit, et in Evangelico splendore refulsit.

DE APOSTOLO.

C Quod enim propheta clamat futurum, apostolus docet factum. Actus autem apostolorum vel Apocalypsis Johannis pro novitate gaudii Paschalis leguntur, servantes ordinem temporum sicut historia Testamenti Veteris in Quinquagesimo, vel gesta sanctorum^e confessorum ac martyrum in solemnitati-

Athanatos eleyson imas. Sanctus Deus, Sanctus fortis, Sanctus immortalis miserere nobis.

^d Canticum illud ipsum est quod refertur Lucæ capite 1, quodque Ecclesia quotidie in matutinis Laudibus frequentare solet, scilicet *Benedictus Dominus Deus Israel*, etc.

^e Acta sanctorum martyrum et confessorum in Liturgia Gallicana olim recitata fuisse demonstravimus in lib. 1 de Antiquis Ecclesiæ ritibus cap. 4, art. 4, quem ritum Ecclesia Romana non recipiebat.

bus eorum, ut populus intellegit quantum Christus amaverit famulum, dans ei virtutis indicium, quem devota plebicula suum postolat patronum.

DE HYMNUM.

Hymnum autem trium puerorum, quod post lectionis canetur in figura sanctorum veterum, qui sedentes in tenebris adventum Domini expectabant. Sicut enim illis silentibus quartus angelus adfuit in nubem roris, inferens ignis incendia vicit : ita et istis Christo præstolantibus ipse Dei Filii magni consilii Angelus adfuit, qui tartaria frangens imperia, gaudium resurrectionis illos liberans intulit, quod Evangelista docet. Secundum hoc etiam ecclesia servat ordinem, ut inter benedictionem et Evangelium lectio intercedat nisi tantum modo responsorium, quod a parvulis canetur, instar innocentium qui pressi in Evangelium consortis Christi nativitatem leguntur, vel eorum parvolorum qui properante ad passionem Domini, clamabant in templum *Osanna Fili David*, Psalmista canente *ex ore infantium et lactentium perfecisti laudem* (Ps. viii, 3).

DE AIUS ANTE EVANGELIUM.

Tunc in adventu sancti Evangelii claro modulamine denuo psallet clerus *Aius* in specie angelorum ante faciem Christi ad portas inferi clamantium : *Tollite portas principes vestras, et elevamini portæ æternales, et introibit Dominus virtutum rex gloriæ* (Ps. xxiii, 7).

DE EVANGELIO.

Egreditur processio sancti Evangelii velut potentia Christi triumphantis de morte, cum prædictis armoniis, et cum septem candelabris luminis quæ sunt septem dona Spiritus sancti vel v. legis lumina mysterio crucis confixa, ascendens in tribunal analogii*, velut Christus sedem regni paternæ, ut inde intonat dona vitæ, clamantibus clericis *Gloria tibi, Domine*, in specie angelorum qui nascente Domino *Gloria in excelsis Deo* (Luc. ii, 14) pastoribus apparentibus cecinerunt.

DE SANCTUS POST EVANGELIUM.

Sanctus autem quod redeunte sancto Evangelio clerus cantat, in specie sanctorum, qui redeunte Domino Jesu Christo de inferis canticum laudis Dominum sequentis cantaverunt, vel septuaginta quatuor seniorum quos in Apocalypsin Johannes commemorat, qui mittentes coronas suas ante Agnum dulce canticum cantaverunt.

DE OMELIAS.

Homelias autem sanctorum quæ leguntur^b pro

* Analogium dicitur locus altus supra chorum, ubi stant libri sanctæ prædicationis, inquit Petrus Boherius : cui favet sanctus Isidorus lib. xv Origin. cap. 4. Alii analogium interpretantur pulpitem.

^b Hinc colliges pastores olim intra missarum solemniam non semper perorasse ad populum, sed eos qui impeditioris erant linguæ aut infirmæ valetudinis, homilias sanctorum Patrum, aut a se compositas legisse aut ab aliis legi jussisse. Ita Cæsarius Arelatensis antistes, cum propter valetudinem jam concionari per se non posset; a sacerdotibus atque diaconis sermones proprios, aut sanctorum Ambro-

sola prædicatione ponuntur, ut quicquid propheta, Apostolus, vel Evangelium mandavit, hoc doctor vel pastor Ecclesiæ apertiori sermone populo prædicet, ita arte temperans, ut nec rusticitas sapientes offendat, nec onesta loquacitas obscura rusticis fiat.

DE PRECE.

Preces vero psallere levitas pro populo ab origine libris Moysacis ducit exordium, ut audita apostolis prædicatione, levitæ pro populo deprecantur, et sacerdotes prostrati ante Dominum pro peccata populi intercedant, dicente Domino ad Aaron : *Tu et filii tui vel omnis tribus Levi portabitis peccata populi mei*, utique non pænalter sustinendo; suis sed precibus sublevando.

DE CATICUMINO.

Caticuminum ergo diaconus ideo clamat juxta anticum ecclesiæ ritum, ut tam Judæi, quam hæretici, vel pagani instructi, qui grandis ad baptismum veniebant, et ante baptismum probantur starent in ecclesia, et audirent consilium Veteris et Novi Testamenti, postea deprecarent pro illos levitæ, diceret sacerdos collecta, post prece exirent, postea foris, qui digni non erant stare, dum inferebatur oblatio, et foras ante ostium abscultarent prostrati ad terram magnalia : quæ cura ad diaconum vel ad ostiarium pertinebat, ut illis admoneret exire, iste provideret ne quis indignus retardaretur in templo dicendo nolite dare Sanctum canibus, neque mittatis margaritas vestras ante porcos. Quid enim in terra sanctius confectione corporis et sanguinis Christi? et quid plus immundum canis et porci? Similitudine comparandum eo, vel qui non est purgatus baptismo, vel non monitus crucis signaculum.

Spiritualiter jubemur silentium facere observantes ad ostium, id est ut tacentis a tumultu verborum vel vitiorum signum crucis ponamus ante faciem nostram, ne intret concupiscentia per oculis, ira per aurem, ne prodeat sermo turpis ex labiis, et hoc solum cor intendat, ut in se Christum suscipiat.

DE SONO.

Sonum autem, quod canetur quando procedit oblatio, hinc traxit exordium. Præcepit Dominus Moysi, ut faceret tubas argenteas, quas levitæ clangerent quando offerebatur hostia, et hoc esset signum, per quod intelligeret populus qua hora inferebatur oblatio, et omnes incurvati adorarent Dominum, donec veniret columna ignis aut nubes, qui benediceret sacrificium. Nunc autem procedentem ad altarium corpus^c Christi non jam tubis inreprehensibili-

sii, Augustini, sive aliorum conciones recitari jubebat, ut legitur in ejus Vita.

^c Olim solemniss missa non celebrabatur, quin ex præcedentis diei sacrificio Eucharistia deferretur ad altare; id in ecclesia Romana initio missæ præstabant acolythi in capsis, ut constat ex veteri Ordine Romano i, num. 8. Musei Italici tom. II. In Gallicana vero diaconi hoc munus obibant ante oblationem, corpus Christi deferentes in turribus, ut patet ex hoc loco, quem mire illustrat Gregorius Turonensis libro de Gloria martyrum cap. 85, his verbis : « Tempus ad sacrificium offerendum advenit, acceptaque turre

libus, sed spiritualibus vocibus præclara Christi magnalia dulci modilia psallet Ecclesia. Corpus vero Domini ideo defertur in turribus, quia monumentum Domini in similitudinem turris fuit scissum in petra, et intus lectum ubi pausavit corpus dominicum, unde surrexit Rex gloriæ in triumphum. Sanguis vero Christi ideo specialiter offertur in calice, quia in tale vasum consecratum fuit mysterium Eucharistiæ pridie quam pateretur Dominus ipso dicente, *Hic est calix sanguinis mei mysterium fidei qui pro multis effundetur in remissionem peccatorum* (Matth. xxvi, 28). Panis vero in corpore et vinum transformatur in sanguine, dicente Domino de corpore suo : *Caro enim mea vere est cibus, et sanguis meus vere est potus* (Joan. vi, 55). De pane dixit *hoc est corpus meum*, et de vino *hic sanguis meus* (Matth. xxvi, 26). Aqua autem ideo miscitur, vel quia decet populo unitum esse cum Domino, vel quia de latere Christi in cruce sanguis manavit et aqua, et unum mundemur a labe culparum, alio præparemur ad regna cælorum.

Patena autem vocatur ubi consecratur oblatio, quia mysterium Eucharistiæ in commemoratione offertur passionis Domini. Palla vero linostima in illius indumenti tenet figuram, quia in gyro contexta a militibus non fuit divisa, tunica scilicet Christi. Corporalis vero palla ideo pura linia est super quam oblatio ponitur, quia corpus Domini puris linteaminibus cum aromatibus fuit obvolutum in tumulo. Coopertum vero sacramentorum ideo exornatur, quia omnia ornamenta præcellit resurrectio Christi, vel camara cæli quæ nunc Dominum teget ab oculis nostris. Siricum autem ornatur, aut auro, vel gemmis, quia Dominus Moysæ in tabernaculo fieri velamina jussit ex auro, iacincto, et purpura, coccoque bis tincto et bysso retorta : quia omnia illa mysteria in Christi præcesserunt stigmata.

Laudes autem, hoc est Alleluia. Johannes in Apocalypsi post resurrectionem audivit psallere. Ideo hora illa Domini palleo quasi Christus tegitur cælo, Ecclesia solet angelicum canticum^a : quod autem habet ipsa Alleluia prima et secunda et tertia signat tria tempora ante lege, sub lege, sub gratia.

Nomina defunctorum ideo hora illa recitantur quia palleo tolletur, quia tunc erit resurrectio mortuorum, quando adveniente Christo cælum sicut liber plicabitur. Pacem autem ideo Christi mutuo proferunt, ut per mutuo osculo teneant in se caritatis affectum, et qui aliqua fuscatur discordia, cito recurat ad gratiam vel petat proximo veniam, ne pacem falsam dando incurrat proditoris consortium, et tantum melius proficiat Eucharistia suscepta vel benedictio tradita, quantum Christus conspicerit pacifica esse corda, quia ipse mandavit discipulis

diaconus in qua mysterium Dominici corporis habebatur, ferre cœpit ad ostium ingressusque templum, ut eam altari superponeret, » etc.

^a Adde cantare.

^b Longiorem benedictionem super populum ante communionem proferebat olim episcopus, ut pote

cælus ascendens, *pacem relinquo vobis, pacem meam do vobis* (Joan. xiv, 27), et in hoc cognoscent omnes quod discipuli mei estis, si nos invicem dilexeritis.

Sursum corda ideo sacerdos habere admonet, ut nulla cogitatio terrena maneat in pectoribus nostris in hora sacræ oblationis, et tanto melius recipiatur Christus in mente, quanto sola cogitatio ipsum conatur attendere. Confractio vero et commixtio corporis Domini tantis mysteriis declarata antiquitus Sanctis Patribus fuit, ut dum sacerdos oblationem confrangeret, videbatur quasi Angelus Dei membra frilgentis pueri cultro concedere, et sanguinem ejus in calicem excipiendo colligere, ut veracius dicerent verbum dicente Domino carnem ejus esse cibum et sanguinem esse potum. In hac confractione sacerdos vult augere, ibidem debet addere, quia tunc cælestia terrenis mixcentur, et ad orationem sacerdotis cæli aperiuntur. Sacerdote autem frangente, supplex clerus psallet antiphona, quia patiente dolore mortis omnia trementis testata sunt elementa.

Oratio vero Dominica pro hoc ibidem ponitur, ut omnis oratio nostra in Dominica oratione claudatur. Benedictionem vero populi sacerdotibus fundere Dominus per Moysen mandavit dicens : *Loquere ad Aaron et ad filios ejus; sic benedicetis populo : Benedicat tibi et custodiat te* (Num. vi, 23), et cetera quæ sequuntur. Aaron igitur locum Christi, filii ejus locum presbyterorum portaverunt. Ambobus igitur mandavit Dominus benedicere populum; sed tamen propter servandam honorem pontificis, sacræ constituerunt canones, ut ^b longiorem benedictionem episcopus proferret, breviorē presbyter funderet, dicit : *Pax fides et caritas et communicatio corporis et sanguinis Domini sit semper vobiscum*. Nam licet illam benedictionem quam Moysi Deus dictavit et nullus contradicere presbytero potest, quia cælum et terra transibunt. Hoc ergo ante communionem benedictio traditur, ut in vas benedictum benedictionis mysterium ingrediatur. Jam vero quam dulcis sit animæ et corporis sacra communio, Christus verbis evangelicis ostendit dicens : *Si manseritis in me, et verba mea in vobis manserint, quodcumque petieritis Patrem in nomine meo, fiet vobis* (Joan. xv, 7).

Trecanum vero quod psalletur signum est catholicæ fidei de Trinitatis credulitate procedere. Sic enim prima in secunda, secunda in tertia et rursum tertia in secunda et secunda rotatur in prima. Ita pater in Filio, mysterium Trinitatis complectet, Pater in Filio, Filius in Spiritu sancto, Spiritus sanctus in Filio, et Filius rursum in Patre. Sed jam epistola finem accipiat in qua sollempnis Ordo brevi declaratus ostenditur quatenus in sequutura epistola de commune officio donante Domino auribus pandatur. Qui vivit.

tribus constantem orationibus, qualem videre est in plurimis Sacramentorum libris mss., qualem etiam nunc proferunt adhuc pontifices in quibusdam ecclesiis, cum solemnibus diebus celebrant. E contra vero benedictio presbyterorum unica et brevi perficiebatur oratione.

INCIPIT EPISTOLA SECUNDA

DE COMMUNI OFFICIO.

Quia favente Domino ordinem sacræ oblationis in priore epistola breviter explananda perstrinximus, nunc diversa Ecclesiæ carismata qua ratione subsistant juxta quod Dominus nobis intelligere tribuit, brevi paginola commendemus.

Antiphonas vero quas dulci cerimonia psallet Ecclesia hinc traxerunt exordium. Rex Salomon cum domum celeberrimum instruxisset, ibidem cantores instituit, qui cum diversis organis Dei magnalia decantarent, ut inter reliqua ornamenta quæ fulgebant in templo, etiam divina eloquia dulci proferrentur eloquio, ut toto [*Leg. tanto*] plus delectaretur Dei verbum, quanto elegantiusolvebatur vocis ornatu. Propter carnalis namque in ecclesia non propter spiritualis consuetudo est constituta cantandi, utqui verbis non compunguntur, suavitate modolaminis moveantur, pensantes quanta sit dulcedo cælestis cantici, quando in incolatu hujus sæculi tam eleganter resonat Ecclesia laudes Christi. Antiphona autem dicta quia prius ipsa antepositur, et sic ponetur psalmi versiculum, cum gloria Trinitatis adnectetur, quarum quaterna sunt genera, organo ex prophetico, tympano ex evangelii sacro tonitruo, vel compassione [*Leg. compositione*] catholicorum Patrum pro ordine temporum, vel deprecando, vel narrando vel laudes divinas tympanizando compositæ.

Responsoria vero quæ in divinis officiis die aut nocte cantantur, de Pentateucho Moysi duxerunt originem, quando Pharaone submerso, Maria prophetissa sumens tympanum, præcinebat canticum, et respondebat populus adunatus in choro. Horum vero quaterna ratio constat, sicut de Antiphonabus superius continetur. Consuetudo præcinendi et respondendi non solum ad mare Rubrum, sed in multis Ebræorum gentibus comprobatur, quod plenius Veteris Testamenti narrat historia.

Sanctus Deus archangelorum in quadragesimo concinetur et non canticum Zachariæ, quia ista modulatio deprecabilis est populo, sicut verba texti ipsius continentur. Et propter hoc non canetur prophetia, propter quod et baptisterium claudetur; scilicet quia canonis præcipiunt, vel baptismum quadragesimæ non est.

Oleum autem quod cum chrisma benedicitur, voce psalmi ostenditur, qui de Christo profertur (*Psal. xlv, 8*) : *Unxit te Deus de oleo lætitiæ præ consortibus tuis*, vel illud : *Oleo sancto meo linui eum* (*Psal. lxxxviii, 21*), prius ergo ungebantur veteris oleo, sic perfundebantur unguento. Specialiter autem oleum Græce Latine misericordia dicitur, et per oleum Sancti Spiritus gratia designatur. Hunc enim liquorem consecravimus Deus in Ecclesia ad mystica

conficienda unguenta, vel præparanda lucerna, vel fovenda peccaminum vulnera.

Symbolum quoque pro hoc competentibus supra scripto die tradetur, ut sicut quando dixit Deus Fiat lux, quod signat illuminatio credulitatis, appareat. Septima Die benedixit et sanctificavit in requie : ideo hac die fides populi firmatur, symbolum et lacte chrismatis enutritur, quia in die septima requies Christi in sepulcro coletur, et declinante jam die triumphum resurrectionis illius consecratur. Ideo autem venientem sacerdotem symbolum tradere, expandetur super cancellum mollicis plumarum, vel candida sabana, et defertur in calicis vascula chrismatis et olei benedicenda, vel codex sacri Evangelii rubro textus velamine, quia populus ad fidem veniens infantie figuram tenet. Sicut enim infans est tener et novus in corpore : ita caticuminus tener et novus in fidem, infantis membra super plumacia ponuntur, ut melius nutriatur. Caticumino blanda verba Domini proferuntur, quo amplius delectetur. Non enim potest sustinere fortiora præcepta ante quam per baptismum Spiritus sancti confirmetur in gratia. Membra parvuli sabana, id est candido ac violati linteo exterguntur, ne corium ei lædatur. Ita caticumino subtilitas fidei aperitur in symbolo, ut per credulitate tergatur ab omni peccato. Prius linitur per blanda præcepta, ne exasperetur tener in intelligentia, post modum.... per fortiora mandata ut convalescat per opera. Infans lacte nutritur, et caticumenis chrismate unguetur. Lac ex matris ubera suggetur, et chrisma in sinu sanctæ matris Ecclesiæ consecratur.

Liber autem Evangelii in specie corporis Christi rubro tegitur velamine, sanguinis signo monstrante. In calicis autem chrismæ vascula deferuntur, quia omnia sacramenta baptismatis in Christi passione firmantur. Vitrea autem vel cristallina vasa chrismatis, claritatem signant baptismatis. Balsamum autem chrisma conficitur. Lentiscus genus ligni dicitur, unde risina balsamæ tolletur, de hoc lentisco in cruce dominica illa pars fuisse traditur, ubi sanctas manus Domini clavo confixit impius, perficitur. Ideo et risina ligni ipsius dispensante... etiam ab antiquis temporibus imprimatis.... transfundetur. Angelus

enim Dei ad secreta super altare tanquam super monumentum descendit, et ipsam hostiam benedicit, instar illius angeli qui Christi resurrectionem evangelizavit. Tunc libera lingua, et voce clara omnia cantica quæ in quadragesima fuerunt sub silentio clausa recipiuntur, et submersio Pharaonis et Sanctus de cælis et alleluia cum gaudiis quia surrexit Dominus. Media autem nocte in officio consummatur, quia media nocte fregit infernum Salvator, tunc ab ore fidelis populi Agni caro comeditur, et sanguis

dulciter bibetur, per quod omnis mundus pretio claro redimitur, atque illico discitur ut auroris tentæ diliculo laus resurrectioni Domini claro cantico cum benedictionibus celebretur.

Palleum vero in pascha cum tintinnabulis Eucharistia velatus instar veteris testamenti, ubi tonica sacerdotis plena tintinnabulis signans verba prædicationis ostenditur. Præcinctio autem vestimenti candidi quod sacerdos baptizaturus præcingitur in signa sancti Joannis agitur, qui præcinctus baptizavit Dominum. Albis autem vestibus in Pascha induetur secundum quod angelus ad monumentum albis vestibus cerneretur. Albæ etenim vestis exultationem significant.

Casula quam amphibalum vocant, quod sacerdos induetur, tota unita per Moysem legiferum instituta primitus demonstratur. Jussit ergo Dominus fieri dissimilatum vestimentum, ut talem sacerdos indueret, quale indui populus non auderetur. Ideo sine manicas, quia sacerdos potius benedicit quam ministrat. Ideo unita prinsecus, non scissa, non aperta, quia multæ sunt scripturæ sacræ secreta mysteria, quæ quasi sub sigillo sacerdoti doctus debet abscondere, et unitatem fidei custodire, non in hærese vel schismata declinare.

Palleum vero quod circa collo usque ad pectus venit, rationale vocabatur in vetere testamento, scilicet signum sanctitatis super memoriam pectoris, dicente propheta ex persona Domini *Spiritus Domini super me*. Et post pauca, *ut ponerem gloriam lugentibus Sion, et darem eis coronam pro cinere, oleum gaudii pro luctu* (Isai. LXI, 3). Palleum laudes pro spiritu mæroris. Quod autem collo cingit, antiquæ consuetudinis est, quia reges et sacerdotes circumdati erant palleo veste fulgente, quod gratia præsignabat. Quod autem fimbriis vestimenta sacerdotalia adnectuntur, Dominus Moysi præcepit in Numeris, ut per quatuor angulos palleorum filii Israel fimbrias facerent, ut populus Domini non solum opere, sed etiam et vestitu mandatorum Dei signum portaret.

Manualia vero, idest manicas induere sacerdotibus mos est instar armillarum, quas regum vel sacerdotum brachia constringebantur. Ideo autem ex quolibet pretioso vellere, non metalli duritia extant, vel ut omnes communiter sacerdotes, etiam minoris dignitatis in sæculo facilius inveniant.

Vestimentum parvum, quod non sit in alio uso, nisi ad frequentandum sacrificium, vel significat quod non graventur manus nostræ honoribus sæculi, sed circumdantur subtilia exercitia mandatorum Dei. Prohibet autem manica tonica ne appareat vile vestimentum, aut quocumque indignum tactum sordium super divina sacrificia, quo manus immolantes discurrunt.

Albas vero, quas levitæ utuntur, ideo statuerunt patres, quia in vestimento tincto non sic apparet cito macula quomodo in albo: et minister altaris ideo utitur, ut observet et caveat omnem maculam, et nullatenus vestimenta ministrantium vel leviori tactu appareant sordita; sed candida sint exterius veste, interius mente. Sirico aut vellere fietur, quia Dominus sacerdotibus ideo exinde habere indumenta mandavit, ut eorum vestis spem resurrectionis ostenderet. Sirico enim de ligno per vermem fictur. Vermis post mortem procedit in alate, et post occasum et volatum figurans Christum, qui ex ligno crucis quiescens in sepulchro tamquam vermis clausus in sacco augusto, surrexit de tumulo, et ad cælos sumisit volatum. Alterius vero velleris alba innocentiam tantum vitæ demonstrant. Alba autem non constringitur cingulo, sed suspensa tegit levitæ corpusculum, quia omnis conversatio Levitica in desiderio cælestis patriæ a terrenis operibus debet esse suspensa, nec cingulo peccatorum constricta.

Stola autem quam super alba diaconus induit, significat subtilitatis intelligentiam in divina mysteria, licet veteri stola induentes gaudium solemnitis se habere monstrabant. Et pro hac causa in quadregesima pro humiliatione non utetur, sicut nec alleluia in nostra Ecclesia, Sanctus, vel prophetia, hymnum trium puerorum, vel canticum Rubri maris illis diebus decantantur. Stola alba namque angelus præcinctus apparuit quando sedens in monumento Domini, solemnitatem resurrectionis illius nuntiavit. Ideo in Quadregesima prohibendum hæc cantica, quia cælestia et angelica sunt. De cælis enim columna ignis in nocte, et columna nubis in die, angelus in camino flammæ in cælis audita est. Alleluia vel Sancti tacentur ergo in poenitentia, ut nova fiant in Resurrectione dominica quando reserantur et baptisma. Oportet ergo levita cælestem cantet canticum.

* Id est breves orationes illæ quæ a verbo *Sanctus* incipiebant, quales cantabantur ante prophetiam, ante et post Evangelium.

NOTA. In hac S. Germani *Expositione* recudenda Mabillonianum exemplar, sive quod idem est, codicem Augustodunensem de verbo ad verbum exscripsimus. Menda igitur quibus non semel syntaxis læditur, cui par est tribuat lector benevolus. *Edit.*

APPENDIX AD OPERA

SANCTI GERMANI PARISIENSIS,

VARIA LITURGICA MONUMENTA CONTINENS.

MONITUM.

Si quis lectorum interrogaverit, quænam relatio S. Germani opera sequentibus monumentis ita colliget, ut his *Appendicis* nomen aliquo modo conveniat, ultro fatebimur, non aliam relationem inter utraque intercedere nisi quod sanctus ipse Germanus pauca quædam de liturgia Gallicana scripserit, nosque ex Scriptorum illius editione minus causam quam occasionem hanc summulam liturgicam proferendi suscepisse, rei etiam opportunitate stimulante, siquidem Ecclesia nostra quotidianis de hoc themate ferveat controversiis. Cæterum, præterquam quod S. Germanus liturgiam calamo attigerit, nullum inter auctores ecclesiasticos, quibus Gallia nostra ante Carolum Magnum gloriata est, illustriorem excogitare potuimus, cujus operibus hæc monumenta meliori jure subjicerentur. Et quis antiquitatis ecclesiasticæ studiosus maximas nobis gratias abjudicet, cum perpenderit, se jamdudum conspicuam liturgiæ Romanæ partem inter Gelasii papæ lucubrationes typis nostris expressam accepisse, ejusdemque complemento simul ac Gregorii Magni operibus esse potiturum? Quibus si liturgiam Mozarabicam, Isidori Hispalensis scriptis subnectendam, adjunxerit, statim quasi spe repentina commotus exsultabit, traditionibus antiquæ liturgiæ pretiosissimis fruiturus.

His præmissis notandum nobis superest, sequentes libros de verbo ad verbum ex Mabilloniana editione fuisse exscriptos, ne scilicet, cum voces, orthographia, syntaxis exauctoratæ vel etiam mendosæ identidem occurrerint, non tam codicum vetustatem quam nostram incuriam arguere videantur.

DE LITURGIA GALLICANA

LIBRI TRES,

QUIBUS SUBJUNGITUR DISQUISITIO DE CURSU GALLICANO
AUCTORE MABILLONIO*.

Præter eas beatissimæ et apostolicæ sedis inviolabiles sanctiones, quibus nos piissimi patres, pestiferæ novitatis elatione dejecta, et bonæ voluntatis exordia, et incrementa probabilium studiorum, et in eis usque in finem perseverantiam, ad Christi gratiam referre docuerunt; obsecrationum quoque sacerdotalium sacramenta respiciamus, quæ ab apostolis tradita, in toto mundo, atque in omni Ecclesia catholica uniformiter celebrantur, ut legem credendi lex statuat supplicandi. (*Cælestius papa in epistola ad Episcopos Galliarum*.)

Epistola dedicatoria.

ILLUSTRISSIMO ECCLESIAE PRINCIPI CAROLO MAURICIO TELLERIO RHEMORUM ARCHIEPISCOPO, DUCI, PRIMO FRANCIAE PARI, SANCTAE SEDIS APOSTOLICAE LEGATO NATO GALLIAE BELGICAE PRIMATI, ETC.

Quod litterati omnes in te suspiciunt, quod tuum certatim patrocinium ambiunt, illustrissime archipræsul, hoc dignitati meritisque tuis, hoc tuæ in litteras charitati et sollicitudini debes imputare; ne quid dicam de splendore amplissimæ familiæ tuæ, quæ omnia summa, virtute duce, maximi principis judicio consecuta est. Mihi vero adeo non desunt causæ, quæ me ad hunc librum nomini tuo inscribendum impulerint, ut contra tam diu prætermitti me suppuceat officii; et longe magis timendum sit, ne mihi desint justæ excusationis, quam libri

* Integer hujus operis titulus sic se habet: *De Liturgia Gallicana libri tres, in quibus veteris missæ, quæ ante annos mille apud Gallos in usu erat, forma ritusque eruuntur ex antiquis monumentis, Lectionario Gallicano hactenus inedito et tribus Missalibus Thomasianisque integra referuntur. Accedit DISQUISITIO DE*

cursu Gallicano, seu de divinorum officiorum origine et progressu in Ecclesiis Gallicanis. Opera et studio domni Joannis Mabillon, presbyteri et monachi ord. sancti Benedicti e congregatione sancti Mauri, Lutetia Parisiorum, anno 1785.

tibi nuncupandi rationes. Id enim jamdudum exigere videbantur privata in me tua, imo et communia in totam Rhemensem provinciam beneficia, quæ peculiari in me titulo redundare merito existimabam. Nam cum in ea diæcesis tuæ regione, quæ te sacræ disciplinæ instauratorem agnoscit, lucis usuram, Deo volente, acceperim, et in illo Academia Remensis seminario, cujus alter fundator es, prima litterarum, quæ mihi ad te aditum conciliarunt, elementa didicerim : sane committendum non erat, ut non in me partem suscipere eorum beneficiorum, quæ tua sollicitudine et munificentia utrisque locis amplissima provenerunt.

Fuit aliquando tempus, cum remotior illa Campaniæ plaga, in qua Rhemensium antistitem altera sedes est, eisdem in deliciis erat. Istic frequentia secundæ Belgicæ concilia, Mosomensia inquam, Duciacensia, et Attiniacensia complura; nec ferme uspiam in tota provincia magis vigeat religio. Ita beati Remigii ævo; ita Hincmari et Adalberonis pontificatu res se habebant. At processu temporis eum in statum revoluta sunt omnia (quod temporum iniquitati malum, quam superiorum pontificum incuriæ ascribere) ut ad illam gentem emendandam strenuissimo et ecclesiasticæ disciplinæ studiosissimo archipræsule opus esset. Jacebant pene sine reverentia neglecta sacra; sine doctrina et disciplina pastores, præter admodum paucos, quos in tanta licentia pudor ac Dei timor intra modestiæ fines continuerat: ad hæc legum divinarum, ne dicam humanarum, vix ullus respectus. Denique rara, si tamen ulla, summis pastoris illis in partibus visitatio; ut eas non mirum esset densissimis ignorantæ tenebris esse obrutas ac sepultas, quæ tandiu solis aspectu caruissent. Hæresis ex adverso inter illas caligines, negotium promovere tenebrarum; in ipsa regionis quasi metropoli altera sedem suam figere, arcem catholicæ religioni objicere pene inaccessam et perversæ doctrinæ academiam. Verum ubi, Antistes vigilantissime Rhemensis Ecclesiæ clavum moderari cœpisti, quidquid auctoritatis in summa dignitate, quidquid industriæ et sollicitudinis in actiosa virtute, quidquid doctrinæ et eruditionis in magno genio positum fuit; totum id quantum quantum est, ad hoc maxime convertisti, ut illa parochiæ tuæ portio, quæ remedio fortiori ac promptiori indigebat, in meliorem formam restitueretur; idque demum effecisti ut modo vix ulla sit alia ecclesiasticis regulis magis addicta, et quæ rectores habeant meliores.

Quod si tanta fuit in remotiores illas provinciæ tuæ plagas sollicitudo ac diligentia tua; non mirum si viciniore ex eadem ita profecerint, ut si qua laterent neglectarum ovium vilia aut pericula, nec summi pastoris oculum vigilem, nec medicam manum effugerint. Nihil curæ, nihil providentiæ tuæ expers. A te habent divina officia, et sacri ritus, quibus administrantur sacramenta, decentiorem et augustiorem formam; a te probi Ecclesiarum ministri gratiam et patrocinium, improbi animadversionem; Ecclesiæ visitationes, instaurationem et profectum; denique universa diæcesis rectum ordinem et tranquillitatem.

Atque ut opus tam arduum ac difficile, si fieri posset, redderetur immortale; et ne, deficientibus probis, quos præcipuo delectu instituisti, pastoribus, etiam hæc salubris disciplina sensim deficeret; in urbe tua novum a fundamentis seminarium condidisti, amplissimis ædificiis copiosis proventibus instructum. Hic ad centum selectæ juventutis adolescentes, gratuito plerique, educantur, et sub optimis eruditisque præceptoribus ac magistris ad pietatem doctrinamque informantur; ut obeuntium pastorum vices aliquando suppleant, et rediviæ religionis ac disciplinæ studium foveant et conservent. Hos omnes et singulos ex nomine, eorumque mores cognitos et perspectos habes: tantaque est in eorum delectu æquitas et perspicacia tua, ut unus beneficium augatur, quem majus doctrinæ et probitatis meritum commendaverit. Hinc proficit ex vicini seminario æmulatione et eruditione Rhemorum Universitas, quæ in tantum sub tuis auspiciis reforescit, ut cum olim ferme inculta esset, et scholarium numera destituta, nunc eorum frequentiam vix capiant ipsi parietes.

Sed ne in posterum hæresis attollat caput, eam in ipsa ejus arce agressus es, cum scholas ejus male feriatas, etiam et dotatas, in aliud clericorum seminarium convertisti, redditus his attribuendo in Ecclesiæ profectum, quibus antea hæresis in ejus perniciem abutebatur. De his omnibus merito plaudis ac sibi gratulatur Belgica provincia, imo tota Ecclesia Gallicana, quæ « novit, » ut Ieronis ad Urbanum II verbis utar, Rhemorum « sedem diadema regni habere, et omnibus pene Gallicanis Ecclesiis exemplum ruinæ vel resurrectionis existere. »

Quapropter magnopere peccare mihi viderer, illustrissime primas, si Rhemensi provinciæ et ego ejus alumnus ob tam lætos successus non gratularer; neque porro committere licet, ut tum ob has causas, tum ob singularem in me tantillum hominem benevolentiam et gratiam tuam, quod superest vitæ ac spiritus, sine aliqua grati animi testificatione elabi sinam. Et quidem hæcenus occasio potius defuit quam voluntas: propterea quod ea quæ versabam studia nominis tui dignitati non satis responderent. Sed cum nova in me accessissent beneficia tua, felicitè sese obtulit LITURGIA GALLICANA, quam meis sociorumque meorum studiis e tenebris eruere et illustrare aggressus sum. Quid enim summo sacerdoti convenientius offerri poterat, quam divini forma sacrificii cujus ritum instituerunt sive tenuerunt clarissima Gallicanæ Ecclesiæ lumina, Hilarius, Martinus, Sidonius, Avitus, Remigius, Cæsarius, atque sanctissimi antistites? Quid inquam catholicæ religionis studiosissimo pontifici acceptius quam antiqua illa Gallicanorum Patrum oracula, in quibus nostra de Eucharistia fides tam claris et illustribus consignata est monumentis? Erunt alii qui alia tibi majoris operæ et eruditionis inscribant. Ego vero, cui nulla spes est perveniendi ad illam aliquando facultatem, ut a me quidquam egregium, et nomine tuo plane dignum expectari debeat; saltem id assecutus mihi videor, ut argumenti gravitas tuæ dignitati respondeat, et observantiæ in te meæ; et si non alia re, vel utilitate sua ipsa se lucubratio tueatur. Cæterum etiam atque etiam a te peto, illustrissime Ecclesiæ princeps, ut solita benignitate et benevolentia tua hos labores nostros, qui tua auctoritate nixi in publicum prodeunt, tibi accipiendos existimes. Quod si pro tua humanitate id concesseris, non dubito hoc opus toti Gallicanæ Ecclesiæ approbatum iri, quod tibi gratum et acceptum esse constiterit. Id porro non tam meo quam totius congregationis nostræ nomine tibi offero: quam si tuo patrocinio tueri pergas, hoc me beatum reputabo, et egregium laboris mei fructum retulisse mihi gratulabor.

F. Joannes MABILLON M. B.

PRÆFATIO.

I. Quæ omnium apud nos ecclesiarum ore ac reverentia quondam consecrata fuit Liturgia Gallicana, hæc ab annis retro nongentis ita non modo in desuetudinem, sed etiam in oblivionem abiit; ut ejus nec vestigium pene ullum relictum sit, nec ritus apud viros nostræ ætatis, etiam doctissimos, certus et exploratus. Non defuerunt e Gallis nostris eruditi homines, qui hoc argumentum illustrare tentarunt: sed irritò conatu

deficientibus quippe idoneis hujus rei monumentis. Illud apud omnes in confesso est, Liturgiam Gallicanam principio a Romana fuisse diversam, ejusque mutationem ante annum Christi octingentesimum contigisse Caroli Magni principatu. Is enim sancti Gregorii Sacramentarium, quo Romani in sacris utebantur, utunturque etiam nunc, ab Adriano papa primo suscepit, edito Capitulari, ut missa in posterum *ordine Romano* in Gallicanis ecclesiis celebraretur.

II. Quenam fuerit hujusce mutationis causa, in ambiguo est. Hoc sine temeritatis nota dicere licet, Adrianum id satis egisse apud Carolum : qui ultro, ut Romano pontifici gratificaretur, petenti annuerit. Idem magno molimine tandem evicit Gregorius VII apud Hispanos, qui ab avitis et patriis ritibus ægerime discesserunt. Nimirum hæc semper fuerunt summorum pontificum ardentissima studia, ut Romanæ Ecclesiæ ritus aliis Ecclesiis approbarent ac persuaderent, rati id quod res erat, eas facilius in una fidei morumque concordia, atque in Romanæ Ecclesiæ obsequio perstituras, si eisdem cæremoniis, eademque sacrorum forma continerentur. Ea mens fuit Innocentii I in epistola ad Decentium episcopum Eugubinum : eadem etiam omnium cujusque regni aut provinciæ præcipuorum antistitem, quibus hæc in primis cura fuit, ut ad uniformem modum omnes sibi subditæ Ecclesiæ componerentur. Ita Patribus concilii IV Toletani, Bracarensis I, et Gerundensis apud Hispanos atque Venetici et Epaonensis apud Gallos visum est. Hanc rituum in divinis officiis concordiam magnopere curarunt, teste Cassiano, etiam primi vitæ religiosæ institutores : « Verentes scilicet, ne qua in quotidianis solemnitatibus inter viros ejusdem culturæ consortes dissonantia vel varietas exorta, quandoque in posterum erroris, vel æmulationis, seu schismatis noxium germen emitteret, » ut ipse scribit in lib. II Institutorum, cap. 5.

III. Hæc Liturgiæ Gallicanæ in Romanam mutatio tanta universæ Galliæ Ecclesiarum consensione facta est, ut regnante Carolo Calvo, Magni nepote, missæ Gallicanæ notitia jam penitus oblitterata esset. Unde Carolus Calvus, ut ejus a Romana discrimen oculis perciperet ac comprobaret, missam Toletano more a quibusdam presbyteris, *qui ex partibus Toletanæ Ecclesiæ* ad se venerant, celebrari voluit : quoniam veterem Gallorum Liturgiam cum Toletana convenisse didicerat. Id patet ex ejus epistola ad Clerum Ravennatem, in qua hæc subdit : « Celebrata etiam sunt coram nobis missarum solemnita more Jerosolymitano, auctore Jacobo apostolo ; et more Constantinopolitano, auctore Basilio : sed nos sequendam ducimus Romanam Ecclesiam in missarum celebratione. » His verbis Carolus innuit, eam hujusce facti rationem fuisse, ut visis compertisque diversarum Ecclesiarum variis celebrandæ missæ ritibus statueret, qualem alteri formam præferendam existimaret : sed Romanum tandem ritum sibi præ cæteris placuisse. Ab eo tempore nemini de restituenda Liturgia Gallicana, Romanave dimittenda quidquam tentare venit in animum, nec ante nostram ætatem apud Gallos de prisco illo ritu fuit ulla fere mentio aut memoria.

IV. Inter primos ejus notitiam denuo revocandi occasionem præbuit Matthias Flaccus Illyricus, centuriatorum Magdeburgensium facile princeps : qui cum veterem quamdam missam Latinam ex Codice ms. cruisset, atque Argentinæ anno 1537 edidisset, eam esse suspicatus est quæ ante Romanam in usu fuerat apud Gallos et Germanos. Hanc conjecturam pro indubitata sententia excepit Guillemus Peyratus in Historia Capellæ regum Francorum ; eumque secutus Carolus Cointius, doctissimus Oratorii presbyter, in tomo II suorum Annalium. Utriusque sententiam ad examen revocavit clarissimæ memoriæ cardinalis Bona in insigni opere Rerum liturgicarum ; idoneisque asseruit argumentis, longe diversam ab Illyriciana fuisse missam Gallicanam : in cujus tamen inquisitione se *implicatum* fateri non erubuit vir modestiæ singularis. Nihilo minus Liturgiæ Gallicanæ quatuor assignavit indicia ; et Missalia duo, unum Vaticanæ bibliothecæ, alterum serenissimæ Suecorum reginæ, indicavit, quæ pro genuinis Gallicanis habenda esse arbitratus est. Duo hæc Missalia ante biennium integra protulit in lucem Josephus Thomasius, clericorum regularium in Urbe presbyter rerum sacrarum studiosissimus, tertio Missali addito, quod itidem ad priscum Gallicanæ Ecclesiæ ritum pertinere existimavit.

V. Cum res ita se haberent, adeundo Germaniam contigit ut in Luxoviense monasterium accederemus, atque inter semilaceras veteris ejus loci bibliothecæ reliquias antiquissimum Lectionarium, quod in sacris ad legendas prophetias et Epistolas cum Evangeliiis ante annos mille in usu fuerat, inveniremus. Mox præ gaudio exsistentes, illud Gallicanæ Ecclesiæ proprium fuisse suspicati sumus. Nec nos fefellit conjectura. Nam re maturius in reditu expensa, nullus nobis relictus est ambigendi locus, hoc esse antiquissimum Lectionarium Ecclesiæ Gallicanæ. Quam ob rem amicorum consultu quoddam operæ pretium fore duximus, si hoc de argumento singularem conderemus tractatum : in quo Liturgiæ Gallicanæ, qualis ante Carolum Magnum apud majores nostros recepta erat, vera forma, genuinique ritus explicarentur. Id pro modulo exsecuti sumus : quo fructu, alii viderint. Nobis certe (sine jactantia dicere liceat) diligentia pro materiæ dignitate non defuit.

VI. Totum opus in tres libros tribuimus. In primo, postquam de variis Ecclesiæ Latinæ Liturgiis breviter actum est, Gallicanæ indicia veræque notæ afferuntur, expenduntur, et probantur. Deinde facta ejusdem Liturgiæ cum Mozarabica comparatione, totam ejus seriem ex Gregorio Turonensi episcopo, aliisque priscis monumentis eruimus et illustramus. Quibus absolutis, vetus sacræ suppellectilis apud Gallos

nostrates, ecclesiarumque forma et apparatus describitur. Porro in exordio et fine libri exponitur qualis fuerit majorum nostrorum per id tempus de Eucharistia fides et persuasio. Argumenta repetere hoc loco non juvat. Illud quadam explicatione indiget, quod agendo de ciboriis antiquis (ædiculæ erant umbellarum instar super altaria, quatuor minimum columnis innixæ) in exemplum adducimus altare parthenonis Vallis Gratiæ apud Parisios, quod recentiori Romanorum usu non ciborium, sed baldachinum appellari debet, ut me monuit eruditus et venerabilis Claudius Castellanus Ecclesiæ Parisiensis canonicus. Id vero inter utrumque discriminis est, quod baldachini pars superior aperta, et in coronæ modum convexa est; ciborii æqua et plana, non aperta; armarium quadratum in summo habens ad asservandas reliquias; et porticulas, vulgo *ringuières*, in circuitu armarii. Ita Romæ ciborium sancti Joannis, et sanctæ Prædixedis; baldachinum sancti Petri appellatur. An utrumque apud antiquos in usu fuerit: at certe una fuit apud omnes *ciborii* appellatio. Unde ciborium sepulcri sancti Petri in Vaticano vocatur a Gregorio Turonensi episcopo in lib. 1 de Gloria martyrum cap. 28. Id monuisse hoc loco aliquanti momenti est.

VII. Secundus liber exhibet Lectionarium Gallicanum, quod in Luxoviensi Benedictinæ congregationis sancti Vitoni percelebri monasterio reperimus. In ipso hujusce libri limine nonnulla de Adventu Domini et de festis apud Gallos antiquitus receptis præmittuntur, singillatim deinde suis locis per totum librum explicanda. Nihil in illo Lectionario non dignum observatione : multa singularia, præsertim quæ ad passionem Domini et ad Rogationes pertinent. Lectiones ex Scriptura nec multum recedunt a Vulgata nostra, nec omnino cum illa conveniunt. Varietates insigniores in fine operis referemus. Lectionarii hujus antiquitas ex festis in eo recensitis, et ex litterarum, quibus exaratus est Codex, forma intelligitur. Pauca quippe in eo festa : nullum sanctæ Genovefæ die natali recentius. Characteres ipsi Merovingicam referunt scripturam, quæ sub prima regum nostrorum stirpe usitata erat. Sed ne lectori fucum facere videamur, specimen scripturæ, quæ in illo codice ubique æqualis est, æri incistum hic exhibemus.

Si est monum hominum accipitur est monu
di melius est quoniam hoc est est monum di
quod melius est quia est ius ceterum est de his
i

Hoc specimen si quis cum illis, quæ in libro v de Re diplomatica exponuntur, conferre voluerit eam Merovingicam esse scripturam nobiscum ultro fatebitur. Haud scio an ullum sit Lectionarium hoc Gallicano antiquius : si forte excipias librum comitis, indicantem lectiones ad usum Ecclesiæ Romanæ : quo de libro mentio fit in charta Cornutiana, quæ Leone Augusto iv, et Probiano cons., seu anno Christi 471 data est.

VIII. Tertium librum constituunt Missalia tria, quorum primam editionem Josepho Thomasio mox laudato acceptam referre debemus. Primum est Gothicum seu Gothicogallicanum: quo scilicet utebantur Galli Visigothorum imperio subjecti. Exemplar exstat in bibliotheca serenissimæ Christianæ Suecorum reginæ litteris quadratis et majusculis scriptum ante annos nongentos, ut peritorum judicio censuit emiuentissimus cardinalis Bona, et Thomasius post eum. Nullum in eo festum recentius quam sancti Leodegarii, anno 678 nece affecti. Alterum Missale brevius vocatur Francorum, ex eadem bibliotheca, quod *uncialibus et quadratis litteris* itidem scriptum asserit Morinus, qui illud quondam vidit, et ante annum 560 exaratum existimavit. Malim dicere post Gregorium Magnum, cujus additamentum in canone missæ, nempe, *diesque nostros in tua pace disponas*, in eo missali habetur. In orationibus pro regno et regibus indicantur *Francorum reges et rectores*. Quod argumento est non ad unum, sed ad plures tunc pertinuisse principatum. Tertium Missale dicitur Gallicanum, a cardinale Bona laudatum: cui imperitus nonnemo *Missæ Romanæ* titulum affixerat. Eodem characterum genere scriptum est ac priora duo. Asservatur in bibliotheca Vaticana, eo translatum ex Palatina seu Heidelbergensi. Plura de his tribus Missalibus initio libri III.

IX. Duobus aliis tum integritate, tum antiquitate, longe præstat Missale primum, quod Gothicum seu Gothicogallicanum appellamus. Hujus fragmenta quædam in tomo postremo Bibliothecæ Patrum adducuntur ex officio tridui ante Pascha. Et quidem in officio Sabbati sancti, cum orationes ad baptismum referuntur, quædam lectionis varietas est in ultima collectione ad hæc verba : *Oremus, fratres charissimi, Dominum et Deum nostrum pro aufetis nostris*. Ita apud Thomasium; at in Bibliotheca Patrum, *pro amphibiiis suis*. Sed neutra lectio nobis probatur; potiusque legendum videtur, *pro neophytis nostris*, ut suo loco monuimus. Luculenta vero ex hoc Missali Gothico testimonia eruuntur ad demonstrandam veram Christi corporis et sanguinis in Eucharistia præsentiam, verumque missæ sacrificium, et Romani pontificis super

omnes episcopos primum. Non repetimus modo quæ de ipsa Christi præsentia in exordio et in fine libri primi inde protulimus. Illud tantum addimus in præsens, vocabulum *transformationis* sæpius adhiberi ad significandam (quam vocamus) transsubstantiationem, ut in missa octava de Circumcisione, pag. 202*, in missa vicesima pro cathedra sancti Petri, et in missa septuagesima quinta de sancto Leodegario. Similiter occurrit idem vocabulum in missali Francorum, pag. 307, et in Gallicano, cujus sententiam mox relaturi sumus.

X. Egregius locus est Missalis Gothici in officio septuagesimo octavo de sacrificio corporis et sanguinis sui a Christo in cæna instituto. *Qui formam sacrificii perennis instituens, hostiam se tibi* (Deum Patrem sacerdos alloquitur) *primum obtulit, et primus docuit offerri.* Quod de sacrificio, non crucis, sed cænæ dictum esse quivis cordatus lector intelligit. Præter hoc testimonium, quod initio libri III exposuimus, aliud nobis idem Missale suppeditat in Missa præcedente, ubi in oratione *post mysterium*, id est post consecrationem, hæc leguntur : *Magnum hoc munus misericordiæ est, qui nobis docuit redemptionis nostræ sacrificia celebrare, sicut obtulit Dominus noster Jesus Christus in terris.* His accedit tertius locus ex Missali Gallicano in Cæna Domini, in qua Dominus noster Jesus Christus in novo Testamento sacrificandi ritum instituisse memoratur, dum panem et vinum, quæ Melchisedech in præfiguratione futuri mysterii sacerdos obtulerat, in sacramentum sui corporis et sanguinis transformavit. Nec omittendum hoc loco id quod legitur in Missali Francorum pag. 325 : *Remotis obumbrationibus carnalium victimarum, spiritalem tibi, summe Pater, hostiam supplici servitute deferimus : quæ miro ineffabilique mysterio et immolatur semper, et eadem semper offertur ; pariterque et devotorum munus, et remunerantis est præmium.* Ubi spiritalem hostiam dicit sacerdos, quod spiritaliter immoletur vera Christi caro, verusque sanguis. Quid? quod adoranda sacrificia appellantur in fine tertii Missalis, scilicet Gallicani, pag. 377. Alia id genus non pauca prætermittimus.

XI. Quod attinet ad primum Romani pontificis, eum probat missa de sancto Xysto papa et martyre, quæ in Missali Gothico est ordine quinquagesima octava : *Ex quibus est sanctus ac venerabilis Sixtus martyr..... qui dum apostolicæ sedis accepisset insignia, et se primum esse conspiceret sacerdotum*, id est episcoporum, qui in his Missalibus solent appellari *sacerdotes*, presbyteri vero non semel *seniores*, ut col. 000. Hujus loci occasione in mentem recurrit solemnis locus ex Cypriani libro de Unitate Ecclesiæ, ubi *primatus Petro datur*. Id tanquam assumptum rejecerunt nuper editores Oxonienses, freti antiquorum auctoritate codicum, quorum nonnulli hanc clausulam non habent, aliis eam habentibus numero et bona nota (ut ipsis videtur) potiores. At nullum Codicem proferent (ut quidem putamus) antiquiorem Pelagio papa ejus nominis secundo, qui in epistola sexta hunc Cypriani locum ita refert : *Sed et beatus Cyprianus, egregius martyr, in libro, quem de Unitatis nomine titulavit, inter alia sic dicit : Exordium ab unitate proficiscitur, et primatus Petro datur, ut una Christi Ecclesia et cathedra monstretur. Et pastores sunt omnes, et grex unus ostenditur, qui ab apostolis unanimi consensione pascatur.* Pro hac lectione editores citant Codices decem : sed eos rejiciunt, nulla Pelagii papæ facta mentione. At sufficit ad primum Petri, quod Cyprianus Ecclesiæ unitatis originem, ab uno, id est a Petro, incipientem, asserit a Christo institutam. Clarius in Epistola ad Jubaianum : *Petro primum Dominus, super quem ædificavit Ecclesiam, et unde unitatis originem instituit et ostendit ; potestatem illam dedit*, etc. Sed quam præclarus locus in ejusdem epistola ad Quintum : *Nam nec Petrus, quem primum Dominus elegit, et super quem ædificavit Ecclesiam suam, cum secum Paulus de circumcisione postmodum disceptaret, vindicavit sibi aliquid insolenter, aut arroganter assumpsit, ut diceret se primum tenere*, etc. Petro *prioritatem*, et si lubet *primum* concedunt editores Oxonienses in notis ad hanc epistolam, modo ne *principatum*. Quantumvis autem (ut ipsi obtundunt) Africani præsules prohiberent appellationes transmarinas; apud eos tamen *Ecclesia Romana caput omnium Ecclesiarum* censebatur, teste Eugenio episcopo Carthaginensi apud Victorem Vitensem in lib. II. Sed longius provehimur. Unum tamen addimus nempe ex præconcepta illa de Romani pontificis primatu apud Catholicos persuasionem forsitan factum esse, ut Catholici apud Gregorium Turonensem episcopum *Romani* non semel dicti sint. Unus locus est in lib. I de Gloria martyrum cap. 25, ubi Gregorius agens de violatis per hæreticos Lusitanie fontibus, et de cælesti vindicta in violatores, hæc subdit : « Denique Theodegisilus, hujus rex regionis, cum vidisset hoc miraculum, quod in his sacratis Deo fontibus gerebatur, cogitavit intra se dicens, quia ingenium est Romanorum (Romanos enim vocitant homines nostræ religionis) ut ita accidat, et non est Dei virtus. » Idem in ejusdem libri cap. 80 refert miraculum pro fidei Christianæ approbatione factum in presbytero catholico adversus presbyterum Arianum : qui catholicus presbyter *nostræ religionis* a Gregorio; *Romanorum* vero ab hæreticis appellatur. Imo etiam a Catholicis ipsis *Romana* fides pro catholica ante id tempus sumebatur. Sic Hieronymus in prima Apologia adversus Rufinum : « Fidem suam quam vocat? Eamne, qua Romana pollet Ecclesia, an illam, quæ in Origenis voluminibus continetur? Si Romanam responderit: Ergo Catholici sumus. » Non ergo novitium est, quod Catholici *Romani* dicimur. Hæc occasione Missalium Gallicanorum.

XII. Erit fortasse qui inquireat quo pacto hæc Missalia ex Gallia Romam deportata sint; nullumque forsitan supersit apud ipsos Gallos Liturgiæ Gallicanæ exemplum. Nimirum hæc nostratum (neque enim dissimulare

* Hic et infra revocatur lector ad numeros in textu crassiori caractere expressos. EDIT.

licet) incuria fuit, ut ad externos tam præclara rerum nostrarum monumenta transferrentur : actumque erat de Liturgiæ Gallicanæ memoria, nisi hæc Missalia in doctas et eruditas nec minime invidiosas manus inciderent. Quo pacto hæc migraverint Romam, jam diximus. Nempe duo ex his per serenissimam Sueciæ reginam eo delata; tertium ex bibliotheca Palatina in Vaticanam. Et illa quidem duo ex Alexandro Petavio comparata fuerant : hoc vero tertium ex Jacobi Bongarsii hæreditate in principis Palatini potestatem venerat. Unde autem hæc suppellex sive Petavio, sive Bongarsio provenerit, modo exponendum. Uno verbo dico, fere omnis ex bibliotheca Floriacensi. Rem breviter narro. Cum anno 1562 hæretici, Aurelianorum urbe expugnata et expilata, etiam finitima loca diriperent, prædæ avidi etiam convolarunt Floriacum, cujus abbas sæcularis tunc erat cardinalis Castillioneus, et ipse accerrimus hæreticorum fautor. Huic in primis acceptus erat Petrus Daniel, Causidicus apud Aurelianos eruditus, et Floriacensis Ballivus : qui cardinalis gratia dextere usus, Floriacensis Bibliothecæ Codices mss. a prædatoribus, quibus nullius ferme pensi erant, qua arte quo pretio facile impetravit. His anno 1564 ex uno horum Plauti Aululariam; ex alio Servii commentarios in Virgilium anno 1600 vulgavit. Lupi Ferrariensis epistolæ primum ex eodem penu, atque Justini editio correctior prodierunt. Anno 1603, mortuo Daniele, Paulus Petavius senator Parisiensis, et Jacobus Bongarsius, Danielis ambo amici et affines, pacto cum ejus hæredibus mille quingentorum francorum pretio, hos libros inter se partiti sunt. Pauli portio Alexandro filio cessit : qui ex eis Andreæ Chesnio suppetias ad instruendam veterum Galliæ scriptorum collectionem subministravit, suarumque demum veterum Codicum partem serenissimæ Christinæ vendidit. Bongarsius publicis ab Henrico IV Francorum rege apud Germanos negotiis admotus, eam quæ sibi contigerat portionem Argentoratum, ubi residere solitus erat, conveyendam curavit; eamque demum hospitæ suæ (quæ Lugdunensis, et gemmarii hominis uxor erat) filio, nomine Graniceto, testamento legavit. Itaque cum Lutetiæ Parisiorum anno 1612 Bongarsius ex morbo decubisset, princeps Palatinus, Jani Gruteri bibliothecarii sui persuasu, Bongarsii librariam suppellectilem, Argentorati relictam, numerata pecunia comparavit, et in bibliothecam suam Heidelbergensem comportari curavit. Denique bello inter Ferdinandum imperatorem et Fredericum electorem palatinum, qui de regno Bohemiæ decertabant, exorto; Bavaricus princeps, facto in Palatinatum impetu, magnam ejus partem occupavit, Heidelbergam anno 1622 in suam potestatem redegit, libros abstulit ex bibliotheca, plerosque summo pontifici Gregorio XV dono dedit, in Vaticanam bibliothecam tandem illatos. Hæc bibliothecæ Floriacensis fortuna, qualem didicimus ex integerrimo viro Jacobo de Givet, apud Aurelianos regio advocato. Hinc conjicere licet, tria hæc missalia ex Floriacensis bibliothecæ distractione Romam tandem appulisse, atque duplici via istuc commigrasse cum aliis ejusdem bibliothecæ libris.

XII. Hæc missalia cum Lectionario nostro conjuncta totam propemodum veteris missæ Gallicanæ seriem nobis repræsentant. Duo tantum desiderantur, nempe capitula illa Psalmorum, aliarumve sacræ Scripturæ librorum, quæ tum ad missæ initium, tum post propheticas et apostolicas lectiones, ac tempore oblationis cani mos erat : et forma verborum, quibus consecratio peragi censetur. Canonem quidem missæ pro singulis missis diversum, sed brevissimum exhibet Missale Gothico-gallicanum : at cum ad hæc verba, *Qui pridie quam pateretur*, ventum est, sequentia, quæ consecrationem continere debebant, tanquam eo tempore vulgaria, uno etc. comprehenduntur. *Morem catholicum* hac in re a nostris observatum testatur Gregorius in cap. 16 de Vitis Patrum. Formam Ambrosianam in panis consecratione adhibitam fuisse non dubitamus. Est autem hujusmodi : *Hoc est enim corpus meum, quod pro vobis confringetur*. Quatuor postrema vocabula (nam de prioribus nulla difficultas) a Gallis nostris addita fuisse inde colligimus, quod in duabus post sacram actionem orationibus, in quibus mox factæ consecrationis sit specialis et attenta commemoratio, mentio injicitur de *confracto* Christi corpore, uti et de sanguine *effuso*. Quod indicio est, verbum *confringetur* in consecratione panis præmissum fuisse, uti et *effundetur* in consecratione calicis. Uterque locus est in Missali Gothico : et primus quidem in missa de Nativitate Domini *Post secreta : Credimus, Domine, adventum tuum; recolimus passionem tuam. Corpus tuum in peccatorum nostrorum remissionem confractum : sanguis sanctus tuus in pretium nostræ redemptionis effusus est*. Hæc omnia verba ad præmissam consecrationis formam referuntur : in qua hæc recitari solebant ad utriusque symboli consecrationem : *Hæc quotiescunque feceritis, in mei memoriam facietis*. Unde sacerdos ait : *recolimus passionem tuam*. Verbum *confractum* (ut mox dicebamus) ad *confringetur; effusus ad effundetur* spectat. Sic cum affectu sacerdos verba geminabat post *Sanctus*, subdens : *Vere sanctus, vere benedictus*, etc. Alter locus est in missa dominicali, n. 78, ubi *Post secreta*, sacerdos ita precatur : *Credimus, Domine, credimus in hac confractione corporis, et effusione tui sanguinis nos esse redemptos*. Pronomen *hac* denotat prius factam esse *confractionis* mentionem. Similiter in consecratione calicis præcesserat mentio sanguinis *effusi* : sive eadem fuerit forma cum Romana, sive potius eadem cum Mozarabica, quæ sic efferebatur : *Hic est calix novi Testamenti in sanguine meo, qui pro vobis et pro multis effundetur in remissionem peccatorum*. Cum Ambrosiana hæc tantum haberet, *Hic est enim sanguis meus*. Non hæc erat sine dubio apud Gallos forma verborum in calicis consecratione, quæ verbum *effundetur* continebat, ut ex superiori repetitione intelligitur.

XIII. Hæc sunt quæ præfari visum est ad exponendam instituti nostri rationem de Liturgia Gallicana.

Huic operi coronidis instar subijcimus Disquisitionem de cursu Gallicano, id est de divinorum officiorum origine et progressu in Ecclesiis Gallicanis : cui Disquisitioni succedent nonnulla monumenta ad utriusque operis probationem. Quæ omnia faxit Deus optimus maximus ut cedant in profectum Ecclesiæ catholicæ, cujus iudicio ac censuræ hanc opellam, nosque ipsos lubenter submittimus. Nec refugimus etiam censuram eruditorum hominum. *Non enim vincimur, quando offeruntur nobis meliora, sed instruimur, ut verbis utamur magni Cypriani ex epistola ad Quintum.*

DE LITURGIA GALLICANA

LIBER PRIMUS.

CAPUT PRIMUM.

Liturgiarum consideratio quam utilis ad fidem Ecclesiæ catholicæ de Eucharistia confirmandam.

1. Cum varia sint argumenta quæ veram in Eucharistia Christi corporis sanguinisque præsentiam probant; non inferiorem in his locum tenent augustissimi ritus ac solemnes illæ preces quibus Christianæ ubivis gentium legitimæ societates ab initio in re sacra usæ sunt. Id enim modis omnibus agit Spiritu sancto animata Ecclesia, ut magnum aliquid ac plane divinum hoc sacrificio contineri palam protestetur. Huc spectant præviæ ex utroque Testamento lectiones, quarum meditatione fidelium animi ad tantum mysterium disponantur: huc panis studio præparatus, ejusdemque cum vino Deo facta oblatio verbis arcanis cum 2 sacro suffitu; huc ad circumstantes conversa oratio Præfationis instar, ut eorum aures et corda in cœlestia erigantur: huc actio sacra, et consecratio mysticis Christi verbis peragi solita; tum hostiæ calicisque elevatio cum insigni reverentia sacerdotis et populi procumbentis; ad hæc vivorum defunctorumque memoria; huc denique communio cum iis religionis et venerationis signis, cum ea gratiarum actione, nullus ut intuentibus dubitandi locus relinquatur, hanc esse, semperque fuisse Ecclesiæ fidem ac persuasionem, Christum vere in hoc sacrificio exhiberi.

2. Et hæc quidem in commune Liturgiæ omnes repræsentant. Si vero singulares uniuscujusque ritus considerare nunc vacaret, nullos in eundem scopum non collimare facile intelligeremus. Quo in genere præclarum est in missa Mozarabica institutum, ut recitato Canone sacerdos hostiam consecratam super calicem tenens, Symbolum CP. præcinat ex decreto concilii in Toletani, subsequente cleri et populi concentu. Hac enim confessione omnes et singuli contestari videntur, se ea fide verum Christi corpus et sanguinem in Eucharistia credere, qua fide omnipotentem Deum unum atque trinum, ac Filium incarnatum credunt. Ideo quippe Toletani Patres hoc Symbolum, priusquam Dominica dicatur oratio, clara voce a populo decantari præcipiunt, quo et fides vera manifestum testimonium habeat, et ad Christi corpus et sanguinem prælibandum pectora populorum fide puri-

A fecta accedant. Quod non solum de fide Trinitatis et Incarnationis, sed etiam de fide Eucharistiæ intelligendum est, secundum illud quod in Missali Gothico gallicano legitur, nimirum in missa 75. *Ut solemne hoc sacrificium sanctificet corda nostra, dum creditur, deleat peccata, dum sumitur.*

3. Verum si ad preces in Liturgiis adhiberi solitas attendamus; plura utique, eaque magis expressa, huic rei confirmandæ testimonia nobis occurrent. In his luculentum est illud, quod nobis supeditat Liber Sacramentorum Gregorii magni in Dominica quinta post Epiphaniam, ubi in Præfatione hæc leguntur: *Singuli accipiunt Christum Dominum, et in singulis portionibus totus est; nec per singulos minuitur, sed integrum se præbet in singulis.* Quod testimonium Guitmundo tanti visum est, ut illud retulerit in librum suum de corpore et sanguine Domini; itidemque Algerus in lib. 1 cap. 15, ex Ambrosio, id est ex Liturgia Ambrosiana, in qua hæc leguntur apud Pamelium Dominica quinta, et in hodierno Missali Ambrosiano Dominica sexta post Epiphaniam.

4. Quod si auctores illi alias etiam Liturgias, in primis veterem Gallicanam, in promptu habuissent, haud dubie multas inde suppetias hausissent ad asserendam catholicam fidem. Tres tantum locos huc adducere juvat ex Missali Gothico seu Gallicano perantiquo, quibus locis nihil signantius aut luculentius afferri potest. Unus exstat in missa de Epiphania, ubi statim ab initio hæc solemnitas veneranda proponitur, exhortando fideles ad ferventem orationem, nempe *ut qui tunc aquas in vina mutavit, nunc in sanguinem suum oblationum vina convertat.* Hic necesse est agnoscere veram ac sinceram, non figuratam duntaxat vini mutationem in sanguinem Christi; ad quam scilicet efficiendam cœlo devocatur omnipotentia Dei, ea quidem ipsa, quæ aquas in vinum aliquando convertit.

5. Sed insignior alter locus est sub finem ejusdem Missalis in missa dominicali. Sic enim habetur in oratione secreta: *Precamur mente devota te, Majestas æterna, 4 ut operante virtute, panem mutatum in carnem, poculum versum in sanguinem, illum sumamus in calice, qui de te fluxit in cruce ex latere.* Quis hodie

Catholicorum suam de Eucharistia fidem apertius et efficacius posset exprimere, quam istius Liturgiæ auctores? quos ante annos mille vixisse constat, cum codex, unde hæc excerpta est, litteris majusculis et quadratis scriptus, superet annos nongentos, ut in consequentibus exponemus.

6. Ejusdem est momenti aliud ex eadem missa testimonium post orationem dominicam: *Liberanos a malo, Christe Jesu. Corpus tuum pro nobis crucifixum edimus, et sanguinem sanctum tuum pro nobis effusum bibimus*. Nihil interpretatione hic opus est. *Corpus Christi* in Eucharistia edimus, non quaecunque, sed illud ipsum quod pro nobis crucifixum est: *sanguinem ejus bibimus*, non umbraticum, sed illum ipsum, qui pro nobis effusus est. Uno verbo panem sumimus, divina operante virtute mutatum in carnem; poculum B *versum in sanguinem*, qui in cruce ex latere Christi fluxit, uti superior locus diserte astruit.

7. Ex quibus intelligitur quantum intersit reipublicæ Christianæ de vetustis illis Liturgiis accuratam habere notitiam, ut ex illis catholica traditio reddi possit illustrior. Quapropter ne in posterum Liturgia Gallicana, quæ Gregorianam præcessit, obscura maneat, induxi animum ea in unum conferre, quæ ad illam e tenebris oblivionis vindicandam reperire potuimus: ut quando hæc in usum jam amplius revocari nequit, saltem ex ejus cognitione asseratur majorum nostrorum, id est veterum Gallorum, religio.

CAPUT II.

Varie Liturgiæ apud Latinos, earumque convenientia C et differentia.

5 1. In celebrando sacrosancto missæ sacrificio omnes Orientis et Occidentis Ecclesiæ modum quemdam in summa communem ab initio habuere: singulæ tamen ritus aliquos singulares ac diversos. Hæc omnibus semper communia, nempe lectiones sacrarum Scripturarum initio Liturgiæ, psalmorum aliorumque canticorum recitatio; oblatio panis et vini aqua misti; consecratio utriusque verbis Christi Domini cum benedictione ac signo crucis a sacerdote facta; oratio Dominica; et sacra communio cum gratiarum actione. At designatio certarum ex Scriptura lectionum; psalmorum, aliarumque precum numerus et definitio, ministrorum ritus præter eos qui sunt ex institutione divina, hæc vero D omnia pro locis ac temporibus varia exstiterunt.

2. Qui priorem modum attenderunt auctores, missæ ordinem ubique uniformem fuisse dixerunt. Quos inter Isidorus, et post eum Ætherius et Beatus Hispanici scriptores in libro I contra Elipandum, totidem verbis id asseruerunt: *Ordo missæ vel orationum, quibus oblata Deo sacrificia consecrantur, primo a sancto Petro est institutus: cujus celebrationem uno eodemque modo universus peragit orbis*. Non ignorabant eruditi illi auctores discrepantiam Liturgiæ Hispanicæ a Romana, et aliis, sed ita loquebantur habita ratione modi illius generalis uniformis. Verum qui ad ritus singulis Ecclesiis 6 seu regionibus proprios, ad orationes peculiare, aliaque id genus

A respexerunt; multum discriminis in sacris agnovērunt, non tantum inter Orientalem et Occidentalem, sed etiam inter Latinas invicem Ecclesias.

3. In occidente seu apud Latinos, quatuor minimum solemnes Liturgias inter sese diversas distinguere licet: puta Romanam, Ambrosianam seu Mediolanensem, Gallicanam, et Hispanicam, quam secuti sunt apud Hispanos Christiani Arabibus permisti, ob id Mozarabum appellatam: quibus Liturgiis addi possunt Africana et Hibernica.

4. Romanæ Liturgiæ triplex veluti ordo seu status considerandus est. Unus primigenius, ab Ecclesiæ nascentis exordio ad Gelasium usque receptus; alter Gelasianus, auctorem seu amplificatorem habens Gelasium papam ejus nominis primum; tertius Gregorianus, ita dictus ex nomine Gregorii Magni qui Gelasianum ordinem correxisse memoratur. Qualis fuerit primigenius ille, non omnino constat. Gelasianus diu desideratus est: sed tandem illum e tenebris eruit vir de Ecclesia bene meritus Josephus Maria Thomasius, clericus regularis, atque ante annos quatuor Romanis typis vulgavit. Gregorianus demum in usu communi est modo apud omnes fere Ecclesias, notis et observationibus a Menardo nostro illustratus.

5. Gregoriani a Gelasiano totum discrimen est in varietate et numero earum orationum quas Collectas vocant; nam cætera utriusque eadem omnino partes sunt. In Gelasiano duæ aut tres ante Epistolam orationes; unica Secreta ante Præfationem; atque duæ post communionem, quarum una est *supra populum*. At in 7 Gregoriano tres tantum ad singulas missas assignantur orationes, quarum una ante Epistolam altera Secreta, tertia post communionem. Id vero in Ordine Gelasiano præstitit Gregorius, testante Joanne Diacono, quod « multa subtraxit, pauca convertit, nonnulla adjecit, » atque Gelasianum Codicem, in tres libros distinctum, « uno volumine coarctavit. Quod volumen Librum Sacramentorum prætitulavit. »

6. Ita ergo procedit Ordo Romanus, ut primo dicatur antiphona, quæ vulgo introitus appellatur, deinde *Kyrie eleison*, tum hymnus angelicus seu *Gloria in excelsis* olim diebus festis et Dominicis in missa episcopali, in cæteris tantum in Pascha; postea una vel plures orationes; exin Epistola, Graduale cum Alleluia, Evangelium, Offertorium, oratio Secreta, Præfatio, Trisagion, Canon, oratio Dominica, *Agnus Dei*, antiphona ad communionem, Postcommunio, et benedictio. Evangelium sancti Joannis recentioris est instituti, ut ex Micrologo intelligitur. Symbolum post Evangelium Romani « nullo modo cecinerunt usque ad tempora divæ memoriæ Henrici Imperatoris, » scilicet primi, teste Bernone abbate Augiensi: nempe quod « Romana Ecclesia non fuisset aliquando ulla hærescos sæce infecta. » Quod ergo Galli etiam regnante Carolo Magno Symbolum lecto Evangelio recitaverint, id ex veteri Ordine Gallicano videtur manasse.

7. Liturgia Ambrosiana seu Mediolanensis plures

habet partes. Præmittitur oratio Secreta, antequam sacerdos procedat ad altare; itemque alia, cum ad illud accedit. Dein post ingressam, quæ Introitui nostro respondet, sequitur populi salutatio cum oratione super populum. Rursus alia salutatio, tum hymnus angelicus, **8** postea *Kyrie eleison*; et præmissa salutatione lectio prophetæ, et Psalmus, quale est nostrum Graduale. Subsequitur cum salutatione lectio epistolæ deinde Alleluia cum suo versu, tum alia antiphona, mox Evangelium præmissa benedictione. Finito Evangelio rursus salutatio, tum *Kyrie eleison*, item salutatio, tum antiphona post Evangelium, nos Offertorium vocamus. Post hæc pax et salutatio, oratio super sindonem seu corporale, ut loquimur, oblatio panis et vini, orationes Secretæ et offerenda: tum prævia salutatione Symbolum, rursus salutatio et oratio super oblata, deinde Præfatio, Trisagion, Canon Romano perquam similis, nisi quod lotis manibus sacerdos verba consecrationis sic effert: *Hoc est enim corpus meum, quod pro multis confringetur.* Et: *Hic est enim sanguis meus,* nec plura. Post Canonem hostiæ confractio et commistio in calice, dum interim canitur Confractorium, sive antiphona ad confractionem: deinde oratio Dominica, pacis nuntiatio, Communio, postmodum orationes post Communionem. Quibus dictis communio præbetur astantibus his verbis, *Corpus Christi*, et respondetur, *Amen.* Sub hæc antiphona Transitorium dicta; postea salutatio et oratio post Communionem: iterum salutatio, *Kyrie eleison*, benedictio populi, ejusdemque dimissio his verbis: *Procedamus in pace.* Respondetur: *In nomine Christi.* In Ecclesia Mediolanensi ad hunc usque diem viget is ritus, cujus auctorem Ambrosium agnoscit Valerius Strabus in cap. 22: «Ambrosius quoque Mediolanensis episcopus, tam missæ quam cæterorum dispositionem officiorum suæ Ecclesiæ et aliis Liturgiis ordinavit. Quæ et usque hodie in Mediolanensi tenentur Ecclesia.» Certe pleræque fundamentum habent in libris de Sacramentis, qui Ambrosio tribuuntur.

9 8. Hunc missæ Ambrosianæ ordinem exhibuit anno 1571 Pamelius, haud dubie ex antiquo ritu: a quo discrepat in nonnullis Missale Ambrosianum editum anno 1560, at longe in pluribus novum anni 1669. Primo in missis deest Prophetia in novo, præterquam in missis de Quadragesima, de sanctissimo Sacramento, et in missis post Pentecosten. In alio nulla ante Epistolam lectio ex veteri Testamento in Dominicis post Pentecosten: sic vero in nativitate Domini, aliisque solemnioribus festis, uti et in Dominicis Quadragesimæ. In festis paschæ, Ascensionis et Pentecostes Epistolæ præmittitur lectio ex Actibus apostolorum in utroque Missali. Item in utroque verba consecrationis eadem, quæ in Romano, cujus multi ritus in ordinem Ambrosianum a recentioribus inducti sunt. Ubique, id est tam apud Pamelium quam in duplici Missali, nulla fit mentio de silentio ante lectiones indicto. Cujus tamen meminisse vide-

A tur Ambrosius in præfatione super psalmum 1: «Mulieres Apostolus in ecclesia tacere jubet, psalmum etiam bene clamant... Quantum laboratur in ecclesia ut fiat silentium cum lectiones leguntur! Si unus loquitur, obstrepunt universi. Cum psalmus legitur, ipse sibi effector est silentii: omnes loquuntur, et nullus obstrepat.» Hæc verba innuunt omnes inter psallendum cantu occupatos fuisse; cum lectiones legerentur, vix silentium impetratum. Sed fortasse iste locus ad Liturgiam sacram non magis quam ad alios Ecclesiæ conventus pertinet. In libello de Litanis, quem ex ritu Ambrosiano sanctus Carolus Borromæus typis vulgari curavit, ter silentium indicitur ante Evangelii lectionem in tribus diebus Rogationum, hoc modo: *Diaconus dicit: Parcite fabulis. Custos item: Silentium habete. Et alter respondet: Habete silentium.* Evangelium deinde pronuntiatur **10** ante missam. Hæc de Liturgia Ambrosiana.

9. Non minor est Liturgiæ Mozarabice a Ræmæ discrepantia. Ejus partes Isidorus, et post eum Ætharius et Beatus iisdem verbis describunt in hunc modum: «Prima oratio ejusdem missæ commonitionis erga populum est, ut omnes excitentur ad exorandum Deum. Secunda invocationis ad Deum est, ut clementer excipiat preces fidelium, oblationemque eorum. Tertia autem effunditur pro offerentibus, sive pro defunctis fidelibus, ut per ipsum sacrificium veniam consequantur. Quarta post hæc infertur pro osculo pacis et charitatis, ut reconciliati omnes consocientur digne per Sacramentum corporis et sanguinis Christi... Quinta deinde infertur inlatio in sanctificatione oblationis: in qua etiam ad Dei laudem terrestrium creaturarum virtutumque cælestium angelorum universitas provocatur, et *Hosanna in excelsis cantatur.* Porro sexta proinde succedit confirmatio Sacramenti, ut oblatio quæ Deo offertur, sanctificata per Spiritum sanctum, Christi corpori et sanguini confirmetur. Ultima vero Dominica oratio est.» Hucusque Isidorus et Beatus.

10. Mozarabici ritus partes distinctius et fusius explicarunt Vaseus in Chronico, et ex illo Pamelius, et post eos claræ memoriæ Joannes Bona cardinalis: quibus adde scriptorem Vitæ Francisci Ximenes Toletani archiepiscopi et cardinalis. Hic Missale Mozarabicum Toleti excudi mandavit anno 1500. Sed quia rarissima sunt in his partibus istius editionis exemplaria, ejusque notitia subsequentibus illustrandis plurimum conducit; illius Liturgiæ partes accuratius exponere operæ pretium est. Principio præmissa confessio et oratione, fit initium ab antiphona seu Introitu cum duobus versibus et *Gloria et honor Patri.* Sequitur extra adventum et Quadragesimam *Gloria in excelsis*, cujus loco die Dominica **11** ante sancti Joannis Baptistæ Nativitatem dicitur canticum *Benedictus.* Tum oratio prima recitatur absque prævio *Oremus*, eaque recitata sacerdos sine conversione ad populum dicit, *Dominus sit semper vobiscum;* et audito populi responso legit Prophetiam, ad cujus titulum populus respondet, *Deo gratias*, et in fine,

Amen. Deinde repetita salutatione canitur aut profertur Psallendum, quod idem est cum nostro Graduali. Postea sacerdos vel diaconus ait, *Silentium facite*, antequam subdiaconus Epistolam legat. Hanc subsequitur lectio Evangelii, quo finito respondetur, *Amen.* Quod sanctus Benedictus post Evangelii in vigiliis nocturnis lectionem prescribit in regulæ suæ cap. 11. Lecto Evangelio post salutationem mox cantatur Alleluia cum suo versu. Succedit hostiæ oblatio cum oratione, quam sequitur alia dicta, Post oblationem, his verbis, *In spiritu humilitatis*, etc. *Veni, sancte Spiritus sanctificator*, etc. Dein sacerdos dicit, *Adjuvate me, fratres*, etc., tum canitur Sacrificium, quod offertorium vocamus. Hucusque missa cathecumenorum.

11. His exactis, sacerdos manus abluit, et dicta oratione Secreta, aliam subdit, quæ vocatur Missa, cum prævia salutatione. Sequuntur aliæ tres orationes, quarum penultima est Post nomina, ultima Ad pacem. Dum sacerdos Missam orationem dicit, interim populus Deo laudes occinit, dicens ter *Agnos.* In secunda oratione postulat sacerdos, ut Deus Christianorum preces admittat; statimque infert: *Offerunt Deo Domino oblationem sacerdotes nostri, papa Romensis, et reliqui, pro se, et pro omni clero*, etc. Tum: *Facientes commemorationem beatissimorum apostolorum et martyrum, gloriosæ sanctæ Mariæ virginis, Zachariæ, Joannis, Infantum, Petri, Pauli, et cæterorum apostolorum.* Quæ nomina elata voce recitantur. 12 Respondet chorus: *Et omnium martyrum.* Addit sacerdos: *Item pro spiritibus paucantium, Hilarii, Athanasii, Martini*, etc., respondente choro: *Et omnium paucantium.* Dein oratio Post nomina, qua petitur a Deo, ut pacem fidelibus defunctis impertiat: et alia festo congruens: tum adhortatio ad pacem, quæ mox datur, dicente sacerdote: *Qui modo astatis, pacem facite.* Et cum datur osculum, *Habete osculum dilectionis et pacis, ut apti sitis sacrosanctis mysteriis Dei.* Interim chorus canit, *Pacem relinquo vobis*, etc. Deinde præmisso versu, *Introibo ad altare Dei*, confestimque extensis manibus, sed junctis, sacerdos canit Illationem, quam præfationem appellamus. Illationi subjicitur Trisagion, postea Canon, qui in plerisque missis varius est. Consecratio quondam his verbis: *Hoc est corpus meum, quod pro vobis tradetur.* Quæ forma, veteri Ambrosianæ consimilis, ab annis septingentis ad Romanam redacta est, uti et forma sequens pro vini consecratione. Elevando sacram hostiam ait: *Quotiescumque manducaveritis, hoc facite in meam commemorationem.* Tum, *Similiter et calicem, postquam cœnavit, dicens: Hic est calix novi testamenti in meo sanguine, qui pro vobis et pro multis effundetur*, etc. Hinc calicem filiola seu amiculo coopertum exhibet, dicens, *Quotiescumque biberitis, hoc facite in meam commemorationem.* Mox dicitur oratio sexta, vocata Post Pridie. Deinde sacerdos dividit calicem suo amiculo, huicque imponit hostiam sacram, dicendo antiphonam, quæ Ad confractionem appella-

tur. Tum hostiam elevat non elevato calice. Postea eam tenens supra calicem, recitat Symbolum Nicænum seu CP. Sub hæc frangit hostiam in novem particulas, quæ his nominibus designantur, Corporatio, 13 Nativitas, Circumcisio, Apparitio, Passio, Mors, Resurrectio, Gloria, Regnum. Quæ particulæ in crucis modum disponuntur super patenam. Mox facta vivorum commemoratione, canitur oratio Dominica; qua recitanda, ad singulas fere petitiones populus respondet, *Amen.* Post orationem, *Liberati a malis*, etc., Romanæ persimilem, sacerdos particulam Regnum immittit in calicem, dicendo, *Sancta sanctis, et conjunctio corporis et sanguinis*, etc. In Paschate, Pentecoste, et festo sanctissimi Sacramenti, sacerdos hanc particulam tenens, ter alta voce dicit: *Vicit Leo de tribu Juda, radix David*, respondente ad singulas vices choro, *Qui sedes super cherubin, radix David, alleluia.* Statim datur benedictio eo modo, quo nostræ episcopales. Post hæc communio, dum interim populus cantat, *Gustate et videte quam suavis est Dominus, alleluia, alleluia.* In missis defunctorum et Quadragesimæ, *Qui venit ad me non esuriat.* Sacerdos communicando, penultimam particulam, cui nomen *Gloria*, cæteris majorem accipiens, eamque tenens super calicem, memoriam facit defunctorum. Mox eam in os sumit, cæterasque suo ordine, primo sumens eas, quæ postremæ fuerint in patena: statimque populo communionem impertit. Ipse vero inde sanguinem suscipit. Dein canitur antiphona Post communionem, oratio, salutatio ad populum, vox diaconi: *Solemnia completa sunt*, etc. Nulla unquam conversio ad populum, nisi in fine ad benedictionem, quod est usus recentioris. Mozarabicus hic ritus in unica Toletanæ Ecclesiæ ædícula sacra nunc observatur.

12. In libello Eldefonsi Hispaniensis episcopi, cujus libelli exemplar Anicium ex Hispania per Gotescalcum episcopum anno 989 allatum est, quædam 14 singularia continentur de numero hostiarum, quæ per varias anni solemnitates offerendæ sunt. Verum libellus iste non indicat morem tunc usitatum, sed visum ipsius Eldefonsi de novo illo ritu, quem nusquam usurpatum fuisse existimo. Hæc fusius persequenda fuere de Liturgia Mozarabica, quoniam id necessarium videtur ad notitiam Gallicanæ, quæ Mozarabicæ affinis est. Nunc de Africana dicendum.

13. Jacobus a Vitriaco, in libro de Historia orientali, capite 81, innuit Christianos, qui in Africa et Hispania suo tempore, id est sæculo xiii, versabantur, *Mosarabes* nuncupatos, eadem Liturgiæ usos fuisse. « Constituunt autem, inquit, Sacramentum altaris de pane azymo, quemadmodum alii Latini. Sanctam autem Eucharistiæ formam quidam eorum in septem partes dividunt, alii vero in novem: cum tamen Romana Ecclesia, et alii eidem subjecti, ipsam Eucharistiam in tres tantum portiones partiantur. » Verum alium apud Africanos Liturgiæ ritum antiquitus fuisse constat, tum ex Isidoro, tum ex Augustino. Isidorus quippe in lib. 1 de divinis Officiis, cap. viii,

« In Africanis, ait, regionibus non omni tempore, sed tantum Dominicis diebus et quinquaginta post Domini resurrectionem, Alleluia cantatur pro significatione futuræ resurrectionis et lætitiæ. Verum apud nos, secundum antiquam Hispaniarum traditionem, præter dies jejuniorum vel Quadragesimæ omni tempore canitur Alleluia. » Augustinus vero disertè formam Liturgiæ Africanæ describit in sermone 227 novæ editionis, qui est quartus in die Paschæ ad infantes, de Sacramentis, id est, de mensæ dominicæ Sacramento, ut ipse initio sermonis explicat. Sic autem habet: « Hodie incipit liber ipse legi, » nempe de Actibus apostolorum. « Tenetis sacramenta ordine suo. Primo post orationem admonemini sursum habere cor. **15** Ideo cum dicitur, *Sursum cor*, respondetis, *Habemus ad Dominum*. Sequitur Episcopus vel presbyter qui offert, et dicit: *Gratias agamus Domino Deo nostro*; et vos attestamini: *Dignum et iustum est*. Deinde post sanctificationem sacrificii dicimus orationem Dominicam. Post ipsam dicitur, *Pax vobiscum*, et osculantur se Christiani in osculo sancto. » Denique cum in Ordine Mozarabico semper duæ lectiones ante Evangelium, una ex Veteri Testamento, alia ex Novo præmittatur; unica erat in Africano, teste Augustino in sermone 7 de verbis Apostoli: « Apostolum audivimus, psalmum audivimus, Evangelium audivimus: consonant omnes divinæ lectiones. » Idem clarius habetur in sermone 10 de verbis apostoli, et in sermone 33 de verbis Domini secundum Lucam, et alibi.

14. Qualis fuerit apud Britones et Hibernos sacrificandi ritus, non plane compertum est. Modum tamen illum a Romano diversum exstitisse intelligitur ex Bernardo in libro de Vita Malachiae, capitibus 3 et 8, ubi Malachias barbaras consuetudines Romanis mutasse, et canonicum divinæ laudis officium in illas Ecclesias invexisse memoratur.

CAPUT III.

Quæ et qualis fuerit quondam Liturgia Gallicana: an ea quæ a Matthia Illyrico edita est. Certæ ejus notæ; hæc integra tandem reperta.

161. Sed jam demum ad Liturgiam Gallicanam, cujus gratia hæc præmissa sunt, veniendum est; inquirendumque de ejus forma, de qua hactenus eruditi viri disceptarunt.

2. Principio advertere convenit Ordinem Romanum, qui apud Hispanos sæculo xi, insequenti apud Hibernos (ut mox dicebam) receptus est, in Gallia vigere cœpisse jam inde a tempore Caroli Magni sive id effecerint Romani Pontifices, qui alias omnes ecclesias ad unum cum Romana concentum, quantum in eis fuit, adducere curarunt; sive ad eos demerendos id voluerit Carolus. Initium factum est a cantu Romano, quem Pippinus in Gallicanas Ecclesias induxit, ut docet Paulus papa I in epistola ad ipsum, cui Antiphonale et Responsale mittit. Directi etiam ab eodem principe adolescentes, qui Romanum cantum addiscerent. Postea vero Carolus Magnus ejus filius Sacramentarium Gregorianum, id est librum

A Liturgiæ Romanæ a Gregorio Magno adornatum, ab Adriano pontifice petiit, impetravitque, testante ipsius Adriani epistola, quæ est octogesima secunda Codicis Carolini, in qua hæc verba: « De Sacramentario vero, a sancto prædecessore nostro deifluo papa Gregorio disposito, jam pridem Paulus grammaticus a nobis eum pro vobis petiit, et secundum sanctæ nostræ Ecclesiæ traditionem per Johannem monachum atque abbatem civitatis Ravennatum vestræ régali **17** emisimus Excellentiae. » Inde postmodum Carolus edicto sancivit, ut unusquisque Presbyter Missam celebraret *ordine Romano*, ut legitur in Capitulario lib. v cap. 371 novæ editionis, alias 219.

3. Ab eo tempore, quotquot scripti sunt in Gallia Missales (quos vocant) libri, ad illum Gregorianum Codicem exacti sunt fere omnes. Gelasiani tamen missales quidam sæculo xi erant in quibusdam Ecclesiis Rhemensi sancti Remigii monasterio subjectis, sicut legitur in veteri libro censuali, qui Hinemari tempore scriptus est. Ad hæc Alcuinus Missalem Gregorianum et Gelasianum simul ordinasse dicitur in Chronico Centulensi: qualis est unus Codex regius optimæ notæ n. 3865. Unde factum est, ut nullus Codex, qui antiquiorem illum Ordinem Gallicanum referat, ante hos paucos annos inveniri potuerit; atque ad id tempus semper incerta fuerit de hujusce Ordinis ritu sententia.

4. Matthias Flaccus Illyricus, centuriatorum Magdeburgensium princeps, missam Latinam ex veteri Codice vulgavit Argentinæ anno 1557 sub hoc titulo: *Codex Missæ Latinæ, quæ olim ante Romanam, circa Domini annum 700, in usu fuit, bona fide ex vetusto authenticoque Codice descripta*. Codicem non satis designat titulus: sed ex variis orationibus, quæ ad oblationem in illa missa referuntur, una sic habet: *Suscipe, sancta Trinitas, hanc oblationem, quam pro seniore nostro et cuncta congregatione sancti Petri ... offero*. Et in alia paulo ante: *Quam tibi offero pro me peccatore et nostræ congregationis salute, et pro omnibus in Christo fratribus et sororibus nostris*. Ex his conjicio, hunc librum fuisse ad usum monasterii sancti Petri Hornbacensis in diocesi Mettensi, quæ congregatio sancti Petri ex monasterio *Hornbac* appellatur in titulo epistolæ cxiii **18** inter Bonifacianas ad Riculfum Lulli successorem. Hæc observatio aliquanti momenti in consequentibus erit.

D 5. Hujus missæ ab Illyrico editæ varia fuit fortuna. Primo triumphos de ea egerunt Lutherani, quasi Catholicis penitus adversaretur. Ut hos triumphos reprimeret Philippus II Hispaniarum rex, dulcis Albensis instinctu, ejus lectione interdixit; eandemque postea Sixtus V in librorum prohibitorum classem redegit. Lutherani aperte tandem missam Illyricianam Catholicis suffragari, sibi que adversari intelligentes, illam suppressere modis omnibus studuerunt. Catholici ex hac palinodia proficientes, ipsammet accuratius legerunt, laudarunt, comprobarunt, et ad asserenda Eucharistiæ, confessionis, et suffragiorum pro mortuis dogmata adhibuerunt: in primis quidam

Guillelmus Peyratus, in libro II de historia Capellæ regum Franciæ, cap. 13, eumque secutus Carolus Cointius in Annalibus ecclesiasticis Francorum ad annum 601, ubi missam Illyricianam a Lutheranis suppressam recudit. Quod etiam præstitit cardinalis Bona in fine operis sui Liturgici.

6. Hanc vero in occidente, præsertim in Gallia et in Germania, antequam Romanus Ordo admissus esset, usui fuisse opinari se dicit Illyricus in epistola præliminari ad principem Palatinum. Peyratus ipsam pro antiqua Gallicana indubitanter agnovit, eidemque sententiæ Cointius subscripsit : ambo porro eam ad primam regum Francorum stirpem revocant. Ex adverso Menardus noster in notis ad librum Sacramentorum, etsi antiquam esse concedit; quædam tamen in contrarium opponit, sed quæ rem non evincunt. Missæ Illyricianæ similem edidit Menardus ex codice Corbeiensi Ratoldi ejus loci abbatis, atque aliam eminentissimus cardinalis Bona in libro **19** Rerum liturgicarum cap. 12, ubi Illyricianam negat veram esse veterem Gallicanam, cujus notas, indicia, et vera specimina ibidem producit. Indicium unum est, illudque certum ex Gregorio Turonensi episcopo, in missa Gallicana duas lectiones Evangelio præmitti solitas, unam ex Veteri passim, alteram ex Nôvo Testamento. Atqui in Illyriciana mentio fit unius epistolæ. Deinde in hac missa Illyriciana agitur de Sequentia, cujus origo sæculum IX haud excedit, Notkero Balbulo sancti Galli monacho forsán tribuenda. Præterea in Symbolo legitur additamentum *Filioque*, quod a Caroli Magni tempore exordium ducit. Ut in pauca rem conferam, Ordo ille Illyricianus missam pontificalem continet secundum ritum Romanum, et quidem nihil fere aliud quam orationes privatas ab episcopo recitandas, dum chorus canendo occupatur. Nam post orationes, quæ cum ante missam, tum sumendo vestes sacras indicantur, multæ aliæ subduntur, *donec cantentur versus ad introitum, et Kyrie eleison, et deinde carmen angelorum. Postea finita angelica laude, Missalem orationem dicat Sacerdos. Deinde Lectio recitetur, et inter Lectionem et Evangelium, id est tempore Gradualis et Alleluia ac Sequentiæ, episcopus dicat has orationes, etc.* Multis interjectis, *quandiu Offertorium et versus canuntur, has dicat orationes, etc.* Præfatione finita, *quando alii Sanctus decantant, hæc oratio cursim dicenda est a sacerdote, etc. Deinde cum reverentia incipiat, Te igitur, etc.* Qui Canon est Ordinis Romani, ad cujus ritum indubie omnes illius missæ Illyricianæ orationes respiciunt. Quantum vero a Gallicana differant, ex consequentibus amplius manifestum fiet.

7. Primus Liturgiam Gallicanam detegere cepit piæ memoriæ cardinalis Bona, qui in hac inquisitione se *implicatum* **20** ultro fateri non dubitavit, professus hanc rem magni esse momenti, eamque non ex proprii ingenii figmentis aut temeraria conjectura, sed ex vetustis monumentis investigandam.

8. Hujus autem veteris missæ Gallicanæ indicia quatuor nobis exhibuit optimus cardinalis. Primum,

A quod in ea passionibus martyrum recitarentur, ex Hilduini epistola ad Ludovicum Augustum, Areopagiticis præfixa. In hac quippe epistola commemorat « antiquissimos, et nimia pene vetustate consumptos Missales libros, continentes missæ ordinem more Gallico, qui ab initio receptæ fidei usu in hac occidentali plaga est habitus, usquequo tenorem, quo nunc utitur, Romanum suscepit. In quibus voluminibus habentur duæ missæ de sancto Dionysio, quæ sic inter celebrandum... tormenta martyris sociorumque ejus succincte commemorant : sicut et reliquæ Missæ ibidem scriptæ aliorum apostolorum vel martyrum, quorum passionibus habentur, notissime decantant. » Hæc passionibus martyrum commemoratio in Præfatione facta fuisse videtur. Quanquam integra acta quandoque legebantur, ut mox de actis sancti Æmiliani videbimus.

9. Alterum missæ Gallicanæ indicium est, quod eodem ritu hæc celebraretur, atque Toletana seu Mozarabica. Cujus rei testes sunt Caroli Calvi litteræ ad clerum Ravennatem in hæc verba : « Usque ad tempora ab avi nostri Gallicanæ Ecclesiæ aliter quam Romana vel Mediolanensis Ecclesia divina celebrabant officia, sicut vidimus et audivimus ab eis qui ex partibus Toletanæ Ecclesiæ ad nos venientes, secundum morem ipsius Ecclesiæ coram nobis sacra officia celebrarunt. » Quæ verba consequentiam non habent, nisi eadem fuisset Toletana atque Gallicana Liturgia. Certe Hispani vitas sanctorum (quod de Gallis tradit Hilduinus) **21** in sacris etiam publicis recitabant, ut luculenter inter alia probat Braulionis Cæsaraugustani episcopi libellus de gestis beati Æmiliani abbatis, quem libellum ideo conscripsit « ut posset in missæ ejus celebratione quantocius legi, » quemadmodum Braulio ipse in Præfatione sua loquitur.

10. Tertium indicium est quod in ordine Gallicano, testante Gregorio Turonensi antistite, facta sit prima lectio ex prophetis, altera ex Apostolo, tertia ex Evangelio. Id colligitur ex facto Chramni Clotarii regis filii, qui cum Divionem die Dominico accessisset, sortem suam a clericis expetiit. Clerici positos super altare tribus libris, *id est prophetiæ, Apostoli, et Evangeliorum*, pro more illorum temporum rem explorant, eo pacto, *ut unusquisque in libro quod primum aperiebat, hoc ad missas etiam legeret.* Ita Gregorius in lib. IV cap. 16. Et in lib. VIII cap. 7, meminit Prophetiæ die Dominico ad missam pronuntiata a Palladio Santonensi episcopo, qui sacris tunc operabatur. Ex quo intelligitur, lectiones ejusmodi non semper a subdiacono, sed ab ipso sacerdote seu episcopo aliquando fuisse decantatas, quod de Epistola probat Micrologus in cap. 8.

11. Quartam Gallicanæ Liturgiæ notam nobis suppeditat idem Gregorius in lib. VII cap. 8, nempe silentium a diacono indictum. Gregorii verba hæc sunt : « Unde factum est, ut quadam die Dominica, postquam diaconus silentium populis, ut missæ auscultarentur, indixit, rex Guntchramnus conversus ad populum diceret, » nempe ut fides sibi servaretur, et

nepotes suos enutrire sibi liceret. Hæc eo dicente, omnis populus orationem pro rege fudit ad Dominum. » Nusquam Gregorius, quo missæ tempore indictum sit silentium, diserte tradit; at in Missali Mozarabico præscribitur **22** ante Epistolam his verbis : *Silentium facite*. Quod officium diacono ante Evangelium tribuitur a Beato abbate in lib. 1: « Sic cum Evangelium a levita super altare levatur, a levita primum dicitur : *Laus tibi*; et ab omnibus respondetur : *Laus tibi, Domine Jesu Christe, Rex æternæ gloriæ*. Præcedente Evangelium cereorum lumine, ... tunc « Silentium omnibus imperat, et dicit : *Lectio sancti Evangelii secundum Matthæum*, aut quemlibet ex tribus. Respondetur ab omni populo : *Gloria tibi, Domine*. » Prosequitur diaconus : « *In illo tempore Dominus noster Jesus Christus ambulavit*, etc. » Hinc colligitur, silentium non modo ante Epistolam, sed etiam ante Evangelium impositum fuisse. Quo fortasse respicit Nicetius episcopus in fine tractatus de psalmodiæ Bono, Spicilegii tomo III. « Ideo enim et diaconus clara voce in domo Dei sancti præconii admonet cunctos, ut sive orando, sive in flectendis genibus, sive in psallendo, sive in lectionibus sollicitè audiendis, unitas servetur ab omnibus. »

12. His quatuor indicis præmissis, idem cardinalis Bona duo laudat Missalia, quæ Gallicana putat : unum ex bibliotheca olim Petaviana, nunc reginæ Sueciæ, litteris majusculis seu quadratis ante annos nongentos scriptum : alterum ex bibliotheca Vaticana Palatina : ambo (ut quidem conjicio) ex bibliotheca Floriacensi, cujus pars Bongarsio, deinde Palatino principi; pars Petavio quondam sorte cessit, uti alias exponemus. Duo hæc Missalia, quorum specimina idem cardinalis ibidem exhibuit, Josephus Thomasius integra, prout in scriptis Codicibus habentur, Romanis typis vulgavit anno 1680, eaque ad veterem Gallicanum Ordinem pertinere demonstravit.

23 **13.** Argumentum ejus unum est, quod primum ex illis Missalibus complura Galliæ sanctorum festa contineat, videlicet sancti Saturnini episcopi Tolosani et martyris, sanctorum Ferreoli Presbyteri et Ferrutionis diaconi martyrum Vesontionensium, sancti Symphoriani martyris Augustodunensis, sanctorum Mauricii et sociorum martyrum Agaunensium, sancti Leodegarii episcopi Eduensis, et sancti Martini Turonensis. Deinde quod triduanæ Rogationes ante Ascensionem in eodem Missali ex Gallicano ritu præscriptæ sint. Accedit quod ibidem Collectiones vocantur orationes Missæ : quo nomine appellantur in concilii Agathensis canone 30, et quod Symboli traditio fiat in Dominica Palmarum : quod *ante octo dies dominicæ Resurrectionis publice in ecclesiis competentibus tradi* sancit idem concilium canone 13. Illud autem Missale Gothicum manu recentiori inscribitur in Codice perantiquo, propterea quod fuerit ad usum Gallorum, qui versabantur in Gallia Narbonensi, Gothorum regno olim subjecta. Unde festum sanctæ Eulaliæ virginis et martyris Lusitanicæ illustris in

A eodem Missali locum habet, quod proinde Gothico-gallicanum appellare licet.

14. Porro Galliæ Narbonensis ecclesias eundem ritum in sacris atque Hispanicis adhibuisse patet ex concilii iv Toletani canone 12, quo statuitur *ut pari modo Gallia Hispaniaque celebret*. Nec admitenda est correctio, quæ ad oram librorum editorum apponitur, ubi pro Gallia hic, atque etiam in canone sequenti, Galicia ponitur. Hunc quippe locum ita legit Berno abbas Augiensis cap. 2, ubi Gallos et Hispanos *in missarum suarum celebritate* a Romano usu similiter recessisse fatetur. Atqui non solum Gallia Narbonensis, sed etiam aliæ **24** Galliarum provinciæ in eodem ritu conveniebant, ut ex jam dictis colligitur, constabitque amplius ex iis, quæ ex Gregorio Turonensi episcopo postea referemus.

15. Alterum ex Missalibus Thomasianis Francorum appellatur, quod missam pro rege Francorum exhibeat, uti et missam de sancto Leodegario, ac Rogationes ante Ascensionem. Eundem autem ritum continet, atque prædictum Gothicogallicanum.

16. His duobus Missalibus tertium adjecit Thomasius ex Codice olim Petaviano, quem laudat Joannes Morinus in libro de sacris Ordinationibus, censetque scriptum ante annum 560 in quo habetur missa de sancto Hilario, itemque alia de Rogationibus. Hoc Missale Thomasius Gallicanum vetus appellat. In Missali primo, id est in Gothico purus Ordo Gallicanus, in secundo et tertio nonnihil admistum ex Romano, uti fusius exponemus initio libri III, ubi tria hæc Missalia integra referemus.

17. In his Missalibus Gallicanis occurrit primo loco Præfatio, quæ est prima Liturgiæ pars, veluti adhortatio ad populum; respondetque orationi illi, cujus meminit Beatus abbas Hispanus agens de missa Mozarabum his verbis superius relatis : « *Prima oratio ejusdem Missæ commonitionis erga populum est, ut omnes excitentur ad exorandum Deum*. » Deinde in illis Missalibus sequitur Collectio, quo nomine orationes Missæ appellantur in concilii Agathensis canone 30. Tertio loco succedit Collectio Post nomina, scilicet offerentium, et sanctorum. Quarto *Collectio Ad pacem*. Quæ duæ orationes itidem in Mozarabico hunc locum occupant. Quinto, Contestatio, alias Immolatio missæ, et, ut apud Mozarabes, Illatio, nobis modo Præfatio, in qua fideles *sursum corda* se habere contestantur. **25** Postea sequuntur aliæ Collectiones Post Sanctus, Post mysterium, id est consecrationem, Ante et Post Dominicam orationem, Post Eucharistiam seu communionem, et aliæ similes. In illis autem Missalibus desunt lectiones tum ex prophetis et ex Apostolo, tum ex Evangelio; nec quisquam eas antehac reperire potuit. Has vero jam demum felici casu nuper invenimus in veterrimo codice monasterii Luxoviensis, litteris Francogallicis ante annos mille exarato, de quo postea dicendum uberius. Hactenus Missalium Gallicanorum partes quæ omnino cum Mozarabibus conveniunt.

CAPUT IV.

Gallicanæ Liturgiæ cum aliis Latinis, maxime cum Mozarabica comparatio. An Mozarabica antiquior. Quinam Gallicanæ auctores.

1. Etsi in Gallicano ritu eadem omnino partes sint atque in Mozarabico, alia tamen est in Gallicano Collectionum compositio, item aliæ passim Lectiones ex Veteri ac Novo Testamento, atque etiam alius sacræ actionis Canon, qui in plerisque missis utrobique diversus est. Verum longe majus erat Gallicani Ordinis discrimen a cæteris.

2. Primo in Gallicano Lectiones passim duæ ante Evangelium, ut jam diximus, recitabantur, una ex Veteri Testamento, altera ex Novo. At in Romano una tantum Lectio ex Epistolis Pauli, ut patet non tam ex falsa Damasi epistola secunda decretali ad Hieronymum, quam ex libro Comitit, et ex Walafridi Strabi cap. 22, præterquam in Natali Domini et quibusdam aliis diebus, de quibus Micrologus **26** in capite 52. Deinde in Romano seu Gelasiano aliæ omnino erant partes, quod ex superiori utriusque comparatione manifestum est. Collectiones quippe Post nomina, Post pacem, Ante et Post mysterium, desunt in Gelasiano, in quo semper idem sacræ actionis Canon, contra quam in Gallicano. Unica etiam erat in Africano Lectio ante Evangelium ex dictis. Ambrosianus porro ritus, etsi duas cum Gallicano et Mozarabico admittat, in hoc tamen a Mozarabico differt, atque (ut quidem veri simillimum est) a Gallicano, quod Alleluia canatur in Ambrosiano ante Evangelium, secus in Mozarabico, ut præcipit canon 12 concilii IV Toletani. Denique in Mozarabico leguntur acta et Vitæ sanctorum, non in Gelasiano, aut in Ambrosiano.

3. Romanus Canon ante Gregorium idem erat, paucis verbis exceptis, atque modo usitatus : quem Vigiliis papa ex apostolica traditione acceptum, Gregorius Magnus a quodam Scholastico compositum dicit, Precem appellans in epistola ad Joannem episcopum Syracusanum, quæ est 64 libri VII indict. 2. Quo nomine etiam utitur Cyprianus in libro de Unitate Ecclesiæ, ubi schismaticos et hæreticos arguit, quod « contemptis episcopis, et Dei sacerdotibus derelictis, constituere audent aliud altare, Precem alteram illicitis vocibus facere, et dominicæ hostiæ veritatem per falsa sacrificia profanare. » Orationem appellari mavult Augustinus in epistola 149 novæ editionis num. 16 : « Omnis, aut pene omnis frequenter Ecclesia, ut Precationes accipiamus dictas, quas facimus in celebratione sacramentorum, antequam illud, quod est in Domini mensa, incipiat benedici : Orationes, cum benedicuntur aut sanctificantur, et ad distribuendum comminuitur. Quam totam petitionem fere omnis Ecclesia Dominica oratione concludit. » Ambrosianus Canon in paucis differt **27** a Romano : at solemnibus quibus panis consecratur verbis quædam addit Mozarabicæ formulæ similia, in hunc modum : *Hoc est corpus meum, quod pro multis confringetur.* Mozarabico, *tradetur.* In vulgato Missali Mozarabum ad marginem notatur, hæc verba esse omit-

Atenda. Quod qua occasione, quoque tempore fieri ceptum sit, ex veteri historia Compostellana docet Ambrosius Morales, et ex eo Baronius ad annum 918. Nempe « Sisenandum Compostellæ episcopum ad Joannem papam X, qui paulo ante Legatum suum Compostellam ad venerandum sancti Jacobi corpus direxerat, misisse Joannem Presbyterum, ut Romanos ritus exploraret, et cum Mozarabicis conferret. Et Joannem quidem observasse, quamvis multa ritu diverso, in nullo tamen ea discrepare a catholica veritate. Quam ob rem Sisenando in synodo visum esse, omissis reliquis tanquam levioris momenti, ut sacratiora illa potissimum verba, quibus incruentum sacrificium perficitur, Romano ritu proferrentur, quæ aliquibus additis vel mutatis ita in dicto Missali scripta essent : *Hoc est corpus meum, quod pro vobis tradetur.* Et : *Hic est calix novi Testamenti in sanguine meo, qui pro vobis et pro multis effundetur in remissionem peccatorum.* » Ita ergo Mozarabici ritus mutata est formula, cæteris immutatis, quæ a Romano multum discrepant. Sic etiam vetus Ambrosianæ Liturgiæ formula consecrationis ad Romanam accessit, cum in consecratione sanguinis hæc tantum verba olim exhiberet : *Hic est enim sanguis meus.*

4. An Gallicanus ordo Mozarabicum præcesserit, eique formam et exemplum præbuerit, hoc loco inquirere juvat. Gallicanum esse antiquiorem multa persuadent. In primis Prophetiæ lectio apostolicam præcedebat apud Gallos tempore sancti Cæsarii Arelatensis episcopi, **28** qui in sermone ad populum habito, ut ab ecclesia, donec sacra peracta essent, non recederet, ita loquitur : « Si diligenter attenderitis, cognoscetis quia non tunc sunt missæ, quando divinæ Lectiones in ecclesia recitantur, sed quando munera offeruntur, et corpus vel sanguis Domini consecratur. Nam Lectiones, sive propheticas, sive apostolicas, sive Evangelicas, etiam in domibus vestris aut ipsi legere, aut alios legentes audire potestis; consecrationem vero corporis et sanguinis Domini non alibi, nisi in domo Dei, audire vel videre poteritis. » Itaque missam præcedebant ternæ ejusmodi Lectiones. Quod in Mediolanensi ecclesia vivente Ambrosio usu venisse auctor est Sulpicius Severus in lib. III de vita sancti Martini.

D5. Lectiones illas, de quibus agit Cæsarius, vero proximum est eas ipsas esse, quas in ordinem redegerat sæculo V Musæus presbyter Massiliensis, qui, teste Gennadio in cap. 79 de Viris illustribus, « hortatu sancti Venerii episcopi sui excerpsit ex sacris Scripturis Lectiones totius anni festivis aptas diebus; responsoria etiam psalmorum, et capitula temporis et Lectionibus congruentia... Sed et ad personam sancti Eustasii episcopi, successoris prædicti hominis Dei, composuit sacramentorum egregium et non parvum volumen, per membra quidem pro opportunitate officiorum et temporum, pro Lectionum textu psalmorumque serie et decantatione discretum : sed supplicandi Deo et contestandi beneficiorum ejus soliditate sui consentaneum. » Ubi contestandi vocabu-

lum respicit ad primævum morem Gallicanum, in quo Contestatio in usu erat ad significandam quam hodie vocamus Missæ seu Canonis Præfationem. Musæus ergo, qui post medium sæculum v e vivis excessit Leone et Majorino imperatoribus, scripsit librum Sacramentorum. Quo nomine veteres passim sacra **29** Eucharistiæ mysteria designabant. Hinc Voconius, Castellani in Mauritania episcopus, apud eundem Gennadium composuisse dicitur volumen Sacramentorum. Quo modo Augustinus sacramenta vocat Dominicæ mensæ sacrificium, ex dictis.

6. Sed et ante Musæum Hilarius, Pictavorum sanctissimus antistes, librum Hymnorum, et alium Mysteriorum scripsit, auctore Hieronymo in libro de Scriptoribus cap. 100. Hymnus *Gloria in excelsis* ab eodem auctus et consummatus dicitur in vulgato Alcuino. His duobus merito annumerandus est Sidonius Arvernorum episcopus, cujus libro de Missis ab eo compositis Gregorius Turonensis præfationem adjunxit, ex lib. II Historiæ cap. 22. Et Salvianus Massiliensis presbyter clarissimus « homilias episcopis factas multas, sacramentorum vero, quantas nec recordor, ait Gennadius, composuit. » Quo in loco sacramentorum homiliæ intelliguntur vel sermones de mysteriis sacris, inter Missarum solemnia quondam ex more gallicano recitari solitis; vel orationes seu præfationes ad missam. Mitto quod in fine libri VI Gregorius Turonensis pontifex tradit de Chilperico rege, qui inter alia opuscula hymnos scripsit « sive missas, quæ nulla ratione suscipi possunt. »

4. Tales auctores, id est Hilarius, Musæum, et Sidonium, habuisse videtur Ordo missæ Gallicanus, quem a Romano diversum exeunte sæculo VI fuisse constat ex epistola Gregorii magni ad Augustinum: qui tertio loco Gregorium interrogavit, « cur cum una sit fides, diversæ sint Ecclesiarum consuetudines; et altera consuetudo missarum in Romana ecclesia, atque altera in Galliarum Ecclesiis teneatur. » Denique Hilduinus in epistola Areopagitice præfixa existimat **30** « missæ ordinem more Gallico ab initio receptæ fidei » in his partibus obtinuisse ad Caroli Magni principatum.

8. At non adeo antiquum esse Mozarabicum ritum consentiunt Hispanici auctores, qui ejus originem ad Leandrum et Isidorum sæculi VII episcopos revocant. Baronius ad annum 633 ejus auctorem Isidorum agnoscit hac ratione. Cum enim Patres in concilio IV Toletano tunc temporis habito decrevisset canone 2, ut per omnem Hispaniam et Galliam, scilicet Narbonensem, quæ Gothi Hispaniarum regibus tunc parebat, idem modus in missarum solemnitatibus cæterisque officiis servaretur; hanc curam Isidoro Hispanensi sanctitate et doctrina præstantissimo episcopo a Patribus demandatam fuisse. Favet huic sententiæ titulus officii Gothici in Editis, ubi « a sancto Isidoro ordinatum » dicitur. Verum Isidorus ipse in libro de Scriptoribus ecclesiasticis Leandri fratris sui scripta recensens, testatur ipsum « in ecclesiasticis officiis non parvo studio laborasse, et in sacrificii laudibus

atque psalmis multa dulcissime composuisse. » Unde Joannes Mariana, in lib. V de rebus Hispanicis cap. V, ait usum obtinuisse ut Isidoro ritus Mozarabicus tribueretur, sed tamen Leandrum nonnulla invenisse.

9. Cardinalis Bona « hoc officium concilio III Toletano, cui Leander interfuit, antiquius esse » arbitratur, « et quidem sæculo v jam viguisse; sed de primo ejus auctore non constare. Ab ipso tamen Leandro illustratum, auctum ab Isidoro, atque ab aliis progressu temporis amplificatum, nominatim ab Ildefonso, cujus opera Julianus Toletanus in appendice ad librum de Scriptoribus in quatuor partes divisit, tertiamque ait fuisse « missarum, hymnorum, atque sermonum. » Ad hæc Felicem episcopum librum Missarum de toto circulo anni in quatuor **31** partes divisum emendasse atque complevisse; ac postmodum Petrum Ilerdensem antistitem, et Salvum abbatem Albeldensem eidem argumento navasse operam. » Ast Elipandus Toletanus episcopus in epistola ad Albinum seu Alcuinum, Toletanos sanctos Patres agnoscit missarum Mozarabicarum auctores, in his Isidorum: signanter vero Eugenium, Ildefonsum, et Julianum exprimit libellus, quem confutant Patres concilii Francofordiensis apud Alcuinum. Quorum nullus sæculum VII præcedit. Non ergo ad sæculum V revocari possunt istiusmodi officiorum auctores.

10. Duo tamen affert idem cardinalis ad producendam hujus ritus antiquitatem. Unum est, quod in missa de sancto Martino, qui ineunte sæculo V vivere desiit, hæc leguntur in officio Mozarabico: *Hunc virum, quem ætatis nostræ tempora prætulerunt, jubeas auxilium nostris afferre temporibus*. Alterum, quod in concilio III Toletano anni 589 statuitur capitulo 2, *per omnes ecclesias Hispaniæ vel Galliæ* Symbolum decantari, priusquam oratio Dominica recitetur. Qui ritus est missæ Mozarabice peculiaris. Sed reponi potest, hæc verba, *nostræ ætatis*, vel ex antiquiori Liturgia desumpta fuisse, vel longius quam ad unum sæculum protrahi posse; et statutum de Symboli ante orationem Dominicam recitatione novum fuisse *ad corroborandas hominum invalidas mentes*, ut loquuntur concilii Patres.

11. Certe Romanum ritum, saltem in provincia Bracarensi, Vigilio pontifice maximo fuisse receptum constat ex concilio II Bracarensi anni 563, in quo præcipitur, canone 4, *ut eodem ordine missæ celebrantur ab omnibus, quem profuturus quondam hujus metropolitane ecclesiæ episcopus ab ipsa apostolicæ sedis auctoritate accepit* **32** *scriptum*. Nempæ a Vigilio papa, cujus epistolam, quæ in vulgatis libris Eutherio inscripta erat, Profuturo scite vindicavit eruditus Baluzius tum in notis ad Gratianum, tum in tomo I novæ Collectionis conciliorum, ubi ipsam epistolam denuo excudi curavit. In ea vero sic legitur cap. 5: « Ordinem quoque precum, in celebritate missarum nullo nos tempore, nulla festivitate significamus habere divisum: sed semper eodem tenore oblata Deo munera consecrare. Quoties vero Paschalis, aut Ascensionis Domini, vel Pentecostes, et Epi-

phaniae sanctorumque diei fuerit agenda solemnitas singula capitula diebus apta subjungimus, quibus commemorationem sanctae solemnitatis, aut eorum facimus, quorum natalitia celebramus : caetera vero ordine consueto persequimur. Quapropter et ipsius canonicae Precis textum direximus subter adjectum, quem Deo propitio ex apostolica traditione accepimus. » Hoc in loco Vigilius Precis nomine Canonem sacrae actionis intelligit, uti jam superius observavimus : quem canonem ait fuisse in omnibus festis, sicut et modo, communem, praeter singularia capitula praecipuis festis peculiaria : in quibus sanctae solemnitatis, aut eorum fiebat memoria, quorum natalitia celebrabantur. Qualia etiam nunc habemus in oratione Communicantes, quae in praecipuis festis varia est. Hic autem ritus, de quo Vigilius agit, haud dubie Gelasianus erat : quem proinde saeculo vi provincia saltem Bracarenensis recepit. At cum Toletanis conciliis III et IV Bracarenenses episcopi interfuissent, novum ritum in eis praescriptum Romano (ut credere par est) praetulerunt. Et quemadmodum hymnos ex sancto Hilario, sic etiam suum fortasse ritum ex Gallorum imitatione acceperunt Hispani. Ubi memoriam subit factum magni Caesarii episcopi Arelatensis, qui « per Italiam et Hispaniam » homilias sacras distribui curavit, **33** « ut projectis rebus frivolis et caducis, juxta Apostolum, honorum operum fierent sectatores, » ex ejus Vitae libro primo, num. 31.

12. In concilio Toletano IV quaedam constitutiones factae sunt, quarum commemoratio huic loco non parum conducit. Canone 11 cavetur Alleluia in Quadagesima dici : et canone 12 *Laudes post Apostolum decantari, priusquam Evangelium praedicetur, dum canones praecipiunt post Apostolum, non Laudes, sed Evangelium annuntiari.* Garsias Loiaisa Laudum nomine intelligit hymnum trium puerorum. At certum est Alleluia significari hoc loco. Isidorus de divinis Officiis cap. 13. « Laudes, inquit, hoc est Alleluia canere. » Et signantius Walafridus Strabus in cap. 22 : « Responsoria et Alleluia, quae ante Evangelium cantantur, deinde adjuncta videntur, postquam antiphonae ad ingressum dici expirarunt. Quae et videntur prohibitae canonibus Hispanorum, qui longo post tempore sunt constituti. In illis enim jubetur ne aliquis hymnus inter lectionem apostolicam et evangelicam in ordine missae ponatur. » At quinam canones ante concilium IV Toletanum id vetent, alibi non lego. Canon 13 rejici vetat hymnos in laudem Dei, atque apostolorum et martyrum humano studio compositos : *Sicut hi quos beatissimi doctores Hilarius atque Ambrosius ediderunt. Quos tamen quidam specialiter reprobant, pro eo quod de Scripturis sanctorum canonum vel apostolica traditione non existunt.* Hic locus spectare videtur canonem 12 concilii II Bracarenensis, in quo ejusmodi hymni reprobantur, uti etiam in regula sanctorum Pauli et Stephani caput 15. Addunt Patres in eodem canone 12 : *Respuant ergo et illum hymnum ab hominibus compositum, quem quotidie publico privatoque officio in fine omnium psalmorum di-*

acimus : Gloria et honor Patri, et Filio, et Spiritui sancto, amen. Nam et ille hymnus, quem nato in carne Christo angeli cecinerunt : Gloria in excelsis Deo, et in terra pax hominibus bonae voluntatis, et reliqua quae ibi sequuntur, ecclesiastici doctores composuerunt. Apud Gallos frequentabatur Gloria Patri, teste Gregorio episcopo Turonensi in lib. VI cap. 40. Quod non probant Toletani Patres in canone 15, voluntque ut Gloria et honor Patri dicatur.

13. Canone 18 arguitur quorundam sacerdotum consuetudo, qui *post dictam orationem Dominicam statim communicant, et postea benedictionem in populo dant*; statuiturque, ut *post orationem Dominicam et conjunctionem panis et calicis, benedictio in populum sequatur* ante communionem. Huic decreto affine est quod Caesarius in sermone 281 appendicis ad novam editionem sermonum Augustini fideles monet, ut qui vult missam « ad integrum celebrare, » id est audire, « usquequo oratio Dominica dicatur, et benedictio populo detur, » se in ecclesia contineat. Quae benedictio « praemissa oratione Dominica » dari dicitur in sermone sequenti. Huc spectat quod legitur in lib. I de ejusdem Caesarii vita num. 14 : « Post haec quadam die prospiciens de altario, vidit aliquos lectis Evangelii de ecclesia foras exire, qui verbum beati Viri, id est praedicationem, dedignabantur in primo cognoscere. Illico occurrens clamavit ad populum : Quid agitis, o filii? Quo ducimini foras mala suasionem subversi? State pro animabus vestris ad verbum admonitionis, et audite solliciti. **C** Hec vobis in die iudicii facere non licebit. Moneo et clamo obtestorque; non ergo estote fugitivi vel surdi. Ecce oris mei buccina, quasi anima cujusque vestrum fuerit diaboli mucrone perempta. Non tenebor de taciturnitate culpabilis. Ob hoc saepissime ostia post Evangelia claudi fecit, donec Deo volente gratularentur **35** coercitione et propectu, qui fuerant ante fugitivi.

14. Hunc locum integrum retuli, tum quia insignis est, tum ut appareat moris fuisse Caesario, lectis ad missam Evangelii, sermonem ad populum habere. Non solum autem in provincia Arelatensi, sed et in aliis invaluerat prava haec consuetudo, ut post Evangelium nonnulli fidelium ante missam discederent. Quapropter diversa hac de re in conciliis statuta condita sunt, nempe in Agathensi canone 47; in Aurelianiensi primo canone 26, et in tertio, canone 29. Cujus haec verba : *De missis nullus laicorum ante discedat, quam Dominica dicatur oratio; et si episcopus fuerit praesens, ejus benedictio expectetur.* Walafridus id interpretatur de oratione, quae post communionem dicitur. At repugnant verba concilii Toletani, aliorumque. In Missali Mozarabico benedictio ubique communioni praemittitur, itemque in Gallicano passim apud Thomasium : et hactenus benedictio episcopalis ante communionem datur. Quippe licebat iis qui non communicabant, accepta benedictione, ante communionem discedere, ut ex praedictis locis intelligitur : atque hinc patet non omnes qui tunc missam

aderant, in eadem communionem accepisse. Imo vero diaconus ante communionem clamare solebat : *Si quis non communicat, det locum*, testante Gregorio Magno in lib. II Dialogorum, cap. 23, quod non tantum de poenitentibus, sed etiam de quibusvis aliis, qui non communicabant, intelligendum existimo. Porro missa expleta censebatur ante communionem, ut docet Gregorius Turonensis antistes in lib. II de Miraculis sancti Martini, cap. 47 : « Cumque expletis missis, populus cœpisset sacrosanctum corpus Redemptoris accipere, » etc. Cyprianus ad eum fere modum **36** loquitur in libro de Lapsis : « Ubi vero, solemnibus adimpletis, calicem diaconus offerre præsens cœpit, » etc. Quantum porro duraret sæculo VI missæ celebratio, declarat Cæsarius in utroque sermone prælaudato, ubi ait, divina mysteria « unius vel duarum horarum spatio » peracta fuisse. Unde in sermone præcedenti reprehendit quosdam homines præpotentes, qui presbyteros cogeant « missam abbreviare. »

CAPUT V.

Missæ Gallicanæ partes singillatim explicantur ex Gregorio Turonensi episcopo, aliisque monumentis.

1. Hæc missæ Gallicanæ cum Mozarabica, quæ magnam cum ea (ut prædictum est) affinitatem habet, comparatio visa est hoc loco necessaria : nunc vero quid ex Gallicanis monumentis, præsertim ex Gregorio Turonensi antistite de Gallicana Liturgia colligere nobis licuit, exponendum est.

2. In omnibus Liturgiis missa incipiebat ab antiphona quadam. Unde liber, qui ejusmodi versus continet, Antiphonarium a Joanne Diacono vocatur in Vita Gregorii Magni. De his antiphonis, quas modo Introitus appellamus, interpretandum videtur concilium Agathense anni 506, canone 30 : *Et quia convenit ordinem Ecclesiæ ab omnibus æqualiter custodiri, studendum est, ut sicut ubique fit, et post antiphonas Collectiones ab episcopis vel presbyteris dicantur.* Id generis forsitan erat illa antiphona, quam ex improviso *Præcinerius imposuit*, cum missi Clodovei Magni contra Alaricum pergentis basilicam sancti Martini ingressi sunt, exploraturi **37** an Deum propitium habiturus esset, ex Gregorio Turonensi episcopo in lib. II, cap. 39. Antiphona hæc erat : *Præcinxisti me, Domine, virtute ad bellum, etc.*

3. Antiphonam et versum sequebatur ex canone 3 concilii II Vasensis *Kyrie eleison*, frequentatum ad Matutinos et ad missas ; quia tam in sede apostolica, quam etiam per totas Orientis atque Italiæ provincias hæc consuetudo est intromissa. Apud Græcos, teste Gregorio Magno, « *Kyrie eleison* simul omnes dicunt. Apud nos autem, inquit, a clericis dicitur, et a populo respondetur, et totidem *Christe eleison* dicitur, quod nullo modo apud Græcos. » Dein sequebatur pro ratione temporum apud nostrates Gallos hymnus angelicus *Gloria in excelsis Deo*, cujus meminit Gregorius Turonensis episcopus in lib. I de Gloria martyrum, cap. 63, et in lib. II de Miraculis sancti Martini, cap. 25. His succedebat Præfatio. Sic enim in

A Missalibus Gallicanis apud Thomasium vocatur populi admonitio a sacerdote facta ad diem pie exigendum, qualem in Mozarabico usurpatam fuisse ex Beato superius vidimus. Sic in Mozarabico ad natale Domini : *Hodie nobis thesaurus natus est : hodie nobis lucerna Virginis, quam Spiritus sanctus ignivit, verum lumen apparuit, etc.* In Gothico seu Gallicano in die Natalis Domini similis Præfatio legitur post Evangelium. At initio missæ ad diem sancti Stephani protomartyris : *Venerabilem atque sublimem beatissimi protomartyris Stephani passionem hodie celebrantes, Deum martyrum, fratres charissimi, deprecamur, etc.* Ubique desinit, *per Dominum nostrum Jesum Christum*. Sic in omnibus fere missis Gothicis seu Gallicanis Præfatio initio ponitur.

B 4. Hanc excipiebat lectio Prophetiæ. Gregorius in lib. VIII historiæ Francorum, cap. 7 : « Adveniente quoque die **38** Dominico rex Guntchramnus ecclesiam ad spectanda missarum solemnia petit. Fratres vero consacerdotesque qui aderant, locum Palladio episcopo ad agenda festa præbuerunt. Quo incipiente Prophetiam, rex interrogat quis esset. Cumque Palladium episcopum initiasse pronuntiassent, statim commotus rex ait, » etc. Prophetiam itaque aliquando lector, aliquando sacerdos pronuntiabat. Post prophetiam Psalmus responsorius, qui tractui seu Graduali hodierno respondet, testante Gregorio in Historiæ Francorum lib. VIII, cap. 3 : « Interea jam medio prandii peracto, jubet rex ut diaconum nostrum, qui ante diem ad missas Psalmum responsorium dixerat, canere juberem. »

C 5. Hoc finito, diaconus silentium indicebat ad lectionem Epistolæ, quæ a subdiacono recitabatur. In quibusdam missis diaconus ante Orationes, quas lectionibus præmitti mos erat, flectenda genua indicabat. Unde Cæsarius in sermone 285 novæ appendicis Augustinianæ : « Supplico, fratres charissimi, et paterna pietate commoneo, ut quotiescunque Oratio indicitur, qui forte pro aliqua infirmitate non potest genua flectere, et dorsum incurvare ; vel cervicem humiliare non differat. » Et in sermone sequenti : « Rogo et admoneo vos, fratres charissimi, ut quotiescunque juxta altare a clericis oratur, aut Oratio diacono clamante indicitur, non solum corda, sed etiam corpora fideliter inclinetis. Nam dum frequenter, sicut oportet, et diligenter attendo, diacono clamante, *Flectamus genua*, maximam partem, velut columnas erectas, stare conspicio, » etc. De silentio per diaconum indicto locum superius retulimus ex Gregorii Turonensis lib. VII, cap. 8.

D 6. Post epistolam diaconus ad ambonem procedebat ad legendum Evangelium. Guntchramni regis hæc verba sunt apud eundem Gregorium in lib. VIII, cap. 4 : « In **39** die sancto Paschæ, stante fratre meo Sigeberto in ecclesia, procedente diacono cum sacro Evangeliorum libro, nuntius regi advenit, unaque vox fuit pronuntiantis lectionem evangelicam, ac nuntii dicentis : Filius natus est tibi. »

7. In festis sanctorum hæc lectiones præcedebat

lectio passionis seu Vitæ Sanctorum, quorum festa recolebantur. Audi Gregorium in lib. 1 de Gloria martyrum, cap. 86 : « Dies passionis erat Polycarpi martyris magni, et in Ricomagensi vico civitatis Arvernæ ejus solemnia celebrabantur. Lecta igitur passione cum reliquis lectionibus, quas canon sacerdotalis invexit, tempus ad sacrificium offerendum advenit. » Si hæc lectio proxime facta non fuisset ante sacrificium, eam hic commemorare nihil attinebat. Ejusdem lectionis idem Gregorius meminit in duobus aliis locis, nempe in lib. 11 de Miraculis sancti Martini, cap. 29 et cap. 49, ubi hæc verba : « Denique sacerdotibus qui advenerant, ad agenda solemnia procedentibus, cum lector, cui legendi erat officium advenisset, et arrepto libro Vitam sancti cœpisset legere confessoris, » etc. Ex quo intelligitur, hanc lectionem aliis præmissam fuisse. Et quidem acta Sanctorum in missa legebant Mozarabes, ut ex Braulione in vita sancti Æmiliani superius vidimus. In Lectionario nostro Gallicano acta sanctorum apostolorum Petri et Pauli Epistolæ præmittuntur.

8. Evangelio Gregorius subjicit sacrificii oblationem in loco mox relato de sancto Polycarpo, cui loco alter consimilis est in cap. 17 de Vitis Patrum, ubi agit de Nicetio episcopo Trevirensi. Quem locum ita restituimus ex Codice ms. : « Advenit dies Dominicus, et ecce rex cum his cui ab hoc sacerdote communioni abesse jussi fuerant, ecclesiam est ingressus. Lectis igitur lectionibus, quas canon sanxit antiquus, oblati muneribus super altare Dei, ait sacerdos : Non hic **40** hodie missarum solemnia consummabantur, nisi communione privati prius abscedant. » Ubi nota primo excommunicatos ante oblationem ejectos fuisse ex ecclesia. Quod etiam colligitur ex lib. 1 Historiæ Gregorii, cap. 8. Deinde missæ Canonem, id est Ordinem Gallicanum, Gregorio dici antiquum : ac proinde Mozarabico (ut probavimus) esse antiquiorem. Inter Evangelii lectionem et oblationem nonnunquam homilia ad populum interponebatur, teste Cæsario, cujus auctoritatem paulo ante retulimus. Idem probat Audoenus in lib. 11 de Vita sancti Eligii, cap. 22 : « Aliquo rursus in tempore agebatur natalis beati Martini. Cumque inter missarum solemnia, evangelica juxta morem lectione expleta, divina Eligius populo prædicaret mandata, » etc.

9. Postea diaconus sacrum ministerium seu suppellectilem sacram, id est, calicem et cætera vasa sacra, ex sacario, quod in domuncula ecclesiæ adhærente situm erat, aut certe ex armario altari proximo afferebat. Gregorius in lib. 1 de Gloria martyrum, cap. 86 : « Tempus, inquit, ad sacrificium offerendum advenit; acceptaque turre diaconus, in qua ministerium dominici corporis habebatur, ferre cœpit ad ostium; ingressusque templum, ut eam altari superponeret, » etc. Tunc autem fiebat oblatio panis et vini ad sacrificium. Concilium Matisconense 11, anno 585, can. 4, decernit, « ut omnibus Dominicis diebus altaris oblatio ab omnibus viris et

A mulieribus offeratur, tam panis quam vini, ut per has immolationes et peccatorum suorum fascibus careant, et cum Abel vel cæteris juste offerentibus promereantur esse consortes. » Rubeum vinum offerri sæpius præceptum est, tum ob periculum, tum ob mysterium; nam rubeum expressius Christi sanguinem signat, quam album, cujus loco aqua non raro sumitur, facili errore. Ad rubeum **41** colorem alludens Ambrosius in psalmum cxviii, initio octonarii 14 : « Cernis rosam, inquit, hoc est dominici corporis sanguinem. » Apposite Jacobus a Vitriaco in Historiæ occidentalis cap. 38 : « Sed et vinum, in quantum ex diversis acinis confluit, unitatem ecclesiasticam repræsentat; in quantum autem calet aut rubet, charitatem Ecclesiæ designat. »

B 10. Facta oblatione, presbyter quantum satis erat, ad sacrificium assumebat, idque *palla* seu *pallio* contegebat. Plures hujus rei loci sunt apud Gregorium. Unus in lib. vii cap. 22 : « Putabam me, inquit, quasi in basilica sacrosancta missarum solemnia celebrare. Cumque jam altarium cum oblationibus pallio serico opertum esset, subito ingredientem Guntchramnum conspicio, qui magna voce clamabat : Extrahite homicidam a sacro Dei altario... At ego cum hæc audirem, ad te conversus dixi : Apprehende pallium, infelix, quo sacra munera conteguntur, ne hinc abjiciaris... Cumque reverteres ad altarium, apprehendebas pallium, sed rursus relinquebas... Et ille : Deliberatum, inquit, habui, ut si me rex ab hoc loco juberet extrahi, ab una manu PALLAS altaris tenerem, » etc. Hæc Gregorius de Eberulfo regis cubiculario : quem locum fusc retuli, tum ut appareat, non modo sacras oblationes, id est panem et calicem, sed et altare palla eadem fuisse coopertum, tum pallam illam ex serico factam; tum denique *pallam*, *pallas*, et *pallum* hoc loco idem esse. De hac palla sanctus Benedictus loquitur in regulæ suæ cap. 59, ubi de puerorum oblatione agens, jubet manum pueri offerendi involvi in *palla altaris*, scilicet cum oblatione panis et vini, ut ex utrisque una Deo fieret oblatio. Idem fuisse videtur *corporale pallium*, *albis stigmatibus variatum*, quod Pethelmo antistiti dono transmisit Bonifacius episcopus Moguntinus in epistola 11, *pallium altaris* dictum in epistola 35. **42** *Pallæ* vocabulum hodie retinet illud operculum lineum, quo calix sacratus tegitur : sed res ipsa longe abest a veteri more. Processu temporis corporali, quod Christi corpori supponitur, etiam calix contactus est, quod hodie quoque faciunt Carthusiani. Hunc ritum indicat Jacobus a Vitriaco in loco mox citato : Dum corporale deponitur de calice, ante oculos habeat depositionem Christi de cruce. » Hic ritus magis accedebat ad veterem Gallicanum morem, quem ex Gregorio mox explicuimus. *Filiolam* vocant Mozarabes velum illud quo sacrum calicem operiunt. Sic enim rubrica post sanguinis consecrationem habet : *Hic elevetur catia coopertus cum filiola*.

11. Ideo vero sacra mysteria palla seu pallio alta

ris apud veteres Gallos tegebantur, ut ne a circumstantibus videri possent. Propterea hæc palla non rara tenuisve, sed densa esse debebat. Argumento est quod Dado quidam ab hostibus interceptus vovit, se, si evaderet incolumis, aliquid ornamenti ecclesiæ sancti Nicetii episcopi Lugdunensis largiturum : « deditque coopertorium Sarmaticum, quo altare dominicum cum oblationibus tegeretur. » Illud autem non fuit sancto acceptum, ut homini in somnis testatus est his verbis : « Coopertorium vero, quia rarum est, non ponatur super munera altaris, quia non exinde plene tegitur mysterium corporis sanguinisque dominici. » Ita Gregorius de Vitis Patrum cap. 20. Adde locum ex lib. II de Miraculis sancti Martini cap. 23. Hac palla tegebatur altare etiam extra sacra. Unde abbatissa Pictavensis parthenonis sanctæ crucis, cum de nocte ajsicariis Chrodieldis ad necem quæreretur, « ad sanctæ crucis arcam, *id est aram*, se deportari poposcit (gravabatur enim dolore humoris podagrici). Interea Justina præposita, cum aliis sororibus, palla altaris, quod est ante crucem dominicam... Abbatissam **43** operit. » Vetitum tamen erat concilii Antissiodorensis canone 37, *ne mulier pallam dominicam contractaret*, uti in titulo canonis exprimitur.

12. In Missali Gothico, seu Gallicano, ad singulas fere missas, post oblationem indicantur orationes duæ, una quæ dicitur Collectio post nomina; altera quæ Collectio ad pacem, quales etiam in Mozarabico assignantur, alia duabus istis præmissa. Prædictas orationes antecedeat oratio quæ omnibus missis communis erat, de qua Micrologus in cap. 11 : *Composita oblatione in altari, dicit sacerdos hanc orationem juxta Gallicanum Ordinem : Veni, Sanctificator omnipotens, æterne Deus, et benedic hoc sacrificium tuo nomini præparatum, per Christum Dominum nostrum.* Dein Collectio post nomina. Quippe post oblationem diptycha legebantur, id est recitabantur nomina tam sanctorum in quorum memoriam sacrificium Deo offerebatur, quam viventium atque defunctorum pro quibus offerebatur. Id probatur ex Missali Gothico variis locis, et ex veteri Missali Gallicano. Concilium Vasense II definit canone 4, *ut nomen domini papæ, quicumque sedi apostolicæ præfuerit, in nostris Ecclesiis recitetur.* Formam horum diptychorum, quæ quondam in parthenone sancti Aureliani episcopi Arelatensis usui erant, nobis item suppeditat Codex regularum, ubi ad finem regulæ Aureliani hæc leguntur : *Simulque precentes oramus etiam, Domine, pro animabus famulorum tuorum Patrum atque institutorum quondam nostrorum, Aureliani, Petri, Florentini, Redempti, Constantini, Himiteri, Hilarini, Januarii, Reparati, Childeberti, Ultrogothæ, vel omnium fratrum nostrorum, quos de hoc loco ad te vocare dignatus es. Cunctorumque etiam hujus loci **44** memores fidelium, pariterque parentum nostrorum atque servientium hujus loci : et pro animabus omnium fidelium famulorum tuorum, vel famularum, ac peregrinorum in pace Ecclesiæ defunctorum; ut eis tu,*

Domine Deus noster, peccatorum tribuas veniam, et requiem largiaris æternam; meritis et intercessionibus sanctorum tuorum. Mariæ genitricis Domini nostri Jesu Christi, Joannis Baptistæ et præcursoris Domini nostri Jesu Christi, Stephani, Petri, Pauli, Joannis, Jacobi, Andreæ, Philippi, Thomæ, Bartholomæi, Matthæi, Jacobi, Simonis, Judæ, Matthiæ, Genesii, Symphoriani, Baudilii, Victoris, Hilarii episcopi et confessoris, Martini episcopi et confessoris, Cæsarii episcopi, hæc propitius præstare et exaudire digneris, qui vivis et regnas in unitate Spiritus sancti Deus in sæcula sæculorum. Amen.

13. Similem formulam, sed pro vivis, habemus in hodierno Canone Romano ante consecrationem, ubi oratio quæ incipit a verbo *Communicantes*, superiori Gallicanæ respondet. Itaque ritu Gallicano et Mozarabico fiebat vivorum atque defunctorum memoria ad oblationem, non in ipso Canone; atque sanctorum commemoratio tum fiebat ad suffragium. Postea pacis osculum fideles sibi invicem impertiebant; tum sacerdos recitabat Collectionem ad pacem.

14. Totum hunc ordinem paucis præstringit concilium Laodicense canone 19 : *quod oporteat seorsum primum post allocationes (aliis sermones) episcoporum, orationes super catechumenos celebrari; et postquam catechumeni egressi fuerint, super eos qui sunt in penitentia preces fieri. His etiam accedentibus ad manum sacerdotis, et discedentibus, tres orationes consummari fidelium; ita ut prima quidem sub silentio, secunda vero et tertia per exclamationes solitas, aliis per pronuntiationem vocis, expleantur; et ita demum pacem sibi **45** invicem dabunt... Et ita sancta celebrabitur oblatio.* Has orationes subsequebatur Contestatio.

15. De Contestatione seu Illatione, quæ et Immolatio appellatur, Præfationi nostræ respondens, insignis est locus apud eundem Gregorium in lib. II de Miraculis sancti Martini cap. 14 : « Factum est autem ut in die insignis solemnitate beati viri, nobis missas dicentibus, cum nos rite sacrosancta solemnia celebrando, Contestationem de sancti Domini virtutibus narraremus, subito illa (puella paralytica) vociferari cœpit et flere, indicans se torqueri. » In hac Contestatione recitabatur sancti Vitæ compendium, quæ missæ initio integra lecta fuerat. Ejusmodi Contestationis varia exempla in Liturgiis nostris, etiam post admissum ritum Gregorianum, videre licet. In omnibus autem Liturgiis, tam Latinis quam Græcis, Sursum corda habere monentur; idque profitentur fideles, teste e Latinis Cypriano sub finem libri de Oratione, et ex Græcis Cyrillo Jerosolymitano in catechesi mystagogica 5, ubi prædictis illis verbis alia, etiam nunc solemnia, in usu fuisse testatur, scilicet, *Gratias agamus Domino*, cum populi responsione, *Dignum et justum est.*

16. Post verba superiora Gregorius addit Contestationi successisse Trisagion a populo decantatum : « At ubi expedita Contestatione, inquit, omnis populus Sanctus in laudem Domini proclamavit, statim

dissoluti sunt nervi qui ligati erant, et stetit super pedes suos cuncto populo spectante; et sic propitiante Domino usque ad altare sanctum ad communicandum propriis gressibus, nullo sustentante, pervenit. » Ubi obiter observa, mulieres etiam ad altare communicaturas accessisse. De Trisagio dicendo exstat canon tertius Concilii Vasensis II, statuente ut in omnibus missis, seu in matutinis, seu in quadragesimalibus, seu in illis quæ pro **46** defunctorum commemoratione fiunt, semper Sanctus, Sanctus, Sanctus, eo ordine quo ad missas publicas dicitur, dici debeat. Ubi notanda est missarum matutinarum a quadragesimalibus, atque etiam a publicis distinctio, de qua infra.

17. Canon missæ, qui Trisagion consequitur, et sacri mysterii actionem antecedit, varius est in Missalibus Gallicanis pro diversitate missarum. In Missali Gothico seu Gallicano ad vigiliam Nativitatis Domini sic habet: *Vere sanctus, vere benedictus Dominus noster Jesus Christus Filius tuus, manens in cælis, manifestatus in terris. Ipse enim pridie quam pateretur*, etc., quæ sunt prima verba sacræ actionis seu consecrationis. Et in Circumcisione Domini: *Vere sanctus, vere benedictus, Dominus noster Jesus Christus Filius tuus, qui venit quærere et salvum facere quod perierat. Ipse enim pridie quam*, etc. Omnes ejusmodi canones breves sunt fere ad hunc modum in Missali Gothicogallicano, itemque in subsequente veteri Gallicano. At in Missali Francorum Canon Gregorianus assignatur, tametsi aliæ missæ partes ritum veterem Gallicanum retinent. Ex quo intelligitur, majores nostros prius Gelasianum seu Romanum Canonem admisisse, quam integrum ritum Romanum.

18. Canoni prædicto continenter subjicitur actio sacra, incipiens ab his verbis, *Qui pridie quam pateretur*, etc., quæ verba, ex sanctis Evangeliiis, Apostolo et traditione accepta, eadem sunt in omnibus Liturgiis, nisi quod in nonnullis quædam voces variant, ut superius vidimus de missis Mozarabica et Ambrosiana, in quibus post hæc verba, *Hoc est enim corpus meum*, additur in veteri Mozarabica, *quod pro vobis tradetur*, in Ambrosiana item veteri, *confringetur*. Item quod post hæc verba in Mozarabica hæc **47** adduntur. *Quotiescunque manducaveritis, hoc facile in meam commemorationem*. An ejusmodi verba in veteri Gallicana missa interjecta fuerint, incertum. At morem catholicum, id est universalem, in hac sacra actione servatum fuisse tradit Gregorius in cap. 16 de Vitis Patrum, ubi de Venantio Turonico abbate, qui presbytero Missam celebranti proximus astitit: « Ventumque est ut sanctum munus juxta morem catholicum, signo crucis superposito, benediceretur. » Ille vero vidit quemdam senem, clericatum honore venerabilem, oblatum altaris sacrificium dextera extensa benedicentem. « Formam Ambrosianam, in qua additur, *quod pro multis confringetur*, in Ordine Gallicano servatam fuisse conjicimus ex Missali Gothico in missa de Nativitate Do-

mini, ubi post Secreta, id est post consecrationem, hæc leguntur: *Corpus tuum in peccatorum nostrorum remissione confractum*, etc., quæ verba proxime relictis consecrationis verbis respondent.

19. In concilio primo Arausicano obscurissimus est canon 22: *Cum capsula et calix offerendus est, et admistione Eucharistiæ consecrandus*. Quid sit capsula hoc loco, non liquet. Duo hic significare potest, nempe vel turrim, qua calix includi solebat, et in qua inferebatur a diacono ad altare, ut in capite 8 exponemus; vel patenam, amplam et profundam, in qua panis consecrari solebat; ut sit sensus, non solum panem in missa, sed etiam calicem simul offerendum cum patena, in qua panis reponi solet. Huic interpretationi favere videtur canonis titulus: *Ut in unum propositio Sacramenti consecratur*. Tametsi non tam priorem canonis partem spectat hoc lemma, quam posteriorem, qua dicitur calix admistione Eucharistiæ consecrandus. Horum autem verborum sensus non est, quasi solo Eucharistiæ, id est panis consecrati, contactu calix **48** consecratur, sed quod hæc admistione simul sacrentur, et unam veluti rem consecratam efficiant. Unde hactenus eadem fere verba retinemus, cum Eucharistiæ particulam immittendo in calicem hæc proferunt sacerdotes: *Hæc commistio et consecratio corporis et sanguinis Domini nostri Jesu Christi fiat accipientibus nobis in vitam æternam*. Clarius Ordo Ambrosianus: *Commistio consecrati corporis et sanguinis Domini nostri Jesu Christi nobis edentibus et sumentibus proficiat ad vitam et gaudium sempiternum*. Ad ordinem redeo.

20. Finita calicis consecratione, Missale Gothicum in singulis pene missis subdit unam orationem Post mysterium seu Post secreta. Mozarabes Post Pridie eodem sensu appellant. Exemplum esto de missa in vigilia Natalis Domini, quæ in Gothico sic habet: *Hæc facimus, Domine sancte, Pater omnipotens, æterne Deus, commemorantes et celebrantes passionem unigeniti Filii tui Jesu Christi Domini nostri, qui tecum vivit et regnat cum Spiritu sancto in sæcula sæculorum*. Hæc tota Canonis et sacri mysterii series Mozarabice omnino consimilis est, tametsi diversæ sunt unius ab alio ritu orationes.

21. Post hæc Mozarabes hostiam frangunt in novem portiones; ac deinde dicit presbyter: *Fide, quam corde credimus, ore autem dicamus*. Tum elevat sacerdos corpus Christi, ut videatur populo. Mox chorus cantat Symbolum Constantinopolitanum, ut in capite primo præmisimus. Haud scio an apud Gallos id eodem modo fieret. Gregorius consecrationi proxime subjicit confractionem in lib. I de Gloria Martyrum cap. 87: « Verum ubi explicitis verbis sacris, confracto dominici corporis sacramento, et ipse sumpsit, et aliis distribuit ad edendum. » At siquidem Gregorius his verbis sacris intelligit, non orationem **49** Dominicam, sed verba consecrationis, dici potest confractionem non statim huic successisse, cum communionem proxime subjiciat, quæ certe fiebat post Dominicam orationem. Nihil

porro hac de re in Missalibus Gallicanis præscribitur : sed orationi, quæ post mysterium seu post consecrationem assignatur, continuo alia subjicitur Præfationis instar ante orationem Dominicalem, et varia quidem in singulis fere missis. Sic in Natali Domini : *Non nostro præsumentes, Pater sancte, merito, sed Domini nostri Jesu Christi obedientes imperio, audemus dicere* : Pater noster, etc. De hoc universali more Hieronymus ita scribit in lib. III contra Pelagium : « Sic docuit apostolos suos, ut quotidie in corporis sui sacrificio credentes audeant loqui : *Pater noster qui es in cælis*.

22. Hanc autem orationem Dominicam, non a solo sacerdote, sed etiam ab astante populo apud Gallos prolatam fuisse docet Gregorius in lib. II de Miraculis sancti Martini cap. 30. Quippe « quadam die Dominica, dum Missarum solennia celebrarentur, *quædam femina muta in basilica cum reliquo populo stabat. Factum est autem cum Dominica oratio diceretur, hæc aperto ore cepit sanctam orationem cum reliquis decantare.* » Idem fiebat etiam tunc temporis apud Græcos, teste Leontio episcopo in libro de Vita sancti Joannis episcopi Alexandrini, cognomento Eleemosynarii; qui cum principem quemdam ad concordiam cum alio revocare vellet, misit qui eum ad se adduceret atque ipso præsentem « fecit missas in oratorio suo, nullum habens nisi ministrum suum. Cum ergo sancta benedixisset patriarcha, et orationem Dominicam inchoasset, ceperunt dicere tres tantum illi, *Pater noster*. Et cum pervenisset ad sermonem quo dicitur, *Dimitte nobis debita nostra*, etc., innuit domestico patriarcha, ut **50** taceret. Siluit ergo patriarcha, et remansit princeps solus. » Qua occasione captata, vir sanctus eum ad concordiam induxit. Hunc Græcorum ritum a romano discrepasse testis est Gregorius Magnus in lib. VII epistola 64, indict. 2 : « Sed et Dominica oratio apud Græcos ab omni populo dicitur; apud nos vero a solo sacerdote. » Itaque Græcanicum morem, ut in aliis nonnullis, imitabantur Galli. Neque enim quod Dominicam orationem cum sacerdote etiam populus decantabat, id fiebat ex imitatione Mozarabum, apud quos populus ad singulas fere Dominicæ orationis petitiones respondebat tantum, Amen. Noverat hunc ritum Boherius, qui in commentario 2 super regulam sancti Benedicti ad caput 11 ita habet : « Unde legitur, quod Isidorus Hispalensis condens missæ officium ordinavit, ut in qualibet petitione *Pater noster* clerus responderet Amen; sed ibi, *Panem nostrum quotidianum da nobis hodie* responderet, *Qui es Deus*, » quod hodie quoque in Toletana Ecclesia ex vetusto ritu observatur. Nunc in Ecclesia Latina, ut omnibus notum est, post recitatam a solo sacerdote sacram illam orationem, hæc tantum verba excipiunt circumstantes : *Sed libera nos a malo*, quod de officio divino præcipit sanctus Benedictus. At secundum veterem morem illum Gallicanum interpretandus est Gregorius in cap. 16 de Vitis Patrum, ubi de Venantio abbate Turonico : « Sed nec illud præteribo,

A quod quadam vice, dum juxta consuetudinem de basilicis, quas orationis gratia adierat, repedaret, et in basilica ad missas Dominicæ orationis verba decantarentur; cum illi dixerunt, *Sed libera nos a malo*, audivit e tumulo cujusdam vocem dicentem similiter, *Libera nos a malo*. » Demum post orationem Dominicam in Missali Gothico, non secus ac in Mozarabico, subditur **51** oratio varia pro diversis missis. In Natali Domini : *Libera nos, omnipotens Deus, ab omni malo, et custodi nos in omni opere bono, perfecta veritas et vera libertas Deus, qui regnas in sæcula sæculorum*.

23. Communionem subsequentem præcedebat benedictio ab episcopo vel sacerdote impertita, ad quam diaconus præsentem elata voce admonebat ut se inclinarent. Cæsarius testis in sermone 285 jam laudatæ appendicis Augustinianæ, num. 2 : « Et hæc admoneo simul et rogo, fratres, quoties clamatum fuerit ut vos benedictioni humiliare debeatis, non vobis sit laboriosum capita inclinare, quia non homini, sed Deo humiliatis. »

24. Post benedictionem et sacerdotis communionem, fideles communicaturi ad altare accedebant, etiam mulieres, ut num. 6 notavimus : contra quam apud Hispanos, apud quos sancitum est concilii Toletani IV canone 17, *Ut sacerdotes et levitæ ante altare communicent, in choro clerus, extra chorum, populus*. Idem fere statutum concilii Laodiceni canonem 19. Contrarius mos apud Gallos. In concilio II Turonensi canon quartus vetat laicos choro misceri psallentium clericorum : *Ad orandum vero et communicandum laicis et feminis, sicut mos est, pateant sancta sanctorum*. De Gunthramno rege id testatur Gregorius in lib. IX cap. 3 : « Interca advenit festivitas sancti Marcelli, quæ apud urbem Cabilonensem mense septimo celebratur, et Gunthramnus rex adfuit. Verum ubi peractis solennibus ad sacrosanctum altarium communicandi gratia accessisset, venit quidam quasi aliquid suggesturus. » Ubi vides, quod superius observavimus, missæ solennia ante communionem astantium censi peracta.

25. De Eulalii comitis ad altare accessu insignis est etiam locus apud eundem Gregorium in lib. X cap. 8, **52** ex quo discimus, particulam hostiæ communicaturis a sacerdote porrectam, atque ab eis in manus acceptam fuisse : « Convenientibus civibus cum sacerdote (seu episcopo Arvernorum Cautino), ad festivitatem beati martyris Juliani, ad pedes episcopi Eulalii ille prosternitur, querens se inauditum a communionem remotum. Tunc episcopus permisit eum cum cæteris missarum spectare solennia. Verum ubi ad communionem ventum est, et Eulalius ad altarium accessisset, ait episcopus : Rumor populi parricidam te proclamavit esse. Ego vero utrum perpetraveris hoc scelus, an non, ignoro. Idcirco in Dei hoc et beati martyris Juliani statuo iudicio. Tu vero si idoneus, ut asseris, accede propius, et sume tibi Eucharistiæ particulam, atque impone ori tuo. Erit enim Deus respector conscientiae tuæ. At ille

accepta Eucharistia communicans abscessit. » Ex hoc Gregorii loco quatuor colligimus. Unum, Eucharistiæ nomine hic solam panis speciem designari. Alterum, ex particula ejus, non ex integra panis formula communionem datam fuisse. Tertium, communionem hac in occasione sub sola panis specie factam; siquidem Eulalius accepta Eucharistia, id est Eucharistiæ particula, statim abscessit. Quartum denique, Eucharistiam eidem in manus fuisse traditam, ac proinde antiquum illum Ecclesiæ morem eo usque perseverasse. Mulieres tamen linteo dominicali utebantur, ut notum est ex canone 42 concilii Antissiodorensis. Sumpta Eucharistiæ particula, calix sacratus porrigebatur. « Consuetudo autem Ariatorum erat ut ad altarium venientes, de alio calice reges communicarent, et de alio populus minor, » teste Gregorio in Historiæ suæ lib. III cap. 31. Nescio an huc spectet quod Gregorius papa II in epistola 9 ad Bonifacium Moguntinum antistitem scribit, congruum non esse, « duos vel tres calices in altario ponere, cum missarum 53 solemnities celebrantur. » Porro calicem præbebant diaconi: at corpus Christi præsentem presbytero tradere non eis licebat, ex concilii Arelatensis II canone 15.

26. Qui non communicabant, eulogias accipiebant, nisi communionis ecclesiasticæ essent exsortes. Gregorius auctor in historiæ Francorum lib. V cap. 14, ubi de Guntchramno Bosone, qui « post missas a Gregorio ipso petiit, ut eulogias ei dare deberet. » Quod cum refutaret Gregorius, ipse clamare cœpit et dicere, « quod non recte eum a communione sine fratrum conniventia suspenderet. Illo autem hæc dicente, cum consensu fratris (id est, Ragnemodi Parisiorum episcopi), qui præsens erat, contestata causa canonica, eulogias a nobis (ait Gregorius) accepit. »

27. Quid tempore communionis apud Gallos caneretur, videndum. Psalmi cantabantur in Carthaginiensi seu Africana ecclesia, teste Augustino, cujus tempore id fieri cœptum. » Inter hæc (ut ipse ait in lib. II Retractationum cap. 14) Hilarus quidam, vir tribunitius, laicus catholicus, nescio unde adversus Dei ministros, ut fieri assolet, irritatus, morem qui tunc esse apud Carthaginem cœperat, ut hymni ad altare dicerentur de Psalmorum libro, sive ante oblationem, sive cum distribueretur populo quod fuisset oblatum, maledica reprehensione, ubicunque poterat, lacerabat, asserens fieri non oportere. » Contra hunc Augustinus librum scripsit, qui ad nos non pervenit. Simile quid fiebat in Gallia, nam « psallendo omnes communicare » præcipit Aurelianus in fine regulæ suæ.

28. Hæc fere sunt quæ de missa Gallicana apud Gregorium aliosque ejusdem ævi auctores reperire potuimus, præter alia quædam, de quibus opportunior erit inferius dicendi locus. In his omnibus id maxime curarunt Gallicani Patres, uniformis ut ubique ritus servaretur, quod varia conciliorum decreta docent, in his concilii Venetici canon 15, et Agathensis canon 30.

CAPUT VI.

Missæ solennes et privatæ, matutinæ et vespertinæ seu quadragesimales. Unde missa pro festo? Quid missa revocata? Dispositiones ad missam.

54 In concilio Vasensi, quod anno 529 celebratum est, quatuor missarum genera distinguuntur canone 3, nempe matutinæ, quadragesimales, pro defunctorum commemoratione, et publicæ. Publicæ erant, quæ in frequenti fidelium cœtu, diebus festis, et quidem hora tertia celebrabantur. De his concilium Aurelianense III canone 14 : *De missarum celebritate in præcipuis duntaxat solemnitatibus id observari debet, ut hora tertia missarum celebratio in Dei nomine inchoetur, quo facilius intra horas competentes, ipso officio expedito, sacerdotes possint ad vespertina officia, id est in vespertino tempore convenire.* Ubi particula *duntaxat* non est exclusiva, sed explicativa, pro scilicet, quo fere sensu apud auctores mediæ ætatis accipitur. Matutinæ missæ erant quæ ante horam tertiam; quadragesimales, quæ sub vesperam, unde serotinæ alias dictæ, celebrabantur. Idem concilium canone 29 : *Sacrificia vero matutina missarum, sive vespertina, ne quis cum armis pertinentibus ad bellorum usum spectet.* Hæc sacrificia vespertina in concilio Matisconensi primo, canone 9, dicuntur ordine quadragesimali celebrari, quia nimirum in Quadragesimæ feriis missæ ad vesperam differebantur. Horam nonam vel decimam his missis assignat concilium Bracaraense II, canone 9. Missæ matutinæ et vespertinæ seu quadragesimales a publicis 55 distinguebantur, censebanturque privatæ ex superiori canone synodi Vasensis, propterea quod fideles his interesse nulla lex præcipiebat. An autem singulis Quadragesimæ diebus sacra vespertina fierent, in libro II, ubi de Quadragesima, expendemus.

2. Licinius, sæculo VI Andecavorum antistes, « quotidie missam cum ingenti cordis compunctione cantasse, » id est protulisse memoratur, quod de Cassio Narniensi episcopo Gregorius Magnus observat. Cæterum non ita frequentia tunc erant sacrificia missæ quotidianæ. Adeo ut sacerdotes etiam a presbytero missam celebrante aliquando communionem acciperent, ut fusius demonstravi in præfatione ad sæculum II Benedictinum, num. 36. In præfationis sequentis num. 7 ostensum est illis temporibus licuisse plures in uno altari missas uno die celebrare, contra quam multi opinantur. Quæ enim hac de re leguntur interdicta, de uno eodemque sacerdote, non de diversis explicanda sunt. Id colligimus ex concilii Antissiodorensis canone 10 : *Non licet super uno altari in una die duas missas dicere; nec in altario, ubi episcopus missas dixerit, ut presbyter in illa die missas dicat.* Quibus verbis prærogativa quædam episcopo præ cæteris præbyteris tribuitur, ut scilicet in illo altari, in quo missam celebrasset episcopus, presbytero non liceret ipsa die sacrificium offerre. Ergo id presbyteris licebat aliis post alios, alioquin additio de episcopis frustranea esset. At uni eidemque presbytero, imo nec episcopo fas erat in uno eodem

altari plures missas dicere. Unde cum Gregorius Turonensis antistes maledicentiæ in Fredegundem ab æmulis fuisset accusatus, apud Brennacum villam pagi Suessionensis, « restitit ad hoc causa, ut dictis missis in tribus altaribus se de his verbis exueret sacramento. Et licet canonibus essent contraria, **56** pro causa tamen regis impleta sunt, » uti ipse narrat in lib. v cap. 49.

3. Itaque missa, ut dicere cœperam, præcepta erat tantum diebus festis, unde missæ vocabulum pro festo apud veteres inolevit. Exempla passim occurrunt in Capitularibus regum nostrorum. Dubitare tamen licet, num etiam in diebus jejuniorum, quibus diebus orationi potissimum vacandum erat, sacrificiis vespertinis interesse deberent fideles, videlicet in feriis Quadragesimæ, in triduo Rogationum, jejuniis Quatuor Temporum, et singulis secundis, quartis, et sextis feriis a festo sancti Martini ad Natale Domini, de quibus canon 9 concilii primi Matisconensis : *Ut a feria sancti Martini usque ad Natale Domini, secunda, quarta, et sexta Sabbati jejunetur, et sacrificia quadragesimali debeant ordine celebrari.* In Rogationibus quidem populum missæ interfuisse manifestum est ex Fortunato in libello de Vita sancti Germani, Parisiorum episcopi, cap. 33, ubi matrona quædam cæcitate liberata tempore litaniarum, clarescente die ad missam cum populo » progressa perhibetur. Odo abbas Cluniacensis singulare factum cujusdam presbyteri Turonensis refert, qui, sancti Andreæ festo cum Dominica prima Adventus concurrente, « pagensibus suis utrasque missas audire præcepit. » Locum adeat qui volet in Collationum lib. i cap. 22. Redeo ad missas Quadragesimæ et Rogationum, quibus recte aptari potest quod de stationibus ait Tertullianus sub finem libri de Oratione : « Nonne solemnius erit statio tua, si ad aram Dei steteris? » Certe sæculo ix apud nostrates a missis quadragesimalibus abesse religio erat, ex libris ii de Miraculis sancti Dionysii cap. 35.

4. In prædicto libello Fortunatus, cap. 60, secundum **57** textum a nobis restitutum, mentionem facit de missa revocata, itemque in lib. i de Vita sanctæ Radegundis cap. 14. In priori loco sic legitur : « Accidit ut sanctus vir (Germanus) remeans de Namnetico, domum Nunnichi illustris illustraret vestigio. De cujus veste matrona raptò fideliter filo recondit in oratorio. Quæ valetudinem irruens, vigiliis in honore sancti solemniter celebratis, ac missa revocata, de præsentī curata est. » Non convenit huic loco missæ vocabulum pro festo, uti quondam opinatus sum : cum hic agatur de vigiliis ac missa, vivente beato Germano, celebratis. Posterioris loci hæc verba sunt de sancta Radegunde : « Quid egerit circa sancti Martini atria, templā, basilicam, flens, lacrymis insatiata, singula jacens per limina, ubi missa revocata, vestibus et ornamento, quo se clariori cultu solebat ferre in palatio, sacrum componit altare. » Utrobique nihil aliud intelligendum puto quam missa celebrata, Cur autem revocata dicatur Fortunato,

A inde factum puto, quod missa dicta sit a missione seu dimissione populi. « A cujus proprietate sermonis (inquit Avitus Viennensis antistes in epistola 1) in ecclesiis, palatiisque, sive prætoriis, missa fieri pronuntiatur, cum populus ab observatione dimittitur. » Ex quo fit, ut allusione per antiphrasin ad missæ vocem facta, missa revocata dicatur, cum populus antea dimissus, denuo ad sacrificium revocatur. Favet huic interpretationi Gregorius Turonensis in lib. i de Gloria martyrum, cap. 51, ubi eodem loquendi modo utitur : « Vade, et vigila totam noctem in honore, ac revoca missas, et liberaberis a plaga. » Id est, celebra missas, etsi ibi de matre sua Gregorius agit. Nam familiare est Gregorio, ut missæ etiam a laicis celebrari dicantur. In ejusdem libri cap. 75, ubi de Sigmundo **58** rege, quem ait in consortium sanctorum ascitum : « Si qui nunc frigoritici in ejus honore missas devote celebrent, ejusque pro requie Deo offerant oblationem; statim compressis tremoribus, restinctis febribus, sanitati pristinæ restaurantur. » Itaque missæ oblatio fiebat etiam pro requie eorum qui sancti credebantur, ut in Mozarabico pro spiritibus pausantium seu confessorum, nempe ut pro eorum requie Deo gratiæ agerentur. Sed ut ad rem, qua de hic agitur, redeam, Gregorius item, in libro de Gloria confessorum, cap. 65, utitur etiam verbo *celebrandi* agendo de muliere quæ « per annum integrum assidue orationi vacabat, celebrans quotidie missarum solemnias, et offerens oblationem pro anima viri, non diffisa de Domini misericordia, quod haberet defunctus requiem, in die qua Domino oblationem pro ejus anima delibasset : semper sextarium Gazeti vini præbuit in sacrificium basilicæ sanctæ. » Locus sane insignis ad probandum sacrificium pro defunctis. At quæ sequuntur haud minoris sunt momenti : « Sed subdiaconus nequam reservans gulæ Gazetum, acetum vehementissimum offerebat in calice, muliere non semper ad communicandi gratiam accedente. » Ergo non toties communicabat, quoties offerebat, et sacris intererat, seu (ut cum Gregorio loquar) celebrabat. Utitur etiam eodem verbo in eodem significato Cyprianus de Oratione Dominica sub initium. « Et quando in unum cum fratribus convenimus, et sacrificia divina cum Dei sacerdote celebramus, verendiciæ et disciplinæ memores esse debemus. » Ad quem locum in novissima editione Oxoniensi hæc observatio adhibetur, ignotam olim fuisse solitarii sacerdotis communionem. Sed ut rem ipsam non inficiet, id non evincitur ex verbo *celebrandi*, cum mulier illa quotidie missarum solemnias celebrasse dicatur a Gregorio, nec tamen quotidie **59** communionem accepisse. Sed quid tunc, id est cum illa non communicabat, quid, inquam, de calice consecrato fiebat? aut quomodo sacerdos ipse ex eo communionem sanguinis hauriebat? an duo erant calices, unus pro sacerdote, alter pro muliere communicatura? non capio. Cum vero mulier subdiaconi fraudem viso agnovisset, « ad matutinum secundum consuetudinem surrexit. Quibus expletis, celebra-

tisque missis, accedit ad poculum salutare. Quæ tam A fervens acetum hausit ex calice, ut putaret sibi dentes excuti. » En communio etiam sub altera specie. Sed satis de verbo *celebrandi*, quod idem significat revocare missam seu missas, ut ex dictis intelligitur: idque confirmat Aredii abbatis Atanensis testamentum, obtestantis « per corpus et sanguinem Domini nostri Jesu Christi » et merita omnium sanctorum, ut in oratorio sancti Hilarii quinta feria, omni tempore, « maturius matutina et missa revocetur. »

5. Missas etiam spectare dicuntur laici apud eundem Gregorium non semel, nempe in Historiæ lib. viii cap. 7 et 31, tum lib. ix cap. 10. et lib. x cap. 8, ad hæc in lib. iii de Miraculis sancti Martini cap. 19. Imo etiam in concilio in Aurelianensi canone 29 prohibetur, ut *ne quis sacrificia missarum cum armis pertinentibus ad bellorum usum spectet*. In his omnibus aliisque testimoniis spectare forsane proprie respicit eos qui præsentibus aderant, sed non communicabant. Non male huic explicationi quadrat Gregorii locus in lib. x cap. 8, ubi de Cautino Arvernorum episcopo agens, qui Eulalium comitem a communione suspenderat: « Tunc episcopus (inquit, id est in festivitate sancti Juliani) permisit eum cum cæteris missarum spectare solemnia. Verum ubi ad communionem ventum est, et Eulalius ad altarium accessisset, » Cautinus eum voluit prohibere. Aliud ergo erat spectare missarum solemnia, aliud 60 communicare, quando Cautinus uno permissio, aliud non ferebat. Mitto alias loquendi formulas apud Gregorium, et in conciliis Gallicanis usitatas, ut missas tenere (quod etiam de laicis dicitur a Gregorio in lib. vi cap. 48), et alia id genus, ut ad missæ dispositiones progrediar.

6. Contra eos qui polluto animo sacra tractant, insignis est Gregorii locus in lib. i de Miraculis martyrum cap. 86: « Deflemus scelera nostra et plangimus, cum nos mundos esse nescimus; et ad ipsum altare Domini accedentes, audenter sanctum corpus ejus et sanguinem, cum simus actu polluti, potius ad iudicium sumimus, quam ut veniam consequamur. » In capite sequenti deflet audaciam cujusdam sacerdotis, qui non dubitavit miser vino madefactus appetere quod jejunos quisque non sine metu potest terrente conscientia explicare, » id est qui non jejunus missam celebrare ausus est. Quo ex tempore jejunum esse oporteret sacerdotem qui celebraturus esset, innuit eodem in loco Gregorius, ubi hujus sacerdotis culpam in ipso Natali Domini perpetrata exaggerans, « ita ut affirmarent multi, inquit, eum post galli cantum in ipsa nocte vidisse bibentem. » Denique Patres concilii in Bracarenensis, canone 10, damnant quosdam presbyteros, qui *in missa mortuorum, post acceptum merum, oblationem ausi sunt consecrare*.

7. Non licebat etiam diacono aut subdiacono *post acceptum cibum vel poculum missas tractare, aut in ecclesia dum missæ dicebantur stare*, ex canone 19 concilii Antissiodorensis, qui de presbytero idem

statuit. Imo fideles ipsi, tametsi non communicaturi, missæ interesse debebant jejuni. Quam ob rem in libello de Vita sancti Walarici, cap. 15, duo germani, qui ad eum in festivitate beati Martini advennerant, increpantur ab ipso, quod « ante missarum solemnia bibere præsumpissent. » Hærent etiam 61 nunc apud plebem hujusce religionis quædam vestigia. Qui potuit tanta religio afflicere majores nostros in suscipiendo Eucharistiæ sacramento, si solam corporis Christi in eo figuram, hoc est nudum panem ac merum vinum, residere credidissent?

CAPUT VII.

Ministrorum in missa vestes et apparatus; ministerium, id est sacra suppellex, seu vasa sacra et ornamenta.

1. Ad hanc missæ Gallicanæ tractationem pertinet sacrorum ministrorum habitus cultusque, ante sæculum vii usitatus. Hi vestibus albis in re sacra utebantur, teste Gregorio de Gloria confessorum cap. 20: « Erat autem sacerdotum ac levitarum in albis vestibus non minimus chorus, » nempe in translatione reliquiarum ad dedicationem oratorii sancti Saturnini. In concilii Narbonensis canone 12 decernitur, *ut nullus presbyter aut diaconus absque aliqua infirmitate, dum missa perficitur, egredi de altario, aut exuere se alba audeat*. Et apud Gregorium in Historiæ lib. iv cap. 38 agitur de archidiacono, qui « indutus alba, episcopum, ut mos est, invitabat ad altare. » Nempe mos erat, ut cum episcopus missam celebraturus in ecclesiam progrediretur, « archidiaconus cum clero in albis venienti (occurreret) diaconibus thuribula gerentibus, » ut legitur apud Paulum Emeritensem in cap. 6. Confer Sulpicii Severi dialogum 2 de sancto Martino, cap. 1. Hac veste alba non utebantur extra rem sacram, secus atque patriarchæ Orientis, quorum hic proprius habitus erat, ex Vita Euthimii apud eruditissimum Cotelierum, num. 61. Albam seu lineam vestem potius quam 62 casulam tunicæ nomine designare mihi videtur Hieronymus, cui Nepotianus presbyter testamento reliquit « tunicam, qua utebatur in ministerio Christi, » ac proinde non extra ipsum ministerium. Quo spectat Chrysostomi locus ex homilia 83 in Matthæum, ubi ministri tempore sacrorum « tunicam candidissimam, λευκὸν χιτῶνίσκον » gestasse perhibentur. De amictu (quem vocamus) rara (si tamen ulla) mentio apud auctores nostros ante Caroli Magni ætatem. Cæterum nullis tecto aut velato capite sacra peragere licebat, propter Apostoli mandatum, quo viris universim nudo capite in ecclesia orare præcipitur, et ne Christi sacerdotes viderentur imitari profanos, apud quos « sacrificantium captiva capita velabantur, » ut loquitur Cyprianus initio libri de Lapsis. Certe id sacris ministris prohibetur in synodo Romana sub Zacharia pontifice, cap. 13. Lege eruditi Cotelierii notas in Constitutiones apostolorum, col. 155. Excipio Armenos, qui tecto capite sacra celebrant, testante Baronio ad annum 863. De orario sacerdotum in modum crucis ante pectus componendo exstat decretum concilii in Bracarensis, ca-

none 4. Ad hæc concilii Narbonensis canon 1 vetat ne clerici purpureis vestibus induantur, nempe in usu vulgari.

2. Præter albam Gregorius casulam Nicetii Lugdunensis antistitis et capsam memorat in libro de Vitis Patrum, cap. 8. Casula hactenus priscum nomen retinet: « Capsa autem ita dilatata erat, ut solent in illis candidis fleri, quæ per paschalia festa sacerdotum humeris imponuntur. » Diaconus, cui hanc Priscus episcopus dederat, ea promiscue indutus absque religione procedens, « deciso cucullo, » tegumen ex illo pedibus aptavit. Erat proinde capsula illud genus indumenti, quod modo cappam appellamus, cujus pars 63 posterior ex humeris dependens pro cucullo quondam erat ad caput operiendum, qualis est cappa sancti Audomari episcopi, in sancti Bertini monasterio hactenus asservata. Casulam processoriam vocat Cyprianus episcopus Tolonensis in lib. 1 de Vita Cæsarii episcopi Arelatensis, num. 23, qui hanc casulam « albamque paschalem, » pauperi cuidam largitus est.

3. Sacram supellectilem veteres uno vocabulo ministerium ecclesiæ appellabant. Eximius est locus inter alios apud Gregorium nostrum in lib. in Historiæ cap. 10, ubi de Childeberto rege, qui ex Hispania rediens, « inter reliquos thesauros ministeria pretiosissima detulit, » nimirum « sexaginta calices, quindecim patenas, viginti Evangeliorum capsas, omnia ex auro puro, ac gemmis pretiosis ornata. » Idem in lib. 11 de Gloria martyrum cap. 7, ait Burgundiones in Brivatensem vicum irruisse, atque inde discessisse « direpto ministerio sacrosancto » : ex quo quatuor eorum per fugam lapsi, « patenam et urceum, qui anax dicitur, » in patriam detulerint, et patenam quidem divisisse in multas partes; urceum autem regi Gundobado ab ipsis fuisse oblatum, ut idem auctor subdit in capite 8. Patena illa sine dubio capacissima erat, similis ei de qua scribit ipse Gregorius in lib. 1 item de Gloria martyrum cap. 83. Qui locus quoniam magnam in vasa sacra reverentiam exhibet, hic ex integro referendus est. « Britannorum comes cum graviter a doloribus pedum affligeretur et per medicos expendens substantiam suam, nihil commodius habuisset, dixit ei quidam de suis : « Si enim ab ecclesia tibi aliquod vas ministerii, quod in altari ponitur, deferatur, in quo pedes ablueres, poterit tibi hæc causa ferre medelam. Stulti et inertes (ait piissimus antistes), non cognoscentes, quod sacra Deo vasa non debent ad usus humanos aptari. At ille 64 celeriter ad ecclesiam mittit, et patenam sacrosancti altaris de sacrario suscipit, ibique pedes abluit. Sed statim doloribus additis, ad plenum debilitatus, nusquam postea gressum facere potuit. » Addit Gregorius similiter fecisse quemdam Langobardorum ducem. Adeo sacra omnia cedunt, cum de potentum salute agitur. Concilii ut Bracarensis canon 2 severe animadvertit in quosdam sacerdotes, qui vasa sacra in profanos usus assumebant.

4. Longe probabilior fuit usus vasorum sacrorum

acum Turonensis episcopus, sibi populoque suo timens a furore Gunthramni regis militum, effracto uno de sacris ministeriis calice aureo, et in numismata redacto, se populumque redemit. Gregorius auctor in Historiæ lib. vii cap. 24. Huc spectat factum Cæsarii Arelatensis episcopi, qui in redemptionem captivorum « expenso argento, quod venerabilis Eonius antecessor suus ecclesiæ mensæ reliquerat, custodiens illud quod Dominus in arantino paropside tinxit panem, non in argenteo vase, opus sanctum usque ad divini ministerii dispensationem, cum thuribulis, calicibus, patenisque pro eorundem redemptione » vendidit, non parcens etiam columnarum « ex argento » ornamentis. Tum interpositis quibusdam ejusdem pontificis sententiis gravissimis : B « Non credo, ait (Vir sanctus) contrarium esse Deo, de ministerio suo redemptionem dari, qui se ipsum pro hominibus redemptione tradidit. » Cumque ejus factum alii culparent, probarent vero alii, subdit Cyprianus episcopus qui hæc refert in lib. 1 de Cæsarii Vita num. 17 : « Nonne in vitro sanguis Christi, et in ligno corpus pretiosissimum ejus pependit pro nobis et fulsit ? » Quæ sententia Hieronymi dictum in memoriam revocat ex epistola ad Rusticum, ubi de Exuperio Tolosæ episcopo, qui « omnem substantiam Christi visceribus erogavit, » atque 65 indubie vasa sacra, propter verba quæ sequuntur : « Nihil illo ditius, qui corpus Domini in canistro vimineo, sanguinem portat in vitro. » Denique concilium Rhemense sub annum 627 celebratum, canone 22, cavet, ne episcopus ministeria sacra frangat pro qualicunque conditione, excepto si evenierit ardua necessitas pro redemptione captivorum.

5. Præter hos alii etiam auctores ministerii nomine usi sunt ad sacram supellectilem significandam. Nam, ut ne extra Galliam exempla petamus, occurrit Alcimi Aviti præclarum testimonium in epistola 6 ad Victorium episcopum : « De ministeriis hæreticorum, quæ illis sacra, nobis execrabilia judicantur, id est patenis paterisque, quia quid censeam perinde rescribere me jussisti, validæ quidem observationis exemplum est, quod legitur in Heptatycho de thuribulis peccatorum. » Et infra : « Reprehendat certe quispiam pro sui discretionem quod sentio. Fateor de ministeriis illis minime delectari, quæ superioris Galliæ partibus ad ecclesias legis nostræ captiva venerunt; quæque nil voluntarium, nil innocens præferentia, si dolentibus rapiantur, offerentibus prodesset non poterunt... Cur de thesauris suis lectissima quæque producents, haud omni impendio curat, ut in his quæ ad sanctum ministerium pertinebunt, non magis pretiositas possit placere, quam novitas ? » Hæc etsi ad confirmandum id quod in proposito erat non est necessarium, erit tamen ad hoc probandum singulare, nempe vasis hæreticorum ablatis, et ecclesiæ oblatis, Deum non delectari, quæ erat Aviti sententia, nisi « infusa fornacibus, et distenta per laminas, » pura efficiantur. Idem censet de eorum templis, ratus « rem insensibilem, quæ primum in-

novata polluitur (nulla posse) sanctificatione purgari. » Alia fuit mens Gregorii Magni et ante eum Honorati episcopi **66** Novariensis, qui templum idolorum in ecclesiam convertit : in cuius dedicationem Ennodius diaconus Ticinensis dictionem Honorato submitit, quæ dictio est secunda apud Ennodium.

6. Verum, ut ad propositum me referam, ministerium non solum vasa sacra, sed etiam alia quæ in sacris usui erant, significat apud Gregorium in Historiæ lib. 1 cap. 27, ubi Clodovei milites « de quadam ecclesia urceum miræ magnitudinis ac pulchritudinis » (quem sancto Remigio Rhemorum antistiti rex ipse adhuc paganus restituit) leguntur abstulisse « cum reliquis ecclesiastici ministerii ornamentis. » Ejusmodi supellectilem, quæ ministerii nomine censebatur, recenset Aredii abbatis Atanensis testamentum in hæc verba : « Quod unusquisque locus sanctus constitutus ibi habeat ministerium declaratum, rectum duximus inserendum, id est turres quatuor, coopertorios holosericos tres; calices argenteos quatuor, (ex quibus) duo ansati, comparati solidis triginta, alius solidis sexdecim, tertius solidis quindecim, quartus solidis quadraginta quinque, duo ex ipsis auro sunt fabricati. Idem coopertorium lineum, valens solidis quatuor, pallas corporales quatuor, majores quinque, quinquaginta quinque, minores et tribuna valentia solidis duodecim, et alia quotidiana, quæ sunt ante altare, valentia solidis quinque, et multa alia pretiosa ornamenta. » Paulo post enumerantur « tribunalia duo, valentia solidos quatuor; vela ad ostia tria, valentia solidos sex; turres, calices, pallæ, et coopertoria. » Omnia satis perspicua sunt, præter turres et tribuna seu tribunalia. In turribus inclusi erant calices, qui in secretario reponerantur.

7. Favet huic interpretationi Gregorius in libro de Gloria martyrum, cap. 36 : « Tempus sacrificii advenit; acceptaque turre diaconus, in qua ministerium dominici corporis habebatur, ferre cœpit ad ostium; ingressusque templum, ut **67** eam altari superponeret, elapsa de manu ejus ferebatur in aera, » etc. Itaque ex hoc loco patet, ministerium dominici corporis, id est calicem et patenam, ejusmodi turre fuisse inclusum. Unde in prædicto testamento semper turres cum calicibus conjunguntur, et totidem **D** turres numerantur quot calices. An autem in illis turribus Eucharistia fuerit asservata, expendemus in capite sequenti. Tribunalium obscurior est significatus. Hæc vox passim ambonem ac pulpitem significat : sed his locis sedilia ministrorum forsân intelligenda sunt, aut certe pulpita mobilia, seu quævis alia supellex mobilis ad ornatum altaris, nam hic mobilia duntaxat ornamenta recensentur. Cæterum non solum argentei et aurei calices erant, ex dictis, sed etiam crystallini, qualis erat ille, de quo Gregorius in lib. 1 de Gloria martyrum cap. 46. His omnibus addendum videtur flabellum quo diaconus muscas a sacris et ab ipso sacerdote olim abigebat, quo de instrumento legendus Udalricus in lib. 11 Consue-

itudinum Cluniacensium cap. 20, et Hildeberti episcopi Cenomanensis epistola 8 ad Anselmum. In usu erat a primis temporibus hoc instrumentum apud Græcos, quod variis testimoniis probat eruditissimus Cangius : quibus accedit locus ex Vita Euthimii, num. 78 ubi *μουσικήρ ῥηπίδος* sit mentio.

8. Antequam hoc caput finiam, observare convenit, ex Gregorio nostrate, sacerdotes in itinere constitutos, ut semper ad sacra facienda parati essent, aliquando gestasse calicem cum patena. Sic enim habet Gregorius in lib. de Gloria confessorum cap. 22, ubi de Maximo abbate : « qui occultare quod erat cupiens, apud Insulam barbaram monasterii Lugdunensis peregrinari expetiit; manifestatus autem et ibi, ad patriam (id est ad pagum Turonicum) **68** redire disposuit. Denique dum Ararim fluvium transire cuperet, nave impleta demergitur, ac ipse sacerdos pelago operitur, habens ad collum cum Evangeliorum libro ministerium quotidianum, id est patenulam parvam cum calice. » Ubi vides ministerii nomine aliquando solum calicem cum patena, ut mox turris occasione dicebam; aliquando alia insuper sacra significari ornamenta : ex quibus, quæ in hoc capite prætermisimus, in caput sequens reservamus. Postea statutum est « ut presbyteri sine sacro chrismate, et oleo benedicto, et sacra Eucharistia alicubi non proficiscantur, (nempe ut) ad officium suum statim inveniuntur parati. » Quod statutum sancto Bonifacio archiepiscopo Moguntino tribuitur in Spicilegii **C** tomo IX.

CAPUT VIII.

Ecclesiarum seu basilicarum forma et dispositio apud Francos, variæque ejus partes explicantur.

1. Non una fuit apud majores nostros ecclesiarum seu basilicarum forma. Aliæ quippe in modum crucis, aliæ recto parietum et porticum seu alarum ordine, aliæ in orbem constructæ erant : quædam laquearibus vel tabulatis, nonnullæ fornicibus instructæ; omnes in absidem seu arcum desinebant, atque Orientem spectabant, quem morem usitatiorem vocat Paulinus in epistola 12 ad Severum, quæ est 32 in novissima editione. Unde Stephanus episcopus Tornacensis, in epistola 86 ad Lucium papam III, ait Parisiensis ecclesiæ sancti Benedicti formam « dissimilem et dissidentem (esse) ab aliis ecclesiis, (utpote) quæ a parte sanctuarii respiciebat Occidentem, ab introitu Orientem. » Aptissima est huic loco basilicæ a **69** Perpetuo Turonensi antistite conditæ descriptio apud Gregorium in Historiæ lib. 11 cap. 14 : « Habet in longum pedes centum quinquaginta quinque, in latum sexaginta : habet in altum, usque ad cameram (id est fornicem), pedes quadraginta quinque. Fenestras in altario triginta duas, in capso viginti; columnas quadraginta unam : in toto ædificio fenestras quinquaginta duas, columnas centum viginti : ostia octo, tria in altario, quinque in capso. » Hoc loco Gregorius totam ecclesiam dividit in partes duas, quarum una dicitur altarium, altera capsum.

2. Quid sit capsum, non promptum est definire.

Hac voce navim (quam vocamus) ecclesiæ, vel caput seu absidam cum choro adjuncto designari constat. At quo minus id de absida interpreter, illud facit, quod ostia quinque capso assignentur, quod non absidæ, sed navi convenire potest. Sic dicitur capsula navis in Actis martyrum Africanorum apud Baronium, ad annum 302, num 123, ad designandam imam veræ navis partem. Postea tamen capsum etiam et capitium appellata est illa ecclesiæ pars, in qua altare locatum, presbyterium vulgo appellata, ut doctissimus Cangius observat. Gregorius in ejusdem libri cap. 16 describit aliam ecclesiam, quam sanctus Namatius apud Arvernos ædificavit, « habentem in longum pedes centum quinquaginta, in latum pedes sexaginta; in altum infra capsum usque cameram pedes quinquaginta, in ante absidem rotundam habens, ab utroque latere ascellas (id est alas seu porticus) eleganti constructas opere, totumque ædificium in modum crucis habetur expositum. Habet fenestras quadraginta duas, columnas septuaginta, ostia octo. » Quod scribit Gregorius, « in ante absidem rotundam habens, » mihi prima lectione referri videbatur ad capsum; nam si ad ecclesiam referas, scribendum fuisset *habentem*. Ex quo 70 inferebam capsum ab abside fuisse distinctum, cum ante se absidem rotundam haberet. Verumtamen postea satius visum est *habens* referri ad ecclesiam, et *habentem* legi oportere. In utraque ecclesia, quam ex Gregorio descripsimus, octo erant ostia: et tria quidem ad altare seu presbyterium, quinque ad capsum. De illis tribus, quibus ad presbyterium patebat aditus, intelligendus Paulinus in Natali 10:

Trinaque cancellis currentibus ostia pandunt.

Totidem enumerat Paulus Silentarius: « Tribus autem portis totum septum sacerdotibus patet, » in æde scilicet sanctæ Sophiæ. In capso, quod reliquam a presbyterio ecclesiæ partem apud nos complectebatur, quinque ostia erant, tria nimirum in majori porta ad occidentem: duo ad bina latera.

3. Non omittenda est hoc loco descriptio ecclesiæ Gemeticensis, qualis a sancto Filiberto abbate sæculo vii condita est: « Introrsus domus alma fulget, habitantibus digna, ab Euro surgens ecclesia, crucis instar erecta: cujus apicem obtinet alma virgo Maria, altare ante faciem lectuli condente beatissimo Filiberto, pictum gemmarum lumine, comptum auri et argenti congerie. Ab utroque latere Joannis et Columbani aræ dant gloriam Deo. Aderat a Borea Dionysii martyris et Germani confessoris ædícula: in dextris nobile permanet sancti Petri oraculum (id est oratorium): e latere sancti habens Martini sacrum. » In hoc contextu plana et perspicua fere sunt omnia, nisi quod non satis explorata est lectuli notio. Lectus seu lectulus aliquando altare, aliquando sancti tumulum significat. In Actis sanctæ Anstrudis abbatisse Laudunensis, num. 33, Adalsinda, quæ ei successerat, cœlitus admonetur, « ut lectum citius faciat ædificari. » Quod cum ab alia sanctimoniali, 71 cui id revelatum fuerat, audisset, « intellexit lectum illum

A significare altare. » At in Actis sancti Trudonis, num. 25, quidam « ante lectum piissimi Patris, » id est ante ejus tumulum, se prostrasse dicitur. Quo sensu passim apud auctores mediæ ætatis reperitur, ut apud Gregorium in lib. 1 de miraculis sancti Martini cap. 35, ubi lectuli sancti Martini pro tumulo meminit. Omnino dici potest, lectulum hoc loco esse mensam ipsam altaris, cujus summa pars altare appellatur ab hoc auctore, qui sæculo vii scribebat.

4. A proposito non digrediemur, si referamus id quod Beda Venerabilis in lib. 1 de Historia monasterii sui num. 5 commemorat, videlicet Benedictum, cognomento Biscopum, Oceano transmisso, Gallias petiisse, ut « cæmentarios, qui lapideam sibi ecclesiam (id est) cum tabulatu lapideo (uti explicat Willelmus B Malmesburiensis monachus), juxta Romanorum, quem semper amabat, morem facerent, » postulare. Deinde cum opus « ad profectum (accederet, rursus) legatarios misisse in Galliam, qui vitri factores, artifices videlicet Britannis eatenus incognitos, ad cancellandas ecclesiæ, porticumque et cœnaculorum ejus fenestras adducerent. Factumque est, et venerunt; nec solum postulatam opus compleverunt, sed et Anglorum ex eo gentem ejusmodi artificium nosse ac discere fecerunt. Ad hæc cuncta quæ ad altaris et ecclesiæ ministerium competeabant, vasa scilicet vel vestimenta, quia domi invenire non potuit, de transmarinis regionibus advectare religiosus emptor curabat. » Ubi vides quanta fuerit majorum nostrorum in ornandis locis sacris sollicitudo et industria præ aliis. Guthbertus abbas Anglicanus cum rursus vitri artifices apud se deessent, aliquem « qui vitrea vasa bene posset facere » petiit a Lullo episcopo Moguntino. Confer Alfredi regis Vitam.

72 5. Quo ritu fieret primis illis temporibus ecclesiarum apud nostrates dedicatio, satis explicat Gregorius in lib. de Gloria confessorum cap. 20, ubi oratorii a se factam dedicationem describit. Et primo quidem in alia sancta basilica « vigiliis noctem unam ducentes, inquit, mane venientes ad cellulam, altare quod erexeramus, sanctificamus. » Deinde « regressi ad basilicam, sanctas reliquias exinde, solemnius radiantibus cereis crucibusque, admovimus. Erat autem sacerdotum ac levitarum in albis vestibus non minimus chorus, et civium honoratorum ordo præclarus; sed et populi sequentis ordinis magnus numerus. Cumque sacrosancta pignora, palliis ac mapis exornata, in excelsum deferremus, parvenimus ad ostium oratorii. Ingredientibus autem nobis, subito replevit cellulam illam fulgor terribilis, etc. » Concilium Arausicanum II in dedicatione basilicæ a Liberio Patricio constructæ celebratum est anno 529. Lege Vigili papæ epistolam ad Profuturum episcopum Bracarensem. Quales ad dedicationem reliquiæ adhiberentur, constat ex eodem auctore aliisque, qui reliquiarum nomine intelligunt quidquid aliquo modo sanctum aliquem, ejusve tumulum attigerat, scilicet pannos, linteamina, et alia id genus. Consulendus hac de re Gregorius in lib. 1 de Mira-

culis sancti Martini, cap. 11, et lib. 1 de Gloria martyrum cap. 28, ut multa alia loca præteream, ecclesiarum nostrarum partes breviter explicaturus.

6. Atque ut ab altari, quæ sacratiores ecclesiæ pars est, exordiar; de eo hoc statutum habemus in concilii Agathensis canone 14: Altaria placuit non solum unctione chrismatis, sed etiam sacerdotali benedictione sacrari. Et in concilii Epaonensis canone 26: Altaria, nisi lapidea, chrismatis unctione non sacrentur. Formam altaris ecclesiæ **73** sancti Petri apud Burdegalam describit Gregorius in lib. 1 de Gloria martyrum cap. 33: « Hujus altare positus in altum pulpitis locatum habetur; cujus pars inferior, in modum cryptæ, ostio clauditur, habens nihilominus et ipsa cum sanctorum pignoribus altare suum. » Multa ejusmodi altaria edita, et super cryptas locata supersunt in ecclesiis Gallicanis. Ad hæc altaria quibusdam gradibus ascensus erat, ita ut sub gradibus fideles oraturi possent consistere, ut pluribus ostendi in præfatione prima sæculi III, num. 79. Ejusdem prope formæ erat in basilica sancti Cypriani martyris « analogus, in quo, libro superposito, cantatur aut legitur, » inquit Gregorius in lib. 1 de Gloria martyrum cap. 94. Nam ex uno lapide marmoris totus sculptus asseritur: id est mensa desuper, ad quam per quatuor gradus adscenditur; cancelli in circuitu, subter columnas; quia et pulpitum habet sub quo octo personæ recipi possunt. »

7. Qui historiam Eucharisticam nuper composuit Rocus minister, negat ante sæculum VIII in una ecclesia plura fuisse altaria. Ad hoc autem revincendum sufficit unus Gregorius Magnus qui in lib. V epistola 50 ad Palladium Santonensem episcopum, tredecim altaria testatur fuisse in ecclesia quadam, in honorem apostolorum ab ipso Palladio constructa. Et Gregorius alter superius in ecclesia sancti Petri apud Burdegalam duo altaria memorat, unum in pulpitis, aliud in crypta sub illo summo altari. Brennaci in pago Suessionensi tria erant altaria, in quibus (ut jam vidimus) Gregorius missas tres celebravit. Non immerito pluribus testimoniis congerendis. Vide quæ hac de re a nobis dicta sunt in præfatione prima seculi III, ubi tabulas itinerarias, quæ vice altaris itinerantibus sacerdotibus essent, in usu fuisse ante sæculum XI contra eundem Rocum demonstratum est.

74 8. Altaria ciborii passim instructa erant præsertim altare majus, quod prævios habebat cancellos, et picturas ex utroque latere ad parietes. Ciboria erant turritæ ædiculæ, quatuor minimum columnis innixæ, quæ ædiculæ altare tegebant more Græcorum, apud quos « supra incontaminatam mensam vastum in aerem immensa turris exurgit: quadrifidis vero argenteis arcubus incumbens, argenteis perinde columnis attollitur, in quarum vertice argenteos pedes statuit arcus quadruplex, ut de ciborio Sanctæ Sophiæ tradit Paulus Silentiarius apud eruditissimum Cangium. Anastasius in Gregorio primo. « Hic fecit beato Petro apostolo ciborium

A cum columnis suis quatuor ex argento puro. » Et in Leone III: « Fecit in basilica beati Petri apostoli, super altare majus, ciborium cum columnis suis quatuor ex argento purissimo deaurato, cum diversis historiis miræ magnitudinis. » In ejusmodi ciboriis crux in summo erat, uti etiam Romæ, teste Anastasio in Leone IV: « Sacrum desuper construxit altare et ciborium cum cruce. » Huc spectat e nostris Hariulfus in Chronici Centulensis lib. III cap. 3: « Super illa tria altaria habentur tria ciboria, ex argento et auro parata: in quibus tres dependent coronæ, singulæ per singula, ex auro gemmisque paratæ, cum aureis cruciculis, aliisque ornamentis. » Itaque in summo ciborio cruces seu cruciculæ erant, uti etiam in ciboriis, quæ super tumulos sanctorum erecta erant, apud Gregorium Turonensem episcopum in lib. II de Gloria martyrum cap. 20. Aliud ciborii genus ævi posterioris videre licet apud Hugonem abbatem Flaviniacensem, pag. 166. Aliquando tamen columba loco crucis erat in sepulcris, ut de tumulo sancti Dionysii Gregorius tradit in lib. 1 de Gloria martyrum cap. 72. Hæc observatio de cruce super ciboria alicujus momenti in consequentibus erit ad explicandum canonem 2 concilii Turonensis II. Ejus generis ciborium cum **75** Eucharistia appensa recens Beccenses nostri restituerunt ad exemplum ecclesiæ beatæ Mariæ de Valle Gratiæ, in qua altare cum ciborio sex columnis innixis felicis memoriæ Anna Austriaca more antiquo, regia magnificentia erigi curavit.

C 9. Gregorius Turonicus antistes non uno in loco picturas ecclesiæ parietum memorat. Unus est in lib. 1 de Gloria martyrum cap. 63, ubi de basilica sancti Antoliani martyris apud Arvernens, quam duæ mulieres perillustres construxerant: « Erectis parietibus super altare ædis illius, turrem a columnis, pharis, heracliisque, transvolutis arcubus erexerunt, miram cameræ fucorum diversitatibus imaginatam adhibentes picturam. » Addit Gregorius hoc opus tam « elegans et subtile » fuisse, ut ruinæ periculum cernens Avitus pontifex, « anticipans futuram columnarum stragem, jusserit tigna, asseresque, vel tegulas amoveri. Quibus submotis, nec adjutorii columnis apposis... dato columnæ immenso pondere, cum magno sonitu super altare et circa altare diruerunt, completaque est ædis nebula de effractæ calcis pulvere. » Quem locum integrum refero, tum ut vox *calcis*, quæ in *calicis* perperam mutata fuerat, restituatur; tum ut appareat (quod superius notatum) columnas ad altare erectas fuisse. At ex superiori testimonio etiam id constat, quod modo probandum suscepimus, picturas parietibus ecclesiæ appositas fuisse. Hinc illa vox militum Gundobaldo, Clotarii (uti se ferebat) filio, insultantium apud eundem Gregorium in Historiæ lib. VII cap. 36: « Tune es pictor ille, qui tempore Clotarii regis per oratoria parietas atque cameras caraxabas? » Et in cap. 22 agitur de puellis et pueris Eberulli, qui « suspiciebant picturas parietum, rimabanturque ornamenta sepulcri » beati Martini. Idem de Wiremuttensi ecclesia legitur apud

Bedam in lib. 1 de Historia monasterii **76** sui, num. 6. Picturæ etiam erant in illo baptisterio quod Sulpicius Severus extruxerat, ubi imagines sancti Martini et Paulini Nolani adhuc viventis depingi curaverat. Quod de sua improbat Paulinus ipse in epistola nunc 32 ad Severum. Præclari sunt Ennodii versus in baptisterio agello, ubi picti erant martyres, quorum ibi reliquiæ conditæ erant.

Rapta sepulcris animavit corpora pictor.
Funera viva videns mors eat in tumulos.
Illorum tamen iste locus complectitur artus,
Quos paries facie, mens tenet alma fide.

Paulinus mox laudatus in natali 9 de sancto Felice memorat picturas porticibus ecclesiæ appositæ, in quibus historia Mosis ob oculos posita erat. Facti rationem hanc reddit, nempe ut turba rusticorum non « docta legendi, » visis sanctorum actis ad Christum convertatur : deinde ut qui vigiles noctem in ecclesia ducebant insomnes, his picturis animos pascere, et a computationibus averterentur.

10. Non itaque in altari erant picturæ aut imagines, nisi admodum in velis et arcubus ciborii, quod eruditus Cangius observat in descriptione Sanctæ Sophiæ. Huc fortasse trahi potest id quod Optatus in fine libri III tradit de Paulo et Macario, qui dicebantur venturi, « ut interessent sacrificio ; et cum altaria solemniter aptarentur, proferrent illi imaginem, quam primo in altari ponerent ; et sic sacrificium offerretur. » Quo rumore ita perculsi sunt animi, ut sacrificium, velut « sacrum » ac detestandum, aversarentur. Sed compertum est falsum fuisse rumorem. « Visa est puritas, et ritu solito solemnitas consuetudo perspecta est. » Quamquam existimem id potius de Constantis imperatoris quam de aliqua sacra imagine esse intelligendum. Non **77** satis constat quo in loco esset illa Narbonensis ecclesiæ « pictura, quæ Dominum nostrum, quasi præcinctum linteo, indicabat crucifixum. » Christus vero cuidam presbytero apparuisse dicitur, conquestus quod se nudum spectantium oculis exhibuissent. Monitus episcopus, « desuper velum expandi jussit, » apud Gregorium in lib. 1 de Gloria martyrum cap. 23. Dignum nostræ ætati exemplum.

11. Venio ad ecclesiæ cancellos, quos sub arcu, ubi clerici psallebant, positos fuisse docet Gregorius in lib. 1 de Gloria martyrum cap. 39. Qui locus etsi ad sancti Pancratii ecclesiam, quæ non procul a Romæ urbis muro erat, pertineat, hic tamen non videtur prætermittendus. Ait itaque sanctum Pancratium severum fuisse de perjuri ultorem : « Ad cuius sepulcrum si cujusquam mens insana juramentum inane proferre voluerit, priusquam sepulcrum ejus adeat, hoc est antequam ad cancellos, qui sub arcu habentur, ubi clericorum psallentium stare mos est, accedat, statim aut arripitur a dæmone, aut cadens in pavementum emittit spiritum. » Cancelli clericorum chorum et altare a laicis separabant, sicuti præscribit canon 4 concilii II Turonensis : *Ut laici secus altare, quo sancta mysteria celebrantur, inter clericos tam ad vigiliæ, quam ad missas, stare penitus non præsumant : sed pars illa quæ a cancellis*

versus altare dividitur, choris tantum psallentium pateat clericorum. Paulo aliter apud Græcos, ubi clericos ab altari separabant cancelli, quibus soli sacerdotes continebantur, apud Cangium in Descriptione Sanctæ Sophiæ, num. 70. Erant et cancelli ad tumulos sanctorum. Gregorius in lib. 1 de miraculis sancti Martini cap. 35, refert cujusdam factum, qui « lignum venerabile de cancello lectuli, » id est tumuli, sancti Martini abstulerat. Porro cancelli aliquando, vel saltem eorum ornamenta, constabant argento, cui non pepercit **78** Cæsarius episcopus Arelatensis, illud expendens in captivorum redemptionem. « Videntur etiam hodieque (ait Cyprianus in lib. 1 de ejus Vita, num. 17) securium ictus in podium et cancellis, dum inde columnarum ex argento excutiuntur ornamenta. »

12. Præter picturas, etiam pallia (ut vocabant) seu tapetia ex parietibus pendebant, vela in ostiis. Gregorius in lib. 1 de Miraculis sancti Martini cap. 13 ait, hanc apud Italos specialem (*mendose, spiritalem*) vigere medelam, ut si quis pustulæ percutiatur vulnere, ad propinquum quod fuerit beati Martini oratorium habeatur perfugium ; et aut ex velo januæ, aut palliolis quæ pendent de parietibus, quidquid primum raptum fuerit, fit salubre. » Apud eundem, in lib. IV Historiæ cap. 31, avis quædam « in sacrarium sub velo » transisse dicitur, et cicindelem extinguere voluisse, » nisi « ab ostiariis » prohibita fuisset. Sacrarium locus est altaris, quem locum vela ad ostia presbyterii appensa tegebant. Inferiorum vero ministrorum id officii erat, ut *senioribus vela ad ostia sublevarent*, ex concilii Narbonensis canone 13. Neptianus, teste Hieronymo, maxime sollicitus erat, « si niteret altare, si parietes absque fuligine, si pavementum tersum, si janitor creber in porta, si vela semper in ostiis, si sacrarium mundum, si vasa luculenta, et in omnes cæremonias pia sollicitudo disposita. » Ad hæc in ciboriis etiam vela quatuor, ne sacra quorumvis aspectui paterent, suspensa fuisse colligi potest ex simili more non solum Græcorum, sed etiam Romanorum, de quibus Anastasius in Leone III : « Fecit et in circuitu altaris alia vela alba, holoserica rosata, quæ pendent in arcu de ciborio, numero quatuor. » Quamquam de ejusmodi velis ad ciboria nullam invenio apud veteres auctores nostros mentionem. Illud etiam huc facit, quod pallas, quibus sacra tegebantur, non **79** tenues, ut diximus, sed densas esse volebant nostrates Galli, ne mysteria a quibusvis cernerentur. Quæ cautio non fuisset necessaria, si velorum usum in ciboriis habuissent. Pavimentum vero ecclesiæ non raro ex musivo, id est tessellatis lapidibus, ut Coloniensis Thebæorum apud Gregorium in lib. 1 de gloria Martyrum cap. 62. Tectum aliquando ex cupro erat, ut de basilica sanctæ Crucis et sancti Vincentii legitur in Vita Droctovei abbatis. Sed hæc minutiora mitto.

13. Paulinus in epistola ad Severum loquitur de « secretariis duobus juxta apsidem, » refertque versus indicantes « officia singulorum. » Et quidem ad

dextram erat « veneranda penus, qua conditur, » et ex « qua promitur sacri pompa ministerii, » id est sacra supellex, calices scilicet et reliqua : ad sinistram erant libri sacri, nempe libri Psalmorum, Evangeliorum, et Epistolarum, simulque Missalis. Missalem hunc librum intelligit Gregorius in lib. II Historiæ cap. 22, ubi de Sidonio Arvernensi episcopo loquitur in hunc modum : « Sanctus vero Sidonius tantæ facundiæ erat, ut plerumque ex improvviso lulentissime quæ voluisset, nulla obsistente mora, componeret. Contigit autem quadam die, ut ad festivitatem basilicæ monasterii (scilicet beati Cyriaci) invitatus accederet : ablatoque sibi nequiter libello, per quæ sacrosancta solemnia agere consueverat, ita paratus a tempore cunctum festivitatis opus explicuit, ut ab omnibus miraretur, nec putaretur ab astantibus ibidem hominem locutum fuisse, sed angelum. Quod in præfatione libri (subdit Gregorius) quem de Missis ab eo compositis conjunximus, plenius declaravimus. » Missalem Gregorianum inter primos appellat Otkerus seu Otkarius pontifex Moguntinus in epistola ad Tattonem, quæ est 114 inter Bonifacianas.

14. Denique in salutatorio sacerdotes sacras vestes induebant, causas audiebant, synodos celebrabant, ibidemque aliquando manebant. Quod de Natio Arvernorum antistite tradit Gregorius in Historiæ lib. II cap. 21, et de Eberulfo in lib. VII c. 22. Alia erat domus ecclesiæ, cujus meminit variis in locis idem auctor, haud dubie episcopalis ædes ecclesiæ adhærens : utpote in qua maneret episcopus, et convivia celebraret, ut patet ex Historiæ lib. VII capp. 27 et 29, et ex lib. IX, cap. 12.

15. Pene exciderat, quam prætermittere non licet, descriptio ecclesiæ Lugduni exstructæ per Patientem episcopum : quam descriptionem Apollinaris Sidonius in epistola ad Hesperium, quæ est libri II epistola decima, versibus exhibet in hunc modum.

Ædes celsa nitet, nec in sinistram,
Aut dextrum trahitur, sed arce frontis
Ortum prospicit æquinoctialem.
Intus lux micat, atque bracteatum
Sol sic sollicitatur ad lacunar,
Fulvo ut concolor, erret in metallo.
Distinctum vario nitore marmor
Percurrit cameram, solum, fenestras :
Ac sub versicoloribus figuris
Vernans herbida crusta sapphiratos
Flectit per prasinum vitrum lapillos.
Huic est porticus applicata triplex,
Fulmentis Aquitanicis superba :
Ad cujus specimen remotiora
Claudent atria porticus secundæ :
Et campum medium procul locatas
Vestit saxea silva per columnas.
Hinc agger sonat, hinc Arar resultat.
Hinc sese pedes, atque eques reflectit,

81 Stridentum et moderato essedorum :
Curvorum hinc chorus helciariorum,
Responsantibus Alleluia ripis,
Ad Christum levat amnicum celeuma.
Sic sic psallite nauta vel viator :
Namque iate est locus omnibus petendus,
Omnes quo via ducit ad salutem.

Ecclesia ergo illa, Orienti obversa, laqueari deaurato ornata erat. Ex marmore fornix, pavementum, et fenestræ, vitris versicoloribus distinctæ. Triplex in

Aditu porticus ad totidem portas : quarum una capior pœnitentes excipiebat. Media navis columnis ex marmore Aquitanico, id est e Pyrenæis montibus exciso, hinc inde vallata, quasi silvam saxeam exhibebat. Apud eundem auctorem in carmine 16 pontifex « concionaturus in gradibus venerabilis aræ (constitisse dicitur), plebe circumstante, » id est stante. Nam concionem sacram auditores nonnisi stantes excipiebant, ut eximius Sirmundus ad hunc locum annotavit. Neque hoc præteream, quod idem Sidonius in carmine 17 laudat Gazetica vina, Gregorio Gazetum vinum, supra in cap. 6, num. 4, ita dictum a Gaza Palæstinæ, testante Isidoro.

CAPUT IX.

B Quo in loco positæ sanctorum reliquiæ; an et ubi Eucharistia ad Viaticum reservata ante sæculum VIII? Quæ tunc temporis ecclesiæ Gallicanæ de Eucharistia fides.

82 1. Ad absolutam de missa tractationem pertinet Eucharistiæ reservatio ad viaticum, quam ante sæculum VIII aut IX factam negant quidam novatores. Sed antequam id expendamus, de reliquiis sanctorum earumque in ecclesia positione agendum est, ut planiora fiant quæ de Eucharistiæ reservatione dicenda sunt.

2. Tribus in locis reliquias sacras conditas fuisse Gregorius est auctor. Primo in cryptis subterraneis, nempe subtus altare. Quod probat egregius Gregorii locus de corpore sancti Petri in Vaticano sepulti, in lib. I de Gloria martyrum cap. 28, atque alter in ejusdem libri cap. 32, ubi de ecclesia sancti Petri apud Burdegalam, superius a nobis relatus. Idem astruit (ut alios omittam) Paulinus in natali 9 de sancto Felice.

Nam quasi contignata sacris coenacula tectis,
Spectant de superis altaria tota fenestris,
Sub quibus intus habent sanctorum corpora sedem.
Namque et apostolici cineres sub cœlite mensa
Depositi, etc.

3. Secundo reliquiæ locabantur in parietibus ecclesiæ, ubi depingi solebant imagines sacræ. Gregorius in lib. VII cap. 31 factum narrat cujusdam Eufronis Syri, qui, allatis sancti Sergii martyris reliquiis, ecclesiam in ejus honorem apud Burdegalam ædificaverat, ubi miracula increbruerunt. 83 Hoc

D accepto, « Mummolus cum episcopo Bertchramno ad domum Syri accedit, vallatoque homine, pignera sibi sancta præcepit ostendi. Negat ille... Tunc Mummolus elevari ad parietem scalam jubet. Erant enim in sublimi parietis contra altarium in capsula reconditæ. »

4. Tertio quandoque in baptisterio collocabantur, testante Gregorio de seipso in fine libri X. « Baptisterium ad ipsam basilicam sancti Perpetui ædificari præcepi, in quo sancti Joannis cum Sergii martyris reliquias posui : et in illo priore baptisterio sancti Benigni martyris pignera collocavi. » Nusquam super altare positæ sunt reliquiæ, nisi forte ad breve tempus. Quo spectat Gregorius in Historiæ lib. IX cap. 6, ubi de quodam præstigiatore, qui cum Turonos, Gre-

gorio necdum notus, vespere accessisset, dicens « se de Hispaniis adventare, ac reliquias beatissimorum martyrum Vincentii levitæ Felicisque exhibere, » Gregorius, « quia jam hora præterierat, » ut reliquiis occurreret, dixit: « Requiescant beatæ reliquiæ super altarium, donec mane procedamus ad occursum earum. » Quod argumento est aliquando reliquias ad breve tempus in altari expositas; sed earum proprium ibi locum non fuisse, ex dictis manifestum est. Quamquam neque ad breve tempus reliquias super altare positas probavit sanctus Odo abbas Cluniacensis, aut potius sancta Gualburgis seu Walburgis: quæ cum, referente Bernone abbate, miracula in quadam ecclesia ipsi dicata patraret, « contigit ut ejusdem sanctæ Gualburgis reliquiæ super altare per aliquot dies manerent: sed mox miracula cessaverunt. Tandem vero ipsa virgo cuidam ex infirmis apparens: Idcirco, inquit, non sanamini, quia reliquiæ meæ sunt super altare Domini, ubi majestas divini mysterii debet solummodo celebrari. » Ita sanctus Odo in lib. II Collocationum cap. 28. Hæc narratio innuit, raro per id tempus, id est **84** sæculo X, reliquias altari impositas fuisse, tametsi id permittit Leo papa IV in homilia quadam his verbis: « Super altare nihil ponatur, nisi capsæ et reliquiæ, aut forte quatuor Evangelia, et buxida cum corpore Domini ad viaticum infirmis: cætera in nitido loco recondantur. » Quod totidem repetit verbis Ratherius Veronensis episcopus in synodica oratione ad presbyteros suos.

5. Sed forte quis dicat id unum ab Odone improbatum, quod reliquiæ super mensam altaris. in qua offertur sacrificium, positæ sint: non improbatum, si in loco paululum a mensa summo, ut fit, exponerentur. Quidquid id est, si reliquiarum sedes sæculo IX aut X ad altare esse potuit, alius fuit mos præcedentium sæculorum, ut ex dictis intelligitur: quibus temporibus neque reliquiæ, neque picturæ altari apponebantur. Floribus tamen altaria ornari non improbat Venantius Fortunatus in lib. VIII carmine 9 ad Radegundem, quod carmen De floribus super altare inscribitur. Tum præmisso veris redeuntis elogio subdit.

Inde viri postes et pulpita floribus ornant,
Hinc mulier roseo complet odore sinum.
At vos non vobis, sed Christo fertis odores:
Has quæque primitias ad pia templa datis.
Textilis variis altaria festa coronis,
Pingitur ut filis floribus æra novis.

6. His præmissis, agendum est de Eucharistia sacra, cujus usum ad viaticum eorum qui in pace Ecclesiæ vita defungebantur, antiquissimum esse docet canon 12 (aliis 13) concilii primi Nicæni. De his vero qui recedunt ex corpore, antiquæ legis, regula observabitur etiam nunc, ita ut... ultimo vitæ suæ viatico non defraudentur. Quod de communionem per Eucharistiam intelligendum esse verba **85** subsequenter probant. Accedit Ambrosii doctoris sanctissimi exemplum apud Paulinum, ubi « Honoratus sacerdos ecclesiæ Vercellensis Sancto in extremis agenti Domini corpus obtulisse » dicitur. « Quo accepto, ubi gluttivit, emisit spiritum. » Non desunt alia ejusdem

A moris exempla jam inde a sæculo IV. Anno 442 celebratum est in Gallia concilium Vasense, in cujus canone 2 sancitum est de pœnitentibus subito mortuis, ut eorum oblationes recipiantur, *Quia nefas est eorum commemorationes excludi a salutoribus sacris, qui ad eadem sacra fidei affectu contententes, dum se diutius reos stratuunt, indignos salutaris mysteriis judicant; ac dum purgatiores restitui desiderant, absque sacramentorum viatico intercipiuntur.* Mos ergo tunc erat, ut nisi subita morte interciperentur fideles, acciperent sacramentorum viaticum, salutaria sacra, salutifera mysteria, a quibus pœnitentes religionis causa abstinebant. Insignis de Viatico est canon 11 concilii XI Toletani; et Gregorius III de his qui parentes suos necassent, decernit, ut toto vitæ tempore corpus dominicum non suscipiant, nisi in suo exitu pro viatico. Postea vero id variis Ecclesiæ legibus præceptum est.

7. Sed ante hæc omnia sacri viatici antiquiorem usum observare licet in epistola synodica ecclesiæ Africanæ ad Cornelium papam, quæ epistola est ordine 54 inter Cyprianicas apud Pamelium, de pace lapsismaturius danda ob persecutionem ingruentem. His enim ob eam causam communionis sacre munimentum concedunt Patres, ut tuti contra adversarium essent, quæ instituti viatici ratio est. Sed locum integrum ex illa epistola referre juvat: « Nunc non infirmis, sed fortibus pax necessaria est; nec morientibus, sed viventibus communicatio a nobis danda est: ut quos excitamus et hortamur ad prælium, non inermes et **86** nudos relinquamus, sed protectione sanguinis et corporis Christi muniamus. Et cum ad hoc fiat Eucharistia, ut possit accipientibus esse tutela, quos tutos esse contra adversarium volumus munimento dominicæ saturitatis armemus. Nam quo modo docemus aut provocamus eos in confessione nominis sanguinem suum fundere, si eis militaturis Christi sanguinem denegamus? aut quo modo ad martyrii poculum idoneos facimus, si non eos prius ad bibendum in ecclesia poculum Domini jure communionis admittimus? »

8. Par utique ratio est de morituris, ut sacræ Eucharistiæ viaticum accipiant, ne inermes et nudi relinquantur, sed protectione sanguinis et corporis Christi muniantur. Et manifeste innuit Cyprianus morientibus tunc temporis datam fuisse corporis et sanguinis Christi communionem: « Nunc, inquit, non infirmis, sed fortibus pax necessaria est; nec morientibus, sed viventibus communicatio a nobis danda est, » nimirum communicatio per Eucharistiam, per corpus et sanguinem Christi, ut postea explicat. Ergo etiam tunc infirmis, et morientibus eadem communicatio tribuebatur. Quippe « idoneus esse non potest ad martyrium, » certe nec ad mortem, « qui ab Ecclesia non armatur ad prælium; et mens deficit, quam non recepta Eucharistia erigit et accendit, » ut idem Cyprianus in consequentibus habet. Denique ait pastoribus imputandum esse, si tam in persecutione constituti Eucharistia non muniantur, quam si

« bonus miles (seu Christianus) qui omnia sua dereliquit, et contempta domo, et parentibus, ac liberis, sequi Dominum suum maluit; sine pace et sine communicatione decedit. » Quod manifeste de viatico intelligendum est.

9. Sed longius provehor quam esset necesse ad demonstrandum id quod in argumento erat, nimirum antiquissimum esse in Ecclesia usum viatici infirmorum, utpote a **87** primis purioribusque Ecclesiae temporibus receptum: ita ut pastoribus in culpam deputaretur, si quis pie vivens absque viatico decederet. Verum divinam Eucharistiam ad viaticum fuisse tunc reservatam non satis inde intelligitur: tametsi vix alio modo poterat infirmis quibusque absque hac repositione subveniri, cum missarum solemniam longam moram exigent. Sed ut id planius fiat, quædam hoc loco, quoad brevius fieri poterit, observanda sunt.

10. In primis non aliter potest intelligi Paulini narratio de Ambrosii extrema communione, nisi Eucharistiam reservatam admittamus Ambrosius morte imminente, « ab hora circiter undecima diei, usque ad illam horam, qua emisit spiritum, expansis manibus in modum crucis oravit. Honoratus autem sacerdos ecclesiae Vercellensis, cum in superiori domo se ad quietem composuisset, tertio vocem vocantis se audit, dicentisque sibi: Surge, festina, quia modo est recessurus. Qui descendens, obtulit Sancto Domini corpus. Quo accepto, ubi glutivit, emisit spiritum. » Nemini hic fingere animo licet, missam ad hoc fuisse celebratam. Tempus non sinebat, hora diei minimum duodecima; non temporis articulus et angustiae, siquidem Honoratus, qui tunc ad quietem in lecto compositus erat, mox ut descendit, nulla interposita mora, obtulit sancto Domini corpus. Ergo ex reservata Eucharistia id factum est.

11. Concedat forsan aliquis, ex reservata quidem, non in ecclesia, sed domi, quod cuivis liceret Eucharistiam deferre in proprias aedes. Nec sane video quid ex Paulino huic responsioni possit opponi, tametsi rem aliter se habere non dubito. Verum conferatur hic locus cum Palladii testimonio in libro de Vita sancti Johannis Chrysostomi, aut potius cum ipsius Chrysostomi epistola ad **88** Innocentium a Palladio relata. In ea epistola describit Joannes irruptionem militum, quæ in ecclesiam CP. facta est Sabbato sancto, cum omnia ad solemnem baptismum essent disposita. Tunc quippe sacros Fontes cruore vulneratorum ex promiscuo sexu perfusus fuisse scribit: sed neque hic malum substituisse. Milites enim « ubi sacra erant reposita » irrumpentes, « Ἐντα τὰ ἁγία ἀπέκειντο, viderunt omnia quæ intus erant, et sanctissimus Christi sanguis, τὸ ἁγιώτατον αἷμα τοῦ Χριστοῦ, in prædictorum vestes effundebatur. » Id autem factum est, cum omnes catechumeni ad suscipiendum baptismum aptati essent. Ergo ante sacra celebrata, quæ Sabbato sancto, nonnisi absolutis baptismi cæremoniis, ab antiquo inchoari mos est,

etiam apud Græcos, ex eorum Euchologio, in quo ita legitur, pag. 359, apud Goarem: « His dictis, » scilicet post baptismum, et unctionem baptizatis impertitam, « patriarcha ingreditur cum recenter illuminatis ad Introitum, et deinceps divinam perficit missam, καὶ τελεῖ ἀκολουθῶς τὴν θείαν λειτουργίαν. » Unde consequens est, sacrum Christi sanguinem ex præcedenti sacrificio fuisse reservatum. Quod etiam de alia Eucharistiæ specie satis innuit Chrysostomus, ubi ait irrupisse ubi sacra erant reposita, et vidisse omnia quæ intus erant. Denique verbum ἀπέκειντο idem est ac repositum, reservatum ad tempus. Hanc reservationem improbarunt quidam sæculo IV, putantes « mysticam benedictionem nihil ad sanctificationem proficere, si quid ex ea fiat reliqui in alium diem, » quos « insanire » dicit Cyrillus Alexandrinus ad Calosyrium episcopum scribens.

12. Sed Græcis aliis omissis venio ad Latinos, quorum inter primos occurrit Optatus. Is in lib. I conqueritur, quod factio Donatistarum eo usque eripisset, ut jusserint « Eucharistiam canibus fundi. » In lib. VI eadem querela iteratur, **89** quod fregerint eraserintque altaria, in quibus vota populi et membra Christi portata sunt, » imo « ubi corpus Christi habitabat, » quod non de transeunte et horaria (ut ita dicam) sacrificii actione, sed de permanenti habitatione interpretandum est: nec sane sacra tum fiebant, cum Donatistæ in ecclesiam, in ipsum corpus Christi grassati sunt.

13. Eadem reservatio probari potest ex lib. II Dialogorum Gregorii Magni cap. 24, ubi sanctus Benedictus, audito monachum e suis quemdam sepulturæ beneficio divinitus arceri, nuntiis « manu sua protinus communionem dominici corporis dedit, (atque) hoc dominicum corpus super pectus (mortui) cum reverentia poni (præcepit,) eumque sepulturæ sic tradi. » Notanda particula protinus, hoc est nulla interposita mora, quæ ad sacra celebranda necessaria erat.

14. Idem mos Eucharistiæ asservandæ apud Gallos jam obtinebat tempore Perpetui Turonensis episcopi, id est sæculo V, quo tempore Perpetuus in suo testamento « Amalario presbytero capsulam communem unam de serico, item peristerium et columbam ad repositum dat, » legatque. Rocus minister nagat hanc columbam ad Eucharistiam, sed ad quidvis aliud reponendum fuisse institutam. Et hæc quidem responsio aliquid valeret, si nullus alius nobis suppleret locus ad probandum usum columbarum argentearum aurearumve ad Eucharistiæ reservationem. At multa id evincunt veterum testimonia, atque ritus etiam hodie quibusdam in locis perseverans, ut in ecclesia sancti Mauri prope Parisios: ubi continendæ divinæ Eucharistiæ vasculi loco est aurata columba. Idem mos olim vigeat apud Cluniacenses nostros, teste Udalrico, qui pyxidem corpus dominicum ad viaticum infirmorum continentem, « in aurea columba jugiter pendente super altare » fuisse reconditam scribit in lib. I cap. 8.

90 15. Sed antiquius est testimonium Vitæ Basilii Magni, quæ licet Amphitochio perperam tribuatur, tamen ab auctore veterrimo scripta est, atque laudata ab Ænea Parisiensi episcopo in lib. adversus Græcos, relatis iisdemmet verbis quæ modo in argumento versantur. Basilius quippe post elatum in missa dominicum panem, cum in tres partes divisit, quarum unam ipse sumpsit, aliam in aurea columba super altare sacrosanctum collocavit, τὴν ἐτέραν ἐνθεὶς περισσότερῃ χρυσῇ ἐπέμασεν ἐπάνω τοῦ ἁγίου θυσιαστηρίου. Cum itaque Perpetuus Amalario presbytero columbam argenteam ad repositorium cum aliis sacris rebus legat, de columba, quæ ad asservandam Eucharistiam facta erat, interpretandus videtur.

16. Fatendum tamen est, non ubivis, cum fit in rebus etiam ecclesiasticis columbarum mentio, de columbis Eucharistiæ servandæ aptatis sermonem esse. Tribus quippe in locis columbæ adhiberi in ecclesia solebant, nempe in baptisteriis, in tumulis cum sanctorum, tum aliorum hominum insigniorum, et in altaribus sacris. In baptisteriis mysterii causa, ad significandum scilicet Spiritum sanctum, qui in columbæ specie super Christum baptizatum spectabilem se præbuit : quales etiam nunc super baptisteria appensæ sunt quibusdam in locis. Super tumulos itidem martyrum columbas appendi olim mos erat. Unde fur quidam in ecclesia sancti Dionysii, « super sepulcrum sanctum calcare non metuens, dum columbam auream lancea quærit elidere, elapsis pedibus ab utraque parte, quia turritus erat tumulus, lancea in latere defixa, exanimis est inventus, » apud Gregorium in lib. 1 de Gloria martyrum cap. 72. Simile præstabant Langobardi erga consanguineos suos, referente Paulo Warnefridi in lib. 7 cap. 34 : « Si quis enim (suorum) aut in bello, aut quomodocunque **91** extinctus fuisset, consanguinei sui intra sepulcra sua perticam figebant, in cuius summitate columbam ex ligno factam ponebant, quæ illuc versa esset, ubi eorum dilectus obisset. » Illæ itaque columbæ, sive quæ in baptisteriis, sive quæ in tumulis appensæ, erant ad mysterium vel ad ornatum, non adasservandum viaticum, id est non ad repositorium, qualis erat illa Perpetui columba : quæ cum simpliciter columba ad repositorium appelletur, non de alia re quam de Eucharistia id interpretandum est.

17. Unum restat scilicet de columbis altaribus appensis, quæ haud scio an omnes etiam Eucharistiam continebant. In libello supplicationis clericorum et monachorum Antiochiæ ad Joannem patriarcham et ad synodum CP. sub Menna congregatam contra Severum Acephalorum antesignanum, graviter exposulant illi, quod Severus neque ipsis sanctis altaribus pepercisset, neque sacris vasis : sed et « columbas aureas et argenteas, χρυσᾶς καὶ ἀργυρᾶς περισσότερας » in figuram Spiritus sancti super divina lavacra et altaria appensas, una cum aliis sibi appropriavit, dicens non oportere in specie columbæ Spiritum sanctum nominare, » tomo V Conciliorum pag. 169.

A Verisimillimum est columbas illas, etiam quæ super altaria appensæ erant, ad hoc duntaxat fuisse institutas, nempe in figuram Spiritus sancti, εἰς τὸ πᾶν τοῦ ἁγίου Πνεύματος, uti et illas, quæ super baptisteria pendebant.

18. Ad triplicem itaque usum institutæ erant ejusmodi columbæ, nempe ad figuram seu mysterium, ad ornatum, et ad repositorium. Primi et secundi generis columbæ erant in baptisteriis et in quibusdam altaribus ; tertii vero generis aliæ passim ad continendam Eucharistiam divinam.

19. Ad harum tamen imitationem columbæ quædam etiam ad reponendas reliquias sacras factæ sunt : quo in **92** genere erat illa ecclesiæ beatæ Mariæ Landunensis, cujus meminit Hermannus monachus in lib. III de Miraculis sanctæ Mariæ cap. 28, ubi de furto Anselmi cujusdam, qui « cruces aureas et phylacteria confringens, inter cætera etiam auream columbam confregit, quæ pro lacte et capillis sanctæ Mariæ, ut ferebatur, introrsum reconditis, multum erat famosa et honorabilis. Unde et in majoribus festis super ejus altare solebat appendi. » Verum non semper appensæ erant ejusmodi columbæ super altare, sed ad breve tempus : neque primis sæculis reliquias super altaria appendi religio ferebat. Neque forsitan alibi uspiam inveniri possint ejusmodi columbæ ad continendas reliquias : nec ob hoc singulare factum elevari debet ex Perpetui testamento petita auctoritas ad probandum usum columbarum pro Eucharistiæ seu viatici asservatione.

C 20. Eucharistiæ asservatæ argumentum certius et exploratius legitur in canone 3 concilii II Turonensis, qui de compositione corporis Domini in altari inscribitur, his omnino verbis expressus : *Ut corpus Domini in altari, non in imaginario ordine, sed sub crucis titulo componatur.* De hoc canone fusius egimus in libello de Azymo cap. 8. Sed quædam hic retractare juvat. Tres sunt de explicando hoc canone Catholicorum sententiæ. Binius existimat hoc decreto prohiberi ne corpus Domini inter sacras imagines super altare poni solitas, sed potius collocetur sub ipsa cruce, quæ in mediotulio ipsius altaris poni consuevit. Jacobus Sirmundus e contrario censet nihil aliud hoc canone vetari, quam ut panis in corpus Domini consecrandus non aliter pro cuiusque arbitrio quam impressa cruce formetur. Tertia sententia est cujusdam viri doctissimi, hunc canonem intelligendum esse de componenda oblatione cum calice tempore sacrificii e regione **93** crucis in medio altari positæ, non vero ad dexteram, aut ad sinistram e regione imaginum.

D 21. Ut sincere ac ingenue profitear quod sentio, præmittendum est *imaginario ordine* hoc in canone nihil aliud significari, quam ordinem seu locum imaginum. Quo sensu *imaginarie pictura* dicitur ab Anastasio in versione secundi concilii Nicæni, et in libro primo Beati abbatis adversus Elipandum *imaginarie*, id est secundum imaginem, et alia id genus non pauca. Deinde *titulus crucis* idem est ac crux ipsa, super

altare (uti superius vidimus) olim erigi solita. Hoc A sensu monachus Dervensis anonymus in libro de Miraculis sancti Bercharii abbatis, agens de extremo Hugonis cujusdam artificis morbo : « In titulo crucis, ait, qui stabat ad pedes artificis decumbentis, subito visus est illucescere globus æthereus, » in sæculo nostro II, pag. 836, ubi *titulus crucis* indubie nihil aliud significat quam crucem ipsam, quæ ad pedes fidelium in extremis agentium apponisolet. Denique ex superioribus in memoriam revocandum est, imagines sub prima stirpe regum nostrorum vix ac ne vix quidem altaribus fuisse appositæ, sed parietibus utrimque altari adhærentibus, ubi etiam vasa sacra, et libri ad missam necessarij in secretariis asservabantur. His observatis, planissimus est præmissi canonis sensus, nempe ut corpus Domini non in secretariis cum vasis aut libris sacris, adeoque non inter imagines, sed sub cruce ipsa componatur, ita ut e cruce, quæ in summo ciborio, ita ut exposuimus, eminebat, penderet.

22. Non immoror refutandis aliis sententiis; nam prima imagines illis temporibus super altare positas fuisse supponit contra veterum morem. Secundæ et tertiæ auctores volunt hoc in canone *corpore Domini* nihil aliud 94 significari quam vel confectionem panis eucharistici, qui cruce signandus sit, vel compositionem oblationis in altari tempore sacrificij, etiam ante consecrationem. Quod neutrum stare potest, cum apud scriptores ecclesiasticos *corpus Domini* semper significet Eucharistiam re vera consecratam, non vero panem conficiendum, vel etiam oblatum, ante consecrationem.

23. Quidam existimant hoc canone caveri ne Eucharistia in turribus, ut fieri antea consueverat, et quidem intra armaria, asservaretur, sed potius in ipso altari quales fuisse turres aiunt a Gregorio Turonensi antistite et a Venantio Fortunato memoratas. Verum in illis turribus non ipsum corpus Domini, sed *ministerium Domini corporis*, ut Gregorius in lib. I de Gloria martyrum cap. 86 loquitur, id est vasa sacra, quemadmodum supra exposuimus, servabatur. Attamen sanctus Odo abbas Cluniacensis in lib. II Collationum cap. 32, ubi hunc Gregorii locum refert, hoc nomine intelligit *cupsum cum corpore Domini*. Sed haud scio an ejus auctoritas decretoria censenda sit in re tam antiqua, quæ ejus ætatem trecentis amplius annis præcesserat.

24. Hanc Eucharistiæ cum sacra cruce in altari compositionem illustrat Paulini episcopi egregium carmen ad Severum.

Divinum veneranda tegunt altaria fœdus,
Compositæque sacra cum cruce martyribus.
Cuncta salutiferi coeunt insignia Christi:
Crux, corpus, sanguis martyris, ipse Deus.

Id est, si bene hunc locum interpretor, crux in summo, corpus et sanguis, id est reliquiæ, martyris in imo, scilicet subtus altare; *ipse Deus*, hoc est ipsum Domini corpus in columba appensum in medio. Hic vero loquendi 95 modus, *ipse Deus*, indubitanter asserit veram, non umbraticam Christi in Eucharistia præsentiam, quam eodem fere modo exprimit For-

tunatus in lib. III carmine 25 ad Felicem Biturigensem episcopum in turrem ejus :

Quam bene juncta decent, sacrali ut corporis Agni
Margaritum ingens aurea dona ferant!

Id est ut calix et patena ex auro, quæ in illa turre ex dono Felicis continebantur, sacrificij tempore pretiosam margaritam, scilicet ipsum corpus Domini cum sanguine, ferant.

25. Hæc namque fuit semper Gallicanæ Ecclesiæ de sanctissimo Sacramento fides, cujus non alium testem magis illustrem ac certum asserre licet, quam Hilarium clarissimum Doctorem, cujus solemne efatum est : « De veritate carnis et sanguinis non relictus est ambigendi locus, » ut ipse loquitur in lib. VIII de Trinitate. Eamdem fidem astruunt, ut initio hujus libri vidimus, veteres libri Missales Ecclesiæ Gallicanæ, in quibus Christum precatur sacerdos, *ut operante virtute divina, panem mutatum in carnem, poculum versum in sanguinem, illumumat in calice, qui de ipso fluxit ex latere*. Et in alio : *Corpus tuum pro nobis crucifixum edimus, et sanguinem sanctum tuum pro nobis effusum bibimus*. Hæc nostra, hæc majorum nostrorum fides, quam utinam fratres nostri aversi jam tandem vel sero agnoscant; neque nos amplius provocent ad ficticiam illam novationem, quam Paschasio Radberto auctore sæculo IX contigisse criminantur. Ne pluribus hic morer, luculentum his testimoniis auctorem adducere sufficiat, nimirum Alcuinum Paschasio superiorem, cujus unius auctoritas, tam clara et manifesta, hanc controversiam dirimere deberet. Is itaque in epistola 113 ad Paulinum Aquileiensem patriarcham hæc verba habet, 96 litteris aureis inscribenda : « Ne quæso obliviscaris in tuis sanctis orationibus nomen amici tui Albini; sed in aliquo memoriæ gazophylacio reconde illud, et profer eo tempore opportuno, quo panem et vinum in substantiam corporis et sanguinis Christi consecraveris. » Qui tam perspicuis verbis detrahit fidem, is non veritatis, sed contentionis, sed erroris, sed schismatis amator est.

26. Cæterum ex asservata Eucharistia soli communicabant infirmi, non sani, quibus vix unquam extra missam communio a sacerdote porrigebatur. Contrarius mos in ecclesia Jerosolymitana primum cœpisse videtur ex Humberto cardinale in responsione contra Gregorum calumnias, in hæc verba : « Ad hæc si quid ex sancta et venerabili Eucharistia in Jerosolymitanis ecclesiis superfuerit, nec incendunt, nec in foveam mittunt; sed in pyxidem mundam recondunt; » et sequenti die communicant ex ea populum, quia quotidie communicant ibi : eo quod conveniunt illuc ex diversis provinciis Christiani, qui propter fidem et maximum amorem Filii Dei communicare ibi desiderant. » Hæc longe probabilior est ratio, quam eorum qui passim id actitant sine delectu contra veterem Ecclesiæ morem. Quo tempore id fieri cœperit in ecclesia Jerosolymitana, non est exploratum. Sane antiquissimum esse asservandæ illis in partibus Eucharistiæ morem colligimus ex Cyrillo episcopo Alexandrino, qui in epistola ad Calosyrium arguit eos, qui mysticam benedictionem nihil ad sanctificati-

nem juvare dicebant, si quid ex ea fieret reliqui A vivificantem gratiam, perpetuam in ipso existere. »
in alium diem. Quos insanire ait Cyrillus. Neque Sed longius extra metas digredior, ad Gallicanum
enim alterari Christum, neque sanctum ejus corpus Lectionarium venio.
immutari : sed benedictionis vim ac facultatem, et

DE LITURGIA GALLICANA

LIBER SECUNDUS.

97 1. Absolutis iis quæ ad illustrandam veterem Liturgiam Gallicanam necessario præmittenda videbantur, jam tandem aggredimur antiquum Gallicanæ Ecclesiæ Lectionarium, cujus examen in hunc locum remisimus. Repertum a nobis est in percelebri monasterio Luxoviensi, litteris Francogallicis seu Merovingicis ante annos mille scriptum, ut ipsa characterum forma demonstrat. Continet vero lectiones prophetiarum, Epistolarum, et Evangeliorum per totum annum in missa et in aliis majorum solemnitatum officiis recitandas. Illud Gallicanum, tametsi avulsis aliquot primis foliis titulo destituitur, appellare non dubitamus, non solum quod in Gallia scriptum est ante receptum ordinem Gregorianum, sed quia lectiones habet prisco more Gallicano dispositas, nempe duas pro singulis fere missis, præter Evangelium. Præterea cum paucis ima sanctorum festa contineat iste liber, unum ex illis assignat sanctæ Genovefæ, cujus cultus apud externos **98** in ea festorum raritate tanti non fuisset. Alia ritus Gallicani argumenta suis locis adnotabimus.

2. Lectionarii Codex antiquissimus, sed initio mutilus, incipit ab his Isaiæ verbis, *Neque prædicens, neque audiens sermones vestros*, etc., usque *laudem ejus in insulis nuntiabunt*, quæ sunt in Isaiæ cap. xli a versu 26 ad versum 12 capitis sequentis. Succedit alia lectio cum nota numerica 8 ad marginem ascripta. Ille numerus decurrit ad 12, pro numero totidem lectionum. Deinde in die Natali Domini nova numeri marginalis series deprehenditur, non pro singulis lectionibus, sed pro singulis festis : dies vero Natalis Domini numero 8 præditus est. Unde in illo Lectionario duplex numericus ordo distingui debet, præter numeros quaternionum margini inferiori appositos : unus, qui festis seriatim recensendis adhibetur : alter, qui aliquando lectionibus, ubi plures sunt, enumerandis, quod in Sabbati sancti lectionibus observatur, ubi totidem numeri, id est duodecim, pro totidem lectionibus adhibentur, uti et in vigilia Natalis Domini.

3. Hinc colligimus, in illo Lectionario septem, quæ initio ante Natale Domini desunt, numericas officiorum seu festorum dierum notas præcessisse in foliis avulsis, cum dies Natalis Domini octavus sit. Sed quænam illa officia ? Unum est de vigilia Nativitatis : de aliis non ita facilis sane conjectura. Missale Mozarabum, cui Gallicanum accedere superius diximus, incipit a sex Dominicis Adventus ante Natale Christi, et pro eis totidem assignat officia. Deinde in eodem quædam festa sanctorum subjiciuntur, Andreæ, Saturnini, Eulaliæ, Thomæ, Annuntiationis. Ante annos mille Adventus nomen rariusculum erat, tametsi res ipsa erat in usu, scilicet præparatio quædam in Ecclesia solemnitas ad Natalem **99** Domini rite præveniendum. Verum non ita ratus ubique ac definitus, ut nunc, Dominicarum numerus.

4. In Ordinis Gelasiani libro 11 a numero 80 assignantur missæ quinque de Adventu Domini ; in Ambrosiano sex, ut in Mozarabico : at in Gothico seu Gallicano, quod hic ex Thomasio exhibemus, tantum duæ, quas sequitur præparatio ad vespeream Natalis Domini, cui respondet Ordinis Ambrosiani missa de Expectato, quæ de Exceptato in Editis appellatur. Eædem sunt in Gallicano duæ primæ orationes pro ambabus missis, atque in Gelasiano pro duabus primis : prima quidem oratio non multum ei dissimilis, quæ modo in Dominica prima Adventus recitari solet, secunda omnino eadem cum nostra Dominicæ secundæ.

5. In homiliis Cæsarii, aliisque ante sæculum vii editis, nulla de Adventu Domini, tanquam de singulari quadam instituta celebritate, homilia legitur : sed si qua occurrit, exhortatio est ad Christi Nativitatem cum pietate præveniendam. In Homiliario Sanctigallensi, litteris majusculis ab annis mille scripto, duo sermones habentur pro die Dominica ante Natale Domini, sed inscripti hoc modo : *Dicendum seu Dictum ante Natale Domini*, sine ulla mentione adventus per totum illud corpus homiliarum, quæ per annum tunc legebantur, pleræque ex Cæsario episcopo Arelatensi. Certe neque concilia, neque regulæ illorum temporum, Cæsarii, Aureliani, Ferreoli, Benedicti, ullam de Adventu Domini vocabulo (si bene memini) mentionem faciunt. Ambrosio tamen hymnus de Adventu Domini tribuitur in Hymnario Romæ nuper impresso.

6. In quadam epistola, quæ sub Augustini nomine ad Bibianum Santonensem episcopum in Codice Carnutensis **100** sancti Petri monasterii, ante annos octingentos exarato, post Hieronymi quædam opera reperitur ; nonnulla de Adventu Domini leguntur, hic paucis delibanda. Auctor ait Bibiani rogatu se dirigere « Ordinem Hipponæregiensis ecclesiæ, qualiter divina officia (per annum in ea ecclesia disposita essent),

totius anni opificium in lectionibus divinis (perstringendo,) incipientes (inquit) ordinem Adventus Domini a viii Kalendas Octobris, (id est) æquinotio autumnali : pro eo quod eadem die Joannes præcursor Domini a majoribus nostris traditur et angelo nuntiante conceptus, et Herodis funesti gladio trucidatus. Dignum namque est (subdit ille) ut ab eadem die usque ad Nativitatem Christi, prophetarum organa tympanizando resultet Ecclesia. Sed quia sunt nonnulli qui Adventum Domini a festivitate beati Martini Turonensis urbis episcopi videntur insipienter excolere, nos eos non reprehendamus, quia non omnes omnia possunt, et maxime cum Apostolus dicat : Unicuique sicut Deus divisit mensuram fidei. Sed longe aliter est plenitudo ordinis et religionis nostræ. Martinus etenim sanctus longe post Ascensionem Domini, vel post nativitatem prodiit, vel post mortem discessit, quippe qui nostris temporibus prope fuit, quamvis in brevi tempore fama sanctitatis et virtutis illius totum mundum replevit. Apud nos itaque ex ejus solemnitate abstinencia a carnibus, vel conjugali copula filiis Ecclesiæ indicitur, ut ad Nativitatem Domini securius communicent. » Ex hac epistola, supposititia quidem, sed tamen antiquissima, intelligimus, ante receptum in Gallia Ordinem Gregorianum non ita fixam ac ratam fuisse Domini Adventus celebrandi rationem : quam cum pleræque Gallicanæ Ecclesiæ, forsitan exemplo Turonensis, a festo sancti Martini inciperent ; prædictæ epistolæ scriptor, quisquis ille fuit, altius repetendam voluit, nempe a viii Kal. Octobris : quo ex tempore **101** Prophetarum de Christo vaticinia in divinis officiis recitari deberent. Atque ut sententiam suam aliis facilius approbaret, sub specioso sancti Augustini nomine confinxit epistolam, vulgavitque : quam ad calcem hujusce voluminis integram referemus. Cæterum Gregorius Turonensis antistes religionem dierum, qui a festo sancti Martini ad Christi Natale interjacent, nobis suggerit in lib. de Vitis Patrum cap. 13, ubi ait Senocum reclusum ad se venisse, cui consilium dederit, ut ne perpetua se reclusionem astringeret, sed tantum in Quadragesima, et in illis diebus, « qui inter depositionem sancti Martini ac dominici Natalis solemnitatem habentur. »

7. Ex his omnibus conjicio sex illas numericas notas pro totidem officiis, quæ in Lectionario nostro considerari diximus, repetendas esse a festo sancti Martini : quo ex tempore apud Gallos religio Adventus, id est præparatio ad Natale Domini, initium ducebat. Certe Missale Ambrosianum, anno 1560 editum, incipit a vigilia sancti Martini; ac recentius anni 1669 ab Adventu. Itaque verisimillimum est Lectionarium nostrum itidem incœpisse a festo sancti Martini, in quem major erat Gallorum, quam exterorum devotio. Deinde forsitan sequebatur officium de sancto Andrea; postea quædam officia pro Adventu, de quo duæ missæ habentur in Missali Gothicogallicano, fortasse repetendæ, quando res exigebat. Nam et missæ dominicales post Pentecosten hoc modo repetendæ erant, siquidem unica in Lectionario nostro, sex in Missali Gothico, et sex in Mozarabico tantum assignantur. Quanta pietate Natale Domini prævenirent majores nostri, docet canon 9 concilii Matisconensis primi, statuentis : *Ut a feria sancti Martini usque ad Natale Domini, secunda, quarta, et sexta Sabbati*, id est hebdomadæ, **102** *jejunetur, et sacrificia quadragesimali debeant ordine celebrari.* Atque ob hanc causam jejunium quatuor temporum in mense decimo institutum tradit Egbertus Eboracensis antistes in Dialogo, « nempe propter advenientem venerabilem solemnitatem Domini nostri Jesu Christi ut unusquisque fidelis præparet se ad communionem corporis et sanguinis Christi cum devotione sumendam. Quod et gens Anglorum, inquit, semper in plena hebdomada ante Natale Domini consuevit, » scilicet jejuniiis, solitudini, et aliis piis operibus vacando. Hæc de Adventu Domini præmittere operæ pretium duximus ad supplendum ea quæ ex avulsis foliis in Lectionario nostro desunt, id est quaterniones omniuo septem : siquidem primus e reliquis numero 8 notatur.

7. Quod attinet ad solemnitates et sanctorum festivitates quæ in Gallia quondam celebrabantur, certus earum numerus ex Lectionario nostro ad amussim iniri non potest, tum quia pro locis hic numerus variabat, tum quia Lectionarium integrum non habemus. Omnino hæc sunt quæ in eo assignantur : Nativitas Domini, et festa sancti Stephani, sancti Joannis Evangelistæ, atque Innocentium, Circumcisio, festum sanctæ Genovefæ, Epiphania, festivitas sanctæ Mariæ, Cathedra sancti Petri, Pascha, Ascensio, Pentecostes, festivitas sancti Joannis Baptistæ, festum apostolorum Petri et Pauli, Passio sancti Joannis Baptistæ, deinde commune martyrum et confessorum. Præter hæc assignantur officia pro Dominicis tam post Epiphaniam, quam post Cathedram sancti Petri; deinde pro Quadragesima, et pro Dominicis post Pascha; pro triduo Rogationum, et pro Dominica post Pentecostem; denique missæ quædam de Ecclesiæ dedicatione, ordinationibus ministrorum sacrorum, pro mortuis, pro itinerantibus, **103** decimis, et fructibus novis. Videamus an in Gallia per id temporis hæc fuerit festorum raritas et dispositio.

8. Majores solemnitates ubique uniformi ritu observabantur, nempe Nativitas Domini, Pascha, et Pentecostes; et tres aliæ minus precipuæ, Epiphania, Ascensio, et Natalis sancti Joannis Baptistæ : quas omnes enumerat concilium Agathense ineunte sæculo vi celebratum. Concilium vero Aurelianense primum paulo post iisdem festis addit triduum Rogationum, qui dies non tam festi, quam pœnitentiales censendi sunt. Cathedram sancti Petri agnoscit eodem sæculo concilium Turonense II. At plures festivitates enumerat Perpetuus ejusdem urbis sæculo v episcopus apud Gregorium sub finem libri x, ubi vigilias instituit aliquando in ecclesia (sic absolute majores seu episcopales ecclesiæ dicebantur), aliquando in basilicis. Hæc vero festa sunt : Natalis Domini, Epiphania, Resurrectio, v Kal. Aprilis, et præter eam Pascha, quod mobile erat;

dies Ascensionis, dies Quinquagesimus, seu Pentecostes, quæ itidem in concilio Aurelianensi primo Quinquagesima vocatur; Natalis sancti Joannis, ad hæc Passio ejusdem: Natalis sanctorum Apostolorum Petri et Pauli, Natalis sancti Symphoriani, Natalis sancti Lidorii, Natalis sancti Martini, tum sancti Briccii, et Natalis sancti Hilarii. Ex his omnibus quatuor postremæ, excepto die sancti Martini, non ubique Galliarum observabantur. In Augusto, quia quotidie missæ Sanctorum erant tempore concilii in Turonensis, prandium habebant monachi, ex canone 17, nimirum ob ferias messivas. Ad hæc quoddam festi genus censebatur, cum missæ indictæ erant. Unde Gregorius, in lib. 1 de Gloria martyrum cap. 13, missarum festa appellat celebrationem missæ, **104** quam episcopus Vasatensis, urbe sua ab Hunis obsessa, indixit pro liberatione populi sui. Porro singulæ civitates et ecclesiæ suos peculiare patronos singulari cultu venerabantur. Insigniores e Gallicanis recenset Nicetius Trevirensis pontifex in epistola ad Chlodiosindam reginam, nempe Martinum, Germanum, Hilarium, Lupum, Remigium, et Medardum, quos miraculis in dies clarescere affirmat. Ex his festum sancti Martini per omnes Galliarum ecclesias celebre erat, ut ex concilii Antissiodorensis canone 8, ex Gregorio Turonensi, et ex Vita sancti Eligii intelligitur. Itaque non dubitem quin idem festum in Lectionario nostro locum habuerit in illis foliis quæ desiderantur.

9. Sæculo vii non magnopere accrevit festorum in Gallia numerus. Scio multo plura numerari in quodam concilio Rhemensi, quod ex Codice ms. Majoris monasterii Binius eruit. Verum concilium istud longe recentius esse constat. Majoris est auctoritatis, et quidem certæ, Kalendarium vetustissimum ab annis fere mille scriptum, quod habemus ex bibliotheca Corbeiensi, in quo notatur xv Kal. Februarii Depositio sanctæ Mariæ virginis. Deinde post aliqua, viii Kal. Martii, Cathedra sancti Petri apostoli, viii Kal. Aprilis, Passio Domini nostri Jesu Christi; Kalendis Maii, Natalis Philippi apostoli; x Kal. Julii, Natalis sancti Jacobi apostoli, quæ duo fortasse notata erant ad memoriam, non ad festivitatem indicendam; viii Kal. Julii, Natalis sancti Joannis Baptistæ; et iii Kal., Passio sanctorum apostolorum Petri et Pauli. Hoc Kalendarium mutilum desinit in die 2 Augusti. Denique prædictis festis, quæ ex conciliis superius retulimus, sanctus Bonifacius Moguntinus antistes addit Assumptionem sanctæ Mariæ, xviii Kal. Septembris; Nativitatem **105** ejusdem, vi Idus ejusdem mensis; et passionem sancti Andree, pridie Kal. Decembris, nulla sancti Jacobi, nec Cathedræ sancti Petri mentione facta, ex Spicilegii tomo IX. Certum est tamen ex Gregorio episcopo Turonensi, Assumptionis Deiparæ festum antiquius esse, ut suo loco inferius ostendemus. Concilium Narbonense anni 589 sancit, ut quinta feria, nisi aliqua festivitas in eam incidat, feriari et cessare non liceat, ob quorundam Christianorum superstitiones qui ea die ab opere cessabant.

10. Hæc sunt quæ de Lectionario Gallicano præfari duximus, fusiores observationes suis locis reservantes. Animus erat primo, Lectionarium integrum referre ob antiquam Scripturæ versionem; sed postea sufficere visum est uniuscujusque lectionis initium ac finem indicare, exceptis nonnullis, quæ aliquando integra ob singulares causas adducemus. Versio hæc in plerisque cum Vulgata nostra convenit, differt in nonnullis, de quibus alias.

ANTIQUISSIMUM

LECTIONARIUM GALLICANUM

CUM NOTIS ET OBSERVATIONIBUS.

[IN VIGILIIS NATALIS DOMINI.]

8. Lectio Esaiæ prophetæ.

106 Laudate, cæli, quoniam [misericordiam] fecit Dominus: jubilate extrema terræ, etc., usque Et salus mea non morabitur, ait Dominus Deus. (Isa. xlii, 23, usque ad finem cap. xlii.)

9. Sermo sancti ac beatissimi Augustini episcopi de Nativitate Domini nostri Jesu Christi.

Hodie, fratres carissimi, cæli desuper roraverunt: hodie aperta est terra, et genuit Salvatorem. Felix illa terra, quæ sine semine cælestem sæculo et mundo genuit Salvatorem, etc., usque Redimique non poterit mundus, nisi fuerit Christus occisus.

Lectio Esaiæ prophetæ.

Hæc dicit Dominus: Landa sterilis quæ non parit; decanta laudem et hinni quæ non pariebas, etc.,

A usque Domus orationis vocabitur cunctis populis, ait Dominus. (Isa. lvi, 1, usque lvi, 7.)

11. Lectio Malachi prophetæ.

Hæc dicit Dominus: Ecce ego mittam angelum meum, qui præparabit viam ante faciem meam, etc., usque Percutiam terram anathemate, ait Dominus Deus. (Malach. ii, 7, usque iv, 6.)

Lectio sancti Evangelii secundum Johannem.

In principio erat Verbum, et Verbum erat apud Deum, et Deus erat Verbum, etc., usque Plenum gratiæ et veritatis. (Joan. i, 1-15.)

NOTÆ ET OBSERVATIONES.

107 Hæc duodecim lectiones indubie legebantur ad vigilias Nativitatis Domini, quas modo Matutinas appellamus. Totidem lectiones præscribit Aurelianus

Arelatensis episcopus in regula sua. « In Natale Domini, inquit, et in Epiphania tertia hora surgite. Dicite unum Nocturnum, et facite sex missas (id est lectiones) de Isaia propheta. Iterum dicite secundum nocturnum, et legantur aliæ sex de Evangelio. » Hic duo tantum nocturni. In hoc Lectionario lectio nona est ex sermone sancti Augustini, duodecima ex Evangelio Joannis. Ad eum fore modum sanctus Benedictus in Vigiliis, præter lectiones ex Scripturis tam Veteris quam Novi Testamenti, assignat « expositiones earum quæ a nominatissimis doctoribus orthodoxis et catholicis Patribus factæ sunt, » in regulæ cap. 9, et in cap. 11 ad tertium nocturnum « quatuor lectiones de Novo Testamento. » Porro omnes Lectionarii nostri lectiones, ut jam diximus, cum Vulgata versione in multis conveniunt, discrepant ab ea in paucis. In Mozarabico longe diversa versio. Sermo qui hic Augustino tribuitur, ejus esse non videtur, nec locum habet in nova editione, uti nec sequens de sancto Stephano.

VIII. LEGENDA IN DIE SANCTISSIMÆ NATIVITATIS DOMINI, AD MISSAM.

Lectio Esaiæ prophetæ.

Tempore illo locutus est Dominus ad Achaz dicens, etc., usque Et elegere bonum. Deinde, Et dixit Dominus ad me, Voca nomen ejus, Adcelera spolia detrahare, etc., usque Coram rege Assyriorum. Postea, Congregamini populi, et vincimini, etc., usque Nobiscum Deus. Tum, Parvulus enim natus est nobis, etc., usque Zelus Domini exercituum faciet hoc. (Isa. vii, 10, usque ix, 8, quibusdam prætermisiss.)

Daniel cum benedictione.

Epistola Pauli apostoli ad Hebræos.

Multifarie multisque modis, etc. usque Et anni tui non deficient (Hebr. i, 1-13.)

Lectio sancti Evangelii secundum Iohannem.

108 Factum est autem in diebus illis, exiit editum a Cæsare Augusto, ut describeretur universus orbis, etc., usque Sicut dictum est ad illos. (Luc. ii, 1-19.)

NOTÆ ET OBSERVATIONES.

Hic post Prophetiam notatur *Daniel cum benedictione*. Huc spectat canon 13 concilii IV Toletani, instituentis : *Ut per omnes Hispaniæ Ecclesias vel Galliciæ, aliis male Galliciæ, in omnium missarum solemnitate decantetur hymnus trium puerorum*, et quidem in pulpito, ut legunt Walafridus Strabus et Berno Angiensis, qui observant, hoc canticum apud Romanos non esse in usu, nisi « quater in anno, » nempe in Sabbatis Quatuor Temporum. Attamen in vulgato Missali Mozarabico rarius hoc canticum præscribitur, et primo quidem in Dominica prima Quadragesimæ post Prophetiam hoc modo : Dicit presbyter, *Dominus sit semper vobiscum. R. Et cum spiritu tuo*. Deinde tractus, DANIEL PROPHETA : *Tunc illi tres quasi ex uno ore hymnum canebant, et benedicebant Dominum de fornace dicentes*. Postea incipit sacerdos, *Benedictus es, Domine Deus patrum nostrorum, et admirabilis, et superexaltatus in sæcula. Amen*, etc. Hoc canticum in aliquibus differt ab eo quod Romanus Ordo præ-

scribit in Sabbatis Quatuor Temporum. Aliter in Lectionario nostro habetur in Sabbato sancto. Ex his intelligimus, lectionem ex Apostolo non continuo post Prophetiam lectam fuisse in Ordine Gallicano, quod fiebat sæculo XI in Nativitate Domini ex Micrologi cap. 52.

Præterea in hoc Ordine Gallicano unica missa in Nativitate Domini assignatur, itidemque in Mozarabico et in Ambrosiano, apud Pamelium; secus in Gelasiano, Gregoriano, et in novo Ambrosiano, in quibus tres missæ ad ipsum diem habentur. Gregorius episcopus Turonensis unius missæ meminit in cap. 8 de Vitis Patrum, sub finem vitæ Nicetii episcopi Lugdunensis, ubi postquam egit de peractis vigiliis dominici Natalis : « Facta quoque hora tertia, inquit, cum populus ad missarum solemniam conveniret, etc. » Confer alium ejusdem auctoris locum ex lib. II de Miraculis sancti Martini cap. 25. In libello Eldefonsi Hispanici episcopi, qui anno 855 scripsit, tres missæ indicantur in Natali Domini, Paschate, Pentecoste, et Transfiguratione.

Quod attinet ad tres missas, in Ordine Gelasiano et Gregoriano ad Natale Domini præscriptas, hæ pro numero stationum, quæ Romæ ab **109** antiquis temporibus ipsa die a summo pontifice olim fiebant, institutæ sunt, non in eadem ecclesia, sed in diversis; neque a singulis sacerdotibus, sed a pluribus celebrandæ, ut colligitur ex Ordine Romano, cujus hæc verba sunt : *Prima die vigiliæ Natalis Domini hora nona canunt missam ad sanctam Mariam. Qua expleta canunt vespertinalem synaxim : deinde vadunt ad cibum. In crepusculo noctis intrat apostolicus ad vigiliam in præfatam ecclesiam. Tamen non cantant ibi Invitatorium in Introitu : sed expletis Vigiliis et Matutinis, sicut in Antiphonario continetur, ibidem canunt primam missam in nocte. Qua expleta, vadunt ad sanctam Anastasiam canere aliam missam de nocte*. Hinc commemoratio sanctæ Anastasiæ in secunda missa. Deinde pergunt ad sanctum Petrum, ut ibi vigiliis celebrent ab eo loco, ubi invenerint psallere qui ibidem excubant. Ipsi enim intrant ad vigiliam solito tempore in processu noctis, et canunt Invitatorium, et proseguuntur ordinem Antiphonarii. Unde etiam dupla officia in Romanorum Antiphonariis hac nocte describuntur. De hoc duplici officio lege sis Amalarii lib. de Antiphonario cap. 15.

Cæterum in Mozarabico Prophetia ita incipit, *Primo tempore alleviata est terra Zabulon*, etc. Epistola eadem est atque in Gallicano : Evangelium secundum Lucam, *Factum est autem cum essent ibi, impleti sunt dies ut pareret*, etc.

IX. LEGENDA IN NATALI SANCTI STEPHANI AD MATUTINUM.

Lectio Hierimiæ prophetæ

Benedictus Domino vir qui confidit in Domino, etc., usque Et non paveam ego, ait Dominus Deus. (Jerem. xvii, 7-18.)

Sermo sancti ac beatissimi Agnastini episcopi de natale sancti Stephani.

Beatissimus primus et præcipuus martyr Sta-

phanus, fratres carissimi, post apostulos ordinatus est, ante apostulos coronatus est, etc., usque Ad sanitatem pristinam revocantur auxiliante Domino nostro.

X. LEGENDA IN NATALE SANCTI STEPHANI, AD MISSAM.
Lectio Actuum apostolorum.

110 In diebus autem illis crescente numero discipulorum, etc., usque Planctum magnum super illum. (Act. vi, 1, usque viii, 2.)

Lectio sancti Evangelii secundum Matthæum.

Tempore illo, accesserunt qui didrachma accipiebant ad Petrum, etc., usque Salvare quod perierat. (Matth. xvii, 23, usque xviii, 11.)

NOTE ET OBSERVATIONES.

Duæ primæ lectiones, altera ex Jeremia propheta, altera ex sermone sancti Augustini de beato Stephano, assignantur *Ad Matutinum*. Hoc nomine plerique veterum in plurali numero utuntur ad significandam illam ecclesiastici officii partem quam Laudes appellamus, ducta appellatione a psalmis, quæ a laudis vocabulo incipiunt. Ita sancti Benedictus, Aurelianus, et Isidorus in regulis suis Matutinorum vocem usurpant: Cassianus in duplici sensu, nempe pro Laudibus, et pro officio Primæ in singulari. At vocem hanc pro vigiliis nocturnis adhibet concilium Turonense ii canone 18: *In diebus festis ad Matutinum sex antiphonæ binis psalmis explicentur*. Eodem in significato Gregorius Turonensis antistes Matutinas non raro appellat, ut in lib. i de Miraculis sancti Martini cap. 33: « Mane autem facto, signo ad Matutinas commoto, reversi sumus dormitum. » Et in lib. de Vitis Patrum cap. 8: « Quodam autem mane cum surrexisset ad Matutinas sanctus Nicetius, expectatis dualus antiphonis ingressus est in sacrarium. Ubi dum resideret, diaconus responsorium Psalmum canere cœpit. » Cur vero in Lectionario nostro aliquando Vigiliarum, aliquando Matutini vocabulum adhibeatur, illa discriminis causa esse videtur, quod Vigiliæ solemnioribus festis, in quibus prolixiores sacræ excubiæ erant, Matutinum seu Matutinæ minus solemnibus, in quibus tardius surgebatur, melius conveniret. Sacerdotes tamen singulis diebus de nocte surgebant ad orationem, ut ex Gregorio aliisque inferius ostendimus in Disquisitione de Cursu Gallicano.

In missa natalis sancti Stephani nulla hic lectio ex Veteri Testamento **111** epistolæ præmittitur, neque in festo sancti Joannis evangelistæ nonnullis- que aliis, fortasse ex communi officio desumenda. In Mozarabico nunquam prætermittitur. Et in festo quidem sancti Stephani lectio repetitur ex festo sancti Clementis, nempe ex libro Sapientiæ, *Justus si morte præoccupatus fuerit*, etc. Epistola vero eadem est cum superiori, tantisper tamen prolixior. Evangelium ex Matthæi cap. xxiii: *Super cathedram Moysi*, etc.

XI. LEGENDA IN FESTO SANCTI JOHANNIS, AD MISSAM.

Lectio Apocalypsis sancti Iohannis apostoli.

Tempore illo ego Johannes vidi Agnum super montem Sion, etc., usque Mare et fontes aquarum (Apoc. xiv, 1-7.)

Lectio sancti Evangelii secundum Marcum.

Diebus illis accesserunt ad Dominum Jesum Jacobus et Johannes, filii Zebedæi, dicentes: Magister, volumus ut quodcumque petierimus, facias nobis, etc. (Marc. x.) *Avulsam est unum folium*.

OBSERVATIO.

Nullæ hoc loco lectiones pro Matutinis, neque ulla ad missam lectio ex Veteri Testamento. In Missali Gothico inscribitur: *Missa in natali Jacobi et Johannis*. In Mozarabico lectio ex Sapientia Salomonis: *Sapientia justum deduxit per vias rectas*, etc., præmittitur lectioni ex Epistola ad Thessalonicenses: *Nolo vos ignorare de dormientibus*, etc. Evangelium ex capite xxi Joannis: *Simon Joannis, diligis me plus his*, etc. In Lectionario nostro post avulsam folium sequitur sermo quidam absque initio de Innocentibus, haud dubie ad Matutinum, quem titulum utique supplemus.

[XII. LEGENDA IN FESTO INFANTUM, AD MATUTINUM.]

Sermo.

..... et non faciat, neque aliquis ex vobis, fratres dilectissimi, **112** futuræ persecutionis metus moveat Antichristi imminenti adventum sic terreatur, ut non evangelicis exhortationibus et præceptis cælestibus instructus, ad omnia inveniatur armatus, etc., usque Expectat Deus, expectant et angeli ejus, expectat et Christus. Quanta est... dignitas et quanta est felicitas præside Deo congregari, et Christo judice coronari.

XIII. LEGENDA IN NATALI INFANTUM, AD MISSAM.

Lectio Hierimiæ prophetæ.

Hæc dicit Dominus: Vox in excelso audita est lamentationis, fletus et luctus, etc., usque Miserans miserebor, ait Dominus Deus. (Jerem. xxxi, 13-20.)

Lectio Apocalypsis Iohannis Apostoli.

Tempore illo ego Johannes vidi sub altare animas interfectorum, etc., usque Qui interficiendi sunt, sicut et illi. (Apoc. vi, 9-11.)

Lectio sancti Evangelii secundum Matthæum.

Tempore illo cum natus esset Dominus Jesus in Bethleem Judææ in diebus Herodis regis etc., usque Quoniam Nazaræus vocabitur. (Matth. ii, 1-23.)

OBSERVATIO.

Prophetia eadem in Mozarabico, ubi legitur, *Vox in Rama*, etc. Lectio secunda ex Epistola II beati Pauli ad Corinthios cap. i: *Benedictus Deus et Pater Domini nostri Jesu Christi*, etc. Evangelium ex Matthæi capite xviii: *Oblati sunt Domino nostro Jesu Christo parvuli*, etc.

XIV. LEGENDA IN CIRCUMCISIONE DOMINI, AD MATUTINUM.

Lectio Esaiæ prophetæ.

Hæc dicit Dominus Redemptor tuus et formator tuus ex utero: Ego sum Dominus faciens omnia, etc., usque Ego **113** Dominus faciens omnia hæc, ait Dominus Deus (Isa. xliv, 24, usque xlv, 7.)

XV. LEGENDA IN CIRCUMCISIONE DOMINI, AD MISSAM.

Lectio Esaiæ prophetæ.

Hæc dicit Dominus: Audite verbum Domini, prima-

cipes Sodomorum, etc., *usque* Et venite et arguite A Kalendario Corbeiensi superius laudato : in Nonas Januarii depositio sanctæ Genovevæ.

Epistola Pauli apostoli ad Corinthios.

Carissimi, fugite ab idolorum cultura, ut prudentibus loquor, etc., *usque* Omnia in gloria Dei facite. (I Cor. x, 14-31.)

Lectio sancti Evangelii secundum Lucam.

In illis diebus postquam consummati sunt dies octo, etc., *usque* Et gratia Dei erat in illo. (Luc. ii, 21-40.)

OBSERVATIO.

Evangelium idem est in Mozarabico, at lectiones ex Veteri Testamento et ex Paulo diversæ. Mozarabici officii lectio prima ex Isaïæ cap. LXVIII : *Audi me, Jacob et Israel, quem ego voco*, etc. Secunda ex Paulo ad Philippenses cap. iii : *Eadem vobis scribere mihi quidem non pigrum*, etc. Lectionarii Epistola magis convenit illis temporibus quibus superstitiones paganicæ Kalendis Januarii adhuc vigeant. In Gelasiano, Gregoriano, et plerisque aliis missa est altera hoc die *Ad prohibendum ab idolis*. Octava diei hora de hac re missam celebrari præcipit concilium ii Turonense canone 17 præter privatas litanias. Legesis epistolam Zachariæ pontificis ad Bonifacium, quæ est 132 inter Bonifacianas ; et Menardum, a pag. 252.

XVI. LEGENDA IN FESTO SANCTÆ GENOVEVÆ VIRGINIS.

Epistola Pauli apostoli ad Romanos.

114 Fratres infelix ego homo, quis me liberavit de corpore mortis hujus, etc., *usque* Non secundum carnem ambulamus, sed secundum Spiritum per Jesum Christum Dominum nostrum. (Rom. vii, 24, *usque* viii, 4.)

Lectio sancti Evangelii secundum Matthæum.

In illo tempore, dicebat Dominus Jesus discipulis suis parabolam hanc : Simile est regnum cælorum decim virginibus, etc., *usque* Nescitis diem neque horam. (Matth. xxv, 1-14.)

OBSERVATIONES.

Hic nihil de actis sanctæ Genovevæ, quæ ab auctore quodam anonymo paulo post ejus obitum scripta dicuntur. Varia eorum exempla circumferuntur. Interpolata sunt illa quæ ex pervetusto Codice inclytæ basilicæ, in qua Genovefa monumentum habet, recens edita sunt. Auctor conjicit ex historiis veterum tempus quo Virgo nata est, quod alias sibi non satis compertum fatetur. Vixit postscriptam a Gregorio Magno sancti Patris Benedicti Vitam, quam speculum vocat bonorum monachorum, relato viso de obitu beatissimi Germani Capuani episcopi. Sinceriora sunt quæ apud Bollandum exstant, quorum Scriptor relato miraculo de ampulla oleo cœlitus per beatam Genovefam repleta, subdit se « post ter senos ab obitu ejus annos, cum ipsa ampulla oleum, quod in oratione ejus creverat, vidisse. » Quod totidem verbis interpolator (ut fit non raro) commemorat. In Canone Codicis regii, qui Ordinem missæ ex Gelasiano et Gregoriano mistum continet, in secunda sanctorum commemoratione post Agnetem et Anastasiam, fit mentio de Genovefa et Scholastica. In vetustissimo

XVII. LEGENDA IN DOMINICO POST CIRCUMCISIONEM DOMINI.

Lectio Ezechiel prophetæ.

115 Hæc dicit Dominus : Fili hominis, hi sunt ritus altaris, in quacumque die fuerit fabricatum, etc., *usque* Implevit gloria Domini domum Domini, dicit Dominus omnipotens. (Ezech. xliii, *usque* xlii, 4.)

Epistola Pauli Apostoli ad Ephesios.

Benedictus Deus et Pater Domini nostri Jesu Christi, qui benedixit nos, etc., *usque* In laude gloriæ ipsius, qui est benedictus in sæcula. (Ephes. i, 3-14.)

Legenda sancti Evangelii secundum Matthæum.

Tempore illo, obtulerunt turbæ ad Dominum Jesum hominem mutum dæmonium habentem, et ejecto dæmone locutus est mutus, etc., *usque* Curans omnem languorem et omnem infirmitatem. (Matth. ix, 32-35.)

XVIII. LEGENDA IN VIGILIIS EPIPHANIE.

Vita et passio sancti ac beatissimi Juliani martyris.

Igitur beatissimus Julianus ex nobili familia, inlustis erat in sæculo, etc., *usque* ad finem, ut apud Bollandum ad 9 Januarii, ubi Acta Juliani, Basilissæ ejus conjugis et sociorum martyrum referuntur. Post hæc in Lectionario sequitur sermo quidam absque nomine auctoris, qui sermo supponit lectum Evangelium de adoratione magorum, ut ex hoc ejus exordio appareat :

C Audivit nobiscum caritas vestra evangelista dicente : Cum natus esset, inquit, Deus in Bethlem Judæam in diebus Herodes regis... venimus adorare eum. Felix illa civitas, fratres, cui civis natus est Deus ! quæ singulare meritum ante adventum Salvatoris accipiens, primo laudari meruit per prophetam, quam disceret quod sumebat, etc., *usque* Maluit virtutibus disci, quam ante tempus occidi.

XIX. LEGENDA IN EPIPHANIA, AD MISSAM.

Lectio Esaiæ prophetæ.

116 Hæc dicit Dominus : Surge, inluminare Jerusalem, etc., *usque* Redemptor tuus fortis Jacob, ait Dominus Deus. (Isa. lx, 1-16.)

Epistola Pauli apostoli ad Titum.

Carissime, apparuit gratia Dei Salvatoris, etc., *usque* Heredes simus secundum spem vitæ æternæ per Jesum Christum Dominum nostrum. (Tit. i, 11, *usque* ii, 7.)

Lectio sancti Evangelii secundum Matthæum.

Tempore illo, venit Dominus Jesus in Cana Galilææ in Jordane ad Johannem, ut baptizaretur, etc. (Matth. iii, 13-17.) Tum continue subjungitur : Et ipse Jesus erat incipiens quasi annorum triginta, ut putabatur filius Joseph. (Luc. iii, 23.) Postea consequenter : Et die tertio nuptiæ factæ sunt in Cana Galilææ. (Joan. ii, 1-11.)

NOTÆ ET OBSERVATIONES.

Mirari subit, cur Acta sanctorum Juliani et Basilissæ, qui Antiochiæ sub Diocletiano et Maximiano martyrium passi sunt, in ipsis Epiphaniæ Vigiliis

lecta fuerint, maxime cum non die sexta, sed nona Januarii in Martyrologiis recenseantur. An vero tam longa historia in Vigiliis illis, præter adjunctam homiliam integra legebatur? Fortasse breviabantur ad nutum choro præsentis, eum ad modum quo Carolus Magnus, cum Vigiliis interesset, finem Lectionum nutu seu sibilo significasse perhibetur a monacho Sanctigallensi. In Mozarabico celebris est etiam horum martyrum festivitas, sed die sequenti post Epiphaniam, ut ex Illatione manifestum est.

In concilio Antissiodorensi anni 578 statutum est canone 2, *Ut omnes presbyteri ante Epiphaniam missos suos dirigant, qui eis de principio Quadragesimæ nuntient, et in ipsa Epiphania ad populum indicent.* Et in Libris Sacramentorum, puta Gelasiano, in lib. 1. num. 103, *Consecratio sacræ virginis in Epiphania vel secunda feria Paschæ, aut in apostolorum natalitio celebrari* 117 dicitur. *Quod decretum* est Gelasii primi in epistola 9 ad episcopos Lucaniæ.

Observatione dignum est quod Evangelium pro festo Epiphaniæ ex tribus evangelistis contextum est, uti et passio in die sancto Parasceves ex quatuor. In Vigiliis lectum fuerat ex dictis Evangelium ex Matthæi cap. 11 de adoratione magorum, cujus etiam sit mentio in Missali Gothicogallicano. Itaque triplex Christi Domini manifestatio hac die etiam tunc recolebatur, nempe adoratio Christi per magos, ejusdem baptismus, et primum miraculum, quod contigit in nuptiis apud Canam Galilææ. Tria hæc a Paulino memorantur in natali 9 de sancto Felice, ubi de Epiphania agit, eamque inter majores solemnitates numerat. Mazarabes legunt Evangelium ex Matthæi cap. 11 de adoratione magorum. Minutulum est, sed tamen non omittendum, quod in Lectionario Gallicano, itemque in Missali Gothico *Epiphania* ubique scribitur, mendose quidem, sed veteri more.

XX. DIE DOMINICO POST EPIPHANIA.

Lectio Esaiæ prophetæ.

Tempore illo, ego Esaias vidi Dominum sedentem, etc., usque Convertatur et sanem eum, dicit Dominus omnipotens. (Isa. iv, 1-10.)

Epistola Pauli apostoli ad Corinthios.

Fratres, videte vocationem vestram, etc., usque In Domino gloriatur. (I Cor. 1, 6, 31.)

Lectio sancti Evangelii secundum Lucam.

Tempore illo, venit Dominus Jesus Nazareth, ubi erat nutritus, etc., usque Quæ procedebant de ore ipsius. (Luc. vi, 16-22.)

XXI. LEGENDA SECUNDA DOMINICA POST EPIPHANIA.

Lectio Hierimiæ prophetæ.

Hæc dicit Dominus Deus : Ecce ego auferam de loco isto in oculis vestris, et in diebus vestris vocem gaudii, etc., usque Quam dedi patribus eorum, ait Dominus Deus. (Jerem. xvi, 9-15.)

Epistola Pauli apostoli ad Corinthios.

118 Nolo enim vos ignorare, fratres, quoniam patres nostri omnes sub nube fuerunt, etc., usque Ut possitis sustinere in Christo Jesu Domino nostro. (I Cor. x, 1-13.)

Lectio sancti Evangelii secundum Matthæum.

Tempore illo, interrogavit Dominum Jesum unus ex Phariseis legis doctor temptans eum, etc., usque Qui se humiliat exaltabitur. (Matth. xxii, 36 usque xxiii, 12.)

XXII. LEGENDA IN FESTIVITATE SANCTÆ MARIÆ.

Epistola sancti Pauli apostoli ad Corinthios.

Fratres, de virginibus præceptum Domini non habeo, etc., usque Quod et ego spiritum Dei habeam. (I Cor. vii, 25-40.)

Lectio sancti Evangelii secundum Lucam.

Tempore illo, exsurgens autem Maria in diebus illis abiit in montana, etc., usque Reversa est in domum suam. (Luc. i, 39-56.)

NOTÆ ET OBSERVATIONES.

Primo conspectu erit forsân qui existimet hanc beatissimæ Deiparæ Virginis festivitatem non aliam esse a Purificatione, quod et festorum series hic observata suadere videtur. At certum est hoc loco significari ipsius depositionem seu assumptionem, quam xv Kal. Februarii, id est die 18 Januarii, quondam celebratam fuisse antiquiora Martyrologia testantur. Hieronymianum vetus æri incisum : xv Kal. Februarii depositio sanctæ Mariæ. Epternacense : Adsumptio sanctæ Mariæ. Lucense, quod Franciscus Maria Florentinus vulgavit, xv Kal. Febr. depositio sanctæ ac gloriosæ beatæ Mariæ matris Domini nostri Jesu Christi. Quem in locum Florentinus de hujus festi ad hanc diem institutione multis dissevit, quam a Mauricio imperatore in mensem Augustum, cum primitus in Januario celebraretur, translata fuisse opinatur. In veterrimo Calendario nostro Corbeiensi, quod vix amplius uno post Mauricium sæculo exaratum est, xv Kal. Februarii depositio sanctæ Mariæ virginis. Denique in perantiquo Floriacensi, 119 quod fuit quondam ecclesiæ Senonensis, eodem die notatur, iisdemque verbis atque in Martyrologio Lucensi. His omnibus accedit quod in Missali Gothico statim post Epiphaniam habetur *Missa in Adsumptione sanctæ Mariæ matris Domini nostri*; qua in missa beatæ Virginis corpus de sepulcro translatum fuisse, nec resolutionem pertulisse memoratur. Denique (quod rem evincit) Gregorius Turo-nensis episcopus, in lib. 1 de Gloria martyrum cap. 9, ubi agit de basilica per Constantinum in honorem beatissimæ Virginis constructa, « Hujus festi-vitas, sacra, inquit, mediante mense undecimo celebratur, » id est mense Januario. Quod de Gallia intelligendum esse sequentia manifestant, probantque hoc festum Vigiliis præventum, ac proinde celebre tunc fuisse : « Nam in oratorio Marciacensis domus Arverni territorii, ejus reliquiæ continentur. Adveniente vero hac festivitate, ego ad celebrandas Vigili-as ad eum accessi. » Itaque per id tempus celebris in Gallia erat Assumptio beatissimæ Virginis in Januario, quæ festivitas sanctæ Mariæ simpliciter a Gregorio, uti et in Lectionario nostro appellatur. Cæterum Augusto mense hoc festum ponitur in Li-bro Sacramentorum Gregorii Magni, quo auctore

Galli indubie illud in illum mensem transtulerunt a tempore Caroli Magni cum Ordinem Gregorianum susceperunt. Serius tamen apud laicos præceptum de observando hoc festo receptum est, ut constat tum ex Capitulari Caroli Magni in lib. 1 cap. 158 novæ editionis, tum ex Annalibus Bertinianis ad annum 862, quo anno Hunfridus Morinorum episcopus id pro feriato haberi et celebrari mandavit. Lege Analectorum tomum III in pag. 339.

XXIII. LEGENDA IN CATHEDRA SANCTI PETRI.

Lectio Actuum apostolorum.

Tempore illo, misit Herodes rex manus, ut adligeret quosdam de Ecclesia, etc., usque Quomodo Dominus eduxisset eum de carcere. (Act. XII, 1-17.)

Lectio sancti Evangelii secundum Matthæum.

Tempore illo, venit Dominus Jesus in partes Cæsareæ, etc., usque Erit solutum et in cælis. (Matth. XVI, 13-19.) Deinde continenter : Post hæc dicit Simeoni Petro : Simon Johannis diligis me plus his? etc., usque Qua morte clarificaturus esset Deum. (Joan. XXI, 15-19.)

NOTE ET OBSERVATIONES.

120 In ms. Codice post titulum primum hujus festi, avulsum est unum folium, quod lectionem primam ex Veteri Testamento continebat. Duplex modo Cathedræ sancti Petri festum celebratur, alterum die 10 Januarii, cum Petrus Romæ; alterum 22 Februarii, cum Antiochiæ primum sedisse creditur. Utrum hoc loco intelligendum sit, quæstio est. Posteriori illud favet, quod in ecclesiasticis quondam receptior fuerit hæc festivitas, uti Menardus noster probat in notis ad Gregorii Sacramentarium, in quo sola hæc Cathedra locum habet, quæ Februarii celebratur. Deinde in Missali Gothico seu Gothicogallicano, post Conversionem sancti Pauli, cujus memoria sit VIII Kal. Februarii, subsequitur Missa in Cathedra sancti Petri apostoli, quæ quidem antecedere deberet, si de Cathedra Januarii hæc missa esset intelligenda. Denique in concilio II Turonensi anni 567 canone 22 reprehenduntur ii, qui in festivitate Cathedræ domni Petri apostoli cibos mortuis offerebant, et post missas ad gentillum revertebantur errores. Quod de Cathedra Februarii Menardus noster interpretatur : quo mense apud gentiles Lupercalia in usu erant, quorum reliquias in Gallia damnant Patres prædicti concilii Turonensis. Et tamen Gelasius papa I, qui primus apud Romanos impia hæc sacra sustulit, asserit in epistola sua ad Andromachum senatorem, Lupercalia in Galliis nunquam obtinuisse. Ob causas prædictas potius de Cathedra Februarii, quam de alia Lectionarium nostrum forsitan interpretandam nonnullis videbitur.

Verum his quædam majoris momenti adversantur. Levinus est quod in Lectionario nostro festum Assumptionis Deiparæ proxime subsequitur Cathedra sancti Petri, quæ eodem die, hoc est XV Kal. Februarii, in Martyrologiis Lucensi, Corbiensi, aliisque nonnullis

notatur. Hujus vero festi antiquitatem astruit hymnus de festo Cathedræ Romanæ, qui hymnus in Hymnario, Romæ anno superiori editis tribuitur Paulino. Porro ut potius de Cathedra, quæ Januario recolitur, quam de altera Lectionarium nostrum interpreter, illud maxime me movet, quod in eo numerentur Dominicæ tres post Cathedram sancti Petri ante Dominicam primam Quadragesimæ. Qui Dominicarum numerus a die 22 Februarii nunquam compleri potest, quantumvis Pascha ab æquinoctio declinet. Adde in eodem Lectionario duas tantum Dominicas post Epiphaniam assignari, quæ non sufficerent, si aliæ tres a Cathedra Februarii numerentur. Atqui apud Gallos peculiaris fuit Cathedræ **121** sancti Petri in Januario memoria, ut discimus ex pervetusto martyrologio Gellonensi, in quo hæc verba leguntur, ad propositum notatu digna : XV Kal. Februarii secundum Gallos Cathedra sancti Petri apostoli. In alio Gellonensi, quod tempore Caroli Magni exaratum est, eodem die Cathedra sancti Petri apostoli, qua primo Romæ sedit. At sive hæc, sive altera intelligatur, nomine Cathedræ sancti Petri sine adjuncto, potius Petri confessio et primatus, quam sedes Antiochena Romanæ honoratur, ut missæ Gallicanæ hæc collectio probat : Deus qui hodierna die beatum Petrum post te dedisti caput Ecclesiæ, cum te ille vere confessus sit, et ipse a te digne prælatus sit, etc. Et in Contestatione : Testis est dies hodierna beati Petri Cathedra episcopatus exposita, in qua fidei merito revelationis mysterium, Filium Dei confitendo, prælatus apostolos, pro apostolos vel apostolis, ordinatur. In cujus confessione est fundamentum Ecclesiæ, etc. His verbis, ut jam dixi, potius Petri confessio et primatus, quam Antiochena vel Romana Cathedra designatur. Unde in veterrimo Calendario nostro, litteris majusculis scripto, unicum Cathedræ festum exprimitur absque adjuncto in hunc modum. VIII Kal. Martii Cathedra sancti Petri. Consule Menardum et Frontonis Calendarium. Samson Dolensis Episcopus in beati Apostoli Cathedra ordinatus dicitur ab anonymo æquali, qui ejus Vitam duobus libris scripsit : sed utra sit illa Cathedra, non liquet.

XXIV. DIE DOMINICO POST CATHEDRAM SANCTI PETRI.

Lectio Osee prophetæ.

Hæc dicit Dominus : Audite verbum Domini filii Israel, quia judicium Domino cum habitatoribus terræ, etc., usque Confundentur a sacrificiis suis, ait Dominus Deus. (Osee IV, 1-19.)

Epistola Pauli apostoli ad Galatas.

Vos autem in libertatem vocati estis, etc., usque Sic adimplebitis legem Christi. (Galat. V, 13, usque VI, 2.)

Lectio sancti Evangelii secundum Matthæum.

In illo tempore, adsumpsit Dominus Jesus Petrum et Jacobum **122** et Johannem fratrem ejus, etc., usque Donec filius hominis a mortuis resurgat. (Matth. XVII, 1-9.)

XXV. SECUNDA DOMINICA POST CATHEDRAM SANCTI PETRI.

Lectio Hierimiae prophetæ.

Tempore illo, factum est verbum Domini ad Hierimiam, dicens : Hæc dicit Dominus Deus exercituum, Deus Israel : Vade, et dic viris Juda et habitatoribus Hierusalem : Numquid non recipietis disciplinam... ut obediatis mihi, dicit Dominus. Ego autem locutus sum ad vos de mane consurgens... neque audistis me. Idcirco hæc dicit Dominus exercituum, Deus Israel : Ecce ego adduco super Juda... et non responderunt mihi. Tolle volumen libri, et scribe in eo... et propitius ero iniquitati et peccato eorum, ait Dominus Deus. (*Jerem. xxxv, 13, usque xxxvi, 3, quibusdam omissis.*)

Epistola Pauli apostoli ad Ephesios.

Fratres, fornicatio et omnis immunditia aut avaritia nec nominetur in vobis, etc., usque Subjecti invicem in timore Christi. (*Ephes. v. 3-24.*)

Lectio sancti Evangelii secundum Lucam.

Diebus illis, ecce quidam legisperitus surrexit templans Dominum Jesum, et dicens : Magister, quid faciendo vitam æternam possidebo? etc., usque Vade et tu fac similiter. (*Luc. x, 25-37.*)

XXVI. TERTIA DOMINICA POST CATHEDRAM SANCTI PETRI.

Lectio Esaiæ prophetæ.

Hæc dicit Dominus : In tempore placito exaudivi te, etc., usque Redemptor tuus fortis Jacob, ait Dominus Deus. (*Isa. xlix, 8-26.*)

Epistola Pauli apostoli ad Colossenses.

Fratres, induite vos, sicut electi Dei, viscera misericordiae, **123** etc., usque Gratias agentes Deo et Patri per ipsum, qui est benedictus in sæcula. (*Coloss. iii, 12-17.*)

Lectio sancti Evangelii secundum Lucam.

Tempore illo, factum est cum introisset Dominus Jesus in domum cujusdam principis Phariseorum sabbato manducare panem, etc., usque Beatus qui manducabit panem in regno Dei. (*Luc. xiv, 1-15.*)

NOTE ET OBSERVATIONES.

Singulare est quod superiores Dominicæ tres notentur *Post Cathedram sancti Petri*. Nulla hic mentio de Dominicis Septuagesimæ, Sexagesimæ et Quinquagesimæ, neque de feria quarta Cinerum : neque etiam in Missali Gothico seu Gallicano. Sexagesima et Quinquagesima ante Pascha prohibentur in conciliis Aurelianensibus I et IV. Primum sic habet in canone 24 : *Id a sacerdotibus omnibus decretum est, ut ante Paschæ solemnitatem, non Quinquagesima sed Quadragesima teneatur.* Et in IV canone 2 : *Hoc etiam decernimus observandum, ut Quadragesima ab omnibus Ecclesiis æqualiter teneatur; neque Quinquagesimam, aut Sexagesimam ante Pascha quilibet sacerdos præsumat indicare.* Verumtamen Cæsarius, Arelatensis eo tempore antistes, in regulæ suæ ad monachos cap. 22, a Domini Natale, « usque ante duas hebdomadas de Quadragesima, secunda, quarta, et sexta feria » jejunium præscribit : « inde postea usque ad Pascha omni die, absque die Dominica. » Aurelianus vero, ejusdem Cæsarii post Auxanium successor, in

A suæ item regulæ appendice, « Ab Epiphania, inquit, usque Pascha, quotidie jejunandum absque majoribus festivitibus, Sabbato et Dominica. » Sed hæc monachis erant, non universim omnibus præscripta. In Missali Mozarabico Dominica Septuagesimæ non exstat, nec Sexagesimæ ; at Dominica ante diem Cinerum *Ad carnes tollendas* appellatur, quam sequitur feria quarta Cinerum, forsitan haud ex primaria institutione. In regula sancti Patris Benedicti nulla mentio de Septuagesima, et *Alleluia* usque ad Quadragesimam in officiis divinis retinetur, uti etiam in Ordine Mozarabico. At in Gelasiano vulgato, missæ pro Septuagesima, Sexagesima, et Quinquagesima habentur. Sexagesimam memorat Magister in regulæ suæ cap. 28. Caput Quadragesimæ a Dominica prima, non a feria Cinerum olim incipiebat, etiam tempore Gregorii Magni. Argumenta hanc in rem videsis apud Menardum.

XXVII. LEGENDA IN INICIUM QUADRAGESIMÆ.

Lectio Esaiæ prophetæ.

124 Hæc dicit Dominus : Clama, ne cesses, quasi tuba exalta vocem tuam, etc., usque Os enim Domini loquutum est, ait Dominus Deus. (*Isa. lviii, 1-14.*)

Epistola Pauli apostoli ad Corinthios.

Ecce nunc tempus acceptabile, ecce nunc dies salutis, etc. Conventio Christi.... (*II Cor. vi, 2-15.*)

NOTE ET OBSERVATIONES.

Consonat titulus Missalis Gothici seu Gallicani : *Ordo missæ in initium Quadragesimæ*. Epistolæ hujus finis et Evangelium consequens deest, quoniam avulsus est unus quaternio, id est octo folia. Quaternio sequens incipit a fine Prophetiæ legendæ in Dominica Palmarum. Officium feriæ sequentis præditum est numero 33. Cum vero superius officium Dominicæ primæ in Quadragesima numerum 27 præferat, quinque numeros sequentes pro totidem consequentibus Quadragesimæ Dominicis desiderari intelligimus. Itaque nulla in Lectionario nostro singularia officia pro feriis Quadragesimæ assignata erant. Certe in Missali Gothico seu Gallicano septem duntaxat missæ exstant per Quadragesimam usque ad missam in Cœna Domini. Missa prima sic inscripta est : *Ordo missæ in initium Quadragesimæ*. Quatuor sequentes hoc modo : *Item missa jejunii*, absque designatione Dominicæ. Sexta, *Item missa in Quadragesima*. Septima denique, *Missa in symboli traditione*, de qua infra. In Missali Mozarabico duæ sunt missæ, præter Dominicales, per singulas hebdomadas, nempe pro quibuslibet feriis quartis et sextis : aliæ feriæ vacant.

D Dominicæ primæ in Quadragesima officium in eodem Mozarabico ita incipit : *Ecce nunc tempus acceptabile, alleluia, ecce nunc dies salutis, alleluia.* Versus. *Dominus regnavit, decorem induit, induit Dominus fortitudinem, et præcinxit se.* Deinde præcentor repetit, *Ecce nunc dies salutis.* Tum dicitur *Gloria et honor Patri, et Filio, et Spiritui sancto in sæcula sæculorum, amen.* Post *Gloria in excelsis* et orationem, sequitur Lectio ex Prophetia Esaiæ cap. lv.

Hæc dicit Dominus: Audite audientes me, et comedite bonum, etc. **125** Deinde post canticum trium puero- rum et psalmum, et post orationes pro pœnitentibus, subsequitur Lectio ex Epistola II ad Corinthios cap. v: *Pro Christo legatione fungimur, etc., usque Tanquam nihil habentes, et omnia possidentes.* Postmodum Evangelium ex Joannis cap. iv: *Dominus noster Jesus Christus reliquit Judæam, et abiit in Galilæam, etc., usque. Quia hic est vere Salvator mundi.* In posterum Alleluia omittitur ad Pascha ex præscripto concilii Toletani iv, can. 11.

In Missali Ambrosiano, cum quo vetus Gallicanum quamdam affinitatem habet, Dominica prima Quadagesimæ inscribitur *De Samaritana*; secunda *De Abraham*; tertia *De cæco*: quarta *Lazari*, propterea quod Evangelia de his assignentur.

Sæculo vi in Gallia non ita rati erant jejuniorum Quadagesimalium dies. Aurelianus in regula sua Sabbatum, Dominicam, et majores festivitates a jejunii lege eximit, ut superius vidimus. Faustinus, Regiensis (ut quibusdam videtur) episcopus, quinque tantum per hebdomadam jejunii dies admittit, invehens in eos, qui « veriti sunt, credo, inquit, ne quinque jejuniis prolongatis, caro eos corpusque deficeret, et exiles ac tenues Quadagesimæ abstinentiam tolerare non possent. » Hæc ille in sermone habito in Dominica ante Quadagesimam, cujus sermonis fragmentum Æneas Parisiensis antistes refert in libro adversus Græcos. Sic in ecclesia Mediolanensi, etiam in Quadagesima, Sabbatum a jejunio immune erat, præter Sabbatum sanctum. Verum concilium Aurelianense iv, canone 2 ita decernit: *Ut Quadagesima ab omnibus Ecclesiis æqualiter teneatur, neque Quinquagesimam, aut Sexagesimam ante Pascha quilibet sacerdos præsumat indicare.* Quod nimirum faciebant hi qui Sabbatum a jejunii religione eximebant. Tum subdunt Patres ad sancendam Sabbati observantiam: *Sed neque per Sabbata, absque infirmitate, quisquam solvat Quadagesimæ jejunium, nisi tantum die Dominico prandeat.* Magister in regulæ suæ cap. 53 ita vult in Dominicis Quadagesimæ pranderi, ut « tamen in sera penitus nihil cœnent, ut una sit in ipsis diebus a die refectio » Sed hæc non sunt hujus loci.

In Quadagesima non una erat de missis ferialibus et quotidianis apud Latinos disciplina. In quibusdam quotidie, in aliis tantum certis diebus fiebat sacrificium, testante Augustino in epistola ad Januarium. In ecclesia Mediolanensi videtur usus fuisse Sacrificii quotidiani. Insignis est in eam rem Ambrosii locus in sermone octavo super Psalmum **126** cxviii ad versum 6: « Indictum est jejunium; cave ne negligas. Et si te fames quotidianum cogit ad prandium, aut intemperantia declinat jejunium, tamen cœlesti magis te servato convivio. Non epulæ paratæ extorqueant, ut cœlestis sis vacuus sacramenti. Differ aliquantulum, non longe est finis diei. Imo plerique sunt ejusmodi dies, ut statim meridianis horis adveniendum sit in ecclesiam, canendi hymni, cele-

branda oblatio. » Nempe diebus Dominicis et Sabbatis, quibus in ecclesia Mediolanensi relaxatio a jejunio erat, ut nempe cœna serotina in prandium verteretur. « Tunc utique paratus assiste, ut ibi accipias munimentum, ut corpus edas Domini Jesu, in quo remissio est peccatorum; postulatio divinæ reconciliationis et protectionis æternæ..... Admonet etiam sacrificium vespertinum, ut nunquam Christum obliviscaris. Non potes oblivisci, cum lectum ascendis, ejus Domini, cui in occasu die precem fuderis, qui esurientem te sui corporis epulis expleverit. » Eadem sacrificia vespertina etiam in ecclesiis Gallicanis celebrari tunc mos erat, ut ex conciliis Vasensi, Aurelianensi iii, et ex Matisconensi primo probavimus in lib. i cap. 5.

B [XXXII. LEGENDA IN DOMINICA PALMARUM.
Lectio Hierimiæ prophetæ.]

et vir fratrem suum dicens: Cognoscite Dominum. Omnis enim cognuscent me a minimo eorum usque ad maximum, ait Dominus. Quia propitiabor iniquitati eorum, et peccati eorum non ero memor amplius. (*Jerem. xxxi, 34.*)

Epistola Pauli apostoli ad Hebræos.

Fratres, fide intellegemus aptata esse sæcula verbo Dei, etc., usque Fortes facti sunt in bello. (*Hebr. ii, 3-34.*)

Lectio sancti Evangelii secundum Johannem.

Diebus illis ante sex dies Paschæ, venit Dominus Jesus Bethaniam, ubi fuerat Lazarus mortuus, etc., usque Nisi granum frumenti cadens in terram mortuum fuerit, ipsum solum manet; si autem mortuum fuerit, multum fructum affert. (*Joan. xii, 1-24.*)

NOTÆ ET OBSERVATIONES.

127 In Missali Gothico septima Quadagesimæ missa inscribitur: *Missæ in Symboli traditione.* Tradebatur autem Symbolum competentibus in Dominica Palmarum, teste Isidoro in lib. de Officiis ecclesiasticis cap. 27: « Hoc die Symbolum competentibus traditur propter confinem Dominicæ Paschæ sollemnitate: ut quia jam ad Dei gratiam percipiendam festinant, fidem quam confiteantur agnoscant. Eodem spectat canon 13 concilii Agathensis: *Ut Symbolum ante octo dies Paschæ competentibus prædicetur.* Et optime quidem Lectionarii nostri hac die lectiones Symboli traditioni conveniunt. Prophetia Jeremiæ: *Dabo legem meam in visceribus eorum, et in corde eorum scribam eam..... Omnes cognoscent me a minimo eorum usque ad maximum.* Lectio ex epistola Pauli ad Hebræos, ubi multa præclare de fide. Evangelium Johannis, in quo agitur de gentilibus, qui accesserunt ad Philippum, cupientes Jesum videre. Eundem diem Capitilavium a vulgo appellari tradit Isidorus, « quia tunc moris esset capita lavandi infantium qui ungendi sunt. » In Missali Ambrosiano Symbolum competentibus tradebatur Sabbato præcedente. Nulla hoc die passio in Lectionario, ne feria tertia vel quarta sequente, sed tantum feria sexta. In Ordine quodam vetustissimo, quem in Germania reperimus, ad hanc Dominicam passio secun-

dum Matthæum præscribitur, rursus in Parasceve repetita; quarta vero feria passio secundum Lucam. Olim in Dominica Palmarum passio legebatur in majori tantum sacro, non in privatis missis.

XXXIII. LEGENDA IN AUTENTICA HEBDOMADA, FERIA II, AD MATUTINOS.

Lectio Danihel prophetæ.

Tempore illo, ego Danihel, cum orarem et confiterer peccata mea, et peccata populi mei Israhel, etc., *usque* Et usque ad consummationem et finem perseveravit dissolutio. (*Daniel. ix, 20-27.*)

LEGENDA, FERIA III, AD MATUTINOS, IN AUTENTICA HEBDOMADA.

Lectio Hierimiæ prophetæ.

128 Hæc dicit Dominus: Revertatur unusquisque a via sua mala, etc., *usque* Animam pauperis de manu malorum, ait Dominus Deus. (*Jerem. xviii, 11-23*) Deinde consequenter: Seduxisti me, Domine, et seductus sum, etc. (*Jerem. xix, 7-13.*)

LEGENDA FERIA IV, IN AUTENTICA HEBDOMADA, AD MATUTINOS.

Lectio Hierimiæ prophetæ.

Dixit Hierimias: Ego vir videns paupertatem meam in virga indignationis tuæ, etc., *usque* Ideo sperabo misericordiæ Domini, ait Dominus Deus. (*Thren. iii, 1-22.*)

XXXIV. LEGENDA IN CENA DOMINI AD MATUTINOS.

Lectio libri Exodi.

Tempore illo, mense tertio egressionis Israhel de terra Ægypti, in die hac venerunt ad solitudinem Sinai, etc., *usque* Et ut terror illius esset in vobis et non peccaretis amplius. (*Exod. xix, 1, usque xx, 20.*)

Lectio sancti Evangelii secundum Matthæum.

Diebus illis, dixit Dominus Jesus discipulis suis: Scitis quia post biduum Pascha flet..... tumultus flet in populo..... (*Matth. xxvi, 2.*)

NOTE ET OBSERVATIONES.

Numerus marginalis deest in tribus primis hebdomadæ sanctæ feriis, in quibus unica Lectio ad Matutinos, nullæ ad missam assignantur. Nulla etiam missa his diebus exstat in Mozarabico, neque etiam in Gallicano. Hebdomada vocatur authentica, ut passim apud Amalarium, aliosque rerum ecclesiasticarum scriptores. Evangelium **129** feriæ quintæ mutilum est in Codice nostro, quoniam avulsus est unus quartio, in quo habebantur Lectiones ad missam Cœnæ Domini, et ad Matutinos feriæ sextæ, ut colligimus ex vacuo duplici numero, et ex sequenti numero 37, qui in officio secundæ horæ ad oram Codicis apponitur. In triduo ante Pascha ad Matutinos non legebantur, ut modo, Jeremiæ Lamentationes, sed una lectio ex præmissis; nec passio Christi Domini ante feriam sextam.

Dominicæ Cœnæ festa vocat Gregorius in lib. viii, cap. 43. Alii *Natale calicis*, quo titulo Avitus Viennensis pontifex sermonem habuit, cujus aliquot fragmenta vir cl. Jacobus Sirmundus vulgavit. Insigne est præ cæteris fragmentum tertium, in quo hæc verba: « Impleturus Redemptor noster sacramentum

carnis assumptæ, sicut æternus et piissimus Pater, creatis a se redemptisque filiis spem indultæ adoptionis aperiens, substantiamque nobis cœlestem, ante diem suæ mortis assignans, testamentum fecit, quo nos hæredes ab his quæ largiebatur instituit, humana quidem comparatione, sed non humana necessitate: non amissurus quod filiis deputabat, sed habiturus magis filios cum hæreditate quam scripserat. Testamentum hoc appellamus Testamentum Novum: in quo exhæredatis omnibus, solus hæres instituitur populus Christianus. Non autem juxta terrenum morem hæreditas ista dividitur, nec corruptibili distributione in plures dispersa tenuatur. Omnes recipit, omnes invitat; nec de portione tenentum tollitur, quod aliis nascentibus deputetur. » **B** *Et infra.* « Agnoscamus nunc fideliter summam hæreditatis indeptæ. Illud est videlicet, quod cœnantibus apostolis æterni libaminis ordinem consecravit. Itaque videmus, quod nihil nobis de substantiæ plenitudine minuit, qui quod pro nobis assumpsit, totum nobis reliquit. Alii hæredibus suis sua tribuunt; ille semetipsum, id est carnem vel sanguinem corporis sui. » Aurea verba, nec minus fide quam consolatione plena.

[XXXVI. LEGENDA AD MATUTINOS IN PARASCEVEN. Evangelium Johannis.]

... hominem. Deinde dicit ei unus ex servis pontificis cognatus ejus, cujus abscidit Petrus auriculam. Nonne ego te vidi in ortu cum illo? Et post pusillum (*Matth.*), accesserunt qui stabant, et dixerunt **130** Petro: Vere et tu ex illis es, nam et loquilla tua manifestum te facit. Tunc cœpit jurare et detestare, quia non novisset hominem. Et continuo gallus cantavit. Et conversus Dominus Jhesus respexit Petro (*Luc.*) Et recordatus est Petrus verbi Domini. Jesu quod dixerat: Priusquam gallus cantet, ter me negabis. Et agressus foras flevit amare (*Matth.*).

XXXVII. LEGENDA AD SECUNDA IN PARASCEVEN.

Esaïæ prophetæ.

Ecce intellegit servus meus, et exaltabitur, et elebabitur, et sublimis erit, etc., *usque* Pro trangressoribus oravit. (*Isa. lii, 13, usque liii, 12, quibusdam omissis.*)

LEGENDA AD SECUNDA IN PARASCEVEN.

Evangelium Matthæi.

D Mane autem facto, consilium inierunt omnes principes sacerdotum et seniores populi adversus Dominum Jesum, ut eum morti traderent: et vinctum a Caipha adduxerunt eum, et tradiderunt Pontio Pylato præsidi. Tunc videns Judas qui eum tradidit quod damnatus esset, pœnitentia ductus rettulit treginta argenteos principibus sacerdotum et senioribus, dicens: Peccavi tradens sanguinem justum. At illi dixerunt: Quid ad nos? tu videris. Et projectis argenteis in templo, recessit; et abiens laqueo se suspendit. Principes autem sacerdotum acceptis argenteis dixerunt: Non licet eos mittere in corbanam, quia præcium sanguinis est. Consilio autem inito, emerunt ex illis agrum figuli in sepultura

peregrinorum : propter hoc vocatus est ager ille Acheldemach, quod est, ager sanguinis, usque in hodiernum diem. Tunc impletum est quod dictum est per Hieremiam prophetam dicentem : Et acceperunt treginta argenteos præcium adpræciati, quem adpræciaverunt a filiis Israhel, et dederunt eos in agrum figuli, sicut mihi Dominus constituit. Jesus autem stetit ante præsidem, et interrogavit eum præses dicens : Tu es rex Judæorum ? Dicit ei Dominus Jesus : Tu dicis. Et cum accusaretur a principibus sacerdotum et senioribus, nihil respondit. Tunc dicit illi Pylatus : Non audis quanta adversum te dicunt testimonia ? Et non respondit ei ad illud verbum, ita ut miraretur præses vehementer.

131 Principes autem sacerdotum (*Joan.*) non introierunt in prætorio, ut non contaminarentur, sed manducarent pascha. Exivit ergo Pylatus ad eos foras, et dixit : Quam accusationem affertis adversum hominem hunc ? Responderunt et dixerunt ei : Si non esset hic malefactor, non tibi tradidissemus eum. Dixit ergo eis Pylatus : Accipite eum vos, et secundum legem vestram judicate eum. Dixerunt ergo ei Judæi : Nobis non licet interficere quemquam. Ut sermo Domini Jhesu impleretur quem dixit, significans qua morte esset moriturus. Introivit ergo iterum prætorium Pylatus, et vocavit ad se Dominum Jhesum, et dixit ei : Tu es Rex Judæorum ? Et respondit ei Dominus Jhesus : A temetipso hoc dicis, an alii tibi dixerunt de me ? Respondit Pylatus : Numquid ego Judæus sum ? Gens tua et pontifices tradiderunt te mihi. Quid fecisti ? Respondit Dominus Jhesus : Regnum meum non est de hoc mundo Si de hoc mundo esset regnum meum, ministri mei utique decertarent, ut non traderer Judæis : nunc autem regnum meum non est hinc. Dixit itaque ei Pylatus : Ergo rex es tu ? Respondit Dominus Jhesus : Tu dicis, quia rex sum ego. Ego in hoc natus sum, et ad hoc veni in mundum, ut testimonium perhibeam veritati. Omnis qui est ex veritate, audit vocem meam. Dicit ei Pylatus : Quid est veritas ? Et hæc cum dixisset, iterum exivit Pylatus foras ad Judæos, et dixit eis : Ego nullam causam invenio in homine isto.

At illi invaliscebant dicentes (*Luc.*) : Hunc invenimus subvertentem gentem nostram, et prohibentem tributa dare Cæsari, et dicentem se Christum regem esse. Commovit populum, docens per universam Judæam, et incipiens a Galilæa usque huc. Pylatus autem audiens Galilæam, interrogavit si homo Galilæus esset. Et ut cognovit quod de Herodes potestate esset, remisit eum ad Herodem, qui et ipse Hierosolymis erat in illis diebus. Herodes autem viso Domino Jhesu, gavisus est valde. Erat enim cupiens ex multo tempore videre eum, eo quod audiret multa de illo, et sperabat signum aliquod videre ab eo fieri. Interrogavit autem illum multis sermonibus : at ipse nihil respondebat illi. Stabant autem principes sacerdotum et scribæ constanter

accusantes eum. Sprævit autem illum Herodes cum exercito suo, et inludit, et induta veste alba, remisit ad Pylatum. Et facti sunt amici Herodes et Pylatus in ipsa die, nam antea inimici erant ad invicem. Pylatus autem convocatis principibus sacerdotum, et magistratibus **132** et plebe, dixit ad illos : Oblutitis mihi hunc hominem quasi avertentem populum, et ecce ego coram vobis interrogans nullam causam invenio in homine isto ex his, in quibus eum accusastis. Sed neque Herodes. Nam remisit eum ad nos : et ecce dignum morti nihil aptum est ei. Emendatum ergo illum dimittam. Per diem autem solemnem (*Matth.*) consueverat præses dimittere populo unum vinctum quem voluissent. Habebant autem tunc vinctum insignem, qui dicebatur Barabbas. Qui propter seditionem quandam factam in civitate (*Luc.*), et homicidium, missus fuerat in carcerem. Congregatis ergo illis (*Matth.*), dicit Pylatus : Quem vultis dimittam vobis, Barabban, an Jhesum qui dicitur Christus ? Sciebat enim quod per invidiam tradidissent eum. Sedente autem illo pro tribunali, misit ad illum uxor ejus dicens : Nihil tibi et justo illi, multa enim passa sum hodie per visum propter eum. Principes autem sacerdotum et seniores persuaserunt populo ut peterent Barabban, Jhesum vero perderent. Respondens autem præsis ait illis : Quem vultis vobis de duobus dimitti ? At illi dixerunt ! Barabban. Dicit illis Pylatus : Quid igitur faciam de Jhesu, qui dicitur Christus ? Dicunt omnes : Crucifigatur. Ait illis tertio præsis (*Luc.*) : Quid enim male fecit ? nullam causam mortis invenio in eum. Corripiam ergo illum et dimittam. At illi magis clamabant dicentes : Crucifigatur (*Matth.*). Et invaliscebant voces eorum (*Luc.*). Videns autem Pylatus quod nihil proficeret (*Matth.*), sed magis tumultus fieret in populo, accepta aqua lavit manus, coram populo, dicens : Innocens ego sum a sanguine justihujus. Vos videritis. Et respondens universus populus dixit : Sanguis ejus super nos, et super filios nostros. Tunc dimisit illis Barabban. Jhesum autem flagellatum tradidit eis, ut crucifigeretur.

XXXVIII. LEGENDA IPSA DIE AD TERCIA

Lectio Hierimiæ prophetæ.

Quid est quod dilectus meus in domo mea fecit scelera multa ? etc., usque Properate ad devorandum. (*Jerem.* xi, 15-20 ; xii, 7-9.)

ITEM AD TERCIA.

Secundum Matthæum.

133 Milites præsidis suscipientes Dominum Jhesum in prætorium, congregaverunt ad eum universam cohortem, et exuentes eum vestimentis suis, induerunt eum lorica purpuream, et clamidem coccineam circumdederunt ei : et plectentes coronam de spinis, posuerunt super caput ejus, et arundinem in dextera ejus, et genu flexu ante eum inludabant ei dicentes : Have, rex Judæorum, et dabant ei palmas : et expuentes in eum, accipiebant harundinem, et percuciebant caput ejus. Exivit autem Pylatus foras (*Joan.*), et dixit Judæis : Ecce adduco eum

foras, ut cognoscatis, quia non invenio in eo ullam causam. Exiit ergo Dominus Jhesus foras, habens spineam coronam et purpureum vestimentum. Et dicit eis Pylatus : Ecce homo. Cum ergo vidissent eum pontifices et ministri, clamabant dicentes : Crucifige, crucifige. Dicit eis Pylatus : Accipite eum vos, et crucifigite : ego enim non invenio in eo causam. Responderunt ei Judæi : Nos legem habemus, et secundum legem debet mori, quia filium Dei se fecit. Cum ergo audisset Pylatus hunc sermonem, magis timuit, et ingressus est prætorium. Iterum dicit ad Dominum Jhesum : Unde es tu ? Jhesus autem responsum non dedit ei. Dicit ergo ei Pylatus : Mihi non loqueris ? nescis quia potestatem habeo crucifigere te ; et potestatem habeo dimittere te ? Respondit Dominus Jhesus : Non haberes potestatem adversus me ullam, nisi tibi esset datum desuper. Propterea qui tradit me tibi, majus peccatum habet. Et exinde quærebat Pylatus dimittere eum. Judæi autem clamabant, dicentes : Si hunc dimittis, non es amicus Cæsaris. Omnis qui se regem facit, contradicit Cæsari. Pylatus ergo cum audisset hos sermones, iterum adduxit foras Dominum Jhesum, et sedit pro tribunali, et dicit Judæis : Ecce rex vester. Illi autem clamabant : Tolle, tolle, crucifige eum. Dixit eis Pylatus : Regem vestrum crucifigam ? Responderunt pontifices : Non habemus regem nisi Cæsarem. Tunc ergo tradidit eis Dominum Jhesum ut crucifigeretur. Suscipientes autem Dominum Jhesum (*Matth.*), exuerunt eum clamidem, et induerunt eum vestimentis suis. Et eduxerunt eum bajolantem sibi crucem, ut crucifigerent eum (*Joan.*). Erat autem hora tertia (*Marc.*). Exeuntes autem (*Matth.*) invenirunt hominem Cyreneum **134** venientem obviam sibi, nomine Symonem. Hunc angariaverunt ut tolleretur crucem ejus : et portaret post Dominum Jhesum (*Luc.*). Sequebatur autem illum multa turba populi et mulierum quæ plangebant, lamentabantur eum. Conversus autem ad illas Dominus Jhesus dixit : Filiæ Hierusalem, nolite flere super me, sed super vos ipsas flete et super filios vestros : quoniam ecce venient dies, in quibus dicent : Beatæ sterilis et ventris qui non genuerunt, et ubera quæ non lactaverunt. Tunc incipient dicere montibus : Cadete super nos, et collibus : Operite nos, quia si in viride ligno hæc faciunt, in arido quid fiet ? Ducebantur autem et alii duo nequam cum eo, ut interficerentur. Et venerunt in locum qui dicitur Golgotha (*Matth.*), quod est, Calvarie locus. Et dederunt ei vinum bibere cum felle mixtum : et cum gustasset, noluit bibere.

XXXIX. LEGENDA AD SEXTA IN PARASCEVEN.

Amos prophetæ.

Audite hoc qui conteretis pauperem, et deficere facitis egenos, etc., usque Neque sitim aquæ, sed audiendi verbum Dei. (*Amos VIII, 4-11.*)

Secundum Matthæum.

Postquam crucifixerunt Dominum Jhesum, diviserunt sibi vestimenta ejus sorte mittentes. Scripsit

autem titulum Pylatus (*Joan.*), et posuit super crucem. Erat autem scriptum : Jesus Nazarenus rex Judæorum. Hunc ergo titulum multi legerunt Judæorum, quia prope civitatem erat locus ubi crucifixus est Dominus Jhesus. Et erat scriptum Hebraice, Grece, et Latine. Dicebant ergo Pylato pontifices Judæorum : Noli scribere, Rex Judæorum ; sed quia ipse dixit, Rex sum Judæorum. Respondit Pylatus : Quod scribsi, scribsi. Milites ergo cum crucifixissent Dominum Jesum, acceperunt vestimenta ejus, et fecerunt quatuor partes, unicuique militi partem, et tonica. Erat autem tonica inconsuetiles, desuper contexta per totum. Dixerunt ergo ad invicem : Non scindamus eam, sed sorciamur de illa cujus sit, ut scriptura impleteretur dicens : Partiti sunt vestimenta mea sibi, et in vestem meam miserunt sortem. Et sedentes servabant eum (*Matth.*). Stabant autem juxta crucem Domini Jhesu mater ejus (*Joan.*), et soror matris ejus, **135** Maria Cleopæ et Maria Magdalenæ. Cum ergo vidisset Dominus Jhesus matrem, et discipulum stantem quem diligebat, dicit matri suæ : Mulier ecce filius tuus. Deinde dicit discipulo : Ecce mater tua. Et ex illa hora accepit eam discipulus in sua. Tunc crucifixerunt cum eo duos latrones (*Matth.*), unus a dextris et unus a sinistris : Medius autem Dominus Jhesus (*Joan.*). Et adimpleta est scriptura quæ dicit : Et cum iniquis reputatus est (*Marc.*). Jhesus autem dicebat : Pater dimitte illis, non enim sciunt quid faciunt (*Luc.*). Prætereuntes autem blasphemabant eum (*Matth.*), moventes capita sua et dicentes : Vah ! qui destruis templum Dei, et in triduo illum reedificas, salva temetipsum. Si filius Dei es, descende de cruce. Similiter et principes sacerdotum includentes cum scribis et senioribus dicebant : Alios salvos fecit, se ipsum non potest salvum facere. Si rex Israel est, descendat nunc de cruce, et credimus ei. Confidit in Deo, liberet nunc eum si vult : dixit enim, quia Dei Filius sum.

Idipsum autem (*Luc.*) unus de his qui pendebant latronibus blasphemabat eum dicens : Si tu es Christus, salvum fac temet ipsum et nos. Respondens autem alter increpabat illum dicens : Miser, neque tu times Deum, quod in eadem damnatione es ? Et nos quidem juste, nam digna factis recipimus : hic vero nihil mali gessit. Et dicebat ad Dominum Jhesum : Domine, memento mei, cum veneris in regno tuo. Et dixit illi Dominus Jhesus : Amen dico tibi, quia hodie mecum eris in paradiso.

NOTE ET OBSERVATIONES.

Die sancto Paraceves ad omnes horas præscribitur pars aliqua passionis Christi Domini, singulis horis conveniens, præmissa ad singulas item horas Lectione ex veteri Testamento. Excidit e Codice nostro pars officii ad Matutinos, id est prima lectio ex Veteri Testamento, cum initio secundæ Lectionis ex Evangelio. Deest etiam ad Nonam magna pars lectionis ex Zacharia, et tota lectio ex Evangelio. Passionis autem series non legitur continue ex uno aliquo evangelista

sed ex omnibus simul in catenæ modum dispositis. Quam ob rem integram huc referre visum est ad singulas horas. Non multum diversus est ritus, qui præscribitur in vetustissimo Ordine Germanico, tomo IV Analectorum pag. 495 : In sexta feria Parasceves ad Tertiam legunt passionem Domini secundum Matthæum ; ad Sextam secundum Marcum. Hora vero nona legunt lectionem de Osee propheta : sequitur
136 *gradalis cum quinque versiculis, Domine, audi. Deinde Lectio de Exodo, et Tractus, Qui habitat in adjutorio. Post hæc passio Domini secundum Johannem sequatur.*

Duplex (ut jam notavi) marginalis numerus deest ab officio Matutinorum pro Cæna Domini ad officium Tertie pro Parasceve. Prior ex his aptandus videtur officio missæ in Cæna Domini; posterior ad Matutinos diei sequentis. Quippe Evangelium, quod ex Matthæo legitur ad Cænam Domini, existimo pertinere ad Matutinos, utpote quod agit de Christi comprehensione facta per Judæos. Aliud Evangelium ad missam ex Evangelio Joannis de Cæna magis quadrat. Deinde si quod aliud officium numero marginali esset notandum pro die Parasceves post Matutinos, non aliud occurrit quam officium Primæ, quod in hoc Lectionario nusquam comparet : tametsi aptissima ejus assignandi occasio erat, præsertim in triduo Rogationum, in quibus post officium ad Matutinos statim subditur officium ad Tertiam. Itaque officium Matutinorum assignatur pro hora Primæ, cum hic subsequatur officium ad Secundam.

In Mozarabico in die Cænæ præscribitur Evangelium ex Lucæ cap. xxii, incipiendo a celebratione cænæ, et desinendo in lacrymas Petri : in quibus lacrymis desinit Lectionarii nostri officium ad Matutinos diei sequentis. Idem Mozarabicum die Parasceves assignat Evangelium ex Matthæi cap. xxvii a versu 1 : Mane autem facto, insertis quibusdam verbis ad rei gestæ ordinem signandum : Mane facto cæna pura quod est ante Sabbatum (quæ verba utique a Vulgata absunt) concilium fecerunt summi sacerdotes et seniores populi de Jesu, ut interficerent eum, etc., usque ad finem capitis, signantes lapidem cum custodibus. Non alia passio hac die in Mozarabico.

*In Africa tempore sancti Augustini unica legebatur passio, et quidem ex Matthæo. Sic enim habet ille in sermone 232 novæ editionis : « Passio autem, quia uno die legitur, non solet legi, nisi secundum Matthæum. Volveram aliquando ut per singulos annos secundum omnes Evangelistas etiam passio legere-
 tur. Factum est. Non audierunt homines quod consueverant, et perturbati sunt. » Patres concilii Toletani iv, canone 6, nonnullas Ecclesias reprehendunt, ubi in die sextæ feriæ Passionis Domini, clausis basilicarum foribus, nec celebratur officium, nec passio Domini populis prædicatur.*

In hoc triduo aliquando facta est communio, non solum in monasteriis (quod ex Cluniacensium ritibus aliisque constat) sed etiam in aliis ecclesiis, teste Theodulfo episcopo Aurelianensi, in Capitularis, articulo 41.

A 137 *Hic ritus etiam præscriptus est in Sacramentario Gregoriano, in Cæna quidem Domini et in Parasceve omnibus, in vigilia Paschæ recens baptizatis. An vero hic mos in Galliis ante Gregorii Magni tempora servaretur, non ita liquet. Id tamen colligitur ex regula Magistri in cap. 53, ubi de feria sexta Dominicæ Passionis, quam sine refectioe transigi præcipit. Sic autem subdit : « Sacramenta vero altaris in patena majore vitrea finiantur : ut cum sexta feria Judæi ad passionem Christum quæsierint, sit ipso die in mentibus nostris reclusus, ut Sabbato nobis per resurrectionem in novo sacramento appareat. Jam qui sexta feria refecturi sunt, sine communione reficiant : ut agnoscatur injuste refici sine Christo. »*

Ita Codex Corbeiensis. Cum ergo in pœnam percepti cibi Magister abstinere a communione hac die jubeat; consequens est communionem iis qui totum diem jejunabant impertitam fuisse. In Hispania tamen hæc communio in die Parasceves et Sabbato sequenti non videtur fuisse in usu tempore concilii iv Toletani, hoc est sæculo vii, ut colligitur ex verbis canonis septimi, quæ præmissa subsequuntur. Ideo, inquiunt Patres, oportet eodem die Parasceves mysterium crucis, quod ipse Dominus cunctis nuntiandum voluit, prædicari, atque indulgentiam criminum clara voce omnem populum postulare : ut pœnitentiæ compunctione muniti, venerabilem diem dominicæ resurrectionis, remissis iniquitatibus, suscipere mereamur; corporisque ejus et sanguinis sacramentum mundi a peccatis sumamus. Idem canone sequenti arguunt eos, qui ad horam nonam ipsa die jejunium solvunt, eosque a paschali communione remouent.

[LXI. LEGENDA IN SABBATO SANCTO.]

.....
 inundaverunt terram anno sexcentesimo viæ suæ, etc., usque Odoratusque est Dominus odorem suavitatis. (Genes. vii, 10, usque viii, 21.)

4. Lectio libri Genesis.

Tempore illo, temptavit Deus Abraham, et dixit ad eum : Abraham, etc., usque Abieruntque Bersabee simul, et habitavit ibi (Genes. xxii, 1-19.)

5. Lectio libri Genesis.

138 Tempore illo, senuit Isaac, et caligaverunt oculi ejus, etc., usque Solvam jugum ejus de cervicibus tuis. (Genes. xxvii, 1-40.)

6. Lectio libri Exodi.

Tempore illo, dixit quoque Dominus ad Moysen et Aaron in terra Ægypti : Mensis iste vobis principium mensium, etc., usque Fecerunt omnes filii Israhel, sicut præceperat Dominus Moysi et Aaron. (Exod. xii, 1-50.)

7. Lectio libri Exodi.

Tempore illo, armati ascenderunt filii Israhel de terra Ægypti, tulit quoque Moyses ossa Joseph secum, etc., usque In castris super mare omnes..... (Exod. xiii, 18, usque xiv, 9.)

Exortatus es in virtute tua, et in refrigerio sancto tuo. Audierunt gentes, et iratæ sunt : doloris comprehenderunt inhabitantes Philistym. Tunc festina-verunt duces Edom et principes Moabitarum. Adpræ-

hendit eos timor, fluxerunt omnes inhabitantes Chanaan. Decidat super eos timor et trimor magnitudinis brachii tui. Fiant tamquam lapis, donec transiat populus tuus Domine, usquedum pertranseat populus tuus hic quem liberasti. Inducens plantas eos in montem hereditatis tuæ, in præparata habitationis tuæ, quam præparasti Domine, sanctimonium tuum Domine quod præparaverunt manus tuæ. Domine tu regnas in æternum et in sæculum sæculi, et adhuc : quoniam intravit equitatus Pharaonis cum curribus et ascensoribus in mare, et induxit Dominus super eos aquas maris : filii autem Israhel abierunt per siccum per medio mare. Sumpsit autem Maria Prophetis, soror Aaron, tymphanum in manu : egressæque sunt omnes mulieres post eam cum tymphanis et choris, quibus præcinebat dicens : Cantemus Domino, gloriose enim magnificatus est, equum et ascensorem ejus dejecit in mare. (*Exod. xv, 14-21.*)

8. Lectio Ezechiel prophetæ.

Tempore illo, facta est super me manus Domini, et eduxit me **139** in spiritu Domini, et dimisit me in medio campi, etc., usque Et scietis quia ego Dominus loquutus sum et feci, ait Dominus Deus. (*Ezech. xxxvii, 1-14.*)

9. Lectio Esaiæ prophetæ.

Visio Esaiæ filii Amos, quam vidit super Judam et Hierusalem in diebus Oziæ, etc., usque Ut pulvis ascendet, ait Dominus Deus. (*Isa. i, 1.*)

10. Lectio libri Hiesum Nave.

Tempore illo, Josue de nocte consurgens, movit castra, egredientesque de Selim, venerunt ad Jordanem, etc., usque Ut et vos timeatis Dominum Deum vestrum omni tempore. (*Josue iii, iv.*)

11. Lectio Ionæ prophetæ.

Tempore illo, factum est verbum Domini ad Jonam, filium Amathi, dicens : Surge, vade in Nini-ven (*Jonæ i*), etc., usque Et oravit Jona ad Dominum Deum suum de utero piscis, et dixit. Clamavi ad Dominum Deum meum, etc. Et dixit Dominus pisci, etc., usque Loquutus fuerat ut faceret eis, et non fecit, ait Dominus Deus.

12. Lectio Daniehel prophetæ.

Anno octavo decimo Nabuchodonozor rex fecit statuam, etc., usque In conspectu tuo hodie ut placeat tibi

Benedicite imber et ros Dominum. Benedicite omnes spiritus Dominum. Benedicite ignis et calor Dominum, hymnum dicite. Benedicite noctes et dies Dominum. Benedicite tenebræ et lumen Domino. Benedicite frigus et æstus Dominum, hymnum dicite. Benedicite pruina et nivis Dominum. Benedicite fulgura et nubes Dominum. Benedicite terra Dominum, hymnum dicite. Benedicite montes et colles Dominum. Benedicite omnia nascentia terræ Dominum. Benedicite maria et flumina Dominum, hymnum dicite. **140** Benedicite fontes aquarum Dominum. Benedicite byluæ et omnia quæ morantur in aquis Dominum. Benedicite omnes volucris cæli Dominum, hymnum dicite. Benedicite bestię et jumenta Domi-

num. Benedicite Israhelitæ Dominum. Benedicite filii hominum Dominum, hymnum dicite. Benedicite Sacerdotes Domini Domino. Benedicite servi Domini Domino. Benedicite spiritus et animæ justorum Domino, hymnum dicite. Benedicite sancti et humiles corde Dominum. Benedicite Annanias, Azarias, Misahel Dominum. Benedicamus Patrem, et Filium, et Spiritum sanctum Dominum, hymnum dicamus, et superexaltemus eum in sæcula. Quia eripuit nos Deus in inferno, etc., usque Potestas ejus in generationem et generationem. (*Dan. iii.*)

Epistola Pauli apostoli ad Romanos.

Fratres, an ignoratis, quia quicumque baptizati sumus, etc., usque Videntes autem Deo in Christo Jesu Domino nostro. (*Rom. vi, 3-12.*)

B Lectio sancti Evangelii secundum Matthæum.

Vespere autem Sabbati, qua luciscit in prima Sabbati, etc., usque Omnibus diebus usque ad consummationem sæculi. (*Math. xxviii.*)

NOTE ET OBSERVATIONES.

Ab hoc officio Sabbati sancti inseritur altera numerorum marginalium in Lectionario series (ut supra notavimus) ad designandas Lectiones. Ex duodecim lectionibus quæ legebantur ante missam in gratiam baptizandorum, tres primæ desunt. Eædem ferme sunt in Mozarabico, nec multum differunt a modo usitatis in Missali Romano hodierno. Tria cantica inseruntur, nempe Mosis post septimam, Jonæ post undecimam, trium puerorum post duodecimam, ut fere in Mozarabico : nisi quod loco cantici Jonæ est canticum Habacuc post Lectionem ex eodem propheta.

In Mozarabico Lectionibus istis præmittitur cerei benedictio, cujus formula diversa est a Romana, quæ eadem est cum vetere Gallicana. Primo fit benedictio lucernæ : quæ benedictio auctorem habet Isidorum, teste Elipando episcopo Toletano, qui ex eo hæc verba refert in **141** epistola ad Alcuinum. « Nam et ipsi canimus in vigilia Paschæ, beato Isidoro dicente : Induit carnem, sed non exiit majestatem; nostram substantiam expetens, sed propriam non relinquens. » Quæ totidem verbis in Mozarabico leguntur ad benedictionem lucernæ. Alia testimonia ibidem ex Missali Toletano profert idem Elipandus ad hæresim suam confirmandam, quorum aliqua in Mozarabico non exstant, nempe quæ ex missa in Cæna Domini, et quæ ex feria tertia Paschæ, itemque ex missa sancti Sperati, et quæ ex missa defunctorum. Alia quidem ab ipso prolata reperiuntur in isto Missali, ut quod habet ex feria quinta Paschæ; at in Illatione ejusdem feriæ loco *adoptivi*, in editis legitur *assumpti*; itemque in missa de Ascensione *assumptionem*, non (ut ipse legit) *adoptionem*. Has omnino emendationes suggesserunt in libro ii adversus Elipandum Leidradus, Nefridius, episcopi, et Benedictus abbas, seu potius Alcuinus duplicis istius libri scriptor.

Post benedictionem lucernæ sequitur cerci benedictio post aliquas orationes, hoc modo incipiens :

Vere, Domine, satis dignum et pulchrum est, in quantum nos munere tuo illustras, tibi semper gratias agere, apud quem est fons vitæ, in cujus lumine videbimus lumen, etc. De benedictione lucernæ et cerei exstat canon nonus concilii IV Toletani: *Lucerna et cereus in prævigiliis Paschæ apud quasdam Ecclesias non benedicuntur; et cur a nobis benedicantur inquirunt. Propter gloriosum enim noctis ipsius sacramentum solemniter hæc benedicimus, ut sacræ resurrectionis Christi mysterium, quod tempore hujus votivæ noctis advenit, benedictione sanctificati luminis accipiamus. Et quia hæc observatio per multarum loca terrarum regionesque Hispaniæ in Ecclesiis commendatur, dignum est ut propter unitatem pacis in Gallicanis Ecclesiis conservetur.* Ubi quidam male Gallicanis legendum putant. In Hispaniis antiquum esse benedicendi cerei morem, ex Prudentio nonnulli colligunt, cujus hymnum *Ad incensum cerei paschalis* compositum laudant. Et hunc quidem hymnum ad benedictionem cerei paschalis exhibet vetus Ordo Romanus, et Hymnarium antiquum, Romæ anno superiore impressum. At quia hymnus iste, qui in Cathemerino quintus est, inscribitur in membraneis libris, *Hymnus ad incensum lucernæ*, non *cerei paschalis*; hinc Sirmundus in notis ad Ennodium, et Menardus in Concordiam regularum inferunt, eundem hymnum ad accendendas in Lucernario seu Vesperis quotidianas lucernas compositum fuisse. In eadem sententia est Nicolaus Heinsius in nova Prudentii editione, **142** ubi cerei paschalis ritum Prudentii ævo ignotum fuisse censet colligi ex antiquitatibus ecclesiasticis. Verum *lucernæ* vocabulum in titulo hymni non sufficit probando id quod hi viri docti intendunt: quandoquidem in Vigilia Paschæ benedictio etiam lucernæ fiebat, ex dictis. Deinde in illo hymno sit mentio de Christi Domini resurrectione, quod priori sententiæ confirmandæ quoddam robur addere potest. Sed alia ratio, quam Menardus noster affert, melius probat hymnum hunc de Lucernario quotidiano interpretandum, nempe ipse titulus libri *Cathemerinon*, quo significantur ea quæ per diem aguntur. Idem suadet etiam libri ipsius ordo, in quo primus hymnus est *Ad galli cantum*, secundus *Matutinus*, tertius *Ante cibum*, quartus *Post cibum*, quintus *Ad incensum lucernæ*, sextus *Ante somnum*. Ubi quintus de Vesperis indubie intelligendus est, in quibus solemni more in dies accendi lucernas tunc mos erat, ut recte Menardus ibidem probat, nimirum in caput 24 Concordiæ regularum, § 2. Neque tamen propterea tam novus est cerei in Vigiliis paschalibus benedicendi ritus, uti Heinsio visum est: cum Ennodius, Ticinensis ante annum 520 episcopus, geminam cerei paschalis benedictionem scripserit.

In Missali item Gothicogallicano occurrit *Benedictio ceræ beati Augustini episcopi, quam adhuc diaconus cum esset, edidit et cecinit*, sub hoc exordio: *Exsultet jam angelica turba cælorum, etc.*, ut modo in usu habetur. In Mss. nonnullis, puta in Noviomensi aliisque, idem istius benedictionis titulus legitur; Au-

gustinus ipse in lib. xv de Civitate Dei cap. 32 quosdam versus refert, quos « in laude quadam cerei » scripsit, ut patet ex nova editione, ubi locus iste ex Mss. restitutus est a nostris. In utraque cerei benedictione Ennodius testatur, ex cereo benedicto decerptas a fidelibus fuisse particulas contra procelas. Inde Agnorum Dei cereorum origo.

Postea in prædicto Missali Gothico subsequuntur variae Collectiones seu orationes omnino duodecim cum totidem præfationibus, quarum singulæ post singulas lectiones præmissas recitari debent. Una est pro spiritibus pausantium seu defunctorum. Deinde succedunt Orationes ad Christianum faciendum, ad fontes benedicendos, atque ad baptizandum, quas sequitur missa in Vigiliis Paschæ, cujus missa Epistolam et Evangelium superius ex Lectionario indicavimus. Baptismi solemne tempus erat in Vigiliis Paschæ et Pentecostes, aliquando etiam in Vigilia Natalis Domini, et in natali sancti Joannis. Huic rei probandæ unus fere sufficit Gregorii locus ex lib. viii, cap. 9, ubi Gunthramnus rex ita loquitur: « Germanus meus Chilpericus moriens dicitur **143** filium reliquisse, cujus nutritores matre deprecante petierunt, ut eum de sancto lavacro in Dominici Natalis solemnitate deberem excipere: et non venerunt. Rogaverunt deinceps ut ad sanctum Pascha baptizaretur; sed nec tunc allatus est infans. Deprecati sunt autem tertio, ut ad festivitatem sancti Joannis exhiberetur; sed nec tunc venit. » Chilbebertus vero, Sigeberti filius, « baptismum in die sancto Pentecostes accepit, ex ejusdem libri cap. 4. Verum Patres synodi Matisconensis, canone 2, conqueruntur, quod *pene per singulos dies ac natales martyrum* baptismus conferretur; veteremque usum ad Pascha revocant.

[XLII. LEGENDA IN DIE SANCTO PASCHÆ, AD MISSAM.]

.....

Epistola Pauli apostoli ad Corinthios.

Notum autem vobis facio, fratres, Evangelium quod prædicavi vobis, quod et accepistis, etc., usque Miserabiliores sumus omnibus hominibus. (I Cor. xv.)

Lectio sancti Evangelii secundum Lucam.

Diebus illis, una Sabbati valde diluculo venerunt mulieres ad monumentum..... ipsum vero non viderunt..... (Luc xxiv, 1.)

NOTE ET OBSERVATIONES.

Avulso uno item folio, deest prima Lectio ad missam, quæ lectio indubie erat ex Apocalypsi, sicut et aliæ sequentes, etiam in Mozarabico, in quo lectio prima in die Resurrectionis Domini sumitur ex principio Apocalypsis, secunda ex capite II Actuum apostolorum; Evangelium ex Joannis cap. xx. Ex notis numericis apparet in Lectionario nostro nullas pro Dominica Paschæ lectiones ad Vigiliis seu Matutinum assignatas fuisse; nec fortasse tempus istis Vigiliis celebrandis reliquum esse poterat, cum omnia quæ superius de Sabbato sancto retulimus, in multam noctem protraherentur. Alia ratio est de monasteriis, in quibus baptismus non conferebatur. In Mis-

sali Gelasiauo notanda est rubrica de baptizatis : **A** *Postea si fuerit oblata, agendæ sunt missæ, et communicat; sin autem, dubis ei tantum Sacramenta corporis et sanguinis Christi, dicens : Corpus Domini nostri* **144** *Jesu Christi sit tibi in vitam æternam. Ubi communio sub una specie Scramenta corporis et sanguinis Christi appellatur. Qui locus notandus est ad probandam sub una specie communionem, et ad similes locos explicandos, ubi communio corporis et sanguinis Christi non raro pro una panis specie sumitur.*

Præclarum exstat fragmentum ex sermone Aviti episcopi Viennensis, in die Paschæ, ubi hæc verba Christi nomine ad apostolos : « Universis igitur ferte quæ sumitis. Quod mensæ apposui, mundo transmissi. Calix, quem vos gaudetis gustasse, cunctorum est. » **B**

[XLIII. LEGENDA FERIA II PASCHÆ, AD MISSAM.]

Lectio Apocalypsis beati Ioannis apostoli.

.....
candidi tanquam lana alba, et tanquam nix, et oculi ejus velut flamma ignis, etc., *usque* Quod est in paradiso Dei mei. (*Apoc. i, 2-7.*)

Lectio Actuum apostolorum.

Tempore illo, stans autem Petrus cum undecim, levavit vocem suam, etc., *usque* Testificatus est, et exhortabatur eos. (*Act. ii, 14-20.*)

Lectio sancti Evangelii secundum Marcum.

In illo tempore, Maria autem Magdalene et Maria Joseph aspiciebant, ubi poneretur Dominus Jesus, etc., *usque* Non crediderunt ei. (*Marc. xv, 47, usque xvi, 11.*)

NOTÆ ET OBSERVATIONES.

Et hic avulsum est unum folium, deestque finis Evangelii quod legebatur in die Paschæ, cum initio Lectionis ex Apocalypsi pro feria secunda. In Missali Gothico seu Gallicano hæc missa ita inscribitur : *Missa matutinalis per totam Pascha pro parvulis qui renati sunt.*

XLIV. LEGENDA FERIA III PASCHÆ.

Lectio Apocalypsis Iohannis apostoli.

145 Ego Iohannis fui in spiritu, et audivi vocem dicentem mihi : Angelo Zimiræ ecclesiæ scribe, etc., *usque* Calculum candidum, et in calculo nomen novum. (*Apoc. ii, 8-17.*) *Eadem in Mozarabico.*

Lectio Actuum apostolorum.

Tempore illo, exsurgens Petrus in medio fratrum **D** dixit, erat autem turba hominum, etc., *usque* Et annumeratus est cum undecim apostulis. (*Act. i, 15-26.*)

Lectio sancti Evangelii secundum Marcum.

In illis diebus, duobus discipulis Domini Jesu ambulantis ostensus est in alia effigie, etc., *usque* Sermonem confirmante sequentibus signis. (*Marc. xvi, 12-20.*) *In Mozarabico Evangelium ex Luca de duobus discipulis euntibus in Emmaunta.*

XLV. LEGENDA FERIA IV PASCHÆ.

Lectio Apocalypsis Iohannis apostoli.

Tempore illo ego Iohannis vidi in dexteram sedentis supra thronum librum, etc., *usque* Gloria et potestas in sæcula sæculorum, amen. (*Apoc. xv, 1-13.*)

Epistola Pauli apostoli ad Corinthios.

Fratres, primus homo de terra terrenus, etc., *usque* Labor vester non est inanis in Domino. (*I Cor. xv, 47-58.*)

Lectio sancti Evangelii secundum Johannem.

Diebus illis, erat autem quidam languens Lazarus a Bethania, etc., *usque* Et viderant quæ fecit, crediderunt in eum. (*Joan. xi, 1-45.*)

NOTÆ ET OBSERVATIONES.

146 In Mozarabico omnes primæ Lectiones ad missam ex Apocalypsi, secundæ ex Actibus apostolorum, a Pascha ad Ascensionem : in Lectionario nostro ita passim, non tamen semper. Concilii Tolletani iv canon 16 sub gravi interminatione definit ut liber Apocalypsis a Pascha usque ad Pentecosten, missarum tempore in Ecclesiis prædicetur.

In Africa tempore sancti Augustini quatuor evangelistæ a die Paschatis legebantur, unus post alium : « Prima enim die lecta est resurrectio secundum Matthæum ; alio die secundum Lucam ; tertio secundum Marcum ; quarto, id est, hesterno, secundum Joannem. » Ita Augustinus in sermone 247 novæ editionis, qui est 18 in diebus paschalibus. Paulo aliter evangelistarum ordo se habet in ejusdem sermone 232.

XLVI. LEGENDA FERIA V PASCHÆ.

Lectio Apocalypsis Iohannis apostoli.

Tempore illo, ego Iohannis vidi, et ecce Agnus stabat super montem Sion, etc., *usque* Et mare et fontes aquarum. (*Apoc. xiv, 1-7.*)

C

Lectio Actuum apostolorum.

Tempore illo, Petrus et Iohannis ascendebant in templum, etc., *usque* Et convertimini ut deleantur peccata vestra. (*Act. iii, 1-19.*)

Lectio sancti Evangelii secundum Iohannem.

Diebus illis, una Sabbati Maria Magdalene venit mane cum adhuc tenebræ essent, etc., *usque* Quia oportet eum a mortuis cum resurgere. (*Joan. xx, 1-9.*)

XLVII. LEGENDA FERIA VI PASCHÆ.

Lectio Apocalypsis Iohannis apostoli.

Tempore illo, ego Iohannis audivi vocem de sede dicens, etc., *usque* In femore suo scriptum, Rex regum, et Dominus dominantium. (*Apoc. xix, 5-16.*)

Lectio Actuum apostolorum.

147 Tempore illo, exsurgens autem princeps sacerdotum, et omnes qui cum illo erant, etc., *usque* Pro nomine Jesu Christi contumelia pati. (*Act. v, 17-41.*)

Lectio sancti Evangelii secundum Iohannem.

Diebus illis, Maria stabat ad monumentum foris plorans, etc., *usque* Vidi Dominum, et hæc dixit mihi. (*Joan. xx, 11-18.*)

XLVIII. LEGENDA DIE SABBATI PASCHÆ.

Lectio Apocalypsis Iohannis apostoli.

Tempore illo, ego Iohannis vidi cælum novum et terram novam, etc., *usque* Ardenti igni et solfore, quod est mors secunda. (*Apoc. xxi, 1-8.*)

Epistola Pauli apostoli ad Corinthios.

Fratres, cottidie morior per vestram gloriam, etc.,

usque Novissimus Adam in spiritum vivificantem. (I A Mozarabico sex Dominicæ post Pascha recensentur. Cor. xv, 31-45.)

Lectio sancti Evangelii secundum Iohannem.

In illo tempore, manifestavit se iterum Dominus Jesus discipulis suis, etc., usque Cum resurrexisset a mortuis. (Joan. xxi, 1-14.)

XLIX. LEGENDA CLAUSUM PASCHÆ.

Lectio Esaiæ prophetæ.

Spiritus Domini super me, eo quod unxerit Deus me, etc., usque Lætitia sempiterna erit eis, ait Dominus Deus (Isa. lxi, 1-7.)

Epistola Pauli apostoli ad Corinthios.

Frates, si autem Christus prædicatur quod resurrexit a mortuis, etc., usque Ut sit Deus omnia in omnibus. (I Cor. xv, 12-28.)

DANIEL CUM BENEDICTIONE, SICUT PRIMO DIE SANCTO PASCHÆ.

Lectio sancti Evangelii secundum Iohannem.

148 Diebus illis, cum esset sero die illo, una sabbatorum..... nisi videro..... (Joan. xx, 19.)

NOTÆ ET OBSERVATIONES.

Concilium Matisconense II statuit canone 2, ut illis sanctissimis sex diebus, qui Paschæ diem subsequuntur, nullus servile opus audeat facere; sed omnes simul coadunati, hymnis paschalibus indulgentes, perseverationis nostræ præsentiam quotidianis sacrificiis ostendamus, laudantes creatorem et regeneratorem nostrum vespere, mane et meridie. Avitus Viennensis episcopus in feria sexta Paschæ sermonem habuit cujus fragmenta exstant. Dominica sequens Clausum Paschæ hic appellatur, itemque in Missali Gothico-gallicano. Et sic fortasse legendum apud Gregorium in Historiæ lib. x cap. ultimo, ubi Clausum Pascha legitur.

LIII. LEGENDA DOMINICA IV POST CLAUSUM PASCHÆ.

.....

Lectio sancti Evangelii secundum Lucam.

Factum est autem ut moreretur mendicus, etc., usque Si quis ex mortuis resurrexerit credent. (Luc. xvi.)

LIV. LEGENDA DOMINICA V POST CLAUSUM PASCHÆ.

Lectio Actuum apostolorum.

Tempore illo, adpræhendentes populi Paulum et Silam, etc., usque Igitur exeuntes ite cum pace. (Act. D xvi, 19-36.)

Lectio sancti Evangelii secundum Marcum.

Diebus illis, transiens Dominus Jesus de finibus Tyri, venit per Sidonem, etc., usque Et surdos facit audire, et mutos loqui. (Marc. vii, 31-37.)

NOTÆ ET OBSERVATIONES.

149 In Missali Gothico post Clausum Paschæ, nulla missa de Dominicis consequentibus notatur: sic vero in nostro Lectionario, in quo Dominicæ quinque numerantur ante Ascensionem, uti colligitur ex numericis notis; tametsi amisso uno quaternione desunt missæ tres post Clausum Paschæ, et media pars lectionum pro Dominica quarta. Mirum est in Dominica quinta nullam assignari lectionem ex Apocalypsi. In

PATROL. LXXII.

LV. LECTIONES QUÆ LEGENDÆ SINT IN ROGATIONIS PRIMO DIE, AD MATUTINOS.

Lectio Danihel prophetæ.

Tempore illo, ego Danihel intellexi in libris numerum annorum, de quo factus est sermo Domini ad Hierimiam, etc., usque Super civitatem et super populum tuum. (Daniel. ix, 2-19.)

LEGENDA PRIMA DIE AD TERTIA IN LÆTANII.

Epistola sancti ac beati Iacobi apostoli.

Jacobus Dei et Domini nostri Jesu Christi servus, etc., usque in finem, cum decem divisionibus per litteram rubeam.

Lectio sancti ac beati Iacobi apostoli.

Tempore illo, cum ingressus fuisset Dominus Jesus in templo [imo in monte] ut doceret turbas, dicebat illis: Nolite putare, quoniam veni solvere legem, etc., usque Donec reddas novissimum quadrantem. (Matth. v, 17-26.)

Lectio sancti Evangelii secundum Matthæum.

Petrus Apostolus Jesu Christi electis advenis Pontii, etc., usque ad finem, exceptis tribus ultimis versibus, divisa in undecim partes.

LEGENDA EADEM DIE AD SEXTA.

Epistola sancti ac beatissimi Petri apostoli.

150 Tempore illo, dicebat Dominus Jesus discipulis: Nolite judicare, ut non judicemini, etc., usque Hæc est enim lex et prophetæ. (Matth. vii, 1-12.)

Lectio sancti Evangelii secundum Matthæum, Liber Tobith usque finem, postea Evangelium.

LEGENDA AD NONA EODEM DIE IN ROGATIONIBUS.

Lectio sancti Evangelii secundum Matthæum.

Diebus illis, dixit Dominus Jesus turbis: Adtendite ne justitiam vestram faciatis coram hominibus, etc., usque Sed libera nos a malo. (Matth. vi, 1-13.)

LVI. LEGENDA DIE II IN ROGATIONIBUS, AD MATUTINOS.

Lectio Iohel prophetæ.

Hæc dicit Dominus: Accingite vos, et plangite sacerdotes, etc., usque Et terribilis valde, et quis sustinebit eum? (Joel. i, 13, usque ii, 11.)

LEGENDA EODEM DIE AD TERTIA.

Epistola sancti ac beatissimi Petri apostoli.

Simon Petrus servus et Apostolus Jesu Christi his qui cœqualem nobis sortiti sunt fidem, etc., usque in finem secundæ Petri.

Lectio sancti Evangelii secundum Matthæum.

Diebus illis stabat Dominus Jesus secus mare, et congregatæ sunt ad eum turbæ multæ, etc., usque Qui habet aures audiendi audiat. (Matth. xiii, 2-23.)

LEGENDA EODEM DIE AD SEXTA.

Epistola sancti ac beatissimi Iohannis apostoli.

Quod fuit ab initio, quod audivimus, quod vidimus oculis nostris, etc., usque in finem primæ Iohannis.

Lectio sancti Evangelii secundum Lucam.

151 In illo tempore, dicebat Dominus Jesus turbis: Videte et cavete ab omni avaritia, etc., usque Et hæc omnia adicientur vobis. (Luc. xii, 15-31.)

LEGENDA AD NONA EODEM DIE IN ROGATIONIBUS.

Liber Judith usque finem, postea Evangelium.

Lectio sancti Evangelii secundum Matthæum.

Diebus illis dixit Dominus Jesus turbis : Audistis quia dictum est, Quicumque dimiserit uxorem suam, det illi libellum repudii, etc., usque sicut et Pater vester cœlestis perfectus est. (*Matth. v, 31-48.*)

LVII. LEGENDA DIE III IN ROGATIONIBUS AD MATUTINUM.

Lectio Oseæ prophetæ.

Hæc dicit Dominus : Audite hoc, sacerdotes, et adtendite, domus Israhel, etc., usque Scientiam Dei plusquam holocausta, ait Dominus Deus. (*Oseæ v, 1, usque vi, 6.*)

LEGENDA EODEM DIE AD TERCIA.

Epistula sancti ac beatissimi Iohannis apostoli.

Senior Electæ dominæ, et natis ejus, quos ego diligo in veritate, etc., usque Communicat operibus illius malignis. Deinde consequenter epistola Iohannis tertia sine titulo : Senior Gaio carissimo, quem ego diligo in veritate, etc., usque Quoniam testimonium nostrum verum est, omisissis versibus 13 et 14.

Lectio sancti Evangelii secundum Matthæum.

In illo tempore relicta Dominus Jesus civitate Nazareth, venit et habitavit in Capharnaum maritimam, etc. (*Matth. iv, 13-17.*) Tum consequenter : Venite ad me omnes qui laboratis, etc. (*Matth. xi, 28-30*) et onus meum leve.

LEGENDA EODEM DIE AD SEXTA.

Epistula sancti ac beatissimi Iudæ apostoli.

152 Judas Jesu Christi servus, frater autem Jacobi, etc., usque in finem.

Lectio sancti Evangelii secundum Matthæum.

In illo tempore loquutus est Dominus Jesus ad principes sacerdotum et ad Phariseos parabolam hanc : Homo habebat duos filios, etc., usque Postea ut crederetis ei. (*Matth. xxi, 28-32.*)

LEGENDA AD NONA EODEM DIE IN ROGATIONIBUS.

Liber Hester usque finem, postea Evangelium.

Lectio sancti Evangelii secundum Matthæum.

Diebus illis, dixit Dominus Jesus discipulis : Si enim dimiseritis hominibus peccata eorum, etc., usque Et omnia hæc adicientur vobis. (*Matth. vi, 14-33.*)

NOTÆ ET OBSERVATIONES.

Quod in una Viennensi ecclesia ex singulari occasione instituit Mamertus episcopus sæculo v, qui dum urbs hæc insolitis terræ motibus quateretur, « appropinquante Ascensione, indixit populis jejunium, instituit orandi modum, edendi seriem, erogandi liberalem dispensationem, » quod, inquam, sanctus pontifex ex hac peculiari causa indixit, « cessantibus exinde terroribus, per cunctas provincias dispersa facti fama cunctos sacerdotes imitari commonuit, quod sacerdos fecit ex fide, » ait Gregorius in Historia lib. ii cap. 34. Idem in lib. ix cap. 6 modum tradit quo Rogationes illæ celebrarentur : nempe ut « procedens pontifex cum populo suo, loca sancta circumiret. » Rogationes illæ alio nomine *Litanie* dictæ sunt, quo vocabulo Fortunatus utitur in Vita sancti Germani Parisiorum episcopi cap. 33, ubi

A quædam mulier, « dum tempore Litaniarum præ cæcatis oculis non posset ire cum populo, audiens chorum psallentium, cum lacrymis domni Germani implorat auxilium. » Tertia die, recepto lumine, « mulier clarescente die ad missam cum populo progreditur in processu. » An Litanie dictæ sint ex eo quod sanctorum nomina in eis frequentarentur, an vero hujusmodi preces **153** ex illis supplicationibus Litaniarum nomen acceperint, parum interest. Illud ex Gregorii lib. x cap. 1 constat, in illis supplicationibus, quas Gregorius alter seu Magnus Romæ instituit ad pestem depellendam, *Kyrie eleison*, quod Litaniarum nostrarum initium est, per plateas urbis cantatum fuisse.

Sed non in solis precibus aut jejuniis consistebat B Gallorum pietas in triduo Rogationum ; multum etiam impendebatur lectioni sacrarum Scripturarum ; illarum maxime quæ ad commendandam orationem et eleemosynam pertinent. Harum autem lectionum modum discimus ex nostro Lectionario, in quo omnes accurate referuntur, ut modo vidimus. Optandum esset ut pius hic ritus saltem ex parte restitueretur, ubi hactenus perseverat in ecclesia Mediolanensi in triduo Litaniarum, quæ post Ascensionem Domini celebrantur. Quod quia non omnibus notum est, id paucis exponere juvat ex libello singulari, cujus hic titulus est : *Litanie majores et triduanæ solemnes ritu Ambrosiano ; a sancto Carolo cardinale tit. sanctæ Præedix archiepiscopo editæ, nunc denuo recognitæ Mediolani anno 1667.* Ita vero hæc Litanie procedunt.

Primo die harum Litaniarum triduanarum, quæ proximis post Ascensionem Domini feriis secunda, tertia et quarta celebrantur, clero et populo in metropolitana ecclesia congregato, archiepiscopus vel pœnitentiarius cinerem ex olivarum ramis factum benedicit ; deinde singulorum capitibus imponit, dicens : *Memento, homo, quia cinis es, et in cinerem reverteris.* Respondet accipiens : *Memor ero.* Deinde proceditur ad basilicam sancti Simpliciani, ubi dictis Litiis et oratione, subditur *Dominus vobiscum.* Tum lector major secundicerius recitat Lectionem ex Joële propheta : *Hæc dicit Dominus Deus : Convertimini ad me in toto corde vestro, etc.* Et post sponsorium, quod primus notarius præcinit, primus diaconus ordinarius, præmisso *Dominus vobiscum*, recitat Evangelium ex Matthæo : *Nolite putare, quoniam veni solvere legem, etc.* Idem fit proportione per duodecim ipsa die ecclesias, in quibus eodem ordine diversæ ex Scriptura lectiones fiunt.

Secunda die item fit processio per novem ecclesias, in quibus singulis singulæ duæ leguntur Lectiones, una passim ex Veteri Testamento, altera ex Evangelio. In ecclesia septima, quæ est sancti Nazarii, diaconus ante lectionem Evangelii elata voce ait : *Parcite fubulis.* Custos etiam : *Silentium habete.* Alter vero respondet : *Habete silentium.* Tum legitur Evangelium ex Luca : *Accessit ad Dominum Jesum quidam 154 Princeps, et interrogavit eum dicens*

Magister bone, quid faciens vitam æternam posside- **A** *bo? etc.*

Tertia diē, supplicatio instituitur per undecim ecclesias; et in quinta, quæ est ad sanctum Laurentium, dicitur item a diacono: *Parcite fabulis*, et reliqua ut supra; postea Evangelium secundum Lucam, *Homo quidam habuit duos filios*, etc. Hæc non parum conducunt ad illustrandum Lectionarium nostrum Gallicanum.

Aliis etiam diebus fiebant in Galliis ejusmodi supplicationes, in Epiphania, Ascensione, et prima die Novembris. De Epiphania testis est Gregorius in Historiæ lib. v cap. 4: « Interim advenit dies sanctus Epiphaniæ, et hic (Roccolenus) magis ac magis torqueri cœpit. Denique cum psallentes de ecclesia egressi ad basilicam (nempe de ecclesia cathedrali **B** Turonensi ad basilicam sancti Martini) properarent, hic post crucem, præcedentibus signis, equo superpositus ferebatur. » Itaque in illis supplicationibus præferebantur crux et signa, uti etiam nunc, id est vexilla. Idem Gregorius de Ascensione in libri item v cap. 11: « Die autem beato, inquit, quo Dominus ad cælos post redemptum hominem ascendit gloriosus, eum sacerdos (Is est Avitus episcopus Arvernensis) de ecclesia ad basilicam psallendo procederet, etc. Ex his colligimus in Gallicanis olim ecclesiis moris fuisse ut similes supplicationes in majoribus festis, ut modo, fierent. Alias Litanias indixit concilium Lugdunense II canone 6: *Ut in prima hebdomada noni mensis, hoc est ante diem Dominicam, quæ primo in ipso mense illuxerit, Litaniz, sicut ante Ascensionem Domini sancti Patres fieri decreverunt, deinceps ab omnibus ecclesiis seu parochiis celebrentur*. Ita statutum anno 567. Denique sanctus Gallus Arvernorum antistes, cum « lues inguinaria (suo tempore) per diversas (Galliarum) regiones desæviret, Rogationes illas instituit, ut media Quadragesima, psallendo ad basilicam beati Juliani martyris itinere pedestri venirent. Sunt autem in hoc itinere quasi stadia 300. » Apud Gregorium in Historiæ lib. IV cap. 5. Idem in lib. de Vitis Patrum, cap. 6, mentionem facit de Rogationibus illis « quæ quotannis ubique in Paschate fiunt. » Sed hic Paschatis nomine intelligendum est tempus illud quod a Resurrectione **ad** Ascensionem, imo et Pentecosten excurrit. Nescio an de his Rogationibus intelligendus sit Gennadii locus ex cap. 99 de Scriptoribus ecclesiasticis, ubi de Honorato Massiliensi episcopo etiam tunc superstitie agens. » Litanias, inquit, ad inclinandam Dei clementiam cum plebe sibi credita pro viribus agit. » Avitus Viennensi in illo triduo **155** totidem sermones habuit; ex quibus unus integer, aliorum vero duorum fragmenta exstant. De Litiis contra barbarorum incursiones indicendis, simulque de moribus corrigendis exstat insignis Gregorii Magni epistola, nempe 45 lib. IX.

LVIII. LEGENDA IN ASCENSIONE DOMINI NOSTRI JESU CHRISTI.

Lectio Actuum apostolorum.

Primum quidem sermonem feci de omnibus, o

Theophile etc., usque Quemadmodum vidistis eum euntem in cælum. (Act. I, 1-11).

Epistola Pauli apostoli ad Ephesios.

Fratres, obsecro vos ego vinctus in Domino, etc., usque In mensuram ætatis plenitudinis Christi. (Ephes. IV, 1-13).

Lectio sancti Evangelii secundum Iohannem.

In illo tempore, dixit Dominus Jesus discipulis suis: Filioli, adhuc modicum vobiscum sum, etc. (Joan. XIII, 33-35.) Tum Joan. XIV, 1-14; ac deum Luc. XXIV, 49-53, desinens sic: Laudantes et benedicentes Deum.

LIX. LEGENDA DIE DOMINICO POST ASCENSIONEM.

Lectio Actuum apostolorum.

Tempore illo, cum venisset Paulus Ephesum, etc., usque Spiritus nequam egrediebantur per nomen Domini Jesu Christi. (Act. XVIII, 22, usque XIX, 12).

Lectio sancti Evangelii secundum Iohannem.

In illo tempore, elevavit Dominus Jesus oculos suos in cælum et dixit: Pater venit hora, clarifica Filium tuum, etc., usque Ut dilectio qua dilexisti me, in ipsis sit, et ego in ipsis. (Joan. XVII, 1-26.)

NOTE ET OBSERVATIONES.

156 In missa Ascensionis prima Lectio est ex Novo Testamento, id est ex Actibus apostolorum; in Mozarabico ex capite IV Apocalypsis, *Ego Joannes fui in spiritu, et vidi*, etc. Lectio secunda in Mozarabico eadem est cum nostra prima; Evangelium ex Joannis capite XVI, *Vado ad eum qui misit me*. Differt etiam in Mozarabico officium missæ pro Dominica post Ascensionem, in quo duas tantum lectiones præscribit Lectionarium nostrum. Apud Paulinum in natali 9 de sancto Felice Ascensio inter majores festivitates non numeratur, sed tantum Natale Domini, Epiphania, Pascha, et Pentecosten. Confer ea quæ diximus initio hujus libri. Exstat fragmentum ex sermone Aviti episcopi Viennensis de Ascensione Domini, de qua etiam hymnus Ennodii habetur.

XL. LEGENDA IN SANCTO PENTECOSTEN.

Lectio Iohel prophetæ.

Hæc dicit Dominus: Noli timere terra, exulta et lætare, etc., usque Invocaverit nomen Domini, salvus erit, ait Dominus Deus. (Joel. II, 21-32).

Lectio Actuum apostolorum.

D Tempore illo, cum complerentur dies Pentecosten, etc., usque Invocaverit nomen Domini, salvus erit. (Act. II, 1-21.)

Lectio sancti Evangelii secundum Iohannem

Diebus illis, dixit Dominus Jesus discipulis suis: Si diligitis me, mandata mea servate, etc., usque Ut cum factum fuerit, credatis. (Joan. XIV, 16-29.)

NOTE ET OBSERVATIONES.

Nullum hic officium præscribitur pro vigilia Pentecosten. An repetendum ex vigilia Paschæ? Certe Vigilia Pentecosten in Mozarabico notatur ad Nonam. Quod jejunii indicium est, cujus tamen nullum apud Isidorum vestigium invenio. Certe neque apud Ambrosium in sermone 60. Neque enim Ambrosii videtur esse sermo ille, cujus fragmentum refertur

dist. 76, cap. 9, ubi auctor festum Pentecostes cum Paschate comparando, ait in vigiliis utriusque fuisse jejunatum : « Tunc enim, **157** sicut modo fecimus, jejunavimus Sabbato, Vigiliis celebravimus, orationibus pernoctantes institimus. » In Mozarabico Lectio prima pro die Pentecostes ex Apocalypsis cap. xxi. Lectio secunda eadem cum nostra, uti et tertia, quæ in Mozarabico brevior est, desinitque in hæc verba : *Non turbetur cor vestrum, neque formidet.* In Lectionario nostro *Paraclitus* diverso modo scribitur, primo quidem mendose *Paraclytus*, deinde rectius *Paraclitus*. Nullum officium præscribitur pro sequentibus diebus, quod nulla tunc octava Pentecostes celebraretur.

LXI. LEGENDA PROXIMA DOMINICA POST PENTECOSTEN.

Epistola Pauli apostoli ad Galatas.

Fratres, quæcumque seminaverit homo, hæc et metet, etc., *usque* Crucifixus est, et ego mundo. (*Galat.* vi, 8-14.)

Lectio sancti Evangelii secundum Matthæum.

In illo tempore, assumpsit Dominus Jesus duodecim discipulos suos secreto, et ait illis : Si quis vult post me venire, etc., *usque* Unicuique secundum opera ejus. (*Matth.* xvi, 24-27.)

NOTÆ ET OBSERVATIONES.

Mirum est unam hic Dominicam post Pentecosten locum habere, cum plurium post Epiphaniam et post Pascha Dominicarum officia assignentur. An alio in libro pro aliis Dominicis præscripta erant officia ? an vero unum officium per alias Dominicas repetebatur ? At frustra appositum fuisset in titulo, *proxima Dominica post Pentecosten.* In Missali Gothicogallicano assignantur sex missæ Dominicales. Ergo eas repeti necesse erat. Idem in Mozarabico, in quo septem duntaxat missæ habentur post Pentecosten usque ad Dominicam ante jejunium Kalendarum Novembrium. Itaque repetebantur illæ missæ, quando festa sanctorum in Dominicas non incurrebant.

LXII. LEGENDA IN FESTIVITATE SANCTI JOHANNIS BAPTISTÆ.

Lectio Esaie prophetæ.

158 Hæc dicit Dominus : Consolamini, consolamini, populus meus, dicit Deus vester, etc., *usque* Et opus illius coram eo, ait Dominus Deus. (*Isa.* xl, 1-20.)

Lectio Actuum apostolorum.

Diebus illis, surgens Paulus, et manu silentium indicens ait, etc., *usque* Ut sis in salutem usque ad extremum terræ. (*Act.* xiii, 46-47.)

Lectio sancti Evangelii secundum Lucam.

In diebus Herodis regis Judææ fuit sacerdos quidam, nomine Zacharias, de vice Abia, etc. (*Luc.* i, 5-23.) *Deinde* *Luc.* i, 39-47; *tum* *Luc.* i, 56-67; *Denique*, Benedictus Dominus Deus Israel, *et mox*, Puer autem crescebat, etc., *qui est ultimus versus* cap. i.

NOTÆ ET OBSERVATIONES.

Nulla hic missa pro Vigilia nativitatis sancti Joan-

nis Baptistæ, nec etiam pro Vigilia festi apostolorum Petri et Pauli; neque item in Gothico seu Gallicano, sed tantum pro ipso die festo. In Codice regio, qui, ex Gelasiano et Gregoriano conflatus est, tres exstant missæ, nempe missa in Vigilia, item missa in media nocte, et missa in die. Consule Menardum. In prædicto Missali Gothico ante festum sancti Joannis habetur missa in Inventionem sanctæ crucis, tum missa sancti Joannis apostoli et evangelistæ, ante Rogationes, ne quid dicam de missa sanctorum Ferreoli et Ferrucionis, quæ post Pentecosten.

LXIII. LEGENDA IN FESTO SANCTORUM PETRI ET PAULI.

Passio sanctorum apostolorum Petri et Pauli.

159 Tempore illo cum venisset Paulus in urbem Romam, convenerunt ad eum omnes Judæi, dicentes : Nostram fidem, in qua natus es, ipsam defende. Non est enim justum, ut cum sis Hebræus ex Hebræis veniens, gentium te magistrum judices, etc. *Desinit* : Et comprehenderunt eos in loco qui dicitur Catacumbas, via Appia, milliario tertio; et ibi custodita sunt corpora anno uno et mensibus septem, quousque fabrecarentur loca in quibus fuerunt posita corpora eorum; et ibi revocata sunt cum gloria et hymnorum cantica, et posita sancti Petri in Vaticano, via Neumacia; et sancti Petri in via Ostensi, ab urbe Roma milliario secundo : ubi præstantur beneficia Christi per orationem eorum in sæcula sæculorum.

Epistola Pauli apostoli ad Romanos.

Fratres, non enim accepistis spiritum servitutis iterum in timore, etc., *usque* Quia secundum Deum postulat pro sanctis. (*Rom.* viii, 15-27.)

Lectio sancti Evangelii secundum Matthæum.

In illo tempore, videns Dominus Jesus turbas, ascendit in montem; et cum sedisset, accesserunt ad eum discipuli ejus, etc., *usque* Glorificent Patrem vestrum qui in cælis est. (*Matth.* v, 1-16.)

NOTÆ ET OBSERVATIONES.

Videtur loco primæ lectionis recitata fuisse passio apostolorum, nisi dicatur recitata ad Matutinum. Quod tamen in Lectionario nostro haud notatur. In his Actis narratur conflictus Petri cum Simone mago, referturque falsa Pilati de Christo ad Neronem epistola; eodemque anno et die Petri et Pauli passio. Altero post Petrum anno Pauli martyrium accidisce ait Gregorius in lib. i de Gloria Martyrum cap. 29, qui proinde aliis actis usus est. Fortunatus non solum eodem die, sed et eodem anno passos fuisse videtur asserere sub finem libri iii de Vita sancti Martini.

Una nempe die quos passio sancta beavit,
Et sacra sic geminus signavit tempora consul.

160 Nescio quid sibi velit Cathulfi epistola ad Carolum Magnum petentis id ab eo constitui, ut « sancti Petri passionem in toto (ipsius) regno celebrari » curaret, cum ex hoc Lectionario aliisque testimoniis jasub Meroveadis regibus hæc celebritas instituta videtur. Exstat Aviti Viennensis episcopi fragmentum et homilia dicta in basilica sancti Petri, quam sanctus

episcopus Tarantasiæ condidit. Quod fragmentum A primum est in Editis. In basilicis Gallicanis sanctorum Petri et Pauli imagines pingi solebant. Unde Gregorius in lib. de Vitis Patrum cap. 12 laudat iconicas apostolorum, aliorumque Sanctorum, super quas conscriptæ erant litteræ, eorum nomina indicantes ad usum spectantium.

LXIV. LEGENDA IN PASSIONE SANCTI JOHANNIS BAPTISTÆ.

Lectio Esaiæ prophetæ.

Hæc dicit Dominus creans te, Jacob, et formans te, Israhel. Noli timere, etc., *usque* Et in nomine Domini adsimilabitur, ait Dominus Deus. (Isa. XLIII, 1-13). *Tum, omissis octo versibus, Isa. XLIII, 22 usque XLIV, 5.*

Epistola Pauli apostoli ad Hebræos.

Fratres, omnes sancti per fidem vicerunt regna, etc., *usque* In disciplina perseverate. (Heb. XI, 33, *usque* XII, 7.)

Lectio sancti Evangelii secundum Matthæum.

In illo tempore audivit Herodes tetrarcha famam Domini Jesu, et ait pueris suis, etc., *usque* Et curavit languidos eorum. (Matth. XIV, 1-14.)

NOTÆ ET OBSERVATIONES.

In Missali Gallicano habetur missa in diem passionis sancti Joannis Baptistæ et martyris, quam sequuntur, quæ præcedere debuerant, missæ de sanctis Sixto, Laurentio, Hippolyto, et Sinfuriano. In epistola ad Bibianum, quæ Augustino tribuitur, Joannes eodem die traditur conceptus, et Herodis funesti gladio trucidatus, nempe VIII Kal. Octobris. Est et præter nativitatem alia solemnitas Joannis **161** Baptistæ, IV scilicet Kalendas Septembris, quando inventum legitur caput dominici Præcursoris. De basilicis apud Gallos in honorem sancti Joannis Baptistæ erectis legæ librum primum Gregorii de Gloria martyrum.

Omittitur hic festum sancti Laurentii, et officium sanctorum Agaunensium, quorum memoria apud Gallos semper celebris fuit. Inter Aviti fragmenta duo habentur, nempe tertium et sextum, quæ ad homiliam pertinent ab eo habitam in basilica sanctorum Agaunensium in innovatione monasterii ipsius. In priori fragmento : « Ornantur oppida non minus ædibus quam patronis ; imo potius illustratæ patrocinii fiunt urbes ex oppidis. » In posteriori vero ait **D** sanctos fuisse « decimatos, donec simul colligerentur electi. » Quod « ex consuetudinis debito series lectæ passionis explicuit. » Unde probatur mos legendi sanctorum passiones. Denique omittitur, quod forsitan in Lectionario primum locum habebat, festum sancti Martini, quod per universam Galliam celebre tunc fuisse diximus, patetque in primis ex Venantio Fortunato in lib. X, carmine 10, ad Childebertum et Brunchildem de natalitio sancti Martini.

Eccæ supervenit venerandi in sæcula civis

Martini meritis luce perenne dies,

Qui modo de Gallis totum mire occupat orbem.

LXV. ITEM AD MISSAM DE NOVOS FRUCTUS (sic).

Lectio Iohel prophetæ.

Hæc dicit Dominus : Nolite timere terra, exulta et

lætare, etc., *usque* Non confundetur populus meus in æternum, ait Dominus Deus. (Joel. II, 21-27.)

Epistola Pauli apostoli ad Corinthios.

Fratres, quis militat suis stipendiis, etc., *usque* Ut gloriam meam quis evacuet. (I Cor. IX, 7-15.)

Lectio sancti Evangelii secundum Matthæum.

In illo tempore abiit Dominus Jesus Sabbato per sata, etc., *usque* Ex hoc pane, vivet in æternum (Matth. XII, 1-8). *Tum* consequenter : Nonne vos dicitis, etc. (Joan. IV, 35-38). *Tum*, Ego sum panis vitæ, etc. (Joan. VI, 49-52.)

NOTÆ ET OBSERVATIONES.

162 Hæc missa continue missam de sancto Joanne subsequitur. Evangelii lectio innuit hanc esse benedictionem novarum spicarum. Maturæ uvæ benedictio in Sacramentario sancti Gregorii notatur VIII Id. Augusti, die natali sancti Xysti, quo die fit etiam nunc quibusdam in locis. Fiebat etiam suo tempore benedictio novarum fabarum, novorumque pomorum. Udalricum legere non pœnitebit in lib. I Consuetudinum Cluniacensium cap. 35. Adde Menardi notas in Sacramentarium pag. 173.

LXVI. LEGENDA IN FESTO UNIUS MARTYRIS.

Lectio Esaiæ prophetæ.

Hæc dicit Dominus : Leva in circuitu oculos tuos, et vide, etc., *usque* Redemptor tuus fortis Jacob, ait Dominus Deus. (Isa. LX, 4-16.)

Epistola Pauli apostoli ad Timotheum.

Carissime, labora sicut bonus miles Christi, etc., *usque* Persecutionem patiuntur (II Tim. II, 3). *Avulsus est unum folium. Desinit Epistola II Tim. III, 12.*

Lectio sancti Evangelii secundum Iohannem.

Diebus illis, dicebat Dominus Jesus discipulis suis : Hæc mando vobis, ut diligatis invicem, etc., *usque* Reminiscamini quia ego dixi vobis. (Joan. XV, 17, *usque* XVI, 4.)

LXVII. LEGENDA DE PLURES MARTYRES (sic).

Lectio Esaiæ prophetæ.

Hæc dicit Dominus : Ecce servi mei comedent, etc., *usque* Et trementem sermones meos, ait Dominus Deus. (Isa. LXV, 13, *usque* LXVI, 2.)

Lectio Apocalypsis Iohannis apostoli.

Tempore illo, ego Iohannis vidi sub altare animas interfectorum, etc., *usque* Honor et virtus et fortitudo Deo nostro in sæcula sæculorum, amen. (Apoc. VI, 9, *usque* VII, 17), *omissa enumeratione tribuum.*

Lectio sancti Evangelii secundum Lucam.

163 In illis diebus, ait Dominus Jesus discipulis suis : Cum audieritis prœlia et seditiones, etc., *usque* Possedebitis animas vestras. (Luc. XXI, 9-19.)

LXVIII. LEGENDA DE UNO CONFESSORE.

Epistola Pauli apostoli ad Timotheum.

Carissime omnis scriptura divinitus inspirata, etc., *usque* His qui diligunt adventum ejus. (II Tim. III, 16, *usque* IV, 8.)

Lectio sancti Evangelii secundum Matthæum.

Diebus illis loquutus est Dominus Jesus ad turbas et ad discipulos suos parabolam hanc, dicens : Sicut homo peregre proficiscens vocavit servos suos, etc., *usque* Intra in gaudium Domini tui. (Matth. XXV, 14-23.)

LXIX. LEGENDA DE PLURES CONFESSORES.

Lectio Hierimæ prophetæ.

Bonus est Dominus sperantibus in eum, etc., *usque* Idcirco tu exorabilis (sic) es, Domine Deus noster. (Thren. III, 25-42.)

Epistola Pauli apostoli ad Timotheum.

Carissime, nihil intulimus in hunc mundum, etc., *usque* Sed nec videre potest, cui honor et imperium in sæcula sæculorum. (I Tim. VI, 7-16.)

Lectio sancti Evangelii secundum Iohannem.

Diebus illis, dixit Dominus Jesus discipulis suis : Ego sum vitis vera, etc., *usque* Quodcumque petieritis Patrem in nomine meo, det vobis. (Joan. XV, 1-16.)

NOTE ET OBSERVATIONES.

Commune sanctorum in officiis ecclesiasticis jam dudum in usu fuit, teste Braulione Cæsaraugustano episcopo in prologo de Vita sancti Æmiliani : « De eadem quoque solemnitate (nempe, beati Æmiliani) ut missa recitaretur communis, injunxi dilecto filio meo **164** Eugenio diacono. » Officium de apostolis, quod hic præmitti debuerat, prætermissum est, sed occurrit in Missali Gallicano. In concilio Bracaraensi ru graviter reprehenduntur canone 5 quidam episcopi qui in solemnitatibus martyrum *ad ecclesiam processuri*, reliquias collo suo imponebant, seque a levitis gestari volebant *quasi ipsi* essent *reliquiarum arca*. In Lectionario nostro, et in antiquis Missalibus Gallicanis aliisque, una est classis confessorum, quos modo distinguunt in pontifices et non pontifices. Quod antiquitus in usu non erat, ut veteres etiam litanie probant. In missa unius confessoris unica Lectio Evangelio præmittitur. Idem vidimus in officio de beatissima Virgine, et sancta Genovefa. Nullum commune virginum etiam in Missali Gallicano.

LXX. LEGENDA IN DEPOSITIONE CUI VOLUERIS.

Epistola Pauli apostoli ad Corinthios.

Fratres ecce mysterium vobis dico : omnes quidem resurgemus, etc., *usque* Non est inanis in Domino. (I Cor. XV, 51-58.)

Lectio sancti Evangelii secundum Iohannem.

Diebus illis loquutus est Dominus Jesus discipulis suis dicens : Amen, amen dico vobis, non potest filius a se facere quicquam, etc., *usque* Sed voluntatem ejus qui misit me. (Joan. V, 19-30.)

NOTE ET OBSERVATIONES.

In veteri Codice hic deest articuli numerus, quem supplere visum est. Articulus 73 est de depositione episcopi. In Mozarabico missæ sunt etiam particulares pro diaconis, tum pro subdiaconis mortuis. Extra Quadragesimam *Alleluia* sæpius repetitur in Introitu, et post Evangelium. Deinde ad oblationem dicitur *Kyrie eleison, Christe eleison, Kyrie eleison*, præter morem. Gregorius, in Historiæ lib. IV cap. 31, Catonem presbyterum Arvernum laudat, qui lue ingruente « populum sepelierat, et missas viriliter dixerat. » Idem, in lib. de Gloria confessorum, cap. 65, agit de muliere, quæ, mortuo marito suo, « per annum integrum celebrans quotidie missarum solemnia, offerebat oblationem pro memoria viri, non diffusa de

A Domini misericordia, quod haberet defunctus requiem in die, qua Domino oblationem **165** pro ejus anima delibasset. » Idem auctor, in Historiæ lib. IV cap. 34 ait, Palladium quemdam, qui sibi mortem consciverat, « non juxta Christianorum cadavera positum (fuisse), sed nec missarum solemnia meruisse. » Porro locus in quo fideles tumulabantur, « sacerdotali benedictione sacrati » erant, ex lib. de Gloria confessorum cap. 106. Ad hæc, defuncto sancto Salvio, monachi « noctem in fletu et psallentio exigunt, » apud eundem in lib. VII cap. 1. Denique Baudonivia, in Actis sanctæ Radegundis, de ejus exsequiis agens, ait sanctimoniales « genitum pro Alleluia » reddidisse, tum subdit : « Liberæ, quæ ante eam cereos portaverant, totæ in gyro sepulcri astabant. **B** Unaquæque in suo cereo suum nomen dabat scriptum : totæ uni ex famulis cereos ipsos juxta ordinationem tradebant. Fit contentio in populo. Alii dicebant, cereos ipsos in ejus sanctum sepulcrum mitti debere ; alii dicebant non. » Loti et vestiti sepeliuntur, ex Sidonii lib. III epistola 3.

LXXI. LEGENDA IN NATALE EPISCOPI.

Epistola Pauli apostoli ad Hebræos.

Fratres, regnum immobilem suscipientes, habemus gratiam, per quam serviamus placentes Deo, etc., *usque* Quod placeat coram se per Jesum Christum, cui gloria in sæcula sæculorum. (Hebr. XII, 28, *usque* XIII, 21.)

Lectio sancti Evangelii secundum Iohannem.

Diebus illis, dixit Dominus Jesus discipulis suis : **C** Amen, amen dico vobis, qui non intrat per ostium in ovile ovium, etc., *usque* Unum ovile et unus pastor, (Joan. X, 1-16.)

LXXII. ITEM IN NATALE EPISCOPORUM.

Lectio Ezechiel prophetæ.

Tempore illo, factum est verbum Domini ad Ezechiel dicens, Fili hominis, propheta de pastoribus Israhel, etc., *usque* Pascuæ meæ homines estis, ego Dominus Deus vester, dicit Dominus exercituum. (Ezech. XXXIV, 1-31.)

Epistola beati Petri apostoli ad gentes.

166 Benedictus Deus et Pater Domini nostri Jesu Christi, qui secundum magnam misericordiam suam regeneravit nos in spem vitæ, etc., *usque* Percipietis immarciscibilem gloriæ coronam per Jesum **D** Christum Dominum nostrum. (I Petr. I, 3-25. Tum I Petr. V, 1-4.)

Lectio sancti Evangelii secundum Matthæum.

Diebus illis, ait Dominus Jesus discipulis suis : Vos estis sal terræ, etc., *usque* Hic magnus vocabitur in regno cælorum. (Matth. V, 13-19.)

NOTE ET OBSERVATIONES.

Natale episcopi est anniversarius ejus consecrationis dies. Gregorius Turonensis episcopus hoc sensu natalem episcopatus sancti Martini appellat in lib. I de Miraculis sancti Martini cap. 6 : « Sciat quia post hoc triduum natalis episcopatus ejus esse consueverat. » Ad eum modum natalis cathedræ, natalis calicis in vetustis Kalendaris appellatur. Sic infra natale ecclesiæ pro anniversario dedicationis. Quili-

bet episcopi anniversarium ordinationis suæ diem quotannis recolabant, et sermonem ipsis diebus ad populum habebant. Exstat Ennodii dictio in natali Laurentii Mediolanensis episcopi, ubi præclara hæc verba : « Tibi ergo debetur venerabilium custodia canonum, » etc.

LXXIII. LEGENDA IN DEPOSITIONE EPISCOPI.

Lectio Isaïæ prophetæ.

Hæc dicit Dominus : Aperite portas, et ingrediatur gens justa, etc., usque Donec petranseat indignatio, ait Dominus Deus. (Isa. xxvi, 2-20.)

Epistola Pauli apostoli ad Corinthios.

Notum autem vobis facimus, fratres, Evangelium, quod prædicavi vobis, etc., usque Ita et in Christo omnes vivificabuntur. (I Cor. xv, 1-22.)

Lectio sancti Evangelii secundum Iohannem.

167 Diebus illis, dixit Dominus Jesus discipulis suis : Ego sum panis vitæ, etc., usque Honorificabit eum Pater meus qui est in cælis. (Joan, vi, 49-59.)

OBSERVATIO.

In depositione seu obitu episcoporum quid apud Gallos fieret, docet nos Gregorius in lib. de Vitis Patrum cap. 6, ubi de Gallo episcopo Arvernensi : qui mortuus, « ablatus atque vestitus in ecclesiam deferretur, donec comprovinciales ad eum sepeliendum convenirent... Jacuit autem in ecclesia triduo, assiduo instante psallentio, cum magna frequentia populi. Episcopis autem quarta die advenientibus, eum de ecclesia levaverunt; et portantes in sancti Laurentii basilicam, ibi sepeliunt. Jam vero in exsequiis ejus quantus planctus, quanti populi adfuere, enarrari vix potest. Mulieres cum lugubribus indumentis tanquam si viros perdidissent; similiter et viri oblecto capite, ut in exequiis uxorum mos est; ipsi quoque Judæi accensis lampadibus plangendo prosequabantur... Et quia, ut diximus, provinciales longe distabant, nec celerius venire poterant; ut mos rusticorum habetur, glebam super beatum corpus posuere fideles, quo ab æstu non intumesceret. » Idem factum in sanctam Radegundem. Quod ait Gregorius, viros tecto capite in Galli exsequiis processisse, id etiam nunc observatur in funere regum nostrorum ac principum in ecclesia Dionysiana. Cæterum episcopi non alio modo quam laici in tumultu componebantur, id est omnes pedibus ad Orientem conversis, exemplo Christi Domini, cujus corpus in sepulcro hoc modo compositum fuit, ut probat Haimonis homilia in vigilia Paschæ, et Baronius ad annum 34.

LXXIV. LEGENDA IN DEDICATIONE.

Lectio libri Genesis.

Tempore illo, egressus Jacob de Bersabee pergebat Haran, etc., usque Decimas offeram tibi. (Gen. xxviii, 11-22.)

Epistola Pauli apostoli ad Corinthios.

Fratres, Dei enim sumus adjutores, vos agricultura estis, etc., usque Templum enim Dei sanctum est, quod estis vos. (I Cor. iii, 9-17.)

Lectio sancti Evangelii secundum Iohannem.

168 Diebus illis facta sunt autem encæniam in

A Hierusolymis, et hiems erat, etc. (Joan. x, 22-28). Tum, consequenter Luc. xix, 1-10.

LXXV. LEGENDA IN NATALE ECCLESIAE.

Lectio Isaïæ prophetæ.

Lauda, sterilis, quæ non paris. *Ista jam superius in vigiliis Natalis Domini scripta est. (Ita vetus Codex.)*

Epistola Pauli apostoli ad Ephesios.

Fratres, gratia enim estis salvati per fidem, etc., usque Coedificamini in habitaculum Dei in Spiritu sancto. (Ephes. ii, 8-22.)

Lectio sancti Evangelii secundum Matthæum.

Diebus illis cum introisset Dominus Jesus Hierosolymam, commota est universa civitas, etc., usque In Bethaniam, ibique mansit. (Matth. xxi, 10-7.)

LXXVI. LEGENDA IN VELATIONE VIRGINUM.

Lectio Isaïæ prophetæ.

Gaudens gaudebo in Domino, et exultabit anima mea in Deo meo, etc., usque Donec ponat Hierusalem laudem in terra, ait Dominus Deus. (Isa. lxi, 10 usque lxii, 7.)

Lectiones de Apostulo et de Evangelio require superius ad festivitatem sanctæ Mariæ vel sanctæ Genovevæ virginis. (Ita vetus Codex.)

LXXVII. HÆC LECTIO LEGENDA, QUANDO EPISCOPI PRÆDICARE DEBENT, UT PLEBS DECIMAS REDDAT.

Lectio Malachiæ prophetæ.

169 Hæc dicit Dominus : Filius honorat patrem, et servus Dominum suum, etc., usque Magnum nomen meum in gentibus, dicit Dominus exercituum. (Malach. i, 6-11.)

Epistola Pauli apostoli ad Corinthios.

Fratres, quis militat suis stipendiis unquam ? etc., usque Ne quod offendiculum demus Evangelio Christi. (I Cor. ix, 7-12.)

Lectio sancti Evangelii secundum Lucam.

Tempore illo, audiente Domino Jesu omni populo, dixit discipulis suis : Attendite ad Scribis, qui volunt ambulare in scolis (sic), etc. (Luc. xx, 45, usque xxi, 4). Tum consequenter Matth. vi, 2-4.

NOTÆ ET OBSERVATIONES.

Observatione digna est hæc missa, quando episcopi prædicare debent, ut plebs decimas reddat. Ejus generis est sermo 277 in nova appendice sermonum sancti Augustini, Cæsario ascriptus. Habitus est paulo ante nativitatem sancti Joannis Baptistæ, ex num. 4. Quibus ex rebus darentur decimæ, patet ex num. 1 : « Decimæ tributa sunt egentium animarum. Redde ergo tributa pauperibus, offer libamina sacerdotibus. Quod si decimas non habes fructuum terrenorum, quod habet agricola, quodcumque te pascit ingenium Dei est : et inde decima expetit, unde vivis. De militia, de negotio, de artificio redde decimas. » Huc spectant epistola episcoporum provincie Turonicæ ad plebem, scripta in concilio Turonensi ii, et canon quintus synodi ii Matisconensis. Confer Cypriani librum de Lapsis editionis Oxoniensis, sub finem libri.

LXXVIII. LEGENDA QUANDO DIACONUS ORDINATUR.

Lectio Ezechiel propheta.

170 Hæc dicit Dominus Levitis filiis Sadoc, qui custodierunt cæremonias sanctuarii mei, etc., *usque* Et custodiant cæremonias meas, dicit Dominus omnipotens. (*Ezech. XLIV, 15, 16.*)

Epistola Pauli apostoli ad Timotheum.

Carissime, diaconos esse oportet pudicos, non bilingues, etc., *usque* Et multam fiduciam in fide, quæ est in Christo Jesu Domino nostro. (*I Tim. III, 8-13.*)

Lectio Evangelii secundum Matthæum.

In illo tempore, ambulante Domino Jesu cum discipulis suis in via, dixit quidam ad illum : Sequar te quocumque ieris, etc., *usque* Respiciens retro, aptus est regno Dei. *Hoc Evangelium est sancti Lucæ, cap. IX, 57-62. Similia in Matth. cap. VIII, 20.*

NOTE ET OBSERVATIONES.

Quid a diaconis ordinandis exigeret Cæsarius Arelatensis pontifex, tradit in lib. I de Vita ejus Cyprianus num. 32 : « Adjecit etiam hoc, ut nunquam in ecclesia sua diaconem ordinaret ante tricesimum ætatis suæ annum. Verum etiam et hoc addidit, ut nec in qualibet majore ætate ordinaretur, nisi quatuor vicibus in ordine libros Veteris Testamenti legerit ante, et quatuor Novum. » Canones annum ætatis vigesimum quintum exigunt. Dispensatum nihilo minus in multis : quos inter Epiphanius Ticinensis anno ætatis octavo decimo subdiaconus, vigesimo diaconus ordinatus est, teste Ennodio in ejus Vita. Nimirum « festinabat ad Leviticam dignitatem conscientia, quam nunquam vota præsumperant : exiebat conversatio quod desideria penitus ignorabant. » Et inferius : « Talis in diaconatu a vigesimo incipiens, octo annos explevit. » Non otiose legenda sunt verba Catonis presbyteri, tametsi vano animo prolata, apud Gregorium Turonensem pontificem in lib. IV, cap. 6 : Lector decem annis fui, subdiaconatus officium quinque annis administravi ; **171** diaconatui vero quindecim annis mancipatus fui, » etc. Diaconii sacramenta nuncupat Ennodius episcopus Ticinensis in lib. IV epistola 24, ad Constantium episcopum, a quo petit Vigilium subdiaconum ad diaconatum promoveri.

Nulla hic mentio de subdiacono aliisque inferioribus ordinibus. In Ordine Romano (ut id in transcurso observem) ordines etiam minores conferebantur sub certo titulo. Unde in invitatione ordinandorum legitur : *De domo sanctæ Mariæ eligimus ill. ad ostiarium ad eundem titulum.* Ita de lectore et exorcista. Quin etiam monachi ordinabantur sub titulo monasterii sui, ut probatum est in præfatione ad sæculum v Benedictinum.

LXXIX. LEGENDA QUANDO PRESBYTER BENEDICITUR.

Epistola Pauli apostoli ad Titum.

Paulus servus Dei, apostolus autem Jesu Christi secundum fidem electorum Dei, etc., *usque* Filios habens fideles in Christo Jesu. (*Tit. I, 4-6.*)

Lectio sancti Evangelii secundum Lucam.

Tempore illo, dicebat Dominus Jesus discipulis

A suis : Quis putas est fidelis dispensator et prudens, etc., *usque* Supra omnia quæ possidet, constituet illum. (*Luc. XII, 42-44.*)

LXXX. LEGENDA IN PROFECTIONE ITINERIS.

Epistola Pauli apostoli ad Timotheum.

Carissime, hæc vobis scribo, sperans me venire ad vos cito, etc., *usque* Adsumptum est in gloria. (*I Tim. III, 14-16.*)

Lectio sancti Evangelii secundum Lucam.

Diebus illis, factum est dum complerentur dies adsumptionis ejus, etc. (*Luc. IX, 51-56.*) *Tum consequenter* : Et dixit illis : Sint lumbi vestri præcincti, etc. (*Luc. VII, 35-37.*)

LXXXI. LEGENDA DE REDEUNDO ITINERE.

Epistola Pauli apostoli ad Romanos.

172 Fratres, habeo gloriam in Christo Jesu ad Deum. Non enim audeo aliquid loqui, etc., *usque* In abundantia benedictionis Christi veniam. (*Rom. XV, 17-29.*)

Lectio sancti Evangelii secundum Iohannem.

Tempore illo, cum venisset Dominus Jesus in Galilæam, exceperunt illum Galilæi, etc., *usque* Cum veniret a Judæa in Galilæam. (*Joan. IV, 45-54.*)

LXXXII. INCIPIUNT LECTIONES COTIDIANAS (sic).

Lectio Esaiæ propheta.

Hæc dicit Dominus : Miserationum Domini recordabor, etc., *usque* Quæ præparasti expectantibus te, ait Dominus Deus. (*Isa. LXIII, 7, usque LXIV, 4.*)

C

Epistola Pauli apostoli ad Ephesios.

Fratres, audiens fidem vestram, quæ est in Christo Jesu, et dilectionem in omnes sanctos, etc., *usque* Omnia in omnibus adimplivit in Christo Jesu nostro. (*Ephes. I, 15-23.*)

Lectio sancti Evangelii secundum Joannem.

Tempore illo, vidit Dominus Jesus hominem cæcum a nativitate, etc., *usque* Et procidens adoravit eum. (*Joan. IX, 1-38.*)

ITEM LECTIONES COTIDIANAS.

Lectio Malachi propheta.

Hæc dicit Dominus : Erunt mihi oves meæ, ait Dominus exercituum, in die qua ego facio, in peculium, etc., *usque* Percutiam terram anathemate, dicit Dominus exercituum. *Malac. III, 17, ad finem prophetiæ.*

Epistola Pauli apostoli ad Romanos.

173 Fratres, quam speciosi pedes evangelizantium pacem..... fides ex auditu, auditus autem..... (*Rom. X, 16.*)

OBSERVATIO.

Sic desinit Lectionarium antiquissimum, cui pauca folia in fine desunt, nempe finis Epistolæ præmissæ, et Evangelium. An aliæ lectiones pro aliis rebus consecutæ sint, incertum. In Lectionibus Evangeliorum nunquam simpliciter effertur *Jesus*, sed semper *Dominus Jesus*, honoris ac reverentiæ causa. Quod etiam in Mozarabico, et in aliis nonnullis vetustis Missalibus observatur.

DE LITURGIA GALLICANA

LIBER TERTIUS,

COMPLECTENS TRIA MISSALIA ORDINIS GALLICANI.

174 1. Quantum subsidii ad illustrandum Liturgiam Gallicanam attulerit Lectionarium Luxoviense, ex superiori libro satis intelligitur : sed huic cognitioni non parum deesset, nisi etiam alios veteres libros, qui cæteras ejusdem Liturgiæ partes continent, aliunde habuissemus. Primam autem hujus rei gratiam debemus piæ ac mihi in primis venerandæ memoriæ cardinali Bonæ, qui primus veteres illos libros indicavit in opere suo rerum Liturgicarum : nec imparem habemus erudito Josepho Mariæ Thomasio, qui libros indicatos, id est tria Missalia, ut vocamus, e tenebris in lucem protulit.

2. Primum ex illis Gothicum seu Gallicanum appellat, nos uno verbo Gothicogallicanum nuncupare possumus, propterea quod in usu fuerit apud Gallos, Gothorum imperio subjectos, nempe apud **175** Septimanos vel Novempopulanos. Alterum vocat Francorum ; tertium Gallicanum vetus. In primo purus Ordo Gallicanus : in secundo et tertio Ordo ex Romano et Gallicano mistus exhibetur. Tria hæc instar probationum integra huc referre visum est, ne ob raritatem exemplarium Romanæ editionis ea huic operi deesse nonnulli causarentur : sed breves notulas adjecimus, ad explicandos quosdam locos instituto nostro necessarios.

3. De Missali Gothico ita scribit cardinalis Bona in lib. 1 Rerum liturgicarum, cap. 12, num. 6 : « Unus ex his codicibus exstat in Bibliotheca serenissimæ Suecorum reginæ, ante annos nongentos scriptus, ut periti censent, litteris quadratis et majusculis, signatus num. 626. Quem olim fuisse aiunt amplissimi viri Petavii Senatoris Parisiensis, emptum vero a regina post ejus decessum. Desunt ei aliquot folia in principio et in fine. Initio præfixus hic titulus est manu recentiori : *Missale Gothicum* : et ex quædam Liturgiæ precesiones excerptæ sunt, et tomo sexto Bibliothecæ veterum Patrum editionis novissimæ Parisiensis insertæ pag. 153. » Hactenus pius et eruditus cardinalis, existimans (quod re vera est) hoc esse vetus Missale Gallicanum, præsertim Galliæ Narbonensis, Gothorum Hispanicorum regno olim subjectæ ; ut non temere Gothicum dixerit, quisquis sit ille, qui recentiorem titulum Codici apposuit. Thomasius Gallicanæ Ecclesiæ hoc esse Missale comprobat ex compluribus sanctorum Galliæ festis, ut sancti Saturnini episcopi Tolosani, sanctorum Ferreoli et Ferrutionis martyrum Vesontionensium, sancti Symphoriani martyris Augustodunensis, itemque sancti Leodegarii ejusdem urbis episcopi, et sancti Martini Turonensis. Aliud etiam argumentum desumit ex triduanis ante ascensionem **176** Rogationibus, quæ in Galliis institutæ, serius ad alias Ecclesias pervenerunt : imo apud Hispanos post Ascensionem rejectæ. Adeo ut certum sim hoc Missale non esse Hispanicum, etsi in eo referatur missa in natali sanctæ Eulaliæ virginis et martyris Lusitanæ, quæ apud Francos olim celebris erat, ut patet ex Gregorio et ex Venantio Fortunato.

4. De tempore quo scriptus est Codex ille, non omnino constat : attamen ex forma litterarum, et ex Liturgiæ Gallicanæ abrogatione, quæ pontificatu Adriani I, regnante Carolo magno ante annos nongentos facta est, apparet, hunc ineunte sæculo VIII, nempe ad exemplum alterius codicis vetustioris, fuisse exaratum, non citius, propter festum sancti Leodegarii, qui anno 678 necatus est.

5. Huic Codici aliqua initio deesse ex cardinale Bona et Thomasio discimus ; sed quid illud sit, neuter explicat. Mihi vero non difficile videtur conjicere ex numerica nota IV, quæ ad officium Natalis Domini præfigitur. Hæc enim nota indicat tria deesse officia, quorum unum est in vigilia Natalis Domini, in Codice imperfectum. Duo itaque restant quæ de Adventu fuisse colligimus ex tertio Missali, quod dicitur vetus Gallicanum, in quo duæ tantum missæ de Adventu Domini ante officium pro Vigilia Natalis Domini assignantur. Hæ duæ missæ si in illo Gothico suppleantur, vix quidquam deerit ad ejus absolutionem præter paucula, quæ in fine exciderunt. Certe multæ precesiones utrique Missali communes sunt, ut facta comparatione multis in locis notavimus.

6. Secundum Missale dicitur Francorum, non solum ob missam de sancto Hilario episcopo Pictaviensi, sed etiam ob mentionem regni Francorum, quæ in benedictione **177** regum non semel occurrit. Hunc Codicem viderat Joannes Morinus, ejusque notitiam suggerit in libro de sacris Ordinationibus, pag. 261. « In Bibliotheca viri amplissimi D. Petavii senatoris parlamenti Parisiensis integerrimi, Codex est omnium Codicum ritualium, quos nobis videre contigit, antiquissimus ; accurate admodum scriptus litteris uncialibus majoribus, bene quadratis, splendidissime efformatis. In gratiam Ecclesiæ Pictaviensis videtur olim descriptus. Nullius enim sancti præter sancti Hilarii missam specialiter continet ; ipsius nomine in orationibus, in præfatione, et infra actionem expresso : cætera missæ communes sunt. In *Memento* quoque, post Cosmam

et Damianum, Hilarii fit memoria et Martini. Codicem illum Gallicum fuisse dubitari non potest, cum in missa pro regibus Francorum, et in variis orationibus imperium Romanum nunquam commemoretur, sed perpetuo Deus in eo pro regni Francorum prosperitate exoretur. Itaque mihi videtur Codex ille post annum 511, sed ante annum 560 in Gallia scriptus, Gallisque nondum in unum populum cum Francis coalescentibus. Ter enim pro regni Francorum nomine preces fiunt: alias pro Francorum principatu; alias pro Principibus Francorum; et semel pro salute et incolumitate regni Francorum. Codex ille et vetustate, et characteris magnificentia adeo venerandus, e Gallia migravit Stokolmii Suecorum regiam, a Christina incomparabili Suecorum principe cum innumeris aliis auro redemptus. » Hæc Morinus: qui ex eo Codice vulgavit quæ ad sacras ordinationes pertinebant. Nunc iste Codex Romæ est in Bibliotheca serenissimæ reginæ.

7. Quod attinet ad ejus antiquitatem, certum est multa ex veteri Gallicano ritu in illo contineri: sed nec diffitendum quædam esse ad modum Ordinis Gelasiani **178** et Gregoriani. Ordinationum quippe ritus et preces eadem reperiuntur in Ordine Romano: et Canon idem est item cum Romano, adeo ut etiam verba hæc: *Diesque nostros in tua pace disponas*, quæ a Gregorio Magno addita perhibentur, in illo Canone legantur. Unde Codicem non sæculo vi, pace viri doctissimi, sed insequenti conscriptum fuisse intelligitur. At non serius ob duas rationes. Primo enim in benedictione regum, non de uno, sed de pluribus regibus seu principibus Francorum fit mentio, in hunc modum: *Francorum regni adesto principibus*; tum: *Protege regni Francorum nominis ubique rectores*, quæ arguunt Francorum principatum tunc penes unum non fuisse, quando vel scriptus est Codex, vel composita benedictionis formula. Deinde in Canone, ubi confessores martyribus subjiuntur, uni recensentur Hilarius et Martinus, cum in sæculi ix Codicibus plures alii memorentur, ut ex libris Sacramentorum a Menardo nostro relatis, aliisque manifestum est.

8. Restat agendum de tertio Missali, quod Thomasius Gallicanum vetus appellat, censetque, illud proprius accedere ad ritum Romanum, « cum in orationum, inquit, brevitate ex Romano more, tum in Canone missæ, quem sæpe citat et supponit. » Verum et secundus Codex non supponit modo, sed etiam fere integrum refert: cum tertius alium Canonem habeat in secunda missa de Adventu, nec Romanum supponat, nisi in Cæna Domini, et in priori missa de Adventu ejus partem. Deinde secundi Missalis orationes non tam diserte Gallicanum morem sequuntur, quam tertii Missalis Collectiones. In secundo enim duæ consequenter assignari sine titulo solent, ut in Gelasiano: nec ubique orationes Post Nomina, nec usquam orationes Post Pacem; nec ullæ denique Ante orationem **179** Dominicam, quæ in tertio Missali, ut semper in primo, saltem aliquando referuntur. De hoc Codice Thomasius ita præfatur: « Postremus Codex est Palatinus bibliothecæ Vaticanæ, signatus n. 493, characteribus uncialibus sive quadratis, sed negligentiori sæpe manu conscriptus, quam plurimis paginis mancus, et erroribus (scilicet amanuensis) refertus. Addit Thomasius, « moderni alicujus manu » Codicem inscriptum fuisse: « *Missæ Romana*. Quo titulo, inquit, ut a vero longius aberrante, sublato, hunc suffecimus: *Missale Gallicanum*. » Scilicet quod illud Missale sequatur ritum Gallicanum, non Romanum; quod in eo mentio habeatur horæ duodecimæ in Vigiliis Natalis Domini et Paschæ, qua de hora mentio fit in concilii n. Turonensis canone 18. Denique si in eo Missali ad Parasceven oratio fiat pro Romano imperio, id ad illud tempus referri, quo Galliarum provinciæ Romani juris exstiterunt.

9. Constat porro hoc Missale Gallicani ritus censendum esse, tum quia Collectiones (ut mox dicebamus) eodem modo in eo procedunt atque in primo Missali, quod indubie parum exhibet Ordinem Gallicanum; tum quia utrobique eodem modo appellantur Collectiones, Post Nomina, Post Pacem, Contestatio, oratio Ante et Post orationem Dominicam; eademque aliquando orationes repetuntur: tum denique quia in utroque ad Sabbatum Paschæ post baptismum fit mentio de lotionibus pedum: quem ritum a Romano diversum esse testatur Ambrosius, seu quisquis est scriptor operis de Sacramentis in lib. iii, cap. 1: « Ascendisti de fonte; quid secutum est? Audisti lectionem, succinctus est summus sacerdos, pedes tibi lavit. » Et infra: « Non ignoramus quod Ecclesia Romana hanc consuetudinem non habeat, cujus typum in omnibus sequimur et formam. Hanc tamen consuetudinem **180** non habet ut pedes lavet. Vide ergo ne forte propter multitudinem declinarit. Sunt tamen qui dicant et excusare conentur, quia hoc non in mysterio faciendum est, non in baptismo, non in regeneratione; sed quasi hospiti pedes lavandi sunt. » Eundem ritum lotionis pedum post baptismum in ecclesia Mediolanensi usitatum fuisse docet Ambrosius in genuino opere de Mysteriis, cap. 6. Qui haud scio an dicturus fuisset, quod prælaudatus auctor dixit, suam ecclesiam Romanæ « typum in omnibus sequi et formam, » quandoquidem multi ritus in Mediolanensi servantur diversi a Romanis, imo etiam plures Ambrosii ætate. Sed hac de re agatur in nova editione operum sancti Ambrosii, quæ modo cura et studio nostrorum sub prelo versatur. Denique in tertio Missali occurrit, num. xvii, verbum *transformavit*, ubi agitur de conversione panis et vini in Christi corpus et sanguinem: et in Missali primo quater reperitur vocabulum *transformationis* in eodem argumento, quod vocabulum formæ conversionem significat.

10. In eodem vero Missali Gothicogallicano, quod primo loco habetur, præclarus de sacrificio missæ locus est, nempe num. LXXVIII in Contestatione missæ dominicalis: *Dignum et justum est, invisibilis, inæstimabilis, immense Deus, et Pater Domini nostri Jesu Christi. Qui formam sacrificii perennis instituens, hostiam se tibi*

primum obtulit, et primus docuit offerri. Ex quibus intelligimus, quod maxime notandum, Christum instituendo sacrificium corporis et sanguinis sui, se hostiam Deo Patri primum tunc obtulisse, cum eam primus docuit offerri. Itaque hæc fuit ante annos mille majorum nostrorum persuasio, Christum seipsum Patri in Eucharistia obtulisse, cum illam instituit. Huic persuasioni conformis est sanctio concilli Tridentini in sessionis 22 capite 1: *Dominus noster.... sacerdotem* **181** *secundum ordinem Melchisedech se in æternum constitutum declarans, corpus et sanguinem suum sub speciebus panis et vini Deo Patri obtulit; ac sub earundem rerum symbolis, apostolis, quos tunc novi Testamenti sacerdotes constituēbat, ut sumerent tradidit; et eisdem, eorumque in sacerdotio successoribus ut offerrent præcepit per hæc verba, etc.* Huc non refero similia Patrum loca, uno contentus Leandri Hispalensis episcopi testimonio, quod non facile cuivis occurrat, utpote in loco quasi peregrino, nempe in regulæ ejus cap. 7, ubi de sacrificiis veteris legis obiter agens: « Sacrificia certe, inquit, idcirco pecudum litabantur, quia verum sacrificium, hoc est Christi corpus et sanguinem, figurabant. Venit Veritas, umbra discessit; venit verum Sacrificium, et cessavit hostia pecudum. » Quod manifeste, non de sacrificio crucis, sed de sacrificio missæ intelligendum est.

11. Redeo ad Missale Gothicum, quod ex tribus primum locum obtinet. Incipit ab oratione, quæ Collectio post nomina dicitur, pertinetque ad officium missæ pro Vigilia Natalis Domini, quod officium tertio loco erat (ut præmisimus) in Codice ms. Collectio Post Nomina dicebatur post recitationem nominum eorum pro quibus sacrificium offerebatur. Fiebat autem simul commemoratio tam vivorum quam mortuorum. Unde in Vigiliis Epiphaniæ Collectio Post Nomina sic habet: *Præsentem itaque oblationem ita illabere, ut medelam viventibus, defunctis requiem præstet; et quorum texuit recitatio præmissa sortem, inter electos jubeas aggregare.* De his actum est superius in lib. 1, cap. 5, num. 10, ubi notavimus, etiam hoc loco sanctorum factam fuisse commemorationem. Et id quidem de Mozarabico ritu constat; at in Gallicano haud ita expressa habetur hæc sanctorum commemoratio, **182** nisi admodum generalis. Attamen in fragmento diptychorum, quod eo loci ex Codice Regularum protulimus, singularis eorum memoria occurrit. Ejusmodi diptycha ad usum Ecclesiæ Arelatensis exstant in tomo III Analectorum. Diptycha hæc in omnibus Ecclesiis usitata erant; sed in Romana in Canone tantum, ut modo, nomina recitabantur, vivorum quidem ante, mortuorum vero post consecrationem; at in Gallicano et Mozarabico statim post oblationem. Hunc ritum improbare videtur Innocentius papa I in epistola ad Decentium, cap. 2, ubi rectius putat nomina recitari « inter sacra mysteria, » id est (si bene capio) in ipso Canone, quam « inter alia quæ præmitti » solent. Verba ejus integra huc referre juvat: « De nominibus vero recitandis, antequam preces sacerdos faciat, atque eorum oblationes, quorum nomina recitanda sunt, sua oratione commendet, quam superfluum sit, et ipse pro tua prudentia recognoscis: ut cujus hostiam necdum Deo offeras, ejus ante nomen insinues. Quamvis illi incognitum sit nihil. Prius ergo oblationes sunt commendandæ, ac tunc eorum nomina, quorum sunt oblationes, edicenda, ut inter sacra mysteria nominentur, non inter alia quæ ante præmittimus, ut ipsis mysteriis viam futuris precibus aperiamus. »

12. De his diptychis exstat Sigebaldi Anglorum regis epistola ad Bonifacium præsulē Moguntinum, quæ est inter Bonifacianas ordine 49, in qua hæc legimus ad propositum: « Notum sit tibi quod ex eo tempore nomen tuum adscriptum habuisses, cum missarum solemniam celebrarem, simul cum nominibus episcoporum nostrorum, » etc., ubi obiter nota verbum *celebrarem*, quo rex utitur. Cujus rei exempla retulimus in lib. 1, cap. 6, num. 5. Porro hæc nominum recitatio in Ecclesia Græca fiebat per diaconum, apud Latinos per subdiaconum, ut patet ex Folcuino monacho **183** Laubiensi in Chronici Laubiensis cap. 7: « Dixit etiam episcopus supra nominatus (scilicet Adalbero Rhemensis) prædecessorum suorum ductam usque ad se consuetudinem ut inter missarum solemniam, in ea speciali commemoratione defunctorum, quæ supra diptycha dicitur, et in consecratione Dominici corporis solemniter agitur; quotidie in aurem presbyteri, recitante silenter subdiacono, omnium ipsius sedis nomina scripto recitentur episcoporum. » Nomina hæc catalogo inscripta erant « qui sacro altari tempore sacrificii superponebatur, » ex litteris societatis initæ inter canonicos Laudunenses et monachos Remigianos. Denique id genus diptycha erant in usu usque ad sæculum XI, ut ex Micrologi cap. 13 et ex Leonis Ostiensis lib. II, cap. 73, manifestum est. Hermannus, sæculo sequenti apud Tornacum sancti Martini monachus, hunc ritum suo tempore in desuetudinem abiisse innuit his verbis: « Mos antiquitus institutus tunc temporis servabatur in Ecclesiis, ut nomina fratrum circumadjacentium ecclesiarum, quibus se mutuas orationes debere, vel societatem promississe noverant, super sacrosanctum altare scripta ponerentur: quatenus sacerdos missam cantantibus nominatim recitaret, cum ad illum locum venisset: *Memento, Domine, famulorum famularumque tuarum, qui nos præcesserunt cum signo fidei, et dormiunt in somno pacis.* Tunc enim unus ministrorum altaris ei propinquans præsentabat recitanda. » Immo minister ipse recitabat, ut mox vidimus. Consule eruditissimi Cangii observationes.

13. Itaque post panis et vini oblationem in Ordine Gallicano vivorum et mortuorum nomina recitabantur, ex dictis: sed qualis esset panis oblatas, non satis explicuimus. Eucharistiæ particulam ad communionem in **184** manus datam fuisse testis est Gregorius in Historiæ lib. X, cap. 8, ac proinde ex majori pane decerpam. Sæculo IX in Gallia mos erat, ut panis ille intra ferrum oblatorium (Udalricus characteratum vocat) coqueretur, ut ex libro de Miraculis sancti Wandregisili, aliisque probavimus in lib. de Azymo cap. 8 Panis

rotulas Iso sancti Galli monachus appellat oblatas illas quæ circa pectus sancti Othmari sæculo ix repertæ sunt illasæ : quales scilicet in tumulo defunctorum sacerdotum apponi mos erat, teste anonymo æquali in lib. iv de Vita sancti Cuthberti episcopi Lindisfarnensis, qui « toto corpore lavato, capite sudario circumdato, oblati super sanctum pectus positis, vestimenta sacerdotalia indutus, » in sepulcro lapideo sepultus est. Præter hæc nihil de pane eucharistico in Galliis per ea tempora adhibito succurrit, nisi quod nobilissima quædam matrona, nomine Ermentrudis, basilicæ sancti Sinsuriani (Simfurianum, seu Symphorianum intelligo) sitæ in pago Meldensi, quædam legat, « unde ad ipsam basilicam oblata quotidie ministretur : » itemque ad oratorium Latiniaci in eodem pago (quod Latiniacum ad discrimen alterius Siccum appellatur) vineam dat, unde ibidem Oblata occurrat. » Quod similiter de alia vinea ad usum ecclesiæ sancti Symphoriani constituit. Signantius vero servum quemdam manumittit, ea conditione, « ut ligna tantum ad oblata faciendum ministrare procuret. » Hoc testamentum autographum, sed mutilum, invenimus in archivo Dionysiano, scriptum in charta seu papyro Ægyptiaca : qua in charta exaratus erat ille Augustini Codex, quem Ruricio Lemovicensi episcopo submittit Turentius. « Chartaceus liber est, inquit, et ad ferendam injuriam parum fortis, quia citius charta, sicut nostis, vetustate consumitur. » Insignis de charta Ægyptiaca locus; sed insignior, et ad institutum **185** nostrum opportunior alter ex testamento Ermentrudis : ex quo intelligitur, tempore Merovingicæ stirpis, panem sacrificii peculiari studio, ut Patres concilii iv Toletani, canone 6 statuunt, apud Gallos compositum fuisse.

14. Ad oblatas excipiendas inserviebat offertorium; colum vero seu colatorium ad vinum expurgandum. Offertoria vasa erant a patenis distincta, in quæ populus panem oblatum ad altare deponebat : quæ primo solida erant; deinde lineæ, seu sericeæ, aut ex qualibet simili materia. Unum aureum, alia argentea memorat vetus Chronicon Fontanellense in cap. 16, ubi de Ansegiso abbate : « Offertorium aureum cum patena sua aurea opere mirabili. » Et infra : Offertorium argenteum ejusdem calicis, habens effigiem mirifici operis; alia offertoria argentea eum patenis argenteis eorundem. Unde patet offertorium cum patenis fuisse calicis appendicem, patenam vero offertorii. Similia loca apud Hariulfum in Chronici Centulensis lib. II, cap. 10, et apud Ardonem in libro de Vita Benedicti Anianensis, num. 25, quæ cum aliis habes apud Cangium, itidemque varia testimonia de offertoriis lineis et sericeis. Itaque offertorium ad excipiendas panis oblatas, patena ad easdem consecrandas adhibebatur. Nisi dicas, in patena repositam fuisse hostiam quæ sacerdoti signanter deputata erat, alias in offertorio ad communionem fidelium. In offertoriis vero lineis, quæ solidis successerunt, excipiebantur itidem oblatæ : simulque calix et patena, dum sacerdoti offerebantur, iisdem offertoriis involvebantur. Id etiam nunc in usu, ut patena velo obvoluta teneatur a subdiacono, diacono porrigenda, et in quibusdam Ecclesiis calix, imo etiam ampullæ cum velis ad altare deferantur, ut in Rhemensi.

186 15. Colum, seu colatorium, vasculi seu cochlearis genus erat, tenuissimis ac subtilissimis foraminibus in imo fundo perforati, per quod vinum ex amulis seu ampullis in subjectum calicem effundebatur. Id usui erat in ecclesia Romana jam inde a sæculo v. Nam charta Cornutiana memorat « hamulam oblatoriam, colum, thymiamaterium. » An etiam apud Gallos ante receptum ritum Romanum fuerit usitatum, incertum : siquidem nullam de colo seu colatorio mentionem reperio apud antiquos nostros scriptores, Caroli Magni ætate superiores, quod etiam de offertorio dicendum. De fistula etiam seu calamo, quo sanguis Christi hauriebatur, non minor difficultas. Quæ omnia in Gallicanis ecclesiis saltem a sæculo ix usitata fuisse constat, fortasse exemplo ecclesiæ Romanæ.

16. Multa siquidem cum ritu Romano in Gallicanum invecta sunt. Unde cappæ Romanæ in Chronici Fontanellensis cap. 16, ubi etiam Ansegisus abbas « altare in honore perpetuæ virginis Mariæ (perhibetur) decorasse tabula lignea, quam imaginibus argenteis diversis cooperuit. » Idem in Flaviacensi monasterio « in honore sanctæ Trinitatis basilicam ædificavit, ante cujus aram, tabulam argenteis imaginibus decoratam collocavit, ipsique aræ crucem argenteam imposuit, universamque basilicam variis picturis decorari jussit. » Ante eum Uvido abbas Fontanellensi Ecclesiæ « tabulas fabricatas ante altaria octo » concessit. Antiquitus quippe apud nostros Gallos non altaria, sed parietes picturæ decorabant. Cujus rei argumenta retulimus in lib. I, cap. 8. Accedit aliud ex Ruricii Lemovicensis epistola 14, lib. II, qui Cerauniæ nobili matronæ pictorem direxit, ut cujusdam basilicæ « parietes variis colorum fucis depingeret. » Apposite Fortunatus in lib. I, carmine 13, de basilica sancti Eutropii Santonensis :

187 Sumpsit imagineas paries imitando figuras
Quæ neque tecta prius, hæc modo picta nitent

17. Porro non minus proluxa erat Romana missa, quam Gallicana. Nam unam, vel duas horas exigebat ad Gallicanam Cæsarius, ex dictis; ac paulo proluxius temporis spatium adhibebat Gregorius, cujus hæc verba in lib. VIII, epistola 35 : « Ecce enim jam biennium pene expletur, quo lectulo teneor : tantisque podagræ doloribus affligor, ut vix in diebus festis usque ad horarum trium spatium surgere valeam, missarum solemniam celebrare. » Ita ille ad Eulogium episcopum Alexandrinum. Hujus prolixitatis partim causa erat hominibus usus, quæ etiam Romæ statim post Evangelium ad missam fiebant, prout testatur idem Gregorius Magnus in præfatione ad Homilias XL. Sed hæc extra locum.

MISSALE GOTHICUM

SEU

GOTHICOGALLICANUM.

III. ORDO MISSÆ IN VIGILIA NATALIS DOMINI.

Collectio ^a post nomina.

188 Grata tibi sit, Domine, quæsumus, hodiernæ festivitatis oblatio; ut, tua gratia largiente, per hæc sacrosancta commercia in illius inveniamur forma, in quo tecum est nostra substantia. Spiritibus quoque carorum nostrorum tribue, ut mortalibus segregati cœtibus, litteris mereantur conscribi cœlestibus. Præsta per Dominum nostrum Jesum Christum Filium tuum, qui tecum viv. dom.

Collectio ad pacem.

Da nobis, quæsumus, Domine, ut sicut adoranda Filii tui natalitia celebraturi, ab hodiernis vigiliis in confessione tui nominis prævenimus; sic ejus munere capiamus sempiternum. Et dirigere dignare angelum pacis, qui oscula nostra puris sensibus inligata connectat: nosque tibi ab omnibus peccatorum maculis expurgatos adjungat. Per cœternum tibi Jesum Christum Filium tuum Dominum nostrum.

Immolatio missæ.

Dignum et justum est. Vere dignum et justum est nos tibi gratias agere, Domine sancte, Pater omnipotens, æterne Deus, amanda pietas, tremenda virtus, veneranda majestas. Qui hanc noctem venturam, toto orbe venerandam, cœlorum gratulatione, et terrarum remuneratione, angelica exultatione ditasti: ut nascente in carne Domino nostro Jesu Christo Filio tuo, superiora pariter et inferiora gauderent. Aspice nunc familiam tibi supplicem, conserva populum tuis laudibus personantem; et superventuræ ^b noctis **189** solemnitati ita pervigiles redde, ut sinceris mentibus Domini nostri percipere mereamur Natalem venturum. In quo invisibilis ex substantia tua, visibilis per carnem apparuit in nostra tecumque unus, non tempore genitus, non natura inferior, ad nos venit ex tempore natus. Per cujus nativitatem indulgentia criminum conceditur, et resurrectio non negatur. Merito itaque omnis terra adorat te, et confitetur tibi. Sed et cœli cœlorum, et angelicæ potestates non cessant laudare dicentes: Sanctus, Sanctus, Sanctus.

Collectio post Sanctus.

^c Vere Sanctus, vere benedictus Dominus noster Jesus Christus Filius tuus, manens in cœlis, manifestatus in terris ^e. Ipse enim pridie quam pat.

^e Desunt hic in missa vigiliæ Natalis Domini Præfatio seu adhortatio ad missam rite celebrandam, et Collectio ante Epistolam, ut ex aliis missis intelligitur.

^b Hinc patet hanc missam esse de vigilia Natalis

Post mysterium.

A Hæc facimus, Domine sancte Pater omnipotens, æterne Deus, commemorantes et celebrantes Passionem unici Filii tui Jesu Christi Domini nostri. Qui tecum vivit et regnat cum Spiritu sancto in sæcula sæculorum.

Ante orationem Dominicam.

His precibus te, Deus Pater omnipotens, deprecamur, quibus nos Dominus noster Jesus Christus Filius tuus orare præcepit, dicens: Pater noster.

Post orationem Dominicam.

Libera nos a malo, omnipotens Deus, et custodi in bono. Evacua nos vitiis, et reple virtutibus; et bona nobis tam præsentia quam æterna concede. Per Dominum nostrum Jesum Filium tuum.

Benedictio populi.

B Deus, qui adventum tuæ majestatis per angelum Gabrihelem, prius quam descenderes, nuntiare justisti. Amen.

Qui sine initio sempiternus es, terras illustrare per Virginem, tartara lavare dignasti per crucem. Amen.

Præsta, ut hic populus tuus in præceptis obedienter ambulans, sicut est partus Virginis singularis, ita eis benedictionum tuarum veri luminis imbrem infundas. Amen.

Et tentationum insidias, vel aculeos tentatoris, spiritualibus armis accinctos, adversarii tentamenta, et præsentis vitæ inlecebras in tuo nomine facias superare. Amen.

C Et primæ nativitatis, et secundæ regenerationis Auctorem suum scientes esse quod natum est: seque tibi intelligant debere quod sanctum est. Amen.

Quod ipse præstare digneris: qui cum Patre et Spiritu sancto vivis et reg.

Post communionem.

180 Cælesti cibo potuque roborati, omnipotenti Deo laudes et gratias, fratres carissimi, referamus, poscentes, ut nos, quos dignos habuit participatione corporis et sanguinis Domini nostri Jesu Christi Unigeniti sui, dignos etiam cælesti remuneratione percenseat. Per ipsum Dominum nostrum Jesum Christum Filium suum.

Collectio sequitur.

D Quod ore sumpsimus, Domine, mentibus capiamus, quem titulum proinde supplevimus.

^e Brevissimus Canon in omnibus missis Gallicanis, varius pro variis diebus, ut diximus in lib. 1, cap. 5, num. 14 et seqq.

mus : et de munere temporali, fiat nobis remedium A sempiternum.

IV. ORDO MISSÆ ^a IN DIE NATIVITATIS DOMINI NOSTRI JESU CHRISTI.

Collectio post prophetia.

Ortus es nobis verus Sol justitiæ, Jesu Christe. Venisti de cælo humani generis Redemptor. Erexisti nobis cornu salutis; et celsi Genitoris Proles perpetua, genitus in domo David propter priscorum oracula vatum, propriam volens absolvere plebem, et vetusti criminis delere chirographum, ut æternæ vitæ panderes triumphum. Ideoque nunc te quæsumus, ut in misericordiæ tuæ viscera nostris appareas mentibus, salus æterna, et nos, eripiendo ab iniquo hoste, justitiæ cultores efficias, omnique mortis errore spreto, pacis viam recto itinere gradientes, tibi recte servire possimus, Salvator mundi. Qui cum Patre et Spiritu sancto vivis, dominaris et regnas Deus in sæcula sæculorum.

Collectio post precem b.

Exaudi, Domine, familiam tibi dicatam, et in tuæ Ecclesiæ gremio in hac hodierna sollemnitate Nativitatis tuæ congregatam, ut laudes tuas exponat. Tribue captivis redemptionem, cæcis visum, peccantibus remissionem, quia tu venisti ut salvos facias nos. Aspice de cælo sancto tuo, et inlumina populum tuum, quorum animus in te plena devotione confidit, Salvator mundi. Qui vivis.

Prefatio missæ.

Sacrosanctum beatæ Nativitatis diem, in quo nascente Domino, virginalis uteri arcana laxata sunt, incorruptorumque genitalium pondus, sæculi levamen effusum est, sicut exoptavimus votis, ita veneremur et gaudiis. Hic namque ortus die splendidior, luce coruscantior est. In hoc omnipotentem Deum, qui terrenam fragilemque materiam **191** causa nostræ redemptionis adsumpsit, fratres dilectissimi, supplices deprecemur, uti nos, quos ortu corporis visitavit, societate conversationis edocuit, præcepto prædicationis instituit, degustatione mortis redemit, participatione mortis amplexus est, divini Spiritus infusione ditavit, sub perpetua devotione custodiat et in his beati famulatus studiis permanere concedat. Qui cum patre et Spiritu sancto vivit et regnat Deus in sæcula sæculorum.

Collectio sequitur.

Deus, qui dives es in misericordia, qua mortuos nos peccatis, convivificasti Christo Filio tuo, ut formam servi acciperet, qui omnia formavit, ut qui erat in deitate generaretur in carne, ut involveretur in pannis qui adorabatur in stellis, ut jaceret in præsepio qui regnabat in cælo : invocantibus nobis aurem majestatis tuæ propitiatus adcommoda, donans hoc per ineffabilem tuæ misericordiæ caritatem, ut qui exultamus de Nativitate Filii tui, qui vel ex Virgine natus, vel ex Spiritu sancto regeneratus est, paream-

^a Hic unica missa in Natali Domini; unica etiam in Lectionario Gallicano, præter missam de vigilia ipsius Natalis.

^b Id est post hymnum trium puerorum, quem in

mus præceptis ejus, quibus nos edocuit ad salutem. Præsta per Dominum nostrum Jesum Christum Filium tuum : qui tecum.

Collectio post nomina.

Suscipe, quæsumus, Domine Jesu, omnipotens Deus, sacrificium laudis oblatum, quod pro tua hodierna Incarnatione a nobis offertur, et per eum sic propitiatus adesto, ut superstitionibus vitam, defunctis requiem tribuas sempiternam. Nomina quorum sunt recitatione complexa, scribi jubeas in æternitate; pro quibus apparuisti in carne, Salvator mundi, qui cum coæterno Patre vivis et reg.

Collectio ad pacem.

Omnipotens sempiterne Deus, qui hunc diem Incarnationis tuæ, et partum beatæ Mariæ Virginis consecrasti, quique discordiam vetustam per transgressionem ligni veteris cum angelis et hominibus per Incarnationis mysterium, lapis angularis junxisti, da familiæ tuæ in hac celebritate lætitiæ, ut qui te consortem in carnis propinquitate lætantur, ad summorum civium unitatem, super quos corpus adsumptum evexisti, perducantur; et inter semetipsos per externa complexa jungantur, ut jurgii non pateat interruptio, qui te auctorem gaudent in sua naturæ per carnis venisse contubernium. Quod ipse præstare digneris, qui cum Patre et.

Immolatio missæ.

Vere dignum et justum est, æquum et salutare est, nos tibi gratias agere, Domine sancte, Pater omnipotens, æterne Deus, **192** quia hodie Dominus noster Jesus Christus dignatus est visitare mundum. Processit de sacrario corporis virginalis, et descendit pietate de cælis. Cecinerunt angeli, *Gloria in excelsis*, cum humanitas claruit Salvatoris. Omnis denique turba exultabat angelorum, quia terra Regem suscepit æternum. Maria beata facta est templum pretiosum, portans Dominum dominorum. Genuit enim pro nostris delictis vitam præclaram, ut mors pelleretur amara. Illa enim viscera, quæ humana non noverant macula, Deum portare muerunt. Natus est in mundo, qui semper vixit et vivit in cælo, Jesus Christus Filius tuus, Dominus noster. Per quem majestatem tuam laudant angeli.

Post Sanctus.

D Gloria in excelsis Deo, et in terra pax hominibus bonæ voluntatis, quia adpropinquavit redemptio nostra. Venit antiqua expectatio gentium; adest promissa resurrectio mortuorum : jamque præfulget æterna expectatio beatorum, per Christum Dominum nostrum. Qui pridie quam pro nostra omnium sal.

Post secreta.

Credimus, Domine, adventum tuum, recolimus Passionem tuam. Corpus tuum in peccatorum nostrorum remissione confractum; Sanguis sanctus tuus in pretium nostræ redemptionis effusus est; qui cum missa Natalis Domini post Epistolam usitatum fuisse dictum est in lib. II.

^c Hæc verba videntur alludere ad antiquam consecrationis formam, quæ in Ordine Ambrosiano, et

Patre et Spiritu sancto vivis et regnas in sæcul. **A**

Ante orationem Dominicam.

Non nostro præsumentes, Pater sancte, merito, sed Domini nostri Jesu Christi Filii tui obedientes imperio, audemus dicere.

Post orationem Dominicam.

Libera nos, omnipotens Deus, ab omni malo, ab omni periculo, et custodi nos in omni opere bono, perfecta veritas, et vera libertas, Deus. Qui regnas in sæcula sæcul.

Benedictio populi.

Deus, qui adventum tuæ majestatis per angelum Gabrihelem, priusquam descenderes, nuntiare jussisti; qui dignanter intra humana viscera ingressus, et alvo Virginis hodie te mundus clarificatus (sic)...

193 Amen.

B Tu, Domine, benedic hanc familiam tuam, quam hodierna sollemnitatis in adventu tuo fecit gaudere. Amen.

Da pacem populo tuo, quem pretiosa natiuitate vivificas; et passionis tolerantia a morte perpetua redemisti. Amen.

Tribue eis de thesauro tuo indeficientes divitias bonitatis, reple eos scientia, ut impollutis actibus et puro corde sequantur te ducem justitiæ, quem suum cognoscunt factorem. Amen.

Et sicut in diebus illis advenientem te in mundo perfidia Herodis expavit, et periit rex impius a facie Regis magni; ita nunc præsentis tempore celebrata sollemnitatis peccatorum nostrum vincla dissolvat. **C**

Amen.

Ut cum iterum ad judicandum veneris, nullus ex nobis ante tribunal tuum reus appareat; sed, discussa de pectoribus nostris caligine tenebrarum, placeamus conspectui tuo, et perveniamus ad illam terram quam sancti tui in requiem possidebunt æternam. Amen.

Post communionem.

Cibo cælesti saginati, et poculo æterni calicis recreati, fratres carissimi, Domino Deo nostro laudes et gratias indesinenter agamus, petentes ut qui sacrosanctum corpus Domini nostri Jesu Christi spiritaliter sumpsimus, exuti a carnalibus vitiis, spirituales effici mereamur. Per Dominum nostrum Jesum Filium suum.

Collectio sequitur.

Sit nobis, Domine, quæsumus, medicina mentis et corporis, quod de sancti altaris tui benedictione percipimus, ut nullis adversitatibus opprimamur, qui tanti remedii participatione munimur. Per Dominum nostrum Jesum Christum Filium tuum.

forsan etiam in Gallicano sic efferri solebant: *Hoc est enim corpus meum, quod pro vobis confringetur.*

Quæ verba ex Apostolo desumpta sunt, nempe ex I ad Corinthios, cap. 11, 24, κλάμενον in Greco legitur, id est quod frangitur, in Vulgata, tradetur. Quemadmodum vero post Sanctus in hoc ordine Gothico solet repetere sacerdos: *Vere sanctus, vere benedictus*; sic et post utramque consecrationem, dicto: *Hæc quotiescunque feceritis, in mei memoriam*

V. ORDO MISSÆ IN NATALE SANCTI STEPHANI
PROTOMARTYRIS.

Præfatio^a.

Venerabilem atque sublimem beatissimi protomartyris Stephani passionem hodie celebrantes, Deum martyrum, fratres carissimi, deprecemur, ut sicut illi contemplatione meritorum suorum coronam dare dignatus est, nobis quoque plenissimam misericordiam, ipsius precibus flexus, in omnibus largiatur. Per Dominum nostrum Jesum Christum Filium suum.

Collectio sequitur.

194 Deus, qui sancto Stephano martyri tuo et principatum in ministerio, et principem in martyrio [locum] contulisti, dum nobis sancti diei hujus festivitatem pro ejus vel commemoratione, vel passionis donasti, exaudi, quæsumus, supplices familiæ tuæ preces; nobis ejus peculiari præsidium tribue, cujus pro inimicis ac peccatoribus preces piissimus acceptasti; tribue etiam ut pro nobis intercessor existat, qui pro suis persecutoribus supplicavit. Per Dominum nostrum Jesum Christum Filium tuum, qui tecum beatus vivit.

Collectio post nomina.

Omnipotens sempiterne Deus, qui Sanctorum virtute multiplici Ecclesiæ tuæ sacrum corpus exornans, primitias martyrum gloriosi levitæ tui Stephani sanguine dedicasti, da nobis diem natalis ejus honore præcipuo celebrare, quia non diffidimus eum fidelibus tuis posse suffragari, qui dominicæ caritatis imitator, etiam pro suis persecutoribus supplicavit. Tribue, quæsumus, per interventum ipsius, ut viventes salutem, defuncti requiem consequantur æternam. Præsta per Dominum nostrum Filium tuum.

Collectio ad pacem.

Deus caritatis indultor, Deus indulgentiæ munerator, qui sancto martyri tuo Stephano in passione largitus es ut imbrem lapidum clementer exciperet, et pro lapidantibus supplicaret, pietatem tuam, Domine, subnixis precibus exoramus, ut dum martyris tui passionem recolimus, per intercessionem ipsius pacis securitatem cum peccatorum nostrorum venia consequi mereamur. Per Dominum nostrum Jesum Christum Filium tuum, qui tecum.

Contestatio missæ.

D Dignum et justum est, æquum et justum est te laudare, teque benedicere, tibi gratias agere, omnipotens sempiterne Deus. Qui gloriaris in conventu sanctorum tuorum, quos ante mundi constitutionem præelectos spiritali in cælestibus benedictione signasti, quosque Unigenito tuo per assumptionem carnis et crucis redemptionem sociasti, in quibus Spi-

facietis, id protestatur dicens: *Recolimus passionem tuam. Corpus tuum... confractum; sanguis sanctus tuus... effusus est*, quod repetit ex verbis consecrationis.

^a Hic alio modo sumitur Præfatio, quam in Missalibus nostris vulgatis, ubi Præfatio Canonem præcedit, hic prima sacerdotis oratio, qua circumstantium animi præparantur ad missam.

ritum tuum sanctum regnare fecisti, per quem ad felicis martyrii gloriam pietatis tuæ favore venerunt. Digne igitur tibi, Domine virtutum, festa sollemnitatis agitur; tibi hæc dies sacrata celebratur, qua beati Stephani primi martyris tui sanguis, in tuæ veritatis testimonio profusus, magnificum nominis tui honorem signavit. Hic est enim illius nominis primus confessor quod est supra omne nomen, in quo unicum salutis **195** nostræ præsidium, Pater æternæ, posuisti. Hic in Ecclesia tua quam splendendum ad cunctorum animos confirmandos unicæ laudis præcessit exemplum! Hic post passionem Domini nostri Jesu Christi, victoriæ palmam primus invasit. Hic ut levitico ministerio per Spiritum sanctum ab apostolis consecratus est, niveo candore confestim emicuit, martyrii cruore purpureus. **O** benedictum Abrahæ semen, apostolicæ doctrinæ et dominicæ crucis prior omnium factus imitator et testis! Merito cælos apertos vidit, et Jesum stantem ad dexteram Dei. Digne igitur ac juste talem sub tui nominis confessione laudamus omnipotens Deus, quem ad tantam gloriam vocare dignatus es. Suffragia ejus nobis pro tua pietate concede. Talis pro hac plebe precetur, qualem illum post trophæa venientem exultans Christus excepit. Illi pro nobis oculi sublimentur, qui adhuc in hoc mortis corpore constituti, stantem ad dexteram Patris Filium Dei in ipsa passionis hora viderunt. Ille pro nobis obtineat, qui pro persecutoribus suis, dum lapidaretur, orabat ad te, sancte Deus, Pater omnipotens, per Dominum nostrum Jesum Christum Filium tuum. Qui pro peccatis nostris nasci carne per Virginem, et pati dignatus est mortem, ut martyres suos suo pati doceret exemplo. Cui merito omnes angeli atque archangeli sine cessatione proclamant, dicentes: Sanctus, Sanctus, Sanctus.

Collectio post *Sanctus*.

Vere sanctus, vere benedictus Dominus noster Jesus Christus Unigenitus tuus, qui martyrem suum Stephanum cælestis aulæ collegio muneravit, qui corporis nostri infirmitatem suscepit, priusquam pium sanguinem pro humana salute funderet, mysterium sacræ sollemnitatis instituit. Ipse enim pridie quam pateretur.

Post mysterium.

Hoc ergo facimus, Domine, hæc præcepta servamus, hanc sacri corporis passionem sacris sollemnibus prædicamus. Quæsumus omnipotens Deus, ut sicut veritatem nunc Sacramenti cælestis exequimur, ipsi veritati dominici corporis ac sanguinis hæreamus. Per Dominum nostrum Jesum Christum Filium tuum.

Ante orationem Dominicam.

Gloriosi levitæ exemplis et beatissimi martyris Stephani magisteriis instituti, æterno Regi et Patri Deo precem, Fratres carissimi, cum omni humilitate fundamus, ut dato nobis fidei calore vel munere, ad

* In Lectionario Gallicano mentio fit de solo sancto Joanne; at in Martyrologio Gellonensi apud Septimanos, ante annos nongentos scripto: vi *Kal.*

A martyrii nos desiderium amoris sui igne succendat, **196** ejusque imitatores efficiat, qui non solum pro sui gloria, verum etiam pro exemplis eruditionis nostræ passionem sustinuit. Et cui conferre dignatus est in passione virtutem, intercedendi pro nobis tribuat facultatem; et orationem quam præcipere dignatus est, dicere sine cunctatione permittat. Pater noster.

Post orationem Dominicam.

Libera nos a malo, omnipotens Deus, et tribue nobis supplicibus tuis tam promptum pro Christo tuo ad patiendum animum, ut probemur, non nos martyrio, sed nobis defuisse martyrium. Per.

Benedictio populi.

Deus, qui tuos martyres ita vinxisti caritate, ut pro te etiam mori cuperent, ne perirent. Amen. Et beatum Stephanum in confessione ita succendisti fide, ut imbrem lapidum non timeret. Amen. Exaudi precem familiæ tuæ amatoris inter festa plaudentem. Amen. Accedat ad te vox illa intercedens pro populo, pro inimicis quæ orabat in ipso martyrio. Amen. Ut se obtinente, et te remunerante, perveniat illuc plebs adquæsitæ per gratiam, ubi te, cælis apertis, ipse vidit in gloriam. Amen. Quod ipse præstare digneris.

Collectio post Eucharistiam.

Deus, perennis salus, beatitudo inæstimabilis, da, quæsumus, omnibus tuis, ut qui sancta ac beata sumpserunt, et sancti jugiter et beati esse mereantur. Quod ipse præstare digneris.

Consummatio missæ.

Gratias agimus tibi, Domine, multiplicatis circa miserationibus tuis, qui et Filii tui nativitate nos salvas, et martyris Stephani deprecatione sustentas. Per Dominum nostrum Filium tuum.

VI. MISSA IN NATALE APOSTOLORUM JACOBI ^a, ET JOHANNIS.

Electionis Dominicæ præclarum testimonium, atque apostolicæ congregationis admirabile ornamentum, et evangelicæ veritatis cæleste præconium sanctos Dei apostolos et martyres, Jacobum et Johannem, præsentī festivitæ venerantes, fratres carissimi, Domino ac Deo nostro pariter supplicemus, ut qui eorum electionem vocatione sua præsciiit, nostram quoque vocationem **197** munerum sua electione confirmet; donetque nobis timoris sui perseverantiam, qui illis apostolatus gratiam vel Martyrii dedit coronam. Per Dominum nostrum Jesum Christum Filium suum.

Collectio sequitur.

Domine, qui beatissimis apostolis Jacobo et Johanni gloriam martyrii bibitione tui calicis prædixisti, ut et confirmares responsionem quam fides pura protulerat, et conferres virtutem quam caritas devota præsumperat, hanc eorum passionis memoriam Ecclesiam tuam sollemniter celebrantem placatus, *Januarii ordinatio episcopatus Jacobi apostoli fratris Domini, et Assumptio sancti Joannis evangelistæ.*

intende. Prosit, quæsumus, commemoratio sanctorum beatissimorum ad obtinendum tuæ miserationis auditum. Prosit apostolorum titulos recolere, ut Majestatis tuæ aures oratio nostra valeat inclinare. Prosit supplicare patrocinii, ut digneris exaudire suffragiis, Salvator mundi. Qui cum æterno Patre et Spiritu sancto vivis et regnas.

Collectio post nomina.

Domine, quem vocantem sancti apostoli Jacobus et Johannes fide integra sunt secuti, et quem sequentes ex caritate integra sunt electi, ut mundi piscatores fierent, qui profundi retia reliquissent, auribus percipe, quæsumus, orationem nostram, et tribue ut dum apostolicos triumphos admiramur et colimus, si adsequi eorum facta non possumus, implere saltem monita contendamus. Quod ipse præstare digneris, qui cum Patre et Spiritu.

Collectio ad pacem.

Domine æterne, cui ita in sanctis apostolis tuis Jacobo et Johanne placuit arcanum dispensationis im.... ut glorioso passionis exemplo, apostolorum chorum ille præcederet, iste præmitteret, atque ita inter utrumque grex consummaretur beatus, ut omnium devotionem ille præcederet, iste concluderet, miserere nostri, et exaudi nos, et præsta, ut possimus prædictorum martyrum tuorum apostolorumque, vel illius exemplo fidem tenere, qua coronatur, vel istius magisterio caritatem discere, quam docetur. Per Dominum nostrum Jesum Christum Filium tuum, qui te.

Immolatio missæ.

Dignum et justum est. Vere æquum et justum est nos tibi gratias agere, vota persolvere, Domine sancte, Pater omnipotens, æterne Deus. Quoniam tibi vivimus omnia opera tua, et in factura eorum te conlaudant et benedicunt omnes sancti tui, quos prædestinasti conformes fieri imagini Filii tui. In **198** quo exaltatum est cornu salutis eorum qui nomen ejus, quod est super omne nomen, coram regibus et potestatibus hujus sæculi voce libera confitentes, ipsius Domini Salvatoris exemplo per patibula poenarum, de persecutoribus suis et diabolo triumpharunt, et corpora sua dantes hostiam Deo, pretiosa tibi morte ceciderunt. Ex quibus exstant beatissimi apostoli et martyres tui Jacobus et Johannes, quorum natalem hodie celebramus, obsecrantes misericordiam tuam, piissime atque omnipotens Deus, ut eorum meritis suffragantibus, preces nostras propitius exaudias, per Dominum nostrum Jesum Christum Filium tuum, qui est sanctorum omnium virtus et gloria, victoria martyrum et corona, pastor ovium, et hostia sacerdotum, redemptio gentium, et propitiatio peccatorum. Ante cujus sacratissimam sedem stant angeli atque archangeli, et sine cessatione proclamant, dicentes : Sanctus, Sanctus, Sanctus.

Collectio post Sanctus.

Hosanna in excelsis. Vere sanctus, vere benedictus Dominus noster Jesus Christus Filius tuus, qui Sanctus in sanctis pro morte vitam, pro poena glo-

PATROL. LXXII.

ariam, pro confessione victoriam præstare dignatus est. Ipse enim qui pridie quam pat.

Benedictio populi.

Deus, qui tuos apostolos pretiosa gentium lumina præparasti, dum Jacobum et Johannem ad inlustrandas animas inter vasa Ecclesiæ candelabra fidei prætulisti. Amen. Da plebi tuæ imitari, quod unus exorando, alius docendo formavit. Amen. Fructificet in hoc populo, quod seminavit iste verbo, plantavit ille martyrio. Ut eorum interventu hæc turba illius reficiatur dulcedine, supra cujus pectus carus Johannes accubuit. Amen. Quod ipse præstare digneris, qui in Trinitate perfecta.

Post communionem.

Repleti, Domine, apostolorum celebritate tuorum, quæsumus ut te semper in eorum commemoratione laudemus, et tuam misericordiam, iisdem semper deprecantibus, consequamur. Per Dominum.

Collectio sequitur.

Apostolorum, quæsumus, Domine, intercessione nos adjuva, pro quorum sollemnitate lætantes, sancta tua percepimus dona. Per Dominum.

VII. MISSA IN NATALE SANCTORUM INFANTUM.

Deus, qui universam Ecclesiam tuam pretiosorum **199** martyrum tuorum virtutibus, velut quibusdam floribus coronasti, ut per trium, hos tuorum testium et sollemnitatum gloriam et devotionum exempla susciperes, sicut in hoc die, quo pro Domino nostro Jesu Christo Infantum innocentiam extollis usque ad merita passionum. Feliciter pro Christo mortui sunt; sed felicius cum eodem in æternitate victuri : qui ad hoc tantum per humanam infirmitatem nati sunt ad ærurnam, ut per Dei gratiam nascerentur martyres ad coronam. Præsta, omnipotens Deus, in hac sollemnitate diei hujus, ut sicut illis dedisti palmas victoriæ, ita nobis quoque consortium tribuas sempiternum. Per Dominum nostrum Jesum Christum Filium tuum, qui tecum vivit.

Collectio sequitur.

Deus omnipotentis ac benignatis, Deus misericordiæ atque pietatis, qui Bethleemiticæ plebi ac dominicæ civitati pro temporalibus ærurnis gaudiis æterna tribuisti, ut Rachel sancta plorans filios suos, quæ præferebat ex dolore luctum, nollet ex consolatione solatium, quia licet videretur de præsentibus Infantum amissione conterrita, erat tamen beata de martyrum perpetuitate securam. Da cunctis, Domine, in hoc loco consistentibus, et universæ plebi istius loci, ut sic habeant ex sanctæ vitæ conversatione palmam, sicut habuerunt parvuli ex passione victoriam. Per Dominum nostrum Jesum Christum Filium tuum, qui tecum vivit.

Collectio post nomina.

Deus, qui id quod per infantiam videtur exiguum magnum facis esse per merita, qui primordia adventus tui triumphis glorificas parvulorum, prius eos passionis martyrio quam ætatis provehis incremento. Felix mors eorum, et beatificanda conditio, per quam eis contigit ut sævitiam crudelissimi Herodis

deverint triumphando, et Christum mererentur in præmio. Da huic populo, tuo nomini consecrato, per consimilis gratiæ administrationem, meritorum similitudinem dignitatem, ut qui hanc sanctorum Infantum festivitatem pro honore nominis tui celebrant, ad ipsorum Infantum beatitudinem profectu fidei semper ascendant. Quod ipse præstare digneris, qui.

Immolatio missæ.

Dignum et justum est. Vere dignum et justum est, nos tibi semper et ubique gratias agere, Domine sancte, Pater omnipotens, æterne Deus, pro his præcipue quorum hodierno die annua festivitate recolentes memoriam passionis celebramus, quos Herodianus satelles lactantum **200** matrum uberibus abstraxit. Qui jure dicuntur martyrum flores, qui in medio frigore infidelitatis exorti, velut primas erumpentes Ecclesiæ gemmas quædam persecutionis pruina discussit, rutilante fonte in Bethlehem civitate. Infantes enim quia ætate loqui non poterant, laudem Domini cum gaudio [*Forsan gladio*] resonabant. Occisi prædicant, quod vivi non poterant. Loquuntur sanguine, quod lingua nequiverunt. Contulit his martyrium laudem, quibus abnegaverat lingua sermonem. Præmittit Infantes Infans Christus ad cælos; transmittit nova exenia Patri; primitias exhibet Genitori Parvulorum prima martyria, Herodis scelere perpetrata. Præstat hostia corpori, dum nocet; beneficium tribuit, dum occidit; moriendo vivitur, cadendo **resurgitur**, victoria per interitum comprobatur. Pro his ergo beneficiis et pro præsentis sollemnitate immensas pietati tuæ gratias referentes potius quam rependentes, cum sanctis angelis et archangelis, qui unum te Deum dominantem, distinctum, nec divisum; trinum, nec triplicem; solum, nec solitarium; consona laudamus voce, dicentes: Sanctus, Sanctus, Sanctus.

Benedictio populi.

Deus, qui tibi consecrasti primitias martyrum ab innocentia parvulorum. Amen. Et prius tibi coaptasti in confessione infantiam quam lingua solveretur in verba. Amen. Concede plebem tuam innocentem per gratiam, etsi non sint tempore sanguine fuso martyria. Amen. Servetur hic populus purgatus baptismo, qui tibi placitam fecisti innocentiam per cruorem. Amen. Ut illic suo interventu grex accedat per lavacrum, ubi felices Parvuli perfusi rore sanguinis gloriantur. Amen. Per Dominum nostrum Jesum Christum Filium tuum, qui tecum vivit et regnat.

VIII. ORDO MISSÆ IN CIRCUMCISIONE DOMINI NOSTRI JESU CHRISTI.

Christo Domino nostro, qui pro nobis dignatus est carne nasci, lege circumcidi, flumine baptizari, in hac octava Nativitatis ejus die, qua in se Circumcisionis sacramentum secundum præcepti veteris formam agi voluit, fratres carissimi, humiliter deprecemur, ut intra Ecclesiæ uterum nos viventes cotidie recreatione parturiat, quousque in nobis sua forma, in qua perfectæ ætatis plenitudinem teneamus, ap-

pareat. Cordis nostri præputia, quæ gentilibus **201** vitiis excreverunt, non ferro, sed spiritu circumcidat, donec carnali incremento, facinoribus amputatis, hoc solum in natura nostra faciat vivere, quod sibi et servire valeat et placere. Quod ipse præstare dignetur, qui cum Patre et Spiritu sancto vi. et reg.

Collectio sequitur.

Sancte, omnipotens, æterne Deus, tu nos convertens vivifica, et quos error gentilitatis involvit, agnitionis tuæ munus absolvas, ut aculeo mortis extincto, æternis vivificemur oraculis; ut sicut per infirmitatem carnis servivimus injustitiæ et iniquitati, ita nunc liberati a peccatis, serviamus justitiæ in sanctificatione. Per Dominum nostrum Jesum Christum Filium tuum.

Collectio post nomina.

Auditis nominibus offerentum, fratres dilectissimi, Christum Dominum deprecemur, ut sicut pro ejus Circumcisione carnali sollemnia celebramus, ita spiritualium nequitiarum inlusione devicta lætemur, præstante pietate sua; ut hæc sacrificia sic viventibus proficiant ad emendationem, ut defunctis opitulentur ad requiem. Per Dominum nostrum Jesum Christum Filium suum, secum viventem, semperque regn. in unitate Spiritus sancti in sæcula sæcul.

Collectio ad pacem.

Deus qui magis circumcisionem cordis quam corporis diligis, et non admittis inductam per litteram præputii circumcissionem, sed fidei innexam cum bono opere caritatem, tu nostras aures deseca, ne audiant sanguinem; corda, ne teneant dolum; oculos, ne invadant alienum. Tu in manibus succide quod polluit, in pedibus quod ad malum currit, in præputiis quod carnalia concupiscit. Tu incide quod laniat, præcide quod vulnerat, abscinde quod lace- rat, excide quod scandala incrementat, ut amputato facinore, sola in nos valeat caritas propagari. Per Dominum nostrum Jesum Christum Filium tuum.

Immolatio.

Dignum et justum est. Vere æquum et justum est nos tibi gratias agere, teque benedicere in omni tempore, omnipotens, æterne Deus, quia in te vivimus, movemur et sumus, et nullum tempus nullumque momentum est quo a beneficiis pietatis tuæ vacuum transagamus. His autem diebus, quos variis sollemnitatibus causis salutarium nobis operum tuorum et munerum memoria signavit, vel innovante lætitia præteriti gaudii, vel permanentis boni temporis agnoscimus. Et propterea exultamus uberius, quia sicut in recens gaudium de venerabilis gratiæ recordatione reviviscimus. Unde hodiernum **202** diem a die salutiferi Natalis octavum, legitima Domini secundum carnem geniti Circumcisione signatum, ordinata commemoratione recolentes, sacrificium pacis in votis sollemnibus honoramus, et tantæ dignationis opus in Domini Altissimi pia humilitate veneramur. Qui sicut mortalitatem nostram adsumpsit, ut mortem consumeret, ita et jugum legis in sua carne suscepit, ut jugum diaboli a nostra cervice discuteret. Circumcisis est in carne corporis nostri,

ut nos per verbum Spiritus sui in corde purgati, sine carnis vulneribus circumcideremur in spiritu; ut utrique sexui proficeret circumcisio spiritalis, quia pro universitate generis humani Salvator advenerat. Unde utrumque sexum sacramentum Incarnationis amplexus est, suscipiens Virum, natus ex Femina. Quamobrem, Domine, sacrificium Circumcisionis sollemnitate votiva pro nostræ æternitatis gaudio suppliciter offerentes, placido dignare conspectu conspicere, et offerentium preces placatus exaudi, per Christum Dominum nostrum. Per quem majestatem tuam laudant angeli.

Post Sanctus.

Vere Sanctus, vere benedictus Dominus noster Jesus Christus Filius tuus, qui venit quærere et saluum facere quod perierat. Ipse enim pridie quam.

Post secreta.

Hæc nos, Domine, instituta et præcepta retinentes, suppliciter oramus, uti hoc sacrificium suscipere, et benedicere, et sanctificare digneris, ut fiat nobis Eucharistia legitima in tuo Filii tui nomine, et Spiritus sancti, in transformationem^a corporis ac sanguinis Domini Dei nostri Jesu Christi Unigeniti tui. Per quem omnia creas, creata benedixisti, benedicta sanctificas, et sanctificata largiris Deus, qui in Trinitate perfecta vivis et regnas in sæcula sæculorum.

Ante orationem Dominicam.

Omnipotentem sempiternum Dominum deprecemur, ut qui in Domini nostri Jesu Christi Circumcisione tribuit totius religionis initium perfectionemque constare, det nobis in ejus portione censeris, in quo totius salutis humanæ perfectio summa consistit, et orationem quam nos Dominus noster edocuit, cum fiducia dicere permittat. Pater noster.

Post orationem Dominicam.

Libera nos a malo, omnipotens **203** Deus, et præsta, ut incisa mole facinorum, sola in nos proficiant incremanta virtutum. Per Dominum nostrum Jesum Christum Filium tuum.

Benedictio populi.

Deus rerum omnium rector et conditor, qui omnia quæ a te facta sunt, majestate impleas, scientia ordinas, pietate custodis. Amen. Respicere dignare hos populos tuos, qui per nostri oris officium benedictionum tuarum dona desiderant. Amen. Reple eos tuæ scientia voluntatis, ut in omnibus mandatorum imperio piæ venerationis famulentur officio. Amen. Averte ab his inhonesta et turpia libidinum probra. Averte jocundas et noxias corporum voluptates. Averte invidiam tuis beneficiis et bonis omnibus inimicam. Amen. Ut in omni patientia et longanimitate crescentes, a te vocati ad Patrem æterni luminis, transeant in regnum hereditariæ claritatis. Amen.

Quod ipse præstare digneris, qui cum Patre et Spi-

^a Idem vocabulum infra in missa 20 pro Cathedra sancti Petri, et in missa 65 de sancto Leodegario. Item in Missali Francorum, num. 8 ubi de ordinatione presbyterorum; item in Missali Gallicano, num. 47.

^b Hæc benedictio est alterius missæ, forte ejus

ritu sancto vivis et regnas in sæcula sæculorum. Amen.

Collectio post communionem.

Refecti spiritali cibo, et cælesti poculo reparati, omnipotentem Deum, fratres carissimi, deprecemur, ut qui nos corporis sui participatione et sanguinis effusione redemit, in requiem sempiternam jubeat conlocare. Per Dominum nostrum Jesum Christum Filium suum.

Collectio sequitur.

Misericordiam tuam, Domine, supplices exoramus, ut hoc tuum Sacramentum non sit nobis reatus ad pœnam, sed fiat intercessio salutaris ad veniam. Quod ipse præstare digneris.

Benedictio^b populi.

Benedicat vos Dominus omnipotens, et per abundantiam misericordiæ suæ cor nostrum conrobores. Amen. Mentem sanctificet, vitam amplificet, castimoniam decoret, atque sensus vestros in bonis operibus semper ædificet. Amen. Prospera tribuat, pacem concedat, salutem conferat, quietem nutriet, caritatem muniat, et ab omnibus diabolicis et humanis insidiis sua vos semper protectione et virtute defendat. Amen. Et ita devotionem vestram placatus semper suscipiat, ut quæcumquæ ab eo postulaveritis, clementer concedat. Amen. Auferat omnia mala, quæ **204** gessistis, et tribuat gratiam, quam rogastis. Amen. Per Dominum nostrum Jesum Christum Filium suum.

C IX. INCIPIUNT PRÆFATIONES, CUM COLLECTIONES IN VIGILIIS EPHIPHANÆ.

Præfatio.

Miraculorum primordia, quæ Dominus noster Jesus Christus proferre in adsumptæ carnis novitate dignatus est, fratres carissimi, debita exultatione veneremur, quia dum se Deum intra humana viscera proferrebat, jam de salutis nostræ absolutione tractabat. Homo est utique invitatus ad nuptias; et quod in nuptiis protulit, Deum probavit. Cujus præconia nec inter ipsa quidem virtutum possumus rudimenta depromere, sed dum tantarum rerum stupescimus gloriam, temeritatem proferendæ laudis ingredimur. Humili ergo oratione poscamus ut per ipsum ad vitam æternam nobis tribuatur ingressus, cujus natiuitatis lumine orbis illustratus est universus. Quod ipse præstare dignetur, qui in Trinitate perfecta vivit et regnat in sæcula sæculorum.

Collectio sequitur.

Omnipotens et misericors Deus, plebi tuæ suppliciter oxoranti pia benignitate responde, quam cernis in hoc die fideli devotione gaudere, quod Dominus ac Deus noster, vera humilitate suscepta, sic servilem formam misericorditer ostendit in sæculo, ut divi-

quæ erat ad prohibendum ab idolis. Communionem ubique præcedit benedictio, ex dictis in lib. 1, cap. 4, num. 14, patetque ex præmissis et sequentibus missis, præterquam in missa 21 pro Quadragesimæ initio.

nam potentiam suam mirabiliter monstraret in cælo. Qui enim pro nobis puer parvulus fuit, ipse ad se magos officio stellæ præeuntis adduxit. Obsecramus itaque, Domine, clementiam tuam, ut sicut illis dedisti Christum tuum verum Deum in vera carne cognoscere, sic omnes fideles tuos, quos materno sinu sancta gestat Ecclesia, in præsentī tempore protegas invictæ virtutis auxilio, et in futuro facias regni cælestis adipisci munere sempiterno. Per ipsum Dominum nostrum Jesum Christum Filium tuum, qui tecum beatus vi.

Præfatio.

Omnipotentem Dominum, fratres carissimi, et Jesum Christum Filium ejus et Salvatorem nostrum, qui tantis virtutibus se manifestavit in terris, et multa mirabilia demonstravit in populis, universi summis precibus deprecemur, ut qui infirmos curavit, et mortuos suscitavit, leprosos mundavit, cæcos inluminavit, et de quinque panibus, et duobus piscibus quinque milia hominum satiavit; ut qui hæc operatus est in terris, nobis quoque propitius adesse **205** dignetur in cunctis delictis, Salvator mundi, qui cum æterno Patre vivit et reg.

Collectio sequitur.

Omnipotens sempiterne Deus, mundi creator et rector, qui hunc superventuræ sollemnitatis diem electionis gentium primitiis consecrasti, imple mundum gloria tua, et subditis tibi populis per luminis tui lumen appare, ut salutare tuum nova cælorum claritate mirabile nostris semper innovandis cordibus oriatur. Per Dominum nostrum Jesum Christum Filium, qui tecum vivit et regnat.

Præfatio.

Deum omnipotentem, qui nobis hujus noctis festivitatem indulsit, fratres carissimi, deprecemur, ut det nobis etiam munditiā cordis, ut sicut magi, stella præeunte, Dominum Jesum Christum invenerunt, et optata consecuti sunt gaudia, atque apertis thesauris suis, obtulerunt ei munera aurum, thus, et myrrham, ita et nos famuli sui, ejusdem Salvatoris nostri auxilio præmoniti, terram promissionis mereamur ingredi, ut gaudeamus nos æterna regni cælestis possessione ditari. Per Dominum nostrum Jesum Christum Filium suum, secum viventem, semperque regnantem.

Collectio sequitur.

Deus, qui Verbi tui incarnationem præclari testimonio sideris indicasti, quod videntes magi, oblati Majestatem tuam muneribus adorarunt, concede ut semper in mentibus nostris tuæ appareat stellæ notitia, ac noster in tua sit confessione thesaurus. Per Dominum nostrum Jesum Christum Filium tuum.

Præfatio.

Omnipotentem sempiternum Dominum, cujus non minor est misericordia quam potestas, qui licet æstimatione operum universorum suorum vicerit, ipse tamen suorum operum magnitudinem pietate vicit, mittendo nobis Jesum Christum Filium suum Dominum nostrum, cujus et onus leve est, et *jugum suave*, virginali utero procreatus ad hoc tra-

didit nobis salutis jugum, ut omnes nos exaltaret in regnum, Fratres dilectissimi, supplici oratione precemur, ut expellat de sensibus nostris pravæ cogitationis obscuritatem, ut nullis deinceps peccatorum fuscemur maculis, quibus jubar suæ splenduit caritatis. Per Dominum nostrum Jesum Christum Filium tuum, qui secum.

Collectio sequitur.

Exaudi nos salutaris noster, et hanc annuam sollemnitatis nostræ devotionem dignanter suscipe; ut sicut Magis ad ostensionem salutaris viæ refulsit stella, **206** ita nostris mentibus per gratiam tui muneris lumen infundas, ut possimus in viam veritatis confitentes, te protegente, incedere. Per Dominum nostrum Jesum Christum Filium tuum.

Præfatio.

Narrantes laudes Domini, et potentias et mirabilia quæ fecit, fratres carissimi, cum ante conspectum populi sui mare divideret, lumen prætenderet, ignem præferret, cæli januas aperiret, panem angelicum ministraret, rogemus uti quoque nobis similibus virtutum suarum circumdet excubiis, ne vel sæculi hujus fluctus obvolvatur, vel incertum vitæ cursum iter teneat, vel cæli aditus orationi non pateat, vel panis vivus vitam, se negando, non præbeat, sed in redemptionem acquisitionis, atque in laudem gloriæ suæ, quod tribuit ænigmate, tribuat veritati. Per Dominum nostrum Jesum Christum Filium suum, qui vivit et regnat.

Collectio sequitur.

Operum tuorum, Deus, quantum miranda potentia, tantum magis est gratia diligenda. Tuo namque imperio stella magis ducatum præbuit, et usque ad Christum certa itineris directione perduxit: cujus humanitas vera sic fuit in carne, ut vera majestas resplenderet in opere. Infans enim astris famulantibus ostenditur, et a magis parvulus adoratur. Quæsumus ergo, Domine, ut etiam nostros errores misericorditer corrigas, et ad veritatis tuæ salutiferam visionem, præcedente nos tuæ miserationis inluminacione, perducas. Per Dominum nostrum Jesum Christum Filium tuum.

Præfatio.

Deum, qui sanctificavit Jordanis fluentia, benedixit conjugia nuptialium, fratres carissimi, deprecemur, ut cujus miracula annuis recolimus vicibus, sola ejus gratia mereamur indulgentiam peccatorum. Quod ipse præstare dignetur, qui cum Patre et Spiritu sancto vivit et regnat.

Collectio sequitur.

Exaudi nos, Domine, in hujus sollemnitatis excubias, et quæsumus ut plebis hujus corda in tuis mirabilibus sacratis tibi excubiis celebrantibus, benignus adesse digneris; et qui Jordanis sanctificare dignatus es aquas, nos quoque tibi sanctos et immaculatos sistere facias. Qui cum Patre et Spiritu sancto vivis et regnas.

X. MISSA IN VIGILIIS EPIPHANIE.

Præfatio.

207 Incorruptarum naturarum beneficiorum Dominum ac Deum nostrum, fratres carissimi, deprecemur, ut nos in Epiphaniæ, id est Manifestationis suæ diem, ad sacram excubiarum sollemnitatem collectos, tales faciat, qui inlustrationem incarnationis ejus, vel nativitatem ex Virgine, vel baptismum apud Jordanem, vel mirabile apud Cana signum pro nostra salute credimus factum, nostro in nobis opere demonstramus, ut beneficiorum immensitatem nostris confessionibus lucidemur. Per Dominum nostrum Jesum Christum Filium suum: qui secum vivit.

Collectio sequitur.

Deus, qui, per Unigenitum Jesum Christum Filium tuum Dominum nostrum, sanctificationem salutis æternæ aquas regenerantibus præstitisti; et, veniente super caput illius spiritali columba, per Spiritum sanctum ipse venisti; dona, quæsumus, ut veniat super hanc omnem Ecclesiam tuam illa benedictio, quæ cunctos jugiter protegat, quæ diversos sine cessatione benedicat, quæ cursum te sequentium dirigat, quæ se expectationi omnium janua regni cælestis aperiat. Per Dominum nostrum Jesum Christum Filium tuum, qui semper tecum vivit et.

Collectio post nomina.

Præsta, omnipotens Deus, per ineffabilem misericordiae tuæ caritatem, ut cujus virtus atque majestas in mirabilium tuorum diversitate claruit, in nostrarum quoque mentium purificatione clarescat. Præsentem itaque oblationem ita inlabere, ut medelam viventibus, defunctis refrigerium præstet; et quorum texuit recitatio præmissa sortem, inter electos jubeas adgregare. Per Dominum nostrum Jesum Christum Filium tuum.

Collectio ad pacem.

Deus inluminator omnium gentium, da populis tuis perpetua pace gaudere; et illud lumen splendendum infunde cordibus nostris, quem trium magorum mentibus aspirasti. Per Dominum nostrum Jesum Christum Filium tuum, tecum vi.

Immolatio missæ.

Dignum et justum est. Vere dignum et justum est, nos te laudare, omnipotens sempiterne Deus; quia notam fecisti in populis virtutem tuam, et Salutare tuum cunctis gentibus declarasti, hodiernum declarans diem, in qua, ad adorandam veri Regis infantiam, excitatos de mundi partibus viros clarior ceteris sideribus, **208** stella perduceret, et cæli ac terræ Dominum, in salutem omnium corporaliter natum, radius tuæ lucis ostenderet. Propterea profusis gaudiis totus per orbem terrarum mundus exultat: sed et supernæ concinunt potestates hymnum gloriæ tuæ, sine fine dicentes: Sanctus, Sanctus, Sanctus.

Benedictio populi.

Deus, qui præsentem diem ita dignaris diligere, ut eum tot elegeris miraculis inlustrare. Amen. Qui dignatus es pro forma facturæ salutis nostræ, in Jordanis fontem Fons aquæ vivæ descendere. Amen. In quo te adorandum stella magos docuit, et aquæ

A pallor vina produxit. Amen. Esto tuæ familiæ ipse lux itineris, qui stella indice clarificatus es Rex salutis. Amen. Convertite ad te quærendum stupidas mentes hominum, qui nuptiale convivio vertisti latices in falernum. Amen. Ut juncta cum angelis in excelsis, Deo tibi cantet gloriam plebs protecta. Amen. Præsta, Salvator mundi, qui cum Patre et Spiritu sancto vivis.

XI. MISSA IN DIEM SANCTUM EPIPHANIE.

Venerabilem ac primitivum in mirabilibus Epiphaniæ diem, in quo noster Redemptor et Dominus virtutis suæ documenta prætendens, ab annis infantie paternam protulit potestatem, obsequiorum nostrorum famulantibus votis, et celebri sollemnitate, fratres carissimi, veneremur, pia obsecratione poscentes ut qui tunc aquas in vina mutavit, nunc in sanguinem suum oblationum nostrarum vina convertat, et qui aliis saturitatem meri potatione concessit, nos potationis suæ libamine et Paracliti Spiritus infusione sanctificet. Per Dominum nostrum Jesum Christum Filium suum, qui secum vivit.

Collectio sequitur.

Deus, qui mirificis virtutum tuarum signis salutis nostræ indicia declarasti, qui, magis stella præfulgente degressis, adorare et promereri te Regem æternum Dominumque perpetuum mysticis muneribus præstitisti, qui in corpore nostro mirabilis baptismi sacramento regeneratos ex Spiritu nos abluis renascendo, et ineffabilis potentie dono hodie aquas in vina mutando, discipulis tuis tuam manifestasti **209** divinitatem, exaudi nos supplices tuos ob diem sacratissimæ sollemnitatis, et præsta ut, gloria tua inluminati, sæculo moriamur, tibi Regi Christo vivamus, Salvator mundi, qui cum Patre, et Spiritu sancto vivis et regnas in sæcula.

Collectio post nomina.

Auditis nominibus ac desideris offerentum, fratres carissimi, Dei Patris omnipotentis clementiam deprecemur, ut qui hodie per Filium suum mirifice aquæ speciem vertit in vinum, ita omnium simul oblationes et vota convertere dignetur in sacrificium divinum, et accepto ferre, ut accepto tulit Abel justis sui munera et Abrahæ Patriarchæ sui hostias. Et quorum nomina textit recitatio præmissa, eorum sortem inter electos jubeat adgregare. Per Dominum nostrum Jesum Christum Filium suum, secum viventem, semperque regnantem.

Collectio ad pacem.

Domine Christe Jesu, qui majestate sublimis es, et potestate subnixus, cum in virtute Patris obsequeris jussionibus Matris, ut et Filium hominis ostenderes obsequiis, et Deum virtutibus adprobares, qui ad omnium gentium lavationem Jordanis alveum sanctificaturus intrasti, ut peccata nostra ablueres, conscientiasque purgares, visita Ecclesiam tuam, et perfice omnium vota; pacem etiam non petentibus præsta, ut osculum quod in labiis datur, in cordibus non negetur. Quod ipse præstare digneris, qui cum Patre et Spiritu sancto vivis et regnas.

Contestatio.

Vere dignum et justum est æquum et justum est, nos tibi semper et ubique gratias agere, Domine sancte, Pater omnipotens, æterne Deus. Qui nobis super Jordanis alveum de cælis vocem in modum tonitruï præbuiisti, ut Salvatorem sæculi demonstrares, et Patrem luminis æterni ostenderes; cælos aperuisti, aerem benedixisti, fontem purificasti, et tuum Unicum per columbam sancti Spiritus demonstrasti. Susceperunt fontes hodie benedictionem tuam, et tulerunt maledictionem nostram: ita ut credentibus purificationem omnium delictorum exhibeant, et Deo filios regenerando faciant ad vitam æternam, quos ad temporalem vitam carnalis natiuitas fuderat. Nam quos mors per prævaricationem ceperat, hos vita æterna a morte recipiens, ad cælorum regna revocat. Unde debita exultatione voces nostras jungimus confessionibus angelorum, qui gloriam tuam mirabile sacramento hodierna sollemnitate venerantes, **210** pro apparitione Jesu Christi Domini nostri, et pro nostræ vocationis exordio sacrificium tibi laudis offerimus, per ipsum Dominum nostrum. Per quem maiestatem tuam laudant angeli.

Collectio post *Sanctus*.

Vere sanctus, vere benedictus Dominus noster Jesus Christus Filius tuus, qui ad puerperii cælestis indicium, hæc hodie contulit mundo suæ miracula maiestatis, ut adorandam magis ostenderet stellam; et transacto temporis intervallo, aquas in vino mutaret, suoque baptisate sanctificaret fluentia Jordanis, Jesus Christus Dominus noster. Qui prid. quam pareret.

Post mysterium.

Sacrificiis præsentibus, Domine, quæsumus, intende placatus: quibus non jam ^a aurum, thus, et myrrha profertur, sed [quod] iisdem muneribus declaratur, offertur, immolatur, sumitur. Per Dominum nostrum Jesum Christum Filium tuum, qui tecum, et cum Spiritu sancto vi.

Ante orationem Dominicam.

Non nostro præsumentes, Domine, merito, sed Domini nostri Jesu Christi Filii tui, quem ut nos a tenebris et umbrâ mortis liberaret misisti, obediens imperio. Indigni quidem sumus nomine filiorum, sed jubemur dicere: Pater noster.

Post orationem Dominicam.

Libera nos a malo, omnipotens æterne Deus, et dominare tu nostri, qui mortis a nobis dominia repulisti, ut tua semper, Domine, cogitemus cum alacritate mandata, cum timore iudicia, cum exultatione promissa. Per eum qui tecum vivit, dominatur et regnat Deus in unitate Spiritus sancti in sæcula sæculorum.

Benedictio populi.

Omnipotens Artifex, qui sæpe quamplurimis, hodie tamen insignibus te declarasti miraculis. Amen. Qui

^a Hæc eadem verba in oratione Secreta pro Epiphania in Ordine Gregoriano. Olim Francorum reges, exemplo magorum, aurum, thus et myrrham in die Epiphaniæ ad altare offerebant, ex Nangii Gal-

A recurrenti tempore multiplicasti Pastor vina prius in hydriis, deinde cibos in cophanis. Amen. Descendat a sedibus tuis super capita famulorum et famularum tuarum Spiritus sanctus tuus ille, qui in Jordane, baptizante Johanne, in columba corporaliter visus est descendisse. Amen. Reple animas eorum vino justitiæ, qui sermone tuo hodie ex aquarum sapore mutasti. Amen. Adesto tuæ plebi devotione **211** singulari te sacra per mysteria veneranti. Amen. Porridge, Pastor, epulum, quo, victa fame sæculi, cibis æternitatis animæ saginentur. Infunde etiam super eos spiritualium dona virtutum, ut nihil in eis inimicus aut violentia subrepat, aut fraude decipiat. Amen. Sed per bonæ conversationis perseverantiam ii, qui adoptione vocati sunt filiorum, intrare in possessionem mereantur heredum. Amen. Ut cum hinc transferri migrando præcipietur, illic admitti permittatur, unde te Deum adoravit magis admiratum adstans sidus præsepio. Amen. Quod ipse præstare digneris, qui in Trinitate perfecta vis, dominaris et regnas. Amen.

Post Eucharistiam.

Divinam misericordiam, fratres carissimi, concordi oratione poscamus, uti hæc salutifera Sacramenta nostris recepta pectoribus purifcent animam corpusque sanctificent, atque in spem cælestium viscera pariter et corda confirment. Quod ipse præstare dignetur, qui vivit et regnat.

Collectio sequitur.

Respice, Domine, propitius ad plebem tuam; et **C** quam divinis tribuis proficere sacramentis, ab omnibus absolve peccatis. Per Dominum nostrum Jesum Christum Filium tuum.

XII. MISSA IN ADSUMPTIONE ^b SANCTÆ MARIE MATRIS DOMINI NOSTRI.

Generosæ diei dominicæ Genitricis inexplicabile sacramentum, tanto magis præconabile, quantum est inter homines Assumptione Virginis singulare: apud quem vitæ integritas obtinuit Filium, et mors non invenit par exemplum: nec minus ingerens stuporem de transitu, quam exultationem ferens unico beata de partu. Non solum mirabilis pignore, quod fide concepit; sed translatione prædicabilis, qua migravit. Speciali tripudio, affectu multimodo, fideli voto, fratres dilectissimi, corde deprecemur attento, ut ejus adjuti muniamur suffragio, quæ fecunda Virgo, beata de partu, clara de merito, felix prædicatur abscessu: obsecrantes misericordiam Redemptoris nostri, ut circumstantem plebem illuc dignetur introducere, quo beatam matrem Mariam, famulantibus apostolis, transtulit ad honorem. Quod ipse præstare dignetur, qui cum Patre, et Spiritu sancto **212** vivit et regnat Deus in sæcul.

Collectio sequitur.

Deus, qui dum opus illud fabricæ mundialis, quod sola imperii jussione creaveras, perire non pateris,

lico continuatore, ad annum 1578.

^b Assumptionis beatæ Mariæ festum apud Gallos seu Francos in Januario quondam celebratum fuisse, diximus in lib. II, num. 22.

domum tibi in alvum Virginis fabricasti, et ne periret gens a te plasmata, revelasti sæculis inaudita mysteria, ut, quem cælorum excelsa non capiunt, parvus puellulæ alvus includeret, precamur supplices, ut de quibus, et pro quibus suscepisti membra mortalia, intercedente beata Maria genitrice tua, capere facias, devicta sæculi ambitione, victoriam, Salvator mundi, qui cum æterno Patre vivis et regnas Deus in unitate Spiritus sancti Deus in sæcul.

Collectio post nomina.

Habitatorem virginalis hospitii, Sponsum beati thalami, Dominum tabernaculi, regem templi, qui eam innocentiam contulit Genitrici, qua dignaretur incarnata Deitas generari; quæ nihil sæculi conscia, tantum precibus mens attenta, tenuit puritatem in moribus, quam perceperat angeli benedictione visceribus; nec per Assumptionem de morte sensit inluviem, quæ vitæ portavit Auctorem; fratres carissimi, fuis precibus Dominum imploremus, ut ejus indulgentia illuc defuncti liberentur a tartaro, quo beatæ Virginis translatum corpus^a est de sepulcro. Quod ipse præstare dignetur, qui in trinitate perfecta vi.

Collectio ad pacem.

Deus universalis machinæ propagator, qui in sanctis spiritualiter, in Matre vero Virgine etiam corporaliter habitasti; quæ ditata tuæ plenitudinis ubertate, mansuetudine florens, caritate vicens, pace gaudens, pietate præcellens, ab angelo gratia plena, ab Elisabeth benedicta, a Gentibus merito prædicatur beata; cujus nobis fides mysterium, partus gaudium, vita provectum, discessus attulit hoc festivum; precamur supplices, ut pacem, quæ in adsumptione Matris tunc præbnuisti discipulis, solemni^b nuper largiaris in cunctis, Salvator mundi, qui cum Patre, et Spiritu sancto vivis.

Contestatio.

Dignum et justum est, omnipotens Deus, nos tibi magnas merito gratias agere, tempore celeberrimo, die præ ceteris honorando. Quo fidelis Israhel egressus est de Ægypto, quo Virgo Dei Genitrix de mundo migravit ad Christum. Quæ nec de corruptione suscepit contagium, **213** nec resolutionem pertulit in sepulcro; pollutione libera, germine gloriosa, assumptione secunda paradiso dote prælata; nesciens damna de coitu, sumens vota de fructu; non subdita dolori per partum, non labori per transitum, nec vita voluntate, nec funus solvitur vi naturæ. Speciosus thalamus, de quo dignus prodit Sponsus, lux gentium, spes fidelium, spes fidelium, prædo dæmonum, confusio Judæorum, vasculum vitæ, tabernaculum gloriæ, templum cæleste: ejus juvenulæ melius predicantur merita, cum veteris Evæ conferuntur exempla. Siquidem ista mundo vitam protulit, illa legem mortis invexit; illa prevaricando nos perdidit, ista generando salvavit. Illa nos poma arboris in ipsa radice percussit; ex hujus virga flos exiit, qui nos odore reficeret, fruge curaret. Illa ma-

^a Eadem fuit persuasio Gregorii episc. Turonensis in lib. i de Gloria martyrum, cap. 4.

^b Legendum puto, *sollemniter*, seu, ut veteres li-

ledictionem in dolore generat, ista benedictionem in salute confirmat. Illius perfidia serpenti consensit, conjugem decepit, prolem damnavit; hujus obedientia Patrem conciliavit, Filium meruit, posteritatem absolvit. Illa amaritudinem em pomi succo propinat; ista perennem dulcedinem Nati fonte desudat. Illa acerbo gustu natorum dentes deterruit; hæc suavissimi panis blandienti cibo formavit, cui nullus deperit, nisi qui de hoc pane saturari fauce fastidit. Sed jam veteres gemitus in gaudia nova vertamus. Ad te ergo revertimur, Virgo foeta, Mater intacta, nesciens virum puerpera, honorata per Filium, non polluta. Felix, per quam nobis insperata gaudia successerant. Cujus sicut gratulati sumus ortu, tripudiamus partu, ita glorificamur in transitu. Parum fortasse fuerat, si te Christus solo sanctificasset introitu, nisi etiam talem matrem adornasset egressu. Recte ab ipse suscepta es in Assumptione feliciter, quem pie suscepisti conceptura per fidem, ut quæ terræ non eras conscia, non teneret rupes inclusa. Vere diversis infulis anima redempta: cui apostoli sacrum reddunt obsequium, angeli cantum, Christus amplexum, nobis vehiculum, assumptio paradysum, inter choros virginum gloria principatum, per Christum Dominum nostrum. Cui Angeli atque Archangeli non cess.

Collectio post Sanctus.

Vere sanctus, vere gloriosus Unigenitus tuus Dominus noster Jesus Christus, qui cum de suo, Genitori esset æqualis, de nostro factus est minor ab angelis, et ex Patre habens immortalitatem, ex Matre quod moreretur adsumpsit, ut in se liberaret genus humanum de tartaro, dum ipsum mors non tenuit in sepulcro. **214** Ipse enim prid. quam pat.

Post mysterium.

Descendat, Domine, in his sacrificiis tuæ benedictionis coæternus et cooperator Paraclitus Spiritus, ut oblationem quam tibi de tua terra fructificante porregimus, cælesti^c permuneratione, te sanctificante, sumamus, ut translata fruge in corpore, calice in cruore, proficiat meritis, quod obtulimus pro delictis. Præsta omnipotens Deus, qui vivis et regnas in sæcula.

Ante orationem Dominicam.

Exaudi, omnipotens æterne Deus supplicem plebem tuam ob honorem Mariæ beatissimæ genitricis; et ita preces nostras benignus intende, ut cum fiducia dicere mereamur orationem, quam nos Dominus noster Jesus Christus Filius tuus orare sic docuit, dicens: Pater.

Post orationem Dominicam.

Libera nos ab omni malo, ab omni delicto, auctor omnium bonorum et conditor, Deus; et intercedente beata Maria genitrice tua, contra cotidiani hostis insidias cotidiana nos protectione defende, Salvator mundi, qui cum Patre, et Spiritu sancto vivis et regnas.

bri, *sollemniter*, pro *sollemni nuper*.

^c Non dubito quin legendum hoc loco, *cælesti permutatione*, ut sequentia probant.

Benedictio populi.

Deus, qui, cum te non capiunt cæli, dignatus es in templo uteri Virginalis includi. Amen. Ut mater integra haberet fructum de spiritu, et incorruptionem de partu. Amen. Da plebi Angelum custodem, qui Filium Mariæ, fide concipiente, prædixit. Amen. Sanctificet gregem tuum illa benedictio, quæ sine semine humano Redemptorem, Virginis firmavit in utero. Amen. Ut, te protegente, exultet Ecclesia de congregato populo; sicut Maria meruit gloriari de fructu. Amen. Quod ipse præstare digneris, qui cum Patre et Spiritu sancto vivis et regnas Deus in sæcula sæculorum. Amen.

Post Eucharistiam.

Adesto, quæsumus, Domine fidelibus tuis, ut quæsumpsit fideliter, et mente sibi et corpore, beatæ Mariæ intercessionem custodiat. Quod ipse præstare digneris, qui cum æterno Patre vivis et regnas.

Collectio sequitur.

Quæsumus, Domine Deus noster, ut, interveniente beata Maria, sacrosancta mysteria, quæ sumpsimus, actu subsequamur et sensu, et ejus nobis indulta refectio vitam conferat sempiternam per eum qui tecum et cum Spiritu sancto vivit et regnat.

XIII. MISSA IN NATALE AGNES VIRGINIS ET MARTYRIS.

215 In beatæ martyris Agnes natalitia tripudiantes, fratres carissimi, devoto corde Domino adistamus. Vere enim hujus est honorandus natalis, quæ sic nata est mundo, ut sit cælo renata; sic sub morte legis procreata, ut contereret mortis auctorem; sic infirmo sexu condita, ut metuenda viris fortibus despiceret tormenta; sic fragili conditione producta, ut puella virginibus et potestatibus triumpharet. O vera nobilitas, quæ sic terrena generatio processit, ut ad divinitatis consortium perveniret! Oremus ergo ut pro nobis interveniat precibus, quæ digna adstitit divinis obtutibus. Quod ipse præstare dignetur qui cum Patre, et Spiritu sancto vivit et regnat.

Collectio sequitur.

Deus victricis Agnes adjutor et præmium, exaudi nos illius interventu, cujus passionis natalem celebramus; cui tanti muneris gratiam contulisti, ut diabolus, qui per Evam humanum genus omne subverterat, tenera ætate Agnes contereret, et sexu inbecilli superaret, veritatis confectio prosterneret: evidenter ostendens quod non solum perpetuæ virginitatis martyra esset et virgo mansura, sed Agni immaculati sponsa fieri mereretur integre de nomine. Adsume ergo hujus sacrificii immolationem gratanter, qui coronasti gloriosam pro tantis meritis virginem. Per Dominum nostrum Jesum Christum Filium tuum.

Collectio post nomina.

Deus, qui virgineum florem per Mariæ uterum renovas, reddens nobis in Matre virgine, quod per incontinentem perditum fuerat matrem, quam sequentes sanctæ virgines cum palma martyrii ad tuum usque thalamum pervenerunt. Ex quibus ista beata Agnes martyra, cujus hodie passionis solemnitas agitur, quæ nos ad lætitiā suæ devotionis excita-

A vit. Vere est enim honorandus hujus diei natalis, quæ sic terrena generatione processit, ut ad divinitatis consortium per consecrationem virginitatis perveniret. Per Dominum.

Collectio ad pacem.

Læta nos, Domine, quæsumus, beatæ martyris tuæ Agnes festività semper excipiat, quæ et jocunditatem nobis suæ glorificationis, et pacis sinceritatem infundat, et tibi nos reddat acceptos. Per Dominum.

Immolatio.

Vere dignum, et justum est. Tibi enim, Domine, festa solemnitas agitur, tibi dies sacrata **216** celebratur, quam beatæ Agnes virginis sanguis in veritatis tuæ testificatione profusus, magnifico nominis tui honore signavit. Cui ad mirificandam gratiam tuam, in tenero adhuc corpore, et necdum puellare flore maturo, hanc virtutem fidei et patientiæ fortitudinem contulisti, ut sævitæ persecutoris non cederet constantia virginalis, quo gloriosior fieret corona martyrii; quia inter acerba supplicia nec sexui potuit eripere, nec ætati. Hujus igitur passionis diem hodierna devotione celebrantes, immolamus tibi, Domine Deus noster, victimam laudis. Quam cum Filio tuo Domino nostro et sancto Spiritu, per claritatem regnantem, cum angelis et archangelis dominationes, principatus, et potestates, cæli, cælorumque virtutes, ac beata seraphin socia exultatione concelebrant, dicentes: Sanctus.

XIV. MISSA IN NATALE SANCTÆ CÆCILIE VIRGINIS.

C Venerabilem ac sublimem beatæ martyris Cæcilie passionem et sanctam solemnitatem pia devotione celebrantes, conservatorem omnium Deum, fratres carissimi, deprecemur, ut piis Ecclesiæ suæ precibus propitiatus adsistat; et sicut illi hodie coronam dedit, nobis quoque misericordiam largiatur. Per Dominum nostrum Jesum Christum Filium suum, secum viventem.

Collectio sequitur.

Omnipotens sempiterne Deus, qui eligis infirma mundi, ut fortia quæque confundas, da nobis in festività sanctæ Cæcilie martyre congrua devotione gaudere, ut et potentiam tuam in ejus passione laudemus, et provisum nobis percipiamus auxilium. Per Dominum nostrum Jesum Christum Filium tuum.

Collectio post nomina.

Respice, Domine, quæsumus, plebem tuam de sanctæ Cæcilie martyris glorificatione gratulantem et beneplacitum tribue sacratarum tibi mentium famulatum, ut qui in sanctis tuis te honorare non desinunt, perpetua donorum tuorum largitate potiantur; et quod visibiliter exhibent, invisibiliter adprehendant; ut sicut illius grata sunt merita, sic nostræ servitutis accepta reddantur officia. Per Dominum nostrum Jesum Christum Filium tuum.

Collectio ad pacem.

Sanctæ martyre tuæ Cæcilie, Domine, supplicationibus tribue nos fovendi, ut cujus venerabilem solemnitatem prævenimus obsequio, ejus interces-

sionibus commendemur et meritis. Et præsta, quæsumus, Domine, **217** ut pax quæ profertur in labiis etiam cordibus non negetur. Per.

Immolutio missæ.

Dignum et justum est, æquum et salutare est, nos tibi semper gratias agere, omnipotens sempiterne Deus, qui perficis in infirmitate virtutem. Quia beata gloriosaque Cæcilia, despecto mundi conjugio, ad consortia superna contendens, nec ætate mutabili præpedita est, nec inlecebris est revocata carnalibus, nec sexu fragilitatis deterrita; sed inter puellas annos, inter sæculi blandimenta, inter supplicium persequentium, multiplicem victoriam virgo casta martyra implevit, et ad potiores triumphum secum ad regna cælestia Valerianum, cui fuerat nupta, perduxit. Et sic coronam pudicitie meruit, ut regium thalamum non solum virgo, sed etiam martyra intraret, per Christum Dominum nostrum. Per quem Majestatem tuam laudant Angeli, adorant Dom.

Benedictio populi.

Summe, optime, misericordissime Deus, benedic famulos et famulas tuas. Amen. Tribue eis per interventum sanctæ Cæcilie virginis, cor in tuo amore sollicitum, in tuo timore devotum, in tuo honore perfectum. Amen. Da eis tranquillitatem temporum, salubritatem corporum, salutem animarum. Amen. Mereantur te fide quærere, operibus invenire, gratia promereri. Amen. Et illa studeant agere, te teste; quæ digna fiant in remuneratione, te iudice. Amen. Quod ipse præstare digneris, qui in Trinitate perfecta vivis, dominaris, et regnas.

XV. MISSA IN NATALE SANCTI CLEMENTIS EPISCOPI.

Diem hunc gloriosæ passionis sancti ac venerabilis Clementis episcopi, per quem superstitiosa gentilitas conruit Judæorum, et fides catholica in corda hominum radiavit, fratres carissimi, revoluti anni circulo, debito veneremur obsequio, Domini misericordiam exorantes, ut qui cum lumen teterrimo gentilitatis errori præbuit, nos suo lumine oriens ex alto clarificet: qui illum sacræ præposuit ecclesiæ, nos sub mundialium fasce curarum gementes, ipso exorante, sublevare dignetur. Per Dominum nostrum Jesum Christum Filium suum, secum vi.

Collectio sequitur.

Christe omnipotens Deus, qui beatum Clementem antistitem propter nomen tuum in altitudine maris, paganorum tempestate **218** dimersum, ut in certamine probasti bellorum, ita post bellum patefactis arenis educis gloriosum, quæsumus pietatem tuam, ut nos a concupiscentiæ procellis erutos, Paternæ gloriæ repræsentantes innoxios, Salvator mundi. Qui cum æterno Patre vivis et regnas Deus in unitate Spiritus.

Collectio post nomina.

Nominum serie relata defunctorum, fratres caris-

* Hinc probatur antiquitas Actorum sancti Clementis, in quibus laudantur Sisinnius, Nervæ Imp. familiaris, ejusque uxor Theodora, a Clemente ad fidem conversi.

simi, omnipotentis Dei misericordiam supplices exoremus, ut interventu sancti Clementis antistitis et martyris sui, defunctis absolutionem, viventibus tribuat salutem. Memores etiam simus fidelissimorum suorum Sisennii^a atque Theodoræ, ut quibus per beatum martyrem fidem se credendi inseruit, eis paradisi regna participet. Per Dominum nostrum Jesum Christum Filium suum, secum vi.

Collectio ad pacem.

Concordator discordiæ, et origo societatis æternæ indivisa Trinitas, Deus, qui Sisennii infidelitatem ab Ecclesiæ unitate disjunctam, per sanctum Clementem antistitem et subdis catholicæ fidei, et innectis perpetuæ caritati, exaudi preces nostras, illamque nobis pacem tribue, quam quondam ætherem ascensurus apostolis reliquisti, ut qui præsentium laborum impressione inligati fuerint osculo, tua custodia pacifici permaneant in futuro. Quod ipse præstare digneris qui cum Patre.

Immolutio missæ.

Dignum et justum est. Vere dignum est, nos tibi gratias agere, Domine sancte, Pater omnipotens, æterne Deus, in sollemnitate sancti martyris tui Clementis. Qui cognationem reliquit et patriam, et post odorem tui nominis terras mariaque transmeans, abnegansque semetipsum, erucem peregrinationis adsumpsit, ut te per apostolorum tuorum vestigia sequeretur. Cui tu, Domine, secundum promissionem Filii tui, tam in præsentis sæculo quam in futuro centuplicata muneris præmia repensasti. Nam beatissimi Petri mox traditus disciplinis, parentes quos in genitali solo perdiderat, in externa regione restituis; quos terrenæ generationis amiserat, divinæ reddit naturæ participes. Deinde magistri sui vicarium per ordinem subrogando, Romanæ urbis, cujus propter te despexerat dignitatem, tenere constituis principatum. Pro quo transitoria claritate, cælesti facis honore conspicuum. Postremo martyrii gloria **219** sublimatum, pro temporalibus gestis ad æternam provehis coronam, per Christum Dominum nostrum. Per quem Majestatem tuam laudant Angeli, atque archangeli non cessant clamare, dicentes, Sanctus, Sanctus, Sanctus.

Benedictio populi.

Custos sacerdotii, dicator martyrii, palma triumphandi, Deus benedic famulos et famulas tuas. Amen. Dona eis martyris hujus obtentu recte vivere, sobrie agere, salubriter conversari. Amen. Ut illa agant suo arbitrio, quæ digna habeantur tuo iudicio et indigna inveniantur subiacere supplicio. Amen. Quod ipse præstare digneris qui in Trinitate perfecta vivis et regnas.

XVI. MISSA SANCTI SATURNINI^b EPISCOPI ET MARTYRIS.

Deum, qui immortales gloriosorum martyrum palmas triumphali cruore perfudit, et beatam diem hujus

^b Tolosatium scilicet episcopi, cujus festum III Kal. Decemb., id est in Vigilia sancti Andræ, de quo infra, ubi *Roma Garonnæ Tolosa* dicitur.

sollemnitatem suis pro se vincentibus dedicavit, fratres carissimi, suppliciter oremus, ut qui dedit diei hujus sollemnitatem, det plenum sollemnitatis effectum. Qui dedit hoc quod cultus festivitatis amplectitur, det ut affectu devotionis imitemur. Et quicquid sancto viro ac beatissimo martyrisuo Saturnino hodierno die profuit ad gloriam, nobis proficiat ad salutem. Per Dominum nostrum Jesum Christum Filium suum, qui secum et cum Spiritu sancto.

Collectio sequitur.

Debitas, omnipotens sempiterne Deus, referimus gratias Jesu Christo Domino nostro, in cujus similitudinem beatissimus Saturninus, dum offerret victimam, ipse sit victima; dum sacerdotium electus agit, martyrium devotus implevit, ut per eminentiam justitiæ atque victoriæ, et testis fuerit et antistes: in quo proficiens fidei latitudo, dum cathedram suscipit sanctitatis, coronam rapuit passionis. Ita Majestatem tuam, Domine, supplices exoramus, ut qui ei tantam pro nomine tuo præstitisti tolerantiam, per ejus intercessionem tribuas pro delictis plebi huic veniam. Per Dominum nostrum Jesum Christum Filium tuum.

Collectio post nomina.

Magnum nobis est semperque festivum, fratres carissimi, summi pontificis et martyris Saturnini meritis, depensis fideliter precibus exorare, qui Salvatoris **220** nostri præcepta custodiens, non solum sacerdotium ac vitæ beatitudinem meruit, se etiam tanti honoris officium felici martyrio consecravit. Per cujus meritis deprecemur omnipotentem Deum, ut illic defunctorum animas transferat a tartaro, quo illum causa amoris sui adsumere dignatus est post triumphum. Per Dominum nostrum Jesum Christum Filium suum, secum.

Collectio ad pacem.

Deus, qui viscera misericordiæ atque uberi multiplici, sic sanctos tuos coronas pro meritis, ut discordantium animos eorum intercessione pacifices, quæsumus per interventum sancti Saturnini antistitis et martyris tui ut pacificatam plebem, hujus festivitati collectam, sic ab omni similitudine separet, ut perfectam tuo conspectui habere digneris. Per Dominum nostrum Jesum Christum Filium tuum.

Contestatio.

Dignum et justum est. Optimum sane est, nobisque speciali devotione præcipuum, omnipotentiam tuam, Trinitas Deus, pro cunctorum triumphalibus poenis servitio linguæ supplicantis extollere, sed præcipue hoc tempore beatum Saturninum, tremendi nominis tui conclamantissimum testem debito honore suscipere: quem turba gentilium cum impulit e fano, intulit cælo. Siquidem ipse pontifex tuus ab Orientis partibus in urbem Tolosatium destinatus, Roma Garonnæ in vicem Petri tui, tam cathedram quam martyrium consummavit. Unde benedicimus te, Domine, in operibus tuis, et supplices deprecamur, ut spiritalia Christiani populi desideria sollemniter impleantur, et misericordia a te petita per sancti tui Saturnini suffragia celeriter impetretur. Ut

A cum tuæ Majestatis super nos apparuerit gloria, meritorum nostrorum tribuas indulgentiam, per Christum Dominum nostrum. Cui merito omnes angeli, atque archangeli, cherubim quoque et seraphim sine intermissione proclamant, dicentes: Sanctus, Sanctus, Sanctus.

XVII. MISSA IN NATALE SANCTI ANDRÆ APOSTOLI.

Præfatio.

Apostolicum et toti alium sæculo diem, quo re-tifex ille præclarus Andreas post inluminatam prædicatione Achaïam felici martyrio decoravit, vel proprii corporis hostiam crucis insignia amplectendo gestavit, fratres carissimi, intentis sensibus, et tótis visceribus excolamus, inclytam omnipotentis Dei misericordiam deprecantes, uti hunc populum crucis suæ signaculo **221** præmonitum, illuc jubeat adire, adminiculante fide, quo martyr præcessit impleto certamine. Quod ipse præstare dignetur, qui cum Patre et Spiritu sancto vivit et reg.

Collectio sequitur.

Christe Domine, crucifer gloriose, qui constantiam beati Andræ apostoli propter gloriam tui nominis crucifixi ita confortasti in prælio, ut extolleret in triumpho, exaudi hunc cœtum supplicem ac præsentem, et præsta ut qui hoc tempore ejus sollemnitati debitum fœnus exsolvimus, futuris temporibus modum vitæ castissimæ, ipso opitulante, servemus. Per te, Christe Salvator mundi, qui cum æterno Patre vivis, dominaris et regnas Deus in unitate Spiritus sancti in sæcula sæculorum.

Collectio post nomina.

C Omnipotentem Deum ac Dominum nostrum, fratres carissimi, deprecemur, ut hodierna sollemnia, que pro natale beatissimi apostoli et martyris sui Andræ suscepimus, sibi ipse commendet; ac sicut illi hodie ob prædicationem verbi sui capto, inter vincula carceris, flagella et crucis necem adfuit, et de triumpho nobili coronam dedit, ita interventu ejus nobis in se credentibus, qui pressuris hujus mundi, et insidiis adversarii fatigamur, in omnibus tentationibus adesse, ac misericordiam largiri dignetur, et offerentum ac pausantum, quæ recitata sunt nomina, Apostoli sui intercessione sanctificet. Per Dominum nostrum Jesum Christum Filium suum, secum viv.

Collectio ad pacem.

Omnipotens sempiterne Deus, qui tanta tibi caritate beatum Andream apostolum vinxisti, ut tuo auxilio mundi vinceret fluctus, carnis contereret motus, nitentisque gladii non paveret adsultus, quem crux elevata suscepit humilem, ut restitueret triumphantem, pacifica, quæsumus, hanc familiam ejus sollemnitati collectam, ut dum præbet oscula proximis, indulgens lædentibus veniam obtineat pro delictis. Per Dominum nostrum Jesum Christum Filium tuum, qui tecum.

Contestatio.

Dignum et justum est, æquum et justum est, pietati tuæ ineffabiles gratias referre, omnipotens, sempiterne Deus; et inæstimabili gaudio passionem tuo-

rum prædicare sanctorum, per Christum Dominum nostrum. Qui beato Andreæ in prima vocatione dedit fidem, et in passione donavit victoriam. Acceperat hæc utraque beatus Andreas; ideo habebat et in prædicatione constantiam, et in passione tolerantiam. Qui post iniqua verbera, **222** post carceris sæpta, alligatus suspendio se purum sacrificium tibi obtulit Deo. Extendit mitissimus brachia ad cœlos, amplectitur crucis vexillum, defligit in osculis ora, Agni cognoscit arcana. Denique dum ad patibulum duceretur, in cruce suspenderetur, carne patiebatur, et spiritu loquebatur. Obliviscitur crucis tormenta, dum de cruce Christum præconat. Quantum enim corpus ejus in ligno extendebatur, tantum in lingua ejus Christus exaltabatur, quia pendens in ligno, sociari se ei gratulabatur. Absolvi se non patitur a cruce, ne tepescat certamen in tempore. Turba circumspicit, et lamentatur; demitti a vinculo cupit, quem reparatorem mentis intelligit. Laxari postulat justum, ne pereat populus hoc delicto. Interea fundit Martyr spiritum, possessurus sempiterni Judicis regnum. Per cujus meritis concede nobis, omnipotens Deus, ut a malis omnibus tuti atque defensi, tibi Domino nostro Deo martyrum, et Principi apostolorum, laudes semper et gratias referamus cum angelis et archangelis, qui gloriam tuam non cessant clamare, dicentes.

Collectio post Sanctus.

Hosanna in excelsis. Vere sanctus, vere benedictus, vere gloriosus Dominus noster Jesus Christus Filius tuus, qui beatum Andreæ apostolum primum electione, exinde certamine consecravit. Ipse enim pridie quam.

Collectio post secreta.

Recolimus te, Domine, passum pro mundi salute humilem, sed credimus subsistere semper in Genitore potentem: precamur, ut qui de altario tuo participamus, cum beatis apostolis in cœlestibus gloriemur. Præsta, Salvator mundi, qui cum æterno Patre et Spiritu sancto vivis.

Collectio ante orationem Dominicam.

Deus, qui sanctos apostolos tuos, exemptos ab hujus sæculi fluctibus, angelicis jussisti cœtibus aggregare, quos etiam tuis præceptionibus inhærentes, qualiter te deprecarentur exhortator piissimus informasti, supplices quæsumus, ut qui illos hilari affatu salubriter imbuisti, nobis ipsam precem cum fiducia permittas clamare vel dicere: Pater noster.

Collectio post orationem Dominicam.

223 Ab omnimalo nos eripe, omnipotens Deus, et præsta ut jubar apostolici luminis circumdati, omnem nævum criminis cum pompis sæculi respiciamus. Per Dominum nostrum Jesum Christum Filium tuum.

Benedictio populi.

Domine Deus omnipotens, qui gloriosus super si-

* Hæc aliaque verba desumpta videntur ex vulgatis sancti Andreæ Actis, quæ sæculo viii nota erant apud Hispanos Beato abbati, qui ex eis verba refert sub finem libri i contra Elipandum. Libellus de Miraculis sancti Andreæ laudatur in Chronici Fonta-

dera sedens, alium nobis sidus, beatos apostolos reliquisti, quorum speciosam cohortem, felici claritate pollentem, prius præelegisti merito, ut prædestinaret in regno. Amen. Concede propitius circumstantem plebem crucis tuæ muniri signaculo, ut universum superet adversæ potestatis incursum. Amen. Infunde sensibus ejus apostolica dogmata, quate contempletur mente serena. Amen. Ut in illo tremendo discussionis tempore, eorum defensetur præsidio, quorum est secuta præceptum. Amen. Quod ipse præstare digneris, qui cum Patre, et Spiritu sancto vivis et regnas Deus.

XVIII. MISSA IN NATALE SANCTE EULALIÆ VIRGINIS.

Deum omnipotentem, Fratres carissimi, qui tantum prudentem virginitatem fidei sociatam apice gloriæ consecravit, ut per quem facta est mater Maria, fieret martyra Eulalia: illa pariendi effectus felix, ista moriendo: illa implens incarnationis officium, ista rapiens passionis exemplum; illa credidit Angelo, ista restitit inimico: illa electa, per quam nasceretur Christus, ista per quam vinceretur diabolus: supplici oratione poscimus, ut beatam Eulaliam pro nobis orantem exaudiat: et omnia, quæ, peccatis adversantibus, impedimur, ejus auxilio ab omni labe peccaminum eruamur. Per Dominum nostrum Jesum Christum Filium suum, secum.

Collectio sequitur.

Deus, qui sanctæ martyriæ tuæ Eulaliæ pro pœna gloriam, pro morte vitam, pro infirmitate virtutem, pro passionem coronam tribuisti; præsta, ut sicut illa exultat in gloria, sic nos de tua misericordia gratulemur; et in æternum veniam, te donante, consequi mereamur. Per Dominum **224** nostrum Jesum Christum Filium tuum, qui tecum.

Collectio post nomina.

Deum qui sanctæ famulæ suæ Eulaliæ gloriosam et immarcescibilem coronam martyrii contulit, fratres carissimi, supplices deprecemur, ut præstante divina misericordia, ipsius precibus obtineamus veniam, qui gloriam non meremur. Caris etiam nostris, qui nos in somno pacis præcesserunt, perennis ævi beatitudinem et perpetuæ lucis gratiam remunerare dignetur. Per Dominum nostrum Jesum Christum Filium suum, secum viv.

Collectio ad pacem.

Deus simultatum discussor, pacis quæsit, cujus ut pietatis est disjuncta conjungere, ita amoris est casta pacifice alligare, tu nunc nos, Domine, apostolorum tuorum dogmate obsequentes pace nocte, caritate orna, castitate sanctifica, ut qui de beatæ virginis Eulaliæ passione meruimus habere exemplum, mereamur, devicta iracundia, obtinere triumphum. Per Dominum nostrum Jesum Christum Filium tuum, qui tecum viv.

nellensis cap. 14.

* Non Barcinonensis, sed Emeritensis, de qua Prudentius in Peristephanon hymno 3. De hac Gregorius Turonensis in lib. i de Gloria martyrum, cap. 91, et Fortunatus in lib. viii, carm. 4.

Immolatio missæ.

Dignum et justum est, æquum et salutare est, nos tibi semper et ubique gratias agere, Domine sancte, Pater omnipotens, æterne Deus, teque laudare in omnibus operibus tuis. Qui dono gratiæ tuæ famulam tuam Eulaliam nobiliore mentis stigmale decorasti, ut inlæsam in se imaginis tuæ pulcritudinem custodiret. Digna vere comes Filii tui, quæ tenero sexu bellum fortis invaderet: et ultra opinionem humanæ virtutis ad tolerantiam pœnarum se, zelo tui amoris, obtulerit; quæ in speciem pretiosi Unigeniti sanguinem suum sub testimonio bonæ confessionis effunderet, et incorrupta flammis viscera in odorem suavissimi thymiamatis adoloret. Vadit ad tribunal cruenti præsidis nec quæsita, lucratura regnum, contemptura supplicium, inventura quæsitum, visura confessum; non trepida de sententia, non ambigua de corona, non defessa de eculeo, non diffisa de præmio. Interrogatur, confitetur, ingentique miraculo Majestas tua exaltatum Virginis spiritum, quem adsumpsit per flammam^a, suscepit per columbam, ut hoc prodigio in cælis virgo et martyr ascenderet, quo in terris Filium tuum Pater ostenderas. Per quem Majestatem tuam laudant **225** angeli, atque archangeli non cessant clamare dicentes.

XIX. MISSA IN CONVERSIONE b SANCTI PAULI.

Deus, qui beati Pauli apostoli dignitatem ubique facis gloriosam, præsta, quæsumus, ut et doctrina semper ipsius foveamur, et meritis. Per.

Collectio sequitur.

Sanctorum decus, remunerator justorum, Deus, qui super omnes et per omnia et in omnibus nobis es, cui sacrificium est cor contritum et oratio purum incensum, tribue nobis per intercessionem beatissimi Pauli apostoli sanctificationem cordis, fervorem spiritus corporis puritatem, ut mortificatis terrenis vitiis, immaculati spiritu et corpore nostro, tibi semper laudis hostias referamus. Quod.

Deus qui apostolum tuum Paulum, insolentem contra Christiani nominis pietatem, cælesti voce cum terrore perculsum, hodierna die vocationis ejus mentem cum nomine commutasti; et quem prius persecutorem metuebat Ecclesia, nunc cælestium mandatorum lætatur se habere doctorem; quemque **D** ideo foris cæcasti, ut introrsus videntem faceres; cuique post tenebras crudelitatis ablatas, ad evocandas gentes divinæ legis scientiam contulisti; sed et tertio naufragantem pro fide quam expugnaverat, jam devotum in elemento liquido fecisti vitare discrimen; sic nobis, quæsumus, ejus et mutationem et fidem colentibus, post cæcitatem peccatorum, fac te videre in cælis, qui inluminasti Paulum in terris; et munera præsentia libens accipe, quæ Apostoli tui precibus tibi fiant accepta.

^a Hæc Eulaliæ, non Barcinonensi, quæ capitis abscissione martyrium consummavit, sed Emeritensi conveniunt, quæ *bibit ore rogum*, ut Prudentius canit, et sub specie columbæ cælos petiit. Quod postremum

Collectio ad pacem.

A Deus, qui justitiæ leges in cordibus credentium digito tuo scribis, quique in Paulum hodierna die vocationis ejus de cælis, non atramento, sed Spiritu tuo vivo, caritatis tuæ fervorem ita scribis, ut proprium quassandum corpus pro Ecclesiæ tuæ tradat membris, qui ipsius Ecclesiæ olim contriverat membra, sic nobis ipsius interventu doctoris et fidelis magistri, fraternæ caritatis sinceræ consortium dona; et de tuæ dilectionis, quam ille habuit, multiplici flamma, vel unam scintillam dignare largiri, ut sequamur per dilectionem ferventem magistrum, cujus flagrantia in caritate frequentamus præcepta.

Immolatio missæ.

Dignum et justum est. Vere **226** æquum et justum est, nos tibi gratias agere, Domine sancte, Pater omnipotens, æterne Deus. Qui ut ostenderes te omnium cupere indulgere peccatis, persecutorem Ecclesiæ tuæ ad unum verbum tuæ vocationis lucratus es, et statim fecisti nobis ex persecutore doctorem. Nam qui alienas epistolas ad destructionem Ecclesiarum acceperat, cepit suas ad restaurationem earum scribere; et ut se ipsum Paulum factum ex Saulo monstraret, repente architectus sapiens fundamentum posuit, ut sancta Ecclesia tua catholica eo ædificante gauderet, a quo fuerat ante vastata; et tantus ejus defensor existeret, ut omnia supplicia corporis, et ipsam cædem corporis non timeret. Nam factus est caput Ecclesiæ, qui membra Ecclesiæ conquassaverat; caput terreni corporis tradidit, ut Christum caput in suis omnibus membris acciperet; per quod etiam Vas electionis esse meruit, qui eundem Dominum nostrum Jesum Christum Filium tuum in sui pectoris habitationem suscepit. Per quem Majestatem tuam laudant.

XX. MISSA IN CATHEDRA c SANCTI PETRI APOSTOLI.

Sollemnitatis prædicandæ diem præcipue nobilem, in quo fidem præcellenti Filius excelsi Dei ori Petri monstratus est, et in coapostolos interrogante de se Christo quis esset, vere confessus est, cum beatus Bar-Jona voce Redemptoris fide devota prælatus est, ut per hanc Petri Petram, bases Ecclesiæ fixus est, venerantes, fratres dilectissimi, deprecemur, ut tam gloriosa laude fidem Petri qui prætulit, ipse beatitudinis auctor plebem conroboret. Per Dominum nostrum.

Collectio sequitur.

Deus, qui hodierna die beatum Petrum post te dedisti caput Ecclesiæ, cum te ille vere confessus sit, et ipse a te digne prælatus sit, supplices exoramus, ut qui dedisti pastorem, ne quid de ovibus perderes, ut grex effugiat errores, ejus intercessione quem præferisti, salvifices. Quod ipse præst.

Post nomina.

Deum, qui beato Petro tantam potestatem discipulo contulit, ut si ipse ligaverit, non sit alter qui

etiam de Barcinonensi refertur.

^b In Martyrologio Gellonensi, annorum 900: viii Kal. Febr. beati Pauli conversio in Damasco.

^c De hoc festo vide observata in lib. II.

solverit, et quæ in terra solverit, item cælo soluta sint, precibus imploremus, ut eductis a tartaro defunctorum spiritibus, non prævaleant sepultis infernæ portæ per crimina, quas per Apostoli fidem vinci credit Ecclesia. Per Dominum nostrum Jesum Christum.

Collectio ad pacem.

Clementissime Conditor, qui tanta caritate succendisti discipulum, ut se de nave jactato, ad te celer festinaret pede nudo per pelagus, et videns hanc dilectionem, claves ei dares siderum, voces inspicere suggerentium; ut quicumque ex præcepto junguntur ad osculum, livore pectoris excluso, illuc per gratiam ducantur, quo cæli Petrus est janitor. Presta Salvator mundi, etc.

Contestatio.

Dignum et justum est: qui dives infinitæ clementiæ copioso munere plasmam tuæ creaturæ in tantum dignaris erigere, ut vernaculo limi patiaris homine de terrena compage claves cæli committeres, et ad judicandas tribus solium excelsæ sedis in sublime componeres. Testis est dies hodierna, beati Petri Cathedra episcopatus exposita, in qua fidei merito revelationis mysterium^a, Filium Dei confitendo, prælatus apostolos ordinatur. In cujus confessione est fundamentum Ecclesiæ, nec adversus hanc Petram portæ inferi prævalent, nec serpens vestigium expremat, nec triumphum mors obtinet. Quid vero beato Petro diverso sub tempore accessit laudis et gloriæ, quæ vox, quæ lingua, quis explicet? Hinc est quod mare tremulum fixo calcet vestigio, et inter undas liquidas pendula planta perambulat. Hic ad portam Speciosam contracti tendit vestigia, et tactus Petri digito, claudus non indiget baculo. Hinc carceratus dum dormitat, Christus cum ipso pervigilat; et retrusus ergastulo, foras procedit per angelum. Hinc paralyticum erexit decubantem in lectulo, ac debilitato verbo dedit vestigium. Hinc Tabitham mulierem revocavit de funere, et virtute imperanti prædare non licuit. Hinc tanta fidei dotem^b inter apostolos petiit, ut curaret universus languores dum præterit, et cadavera viverent umbra salubris quæ tetigit, per Christum Dominum nostrum. Cui mer.

Post Sanctus.

Suscipe, Domine, inter angelicæ vocis officium, nostræ quoque servitutis obsequium. Per Christum.

Post mysterium.

Hæc igitur præcepta servantes, sacrosancta munera nostræ salutis offerimus, obsecrantes ut **228** immittere digneris Spiritum tuum sanctum super hæc sollemnia, ut fiat nobis tegitima Eucharistia in tuo Filii quæ tui nomine, et Spiritus sancti, in transformatione corporis ac sanguinis Domini nostri Jesu Christi Unigeniti tui, edentibus nobis

^a Videtur legendum, *revelationis mysterio Filium Dei confitendo, prælatus apostolis, vel apostolus ordinatur.*

^b *Lege dote inter apostolos petiit.*

vitam æternam, regnumque perpetuum conlatura bibituris. Per ipsum Dominum.

Ante orationem Dominicam.

Divino magisterio edocti, et divina institutione formati, audemus dicere: Pater noster.

Post orationem Dominicam.

Libera nos, æterna Pietas et vera Libertas; neque sinas ab inimico capi, qui a te cupiunt possideri, Omnipotens. Qui vivis.

Benedictio.

Supra cælorum agmina sedens, totum orbem terrarum pugillo concludens, vota hæc hodierni diei sollemnia celebraturos peraudi. Amen. Ut qui sancti patroni nostri Petri tuique apostoli festa colimus, per ejus intercessionem tibi placeamus. Amen. **B** sacerdotum, regum cunctorumque populorum illa semper in mente, ut qui Deum verum confitentes, laudes dicentes, inlata^c nostrorum crimina salvantur. Amen. Et quemadmodum nos fecisti de sacro fonte procedere puros, ita nos jubeas in æterna repacula cum sanctorum cœtibus sociari perpetuos. Quod ipse præstare digneris, qui cum Patre.

XXI. ORDO MISSÆ IN INITIUM QUADRAGESIMÆ^d.

Omnipotens, sempiternus Deus, præsta ut Quadragesimale hoc jejunium sollemne et competentibus inchoemus obsequiis, et tibi placitis effectibus celebremus, humani generis Conditor et Redemptor, largire propitius, ut continentiam nostræ reformationis in tuis deputatam sincera conversatione tractemus. Quod ipse præstare.

Collectio sequitur.

Deus abstinentiæ, Deus castimonie, qui libenter jejunantium humilitate placaris, et humiliantium se precibus benignus inflecteris, exaudi preces nostras in hac hodierna die, quo Quadragesimale inchoamus jejunium, et diversarum tentationum quibus gravamur, tempestate discussa, continentiam nobis a vitiis tua benignitate infunde, Salvator mundi.

Collectio post nomina.

Offerentium nominibus recensitis, qui devota altaribus munera humiliati jejunio mentis **229** et corporis a Domino deprecantur, pro merito devotæ sanctificationis obtineant. Per.

Collectio ad pacem.

D Deus continentie, Deus caritatis et pacis, qui precibus humiliantium se inflecteris, miserere nostri, exaudi nos, et diversarum turbinum tempestate remota, pacem nobis tuæ serenitatis impertias: quam si peccatorum nostrorum nimietate perdidimus, per indulgentiam tuæ misericordiæ consequamur. Per Dominum nostrum Jesum.

Immolatio missæ.

Vere dignum et justum est; æquum et salutare est, nos tibi gratias agere, Domine sancte, Pater omnipotens, æterne Deus, per Christum Dominum

^c *Pro inlatis..... criminibus.*

^d Ita scribebant illi veteres, ita in *Lectionario Gallicano*.

nostrum. Qui est Filius tuus unigenitus, manens in gloria tua, in quo jejunantium fides alitur, spes provehitur, caritas roboratur. Ipse est enim Panis vivus et verus, qui de cælo descendit, et habitat semper in cælo; qui est substantia æternitatis, et esca virtutis. Verbum enim tuum, per quod facta sunt omnia, non solum humanarum mentium, sed ipsorum quoque panis est angelorum. Hujus Panis alimento Moises tuus famulus quadraginta diebus et noctibus legem suscipiens, jejunavit, et a carnalibus, cibis, ut tuæ suavitatis capacior esset, abstinuit, de verbo tuo vivens. Cujus et dulcedinem videbat in spiritu, et lucem accipiebat in vultu. Unde nec famem corporis sensit, et terrenarum est oblitus escarum, quia illum et gloriæ tuæ clarificabat aspectus, et, influente Spiritu, Dei sermo pascebat. Hunc Panem, Domine, nobis per hos quadraginta dies (in quibus hodie, Quadragesimalis macerationem abstinentiæ inchoantes, ingredimur) ministrare digneris, quem ut sitiāmus indesinenter hortaris. Cujus carne a te ipso sanctificata dum pascimur, roboramur et sanguine, dum hausto sitienter potamur, abluimur, per Christum Dominum nostrum. Per quem.

Post Sanctus.

Benedictus qui venit in nomine Domini, Deus scientiarum Dominus, qui præstat adinventiones suas, et disponit omnia suaviter; qui ascendit super occasum, Dominus nomen est illi. Hic Panis vivus et verus, qui de cælo descendit, ut daret escas esurientium, immo et ipse esset esca viventium: fiat nobis in pane, quo corda firmantur, ut in virtute Panis lujus per hos quadrāginta dies, sine impedimento carnis et sanguinis jejunare valeamus, ipsum panem habentes, qui pauperes pascit panibus: qui Moysi et Helix per quadraginta dies jejunantibus **230** Quadragesimam dedicavit; deinde etiam in suo ipse jejunio, eundem nobis numerum dierum jejunii sollemnitate signavit; ut quod ipse Dominus in nostri corporis infirmitate pro nobis jugiter in xl diebus explevit, id nos vel minutatim eodem numero dierum calculo distributa observantiæ vespertinis * refectionibus studeamus imitari. Per.

Post mysterium.

Accepta tibi sit, Domine, nostræ devotionis oblatio, quæ et jejunium nostrum, te operante, sanctificet, et indulgentiam nobis tuæ consolationis obtineat. Per eum.

Ante orationem Dominicam.

Non agnoscentes, Domine, meritum, sed præceptum, quia jubere dignatus es, audemus dicere.

Post orationem Dominicam.

Adesto, Domine, fidelibus tuis, et quos cælestibus instituis Sacramentis, a terrenis conserva periculis, Salvator mundi.

Post Eucharistiam.

Concede, Domine, quæsumus, morum nos corre-

* Notissima Patrum nostrorum ad vespem jejunia, sed tamem vel ad humilitatem nostram et pudorem notanda.

† Peculiaris hac die oratio, qualis in superioribus

actione levare, qui cum hæc dona contulerit, cuncta nobis utilia non negabis. Per Dominum nostrum Jesum Christum.

Consummatio missæ b.

Virtutum cælestium Deus, qui plura præstas, quam petimus aut meremur, tribue, quæsumus, ut tua nobis misericordia conferatur, quod nostrorum non habet fiducia meritorum. Per Dominum nostrum Jesum Christum.

Benedictio populi in initium Quadragesimæ.

Ad custodiam gregis tui, animarum Pastor, qui dormire nescis, invigila. Amen. Et ne nocturnis terroribus fatigetur, invisibili eum ad tactu sanctifica. Amen. Fragilem solida, contritum eleva, invalidumque confirma, pietate alleva, caritate ædifica, castitate munda, sapientia inlumina, miseratione conserva. Amen. Proficiat fidei vigilanti amoris tui perseverantia, morum temperantia, misericordiæ providentia, actuum disciplina. Amen. Ut per concessa miserationis indulgentia, non abjicias eum a promissionis tuæ magnificentia, sed perducas ad veniam, quem hic tibi adoptasti per gratiam. Amen. Per Dominum.

XXII. ITEM MISSA JEJUNII.

231 Omnipotens sempiternus Deus, qui nobis in observatione jejunii et eleemosynarum semine posuisti nostrorum remedia peccatorum, concede, quæsumus, nos opere mentis et corporis semper tibi esse devotos. Quod ipse præstare.

Collectio sequitur.

Deus humanæ salutis operator, da nobis exercere jejunia congruenter, quibus nostræ substantiæ sempiterna remedia providisti.

Collectio post nomina.

Deus, qui non tantum nos a carnalibus cibis, sed ab ipsius animæ noxiis delectationibus præcipis jejunare, sic nobis, quæsumus, indulgentiæ tuæ præbe subsidium, ut jejunando ab illicitis contagiis ad superna crescamos, et nomina quæ recitata sunt in cælesti pagina conscribi præcipias. Per.

Collectio ad pacem.

Concede nobis, omnipotens Deus, ut per annua Quadragesimalis exercitia sacramenti, et ad intelligendum Christi proficiamus arcanum, et affectus ejus digna conversatione sectemur, ut sinceram nobis pacem tribuas. Per Dominum nostrum Jesum Christum.

Immolatio missæ.

Vere dignum et justum est nos tibi semper et ubique gratias agere, Domine sancte, Pater omnipotens, æternus Deus, tibi sanctificare jejunium, quod nos ab initio sæculi servare docuisti. Magnam enim in hoc munere corporis gratiam contulisti. Quod si illa humani generis mater interdictam sibi arborem custodisset, et immortalitatem retinisset et patriam. Sed peccatum matris antiquæ, quod illicita ligni vetiti usurpatione commisit, in nostris

missis non habetur, præterquam in missa de Natali Domini. Similes in festo sancti Joannis evangelistæ, et in Circumcisione, supra, item infra in missa 76 et sequentibus.

oramus, absolve jejuniis; et qui de paradiso non abstinentes cecidimus, ad eundem, nunc jejunando, redeamus, per Christum Dominum nostrum. Per quem.

XXIII. ITEM ALIA MISSA JEJUNII.

Deus, qui profundo consilio prospiciendo mortalibus, sancta instituisti jejunia, quibus corda languentium salubriter curarentur, tu animam nostram corpusque castifica, corporis animæque Salvator, et æternæ felicitatis benigne Largitor. Per coæter.

Collectio sequitur.

Deus, qui, ob animarum medelam, jejunii devotione castigari corpora præcepisti, concede, quæsumus ut corda nostra **232** ita pietatis tuæ valeant exercere mandata, quatenus ab omnibus semper possimus abstinere peccatis. Per Dominum nostrum **B** Jesum.

Collectio post nomina.

Defensio tua, Domine, quæsumus, adsit humilibus, et jugiter protegat in tua misericordia confidentes, necessariis, in quibus indiget humana conditio, et immortalitatis dona præveniat, et offerentium nomina recitata cælesti chirographo in libro vitæ jubeas adscribi. Per.

Collectio ad pacem.

Vide, quæsumus, Domine, infirmitatem nostram, et in jejunii afflictione positus celeri nobis pietate succurre, ut ad superna crescamus, et sinceram nobis tribuas pacem. Per.

Immolatio missæ.

Dignum et justum est nos tibi hic et ubique gratias agere, Domine sancte, Pater omnipotens, æterne Deus, et tibi sanctificare jejunium, quod nos ad animarum medelam et castigationem corporum servare docuisti: quia restrictis corporibus animæ saginantur; et in quo exterior homo noster adfligitur, dilatatur interior. Memento, Domine, in hoc jejunio nostro miserationum tuarum, quas peccatoribus pie semper jejunantibus contulisti, ut non solum a cibis, sed a peccatis omnibus abstinentes, grato tibi jejunio placeamus, in quo non inveniuntur voluntates nostræ a tua voluntate dissimiles, per Christum Dominum nostrum. Ante cujus.

XXIV. ITEM MISSA JEJUNII.

Omnipotens sempiternus Deus, qui sic hominem condidisti, ut meliorem, temporalibus beneficiis competenter instructum, ad cælestia dona proveheres, præsta, quæsumus, ut sicut per illicitos appetitus de indulta beatitudinis regione decidimus, sic per alimonia tuo munere distributa, et transitoria sustentetur humanitas, et amissa reparetur æternitas. Per.

Collectio.

Semper nos, Domine, quæsumus, continentia salutaris erudiat, quæ et nos jejunio intentos efficit puriores, et tua nobis dona conciliet. Per.

Collectio post nomina.

Tua nos, Domine, gratia et sanctis exerceat veneranda jejuniis, et cælestibus mysteriis efficiat

* Hæc in membranula litteris minutis inserta.

aptiores; et recitata nomina cælesti chirographo in libro vitæ jubeas adscribi. Per.

Collectio ad pacem.

Præsta nobis, omnipotens Deus, ut quia vitiis et litibus subjacet nostra mortalitas, tua, per præsentia jejunia nos medicina **233** purificet per caritatem sinceram. Per Dominum.

Immolatio.

Dignum et justum est te auctorem et sanctificatorem jejunii conlaudare per quod nos liberas a nostrorum debitis peccatorum. Ergo suscipe clemens jejunantium preces; atque ut nos a malis omnibus propitiatus eripias, iniquitates nostras, quibus juste adfligimur, rogamus, absolve. Per Christum Dominum nostrum.

..... Oratio post Sanctus in Quat.

Deus rerum omnium conditor atque creator, qui unus in trinitate, et trinus in unitate cognosceris; cujus magnitudinem deficiens est lingua humana narrare; quem sine cessatione proclamant angeli Sanctus. Ideo nos minimi famuli tui, ore quidem indigno non tres Sanctos, sed ter Sanctus præconio vocis attolimus, ut cum sono modulaminum proclametur ter repetita laudatio. Ob hoc pietatem tuam, clementissime Domine, exoramus, optata tribuas, præsumpta indulgeas. ut deteresa nube peccaminum, pura et libera conscientia tuam mereamur omnipotentiam conlaudare. Salt.

XXV. ITEM MISSA JEJUNII.

Concede, quæsumus, Domine Deus noster, ut quod nobis de alimoniis ob macerationem carnis subtrahimus jejunando, voluntate a te data, jocunde conferamus pauperibus largiendo quia tunc jejunii observatio probabitur fructuosa, si et corporis sensibus per continentiam castitatis mens nostra sit purior, et conscientiam pietatis fecundet affectus.

Collectio sequitur.

Da nobis, omnipotens Deus, ut jejunando a corporalibus escis, spiritu vegetati, satiemur robore, et abstinendo ab alimoniis pariterque delictis, cunctis proficiamus in virtute hostibus fortiores.

Collectio post nomina.

Præsta nobis, Domine, quæsumus, tuæ auxilium gratiæ, ut jejuniis et orationibus convenienter et devote intenti, mentis et corporis a vitiorum hostibus liberemur; quique ad hoc es jejunium dare dignatus, ut abstinencia et castigatione macerati carnali, in fide inveniamur firmi, et in operibus efficaces, suscipe jejunantium preces cum libatione præsentis, defunctis refrigerium, superstitionibus indulgentiam donans, per eam placatus; et nomina quorum sunt distincte vocata figere in scriptione sempiterna digneris.

Collectio ad pacem.

Acceptum tibi sit, Domine, quæsumus, hoc sacrificium jejunii nostri, quod expiando nos caritatis dono tuæ faciat sinceritatis capaces, et per eam conjunctos ad promissa sempiterna perducat; cordibusque nostris jejunii adtenuatione intentis, per fraterna oscula, puram tuæ **234** dilectionis et proximi caritatem benignus infunde, ut a terrenis jur-

giis vel læsionibus cum abstinencia quiescentes, propensius cælestia meditemur.

Immolatio missæ.

Dignum et justum est nos tibi semper gratias agere, Domine sancte, Pater omnipotens, æterne Deus, ut modulum terrenæ fragilitatis aspiciens, non in ira tua pro nostra pravitate nos arguas; sed immensa clementia purifies, erudias, consoleris; quia cum sine te nihil possimus facere quod tibi sit placitum, tua nobis gratia sola præstabit ut salubri conversatione vivamus, per Christum Dominum nostrum. Per quem Majestatem.

XXVI. ITEM MISSA IN QUADRAGESIMA.

Domine Deus, qui populis tuis et juste irasceris, et clementer ignoscis, inclina aurem tuam supplicationibus nostris, ut qui te in jejuniorum nostrorum observatione totis sensibus confitemur, non iudicium tuum, sed indulgentiam sentiamus. Per.

Collectio sequitur.

Oblata munera superposita altario tuo, Domine, sanctificare dignare; et per ea placatus, peccata nostra, quæsumus, in die jejunii nostri, memor humanæ conditionis absolve; et quicquid eorum retributione meremur averte. Per Dominum nostrum.

Post nomina.

Deus bonarum actionum et inspirator et doctor, qui voluptates per inedium jejunii corporalis restrictas, agnitionem tuam nostris cordibus tribuis, da nobis fidei, spei et caritatis augmentum, ut per sanctificationem jejunii tui in nobis sit templum, quod præmio fiat æternum; et nomina quæ vocabulorum sunt pro ætatibus memorata æternitatis titulo jubeas præsignari.

Ad pacem.

Omnipotens et misericors Deus, exaudi preces jejunantium supplices, et misericordiæ tuæ munus, omni cessante fraudulentia, propitius impende, ut per conjunctionem pacis, omne simultate compressa, securis tibi mentibus serviamus. Per.

Immolatio missæ.

Vere dignum et justum est nos tibi et ubique gratias agere, omnipotens sempiterne Deus. Qui juste corrigis, et clementer ignoscis, in utrumque misericors: quia nos ea lege disponis, ut coercendo perire non sinas in æternum, et parcendo spatium tribuas corrigendi. Per Christum.

XXVII. MISSA * IN SYMBOLI TRADITIONE.

235 In geminas partes diem hunc excolendum complectitur, Domine, nostræ servitutis famulatio, vel de jejunii cultu sacrato, vel de insignibus tuis quæ hodie fulserunt, mirabilibus: quo Lazarum reduxisti post tartara, cum ad vocem tuam intonantem exsilivit, et quadriduani jam fetentis funus vivificans animasti: vel etiam, causa miraculi obstupefacta, plaudens turba Bethania occurrit cum palmis tibi obviam Regi. Exaudi nos in hoc geminato servitutis nostræ obsequio, et præsta propitius atque placatus, ut animæ nostræ quæ tumulto sunt peccatorum conclusæ, et ci-

A catricum morbida tabe corruptæ, reviviscant ex tua interiori visitatione, sicut Lazari viscera a tua fuerunt animata voce, Salvat.

Collectio sequitur.

Bone Redemptor noster Domine, qui mansuetus mansueti animalis aselli terga insedens, ad passionem redemptionis nostræ spontaneus adpropinquas, cum tibi ramis arboreis certatim sternitur via, et triumphatricibus palmis cum voce laudis occurritur, quæsumus Majestatem tuam divinam, ut oris nostri confessionem atque corporis in jejuniis humiliationem libens suscipias, et fructum nos viriditatis habere concedas: ut sicut illi in tua fuerunt obvia cum arboreis virgis egressi, ita nos, te redeunte in secundo adventu, cum palmis victoriæ mereamur occurrere **B** læti, Salvator mundi.

Collectio post nomina.

Ecce, Domine, de te Caiphæ pontificis vaticinium, ignarum sibi ipsi, in populis est probatum, ut unus occumberes pro gente, ne cuncti pariter interirent; et tu singulare granum in terra morereris, ut seges plurima nasceretur. Supplices tibi ipsi, qui pro mundi salute es Hostia cæsus, deprecamur, ut nobis de te ipso veniam dones, qui te ipsum obtulisti pro nobis. Et hos, quos recitatio commemoravit ante sanctum altare, qui in pacem jam tuam ab his sunt vinculis corporeis translati, quæsumus, Domine, ut te habeant ereptorem, quem per baptismum meruerunt Redemptorem habere. Sed et si qui inter hos astantes, qui ad baptismi salutaris sacramenta præparentur, quæsumus, Domine Deus noster, ut imbutos in fide, instructos in sensu, confirmatos in gratia, ad percipiendam plenitudinem gratiæ tuæ, Spiritus **236** tui munere jubeas præparari, ut sancti lavacri fonte desiderato mereantur renasci. Quod.

Collectio ad pacem.

Universorum ipse dominator qui conditor, creaturæ tuæ præstanter amabilis et amator, cui Martha satagit, Maria pedes abluit, cum quo Lazarus redivivus accumbit (tota nempe domus est in amore), annue plebi tuæ ita se exercitare per dilectionem, ut in te possit unita manere per pacem. Ministra in nobis illas lacrymas quas Maria de multa dilectione protulit; flagrare orationem nostram facito, sicut unguentum pisticum, sacris plantis infusum, Mariæ flagravat, ut eam pacem consequamur per oscula nostra in alterutrum porrecta, quam consequuta est Maria, sui osculans Redemptoris vestigia, Salvator mundi.

Immolatio missæ.

Vere dignum et justum est, tibi, Domine, ab omni sexu, ætate et sensu dicere laudem in hac die jejunii, et laudis tuæ triumphali præconio, quo ab Hierosolymis et Bethania occurrerunt tibi plurimæ populorum catervæ, una voce perstreptentes: Hosanna Fili David, benedictus qui venit in nomine Domini. Tibi enim cum lingua coma servivit arborea, cum arenosa itinera ramis viruerunt composita. Plebis quoque indumentum tuis plantis sternitur, nudatisque

* Pro Dominica in Palmis, ut notatur in lib. II ad hunc diem, et inferius in Missali Gallicano.

viris via vestitur; Victori novo populus præstat triumphum. Surgit totus clamor in laude; voces clamantium penetrant templum, dicentes: Benedictus qui venit in nomine Domini. Ecce, Hierusalem, qualiter tibi Rex tuus sedens super asinum mansuetus advenit. Adveni ergo, rogamus, et in medium nostri adsiste; et qui nos tunc reparasti per crucem, per istum immolatum panem et sanguinem iterum lapsos repara, ut te advenire in nostris cordibus sentientes, exeamus obviam tui, et cum supernis illis virtutibus clamemus dicentes: Sanctus.

Post Sanctus.

Hæc est sine fine felicitas, hæc est beatitudo sine termino, sic Deo indesinenter hære, ut ipse sit spes, ipse sit requies. In ipso vigilet negotium, in ipso otium conquiescat. Sic nobis cibum præbendum vel poculum, ut quicquid præfiguravit in mysteriis, reddat in præmijs, per Christum Dominum nostrum Qui prid.

Post secreta.

Aspice in cælo vultu tuo, pie miserator, hæc munera, qui semper es propensus ad dona; et ipsa contemplatione oblata sanctifices naturali majestate, perpetue sanctus es, et sancta largiris. Quod ipse præst.

Ante orationem Dominicam.

237 Venerabilibus informati præceptis, incitati munere pietatis, qui Mariæ flentis lacrymas non spernis, Lazaro dignanter cognomentum fratris imponis, Ecclesiæ soboles appellas ore gratiæ coheredes, tibi supplices clamamus, et dicimus: Pater.

Post orationem Dominicam.

Exerce, liberator, in nobis juris proprii facultatem, qui Lazari virtutem, Mariæ pietatem, Marthæ laborem remuneras, favorem plebis excitas, et Patris voce concina gloriaris omnipotens Deus. Qui in T.

XXVIII. MISSA IN CORNA DOMINI.

Sacrosancam, fratres dilectissimi, hodierna die inchoandæ Paschæ sollemnitate, ac salutiferam dominicæ immolationis effugiem in sacrificio spiritali, Christo offerente, transfusam, non jam in amaritudine azymi, neque in fermento veteris malitiæ celebrantes, sed in nova et sincera conspersione, immaculatas sacris altaribus hostias offerentes, omnipotentem Deum per unigenitum Filium suum Dominum nostrum Jesum Christum deprecemur; qui hæc in sacri corporis et sanguinis sui oblatione benedicere et sanctificare dignatus est, ita offerentium famulorum suorum munera oblata benedicat; ut per inlustrationem Spiritus sancti, deferentibus nuntiis, odor suavitatis ascendat. Per Dominum nostrum Jesum Christum Fil.

Collectio sequitur.

Deus sanctificationum, et Dominus cælestium virtutum, exaudi preces nostras, et benedictam hanc plebem, Domini nostri Jesu Christi redemptam sanguine, de sede sancta, inaccessibilis claritas, exaudi. Per coæt.

Post nomina.

Diversis oblationibus sacris altaribus, una tamen

PATROL. LXXII.

A fidei devotione conlatis, mutæ invicem sollicitudinis vota promamus, a Domini pietate poscentes ut corda omnium offerentum ad hostiam rationabilis et complacitæ sibi sanctificationis emundet, et quiescentium animas in sinu Abrahæ collocare dignetur, et in parte primæ resurrectionis admittat. Per Dominum nostrum.

Collectio ad pacem.

Deus, qui assumptum hominem evecturus ad cælos, inter præcipua mandatorum tuorum patribus nostris apostolis pacem reliquisti, tribue nobis famulis tuis sectatoribus eorundem, per exterioris hominis osculum, interioris hominis pacem. Quod ipse.

Immolatio missæ.

238 Dignum et justum est per Jesum Christum Filium tuum Dominum nostrum. Qui suorum pedes discipulorum linteo præcinctus abluit, et humilitatis exemplum transiturus eisdem de mundo reliquit. Magister quippe verissimus factis informat, quos monitis salutaribus frequenter instruxerat. Sed quid mirum si præcinxit se linteo, qui formam servi accipiens, habitu est inventus ut homo? aut quid mirum si misit aquam in pelvem, ut lavaret pedes discipulorum, qui in terra sanguinem fudit, ut immunditiam dilueret peccatorum? Ille itaque linteo quo erat præcinctus pedes quos laverat tersit, qui carne qua erat indutus evangelistarum vestigia confirmavit. Lavit ergo pedes discipulorum Dominus; quorum autem pedes extrinsecus abluebat, ipsorum animas indulgentiæ hyssopo intrinsecus expiabat. O admirabile sacramentum, grande mysterium! Turbatur Petrus cernens exemplum tantæ humilitatis in rege tantæ majestatis; tremiscit pavens humanitas, quia ad ejus vestigia sese inclinare dignatur Divinitas. Sed nisi Deus ad hominem humiliatus inclinaretur, ad Deum homo erectus numquam levaretur. Ex tunc enim homo viventium terras cæpit adpetere, ex quo Deus in regione mortalium, humanitatis est dignatus lumen ostendere. Ante c.

Post Sanctus.

Vere sanctus et justus es, Domine, vere magnus et pius es, qui Filium tuum Dominum nostrum Jesum Christum nobis lumen ad terras ex summa cæli arce misisti captivorum corporum redemptorem. Ipse enim q.

Post secreta.

D Agnus Dei, qui tollis peccata mundi, respice in nos, et miserere nobis, factus nobis ipse hostia qui sacerdos, ipse præmium qui Redemptor; a malis omnibus quos redemisti, custodi, Sal.

Ante orationem Dominicam.

Vivi panis alimenta et sacri sanguinis dona sumpturi, Dominica prece mentes et corda firmemus. Agnoscat Altissimus Filii sui vocem; et verba Christi ad aures Paternas concordis populi clamor adtollet et dicat: Pater.

Post orationem Dominicam.

Libera, Domine, libera nos ab omni malo, et a fortissimis adversariis diabolo et morte, ea, quæ cunctis fortior est, virtutis et dexteræ tuæ protectione defende.

Post communionem.

Concede nobis, omnipotens Deus, ut sicut temporali cœna tuæ passionis reficimur, ita satiari mereamur æterna.

XXIX. INCIPIUNT ORATIONES IN BIDUANA *.

239 Da nobis, Domine, perpetuæ benedictionis munus accipere, pro quibus Unigenitus tuus, sputis inilitus, palmas accepit et colaphos. Qui tecum.

Oratio nunc ad Sextam.

Respice, Domine, super hanc familiam tuam propitius, pro qua Dominus noster Jesus Christus non dubitavit manibus tradi nocentium et crucis subire tormentum. Per eum.

Oratio nunc ad Nonam.

Deus, qui pro redemptione nostra accepisti sanguinem Jesu Christi, solve operam diaboli, et omnes laqueos disrumpe peccati, ut creaturam regenerationis nulla polluant contagia vetustatis. Per.

Oratio sequitur.

Deus a quo et Judas reatus sui proditor pœnam, et confessionis suæ latro præmium sumpsit, concede nobis piæ petitionis effectum, ut sicut in passione sua Dominus noster Jesus Christus diversa utrisque intulit stipendia meritorum, ita a nobis, ablato vetustatis errore, resurrectionis suæ gratiam largiatur, Per Dominum nostrum Jesum.

Item orationes in Bid. die Sabbati ad Se b.

Deum omnipotentem Patrem, et Filium, et Spiritum sanctum, universitatis unum creatorem, in hac magna magni matutina Sabbati, dominici scilicet corporis requiei, fratres carissimi, suppliciter deprecamur, ut qui Adam de profundis infernalis limi misericorditer eripuit, nos ejus Filius de luto fœcis hujus, cui inhæsimus, sola misericordia tantum clamantes eruat. Clamamus namque et oramus, ne urgeat super nos inferni putens os suum; eruti de luto peccati, ne inflgamur. Per Dominum.

Collectio sequitur.

Domine Christe Jesu, Deus pie exaudi nos; et præsta, precamur, quæ corde rogamus; et hoc rogamus, ut tibi placeamus, tibi hæreamus sine fine; ut semper tibi gratias agamus, quia, **240** Domine, redemisti nos in æternam vitam de æterna morte. Qui descendisti in lacum, ut ex inferis victos educeres, descende nunc quoque, precamur, visceribus tuæ pietatis, ut ex vinculis peccatorum, quibus unusquisque constringitur, nos absolvas, Salvat.

* Sic vocabant *Biduum* ante Pascha, ita ut una seorsim dies *Biduana* diceretur, infra in Sabbato sancto. Idem hic in Missali Gallicano. Miror hic non referri varias illas orationes quas in die sancto Parasceves cum præviis genuflexionibus post passionem decantari mos est. Certe Gregorius testis est eas jam sæculo vi in Gallicanis Ecclesiis in usu fuisse. Sic enim habet in lib. v, cap. 11: « Sacerdote quoque orante, » scilicet Avito Arvernorum episcopo pro Judæis, « ut conversi ad Dominum, velamen ab eis litteræ rumperetur; » (quæ fere verba sunt orationis nostræ pro Judæis) « quidam ex his ad sanctum Pascha ut baptizaretur expetiit. » An potius

A

XXX. PRÆFATIO IN VESPERA PASCHÆ.

Domini gratia per aquam et Spiritum renati, et per multiplicem Paternæ dilectionis provisionem innumeris laqueis abstracti, hujus divinæ dignationis auctorem Dominum incenso vespertinæ precis sacrificio, et in cælesti patina per spiritum erecto, et igne illo quem ipse in nobis accendi desiderat, sollemniter assato, precariis affectibus, fratres carissimi, deprecemur, ut totius vitæ crimina, et cotidiani erroris maculas, et humanæ fragilitatis debita, in anni septimanæ dierum quadraginta, ac sepulti corporis sui Sabbato nobis concedat. Nos quoque in numero veri Israelitis Ægypto egredi faciat; et inimicis percussis, in unam Ecclesiam catholicæ domum pacis Domini celebrantes, Agni immaculati sanguine corporum nostrorum postibus aspersis, in istius noctis venerabilis sollemnitate, vastatura mundum morte defendat, orantibus nobis. Per Dominum.

Collectio sequitur.

Christe Jesu, in vespera mundi vespertinum sacrificium per crucem effectus, dignare nos nova corpori tuo fore ^d sepulcra. Sal.

XXXI. PRÆFATIO AB INITIO NOCTIS SANCTÆ PASCHÆ.

Auctorem lucis, principem luminis, inspectorem cordis, credentium redemptorem, fratres dilectissimi, cunctis confessionibus veneremur, ut vergente die vocis rugitus exaudiat, et supervenientem caliginem noctis, luminis sui splendore inlustret, ne sit in nobis ulla tentandi vexandique occasio tenebrarum. Sit noster defensor, qui est veræ lucis indultor, ut semper simus in lumine ejus, qui Christum Dominum nostrum gloriamur auctorem. Per.

Oratio sequitur.

Rege nos, Domine, per alternas temporum vices, et conserva nos per dispares dierum ac noctium successiones, ut adjuti sanctorum tuorum precibus, qui diem hunc per munus misericordiæ tuæ duximus, noctem quoque istam placita tibi animarum et corporum puritate **241** ducamus. Per resurgentem a mortuis Dominum nostrum Jesum Christum Filium tuum.

XXXII. BENEDICTIO CERÆ BEATI AUGUSTINI * EPISCOPI, QUAM ADHUC DIACONUS CUM ESSET, EDIDIT ET CECINIT.

Exultet jam angelica turba cælorum, exultent divina mysteria, et pro tanti Regis victoria tuba intonet salutaris. Gaudeat se tantis illius inradiata fulgoribus; et æterni Regis splendore inlustrata, totius orbis se sentiat amisisse caliginem. Lætetur et mater

Sabbato sancto tunc fiebant ejusmodi orationes quales habentur infra, sed nulla pro Judæis? In Missali Gallicano inferius orationes nostræ solitæ in Parasceve referuntur.

^b An *ad Sextam*, ut in die præcedente.

^c Gallicano, *in annis*, forte, *in fine*.

^d Id est, *esse*, stylo veterum.

* Sic invenimus scriptum in aliis Codicibus mss. Quamquam hanc benedictionem sancto Leoni potius quidam tribuendam censent. Confer dicta in lib. ii ad hanc diem. Eadem habetur in Missali Gallicano infra.

Ecclesia, tanti luminis adornata fulgore, et magnis A populorum vocibus hæc aula resultet. Quapropter adstantibus vobis, fratres carissimi, ad tam miram sancti hujus luminis claritatem, una mecum, quæso, Dei omnipotentis misericordiam invocate, ut qui me non meis meritis intra sacerdotum ^a numerum dignatus est adgregare, luminis sui gratia infundente, cerei hujus laudem implere præcipiat. Per resurgentem Fil. suum.

Consecratio ceræ.

Dignum et justum est. Vere quia dignum et justum est invisibilem Deum omnipotentem Patrem Filiumque ejus unigenitum Dominum nostrum Jesum Christum, toto cordis ac mentis affectu, et vocis ministerio personare. Qui pro nobis æterno Patri Adæ debitum solvit, et veteris piaculi cautionem pio cruore deterisit. Hæc sunt enim festa Paschalia, in quibus verus ille Agnus occiditur, ejusque sanguis postibus consecratur. In qua primum Patres nostros filios Israhel educens de Ægypto, Rubrum mare sicco vestigio transire fecisti. Hæc igitur nox est quæ peccatorum tenebras columnæ inluminatio purgavit. Hæc nox est quæ hodie per universum mundum in Christo credentes, a vitiis sæculi segregatos et caligine peccatorum, reddit gratiæ, sociat sanctitati. Hæc nox est in qua, destructis vinculis mortis, Christus ab inferis victor ascendit. Nihil enim nasci profuit, nisi redimi profuisset. O mira circa nos tuæ pietatis dignatio! O inestimabilis dilectio caritatis, ut servum redimeres, Filium tradidisti. O certe necessarium Adæ peccatum, quod Christi morte deletum **242** C est! O felix culpa, quæ talem ac tantum meruit habere Redemptorem: O beata nox, quæ sola meruit scire tempus et horam, in qua Christus ab inferis resurrexit! Hæc nox est de qua scriptum est: Et nox ut dies inluminabitur; et: Nox inluminatio mea in deliciis meis. Hujus igitur sanctificatio noctis fugat scelera, culpas lavat, reddit innocentiam lapsis, et mæstis lætitiā: fugat odia, concordiam parat, et curvat imperia. In hujus igitur noctis gratia suscipe, sancte Pater, incensi hujus sacrificium vespertinum, quod tibi in hac cerei oblatione solemni per ministrorum tuorum manus de operibus apum sacrosancta reddit Ecclesia. Sed jam columnæ hujus præconia novimus, quam in honore Dei rutilans ignis accendit. Qui licet divisus in partes, mutuati luminis detrimēta non novit. Alitur liquantibus ceris, quam in substantia pretiosæ hujus lampadis apīs mater eduxit. Apīs ^b ceteris quæ subjecta sunt homini animantibus antecellit. Cum sit minima corporis parvitate, ingentes animos augusto versat in pectore; viribus imbecilla, sed fortis ingenio. Hæc, explorata temporum vice, cum canitiem proinosa ^c hyberna posuerint, et glaciale senium verni temporis moderata deterse-

^a Melius alii, *intra Levitarum numerum*, ut inferius in Missali Gallicano. Quandoquidem levitæ hanc benedictionem canere solent, et Augustinus eam, *cum esset diaconus*, cecidisse dicitur. Quod an verum esse possit, alii viderint.

^b Quæ sequuntur usque ad, *O vere beata nox*, habentur etiam in aliis Codicibus, sed modo omittantur.

rint, statim prodeundi ad laborem cura succedit; dispersæque per agros, libratis paululum pinnibus, cruribus suspensis insedunt ^d, partem ore legere flosculos, oneratæ victualibus suis, ad castra remeant: ibique aliæ inæstimabili arte cellulas tenaci glutino instruunt; aliæ liquentia mella stipant; aliæ vertunt flores in cera; aliæ ore natos fingunt: aliæ collectis e foliis nectar includunt. O vere beata et mirabilis apis, cujus nec sexum masculi violant, fetus non quassant, nec filii destruunt castitatem! sicut sancta concepit virgo Maria, virgo peperit, et virgo permansit. O vere beata nox, quæ exspoliavit Ægyptios, ditavit Hebræos! Nox, in qua terrenis cælestia junguntur! Oramus te, Domine, ut cereus iste in honore nominis tui consecratus, ad noctis hujus caliginem destruendam indeficiens perseveret, in odorem suavitatis acceptus, supernis luminaribus misceatur. Flammas ejus Lucifer matutinus inveniat: ille, inquam, Lucifer, qui nescit occasum; ille qui, regressus ab inferis, humano generi serenus inluxit. Precamur **243** ergo, Domine, ut nos famulos et famulas tuas, omnem clerum, et devotissimum populum, una cum Patre nostro beatissimo viro ill. quiete temporum concessa, in his Paschalibus gaudiis conservare digneris. Per resurg. a mor. Dominum nostrum Fil. t.

Collectio post benedictionem ceræ.

Sancte Domine, omnipotens Deus, qui ad nostram contemplationem tenebrarum hæc in mundi hujus obscuro luminaria emicare jussisti, præsta, ut dum ad illum æternitatis diem et Unigeniti tui properamus occursum, ad hanc interim, quam tenebris præparasti, lucernam, dum nox ista transcurritur, sine peccatorum offenculo ambulemus. Per resurg.

Collectio post hymnum ceræ.

Deus, templum ignis æterni, Deus veræ lucis habitaculum, Deus sedes perpetuæ claritatis, vota tibi, Domine, sollemnia diei consummationis et noctis inchoationis celebrantes, ac, luminibus altaris tui incensis, temporarium lumen offerentes, ut famulis et famulabus tuis verum ac perenne lumen largiaris, oramus. Per resurg.

XXXIII. ORATIONES PASCHALES DUODECIM CUM TOTIDEM COLLECTIONIBUS.

Oratio • pro gratiarum actione.

Præfatio.

Expectatum, fratres carissimi, et desideratum nobis Paschæ diem adepti, gratias agamus omnipotenti Deo Patri, quod nos in hanc eandem diem per Filium suum Dominum nostrum Jesum Christum (quem pro nobis hostiam dedit in salutem æternam) vocavit: ob hoc fideli gratiarum actione laudemus, benedicamus, honorificemus benedictum et beatum

^c *Pruinosa* in aliis. Sic *u* in *o* facilis et promiscua quondam mutatio. Sic infra *præmonitam* pro *præmutatam* et alia id genus permulta.

^d Ita etiam in Gallicano. An *insident*?

• Aliæ orationes habentur, sed similes in Missali Gallicano inferius.

nomen Dei Patris in Filio, Filiique in Patre et Spiritu sancto in sæcula sæculorum.

Oratio sequitur.

Sancte Domine, omnipotens Pater, exaudi, tuere, ac sanctifica plebem tuam præmonitam signo crucis, baptismo purificatam, chrismate delibutam, quos ad celebrandam præsentis sollemnitatis beatitudinem congregasti, universisque notitiam tui, participationem sancti Spiritus propitius infunde. Per.

Oratio pro exulibus.

Præfatio.

Unanimes, et unius corporis in Spiritu Dei Patris omnipotentis, **244** Domini misericordiam deprecemur pro fratribus, et sororibus nostris captivitatibus elongatis, carceribus detentis, metallis deputatis, ut eis Dominus adjutor, protector et consolator existat, neque deesse sibi reputet eos qui fideli se innocentia perseverant.

Oratio sequitur.

Tribue, Domine, relegatis patriam, victis absolutionem, captivis libertatem, ut plebs tua et in hoc sæculo, et in futuro misericordiae tuæ munere liberetur. Per.

Oratio pro sacerdotibus.

Præfatio.

In sanctorum sancta admissi, et altaris cælestis Sacerdotii æterni participes effecti, Dei Patris omnipotentis misericordiam deprecemur, ut sacerdotes suos ac ministros donis repleat spiritalium gratiarum.

Oratio sequitur.

Domine Deus virtutum, justifica et sanctifica pastores et præpositos ovium tuarum, ut adversarius noster diabolus fide eorum et sanctitate superatus, contingere dominicum gregem ac violare non audeat. Per resurg.

Oratio pro virginibus.

Præfatio.

Incorruptæ æternitatis Deum, et inviolabilis naturæ Dominum unanimitè deprecemur, orantes pro fratribus nostris qui gloriosam virginitatem corpore ac mente voverunt, uti eos usque ad consummationem propositi sui misericordiae Spiritus prosequeatur. Per.

Oratio sequitur.

Respice, Domine, virgines sacras, et spadones voluntarios, id est pretiosas Ecclesie margaritas, ut corpora eorum ac spiritum in læsa castitatis conscientia, pari exæstimatione custodiant. Per resurg.

Oratio eleemosynas facientibus.

Præfatio.

Sanctum ac benedictum retributionis Deum unanimes, fratres dilectissimi, oratione deprecemur, obsecrantes pro fratribus et sororibus nostris quorum ministerio atque sumptu inopiam non sentiunt qui in Ecclesia sunt indigentes, ut iisdem Dominus spiritalis

* Pœnites quondam, alii voluntarii, alii addicti erant. Ex primis erat vir magnificus ille Agricola Gallus qui, morbo ingruente, ut pœnitentem profiteretur, nullis vestibus indutus est, teste Ruricio episcopo Lemovicensi in lib. II, epistola 31. Lege præfa-

divitias communicet, qui fidelium animarum inopiæ secularis substantiæ participant facultatem. Per resurg.

Oratio sequitur.

Piis servorum tuorum precibus annue, misericors Domine, ut quicumque, præceptorum cælestium memores, pauperibus tuis quæ sunt necessaria subministrant, incorruptibili et cælesti gloria miserationis tuæ et misericordiae coronentur. Per.

Oratio pro peregrinantibus.

Præfatio.

Cælestium, et terrestrium, **245** et infernorum Dominum Deum Patrem omnipotentem, fratres dilectissimi, deprecemur, obsecrantes uti fratres nostros ac sorores, quicumque peregrinationum necessitatibus subjacent, omnipotens Deus auxilio suo comes adjutor reducat ac protegat. Per.

Oratio sequitur.

Restitue, Domine, peregrinis desideratum patriæ solum, ut contemplatione misericordiae tuæ, dum ad præsens agunt beneficiis tuis gratias, cives esse sanctorum ac tui domestici concupiscant. Præsta per resurg.

Oratio pro infirmis.

Præfatio.

Universæ salutis Deum et universæ virtutis Dominum deprecemur pro fratribus et sororibus nostris qui secundum carnem diversis ægritudinum generibus insultantur, ut his Dominus cæleste medicinæ suæ munus indulgeat. Per.

Oratio sequitur.

Domine, cui vivificare mortuos facile est, restitue ægrotantibus pristinam sanitatem, ne terreni medicaminis remedia desiderent, quicumque medelam cælestis misericordiae tuæ deprecantur. Per resurg.

*Oratio pro pœnitentibus *.*

Confluentes bonitatis ac misericordiae Deum, qui peccatorum mavult pœnitentiam quam mortem, communicatis precibus ac fletibus pro fratribus ac sororibus nostris Domini misericordiam deprecemur, uti eos peccati sui crimina confluentes, a bonitatis quæ venia non repellat. Per.

Oratio sequitur.

Rex gloriæ, qui non vis mortem peccatoris, sed ut convertatur et vivat, da nobis peccatorum labe pollutis pœnitentiam, simul ut flere cum flentibus et dolentibus, et cum gaudentibus gaudere possimus. Per res.

Oratio pro unitate.

Præfatio.

Unum Deum Patrem, ex quo omnia sunt, et unum Dominum nostrum Jesum Christum, per quem omnia, fratres carissimi, deprecemur, ut unitatem Ecclesie suæ concordie congregationis nostræ voluntate confirmet. Per res. Fil. s.

tionem alteram sæculi in Benedictini num. 193. Avitus, in homilia de Rogationibus, de nocte Paschæ hæc habet: « Aduit ergo nox illa venerabilis, quæ ad spem publicæ absolutionis votivum solemne patefecerat. »

Collectio sequitur.

Omnipotens Domine, qui es **246** Deus bonitatis et totius consolationis, te supplices deprecamur, ut hæreticos et infideles a perpetuis gehennæ ignibus manifestatione tuæ veritatis eripias, quoniam vis omnes homines salvos fieri et ad agnitionem veritatis venire. Per.

Oratio pro pace regum.

Præfatio.

Dominum dominantium et Regem regnantium, fratres carissimi, oratione unianimes deprecemur, ut nobis populo suo pacem regum tribuere dignetur, ut mitigatis eorum mentibus, requies nobis congregationis istius perseveret. Per.

Collectio sequitur.

Carnis spirituum totius sator, cunctorumque regnorum mundialium indultor, da regum culmini religionis prosperitatem et pacis, ut nobis regno tuo cælesti in terris adhuc positus liberius liceat deservire. Per resurg.

Oratio pro spiritibus pausantium.

Præfatio.

Deum Judicem universalitatis, Deum cælestium, et terrestrium, et infernorum, fratres dilectissimi, deprecemur pro spiritibus carorum nostrorum qui nos in dominica pace præcesserunt, ut eos Dominus in requiem collocet et in parte primæ resurrectionis resuscitet. Per.

Oratio sequitur.

Jesu Christe, vita et resurrectio nostra, dona sacerdotibus et caris nostris qui in tua pace requieverunt, exoptatæ mansionis refrigerium, et si qui ex his, dæmonum fraude decepti, errorum se multis maculis polluerunt, tu, Domine, qui solus potens es, peccata eorum concede, ut quos damnationis suæ participes diabolus gloriabatur effectos esse, per misericordiam tuam socios tuæ beatitudinis ingemiscat. Sal.

Oratio pro catechumenis.

Præfatio.

Precem spei fratrum nostrorum, carissimi, unianimes adjuvemus, ut Dominus omnipotens ad fontem eos beatæ regenerationis suæ euntes, omnes misericordiæ suæ auxilio Spiritus prosequatur.

Collectio sequitur.

Creator omnium Domine, et fons aquæ vivæ, qui per lavacrum baptismi peccata eorum deles, quibus jam donasti resurrectionis fidem, ut mortem hujus sæculi non timeant, reple eos Spiritu sancto, ut formari in illis Christum ac vivere glorientur. Per.

XXXIV. AD CHRISTIANUM FACIENDUM.

247 Domine, dignare benedicere hujus infantie famulo tuo ill. ^a quoniam nec conditione quisquam, nec ætate depellitur, dicente dilectissimo Filio tuo Domino nostro : Nolite prohibere infantes venire ad me. Hi enim, Domine, antequam bonum aut malum

^a Hæc nota est nominis proprii, quod in baptismo impositum fuisse intelligimus ex Gregorio, de Vitis patrum c. 8, ubi Nicetius nomen in baptismo accepisse perhibetur.

^b An pietate, vel ætate, alii divinabunt.

A sciant, crucis tuæ sigillo signentur; et qui indigent dietatem ^b ad sacri nominis tui Baptismum percipere mereantur. Per Dominum.

Item collectio.

Accipe signaculum Christi, suscipe verba divina, inluminare verbo Domini, quia hodie confessus es a Christo. Per Dominum.

Item collectio.

Signo te in nomine Patris, et Filii, et Spiritus sancti, ut sis Christianus : oculos, ut videas claritatem Dei ; aures, ut audias vocem Domini ; nares, ut odores suavitatem Christi ; conversus ^c, ut confitearis Patrem, et Filium, et Spiritum Sanctum ; cor, ut credas Trinitatem inseparabilem. Pax tecum. Per Jesum Christum Dominum nostrum qui cum Patre **B** et Spiritu sancto viv.

XXXV. COLLECTIO AD FONTES BENEDICENDOS.

Stantes, fratres carissimi, super ripam vitrigi ^d fontes, novos homines adduc eis de terra litori mercatores sua commercia : singuli navigantes pulsant mare novum, non virga, sed cruce ; non tactu, sed sensu ; non baculo, sed sacramento. Locus quidem parvus, sed gratia plenus. Bene gubernatus est Spiritus sanctus. Oremus ergo Dominum et Deum nostrum, ut sanctificet hunc fontem ; ut omnes qui descenderint in hunc fontem, faciat eis lavacrum beatissimæ regenerationis in remissione omnium peccatorum. Per Dominum.

Collectio sequitur.

C Deus qui Jordanis fontem pro animarum salute sanctificasti, descendat super aquas has angelus benedictionis tuæ, ut quibus perfusi famuli tui, accipiant remissionem peccatorum, ac renati ex aqua et Spiritu sancto, devoti tibi serviant in æternum. Per Dominum.

Contestatio.

Dignum et justum est, Domine sancte, Pater omnipotens, æterne Deus, initiator sanctorum, chrismatum Pater, et **248** novi per unicum Filium tuum Dominum et Deum nostrum inditor sacramenti ; qui portantibus aquis Spiritum tuum sanctum ante divicias mundi largires ; qui Bethsaidas aquas, angelo medicante, procuras ; qui Jordanis alveum, Christo Filio tuo dignante, sanctificas ; respice, Domine super has aquas, quæ præparatæ sunt ad delenda hominum peccata. Angelum pietatis tuæ his sacris fontibus adesse dignare : vitæ prioris maculas abluat, et parvum habitaculum sanctificet tibi, procurans ut regenerandorum viscera æterna florescant, et verè baptismatis novitas reparetur. Benedic, Domine, Deus noster, hanc creaturam aquæ, et descendat super eam virtus tua : desuper infunde Spiritum tuum sanctum Paraclitum, angelum veritatis. Sanctifica, Domine, hujus laticis undas, sicut sanctificasti fluentia Jordanis, ut qui in hunc fontem descenderint, in no-

^e Lege, linguam, conversus ut confitearis.

^d Forte legendum, super ripam vitrei fontis. Et infra, mercaturos pro mercatores. Nisi si in priori loco Vitrigi est nomen proprium loci, ubi baptisterium erat, vel conditoris.

mine Patris, et Filii, et Spiritus sancti, et peccatorum veniam, et sancti Spiritus infusionem consequi mereantur. Per Dominum nostrum Jesum Christum, qui est benedictus apud Patrem, et Spiritum sanctum per omnia sæcula sæculorum.

Deinde facis cruce de Chrismo^a et dicis.

Exorcizo te, creatura aquæ; exorcizo te omnis exercitus diaboli, omnis potestas adversaria, omnis umbra dæmonum. Exorcizo te in nomine Domini nostri Jesu Christi Nazarei, qui incarnatus est in Maria virgine, cui omnia subiecit Pater in cælo et in terra. Time et treme tu, et omnis malitia tua; da locum Spiritui sancto, ut omnes qui descenderint in hunc fontem, fiat eis lavacrum baptismi regenerationis in remissione omnium peccatorum. Per Dominum nostrum Jesum Christum, qui venturus est in sedem majestatis Patris sui cum sanctis angelis suis judicare te, inimice, et sæculum per ignem in sæcula sæculorum.

Deinde insufflas aquam per tres vices, et mittis chrisma in modum crucis, et dicis :

Infusio chrismae salutaris Domini nostri Jesu Christi, ut fiat fons aquæ salientis cunctis descendentibus in eo, in vitam æternam. Amen.

Dum baptizas interrogas ei, et dicis :

Baptizo te ill. in nomine Patris, et Filii, et Spiritus sancti in remissionem peccatorum, ut habeas vitam æternam. Amen.

Dum chrisma eum tangis, dicis :

249 Perungo te chrisma sanctitatis, ... tunicam immortalitatis, qua Dominus noster Jesus Christus traditam a Patre primus accepit, ut eam integram et inlibatam perferas ante tribunal Christi, et vivas in sæcula sæculorum.

Dum pedes^b ejus lavas, dicis :

Ego tibi lavo pedes. Sicut Dominus noster Jesus Christus fecit discipulis suis, tu facias hospitibus et peregrinis, ut habeas vitam æternam.

Dum vestimentum ei imponis, dicis :

Accipe vestem candidam, quam immaculatam perferas ante tribunal Domini nostri Jesu Christi.

Collectio.

Oremus, fratres carissimi, Dominum et Deum nostrum pro aufetis^c suis, qui modo baptizati sunt, ut cum in majestate sua Salvator advenerit, quos regeneravit ex aqua et Spiritu sancto, faciat eos ex æternitate vestire salutem. Per Dominum.

Item alia.

Baptizatis et in Christo coronatis, quos Dominus noster a chrismo petentibus regeneratione donare dignatus est, precamur omnipotens Deus, ut baptismum quod acceperunt, immaculatum ipsum perferant usque in finem. Per Dominum.

XXXVI. MISSA IN VIGILIIS SANCTÆ PASCHÆ.

Sacrosanctæ noctis istius gratia tenebris sæcula-

^a Sic *chrisma* flectebant veteres, ut in concilio Bracarensi II, canone 4 : *Ut pro chrismo nihil episcopus accipiat.*

^b Hujusce lotionis post baptismum mentio fit, ut initio hujus libri diximus, apud Ambrosium in lib. de

libris liberati, et ad justitiæ atque lucis cælestis gratiam promissam electi, omnipotentis Dei Patris infatigabilem bonitatem per Christum filium ejus, fratres dilectissimi, deprecemur, ut Ecclesiam suam sanctam catholicam diffusam per orbem terrarum, quam sibi amantissimi Filii sui passione et gloriosissimo sanguine conquesivit, jugi majestatis suæ protectione custodiat, atque contra omnes mundi insidias tutam defensamque concedat, ac præstet ei tempora tranquilla in perpetuum. Per resurgentem.

Collectio.

Redemisti nos, Domine Deus, per lavacrum regenerationis et sanguinem crucis, ut illa caro quæ prius in Adam mortalis fuerat effecta, per passionem Majestatis tuæ rursum revocaretur in cælum. Salvat.

Post nomina.

Oremus pro his qui offerunt munera Domino Deo nostro sacro sancta **250** spiritalia pro se, et pro caris suis, et pro spiritibus carorum suorum, in commemoratione sanctorum martyrum, ut Dominus Deus noster preces illorum clementer exaudire dignetur. Per resurg.

Ad pacem.

Comple, Domine, vota supplicum, exaudi gemitus peccatorum; osculetur nos ab osculo oris suis paci Magister et conditor, ut in nobis hoc recipientibus holocaustum, pacem quam speramus habeamus. Per.

Immolatio.

Dignum et justum est, æquum et justum est, nos tibi hic et ubique gratias agere, tibi laudes dicere, et hostias immolare, et confiteri misericordias tuas, Domine sancte, Pater omnipotens, æterne Deus, quoniam magnus es tu, et faciens mirabilia; tu es Deus solus. Tu fecisti cælos in intellectu; tu formasti terram super aquas; tu fecisti luminaria magna, solem in potestatem diei, lunam et stellas in potestatem noctis. Tu fecisti nos, et non ipsi nos; opera manuum tuarum non omittas. Tuus est dies, et tua est nox. In die enim mandasti misericordiam tuam, et in nocte declarasti, quam hodiernis vigiliis in luminis hujus festivitate celebramus. Hæc est enim nox, salutarium conscia sacramentorum. Nox, in qua veniam peccatoribus præstas; de veteribus hominibus novos efficis; de senibus effetis maturos reddis infantes, quos in novam creaturam renatos de sacro fonte producis. Hac nocte in æternum diem nascentes populi procreantur, regni cælestis atria reserantur, et beata lege commerciis divinis humana mutantur. Hæc est enim nox illa quæ facta est in deliciis, in qua maxime delectasti nos, Domine, in factura tua. Nox in qua inferna patuerunt, nox in qua absolutus est Adam, nox in qua inventa est dragma quæ perierat, nox in qua boni Pastoris humeris reportata est ovis perdita, nox in qua diabolus occubuit et Sol justitiæ Christus exortus est: et solutis

Mysteriis, cap. 6, et in lib. III de Sacramentis. cap. 1, ubi in Romana Ecclesia id inusitatum dicitur. Idem ritus infra in Missali Gallicano.

^c Corruptus locus, ubi legendum videtur *pro neophytis*.

infernī nexibus, claustrisque perfractis, multa sanctorum corpora, de sepulcris erumpentia, intraverunt in sanctam civitatem. O vere beata nox, quæ sola meruit scire tempus et horam qua Christus resurrexit! de qua jam in psalmo fuerat prophetatum: Quia nox ut dies inluminabitur. Nox in qua exorta est resurrectio in æternum! Te enim omnipotens Deus, creaturarum cælestium multitudo et innumera- biles angelorum chori sine cessatione proclamant, dicentes: Sanctus.

Post Sanctus.

Tuo jussu, Domine, condita sunt **251** universa in cælo et in terra, in mari et in omnibus abyssis. Tibi patriarchæ, prophetæ, apostoli, martyres, confesso- res, atque omnes sancti gratias agunt: quod et nos facientes, has hostias spiritalis et sincera libamina ut libens exaudias deprecamur. Te oramus, uti hoc sacrificium tua benedictione benedicas, et Spiritus sancti tui rore perfundas, ut sit omnibus legitima Eucharistia, per Christum Dominum nostrum. Qui pridie.

Collectio ad panis fractionem.

Respice ad hanc oblationem, omnipotens Deus, quam tibi offerimus in honorem nominis tui pro salute regum, et exercitu eorum, et omnium circum- adstantium; et præsta ut qui ex ea sumpserint, accipiant sanitatem mentis, integritatem corporis, tutelam salutis, intellectum sensus Christi, securitatem spei, corroborationem fidei, æternitatem Spiritus sancti. Præsta per eum qui tecum viv. et reg.

XXXVII. MISSA PRIMA DIE SANCTO PASCHÆ.

Collectio post prophetia.

Summe omnipotens Deus, qui cornu salutis nostræ in crucis tuæ mysterio extulisti, ut nos in domo David pueri tui regali fastigio sublimares; in quo etiam trifario titulo Trinitatis nobis unitas manifestata clarescens ostenditur; Salvator nempe in homine, Sacerdos quippe in chrismate, Rex scilicet secundum carnem ex genere; preces nostras tuæ supplices prosternimus Majestati, ut quos in tuo nomine per lavacrum regenerationis consecrare dignatus es, præstes, etiam in sanctitate et justitia tibi Domino servientes, unanimitatem fidei per infusionem Spiritus tui sancti inviolabiliter custodire, ac per viam pacis liberis gressibus properantes, cælestia regna **D** conscendere. Per resurg.

Post Preces.

Deus, qui, evulsis superstitionum spinis, in Ecclesia tua plantaria fidei alta radice posuisti, exaudi precem familiæ tuæ; respice de cælo, et vide, et visita vineam istam, et præsta ut, te inrigante, fructum accipiat in ubertate, quæ, te plantante, incrementum accipit in germine. Per resurg.

Apologia sacerdotis.

Ante tuæ immensitatis conspectum, et ante tuæ ineffabilitatis oculos, o Majestas mirabilis, scilicet ante tuos sanctos vultus, **252** magne Deus, et

* Id est *post precem*, ut in Natali Domini, scilicet post hymnum trium puerorum, ut quidem interpretamur.

A maximæ pietatis et potestatis omnipotens Pater, quamlibet non sine debita reverentia, attamen nulla officii dignitate, vilis admodum precator accedo, et reus conscientie testis adsisto. Quidne rogabo quod non mereor? Atne pie (non sine Dei pace dictum sit) quod peccati magis est accusator, qui pro peccatis debuit esse interventor? Accuso ergo me tibi, et non excuso, et coram testibus confiteor injustitiam meam tibi Domino Deo meo. Confiteor, inquam, confiteor sub testibus injustitiam impietatis meæ, ut remittas impietatem peccati mei. Confiteor quod nisi remittas, recte me punias. Habes me confitentem reum, sed (scio) nisi verbis non emendantem. Verbis enim placo, operibus offendo. Culpam sentio, emendationem differo. Subveni ergo, subveni pietas ineffabilis. Ignosce, ignosce mihi, Trinitas mirabilis. Parce, parce, parce, supplico, Deitas placabilis. Exaudi, exaudi, exaudi me, rogo, his verbis illius Filii tui clamantem: Pater, æterne Deus, peccavi in cælo, et coram te; jam non sum dignus vocari filius tuus; fac me ut unum de mercenariis tuis. Et nunc, Pater misericors, unicum misericordie tuæ portum, Christo favente, peto, ut quod per me vilescit per illum acceptum ferre digneris. Qui in æternum tecum vivit et regnat.

Præfatio missæ.

Expectatum, fratres carissimi, et desideratum nobis atque universo generi humano salutarem Paschæ diem adepti, concordia ac religiosa prece omnipotenti Deo gratias agamus, poscentes ejus misericordiam in hac die Resurrectionis Domini nostri Jesu Christi Filii sui, ut tribuat temporum quietem, regum pacabilitatem, judicum mansuetudinem, hostium infirmitatem, corporum salubritatem, aeris temperiem, anni benignitatem, fructuum copiam, schismatum penitentiam, gentium vocationem; et conventum Ecclesiasticum pacifica et pura congregatione, Paracliti sui sanctificatione conlustret; devotum ac dicatum sibi virginali pudorem et continentie propositum gloriosum atque beatum in omnibus custodiat; viduarum laboriosam continentiam sua miseratione confoveat; orphanis opem pietatis paternæ imper- tiat. Per resurgentem a mort. Dominum nostrum.

Collectio sequitur.

Deus omnipotens, exaudi populum tuum, hac die ad gloriam Resurrectionis Domini nostri Jesu Christi Filii tui in tuo nomine congregatum, et Majestatem **253** tuam suppliciter exorantem dirige ex præ- senti festivitate in lætitiâ sempiternam, atque ex hac hodiernæ solemnitatis exultatione ad gaudia incorrupta trans mitte. Per resurg.

Post nomina.

Suscipe, quæsumus, Domine, hostiam placationis et laudis; et has oblationes famulorum famularumque tuarum, quas tibi offerimus hodie in Resurrectione Domini nostri Jesu Christi secundum carnem, pla-

catus adsume. Tribue etiam per intercessionem sanctorum tuorum caris nostris, qui in Christo dormierunt, refrigerium in regione vivorum. Per.

Ad pacem.

Annue, quæsumus, Domine, supplicibus tuis, ut hæc nostræ servitutis oblatio in diem Resurrectionis Domini nostri Jesu Christi, et salutem nobis conferat et pacem. Per resurgentem.

Contestatio.

Dignum et justum est, æquum et salutare est, nos tibi hic et ubique semper gratias agere, Domine sancte, Pater omnipotens, æterne Deus. Sed in hac die Resurrectionis Domini nostri Jesu Christi Filii tui gratulatio major exultat in cordibus nostris. Hic est enim dies in quo nobis exorta est perpetuæ causæ lætitiæ. Hic est dies resurrectionis humanæ, et vitæ natalis æternæ. Hic est dies in quo satiati sumus mane misericordia tua; quo nobis ille Benedictus, qui venit in nomine Domini, Deus noster inluxit nobis. Hic enim Dominus noster Jesus Christus Filius tuus adimplens prophetias temporibus præstitutis, visitavit nos post biduum, die tertia resurrexit. Hic est enim dies tanti muneris benedictione signatus, qui hodierna festivitate gaudentibus in toto orbe mortalibus frequentatur. Quia omnium mors perempta est in cruce Christi, et in Resurrectione ejus omnium vitæ surrexit. Et nunc, Domine sancte, Pater omnipotens, æterne Deus, supplices deprecamur, uti hanc oblationem benedicere et sanctificare digneris. Per Christum Dominum nostrum.

Post Sanctus.

Hæc te vox, Domine, mystica luce comitatur, quæ cum in supernis dominicæ perennitatem laudis exerceat, celebrationem tanti nominis innoxit et terris, ut hujusmodi personas si homines tacerent, saxa clamarent. Viderunt te inferi, Deus; viderunt, et timuerunt a voce tonitruum tui, dicentes: Absorpta est mors in victoria tua. Ubi est, Mors, aculeus tuus? Adtonita paululum miserorum stetere supplicia; nec habuerunt tormenta cruciatum; et judicem suum **254** ipsa etiam pœna contremuit, quia natura terribilium tenebrarum, præsentia tui fulgoris habita, jam tunc timuit judicari. Exultaverunt sancti in gloria, lætantes in cubilibus suis, quod Auctorem promissæ sibi lucis agnoscerent. Quorum tu, Domine, stipatus agminibus, et tibi tantum noto splendore perfusus, sacrificia per te instituta sanctifica, non invitantis merito, sed sanctificantis exemplo, ut cunctis rite perfectis, Salvatore nostro ab inferis jam reverso, et mors se intelligat victam, et vita revocatam, per Christum Dominum nostrum. Qui. pridiæ quam p.

XXXVIII. MISSA MATUTINALIS PER TOTUM PASCHA PRO PARVULIS QUI RENATI SUNT, SECUNDA FERIA.

Deus, qui credentes in te populos gratiæ tuæ largitate multiplicas, respice propitius ad electionem tuam, ut qui sacro baptismo sunt renati, regni cælestis mereantur introitum. Per Dominum.

Collectio.

Famuli tui, Domine, qui ad tuam sunt gratiam vocati, tuo indesinenter protegantur auxilio; ut qui divino sunt baptismo regenerati, nunquam a tui regni potentia possint evelli. Per.

Post nomina.

Adesto, Domine, supplicationibus nostris, et oblationes famulorum ac famularum tuarum, quas tibi offerimus, placidus ac benignus adsume.

Ad pacem.

Concede, quæsumus, omnipotens Deus, ut festa Paschalia, quæ devotione colimus, moribus exequamur. Per.

Immolatio.

Vere dignum et justum est: quia verus ille Agnus, qui pro nobis est immolatus. Qui mortem nostram moriendo destruxit, et vitam nostram resurgendo reparavit Jesus Christus Dominus noster. Cui merito omnes angeli.

XXXIX. ITEM MISSA PASCHALIS, TERTIA FERIA.

Deus, qui omnes in Christo renatos genus regium et sacerdotale esse fecisti, da nobis velle et posse quod præcipis, ut populo ad æternitatem vocato una sit fides mentium et pietas actionum. Per.

Collectio.

Omnipotens sempiterne Deus, per quem nobis redemptionis præstat et adoptio, respice in opera pietatis tuæ; et quæ dignatus es conferre, conserva; ut in Christo renatis æterna tribuatur **255** hereditas, et vera libertas. Per.

Post nomina.

Suscipe, Domine, munera nomini tuo oblata, quæ in Filii tui Resurrectione triumphantis in gloria, universalis ejus adquisita sanguine offert Ecclesia. Per.

Ad pacem.

Omnipotens sempiterne Deus, qui per Unigenitum tuum æternitatis nobis aditum, devicta morte, reserasti; erige ad te corda credentium, ut omnes in Christo renati ex aqua et Spiritu sancto regnum cælorum ingredi mereantur. Per.

Immolatio.

Dignum et justum est nos tibi gratias agere, omnipotens sempiterne Deus, per Jesum Christum Filium tuum Dominum nostrum. Per quem humanum genus vivificans, Pascha etiam per Moysen et Aaron famulos tuos Agni immolatione jussisti celebrari: consequentibus temporibus usque ad adventum Domini nostri Jesu Christi (qui sicut agnus ad victimam ductus est) eandem consuetudinem in memoriam observare præcepisti. Ipse est agnus immaculatus, qui prioris populi primum Pascha in Ægypto fuerat immolatus. Ipse est Aries in verticem montis excelsi de vepre prolatus, sacrificio destinatus. Ipse est Vitulus saginatus, qui in tabernaculo patris nostri Abraham propter hospites est victimatus. Cujus passionem et resurrectionem celebramus, cujus et adventum speramus. Et ideo cum angelis et archangelis claman. dic.

XL. ITEM MISSA PASCHALIS, QUARTA FERIA.

Deus, qui populum tuum sacrum, Jordane flumine transacto, terram tuæ fecisti repromissionis intrare, concede, quæsumus, ut et nos quoque, Majestatis tuæ revelato mysterio, divina semper beneficia sentiamus. Per.

Collectio.

Annue nobis, quæsumus, Domine, ut quemadmodum mysteria Resurrectionis Domini nostri Jesu Christi sollemnia colimus, ita et in adventu ejus gaudere cum sanctis omnibus mereamur. Per.

Post nomina.

Auditus nominibus offerentum, debita cum veneratione beatissimorum apostolorum et martyrum, omniumque sanctorum commemoratione decursa, et offerentum et pausantium commemoremus nomina, ut æternalibus indita paginis, sanctorum cœtibus adgregentur. Per.

Ad pacem.

Deus, per cujus os prolatum est, quod pacem omnibus dares, **256** et pacis statuta relinqueres, infunde in cordibus nostris pacis studium, et piæ voluntatis affectum, ut vitiorum omnium labe purgati, pacem, quam labiis ore prosequimur, immaculatis cordibus teneamus. Per.

Contestatio.

Dignum et justum est nos tibi semper laudes et gratias agere, omnipotens sempiterne Deus, per Jesum Christum Filium tuum Dominum nostrum. Qui sicut ovis ad occisionem pro nobis ductus est, et ut agnus coram tondente se sine voce, sic non aperuit os suum. Hic enim est Agnus Dei, Unigenitus Filius tuus, qui tollit peccatum mundi; qui se pro nobis offerendo non desinit, nosque apud te perpetua advocacy defendit quia numquam moritur immolatus, sed semper vivit occisus. Pascha enim nostrum immolatus est Christus; ut jam non in fermento veteri, neque in carnalium sanguine victimarum, sed in azymis sinceritatis, et corporis^a veritatis immolemus. Per Christum Dominum nostrum.

XLI. ITEM MISSA PASCHALIS, QUINTA FERIA.

Deus, qui sollemnitate Paschali cælestia mundo remedia benignus operaris, annuæ festivitatis hujus dona proseguere, ut per observantiam temporalem ad vitam nobis proficiat sempiternam. Per.

Collectio.

Deus qui et libertatis nostræ auctor es et salutis, exaudi supplicantium voces; atque eos, quos sanguinis tui effusione redemisti, præsta, ut per te vivere, et perpetua in te facias incolumitate gaudere. Sal.

Post nomina.

Auditus nominibus offerentum, æternitatis Dominum deprecemur, ut in nobis vel timor ejus, vel cordis puritas, vel caritas quæ casum non habet, immobilis perseveret. Quia hæc est salutaris oblatio, hæc vera, hæc pinguis hostia. Ista sunt pura libamina, quæ et pro nobis et pro requie defunctorum, contritis et humiliatis cordibus, offerentur. Per.

^a Sic inferius in Missali Gallicano, ubi plures eædem, quæ hic, orationes, et quædam supplentur ad missarum integritatem.

A

Ad pacem.

Tribue, Domine, ut ita apud universos redemptionis tuæ famulos infractæ caritatis exundet affectus, ut nihil odiorum interpellatio **257** prævaleat appetitus; sed testimonium osculi, quod pro perfectione mansuræ pacis impenditur, nulla deinceps simultatis fraude frustretur. Sal.

Immolatio.

Vere dignum et justum est, unianimes et concordantes omnipotentem Deum profusius deprecari cum unico Filio ejus Domino Jesu Christo Salvatore nostro, qui Ecclesiam suam secunda liberavit a morte, quando sanguis ipsius effusus est super cruce. Per ipsum te rogamus, omnipotens Deus, ut Ecclesiam tuam augeas in fide, custodias in spe, protegas in caritate, et sacrificia nostra libens suscipere digneris cum gloria et honore. Et ideo cum angelis et archangelis laudamus, dicentes.

B

XLII. ITEM MISSA PASCHALIS, SEXTA FERIA.

Deus qui ad æternam vitam in Christi Resurrectione nos reparas, da nobis cælestia sapere, et a terrenis cupiditatibus abstinere. Per.

Collectio.

Deus gloriæ, cui complacuit in Unigenito tuo omnem plenitudinem habitari, omnes principatus et potestates exuere, atque in eo reconciliare omnia, in quo condideras universa, aspice festivas subditæ congregationis excubias, accipe preces Paschalibus supplicationibus votivas; et qui dedisti nobis dominicæ Resurrectionis temporum revolutione victoriam, da nobis ipsius festivitatis operum sanctificatione lætitiā. Per.

C

Post nomina.

Da, misericors Deus, ut in Resurrectione Domini nostri Jesu Christi percipiamus veraciter portionem. Per.

Ad pacem.

Deus, qui populum tuum tuæ fecisti redemptionis participem, concede nobis, quæsumus, ut de [die] Resurrectionis Dominicæ in perpetuo gratulemur. Per.

Immolatio.

Dignum et justum est, nos tibi gratias agere, Domine sancte, Pater omnipotens, æternæ Deus, per Jesum Christum filium tuum Dominum nostrum, quem pro nobis omnibus tradi hostiam voluisti. O mira circa nos pietatis tuæ dignatio! o ineffabilis dilectio caritatis ut servum redimeres, Filium tradidisti! O certe necessarium Adæ peccatum, quod Christi morte deletum est! O felix culpa, quæ talem ac tantum meruit habere Redemptorem! Nunquam enim quanta circa nos pietatis tuæ dilectio esset, cognosceremus, nisi ex morte unici et coæterni Filii tui, Domini ac Dei nostri Jesu **258** Christi probaremus. Vicit malitiam diaboli pietatis tuæ dignatio, quia ubi abundavit peccatum, superabundavit et gratia. Sed plus nobis tua misericordia reddidit, quam invidus inimicus abstulerat. Ille paradisum invidit, tu cælos

donasti. Ille mortem temporalem intulit, tu vitam perpetuam tribuisti. Propterea profusis gaudiis totus in orbe terrarum mundus exultat: sed et supernæ concinunt potestates hymnum gloriæ tuæ, sine fine dicentes.

XLIII. MISSA IN DIE SABBATO OCTAVÆ PASCHÆ.

Conserva, Domine, familiam tuam, quos ex aqua et Spiritu sancto propitius redemisti; ut veterem hominem cum suis actibus expoliantes, in ipsius conversatione vivamus, ad cujus substantiam per hæc paschalia dierum octavarum tuæ Resurrectionis mysteria transtulisti. Per.

Collectio.

Fac, omnipotens et misericors Deus, ut quod octavarum dierum Resurrectionis tuæ paschalibus celebramus officiis, fructiferum nobis omni tempore sentiamus. Sal.

Post nomina.

Deus misericordiæ sempiternæ, qui in ipso Paschalis festi recursu fidem sacratæ tibi plebis accendis, auge gratiam, quam dedisti, ut digna omnes intelligentia comprehendant quo lavacro abluti, quo Spiritu regenerati, quo sanguine sunt redempti. Per.

Ad pacem.

Deus, qui per Unigenitum tuum æternitatis nobis aditum, devicta morte, reserasti, deduc nos ad societatem cælestium gaudiorum, ut Spiritu sancto renatos regnum tuum facias introire. Per resurg.

Contestatio.

Dignum et justum est, necessarium et salutare est, ut te Dominum ac Deum totis visceribus humana conditio veneretur, Rex mirabilis Christe. Cujus condemnatione, tartareis vinculis absoluta credentium turba, libertatis insignia gratulatur. Qui vere ut Leo de tribu Juda mundo ostensus, animarum devotorem extinctum leonem diabolum omnis terra lætatur. Permittis te clavorum nexibus alligatum ad stipitem crucis tereri^a, ut non sit parva quem impius quondam expavescat potentia. Ad cujus vocem emittens spiritum, terra tremuit, cælum expavit, dies fugit, sol obscuratus est, astra abscondentes radios suos, simul omnia migraverunt. **259** Cujus descensu, confractis portis, luget infernum. Quo resurgente, lætantur angeli, exultat terra cum habitatoribus suis. In quo triumpho conspicitur comitatio illa prophetico ore promissa: Ero mors tua, o inferne. Ubi est ergo victoria tua? Nec enim ab alio poterat, nisi a vita mors devorari. Qui descensu suo eos qui tenebantur a morte superis reddidit resurgendo, ut ejus resurrectio vivorum vel mortuorum testimonio formaretur. Unde sancte Pater, omnipotens, æterne Deus, per Jesum Christum Filium tuum Dominum nostrum gloria tibi semper, qui in te, et ex te, et tecum semper est. Per quem te laud.^b

XLIV. MISSA CLAUSUM PASCHÆ.

Deum, qui pro ruina totius mundi unicum Filium

^a Sic in Missali Gallicano. An *teneri*.

^b Nihil hic de pascha *annotino*, quod baptizatus quisque anniversarium, id est ipso die quo baptismum

A suum, adsumptam ex carne Virginis viri hominis formam, mittere dignatus est, fratres carissimi, suppliciter exoremus; ut sicut in hac Resurrectione ejusdem nos a morte perpetua cum illo resuscitavit, ita pietatis suæ dono ab omnibus nos inimici tutans insidiis, inlæsos faciat in matris Ecclesiæ gremio resedere; et conscientiæ integritate de regeneratione gaudentes, æterna primitivorum Ecclesiæ, quemadmodum devotione ad præsens, ita et remuneratione adsociet in æternum; et hæc munera plebis suæ benedicere dignetur. Sal.

Collectio.

Deus, totius claritatis conditor et moderator, quem cælestia mirantur, et terrena pavitant, inferna tremiscunt; cui angelorum turmæ et archangelorum exercitus militant, non uti mundum expugnes, quem ipse fecisti, sed ut subruas mundi peccata, quæ diabolus adinvenit; quia ita dignatus es diligere hunc mundum, ut Unigenitum tuum traderes pro nostra salute, cujus cruce redempti sumus, morte vivificati, passione salvati, resurrectione glorificati. Per ipsum itaque te supplices invocamus, ut huic familiæ tuæ in omnibus adesse digneris, sicut adfuisti patribus nostris sperantibus in tua misericordia: sic et his omnibus adesse dignare, ut sit in sensibus eorum timor devotionis tuæ, in corde fides, in opere justitia, in actu pietas, in lingua veritas, in moribus disciplina, ut digne riteque immortalitatis **260** sibi præmium consequi mereantur. Per.

Post nomina,

C Concede, quæsumus, omnipotens Deus, ut qui Resurrectionis dominicæ sollemnia colimus, per innovationem tui Spiritus a morte animæ resurgamus. Per.

Ad pacem.

Exaudi nos, Domine, sancte Pater, omnipotens Deus; et his oblationibus precibusque susceptis, præsentis tuæ virtutem intersere, ut quod singuli ad Majestatis tuæ obtulerunt honorem, cunctis proficiat ad salutem. Per resurg.

Immolatio

Dignum et justum est, necessarium et salutare est, nos tibi gratias agere, omnipotens Deus, licet gloriæ tuæ mortalium membra non congruant, Redemptionis nostræ perferre præconia: dum hominum genus mancipatum morte, infernorum sedibus tenebrarum vincla restringerent, spiritale Verbum, per quod in principio omnia fuerant constituta, descendit in Mariam; quæ dum partum suum Virgo miratur, inclusum hominem edidit Deum. Quem tamen tuum esse, summe omnipotens Deus, antequam nasceretur, cognoverat, quippe quæ sciebat mundi esse principium. Is namque crucem spontanea voluntate, propter redemptionem humani generis, de inimico tyranno triumphaturus, ascendit; et relicto paulisper corporis templo, inferorum claustra confringens, pristina, ut ante fuerat, vitæ restituit. Nec suffecerat solum hominem emendasse peccatum: sed per ablutionem suscepisset, quotannis rememorari debebat, ex Herardo sæculi ix episcopo Turonensi, in capitulo 93.

cælestem renatus redivo ac novo nativitatibus genere, remeans ad originem suam, nos ad cælestia regna produxit. O consilium divinæ providentiæ! o inestimandum reparationis auxilium! Per Virginem nobis gloriosa vita restituitur, quæ per ligni inobedientiam credebatur extincta: per aquam mundi peccata diluuntur, per quam ante senserat mundus ipse naufragium. Tibi ergo, summe Genitor, pura devotione immaculatum munus offerimus: et elevatione manuum nostrarum, juxta Filii tui Jesu Christi dispositionem, pium sacrificium celebramus. Per Christum Dominum nostrum.

XLV. MISSA IN INVENTIONE A SANCTÆ CRUCIS.

Gloriemur in cruce Domini nostri Jesu Christi, fratres carissimi, et tota mentis exultatione lætemur; et hujus diei festivitatem cum grandi reverentia, **261** et spiritali gaudio celebremus, in qua cruce ipse Dominus noster et Salvator pro nostra salute pependit, et diabolus triumphavit. Per hanc ergo crucem, malæ concupiscentiæ adpetitum, quod dulcedo arboris inlexit, amaritudo fellis coercuit; et gulæ desiderium, quod suavis pomi decepit, aceti asperitas refrenavit. Sal.

Collectio.

Dona nobis, omnipotens Pater, per mysterium crucis Unigeniti tui, ut venenum serpentis antiqui (quod fidelibus nititur propinare) per illud medicamentum, quod Christi manavit latere, possit a fidelium pectoribus expurgari; quosque transgressio præcepti de Paradiso expulit, confessio nominis Christi in Paradiso reformet. Sal.

Post nomina.

Domine Jesu Christe, qui in patibulo crucis suspensus, Patrem ex forma servi quam suscepas, ut quid te dereliquerit, adclamasti, et ut persecutoribus veniam tribueret postulasti, tuam supplices imploramus clementiam, ut quod tunc pro suscepta carnis humilitate a Patre expetere videbaris, nunc cum eodem, connexa semper Divinitatis potestate, consistens præstare digneris. Sal.

Ad pacem.

Deus, qui Ecclesiam tuam catholicam, quam tuo sancto sanguine redemisti, numquam derelinquis, nobisque indignis in eadem concurrentibus criminum indulgentiam placatus concedis, et qui latronis tecum in cruce pendentis confessionem justificare dignatus es, quæsumus, ut omnium in te credentium fidem augeas, multiplices; et solita pietate pacem, quam custodire jussisti, inlibatam in nos conservare digneris. Sal.

Contestatio.

Dignum et justum est, omnipotens Deus, tibi sacrificiorum vota persolvere, te in laudis præconio indesinenter ad tollere, ac utriusque, et illius scilicet habitatoris paradisi, et istius Redemptoris humani generis exempla proponere. Ille quidem prior, sed iste melior; ille terrenus, iste cælestis; ille de limo factus, iste verbo conceptus. Tunc diabolo suadente,

▪ Hoc festum item præscriptum est in Ordine Gregoriano.

A Eva decipitur; nunc angelo nunciante, Maria clarificatur. Tunc per invidiam serpentis homo qui fuerat creatus perimitur; nunc per misericordiam redemptis homo qui perierat liberatur. Tunc homo mandatum non custodiendo de paradiso pellitur, nunc latro Christum Dominum confitendo paradisum meretur. Unde supplices rogamus, clementissime Pater, per inclytæ **262** crucis innarrabile sacramentum, et per Domini nostri Jesu Christi Filii tui admirabile regnum, ut ejus festivitatem celebramus, hodiernum diem, in quo crucis nos omnes cum lætitia spiritali et modesta exultatione peragere, et inter cælestium virtutum laudes humilitatis nostræ vocem suscipias, multiplici confessione ita dicentes: Sanctus.

XLVI. MISSA SANCTI JOHANNIS APOSTOLI ET EVANGELISTÆ.

Omnipotens sempiternus Deus, qui hujus diei festivitatem fecisti ad lætitiā beati Johannis evangelistæ, da Ecclesiæ tuæ etiam amare quod credidit, et prædicare quod docuit. Per Dominum nostrum Jesum Christum Filium tuum.

Collectio.

Deus, qui per os beati Johannis evangelistæ Verbi tui arcana reserasti, præsta, quæsumus, ut quod ille nostris auribus excellenter infudit, intelligentiæ competenti eruditione capiamus. Per.

Post nomina.

Præsta, omnipotens Deus, ut Verbum caro factum, quod beatus Johannes evangelista prædicavit, per intercessionis suæ præsidium habitet semper in nobis. Per.

Ad pacem.

Pacem tuam, Domine, de cælo da nobis; et posside nos, ut non hæreat in visceribus nostris fraudulentus osculus proditoris; sed pax illa, quam tuis reliquisti discipulis, semper inlibata permaneat in cordibus nostris. Per.

Immolatio.

Vere dignum et justum est, æquum et salutare est, nos tibi, omnipotens Deus, gratias agere, beati Johannis apostoli tui et evangelistæ natalia venerantes. Qui Domini nostri Jesu Christi Filii tui vocatione suscepta, terrenum respuit patrem ut posset invenire cælestem. Retia sæculi quibus implicabatur abjecit, ut æternitatis dona mente libera sectaretur. Natan-tem in fluctibus navem reliquit, ut ecclesiasticæ gubernationis tranquillitate consisteret. A piscium captione cessavit, ut animas mundanis gurgitibus immersas calamo doctrinæ salutaris abstraheret. Destitit pelagi profunda rimari, secretorum scrutator redditur divinorum; eo usque procedens, ut et in cœnæ mysticæ sacrosancto convivio ipsius recumberet pectore Salvatoris, et eum in cruce Dominus constitutus vicarium sui Magistri, Virginis filium subrogaret; et in principio Verbum, quod Deus erat apud Deum, ipse præ **263** ceteris ostenderet prædicando, per Christum Dominum nostrum.

▪ Ad portam Latinam appellamus.

XLVII. MISSA PRIMA DIE IN ROGATIONIBUS.

In jejuni^a hoc afflicti corpore, et corde contriti frequentamus ad te preces, clementissime Deus, ut cum abstinentia corporali abstinentia nobis vitiorum donetur : ut restricto corpore ab epulis, tu, qui es refectio vera, in nostris cordibus oriaris. Per.

Gratias tibi agimus, Domine sancte, Pater omnipotens, æterne Deus, qui nos, post transgressionem jejunii vetitia contingendo, ad continentiam salutis reparasti per Christum; te in hoc jejunium supplices ac provoluti rogamus, ut dones nobis rectam a vitii mentem, et Spiritu principali (qui est mortificationis amator) nos conroboret, ut post actum jejunium ad æternæ refectionis nos pascua perducat. Per.

Post nomina.

Tua sunt, Domine, alimonia quibus in cotidiano victu ad sustentationem reficimur, tuaque jejunia quibus carnem a lubrica voluptate, te præcipiente, restringimus. Tu ad consolationem nostram vicissitudines temporum disposuisti, ut tempus edendi corpora nostra refectio sobria aleret, et jejunandi tempus ea in justitiam tibi placitam faceret macerata. Hanc hostiam ob jejunium triduanæ macerationis a nobis oblatam sanctificans dignanter adsume, et præsta placatus ut, sopita delectatione corporea, mens ab iniquitatibus pariter conquiescat. Per.

Ad pacem.

Refectio tua, Domine, restrictis corporibus, in spiritu contribulata gustatur; et ideo, prostrati jejunii pænitentia, supplices exoramus, misericordia sola petentes quod opere non meremur; ut sentiamus in spiritu dilectionis tuæ pabulum suave, quod corda nostra ab epulis vacantia, ad proximi dilectionem succendat. Per.

Immolatio.

Vere dignum et justum est **264** te in observatione jejunii quærere, qui es panis verus et vivus de cælo descendens. Te itaque, humiliatis jejunio corporibus, mente famulantes devota, per hanc sacrificii immolationem rogamus, ut humiliationem jejunii hujus, quam pro nostris reatibus in hac tridua observatione persolvimus, ita intuearis placatus, ut a delictis jejunantes absolvas, quos incontinentia vorarum in pravitatis transgressionem immersit. Per Christum dominum.

XLVIII. ITEM MISSA SECUNDA DIE IN ROGATIONIBUS.

Deus, cujus exemplo jejunium datum est post gustum prohibitionis, per inobedientiam ligni ingressum, tibi, Domine, corda nostra, in jejunii maceratione subjecta, per inlustrationem tuæ inspirationis sanctifica; et de cælestibus sedibus tuis nos in luto fæcis

^a Non solum, ut modo, abstinentiam, sed etiam jejunium in Rogationibus præcipiant concilia Gallicana, Aurelianense I, canone 27, et Turonense II, canone 17. Unde « Rogationum operosissimam festivitatem » appellat Avitus in homilia de Rogationibus : « Festivitas siquidem est, cujus jucunditas tota sola sobrietas, cujus epulæ lacrymæ, cujus pastus esuries est. » Hæc « non per Gallias modo, sed pene per orbem totum » celebris initio homiliæ dicitur. Tunc lectum fuerat Evangelium ex Matthæi cap. VIII, de Christo Domino in navi dormiente, et a discipu-

A ac squalore jejunii substratos intuens, in virtutum successibus releva. Per.

Collectio.

Omnipotens sempiterne Deus, mudentur, quæsumus, viscera nostra a cunctis carnis delictis, jejunii adtenuatione confecta; ut in ipsius jejunii humilitate prostratis non valeat carnis infirmitas dominari: quia tu institutor sobrietatis, si vis, potes nostri citius misereri, ut spiritalia cogitemus, et concupiscentias carnis, te adjuvante, vincamus. Per.

Post nomina.

Deus, qui mentis puritatem adprobas, non jejunium a cibis solummodo gloriam humanam captantem, dignare oculos cordis nostri in hoc jejunio ita inluminare introrsus, ut tibi in his quæ homines nesciunt in occulto a vitii jejunio placeamus : quia doni tui est hoc ipsum, quod a cibis abstinemus, sit muneris tui ut a peccatis etiam cum jejunio emundemur; et desiderabile fonte ubertatis ita hæc munera imbre sancti Spiritus perfunde, ut a jejunantibus percepta, cuncta vitia mudent, et virtutes inserant morum. Per.

Ad pacem.

In jejunii humilitate substratis, omnipotens sempiterne Deus, absterge omnem labem peccati, ut mundata nostri cordis arcana, cum abstinentia ciborum, jurgiorum etiam inquietudines exclusas, dilectio tua et proximi, nostris in cordibus pura succrescat. Per.

Contestatio.

C Vere dignum et justum est te tota cordis contritione in jejunio, omnipotens sempiterne Deus, per Christum Dominum nostrum. Qui nos mysteriorum tuorum secretis informans, pacificum **265** nemus ore columbæ gestatum Noe oculis ostendens, nobis de virente arbore crucis gloriosum signum expressit; quem columbæ species in Christi decoravit honore, cunctis colendum Spiritus sanctificatione demonstrans. Cujus animalis innocentia esse similes præoptantes, ab eoque sanctificari Spiritu, cujus ipse sumpsit speciem, exorantes; in hoc jejunio tridua humiliatione instituto, invictum hoc signum ^b cum plebium cuneis præferentes, atque Majestatem tuam psallentii ^c modulatione laudantes, petimus, omnipotens Deus, ut accipias cuncta plebis vota quæque quoquo ritu tibi reddit subjecta; et ita eos in hoc jejunio sanctifices, ut a cunctis mereantur exui peccatis. Per Christum Dominum.

XLIX. MISSA TERTIA DIE IN ROGATIONIBUS.

Deus, quem nullus mortalium sensus, usus carnis

lis excitato; quod Evangelium in nostro Lectionario non præscribitur. Itaque varia erat Evangeliorum in diversis provinciis lectio, licet idem esset ubique Galliarum ordo ac ritus.

^b Hinc probatur, quod in lib. II ex Gregorio Turonensi episcopo diximus, crucem in his supplicationibus fuisse prælatam.

^c Avitus in Sermone de Rogationibus ait, Mamerum « cum Deo (definiisse) quidquid hodie Psalmis ac precibus mundus inclamat. »

inlecebra prægravatus, nisi a te jejunii expiatione fuerit inlustratus, agnoscit, pelle de cordibus nostris cum abstinencia turham vitiorum de ingluviæ saturitate gignentium, ut pura tibi serviat etiam post exactum jejunium, quam tu propitius donaveris, devotio novitatis. Per.

Collectio.

Jam in triduani jejunii fine conclusa, sinceritatem tuam, Domine, deprecamur in visceribus nostris, maceratione jejunii adflictis, advenire; et ut de atria tua sancta exaudias peccatores in squalore miseriorum jacentes rogamus; ut des nobis fontem gratiarum tuarum, et pandas iter quo post jejunium escarum carnalium itur ad refectionem pascuæ sempiternam. Per.

Post nomina.

Jejunantium, Domine, quæsumus, supplicum vota propitius intueri; et munera præsentia sanctificans, per perceptionem eorum occulta cordis nostri remedia tuæ clarifica pietatis: ut opera carnalia nec fluxa nos teneant, quos institutor jejunii Christus reparavit redemptor. Per.

Ad pacem.

Deus, qui intemperantiam saturitatis tuæ abstinenciæ dedicatione superasti, et puritatem castimoniam, ut cognoscaris, dedisti; serenus nos tuo vultu circumspice, et jejunantibus pacem proximi et tuam largiaris; quam ad Patrem ascendens, **266** nobis reliquisti sectandam. Per.

Immolatio.

Vere dignum et justum est, satisque est dignum te solum a jejunantibus quærere, qui es magister abstinenciæ, et continentiam remunerator æternæ: quique a jejunantibus, fidele tantum corde exposcant, abstergis omnem maculam, quam saturitas contrahit indecens. Hoc itaque sanctum jejunium in Leviticis apicibus per famulum tuum Moysen evidentius declarasti: in quo jussisti ut humiliaremus animas nostras, ne exterminaremur, sicut esu gulæ deditus populus exterminatur. Quod etiam nobis Unigenitus tuus ita sanctificavit implendo, et ut regnum perditum per jejunium panderet, et peccatis veniam daret. Et ideo quæ instituisti jejunia suscipe libens, per ea nos a reatibus cunctis absolvens, per Christum Dominum nostrum.

Post Sanctus per totas tres missas dicitur:

Hanc igitur oblationem familiæ tuæ tibi adstantis, quorum tibi fides cognita est, et nota devotio, quam tibi offerunt pro devotione animorum suorum, pro quorum tibi placitis desideriis supplicamus, memor esse dignare, Domine, sancte Pater, æternæ Deus, in diebus jejuniorum ipsorum, ut a cunctis eos peccatis abstergas, et residuum temporis, quo eis alimniorum perceptio concedetur, ita eos conservare digneris, ut sobriam vitam habentes, non involvantur peccatorum laqueis ab epulis excitatis, per Christum Dominum nostrum. Quam oblationem tu Deus in

* Hæc particula nunc passim occurrit in Missali Gallicano.

Sic in vetustis aliis Mss. in Collecta seu oratione

A omnibus, quæsumus, benedictam, ascriptam. Et reliqua.

L. COLLECTIONES IN ROGATIONIBUS PER DIVERSA LOCA SANCTORUM.

In sancto Petro nunc *.

Deus refugium pauperum, spes humilium, salusque miserorum, interveniente pro nobis beatissimo fundatore Ecclesiæ tuæ Petro, supplicationes supplicum tuorum in die triduani hujus jejunii clementer exaudi; et tranquillitatem a vitiis pariter et hostibus nostris concede temporibus, ut quos justitia flagellorum tuorum juste facere potest esse adflictos, abundantia misericordiæ tuæ, ipso beato Petro obtinente, faciat consolatos. Per.

Collectio.

B Omnipotens sempiternæ Deus, qui beato Petro apostolo, conlatis clavibus regni cælestis, animas ligandi atque solvendi **267** pontificium tradidisti, exaudi propitius preces nostras in die jejunii hujus, et intercessionem ejus, quæsumus, ut a peccatorum nostrorum nexibus liberemur. Per.

Collectio in sancto Paulo.

Vide, Domine, quæsumus, infirmitatem nostram; et in diebus jejuniorum istorum, quos trina consecratio trino numero facit extensos, interveniente beato apostolo tuo Paulo, celere nobis pietate succurre: ut quos justitia corripis, misericordia consoles. Per.

Item collectio.

C Exaudi, Domine quæsumus, gemitum nostrum in diebus jejuniorum trino numero Trinitati sacratorum; et intercedente beato Paulo magistro nostro atque doctore, quæsumus, ne apud te plus valeat offensio delinquentium, quam miseratio tua, semper indulta fletibus supplicantium. Per.

Oratio in sancto Stephano.

Præsta, quæsumus, omnipotens et misericors Deus, ut fragilitati nostræ adflicte in diebus istorum jejuniorum magnificus levita ac beatus Stephanus auxilium interventionis exhibeat: qui imitator dominicæ passionis et pietatis, primus in cruore martyrii enituit; et semper sit perfectus suffragator, atque, te concedente, promptus adjutor. Per.

Item collectio.

D Preces nostras in hoc jejunio protentas, quæsumus, Domine, beati levitæ et martyris tui Stephani prosequatur oratio; et ut adsit nobis adflictis misericordia tua, ejus precibus adjuvemur. Per.

Oratio in sancto Martino.

Porrigere dexteram tuam, quæsumus, Domine, plebi tuæ, in die jejuniorum suorum misericordiam postulanti; ut, intercedente beato Martino, terrores imminentes declinemus, et solatia vitæ immortalitatis accipiamus, et sempiterna gaudia comprehendamus. Per.

Item alia.

Deus auctor jejunii, institutor abstinenciæ, qui jejunii formam complectens, submovisti ingluviem sa-

de sancto Petro, ubi modo legitur absolute ligandi omissa voce animas.

uritatis, ut in nobis castimoniam sobrietas regnaret; respice, Domine, propitius super hos supplices tuos, jejunio triduanæ abstinentiæ vacantes; et intercedente summo viro beato Martino, gratiam tuam benedictionis tuæ nobis omnibus ab eo exoratus infunde; ut sicut hoc jejunium ad cultus tui timorem constitutum vincit ingluviem gulæ, ita inluminatio tua in sensibus nostris superet omnem nostrorum fomitem vitiorum. Per.

Oratio in sancto Gregorio.

Omnipotens sempiterne Deus, **268** jejuni, de tuis etiam donis satiati, vel qualibet maceratione confecti, majestatem tuam supplices exoramus, ut expulsis de cordibus nostris peccatorum tenebris, in die hac jejunii, intercedente summo antistite nostro et divinorum mysteriorum capacc Gregorio, ad veram lucem, quæ Christus est, nos facias pervenire.

Collectio.

Omnipotens sempiterne Deus, cujus jussu caro a voluptatibus jejunii maceratione restringitur, et Satorem suum caro nostra, per sobrietatem restricta, cognoscit, per intercessionem summi apostolici Patris nostri Gregorii, in hoc jejunio tribue cunctis immaculatum in te credentibus exercere cultum; ut etiam si jejunantibus vitia succedunt, et deserunt virtutes, tua erga eos, Pater omnipotens, custodia perseveret. Per.

LI. MISSA IN ASCENSIONE ^a DOMINI.

Deus, qui Ecclesiam tuam evangelicæ exhortatione doctrinæ quæ sursum sunt jubet sapere, et ad eam se altitudinem ad quam Salvator mundi conscendit erigere, da supplicibus tuis subsequi intellectu quod multi viderunt conspectu; ut in secundo Mediatoris adventu ditentur donis, qui tuis crediderunt promissis. Per.

Præsta nobis, omnipotens et misericors Deus, ut sicut humani generis Salvatorem consedere tecum in tua majestate confidimus, ita usque ad consumptionem sæculi manere nobiscum, quemadmodum est pollicitus, sentiamus. Per.

Post nomina.

Sacrificium, Domine, pro Filii tui in cælis hodie Ascensione deferimus; præsta, quæsumus, ut ad tuam gloriam per ipsum his commerciis venerandis surgamus. Per.

Ad pacem.

Deus, qui dum subsellia Deitatis ascendis, observare nos pacem evangelica auctoritate non desinis docere, da nobis placidus pacem tuam, ut dum discordiæ prona refugimus, cæli ardua consequamur. Per.

Immolatio.

Vere dignum et justum est, per Christum Dominum nostrum. Qui mortuus est propter peccata nostra, et resurrexit propter justificationem nostram. Ascendit super omnes cælos; et exaltatus throno

^a Inter Alcimi Aviti fragmenta unum est ex sermone de Ascensione Domini.

^b Et de hoc festo habentur duo fragmenta ex ser-

monio tuæ, sedetque ad dexteram tuam, promissum sanctum Spiritum in filios adoptionis effudit. Unde lætantes inter altaria tua, Domine **269** virtutem, hostias tibi laudis offerimus cum angelis et archangelis, per Christum Dominum.

LII. MISSA IN DIE SANCTO ^b PENTECOSTEN.

Deus, inluminatio et vita credentium, cujus munerum ineffabilis magnitudo hodiernæ festivitatis testimonio celebratur, da populis tuis capere intellectu quod didicere miraculo, ut adoptio, quam in eos Spiritus sanctus advocavit, nihil in dilectione tepidum, nihil habeat in confessione diversum. Per.

Collectio.

Mentes nostras, quæsumus Domine, Paraclitus Spiritus, qui de te procedit, inluminet; et ad omne opus bonum perducat, sicut nobis promisit Filius veritatis. Per.

Post nomina.

Munera nostra, quæsumus Domine, sancti Spiritus tui dignatione sacrentur, per quæ a peccatis omnibus adoptionis tuæ filii renascamur. Per.

Ad pacem.

Domine sancte, Pater omnipotens, æterne Deus, cujus Spiritu totum corpus Ecclesiæ multiplicatur et regitur, conserva in novam familiæ tuæ progeniem sanctificationis gratiam, quam dedisti; ut corpore et mente renovati, puram tibi animam cum securitate pacis et purum pectus semper exhibeant. Per.

Immolatio.

Vere dignum et justum est, nos tibi semper hic et ubique gratias agere, et gloriari in operibus tuis, Domine sancte, Pater omnipotens, æterne Deus, in hoc præcipue die, in quo sacratissimum Pascha quinquaginta dierum mysteriis tegitur; et per sua vestigia, recursantibus dierum spatiis, colleguntur, et dispersio linguarum, quæ in confusione facta fuerat, per Spiritum sanctum adunatur. Hodie enim de cælis repente sonum audientes apostoli, unius fidei Symbolum exceperunt, et linguis variis Evangelii tui gloriam gentibus tradiderunt, per Christum Dominum nostrum.

LIII. MISSA SANCTORUM FERREOLI ET FERRUCIONIS.

Dominum Deum nostrum, fratres carissimi, supplices exoremus, qui sanctis martyribus suis Ferreolo et Ferrucioni quædam tribuit futurorum præmia gaudiorum in ipsa præsentium conditione certaminum **270** (dum per inextinguibilem sui amoris ardorem intelligunt suavitatem vitæ damnis acquirere, et mortem moriendo calcare: quibus dum prætervolans hic dies per urgentium poenarum acerbiterat concluditur, auditus æternæ lucis aperitur), det nobis famulis suis, ut sicut illos nulla tormentorum genera, corpore licet deserente, fregerunt, ita nos nullæ mundi hujus inlecebræ a suæ proposito servitutis perniciose securitate deflectant; ut virtutem fidei nostræ divinus ignis suæ caritatis accendat, et omnia

mone Aviti, in quorum primo egregius locus est de Spiritus sancti divinitate.

in nobis corporalium vitiorum fundamenta consumat. **A** Per.

Collectio.

Deus, cujus amorem piissimi confessores et martyres tui Ferreolus et Ferrucio cruore adserunt, et morte confirmant; qui dum tibi tam libenter sumptum a te vitæ munus impendunt, neminem non pro Vita mori testantur; concede ut fidem quam cordibus nostris proprio inscriptam sanguine reliquerunt, vitæ meritis excolamus; et quod in eis admiramur imitemur, quod colimus diligamus, quod laude prosequimur conversatione sectemur. Per.

Post nomina.

Recensitis nominibus fratrum carorumque nostrorum, oremus Dominicam misericordiam, ut in medio Hierusalem in congregatione sanctorum hæc nomina **B** sibi faciat ab angelo sanctificationis in beatitudinem æterni gaudii recenseri: sacrificiumque hoc nostrum sicut in præfationem Melchisedech, in virtute sanctificet; preces quoque offerentium hanc oblationem propitiatus exaudiat in commemorationem beatissimorum martyrum Ferreoli et Ferrucionis, omniumque sanctorum; ut eorum precibus adjuti, non solum viventibus præsidia, verum etiam defunctis caris nostris requiem obtinere mereantur. Per.

Collectio ad pacem.

Mirabilis in sanctis tuis, Domine virtutum, et peccatoribus nobis beatissimorum martyrum tuorum Ferreoli et Ferrucionis patrocínio largire. Illi coronas insignes gemmibus, lapidibus pretiosis martyrii virtute meruerunt; nos eorum suffragiis, te donante delictorum veniam consequamur; et concede nobis **C** ut conjunctio labiorum copula efficiatur animarum, et ministerium osculi perpetuæ proficiat caritati. Per.

Contestatio.

Dignum et justum est. Vere dignum et justum est: quotienscumque pugnas sanctorum recolimus, te laudamus; et in quo martyres tuos Ferreolum et Ferrucionem proferimus, tuis virtutibus **271** adscribamur; quia illorum corona tua est gloria, qui per unicum Filium tuum Jesum Christum Dominum ac Salvatorem nostrum mortalia corpora docuisti pretiosi palmam portare martyrii. Juste autem tuis meritis exhibemus, quo fortissimorum martyrum facta veneramur, qui humanas mentes ad certamen cælestis gloriæ amore tuæ pietatis accendis. Tuæ namque virtutis est præmium poena sanctorum. Nam in qua subjacuerunt sævi membra carnificis, tibi servit martyrum effusus sanguis, tibi triumphum reportat manus cruenta lictoris; quique gladio voluntaria colla subposuit, tibi vicit; quique unguis flammisque subjacuit, tui palmam nominis reportavit. Habes ergo, Domine, in quo exultes, quotienscumque tantæ virtutis memoriam recolimus; nec inmerito singulis quibusque cælestia dona disponis, qui tantum per sanctos tuos undique amorem adquiris. Quis non post tantam pietatis tuæ magnificentiam,

^a Hæc Collectio eadem in Ordine Gregoriano.

^b Tres cruces hic denotant trinam populi benedictionem.

animum ad martyrii vota componat? aut quis non provocetur ad pugnam, cum videat magno laboris fructu remuneratam martyrum fuisse victoriam? Rogamus ergo, Domine, ut in commemorationem sanctorum tuorum Ferreoli et Ferrucionis, illorum pretiosæ virtutis memoriam recolentes, partem remunerationis admittas; ac præstes ut familia tua perseverare cursum cæpti laboris expediat: quatenus qui in te credunt, et tibi serviunt, etsi non in prima, vel in secunda remunerationis sorte, locum apud te mereantur obtinere justitiæ. Et ideo cum angelis atque archangelis clamant dicentes.

LIV. MISSA IN NATIVITATE SANCTI JOHANNIS BAPTISTÆ.

Deus, qui beatum Johannem Baptistam veritatis testimonio decorasti, da nobis quæsumus, humilitatis ejus exemplum audire, ut desideremus intelligere quod exercuit, et adsequi toto amore quod meruit. Per Jesum Christum.

Collectio sequitur.

Omnipotens sempiterne Deus, qui beatissimum præcursorem tuum Johannem Baptistam ad præparandas Unigeniti tui vias nasci jussisti, præsta, quæsumus ut intercessionis ejus auxilium tribuas, et ad implenda mandata præpares voluntates. Per Dominum nostrum.

Post nomina.

Omnipotens sempiterne Deus, qui hunc diem honorabilem nobis in beati Johannis Baptistæ nativitate fecisti insignem, quæsumus, ut tuus Præcursor (quo **272** inter natos mulierum omnibus major non surrexit) nostram fragilitatem tuæ pietati commendet; et caris nostris, quorum sunt nomina recitata, ita refrigerium pietatis impetret, ut ibi recipiantur vel ultimi, ubi summus præminet in regno cælorum Baptista. Quod ipse.

Collectio ad pacem.

Deus ^a qui præsentem diem honorabilem nobis in beati Johannis nativitate fecisti, da populis tuis spiritualium gratiam gaudiorum, et omnium fidelium mentes dirige in viam salutis et pacis. Per.

Immolatio.

Vere dignum est nos tibi semper hic et ubique gratias agere, Domine sancte, Pater omnipotens, æterne Deus. Qui in omnium sanctorum tuorum es splendore mirabilis; qui præsentem diem honorabilem nobis in beati Johannis nativitate fecisti; ut, gratiæ tuæ operante virtute, ille (quo inter natos mulierum nullus major) oriretur; da populis tuis eruditionem spiritualium gaudiorum, et omnium fidelium mentes dirige in viam salutis et pacis; ut quem manifestavit testificatio nuntii, impleat præsentia nuntii, per Christum Dominum nostrum. Per quem Majestatem tuam.

Benedictio ^b populi.

Deus, qui per Zachariæ loquelam manifestasti nativitatem sancti Johannis, † præsta, quæsumus, ut qui natalitia ejus devotissime colimus, intercessione

illius gaudeamus. † Ut populus tuus, qui ad nativitatem ejus convenerunt, salventur meritis per interventum omnium sanctorum et deprecationem illius meritis adjuventur. † Da, Domine, ut illis angelus Gabriel (quo Zacharias loquente obmutuit) intercessor adsistat, et meritis illius adjuventur^a et moribus.

LV. MISSA SANCTORUM PETRI ET PAULI.

Omnipotens * sempiternus Deus, qui hunc diem beatissimorum apostolorum Petri et Pauli martyrio consecrasti, da Ecclesiae tuae toto terrarum orbe diffusae, eorum semper magisterio gubernari, per quos sumpsit religionis exordium. Per Dominum nostrum Jesum Christum Filium tuum.

Collectio sequitur.

Exaudi, quæsumus, Domine, populum tuum cum sanctorum apostolorum tuorum Petri et Pauli patrocinio supplicantiem; **273** ut tuo auxilio servati, securi tibi possit devotione servire. Per Jesum.

Collectio post nomina.

Apostolorum tuorum, Domine, beatorum Petri et Pauli desiderata sollemnia recensemus, præsta, quæsumus, ut honora gloria passionis, sicut illis magnificentiam tribuit sempiternam, ita nobis veniam largiatur optatam; et nomina eorum quæ recitata sunt in libro vitæ censeas deputari. Per eum, qui tecum vivit.

Collectio ad pacem.

Deus pacis conditor, Deus caritatis indultor, da nobis placidus pacem tuam, et præsta ut dum sanctorum tuorum apostolorum Petri et Pauli festa celebramus, per eorum intercessionem pacis securitatem cum peccatorum venia consequi mereamur. Per Dominum nostrum Jesum.

Inmolatio missæ.

Vere dignum et justum est nos tibi semper et ubique gratias agere, Domine sancte, Pater omnipotens, æternus Deus: præcipue hodie in honorem beatissimorum apostolorum et martyrum tuorum Petri et Pauli: quos ita electio tua tibi consecrare dignata est, ut beati Petri sæcularem piscandi artem in divinum dogma converteret, quatenus humanum genus de profundo istius mundi præceptorum tuorum rebus liberaret. Nam coapostolo ejus Paulo mentem cum nomine commutasti; et quem prius persecutorem metuebat Ecclesia, nunc cælestium mandatorum lætatur se habere doctorem. Paulus cæcatus est ut videret, Petrus negavit ut crederet. Huic claves cælestis imperii tradidisti, illi ad evocandas gentes divinæ legis scientiam contulisti. Nam ille introducit, hic aperit. Ambo igitur virtutis æternæ præmia sunt adepti. Hunc dextera tua gradientem in elemento liquido, ne mergeretur, erexit; illum autem tertio naufragantem profunda pelagi fecit vitare discrimina. Hic portas inferni, ille mortis vicit aculeum. Paulus capite plectitur, quia gentibus caput fidei comprobatur; Petrus autem præmissis in cruce

A vestigiis Caput omnium nostrum secutus est Christum. Cui merito om.

Benedictio populi in natale apostolorum Petri et Pauli.

Deus, qui membris Ecclesiae, velut gemellum lumen quo caveantur tenebræ, fecisti Petri lacrymas, Pauli litteras coruscare. Amen. Hanc plebem placitus inspicere: qui cælos facis aperire Petro in clave, Paulo in dogmate. Amen. **274** Ut præstantibus ducibus illic grex possit accedere, quo pervenerunt pariter tam ille Pastor suspensio, quam iste doctor per gladium in congresso. Per Dominum nostrum.

LVI. MISSA IN NATALE^b UNIUS APOSTOLI ET MARTYRIS.

B Domine Deus, omnium Sanctorum splendor mirabilis, qui hunc diem beati apostoli tui ill. martyrio consecrasti, da Ecclesiae tuae digne de tanto gaudere apostolo, ut apud misericordiam tuam, et exemplo ejus juvemur, et meritis. Per Dominum nostrum Filium tuum.

Collectio sequitur.

Majestatem tuam, Domine, suppliciter exoramus; ut sicut Ecclesiae tuae beatus ill. apostolus prædicator et doctor exstitit, ita sit pro nobis perpetuus suffragator. Per Dominum nostrum Jesum.

Collectio post nomina.

C Lætificet nos, quæsumus, Domine, munus oblatum; ut sicut in apostolo tuo te mirabilem prædicamus, sic per illum præsumamus indulgentiae largitatem. Præsta nobis ejus desiderata commercia; ut cujus perpetuam dignitatem sacrosancto mysterio frequentamus in terris, et præsentia nobis subsidia postulet et æterna. Per Dominum nostrum.

Contestatio.

Vere dignum et justum est te laudare, omnipotens Deus, præcipue in beati apostoli tui ill. festivitate, in qua gloriosus ejus sanguis pro Christo effusus est. Cujus venerabilis annuæ recursionis sollemnitas et perpetua semper, et nova est; quia et in conspectu tuæ Majestatis permanet mors tuorum pretiosa justorum; et restaurantur incrementa lætitiæ, cum felicitatis æternæ recoluntur exordia. Supplices te rogamus, omnipotens Deus, ut nobis donare digneris apostolum tuum ill. pro peccatis nostris intercessorem, necessitatibus patronum; ut qui pro veritate sacrum sanguinem fudit, ipse ante conspectum **D** Majestatis tuæ vota nostra suscipiat. Et ita ei obsequiorum nostrorum officiositate placeamus, ut dum nos ei supplicamus in terris, ille nos commendare dignetur in cælis Domino Jesu Christo. Cui merito omnes angel.

LVII. MISSA IN DIEM PASSIONIS SANCTI JOHANNIS BAPTISTÆ ET MARTYRIS.

275 Deum Patrem, et Filium, et Spiritum sanctum humili confessione et supplici devotione, fratres carissimi, unanimes obsecremus; ut nos hodie vaticinæ Vocis, Verbi Præcursoris, legum Limitis, Luccernæ^c lucentis, sancti martyris Baptistæ Johannis passionem celebrantibus, ejusdem intercessione in-

^a Affinis est hæc oratio Gregorianæ.

^b Deest hæc missa communis in Lectionario nostro, in quo nullum est Commune Apostolorum.

luminet, defendat, et sanctificet; ut qui pro veritate **A** sacrum sanguinem fudit, pro nobis ad Deum preces fundere dignetur. Per Dominum.

Collectio sequitur.

In honorem beatissimi martyris tui Baptistæ Johannis, cujus hodie passionem celebramus, his Majestati tuæ, omnipotens Deus, laudibus servientes, sollemnia festa concinimus, suppliciter deprecantes, ut cujus meritis obsequimur, ejus, te donante, apud clementiam tuam precibus adjuvemur. Per.

Post nomina.

Munera populi tui, omnipotens Deus, quæ tibi in hac beatissimi Martyris tui Baptistæ Johannis festi-
vitate deferimus, quæsumus, propitiatus intende; ut perfecti hujus sacrificii sanctificatione purgati, nostrorum a te mereamur consequi veniam delictorum. **B** Per.

Collectio ad pacem.

Suscipe, quæsumus, Domine, preces nostras, et intercessionem martyris tui Baptistæ Johannis, quem in tuo honore veneramur, Ecclesiæ tuæ vota confirma: qui etiam dignus est habitus ut ei te baptizandum, mundi Salvator, offerres. Dignum est enim hoc mereri, ut omnes nos baptismatis tui gratia consecutos, meritorum suorum intercessione, conciliet Salvator mundi.

Immolatio missæ.

Dignum et justum est, æquum et salutare est, nos tibi semper agere gratias, omnipotens et misericors Deus, inter has sacramentorum epulas, martyris tui caput cum evangelica recordatione misceri, et **C** velut in disco metalli radiantis, ita super mensam tuæ propitiationis offerri. Sit ergo nobis, Domine, jocunda laudatio, sit in honorem Martyris recordatio cantici triumphalis. Et cum his cælestibus supernisque virtutibus fidelis populi symphonia misceatur, quæ a dextris tuis consona voce sub trina repetitione cantant, dicentes. Sanctus, Sanctus, Sanctus.

LVIII. MISSA IN NATALE SANCTI SIXTI PAPÆ URBIS ROMÆ.

276 Domine Deus, fidelium insuperabilis fortitudo, qui inter mundanæ conversationis adversa sanctorum nos maxime glorificatione solaris, ... tui indesinenter accendis, excita, Domine, in Ecclesia tua Spiritum, cui ille servivit; ut studeamus diligere quod amavit, et opere exercere quod docuit. **D** Per Dominum nostrum Jesum Filium tuum.

Collectio sequitur.

Præsta nobis, omnipotens et misericors Deus, ut beati Sixti martyris tui repetita sollemnitas, et liberationem nobis perfectam tribuat, et salutem. Per Dominum nostrum.

Collectio post nomina.

Adesto, Domine, supplicationibus nostris, et intercessionem martyris tui Sixti perpetuam nobis misericordiam benignus impende; et nomina quæ recitata sunt nostrorum carorum in cælesti pagina jubeas intimari. Per Dominum nostrum.

* *Lege modulum, vel modulati.* Hic ergo versiculus tunc in festo sancti Laurentii, uti nunc, canebatur in Ordine Gallicano.

PATROL. LXXII.

Collectio ad pacem.

Accipe, quæsumus, Domine, munera dignanter oblata, et beati Sixti episcopi et martyris suffragantibus meritis, ad nostræ salutis augmentum provenire concede; et illam, quæ in eo flagravat fortis dilectio, in nobis adspira benignus. Per eum q.

Immolatio missæ.

Vere dignum et justum est, æquum et salutare est, tibi assiduas laudes canere, Domine sancte, Pater omnipotens, æterne Deus, per Christum Dominum nostrum. Qui per adventum suum credentes in se homines ad cælestia regna transire permisit: quoniam hii qui se tuæ testes offerunt veritatis, inimicum, dum occiduntur, occidunt. Ex quibus est sanctus ac venerabilis Sixtus martyr, cujus hodie sollemnitas celebratur: qui dum apostolicæ sedis excipisset insignia, et se primum esse conspiceret sacerdotum, occasionem salutaris passionis excipiens, non tantum sæcularis exiit sordes contagii, verum etiam exemplum fuit ceteris. Nam mox suus quoque minister eximius venerabilis Laurentius, victoriæ palmam imitatus, accepit ornamentum quo debuit pœnam subire, ut gloriam mereretur æternam consequere. Per Christum.

LIX. MISSA IN NATALE SANCTI LAURENTII MARTYRIS.

Deus, fidelium tuorum salvator et rector, omnipotens sempiterne Deus, adest votis sollemnitatis hodiernæ; et **277** Ecclesiæ gaudiis de gloriosa martyris tui passione beati Laurenti conceptis, benignus adspira: augeatur omnium fides tantæ virtutis ortu, et corda lætantium supplicio martyrum igniantur; ut apud misericordiam tuam illius juvemur merito, cujus exultamus exemplo. Per Dominum nostrum.

Collectio sequitur.

Deus, mundi creator et rector, qui hunc diem in levitæ tui Laurenti martyrio consecrasti, exaudi propitiis supplices tuos, et concede ut omnes qui martyri ejus merita veneramur, intercessionibus ejus ab æternis gehennæ incendiis liberemur. Per Dominum.

Collectio post nomina.

Concede nobis, Domine, gratiam tuam in beati Laurenti martyris celebritate multiplicem; ut de tanti agone certaminis discat populus Christianus, et firma solidari patientia, et pia exultare victoria.

Collectio ad pacem.

Sancti Laurenti nos, Domine, quæsumus, precatio justa tueatur; et quod nostra conscientia non præsumit, ejus nobis, qui tibi placuit, oratione donetur. Per Dominum nostrum Filium tuum.

Immolatio missæ.

Vere dignum et justum est, omnipotens sempiterne Deus, tibi in tanti martyris Laurenti... laudis hostias immolare, qui hostiam viventem hodie in ipsius levitæ tui beati Laurenti martyris ministerio per florem casti corporis accepisti. Cujus vocem per hymnicum modolamiui * psalmi audivimus, canentis

atque dicentis : Probasti cor meum, Deus, et visitasti nocte, id est in tenebris sæculi ; igne me examinasti, et non est inventa in me iniquitas. O gloriosa certaminis virtus ! o inconcussa constantia confitentis ! Stridunt membra viventia super craticulam imposita ; et prunis sævientibus, anhelantes, incensum suum in modum thymiamatis divinis naribus exhibent odorem. Dicit enim Martyr ipse cum Paulo : Christi bonus odor sumus Deo. Non enim cogitabat quomodo in terra positus, a passionis periculo liberaretur, sed quomodo inter martyres in cælis coronaretur. Per Christum Dominum nostrum. Per quem.

LX. MISSA SANCTI YPPOLITI MARTYRIS.

278 Da nobis, omnipotens et misericors Deus, ut beati Yppoliti martyris tui veneranda solemnitas, et devotionem nobis augeat et salutem. Per Dominum nostrum Filium tuum.

Collectio sequitur.

Præsta nobis, omnipotens et misericors Deus, ut beati Yppoliti martyris tui repetita solemnitas, et liberationem nobis perfectam tribuat, et salutem. Per Dominum nostrum.

Collectio post nomina.

Deus, tuorum gloria, martyri tuo Yppolito, quæsumus, ut pro nobis supplicantem..., omnia nobis prospera concedere. Per Dominum nostrum Filium tuum.

Collectio ad pacem.

Ut nobis tua, Domine, remedia dent salutem, beatus Yppolitus martyr, quæsumus, pro nobis supplicans copiosus audiat. Per Dominum nostrum.

Immolatio missæ.

Vere dignum et justum est, omnipotens æterne Deus. Qui beatum Yppolitum, tyrannicis adhuc obsequiis occupatum, subito fecisti Laurenti socium. Qui spiritali ardore succensus, dum unigenitum Filium tuum Dominum nostrum coram potestatibus veraciter confitetur, pœnis subicitur, vinculis inligatur, cardis configitur, equorum ferocitate disjungitur ; et adepta palma martyrii, vita perpetua cum lucratore et magistro Laurenti coronatur. Per Christum Dominum nostrum.

LXI. MISSA IN NATALE SANCTORUM MARTYRUM CORNILI ET CYPRIANI ^a.

Sancte Domine omnipotens, quem Cornilius et Cyprianus, triumphali sanguine confitendo, venerabiles extiterunt, præsta, quæsumus, ut uterque nobis jugiter suffragentur. Per.

Collectio sequitur.

Sanctus Cornilius et Cyprianus suffragia nobis, Domine, consueta dependant, et pari semper intercessionem nos foveant. Per Dominum.

Collectio post nomina.

Beatorum martyrum pariterque pontificum Cornili et Cypriani nos, quæsumus, festa tueantur ; eorum nos tibi, Domine, commendet oratio, ut caris

^a Tam celebre quondam erat his in partibus sancti Cypriani festum, ut ab eo sequentes in Adventum Dominicæ, prima, secunda, et sic deinceps numerarentur.

A nostris qui in Christo dormiunt refrigeria æterna concedas. Per.

Collectio ad pacem.

Prætende nobis misericordiam **279** tuam, et esto populi tui defensor et custos, ut sanctorum tuorum Cornili et Cypriani veneranda sollemnia securo possint frequentare conventu. Per.

Immolatio missæ.

Dignum et justum est semper et ubique tibi gratias agere, omnipotens æterne Deus, teque in sanctorum martyrum prædicare virtute : quos discretis terrarum partibus greges sacros pascentes, una eademque fide, de diversis licet temporibus, consonante, parique nominis tui confessione coronasti, Per Dominum nostrum. Per quem.

B LXII. MISSA IN NATALE SANCTORUM GERMANORUM JOHANNIS ET PAULI.

Quæsumus ^b, omnipotens et misericors Deus, ut nos geminata lætitia hodiernæ festivitatis excipiat, quæ de beatorum martyrum tuorum Johannis et Pauli glorificatione procedit, quos eadem fides et passio fecit esse germanos. Per.

Collectio sequitur.

Omnipotens sempiterne Deus, ne aput justitiam tuam peccata nostra nos adgravent, germanorum martyrum suffragiis adjuvemur, quos et partus, una et par martyrii palma conjunxit. Per.

Collectio post nomina.

Suscipe, Domine, propitius preces nostras, et tuorum deprecatione justorum Johannis et Pauli, pietati tuæ perfice benignus acceptas ; et quos sanguinis propinquitas conjunxit et fides, patrocinium nobis deferant solaminis. Per.

Collectio ad pacem.

Intende, Domine, munera, quæsumus, altaribus tuis pro beatorum martyrum tuorum Johannis et Pauli commemoratione proposita ; ut sicut per hæc beata mysteria illis gloriam contulisti, nobis indulgentiam largiaris. Per Dominum.

Immolatio missæ.

Vere satis est dignum atque justum in horum martyrum Johannis et Pauli, germanitate pariter et beatitudine consortes, tibi, omnipotens Deus, dicere laudes : quos et fratres sorte nascendi, et magnifica præstitisti passione germanos, ut simul essent venerandæ gloria genitricis, et florentissima proles Ecclesiæ. In quorum memoria passionis oblatum sacrificium accipe libens, Domine, et per eum nos cum ipsorum Martyrum intercessionem emunda, ut liberis vocibus et consonis mentibus tibi hymnum dicere laudis mereamur, cum angelis et **280** archangelis clamantes : Sanctus.

LXIII. MISSA IN NATALE BEATISSIMI SINFURIANI MARTYRIS.

Sacratam mysteriis cælestibus diem ad officium devotionis nostræ sollemnitatis ingressi, fratres di-

^b Eadem nunc in Ordine Gregoriano. Hæc missa extra ordinem, uti et sequens. De his fratribus lege epigramma in tomo IV Analectorum, Damaso (ut putlo) auctore.

lectissimi, laudemus Dominum in sanctis suis : A eumque in beatissimi Sinfuriani martyris honore veneremur, agentes ei gratias pro triumphis ejus et gloria; quem adversus corporis infirmitatem poenarumque sævitiam, spiritus fortitudine demicantem, spei viribus roboravit, muro credulitatis inclusit, successuque victoriæ ad præmia immortalitatis in-vexit. Oremus quoque ut nos in hoc sæculo, etsi non pari agone certantibus, similisfortitudo non desinat; et sicut illum exhortatio piæ matris extulit ad per-agendam certaminis hujus victoriam, ita nos catho-licæ fides Ecclesiæ inreprehensibiliter custodita per-ducatur ad veniam, provehat ad coronam. Per Domi-num nostrum Jesum Christum.

Collectio sequitur.

Sanctorum omnium gloriosa protectio, Deus, qui B beato martyri tuo Sinfuriano auxilium non negasti, et per iniqua mortis ludibria ad hanc gloriam vocare dignatus es, præsta ut similes nos fides martyrio co-pulet, quos tempus passionis in stadio non reliquit; ac sicut illum iter durum et scopulosum per ærum-nas passionum paradiso conlocavit, ita nos præsen-tium voluptatum contemptus... Per Dominum no-strum.

Collectio sequitur.

Recitatis nominibus offerentum, fratres carissimi, omnipotentis Dei misericordiam deprecemur, ut plebi quæ in honore beati Sinfuriani martyris vota reddit altaribus, divinæ credulitatis infundatur affectus; ut ejus administratione firmentur, qui Martyris me-ritis non junguntur; ac sicut ille post carceris septa, C post poenarum ligamina, postque famis inedia, æter-nitatis gaudia infinita perfruitur, ita defunctorum animæ, laxatis inferni pressuris, Abrahæ patris gre-mio conlocantur. Quod ipse præst. dignetur q.

Collectio ad pacem.

Largitor honorum omnium, Deus, qui inter illas martyrum splendentium nivea fide catervas, toto orbe terrarum gratia coruscante diffusas, pretiosum pecu-liaremque nobis beatum Sinfurianum martyrem in-dulxisti, largire cotidianis supplicum 281 tuorum votis, ut in cujus festa devoto exultamus trepudio, ejus in posterum consortio jungamur; hominum oculis corporalibus, spiritalibus alligari mereamur affectibus. Per.

Immolatio missæ.

Dignum et justum est, æquum et salutare est, nos tibi in honore beati martyris tui Sinfuriani laudum hostias immolare, Domine Deus æterne. In cujus nos sollemnitatem confortat vel ratio manifesta rerum, vel eruditio perfecta virtutum: qui splendere meruit non solum terrenorum claritate natalium, verum etiam sublimitate cælestium virtutum; et Fausti^a fulgidus genere, fausti martyrii levatur in culmine. Qui bea-tos patres Andochium Benignumque secutus, per martyrii flagrantiam electus pervenit ad palmam; qui dum afflictionem sequitur præsentium, instru-ctionem effecit posterorum. Et materno conloquio

- Faustus, Symphoriani pater, genere illustris, ex Actis et ex hoc loco.

A pietate transfertur ad præmium, cum ei insinuaturnon debere mortem metuere, quia martyribus vita non tollitur, sed mutatur. O admiranda gratiarum fides! quæ de beato filio vitam glorioso exultat affe-ctu; et quæ lugere credebatur, gaudere cognoscitur: secunda de regni tui præmiis, filium exhortatur cum ingenti lætitia, scientes morientes in Christo, vivere, et amissam vitam, eo restaurante, recipere. Digne ergo hic honoratur in nomine tuo, qui te honoravit in sanguine suo; qui pro te afflictus est in suppli-cio, per te glorificatus est in sepulcro; qui te hono-ravit in gladio, tecum regnat in cælo; qui per angustiam præsentium tribulationum pervenire meruit ad amplitudinem cælestium gaudiorum, per Chri-stum Dominum nostrum. Per q.

LXIV. MISSA SANCTI AC BEATISSIMI MAURICII CUM SOCIIS SUIS.

Omnipotentis Domini misericordiam in hujus diei sex millium sexcentorum martyrum sollemnitatem, fratres carissimi, deprecemur, ut qui tantæ plebi gloriam martyrii contulit, ita nobis diei immensa peccaminum misericordiæ suæ largitate lætificet. Per Dominum nostrum Jesum.

Collectio sequitur.

Deus, qui sanctis tuis Acauninsebus pro tuitione Christiani nominis persecutionis audaciam sustulisti, eorumque animum ad adeptiscendam dignitatis tuæ martyrio præfulgentem gratiam incitasti, exaudi sup-plices tuos, et præsta ut sicut illi tuo munere 283 meruerunt beatifice coronari, ita eorum suffragiis ab omni conlutione peccati, te auxiliante, reddamur innoxii. Per Dominum.

Collectio post nomina.

Auditis nominibus carorum nostrorum, omnipoten-tem Dominum deprecemur, ut plebis suæ ministro-rumque vota suscipiens, oblationes nostras, quas in commemorationem sanctorum Acauninsium, ac pro spiritibus carorum nostrorum offerimus, in odorem bonæ suavitatis accipiat. Unde supplices simus, ut beatissimorum patriarcharum, prophetarum, apo-stolorum, et martyrum, omniumque sanctorum piis precibus adjuvemur. Per.

Collectio ad pacem.

Deus, cui acceptissimum ac jucundissimum sacri-ficium est sanctorum tuorum fides atque devotio, D adesto familiæ tuæ tibi supplici, misericordiam tuam per sanctorum tuorum Acauninsium suffragia po-stulanti; et da ut qui te peccatorum suorum errore læserunt, placere tibi per sanctorum tuorum inter-cessionem mereantur. Per.

Immolatio missæ.

Dignum et justum est. Vere æquum et justum est nos tibi gratias agere, Domine sancte, Pater omni-potens, æterne Deus. Tu enim, Domine, Thebæorum exercitum, ad populi tui supplicium destinatum, ita sabita jussionis tuæ gratia revocasti, ut plus elige-rent sedula devotione interfici, quam de Christiano-rum sanguine satiari; nec cum tantis^b ut te auxi-

^b An cunctantes? Mendosa etiam quæ sequuntur.

ante, persecutionis onus exceperere, cervices suas A persequentibus inclinare. Et cum rabies inimici decerneret, ut Dei populus denominationis instantia deperiret, ille raptus est decimus, qui anticipatione martyrii fieret primitivus. Clamor in castris oritur, virtus dimicandi contemnitur; de adsumatione martyrii contentio ardua commovetur: Dei populus ferro confoditur, sanguis innocentum effunditur, fides inlibata servatur. Sic, Domine, milites protegis tuos, ut nec defuerit in passione patientia, nec in confessione constantia, inter beatorum bella et beata certamina, plus metuit gloriosa confessio de commilitonum consortio dividi quam manus carnificis gloriari. Totus namque Dei populus tanta ardoris fidei alacritate flagrabat, ut si tardaretur persecutio corporis, præcederet devotio passionis. Tanta enim fuit constantia populi, et... inimici, ut nec furor invenerit postmodum quod occideret, nec gloriosum remanserit **283** quod periret. Factus est sacer ille Agauinsium locus per suffragia Martyrum salus præsentium, præsidium futurorum: quem sanguinis unda perfudit, pretiosorum corporum societas consecravat. Unde merito tibi, Domine, inter choros martyrum et voces angelorum laudes tibi debitas agimus cum exultatione dicentes. Sanctus.

Collectio post *Sanctus*.

Oremus, fratres dilectissimi, ut Dominus ac Deus noster speciem istam, suo ministerio consecrandam, cœlestis gratiæ inspiratione sanctificet, et humanam benedictionem plenitudine divini favoris adcumulet. Per Dominum nostrum Jesum.

LXV. MISSA SANCTI LEUDEGARII * MARTYRIS.

Summe, omnipotens, æterne Deus, qui vitam beati antistitis tui Leudegarii martyris per istius sæculi ærumnas transire jussisti, cujus annua festa devota mente celebramus, quæsumus, ut per ejus intercessionem plebem tuæ clementiæ famulantem, ita in præsentī foveas, ut ad cœlestia regna perducas. Per Dominum.

Collectio sequitur.

Deus, qui beatum martyrem tuum Leudegarium in agone probasti, et probatum in dolore sustentasti, quem hodierna die in cœlestibus gaudiis recipere dignatus es, præsta nobis famulis tuis, ut qui gloriam non meremur, indulgentiam peccatorum, ipso D interveniente, adepti mereamur. Per.

Collectio post nomina.

Auditis nominibus offerentum, fratres carissimi, Domini majestatem deprecemur, ut qui vitam summi antistitis sui Leudegarii martyris transtulit ad coronam, per interventum sanctorum patriarcharum, prophetarum, apostolorum et martyrum, anachoritarum et virginum, omniumque sanctorum concedere dignetur ut sacræ præsentis oblatio quæ offertur, viventibus emendationem, et defunctis remissionem obtineat peccatorum; et quorum nomina hic

* Vel ex hoc loco patet Missale hoc fuisse Ordinis Gallicani; atque hinc colligitur Codicis ætas, cum Leudegarius exstinctus sit anno 678.

recitatione patefacta sunt, in cœlestibus paginis conscribantur. Quod ipse præst.

Collectio ad pacem.

Pacem tuam, Domine, nostris inlabere pectoribus; et cum beatum martyrem tuum Leudegarium, in hoc sæculo commorantem, per pacis studium hodie cœlestis aula suscepit, nobis quoque peccatoribus pacis vinculum, et caritatis studium, ejus meritis **284** suffragantibus, largiri jubeas in ævum. Per Dominum.

Immolatio missæ.

Dignum et justum est. Vere æquum et pulcrum est nos tibi hic et ubique semper laudes et gratias agere, laudesque ad tollere, Domine sancte, Pater omnipotens, æterne Deus, per Jesum Christum Filium tuum Dominum nostrum, ab initio sæculi procreatum. Verbum editum Patris, principia ^b sæculi istius conlocatum per totum orbem terrarum contulisti: ubi beatus martyr tuus Leudegarius episcopus de altitudine sæculi hujus per alternas mutilationes discerptus, pompas sæculi fragilitatisque calcavit. Cui tu, Domine, auxilium ferre dignatus es, ut præsentis sæculi amorem despiceret, et cœlestia adeptiscere promereret. Verumtamen crucem suam tollens, te Pastorem sequens, ut paradisi delicias possideret, præsentia omnia dereliquit. O beatum virum Leudegarium antistitem! qui, per nefandorum consilia corpus ^c nexibus absolutum, os labiis minuatam, oculisque orbatum, exilium perpetratum, lubricitatis sæculi postpositum, diversis tormentis passum, C exemplum reliquit episcoporum per suam passionem vel patientiam, et ad extremum vitæ perpetuæ restitutus, cœlestia regna penetravit, angelorum choro sociatur, coronæ immarciscibilibus floribus remuneratur; unde post multæ reliquæ floruerunt in Galleis. Precamur ergo te, Domine, ut nos famulos tuos omnemque plebem reminiscentes talem Pastorem, ejus meritis suffragantibus, veniam mereamur obtinere peccaminum, per Christum Dominum nostrum. Cui omnes angeli.

Post *Sanctus*.

Hosanna excelsis. Benedictus qui venit in nomine Domini. O vere beata vox, quam angelorum et archangelorum concinunt virtutes! quæ nos hodie in passione beati martyris tui Leudegarii vox una prurumpit in laude. Ut tu Deus Pater omnium, qui nobis veniam tribuas de peccatis, quæsumus, da oblivionem præteritorum facinorum, qui dedisti martyribus post triumphum coronam. Per Dominum nostrum. Qui prid.

Post secreta.

Hæc facimus, Domine, passionem tuam commemorantes; hæc facimus, Pater Jesu Christe, qui nobis de lege veteri novam tradidisti. Concede nobis, intercedente **285** beato antistite tuo Leudegario martyre, cujus hodie annuam commemorationem celebramus, ut descendat hic benedictio tua super

^b An legendum *Principium*?

^c Sic accusandi casus ponebant pro sexto casu absoluto.

nunc panem et calicem in transformatione Spiritus A
tui sancti, uti hæc benedicendo benedicas, sanctifi-
cando sanctifices; ut quicumque ex utraque bene-
dictione sumpserimus, æternitatis præmium et vitam
consequi mereamur æternam. Per.

LXVI. MISSA UNIUS MARTYRIS.

Sancti Martyris tui ill. quæsumus, Domine, nos
oratio sancta conciliet, quæ sacris virtutibus vene-
randa refulget. Per.

Collectio sequitur.

Beatus ill. Martyr, quæsumus, Domine, pia nos
intercessione commendet; et tibi placito fulti suffra-
gio, quam non meremur indulgentiam consequa-
mur. Per Dominum nostrum.

Collectio post nomina.

Adesto, Domine, supplicationibus nostris; et inter-
cessionem beatissimi Martyris tui ill. perpetuam nobis
misericordiam benignus impende, et munera super-
imposita dignanter adsume; ut defunctis ad refrige-
rium, viventibus proficiat ad salutem. Per.

Collectio ad pacem.

Deus pacis conditor, Deus caritatis indulitor, da
nobis placidus pacem tuam, et præsta ut dum sancti
Martyris tui ill. passionem celebramus, per ejus in-
tercessionem pacis securitatem cum peccatorum ven-
ia consequi mereamur. Per.

Immolatio missæ.

Dignum et justum est. Vere dignum et justum
est, nos tibi agere gratias, Domine sancte, Pater
omnipotens, æterne Deus. Tibi enim festa sollemni-
tas agitur, tibi dies sacrata celebratur: quam beatis-
simi Martyris tui ill. sanguis in veritatis tuæ testifi-
catione profusus, magnifico nominis tui honore
signavit, per Christum Dominum nostrum. Per
quem.

LXVII. ITEM MISSA UNIUS MARTYRIS.

Sancti Martyris tui, Domine, nos, quæsumus, in-
terventio gloriosa commendet, ut quod nostris acti-
bus non valemus, ejus precibus consequamur. Per.

Collectio sequitur.

Tuus sanctus Martyr ill. nos, quæsumus, Domine,
ubique lætificet: ut ejus dum merita in præsentī
festivitate recolimus, patrocinia in augmentum vir-
tutum 286 sentiamus. Per.

Collectio post nomina.

Interveniat pro nobis, Domine, petimus, sanctus
tuus Martyr ill. qui sanguinem suum pro tuo nomine
gloriosum fudit; et ipso interveniente, nomina quæ
recitata sunt nostrorum carorum in cælesti pagina
jubeas intimare. Per.

Collectio ad pacem.

Sancti Martyris tui, Domine, ill. nos, quæsumus,
precatio sancta tueatur; et quod nostra conscientia
non præsumit, ejus nobis, qui tibi placuit, oratione
donetur; et præsentia munera ita serena pietate in-
tuere, ut sancti Spiritus perfundantur benedictione;
et in nostris cordibus eam dilectionem validam in-
fundant, per quam sanctus Martyr ill. omnia corpo-
ris tormenta devicit. Per.

Immolatio missæ.

Dignum et justum est. Vere dignum et justum
est, omnipotens et misericors Deus, te semper in
laude martyrum honorare, et in præsentī festivitate
sancti Martyris tui te confitentis gratias agere. Cui
dedisti cælestis palmam triumphī; nobis quoque, eo
suffragante, emundationem ac veniam concede pec-
cati, ut in te etiam exultemus in misericordia, in
quo ille lætatur in gloria. Per.

LXVIII. ITEM MISSA UNIUS MARTYRIS.

Da, quæsumus, Domine, ut sancti Martyris tui ill.
annua sollemnitate lætemur, et tantæ fidei proficia-
mus exemplo. Per.

Collectio sequitur.

B Exaudi, Domine, preces nostras, quæsumus, et
interveniente sancto Martyre tuo ill. eas ante con-
spectum Majestatis tuæ placatus admitte. Per.

Collectio sequitur.

Inpetret, Domine, quæsumus, fidelibus tuis auxi-
lium oratio justa sancti Martyris ill. ut in cujus su-
mus celebritate devoti, simus ejus sorte participes:
proficiant hæc quæ offerimus, pro incolumitate vi-
ventium, et pro requie defunctorum. Per.

Collectio ad pacem.

Suscipe, Domine, propitius orationem nostram
cum oblationibus hostiarum superimpositis; et Mar-
tyris tui ill. deprecatione pietati tuæ perforce benignus
acceptas; et illam quæ in eo flagravī fortis dilectio,
in nobis adspira benignus. Per.

Immolatio missæ.

C Vere dignum et justum est, omnipotens æterne
Deus, te in omnium martyrum triumphis laudare,
quoniam tuis donis atque muneribus beati Martyris
287 tui ill. passionem hodierna sollemnitate vene-
ramur. Qui pro confessione Jesu Christi Filii tui di-
versa supplicia sustinuit; et ea devincens, meruit
coronam perpetuitatis, per Christum Dominum no-
strum. Cui merito om.

LXIX. MISSA DE PLURIS MARTYRIS.

Deus, qui sanctum nobis hujus diei sollemnitatem
pro commemoratione beatissimorum Martyrum tuo-
rum ill. et ill. passione fecisti, adesto familiæ tuæ
precibus; et da ut quorum hodie festa celebramus,
eorum meritis et intercessionibus adjuvemur. Per
Dominum.

Collectio sequitur.

Annue nobis, quæsumus, Domine, sanctorum
Martyrum tuorum ill. et ill., ut opem nobis tuæ de-
precationis impendant, et iram tuam, quam nostris
pravitatibus meremur, eis intervenientibus evada-
mus. Per.

Post nomina.

Munera quæ deferimus, Domine, benignus adsume;
et quia de nostris impediuntur offensis, sanctorum
tuorum Martyrum ill. precibus adjuvemur.

Collectio ad pacem.

Propitiare, Domine, supplicationibus nostris; et
his populi tui oblationibus, intercedentes Martyres
tuos ill. et ill., præsentia tuæ virtutis inlustra; et
celebrantibus tuorum memoriam, eam dilectionem

infunde, per quam illi cuncta inlata corporis tormenta devicerunt. Per eum.

Immolatio missæ.

Dignum et justum est, omnipotens sempiterne Deus, te victorem mortis, et triumphatorem Martyrum conlaudare, et in festivitate præsentis, in qua Martyrum tuorum ill. et ill. memoriam frequentamus : quorum nos delectat et certaminis recordari constantiam, et victoriæ contemplari præmia. Et ideo te petimus, ut beatis istis Martyribus ill. et ill. fieri nos imitatores concedas; ut vel ultimos in remuneratione eorum participando constituas, qui illis pro certaminis constantia beatitudinem tribuisti sempiternam : per Christum Dominum nostrum. Cui merito omnes.

LXX. ITEM MISSA MARTYRUM.

Adesto, Domine, precibus nostris, quas in sanctorum tuorum Martyrum ill. et ill. commemoratione deferimus, ut qui nostræ justitiæ fiduciam non habemus, eorum qui tibi placuerunt meritis adjuvemur. Per Dominum nostrum Filium tuum.

Collectio sequitur.

288 Propitiare, Domine, supplicationibus nostris, et exemplo sanctorum Martyrum tuorum ill. et ill. flammam in nobis tuæ caritatis accende; ut quorum nos feceris imitatores, jubeas esse consortes. Per.

Collectio post nomina.

Sanctorum Martyrum tuorum ill. et ill., quæsumus, Domine, precibus adjuvemur, ut quod nostra possibilitas non obtinet, eorum qui ante te justis inventi sunt nobis oratione donetur; et quorum nomina ante altare sanctum sunt recitata, eos quies æterna suscipiat. Per Dominum nostrum.

Collectio ad pacem.

Omnipotens sempiterne Deus, qui in Sanctorum cordibus flammam tuæ dilectionis accendis, da mentibus eandem fidem, caritatisque virtutem, ut quorum gaudemus triumphis, proficiamus exemplis. Per.

Immolatio missæ.

Vere dignum et justum est nos tibi gratias agere, omnipotens æterne Deus, per Christum Dominum nostrum. Qui glorificaris in concilio sanctorum Martyrum, magnus et terribilis super omnes qui in circuitu tuo sunt. Tibi enim serviunt omnes creaturæ tuæ : quia te solum Auctorem et Dominum recognoscunt; et in omni factura eorum te conlaudant et benedicunt omnes sancti tui. Qui magnum illud Unigeniti tui nomen, quod est super omne nomen, coram regibus et potestatibus sæculi hujus voce libera confitentes, de persecutoribus tuis et diabolo triumpharunt, et pretiosum tibi sanguinem gloriosa morte fuderunt. Unde benedicimus te, Domine, in operibus tuis; teque in sanctorum tuorum Martyrum ill. et ill. commemoratione laudamus cum angelis, et archangelis, thronis, et dominationibus, cherubin quoque et seraphin, qui gloriam tuam non cessant clamare, dicentes : Sanctus, Sanctus, Sanctus.

LXXI. ITEM MISSA MARTYRUM.

Deus, qui nos sanctorum Martyrum tuorum temporalis tribuis commemoratione gaudere, præsta, quæsumus, ut in ea numeremur sorte salvati, in qua illi sunt confessione tui nominis gloriosi. Per.

Collectio sequitur.

Deus, in cujus conspectu mors est pretiosa sanctorum, tribue ut nobis fidelibus vita conferat quicquid illis mors devota concessit.

Collectio post nomina.

Exaudi, Domine, offerentium **289** preces, vota suscipe, peccata dimitte. Tribue quoque tuorum intercessione sanctorum Martyrum caris nostris qui in Christo dormiunt, refrigerium in regione vivorum. Per Dominum nostrum.

Collectio ad pacem.

Omnipotens sempiterne Deus, tribue nobis famulis tuis ut sicut Martyres tui ad bravium supernæ vocationis tetenderunt, ita nos, superato hoste, victoriam consequamur; et pacem quam in labiis oris exsequimur, immaculatis cordibus teneamus. Per Dominum.

Immolatio missæ.

Dignum et justum est, omnipotens sempiterne Deus. Quoniam a te constantiam fides, a te virtutem sumit infirmitas; et quicquid in persecutionibus sævum, quicquid in morte terribile est, nominis tui facis confessione superare. Unde benedicimus te, Domine, in operibus tuis : teque in sanctorum Martyrum tuorum ill. et ill. glorificatione laudamus, obsecrantes ut intervenire pro se excolentibus jubeas, quos perpetua remuneratione exaltas, per Christum Dominum nostrum. Per quem.

LXXII. MISSA UNIUS CONFESSORIS.

Deus fidelium remunerator animarum, præsta ut celebritate præsentis sancti confessoris tui et episcopi ill. sit nobis veneranda sollemnitas et placitorum tibi precibus indulgentiam consequamur. Per Dominum nostrum.

Collectio sequitur.

Exaudi, Domine, preces nostras, quas in sancti Confessoris tui ill. commemoratione deferimus, ut in conspectu tuo et qui tibi digne meruit famulari clarus semper existat, et supplicatio nos adjuvet tibi grata justorum. Per.

Collectio post nomina.

Lætificet nos, quæsumus, Domine, sancti Confessoris tui et Episcopi ill. annua devotione repetita sollemnitas, ut per hæc pie oblationis officia, et illum retributio beata comitetur, et nobis sacræ tribuatur sufficientia servitutis. Per.

Collectio ad pacem.

Per studium charitatis non fictæ, et intercessione beatissimi Confessoris tui et Episcopi ill. tuere. quæsumus, Domine, familiam tuam, et per dilectionis vinculum spiritualibus instrue disciplinis. Per.

Immolatio missæ.

290 Vere dignum et justum est, nos tibi semper et ubique gratias agere, Domine sancte, Pater omnipotens, æterne Deus. Qui glorificaris in confessione sanctorum; et non solum excellentioribus præmiis

martyrum tuorum merita gloriosa prosequeris, sed etiam sacrum ministerium competentibus servitiis exsequentes, gaudium Domini sui tribuis benignus intrare; ut qui in modico, hoc est in parvo vitæ præsentis excursu, fidelis apparuit, supra multa bona, utique in sempiternum mansura, beatitudine disponatur. Per Christum Dominum nostrum.

LXXIII. MISSA DE PLURES CONFESSORES*.

Protege nos, quæsumus, Domine, tuorum deprecatione justorum, ut quorum circumdamur suffragio, foveamur auxilio. Per.

Collectio.

Adsit nobis, Domine, quæsumus, precatio sancta justorum: quæ nos a terrenis affectibus incessabiliter expeditos cœlestia desiderare proficiat. Per.

Post nomina.

Sacrificium tibi, Domine, laudis offerimus in venerabilium commemoratione sanctorum tuorum: da, quæsumus, Domine, ut quod illis contulit ad gloriam, nobis proficiat ad salutem. Per.

Ad pacem.

Oblationes familiæ tuæ, Domine, quæsumus, beatissimorum sanctorum tuorum confessio beata conciliet; et quæ nostris minus apta sunt meritis, fiant tibi placitæ tuorum deprecatione justorum. Per.

Immolatio.

Dignum et justum est. Vere dignum et justum est, qui non solum martyr, sed etiam confessorum tuorum es virtute mirabilis. Licet enim illi passione sint clari, qui manifeste acerba supplicia sustinuerunt et tormenta, etiam isti tamen occulte proposito castigationis afflicti, cruciati, spiritualis observantiæ disciplinis illorum sunt vestigia subsecuti. Per Christum Dominum *.

LXXIV. MISSA SANCTI MARTINI EPISCOPI.

Summi sacerdotis tui Patris nostri Martini episcopi hodie depositionem celebrantibus tribue nobis, Domine, ut sicut commemorationem ejus devotissime colimus, ita et opus **291** fideliter imitemur. Per.

Collectio.

Deus, qui sanctam nobis diei hujus sollemnitatem prædicandi ac venerabilis sacerdotis tui depositione Martini episcopi præstare dignatus es, tribue, quæsumus, ut quod nostris obtinere precibus non possumus, ipsius mereamur obtinere suffragiis. Per.

Post nomina.

Auditis nominibus offerentum, fratres charissimi, omnipotentis Dei inenarrabilem misericordiam supplices postulemus, ut nomina nostra, qui in hunc celeberrimum diem in honorem sancti antistitis sui Martini offerimus, benedicere et sanctificare, ipso suffragante, dignetur et quod illi hodie conlatum est ad gloriam, nobis quoque proficiat ad salutem. Per.

Ad pacem.

Inclina, Domine, aurem tuam ad preces familiæ

* Mirum est nullum hic esse Commune virginum, nec item in Legendario Gallicano.

^b Hæc et sequentes quinque missæ dominicales assignatæ sunt pro Dominicis post Pentecosten, non de Adventu, de quo missæ duæ initio Missalis præmissæ erant, sed avulsæ.

tuæ, et da pacem, quam permanere jugiter præcepisti: illud etiam specialiter præstare digneris, ut parem charitatem teneamus, quam pontifex tuus Martinus in hoc sæculo, te opitulante, meruit obtinere. Per.

Immolatio.

Dignum et justum est, nos te, Domine Deus noster, in laudibus sancti Martini honorare: qui sancti Spiritus tui dono succensus, ita in ipso tyrocinio fide perfectus, ut Christum texisset in paupere; et vestem quam egenus acceperat, mundi Dominus induisset. O felix largitas, qua divinitas operitur! o chlamidis gloriosa divisio, quæ militem texit et regem! Inestimabile donum est, quod vestire Deum meruit Deitatis. Digne huic confessionis tuæ præmium commisisti.

B Digne Arrianorum non subjacuit feritati. Digne tanto amore Martinus persecutoris tormenta non timuit, securus quia tanta erat gloriatio passionis, ut per quantitatem vestis exiguæ et vestire Deum meruit et videre. O animi imitanda benignitas, o virtutum veneranda potentia! Sic egit suscepti pontificatus officium, ut per formam probabilis vitæ, observantiam exegerit disciplinæ. Sic apostolica virtute sperantibus contulit medicinam, ut alios supplicationibus, alios visu salvaret. Hæc tua, Domine, veneranda potentia: cui cum lingua nun supplet meritis exorare, operibus sancti Martini, te opitulante, mereamur imitari. Per Christum Dominum nostrum.

LXXV. MISSA ^b DOMINICALIS.

292 Deus, qui nobis omnipotentiam tuam parcendo maxime et miserando manifestas, multiplica super nos gratiam tuam, ut ad tua promissa currentes, cælestium honorum facias esse consortes. Per.

Collectio.

Omnipotens sempiterne Deus, cui potestas est sine fine miserendi, respice propitius ad humilitatis nostræ supplicem servitutem, ut tibi subdita mente perpetuum defensionis tuæ servet auxilium. Per.

Post nomina.

Istis et omnibus in Christo quiescentibus, Domine, locum refrigerii, lucis et pacis ut indulgeas, deprecamur, ac si qui peccatorum meritis inferni ^c tenebris ac suppliciis detinentur, misericordiæ tuæ, oramus, indulge clementia, eosque ad requiem transire præcipias, et prima anastasi cum sanctis et electis tuis jubee associari; ut portio tua sint in terra viventium. Per.

Ad pacem.

Deus, cujus summum sacrificium est concordans anima, cui holocaustum pinguissimum est placata et pura conscientia, concede nobis, quæsumus, ut conjunctio labiorum copula efficiatur animarum, et ministerium osculi perpetuæ proficiat charitati. Per.

Immolatio.

Dignum et justum est, nos tibi gratias agere, Domine sancte, Pater omnipotens, æterne Deus, tibi de-

^c In superioribus missis 12, 16, 20, et in sequenti 80 fit mentio de *tartaro*. Similes loquendi modi in missis nostris pro defunctis.

* Sic. Forte *pluris confessoris* legendum, forma ablativi corrupta, ut supra num. LXIX, *missa de pluris martyris*. Edit.

bitas laudes pio honore deferre, et mirabilium tuorum inenarrabilia præconia devotæ mentis veneratione celebrare. Te igitur ineffabilem rerum omnium conditorem laudamus, benedicimus, adoramus, per Christum Dominum nostrum.

Post *Sanctus*.

Vere sanctus, vere benedictus Dominus noster Jesus Christus Filius tuus : qui venit de cælis, ut conversaretur in terris ; homo factus, ut habitaret in nobis ; hostia effectus, ut nos faceret sacerdotes. Ipse enim qui prid.

Post *secreta*.

Ostende, omnipotens Deus, gratiam ; agnosce doctrinam. Tu es mysterium pro salute, tu pretium : doce perseverantiam **293** cum docueris disciplinam ; ut in hac oblatione nos liberes, qui pro occidentibus et moreris. Per.

Ante orationem Dominicam.

Non sufficimus tibi gratias agere, Domine sancte, Pater omnipotens, æterne Deus, pro tantis misericordiæ tuæ donis, quibus nos vivificas, sanctificas, æternitates præparas, et institutis Unigeniti tui Jesu Christi Domini ac Salvatoris nostri indulgentiam pietatis tuæ cum immerita poscendi orare concedis. Cujus præcepta recolentes, dicimus : Pater.

Post orationem Dominicam.

Libera^a nos ab omni malo, omnipotens Deus : et quia tibi soli est præstandi potestas, tribue, ut sollemne hoc sacrificium sanctificet corda nostra, dum creditur ; dealeat peccata, dum sumitur. Per.

Post communionem.

Cibati pane vitæ, et salutari poculo propinati, fratres carissimi, agamus gratias omnipotenti Deo Patri, obsecrantes misericordiam ejus, uti hoc sanctum benedictionis suæ donum, quod in nominis sui honore percepimus, inlæsum atque inviolatum in nobis semper servare dignetur. Per.

Consummatio missæ.

Refecti corporis et sanguinis Domini nostri Jesu Christi, in æternum restituti, hilares Domini misericordiam deprecemur. Per.

LXXVI. ITEM MISSA DOMINICALIS.

Omnipotens Deus, dirige nos in viam justitiæ, ut hæc geramus, et illa cogitemus, quæ tibi in diem judicii excusare possimus. Per.

Collectio.

Immensam tremendamque pietatis tuæ clementiam, omnipotens Deus, supplices exoramus, ut auxilio tuo universa a nobis terrenorum vitiorum sæculariumque discriminum tentamenta discedant, atque in Ecclesia tua catholica religionis semper maneat inlibata devotio. Per.

Post nomina.

Auditis nominibus recensitis, dilectissimi fratres, Deum pietatis et misericordiæ deprecemur, ut hæc quæ oblata sunt benignus adsumat : nullum umquam ex his, pro quibus holocausta franguntur, muneris sui exterum esse patiat, tam viventium

A quam defunctorum, vel ad merita vel ad peccata respiciens, alios jubeat ad gratiam, alios ad veniam pertinere. Per.

Ad pacem.

294 Inlabere in animas nostras, omnipotens æterne Deus, et templa, quæ lapis ille angularis tuus extruxit, ingredi ; ut Majestati hostias præparatas per ipsum tibi possimus offerre, qui sanctum constituit, et pacem nobis propitius indulsit. Per.

Immolatio.

Dignum et justum est, Majestati tuæ, sancte Pater, omnipotens, æterne Deus, laudes pio honore deferre, et mirabilium tuorum inenarrabilia præconia devotæ mentis veneratione celebrare. Te namque incomprehensibilem atque ineffabilem Dominum, et creatorem omnium semper tremendum, per Jesum Christum Filium tuum Deum ac Dominum Salvatoremque nostrum sentimus, credimus, sequimur, et oramus. Tibique purum hoc sacrificium offerimus gloriæ tuæ cum angelis et archangelis, et innumera multitudine nunciorum nostris laudibus prosequentes, qui in conspectu Majestatis tuæ sine cessatione proclamant, dicentes.

Post *Sanctus*.

Vere sanctus, vere in excelsis Dominus Deus noster Filius tuus Rex Israel. Qui pridie.

Post *secreta*.

Per hunc te, Deus, Pater omnipotens, deprecamur, ut sicut sacri mysterii obeditionem retinemus, ita ad tutelam nostram cælestis virtus operetur. Per.

Ante orationem Dominicam.

Concede, Domine, famulis tuis ut orantes cum fiducia dicamus, sicut ipse jubere dignatus es dicere : Pater.

Post orationem Dominicam.

Libera nos a malo, omnipotens Deus, et custodi in bono. Qui vivis et regnas.

Post communionem.

Accepto cælesti corporis Sacramento, et salutis æternæ calice recreati, Deo Patri omnipotenti gratias agamus, laudesque dicamus. Per.

Consummatio missæ.

Deus, gratias tibi agimus, per quem mysteria sancta celebramus, a te sanctitatis et misericordiæ dona deposcimus. Per Dominum.

D

LXXVII. ITEM MISSA DOMINICALIS.

Sempiternam Dei Majestatem, fratres carissimi, deprecemur, ut sanctam per totius orbis spatia tueatur Ecclesiam ; conversationem sacerdotibus concedat honestam ; vitam populis tribuat sempiternam ; virginibus, viduis, orphanis, ac pœnitentibus, vel in quibuscumque necessitatibus constitutis, oportuna præsidia tribuat ; et **295** sibi placita vota concedat : in peregrinationibus præmia, in doloribus medicamenta, in laboribus præstet auxilium.

Collectio.

Deus, qui dives es ad ignoscendum, et propterea voluisti carnis humilitatem adsumere, ut nobis hu-

^a Eadem oratio in missa 5 Missalis Gallicani, infra.

mililitatis exempla relinques, et in quibuscumque **A** passionibus nos faceres esse constantes, præsta ut semper bona quæ a te percipimus teneamus, et quotiens in peccatis labimur, per pœnitentiam relevermur. Per.

Post nomina.

Recensitis offerentium nominibus, divinam misericordiam exoremus, ut offerentes sibi placitos esse faciat: et quæ offerunt in odorem incensi bene flagrantis adsumat: defunctis pro quibus hæc offeruntur, æternam beatitudinem, viventibus gratiam suæ pietatis concedat; et quia gratis non merentibus quæ sunt oportuna præstare non desinit, et illis pro quibus oblatio non offertur, remuneratio beatitudinis non negetur. Per.

Ad pacem.

Deus Pater omnipotens, tuæ pietatis, ac si indigni, misericordiam deprecamur, ut universos pacificos esse facias, quos in sancta Ecclesia ut te deprecantur, invitas; concordia in se alimenta nutrant; et jurgiorum incrementa succidant: vel qui se affectant oculis, puro semper corde complectant; atque etiam illi studeant esse pacifici, qui se non videntur labiis osculari. Per.

Immolatio.

Dignum et justum est. Vere æquum et justum est, ineffabilis, incomprehensibilis, sempiternæ Deus, nos tibi semper gratias agere, quos immensa non desinis miseratione fovere. Nam quis tuam possit digne laudare potentiam, cujus nec divinitas mortali aspectu cernitur, nec inmensitas sermonibus explicatur? Sufficit ergo quod te Patrem diligimus, Dominum veneramur, Creatorem suscipimus, amplectimur Redemptorem. Præsta, clementissime Dominator, ut angusti callis, quam præcipis semitam possimus ascendere, per quam ad æternam valeamus beatitudinem pervenire; nec ullis impediti obstaculis tenemur, sed sit nobis cursus ipsius itineris æternitas salutaris. Per Christum Dominum nostrum.

Post Sanctus.

Vere sanctus, vere benedictus in excelsis Dominus Deus noster Jesus Christus Filius tuus, Rex Israhel. Qui sicut ovis ad occisionem ductus, et sicut agnus coram tondente se, sine voce, **296** sic non aperuit os suum. Ipse enim qui prid.

Post mysterium.

Magnum hoc munus misericordiæ est, qui nobis docuit Redemptionis nostræ sacrificia celebrare, sicut obtulit Dominus noster Jesus Christus in terris. Per quem te, Pater omnipotens, deprecamur, ut supraposita altario tuo munera lætus aspicias: atque hæc omnia obumbres * sancti Filii tui Spiritus; ut quod ex hac tua benedictione, acceperimus æternitatis gloria consequamur. Per.

Ante orationem Dominicam.

Memores præceptorum tuorum, Domine, oramus et dicimus.

* Legendum obumbret, vel spiritu infra.

† Notanda hæc verba de sacrificii oblatione per

Post orationem Dominicam.

Libera nos a malis, auctor bonorum omnium, Deus: libera nos ab omni tentatione, ab omni scandalo, ab omni hæresi, ab omni opere tenebrarum, et constitue nos in omni opere bono; et da pacem in diebus nostris, auctor pacis et veritas, Deus. Per.

Post communionem.

Spiritibus pasti epulis, oremus Patrem, et Filium, et Spiritum sanctum, ut mortificatis desideriis carnis, in omnibus sit nostra conversatio spiritualis. Per.

Consummatio missæ.

Custodi intra nos, Domine, gloriæ tuæ munus, ut contra omnia præsentis sæculi macula Eucharistiæ viribus, quam percipimus, muniamur. Quod ipse **B** præst.

LXXXVIII. ITEM MISSA DOMINICALIS.

Ad aures clementiæ tuæ, Deus, vox nostræ supplicationis ascendat, et tua nos misericordia consequatur. Per.

Collectio.

Accepta tibi sit, Domine, nostræ servitutis oblatio, quæ nos et a reatibus nostris absolvat, et ab imminenti malis eripiat. Per.

Post nomina.

Offerunt tibi, Domine, virtutum, munera et vota credentes. Suscipe nomine tuo debita honoris obsequia pro pace Ecclesiæ tuæ, pro commemoratione omnium Sanctorum, pro sacerdotum et ministrorum puritate, pro regum pacabilitate, pro sufficientia rerum, et temporum tranquillitate, pro perseverantia virginum, et continentia viduarum, pro orphanorum tuitione, et pœnitentium sublevatione, pro salute omnium viventium et pro requie defunctorum. Per.

Ad pacem.

A cunctis iniquitatibus nostris exue nos, omnipotens Deus: **297** et in tua nos fac pace gaudere. Per.

Contestatio.

Dignum et justum est, invisibilis, inæstimabilis, immense Deus, et Pater Dominini nostri Jesu Christi. Qui formam sacrificii perennis instituens, hostiam ^b se tibi primum obtulit, et primus docuit offerri. Te enim, omnipotens Deus, omnes Angeli.

Post Sanctus.

D Sanctus in sanctis, benedictus in terris, Dominus noster Jesus Christus. Qui pridie.

Post secreta.

Credimus, Domine, credimus in hac confractione corporis, et effusione tui sanguinis nos esse redemptos: confidimus etiam quod spe hic interim jam tenemus, in æternum perfrui mereamur. Per.

Ante orationem Dominicam.

Divino magisterio docti, et salutaribus monitis instituti audemus dicere: Pater.

Post orationem Dominicam.

Libera nos, omnipotens Deus, a malis, et consti-

Christum in institutione Eucharistiæ, ut in concilio Tridentino.

tue nos in bonis : evacua nos a vitiis, et reple virtutibus tuis. *Per.*

Post communionem.

Corpus * tuum, Domine, quod accepimus, et calicem tuum quem potavimus, hæreat in visceribus nostris; præsta, Deus omnipotens, ut non remaneat macula, ubi pura et sancta intraverunt Sacramenta. *Per.*

Consummatio missæ.

Exaudi preces familiæ tuæ, omnipotens Deus, et præsta ut sancta hæc, quæ te donante, sumpsimus, incorrupta in nobis, te donante, servemus. *Per.*

LXXIX. ITEM MISSA DOMINICALIS.

Deus, qui nos regendo conservas, parcendo iustificas, et a temporali tribulatione nos eripe, et gaudia nobis æterna largire. *Per.*

Collectio.

Deus in te sperantium misericors eruditor, ab omni nos consortio pravitatis absolve, nec ullis nos iniquitatum vinculis patiaris adstringi; ut unde nobis est tota pietas, inde sit tuta libertas. *Per Dominum.*

Post nomina.

Exaudi, Domine, offerentium preces, vota suscipe, peccata dimitte. Tribue tuorum intercessionem sanctorum caris quoque nostris, qui in Christo dormierunt, refrigerium in regione vivorum. *Per Dominum.*

Ad pacem.

298 Omnipotens sempiterne Deus, largitor pacis, et generis humani formator, da servis tuis veram voluntatem concordie, et indulgentiam tuæ pietatis infunde. *Per.*

Immolatio.

Dignum et justum est, æquum et justum est, nos tibi hic et ubique semper gratias agere, Domine sancte, Pater omnipotens, æterne Deus. Qui nobis pietate Pater es, cum Dominus potestate permanes: quoniam quos origo fecerat servos, adoptare dignatus es in filios; et quos generatio terrena demerserat in mortem, regeneratio cœlestis erexit ad vitam. Te enim, omnipotens Deus, omnes Angeli.

Post Sanctus.

Vere sanctus, vere in excelsis benedictus Dominus Deus noster. *Per* quem te supplices deprecamur, uti hanc oblationem, quam tibi offerimus pro Ecclesiæ tuæ catholicæ fide, stabilitate, concordia, pro emundatione vitiorum, et remissione peccatorum, pro gloria martyrum, et requie defunctorum, propitiatus aspicias, aspiciendo sanctifices, sanctificando benedicas per sanctum et benedictum Jesum Christum Filium tuum Dominum nostrum. Qui pridie.

Post secreta.

Memores gloriosissimi Domini passionis et ab inferis resurrectionis, offerimus tibi, Domine, hanc immaculatam hostiam, rationalem hostiam, incruentam hostiam, hunc panem sanctum, et calicem salutarem, observantes, ut infundere digneris Spiritum tuum

* Hanc fere orationem recitant sacerdotes ad

sanctum, edentibus nobis, vitam æternam regnumque perpetuum conlatura potantibus. *Per.*

Ante orationem Dominicam.

Non nostro merito, omnipotens Deus, sed Jesu Christi Filii tui obedientes præcepto, audemus dicere : Pater.

Post orationem Dominicam.

Libera nos a malis præsentibus et futuris, omnipotens Deus; libera nos a periculis, ab infirmitatibus, ab scandalis; et præpara nos ad omne bonum per bonum et benedictum Dominum nostrum.

Post communionem.

Divinam misericordiam concordî oratione poscimus, ut hæc salutifera Sacramenta, nostris recepta visceribus, purificent animam corpusque sanctificent, atque ad spem cœlestium viscera pariter et corda confirment. *Per.*

Item collectio.

Deus justitiæ, Deus misericordiæ, Deus immortalitatis et vitæ, Deus splendoris et gloriæ, **299** quæsumus te et oramus, ut divinis muneribus recreati, in illam beatitudinem servemur a te tibi, *Per.*

LXXX. ITEM MISSA DOMINICALIS.

Multiplicibus innixi vinculis delictorum, fratres carissimi, ad singulare confugiamus absolutionis divinæ remedium; et humiliati in sacrificium Dominum deprecemur (quem cotidie pravis inamaricamus operibus) qualiter nos sua protegente dextera ab omni contagione ereptos, regnorum cœlestium hæredes efficiat. *Per.*

Collectio.

Inclina aurem tuam, omnipotens Deus, et esto nobis præsentis vitæ rector, ut sis remunerator futuræ. *Per.*

Post nomina.

Offerentium nominibus recensitis, fratres carissimi, Dominum deprecemur, ut eorum oblationem inter sanctorum dona suscipiat, quorum a nobis facienda commemoratio est, ut et nostri memores esse dignentur. Petamus et pro his qui nos in Dominica pace præcesserunt, ut tartareo horrore segregatos, in sinu Abrahæ conlocatos, resuscitare Omnipotens dignetur in prima sua resurrectione, quam factururus est. *Per.*

Ad pacem.

Deus, per cujus os prolatum est quod pacem omnibus dares, et pacis statuta relinqueres; infunde in nostris sensibus pacis studium et piæ voluntatis, ut vitiorum omnium labe purgati, pacem quam labiis oris prosequimur, immaculatis cordibus teneamus. *Per.*

Immolatio.

Dignum et justum est, æquum et justum est, nos tibi hic et ubique semper gratias agere, Domine sancte, Pater omnipotens, æterne Deus. Qui nos a morte perpetua atque ab ultimis infernis sedibus liberasti. Venerat quidem mors per mulierem; sed venit vita per Virginem. Interitus per lignum; sed in ligno

ablutionem; et quæ sequitur item exstat in Missali Romano.

salus. In Jesu Christo facta est finis moriendi, qui A perennitatem vitæ suæ corpori restituit. Cui omnes cælorum cum multiplici virtute militiæ hymnum debitum et gloriam tuam sine cessatione proclamant, dicentes.

Post Sanctus.

Hosanna in excelsis. Benedictus qui venit de cælis, ut conversaretur in terris, caro factus, ut per passionem suam vitam credentibus daret. Ipse enim qui prid.

Post secreta.

Explentes sacrosancta cærimoniorum sollemnia ritu Melchisedech 300 summi sacerdotis oblata, precamur mente devota te, Majestas æterna, ut operante virtute, panem mutatum in a carne, poculum versum in sanguine, illum sumamus in calice B qui de te fluxit in cruce ex latere. Sal.

Ante orationem Dominicam.

Agnosce, Domine, verba quæ præcepisti, ignosce presumptioni quam imperasti. Ignorantia est enim non nosse meritum, contumacia non servare præceptum, quibus jubemur dicere.

a Sextus casus pro casu accusandi, ut passim in his aliisque vetustis libris.

Post orationem Dominicam.

Libera nos a malo, Domine Christe Jesu. Corpus tuum pro nobis crucifixum edimus; et sanguinem sanctum tuum pro nobis effusum bibimus: fiat nobis corpus sanctum tuum ad salutem, et sanguis sanctus tuus in remissione peccatorum hic et in æterna sæcula sæculorum.

Post communionem.

Agamus omnipotenti Deo gratias, quia refecit nos pane cælesti, et poculo spiritali, sperantes ab ejus benigna clementia ut per effusionem Spiritus sancti sui, in quibus cibi cælestis virtus introivit, sinceritatis gratia perseveret. Per.

Consummatio missæ.

Tibi gratias agimus, per quem mysteria sancta celebramus; a te quoque sanctitatis et sanitatis.... B ... tui gratia dona desposcimus. Per Dominum.

LXXXI. MISSA COTIDIANA b ROMENSIS. +

Deus, qui culpa offenderis, pœnitentia placaris, afflictorum gemitus respice, et mala quæ justè interrogas misericorditer averte. Per.

Cætera desunt.

b Id est ex Ordine Romano seu Gregoriano.

MISSALE FRANCORUM.

I. INCIPIT DE SACRIS ORDINIBUS.

301 Ostiarius cum ordinatur, postquam ab archidiacono instructus fuerit qualiter in domo Dei debeat conversari, ad suggestionem archidiaconi tradat ei episcopus claves ecclesiæ de altari dicens: Sic age quasi redditurus Deo rationem pro his rebus quæ istis clavibus recluduntur.

Acolythus cum ordinatur, ab archidiacono quidem doceatur qualiter officium suum agere debeat; sed ab ipso archidiacono accipiat ceroferarium cum cereo; ut sciat se ad accendenda Ecclesiæ luminaria mancipari: accipiat et orciolum vacuum ad suggerendum vinum Eucharistiæ corporis Christi.

Exorcista cum ordinatur, accipiat de manu episcopi libellum, in quo scripti sunt exorcismi, dicente sibi episcopo: Accipe et commenda; et habeto potestatem imponendi manus super energumenum, sive baptizatum, sive catechumenum.

Diaconus cum ordinatur, solus episcopus qui ei benedicit, manum super caput illius ponat. Per.

Presbyter cum ordinatur, episcopus ei benedicat, manum suam super caput ejus teneat: etiam omnes presbyteri qui præsentes sunt, manus suas juxta manum episcopi super caput illius teneant.

a Eadem orationes in Ordine Romano pro his et sequentibus ordinibus usque ad episcopatum editæ sunt apud Morinum, in lib. de sacris Ordinationibus, p. 361. Eadem item orationes habentur in pervetusto Missali Bibliothecæ regiæ numero 3865, ad cujus

A Episcopus cum ordinatur, duo episcopi manus eorum super caput ejus ponant; et teneant Evangeliorum codicem supra cervicem ejus; et uno super eum infundente benedictionem, reliqui omnes episcopi qui adsunt, manibus suis super caput ejus teneant.

II. BENEDICTIO a USTEARIII.

Deum Patrem omnipotentem suppliciter deprecemur, ut hunc famulum suum benedicere dignetur. quem in officium ustearii eligere dignatus est, ut sit ei fidelissima cura in diebus ac noctibus ad distinctionem horarum certatim ad invocandum nomen Domini. Per.

Alia.

302 Domine sancte Pater omnipotens, æterne Deus, benedicere digneris famulum tuum hunc ustiarium, ut inter janitores Ecclesiæ paretobsequia et inter partem tuam mereatur habere mercedem. Per.

III. BENEDICTIO ACOLYTI.

Domine sancte, Pater omnipotens, æterne Deus, qui Moysen et Aaron locutus es, ut accenderetur lucerna in tabernaculo testimonii, sic benedicere et sanctificare digneris hunc famulum tuum, ut sit acolytus in Ecclesia tua. Per.

oram hoc loco ita legitur: Helias Scotigena sic faciebat; et episcopus Ugo secundum Ordinem Romanum. Hi episcopi erant Ecolismenses, Helias quidem tempore Caroli Calvi; Hugo vero medio sæculo x. Itaque hic ritus est Gallicanus non Romanus.

IV. PRÆFATIO LECTORIS.

Eligunt te fratres tui, ut sis lector in domo Dei tui; et agnosces officium tuum, ut impleas illud; potens est enim Deus ut augeat tibi gratiam. Per.

Benedictio lectoris.

Domine sancte, Pater omnipotens, æterne Deus, benedicere digneris famulum tuum hunc nom. illum in officium lectoris, ut assiduitate lectionum distinctus atque ordinatus curis modulis, spiritali devotione lingua resonet Ecclesiæ.

V. PRÆFATIO EXORCISTÆ.

Deum Patrem omnipotentem supplices deprecamur, ut hunc famulum suum nom. ill. benedicere dignetur in officio exorcistæ, ut sit spiritalis imperator ad abjiciendos dæmones de corporibus obsessis cum omni nequitia eorum multimodis. Per.

Benedictio exorcistæ.

Domine sancte, Pater omnipotens, æterne Deus, benedicere digneris famulum tuum hunc nom. ill. in officio exorcistæ, ut per impositionis manuum et oris officium eum eligere digneris; et imperium habeat spirituum immundorum coercendorum; et probabilis sit medicus Ecclesiæ tuæ, gratiæ curationum virtute confirmatus.

VI. ALLOCUTIO AD SUBDIACONUM ORDINANDUM.

*Exhibeatur in conspectu episcopi patena * et calix vacuus, et dicat ei episcopus:*

Vide cujus ministerium tibi traditur. Et ideo si usque nunc fuisti tardus ad Ecclesiam, ammodo debes esse assiduus. Si usque nunc **303** ebriosus, ammodo sobrius. Si usque nunc inhonestus, ammodo castus. Oblationes, quæ veniunt in altario, panes propositionis appellantur. De ipsis oblationibus tantum debet in altario poni, quantum populo possit sufficere, ne aliquid putridum in sacrario maneat. Pallæ vero quæ sunt in ^b substratorio, in alio vase debent lavari: in alio corporales pallæ. Ubi pallæ corporales lavatæ fuerint, nullum linteamen ibidem aliud debet lavari: ipsa aqua in baptisterio debet vergi. Ideo te ammoneo, tu ita te exhibe, ut Deo placere possis.

Et trades ei calicem et patenam.

Præfatio ordinationis subdiaconi.

Oremus Deum et Dominum nostrum, ut super servum suum nom. ill., quem ad subdiaconatus officium evocare dignatus est, infundat benedictionem et gratiam suam; ut in conspectu suo fideliter serviens, destinata sanctis præmia consequatur. Per Dominum.

Benedictio subdiaconi.

Domine sancte, Pater omnipotens, æterne Deus, benedicere digneris famulum tuum hunc, nom. ill., quem ad subdiaconatus officium eligere dignatus es uti enim in sacrario tuo saneto strenuum sollicitumque cælesti militiæ instituas, ut sanctis altaribus fideliter subministret: et requiescat super eum Spiritus sapientiæ et intellectus, Spiritus consilii et forti-

A tudinis, Spiritus scientiæ et pietatis. Repleas eum Spiritu timoris tui, ut eum in ministerio divino confirmes; ut obediens atque dicto parens, tuam gratiam consequatur. Per Dominum.

VII. ALLOCUTIO AD POPULUM IN ORDINATIONE DIACONI.

Dilectissimi fratres, quamlibet possint ad ordinationem ecclesiastici ministerii promovendam, sibi ipsa sufficere privilegia sacerdotum, attamen quia probabilior et nostra apud Dominum conversatio est, et eorum quorum honor augetur, major est gratia; si id quod arbitria nostra eligunt, etiam vestræ confirmet dilectionis adsensus, idcirco filium nostrum ill. cupio ad officium diaconatus in consortium nostrum divinitatis auxilio promovere. **B** An eum dignum hoc officio censeatis, scire desidero; et si vestra apud meam concordat electio, testimonium quod vultis vocibus adprobate. Per Dominum.

Oratio ad diaconum ordinandum.

304 Oremus, dilectissimi, Deum Patrem omnipotentem, ut super hunc famulum suum, quem ad officium diaconatus vocare dignatur, benedictionem gratiæ clementer effundat, et consecrationis indulta propitius dona conservet, ut preces nostras clementer exaudiat; et quæ nostro sunt gerenda servitio, suo benigno prosequatur auxilio; et quem sacris ministeriis exsequendis pro nostra intelligentia credimus offerendum, sua potius electione justificet. Per Dominum.

Consecratio.

C Adesto, quæsumus, omnipotens Deus, honorum dator, ordinum distributor, officiorumque dispositor, qui in te manens, innovas omnia, et cuncta disponis per Verbum, Virtutem, Sapientiamque tuam Jesum Christum Filium tuum Dominum nostrum, sempiterna providentia præparas, et in singulis quibusque temporibus aptanda dispensas. Cujus corpus Ecclesiam tuam, cælestium gratiarum varietate distinctam suorumque connexa discretione membrorum, per legem totius mirabilis compagis unitam, in augmentum templi tui crescere dilatarique largiris, sacri muneris servientem trinis gradibus ministrorum nomini tuo militare constituens; electis ab initio Levi filiis, qui mysticis operationibus domus tuæ fidelibus excubiis permanentes, hereditatem benedictionis æternæ sorte perpetua possiderent. Super hunc famulum tuum, quæsumus, Domine, placatus intende, quem tuis sacris servitutum, in officium diaconi suppliciter dedicamus. Et nos quidem, tanquam homines, divini sensus et summæ rationis ignari, hujus vitam, quantum possumus, æstimamus. Te autem, Domine, quæ nobis sunt ignota non transeunt; te occulta non fallunt. Tu cognitor pectorum, tu scrutator es animarum. Tu veraciter in eum cæleste potes adhibere judicium, et velut indignis donare quæ poscimus. Emitte in eum, quæsumus, Domine, Spiritum sanctum in opus ministerii fideliter exsequen-

* Huc spectat canon 6 concilii Toletani VIII.

^b Id est quibus sternitur altaris planities; corpo-

rales, quæ corpus Christi proxime tangunt.

di : munere septiformis tuæ gratiæ roboretur. Abundet in eum totius forma virtutis, auctoritas, modestia, pudor, constans innocentia, et spiritalis observantia disciplinæ. In moribus ejus præcepta tua fulgeant, ut suæ castitatis exemplo imitationem sanctæ plebis adquirat; et bonum conscientiæ testimonium perferens, in Christo firmus et stabilis perseveret; dignisque successionibus de inferiore gradu, per gratiam tuam, **305** potiora capere mereamur. Per Dominum nostrum.

Exaudi, Domine, supplicum preces, et devoto tibi pectore famulantes perpetua defensione custodi, ut nullis perturbationibus impediti, liberam servitutem tuis semper exhibeamus officiis. Per Dominum nostrum.

Ad consummandum diaconatus officium.

Commune votum communis prosequatur oratio : ut his totius Ecclesiæ prece, qui in diaconatus ministerio præparatur levitico, benedictione et spiritali conversatione præfulgens gratia sanctificationis eluceat. Per Dominum.

Benedictio sequitur.

Domine sancte, spei, fidei, gratiæ, et profectuum munerator, qui in cælestibus et terrenis angelorum ministeriis ubique dispositis per omnia elementa voluntatis tuæ defendis affectum, hunc quoque famulum tuum ill. speciali dignare inlustrare aspectu, ut tuis obsequiis expeditus, sanctis altaribus minister purus ad crescat; et indulgentia purior, eorum gradu, quos apostoli tui in septenario numero, beato Stephano duce ac prævio, sancto Spiritu auctore elegerunt, dignus existat; et virtutibus universis, quibus tibi servire oportet, instructus compleat. Per Dominum nostrum Jesum Christum.

VIII. ALLOCUTIO AD POPULUM IN ORDINATIONE PRESBYTERI.

Quoniam, dilectissimi fratres, rectoris navem et navigium deferentis eadem est vel securitatis ratio, vel timoris, communis eorum debet esse sententia, quorum causa communis existit. Nec frustra a Patribus reminiscimur institutum, ut de electione eorum qui ad regimen altaris adhibendi sunt consulatur et populus, quia de actu et conversatione præsentis, quod nonnumquam ignoratur a pluribus, scitur a paucis; et necesse est ut facilius quis obedientiam exhibeat ordinato, cui ad sensum præbuerit ordinando. Fratris nostri et compresbyteri conversatio, quantum nosse mihi videor, probata ac Deo placita est, et digna (ut arbitror) ecclesiastici honoris augmento : sed ne unum fortasse vel paucos aut decipiat adsensio, aut fallat affectio, sententia est expectanda multorum. Itaque quid de ejus actibus aut moribus noveritis, quid de merito censeatis, Deo teste, consulimus. Debet hanc fidem habere caritas vestra, quam secundum præceptum Evangelii, et Deo exhibere debetis et proximo, ut huic testimonium sacerdoti magis pro merito quam pro affectione **306** aliquid tribuatis. Et qui devotionem omnium expectamus, intelligere tacentes non possumus. Scimus tamen quod est acceptabilius Deo, aderit per Spiritum

A sanctum consensus unus omnium animorum. Et ideo electionem vestram debetis voce publica profiteri. Per Dominum.

Oratio ad presbyteros ordinandos.

Oremus, dilectissimi, Deum Patrem omnipotentem, ut super hunc famulum suum, quem ad presbyteri munus eligit, cælestia dona multiplicet : et quæ ejus dignatione suscipiunt, ejus exsequantur auxilio. Per Dominum.

Item alia.

Exaudi nos, Deus, salutaris noster, et super hunc famulum tuum benedictionem Spiritus sancti, et gratiæ sacerdotalis effunde virtutem, ut quem tuæ pietatis suspectibus offerimus consecrandum, perpetua muneris tui largitate prosequare. Per.

Consecratio.

B Domine sancte, Pater omnipotens, æterne Deus, honorum et omnium dignitatum, quæ tibi militant, distributor, per quem proficiunt universa, per quem cuncta firmanur, amplificatis semper in melius naturæ rationalis incrementis, per ordinem congruam rationem dispositum. Unde sacerdotales gradus, et officia levitarum sacramentis mysticis instituta creverunt; ut cum pontifices summos regendis populis præfecisses, ad eorum societates et operis adjumentum sequentis ordinis viros et secundæ dignitatis elegeris. Sic in eremo per septuaginta virorum prudentium mentes Moysi spiritum propagasti, quibus ille adjutoribus usus in populo, innumeras multitudines facile gubernavit. Sic et Eleazaro et Ithamar filiis Aaron paternæ plenitudinis abundantiam transfudisti, ut ad hostias salutes et frequentioris officii sacramenta sufficeret meritum sacerdotum. Hac providentia, Domine, apostolis Filii tui doctores fidei comites addidisti, quibus illi orbem totum secundis prædicatoribus impleverunt. Quapropter infirmitati quoque nostræ, Domine, quæsumus, hæc adjumenta largire, qui quanto magis fragiliores sumus, tanto his plurius indigemus. Da, quæsumus, omnipotens Pater, in hoc famulo tuo ill. presbyterii dignitatem; innova in visceribus ejus spiritum sanctitatis. Acceptum a te, Deus, secundi meriti munus obtineat, censuramque morum exemplo suæ conversationis insinuet. Sit providus cooperatore ordinis nostri, eluceat in eum totius forma justitiæ, ut bonam **307** rationem dispensationis sibi creditæ redditurus, æternæ beatitudinis præmia consequatur. Per.

Consummatio presbyterii.

Sit nobis, fratres, communis oratio, ut hic, qui in adjutorium et utilitatem vestræ salutis eligitur, presbyteratus benedictionem divini indulgentiæ muneris consequatur, ut sancti Spiritus sacerdotali dona privilegio virtutum, ne impar loco deprehendatur, obtineat per suum. Per Dominum.

Item benedictio.

[Deus] sanctificationum omnium auctor, cujus vera consecratio, plena benedictio est, tu, Domine, super hunc famulum ill. quem presbyterii honore dedicamus, manum tuæ benedictionis infunde, ut gravitate actuum, et censura vivendi probet se esse seniore

his institutus disciplinis quas Tito et Timotheo Paulus exposuit: ut in lege tua die ac nocte, Omnipotens, meditans, quod legerit credat, quod crediderit doceat, quod docuerit imitetur: justitiam, constantiam, misericordiam, fortitudinem in se ostendat; exemplum probet; admonitionem confirmet; ut purum atque immaculatum ministerii tui donum custodiat, et per obsequium plebis tuæ corpus et sanguinem Filii tui immaculata benedictione transformet; et inviolabili caritate in virum perfectum, in mensuram ætatis plenitudinis Christi, in die justitiæ æterni iudicii, conscientia pura, fide plena, Spiritu sancto plenus persolvat. Per Dominum.

Consecratio manus.

Consecrentur manus istæ, et sanctificentur per istam unctionem, et nostram benedictionem, ut quæcumque benedixerint benedicta sint, et quæcumque sanctificaverint sanctificentur. Per Dominum.

Item alia.

Unguantur manus istæ de oleo sanctificato et chismate sanctificationis: sicut unxit Samuel David in regem et prophetam, ita unguantur et consummentur in nomine Dei Patris, et Filii, et Spiritus sancti, facientes imaginem sanctæ crucis Salvatoris Domini nostri Jesu Christi, qui nos a morte redemit, et ad regna cælorum perducit. Exaudi nos, pie Pater, omnipotens, æterne Deus, et præsta quod te rogamus et oramus. Per.

IX. EXHORTATIO AD POPULUM, CUM EPISCOPUS ORDINATUR.

Servanda est, dilectissimi fratres, in excessu sacerdotum lex antiquæ Ecclesiæ, ut decedentibus aliis quidem dignissimi subrogentur, per quorum doctrinam fides catholica et religio **308** Christiana subsistat; ne ovili Domini prædo violentus inrumpat. et dispersas absque Pastore oves fur nocturnus invadat. Recepto itaque dispensatione Dei sacerdote vestro, sollicite vobis agendum est ut in locum defuncti talis successor præparetur Ecclesiæ, cujus pervigili cura et instanti sollicitudine ordo ecclesiæ et credentium fides in Dei timore melius convalescat. Qui, præcipiente Apostolo, in omni doctrina formam boni operis ipse præbeat; cuique habitus, sermo, vultus, incessus, doctrina, virtus sit; qui vos ut Pastor bonus fide instruat, exemplum patientiæ doceat, doctrinam religionis instituat, in omni opere bono confirmet caritatis exemplo. Secundum voluntatem ergo Domini in locum sanctæ memoriæ ill. nom. virum venerabilem ill. testimonio presbyterorum et totius cleri, et consilio civium ac consistentium, credimus eligendum, virum (ut nostis) natalibus nobilem, moribus clarum, religione probum, fide stabilem, misericordia abundantem, humilem, justum, pacificum, patientem, caritatem habentem, tenacem, cunctisque ^a sacerdos eligenda sunt, bonis omnibus exuberantem. Hunc ergo, dilectissimi fratres, testimonii boni operis electum, dignissimum sacerdotio consonantes laudibus clamate et dicite: Dignus est.

^a Forte, in cunctis quæ in sacerdote exigenda sunt.

Oratio et preces de episcopis ordinandis.

Oremus ^b, dilectissimi nobis, ut his viris ad utilitatem Ecclesiæ providendis benignitas omnipotentis Dei gratiæ suæ tribuat largitatem. Per Dominum.

Exaudi, Domine, supplicum preces, ut quod nostro gerendum est ministerio, tua potius virtute firmetur. Per Dominum nostrum.

Propitare, Domine, supplicationibus nostris et inclinato super hos famulos tuos cornu gratiæ sacerdotalis, benedictionis tuæ in eos effunde virtutem. Per Dominum.

Collectio sequitur.

Deus, totius sanctificationis ac pietatis auctorem, qui placationem suam, et sacrificia, et sacra constituit, fratres dilectissimi, deprecemur, uti hunc famulum suum, quem exaltare in Ecclesia, et seniorum cathedra (concordibus sua inspiratione iudiciis, et effusis super plebem suam votis fidelibus ac vocum testimoniiis) voluit imponi, conlocans **309** eum cum principibus populi sui, ad eorum nunc precem universam eundem summo sacerdotio debita honoris plenitudine, charismatum gratia, sanctificationum ubertate, ac præcipue humilitatis virtute locupletet; ut rector potius non extollatur, sed in omnibus se, quantum est major, humilians, sit in ipsis quasi unus ex illis: omnia iudicii Domini nostri non pro se tantum, sed et pro omni populo, qui sollicitudini suæ creditur, contremiscens: ut qui meminerit de speculatorum manibus omnium animas requirendas, pro omnium salute pervigilet, pastoralis erga creditas sibi oves Domini diligentiae ejus semper se flagrantissimum adprobans. Te delictorum adigitur præfaturus, ex omnibus electus, ex omnibus universis sacris sacrandisque idoneus fiat sub hac quæ est homini per hominem postrema benedictio consummata atque perfecta suæ consecrationis, nostræ supplicationis attentissimæ concordissimisque omnium precibus adjuvemur; omnium pro ipso oratio incumbat, cui exorandi pro omnibus pondus imponitur. Impetret ei affectus totius Ecclesiæ virtutem, pietatem, sanctificationem, et ceteras summi sacerdotii sacras dotes universæ Ecclesiæ profuturas, Domino Deo nostro (qui sacrorum munerum profluus fons est, qui dat omnibus adfluenter) quod sacerdoti pio affectu poscitur ad exundandam in omnibus sanctificationem suorum omnium, promptissime ac plenissime conferente. Per Dominum nostrum Jesum.

Consecratio.

Deus honorum omnium, Deus omnium dignitatum quæ gloriæ tuæ sacris famulantur ordinibus; Deus, qui Moysen famulum tuum secreti familiaris affectu inter cetera celestis documenta culturæ, de habitu quoque indumenti sacerdotalis instituens, electum Aaron mystico amictu vestire inter sacra jussisti; ut intelligentiæ sensum de exemplis priorum caperet secutura posteritas, ne eruditio doctrinæ tuæ ulli deesset ætati, cum et apud veteres reverentiam ipsa significationum species obtineret, et apud nos

^b Hæc et tertia oratio est in ordine Romano.

certiora essent experimenta rerum, quam ænigmata figurarum. Illius namque sacerdotii anterioris habitus nostræ mentis ornatus est; et pontificalis gloria non jam nobis honorem commendat vestium, sed splendorem animarum. Quia et illa, quæ tunc carnalibus blandiebantur obtutibus, potius quæ ipsis erant intelligenda poscebant. Et idcirco famulis tuis, quos ad summi sacerdotii ministerium elegisti, hanc, quæsumus, Domine **310** gratiam largiaris; ut quicquid illa velamina in fulgore auri, in nitore gemmarum et, multimodi operis varietate signabant, hoc in horum moribus actibusque clarescat. Com-
ple, Domine, in sacerdotibus tuis mysterii tui sum-
mam, et ornamentis totius glorificationis instructos
 cælestis unguenti flore sanctifica^a. Hoc, Domine,
 copiose in eorum caput influat, hoc in oris subjecta
 decurrat, hoc in totius corporis extrema descendat,
 ut tui Spiritus virtus et interiorum ora repleat, et
 exteriora circumtegat. Abundet in his (eo) constan-
 tia fidei, puritas dilectionis, sinceritas pacis. Sint
 speciosi munere tuo pedes horum ad evangelizan-
 dum pacem, ad evangelizandum bona tua. Da eis,
 Domine, ministerium reconciliationis in verbo, et in
 factis, et in virtute et signorum et prodigiorum.
 Sit sermo eorum (ejus) et prædicatio, non in persua-
 sibilibus humanæ sapientiæ verbis, sed in ostensione
 spiritus et virtutis. Da eis, Domine, claves regni
 cælorum: utantur, nec glorientur potestate, quam
 tribuis in ædificationem, non in destructionem.
 Quodcumque ligaverint super terram sit ligatum et in
 cælis: et quodcumque solverint super terram sit solu-
 tum et in cælis. Quorum detinuerint peccata, detenta
 sint; et quorum dimiserint, tu dimittas. Qui benedixe-
 rit eis, sit benedictus; et qui maledixerit eis, male-
 dictionibus repleatur. Sint servi fideles et prudentes,
 quos constituas tu, Domine, super familiam tuam; ut
 dent illis cibum in tempore necessario, ut exhibeant
 omnem hominem perfectum. Sint sollicitudine im-
 pigri, sint spiritu ferventes; oderint superbiam,
 diligant veritatem, nec eam umquam deserant, aut
 lassitudine, aut timore superati. Non ponant lucem
 ad tenebras, nec tenebras lucem. Non dicant malum
 bonum, nec bonum malum. Sint sapientibus et in-
 sapientibus debitores: et fructum de profectu om-
 nium consequantur. Tribuas eis, Domine, cathedram
 episcopalem ad regendam Ecclesiam tuam et plebem
 universam. Sis eis auctoritas, sis eis potestas, sis eis
 firmitas. Multiplices super eos benedictionem et
 gratiam tuam, ut ad exorandum semper misericor-
 diam tuam tuo munere idonei, tua gratia possint
 esse devoti. Per Dominum^b.

Super oblata.

Suscipe, Domine, munera quæ tibi offerimus pro
 famulo tuo **311** illo, et propitius in eodem tua
 dona custodi.

Hanc igitur oblationem, quam tibi offerimus pro
 illo famulo tuo, quem ad pontificalem gloriam pro-

^a Hæc et sequentia verba leguntur in Ordine Ro-
 mano, postquam unctum est episcopi caput.

^b Nihil hic de benedictione ornamentorum episco-

A movere dignatus es, quæsumus, Domine, placatus
 accipias, ut quod divino munere consecutus est, tua
 in eo protectione firmetur. Per Dominum nostrum.

Adesto, misericors Deus, ut quod actum est nos-
 træ servitutis officio, tua benedictione firmetur. Per.

Item alia.

Ecclesiam tuam, Domine, benignus inlumina, ut
 et gratus tui proficiat ubique successus, et grati fiant
 nomini tuo, te gubernante, Pastores. Per Dominum.

X. BENEDICTIO SUPER VIRGINES.

Omnipotens sempiterne Deus, adjuva quæ virgi-
 nitatis honore dignatus es decorare. Perferant in-
 choati operis consummatum affectum, et votorum
 suorum expediant institutum: virginali habitu per-
 fectam tibi offerant plenitudinem, et initia sua per-
 ducere mereantur ad finem, ut matura sanctimo-
 niæ cumulent merita, et centenarium munus de
 perfecto agone virginitatis accipiant.

Consecratio virginum.

Castum veri Dei cultum incorrupta religione re-
 tinentes, inviolabilis naturæ Dominum suppliciter
 oremus, ut hanc famulam suam corroboraret, quæ
 sanctam et maximam acceptabilem Deo virginita-
 tem, adsumptis spiritalium cogitationum viribus,
 dedicavit, bene concepto mentis proposito perseve-
 ret; ut virginitas, quæ Ecclesiæ comparatur, et si-
 militudini divinæ immolationis induitur, perenni-
 tatis gratiam consequatur. Per Dominum.

C Deus^c castorum corporum benignus habitator, et
 incorruptarum Deus amator animarum, Deus qui
 humanam substantiam in primis hominibus diaboli-
 ca fraude vitiatam, ita in Verbo tuo, per quod omnia
 facta sunt, reparas, ut eam non solum ad primæ
 originis innocentiam revoces, sed etiam ad expe-
 rientiam honorum, quæ in novo sæculo sunt habenda,
 perducas, et obstrictos adhuc conditione mor-
 talium jam ad similitudinem provehas angelorum,
 respice, Domine, super has famulas tuas, quæ, in
 manu tua continentie suæ propositum conlocantes,
 tibi devotionem suam offerunt, a quo ipsa vota sump-
 serunt. Quomodo enim animus **312** mortali carne
 circumdatus, legem naturæ, libertatem licentiæ,
 vim consuetudinis, et stimulos ætatis evinceret, nisi
 tuper liberum arbitrium hunc amorem virginitatis
 clementer accenderes, tu hanc cupiditatem in earum
 corde benignus aleres, tu fortitudinem ministrares?
 Effusa namque in omnes gentes gratia tua, ex omni
 natione quæ est sub cælo, in stellarum innumerabilem
 numerum novi Testamenti heredibus adoptatis, inter
 ceteras virtutes, quas filiis tuis non ex sanguinibus
 nec voluptate carnis, sed de tuo Spiritu genitis inde-
 disti, etiam hoc donum in quorundam mentes de
 largitatis tuæ fonte defluxit, ut cum honorem nu-
 ptiarum nulla interdicta minuissent, ac super co-
 pulam tua benedictio permaneret, existerent tamen
 sublimiores animæ, quæ non hoc concupiscerent
 quod habet mortale conubium; sed hoc eligerent
 palium.

^c Hæc in Ordine Romano. Alia infra in Missali
 Gallicano.

quod præmittit divinum Christi Ecclesiæque sacramentum. Agnovit Auctorem suum beata virginitas; et æmula integritatis angelicæ, illius thalamo, illius cubiculo se devovit; qui sic perpetuæ virginitatis est sponsus, quemadmodum perpetuæ virginitatis est filius. Implorantibus ergo auxilium tuum, Domine, et confirmari ex benedictionis tuæ consecratione cupientibus da protectionis tuæ munimen, ne hostis antiquus, qui excellentiora studia subtilioribus infestat insidiis, ad obscurandam perfectæ continentiæ palmam per aliquam serpat mentis incuriam: et rapiat de proposito Virginum quod etiam moribus decet inesse nuptiarum. Sit in eis, Domine per donum Spiritus tui prudens modestia; et quod sunt professæ custodiant, scrutatori pectorum non corpore placituræ, sed mente. Transeant in numerum sapientium puellarum, ut cælestem Sponsum accensis lampadibus cum oleo præparationis expectent; nec turbatæ improvisi Regis adventu, securæ cum lumine, ut præcedentium choro jungantur, occurrant, nec excludantur cum stultis. Regalem januam cum sapientibus Virginibus licenter introeant, et in Agni tui perpetuo comitatu probabiles mansura castitate permaneant. Per.

Accipe, puella, pallium, quod perferas sine macula ante tribunal Domini nostri Jesu Christi, cui flectit omne genu cælestium, et terrestrium, et infernorum. Benedicat te conditor cæli et terræ, Deus Pater omnipotens, qui te eligere dignatus est ad instar sanctæ Mariæ matris Domini nostri Jesu Christi ad integram et immaculatam virginitatem, quam professa es coram **313** Deo et angelis sanctis. Idcirco serva propositum, serva castitatem per patientiam, ut coronam virginitatis tuæ accipere merearis. Nunc exoro Domini nostri Jesu Christi divinam misericordiam, ut hanc virginem consecrare ac sanctificare dignetur usque in finem. Per.

Benedicat te Deus Pater, et Filius, et Spiritus sanctus omni benedictione spiritali, ut maneat sine macula sub vestimento sanctæ Mariæ matris Domini nostri Jesu Christi. Qui tecum vivit et regnat in sæcula sæculorum.

XI. BENEDICTIO VESTIMENTORUM VIDUÆ.

Visibilibus ^a et invisibilibus rerum creator, Deus, adesto propitius, ut hæc indumenta, sanctitatis effigiem ostendentia, desuper gratia tua inrigante, benedicere et sanctificare facias. Per Dominum.

Consecratio vestium.

Inlumina, quæsumus, oculos majestatis tuæ ad benedicendam hunc viduitatis vestem, ut quæ inordinatis vestibus viri sui visibus placuit, in sacratis indumentis benedictionis tuæ servire mereatur. Per.

Benedictio viduæ, quæ fuerit castitatem professa.

Consolare, Domine, hanc famulam tuam viduitatis languoribus constrictam, sicut consolari dignatus es Saraptinam viduam per Heliam prophetam. Concede ei pudicitie fructum ut antiquarum non memineat

^a Hæc in Ordine Romano et fere quæ sequuntur.

voluptatum; nesciat etiam incentiva desideria; ut soli tibi subdat propria colla; quo possit pro laboribus tantis sexagesimum gradum percipere, munus dilectabile sanctitatis. Per.

Item alia.

Domine Deus virtutum cælestium æterne, tibi supplices fundimus preces, ut hanc famulam tuam consecrare digneris, quam de pristina conversatione ad novitatem vitæ, exspolians veterem hominem, et induens novum, convertere fecisti, ut sicut Anna prophetissa multis temporum curriculis, vestibus viduitatis induta, in templo gloriæ tuæ in jejuniis et orationibus fideliter serviebat, sic et hæc famula tua tibi soli Deo in Ecclesia tua devota mente serviat. Per Dominum.

Deus, qui Annam filiam Fanuelis, vix per annos septem sortitam jura conjugii, ita cum annis octoginta quatuor in sancta et in timorata castitate servasti, ut noctibus ac diebus orationes jejuniæque miscens, quæ ad prophetiæ gratiam sub circumcisione Christi tui justus remunerator adducaris, quique deinceps **314** per apostolicam institutionem sanctarum hujus ordinis manibus feminarum sexus ipsius adolescentulos juniores instruxit, cum sancti charismatis benedictione visitari laudabili dispensatione voluisti; suscipere dignare, omnipotentissime rerum omnium Deus, hujus conservæ nostræ arduum et laboriosum, nec satis discrepans a perfectæ virginitatis proposito, quia tu ereaturarum omnium conditor, probas mundiales inlecebras difficilius post experimentum posse vitari, sed cum ad te venit, idque per te, numquam animas semel tibi dicatas vel terribile passionum vel divitiarum blandimenta sollicitant. Nam sensibus (quibus ipse dignaris infundi) nihil est desiderabilius quam regnum tuum, nihil terribilius quam judicium tuum. Da ergo, Domine, ad petitionem maximæ rei tuæ misericordiam tuam; et tribue ut hæc famula tua in adgressæ castitatis observatione perdurans, inter conjugatas uni tantum viro feminas, fructum tricesimum sortiatur. Sit in illa cum misericordia discretio, cum humanitate sobrietas. Opus tuum die ac nocte meditetur; et pro eo quod amisit conjugis solatium temporale, te, qui rerum omnium requies es, sequatur; et vitæ spatium spiritali consolatione compensa, ut in die vocationis suæ talis venire mereatur, qualis Anna fuisse constat, quam usque ad prophetiæ spiritum promovisti. Per.

XII. CONSECRATIO ALTARIS.

Creator et conservator humani generis, dator gratiæ, et spiritalis targitor æternæ salutis, tu permitte Spiritum tuum super vinum cum aqua mixtum, ut armata virtute cælestis defensionis ad consecrationem hujus ecclesiæ vel altaris proficiat. Per.

Præfatio consecrationis altaris.

Ponis super cornua altaris digito tuo vinum cum aqua mixtum, et aspergis altare septem vicibus; reli-

quum autem fundes ad basem, et offeres incensum super altare odorem suavissimum Domino.

^a Dei Patris omnipotentis misericordiam, dilectissimi fratres, deprecemur, ut hoc altarium sacrificiis spiritalibus consecrandum, vocis nostræ exorandis officio, præsentī benedictione sanctificet, ut in eo semper oblationes famulorum suorum studio suæ devotionis impositas benedicere et sanctificare dignetur, et spiritali placatus incenso, precanti familiæ suæ promptus exauditor adsistat. Per Dominum.

Benedictio altaris.

315 Deus omnipotens, in cujus honorem altarium sub invocatione tui consecramus, clemens et propitius preces nostræ humilitatis exaudi; et præsta ut in hac mensa sint tibi libamina accepta, sint grata, sint pingua, et Spiritus sancti tui semper rore perfusa; ut omni tempore in hoc loco supplicantis tibi familiæ tuæ anxietates releves, ægritudines cures, preces exaudias, vota suscipias, desiderata confirmes, postulata concedas. Per Dominum nostrum Jesum Christum Filium tuum.

Præfatio linteaminum.

Domine Deus omnipotens, sicut ab initio hominibus vitalia et necessaria creasti, et quemadmodum vestimenta pontificalia sacerdotibus, et levitis ornamenta, quæ et linteamina fieri famulo tuo Moysi per quadraginta dies docuisti, sive etiam ea quæ Maria texuit et fecit in usum ministerii tabernaculi fœderis, sanctificare, benedicere, consecrareque digneris hæc linteamina in usum altaris tui ad tegendum involuendumque corpus et sanguinem Filii tui Domini nostri Jesu Christi. Qui tecum vivit et regnat Deus.

Fiant omnia ista protectione tua tuta atque defensa, potens Domine, vasa. Per Dominum.

Ad consecrandam patenam.

Consecramus et sanctificamus hanc patenam ad conficiendum in ea corpus Domini nostri Jesu Christi patientis crucem pro salute nostra omnium. Qui regnat in sæcula.

Item alia.

Consecrare et sanctificare digneris, Domine, patenam hanc, per istam unctionem et nostram benedictionem in Christo Jesu Domino nostro. Qui vivit et regnat.

Ad calicem consecrandum.

Oremus, dilectissimi fratres, ut Dominus Deus noster calicem suum in ministerio consecrandum cælestis gratiæ inspiratione sanctificet, ut ad humanam benedictionem plenitudinem divini favoris accommodet. Per Dominum.

Item collectio.

Dignare, Domine, calicem istum in usum ministerii tui pia famuli tui devotione formatum, ea sanctificatione perfundere, qua Melchisedech famuli tui sacratum calicem perfudisti; et quod arte vel metallo effici non potest altaribus tuis dignum, fiat tua benedictione pretiosum.

^a Hæc et sequentia in Ordine Romano, sed plura ibi.

^b Aliæ orationes aliusque regis benedicendi modus

PATROL. LXXII.

Ad omnia.

Dignare, Domine, Deus omnipotens Rex regum, et Dominus dominantium, Sacerdos omnium, Pontifex universorum, per quem una cum Patre, sanctoque **316** Spiritu facta sunt universa, Christe Jesu, benedicere, consecrare, et sanctificare digneris vasa hæc cum hoc altario, linteaminibus, ceterisque vasis; et quemadmodum sanctificasti officia tabernaculi testimonii olim cum arca, oraculo, cyrubin alois, velis, columnis, candelabro, altaribus, argenteis basibus, tabulis deauratis, holocaustis, æreo altare cum æneis vasis, tentoriis, funibus, oleo unctionis, et ceteris aliis in figura nostri per manus sanctorum sanctificasti sacerdotum, ita nunc manens in æternum, summe Sacerdos sacerdotum secundum ordinem Melchisedech (ut diximus), patenam hanc et calicem hunc, et omnia instrumenta altaris hujus ecclesiæ seu basilicæ, quæ inter nostras palmas habentur, corde precamur, ut benedicas, purifies, consecres, et consummes, quibus inter nos et æternam unitatem in supremo meatu sine fine constare credimus. Per.

Præfatio chrisimalis.

Oremus, fratres charissimi, ut Deus omnipotens hoc ministerium, corporis filii sui Domini nostri Jesu Christi gerolum, benedictione, sanctificationis tutamine, defensionis dominatione implere dignetur, orantibus nobis. Per.

Omnipotens Deus Trinitas, manibus nostris opem tuæ benedictionis infunde, ut per nostram benedictionem hoc vasculum sanctificetur, et corporis Christi novum sepulcrum Spiritus sancti gratia perficiatur. Per Dominum nostrum Jesum Christum Filium tuum, qui tecum vivit.

XIII. ORATIONES^b ET PRÆCES PRO REGIBUS.

Deus, qui fideles tuos ad hoc corripis, ut emendes, populum tuum, quæsumus, ne despicias supplicantem, ut tuæ virtutis auxilio, omni hostilitate depulsa, et securitate patriæ lætetur, et catholica semper exultet Ecclesia. Per.

Item alia.

Populi tui, quæsumus, omnipotens Deus, propitiare peccatis, et totius hostilitatis a nobis errores averte, ut regni Francorum nominis securam libertas in tua devotione semper exultet, et ab hostium nos defende formidine; ut omni perturbatione submota, liberis tibi mentibus serviamus.

Item alia.

Omnipotens sempiternus Deus, qui regnis omnibus æterno dominaris imperio, inclina ad preces humilitatis nostræ aures misericordiæ **317** tuæ, et Francorum regni adesto principibus; ut tua tranquillitate clementes, tua semper sint virtute victores. Per.

Alia.

Omnipotens et misericors Deus, cujus regnum est omnium sæculorum, supplicationes nostras clementer exaudi, et Francorum regum tibi subditum protege in Ordine Romano, et apud Menardum in unctione regum Francorum.

principatum, ut in tua virtute fidentes, et tibi placeant, et super omnia regna præcellant. Per.

Item alia.

Omnipotens sempiterne Deus, in cujus arbitrio regnorum omnium jura consistunt, protege regum Francorum nominis ubique rectores, ut eorum votiva prosperitas pax tuorum possit esse populorum.

Super oblata.

Sacrificium, Domine, quod immolamus, intende, ut ab omni nos exuat bellorum nequitia, et in tuæ protectionis securitate constituat, ut et a nostris mundemur occultis, et ab inimicorum liberemur insidiis.

Suscipe propitius hostias quibus et te placari voluisti, et nobis salutem potenti pietate restitue. Per.

Vere dignum et justum est, æquum et salutare. Agnoscimus enim, Domine Deus noster, agnoscimus sicut prophetica dudum voce testatus es, ad peccantium merita pertinere, ut servorum tuorum labore quæsitæ, sub conspectu nostro manibus diripiantur alienis; et quæ desudantibus famulis nasci tribuis, ab hostibus patiaris absumi; totoque corde prostrati, supplices exoramus, ut et præteritorum concedas veniam delictorum; et Francorum regni nominis inimicos virtute tuæ compremas majestatis: quia tunc defensionem tuam non diffidimus adfuturam, cum a nobis ea quibus offendimus dignanter expuleris; ut populus tuus fidei integritate lætetur, et temporum tranquillitate semper exultet. Per quem Majestatem.

Hanc igitur oblationem servitutis nostræ, quam tibi offerimus pro salute et incolumitate vel statu regni Francorum, (pro quibus, Domine omnipotens Deus, tibi supplices fundimus preces; te in omnibus ducem, te in omnibus viis suis protectorem mereantur habere) quæsumus, Domine, ut placatus suscipias. Per.

Post communionem.

Protege, Domine, famulos tuos subsidiis pacis et corporis; et spiritalibus enutrients alimentis, a cunctis hostibus redde securos. Per.

Item alia.

Fidelem populum tuum, quæsumus, Domine, potentiae tuæ **318** muniat invicta defensio, ut pio semper tibi devotus affectu, et ab infestis liberetur inimicis, et in tua jugiter gratia perseveret. Per Dominum nostrum Jesum Christum Filium.

XIV. ORATIONES ET PRECES IN NATALI SANCTI HELARII.

Sanctus, Domine, Helarius confessor tuus sua nos intercessionem lætificet, et pia faciat sollemnitate gaudere. Per.

Intercessio nos, quæsumus Domine, sancta beati Helarii commendet, ut quod nostris meritis non valemus, ejus patrocinii adsequamur. Per.

Indulgentiam nobis, Domine, quæsumus, sancti Helarii confessoris tui postulet tibi grata precatio, ut tuam semper misericordiam percipere valeamus; ut intercessio illius et tuam nobis non desinat placare justitiam, et nostram tibi devotam jugiter efficere servitatem. Per.

Exaudi, Domine, preces nostras, quas in sancti

A confessoris tui Helarii atque pontificis sollemnitate deferimus, ut qui tibi digne meruit famulari, ejus intercedentibus meritis ab omnibus nos absolve peccatis: et præsta, quæsumus, omnipotens Deus, ut quia nos reatus nostræ actionis gravat, apud ineffabilem misericordiam tuam beati Helarii confessoris tui atque pontificis intercessio nos gloriosa protegat.

Super oblata.

Sancti confessoris tui atque pontificis, quæsumus, Domine, annua sollemnitas pietati tuæ nos reddat acceptos, ut per hæc piæ oblationis officia, et illum beata retributio comitetur, et nobis gratiæ tuæ dona conciliet. Per.

Sacrificium, Domine, quod desideranter offerimus gratum tibi beatus Helarius suffragator efficiat, ut B sacris altaribus, Domine, has hostias superpositas in salutem nobis provenire deponat.

Ut nobis, Domine, tua sacrificia dent salutem; quæsumus beatus Confessor tuus precator accedat. Per. Pax fidi sancta.

Vere dignum et justum est, æquum et salutare. Quoniam fiducialiter tibi laudis hostias immolamus, quas sancti Helarii pontificis tui confessione præsentis confidimus adjubandas; ut illius patrocinio nos adjubante, debita nomini tuo servitute placeamus. Quia dum beati illius merita gloriosa veneramur, auxilium nobis tuæ propitiationis adquirimus; nec desperamus de veniæ largitate, quam per eum qui tibi placet, deprecemur: quia supplicationibus nostris misericordiam tuam confidimus adfuturam, quam beati Helarii C confessoris tui poscimus interventu **319** nobis et confessione præstari. Quia licet nobis medelam semper operetur divini celebratio Sacramenti, propensius confidimus adfuturam, cum sanctorum tuorum et illorum meritis intervenientibus exhibetur. Per quem.

Hanc igitur oblationem servitutis nostræ, sed et cunctæ familiæ tuæ, quam tibi offerimus in honore sancti Helarii confessoris tui atque pontificis, quæsumus, Domine. Per.

Post communionem.

Beati Helarii confessoris tui, Domine, suffragiis exoratus, percepta Sacramenti tui nos virtute defende, ut celestis remedii sacramentum ad perpetuam nobis provenire medicinam obtineat. Per.

D Protegat nos, Domine, cum tui perceptione Sacramenti beatus Helarius confessor tuus intercedendo, ut confessionis ejus semper experiamur auxilium. Per Dom. nostrum Jesum Christum Filium tuum.

XV. ORATIONES ET PRECES UNIUS MARTYRIS.

Deus, qui nos annua beati Martyris tui sollemnitate lætificas, præsta quæsumus ut cujus gaudemus, meritis, instruamur exemplis. Per.

Beati Martyris tui, Domine, nos, quæsumus, merita prosequantur, et tuam nobis indulgentiam semper implorent, ut ejus sacra natalicia et temporaliter frequentemus, et conspiciamus æterna. Per.

Item alia.

Præsta, Domine, mentibus nostris cum exultatione profectum, ut cujus diem passionis annua devotione.

recolimus, etiam fidei constantium subsequamur. **A** Per Dom.

Super oblata.

Hostiam nostram, quæsumus, Domine, sancti Martyris tui et veneranda confessio, et exaudibilis commendet oratio. Per Dominum.

Vere dignum et justum est, æquum et salutare. Quoniam a te constantiam fides, a te virtutem sumit infirmitas; et quicquid in persecutionibus sævum est, quicquid in morte terribile, nominis tui facis confessione superari. Unde benedicimus te, Domine, in operibus tuis, teque in sanctorum tuorum professione laudamus. Per quem Majestatem.

Post communionem.

Quæsumus, Domine, salutaribus repleti mysteriis, ut cujus sollemnitatem celebramus, orationibus adjuvemur. Per.

Item alia.

Adesto, Domine, familiæ tuæ, ut quibus venerandi sanctos tuos præstas benignum affectum, et **320** vitæ mortalis concede præsidium, et sempiternæ retributionis effectum. Per.

XV. ITEM DE UNO MARTYRE.

Adsit nobis, quæsumus, Domine, beati Martyris tui sancta precatio, quæ nos et a terrenis affectibus incessabiliter expediat, et cælestia desiderare perficiat. Per.

Sancti Martyris tui, Domine, quæsumus, veneranda festività salutaris auxilii præstet augmentum, et quam prævenimus veneranda sollemnitatis et devotionem nobis augeat, et salutem. Per.

Super oblata.

Muneribus nostris, Domine, sancti Martyris tui festa præcedimus; ut quæ conscientie nostræ præpedimus obstaculis, illius meritis reddantur accepta. Per.

Adesto, Domine, supplicationibus nostris, et intercedente Martyre tuo ab hostium nos defende propitiatus incursus; ut munera nostra commendet, atque in ejus veneratione tuæ Majestati reddantur accepta. Per Dom.

Vere dignum et justum est, æquum et salutare. Qui non solum malis nostris bona retribuimus, sed ut miseris uberiora dona concedas, qui digne pro nobis possent intercedere, contulisti, ut quod nostra scientia non habebat, intercessio supplicaret tibi grata **D** justorum. Qui humanum genus de profundo mortis eripiens, captivitatem nostram Jesu Christi Filii tui Domini nostri passione solvisti. Per quem ita virtus antiqui hostis elisa est, ut ejus, quem ipse superaverat, etiam beatum Martyrem suum magnum faceret esse victorem. Cujus triumphum in die quem sanguine suo sanctificavit, colentes, in tua gloria exultamus. Per quem.

Post communionem.

Sumptis, Domine, Sacramentis, quæsumus ut intercedente beato Martyre tuo, ad redemptionis æternæ proficiamus augmentum. Per.

Sumentes gaudia sempiterna de participatione Sacramenti, et festività beati Martyris tui, suppli-

citer deprecamur, ut quæ sedula servitute, docente te, gerimus, dignis sensibus tuo munere capiamus. Per Dominum nostrum.

XVII. ITEM DE UNO MARTYRE.

Omnipotens sempiternæ Deus, fortitudo certantium, et Martyrum palma, sollemnitatem hodierni diei propitius intueri, et Ecclesiam tuam continua fac celebritate lætari, et intercessione beati Martyris tui omnium te credentium vota perficias. Per.

Præsta, quæsumus, Domine **321** Deus, ut intercedente beato Martyre tuo, et a cunctis adversantibus muniamur in corpore, et a pravis cogitationibus mundemur in corde. Per Dominum nostrum.

Grata tibi sint munera nostra, Domine, quæ et tui sunt instituta præceptis, et beati Martyris tui festività gloriosa commendat. Per Dominum. **B**

Suscipe, Domine, sacrificium placationis et laudis, quod nos, interveniente sancto Martyre tuo, et perducatur ad... æternam, et in perpetuam gratiarum constituat actionem. Per.

Contestatio.

Vere dignum et justum est, æquum et salutare. Qui Ecclesiam tuam sempiterna pietate non deserens, per sanctos tuos jugiter et erudit et protegis, præcipue sollemnitatis hodiernæ, qua beati Martyris tui passionem consumptam recolimus, veneramur, et ad gloriam nominis tui nitimur debitis magnificare præconiis. Per quem laud.

Hanc igitur oblationem servitutis nostræ, sed et cunctæ familiæ tuæ, quam tibi offerimus in honorem beati Martyris tui. **C**

Post communionem.

Cælesti munere satiati, quæsumus, Domine Deus noster, ut hæc nos dona, Martyris tui deprecatione, sanctificent. Per Dominum.

Libantes, Domine, mensæ tuæ beatæ mysteria, quæsumus ut sancti Martyris tui interventionibus, temporalem et præsentem nobis misericordiam conferant et æternam. Per.

XVIII. IN NATALE SANCTORUM.

Deus, qui nos sanctorum tuorum confessionibus gloriosis circumdas et protegis, da nobis et imitatione proficere, et orationibus fulciri. Per.

Prosint nobis, Domine, quæsumus, tuorum martyrum suffragia conlata sanctorum, ut quæ nostris non possumus orationibus obtinere, placentium tibi precibus adsequamur. Per.

Super oblata.

Offerimus, Domine, præces et munera in honore sanctorum tuorum gaudentes: præsta, quæsumus, ut et convenienter hæc agere, et remedia sempiterna valeamus acquirere. Per Dominum.

Suscipe, Domine, sacrificium placationis et laudis, ut benedictio tua larga descendat, quæ et munera nostra, sanctis tuis deprecantibus, tibi reddat accepta, et nobis sacramentum redemptionis efficiat. Per.

Vere dignum et justum est, æquum et salutare. Confiteantur tibi, Domine, omnia opera tua, et sancti tui benedicant te: quoniam gloria virtutis eorum tu

es, **322** quibus virtutem in confessione pugnantis et gloriam in passione vincentibus contulisti. Qui summum illum Unigeniti tui nomen coram regibus et potestatibus voce libera protestantes, pretiosum tibi sanguinem gloriosa morte fuderunt. Clementiam tuam suppliciter obsecrantes, ut cum exultatione sanctis in cælestis regni cubilibus gaudia nostra subjungas; et quos virtutis imitatione non possumus sequi, de vitæ veneratione jungamus affectu. Per quem.

Post communionem.

Purificet nos, quæsumus, Domine, et divini perceptio Sacramenti, et gloriosa sanctorum tuorum oratio. Per.

Præsta, quæsumus, omnipotens Deus, ut quorum memoriam Sacramenti participatione recolimus, fidem quoque proficiendo sectemur. Per Dominum nostrum Jesum Christum Filium tuum, qui tecum.

XIX. INCIPIUNT ORATIONES ET PRECES COMMUNES COTIDIANÆ CUM CANONE.

Post prophetia.

Deus, qui diligentibus te bona invisibilia præparasti, infunde cordibus nostris tui amoris affectum, ut te in omnibus et super omnia diligentes, promissiones tuas, quæ omne desiderium superant, consequamur. Per Dominum nostrum.

Collectio.

Deus, qui in sanctis habitas, et pia corda non deseris, libera nos a terrenis desideriis et cupiditate carnali, ut, nullo in nobis regnante peccato, tibi soli Domino liberis mentibus serviamus. Per Dominum.

Ante nomina.

Protector in te sperantium, Deus, sine quo nihil est validum, nihil sanctum, multiplica super nos misericordiam tuam, ut te rectore, te duce, sic transeamus per bona temporalia, ut non amittamus æterna. Per.

Deus virtutum, cujus est totum, quod est optimum, insere pectoribus nostris amorem tui nominis, et præsta in nobis religionis augmentum, ut quæ sunt bona nutrias, ac vigilanti studio quæ sunt nutrita custodias.

Super oblata.

Propitiare, Domine, supplicationibus nostris, et has oblationes famulorum famularumque tuarum benignus adsume, ut quod singuli obtulerunt ad honorem nominis tui, cunctis proficiat ad salutem. Per Dominum.

Adesto, Domine, supplicationibus nostris, et his populi tui oblationibus precibusque susceptis, **323** præsentiam tuæ majestatis intersere, ut quod singuli obtulerunt ad honorem nominis tui, cunctis proficiat ad salutem.

Vere dignum et justum est, æquum et salutare. Omnipotentiam tuam jugiter implorantes, ut quibus annua celebritatis hujus vota multiplicas, plenam divini cultus gratiam largiaris; et per augmenta corporea profectum clementer tribuas animarum, quo ad incommutabile bonum per mutabilia dona veniamus, temporalique lætitiæ et gaudia sempiterna suc-

cedant : precantes, ut Jesus Christus Filius tuus Dominus noster sua nos gratia consequatur : et quia sine ipso nihil recte valemus efficere, ipsius semper munere capiamus, ut tibi placere possimus. Per quem Ma.

Post communionem.

Cælestis doni benedictione percepta, supplices te, Deus omnipotens, deprecamur, ut hoc idem et sacramenti causa sit, et salutis. Per Dominum.

Ad plebem.

Veniat, Domine, quæsumus, populo supplicanti tuæ benedictionis infusio, quæ diabolicas ab eodem repellat insidias, quæ fragilitatem mundet et protegat, quæ inopem sustentet et foveat...

XX. ITEM ALIA MISSA.

B Perpetua, quæsumus, Domine, pace custodi, quibus in te spem donasti, et tuæ pietatis in nobis propitius dona concede; et ut tuis, Domine, possimus inhærere servitiis, tu nos, quæsumus, ab omni pravitate defende. Per.

Exaudi nos, miserator et misericors Deus, et continentiae salutaris propitius nobis dona concede. Per.

Deus, cui nulla potest conscientia inculpabilis inveniri, concede nobis tuæ pietatis auxilium, ut ope tuæ miserationis adjuti, a peccatorum nostrorum nexibus liberemur. Per.

Præsta nobis, misericors Deus, ut placationem tuam promptis mentibus exoremus; et peccatorum veniam consequentes, a noxiis liberemur incursibus. Per.

Super oblata.

Suscipe, Domine, quæsumus, debitorum munera famulorum : et tuis donis purifica servientes pietate mysteriis, quibus etiam justificas innocentes. Per.

Alia.

Munera, Domine, tibi dicata, quæsumus, sanctifica, et per eadem nos placatus intende, et a cunctis nos reatibus et periculis propitiatus absolve, quos tanti mysterii tribuis esse consortes. Per.

Contestatio.

324 Vere dignum et justum est, æquum et salutare. Ut quia tui est operis, si quod tibi placitum est aut cogitamus aut agimus, tu nobis semper et intelligendi quæ recta sunt, et exsequendi tribuas facultatem. Ut non in nobis nostra malitia, sed indulgentiæ tuæ præveniat semper affectus, qui nos a noxiis voluptatibus indesinenter expediat, et a mundanis cladibus dignanter eripiat. Per quam Maje.

Post communionem.

Mysteria sancta nos, Domine, et sacrificis expleant alimentis, et corporalibus tueantur auxiliis. Per Dominum nostrum.

Item alia.

Da veniam, Domine, peccatis nostris, et medicinalibus sacrificiis expiatis ab omni pravitate defende. Per.

XXI. ITEM ALIA MISSA.

Post prophetiam.

Deus, qui nobis omnipotentiam tuam parcendo maxime et miserendo manifestas, multiplica super

nos gratiam tuam, ut ad tua promissa currentes, **A** gubernamur moderamine, ut adsit ei et in securitate caelestium bonorum facias esse consortes. Per.

Post precem.

Omnipotens sempiterne Deus, qui abundantia pietatis tuæ et merita supplicum excedis et vota, effunde super nos misericordiam tuam, ut dimittas quæ conscientia metuit, et adjicias quod oratio non præsumit. Per Dominum.

Ante nomina.

Omnipotens sempiterne Deus, adesto propitius invocationibus nostris : et quia sine te nihil potest mortalis infirmitas, præsta auxilium gratiæ tuæ, ut in exsequendis mandatis tuis, et voluntate tibi, et actione pariter placeamus. Per Dominum.

Creaturarum omnium auctor Deus et Domine, qui universa per cœternum tibi Filium, cooperante **B** sancto Spiritu, condidisti, da populis tuis scire quod præcipis, custodire quod præstas ; ut et tua inspiratione credaris, et nostra semper voce lauderis. Per Dominum.

Super oblata.

Deus, qui legalium differentias hostiarum unius sacrificii perfectionem sanxisti, accipe sacrificium a devotis tibi famulis, et pari benedictione, sicut munera Abel, sanctifica, ut quod singuli obtulerunt ad Majestatis tuæ honorem, cunctis proficiat ad salutem. Per Dom.

Suscipe munera, quæsumus, Domine, quæ tibi de tua largitate deferimus, ut hæc sacrosancta mysteria, gratiæ tuæ operante virtute, præsentis vitæ nos **C** conversatione sanctificent, et ad gaudia sempiterna perducant. Per Dom. nostrum Jesum Christum.

Vere dignum et justum est, æquum et salutare. Ut Filius tuus Jesus Christus, qui se usque in finem sæculi suis fidelibus **325** promisit adfuturum, et præsentis corporalis mysteriis non deserat quos redimit, et majestatis tuæ beneficiis non relinquat. Ut qui te auctore subsistimus, te dispensante, dirigamur : non nostris sensibus relinquamur, sed ad tuæ reducti semper tramitem veritatis, hæc studeamus exercere quæ præcipis, ut possimus dona percipere quæ promittis, per Dominum nostrum. Per quem laudant.

Post communionem.

Sumpti sacrificii perpetua nos tuitio non relinquat, et noxia semper a nobis cuncta depellat. **D** Sancta tua nos, Domine, quæsumus, et vivificando renovet, et renovando vivificent. Per Dominum.

Ad plebem.

Benedictio, Domine, quæsumus, in tuos fideles copiosa descendat ; et quam subjectis cordibus expetunt largiter consequantur : quoniam sicut superbis resistis, sic humilibus tuis gratiam benignus impendis. Per.

XXII. ITEM ALIA MISSA.

Post prophetiam.

Concede, quæsumus, omnipotens Deus, ut viam tuam devota mente currentes, subripientium delictorum laqueos evadamus. Per.

Post precem.

Ecclesiam tuam, Domine, quæsumus, perpetuo

gubernamur moderamine, ut adsit ei et in securitate cautela, et inter aspera fortitudo. Per Dominum nostrum.

Ante nomina.

Presta, quæsumus, omnipotens et misericors Deus, ut inter hujus vitæ caligines nec ignorantia fallente mergamur, nec præcipiti studeamus voluntate peccare ; sed quibus fiduciam sperandæ pietatis indulges, optatæ misericordiæ præsta benignus effectum.

Pateant aures misericordiæ tuæ, Domine, precibus supplicantium ; et ut petentibus desiderata concedas, fac tibi eos, quæsumus, placita postulare. Per Dominum.

Super oblata.

Deus, cui, omnium sacrificiorum varietate finita, hostiam nunc offerimus singularem, adesto votis tua inspiratione conceptis, ut in te sperantium et desideria jubeas perfici, et peccata deleri. Per Dominum.

Remotis obumbrationibus carnalium victimarum spiritalem tibi, summe Pater, hostiam supplici servitute deferimus, quæ miro ineffabilique mysterio et immolatur semper, et eadem semper offertur, pariterque et devotorum munus **326** et remunerantis est præmium. Per Dominum.

Quæsumus, Domine Deus noster, ut nostris desideriis expeditos, devotionem tibi nos liberam atque oblationem offerre concedas. Per Dominum nostrum Jesum Christum.

Vere dignum et justum est, æquum et salutare. Verbum tuum tibi per omnia cœteruum. Qui semetipsum exinanivit, formam servi accipiens, factus obediens usque ad mortem, mortem autem crucis, in qua pius sanguis in remissionem fusus est peccatorum. Venit enim animam suam dare redemptionem pro multis, redditurus utique perenne fidei præmium, pro quibus sustinuit crucis opprobrium. Bona quippe et mala erunt æterna, quæ dabit judicaturus, qui bona et mala temporalia contemni docuit judicatus. Non enim aliter natura delinquit humana, nisi aut amando quæ ipse contempsit, aut timendo quæ ipse sustinuit. Unde nos tua providentia regi, tua nos redemptos gratia gubernari, nullum est certius documentum ; quam ejus evidentia nascentis, patientia morientis, potentia resurgentis. Per Dominum.

XXIII. INCIPIT CANON ACTIONIS.

Sursum corda. *Resp.* Habemus ad Dominum. Gratias agamus Domino Deo nostro. Dignum et justum est.

Vere dignum et justum est, æquum et salutare est, nos tibi semper et ubique gratias agere, Domine sancte, Pater omnipotens, æterne Deus, per Christum Dominum nostrum. Per quem Majestatem tuam laudant angeli, adorant dominationes, tremunt potestates ; cæli cælorumque virtutes ac beata Syrafin socia exultatione concelebrant. Cum quibus et nostras voces ut admitti jubeas deprecamur, supplici confessione dicentes : Sanctus, Sanctus, Sanctus, Dominus Deus Sabaoth.

Te igitur, clementissime Pater, per Jesum Christum Filium tuum Dominum nostrum supplices ro-

gamus et petimus, uti accepta habeas et benedicas hæc dona, hæc munera, hæc sancta sacrificia inlibata : in primis quæ tibi offerimus pro tua sancta Ecclesia catholica ; quam pacificare, custodire, adunare et regere digneris toto orbe terrarum, una cum omnibus orthodoxis atque apostolicæ fidei cultoribus. Memento, Domine, **327** famulorum famularumque tuarum, et omnium circumstantium ; quorum tibi fides cognita est, et nota devotio : * qui tibi offerunt hoc sacrificium laudis pro se, suisque omnibus, pro redemptione animarum suarum, pro spe salutis et incolumitatis suæ ; tibi reddunt vota sua æterno Deo, vivo et vero. Communicantes sed et memoriam venerantes in primis gloriosæ semper virginis Mariæ genitricis Dei et Domini nostri Jesu Christi, sed et beatorum apostolorum ac martyrum tuorum Petri, Pauli, Andreæ, Jacobi, Johannis, Thomæ, Jacobi, Philippi, Bartholomæi, Matthæi, Simonis, et Tathæi, Lini, Anclæti, Clementis, Systi, Cornili, Cypriani, Laurenti, Crisogoni, Johannis et Pauli, Cosmæ et Damiani, Helarii, Martini, et omnium sanctorum tuorum, quorum meritis precibusque concedas ut in omnibus protectionis tuæ muniamur auxilio. Per Christum Dominum nostrum.

Hanc igitur oblationem servitutis nostræ, sed et cunctæ familiæ tuæ (quam tibi offerimus in honore Domni beati martyris tui ill. et pro peccatis atque offensionibus nostris ; ut omnium delictorum nostrorum remissionem consequi mereamur), quæsumus, Domine ut placatus suscipias, diesque nostros in tua pace disponas, atque ab æterna damnatione nos eripias, et in electorum tuorum jubeas grege numerari. Per Christum Dominum nostrum.

Quam oblationem tu Deus in omnibus, quæsumus, benedictam, ascriptam, ratam, rationabilem, acceptabilemque facere dignare, quæ nobis corpus et sanguis fiat dilectissimi Filii tui, Domini autem Dei nostri Jesu Christi. Qui pridie quam pateretur, accepit panem in sanctas ac venerabiles manus suas ; elevatis oculis suis ad cælum ad te Deum Patrem suum

A omnipotentem, tibi gratias egit ; benedixit, fregit ; dedit discipulis suis, dicens : Accipite et manducate : Hoc est enim corpus meum. Simili modo postquam cœnatum est, accepit et hunc præclarum calicem in sanctas et venerabiles manus suas ; item tibi gratias agens, benedixit, dedit discipulis suis, dicens : Accipite et bibite ex hoc omnes. Hic est enim calix sanguinis mei, novi et æterni Testamenti, mysterium fidei, qui pro vobis et pro multis effundetur in remissionem peccatorum. Hæc quotienscumque feceritis, in mei memoriam facietis. Inde et memores **328** sumus, Domine, nos tui servi, sed et plebs tua sancta, Christi Filii tui Domini nostri tam beatæ passionis, necnon et ab inferis resurrectionis, sed et in cælos gloriosæ ascensionis : offerimus præclaræ Majestati de tuis donis ac datis hostiam puram, hostiam sanctam, hostiam immaculatam, panem sanctum vitæ æternæ, et calicem salutis perpetuæ. Supra quæ propitio ac sereno vultu aspicere dignare, et accepta habere, sicuti accepta habere dignatus es munera pueri tui justî Abel, et sacrificium patriarchæ nostri Abrahæ, et quod tibi obtulit summus sacerdos tuus Melchisedech, sanctum sacrificium, immaculatam hostiam. Supplices te rogamus, et petimus, omnipotens Deus, jube perferri per manus sancti angeli tui in sublimi altari tuo, in conspectu divinæ Majestatis tuæ ; ut quotquot ex hoc altari sanctificationis sacrosanctum Filii tui corpus et sanguinem sumpserimus, omni benedictione cælesti et gratia repleamur. Per Christum Dominum nostrum.

C Memento etiam, Domine, et eorum (*Nomina*) qui nos præcesserunt cum signo fidei, et dormiunt in somno pacis. Ipsis, Domine, et omnibus in Christo quiescentibus locum refrigerii, lucis et pacis ut indulgeas deprecamur, per Christum Dominum nostrum. Nobis quoque peccatoribus famulis tuis, de multitudine miserationum tuarum sperantibus, partem aliquam et societatem donare digneris.

Cætera desunt.

* Deest hic, ut in multis aliis, quod nunc hoc loco inserimus, pro quibus tibi offerimus, vel qui tibi, etc.

VETUS

MISSALE GALLICANUM.

I. MISSA SANCTI GERMANI EPISCOPI.

329. Venerabilem diem atque sublimem, fratres carissimi, prompta devotione celebremus, misericordiam Domini nostri suppliciter exorantes, ut beatissimi Germani antistitis et confessoris sui, cujus exempla miramur, etsi æquari factis ejus non possumus, saltem vestigia sequi, et fidem nobis contingat imitari. Per Dom.

D

Collectio.

Gratias tibi agimus, omnipotens Deus, pro virtutibus beatissimi Germani antistitis tui : quas ei, Pater omnipotens, non immerito tribuisti, quia te apostolica confessione rebus omnibus plus amavit. Discussit a se divitias, ut paupertate spiritus cælorum regna conscenderet. Mansuetudinem tenuit, ut terram sui corporis spiritualiter possideret. Lugere delectatus est

in sæculo, ut cælestem consolationem ex muneris tui largitate perciperet. Justitiam esurivit adque sitivit, ut tuis saturaretur eloquiis. Eleemosynam jugiter fecit, ut indesinenter non tantum sibi, sed et ceteris pietatis tuæ misericordiam obtineret. Puritatem cordis habuit, ut te videret. Fidem servavit, ut filiis tuis fraterna se participatione conjungeret. Per ejus interventum precamur, qui illum hono. . . . plis. Per Dominum.

Collectio post nomina.

Auditus nominibus offerentum, indeficientem divinam clementiam deprecemur, ut has oblationes plebis, quas in honore beatissimi Germani antistitis et confessoris offerimus, . . . signatum diem hodiernæ solemnitatis celebremus cum inconcussa fidei libertate, quam ille constanti mente defendit : pre-

Oremus etiam et pro spiritibus carorum nostrorum (quorum idem omnipotens Deus et numerum novit et nomina), ut omnium memoriam faciat, omnium peccata dimittat. Per Dominum nostrum.

[Collectio ad pacem.]

330 Deus, pro cujus sacro nomene beatus Germanus antistes tuus desideravit pati persecutionem propter justitiam, ut etsi martyrium non perferret, fide tamen pertenderet; nec timeret odiis hominum et maledictionibus subiacere, dummodo mercedem copiosam consequeretur in cælo et ad illas beatitudines evangelicas perveniret; te per hujus interventum precamur, ut pacem quam, te jubente, dilexit in sæculo, perpetualiter Ecclesiæ possidendam tribuas in futuro. Per Dominum nostrum.

Contestatio.

Dignum et justum est. Vere æquum et justum est, nos tibi gratias agere, et pietati tuæ in honore summi sacerdotis tui Germani episcopi et confessoris gratias agere, laudes canere, vota persolvere, ejusque enarrare virtutes, quas ei, Domine Pater omnipotens, non immerito tribuisti, quia te apostolica confessione rebus omnibus plus amavit. Discussit a se divitias, ut paupertate spiritus cælorum regna consequeretur. Mansuetudinem tenuit, ut terrena sui corporis spiritaliter possideret. Lugere delectatus est in sæculo, ut cælestem consolationem ex muneris tui largitudine perciperet. Justitiam esurivit atque sitivit, ut tuis saturaretur eloquiis. Eleemosynam jugiter fecit, ut indesinenter non tantum sibi, sed et ceteris pietatis tuæ misericordiam obtineret. Puritatem cordis habuit, ut te videret. Pacem servavit, ut filiis tuis fraterna se participatione conjungeret. Desideravit pati persecutionem propter justitiam, ut si martyrium non perferebat, fide tamen pertenderet ad coronam : nec timuit omnium modis maledictionem subiacere, dummodo mercedem copiosam consequeretur in cælo. Dilexit te, Domine, ex toto corde et ex tota mente, et ex tota anima sua, et proximum suum tamquam seipsum; ut secundum quod in his duobus

* *Leges in Italia.* Infra, *Ianuis*, quid illud? an de Genua intelligendum, quæ urbs *Ianux* non raro ap-

mandatis universa lex et prophetæ pendebant, ad eas quas diximus evangelicas beatitudines perveniret. Et quia tu, Domine Jesu Christe, apostolis tuis dixeras ut, euntes per universum mundum, universæ creaturæ Evangelium prædicarent, et virtutes efficerent, hæc tuus devotissimus Germanus episcopus Tartarum, eorum vestigiis subsecutus, per totas Gallias, Roma, inectalia ^a, in Brettania annis triginta corpore adlictus, Januis jugiter in tuo nomine prædicavit; hæreses abstulit; adduxit populum ad plenam et integram **381** fidem; ejecit dæmones; mortuos suscitavit; ægris reddidit pristinam sanitatem; implevitque omnia signa, virtutes utique adeptus. Sic cœpit, ut cresceret; sic pugnavit, ut vinceret; sic consummavit, ut mortis tenebras præteriret, martyrii se conjungeret, stolam cum centesimo fructu perciperet, et vita hac peracta regnum inhabitaret æternum. Quod credentes, Deus Pater omnipotens, supplices exoramus, ut in ejus apud te patrociniis et intercessionibus pietati tuæ commendati, nos in omnibus tuam misericordiam consequamur, angelica te exultatione laudantes et dicentes : Sanctus, Sanctus, Sanctus.

Collectio post Sanctus.

Benedictus plane qui venit in nomine Domini; benedictus Deus Rex Israel, pax in terra, gloria in excelsis per Dominum nostrum Jesum Christum Filium tuum. Qui pridie quam pateretur.

Post secreta.

Descendat, precamur omnipotens Deus, super hæc, quæ tibi offerimus, Verbum tuum sanctum; descendat inæstimabilis gloriæ tuæ Spiritus; descendat antiquæ indulgentiæ tuæ donum; ut fiat oblatio nostra hostia spiritalis in odorem suavitatis accepta; etiam nos famulos tuos per sanguinem Christi tua manus dextera invicta custodiat. Per Dominum.

Collectio ante orationem Dominicam.

Agnosce, Domine, verba quæ præcepisti, ignosce præsumptioni quam imperasti : ignorantia est non nosse meritum; contumacia est non servare mandatum, quo dicere jubemur : Pater noster.

Collectio post orationem.

Libera nos a malis omnibus, auctor bonorum Deus, ab omni temptatione, ab omni scandalo, ab omni opere tenebrarum, et constitue nos in omni bono, et da pacem in diebus nostris, Auctor pacis et caritatis. Per Dominum nostrum Jesum Christum.

Collectio post Eucharistia.

Sumsimus ex sacris altaribus Christi Domini ac Dei nostri corpus et sanguinem... credentes unitatem beatæ Trinitatis oremus, ut semper nobis fide plenius, esurire detur ac sitire justitiam; sicque opus ejus, confortati salutaris escæ gratia, faciamus, ut non in iudicium, sed in remedium Sacramentum quod accepimus habeamus. Per Dominum nostrum Jesum Christum.

Collectio.

Aspice, Domine, qui et tuo vesci corpore, et tuum pellatur. Hoc vocabulum cardinalis Bona omisit, sicut et *Tartarum*, supra.

corpus effici vis fideles : fac nobis in remissionem **A** peccatorum esse quod sumpsimus; atque ita se animæ nostræ divina alimonia **332** per benedictionem tuam facta permisceat, ut caro spiritui subdita, et in consensum pacificum subjugata obtemperet, non repugnet per Spiritum sanctum, qui in unitate Patris et Filii coæternus vivit et regnat in sæcula sæculorum. Amen.

II. PRÆFATIO AD VIRGINEM BENEDICENDUM.

Faventes, dilectissimi fratres, his virtutibus, quas præstare paucorum est, Deum semper pudicitiae castitatisque custodem acceptis eidem precibus oremus, ut hanc famulam suam, omnibus sæculi inlecebris liberam carnalibus, ac spiritu integram, Regis æterni thalamo reservandam, addita cælestis **B** propositi virtute corroboret; et ad sexagesimum fructum, quæ propria devotione præsumit, addat sua libertate centesimum. Per Dominum.

Collectio ejusdem.

Omnium quidem laudum atque virtutum, sed præcipue castitatis adsertor, custos, auxiliator, effector, dicatæ tibi in sanctis corporibus pariter ac mentibus puritatis; qui virginitatem ideo plus intues et diligis, quia tibi origo virginitas; quique in hunc mundum natus ex Virgine, id in aliis probas, quod in matre elegisti; adque ideo aptissime tibi sponso vir **A**, sponsam virginem dedicamus. Tu, Domine, tribue hanc puellæ jam tuæ semper optabilem magno proposito perseverantiam, et contra multiformis inimici instantiam semper agitantis insidias indeflexam, **C** inexpugnabilemque constantiam; ut tibi debeat felicem consummationem, quæ jam ante habuit bonam voluntatem. Per Dominum.

III. PRÆFATIO VIDUALIS.

Deus rerum omnium, Deus noster, qui inter cetera documenta virtutum salutem nostram castitatis vigore reparasti, ut sancti Spiritus domicilium fieret pro viduitatis conservatione, atque ut isto figuretur exemplo, majestatis Verbum parituram fœcundatam, præsta ut hæc famula tua, quæ conscientiam suæ puritatis spondet, te custode adque rectore, conservata et inviolata permaneat; quia nostrorum nihil magnum est voluisse, quod te non fuerit custodiente perfectum. Per Dominum.

Benedictio vidualis.

Deus, qui Annam filiam Fanuelis **b**

Desunt hic folia.

333 Deus, qui creaturæ tuæ misereri potius eligis quam irasci, cordis nostri infirma considera, et tuæ nos gratia pietatis inlustra. Per Dominum.

IV. INCIPIT MISSA DE ADVENTU DOMINI NOSTRI JESU CHRISTI.

Excita potentiam tuam, Domine, et veni; et quod Ecclesiæ tuæ usque in finem sæculi promisisti, clementer operare. Per.

Legendum videtur, sponso virginum.

b Integra supra in Missali Francorum num. 11.

Collectio sequitur.

Excita, quæsumus, Domine, corda nostra ad præparandas Unigeniti tui vias, ut per ejus adventum purificatis tibi servire mentibus mereamur. Per.

Post nomina.

Placare, Domine, quæsumus, humilitatis nostræ precibus et hostiis; et ubi nulla suppetunt suffragia meritorum, tuæ nobis indulgentiæ succurre præsiidiis; et eorum nomina qui nos præcesserunt **c** cum signo fidei, et dormiunt in somno pacis, ipsis et omnibus in Christo quiescentibus locum refrigerii, lucis et pacis, ut indulgeas deprecamur. Per.

Collectio ad pacem.

Grata tibi sint, Domine, munera, quibus mysteria celebrantur nostræ libertatis et vitæ; et qui unitate **B** lætariis, tribue nobis fidem integram, pacem perpetuam, caritatem puram. Per.

Contestatio.

Vere dignum et justum est... Deus, cui proprium est ac singulare, quod bonus es, et nulla umquam a te es commutatione diversus. Propitiare supplicationibus nostris; et Ecclesiæ tuæ misericordiam tuam, quam confitentur, ostende, manifestans plebi tuæ Unigeniti tui mirabile Sacramentum; ut universitate nationum perficiatur, quod per verbi tui Evangelium promisisti; et habeat plenitudo adoptionis, quod prætulit testificatio veritatis. Per.

Post hæc, Hanc igitur obl.

Benedictio populi.

Da, quæsumus, omnipotens Deus, cunctæ familiæ tuæ hanc voluntatem in Christo Filio tuo, Domino nostro venienti in operibus justis aptos occurrere, ut ejus dexteræ sociati, regnum mereantur possidere cæleste. Quod ipse præst.

Collectio post communionem.

Animæ nostræ, quæsumus omnipotens Deus, hoc potiantur desiderio, ut a tuo Spiritu inflammentur; ut sicut lampades **334** divino munere satiati, ante conspectum venientis Christi Filii tui velut clara lumina fulgeamus. Per.

Collectio sequitur.

Repleti cibo spiritualis alimonie, supplices te deprecamur, omnipotens Deus, ut hujus participatione mysterii doceas nos terrena despicere, et amare cælestia; atque omni nexu mortiferæ cupiditatis **D** exutos, regno perpetuæ libertatis consortes efficias. Per Dominum nostrum.

V. ITEM MISSA DE ADVENTU DOMINI NOSTRI JESU CHRISTI.

Excita, quæsumus, Domine corda nostra ad præparandas Unigeniti tui vias, ut per ejus adventum purificatis tibi servire mentibus mereamur.

Collectio.

Conscientias nostras, quæsumus, omnipotens Deus cotidie visitando purifica, ut veniente Domino Filio tuo, paratam sibi in nobis inveniat mansionem. Per.

Collectio post nomina.

Fac nos, quæsumus, Domine Deus noster, pervi-

c Hæc verba in Canone Ordinis Romani seu Gregoriani.

giles adque sollicitos adventum expectare Christi Filii tui Domini nostri : ut dum venerit pulsans, non dormientes peccatis, sed vigilantes, et in suis inveniat laudibus exultantes; carisque nostris, quorum nomina recitata sunt, placita requies, segura expectatio, resurrectio desiderata contingat.

Ad pacem.

Sacrificium tibi, Domine, celebrandum placatus intende : quod et nos a vitiis nostræ conditionis emundet, et tuo nomini reddat acceptos, et communicatio presentis osculi perpetuæ proficiat caritati. Per Dominum.

Immolatio nunc.

Vere dignum et justum est nos tibi hic et ubique semper gratias agere, Domine sancte, Pater omnipotens, æterne Deus : cui proprium est veniam delictis impendere, quam pœnaliter imminire. Qui fabricam tui operis per eundem rursus Lapidem es dignatus erigere; ne imago, quæ ad similitudinem tui facta fuerat vivens, dissimilis haberetur ex morte, munus venialis indulgentiæ præstitisti, ut unde mortem peccato contraxerat, inde vitam pietas repararet immensa. Hæc postquam prophetica sæpius. vox prædixit, et Gabrihel angelus Mariæ jam præsentia nunciavit : mox Puellæ credentis in utero, fidelis Verbi mansit aspirata conceptio; et illa proles nascendi sub lege latuit, quæ cuncta suo nasci nutu concessit. Tumbatur Virginis sinus, et fecunditate suorum viscerum **335** corpus mirabatur intactum. Grande mundo spondebatur auxilium, feminæ partus sine viro mysterium, quando nullius maculæ nebula fuscata tenso nutriebat ventre præcordia, mox futura sui genitrix Genitoris. Per quem omnes angeli.

Collectio post Sanctus.

Vere sanctus, vere benedictus, Domine Deus Pater omnipotens, salus credentium, et omnium Redemptor in Christo. Per quem te deprecamur et quæsumus, ut hanc oblationem gratam adque acceptabilem suscipere, benedicere ac sanctificare digneris : quam tibi offerimus pro pace Ecclesiæ tuæ, pro sacerdotum tuorum et ministrorum omnium puritate, pro statu loci hujus adque omnium habitantium in eo, pro votis adstantium, et omnium commemoratione sanctorum, ac pro requie defunctorum, per ipsum Dominum nostrum. Qui pridie quam pro nostra et omnium salute pati dignaretur.

Collectio post secreta.

Descendat, precamur, omnipotens Deus, super hæc, quæ tibi offerimus, Verbum tuum sanctum; descendat inæstimabilis gloriæ tuæ Spiritus; descendat antiquæ indulgentiæ tuæ donum, ut fiat oblatio hæc Hostia spiritalis in odorem suavitatis accepta; etiam nos famulos tuos per sanguinem Christi tua manus invicta custodiat. Per Dominum.

Collectio ante orationem Dominicam.

Conscientiarum nostrarum errore suspecti, vel peccatorum recordatione confusi, omnipotens Deus, indignos nos ad invocationem tui nominis judicamus,

ut orationem, quam præcepisti, dicere audeamus; sed quia permittis, et dicimus : Pater noster.

Collectio post orationem Dominicam.

Libera^a nos ab omni malo omnipotens æterne Deus; et quia tibi soli est præstandi potestas, tribue ut hoc solemne sacrificium sanctificet corda nostra, dum creditur; deleat peccata, dum sumitur. Per Dom.

Collectio post communionem.

Gratia tua, Domine, quæsumus, populum supplicem benignus inlustra; et donorum tuorum largitate proseguere, ut a malis omnibus, te protegente, defensos, ad ineffabile mysterium spiritaliter celebrandum et mente præparetur et corpore. Per.

Collectio.

Sumptis muneribus, Domine, quæsumus ut cum frequentatione mysterii crescat nostræ salutis affectus. Per.

Benedictio populi.

Gregem tuum, Pastor bone, placatus intende, et oves, quas **336** pretioso sanguine Filii tui redemisti, diabolica non sinas incursione lacerari. Per.

Item benedictio.

Preces populi tui, quæsumus Domine, clementer exaudi; ut qui de adventu Unigeniti tui secundum carnem lætantur, in secundo, cum venerit in maiestate sua, præmium æternæ vitæ percipiant. Quod ipse præstare dignetur, qui vi.

VI. PRÆFATIO AD VESPERUM NATALIS DOMINI.

Deus, qui omnium mirabilium et virtutum pius es effector; qui omnia auxilia contra audaciam inimici ipse credentibus præstas; qui Sarram stelirem, Annam de successione tristantem, adque Helisabeth senectute propectam sanctorum hereditate dedisti, singulis præmium partus in successione restituens, ut Isaac admoveretur holocaustum, Samuhel clamaretur in templo, Johannes profetaret ex utero. Deus, qui excellentem gloriam novitatis ostendens, supra hanc magnitudinem quam donasti omnibus terrenis, et quod erat pretiosius præstasti, ut per Spiritum sanctum servi sponsa conciperet, et paritura Dominum suum virgo Maria portaret; et per eam Lumen sæculi natum, angelo nunciante pastoribus, sollicitudo cognoscit; offerendum eum in Jerusalem mater adducit; Symeon quoque in manu sua eum suscepit adque benedixit; et prolata in jejuniis Anna conlaudat; per cælestis exercitus præconium clamoris extollit, dicens : Gloria in excelsis Deo et in terra pax hominibus bonæ voluntatis. Et magis stella novi fulgoris innotuit mirum in nativitate mysterium, creaturæ Dominus adoratur; in munere aurum offertur; uno denique momento regnum, sacrificium, sepultura, adque omnia tempore suo ratione complentur; diverso apice litterarum in titulum dignitatis Pilatus obsequitur : et ipse pro nobis Hostia viva, ut nos salvaret offertur; per Joseph sepultura sancti corporis impetratur. Implentur ergo omnia; ac nos de plenitudine ejus impleti sumus, et accipimus gratiam

^a Eadem oratio in missa 75 Missalis Gothici, supra.

pro gratia. Implentur ergo omnia laudibus, cælum A et terra signis et prodigiis; et ipse inferni terroribus descendit. Per ipsum inimicus occiditur, resurrectio in carne monstratur, liber vitæ perennis aperitur. Veniamus ergo ad eum omnes, qui onerati sumus peccatis, quia jugum ejus sanctum, suave, adque onus ejus leve est. Nemo formidet vel dubitet. Non taurorum aut hircorum sanguis expetitur, sed in simplicitate **337** cordis sacrificium laudis postulatur. Hæc ergo Deus in nobis, ad nationes nationum celebratissimam noctem, id est Nativitatem Filii sui, propitiatus nobis indulgeat; sanctificet Ecclesiam; ædificet sacerdotes^a; exaltet seniores; inlustret levitas; benedicat populum suum; extinguat omnia peccata nostra; vitam æternam consequamur. Per.

Collectio nunc sequitur

Sublimem ineffabilis clementiæ Rectorem annuis supplicationibus in hac vespertina prece, fratres dilectissimi, unitis animis deprecemur, ut nobis transacti temporis hactenus debita donet, superventuræ noctis sollemnitatem Natalis Filii sui prosperam præstet, assiduam futuri anni^b custodiam reddat, ad æternæ vitæ gaudia spiritali defensione nos perducat orantes. Per Dominum.

Collectio sequitur.

Rege nos, Domine, brachio tuo excelso, et conserva nos per alternas dierum et temporum successiones; ut adjuti sanctorum precibus, qui diem hunc per munus misericordiæ tuæ duximus, noctem quoque istam placitam tibi animarum et corporum puritate ducamus. Per Dominum.

VII. INCIPIUNT ORATIONES AD INITIUM NOCTIS NATALIS DOMINI. ISTA AD DUODECIMA.

Dei Patris omnipotentis vivum Verbum te, Domine Jesu Christe, deprecamur æternum, uti nos in fide tui nominis robore per spei perseverantiam, et caritatis excellentiam; renovans nostra in melius desideria, ut semper in bono perseverantes, te pio sensu intelligere, et mundo corde videre possimus: qui ex utero ante luciferum paterno natus ineffabiliter, Deus de Deo, unus de uno, lumen de lumine de sempiterno Patre coæternus Filius. Cum quo semper et Spiritu sancto in splendoribus sanctorum sine principio et sine fine regnas et permanes in sæcula.

Collectio sequitur.

Mirabili iterum sacramento nobiscum Deus ab angelis Emmanuel nominatus, Filius hominis, hoc est Mariæ virginis, Jesus nasceris in salutem populi tui; in cujus numero nos esse pie Domine concedas Christe, cujus Natalis salutare mysterium celebrantes, in noctis hujus magnæ initio primitias precum acsi offerentes, rogamus tui nominis vim nascendo nobis quoque a **338** te donari, Salvator mundi. Qui vivis.

^a Sacerdotes, id est episcopos; seniores, id est presbyteros. Supra, in Missali Francorum, num. 8, ubi de ordinatione presbyteri, *probet se esse senio-*

rem.
^b Nimirum quia novus annus a die sequente, scilicet a Natali Domini, tunc incipiebat.

^c Scrutinii tertii pars est, quod fiebat olim quarta

VIII. ITEM ORATIO IN MEDIA NOCTE NATALIS DOMINI.

Te oramus, Domine sancte Pater omnipotens, æterne Deus, in hac nocte Natalis Filii tui; noctisque mediæ tempore tibi adsistentes, quæsumus, ut sicut separasti lucem a tenebris.

. Et hic desunt folia.

IX. AD FACIENDUM^c SCRUTINIUM.

. da illi misericordiam tuam et pietatem, per lavacri regenerationem, perduc eum ad gratiam spiritalem, ut nobiscum pariter tibi Domino Deo Patri omnipotenti laudes et gratias referat: induc eum in via veritatis, doce eum justificationes tuas. Per Dominum.

X. INCIPIT EXORCISMUS.

B Adgredior^d te, immundissime dammate spiritus, qui es inveterator malitiæ, materies criminum, origo peccati, qui fraudibus, sacrilegiis, stupris, cædibus gaudes. Te, invocato Domini nostri Jesu Christi nomine, in o..... mus et adjuramus per ejusdem majestatem adque virtutem, passionem ac resurrectionem, adventum adque judicium; ut in quacumque parte membrorum latitas, propria te confessione manifestes: exagitatusque spiritalibus flagris invisibilibusque tormentis, vas quod occupasse æstimas, fugias, expiatumque post habitationem tuam Domino derelinquas. Sufficiat quod prioribus sæculis per hominum corda pæne toto orbe dominatus es. Jam in dies singulos destruitur tuum regnum, tuaque cotidie usque in finem tela deficient. Jam pridem præfigurata sunt ista quæ pateris. Jam tu vastatus Ægyptiorum plagis, tu in Pharaone demersus, in Hierico destructus, in septem Chananæis gentibus stratus, per Sansonem in Allophylis subjugatus, truncatus in Golia per David, per Mardoceum in Aman suspensus, per Danihel in Belde jectus, in Dracone punitus, per Judith in Holopherne transfossus, per Dominum humanis imperiis subjugatus, per Paulum cæcatus in Mago, ustus in vipera, per Petrum in Simone disruptus, per omnes sanctos fugaris, torqueris, elideris, æternis ignibus et infernis tenebris deputatus. Unde hominem Dominus **339** noster Jesus Christus in Adam secundo dum de te triumphat, eximit. Abscede, abscede quocumque es, et corpora Deo dicata ne repetas. Interdicta sint tibi ista in perpetuo. In nomine Patris et Filii et Spiritus sancti, et in gloria dominicæ passionis, cujus cruore salvantur, cujus adventum expectant, judicium confitentur. Per, Dominum.

XI. INCIPIT^e EXPOSITIO VEL TRADITIO SYMBOLI.

Sermo et sacramentum totius Symboli, fratres dilectissimi, fides est Christiani hominis et vita: fides in præsentī, vita in futuro; fides in via, vita in

feria tertiæ hebdomadæ Quadragesimæ. Vide Ordinem Romanum.

^d Alia in Ordine Romano: *Audi, maledicte Satana*, etc.

^e In ordine Romano alia oratio, et præcedit hanc expositionem expositio Evangeliorum, quæ hic sequitur.

patria; fides in spe, vita in re; fides in prælio, vita in regno: fides in opere, vita in retributione. Ac sic qui fidem cum operibus habuerit in hoc sæculo, vitam æternam recipiet in futuro: et ideo statim in principio Symboli habet: *Credo in Deum*; et postea in conclusione Symboli: *Vitam æternam*. Sic ergo est Symbolum, dilectissimi, quasi pulcherrimum ædificium bene ceptum; cujus et firmissimum est fundamentum, et immortale fastigium, cum in principio habeat Deum, et in fine vitam æternam. Deus est fundamentum, et vita æterna fastigium. Fides, fratres carissimi, vitæ ostium, viæ principium, salutis est fundamentum. Qui divina mysteria intelligendo se magis capere æstimat quam credendo, sic facit, quomodo si aliquis, relicta via, petat devium, vel sine fundamento construat ædificium, vel per objectum parietem requirat ingressum. Adhibendum est itaque credulitatis salubre compendium, ubi imbecilla mens capere non potest cæleste secretum. Totum ergo credulitatis pectoris sinum ad vitalis carminis expandamus oraculum, quod ita incipit:

Credo in Deum Patrem omnipotentem, Creatorem cæli et terræ. Credo et in Jesum Christum, Filium ejus unigenitum sempiternum. Qui conceptus est de Spiritu sancto, natus est de Maria virgine. Passus est sub Pontio Pilato; crucifixus, mortuus et sepultus. Descendit ad inferna. Tertia die resurrexit a mortuis, ascendit ad cælos. Sedit ad dexteram Dei Patris omnipotentis. Inde venturus judicare vivos et mortuos. Credo in sanctum Spiritum; sanctam Ecclesiam catholicam, 340 sanctorum communionem; remissionem peccatorum; carnis resurrectionem; vitam æternam. Amen.

Symbolum, fratres carissimi, non in tabulis scribitur, sed in corde susceptum memoriter retinetur. Et ideo juvat iterare, quod numquam convenit oblivisci.

Credo in Deum Patrem omnipotentem. Sicut optime novit caritas vestra, carissimi, fides omnium Christianorum in Trinitate consistit; et ideo etiam tertium vobis textum Symboli repetimus, ut ipse numerus repetitionis, in signo conveniat Trinitatis. *Credo in Deum Patrem omnipotentem.* Symbolum, fratres carissimi, quod audistis, totum vos in auribus auditum convertite, ut semen verbi paratos sulcos inveniat, quibus salubriter insidens, et radices fortiter figere, et tempore retributionis uberes justitiæ fructus possit afferre. Sic ergo habet exordium Symboli: *Credo in Deum Patrem omnipotentem. Deum cum audis, substantiam intellige sine initio, sine fine. Patrem cum audis, Filii intellige Patrem.* Hoc ergo ipso nomine quod Deus Pater appellatur, cum Patre pariter subsistere etiam Filius demonstratur. Quomodo sane Deus Pater genuerit Filium, nolo discutias. Credendus est ergo Deus esse Pater unici Filii sui Domini nostri; non discutiendus. Neque enim fas est servo de natalibus Domini disputare. Contestatus est Pater de cælis dicens: Hic est Filius

meus dilectus, in quo mihi bene complacuit, ipsum audite. Pater ipsum esse dicit Filium suum, et ipsum audire jubet; quis est qui neget esse verum, quod veritas dicit? Sequitur.

Credo et in Jesum Christum Filium ejus unigenitum sempiternum. *Iesus* hebraici vocabuli nomen est, quod apud nos Salvator dicitur. *Christus* a chrismate, id est ab unctione appellatur. *Unigenitum*, inquit. Unicus est namque Patri Christus, ut splendor igni, ut forti virtus, ut sapientia sapienti.

Conceptus, inquit, *de Spiritu sancto*. Spiritus ergo sanctus refertur dominicæ carnis et templi creator. Incipe jam hinc intelligere etiam sancti Spiritus majestatem. Sic enim ait Evangelium: Spiritus sanctus superveniet in te, et virtus Altissimi obumbrabit tibi. Videte ergo cooperantem sibi invicem Trinitatem. Spiritus sanctus venire dicitur super Virginem; et virtus Altissimi, nisi ipse 341 Christus, qui est Dei Virtus et Dei Sapientia? Jam jam si jubetis, hæc quæ dicta sunt, caritati vestræ sufficiant; et die crastina, secundum sanctam consuetudinem vestram, per ministerium fratrum nostrorum ea quæ restant maturius audietis. Quod ipsi.

Natus, inquit, *de Maria virgine; conceptus est de Spiritu sancto; passus sub Pontio Pilato.* Requira-mus, dilectissimi, cur Symboli conditores necessarium judicarunt, ut ipsius etiam Pilati nomen insere-rent. Ideo utique, quia Antichristi multi futuri erant, ut nulla hæresis Christum alium esse diceret, cum unum utique esse constaret, quem sub Pilato passum Symbolum tradidisset. *Crucifixus, mortuus, et sepul-tus, tertia die resurrexit.* De manifesta et reprobata a multis Domini resurrectione licet evidentissime Evan-gelia testata sint, tamen etiam Apostolus prædicavit dicens resurrexisse ab inferis Salvatorem die tertia. (Si ea die qua mortuus est, vel nocte quæ secuta est, statim resurrexisset, vix eum aliqui crederent vere fuisse defunctum. Vides quia confirmatio mortis est dilatio resurrectionis; et e contrario mortis veritas rationis auctoritas est. Nisi enim quemquam prius ostenderis inclinatum, non convincis erectum; et e contra facile probabis in somno fuisse resolutum, cum docueris suscitatum.) Et quia visus est Cefæ, et post hæc illis undecim, deinde visus est plusquam quin-gentis fratribus simul. O miram Domini et inestimabilem pietatem! Parum ad confirmandum Ecclesiæ fidem existimavit, quod eum post resurrectionem omnes apostoli viderant, nisi videndum se etiam turbis adstantibus præbuisset. Sequitur autem in Symbolo:

Ascendit ad cælos; sedit ad dexteram Dei Patris omnipotentis. Non corporaliter hic Dei dextera ostenditur, dilectissimi, quia divina Majestas non secundum humanam speciem designatur sedere. Ideo ad dexteram Patris Filius dicitur, quia in eo nulla sinisteritas invenitur. Cum enim in Scripturis sacris semper quod dexterum est ad meliora, quod sinistrum ad deteriora pertineat, idcirco in Deo dextera, id est

* Supple, obumbrabit tibi. Quæ est virtus Altissimi, nisi, etc.

bona sunt; ubi sinistra, id est mala possumus suspi-
care.

Inde, inquit, venturus judicare vivos et mortuos.

Credo in sanctum Spiritum. Ad excludenda hæreticorum omnium calamitosa commenta, eodem verbo credulitatis quo in principio sui Symbolum Patrem honoravit et Filium, in conclusione textus sui nunc honorat Spiritum sanctum, cum ait : *Credo in sanctum Spiritum.* Ne inferioris ergo fortasse contumeliam **342** pateretur, jure eum sibi æqualiter vindicare et Deitatis ostendit plenitudinem, et Patris ac Filii dignitatem; quia in Trinitate divina non est quod majus minusve credendus sit, siquidem ubi unus major dicitur, deesse minor aliquis indicatur. In hac ergo ipsa Divinitate, si aliud majus quis, aliud minus adserat, ei ipse majestati contumeliam facit, quam **B** majorem putat : quia cum æqualis potestas ac dignitas Trinitatis sit, quidquid uni detrahitur, cunctæ procul dubio Deitati æqualiter derogatur.

Credo, inquit, sanctam Ecclesiam catholicam. Sanctorum communionem. Carnis resurrectionem. Vitam æternam. Amen. Æternam vitam bene in conclusione Symboli coaptavit, quia ipsius Symboli fides præmium est æternitatis. Ac per hoc ordo Symboli salutis ascensio est; quia si fideliter quisque ad summitatem illius venerit, certissime salutis æternæ cardinem possidebit, regnante Domino nostro Jesu Christo, cujus est honor et imperium per omnia sæcula sæculorum.

Collectio.

Exaudi, Domine, supplicationem familiæ tuæ, qui fidelium tuorum consortio desiderant sociari, ut in die sanctæ sollemnitatis, clementia tua donum baptismatis percipere mereantur. Per Dom. nostrum Jesum Christum.

XII. EXPOSITIO EVANGELIORUM IN AURIUM APERTIONE AD ELECTOS.

Apertur^a vobis, filii carissimi, Evangelia, id est gaudia divina, prius ordine insinuare debemus quid Evangelium, et unde descendat, et cujus in eo verba ponantur, et quare quatuor sint qui hæc gesta scripserunt; vel qui sunt ipsi hii quatuor qui divino Spiritu, adnunciante propheta, ante signati sint, ne forte sine hac ordinis ratione vel causa stuporem vobiscum in mentibus relinquamus. Et quia ad hoc **D** venistis ut aures vobis aperiantur, ne incipiat sensus vester obtundi, Evangelium dicitur proprie bona adnuntiatio. Quæ utique adnuntiatio est Jesu Christi Domini Dei nostri. Descendit autem Evangelium ab eo quod adnunciet et ostendat, quod is qui per prophetas suos loquebatur, venit in carne, sicut scriptum est : Qui loquebar, ecce adsum. Explicantes ergo breviter quid sit Evangelium, vel qui sunt hii quatuor, qui per prophetam ante monstrati sunt, nunc figuras adque nomina singulis adsignemus indiciiis. Ait enim propheta Hezechiel. Et similitudo vultus eorum ut facies hominis, ut facies leonis **343** a dextris illius; et facies vituli, et facies aquilæ a si-

nistris illius. Hii quatuor has figuras habentes, evangelistas esse non dubium est; sed nomina eorum, qui Evangelia scripserunt, hæc sunt, Matthæus, Marcus, Lucas, Johannes.

Post hæc legit diaconus initium Evangelii secundum Matthæum. Et postquam legerit, tractat presbyter his verbis.

Filii carissimi, ne diutius ergo vos teneamus, exponamus vobis quam rationem et quam figuram unusquisque in se contineat; et quare Matthæus in se figuram hominis habeat, quia initio suo nihil aliud agit, nisi nativitatem Salvatoris pleno ordine generationis enarrat. Sic enim cœpit : *Liber generationis Jesu Christi filii David, filii Abraham.* Videtis quia non immerito huic hominis adsignata persona est, **B** quando ab hominis nativitate initium comprehendit, nec immerito (ut diximus) huic mysterio adsignata est Matthæi persona. *Explecit secundum Matth.*

Incipit secundum Marcum.

Legit diaconus initium Evangelii secundum Marcum.

Exponit presbyter :

Marcus evangelista leonis gerens figuram, a solitudine incipit dicere : Vox clamantis in deserto : Parate viam Domini, scilicet quia regnat invictus. Hujus leonis multifaria invenimus exempla, ut non vacet dictum illud : Juda filius meus, catulus leonis, de germine mihi ascendisti : recubans dormisti ut leo, et sicut catulus leonis; quis excitabit eum?

Incipit secundum Lucam.

Legit diaconus initium Evangelii secundum Lucam.

C *Tractat presbyter :*

Lucas evangelista speciem vituli gestat, ad cujus instar Salvator noster est immolatus. Hic enim Christi Evangelium locuturus, sic cœpit de Zaccharia et Helisabet, de quibus Johannes Baptista in summa natus est senectute. Et ideo Lucas vitulo comparatur, quia duo cornua, duo Testamenta; et quatuor pedum angulas, et quatuor Evangelia quasi tenera infirmitate nascentia, in se plenissime continebat.

Item legit diaconus initium Evangelii secundum Johannem. Tractat presbyter his verbis :

Johannes habet similitudinem aquilæ, quod nimis alta petierit. Ait enim : *In principio erat Verbum; et Verbum erat apud Deum, et Deus erat Verbum. Hoc erat in principio apud Deum.* Et David ex persona Christi dicit : Renovabitur sicut aquilæ juvenus tua, id est Jesu Christi Domini nostri, qui resurgens a mortuis, ascendit in cælos; unde jam vobis conceptis regnans gloriatur Ecclesia, **344** omni festivitate votorum ad nova tendere Christianæ legis exordia; ut adveniente die venerabilis Paschæ, lavacro baptismatis renascentes, sicut sancti omnes mereamur fidele munus infantie a Christo Jesu Domino nostro percipere. Qui vivit et regnat Deus.

XIII. PREMISSIONES AD SCRUTAMEN.

Te, Domine, deprecamur et poscimus, ut hos famulos tuos firmiter stabilire digneris. Aperi eis totos aditus fidei, ut credulitatis possint muris includi; et

^a Exsta. in Ordine Romano, et quæ sequuntur, usque ad num. sequentem.

viam veritatis eis plenius revelare dignare, ut nesciant per semitas falsitatis errare. Agnoscant quæ sunt salutaria, ut possint vitare mortifera; et thesauros intelligant vitæ, ut noverint mortis foveam evitare; et residuum quod cum caligine habent, deponant, ut inlustrationem totius luminis sumant; nihil intra illos restet sæcularium macularum, ut digni sanctificatione baptismatis præparentur. Per Dom. nostrum.

Collectio sequitur

Christe Jesu, qui cunctis portas aperis, et viam salutis ostendis, venientes famulos tuos ad notitiam nominis tui libenter amplectere; ut hii divinæ legis initiis auspicati, te desiderant sensibus sequi, quem cœperunt sermonibus confiteri; et ab his plasmatibus tuis repelle diaboli incursantes insidias, ut ab omni loco, ab omni fraude dejectus, nec animæ umquam possit nocere, nec corpori; ut inimicus divinæ inscriptionis character agnoscens, quod esse jam cœpit tuum, a se fateatur alienum per signum crucis, quod numquam delebit impressum in sæcula sæculorum. Amen.

XIV. INCIPIT PRÆFATIO ORATIONIS DOMINICÆ.

Dominus ^a et Salvator noster discipulis suis petentibus quemadmodum orare deberent, non solum formam orationis concessit, verum etiam qua mente et puritate precarentur ostendit, ut in præsentī sacra hæc lectio demonstravit: Tu autem cum orabis, intra in cubiculum tuum; et clauso ostio, ora Patrem tuum. Cubiculum quod nominat, non occultam domum ostendit, sed cordis nostri secretum: id est ut malæ cogitationi pectus nostrum mystica fidei clave claudamus; ac labiis clausis, incorrupta mente Deo loquamur. Deus enim noster fidei, non vocis auditor est. Ergo unde sermo est, id est sapientia, Christus Dominus noster hanc orationem nos docuit, ut ita oremus:

345 *Pater noster, qui es in cælis.* Hæc libertatis vox est, et plena fiducia. Ergo his moribus est vivendum, ut et filii Dei, et fratres Christi esse possimus. Nam Patrem suum Deum qua temeritate dicere præsumit, qui ab ejus voluntate degenerat? unde vos dignos exhibete adoptione divina, quoniam scriptum est: Quotquot crediderunt in eum, dedit eis potestatem filios Dei fieri.

Sanctificetur nomen tuum. Non quod Deus nostris sanctificetur orationibus, qui semper est sanctus: sed petimus ut nomen ejus sanctificetur in nobis; ut qui in baptismo ejus sanctificamur, in id quod esse cœpimus perseveremus.

Adveniat regnum tuum. Deus namque noster quando non regnat, maxime cujus regnum est immortale? Sed cum dicimus: *Veniat regnum tuum*, nostrum regnum petimus advenire, a Deo nobis promissum, Christi sanguine et passione quæsitum.

Fiat voluntas tua, sicut in cælo et in terra. Id est in eo fiat voluntas tua ut quod tu vis in cælo, hoc nos in terra positi inreprehensibiliter faciamus.

^a Ita in Ordine Romano.

^b Id est in Dominica Palmarum, ut videmus in lib. II, et in Missali Gothico.

Panem nostrum quotidianum da nobis hodie. Hic spiritalem cibum intelligere debemus. Christus enim panis est noster, qui dixit: Ego sum panis vivus, qui de cælo descendi. Quem *cotidianum* dicens, ita nos semper immunes præcepit esse peccati, ut digni simus cælestibus alimentis.

Et dimitte nobis debita nostra, sicut et nos dimittimus debitoribus nostris. Hoc pactum est, significans, non nos aliter peccatorum posse veniam promereri, nisi prius nos in nobis delinquentibus aliis veniam relaxemus, sicut in Evangelio Dominus noster dicit: Nisi dimiseritis peccata hominibus, nec vobis Pater vester dimittet peccata.

Et ne nos inducas in tentationem. Id est ne nos patiaris induci ab eo qui tentat, pravitatis auctore. Nam dicit Scriptura: Deus enim intentator est malorum. Diabolus vero tentator est. Ad quem evincendum Dominus dixit: Vigilate et orate, ne intretis in tentationem.

Sed libera nos a malo. Hoc ideo ait, quia dixit Apostolus: Nescitis quid vobis oporteat orare. Unde Deus omnipotens ita a nobis orandus est, ut quicquid humana fragilitas cavere et vitare non prævalet, hoc ille propitius nobis conferre dignetur Jesus Christus Dominus noster, qui vivit et regnat cum Deo Patre omnipotente et Spiritu sancto per omnia sæcula sæculorum.

346 Patefactum vobis, dilectissimi nobis, Orationem et Symbolum catholicæ fidei cognovistis: nunc autem habetis magistros illum Primicerium, et Secundum ejus illum, qui vos edoceant nullo mutato sermone, sed ut audistis in præsentī. Potens est Dominus noster, ut vos qui ad fidem curritis, ad lavacrum aquæ regenerationis perducatur; et nos qui vobis mysterium fidei catholicæ una tradimus, vobiscum ad cælestia regna faciat pervenire, præstante Domino nostro Jesu Christo, cui est honor et imperium in sæcula sæculorum. Amen.

XV. MISSA IN SYMBOLI ^b TRADITIONE.

In geminas partes diem hunc excolendum completitur, Domine, nostræ servitutis famulatio, vel die jejunii cultu sacro, vel de insignibus tuis quæ hodie fulserunt mirabilibus: qua Lazarum reduxisti post Tartara, cum ad vocem intonantem exsilivisti; et quadriduani jam fætentis funus vivificans animasti; vel etiam causa miraculi obstupefacta plaudens turba Bettania accurrit cum palmis tibi obviam Regi. Exaudi nos in hoc geminato servitutis nostræ obsequio, et præsta propitiatus atque placatus, ut animæ nostræ, quæ tumulo sunt peccatorum conclusæ, et cicatricum morbidata corrupt ^c.

Desunt hic multa.

Pater ex alto clarificat; ad commune gaudium conculcitur plebs hominum; movetur et cælum. Ante cujus conspectum adstant angeli, et archangeli non cessant clamare, dicentes: Sanctus.

^c Quæ hic desunt, repete ex Missali Gothicogalliano num. 27, ubi eadem oratio.

Post secreta.

Aspice * sincero vultu, pie miserator, hæc munera, qui semper es propensus ad dona; ut ipsa contemplatione oblata sanctifices naturali majestate, qui perpetue sanctus es, et sancta largiris. Per Dominum nostrum Jesum Christum Filium tuum.

Collectio ante orationem.

Venerabilibus informati præceptis, incitati munere pietatis, qui Mariæ flentis lacrymas non spernis, Lazaro dignanter cognomentum fratris imponis, Ecclesiæ soboles appellas ore gratiæ coheredes, tibi supplices clamamus et dicimus : Pater noster.

Post orationem Dominicam.

Exerce, liberator, in nobis juris proprii facultatem, qui Lazarum virtute, Mariam pietate, Martham labore remuneras; favorem plebis excipis, et pacis voce concina gloriaris. Per Dom. nostrum.

Benedictio populi.

347 Perseveret in his, Domine, cæleste signaculum, quod in eis conferre dignatus es †; ut protecti Spiritu sancto, incrementum fidei, tutelamentum, sanitatem corporum consequi mereantur †.

Concede in his immaculatæ vitæ divitias, fidem rectam, pacem sinceram, patientiam sanctam, humilitatem religiosam, et conscientiam puram †. Prosperet eis sanitatis lætitia, plena incolumitatis gaudia, et inluminatione æterna †; ut sancte viventes, de hac humili terrenaque prosapia heredes cælestes in illo beatæ gloriæ regno cum electis angelis te hymno confessionis sine fine conlaudent. Per Dominum nostrum.

Præfatio post Eucharistiam.

Acceptis, fratres carissimi, spiritalibus cibis, et Christi cruore gustato, petamus ut possideat pectora, qui nostra ora dignatus est sanctificare per munera : ipse corporis nostri purget hospitium; totoque intrinsecus homine detergo, sanctificatis membris innovet spiritum sanctiorem.

Collectio.

Panis vitæ nostræ aspice, Deus : sis custodia corporum, sis salvificator animarum, ut pectora nostra tanto poculo ciboque firmata, inimica subdoli serpentis blandimenta non quatiant. Per Dom. nostrum Jesum Christum Filium.

XVI. † INCIPIT EXPOSITIO SYMBOLI.

Fratres dilectissimi, virtus est sacramenti inluminationis animæ; plenitudo est credendi in eo, qui docetur, ac discitur; et Unitas est Trinitatis, et Trinitas distincta personis, et opulencia Creatoris, et redemptio passionis. Hoc nexus infidelitatis absolvitur, hoc vitæ janua panditur, hoc gloria confessionis ostenditur. Symbolus, dilectissimi, brevis est verbis, sed magnus est sacramentis; parum ostendens imminutione latitudinis, sed totum continens compendio brevitatis: exiguus ut memoriam non obruat, diffusus ut intelligentiam supercedat; confirmans omnes perfectione credendi, desiderio confitendi,

* Hæc et duæ sequentes orationes ibidem.

A fiducia resurgendi. Digne ergo adtentiores et frequentiores pro ratione temporis ipsius, puriores ad audiendum Symbolum convenitis. Quicquid enim præformatum est in patriarchis, quicquid denunciatum est in Scripturis, quicquid prædicatum est in prophetis, vel de Deo ingenito, vel ex Deo in Deum nato, vel de Spiritu sancto (quamvis latenter ostensum sit) vel de suscipiendi hominis sacramento, vel de morte Domini, resurrectionisque **348** mysterio, totum hoc breve tantum juxta oraculum propheticum Symbolus in se continet, continendo et salutem nostram, conlationem fidei, et gratiam, professionem mysterii memoriæ instruens commendandam. Sed jam ad istius sacramenti plenitudinem textumque veniamus, quod in hoc modo incipit.

B Credo in Deum Patrem omnipotentem, Creatorem cæli et terræ: Et in Jesum Christum Filium ejus unicum, Dominum nostrum. Qui conceptus est de Spiritu sancto; natus ex Maria Virgine; passus sub Pontio Pilato; crucifixus, mortuus, et sepultus; tertia die resurrexit a mortuis; ascendit victor ad cælos; sedit ad dexteram Dei Patris omnipotentis; inde venturus judicare vivos et mortuos. Credo in sancto Spiritu, sancta Ecclesia catholica, sanctorum communionem, ac remissionem peccatorum, carnis resurrectionem, vitam æternam.

Symbolum istud, dilectissimi, non atramento depingitur, sed humanis cordibus insertum memoria retinetur. *¶* Credo.

C Iterato vobis repetimus, quo facilius eum tenere possitis. *¶* Credo.

Credo in Deum Patrem. Et quia lex nostræ fidei in Trinitate consistit, tertio repetimus, ut ipse numerus repetitionis cum signo veniat Trinitatis. *Credo in Deum Patrem.* Ergo in primo habet *Credo*. Vides quod Deus noster non vos jubet discutere judicia divina, sed credere; nec rationem requirere, sed fidem simpliciter et immobiliter adhibere. *In Deum Patrem.* Advertite quod dum Dei Patris nomen in confessione conjungit, ostendit quod non ante Deus esse cœperit, et postea Pater, sed sine ullo initio et Deus semper et Pater. Quia ergo semper fuit Pater, semper habuit Filium cujus Pater est. *Omnipotentem* vero ideo dixit, quia omnia potest; cuique nihil impossibile est : quia cælum, terram, mare, homines, adque omnia animalia, non aliquo operis actu aut artificio, sed solo creavit imperio. Et ideo non venit in cogitatione, quomodo hoc aut illud potuerit fieri, qui Omnipotentem precamur confiteri. *Creatorem cæli et terræ.* Hoc ait, quod superius dixit, quia omnia sola verbi potestate perficit.

Credo in Filium ejus. Advertite quomodo in Patrem, sic et in Filium sit credendum : et qui cum Patre

Desunt etiam hæc folia.

XVII. FERIA V IN CENA DOMINI.

.

349 gratiam utilitatis indulsit; et plenitudinem tuæ benedictionis adjecit. Per hunc ergo te, Domine, per quem omnes, licet indignorum, attamen credentium preces placabili aure exaudis, suppliciter oramus, ut huic, quod offerimus, unguento ex aromatis horti tui et paradisi tui flore perpetuo odorem suavitatis injicias; accumules insuper eam gratiam, eamque virtutem, qua quondam reges, sacerdotes, prophetas, cornu a dilectione tua exundante perfusos, plenus officiorum suorum dignitatibus induisti, ut cum exinde novam tibi familiam unxerimus, superveniens in eos, cooperatione Spiritus tui sancti, aura gratiæ cælestis adspiret; ut his quoque vere Christi tui et Filii tui, sancti Spiritus inlapsa virtute, efficiantur hujus semper nominis coheredes. Per Dominum nostrum Jesum.

Post Sanctus, Te igitur.

Communicantes, et diem sacratissimum celebrantes, quo traditus est Dominus noster Jesus Christus; sed et memoriam venerantes.

Hanc igitur oblationem, quam tibi offerimus ob diem jejunii Cœnæ Dominicæ, in qua Dominus noster Jesus Christus Filius tuus in novo Testamento sacrificandi ritum instituit, dum panem ac vinum (quæ Melchisedec in præfiguratione futuri mysterii sacerdos obtulerat) in sacramento [*Leg. sacramentum*] sui corporis et sanguinis transformavit, quæsumus, Domine, ut placatus accipias, diesque nostros.

Qui pridie quam pro omnium salute pateretur, hodierna die stans in medio discipulorum suorum, **C** accepit panem. *Et rel.*

Collectio ante orationem Dominicam.

Precamur nunc, Domine Deus, ut quemadmodum Filius tuus Dominus noster in illa gratiarum actione mortem nostram suscepturus auditus est, ita nunc et nos qui ipsum et vitam ejus quærimus, audiri mereamur in oratione, quam nos paterno alloquio orare docuit, dicens : Pater.

Post orationem.

Domine Deus omnipotens, libera nos a malo, et in tempore accepto salva nos; ut sicut in condemnatione tui perfidorum piaculum salus omnium fuit, sic pro misericordia communis gratiæ sit cultus iste credentibus. Quia tibi est gloria aput æternum Patrem, cum quo beatus vivis.

Benedictio ad populum.

Benedic, Domine, hanc familiam tuam, quam plasmare dignatus es ex cœno, et deinceps **350** vivificare per lavacrum : præsta, ut quos perdidit vita per gustum, mors reddidit per patibulum, merita glorificent per adventum†. Ut non in eis inveniat dolosus hostis per eos quod capiat, divina pietas quod repellat, ultrix flamma quod sæviat†. Sed cum terribile illud judicii tempus advenerit, tuba erocentur ad cælum, meritis ducantur ad præmium, palmam accipiant post triumphum. Quod præst.

Post communionem.

Acceptis*, carissimi, spiritualibus cibis, et Christi

* Hæc et sequens oratio exstat supra, num. 14.

A cruore gustato, petamus ut possideat pectora, qui nostra ora dignatus est; ipse corporis nostri purget ostium; totoque intrinsecus homine deterso, sanctificatis membris innovet spiritum sanctiorem. Per.

Collectio sequitur.

Panis vitæ nostræ aspice, Deus : sis custodia corporum, sis salvificator animarum; ut pectora nostra tanto poculo ciboque firmata, inimica subdoli serpentis blandimenta non quatiunt. Per Dominum.

XVIII. INCIPIT ORATIO IN VI FERIA.

Eadem vero die non salutat, non psallit. Legitur Lectio Osee. Resp. Domine audivi. Item alia : Mensis iste principium. Cantat :

Deus a quo et Judas reatus sui proditor pœnam, et confessionis suæ latro præmium sumpsit, concede nobis piæ petitionis effectum; ut sicut in Passione sua Jesus Christus Dominus noster diversa utrisque intulit stipendia meritorum, ita, a nobis ablato vetustatis errore, et resurrectionis suæ gratiam largiatur. Per.

Item post lectionem Evangelii orationes sollemnes.

Oremus, dilectissimi nobis, in primis pro Ecclesia sancta Dei; ut eam Deus et Dominus noster pacificare, multiplicare et custodire dignetur toto orbe terrarum, subjiciens ei principatus et potestates, detque nobis tranquillam et quietam vitam degentibus glorificare Deum Patrem omnipotentem. Per.

Oremus.

Omnipotens sempiterne Deus, qui gloriam tuam omnibus in Christo gentibus revelasti, custodi opera misericordiæ tuæ, ut Ecclesia toto orbe diffusa, stabili fide in confessionem tui nominis perseveret. Per Dominum nostrum.

351 Oremus et pro beatissimo papa nostro, ut Deus omnipotens, qui elegit eum in ordine episcopatus, salvum et incolumem custodiat Ecclesiæ sanctæ ad regendum populum sanctum Dei.

Oremus.

Omnipotens sempiterne Deus, cujus æterno judicio universa fundantur, respice propitius ad preces nostras, et electum nobis antistitem tua pietate conserva; ut Christiana plebs, quæ tali gubernatur auctore, sub tanto pontifice credulitatis suæ meritis augeatur. Per.

D Oremus et pro omnibus episcopis, presbyteris, diaconibus, acolytis, exorcistis, lectoribus, ostiariis, confessoribus, virginibus, viduis, et pro omni populo sancto Dei.

Oremus.

Omnipotens sempiterne Deus, cujus Spiritu totum corpus Ecclesiæ sanctificatur et regitur, exaudi nos pro universis ordinibus supplicantes, ut gratiæ tuæ munere ab omnibus tibi gradibus fideliter serviantur. Per Dominum.

Oremus et pro Christianissimis regibus, ut Deus et Dominus noster subditas illis faciat omnes barbaras nationes ad nostram perpetuam pacem. Per.

Oremus.

Omnipotens sempiterne Deus, in cujus manu sunt

omnium temporum potestates, et omnia jura regnorum, respice propitius ad Romanum benignus imperium, ut gentes quæ in sua feritate confidunt, potentiæ tuæ dextera compremantur.

Oremus et pro catechumenis nostris; ut Deus et Dominus noster adaperiat aures præcordiorum ipsorum, januaque misericordiæ, ut per lavacrum regenerationis accepta remissione omnium peccatorum, et ipsi inveniantur in Christo Jesu Domino nostro.

Oremus.

Omnipotens sempiterne Deus, qui Ecclesiam tuam nova semper prole fecundas, auge fidem et intellectum catechumenis nostris, ut renati fonte baptismatis, adoptionis tuæ filiis adgregentur. Per Dominum.

Oremus, dilectissimi nobis, Deum Patrem omnipotentem, ut cunctis mundum purget erroribus, morbos auferat, famem depellat, aperiat carceres, vincla dissolvat; peregrinantibus reditum, infirmantibus sanitatem, navigantibus portum salutis indulgeat.

Oremus.

Omnipotens et misericors Deus, mœstorum consolatio laborantium fortitudo, perveniant ad te preces de quacumque tribulatione clamantium, ut omnes sibi in necessitatibus suis misericordiam tuam gaudeant adfuisse. Per Dominum.

352 Oremus pro hæreticis et schismaticis; ut Deus ac Dominus noster eruat eos ab erroribus universis, et ad sanctam matrem Ecclesiam catholicam atque apostolicam revocare dignetur. Per Dominum.

Oremus.

Omnipotens sempiterne Deus, qui salvos omnes, et neminem vis perire, respice ad animas diabolica fraude deceptas; ut omni hæretica pravitate deposita resipiscant, et ad veritatis tuæ redeant firmitatem. Per.

Oremus et pro perfidis Judæis, ut Deus et Dominus noster auferat velamen de cordibus eorum, ut et ipsi cognoscant Jesum Christum Dominum nostrum. Qui vivit et reg.

Oremus.

Omnipotens sempiterne Deus, qui etiam Judaicam perfidiam tua misericordia non repellis, exaudi preces nostras, quas pro illius populi obcæcatione defleximus; ut agnita veritatis tuæ luce, quæ Christus est, a suis tenebris eruantur. Per.

Oremus et pro paganis, ut Deus omnipotens auferat iniqua de cordibus eorum; et relictis idolis suis, convertantur ad Deum verum, et unicum Filium ejus Jesum Christum, cum quo vivit et regnat cum Spiritu sancto in sæcula sæculorum.

Oremus.

Omnipotens sempiterne Deus, qui non mortem peccatorum, sed vitam semper inquiris, suscipe propitius orationem nostram; et libera eos ab idolorum cultura, et adgrega Ecclesiæ tuæ sanctæ ad

laudem et gloriam nominis tui. Per Dominum nostrum Jesum Christum Filium tuum, qui vivit et regnat in sæcula sæculorum.

XIX. ITEM ORATIONES* IN COENA DOMINI, SIVE IN BIDUANA.

Da nobis, Domine, perpetuæ benedictionis munus accipere, pro quibus Unigenitus tuus sputis inlitus, palmas accepit et colaphos. Per.

Collectio sequitur.

Respice, Domine, propitius super hanc familiam tuam, pro qua Dominus noster Jesus Christus non dubitavit manibus tradi nocentum et crucis subire tormentum. Per.

Item alia.

Deus, qui pro redemptione nostra accepisti sanguinem Jesu Christi, solve opera diaboli, et omnes laqueos disrumpe peccati, ut creaturam regenerationis nulla polluant contagia vetustatis.

XX. ITEM ORATIONES IN BIDUANA.

Oratio ad Secunda incipit.

353 Commemorantes, carissimi, Dominicæ traditionis horam, qua sicut ovis ad occisionem ductus, et sicut agnus tonsus mansuetudine os suum non aperiens, ad crucem quam pro nobis ascendit voluntarius ducebatur, et oblatus est, quia ipse voluit, animas nostras Christo Domino Deo pio commendamus, nostra peccata Agno immaculato (quodammodo figuræ tangentes hostiæ caput) illo favente (quod sui pace dictum sit) imponamus, ut nostras iniquitates, quas ille non habuit, portet et perdat. Qui cum Patre vivit, dominatur et regnat.

Item oratio ad Tertia.

O pia Dei vivi Sapientia, o tu vivum æterni Patris Dei sempiternum Verbum, sempiternaque Virtus, quia et sempiterna nativitas; qui sempiterni Patris sempiternus Filius Dei es et Deus; extra quem nihil, et per quem omne; in quo quod est constat; qui es Deus super nos, et homo propter nos; pro nobis enim quod nos esse voluisti; da nobis quod promisisti, da nobis, indignis licet, quod omnibus communiter obtulisti, passionem scilicet tuam, nostram esse libertatem, et tuam mortem nostram esse vitam, et tuam crucem, nostram esse redemptionem, et tuum vulnus nostram esse sanitatem; ut tecum crucifixi, tuo dono sursum exaltemur ad Patrem tuum. Cum quo beatus vivis et regnas in.

Oratio ad Sexta.

Christe Deus, Adonæ magne, nos tecum quasi huic mundo crucifige, ut vita tua in nobis sit; nostraque peccata super te pone, ut ea crucifigas; nos quoque ad te ipsum trahe, cum pro nobis exaltatus es a terra, ut nos eripias ab adultero tyranno: quia licet carne et vitiis diabolo noxii sumus, tibi tamen, non illi, optamus servire; et sub tuo jure vivere desideramus, et a te gubernari rogamus, qui nos mortales et a morte invasos per mortem crucis liberare voluisti. Pro quo singulari beneficio hodierna tibi nostra famulatur devotio; teque nunc hodie supplices

* Eædem orationes in Gothico ad feriam 6.

adoramus, imploramus, invocamus, ut ad nos properes, virtus æterna Deus: quod nobis proficiat tua crux, triumphans scilicet de mundo in nobis per crucis virtutem; atque tua pietas nobis illud antiquum restituat beneficium, virtutem scilicet, et gratiam: qui per potentiam futura præterita, per præsentiam facis similiter præterita præsentia, redde, ut nobis tua passio **354** sic salutaris sit, quasi præsens et hodierna; et sic nobis hodie illa gutta sancti sanguinis tui super terram olim de cruce stillantis sit salus, ut omnia terræ nostræ delicta lavans, et corporis nostri humo quodammodo immixta, nos de terra tuos efficiat, nos quoque tibi quasi corpus idem reconciliati Capiti. Qui regnas cum Patre semper et Spiritu sancto, nunc nobis regnare incipe, Homo Deus Christe Jesu, Rex in sæcula sæculorum.

Oratio ad Nona.

O salutaris hora passionis! o magna maximarum gratiarum! Nona hodierna, maxima horarum hora. Hac nunc tu, noster dilecte Sponse, osculare de cruce, licet post crucis trophæum. Osculare, precamur: salutare tuum impertire nobis, triumphator mirabilis, auriga supreme. Deus pie, gloriosissime propugnator. Avete, valete, invalescite et viriliter agite, confortamini dicito, loquere cordibus nostris, inspector Christe. An qui olim hæc fecisti, nunc eadem non potes facere? Potes utique, potes; quia omnipotens es: potes, amantissime, potes facere, quod nos non possumus cogitare; quia nihil tibi impossibile est, Deus omnipotens. Jesu osculare, quæso, dilectissime (qui triumphans regressus es ad Patrem, cum quo semper eras et permanes unus), quia osculum tuum dulce est; et ubera tua vino dulciora, fragrantia optimis unguentis; et nomen tuum super oleum, quem adolescentulæ dilexerunt, quem recti diligunt, quos trahis post te, cujus lectus floridus, cujus trophæum, crux. Qui hac hora rubens de Edom de cruce, tinctis vestibibus de Bosra, solus quasi calcator magni illius torcularis ad cælos ascendisti; cui occurrunt angeli, archangeli, dicentes: Quis est iste, qui ascendit tinctis vestibibus de Bosra? Quibus te interrogantibus: Quare ergo rubrum est vestimentum tuum? respondisti: Torcular calcavi solus, et vir de gentibus non fuit mecum. Vere, Salvator, vere rubrum est tuum propter nos corpus, **D** rubrum est sanguine uvæ. Lavasti enim in vino stolum tuam, et pallium tuum in sanguine uvæ, qui es Deus solus; crucifixus pro nobis, quos antiqua prævaricatio morti tradidit; cujus vulnere omnium innumera peccatorum vulnera sanata sunt. Et nos, pie Crucifixe Christe, cum tuis redime, salva, pia bonitas Deus. Qui regnas cum Patre et Spiritu sancto unus in æternum et in sæcula sæculorum.

XXI. ORATIONES POST LECTIONES SABBATI.

355 Deum omnipotentem, Patrem et Filium et Spiritum sanctum, universitatis unum creatorem, in hac magna Matutina Sabbati, Dominici scilicet corporis requie, fratres carissimi, supplices deprecemur; ut qui Adam de profundis infernalis limi mise-

A ricorditer eripuit, nos ejus Filius de luto fæcis hujus, cui inhæsimus, sola misericordia tantum clamantes eruat. Clamamus namque et oramus, ne urgeat inferni puteus super nos os suum; eruti de luto peccati, ne infigamur. Per.

Collectio sequitur.

Domine Christe Jesu, Deus pie, exaudi nos et præsta, precamur, quæ corde rogamus: et hoc rogamus, ut tibi placeamus, tibi hæreamus sine fine; ut semper tibi gratias agamus, qui tu, Domine, redemisti nos in æternam vitam de æterna morte. Qui descendisti in lacum, ut ex inferis victos educeres, descende nunc quoque, precamur, visceribus tuæ pietatis, ut ex vinculis peccatorum, quibus unusquisque constringitur, nos absolvas. Per.

B

Item oratio in Sabbato requiei dominici corporis.

Succumbente Agno nostra pro salute, Agno figurato diu, demum eodem vincente letum, illo et Leone Juda veriore, antea tempus captivæ reditus fideliter Adamæ, fratres carissimi, expectemus prædæ; ut compilatis inferi spoliis, cujus mortem commemoravimus, eodem pietatis cultu illius cum suis regressum ex mortuis celebrare, illo favente, tempore possimus redeunte.

Collectio sequitur.

Christe Jesu, cælorum conditor, Deus, pro tua crucifixe creatura, ineffabili pietatis sacramento nos quoque tuis redime, precamur, jussis: Salvator custodi nos, parvulorum, Domine, custos tuorum; **C** quo tibi semper placentes, tuo et per te Patri ac una sancto Spiritui gratias agere perseveremus. Qui tecum vivit et regnat.

Item oratio ad Sexta die Sabbato.

Hac hora auspicatur obrui ferrugine Titan senante profunda nonatenus parente tuito stipitis in summo Hebræis nequaquam suspendi flammivovam sui hiare olim non ferens rimam, conspectansque nefas; quo versa vice orbi medetur per eum qui Patri convivit regnatque ante mundi ortum et in sæcula sæculorum.

Oratio in Sabbato hora Nona.

O Domine, Pater omnipotens, qui Adam novum ex persona veteris Adam clamantem, quasi ex **356** inferis et abyssi, profundisque laci, liberum tamen solum inter mortuos, pro sua exaudisti reverentia, exaudi nos, precamur, per ipsum; ut quasi consulti cum Jesu Filio tuo, sua vita resuscitati, in hac suæ superveniente sanctæ resurrectionis nocte, magnæ sollemnitatis gratia, suo dono, tuo quoque bono, et Spiritus sancti consilio et mysterio mereamur absolvi. Per eum qui tecum.

Collectio sequitur.

Christe, fave desideriis et precibus nostris, et præsta prosperam hanc supervenientem sanctæ Paschæ noctem, in qua tecum resurgentes de morte, transire mereamur ad vitam Salvator mundi. Qui vivis.

XXII. INCIPIT ORATIO IN VESPERA PASCHÆ.

Domini gratia * per aquam et sanctum Spiritum renati, et per multiplicem paternæ dilectionis provisionem innumeris laqueis abstracti, hujus divinæ dignationis auctorem Dominum incenso vespertinæ precis sacrificio, et in cælesti patina per spiritum erecto, et igne illo, quem ipse in nobis accendi desiderat, sollemniter assato, precariis affectibus, fratres carissimi, deprecemur; ut totius vitæ crimina, et cotidiani erroris maculas, et humanæ fragilitatis debita, in annis septimanæ dierum quadraginta, ac sepulti corporis sui Sabbato nobis concedat; nos quoque in numero veri Israelis Ægypto egredi faciat; et inimicis percussis, in una Ecclesia catholicæ domus, Pascha Domini celebrantes, Agni immaculati sanguine corporum nostrorum postibus aspersis, in istius noctis venerabilis sollemnitate, vastatura mundum morte, defendat, orantibus nobis. Per.

Collectio sequitur.

Christe Jesu, in vespera mundi vespertinum sacrificium per crucem effectum, dignare nos nova corpori tuo fore sepulchra. Qui cum æterno Patre vivis et regnas.

Oratio ad duodecima b.

Auctorem lucis, principem luminis, inspectorem cordis, credentium redemptorem, fratres dilectissimi, cunctis confessionibus veneremur; ut vergente die, vocis rugitus exandiat, et superveniente caligine noctis, nos luminis sui splendore inlustret; ne sit in nobis ulla tentandi vexandique occasio tenebrarum: sit noster defensor, qui est veræ lucis indultor; ut semper simus in lumine ejus, qui Christum Dominum gloriamur auctorem. Per eum qui secum.

Collectio sequitur.

357 Rege nos, Domine, per alternas temporum vices, et conserva nos per dispares dierum ac noctium successiones; ut adjuti sanctorum tuorum precibus, qui diem hunc per munus misericordiæ tuæ duximus, noctem quoque istam placita tibi animarum et corporum puritate ducamus. Per.

Præfatio cere incipit.

Omnipotentem Deum, fratres dilectissimi, suppliciter deprecemur; ut vinculis peccatorum nostrorum in noctis istius sollemnitate disruptis, procedamus in voce exultationis et confessionis, sonus epulantis. Accensis luminaribus ad inluminationem nostram, et candoris fidei fulgore rutilantes, alter alterius quoque animam inluminet, sicut discipuli Domini nostri Jesu Christi: quia ipse in hac nocte vita et resurrectione infernum inluminavit, et portas æreas penetravit, et vectes ferreos confregit; et mors devicta est in victoria; et antiqua sententia damnavit eam, ut nos de perpetua morte liberaret. Per.

Collectio sequitur.

Non est similis tibi in diis, Domine, et non est secundum opera tua, qui per magnam misericordiam tuam salvasti nos a descendantibus in lacum. Rex

* Hæc oratio cum tribus subsequentibus habetur in Missali Gothico, supra, pag. 240.

b Hæc oratio in Missali Gothico inscribitur: Præ-

A gloriæ, introitu tuo inferni fauces inluminasti, stupentibus inferis: quia solus inter mortuos liber a recurso tuo per eandem noctem Protoplasto ut spolia revocasti, per quem tibi nunc, Domine, omnes sancti gratias agunt, et in perpetuo exaltant nomen tuum. Qui cum æt.

XXIII. INCIPIT BENEDICTIO CERÆ BEATI AUGUSTINI EPI-SCOPI, QUAM ADHUC DIACONUS CUM ESSET, EDIDIT ET CECINIT FELICITER.

Exultet jam angelica turba cælorum; exultent divina mysteria, et pro tanti Regis victoria tuba intonet salutaris. Gaudeat se tantis illius inradita fulgoribus; et æterni Regis splendore illustrata, totius orbis se sentiat amisisse caliginem. Lætetur et mater Ecclesia, tanti luminis adornata fulgore; et magnis populorum vocibus hæc aula resultet. Quapropter adstantibus vobis, fratres carissimi, ad tam miram sancti hujus luminis claritatem, una mecum, quæso, Dei omnipotentis misericordiam invocate; ut qui me non meis meritis intra levitarum numerum dignatus est adgregare, ut luminis sui gratia infundente, cerei hujus laudem implere præcipiat.

Sursum corda. Gra.

Contestatio nunc.

Dignum et justum est. Vere quia dignum et justum est invisibilem Deum omnipotentem Patrem, Filiumque Unigenitum **358** Dominum nostrum Jesum Christum toto cordis ac mentis affectu et vocis mysterio personare. Qui pro nobis æterno Patri Adæ debitum solvit, et veteris piaculi cautionem pio cruore deterisit. Hæc sunt enim festa Paschalia, in quibus verus ille Agnus occiditur, ejusque sanguis postibus consecratur; in qua primum patres nostros filios Israel educens de Ægypto, Rubrum mare sicco vestigio transire fecisti. Hæc igitur nox est, in qua peccatorum tenebras columnæ inluminatione purgavit. Hæc nox est quæ hodie per universum mundum in Christo credentes, a vitiis sæculi segregatos et caligine peccatorum, reddit gratiæ, sociat sanctitati. Hæc nox est in qua, destructis vinculis mortis, Christus ab inferis victor ascendit. Nihil enim nobis nasci profuit, nisi redimi profuisset. O mira circa nos tuæ pietatis dignatio! o inæstimabilis dilectio caritatis, ut servum redimeres, Filium tradidisti! O certe necessarium Adæ peccatum nostrum, quod Christi morte deletum est! o felix culpa, quæ talem ac tantum meruit habere Redemptorem? O beata nox, quæ sola meruit scire tempus et horam in qua Christus ab inferis resurrexit! Hæc nox est de qua scriptum est: Et nox ut dies inluminabitur; et: Nox inluminatio in deliciis meis. Hujus igitur sanctificatio noctis fugat scelera, culpas lavat, et reddit innocentiam lapsis, mæstis lætitiā: fugat odia, concordiam parat, et curvat imperia. In hujus igitur noctis gratia suscipe, sancte Pater, incensi hujus sacrificium vespertinum, quod tibi in hac cerei oblatione sollemni per ministrorum

fatio ad initium noctis Paschæ.

* Sic in Missali Gothico; aliis, paschalia.

tuorum manus de operibus apum sacrosancta reddit Ecclesia. Sed jam columnæ hujus præconia novimus, quam in honore Dei rutilans ignis accendit; qui licet divisus in partes, mutuati luminis detrimenta non novit, Alitur liquantibus ceris, quam in substantia pretiosæ hujus lampadis apis mater eduxit. Apis ceteris quæ subjecta sunt homini animantibus antecellit: cum sit nimia corporis parvitate, ingentes animos angusto versat in pectore: viribus imbecilla sed fortis ingenio. Hæc, explorata temporum vice, cum canitiem pruinosa hyberna posuerint, et glaciale senium verni temporis moderata detererint, statim prodeundi ad laborem cura succedit, dispersæque per agros, libratis paululum pinnibus, cruribus suspensis insedunt: parte ore legere flosculos, oneratæ victualibus suis, ad castra remeant; ibique aliæ inæstimabili **359** arte cellulas tenaci glutino instruunt; aliæ liquantia mella stipant; aliæ vertunt flores in ceram; aliæ ore natos fingunt; aliæ collectis e foliis nectar includunt. O vere beata et mirabilis apis! cujus nec sexum masculi violant, fetus non quassant, nec filii destruunt castitatem: sicut sancta concepit virgo Maria, virgo peperit, et virgo permansit. O vere beata nox, quæ expoliavit Ægyptios, ditavit Hebræos! nox in qua terrenis cælestia junguntur. Oramus te, Domine, ut cereus iste in honore nominis tui consecratus, ad noctis hujus caliginem destruendam indeficiens perseveret; in odorem suavitatis acceptus, supernis luminaribus misceatur. Flammas ejus Lucifer matutinus inveniatur; ille, inquam, Lucifer, qui nescit occasum; ille qui regressus ab inferis, humano generi serenus inluxit. Precamur ergo te, Domine, ut nos famulos tuos, omnem clerum, et devotissimum populum, quiete temporum concessa, in his paschalibus conservare digneris. Per.

Collectio sequitur.

Sancte Domine, omnipotens Deus, qui ad nostram contemplationem tenebrarum hæc in mundi hujus obscuro luminaria micare jussisti, præsta ut dum ad illum æternitatis diem et Unigeniti tui properamus occursum ad hanc interim, quam tenebris nostris præparasti, lucernam, dum nox ista transcurritur, sine peccatorum offendiculo ambulemus. Per Dominum nostrum.

Collectio post hymnum cerei.

Deus templum ignis æterni, Deus veræ lucis habitaculum, Deus sedes perpetuæ caritatis, vota tibi, Domine, sollemnia diei consummationis et noctis inchoationis celebramus; ac luminibus altaris tui incensis, corporalium lumen offerentes, ut famulis tuis verum ac perenne lumen largiaris oramus. Per.

XXIV. INCIPIUNT ORATIONES IN VIGILIA PASCHÆ PRO SOLLEMNITATE SANCTA.

Inter prima celebrandæ sanctæ Paschæ sollemnia votorum contestatione et gratiarum actione sumamus exordium; ut passum et immolatum pro nobis Christum credentes, sacris mysteriis fidem concinentibus exultationis plausibus præferamus; ac per ipsum,

A inque ipsum nostræ sit deprecationis ascensio, manente in eo et cum eodem divinitatis gloria. Per.

Collectio sequitur.

Respice, Domine, Ecclesiam tuam quæ admirabile nomen tuum toto terrarum orbe concelebrat, et super populum **360** tuum vultum tuæ pietatis inlucina. Per.

Pro Ecclesiæ unitate.

Deum Patrem, carissimi fratres, uno spiritu deprecemur, ut omnes fidei catholicæ vinculis inligati, unum sentiamus in Christo.

Collectio sequitur.

Deus, qui unus et verus es, te supplices deprecamur, ut in omnibus placita tibi semper fides catholica perseveret. Per Dominum nostrum.

Pro sacerdotibus et omni clero.

B Deum nostrum, carissimi fratres supplices deprecemur; ut sacerdotes suos, quos ceremoniæ religione devinxit, sacri mysterii compotes præstet, omnemque clerum citra culpam alicujus maculæ jubeat permanere. Per Dominum.

Collectio sequitur.

Supplicantibus domus tuæ sacerdotibus ac ministris, Deus omnium dignitatum, perpetim gratiam benignus infunde. Præst. sal.

Pro regibus et pace.

Apicem omnium potestatum et supereminentem dominationem Dominum deprecemur, ut regum nostrorum exercitum ita sua virtute conroboret; ut per eosdem gentibus subditis vel fugatis, Deo vivo jugiter serviamus. Per Dominum nostrum.

Collectio sequitur.

C Respice famulos tuos, Domine, quibus orbis regimen, et rerum habenas dedisti, et præsta ut tua virtute muniti, populum tuum summa felicitate defendant; ut pace nobis ubique concessa, tibi diebus ac noctibus serviamus.

Pro virginibus.

Unum Virginis Filium deprecemur, ut omnibus castitatis amore flagrantibus perseverantiæ palmas impertiat. Per Dominum.

Collectio sequitur.

Sancte, omnipotens Deus, eam virginitatis cultoribus gloriam tribue, quam Virgo mater obtinuit. Qui cum Patre.

D

Pro viduis et orphanis.

Deum, necessitatum omnium consideratorem, Dominum postulemus, ut viduis orphanisque clementiæ suæ more subveniat. Per.

Collectio sequitur.

Religiosa viduitate potientes, adque orbatu parvuli, nullo se præsidio destitutos, te Domine adjuvante, nunc sentiant.

Pro ægrotantibus.

Medicinæ cælestis auctorem Dominum, fratres carissimi, ea qua competit supplicatione rogemus, ut actus animorum nostrorum, corporumque languores virtutis suæ verbo sanare dignetur. Per.

Collectio sequitur.

391 Infirma ægitudine laborantibus, omnino-

tens, æterne Deus, paterna miseratione succurre. Per.

Pro captivis, vel qui in carceribus detinentur.

Deum, qui mæstas clades dissolvit, unanimiter deprecemur, ut omnes captivitatis jugo depressos, et in carcerum septa detrusos, pius semper misericordiæ largitor absolvat. Per.

Collectio.

Deus omnium laborantium insigne præsidium, libera carcere clausos, atque captivos, eos præsertim qui opem tuæ pietatis implorant.

Pro peregrinantibus.

Habitatorem cæli, inspectoremque omnium regionum, Dominum pro peregrinantibus unanimiter deprecemur, ut eis pro suæ pietatis clementia maturum reditum largiatur. Per.

Collectio.

Salvatorem omnium, qui es via et veritas et vita, itinerantibus angelorum ducem, quæsumus, pius Pater, adtribue. Per.

Pro elemosynis largitore.

Auctorem boni operis, et fidelissimum retributorem, Dominum deprecemur, ut omnes qui plenas indigentibus manus aperiunt, et hic multiplicatum sui operis fructum capiant, et in futurum gloriam consequantur æternam. Per.

Collectio.

Respice, Domine, eorum viscera benedictione cælesti, qui te pauperum pastu reficiunt. Per.

Pro pœnitentibus.

Summæ pietatis Dominum, qui non vult mortem morientium dummodo renascantur et vivant, pro pœnitentibus Dominum deprecemur, ut indulta suorum..., remissionis suæ plenitudinem largiatur. Per.

Collectio sequitur.

Tribue, Domine, munere fontis exutis ut fidelis pœnitentiæ præmiis iterum glorientur. Per.

Pro neophytis.

Pro negligentibus tardisque Domini nostri cultoribus, id est neophytis, Dominum deprecemur, ut eis desiderium beatæ et perpetuæ regenerationis infundat.

Collectio.

Deus, qui semper bona facis invenire quærentes, præsta ut eorum rudimenta tyronum mercedem consummati operis consequantur. Per Dominum.

Pro competentibus.

Dominum majestatis oremus, ut cervi more fonte jam proximo sitiennes, mox ad cælestis palmæ lauream consequantur. Per.

Collectio.

Sitiunt ad te Deum vivum **362** tuorum, Domine, corda famulorum; suscipe cupientes sæculo mori, ut tibi, Domine, renascantur; da præsentem petentibus gratiam, vitam credulis daturus æternam. Per.

XXV. OPUS AD BAPTIZANDUM.

Præfatio antequam exorcidiatur*.

Autorem ac reparatorem nostrum omnipotentem,

* Ita passim infra, *exorcidio*, etc.

A fratres carissimi, qui ornamenta naturæ amissa per culpam dignatus est reparare per gratiam, sub reve-
rendo mysterii præsentis officio suppliciter exore-
mus, ut aquis his virtutem transfundat, in animas
benedictiones infundat, et ad peragendum sacratis-
simæ regenerationis effectum præsentia trinæ Maje-
statis adsistat: confringat et conterat super has aquas
caput draconis; ut sub undis fecibus transactione se-
creta chirographum pristinum evacuetur, et debito-
ribus cum Christo per baptismum consepultis, ita
hic agatur mortis imitatio, ut salvatis perditis sola
se sentiat in terris perditione. Per D.

Collectio sequitur.

Omnipotens sempiternæ Deus, adesto magnæ pie-
tatis tuæ mysteriis, adesto sacramentis; et ad crean-
dos novos populos, quos tibi fons baptismatis partu-
rit, spiritum adoptionis emitte, ut quod nostræ hu-
militatis gerendum est ministerio, tuæ virtutis com-
pleatur effectus. Per Dominum.

Exorcismus aquæ fontis.

Exorcizo te, fons aquæ perennis; per Deum san-
ctum, et Deum verum, qui te in principio ab arida
separavit, et in quatuor fluminibus terram rigare
præcepit. Sis aqua sancta, aqua benedicta, abluens
sordes, et dimittens peccata: in illius te nomine
exorcidio qui dedit discipulis suis novum sacramen-
tum dicens: *Ite in gentibus, baptizantes eos in no-
mine Patris et Filii et Spiritus sancti. Fiat nunc, Do-
mine, aqua sancta exorcidiata ad expiandos filios
Dei. Per Patrem et Filium ejus Jesum Christum
Dom. nostrum qui venturus est cum Spiritu sancto
judicare mundum per ignem.*

Præfatio ad benedicendum fontes.

Dominum immortalium munerum et salutarium
gratiarum, fratres dilectissimi, concordi mente et
humili oratione poscimus; ut per Verbum, Sapien-
tiam, et Virtutem suam Dominum nostrum Jesum
Christum Filium suum, concurrenti ad baptismum
salutarem plebi suæ gratiam novæ regenerationis
indulgeat; atque accessus hinc penitus malignæ con-
tagionis avertens, **363** infundat vitali lavacro Spi-
ritum suum sanctum; ut dum sitiens fidem populus
aquis salutaris ingreditur; vere (ut scriptum est)
per aquam et Spiritum sanctum renascatur; et con-
sepultus in lavacro Redemptori suo, in similitudi-
nem sacri divinique mysterii, cui conmoritur per
baptismum, eidem conresurgat in regno. Per.

Benedictio fontis.

Benedic, Domine, hanc aquam salutaris, et san-
ctifica eam, omnipotens Trinitas, qui humanum ge-
nus formare creareque jussisti; quique etiam dedisti
nobis per tui baptismatis mysterium gratiam rena-
scendi, respice propitius super istius aquæ creaturam
religionis mysterio procuratam, spiritalem tuam
benedictionem perfunde, ut sit eis, qui in ea bap-
tizandi sunt, fons aquæ salutaris in remissione vete-
rum criminum (te, Domine, largiente) in vitam
æternam. Per D.

Contestatio fontis.

Dignum et justum est. Vere æquum et justum est nos tibi gratias agere, Domine Deus æterne, qui solus habes immortalitatem; eamque ne solus possideas, nobis quoque renovata ætate tribuisti; qui humano generi amissam per transgressionem pristinae originis dignitatem reformare in melius tam pretioso quam felici baptismatis munere voluisti. Adsiste, quæsumus, ad invocationem nominis tui: sanctifica fontem hunc, sanctificator generis humani; fiat locus iste dignus, in quem Spiritus sanctus influat; sepeliatur hic illic Adam vetus, resurgat novus; moriatur omne quod carnis est, resurgat omne quod spiritus; exuantur sordentes vitiiis, et discissis criminibus, amictus splendoris et immortalitatis indumenta sumantur. Quicumque in Christo baptizabuntur, induant Christum. Quicumque hic renunciaverint diabolo, da eis triumphare de mundo. Qui te in hoc loco invocaverit, tu eum cognoscas in regno. Sic in hoc fonte extinguantur crimina, ne resurgant; sic invalescat aquæ istius beneficium, ut æterni ignis restinguat incendium. Mitte fontis altaribus tuis, quos altaria regnis tuis mittant. Totus hic horror mortis intereat. Quicumque hic tuus esse cœperit, tuus esse non desinat. Quicumque hic se sibi negaverit, te lucrificiat; et per ministerium nostrum et mysterium tuum consecratus tibi populus, æternis ad te præmiis consecratur. Per Dominum nostrum Jesum Christum.

Postea facis tres cruces super aquam de chrismo, et dicis:

Deus, ad quem sitientes animæ, bibendique immortalitatis amore festinant, da eis famulis tuis supplicantibus invenire munus **364** quod cupiunt, adipisci gratiam quam merentur; ingrediantur fontem regenerationis auctorem, in quo letiferam illam primi parentis offensam, mutata in novum hominem caducæ carnis fragilitate, deponant. Per Dom.

Interrogatio: Quis dicitur? *℟.* Illi.

Abrenuncias Satanæ, pompis sæculi, et voluptatibus ejus? *℟.* Abrenuncio.

Credis Patrem et Filium et Spiritum sanctum unius esse virtutis? *℟.* Credo.

Dicis. Credis Patrem et Filium et Spiritum sanctum ejusdem esse potestatis? *℟.* Credo.

Credis Patrem et Filium et Spiritum sanctum triinæ veritatis [*Forsan, unitatis*], una manente substantia, Deum esse perfectum? *℟.* Credo.

Dicis. Baptizo te? *℟.* Bap.

Baptizo te credentem in nomine Patris et Filii et Spiritus sancti, ut habeas vitam æternam in sæcula sæculorum.

Infusio chrismæ.

Deus, Pater Domini nostri Jesu Christi, qui te regeneravit ex aqua et Spiritu sancto, quique tibi dedit remissionem peccatorum, ipse te lenit chrismate suo sancto, ut habeas vitam æternam in sæcula sæculorum.

* De hoc ritu vide notata in Missali Gothico, num. 35.

A

Ad pedes ^a lavandos.

Dominus et Salvator noster Jesus Christus apostolis suis pedes lavit; ego tibi pedes lavo, ut et tu facias hospitibus et peregrinis qui ad te venerint. Hoc si feceris, habebis vitam æternam in sæcula sæculorum. Amen.

Post baptismum.

Deus, ad quem scubias ^b veteris homines infundit, et depositas novellæ sobolis propago descendit, dum in novam æternampue substantiam salutaribus aquis eluimur et nascimur, conserva in nos tui laticis purum liquorem, ut nequam superinduere maculas non valeat inimicus; nec auferatur Pater a filiis, nec Patri subtrahatur hereditas.

XXVI. MISSA IN VIGILIA PASCHÆ.

Prefatio.

Omnipotens sempiterne Deus, qui hanc sacratissimam noctem per universa mundi spatia gloria dominicæ Resurrectionis inlustras, conserva in nova familiæ tuæ progenie sanctificationis Spiritum, quem dedisti, ut corpore et mente renovati, puram tibi animam et purum pectus semper exhibeant. Per Dom.

Collectio.

Deus, qui hanc sacratissimam noctem gloriosæ dominicæ resurrectionis inlustras, concede populo tuo, originalis delicti **365** errore mundato, post sacratissimum fontem terram tuæ promissionis intrare, ut dulcia Sacramentorum tuorum alimenta percipiant.

Collectio post nomina.

Auditis nominibus offerentium, fratres dilectissimi, omnipotentem Deum supplicemus, sicut super hanc oblationem cælestem gratiam suam divini illius odoris infundat, quam in commemoratione dominicæ resurrectionis offerimus; ut acceptio benedicti corporis et sacri poculi prælibata communio defunctis opuletur ad requiem, viventibus proficiat ad salutem.

Collectio ad pacem.

Suscipe, Domine, preces populi tui cum oblationibus hostiarum, ut Paschalibus initiata mysteriis, ad æternitatis nobis medelam, te operante, proficiant; ut in nobis hoc recipientibus holocaustum, pacem quam in labiis proferimus, in intimis teneamus visceribus. Per Dom.

Contestatio nunc.

Vere dignum et justum est, te quidem omni tempore, sed in hac potissimum nocte gloriosius prædicare, cum Pascha nostrum immolatus est Christus. Ipse enim verus est Agnus qui abstulit peccata mundi. Qui mortem nostram moriendo destruxit et vitam resurgendo reparavit. Propterea, profusis paschalibus gaudiis, totus in orbe terrarum mundus exultat; sed et supernæ virtutes atque angelicæ concinunt potestates hymnum gloriæ tuæ, sine fine dicentes: Sanctus, Sanctus, Sanctus Dominus.

^b Sic legendum videtur: *Deus, ad quem scabie veteris hominis in fonte deposita, etc.*

Benedictio populi.

Benedic, Domine, populo isti, quem liberavit effusio sanguinis, ne damnaret conditio servitutis. Quibus mortis tuæ vita redditur, numquam inimici hostis decipulis includantur; et quos dignatus es redimere per justitiam, nequaquam prædo perfidus obtineat per ruinam. Permaneat in eis secundæ prærogativa naturæ per baptismum, quam perdiderat primi hominis præsumptio per delictum. Fulgere semper faciat vivi fontis unda quos abluit, protegat cælestis gratia quos redimit. Et sicut in diebus Dominicis mysterium divinum excolitur, ita in omnium pectoribus splendor tui luminis conservetur. Quod præstare dignetur, qui cum æt.

Collectio post communionem.

Impleatur in nobis, quæsumus, Domine, Sacramenti paschalis sancta libatio, nosque de terrenis affectibus ad cæleste transferat institutum. Per.

Collectio sequitur.

Exuberet, quæsumus, Domine, mentibus nostris paschalis gratia Sacramenti, ut donis suis ipsa nos dignos efficiat.

XXVII. INCIPIT MISSA IN DIE SANCTO PASCHÆ.

Præfatio.

366 Deus, qui per Unigenitum tuum æternitatis nobis aditum, devicta morte, reserasti, da nobis. quæsumus, ut qui Resurrectionis dominicæ sollemnia colimus, per innovationem tui Spiritus a morte animæ resurgamus. Per.

Collectio sequitur.

Deus, qui nos Resurrectionis dominicæ annua sollemnitate lætificas, concede propitius ut per temporalia festa quæ agimus pervenire ad gaudia æterna mereamur. Per Dominum.

Collectio post nomina.

Quæsumus, Domine, jam non teneamur obnoxii damnationis humanæ sententiæ, cujus nos vinculis hæc Hostia paschalis absolvit.

Collectio ad pacem.

Omnipotens sempiterne Deus, qui resurgens a mortuis, passione cassata, potentior te tuis discipulis reddidisti, concede propitius ut nos quoque Majestati tuæ hoc paschale sacrificium in bonis operibus efficiat promptiores, et gratiam tuæ pietatis adquirat.

Contestatio nunc.

Vere dignum et justum est, te quidem omni tempore, sed in hoc præcipue die, quo tua Resurrectio celebratur, omni festivitate laudare, benedicere et prædicare quod Pascha nostrum immolatus est Christus. Per quem potestas diabolica cecidit, tartarea inferni sunt vincula resoluta, chirographum est antiquæ prævaricationis extinctum, aculeus mortis obtrit; nos quoque de servitutis iugo dominationis Ægyptiæ per spirituales aquas educens, triumphans resurrexit in gloriam, et libertati nos, misericordiæ tuæ munere, donavit. Per quem Majestatem tuam.

Benedictio populi.

Deus, qui chirographum quo tenebamur obnoxii pretiosi sanguinis effusione delesti, omnium in te sperantium precibus annue, cunctorum necessitatibus

A propitiatus adsisce; ut præsidio tuæ pietatis adjuti, et præsentia possint vitare discrimina, et ad æternam pervenire coronam. Quod præstare dignetur.

Post communionem.

Concede, quæsumus, omnipotens Deus, ut paschalis perfectio Sacramenti mentibus nostris continua perseveret. Per Dominum.

Collectio sequitur.

Digni nos tui nominis, quæsumus, Domine, famulos tuos salutaris cibus et sacer potus instituat, et renovationibus conditionis humanæ, quam mysterio continet, **367** in nostris jugiter sensibus operetur. Per Dominum.

XXVIII. MISSA PASCHALIS.

Præfatio.

B Deus, qui paschalium nobis remedia contulisti, populum tuum cælesti dono proseguere, ut inde post in perpetuum gaudeat, unde nunc temporaliter exultat. Per Dominum.

Collectio sequitur.

Deus, qui omnes in Christo renatos genus regium et sacerdotale fecisti, da nobis et velle et posse quod præcipis, ut populo tuo ad æternitatem vocato una sit fides cordium, et pietas actionum. Per Dominum.

Collectio post nomina.

Sacrificia, Domine, paschalibus gaudiis immolamus, quibus Ecclesia tua mirabiliter et renascitur et nutritur. Per Dom.

Collectio ad pacem.

C Paschales hostias immolantes, quæsumus, Domine, ut quod frequentamus actu, comprehendamus affectu. Per Dominum.

Contestatio.

Vere dignum et justum est, te quidem omni tempore, sed in hoc præcipue, Domine, die laudare, benedicere, et prædicare, quod Pascha nostrum immolatus est Christus. Per quem in æternam vitam filii lucis oriuntur, fidelibus regni cælestis atria reserantur, et beate legis commercio divinis humana mutantur, quia nostrorum omnium Vita resurrexit Quem in susceptione mortalitatis Deum majestatis agnoscimus, et in divinitatis gloria Deum et hominem conflitemur. Qui mortem nostram moriendo destruxit, et vitam resurgendo restituit Jesus Christus. Per Dominum nostrum.

Benedictio populi.

Præsta, Domine, quæsumus, famulis tuis tales fieri tuæ gratiæ largitate, ut bona tua et fiducialiter implorent, et sine difficultate sumant. Da eis, Domine, regnum tuum justitiamque semper inquirere, ut quibus indigere eos perspicis, clementer facias abundare. Tribue, quæsumus, ut piis sectando quæ tua sunt, universa illis salutaria condonentur. Quod ipse.

Post communionem.

Adesto, Domine, quæsumus, nostræ redemptionis effectibus, ut quos sacramentis æternitatis instituis, iisdem protegas dignanter aptandos. Per Dominum.

Collectio sequitur.

Purifica, Domine, quæsumus, mentes nostras benignus, et renova celestibus sacramentis, ut consequenter et corporum præsens pariter et futurum capiamus auxilium. Per.

XXIX. ITEM MISSA III FERIA PASCHALIS.

Præfatio.

368 Deus, qui multiplicas Ecclesiam tuam sobole renascentium, facias eam gaudere propitius de suorum profectibus filiorum. Per Dominum.

Item alia.

Deus, qui nostram lætitiā in tuo... præsta timorem, ut in tuis vigilantes mandatis, placere tibi possimus. Per Dominum.

Collectio nunc.

Præsta, quæsumus, omnipotens Deus, ut quos **B** aqua suscepit ad abluendos, et regenerandos muniat et renatos.

Collectio super munera.

Suscipe, Domine, munera nomini tuo oblata, quæ in Filii tui Resurrectione triumphantis in gloria, universalis, ejus quæsitā sanguine, offert Ecclesia.

Immolatio.

Dignum et justum est nos tibi gratias agere, omnipotens sempiterne Deus, per Jesum Christum Filium tuum, Dominum nostrum. Per quem humanum genus vivificans, Pascha etiam per Moysen et Aaron famulos tuos agni immolatione jussisti celebrare : consequentibus temporibus usque ad adventum Domini nostri Jesu Christi (qui sicut ad victimam ductus est) eandem consuetudinem in memoria observare præcepisti. Ipse est Agnus immaculatus qui prioris populi prima Pascha in Ægypto fuerat immolatus. Ipse est Aries in vertice montis excelsi de vepre prolatus, sacrificio destinatus. Ipse est Vitulus saginatus qui in tabernaculo patris nostri Abraham propter hospites est victimatus. Cujus passionem et resurrectionem celebramus, cujus adventum speramus. Et ideo cum angelis et archangelis non cessamus clamare dicentes : Sanctus, Sanctus, Sanctus.

Benedictio populi.

Benedic, omnipotens sempiterne Deus, hanc familiam tuam benedictione perpetua, qui vitam humani generis, pro nobis Filio tuo moriente, salvasti; præsta ut in hac populi tui devotione fructus proveniat gaudiorum. Quod.

Collectio post communionem.

Immortalitatis alimoniam consecuti, quæsumus, Domine, ut quod ore percepimus mente sectemur. Per Dominum.

Collectio sequitur.

Repleamur, Domine, gratia muneris sacri, ut quæ gustu corporeo dulcia venerati contingimus, dulciora mentibus sentiamus. Per eum.

XXX. MISSA PASCHALIS IV FERIA.

369 Deus, qui populum tuum sacro Jordane flumine transacto, terram tuæ fecisti promissionis intrare, concede, quæsumus, ut et nos quoque Majestatis tuæ revelato mysterio, divina semper beneficia sentiamus. Per Dominum.

A

Oratio sequens.

Annue nobis, quæsumus, Domine, ut quemadmodum mysteria resurrectionis Domini nostri Jesu sollemnia colimus, ita et in adventu ejus gaudere cum Sanctis omnibus mereamur. Per Dominum.

Collectio nunc.

Agnus Dei, qui tollis peccatum mundi, respice in tuos, et miserere nobis, factus ipse hostia qui Sacerdos, ipse præmium qui redemptor : a malis omnibus quos redemisti, custodi, salvator mundi.

Item alia.

Subjectum tibi populum, Domine, propitiatio celestis amplifcet; et tuis semper faciat servire mandatis. Per Dominum.

Immolatio nunc missæ.

Dignum et justum est nos tibi semper laudes et gratias agere, omnipotens sempiterne Deus, per Jesum Christum Filium tuum Dominum nostrum. Qui sicut ovis ad occisionem pro nobis ductus est, et ut agnus coram tondente, sic non aperuit os suum. Hic enim est Agnus Dei, unigenitus Filius tuus, qui tollit peccatum mundi; qui se pro nobis offerendo non desinit, nosque apud te perpetua advocacy defendit : quia numquam moritur immolatus, sed semper vivit occisus. Pascha enim nostrum immolatus est Christus; ut jam non in fermento veteri, neque in carnalium sanguine victimarum, sed in azymis sinceritatis et corporis veritatis immolemus. Per Christum Dominum nostrum. Per quem Majestatem tuam laudant.

Benedictio populi.

Faciāt vos Deus veros esse filios Ecclesiæ; multiplicet vos in timore suo, et abundare faciat ab ubertate cælorum in omni abundantia sanitatis. Repleat vos omnibus bonis terrarum vestrarum, copia, frumento, vino repleat, et oleo sanctitatis lætifcet vos in filiis, exhilarēt in familiis, et abundare faciat in amicis. Per Dom.

Post communionem.

Spiritum nobis, Domine, tuæ caritatis infunde, ut quos uno cælesti pane satiasti, una facias pietate concordēs. Per Dom.

XXXI. ITEM MISSA V FERIA.

370. Fac, misericors Deus, ut quod paschalibus **D** celebramus officiis fructiferum nobis omni tempore sentiamus. Per Dom.

Item collectio.

Benedictionem tuam, quæsumus, Domine, sacræ plebi copiosa pietate largire, quæ per tuam tibi gratiam semper reddatur accepta.

Item alia collectio.

Deus, qui populum tuæ fecisti redemptionis participem, concede nobis, quæsumus, ut et resurrectionis dominicæ in perpetuo gratuletur. Per Dom.

Collectio sequitur.

Famuli tui, Domine, qui ad tuam sunt gratiam vocati, tuo indesinenter protegantur auxilio, ut qui divino sunt baptismo regenerati numquam a tui regni potentia possint evelli. Per Dom.

Immolatio nunc.

Dignum et justum est nos tibi gratias agere, sancte Pater, omnipotens, æterne Deus, per Jesum Christum Filium tuum Dominum nostrum, quem pro nobis omnibus tradi hostiam voluisti. O mira circa nos pietatis tuæ dignatio! O ineffabilis dilectio caritatis, ut servos redimeres, Filium tradidisti! O certe necessarium Adæ peccatum, quod Christi morte deletum est! O fidelem [*Forſan* felicem] culpam, quæ talem ac tantum meruit habere Redemptorem! Numquam enim quanta circa nos pietatis tuæ dilectio esset, agnosceremus, nisi ex morte unici et cœterni Filii tui Domini ac Dei nostri Jesu Christi probaremus. Vincit malitiam diaboli pietas tuæ dignationis; quia ubi abundavit peccatum, superabundavit et gratia. Sed plus nobis tua misericordia reddidit quam invidus inimicus abstulerat. Ille paradisum invidit, tu cælos donasti; ille mortem temporalem intulit, tu vitam perpetuam tribuisti. Propterea profusis gaudiis, totus in orbe terrarum mundus exultat. Sed et supernæ concinunt Potestates hymnum gloriæ tuæ sine fine dicentes.

Benedictio populi.

Benedic, Domine, hos populos tuos, respectui tuo se supplici oratione curvantes. Fac ante conspectum tuum cum justitia vivere; si secus egerint, judicare. Tribue eis, Domine, in fide credulitatem, in labore virtutem, in affectu devotionem, in actu prosperitatem, in victu abundantiam, in pace lætitiā, in conversatione gratiam, in luctatione victoriam. Per Dominum.

XXXII. ITEM MISSA PASCHALIS VI FERIA.

371 Deus, qui per Unigenitum tuum æternitatis nobis aditum, devicta morte, reserasti, da nobis, quæsumus, ut qui Resurrectionis Dominicæ sollemnia colimus, per invocationem tui Spiritus a morte animæ resurgamus. Per Dom.

Item collectio.

Deus, per quem nobis redemptio præstatur et adoptio, erige ad te tuorum corda credentium, ut omnes regenerati sacro baptismo, adprehendant mente quod mysteriis susceperunt. Per.

Item alia collectio.

Confirma, Domine, famulos tuos, quos ex aqua et Spiritu sancto propitius redemisti, ut veterem hominem cum suis actionibus deponentes, in ipsius conversatione vivamus, ad cujus substantiam per hæc Paschalia mysteria tranſtulisti. Per.

Collectio.

Concede, quæsumus, omnipotens Deus, ut festa Paschalia, quæ devotione colimus, moribus exsequamur. Per.

Immolatio.

Dignum et justum est. Vere dignum et justum est nos tibi gratias agere, sancte Pater, omnipotens,

▪ Similis etiam in Gothico. Hodie quoque apud Mediolanum tota Paschæ hebdomada missa pro neophytis celebratur.

A æterne Deus, Rex omnium, sanctificator et conditor generis humani. Qui Filio tecum æterna claritate regnante, cum de nullis exstantibus cuncta protulisses, hominem limosi pulveris initiis inchoatum ad speciem tui decoris animasti, eumque credula persuasione deceptum reparare voluisti; spiritualis gratiæ æterna suffragia mitte nobis per Jesum Christum Filium tuum Dominum nostrum. Qui mortuus est propter peccata nostra, et resurrexit propter justificationem nostram. Propterea cum angelis et archangelis non cessamus clamare.

Benedictio populi.

Benedicat vos Dominus, et custodiat semper. Ostendat Dominus faciem suam super vos, et misereatur vestri. Convertat Dominus vultum suum ad vos, et det vobis pacem. Per Dominum.

Post communionem.

Præsta nobis, omnipotens Deus, ut vivificationis tuæ gratiam consequentes, in tuo semper munere gloriemur. Per.

Collectio.

Sacramenta, quæ sumpsimus, Domine, et spiritualibus nos expient alimentis, et corporalibus tueantur auxiliis. Per Dom.

XXXIII. MISSA MATUTINALIS PER TOTAM^a PASCHAM PRO PARVULIS QUI RENATI SUNT, MATURE DICENDA.

372 Deus, qui credentes in te populos gratiæ tuæ largitate multiplicas, respice propitius ad electionem tuam, ut qui sacro baptismo sunt renati, regni cælestis mereantur introitum. Per Dominum

C nostrum.

Oratio super munera in die Sabbati exita b Pascha.

Adesto, Domine, supplicationibus nostris, et oblationes famulorum tuorum, quas tibi offerimus, diem octavarum suarum spiritualium celebrantes (quo die eos sacro fonte baptismatis renasci jussisti) placitus ac benignus adsume.

Immolatio die Sabbati.

Vere dignum et justum est: quia verus ille Agnus qui pro nobis est immolatus, qui mortem nostram moriendo destruxit, et vitam nostram resurgendo reparavit Jesus Christus Dominus noster. Cui omnes angeli atque archangeli incessabili voce proclamant, dicentes: Sanctus.

Benedictio populi.

Benedicat vos Deus Pater omnipotens, qui in principio cuncta creavit. Benedicat vos Filius, qui de superna sede pro nobis salvandis descendit. Benedicat vos Spiritus sanctus, qui in columba Jordanis fluvium in Christo requievit. Ipse vos in Trinitate ac Unitate sanctificet, quem omnes gentes expectant venturum Judicem ad judicandum. Quod ipse præstare dignetur.

Collectio post communionem.

Præsta, quæsumus, Domine, ut sancta nos tua expient, dignosque semper sua perceptione perficiant. Per Dominum.

^b Id est exeunte Pascha, scilicet Sabbato, quæ dies octava erat baptismi.

Collectio sequitur.

Adesto, Domine, Deus noster, ut per hæc quæ fideliter sumpsimus, et purgemur a vitiis, et a periculis omnibus exuamur. Per Dom.

XXXIV. MISSA IN PASCHA DIE SABBATI.

Deus, qui nos Resurrectionis dominicæ sollemnitate lætificas, concede propitius, ut per temporalia festa quæ agimus pervenire ad gaudia æterna mereamur.

Collectio.

Præsta, quæsumus, omnipotens Deus, ut hujus Paschalis **373** festivitatis mirabile Sacramentum, et temporalem nobis tranquillitatem tribuat, et vitam conferat sempiternam. Per Dominum.

Item alia collectio.

Respice, quæsumus, Domine, et peccatorum nostrorum tenebras averte, ut quos exercet devotio sollemnitatis, inlustret sollemnitas piæ cognitionis. Per Dominum.

Item collectio.

Deus, qui in sollemnitate Paschali mundo remedia contulisti, populum tuum, quæsumus, cælesti dono proseguere, ut et perfectam libertatem consequi mereatur, et ad vitam proficiat sempiternam.

Immolatio in die Sabbati.

Dignum et justum est, necessarium et salutare est, utte Dominum ac Deum totis visceribus humana conditio veneretur, Rex mirabilis Christe. Cujus condemnatione tartareis vinculis absoluta credentium turba, libertatis insignia gratulatur. Qui vere ut Leo de tribu Juda mundo ostensus, animarum devoratore extinctum leonem diabolum omnis terra lætatur. Permittis te clavorum nexibus alligatum, ad stipitem crucis tereri, ut non sit parva quam impius quondam expavescat potentiam. Ad cujus vocem emittens spiritum, terra tremuit, cælum expavit, dies fugit, sol obscuratus est, astra abscondentia radios suos, simul omnia migraverunt. Cujus descensu, confractis portis, luget infernus; quo resurgente, lætantur angeli, et exultat terra cum habitatoribus suis. In quo triumpho conspicitur conminatio illa prophetico ore promissa: Ero mors tua, o inferne. Ubi est ergo victoria tua? nec enim ab alio poterat nisi a Vita mors devorari. Qui descensu suo eos qui tenebantur a morte, superis reddidit resurgendo, ut ejus resurrectio vivorum vel mortuorum testimonio firmaretur. Unde, sancte Pater, omnipotens, æterne Deus, per Jesum Christum Filium tuum Dominum nostrum gloria tibi semper, qui in te, et ex te, et tecum semper. Quem te etiam laudant angeli.

XXXV. INCIPIT MISSA CLAUSÆ PASCHÆ.

Concede, quæsumus, omnipotens Deus, ut qui Resurrectionis dominicæ sollemnia colimus, per innovationem tui Spiritus a morte animæ resurgamus. Per Dominum.

Post precem a missa.

374 Deus totius claritatis conditor et moderator, quem cælestia mirantur, et terrena pavitant, inferna tremiscunt; cui angelorum turmæ et archangelorum exercitus militant, non uti mundum expugnes, quem

A ipse fecisti, sed ut subruas mundi peccata, quæ diabolus adinvenit, quia ita dignatus es diligere hunc mundum, ut Unigenitum tuum traderes pro nostra salute, cujus cruce redempti sumus, morte vivificati, passione salvati, resurrectione glorificati. Per ipsum te itaque supplices invocamus, ut huic familiæ tuæ in omnibus adesse digneris; sicut adfuisti patribus nostris sperantibus in tua misericordia, sic et his omnibus adesse dignare, ut sit in sensibus eorum timor devotionis tuæ, in corde fides, in opere justitia, in actu pietas, in lingua veritas, in moribus disciplina, ut digne riteque immortalitatis sibi præmium consequi mereantur. Per Dom.

Collectio post nomina.

Deum, qui pro ruina totius mundi unicum Filium suum, adsumpta ex carne Virginis veri hominis forma, mittere dignatus est, fratres carissimi, suppliciter exoremus, ut sicut in hac die Resurrectionis ejusdem nos a morte perpetua cum illo resuscitavit, ita pietatis suæ dono ab omnibus nos inimici tutans insidiis, inlæsos faciat in matris Ecclesiæ gremio residere; et conscientie integritate de regeneratione gaudentes, æternæ primitivorum Ecclesiæ, quemadmodum devotione ad præsens, ita remuneratione adsociet in æternum; et hæc munera plebis suæ benedicere dignetur. Per Dom.

Immolatio clausum Paschæ.

Dignum et justum est, necessarium et salutare est, nos tibi gratias agere, omnipotens (licet gloriæ tuæ mortalium membra non congruant) redemptionis nostræ præferre præconia. Dum hominum genus mancipatum morte, inferorum sedibus tenebrarum vincla restringerent, spiritale Verbum (per quod in principio omnia fuerant constituta) descendit in Mariam: quæ dum partum suum Virgo miratur, inclausum hominem edidit Deum. Quæ tamen tuum esse, summe, omnipotens, antequam nasceretur, cognoverat, quippe quæ sciebat mundi esse Principium. Is namque crucem spontanea devotione propter redemptionem humani generis, de inimico tyranno triumphaturus, ascendit: et relicto paulisper corporis templo, inferorum **375** claustra confringens, pristinæ (ut ante fuerat) vitæ restituit. Nec suffecerat solum hominis emendasse peccatum; sed per ablutionem cælestem renatos, redivivo ac novo nativitatis genere remeans ad originem suæ, nos ad cælestia regna perduxit. O consilium, o divinæ providentiæ, o inæstimandum reparationis auxilium! Per Virginem nobis gloriosa vita restituitur, quæ per ligni inobedientiam credebatur extincta. Per aquam mundi peccata diluuntur, per quam ante senserat mundus ipse naufragium. Tibi ergo, summe Genitor, pura devotione immaculatum munus offerimus, et elevatione manuum nostrarum juxta Filii tui Jesu Christi dispositionem, pium sacrificium celebramus. Per quem te laudant angeli et archangeli, dicentes.

XXXVI. INCIPIT MISSA DOMINICALIS POST PASCHA.

Præfatio.

Deus qui in Filii tui humilitate jacentem mundum exexisti, lætitiā concede fidelibus tuis, ut quos per-

petuæ mortis eripuisti casibus, gaudiis facias sempiternis perfrui. Per.

Collectio sequitur.

Deus, in cujus præcipuis mirabilibus est humana reparatio, solve opera diaboli, et mortifera peccati vincula disrumpe, ut destructa malignitate, quæ nocuit, vincat misericordia quæ redemit. Per Dominum.

Collectio post nomina.

Benedictionem, Domine, nobis conferat salutarem sacra semper oblatio, ut quod agit mysterio, virtute perficiat.

Collectio sequitur.

Deus, qui nos per hujus sacrificii veneranda commercia, unius summæ Divinitatis participes effecisti, præsta, quæsumus, ut sicut tuam cognoscimus veritatem, sic eam dignis moribus adsequamur. Per.

Contestatio nunc.

Vere dignum et justum est... per Christum Dominum nostrum. Qui humanis miseratus erroribus, per Virginem nasci dignatus est; et per passionem mortis a perpetua nos morte liberavit, ac resurrectione sua æternam nobis contulit vitam. Quem laudant angeli.

XXXVII. ITEM MISSA POST PASCHA ANTE ASCENSA DOMINI.

376 Deus, qui hoc nobis confers gratia tua, ut justi ex impiis, et beati efficiamur ex miseris, adesto tuis operibus, tuis adesto muneribus; ut quibus inest fidei justificatio, non desit perseverantiæ fortitudo. Per.

Collectio.

Deus, qui es misericors in operibus, justus in iudiciis, largus in donis, multiplica super nos misericordiam tuam: et quia tu nobis es bonorum causa meritorum, custodi quod tribuisti, ut invenias quod coronas. Per.

Collectio post nomina.

Præsta, Domine, quæsumus, veritati, ut illius salutis capiamus effectum, cujus per hæc mysteria pignus accipimus. Per.

Collectio.

Respice, Domine, propitius ad munera quæ sacramus, ut et tibi grata sint, et salutaria semper existant. Per Dom.

Contestatio nunc.

Vere dignum et justum est, devoto munere postulantes, ut tempora, quibus post Resurrectionem Dominus noster Jesus Christus cum discipulis suis corporaliter habitavit, pia devotione tractemus. Quem l.

XXXVIII. INCIPIUNT COLLECTIONES IN ROGATIONIBUS PER DIVERSA LOCA SANCTORUM NUNC.

In sancto Petro ^a.

Omnipotens sempiterne Deus, qui beato Petro

^a Eadem fere stationes, eademque orationes in Missali Gothico. Unde colligere licet has orationes fuisse communes, non loci alicujus peculiaris, ad quem hæc Missalia pertinuerint.

^b Ita etiam jejunium in Gothico, supra, in hoc triduo. Vide sermones tres Cæsarii episcopi Arelatensis in appendice nova tomi V novæ editionis sancti Augustini a sermone 173, qui primus est de Litania, ubi jejunia dicuntur necessaria « tribus his

A apostolo, conlatis clavibus regni cælestis, animas ligandi adque solvendi pontificium tradidisti, exaudi propitius preces nostras in die jejunii hujus; et intercessionem ejus, quæsumus, ut a peccatorum nostrorum nexibus liberemur. Salvator mundi.

Oratio in sancto Stephano.

Præsta, quæsumus, omnipotens et misericors Deus, ut fragilitati nostræ afflictæ in diebus istorum jejuniorum magnificus levita beatus Stephanus auxilium interventionis exhibeat, qui, imitator dominicæ passionis et pietatis, primus in cruore martyrii enituit; et semper sit perfectus suffragator, atque, te concedente, promptus adjutor. Per Dominum.

Item oratio in sancto Martino.

B Porrige dexteram tuam, quæsumus, Domine, plebi tuæ in die jejuniorum suorum tuam misericordiam postulanti, ut intercedente beato Martino, terrores imminentes declinemus; et solatia vitæ immortalis accipiamus, et **377** sempiterna gaudia comprehendamus. Per Dominum.

Oratio in sancto Gregorio.

Omnipotens sempiterne Deus, jejuni de tuis etiam donis satiati, vel qualibet maceratione confecti, Majestatem tuam supplices exoramus, ut expulsis de cordibus nostris peccatorum tenebris, in die jejunii, intercedente summo antistite nostro et divinorum mysteriorum capace Gregorio, ad veram lucem, quæ Christus est, nos facias pervenire. Per Dominum nostrum.

Item collectiones in quo loco volueris.

C Quæsumus, Domine Deus noster, vitia carnis spiritus virtute constringe, ut, interveniente ill. in hoc jejunio, nostra in virtutibus reficiatur infirmitas.

Collectio sequitur.

Propitiare, Domine, supplicationibus; et nos in jejunii cultu vacantes, obtinente beato ill. pervigili protectione, custodi; ut nullius animam diabolus perfidiæ telo vulneret, nullius mentem veneno falsitatis occidat.

XXXIX. INCIPIUNT MISSA IN ROGATIONIBUS.

Memores cælestium præceptorum, peccata nostra coram Domino defleamus, serentes in lacrymis quid metamus in gaudiis: simus in oratione solliciti, jejuniis prompti, in eleemosynis liberales, ut promissæ retributionis gloriam devota fide et fructuosa operatione mereamur. Per Dom.

Collectio sequitur.

Deus, qui Niniivitis pro peccatis suis jejunantibus ^a pepercisti, te supplices deprecamur, ut et nobis in hoc jejunio ^b nostrorum indulgentiam per solitam misericordiam largiaris. Per.

diebus, quos regulariter in toto mundo celebrat Ecclesia. » Hoc in sermone item Cæsarius reprehendit eos qui ad Ecclesiæ conventus istis diebus « tardius veniunt, et prius quam mysteria compleantur abscedunt; et in ipsa ecclesia otiosis fabulis vacantes, non ipsi psallunt, nec alios psallere, vel orare permittunt. » Et in sermone sequenti hortatur Fideles, ut ne se « de Ecclesiæ conventu subtrahant in sex Horis » canonicis.

Collectio post nomina.

Recensitis offerentum nominibus, accincti abstinentiæ cibis, et devoto pasti jejunio, petamus a Domino Salvatore nostro uti hæc adoranda sacrificia, quæ pro spiritibus paasantium et nostris nostrorumque peccatis cura pietatis offerimus, sicut munus Abel justi sui. . . benedicat, et in no. . . licata custodiat. Per.

Collectio sequitur.

378 Suscipe preces populi tui, clementissime

Hactenus tria Missalia quæ a Thomasio publici juris facta sunt, retulimus : quorum primum, id est Gothicogallicanum, paucis exceptis, integrum est, ac potioris momenti; alia duo mutila sunt. Horum omnium capitulationes habentur initio hujus operis. Notas numericas in capite singulorum articulorum supplevimus in secundo et tertio Missali (nam in primo adscriptæ erant in Codice ms.) pro commodo lectorum. Probationes quasdam coronidis loco adjiciemus ad calcem operis, id est vetera quædam monumenta ad illustrandam tum Liturgiam Gallicanam, tum sequentem Disquisitionem. Utinam hoc opus cedat in Dei gloriam, et in utilitatem Ecclesiæ catholicæ, in primis Gallicanæ ! Saltem is est scopus operis, utinam et fructus !

FINIS LITURGIE GALLICANÆ.

DE CURSU GALLICANO DISQUISITIO.

379 1. Post commentarios de Liturgia Gallicana, Proximum est ut de divinis officiis quæ in Ecclesia Gallicana jam inde a primis temporibus obtinuerunt breviter disseramus. Neque vero id suasit argumenti modo affinitas, sed etiam Lectionarii Gallicani occasio, in quo nonnulla quæ ad officia ecclesiastica pertinent referuntur. Hanc autem Disquisitionem inscribimus *De cursu Gallicano*; quo nomine statas Ecclesiæ preces, quæ sub Breviarii nomine per singulos dies decurri ac recitari debent, majores nostri solebant significare. Hinc Gregorius Turonensis antistes librum e suis unum *De cursibus ecclesiasticis* inscripsit : qui liber si ad nos usque pervenisset, facilis et compendiosa esset hæc de Gallicanis officiis commentatio. Sed quoniam in tenebris (si tamen uspiam est) hactenus delitescit curandum porro est ut ex aliis, qua fieri poterit, monumentis horum officiorum notitiam eruamus. Ubi in ipso limine lectorem monemus nos hic non tam de monachorum, **380** quam de clericorum officiis acturos, tametsi monachi multis in locis sacræ psalmodiæ exemplum præbuerunt.

§ I.

Quædam præmittuntur de divinorum officiorum origine, progressu, et incremento apud Orientales et Occidentales.

2. Atque ut clara et facili ratione procedat hæc disquisitio, a variis divinorum officiorum modis, qui tam in Oriente quam in Occidente a primordiis instituti sunt, exordium ducimus. Et quidem si constaret de nomine et auctoritate illius scriptoris, cujus de cursum ecclesiasticorum origine libellus apud Spelmannum vulgatus est, expedita esset hoc de argumento sententia, modo ut sanior et integrior

A Pater, et directas in spiritu tuo oblationes, quasi odorem incensi flagrantis, adsume. Per Dom.

Contestatio nunc.

Dignum et justum est tibi sanctificare jejunium, quod nos ad animarum medelam et castigationem corporum servare docuisti : quia restrictis corporibus, animæ saginantur; et in quo homo noster exterior adteritur, dilatatur interior. Memento itaque, Domine, in hoc jejunio miseration.

Reliqua desunt.

fuisse. Sed quisquis, qualisve sit auctor, eo nobis utendum est, quando saltem ejus antiquitas ex ipsa codicis vetustate comprobatur. Suspensus sum aliquando, hunc esse ipsummet Gregorii nostri librum de cursibus ecclesiasticis; sed postmodum aliter visum est, tum quia de cursu sancti Columbani, qui vixit dum Gregorio vivente institutus erat, et de ejus atque sancti Eustasii abbatis Actis post Gregorii obitu scriptis mentionem facit; tum quia potius Britonem aut Scotum refert stylus ejus et oratio.

3. Quinque autem cursum ecclesiasticorum genera totidemque eorum auctores distinguit ille anonymus. Primum Asiaticum appellare licet, quem a sancto Joanne evangelista, ejusque discipulo Polycarpo Smyrneorum primo episcopo institutum dicit; ac deinde per Trophimum Arelatensem, tum per Photinum et **381** Irenæum Lugdunenses episcopos in Gallias propagatum. Alterum voco Alexandrinum, auctore Marco evangelista : qui cursus in monasteriis Lerinensi et Massiliensi Cassiani receptus sit, atque inde per sanctos Germanum Antissiodorensem et Lupum Tricassinum antistes in Scotiam, et per Cæsarium in Arelatensem Ecclesiam inductus, quem demum Columbanus apud Luxovium admiserit. Tertius cursus orientalis « a sancto Chromatio et Heliodoro, et beato Paulino, seu et Athanasio episcopo editus, qui in Gallorum consuetudine non habetur; quem sanctus Macarius decantavit; hoc est per duodecim horas, » nempe « unaquaque hora. » Quartus cursus Ambrosianus dici potest, seu Mediolanensis, quem « beatus Ambrosius propter hæreticorum Ordinem dissimilem composuit, » et quidem alium quam qui « in Italia antea decantabatur. » Ex quo Bellarmini sententia confirmatur, asserentis contra quorundam

aliorum opinionem, Ambrosium psalmodiæ in occidentalibus Ecclesiis primum institutorem non fuisse, quod ex Augustini Confessionibus illi colligebant; sed in tantum curasse, ut secundum morem Patrum orientalium psalmi atque hymni a populo etiam canerentur, cum antea a singulis singuli, vel certe a solis clericis apud Italos recitati fuissent. Quintus denique cursus est sancti Benedicti, quem a cursu Romano parum discrepasse tradit vetustissimus ille scriptor, cujus libellum Spelmannus edidit in tomo I Angliæ Conciliorum, pag. 176. Hic, quisquis ille est, cursus ecclesiasticos cum Liturgia confundere videtur. Nam agens de cursu per sanctum Marcum instituto, ita illum describit, ut « *Sanctus*, vel *Gloria in excelsis*, vel orationem Dominicam, et Amen, » universi, tam viri quam feminæ decantarent.

382 4. Verum longe diversam, et quidem accuratorem psalmodiæ apud Orientales rationem nobis exhibent Cassianus, Socrates et Theodorus. Cassianus quippe, omissis variis typis, quos pro locorum varietate dissimiles fuisse dicit, duo præcipua psalmodiæ apud orientales monachos genera describit: unum eorum qui in Ægypto et Thebaide, alterum eorum qui in Palæstina et in Mesopotamia versabantur. His duobus accurate exponendis secundum ac tertium institutorum libros insumit.

5. Ægyptiorum typus in summa is erat. Primo duabus tantum vicibus in oratorium conveniebant, vesperi scilicet, ac media nocte, et singulis vicibus psalmos duodenos cantabant, aliis horis psalmos in cellulis suis inter laborandum recitare soliti. Secundo hos duodecim psalmos unus tantum lector aut cantor, id est singuli singulos, vel unus admodum et alter senos in medio, fratrum consistentes decantabant, cæteris sedentibus et intentis. Tertio psalmos, præsertim longiores, non continue et uno tractu, sed meditatione aut brevi oratione interposita recitabant; et psalmos ipsos, non versiculo *Gloria Patri*, sed alia brevi precatione; duodecimum vero voce *Alleluia* concludebant. Quarto finitis psalmis duæ lectiones recitabantur, una ex Veteri, altera ex Novo Testamento; Sabbato ex Novo. Quinto his peractis, omnes in genua procumbebant: et tunc abbas seu præpositus omnium fratrum vota precesque in unum colligens, publica precatione (Collectam appellamus) officium finiebat. Sexto denique reversi in cellas suas, hora tertia, sexta, et nona ternos psalmos inter operandum persolvebant, privatis de cætero precibus intenti. Illud tantum diebus **383** Dominicis et festis peculiare erat, quod ad tertiam horam in oratorium conveniebant, ut sacris mysteriis interessent. Et is quidem apud Ægyptios monachos psallendi ritus vigeat sæculo v. Idem fere obtinebat in Palæstinæ et Mesopotamiæ cœnobiis, nisi quod ad singulas horas solemnes oratorium frequentabant ut in publico conventu ternos Deo psalmos persolverent.

6. A Cassiano venio ad Socratem, qui alterni can-

tus originem Ignatio, tertio post Petrum Antiochiæ in Syria episcopo, tribuit in lib. vi, cap. 8. Scribit quippe « Ignatium vidisse aliquando angelos hymnis alternatim decantatis sanctam Trinitatem celebrantes; indeque canendi rationem, quam in illa visione animadverterat, ecclesiæ Antiochensi tradidisse; unde ista traditio ad omnes postea Ecclesias permeaverit. » Idem auctor eodem in loco commemorat hunc ritum a sancto Joanne Chrysostomo Constantinopoli fuisse institutum ex æmulatione Arianorum, « qui singulis hebdomadis, quoties festi dies occurrerant, id est Sabbato ac die Dominico, in unum congregati, hymnos apte ad suam hæresim compositos, alternatim sibi respondentibus canebant, nocturnis scilicet ac matutinis horis. » Hunc vero alternum **B** cantum Socrates antiphonarum, ἀντίφωνον ὑμνωδίων appellat; unde antiphonæ, quæ ad alternam psalmodiorum cantum præcinentur, nomen retinuerunt.

7. Henricus Valesius, vir cl., in annotatione ad hunc de Ignatio locum, ait se nescire unde hæc hauserit Socrates. « Constat enim, inquit, primos omnium Flavianum ac Diodorum, regnante Constantio, psallentium choros Antiochiæ bifariam divisisse, et psalmos Davidicos **384** alternis canendos eis tradidisse; eamque rem primum Antiochiæ institutam, postea ad reliquas totius orbis ecclesias dimanasse, » testante Theodorito in lib. ii Historiæ, cap. 24, et ante illum Theodoro Mopsuesteno. Imo eam psalmodiæ speciem jam ante Flavianum atque Diodorum a Syris fuisse usurpatam Valesius colligit ex Theodori Mopsuesteni fragmento, quod refert Nicetas in Thesauro orthodoxæ fidei, lib. v, cap. 30. Quidquid sit de auctore, alternum cantum tempore Gregorii Nazianzeni in monasteriis utriusque sexus jam receptissimum fuisse manifestum est ex iambico ejus carmine de virtute, sub finem, idque omnibus notissimum esse dicit. Eorum chorum angelicum vocat, « qui nunc simul, nunc vicibus alternis canit. »

Σύμφωνον, ἀντίφωνον ἀγγέλων στάσιν.

Itaque saltem inde constat, uno ante Cassianum sæculo hunc alternis canendi ritum apud Orientales inolevisse, qui sensim inde manavit ad Occidentales. Lege eruditissimum in lib. i Disciplinæ ecclesiasticæ capp. 34 et 35.

D 8. Quinam psallendi modus Romæ per ea tempora servaretur, non facile est definire. Si certa et explorata esset vetusti illius apud Spelmannum auctoris sententia, nempe sancti Benedicti cursum a Romano parum discrepasse, obvia esset de Romano conjectura, cum Benedictinum in regula nostra expressum habeamus. At Romanum, saltem in aliquibus, ab eo diversum fuisse hinc colligitur, quod sanctus Benedictus ad feriales matutinas laudes « canticum unumquodque die suo ex prophetis, sicut psallit Ecclesia Romana, » instituat cap. 13, de aliis etiam id dicturus, si ipsius ritus cum Romano penitus convenisset; nec sane reliquisset **385** in abbatis arbitrio ut suam psalmodiæ dispositionem mutare posset, si Romanum canonem in omnibus secutus fuisset.

Theodemarus abbas Casinensis, seu Paulus Diaconus ejus nomine, in epistola ad Carolum Magnum quæstione proposita, cur sanctus Benedictus nullas in æstate pro nocturnis Vigiliis lectiones præcipiat, hanc affert causam : quia « necdum eo tempore in Romana Ecclesia, sicut nunc leguntur, sacras Scripturas legi mos fuerit ; sed post aliquot tempora hoc institutum, sive a beato papa Gregorio, sive, ut ab aliis affirmatur ab Honorio. Qua de re (addit Theodemarus) nostri majores instituerunt ut in hoc sacro nostro cœnobio tres quotidianis diebus æstivo in tempore ex Veteri Testamento lectiones legantur, ne a sancta Romana ecclesia discrepare viderentur. »

9. De Theodemari priori sententia, scilicet sacras Scripturas in Romana Ecclesia tempore sancti Benedicti lectas non fuisse, legitima dubitandi ratio est. Neque enim verisimile est aut nullas tunc in divinis officiis lectiones ; aut si aliquæ ex aliis, non etiam ex sacra Scriptura institutas fuisse. Sane cum Gelasius papa I, in concilio Romano, qui libri legendi, quive non legendi essent definit ; id de lectione publica in ecclesiis facienda intelligere videtur. In eo autem Decreto, etsi gesta sanctorum martyrum suscipiuntur ; nihilo minus eorum Acta non probantur ad publicam lectionem. « Sed ideo secundum antiquam consuetudinem (inquit Gelasius) singulari cautela in sancta Romana ecclesia non leguntur, quia et eorum qui conscripsere nomina penitus ignorantur ; et ab infidelibus aut idiotis superflua, aut minus apta, quam rei ordo fuerit, scripta esse putantur. » Quidam hoc decretum Gelasio abjudicant, atque Hormisdæ tribuunt. At Gelasium auctorem præfert vetustissimus **386** Codex Palatino vaticanus n. 493, in quo habetur Missale Francorum, scriptum litteris quadratis ante annos fere mille ; in cuius fine, teste Thomasio, hoc decretum habetur sub hoc titulo : *Incipit Decretale sancti Gelasii papæ urbis Romæ.* Ad hæc inter Codices qui Ludovici Pii principatu Ab Ansegiso abbate Flaviacensi monasterio concessi leguntur in Chronico Fontanellensi, recensetur volumen unum, præter alia « continens decreta Gelasii papæ de libris recipiendis, et non recipiendis. » Itaque nullatenus dubito quin hæc epistola decretalis Gelasium auctorem habeat. Cæterum prædictum Romanæ ecclesiæ morem, ut martyrum passiones publice non legerentur, carpere vide antiquus auctor, qui Acta sanctorum Cantianorum scripsit, prout in consequentibus inter Probationes referuntur.

10. Et quidem, ex ejusdem Gelasii decreto, « Actus beati Silvestri, licet ejus qui conscripsit nomen ignoretur, a multis tamen in urbe catholicis legebantur, et pro antiquo usu multæ hæc imitabantur Ecclesiæ. » Unde apparet, non in tota Romana Ecclesia, sed plurimum in Lateranensi, ejusmodi Acta, quæ auctoris nomine destituta erant, lecta haud fuisse. Alia vero, quæ probabiles habebant auctores, sæculo VIII in Ecclesia Romana legebantur. Cujus

rei testem habemus Adriani papæ I epistolam 3 : « Vitæ Patrum sine probabilibus auctoribus minime in Ecclesia leguntur. Nam ab orthodoxis titulatae et suscipiuntur, et leguntur. » Imo etiam tunc confessorum Vitas in Ecclesia Romana recitari mos erat, probante Joanne Diacono in præfatione ad Vitam Gregorii Magni, in qua Joannem papam VII sic alloquitur : « Nuper ad Vigiliis beati Gregorii Romani pontificis, Anglorum scilicet gentis **387** apostoli, lectione de Paulino civitatis Nolanæ præsule consuetudinaliter personante, visus es a venerabilibus episcopis, divino quodam instinctu commotus, requirere, cur tantus pontifex, qui multorum sanctorum vitas texuerat, gestis propriis in propria duntaxat Ecclesia caruisset. »

11. Hinc etiam patet tractatus Patrum defectu propriarum lectionum in eadem Ecclesia receptos fuisse : quorum delectus in arbitrio episcopi erat tempore Gregorii Magni, ut constat ex lib. x, epistola 22, ad Joannem Subdiaconum Ravennatem, in qua non probat quod Marinianus ejusdem urbis episcopus « commenta beati Job publice ad Vigiliis legi præcepisset. Sed dic ei, inquit, ut commenta Psalmorum legi ad Vigiliis faciat, quæ mentes sæcularium ad bonos mores præcipue informant. Neque enim volo, dum in hac carne sum, si qua dixisse me contigit, ea facile hominibus innotescere. » Ita pontifex maximus et modestissimus.

12. Idem Gregorius Magnus in synodo Romana statutum edidit, ut ne diaconi, « quos ad prædicationis eleemosynarumque studium vacare congruebat » in posterum cantorum officio fungerentur, dum cantores ipsi ob vocis suavitatem ad sacri altaris ministerium adhiberentur. « Unde fit plerumque ut ad sacrum ministerium, dum blanda vox quæritur, quæri congrua vita negligatur ; et cantor minister Deum moribus stimulet, cum populum vocibus delectat. Qua de re præsentī decreto constituo ut in sede hac sacri altaris ministri cantare non debeant, solumque evangelicæ lectionis officium inter missarum solemnias exsolvant ; psalmos vero ac reliquas lectiones censeo per subdiaconos, vel, si necessitas exigit, per minores ordines exhiberi. » Hoc decretum refertur in lib. iv, epistola 44, et apud Agobardum, de correctione Antiphonarii. Hæc **388** de ritu Ecclesiæ Romanæ ; cujus normam, qualis postea in divinis officiis obtinuit, ex Gregorii VII decreto intelligimus.

13. De Ambrosiano seu Mediolanensi psallendi ritu antiquo (nam modo usitatus recentior est) id tantum compertum habemus, quod populus, id est uterque sexus, Psalmos promiscue, sed alternis cantaret. Huc facit ipsius Ambrosii expositio in psalmum 1 : « Mulieres Apostolus in ecclesia tacere jubet ; psalmum etiam bene clamant. Quantum laboratur in ecclesia ut fiat silentium cum lectiones leguntur ! Si unus loquitur, obstrepunt universi ; cum psalmus legitur, ipse sibi effector est silentii ; omnes loquuntur, et nullus obstrepit. » Itaque cum lector

Scripturas recitaret, vix impetrari poterat silegium; cum vero psalmus cantaretur, obstrepebat nemo, quoniam omnes cantu occupati erant. Hujusce ritus originem describit sanctus Augustinus in lib. ix Confessionum, cap. 7: « Non longe cœperat Mediolanensis Ecclesia genus hoc consolationis et exhortationis celebrare, magno studio fratrum concinentium vocibus et cordibus. Nimirum annus erat, aut non multo amplius, cum Justina, Valentiniani regis pueri mater, hominem tuum Ambrosium persequeretur hæresis suæ causa, qua fuerat seducta ab Arianis. Excubabat pia plebs in ecclesia, mori parata cum episcopo servo tuo... Tunc hymni et psalmi ut canerentur secundum morem orientalium partium, ne populus mœroris tædio contabesceret, institutum est, et ex illo in hodiernum retentum, multis jam, ac pene omnibus gregibus tuis et per cæteras orbis partes imitantibus. » Idem sanctus Augustinus, in ejusdem libri ix cap. 4 exprimens animi sui affectum, cum legeret psalmos David, subdit: « Quas tibi voces dabam in psalmis illis, et quomodo in te inflammabar **389** ex eis, et accendebar eos recitare, si possem, toto terrarum orbe adversus typhum generis humani! Et tamen toto orbe cantantur, et non est qui se abscondat a calore tuo. » Et in capite 6: « Quantum flevi in hymnis et canticis tuis, suave sonantis Ecclesiæ tuæ vocibus commotus acriter! Voces illæ influebant auribus meis, et eliquabatur veritas tua in cor meum; et exæstuabat inde affectus pietatis, et currebant lacrymæ, et bene mihi erat cum eis. » Denique cantum cum suavi vocum modulatione conjunctum fuisse idem testatur in lib. x Confessionum, cap. 33. Psalmis interserebantur etiam hymni, qui ab auctore Ambrosiani dicti sunt. De his omnibus testis est Paulinus in Ambrosii Vita: « Hoc in tempore primo antiphonæ (id est alternus cantus) hymni, ac vigiliæ in ecclesia Mediolanensi celebrari cœperunt. » Et Ambrosius ipse in Hexaemeron lib. iii, cap. 5, Ecclesiam mari comparat, in qua « sponsorii (seu alterno cantu) psalmorum, cantu virorum, mulierum, virginum, parvulorum, consonans undarum fragor resultat. » Idem hymnorum suorum meminit in opusculo de Spiritu sancto, et in epistola 32.

14. Quæ superius ex cantu psalmorum Mediolani instituto sibi accidisse narrat Augustinus, ad baptismi ipsius tempus, id est ad annum 387 referenda sunt. Eundem ritum in Africam ipse invexit episcopus. Alternum porro fuisse colligimus ex ejus enarratione in psalmum xxvi, num. 1: « Voces istæ psalmi, quas audivimus, et ex parte cantavimus, » etc. Tum enarrando psalmum xlvi, num. 1: « Itaque in hoc psalmo, quem cantatum audivimus, cui cantando respondimus, ea sumus dicturi quæ nostis. » Alii ergo unum versum, alii alium vicissim decantabant; ac deinde post psalmum sæpe expositio ab episcopo facta subsequeretur. Cantabatur **390** autem a populo stante, ex sermone 3 in psalmum xxxvi, num. 2: « Certene verum est quod cantavi? certe verum est quod in

A ecclesia stans tam devote voce personui: *Nunquam vidi justum derelictum,* » etc. Verum non a populo, sed a lectore solo quandoque psalmum integrum fuisse cantatum alibi declarat vir sanctus, nempe initio enarrationis in psalmum cxxxviii: « Psalmum nobis brevem paraveramus, quem mandaveramus cantari a lectore; sed ad horam, quantum videtur, perturbatus, alterum pro altero legit. Malumus nos in errore lectoris sequi voluntatem Dei, quam nostram in nostro proposito. Idem non obscure innuit statim ab exordio enarrationis in psalmum lxxxvi: « Psalmus, qui modo cantatus est, brevis est numero verborum, magnus pondere sententiarum. Nam totus lectus est, » etc.

15. Sed dicendum videtur, duobus modis in Africana Ecclesia psalmos fuisse recitados, nempe vel cantando ad Deum laudandum, vel alta voce pronuntiando ad psalmum exponendum. Primus modus alternis choris, secundus per solum lectorem. Hæc lectio in arbitrio exponentis erat; qui quem volebat psalmum in argumentum suæ concionis assumebat. Cantus vero ille certis aliquando psalmis pro dierum qualitate addictus erat, ut patet ex Augustini enarratione 2 in psalmum xxi, num. 38, et ex aliis locis, quæ brevitatis causa prætermittimus. Postmodum cum majores in vita Christiana progressus fecisset sanctissimus Doctor, illam modulationis suavitatem, quæ tantopere ipsum aliquando affecerat, simplici psalmorum prolationi cum gravitate factæ postponerebat. Ita enim loquitur in lib. x Confessionum, cap. 33: « Sed valde interdum, ut melos omne cantilenarum suavius, quibus Davidicum Psalterium **391** frequentatur, ab auribus meis removeri velim, atque ipsius Ecclesiæ: tutiusque mihi videtur quod de Alexandrino episcopo Athanasio sæpe mihi dictum commemini, qui tam modico flexu vocis faciebat sonare lectorem psalmi, ut pronuntianti vicinior esset, quam canenti. » Alius igitur erat tunc in Ecclesia ritus, quando Alexandrinum Augustinus præferebat. Denique in Africa psalmis etiam intermiscebantur certis diebus lectiones, « quæ ita erant annuæ; ut aliæ esse non possent, » ait idem Augustinus initio expositionis in primam Joannis. In concilio Carthaginensi iii statuatur canone 47: *Ut præter Scripturas canonicas, nihil in ecclesia legatur sub nomine divinarum Scripturarum.* Quæ clausula non excludit tractatus sanctorum Patrum, nec lectiones martyrum passionum, quas legi permittit concilium Africanum, cum anniversarii dies eorum celebrantur. Caute vero ac religiose a Patribus synodi Milevitaneæ sub Innocentio I decretum est, canone 12, ut nullæ preces dicantur in ecclesia, nisi quæ a prudentioribus tractatæ, vel comprobatæ in synodo fuerint: ne forte aliquid contra fidem, vel per ignorantiam, vel per minus studium sit compositum.

16. Ab Africa non tam disparata erat Hispania locorum intervallo quam psallendi ritu, qualis in Mozarabico nunc Breviario exhibetur. Nam cum in Africa, sicut et in toto orbe, psalmi tam in noctur-

nis, quam in diurnis fidelium conventibus canerentur, ita ut « primus, medius et novissimus esset David, » teste Chrysostomo apud Mozarabes, saltem recentiores, non ita utpote qui nec in vigiliis, nec in vespers ullum psalmum præscribunt. In omnibus autem, præter Completorium, officiis hic ordo servatur. Primo *Kyrie eleison* præmisso, secreto recitant orationem Dominicam **392** cum salutatione angelica; statimque inchoant officium ab his verbis: *In nomine Domini nostri Jesu Christi lumen cum pace*, ad quæ respondetur: *Deo gratias*. Nocturnæ preces brevissimæ constant quibusdam antiphonis, et responsoriis, quæ Laus et Sonus appellantur; item hymno et cantico, quod aliud est a cantico Zachariæ, præterquam in festo Præcursoris: sicuti canticum beatæ Mariæ in vespers nunquam dicitur, præterquam in festis beatæ Mariæ. In aliis horis canonicis quidam psalmi recitantur, adjectis etiam Laude, Sono, et antiphonis. Officia nocturna et vespertina claudit oratio Dominica, quæ elata voce recitatur, populo ad singulas petitiones respondente *Amen*, præterquam ad *Panem nostrum*, etc., ubi respondetur: *Quia Deus es*, ut in missa. In fine: *In nomine Domini nostri Jesu Christi perficiamus cum pace*. Ad quod respondet populus: *Deo gratias*. Plura de officio Mozarabum qui volet, legat tomum postremum Bibliothecæ Patrum defectu Breviarii Mozarabici, cujus rara sunt exemplaria, aut cardinalis Bonæ librum II de divina psalmodia, cap. 18, ubi ait hoc officium adhuc vigere ac servari Toleti in quinque pareciis, et in sacello Francisci Ximenez cardinalis, itemque Salmanticæ in sacello doctoris Talabrencensis, quod est in claustro majoris ecclesiæ.

17. Hoc Breviarum in editione cardinalis Ximenez inscribitur: *Officium Gothicum sive mixtum secundum regulam beati Isidori*. Sed vereor ut ejusmodi ritus, qualis in illo Breviario descriptus est, ita antiquus sit, ut ad Isidori tempora possit referri. Constat siquidem ex ejus Regulæ cap. 7 psalmos in omni synaxi recitados fuisse. In vespertinis enim officiis primo « Lucernarium, » **393** id est precatio ad accendendas lucernas: « deinde psalmi duo, responsorium unum, Laudes, hymnus atque oratio dicenda est. » In nocturnis autem Vigiliis primum « tres Psalmi canonici recitandi sunt; deinde tres missæ psalmorum, quarta canticorum, quinta Matutinorum officiorum. Quid sit hoc loco missa, obscurum est. Hoc vocabulum aliquando lectionem, aliquando vero collectam seu orationem, nonnunquam dimissionem significat. Menardus hunc locum de Collecta recte interpretatur: « In Dominicis vero diebus, vel festivitibus martyrum, solemnitatis causa singulæ superaddantur missæ. Verum in Vigiliis recitandi aderit usus, in Matutinis canendi psallendique consuetudo. Lectiones autem ex Veteri et Novo Testamento tempore officii quotidianis diebus recitantur; Sabbato autem et Dominico ex Novo tantum pronuntientur. » Hæc omnia longe discrepant a vulgato Breviario Mozarabum, in quo psalmi nulli, nullæ lectiones ad Vi-

Agilias nocturnas. Isidorus ex reliquis officiis, præter Vesperas, Completorium, Vigiliis nocturnas, et matutinas Laudes, recenset tantum Tertiam, Sextam, et Nonam, ommissa Primæ nedum Auroræ officio, quod Auroræ officium ante Primam in Breviario Mozarabico singulare præscribitur. Atqui in his diurnis officiis Isidorus tres duntaxat psalmos assignat, responsorium unum, lectiones ex Veteri Novoque Testamento duas, deinde Laudes, hymnum, atque orationem, quæ omnia cum Mozarabico ritu hodierno, non conveniunt. Cæterum Isidori tempore hæc apud Hispanos disciplina erat, ut « quando psallitur, ait, psallatur ab omnibus; cum oratur, oreitur ab omnibus; cum lectio legitur, facto silentio, æque audiatur a cunctis, » in lib. I de ecclesiasticis Officiis, cap. 10.

18. Fructuosus, in regulæ primæ cap. 2, ab Isidoro in nonnullis, sed in pluribus a Mozarabico ritu differt. **394** In hoc autem cum Isidoro convenit, quod Psalmos in nocturnis Vigiliis præscribit, sed plures quam Isidorus; ternos vero in diurnis, ut ille, officiis. Id peculiare, quod Primam et Duodecimam assignat, quas ille prætermittit; et Duodecimam quidem a Vespera distinguit, cum horæ canonicæ ab eo recensentur hoc modo: Tertia, Sexta, Nona, Duodecima videlicet, atque Vespera. Concilium vero Emeritense, canone 2, Vesperarum officium ad modum aliarum ecclesiarum, scilicet Mozarabum, earumque tres partes, Lucernarium, Vespertinum et Sonum distinguit. **C***Sicut in Fide sancta*, inquit Patres nostra est unanimitas, ita pro sancto Dei officio debet esse intentio (forte consensus) summa. Oportet igitur, ut sicut in aliis ecclesiis vespertino tempore, post lumen oblatum, prius dicitur Vespertinum, quam Sonum in diebus festis; ita et a nobis custodiatur in nostris ecclesiis. Beatus abbas in lib. I adversus Eli-pandum, de officio apud Hispanos ante sæculum IX usitato hæc habet: « Si in vespertinis lucernarium ante altare obtulerit, non potest aliter offerri, nisi dixerit: *In nomine Domini nostri Jesu Christi lumen cum pace*. Si etiam completo officio, non potest egredi sine hac solutione, nisi prius dixerit: *In nomine Domini nostri Jesu Christi eamus cum pace*. Sic in vespertinis, sic in matutinis, sic omnibus horis, quibus necessaria officia vel canonica in ecclesia peraguntur. » Et hæc quidem hactenus dicuntur in officio Mozarabum, quod in aliis multum recedit a regulis Isidori et Fructuosi.

19. Dicat forsitan aliquis in his regulis monasticis ritus præscriptos fuisse, non communem, qualis in Hispanicis Ecclesiis observabatur. Confirmatur id ex concilii Bracarenensis primi canone I relectionum, ubi decernitur, *Ut unus 395 atque idem psallendi ordo in matutinis vel vespertinis officiis teneatur; et non diversæ ac privatæ, neque monasteriorum consuetudines cum ecclesiastica sint permixtæ*. Verum haudquaquam verisimile est, Isidorum, qui tantopere pro ritu Mozarabico laboravit, ut ejus auctor habeatur: non, inquam, verisimile est in monasteriis ab ipso

præscriptum fuisse ritum tam diversum ab eo qui in aliis Ecclesiis eodem auctore fuisset institutus : maxime cum in hoc antiqui Patres semper conspiraverint, ut in divinis officiis uniformis, saltem in unaquaque provincia, ritus observaretur. Certo in concilio iv Toletano, canone 2, statutum est, *Ut unus ordo orandi atque psallendi per omnem Hispaniam et Galliam conservaretur, unus modus in missarum sollemnitatibus, unus in vespertinis matutinisque officiis.* Atqui in Gallia etiam Narbonensi psalmos semper ad Vigiliis nocturnas recitados fuisse non dubito, tametsi fateor nullam hujus rei fieri mentionem in conciliis Agathensi et Narbonensi, in quibus de vigiliis nocturnis signanter non agitur.

§ II.

Psalmodiæ origo et progressus in Gallicanis Ecclesiis, Lugdunensi, Arelatensi, Viennensi, et Massiliensi, Ubi de Psalterio Gallicano.

20. In ecclesiasticis ritibus investigandis passim comprobatum experimur effatum concilii vi Toletani, in canone 6, nempe *longinquitate sæpe fieri temporis ut non pateat ratio originis.* Id modo probavimus exemplo cursuum ecclesiasticorum, quorum obscura primordia in Ecclesia universa, nec magis nota in singulis Ecclesiis, nedum in Gallicana, quod in præsens investigare aggredimur.

21. In primis Galli antiquitus peculiari Psalterii versione usi sunt, scilicet ea quæ a sancto Hieronymo emendata 396 est. Audiendus hac de re Walafridus Strabo de Rebus ecclesiasticis, cap. 23 : « Psalmos autem cum secundum LXX Interpretes Romani adhuc habeant, Galli et Germanorum aliqui secundum emendationem quam Hieronymus Pater de LXX editione composuit, Psalterium cantant : quam Gregorius Turonensis episcopus a partibus Romanis mutuam in Galliarum dicitur Ecclesias transtulisse. » De re ipsa eadem est Bernonis Augiensis abbatis sententia ; de tempore vero quo hæc versio a Gallis recepta est, hic cum Walafrido non consentit. Bernonis verba eo lubentius refero, quod accepta sint ex ejus epistola inedita ad Meginfridum et Bennohem, ubi de Hieronymo agens : « Inter cætera, inquit, ex emendata LXX Interpretum translatione Psalterium ex Græco in Latinum vertit, illudque cantandum omnibus Galliæ ac quibusdam Germaniæ Ecclesiis tradidit, Et ob hoc Gallicanum Psalterium appellavit, Romanis adhuc ex corrupta vulgata editione Psalterium canentibus, ex qua Romani cantum composuerunt, nobisque usum cantandi contradiderunt. Unde accidit quod verba quæ in diurnis vel in nocturnis officiis canendi more modulantur, intermiscantur, et confuse nostris psalmis inserantur, ut a minus peritis haud facile possit discerni, quid nostræ, vel Romanæ conveniat editioni. Quod pius Pater ac peritus magister intuens, tres editiones in uno volumine composuit ; et Gallicanum Psalterium, quod nos canimus, ordinavit in una columna, in altera Romanum, in tertia Hebræum. » Hactenus Berno in epistola ms. quibus in verbis duo notanda sunt.

22. Unum est, versionem illam Gallicanis ac quibusdam Germanicis Ecclesiis ab ipso Hieronymo contraditam fuisse in sententia Bernonis, cum Walafridus eam a Gregorio episcopo Turonensi in Gallias invectam 397 tradat. Verum post Gregorii tempus id factum videtur, certe post Hieronymi ætatem. Hujus rei argumenta nobis suspeditat Gregorius ipse in Historia sua, ubi non uno in loco Psalmorum versiculos refert ex alia versione quam Gallicana. Duos tantum insigniores proferre juvat. Unus locus est in lib. v, cap. 14, ubi versus 18 et 19 psalmi LXXII adducit in hunc modum : *Verumtamen propter dolositatem posuisti eis mala; deiecisti eos dum allevarentur. Quomodo facti sunt in desolationem, subito defecerunt; perierunt propter iniquitates suas.*

Alter locus est in ejusdem Historiæ lib. vi, cap. 5, ubi hemistichium versus noni ex palmo xcv ita habet : *Dominus regnavit a ligno.* Quæ duo loca aliter leguntur in versione Vulgata seu Gallicana : magisque conveniunt cum versione Romana, in qua præmissum hemistichium totidem verbis jacet : versus autem 18 psalmi LXXII hoc modo : *Verumtamen propter dolos disposuisti eis mala.* Eadem fere lectio utrobique in argenteo Codice nostro in purpureis membranis exarato, id est in illo Psalterio quod sancti Germani Parisiorum episcopi fuisse creditur. Prioris enim loci hæc lectio est in illo Codice : *Verumtamen propter dolositatem posuisti illis mala.* Varietas in his verbis, *perierunt propter injustitiam suam.* Posterioris autem loci eadem prorsus lectio est in codice Germanensi. Eadem versione usus est Fortunatus, teste ejus hymno de Cruce. Ex quo intelligimus eo tempore quo Gregorius Turonensis antistes Historiam suam scribebat, Psalterium ab Hieronymo emendatum, quod Gallicanum vocatur, nondum receptum in Gallia fuisse. Medio itaque Gregorium inter et Walafridum intervallo admissum est, fortasse opera sancti Bonifacii Moguntini pontificis, qui illud Gallicanis Germanicisque Ecclesiis tradiderit,

398 23. Alternum in Bernonis verbis observandum illud est, nempe Romanos ejus tempore, id est medio sæculo xi suæ versioni adhæsisse : quæ ex versione antiphonæ quæ in cantu Romano adhibentur excerptæ sint. Atqui hoc Romanum Psalterium usui fuit in Urbis ecclesiis ad pontificatum Pii V, cujus jussu ubique recepta est Vulgata seu Gallicana editio præterquam in una Romæ Vaticana ecclesia, et extra Urbem in Mediolanensi : quæ utraque antiquum suum Psalterium retinent, uti etiam ecclesia sancti Marci apud Venetias. Denique ille antiphonarum Romanarum usus ex Romana Ecclesia in Gallicanam invectus est Pippinum, cui Paulus papa Antiphonale et Responsale ex Urbe direxit.

24. His de Psalterio Gallicano præmissis, jam disquirendum est quo ordine quibusve modis publicarum in Gallicanis Ecclesiis precum institutio facta sit, quæ ratione processerit. Si ab exordio receptæ religionis hic ritus admissus esset, Lugdunensis Ecclesia primas sibi hac in re, ut in ipsa religione, vin-

dicaret. Sed etsi in publicis fidelium conventibus jam inde ab Ecclesiæ nascentis exordio psalmi aliæque preces recitatæ sint, tamen longe alia erat eo tempore quam subsequenti disciplina. Neque enim cantus in usu tunc erat, nec certa psalmodiarum aut lectionum dispositio. « Primitiva (quippe) Ecclesia ita psallebat, ut modico flexu vocis faceret resonare psallentem, ita ut pronuntianti vicinior esset quam canenti, » ait Rabanus in lib. de Institutione Clericorum cap. 48 (Vid. Augustin., supra, pag. 394). Idem subdit quod ex Isidoro accepit : « Propter carnales autem in Ecclesia, non propter spirituales, consuetudo cantandi est instituta; ut quia verbis non compunguntur, suavitate modulaminis moveantur. » Parum itaque **399** verisimile est id quod scribit vetus auctor apud Spelmannum, Photinum Lugdunensem, et Trophimum Arelatensem episcopos auctores fuisse, ut cursus Asiaticus in suis ecclesiis institueretur. Alia proinde ejus rei origo quærenda est.

25. De Lugdunensis ecclesiæ cursu nihil antiquius occurrit quam quod legitur in collatione episcoporum anno 499 habita coram Gundobado Burgundiæ rege adversus Arianos. Designata a rege collatio ad diem festum sancti Justi. In vigilia ipsius solemnitate, episcopi decreverunt ad ejus sepulcrum pernoctare, ut futuræ collationis successum Deo commendarent. « Evenit autem ut ea nocte, cum lector secundum morem inciperet lectionem a Moyse, incidit in illa verba Domini : *Sed ego indurabo cor ejus*, etc. Deinde cum post psalmos decantatos recitaret ex prophetis, occurrerunt verba Domini ad Esaiam dicentis : *Vade, et dices populo huic : Audite audientes*, etc. Cumque adhuc psalmi fuissent decantati, et legeret ex Evangelio, incidit in verba, quibus Salvator exprobrat Judæis incredulitatem : *Væ tibi Corazaim*, etc. Denique cum lectio fieret ex Apostolo, pronuntiata sunt verba illa : *An divitias bonitatis ejus*, etc. Quod cum ab omnibus episcopis observatum fuisset, cognoverunt lectiones illas sic occurrisse, volente Domino, ut scirent induratum esse cor regis. » Ex hoc insigni loco quinque discimus de antiqua psallendi apud Lugdunenses disciplina. Primum in vigiliis nocturnis quatuor lectionum genera facta fuisse, nimirum ex Heptateucho, ex Prophetis, ex Evangelio, et ex Apostolo. Deinde lectiones illas fortuito in illum diem incidisse, forte quod Pentateuchum et sequentes libri, **400** tum prophetæ, Evangelia, et Pauli Epistolæ consequenter legerentur; et in sequenti officio inde lectio inciperet, ubi in superiori desiisset. Tertium, nocturnas Vigiliis a lectione incœpisse. Quartum vero, lectionibus Psalmorum cantum fuisse interpositum. Quintum denique, nullas de passione sancti Justi lectiones factas. Quod quam ob rem observemus, ex consequentibus intelligitur.

26. Ab eo tempore ad sæculum ix nihil de cursu Lugdunensi reperio in vetustis monumentis, præter id, quod nobis suggerit Agobardus ejus urbis antistes in libro de divina Psalmodia, itemque in aliis libris de Correctione Antiphonarii, et contra Amalarium.

PATROL. LXXII.

A In primo ex his tribus libris asserit vindicatque usum Ecclesiæ Lugdunensis, quæ nulla cantica, nisi ex Psalmis, nullos hymnos a poetis scriptos, nullas præterquam ex sacra Scriptura lectiones in Dei laudibus tunc admittebat. « Sed et reverenda concilia patrum, inquit, decernunt, nequaquam plebeios psalmos in Ecclesia decantandos; et nihil poetice compositum in divinis laudibus usurpandum. » Hic locus respicit canonem duodecimum concilii primi Bracarenensis, quo decernitur, *Ut extra Psalmos vel canonicarum Scripturarum Novi et Veteris Testamenti, nihil poetice compositum in Ecclesia psallatur, sicut et sancti præcipiunt canones*, nempe concilii Laodiceni, cujus canon 59 *plebeios psalmos* in Ecclesia canivetat; nec alios libros *Præter Canonem* legi. Alia fuit disciplina concilii iv Toletani in canone 12, alia etiam quorundam Galliæ conciliorum, ut Agathensis, canone 30, et Turonensis, canone 23, ubi hymni, et quidem Ambrosiani ad ecclesiastica officia probantur, imo et aliorum auctorum, *qui digni sunt formam cantari*. Agobardus **401** addit, cuiusvis contra sentienti sufficere debere, quod « sicut in diebus ad missas nonnisi divina generaliter eloquia decantantur, ita et in noctibus ad sacras Deo Vigiliis exhibendas ea procul dubio lex debeat observari. » Idem probat in sequenti libro de Correctione Antiphonarii, ubi hæc verba : « Non ergo cujuscunque figmentis, sed Spiritus sancti eloquiis Majestas divina laudanda est. » Et paulo post laudat quosdam « religiosos viros, qui subjectis sibi fratribus præceptum tale dederunt, » ut « nullus præsumat responsoria, aut antiphonas, quæ solent aliqui composito sono pro libitu, non ex canonica Scriptura assumpta canere, in congregatione ista vel meditari, vel dicere. » Quæ verba sunt sanctorum Pauli et Stephani in regulæ suæ cap. 14. Demum ita concludit Agobardus : « Quapropter, auxiliante Dei gratia, omni studio pietatis instandum atque observandum est, ut sicut ad celebranda missarum solemnities habet Ecclesia librum mysteriorum fide purissima, et concinna brevitate digestum, habet et librum lectionum, ex divinis libris congrua ratione collectum, ita etiam et hunc tertium officialem libellum id est Antiphonarium habeamus omnibus humanis figmentis et mendaciis expurgatum, et per totum anni circulum ex purissimis sanctæ Scripturæ verbis sufficientissime ordinatum; quatenus in sacris officiis peragendis... una a nobis atque eadem custodiatur forma orationum, forma lectionum, et forma ecclesiasticarum modulationum. »

27. Hunc ritum in aliquibus etiam nunc retinet ecclesia Lugdunensis; sed in plerisque, maxime in Psalmorum distributione, cum Romana convenit. Nullos hymnos habet, nisi ad Completorium; lectiones ex Actis sanctorum admittit.

28. Eundem ferme ritum servat Ecclesia Viennensis, quæ nullos pariter hymnos canit, nisi ad Completorium, **402** varios pro variis festis. In officio pro mortuis Vesperas collocat post Laudes. Unde in solemnī anniversario omnium defunctorum Ve-

speras differt in diem secundam Novembris. Et quidem hoc ordine præscribuntur in vetusto Ordine Romano ms. In Actis sancti Clari abbatis, qui sæculo VII floruit, recensentur utriusque sexus monasteria duodecim, in quibus numerosus chorus assiduas Deo laudes persolvebat. De cathedrali sancti Mauricii, aliisque ejusdem urbis ecclesiis hæc subdit auctor : « Porro in domo majori sanctorum martyrum apostolicam vitam tenentes, in unumque viventes plurimi clerici erant; ita ut turmis dispositis officiorum ministeria peragerent. Apud sanctum Severum quoque cœtus clericorum venerabilis. Alia quoque venerabilia sanctorum in unum conversantium habitacula ad sexaginta, sub cura pontificis degentia, in Viennensi diœcesi satis ordinabiliter sita erant. Sic tunc temporis ad gloriam omnipotentis Dei Viennensis Ecclesia florebat. » Ad hæc sacra loca, quæ Viennæ illis temporibus erant, pertinere videtur Aviti sanctissimi ejus episcopi fragmentum 5. « Noverunt siquidem sceptræ sæculi nostri in quo sit virtus temporis sui; quorum inexpugnabiliter, recte ut confidimus, plus hæc basilicis, quam propugnaculis urbs munitur. Cingitur undique sacrarum ædium tutamine dives accessus; et ad portarum, quamvis patentium, limina tutiora, nisi sanctis janitoribus, non venit. Desistat hinc plane nutu superno usus armorum. » In his porro sanctis locis psallendū viguisse colligitur ex his fragmenti 7 verbis : « Gallia nostra floreat. Orbis desideret quod locus invexit. Incipiatur hodie exustioni æternitas, dignitas regioni. Laudantibus in præsentī sæculo Deum, laudaturis pariter in futuro, renovet magis obitus, quam terminet actionem, » etc. Idem in fragmento 6, meminit **403** « lectæ passionis » sanctorum Agaunensium in eorum festivitate, quod « ex consuetudinis debito » factum dicit.

29. Quod sancto Trophimo Arelatensium primo episcopo tribuit vetus auctor apud Spelmannum, non adeo antiquum videtur institutum. Apud Sidonium Apollinarem, in lib. IV, epistola 11, Claudianus monachus, Mamerti Viennensis episcopi germanus et vicarius, laudatur, quod psalmos præciperet, et lectiones per annum ordinaverit.

Psalmorum hic modulator et phonascus,
Ante altaria, fratre gratulante,
Instructas docuit sonare classes.
Hic solemnibus annuis paravit,
Quæ quo tempore lecta convenirent.

Secundum Claudianum, divini in illa Ecclesia officii amplificator censendus est sanctus Cæsarius episcopus, teste Cypriano episcopo Tolonensi in libro primo de ejus Vita. Sic enim legitur num 10 : « De profectibus itaque cunctorum sollicitus et providus Pastor statim instituit ut quotidie Tertiæ, Sextæque, et Nonæ opus in sancti Stephani basilica clerici cum hymnis cantarent; ut si quis forte sæcularium vel pœnitentium sanctum opus exsequi ambiret, absque excusatione aliqua quotidiano interesse posset officio. » Et num. sequenti : « Adjecit etiam atque compulit, ut laicorum popularitas Psalmos et hymnos pararet,

altaque et modulata voce, instar clericorum alii Græce, alii Latine, prosas antiphonasque cantarent, ut non haberent spatium in ecclesia fabulis occupari. » Nimirum non solum Latini sermonis homines ibi erant, sed etiam Græci propter coloniam Phocensem, quæ Massiliam immigraverat. Neque vero per id tempus Latina lingua in Galliis ita familiaris erat, ut quivis eam absque præceptore intelligeret. Testem **404** huc appello Gregorium, Galliæ nostræ scriptorem insignem, qui in cap. 12 de Vitis Patrum agens de Brachione abbate, qui « cum esset adhuc laicus (sic legendum ex Ms.) in nocte bis aut ter de stratu suo consurgens, terræ prostratus orationem fundebat ad Dominum; nesciebat tamen, ait, quid caneret, quia litteras ignorabat, » id est linguam Latinam.

B 30. Redeo ad Cæsarium, qui de instituta psallendi disciplina animi sui lætitiā sic effundit in sermone 288 appendicis novæ Augustinianæ : Gaudium, quod mihi Dominus de vestra sancta et fidei devotione concessit, verbis non prævaleo explicare. Plures enim erant anni quod pro hac re æstuebat anima mea, et tota cordis intentione desiderabam ut istam psallendi consuetudinem vobis pius Dominus inspiraret. Unde benedico Dominum meum, et quantas possum jugiter gratias ago, qui dignatus est implere desiderium meum. Cum enim vos ego ita psallere desiderarem, quo modo in aliis vicinis civitatibus psallebatur, taliter Deus præparavit animum vestrum, ut hoc etiam melius, Domino adjuvante, compleatis. » Ad hæc in sermone 140 : « Et ideo rogo vos, fratres charissimi, ad Vigiliis matutinas surgite : ad Tertiā, ad Sextā, ad Nonā ante omnia convenite. Nullus se a sancto opere subtrahat, nisi quem infirmitas, aut publica utilitas, aut forte certa et grandis necessitas tenuerit occupatum. Nec solum vobis sufficiat, quod in ecclesia divinas lectiones auditis; sed etiam in domibus vestris aut ipsi legite, aut alios legentes requirite, et libenter audite. » Ita Cæsarius ad laicos homines civitatis Arelatensis : qui « frequenter etiam ad Matutinos et Lucernarium propter advenientes recitabat homilias, » ex Cypriano episcopo Tolonensi in ejus Vita, num. 4, « ut nullus esset qui se de ignorantia excusaret. » In his Vigiliis matutinis non solum Scripturas sacras, sed etiam passionēs

D **405** martyrum lectas fuisse ex eodem Cæsario intelligimus in sermone 300 appendicis novæ Augustinianæ : « Ante aliquot dies propter eos, qui aut pedes dolent, aut aliqua corporis inæqualitate laborant, paterna pietate sollicitus consilium dedi, et quodam modo supplicavi, ut quando aut passionēs prolixæ, aut certe aliquæ lectiones longiores leguntur, qui stare non possunt, humiliter et cum silentio sedentes, attentis auribus audiant quæ leguntur. Nunc vero aliquæ de filiabus nostris putant, quod hoc aut omnes, aut certe plures quæ sanæ sunt corpore, frequenter debent facere. Nam ubi verbum Dei cœperit recitari, quasi in lectulis suis, ita jacere volunt, » etc.

31. Ex his colligimus, primo publicarum precum institutionem non minus in gratiam populi quam

cleri factam fuisse. Deinde lectionum tempore fideles stetisse in pedes, exceptis infirmis. Ad hæc nullam hic de Primæ officio fieri mentionem, sicut nec etiam in constitutione Injuriosi episcopi Turonensis, de qua inferius. Postremo hanc psallendi normam in vicinis Ecclesiis, antequam in Arelatensi, fuisse institutam.

32. Non multum distat Arelate Massilia, ubi medio sæculo v versatus est Cassianus. Is duobus in locis cursus Gallicani meminit, et primo quidem in lib. II Institutionum, cap. 8 : « Illud etiam quod in hac provincia vidimus, ut uno cantante, in clausula psalmi omnes adstantes concinant cum clamore, *Gloria Patri et Filio et Spiritui sancto*, nusquam per omnem Orientem audivimus, sed cum omnium silentio ab eo qui cantat, finito psalmo, orationem succedere: hac vero glorificatione Trinitatis tantummodo solere antiphonas terminari, » id est, si bene interpretor, cantum alternum. Nam hunc antiphonæ nomine apud antiquiores auctores intelligi **406** superius vidimus. Alter locus est in lib. III, cap. 4, ubi duo nos docet Cassianus. Primum, matutinam solemnitatem, id est Laudes, « expletis nocturnis psalmis et orationibus, post modicum temporis interval- lum, » in Galliæ monasteriis fuisse celebratam. Quod etiam in regula sua præcipit sanctus Benedictus; atque de Emeritensi Ecclesia hiemis tempore in more fuisse tradit Paulus Diaconus in lib. de Patribus Emeritensibus, cap. 1. Secundum est, alteram « matutinam solemnitatem, » quod Primæ officium est, « in occiduis vel maxime regionibus » observatam. Et tamen Cæsarius, ut modo vidimus, Cassiano inferior ætate, nullam Primæ facit mentionem; sed tamen in appendice regulæ suæ eam diebus Dominicis ac festis præscribit, ut postea videbimus.

33. Non prætermittendus hoc loca Museus, seu (ut per vetustus Codex præfert) Maseus, qui « hortatu sancti Venerii episcopi (Massiliensis) excerpsit ex sanctis Scripturis lectiones, totius anni festis aptas diebus, responsoria etiam et psalmorum capitula temporibus et lectionibus congruentia. Quod opus tam necessarium a lectore in Ecclesia comprobatur, ut expeditum et sollicitudinem tollat, et moram; plebique ingerat scientiam, et celebritati decorem. » Hæc ex Gennadii cap. 79, ubi observa lectiones ad dies tantum festivos designari, non ad feriales.

34. Qua ratione ordinata fuerint Massiliæ divina officia, non liquet; at de Arelatensi ritu conjectare possumus ex regulis Cæsarii et Aureliani, qui longe diversum a Lugdunensi modum præscribunt. Ambo vero duos tantum nocturnos passim in Vigiliis nocturnis assignant, et lectiones uterque missas appellant. Et tria quidem folia ad unamquamque exigit Cæsarius; tres aut quatuor paginas, pro mensura libri, Aurelianus, **407** qui lectiones de passionibus martyrum in eorum festis præscribit, ut permittit tertium concilium Carthaginense. Ad hæc Cæsarius et Aurelianus in matutinis Laudibus canticum *Magnificat* et hymnum *Gloria in excelsis* pro diebus pas-

chalibus præcipiunt, itemque pro singulis Dominicis et majoribus festivitatibus. Ab eodem Cæsario conditi sunt canones concilii II Vasensis, cujus canone 3 statuitur, ut Kyrie eleison *ad Matutinos, et ad missas, et ad Vesperam frequentetur*. Eam ob rem Aureliani regula id aliquando ter, aliquando etiam duodecies repeti jubet. Ejusdem concilii canon 5 decernit, *Ut in omnibus clausulis psalmorum post Gloria dicatur* Sicut erat in universis ejus provinciæ ecclesiis.

35. Præter ea Ferreolus Ucetiensis antistes, in regulæ suæ cap. 18 : « Gesta martyrum, inquit, id est passionum sanctorum fidelium, quæ quorundam compaginata studio et sermone digesta sunt, tempore quo nobis diem migrationis eorum anni meta cursus sui legibus repræsentat, recenseri in oratorio audientibus cunctis omnino decernimus. » Quod etiam de Viennensi et Arelatensi Ecclesiis superius observavimus. Denique Faustus ex monacho Lerinensi episcopus Regiensis, teste Sidonio in lib. IX, epist. 3, fuit « precum peritus insularum, quas de palæstra eremitidis et de senatu Lerinensium cellulanorum, in urbem quoque (suam) transtulit, nihil ab abbate mutatus per sacerdotem. » His omnibus adjungere par est metropoles Narbonensem, Burdegalensem, et Bituricensem, quarum episcopi in concilio Agathensi anni 506, canone 30, sancierunt, ut idem ordo in divinis officiis ubique servaretur, quem canonem integrum in consequentibus referemus. Ad hæc Gregorius in Historiæ lib. I, cap. 29, tradit apud Biturigas, **408** a primis acceptæ fidei temporibus, clericos ordinatos fuisse, qui « ritum psallendi susceperunt. »

36. Hæc fere sunt quæ de Lugdunensi, Viennensi, Arelatensi, aliisque vicinis ecclesiis nobis observanda occurrerunt: ex quibus intelligimus, primo quidem psalmos ab uno lectore aliquando fuisse recitados, testante Cassiano, et post finem singulorum versiculorum *Gloria Patri* ab omnibus cantatum; deinde vero eam psalmodiæ disciplinam successisse, ut omnes canerent, quod Cæsarius Arelate vicinarum Ecclesiarum exemplo instituit. Nunc ad alias Ecclesias progrediamur.

§ III.

D *De origine et propagatione divinarum officiorum in Lugdunensi secunda, tertia, et quarta, et in utraque Belgica.*

37. Psalmodiæ antiquitatem in secunda Lugdunensi, id est in Rothomagensi Ecclesia, nullum illustrius commendat testimonium, quam Paulini epistola ad Victricium ejus urbis episcopum. « Denique nunc Rothomagum, et vicinis ante regionibus tenui nomine pervulgatum, in longinquis etiam provinciis nominari venerabiliter audimus, et inter urbes sacratis locis nobiles cum divina laude numerari. Haud immerito, cum totam illic, qualis in Oriente memoratur, Hierusalem faciem, apostolorum quoque præsentiam meritum tuæ Sanctitatis adduxerit: qui peregrinam memoriis suis urbem, affectu sanctorum

spirituum, et affectu operum divinatorum, sedibus suis comparant, qui in te ipso aptissimum sibi diversorium reppererunt... Ubi quotidiano sapienter psallentium per frequentes ecclesias et monasteria secreta concentu, castissimis ovium tuarum et cordibus delectantur **409** et vocibus, » scilicet amici Dei. Erat ergo jam tunc, id est sub finem sæculi IV, in illa civitate quotidianus psallentium concentus, non modo in monasteriis, sed etiam in aliis ecclesiis, exemplo monachorum, quos huic institutioni exemplum præbuisse facile esset demonstrare.

38. De ecclesia Turonensi, quæ tertia est Lugdunensis, id memoriæ prodidit Gregorius sub finem Historiæ suæ, Injuriosus episcopus ibidem instituisse « Tertiam et Sextam » in illa Ecclesia, « quod modo, subdit, in Dei nomine perseverat. » Hæc sub annum 530. Paulo post, id est anno 567, concilium Turonense in ordinem psallendi præscripsit, qui tam in ipsa basilica sancta beati Martini, quam in aliis ecclesiis servaretur. Hujus rei gratia conditus est canon 18, in quo quid singulis anni mensibus ad *Matutinum* psallendum sit, definitur, nulla aliarum horarum mentione facta, nisi Sextæ et Duodecimæ, sed tantum comparando veterum de Sexta et Duodecima institutum cum Matutini observatione, quam concilii Patres instituerunt, nempe ut non minus quam sex psalmi in Matutino, id est in nocturno officio, persolvantur, cum ad Sextam et Duodecimam totidem psalmos *Patrum statuta* præceperint, scilicet *Ægyptiorum*, de quibus Cassianus in libro II suarum Institutionum, capitibus 5 et 6, ubi hunc numerum duodecim psalmorum, tam in vespertinis, quam in nocturnis conventiculis custodiendum angeli magisterio institutum fuisse dicitur. Ubi nocturna conventicula non alia sunt quam Matutinum concilii Turonensis, cujus Patres ad hunc locum respexerunt. Itaque ad Tertiam et Sextam, quas Injuriosus in dies ordinaverat, concilium adjecit singulis etiam **410** diebus Matutinum. Ante id tempus sub Perpetuo metropolitano habitum est anno 465 concilium Veneticum, cujus canone 15 sancitum est *Ut idem ordo sacrorum et psallendi observaretur intra provinciam, et sicut unam*, inquiunt Patres, *cum Trinitatis confessione fidem teneamus, unam et officiorum regulam teneamus*. Et canone 14 : *Ut clerici, qui in civitate fuerint, matutinis hymnis intersint*. Jam ergo in provincia Turonensi ordo psallendi erat institutus, sed fortasse non pro singulis diebus, sed pro diebus festis. Unde Injuriosus in dies feriales Tertiam et Sextam instituit.

39. Turonensi Ecclesiæ adjungere mihi liceat Pictavensem, quæ licet alteri metropoli, nempe Burdegalensi, subjecta, magnam tamen cum ea affinitatem habet, tum ob viciniam, tum ob sanctum Martinum, quem Turonibus concessit Hilarius sanctissimus Pictavorum antistes. Huic inter primos psalmodiæ originem esse tribuendam conjiciebam, tum ex eo quod in Phrygiam ob catholicam fidem relegatus, hunc psallendi morem ex Asia in Galliam facile invehere potuit : tum quia Latinorum primus librum

A hymnorum composuit, teste Hieronymo, et post eum Isidoro. Exciderunt hymni illi ; sed eos viderat Hieronymus, ex quo discimus, in hymnorum carmine Gallos indociles ab Hilario vocari, ut ipse Hieronymus testatur in præfatione libri II commentarii ad Galatas. Unus ex his integer hymnus inter Hilarii opera nobis reliquus est, iambicis versibus constans, qui filiæ ejus Abræ missus dicitur. In eo hymno fit mentio Matutinæ, cui horæ is aptatus est. Memoratu dignum id, quod Baudonivia in fine libri II de Vita sanctæ Radegundis tradit, scilicet morem tunc fuisse « in festivitate beati Hilarii reliquis monasteriis circumcirca **411** proximis, usque in mediam noctem Vigiliis celebrare ; et de media nocte ~~num~~ quemque abbatem cum suis fratribus ad suum [revertisse monasterium ad suum cursum celebrandum. » Denique in Ecclesia Pictavensi Collectarum usus nondum invaluisse videtur tempore Fulberti episcopi Carnutensis, ut colligo ex epistola 79 ad Hildegarium sancti Hilarii ecclesiæ decanum : « Finitis autem capitulis, post orationem Dominicam, ubi dicitur, *Domine, exaudi orationem meam*, statim esset subdenda oratio, quæ ex libro Sacramentario recitatur. Patere tamen Ecclesiam retinere suum usum usque ad præsens. »

40. Ad quartam Lugdunensem tunc pertinebat Parisiorum civitas, cujus cleri fervens in divinis laudibus persolvendis studium testis locuples asserit Venantius Fortunatus. Is in libello de Vita sancti Germani hujus urbis episcopi, eum laudat ab infatigabili Vigiliarum constantia, quæ ea erat, ut « quinquaginta psalmos vel amplius in templo sui pectoris Domino decantaret, » id est recitaret « antequam reliquos de sopore commoneret assurgere : » deinde ut « se mutantibus clericis, sine vicissitudine ipse decantandi modulamina non finiret. » Postremo « tertia noctis hora ingrediens in ecclesiam, non est egressus ulterius psallentium ab ordine, donec clarescente die, decantatus solemniter cursus universus consummaretur ex canone. » Hic de multis nos admonet Fortunatus. Primo, episcopo moris fuisse ut clericos suos ad Vigiliis nocturnas excitaret, ac proinde sub eodem tecto cohabitasse omnes. Deinde clericos sibi invicem in canendi vices successisse. Ad hæc tertia noctis hora Vigiliis fuisse inchoatas in Ecclesia Parisiaca : quæ laudabile hoc institutum etiam nunc religiose servat, nocturnas Vigiliis ad mediam noctem persolvendo. Postremo sacri cursus canonem tunc ratum **412** ac fixum fuisse. De Lupo Senonensi episcopo id etiam litteris mandavit ejus Vitæ scriptor, ipsum « ea hora qua clero incumberebat matutina præragere solemnia, suis manibus signum pulsasse. »

41. Præclarum vero est ejusdem cleri Parisiacensis ob assiduam psalmodiam elogium apud eundem Fortunatum, in lib. II, carmine 10 :

Celsa Parisiaci cleri reverentia pollens
Ecclesiæ genium, gloria, munus, honos ;
Carmine Davidico divina poemata pangens,
Cursibus assiduâ dulce revolvit opus.

Inde sacerdotes, leviticus hinc micat ordo :
 Illos canities, hos stola pulchra tegit.
 Illi jam senio, tamen hi bene vestibus alant,
 Ut placeat summo picta corona Deo.
 In medio Germanus adest antistes honore
 Qui regit hinc juvenes, subrigit inde senes.

Ex sequentibus versibus colligi videtur, psalmodum cantum a media nocte ad lucem continuum fuisse. Atque huc fortasse spectat quod ex Germani Vita mox retulimus, clericos sibi in canendo successisse.

Miles ad arma celer, signum mox tinnit in aures,
 Erigit excusso membra sopore toro.
 * Advolat ante alios mysteria sacra requirens
 Undique quisque suo templa petenda loco.
 Flagranti studio populum domus irrigat omnem,
 Certatimque monent quis prior ire valet.
 Pervigiles noctes ad prima crepuscula jungens,
 Construit angelicos turba verenda choros.

Neque tantum vocum, sed etiam musicorum instrumentorum usum in Parisiaca Ecclesia tunc fuisse subdit idem Poeta.

413 Hinc puer exiguis attemperat organa cannis;
 Inde senex largam raptat ab ore tubam.
 Cimbalicæ voces calamis miscetur acutis,
 Disparibusque tropis fistula dulce sonat.
 Tympana rauca senum puerilis tibia mulcet,
 Atque hominum reparant verba canora lyram.

Postremo non solum clericos, sed etiam laicos cantandis Dei laudibus dedisse operam constat ex sequenti versu :

Pontificis meritis clerus, plebs psallit et infans.

42. Hæc sunt quæ de antiquo cursu Gallicano apud probatos auctores reperire nobis licuit. Cæterum ex aliis intelligimus serius apud quasdam Ecclesias quotidianum psallendi morem admissum fuisse. In Ecclesia Virdunensi Paulus episcopus, qui sub annum 647 vivere desiit, hunc ritum instituit, aut certe restituit, prædixit hanc in rem a Dagoberto rege et a Grimone in dotem canonicorum impetratis. Nam ante id tempus ecclesia illa « ita rebus destituta erat, ut nemo clericorum esset qui assidue (ut sic præcipit ecclesiasticus ordo) missarum solemnias, vel consuetum psalmodum inibi compleret cursum ; sed præ inopia vix et cum magno labore per singulos dies adveniebat aliquis forensis presbyter, et citissime, satisque indecenter horarum et missæ simul complens officia, mercede accepta, revertebatur ad propria. Similiter secundus et tertius, cæterique, donec idem ordo confusus a novissimo rediret ad primum. » Hactenus ex ipsius Pauli Actis, quæ in sæculo vii nostro habentur.

43. Nec fere alio modo hic ritus in Ecclesia Antissiodorensi sub finem sæculi vii fuit institutus. Tetricus quippe episcopus, primo suæ ordinationis anno, constituit ut abbates, archipresbyteri et parochi 414 rurales cum dominicis (ut Acta episcoporum habent) clericis, in ecclesia sancti Stephani divinam persolverent officium ; ita ut sua cuique monasterio, archipresbytero, vel paracho hebdomada incumberet, assignato singulis stipendio ex dominico cellario.

44. Eodem tempore apud Rhemos Rigobertus pontifex « canonicam clericis religionem restituit, »

A eisque « sufficientia victualia constituit, et prædia quædam illis contulit, necnon ærarium commune usibus eorum instituit. » Ita Frodoardus in lib. ii cap. 11. At Rigoberti Vitæ scriptor paulo aliter idem attestatur his verbis : « Canonicam clericis religionem instituit. Juxta numerum quoque eorum, quotus illo in tempore erat, sufficientia et continua eis victualia constituit, quatenus divino cultui liberius atque instantius insistere quivissent. Prius quippe quam exoptabilis hic ~~æ~~ ac pater eorum adveniret, non eis dabatur canonicus panis, et non erant, ut sunt hodie, canonici, sed sicut matricularii. Et ad hæc res proprias cum habitatoribus earum illis contulit, qui singulis necessitatibus eorum perpetuo deservirent. Primus Rhemensium hic episcopus fertur commune eis instituisse ærarium, generaliter illorum usibus in sæcula profuturum. » Quod Rigobertus hic dicitur, canonicam clericis religionem instituisse, sive, ut Frodoardus habet, restituisse, id ita intelligendum est, ut eos ad communem vitam composuerit, commune eis tribuendo ærarium : cum antea redditus communes non haberent, sed stipem suam in dies ab episcopo acciperent, sicut matricularii, ecclesiæ catalogo ascripti. Beatus Remigius in suo ipsius testamento clerum ecclesiæ Rhemensis et matricularios designat his verbis : « Subdiaconis solidos duodecim, lectoribus solidos duos, ostiariis et junioribus solidos duos jubeo dari. Pauperibus in matricula positis, 415 ante fores ecclesiæ expectantibus stipem, duo solidi, unde se reficiant, inferentur. » Similiter agendo de Ecclesia Lugdunensi seu Laudunensi, solos subdiaconos, lectores, ostiarios et juniores nominat, nulla presbyterorum aut diaconorum mentione facta. Per id tempus clerum Ecclesiæ Rhemensis ad officia divina satis numerosum fuisse inde colligi potest. Sed cum temporum procellis imminutus fuisset, eum restituit sanctus Rigobertus. Ab hujus tempore auctus est sine dubio in Rhemensi Ecclesia divinus cultus, qui fortean prius ob canonicorum penuriam non ita sollemnis erat. Nunc vero tanta illic majestate et ritu gravitate celebratur, quanta vix in ulla alia cathedrali ecclesia.

§ IV.

Divinorum officiorum institutio in parochialibus aliisque ecclesiis.

45. Cum officia divina non magis ad clericorum pensum quam ad fidelium exemplum instituta sint, non parum intererat ut non solum in cathedralibus, sed etiam in parochialibus aliisque ecclesiis celebrarentur, quatenus per ecclesiæ cujusque facultates id liceret. Hujusce instituti nullum antiquius invenio monumentum, quam in concilio Epaonensi, cujus canone 25 id constitutum est : *Sanctorum reliquiæ in oratoriis villaribus non ponantur, nisi forsitan clericos cujuscumque parochiæ vicinos esse contingat, qui sacris cineribus psallendi frequentia famulentur.* Mos igitur eo tempore arat, id est sæculo vi ineunte, ut in locis ubi sanctorum reliquiæ asservabantur, officia divina per proprios aut vicinos clericos persolverentur.

Consentanea est huic sanctio concilii Cabilonensis medio sæculo vii **416** celebrati, in canone 13, *de oratoris quæ per villas sunt, ut sint in potestate episcoporum; qui ex facultatibus ibidem collectis procurent ut officium divinum possit impleri, et sacra libamina consecrari.*

46. Concilium Emeritense in Lusitania, post medium sæculum vii de parochianis presbyteris statuit, canone 19, *Ut de ecclesiæ suæ familia clericos sibi faciant, quos per bonam voluntatem, nutriant, ut et officium sanctum digne peragant, et ad servitium suum aptos eos habeant.* Item apud Anglos, auno 787, decretum est in concilii Celichitensis cap. 7, *Ut omnes ecclesiæ publicæ canonicis horis cursum suum cum reverentia habeant.* Unde Eadgarus rex sæculo x edixit, cap. 43, « Ut quis statis temporibus campanas pulset, et ut omnis tunc sacerdos cantum suum horarium in ecclesia psallat. » Non alia apud nos disciplina. Nam apud Reginomem, in Collectione canonum, lib. 1, cap. 208, refertur concilii Namnetensis caput 19, in hæc verba : *Presbyter, mane matutinali officio expleto, pensum servitutis suæ canendo* (id est privatim recitando) *Primam, Tertiam, Sextam, Nonamque persolvat; ita tamen ut postea, horis competentibus, juxta possibilitatem, aut a se, aut a scholaribus publice compleantur.* Verbum *canendo* interpreto de privata recitatione, nec aliam interpretationem sequentia patiuntur. Sic autem hæc vox aliæque similes aliquando sumuntur apud ejusmodi auctores, ut alias probavimus. Et quia hæc observatio alicujus momenti est in nostro argumento, unum affero indubitatum Remigii Antissiodorensis monachi testimonium, qui in explicatione super Canonem missæ, ubi rationem reddit, cur Canon tacite recitetur : « Idcirco, inquit, venit consuetudo in Ecclesia, ut tacite ipsa obsecratio atque consecratio a **417** sacerdote cantetur, ne verba tam sacra vilescerent. » Non aliter accipitur Verbum *canendi* in prædicto canone concilii Namnetensis; quod quo tempore celebratum sit, incertum est. Hoc capitulum totidem verbis refert Hincmarus in primi Capitularis articulo 9. Porro psalmodiam in ruralibus etiam ecclesiis sæculo vii viguisse illud argumento est, quod sanctus Eligius Noviomensis antistes, « cum diœceses suas, » id est parochias, « ut episcopis mos est, visitaret; » ob pravos cujusdam presbyteri mores, « in una basilica interdixit cursum vel oblationem, » ut legitur in ejus Vitæ lib. II, cap. 20.

47. Sane Riculfus sæculo ix episcopus Suessionensis eamdem fere constitutionem habet articulo 3 ad suos parochos : « Habete, quæso, studium in psalmos cantando, in divinos libros legendo, in canonicas horas custodiendo, id est Primam, Tertiam, Sextam, missarum quotidiana celebratione Nonam, Vesperas et Completorium, atque matutinale officium decantando; et invitate parochianos vestros, ut si ad alios cursus venire non sufficiunt, saltem missas audire frequentius studeant, et Dominicis, atque aliis diebus festis, Vesperas, Matutinas et missas frequentare non prætermittant. » Primis Ecclesiæ sæculis,

fideles ad nocturnas preces surgebant, ex Iuliano, in Apologiæ cap. 2; ex Plinii epistola a Janum, de Christianis; et Eusebii lib. III, cæ atque Nicephori lib. III cap. 17, quibus adde Hi in psalmum cxviii, et Ambrosium variis in Solemnis erat etiam Lucernarii hora sub fine teste Prudentio cum aliis, antequam Vesperæ nostrarum ritus esset institutus. Scriptor Collectionum apostolicarum, in lib. VIII, cap. 34, omnes universim alloquens : « Precationes, facite mane, tertia, sexta, nona, vespere, at galli cantum. » **418** Postea refrigerante per diebus festis ac Dominicis fideles a Matutinis religioni duxerunt. Unde Ebroinus die Dominica cum ab hoc Matutinarum officio in ædes suas recedebat adversariis necatus est. Nunc eo devenit ut qui a missa vel privata non abfuerit quod ceptis, egregie religiosus habeatur. Quod citra offensam dictum sit piorum hominum nostra etiam ætate, priscorum Christianorum rationem ac mores pro modulo imitantur.

§ V.

Divinorum officiorum in Gallicanis ecclesiis ætate ordinatio describitur.

48. Hactenus quid de cursu Gallicano in Ecclesiis observare licuit, rudi opere exposui sed in quo hic cursus consisteret, nondum ex prioribus satis distincte intelligitur. Id vero ac describere difficile est, tum quia diversi fuerunt variis Galliarum Ecclesiis ritus, tum quia nos rei vetera monumenta deficiunt. Sed tamen tale quoddam Gallicani cursus specimen su conspectu hic ponere visum est, ad majorem menti quod tractamus illustrationem.

49. Principio id maxime curarunt ubique episcopi ut in quavis provincia uniformis in divinis ritus servaretur. Exstant varia hac de re decreta apud Gallos, tum apud Hispanos. Insignis primis constitutio Toletani concilii IV, cujus post expositam catholicam fidem nihil antiquius habuerunt, quam ut uniformem psallendi modum adstruerent canone 2: *Placuit ut omnes sacrosanctæ fidei **419** unitate complectimur ultra diversum aut dissonum in ecclesiasticis sacris agamus; ne quælibet nostra diversitas apud seu carnales schismatis errorem videatur ostendisse multas exstet in scandalum varietas Ecclesiarum ergo ordo orandi atque psallendi a nobis per Hispaniam et Galliam conservetur; unus modus missarum solemnitatibus, unus in vespertinis, matutinis officiis: nec diversa sit ultra in nobis ecclesiasticæ consuetudo, quia una fide continemur et regno. Hoc antiqui canones decreverunt, ut unaquæque pro et psallendi, et ministrandi parem consuetudinem habeat.* Hoc decretum conditum est non solum Hispaniis, sed etiam pro Gallia Narbonensi, quæ Visigothorum regno continebatur.

50. Qui sint illi canones a Toletanis Patribus dati, intelligimus ex decretis aliorum conciliorum

nempe Bracarenensis in Lusitania, Gerundensis in Catalonia, et apud Gallos Venetici et Epaonensis. Sic habet Meneticum anno 465 celebratum in canone 15 : *Rectum quoque duximus, ut vel intra provinciam nostram sacrorum ordo et psallendi, una sit consuetudo; et sicut unam cum Trinitatis confessione fidem tenemus, unam et officiorum regulam teneamus, ne variata observatione, in aliquo devotio nostra discrepare videatur.* Epaonense anno 517, in canone 27: *Ad celebranda divina officia ordinem quem metropolitanus tenent, provinciales observare debebunt.*

51. Neque vero solum in unaquaque provincia, sed etiam in tota Gallia communis quidam ritus videbatur, si non in omnibus, saltem in plerisque uniformis, qui communi appellatione cursus Gallicanus a maioribus nostris dictus est, ut in Actis sancti Walarici abbatis : « Cursum vero tam monasterialem, quam et **420** Gallicanum magno studio indesinenter observabat. » Idem de sancto Serenico legitur, nempe quod * absque peculiari supplicatione, Romanum seu Gallicanum, necnon et Sanctorum Benedicti et Columbani cursum horis singulis Domino decantaret. » Itaque Gallicanæ omnes Ecclesiæ in unum aliquem modum conspirabant, qui cursus Gallicanus dicebatur.

52. De nocturnis officiis id statuit anno 567 concilium Turonense II, canone 18 : *Ut in diebus festis ad Matutinum sex antiphonæ binis psalmis explicentur... Septembri septem antiphonæ binis psalmis; Octobri octo binis psalmis; Novembri novem ternis psalmis; Decembri decem ternis psalmis; Januario et Febuario itidem usque ad Pascha.* Ubi obiter adverte, annum desinere in Pascha. Sed quid sibi volunt hæc similiaque verba : *Sex antiphonæ binis psalmis explicentur? An plures antiphonæ quam Psalmi? Imo bini aut terni psalmi pro singulis antiphonis.* Id ex consequentibus intelligitur, ubi additur, ut *vel duodecim psalmi* expediantur ad Matutinum. Ergo sub singulis antiphonis bini Psalmi canebantur.

53. Quid Patres synodi Turonensis Matutini vocabulo hic significant, non levis est difficultas. Quidam hunc locum de nocturno officio interpretantur, quidam de solis Laudibus matutinis, quas Matutinorum nomine sanctus Benedictus aliique veteres designare solent. Jam superius pag. 110 præmisimus, Matutinum seu Matutinos ambigere esse significationis, quo nomine aliquando Laudes (ut vocamus), aliquando Primæ officium exprimitur apud Cassianum; aliquando vero ipsum nocturnum officium, quod matutinis horis celebrari mos erat in Dominicis diebus et festis minoris **421** solemnitatis. Duplicis quippe generis erant nocturnæ preces : aliæ Vigilæ in solemnioribus festis usitatæ, sic dictæ, quod ab ineunte, aut certe a media nocte circiter initium ducerent; aliæ Matutinæ in profestis et Dominicis, quibus tardius nocturnæ preces persolvebantur. In hoc significato Matutinum sumitur in concilio Venetensi anni 465, canone 14, ubi præcipitur *ut clerici qui in civitate fuerint matutinis hymnis intersint; et in concilio*

A Turonensi præmisso. Hanc enim esse istius concilii sententiam persuadet primo Patrum exemplum ex Cassiano petendum ad probandum duodecim psalmodum numerum apud Ægyptios monachos receptum tam « in nocturnis, » quam « in vespertinis conventiculis. » Deinde nequaquam veri simile est solum Laudum officium, omissis precibus nocturnis, a Patribus Turonensis synodi fuisse institutum. Ad hæc is non erat Laudum ritus per id tempus in Gallicanis ecclesiis, qualis in eo concilio assignatur. Nam ad officium « temporis matutini » seu Laudum Gallus Arvernorum episcopus, morti proximus, recitavit « psalmum quinquagesimum, benedictionem » seu canticum trium puerorum, et « Alleluaticum psalmum, » id est psalmum CLVIII et duos sequentes, qui *Alleluia* pro titulo habent, testante Gregorio de Vitis Patrum cap. 7. Præter ea idem Gregorius nocturnas publici officii preces non uno in loco Matutinas appellat. Primus locus est in lib. I de Miraculis sancti Martini cap. 33 : « Tertia autem nocte, postquam advenimus ad sanctam basilicam, vigilare disposuimus, quod et implevimus. » Has vigilias Gregorio cum suo clerico privatas fuisse constat ex contextu narrationis. Mane autem facto, subdit Gregorius, signo ad Matutinas commoto, reversi sumus dormitum. » En signum **422** publicarum de nocte precum, quæ hic Matutinæ vocantur. Alter locus est apud eundem Gregorium in lib. de Vitis Patrum cap. 8, ubi Nicetius Lugdunensis antistes, cum aliquando « surrexisset ad Matutinum, expectatis duabus antiphonis, egressus (dicitur) in sacrarium; ubi dum resideret, diaconus responsorium psalmum canere cœpit, » nimirum post lectionem.

54. Itaque secundum præscriptum concilii Turonensis, duodecim minimum psalmis, continenter sub sex antiphonis recitatis, succedebant lectiones cum suis responsoriis. De mense Augusto nulli psalmi præscribuntur, sed hoc tantum : *Toto Augusto manicationes fiant, quia festivitates sunt et missæ sanctorum.* Quem locum explicat Aimoinus in lib. III Historiæ Francorum, cap. 81 : « Porro toto Augusto, propter crebras festivitates, manicationes fiebant. Manicare autem mane surgere dicitur. « Sed quid consequentiæ est, ut quia toto Augusto mane surgebatur ob frequentes festivitates, nulli psalmi ad hunc mensem præscribantur? Fortasse quod missæ sanctorum tunc summo mane dicerentur ob messis necessitatem. Nam festivitates illæ pleræque celebratione missæ terminabantur. Antiphonarium Turonense recensetur inter libros, quos medio sæculo VIII Wido abbas Fontanellensi monasterio largitus est. Quod de mensis Augusti missis quotidianis tradit concilium, longe recedit a more Cisterciensium, id est Barbellensium, in diœcesi Parisiensi monachorum : qui « messium tempore cessabant a solemnitate missarum, » quoniam colligendis segetibus erant occupati. Quocirca Philippus Augustus instituit ut « singulis diebus mane, in remedium animæ patris sui Ludovici VII, qui istic sepultus est, « Mis-

sarum solemnia celebrarentur. » Quibus peractis, « si quas haberent meas » monachi, **423** quotidie possent illis metendis operam dare. » Hujus rei diploma datum est anno 1186, editum in lib. VI de Re diplomatica.

55. Ad Vigiliis seu nocturnas preces aliquando ipsi episcopi, aliquando is cui hæc ab eis commissa fuerat, clericos excitabant. De sancto Germano Parisiorum episcopo Fortunatus tradit, id per se ipsum præstitisse, ut superius vidimus. Cæsarius Arelatensis hanc curam Stephano diacono injunxerat, ex Vitæ ejus lib. II, num. 4. Qui Cæsarius id observabat, « ut nullus suorum, qui secum manebant, ante horam legitimam excitaretur. » Ita sanctus Benedictus officium significandi officii divini imponit abbati, aut diligenti alicui fratri, cui abbas vices suas commiserit.

56. Concilium Narbonense anni 589, canone 2, præcipit, ut *in fine cujusque psalmi gloria dicatur, et per intervalla majorum*. Nam psalmi prolixiores in duas *pausationes* dividebantur, *et per quamcumque pausationem Gloria Trinitatis decantabatur*. Quod etiam statuit sanctus Benedictus. Ad hæc *Sicut erat* post *Gloria* addit concilium Vasense II, canone 5. Denique præter *hymnos Ambrosianos* concilium Turonense II mox laudatum, canone 23, admittit etiam eos qui *digni sunt forma cantari*.

57. Primæ officium quando primum in Gallia receptum sit, non constat. Cassianus, in lib. I Institutionum, cap. 4, auctor est hanc « Matutinam (quo nomine Primæ officium intelligit) in occiduis vel maxime regionibus observatam » fuisse. Quod an de Gallia intelligendum sit, dubitare licet, cum nulla mentio Primæ fiat in constitutione Injuriosi episcopi Turonensis, qui Tertiam et Sextam instituit, nulla Primæ facta mentione. Quod etiam **424** de Cæsario Arelatensi superius vidimus. At reponi potest, Primæ quidem officium diebus ferialibus, de quibus agit Injuriosi constitutio, non fuisse præscriptum, sed tantum festivis ac Dominicis. Certe Cæsarius in regula sua his solis præter Sabbatum diebus, scilicet majoribus festis et Dominicis, Primam præscribit his verbis : « Deinde dicenda est Prima cum psalmis sex, et hymnus, *Fulgentis auctor ætheris* : Lectiones duæ, una de Veteri, alia de novo Testamento, et capitellum. Hoc modo Dominica vel Sabbato et majoribus festivitatibus fieri debet. » Quod si Cæsarius Primæ officium sanctimonialibus pro diebus ferialibus non imposuit, multo minus insolens esse debet quod idem in ecclesia sua cathedrali, itemque Injuriosus in sua illud eisdem diebus prætermittendum censuerint. Totidem psalmos et lectiones, cum capitello, eundemque hymnum ad Primam instituit Aurelianus, sed eam diebus singulis assignasse videtur.

58. Idem ad subsequentes horas exigit sex psalmos, tum post antiphonam, hymnum, lectionem et capitellum ; ad Lucernarium psalmum directaneum, antiphonas, duas, hymnum, et capitellum ; ad Duodecimam psalmos decem et octo, antiphonam, hym-

num, lectionem et capitellum. Ubi vides in omnibus officiis. hymnum psalmis et antiphonis postponi, quem nos ad Primam et tres subsequentes horas præponere solemus. Lucernarii officium, ut Duodecimæ prævium, celebrabatur eo tempore quo lucernæ accendebantur ad Duodecimam, id est ad Vesperas.

59. In concilii Turonensis canone prælaudato fit mentio de Sexta et Duodecima, non definiendo, sed comparando utriusque officia ab antiquis Patribus instituta **425** cum Matutino, cujus officium in eo concilio definitur. Sic quippe argumentantur hujus concilii Patres : *Quia Patrum statuta præceperunt ut ad Sextam sex psalmi dicantur cum Alleluia, et ad Duodecimam duodecim psalmi item cum Alleluia, cur ad Matutinum non item vel duodecim explicantur ?* Ex quibus verbis dubium est an concilium statutis veterum Patrum (scilicet Orientalium, de quibus Cassianus in libro II) adhæserit in assignando Sextæ et Duodecimæ officio.

60. Duodecimæ officium a Completorio distinctum fuisse patet ex regula Aureliani. In veteri Missali Gallicano duæ referuntur orationes pro Duodecima, nempe pro Vigiliis Nativitatis Domini et Paschæ. Posterior horam notat, Deum deprecando, *ut vergente die* vocem rugitus exaudiat, *et superveniente caligine noctis* fideles luminis sui splendore illustret. Itaque *vergente die*, id est hora lucis ultima, hoc officium celebratur.

61. Cæsarius ad Lucernarium seu Vesperas benedictionem populo impertiebatur, ex Vitæ ejus libro II, num. 12 : « Factum est ut quodam tempore quatuor ei episcopi ad occursum venirent, cum quibus ad Lucernarium ad basilicam sancti Stephani descendit. Cumque expleto Lucernario benedictionem populo dedisset, » etc. Præter ea sæpe homilias aut ipse « memoriter » recitabat, aut, si quando valetudo non sinebat, per alios recitari curabat, tam, « ad Matutinos, » quam « ad Lucernarium, ut nullus esset, qui se de ignorantia excusaret. » Neque id solum diebus festivis, sed et ferialibus præstabat. Legesis admonitionem in sermonem 22 appendicis novæ Augustinianæ. De hac benedictione, quæ ab episcopis vel præbyteris in fine Matutinorum et Vesperarum dabatur, legendus est canon 30 concilii Agathensis. *Et quia convenit ordinem **426** Ecclesiæ ab omnibus æqualiter custodiri, studendum est, ut sicut ubique fit, et post antiphonas, Collectiones per ordinem ab episcopis vel præbyteris dicantur ; et hymni matutini vel vespertini diebus omnibus decantentur ; et in conclusione matutinarum vel vespertinarum missarum, post hymnos capitella de psalmis dicantur ; et plebs collecta oratione ad vesperam ab episcopo cum benedictione dimittatur.*

62. Hæc sunt quæ de cursu Gallicano apud veteres auctores observare potuimus. Sæculo IX uniformis penes clericos erat psalmodiæ disciplina, ut ex Amalarii supplemento ad librum de divinis Officiis, aliisque scriptoribus intelligimus. Id factum a tempore quo Paulus papa in Galliam transmisit Antiphona-

rium Romanum, cujus exemplum Harduinus Fontanellæ reclusus tunc descripsisse memoratur. Psalmodiæ ritum, qui hodie quoque in plerisque ecclesiis Gallicanis, viget, descripsit Gregorius VII in concilio Romano, cujus decretum refertur de Consecrat. dist. 5, cap. *In die*.

§ VI.

De obligatione clericorum ad cursum privatim recitandum; ubi de itinerantibus et infirmis.

63. Tanta Christianis omnibus Deum precandi ratio et necessitas incumbit, ut jugem et non intermissam ab eis orationem exigit Apostolus, quantumvis diversis fluctuantis ac miseræ vitæ incommodis ac curis distrahantur. Non minor sine dubio, imo strictior assidue precatationis obligatio clericos spectat, utpote qui quasi quidam inter Deum et homines sequestri, speciali titulo Majestati divinæ consecrati ac mancipati sunt, atque a terrenis sollicitudinibus magis **427** liberi et immunes. Quapropter apostolice orationi sese adstrictos esse sentiebant, ut, relicta diaconis inferioris ministerii cura, totos se precatationi et prædicationi verbi Dei addictos profiterentur. Sed quoniam humana imbecillitas, atque adeo multiplex hujusce vitæ necessitas non patitur ut homines continua mentis intentione in Dei laudibus et oratione occupentur; imo etiam Deo magis acceptum sit ut clerici aliis ordinis sui officiis, quæ proximi caritas exigit, identidem incumbant; ideo «diversas orandi horas, » ut Hieronymus ad Eustochium loquitur, « habere debent, ut si forte aliquo fuerint opere nimum detenti, ipsum eos ad officium tempus admoneat. » Atque hoc demum pacto jugis orationis præceptum implere possunt, ex Augustino, « si nullo die intermittantur opera orandi. » Porro, ut idem sanctus Doctor ait in epistola ad Probam, « ideo per certa intervalla horarum ac temporum etiam verbis rogamus Deum, ut ipsis rerum signis nos acrius excitemus. Dignior enim sequetur effectus, quem frequentior præcedit affectus. »

64. Sancta hæc institutio nulli non probatur: sed durior multis videtur illa obligatio qua sub lethalis peccati pœna hæc divinorum officiorum recitatio a sacris ministris exigitur. Censent quippe ejusmodi homines novitiam hanc esse obligationem, priscis temporibus ignotam, nec ulla Ecclesiæ universæ lege impositam, sed a scholasticis et a casuum arbitris inductam. Et quidem optandum esset ut Christi ministrorum voluntas ita sponte sua curreret ad officia pietatis, ut nullo legum stimulo indigeret. Sed tanta est depravatio consuetudinum, tanta opinionum vanitas, ut legum adminicula necessaria sint ad revocandos bonos mores, ne penitus intereant; et ad retinendam pietatem, **428** ne Dei oblivio tandem animos occupet. Quod sane magnopere timendum esset de multis eorum, qui divino cultui mancipati, ita rerum sæcularium curis ac desideriis abripiuntur, ut nisi ad Deum precandum quadam lege admoneantur, minus de Deo cogitaturi essent quam ipsi sæculares. Itaque ad Ecclesiæ religionem pertinebat ut

A languentem sacrorum ministrorum pietatem legibus excitaret, ut saltem aliquot horas divinis laudibus insumerent, quorum omnis cogitatio in Deum et de Deo esse deberet. Sive ergo ea lex est, sive consuetudo, qua ministri sacri ad recitandas horas canonicas tenentur, sancta et inviolabilis esse debet: cum sit quedam interpretatio juris divini, orta que sit ex ipsa clericorum conditione, qui toti divino cultui sunt mancipati. Sed his omissis, duo nobis hoc loco disquirenda sunt. Unum, quo ex tempore hæc divinorum officiorum privata recitatio in Ecclesia recepta sit, præsertim apud Gallos. Alterum, quo demum sæculo in legem evaserit hæc consuetudo, et an fuerit lex illa generalis.

65. Atque ut a priori incipiam, non uno in loco **B** Venantius Fortunatus memorat, Germano Parisiorum episcopo, qui medio sæculo vi vixit, hunc fuisse morem, ut quotidianum cursum religiose persolveret. Nam in ejus Vitæ capite 63 mentionem facit de « cantato cursu Tertie » per Germanum, id est recitato; et signantius capite 76: « Qui equitans in itinere, inquit, semper de Deo aliquid, aut verbo contulit, aut cantavit, cursum nudo capite dicens, etsi nix aut imber urgeret. » Gregorius vero Turonensis ita cursui recitando etiam addictus erat, ut « experefactus circa medium noctis, ad cursum reddendum surgeret, » in Historiæ lib. viii, cap. 15. **429** Et in lib. v, cap. 17, cum is apud Parisios versaretur tempore concilii: « Ea vero nocte, inquit, decantatis nocturnalibus hymnis, » id est privatim recitatis, « ostium mansionis nostræ gravibus audio verberibus cogi. » Idem de se ipse testatur in lib. ix, cap. 6. Neque id peculiari religione faciebat, sed ex more aliorum sacerdotum. Nam in libro de Gloria confessorum cap. 31, agit de quodam presbytero, qui in itinere constitutus, cum apud pauperem quemdam hospitatus esset, « juxta morem sacerdotum nocte ab stratu suo consurrexisse, et orationi adstitisse » perhibetur. Unde in lib. de Vitis Patrum, cap. 7, Gregorius Lingonensis præsul, « nocte de stratu suo, nullo sentiente, consurgens, ad orationem, Deo tantum teste, pergebat; ostio divinitus reserato, attente psallebat in baptisterio. » Hoc psallentium, « tanquam multarum vocum, per trium horarum et fere amplius spatium audiebatur. » Postea, « impleto cursu, revertens ad lectulum, ita se caute super stratum deponebat, ut prorsus nemo sentiret. » Denique (quod maxime ad rem facit) Gregorius Turonensis Salonio et Sagittario episcopis, quod cursum sacrum negligerent, vitio vertit in lib. v, cap. 21: « Nulla prorsus de Deo erat mentio, nullus omnino cursus memoriæ habebatur. »

66. Incertum quo tempore celebratum sit concilium Namnetense, cujus canonem 16 adducit ineunte sæculo x Regino abbas Prumiensis in lib. i, cap. 208: *Presbyter, mane matutinali officio expleto, pensum servitutis suæ canendo* (id est recitando) *Primam, Tertiam, Sextam, Nonamque persolvat*, etc., quæ superius retulimus. Particularis quidem hæc Synodus est,

non universalis : sed tamen ejus auctoritas valet ad probandam Ecclesiæ tunc temporis consuetudinem ac legem. Suffragatur Chrodegangus Mettensis antistes post medium sæculum **430** VIII. Is enim in regulæ canonicis præscriptæ cap. 27 ita præcipit : « Quicumque ex clero in itinere cum episcopo vel cum alio proficiscuntur, ordinem suum, in quantum iter vel ratio permiserit, non negligant ; et non eos debent præterire horæ constitutæ, tam de officiis divinis quam aliunde. » Neque id solum pii moniti et consilii instar erat, sed ita præceptum censebatur, ut qui secus fecissent, peccati se reos agnoscerent. Unde Alcuinus, in formula confessionis, col. 166 : « Peccavi quod negligens fui de meo cursu, quem per horas canonicas exsolvere debui ; et de mea psalmodia, et de meis orationibus, etc. »

67. Sæculo IX ineunte scribebat auctor ille, cujus librum de Benedictione Dei Stevartius edidit, nuncupatum Bathurico episcopo Ratisponensi. Hic vero in præfatione sua carpit nonnullos sacerdotes et episcopos, qui, ut liberius genio indulgere possint, priusquam dormitum eant, « nocturnas Vigiliis desidiose persolventes, stratu mox decubant. Surgentes vero dum se vestibis induunt, diurna peragunt officia : putantes sibi sufficere posse, si saltem quoquo modo illa decantent, » id est recitent. « Ignari quia horæ sunt in sancta Ecclesia constitutæ, quibus per diem et noctem divinæ servitutis officia persolvantur.... Quas si negligimus, sanctorum Patrum institutis contrahimus ; quibus contraire periculosum est. Neque enim possunt communionem sanctam Ecclesiæ habere, qui ejus instituta, etsi non verbis, operibus vero impugnare nituntur : dum quod permaximum est in sancta Ecclesia, si cum charitate et pietatis studio peragatur, id est laudis divinæ psalmodia modulata, et missarum solemnia, nec temporibus congruis, nec religiosis celebrant affectibus. » Quam longe erat auctor ille a sententia eorum qui divinorum officiorum recitationem vel in **431** unam conjiciunt horam, vel inter ἀδιάφορα reponunt. At quam religiosior erat Liudgerus episcopus, qui nulla regis reverentia potuit tantisper abduci a cursu recitando (quod etiam de sancto Saba legitur), noctu cum clericis suis divine officia persolvere solitus.

68. Huc spectat Leonis papæ IV homilia quarta ad presbyteros et sacerdotes : « Omni nocte ad nocturnas horas surgite ; cursum vestrum horis certis decantate ; missarum celebrationes devote peragite, » Quod totidem verbis repetit Ratherius in homilia synodica ad suos presbyteros.

59. Sæculo X occurrit in statutis Eadgari Anglorum regis formula confessionis, apud Spelmannum, pag. 459 : « Confiteor me horas meas canonicas neglexisse. » Et ne quis leve peccatum esse putet, id maxime advertendum, quod inter accusationum capita, quæ Joanni XII objecta sunt, atque Ottonem ad eum exauctorandum adduxerunt, unum est, quod « Matutinas et canonicas horas non celebrasset, » apud Liutprandum, in lib. VI cap. 7. Jam ergo tunc

A censebatur gravissima illa obligatio, non pia meri consilii admonitio. Audi Jacobum a Vitriaco in Historiæ occidentalis cap. 34 : « Licet autem sacerdos privatas orationes et secretas deprecationes variis circa curas animarum occupationibus intentus possit aliquando dimittere, horas tamen canonicas non debet omittere. Aliæ enim orationes sunt voluntatis, hæ autem necessitatis. » His adde sanctiones concilii Basileensis et Lateranensis sub Leone X, quæ beneficiatos (Basileense addit sacris ordinibus initiatos) ad recitationem Breviarii astringunt.

70. Prætereo alias aliarum Ecclesiarum constitutiones, qualis est concilii Toletani IV in canone 10, ubi sacerdotibus et subjectis clericis sub gravi interminatione **432** præcipit Dominicam orationem quotidie aut in publico, aut in privato officio recitari. Ex quo intelligitur privatam divini officii recitationem clericis apud Hispanos etiam tunc præceptam fuisse, id est ante sæculum VII. Eodem sæculo apud Græcos Joannes, cognomento Eleemosynarius, « divinum quidem ecclesiasticæ regulæ officium cum attentione mentis, cordisque contritione præfinitis peragebat temporibus. » Ubi auctor Græcus θείαν λειτουργίαν τοῦ ἐκκλησιαστικοῦ κανόνος appellat. De officio publico intelligendus concilii Carthaginensis IV canon 49 : *Clericus qui absque corpusculi sui inæqualitate Vigiliis deest, stipendiis privetur.* Eodem spectat canon 14 concilii Venetensis : *Clericus, quem intra muros civitatis suæ manere constitit, et a matutinis hymnis sine probabili excusatione ægritudinis inventus fuerit defuisse, septem diebus a communione habeatur extraneus,* etc.

71. Non solum itinerantes, sed etiam gravissimis morbis detenti, officium divinum aut ipsi recitabant, aut coram se recitari curabant. De Eugendo seu Augusto abbate Jurensi, qui sub annum 510 ad superos abiit, id traditum est ab anonymo æquali, quod cum ultra sexagenariam ætatem « sex fere mensibus inæqualitate corporea laboraret, nunquam tamen canonico usque ad horam defuisset cursui. » Idem scribitur de Benedicto Anianensi abbate, de Adalardo Corbeiensi, et aliis. At Benedictus, cognomento Bishopus, Beda testante) cum « non facile ad explendum solitum psalmodiæ cursum linguam vocemve poterat levare, per singulas diurnæ sive nocturnæ orationis horas aliquos ad se fratrum vocabat : quibus Psalmos consuetos duobus in choris resonantibus, et ipse cum eis, quatenus poterat, psallebat. » Quod item de Gervino Centulensi abbate memoriæ proditum est.

433 72. At hi monachi erant. Certe : sed etiam clerici paulo minus quam monachi Deo consecrati sunt ; duplici titulo plerique divinis officiis recitandis obnoxii, nempe titulo consecrationis, et beneficii ecclesiastici, quod monachis non competit. Et quidem Gallus, Arvernorum episcopus sanctus, morti proximus, « adveniente die tertia, » quæ erat Dominica dies, albescente jam cælo, interrogat quid in ecclesia psallerent. « Dixerunt benedictionem sese psallere, » id est canticum *Benedicite*. « At ille psal-

mo quinquagesimo et benedictione decantata, et alleluatico cum capitulo expleto, consummavit officium totum temporis matutini, » Laudes vocamus. Hæc ex Gregorio de Vitis Patrum, cap. 6.

73. Ad itinerantes quod attinet, non modo religiosi, sed etiam clerici sæculares etiam antiquitus divina officia persolvebant. Id exemplis superius probatum est, scilicet ex Gregorio Turonensi episcopo et ex regula Chrodegangi; ne repetam exemplum sancti Germani episcopi Parisensis, quibus adde exemplum Epiphani episcopi Ticinensis. Inde est quod clerici omnes Psalmos memoria tenere debebant ex canonum præscripto. Quam ob rem Genadius C. P. patriarcha « neminem ordinabat, qui Psalterium non sciret memoriter, » ex Theodoro Lectore apud eruditissimum Valesium, pag. 554. An lectiones etiam recitarent itinerantes, erit fortasse qui inquirat. Sane monachi saltem libellos seu Codices hujus rei gratia gestabant. Nam ut omittam id quod de Equitio abbate narrat Gregorius Magnus, qui Equitius « sacros Codices in pelliciiis sacculis dextro lævoque latere portare solebat, » quod etiam de Fructuoso episcopo Bracarense legimus, **434** Gregorius IX de monachis foras profecturis id statuit, « ut ipsi horas dicant in via, et de libris provideatur iisdem. » Id generis duos pro itinerantibus Codices in sacrario Cisterciensi aliquando vidimus, quos hoc modo describit Josephus Meglingerus in Itinere suo Cisterciensi : « Libelli trium digitorum latitudinem non excedunt, plus tamen longitudinis habent. Dum clausos aspicias, parvi apparent; at aperti triplo majores evadunt, foliis, quæ ex membrana rudi constant, ter complicatis, deorsum, et ambobus lateribus. Neque in utraque parte litteris implentur pagine, sed interius tantum; ita ut licet folium a folio sejungas, nisi plicæ explicentur, nullæ litteræ prostent. Quæ quidem minutissimæ paucis syllabis totas periodos brevissimo compendio absolvunt. Nulla compage seu tegumento vinciuntur; sed uno in latere filum colligat folia, ne diffluant, ac deinde sacculus ex corio libellos recipit. » Hæc ille.

74. Quanta porro reverentia divinis officiis interesse solerent majores nostri, intelligimus ex facto sancti Martini episcopi Turonensis, quem « in ecclesia nemo unquam sedere conspexit, » ut legitur in lib. II de ejus Vita. Quod etiam de sancto Epiphanio Ticinensi episcopo Ennodius tradit : « Is junctis pedibus usque ad consummationem mystici operis stare se debere constituit; ita ut humore vestigiorum locum suum depingeret et longe aspicientibus indicaret. » Quosdam tamen formulis accubuisse discimus ex Gregorio in lib. VIII, cap. 31, ubi de Prætextato Rothomagensi pontifice agens : « Adveniente, inquit, dominicæ resurrectionis die, » id est dominica, « cum sacerdos (Prætextatus) ad implenda ecclesiastica officia ad ecclesiam maturius properasset, antiphonas juxta consuetudinem incipere **435** per ordinem cœpit. Cumque inter psallendum formulæ decumberet, » etc. Id tamen improbat Petrus Damiani, in

opusculo 39. Imo et Chrodegangus Mettensis episcopus in regulæ cap. 26 : « Nec cum baculis, aut cambutis, aut fustibus in choro, exceptis debilibus, sed religiose illis standum et psallendum est. Sunt enim quidam clericorum qui in sæcularibus negotiis et disceptationibus pene totum infatigabiliter deducunt diem; et mox ut ecclesiam ad divinum officium peragendum intraverint, ita fatigati videntur, ut nec orationi vacare, nec ad psallendum stare queant : sed potius sedentes, non divinis, sed vanis solent instare loquelis, » etc. Quid sit cambutis inniti in officio divino, intelligimus ex Vita ms. sancti Victorii episcopi Cenomanensis, cui sanctus « Martinus dedit baculum (seu) sustentaculum, super quod solent sacerdotes fusi (id est fundendis) orationibus sustentari. » In pervetusto Codice, qui Vitam sancti Amandi Trajectensis episcopi continet, apud Eltonem asservato, vidi ejusmodi episcoporum imagines, qui una manū pedum pastorale gestant, alia baculum recurvum, et quidem breviorē, quo se ipsi inter orandum sustentabant. Hodie quoque in ecclesia sancti Georgii apud Venetias, ejusmodi cambutis inter orandum uti solent homines promiscui sexus, ut me monuit eruditus et venerabilis Claudius Castellanus canonicus Ecclesiæ Parisiensis. Ad hæc in libello supplici monachorum Fuldensium ad Carolum Magnum hi conqueruntur, quod præ Ratgarii abbatis duritia ipsis infirmis « nec baculum pro sustentatione ferre liceat, nec ad inclinatorium, quod nos formulam dicimus. morando inhærere. » Multo minus sanis (neque vero ita petunt Fuldenses) hæc indulgentia concedebatur, ut **436** tempore divini officii formulæ incumberent.

75. Ad extremum maxime pia et sancta est (ut jam diximus) illa ecclesiasticarum precationum institutio, sive publice, sive privatim recitandæ sint. Quid enim aptius ad Deo debitum cultum honoremque persolvendum? aut quid ad excitandam fidelium pietatem accommodatius ut vel suo ipsius testimonio probavit Augustinus, quam Psalmorum in ecclesia cantus? Jam vero nihil ad refricandam Dei Opt. Max. memoriam efficacius quam ejusmodi preces privatim recitandæ : quarum obligatio si nonnullis durior videtur et morosior, timendum est ne id ex divinarum rerum tædio et fastidio oriat. Cum enim Breviarium (quod vocant) tria contineat magnopere utilia et ædificatione plena, Dei videlicet laudes, lectiones et orationes, nihil homini religioso suavius, nihil sanctius, quam Dei laudes ex Psalmis depromptæ, quæ mentem ad Deum rapiunt et sacro divini amoris igniculo accendunt. Quid vero ecclesiasticis hominibus antiquius esse debet aut familiarius quam lectiones ex Scripturis divinis, quæ plurimum in sacris officiis locum habent? Denique qui pressius et solidius ad devotionem quam orationes seu Collectæ ab Ecclesia probatæ, cum frequenti recitatione Dominicæ precationis? Nihil itaque Dei ministris convenientius institui poterat quam illarum precum Breviarium, si modo a nimia prolixitate, et ab incertis historiis sit repurgatum. Id pro sua providentia iden-

tidem curarunt summi pontifices, emendando Breviario Romano, quod aliorum exemplum esse debeat. Sed quia multa in dies a viris doctis illustrantur, eam in se curam etiam susceperunt episcopi maxime Gallicani, quorum hac in re sedulitas et religio 437 alios ad idem opus merito incitat. Et quidem in ecclesiasticis officiis « non novella audiri decet vel levitia, » ut scribit Bernardus in Epistola 312 ad Arremarenses, « sed certe authentica et antiqua, quæ et Ecclesiam ædificant, et ecclesiasticam redolegant gravitatem. Quod si nova audire libet, et causa requirit, ea, ut dixi, recipienda censuerim, quæ cordibus audientium, quo gratiora, eo utiliora reddat et eloquii dignitas et auctoris. Porro sensa indubitata resplendeant veritate, sonent justitiam, humilitatem suadeant, doceant æquitatem : quæ etiam lumen veritatis mentibus pariant, formam moribus, crucem vitiis, affectibus devotionem, sensibus disciplinam. » Tot verba, tot oracula, sanctissimo Ecclesiæ Patre ac doctore digna.

76. Cæterum, ut ad scopum redeam, parum interest quo jure primum inducta sit hæc Breviarii recitandi obligatio, lege an consuetudine, cum legitimo fundamento innitatur, scilicet præcepto generali quo Christiani omnes ad jugem precationem tenentur, et speciali Dei ministrorum conditione, qui toto sese divino cultui manciparunt. Is enim divinum et apostolicum de indesinente oratione præceptum implere censetur, « qui canonicis horis quotidie, juxta ritum ecclesiasticæ traditionis, psalmodiis precibusque consuetis Deum laudare et rogare non desistit, » ut ait Beda in Lucæ cap. 18. Sunt quidem et alia non minoris momenti sacrorum ministrorum officia et onera; neque ad hoc unum eis assignati sunt tam copiosi Ecclesiæ proventus, quasi recitato semel Breviario, muneris sui summam statim expleverint. Quædam quippe alia ab ecclesiasticis viris exiguntur, lectio et studium sanctarum Scripturarum et sacræ traditionis, divini 438 verbi prædicatio, charita-

tis officia, aliaque id genus exercitia virtutis. Hæc oportet facere, sed pias etiam precationes non omittere.

77. Neque desunt diligenti ac cordato viro temporis intervalla et feriæ ad utrumque præstandum, ubi semel ejus animum pietas, et divinarum rerum, seclusis inutilibus curis, sollicitudo imbuerit, cum legamus sæculares viros (nec nostra ætate etiam exempla desunt), imo etiam reges, qui strenue rem publicam per se ipsi administrabant, inter tot negotiorum turbas eisdem precationibus non defuisse. Hujus rei testes duos appello, Alfredum scilicet Anglorum regem, et sanctum Ludovicum. Alfredus quippe, referente Vitæ ejus scriptore accurato Assero, « inter bella et præsentis vitæ frequentia impedimenta, necnon paganorum infestationes et quotidianas corporis infirmitates, inter regni gubernacula, nihilominus missam quotidie audire, psalmos quosdam et orationes, et horas diurnas et nocturnas celebrare, et ecclesias nocturno tempore, orationis causa, clam a suis adire solebat. » Sic vero totum cujuslibet diei cursum expendebat, « ut octo horas in scribendo, legendo et orando; octo in cura corporis; octo in expediendo regni negotio transigeret, » quod de eo scribit Willelmus monachus Malmesburiensis. Utinam similis sedulitas animos nostros occuparet. Do sancto Ludovico id memoriæ prodidit auctor ejus æqualis in sermone inedito, quem nunquam satis laudatus Antonius Herovallius nobis communicavit : « Omnes horas canonicas, et de gloriosa Virgine semper cum nota audiebat; submisit tamen easdem inter se et capellanum suum et pro defunctis novem lectiones quotidie dicebat. Media 439 nocte surgebat ad confitendum Domino, et regina bonæ memoriæ aliquando eum propter frigus de vestimento aliquo operiebat. » Sic nulli unquam, etiam occupatissimo, deerit tempus et otium ad Deo vacandum, si pietatis studium non defuerit.

440 APPENDIX

Continens probationes quasdam Liturgiæ Gallicanæ et cursus Gallicani.

I. DOMINICA PRIMA ADVENTUS, AD MISSAM OFFICIUM.

Ex Missali Mozarabum.*

Ecce super montes pedes evangelizantis pacem, alleluia, et annuntiantis bona, alleluia : celebra Juda festivitates tuas alleluia, et redde Domino vota tua alleluia. ⁊ . Dominus dabit verbum evangelizantibus in virtute multa. Ps. Et redde. ⁊ . Gloria et honor Patri et Filio et Spiritui sancto in sæcula sæculorum amen. Et redde.

* Vide pag. 25 et seqq.

D *Dicat presbyter : Per omnia sæcula sæculorum. ⁊ . Amen.*

In adventu Domini non dicimus, Gloria in excelsis, Dominicis diebus et feriis, sed tantum diebus festis.

Oratio.

Deus qui per angelicos choros adventum Filii tui Domini nostri Jesu Christi annuntiare voluisti, qui per angelorum præconia, Gloria in excelsis Deo, et in terra pax hominibus bonæ voluntatis, adclaman-

tibus demonstrasti, concede ut in hujus dominicæ resurrectionis festivitate, pax terris reddita convalescat, et fraternæ dilectionis caritate innovata permaneat. *℟.* Amen.

Dicat sacerdos.

Per misericordiam tuam, Deus noster, qui es benedictus, et vivis, et omnia regis in sæcula sæculorum. *℟.* Amen. *℣.* Dominus sit semper vobiscum. *℟.* Et cum spiritu tuo.

Lectio libri Esaiæ prophetæ. *Capitulum x.*

℟. Deo gratias.

Ecce dominator Dominus exercituum confringet lagunculam **441** in terrore, et excelsi statura succidentur, et sublimes humiliabuntur, et subvertentur condensa saltus ejus ferro, et Libanus cum excelsis cadet. [*Cap. xi.*] Et egredietur virga de radice Jesse et flos de radice ejus ascendet, et requiescet super eum Spiritus Domini, spiritus sapientiæ et intellectus, spiritus consilii et fortitudinis, spiritus scientiæ et pietatis: et replebit eum spiritus timoris Domini. Non secundum visionem oculorum judicabit, neque secundum auditum aurium arguet; sed judicabit in justitia pauperes, et arguet in æquitate pro mansuetis terræ. Et percutiet terram virga oris sui, et spiritu laborum suorum interficiet impium. Et erit justitia cingulum lumborum ejus, et fides cinctorium renum ejus. Habitabit lupus cum agno, et pardus cum hædo accubabit: vitulus et leo et ovis simul morabuntur, et puer parvulus minabit eos. Vitulus et ursus pascentur, simul requiescent catuli eorum, et leo quasi bos comedet paleas. Et delectabitur infans ab ubere super foramina aspidis, et in caverna reguli, qui ablactatus fuerit, manum suam mittet. Non nocebunt et non occident in universo monte sancto meo, quia repleta est terra scientia Domini, sicut aquæ maris operientis. In die illa Radix Jesse qui stat in signum populorum, ipsum gentes deprecabuntur, et erit sepulcrum ejus gloriosum. *℟.* Amen.

Dicat presbyter in cornu sinistrum altaris: Dominus sit semper vobiscum. *℟.* Et cum. *Psallendo.* Qui dat nivem sicut lanam, nebulam velut cinerem spargit; qui emittit chrysellum suum sicut frusta panis. Ante faciem frigoris ejus quis subsistet? *℣.* Mittit verbum suum et liquefaciet ea, fiat spiritus ejus et fluent aquæ. *P.* Ante.

Dicat sacerdos: Silentium facite.

Sequentia Epistolæ Pauli apostoli ad Romanos. *Cap. xv.*

Respondeat chorus: Deo gratias.

Fratres. Certus sum ego ipse de vobis, quoniam et ipsi pleni estis dilectione, repleti omni scientia, ita ut possitis alter alterutrum monere. Audacius autem scripsi vobis, fratres, ex parte, tamquam in memoriam vos reducens, propter gratiam quæ data est mihi a Deo, ut sim minister Christi Jesu in gentibus, sanctificans Evangelium Dei, ut fiat oblatio gentium accepta et sanctificata in Spiritu sancto.

A Habeo igitur gloriam in Christo Jesu ad Deum. Non enim audeo aliquid loqui eorum quæ per me non efficit Christus, in obedientiam gentium, in verbo et factis, in virtute signorum et prodigiorum, in virtute Spiritus sancti; ita ut ab **442** Jerusalem per circuitum usque ad Illyricum repleverim Evangelium Christi. Sic autem prædicavi hoc Evangelium, non ubi nominatus est Christus, ne super alienum fundamentum ædificarem, sicut scriptum est: Quibus non est annuntiatum de eo videbunt, et qui non audierunt intelligent. Propter quod et impediabar plurimum venire ad vos, et prohibitus sum usque adhuc. Nunc vero ulterius locum non habens in his regionibus, cupiditatem autem habens veniendi ad vos ex multis jam præcedentibus annis; cum in Hispaniam proficisci cœpero, spero quod præteriens videam vos, et a vobis deducar illuc, si vobis ex parte primum fruius fuero. Nunc igitur proficiscar in Jerusalem ministrare sanctis. Probaverunt enim Macedonia et Achaia collationem aliquam facere in pauperes sanctorum qui sunt in Jerusalem. Placuit enim eis, et sunt debitores eorum. Nam si spiritualium eorum participes facti sunt gentiles, debent et in carnalibus ministrare eis. Hoc igitur cum consummavero, et assignavero eis fructum hunc, proficiscar per vos in Hispaniam. Scio autem quoniam veniens ad vos, in abundantia benedictionis Christo veniam. *℟.* Amen.

Dicat sacerdos: Dominus sit semper vobiscum. *℟.* Et cum.

C Lectio sancti Evangelii secundum Lucam. *Cap. iii.*
℟. Chorus: Gloria tibi, Domine.

Anno quinto decimo imperii Tiberii Cæsaris, procurante Pontio Pilato Judæam, tetrarcha autem Galilææ Herode, Philippo autem fratre ejus tetrarcha Ituræ et Traconitidis regionis, et Lisania Abilinæ tetrarcha; sub principibus sacerdotum Anna et Caipha; factum est verbum Domini super Johannem Zachariæ filium in deserto; et venit in omnem regionem Jordanis, prædicans baptismum pœnitentiæ in remissionem peccatorum, sicut scriptum est in libro sermonum Esayæ prophetæ: Vox clamantis in deserto: Parate viam Domini, rectas facite semitas ejus. Omnis vallis implebitur; et omnis mons et collis humiliabitur; et erunt prava in directa, et aspera in vias planas: et videbit omnis caro salutare Dei. Dicebat ergo ad turbas qui exierant ut baptizarentur ab ipso: Genimina viperarum, quis ostendit vobis fugere a ventura ira? facite ergo fructus dignos pœnitentiæ. Et ne cœperitis dicere: Patrem habemus Abraham. Dico enim vobis, quia potens est Deus de lapidibus istis suscitare filios Abrahæ. Jam enim securis ad radicem arboris posita est. Omnis ergo arbor **443** non faciens fructum bonum excidetur, et in ignem mittetur. Et interrogabant eum turbæ, dicentes: Quid ergo faciemus? Respondens autem dicebat illis; Qui habet duas tunicas det non habenti, et qui habet escas similiter faciat. Venerunt autem et publicani ut baptizarentur, et dixerunt ad

illum : Magister, quid faciemus ? At ille dixit ad eos : A Nihil amplius quam quod constitutum est vobis, faciatis. Interrogabant autem eum et milites, dicentes : Quid faciemus et nos ? Et ait illis : Neminem concutiatis, neque calumniam faciatis, et contenti estote stipendiis vestris. Existimante autem populo, et cogitantibus omnibus in cordibus suis de Johanne, ne forte ipse esset Christus ; respondit Johannes dicens omnibus : Ego quidem aqua baptizo vos, veniet autem fortior me post me, cujus non sum dignus solvere corrigiam calciamentorum ejus. Ipse vos baptizabit in Spiritu sancto et igni, cujus ventilabrum in manu ejus, et purgabit aream suam, et congregabit triticum in horreum suum, paleas autem comburet igni inextinguibili. Multa quidem et alia exhortans, evangelizabat populo. *℟.* Amen.

Dicat presbyter : Dominus sit semper vobiscum. *℟.* Et cum.

Dicat chorus : Lauda. Alleluia. *γ.* Mitte nobis, Domine, auxilium de sancto, et de Sion tu erue nos alleluia. *Interim quando chorus dicit Alleluia, offert sacerdos hostiam cum calice, et cum orationibus quæ sequuntur.*

Acceptabilis sit Majestati tuæ, omnipotens æterne Deus, hæc oblatio, quam tibi offerimus pro reatibus et facinoribus nostris et pro stabilitate sanctæ catholicæ et apostolicæ..... fidei cultoribus. Per Christum Dominum nostrum. In nomine Patris † et Filii et Spiritus sancti. Amen. *Dimittendo patenam super corporales. Deinde accipiat calicem sanctificando sic.* In nomine Patris † et Filii et Spiritus sancti, amen.

Oratio.

Offerimus tibi, Domine, calicem ad benedicendum sanguinem Christi filii tui, deprecamurque clementiam tuam, ut ante conspectum divinæ Majestatis tuæ, cum odore suavitatis ascendat, per eundem Christum Dominum nostrum. Amen. *Ponat calicem super aram, et accipiat filiolam sine sanctificatione, et ponat super calicem dicendo sic :*

Oratio.

444 Hanc oblationem, quæsumus, Domine, placatus admitte, et omnium offerentium eorum pro quibus tibi offertur peccata indulge, per Christum Dominum nostrum, amen.

Et dicat junctis manibus inclinando se.

Oratio.

In spiritu humilitatis et in animo contrito suscipiamur, Domine, a te, et sic fiat sacrificium nostrum, ut a te suscipiamur hodie, ut placeat tibi, Domine Deus. Veni, sancte Spiritus sanctificator, sanctifica hoc sacrificium de manibus meis tibi præparatum. *Hic ponat incensum in thuribulo, et incenset sacrificium si placuerit. Postea inclinet se sacerdos in medium altaris junctis manibus, et dicat alta voce :* Adjuvate me, fratres, in orationibus vestris, et orate pro me ad Deum. *Chorus respondeat :* Adjuvet te Pater et Filius et Spiritus sanctus. *Et sacerdos vertat se ad populum et faciat offertorium si voluerit, et dicat chorus sacrificium.* Regnabit Dominus in Jerusalem,

et in conspectu seniorum alleluia. *γ.* Hæc dicet Dominus, erit quasi pater habitantibus Jerusalem, et qui inhabitant in Sion, et dabo clavem domus David super humeros ejus, et aperies ; et non est qui claudat Jerusalem, alleluia.

Hic accipiat sacerdos aquam in manibus, et dicat silentio super oblationem cum tribus digitis : In nomine Patris † et Filii et Spiritus sancti regnas Deus in sæcula sæculorum, amen.

Inclinet se ante altare, et dicat in silentio istam orationem :

Accedam ad te in humilitate spiritus mei, loquar ad te, quia multam spem, et fortitudinem dedisti mihi. Tu ergo, fili David, qui revelatus mysterio, ad nos in carnem venisti, clave crucis tuæ secreta cordis mei adaperi, mittens unum de Seraphin, qui candenti carbone illo, qui de altari tuo sublatus est, sordentia labia mea emundet, mentem enubilet, docendi materiam subministret, ut lingua quæ proximorum utilitati per caritatem servit, ne erroris insonet casum, sed veritatis resultet sine fine præconium, per te Deus meus qui vivis et regnas in sæcula sæculorum, amen.

INCIPIT MISSA.

Dicat presbyter : Dominus sit semper vobiscum. *℟.* Et cum spiritu.

Oratio.

445 Adventum Domini nostri Jesu Christi, fratres dilectissimi, votis omnibus præstolantes, Dei Patris omnipotentiam imploremus, ut corda nostra purificet, et corpora immaculata conservet. Det habilitatem fidelium mentibus fideliter quærere, quod saluti posset prodesse. Expectemus conscientia secura venturum, quem super omnem principatum et potestatem credimus exaltatum. Simus etiam persingula momenta solliciti, ut mereamur habere principium, quem credimus et fatemur ad judicandos nos vivos et mortuos in gloria esse venturum. *℟.* Amen. *Dicat presbyter* : Per misericordiam tuam, Deus noster, qui es benedictus, et vivis et omnia regis in sæcula sæculorum. *℟.* Amen. *Dicat presbyter elevando manus.* Oremus. *℟.* Chorus, Agios, Agios, Agios, Domine Deus, rex æterne, tibi laudes et gratias.

D *Postea dicat presbyter :*

Ecclesiam sanctam catholicam in orationibus in mente habeamus, ut eam Domini fide, et spe, et caritate propitius ampliari dignetur. Omnes lapsos, captivos, infirmos, atque peregrinos in mente habeamus, ut eos Dominus propitius redimere, sanare et confortare dignetur. *℟.* Chorus : Præsta, æterne, omnipotens Deus.

Dicat presbyter aliam orationem.

Purifica, Domine Deus, Pater omnipotens, peccatorum arcana nostrorum, cunctasque propitius maculas albe peccatorum, ac præsta, Domine, ut beneficio pietatis tuæ, nostris criminibus emundati, metuendum terribilemque adventum Domini nostri Jesu Christi filii tui expectemus interriti : sicque, te mi-

serante, hic percipere mereamur omnium veniam delictorum, ut tuum in futuro iudicium nobis sentiamus omnino mitissimum, et dexteræ tuæ participes facti, a te mereamur perpetuæ vitæ percipere præmium, tuumque consequemur invictum, infinitum et fortissimum regnum. *℟.* Amen.

Dicat presbyter : Per misericordiam tuam, Deus noster, in cujus conspectu, sanctorum apostolorum et martyrum, confessorum atque virginum nomina recitantur. *℟.* Chorus. Amen. *Dicat presbyter* : Offerunt Deo Domino oblationem sacerdotes nostri, papa Romensis, et reliqui pro se et pro omni clero ac plebibus Ecclesiæ sibi et consignatis, vel pro universa fraternitate. Item offerunt universi presbyteri, diaconi, clerici, ac populi circumstantes **446** in honorem sanctorum pro se et suis. *℟.* Chorus : Offerunt pro se et pro universa fraternitate. *Dicat sacerdos* : Facientes commemorationem beatissimorum apostolorum et martyrum, gloriosæ sanctæ Mariæ virginis, Zachariæ, Johannis, Infantum, Petri, Pauli, Johannis, Jacobi, Andreæ, Philippi, Thomæ, Bartholomæi, Matthæi, Jacobi, Simonis et Judæ, Matthiæ, Marci et Lucæ. *℟.* Chorus : Et omnium martyrum. *Dicat sacerdos* : Item pro spiritibus pausantium Hilarii, Athanasii, Martini, Ambrosii, Augustini, Fulgentii, Leandri, Ysidori, David, Juliani, item Juliani, Petri, item Petri, Johannis, Servi Dei, Visitani, Viventi, Felici, Cypriani, Vincentii, Gerontii, Zachariæ, Cenapoli, Dominici, Justi, Saturnini, Salvati, item Salvati, Bernardi, Reimundi, Johannis, Celebruni, Gundisalvi, Martini, Roderici, Johannis, Guterii, Sancii, item Sancii, Dominici, Juliani, Philippi, Stephani, Johannis, item Johannis, Felicis. *℟.* Chorus : Et omnium pausantium.

Dicat presbyter post nomina :

Te quæsumus, Domine Jesu Christe, ut dilectio adventus tui ita in nobis permaneat, ne ad te corda nostra umquam recedant; sicque nos jam in æternam advectionem ascribe, ut ad futurum non confundamur, cum ad judicandum veneris orbem. *℟.* Chorus, Amen. *Dicat presbyter* : Quia tu es vita vivorum, sanitas infirmorum, ac requies omnium fidelium defunctorum in æterna sæcula sæculorum. *℟.* Chorus : Amen.

Oratio ad pacem.

Dicat presbyter :

Domine Deus omnipotens, qui pro humani generis redemptione coeternum tibi coequalemque Filium angelica annuntiatione, per Mariæ virginis uterum usque ad nos voluisti transmittere, atque ante ipsius Filii tui adventum Johannem dignatus es destinare præconem, ut per ejus veridicam in deserto eremi prædicationem populus pœnitens veterum facinorum acciperet veniam, per novi autem hominis Dei regnum evangelizantis divinæ Trinitatis plenam mundus consequi mereatur ineffabilem gratiam; dona nobis in hoc tempore Adventus Unigeniti tui eandem pacis gratiam quam in præterita largire dignatus es sæcula; et illis nos in occurso fidei

socios numerandos, quos in fidei primordio, a Johanne in Jordane pœnitentiæ undis aquarum ablutos, a te postremo per Filium in Spiritu sancto et igni cognoscimus baptizatos. *Respondeat chorus* : Amen. *Dicat presbyter* : Quia tu es vera **447** pax nostra et charitas indisrupta, vivis tecum et regnas cum Spiritu sancto unus Deus in sæcula sæculorum.

℟. Chorus : Amen. *Dicat presbyter elevatis manibus in cælum* : Gratia Dei Patris omnipotentis, pax ac dilectio Domini nostri Jesu Christi et communicatio Spiritus sancti sit semper cum omnibus nobis. *℟.* Chorus : Et cum omnibus bonæ voluntatis. *Dicat presbyter* : Quomodo astat, pacem facite. *℟.* Chorus. Pacem meam do vobis, pacem meam commendando vobis; non sicut mundus dat, pacem do vobis.

℣. Novum mandatum do vobis, ut diligatis invicem. *Reiteretur* : Pacem meam do vobis. *℣.* Gloria et honor Patri et Filio et Spiritui sancto in sæcula sæculorum amen. *Reiteretur* : Pacem meam.

Interim quando Chorus dicit : Pacem meam, accipiat sacerdos pacem de patena dicendo sic : Habete osculum dilectionis et pacis, ut apti sitis sacrosanctis mysteriis Dei..... *Et statim det pacem diacono vel puero, et puer populo. Postea inclinet se sacerdos junctis manibus et dicat* : Introibo ad altare Dei. *℟.* Chorus : Ad Deum qui lætificat juventutem meam. *Presbyter ponat manum super calicem et dicat* : Aures ad Dominum. *℟.* Chorus : Habemus ad Dominum. *Dicat presbyter* : Sursum corda. *℟.* Chorus : Levemus ad Dominum. *Dicat presbyter inclinando se junctis manibus* : Deo ac Domino nostro Jesu Christo Filio Dei qui est in cœlis, dignas laudes dignasque gratias referamus. *Et dicendo* : Gratias referamus, *elevet sacerdos manus in altum.* *℟.* Chorus : Dignum et justum est. *Postea dicat presbyter* :

Inlatio.

Dignum et justum est nos tibi gratias agere, Domine sancte, Pater æterne, omnipotens Deus, per Jesum Christum Filium tuum Dominum nostrum, quem Johannes fidelis amicus præcessit nascendo; præcessit in desertis eremi prædicando, præcessit baptizando; viam quoque præparans judicii ac redemptoris, convocavit peccatores ad pœnitentiam; et populum Salvatori adquirens, baptizavit in Jordane peccata propria confitentes; non homines innovando plenam conferens gratiam, sed piissimi Salvatoris ammonens expectare presentiam; non remittens ipse peccata ad se venientibus, sed remissionem peccatorum ad futurum pollicens esse credentibus; ut descendantibus in aqua pœnitentiæ, ab illo sperarent remedium indulgentiæ, quem venturum audiebant plenum dono veritatis et gratiæ. Baptizatur igitur ab eo Christus ex clemento visibili et spiritu invisibili: ducebantur por obedientiam ad misericordiam; per filium sterilis ad filium Virginis; per **448** Johannem hominem magnum, ad Christum hominem Deum. Qui cum Patre et Spiritu sancto adorant angeli atque archangeli, throni, dominationes et potestates, ita dicentes :

℟. *Chorus* :

Sanctus, Sanctus, Sanctus, Dominus Deus Sabaoth. Pleni sunt cæli et terra gloria maiestatis tuæ; osanna filio David, osanna in excelsis. Benedictus qui venit in nomine Domini, osanna in excelsis.

Dicat presbyter post Sanctus :

Vere sanctus et gloriosus Dominus noster Jesus Christus Filius tuus, quem olim credimus incarnatum fuisse pro salute humani generis; et nunc expectamus ad iudicium venturum in gloria claritatis cum omnibus sanctis, ipse Dominus ac redemptor æternus.

Deinde dicat presbyter in silentio junctis manibus inclinando se ante altare hanc orationem :

Adesto, adesto, Jesu bone pontifex, in medio nostri, sicut fuisti in medio discipulorum tuorum; sancti + sica hanc oblationem, + ut sanctificata + sumamus per manus sancti angeli tui, sancte Domine ac redemptor æterne. Dominus noster Jesus Christus in qua nocte tradebatur accepit panem, et gratias agens bene + dixit ac fregit : deditque discipulis suis dicens, accipite et manducate : Hoc est corpus meum quod pro vobis tradetur (a). *Hic elevetur corpus.* Quotiescumque manducaveritis, hoc facite in meam + commemorationem. Similiter et calicem, postquam cœnavit, dicens : Hic + est calix novi Testamenti in meo sanguine qui pro vobis et pro multis effundetur in remissionem peccatorum. *Hic elevetur calix coopertus cum filiola.* Quotiescumque biberitis, hoc facite in meam + commemorationem. *Et cum perventum fuerit ubi dicit* : In meam commemorationem, *Dicat presbyter alta voce omnibus diebus præter festivis.* Pari modo ubi dicit : In claritatem de cælis. *Et qualibet vice respondeat Chorus* : Amen.

Quotiescumque manducaveritis panem hunc et calicem istum biberitis, mortem Domini annuntiabitur donec veniet. In claritatem + de cælis. ℟. *Chorus* : Amen.

Dicat presbyter post Pridie :

Oratio.

Domine Jesu Christe, hanc hostiam vivam illustratione adventus tui sanctifica; ut ex ea libantes, mundemur a crimine, et tuam gratiam mereamur percipere sine fine. ℟. Amen.

Postea dicat presbyter :

449 Te præstante, sancte Domine, qui tu hæc omnia nobis indignis servis tuis valde bona creas, sancti + ficas, vivificas +, bene di cis + ac præstas nobis, ut sit benedicta a te Deo nostro in sæcula sæculorum. ℟. *Chorus* : Amen.

Et tunc presbyter accipiat corpus Domini de patena, et ponat super calicem discoopertum, et dicat alta voce omnibus diebus, videlicet festivis et Dominicis, præter in locis, in quibus erit antiphona propria ad confractionem panis :

A

	Corporatio	
Mors	Nativitas	Resurrectio
	Circumcisio	Gloria
	Apparitio	Regnum
	Passio	

B

C

D

450 Dominus sit semper vobiscum. ℟. Et cum.

Dicat presbyter :

Fidem quam corde credimus ore autem dicamus. *Et elevet sacerdos corpus Christi ut videatur a populo.* *Et dicat chorus Symbolum bini ac bini, videlicet* :

Credimus in unum Deum Patrem omnipotentem, factorem cæli et terræ; visibilium omnium et invisibilium conditorem. Et in unum Dominum nostrum Jesum Christum Filium Dei unigenitum, et ex Patre natum ante omnia sæcula, Deum ex Deo, Lumen ex Lumine, Deum verum ex Deo vero, natum non factum, omousion Patri, hoc est ejusdem cum Patre substantiæ; per quem omnia facta sunt, quæ in cælo, et quæ in terra : qui propter nos homines, et propter nostram salutem descendit de cælis; et incarnatus est de Spiritu sancto ex Maria virgine, et homo factus est. Passus sub Pontio Pilato, sepultus, tertia die resurrexit; ascendit ad cælos, sedet ad dexteram Dei Patris omnipotentis; inde venturus est judicare vivos et mortuos, cujus regni non erit finis, et in Spiritum sanctum Dominum, vivificantem, et ex Patre et Filio procedentem, cum Patre et Filio adorandum et conglorificandum; qui locutus est per prophetas. Et unam sanctam catholicam et apostolicam Ecclesiam. Confiteor unum baptisma in remissionem peccatorum. Expectamus resurrectionem mortuorum, et vitam venturi sæculi. Amen.

(a) Forma ista consecrationis ponitur, ne antiquitas ignoremur, sed hodie servetur Ecclesiæ traditio, etc.

Et deinde faciat presbyter sic: Frangat Eucharistiam per medium, et ponat mediam partem in patena, et de alia parte faciat quinque particulas, et ponat in patena; et accipiat aliam partem, et faciat quatuor particulas, et ponat in patena similiter per ordinem factas per loculos istos qui supra sunt. Et statim purget bene digitos; et cooperto calice faciat Memento pro vivis.

Postea dicat presbyter ad orationem Dominicam aequaliter istam orationem.

Oremus.

Verbum Patris quod cum factum es, ut habitares in nobis; præsta nobis, ut qui te venisse jam credimus, ab omni peccatorum eruamur contagione, cum præceptionis tuæ oraculis proclamaverimus e terris. Pater noster, qui es in cælis. *℟.* Amen. Sanctificetur nomen tuum. *℟.* Amen. Adveniat regnum tuum. *B* *℟.* Amen. Fiat voluntas tuas sicut in cælo et in terra. *℟.* Amen. Panem nostrum quotidianum da nobis hodie. *℟.* Quia Deus es. **451** Et dimitte nobis debita nostra, sicut et nos dimittimus debitoribus nostris. *℟.* Amen. Et ne nos inducas in tentationem. *℟.* Sed libera nos a malo. *Dicat presbyter:* Liberati a malo, confirmati semper in bono, servire mereamur Deo ac Domino nostro. Pone, Domine, finem. *Hic percutiat pectus,* peccatis nostris: da gaudium tribulatis, præbe redemptionem captivis, sanitatem infirmis, requiem defunctis: concede pacem et securitatem in omnibus diebus nostris. Frange audaciam inimicorum nostrorum, et exaudi Deus orationes servorum tuorum omnium fidelium Christianorum, in hac die, et in omni tempore. Per Dominum nostrum Jesum Christum Filium tuum qui tecum vivit et regnat, in unitate Spiritus sancti, Deus, per omnia sæcula sæculorum. *℟.* Amen.

Sic faciat presbyter: Accipiat modo particulam quæ dicitur Regnum, de patena, et ponat super calicem. In tempore resurrectionis videlicet, dicat tribus vicibus, Vicit Leo de tribu Juda radix David, alleluia. Respondent chorus qualibet vice: Qui sedes super cherubin, Radix David, alleluia. Et postea dicat istam orationem inter se submissa voce:

Sancta sanctis, et conjunctio corporis Domini nostri Jesu Christi; sit sumentibus et potantibus nobis ad veniam, et defunctis fidelibus præstetur ad requiem. *Et mittat particulam in calicem, et cooperiat calicem, et dicat alta voce sic, si non fuerit ibi diaconus:*

Humiliate vos benedictioni. Dominus sit semper vobiscum. *℟.* Et cum spiritu. *Benedictio.* Illustret vos unigenitus Filius Dei lumine adventus sui, qui vos redimere non dedignatus est pretio sanguinis proprii. *℟.* Amen. Accingat vos virtutibus pacis, et ditet muneribus copiosis. *℟.* Amen. Ipsumque Dominum semper habeatis protectorem, quem omnipotens Pater suscitavit de tribu Juda victorem. *℟.* Amen. *Dicat presbyter:* Per misericordiam ipsius Dei nostri, qui est benedictus, et vivit, et omnia regit in sæcula sæculorum. *℟.* Amen. Dominus sit semper vobiscum. *℟.* Et cum. *Dicat chorus:* Gustate et videte quoniam

suavis est Dominus. Alleluia, alleluia, alleluia. *℣.* Benedicam Dominum in omni tempore: semper laus ejus in ore meo. *P.* Alleluia, alleluia, alleluia. *℣.* Redimet Dominus animas servorum suorum, et non derelinquet omnes qui sperant in eum. *P.* Alleluia, alleluia, alleluia. *℣.* Gloria et honor Patri, et Filio et Spiritui **452** sancto, in sæcula sæculorum. Amen. *P.* Alleluia, alleluia, alleluia. *In dicendo* Gustate et videte, *accipiat presbyter aliam particulam sequentem quæ dicitur Gloria, et ponat super calicem et dicat cum silentio istam orationem:* Panem cælestem de mensa Domini accipiam, et nomen Domini invocabo. *Et dicat sacerdos* Memento pro mortuis, *tenendo illam particulam super calicem, et dicto* Memento, *dicat istas orationes quæ sequuntur.*

B Domine Deus meus, da mihi corpus et sanguinem Filii tui Domini nostri Jesu Christi ita sumere, ut per illud remissionem omnium peccatorum merear accipere, et tuo sancto Spiritu replei, Deus noster, qui vivis et regnas in sæcula sæculorum, amen.

Oratio.

Ave in ævum, sanctissima caro Christi, in perpetuum summa dulcedo: panem cælestem accipiam, et nomen Domini invocabo. *Hic faciat signum cum Hostia, et sumat particulam quam in manu habet, et cooperiat calicem, et veniat ad patenam, et consumat omnes particulas per ordinem. Et deinde accipiat patenam et ponat super calicem, et purget bene cum digito pollicem et dicat hanc orationem:*

C Ave in ævum, cælestis potus, qui mihi ante omnia et supra omnia dulcis es.

Alia oratio.

Corpus et sanguis Domini nostri Jesu Christi custodiat corpus et animam meam in vitam æternam, amen. *Hic accipiat sanguinem; et dum sacerdos sumserit sanguinem, dicat immediate hanc orationem:*

Domine Deus meus, Pater et Filius et Spiritus sanctus, fac me te semper quærere et diligere, et a te per hanc sanctam communionem quam sumsi numquam recedere, quia tu es Deus, et præter te non est alius in sæcula sæculorum, amen.

Cantet chorus communionem: Refecti Christi corpore et sanguine, te laudamus, Domine, alleluia, alleluia, alleluia.

Eat sacerdos ad cornu altaris, et dicat hanc orationem:

Refecti Christi corpore et sanguine pariterque sanctificati, Deo Patri omnipotenti gratias referamus, ut nos eandem resurrectionem et sanctificationem habentes hic, et in futuro sæculo gloriam percipiamus. *℟.* Amen. *Dicat presbyter:* Per misericordiam tuam, Deus noster, qui es benedictus, et vivis, et omnia regis in sæcula sæculorum. *℟.* Amen. Dominus sit semper vobiscum. **453** *℟.* Et cum. *Dicat presbyter vel diaconus:* Solemnia completa sunt in nomine Domini nostri Jesu Christi; votum nostrum sit acceptum cum pace. *℟.* Deo gratias. *Ista oratio supra dicta fit in medium altaris.*

* Hic mendum typographicum patet; evidenter legendum CARO factum es. EDIT.

In ista missa et in aliis non vertitur sacerdos ad populum, nisi quando dixerit : Adjuvate me, fratres, in orationibus vestris.

II. IN NATIVITATE DOMINI NOSTRI JESU CHRISTI
AD MISSAM OFFICIUM.

Ex eodem Missali Mozarabum.

Alleluia, Benedictus qui venit, alleluia, In nomine Domini, alleluia, alleluia.

†. Deus Dominus et illuxit nobis. P. (a) In nomine Domini. †. Gloria et honor Patri, et Filio, et Spiritui sancto in sæcula sæculorum, amen. P. In nomine Domini.

Dicat presbyter : Per omnia sæcula sæculorum. †. Amen.

Dicat presbyter : Gloria in excelsis Deo.

Postea dicta, Gloria in excelsis, *dicat hanc orationem* :

Hodie nobis thesaurus natus est. Hodie nobis lumen Virginis, quam Spiritus sanctus ignivit verum lumen apparuit. Hodie cæcorum medicus natus est. Hodie paralyticorum sanitas. Hodie debiliū firmitas, infirmantium virtus. Hodie resurrectio mortuorum Salvator noster advenit. Hodie nobis inter noctem ignitam lux nova apparuit. Hodie nobis Salvator advenit, quem prophetæ prædixerant ex Maria Virgine nasciturum. Hodie nobis præsepium positus perpetuus Panis lucis ostenditur qui dixit : Ego sum panis verus qui de cælo descendi. Si quis autem de pane isto manducaverit non esuriet in æternum. Præsta nobis, Domine, per gloriam nativitatis tuæ a malis propriis liberari, et in tuis laudibus semper gloriam. †. Amen.

Prophetia. Lectio libri Esaïæ prophetæ. Cap. ix.

†. Deo gratias.

Primo tempore allevata est terra Zabulon et terra Neptalim, etc., *usque ad* zelus Domini exercituum faciet hoc. †. Amen.

Dicat presbyter : Dominus sit semper vobiscum. †. Et cum spiri.

454 *Dicat chorus psallendo* :

Dominus dixit ad me : Filius meus es tu, ego hodie genui te. †. Pete a me, et dabo tibi gentes hereditatem tuam, et possessionem tuam terminos terræ. P. Ego. *Dicat presbyter* : Silentium facite.

Principium epistolæ Pauli apostoli ad Hebræos,

Cap. i.

†. Deo gratias.

Fratres multifarie multisque modis, etc., *usque ad* et anni tui non deficient. *Respondet chorus* : Amen.

Lectio sancti Evangelii secundum Lucam. Cap. ii.

Factum est autem cum essent ibi impleti sunt dies ut pareret : et peperit filium, etc., *usque ad* sicut dictum est ad illos. †. Amen. *Lauda*.

Alleluia. †. Redemptionem misit Dominus populo suo, mandavit in æternum testamentum suum : sanctum et terribile nomen ejus. P. Alleluia. *Dicat presbyter* : Adjuvate me, fratres, in orationibus vestris.

(a) *Præcentor*.

A *Sacrificium*. Parvulus natus est nobis, et filius datus est nobis : et factus est principatus ejus super humeros ejus, alleluia, alleluia.

MISSA.

Ecce nunc tempus acceptabile, ecce nunc dies salutis. Lux a terra prodiit, exeamus a tenebris. Advocatus e cælo descendit, quod oportet agamus, Redemptor mundi apparuit, pro libertate clamemus. Venit ad ægrotos medicus, vulnera proferamus. Panis vivus credentibus datus est, hunc sumamus. Fons perennis fidelibus ortus est, animas impleamus, cujus misericordiæ virtute et gratia in illo fidei processu, justitiæ cultu, confessionis gradu, castitatis affectu stare nos faciat, in quo animas floruisse sibi, non aruisse convincat. Atque in illo statu illum vita nostra delectetur, nobisque fructificet, in quo se generis, non criminis nostri, permanens Deus, in nobis nasciturus inseruit, et pro nobis moriturus apparuit. †. Amen. Concedente gratia miserationis illius, cujus regnum et imperium jube et gloriosum in sæcula sæculorum. †. *Chorus* : Amen.

Alia oratio.

Te, Domine Jesu Christe, te Deum pluraliter homines salvantem, et hominem in Deo singulariter potenter invocamus, laudamus, rogamus ut adis. parcas, miserearis, ignoscas, des in corde, vota compleas; des in ore, verbaque exaudias, des in opere, factaque benedicas. Non petimus renovari nobis, sicut in hac die olim acta est, corporalis nati- **C** tas tua; sed petimus incorporari nobis invisibili divinitatem tuam, ut quod præstitum est carnaliter, **455** sed singulariter tunc Mariæ, nunc spiritualiter præstetur Ecclesiæ; ut te fides indubitata concipiat, te mens de corruptione liberata parturiat, te semper anima virtute Altissimi obumbrata contineat. Ne discedas a nobis, sed procedas ex nobis. Sis re vera Emmanuel noster nobiscum Deus. Digneris manere in nobis, et pugnare pro nobis; te enim pugnante, nos vincimus. Solve nos, quæsumus, a pannis putribus peccatorum, qui te pro peccatis nostris dignatus es putredine ligari pannorum. Lac tuum Ecclesiæ tuæ parvulos nutriet, adeo infirmos delicatus olerum cibus pascat, ut ad percipiendum fortiorem ac solidum cibum validiores quotidie vires crescant. Et ita novimus defecatam voluntatem et fidem exhibere firmissimam, ut jugiter enitatur auxilio tuo ad vitam pervenire perpetuam. †. Amen.

Post nomina.

Famuli tui indigni et exigui sacerdotes tremendæ majestati tuæ spirituales victimas immolantes, offerimus tibi, Deus, hostiam immaculatam, quam mater- nus uterus impolluta virginitate produxit, pudor edidit, sanctificatio genuit, integritas fudit, hostiaque immolata vivit, et vivens jugiter immolatur; hostia quæ sola Deo placere prævalet, quia Dominus est. Hanc tibi, summe Pater, offerimus pro sancta Ecclesia tua, pro satisfactione sæculi delinquentis, pro emundatione animarum nostrarum, pro sanitate omnium infirmorum, ac requie vel indulgentia fidelium

defunctorum, ut mutata sorte tristium mansionum, felici perfruantur societate justorum. *℟. Chorus : Amen.*

Ad pacem oratio.

Excelsum te Deum pariter atque humilem hominem Christum Jesum acclives servuli supplices deprecamur, ut pacem quam ascensurus ad cælos tuis caris noticia commendasti, dones, augmentes, perficias atque custodias. Atque ita fiat pax tua in virtute, et abundantia in turribus tuis, ne officii oscula sint tegmina virus occulti; sed qui decantantibus angelis pacem tribuisti hominibus bonæ voluntatis, in hoc die Natalis efficias nos nuntios ac filios pacis. *℟. Amen.*

Inlatio

Dignum et justum est nos omnipotentiae et pietati tuæ referre quas posse donaveris laudes, clementissime Pater; quia post multa tempora in hac die ante non multa tempora, qui tibi vel sibi semper erat, nobis natus est Christus Jesus unigenitus tuus: factus **456** est ancillæ suæ filius, Dominus matris suæ; partus Mariæ, fructus Ecclesiæ, qui ab illa editur, ab ista suscipitur; qui per illam pusillus egreditur, per istam mirificus dilatatur. Ille salutem populis creavit, hæc populos; illa vero vitam portavit, hæc lavacro; in illius membris Christus infusus est, in istius aquis Christus indutus est. Per illam, qui erat, nascitur; per istam qui perierat invenitur. In illa Redemptor gentium vivificatur; in ista gentes vivificantur. Per illam venit ut peccata tolleret; per istam tulit peccata propter quæ venit. Per illam nos ploravit; per istam nos curavit. In illa infans, in ista gigans. Ibi exulat, hic triumphat. Per illam crepundia gemitavit, per istam regna subiecit. Illam parvuli jocularitate demulsit, ipsam sponsi credulitate despondit. Extant denique pretiosi amoris incorrupta commercia. Dedit sponsus sponsæ suæ munera, aquas vivas, id est Christus Ecclesiæ, et quibus semel ad placendi meritum lavaretur. Dedit oleum lætitiæ, quo odorifero unguento chrismatis ungeretur. Vocavit eam ad mensam suam, adipe frumenti satiavit illam, vino suavitatis implevit, justitiæ imposuit ornamentum; donavit deauratum virtutum varietate vestitum; animam suam pro illa posuit; susceptæ et calcatæ mortis spolia in dotem ille regnaturus victor exhibuit; se ipsum ille in cibo ac potu indumentoque concessit. Promisit ei se illi daturum regnum æternum; ipsam pollicitus est statuendam in dexteræ suæ parte Reginam; concessit et ipsi quod concessum est Genitrici, impleri, non violari; parere, non corrumpi; illi semel, isti semper, sedere tamquam sponsam in thalamo pulchritudinis, et multiplicare filios gremio pietatis, Fetosam esse prolem, non fetidam voluntatum. Sic et ipsa in ipso per ipsum dives effecta, sponso ac Domino suo humilia refert munera; hoc enim de proprio suo offerendo quod credidit, hoc de exemplo quod eum redamavit, hoc de dono ipsius id ipsam et potuisse quod voluit, id ipsam voluisse quod potuit,

(a) Vide pag. 99 et seqq.

A Dedit illi tamquam rosas martyres, velut lilia virgines, quasi violas continentes. Hæc ad illam per ministros voluntatis ejus apostolos conferta operis sui impensa transmisit. Unde nunc a dextris ejus felici et gloriosa perennitate consistens, eum tecum, omnipotens Pater, et cum sancto Spiritu regnantem cum omnibus angelis confitendo conlaudat et dicit. *℟. Chorus : Sanctus, Sanctus, Sanctus.*

Dicat presbyter post Sanctus :

Vere sanctus, vere benedictus Dominus noster Jesus Christus **457** filius tuus, qui venit e cælis ut conversaretur in terris: caro factus est, ut habitaret in nobis Christus Dominus ac redemptor æternus.

Dicat presbyter post Pridie :

Hæc Domine dona tua et præcepta servantes, in altare tuum panis ac vini holocausta proponimus, rogantes profusissimam tuæ misericordiæ pietatem, ut in eodem spiritu, quo te in carne virginitas incorrupta concepit, has hostias Trinitas indivisa sanctificet; ut cum a nobis fuerit non minori trepidatione quam veneratione percepta, quicquid contra animam male vivit intreat; quicquid interierat nullatenus reviviscat. *℟. Amen.*

Dicat presbyter ad orationem Dominicam :

Quod Via ut sequeremur ostendit, quod Vita ut loqueremur edocuit, quod Veritas ut teneremus instituit, tibi, summe Pater, cum tremore cordis proclamemus e terris. Pater noster.

Dicat presbyter benedictionem :

Dominus Jesus Christus qui olim pro nobis hodie dignatus est nasci, ipse vos sua nativitate vivificet. *℟. Amen.* Et qui infantiam sumens humanitatis, vilibus indutus est pannis, cælestium virtutum vos vestiat indumentis. *℟. Chor. Amen.* Sitque vestrorum cordium interior pastus, qui in præsepio positus credentibus se voluit monstrari vescendus. *℟. Chorus : Amen.* Per misericordiam ipsius Dei nostri qui est benedictus, et vivit, et omnia regit in sæcula sæculorum. *℟. Amen.*

Dicat presbyter : Dominus sit semper vobiscum. Hic dicat chorus : Gustate et videte.

Post communionem oratio.

Gratias tibi agimus, Domine Deus, et te Deum benedicimus de die in diem, qui nos in hac die sanctæ solemnitatis tuæ perducere dignatus es. Fac nos diem istum nativitatis tuæ per multa curricula annorum in pace et tranquillitate suscipere cum fidei populo tuo. *℟. Chorus : Amen. ♯.* Per misericordiam tuam, Deus noster, qui es benedictus et vivis et omnia regis in sæcula sæculorum. *℟. Amen. ♯.* Dominus sit semper vobiscum. *℟.* Et cum. *♯.* Solemnia completa sunt in nomine Domini nostri Jesu Christi : votum nostrum sit acceptum cum pace. *℟. Deo gratias.*

III. INCIPIT EPISTULA SANCTI AGUSTINI AD SANCTUM DEL BIBLIANUM SANTONICÆ CIVITATIS ANTESTITEM.

Ex ms. Codice sancti Petri Carnutensis (a).

458 Domino vere sancto, palmæ triumphatione

decorato, et pontificali officio coronato, Bibiano orthodoxo, Agustinus Dei servorum servus, in Domino salutem. Litteras apostolatus vestri, carissimo filio nostro Trojano vestro diacono deferente, ad nos pervenisse comperite; et dum sospitas vestra nobis fuisset certificata per paginam, immensa reddidimus Deo laudis præconia. Et quamvis simus absentes corpore, præsentés tamen florigera caritate, exhilarati sumus valde pro sanctitatis rumore, et eccellente culmine sacerdotii vestri, qui longe radiat in orbe, non solum Occidentis et Galliæ, verum etiam Orientis et Affricæ, meritorum lumine percurrente. Oramus autem Deum, ut bonum opus in vobis qui cœpit, ipse cœpta perficiat; simulque vobis suppliciter petimus, ut precibus vestris adjuti mereamur de laqueis hujus sæculi liberari. De eo autem quod nobis dignati fuistis injungere, ut ordinem Hyppone Regiensis ecclesiæ, qualiter divina officia per Testamenti et Novi et Veteris paginam annualem persolvit harmoniam, vobis dirigere deberemus; ideo ad præsens non potuimus, quia in libro Exameron nostros notarios occupatos habebamus. Sed cum illud opus fuerit, favente Domino, consummatum, mox obediētes vestro imperio per famulum vestrum, filium in Christo nostrum, Eugepium presbyterum, vobis libellum dirigemus: in quo totius anni opificium in lectionibus Divinis perflorando perstrinximus, incipientes ordinem Adventus Dominici ab octavo Calendas octubris æquinodium autumnale, pro eo quod eadem die Johannes præcursor Domini a majoribus nostris traditur et Angelo nuntiante conceptus, et Herodis funesti gladio trucidatus. Est et præter Nativitatem alia sollemnitās Johannis Baptistæ, quarto scilicet Calendas Septembris, quando inventum legitur caput dominici præcursoris. Quod ut opinor decrevit ideo dispensatio Deitatis, ut quia in unda baptismatis, ministerium dumtaxat, quod ante faciem Christi prædicavit Johannes, sacramentum meritionibus trinis, ideo trifarias sollemniter reddat Ecclesia ejus laudes. Et quia de illo scriptum **459** est vocibus prophetis et testimoniis Salvatoris: *Ecce ego mitto angelum meum qui præparabit viam ante faciem tuam*; ideo et ab ejus conceptu vel obitu Adventus Christi inchoamus officium. Dignum est namque, ut ab eodem die usque ad Nativitatem Christi prophetarum organa tympanizando resultet Ecclesia:

Sed quia sunt nonnulli qui Adventum Domini a festivitate beati Martini Turonensis urbis episcopi videntur insipienter excolere, nos eos non reprehendimus, quia non omnes omnia possunt, et maxime cum Apostolus dicat: *Unicuique sicut Deus divisit mensuram fidei*. Sed longe aliter est plenitudo ordinis et religionis nostræ. Martinus etenim sanctus longe post ascensionem Domini, vel post nativitatem prodiiit, vel post mortem discessit, quippe qui nostris temporibus prope fuit, quamvis in brevi tempore fama sanctitatis et virtutis illius totum mundum re-

(a) Vide pag. 115.

pleverit. Apud nos itaque ex ejus sollemnitate a carnibus vel conjugali copula filiis indicatur, ut ad Nativitatem Domini securi munificent. Rectius autem hoc opus in sancti Jo conceptione instituitur: quia ipse præcessit Dominum, et per præconium angeli, et per sessionis contactum, dum Dominus de Virgine, vero nasceretur ex vetula et sterile matre; clausus utero, exultans in gaudio, clausum Cl Virginis alvo mystico salutavit præsagio. quando Johannes sensit imminere diem obi ideo misit ad Dominum dicens: *Tu es qui vis, an alium exspectamus?* quasi diceret illi: mihi utrum per te ad inferni claustra descendam ad liberandum genus humanum alium mittas? sicut te in terris positus docendo et baptizans currens digito oriendum demonstravi, ita volo in tenebris resedenti, et te quotidie postula ventum tuum jussus a te, Domine, nuntius certis his de causis in celebritate Adventus nunci, sollemnitās antepōnitur Johannis Baptistæ et vide ordinem temporum in idipsum congruam. In æquinodium autumnum, quando tenebræ, tunc traditur Johannes fuisse natus; et sub rotatu ejusdem temporis passus. In noctium quando lux extenditur, et tenebræ nuntur, tunc traditur Christus et conceptus uterque; et sub eodem curriculo adfixus patibulo In solstitio, in quo dies incipit minui, et nox Johannes creditur natus, ut famulus: in il solstitio, ex quo dies augetur, et tenebræ nuntur, natus est **460** ex virgine Maria Salvat hoc quatripartito rotantis anni curriculo etiam hujus fidem terminando distinximus; ut quatuor tempora anni isto videntur ordine ter ita etiam quatuor voluminis hujus libri distendent officium per circulum anni, instans Evangelii, juxta quod rota inferius præsignata attendere. Deprecor autem te, et omnes formula ista legendi pervenerit, ut omnipotens pro me exorare dignemini, quatenus per operis labore aliquantulam apud ipsum merear gratiæ portionem. Data Calendas Hippone Regio, Arcadio et honorio Agustis. *Feliciter explicit epistula sancti Agustinus scopi.*

IV. SERMO IN VIGILIA EPIPHANIE.

Ex veteri Lectionario Gallicano (a).

Audivit nobiscum caritas vestra, Evangelicente: *Cum natus esse, inquit, Deus in Iudæa in diebus Herodis regis: ecce magi veniunt Oriente Hierusalem dicentes: Ubi est qui noster Rex Iudæorum? Vidimus enim stellam ejus in oriente et venimus adorare eum. Felix illa civitas, cui civis natus est Deus! quæ singulare i ante adventum Salvatoris accipiens, primam meruit per prophetam, quam disceret quem s. Felix tu, civitas Bethleem! quia non es minimi*

principes Juda. Ex te enim prodiet Rex qui reget populum meum Israel. Quid agit Juda, eorum cæcitas mentium, qui adventum Salvatoris nec intelligere meruerunt, nec nosse? Impletum est cunctis prophetæ responsum: Salvatorem nostrum prodidit cælum. Quando enim latere poterat, quem Deus ante prædixerat? Bethleem civitas accepit de astriferis partibus civem, et per novum incolam grande meritum transit, quia non potest finiri quod meruit. Sed postea quam partus ille cælesti signo monstrante repertus est visusque, magos veneranda turbavit infantia. Nihil ibi omnino contemibile in illis vagitibus fuit, quia humanos Deus sensus aspexit; sed postquam probatam ipsius sideris fidem, fallentes magi regale præceptum, exteras tenere regiones; Herodis regis vitantes aspectum, voluerunt monstrare plenius 461 quod timebant. Majorem rex stimulum sentit, cui non ostenditur quod veretur. Sed cum sollicitus rex, transacto tempore veniendi, fallentes magos deviasse cognosceret, adque ejus animum incognitus infantis aspectus diversis motibus dissiparet; hoc prodidit crudelii arte consilii, ut ad inveniendam successoris infantiam, occidendo quæreret. Quod latebat, sicut scriptum est: *Cum videret Herodes, quod delusus esset a magis, iratus vehementer misit ut occiderentur omnes infantes in Bethleem, et in omnibus finibus ejus a bimatu et infra.* Felix erat ludus parvulis, moriendi conditio, qui pro Christo, meruerunt pati. Furentis regis vesana sævitia morientibus profuit: qui dum successorem suum diligenti crudelitate perquirat, dignos iratus martyres fecit. Nam Herodes, quem tantum ravidus sensus furoris facibus eregebat, quantum amor dulcis potestatis accendebat, carnifices suos ad inquirendum misit infantes, quasi qui Deum posset invenire cum vellet. Pergunt in civitatem ministri regis, crudele portantes imperium, et durum præceptum ferentes, in gladiis ad matrum lacrymas festinabant. Infantile bellum in domibus gerebatur; et secum sola pugnante sævitia, orbitatis crudelitas eminebat. Mactabantur in cunis infantes, in quibus nondum erat nascendi conscientia: et illud membrorum initium primum funus discit esse quam corpus. Occidebantur initia membrorum, minutissimi lactantes, et accepti a matribus parvuli in duritia lapidum vibrabantur, ut ad execrandum malum saxorum aspera moles artus spargeret. Et necatos excepit nolens terra conlisos, atque iterum ipsa mortalibus sepulturam præbuit, qui pridem natos feste suscepit. Sub conspectu matrum premebantur vagitus infantum, et lacrymas suas in maternos oculos reportabant. Salvator noster inter infantium funera quærebatur: qui ad hoc permisit pro se infantes occidi, ut pro ipso ceteri discerent mori. Natabant domus sanguine parvulorum; nec fuit qui consolari alterum posset, quia non erat qui lacrymas non haberet. Invicta orbitas cunctos æquaverat, et commune malum ubique luctibus gerebatur. Oppressi

(a) Vide pag. 184.

A vagitus majores gemitus exigebant. Nulla domus, nullus orbitati restaverat locus, ubi non diligens crudelitas fuit. Jacebant breviter vulnera membrorum, et velato vultu tristi colorata pallore cunctorum mentibus lacrymas dabant. Minutis mortibus tota civitas replebatur, et omnium posteritate truncata, hoc solum evasit, quod vagitum habere non meruit. In illa matres filiorum perniciem 462 intentæ grandine liberorum, una femina felix evasit, quæ fuit virgo post partum. Quid juvit replese tot funebus terram? quid profuit tanta ubera fluentibus siccas, cum futurum malum Deus ante prædixit? Constat ergo Judaicam gentem nascenti Domino præparare perniciem; adeoque eodem tempore Deus Christus voluit docere, quia Judæus non novérat quod fieret. Sed quia Dominus Christus passioni prohibitus vel dilatus est, maluit virtutibus disci, quam ante tempus occidi.

V. TESTAMENTUM ILLUSTRIS MATRONÆ ERMENTRUDIS.

Ex autographo Dionysiano in charta Ægyptiaca (a). sacratissimus fiscus percipiat. Si vero omnia quod in hunc testamentum inserui..... custodieris, quidquid tibi superius delegavi, in tuo jure perenni tempore permaneant..... in hunc testamentum, cuicumque non depotavi, tibi, dulcissime fili, habere cupio. Similiter..... demandatione bonæ memoriæ Deorovaldi dono tibi eanna argentea valente plus minus solidos xxv. Et a parte mea dono tibi cauco argenteo valente sol. xxx, et medietatem ovium, quas Vigilius adtendit, cum pastore nomine Gaugiulfo. Simili modo de Latiniaco et Balbiniaco, tam vestis quam æramen vel utinsilia, et de bovebus ex omnia medietatem, tibi, dulcissime fili, habere præcipio. Pari conditione ex demandatione bonæ memoriæ Deorovaldi dono tibi, dulcissime fili, de portione ejus et de proprietate mea mancipia his nominebus, Unnegiselo, Aunemundo, et filias Patricio, id est Fedane, et Ausegunde, et Agnechilde et Baccione cum gregem porcorum; vineæ pedaturas duas, sitas in monte Maurilioni, quas Theodaharius et Garimundus colunt. Vineæ pedatura tertia, sita in monte Metobaure, cum vitatore Guntrachario.... Vineæ pedatura quarta, sita Taurimaco, quem Imnerdus colit cum vitatore Munegisilo. Vineæ pedatura quinta, sita in monte Vultoricino, quem Sevilla colit, cum vitatore. Hæc omnia supra scribta tibi, dulcissime fili, ex mea voluntate vel ex demondatione divæ memoriæ Deorovaldi habere constitui. Vineæ sita in monte 463 Me..... quem Habundancius colit, medietatem sanctæ ecclesiæ... elienze dare præcipio: aliam medietatem de ipsa vinea dulcissimo nepoti meo Bertigisilo habere jubeo. Vineæ, quam Agila femina tenuit; et vineam, quam Imnacharius colit, dulcissimæ nepti meæ Deorovaræ cum ipso Imnachario habere præcipio. Vineaplangas, qui sunt secus vineam Sevilam, dulcissimo nepoti meo Berterico habere præcipio. Vineæ quem Vincimalus in monte Vultoricino colit, et puella, nomine Sunnechilde, et

ancilla nomine Iveriae, cum filio Leudino dulcissime norae meae Bertovaræ habere jubeo. Item dulcissimo nepoti meo Bertegisilo ichriario argenteo, et mancipia his nominebus, Sunniulfo, et sorore ejus Gibethrude, et filias Anthimio, et filio The..... næ juniore habere constituo. Nepti meae Deorovaræ scutella argentea cruciolata, et mancipia his nominebus, Tanechildem Imnegunthem, Imnegisilum; et lectaria ad lecto uno qui melior fuerit, et puero nomine Gundofredo, et ancilla nomine Theigundem, necnon et puella nomine Andechildem dari constituo. Dulcissimo nepoti meo Berterico, puero nomine Medigisilo habere jubeo.

Baselicis constitutis Parisius, id est basilicæ sancti Petri, urcio argenteo valente soledus duodece, et fibla aurea gemmata ad mento dari constituo. Basilicæ domnæ Mariæ gravata argentea valente sol. duodece, et cruce aurea valente sol. septē, dari jubeo. Basilicæ domni Stefani anolo aureo nigellato valente sol. quatuor, dari volo. Basilicæ domni Gervasi anolo aureo, nomen meum in se habentem scribunt, dari præcipio. Basilicæ sancti Sinsuriani (Sic), in qua bonæ recordationis filius meus Deorovaldus requiescit, freno valente sol. duodece, et caballo strato, et carruca in qua sedere consuevi, cum boves; et lectaria cum omni stratura sua, pro devotione mea et requiem Deorovaldi dari præcipio. Alia carruca cum boves vel omni stratura sua, ecclesiæ vici Boniciacinsis dari jubeo. Similiter villarem, cui vocabulum est Volonno, cum adjacentia sua, supra scribte ecclesiæ Bonisiacinse, pro remedium animæ meæ habere præcipio. Sacrosanctæ ecclesiæ civitatis Parisiorum missorio argenteo, valente sol. quinquaginta, dari præcipio. Basilicæ sanctæ Cruces vel Domni Vincenti coeliaria argentea dece dari jubeo. Lectaria par uno, et vestimenti mei pareclo uno fratribus ad minsa basilicæ sancti Dionisi dari præcipio. Alia pariclo vestimenti ad vico Bonisiaca fratribus dari **464** constituo. Tercio pariclo vestimenti Emilia ad vico dari jubeo. Item pro remedium anemæ meæ, vel ex demandatione bonæ recordationis filii mei Deorovaldi villam, cui vocabulum est Latiniaco, sita in territorio Melinse, cum campis, colonecis ad eadem pertinentes, cum pratis pascuis, silvis, vel omni jure et termino suo, quia in portione supra memorati filii mei Deorovaldi obvenit, cum omni integritate basilicæ sancti Sinsuriani, ubi sepultura habere dinuscutur, pro requiem ejus dari præcipio. Similiter porcario, nomine Gudilane, cum gregim porcorum, et Baudomere cum gregim ovium, et troppo jumentorum, qui sunt ad supra scripta villa Latiniaco, supradictæ basilicæ sancti Sinsuriani habere jubeo.

Goderico et Gunderico in supra scriptam villam, quem basilicæ domni Sinsuriani deligavi, ita jubeo ut laborent, unde ad ipsa basileca oblata cotidie ministretur. Leudulfo cum vinea, quem Sabucito colit, ad oratorio, qui est in villa Latiniaco, unde ibidem oblata occurrat, dari volo. Bauldulfus, Sumtha-

harius similiter cum boves ut laborent jubeo, unde oblata ad basilica sancti Sinsuriani pro requiem Deorovaldi offeretur. Simili modo vineæ pedatura una, sita Tauriniaco, et quem Pinpo colit, basilicæ Domni.... eorgi (Georgii) Cal... (Cala) dari præcipio. Vineæ pedatura una, sita in monte Buxata, quem Juvius colit, ecclesiæ Boninsiacinse dari constituo. Vineæ, quem Uvassio colit, cum ipso Uvassione. . .

quem colere debeat, basilicæ domni Sinsuriani. oblata dari constituo. Vineæ pedatura una, sita in monte Blixata, quem Leudefredo colit, basilicæ sancti artini (Leg. Martini) ei perente dari jubeo libertorum meorum nomina in testamento abin cti constituo Medibergane, Honorio, Gundileubane, Plane, Sumthulfo Ciuccirane, Hic-chicione, Maxa uxore Chioberga, Sinderedo, Angilone, Leudefredo cum uxore Vuandilone, Chaideruna, Childeruna, Thrasteberga, Theodachario, Vigilio cum uxore Sunnine, Agione cum filio suo Garlulfo, Vincimalo cum uxore Maurella, Mellita cum filio suo juniore, Coccione cum filio suo Daigisilo, Mudilane cum filiis suis Munegisilo et Monechrude, Acchione, Bonane, Leubosaintho, Gibulfo filio Vigilio. Dommoruna, Childerimane, Basone, Childegiselo, Childegunthe. Chrodulfo **465** Sinderbergane, Monechilde, Æterno, Bauderuna; hos omnes cum omni peculiare eorum, tam areolas, hospitoli, ahortellus, vel vineolas, et cum id quod in quibuslibet rebus habere videntur, liberos liberasque esse præcipio; et quidquid exinde facere voluerint, habeant liberam potestatem.

Similiter Mumolane cum omni peculiare suo ingenuum esse præcipio: luminaria tantum in ecclesiæ Bonisiaca ministrare stodeat. Vualacharium cum omni peculiare suo, et cum boves quos bajolat, ingenuum ea condicione esse jubeo, ut ligna tantum ad oblata faciendum ministrare procuret. Gundefredo cum boves duos laborare præcipio, unde cera ad basilica domni Sinsuriani comparetur. Martiniano, Theoderuna cum filio suo seniore, cum peculiare eorum, sicut supra scribti benemereti, ingenuos esse jubeo. Simili modo pro remedium animæ meæ, et ex demandatione filii mei Deorovaldi, Gygone, Septeredo cum uxore Goderuna, Theodonivia, Baudonivia, Carane, Patricio cum uxore Eusebia, Dagarico cum uxore Aurovefa, Ciuncileno, Blidemundo cum filia Blidechilde, Manileubo, Trasilane, Eumundo, Imneredo cum uxore Torigia, Chadulfo, Aridia, Rocculane, Babiccono, Gunthivera; hos omnes cum omni peculiare, tam areolas, quam hospiciola, vineolas vel hortellus, cum id quod præsentis tempore habere videntur, ingenuus esse constituo, Bauldolfo et Sumthahario, cum boves quos bajolant, laborare præcipio, unde oblata ab basilica Domni Sinsuriani jugiter ministretur. Ita do, ita ligo, ita testor, ita vos mihi Quiritis testimonium perhibetote; ceteri, ceteræque proximi, proximæque, exheredis mihi es-

proculque habetote si quæ lituræ vel caraxa-
in hoc testamento meo sunt, ego feci fierique
pi, dum mihi sæpius volui recenseri. Addi
constitui, si quis contra hunc testamentum
voluerit, aut voluntatem meam in aliquo cor-
ere temptaverit, a communione omnium san-
m et a limenibus ecclesiarum efficeatur extra-
et insuper ante tribunal Christi anathimatus
aneat. Actum Parisius sub die et tempore supra
o. Signum † Erminethrudie testatrici. † Mum-
s com., rogante et præsentē Ermenthrude,
testamentum subs. Scupilio spatarius, rogante
æthrudie, huic testamentum subs. no. die et
quibus supra. Munegiselus, rogante et præ-
Erminethrude, hunc testamentum test. . . .
ie et 466 anno quibus supra. Baudacharius
sor subs. Eusebius rogatus ab Erminethrude
testamentum scripsi, relegi et subs.

testamento sancti Remigii Rhemorum episcopi.

argenteum decem et octo librarum inter te,
mea (*Ecclesia Rhemensis*) et diocesim tuam
iam Laudunensem, factis (*id est faciendis*) pa-
atque calicibus ad ministerium sacrosanctum,
valui, Deo annuente distribui. Aliud vas ar-
um, quod mihi Dominus illustris Chlodovicus
de sacro baptismatis fonte suscepi donare
tas est, tibi heredi meæ ecclesiæ supra memo-
ræo turriculum et imaginatum calicem (a) fa-
i. . . Vineam, quam Bebrimodus facit, tibi
us derelinquo, ut diebus festis et omnibus Do-
is, sacris altaribus mea offeratur oblatio (b). . .
m do, quam posui Vindonissæ, sub ea condi-
ut a patribus suis, omnibus diebus festis ac
nicis, pro commemoratione mea sacris altari-
feratur oblatio.

VI. FRAGMENTA CÆREMONIALIUM.

*issione non legenda Dominica Palmarum in
missis privatis (c).*

inica in Palmis. . . . Sacerdotes ad privatas
s unam tantum Collectam dicant; Evange-
: *Cum appropinquasset*; passionem nullus le-
isi fratres qui in formis cantant. (*Lanfrancus,*
ret. pro ord. sancti Bened., pag. 260.)

tamis Palmarum ad matutinalem missam non-
na Collecta est dicenda; nec passio legitur, sed
ntum lectio sancti Evangelii : *Cum appropin-*
Iesus. Quod etiam cunctis sacerdotibus, qui
as missas cantaverint, præcipitur, ut sint pa-
l duas processiones quæ illo die sunt agendæ.
ricus, in lib. 1 Consuetud. Cluniac., cap. 54.)

undo erimus circa finem Tractus, sacrista pul-
nam parvam campanam pro congregando do-
ad audiendam passionem, quia ipsa non de-
gi nisi in magna missa (*Consuetudines sancti*

Vide pagg. 66 et 93.

Vide pag. 184.

Vide pag. 127.

Vide pag. 386.

Passio hæc apud Hombrithium Ambrosio tribuitur
oc initio : *Servus Christi Ambrosius episcopus,*

Germani a Pratis mss., ibid., in Cæna Domini). Post
Primam dicuntur septem psalmi, et Letania; postea
veniemus sessum 467 in claustro. Sacerdotes
ibunt dictum missas suas, et omnes debent cele-
brare die illa; et celebrabunt sine igne.

VII. PASSIO BEATISSIMORUM MARTYRUM SANCTORUM CANTIANORUM.

Ex ms. Codice viri clarissimi Ulrici Obrechti (d).

Omnia (e) quæ a sanctis gesta sunt vel geruntur,
si quis voluerit studiose perquirere, et sibi et pluri-
mis ædificationis exhibet fructum. Et sicut arbor
fructifera non sine causa probatur terram occupare
dum vivit, cum et ipsa suis pomis ornatur, et omnis
qui ex eo fructu perceperit, saginatur. Scribimus ut
in gestis invenimus, quid egerint, quid locuti fue-
rint, quid passi sint sancti. Ostenditis vos esse catho-
licos, qui victorias Christi libenter legitis, libenter
auditis. Interrogo vos qui ista inter apochryphas lit-
teras exvolanda censetis : per quos constat canon
Scripturarum omnium divinarum? numquid per eos
qui pro ipso canone occidi magis optaverant quam
vinci? Quid ergo tenuerunt martyres? Fidem re-
ctam, quæ sacris voluminibus certo librorum nu-
mero continetur. Agunt illis gratias apices sacratis-
simi, qui per eorum perseverantiam perseverant. Et
ideo volunt eorum gesta conscribi, ut in conspectu
Dei et hominum semper laudentur sancti, qui in
conspectu incredulorum pro eorum defensione tor-
menta immania pertulerunt. Nihil præter Scripturas
canonicas recipientes, ista studiose conscripsimus,
ostendentes dogma catholicum per catholicos mar-
tyres custoditum. Exemplum posteris damus, ædifi-
cationem credentibus tradimus, artem belli Christi
militibus demonstramus. Constat eos nolle pugnare
si necesse sit, qui nolunt legere pugnatores. Impe-
rent silentium infidelibus, spectent pugiles diabo-
licos qui athletas Domini spectare contemnunt. Nos
divinas virtutes loquimur, scribimus, prædicamus.
Prohibeant æmuli, imperent silentium timidi, ver-
berent contemnentes : legentes increpent, libenter
hæc audientes accusent; 468 gloriosos facient mi-
lites vulnera pro imperatoris laude suscepta, pro
cujus amore etiam animas ponere libenter optamus.
Triumphorum Christi ac victoriarum labores exerci-
tibus de occultis foris proferimus. Scimus pugnare,
quas illi visibiliter passi sint, invisibiliter nobis exci-
tari quotidie, et neglegenter pugnantes acrius vulne-
rari. Ergo ut arma pertractes, adtende bellantes; da
mentem studiis, ut hostis incipiat te timere.

2. Beatissimos martyres Cantium, Cantianum, et
Cantianellum, a pædagogo suo Proto valde fide ca-
tholica fuisse edoctos. . . qui de genere Aniciorum,
hoc est divæ memoriæ Carini imperatoris, noscuntur
progeniti, et intra urbem Romam, in quarta decima

*Christum Deum verum colentibus fratribus per omnem
Italiam, in Domino omnem salutem. Omnia quæ a
Sanctis, usque ad sequentem versum, Scribimus ut
in gestis invenimus, etc., quibus omissis, resumitur
lectio a sequenti numero quarto.*

regione, nati atque edocti probantur, Dioclitiano Romæ imperante, et Maximiano partibus Illyrici, Carino quoque intra Gallias bene agente erga Christianos, qui non post multum tempus defunctus est. Post cujus obitum sceleratissimi Dioclitianus et Maximianus per omnes provincias decreta posuerunt, ut ubi Christiani invenirentur, si sacrificare contemnerent, diversis pœnis adfligerentur. Cumque his dictis beatissimi martyres Cantiani in urbe Roma fuissent positi, consilio habito cum beato Proto, ut iniquam vitare sententiam, prædia sua suburbano posita sub specie visitationis circuire decreverunt.

3. Qui eodem tempore in urbem Aquilegensem repedarunt : in qua tunc temporis non parva rura possidebant. Sed quia lumen in tenebris latere non poterat, necesse erat ut eos Dominus ad gloriam nominis sui coronaret. Cumque in Aquilegensem urbem sancti fuissent ingressi, duriores sævitiam erga Christianos repperiunt, quam reliquerant Romæ. Ita enim omnes sanctorum vel confessorum pro Christi nomine multitudo in vinculis carcerum custodia tenebantur, ut enumerari non potuissent, agente scilicet Dulcidio præside, una cum Sisinnio comite.

4. Audientes itaque sanctos Dei advenisse, statim inveniri ab apparitoribus præcipiuntur, ut diis thura ponerent. Tunc beatissimi martyres aspicientes in cælum responderunt : Nos dæmoniis non sacrificamus, quia scriptum est : *Omnes dii gentium dæmonia, Dominus autem cælos fecit.* Et iterum : *Similes illis fiunt qui faciunt ea, et omnes qui confidunt in eis.* Ite ergo nuntiate iniquo præsidi vestro, nos pro Christi nomine optare mori, quam ab ejus mandatis abscedere, quia ab ipsis cunabulis Dominum Jesum Christum confitemur. At illi redeuntes præsidi vel comiti retulerunt omnia quæ gesta fuerant.

469 Tunc Dulcidius præses una cum Sisinnio comite valde commoti, talem dederunt impio Dioclitiano suggestionem : Piissimi, subvenite Romanis legibus, pro quibus victrix dextera vestra hostium cervices inclinat, et diis omnipotentibus, qui a Christianis contemnuntur, juvamina præbete. Advenerunt enim tres germani ex urbe Roma, uno animo fortiter reluctantes, et nescio quem Christum confitentes, et contemnentes decreta pietatis vestræ. Unde quid jussione vestra decreveritis, decernite. His auditis sceleratissimus Dioclitianus vehementius est commotus, et hanc dedit auctoritatem, ut si sacrificare noluissent, capitali sententia plecterentur. Cumque iniqua sententia pervenisset ad beatissimos martyres, ascenso vehiculo una cum pædagogo suo Proto ex urbe Aquilegense egressi sunt, divinam Scripturam habentes præ oculis, quæ dicit : *Cum persequentur vos in civitate ista, fugite in aliam.* Nuntiatur ergo iniquissimis iudicibus sanctos Dei properasse. Tunc Sisinnius comis una cum spiculatoribus ex præcepto impiissimi Dioclitiani imperatoris subsequitur.

Beatissimi vero martyres ascenso (a) vehiculo junctis mulabus, cum secedere voluissent, et non longe ab urbis mœnibus iter agerent, et unum animal de subjunctis subito corruiisset in loco qui appellatur Ad Aquas Gradatas, ita illinc sunt a persecutoribus comprehensi. Quod factum quam gloriosum sit et a divinitate dispositum, debemus advertere. Semper enim Deus quos elegit, quasi victores cum subvectione sublimi in aulam regni cælestis inducit. Nam sicut Helias cum adplicato quadriga ascendit in cælum, ita et isti vehiculo amoto ad martyrium pervenerunt; et quadriga sicut illum evexit ad requiem, ita et hos portavit ad gloriam. Et quamvis illa ignea quadriga fuerit, hæc tamen non inferior habenda est; quia illa unum gestavit prophetam, hæc tres martyres sustentavit. Sed dicit aliquis : Gloriosius gestavit quadriga ignea, quam terrena. Nec hoc plane defuit sanctis viris. Nam sicut Heliam ignea quadriga portavit, ita et martyres fides ignea jam ferebat. Ferebat illos, inquam, Christus, qui lumen est, qui ignis est, de quo scriptum est : *Deus noster ignis consumens est.* Ergo cum beatos de quibus loquimur persecutor urgueret, vehiculum conscenderunt. Qua causa? ut fugerent? absit; non ut fugerent, sed ut ad martyrium citius pervenirent; non ut latitarent, 470 sed ut se Christianos cunctis transeuntibus manifestarent. Ceterum occultius inter plures in civitate latere poterant; sed hoc egerunt, ut totius populi corda, dum per diversa fugiunt, Christi amore flammantur. At vero ubi quis vehiculi adparato disposito, per aggerem publicum graditur; illic non fuga dicenda est, sed profectus. Sancti enim viri hoc facto, velut in triumphali curru positi, contestabantur dicentes : Ecce, persecutor, ecce proficiscimur, ecce præcedimus. Quid resides? quid moraris? subsequere nostra vestigia. Nolumus enim videri inviti duci ad pœnam, qui præcedere nos profitemur ad gloriam.

Tunc Sisinnius comis hæc audiens, jussit beatos martyres comprehendere; qui judex hortatur eos, ut Jovi thura offerrent. Beatissimi vero famuli Dei execrantes dixerunt se numquam dæmoniis immolatu-
 100
 101
 102
 103
 104
 105
 106
 107
 108
 109
 110
 111
 112
 113
 114
 115
 116
 117
 118
 119
 120
 121
 122
 123
 124
 125
 126
 127
 128
 129
 130
 131
 132
 133
 134
 135
 136
 137
 138
 139
 140
 141
 142
 143
 144
 145
 146
 147
 148
 149
 150
 151
 152
 153
 154
 155
 156
 157
 158
 159
 160
 161
 162
 163
 164
 165
 166
 167
 168
 169
 170
 171
 172
 173
 174
 175
 176
 177
 178
 179
 180
 181
 182
 183
 184
 185
 186
 187
 188
 189
 190
 191
 192
 193
 194
 195
 196
 197
 198
 199
 200
 201
 202
 203
 204
 205
 206
 207
 208
 209
 210
 211
 212
 213
 214
 215
 216
 217
 218
 219
 220
 221
 222
 223
 224
 225
 226
 227
 228
 229
 230
 231
 232
 233
 234
 235
 236
 237
 238
 239
 240
 241
 242
 243
 244
 245
 246
 247
 248
 249
 250
 251
 252
 253
 254
 255
 256
 257
 258
 259
 260
 261
 262
 263
 264
 265
 266
 267
 268
 269
 270
 271
 272
 273
 274
 275
 276
 277
 278
 279
 280
 281
 282
 283
 284
 285
 286
 287
 288
 289
 290
 291
 292
 293
 294
 295
 296
 297
 298
 299
 300
 301
 302
 303
 304
 305
 306
 307
 308
 309
 310
 311
 312
 313
 314
 315
 316
 317
 318
 319
 320
 321
 322
 323
 324
 325
 326
 327
 328
 329
 330
 331
 332
 333
 334
 335
 336
 337
 338
 339
 340
 341
 342
 343
 344
 345
 346
 347
 348
 349
 350
 351
 352
 353
 354
 355
 356
 357
 358
 359
 360
 361
 362
 363
 364
 365
 366
 367
 368
 369
 370
 371
 372
 373
 374
 375
 376
 377
 378
 379
 380
 381
 382
 383
 384
 385
 386
 387
 388
 389
 390
 391
 392
 393
 394
 395
 396
 397
 398
 399
 400
 401
 402
 403
 404
 405
 406
 407
 408
 409
 410
 411
 412
 413
 414
 415
 416
 417
 418
 419
 420
 421
 422
 423
 424
 425
 426
 427
 428
 429
 430
 431
 432
 433
 434
 435
 436
 437
 438
 439
 440
 441
 442
 443
 444
 445
 446
 447
 448
 449
 450
 451
 452
 453
 454
 455
 456
 457
 458
 459
 460
 461
 462
 463
 464
 465
 466
 467
 468
 469
 470
 471
 472
 473
 474
 475
 476
 477
 478
 479
 480
 481
 482
 483
 484
 485
 486
 487
 488
 489
 490
 491
 492
 493
 494
 495
 496
 497
 498
 499
 500
 501
 502
 503
 504
 505
 506
 507
 508
 509
 510
 511
 512
 513
 514
 515
 516
 517
 518
 519
 520
 521
 522
 523
 524
 525
 526
 527
 528
 529
 530
 531
 532
 533
 534
 535
 536
 537
 538
 539
 540
 541
 542
 543
 544
 545
 546
 547
 548
 549
 550
 551
 552
 553
 554
 555
 556
 557
 558
 559
 560
 561
 562
 563
 564
 565
 566
 567
 568
 569
 570
 571
 572
 573
 574
 575
 576
 577
 578
 579
 580
 581
 582
 583
 584
 585
 586
 587
 588
 589
 590
 591
 592
 593
 594
 595
 596
 597
 598
 599
 600
 601
 602
 603
 604
 605
 606
 607
 608
 609
 610
 611
 612
 613
 614
 615
 616
 617
 618
 619
 620
 621
 622
 623
 624
 625
 626
 627
 628
 629
 630
 631
 632
 633
 634
 635
 636
 637
 638
 639
 640
 641
 642
 643
 644
 645
 646
 647
 648
 649
 650
 651
 652
 653
 654
 655
 656
 657
 658
 659
 660
 661
 662
 663
 664
 665
 666
 667
 668
 669
 670
 671
 672
 673
 674
 675
 676
 677
 678
 679
 680
 681
 682
 683
 684
 685
 686
 687
 688
 689
 690
 691
 692
 693
 694
 695
 696
 697
 698
 699
 700
 701
 702
 703
 704
 705
 706
 707
 708
 709
 710
 711
 712
 713
 714
 715
 716
 717
 718
 719
 720
 721
 722
 723
 724
 725
 726
 727
 728
 729
 730
 731
 732
 733
 734
 735
 736
 737
 738
 739
 740
 741
 742
 743
 744
 745
 746
 747
 748
 749
 750
 751
 752
 753
 754
 755
 756
 757
 758
 759
 760
 761
 762
 763
 764
 765
 766
 767
 768
 769
 770
 771
 772
 773
 774
 775
 776
 777
 778
 779
 780
 781
 782
 783
 784
 785
 786
 787
 788
 789
 790
 791
 792
 793
 794
 795
 796
 797
 798
 799
 800
 801
 802
 803
 804
 805
 806
 807
 808
 809
 810
 811
 812
 813
 814
 815
 816
 817
 818
 819
 820
 821
 822
 823
 824
 825
 826
 827
 828
 829
 830
 831
 832
 833
 834
 835
 836
 837
 838
 839
 840
 841
 842
 843
 844
 845
 846
 847
 848
 849
 850
 851
 852
 853
 854
 855
 856
 857
 858
 859
 860
 861
 862
 863
 864
 865
 866
 867
 868
 869
 870
 871
 872
 873
 874
 875
 876
 877
 878
 879
 880
 881
 882
 883
 884
 885
 886
 887
 888
 889
 890
 891
 892
 893
 894
 895
 896
 897
 898
 899
 900
 901
 902
 903
 904
 905
 906
 907
 908
 909
 910
 911
 912
 913
 914
 915
 916
 917
 918
 919
 920
 921
 922
 923
 924
 925
 926
 927
 928
 929
 930
 931
 932
 933
 934
 935
 936
 937
 938
 939
 940
 941
 942
 943
 944
 945
 946
 947
 948
 949
 950
 951
 952
 953
 954
 955
 956
 957
 958
 959
 960
 961
 962
 963
 964
 965
 966
 967
 968
 969
 970
 971
 972
 973
 974
 975
 976
 977
 978
 979
 980
 981
 982
 983
 984
 985
 986
 987
 988
 989
 990
 991
 992
 993
 994
 995
 996
 997
 998
 999
 1000

(a) Hæc verba usque ad sequentem sectionem, paucis prætermisissis, leguntur in vulgato sermone apud Ambrosium et apud Augustinum.

puræ conscientiæ, ut respicias de summitate cœlorum ad hanc horam, ut suscipias animas nostras in pace, et inter sanctos Electos tuos conlocari præcipias, ut cognoscant omnes quia tu es Deus solus et benedictus in sæcula. Et cum complerent orationem, ponentes genua susceperunt gladium, et acceperunt coronas sempiternas: et ecce sanguis eorum tamquam lac omnibus videntibus apparuit.

Quo tempore venerabilis vir Zoelus presbyter col-

ligens beatissimorum martyrum corpora, condidit ea aromatibus pretiosis, et in loculo conlocavit. Qui et ipse sanctus Zoelus post aliquantum tempus susceptionis suæ hoc ordine perrexerat ad Dominum. Passi sunt autem beatissimi martyres Cantius, Cantianus et Cantianella, pridie Kal. Junias, regnante Domino nostro Jesu Christo, cui est gloria, honor et potestas in sæcula sæculorum, amen.

APPENDIX ALTERA.

In quo variantes scripturæ sacræ lectiones præcipuæ ex Lectionario Gallicano exhibentur.

471 Quoniam magnopere interest scire antiquam Scripturæ sacræ versionem, qua primis temporibus usa est Gallicana ecclesia, ideo hic sub uno conspectu variantes Lectionarii antiquissimi lectiones insigniores referre visum est operæ pretium, ut ex his viri docti suam de illa versione sententiam statuere possint.

Et primo quidem generatim observandum antiquam illam versionem Vulgatæ nostræ passim inhærere, et plerasque lectiones variantes potius ex librorum genio vel errore, quam ex versionis ipsius discrepantia repetendas. Deinde ubi versio antiqua differt a nostra Vulgata, eam sæpius, non tamen perpetuo, cum versione Græca convenire. Tertio Scripturæ libros, ex quibus lectiones in Lectionarium nostrum acceptæ sunt, hos omnino esse, nempe Genesim, Exodum, Josue, Tobiam, Judith, Esther, omnes prophetas, majores ac minores, ex Veteri Testamento; ex Novo autem, quatuor Evangelia, Actus apostolorum, omnes Pauli Epistolas, præter unam ad Philippenses, omnes Catholicas, et Apocalypsin. Singulos ex ordine percurramus.

IN VETERI TESTAMENTO.

GENES. VII, 16, ubi legitur in Vulgata, *inclusit eum Dominus de foris*, addit Lectionarium *de foris in arcam*, quod melius Græco textui respondet, καὶ ἐκλείσθη τὴν κιβωτὸν ἔξωθεν αὐτοῦ.

JOSUE IV, 19, *decimo die mensis primi*, Lectionarium habet *decimo mense, prima die mensis*. LXX Vulgatæ favent.

ISALE XXVI, 6, *pes, pedes pauperis*. Lection., absque geminatione, *pes pauperis*. LXX, πόδες, semel. Ibid., vers. 18, *et peperimus spiritum: salutes non fecimus, in terra*. Lection. vero, sine disputatione, *spiritum salutis non fecimus in terra*. LXX, πνεῦμα σωτηρίας σου ἐποίησαμεν. Complut., ὃ ἐποίησας — Cap. III, 14, *sic inglorius erit*. Lection., *sic gloriosior erit*. LXX, cum Vulgata, ἀδοξήσει.

472 JEREM. XII, 7, *in manu inimicorum ejus*. LXX, ἐν χερσίν. Lection., *inimicorum meorum*. — Thren. III, 13,

phialas pharetræ, Græce, τοὺς. Lection., *phialas pharetræ*, forte mendose.

EZECH. LXIII, 20, *et super coronam in circuitu*, Græce, βασιλ. Lection., *et super cornua in circuitu*. — Cap. XLIV, 3, 4, *egredietur. Et adduxit me*, cum LXX. Lection., *egredietur. Sic sicut est clausa, Rex transivit per eam. Et adduxit me*.

DANIEL III, 1, *Nabuchodonosor rex fecit*. Lection., cum LXX, *anno octavo decimo Nabuchodonosor rex fecit*. Ibid., vers. 6, 15, 20, *fornacem ignis ardentis*, Llection., cum LXX, *ubique habet ardentem*. Ibid., vers. 94, *Sarabala*. Llection., cum LXX, *sarabara*. Ibid., vers. 96, *positum est hoc decretum*. Llection., cum LXX, *propositum est decretum*. Ibid., vers. 97, 98, *in provincia Babylonis. Nabuchodonosor*. Llection., *in provinciam Babylonis, et scripsit epistolam sic continentem. Nabuchodonosor, quæ verba etiam desunt apud LXX*. — Cap. IX, 14, *et vigilavit Dominus super malitiam. Deest super malitiam in Lectionario*. Ibid., vers. 25, *scito ergo et animadverte*. Llection. *Scito ergo, et planta aurem, et animadverte*.

OSEE IV, 17, *dimitte eum*. Llection., *dimittet eum*. — Cap. VI, 6, *et non sacrificium*, cum LXX Llection. vero, *et non iudicium*.

JOEL I, 13, *libatio*. Llection., *oblatio*. — Cap. II, 23, *serotinum sicut in principio*. Vox *sicut* deest non semel in Lectionario. Ibid., vers. 28, *spiritum meum*. Llection., *de spiritu meo*, cum LXX, et sic legit Lucas Act. II, 47.

AMOS VIII, 5, *quando transibit mensis*, cum LXX. Llection., *messis*, forte mendose.

MALACH. III, 3, *colabit eos*. Llection., cum LXX, *constabit eos*, rectius. Ibid., vers. 8, *confiximus te*, cum LXX, *pro configimus te*, quod est in Vulgata. Ibid., vers. 17, *erunt mihi*. Llection., *erunt mihi oves meæ*. — Cap. IV, 1, *stipula*. Llection., *sicut stipula*. Deest tamen hæc particula apud LXX, licet subintel- ligatur.

IN NOVO TESTAMENTO.

MATTH. VI, 11, *supersubstantialem*. Llection., *Coti-*

dianum; et vers. 20, *exterminat*, pro *demolitur*; et vers. 23, *quantæ sunt*, pro *quantæ erunt*; et vers. 25, *quid manducetis, aut quid bibatis, neque*, cum Græco, pro *quid manducetis, neque*; et vers. 33, *quærite autem*, cum Græco, pro *quærite ergo*.— Cap. xxviii, 3, *et vestimenta ejus sicut nix*. Llection., *vestimentum ejus candidum sicut nix*, cum Græco.

473 MARC. XVI, 14, *resurrexisse non crediderunt*. Llection., *resurrexisse nuntiantibus illis non crediderunt*.

LUC. II, 2, *a præside*. Llection., *sub præside*.— Cap. xii, 31, *quærite primum*, Deest in Llection., *primum*; et in Græco; ibid., vers. 43, *venerit Dominus*. Addit Llection., *illius*, cum Græco. — Cap. xiv, 12, *neque vicinos divites*. Llection., *neque vicinos, neque divites*. Sed præferenda Vulgata, cui Græcus textus favet. — Cap. xxiv, 24, *ipsum vero non invenerunt*. Llection., *ipsum vero non viderunt*, cum Græco.

JOAN. II, 10, *cum inebriati fuerint*. Llection. addit, *convivæ*. — Cap. x, 11, *ponit*, cum Græco, pro *dat*, quod legitur in Vulgata. — Cap. xi, 10, *si autem ambulaverit*. Llection., cum Græco, *si quis ambulaverit*. — Cap. xii, 6, *portabat*. Llection., *exportabat*, quæ lectio favet doctissimi Huetii interpretationi, qui verbum *ἔλασεν* hoc loco de furto interpretatur. Idem vers. 8, *habebitis* in Llectionario, pro *habetis*.

IN ACTIBUS APOSTOLORUM.

ACT. I, 2, *per Spiritum sanctum quos elegit, assumptus est: quibus et præbuit se*. Llection., *per Spiritum sanctum prædicare Evangelium, quos et elegit: quibus etiam præbuit se*. Tum vers. 4: *Et cum conversaretur cum illis, præcepit eis*. Deinde, *baptizabimini Spiritu sancto, quem accepturi estis non post multos hos dies*. — Cap. ii, 33, *videtis et audistis*, etiam in Græco; ut in Llection., *vidistis et audistis*. — Cap. iii, 12, *virtute aut potestate*; in Llection., *virtute et pietate*; Græcis, *ἐν δυνάμει*. — Cap. v, 24, *principes*. Llection., *princeps*: Græce, *ἑπὶ*. Item vers. 36, pro qui credebant, Llection., *quicumque credebant*; in Græco, *δοιοι*. Item vers. 40, ubi in Vulgata, *ne omnino loquerentur*, Llectionario deest omnino, ut etiam Græcis. — Cap. vi, 10, *spiritu qui loquebatur*. Llection., *quo loquebatur*, cum Græcis. Tum vers. 13, *verba blasphemix* (sic in Græco) *adversus locum sanctum, et Deum, et legem*, ubi legitur in Vulgata, *verba adversus locum sanctum, et legem*. — Cap. vii, 59, *obdormivit in Domino*. Llection. deest in Domino, uti et in Græco. — Cap. xii, 8, *caligas tuas*. Llection., *gallicalas tuas*; Græcis, *τὰ σκεδάλα*. Item vers. 13, *pulsante autem eo ostium januæ, processit*, ut in Græco. Llection., *pulsante autem eo, ad januam processit*. Tum vers. 14, *ut cognovisset nomen Petri*, pro *ut cognovit vocem Petri*, etiam Græce. — Cap. xiii, 20, *quadringentos et quinquaginta*, ut in Græco. Llection., *quadringentos et quadraginta*. Tum vers. 37, *suscitavit a mortuis*. Deest a mortuis in Llection. et in Græco. — Cap. xvi, 22, *cucurrit*. Llection., *concurrit*; Græce, *συνεπείσθη*. Deinde **474** vers. 24, *strinxit ligno*. Llection., *in ligno*, pro *in lignum*; et *τὸ ὕλον*. Ad

hæc vers. 33, *omnis domus ejus*. Llection., *omnes ejus* cum Græcis.

IN EPISTOLIS PAULI.

ROM. viii, 3, *impossibile erat legi*; in Llection. *legis*, ut in Græco, *νομοῦ*. Et vers. 16, *ipse enim spiritus*. Deest in utroque particula *enim*. Tum vers. 23, *filiorum Dei*. Deest utrobique *Dei*. — Cap. xv, 22, *et prohibitus sum usque adhuc*. Deest in Llectionario et in Græco. Ibid., vers. 29, *Evangelii*. Deest in Llectionar., quanquam habetur in Græco.

I COR. vii, 39, *liberata est*. Llection. addit, *a lege*. — Cap. x, 17, *de uno pane participamus*. Llection., *de uno pane et de uno calice particip.* In nova editione Græca Oxoniensi quidam Græci Codices ita habent. — Cap. xv, 21, *quoniam quidem*, cum Græcis; at Llection., non semel, *quoniam enim*. Ibid., vers. 52, *canet enim tuba*. Deest duobus in locis Llectionarii *tuba*. Attamen Gregorius Turonensis episcopus, *tuba* legit in Historiæ lib. x cap. 13.

GALAT. v, 13, *caritatem spiritus*; in Llection. deest *spiritus*, sicut etiam in Græco. Ibid., vers. 20, *hæreses*, pro *sectæ*. Ibid., vers. 22, in Llectionario fructus spiritus tantum decem numerantur hoc ordine: *Charitas, gaudium, pax, patientia, longanimitas, bonitas, benignitas, fides, modestia, continentia*. In Græco tantum novem, sed *μακροθυμία* ponitur pro *patientia* et *longanimitate*. — Cap. vi, 12, *quicumque enim*, deest enim in Llectionario et in textu Græco. In Oxoniensi tamen editione quidam Codices notantur pro particula *γάρ*.

EPHES. iv, 22, *adimpletur*. Llection., *adimplet* in Christo Jesu, Anceps est participium Græcum *πληροῦν*. — Cap. ii, 22, *in spiritu*. Llection., *in Spiritu sancto*. At sancto redundat secundum Græca et Ambrosium atque Hieronymum. — Cap. v, 18, *in quo est luxuria*. Llection., *in quo est omnis luxuria*; in Græco, simpliciter, *ἀσώτεια*.

HEBR. xi, 6, *placere Deo*. Deest Deo in Llectionario et in textu Græco, etiam apud Chrysostomum et Theophylactum. Ibid., vers. 21, *fastigium virgæ*. Llection., *fastigium, cacumen virgæ*, ubi duplex versio vocis Græcæ *τὸ ἄκρον*, ut etiam infra vers. 24 in Llectionario dici, *esse*, pro Græco *λέγεσθαι*. Potius est quod vers. 25 legitur cum Græco, *temporalem peccati jucunditatem*, non *temporalis*, ut in Vulgata; et vers. 30, *ruerunt circuiti* cum Græco, ubi in Vulgata, *corruerunt circuitu*. — Cap. xiii, 1, *maneant in vobis*. In Llectionario deest in vobis, atque in Græco; et vers. 9, *stabiliri*, pro *stabilire*.

IN EPISTOLIS CANONICIS.

475 JACOBI cap. i, 8, *inconstans est*. Deest in Llectionario et in Græco est. Vers. 11, *itineribus*. Llection., *honoribus*. Vulgatæ consentit textus Græcus, sed tamen Llectionarii variatio non temnenda. Vers. 18, *voluntarie enim*. Deest enim in Llectionario et in Græco, et vers. 26 deest autem in utroque. — Cap. iii, 12, *uvæ*. Llection., cum Græco, *olivæ*. — Cap. v, 3, *thesaurizastis vobis iram in diebus novissimis*. Llectionar., cum Græco, *thesaurizastis in diebus novissimis*.

Ibid., vers. 12, *sit autem sermo vester, est, est.* Llection., *sit autem vestrum est, est*, cui lectioni Græcus textus respondet : ὅταν τὸ val, val, quasi diceret : *Vestrum est, sit est, et vestrum non, sit non.* Hoc est, inquit Erasmus, *quod affirmatis, vere affirmate; et quod negatis, vere negate.* Perperam itaque in uno Codice editionis Oxoniensis additur in Græco textu ὁ λόγος.

I PETRI, inscribitur *Ad Gentes*, cap. 1, 6, 8, *exultabitis.* Llection., *exultatis*, cum Græcis. Ibid., vers. 7, *probatum vestræ fidei multo pretiosius sit auro, quod perit, per ignem probato*, ut in Græco. Ibid., vers. 10, *qui de futuris in vobis gaudiis*, pro quo Vulgata, *qui de futura in vobis gratia*; sic in Græco. Alibi Llectionarium consentit cum Vulgata. Tum in duobus locis, vers. 11, *scrutantes initium, quod vel quale tempus.* Ibid., vers. 22, *in obedientia caritatis.* Llection., *in obedientia veritatis*, cum Græco. — Cap. 11, 2, *si tamen gustastis, quoniam dulcis est Dominus.* Llection., cum Græco, *si gustastis, quoniam dulcis Dominus.* Ibid., vers. 21, *pro vobis*, ut in Græco; non *pro nobis*, ut in Vulgata. Ibid., vers. 25, *visitatorem, pro episcopum.* — Cap. 111, 8, *modesti.* Deest in Llectionario et in Græco. Tum vers. 18, *nostris* in utroque deest. Ibid., hæc verba Vulgatæ, vers. 22, *deglutiens mortem, et ritæ æternæ heredes efficeremur*, desunt in Llectionario et in textu Græco. Citantur tamen pro hoc additamento quidam Codices Græci in editione Oxoniensi. — Cap. 1V, 4, *admirantur*; in Llection., *peregrinantur*, ut in Græco, ἐνδύονται. Ibid., vers. 12, *nolite peregrinari in fervore, qui ad tentationem vobis fit, quasi novi.* Llection. addit post *vobis fit* : *nolite pavere, tamquam novi.* Minutulum est quod, vers. 17, *tempus est*, abest verbum *est* a Llectionario et Græco.

II PETRI, cap. 1V, 17, deest in Llectionario *dilectus*; et postea deest etiam, *ipsum audite*, uti et in Græco. Gregorius Turonensis hunc locum, ex Evangelio, an ex Petri Epistola, refert in Historiæ lib. VI, cap. 40 : « Certe si obpilas aures ut ista non audias, crede apostolis quid in monte audierint, cum transfiguratus Jesus in gloria loqueretur cum Moyse et Elia. Nempe de nube splendida Pater ait : *Hic est Filius meus carissimus, ipsum audite.* » Quidquid sit, ex aliis locis intelligimus, non fixam aliquam constantemque in omnibus lectionem, sed aliquando D variam in diversis etiam Galliarum Ecclesiis fuisse; imo aliquando in una Ecclesia; siquidem in nostro Llectionario pro secunda die Rogationum legitur Epistola prima Petri, in aliquibus minutiis diversa ab alia lectione ejusdem 476 Epistolæ, quæ præscribitur in natali episcoporum. — Cap. 11, 4, *in tartarum tradidit cruciandos, in iudicium reservari.* Llection., *in tartarum tradidit in iudicium cruciatus reservari.*

I JOAN. IV, 4, *ut gaudeatis.* Deest in Llection. et Græco. Ibid., vers. 7, *ambulemus*, non *ambulamus* legitur. Et vers. 9, *peccata nostra.* Deest in Llection. *nostra*, quod tamen est in Græco. — Cap. 11, 14, ita lectio instituitur in Llection. : *Scribo vobis, patres, quoniam cognovistis eum qui ab initio est.* Scribo vo-

A *bis, adolescentes, quoniam vicistis malignum.* Scribo vobis, *infantes, quia cognovistis Patrem.* Scribo vobis, *patres, quia cognovistis, eum qui ab initio est.* Scribo vobis *adolescentes, quia fortes estis, et verbum Dei in vobis manet, et vicistis malignum.* — Cap. 111, 11, *diligatis.* Llection., cum Græco, *diligamus.* Ibid., vers. 13, *si odit nos mundus, non vos*, ut in Vulgata et in Græco. Ibid., vers. 19, *suademus pro suadebimus*; græce, πείσομεν. — Cap. 1V, 3, *et hic est antichristus, de quo audistis.* Llection., *et hoc est Antichristus, quod audistis.* Ita Græce, nisi quod in patrio casu legitur Ἀντιχρίστου. Ibid., vers. 10, *non quia, ὅτι* in Vulgata *non quasi.* Deinde, Ibid., *ipse prior dilexit nos.* Deest *prior* in Llection. et in Græco. — Cap. V, 4, 5, *vincit, ter*; in Llection., ubique, *vincit.* Græcum habet in secundo loco νικῶσα. Ibid., vers. 7, 8, ita Llection. : *Quia tres sunt qui testimonium dant, spiritus, aqua et sanguis; et tres unum sunt.* Nihil de testimoniotrium personarum divinarum. Antiqua est hæc omissio, quam Hieronymus in prologo ad Epistolas canonicas, in recentioribus Bibliorum editionibus, nescio qua de causa, detracto, « ab infidelibus translatoribus » factam commemorat, his verbis : « Est enim una earum prima Jacobi, duæ Petri, tres Joannis, et Judæ una. Quæ si, sicut ab eis digestæ sunt, ita quoque ab interpretibus fideliter in Latinum verterentur eloquium; nec ambiguitatem legentibus facerent, nec sermonum sese varietate impugnant, illo præcipue loco, ubi de unitate Trinitatis in prima Johannis epistola positum legimus. In qua etiam ab infidelibus translatoribus multum erratum esse a fidei veritate comperimus, trium tantummodo vocabula, hoc est aquæ, sanguinis, et spiritus, in ipsa sua editione ponentibus; et Patris, Verbique ac Spiritus testimonium omittentibus; in quo maxime et fides catholica roboratur, et Patris ac Filii ac Spiritus sancti una Divinitatis substantia comprobatur. » Nequaquam ergo mirum videri debet, quod totus versus, septimus in nostro Llectionario desit, cum Hieronymi tempore hoc in loco deficerent Latini Codices: quorum omissionem, ab infidelibus translatoribus factam, etsi vir sanctus supplevit, non tamen penitus impedire potuit quo minus ex vitiosis Codicibus error in alios propagaretur. Bonam Hieronymi fidem ac proinde genuinam hujus loci lectionem comprobatur illustrissimus testis, omni exceptione major, nempe magnus Cyprianus in libro de unitate Ecclesiæ: ubi hoc hemistichium, *Et hi tres unum sunt*, ex Scriptura commemorat, divinisque personis attribuit: « Et iterum de Patre, et Filio, et Spiritu sancto scriptum est: *Et hi tres unum sunt.* Idem in epistola ad Jubaianum, probare volens, ab hæreticis baptizatos non esse templum Dei: « Quæro, inquit, cujus Dei?... Si Spiritus sancti, cum 477 tres unum sint, quomodo Spiritus sanctus placatus esse ei potest, qui aut Patris, aut Filii inimicus est?» Itaque Cypriani tempore, id est medio sæculo 111, longe ante natam hæresim Ariam, ita hunc locum legebat Cyprianus. Eundem vero Hieronymus male multatum restituit. Quin

etiam ita legisse videtur Tertullianus adversus Praxeam, in hæc verba, cap. 25 : « Ceterum de meo sumet, inquit, sicut ipse de Patris. Ita connexus Patris in Filio, et Filii in Paracleto, tres efficit coherentes, alterum ex altero, qui tres unum sint, non unus. Quo modo dictum est : *Ego et Pater unum sumus*, » etc. Et sub finem libri : « Quod opus Evangelii, quæ est substantia Novi Testamenti, statuens legem et prophetas, usque ad Johannem, si non exinde Pater et Filius et Spiritus tres crediti unum Deum sistunt? » Hi duo loci, maxime prior, ad textum Epistolæ Johannis respicere videtur. Quidquid sit, plana est Cypriani et Hieronymi auctoritas, quæ utraque sufficere potest ad asserendam huic loco auctoritatem. His tamen accedunt Fulgentius in lib. de Trinitate, cap. 4; Victor Vitensis, in lib. II de Persecutione Vandalica; Eugenius Carthaginensis, in Expositione fidei catholicæ, et (ut alios omittam) Ambrosius Autpertus, in lib. I super Apocalypsin, ad hunc versum : *Qui est testis fidelis*, etc. — Item in

eadem prima epistola Johannis, cap. VII, vers. 12, *qui non habet filium*, Lection., cum Græco addit *Dei*. Dein vers. 15 : *Et scimus quia audit nos quicquid petierimus* deest in Lection., sed non in Græco. Ibid., *postulamus*; Lection. *postulavimus*, cum Græco *ἡρώαμεν*. Postea vers. 16, *ut roget quis*. Abest *quis* a Lection. et Græco. Tum vers. 17, *peccatum ad mortem*; in Lection. et Græco, *peccatum non ad mortem*.

JUDÆ IV, 4, *Dominum nostrum Jesum*. Lection., *Deum nostrum Jesum*, et in Græco. Ibid., vers. 6, *judicium magni diei*, cum Græco. Lection., *judicium diei magni Dei*. Rursus vers. 11, *in via Cain, et in contradictione*. Deest in Lection. et Græco. Ibid., vers. 21, *expectantes misericordiam Domini nostri Jesu Christi in vitam æternam*. Desunt hæc verba in Lection., sed non in Græco. Denique, vers. 24, *in exultatione, in adventu Domini nostri Jesu Christi soli Deo*, etc. Lection., cum Græco, *in exultatione, soli Deo*. Hæc in specimen satis.

SACRAMENTARIUM GALLICANUM

SEU

LIBER SACRAMENTORUM

ECCLESIAE GALLICANÆ

A MURATORIO IN LUCEM EDITUM

(MUSEI ITALICI TOMI I, P. 273 SEQQ.)

Muratorii præfatio.

I. Ordo missæ, quem mox subjiciemus, haud dubie pertinet ad Liturgiam Gallicanam. Primum hujus rei argumentum desumi potest ex Collectionibus Post Nomina, Ad Pacem, et ex vocabulo Contestationis, quales notæ in vera Liturgia Gallicanaprehenduntur, ut in opere de Liturgia Gallicana ostendimus.

II. Alterum argumentum petitur ex convenientia, quam habet hic Ordo cum Missali Gothico, seu Gallicano et cum Lectionario Luxoviensi a nobis editis, ut facta comparatione suis locis observabimus. Cur vero in omnibus non conveniat, inferius dicturi sumus.

III. Tertium argumentum suppeditant sanctorum festa, quæ paucissima in hoc Ordine referuntur. Hæc festa sunt sanctorum Stephani protomartyris, Jacobi et Joannis apostolorum, Cathedræ sancti Petri, Depositionis seu Assumptionis sanctissimæ Virginis, Inventionis sanctæ Crucis, Nativitatis sancti Joannis Baptistæ, ejusdemque passionis; apostolorum Petri et Pauli, Missa Sigismundi regis, festum sancti Martini episcopi Turonensis, et Michaelis archangeli; quibus adde triduum Rogationum ante Ascensionem. Ex his peculiariora Gallis erant missa sancti Sigismundi Burgundiæ regis, et festum sancti Martini, quod tamen extra Galliam antiquitus celebrari potuit. Ad hæc Rogationes triduanæ ante ascensionem ritui Gallicano conveniunt; et Depositiō seu Assumptio Deiparæ in Januario, itidemque Cathedra sancti Petri in hoc Ordine eodem mense, uti et in Gothico et in Lectionario Luxoviensi assignantur. Præterea in Canone fit commemoratio sancti Hilarii.

*Quod supra de nævis librorum Liturgiæ Gallicanæ, in fine moniti iisdem libris præfixi, diximus,

relegere velis, lector erudite, dictumque putes de sequentium monumentorum sphalmatibus. Edit.

IV. Denique hic Ordo non est Romanus, ut primo intuitu evinci potest; neque ferme ullam habet, excepto Canone, cum Gelasiano aut Gregoriano Ordine convenientiam. In veteri nostro exemplari præmittitur quidem Missa Romensis cottidiana, cum Canone item Romano. Verum in fine Missalis Gothici eadem missa ascripta erat, sed mutila in Codice Christine reginæ, quo usus est eruditus Thomasius in edendo primum illo Missali. An Canon etiam Romanus in eo Codice relatus fuerit, affirmare non licet propter mutili Codicis defectum. Attamen cum ad singulas missas in illo Gothico habeantur singuli Canones, secus quam in Ordine quem hic vulgamus, conjici potest in illo Gothico nondum fuisse receptum Canonem Romanum qui in nostro Ordine jam admissus erat, uti etiam in Missali Francorum Thomasiano, quod a nobis recusum est. Atque adeo, ut in libro primo de Liturgia Gallicana observatum, majores nostri prius Romanum Canonem quam integrum missæ ritum Romanum susceperunt. Ex his manifestum est hunc Ordinem nostrum non esse Romanum.

V. Sed neque Mozarabicus est, ut conferenti patet. Neque Ambrosianus: siquidem, præter multas alias rationes, Rogationes in Ordine Ambrosiano celebrantur post Ascensionem, hic ante illam ex ritu Gallicano. Præter ea nullum est in nostro Ordine festum sanctorum Mediolanensium; ac demum non omnino eadem sunt missæ partes in Ambrosiano, cui desunt Præfationes initio missæ, in hoc Ordine usitatissimæ; item Collectiones Post Nomina et Ad Pacem ante Contestationem.

VI. At forte hic Ordo fuerit Ecclesiæ Africanæ. Sed neque hoc dici potest. Quippe Liturgiæ Africanæ indicia duo ex Augustino discimus, quæ huic, qua de agimus, nullo modo conveniunt. Primum indicium est, quod cum in Ecclesia Gallicana tres Lectiones ex Libris sacris ad missam catechumenorum recitari mos esset, in Africana duæ tantum Lectiones cum intermedio psalmo recitabantur. Id patet ex Sermonibus Augustini ad populum, editis in tomo V ejus Operum novæ editionis, qua in posterum semper utemur. In sermone 112: « Lectiones sanctæ propositæ sunt, et quas audiamus, et de quibus aliquid sermonis, adjuvante Domino, proferamus. In Lectione Apostolica gratiæ aguntur Domino de fide gentium. In psalmo diximus, *Deus virtutum converte nos*, etc. In Evangelio ad cœnam vocati sumus. » Brevius in sermone 165: « Apostolum audivimus, psalmum audivimus, Evangelium audivimus. » Idem colligitur ex sermonibus 170 et 176. Loquor de Lectionibus sacris. Nam paulo ante missam in festis Martyrum Acta eorum legebantur, ut patet ex sermonibus 37 et 276. « Post sermonem fit missa (seu dimissio) catechumenis (Augustini verba sunt in sermone 49 num 8); manebunt fideles; venietur ad locum orationis (scilicet Dominicæ. Alterum indicium est, quod in Africana Ecclesia, uti in Romana et in Mediolanensi); post sanctificationem sacrificii et orationem Dominicam, dicitur *Pax vobiscum*, et osculantur se Christiani in osculo sancto, » ex sermone 237. Contra in Gallicana et in Mozarabica Liturgia Pax dabatur ante actionem, imo ante Præfationem sacrificii, quæ Contestatio appellatur. Itaque sequens Ordo non est Africanus, ac proinde superest ut sit Gallicanus.

VII. Cur ergo, inquis, in omnibus non convenit cum Missali Gothico Gallicano? Id ex eo factum esse existimamus, quod, etsi in ecclesia Gallicana primis sæculis, id est ante Caroli Magni principatum, fuerit uniformis celebrandæ missæ ritus, eademque partes, non tamen eadem erant ubique Collectiones, Lectiones, et Contestationes: sed fors in unaquaque metropoli diversæ. Id colligere licet ex concilio Veneto anni 465, cujus hæc verba sunt in canone 15: *Rectum quoque duximus, ut vel intra provinciam nostram, sacrorum ordo et psallendi una sit consuetudo*. Quasi dicerent Patres: Si non in tota Gallia, saltem intra provinciam nostram, id est Turonensem, uniformis sit sacrorum ritus. Epauonense, anno 517 celebratum, huic interpretationi suffragatur canone 27: *Ad celebranda divina officia, Ordinem quem metropolitani tenent, provinciales observare debent*. Hinc est quod Ecclesia Ludunensis peculiarem in sacris ritum semper retinuit. Non itaque mirum si provincia Narbonensis, quæ Gothorum imperio tunc parebat, non in omnibus consenserit cum aliis Gallicanis provinciis; imo non mirum, si singulæ provinciæ, quæ rarissime in unum nationale concilium convenire poterant, aliquid habuerint diversi in Ordine rerum sacrarum, tametsi in plerisque atque in ipsa rei (ut ita dicam) substantia conveniebant.

VIII. Codicem antiquum, ex quo subsequentem Ordinem Gallicanum descripsimus, invenimus in bibliotheca percelebris et perantiqui monasterii Bobiensis. Scriptus est Codex ante annos mille, et quidem litteris majusculis.

Bertulfus alicui legitur in ora folii cujusdam, quem putamus esse ipsum Bertulfum loci abbatem medio sæculo VII. In alio folio Elderatus; item in alio Munubertus. Illud in eo Codice magni faciendum, quod sit integer, non mutilus, ut in illis vetustis libris evenire solet. Porro continet Collectiones, Lectiones propheticas, apostolicas et evangelicas, atque Contestationes ad missam per totum annum. In fine etiam (quod rarissimum est, et pene singulare) habetur liber Pœnitentialis, in quo multa scitu digna occurrunt ad veteris disciplinæ ecclesiasticæ cognitionem.

IX. Cujus porro provinciæ fuerit hoc Missale, non obvium est definire. Forte ad usum erat provinciæ maximæ Sequanorum, id est Vesontionensis, ii qua situm est Luxoviense monasterium, unde Columbanus Bobium migravit. Favet huic conjecturæ missæ sancto Sigismundo rege Burgundionum. Certe hic Codex non fuit ad usum monachorum Bobiensium. Nihil enim in eo de sanctis Bobiensibus, Columbano, ejusve

discipulis. Nihil item de rebus monasticis : non benedictio abbatis, aut monachorum ; non benedictiones pro monasterii officinis, in ejusmodi libris monasticis usitatae. Fit quidem sancti Benedicti commemoratio in Canone missae; sed hæc itidem in plerisque aliis cathedralium ecclesiarum vetustissimis libris occurrit, ut in Canone Ecclesiae Mediolanensis ante annos sexcentos scripto, imo in edito Missali per sanctum Carolum reformato. Quæ tamen commemoratio in subsequentibus Ambrosianorum Missalium editionibus est. Nihil ergo prohibet quin hoc Missale fuerit ad usum Ecclesiae et provinciae Vesontionensis, quod tamen aliis expendendum permittimus. Confer ea quæ in missa pro principe dicuntur. In Canone post consecrationem commemoratur cum aliis sanctis Eugenia, eademque laudatur in Contestatione missæ pro Vigilia Natalis Domini. Hæc est Eugenia virgo quæ Romæ tempore Gallieni martyrium passa est. In ejus ecclesia extra portam Latinam sanctum virginis corpus requiescere dicitur in Vita Leonis III, qui quædam ornamenta eidem ecclesiae assignavit. Adrianus ante Leonem ibidem monasterium puellarum construxerat. At quo apud Gallias in loco Eugenia cultum habuerit, nobis incomptum.

X. Superest ut sequenti Liturgiæ Gallicanæ titulum apponamus, quandoquidem nullus exstat in Codice Bobiensi. Ne simplici vocabulo appellemus Liturgiam Gallicanam vetant aliæ Liturgiæ quæ hoc nomen occuparunt. Dici potest Liturgia Bobiensis; at præferendus videtur titulus, *Liber Sacramentorum ecclesiae Gallicanæ*, propterea quod in fine Codicis, ubi libri sacri recensentur, extremo loco ponitur Sacramentorum unus, quo nomine librum de re sacra majores nostri solebant designare. Sic Liturgia Romana, qualis a Gregorio Magno ordinata est, appellatur Liber sacramentorum de circulo anni. At quemadmodum Gregorianus ille liber compendioso modo non tantum a recentioribus, sed etiam a Micrologo aliisque laudari solet sub titulo Sacramentarii Gregoriani, ita etiam noster hic liber dici poterit Sacramentarium Gallicanum.

XI. Cæterum in Scripturæ sacræ lectionibus, quæ hoc in Ordine fiunt, adhibetur versio Vulgata, ut in Lectionario Luxoviensi, nisi quod Lectiones nonnullæ potius ad sensum quam ad verbum referuntur non consequenter, sed quasi centones ex variis Scripturæ locis. Hæc in antecessum præmisisse sufficiat.

MISSA ROMENSIS COTTIDIANA^a.

Lectio libri Daniel prophetæ in cottidiana^b legenda. A

In tempore autem illo consurgit Michael princeps magnus, qui stat pro filiis populi tui, et veniet tempus, quale non fuit ab eo quo gentes esse cœperunt, usque ad tempus illud. Et in tempore illo salvabitur populus tuus omnis, qui inventus fuerit in libro scriptus; et multi de his qui dormiunt in terræ pulvere, evigilabunt, alii in vitam æternam, et alii in obprobrium, ut videant semper. Qui autem docti fuerint, fulgebunt quasi splendor firmamenti; et qui ad justitiam erudiunt plurimos, quasi stellæ^c in perpetuas æternitates, ait Dominus Deus.

Epistola Pauli apostoli ad Corinthios.

Fratres, qui gloriatur, in Domino gloriatur. Non enim qui seipsum commendat, ille probatus est, sed quem Dominus commendaverit. Utinam sustineretis modicum quid insipientiæ mei. Æmulor vos Dei æmulatione in Christo Jesu.

^a In fine Missalis Gothicogallicani pari modo habetur *Missa cottidiana Romensis*, sed mutila; incipit quæ a Collecta quæ hic in secundo loco refertur : *Deus, qui culpa*. Et si vero hæc missa plurimum desumpta est ex Ordine Romano, tamen Gallicano accommodata est, ut patet ex Collectionibus Post Nomina, ad Pacem, etc.

^b Nempe ad missam, in qua tres quondam Lectiones recitari mos erat, ut alias diximus. Erant ergo etiam tunc missæ quotidianæ, quales iterum habes inferius sub finem hujus libri. Missarum hujusmodi quotidianarum usum tempore Augustini in Africa obtinuisse colligimus ex sermone 58 ad populum, novæ editionis, num 12 : « In Ecclesia ad altare Dei quotidie dicitur ista Dominica oratio, et audiunt illam fideles. Non ergo timemus, ne minus diligenter eam

Lectio sancti Evangelii secundum Lucam.

In tempore illo dixit Dominus Jesus^d discipulis suis. Attendite vos, ne forte graventur corda vestra in crapula, et ebrietate, et curis hujus vitæ; et superveniat in vos repentina dies illa, tamquam fur. Laqueus enim superveniet in omnes qui sedent super faciem orbis terræ. Vigilate itaque omni tempore orantes, ut digni habeamini fugire ista omnia quæ futura sunt, et stare ante filium hominis. Erat autem diebus docens in templo, noctibus vero exiens morabatur in monte, qui vocatur Oliveti, et omnis populus magnificabat Deum.

INCIPIT MISSA.

Deus qui beato Petro apostolo tuo conlatis clavibus regni cælestis, animas ligandi atque solvendi pontificium tradidisti, suscipe propicius preces nostras, et intercessionem ejus quæsumus, Domine, auxilium, ut a peccatorum nostrorum nexibus liberemur.

teneatis; quia etsi quis vestrum non poterit tenere perfecte, audiendo quotidie tenebit. » Post prophetiam Collectio, post Epistolam responsorius psalmus; cujus singulos versus, præcinnente lectore, chorus repetebat, ut recte probat amicus noster pius ac doctus Josephus M. Carus seu Thomasius in erudita præfatione sua ad Responsorialia et Antiphonalia, quæ Romanis typis anno superiore prodierunt.

^c In Codice, *stillæ*, et constans ubique scriptura ubi occurrit *stilla*, non *stella*. Passim obviæ sunt in Codice nostro ejusmodi commutationes litterarum.

^d Sic passim legendo Evangelio quondam dicebatur *Dominus Jesus*, non simpliciter *Jesus*, quod de Ambrosiano ritu observavimus in Musei tomo I, pag. 105.

Collectio.

Deus, qui culpa offenderis, pœnitentia placaris, afflictorum gemitus respice, et mala quæ juste irrogas, misericorditer averte.

Post nomina.

Oblata, Domine, munera sanctifica, nosque a peccatorum nostrorum macolis emunda.

Ad pacem.

Grata sit tibi, Domine, hæc oblatio plebis tuæ, quam tibi offerimus in honore nominis tui, [ut] cunctis proficiat ad salutem.

Contestatio.

Vere dignum et justum est, æquum et salutare nos tibi semper et ubique gratias agere, Domine sancte, Pater omnipotens, æterne Deus, per Christum Dominum nostrum. Per quem Majestatem tuam laudant angeli, adorant dominationes, tremunt potestates. Cæli cælorumque virtutes ac beata seraphin socia exultatione concelebrant. Cum quibus et nostræ voces ut admitti jubeas deprecamur, supplice confessione dicentes: Sanctus.

Te igitur, clementissime Pater, per Jesum Christum Filium tuum, Dominum nostrum, supplices rogamus et petimus, uti acceptum habeas, et benedicas † hæc dona, hæc munera, hæc sancta sacrificia libata.

In primis quæ tibi offerimus pro Ecclesia tua sancta catholica, quam pacificare, custodire, adunare, et regere digneris totum orbem terrarum, una cum devotissimo famulo tuo ill. papa nostro, sedis apostolicæ et antestite nostro, et omnibus orthodoxis, atque catholicæ fidei cultoribus.

Memento, Domine, famulorum famularumque tuarum, et omnium circum adstantium, quorum tibi fides cognita est, et nota devotio, qui tibi offerunt hoc sacrificium laudis, pro se suisque omnibus, pro redemptione animarum suarum, pro spe salutis et incolomitatis suæ, tibi reddunt vota sua æterno Deo vivo et vero.

Communicantes, et diem sacratissimum celebrantes, (dicitur in Nativitate Domini:) in quo incontaminata virginitas huic mundo edidit Salvatorem Jesum Christum Dominum nostrum. (Dicitur in sancto Pascha:) et diem sacratissimum celebrantes resurrectionis Domini nostri Jesu Christi Filii tui. Sed et memoriam venerantes in primis gloriosæ semper virginis Mariæ, genetricis Dei et Domini nostri Jesu Christi; sed et beatissimorum apostolorum ac martyrum tuorum Petri, Pauli, Andreæ, Jacobi, Johannis, Thomæ, Jacobi, Philippi, Bartholomæi, Matthæi, Simonis, et Thadæi, Lini, Cliti, Clementis, Sixti, Cornili, Cypriani, Laurenti, Chrysogoni, Johannis et Pauli, Cosmæ et Damiani, Hilarii, Martini, Ambrosii, Agustini, Gregorii, Hieronymi, Benedicti, et om-

^a Cum hic Canon (ut vocamus) non repetatur in subsequentibus missis, id argumento est eos qui hoc Codice utebantur, non alium Canonem habuisse quam Romanum.

^b Hæc verba, sed et cunctæ familiæ tuæ usque ad nominis tui Deus, cancellata sunt in veteri Codice, item infra pro accipias, correctum suscipias.

anum sanctorum tuorum, qui per universum mundum passi sunt propter nomen tuum, Domine, seu confessoribus tuis, quorum meritis precibusque concedas, ut in omnibus protectionis tuæ muniamur auxilio, per Christum Dominum nostrum.

Hanc igitur oblationem servitutis nostræ, sed et cunctæ familiæ tuæ ^b, quam tibi offerimus in honorem nominis tui, Deus, quæsumus, Domine, ut placatus accipias, diesque nostros in tua pace disponas, adque ab æterna damnatione nos eripi, et in electorum tuorum jubeas grege numerari, per Christum Dominum nostrum.

† Quam oblationem tu, Deus, in omnibus quæsumus benedictam †, adscriptam †, ratam, rationabilem acceptabilemque facere digneris, quæ ^c nobis † corpus † et sanguis fiat dilectissimi Filii tui Domini Dei nostri Jesu Christi. Qui pridie quam pateretur, ACCEPIT PANEM IN SANCTAS ^d ac venerabiles manus suas, [et] elevatis oculis suis in cælum, ad te Deum Patrem suum omnipotentem, gratias agens, benedixit †, FREGIT, DEDIT DISCIPULIS suis dicens, Accipite et manducate ex hoc omnes. Hoc est enim corpus meum. Simile modo posteaquam cenatum est, accepit et hunc præclarum calicem in sanctas ac venerabiles manus suas; item tibi gratias agens, benedixit †, DEDIT DISCIPULIS suis, dicens, Accipite, et bibite ex eo omnes. Hic est enim calix sanguinis ^e mei, novi et æterni testamenti, mysterium fidei, qui pro vobis et pro multis effunditur in remissione peccatorum. Hæc quotienscumque feceritis, in mei memoriam facietis.

UNDE ET MEMORES SUMUS, Domine, nos servi tui, sed et plebs tua sancta Christi Filii tui Domini nostri, tam beatæ passionis, necnon et ab inferis resurrectionis, sed et in cælos gloriosæ ascensionis, offerimus, præclaræ Majestati tuæ de tuis donis ac datis † hostiam puram, hostiam sanctam †, hostiam immaculatam †, panem sanctum vitæ æternæ, et calicem salutis perpetuæ. Supra quæ propicio ac sereno vultu aspicere dignare ^f, et acceptam habere, sicuti acceptam habere dignatus es munera pueri tui justi Abel, et sacrificium, patriarchæ nostri Abrahæ, et quod tibi optulit summus sacerdos tuus Melchisedech sanctum sacrificium, immaculatam hostiam.

Supplices te rogamus, omnipotens Deus, jube hæc perferri per manus sancti angeli tui in sublimi altario tuo in conspectu divinæ Majestatis tuæ; ut quotquot ex hac altaris participatione sacrosanctum Filii tui corpus et sanguinem sumpserimus, omni benedictione cælesti et gratia repleamur, per Christum Dominum nostrum.

MEMENTO ETIAM, DOMINE, et eorum nomina, qui nos præcesserunt cum signo fidei et dormiunt in somno pacis. *Commemoratio defunctorum.* Ipsis et

^c Ita primaria manu; secundaria, ut.

^d Quæ majusculis hic litteris edita sunt, minio depicta exstant in vetere exemplari.

^e Additum erat sancti, sed postea tribus obelis expunctum.

^f Correxerit nonnemo antiqua manu, ut alia, respicere digneris.

omnibus in Christo quiescentibus locum refrigerii, lucis, et pacis ut indulgeas deprecamur, per Christum Dominum nostrum.

Nobis quoque peccatoribus famulis tuis, de multitudine miserationum tuarum sperantibus, partem aliquam societatis donare digneris cum tuis sanctis apostolis et martyribus, cum Johanne, Stefano, Matthiam, Barnaban, Ignacio, Alexandro, Marcellino, Petro, Perpetua, Agne, Cicilia, Felicitate, Anastasia, Agathe, Lucia, Eugenia ^a, et cum omnibus sanctis tuis, intra quorum nos consortium non stimator meriti, sed veniæ quæsumus largitor admitte, per Christum Dominum nostrum.

PER QUEM HÆC OMNIA, Domine, semper bona creas, + sanctificas, + vivificas, + benedicis, et præstas nobis. Per ipsum, et cum ipso, et in ipso est tibi Deo Patri omnipotenti in unitate Spiritus sancti OMNIS honor et gloria, per omnia sæcula sæculorum.

Divino magisterio edocti et divina institutione audemus dicere ^b : Pater.

Post Pater noster.

Libera nos, Domine, ab omni malo, præterito, præsentis, et futuro, et intercedente pro nobis beata et gloriosa semperque virgine Maria ^c, et beatis apostolis Petro et Paulo, da propicius pacem tuam in diebus nostris; ut ope misericordiæ tuæ adjuti, et a peccato simus semper liberi, et ab omni perturbatione securi.

Post communionem.

Quos cælesti, Domine, dono saciasti, præsta quæsumus, ut a nostris mundemur occultis, et ab hostium liberemur insidiis.

Consummatio missæ.

Gratias tibi agimus, Domine sancte, Pater omnipotens, æterne Deus, qui nos corporis et sanguinis Christi Filii tui communionem saciasti, tuamque misericordiam humiliter postolamus; ut hoc tuum, Domine, Sacramentum non sit nobis reatus ad pœnam, sed sit intercessio salutaris ad veniam; sit ablutio scelerum, sit fortitudo fragilium, sit contra mundi pericola firmamentum. Hæc nos, Domine, communicatio purget a crimine, et cælestis gaudii tribuat esse participes. Per.

Dicitur post Aios.

Tu, summe Deus, aios, ipse sanctus ^d, omnipotens Sabaoth, qui venisti ab excelsis pati pro nobis, miserere nobis, tu trinæ potentiæ Pater inclyte, qui mœnia excellentissima Hierusalem divinis ornas la-

^a Altera manu, Petro, Felicitate, Perpetua, Agathe, Agne, etc.

^b Emendatum : Oremus. Præceptis salutaribus moniti, et divina institutione formati audemus dicere. Alia formula est Ordinis Gallicani.

^c Additum secunda manu, Dei genitricis.

^d Fortasse, id est Sanctus, quod esset glossema vocabuli ἁγιος.

^e Nulla hic mentio de Symbolo CP. quod fortasse tum in missa Gallicana haud recitaretur. In Africa tempore Augustini Symbolum ad missam non recitabatur, ut oratio Dominica, ex sermone 58 ad populum, num. 12 et 13.

^f Hic, uti et in superiori Cantico, voluntatis. Qui

pidibus, et ejus agmina sanctorum sanguine pingi; libera nos tuo valido brachio, et salva nos per auxiliatricem dexteram tuam, et defende in nobis precium preciosi sanguinis tui, quos redemisti. Per.

Gloria ad missam decantanda.

Gloria in excelsis Deo, et in terra pax hominibus bonæ voluntatis. Laudamus te, benedicimus te, adoramus te, glorificamus te. Gratias agimus tibi propter magnam gloriam tuam, Domine Deus, rex cælestis, Deus Pater omnipotens. Domine, Fili unigenite Jesu Christe, Domine Deus, agnus Dei, Filius Patris. Qui tollis peccata mundi miserere nobis, qui tollis peccata mundi suscipe deprecationem nostram. Qui sedes ad dexteram Patris, miserere nobis. Quoniam tu solus sanctus, tu solus Dominus, tu solus altissimus Jesu Christe, cum sancto Spiritu in gloriam Dei Patris. Amen ^e.

Deus, cui merito et in excelsis, et in terra, utriusque loci incolis gloria decantatur; qui pacem tuam, non in malibolis, sed et in hominibus bonæ voluntatis ^f esse testaris; te orantes laudamus, tibi que agentes gratias supplicamus; ut qui in te suscipiens mundi peccata, purgata delesti, suscipias ex dono tuo tibi placita, et ampotes prava desideria nostra: simulque præsta ut præsentem diem te protegente sine peccato transigere mereamur.

Item alia.

Deus, cui merito, et angeli in cælis, et homines in terra debito famolato conlaudant; cujus sanctum nomen super omne nomen exaltatum fidele exultatione concelebrant; præsta nobis famolis tuis, effectu tibi bonorum operum propinquare, teque vita simul et voce laudare, tuamque misericordiam rectis actibus impetrare; ut universus hic populus, qui angelos tuos æquiparare confitendo, sectari quoque studeat imitando.

Oratio post precem g.

Miserere, Domine Deus omnipotens, qui discipolis tuis Spiritum sanctum dedisti, vel per Evangelistarum tuorum omnes docuisti, etiam omnibus nobis per baptismum indulgentiam tribuisti, et omnes credentium nomen sanctum tuum de inferna redemisti. Per.

Item post precem.

Domine, preces populi tui placatus exaudi, universis quæ postulant tribue, et singulis quæ sunt oportuna concede. Crescat in eorum sensibus devotio tibi in omnibus placita, qualiter a te beneficia obtineant oportuna. Per.

scribendi modus ubique retinetur in nostro Codice. Apposite Hildemarum in caput septimum regulæ sancti Benedicti, ubi de secundo gradu humilitatis: « Sunt multi qui distinguunt voluntatem per *n* adtinere ad Deum: et voluntatem per *m* ad hominem; voluptatem vero per *p* ad diabolum. » Tamen ubi etiam agitur de Deo, voluntas per *m* scribitur in nostro exemplari.

^g In Missali Gothico, pagg. 190 et 251 librorum de Liturgia Gall. habentur itidem Collectiones post precem. Id de cantico trium puerorum interpretati sumus. At de hymno angelorum Gloria in excelsis, qui hic proxime antecedit. interpretandum esse patet ex sequenti notatione.

Item alia.

Domine Deus, qui populis tuis et juste irasceris, et clementer ignoscis, inclina aurem tuam supplicationibus nostris : ut qui te totis sensibus confitemur, non iudicium tuum, sed indulgentiam consequamur.

Collectio post *Aios*.

Judicia tua, Deus, comprehendere non valemus, reprehendere non audemus : nimis profundæ factæ sunt cogitationes tuæ, quis investigaverit eas? Con-

Acede nobis, piissime Pater, ut [te] timeamus quia bonus es, sperantes in misericordia tua. Tu enim dixisti, Nolo mortem peccatorum. Tantum adjutor esto revertentibus, ut vivamus.

Oratio post ^a Benedictionem.

Deus, qui tribus pueris in camino ignis mitigasti flammam incendii, concede, quæsumus, ut nos famulos tuos non urat flamma vitiorum. Per.

^a Id est post canticum trium puerorum, quod ex sequenti Collectione intelligitur.

INCIPIUNT LECTIONES DE ADVENTU DOMINI^a.

I. MISSA IN ADVENTUM DOMINI.

Lectio Malachiæ prophetæ.

Hæc dicit Dominus : Ecce ego mittam angelum meum, et præparabit viam ante faciem meam : et statim veniet ad tempus suum Dominator, quem vos quæritis, et angelus testamenti, quem vos vultis. Ecce venit, dicit Dominus exercituum ; et quis poterit cogitare diem adventus ejus? et quis stabit ad videndum eum? Et erunt Domino offerentes sacrificia in justitia ; et placebit Deo sacrificium Juda et Hierusalem, sicut dies sæculi, et sicut anni antiqui. Et accedam ad vos in iudicio, et ero testis velut maleficis, et adulteris, et perjuris, et qui calumniantur mercedem mercenariis, viduam et pupillos, et opprimunt peregrinum ; nec timuerunt me, dicit Dominus exercituum : ego Dominus Deus vester, et non mutor, ait Dominus Deus.

Lectio epistolæ Jacobi apostoli ad gentes^b.

Fratres, patientes estote usque ad adventum Domini. Ecce agricola expectat preciosum fructum terræ, patienter ferens, donec accipiat temporivum et serotinum. Patientes estote, et confirmate corda vestra, quoniam adventus Domini adpropinquavit. Fratres, nolite ingemiscere in alterutrum, ut non iudicemini. Ecce iudex ante januam adsistit. Exemplum accipite, fratres, laboris et patientiæ prophetas, qui locuti sunt in nomine Domini. Ecce beatificamus qui sustinuerunt sufferentiam : misericors est Dominus et miserator. Ante omnia, fratres mei, nolite jurare neque per cælum, neque per terram, neque aliud quodcumque juramentum. Sit autem vestrum Est, est ; Non, non, ut non in iudicio decidatis. Fratres mei, si quis ex vobis erraverit a veritate, et convertit quis eum, scire debet, quoniam qui converti fe-

Berit peccatorem ab errore viæ suæ, salvat animam ejus a morte, et operit multitudinem peccatorum.

Lectio sancti Evangelii secundum Matthæum^c.

In diebus illis, Johannes cum audisset in vincolis opera Christi, mittens duos de discipulis suis, ait illi : Tu es qui venturus es, an alium expectamus? Et respondens ait illis : Euntes renunciate Johanni quæ audistis et videtis. Cæci vident, claudi ambulant, leprosi mundantur, surdi audiunt, mortui resurgunt, pauperes evangelizantur, et beatus est qui non fuerit scandalizatus in me. Illis autem abeuntibus, cœpit Jesus dicere ad turbas de Johanne : Quid existis in deserto videre? arundinem vento agitatam? Sed quid existis videre? hominem molliibus vestitum? Ecce qui molliibus vestiuntur, in domibus regum sunt. Sed quid existis videre? prophetam? Etiam dico vobis et plusquam prophetam. Hic enim est de quo scriptum est : Ecce mitto angelum meum ante faciem tuam, qui præparavit viam tuam ante te. Amen dico vobis, non surrexit inter natos mulierum major Johanne Baptista. Usque nunc regnum cælorum vim patitur, et violenti rapiunt illud. Omnes enim lex et Prophetæ usque ad Johannem prophetaverunt ; et si vultis recipere, ipse est Elias qui venturus est. Qui habet aures audiendi audiat.

INCIPIT MISSA^d.

Excita, Domine, potentiam tuam et veni ; et quod Ecclesiæ tuæ usque in finem sæculi promisisti, clementer operare.

Excita, Domine, potentiam tuam, et magna nobis virtute succurre ; ut per auxilium gloriæ tuæ, quod nostra peccata præpediunt, indulgentia tuæ propitiationis acceleret.

tribuitur in Lectionario Gallicano.

^c Hæc Evangelii lectio in Romano habetur Dominica secunda Adventus.

^d Quippe missa proprie incipit post lectiones sacras. Legesis Liturgiæ Gallicanæ caput 5.

^a Ab hoc maxime loco incipit Missale Gallicanum. Nam quæ præcedunt, fere ex Ordine Romano desumpta sunt. Lege quæ de Adventu diximus in Liturgia Gallicana a pag. 98.

^b Sic passim in hoc Lectionario laudatur Jacobi epistola ad gentes. Qui titulus Petri Epistolæ primæ

Collectio.

Excita, Domine, quæsumus, corda nostra ad præparandas Unigeniti tui vias; ut per ejus adventum purificati, tibi servire mereamur.

Præveniat nos, quæsumus, omnipotens Deus, tua gratia semper et subsequatur; ut cum adventu Unigeniti tui, quem summo cordis desiderio a sustinemus, et præsentis vitæ subsidia, et futuræ etiam consequamur.

Post nomina.

Conscientias nostras, quæsumus, omnipotens, cotidie visitando purifica, ut veniente Domino Filio tuo, paratam sibi in nobis inveniat mansionem.

Corpora mentesque nostras, omnipotens Deus, dignanter emunda; ut tua benedictione firmati, ab Unigenito tuo Domino nostro, quem expectamus, veniente, semper inluminemur et protegatur.

Ad pacem.

Fac nos, quæsumus, Deus noster, pervigiles atque sollicitos adventum Christi Filii tui Domini nostri expectare; ut dum venerit pulsans, non dormientes peccatis, sed vigilantes et in suis inveniat laudibus exultantes.

Contestatio.

Vere dignum et justum est, ^b omnipotens Deus per Christum Dominum nostrum. Cui proprium est ac singulare quod bonus est, et nulla umquam a te est commutatione divisus. Propitiare supplicationibus nostris, et Ecclesiæ tuæ misericordiam tuam, quam confitentur, ostende, manifestans plebi tuæ Unigeniti tui adventum Domini nostri Jesu Christi mirabile sacramentum; ut in universitate nationum perficiatur, [quod] per Verbi tui evangelium promissisti; ut habeat plenitudo adoptionis quod protulit testificatio veritatis, per Christum Dominum nostrum.

II. ITEM MISSA IN ADVENTUM DOMINI.

Epistola Pauli apostoli ad Romanos.

Fratres, Deus Filium suum mittens in similitudine carnis peccati, et de peccato damnavit in carne peccatum, ut justificatio legis impleretur in nobis, qui non secundum carnem ambolamus, sed secundum spiritum. Qui enim secundum carnem sunt, quæ carnis sunt sapiunt; qui vero secundum spiritum, quæ sunt spiritus sentiunt. Nam prudentia carnis mors est, prudentia autem spiritus vita et pax in Christo Jesu Domino nostro.

Lectio sancti Evangelii secundum Matthæum.

In diebus illis venit Johannes Baptista prædicans in deserto Judæ, et dicens: Pœnitentiam agite, adpropinquavit enim regnum cælorum. Hic enim qui dictus est per Isaiam prophetam dicentem: Vox clamantis in deserto, Parate viam Domini, rectas facite semitas ejus. Ipse autem Johannes habebat vestimentum de pilis camelorum, et zonam pelliciam

^a In exemplari legitur *desiderati*, manifesto mendo.

^b Supplendum hic et in consequentibus vulgata formula, *æquum et salutare*, etc. Hæc Contestatio exstat in Ambrosiano Dominica prima Adventus; sed aliæ omnino Lectiones ibi ad missam.

^c Ita passim *baptizavit* pro *baptizabit*: et infra

A circa lumbos suos: esca autem ejus erat locustæ silvestre. Tunc exiebant ad eum Hierus et omnis regio circa Jordanem, et baptizaba Jordane ab eo, confitentes peccata sua. Videns multos Phariseorum et Saduceorum venire baptismum suum, dixit eis: Progenies viperæ quis demonstravit vobis fugere a futura ira? ergo fructum dignum pœnitentiæ. Et ne vellere intra vos: Patrem habemus Abraham enim vobis, quoniam potens est Deus ex lapidibus istis suscitare filios Abraham. Jam enim secunda radices arborum posita est. Omnis ergo arbor non facit fructum bonum, excidetur, et in ignem mittitur. Ego quidem baptizo in aqua in pœnitentiam: qui autem post me venturus est, fortis est: cujus non sum dignus calciamenta portare: vos baptizavit in Spiritu sancto et igni, cuius tilabrum in manu sua, et congregavit triticum in horreum suum: paleas autem comburit in ignem linguibili. Multa quidem et alia exhortans exibat populo.

INCIPIT MISSA.

Oratio post prophetiam d.

Opifex lucis almæ, plebis visitator inmeritis illa prophetarum vaticiniorum oracula, quæ fuerunt nunciata, beati Johannis ore expressa, perficis, professione peragis, concede plebi sibi sine formidine famolari: ut per viscera cordis repleti scientia, veritate dirigi mereamur.

Collectio.

C Adventum Domini nostri Jesu Christi, fraterrimi, votis omnibus præstolantes, Dei Patris omnipotentiam imploremus, ut corda nostra purificata et corpora immacolata conservet. Expectemus scientia securam venturam, quem super omnia principatum et potestates credimus exaltatum. ergo per singula momenta solliciti, ut mereamur habere propitium, quem credimus et fatemur mandantes vivos et mortuos in gloriam esse venturum.

Collectio.

Purifica, Domine Deus, Pater omnipotens, omnia arcana nostrorum, cunctasque propitius colas abluere peccatorum: ac præsta, Domine, benedictione pietatis tuæ a nostris criminibus liberati, metuendum terribilemque adventum Domini nostri Jesu Christi expectemus interriti.

Post nomina.

Exaudi, Domine, preces populi tui, ut jubet accipere qui jussit offerri: sintque hæc munuscula in ejus conspectu pro omnium animarum emendatione, et corporum sanitate; pro maiori laude, et pro defunctorum requie.

Collectio ad pacem.

Pacem tuam nostris pectoribus, bone Jesu, in

congregavit, etc., vulgari ac facili permutatiōe iterarum.

^d Confer Missale Gothicogallicanum in Natali, pag. 190 [lib. de Liturg. Gall.] ubi a *Collectio post prophetiam*.

^e Forte legendum, ut *jubeat suscipi qui jussit*

in qua est plenitudo dilectionis. Præsta, Domine, ut pacem, quam nunc ore proferimus, semper spiritali sensu conservare mereamur.

Contestatio.

Vere dignum et justum est omnipotens Deus per Christum Dominum nostrum. Quem Johannes, fidelis amicus, præcessit nascendo, præcessit in desertis eremi prædicando, præcessit baptizando, viam quoque præparans judici ac redemptori. Convocavit peccatores ad pœnitentiam; et populum Salvatori adquirit, baptizavit in Jordane peccata propria confitentes: non hominis innovandi plenam confrens gratiam, sed piissimi Salvatoris admonens expectare præsentiam; non remittens ipse peccata ad se venientibus, red remissionem peccatorum ad futurum pollicens esse credentibus; ut descendentibus in aquam pœnitentiæ, ab illo sperarent remedium indulgentiæ, quem venturum audiebant plenum dono veritatis et gratiæ, Dominum nostrum Jesum. Quem laudant angeli.

III^a. ITEM MISSA IN ADVENTUM DOMINI.

Epistola Pauli apostoli ad Romanos.

Fratres, dico enim Christum Jesum ministrum fuisse circumcisionis propter veritatem Dei, ad confirmandas promissiones Patrum. Gentes autem super misericordia honorare Deum, sicut scriptum est: Propter hoc confitebor tibi in gentibus, et nomini tuo cantabo. Et iterum dicit: Lætamini, gentes, cum plebe ejus. Et iterum: Laudate, omnes gentes, Deum et magnificate eum, omnes populi. Et rursus Isaias ait: Erit radix Jesse, et qui exurgit regere gentes, in eum gentes sperabunt. Deus autem spei replet vos omni gaudio et pace in credendo, ut abundetis spe in virtute Spiritus sancti.

Lectio sancti Evangelii secundum Matthæum.

In diebus illis interrogatus a discipulis suis Dominus Jesus, quando venerit regnum Dei, dixit eis: Sicut fulgur exit ab Oriente, et paret usque in Occidente, ita erit adventus Filii hominis. Ubi cumque fuerit corpus, illuc congregabuntur aquilæ. Statim autem post tribulationem dierum illorum sol obscurabitur, et luna non dabit lumen suum: et stellæ cadent de cælo, et virtutes cælorum commovebuntur. Et tunc parebit signum Filii hominis in cælo; et tunc plangent omnes tribus terræ. Et videbunt Filium hominis venientem in nubibus cæli cum virtute multa et majestate. Et mittet angelos suos cum tuba et voce magna: et congregabunt electos ejus a quattuor ventis a summis cælorum usque ad terminos eorum. Ab arbore autem fici discite parabolam. Cum jam ramus ejus tener fuerit, et folia nata, scitis quia prope est aestas^b. Ita et vos cum videritis hæc omnia, scitote quia prope est in januis. Amen dico vobis quia non præteribit hæc generatio, donec omnia fiant. Cælum et terra transibunt: verba autem mea non præter-

ibunt. De die autem illa et hora nemo scit, neque angeli cælorum, nisi Pater solus. Sicut autem in diebus Noe, ita erit et adventus Filii hominis. Sicut enim erant in diebus ante diluvium, comedentes et bibentes, usque ad eum diem, quo intravit in arca Noe, et non cognoverunt donec venit diluvium; et tulit omnes, ita erit et adventus Filii hominis. Tunc duo erunt in agro, unus adsumitur, et unus relinquitur. Duæ molentes ad molam, una adsumitur, et altera relinquitur. Vigilate ergo, quia nescitis qua hora Dominus venturus sit. Illud autem scitote, quoniam si sciret paterfamilias qua hora fur venturus esset, vigilaret utique, et non sineret perfodi domum suam. Ideo et vos estote parati, quia nescitis qua hora Filius hominis venturus est.

INCIPIT MISSA.

Collectio post prophetiam.

Concede, quæsumus, Domine, hanc gratiam plebi tuæ, adventum Unigeniti tui cum summa vigilantia expectare: ut sicut ipse [est] auctor nostræ salutis, velut fulgentes lampadas in ejus occurso nostras animas præparemus. Præcinge, quæsumus, Domine Deus noster, lumbos mentis nostræ divina tua virtute potenter, ut veniente Domino nostro Jesu Christo Filio tuo, digni inveniamur æternæ vitæ convivio, et vota cælestium dignatum ab ipso percipere meremur.

Collectio sequitur.

Festina, quæsumus, Domine, ne tardaveris, et præsidium nobis tuæ pietatis impende; ut oportunis consolationibus subleventur, qui in tua miseratione confidunt.

Omnipotens sempiterne Deus, qui nos omni tempore tuis deditis vis esse mandatis, concede propicius, ut ad adventum Domini possimus esse devoti, quibus illud est mysterium celebrandum, cui servit omnis excusatio mandatorum.

Post nomina.

Concede nobis, Domine, quæsumus, ut magnæ festivitatis ventura solemnitas prospero celebretur effectum, pariterque reddamur et intenti cælestibus disciplinis, et peccatorum indulgentiam consequamur.

Ad pacem.

Devotionis nostræ tibi, Domine, quæsumus, hostia jugiter immoletur, quæ et sacri peragat instituta mysterii, et salutare tuum nobis mirabiliter operetur^c.

Sacrificium tibi, Domine, celebrandum placatus intende, quod et nos a vitiis nostræ conditionis emundet, et tuo nomini reddat acceptos.

Contestatio.

Vere dignum et justum est, omnipotens Deus, cui proprium est veniam delictis impendere, quam penatiter imminere^d. Qui fabricam tui operis per eundem rursus Lapidem es dignitatus erigere: ne imago, quæ

^a In Codice nota numerica deest ac deinceps: itemque titulus ansulis inclusus, quem ex superiori missa supplevimus.

^b Nescio an operæ pretium sit adnotare in exemplari legi, *stas*. Sic infra, *stote* pro *estote*. Sic supra, *stimator* pro *estimator*.

^c Collectio hæc legitur non solum in Romano sed etiam in Ambrosiano Dominica quarta Adventus.

^d Sic *imminere* pro *instare*. Et hæc Contestatio habetur in Ordine Ambrosiano Dominica quarta Adventus usque ad hæc verba, *Hæc postquam*, etc.

ad similitudinem tui facta fuerat vivens, dissimilis haberetur ex morte, munus venialis indulgentiæ præstitisti; ut unde mortem peccatum contraxerat, inde vitam pietas repararet immensa. Hæc postquam prophetica sæpius vox prædixit, et Gabriel angelus Mariæ jam præsentia nunciat, mox puella eredente in utero fidelis Verbi mansit aspirata conceptio per Christum Dominum nostrum. Per quem Majestatem tuam laudant angeli.

Item Contestatio * de Adventu.

Vere dignum et justum est. Tu, clementissime Deus, veræ credulitatis in sensibus nostris incrementa multiplica, et imaginis ac similitudinis tuæ formam in nobis [magis] magisque restaura, ut te, quem dudum venisse credimus pro remedio captivorum, in secundo adventu tuo te cum majestate venturum sustinentes videre mereamur cum indulgentia peccatorum.

Præsta, unita ^b et indivisa Trinitas Deus, quem cælorum multiplex et ineffabilis numerus, quem omnium angelorum et archangelorum milia, cum senioribus et virtutibus, cum thronis et dominationibus laudare non cessant dicentes : Sanctus.

MISSA IN VIGILIA NATALIS DOMINI.

Epistola Pauli apostoli ad Philippenses c.

Fratres, gaudete in Domino semper, iterum dico gaudete : modestia vestra nota sit omnibus hominibus; Dominus enim prope est. Nihil solliciti sitis, sed in omni oratione cum gratiarum actione petitiones vestræ innotescant apud Deum. Et pax Dei, quæ superat omnem sensum, custodiat corda vestra et intelligentias vestras in Christo Jesu.

Lectio sancti Evangelii secundum Matthæum.

Sint lumbi vestri præcincti, et lucernæ ardentes ^d : et vos similes hominibus expectantibus dominum suum, quando revertatur a nuptiis, ut cum venerit et pulsaverit, confestim aperiant ei. Beati sunt servi illi, quos, cum venerit dominus, invenerit vigilantes. Amen dico vobis, quod præcingit se, et facit illos discumbere, et transiens ministrabit illis.

INCIPIT MISSA *.

Misericors ac piissime Deus, cujus voluntate ac munere Dominus noster Jesus Christus ad hoc se humiliavit, ut totum genus exaltaret humanum, et ideo ad ima descenderit, ut humilia sublimaret; ac propterea Deus homo nascitur per Virginem, ut in homine perditam cælestem reformaret imaginem; da ut plebs hæc tibi adhæreat, ut quam redemisti tuo munere, tibi semper devota placeat servitute.

Collectio.

Emmanuel, Nobiscum Deus, Christe Filius Dei,

* Contestatio hæc pro alia missa de Adventu; de quo nonnisi tres missæ integræ hoc in Ordine assignantur : forte quod, si Dominicæ sex tum numerantur, hæ missæ repeti possent.

^b Sic unita in exemplari, pro una. Veteres unionem pro unitate dicebant. Adi Valesium in Evagrii lib. v, cap. 4.

^c Lectio hæc in Ordine Gregoriano habetur Dominica tertia Adventus, quæ hic pro Vigilia Natalis Domini.

^d Addit Vulgata, in manibus vestris : quæ verba de-

A qui cum ex Virgine te nasciturum pronun-
Mariam Matrem creasti, ut Dominus, de-
es filius; da nobis ut qui cum illa a te
creati sumus ex nihilo, simili ut ea credu
muneremur ex præmio.

Post nomina.

Omnipotens sempiternus Deus, qui nasci
utero virginali Jesum Christum Filium tuum
ab omnibus, sancto archangelo nunciante,
da ut cujus nativitatem accepimus, ejus
gaudeamus.

Ad pacem.

Deus, cujus nativitate Filii tui Domini
nrisa festivitas et Mariæ partum et Eogeniæ
phum. Hodie quippe Maria Christum genu
Eogenia ad Christum vadit; hodie illa ge
quem ista festinat; hodie Christus in mun
hodie virginem in cælo Christus suscipit;
scendo virginem matrem fecit, qui hodie p
martyrem coronavit.

Contestatio.

Vere dignum et justum est, omnipotens
Christum Dominum nostrum. Qui a summo
nisque regalibus ad ima descendens, Patri
sacræ Mariæ utero inviolate susceptus est,
tor & Deus elementi, suscepit membra morti
sit carnis injuria liberandi hominis vota. J
pannis, fulgebat in stellis. Caro est quod in
divinitas, cui ab angelis ministratur. Erat
præsepio, sed virtus ejus operabatur in
cunabulis jacebat, et regnum cæleste donat
est nobis Christus, inluminatus est mundus
peperit, sed virgo concepit; de viro pure
gloriosa. Accepit nomen matris, sed non ha
num uxoris. Per cujus nativitatem indulg
minum conceditur, et resurrectio non neg
ipsum quem laudant angeli.

MISSA IN NATALE DOMINI.

Lectio Isaïæ prophetæ, legenda in Natale I
Parvulus enim natus est nobis, filius
nobis : et factus est principatus ejus super I
ejus, et vocabitur nomen ejus Admirabilis,
rius, Deus, Fortis, Pater futuri sæculi,
pacis. Multiplicabitur ejus imperium, et r
non erit finis. Super solium David et super
ejus [sedebit], ut confirmet illud et conr
judicio et justitia. Amodo et usque in sem
zelus Domini exercituum faciet hoc.

Epistola Pauli apostoli ad Hebræos

Fratres, multifarie multisque modis ol
loquens Patribus in prophetis; novissime au

sunt in Codice nostro, textuque Græco, et i
gustinum, non tamen apud Gregorium Mag

* Missa hæc differt ab ea quæ assignatur
Cothicogallicano. Si quando convenient, adno

^f Nota hic de sancta Eugenia virgine et
Romana, quæ passa est die 25 Decembris, fi
tionem, non de sancta Anastasia, de qua
Ordo hac die commemorationem habet.
Eugenie memoria in Canone missæ supra.

^g Pro mistor, ut quidem verisimile est.

bus istis locutus est nobis in Filio suo, quem constituit heredem universorum, per quem fecit et sæcula. Qui cum sit splendor gloriæ et figura substantiæ ejus, portansque omnia verbo virtutis suæ, purgationem peccatorum faciens, sedit ad dexteram majestatis in excelsis, tanto melior angelis effectus, quantum differentior præ illis nomen hereditavit. Cui enim dixit aliquando angelorum : Filius meus es tu, ego hodie genui te ? Et rursum : Ego ero illi in patrem, et ipse erit mihi in filium.

Lectio sancti Evangelii secundum Matthæum.

Liber generationis Jesu Christi filii David, filii Abraham. Abraham genuit Isaac, Isaac autem genuit Jacob, Jacob autem genuit Judam et fratres ejus. Et alius Judas genuit Joseph virum Mariæ, de qua natus est Christus *. Christi autem generatio sic erat. Cum esset desponsata mater ejus Maria Joseph, antequam convenirent, inventa est in utero habens de Spiritu sancto. Joseph autem vir ejus, cum esset justus, et nollet eam traducere, voluit occulte dimittere eam. Hæc autem eo cogitante, ecce angelus Domini in somnis apparuit ei, dicens : Joseph fili David, noli timere accipere Mariam conjugem tuam. Quod enim in ea natum est, de Spiritu sancto est. Pariet autem filium, et vocabis nomen ejus Jesum. Ipse enim salvum faciet populum suum a peccatis eorum. Hoc autem totum factum est, ut adimpleretur quod dictum est per prophetam dicentem : Ecce virgo in utero concipiet, et pariet filium, et vocabitur nomen ejus Emmanuhel, quod est interpretatum, Nobiscum Deus. Exurgens autem Joseph e somno fecit sicut præceperat ei angelus Domini ; et accepit Mariam conjugem suam, et non cognovit eam, donec peperit filium suum primogenitum, et vocavit nomen ejus Jesum.

Lectio sancti Evangelii secundum Matthæum b.

Cum natus esset Dominus Jesus in Bethhelem Judæ in diebus Herodis regis, ecce magi ab Oriente venerunt Hierusolyma, dicentes : Ubi est qui natus est rex Judæorum ? vidimus enim stellam ejus in Oriente, et venimus adorare eum. Audiens autem Herodes rex turbatus est, et omnis Hierusolyma cum illo. Et congregans omnes principes sacerdotum et scribas populi, sciscitabatur ab eis ubi Christus nasceretur. At illi dixerunt : In Bethhelem Judæ ; sic enim scriptum est per prophetam : Et tu Bethhelem terra Juda... ex te enim exiet Dux, qui regat populum meum Israel.

INCIPIT MISSA °.

Nativitatis Dominicæ splendidum diem, in quo salutis nostræ institutor et redemptor mortis legem cavavit, humani generis membra suscepit, debita, fratres dilectissimi, sollemnitate veneremur, rogantes ut qui ad redemptionem nostrorum criminum natus est, ipse sit custos perpetuus ad salutem.

Collectio.

Spes unica vitæ nostræ et fidei remunerator, æterne

* Sic Evangelium de genealogia Domini brevitur in veteri Codice et in aliis nonnullis antiquis Missalibus.

b Notanda hæc secunda lectio Evangelii pro Vigilia

Deus Pater omnipotens, qui per unicum Filium tuum salvare dignatus es mundum : naturæ carnis adsumptione miscetur, ut qui Deus erat ex Deo Patre, homo quoque esset ex matre ; ex te sine tempore, ex illa sine semine : respice nos, et adesto precibus nostris. et præsta ut qui adventum Filii tui humilem cum gaudio colimus, in gloria venientem cum lætitia mereamur aspicere.

Post nomina.

Christe Domine, qui te exinanisti, ut nos adimpleres ; qui humiliasti te, ut nos exaltares, ut qui eras ante Virginem, esses ex Virgine ; ex Deo Patre natus Deus ante sæcula, hodie homo nasceretis ob sæcula ; te oramus, et petimus ut preces nostras placatus exaudias.

Ad pacem.

Deus, antiqua expectatio gentium, qui oracula prophetarum in luce Evangelii posuisti, qui languores nostros curaturus cælestis medicus advenisti. Nam quis te possit agnoscere, nisi ipse voluisses agnosci ? tribue, quæsumus, ut communicatio præsentis osculi perpetuæ proficiat caritati.

Contestatio.

Vere dignum et justum est, omnipotens Deus, per Christum Dominum nostrum. Cujus Incarnationis natalem hodie celebramus, per quem annua festivitàte lucem gentium genuisse testaris ; quem prophætæ cecinerunt, nasciturum Emmanuhel, Nobiscum Deus ; quem angelus nuntiavit creatorem carnis in carnem venturum ; quem natum pro salute universorum multitudo cælestis exercitus divinis laudibus honoravit ; quem credentium pia fides agnovit et tenuit. Te ergo, quæsumus, Domine Deus noster, exaudi, tuere, sanctifica plebem tuam, quam ad celebrandam præsentis sollemnitis beatitudinem congregasti, universisque notiæ tuæ [gratiam] participatione sancti Spiritus propiciatus infunde, per illam expectatam sanctis tuis adventus tui gloriam, per Christum Dominum nostrum. Per quem.

MISSA d SANCTI STEFANI.

Legenda in sancti Stefani missa.

Lectio Pauli apostoli ad Romanos.

Fratres, nolo vos ignorare, quia sæpe proposui venire ad vos, et prohibitus sum usque adhuc, ut aliquem fructum habeam in vobis, sicut in ceteris gentibus. Græcis ac barbaris, sapientibus et insensatis debitor sum, et in vobis evangelizare. Non enim crubesco super Evangelium. Virtus enim Dei est in salutem omni credenti, Judæo primum, et Græco, Justitia enim Dei in eo revelabitur ex fide in fidem, sicut scriptum est : Justus autem ex fide vivit in Christo Jesu.

Lectio sancti Evangelii secundum Matthæum.

Cum venisset Dominus Jesus Capharnaum, accesserunt qui dracma accipiebant, et dixerunt Petro : Magister vester non solvit didracma ? Ait : Etiam. Et Natalis Domini, forsitan ad libitum varianda.

° Unica hæc missa pro die ipso Nativitatis Domini.

d Hic titulus secunda manu, sed antiqua adjectus est, at necessarius.

cum intrasset domum, praevenit eum Jesus dicens : Quid tibi videtur, Simon? Reges terræ a quibus accipiunt tributum vel census? a filiis suis, an ab alienis? Ab alienis. Dixit illi Jesus : Ergo liberi sunt alii. Ut autem non scandalizemus eos, vade ad mare; et mitte hamum, et eum piscem qui primus ascenderit tolle, et aperto ore ejus inveniens staterem, illum sumens da eis pro me et te.

INCIPIT MISSA.

Deus omnipotens, qui Ecclesiae tuae sanctum Stefanum martyrem primum messis tuae manipulum dedisti, et primitivam oblationem novellae confessionis ostendisti praekonem, quod fructus maturescentes exhibuit; praesta universo coetui intercessione martyris meriti, ut Ecclesiam tuam juvet suffragio, quam ornavit ministerio.

Collectio.

Domine, qui ambulante de virtute in virtutem sancto Stefano martyri tuo aperuisti caelos ad gloriam contemplationis, quos ei aperueras ad meritum sanctitatis, ut confessionis suae fructum caperet; ostende nobis suffragio ejus misericordiam tuam.

Post nomina.

Domine Jesu, a quo suum spiritum suscipi martyr Stefanus postulavit, tu praesentis hujus sollemnitis placatus oblatione, et viventibus veniam, et quiescentibus concede requiem sempiternam.

Collectio ad pacem.

Deus pacis conditor, Deus indulgentiae remunerator, qui sancto martyri tuo Stefano in passione largitus es ut imbrem lapidum clementer exciperet, et pro lapidantibus se supplicaret, pietatem tuam, Domine, supplices deprecamur, ut peccatorum veniam consequamur.

Contestatio.

Vere dignum et justum est per Christum Dominum nostrum. Qui ita militi suo fidei armata astutia^a, ut pro illo certare non differat. Hic est beatus ille Stefanus, corona nominis et divinae gratiae consecratus. Hic est praesens passionis Domini et Salvatoris nostri consors, apostolicae dignatis [culmen] attigit, mox praedicationis Dominicae et testis veritatis esse non distulit. Dum ab impiis Judaeis saevissimis ictibus caederetur, ille precem pro eis fundebat ad Dominum. Rogo, inquit, Domine, ne statuas illis hoc peccatum. Dum terrena tamen terris membra commendat, caelestem spiritum angelicis manibus evexit ad caelum. Per quem maj.

MISSA SANCTORUM INFANTUM.

Lectio Apocalypsis sancti Johannis legenda in missa Infantum b.

Ego Johannes vidi in spiritu quae oportet fieri cito. Vidi subtile altare animas interfectorum propter verbum Dei, et propter testimonium quod habebant: et clamabant voce magna dicentes: Usquequo, Domine sanctus et verus, non judicas et vindicas sanguinem

^a Forte, *arma dedit contra astutiam*,

^b Eadem lectio pro missa hujus festi in Lektionario Luxoviensi.

^c Collectio haec partim eadem in Ordine Gregoriano.

nostrum de his qui habitant in terra? Et datae sunt singulae stolae albae, et dictum est illis ut requiescerent tempus adhuc modicum, donec impleantur conservi eorum et fratres eorum, qui interficiendi sunt sicut et illi.

Lectio sancti Evangelii secundum Matthaeum.

Diebus illis, apparuit angelus Domini in somnis Joseph dicens: Surge, et accipe puerum et matrem ejus, et fuge in Aegyptum; et esto ibi usque dum dicam tibi. Futurum est enim ut Herodes quaerat puerum ad perdendum eum. Qui consurgens accepit puerum et matrem ejus nocte, et recessit in Aegyptum; et erat ibi usque ad obitum Herodis. Ut adimpleretur quod dictum est a Domino per prophetam dicentem: Ex Aegypto vocavi Filium meum, quoniam Nazaraeus vocabitur.

INCIPIT MISSA.

Deus cuius hodierna die praekonium Innocentes martyres non loquendo, sed moriendo confessi sunt, omnia in nobis vitiorum mala mortifica, et gaudia aeterna nobis largiri concede.

Collectio.

Deus, lactentium fides, spes infantum, charitas puerorum, qui per Innocentium laudem cunctos provocas ad salutem; infunde in nobis puritatem lactentis infantiae, concede doctrinam.

Post nomina.

Deum omnipotentem oremus, qui Bethlemiticae plebi ac dominicae civitati pro temporalibus aerumnis gaudia aeterna tribuit, ut Rachel sancta plorans, quae proferebat ex dolore gemitum, nollet ex consolatione solatium: quae licet videretur de praesente infantum amissione contrerita, erat tamen de martyrii beata perpetuitate secura.

Ad pacem.

Deus, qui martyrio et innocentia parvulorum triumphalem hunc diem esse fecisti; exempla ad augendam fidem Ecclesiarum tuarum proficientibus exaudire digneris.

Contestatio.

Vere dignum et justum est omnipotens Deus, per Christum Dominum nostrum. Qui rutilante fonte in Bethelem civitate Infantes, qui aetate loqui non poterant, laudem Domini cum gaudio resonabant; occisi praedicabant quod vivi nequiverant loquentes; Infans Christus transmittit ad caelos nova exsena Patri, primitias exhibet genitori, per Christum Dominum nostrum.

MISSA JACOBI ET JOHANNIS.

[Lectioes in festo apostolorum Jacobi et Johannis d.]
Lectio Actuum apostolorum.

In diebus illis misit Herodes rex ut affligeret quosdam de Ecclesia. Occidit autem Jacobum fratrem Johannis gladio: videns autem quia placeret Judaeis, adposuit adprehendere et Petrum.

^d Hunc titulum, qui in Codice deest, item supplevimus. Epistola non videtur integre descripta, ut aliquoties infra. Evangelium in Lektionario Luxoviensi, sed ex Marco.

Lectio sancti Evangelii secundum Matthæum.

Diebus illis accedens ad Dominum Jesum mater filiorum Zebedæi cum filiis suis, adorans et petens aliquid ab eo. Qui dixit ei : Quid vis ? Ait illi : Dic ut sedeant hi duo filii mei unus ad dexteram tuam, et unus ad sinistram in regno tuo. Respondens autem Dominus Jesus dixit ei : Nescitis quid petatis. Potestis calicem bibere quem ego bibiturus sum ? Dicunt ei : Possumus. Ait illis : Calicem quidem meum bibetis ; sedere autem ad dexteram meam et sinistram, non est meum dare vobis, sed quibus paratum est a Patre meo.

INCIPIT MISSA ^a.

Electionis Dominicæ præclarum testimonium, atque apostolicæ congregationis mirabile ornamentum, et evangelicæ veritatis cæleste præconium sanctos Dei apostolos et martyres Jacobum et Johannem, Dominum deprecemur ; ut qui illis apostolatus gratiam vel martyrii dedit coronam, nobis quoque concedat veniam peccatorum.

Collectio.

Deus, qui beatissimis apostolis tuis Jacobo et Johanni gloriam martyrii, bibitionis tui calicis prædixisti, ut et confirmares responsionem quam fides pura protulerat ; prosit patrocinis, ut digneris exaudire suffragiis.

Post nomina.

Domine, quem vocantem sancti apostoli Jacobus et Johannes fide integra sunt secuti, et quem sequentes caritate integra sunt electi, ut mundi piscatores fierent, qui profundi retia reliquissent ; auribus percipe, quæsumus, orationem nostram, ut dum adsequi eorum facta non possumus, implere saltem monita pertendamus.

Collectio ad pacem.

Domine æterne, cui ita in sanctis apostolis tuis Jacobo et Johanne placuit arcanum dispensationis implere, ut glorioso passionis exemplo apostolorum, quorum ille præcederet, iste præmitteret.

Contestatio.

Vere dignum et justum est, omnipotens Deus, ut apostolos tuos Jacobum et Johannem meritis suffragantibus preces nostras propitius exaudias, per Christum Dominum nostrum. Qui est sanctorum omnium virtus et gloria, victoria martyrum et corona, Pastor ovium, et hostia sacerdotum ; redemptio gentium et propiciatio peccatorum, ipse Dominus ac redemptor noster, ante cujus sacratissimam sedem stant angeli, ad. . .

MISSA DIE CIRCUMCISIONIS DOMINI.

[*Lectiones in Circumcisione Domini* ^b.]

Epistola Pauli apostoli ad Philippenses.

Fratres, videte circumcisionem. Nos enim sumus circumcisio, qui spiritu ^c Dei servimus et gloriamur in Christo Jesu, et non in carne fiduciam habentes. Quamquam ego habeam confidentiam in carne. Si quis

^a Ordine præpostero post missam Innocentium ponitur hæc missa, quæ eadem est atque hic usque ad Contestationem in Missali Gothico, sed prolixior, inscripta : *Missæ in natale apostolorum Iacobi et Iohannis.*

^b Et hic titulus deest in veteri exemplari, sed necessario supplendus. Idem observa de aliis titulis,

alius videtur confidere in carne, ego magis ; circumciscus octava die, ex genere Israel, de Tribu Benjamin, Hebræus ex Hebræis, secundum legem Phariseus, secundum æmulationem persequens Ecclesiam Dei.

Lectio sancti Evangelii secundum Lucam.

Diebus illis, postquam consummati sunt dies octo ut circumcideretur, vocatum est nomen ejus Jesus, quod vocatum est ab angelo, priusquam in utero conciperetur. Et postquam impleti sunt dies purgationis ejus secundum legem Moysi, tulerunt illum in Hierusalem, ut sisterent eum Domino, sicut scriptum est in lege Domini, quia omne masculinum adaperiens vulvam, sanctum Domino vocabitur.

INCIPIT MISSA.

Dominum nostrum Jesum Christum, fratres carissimi, humiliter deprecemur, qui infinita ejus misericordia in salutare suo nos visitavit, in passione redemit, vitiaque nostra a nobis circumciscit, et omnia idola destruxit, malaque discussit.

Collectio.

Exaudi nos, Domine, sempiterna Trinitas Deus, qui propter hominum peccata carnem adsumere dignatus est. Dies enim octava est a tua nativitate, quo circumcisionem Dominum nostrum Jesum Christum Filium tuum posuisti pro nobis, et regnum idolatriæ destruxisti, viam veritatis docuisti, legem implesti, Joseph et Mariam in herimo satiasti ; te obsecramus, Domine, ut a peccatis hujus sæculi nos liberare digneris.

Post nomina.

Sanctorum omnium Deum Patrem omnipotentem deprecemur, ut oblationes famulorum ac famularum suarum placido ac sereno vultu respicere digneris.

Ad pacem.

Christum Dominum deprecemur, quem adorant magi, prophetarum vaticinia complentur, veniunt ex oriente legati, fides gentium declaratur : circumciditur octava die circumcisionis inventor : ad templum ducitur offerendus qui est adorandus in templo.

Contestatio.

Vere dignum et justum est, omnipotens Deus, propterea exultemus uberius, quia scimus in hodiernum diem salutaris fieri natalis octavum legitimum Domini secundum carnem geniti circumcisione signatum : quia sicut mortalitatem nostram adsumsit ut mortem consumeret, ita et jugum legis in sua carne suscepit ut nostra cervice discuteret, quia pro universitate humani generis Salvator advenerat. Quem laud.

MISSA IN EPHYPHANIA ^d.

[*Lectiones in Epiphania.*]

Epistola Pauli apostoli ad Titum.

Fratres, apparuit gratia Dei Salvatoris nostri omnibus hominibus, erudiens nos, ut abnegantes impietatem et sæcularia desideria, sobrie, et juste, et

quos ansulis inclusos habes.

^c Legebat Augustinus Spiritui in sermone CLIX ad populum, num. 1, ubi subdit : « Scio plerosque Codices habere : *Qui Spiritui Deo servimus.* »

^d Epiphania etiam scribitur in Lectionario Luxoviensi, tum in Missali Gothico.

pie vivamus in hoc sæculo, expectantes beatam A
spem et adventum gloriæ magni Domini et Salvatoris nostri Jesu Christi.

Lectio sancti Evangelii secundum Johannem.

Diebus illis ^a, venit Dominus Jesus in Jordanem ad Johannem, ut baptizaretur ab eo. Johannes autem prohibebat eum dicens : Ego a te debeo baptizari, et tu venis ad me ? Respondens autem Dominus Jesus dixit ei : Sine modo ; sic enim decet nos implere omnem justitiam. Tunc dimisit eum. Baptizatus autem confestim ascendit de aqua, et ecce aperti sunt ei cæli, et vidit Spiritum Dei descendentem sicut columbam venientem super se, et vox de cælis dicens : Hic est Filius meus dilectus, in quo mihi complacui. [Luc. III, 13.] Et ipse Jesus erat incipiens quasi annorum triginta ut putabatur B
filius Josep.

[Joann. II, 1.] Et die tertio nuptiæ factæ sunt in Cana Galileæ, et erat mater Jesu ibi. Vocatus est autem Dominus Jesus et discipuli ejus ad nuptias. Et deficiente vino dicit mater Jesu ad eum : Vinum non habent. Et dicit ei Dominus Jesus : Quid mihi et tibi est, mulier ? nondum venit hora mea. Dicit mater ejus ministris : Quodcumque dixerit vobis facite. Esant autem ibi lapideæ hydiæ sex positæ secundum purificationem Judæorum, capientes singulæ metretas binas vel ternas. Dicit eis Dominus : Implete hydrias aqua. Et impleverunt eas usque ad summum. Et dicit eis Jesus : Haurite nunc, et ferte architriclino. Et tulerunt. Ut autem gustavit architriclinus aquam vinum factum, et non sciebat C
unde esset ; ministri autem sciebant qui hauriebant aquam ; vocat sponsum architriclinus, et dicit ei : Omnis homo primum bonum vinum ponit, et cum inebriati fuerint, tunc id quod deterius est. Tu autem servasti bonum vinum usque adhuc. Hoc fecit initium signorum Dominus Jesus in Cana Galileæ, et manifestavit gloriam suam, et crediderunt in eum discipuli ejus.

INCIPIT MISSA.

Deum qui sanctum huic Ephyfanie festivitatem nomen de mirabilibus dedit, fratres carissimi, per misericordiam Domini Dei nostri Jesu Christi suppliciter deprecemur, ut sicut hodierna sollemnitas et Apparitio, et Inluminatio, et Declaratio, ex miraculo aquæ in vinum versæ, ita in populo suo est, D
ut claritas majestatis suæ sine cessatione fulgeat, et sanctitatis lumen semper appareat, ut plebs ista suo nomine consecrata permaneat.

Collectio.

Deum qui sanctificavit Jordanis fluentia, benedixit conjugia nuptialia, fratres carissimi, deprecemur, ut cujus miracula annuis recolimus vicibus, sola ejus gratia mereamur indulgentiam peccatorum.

^a Eodem modo Evangelium hoc die in Lectionario Luxoviensi contextum est ex tribus Evangelistis Matthæo, Luca, et Johanne.

^b Nihil hic de sancta Genovefa, sic vero in Lectionario Luxoviensi. Illud observatione dignum, quod Cathedra sancti Petri hoc loco præcedit festum Assumptionis beatissimæ Virginis, quod die 18

Post nomina.

Deus qui dives es in omnibus misericordia, Pater gloriæ, qui posuisti Filium tuum, lumen in nationibus, prædicare captivis redemptionem, cæcis visum ; remissionem peccatorum, et sortem inter sanctos per fidem, qui es in Christo largus miserator, indulge.

Ad pacem.

Deus, qui per unigenitum Jesum Christum Filium tuum Dominum nostrum hodie sanctificationem salutis æternæ aquis regenerantibus præstitisti, et veniente super caput illius spiritali columba, per Spiritum sanctum ipse venisti, dona, quæsumus, ut veniat super hanc omnem ecclesiam tuam illa benedictio, quæ cunctos jugiter protegat.

Contestatio.

Vere dignum et justum est, omnipotens Deus, quia notam fecisti in populis misericordiam tuam, et salutare tuum cunctis gentibus declarasti, hodiernum declarans diem, in quo adoranda veri Regis infantia excitatos de remotis partibus viros clarior ceteris sideribus stella perduceret, et cæli ac terræ Dominum corporaliter natum, radio suæ lucis ostenderet. Propterea profusis gaudiis totus per orbem terrarum mundus exultat. Sed et supernæ concinunt potestates, hymnum gloriæ tuæ sine cessatione dicentes : Sanctus.

MISSA IN CATHEDRA SANCTI PETRI.

[Lectiones in Cathedra sancti Petri ^b.]

Epistola Petri apostoli ad gentes.

Fratres, benedictus Deus et pater Domini nostri Jesu Christi, qui secundum magnam misericordiam suam regeneravit nos in spem vitæ, per resurrectionem Jesu Christi ex mortuis, in hereditatem incorruptibilem et incontaminatam, et inmarcessibilem, conservatam in cælis.

Lectio sancti Evangelii secundum Matthæum ^c.

Tempore illo, venit Dominus Jesus in partes Cæsareæ Philippi, et interrogavit discipulos suos, dicens : Quem me dicunt homines esse filium hominis ? Qui dixerunt : Alii Johannem Baptistam, alii Eliam, alii vero Jeremiam, aut unum ex Prophetis. Dixit autem illis Dominus Jesus : Vos vero quem me esse dicitis ? Respondens Simon Petrus dixit ei : Tu es Christus filius Dei vivi. Respondens autem Dominus Jesus dixit ei : Beatus es, Simon Barjona, quia caro et sanguis non revelavit tibi, sed Pater meus qui in cælis est. Et ego dico tibi, quia tu es Petrus, et super hanc petram ædificabo Ecclesiam meam, et portæ inferi non prævalebunt adversus eam. Et tibi dabo claves regni cælorum ; et quodcumque ligaveris super terram, erit ligatum in cælis ; et quodcumque solveris super terram, erit solutum et in cælis.

Januarii olim celebrari mos erat. Ergo etiam Cathedra in Januario, ut validis argumentis probatum in notis ad Lectionarium Luxoviense, quod vel ex solo hoc loco conficitur.

^c Idem Evangelium hac die in Lectionario Luxoviensi, sed aliqua ibi addita ex Johanne, quæ hic non adduntur.

INCIPIT MISSA.

Beatissimi Petri apostoli sollemnissimum diem, in quo omne jus Gentium Judæorumque sortitus est, quem diem ipsa divinitas consecravit delegando cælorum claves, vel pontificalis cathedræ contulit dignitatem, fratres carissimi, exultantes in Domino [celebremus,] deprecantes ejus misericordiam; ut sicut beato Petro principalia munera contulit, ita et nobis peccatorum commissa concedit.

Collectio.

^a Deus qui hodierna die beatum Petrum post te dedisti caput Ecclesiæ, cum te ille vere confessus sit, et ipse a te digne prælatus sit, te supplices exoramus; ut qui dedisti Pastorem, ne quid de ovibus perderes, ut grex effugiat errores, ejus intercessionem quem fecisti ^b salvifices.

Post nomina.

Deum qui beato Petro tantam potestatem discipulo contulit, ut si ipse ligaverit, non sit alter qui solverit; et quæ in terra solverit, item cælo soluta sint, precibus imploremus; ut eductis a tartaro defunctorum spiritibus, non prævaleant sepultis inferni portæ per crimina, quas per apostoli fidem vinci credit Ecclesia.

Ad pacem.

Clementissime conditor, qui tanta caritate succendisti discipulum, ut se de nave jactatum ad te celere festinaret pede nudo per pelagus; et videns hanc dilectionem, claves ei dares siderum, voces inspicere suggerentum ^c.

Contestatio.

Vere dignum et justum est omnipotens Deus, qui dives infinitæ clementiæ copioso munere plasmam tuæ creaturæ in tantum dignaris erigere, ut vernaculo limi compatiens, homini de terrena compage claves cæli committeres, et ad judicandas tribus solium excelsæ sedis in sublimi componeres. Testis est dies hodierna beati Petri cathedra episcopatus exposita, in qua fidei merito revelationis mysterium fidei ^d, Filium Dei confitendo, prælatus apostolus ordinatur, in cujus confessione est fundamentum Ecclesiæ: nec adversus hanc Petram portæ inferi prævalent, [nec serpens vestigium exprimit, nec triumphum mors obtinet.] Quid vero beato Petro diverso sub tempore accessit laudis et gloriæ, [quæ vox, quæ lingua, quis explicet] Hinc est quod mare ^d tremulum fixo calcat vestigio, et inter undas liquidas pendula planta perambulat. Hic ad portam Speciosam contracti tendit vestigia, et tactus Petri digito claudus non indiget baculo. Hic carceratus dum dormitat, Christus pro ipso pervigilat, et retrusus ergastulo, foras procedit per angelum. Hic paralyticum erexit decubantem in lecto; hic Tabitam mu-

^a Quæ sequuntur ex hoc officio Cathedræ sancti Petri, eadem sunt in Missali Gothico.

^b In Missali mox dicto legitur, *præfecisti*.

^c Post hæc additur ibidem: *Ut quicumque ex præcepto junguntur ad osculum, livore pectoris excluso illuc per gratiam ducantur, quo cæli Petrus est janitor. Præsta, Salvator mundi, etc.*

^d Deest fidei repetitio in Missali Gothico. Ansulis

liorem revocavit de funere, et virtutem imperante, morti prædari ^e non licuit, per Christum Dominum.

MISSA IN SANCTÆ MARIE SOLEMNITATE.

[In missa sanctæ Mariæ ^f.]

Epistola Pauli apostoli ad Ephesios.

Filii, obedite parentibus vestris in Domino, hoc enim est justum. Honora patrem tuum et matrem tuam, quod est mandatum primum in promissione, ut bene sit tibi, et sis longævus super terram. Et parentes, nolite ad iracundiam provocare filios vestros, sed educate illos in disciplina et correptione Domini. Servi, obedite dominis carnalibus cum timore et tremore, in simplicitate cordis vestri, sicut Christo, non ad oculum servientes, quasi hominibus placeatis: sed ut servi Christi faciatis voluntatem ^B Dei ex animo, cum bona voluntate servientes, sicut Domino et hominibus, scientes, quoniam unusquisque quodcumque fecerit bonum, hoc percipiet a Domino, sive servus, sive liber. Et vos, domini, eadem facite illis, remittentes minas, scientes quia illorum et vester Dominus est in cælis.

Lectio sancti Evangelii secundum Lucam.

Tempore illo, ibant parentes Jesu per omnes annos in Hierusalem in die sollemni Paschæ. Et cum factus esset annorum duodecim, ascendentibus illis in Hierusolyma secundum consuetudinem diei festi, consummatisque diebus, cum redirent, remansit puer Jesus in Hierusalem, et non cognoverunt parentes ejus. Existimantes autem illum esse in comitatu, venerunt iter diei, et requirebant eum inter cognatos et notos. Et non inveniētes regressi sunt in Hierusalem, requirentes eum. Et factum est post triduum invenerunt illum in templo, sedentem in medio doctorum, audientem illos et interrogantem. Stupebant autem omnes qui eum audiebant super prudentia et responsis ejus. Et videntes admirati sunt. Et dixit mater ejus ad illum: Fili, quid fecisti nobis sic? Ecce pater tuus et ego dolentes quære-
^C bamus te. Et ait ad illos: Nesciebatis, quia in quæ patris mei sunt oportet me esse?

INCIPIT MISSA.

Omnipotens sempiternæ Deus, qui terrenis corporibus Verbi tui veritatem per venerabilem Mariam conjungi voluisti; petimus immensam clementiam tuam, ut quod in ejus veneratione deprecimur, te propiciante mereamur consequi.

Collectio.

Exaudi nos, Domine, sancte Pater, omnipotens Deus, qui beatæ Mariæ uteri obumbratione cunctum mundum inluminare dignatus es: Majestatem tuam supplices deprecamur, ut quod nostris meritis non valemus, ejus adipisci præsidii mereamur. Te, quæ-

inclusa indidem suppleuntur.

^e In Gothico, *virtute imperante prædari non licuit*. Post quæ nonnulla ibidem adduntur.

^f Hic titulus alia manu adjectus est, sed antiqua. Fuerint proinde hæ lectiones pro Vigilia Assumptionis, quæ sanctæ Mariæ sollemnitas hic appelletur; aut certe pro quovis alio ejus festo præter Assumptionem, quæ sequitur.

sumus, Domine, famulantes, ut beatæ Mariæ nos A gaudia comitentur, cujus meritis nostra deleantur chirographa peccatorum.

Post nomina.

Offerimus, Domine, preces et munera in honore sanctæ Mariæ gaudentes : præsta, quæsumus, ut et convenienter hæc agere, et remedium sempiternum valeamus adquirere.

Ad pacem.

Altario tuo, Domine, proposita munera Spiritus sanctus benignus adsumat, qui beatæ Mariæ viscera splendoris sui veritate replevit.

Contestatio.

Vere dignum et justum est, omnipotens Deus. Qui nos mirabile mysterium et inenarrabile sacramentum per venerabilem Mariam servare docuisti, in qua manet intacta castitas, pudor integer, firma conscientia. Nam in hoc matrem Domini sui Jesu se esse cognovit, quia plus gaudii contulit, quam pudoris. Lætatur ergo quod virgo concepit, quod cæli Dominum clausis portavit visceribus, quod virgo edidit partum. O magna clementia Deitatis ! quæ virum non novit et mater est, et post filium virgo est. Duobus enim gavisa est muneribus : miratur quod virgo peperit ; lætatur quod edidit Redemptorem Dominum nostrum Jesum Christum. Per quem. Sanctus.

MISSA IN ADSUMPTIONE SANCTÆ MARIE.

Lectio Apocalypsis sancti Johannis.

Et vidi, et ecce agnus stabat super montem Sion, et cum illos centum quadraginta quatuor milia habentes nomen ejus, et nomen patris ejus scriptum in frontibus suis. Et audiui vocem de cælo, tamquam vocem aquarum multarum, et tamquam vocem tonitruum magni ; et vocem quam audiui, sicut cytharædorum cytharizantium in cytharis suis. Et cantabant quasi canticum novum ante sedem, et ante quattuor animalia, et seniores : et nemo poterat dicere canticum, nisi illa centum quadraginta quattuor milia qui empti sunt de terra. Hi sunt qui cum mulieribus non sunt coinquinati, virgines enim sunt : hi qui sequuntur Agnum quocumque abierit. Hi empti enim sunt ex hominibus, primiciæ Deo et Agno, et in ore ipsorum non est inventum mendacium : sine macula sunt. Vidi angelum volantem per medium cælum ; habentem Evangelium æternum ut evangelizet sedentibus super terram, et super omnem gentem et tribum, et linguam, et populum, dicens magna voce : Timete Deum, et date illi honorem, quia venit hora judicii ejus ; et adorare eum qui fecit cælum et terram, mare et fontes aquarum.

Lectio sancti Evangelii secundum Lucam ^a.

Factum est autem dum iret Dominus ejus, intravit in quoddam castellum, et mulier quædam Martha nomine excepit illum in domo sua. Et huic erat

^a Hoc Evangelium modo etiam legitur in Assumptione Deiparæ : aliud in Lectionario Luxoviensi ex Lucæ cap. 1 : *Exsurgens Maria*, etc. In vetustissimo Calendario sancti Cyriaci ac Thermas notatur : xv Kal. Feb. *Depositio sanctæ Mariæ virginis, matris Domini nostri Jesu Christi*.

^b Eadem orationes in Lexionario Luxoviensi, sed

soror, nomine Maria, quæ etiam sedens secus pedes Domini audiebat verbum illius. Martha autem sategebat circa frequens ministerium. Quæ stetit et ait : Domine, non est tibi curæ quod soror mea reliquit me solam ministrare ? Dic ergo illi ut me adjuvet. Et respondens dixit illi Jesus : Martha, Martha, sollicita es et turbaris circa plurima. Porro unum est necessarium. Maria optimam partem elegit, quæ non auferetur ab ea.

INCIPIT MISSA.

^b Generosæ diei dominicæ Genitricis inexplicabile sacramentum, tanto magis præconabile sacramentum, quantum inter homines adsumptione Virginis singulare, apud quam vitæ integritas obtinuit filium, et mors non invenit par exemplum ; nec minus ingerens stuporem de transitu, quam exultationem ferens unico beata de partu ; non solum mirabilis pignore quod fide concepit, fratres carissimi, deprecemur ; ut ejus adjuti muniamur suffragio, quæ beata Maria de partu clara, de merito felix prædicatur post transitum.

Secreta.

Deus universalis, qui in sanctis spiritaliter, in matre vero Virgine etiam corporaliter habitasti ; caritate decens, pace gaudens, pietate præcellens ; ab angelo gratia plena, ab Helizabet benedicta, ab gentibus prædicatur beata ; cujus nobis fides mysterium, partus gaudium, pacem quam in adsumptione matris tunc præbuiisti discipulis, nobis miserere supplicibus.

Contestatio.

Vere dignum et justum est, omnipotens Deus, per Christum Dominum nostrum. Quo fidelis Israel egressa est de Ægypto ; quo virgo Dei genitrix Maria de mundo migravit ad Christum, ^c et germine gloriosa, adsumptione secunda, paradisi dote prælata, damna de coetu, sumens vota de fructu ; non subdita labori per partum, non dolori per transitum ; speciosus thalamus, de quo decorus procedit sponus lux gentium, spes fidelium, prædo demonum, confusio Judæorum, vasculum gloriæ, templum cæleste [cujus juvenulæ melius prædicantur] merita, cum veteris Evæ conferentur exempla. Si quidem ista mundo vitam protulit ; illa legem mortis invexit : illa psævaricando nos perdidit ; ista generando servavit : illa nos pomo arboris in ipsa radice percussit ; ex hujus virga flos exiit qui nos odore refecerit, et fruge curavit : illa maledictione in dolore generat ; ista benedictione in salute : illa perfidia serpenti consensit, conjugem decepit, prolem damnavit ^d, nisi etiam tali matri adornasset egressum. Recte ab ipso suscepta es in adsumptione feliciter, quem pie suscepisti conceptura per fidem : ut qui terræ non eras conscia, te non teneret rupis inclusa. Vere diversis infolis anima redimita, cui Apostoli sacrum reddunt

illic prolixiores, et aliæ plures. Contestatio fere eadem. Omissa hic Collectio post nomina.

^c Addit Missale Gothicum : *Quæ nec de corruptione suscepit contagium, nec resolutionem pertulit in sepulcro : pollutione libera, germine, etc.*

^d Hic multa supplenda sunt ex Missali Gothico.

obsequium, Angeli cantum, Christus amplexum, nubis veicolum, adsumptio paradisum, in choris virginum gloria tenens principatum, per quem laudant Angeli.

MISSA QUADRAGINSIMALIS.

Lectio libri Regum quæ legitur initio Quadragesimæ ^a.

Tempore illo, venit Elias in Bersabee Juda, et dimisit ibi puerum suum, et perrexit in deserto viam unius diei. Cumque venisset, et sedisset subter unam juniperum, petivit animæ suæ ut moreretur, et ait: Sufficit mihi, Domine, tolle animam meam. Neque enim melior sum quam patres mei. Projecitque se, et obdormivit in umbra juniperi. Et ecce angelus Domini tetigit eum, et dixit illi: Surge, et comede. Respexit, et ecce ad caput suum subcinericius panis, et vas aquæ. Comedit ergo, et bibit; et rursum obdormivit. Reversusque est angelus Domini secundo, et tetigit eum, dixitque illi: Surge, grandis enim tibi restat via. Qui cum surrexit, comedit et bibit, et ambulavit in fortitudine cibi illius quadraginta diebus, et quadraginta noctibus usque ad montem Dei Oreb. Cumque venisset in spelunca, et ecce sermo Domini ad eum, dixitque ei: Quid hic agis, Helia? At ille respondit: Zelo zelatus sum pro Domino exercituum, quia dereliquerunt filii Israel pactum tuum, et prophetas tuos occiderunt gladio, et derelictus sum ego solus; et quærent animam meam ut auferant eam. Et ait ei: Egrederere, et sta in monte coram Domino. Et ecce Dominus transit, et spiritus grandis et fortis, subvertens montes, et conterens petras ante Dominum. Non in spiritu Dominus. Et post spiritum commotio: non in commotione Dominus. Et post commotionem ignis: non in igne Dominus. Et post ignem sibilus aëtræ tenuis: ibi Dominus. Quod cum audisset Helias, operuit vultum suum pallio, et egressus stetit in ostio speluncæ, et ecce vox ad eum dicens: Quid hic agis, Helia? Et ille respondit: Zelo zelatus sum pro Domino exercituum, quia dereliquerunt pactum tuum filii Israel. Altaria tua destruxerunt, et prophetas tuos occiderunt gladio; et derelictus sum ego solus, et quærent animam meam ut auferant eam. Et ait Dominus ad eum: Vade, revertere viam tuam per desertum in Damascus.

Epistola Pauli apostoli ad Corinthios, in Quadragesima ^b.

Fratres, ecce nunc tempus acceptabile; ecce nunc dies salutis. Nemini dantes ullam offensionem, ut non vituperetur ministerium nostrum: sed exhibeamus in omnibus nosmetipsos, sicut Dei ministros, in multa patientia, in tribulationibus, in necessitatibus, in angustiis, in plagis, in carceribus, in seditionibus, in laboribus, in vigiliis, in jejuniis, in castitate, in scientia, in longanimitate, in suavitate, in Spiritu

^a Hic *Quadragesimæ* vocabulum: et ita scribendum more illius temporis, patet ex sequentibus, et ex *Lectionario Luxoviensi* ac *Missali Gothico*. Nihil hic de *Septuagesima*, *Sexagesima* et *Quinquagesima*. Lege adnotata ad *Lectionarium Luxoviense* pag. 123 [lib. de Lit. Gall.]. In *Gothico* pariter legitur: *Ordo missæ in initium Quadragesimæ*, id est pro Dominica

Sancto, in caritate non ficta, in verbo veritatis, in virtute Dei; per arma justitiæ a dextris et sinistris, per gloriam et ignobilitatem, per insaniam et bonam famam, ut seductores et veraces; sicut qui ignoti, et cogniti; quasi morientes, et ecce vivimus, ut castigati, et non mortificati; quasi tristes, semper autem gaudentes; sicut egentes, multos autem locupletantes; tamquam nihil habentes, et omnia possidentes, in Christo Jesu Domino nostro.

Lectio sancti Evangelii secundum Matthæum.

Diebus illis, dixit Dominus Jesus discipulis suis: Adtendite ne justitiam vestram faciatis coram hominibus, ut videamini ab eis. Alioquin mercedem non habebitis apud Patrem vestrum qui in cælis est. Cum ergo facis eleemosynam, noli tuba canere ante te, sicut hypocritæ faciunt in synagogis et in vicis, ut honorificentur ab hominibus. Amen dico vobis, receperunt mercedem suam. Te autem faciente eleemosynam, nesciat sinistra tua quid faciat dextera tua, ut sit eleemosyna tua in abscondito, et Pater tuus qui videt in abscondito, reddet tibi. Et cum oratis, non eritis sicut hypocritæ, qui amant in synagogis et in angulis platearum stantes orare, ut videantur ab hominibus. Amen dico vobis, receperunt mercedem suam. Tu autem cum orabis, intra in cubiculum tuum, et clauso ostio tuo, ora Patrem tuum in abscondito; et Pater tuus qui videt in abscondito, reddet tibi. Orantes autem nolite multum loqui sicut hynici, putant enim quod in multiloquio suo exaudiantur. Nolite ergo adsimilari eis. Scit enim Pater vester quibus opus sit vobis, antequam petatis eum.

INCIPIE MISSA.

Omnipotens æterne Deus, ut quadragesimale hoc jejunium et competentibus inchoemus obsequiis, et tibi placitis effectibus celebremus, humani generis Conditor et Redemptor largire propitius, et continentiam nostræ salutis misericors exaudias. Per.

Collectio.

c Deus abstinentiæ, Deus castimoniæ, qui libenter jejunantium humilitate placaris, et humiliantium se precibus benignus infleceris; exaudi preces nostras in hac hodierna die, quo quadragesimale inchoamus jejunium; et diversarumurbationum, quibus gradimur, tempestate discussa, continentiam nobis a vitiis tuæ benignitatis infunde.

Post nomina.

Unanimes atque concordēs Dominum Deum nostrum, fratres carissimi, deprecemur, ut jejunium nostrum sit remissio peccatorum, et dono gratiæ suæ castigationem corporum profectus mentium consequantur. Per.

Ad pacem.

Jejunia nostra, quæsumus, Domine, ut nos a rea-

prima, aut die sequenti, ut conjicimus. Necdum enim Quadragesima tunc incipiebat a feria 4 Cinerum.

b Eadem lectio hic in *Luxoviensi Lectionario*, in quo deficiunt ea quæ pertinent ad sequentes Quadragesimæ dies.

c Eadem Collectio in *Missali Gothico*, eademque ut infra Contestatio; ibidem, page 220.

libus nostrorum criminum solvant, et tuam nobis A
justitiam faciant esse placabilem, et concordēs nos
vinculo per complexum osculi nectant.

Contestatio.

Vere dignum et justum est omnipotens Deus, per
Christum Dominum nostrum. Qui est filius tuus uni-
genitus, manens in gloria tua, in quo jejunantium
fides alitur, spes provehitur, caritas roboratur. Ipse
est enim panis vivus et verus, qui de cælo descendit,
et habitat semper in cælo, qui est substantia æter-
nitatis, et esca virtutis. Verbum enim tuum, per quod
facta sunt omnia, non solum humanarum mentium,
sed et ipsorum quoque panis est angelorum. Hujus
panis alimento Moyses famulus tuus quadraginta
diebus et noctibus legem accipiens jejunavit, et a
carnalibus cibis, ut tuæ suavitatis capacior esset, B
abstenuit, de verbo tuo vivens : cujus dulcedine vi-
vebat in spiritu, et lucem accipiebat in vultu. Unde
nec famem corporis sensit, et terrenarum est oblitus
escarum; quia illum gloriæ tuæ clarificabat aspectus,
et influente spiritu Dei sermo pascebat. Hunc panem,
Domine, nobis ministrare non desinas, quem ut
sitiamus * indesinenter hortaris : CUJUS CARNE A TE
IPSO SANCTIFICATA DUM PASCIMUR, roboramur; ET
SANGUINE DUM POTAMUR, abluimur, per Christum
Dominum nostrum.

ITEM MISSA JEJUNII.

Epistola Pauli apostoli ad Corinthios, legenda in Jejunio b.

Fratres, libenter suffertis, secundum ignobilitatem
dico, quasi nos infirmi fuerimus, in quo quis audet,
in insipientia dico, audeo et ego. Hebræi sunt, et
ego : Israelitæ sunt, et ego : semen Abrahamæ sunt,
et ego : ministri Christi sunt, ut minus sapiens dico,
plus ego : in laboribus plurimis, in carceribus abun-
dantius, in plagis supra modum, in mortibus frequen-
ter. A Judæis quinquenis quadragenas una minus
accepi. Ter virgis cæsus sum, semel lapidatus sum,
ter naufragium feci, nocte et die in profundo maris
fui. In itineribus sæpe, periculis fluminum, periculis
latronum, periculis ex genere, periculis ex gentibus,
periculis in civitate, periculis in solitudine, periculis
in mari, periculis in falsis fratribus. In labore et
ærumna, in vigiliis multis, in fame et siti, in jeju-
niis frequenter, in frigore et nuditate; sollicitudo
omnium ecclesiarum in Christo Jesu.

Lectio sancti Evangelii secundum Matthæum.

* D. Cum jejunatis, nolite fieri, sicut hypocritæ,
tristes. Exterminant enim facies suas, ut pareant
hominibus jejunantes. Amen dico vobis, receperunt
mercedem suam. Tu autem cum jejunas, unge caput
tuum, et faciem tuam lava, ne videaris hominibus
jejunans, sed Patri tuo, qui est in abscondito; et Pa-
ter tuus qui videt in abscondito, reddet tibi.

* Forte legendum, *esuriamus*.

b Epistola hæc in Ordine Romano legitur Domi-
nica Sexagesimæ.

c Id est, *Dixit Dominus Jesus discipulis suis*.

d Hæc item Collectio in Gothico pro secunda missa
jejunii : ubi non aliter quam hic missæ inscribuntur,
non, ut solet, pro Dominica prima, secunda, tertia,

INCIPIT MISSA.

d Omnipotens sempiternus Deus, qui nobis in ob-
servatione jejunii et eleemosynarum semine, posuisti
nostrorum remedia peccatorum, concede, quæsu-
mus, nos opere mentis et corporis semper tibi esse
devotos.

Collectio.

Deus, qui ad animarum medellam jejunii devo-
tione castigare corpora præcepisti, concede, quæsu-
mus, ut corda nostra ita pietatis tuæ valeant exercere
mandata, quatenus ab omnibus semper possimus
abstinere peccatis.

Post nomina.

Deus, omnium pie jejunantium spes, salus, gloria,
præsta ut imposita altaribus tuis munera, quæ pro
nostris nostrorumque peccatis studio piæ devotionis
offerimus, propicius et benignus aspicias, benedi-
cendo benedicas, et nobis sanctificata custodias.

Ad pacem.

Deus, qui ad hoc nobis dignatus es donare jeju-
nium, ut abstinencia et castigatione carnali in fide
inveniamur stabiles, in operibus efficaces; jejunia
nostra suscipiens, da nobis ut sine disceptationis
impuritate * in dilectione sinceri, manus nostras ad
te puras levare possimus.

Contestatio.

Vere dignum et justum est, omnipotens Deus, tibi
sanctificare jejunium, quod nobis ab initio sæculi
servare docuisti. Magnam enim in hoc munere cor-
poribus gratiam contulisti : quod si illa humani ge-
neris mater interdictam sibi arborem custodisset,
immortalitatem retinisset et patriam. Sed peccatum
matris antiquæ, quod illicita ligni vetiti usurpatione
commisit, et nostris oramus absolve jejunii; ut quæ
de paradiso non abstinendo cecidimus, eodem nun-
quam jejunando redeamus, per Christum Dominum no-
strum.

ITEM MISSA JEJUNII.

Epistola Pauli apostoli ad Romanos.

Fratres, vivo ego, dicit Dominus, quoniam mihi
flectit omne genu, et omnis lingua confitebitur Deo
Itaque unusquisque nostrum pro se rationem reddat
Deo. Non ergo amplius invicem judicemus; sed huius
judicate magis, ne ponatis offendiculum fratri
scandalum. Scio et confido in Domino Jesu. Si enim
propter cibum frater tuus contristatur, jam non
secundum caritatem ambulas. Noli cibo tuo illam
perdere, pro quo Christus mortuus est. Non enim
blasphemetur bonum nostrum. Non est regnum Dei
esca et potus, sed justitia, et pax, et gaudium in Spi-
ritu sancto. Qui enim servit Deo, probatus est homi-
nibus.

etc., sed : *item alia missa Jejunii*. In eodem Gothico
habentur tantum sex missæ ante missam in Symboli
traditione, quæ fiebat in Dominica Palmarum : ne-
que hic plures.

* Legebatur in exemplari, *disceptatione puritate*;
sed manifestum mendum hoc modo indubie sanan-
dum.

Lectio sancti Evangelii secundum Matthæum *.

Simile est regnum cælorum homini patrifamilias, qui exiit primo mane conducere operarios in vineam suam. Conventione autem facta cum operariis ex denario diurno, misit eos in vineam suam. Et egressus circa horam tertiam, vidit alios stantes in foro otiosos, et illis dixit : *Ite et vos in vineam meam, et quod justum fuerit dabo vobis. Illi autem abierunt. Iterum exiit circa sextam et nonam horam, et fecit similiter. Circa undecimam vero exiit, et invenit alios stantes, et dicit illis : Quid hic statis tota die otiosi ? Dicunt ei, quia nemo nos conduxit. Dicit illis : Ite et vos in vineam. Cum sero autem factum esset, dicit dominus vineæ procuratori suo : Voca operarios, et redde illis mercedem, incipiens a novissimis usque ad primos. Cum venissent ergo qui circa undecimam horam venerant, acceperunt singulos denarios. Venientes autem et primi, arbitrati sunt quod plus essent accepturi ; acceperunt autem et ipsi singulos denarios. Et accipientes murmurabant adversus patremfamilias, dicentes : Hii novissimi una hora fecerunt, et pares nobis illos fecisti, qui portavimus pondus diei et æstus. At ille respondens uni eorum dixit : Amice, non facio tibi injuriam. Nonne ex denario convenisti mecum ? Tolle quod tuum est, et vade. Volo autem et huic novissimo dare sicut et tibi. Aut non licet mihi quod volo facere ? An oculus tuus nequam est, quia ego bonus sum ? Sic erunt novissimi primi, et primi novissimi. Multi enim sunt vocati, pauci vero electi.*

INCIPIIT MISSA.

Memores cælestium præceptorum, fratres carissimi, peccata nostra coram Domino defleamus, serentes in lacrymis, quod metamus in gaudiis. Simus in oratione adsidui, in jejuniis prompti, in elemosynis hilares, ut promissæ retributionis gloriam devota fide et futura operatione mereamur.

Collectio.

Tempus hoc sacratissimum, fratres dilectissimi, vehementi devotione ac sollicitudine celebremus, in quo Dominus noster quadraginta dierum vel noctium cursum absque ullo ejus juvamine sub indumento corporis jejunavit. Nam sicut reliquo anni tempore jejunare præmium est : ita in his diebus non jejunare peccatum est ^b. Illa enim voluntaria sunt jejunia, ista necessaria ; illa de arbitrio, ista veniunt de mandato ; ad illa denique invitamur, ad ista compellimur. Precemur ergo Dominum, ut nobis tribuat remissionem peccaminum. Per.

Post nomina.

Efficiatur hæc hostia, Domine, quæsumus, sollemnibus grata jejuniis ; et ut tibi fiat acceptior, purificatis mentibus immoletur.

* Hoc Evangelium in Ordine Romano legitur Dominica Septuagesimæ. Idem ipsum in Africana Ecclesia lectum est tempore vindemiæ, vivente Augustino, ex sermone ad populum 87. Itemque ipso die Natalis Domini, ex sermone 49. Sed hæc Lectiones non erant solemnes pro sacris mysteriis, sed tantum ad sermonis materiam : ad quam continua librorum sacrorum lectio fiebat, ut patet ex sermonibus 152, 154,

Ad pacem.

^c Accepta tibi sint, Domine, quæsumus, nostri dona jejunii, quæ expiando nos tuæ gratiæ dignos efficiant et ad sempiterna promissa perducant.

Contestatio.

Vere dignum et justum est, omnipotens Deus, suppliciter exorare, ut cum abstinencia corporali mens quoque nostra sensus declinet illicitos ; et quæ terrenæ felicitatis carnalibus epulis abnegamus, humanæ voluntatis pravis intentionibus amputemus, ut ad Sancta sanctorum ^d [pie] fideliterque capienda competenti jejunio [pervenire] valeamus. Per Christum Dominum nostrum.

ITEM MISSA JEJUNII.

Epistola Pauli apostoli ad Romanos.

Fratres, odientes mala, adhærentes bono, caritate fraternitatis invicem diligentes, honore invicem prævenientes, sollicitudine non pigri, spiritu ferventes, Domino servientes, spe gaudentes, in tribulatione patientes, orationi instantes, memoriiis sanctorum communicantes, hospitalitatem sectantes. Benedicite, et nolite maledicere : gaudere cum gaudentibus, flere cum flentibus ; id ipsum invicem sentientes, non alta sapientes, sed humilibus consentientes in Christo.

Lectio sancti Evangelii secundum Lucam.

Diebus illis, dicebat Dominus Jesus parabolam ad discipulos suos, quoniam oportet semper orare, et non deficere, dicens : Judex quidam erat in quadam civitate, qui Deum non timebat, et hominem non reverebatur. Vidua autem quædam erat in civitate illa, et veniebat ad eum, dicens : Vindica me de adversario meo ; et nolebat per multum tempus. Post hæc autem dixit intra se : Et si Deum non timeo, nec hominem revereor ; tamen quia molesta est mihi hæc vidua, vindicabo illam, ne in novissimo veniens, sugillet me. Ait autem Dominus : Audite quid judex iniquitatis dicit. Deus autem non faciat vindictam electorum suorum, clamantium ad se die ac nocte, et patientiam habebit in illis ? Dico vobis, quia cito faciet vindictam illorum. Verumtamen Filius hominis veniens, putas inveniet fidem in terra ? Dixit autem ad quosdam Dominus Jesus qui in se confidebant, tamquam justi, et aspernabantur ceteros parabolam istam : Duo homines ascenderunt in templum ut orarent, unus Pharisæus, et alter Publicanus. Pharisæus stans hæc apud se dicebat : Deus, gratias ago tibi, quia non sum sicut ceteri hominum, raptores, injusti, adulteri, velut etiam hic Publicanus. Jejuno bis in sabbato, decimas do omnium quæ possideo. Et Publicanus a longe stans nolebat nec oculos ad cælum levare, sed percutiebat pectus suum dicens : Deus propicius esto mihi peccatori. Dico vobis, des-

155, 159, 183.

^b Notandus hic locus de præcepto jejunii Quadragesimalis.

^c Eadem fere Collectio in Romano feria 3 hebdomadæ Passionis.

^d Id est Eucharistiam seu communionem Paschalem.

cendit hic justificatus in domum suam ab illo : quia omnis qui se exaltat, humiliabitur ; et qui se humiliat, exaltabitur.

INCIPIT MISSA.

Deus, cui omnis creatura pro suo ordine serviens famulatur subjecta, in hac jejunii humiliatione preces nostras exaudi propicius.

Collectio.

Jejunii incurvatione pro nostris reatibus et delictis miserere, quæsumus, Domine, et a continuis vitiis occupatos, ad virtutes propiciatus respicere dignare.

Post nomina.

Præsta nobis, misericors Deus, ut munera nostra pro jejunii sanctificatione oblata Spiritus sanctus assumat, et ad te toto corde clamantes propiciationis tuæ indulgentiam consequamur.

Ad pacem.

Omnipotens et misericors Deus, exaudi preces jejunantium Christianorum, et misericordiæ tuæ munus, omni cessante fraudulentia, propicius impende ; ut per conjunctionem pacis omnes a te comprehensam, securis tibi mentibus serviamus.

Contestatio.

* Vere dignum et justum est te auctorem et sanctificatorem jejunii conlaudare, per quod liberas a nostrorum debitis peccatorum. Ergo suscipe libens jejunantium preces, adque nos a malis omnibus propitiatus eripias ; iniquitates nostras, quibus juste adfligimur, rogamus absolve per Christum Dominum, etc.

ITEM MISSA JEJUNII.

Epistola Pauli apostoli ad duodecim tribus.

Fratres, Deus elegit pauperes in hoc mundo, divites in fide, et heredes regni, quod repromisit Deus diligentibus se ^b.

Lectio sancti Evangelii secundum Johannem.

Diebus illis, dixit dominus Jesus discipulis suis : Amen, amen dico vobis, nisi granum frumenti cadens in terra mortuum fuerit, ipsum solum manet ; si autem mortuum fuerit, multum fructum adfert. Qui amat animam suam, perdit eam ; qui [autem] odit animam suam in hoc mundo, in vitam æternam custodit eam. Si quis mihi ministraverit, me sequatur ; et ubi sum ego, illic et minister meus erit. Si quis mihi ministraverit, honorificabit eum Pater meus, qui est in cælis.

INCIPIT MISSA.

Dominum Deum nostrum, fratres carissimi, in hac nostri humiliatione jejunii supplices deprecemur ; ut observantiam, quam corporaliter exhibemus, mentibus etiam valeamus exercere sinceris, et castigatio nostrorum corporum profectui militet animarum.

Secreta.

Unanimes adque concordēs Dominum Deum no-

* Eadem in Missali Gothico, pag. 233.

^b Hæc Epistola non videtur descripta fuisse integra qualis ad missam tunc recitabatur. Quod etiam de quibusdam aliis, quæ hic breviores sunt, conjicimus.

strum deprecemur : ut jejunium nostrum sciatio nostra, et dono gratiæ suæ, castigationum porum profectus mentium consequantur.

Contestatio.

Vere dignum et justum est. Qui fideles t solum cibis corporalibus pacis, sed etiam spiritibus misericors reficis, ac præstas, ut qui d diso in primo parente per inobedientiam novendo cecidimus, per Christi Domini nostri o tiam jejunando redeamus ; et quibus per cibum inlata mors fuerat, per crucis lignum salus redderetur. Quem merito venerantur sedes, tur throni, cunctusque senatus cælestium potum cum beata seraphim proclamant ; SANCTUS.

Contestatio de Joseph ^c.

B Vere dignum et justum est omnipotens De Christum Dominum nostrum. Cujus typum portans, immenso amore a patre diligitur, in odio a fratribus reportatur. Illum denique fratres sui propter mysteria somniorum ; estum Dominum persequiebantur Judæi propter festationem virtutum. Ille ad visitandum populo Deo patre piissimo destinatur ; ille errabat in desertum, ut inveniret fratres, qui noscebantur res. Hic Christus Dominus prædicabat in populo ab errore converteret peccatores. Illum in I vendiderunt fratres, et occidere tractaverunt Christum Dominum Bethania Lazarum susceperunt Judæi, et crucifigere statuerunt. cisterna servandus reputatur ; hic custodiæ i

C deputatur. Ille a fratribus ; hic Christus Dominus Judæis traditur. Ille Ismaelitis triginta argentis datus in deserto ; hic Christus Dominus trigenteis a Judæis. Illum fratres vendiderunt in hunc milites exspoliaverunt. Ille addicitur se hic Christus Dominus adligitur cruci. Ille in descendit ; hic Christus Dominus in ligno pendit. Cum illo duo damnati servantur in carcere ; cum isto Domino duo latrones adjunguntur in crucem damnatis somnia exponit ; Christus Dominus præmia promittit æterna. Joseph de ergastulo componitur ; Christus Dominus infernum exorsus aggreditur. Ille post tribulationem pervenit in Ierusalem ; Christus Dominus post resurrectionem phans ascendit ad Patrem. Ille frumenta dicit in Ægypto ; hic Eucharistiam consecravit in Ierusalem. Ille a fratribus est adoratus in terris ; hic Christus Dominus ab angelis jugiter adoratur in cælis.

Contestatio quando de manna legitur ^d.

Vere dignum et justum est, omnipotens Deus, qui jussu manna de cælo descendit, similique de virga percusso silice aqua parturiens, et cum saxum in stagnum manantibus rivis et aquis unda sulcabat. Nam totus iste mundus, manifestissime fuit heremus, venit ad petram

^c Nempe quando Joseph patriarchæ historiam legitur infra.

^d Id intelligendum videtur de Evangelio, quod tertia Dominica Quadragesimæ assignatur in

Christus. Crucis virga percussus lancea latus ejus aperuit, aquas vivas evomuit, unde simul bibit omnis credulitas gentium, qui numquam sitiet in æternum. Cui merito.

Item Contestatio in medio Quadragesimæ.

Vere dignum et justum est, omnipotens Deus-Quem nullus potentiam majestatis tuæ offensus effugere potest, nec ante faciem nominis tui eriperetur læsus; qui aras ædificat in consecratione adversarii, ut maledicat cui tu benedicis. Quænam Balaac insidiator petit populo maledici; sed jussu tuo prophetatus Balaam benedixit, laudans tabernacula Jacob, et benedicens tentoria tua Israel. Unde te, Domine Deus omnipotens, deprecamur, quia cælos tenes, et abyssos regis, ut virga quæ egressa est de Jacob, et consurgit de Israel, dominetur cunctis gentibus, benedicat hereditatem, quam suo sanguine adquisivit Dominus noster Jesus Christus Filius tuus. Cui merito.

Lectio sancti Evangelii secundum Matthæum quæ legitur initio Quadragesimæ ^a.

Tempore illo ductus est Dominus Jesus in desertum a Spiritu ut temptaretur a diabolo. Et cum jejunasset quadraginta diebus et quadraginta noctibus, postea esuriit. Et accedens temptator dixit illi: Si filius Dei es, dic ut lapides isti panes fiant. Qui respondens dixit: Scriptum est, non in pane solo vivit homo, sed in omni verbo, quod procedit de ore Dei. Tunc adsumpsit eum diabolus in sanctam civitatem, et statuit eum super pinnaculum templi, et dixit ei: Si filius Dei es, mitte te deorsum. Scriptum est enim, quod angelis suis mandavit de te, ut manibus tollant te, ne forte offendas ad lapidem pedem tuum. Ait illi iterum Jesus: Rursus scriptum est, non tentabis Dominum Deum tuum. Iterum adsumpsit eum diabolus in montem excelsum valde, et ostendit ei omnia regna mundi et gloriam eorum, et dixit illi: Hæc tibi omnia dabo, si procidens adoraveris me. Tunc dicit ei Jesus: Vade retro, Satanas. Scriptum est: Dominum Deum tuum adorabis, et illi soli servies. Tunc reliquit eum diabolus; et ecce angeli accesserunt, et ministrabant ei.

Lectio sancti Evangelii secundum Lucam, quando historia de Joseph legitur ^b.

Homo quidam habuit duos filios, et dixit adolescentior ex illis patri: Pater, da mihi portionem substantiæ quæ me contingit. Et divisit illis substantiam. Et non post multos dies, congregatis omnibus, adolescentior filius peregre profectus est in regionem longinquam, et ibi dissipavit substantiam suam, vivendo luxuriose. Et postquam omnia consummasset, facta est fames valida in regione illa, et ipse cæpit egere. Et abiit, et adhæsit uni civium re-

gionis illius, et misit illum in villam suam ut pasceret porcos, et cupiebat implere ventrem suum de siliquis quas porci manducabant, et nemo illi dabat. Ipse autem reversus dixit: Quanti mercenarii patris mei abundant panibus, ego autem hic fame pereor! Surgam, et ibo ad Deum meum, et dicam illi: Pater, peccavi in cælum et coram te, et jam non sum dignus vocari filius tuus, fac me sicut unum de mercenariis tuis, et surgens venit ad patrem suum. Cum autem adhuc longe esset, vidit illum pater ipsius, et misericordia motus est: et adcurrrens cecidit supra collum ejus, et oscolatus est illum. Dixitque ei filius: Pater, peccavi in cælum et coram te, et jam non sum dignus vocari filius tuus. Dixit autem pater ad servos suos: Cito proferte stolam primam, et induite illum; et date anolum in manu ejus, et calceamenta in pedes; et adducite vitulum saginatum, et occidite; et manducemus, et epulemur: quia hic filius meus mortuus erat, et revixit; perierat, et inventus est.

Lectio sancti Evangelii secundum Johannem, quæ legitur tertia Dominica.

Diebus illis loquentes turbæ ad Dominum Jesum, dixerunt: Quid faciemus ut operemur opera Dei? Respondit Jesus et dixit eis: Hoc est opus Dei ut credatis in eum quem misit ille. Dixerunt ergo ei: Quod ergo tu facis signum, ut videamus et credamus tibi? quid operaris? Patres nostri manna manducaverunt in deserto, sicut scriptum est: Panem de cælo dedit eis manducare. Dixit ergo eis Jesus: Amen amen dico vobis, non Moyses dedit vobis panem de cælo, sed Pater meus dat vobis panem de cælo verum. Panis enim Dei est qui descendit de cælo, et dat vitam mundo. Dixerunt ergo ad eum: Domine, semper da nobis panem hunc. Dixit autem eis Jesus: Ego sum panis vitæ. Qui venit ad me, non esuriat; et qui credit in me, non sitiet unquam. Sed dixi vobis, quia et vidistis me, et non creditis. Omne quod dat mihi Pater, ad me venit; et eum qui venit ad me, non ejiciam foras. Quia descendi de cælo, non ut faciam voluntatem meam, sed voluntatem ejus qui misit me Patris; ut omne quod dedit mihi, non perdam ex eo, sed resuscitem illum in novissimo die. Hæc est enim voluntas patris mei qui misit me, ut omnis qui videt Filium, et credit in eum, habeat vitam æternam, et resuscitabo eum in novissimo die. Murmurabant ergo Judæi de illo, quia dixisset, ego sum panis qui de cælo descendi; et dicebant: Nonne hic est Jesus filius Joseph, cujus nos novimus patrem et matrem? Quomodo ergo dicit hic, quia de cælo descendi? Respondit ergo Jesus et dixit eis: Nolite murmurare in invicem. Nemo potest venire ad me, nisi Pater qui misit me, traxerit eum, et ego resuscitabo eum in novissimo

^a Non ergo ex ordine Lectiones accurate hic despositæ. Idem Evangelium hodie quoque in Romano Dominica prima Quadragesimæ, quæ initio Quadragesimæ hoc loco designari videtur, olim caput Quadragesimæ etiam in Ecclesia Romana, ex notis Bernardi nostri in Sacramentarium, pag. 52.

^b Hæc historia nunc in Romano legitur ad Matu-

tinæ Dominica tertia Quadragesimæ, ut Evangelium de filio prodigo Sabbato præcedente: quo die pro Epistola Missæ est eadem Josephi historia. Videtur autem hic assignari pro Dominica secunda Quadragesimæ, nam præcedens est pro prima, subsequens pro tertia.

die. Est scriptum in Prophetis : Et erunt omnes do-
cibiles Dei. Omnis qui audit a Patre, et didicit, ve-
nit ad me. Non quia Patrem vidit quisquam, nisi is
qui est a Deo, hic vidit Patrem. Amen amen dico
vobis, qui credit in me, habet vitam æternam. Ego
sum panis vitæ. Patres vestri manducaverunt in de-
serto manna, et mortui sunt. Hic est panis de cælo
descendens, ut si quis ex ipso manducaverit, non
moriatur. Ego sum panis vivus qui de cælo descendi.
Si quis manducaverit ex hoc pane, vivet in æternum;
et panis quem ego dabo, caro mea est pro mundi
vita. Litigabant ergo Judæi ad invicem dicentes :
Quomodo potest hic carnem suam nobis dare ad
manducandum? Dicit ergo eis Jesus : Amen amen
dico vobis, qui manducat meam carnem, et bibit
meum sanguinem, habet vitam æternam, et ego
resuscitabo eum in novissimo die.

MISSA IN SYMBOLI TRADITIONE.

In Symbolum ad aurium apertionem ad electos^a.

Aperturi vobis, carissimi, Evangelia, id est, gau-
dia divina; prius ordine insinuare debemus, quid
Evangelium sit, et unde descendat; et cujus in eo
verba ponantur; et quare quattuor sint qui hæc
gesta scripserunt; vel qui sunt ipsi ii quattuor, qui
divino Spiritu, adnuntiante propheta, ante signati
sunt: ne forte sine hac ordinis ratione vel causa
stuporem relinquamus, ut qui ad hoc venistis ut au-
res vobis aperiantur, ne incipiat sensus vester ob-
tundi. Evangelium dicitur proprie, bona adnuntiatio.
Quæ utique adnuntiatio est Jesu Christi Domini
nostri. Descendit autem Evangelium ab eo quod ad-
nuntiet et ostendat, quod is qui per prophetas suos
loquebatur, venit in carne, sicut scriptum est: Qui
loquebar ecce adsum. Explicantes ergo breviter quid
sit Evangelium, vel qui sunt ii quattuor qui per pro-
phetam ante monstrati sunt, nunc figuras atque no-
mina singula adsignemus indicitiis. Ait enim Propheta
Ezechiel: Et similitudo vultus eorum ut facies ho-
minis, ut facies leonis a dextris illius; et facies vi-
tuli, et facies aquilæ a sinistris illius. Hos quattuor
has figuras habentes Evangelistas esse non dubium
est. Sed nomina eorum qui Evangelia scripserunt,
hæc sunt: Matthæus, Marcus, Lucas, Johannes.

Post hæc legit diaconus.

Liber generationis Jesu Christi filii David, filii
Abraham. Abraham genuit Isaac, Isaac autem genuit
Jacob, Jacob autem genuit Judam et fratres ejus.
Christi autem generatio sic erat.

Post hæc tractat^b presbyter.

Filii carissimi, exponamus vobis ut quam figuram
unusquisque in se contineat, et quare Matthæus figu-
ram hominis habeat. Quia initio suo nihil aliud agit,
nisi nativitatem Salvatoris, pleni ordinis generatio-
nes enarrat.

^a Hæc aurium apertio præmittebatur traditioni
Symboli: quæ traditio fiebat Dominica Palmarum
ex notis ad Lectionarium Luxoviense.

^b Id est *exponit*. Hinc *tractatus Patrum* appellati

Incipit secundum Marcum.

Legit diaconus.

Initium Evangelii Jesu Christi Filii Dei
scriptum est in Esaia propheta: Ecce mitti
lum meum ante faciem tuam, qui præpara-
tuam ante te. Vox clamantis in deserto: Para
Domini, rectas facite semitas ejus.

Exponit presbyter.

Marcus Evangelista leonis gerens figuram
tudine incipit dicere: Vox clamantis in d
Parate viam Domini. Sive quia regnat invict
jus leonis multifarie invenimus exempla, ut
cet dictum illud: Juda filius meus, catulus
de germine mihi recubans, dormisti ut leo
catulus leonis, quis excitabit eum?

Incipit secundum Lucam.

Legit diaconus.

Fuit in diebus Herodis regis Judæ sacer-
dam, nomine Zacharias, de vice Abia, et ux-
or de filiabus Aaron, et nomen ejus Elizabeth.

Exponit presbyter.

Lucas evangelista speciem vituli gestat: s
instar Salvator noster est immolatus. Et ide
vitulo comparatur, quia duo cornua, duo test
et quattuor pedum ungulas quattuor Evange-
linebant.

[Incipit secundum Johannem.]

[Legit diaconus.]

In principio erat Verbum, et Verbum era-
Deum, et Deus erat Verbum. Hoc erat in p
apud Deum. Omnia per ipsum facta sunt,
ipso factum est nihil.

Exponit presbyter.

Joannes habet similitudinem aquilæ, quo
alta petierit. Ait enim David ex persona C
Renovabitur sicut aquilæ juvenus tua, id
Christi Domini nostri, qui resurgens a mori-
cendit in cælos. Unde jam vobis conceptis:
gloriatur Ecclesia, nova tendere Christian
exordia.

Incipit expositio Symboli^c.

Sacramenta divina, fratres carissimi, n
discutienda sunt, quam credenda; et nec c
tantummodo, sed et timenda: nec potes
fidei disciplinam, qui non habuerit fundam-
timoris Domini, sicut ait Salomon: Initi
pientie timor Domini. Qui enim timet De-
in omnibus, quæ dicuntur a Deo, et sapien-
fidelis. Symbolum igitur hodie audituri est
quo nec Christus adnuntiari potest, nec fides
nec baptismi gratia celebrari. Symbolum est
culum fidei catholicæ, sacramentum religion-
næ. Vos ergo, competentes, cum omni re-
præparate sensus vestros; audite Symbolum
vobis hodie materno ore sancta catholica tri-
clesia.

eorum sermones de Scriptura.

^c Confer homiliam sancti Maximi episcopi
nensis de expositione Symboli.

Credo in Deum Patrem omnipotentem, creatorem cæli et terræ. Credo in Jesum Christum Filium ejus unigenitum sempiternum. Conceptum de Spiritu sancto, natum ex Maria virgine; passum sub Pontio Pilato, crucifixum, mortuum, et sepultum. Descendit ad inferna, tertia die resurrexit a mortuis. Ascendit ad cælos, sedit ad dexteram Dei Patris omnipotentis : inde venturus judicare vivos et mortuos. Credo in Spiritum sanctum, sanctam Ecclesiam catholicam, Sanctorum communionem, remissionem peccatorum, carnis resurrectionem, vitam æternam. Amen.

Repetendus vobis est, dilectissimi, sermo Symboli hujus, qualiter ea, quæ dicimus, vestris sensibus melius inserantur. *Credo in Deum.* Tertia igitur vice ut ad reliqua capienda fideliore cursu pervenire possimus, ordo Symboli recensendus est : *Credo in Deum.* Ecce addidisti omnipotentem, et veraciter addidisti. Nihil de promissione diffidas, sed securus expecta, si credis quia omnipotens est qui promittit. Et in *Jesum Christum Filium ejus unicum, Dominum nostrum.* Hoc est illud sacramentum fidei. Nisi enim Filium Dei tota mente credideris, Patrem non potes confiteri. Crede ergo Filium Dei unigenitum ab ingento, viventem a vivente, verum de vero. *Qui conceptus est de Spiritu sancto, natus ex Maria virgine.* Spiritum sanctum audis auctorem : ne dubites virginem potuisse concipere. Hoc est quod ait angelus Gabrihel ad Mariam dicens : Spiritus sanctus veniet in te, et virtus Altissimi obumbrabit tibi. Cur non credis eum in utero virginis hominem figurasse, quem credis hominem fecisse de terra ? Nec Mariam dubites virginem mansisse post partum, quod ante multa tempora propheta Esaias cecinit, dicens : Ecce virgo in utero accipiet, et pariet filium. Hoc divini eloqui auctoritate credendum est. *Passum sub Pontio Pilato, crucifixum, mortuum et sepultum.* Nulla te trepidatio de Domini tui passione confundat : nihil de cruce, nihil de sepultura verearis. Non fuit in illo qui te redemit fragilitatis infirmitas, sed pietatis officium. Crux illius tuum regnum est : mors illius tua est vita. *Descendit ad inferna, tertia die resurrexit a mortuis : ascendit in cælos, sedit ad dexteram Patris omnipotentis.* Si te tridua Domini tui sepultura conturbat, resurrectio magis æterna confirmet. Quidquid infirmitatis audis in Christo, mysterium est. Illud tamen oportet mirari, quod ei, cui cælum merito debebatur, crucem pro te contempsit sustinere. Si credis ea quæ tibi videntur, crede et illa quæ negare non potest in gloria. *Inde venturus judicare vivos et mortuos.* Ecce ille qui ab iniquis est iudicatus in terris, de sede cælesti iudicaturus advenit. Si iudicatum despicias, iudicem pertimesce. *Credo in Spiritum sanctum.* Si credidisti Deum Patrem omnipotentem, et in Filium ejus unigenitum per fidem, et

A Spiritum sanctum Deum te necesse est confiteri. Hic est enim Spiritus sanctus, qui egreditur a Patre ^a, de quo ait Salvator beatis apostolis suis : Ite, baptizate omnes gentes in nomine Patris et Filii et Spiritus sancti. Non potest videri separabilis virtute, qui non potest in nomine separari. *Sanctam Ecclesiam catholicam remissionem peccatorum, carnis resurrectionem, vitam æternam.* Nisi credideris Ecclesiam Dei sanctam, non potes in Ecclesia Dei dona percipere. Propter hoc una cum Patre et Filio, et Spiritum sanctum professus es Deum, ut per gratiam baptismi peccatorum tibi remissio concedatur, et carnis tuæ resurrectio reparetur in æternum. Nisi enim credideris dimissa tibi peccata tua, absolutus esse non poteris. Nisi credideris carnis resurrectione reparandum te esse post mortem, ad fructum vitæ perpetuæ venire non poteris.

REPLETUM EST ^b.

Lectio Isaïæ prophetæ legenda in traditione Symboli.

Hæc dicit Dominus : Ecce justus perit, et nemo est qui recogitet in corde suo : et viri misericordes excolliguntur, quia non est qui intellegat. A facie enim malitiæ collectus est justus. Veniat pax, et requiescat in cubile suo. Vos autem accedite huc, filii auguriatricis, semen adulteri et fornicarii. Super quem lusistis ? super quem dilatastis os, et ejecistis linguam ? Nam qui fiduciam habet mei, hereditabit terram, et possidebit montem sanctum meum, ait Dominus Deus.

Epistola Petri apostoli ad gentes.

C Fratres, in hoc vocati estis, quia Christus passus est pro vobis, relinquens vobis exemplum, ut sequamini vestigia ejus. Qui peccatum non fecit, nec inventus est dolus in ore ejus. Qui cum malediceretur, non remaledicebat ; cum pateretur, non comminabatur. Tradebat autem se judicanti ^c injuste. Qui peccata nostra portavit in corpore suo super lignum : ut peccatis mortui, justitiæ viveremus. Cujus livore sanati sumus. Eratis enim sicut oves errantes : sed conversi estis nunc ad pastorem et visitatorem animarum vestrarum.

Lectio sancti Evangelii secundum Iohannem ^d.

In illo tempore, ante sex dies Paschæ venit Dominus Jesus Bethaniam, ubi fuerat Lazarus mortuus, quem suscitavit Jesus. Fecerunt autem ei cænami ibi, et Martha ministrabat : Lazarus vero unus erat ex discumbentibus cum eo. Maria ergo accepit libram unguenti nardi pistici preciosi, unxit pedes Domini Jesu, et extersit capillis suis pedes ejus, et domus impleta est ex odore unguenti. Dixit ergo unus ex discipulis ejus Judas Scariothis, qui erat eum traditurus : Quare hoc unguentum non vendidit trecentis denariis, et datum est egenis ? Dixit autem hoc, non quia de egenis pertinebat ad eum, sed quia fur erat, et loculos habens, ea quæ mittebantur porta-

^a Nulla hic mentio de processione ex Filio, nulla item infra in quadam missa Dominicali.

^b Forte, *Expletum est*, quod minio descriptum in Codice.

^c Sic in veteri exemplari, ut in Vulgata, non *juste*, ut ex Græco.

^d Idem Evangelium in Gothico pro missa in Symboli traditione.

bat. Dixit ergo Dominus Jesus : Sine illam, ut in die sepulture meæ servet illud. Pauperes enim semper habetis vobiscum, me autem non semper habetis. In crastinum autem turba multa quæ venerant ad diem festum, cum audissent quia venit Dominus Jesus Hierosolymam, acceperunt ramos palmarum, et processerunt obviam ei, et clamabant : Osanna, benedictus qui venit Rex Israel. Et invenit Dominus Jesus asellum, et sedit super eum, sicut scriptum est : Noli timore, filia Sion, ecce Rex tuus venit sedens super pullum asinæ. Hæc non cognoverunt discipuli ejus primum ; sed quando glorificatus est Dominus Jesus, tunc recordati sunt quia hæc erant scripta de eo, et crediderunt ei.

INCIPIT MISSA *.

In geminas partes diem hunc excolendum complectitur, Domine, nostræ servitutis famulatio, vel de jejunii cultu sacratio, vel de insignibus tuis, quæ hodie fulserunt, mirabilibus, quo Lazarum reduxisti post tartara : cum ad vocem tuam, Domine, tonantem exilivit, et quatruiduani jam foetentis funus vivificans animasti ; vel etiam causa miraculi obstupefacta plaudens turba Bethaniæ occurrit cum palmis tibi obviam Regi. [Exaudi nos in hoc geminato servitutis nostræ obsequio] et præsta, Domine, quæsumus, ut animæ nostræ quæ tumulo sunt peccatorum conclusæ, tabe corruptæ reviviscant ex tua interius visitatione, sicut Lazari viscera a tua voce fuerunt animata, Salvator mundi.

Collectio.

Bone Redemptor noster, Domine, qui mansueti animalis aselli terga insedens, ad passionem redemptionis nostræ spontaneus adpropinquans, cum tibi ramis arborum certatim sternitur via, et triumphatricibus palmis cum voce laudes occurrunt : præsta, quæsumus, Majestatem tuam, ut sicut illi in tua fuerunt obviam cum arboreis virgulis egressi, ita nos te redeunte in secundo adventu cum palmis victoriæ mereamur occurrere læti.

Post nomina.

Ecce, Domine, de te Caiphæ pontificis vaticinium, ignarum sibi ipsi, in populis est prolatum, ut unus occumberes pro gente, ne cuncti pariter interirent. Et tu singulare granum in terra moreris, ut seges plurima nasceretur : supplices tibi ipsi qui pro mundi salute es hostia cæsus deprecamur, ut nobis de ipso veniam dones ^b.

Ad pacem.

Universorum ipse Dominator qui conditor, creature tuæ præstabilis amator, cujus Maria pedes abluit, cum quo redivivus Lazarus accubuit ; ministra in nos illas lacrimas, quas Maria de multa dilectione protulit. Fragrare facito nostram orationem, sicut unguentum pisticum sacris plantis infusum Mariæ fragravat : ut eam pacem consequamur in pectore, quam assecuta est Maria sui osculans Redemptoris vestigia.

* Eadem missa legitur in Missali Gothico, p. 235 librorum de Liturg. Gall.

^b Prolixior hæc collectio in Missali Gothico, p.

Contestatio.

Vere dignum et justum est, omnipotens I omni sexu, ætate, et sensu dicere laudem die jejunii et laudis tuæ triumphali præcor ab Hierosolymis et Bethania occurrerunt tibi mæ populorum catervæ, una voce perstre Osanna filio David, benedictus qui venit in Domini. Tibi enim cum lingua coma serviva, cum arenosa itinera ramis viruerunt cor Plebis quoque indumentum tuis plantis proest nudatisque viris via vestitur : Victori novo præstat triumphum. Surgit totus clamor in voces clamantium penetrant templum, dicent benedictus qui venit in nomine Domini. Ecce salem, qualiter tibi Rex tuus sedens super B mansuetus advenit. Adveni ergo, rogamus medio nostri adside, et qui nos tunc repar crucem per istum IMMOLATUM PANEM ° ET SA iterum lapsos repara ; ut te advenire in nobis sentientes, exeamus obviam tibi, et cernis illis virtutibus clamemus dicentes : S

MISSA IN CÆNA DOMINI.

Epistola Pauli apostoli ad Corinthios in cæna I legenda.

Fratres, convenientibus vobis in unum, j est Dominicam cænam manducare, unusquisq suam cænam præsumit ad manducandum, quidem esurit, alius autem ebrius est. Numq mus non habetis ad manducandum et bibe Aut ecclesiam Dei contemnitis, et confund C qui non habent ? Quid dicam vobis ? Laudo hoc non laudo. Ego enim accepi a Domino, tradidi vobis : quoniam Dominus Jesus, in qu tradebatur, accepit panem, et gratias agens I dixit : Hoc est corpus meum pro vobis : hoc in meam commemorationem. Similiter et c postquam cænavit, dicens : Hic calix novum mentum est in meo sanguine : hoc facite qu cumque bibetis in meam commemorationem tienscumque enim manducabitis panem hunc licem bibetis, mortem Domini annunciabitis veniat, in Christo.

Lectio sancti Evangelii secundum Matthæum

Vespere autem facto, discumbebat Dominus cum duodecim discipulis, et edentibus illis dixit D dico vobis, quia unus vestrum me traditurus contristati valde cœperunt singuli dicere : N ego sum, Domine ? At ipse respondens ait : tinguunt mecum manum in parapside, hic me Filius quidem hominis vadit, sicut scriptum illo : væ autem homini illi, per quem Filius I traditur. Bonum erat ei si natus non fuisset ille. Respondens autem Judas qui tradidit e xit : Numquid ego sum Rabbi ? Ait illi dominus : Tu dixisti. † Cœnantibus autem eis, Jesus panem, et benedixit ac fregit ; dedit di suis et ait : Accipite et comedite : Hoc est 235.

° Observa hic panem sumi pro corpore Domini, cum infra legas sanguinem.

meum. Et accipiens calicem gratias egit, et dedit illis dicens : Bibite ex eo omnes. Hic est enim sanguis meus novi Testamenti, qui pro multis effunditur in remissionem peccatorum. Dico autem vobis, non bibam amodo de hoc genimine vitis usque in diem illum, cum illud bibam novum in regno Patris mei. Et hymno dicto exierunt in montem Oliveti. † Tunc dicit illis Dominus Jesus : omnes vos scandalum patiemini in me in ista nocte. Scriptum est enim, Percutiam Pastorem, et dispergentur oves gregis. Postquam autem resurrexero, præcedam vos in Galilæa. Respondens autem Petrus, ait illi : Etsi omnes scandalizati fuerint in te, ego numquam scandalizabor. Ait illi Dominus Jesus : Amen dico tibi, quia in hac nocte, antequam gallus cantet, ter me negabis. Ait illi Petrus : Etiam si oportuerit me mori tecum, non te negabo. Similiter et omnes discipuli dixerunt.

INCIPIT MISSA.

Omnipotens sempiterne Deus, da, quæsumus, universis famulis tuis, plenius atque perfectius omnia festi Paschalis introire mysteria : ut incunctanter pia corda cognoscant, quantum debeant de confirmata in Christo renascentium glorificatione gaudere.

Collectio.

Concede credentibus, misericors Deus, salvum nobis de Christi Passione remedium : ut humanæ fragilitatis præteritæ culpæ laqueos æternæ suffragium plebis absolvat.

Post nomina.

Omnipotens sempiterne Deus, qui vitam humani generis pro nobis Filio tuo moriente salvasti, præsta, quæsumus, ut in hac populi tui devotione fructus proveniat gaudiorum.

Collectio ad pacem.

Virtutum cælestium Deus, de cujus gratiæ rore descendit, ut ad mysteria tua purgatis sensibus accedamus, præsta, quæsumus, ut in eorum traditione sollemniter honorum, tibi placitum deferamus obsequium, et pacis æternæ pactum tibi reddamus.

Contestatio.

Vere dignum et justum est omnipotens Deus, per Christum Dominum nostrum. Cujus passione cuncta commota sunt, et eventum dominici vulneris elementa tremuerunt. Expavit dies non solida nocte, et suas tenebras mundus invenit. Stetit sub incerto lumine dies, inclausis etiam lux ipsa visa est mori cum Christo. Ad hoc enim omnis claritas migravit in noctem, ne sacrilegium cernere videretur. Claustrat enim suos oculos sæculum, ne in cruce aspiceret Redemptorem; et mundus ipse testis esse non potuit, ut solus aspiceret qui percussit : cujus dolore Plaga nostra curata est, et lapsus nostros aliena ruina suscepit. Tremuerunt elementa mundi sub uno percusso, cujus vulnere captivitas mundi soluta est. Dum enim occiditur Christus, cuncta renata sunt; et

dum moritur, omnia surrexerunt per ipsius Majestatem, quem laudant angeli.

Item Contestatio eodem die.

Vere dignum et justum est, omnipotens Deus, per Christum Dominum nostrum. Quod pro nostris peccatis talis ac tantus traditus est, qui cum sine peccato esset, a te pro peccatoribus traditus est, justus pro injustis, pius pro impiis; et cum omnia sciret, Deum nescientibus sic se subdidit, ut nos ignaros ad agnitionem veritatis de fece ultima, in qua jacebamus, erigeret. O infelicitas Judæ! cupidus super parvo munere tradidit omnium hominum remuneratorem : dum salutat, vendidit : dum obsequitur, tradit. O falsa labia! qui sic conflant incendia; et pacem non dubitavit facere bella, salutando tradens Dominum nostrum Jesum Christum, complet osculo homicidium. In honore Paschæ reus mortis dimittitur, et Dominus cælorum interimitur. Barrabas latro donatur, et innocens Christus crucifigitur. Cui merito omnes angeli.

LECTIONES IN PARASCEVE.

Lectio sancti Evangelii secundum Johannem, quæ legitur in Parasceve ad Tertia^a.

Milites præsidis susceperunt Dominum Jesum bajulantem sibi crucem. Scripsit autem et titulum Pilatus, et posuit super crucem. Erat autem scriptum Hebraice, Græce et Latine : Jesus Nazarenus Rex Judæorum. Hunc ergo titulum multi legerunt Judæorum. Dicebant ergo Pilato pontifices Judæorum : Noli scribere Rex Judæorum, sed quia ipse dixit : Rex sum Judæorum. Respondit Pilatus : Quod scripsi, scripsi. Tunc milites præsidis suscipientes Dominum Jesum in prætorio, congregaverunt ad eum universam cohortem, et exuentes eum, clamydem coccineam circumdederunt ei; et plectente coronam de spinis, posuerunt super caput ejus, et arundinem in dextera ejus; et genu flexo ante eum, inludabant ei, dicentes : Ave, Rex Judæorum. Et expuentes in eum, acceperunt arundinem, et percutiebant caput ejus. Et postquam inluserunt ei, exuerunt eum clamydem, et induerunt eum vestimentis suis, et duxerunt eum ut crucifigerent. Exeuntes autem invenerunt hominem Cyrenæum, nomine Symonem. Hunc angariaverunt ut tolleret crucem ejus. Sequebatur autem illum multa turba populi, et mulierum, quæ plangebant et lamentabantur eum. Conversus autem ad illas Jesus, dixit : Filiæ Hierusalem, nolite flere super me, sed super vos ipsas flete et super filios vestros; quoniam ecce venient dies, in quibus dicent : Beatæ steriles et ventres qui non genuerunt, et ubera quæ non lactaverunt. Tunc incipient dicere montibus : Cadite super nos; et collibus : Operite nos. Quia si in viridi ligno hæc faciunt, in arido quid fiet? Cum venisset autem ad locum, qui dicitur Goltatha, quod est Calvariæ locus, dederunt ei vinum bibere cum felle mixtum; et cum gustasset, noluit bibere.

^a In Lectionario Luxoviensi habentur etiam ad Primam, Secundam, uti et ad Tertiam horam; pari-

que modo scribitur, ad Tertia, ad Sexta, etc.

Lectio sancti Evangelii secundum Johannem, quæ legitur ad Sexta in Parasceve^a.

Postquam crucifixerunt Dominum Jesum, dixit Jesus voce magna : Pater, dimitte illis, non enim sciunt quid faciunt. Tunc diviserunt vestimenta ejus, sortem mittentes. Erat autem tunica inconsutilis, desuper contexta per totum. Dixerunt ergo ad invicem : Non scindamus eam, sed sortiamur de illa cujus sit. Ut scriptura impleatur dicens : Diviserunt sibi vestimenta mea, et in vestem meam miserunt sortem. Et sedentes servabant eam. Et imposuerunt super caput ejus causam ipsius scriptam : Hic est Jesus rex Judæorum. Tunc crucifixi sunt cum eo duo latrones, unus a dextris, et unus a sinistris. Et adimpleta est Scriptura quæ dicit : Et cum iniquis reputatus est. Prætereuntes autem blasphemabant eum, moventes capita sua, et dicentes : Vah qui destruis templum Dei, et in triduo illud reædificas, salva te ipsum. Si Filius Dei es, descende de cruce. Similiter et principes sacerdotum inludentes cum scribis et senioribus dicebant : Alios salvos fecit, seipsum non potest salvum facere. Si rex Israel est, descendat nunc de cruce, et credimus ei. Confidit in Domino; liberet nunc eum si vult. Dixit enim quia Filius Dei sum. Idipsum autem et unus de his qui pendebant latronibus blasphemabat eum, dicens : Si tu es Christus, salvum fac te ipsum et nos. Respondens autem alter increpabat eum, dicens : Miser, neque tu times Deum, quod in eadem damnatione es! Et nos quidem juste, nam digna factis recipimus, hic vero nihil mali gessit. Et dicebat ad Jesum : Domine, memento mei, cum veneris in regnum tuum. Et dixit illi Jesus : Amen, amen dico tibi, quia hodie mecum eris in paradyso.

Lectio sancti Evangelii secundum Johannem, quæ legitur ad Nona^b.

A sexta hora tenebræ factæ sunt super universa terra usque ad horam nonam. Et circa horam nonam clamavit Jesus voce magna dicens : Heli, Heli, limasabactani. Hoc est, Deus meus, Deus meus, ut quid dereliquisti me? Quidam autem illic stantes dicebant : Heliam vocat iste. Continuo currens unus ex eis, acceptam spongiam implevit aceto, et posuit [in] arundine, et dabat ei bibere. Ceteri vero dicebant : Sine, videamus an veniat Helias liberans eum. Jesus autem iterum clamans voce magna, emisit spiritum. Et ecce velum templi scissum est in duas partes, a summo usque deorsum; et terra mota est, et petreæ scissæ sunt, et monumenta aperta sunt, et multa corpora sanctorum qui dormierant surrexerunt. Et exeuntes de monumentis post resurrectionem ejus, venerunt in sanctam civitatem, et apparuerunt multis. Centurio autem, et qui cum eo erant custodientes Jesum, viso terræ motu et his quæ fiebant, timuerunt valde, dicentes : Vere Dei Filius erat iste. Et omnis turba eorum, qui simul aderant, et videbant quæ fiebant, percutientes pectora sua

revertebantur. Stabant autem omnes non longe. Erant enim ibi et mulieres multæ, quæ erant Jesum a Galilæa, ministrantes ei : inter quæ erat Maria Magdalene, et Maria Jacobi, mater, et mater filiorum Zebedæi. Judæi enim etiam parasceve erat, ut non remanerent corpora Sabbato, erat enim magnus dies ille rogaverunt Pilatum, ut frangerentur eorum et tollerentur. Venerunt ergo milites, et primum fregerunt crura, et alterius qui cruci cum eo. Ad Jesum autem cum venissent, et eum jam mortuum, non fregerunt ejus crura, unus militum lancea latus ejus aperuit, et exivit sanguis et aqua. Et qui vidit, testimonium huius habuit, et verum est ejus testimonium. Et

quia vera dicit, ut et vos credatis. Facta sunt hæc ut Scriptura impleatur : Os ejus non nuetis ex eo. Et iterum alia scriptura dicitur : Bunt in quem transfixerunt. Cum sero autem esset, venit quidam homo dives ab Arimatia Joseph, qui et ipse discipulus erat Jesu. Hic venit ad Pilatum, et petiit corpus Jesu. Tunc Pilatus reddi corpus ejus. Venit autem et Nicodemus venerat ad Jesum nocte primum, ferens myrræ et aloes, quasi libras centum. Acceperunt ergo corpus Jesu, et ligaverunt eum linteis et matibus, et posuerunt illud in monumento quo nondum quisquam positus erat. Et adposuerunt saxum magnum ad hostium monumenti, et cetera. Erat autem ibi Maria Magdalene, et altera mulier discipula, et cetera. Mentes contra sepulchrum.

DIE SABBATO.

Mane.

Altera autem die, quæ est post Parasceve, venerunt principes sacerdotum et Pharisei, et ceteri, dicentes : Domine, recordati sumus, quod tu dixisti adhuc vivens : Post tres dies resurrexeris. Jube ergo custodiri sepulchrum usque in diem tertium, ne forte veniant discipuli ejus, et furem nobis dormientibus, et dicant plebi : Surrexerunt; et erit novissimus error pejor prioribus. Pilatus : Habetis custodiam, ite, custodite sic. Illi autem abeuntes munierunt sepulchrum, et lapidem cum custodibus.

Incipit precis de eodem die.

Insidiati sunt mihi adversarii mei Magi. Tu Pater sancte miserere, et libera me. Sum, ut agnus innocens, ad victimam; ceteri inimici, ut avis in muscipola. Mag. c.

Aperuerunt omnes ora sua contra me : fremuerunt, quærentes deglutire me. Sibillabant, et movebant capita, tractantes de ferre falsum testimonium. Mag.

Suspensum cruce damnant fixum clavis venditum a Judæis propter triginta argenteos.

c Repetitio est versiculi primi, *Magis g Pater sancte*, etc., quæ repetitio pluries fit in quædam.

^a Eadem item lectio ad Sexta (ita scribebant) in Luxoviensi.

^b Hæc lectio deerat in Codice mutilo Luxoviensi.

tere confusus gladio honorifico ^a, illic confluit aqua **A** cum sanguine innoxio. Mag.

Omnes inundaverunt sicut aqua super me dimer-sum in sepulcrum, adposuerunt lapidem. Mag.

Intende, pie Pater, et succurre miseris, pro quibus tam ^b acerbis affligor suppliciis. Magis gratis tu Pa-ter sancte m. I.

Item alia de eadem die.

Vide, Domine, humilitatem meam quia erectus est inimicus. Miserere, Pater juste, et omnibus indul-gentiam dona.

A Patre missus veni perditos requirere, et hoste captivatos sanguine redimere. Plebs dira abiecit me. Miserere, Pater juste.

Prædictus a prophetis natus sum ex Virgine: ad-sumpsi formam servi dispersos colligere; venantes **B** ceperunt me.

Mihi pro bonis mala reddita sunt plurima: adver-sus me iniqua dederunt consilia, venditus pecunia. Spineam coronam posuerunt capiti, sputis sordi-datum inluserunt impie, adflictum crudeliter.

Cum noxiis latronibus suspensus patibulo, amaro cibo pastus et acerbis poculo, traditus suppliciis.

Quos veni liberare accusaverunt me, flagellis ver-beratum cruci adfixerunt me: lancea percusserunt me.

Dimitte illis noxam, Pater clementissime: cuncta dele peccata, et relaxa crimina, ignorant quid fa-ciunt.

INCIPIUNT ORATIONES IN VIGILIIS PASCHÆ ^c.

I.

Inter prima celebrandæ Paschæ sollemnia, voto-rum consecratio ex gratiarum actione sumat exor-dium: ut passum et immolatum pro nobis Christum credentes, et sacri ministerii principem confitentes, consono ore prosequamur.

II. Oratio pro his qui custodiarum vinculis et captivitate detenti, Pascha interesse non possunt.

Dei Patris omnipotentis clementiam, carissimi, deprecemur, ut eos quos invidus diabolus captivitatis servitio premit, Dei nostri misericordia in statum pristinum libertatemque constituat.

III. Pro sacerdotibus ac ministris Ecclesiæ.

Deum ac Dominum nostrum Jesum Christum pro sacerdotibus ac ministris Ecclesiæ suæ, fratres caris-simi, supplices deprecemur: ut ingressi Sancta san-ctorum, totiusque participes altaris, spiritalium gra-tiarum donis abundantiaque multimoda repleamur.

IV. Pro Virginibus.

Deum Patrem omnipotentem, fratres carissimi, supplices oremus: ut in fratribus ac sororibus nostris, qui sanctam et maxime acceptabilem Deo virginita-tem dicarunt, bonæ conceptum mentis propositum tenentes, immaculati jugiter perseverent.

V. Pro his qui eleemosynas faciunt.

Deum Patrem misericordiæ suppliciter oremus: ut

in sanctos et hujus sæculi pauperes effusa largitio in cælestium divitiarum opes refluat, et carnalium par-ticipatio societatem possit munerum spiritualium promereri.

VI. Oremus pro peregrinantibus.

Cælestium et terrestrium Deum Patrem supplices deprecemur: ut omnes fratres nostros, qui peregre-nationum necessitatibus subjacent, potentia auxilii sui protegat atque defendat.

VII. Pro ægrotis.

Universæ salutis Dominum deprecemur pro fratri-bus et sororibus nostris, qui secundum carnis infir-mitatem diversis ægritudinum vexantur incommodis: ut is qui solus potest, pro sua pietate omnibus adesse dignetur.

VIII. Pro Pœnitentibus.

Deum spei nostræ, fratres carissimi, deprecemur: ut temeratæ præceptionis reos, reversos in viam re-ctam, ab aspectu serenitatis suæ non rejiciat, neque in adventu suo a regni cælestis janua condemnandos excludat.

IX. Pro unitate Ecclesiæ.

Bonorum omnium fontem, auctorem humanæ sa-lutis Dominum deprecemur: ut unitatem Ecclesiæ inviolatam custodire dignetur, ut in præsentî pro-tectionem, et in futuro perennis vitæ stipendia conse-qui mereamur.

X. Pro pace populi et regum.

Deum ac Regem universæ conditionis Dominum suppliciter oremus: ut regibus ac potestatibus hujus mundi, eorumque ministris, supplicem inter se amo-rem et concordiam largiatur.

XI. Pro spiritibus pausantium.

Deum Patrem omnipotentem, fratres carissimi, pro commemoratione defunctorum supplices oremus: ut eisdem Dominus, adtenuatis quæ merito aspera sunt culpæ piaculis, clementissime remissionis suæ refrigeria largiatur.

XII. Pro competentibus.

Dei Patris misericordiam pro competentibus, fra-tres carissimi, supplices deprecemur, ut eos Domi-nus omnipotens ad fontem suæ regenerationis euntes omni cælestis misericordiæ auxilio prosequatur.

Collectio.

Auctor universitatis ac Domine te deprecamur et quæsumus, ut mortificatos terrenis vitiis in novum hominem tibi servire patiaris per resurgentem a mortuis Dominum nostrum Jesum Christum.

BENEDICTIO CEREI SANCTI AUGUSTINI EPISCOPI, CUM ADHUC DIACONUS ESSET, CECINIT, DICENS ^d.

Exultet jam angelica turba cælorum: exultent di-vina mysteria, et pro tanti Regis victoria tuba into-net salvatoris. Gaudeat se tantis illius inradiata ful-goribus, æterni Regis splendore lustrata, totius orbis se sentiat amisisse caliginem. Lætetur mater Eccle-sia tanti luminis ornata fulgore, et magnis populorum

itidem habentur, sed paulo diversæ ab his quæ hoc loco referuntur.

^d Idem titulus in Gothico. Multa hic mendosa, sed cuivis facile emendanda.

^a Legendum *confossus gladio horrifco*.

^b Scribitur in exemplari, *acervis*, et supra, *sivi-lantes*, et alia similia.

^c Hujusmodi orationes totidem hac die in Gothico

vocibus hæc aula resultet. Qua adstantibus vobis, A fratres carissimi, ad tam miram sancti hujus luminis claritatem una mecum, quæso, Dei omnipotentis misericordiam invocate; ut qui nos dignatus est adgregare, luminis sui gratiam infundente, cerei hujus laudem implere percipiat. Sursum corda. Dignum et justum est invisibilem Dominum, omnipotentem Patrem, Filiumque unigenitum Dominum nostrum Jesum Christum, toto cordis ac mentis affectu et vocis ministerio personare. Qui pro nobis æterno Patri Adæ debitum solvit; et veteris piaculi cautionem pio cruore deterisit. Hæc sunt enim festa Paschalia, in quibus verus ille Agnus occiditur, ejusque sanguis postibus consecratur, in qua primum scire tempus et horam, in qua Christus ab inferis resurrexit. Hæc nox est, de qua scriptum est: Et nox ut dies inluminabitur, et nox inluminatio mea in deliciis meis. Hujus igitur sanctificatione noctis fugat scelera, culpas lavat, et reddit innocentiam lapsis, mæstis lætitiā: fugat odia, concordiam parat, et curvat imperia. In hujus igitur noctis gratiam suscipe, sancte Pater, incensi hujus sacrificium vespertinum, quod in hac cerei oblatione sollemni per ministrorum manus de operibus apum sacrosancta reddit Ecclesia. Sed jam columnæ hujus præconia novimus, quam in honore Dei rutilans ignis accendit. Qui licet divisus in partes, mutuati luminis detrimenta non novit. Alitur liquantibus ceris, quas in substantia preciosæ hujus lampadis apis mater eduxit. Apis ceteris quæ subjecta sunt homini animantibus antecellit, cum sit minima corporis parvitate, ingentes animas Augusto versat in pectore, viribus inbecillis, sed fortis ingenio. Hæc explorata temporum vice, cum canitiem pruinosa hiberna posuerunt, et glaciale senium verni temporis moderata deteriserit, statim prodeundi ad laborem cura succendit: dispersæque per agros libratim paululum pinnibus, cruribus suspensis insidunt, parte ore legere flosculos, oneratis victualibus ad castra remeant; ibique aliæ inæstimabili arte, cellulas tenaci glutino instruunt. Aliæ liquantia mella stipant, aliæ vertunt flores in ceram, aliæ ore natos fingunt, aliæ collectis e foliis nectar includunt. O vere beata et mirabilis apis, cujus nec sexum masculi violant, nec filii destruunt castitatem: sicut sancta concepit Maria, virgo peperit, et virgo permansit. O vere D beata nox! quæ expoliavit Ægyptios, ditavit Hebræos. Nox, in qua terrenis cælestia junguntur. Oramus te, Domine, ut cereus iste in honorem nominis tui consecratus, ad noctis hujus caligines destruendas indeficiens in odorem suavitatis acceptus supernis luminaribus misceatur, flammæque ejus Lucifer matutinus inveniatur. Ille inquam Lucifer, qui nescit occasum. Ille qui regressus ab inferis, humano generi serenus inluxit. Precamur ergo, Domine, ut nos famulos tuos, omnem clerum, et devotissimum populum, quiete temporum concessa, in his paschalibus conservare digneris.

a Idem titulus etiam in Gothico, sed orationes diversæ.

AD CHRISTIANUM FACIENDUM ^a.

Deus caritatis totius confirmator et conditor, qui maculas mundi mortem fugandam fecisti, te oramus et quæsumus, ut custodias animam famuli tui ill. ut calcato diabolo conroboretur eum; ut primi parentis deterisis tenebris, christianum nomen fide percipiat.

Item alia.

Deus qui perdita reparas, et reparata conservas; Deus qui opprobrium gentilitatis signare sub titulum nominis tui præcepisti, ut ad fontem baptismi pervenire mereantur.

Item alia.

Domine sancte Pater omnipotens æternæ Deus, qui fecisti cælum et terram, mare et omnia quæ in eis sunt; respicere digneris ad preces humilitatis meæ pro famulo tuo ill., per invocationem nominis tui confirmes eum, inlumes vultum claritatis tuæ super eum. Benedicere et sanctificare digneris; sicut benedixisti domum Abraham, Isaac, et Jacob. Adsigna ei angelum pacis, angelum misericordiæ, qui eum perducatur ad vitam æternam, adjuvante Spiritu sancto, et de faucibus inimici liberes eum, et per signum Jesu Christi tempus vitæ suæ religiose consistat. Per.

Deus qui es, et qui eras, et permanes usque in finem sæculi, cujus origo nescitur, nec finis comprehendere potest; te oramus et quæsumus, ut custodias animam famuli tui ill. quem liberasti de oratione gentilium, et a conversatione pessima. Dignare exaudire eum, qui tibi cervices suas humiliat et pervenit ad baptismum fontis regeneratione ex aqua et Spiritu sancto, qui cum Patre et Filio vivit et regnat.

Facis signum † in eum et dices Symbolum.

Accipe signum crucis tam in fronte, quam in corde. Semper esto fidelis. Templum Dei ingredi; idola derelinque. Cole Deum Patrem omnipotentem, et Jesum Christum Filium ejus, qui venturus est judicare vivos et mortuos, et sæculum per ignem, cum Spiritu sancto in sæcula sæculorum.

Post hæc insufflabis in os ejus ter, et dices: Accipe Spiritum sanctum, et in corde teneas.

INCIPIIT ORDO BAPTISMI.

Exorcidio ^b te, creatura aquæ, in nomine Dei Patris omnipotentis, et in nomine Domini nostri Jesu Christi Filii ejus, et Spiritus sancti, ut omnis virtus adversarii, omnes exercitus diaboli, omnes incursus, omne fantasma eradicare et effugare ab hac creatura aquæ, ut sit omnibus, qui in eam descensuri sunt, fons aquæ salutaris in vitam æternam: ut cum baptizatus in ea quisquis fuerit, fiat templum Dei vivi in remissione peccatorum in nomine Dei Patris omnipotentis, et Christi Jesu Filii ejus et Spiritus sancti, qui judicaturus est sæculum per ignem, per hoc signaculum quod permanet in sæcula sæculorum.

^b Ita etiam legitur in veteri Missali Gallicano passim a p. 362.

Oratio.

Omnipotens sempiterne Deus^a, adesto magnæ pietatis tuæ mysteriis, adesto sacramentis, et creandis novis populis, quos tibi fons baptismatis parturit, spiritum adoptionis emitte; ut quod humilitatis nostræ gerendum est ministerio, tuæ virtutis compleatur effectus. Deus qui invisibili potentia sacramentorum tuorum mirabiliter operaris effectum, et licet nos tantis mysteriis exsequendis simus indigni, tu tamen gratiæ tuæ dona non deserens, etiam ad nostras preces aures tuæ pietatis inclina. Deus, cujus spiritus super aquas inter ipsa primordia ferebatur, ut etiam tunc virtutem sanctificationis aquarum natura conciperet.

Collectio sequitur.

Deus, qui nocentis mundi crimina per aquam ablans, regenerationis speciem in ipsa diluvii effusione signasti; libera ab omni impugnatoris incursu, et totius nequitiae purgatæ discessu. Sit vivis aqua regenerans, unda purificans: ut homines hoc lavaero salutem in eis Spiritu sancto purificati, perfectæ purificationis indulgentiam consequantur. Unde benedico te, creatura aquæ, per Deum + verum, per Deum + sanctum, qui te in principio verbo separavit ab arida, et in quattuor fluminis terræ rigare præcepit; qui te in deserto amarum suavitate indita fecit esse potabilem, et sitiens populo de petra produxit; + benedico te per Jesum Christum, Filium ejus unicum Dominum nostrum qui te in Chana Galilææ, signum + admirabile, sua potentia convertit in vinum; qui pedibus super te ambulavit, et ab Johanne in Jordane baptizatus est; qui te una cum sanguine de latere suo produxit, et discipulis suis jussit, ut credentes..... baptizantes eos in nomine Patris et Filii et Spiritus sancti, qui vivit et regnat.

Sursum corda. Dignum et justum est, omnipotens Deus: qui aperuisti nobis fontem vitæ æternæ, et regenerans nos per Spiritum tuum sanctum, quem ducem esse hujus sancti lavacri in remissione peccatorum, et fieri lavacrum aquæ in Spiritu sancto: per quem omnem maculam tollens a nobis, exuis nos mortem, et induis nos vitam: tibi adsisentis in gloria laudamus Patrem semper in cælis, et recipientis ex initio virtutem per Dominum nostrum Jesum Christum. Per quem te Deum Patrem omnipotentem deprecamur, ut hic Spiritum sanctum in aquam hanc super mittere digneris, ut quoscumque baptizaverimus in nomine tuo et Filii tui Dei ac Domini nostri Jesu Christi et Spiritus sancti, purificans ac regenerans accipias eos in numero Sanctorum tuorum, et consummes in Spiritu tuo sancto in vitam æternam in sæcula sæculorum.

Deinde in fonte chrisma decurrens, signum + facis et dicis: Infusio chrismæ salutaris Domini nostri Jesu Christi, ut fias fons aquæ vivæ salientis cunctis venientibus in vitam æternam.

Post hæc dicis: Admitte, quæsumus, omnipotens Deus, familiam tuam ad fontem salutis æternæ; ut

A quos de tenebris ad lucem redire jussisti, nullus decipiat fraudibus inimici.

Incipit exorcismus hominis, antequam baptizetur.

Exorcidio te, spiritus inmunde, per Deum Patrem omnipotentem, qui fecit cælum et terram, mare et omnia quæ in eis sunt: ut omnes incursus, omne fantasma eradicetur ac fugetur ab hoc plasmate, ut fiat templum Dei sanctum, in nomine Dei Patris omnipotentis et Jesu Christi Filii ejus, qui judicaturus est sæculum per ignem in Spiritu sancto in sæcula sæculorum.

Tangis nares, deinde dicis: Effecta, effecta est hostia in odorem suavitatis.

Ungis eum de oleo sanctificato, dicens: Ungo te de oleo sanctificato, sicut unxit Samuhel David in regem et prophetam.

Tangis nares, et aures, et pectus. Operare creatura olei, operare, ut non lateat hic immundus spiritus nec in membris, nec in medullis, nec in uno compagine membrorum; sed operetur in te virtus Christi Filii Dei altissimi et Spiritus sancti per omnia sæcula.

Interrogas nomen ejus dicens: Quis dicitur? Ill. Abrenuncias satanæ, pompis ejus, luxuriis suis, sæculo huic?

Resp. Abrenunciat. Hoc ter dices.

Interrogas nomen ejus: Quis dicitur? Ill.

Credit in Deum Patrem omnipotentem, creatorem cæli et terræ? Resp. Credit.

Credit et in Jesum Christum Filium ejus unicum, Dominum nostrum, conceptum de Spiritu sancto, natum ex Maria virgine, passum sub Pontio Pilato, crucifixum et sepultum. Descendit ad inferna, tertia die resurrexit a mortuis: ascendit in cælos, sedit ad dexteram Dei Patris omnipotentis inde venturus judicare vivos ac mortuos? Resp. Credit.

Credit in Spiritum sanctum, sanctam Ecclesiam catholicam, sanctorum communionem, remissionem peccatorum, carnis resurrectionem, vitam habere post mortem, in gloriam Christi resurgere? Resp. Credit.

Baptizas eum, et dicis: Baptizo te in nomine Patris et Filii et Spiritus sancti, unam habentem substantiam, ut habeas vitam æternam, partem cum Sanctis.

Suffundis chrisma in fronte ejus, dicens: Deus Pater Domini nostri Jesu Christi, qui te regeneravit per aquam et Spiritum sanctum, quicquid tibi dedit, remissionem peccatorum per lavacrum regenerationis et sanguinem, + ipse te linit chrismate suo sancto in vitam æternam.

Superindues eum dicens: Accipe vestem candidam, quam immaculatam perferas ante tribunal Christi.

Collectio ad pedes lavandos^b.

Ego tibi labo pedes, sicut Dominus noster Jesus Christus fecit discipulis suis, ita tu facias hospitibus et peregrinis.

^a Ita in Gallicano Missali, p. 362.

^b Hujus item lotionis, sed post albæ vestis imposi-

Dominus noster Jesus Christus de linteo^a quo erat præcinctus, tersit pedes discipulorum suorum, et ego facio tibi : tu facies peregrinis hospitibus et pauperibus.

Post baptismum.

Laudes et gratias Domino referamus, fratres dilectissimi, quod augere dignatus est Ecclesiæ suæ congregationem per caros nostros, qui modo baptizati sunt. Petamus ergo de Domini misericordia, ut baptismum sanctum quod acceperunt, inlibatum, inviolatum, et immaculatum perferant ante tribunal Christi.

Item alia.

Domine Deus omnipotens, famulos tuos, quos jussisti renasci ex aqua et Spiritu sancto, conserva in eis baptismum sanctum quod acceperunt, et in nominis tui sanctificationem perficere dignare; ut proficiat in illos gratia tua semper, et quod te ante donante susceperunt, vitæ suæ integritate custodiant.

MISSA IN VIGILIIS PASCHÆ.

Epistola Pauli apostoli ad Corinthios b.

Fratres, bona gloriatio vestra in Christo Jesu. Nescitis quia modicum fermentum totam massam corrumpit? Expurgate vetus fermentum, ut sitis nova conspersio, sicut estis azymi. Etenim pascha nostrum immolatus est Christus. Itaque sollemnitatem celebremus, non in fermento veteri, neque in fermento malitiæ et nequitie, sed in azymis sinceritatis et veritatis in Christo Jesu.

Lectio sancti Evangelii secundum Matthæum.

Vespere autem sabbati, quæ lucescit in prima sabbati, venit Maria Magdalene, et altera Maria videre sepulcrum. Ecce terræ motus factus est magnus. Angelus enim Domini descendit de cælo, et accedens revolvit lapidem, et sedebat super eum. Erat autem aspectus ejus sicut fulgur, et vestimentum ejus sicut nix. Præ timore autem ejus exterriti sunt custodes, et facti sunt velut mortui. Respondens autem angelus dixit mulieribus : Nolite timere vos. Scio enim quod qui Jesum crucifixus est quæritis. Non est hic, surrexit sicut dixit : Venite et videte locum ubi positus erat Dominus; et cito euntes dicite discipulis ejus, quia surrexit et præcedit vos in Galilea, ibi eum videbitis. Ecce dixi vobis. Et exierunt cito de monumento cum timore et magno gaudio, currentes nunciare discipulis ejus. Et ecce Dominus Jesus occurrit illis dicens: Avete. Illæ autem accesserunt et tenuerunt pedes ejus, et adoraverunt. Tunc ait illis Dominus Jesus : Nolite timere, ite nunciate fratribus meis ut eant in Galilæa; ibi me videbunt. Quæ cum abiissent, ecce quidam de custodibus venerunt in civitatem, et nunciaverunt principibus sacerdotum omnia quæcumque facta fuerant. Et congregati cum senioribus,

consilio accepto, pecuniam copiosam dederunt tibus, dicentes : Dicite quia discipuli ejus non erunt, et furati sunt eum nobis dormientibus hoc auditum fuerit a præside, non suadebimus securos vos faciemus. At illi accepta pecunia fecerunt sicut erant edocti, et divulgatum est verbum apud Judæos usque in hodiernum diem. Unde autem discipuli abierunt in Galilæam, in monasterium constituerat illis Dominus Jesus. Et videntes adoraverunt, quidam autem dubitaverunt. Et dens Dominus Jesus locutus est eis dicens : Domine mihi omnis potestas in cælo et in terra. Ergo docete omnes gentes, baptizantes eos in nomine Patris et Filii et Spiritus sancti, docentes servare omnia quæcumque mandavi vobis. Ego vobiscum sum omnibus diebus usque ad summationem sæculi.

INCIPIT MISSA.

Omnipotens sempiternus Deus, qui hanc sacramentalem noctem per universa mundi spatia gloriæ dominicæ resurrectionis illustras, conserva in familiæ tuæ progenie sanctificationis spiritum dedisti, ut corpore et mente renovati, puram animam et purum pectus semper exhibeant.

Collectio.

Deus, qui hanc sacratissimam noctem gloriæ dominicæ resurrectionis illustras, conserva in familiæ tuæ progenie adoptionis spiritum dedisti, ut corpore et mente puram tibi exhiberent servitutem.

Post nomina.

Deus, cujus munere adoranda baptismati adimpleta mysteria, concede populo tuo origines delicti errore mundato, post sacratissimum fecerunt terram tuæ promissionis intrare, ut dulcia mentorum tuorum alimenta percipiant.

Ad pacem.

Suscipe, Domine, preces populi tui cum omnibus hostiarum ut Paschalibus initiata mysteria ad æternitatis nobis medillam te operante proficiant.

Contestatio.

Vere dignum et justum est, omnipotens Domine quidem omni tempore, sed in hac potissimum gloriosius prædicare, cum Pascha nostrum immolatus est Christus : ipse enim verus est Agnus, qui a peccata mundi, qui mortem nostram moriens struxit, et vitam resurgendo reparavit. Pro profusis paschalibus gaudiis totus in orbe terrarum mundus exultat. Sed et supernæ virtutes atque angelicæ concinunt potestates, hymnum gloriæ cessatione dicentes.

tionem, mentio est in Missali Gothico et in Gallicano; nec non in duobus Cæsarii episcopi Arelatensis sermonibus, qui in appendice tomi V Augustiniani habentur ordine 168 et 257, atque in sermone ad Neophytos, relato in appendicem tomi VI, col. 291. Hæc lectio apud Hispanos abrogata fuit in concilio Eliberitano; nec fiebat in ecclesia Romana ut patet ex libro III de Sacramentis, quod opus Ambrosio tribui-

tur: in Africana vero fiebat die Cænæ, ex Augustini epistolis 54 et 55. Ecclesia Gallicana hoc in ritum veniebat cum Mediolanensi, de qua vide Ambrosium in lib. de Mysteriis cap. 6.

^a In exemplari constanter scriptum *linto*.

^b Hæc lectiones sunt pro missa sequente de Paschæ.

MISSA PRIMA DIE PASCHÆ.

Lectio Apocalypsis sancti Johannis Apostoli ^a.

Revelatio Jesu Christi quam dedit illi Deus palam facere servis suis, quæ oportet fieri cito, et significavit mittens per angelum suum servo suo Johanni, qui testimonium perhibuit verbo Dei, et testimonium Jesu Christi quæcumque vidit. Beatus qui legit, et qui audit verba prophetiæ, et servat ea quæ in ea scripta sunt. Tempus enim prope est. Johannes septem Ecclesiis quæ sunt in Asia : gratia vobis et pax a Deo qui est, et qui erat et qui venturus est, et a septem spiritibus, qui in conspectu throni ejus sunt, et a Jesu Christo, qui est testis fidelis, primogenitus mortuorum, et princeps regum terræ, qui dilexit nos, et lavit nos a peccatis nostris in sanguine suo, et fecit nostrum regnum sacerdotes Deo et Patri suo: **B** ipsi gloria et imperium in sæcula sæculorum. Ecce **veniet** in nubibus, et videbit eum omnis oculus, et **qui** eum pupugerunt: et plangent super eum omnes **tribus** terræ, etiam amen. Ego sum Alfa et Omega, **principium** et finis, dicit Dominus qui est, et qui **erat**, et qui venturus est omnipotens. Ego Johannes **frater** vester et particeps in tribulatione et regno et **patientia** Jesu; fui in insula quæ appellatur Pathmos **propter** verbum Dei et testimonium Jesu; fui in **spiritu** in Dominico die, et audiui post me vocem Agni **tamquam** tubæ dicentis: Quod vides scribe, et mitte **septem** ecclesiis, id est Ephesum, Zmirnam, et **Pergamum**, et Thiatiræ, et Sardis, et Fiadelfiæ, et **Laudiciæ**. Et converti me ut viderem vocem quæ mecum **loquebatur**. Conversus vidi septem candelabra aurea, **et in** medio candelabrorum similem Filio hominis, **vestitum** tunicam talarem, et præcinctus erat ad **ubera** zonam auream. Caput autem ejus et capilli **albi** tamquam nix, et oculi ejus ut flamma ignis: **pedes** ejus sicut uricalco turino, projecto de camino **in** ignis. Vox ejus sicut vox aquarum multarum, et **habebat** in dextera manu stillas septem, et de ore ejus **egrediebatur** gladius ex utraque parte acutus procedens; et facies **eius** sicut sol lucet in virtute sua. Et ut vidi illum, **cecidi** ad pedes ejus tamquam mortuus, et posuit **super** me manum suam dexteram dicens: Noli timere, **ego** sum primus et novissimus, ego sum qui vivo **semper**, qui fui mortuus, et ecce vivens sum in **sæcula** sæculorum, amen.

Lectio Actuum apostolorum ^b.

Primum quidem sermonem feci de omnibus, o Theofile, quæcepit Jesus facere et docere usque in diem, qua præcipiens apostolis per Spiritum sanctum, quos elegit, adsumptus est. Quibus præbuit seipsum vivum post passionem suam in multis argumentis, per dies quadraginta apparens eis, et loquens de regno Dei. Et convescens præcepit eis ab Hierosolymis ne discederent, sed expectarent promissionem Patris, quam audistis per os meum : quia Jo-

A hannes quidem baptizavit aqua, vos autem baptizabimini Spiritu sancto non post multos hos dies. Igitur qui convenerant, interrogabant eum, dicentes: Domine, si in tempore hoc restitues regnum Israel? Dixit autem eis: Non est vestrum nosse tempora vel momenta quæ Pater posuit in sua potestate: sed accipietis virtutem supervenientem in vos, et eritis mihi testes in Hierusalem, et omni Judæa, et Samaria, et usque ad ultimum terræ.

Lectio sancti Evangelii secundum Lucam ^c.

Tempore isto, una sabbati, valde diluculo, venerunt ad monumentum, portantes quæ paraverant aromata: et invenerunt lapidem revolutum a monumento; et ingressæ non invenerunt corpus Domini Jesu. Et factum est dum mente consternatæ essent de isto, ecce duo viri steterunt juxta illas in veste fulgenti. Cum timerent autem, et declinarent vultum in terra, dixerunt ad illas: Quid quæritis viventem cum mortuis? Non est hic, sed surrexit. Recordamini qualiter locutus est vobis, cum adhuc in Galilæa esset, dicens, quia oportet filium hominis tradi in manus hominum peccatorum, et crucifigi, et tertia die resurgere. Et recordatæ sunt verborum ejus, et egressæ sunt a monumento, nunciaverunt hæc omnia illis undecim et ceteris omnibus. **ERAT AUTEM** Maria Magdalene, et Johanna, et Maria Jacobi, et ceteræ, quæ cum eis erant, quæ dicebant ad Apostolos hæc; et visa sunt ante illos sicut deliramentum verba ista; et non credebant illis. Petrus autem surgens cucurrit ad monumentum, et procumbens vidit linteamina posita, et abiit, secum mirans quod factum fuerat.

INCIPIT MISSA.

Deum ac Dominum nostrum Jesum Christum, fratres carissimi, suppliciter exoremus, qui tertia die dum surrexit a mortuis, multorum sanctorum corpora suscitavit de sepulcro: quem cum Maria plorans quæreretur ad monumentum, dicitur ei ab angelis, quod jam surrexisset a mortuis. Fundebat Maria pro affectu flumina lacrimarum; eo quod non invenisset in monumento Dominum. Plangebat in horto dominicæ resurrectionis; invenit sepulcrum patenter, et expavit. Illic enim excubiæ angelorum super lapidem revolutum cantabant de resurrectione dominicæ hymnum novum, præclara legio angelorum: illa fundebat [lacrimas] ante sepulcrum. Dicitur ei ab angelis quod jam surrexisset a mortuis. Dum ista audit, efficitur quem querebat corpus Domini Salvatoris. Clamabat jam gaudens: Tu es Dominus meus, qui in ligno pependisti, et in sepulcro pro toto mundo jacuisti. Noli mihi indignari: etsi hortulanum putavi, tamen Dei Filium non negavi. Plorans ploravi ad te ante sepulcrum, et ibi vidi sudarium vultus tui [in] salutem. Sepultura enim non tuis meritis, sed nostris peccatis [debeatur,] unde Maria

Actus apostolorum. »

^c Idem Evangelium ad missam Paschæ in Lctionario Luxoviensi, ita incipiens: *Diebus illis una Sabbati, etc.*

^a Hæ Lectiones item pro missa sequente. Nam Lectiones ex Apocalypsi et ex Actis Apostolorum a die Paschæ incipiebant.

^b Augustinus, in sermone 4 de Paschate: « Modo incipit liber iste legi; hodie cœpit liber, qui vocatur

tergeret oculos luctus. Sub illud enim sudarium, id est in sepulcro, reliquerat, ut testimonium perhiberet de resurrectione.

Collectio.

Deus, qui per Unigenitum tuum æternitatis nobis aditum devicta morte reserasti, da nobis, quæsumus, ut qui [nos] resurrectionis dominicæ annua sollemnitate lætificas, concede propitius, ut per temporalia quæ agimus, pervenire ad gaudia æterna mereamur.

Post nomina.

Omnipotens sempiterne Deus, qui resurgens a mortuis, passione cassata, potentior te tuis discipulis reddidisti : concede propitius, ut nos quoque apud Majestatem tuam in hoc paschali sacrificio in bonis operibus efficiat promptiores, et gratiæ tuæ pietatis adquirat.

Ad pacem.

Deus omnipotens, qui et vitæ nostræ auctor es et salutis, exaudi supplicum voces, atque eos quos sanguinis tui effusione redemisti, præsta, et per te vivere, et perpetua facias sensuum incolomitate gaudere.

Contestatio.

Vere dignum et justum est omnipotens Deus, te quidem in omni tempore, sed præcipue die, quo tua resurrectio celebratur, omni festivitate laudare, benedicere et prædicare, quo Pascha nostrum immolatus est Christus. Per quem potestas tartarea cecidit, inferni sunt vincula resoluta, cyrographum est antiquæ prævaricationis extinctum ; aculeus mortis obtrit ; nos quoque de servitutis jugo damnationis Ægyptiæ per spiritales aquas educens, triumphans resurrexit in gloriam, et libertatem nobis misericordiæ suæ munere redonavit Jesus Christus Dominus noster. Per quem.

Item Contestatio.

Vere dignum et justum est, omnipotens Deus, per Christum Dominum nostrum. Cujus sanguine fuso pax in cælo terraque firmata est. O vere preciosa est conventio pacis, quæ facta est oblatio sancti cruoris ! non auro, neque argento ; non gemmis aut margaritis, sed cruore effuso latere Salvatoris. Sanguis effusus cælum lætificavit, terram mundavit, inferos conturbavit. Viderunt angeli, acceperunt lætitiā : viderunt homines, et luce gavisi sunt magna. Per q. m. l.

ITEM MISSA PASCHALIS.

Lectio Apocalypsis sancti Johannis apostoli.

Ego Johannes vidi ostium apertum in cælo, et vox prima, quam audiui, tanquam tubæ loquentis mecum, dicens : Ascende huc, et ostendam tibi quæ oportet fieri post hæc. Statim fui in spiritu, et ecce sedes posita erat in cælo, et supra sedem sedens. Et qui sedebat, similis erat aspectui lapidis hiaspidis ; et sardinis, et hiris erat in circuitu sedis similis visioni smaragdinae ; et in circuitu sedis sedilia viginti quattuor, et super thronos viginti quattuor seniores sedentes, circum amicti vestimentis albis, et in capiti-

bus eorum coronas aureas. Et de throno procedunt fulgora, et voces, et tonitrua ; septem lampades ardentes ante thronum quæ sunt spiritus Dei ; et in conspectu sedis tanquam mare vitreum, simile crystallo ; et in medio sedis et in circuitu sedis quattuor animalia, plena oculis ante et retro. Et animal primum simile leoni, et secundum animal simile vitulo, et tertium animal habens faciem quasi hominis : et quartum animal simile aquilæ volanti. Et quattuor animalia singula eorum habebant alas senas ; et in circuitu et intus plena sunt oculis. Et requiem non habent die et nocte dicentia : Sanctus, Sanctus, Sanctus Dominus Deus omnipotens, qui erat, et qui est, et qui venturus est. Qui habet aurem, audiat quid Spiritus dicat Ecclesiæ.

B Lectio Actuum apostolorum^a.

Diebus illis reversi sunt apostoli in Hierusolyma, a monte qui vocatur Oliveti, qui est juxta Hierusalem, sabbati habens iter. Et cum introissent in cænacolum, ascenderunt ubi manebant Petrus et Johannes, Jacobus et Andreas, Philippus et Thomas, Bartholomæus et Matthæus, Jacobus Alfei et Simon Zelotes, et Judas Jacobi. Hii omnes erant perseverantes unanimiter in oratione, cum mulieribus et Maria matre Jesu, et fratribus ejus.

Lectio sancti Evangelii secundum Marcum.

Una sabbatorum Maria Magdalene et Maria Jacobii valde diluculo venerunt ad monumentum, orto jam sole. Et dicebant ad invicem : Quis revolvat nobis lapidem ab ostio monumenti ? Et respicientes viderunt revolutum lapidem. Erat quippe magnus valde. Et introeuntes in monumentum, viderunt juvenem sedentem a dextris, coopertum stolam candidam, et obstupuerunt. Qui dicit illis : Nolite expavescere, Jesum quæritis Nazarenum crucifixum. Surrexit, non est hic. Ecce locus ubi posuerunt eum. Sed ite, et dicite discipulis ejus et Petro, quia præcedit vos in Galilæa. Ibi eum videbitis, sicut dixit vobis.

INCIPIT MISSA.

Deus, qui unigenitum Filium tuum de cælis pro nobis misisti, ut intoleranda sustinuit, crucifixus pendi voluit, ut nos a perpetuis cruciatibus liberaret ; tumulo suo, ut credimus, peccata nostra sepelivit, avaras inferni fauces interiora penetravit ; nobis quoque famulis suis jubeat in prima resurrectione esse participes.

D

Collectio.

Deus, qui paschaliū [gaudiorum] nobis remedia contulisti ; populum tuum cælesti dono proseguere : ut inde post in perpetuum gaudeat, unde nunc temporaliter exultat.

Post nomina.

Suspice, Domine, propitius munera et vota famulorum : ut confessione tui nominis et baptismate renovati, sempiternam beatitudinem consequantur.

Ad pacem.

Omnipotens sempiterne Deus, cui resurgenti a mor-

^a Hæ Lectiones pro sequentibus diebus paschali-
bus diversæ ab eis quæ assignantur in Luxoviensi

Lectionario, ubi tamen desumuntur etiam ex Apo-
calypsi et ex Actis.

tuis sacrificia paschalibus gaudiis immolamus, quibus Ecclesia tua mirabiliter et renascitur, et nutritur.

Contestatio.

Vere dignum et justum est omnipotens Deus, te quidem omni tempore laudare, benedicere, et prædicare, quod Pascha nostrum immolatus est Christus. Per quem [in] æternam vitam filii lucis oriuntur, fidelibus regni cælestis atria reserantur, et beati lege commercii divinis humana mutantur. Quia nostrorum omnium mors cruce Christi redempta est, et in resurrectione ejus omnium vita surrexit. Quem in susceptione mortalitatis Deum majestatis agnoscimus, et in divinitatis gloriam Deum et hominem confitemur. Qui mortem nostram moriendo destruxit, et vitam resurgendo restituit Jesus Christus Dominus noster. Quem laudant.

ITEM MISSA PASCHALIS.

Lectio Apocalypsis sancti Johannis.

Ego Johannes vidi nubem candidam, et supra nubem sedentem similem Filio hominis, habentem in capite suo coronam auream, et in manu sua falcem acutam. Et alter angelus exivit de templo, clamans voce magna ad sedentem super nubem: Mitte falcem tuam, et mete: quia venit hora ut metatur, quoniam matura est messis terræ. Et misit qui sedebat supra nubem falcem suam in terram, et messa est terra. Et alius angelus exivit de templo, quod est in cælo, habens et ipse falcem acutam. Et alius angelus de altari, qui habet potestatem supra ignem, et clamavit voce magna, qui habet falcem acutam, dicens: Mitte falcem tuam acutam, et vindemia botros terræ, quoniam maturæ sunt uvæ ejus. Et misit angelus falcem suam in terram, et vindemiavit vineam terræ; et misit in lacum iræ Dei magnum, et calcatus est lacus extra civitatem, et exivit sanguis de lacu usque ad frenos equorum per stadia mille sexcenta.

Lectio Actuum apostolorum.

Tempore illo Saulus adhuc spirans minarum et cædis in discipulos Domini, accessit ad principem sacerdotum, et petiit ab eo epistolas in Damascum ad synagogas; ut quos invenisset hujus viæ viros ac mulieres, vinctos perduceret in Hierusalem. Et cum iter faceret, contigit ut adpropinquaret Damasco: et subito circumfulsit eum lux de cælo, et cadens in terram, audivit vocem dicentem sibi: Saule, Saule, quid me persequeris? Et dixit: Quis es, Domine? Et ille: Ego sum Jesus quem tu persequeris. Sed surge, et ingredere in civitatem, et dicetur tibi quæ te oporteat facere. Viri autem qui comitabantur cum eo, stabant stupefacti, audientes quidem vocem, neminem autem videntes, Surgens autem Saulus de terra, apertisque oculis nihil videbat. Ad manum autem illum trahentes, introierunt Damascum: et erat tribus diebus Saulus, et non manducavit, neque bibit.

Lectio sancti Evangelii secundum Johannem.

Diebus illis post resurrectionem, cum fores essent

A clausæ, ubi erant discipuli propter metum Judæorum, venit Dominus Jesus, et stetit in medio eorum, et dicit eis: Pax vobis. Et hoc cum dixisset, ostendit eis manus et latus. Gavisus sunt ergo discipuli viso Domino. Dixit ergo eis iterum: Pax vobiscum. Sicut misit me Pater, et ego mitto vos. Hoc cum dixisset, insufflavit, et dicit eis: Accipite Spiritum sanctum; quorum remiseritis peccata remittuntur eis, et quorum retinueritis retenta sunt. Thomas autem unus ex duodecim, qui dicitur Dydimus, non erat cum eis quando venit Dominus Jesus. Dixerunt ergo ei alii discipuli: Vidimus Dominum. Ille autem dixit eis: Nisi videro in manibus ejus fixuram clavorum, et mittam manum meam in latus ejus, non credam. Et post dies octo^a iterum erant discipuli

B ejus intus; et Thomas cum eis. Venit Dominus Jesus januis clausis, et stetit in medio, et dixit: Pax vobis. Deinde dixit Thomæ: Infer digitum tuum huc, et vide manus meas; et affer manum tuam, et mitte in latus meum; et noli esse incredulus sed fidelis. Respondit Thomas et dixit ei: Dominus meus, et Deus meus. Dixit ei Jesus: Quia vidisti me, et et credidisti: beati qui non viderunt, et crediderunt. Multa quidem et alia signa fecit Dominus Jesus in conspectu discipulorum suorum, qui non sunt scripta in libro hoc. Hæc autem scripta sunt ut credatis quia Jesus est Christus Filius Dei, et ut credentes vitam habeatis in nomine ejus.

INCIPIIT MISSA.

C Omnipotens sempiternus Deus, qui populum tuum Unigeniti tui sanguine redemisti, solve vincula peccatorum nostrorum; ut qui æternam vitam in confessione tui nominis sunt adepti, nihil debeant mortis auctori.

Collectio.

Præsta, quæsumus, omnipotens Deus, ut hujus paschalis festivitatis mirabile sacramentum et temporalem nobis tranquillitatem tribuat, et vitam tribuat sempiternam.

Post nomina.

Respice, quæsumus, Domine, et peccatorum nostrorum tenebras averte: ut quos exercet devotio solemnitatis paschalis, inlustrent gaudia piæ cognitionis: et nomina quæ recitata sunt, in cælesti pagina conscribi præcipias.

Ad pacem.

Concede, quæsumus, omnipotens Deus, ut festa Paschalia, quæ devotione colimus, moribus exsequamur; et pacem quam per omnia custodire jussisti, non tantum osculis, sed animis conservare nos jubas: ut spiritalibus donis instituti, apostolica præcepta servemus.

Contestatio.

Vere dignum et justum est, omnipotens Deus, per Christum Dominum. Cujus mors humanæ vitæ facta est reparatio, destructio mortis, ablatio peccati, ve-

^a Hoc Evangelium bene convenit octavo diei post Pascha, quo die in Ordine Romano assignatur. Vocatur Dominica in albis seu ad albas deponendas. In Codice Vallicellano affertur ad hanc diem ad albas

deponendas Oratio quam debet sacerdos dicere super infantes, quando eis scusare vult, id est albas exuere.

nia offensis, redemptio hominum, reconciliatio mundi, et tuæ Pater pietatis mira placatio. De morte enim Christi resurrectio nostra venit in mundum, qui sicut ovis ad occisionem pro nobis ductus est; et ut agnus coram tondente sine voce, sic non aperuit os suum. Hic enim est agnus Dei unigenitus Filius tuus, qui tollit peccata mundi: qui se pro nobis offerendo non desinit, nosque apud te perpetua advocacy defendit: quia numquam moritur immolatus, sed semper vivit occisus. Quem laudant, etc.

Item contestatio paschalis.

Vere dignum et justum est omnipotens Deus, cuius a mundi origine inestimabilis erga hominum genus dilectio perseverat; dum justos per viam rectam gradientes cælestem ducit ad patriam, et peccatores ab iniquitate conversos paternam reportat ad gratiam. Hinc ergo est, omnipotens Deus, quod Dominus noster Jesus Christus sicut passione sua exspoliatus inferos, ita etiam resurrectione sua manubiis, quibus tartarea vincla nudaverat, vestivit potentialiter cælos. Per quem Majestatem tuam.

MISSA IN INVENTIONE SANCTÆ + *.

Epistola Pauli apostoli ad Philippenses b.

Fratres, hoc sentite in vobis quod in Christo Jesu, qui, cum in forma Dei esset, non rapinam arbitratus est esse se æqualem Deo, sed semetipsum exinanivit formam servi accipiens, in similitudinem hominum factus, et habitu inventus ut homo. Humiliavit semetipsum, factus obediens usque ad mortem, mortem autem crucis. Propter quod et Deus illum exaltavit, et donavit illi nomen super omne nomen, ut in nomine Jesu omne genu flectatur, cælestium, terrestrium et infernorum; et omnis lingua confiteatur quia Dominus Jesus Christus in gloria est Dei Patris.

Lectio sancti Evangelii secundum Matthæum.

Simile est regnum cælorum thesauro abscondito in agro, quem qui invenit homo abscondit, et præ gaudio illius vadit, et vendidit universa quæ habet, et emit agrum illum. Iterum simile est regnum cælorum homini negotiatori quærenti bonas margaritas. Inventa autem una preciosa margarita, abiit, et vendidit omnia quæ habuit, et emit eam. Iterum simile est regnum cælorum sagenæ missæ in mare, et ex omni genere piscium congreganti: quam cum impleta esset, educentes, elegerunt bonos in vasa, malos autem foras miserunt. Sic erit in consummatione sæculi. Exibunt angeli, et separabunt malos de medio justorum, et mittent eos in caminum ignis: ibi erit fletus et stridor dentium.

INCIPIT MISSA.

Venerabilem toto mundo de inventione sanctæ Crucis sacratissimum diem sollemniter celebrantes gratias agamus divinæ potentiæ, qui tantæ salutis vexillum, quod Judaica nobis abscondebat malitia, cælestis hodie revelavit clementia. Nam etsi gens perfida Dominum nostrum in sepulcro retinere non potuit, vel ipsa Crucis indicia voluit sub fossa celare.

* Habetur item missa de ea in Gothico, sed diversa. Observa hic nullas assignari missas pro Dominicis post Pascha, quia paschales repetebantur.

Quid enim illa mens perfida poterat excogitare de cruce quæ jam sacrilegium commiserat in auctorem? Itaque sicut in Christi resurrectione calliditas Judæorum damnata est, ita est in crucis manifestatione virtutis confusa.

Secreta.

Deum creatorem et redemptorem nostrum, qui in carne, quam sumpsit de Virgine, pro totius mundi salute admirabilis hostia immolatus est in crucis altari; et propter expellendum venenum, quod in Adam fuerat suasionem serpentis infusum, preciosis sanguinis porrexit antidotum, ut criminis antiqui peccatum tam novo sacrificio purgaretur; et mors, quæ processit gustando de scientiæ ligno, moreretur per lignum; supplices deprecamur, ut nos, quos eripuit de inferno per hujus signi patibulum, ejusdem protectione perducat ad regnum.

Contestatio.

Vere dignum et justum est, omnipotens Deus: qui genus humanum prævaricatione sua in ipsius originis radice damnatum: per florem virginalis uteri reddere dignatus es absolutum: et hominem recreari, ut diabolus, qui Adam in fragili carne devicerat, conservata justitia a Deo carne redderetur adsumpta, cum perfectum Dominum Jesum Christum in utraque substantia hostis tentaret humilem, sed agnosceret præpotentem. Nam adversarius noster nec a solo Deo certari poterat, nec a solo homine debellari. Sed cuius provocatus visibili corpore, victus est invisibili potestate. Dic igitur, hostis antique, quo tua fraus, quo argumenta, quo serpentina consilia sunt vorata? Ecce deceptor deceptus es, et qui triumphaveras conculcaris. Nam caro, quæ tibi fuit in Adam cibus, factus est in Christo interitus: et unde prius esca, inde successit penuria. Sed videamus ubi contigit poena, de qua tenemus victoriam: et adoremus crucis signaculum, per quod salutis summus sacramentum. Ecce crux venerabilis evacuatio vulneris, restitutio sanitatis, fidei oraculum, spei suffragium, victoriæ firmamentum. In hac Dominus noster manus sacras pugnaturus inseruit: in hac ut nobis palmam tribueret, suas palmas Redemptor aptavit; et quasi in statera se ipsum pro precio nostro pensavit, ut vita vendita fieret mors captiva. In hac ne mundus gravem lapsum gerneret, sanctos pedes Christus adfixit, et contra fortem fortior totum corpus triumphaturus extendit. Hoc tamen plus est mirabile, quia quod toto mundo profecerit, in uno stans stipite cursum victor implevit. O crux admirabili virtute præcellens, muneris preciosi largitrix, quæ reddis cives de peregrinis, felices de naufragis, liberos de subditis, vivaces efflicis de peremptis! Ad cælos ducis de tartaris, amicos revocas ex offensis, adoptivos facis de perditis, heredes instituis de damnatis. Vere summis digna præconis, quæ viduato inferno dotasti paradisum, et virtus quæ illum subdidit, hunc erexit. Tu nostri capitis galea, lateris palma, pectoris es lorica, et quicquid tota membra

b Sequentes duæ Lectiones subsequenti festo inventæ Crucis conveniunt.

poposcerint, sola sufficis præmunire. Ecce factum est nobis signum crucis in bonum per Christum Dominum nostrum.

MISSA IN LETANIAS DICENDA.

In *Letanias legenda* ^a.

Lectio Johel prophetæ.

Hæc dicit Dominus : Convertimini ad me in toto corde vestro, in jejunio, et fletu, et in planctu : scindite corda vestra, et non vestimenta vestra ; et convertimini ad Dominum Deum vestrum, quia benignus et misericors est. Canite tuba in Sion, sanctificate jejunium, vocate cœtum, congregare populum, sanctificate ecclesiam, vocate senes et sugentes ad ubera. Inter vestibulum et altare plorabunt sacerdotes ministri Domini, et dicent : Parce, Domine, populo tuo, et ne des hereditatem tuam in opprobrium. Et respondit Dominus, et dixit populo suo : Ecce ego mittam vobis frumentum, vinum et oleum, et replebimini eo et non dabo vos ultra in opprobrium in gentibus, quia dedi vobis Doctorem justitiæ, et descendere faciam ad vos imbrem matutinum et serotinum, ait Dominus Deus.

Lectio sancti Evangelii secundum Matthæum.

Diebus illis, dixit Dominus Jesus discipulis suis : Audistis quia dictum est antiquis, Diliges proximum tuum, et odio habebis inimicum tuum. Ego autem dico vobis : Diligite inimicos vestros, benefacite his qui oderunt vos, orate pro persequentibus et calumniantibus vos : ut sitis filii Patris vestri qui in cælis est, qui solem suum oriri facit super malos et bonos, et pluit super justos et injustos. Si enim diligatis eos, qui vos diligunt, quam mercedem habebitis ? nonne et publicani hoc faciunt ? Et si salutaveritis fratres vestros tantum, quid amplius facietis ? nonne ethnici hoc faciunt ? Estote ergo perfecti, sicut Pater vester cælestis perfectus est.

Item alia. Lectio sancti Evangelii secundum Matthæum.

In illo tempore, convocatis Dominus Jesus discipulis suis, dixit : Misereor turbæ, quia triduo jam perseverant mecum, et non habent quod manducant : et dimittere eos jejunos nolo, ne deficiant in via. Et dicunt ei discipuli : Unde ergo nobis in deserto panes tantos, ut saturemus turbam tantam ? Et ait illis Jesus : Quot panes habetis ? At illi dixerunt : Septem, et paucos pisciculos. Et præcepit turbæ ut discumberet super terra ; et accipiens septem panes et pisces, gratias agens, fregit, et dedit discipulis suis, et discipuli dederunt populo : et comederunt omnes et saturati sunt. Et quod superfuit de fragmentis ^b tulerunt septem sportas plenas. Erant autem qui manducaverunt quattuor milia hominum, extra parvulos et mulieres.

Item alia.

Vespere autem facto, accesserunt ad Jesum di-

^a Diversæ et prolixiores Lectiones assignantur in Luxoviensi Lectionario ; sed hæc pro missa, aliæ extra missam. Porro Litanie Rogationum Romæ non receptæ sunt ante pontificatum Leonis III, qui pontifex « constituit, ut ante tres dies Ascensionis dominicæ Litanie celebrantur, » testante Anastasio.

^b In exemplari *fraumentis* ; et in subsequente alia

scipuli ejus dicentes : Desertus est locus, et hora jam præterit ; dimitte turbas, ut euntes in castella, emant sibi escas. Jesus autem dixit eis : Non habent necesse ire, date illis vos manducare. Responderunt ei : Non habemus hic nisi quinque panes, et duos pisces. Qui ait eis : Adferite illos mihi huc. Et cum jussisset turbam discumbere supra fœnum, acceptis quinque panibus et duobus piscibus, aspiciens in cælum benedixit, et fregit, et dedit discipulis suis panes, discipuli autem turbis. Et manducaverunt omnes, et saturati sunt, et tulerunt reliquias duodecim cophinos fragmentorum plenos. Manducantium autem fuit numerus quinque milia virorum, exceptis mulieribus et parvulis.

INCIPIT MISSA.

Misericors Domine, cujus miserationes sunt super omnia opera ejus, fratres carissimi, supplicemus, ut reliquiis populi sui, quem ruina mundi labentis ac prætereuntis oppressit, in variis afflictionum ejus succurat angustis, quo singulis adque universis tribulationum suarum pondus non ira delendi sint, sed eruditio convertendi.

Secreta.

Deus, nostrum refugium in laboribus, virtus in infirmitatibus, adjutorium in tribulationibus, solamen in fletibus ; parce Domine, parce populo tuo, ne tradas bestiis animas confitentes tibi.

Contestatio.

Vere dignum et justum est, omnipotens Deus. Expectantes ergo misericordias tuas, ante oculos tuos extensum humilitatis nostræ siue infusione tuæ benedictionis expetimus. Parce, Domine, miseris, et ante tuum conspectum parce prostratis ; nec afferant nobis nostra delicta reatum, sed tribuat tua dulcedo consolationis remedium. Verumtamen, omnipotens et misericors Deus, te obsecramus, ut voluntariam nobis conferas pluviam, et ne secundum peccata nostra tribuas nobis, nec ea qua meremur austeritate nos judices, quia tu reple omnem animam benedictione per Christum Dominum nostrum.

MISSA IN ASCENSIONE DOMINI.

Lectio Apocalypsis sancti Johannis c.

Vidi turbam magnam, quam dinumerare nemo poterat ; ex omnibus gentibus, et tribubus, et populis, et linguis, stantes ante thronum in conspecto Agni, amicti stolas albas, et palmæ in manibus eorum. Et clamabant voce magna, dicentes : Salus Deo nostro, qui sedit super thronum, et Agno. Et omnes angeli stabant in circuito throni, et seniorum, et quattuor animalium : et ceciderunt in conspecto throni in facies suas, et adoraverunt Deum, dicentes, Amen. Benedictio, et claritas, et sapientia, et gratiarum actio, et honor, et virtus, et fortitudo Deo nostro in sæcula sæculorum, amen.

lectione *fraumentorum*.

^c Sequentes Lectiones festo Ascensionis conveniunt. Augustinus in sermone 3 de Ascensione ait lectum fuisse ex Apocalypsi : *Vicit Leo de tribu Juda*. In sermone 5 mentionem facit Lectionis ex Libro Actuum apostolorum : quæ prima est Lectio ex tribus in Lectionario nostro Gallicano.

Lectio sancti Evangelii secundum Lucam.

Diebus illis stetit Dominus Jesus in medio discipulorum suorum, et dicit eis : Pax vobis, ego sum, nolite timere. Conturbati vero et confecti, existimabant se spiritum videre. Et dixit eis : Quid turbati estis, et cogitationes ascendunt in corda vestra? Videte manus meas et pedes, quia ipse ego sum. Palpate et videte, quia spiritus carnem et ossa non habet, sicut me videtis habere. Et cum hoc dixisset, ostendit eis manus et pedes. Adhuc autem illis non credentibus, et mirantibus præ gaudio, dixit : Habetis hic aliquid quod manducetur? At illi optulerunt ei partem piscis assi, et favum mellis. Et cum manducasset coram eis, sumens reliquias dedit eis. Et dixit ad eos : Hæc sunt verba quæ locutus sum ad vos cum adhuc [essem] vobiscum, quoniam necesse est impleri omnia quæ scripta sunt in lege Moysi, et Prophetis, et Psalmis de me. Tunc aperuit illis sensum, ut intelligerent Scripturas, et dixit eis, quoniam sic scriptum est : et sic oportebat Christum pati, et resurgere a mortuis die tertia, et prædicari in nomine ejus pœnitentiam et remissionem peccatorum in omnibus gentibus, incipientibus ab Hierosolyma. Vos autem estis testes horum : et ego mitto promissum Patris in vos. Vos autem sedete in civitate, quoadusque induamini virtutem ex alto. **E**duxit autem eos foras in Bethanea, et elevatis manibus suis in cælum, benedixit eis. Et factum est dum benediceret illis, recessit ab eis, et ferebatur in cælum. Et ipsi adorantes regressi sunt in Hierusalem cum gaudio magno. Et erant semper in templo, laudantes et benedicentes Dominum.

INCIPIT MISSA.

Mirabilis in excelsis Dominus Deus noster, qui ascendisti super cælos cælorum ad orientem, inter angelorum ministeria carnis trophæa sustollens, cum ad occursum tuum cæli potestates occurrunt; pone, quæsumus, ascensiones in cordibus nostris; ut etiam nos te sequentes, illuc tendamus fide, ubi scimus ad Dei Patris dexteram te regnare.

Secreta.

Ascensionis Domini sacramentum, quo advocatus Dominus noster Jesus Christus ad Patrem nobis missurus ascendit, fidei nostræ gaudia multiplicata celebret : ut promissionis suæ memorata interpellet pro nobis, ut in secundo ejus adventu mereamur occurrere læti.

Contestatio^a.

Vere dignum et justum est omnipotens Deus per Christum Dominum nostrum. Qui mortuus est propter peccata nostra, et resurrexit propter justificationem nostram. Qui solutis inferni nexibus æreas portas ac ferrea claustra confregit; deinde resurgens a mortuis, quadragesimo die, videntibus cunctis discipulis, ad cælos ascendit : quia ipse est expectatio nostra, quem expectamus venire de cælis, ut con-

^a Eadem contestatio in Gothico usque ad hæc verba : *Qui solutis inferni*, etc.

^b Lectiones pro festo Pentecostes, quod absolute

A formet corpus humilitatis nostræ corpori suæ. Quem laud.

MISSA IN QUINQUAGESIMO.

Lectio Apocalypsin sancti Johannis apostoli

Veni, ostendam tibi sponsam uxorem Agni sustulit me in spiritu in montem magnum et ascendit mihi civitatem sanctam Hierusalem scendentem de cælo a Deo, habentem claritatem Lumen ejus simile lapidi precioso, tamquam jaspidis, sicut crystallum. Et habebat murum magnum et altum, habens portas duodecim et in angelos duodecim et nomina inscripta, quæ sunt nomina duodecim tribuum filiorum Israel. Ab Oportet tres, et ab aquilone portæ tres. Et murus habens fundamenta duodecim et in ipsis **B** duodecim nomina apostolorum Agni. Et qui loquitur mecum, habebat mensuram, harundinem autem ut metiretur civitatem, et portas ejus, et murus civitas in quadrato posita est, et longitudo ejus est, quanta et latitudo. Et mensus est civitatem harundine per stadia duodecim. Longitudo et latitudo æqualia sunt. Et mensus est murus ejus cubitis quadraginta quatuor cubitorum mensura hominis quæ est angeli. Et erat structura muri ejus ex jaspide : ipsa vero civitas auro mundo, simile mundo. Fundamenta muri civitatis omni lapido precioso ornata. Fundamentum primum jaspis; secundus, sapphirus; tercius, calcidionius; quartus, agardus; quintus, sardonix; sextus, sardinus; septimus, chrysolitus; octavus, beryllus; nonus, smaragdus; decimus, chrysoprassus; undecimus, hyacinthus; duodecimus, amethystus : et duodecim duodecim margaritæ sunt per singulas. Qui aurem audiat quæ spiritus dicat.

Lectio sancti Evangelii secundum Iohannem

Diebus illis, dixit Dominus Jesus discipulis Qui credit in me, opera quæ ego facio, et ipse faciet et majora horum faciet, quia ego ad Patrem et quodcumque petieritis in nomine meo, habebitis. Si diligitis me, mandata mea servate : et rogabo Patrem, et alium^c Paraclitum dabitur vobis, ut maneat vobiscum in æternum, Spiritum verum quem mundus non potest accipere, quia non vidit eum, nec scit eum : vos autem cognoscetis eum, quia apud vos manebit, et in vobis erit. Non enim habetis eum, quia ego vivo et vos vivetis. In illo die cognoscetis quia ego sum in Patre meo, et vos in me. Qui habet mandata mea, et servat illa, qui diligit me. Qui autem diligit me, dabitur a Patre meo, et ego diligam eum, et manifestabo ei meipsum.

INCIPIT MISSA.

Te datorem Spiritus sancti, Domine Christus, hac die celeberrima, quod tuos apostolos charissimos

Quinquagesimum infra non semel appellatur.

^c Sic *Paraclitus*, non *Paracletus*, in vetustis exemplari.

donis Spiritus sancti igni ditasti, provoluta ac submissa prece rogamus : quo adveniente Trinitas coruscavit, quinquaginta dies emicuit; in quo Pascha adimpleta est, mysterii tui sollemnitatem concludimus obsecrantes ut corda nostra purifies, a quo discipulorum corda quasi ferrum ad capiendum ignisti.

Collectio.

Spiritus sanctus tuus Paraclitus, quæsumus, Domine, a peccatis nostris emundans continuam nobis tribuat claritatem; quique quasi ignis super apostolos advenit, dispergens dona, super nos quoque infirmos, te concedente, vel aliqua portione suæ dignationis adveniens, et peccata deleat, et pietatis dona largiatur.

Post nomina.

Virtute sancti Spiritus, Domine, munera nostra contingere; ut quod sollemnitatem quinquaginsimæ suo

* Eadem in Gothico est contestatio, p. 169.

nomini dedicavit, et intelligibile nobis faciat et æternum.

Collectio ad pacem.

Munera nostra, quæsumus, Domine, sancti Spiritus tui dignatione sacrentur, per quæ et a peccatis omnibus absolvantur, et adoptionis tuæ filii renascantur.

Contestatio

* Vere dignum et justum est, omnipotens Deus, te laudare in hoc præcipue die, quo sacratissimum Pascha quinquaginta dierum mysteriis tegitur, et per sua vestigia recursantium dierum spatiis colligitur; et dispersio linguarum, quæ in confusione facta fuerat, per Spiritum sanctum adunatur. Hodie namque de cælis repente sonum audientes Apostoli, unius fidei Symbolum exceperunt, et linguis variis Evangelii tui gloriam gentibus tradiderunt per Christum Dominum nostrum.

IN DEI NOMINE INCIPIUNT LECTIONES COTTIDIANAS.

MISSA SANCTI IOHANNIS BAPTISTÆ.

Lectio de Hieremia propheta.

Hæc dicit Dominus: Quærite pacem civitatis, et orate pro ea ad Dominum, quia in pace illius erit pax vobis. Hæc dicit Dominus: Non vos seducant propheta vestri, qui sunt in medio vestri, et divini vestri; et ne attendatis ad somnia vestra, quæ vos somniatis, quia falsum vobis ipsi prophetant in nomine meo, et non misi eos, dicit Dominus. Visitabo vos, et suscitabo super vos verbum meum bonum, ut reducam vos ad locum istum. Ego enim scio cogitationes, quas cogito super vos, cogitationes pacis, et non afflictionis, ut dem vobis finem et pœnitentiam. Invocabitis me, et vivetis; orabitis me et exaudiam vos; quæretis me et invenietis. Cum quæsieritis me in toto corde vestro, inveniar a vobis, ait Dominus: et reducam captivitatem vestram, et congregabo vos de universis gentibus, et de cunctis locis, ad quæ expuli vos, ait Dominus.

Epistola Pauli apostoli ad Philippenses in sancti Iohannis missa^a.

Fratres, gaudete in Domino semper, iterum dico gaudete. Modestia vestra nota sit omnibus hominibus, Dominus enim prope est. Nihil solliciti sitis, sed in omni oratione et obsecratione cum gratiarum actione petitiones vestræ innotescant apud Deum. Et Pax Dei quæ exsuperat omnem sensum, custodiat corda vestra et intelligentias vestras in Christo Jesu. De cetero, fratres, quæcumque sunt vera, quæcumque pudica, quæcumque justa, quæcumque sancta, quæcumque amabilia, quæcumque bonæ famæ; si qua vir-

tus, si qua laus; hæc cogitate; quia et didicistis, et accepistis, et audistis, et vidistis in me. Hæc agite, et Deus pacis erit vobiscum.

Lectio sancti Evangelii secundum Lucam.

Fuit in diebus Herodis regis Judæ sacerdos quidam, nomine Zaccharias, de vice Abia, et uxor illi de filiabus Aaron, et nomen ejus Elizabeth. Erant autem justi ambo ante Deum, incedentes in omnibus mandatis et justificationibus Domini sine querella; et non erat illis filius, eo quod esset Elizabeth sterilis, et ambo processissent in diebus suis. Factum est autem cum sacerdotio fungeretur in ordine vicis suæ ante Deum secundum consuetudinem sacerdotii, sorte exiit ut incensum poneret ingressus in templum Domini, et omnis multitudo erat populi orans foris hora incensi. Apparuit autem illi Angelus Domini stans a dextris altaris incensi, et Zaccharias turbatus est videns, et timor inruit super eum. Ait autem ad illum Angelus: Ne timeas Zaccharia, quoniam exaudita est deprecatio tua, et uxor tua Elizabeth pariet tibi filium, et vocabis nomen ejus Johannem, et erit gaudium tibi, et exultatio; et multi in nativitate ejus gaudebunt, et erit magnus coram Domino, et vinum et siceram non bibet, et Spiritu sancto replebitur adhuc ex utero matris suæ, et multos filiorum Israel convertet ad Dominum Deum ipsorum. Et ipse præcedet ante illum in spiritu et virtute Eliæ, ut convertat corda patrum in filios, et incredibiles ad prudentiam justorum, parare Domino plebem perfectam. Et dixit Zaccharias ad angelum: Unde hoc sciam? Ego enim sum senex, et uxor mea processit in die-

^a Id est festo, uti colligitur ex Lectione sequente Post sancti Iohannis missam. Quo nomine festum

apud veteres significari, notius est quam ut probari sit necessarium.

bus suis. Et respondens angelus dixit ei: Ego sum Gabriel, qui adsto ante Deum, et missus sum loqui ad te, et hæc tibi evangelizare, et ecce eris tacens, et non poteris loqui usque in diem quo hæc fiant, pro eo quod non credidisti verbis meis, quæ implebuntur in tempore suo. Et erat plebs expectans Zacchariam, et mirabantur quod tardaret ipse in templo. Egressus autem non poterat loqui ad illos: et cognoverunt quod visionem vidisset ipse in templo. Et ipse erat innuens illis, et permansit mutus. Et factum est ut impleti sunt dies officii ejus, abiit in domum suam. Post hos autem dies, concepit Elizabeth uxor ejus, et occultabat se mensibus quinque dicens: Quia sic mihi fecit Dominus in diebus, quibus respexit auferre opprobrium meum inter homines. Elizabeth autem impletum est tempus pariendi, et peperit filium. Audierunt vicini et cognati ejus, quia magnificavit Dominus misericordiam suam cum illa, et congratulabantur ei. Et factum est in die octavo venerunt circumcidere puerum, et vocabant eum nomine patris ejus Zaccharia. Et respondens mater ejus dixit: Nequaquam, sed vocabitur Johannes. Et dixerunt ad illam: Quia nemo est in cognatione tua qui vocetur hoc nomine. Innuebant autem patri ejus quem vellet vocari eum. Et postulans pugillarem, scripsit dicens: Johannes est nomen ejus. Et mirati sunt universi. Apertum est autem ilico os ejus, et lingua ejus, et loquebatur benedicens Deum. Et factus est timor super omnes vicinos eorum, et super omnia montana Judæ divulgabantur omnia verba hæc. Et posuerunt omnes qui audierant in corde suo dicentes: Quid putas puer iste erit? etenim manus Domini erat cum illo. Et Zaccharias pater ejus impletus est Spiritu sancto, et prophetavit dicens: Benedictus Dominus Deus Israel. Puer autem crescebat et confortabatur spiritu, et erat in deserto usque in diem ostensionis suæ ad Israel.

Lectio sancti Evangelii secundum Matthæum, quæ legitur post sancti Johannis missam.

Diebus illis, cum venisset Dominus Jesus in templum, accesserunt ad eum docentem principes Sacerdotum, et seniores populi, dicentes: in qua potestate hæc facis, et quis dedit tibi hanc potestatem? Respondens Jesus dixit illis: Interrogabo vos et ego unum sermonem, quem si dixeritis mihi, et ego vobis dicam in qua potestate hæc facio. Baptismum Johannis unde erat? e cælo, an ex hominibus? At illi cogitabant inter se, dicentes: Si dixerimus, E cælo, dicet nobis: Quare ergo non credidistis illo? si autem dixerimus: Ex hominibus, timemus turbam. Omnes enim habebant Johannem sicut prophetam. Et respondentes Jesu, dixerunt: Nescimus. Ait illis et ipse: Nec ego vobis dico in qua potestate hæc facio. Quid autem vobis videtur? Homo habebat duos filios, et accedens ad primum dixit: Fili, vade hodie operari in vinea mea. Ille autem respondens ait:

^a Hæc præpostere posita, quæ præcedere debebant superiora *Post missam sancti Johannis.*

^b In Romano, ubi hæc Collectio fere eadem refer-

^a Nolo. Postea autem pænitentia motus abiit. Accedens autem ad alterum, dixit similiter. At ille respondens ait: Eo, domine, et non ivit. Quis ex duobus fecit voluntatem Patris? Dicunt ei, Novissimus. Dicit illis Jesus: Amen dico vobis, quia publicani et meretrices præcedunt vos in regno Dei. Venit enim ad vos Johannes in via justitiæ, et non credidistis ei: publicani autem et meretrices crediderunt ei, vos autem videntes nec pænitentiam habuistis postea ut crederetis ei.

Post prophetiam.

Aperi, Domine, claustra oris nostri, non solum linguam, sed et mentem, secundum servi tui Zacchariæ prophetæ, ut omnibus diebus vitæ nostræ te laudare possimus, et remissionem peccatorum consequi mereamur in via pacis æternæ. Per.

INCIPIT MISSA ^a.

Omnipotens sempiterne Deus, qui hunc nobis honorabilem diem in beati Johannis Baptistæ nativitate fecisti insignem, quæsumus ut tuus præcursor, qui inter natos mulierum omnibus major surrexit, nostram fragilitatem tuæ pietati commendet.

Collectio.

Deus qui hunc diem nativitatis beati Johannis Baptistæ incomparabilem hominibus consecrasti: præsta nobis de ejus meritis, illius nos calceamenti sequi vestigium [qui se ad solvendam Salvatoris corrigiam prædicavit indignum.

Post nomina.

^c Tua, Domine, muneribus salutaria ^b cumulamur, beati Johannis Baptistæ nativitatem honore debito celebrantes, qui Salvatorem mundi cecinit ad salutem.

Ad pacem.

Præsta, quæsumus, Domine, ut populus tuus ad plenæ devotionis effectum, beati Johannis Baptistæ natalitiis imbuatur, quem præmisisti Filio tuo plebem parare perfectam.

Contestatio.

Vere dignum et justum est, omnipotens Deus, in die festivitatis hodiernæ, quo beatus ille Johannes exortus est, qui vocem Matris Domini nondum editus sensit, et adhuc clausus utero adventum salutis humanæ prophetica exultatione gestivit: qui et genetricis sterilitatem conceptus abstersit, et patris linguam natus absolvit, solusque omnium prophetarum, Redemptorem mundi, quem prænunciavit, ostendit; et ut sacræ purificationis effectum aquarum natura conciperet, sanctificandis Jordanis fluentis ipsum baptismatis lavit auctorem Jesum Christum Dominum nostrum. Per quem.

MISSA IN SANCTI IOHANNIS PASSIONE.

^c Lectio libri Sapientiæ Salomonis, de uno justo.

Beatus vir qui inventus est sine macula, et qui post aurum non abiit, nec speravit in pecunia et thesauris. Quis est hic, et laudabimus eum? fecit enim mirabilia in vita sua. Quis probatus est in illo,

tur, legitur *altaria.*

^b Sequentes Lectiones assignantur pro subsequente festo passionis sancti Johannis Baptistæ,

et perfectus inventus est, et erit illi gloria. Qui potuit transgredi, et non est transgressus; et facere mala, et non fecit: ideo stabilita sunt bona illius, et eleemosynas illius enarrabit ecclesia sanctorum.

Lectio sancti Evangelii secundum Marcum.

In illo tempore audivit Herodes tetrarcha famam Jesu, tenuit Johannem, et alligavit eum, et posuit in carcere propter Herodiam uxorem fratris sui. Dicebat enim illi Johannes: Non licet tibi habere eam. Et voluit illum occidere: timuit populum, quia sicut prophetam eum habebant. Die autem natalis saltavit filia Herodiadis in medio, et placuit Herodi. Unde cum juramento pollicitus est ei dare quodcumque postulasset ab eo. At illa præmonita a matre sua: Da mihi, inquit, hic in disco caput Johannis Baptistæ. Et contristatus est rex. Propter juramentum autem et eos qui pariter recumbabant, jussit dari. Misitque, et decollavit Johannem in carcere; et allatum est caput ejus in disco, et datum est puellæ, et tulit matri suæ. Et accedentes discipuli ejus, tulerunt corpus ejus, et sepelierunt illud.

INCIPIT MISSA.

Deus cui sancta conversatione directa gloriosi Johannis oranda sanctitas, celebranda sollemnitatis est: qui quondam cum adnunciaret mirabiliter Redemptorem, expectabat, speculum luminis, initium baptismatis, testimonium veritatis; et in plenitudinem Christi signorum, post signa monstrabat, nuncius salutis, æmulus passionis: serviit propheta baptismo, baptista martyrio, et Jesum Dei Filium mundi redemptione venturum, quem adnunciare se prædicatione sermonis ostendit, amare se effusione sanguinis comprobavit.

Collectio secreta.

Exaudi nos bonorum omnium dispensator, atque in electissimi tui Johannis sollemnitate præsentis delictorum indulgentiam placatus adtribue; cui totum in virtutem sancti Spiritus ab ore translatum, Christus fuit moriendi causa, cui Christus fuerat causa nascendi. Ipse igitur nativitatis dominicæ nuncius, ipse præcursor probatus est passionis. Per.

Contestatio.

Vere dignum et justum est, omnipotens Deus per Christum Dominum nostrum. Cui in conspectu vaticinium, in actu baptismum, in obitu martyrium: Quo per unam eandemque dispensationem ostendit Generatio quem promisit, conversatio quem docuit, Passio quem dilexit: prophetat in utero, prædicat in sæculo, consummat in gaudio. A justitia elegitur, de justitia loquitur, pro justitia decollatur. Tantus prophetæ splendor in carceris claustra detruditur, et preciosus Deo sanguis meretriciæ saltationis mercede taxatur, atque inter gentiliciæ voluptatis fit epulas speculum. Cui merito omnes angeli. Sanctus.

MISSA IN NATALE PETRI ET PAULI.

Epistola Pauli apostoli ad Romanos. In natale apostolorum.

Fratres, justificati igitur ex fide, pacem habeamus ad Deum per Dominum nostrum Jesum Christum:

PATROL. LXXII.

per quem accessum habemus fide in gratia ista, in qua stamus, et gloriamur in spe gloriæ filiorum Dei. Non solum autem, sed et gloriamur in tribulationibus, scientes quod tribulatio patientiam operatur, patientia autem probationem, probatio vero spem, spes autem non confundit: quia caritas Dei defusa est in cordibus vestris per Spiritum sanctum, qui datus est nobis. Ut quid enim Christus, cum adhuc infirmi essemus, secundum tempus pro impiis mortuus est? Vix enim pro justo quis moritur; nam pro bono forsitan quis et audeat mori? Commendat autem suam caritatem Deus in nobis, quoniam cum adhuc peccatores essemus, Christus pro nobis mortuus est. Multo igitur magis justificati in sanguine ipsius, salvi erimus.

Lectio sancti Evangelii secundum Iohannem.

Diebus illis ambulans Dominus Jesus juxta mare Galileæ, vidit duos fratres, Simon, qui vocatur Petrus, et Andream fratrem ejus, mittentes retia in mare, erant enim piscatores, et ait illis: Venite post me, et faciam vos piscatores hominum. At illi continuo relictis retibus suis secuti sunt eum. Post hæc dicit Jesus Petro: Simon Johannes diligis me plus his? Dicit ei: Etiam, Domine, tu scis quia amo te. Dicit ei: Pasce agnos meos. Dicit ei iterum: Simon Johannes diligis me? At ille ait: Etiam, Domine, tu scis quia amo te. Dicit ei: Pasce agnos meos. Dicit ei tertio: Simon Johannes, amas me? Contristatus Petrus, quia dixit ei tertio, Amas me? Et dicit ei: Domine, tu nosti omnia, tu scis quia amo te. Dicit ei: Pasce oves meas. Amen, amen dico tibi, cum esses junior, cingebas te, et ambulabas ubi volebas. Cum autem senueris, extends manus tuas, et alius te cinget, et ducet quo tu non vis. Hoc autem dixit, significans qua morte esset clarificaturus Deum.

INCIPIT MISSA.

Deus qui hunc [diem] beatorum tuorum Petri et Pauli martyrio consecrasti; Ecclesiam tuam eorum, quæsumus, magisterio gubernare [digneris] per quos sumpsit initium.

Collectio.

Apostolorum, Domine, beatorum Petri et Pauli desiderata sollemnia recensemus; præsta, quæsumus, ut eorum supplicatione muniamur, quorum regimur principatu.

Post nomina.

Largiente te, Domine, natalicio Petri et Pauli lumen effulsit: concede, quæsumus, ut hodierna gloria passionis sicut illis magnificentiam tribuit sempiternam, ita nobis veniam largiatur optatam.

Ad pacem.

Munera quæ deferimus, Domine, benignus assume; qui nostris inpedimur offensis, apostolorum precibus adjuvemur.

Contestatio.

Vere dignum et justum est, omnipotens, te gloriosum in sanctis tuis, te mirabilem in tuis discipolis declamare. Te enim verum Deum deprecantes apostoli in omnem terram sonum præbuerunt, et in fines orbis terræ verbum sancti certaminis tradiderunt. Ex quibus beatum Petrum in fundamentum

Ecclesiæ conlocasti, cujus fide in omnium discipulorum tuorum gaudio confortasti. Huic gentium magistrum tradidisti collegam, novissimum quidem in cursum, sed æqualem ad præmium. Plus enim omnibus laborat in prædicatione, qui plus in persecutione præsumperat; et quem Saulum persequentem nominabat^a, Ecclesia prædicantem Paulum appellat. Par efficitur Petro in passione, ut credatur ejus particeps esse in remuneratione. Hæc tu omnia, Domine, operaris, qui a prophetis demonstraris, ab angelis adoraris, et ad omne sæculum apostolorum lumine declararis. Et ideo cum angelis et archangelis conlaud.

MISSA SANCTI SIGISMUNDI REGIS.

Epistola Johannis apostoli ad gentes b.

Fratres, nolite diligere mundum, nec ea quæ in mundo sunt. Si quis diligit mundum, non est caritas Patris in eo: quoniam omne quod est in mundo, concupiscentia carnis, et concupiscentia oculorum, et superbia vitæ.

Lectio sancti Evangelii secundum Matthæum.

Diebus illis, circuibat Dominus Jesus totam Galilæam, docens in synagogis eorum, et prædicans Evangelium regni, et sanans omnem languorem et omnem infirmitatem in populo. Et abiit opinio ejus in totam Syriam, et obtulerunt ei omnes male habentes variis languoribus et tormentis comprehensos, et curavit eos.

INCIPIT MISSA.

Omnipotentem Dominum, qui per apostolos et martyres suos diversa sanitatum dona largitur, fratres dilectissimi, deprecemur, ut huic servo suo illi, qui typi quartani vexatione fatigatur, fidelis famuli sui Sigismundi precibus clementer occurrat; et dum nobis illius facit merita, isti conferat medicinam.

Secreta.

Inclina, Domine, pias preces^c ad desideria supplicantium, et quæ devoto corde poscimus, benignus admitte; ut servo tuo illi, qui typi quartani vexatione fatigatur, fidelis famuli tui Sigismundi precibus clementer occurras: nobis illius patefacias merita, præsentem ægroto conferas medicinam.

Contestatio.

Vere dignum et justum est, omnipotens Deus, nomen tuum laudare, cujus majestatem tuam tanto magis obnoxii sumus, quantum illi pro suscepta nostri corporis humilitate debemus, exemplum nobis relinquens, ut sequamini vestigia ejus qui peccatum non fecit, nec dolus inventus est in ore ejus. Quis in hoc mundo ita poterit sequi, ut nec dolus in ore, nec peccatum ejus inveniatur in opere? sed in patientia, quæ Deus amat, majestas divina commendat,

^a Legendum videtur *nominabas*.

^b Sequentes Lectiones pro missa sancti Sigismundi regis, « quem in consortium Sanctorum adscitum, ipsa res quæ geritur manifestat, » ait Gregorius Turonensis in lib. 1 de Gloria martyrum, cap. 75. « Nam si qui nunc frigoritici in ejus honore missas devote celebrent, ejusque pro requie Deo offerant oblationem, statim... pristina sanitati restituuntur. » Sic in Missali Mozarabum Sacrificium offertur *pro spiritibus paucantium Hilarii, Athanasii, Martini, etc.*

A Nunc ergo dono majestatis tuæ agnoscimus rel esse homini pacifico. Tu ergo, Domine Deus n qui inter bellorum tumultus, non examination secutoris, electo tuo Sigismundo triumphum tyrii contulisti, tu dispensando pauperibus p aperire dignatus es, secutus gratiam, con misericordiam, ut post mortem ostendas in v quem ante mortem firmasti in fide. Tua enim sunt, Domine, ut in nomine electi tui Sigis per communionem corporis et sanguinis D nostri Jesu Christi Filii tui a famulo tuo ill. te tatis frigora, febrium ardorem repellas, et t tem pristinam revocare digneris. Præsta, qu Trinitate laudant omnes angeli.

MISSA IN SANCTORUM MARTYRUM.

B Lectio Apocalypsis sancti Iohannis, in sanctorum^d le Vidi, et ecce unus de senioribus dicens mi qui amicti sunt stolas albas, qui sunt et unde runt? Et dixit illi: Domine mi, tu scis. Et mihi: Hi sunt qui veniunt de tribulatione maq laverunt stolas suas, et dealbaverunt eas in s ne Agni. Ideo sunt ante thronum Dei, et serv die ac nocte in templo ejus; et qui sedet in t habitabit super illos. Non esurient neque amplius, neque cadet super illos sol, neque æstus: quoniam Agnus, qui in medio throni c get illos, et deducet eos ad vitæ fontes aquar absterget Deus omnem lacrimam ex oculis e

Epistola Pauli apostoli ad Hebræos.

C Fratres, sancti per fidem vicerunt regna, c sunt justitiam, adepti sunt repromissiones, o verunt ora leonum, extinxerunt impetum effugerunt aciem gladii, convaluerunt de i tate, fortes facti sunt in bello.

Lectio sancti Evangelii secundum Matthæum

Videns Dominus Jesus turbas, ascendit in tem: et cum sedisset, accesserunt ad eum di ejus, et aperiens os suum docebat eos dicens pauperes spiritu, quoniam ipsorum est regn lorum. Beati mites, quoniam ipsi possidebu ram. Beati qui esuriunt et sitiunt justitiam, qu ipsi saturabuntur. Beati misericordes, quonia misericordiam consequuntur. Beati mundo quoniam ipsi Deum videbunt. Beati pacifici, niam filii Dei vocabuntur. Beati qui persecuti patiuntur propter justitiam, quoniam ipsoru regnum cælorum. Beati estis cum maledixerit bis, et persecuti vos fuerint, et dixerint omne n adversum vos, mentientes, propter me: gau exultate, quoniam merces vestra copiosa est in

id est confessorum.

^c Legendum videtur *aures*.

^d Hic incipit Commune (ut vocant) sanct Quæ vero sequuntur Lectiones conveniunt: martyribus, de quibus est missa sequens; n hil de Communi apostolorum, nequidem in G Quamquam nomine martyrum etiam apostolo prehensos fuisse patet ex missa sequente, q detur esse de omnibus sanctis.

INCIPIT MISSA.

Deus, qui in sanctorum tuorum cordibus sancti calor tui ignes accendens, usque ad martyrii eos gloriosa certamina sustulisti, ut in supplicio constituti, persecutores tuos te vincente despicerent, pœnas te confortante contemnerent, præmia te remunerante perciperent in gloria; per illorum te, Domine triumphum deprecamur, ut nobis remissionem tribuas peccatorum.

Secreta.

Omnipotens Deus noster, tu tribue ut intercessio beatissimorum patriarcharum, prophetarum, apostolorum, martyrum, confessorum, virginum, et sacerdotum, omniumque sanctorum, nostrarum profectus sit animarum, et cultus, quem illis deferimus ad honorem, nobis proficiat ad salutem, ut intercessione eorum gratiam tuam et pacem in nobis facias permanere.

Immolatio missæ.

Vere dignum et justum est, omnipotens Deus. Tibi enim, Domine, festa sollemnitatis agitur, tibi dies sacrata celebratur, quam beatorum tuorum patriarcharum, prophetarum, apostolorum, martyrum, et confessorum, virginum et sacerdotum, in veritatis tuæ testificatione profusis, magnifico nominis tui honore signavit, in quo unicum salutis nostræ præsidium, Pater æternæ, posuisti. Tuas igitur, Domine, virtutes, tuasque victorias admiramur, quotiens in Ecclesia tua horum dierum festa celebramus quos insignes sanctorum tuorum palmæ ad perennem memoriam sollemnemque lætitiâ fidelibus populis sacraverunt per Christum dominum nostrum. Cui merito.

MISSA UNIUS MARTYRIS.

Epistola Pauli apostoli ad Corinthios, unius martyris.

Fratres, Dominus mihi adstitit; et confortavit me, ut per me prædicatio impleatur, et ut audiant omnes gentes quia liberatus sum de ore leonis. Liberavit enim me Dominus, et ab omni opere malo salvum faciet in regnum suum cæleste, cui gloria in sæcula sæculorum.

Lectio sancti Evangelii secundum Matthæum.

Omnis ergo qui confitebitur me coram hominibus, confitebor et ego eum coram Patre meo, qui est in cælis. Qui autem negaverit me coram hominibus, negabo et ego eum coram Patre meo, qui est in cælis. Qui amat patrem aut matrem plusquam me, non est me dignus: et qui amat filium aut filiam super me, non est me dignus. Qui invenit animam suam, perdet illam; et qui perdiderit animam suam propter me, inveniet eam. Qui recipit vos, me recipit; et qui me recipit, recipit eum qui me misit. Qui recipit prophetam in nomine prophetæ, mercedem prophetæ accipiet; et qui recipit justum in nomine justî, mercedem justî accipiet. Et quicumque potum dederit uni ex minimis istis calicem aquæ frigidæ tantum in nomine discipuli, amen dico vobis non perdet mercedem suam.

* In nostro exemplari passim scriptum est II. non III. Nos tamen vulgarem modum substituímus adjecta littera I.

^b Imo centones ex variis Scripturæ locis. Nam be-

A

INCIPIT MISSA.

Sancte Domine, cujus tam multa est miseratio, quam copiosa redemptio, propicius ac benignus exaudi preces nostras, et da intercessionibus beatissimi martyris tui ill. * ut quæ pro alterutrum poscimus, etiam pro nostris criminibus impetremus.

Collectio.

Deus, qui nos de spe misericordiæ tuæ hac prima ratione voluisti confiteri, ut martyrum tuorum, quorum hic reliquias veneramur, et præsentia, et auxilio circumdares, ut haberet et oratio nostra suffragium, et vita patrocinium, illud sanctorum intercessione, hoc munere. Custodi igitur, quæsumus, Domine, Ecclesiam tuam, custodi locum istum, vel omnes convenientes in eo suffragio sancti martyris tui ill. fiatque nobis ipse auxiliator e cælo, qui ad te præsentem migravit e sæculo; sitque hæc vicissim retributio muneris tui, ut mereatur hic locus martyris gratiam, qui misit eundem Martyrem ad coronam.

Post nomina.

Munera nostra, quæsumus, Domine, dignanter adsume; ut quod in honore sancti Martyris tui ill. venerabiliter exsecuntur, impetret fidelibus tuis auxilium oratio justa sanctorum.

Ad pacem.

Oramus te, Pater sancte, ut nos servos tuos beatissimi martyris tui ill. jubeas esse consortes, in confessione participes, in fide stabiles, in persecutione firmos, in tribulatione patientes, in consummatione victores; ut si nos dies persecutionis invenerit, jungat consummatio virtutum, par præmium, et corona cælestis.

Contestatio.

Vere dignum et justum est, omnipotens Deus, dedicator martyrii, inspector belli, largitor triumphî. Qui inter spiritalium agonum, non effusione sanguinis, non morte hominis, sed præconio veritatis, et pio in te caritatis officio delectaris, adtestantibus meritis beatissimi Martyris tui ill. Cujus hodie gloriosam passionis victoriam recolentes, sperantes per ejus suffragia ut nostras quoque voces admittere jubeas cum sanctis angelis atque archangelis tuis, qui tibi hymnum perpetim supplice confessione dicentes, Sanctus.

MISSA DE UNO CONFESSORE.

Lectio b Hieremiæ prophetæ.

Hæc dicit Dominus: Benedictio Domini super caput justî. Eleemosyna illius non erit in oblivione, omnia opera ejus sicut lux in conspectu Dei fulgebunt. Manus suas aperuit pauperibus, fructum autem porrexit inopi. In fortitudinem et decorem indutus est, et lætatus est in diebus novissimis. Os suum aperuit in prædicatione, et ordinem posuit lingue suæ: cibos autem pigros comedit. [Omnia] factus est omnibus, ut omnes salvos faceret.

neditio Domini sup. caput justî ex Prov. x, 6, eleemosyna illius, etc., ex Eccli. iii, 15. Alia ex aliis locis, quod etiam in sequenti lectione observandum.

Epistola Pauli apostoli ad Titum ^a.

Fratres, timor Domini custodit animam justi, et spiritus sapientiæ erudit illi. Tenens psalterium et cytharam, lætatur est ad vocem organi. Et quia dulcis fuit in ore ejus decantatio laudis; ideoque in die obitus sui gavisus est, eo quod suscepit illum dextera Dei.

Lectio sancti Evangelii secundum Matthæum.

In illo tempore, dixit Dominus Jesus discipulis suis: Quis putas est fidelis servus et prudens, quem constituit Dominus supra familiam suam, ut det illi cibum in tempore? Beatus ille servus, quem, cum venerit Dominus ejus, invenerit sic facientem. Amen dico vobis, quoniam super omnia bona sua constituet eum.

INCIPIAT MISSA.

Propiciare nobis, Domine, ovis tuis, interveniente beatissimo confessore tuo ill., et quia tui est muneris, ut quæ præcipis impleamus, gratiæ tuæ lumen emitte.

Collectio.

Omnipotens sempiterne Deus, cui cuncta famulantur elementa, interpellante pro nobis beatissimo Confessore tuo ill. exaudi propicius orationem nostram, et tribue nobis misericordiam tuam: et quæcumque præcipis ut agamus, ipse adjuva ut implere possimus.

Post nomina.

Sancti, Domine, confessoris tui ill. tribue nobis supplicationibus foveri; ut cujus depositionem colimus, obsequio ejus apud te intercessionibus, et meritis commendemur. Proficiant hæc quæ offerimus pro incolumitate viventium, et pro requie defunctorum.

Ad pacem.

Omnipotens sempiterne Deus, da nobis in præsentis festivitate beatissimi confessoris tui ill. congrua devotione gaudere, ut et potentiam tuam in ejus glorioso continentiae cultu laudemus, et divinum obtineamus auxilium.

Contestatio.

Vere dignum et justum est, omnipotens Deus, te adorare in sanctis, in quibus glorificatus es, Domine, vehementer, qui tibi adhærentes calcaverunt superbientem excellentiam mundi virtute Spiritus sancti, contemnentes blanditias et inlecebras mundi hujus et frivolas pompas. Ex quibus beatus tuus confessor ill. emicuit, mundum contemtu crucis postponens. Propterea nunc requiescit in pace tua, nihil inlecebrosus, nihil jam metuens adversum. Cui inspira, misericors Deus, intercedere tibi pro nobis; ut quem fecisti de sua felicitate securum, facias pro nostra liberatione sollicitum, per Christum Dominum nostrum.

MISSA SANCTI MARTINI EPISCOPI.

Lectio Hieremiæ prophetæ in depositione sancti Martini episcopi ^b.

Benedictus vir qui confidit in Domino, et erit Dominus fiducia ejus. Et erit quasi lignum quod transplantatur super aquas, quod ad humorem mittit

^a Nihil in sequenti Lectione ex Pauli apostoli epistola ad Titum; sed varia sunt loca ex Scripturis, neque ad verbum, neque etiam ad sensum relata. Hæ Lectiones pro uno confessore.

radices suas, et non timebit cum venerit æstus. Et erit folium ejus viride, et in tempore siccitatis non erit sollicitum, nec aliquando desinet facere fructum. Prævalens est cor omnium et inscrutabile, quis cognoscet illud? Ego Dominus scrutans cor, et probans renes, qui do unicuique juxta viam et juxta fructum adinventionum suarum. Solium gloriæ a principio locus sanctificationis nostræ, expectatio Israel Dominus. Omnes qui te derelinquunt confundentur, recedentes in terra scribentur, quoniam dereliquerunt venam aquarum viventium Dominum. Sana me, Domine, et sanabor; salvum me fac, et salvus ero, quoniam laus mea tu es, Domine, Deus meus.

Epistola Pauli apostoli ad Timotheum.

Fratres, omnis Scriptura divinitus inspirata utilis est ad docendum, ad arguendum, ad corrigendum in justitia, ut perfectus sit omnis homo Dei, ad omne opus bonum instructus. Testificor coram Deo et Christo Jesu, qui judicaturus est vivos et mortuos, per adventum ipsius et regnum ejus, prædica verbum, insta oportune, inopportune. Tu vero vigila, in omnibus labora, opus fac evangelistæ, ministerium tuum imple. Ego enim jam labor, et tempus resolutionis meæ instat. Bonum certamen certavi, cursum consummavi, fidem servavi. In reliquo reposita est mihi corona justitiæ, quam reddet mihi Dominus in illa die justus iudex: non solum mihi, sed et his qui diligunt adventum ejus.

Lectio sancti Evangelii secundum Matthæum.

Homo quidam prolificens vocavit servos suos, et tradidit illis bona sua. Et uni dedit quinque talenta, alii autem duo, alii vero unum, unicuique secundum propriam virtutem, et profectus est statim. Abiit autem qui quinque talenta acceperat, operatus est in eis, et lucratus est alia quinque. Similiter qui duo acceperat, lucratus est alia duo. Qui autem unum acceperat, abiens fodit in terra, et abscondit pecuniam Domini sui. Post multum vero temporis, venit dominus servorum illorum, et posuit rationem cum eis. Et accedens qui quinque talenta acceperat, obtulit alia quinque, dicens: Domine, quinque talenta tradidisti mihi, ecce alia quinque superlucratus sum. Ait illi dominus ejus: Euge, serve bone et fidelis, quia super pauca fuisti fidelis, super multa te constituam; intra in gaudium domini tui.

INCIPIAT MISSA.

Sanctum in mirabilibus, mirabilem Deum in sanctis suis et confessore suo Martino [fratres carissimi, deprecemur:] ut cujus venerabilem diem celebramus, mereamur ejus esse participes. Hic vir, quem adnumerandum apostolis, martyribus adgregandum proxima ita in rem tempora protulerunt. Dubium enim non est ut sit martyr in cælo, qui fuit confesso in sæculo, cum sciamus non Martinum martyrio, sed martyrium defuisse Martino. Oremus qui in tantum

^b Ita post commune confessorum sequitur missa de sancto Martino in Gothico Missali, ubi tamen diversa de eo missa præter Contestationem, quæ utrobique est eadem.

Domini potuit æquare virtutes, dignetur in tribulatione defendere, qui potens fuit mortuos suscitare.

Collectio.

Deus, cujus per summum antistitem et confessorum tuum Martinum fulgoris tui lumen effulsit; cujus hodie felicem transmigrationis diem celebrantes, clementiam tuam supplices exoramus, ut Ecclesiam tuam conversantem in tribulatione dignetur defendere, cui a te satis larga pietate concessum est etiam mortuos suscitare.

Post nomina.

Largam Dei Patris omnipotentis misericordiam, fratres carissimi, deprecemur, ut intercessionem sancti ac beatissimi antistitis sui Martini, cujus hodierna die officium commemorationis impendimus, ejus interventu per misericordiam Domini indulgentiam consequi mereamur.

Ad pacem.

Exaudi, Domine, preces nostras, quas in sancti confessoris et sacerdotis episcopi tui Martini commemoratione deferimus, et præsta, ut sicut ille in conspectu tuo qui tibi digne meruit famulari clarus semper extitit, ita ejus nos supplicatio in bonis actibus adjuvet. Per.

Contestatio.

Vere dignum et justum est, omnipotens Deus, te in Martini tui laudibus honorare, qui sancti Spiritus tui dono succensus, ita in ipso tirocinio fidei perfectus inventus est, ut Christum texisset in paupere; et vestem, quam egenus acceperat, mundi Dominus induisset. O felix largitas, in qua divinitas operitur! o clamydis gloriosa divisio, quæ militem texit et regem! inestimabile donum est quod vestire Deum meruit Deitatis. Digne huic confessionis tuæ præmium commisisti; digne Arrianorum non subiacuit feritati: digne tantum amore Martinus persecutoris tormenta non timuit securus: quia tanta est glorificatio passionis, ut per quantitatem vestis exiguae vestire Christum meruit et videre. O animæ imitanda benignitas! o virtutum veneranda potentia! sic egit suscepti pontificatus officium, ut per formam probabilis vitæ observantiam exegerit disciplinæ. Sic apostolica virtute sperantibus contulit medicinam, ut alios supplicationibus, alios visu salvarit. Hæc tua est, Domine, veneranda potentia, cui cum lingua non suppleat, meritis exorat, per Christum Dominum. D

MISSA UNIUS VIRGINIS.

Epistola Pauli apostoli ad Romanos.

Fratres, de virginibus præceptum Domini non habeo, consilium autem do, tamquam misericordiam consecutus a Domino, ut sim fidelis. Existimo autem hoc bonum esse propter instantem necessitatem, quoniam bonum est homini sic esse. Alligatus es uxori? noli quærere solutionem. Solutus es ab uxore? noli quærere uxorem. Si autem acceperis uxorem, non peccasti. Et si nupserit virgo, non peccabit; tribulationem carnis habebunt huiusmodi, ego autem vobis parco. Hoc itaque dico, fratres, tempus breve est. Reliquum est ut qui habent uxores tamquam non habentes sint; et qui flent, tamquam non flentes; et

A qui gaudent, tamquam non gaudentes; et qui emunt, tamquam non possidentes; et qui utuntur hoc mundo, tamquam non utantur; præterit enim figura hujus mundi. Volo autem vos sine sollicitudine esse. Qui sine uxore est, sollicitus est quæ Domini sunt, quomodo placeat Deo. Qui autem cum uxore est, sollicitus est quæ sunt mundi, quomodo placeat uxori, et divisus est. Et mulier innupta, et virgo cogitat quæ sunt Domini, ut sit sancta corpore et spiritu.

Lectio sancti Evangelii secundum Matthæum.

Simile erit regnum cælorum decem virginibus, quæ accipientes lampades suas, exierunt obviam sponso et sponsæ. Quinque autem ex eis erant fatuæ, et quinque prudentes. Sed quinque fatuæ acceptis lampadibus non sumserunt oleum secum: prudentes vero acceperunt oleum in vasis cum lampadibus. Moram autem faciente sponso, dormitaverunt omnes et dormierunt. Media autem nocte, clamor factus est: Ecce sponsus venit, exite obviam ei. Tunc surrexerunt omnes virgines illæ, et ornaverunt lampades suas. Fatuæ autem sapientibus dixerunt: Date nobis de oleo vestro, quia lampades nostræ extinguuntur. Responderunt prudentes dicentes: Ne forte non sufficiat nobis et vobis, ite potius ad vendentes, et emite vobis. Dum autem irent emere, venit sponsus; et quæ paratæ erant intraverunt cum eo ad nuptias, et clausa est janua. Novissime venerunt reliquæ virgines dicentes: Domine, Domine, aperi nobis. At ille respondens ait: Amen dico vobis, nescio vos. Vigilate itaque, quia nescitis diem neque horam.

INCIPIIT MISSA.

Propitiare, Domine, supplicationibus nostris, et flammam in nobis tuæ caritatis accende; ut sanctæ tuæ virginis ill. vel martyris, quæ sexum cum sæculo vicit, cujus nos fecisti esse imitatores, jubeas esse consortes.

Collectio.

Deus, qui candidatam tuam ill. virginitate pariter et martyrio in fonte vivi certaminis abluiisti, ut confessionis gloriam roseo sui sanguinis decore ornata, spe caneret victoriæ, et mudum in suis dormientem peccatis ad confessionem tui nominis excitaret; da ejus patrocinio peccatis nostris indulgentiam, qui dedisti certanti coronam.

Post nomina.

Supplicationibus nostris, Domine, propiciatus intende, quas in sanctæ tuæ ill. virginis et martyris commemoratione deferimus; et hoc sacrificium super inlatum ita clementer adtende: ut qui fiduciam de propria justitia non habemus, ejus quæ tibi placere meruit precibus adjuvemur. Per.

Ad pacem.

Exaudi, Domine, preces nostras in die sollemnitatis magnifico sanctæ virginis et martyris, quæ mundum vicit cum fragili sexu, et dona ejus apud te interventu placatus, ut cuncti qui adistimus, ejus memoriam frequentantes, pacis et caritatis vinculo colligemur.

Contestatio.

Vere dignum et justum est, omnipotens Deus, in

virgine decorosa te palma laudare. Et ideo pro martyre tua ill. vel virgine decorosa honoris obsequium persolventes, supplices clementiæ tuæ fundimus preces, rogantes ut nos exaudire digneris, et in sanctæ ill. sollemnitate lætifies, quo sancta ill. virgo dum humanas nuptias tempisit, sponsum sibi, qui perpetuus immortalitatis præmio esset, adjunxit: cui confessionis testimonio se elegit sanguinis martyrio consecrare, ut virginalis integritas eo esset in sponsa præclarior, quæ sanguinis rosea diadema micabat. In hujus ergo tale gloriosum certamen votorum tibi hostias immolamus, laudes tibi cum angelis conclamant dicentes: Sanctus.

COLLECTIONES IN DEDICATIONE ECCLESIE.

Lectio post prophetiam in dedicatione Ecclesiæ.

Benedicite, Deus sancte Israel qui cælestem Hierusalem cottidie multiplice ædificas congregatione sanctorum, respice super domum hanc, cujus natalis est hodie, quæ in honore martyrum tuorum ill. condita est, et præsta, ut omnes invocantes te in ea inveniant salutem, infirmi medicinam, vulnerati remedium, mærentes gaudium, reditum captivi, pœnitentes indulgentiam, rei veniam, vincti solutionem, orantes præsidium.

Item alia ejusdem.

Ascendat oratio nostra per manus sancti angeli tui ad divinum altare tuum, Domine, cum odore suavitatis tuæ, commendante advocato Domino nostro Jesu Christo, cum quo tibi est imperium, potestas, honor, laus, majestas, gloria, æternitas, cum Spiritu sancto in sæcula sæculorum.

MISSA PRO EGROTIIS.

Epistola Jacobi apostoli ad gentes pro infirmis.

Fratres, infirmatur aliquis in vobis? inducat presbyteros Ecclesiæ, et orent super eum? ungentes eum oleo in nomine Domini; et oratio fidei salvabit infirmum, et allevabit eum Dominus; et si in peccatis sit, dimittetur ei. Confitemini alterutrum peccata vestra, et orate pro invicem, et salvemini. Multum enim valet deprecatio justi adsidua. Helias erat homo similis nobis passibilis, et oratione oravit ut non plueret super terram: et non pluit annos tres et menses sex. Et rursum oravit, et cælum dedit pluviam, et terra dedit fructum suum.

Lectio sancti Evangelii secundum Lucam.

In tempore illo Dominus noster Jesus Christus introivit in domum Petri: socrus autem Simonis tenebatur magnis febrilus. Et rogaverunt illum pro ea. Et stans super illam, imperavit feбри, et dimisit illam. Et continuo surgens, ministrabat illis. Cum sol autem occidisset, omnes qui habebant infirmos variis languoribus, ducebant illos ad eum. At ille singulis manus imponens.....

INCIPIT MISSA.

Omnipotens sempiterne Deus, qui fragilitatem

* Hic deficit Missale Gothicum, in quo post Commune confessorum et missam de sancto Martino sequuntur sex missæ dominicales; tum missa *Romensis cottidiana*, quæ mutila est.

A conditionis nostræ infusa virtutis tuæ dignatione confirmas, ut salutaribus remediis pietatis tuæ corpora nostra et membra vegetentur, super famulum tuum ill. propitius intende, ut omni necessitate corporeæ infirmitatis exclusa, gratia in eum pristinæ sanitatis perfecta reparetur. Per.

Collectio.

Virtutum cælestium Deus, qui ab humanis corporibus omnem languorem et omnem infirmitatem præcepti tui potestate depellis, adesto propitius famulo tuo ill., ut fugatis infirmitatibus, et viribus reparatis, nomini sancto tuo instaurata protinus sanitate benedicat.

Post nomina.

Adesto supplicationibus nostris, omnipotens Deus, et hanc oblationem pro incolomitate famuli tui ill. oblatam sanctificans, tu qui es humanæ fragilitatis singulare præsidium, auxilii tui ostende virtutem; ut ope misericordiæ tuæ adjutus, ad omnia sanitatis reparetur officia.

Ad pacem.

Sacrificia, Domine, tibi cum Ecclesiæ precibus immolanda, quæsumus, corda nostra purificent, et indulgentiæ tuæ nobis dona concilient et de adversis prospera sentire faciant.

Contestatio.

Vere dignum et justum est, omnipotens Deus, te Dominum totius misericordiæ in necessitatibus invocare, qui dominaris vitæ et morti, qui es medicus animarum. Sanctificans ergo hanc oblationem pro incolomitate famuli tui ill. oblatam, quæsumus, ut respicias propitius de præparato habitaculo tuo super eum, qui diversa ægritudine continetur, et visites eum visitatione tua cælesti, sicut visitare dignatus es socrum Petri, puerum Centurionis, et Sarram ancillam tuam. Alleva eum, Domine, de strato doloris sui, ut salvus atque incolomis in Ecclesia tibi ore David dicere possit: Castigans castigavit me Dominus, et morti non tradidit me, per Christum Dominum nostrum.

MISSA IN DEDICATIONE.

Lectio libri Genesis legenda in Dedicatione Ecclesiæ^b.

Tempore illo, egressus Jacob de Bersabee, pergebat Aram. Cumque venisset ad quemdam locum, et vellet in eo requiescere post solis occubitum, tulit de lapidibus, quos subponens capiti suo dormivit in eodem loco; viditque in somnis scalam stantem super terram, et cacumen ejus tangens cælum, et angelos quoque Dei ascendentes et descendentes per eam, et Dominum innixum scalæ dicentem sibi: Ego sum Dominus Deus Abraham patris tui, et Deus Isaac. Terram in qua dormis, tibi dabo et semini tuo: eritque semen tuum quasi pulvis terræ. Dilaberis ad occidentem et orientem, septemtrionem et meridiem; et benedicentur in te et semine tuo cunctæ tribus terræ, et ero custos tuus quocumque perrexeris. Et reducam te in terram hanc, nec dimittam nisi complevero universa quæ dixi. Cumque evigi-

^b Hæc Lectio item assignatur in Lectionario Luxoviensi pro dedicatione, de qua superius assignatæ sunt Collectiones.

lasset Jacob de somno, ait : Vere Dominus est in loco isto, et ego nesciebam. Pavensque : Quam terribilis, inquit, est locus iste ! non est hic aliud, nisi domus Dei et porta cæli. Surgens ergo mane tulit lapidem, quem supposuerat capiti suo, et erexit in titulum, fundens oleum desuper ; appellavitque nomen urbis Bethel, quæ prius Luza vocabatur. Vovit etiam votum dicens : Si fuerit Deus mecum, et custodierit me in via qua ambulo, et dederit mihi panem ad vescendum, et vestem ad induendum, reversusque fuero prospere ad domum patris mei ; erit mihi Dominus in Deum, et lapis iste, quem erexi in titulum, vocabitur domus Dei ; et cunctorum quæ dederis mihi, decimas offeram tibi.

Epistola Pauli apostoli ad Corinthios.

Fratres, Dei sumus adjuutores, Dei agricultura estis, Dei ædificatio estis. Secundum gratiam Dei quæ data est mihi, ut sapiens architectus fundamentum posui. Alius autem superædificat : unusquisque autem videat quomodo superædificet. Fundamentum enim aliud nemo potest ponere præter id, quod positum est, quod est Christus Jesus. Si quis autem superædificat supra fundamentum, aurum, argentum, lapides pretiosos ; ligna, fœnum, stipulam ; uniuscujusque opus manifestum erit. Dies enim declarabit, quia in igne revelabitur, et uniuscujusque opus : quale sit, ignis probabit. Si cujusque opus manserit quod superædificavit, mercedem accipiet. Si cujus opus arserit, detrimentum patietur : ipse tamen salvus erit, sic tamen quasi per ignem. Nescitis quia templum Dei estis, et Spiritus Dei habitat in vobis ? Si quis autem templum Dei violaverit, disperdet illum Dominus. Templum enim Dei sanctum est, quod estis vos.

Lectio sancti Evangelii secundum Johannem.

Diebus illis facta sunt encænia in Hierusolymis, et nemo erat. Et ambulabat Jesus in templo, in porticu Salomonis. Circumdederunt ergo eum Judæi, et dicebant ei : Quousque animam nostram tollis ? Si tu es Christus, dic nobis palam. Respondit ei Jesus : Loquor vobis, et non creditis. Opera quæ ego facio in nomine Patris mei, hæc testimonium perhibent de me. Sed vos non creditis, quia non estis ex ovibus meis. Oves meæ vocem meam audiunt, et ego cognosco eas, et secuntur me, et ego vitam æternam do eis ; et non peribunt in æternum, et non rapit eas quisquam de manu mea. Pater meus quod dedit mihi, majus omnibus est, et nemo potest rapere de manu Patris mei. Ego et Pater unum sumus. Sustulerunt lapides Judæi, ut lapidarent eum. Respondit eis Jesus : Multa opera bona ostendi vobis ex Patre meo : propter quod eorum opus me lapidatis ? Responderunt ei Judæi : De bono opere non lapidamus te, sed de blasphemia ; et quia tu homo cum sis, facis te ipsum Deum. Respondit eis Jesus : Nonne scriptum est in lege vestra, quia ego dixi : Dii estis. Si illos

dixit deos, ad quos sermo Dei factus est, et non potest solvi Scriptura, quem Pater sanctificavit et misit in mundum, vos dicitis, quia blasphemias, quia dixi : Filius Dei sum ? Si non facio opera Patris mei, nolite credere mihi ; si autem facio, et si mihi non vultis credere, operibus credite : ut cognoscatis et credatis, quia in me est Pater, et ego in Patre.

INCIPIT MISSA.

Deum qui templorum condidit ornamenta, qui martyribus suis atque confessoribus sacra dedicavit altaria, fratres dilectissimi, affectu piissimo veneremur, prona humilitate poscentes : ut templa, quæ nomini suo dedicata sunt, munere spiritali respersa nostris artibus inserantur ; ut dum diem festivitatis hujus annuis recursibus honoramus, ipsi templorum cælestium pares effici mereamur. Precemur etiam ut beatissimorum martyrum intercessionem salvemur, quorum in hoc loco reliquias pio amore veneramur.

Collectio.

Deus qui ad cultum tuum pro salute credentium loci istius amplitudinem consecrasti, ubi cottidiana invocatione nominis tui cælestis consolatio non deesset : quæsumus pietatem tuam, ut memoriæ quæ sacris inferuntur altaribus, devotis mentibus ad remedium præparentur animarum et supplicem familiam tuam quæ tibi in templo gloriæ tuæ sacrificium laudis gratulantes immolant votis, in illa sancta Hierusalem inter electa cælestis regię ornamenta constituas.

Post nomina.

Gloria tibi Domino Deo nostro, sæculorum regi, hominum conditori, qui in cultum perpetim templi hujus ambitum cum sanctorum martyrum patrocinio consecrasti, ubi cottidiana devotione præstaris e cælis, quod petebaris in terris. Introeat ergo, Domine, postulatio nostra coram te hodie, et in conspectu majestatis tuæ oratio contriti cordis ascendat ; ac singulorum votis in templo hoc, cujus natalis est hodie, pro benignitatis tuæ serenitate responde, et fidem credentis effectu concessio petitionis amplifica. Per.

Ad pacem.

Deus, qui nobis per singulos annos sancti hujus templi tui consecrationis reparas diem, et sacris semper mysteriis repræsentas incolomes ; exaudi preces populi tui et præsta, ut si quis hoc templum beneficia petiturus ingreditur, cuncta se impetrasse lætetur.

Contestatio.

Vere dignum et justum est, omnipotens Deus, pro annua dedicatione tabernaculi hujus, gratias honoremque referre, cujus virtus magna, pietas copiosa. Respice, quæsumus, de cælo, et vide, et visita domum istam, ut si quis in ea nomini tuo supplicaverit, libenter exaudias, et satisfaciendis clementer ignoscas. Hic tibi sacerdotes tui sacrificium laudis offerant ; hic fidelis populus vota persolvat ; hic peccatorum onera deponantur ; hic fides lapsa reparetur ; hic ipse inter bonum malumque discernens,

* Peculiaris dedicationis ritus erat olim in ecclesia Romana, saltem diversus ab eo, quem Mediolani servari mos erat, ut ex Ambrosii epistola 52 intelligimus. « Cum ego, ait, basilicam dedicare vellem,

multi tamquam uno ore interpellare cœperunt dicentes : Sicut in Romano, sic basilicam dedices. Respondi : faciam si martyrum reliquias invenero. » Ita ille ad Marcellinam.

cum causam interpellatus iudicaveris quam non ignoras, hinc simplicitas absoluta redeat, hinc impietas emendata discedat. Inveniat apud te, Domine, locum veniæ quicumque ad domum istam satisfactionis confugerit, et conscio dolore victus, ad altaria tua, rivis suarum laverit lacrimarum, ubi si quando populus tuus tristis mæstusque convenerit, adquiesce rogari, et rogatus indulge. Custodi etiam sub gubernatione nominis tui. Per Christum Dominum nostrum.

Item Contestatio.

Vere dignum et iustum est, omnipotens Deus, ut altare hoc sanctis usibus præparatum cælesti dedicatione sanctifices; ut sicut Melchisedech sacerdotis oblationem dignam, ita novo huic altario munera semper accepto ferre digneris: ut populus tuus ecclesiæ domum sanctam conveniens, super hæc pura libamima cælesti sanctificatione animarum quoque suarum salutem perpetuam consequatur, per Christum Dominum nostrum.

MISSA IN HONORE SANCTI MICHAEL.

Lectio Apocalypsis sancti Iohannis^a.

Factum est prælium in cælo, Michael et angeli ejus præliabantur cum dracone, et draco pugnabat, et angeli ejus; et non valuerunt, neque locus inventus est eorum amplius in cælo. Et projectus est draco ille magnus, serpens antiquus, qui vocatur diabolus et Satanas, qui seducit universum orbem, projectus est in terram, et angeli ejus cum illo missi sunt. Et audivi vocem magnam in cælo dicentem: Nunc facta est salus, et virtus, et regnum Dei nostri, et potestas Christi ejus, quia projectus est accusator fratrum nostrum, qui accusabat illos ante conspectum Dei nostri die ac nocte: et ipsi vicerunt illum propter sanguinem Agni. Qui habet aurem, audiat quid.....

Lectio sancti Evangelii secundum Matthæum.

Diebus illis, adsumpsit Dominus Jesus Petrum, et Jacobum, et Johannem fratrem ejus, et duxit illos in montem excelsum seorsum, et transfiguratus est ante eos. Et resplenduit facies ejus sicut sol, vestimenta autem ejus facta sunt alba sicut nix. Et ecce apparuerunt illis Moyses et Helias cum eo loquentes. Respondens autem Petrus, dixit ad Jesum. Domine, bonum est nos hic esse. Si vis, hic faciamus tria tabernacula, tibi unum, et Moysi unum, et Heliae unum. Adhuc loquente, ecce nubes lucida obumbravit eos. Et ecce vox de nube dicens: Hic est filius meus dilectus, in quo mihi conplacuit, ipsum audite. Et audientes discipuli ceciderunt in faciem suam, et timuerunt valde timore magno. Et accessit Jesus, et tetigit eos, dixitque eis: Surgite et nolite timere. Levantes autem oculos, neminem viderunt, nisi solum Jesum. Et descendantibus illis de monte, præcepit Jesus dicens: Nemini dixeritis visionem, donec filius hominis a mortuis resurgat.

INCIPIT MISSA.

Æterne, omnipotens Deus. Qui universam in principio creaturam, Verbo cooperante, ex nihilo con-

^a Hæc lectio recte convenit festo sancti Michaelis; sed quomodo Evangelium eidem aptari possit, non facile intelligitur.

didisti, quique angelicam substantiam splendore conspicuo potentialiter adornasti, te supplices quæsumus et oramus, ut in hac sollemnitate, quam sub tui nominis invocatione in honore archangeli Michaelis [celebramus], nostras preces exaudire digneris. Per.

Secreta.

Preces populi tui, Domine, dignanter exaudi, quas in culto templi hujus ob honorem sancti archangeli tui Michaelis.... et ita tibi pro ejus sollemnitate oblatio nostra fiat accepta.

Contestatio.

Vere dignum et iustum est, omnipotens Deus, in die festivitatis hodiernæ, quo in honore beati archangeli Michaelis dedicata nomini tuo loca sacris sunt instituta mysteriis, omnium societate sanctorum ipsa fides, quæ illos tibi fecit amicos esse, pro nobis apud te faciat advocatos. Illorum corona nostra sit venia; imitatio nos esse faciat sine pœna, illorum oratio salutem nobis conferat sempiternam per Christum Dominum.

MISSA PRO ITER AGENTIBUS.

Epistola Pauli apostoli ad Ephesios.

Fratres, videte quomodo caute ambuletis, non quasi insipientes, sed ut sapientes, redimentes tempus, quoniam dies mali sunt b.....

Lectio sancti Evangelii secundum Matthæum.

In quamcumque civitatem aut castellum intraveritis, interrogate quis in ea dignus sit; et ibi manete donec exeatis. Intrantes autem in domum salutate eam; et si quidem fuerit domus digna, veniat pax vestra super eam; si autem non fuerit digna, pax vestra ad vos revertatur. Et quicumque non receperit vos, neque audierit sermones vestros, exeuntes foras de domo vel de civitate, excutite pulverem de pedibus vestris. Amen dico vobis, tolerabilius erit terræ Sodomorum et Gomorreorum in die judicii, quam illi. Qui habet aures audiendi, audiat.

INCIPIT MISSA.

Adesto, Domine, supplicationibus nostris, et viam famoli tui ill. in salute et prosperitate dignare dirigere, ut inter omnes vitæ hujus varietates tuo semper auxilio protegatur.

Collectio.

Exaudi, Domine, quæsumus, preces nostras, et protectioni famuli tui ill. misericordiam semper et ubique prætende, ut in omnibus tua defensione justorum desideriorum potiat effectibus, ut de incolomitate ipsius adque victuria tibi Domino semper gratias referamus. Per.

Post nomina.

Deus, qui diligentibus te in nulla es regione longinquus, dirige viam famolorum tuorum ill. in voluntate tua, ut te protectore, te duce per justitiæ tuæ semitas sine offensione gradientur.

Ad pacem.

Suscipe, Domine, propicius orationem nostram

^b Hic lacuna seu spatium quinque versuum in exemplari vacuum est.

pro famulo tuo ill. qui in longa terrarum spatia detinetur, pro quo Majestati tuæ supplices fundimus preces, ut dirigasei Angelum pietatis tuæ, qui eum ad domicilium suum salvum et incolomen repræsentet.

Contestatio.

Vere dignum et justum est, omnipotens Deus. Qui properante Jacob sub felicitatis gratia commoda itinera direxisti; cuique tu ipse cursum, curam sollicitudinemque gerere dignatus es; necnon et Thobiæ famolo tuo angelum tuum ducem prævium præstitisti. Quapropter omnipotentiam tuam, Domine, humiliter postulamus, ut ita protectionem famolorum tuorum dirigere eos in itinere et custodire digneris; quatinus nullum periculum [sentiant) per spatia terrarum, aut juga montium, vel coangusta vallium vadaque fluminum, venena serpentum, vel impetum bestiarum, aut infestorum hominum; sed sub tui nominis defensione ad locum destinatum perveniant, et oportunitatis iter actum repetito, ad propria habitacula revertendo suffragii tui mereantur adipisci custodiam per Christum Dominum nostrum. Cui merito.

MISSA QUOMODO SACERDOS PRO SE ORARE DEBET.

Epistola Jacobi apostoli ad duodecim tribus ^a.

Fratres mei dilecti, sit autem omnis homo velox ad audiendum, tardus autem ad loquendum, et tardus ad iram. Ita enim viri justitiam Dei non operatur. Propter quod abicientes omnem immundiciam et abundantiam malitiæ, in mansuetudine suscipite insitum verbum, quod potest salvare animas nostras. Si quis autem putat se religiosum esse, et non refrenans linguam suam, sed seducens cor suum, hujus vana est religio. Religio munda et immacolata apud Deum et Patrem hæc est, visitare populos et viduas in tribulatione.

Lectio sancti Evangelii secundum Lucam.

Quis ex vobis homo qui habet centum oves, et si perdidit unam ex illis, nonne dimittit nonaginta novem in deserto, et vadit ad illam quæ perierat, donec inveniat eam? Et cum invenerit eam, ponit in humeros suos gaudens; et veniens domum, convocat amicos et vicinos, dicens illis: Congratulamini mihi, quia inveni ovem meam quæ perierat. Dico vobis, quod ita gaudium erit in cælo super uno peccatore pœnitentiam habente, quam super nonaginta novem justis, qui non indigent pœnitentia.

INCIPIT MISSA.

Suppliciter te, Deus Pater omnipotens, qui es creator omnium rerum, deprecor, ut dum me famulum tuum coram omnipotentia majestatis tuæ graviter deliquisse confiteor, munus misericordiæ tuæ ut mihi porregas: quatinus dum hanc oblationem tuæ pietati offero, quod nequiter admisi, clementissime digneris absolvere.

Collectio.

Deus misericordiæ, Deus pietatis, Deus indulgentiæ, indulge, quæso, et miserere mei: sacrificium quoque, quod pietatis tuæ gratia humiliter offero, benigne dignare suscipere, et peccata quæ labentibus

^a Incertum est an hæc Lectiones duæ ad superiorem an ad subsequentem missam pertineant. Sed quia missam solent præcedere Lectiones, potius ad sequentem

viciis contraxi, pius et propicius ac miseratus indulgeas, et locum pœnitentiæ ac flumina lacrimarum, concessam veniam, a te merear accipere.

Post nomina.

Deus, qui vivorum es salvator omnium, qui non vis mortem peccatoris nec lætaris in perditione morientium, te suppliciter deprecor, ut concedas mihi veniam delictorum, ut admissa defleam, et in postmodum non admittam; et cum mihi extrema dies finisque vitæ advenerit, emundatis delictis omnibus, me angelus sanctitatis suscipiat. Per.

Ad pacem.

Deus caritatis et pacis, qui pro salute generis humani crucis patibulum pertulisti, et sanguinem tuum pro redemptione nostra fudisti, preces nostras placatus et benignus suscipe; et hoc sacrificium, quod tuæ gratiæ offero, sereno vultu digneris respicere, et misericordiam tuam mihi concedas; ut quando de corpore me exire jusseris, pars iniqua in me non habeat potestatem, sed angelus tuus inter sanctos et electos conlocet, ubi lux permanet, et vita regnat in sæcula sæculorum.

Contestatio.

Vere dignum et justum est, omnipotens Deus, per Christum Dominum nostrum. Qui pro amore hominum factus in similitudinem peccati, formam servi Dominus adsumpsit et speciem: vulneratus medicus ambolavit, hic nobis dominus et minister salutis, advocatus, iudex, sacerdos, et sacrificium. Per hunc te, sancte Pater, suppliciter exoro, ut dum reatum conscientiae meæ recognosco, et in præceptis tuis prævaricator perstiti, et per delictorum facinus conrui in ruina, tu me, Domine, erige elisum, quem lapsus peccati prostravit: in lumina cæcum, quem terræ peccatorum caligines obscuraverunt; solve compeditum, quem vincula peccatorum constringunt. Præsta per sanctum et gloriosum et adorandum Dominum nostrum Jesum Christum Filium tuum, quem laudant angeli atque archangeli, cherubin quoque ac serafin.

MISSA OMNIMODA.

Epistola Jacobi apostoli ad duodecim tribus ^b.

Fratres, si dixerimus quia peccatum non habemus, ipsi nos seducimus, et veritas in nobis non est. Si autem confessi fuerimus peccata nostra, fidelis est et justus Dominus, qui nobis peccata dimittat, et emundet nos ab omni iniquitate. Sed si quis peccaverit, advocatum habemus apud Patrem Jesum Christum: et ipse est propiciatio pro peccatis nostris; non pro nostris autem tantum, sed etiam pro totius mundi. Et in hoc scimus quoniam cognovimus eum, si mandata ejus observemus. Si quis dicit se nosse Deum, et mandata ejus non custodit, mendax est; in hoc veritas non est. Qui autem servat verbum ejus, vere in eo caritas Dei perfecta est in Christo Jesu.

Lectio sancti Evangelii secundum Matthæum.

Diebus illis cum transiret Dominus Jesus, vidit ho- revocamus, quanquam in missis dominicalibus Lectiones secundo loco post missam positæ sunt infra.

^b Imo Joannis apostoli prima.

minem * sedentem in teloneo, Matthæum nomine, ait illi : Sequere me. Et surgens secutus est eum. Factum est cum accumberet Dominus Jesus in domo illius, multi publicani et peccatores simul discubebant cum Jesu et discipulis ejus. Erant enim multi qui et sequebantur eum. Et Scribæ et Pharisei videntes quia manducaret cum peccatoribus et publicanis, dicebant discipulis ejus : Quare cum publicanis et peccatoribus manducat magister vester ? Hoc audito, Jesus ait illis : Non necesse habent sani medicum, sed qui male habent. Non enim veni vocare justos, sed peccatores.

INCIPIT MISSA.

Omnipotens æterne Deus, tuæ gloriæ pietatem supplici devotione deosco, ut omnium malorum meorum vincula solvas, cunctisque meis criminibus atque peccatis clementer ignoscas; ut quia me indignum et peccatorem ad ministerium tuum vocare dignatus es, sic me idoneum tibi ministrum efficias, ut sacrificium de manibus meis placite ac benigne suscipias; electorum sacerdotum me participem facias, et de præceptis tuis in nullo aberrare permittas.

Collectio.

Attende, Domine, propicius meæ servitutis obsequium, et miserere fidelibus famulis tuis ill., ut cunctis eorum sceleribus amputatis, ita sint tuæ miserationi defensione protecti, ut in observatione mandatorum tuorum mereantur esse perfecti : quatinus et in hac vita universa facinora caveant, et ante conspectum gloriæ tuæ quandoque sine confusione perveniant.

Post nomina.

Accipe, Deus piissime, tuorum supplicum vota, et nomina quæ tuo coram altario conspicias recenseri, in æterno vitæ libro conscribere. Concede etiam mihi indigno et omnibus, pro quibus te supplex postulo : perpetuam requiem tribue famulorum tuorum ill., vel omnium fidelium defunctorum, ut in Abrahæ gremio conlocati, illic pœnas evadant inferorum et resurrectionis tempore cœtibus eos sociari jubeas angelorum.

Ad pacem.

Deus, qui caritatis es auctor, et puræ pacis ac dilectionis amator, suscipe offerentium oblationem, et omnium infirmorum Christianorum sana languores ill., quo te medicante salutem recipiant, et tuis semper sani jussionibus appareant. Id denique obnoxius quæso, ut omnes metu territos, inopia afflictos, tribulatione vexatos, morbis obrutos, suppliciis deditos, debitis obligatos, in captivitate et peregrinatione constitutos, cunctos indulgentia tuæ pietatis absolvas, morum emendatione relevet, et misratio quotidiana confoveat.

Contestatio.

Vere dignum et justum est, omnipotens Deus, per Christum Dominum nostrum. Verum pontificem et solum sine peccati macula sacerdotem; per quem te, æterne Pater et Domine, omnimoda intentione deosco, ut oblationem hanc, quam pro famulis tuis offerimus ill., benigne suscipias, ægrotantium medellam sanitatis impertias, locum lucis et refrigerii animabus defunctorum in pace vocatis tribuas, no-

* Super hanc vocem legitur *Levin Alfei*.

stram omnium humilitatem intendas, crimina relaxes et peccata dimittas; simulque oratione exaudias, et ubique nos protegendo custodias : ut eruti adversitatibus mundi, hic et in æternum sanctificati, te incessabiliter cum angelis et archangelis conlaudemus ita dicentes, Sanctus.

MISSA VOTIVA.

Epistola Pauli apostoli ad Romanos.

Fratres, obsecro vos per Dominum nostrum Jesum Christum et per caritatem Spiritus sancti, ut adjuvetis me in orationibus pro me ad Dominum, ut liberer ab infidelibus qui sunt in Judæa, et obsequii mei oblatio, accepta fiat Hierusolyma sanctis, ut veniam ad vos per voluntatem Dei, ut refrigerer vobiscum. Deus autem pacis sit cum omnibus vobis.

Lectio sancti Evangelii secundum Lucam.

Tempore illo, perambulabat Dominus Jesus Hiericho, et ecce vir nomine Zacchæus, et hic erat princeps publicanorum, et ipse dives : et quærebat Jesum videre quis esset, et non poterat præturba, quia statura pusillus erat. Et præcurrens ascendit in arborem sycimorum, ut videret illum, quia inde erat transiturus. Et cum venisset ad locum, suscipiens Jesus vidit illum, et dixit ad eum : Zacchæe, festinans descende, quia hodie in domo tua oportet me manere. Et festinans descendit, et excepit illum gaudens. Et cum viderent omnes, murmurabant, dicentes, quod ad hominem peccatorem divertisset. Stans autem Zacchæus dixit ad Dominum : Ecce dimidium bonorum meorum, Domine, do pauperibus, et si cui aliquid defraudavi, reddo quadruplum. Ait Dominus ad eum, quia hodie salus domui huic facta est, eo quod et ipse filius est Abrahæ. Venit enim filius hominis quærere, et salvum facere quod perierat.

INCIPIT MISSA.

Exultatio divina, paterna pietas, immensa majestas, te supplices, tremantes quidem precamur pro servo tuo ill., ut des ei, Domine, mentem puram, caritatem perfectam, in actibus sinceritatem, in corde puritatem, in opere virtutem, in necessitatibus fortitudinem, in moribus disciplinam; et quod pro justitiæ tuæ timore, integra mente vel devotione pro ipso tibi offerimus, pietatis tuæ obtinenda cognoscat.

Secreta b.

Iteramus, omnipotens Deus, deprecationem nostram ante conspectum majestatis tuæ, quem specialiter pro famulo tuo ill. oblationem pro peccatis vel pro auxilio ejus offerimus, vota perficias. Petitiones ejus ascendant ad aures clementiæ tuæ, et descendat super eum pia benedictio tua; ut sub umbra alarum tuarum in omnibus protegatur, et orationes nostræ te propiciante pro ipso non refutentur a conspectu pietatis tuæ, sed in omnibus ei auxiliari atque defendere digneris.

Contestatio.

Vere dignum et justum est, omnipotens Deus, cujus potentia deprecanda est, misericordia adoranda, pietas amplectenda. Quis enim disputare poterit omnipotentiam tuam, nec aures hominum audire, ne-

b Hæc propius ad ritum Romanum, omissis ora

r hominis adscendere, nec stimatio hominum illi invenire, quanta sit pietas misericordiæ tuæ, tum præparas sanctis et electis tuis. Sed in tum possumus miseri, territi quidem de contumelia, sed fidi de tua misericordia, veniam misericordis, et refugium postulant, atque in commotione sanctorum tuorum Petri et Pauli, per unum suffragia sperantes veniam, precamur ut factuo illi. remissionem tribuas peccatorum, opus perficias, vota condones. Dona idemque servo. intercedentibus sanctis remedium animæ suæ, postulamus, ut vota desideriorum ejus perficias. a, omnipotens Deus, supplicantibus nobis instantiam postulanti, veniam poscenti. Protege eum Dei Jacob, mitte ei auxilium salutis deus, et de Sion tu erige eum. Memor esto, miserere Deus, sacrificium ejus, et holocaustum ejus conspectum omnium sanctorum tuorum pingue propter Christum Dominum nostrum.

MISSA VOTIVA.

Lectio libri Sapientiæ Salomonis.

, si quid vovisti Deo, ne moreris reddere. Disce enim ei infidelis et stulta promissio: sed quod voveris, redde. Multoque melius est non velle, quam post votum promissa non reddere. Ne sis os tuum, ut peccare facias carnem tuam, ne dicas coram angelo: Non est providentia, ne raturus Deus super sermones tuos, dissipet cuncta manuum tuarum. Ubi multa sunt somnia, pluralitas, et sermones innumeri; tu vero Deum time. Lectio sancti Evangelii secundum Lucam.

us illis, dixit Jesus: Quis vestrum habet amicum? Mittit ad illum media nocte, et dicit illi: Amice, dæda mihi tres panes, quoniam amicus meus dormit. Et ille deintus respondens dicat: Noli mihi molestus esse, jam ostium clausum est, et pueri mei dormiunt sunt in cubili, non possum surgere et dare vobis ideo vobis, etsi non dabit illi surgens, eo quod servus ejus sit; propter inopportunitatem tamen ejus, et dabit illi quotquot habet necessarios. Et ego dico: Petite et dabitur vobis, quærite et invenietur vobis. Omnis enim qui petit, et qui quærit invenit, et pulsanti aperietur.

INCIPIIT MISSA.

ipe, Domine, supplicantis servi tui illi. votivum unum oblatum, et multiplici fenore gratiarum, te fidelissimis votis petit, tu ei, piissime, miserere indulge.

Secreta.

amator [et naturæ] humanæ conditor Deus, da servus tuus illi. vota adipiscatur, et impetrare me quoque exoptat.

Contestatio.

dignum et justum est, omnipotens Deus, per unum Dominum nostrum. Qui nobis votum quoque inspiras, et votiva nos inspiratione remuneramus supplici prece, ut hanc servi tui s Post Nomina, et Ad Pacem, retento tamen Missarum dominicalium.

A ill. oblationem dignanter accipias, et in ejus humilitatem intendas, peccata deleas, orationem accipias; ut liberatus ab omni adversitate, et hic et in æternum justificatus, cum angelis sine fine conlaudet dicens: Sanctus.

ITEM MISSA VOTIVA.

Epistola Pauli apostoli ad Romanos.

Fratres, quæcumque enim scripta sunt, ad nostram doctrinam scripta sunt, ut per patientiam et consolationem Scripturarum spem habeamus. Deus autem patientiæ et solatii det vobis id ipsum sapere in alterutrum secundum Jesum Christum, ut unanimes uno ore honorificetis Deum et Patrem Domini nostri Jesu Christi. Propter quod suscipite invicem, sicut et Christus suscepit vos in honore Dei.

Lectio sancti Evangelii secundum Lucam.

In illo tempore, Dominus noster Jesus Christus cum adpropinquasset Hiericho, cæcus quidam sedebat secus viam mendicans. Et cum audiret turbam prætereuntem, interrogabat quid hoc esset. Dixerunt autem ei quod Jesus Nazarenus transiret. Clamavit dicens: Jesu fili David, miserere mei. Et qui præibant increpabant ei ut taceret. Ipse vero multo magis clamabat: Fili David, miserere mei. Stans autem Jesus jussit eum adduci ad se. Et cum adpropinquasset, interrogabat eum dicens: Quid tibi vis faciam? At ille dixit: Domine, ut videam. Et Jesus ait illi: Respice, fides tua te salvum fecit. Et confestim vidit, et sequebatur illum magnificans Deum. Et omnis plebs ut vidit, dedit laudem Deo.

INCIPIIT MISSA.

Deum cui acceptiora sunt vota fidelium quam munera, fratres carissimi, supplices deprecemur, ut hanc oblationem famuli sui illi. dignanter accipiat. Tribuat et magna pro parvis, pro temporalibus præmia sempiterna. Det ei auxilium sive præsidium gratiæ suæ, ut quod humiliter implorat, Domino largiente, suscipiat.

Secreta.

Omnipotens et misericors Deus, cui redditur votum in Hierusalem, exaudi preces famuli tui, memor esto sacrificii sui, fiant holocausta sua [pinguia:] tribue et devotionis gratiam, comple in bonis desiderium suum, et corona eum in misericordia. Tibi, Domine, quando fidei devotione famuletur, ignosce facinorosa; et ne lugenda committat, paterna pietate castiga.

Contestatio.

Vere dignum et justum est, omnipotens Deus, te laudare, te benedicere, te que glorificare, tuæ majestati ac voluntati semper obtemperare, in quo est salus omnium populorum. Cui Abel munera obtulit, cui Abraham holocaustum offerre decrevit, cui Jacob votum vovit, et reddidit, miserere, Domine, servo tuo illi, qui in honore sanctorum illi. votorum munera offert per suffragia orationum sanctorum tuorum: te protectorem suum semper agnoscat, et sui auxilii opem indesinenter inveniat: illum gloriatur recipere præmium, qui devoto pectore ad alta contemplatione nomine Contestationis. Sed plura exempla infra sub

ndere... Tu es enim Deus qui nullum tibi perire
sed omnibus reddis magna pro parvis, pro morte
m, pro pœna gloriam, pro votorum officio præmia
uis sempiterna, per Christum Dominum nostrum.

ITEM MISSA VOTIVA.

Deus, qui vulnere passionis et crucis nostrorum
mcula solvis [peccatorum,] votivam hanc servo tuo
d. suscipe precem in omnibus, pro quibus te popo-
suerit fideli devotione, exaudire digneris.

Dicitur Secreta.

Contestatio.

Vere dignum et justum est, omnipotens Deus, qui
ob hoc peccatorum non renuis postulata; pro quo te,
Domine, supplices postulamus, ut huic servo tuo ill.
delectabiles petitiones impleas, et perseverantiam in
bonis operibus tribuas per Christum Dominum no-
strum. Per quem Majestatem tuam laudant angeli.

MISSA PRO VIVIS ET DEFUNCTIS.

Epistola Pauli apostoli ad Colossenses ^a.

Fratres, qui sub potestate domini sumus, manda-
tum Dei custodire debemus. Qui custodiunt præcepta
Domini, habent vitam æternam; et qui negant man-
data ejus, adquirunt ruinam, et in hoc secundam
mortem. Præceptum Domini hoc est: Non perjura-
beris. Non furtum facies. Non adulterabis. Non fal-
sum testimonium dices. Non accipies munera contra
veritatem, nec per potestatem. Qui habet potestatem
et abnegat veritatem, abnegabitur illi regnum Dei,
et conculcabitur in infernum. Ibi non egreditur bis.
Quomodo sumus fragiles et prævaricatores agentes
peccatum. Non per singulos dies pœnitemus, sed per
singulos dies peccatum super peccatum facimus. Ut
sciatis hoc, fratres carissimi, quia opera nostra
scriptum est in hoc libro, in commemoratione erit
nobis in die judicii. Ibi nec testes, ibi nec pares, ibi
nec per munera judicabitur: quia non est melior
quam fides, veritas, castitas, jejunium, et eleemosy-
na, quæ extinguit omnia peccata. Et quod tibi non
vis, alio non facias. Stipola regnum Dei, et accepit
coronam, quod est in Christo Jesu Domino.

Evangelium inferius dicitur.

INCIPIT MISSA.

Majestatem tuam, clementissime Pater, exoramus
pro fratribus et sororibus nostris, seu omnibus bene-
factoribus nostris, vel qui se in nostris orationibus
commendaverunt, tam pro vivis, quam et solutis de-
bito mortis, quorum eleemosynas erogandas suscep-
imus, vel quorum animas ad memorandum conscrip-
simus, vel quorum nomina super sanctum altarium
scripta adest evidenter: concede propicius, ut hæc
sacra oblatio mortuis prosit ad veniam, et vivis pro-
ficiat ad salutem; et fidelibus tuis, pro quibus obla-
tionem offerimus, indulgentia tuæ pietatis succurrat.

Dicitur Secreta alia.

Preces nostras, clementissime Deus, benignus

^a Sequens Lectio non legitur in epistola ad Colos-
senses in Libris sacris: sed est farrago ex

domibus privatis,
labra-

exaudi: suscipe propicius oblationem adque
pro fratribus ac sororibus nostris quam tibi offeri-
mus, seu cunctis benefactoribus nostris, tam pro
vivis, quam mortuis, vel fidelibus tuis, pro quibus obla-
tionem offerimus, ut cunctis proficiat ad salutem.

Contestatio.

Vere dignum et justum est, omnipotens Deus, ad
vota humilium manum dexteræ tuæ Majestatis ex-
tende, ut animabus famulorum famularumque tua-
rum, tam pro vivis quam et solutis debito mortis,
quorum animas ad memorandum conscripsimus, fide-
lium catholicorum orthodoxorum, qui tibi placue-
runt, quorum commemorationem agimus, vel quo-
rum nomina super sanctum altarium scripta adest
evidenter, remissionem peccatorum, indulgentiam
quam semper optaverunt piis supplicationibus con-
sequantur, per Christum Dominum nostrum. Cui.

MISSA IN DOMO CUJUSLIBET ^b.

Lectio sancti Evangelii secundum Lucam.

Diebus illis dixit Dominus Jesus turbis similitudi-
nem hominis cujusdam divitis. Uberes fructus ager
attulit, et cogitabat intra se dicens: Quid faciam,
quod non habeo quo fructus meos congregem? Et
dixit: Hoc faciam. Destruam horrea mea, et majora
faciam; et illuc congregabo omnia quæ nata sunt
mihi, et bona mea; et dicam animæ meæ: Anima,
habes multa posita in annos plurimos. Requiesce,
comede, bibe, epulare. Dixit autem illi Deus: Stulte,
hac nocte animam tuam repetunt a te; quæ autem
parasti, cujus erunt? Sic est qui sibi thesaurizat, et
non est in Deum dives. Dixitque ad discipulos suos:
Ideo dico vobis, nolite solliciti esse animæ quid man-
ducetis, neque corpori quid vestiamini. Anima plu-
est quam esca, et corpus quam vestimentum. Consi-
derate corvos, quia non seminant neque metunt, qui
bus non est cellarium neque horreum; et Deus pas-
cit illos. Quanto magis vos pluris estis illis?

INCIPIT MISSA.

Protector in te sperantium Deus, et subditarum
tibi mentium custos, habitantibus in hac domo fa-
molis tuis ill. propicius adesse dignare. Veniat sup-
eos sperantes a te benedictio, ne subvertas: ut p-
tatis tuæ repleti muneribus, in tua gratia et in t-
nomine læti semper exultent.

Secreta.

Suscipe, Domine, quæsumus, preces et hostias fa-
mulorum tuorum ill., et muro custodiæ tuæ hanc
domum circumda; ut omni adversitate depulsa sit
hoc semper domicilium incolomitatis et pacis. Per.

Contestatio.

Vere dignum et justum est omnipotens Deus, be-
nignus indultor in secretis officiis nostris, et in hanc
domum manentibus præsentiae tuæ concede custo-
diam, familiæ tuæ defensor, ac totius habitaculi hu-
jus habitator appareas.

Vita sancti Ambrosii, qui Romæ, trans Tiberim, apud
quamdam clarissimam matronam invitatus, sacrifi-
cium in domo obtulit.

^c Hoc Evangelium videtur potius referendum ad
missam sequentem, quam ad superiorem de mor-

LECTIONES DOMINICALES.

MISSA DOMINICALIS.

Lectio Hiezechiel prophetæ.

Factum est verbum Domini ad me dicens : Quid est quod inter vos parabolam vertitis in proverbium istud in terra Israel dicentes : Patres comederunt uvam acerbam, et dentes filiorum obstupescunt? Vivo ego, dicit Dominus Deus, ecce omnes animæ meæ sunt. Ut anima patris, ita et anima filii mea est. Anima quæ peccaverit ipsa morietur. Et vir, si fuerit justus, et fecerit iudicium et justitiam, de rapina non comederit, et oculos suos non elevaverit ad idola domus Israel, et uxorem proximi sui non violaverit, et ad mulierem menstruatam non accedat, et hominum non contristaverit, pignus debitori reddiderit, per vim nihil rapuerit; panem suum esurienti dederit, et nudum operuerit vestimento; ad usuram non commodaverit et amplius non acceperit; ab iniquitate averterit manum suam, iudicium verum fecerit, inter virum et proximum; in præceptis meis ambulaverit, et iudicia mea custodierit ut faciat veritatem : hic justus est, vita vivet, ait Dominus Deus.

Epistola Pauli apostoli ad Galatas.

Fratres, fructus autem spiritus est caritas, gaudium, pax, longanimitas, bonitas, benignitas, fides, modestia, continentia^a. Adversus hujusmodi non est lex. Qui autem sunt Christi, carnem suam crucifixerunt cum vitiiis et concupiscentiis. Si spiritu vivimus, spiritu et ambulemus. Non efficiamur inanis gloriæ cupidi, invicem provocantes, invicem invidentes. Fratres, etsi præoccupatus fuerit homo in aliquo delicto, vos qui spiritales estis, hujusmodi instruite in spiritu lenitatis, considerans te ipsum, ne et tu teneris. Alter alterius onera portate, et sic adimplebitis legem Christi.

Lectio sancti Evangelii secundum Matthæum.

Diebus illis, accedens unus de Scribis ad Dominum Jesum, et dicit illi : Magister bone, quid boni faciam, ut habeam vitam æternam? Qui dixit ei : Quid me interrogas de bono? Unus est bonus Deus. Si autem vis ad vitam ingredi, serva mandata. Dicit illi : Quæ? Jesus autem dixit : Non homicidium facies, non adulterabis, non facies furtum, non falsum testimonium dices; honora patrem et matrem, et diliges proximum tuum sicut teipsum. Dicit illi adolescens : Omnia hæc custodivi, quid adhuc mihi deest? Ait illi Jesus : Si vis perfectus esse, vade, et vende quæ habes, et da pauperibus, et habebis thesaurum in cælo, et veni, sequere me. Cum audisset autem adolescens verbum, abiit tristis. Erat enim habens multas possessiones. Jesus autem dixit disci-

pulis suis : Amen dico vobis, facilius est camelum per foramen acus transire, quam divitem intrare in regnum cælorum. Auditis autem his discipulis mirabantur valde, dicentes : Quis ergo poterit salvus esse? Aspiciens autem Jesus dixit illis : Apud homines hoc impossibile est, apud Deum autem omnia possible sunt. Tunc respondens Petrus dixit ei : Ecce nos reliquimus omnia, et secuti sumus te : quid ergo erit nobis? Jesus autem dixit illis : Amen dico vobis, quod vos qui secuti estis me, in regeneratione, cum sederit Filius hominis in sede majestatis suæ, sedebitis et vos super sedes duodecim, judicantes duodecim tribus Israel. Et omnis qui reliquit domum, vel fratres aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, et vitam æternam possidebit. Multi autem erunt primi novissimi, et novissimi primi.

INCIPIT MISSA.

Collectio post prophetiam^b.

Domine Jesu Christe, spes et salus humani generis, qui ad nos veniens ex alto visitare dignatus es, et de antiqua morte peccati per miserationis tuæ mysteria redemisti; qui inluxisti nobis, qui errabamus in tenebris, et vitalem diem in umbra mortis sedentibus intulisti; respice, Domine, et dirige pedes nostros in viam pacis. Per.

Præfatio.

Domine Deus incomprehensibilis et inenarrabilis, qui dixisti : Non veni vocare justos, sed peccatores ad pœnitentiam; et cum profectu nostro non ageas, gaudes tamen super peccatorem pœnitentiam agentem, quia non vis mortem peccatoris, sed ut convertatur et vivat. Convertite nos, Domine, ad te et convertemur. Convertite nos Deus salutaris noster, et ne perdas nos cum peccatis nostris, ne tradas nos in finem. Ne intres in iudicium cum servis tuis, ne tradas bestiis animam confitentem tibi, memento congregationis tuæ, et dirige nos in via recta. Doce nos, Domine, facere voluntatem tuam, quia tu es Deus noster. Statue pedes in consummatione, ut te adjuvante vincamus antiqui hostis insidias, ut liberi ab infestatione inimici, serviamus tibi in sanctitate et justitia omnibus diebus vitæ nostræ.

Collectio.

Domine Deus omnipotens, qui salvos facis sperantes in te. Tu clementissime, qui revocas errantes; tu misericordissime, qui non despicias peccatores; tu, Domine Pater, cum ceciderit justus, manum apponis; tu excelsus in cœlis, habitare promisisti in terris, ubi sunt congregati in tuo nomine duo vel tres;

^a Hic novem tantum fructus Spiritus sancti, ut in Græco; in Lectionario Luxoviensi decem, ubi patientia, longanimitas.

^b Hinc colligitur, missam, si non semper, saltem

aliquando, inchoatam fuisse a lectione prophetiæ, quemadmodum in Parasceve incipit missas Præsanctificatorum. Confer tres alias missas dominicales inferius, ubi similiter Præfatio post prophetiam.

te, Domine, tenemus promissorem, ut des veniam poenitentibus. Te invenient omnes qui quærent te. Tu rex gloriæ Christus, tu rex omnis terræ Deus, tu rex virtutum. Te perscrutatorem conscientiarum nostrarum scimus : ideo et veniam petimus delictorum. Tu magnus Dominus et laudabilis valde. Te precamur, ut sis nobis propicius. A te speramus. Averte faciem tuam a peccatis nostris, et omnes iniquitates nostras dele. Te obsecramus, qui præmia paras justis, da veniam peccatoribus. Tibi conflitemur mala nostra, ut mereamur consequi bona tua.

Post nomina.

Domine Deus Abraham, Deus Isaac, Deus Jacob, Deus patriarcharum, prophetarum, apostolorum et martyrum, omniumque sanctorum, sicut pro piissima misericordia tua dedisti eis voluntatem veniendi ad te ; ita, clementissime Pater, da servis tuis intellectum, virtutem, et possibilitatem, ut tibi secundum voluntatem tuam serviamus. Spiritus tuus bonus deducat nos in via recta. Da incipientibus perfectionem, da parvulis intellectum, da currentibus adjutorium. Da negligentibus compunctionem, da tepidis spiritum ferventem, da perfectis bonam consummationem. Loquatur os nostrum laudem tuam, et per singulos dies benedicamus te, et laudemus nomen tuum in æterna sæcula sæculorum.

Ad pacem.

Deus pax et caritas te deprecamur ; Domine sancte, Pater omnipotens, æterne Deus, libera nos ab omni temptatione, adjuva nos in omni certamine, consolare in omni tribulatione. Da nobis patientiam in adversis, da nobis ut te puro corde adoremus, tibi munda conscientia psallamus, tibi tota virtute serviamus. Te benedicimus, Trinitas sancta, tibi gratias agimus, te per singulos dies laudamus, te deprecamur, Abba Pater. Suavis sit laudatio nostra, sitque acceptabilis oratio nostra.

Contestatio.

Vere dignum et justum est, Domine Rex cælestium, Rex regum, Deus deorum, et Dominus dominorum, tibi gratias agere, laudum hostias immolare. Exaudi orationem et deprecationem famulorum famularumque tuarum ; auribus percipe lacrimas eorum, Abba Pater. Imple nominis tui officium super famulos et famulas tuas ; tu eos rege, tu protege, tu conserva, tu sanctifica, tu gubernas, tu consolare. Sicut non es dedignatus congregare et vocare eos ; ita tuo inflammantur amore, ut a te non despiciantur, Domine clementissime, et piissime Pater. Oro te, Domine, non pereat in nobis factura redemptionis et vocatio tua : sicut vocasti errantes, ita custodi in hoc ovili habitantes. Precamur te, Domine sancte, Pater omnipotens, æterne Deus, exaudi famulos tuos, quia benigna est misericordia tua. Concede eis ut tuo sancto Spiritu inflammentur, tua virtute firmentur, tuo splendore inluminentur, tua gratia repleantur cum tuo adjutorio proficiant. Dona eis, Domine, fidem rectam, caritatem perfectam, humilitatem veram. Concede, Domine, ut sit in nobis sim-

* Hæc est illa prophetia, de qua superius mentio.

plex affectus, patientia fortis, obedientia perseverans, pax perpetua, mens pura, rectum et mundum cor, voluntas bona, conscientia sancta, compunctio spiritalis, virtus animæ, vita immaculata, inreprehensibilis ; consummatoque viriliter cursu, in tuum feliciter mereamur intrare regnum. Cui merito.

Lectio Apocalypsin sancti Johannis *.

Ego Johannes vidi sedentem super thronum, et in dextera sedentis super thronum, librum scriptum intus et foris, signatum sigillis septem. Et vidi angelum fortem, prædicantem voce magna, et dicentem : Quis est dignus aperire librum, et solvere signacula ejus ? Et nemo poterat. Et ego flebam multum, quia nemo dignus inventus est aperire librum, et videre eum. Et unus de senioribus dicit mihi : Ne fleveris.

Ecce vicit Leo de tribu Juda, radix David, aperire librum ; et septem signacula ejus. Et vidi, et ecce in medio throni et quattuor animalium et in medio seniorum Agnum stantem quasi occisum, habentem cornua septem, et oculos septem, qui sunt spiritus Dei missi in omnem terram. Et venit, et accepit librum : et quattuor animalia, et viginti quattuor seniores ceciderunt coram Agno ; et cantant novum canticum dicentes : Dignus es aperire librum, et signacula ejus, quoniam occisus es, et redemisti nos Deo in sanguine tuo. Et omnes audiivi dicentes : Sedenti in Throno et Agno, benedictio, et honor, et gloria, et potestas in sæcula sæculorum amen. Qui habet aurem audiat, quid Spiritus dicat Ecclesiis.

MISSA DOMINICALIS.

Epistola Pauli apostoli ad Corinthios.

Fratres, cum ergo Christus prædicatur quod a mortuis resurrexit, quomodo dicunt quidam in vobis, quoniam resurrectio mortuorum non est ? Si autem resurrectio mortuorum non est, neque Christus resurrexit. Si autem non resurrexit, sine causa est ergo et prædicatio nostra, et fides vestra vacua. Invenimur autem falsi testes Dei ; quoniam testimonium diximus adversus Deum, quod suscitaverit Christum, quem non suscitavit. Si enim mortui non resurgunt, neque Christus resurrexit. Quod si Christus non resurrexit, sine causa et fides vestra est, et adhuc estis in peccatis vestris. Ergo et qui dormierunt, in Christo perierunt. Si in hac vita sola in Christo sperantes sumus tantum, miserabiles sumus omnibus hominibus. Quoniam in Adam omnes moriuntur, ita et in Christo omnes vivificabuntur.

Lectio sancti Evangelii secundum Matthæum.

Diebus illis, convocatis ad se Dominus Jesus turbis, dixit eis : Audite et intelligite. Non quod intrat in os, coinquinat hominem ; sed quod procedit ex ore, hoc coinquinat hominem. Tunc accesserunt discipuli ejus, et dixerunt ei : Scis quia Pharisei, audito hoc verbo, scandalizati sunt. At ille respondens ait : Omnis plantatio, quam non plantavit Pater meus cælestis, eradicabitur. Sinite illos, cæci sunt, duces cæcorum. Cæcus autem si cæco ducatum præstet, ambo in foveam cadunt. Respondens autem Petrus dixit ei : Edissere nobis parabolam istam. At ille

ihuc et vos sine intellectu estis? non intelligit a omne quod in os intrat, in ventrem vadit, essum mittitur? quæ autem procedunt de corde exeunt, et ea coinquant hominem. Enim exeunt cogitationes malæ, homicidia, fornicationes, furta, falsa testimonia, hæc sunt quæ coinquant hominem. autem manibus manducare, non coinquant. EGRESSUS INDE DOMINUS JESUS secessit in yri et Sidonis: et ecce mulier Chananea, a illis egressa, clamavit, dicens ei: Miserere nine, fili David; filia mea male a dæmonio. Qui non respondit ei verbum. Et accedentes ejus rogabant eum, dicentes: Dimitte eam, mat post nos. Ipse autem respondens ait: missus nisi ad oves quæ perierunt domus illa venit, et adorabat eum dicens: Domine, juva me. Qui respondens ait: Non est bonere panem filiorum, et mittere canibus. At: Etiam, Domine, nam et catelli edunt de ominorum suorum. Tunc respondens Jesus O mulier, magna est fides tua; fiat tibi sicut anata est filia ejus ex illa hora.

INCIPIT MISSA.

us, fratres carissimi, unianimes atque conut Ecclesiam suam Dominus in pace constirum suum cælesti benedictione circumdet, suam donis repleat spiritualium gratiarum; am vitam agentes, æterno Domino inlibate us.

Collectio.

iternum Dominum, infinitum, ingentum, dem, devotæ mentis, desideriorum cordis rem deprecemur, ut Ecclesiam sanctam a perpetua defensione tueatur.

Post nomina.

Deus dilectionis et pacis, in cujus dextera stra est, præsta ut ad te non ore tantum, sed vigilemus. Timorem tui nominis nostris iscribis, et amorem infunde pectoribus. Per.

Ad pacem.

nobis, Domine, in domo tua sancta unaniventibus pacem habere quam tradimus; ervare quam sumimus

Contestatio.

ignum et justum est, omnipotens Deus, per n Dominum nostrum. Cujus vocem Adam et timuit ipsius aspectum; Abel quæsit, et Cujus nomen Enoch credidit, et vocavit; ratiam Noe justificatus invenit. Cujus benem Abraham vocatus accepit, ipsius caritatem obatus agnovit. Cujus sanctificationem Jacob emeruit, ipsius ignem Moyses miratus inlujus ducatum Jesus sibi conscius adoravit: avitate Dehbra cantavit in voce. Cujus poGedeon probavit in vellere: ipsius fortitudimson ostendit in crine. Cujus majestatem vidit in sancto, ipsius magnitudinem David t in tympano. Cujus honorem Salomon gloin templo, ipsius ascensionem Helias præsi-

guravit in curro. Cujus dono vidua benedixit in oleo, ipsius vivificationem Heliseus vidit in sepulcro. Cujus patientiam Hieremias docuit in lacum, ipsius misericordiam Zerobabel prædicavit in reditum. Cujus opus Patriarcharum forma distinxit, ipsius propiciationem sacerdotum præparatio declaravit. Cujus longanimitatem judicum æquitas protulit, ipsius sapientiam regum vita deservit. Cujus spiritum prophetarum veritas adprobavit, ipsius adventum Zaccharias castigatus ostendit. Cujus introitum Johannes præcursor admonuit, ipsius nativitatem Virgo protulit, stella præcessit. Angelorum vox sacra cecinit, pastorum pervigil sollicitudo pervidit, magorum triperitita oblatio muneris honoravit. Cujus passionem mundus non sustinuit, sol refugit. Cujus resurrectionem adsisistentes sustentaverunt angeli, cum resurgentem glorificaverunt sancti. Cujus regnum universum cælestium et terrestrium infernorumque concentum, animalium, seniorum, signatorum, incessabile voce proclamabant dicentes: Sanctus.

MISSA DOMINICALIS.

Lectio Malachiæ prophetæ, dominicalis legenda.

Hæc dicit Dominus: Inferte omnem decimam in horreum meum, et sit cibus in domo mea, et probate me super hoc, dicit Dominus. Si non aperuero vobis cataractas cæli, et effudero vobis benedictionem usque ad abundantiam: et increpabo pro vobis devorantem, et non corrumpet fructum terræ vestræ, nec erit sterilis vinea in agro, dicit Dominus exercituum. Et beatos vos dicent omnes gentes. Eritis enim vos terra desiderabilis, dicit Dominus exercituum. Invaluerunt super me verba vestra, dicit Dominus, et dixistis: Quid locuti sumus contra te? Dixistis: Vanus est qui servit Deo. Convertimini, et videbitis, quid sit inter justum et impium, et inter servientem Deum et non servientem ei. Ecce enim dies veniet succensa quasi caminus, et erunt omnes superbi et omnes facientes impietatem stipula, et inflammabit eos dies veniens. Et orietur vobis timenibus nomen meum sol justitiæ, et sanitas in pinnis ejus. Ecce ego mittam vobis Heliam prophetam, antequam veniat dies Domini magnus et terribilis. Et convertet cor patrum ad filios, et cor filiorum ad patres eorum; ne forte veniam et percutiam terram anathemate, ait Dominus Deus.

Epistola Pauli apostoli ad Romanos.

Fratres, non ergo regnet peccatum in vestro mortali corpore, ut obediat concupiscentiis ejus. Sed neque exhibeat membra vestra arma iniquitatis peccato; sed exhibete vos Deo tamquam ex mortuis viventes, et membra vestra arma justitiæ Deo. Peccatum enim vobis non dominabitur. Non enim sub lege estis, sed sub gratia. Quid ergo? peccabimus quoniam non sumus sub lege, sed sub gratia? Absit. Nescitis cui exhibuistis vos servos ad obediendum, servi estis ejus cui obeditis, sive peccati in mortem, sive obeditionis ad justitiam? Gratias autem Deo quod fuistis servi peccati, obedistis autem ex corde in eam formam doctrinæ, in qua traditi estis. Libe-

rati autem a peccato, servi facti estis justitiæ, per Jesum Christum Dominum.

Lectio sancti Evangelii secundum Matthæum.

Simile factum est regnum cælorum homini, qui seminavit bonum semen in agro suo. Cum autem dormirent homines, venit inimicus ejus, et superseminavit zizania in medio tritici, et abiit. Cum autem crevisset herba et fructum fecisset, tunc apparuerunt zizania. Accedentes autem servi patris familias dixerunt ei : Domine, nonne bonum semen seminasti in agro tuo? unde ergo habet zizania? Et ait illis : Inimicus homo hoc fecit. Servi autem dixerunt ei : Visimus, et colligimus ea? Et ait illis : Non, ne forte colligentes zizania, eradicetis simul cum eis et triticum. Sinite utraque crescere usque ad messem; et in tempore messis dicam messoribus : Colligite primum zizania, et alligate ea in fasciculos ad comburendum, triticum autem congregate in horreum meum.

• Locutus est Dominus Jesus in parabolis ad turbas, et sine parabolis non loquebatur eis, ut impleatur quod dictum est per prophetam dicentem : Aperiam in parabolis os meum, eructuabo absconsa a constitutione mundi. Tunc dimissis turbis, venit in domum; et accesserunt ad eum discipuli ejus, dicentes : Dissere nobis parabolam zizaniorum agri. Qui respondens ait : Qui seminat bonum semen, est Filius hominis. Ager autem est mundus. Bonum vero semen hii sunt filii regni, Zizania autem filii sunt nequam. Qui seminavit ea, est diabolus. Messis vero consummatio sæculi est : messorum autem angeli sunt. Sicut ergo colliguntur zizania, et igne comburuntur, sic erit in consummatione sæculi. Mittet Filius hominis angelos suos, et colligent de regno ejus omnia scandala, et eos qui faciunt iniquitatem, et mittent eos in caminum ignis. Ibi erit fletus et stridor dentium. Tunc justi fulgebunt sicut sol in regno Patris eorum. Qui habet aures audiendi, audiat.

INCIPIT MISSA.

Collectio post prophetiam.

Benedicte, sancte Deus Israel, visita plebem tuam, benedic populum tuum, et libera eum a peccatis eorum, et præsta, Domine virtutum, ut de manibus inimicorum nostrorum liberemur, et tibi soli servire mereamur cum justitia et sanctitate omnibus [diebus] nostris : et dirige pedes nostros in via pacis, ut voluntatem tuam in omnibus implere possimus. Per,

Præfatio.

Oremus Dominum, dilectissimi nobis, qui amara nobis adveniunt tempora et periculosi adproximant anni. Mutantur^b regna, vocantur gentes : excidit caritas, exsurgit iniquitas : increvit cupiditas, prævaluit impietas; et in miserorum creaturæ fugit. Dum ergo tempus est, convertamur ad Dominum, flectamus genua, curvemus cervices, rogemus Deum

• Hæc Lectio est sine titulo in exemplari, ubi primus hujus Lectionis versus minio descriptus est, ut nempe esset indicio hæc non consequenter legi apud Matthæum in cap. XIII.

^b Hæc fortasse dicta sunt, cum vel Franci in Gal-

A Patrem omnipotentem, qui clamantes ad se ter exaudit, et sperantes in se non derelinquit. Collectio.

Quam magna est misericordia tua, Domine venire captivis, miseris parcere, indulgere peccatis, peregrinos consolari, oppressos sublevare, gentes barbaras ad invocationem tuam convertere. Ad illam misericordiam cernos, quam rogantibus nobis pius et misericors exaudire digneris per interventum sanctæ Mariæ. Post nomina.

Cælestium vitæ æternæ adoremus Dominum patrem carissimum, suppliciter deprecemur, ut passum semper ubique custodiat, protegat atque defendat, principes mitiget, potestates gubernantes regat, nocentes reprimat, hostes repellat, captivos revocet, lapsos restituat, languidos curet, cunctis misericordia veniat, pius et misericors Deus preces nostras exaudiat.

Ad pacem.

Deus pater omnipotens, bonus ac mitis Dominum nostrum Jesum Christum hoc sæculum cum ergo quis ascensurus es in cælum suam dare nobis, pacem suam relinquere serpsit. Respice, Domine, sanctæ Ecclesiæ tuæ catholicæ pacis inpone. Fiat in virtute quod deest, et quo titulus impleatur. Pacem teneant divites, pacem habeant pauperes, pacem gaudeant locupletes; pace mitescent barbaræ nationes; pacem videant liberi, pacem servi; pacem cogitent reges pacem faciant principes. Pacem tuam, omnipotens, da nobis, per intercessionem beatissimi Johannis Baptistæ mereamur a te.

Contestatio.

Vere dignum et justum est, omnipotens Deus cum patribus nostris veniam supplicantibus. te, Domine, quia tempus est necesse penitentiam, Domine, quia tempus est necesse penitentiam non egrediamur alieni. O magnam vallem Josaphat, ubi omnes ad judicium venient, ubi erit divitum inter justos et injustos : ut cognoscantur mendaces et veraces in illo die judicii, ubi nulla est acceptio personarum, ubi nec excusatio, ubi nec fides datur, nec fides litur; ubi justi solvuntur, et peccatores fortiter tenentur. O magnum regem, qui de profundo adducit, et malos repellit. Justo eligendi sunt catores torquendi, justo ad vitam, peccatores hennam. Nec pater filium, nec filius patrem bit : se unusquisque lugebit nec ullus ullum roget, quia omnis cupiditas requiescet ! O magnum judicium, ubi nec tortores deficiunt, nec mortui revivunt ! Timeamus dum vacat, ne timeamus non vacat. Timeamus gehennam, quæ est in

liam, vel Langobardi in Italiam irruerunt.

• Locus corruptus. Forte legendum, *obsidit nos reliquisti, cum is ascensurus in cælum pacem, etc.*

num malum : cum Deo vivamus, quod est in æternum bonum per Christum Dominum nostrum, cui merito.

Item contestatio dominicalis.

Vere dignum et justum est omnipotens Deus, te glorificare, et tibi cum timore et tremore immensas laudes canere, Deus noster, qui per Filium tuum Dominum nostrum genus humanum judicare disposuisti. O quam magna et alta sapientia factum est hoc, ut ille Dominus noster Jesus Christus venerabilis statu, et pretiosus forma judicaret, quam crudelissima plebs Judæorum præsumsit sauciare. Ille venturus est judicare qui pœnam sustinuit, ille venturus est judicare qui crucem portavit, ille venturus est judicare, cujus latus Judaica perfidia vulneravit. Ille venturus manus tendit ad judicandum, ubi clavi confixi sunt, et ipsa signa permanent in æternum, sicut scriptum est : Videbunt quem transfixerunt, et plangent se cunctæ tribus terræ. Ibi erit tribulatio, et impiis condemnatio; ibi erit justis exultatio, et impiis condemnatio; ibi erit justis jocunditas, et impiis verecundia; ibi erit justis gratia defusa, et plebs Judæorum erit confusa. O quam gravis et laboriosa est dies illa ! o quam terribilis et horribilis est dies illa, dies iræ, dies tribulationis et angustię, dies calamitatis et miserię, dies tenebrarum et caliginis, dies nebulæ et turbinis, dies tubæ et clangoris; ubi cælum cum terra contremiscit, et omnes justi terribiliter conturbantur; ubi omnis causa ventilatur, et unicuique secundum opera sua dispensatur, per Christum Dominum nostrum, cui merito, etc,

ITEM MISSA DOMINICALIS.

Epistola Pauli apostoli ad Colossenses, dominicalis legenda.

Fratres, mortificate membra vestra quæ sunt super terram, fornicationem, inmunditiam, libidinem, concupiscentiam malam, et avaritiam, quæ est simulatorum servitus : propter quæ venit ira Dei super filios incredulitatis. In quibus et vos ambulastis aliquando, cum viveretis in illis. Nunc autem deponite vos omnia, iram, indignationem, malitiam, blasphemiam, turpem sermonem de ore vestro. Nolite mentiri in invicem, expoliantes vos veterem hominem cum actibus suis, et induentes novum, eum qui renovatur in agnitione secundum imaginem ejus qui creavit eum, ubi non est gentilis et Judæus, circumcisio et præputium, barbarus et Schyta, servus et liber, sed omnia et in omnibus Christus.

Lectio sancti Evangelii secundum Matthæum.

Diebus illis, dixit Dominus Jesus discipulis suis : Cum venerit Filius hominis in majestate sua, et omnes angeli cum eo; tunc sedebit super sedem majestatis suæ, et congregabuntur ante eum omnes gentes, et separabit eos ab invicem, sicut Pastor segregat oves ab hædis. Tunc dicet Rex his qui a dextris ejus erunt: Venite, benedicti Patris mei, possidete paratum vobis regnum a constitutione mundi. Esurivi enim, et dedistis mihi manducare; sitivi, et dedistis mihi bibere; hospes eram, et collegistis

me; nudus, et operuistis me; infirmus, et visitastis me; in carcere eram, et venistis ad me. Tunc respondebunt ei justi dicentes: Domine, quando te vidimus esurientem, et pavimus; sitientem et dedimus tibi potum? quando autem te vidimus hospitem, et collegimus te; aut nudum et cooperuimus? aut quando te vidimus infirmum, aut in carcere, et venimus ad te? Et respondens Rex dicet illis: Amen dico vobis, quamdiu fecistis uni de his fratribus meis minimis, mihi fecistis. Tunc dicet et his qui a sinistris erunt; Discedite a me, maledicti, in ignem æternum, qui paratus est diabolo et angelis ejus. Esurivi enim, et non dedistis mihi manducare; sitivi, et non dedistis mihi potum; hospes eram, et non collegistis me; nudus, et non operuistis me; infirmus et in carcere, et non visitastis me. Tunc respondebunt et ipsi dicentes: Domine, quando te vidimus esurientem, aut sitientem, aut hospitem, aut nudum, aut infirmum vel in carcere, et non ministravimus tibi? Tunc respondebit illis dicens: Amen dico vobis, quamdiu non fecistis uni de minoribus his, nec mihi fecistis. Et ibunt hi in supplicium æternum, justi autem in vitam æternam.

INCIPIT MISSA.

Collectio post prophetiam.

Dirige, omnipotens Deus Dominator, gressus nostros in via pacis, et sensus nostros conrobora in mandatis tuis: visitet nos Oriens ex alto, et inluminet eos qui in tenebris et umbra mortis sedent; ut te adorent propter misericordiam tuam, te sequantur

propter veritatem tuam, teque desiderent propter dulcedinem tuam, qui es benedictus Dominus Deus Israel in unitate Spiritus sancti in sæcula sæculorum.

Missa dominicalis *.

Pronis mentibus et totius corporis devotione porrecti, omnipotentem Dominum deprecemur, ut omnes incolas suos unumque corpus Ecclesiæ trina et unita plebem suam custodiat. Sacerdotibus pacem et concordiam, et universo clero perpetis ministerii gratiam largiatur, defensionem pupillis, solatium viduis, continentiam monachis, mercedem operantibus; esurientibus victum, vestitum nudis, ægrotantibus sanitatem, vinctis absolutionem, peregrinantibus patriam, navigantibus portum dignatus impertiat: humilitatem superbis, maleloquentibus emendationem pœnitentibus delictorum finem, peccatoribus veniam, in hæretico errore viam veritatis ostendat.

Collectio.

Deum ineffabilis potentię, bonitatis immensæ, fratres carissimi, deprecemur, ut sacerdotes, clerum ac populum suum visitet, et tueatur: inluminet totam plebem suam, et illa qua redemit pietate, sua miseratione conservet.

Post nomina.

Respice, Deus omnipotens, ad precem familiæ tuæ, quæ misericordiam tuam sinceritatis officio et studio caritatis obtinere desiderant, atque muneris tui donum te adjuvante percipiant.

* Legendum Præfatio dominicalis. Ita enim vocabatur illa adhortatio post prophetiam, ut supra in prima missa dominicali.

Ad pacem.

Pacem tuam nostris temporibus, bone Jesu, inlabere, in qua est plenitudo dilectionis tuæ, et præsta ut pacem quam nunc ore proferimus semper spiritali sensu conservare mereamur.

Contestatio.

Vere dignum et justum est, omnipotens Deus, qui peccato primi parentis hominem a salutis finibus exulantem, pietatis indulgentia ad veniam vitamque revocasti, mittendo nobis Unigenitum tuum Salvatorem nostrum, per quem languores nostros curares, peccata dimitteres, potentiam hostis antiqui contereres, infernorum nexus resolveres, paradisi portas aperires, fidem innovares, vitam mortuis redderes, Dei filios faceres, et ad cælestia regna perduceres Dominus noster Jesus Christus. Cui merito.

Alia Contestatio.

Vere dignum et justum est, omnipotens Deus per Christum Dominum nostrum. Qui videns humani generis fabricam, hostis antiqui extinguentis fallaciam, in terra descendit Dominus noster Jesus Christus, utero conceptus est virginali, Deus et homo processit. Homo videtur in corpore, Deus autem manifestatus est in virtute. Homo fuit quando cum Judæis ambulavit; Deus autem manifestatus est quando paralyticum triginta octo annorum solo verbo curavit. Homo fuit ad frequentiam nuptiarum; Deus autem manifestatus est quando aquas convertit in vinum. Homo fuit quando ad piscinam Siloe cum discipulis venit; Deus autem manifestatus est quando cæcum a nativitate inluminavit. Homo fuit quando mulier peccatrix lacrymis pedes lavit; Deus autem manifestatus est quando eam a profluvio sanguinis liberavit. Homo fuit quando in nave dormivit; Deus autem manifestatus est quando ventibus in mare ut quiscerent imperavit. Homo fuit quando Maria et Martha pro fratre eum rogabant: Deus autem manifestatus est quando Lazarum quatrduanum de monumento resuscitavit. Homo fuit quando in cruce pendit; Deus autem manifestatus est quando tertia die resurrexit a mortuis, sedit ad dexteram Patris, interpellat pro peccatis nostris. Quis non timeat talem Dominum Regem æternum, aut quis non prostratus adoret? cui merito.

MISSA DOMINICALIS.

Epistola Pauli apostoli ad Romanos, dominicalis legenda.

Fratres, hoc est verbum fidei quod prædicamus: quia si confitearis in ore tuo Dominum Jesum, et in corde tuo credideris, quod Deus illum suscitavit a mortuis, salvus eris. Corde enim creditur ad justitiam, aure autem confessio fit ad salutem. Dicit enim Scriptura: Omnis qui crediderit in illum, non confundetur. Non enim est distinctio Judæi et Græci. Nam idem Dominus omnium, dives in omnibus qui invocant eum. Omnis enim qui invocaverit nomen Domini, salvus erit.

Lectio sancti Evangelii secundum Matthæum.

Omnia ergo quæcumque vultis ut faciant vobis homines, et vos facite eis. Hæc est enim lex et prophetæ. Intrate per angustam portam, quia lata porta

et spatiosa via quæ ducit ad perditionem, et sunt qui intrant per eam. Quam angusta porta via quæ ducit ad vitam, et pauci sunt qui intrant eam. Adtendite a falsis prophetis, qui veniunt in vestimentis ovium, intrinsecus autem [sunt] rapaces. A fructibus eorum cognoscetis eos. quid colligunt de spinis uvas, aut de tribulis. Sic omnis arbor bona fructus bonos facit; item arbor fructus malos facit. Non potest arbor fructus malos facere, neque arbor mala fructus nos facere. Omnis arbor quæ non facit fructum, excidetur, et in ignem mittetur. Non qui dicent mihi, Domine, Domine, intrabunt in regnum cælorum; sed qui faciunt voluntatem mei qui in cælis est, ipsi intrabunt in regnum cæ-

B

Incipit Apologia.

Ante oculos tuos, Domine, culpas quas feci plagas quas excepimus conferimus. Minus es patimur, majus est quod meremur. Peccati sentimus, et peccati pertinaciam non vitæ flagellis tuis, Domine, fragilitas nostra vinci iniquitas non mutatur. Mens ægrota torquetur, cervix dura non flectitur. Vita in dolore suspensa in opere non inmendat. Si expectas, Domine, corrigimus; si vindicas, non duramus. Confitebor confractione quod læsimus. Si oppresseris, non facienda promittimus; si suspenderis, gladium missa non facimus. Si ferias, clamamus ut ieiunemus; si iterum peperceris, te provocamus ut ferias. Si gustia venerit, tempus petimus pænitendi; si cordia venerit, abutimur pænitentia ab miseris. Te volumus observare quod jusseris; te non obaudire quod feceris. Habes, Domine, contra reos. Parce quia pius es, quia tibi multa mihi perabundat. Præsta, Domine, sine merito quod petamus, qui fecisti ex nihilo qui rogare [justis] præmia tribues, et peccatoribus veniam negasti. Rogo, inclite Pater.

INCIPIT MISSA.

Præfatio.

Deum ac Dominum nostrum, fratres carissimi, deprecemur, ut custodiat in nobis opus redemptionis suæ; et qui vitam nostram emere suam dignatus est ad æternam nobis beatitudinem, quendam, donet pacem temporibus nostris, et tranquillitatem cordis et corporis, decessum vitiorum, et gloriosam in resurrectione virtutum, desiderium futurorum. Per Christum.

Collectio.

Domine Deus noster, suscipe preces supplicum et famulorum tuorum orationes benignus. Debemus deferre ad publicum crimina, si alicui nolumus sustinere tormenta. Debemus humiliari coram hominibus, si volumus coram te gloritari. Debemus lugere in sæculo, si volumus gnare cum Christo. Debemus honorem exquirere temporalem, si obtinere volumus gloriam æternam. Timeamus Deum occultum in conscientia, et publicum in examinatione censorum, ne ille quærit pro ignorantia confessionem, et

miserericordia confessorum. Fratres carissimi, Dominum deprecemur, ut sic absolvat pietas humiles, ut non puniat severitas contumaces. Per.

Post nomina.

Offerentes Deo, fratres carissimi, spiritalia munera, divinam clementiam deprecemur, ut has oblationes, quas in commemoratione sanctorum et pro salute omnium credentium offerimus, plena pietatis suae dignatione suscipiat, nostrum omnium preces exaudiat.

Ad pacem.

Deus vita credentium, regio vivorum, expectatio fidelium, resurrectio mortuorum, captivorum redemptio, æternitas redemptorum, benignus indultor supplicantium preces accipe, suffragantium intercessionibus mitigare, confitentium peccata dimitte : et quos redemere dignatus es humilitate corporea, protegere digneris virtute divina.

Contestatio.

Vere dignum et justum est, omnipotens Deus, Deus Abraham, Deus Isaac, Deus Jacob : cujus verbo universa creata sunt, cujus spiritu omnia nunciantur^a, una divinitas, et trina majestas; natura inseparabilis, persona individua; Deus unus et solus, unitas triplex, incomprehensa conjunctio, indivisa distinctio quem unum insubstantialiter, trinum personaliter nominamus, credimus, confitemur. Tu es enim Deus, et non est secundum opera tua. Tu fundasti terram super aquam; tu legem creaturis omnibus posuisti; qui in uno trinus appares, in tribus unus agnosceris: Pater ingenuitus, Filius unus est generatus, Spiritus sanctus unus est ex^b Patre procedens, Patri et Filio coæternus. Una tamen in tribus virtus et dignitas, potestas, atque ita conjuncta divisio: quæ tibi esset gloria in cælis, potentia in aquis, sapientia in terris, virtus in abyssis, claritas in angelis, dignitas in prophetis, sublimitas in evangelistis, auctoritas in apostolis; pietas in præceptis, placabilitas in templis, festivitas in holocaustis, largitas in ministris, per Dominum nostrum. Cui angelicus flammiferus chorus terribile exhibet obsequium: quem cherubin et serafin aurigam sedentem pavida subjectione mirantur; ante cujus conspectum sex quaterni seniorum mirificus ordo splendifluam nitentium gemmarum coronam capitis vertice gestantium; animalium quoque diversis numinum vultibus variataque terga Evangelia una se jungentes, perenne jubilatione conlaudant dicentes: Sanctus.

Contestatio de Abraham.

Incipit Contestatio dominicalis dicenda.

Vere dignum et justum est, omnipotens Deus, qui Abrahæ famulo tuo unicum filium, quem ipse dederas, in sacrificium tibi victimam esse jussisti. O Domine in promittendo fidelis, in perficiendo liberalis, nunc per sterilem senem fecundasti; sed ut devotio comprobaretur in patre, affectio postponderetur in solo, et qua futurum nesciebat affectum. Plus siquidem gavisus est offerens tibi filium, quam promissum crediderit nasciturum. Pro hoc enim non sibi, sed

tibi filium genuisse, quem sic festinabat offerre, e rege devotus pater, cum sacrificio jam parato ibat et devotus filius cum sacerdote perfecto. Ita enim utrumque sibi vota contexerant, ut nec pater de filii voluntate esset suspectus, nec filius de patris voluntate esset sollicitus. Consulit victima sacerdotem, et percussorem suum moriturus interrogat: Ecce adest ignis et ligna, ubi est ovis quæ est ad victimam? O spectaculum dignum Deo! o invictum devotionis triumphum, et magnum et inviolabile sacramentum. Devotio dicebat: Percute; pietas clamabat: Parce. Illa provocabat, ista revocabat. Filius tamen moriturus jacebat, non vinculis arduis inretitus, sed officium pietatis indutus. Totis ergo pater visceribus in sua viscera feriturus insurgit, et nul-

lam devotionis suæ afferre patitur tarditatem, nec ex tarditate perdidit mercedem. Sed ecce divinitas, quæ jusserat ut feriret, iterum dicebat: Parce, parce, inquit, devote pater, parce, religiose percussor, parce, sine crimine parricida. Ego libens victimam tuam acceptavi; votum non reprobo, sacrificium laudo, fidem non repello. Tu quidem non perimes filium, sed facti tui per sæcula manet exemplum. O qualem rem! nec filius timuit victimam, nec pater inventus parricida: quoniam adventum Domini nostri Jesu Christi expectabat, ante cujus conspectum omnes angeli atque archangeli.

Item Contestatio dominicalis.

Vere dignum et justum est credentium populum semper Deo dicere laudes, et in Christo dominicæ sublimitatis præferre virtutem, et in filio misericordem prædicare pietatem, per quem cuncta protulit, universa restituit. Sublata sunt omnia quæ prophetis vocibus a te mandaveras: perfecta sunt cuncta, quæ de adventu tuæ sublimitatis ante prædixeras. Tu es Leo de tribu Juda fortis in prælio; tu catulus leonis resurgens victor a mortuis; tu verus agnus Dei, diu quæsitus ad victimam, per cujus sanguinem placata sunt omnia; tu lapis angularis ædificantibus spretus, id Ecclesiæ capite constitutus, admirabilis postmodum effectus. Tu sacerdos excelsus et verus minister. Tu virga de radice Jesse prolata. Tu templum verum, quod pro nostra redemptione prostratum est. Tu post triduum resurgens vivus a mortuis.

Tu igitur in Noe rector arcæ, non solum Noe, sed Ecclesiæ gubernator. In Abraham fidelissimus patriarcha, in Isaac gloriosissima hostia patris, in Jacob summæ patientiæ magister, in Joseph misericordiæ prædicator, in Moyse laudabilis dux, in David patriarcha præclarus, in Salomone abundantissimus fons sapientiæ in Isaia auctor omnium prophetarum, in Johanne primus baptista, in Stephano primus martyr, in Petro negantium fides, in Paulo Spiritus sanctus Paraclitus. Quod merito tibi, Domine, conlaudant opera illa, viginti quatuor seniores, et quatuor animalia senas alas habentes, dicentes: Sanctus.

expositione Symboli, pag. 313 (*huj. edit. col. 490 init. et not. a*).

^a Forte legendum, *muniuntur*.

^b Hinc patet hanc missam usitatam fuisse ante aditamentum *Filioque*, quod jam superius vidimus in

Item Contestatio dominicalis.

Vere dignum et justum est, omnipotens verbum veritatis et lumen claritatis. Gloria in excelsis Deo, et in terra pax hominibus bonæ voluntatis, die, in qua natus est Dominus. Die sancto Dominico baptismum introivit. Die sancto Dominico resurrexit Dominus. Die sancto Dominico fecit mirabilia in Cana Galileæ, aquas in vina convertit. Die sancto Dominico de quinque panibus et duobus piscibus quinque millia hominum pavit. Die sancto Dominico siccatum est mare ante populum Moysis. Die sancto Dominico ordinatus est Petrus^a secundum Apostolus in Novo Testamento. Die sancto Dominico mare pedibus ambulavit. Die sancto Dominico respexit in terra Babylonis, et vidit tres civitates ardentes, una Babilla, secunda Babylonis, tertia Landoglado. Babilla cedunt pedes peccatorum; Babylonis cedunt pedes fornicatorum; Landoglado cedunt qui contradicunt verbo Domini. Ibi sonat ossa morigena peccatorum^b, et linguas aridas. Omnia quæcumque voluit Dominus fecit in cælo et in terra, in mari et in abyssis. Descendit ad infernum et exinde tulit Adam, et direxit eum in paradysum, et restituit eum una cum patriarchis. Merito tibi, Domine, omnis terra adorat te et confitetur.

Item Contestatio dominicalis c.

Vere dignum et justum est, omnipotens Deus, te angelorum aptare licet illa in cælestibus, te in personis trinum, unum Deum in Trinitate sine cessione conlaudantes demonstrant. Sed nostra exiguitas, terrigeno pulvere circumsepta, quomodo poterit de tuis ineffabilibus operibus, saltem paucissima, in laudes promere verba? præsertim cum cælum tibi sedes sit, terra autem scabellum pedum tuorum; et cuncta visibilia et invisibilia pugillo concludens, potum reples sanctorum angelorum catervis, tellurem per gradus hominum locatim disponis mirifice. Sic namque te ordinante regalis potentia principatum gerit in mundo, quatinus in cunctis te Deum Dominum et auxiliatorem suum semper esse cognoscat. Proinde, Domine, subnixi deposcimus, ut proluxa per tempora isto in sæculo pacifice et feliciter principi nostro concedas regnare, et quandoque post annorum multa curricula peracta, tecum æterno aptes in regno per Dominum nostrum Jesum Christum Filium tuum, cui merito omnes Angeli, etc.

MISSA PRO PRINCIPE^d.

Regem regum, atque cunctorum regnantium Dominum Deum omnipotentem, sub cuius nutu et virtute universa regna terrarum pia moderatione subsistunt, fratres dilectissimi, unanimitè deprecemur; ut principem nostrum tali jugiter tueatur auxilio, quali Abraham quondam cum trecentis decem et octo vernaculis suis de quinque regibus cum phalangis prostratis victoriam referentem mirabiliter salvavit cum triumpho. Ut nepotem suum Loth, et prædam

^a Sic habet vetus exemplar.^b An legendum, *os Amorrhæi, genas peccatorum?*^c Hoc loco antepositur secunda quidem sed antiquissima manus, missa pro regibus: quam post sequentem

A gaudens propria reduceret ad loca, ita principem nostrum semper victorem contra cunctos adversarios vivificet, salvum tueatur, conservet in læsum: qui Melchisedech et Abraham æterno tempore feliciter regnare [fecit] in mundum. Per Dominum.

Collectio.

Domine Deus omnipotens, qui per sapientiam inæstimabilem, qua ita disposuisti mundum, ut absque regibus et principibus nulla cum pace subsisterent climactera sæculi, quatinus honorum florente iustitia, cuncta subacta tabescerent perfidorum nequitia. Unde, Domine, te supplices deprecamur, tibi que devotis mentibus in hac die fundimus preces pro fidei famulo tuo principe nostro ill. atque pro universo exercitu illius. Ita eum, Domine, per dexteram virtutis tuæ contra omnes adversarios semper esse jubeas cum triumphis victorem, sicut quondam auxiliatus es Moysi, dum adversus inimicos suos dimicans, Hur brachia illius sustentaret usque ad vespèram; illeque lumina levans ad cælos, mox te auxiliante, Domine, usque ad internecionem suos percussit atque prostravit adversarios. Proinde te, Domine, subnixi deposcimus, ut taliter princeps noster in cunctis tuo jugiter fultus auxilio, innumeros per annos feliciter vigeat in regno. Per Dominum.

Post nomina.

Dominator Domine, qui superstitès atque defunctos, sicut volueris, misericors tuo tenes in nutu, adesto precibus nostris; ut Sanctorum nominibus recensitis, illorum meritis adjuvemur, atque hæc sacrificia, quæ tibi offerimus, et viventibus proficiant ad salutem, et defunctis opitulentur ad requiem æternam. His inlatis muneribus princeps noster et universus exercitus illius in omnibus victor ope potiatur divina deprecantibus nobis. Etsicut olim Josue dum septies cum tubis mœnia circuit Hierico, ruentibus muris ilico victoriam cepit de urbe; ita, Domine omnipotens Deus, orantes deposcimus, ut si qui fortassis conati fuerint principis nostri contraire imperiis, sub pedibus illius tabescant feliciter prostrati. Præsta, Deus omnipotens.

Ad pacem.

Mediator cæli et terræ, omnipotens Deus Jesus Christus, qui pacata atque pacifica hominum diligis corda; te supplices deprecamur; ut pax illa, quam tenendam tuis reliquisti Apostolis, jugiter perseverans nostris vigeat in cordibus: et sicut David quondam forti manu spurio percusso Golia pacem Saulis fecit in populo, ita princeps noster te opitulante universis devictis undique gentibus pacifice innumeros per annos suo feliciter splendeat in regno.

Contestatio.

Dignum et justum est, Domine Deus omnipotens, laudes vocum nostrarum, si fas est, concentibus angelorum aptare, licet illi in cælestibus te in personis trinum, unum Deum in divinitate sine cessione

Contestationem, in qua de rege agitur, referimus.

^d Hunc titulum, qui in exemplari deest, atque alios ejusdem missæ titulos supplevimus. In hac missa semper sermo est de principe, non de rege.

conlaudantes demonstrant. Sed nostra exilitas ter-
rigeno pulvere circumsepta, quomodo poterit de tuis
ineffabilibus operibus saltem paucissima, etc., *ut su-
pra*, pag. 378 (*huj. edit. col. 559 versus medium*).

LEGENDIS COTTIDIANIS.

Epistola Pauli apostoli ad Romanos.

Fratres, rogo vos ut observetis eos qui dissensio-
nes et offendicula, præter doctrinam quam vos didi-
cistis, faciunt, et declinate ab illis. Hujusmodi enim
Christo Domino nostro non serviunt, sed suo ventri,
et per dulces sermones et benedictiones seducunt
corda innocentium. Vestra enim obedientia in omni
loco divulgata est. Gaudeo igitur in vobis, sed volo
vos sapientes esse in bono, et simplices in malo. Deus
autem pacis conteret Satanam sub pedibus vestris ve-
lociter. Gratia Domini nostri Jesu Christi vobiscum.

Lectio sancti Evangelii secundum Lucam.

In illo tempore, factum est una dierum sedebat
Jesus docens, et erant Pharisei sedentes, et legis
doctores qui venerant ex omni castello Galileæ et Ju-
dæ et Jerusalem, et virtus erat Domini ad sanandum
eos. Et ecce viri portantes hominem in lecto, qui
erat paralyticus, et quærebant eum inferre, et pone-
re ante eum. Et non invenientes qua parte illum in-
ferrent præ turba, ascenderunt supra tectum per te-
gulas et submiserunt illum in medio ante Jesum. Quo-
rum fidem ut vidit, dixit: Homo, remittuntur tibi
peccata tua. Et coeperunt cogitare Scribæ et Phari-
sæi, dicentes: Quis est hic? quid loquitur? blasphe-
mat*. Quis potest dimittere peccata, nisi solus Deus?
Cognovit autem Jesus cogitationes eorum, et respon-
dens dixit ad illos: Quid cogitatis in cordibus ves-
tris? quid est facilius dicere: Dimittuntur tibi peccata,
an dicere, Surge et ambula? ut autem sciatis quia fi-
lius hominis potestatem habet in terra dimittere pec-
cata, ait paralytico: Tibi dico surge, et tolle lectum
tuum, et vade in domum tuam. Et confestim surgens
coram illis, tulit lectum in quo jacebat, et abiit in
domum suam magnificans Deum, et stupor adpre-
hendit omnes, et magnificabant Deum.

MISSA COTTIDIANA DOMINICALIS.

Placatus, Domine, quæsumus, quicquid meremur
averte, nec apud te delicta nostra plus valeant, sed
misericordia tua semper nos peccatores præveniat;
et per precem supplicem ita nos dignare respicere,
et a cunctis iniquitatibus nostris emunda.

Secreta b.

Præsta populo tuo, Domine, quæsumus, consola-
tionis auxilium, da veniam peccatis nostris, et ab
omni nos iniquitate custodi, et quia humana fragili-
tas incessabiliter meretur offensa, celerius in tua mi-
sericordia gaudcamus.

Contestatio.

Vere dignum et justum est omnipotens Deus, te
semper cultu servitutis humanæ laudare, qui divinis
muneribus tuis, et cælestibus beneficiis in nostra hu-
militate largus ad lucem nos de tenebris revocasti:

* Non dubito quin leg. sit ut in Vulgata: *Quis est hic
qui loquitur blasphemias*. Nihil tamen mutare visum est
b Secretæ ejusmodi orationes sunt ex ritu Ro-

ut qui ante in deserta et arida solitudine tenebamur,
vitæ patefacto salutari spiritu, rigaremur misso nobis
Jesu Christo Filio tuo Domino Deo, Rege et Salvatore
nostro, qui in se delicta nostra suscipiens, et quicquid
homo antea peccaverat, sanguine suo ablucens, nati-
vitatem novam credentibus et ad se confugientibus
patefecit: in cujus ineffabili gratia gloriantes, quæ-
sumus, Domine, ut statuas in via recta, quos firmas-
ti per gratiam per Christum Dominum nostrum.

MISSA ALIA.

Epistola Apostoli ad Galatas.

Fratres, omnes nos manifestari oportet ante tribu-
nal Christi, ut referat unusquisque propria corporis
sui prout gessit, sive bonum, sive malum. Quæcum-
que enim seminaverit homo, hæc et metet: quoniam
qui seminat in carne, de carne et metet corruptionem;
qui autem seminat in spiritu, de spiritu metet vitam
æternam. Bonum autem facientes, non deficiamus.
Ergo dum tempus habemus, operemur bona ad
omnes homines, maxime autem ad domesticos fidei,
in Christo.

Lectio sancti Evangelii secundum Matthæum.

Diebus illis interrogavit Dominum Jesum unus Pha-
risæus legis doctor tentans eum: Magister, quod est
mandatum magnum in lege? Ait illi Jesus: Diliges
Dominum Deum tuum in toto corde tuo, et in tota
anima tua, et in tota mente tua. Hoc est maximum
et primum mandatum. Secundum autem simile est
huic: Diliges proximum tuum sicut te ipsum. In his
duobus mandatis universa lex pendet et prophetæ.
Congregatis autem Phariseis, interrogavit eos Jesus
dicens: Quid vobis videtur de Christo? cujus filius
est? Dicunt ei, David. Ait illis: Quomodo ergo Da-
vid in spiritu vocat eum Dominum, dicens: Dixit Do-
minus Domino meo, sede a dextris meis, donec po-
nam inimicos tuos scabellum pedum tuorum? Si ergo
David vocat eum Dominum, quomodo filius ejus est?
Et nemo poterat respondere ei verbum, neque ausus
fuit quisquam ex illa die eum amplius interrogare.

ITEM MISSA DOMINICALIS.

Omnipotens sempiterne Deus, cui potestas est sine
fine miserandi, respice propitius ad humilitatis nos-
træ supplicem servitutem, quam ante te per precem
subjectam prætendimus et præsta ut tibi subditas
mentes perpetuum defensionis servet auxilium.

Secreta.

Deus c in te sperantium fortitudo, adesto propicius
invocationibus nostris; et quia sine te nihil potest
mortalis infirmitas, præsta auxilium gratiæ tuæ, ut
in sequendis mandatis tuis, et voluntate tibi et actione
placeamus.

Contestatio.

Vere dignum et justum est omnipotens Deus, per
quem Moyses famulus tuus populum suum eduxit in
Christi triumphum per baculum crucis. Unde et bap-
tismus ejus significavit in mundo. Inde Maria can-
ebat in tympano, unde passio Christi veneranda

mano, ut superius observatum.

c Hæc ex Sacramentario Gregoriano ad Dominicam
primam post Pentecosten.

depignitur*. INDE Jonas vaticinavit inclusus, unde Ecclesia margarita te fecundant. INDE David psallebat in cythara, unde Paulus Apostolus prædicabat : Fundamentum aliud nemo potest ponere nisi Christus Jesus. INDE Petro mergenti manus porrigitur, ubi titubantis fides munitur, ibi caput Ecclesiæ confirmatur. INDE Lazarus de sepulcro proditur, unde resurrectio Christi gloriosa laudatur. Gaudentes angeli et exultantes archangeli, cherubim quoque ac seraphim.

ITEM ALIAS LECTIONES COTTIDIANAS.

Ad Titum.

Fratres, hæc loquere et exhortare, et argue cum omni imperio. Nemo te contemnat. Admone illos principibus et potestatibus subditos esse, neminem blasphemare, non litigiosos esse, sed modestos; omnem ostendentes mansuetudinem ad omnes homines. Eramus enim et nos aliquando insipientes et increduli, errantes, servientes desideriis et voluptatibus variis, in malitia et invidia agentes. Cum autem benignitas et humanitas apparuit salutaris nostri Jesu Christi...

Lectio sancti Evangelii secundum Lucam.

Tempore illo ibat Dominus Jesus in civitatem quæ vocatur Naim, et ibant cum illo discipuli ejus et turba copiosa. Cum autem adpropinquaret portæ civitatis, et ecce defunctus efferebatur filius unicus matris suæ. Et hæc vidua erat, et turba civitatis multa cum illi. Quam cum vidisset Dominus, misericordia motus super eam, dixit illi: Noli flere. Et accessit, et tetigit loculum. Hii autem qui portabant steterunt. Et ait: Adulescens tibi dico, surge. Et resedit qui erat mortuus, et cæpit loqui, et dedit illum matri suæ. Accepit autem timor omnes, et magnificabant Deum dicentes, quia propheta magnus surrexit in nobis, et quia Deus visitavit plebem suam.

ITEM LECTIONES COTTIDIANÆ.

Epistola Pauli apostoli ad Colossenses.

Fratres, induite vos, sicut electi Dei, viscera misericordiæ benignitatem, humilitatem, modestiam, patientiam, supportantes invicem, et donantes vobis ipsis, si quis adversus aliquem habet quærelam. Sicut et Dominus donavit, ita et vos. Super omnia autem hæc caritatem, quod est vinculum perfectionis, et pax Christi exaltet in cordibus vestris.

Lectio sancti Evangelii secundum Lucam.

In diebus illis, factum est cum redisset Dominus Jesus, excepit illum turba. Erant enim omnes expectantes eum. Et ecce venit vir nomine Iairus, et ipse princeps erat Synagogæ; et videns eum procidit ad pedes ejus, et deprecabatur eum multum dicens, quoniam filia mea in extremis est; veni, inpone manum super eam, ut salva sit, et vivat. Et abiit cum illo, et sequebatur eum turba multa. Adhuc eo loquente, veniunt ab archisynagogo dicentes: Quia filia tua mortua est, quid ultra vexas Magistrum? Jesus autem verbo quod dicebatur audito, ait archisynagogo: Noli timere, tantummodo crede. Et non admisit quemquam sequi se nisi Petrum et Jacobum et Johannem fratrem Jacobi. Et veniunt in domum

archisynagogi, et vidit tumultum, et flentes et ejulantes multum. Et ingressus ait eis: Quid turbamini et ploratis? puella non est mortua, sed dormit. Et inridebant eum. Ipse vero ejectis omnibus, adsumsit patrem et matrem puellæ, et qui secum erant. Et ingreditur ubi erat puella jacens, et tenens manum puellæ et tibi: Tabita cumi, quod est interpretatum, puella, tibi dico, surge. Et confestim surrexit puella, et ambulabat. Erat autem annorum duodecim. Et obstipuerunt stupore maximo, et præcepit illis vehementer ut nemo id sciret.

MISSA COTTIDIANA.

Quæsumus, omnipotens Deus, ne nos tua misericordia derelinquat, quæ et terrores nostros amoveat, et noxia cuncta depellat.

Secreta.

Munda nos, Domine, sacrificii præsentis effectum, et perforce miserator in nobis, ut ejus mereamur esse participes.

Contestatio.

Vere dignum et justum est, omnipotens Deus: verus homo carnem sumpsit de Virgine, verus Deus non abstulit virginitatem; verus homo positus in præsepio, verus Deus Magis stellam ostendit. Verus homo baptizatus a Johanne, verus Deus aquas Johannis sanctificavit. Verus homo ad nuptias fuit, verus Deus aquas in vinum convertit. Verus homo dormiebat in nave, verus Deus sedavit tempestatem. Verus homo fidem miratur centurionis, verus Deus sanavit puerum ipsius. Verus homo super aquas pedibus ambulavit, verus Deus Petro mergenti manum porrexit. Verus homo super Lazarum flevit, verus Deus una voce Lazarum ab inferis suscitavit. Quis non timeat talem Dominum, Regem æternum? cui merito. Sanctus.

ITEM LECTIONES COTTIDIANAS.

Epistola Pauli apostoli ad Philippenses.

Fratres, scio vos gaudii mei omnes [socios] vos esse. Testis enim mihi est Dominus quomodo cupiam vos omnes in visceribus Christi Jesu Domini nostri.

Lectio sancti Evangelii secundum Johannem.

Sic enim dilexit Deus mundum, ut Filium suum unigenitum daret in illo, ut omnes qui credunt in eum non pereant, sed habeant vitam æternam. Non enim misit Deus Filium suum in mundum, ut judicet mundum, sed ut salvetur mundus per ipsum. Qui credit in eum, non judicatur, qui autem non credit in eum, judicatus est, quia non credit in nomine unigeniti Filii Dei. Hoc est autem judicium, quia lux venit in mundum, et dilexerunt homines magis tenebras quam lucem. Erant enim eorum mala opera. Omnis enim qui male agit, odit lucem, et non venit ad lucem, ut non arguantur opera ejus. Qui facit veritatem, venit ad lucem, ut manifestentur opera [ejus,] quia in Deo sunt facta.

Item alia secundum Johannem.

Amen, amen dico vobis, qui credit in me, opera quæ ego facio, et ipse faciet, et majora horum faciet; garitæ fecundant; vel: Ecclesia margaritis fecundatur.

* An depingitur? Et paulo infra forte: Ecclesiam mar-

odcumque petieritis in nomine meo, hoc faciam, A
 orificetur Pater in Filio. Si diligitis me, mandata
 servate. Qui audit mandata mea, et servat ea,
 et qui diligit me: qui autem diligit me, diligitur
 re meo, et ego diligam eum, et manifestabo ei
 psum.

ITEM MISSA COTTIDIANA DOMINICALIS.

us qui diligentibus te bona invisibilia præpa-
 infunde in cordibus nostris tui amoris effec-
 ut te in omnibus et super omnia diligentes,
 iissiones tuas quæ omne desiderium superant
 equamur.

Secreta

spice, Domine, quæsumus, ad afflictionem populi
 et quos iustitia corripis, misericordia consolari
 re, ut te custode servati, ab omnibus periculis
 vitæ liberemur.

Contestatio.

re dignum et justum est omnipotens Deus, cle-
 et misericors, qui januam fidelibus tuis per
 um pacis, et caritatis munimine patere voluisti;
 ce in nobis, et miserere nostri Deus, qui ad
 nam vitam in Christi resurrectione nos reparas.
 di opera misericordiæ tuæ; ut cum in maiestate
 nigenitus tuus advenerit, ad immortalitatis glo-
 resurgamus per Christum Dominum. SANCTUS.

LEGENDA IN DEPOSITIONE SACERDOTIS.

Epistola Pauli apostoli ad Titum.

itres, de dormientibus B nolumus vos ignorare,
 n contristemini sicut ceteri qui spem non ha-
 Si enim credimus quod Jesus mortuus est, et
 rexit, ita et Deus eos qui dormierunt per Jesum C
 æt cum eo. Hoc enim vobis dicimus in verbo
 ni, quia nos qui vivimus, qui residui sumus in
 tum Domini, non præveniemus eos qui dorm-
 unt. Quoniam ipse Dominus in jussu et voce ar-
 geli, et in tuba Dei descendet de cælo, et mor-
 ti in Christo sunt resurgent primi. Deinde nos
 ivimus, qui relinquemur, simul rapiemur cum
 a nubibus obviam Domino in aera, et sic sem-
 um Domino erimus.

Lectio sancti Evangelii secundum Johannem.

it Dominus Jesus ad turbas: Amen amen dico
 , quia qui verbum meum audit, et credit ei qui
 me, habet vitam æternam, et in iudicium non
 , sed transit a morte in vitam. Amen amen dico
 quia venit hora, et nunc est, quando mortui D
 nt vocem Filii Dei, et qui audierint vivent.
 enim Pater habet vitam in semetipso, sic dedit
 lio habere vitam in semetipso, et potestatem
 ei iudicium facere, quia Filius hominis est.
 mirari hoc, quia venit hora, in qua omnes qui
 onumentis sunt, audient vocem ejus; et pro-
 it qui bona fecerunt in resurrectionem vitæ,
 ero mala gesserunt, in resurrectionem iudicii.

MISSA SACERDOTIS DEFUNCTI.

esta, Domine, quæsumus, ut anima sacerdotis tui
 æc Collectio habetur in Romano Dominica post
 costen quinta.
 ugustinus in sermone 173 ad populum ait, nos
 re hanc lectionem in mente habere, « quando

ill. quem in hoc sæculo commorantem sacris mune-
 ribus coronasti, cælesti sede gloriosa semper exultet.

Collectio.

Deus qui confitentium te portio es defunctorum,
 preces nostras quas in sacerdotis tui ill. depositione
 deferimus, propitius exaudi; ut qui nomini tuo mi-
 nisterium fidele dependit, perpetua Sanctorum socie-
 tate lætetur.

Post nomina.

Deus qui universorum creator et conditores, cum sis
 tuorum beatitudo sanctorum, præsta nobis petentibus
 ut depositionem sacerdotis tui et corporis nexibus
 absolutum in prima resurrectione facias præsentari.

Contestatio.

Vere dignum et justum est, mysteriorum cæle-
 stium consecrator æterne Deus, custos Ecclesiæ, sa-
 cerdotum decus, et laus omnium certa pontificum,
 eminentiam Majestatis tuæ, excelsum nomen orare,
 ut hæc sacra mysteria, quæ tuæ pietati offerimus
 pro anima et spiritu sacerdotis tui ill., cujus hodie
 depositionem celebramus, inter sanctorum consor-
 tium in libri vitæ jubeas paginam intimare, per
 Christum Dominum nostrum. Cui.

LECTIONES PRO DEFUNCTIS.

Epistola Pauli apostoli ad Romanos.

Fratres, nemo vestrum sibi vivit, et nemo sibi mo-
 ritur. Sive enim vivimus, Domino vivimus; sive mori-
 mur, Domino morimur. Sive enim vivimus, sive mori-
 mur, Domini sumus. In hoc enim Christus mortuus est
 et resurrexit, ut et mortuorum et vivorum dominetur.

Lectio sancti Evangelii secundum Johannem.

In illo tempore, Dominus noster Jesus Christus
 loquebatur discipulis suis dicens: Hæc est voluntas
 ejus qui misit me Patris, ut omne quod dedit mihi, non
 perdam ex eo, sed resuscitem illud in novissimo die
 Hæc est enim voluntas Patris mei qui misit me, ut
 omnis qui videt Filium, et credit in eum, habeat vi-
 tam æternam. Et resuscitabo eum in novissimo die.

MISSA PRO DEFUNCTIS.

Omnipotentem Dominum, fratres carissimi, depre-
 cemur, ut animam famoli tui ill. quam de corporis
 carcere absolutam in illud sempiternum, et inviola-
 bile sæculum migrare præcepisti, in Abrahæ sinum
 eum digneris excipere, et in consortio primæ resur-
 rectionis suscitare jubeas.

Collectio.

Domine salvator noster, qui de fluctibus hujus
 sæculi bonorum animas suscipere dignatus es, ani-
 mam quoque famoli tui ill. adsumere digneris, ut
 eum ad portum æternæ quietis admittas, ut cælestibus
 fruatur bonis et gaudeat se malis evasisse tormentis.

Post nomina.

Rogamus etiam, Domine, pro anima famoli tui
 ill. quam in pace dominica adsumere dignatus es; ut
 locum refrigerii teneat, vitæ merita consequatur
 æterna, ibique eum statuere digneris, ubi est om-
 celebramus dies fratrum defunctorum. » Quantum
 vero defunctis prosit sacrificium, idem testatur in ser-
 mone præcedente.

nium beatitudo justorum; et cum dies ille iudicii advenerit, inter sanctos et electos tuos eum facias suscitari.

Ad pacem.

Judex superstitum pariter atque pausantium, pro fidelium omnium defunctorum spiritibus te deprecamur, sed maxime pro hujus anima famoli tui ill., ut pro meritis et operatione justorum motus in eo animadversionis exageres *, et omnia ei pro clementia tuæ pietatis indulgeas.

Contestatio.

Vere dignum et justum est, omnipotens Deus. Tu, Domine, cui omnia adsunt, cui vivunt omnia, qui vocas ea quæ non sunt tamquam ea quæ sunt, æterne miserator, qui non secundum iniquitates nostras retribuis nobis; et si iniquitatem observaveris, Domine, quis sustinebit? Atque ideo deprecamur Majestatem tuam omnipotens Deus, ut remittas famolo tuo ill. quos in hac vita habuit carnis errores. Tribuas ei, Domine, delictorum suorum veniam in illo secreto receptacolo, ubi jam non est locus pænitentiae. Non intres in iudicium cum servo tuo. Quis enim in conspectu tuæ justitiæ justus appareat? Non se ei opponat leo rugiens, et draco devorans, miserorum animas rapere consuetus. Non accusationem exequatur adversus eum. Non obiciat quicquid semper suadendum cum ipso est. Tu autem, Christe, recipe animam famoli tui ill. quam dedisti, et demitte ejus debita magis quam ille demisit debitoribus suis; ut ab omni metu pænæ adque ab æterni iudicii terroribus absolutus, in bonis tuis demoretur in pace per Christum Dominum nostrum. Cui merito. SANCTUS.

Orationes ad defunctos.

Pie recordationis affecto, fratres carissimi, commemorationem faciamus cari nostri ill. quem Dominus de temptationibus sæculi adsumpsit, obsecrantes

* An legendum, non exageres.

miseri cordiam Dei nostri, ut ipse tribuere ei dignetur placitam et quietam mansionem. Remittat omnes lubricæ temeritatis offensas: ut concessa plenæ indulgentiæ venia, quicquid in hoc sæculo proprius error attulit, ineffabile pietate ac benignitate sua indulgeat.

Item alia.

Tu nobis, Domine, auxilium præstare digneris, tu per misericordiam largiaris, animam quoque famoli tui ill. a vinculis corporalibus liberatam in pace sanctorum tuorum recipias, et gehennæ ignis evadat.

Item alia.

Deus, qui justis supplicationibus semper præsto ades, qui pia vota dignaris intueri, da animæ famoli tui ill. cujus transitus hodie officia præstamus, cum sanctis adque electis tuis beati muneris portionem.

Item alia.

Antiqui memores chirographi, fratres dilectissimi, quo primi hominis peccato et corruptione addicta est humana conditio, sub cujus lege id sibi unusquisque formidat, quod alia investigavit, videatque, omnipotentis Dei misericordiam deprecemur pro anima cari nostri ill., cujus hodie depositionem celebramus, ut eam in æternam requiem suscipiat, et beatæ resurrectioni repræsentet.

Item alia.

Te, Domine, sancte Pater, omnipotens Deus, supplices deprecamur pro anima cari nostri ill. quem ab hoc sæculo arcessiri jussisti. Dona ei, Domine, locum lucidum et refrigerium. Liceat ei transire portas inferorum et vias tenebrarum, maneatque in mansionibus Moysi, Eliæ, et Simonis, et Lazari, cunctorumque sanctorum, et in luce quam promisisti Abraham et semini ejus; ut cum dies tremendus ille resurrectionis advenerit, resuscitari eum præcipias ad indulgentiam, et non ad pœnam.

EXORCISMUM.

AD SALIS SPARSUM FACIENDUM.

Exorcizo te, creatura salis, in nomine Patris, et Filii, et Spiritus sancti; qui te per Eliseum in aquam mitti jussit, ut sanaretur sterilis, qui divina oris sui voce ait: Vos estis sal terræ; et per Apostolum suum: Sit sermo noster sale conditus. Ideoque efficere sal exorcizatum, ut ubicumque fueris aspersa, præstes omnibus sanitatem mentis in protectionem salutis, ad expellendas et excludendas omnes dæmonum temptationes per Dominum nostrum Jesum Christum, qui venturus est judicare sæculum per ignem.

Benedicto salis.

Virtutis tuæ invictissimam fortitudinem deprecor, Domine sancte, Pater omnipotens, æterne Deus, qui inter cuncta quæ procreari jussisti, non minimam gratiam conferre dignatus es sali, ut ex illo possint

universa condiri, quæ hominibus ad escam per filium tuum Dominum nostrum dignatus es largiri: per quem, Domine, supplices exoramus, ut hoc sal digneris sanctificare, ut ex vultu Majestatis tuæ virtutem contra omnes imundos spiritus possit accipere. Expellat a tabernaculis famolorum tuorum quicquid potest esse pestiferum; exhibeat plenum salutis effectum, detergat omnes præstigias inimici, et omnia monstrorum genera longius faciat effugere, gravedines omnes fantasiasque compescat, et tranquillitatis in omnibus conferat gratiam. Per signum crucis Filii tui Domini nostri tutelam fidelissimam desiderantibus præstes.

Exorcismum aquæ.

Exorcizo te creatura aquæ per Deum vivum, per Deum creatorem, qui te in principio e terra sepa-

* Sic. Libenter autem pro titulo scriberem: *Benedictiones et exorcismi*. EDIT.

ravit, et in quatuor fluminibus dividere dignatus est, ut ubicumque potata vel aspersa fueris, effugetur, et expugnetur inimicus et omnis putredinis vis, ut sis proprie Deo dicata.

Benedictio aquæ.

Deus qui ad salutem generis humani maxima sacramenta in aquarum substantia dedisti, adesto supplicationibus nostris, et elemento huic multimodis purificationibus præparato virtutis tuæ benedictionem infunde; ut hæc creatura mysteriis tuis serviens, ad ablegandos dæmones morbosque repellendos divinæ gratiæ sumat effectum; et quicquid in domibus fidelium hæc unda asperserit, careat inmunditia, liberetur a noxia: non illic resideat spiritus pestilens, non aura corrumpens; abscedant omnes latentes insidiæ inimici, omnesque inquietudines procul aufugiant: et si quid est quod incolomitati habitantium invideat aut saluti, adspersione aquæ hujus abscedat, ut salubritas per invocationem sancti nominis permaneat inpugnatione defensa.

Benedictio salis et aquæ.

Domine Deus omnipotens, institutor omnium elementorum, te per Dominum nostrum Jesum Christum Filium tuum supplices exoramus, ut has creaturas salis et aquæ benedicere et sanctificare digneris; ut ubicumque aspersæ fuerint, omnis spiritus inmundus ab eo loco confusus abscedat atque recedat, nec ulterius in eo loco commorandi habeat potestatem; per virtutem Domini nostri Jesu Christi, qui tecum Deus Pater omnipotens, et cum Spiritu sancto æqualis semper vivit et regnat in sæcula sæculorum.

ORATIO IN DOMO.

Benedic, Domine, domum istam, et omnes habitantes in ea per intercessionem sanctorum tuorum benedicere et sanctificare digneris, et bonis omnibus amplificare: tribuas eis de rore cæli et de pinguedine terræ abundantem vitæ substantiam, in bonis omnibus desiderium ad effectum suæ miserationis perducatur. Per Dominum, etc.

ORDO AD CONSECRANDAS MONACHAS.

Omnipotens sempiternus Deus, pater Domini nostri Jesu Christi: tu, Domine, adjuva voluntatem ancillarum tuarum, quæ meliorem portionem elegerunt; et præsta eis gratiam spiritalem, ut sobrie, pudice viventes, hæc semper faciant quæ tibi sunt placita. Dignare etiam, Domine, lampadas eorum inextinguibiles servare usque in finem; ut sponso veniente lætæ occurrere possint, atque regna cælestia intrare: inclusæ gratias tibi referant in regione vivorum hoc signum Filii tui bajulantes † qui vivit et regnat, etc.

AD VELANDAM VIRGINEM.

Hæc sunt, Domine, capitis consecrati splendidiora velamina. Nullus hic candidissimæ vestis ornatus cum quo errore decepta iter... sequatur Agnum; ita lumen Ecclesiæ atque immaculata virgo uni Domino nupta beatam sedem requirat.

BENEDICTIO ABBATISSÆ.

Omnipotens Domine Deus, apud quem non est dis-

* Hoc est quod ait Ambrosius in epistola 24 ad Vercellenses, « ipsum conjugium velamine sacerdotali et benedictione sanctificari oportere. »

cretio sexuum, nec ulla sanctarum disparilitas animalium: qui ita viros ad spiritalia certamina conroboras, ut feminas non derelinquas, pietatem tuam humili supplicatione deposcimus, ut huic famolæ tuæ ill., quam sacrosancto gregi virginum, nostrarum impositione manuum et hoc velaminis tegumento in cœnobio ill. matrem fieri optamus, clementia tua roboratrix perpetua non recedat. Da ei, Domine, fortitudinem spiritalia bella gerendi, ut nec honesta delaceret, nec inhonesta delectet; atque ita a te inluminata, sibi creditam multitudinem animarum tuo sancto nomini jugiter admonendo faciat inservire, ut de nullius perditione confusa, tuæ Genitricis adjungatur cœtibus lætabunda, cum suis omnibus feliciter coronanda. Per, etc.

BENEDICTIO SUPER VIDUAM VESTE MUTANDAM.

Domine sancte, Pater omnipotens, æterne Deus, qui in tantum humano generi miserationis tuæ curam inpendis, et ita virginittatis devotionem amplecteris, ut viduitatis professionem clementer acceptes, te, quæsumus, Domine, precibus imploramus, te supplices deprecamur, ut famolam tuam ill. quæ ob timorem tui nominis casto timore sibi prospiciens, viduitatis indumentum per nostræ humilitatis manus percipere postulavit, tuo auxilio contra inlecebras carnis atque insidias inimici munias præsidio ac defendas, ut sit famola tua ill. Annæ filiæ Fanuhelis similis in vigiliis, in abstinencia, in orationibus atque elemosynis prompta.

BENEDICTIO THALAMI SUPER NUBENTES *.

Deum qui ad multiplicandam humani generis prolem benedictionis suæ dona largiri dignatus est, fratres carissimi, deprecemur, ut hos famulos suos ill. et ill. quos ad conjugalem copulam ipse præelegit, ipse custodiat. Det eis sensus pacificos, pares animos, mores mutua caritate devinctos. Habeant quoque optatas ejus munere soboles, qua sicut donum ipsius tribuit, ita ipsius benedictione consequantur, ut hi famoli sui ill. et ill. in omni idem cordis humilitate deserviant. Per.

Item alia.

Te deprecamur, Domine sancte, Pater omnipotens, æterne Deus, super hos famolos tuos ill. et ill. quos ad gratiam conjugii venire jussisti, qui per nostram licet precem aut vocem benedictionem tuam desiderant. Tribue eis, Domine, fidele consortium caritatis. Induant caritatem Sarræ, pœnitentiam Rebeccæ, amorem Rachel, gratiam et caritatem Susannæ. Descendat super hos famolos tuos ill. et ill. sicut descendit ros pluviae super faciem terræ: manus tuæ sentiant actum, et Spiritus sancti tui percipiant gaudium sempiternum.

Oratio super eos qui secundo nubunt b.

Antiphona. Benedictio Domini super vos. Beati omnes.

Deus, qui multimoda subsidiorum remedia fragilitati humanæ beneficia confers, et tribuis incremen-

b Antiquissima est in Ecclesia benedictio super nubentes, super secundo nubentes rarior.

tum; ut natura non defraudetur a semine, per quod geminata propago crescat in progenies. Sic temporibus priscis Ruth Moabiternam benedixisti, sic in novissimis per Apostolum tuum secunda matrimonia concessisti. Da eis ergo, Domine, famolis tuis procreandorum filiorum unanime desiderium, ut faciat Dominus hanc mulierem illi. quæ ingreditur in domum tuam, sicut Rachel et Lia, quæ ædificaverunt domum Israel, et sit exemplum virtutis in Ecclesia Dei. Per.

BENEDICTIO OMNI QUOD IN ECCLESIA OFFERTUR.

Deus, cujus verbo et potentia facta sunt omnia, cujus dono percipimus quæ ad vitæ remedium possumus; supplices te nixis precibus exoramus, ut de sede majestatis tuæ hujus oblationis sanctificator accedas. Suscipe de manibus famulorum tuorum illud munus oblatum, quod a tua clementia benedictum in usum sanctuarii tui illi. maneat consecratum. Sint hæc in conspectu tuo libenter accepta, sicut quondam Abel pueri tui munera tibi ipsa placuerunt, et quia ob honorem amoris tui Ecclesia tua offerit, recompensa ei pro parvis magna: ut devotionem ejus aspiciens, peccata dimittas, fide repleas, indulgentia foveas, misericordia protegas. Per Dominum.

Benedictio calicis, et patenæ, et turris^a.

Deus omnipotens, qui cum Moyse famolo tuo in Chore montem servando populo tuo præcepta disponeres, templum sanctum tuum qualiter ædificaret, instituisti. Precamur te, Domine, tuam majestatem, ut hunc calicem, patenam et turrem, in quo celebraturi sumus sacrosancta mysteria, cælesti benedictione sanctifices atque benedicas, ut sanctis vasculis tuis acceptabilem deferat famulatum. Per.

Benedictio super eum qui in ecclesia primitus tondetur.

Manda, Deus, benedictionem et vitam famolo tuo illi. ut unguentum quod descendit in capite et in barbam illius Aaron, toto maneat et in corpore, ut sit eodem famolo tuo illi. perfectio ad hanc quæ se juvenilem gaudet pervenisse ætatem, et quod in tuo nomine suo celebrat voto, a tua clementia toto corde benedictionem expectet.

BENEDICTIO SUPER PUTEUM.

Domine sancte, Pater omnipotens, æterne Deus, qui Abraham, Isaac et Jacob patres nostros puteos fœderis fodere, atque ex his aquam bibere propicia divinitate docuisti, te supplices deprecamur ut aquam putei hujus ad communis vitæ utilitatem cælesti benedictione sanctifices, ut fugato ea omni diaboli temptationis seu pollutionis incursu, quicumque ex ea deinceps biberit, benedictionem Domini nostri Jesu Christi percipiat. Per.

BENEDICTIO UBI ALIQUID IMMUNDUM CECIDERIT IN VAS.

Misericordiam tuam, Domine, supplices deprecamur, æterne, omnipotens Deus, ut descendat benedictio tua in horum vasorum pollutionem: emundet

^a Singularis est hæc benedictio turris, de qua fit mentio apud Gregorium Turonensem et Fortunatum. In testamento sancti Remigii Rhemorum episcopi: "Jubeo, inquit, turriculam et imaginatum calicem fabricari." De hac alias fusius.

^b Hinc colligitur, hanc benedictionem factam fuisse

sive vinum, sive oleum, mela ut aquam; ut nullam iniquationem sentiamus, qui dixit: Omne quod intrat in os non coinquinat. Nos humiles servi tui, exigui sacerdotes, jussa implentes, laudes honoris tui in corde retinentes, cruce tua expellimus sordes omnes, fiducia divina protege omnes, vincamus molestias in nomine Patris et Filii et Spiritus sancti regnantis in sæcula sæculorum.

BENEDICTIO PALMÆ ET OLIVÆ SUPER ALTARIO.

^b Ecce dies, Domine, festa recolitur, in qua infantum præsciæ turbæ frontes arboreos adsumentes in tuæ laudis trophæo osanna in excelsis, filii David, Benedictus qui venit in nomine Domini acclamantes occurrunt, pro quibus omnes gentes cognoscerent te et victoriam levasse de mundo, et de diabolo obtinuisse triumphum: præsta ut plebs tua ad sanctam resurrectionem tuam excubanda perveniat; hæc quoque creatura arboris olivarum una cum palmis, quas populus pro tuis laudibus..... benedicatur benedictione perenni: ut quicumque pia devotione pro expellendis languoribus, sive etiam pro expugnandis omnes insidias inimici in cunctis habitationibus suis eas adportaverint, aut biberint, ab omni sint impugnatione inimici securi; ut cognoscant omnes gentes, quia nomen tuum gloriosum est super omnia sæcula sæculorum.

BENEDICTIO AD AGNUM BENEDICENDUM IN PASCHA^c.

Domine Deus, omnipotens Pater, qui populo tuo, quem eduxisti de terra Ægypti in manu robusta et brachio forti, per fidelissimum famulum tuum Moysen, præcipere dignatus es, ut Paschæ solemnia celebraret, tuisque præceptis obtemperans agnum immaculatum imaginari, quem in figura ovis tui Domini nostri Jesu Christi immolaret, dum ait, Ecce agnus Dei, ecce qui tollit peccata mundi. Ob hoc igitur supplices quæsumus, ut intercedente Filio tuo Domino nostro Jesu Christo, hunc agnum præparatum benedicere et sanctificare digneris.

BENEDICTIO OMNI CREATURE POMORUM.

Benedic, Domine, et hos fructus novos illi. quos per temperamentum aeris et pluviae, et temporum serenitatem, ad maturitatem perducere dignatus es ad precipiendum nobis cum gratiarum actione in nomine Patris et Filii et Spiritus sancti: per quem hæc omnia, Domine, semper bona creas^d.

BENEDICTIO AD MENSAM.

Benedicantur nobis, Domine, dona tua, quæ de tua largitate sumturi sumus, qui vivis et regnas.

BENEDICTIO POST MENSAM LEVATAM.

Gratias tibi agimus, omnipotens, æterne Deus, qui nos de tuis donis satiare dignatus es, per famolos illi. Redde illis, Domine, pro parvis magna, pro temporalibus præmia sempiterna, qui vivis et regnas.

Dominica Palmarum.

^c Hujus agni benedictionis meminit Ordo Romanus.

^d Hæc verba extrema sunt Canonis missæ, in qua olim hæc benedictio fiebat per hæc verba, teste Udalrico in lib. I Consuetud. Cluniac. cap. 35.

ORATIONES VESPERTINÆ.

atens sempiterne Deus, vespere et mane et
majestatem tuam suppliciter deprecamur;
s de cordibus nostris peccatorum tenebris,
lucem, quæ Christus est, facias nos per-

Item alia.

inluminas noctem, et lumen post tenebras
cede nobis ut hanc noctem sine inpedi-
anæ transeamus, adque ad matutinis horis
tuum revertentes, tibi Deo gratias refera-

Item alia.

a, quæsumus, Domine, tenebras nostras,
noctis insidias repelle propicius. Per.

Alia.

t dies, Domine, et tua est nox: concede
itiæ tuæ permanere in cordibus nostris ad
is cogitationum tenebras iniquitatum.

Item alia.

inæ laudis officia persolventes, clementiam
nine, humile prece poscimus, ut nocturni
s fraudes te protegente vitemus.

Item alia.

ire, Domine, vespertinis supplicationibus
fac nos sine ullo reatu matutinis tibi lau-
ræsentari. Per.

ORATIO DE MATUTINIS.

tibi agimus, Domine sancte, Pater omni-
terne Deus, qui nos transacto noctis spatio
nas horas perducere dignatus es: quæsu-
ones nobis diem hanc sine peccato transire,
ad vesperum gratias referamus.

Alia.

i est, Domine, quod quievimus: muneris

anc orationem sequitur alia benedictio
da manu. Frequens olim usus olei erat ad
nandos. Unde episcopi nunquam sine oleo

A tui est quod ad te diluculo vigilamus. Dona deside-
rabilem fontem lucis post tenebras noctis; ut perfusi
rore cælesti, tota die refrigeriis medicinalibus fo-
veamur.

Alia.

Exsurgentes de cubilibus nostris, auxilium gratiæ
tuæ matutinis precibus imploramus; ut discussis te-
nebris vitiorum, ambolare mereamur in luce virtutum.

Alia.

Matutina supplicum vota, Domine, propitius in-
tuere, et occulta cordis nostri remedio tuæ clarifica
pietatis; ut desideria tenebrosa non teneant, quos
lux cælestis gratiæ reparavit. Per.

Alia.

B Te lucem veram et lucis auctorem, Domine, de-
precamur; ut digneris nobis tenebras repellere pec-
catorum, et clarificare nos luce virtutum.

EXORCISMUM OLEI.

Exorcizo te, spiritus inmundissime, per Deum
Patrem omnipotentem et Jesum Christum Filium ejus
Dominum nostrum; ut omnis virtus adversarii, om-
nes exercitus diaboli, omne phantasma eradicetur et
effugiat ab hac creatura olei; et sit ei, qui ex hac
creatura olei contingitur, ubicumque in membris
illius tetigerit, vel perfusus fuerit, Domino auxiliante,
benedictionem percipiat, et vitam æternam percipere
mereamur.

Benedictio olei.

Rex gloriæ majestatis tuæ, Domine Deus, benedic
hanc creaturam olei, et sanctifica eam. Infunde illam
a rore cælesti spiritu sanctitatis; ut cujuscumque
corpus vel membrum ex eo fuerit linitum vel per-
fusedum, salutaris gratiam, et peccatorum veniam, et
sanitatem cælestem consequi mereatur. Per Domi-
num nostrum Jesum Christum ^a.

peregre proficiscebantur, ut varia exempla probant,
quæ alias retulimus.

IN DEI NOMINE.

INCIPIT JUDICIUS PŒNITENTIALIS.

is clericus homicidium fecerit, et proximum
derit, decem annos exsol ^a pæniteat. Post
iatur in patriam cui commisit, satisfaciatur
s ejus quem occidit.

is ruina maxima ceciderit ^b, et filium ge-
ptem annos pæniteat.

is autem fornicaverit, sicut Sodomitæ fe-
cem annos pæniteat, tres in pane et aqua,
um cum alio dormiat.

is vero homicidium casu fecerit, non vo-
que annos pæniteat, tres in pane et aqua.

is ad homicidium faciendum consenserit,

iptum est pro *exsul*.

qui grave crimen carnale commiserit, si
icimus.

D et non factum fuerit, tres annos pæniteat, duos in
pane et aqua.

vi. Si quis perjuraverit, septem annos pæniteat,
tres in pane et aqua, et numquam juret postea.

vii. Si quis coactus aut nesciens perjuraverit, tres
annos pæniteat, unum in pane ^c.

viii. Si quis furtum capitale fecerit, quadrupedia
vel casas fregerit, quinque annos pæniteat, tres in
pane.

ix. Si quis maleficio suo aliquid perdiderit, decem
annos pæniteat, tres in pane.

x. Si quis pro amore veneficium fecerit, et nemi-

^c Supplendum videtur hic et in sequentibus, et
aqua.

nem perdiderit, tres annos pæniteat, unum in pane et aqua.

xi. Si quis mulieri partum deceperit, sex quadragenas agat in pane.

xii. Si quis clericus vel superio gradus, qui uxorem habuit, et post honorem iterum eam cognoverit, sciat se adulterium commisisse. Clericus ^a quatuor, diaconus sex, sacerdos septem, episcopus duodecim, singuli in pane et aqua juxta ordinem suum.

xiii. Si quis cum sanctæmoniale vel Deo devota fornicaverit, unusquisque superiore sententia juxta ordinem suum pæniteat.

xiv. Si quis vero propter concupiscentiam, vel libidinem seipsum fornicaverit, unum annum pæniteat.

xv. Si quis sepulcrum violaverit, quinque annos pæniteat.

xvi. Si quis concupiscit mulierem, et non vult eam suscipere, unum annum pæniteat.

xvii. Si quis eucharistiam, corpus Domini, neglexerit aut perdidit, unum annum pæniteat. Si per ebrietatem aut voracitatem illum vomerit, tres quadragesimas in pane et aqua. Si vero per infirmitatem, una hebdomada in pane et aqua.

xviii. Si quis clericus, aut uxor sua, vel cujuscunque infantem oppresserit, tres annos pæniteat, unum in pane.

xix. Si quis vero maleficus inmissor tempestatis, septem annos pæniteat, tres in pane et aqua.

xx. Si quis autem membrum voluntate truncaverit, quinque annos pæniteat.

xxi. Si quis autem usuras ^b undecumque exegerit, tres annos pæniteat, unum in...

xxii. Si quis per potestatem aut quodlibet ingenium res alienas malo ordine invaserit, superiore sententia pæniteat.

xxiii. Si quis sacrilegium fecerit, quod aruspices vocant, si per aves aut aguria colunt, vel ad divinationes eorum vadunt, quinque annos pæniteat, tres in pane et aqua.

xxiv. Si quis clericus proximum suum percusserit, et sanguinem fuderit, uno pæniteat anno.

xxv. Si quis malo ordine cupidus, aut avarus, aut superbus, aut tenebrosus, aut fratrem suum [odio] habuerit, tres annos pæniteat.

xxvi. Si quis sortes ^c sanctorum contra rationem ^D invocat, vel alias sortes habuerit, tres annos pæniteat, unum in pane et aqua.

^a Locus observatione dignus de continentia clericorum, etiam eorum qui conjugati erant. Concilium Africanum, a Zacharia pontifice relatum in epistola 9 ad Pipinum, cap. 11, minores clericos ad continentiam non cogit, sed secundum uniuscujusque ecclesiæ consuetudinem observari debere sancit. Concilium Matisconense, can. 14, honoratiores tantum clericos, id est majores, ad id adstringit. Fortasse hic clericorum nomine subdiaconi censentur, de quibus videnda Gregorii magni epistola 42 lib. I. Confer Petri Damiani Opusculum 7, a cap. 10 et num. 28, infra.

^b Et hic locus observandus contra usuras, nulla mentione facta solorum clericorum. Confer pænitentiale Cummeani, cap. 8, ubi usurariis quatuor anni

xxvii. Si quis ad arbores vel ad fontes aut cancellos, vel ubicumque, nisi in ecclesia, votum voverit, aut solverit, tres annos pæniteat, unum in pane et aqua, quia hoc sacrilegium est. Et qui ibidem comederit aut biberit, unum annum pæniteat.

xxviii. Si quis clericus, postquam se Deo voverit, iterum ad sæculum reversus fuerit, vel uxorem duxerit ^d, duodecim annos pæniteat, sex in pane et aqua, et numquam in conjugio copuletur. Quod si noluerint, sancta sedes apostolica separavit eos a communione sanctorum. Similiter et mulier postquam se Deo vovit, et tale scelus admiserit, similiter faciat.

xxix. Si quis falsitatem commiserit, septem annos pæniteat, tres in pane.

^B xxx. Si quis cum quadrupedia fornicaverit, si clericus, duos annos, diaconus quinque, presbyter septem, episcopus decem.

xxxi. Si quis Kalendas Januarias in cervolo, vel vicola ^e vadit, tres annos pæniteat.

xxxii. Si quis mulier avorsum fecerit voluntaria, tres annos pæniteat, unum in pane et aqua.

xxxiii. Si quis per invocationem dæmonum hominum mentes tulerit, quinque annos pæniteat.

xxxiv. Si quis virginem vel viduam raptus fuerit, tres annos pæniteat, unum in pane et aqua.

xxxv. Si quis dilaturas fecerit, quod detestabile est, superiore sententia subjaceat.

xxxvi. Si quis servum vel qualemcumque hominem in captivitatem duxerit, tres annos pæniteat, unum in pane.

xxxvii. Si quis domum vel aream cujuscunque igne cremaverit, superiore sententia pæniteat.

xxxviii. Si quis aliquid de ministerio sanctæ ecclesiæ fraudaverit vel neglexerit, septem annos pæniteat, tres in pane.

xxxix. Qui pruritu voluntatis fluvium patitur seminis, et per somnum pollutus peccaverit, surgat et oret ad Deum, cantet septem psalmos, et die illo in pane et aqua vivat; et iterum canat triginta psalmos in cruce, et ad altare non accedat usque mane.

xl. Si per somnum peccaverit quasi cum femina, viginti quinque psalmos cantet.

xli. Si ex cogitatione per somnum pollutus fuerit, quindecim psalmos dicat.

xlvi. Si ex corpore repleto pollutus fuerit, psal-

pœnitentiæ imponuntur. Exstat cum operibus Columbani editionis Lovaniensis an. 1667.

^c Sortes ejusmodi fiebant per sacros codices, ut notum est.

^d Hæc iisdem ferme verbis reperies in Pœnitentiali Cummeani, cap. 3.

^e Legendum videtur, vitola pro vitula, ut in variis locis. In sermone tamen sancti Pirminii a nobis edito, qualis est in Codice Einsidlensi, legitur vehiculas, tomo IV Analect., pag. 586. Forte quod prohiberentur vactiones in vehiculis quæ ab hominibus in speciem pecorum compositis trahebantur. In præfatione de Assumptione Deiparæ supra, pag. 301 (huj. edit. col. 447 init.), legitur vehiculum pro vehiculum.

n dicat, et die illo jejundet.

is sacrificium per negligentiam perdimino pœniteat.

si neglexerit sacrificium, et a vermibus, dimidio anno pœniteat in pane et aqua. igne comburatur, et abscondat cineres

item miserit per neglectum in sacrificiis quadraginta diebus pœniteat.

dos qui offert, et ceciderit de manibus ista in terra, et non invenerit eam,

scopet et comburat igne, et abscondat sub altare in terra, et dimidium annum

autem invenerit locum, similiter faciat quadraginta diebus. Si autem usque ad

rit, uno die pœniteat. Si vero declinat, lingua sua lingat. Si fuerit tabula, raserit, mittat tabulam, ut non conculce-

hristi, quadraginta diebus. Si autem succiderit stilla, sorbeat illam, et tres dies

exegerit per linteum ad alium, sex diebus in pane; et si ad tertium, septem diebus

ut ponat calicem sub linteamina, effundat in tribus vicibus, et bibat. Si quando in-

patet Eucharistiam per ea tempora, id est annos, in viaticum infirmorum asser-

bescurus. Crederem legendum *amiserit* nisi articulus 43 aliter suaderet.

i cantando titubaverit. Cummeanus, in titubaverit sacerdos super orationem Domini dicitur periculosa, etc. Pœnitentiale

C

A fert calicem, et effuderit in terram, decem diebus pœniteat in pane et aqua.

xlvi. Si tutoaverit^c sacerdos super oratione Dominica, die uno in pane et aqua. Qui autem communicaverit inconsius^d, septem diebus pœniteat. Qui per ignorantiam communicaverit, sex diebus pœniteat.

Oratio super pœnitente.

Deum omnipotentem ac misericordem, qui non vult mortem peccatorum, sed ut convertantur et vivant, fratres carissimi, deprecemur; ut ad veniam

rectam famulus tuus ill. misericordiæ veniam propiciatus indulgeat, si qua sunt culparum suarum omnium vulnera, quæ post sacri lavacri undam contra-

xit, ita in hac publica confessione delicta sanentur, ut nulla cicatricum signa remaneant. Per Dominum nostrum.

Item alia.

Salvator Redemptorque noster, qui non solum pœnitentibus, sed etiam omnes qui nec ante venire cupiunt, veniam propitius et miserator indulges, supplices quæsumus: ut hunc famulum tuum ill. ad

corporis et sanguinis tui communionis, indulta venia, cælestem benedictionem perducatur. Per.

vero Columbani: Si decantans psalmum titubaverit, etc.

^d Quasi diceret conscius, cui ignorans opponitur. Cummeanus, in fine cap. 13: Qui communicaverit sacrificium inconsui, septem dies pœniteat. Quicumque alicui capitale crimen admittenti communicaverit, septem dies pœniteat.

RATIO INSTITUTIONIS CURSUM ECCLESIASTICORUM^a.

dicente scriptura pro quali virtute cans cursus.

antantur pro illa virtute, quam fecit Dominus ostendit primogenita Ægypti, et

rit Paulum, et Sileam de carcere clauso hoc dixit Evangelista: Media nocte cla-

est, ecce sponsus venit, exite obviam

. . . . cantus pro hoc cantatur quando Dominus Petrus ac passionem Domini, et re-

tea ad corpore sani

n] pro hoc cantatur, quia Dominus mane dixit evangelista: Prima autem Sabbati

elene venit mane, cum adhuc tenebræ ia die resurrexit quæ lucessit a prima

a et angeli, et homines, et aves, quæ terram, omnes in illa hora Deum con-

tunc animas justorum qui in inferno a resurrectione liberavit, qui mane sur-

em pro quid cantatur? Quia tunc fuit contra Filium Dei, quomodo eum perde-

Tertia vero crucifigitur. Et hora tertia sic descendit Spiritus sanctus super apostolos, quando dixit Dominus: Accipite Spiritum sanctum, quorum demiseritis peccata, demissa sunt; et quorum retinueritis, retenta sunt.

Sexta vero hora sic ascendit Dominus in crucem, sic tenebræ factæ sunt usque ad horam nonam. Et tunc vocavit Dominus Saulum quando persecutor

erat Christianorum, et dixit: Saule, Saule quid me persequeris? Et tunc venit vox ad Cornelium quando dixit, Corneli exaudita est deprecatio tua, et eleemosynæ tuæ ascenderunt coram me.

Nona vero hora sic emisit spiritum, et sic ostensum est vas sancto Petro, ubi habebat omnia munda et immunda, sic dixit angelus: Surge Petre, comede.

Undecima vero sic cœnavit cum apostolis, quando jejunavit quadraginta diebus et quadraginta noctibus.

Duodecima vero sic ascendit Dominus in montem Oliveti orare, et quia gutta sanguinis in sudore cecidit, propter illud quod ad Adam dictum fuerat: In sudore vultus tui vesceris panem. EXPLICIT.

alium, qui in Codice legi non potest, de nostro apposimus.

SYMBOLUM APOSTOLORUM

Cum magna cautela collectum, et credentibus adsignatum.

Petrus dixit : Credo in Deum Patrem omnipotentem. Johannes dixit : Credo in Jesum Christum Filium ejus unicum, Deum et Dominum nostrum. Jacobus dixit : Natum de Maria virgine per Spiritum sanctum. Andreas dixit : Passum sub Pontio Pilato, crucifixum et sepultum. Philippus dixit : Descendit ad inferna. Thomas dixit : Tertia die resurrexit. Bartholomæus dixit : Ascendit in cælos, sedet ad dexteram Dei Patris omnipotentis. Matthæus dixit : Inde venturus judicare vivos et mortuos. Jacobus Alphæi dixit : Credo in Spiritum sanctum. Simon Zelotes dixit : Credo in Ecclesiam sanctam^a. Judas Jacobi dixit : Per baptismum sanctum remissionem

^a Omittitur *Sanctorum communionem*, uti et apud Augustinum, Maximum Taurinensem, Petrum Chrysologum, et alios nonnullos. Habetur tamen supra in traditione Symboli, pag. 312 (*huj. edit. col. 489 init.*)

A peccatorum b. Matthias dixit : Carnis resurrectionem in vitam æternam. Amen.

Hoc est quod ad duodecinarium numerum apostolorum cum magna cautela collectum est, et credentibus adsignatum[†]. Quia fides sanctarum Deo ad hominibus nominibus nomen est fides divini muneris potio est : fides Deo hominem sociat, fides præsentia et futura conjungit, fides etiam quæ invisibilia sunt facit videre, fides post sepulcrum generis cælum atque regna cælorum promittit. Ideoque qui in tali confessione permanserit, a superveniente ira timere non potest[†].

^b Apud Cyprianum : *Remissionem peccatorum per sanctam Ecclesiam*, in epistolis ad Magnum et ad Liberalem.

INCIPIT CAPITULUS DE VETERE [TESTAMENTO] CANONIZATUS.

De Vetere.

Liber Genesis, Exodum, Leviticum, Numeri, Deuteronomium, Josue, Judicum.

Libri mulierum Ruth, Sterh, et Judith.

Maccabeorum libri duo, Job et Thobias, libri singuli. Regum quattuor. Prophetarum libri sexdecim. Daviticum quinque^a. Salomon tres. Proverbiorum, Ecclesiastes, et Cantica canticorum^b, Esdra unus. Fiunt libri Veteris numero quadraginta quatuor.

^a Olim apud veteres Psalterium dividebatur in quinque partes seu libros, quoram singuli desinebant in Psalmis, quorum finis est. *Fiat fiat.*

^b Hi tres libri alia manu, sed antiquissima adjecti, nempe Proverbia, Ecclesiastes, Cantica, erant in

B

De Novo.

Apostolorum libri, [Pauli] quatuordecim Epistolæ; Petri duæ, Johannis tres. Jacobi et Judæ singulæ, Apocalypsis uno, Actus Apostolorum uno. Evangelia libri quatuor. Sacramentorum uno^c. De Novo sunt libri viginti octo.

Fiunt in summa libri septuaginta duo.

EXPLICIT CODEX BOBIENSIS.

veteri Canone Hebræorum.

^c Observa hic in numero librorum sacrorum recenseri librum Sacramentorum : quo nomine veteres eum librum designabant, qui Collectiones et Præfationes ad missas continebat.

ANTIPHONARIUM MONASTERII BENCHORENSIS.

(*Murat. anecd. t. IV, p. 121 sqq.*)

In antiphonarium monasterii Benchorensis.

Ex Codice ms. Ambrosianæ Bibliothecæ, num. 10, lit. C descriptum per me fuit hoc opusculum. Mutuus est liber non uno in loco ; vetustatem autem illius ad annos pene mille ascendere conjeci, caractere ad Saxonicum accedente, litterisque nonnullis minio distinctis. Celebre autem olim fuit in Ultonia Hiberniæ Provincia Benchorensis, sive Benchorensis monasterium diversum ab altero Benchorensi cœnobio in Wallia Angliæ provincia sito. Usserius in Britannicar. Ecclesiar. Antiquitatibus, pag. 476 et 531, ad Benchorensis Hibernicum cœnobium refert locum desumptum e lib. II, cap. 2, Hist. Eccles. Bedæ, cujus verba sunt : « Erant autem plurimi eorum de monasterio Bancor., in quo tantus fertur fuisse numerus monachorum, ut cum in septem portiones esset cum præpositis sibi rectoribus monasterium divisum, nulla harum portio

minus quam trecentos homines haberet, qui omnes de labore manuum suarum vivere solebant. » Similia habet Gotselinus monachus Bertinianus in Vita sancti Augustini Cantuar. episc. At hæc potius spectare ad alterum cœnobium Benchorense in Angliæ provincia Wallia positum, præter alios clarissimos viros Mabillonius arbitratur in notis ad laudatam Vitam sancti Augustini scriptam a Gotselino monacho Bertiniano, tom. I Act. sanct. ord. sancti Benedicti. Et revera animadvertere hic possumus, Benchorensium monachorum cladem Bedæ memoratam in eo Monasterio contigisse, cui præfuerat Dinooth abbas, de quo tamen nullam mentionem habet Catalogus priorum Benchorensium in Hibernia abbatum, qui in Antiphonario nostro occurrit. At Usserii sententiam roborat locus e Vita sancti Comgalli descriptus, quem ipse affert pag. 472. Ita vero scribit ejus Vitæ auctor : « In diversis monasteriis et cellis tria millia monachorum sub cura sancti Patris Comgalli fuerunt; sed major et nominatior cæteris prædictum monasterium Beanchor est, » etc. Sanctus itidem Bernardus Clarevallensis abbas in Vita sancti Malachiæ, cap. 6, laudes Hibernici Benchorensis monasterii persequitur, eique ascribit quæ Britannico tribuere videtur Beda loco citato.

Ad usum itaque insignis illius monasterii in Hibernia siti fuit Antiphonarium nunc a nobis evulgatum. E Bobiensis autem cœnobii Bibliotheca in Ambrosianam transit Codex cura amplissimi cardinalis Friderici Borromæi, cui Bibliotheca illa suum ortum debet, urbs, et archiepiscopatus Mediolanensis, omnesque literati plurima æternum debebunt. Neque mirum, quod in Bobiensi cœnobio monumentum hoc asservaretur. Celeberrimi hujus monasterii institutor fuit sanctus Columbanus abbas, qui ut Jonas Bobiensis monachus in ejus Vita narrat, non alibi monachorum albo nomen primum dederat, quam in monasterio, « cujus est vocabulum Banchor, » illo nempe, quod in Hibernia situm fuisse diximus. Proinde inter Bobienses et Benchorenses monachos magna in posterum quoque necessitudo intercessit, ac amoris commercium. Et quantum excogitare non possumus, ac ipso sancto Columbano delatum in Italiam Antiphonarium istud fuisse, cum ibi quædam habeantur quæ aliquot duntaxat post ejus mortem annis contigere; attamen ab ejus discipulis, proximisque successoribus id factum non immerito opinor.

Quando autem in usu Benchorensium fuerit hocce Antiphonarium, conjicere possumus ex ipsius postremis lineis, ubi Memoria abbatum nostrorum exhibetur. Primus Benchorensis monasterii abbas ibi numeratur sanctus Comgillus, qui sancti Columbani magister ac in eruditione pietatis pater fuit. Ita de Columbano laudatus Jonas : « Dedit deinde operam ut monachorum necteretur societati, et monasterium, cujus est vocabulum Banchor, petiit, in quo virtutum præsul ubertate cluebat beatus Commogellus, egregius inter suos monachorum pater. » Quamobrem sanctus Comgillus floruit circiter annum Christi 580, et adhuc Benchorensi monasterio præerat, cum sanctus Columbanus ex Hibernia in Gallias processit, nova monasteria instituturus : quod paulo ante annum Christi 590 accidisse Mabillonius contendit in notis ad eandem sancti Columbani Vitam sæc. II Act. sanct. ord. sancti Benedicti. Baleus, Centur. I, cap. 34, Script. Britann., sancti Comgilli ætatem nimium anticipat, cum illum cœnobio Benchorensi præpositum anno Christi 530 scribit, eique regendum Britannicum, non vero Hibernicum, Benchorense monasterium tribuit. Usserius ejus mortem figit in anno Christi 601, pag. 494 Antiq. Britannicarum.

Succedunt in Antiphonario abbates Beognous, Ædeus, Simlanus, Fintenanus, Michlaisreus, Seganus, Be-racnus, Cumnenus, Columba, Aldanus, Bautherius, Cronanus, Camanus et Cronanus. De postremo hæc ibi leguntur :

Christo nunc sedet supremus
Hymnos canens quindecimus
Zoen ut carpat Cronanus,

Conservet eum Dominus.
Quos convocavit Dominus
Cælorum regni sedibus.

Quæ sane indicare videntur, Cronanum tunc etiam temporis in vivis fuisse, cum ei Zoe, id est, *vita*, optetur, et dicatur *convocandus* ad Cælorum regni sedes. Attamen cum scriptum ibi sit *quos convocabit*, non vero *quem convocabit*, vehemens oborta mihi dubitatio est, ne *convocabit* idem sit atque *convocavit*, quod in superioribus repetitum videas; et præcipue cum postremus etiam ex his abbatibus inter sanctos invocandos enumeretur.

Quod si revera Cronanus abbas tunc vivebat, tempus quo Antiphonarium illud concinnatum fuit aut in usu erat, divinare fortasse liceret. In antiquo catalogo sanctorum Hiberniæ, quem Usserius publici juris fecit, pag. 473 laudati Operis, Cronanus nescio quis presbyter sanctus enumeratur. Tres vero Cronanos deinde agnoscit Usserius ipse pag. 502. Primus anno Christi 640 vixisse in Hibernia fertur. Secundus anno Christi 663 mortem obiisse dicitur in Hibernicis Annalibus. Tertius abbas fuit magnificique monasterii fundator in Tipperariensi comitatu. Videndus etiam Bollandus ad diem primam Januarii, ubi refert Vitam sancti Mochuæ, sive Cronani, quem facit discipulum sancti Comgilli, et abbatem. Nos in catalogo Benchorensium abbatum duos Cronanos reperimus. A vero non abhorret recentiore inter eos floruisse circiter annum Christi 660, quanquam si recte memini, Gabriel Bucelinus in libro de sanctis Viris ord. sancti Benedicti, quem olim vidi, scribit, Crononum Benchorensem abbatem vixisse circiter annum Christi 636. Quæ tamen ita dicta velim, ut non putem propterea Codicem ipsum quo sum usus ad eam ipsam ætatem esse referendum, cum exemplar in Ambrosiana asservatum, et certe vetustissimum, ex antiquiore tamen Codice describi subinde per monachos Bobienses sive Benchorienses potuerit.

Quod est ad reliquos abbates, eruditus locus erit inquirendi eorum tempus ac memoriam in antiquis Annalibus, atque Agiologiis, ac potissimum in vastis Bollandistarum libris, eamque in rem plurimum opis conferent quæ de sanctis Hiberniæ viris vaganti, sed magni tamen facienda, eruditione congegit memoratus Usserius in libro Antiquitatum Britannicarum. Hic interim adnotasse juvabit priorem hymnum, qui in hoc Antiphonario occurrit, tribui sancto Hilario Pictaviensi episcopo, illis verbis: *Hymnum sancti Hilarii de Christo*. Et profecto compertum est inter eruditos, teste sancto Hieronymo, Hymnorum librum a sancto Hilario fuisse compositum. Ex iis etiam nonnullos in ecclesia decantari solitos fuisse tradit concilium Toletanum IV, anni 633. At in hymno nunc a nobis producto majorem fortasse elegantiam desiderabunt nonnulli, ut eum sancto Hilario ascribant.

Ad hæc legimus in Antiphonario nostro *Hymnum sancti Patricii magistri Scotorum*. Memini autem, clarissimum virum P. D. Bernardum de Montefaucon, dum olim Mediolani ageret, conspecta Codicis hujus, ac monumenti vetustate, mihi ostendenti fuisse gratulatum. Narrabat quippe, in Galliis esse eruditum quemdam, cui nata suspicio fuerat non ipsas solum sancti Patricii res gestas, sed eundem sanctum Patricium inter Fabulas Romanenses esse amandandum, tantis nempe anilibus commentis deturpata fuerat sancti illius episcopi Historia. At profecto unus hic hymnus satis esse potest ad confirmandam veritatem cum insignium Patricii operum, tum celeberrimæ famæ, quæ de sancto viro ad nostra usque tempora permanavit. Tu uberiora, etsi non paria antiquitate, ab Usserio pete, cap. 17, pag. 425 et seq., Britannic. Antiquitatum.

IN NOMINE DEI SUMMI.

Canticum Moysi,
Audite, cœli, quæ loquor, etc.
Hymnum sancti Hilarii de Christo.
Hymnum dicat turba fidelium.
Hymnum cantus person...
Christo Regi concinnentur
Laudes
Tu Dei de.
.
.
.
Dextra Patris, mons, et Agnus,
Angularis tu lapis,
Sponsus idem, vel columba.
Flamma, Pastor, Janua.
In prophetis inveniris
Nostro natus sæculo
Ante sæcla tu fuisti
Factor primi sæculi.
Factor cœli, terræ factor,
Congregator tu maris,
Omniumque tu creator
Quæ Pater nasci jubet.
Virginis receptus membris,
Gabrielis nuntio
Crescit alvus prole sancta
. erius credere.
. visam
.
.
Cum jubet parvos necari,
Turbam fecit Martyrum;
Fertur infans occulendus,
Nili flumen quo fluit.
Qui refertur post Herodem
Nutriendus Nazareth

Multa parvus, multa adultus
Signa fecit cœlitus.
Quæ latent, et quæ leguntur
Coram multis testibus,
Prædicans cæleste regnum,
Dicta factis adprobat.
Debiles fecit vigere,
Cæcos luce inluminat,
Verbis purgat lepræ morbum,
Mortuos resuscitat.
Vinum, quod deerat hydriis,
Mutari aquam jubet.
Nuptiis mero retentis
. populo.
.
. bino
.
.
Turba ex omni discumbente
Jugem laudem pertulit,
Duodecim viros probavit,
Per quos vita discitur.
Ex quibus unus invenitur
Christi Judas traditor,
Instruuntur missi ab Anna
Proditoris osculo.
Innocens captus tenetur,
Nec repugnans ducitur,
Sistitur falsis, grassantur
Offerentes Pontio.
Dicerent Christum negandum:
Turbis sanctus traditur;
Impiis verbis grassantur;
Sputa, flagra sustinet,
Scandere crucem jubetur
Innocens pro noxiis;
Morte carnis, quam gerebat,

Mortem vicit omnium.
Tum Deum clamore magno
Patrem pendens invocat
. membra Christi
.
Vela templi scissa pendent;
Nox obscurat sæculum:
Excitantur de sepulchris
Dudum clausa corpora.
Adfuit Joseph beatus;
Corpus myrra perlitum
Linteo rudi ligatum
Cum dolore condidit.
Milites servare corpus
Anna princeps præcipit,
Ut videret, si probaret
Christus, quod sponderat.
Angelum Dei trementes
Veste amictum candida,
Quo candore claritatis
Vellus vicit sericum.
Demovit saxum sepulchro
Surgens Christus integer;
Hæc vidit Judæa mendax,
Hæc negat, cum videret.
F.
.
.
.
Seque a mortuis paterna
Suscitatum dextera
Tertia die rediisse
Nuntiat apostolis.
Mox videtur a beatis,
Quod probavit, fratribus,
Quod redisset ambigentes,
Intrat januis clausis,

Dat docens præcepta legis,
Dat divinum Spiritum,
Spiritus Dei perfectum,
Trinitatis vinculum.

Præcipit totum per orbem
Baptizari credulos,
Nomen Patris invocantes,
Confitentes Filium.

Mystica fide revelat
Tinctos sancto Spiritu,
Fonte tinctos innovatos,
Filiis factos Dei.

Ante lucem turba.
Concinit
.
.

Galli cantus, galli plausus
Proximum sentit diem,
Nos canentes, et precantes
Quæ futura credimus.

Majestatemque inmensam
Concinnemus uniter;
Ante lucem nuntiemus
Christum Regem sæculo.

Ante lucem nuntiemus,
Christum Regem sæculo.
Qui in illum recte credunt
Regnaturi cum eo.

Gloria Patri ingenito,
Gloria unigenito
Simul cum Sancto Spiritu
In sempiterna sæcula.

Hymnum apostolorum.

Precamur Patrem
Regem omnipotentem,
Et Jesum Christum,
Sanctum quoque Spiritum.

Alleluia.

Deum in una
Perfectum substantia
Trinum.
.

Universorum
Fontis jubar luminum
Æthereorum,
Et orbi lucentium.

Hic enim dies
Velut primogenitus
Cæli ab arce
Mundi olim micuit.

Sic verbum caro
Factum a principio
Lumen æternum
Missum Patre sæculo.

Illeque proto
Vires adimens Caho,
Tum improvise
Noctem pepulit mundo.

Ita æterno
Iste hoste subacto

PATROL. LXXII.

Polum nodoso
Solvit mortis vinculo

Tenebræ super
Ante erant abyssum,
Quam radiaret
Primus dies dierum.

Hæc quam prodiret
Vera lux mortalia
Contextit alta
Corda ignorantia.

Eodem die
Rubrum, ut ajunt, mare
Post tergum liquit
Liberatus Israël.

Per hoc docemur
Mundi acta spernere,
Et in deserto
Virtutum consistere.

Summerso sævo
Cicni canunt æmulo.
Certatim Deo
Laudes Duci igneo.

Sicque erepti
Nequam jubemur fretis
Laudare Deum
Explois inimicis.

Et sicut ille
Lucis fuit initium,
Ita et isti
Salutis exordium.

Loquatur primus
In tenore diei
Secundus vero
In calore fidei.

In fine mundi
Post tanta mysteria
Adest Salvator
Cum grandi clementia.

Tamque aperte
Elementa prætendunt,
Quam vatum hora
Lucide concelebrant.

Natus ut homo
Mortali in tegmine
Non deest cælo
Manens in Trinitate.

Vagit in pannis,
Veneratur a magis,
Fulget in stellis,
Adoratur in coelis.

Statura vili
Continetur præsepi,
Cujus pugillo
Potest orbis concludi.

Primumque signum
Portendit discipulis
Aquæ conversæ
In sapore nectaris.

Tum per prophetam
Compleatur ut dictum :
Saliat claudus
Ut cervus perniciter.

Planaque fatur
Absoluto vinculo
Lingua mutorum,
Imperante Domino.

Surdi sanantur,
Cæci, atque leprosi,
Fune retroso
Suscitantur mortui.

Totidem panes
Quinque dividit virum
Saturaturis
Procul dubio millibus.

Post tantas moles
Divinæ clementiæ
Exosus ille
Stimulo invidiæ.

Qui invidere
Et odire animam
Pro inimicis
Prorogans

Adversus eum
Initur consilium,
Qui magni dictus
Consilii est nuntius.

Accedunt ei
Ut latroni cum gladiis
Furem æternis
Tradituri æstibus.

Tandem humano
Traditur judicio
Mortali rege
Damnatur perpetuus.

Cruci confixus
Polum mire concutit,
Lumenque solis
Tribus obtondit horis.

Saxa rumpuntur,
Velum scinditur templi,
Vivi consurgant
De sepulchris mortui.

Conrosus nodis
Annos fere millibus
Extricat senis
Inferni feralibus

. . . to-plaustum
. . . osa soboles,
Abjecta mali morte
Sæva ultrice.

Quemque antiquum
Paradiso incolam
Recursu suo
Clementer restituit.

Exaltans caput
Universi corporis,
In Trinitate
Locavit Ecclesiæ.

In hoc cœlitus
Jubet portas principes
Regi cum sociis
Eternales pandere.

Errantem propriis
Evehens certissimam
Supernis ovem
Humeris ovilibus.

Quem expectamus
Adfuturum Judicem
Justum cuique
Opus suum reddere.

Rogo quam tantis
Talibusque donariis
Vicem condigne
Possumus rependere?

Quid tam mortales
Temptamus micrologi
Narrare, quivit
Quæ nullus edicere?

Solum oramus
Hoc, idemque maximum :
Nostri æterne
Miserere, Domine. Alleluja.

Canticum sancti Zachariæ.

Benedictus Dominus Deus Israhel, etc.

Canticum.

Cantemus Domino, gloriose enim
honorificatus, etc.

Benedictio trium puerorum.

Benedicite omnia opera Domini
Dominum, hymnum dicite, et superexaltate eum in sæcula, etc.

Hymnum in die Dominico.

Laudate, pueri, Dominum, laudate nomen Domini. Te Deum laudamus, te Dominum confitemur.

Te æternum Patrem omnis terra veneratur. Tibi omnes angeli, tibi cœli, et universæ potestates.

Tibi cherubin, et seraphin incessabili voce proclamant : Sanctus, Sanctus, Sanctus Dominus Deus Sabaoth.

Pleni sunt cœli et universa terra honore gloriæ tuæ.

Te gloriosus apostolorum chorus, te prophetarum laudabilis numerus.

Te martyrum candidatus laudet exercitus. Te per orbem terrarum sancta confitetur Ecclesia.

Patrem immensæ majestatis. Venerandum tuum verum, unigenitum Filium.

Sanctum quoque Paraclitum Spiritum, Tu Rex gloriæ, Christe.

Tu Patris sempiternus es Filius.
Tu ad liberandum mundum suscepisti hominem.

Non horruisti Virginis uterum.
Tu devicto mortis aculeo aperuisti credentibus regna cœlorum.

Tu ad dexteram Dei sedens in gloria Patris judex crederis esse venturus.

Te ergo quæsumus nobis tuis famulis subveni, quos pretioso sanguine redemisti.

Æterna fac cum sanctis gloria munerari.

Salvum fac populum tuum, Domine, et benedic hereditati tuæ, et rege eos, et extolle illos usque in sæculum.

Per singulos dies benedicimus te, et laudamus nomen tuum in æternum, et in sæculum sæculi. Amen.

Fiat, Domine, misericordia tua super nos, quemadmodum speravimus in te.

Hymnum quando communicarent sacerdotes.

Sancti venite,
Christi corpus sumite,
Sanctum bibentes,
Quo redempti, sanguinem.

Salvati Christi
Corpore et sanguine,
A quo refecti
Laudes dicamus Deo.

Hoc sacramento
Corporis et sanguinis,
Omnes exuti
Ab inferni faucibus.

Dator salutis
Christus Filius Dei
Mundum salvavit
Per crucem, et sanguinem.

Pro universis
Immolatus Dominus
Ipse sacerdos
Existit et hostia.

Lege præceptum
Immolari hostias,
Qua adumbrantur
Divina mysteria.

Lucis indultor
Et Salvator omnium
Præclaram sanctis
Largitus est gratiam.

Accedant omnes
Pura mente creduli,
Sumant æternam
Salutis custodiam.

Sanctorum custos
Rector quoque Dominus
Vitæ perennis
Largitur credentibus.

Cœlestem panem
Dat esurientibus
De fonte vivo
Præbet sitientibus.

Alpha et omega
Ipse Christus Dominus
Venit venturus
Judicare homines.

Hymnum quando cæria benedicunt

Ignis Creator igneus
Lumen donator luminis,
Vitaque vitæ conditor,
Dator salutis, et salus.

Nec noctis hujus gaudia
Vigil lucerna deserat,
Qui hominem non vis mori,
Da nostro lumen pectori.

Ex Ægypto migrantibus
Indulges geminam gratiam,
Nubis velamen exhibes,
Nocturnum lumen porrigis.

Nubis columpna per diem
Venientem plebem protegis,
Ignis columpna ad vesperum
Noctem depellis lumine.

E flamma famulum provocas,
Rubum non spernis spineam
Et cum sis ignis concremans
Non uris quod inluminas.

Fusco depasto nubilo
Tempus decoctis sordibus
Fervente sancto Spiritu
Carnem lucere ceream.

Secretis jam condis favi
Divini mellis alitus,
Cordis repurgans intimas
Verbo replesti cellulas.

Examen ut foetus novi
Ore prælectum, spiritu
Relectum cœlum sarcinis
Quærat securis pinnulis.

Gloria Patri ingenito,
Gloria Unigenito,
Simul cum sancto Spiritu
In sempiterna sæcula.

Hymnus mediæ noctis.

Mediæ noctis tempus est,
Prophetica vox admonet,
Dicamus laudes Deo
Patri semper, ac Filio,

Sancto quoque Spiritui;
Perfecta enim Trinitas,
Uniusque substantiæ
Laudanda nobis semper est.

n tempus hoc habet,
 astator angelus
 ortem intulit,
 mogenita.
 tis hora salus est,
 am tunc angelus
 ire non erat
 rmidans sanguinis.
 flebat fortiter
 diro funere;
 lebat Israhel
 ctus sanguine.
 Israhel sumus,
 n te, Domine,
 ernentes et malum,
 ensi sanguine.
 rofecto tempus est
 angelica
 iponus creditur,
 stis conditor.
 nt sanctæ virgines
 ne adventui,
 aras lampades
 antes gaudio.
 ero remanent,
 stas habent lampades,
 lsantes januas
 a regni regiæ.
 gilemus sobrii
 nentes splendidas,
 it Jesu
 amus obviam.
 e medio tempore
 que et Sileas
 rincti in carcere
 tes soluti sunt.
 undus hic carcer est.
 us, Christe Deus,
 a peccatorum
 e credentium.
 ios fac, Rex agie,
 ni gloriæ
 mereamur
 s concinere.
 atri ingenito,
 genito,
 Sancto Spiritu
 rna sæcula.

*in natale martyrum, vel
 ato ad Matutinam.*

simi martyres summi
 [Dei,
 fortissimi,
 is potentissimi
 citus Dei,
 cælis
 es. Alleluja.
 ime Christe,
 deus cherubin,
 am Patre sacra.

Angelorum ibi et martyrum
 Fulgens chorus,
 Tibi sancti proclamant.

Magnifice tu prior
 Omnium passus crucem
 Qui devicta morte refulsisti
 Mundo, ascendisti ad cœlos,
 Ad dexteram Dei
 Tibi sancti proclamant.
 Armis spiritualibus
 Munita mente apostoli
 Sancti te sunt secuti,
 Qui cum ipsa crucis
 Paterentur morte
 Tibi sancti canebant.

Christe martyr tu es
 Adjutor potens præliantium,
 Sancta pro tua gloria,
 Qui cum victores
 Exirent de hoc sæculo,
 Tibi sancti canebant.
 Illustris tua, Domine,
 Laudanda virtus, quæ per Spiri-
 tum
 Sanctum firmavit martyres,
 Qui consternerent Zabulum,
 Et mortem vincerent.
 Tibi sancti canebant.

Manu Dei excelsa
 Protecti contra diabolum
 Steterunt firmati,
 Semper Trinitati fidem
 Toto corde servantes.
 Tibi sancti canebant.

Vere regnantes erant
 Tecum, Christe Deus,
 Qui passionis merito coronas
 Habent, et centenario
 Fructu repleti gaudent.
 Tibi sancti proclamant.

Christi Dei gratiam
 Supplices obsecremus,
 Ut in ipsius gloriam
 Consummemur, et in sanctam
 Hierusalem civitatem Dei
 Trinitati cum sanctis
 Dicamus alleluja.

*Hymnum ad Matutinam in
 Dominica.*

Spiritus divinæ
 Lucis gloriæ,
 Respice in me,
 Domine,
 Deus veritatis,
 Dominus Deus Sabaoth,
 Deus Israhel,
 Respice.
 Lumen de lumine
 Referemus Filium Patris,

Sanctumque Spiritum
 In una substantia,
 Respice.
 Unigenitus, et primogenitus,
 A te obtinemus
 Redemptionem nostram.
 Respice.
 Natus es Spiritu Sancto,
 Ex Maria virgine;
 In idipsum in adoptionem
 Filiorum, qui tibi
 Procreati ex fonte vivunt.
 Respice.

Hæredes et quohæredes
 Christi tui, in quem,
 Et per quem cuncta creasti,
 Quia in prædestinatione
 A sæculis nobis est
 Deus Jesus, qui nunc cœpit.
 Respice.

Unigenito ex mortuis
 Deo obtinens corpus,
 Claritatem Dei, manens
 In sæcula sæculorum
 Rex æternorum.

Respice.
 Quia nunc cepit, qui semper
 Fuit naturæ tuæ Filius,
 Divinæ lucis gloriæ tuæ,
 Qui est forma et plenitudo
 Divinitatis tuæ frequens.
 Respice.

Persona Unigeniti,
 Et primogeniti,
 Qui est totus a toto
 Diximus lux de lumine.
 Respice.

Et Deum verum a Deo vero
 Semper semper confitemur,
 Tribus personis
 In una substantia.
 Respice.

*Hymnum sancti Patritii magistri
 Scotorum.*

Audite, omnes amantes
 Deum, sancta merita
 Viri in Christo beati
 Patrici episcopi
 Quomodo bonum ob actum
 Similatur angelis,
 Perfectamque propter vitam
 Æquatur apostolis.
 Beata Christi custodit
 Mandata in omnibus
 Cujus opera refulgent
 Clara inter homines
 Sanctumque cujus sequuntur
 Exemplum mirificum,
 Unde et in cælis Patrem
 Magnificant Dominum.

Constans in Dei timore
Et fide immobilis
Super quæ ædificatur,
Ut Petrum Ecclesia
Cujusque apostolatam
A Deo sortitus est,
In cujus portæ adversum
Inferni non prævalent.

Dominus illum elegit
Ut doceret barbaras
Nationes, et piscaret
Per doctrinæ retia,
Et de sæculo credentes
Traheret ad gratiam
Dominum qui sequerentur
Sedem ad ætheream.

Electa Christi talenta
Vendit euangelica,
Quæ Hibernas inter gentes
Cum usuris exigit,
Navigiis hujus laboris
Tum operæ pretium
Cum Christo regni cœlestis
Possessurus gaudium.

Fidelis Dei minister,
Insignisque nuntius
Apostolicum exemplum,
Formamque præbet bonis,
Qui tam verbis quam et factis
Plebi prædicat Dei,
Ut quem dictis non convertit
Fructu provocet bono.

Gloriam habet cum Christo,
Honorem in sæculo
Qui ab omnibus, ut Dei
Veneratur angelus
Quem Deus misit ut Paulum
Ad gentes apostolum,
Ut hominibus ducatum
Præberet regno Dei.

Humilis Dei ob metum
Spiritu et corpore,
Super quem bonum ob actum
Requiescit Dominus,
Cujusque justa in carne
Christi portat stigmata,
t cujus sola sustentans
Gloriatur in cruce.

Impiger credentes pascit
Dapibus cœlestibus
Ne qui videntur cum Christo
In via deficiant,
Quibus erogat ut panes
Verba euangelica,
Et cujus multiplicantur
Ut manna in manibus.

Kastam qui custodit carnem
Ob amorem Domini,
Quam carnem templum paravit

Sanctoque Spiritui,
A quo constanter cum mundis
Possidetur actibus,
Quam et hostiam placentem
Vivam offert Domino.

Lumenque mundi accensum
Ingens euangelicum,
In candelabro levatum
Toto fulgens sæculo,
Civis regis munita
Supra montem posita,
Copia in qua est multa,
Quam Dominus possidet.

Maximus namque in regno
Cœlorum vocabitur,
Qui quod verbis docet sacris,
Factis adimplet bonis,
Bono præcedit exemplo,
Formamque fidelium
Mundoque in corde habet
Ad Deum fiduciam.

Nomen Dei audenter
Adnuntiat gentibus,
Quibus lavacris salutis
Æternam dat gratiam,
Pro quorum orat delictis
Ad Deum cotidie,
Pro quibus ut Deo dignas
Immolatque hostias.

Omnem pro divina lege
Mundi spernit gloriam,
Qui cuncta ad cujus mensam
Æstimat quisquilia,
Nec ingruenti movetur
Mundi hujus fulmine,
Sed in adversis lætatur,
Cum pro Christo patitur.

Pastor bonus et fidelis
Gregis euangelici,
Quem Deus Dei elegit
Custodire populum,
Suamque pascere plebem
Divinis dogmatibus.
Pro qua ad Christi exemplum
Suam tradit animam.

Quem pro meritis Salvator
Provexit pontificem,
Ut in cœlesti moneret
Clericos militia,
Cœlestem quibus annonam
Erogat cum vestibus,
Quod in divinis impletur,
Sacrisque affatibus.

Regis nuntius invitans
Credentes ad nuptias
Qui ornatur vestimento
Nuptiali indutus,
Qui cœleste haurit vinum
In vasis cœlestibus,

Propinansque Dei plebem
Spiritale poculum.

Sacrum invenit thesaurum
Sacro in volumine,
Salvatorisque in carne
Deitatem pervidet,
Quem thesaurum emit sanctis
Perfectisque meritis,
Israhel vocatur hujus
Anima videns Deum.

Testis Domini fidelis
In lege catholica,
Cujus verba sunt divinis
Candida oraculis,
Ne humanæ putent carnes
Æseque a vermibus,
Sed cœlesti alleantur
Saporem ad victimam.

Verus cultor et insignis
Agri euangelici,
Cujus semina videntur
Christi euangelia,
Quæ divino serit ore
In aures prudentium,
Quorum quoque corda ac mentes
Sancto arat Spiritu.

Christus illum sibi elegit
In terris vicarium,
Qui de gemino captivos
Liberat servitio,
Plerosque de servitute
Quos redemit hominum,
Innumeros de Zabuli
Absolvit dominio.

Hymnos cum Apocalypsi
Psalmosque cantat Dei,
Quosque ad ædificandum
Dei tractat populum,
Quam legem in Trinitate
Sacri credit nominis,
Tribusque personis unam
Docetque substantiam.

Zona Domini præcinctus
Diebus ac noctibus,
Sine intermissione
Deum orat Dominum,
Cujus ingentis laboris
Percepturus præmium
Cum apostolis regnabit
Sanctus super Israhel.

Patricius episcopus
Oret pro nobis omnibus,
Ut deleantur protinus
Peccata quæ commisimus.
Patricii laudes
Semper dicamus,
Ut nos cum illo
Semper vivamus.

*sancti Comgilli abbatis
nostri.*

amur justitiæ
troni fulgide
sancti nomine
is in opere.
i Flamine
troque lumine,
celsissimæ
nentes regmine,
as ad ætherea
habitacula,
s custodita,
ra in sæcula.
pantes ta erga
angelica
lei abdita
te florida
egis pagina,
i per viscera
justitia,
cta gaudia,
merita
ncordantia,
angelis.
vitam, justitiam,
tem floridam,
firmissimam,
adhibitam,
datum solidam
præstantissimam,
sæpe debitam
eno placitam
cognitam
fructiferam,
em Deus.
ptum mundialium
m, præsentium
firmissimum
levastantium
cogitaminum
a versantium
t per viscerum
gilantium
angelis.
in Dei legibus
ctionibus
nctis opibus,
er placentibus,
in moribus,
anus agius
ic et cæterus
a operibus
em Deus.
primordio,
in principio,
Verbum paterno
n sanctissimo
um altissimo
em lucido

Pignus præclaro animo
Constans opere placido.
Ab angelis.

Fulgebat alti fulgore
Solis vice in vertice
Rutilantis meridi
Fidei claritudine,
Confirmatus ex viscere
In Dei semper sidere
Confidens sanctimoniam
Præcipuo munimine.
Quem Deus.

Gaudium sancti Spiritus
Habebat in visceribus,
Regnum quod est sublimibus
Deo dignum et fortius.
Gladium quoque Spiritus
Levatum ad nequissimus
Quo prosterneret superbus
Tenens sanctis in manibus.
Ab angelis.

Humilis, sanctus, benignus
Probus in Dei legibus,
Humanus, justus, commodus,
Laudabilis in moribus,
Hilaris vultu, sobrius,
Caritatis in floribus,
Decoratus ordinibus,
Factus palam mortalibus
In Scripturis eruditus,
Inspiratus divinitus,
In sacramentis providus,
Canonicis affatibus
Testamenti præfulgidus,
Fervens spiritu, placidus
Deo carus, et piissimus.

Ab angelis.

Kalcavit mundum subdolum
Karitatis per studium
Kastitatis firmissimum,
Contempnens omne vitium,
Inserens agrum floridum,
Pectus adornans lucidum,
Divinum habitaculum
Trino nomine sancitum.
Quem Deus.

Lampadem sapientiæ
Constituit in pectore,
In thesauro sapientiæ
Condito Dei munere,
Inflammatum magnopere
Luce veræ justitiæ,
Exaltatus munimine
Legis, spiritus, literæ.

Ab angelis.

Magnum adprehendit bradium
Eterna vita condignum
Adeptus sanctum præmium
Post laborem firmissimum,
Cujus perfectum meritum

Vocamus in auxilium,
Ut mereamur omnium
Vitionum excidium.
Quem Deus.

Notus sanctorum cœtibus
Abbatem in ordinibus
Monachorum militibus
Anachoretarum sensibus
Synodum sanctis plebibus
Immo vir apostolicus
Clarus cunctis in sortibus,
Adauctus in sublimibus
Ab angelis.

O petram solidissimam
In fundamento positam,
O contemptorem omnium
Rerum nequam præsentium,
O ducem sanctum militum
Domino militantium
O tyronem fortissimum
Domino totum deditum.
Quem Deus.

Positus muri ferrei
Vice in luce populi
Dissipare, disperdere,
Cuncta mala destruere,
Ædificare, plantare
Bona tota in commune
More sancti Hieremiæ
Constituti in culmine.
Ab angelis.

Quis contempsit præsentia
Hujus ævi decidua?
Quis ascendit ad superna
Toto animo gaudia?
Quis volebat in æthera
Carne volare posita?
Qualiter iste talia
Adeptus sancta merita.
Quem Deus

Rexit sanctam Ecclesiam
Catholicam per regulam,
Retinens fidem solidam
Malam contra nequitiam,
Suam exercens animam
Sanctæ legis per paginam,
Cujus exopto gratiam
Mihi adornat animam.
Ab angelis.

Sapiens suos internos
Sanctos elevans oculos
Deducebat ad superos
Capite sancto intentos,
Parte sancta in dextera
Collocans sua viscera
Centurionis opera
Habens sancta per studia!
Quem Deus.

Tulit suam memoriam
Ad mansionem supernam

Caram Deo, et floridam
Suam exercens animam,
Contempnens terram subdolum,
Vanam omnem insaniam
Domans cum Abraham
Ad terram illam optimam.

Ab angelis.

Vitam æternam fulgida
Adeptus est sub corona,
Ubi adsumet præmia
Permansura in sæcula
Comitaturus agmina
Angelorum præcipua
Inquirens semper talia
Vigilans in Ecclesia.

Quem Deus.

Christum orabat Magistrum.
Summum ornans obsequium,
Christi gerens officium
Actum per apostolicum.
Hujus sequens vestigium
Ducens Deo exercitum
In sanctum habitaculum
Trinitatis lectissimum.

Ab angelis.

Hymnum Deo cum cantico
Immolabat Altissimo,
Diei noctis circulo
Orans sæpe cum triumpho,
Nunc cantavit sub numero
Canticum novum Domino
Junctus choro angelico
Summo sanctis in jubilo.

Quem Deus.

Zona cinctus justitiæ,
Castitatis eximiæ,
Mundo opertus sindone,
In signo castimonie,
Fœrnalia lucidæ
Habens toto ex viscere,
Cujus sancto pro opere
Reddetur mercis condigne.

Quem Deus ad ætherea

Conduxit habitacula,

Ab angelis custodita,

Permansura in sæcula.

Per merita et orationes sancti
Comgilli abbatis nostris omnes nos,
Domine, in tua pace custodi.

Item ad Secundam.

Exaudi nos, Domine, supplices tuos, qui in hac
hora prima diei referimus tibi gratias Domino Deo
nostro, qui nos redemisti tuo sancto sanguine, ut
preces ac petitiones nostras vice primitiarum tibi
oblatas pie clementerque suscipias. Qui regnas.

Ad horam Tertiam.

Tibi subnexis precibus Christo Domino supplica-
mus, qui in hora tertia diei Spiritum sanctum apo-
stolis orantibus emisisti, ejusdem gratiæ participatio-

Hymnum sancti Camelaci.

Audite bonum exemplum

Benedicti pauperis
Camelaci Cumiensis
Dei justī famuli.
Exemplum præbet in toto,
Fidelis in opere,
Gratias Deo agens,
Hylaris in omnibus,
Jejunus, et mansuetus;
Kastus hic servit Deo.
Lætatur in paupertate,
Mitis est in omnibus,
Noctibus, atque diebus
Orat Dominum suum,
Prudens, justus, ac fidelis,
Quem cognati diligunt.
Regem Deum aspexit,
Salvatoremq̃ue suum
Tribuit huic æternam
Vitam cum fidelibus.
Christus illum insinuavit
Patriarchæ Abraham.
In paradiso regnabit
Cum sancto Eleazaro.

Collectio ad Secundam.

Esto nobis protector in ista die,
Domine sancte Pater omnipotens
æterne Deus, et miserator, et mi-
sericors, et auxiliator, et dux no-
bis, et inluminator cordium nostro-
rum. Custodi, Domine, cogitatio-
nes, sermones, opera, ut possimus
placere in conspectu tuo, Domi-
ne, et perficere voluntatem tuam,
et ambulare in via recta toto no-
stræ vitæ tempore.

Item alia ad Secundam.

Te oramus, Altissime,
Exorto solis lumine,
Christo oriens nomine,
Adesto nobis, Domine,
Qui regnas in sæcula.

Ad Tertiam.

Christi per horam tertiam
Deprecamur clementiam,
Uti nobis perpetuam
Suam tribuat gratiam,
Qui regnas.

Ad Sextam.

Tuis parce supplicibus
Sexta hora orantibus,
Qua fuisti pro omnibus,
Christe, in cruce positus.
Qui regnas.

Ad nonam.

Exaudi preces omnium
Nona hora orantium,
In qua, Christe, Cornelium
Visitasti per angelum.
Qui regnas.

Ad Vesperas.

Vespertino sub tempore
Te invocamus, Domine,
Nostris precibus annue,
Nostris peccatis ignosce.

In hora dimidii noctis.

Noctis tempus exegimus,
Christe, in tuis laudibus,
Miserearis omnibus
Te ex corde precantibus.
Qui regnas.

Ad Nocturnum.

Jesu clementer visita
Nocte orantes media,
Qua divina potentia
Petri solvisti vincula.
Qui regnas.

Ad Matutinum.

Deus, subveni omnibus
Te ter sanctum laudantibus
Unumque confitentibus
Sacris hymnorum cantibus.
Qui regnas.

Item ad Matutinum.

Gallorum Christe cantibus
Te deprecor sonantibus
Petri ob quondam fletibus
Nostris intende precibus.
Qui regnas.

Item alia ad Matutinum.

Deus, qui pulsas tenebris
Diei lucem tribuis,
Adventum veri luminis
Tuis effunde famulis.

nem nobis poscentibus jubeas concedi. Qui regnas -

Ad horam Sextam.

Omnipotens æterne Deus, qui nobis magnalia fe-
cisti, sexta hora sanctam Crucem ascendisti, et ten-
bras mundi inluminasti, sic et corda nostra inlum-
nare digneris. Qui regnas.

Ad horam Nonam.

Nona agitur diei hora. Ad te, Domine, directa su-
plicatione, qua cultoribus tuis divina monstrantur

nostra quoque eorum imitatione corda in- A
Qui regnas.

Ad Vespertinam.

tina oratio nostra ascendat ad aures divinæ
is tuæ, et descendat benedictio tua, Domine,
s, quemadmodum speravimus in te. Qui

Ad initium Noctis.

qui inextricabiles tenebras inluminas noc-
isitatē, caliginis inlustras, corda nostra in
indatorum tuorum, te oramus, Domine, cu-
qui regnas.

Ad initium noctis.

is nunc diei temporibus, nocturnisque spa-
rvenientibus, Dei misericordiam deprece-
suppleti divinis sensibus, tenebrarum ope- B
iuntiare possimus. Qui regnas.

Ad pacem celebrandam.

egimus. Redemisti nos, Domine, Deus ve-
tuo sancto sanguine, nunc adiuva nos in
Jesu Christe, qui regnas.

alta diligentibus, pax tua, Domine, rex cœ-
rmaneat semper in visceribus nostris, ut
amus a timore nocturno. Qui regnas.

Incipit Symbolum.

in Deum Patrem omnipotentem invisibilem,
creaturarum visibilibus, et invisibilibus con-

et in Jesum Christum Filium ejus unicum
a nostrum, Deum omnipotentem, concep-
pitu Sancto, natum de Maria virgine, pas- C
Pontio Pylato, qui crucifixus, et sepultus
ad inferos, tertia die resurrexit a mortuis,
in cœlis, seditque ad dexteram Dei Patris
ntis exinde venturum judicare vivos, ac

et in Spiritum sanctum Deum omnipoten-
n habentem substantiam cum Patre et Filio,
esse Ecclesiam catholicam, abremissa pec-
sanctorum communionem, carnis resurrec-
Credo vitam post mortem, et vitam æternam
Christi. Hæc omnia credo in Deum. Amen.

Oratio Dominica.

oster, etc.

Ad Nocturnum.

ram mediæ noctis tunc gavisi sunt angeli D
tate Domini nostri Jesu Christi. Ita et nos
bemus in tua sancta pace omnipotens Deus,
etc.

Ad Matutinum.

Domine, inluminator caliginum, conditor-
entorum, remissor criminum; misericordia
ine, magna est super eos qui te toto corde
t. Majestas tua, Domine, mane nos exaudiat,
delicta nostra, quæ tibi non sunt abdita.
as, etc.

Item ad Matutinum.

pes et salus. Tu es vita et virtus. Tu es ad-
ribulationibus. Tu es defensor animarum
n, Deus Israel in omnibus. Qui regnas, etc.

Oratio communis fratrum.

Ne memineris iniquitatum nostrarum antiquarum.
Cito anticipent nos misericordiæ tuæ, quia paupe-
res facti sumus nimis. Adjuva nos Deus salutaris nos-
ter; propter gloriam nominis tui, Domine, libera
nos; et propitius esto peccatis nostris propter nomen
tuum. Ne tradas bestiis animam confitentem tibi.
Animas pauperum tuorum ne obliviscaris in finem.
Respice in testamentum, Domine. Deus, in adjutorium
meum intende; Domine, ad adjuvandum me festina.
Festina, Domine, liberare nos ex omnibus peccatis
nostris.

Pro baptizatis.

Salvum fac populum tuum, Domine, et benedic
hæreditati tuæ, et rege eos, et extolle, Domine, illos
usque in sæculum. Miserere Ecclesiæ tuæ Catholicæ,
quam in tuo sanguine redemisti. Qui regnas.

Exurge, Domine, in requiem tuam. Tu es arca
sanctificationis tuæ. Sacerdotes tui induantur justi-
tiam, et sancti tui, etc. Qui, etc.

Lætentur in te, Domine, omnes sancti tui, qui spe-
rant in te in omni veritate,

Pro abbate.

Dominus conservet eum, et vivificet eum, et bea-
tum faciat eum in terra. Dominus custodit te ab
omni malo, custodiat animam tuam Dominus. Domi-
nus custodiat introitum tuum ex hoc nunc et usque
in sæculum.

Custodi nos, Domine, ut pupillam oculi, sub um-
bra alarum tuarum protege nos.

Protegere et sanctificare digneris omnibus omni-
potens. Qui regnas, etc.

Pro fraternitate.

Tu, Domine, servabis nos, et custodies nos a gene-
ratione hac in æternum.

Exaudi orationes nostras pro fratribus nostris, ut
illis Deus miserearis.

Pro pace populorum, et regum.

Dominus virtutem populo suo dabit. Dominus be-
nedicet populo suo in pace.

Pacem præstare digneris omnibus, omnipotens
Deus. Qui regnas, etc.

In blasphemantibus.

Domine, misericordia tua in sæculum, opera ma-
nuum tuarum ne despicias.

Domine Deus virtutum, ne statuas illis hoc in pec-
catum.

Pro impiis.

Judica illos, Deus, decedant a cogitationibus suis;
usque inritaverunt te, Domine.

Confundantur illi, qui confidunt in se, et non nos,
Domine, qui confidimus in te.

Pro iter facientibus.

O Domine, salvum fac, o Domine, bene prosperare,
Prosperitatem itineris præsta famulis tuis. Qui, etc.

Confiteantur tibi, Domine, omnia opera tua, et
sancti tui confiteantur tibi.

Tibi gratias agunt animæ nostræ pro innumeris
beneficiis tuis. Qui regnas, etc.

Pro eleemosynariis.

Dispersit, dedit pauperibus. Justitia ejus manet in sæculum sæculi, cornu ejus exaltabitur in gloria.

Eleemosynas facientibus in hoc mundo retribue, Domine, in regno tuo sancto.

Pro infirmis.

Exclamaverunt ad Dominum, cum tribularentur, et de necessitatibus eorum liberabit eos.

Tribue, Domine, tuis famulis sanitatem mentis, et corporis.

Exurge, Domine, adjuva nos, et redime nos propter nomen tuum.

Adjutorium nostrum in nomine Domini.

Salvare nos digneris per invocationem sancti tui nominis. Qui regnas, etc.

Deus, qui sanctis martyribus et electis tuis coronam martyrii præstitisti, te oramus, Domine, ut eorum meritis obtineamus veniam, qui tantam gloriam non meremur. Qui regnas, etc.

Ad te, Domine, clamabo. Deus meus ne sileas a me.

Dominus virtutum nobiscum, susceptor noster Deus Jacob.

Adjutor noster Deus Jacob miserere nobis, Domine. Qui regnas, etc.

Ad collectas.

Sanctus in sanctis, Agnus immaculatus, gloriosus in cœlis, mirabilis in terris, præsta nobis, Domine, secundum magnam misericordiam tuam, Deus, quæ te petimus et oramus. Qui regnas.

Ad martyres.

Æternum virtutis tuæ nomen omnipotens Deus oramus, uti nos martyrum et omnium sanctorum tuorum meritis socios fide pares, devotione strenuos, passione consimiles in resurrectione feliciam facias cœquari. Qui regnas, etc.

Miserere mei, Deus, secundum magnam, etc.

Tribue, Domine, petentibus te ex fide secundum magnam misericordiam tuam, Deus, qui regnas, etc.

Ad Nocturnum.

Media nocte clamore facto, ut nos inveniamur parati sponso, qui regnas, etc.

Ad Matutinum.

Deus Deus noster, ad te de luce vigilare debemus, et tu excita de gravi somno, et libera de sopore animas nostras, et in cubilibus nostris compungamur, ut tui esse memores mereamur. Qui regnas, etc.

Tu es spes et salus. Tu es vita et virtus. Tu es adjutor in tribulationibus. Tu es defensor animarum nostrarum, Deus Israhel, in omnibus. Qui regnas, etc.

Ad Matutinum.

O qui in altis habitas, et humilia respicis in cælo et in terra, in mari et in omnibus abyssis, de profundo cordis te deprecamur, ut firmes manus nostras ad prælium, et digitos nostros ad bellum, quo possumus in matutino interficere omnes peccatores terræ nostræ ac nos indefice mereamur et templum sanctum tuum Christe. Qui regnas, etc.

A

Ad martyres.

Deus, qui sanctos tuos cum mensura approbas, et sine mensura glorificas, cujus præcepta finem habent, et præmia terminum non habent, exaudi per illorum merita preces nostras, et tribue ut eorum patrocinia adjuvent nos ad fidei profectum, ad bonorum operum fructum, ad prosperitatis bonum, ad salubritatis commodum, ad religionis cultum, ad divini timoris augmentum per Dominum nostrum Jesum Christum Filium tuum, qui est Rex regum, et Dominus dominantium, et gloria futurorum, regnans, et permanens una cum æterno Spiritu sancto in sæcula sæculorum.

Collectio post canticum.

Deus, qui exeunti ex Ægypto populo tuo maria divisisti, et suspensis utrinque marginibus in specie muri erigi fluente jussisti, animas quoque nostras a diluvio peccatorum liberare digneris, ut transire vitiorum gurgitem valeamus hoste contempto, Salvator mundi, qui cum æterno Patre vivis, dominaris ac regnas cum Spiritu sancto in sæcula sæculorum.

Collectio post benedictionem puerorum.

Exaudi preces nostras, omnipotens Deus, et præsta ut sicut in decantato hymno beata puerorum instituta sectamur, ita tuo munere peccatorum laqueis absoluti æterni ignis non ambiamur incendiis Salvator mundi, qui cum Patre vivis, etc.

Collectio post tres psalmos.

Te, Domine, de cœlis laudamus, tibi ut canticum novum cantare mereamur. Te Dominum in sanctis tuis venerabiliter deprecamur, ut omnia nostra vota suscipias, peccata dimittas, Salvator mundi. Qui regnas, etc.

Collectio post Euangelium.

Exultantes gaudio pro reddita nobis hujus diei luce omnipotenti Deo laudes gratiasque referamus, ipsius misericordiam obsecrantes, ut diem dominicæ Resurrectionis nobis solemniter celebrantibus, pacem et tranquillitatem, lætitiā præstare dignetur, ut a vigilia matutina usque ad noctem clementiæ suæ favore protecti, exultantes lætitiā perpetua gaudeamus per Dominum nostrum Jesum Christum. etc.

Super hymnum.

Sancte Domine, inluminatio, et salus vera credentibus, Resurrectio Dominicæ claritatis, inlumina cor nostrum, ut trinitatis scientia, et unitatis cognitione, filii lucis, et membra Christi, ac templum sancti Spiritus esse mereamur, qui regnas in sæcula sæculorum.

De martyribus.

Hi sunt, Domine, qui, felici cruore perfusi, dum blandientem mundi hujus inlecebram gloriosa passionem despiciunt, mortem morte vicerunt, considerantesque tenebras hujus lucis certo termino, ac finem ruituras, sumpserunt de pœna vitam, et de morte victoriam. Rogamus te, Christe, ut eorum precibus adjuvari mereamur, quorum consortes esse non possumus per te, Christe, qui cum Patre vivis, dominaris, et regnas.

Super Cantemus Domino gloriam.

Deus, qui cotidie populum tuum jugo Ægyptiæ servitutis absolvis, et per fluentia spiritualis lavacri in terram repromissionis devicto hoste transducis. Da nobis de vitiorum impugnatione victoriam, et devictis tenebris nostris deducas hæreditatem in Sanctuario, quod præparaverunt manus tuæ, Salvator mundi, qui cum æterno, etc.

Super benedictionem trium puerorum.

Sancte Domine, et gloriose mirabilium virtutum effector, qui tribus pueris inter supplicia constitutis adsis, cui factum facile est ignium temperare naturam, et vim quodammodo exstantium coercere flammarum, ut inter incendia frigida hymnum tibi canentes cum magna victoria exultarent, eandem nunc, Domine, ad liberandos, ac protegendos nos dona virtutem, Salvator mundi.

Super Laudate Dominum de cœlis.

Quem cuncta canite elementa Dominum laudent. Cujus confessio sacra eadem in cœlo, et terra, et pignora Sion novum tonanti dicite hymnum, facturi iudicium nefandis in fine conscriptum, perstrepite diversis spiritales melodiæ modis, ut Christum conlaudent spiritus per sæcla omnes, qui cum Patre vivit.

Super canticum.

Deus qui impiam Ægyptum dienniis corruptionibus multas, et diviso mare planum iter populo præstas, preces exaudi, quæsumus, nostras, et nos nostris taliter hostibus salva, Salvator mundi. Qui regnas, etc.

Post benedictionem trium puerorum.

Deus, qui pueris fide ferventibus fornacis flammam frigidam facis, et tribus invictis morte devicta quartus adsis, precamur nobis æstibus carnis talem virtutem præstes adustis per te, Jesu Christe, qui regnas, etc.

Post Laudate Dominum de cœlis.

Deus noster, Deus omnium animarum, te adoramus, ut in hac vigilia solemnitatis ad missa pervenire præstes, quo usque tenebræ iniquitatis nostræ convertantur in lumine, sicut sol in meridie splendet, Salvator mundi, qui regnas, etc.

Post Evangelium.

Dominicam, nostræ Resurrectionis initium, venerantes, Trinitati Deo nostro debitas laudes, et grates unito referamus affectu, obsecrantes misericordiam ejus, ut nobis Domini et Salvatoris nostri beatæ Resurrectionis participium tam in spiritu quam etiam in corpore concedat, qui cum Patre vivit, etc.

Post hymnum.

Respice, Domine, ad preces nostras, qui infirmitates visitasti humanas, et tuam nobis sanctificationem largire, et immortalitatem, Christe, qui regnas, etc.

Item post canticum.

Summerso in mari Pharaone liberatur Israel. Nos quoque per baptismi gratiam et crucis triumphum ab omni malo quæsumus liberari per te, Christe, etc.

A

Item post Benedicite.

Deus, qui tres pueros de fornace eripuisti, sic nos eripias de suppliciis inferni, qui regnas in sæcula.

Post Laudate Dominum de cœlis.

Te laudamus, Domine, cum sanctis tuis, ut preces nostras suscipere digneris, qui regnas, etc.

Post Evangelium.

Resurgentem in hoc diluculo Dominum deprecamur, ut et nos in vitam æternam resurgamus per omnia sæcula sæculorum.

Post hymnum.

Resurrectionem tuam, Christe, veneramur, per quam in æternum salvari mereamur per omnia sæcula.

B Christe Deus, qui in salutem populi tui Israel adjutor et protector fuisti, quem per siccum mare ab Ægypto duxisti, salva nos hoc modo ab jugo peccati. Qui regnas in sæcula.

Post hymnum trium puerorum.

Te enim, omnipotens Deus, benedicimus jure, qui tres pueros liberasti ab igne, nos quoque de supplicio mortis æternæ propter misericordiam tuam eripe, qui regnas, etc.

Post Laudate Dominum de cœlis.

Deus altissime Rex, angelorum Deus, laus omnium elementorum, Deus gloriæ, et exultatio sanctorum, custodi animas servorum tuorum, qui regnas in sæcula.

Post Evangelium.

C Canticis spiritalibus delectatim nos, Christe, consonantes canimus tibi, quibus tua Majestas possit placari, oblata laudis hostia spiritali, qui tecum vivit, etc.

Item post Evangelium.

Diluculo lucis Auctore resurgente, exultemus in Domino, devicta morte, quo peccata possimus semper obire, vitæque ambulemus in novitate, qui tecum vivit, etc.

Post hymnum.

Lux orta est in luce prima, exordio dierum antiquo facta, Unigenitus tuus, Domine, qui nostra abluere venit per crucem peccata, qui tecum vivit, etc.

De martyribus.

Triumphalium memores martyrum tuorum, qui pro te toleravere vexilla passionum, precamur, ut per sancta merita ipsorum nostrorum veniam mereamur peccatorum. Qui regnas, etc.

Post Cantemus.

Plebs Israel in figuram nostri liberatur in transitu maris. Nos ergo per gratiam baptismi libera tu ab exitiis mundi. Qui regnas, etc.

Post Benedicite.

Ut tres pueros in flamma salvasti descensu in fornacem cœlestis nuntii, sic nos per Angelum magni consilii liberare digneris ab igne inferni. Qui regnas.

Post Laudate Dominum de cœlis.

Deus, quem exercitus canit cœlorum, quemque Ecclesia laudat sanctorum, quem hymnizat spiritus

universorum, miserere, obsecro, omnium nostro-
rum, qui regnas, etc.

Super Cantemus.

Cantemus tibi, Domine exercituum Christe, orantes, ut quemadmodum exemisti dilectum populum tuum captivitatis acerrimæ jugo, iter demonstrante eis nubes columpna per diem, eadem ignis quoque per noctem. Finditur ergo mare dextera, lævaque in abruptum; digestis aggeribus stupens unda solidatur; tuus populus navigat plantis. Mira res! iter ejus nec eques potest sequi, nec ratis. Maria tympanum quatit, hymnus iste canitur, grex peculius tuetur. Ita et nos ab insectatione veteris inimici, et ab omni periculo mundi liberare digneris, Salvator mundi, qui cum æterno Patre vivis, dominaris ac regnas una cum æterno Spiritu sancto in sæcula sæculorum.

Super benedictionem trium puerorum.

Tres Hebrei venerabiles numero, sacramento muniti, ætate teneri, sed fidei soliditate robusti, amore divinæ religionis Regis adorare imaginem contempserunt, utpote qui ipsum contempserant Regem, qui ira sufflatus solito septies amplius caminum jussit incendi, ac pice et stupa armatum citari incendium æstuantibus globis. Erubescit quoque ipsum alienis ignibus cælum. Illo præcipitantur insontes, ibidemque te, propter quem præcipitantur, inveniunt, Christe. Taliter et nos ex tyranni intellectualis furore, et ab ingenito igni digneris liberare, Salvator mundi, qui cum æterno Patre vivis, etc.

Versiculi familiæ Benchuir.

Benchuir bona regula,
Recta, atque divina;
Stricta, sancta, sedula,
Summa justa, ac mira.

Munther Benchuir beata
Fide fundata certa,
Spe salutis ornata,
Caritate perfecta.

Navis numquam turbata,
Quamvis fluctibus tonsa,
Nuptiis quaque parata
Regi Domino sponsa.
Domus deliciis plena.

Super petram constructa,
Nec non vinea vera
Ex Ægypto transducta,
Certe civitas firma,
Fortis, atque munita,
Gloriosa, ac digna,
Supra montem posita.
Arca cherubin tecta,
Omni parte aurata,
Sacrosanctis referta,
Viris quatuor portata.
Christo regina apta
Solis luce amicta
Simplex, simulque docta,

Undecumque invicta,
Vere regalis aula,
Variis gemmis ornata,
Gregisque Christi caula,
Patre summo servata,
Virgo valde fecunda,
Hæc et mater intacta,
Læta, ac tremebunda,
Verbo Dei subacta.
Cui vita beata
Cum perfectis futura,
Deo Patre parata,
Sine fide mansura.
Benchuir bona regula.

Collectio super hominem qui habet diabolum.

Domine sancte Pater omnipotens æterne Deus, expelle diabolum, et gentilitatem ab homine isto de capite, de capillis, de cerebro, etc.

Oratio de Martyribus.

Deus, qui martyribus tuis largitus es regnum, nobis autem peccatoribus veniam præstare digneris. Hi coronam suam passione per fidem meruerunt; nos vero pro iniquitatibus et prævaricationibus nostris remissionem a te et misericordiam postulamus, per te, Jesu Christe.

Incipit antiphona in Natale Domini super Domine refugium, ad Secundam.

Ab hodierno die nox minuitur, dies crescit, concutuntur tenebræ, lumen augetur, et in lucro lucis nocturnæ dispendia transferentur.

Post Laudate Dominum de cœlis.

Laudent te, Domine, angeli, virtutes, sydera, potestates, et quæ ortum suum tibi debent officio tuæ laudationis exultent, ut per universitatis armoniam tibimet concinnentem fiat, ut in cœlo, ita et in terra voluntas tua. Sit tibi, precamur, Domine, beneplacitum in populo tuo, ut per exaltationes tuas in ejus faucibus collocatas, maneat in singulis et verbi tui armatura, qua doceas, et vitæ nostræ veritas, qua semper aspicias, et salus, qua mansuetos exaltes, quia secundum multitudinem magnitudinis tuæ te laudamus, Domine, gratia laudationis ostensæ, immolatione per psalterium, mortificatione per tympanum, congregatione per chorum, exultatione per organum, jubilatione per cymbalum, ut semper misericordiam tuam habere mereamur, Christe Salvator mundi, qui cum æterno Patre vivis, etc.

Super Cantemus Domino.

Domine, qui Cinchrim fugientes tueris bis senas per invisa tribus æmulum itinera, prius fluctibus in binis montium utrimque redactis celsorum, ceu jugis abrupte arentibus talis æquore murum quasi et de petra lymphas producens; mergatur ergo ut olim piorum supplicium hostis æterni, quæsumus, statores currum, quod est cujus affatus, actusque cum cogitatu celeri nequam sit Pharaoni Rex Israhel verum, quæ unda salvat, ut Christo carmina canat, per sæcla, qui cum Patre vivit.

Incipiunt antiphonæ super Cantemus et Benedicite.

Educti ex Ægypto Patres nostri et pertransierunt pedibus Rubrum mare, dixeruntque laudem Domino nostro.

Tres pueri in camino missi sunt, et non timuerunt flammam ignis, dixeruntque laudem Domino nostro.

Filii Hebræorum penetraverunt, Israhelitæ plebes transierunt per siccum mare, laudemque dixerunt.

Tres pueri te orabant de medio ignis, ad te clamabant ex una voce, hymnumque dicebant.

Gloriosus in Sanctis, mirabilis in majestatibus, faciens prodigia.

Benedicamus Deum Patrem et Filium, et Spiritum sanctum Dominum.

Dextram, lævamque Moyses aspexit viam regalem—

polum [*forte populum*] eduxit, ad littus maris usque A
perduxit.

Fornacis flammæ pueri contempserunt, Christo
jugiter immolaverunt, viam iniquam dereliquerunt.

Super Laudate Dominum de cœlis.

De cœlis Dominum laudate, psalterium jocundum
immolate, laudate eum in sono tubæ.

Pharao demersus est in Rubrum mare. Moyses
pertransit in sicco pede maria, dixit Deo cantate.

De martyribus.

Post ignes et laminas, cruces, atque bestias sancti
cum magno triumpho vehuntur in regno et in re-
frigerio.

In invocatione sanctorum Martyrum miserere,
Deus supplicum tuorum.

Super Domine refugium, in *Dominicorum die.* B

Convertere, Domine, usquequo, et deprecabilis es-
t super servos tuos.

Item alia.

Respice in servos tuos et in opera tua, Domine.

Item alia.

Repleti sumus mane misericordia tua.

Alia cotidiana.

Sit splendor Domini Dei nostri super nos.

Memoria abbatum nostrorum.

Sancta sanctorum opera
Patrum, fratres, fortissima
Benchorensi in optima
Fundatorum Ecclesia,
Abbatum eminentia
Numerum, tempora, nomina.
Sine fine fulgentia,
Audite magna merita,
Quos convocavit Dominus
Cœlorum regni sedibus.

Amavit Christus Comgillum
Bene et ipse Dominum,
Carum habuit Beognoum,
Domnum ornavit Ædeum.
Elegit sanctum Simlanum

Famosum mundi magistrum,
Quos.

Gratum fecit Fintenatum,
Heredem, alium, inclytum,
Illustravit Machlaisreum,
Kaput abbatum omnium,
Lampade sacra Seganum
Magnum Scripturæ medicum.
Quos.

Notus vir erat Beracnus,
Ornatus et Cumnenus,
Pastor Columba congruus,
Querela absque Aidanus,
Rector bonus Bautherius,
Summus antistes Cronanus.
Quos.

Ad communicare.

Corpus Domini accepimus, et sanguine ejus potati
sumus, ab omni malo non timebimus, quia Dominus
nobiscum est.

Item alia.

In labiis meis meditabor hymnum, alleluja; cum
docueris me, ego justitias respondebo: Alleluja.

Item alia.

Gustate et videte, alleluja, quam suavis est Domi-
nus, alleluja.

Alia.

Hoc sacrum corpus Domini et salvatoris sangui-
nem sumite vobis in vitam perennem. Alleluja.

Item alia.

Quam dulcia faucibus meis eloquia tua, Domine.

Item alia.

Hic est panis vivus, qui de cœlo descendit. Alle-
luja. Qui manducat ex eo, vivet in æternum. Alle-
luja.

Item alia.

Refecti Christi corpore et sanguine, tibi semper,
Domine, dicamus: Alleluja.

Ad Vesperum et ad Matutinam.

Gloria in Excelsis Deo, et in terra pax, etc.

Tantis successit Camanus
Vir admirabilis omnibus.

Christo nunc sedet supremus,
Hymnos canens quindecimus,
Zoen ut carpat Cronanus,
Conservet eum Dominus.
Quos.

Horum sanctorum merita
Abbatum fidelissima
Erga Comgillum congrua
Invocamus altissima,
Uti possimus omnia
Nostra delere crimina
Per Jesum Christum æterna
Regnantem in sæcula.

ORIGO

CANTUUM ET CURSUUM ECCLESIASTICORUM,

EX CODICE VETUSTISSIMO.

(*Spelman. Concil. Anglic. tom. I.*)

Si sedulo inspiciamus cursus auctores, in exor-
dium reperimus decantatum fuisse, non sicut aliqui
imperiti fuisse, vel varie objectiones pertulerunt,
adhuc multi conantur fore.

Beatus Trosimus episcopus Arelatensis, et sanctus
Photinus martyr et episcopus Lugdunensis discipu-
lus sancti Petri apostoli, sicut et refert Josephus et
Eusebius Cæsariensis episcopus, cursum Romanum
in Gallia tradiderunt

Inde postea relatione beati Photini martyris, cum
quadraginta et octo martyribus, retrusi ergastulum,
relatione ad beatum Clementem IV loci successoris
Petri apostoli deportaverunt, et beatum Inerenium
episcopum beatus Clemens ordinavit. Hoc in libro
sancti ipsius Inerenii episcopi et martyris reperies.
Edoctus a beato Polycarpo Hismerniorum episcopum
et martyrem, qui fuit discipulus Johannis apostoli,

sicut refert historiograffus Josephus et Hiereneus A dra summi honoris, pro reverentia sanctitatis eorum episcopi in suo libro.

Johannes evangelista primum cursum Gallorum decantavit; inde postea Polycarpus discipulus sancti Johannis; inde postea Hiereneus qui fuit episcopus Lugdunensis Gallei. Tertius ipse ipsum cursum decantavit in Galleis.

Inde modulationibus, series Scripturarum Novi ac Veteris Testamenti, diversorum prudentium virorum paginis, non ne propriis, sed de sacris Scripturis reciperent [receperunt] antiphonias et responsoria, seu sonus, et *Alleluias* composuerunt, et per universum orbem terrarum, ordo cursus est. Non sicut multi opinantur, ut Gallicanus quidam clericus Britto modulatione deditus quod ipsum edidisset, quod non facit quod beatus Hieronymus presbyter, Germanus et Lupus episcopi, Pelagianam hæresim, vel Gallianam (quæ nomen ipsius titulatur) ex Britannii et Scottiis provinciis expulerunt, unde alium cursum qui dicitur præsentem tempore Scottorum, que sa opinione jactatur,

Sed beatus Marcus evangelista, sicut refert Josephus et Eusebius in libro iv, totam Ægyptum vel Italiam taliter prædicaverunt, sicut unum Ecclesiam, ut omnis sanctus, vel *Gloria in excelsis Deo*, vel oratione Dominica, et *Amen* universi tam viri quam feminae decantarent. Tanta fuit sua prædicatio unita, et postea Evangelium ex ore Petri apostoli edidit.

Beatus Hieronymus adfirmat ipsum cursum qui dicitur præsentem tempore Scottorum, beatus Marcus decantavit, et post ipsum Gregorius Nanzenzenus, quem Hieronymus suum magistrum esse adfirmat. Et beatus Basilius frater ipsius sancti Gregorii, Antonius, Paulus, Macharius, vel Johannes et Malchus secundum ordinem Patrum decantaverunt.

Inde postea beatissimus Cassianus, qui Livorense monasterio beatum Honorium habuit comparem. Et post ipsum beatus Honoratus primus abbas et sanctus Cæsarius episcopus qui fuit in Arelata et beatus Porcarius abbas qui in ipso monasterio fuit, ipsum cursum decantaverunt, qui beatum Lopum et beatum Germanum monachos in eorum monasterio habuerunt. Et ipsi sub normam reguli ipsum cursum ibidem decantaverunt, et postea in episcopatus cathe-

Et postea in Britannii vel Scottiis prædicaverunt, quæ Vita Germani episcopi Antisiodorensis, et Vita beati Lupi adfirmat, qui beatum Patricium spiritualiter litteras sacras docuerunt atque enutrierunt, et ipsum episcopum pro eorum prædicatione archiepiscopum in Scottiis et Britannii posuerunt, qui vixit annos centum quinquaginta tres, et ipsum cursum ibidem decantavit.

Et post ipsum beatus Wandilochus senex, et beatus Gomogillus, qui habuerunt in eorum monasterio monachos circiter tria milia.

Inde beatus Wandilochus in prædicationis ministerium abbato Gomogillo missus est; et beatus Columbanus partibus Galliarum destinati sunt Luxogillum monasterium, et ibidem ipsum cursum decantaverunt.

Et inde postea percubuit formam sanctitatis eorum per universum orbem terrarum, et multa cœnobea ex eorum doctrina tam virorum quam puellarum sunt congregata.

Et postea inde sumpsit exordium sub beato Columbano, quod ante beatus Marcus evangelista decantavit, et si nos non creditis, inquire in Vita beati Columbani et beati Eastasi abbatis, plenius invenietis, et dicta beati Attheleti abbatis Ebovensis.

Est alius cursus orientalis a sancto Cromatio et Eliodoro et beato Paulino, seu et Athanasio episcopo editus, que in Gallorum consuetudinem non habetur, quæ sanctus Macharius decantavit, hoc est, per duodecim, hoc est, unaquæque hora.

Est et alius cursus quem refert beatus Augustinus episcopus, quod beatus Ambrosius propter hæreticorum ordinem dissimilem composuit, quem in Italia antea decantabatur.

Est et alius cursus beati Benedicti, qui ipsum singulariter paucis discordante a cursu Romano quem in sua regula repperis scriptum: sed tamen beatus Gregorius urbis Romæ pontifex, quasi privilegium monachis ipsum sua autoritate in Vita sancti Benedicti in libro Dialogorum adfirmavit, ubi dixit non aliter sanctus vir docere, nisi sicut ipse beatus Benedictus vixit.

ANTIQUUM MARTYROLOGIUM GALLICANUM

EX MS. ILLUSTRISSIMI DOMINI CHAUVELIN, REGIORUM SIGILLORUM CUSTODIS.

(Marten. ampliss. coll. tom. VI.)

INCIPIIT MARTYROLOGIUM.

JANUARIUS.

Januarius habet dies xxxi, luna xxx.
Kalendas Januarii, Circumcisio Domini nostri Jesu Christi secundum carnem.
In, Oriente, Stephani. Nicomedia, Euphrosini episcopi, Primiani.
IV Nonas Jan., Antiochia, Syridoni episcopi, Firmi,

D Macharii abbatis. Hæc in Æthiopia, Rutuli, Claudæ, Aurigo, Vetali, Vertiæ, Stephani.

III Nonas Jan., Cyrici, Primi. Parisii civitate, Depositi sanctæ Genovefæ virginis.

Vienna civitate, beati Florenti episcopi.

Pridie Nonas Jan., in Africa, Aquilini, Gemini

- Quinti. In oriente, Bononia, Ermentis, Aggei et Gagi.
- Nonas Jan., Hierosolyma, Depositio Simeonis prophetae.
- VIII Idus Januar., Epiphania Domini nostri Jesu Christi, Petri et Marci. Civitate Redonis, nativitas et ordinatio episcopatus et depositio sancti Melanii episcopi ibidem celebris.
- VII Idus Jan., Nicomedia, Luciani presbyteri, Felicis, Januarii, Poliarci, Filoronis.
- VI Idus Jan., in Græcia, Timothei, Jocundi. Augustoduno civitate, Depositio Egimoni episcopi, Petri, Luci.
- V Idus Jan., in Africa Epictati, Jocundi, Quinti, Secundi, Saturnini, Felicis, Fortunati, Vitalis, Martialis.
- IV Idus Jan., Depositio Melchiadis episcopi. In Africa, Revocati, Firmi, Saturi.
- III Idus Jan., in Alexandria, Petri, Siveris, Eliuci.
- Pridie Idus Jan., in Achaia, Cyriaci, Moscenei, Saturi.
- Idus Jan., Romæ, Secundæ, Zoronæ et militum XII. Pictavis, Depositio sancti Hilarii confessoris.
- XIX Kal. Februarii, Nola Campanias, Passio sancti Felicis, Pauli, Succisi, Victorini.
- XVIII Kal. Febr., Antiochia, Depositio Abbauc prophetae. Remis civitate, Depositio sancti Remegii, episcopi et confessoris.
- XVII Kalendas Februarii, Romæ, Depositio sancti Marcelli episcopi et confessoris. Arelate, Depositio sancti Honorati episcopi.
- XVI Kal. Febr., in Thebaide, Depositio sancti Antonii monachi. Bituricas civitate, sancti Sulpicii episcopi. Linguinis, Passio sanctorum Geminorum Speusippi, Leonellæ, Junellæ, Neonis; et Deasci civitate, Depositio Marcelli episcopi.
- XV Kal. Febr., Romæ, Dedicatio cathedræ sancti Petri apostoli, qui primo Romæ sedit. Romæ, sancti Prisci, Tyrsi et Gallinici. Turonis, monasterio Majori, Depositio sancti Leobardi confessoris.
- XIII Kal. Febr., Romæ, sancti Sebastiani et Fabiani martyrum. Lugduno, Clementis presbyteri.
- XII Kal. Febr., Romæ, sanctæ Agnetis virginis. Arvernensis, Depositio sancti Aviti episcopi, Projecti, Amerini, Saturnini.
- XI Kal. Febr., in Spaniis, Valerii episcopi et Vincenti diaconi et martyrum xviii, cum sociis eorum.
- X Kal. Febr., in Mauritania, Passio Severiani et Aquilæ et uxoris ejus, Eugeni et Machari, Donati.
- IX Kal. Febr., Antiochia, Passio sancti Babyllæ, cum tribus. Par., et aliorum. Eugeni, Felicissimi, Saturnini.
- VIII Kal. Febr., Autmasius, Sabinus, Leodotius, Thruzenis. Romæ, Translatio sancti Pauli apostoli.
- VII Kal. Februarii, in Nitia, Smurnæ, Passio sancti Polycarpi, Fabiani, Saliani, Sydonis.
- VI Kal. Febr., in Apollonia, Gagi, Celesti, Donativi, Publii.
- V Kal. Febr., Romæ, Natale sanctæ Agnetis virginis de nativitate, Daviti, Juliani.
- IV Kal. Febr., in Tuscia, Constanti, Hyppoliti episcopi. Treveris, Depositio Valerii episcopi.
- III Kal. Febr., in Africa, Belleani, Cleri, Philippiani et aliorum cxxiv.
- Pridie Kalend, Februar., in Alexandria, Ammoni, Cyriaci, Gemmeni, Zelasi.

FEBRUARIUS.

Februarius habet dies xxviii, luna xxix.

- B Kalend. [Febr., Ravenna, Severi episcopi, Victoris, et Passio sanctorum Vindimiali et Singenii.
- IV Nonas Febr., Purificatio beatæ Mariæ quando representatus est Jesus in templo. Marini, Victori.
- III Nonas Febr., in Africa, Felicis. Vapingo, Depositio episcoporum sanctorum Ferridi et Remedii. Lugduno, Lupicini episcopi.
- Pridie Nonas Febr., Foro Semfroni, Natale Gimini, Gelasii Magni, Donati, Timoi, Filix episcopi cum filia sua.
- Nonas Febr., in Sicilia, Cathenas, Passio sanctæ Agathæ martyris. Vienna Depositio Aviti episcopi.
- VIII Idus Febr., in Achaia, Saturnini, Revocatæ. Cæsarea Cappadociæ, Passio sancti Dorothei et Thiophili.
- VII Idus Febr., in Britannis, Natale Aguli episcopi Anatholi, Amonis.
- VI Idus Febr. In India civitate, Passio sancti Thomei apostoli. In Arminia Minore. Natale Diunysii, Oneliani, Luci. Depositio Pauli episcopi.
- V Idus Febr., Suevo apud Cyprum, Natale Alexandri, Pauli, Dionusii. Depositio Præjecti.
- IV Idus Febr., Romæ, sanctæ Sotheris virginis. Sanctanis civitate, sancti Trojani episcopi et Baldacundis abbatissæ.
- III Idus Februarii, in Apulia, Poenis, Seufraxi. In Campania, Basiliani.
- Pridie Idus Februarii, in Africa, Damiani, in Italia Donati, Heraclii, Vincentii, Susannæ.
- Idus Febr., Nicomedia, Passio Juliani, Tulliani. Lugduno, Depositio beati Stephani episcopi.
- XVI Kalendas Martii. Romæ, Passio Valentini martyris, Felicolæ. In Tuscia, Spoleti civitate, Vitalis, Cyron, Martiani.
- XV Kal. Mart., Antiochia, Josippi diaconi, Apollonii, Romani et sanctæ Agapæ, virginis.
- XIV Kal. Mart., in Britannis, Faustini, Vientis. In Ægypto, Juliani, cum Ægyptiis numero v milium.
- XIII Kalend. Martias, in Africa, Concordiæ, Donati, Casti, Secundiani.
- XII Kat. Martias, in Africa, Rutulus, Silvani, Darsici, Secundini. Depositio Benedicti abbatis,

XI Kal. Martias, in Africa, Publii, Juliani, Marcelli, Majulii, Julii.

X Kal. Martias, Romæ, Depositio Gagi episcopi, Victoris, Coronæ, Didimi.

IX Kal. Mart., in Africa, Veroli, Secundini, Servuli, Jucundi.

VIII Kal. Martias, Cathedra sancti Petri apud Antiochiam. Romæ, Natale sanctæ Concordiæ, Teclæ virginis discipulæ sancti Pauli apostoli, Valeri, Gagoni.

VII Kal. Martias, in Pannoniis, Seneroti, Antigoni, Rutuli. In Asia, Cosani.

VI Kalendas Martias. In Cæsarea Heroli, Luci, Surgi, Felicis. Nicodemia, Luciani presbyteri.

V Kal. Martias, in Africa, Donati, Justi, Aurili. Pampilia, Natale sancti Nestoris et Casti.

IV Kal. Mart., Natale sanctorum Alexandri, Nestoris, Epicini, Justi.

III Kal. Martias, in Thessalonica Alexandri, Thiciani, Gayani.

Pridie Kalendas Mart., Natalis sanctorum Celeris, Pupilli, Justiopuli.

MARTIUS.

Martius habet dies xxxi, luna xxx.

Kalend. Martii, Natale sancti Leonis, Donati, Abundanti, Adriani, Victoris.

VI Nonas Mart., Georgii, Heroli, Absaloni. In Cæsaria, Luci episcopi, Primitivi, Januarii.

V. Nonas Martias, Felicis, Lucioli, Justi, Furtinati, Marcæ.

IV Nonas Mart., Luci episcopi, Roligagi, Palatini, Orani, Sabellini, Pauli, Gregorii.

III Nonas Mart., in Africa, Adriani, Evoli, Eusebii. Antiochia, Passio sancti Focæ, Saturnini.

Pridie Nonas Mart., Nicomedia, Victoris, Victurini, Pabæ, Diodori, Claudiani.

Nonas Martii, in Africa, Saturi, Revocati, Jocundi. In Mauritania, Passio sanctarum Perpetuæ et Felicitatis. In Sischam [Forte, in Scythia], Depositio Hildomarceæ virginis.

VIII Idus Martias, Nicomedia, Quirilli episcopi et Cavutolini, Rogati, Felicis.

VII Idus Martias, Juliani, Sici, Cyrilli, Mariani, Rogati, Concessi.

VI Idus Mart., in Niora, Gorgonii, Palatini, Firmi. in Antiochia, Agaphæ virginis et Marianæ.

V. Idus Mart, in Carthagine, Heracli, Zosimi, Philomi episcopi, Candidi.

IV Idus Mart., Romæ, Depositio Gregorii papæ beatæ memoriæ, Innocentii Episcopi, Racsi episcopi.

III Idus Mart., Nicomedia, Matidoni presbyteri, Julii episcopi, Pioni, Victurini.

Pridie Idus Martii, Nicomedia, Felicissimi, Dativi, Petri Frunimi.

Idus Mart., Nicomedia, Luci episcopi et martyris, Fausti, Silvii, Lucæ evangelistæ, sanctorum Longini, Pauli, Tropoli, Octavi. Nicomedia, Depositio sanctæ Eufaxiæ.

XVII Kalendas Aprilis, in Aquileia, Hilaritas, Jani, Datiani, Papini.

XVI Kal. April., Nicomedia, Diunysii, Januarii, Nonnæ. Romæ Alexandri episcopi, Theodoli diaconi.

XV Kalend. Aprilis, in Alexandria, Collegi diaconi, Colodii diaconi, Quinto, Rogati.

XIV Kal. April., in Cæsarea Cappadociæ, Theodori presbyteri, Lucelli, Theodori episcopi, Leontii episcopi.

XIII Kal. April., in Antiochia, sancti Josephi. In Syria, Pauli, Valentini. Fontenella monasterio in Gallia, Wiframni episcopi.

XII Kal. April., in Alexandria, Seraphionis, Josipphi, Voluntiani, Ammoni, Polycarpi.

B XI Kal. April., Narbona civitate, Natale Pauli confessoris, Saturnini, Decroni, Arionis.

X Kal. Aprilis, Natalis sanctorum Fidelis, Theodori presbyteri, Pauli, Cæsariæ, Juliani, Diunysii.

IX Kal. April., in Syria Seleucia. Agapiti, Romuli, Rogati, Victorini, Saturnini.

VIII Kal. Aprilis, Adnuntiatio sanctæ Mariæ per angelum. Dominus noster Jesus Christus crucifixus est, et natale Castuli, Erostrati.

VII Kal. April., Natale sancti Castuli, Munati presbyteri, Petri episcopi, Casiani episcopi.

VII Kal. April., Hierosolyma, Resurrectio Domini nostri Jesu Christi, et Natale sanctorum Romuli, Acuti.

V Kal. Aprilis, in Cæsarea, Rogati, Alexandri. Cavillonis civitate, Depositio Guntramni regis.

IV Kal. April., Nicomedia, Pastoris, Victorini, Saturnini, Theodori presbyteri, Pentali.

III Kal. April., Natale Domini, Acaci, Palatini. Aurelianis civitate, Depositio Pastoris.

Pridie Kal. April., Natale sanctorum Aneti, Felicis, Valeriæ,

APRILIS.

Aprilis habet dies xxx, luna xxix.

Kalend. April., in Arminia, Partini, Quintiani, Victoris, Secundi, Diunysii.

IV Nonas April., in Africa, sanctorum Ampiani, Victoris, Marcellini. Lugduno civitate, Depositio Necti.

III Nonas April., in Sitia, sanctorum Thomæ, Evagrii, Benigni, Theodosiæ, Donati.

Pridie Nonas April., Agatomi diaconi, Pauli, Matini, Orbani, Saturnini.

Nonas Aprilis, in Nicomedia, sancti Claudiani, Firmi, Biremi episcopi.

VIII Idus April., Quiriaci, Epiphani episcopi, Donati, Sixti, Rufini.

VII Idus April., in Antiochia Syriæ, Timothei, Diogenis, Machariæ, Maximæ, Pululi.

VI Idus Aprilis, Natale Thimori, Macharii, Maximæ, Concessi.

V Idus Aprilis, Natale Dimitri diaconi, Hilarii, Cessi, Fortunati.

IV Idus Aprilis, Natale Apollonii presbyteri, Hilarii, Donati, Gaiani, Theodori presbyteri.

III Idus Aprilis, in Mauritania, Natale sanctorum Salonis, Maximæ, Domnini episcopi, Eustorgii presbyteri.

Pridie Idus April., Pergamo, Natale sanctorum Carpi episcopi, Pauli, Isaac, Romæ, Iulii episcopi, Agapi, Valerii, Publii, Bassi.

Idus Aprilis, Calcidona, Natalis sanctorum Eufionæ, Polycarpi episcopi, Pauli diaconi.

XVIII Kalendas Maii, Romæ, Tiburtii, Valeriani, Maximi, Quiriaci, Optati, Marcæ.

XVII Kal. Maii, Natale Marronis, Messoris, Mositis, Vironicæ et Victæ, Diugenis, Dei Acluperti, Apodonii cum duobus fratribus.

XVI Kal. Maii, in Achaia, Natale sanctorum Calisti, Carissi, Martialis, Silvini.

XV Kal. Maii, in Nicæa, Petri diaconi, Hermogenis, Donati, Fortunati, Martiani.

XIV Kal. Maii, in Salonica civitate, Septimi diaconi, Victorici. Romæ, Eleutherii episcopi et Anthiæ.

XIII Kal. Maii, Natale sanctorum Hermogenis, Gagi, Rufi, Elvi, Sericiani, Vincenti.

XII Kal. Maii, Romæ, Depositio Victoris episcopi, Salviani, Jaraci, Donati. Autissiodoro civitate, Martini presbyteri.

XI Kal. Maii, Natale Fortunati, Arathoris presbyteri, Vitalis, Aprunculi episcopi.

X Kal. Maii, Romæ, Depositio Gagi papæ, Primuli, Turdiani. Lugdunum sancti Epepodi. Senonis, Leonis episcopi.

IX Kal. Maii, in Valentia civitate, Felicis presbyteri, Fortunati diaconi, Acellei diaconi et Pantalemoni,

VIII Kal. Maii, in Alexandria, Coronæ virginis. Et hunc diem Sidrach, Misac et Abdenago. Lugdunum civitate, Alexandri cum aliis xxxiii.

VII Kalend. Maii, in Persida civitate, Diospoli, Passio sancti Georgii. Lugduno, Rustici episcopi. Romæ, sic celebrantur in letania majori.

VI Kal. Maii, Natale Aurelii, Leonidis, Vindei, Maximi, Martianæ, Gemolini.

V Kal. Maii, Natale sanctorum Castoris, Andimi episcopi, Stephani episcopi, Anthonini presbyteri.

IV Kal. Maii, Romæ, sancti Vitalis. In Pannonia, Euseppi episcopi et Alipi, Luciani, Nicæ virginis, et Depositio Amalfredi episcopi et confessoris.

III. Kal. Maii, in Alexandria, Germani presbyteri, Prosdoci diaconi, Prudenti, Urbani.

Pridie Kal. Maii, Natale sanctorum Dorothei presbyteri, Rodociani diaconi. Romæ, Quirini episcopi, Tyrenti, Marini presbyteri, Saturnini, Æmiliani, Majoricæ, Polocroni episcopi.

MAIUS.

Maius habet dies xxxi, luna xxx.

Kal. Maii, Initium prædicationis Domini nostri Jesu Christi, et sanctorum Philippi apostoli, Horientis episcopi, Amatoris episcopi, Sigismundi regis et martyris.

VI Nonas Maii, Natale sanctorum Germani, Cælestinæ, Felicis, Cælestini, Chetini, Hermogeniæ.

V Nonas Maii, Hierosolyma, Inventio sanctæ crucis. Romæ, sanctorum Juvenalis, Alexandri et Eventii, et Aviti diaconi.

IV Nonas Maii, Nicomedia, Antonii, Cælestini, Fortuni presbyteri, Petri.

III Nonas Maii, in Africa, Gregorii, Felicissimi, Hilarii episcopi, Vienna, Nectarietni episcopi, sancti Amatoris.

Pridie Nonas Maii, Natale sancti Geronti confessoris Mediolano civitate, Victoris et Felicis. Autissiodoro, sanctorum Valerii episcopi, Maximi.

Nonas Maii, In Nicomedia, Flavi episcopi, Augustini episcopi et trium fratrum Marcellini, Magrobii, Euteci.

VIII Idus Maii, Mediolano, Victoris, Etici, Saturnini. In Santonico, sancti Martini. Antissiodori, sancti Palladii episcopi.

VII Idus Maii, Natalis Querillæ, Quindei, Zenoni, Afrosidii, Timothei, Primoli, Beati confessoris, Gordiani.

VI Idus Maii, Romæ, sanctorum Gordiani, Ebitati, et alibi Sovenanti, Job prophetæ.

V Idus Maii in Sirmia, Natalis sanctorum Montani, Septimi. Vienna. Depositio Mamerti et Martini episcoporum.

IV Idus Maii, Romæ, Natale sanctorum Pancratii, Nerei et Achillei.

III Idus Maii, in Palæstina, Taraci episcopi et Andronici. In Polentia Victoris, Saturnini, Marcelli episcopi.

II Idus Maii, Natale sanctorum Victoris militis, et Coronæ, Secundiani, Quarti.

Idus Maii, in Porto Romano, Prestabilis, Felicis, Victoris, Petri et Andrei, Pauli et Dionysii. Depositio Benedicti confessoris.

XVII Kal. Iunii, in Esauria, Aquilini, Victoriani, Heracli, Paulini, Fadoli presbyteri.

XVI Kal. Jun., Romæ, Partini, Galli, Chori, Heracli, Pauli, Aquilini, Victoris.

XV Kal. Iunii, Natale Potaminis presbyteri, Orthasii presbyteri, Luciosi, Gasi et Victoris.

XIV Kal. Jun., Romæ, Natale Potentiani, Gallicieri, Paterni, Eunucorum, Quinqui, Primoli, Salusti, Fortunati.

XIII Kal. Jun., Natale sanctorum Marcelli, Sesalfi. Romæ, Basillæ. In Nostata, Auræ.

XII Kal. Jun., in Mauritania, Thimotei, Peheli, Victoris, Donati. Catusas, Depositio sancti Desiderii.

XI Kal. Jun., Romæ, Faustini, Venusti, Cassi, Æmeluni. Corsica, sanctæ Julæ.

X Kal. Jun., in Spaniis, sanctorum Epecteti, Aptonii, Desiderii episcopi, Passeliæ episcopi.

IX Kal. Jun., in Histria, Zebelli, Servoli. Civitate Naunetis, Rogatiani, Donatiani.

VIII Kal. Iunii, in Tuscia, civitate Lera, sancti Sen-

tentiati. Via Nomentana, sancti Urbani episcopi, A
Poletrati.
VII Kal. Junii, Natale Hereali, Pauli, Rufini et Vale-
rii, Saturi, Vituri, et Passio sancti Prisci marty-
ris.
VI Kal. Jun., Natale Aquilli presbyteri, Evangelii,
Heliae, Luciani, Quinti, Estiabili.
V. Kal. Junii, Pamphilia, Zetoli, Primoli. Parisiis
civitate, Depositio sancti Germani.
IV Kal. Jun., Natale Polionis, Crispoli, Primi. Tre-
viris civitate, Maximini episcopi, ubi multa mira-
bilia fiunt.
III Kal. Junii, Antiochia, sanctorum Sici, Palatini,
Gabini, Crispoli.
Pridie Kal. Jun., Romæ, sanctæ Petronillæ virgi-
nis, sancti Petri filiae, Ganti, Gantiani, Proti, B
Prævilani, Grisogoni, Cantianillæ.

JUNIUS.

Junius habet dies xxx, luna xxix.

Kalend. Junii, in Thessalonica, Octavi, Crispini, Ju-
benti, Castuli, Arapi, Publii cum aliis cxxvi. Vi-
bina, Gladi episcopi.
IV Nonas Jun., Romæ, Marcellini et Petri. Item
Marcellini episcopi, Zachariæ presbyteri, Rogat-
iani episcopi cum aliis XLVIII.
III Nonas Junii, in Africa, Quirini, Abidiani, Neptori,
Julianæ virginis. Aurelianis civitate, Leifardi
presbyteri.
Pridie Nonas Junii, Natale Camasiæ, Julii, Saturnini.
Italia, Rustici episcopi, Daciani.
Nonas Junii, in Ægypto, Martiani, Nigrandi et
Apolloniæ, Gregorii.
VIII Idus Jun., Nevidunum, Amanti, Luci, Alexan-
dri, Claudii episcopi, Cærati episcopi.
VII Idus Jun., Natale Pauli, Fortunati. Magri, Pri-
mosi, Luciani.
VI Idus Jun., Romæ, Primi et Felicis, Nabor, Nazari.
Suessionis civitate, Depositio sancti Medardi con-
fessoris et pontificis.
V Idus Jun., Natale Maximini presbyteri, Vincenti,
Bassilidis. Jachariæ, Censuri episcopi, et Deposi-
tio Sagittarii confessoris.
IV Idus Jun., sanctorum Basillæ, Crispoli.... Aurisi,
Rogati.
III Idus Jun., Natale Emeriti, Victoriani, Victoris et
Fortunati.
Pridie Idus Jun., Natale sanctorum Balsilidis, Nabo-
ris et Felicis, Tribolis Madaledis.
Idus Jun., in Africa, Luciani, Fortunati. Romæ,
sanctæ Feliculæ.
XVIII Kal. Julii, Natale Antonii, Quitiani, Proti.
Suessionis civitate, Valerii et Rufini martyrum.
Aurelianis civitate, Translatio corporis sancti
Aniani confessoris et episcopi, et liberatio civita-
tis ipsius a Chunis.
XVIII Kal. Jul., Natale sanctorum Hysiti, Clementis,
Cantiani, Jovoniani, Filippi, Joviani, Candidi,
Cantiani, Crissogoni, Quintiani.

XVI Kal. Jul., Caulaurea, sanctorum Viti martyris.
Modesti et Criscenti, Cyrici, Julittæ matris ejus.
XV Kal. Jul., Natale sanctorum Alexandri, Dioscori
et Marini martyrum; Quiriaci, Cyriæ. Aurelianis
civitate, Aviti presbyteri.
XIV Kal. Jul., Romæ, Natale Marci et Marcelliani.
Ravenna, Martori, Felicis, Emeli, Crispini.
XIII. Kal. Julii, in Mediolano, sanctorum Gervasii
et Protasii, et Celsi pueri. Romæ, Hippoliti, Ho-
noræ, Voti, Petri.
XII. Kal. Julii, Natale Pauli, Cyriaci, Feliciani, Vi-
talis, Crispini. Depositio Childemarchi virginis
sacræ.
XI. Kal. Julii, in Cæsarea, Depositio sancti Eusebii
episcopi, et alibi Quiriaci, Appolonaris, Rufini et
Martii.
X Kal. Julii, in Britannii, Albini martyris, cum
aliis DCCCLXXXVII. Nola, Pauli episcopi, et sancti
Niceti episcopi.
IX Kal. Julii, Natale Aviti, Aritionis, Emeriti, Capi-
tionis.
VIII Kal. Julii, in provincia Palæstinæ, Nativitas
sancti Johannis Baptistæ; et in Epheso, assumptio
sancti Johannis apostoli.
VII Kal. Julii, Natale sanctorum Lantalibi, Caritæ.
Salonica, Lucæ virginis, et Aceiahæ regis.
VI Kal. Julii, Romæ, Johannis et Pauli fratrum, et
alibi Gauderti, Felicis.
V Kal. Julii, Romæ, Crispi, Crispiniani, Felicis,
Juliani, Primitivi, Justini.
C IV Kal. Julii, in Africa, Fabiani, Venusti, Curucci
Apolloni, Dionysii, Hynosi.
III. Kal. Julii, Romæ, Natale apostolorum Petri
Pauli et aliorum DCCCLXXXVI.
Pridie Kalendas Julii, Lemovicas, Depositio san-
cti Martialis episcopi, Andegavis civitate, depositio
sancti Albani episcopi et confessoris; et alibi
aliorum sanctorum Cursici presbyteri, Leonis
subdiaconi

JULIUS.

Julius habet dies xxxi.

Kal. Julii, Romæ, Gagi presbyteri. In monte Or,
Depositio Aaron sacerdotis. Agustini, Leoni epi-
scopi. In Gallia, Karileffi confessoris.
D VI Nonas Julii, Romæ, Processi et Martiniani et
Melchiadæ papæ. Turonis, Munugundæ ancillæ
Dei.
V Nonas Julii, in Alexandria, Triphonis, Syronis,
Aprici, Juliani.
IV Nonas Julii, in Gallia, Turonis, Ordinatio epi-
scopatus, et Translatio corporis, et Dedicatio ba-
silicæ sancti Martini episcopi. Bituricas, natale
sancti Lauriani martyris.
III Nonas Julii, Natale Agathonis, Triphonis, Ma-
grini, Theodoti, Meroni, Rodosie.
Pridie Nonas Julii, Natale Palladi Philippi, Severi
ac Zotici, Ariethis.
Nonas Julii, Natale Eracli, Apollonii, Publii cum
aliis xviii. Parma, Novi et Parmini.

VIII Idus Julii, Natale sanctorum Sustrati, Esperii, A
Heraclii, Quanti, Pancratii, Corneliani cum aliis
numero LX.

VII Idus Julii, Natale sanctorum Motthi, Faustiani,
Nathol... Feliciani cum presbyteris VII, et Fraternali
episcopi.

VI Idus Julii, Natale VII germanorum, id est Felicis,
Philippi, Maximi, Silvani, Prætextati, Januarii,
cum sociis eorum.

V Idus Julii, Natale sanctorum Mariani, Stephani,
Leonis, Mauriti. Pictavis, Depositio Bassenæ
abbatis.

IV Idus Julii, Mediolano, Naboris et Felicis, Primi-
tivi. Lugduni, Viventioli episcopi.

III Idus Julii, Natale Syraphionis, Attalis, Profili, B
Menei presbyteri, Trophimæ virginis.

Pridie Idus Julii, Natale sanctorum Donasti, Anthioci,
Mari. Lugduni Galliæ, Justi episcopi, Amici epi-
scopi et confessoris. In Fiscamno, Dedicatio basi-
licæ sanctissimæ Trinitatis.

Idibus Julii, in Porto Romano, Natale sanctorum
Zotimi, Bonosi et sociorum, Catholini diaconi.

XVII Kal. Augusti, Natale sanctorum Helarini, Ma-
charii, Dionysii.

XVI Kal. Augusti, Natale Aquilini, Bituri, Generosi,
Nazarii. Antissiodoro, Theodosii episcopi.

XV Kal. Augusti, Romæ, Natale Symphorisi patris
VII germanorum, et alibi Flabæ episcopi.

XIV Kal. Augusti, Natale Sysinni, Lampadi, Petri, C
Justi, Rustici presbyteri.

XIII Kal. Augusti, Natale sanctorum Sabini, Luciani,
Victoris, Pauli, Romani, Valeriani.

XII Kal. Augusti, Romæ, sanctæ Praxedis. Massilia,
Natale sanctorum Victoris, Alexandri, Feliciani,
Adriani.

XI Kal. Augusti, Natale sanctorum Cyrilli, Andrei,
Tabelli, Auri, Platonis.

X Kal. Augusti, Romæ, Natale sanctorum Vincenti...
Apollinaris, Bimitive.

IX Kal. Augusti, Natale sancti Victorini militaris...
et sanctæ Christinæ virginis.

VIII Kal. Augusti, Natale sanctorum Acinti, Nonni,
Jacobi, Clementis et Juliani; et in... Passio sancti
Christophori martyris.

VII Kal. Augusti, Natale sanctorum Joviniani, Mar-
ciani... In Nicomedia, Passio sanctorum Adriani
cum aliis numero XIII.

VI Kal. Augusti, Natale sanctorum Juliæ, Jocundæ,
Januarii, Simeonis, et sancti Echeri episcopi.

V. Kal. Augusti, Natale sanctorum Theophili,
Auxenti, Prudoti. Nicomedia, sancti Panta-
leonis.

IV Kal. Augusti, Natale sanctorum Rufi, Pontiani.
Trecas, sanctorum Lupi, Anastasiæ. Aurelianus
civitatis Prætorii episcopi

III Kal. Augusti, Romæ, Felicis, Fausti, Viatri-
cias. Autissiodoro, Depositio beati Ursi epi-
scopi.

Pridie Kalendas Augusti, in Africa, Secundi, Tyr-
si..... Autissiodoro, Depositio sancti Germani
episcopi et confessoris.

AUGUSTUS.

Augustus habet xxxi dies.

Kalendas Augusti, in Antiochia, Passio sanctorum
Machabæorum cum matre. Vercellis civitate, in
Italia, sancti Eusebii episcopi. In Spaniis, sancti
Felicis.

IV Nonas Augusti, Romæ, sancti Stephani ponti-
ficis. In Italia, Verona, civitate, Natale sancti
Felicis.

III Nonas Augusti, Natalis Metropoli episcopi. Her-
meli martyris, Drogenis. Hierosolyma, inventio
beatissimi protomartyris, Eufrosini episcopi.

Pridie Nonas Augusti, Criscentiani, Justi..... Bartho-
lomæi.

Nonas Augusti, Natale Hiereni, Assieradi. Agusta
civitate, sanctæ Afræ. Agusta, Cassiani episcopi.
Catalauni, sancti Memmi.

VIII Idus Augusti, Romæ, Xisti, Felicissimi et Aga-
piti, Donatiani, Faustini, et Passio sanctæ
Afræ.

VII Idus Augusti, Natale sanctorum Effroni, Ve-
neriæ, Donti episcopi, Ausenti, Faustini, Quiriaci,
Donati.

VI Idus Augusti, Natale sanctorum Severiani, Victo-
rini, Albini, Cyriaci, Largi, Metretæ virginis,
Gloenedis.

V Idus Augusti, in Oriente sanctorum Firmi, Ru-
stici, Pinoni, Diunysii. Lemovicas, sancti Martini
Brivensis.

IV Idus Augusti. Passio sancti Laurentii archidiaconi,
Felicissimi, Criscentionis, Januarii.

III Idus Augusti. Natale Valeriani, Tyburtii et Ce-
ciliæ virginis, et Passio sancti Cassiani.

D Pridie Idus Augusti, Natale sanctorum Eupli, Ma-
charii, Juliani, Crisanti et Dariæ.

Idus Augusti, Romæ, Yppoliti martyris, Pontiani.
Pictavis civitate, Depositio sanctæ Radegundis
reginæ.

XIX Kal. Septembris, Natale..... Fortunati, Dimetri,
Vincentiæ, Tatuli.

XVIII Kalend. Sept., Adsumtio sanctæ Mariæ matris
Domini, Strocctionis, Philippi, Eutiani.

XVII Kal. Sept., Natale sanctorum Horioni, Heneliæ,
Agnati.

CALENDARIUM ANGLICANUM.

JANUARIUS.

Hebraice vocatur *Tebeth*, Ægyptiace *Tubi*, Græce *Cynidios*, Latine *Januarius*, Saxonice *Giul*.
Luna Januarii in media nocte accenditur.

PRINCIPIUM JANI SANCIT TROPICUS CAPRICORNUS.

Januarius habet dies xxxi, luna xxx.

Kalend. Januarii, Circumcisio Domini nostri Jesu Christi.

IV Nonas, sancti Isidori episcopi.

III Nonas, sanctæ Genovefæ virginis.

Nonis, sancti Symeonis monachi.

VIII Idus, Epiphania Domini nostri Jesu Christi.

IV Idus, sancti Pauli primi eremitæ.

III Idus, Eductio Domini de Ægypto.

Idus, Octavas Epiphaniæ. Sancti Hilarii episcopi.

XIX Kal. Februarii, sancti Felicis in Pincis.

XVIII Kal., sancti Mauri abbatis.

XVII Kal., sancti Marcelli papæ.

XVI Kal., sancti Antonii monachi.

XV Kal., sanctæ Priscæ virginis.

XIV Kal., sanctorum Mariæ et Marthæ.

XIII Kal., sanctorum Fabiani et Sebastiani martyris.

XII Kal., Natale Agnetis virginis.

X Kal., sanctorum Emerentianæ virg. et Macharii.

IX Kal., sancti Babili episcopi, et trium Puerorum.

VIII Kal., Conversio sancti Pauli apostoli et Projecti martyris.

VII Kal., sancti Polycarpi presbyteri.

V Kal., Octavæ sanctæ Agnetis virginis.

FEBRUARIUS.

Hebraice *Sabath*, Ægyptiace *Mechir*, Græce *Penitios*,
Latine *Februarius*, Saxonice *Solmon*.

Luna inter mediam noctem et galli cantum accenditur.

Kal. Februarii, sanctæ Brigidæ virginis.

IV Nonas, Purificatio sanctæ Mariæ.

Nonas, sanctæ Agathæ virginis.

VIII Idus, sanctorum Vedasti et Amandi.

VI Idus, sancti Cuthmanni confessoris. Ante istum locum non potest esse Quadragesima.

IV Idus, sanctæ Scolasticæ, sanctæ Sotheris virginis.

III Idus, sanctæ Radegundis virginis.

Idus, sanctæ Eormenhildæ virginis.

XVI Kal. Martii, sancti Valentini martyris.

XV Kal., diabolus a Domino recessit.

XIV Kal., sanctæ Julianæ virginis.

VIII Kal., Cathedra sancti Petri apostoli.

VI Kal., sancti Matthæi [Leg. Mathiæ] apostoli.

III Inventio capitis sancti Johannis Baptistæ post annos ccl.

II Kal., sancti Oswaldi archiepiscopi.

A

MARTIUS.

Hebraice *Adar*, Ægyptiace *Famenoth*, Græce *Distros*.
Latine *Martius*, Saxonice *Hpedmonad*.
Luna Martii in media nocte accenditur.

VI Nonas Martii, sancti Ceaddæ episcopi.

V Nonas, sanctorum VII Martyrum, et sancti Adriani.

II Nonas, sanctorum Perpetuæ et Felicitatis.

VII Idus, Passio XL militum Romæ.

IV Idus, sancti Gregorii papæ.

XVI Kal. sanctæ Withburgæ virginis. Sancti Patricii episcopi.

XV Kal., sancti Eadweardi regis. Primus dies sæculi.

XIV Kal., sancti Joseph sponsi sanctæ Mariæ.

XIII Kal., sancti Cuthberthi episcopi.

XII Kal., sancti Benedicti abbatis.

B VIII Kal., Annuntiatio sanctæ Mariæ.

VI Kal., Resurrectio Domini.

III Ordinatio sancti Gregorii papæ.

APRILIS.

Hebraice *Nisan*, Ægyptiace *Famuth*, Græce *Xanticos*, —
Latine *Aprilis*, Saxonice *Eaftormonad*.

Luna Aprilis in galli cantu accenditur.

Kal. Aprilis, beati Boranti [Forsan, Baronti] monachi.

II Nonas, sancti Ambrosii episcopi.

V Idus, sanctæ Mariæ Ægyptiacæ.

III Idus, sancti Guthiaci confessoris, et sancti Leonii papæ.

Idus, sanctæ Eufemiæ virginis.

C XVIII Kalendas Maii, sanctorum Tiburtii, Valeriani et Maximi.

XII Kal., sancti Petri diaconi.

IX Kal., sancti Georgii martyris.

VIII Kal., sancti Wilfridi.

VII Kal., sancti Marci evangelistæ. *Lætania major*.

IV Kal., sancti Vitalis martyris.

II Kal., sancti Ercenwoldi episcopi.

MAIUS.

Hebraice *Jar*, Ægyptiace *Pactio*, Græce *Antemiseos*,
Latine *Maius*, Saxonice *Trimilci*.

Luna Maii mane accenditur.

Kal. Maii, sanctorum Philippi et Jacobi.

V Nonas, Inventio sanctæ Crucis, sanctorum Alexandri, Eventii et Theoduli.

D II Nonas, sancti Johannis apostoli ante portam Latinam.

Nonas, sancti Johannis episcopi in Beverlisco.

VII Idus, Translatio sancti Andreæ apostoli. *Æstatis initium. Habet dies xci.*

VI Idus, sanctorum Gordiani, Epimachi, Septimi, Cyrilli.

IV Idus, sanctorum Nerei et Achilei, et Pancratii.

III Idus, Dedicatio basilicæ sanctæ Mariæ.

XV Kal., sanctæ Ælfgyfæ reginæ.

sanctæ Potentianæ virginis.
 sancti Urbani martyris.
 sancti Augustini episcopi.
 sancti Felicis papæ.
 sanctæ Petronillæ virginis.

JUNIUS.

e *Sivan*, Ægyptiace *Parni*, Græce *Deseos*,
 ine *Junius*, Saxonice *Litha* vocatur.

Luna Junii tertia hora accenditur.

, sancti Nicomedis martyris.
 sanctorum Marcellini et Petri martyris.
 sancti Petroci confessoris.
 sancti Bonifacii episcopi.
 sancti Audomari episcopi.
 depositio sancti Medardi episcopi.
 sanctorum Primi et Feliciani martyrum.
 sancti Barnabæ apostoli.
 sanctorum Basilidis, Cyrini, Naboris et Na-

Jul., sanctorum Viti, Modesti, et sanctæ
 Jæ virginis.

, sanctorum Cyrini et Julittæ cum sociis

sancti Bonifacii confessoris.

, sanctorum Marci et Marcelliani marty-

, sanctorum Gervasii et Protasii marty-

sancti Apollinaris martyris, et sancti Leuth-
 bbatis.

sancti Albani martyris.

sanctæ Ætheldrythæ virginis. Vigilia.

, sancti Johannis Baptistæ.

sancti Leonis papæ. Vigilia.

sancti Petri apostoli.

sancti Pauli apostoli.

JULIUS.

Thamul, Ægyptiace *Episi*, Græce *Panemos*,
 Latine *Julius*, Saxonice *Litha*.

Luna Julii in media die accenditur.

, Depositio sancti Swithuni episcopi; et
 si et Martiniani.

, Translatio sancti Thomæ apostoli.

, Ordinatio et translatio sancti Martini epi-

, Octava apostolorum, et sanctæ Sexburgæ
 is.

sanctæ Marinæ virginis.

, sancti Grimboldi sacerdotis. Obitus Ead-
 ægis.

sanctorum vii Fratrum cum matre.

sanctæ Mildrythæ virginis.

translatio sancti Swithuni episcopi.

, sancti Kenelmi martyris.

, sanctæ Cristinæ virginis.

, sancti Vulfmari confessoris, sanctæ Marga-
 riginis.

, sanctæ Prædix virginis.

A XI Kal., sanctæ Mariæ Magdalænæ.

X Kal., sancti Apollinaris martyris.

VIII Kal., sancti Jacobi apostoli.

VII Kal., sanctorum vii Dormientium.

VI Kal., sancti Samsonis episcopi, sancti Pantaleo-
 nis martyris.

V Kal., sanctorum Simplicii, Faustini et Beatrixis.

IV Kal., sanctorum Abdon et Sennen martyrum.

III Kal., sancti Germani episcopi.

AUGUSTUS.

Hebraice *Dominab*, Ægyptiace *Meson*, Græce *Loos*,
 Latine *Augustus*, Saxonice *Prodomonad*.

*Luna Augusti inter mediam diem et nonam horam ac-
 cenditur.*

B Kal. Augusti, Ad vincula sancti Petri apostoli, Ma-
 chabæorum, sancti Athelwoldi.

IV Nonas, sancti Stephani episcopi et martyris.

III Nonas, Inventio corporis sancti Stephani proto-
 martyris.

Nonis, sancti Oswaldi regis et martyris.

VIII Idus, sancti Sixti episcopi, Felicissimi et Aga-
 pit.

VII Idus, sancti Donati episcopi.

VI Idus, sancti Cyriaci martyris, et sociorum ejus.

V Idus, Vigilia.

IV Idus, sancti Laurentii martyris.

III Idus, sancti Tiburtii martyris.

Idus, sancti Ypoliti martyris, sociorumque ejus.

XIX Kalend. Septembris, sancti Eusebii sacerdotis.

C XVIII Kal. Assumptio sanctæ Mariæ.

XVI Kal., Octava sancti Laurentii martyris.

XV Kal., sancti Agapiti martyris, sanctæ Helenæ re-
 ginæ.

XIV Kal., sancti Magni martyris.

XI Kal., sanctorum Timothæi et Symphoriani mar-
 tyris.

X Kal., sanctorum Timothæi et Apollinaris.

IX Kal., Vigilia.

VIII Kal., sancti Bartholomæi apostoli.

VI Kal., sancti Rufi martyris.

V Kal., sancti Augustini magni, sancti Hermetis
 martyris.

IV Kal., Decollatio sancti Johannis Baptistæ, sanctæ
 Sabine virginis.

D III Kal., sanctorum Felicis et Audacti.

II Kal., sancti Paulini episcopi.

SEPTEMBER.

Hebraice *Elul*, Ægyptiace *Thoth*, Græce *Gorpiesos*,
 Latine *September*, Saxonice *Haleginonad*.

Luna Septembris circa horam nonam accenditur.

Kal. Septembris, sancti Prisci martyris.

II Nonas, Translatio sancti Byrini episcopi, et sancti
 Cuthberthi episcopi.

Nonis, sancti Bertini abbatis.

VI Idus, Nativitas sanctæ Mariæ. Sancti Adriani mar-
 tyris.

V Idus, sancti Gorgonii martyris.

III Idus sanctorum Proti et Jacinti.

XVIII Kalendas Octobris, Exaltatio sanctæ crucis. **A**

Sanctorum Cornelii et Cypriani.

XVII Kal., sancti Nicomedis martyr.

XVI Kal., sanctorum Euphemie, Lucie et Gemiani.

XV., sancti Landberthi episcopi.

XII Kal., Vigilia.

XI Kal., sancti Mathæi apostoli et evangelistæ.

X Kal., sancti Mauricii cum sociis suis.

IX Kal., sanctæ Teclæ virginis.

VIII Kal., Conceptio sancti Johannis-Baptistæ. *Æquinoctium.*

VII Kal., sancti Firmini martyr.

V Kal., sanctorum Cosmæ et Damiani martyrum.

III Kal., sancti Michaelis archangeli.

II Kal., sancti Hieronymi presbyteri.

OCTOBER.

Hebraice *Theseri*, Ægyptiace *Faosi*, Græce *yperbeteos*, Latine *October*, Saxonice *Pinterpillith*.

Luna Octobris inter nonam et vesperam accenditur.

Kal. Octobris, sanctorum Germani et Remigii episcoporum.

VI Nonas, sancti Leodegarii.

III Nonas, sanctæ Cristinæ virginis.

Nonis, sancti Marci papæ, Marcelli et Apulei.

VII Idus, sanctorum Dionysii, Rustici et Eleutherii.

II Idus, sancti Caestii papæ.

XVI Kal. Novembris, sanctæ Ætheldrythæ virginis.

XV Kal., sancti Luce evangelistæ.

VIII Kal., sanctorum Crispini et Crispiniani martyrum.

VII Kal., sancti Amandi episcopi.

VI Kal., Vigilia.

V Kal., sanctorum apostolorum Simonis et Judæ.

III Kal., Ordinatio sancti Swithuni episcopi.

II Kal., sancti Quintini martyr. Vigilia.

NOVEMBER.

Hebraice *Imare*, Ægyptiace *Athiri*, Græce *Dios*, Latine *November*, Saxonice *Blotmonad*.

Luna Novembris in vespertino tempore accenditur.

Kal. Novembris, Omnium Sanctorum. Sancti Cæsarii.

IV Nonas, sancti Eustachii martyr.

VI Idus, sanctorum quatuor Coronatorum.

V Idus, sancti Theodori martyr.

III Idus, sancti Martini episcopi. Sancti Mennæ martyr.

Idus, sancti Bricii episcopi.

XV Kal. Decembris, sancti Aniani episcopi.

X Kal., sanctæ Cecilie virginis.

IX Kal., sancti Clementis martyr.

B VIII Kal., sancti Chrisogoni martyr.

III Kal., sancti Saturnini martyr. Vigilia.

II Kal., sancti Andreæ apostoli.

DECEMBER.

Hebraice *Caslev*, Ægyptiace *Choeac*, Græce *Apilæ*, Latine *December*, Saxonice *Giuli*.

Luna Decembris inter vesperam et medium diem accenditur.

III Nonas Decembris, Depositio sancti Byrini episcopi.

II Nonas, sancti Benedicti abbatis.

IV Idus, sanctæ Eulalie virginis.

III Idus, sancti Damasi papæ.

C Idus, sancti Judoci confessoris, et sanctæ Lucie virginis.

XII Kal. Januarii, sancti Thomæ apostoli.

VIII Kal., Nativitas Domini nostri Jesu Christi.

VII Kal., sancti Stephani Protomartyr.

VI Kal., sancti Johannis evangelistæ.

V Kalend., Necatio Infantium cXLIV millia.

IV Kal., sanctæ Tibbæ virginis.

II Sancti Silvestri papæ.

MABILLONII MONITUM IN SEQUENTES LITANIAS.

Veteres hasce Litanias, quæ una cum libro Psalmorum in membraneo Codice Remigianæ apud Rhemos Bibliothecæ continentur, Anglicanas dicere non vereor, non solum ob veteris Codicis characteres semi-saxonicos, et nomina sanctorum plurimum Britannica seu Anglicana : sed maxime propter aliam observationem, quæ adhibetur sub finem litaniarum : *Ut Deus clerum et plebem Anglorum conservare dignetur.*

Earum antiquitatem probat in primis vetustas Remigiani Codicis ab annis prope nongentis exarati. Deinde sanctorum ætas, quorum suffragia postulantur; ex quibus nullus est medio sæculo VII inferior. Ad hæc, quod multi sancti apud Anglos, sub finem sæculi VII et initium sæculi VIII maxime celebres, in ipsis Litiis omittuntur, scilicet Cuthbertus, Wilfridus, Aidanus, Aldhelmus, Etheldrita, ut taceam Mellitum, Laurentium, Paulinum, Columbanum, Biscopum, Geolfriidum, Theodorum, Hadrianum, Bedam et alios. Ex quibus infero litanias istas labente sæculo VII in Anglicana Ecclesia usitatas fuisse. Unum huic sententiæ objici potest, nimirum Augustinum proximo post Gregorium loco nominari. Quod videtur emanasse ex decreto concilii Cloveshoviensis, anno 747 celebrati, in cujus capitulo 17 constitutum est, *ut dies depositionis sancti Augustini archiepiscopi, qui ad gentem Anglorum a Gregorio prædicationis gratia missus est, ab ecclesiasticis et monasterialibus feriatus haberetur*; ejus nomen in litanis decantatione post sancti Gregorii vocationem semper diceretur. Ego vero concedo sanctum Augustinum, qui in prædictis litiis memoratur, non esse magnum illum Ecclesiæ doctorem, sed alium cognominem, Gregorii Magni discipulum, et Anglorum apostolum, quem

n litanii Anglicanis omissum fuisse nequaquam verisimile est. At nihil vetat Augustinum hunc sæculo vii n publicis litanii apud plerasque Anglorum Ecclesias invocatum fuisse, tametsi nullum ejus rei decretum ræcessisset. Sic enim in Ecclesiæ ritibus usu venire solet, ut quod prius in quibusdam Ecclesiis usurpatum est, communi dein episcoporum decreto confirmetur, totique uni provinciæ sive regno approbetur. Denique etiam permissio hunc Augustino locum in præmissis litanii tributum fuisse ob decretum concilii Cloveshoviensis, repono id nihil detrâhere earumdem litaniarum antiquitati, prout a me superius asserta est. Cum enim scriptor amanuensis veteres litanias sæculo vii usitatas paulo post concilium Cloveshoviense describeret, nil mirum si Augustinum post Gregorium inseruerit, concilii statuto hac in re obsecutus. Neque rar est ratio de Cuthberto, aliisque celebrioribus sanctis superius laudatis : qui etsi publico tum cultu honorarentur, nulla tamen Anglicanæ Ecclesiæ lex exscriptorem adegit ut vetustis ac pridem receptis litanii recentiores sanctos pro arbitrio suo ascriberet.

Ex his porro validissimum argumentum pro Benedictinæ regulæ in Anglia propagatione, quæ invictis liunde testimoniis demonstrata est, deduco. Siquidem in publicis Anglicanæ Ecclesiæ litanii unus ex omnibus monasticæ vitæ institutoribus sanctis laudatur Benedictus, non Antonius, non Pachomius, non Basilius, non Augustinus, non Cæsarius, non Æquitius, non Aurelianus, non denique Columbanus. Unde consequens est, sæculo vii desinente vitæ monasticæ fundatorem apud Anglos unum audisse Benedictum, cujus nempe regulam Augustinus in eam insulam invexerat. Accedit quod in dictis litanii sancti Benedicti nomen is repeti præscribitur, magna sane singularis honoris ac venerationis prerogativa, quæ nulli alii sancto, præterquam sancto Stephano et beatæ Mariæ virgini usque tertio laudatæ concessa est. Hic vero tam singularis sancti Benedicti apud Anglos cultus sine dubio processit ex commendatione tam Gregorii, quam Augustini, qui ambo sanctum Benedictum præceptorem ac institutorem suum venerantes, eundem sibi sublimis affectum inspirarunt.

Neque dici potest Augustinum alia quam sancti Benedicti regula in Andreano Gregorii cœnobio informatum fuisse, sed tamen ei ad Anglos in Britanniam abeunti Gregorium præscripsisse ut sancti Benedicti regulam in monasteriis institueret. Nam præterquam quod hoc gratis et sine fundamento adduceretur, ac naturali consecutione legitime inferri debeat Augustinum non secundum aliam quam quæ ab ipso in Anglia propagata est regulam in cœnobio Gregoriano vixisse, illud præterea hoc argumento validissime revinditur, quod si alium a sancto Benedicto vitæ religione institutorem Romæ habuisset Augustinus, ejusdem ut fit) cultum ac venerationem etiam apud Anglos non neglexisset. Quod puto, facile concedent æqui rerum estimatores. Cum ergo inter vitæ monasticæ auctores unius sancti Benedicti cultum Anglicanis Ecclesiis præscripserit, uti et regulam monasteriis, nullus jam dubitationi locus relinquitur eum sub eadem Benedicti regula Romæ duce Gregorio militasse. Hæc dixerim, non animo revocandi controversiam jam satis fuse agitatam, sed illustrandi argumentum quod ex his litanii strictius ac brevius in dissertatione mea exposui.

De aliis sanctis, qui in his litanii memorantur, plerisque fere ignotis, plura hic observare non vacat. Illud tantum adverto, Columcillum eum esse, qui Columba Hiberniensium abbas fuit, et sanctam Margaretam, cujus in his partibus non adeo antiqua memoria videbatur, in præmissis litanii locum habere.

VETERES LITANÆ ANGLICANÆ

A MILLE ANNIS EDITÆ.

(Mabill. Vet. analect.)

kyrie, eleison.		S. Andrea,	Ora.	S. Tite,	Ora.
Christe, eleison.		S. Jacobe,	Ora.	S. Philimon,	Ora.
Christe, audi nos.		S. Joannes,	Ora.	S. Clemens,	Ora.
Christe, audi nos.		S. Thoma,	Ora.	S. Syxte,	Ora.
Christe, audi nos.		S. Jacobe,	Ora.	S. Felix,	Ora.
sancta Maria, ora pro nobis.		S. Philippe,	Ora.	S. Laurenti,	Ora.
sancta Maria,	Ora.	S. Bartholomæu,	Ora.	S. Corneli,	Ora.
sancta Maria,	Ora.	S. Matthæu,	Ora.	S. Cypriane,	Ora.
		S. Juda,	Ora.	S. Sebastiane,	Ora.
De angelis.		S. Barnaba,	Ora.	S. Gervasi.	Ora.
sancte Michael, ora pro nobis.		S. Mathia,	Ora.	S. Protasi,	Ora.
sancte Gabriel,	Ora.	Omnes sancti chori apostolorum,		S. Vincenti,	Ora.
sancte Raphael,	Ora.	orate pro nobis.		S. Georgi,	Ora.
omnes sancti angeli, orate pro nobis.				S. Dionysi,	Ora.
omnes sancti archangeli,	Ora.	De martyribus.		S. Maurici,	Ora.
omnes sancti chori novem ordinum coelestium,	Ora.	Sancte Stephane (bis), ora pro nobis.		S. Victor,	Ora.
De apostolis.				S. Joannes,	Ora.
sancte Petre, ora pro nobis.		S. Luca,	Ora.	S. Paule,	Ora.
S. Paule,	Ora.	S. Marce,	Ora.	S. Donatiane,	Ora.
		S. Barnaba,	Ora.	S. Rogatiane,	Ora.
		S. Timothæu,	Ora.	S. Agustine,	Ora.

S. Cosma,
S. Damiane,
S. Romane,
S. Cæsari,
S. Marcelline,
S. Pancrate,
S. Nazari,
S. Benigne,
S. Symphoriane,
S. Hermes,
S. Felicissime,
S. Abdo,
S. Senes,
S. Tiburti.
S. Beate,
S. Candide,
S. Bonifaci,
S. Nicomedis,
S. Menna,
S. Magne.
S. Ruphine,
S. Nabori,
S. Juvenalis,
S. Beatrix,
S. Iacincte,
S. Martiniane,
S. Dremore,
Omnes sancti Chori martyrum,
orate pro nobis.

De confessoribus.

Sancte Leo, ora pro nobis.

S. Silvester,
S. Donate,
S. Gregori,
S. Augustine,
S. Hieronyme,
S. Benedicte (bis),
S. Hilari,
S. Martine,
S. Samson,
S. Brioce,
S. Melore,
S. Branwalatre,
S. Patrici,
S. Brindane,
S. Carnache,
S. Gilda,
S. Paterne,
S. Petrane,
S. Guinwaloece,
S. Courentine,
S. Citawe,
S. Guoidiane,
S. Munna,
S. Serwane,
S. Serecine,
S. Guiniave,
S. Tutwale,
S. Germane,
S. Columcille,
S. Paule,
S. Judicaile,
S. Mevinne,
S. Guoidwale,
S. Dircille,
S. Bachla,
S. Rawele,
S. Racate,
S. Loutierne,
S. Riacate,
S. Toninnane,
Omnes sancti chori confessorum,
orate pro nobis.

De virginibus.

Sancta Maria (ter), ora pro nobis.

S. Felicitas, Ora,

Ora. S. Perpetua,
Ora. S. Agatha,
Ora. S. Cecilia,
Ora. S. Agnes,
Ora. S. Anastasia,
Ora. S. Petronilla.
Ora. S. Eufemia,
Ora. S. Savina,
Ora. S. Scholastica,
Ora. S. Eugenia,
Ora. S. Sussanna,
Ora. S. Appra,
Ora. S. Columba,
Ora. S. Tecla,
Ora. S. Ninoca,
Ora. S. Ticiawa,
Ora. S. Genufeza,
Ora. S. Justina.
Ora. S. Cristina.
Ora. S. Crispina,
Ora. S. Crispimiana.
Ora. S. Corona.
Ora. S. Benedicta,
Ora. S. Senentina.
Ora. S. Margareta,
Ora. S. Blandina.
Ora. S. Martha,
S. Menna,
S. Mathitia,
S. Perpetua,
S. Concordia,
S. Julitta.

Ora. S. Sinclita.
Ora. S. Soffonia.
Ora. S. Crescentia,
Ora. S. Donata,
Ora. S. Juliana,
Ora. S. Portuna,
Ora. S. Victoria,
Ora. S. Tarsilla,
Ora. S. Emiliana,
Ora. S. Trifina,
Ora. S. Brigida,
Ora. Omnes sancti chori virginum,
orate pro nobis.

Ora. Omnes sancti, intercedite pro nobis.

Ora. Omnes sancti angeli, Intercedite.

Ora. Omnes sancti archangeli, Intercedite.

Ora. Omnes sanctæ virtutes, Intercedite.

Ora. Omnes sanctæ potestates, Intercedite.

Ora. Omnes sancti principatus, Intercedite.

Ora. Omnes sanctæ dominationes, Intercedite.

Ora. Omnes sancti throni, Intercedite.

Ora. Omnes sancti cherubim, Intercedite.

Ora. Omnes sancti seraphim, Intercedite.

Ora. Omnes sancti patriarchæ, Intercedite.

Ora. Omnes sancti prophetæ, Intercedite.

Ora. Omnes sancti apostoli, Intercedite.

Ora. Omnes sancti martyres, Intercedite.

Ora. Omnes sancti confessores, Intercedite.

Ora. Omnes sanctæ virgines, Intercedite.

Ora. Omnes sancti, Intercedite.

Ut per vestras orationes adipiscamur sine fine regnum cælorum Domino volente, per omnia sæcula sæculorum.

Ora. Propitius esto, parce nobis, Domine.
Ora. Propitius esto, libera nos, Domine.
Ora. Ab omni malo, Libera.
Ora. Ab omni immunditia cordis et corporis, libera nos, Domine.
Ora. A morbo malo, Libera.
Ora. Ab hoste malo, Libera.
Ora. Ab insidiis diaboli, Libera.
Ora. A persecutione inimici, Libera.
Ora. A periculo mortis, Libera.
Ora. A ventura ira, Libera.
Ora. Per adventum tuum, Libera.
Ora. Per nativitatem tuam, Libera.
Ora. Per baptismum tuum, Libera.
Ora. Per passionem tuam, Libera.
Ora. Per crucem tuam, Libera.
Ora. Per resurrectionem tuam, Libera.
Ora. Per ascensionem tuam, Libera.
Ora. Per descensionem Spiritus sancti, Libera.

Ora. Peccatores, te rogamus, audi nos (ter).

Ora. Ut pacem nobis dones, Te

Ora. Ut vitam atque sanitatem nobis dones, Te

Ora. Ut nobis in bonis operibus perseverantiam dones, Te.

Ora. Ut nos in vera fide et religione conservare digneris, Te.

Ora. Ut ecclesiam catholicam conservare digneris, Te.

Ora. Ut regem et episcopum nostrum conservare digneris, Te.

Ora. Ut vitam et sanitatem eis dones, Te.

Ora. Ut populo Christiano pacem et unitatem largiri digneris, Te.

Ora. Ut fructum terræ nobis dones, Te.

Ora. Ut cæli serenitatem nobis dones, Te.

Ora. Ut pluviam oportunitatem nobis dones, Te.

Ora. Ut charitatem nobis dones, Te.

Ora. Ut nobis veram pœnitentiam concedas agere, Te.

Ora. Ut clerum et plebem Anglorum conservare digneris, Te.

Ora. Ut universalem congregationem sanctorum conservare digneris, Te.

Ora. Ut eam in vera fide et religione conservare digneris, Te.

Ora. Ut nobis misereri digneris, Te.

Ora. Ut nos exaudire digneris, Te.

Ora. Fili Dei, Te.

Ora. Agnus Dei, qui tollis peccata mundi, miserere nobis.

Ora. Agnus Dei, qui tollis peccata mundi, parce nobis, Domine.

Ora. Agnus Dei, qui tollis peccata mundi, dona nobis pacem.

Ora. Christe, audi nos (ter).

Ora. Kyrie, eleison (ter).

Ora. Christe, eleison (ter).

Ora. Oremus, Pater noster.

Hæc oratio post litaniæ canitur.

Magnificis mirificisque orationibus atque meritis recensitorum patriarcharum, prophetarum atque apostolorum, plurimorumque martyrum, vel electorum, atque confessorum omnium, petimus et oramus, ut quemadmodum eorum nomina vel memoriam in hoc sæculo memorare et recitare frequentamus, ita atque ipsi pro nobis in regnis cœlestibus affectuales ac privatas preces fundere dignentur, ut a Deo veniam et indulgentiam impetrare atque obtinere, et eorum desiderandam et aspiciendam speciem et gloriam in regno Dei videre, et congaudere mereamur, præstante Domino nostro Jesu Christo, cui est honor, et potestas, et imperium una cum Patre atque Spiritu sancto in sæcula sæculorum. Amen.

ANNO DOMINI DLXXVI.

SANCTUS DOMNOLUS, EPISCOPUS CENOMANENSIS.

DE SANCTO DOMNOLO, EPISCOPO CENOMANENSI, IN GALLIA.

(Ex Bollandio.)

§ I. Vita scripta, cultus sacer, reliquiæ.

1. Inter episcopos Cenomanenses in Gallia nonus habetur sanctus Domnolus, sive Donnolus, cujus fortia facta et præclara trophæa quæ novit sua ætate perpetrata, scripto reliquit auctor Vitæ, qui cum eo in hac vitæ mortalis peregrinatione plurimum se conversatum esse testatur in prologo, additque, num. 10, se cæcum ejus meritis illuminatum sæpius vidisse atque ab illo plura alia viri sancti miracula didicisse; et sub finem asserit energumenum ad sepulcrum ejus sanatum, multis annis sanum secum permansisse, imo tres cæcos, se aspectante, luce redintegrata, incolumes abiisse, et multos alios morbis afflictos se conspiciente venisse, eosque beati viri meritis sanos inde recedere vidisse. Fuit autem is ex præcipuis ecclesiæ cathedralis presbyteris, unde ecclesiæ nostræ bona restituta et villas indicat, num. 11, 15 et 18; ipsamque Vitam vulgavit sub auspiciis sancti Hadoindi episcopi Cenomanensis, inter quem et sanctum Domnolum fuerunt Badegisilus et Bertigramnus. Vitam sancti Hadoindi dedimus (*Bolland.*) in addendis ad 20 diem Januarii cum ejus Testamento, in quo, num. 3, basilicæ sancti Vincentii, quam Domnolus sanctæ recordationis episcopus suo labore construxit, donat pratellum, juris sui villulam, ut vel inde ejus erga sanctum Domnolum affectus queat agnosci. Vitæ styllum nonnihil se emendasse ait Surius, quam inde damus nostro modo illustratam et distinctam, quia primogenio stylo hactenus non potuit apud Cenomanos inveniri, magna licet adhibita diligentia. Hisce adjungimus aliam breviorẽ Vitam ex vetusto Codice monasterii Anisolani nobis

B a Joanne Dardez procuratam et a Guilielmo Quirini transmissam, utroque nostræ societatis sacerdote et studiorum nostrorum amantissimo. Hæc Vita post priorem, cujus meminit, scripta est eo potissimum ut possessiones collatæ monasterio sancti Vincentii accuratius explicarentur. Cui subjungimus testamentum sancti Domnoli per modum obtestationis circa illud monasterium factæ clero Ecclesiæ suæ, cujus testamenti alterum exemplar pridem habebamus, alterum ex Ms. R. P. Ludovici Jacob a sancto Carolo, ordinis Carmelitani sacerdote, ipsi Parisiis descripsimus.

2. Mortuum esse sanctum Domnolum Kalendis Decembris indicant Acta, ad quem diem illius festum anniversaria celebritate recolitur a Cenomanensibus, et Saussaius in Martyrologio Gallicano ista scribit : « Cenomanis depositio sancti Domnoli, episcopi illius urbis et confessoris, cujus elogia expressa sunt die ejus ordinationis, scilicet 16 Maii : qua die ibidem celebriori cultu ejus est illustris memoria. » Idem Saussaius ad 16 Maii, post longum encomium ista habet : « Abiit quidem vir divinus ad superos Kalendis Decembris, quo die et in sacris Cenomanensis Ecclesiæ tabulis memoria ejus fulget, proprio cultu consignata. Verum Romana omnium mater Ecclesiarum hodie sacram ejus coronam veneratur, tanti antistitis ordinationem, etc. » Verum nulla ordinationis mentio sit in Martyrologio Romano, aut apud Molanum, Galesinium Canisium et alios, sed nuda memoria proponitur hoc 16 Maii, apud Cenomanos, sancti Domnoli episcopi. Nos, quod et Surius fecit, ejus vitam ad hunc diem damus. Joannes Bondonectus, monasterii sancti Vincentii a sancto Domno

constructi religiosus, in Vitis episcoporum Cenomanensium Gallice a se editis, et notis ad Vitam sancti Domnoli, asserit a suis coli sanctum Domnolum 22 Octobris, veneratione ad hunc diem translata, quod primus dies Decembris impediretur passim cum tempore Adventus: ob quam causam potuit ab aliis eadem veneratio translata fuisse ad hunc 16 Maii; aut certe ob aliquam corporis translationem aut elevationem.

3. Elevatum autem esse corpus sancti Domnoli, anno 1124, et translatum in capsam argenteam inauratam ab Hildeberto episcopo Cenomanensi, præsentibus Fulcone, comite Andegavensi et magna nobilium multitudine, testatur Bondonnetus p. 241, qui deinde duas alias translationes per legitima testimonia probat, quorum prius est tale: « Ego Simon *Hayenouve*, clericus Andegavensis diœcesis, in decretis licentiatus, apostolica auctoritate notarius, fidem facio et contestor fratrem Benedictum *Boulanger*, abbatem hujus monasterii sancti Vincentii, transtulisse ex vetustissima capsula in hanc novam corpus sancti Domnoli, confessoris et episcopi Cenomanensis et præcipui fundatoris ejusdem monasterii, die 25 mensis Januarii anno Domini 1535, præsentibus ibidem venerabilibus viris fratre Nicolao *Pivert*, abbate sancti Martini Sagiensis, patre Bremondo de Ponte, priore claustrali hujus monasterii, et totius conventus fratribus et aliis quamplurimis tum clericis tum sæcularibus, teste sigillo meo manuali hic apposito. » Hæc ibi. At posterius testimonium est ejusmodi: « Et ego Raphael *Marie*, in legibus licentiatus, notarius apostolicus et regius, Cenomanis commorans, attestor venerabilem patrem, fratrem Jacobum *Badocheau*, abbatem hujus monasterii sancti Vincentii, missæ sacrificio solemniter celebrato, idem corpus sancti Domnoli, propter tumultus bellicos ex hac nova capsula alio translatum, in eadem denuo restaurata recondidisse decima nona Januarii, anno Domini 1600, præsentibus ibidem totius conventus fratribus et discretis viris, Roberto *Oven* Anglo, et Nicolao *Noel* Picardo, presbyteris et canonicis Cenomanensibus et aliis quam plurimis Cenomanis commorantibus, teste sigillo meo manuali hic apposito et prædictorum sic signatum, *Badocheau* abbas. R. *Oven*, N. *Noel*, *Marie* Notarius. » Hæc ibi.

4. Est supra Parisios inter Sequanam et Matronam provincia Bria sive Brionia, et in ea oppidum *Chaume* seu *Chômes*, in cujus ecclesia circa annum 1530 inventum fuisse corpus sancti Dosmi (Gallice *Dosme*) ejusque caput ibidem quiescere, ac multis clarere miraculis, ac dici fuisse episcopum Cenomanensem, testatur Nicolaus Gillis in Annalibus Gallicis, in Francisco primo rege Francorum, fol. 553 editionis Parisiensis 1617. Antonius Corvaserius in sua episcoporum Cenomanensium Historia, arbitratur dictum corpus sancti Dosmi esse sancti Dommoli, quod nullo alterius nomen magis conveniat. Verum cum eodem tempore corpus sancti Domnoli fuerit in ecclesia monasterii sancti Vincentii Cenomanensis, et

is Gallice non *Dosme*, sed *Domnole* appelletur, videtur potius sanctus Dosmus alius a sancto Domnolo statuendus, sive is martyr, sive confessor habeatur.

Fatetur Bondonnetus non adesse Cenomanis caput imo nec omnia ossa sancti Domnoli: sed nec inde sequitur, quæ desiderantur, ossa deportata fuisse ad oppidum Chaumense et istuc conficere corpus. Verum hanc utrique parti controversiam decidendam relinquimus, et expectamus ut Chaumenses sua, si qua habent, documenta proferant atque communicent, aliquid lucis fortassis a nobis acceptura.

§ II. Tempus sedis et obitus. Peracta circa obitum sancti Leonardi Vendoperensis.

5. Habemus Historiam Francorum Gregorii episcopi Turonensis, olim a Rosweido nostro collatam cum. ms. vetustissimo Codice monasterii sancti Trudonis in Hasbania, in quo plurima desunt quæ passim in excusis exemplaribus leguntur, sed forsân a posteris inserta, uti alii ex mss. Codicibus Corbeiensi et Metensi indicarunt. In his mss. desunt illa quæ de sancto Domnolo in excusa historia sic leguntur lib. vi, cap. 9: « Domnolus vero Cenomanorum episcopus ægrotare cœpit. Tempore enim Clotarii regis apud Parisios ad basilicam sancti Laurentii gregi monasteriali præfuerat. Sed quoniam Childeberto seniore vivente, semper Clotario regi fidelis exstitit, et nuntios ipsius ad speculandum missos crebrius occultebat, præstolabatur rex locum in quo pontificatus honorem acciperet. Migrante autem Avennionensis civitatis pontifice, istum illuc dare deliberaverat. Sed beatus Domnolus hæc audiens, ad basilicam sancti Martini antistitis, quo tunc Clotarius rex ad orationem venerat, accessit; et nocte tota in vigiliis excubans, per priores qui aderant regi suggestionem intulit, ut non quasi captivus ab ejus elongaretur aspectu nec permitterent simplicitatem suam in senatores sophisticatedos ac judices philosophicos fatigari. Ad hæc rex annuens, migrante Innocentio Cenomanorum episcopo, ipsum Ecclesiæ illi episcopum destinavit. Jam assumpto episcopatu, talem se tantumque præbuit, ut in summæ sanctitatis culmen evectus, debili usum gressuum, cæco restitueret visum. Qui post viginti duos episcopatus annos, dum se cerneret morbo regio calculoque gravissime fatigari, Theodulphum abbatem in locum suum præelegit. Cujus assensus rex præbuit voluntatem. Sed non multum post tempus, mutata sententia, in Badegisilum domus regię majorem transfertur electio. Qui tonsuratus, gradus quos clerici sortiuntur ascendens, post quadraginta dies migrante sacerdote successit. »

6. Hæc omnia desunt in prædictis Mss. et videntur postmodum inserta, et in multis refelluntur ex textu Vitæ sancti Domnoli ab auctore cœvo et teste oculato scriptæ; imo et ex Vita breviori diu postea exarata: in quibus sanctus Domnolus alienigena habetur, ac Roma peregrinatus in Gallia jam tunc episcopus, assumptusque ad regimen Ecclesiæ Cenomanorum. Fabulosa ergo videntur quæ de Domnolo abbate sancti Laurentii dicuntur, ac forsân ab aliquo

alio Domnolo gesta ad hunc Cenomanensem perperam transferuntur; idque eo facilius, quo notior erat amicitia quæ inter sanctum Domnolum et sanctum Germanum episcopum Parisiensem intercessit. Quid quod ibi sanctus Domnolus statuatur alicujus proditionis reus, qui nuntios Clotarii regis ad speculandum missos crebrius occulebat? Hujusmodi sane culpa viro tam sancto non videtur recte tribui. Accedit quod auctor Vitæ dicat, jampridem defunctum fuisse beatum Innocentium cum Cenomanos venit Domnolus, necdum alio in ejus locum subrogato. Imo Bondonnetus aliique scriptores Cenomanenses, allegatis vetustis chartulariis dicunt ex iis haberi Scienfredum quemdam, qui mortuo Innocentio sedem invaserit, seu potius Ecclesiæ jura ac bona, quippe qui nunquam se ordinandum curaverit; unde factum sit ut in concilio Aurelianensi v, anno Childeberti 38, Christi 547, vicinis omnibus episcopis comparentibus per se aut missos suos, solis defuerit Cenomanensis; quem inde colligunt tunc nullum fuisse. Optarem produci chartularia illa ex quibus Scienfredus iste cognoscitur, nam ex publicis illis, si genuina sunt, instrumentis longe certius definiri poterit cujusque episcopi tempus, quam ex incerta posterorum conjectura: qui, ut longa annorum spatia paucis episcopis impleant, quos scilicet solos noverant, pluribus forte oblivione deletis, longa illis spatia annorum assignavere.

7. Sic in regesto pontificalis Ecclesiæ Cenomanensis ms. usque ad annum Domini 1255, habentur: « Gesta domni Innocentis, Cenomanicæ urbis episcopi, qui fuit temporibus Anastasii imperatoris, et Clodovæi primi Francorum regis Christiani et Childeberti filii ejus, » diciturque quod « sedit in prædicta sede annos 45 menses 10 dies 23, et fecit in ipsa ordinationes quinquaginta; presbyteros enim consecravat 318, et levitas atque alios ministros quantum necesse fuit. » Deinde sequuntur « Gesta domni Domnoli, Cenomanicæ urbis episcopi, qui fuit temporibus ultimis Childeberti et Clotarii atque primo tempore Chilperici filii ipsius Clotarii, qui fuerunt reges Francorum; » et dicitur quod « sedit in prædicta sede annos 46, menses 11, dies 24, et fecit ordinationes septuaginta, presbyteros 360, diaconos 250, et reliquos ministros sufficienter. » Similiter in Addendis ad 28 Januarii exhibuimus (Bolland.) « Gesta domni Haduindi, Cenomanicæ urbis episcopi, qui fuit ultimo tempore Clotarii filii Chilperici, et tempore Dagoberti filii Clotarii, et primo tempore Clodovæi filii ejusdem Dagoberti: » Circa finem autem asseritur quod « sedit in prædicta sede annos 30, menses 11, dies 23. » Operæ pretium esset illud regestum integrum dari in lucem, tum propter plura singulorum episcoporum gesta subjuncta instrumenta Cenomaniensis historiæ fundamenta et principia forsitan vehementer illustratura, nec non reliquæ Gallicæ historiæ magnum subsidium allatura; tum ad commodius judicandum de singulis; nonnulla enim certo adulterata sunt aut omnino fictitia. Interim præsumere licet, quo stylo cœptum est, eodem per-

ductum esse regestum illud usque ad domnum Gaufridum de Lauduno, cum quo desinit. Hoc autem posito, consequens etiam foret totum esse compositum sub ejus successore domno Guilielmo Roland, sæculo xiii, juxta eam quæ tunc habebatur satis vitiosa Francorum regum chronologiam; et numeros annorum, mensium, dierum, cuique episcopatui attributorum; qui ut posterioribus sæculis certi fuerint, non est credibile eos æque certos fuisse sex vel octo prioribus: imo pro primis saltem gratis esse definitos non solum censeo ego, sed et Bondonnetus, et versimiliter alii apud Cenomanos eruditi viri.

8. In Domnolo certe id clarum est, cui anni fere quadringenta septem tribuuntur ab ultimis temporibus Childeberti, qui obiit anno regni 49, Christi 558, usque prima tempora Chilperici, qui cœpit anno Christi 561. Interim anno Childeberti regis 30 habita est synodus Aurelianensis iv, cui Innocentius in Christi nomine episcopus civitatis Cenomanicæ consensit et subscripsit, adeo ut hic fortassis non ante annum 546 excesserit e vivis. Cujus locum si aliquam multis annis tenuit nunquam ordinatus Scienfredus, poterunt initia Domnoli, potius quam finis, referri ad prima tempora Chilperici: pro quo tamen rectius scriberetur nomen fratris Chariberti, Parisiense regnum, sub quo Cenomani erant, post Clotarii patris mortem obtinentis, sicut regnum Suessionense obtinebat Chilpericus. Poterit etiam sic verum esse, quod Gregorii Turonensis interpolator, auctor non quidem fidelissimus, sed tamen pluribus sæculis antiquior regesto, de Domnolo scripsit, *post viginti duos episcopatus annos* successorem postulasse et impe-
C trasse. Certe prima ejus notitia anno Christi 567 invenitur in synodo Turonensi ii, cui xv Kalendas Decembris, Chariberto annum sextum regnante, *subscripsit Domnolus, peccator episcopus Ecclesiæ Cenomanensis.*

Obtulerat huic synodo epistolam sancta Redegundis regina, qua petiit tutelam et stabilitatem institutæ a se congregationi, quam confirmarunt sanctus Domnolus aliique episcopi decreto suo, quod exstat apud Gregorium Turonensem, lib. ix Hist. Francorum, cap. 39. Inter episcopos qui tunc interfuerunt dicto concilio Turonensi fuit Felix episcopus Nannetensis, ad quem exstat poema Fortunati episcopi Pictaviensis, lib. iii, num. 6, de Dedicatione ecclesiæ suæ, cui sanctum Domnolum interfuisse hoc versu meminit:

Domnolus hic fulget meritis, Matacharius inde,
Jure sacerdotii cultor uterque Dei.

Chariberto rege Parisiorum mortuo sub annum 570, Cenomani fuerunt sub regimine Chilperici fratris ejus regis Suessionum, cujus regni anno 11, pridie Nonas Martii, id est ano 572, instrumentum pro monasterio sanctorum Vincentii et Laurentii, signatum est ab ipso Domnolo, et a sancto Germano episcopo Parisiensi, sub annum 576 vita functo. Ab hoc autem instrumento diversum videtur id quod citatur in Vita breviori, num. 4, ut factum pro eodem monasterio: quia memoratus Bondonnetus, p. 268, asserit hoc esse signatum Nonis Septembris, anno 20

Chilperici, id est Christi 581. Hoc ergo anno si mortuum dicamus sanctum Domnolum (nam successor Badigisilus interfuit concilio 2 Matisconensi, anno 585; et, juxta Gregorii interpolati cap. 39, lib. viii, quinto expleto ingrediebatur sextum sui episcopatus, anno 11 Childeberti Austrasiorum regis, Christi 587), episcopatus Domnoli non tantum initia Chilperici attigerit, sed totum fere illius am apud Suessiones quam Parisios regnum æquaverit; nec tamen plus multo quam annis 22 sederit, incipiens anno Christi 559, et mortuus 581, die 1 Decembris.

9. Alia rebus sancti Domnoli obscuritas offunditur ex Vita sancti Mauri, quam sub nomine Fausti coævi habemus, dedimusque ad 15 Januarii (*Bolland.*). Ibi enim, num. 16, a beatissimo Bertigramno, Cenomanicæ urbis episcopo, narratur legatio missa ad sanctum Benedictum, pro suorum colonia postulanda: qui sanctum Maurum discipulum cum sociis quatuor direxerit in Galliam; sed hi (ut dicitur num. 33) intelligentes Aureliis « beatum Bertigramnum episcopum jam migrasse ad Dominum, aliumque in loco ejus jam substitutum pontificem; » ac deinde num. 35, quod locus « Rupiacus, sibi ad construendum monasterium a beato Bertigramno provisus, non admodum aptus erat regulari religioni..... quodque Domnolus episcopus nihil de hac re, » quam suus decessor exorsus erat, « facere vellet, » respondens, « se propriis magis quam alienis velle insistere cœptis, ne supra alienum ædificare videretur fundamentum; » hæc, inquam, intelligens sanctus Maurus cum sociis, oblatum in ditione Andegavensi locum acceptarit, et Glannofoliense monasterium fundarit. Interim constat Bertigramnum non præcessisse, sed successisse Majolo, post Baudigisili quinquennem tyrannidem, et anno 589 rescripsisse Guntramno regi in causa monachorum Pictaviensium, inter octo episcopos ultimum, velut omnium juniorem. Nemo est igitur inter modernos scriptores qui vitium non agnoscat obrepisse, aut Odoni abbati Glannofoliensi, Vitam sancti Mauri, « salva fide dictorum ac miraculorum inibi repertorum, corrigere satagenti » anno 868, aut hujus ipsius interpolatori; sed omnes fere in hoc conveniunt, ut pro Bertigramno, Innocentium; pro Domnolo, Scienfridum invasorem censeant esse substituendum: eo quod sibi certo persuadeant vivente etiamnum sancto Benedicto deductam esse istam discipulorum ejus coloniam; illum autem nos ostendimus obiisse anno 643.

10. Ego vero dum considero toties inculcatum Bertigramni nomen rursus repeti in prologo ad historiam translationis sancti Mauri, « quem, » inquit Odo, scribens Almodo Cenomanicæ ecclesiæ archidiacono, « a pontifice sanctæ sedis, cui Deo auctore deservis, beato scilicet Bertichramno, nostris, ut nostis, ascitum gaudemus provinciis. » Hæc, inquam, dum considero, vehementer impellor, non ut Bertegramni nomen retinendum atque ab ejus successore sancto Chadoindo rejectum sanctum Maurum censem (sic enim missio illa usque ad annum fere 618

A esset differenda, destructo ante annos ferme triginta Casinensi cœnobio, quando Maurus sancti Benedicti discipulus debuisset fuisse centenario proximus), sed potius, ut prolixum illud de sancto Mauro scriptum (quod veluti ex quaterniunculis a Fausto coævo scriptis circa sanctum Benedictum ejusque discipulos, ab Odone Glannofoliense acceptum expolitumque obtruditur) merum esse sequentis ævi figmentum opinor, ei simile quod de martyrio sancti Placidi et sociorum, sub nomine Gordiani eorundem ministri, habetur; cui quid solidæ veritatis subsit, inter tot mendaciorum monstra nequeat vel per conjecturam prudentem definiri. Nisi forte placet suspicari, paulo ante Cassinensis monasterii factam a Langobardis destructionem, id est ante annum 589, a sancto Bertegramno quidem exoratum Bonitum, non Benedictum abbatem, suo condiscipulo Mauro, jam ætate gravi, primam trans Alpes coloniam deducendam commisisse; Maurum vero intellecta, non morte episcopi, sed turbis in episcopatu suscitatis a decessoris defuncti vidua, ipsam forte Rupiaci possessionem ad se trahente, istis substituisse ubi commodior tranquilliorque offerebatur locus novo instituti sui monasterio condendo. Istarum certe controversiarum testis est lib. viii, cap. 39, Gregorius Turonensis, saltem interpolatus, et sufficere illæ potuerunt disturbando primo Bertigramni consilio, quod Chadoindus successor, satis pacatum pontificatum habens, executioni mandarit, « in vico Aurion, a Rupiaco villa dependente, monasterium construens e agmina monachorum regulariter inibi Deo servientium nobiliter instituens. » Sed hæc plane discutienda erunt in nova atque in duplum augenda quam posterius curabunt, editione Januarii, multa reformatione egentis, ut sunt imperfecta rerum ordinum principia.

11. Ut autem ad sanctum Domnolum ab impertuna, quam ingestæ fabulæ extorserunt, digressione revertamur, præclarum testimonium eidem datum in Vita sancti Leonardi anachoretæ, qui in ejus diocesi sub sanctis Innocentio et ipso Domnolo episcopis floruit, et colitur 15 Octobris; quod inde excerptum hic damus, et est ejusmodi: « Erat sanctus Leonardus Deo amabilis et hominibus dilectus. Solitus namque erat sanctus Domnolus episcopus Cenomanensis, cujus et monachus erat, eum dirigere ad sanctum Germanum Parisiorum episcopum, qui ambobus dilectus et credulus erat..... Obiit autem prædictus sanctus Leonardus sub Chilperico Francorum rege Idibus Octobris, in pace, plenus dierum, in senectute bona, et sepultus est in supradicta cellula sua a sancto Domnolo ante dicto episcopo. Nam pridie antequam obiisset dictus sanctus Leonardus, venit vox divina ad Domnolum ante dictum episcopum, præcipiens ei ut iret Deo suis sanctissimis precibus animam commendare supradicti confessoris: quia de sæculo crastina die eum migrare, et cum sanctis et electis Dei animam collocari oportebat. Qui statim cum suis ministris, hoc quod ei jussum divinitus

fueraſt perficere non tardavit. Nam et ante dictus ſanctus Leonardus, prænoſcens divinitus ſancti pontificis adventum, præcepit fratribus ut ad ejus ingreſſum ſe præpararent, et digne, ut ſeniores Domini pontificem decebat, eum ſuſciperent, et omnia neceſſaria miniſtrarent. Indicavit etiam fratribus ſe ipſa die, poſtquam præfatus pontifex ſuam Deo commendaret animam, de ſæculo exiturum. Adveniente quoque ſuo epifcopo, ejusque animam commendante, mox Domino ſuam ſanctam animam reddidit. Quo defuncto dum ſancta ejus membra portabantur ad tumultum, cæci tangentes ejus vehiculum viſum rece-

derunt priſtinum. Sepulto autem eo, per electionem eorum monachorum, ſanctus Domnolus unum ex ipſis ſibi conſtituit et ordinavit abbatem : qui uſque in hodiernum diem eandem ſub ſancta religione, diſponente et ordinante epifcopo, gubernat et regit cellulam. » Hæc ibi. Quæ etiam, ſed contracta, habet Bernardus Guidonis epifcopus Ludovenſis, tomo II de Vitis Sanctorum. Locus olim Vendopera dictus, nunc a ſancto Leonardo nomen habet, ſitus ad Saram fluvium in decanatu Frenſenſi, verſus conſinia Normanniæ.

VITA

SANCTI DOMNOLI, CENOMANENSIS EPISCOPI,

AUCTORE PRESBYTERO CENOMANENSI COÆVO.

PROLOGUS.

1. Sanctæ et individue Trinitatis freti auxilio, omniumque ſanctorum precibus fulti, tum etiam præcedentium Patrum incitati ſtudiis, denique reverendiſſimi præſulis noſtri Haduini hortatu confirmati, beatiffimi patroni noſtri Domnoli, Cenomanicæ urbis epifcopi, vitam illuſtrem, multorum utilitati profuturam, ipſo nobis opitulante, ſcribendam ſuſcipimus. Non enim ſumus neſcii veteribus id ſtudio fuiſſe ut ſuæ ætates egregios viros ſcriptorum ſuorum monimentis ad poſteriorum notitiam transmittèrent, eorum præclaræ dicta et facta aut litteris conſignarent, aut picturis exprimenda, aut æri inſculpenda, vel marmoris ſpectato opere repræſentanda curarent. Putabant enim ſe operæ pretium facturos, ſi qua in iis, vel aliis utilia, vel cognitione digna, vel ad imitationem præclara viderentur, ea ſua induſtria et labore poſteris innoteſcerent : ut ita neque ſuo ſæculo alieni a ſtudio religionis et pietatis, neque erga poſteritatem parum officioſi cenſerentur. Quod ſi vero hoc plerique ex illis non modo in ſanctos, ſed etiam in quosdam alios ipſis charos homines declararunt : quanto magis nos ſagaciter et accurate ſanctorum res geſtas investigare atque ad aliorum quoque notitiam proferre debemus, ut eorum provocati exemplis doctrinaque informati ad ea nos ſemper intendamus, quæ ſint grata et accepta Deo? Cavendum certe nobis eſt ne militum Chriſti fortia facta et præclara trophæa, ea præſertim quibus noſtra ætate inſignes et illuſtres fuere, ſilentii carere premamus; ſed potius quantum ille dederit, qui eſt auctor omnis boni, qui ora mutorum aperit et linguas infantium diſertas facit, quæ poſſint ſucceſſoribus noſtris eſſe uſui, ea vel mediocri ſtylo conſcribamus. Eſti autem nos ejusmodi operi impares eſſe non ignoramus (quippe quibus eſt ingenii, eloquentiæ et eruditionis anguſta ſuppelleſ), attamen

B ſatius fore arbitrati ſumus, vel exiliter dicere ea pauca quæ novimus, quam cum ſervo pigro et deſidioſo, pro retenta Domini pecunia, in damnationis diſcrimen adduci. Quæ igitur ab illis egregie perpetrata ſunt, nos licet indigni, ſaltem utcumque commemoremus. Neque enim id facimus noſtra temeritate adducti, ſed, ut jam ante dictum eſt, voluntate et mandato venerandi pontificis noſtri Haduini, qui nos beatiffimi Domnoli epifcopi vitam jussit vel rudi exarare ſtylo. Cujus, tanquam urbis noſtræ antiſtitis, jussioni libenter morem gerentes, ejus fulti precibus, ad ſcribendum nos accingimus; ſuppliciter invocantes beatiffimi Domnoli habitorem Spiritum ſanctum, ut qui illi gratiam largitus eſt miracula et admirandas patrando virtutes nobis copiam tribuat et facultatem eas narrandi, ad laudem et gloriâ ſuam et fidelium ædificationem : ut facta eximii patroni noſtri, ſi tamen id fieri poſſet, dictis exæquemus, qui cum eo in hac vitæ mortalis peregrinatione plurimum converſati ſumus : quanquam ſane tantæ ejus virtutes ſunt ut eum pro dignitate laudare humana fragilitas nequaquam poſſit. Cum ſit autem aliud, teſte divo Hieronymo, locis communibus laudare defunctum, et aliud defuncti proprias narrare virtutes; nos hoc opusculum ad bonorum exemplum ab illo tempore auſpicabimur, quo nos glorioſo adventu ſuo illuſtrare, nobiſcumque manere ex Dei providentia juſſus eſt.

CAPUT PRIMUM.

D *Iter romanum; episcopatus Cenomanensis; monasteria constructa.*

2. Itaque beatiffimus Domnolus, urbi Cenomanicæ deſtinatus epifcopus, virtutum omnium floribus redimitus, in alia regione ex generoſis parentibus, quod ejus probi mores et nobilis converſatio teſtabantur, eſt procreatus. Ut enim ex radice fructus proficiſcitur, ita ex fructus ſapore radicis natura

intelligitur : et quemadmodum fructus arboris, etiam si procul asportetur, non tamen amittit suavitatem quam ex radice accepit; sic etiam hic sacratissimus vir, undecumque sive quibuscumque ex partibus ad nos advenerit, sanctæ nobilitatis suæ dulcedinem nos celare non potuit. Etsi vero apud nos in episcopum consecratus non fuit, ad nos tamen in multorum salutem divinitus est transmissus. Nam ad imitationem Abrahamæ patriarchæ, cui a Deo dictum est : *Egredere de terra tua, et de cognatione tua, et de domo patris tui, et veni in terram quam monstravero tibi*; jam ordinatus alibi episcopus, relicta patria et parentibus, cunctisque rebus quas possidere videbatur, Romam profectus est, limina beatissimorum apostolorum orationis gratia visitaturus. Ubi cum animi sui devotioni fecisset satis, post longa itineris emensa spatia, Domino gubernante, ad Cenomanos appulit : quos propter obitum sui pontificis magno offendit animi mœrore affectos. Jam pridem enim beatus Innocens (a) ad Dominum migrarat, et laboris sui erat præmia consecutus; in ejus vero locum necdum alius subrogatus fuit. Cum igitur hunc virum sanctissimum conspexissent, eumque jam episcopatum ordinatum didicissent, tam procures et principes quam clerus universus et populus, non solum urbanus, sed etiam rusticus, divino id instinctu agente, uno ore, eadem animi sententia obnixè eum deprecabantur, vellet ipsos ipsorumque civitatem et patriam non invitus gubernandam suscipere. Quamvis autem ea in re valde se difficilem præberet, ad extremum tamen aliud agere non potuit quam quod populus Deo inspirante postulavit.

3. Suscepit (b) igitur, sed sane invitus et compulsus, episcopi ministerium cum multa humilitate : Dominoque cooperante, toto vitæ suæ tempore, non parum illis quibus præerat contulit. Denique qualem se quantumque illic præstiterit, ejus vitæ finis declaravit, in quo laus omnis tute canitur. Erat vero hoc ejus nobilitatis insigne, quod Christo die ac nocte alacri et jucundo animo gratiam exhibebat servitutem, neque tamen vel a generis nobilitate, vel ab operum sanctitatis gloriæ et laudis fumos captabat; sed præclara de se præbens virtutum exempla, intra se suos thesauros deposuit, et Dominum mundo corde complectens, pompam omnem mundi hujus toto pectore contempsit. In conversatione erat humilitate conspicuus, charitatis dulcedine fervens, castitatis splendore illustris, jejuniorum pinguedini deditus, disciplinæ vero cælesti adeo se totum addixit, ut pontificale ministerium pro dignitate, et quidem pie et

A devote sit exsecutus. Porro autem socia charitate ac mutua benevolentia conjunctus fuit Germano (c) sanctissimo Parisiorum antistiti : quem et creberrime invisere consuevit, et ab illo itidem non raro visitatus est. Cumque se invicem divinis inflammarent adhortationibus, subjectis populis tam verbis quam exemplis haud vulgariter profuere. Non enim immemores erant illius dominicæ sententiæ, quod si duo ex vobis consenserint super terram de omni re, quamcunque petierint, fiet illis a Patre meo; itemque illius, *Ubi sunt duo vel tres congregati in nomine meo, ibi sum in medio eorum*.

4. Extruxit autem sanctæ ecclesiæ amator devotissimus monasterium quoddam in suburbio civitatis suæ, tum ut ejus urbis esset munimentum, tum ut posset Domino animas lucrificare : idque in honorem sanctorum martyrum Vincentii et Laurentii (d) consecravit, ipsi autem consecrationi adesse voluit memoratum Germanum episcopum, ut amborum solemni dedicatione ad majorem populus devotionem incitaretur. In ejus vero consecratione de rebus ecclesiæ suæ multa testamento ei legavit atque confirmavit, permittente et favente Chilperico Francorum rege ejusque principibus, multis etiam id ei suggerentibus episcopis, imprimis autem sancto Germano, clero quoque populoque ut id faceret adhortante, quemadmodum in ejus actis adnotatum est : subscripsit autem sua manu et approbavit (e) beatus Germanus, pluresque alii episcopi. Porro in eadem ecclesia caput beati Vincentii martyris et magnam craticulæ partem in qua sanctus Laurentius assatus est, honorifice reposuit; monachos etiam sub cura et moderatione Leusi abbatis, quem ipse præfecit, ad regulæ præscriptum illi degere Dominoque servire voluit. Tanto autem amore beatissimum Germanum episcopum complectebatur, ut in ea ipsa sanctorum Vincentii et Laurentii martyrum ecclesia, sepulturæ locum ei præpararit; ubi tamen postea ob certas quasdam causas, non sanctus Germanus, sed ipsemetdigne humatus est.

5. Cumque religionis monasticæ propositum mirifice complecteretur, in ea cellula in qua sanctus Julianus, primus Cenomanorum episcopus, corpore requiescit (f), juxta monasterium Victorii (g), quod situm est ad flumen Sartam, monasticum institutum quo jam pridem illic florere cœperat, mirifice augmentavit, adeo ut quinquaginta fere monachos illic regulariter degere voluerit, eaque quæ ad victum pertinent tam illorum quam peregrinorum et adventantium magnifice suppeditavit. Aliud quoque monasteriolum

(a) Sanctus Innocens sive Innocentius colitur 16 Junii.

(b) Sanctus Domnolus suscipit episcopatum cum jam pridem, ut supra dictum, sedes vacasset.

(c) Vitam sancti Germani Parisiorum episcopi damus 28 Maii.

(d) Appellatur etiamnum monasterium sancti Vincentii martyris, cujus Acta dedimus 22 Januarii, et s. 2 de reliquiis sancti Vincentii varia controversa posuimus.

(e) Infra in testamento memoratur Audoveus, alius etiam Audoinus episcopus Andegavensis.

(f) Sanctus Julianus anno 1201 inde translatus est ad ecclesiam cathedralem; et quæ ante, ut infra dicitur, erat dicata sub nomine sanctæ Mariæ ac sancti Gervasii et Protasii, ab eo tempore mansit sancto Juliano sacra. Hujus Vitam dedimus ad diem 27 Januarii.

(g) Sanctus Victorius aut Victurius est sextus Cenomanensis episcopus, et colitur 1 Septembris.

xenodochium ultra Sartam flumen, in honorem beatissimæ matris Dei et Virginis Mariæ sapienter ædificavit atque suæ ecclesiæ rebus dotavit, accurate constituens ut illic pauperes et peregrini egentesque omnes, qui intra urbem propter ejus jugem custodiam admitti non possent, reciperentur. Porro monachos viginti quatuor illic ad regulæ monasticæ præscriptum vivere voluit qui et perpetim servirent Deo et adventantes pauperes recrearent, atque hospites comiter et congruenter acciperent. Iis autem monachis quemdam e suis probatissimæ vitæ virum, Paduinum (a) nomine, ecclesiæ beatorum Vincentii et Laurentii per id tempus præpositum, abbatem præfecit: locumque ipsum et sibi et successoribus suis subditum esse debere decrevit, adhibita etiam adjuratione et detestatione, ut hospitale ejus urbis perpetuis temporibus in pontificum dititione esset.

6. Quanta autem apud vos degens vir sanctus corpus suum abstinencia affecerit, quam se perpetuis confecerit vigiliis, quam in præstandis eleemosynis liberalis et profusus fuerit, solus ille ad plenum novit cui cognita sunt omnia; nec puto quemdam mortalium facile omnia explorare et indagare potuisse, quandoquidem ejusmodi ille clam potius quam palam faciebat. Et, ut paucis multa expediamus, qualis quantusque fuerit, quæ et quanta gesserit, non potest mortalis lingua explicare, quod supra hominem fuerit quidquid fere gestum ab eo. Macerabat se et vigiliis et continua inedia, adeo ut etiam fortissimi juvenes ejus parcimoniam ferre non possent. Ita corpus suum redigebat in spiritus servitutum, adeoque illud mortificabat, ut posset illud apostolicum non immerito illi accommodari: *Vivo autem jam non ego, vivit vero in me Christus*. Cum equitaret in itinere, semper de Deo aut loquebatur, aut canebat. Cursum (b) vero suum (id est pensum precum canonicarum) per horas legitimas persolvens reliquo diei tempore, quando opportunum videbatur, studium psallendi divina eloquia, aut lectitandi, aut in preces incumbendi non omittebat. Ad mensam ipso accedente, mox aderat lector recitans divina eloquia: ut inter epulas quibus caro fovebatur, spiritualibus alimoniis potius convivæ explerentur. Nullum omnino sibi tempus præterlabi sinebat, quo non aut prodesset aliis, aut ad suos profectus aliquid adjiceret, quod si quis ejus facta curiosius inquisierit innumera magnarum virtutum miracula inveniet, e quibus nos vel pauca promemus.

CAPUT II.

Varia miracula in vita patrata.

7. Quodam die Dominico, cum peracto officio solemni ad mensam pransurus ex more accederet, il-

(a) Sub nomine sancti Paduini, vulgo sancti Pavini, est parochia in diocesi Cenomanensi ubi colitur 15 Novembris. Vita aliqua ejus exstat inter Acta sanctorum ordinis Benedictini sæculi primi.

(b) Cursus, ut hic explicationis causa additur, passim pro divinis officiis aut horis canonicis sumitur. Ita memoratur sanctus Germanus solitus cursum

latamque aquam minister in ejus manus infunderet, et lotis manibus malluvium asportaret, cæcus quidam Siagrius numine ei venit obviam, et aquam quæ de manibus pontificis defluerat sibi dari petiit, ea suos oculos abluturus. Minister id parvi pendens, dedit ei aquam, ut petierat. Ea cæcus suos perfudit oculos, et in Christi nomine, meritis sancti Domnoli mox restituto visu, lætus abscessit. Quem quidem cæcum sæpius ego vidi, multique e sociis nostris, atque ab illo tum istud tum plura alia sancti viri miracula didici. Perlata est autem hujus rei fama ad multorum aures, et invito pontifice longe lateque diffusa, erat enim sanctissimus ille senex singulari præditus animi munditia et humilitate. Nec dubium quin apud omnipotentis Dei singularem misericordiam multum valeat humani cordis puritas et simplicitas, convenienter illi sententiæ Salvatoris: *Beati mundo corde, quoniam ipsi Deum videbunt*.

8. Vir quidam nobilis, genere et opibus prædives regiusque consiliarius, in villam Ecclesiæ cui vir Dei præerat, Tridentem vocabulo, sitam in condita Diablentica (c) obstinato animo invasit, eam sibi vindicans. Crebro autem illum admonuit vir sanctus ut a suis maleficiis respiceret, et ad meliorem frugem se reciperet. Videns autem se nihil ratione proficere, ad precandum Dominum se contulit, ut res pro expiandis peccatis olim a fidelibus ecclesiæ donatas ipsi restitueret. Interim sacrilegus rerum Deo dicatarum occupator, divina ultione in eum animadvertente febre corripitur, eademque continenter laborat. Sed neque sic tamen res male usurpatas redere voluit, ut ejus pœna fieret cumulatior. Cum autem ea febre dire affligeretur, lecto decumbens, visus est sibi quadam nocte videre Matrem Domini (cui res ab ipso usurpatæ, unaque beatis martyribus Gervasio et Protasio dicatæ erant) ferreo malleo ipsum in fronte percutientem. Mox igitur multo terrore correptus, ad sanctum Domnolum misit qui eum rogarent ut res ipsi ablatas cum fenore reciperet. Nec tamen potuit sanitati restitui donec sanctus Domnolus ad eum veniret. Ubi autem ille advenit, omnia in duplum restituit ecclesiæ ministris, et post dies paucos precibus et meritis beati viri salus ei reddita est; sed vulneris ejus fronti malleo impressi, quoad vixit, vestigia permansere. Quod idcirco factum est, ut ille suo exemplo a simili facinore alios abstereret. Quas autem res ille duplicatas tum sancto viro restituit, eas ecclesia nostra hactenus possidet.

9. Quodam quadragesimæ tempore in cellam Anisolæ (d) monasterii vir sanctus sese abdiderat, Domino in silentio et solitudine vacaturus. Ecce autem Francus quidam nobilis genere, regi valde familiaris, quamdam ejus Ecclesiæ villam, Bonallam no-

nudo capite dicere, uti in ejus Vita Fortunatus.

(c) Condita Diablentica videtur esse ditio Cenomanis contigua Perchensis comitatus, versus Nogentum Rotrudis: et ex voce *condita* pro, regiuncula, mansisse Francis nomen *Condé*, etiam hodie pluribus in Gallia locis commune.

(d) Anisola, sive Aninsula celebre monasterium,

mine, in pago Stadinse sitam, ad se rapuit. Ubi paschalis solemnitas præterit, eam iniquitatem vir Dei moleste ferens, dolensque se vivente suam ecclesiam nudari facultatibus suis, duos diaconos misit ad Francum illum sacrilegum, et mire jam obstinatum. Sed diaconi nullum ab eo quale vellent retulere responsum. Tum vero sanctus vir, corde compunctus, animo intrepidus, eo se contulit, ut res suæ fidei creditas recuperaret, fretus auxilio præpotentis Dei. Cum igitur die quodam Francus ille solennes celebraret epulas in villa per sacrilegium ablata, haberetque apud se parentes et amicos, nuntiatum est ei præ foribus adesse sanctum episcopum, resque ipsi a Domino commendatas repetere. Id ut audivit ille, valde animo commotus, iussit eum a tota villa prorsus excludi et ejici. At episcopus non recalcitrans, quemadmodum apostolus monet, dedit locum iræ, sed ita ultio divina in sacrilegum excitata est.

10. Cum enim nocte illa juxta morem sanctus episcopus in oratione persisteret, sacrilegum virum invasit febris, quæ infelicem animam altero mane extorsit ab illo; sicque miserrime excedens e vita, absque luctu et sine precibus in bivio sepultus est. Et quidem dignus erat tali morte, qui sanctum virum ausus fuit contristare, et oblationes fidelium resque Deo dicatas sibi vindicare. Factum est hoc meritis beati antistitis, ut cæteri ab hujusmodi maleficio absterreantur, ne similia ipsis accedant. Cum sic autem ille per iisset, multis ecclesiis res ipsarum restitutæ sunt, quas tyranni jampridem per temeritatem invaserant. Nam timore percussi, non fuerunt ausi retinere illas; atque ita unius horrenda damnatio multis profuit ad resipiscentiam, reddiditque pœnitentia emendatos. Sic nimirum omnipotens Deus per fidelem servum suum suas restauravit ecclesias, multique servi Dei ingentes Domino laudes et grates egere, jucundis vocibus cantantes: *Adjutor et protector factus est nobis Dominus in salutem.*

11. Puerulus quidam, Rainarius nomine, a parentibus oblatus est sancto viro. Is puer et cæcus, et surdus, et mutus, et claudus erat. Unxit autem eum vir Dei oleo benedicto, et crucis signo eum communivit, et totus revaluit. Clericus quidam Oximensis (a), Eleutherius nomine, videns tot admiranda fieri a sancto viro, obtulit ei filium suum, quem diuturna febris vehementer afflictabat. Misericordia motus vir Dei aquam iussit afferri. Allatam, cum prius Christi nomen invocasset, et eam cruce consignasset, puero bibendam obtulit. Bibit ille, et Christo propitio, meritis episcopi continuo sanus effectus est. Vir quidam Andegavensis, Stritius nomine, in maxilla mire cruciabatur ex pustula magna. Occurrit sancto episcopo, petiit tanto malo medicinam: salliva sua pustulam tetigit vir sanctus, et homo curatus est. Quodam

a sancto Carilefo tempore Childeberti regis constructum in inferiore Cenomanensi agro apud Vindocinensem urbem, ut diximus Kalendis Martii ad Vitam sancti Siviardi abbatis Anisolensis, latius dicturi ad Vitam sancti Carilefi 1 Julii. Videtur is mortuus ante adventum sancti Mauri in Gallias, ut vel hinc præ-

die in villa nostræ ecclesiæ, quam Baiadonem vocant, sancto episcopo pontificale exsequenti ministerium, Magnatius quidam oblatus est, qui die Dominico intra ipsius villæ fines ab opere se non abstinens, Deo ulciscente, luminibus orbatus fuerat. Vir sanctus sacrosanctam invocans Trinitatem, expresso signo crucis, cæcitatem depulit, visum reformavit, monuitque hominem ne quidquam hujusmodi deinceps admitteret.

12. Exiit quandoque vir beatus extra urbem nostram, audivitque damnatorum voces e carcere. Misit itaque ministrum suum ad custodem carceris, qui ei diceret, ut vinctos illos absolutos pateretur abire. Respondit custos non se id ausum esse, ne ipse cogeretur in illorum locum succedere. Tum vir Dei cum lacrymis rogavit Dominum pro illis: et ecce die tertio sua sponte patescit carcer, exeuntque qui illic detinebantur, et ad nostram ecclesiam sese conferunt. Clericus quidam Ragnoinus nomine venit ad sanctum pontificem, rogans ut sacerdotio initiaretur. Percontatus est autem ex illo vir sanctus, num caste viveret et a feminis se servaret incontaminatum. Illo constanter respondente, se hactenus impolluto corpore Domino serviisse, vir beatus ei et locum, et tempus, et mulierem libidinis ejus sociam indicavit. Cernens clericus se latere hominem Dei non posse, propria convictus conscientia, ad pedes ejus procidit, et culpam suam confessus est. Id ubi ad aliorum notitiam pervenit, multi sacris initiandi ab ejus se conspectu subduxere; maleque sibi consci, non fuere ausi sacros ordines ab illo petere, certo persuasum habentes, non eum latere etiam secreta cordium.

13. Est villa ecclesiæ nostræ quam Crisiacum vocant. In ea cum esset vir Dei, adducti sunt ad eum duo dæmoniaci, rogabantque eum parentes eorum, ut suis precibus illos sanaret. Sciscitabatur autem ex eis sanctus antistes, cur id ipsis accidisset; et per eorum ora respondebant immundi spiritus, se torqueri ab ipso, nec posse coram eo celare præstigias suas: rogabant autem eum ut si ipsos inde vellet ejicere, saltem sineret migrare in porcos. Permisit hoc vir sanctus et crucis signo edito profligavit illos, ita ut omnes astantes laudarent Dominum mirabilem in sanctissimis. Sunt vero etiam multi alii a dæmonibus obsessi, ab eo liberati. Hac autem miraculorum assiduitate fama ejus ubique divulgabatur, et jam quadam die revertenti ab expeditis quibusdam negotiis, quæ ad populi ipsius curæ commissi utilitatem pertinerent, multa plebs ei occurrit adducens ægros et male affectos, diversisque languoribus laborantes, qui omnes ab eo incolumes recessere.

sumi possit, quod eidem regulæ, quam Anisoluni servabant sua monasteria subjecerit sanctus Domnolus.

(a) Oximum oppidum Normanniæ sub jurisdictione Alenconiensi vulgo *Hiesmes* dictum.

CAPUT III.

Virtutes sancti Domnoli, obitus, sepultura, miracula.

14. Etsi autem celebre esset nomen ejus et sublimis gradus honoris, attamen major erat et insignior virtus ejus. Serviebat sine offensione ei qui *prope est omnibus invocantibus eum in veritate, et qui voluntatem timentium se facit, et deprecationem eorum exaudit.* Poteram quidem plura ejus commemorare miracula, sed multa prætermisi, ne lectori fastidium parerem. Magna autem in eo virtus inerat, et multa verborum vel ex ejus ore promebatur. Cum populis verbum Domini annuntiaret, vix quisquam tam ferreo versabatur pectore, quem ejus conciones ad lacrymas non moverent. Mirabantur auditores spirituales sermones ejus, qui plerumque adeo humanum captum excedebant, ut ab angelo proferre viderentur. In episcopatus functione ita se gessit, ut celebres majores suos ipse celebriori vivendi ratione etiam illustrarit. Nec tamen vel ex generis splendore, vel pontificia dignitate ejus animum ulla inflavit elatio; spiritu pauper prius moribus egit pontificem, quam ad pontificis gradum esset eVectus. Collatus honor tantus eum meritis conspicuum non fecit, sed invenit: virtute instructus erat antequam esset sacerdos. Sacerdotio virtus pariter sua accepit incrementa. Tota ejus in pontificatu vita talis fuit quæ pontificis officium et verbo et exemplo præstaret. Nec culpa vacare putavit, judicioque divino obnoxium se fore timuit, si qui sibi uni antea privatus vixisset, jam episcopus non viveret universis. Inde adeo factum est, ut ipse semper aliquid adjiceret ad virtutes suas, et Dominus ad coronam. Cantans itaque canticum graduum, in eam curam intentus fuit, ne ad illam supernam civitatem solus ascenderet, sed socios eo secum permultos adduceret. Atque in hac via servus Dei simpliciter prudens et severiter lenis, doctrinam vita, mores comitate ac mansuetudine, zelum legis scientia commendavit. Unde factum est ut illum populi favor et gratia principum, sermones vero illius non mediocris consecuta sit auctoritas.

15. Inter hæc autem ille humilis et sibi constans permanebat, adversus ea omnia pervigil et circumspectus, quæ suffurari solent animi bene compositi puritatem. Eodem vultu et immoto pectore inter prospera et adversa perdurabat. Cum apostolo castigabat corpus suum, jejuniis et multifaria illud afflictione persequens, unde et confirmari spiritus assuesceret, et caro carnis oblivisci. Addebat his etiam sacras vigiliis, quarum perpetui fuere comites et alti gemitus et secundarum gratia lacrymarum. Atque id genus studiis potiore noctis partem attribuens, in spiritu humilitatis et animo contrito pinguisimum Deo cremabat holocaustum. Si quid interdiu minus fecisset quam par esse putaret, idque negotiis sæcularibus impeditus, noctu supplebat. Nox secretis precibus et divinæ contemplationi accommodatior, ad litandas ejuscemodi hostias viro Dei optatam afferebat opportunitatem et copiam; diem autem vel sacra concio vel publica sibi vin-

A dicabat utilitas, ita tamen ut et noctes et dies in ejus expenderet obsequiis, qui et noctes et dies condidit.

16. Nihil ejus in actionibus cernebatur quod ad Deum non pertineret; nihil in sermonibus ejus otiosum percipiebatur. Ad altare raro sine lacrymis, ad mensam nunquam sine lectore, nunquam sine convivis pauperibus accessit. Periculose corpus pasci arbitrabatur, nisi pariter et Christum in ejus membris pasceret, et ipse intus verbo Dei pascetur. Qualis vero putandus est fuisse erga proximos, qui suarum injuriarum immemor, etiam inimicorum injuriis dolebat? Quem ille unquam aut facto aut verbo læderet, qui etiam lesus ultro ignovit, nec iratus solem vidit occumbentem? Quid illa anima mansuetius, quæ nulli obesse, omnibus prodesse cupiens, charitatis et pacis erat domicilium? Multa animi devotione opera benignitatis et misericordiæ prosequabatur, studebatque adesce desolatis, egentes alere, vestire nudos, et si reipsa non posset, prompta animi benevolentia omnibus ferre opem. Conversans nonnunquam cum iis qui gloriantur in malitia et sermones Domini projiciunt retrorsum, Christi bonus odor permansit, unus idemque perseverans, sive cum eis, ut ad meliorem se frugem reciperent, blandiretur, sive cum obstinatos severius objurgaret. Omnia ex charitate faciebat discipulus charitatis.

C Nihil illi cum perversorum vitiis rei erat, præter odium et castigationem vitiorum: quæ et animo insectatus est, et pontificali auctoritate correxit. Bonos et observatores mandatorum Dei sancto et sincero complectebatur affectu, mutisque exhortationibus et profuit et profecit.

17. Germano Parisiensi sanctissimo episcopo, ut jam ante dictum est, valde familiaris fuit, crebroque et invisabatur ab illo, et ipse illum visitabat. In eorum colloquiis et actionibus nihil versabatur, nisi quod ad animarum ipsis commissarum salutem pertineret. Invicem se Christi milites armabant, non ignorantes adversarium nostrum diabolum circuire et quærere quem devoret: cui resistebant fortes in fide, veriti non se habituros pontificum merita, si de principe tenebrarum, de quo jam ipsi triumpharent etiam alii per ipsos non triumpharent. Itaque viri illi misericordiæ solliciti eo connitebantur, ut quotidianas infestationes et insidias maligni hostis eliderent. Atque in hoc uterque totus erat, ut sive cum Martha sedulo ministrarent, sive cum Maria sederent ad pedes Jesu, regnum diaboli imminuerent, et Dei civitatem augerent. Quam etiam ob causam beatus Domnolus, ex ejusdem sancti Germani consilio, in civitatis suæ suburbio monasterium construxit; in quo et illi quos tempestas hujus maris magni et spatiosi jactaverat, monasticæ tranquillitatis portum adepti, respirarent, et ipse certis temporibus sollicitudinis, quæ ex ministerio suscepto incumberebat, laborem, sanctæ contemplationis otio et refrigerio relevaret. At, ut supra quoque diximus, ei monasterio de ecclesiæ suæ possessionibus quas-

dam donavit, nihil se fecisse existimans, nisi illis quibus domum orationis construxerat etiam vitæ degendæ res necessarias assignaret.

18. Porro autem militiæ certamine jam peracto, et impendente resolutionis ejus tempore, cœpit vir pius morbo laborare, nec tamen os ejus morbi visa laudando Deo potuit cohibere. Convocans autem discipulos suos, diem et horam obitus sui illis prædixit imminere : docuitque eos quemadmodum antiqui hostis insidias caverent, et a malo se abstinentes, bonis operibus inhærerent. Deinde ipsis Kalendis Decembris in senectute bona vir beatissimus in pace quievit, humatusque est a discipulis suis in ecclesia beatorum martyrum Vincentii et Laurentii, ubi longe ante sepulcrum beato Germano ipse condiderat. Eo in loco meritis et precibus ejus multi morbidigratiam sanitatis obtinent. Nam tertio die translationis ejus, ad sepulcrum ejus energumenus quidam qui se ipsum discerpebat adductus est; et post triduum curatus, domum cum parentibus sospes abscessit. Multisque annis nobiscum sanus permanens, Dei se devotum studuit exhibere cultorem. Deinde mense Febuario, die sabbati, cujusdam nostræ ecclesiæ fa-

A muli uxor, quartana febre divexata, ad ejus monumentum veniens, ut in somno admonita erat, oransque illic cum luminaribus, et triduo excubans, meritis beati viri salutem impetravit. Quarto etiam die cæci tres ad ejus tumulum nobis aspectantibus venire atque inde luce redintegrata incolumes abiere. Multos alios diversis afflictos morbis ad ejus sepulcrum venire conspeximus, eosdemque beati viri meritis sanos inde recedere vidimus. Nimis autem prolixi erimus, si audita et visa omnia referre velimus: possunt ea quæ diximus ad fidem faciendam fidelibus sufficere.

19. Et nunc obsecramus eundem beatissimum patronum nostrum sanctum Domnolum, ut pro superioris vitæ peccatis nostris Dei clementiam velit **B** exorare, gratiamque nobis ab illo impetrare, ut deinceps a malis nos abstineamus; ut sacrosanctæ Trinitati reconciliati, etsi ejus gloriæ participes esse non meremur, saltem peccatorum remissionem adepti, ab impiorum consortio separemur: præstante Domino nostro Jesu Christo, qui cum Patre et Spiritu sancto vivit, et glorificatur Deus per infinita sæcula sæculorum. Amen.

SANCTI DOMNOLI, CENOMANENSIS EPISCOPI, ALIA VITA.

(Ex ms. Ansolensi.)

1. Vir illustris dominus Domnolus, Cenomanicæ civitatis episcopus, natione alienigena nobilibusque ex parentibus ortus, successorque beati Innocentis, ejusdem urbis præsulis, qui, propter amorem Dei, patriam atque omnem possessionem suam relinquens profectus est Romam, limina beatorum apostolorum causa orationis visitaturus. Inde quoque remeavit usque ad Cenomanicam civitatem, et in eam Domino ducente pervenit. Ipsa ergo civitate et populo ipsius parochiæ indigente pontifice, et aliquo tempore absque ipso vacante, prædictum dominum Domnolum, jam pontificem ordinatum, gratulanter in pontificatus ordinem Domino disponente susceperunt; et principes ejusdem regionis, atque sacerdotes sive clerici vel nobiles omnes ipsius parochiæ, eum deprecati sunt ut ipsam ad regendam susciperet civitatem, et clerum et cunctum populum episcopali ordinatione ac regimine ordinaret ac regeret, et Domino multipliciter lucraretur: qui et hoc invitatus, et a clero vel populo coactus, licet nobilis, humilitate tamen suscepit officium; et non modicum ab omnibus cuncto tempore vitæ suæ pontificatus tribuit administriculum.

2. Hic in loco in quo beatus Julianus, primus jam dictæ urbis episcopus, corpore requiescens, juxta monasterium scilicet sancti Victorii prope fluvium *Sarthæ*, monachorum normam, quæ dudum florere

A cœperat, mirifice amplificavit, et ferme quinquaginta monachos ibi regulares degere constituit, pleneque eis victualia in omnibus necessitatibus eorum, sive peregrinorum atque adventantium fratrum, adimplens docte supplevit, et eos regulariter vivere docuit. Antedictus namque beatus Domnolus pontifex, monasteriolum in honorem sanctorum Vincentii et Laurentii martyrum Christi juxta urbem constituit, et ad effectum usque perduxit. Ad dedicationem quippe ipsius monasterioli ecclesiæ beatum Germanum, Parisiensis civitatis insignem episcopum, vocavit; et cum ejus consensu et deprecatione cleri ipsius civitatis et populi illius urbis ac parochiæ, et cum consensu eorum, de rebus sanctæ Mariæ et sanctorum martyrum Gervasii et Protasii, matris ejusdem civitatis ecclesiæ, jam dictum monasterium, quod suo opere et labore a fundamento ædificavit, dotavit: et villas episcopii ad eandem ecclesiam, quam in eodem monasterio una cum beato Germano, prædictæ Parisiensis civitatis insigni episcopo, et in honorem sanctorum martyrum Vincentii et Laurentii Kalendis Novembris dedicaverat, dedit; et in eo caput beati Vincentii et magnam partem craticulæ super quam sanctus Laurentius assatus est, honorifice collocavit. Per chartam vero sua munera, ut dictum est, consentiente universo clero vel populo, et domino Germano assensum præbente, villas sanctæ

Mariae ac sanctorum Gervasii et Protasii, ad eandem tradidit ecclesiam. Subscribente autem domino Germano ipsum testamentum, suisque sacerdotibus et clericis ejusdem civitatis et parochiae ipsius non paucis, sicut in eodem hactenus testamento continetur, dedit villam sanctae Mariae et sanctorum Gervasii et Protasii, Tritionem cum omni integritate, quam dudum Habundantius et Mallarius diaconus per praedicti episcopi domini Domnoli beneficium tenebant : et villam Fraxinidi, quam Aper sacerdos cum ejus beneficio habebat ; et Bucces villulam sui episcopi, cum omnibus ad se pertinentibus, quam Eutharius presbyter per beneficium praedicti domini Domnoli habebat ; pari modo et pratum super fluvium Sartae, una cum campo juxta posito, quam Habundantius a domino Domnolo jure beneficiario adipisci meruit ; et alias villas, quae in praedicto testamento insertae esse noscuntur insigniter, ad praescriptam tradidit ecclesiam. Multi etiam nobiles, tam in praesenti quam et in sequente tempore, eorum haereditates ad praedictam ecclesiam sanctorum Vincentii et Laurentii legaverunt. Ipsum autem monasterium subditum, cum omnibus ad id pertinentibus, jam dictus dominus Domnolus suae sedis ecclesiae subjugavit, et suis successoribus ecclesiastico in ordine pacifice ad regendum et gubernandum dimisit, atque perennibus temporibus ad matrem civitatis ecclesiam, et pontificibus ibidem atque clericis Deo degentibus habere, futuris constituit temporibus.

3. Saepe dictus scilicet dominus Domnolus episcopus cellulam super fluvium Sartae, et xenodochium in honorem sanctae Mariae mirabiliter ac sapienter operatus est ; et eam ex rebus predictae matris civitatis ecclesiae dotavit, et receptiones pauperum adventantium sive omnium indigentium, qui in ipsa civitate talem, propter custodiam civitatis, non poterant habere receptionem, sicut in illo loco ubi praedictum fecit xenodochium : ibi enim monachos viginti quatuor sub regula degentes constituit, ut et ibi pauperes recrearent, et omnes hospites condigne et amabiliter susciperent, et ipsi sancte ac regulariter viverent. In eodem xenodochio praedicto monachum suum probatissimum, dominum scilicet Paduinum, qui tunc praepositus de Sancto Vincentio erat, abbatem constituit ; et sibi seu omnibus suc-

cessoribus suis perpetualiter inibi xenodochium mirabiliter ornavit. In hospitali, ejusdem urbis pontificibus, futuris semper temporibus et sub conjunctionis detestatione, hospitalitatem esse instituit ; et sequentibus temporibus Ecclesiae suae sedis, cum omnibus ad se pertinentibus, subjugatum esse instituit.

4. Ipsius quoque domini Domnoli episcopi tempore, cellulam, una cum sua ecclesia, quae est constituta in honore sancti Martini, in eorum proprio constituerunt infra civitatem, juxta matrem videlicet ecclesiam ipsius civitatis, Eularius presbyter et Godomara Deo sacrata ; et praedictam cellulam sancti Martini, haereditaverunt de villulis in Morniaco et villula Vasta ac Popiliaco, Ciaco quoque et Veratiaco ac Muliaco, una cum aliis villis, et de rebus suis legaliter dotaverunt ; et postea cum omnibus ad se pertinentibus ad matrem ipsius civitatis ecclesiam per eorum chartulas legaliter formiterque ei ipsi domino Domnolo episcopo tradiderunt. Praefatus igitur dominus Domnolus episcopus emit insuper partem villae, ex thesauro ecclesiae sibi commissae : alia vero pars de suo episcopo erat, cui vocabulum est Canon, quam et per licentiam canonicorum suorum monachis, in ecclesia sancti Vincentii et sancti Laurentii (quam ipse a novo fundavit) regulariter degentibus, per suum strumentum dedit. Nam ut sub potestate ipsius urbis episcopi, tam ipsi monachi quam et ipsae res (in eorum tamen usu disponente episcopo) futuris persisterent temporibus, contradidit, sicut adhuc in ipso strumento traditionis inveniri potest.

5. Hic sedit in praedicta sede annos XLVI, menses XI, dies XXIV, et fecit ordinationes LXXV, presbyteros CCCLX, diaconos CCL, et reliquos ministros sufficienter. Cujus in vita multas ejus meritis Dominus virtutes ostendit, sicut in ejus Vita liquet ; et post ejus obitum innumerabiles in loco sepulturae ejus, id est in dicta sancti Vincentii ecclesia, virtutes operatus est. Obiit enim praedictus beatus Domnolus in pace, plenus dierum, Kalendis Decembris : qui cum Christo vivit in aeternum, et cum sanctis regnat in gloria : cum quo et nos auxiliante Domino humiliter supplicantes vivere mereamur, per infinita saecula saeculorum. Amen.

SANCTI DOMNOLI, CENOMANENSIS EPISCOPI,

TESTAMENTUM.

Venerabili ecclesiae Cenomanicae clero Domnolus episcopus.

Congruum nobis fuit ut votum desiderabile in charitatis vestrae notitiam poneremus : quia si consensus vester desiderium cordis nostri et decreta annuerit credimus nullius ullo unquam tempore contrarietate a nobis pariter firmata posse convelli.

PATROL. LXXII.

Cum ergo pro salute populi vel custodia civitatis reliquias sanctorum martyrum Vincentii et Laurentii, intercedente praesumptione, ausi fuerimus deferre ; sicut cum Dei adjutorio vel vestro eisdem locum dignitatis ereximus in culmine, ita petimus ut vestro pariter ditetur et munere. Et si sensus vester nobis contulerit charitatem hanc, paginola donationis,

quam Aunulfum diaconum perficere unanimiter rogavimus conscribendam, vestro quæsumus ut firmitur robore : ut [quidquid nos] per hanc paginola donationis constat delegasse, noncupata basilica habeat, teneat, possideat, [nec] quicumque loci hujus dignitatem perceperit, jure hæreditario perpetually sibimet vindicet possidendum. Si ullo unquam tempore, aut pontifex civitatis, aut quælibet persona, a nobis donata vel tradita de dominatione basilicæ hujus abstrahere voluerit, incurrat maledictionem pro benedictione, et Domini nostri Jesu Christi, et sanctæ Mariæ semper virginis, et sanctorum apostolorum, vel omnium sanctorum martyrum, confessorum atque virginum, incurrat offensam; et voluntas nostra perpetim, auxiliante Domino, capiat firmitatem. Hoc ergo inserendum rogavi, ut qui voluntati meæ obvis esse voluerit, maledictionem illam concurrat, quam propheta in

A psalmo centesimo octavo Judæ cantavit; et præsens pagina maneat inconvulsa, quam pro rei firmitate manu propria subscripsi, et dominis et fratribus meis muniendam rogavi. Actum in Cenomanica civitate, anno undecimo regni domni nostri Chilperici regis, pridie Nonas Martii.

Domnolus episcopus subscripsit. Germanus episcopus rogante clero subscripsit. Andoveus Andegavorum episcopus rogante Domnolo episcopus subscripsit. Leodulfus presbyter subscripsit. Aunulfus presbyter subscripsit. Leodericus presbyter subscripsit. Dinanius presbyter subscripsit. Drantius presbyter subscripsit. Injurious presbyter subscripsit. Meterius presbyter subscripsit. Cennius diaconus subscripsit. Romulus diaconus subscripsit. Datheus diaconus subscripsit. Sennonteus diaconus subscripsit. Noso diaconus subscripsit.

ANNO DOMINI DLXXXVII.

SANCTA RADEGUNDIS

REGINA FRANCÆ.

SANCTÆ RADEGUNDIS REGINÆ

VITA

DUOBUS LIBRIS COMPOSITA.

LIBER PRIMUS.

AUCTORE VENANTIO FORTUNATO EPISCOPO PICTAVIENSI.

Ad mss. Cod. S. Germani Pratensis et Conchensis monasterii. et D. d'Herouval.

Prologus.

1. Redemptoris nostri tantum dives est largitas, ut in sexu muliebri celebret fortes victorias, et corpore fragiliores ipsas reddat feminas virtute mensis inclytæ gloriosas. Quas habentes nascendo mollitiem facit Christus robustas ex fide : ut quæ videntur imbecilles, dum coronantur ex meritis, a quo efficiuntur fortes. laudem sui cumulent Creatoris, habendo in vasis fictilibus thesauros cœli reconditos : in quarum visceribus cum suis divitiis ipse Rex habitator est Christus. Quæ mortificantes se sæculo, despecto terræ consortio, defæcato [Al. deserto] mundi contagio, non confidentes in lubrico, non stantes in lapsu, quærentes vivere Deo, ad gloriam Redemptoris sunt copulatæ paradiso. In quo est pariter numero, cujus vitæ præsentis cursum, licet sermone privato, ferre tentavimus in publicum : ut cujus est vita cum Christo in gloria, memoria relata celebretur in mundo.

VITA INCIPIT.

2. Beatissima igitur Radegundis, natione barbara C barbarica, Francorum victoria regione vastata, vice de regione Thoringa, avo rege Bassino, patruo Hermenfrido, patre rege Berethario. In quantum altitudo sæculi tangit, regio de germine orta, celsa licet origine, multo celsior actione. Quæ cum summis suis parentibus brevi mansisset tempore, tempestate

barbarica, Francorum victoria regione vastata, vice Israelitica exit et migrat de patria. Tunc inter ipsos victores cujus esset in præda regalis puella, fit contentio de captiva. Et nisi reddita fuisset transactio certamine, in se reges arma movissent. Quæ veniens in sortem præceli regis Chlotarii in Veromadensan

ducta Atteias (a) in villa regia nutriendi causa custodibus est deputata. Quæ puella inter alia opera, quæ sexui ejus congruebant, litteris est erudita : frequenter loquens cum parvulis, si conferret sors temporis, martyr fieri cupiens. Indicabat adolescens jam tunc merita senectutis, obtinens pro parte quæ petiit. Denique dum esset in pace florens Ecclesia, ipsa est a domesticis persecutionem perpessa. Jam tunc id agens infantula, quidquid sibi remansisset in mensa, collectis parvulis, lavans capita singulis, compositis sellulis, porrigens aquam manibus, ipsa cibos inferebat, ipsa miscebat infantulis. Hoc etiam præmeditans cum Samuele parvulo clerico gerebat. Facta cruce lignea præcedente, subsequentes psallendo ad oratorium cum gravitate matura simul parvuli properabant. Et ipsa tamen cum sua veste nitidans pavementum, circa altare vero cum facit ergio (b) jacentem pulverem colligens, foris cum reverentia recondebat, potius quam vergebat. Quam cum præparatis expensis Victoriace (c) voluisset rex prædictus accipere, per Beralcham ab Atteias nocte cum paucis elapsa est. Deinde Suessionis cum eam direxisset ut reginam erigeret, evitans pompam regalem ne sæculo cresceret, sed cui debebatur et humana gloria non mutatur.

3. Nubit ergo terreno principi, nec tamen separata a cœlesti. Ac dum sibi accessisset sæcularis potestas, magis quam permetteret dignitas, se plus inclinavit voluntas. Subdita semper Deo, sectans monita sacerdotum, plus participata Christo quam sociata conjugio. Illo vero sub tempore tentamus patet facere de multis pauca quæ gesserit. Ideo juncta principi, timens ne Deo degradasset, cum mundi gradu proficeret, se sua cum facultate eleemosynæ dedicavit. Nam cum sibi aliquid de tributis accideret, ex omnibus quæ venissent ad eam, ante dedit decimas quam recepit. Deinde quod supererat, monasteriis dispensabat, et quo ire pede non poterat, transmissio munere circuibat. A cujus munificentia nec ipse se abscondere potuit eremita; et sicuti ne premeretur a sarcina, quod acceperat erogabat. Apud quam egeni vox non inaniter sonuit, nec ipsa eam surda præterit: sæpe donans indumenta, credens sub inopis veste Christi membra se tegere: hoc se reputans perdere quidquid pauperibus non dedisset.

4. Adhuc animum tendens ad opus misericordiæ, Atteias domum instruit, ubi lectis culte compositis, congregatis egenis feminis, ipsa eas lavans in thermis, morborumque curans putredines. Virorum capita diluens, ministerium faciens, quos ante lavarat, eisdem sua manu miscebat, ut fessos de sudore sumpta potio recrearet. Sic devota femina nata et nupta regina, palatii domina, pauperibus servierat ancilla.

(a) Atteia, *Athiès*, in Veromanduis ad Suminam flumen erat ex eorum vicorum numero, quos quia *fisci* erant, vulgo villas publicas aut regias appellabant, uti Hadrianus Valesius in Hist. lib. XXI observavit.

(b) Facit ergium pro sudario, quod faciei sordes tergat.

(c) *Al. Victoria*, vernacule *Vitry*, in Belgia duobus

A In mensa vero subocculte, ne forte cognosceretur ab aliquo, ante se posito cum legumine ferculo, inter epulas regum, more trium puerorum, fava [faba] vel lenticula delectabiliter vescebatur. De cursu (d) vero decantando, etsi sederet in prandio, excusans se regi aliquo casu, ut Deo redderet debitum, se subducebat convivio. Quo egressa Domino psallebat, et curiose requirebat quali cibo foris pauperes refecissent.

5. Item nocturno tempore, cum reclinaret cum principe, rogans se pro humana necessitate consurgere, levans egressa cubiculo, tamdiu ante secretum orationi incumbere jactato cilicio, ut solo calens spiritu jaceret gelu penetrata, tota carne præmorta: non curans corporis tormento mens intenta paradiso, leve reputans quod ferret, tantum ne Christo vilesceret. Inde regressa cubiculum, vix tepe fieri poterat vel foco vel lectulo. De qua regi dicebatur habere se potius jugalem monacham quam reginam. Unde et ipse irritatus [*Al.*, tantis] pro bonis erat asperrimus. Sed illa pro parte liniens, pro parte tolerabat modeste rixas illatas a conjuge.

6. Diebus vero Quadragesimæ satis est scire qualiter se rexit inter vestes regias singulariter penitens. Igitur appropinquante jejunii tempore, mittens ad religiosam monacham nomine Piam in sancto proposito, illa dirigebat veneranter in linteo sigillatum cilicium: quod sancta induens ad corpus, per totam Quadragesimam subter veste regia dulci portabat in sarcina. Transactis diebus, similiter sigillatum retransmittebat cilicium. Sin autem rex deesset, quis credat qualiter se orationi diffunderet, qualiter se tanquam præsentis Christi pedibus alligaret; et quasi repleta deliciis, sic longo jejunio satiaret in lacrymis? Cui despecto ventris edulio Christus tota refectio, et tota fames erat in Christo.

7. Illud qua pietate peragebat sollicita, ut quæ per oratoria vel loca venerabilia tota nocte perlucere, candelas suis manibus factas jugiter ministrabat? Unde hora serotina, dum ei nuntiaretur tarde, quod eam ad mensam rex quæreretur, circa res Dei dum satagebat, rixas habebat a conjuge, ita ut vicibus multis princeps per munera satisfaceret, quod ei per linguam peccasset.

8. Ad cujus opinionem si quis servorum Dei visus fuisset vel per se vel [*Sur. addit per alium*] vocatus occurrere, videres illam, cœlestem habere lætitiā; et hora noctis recursa cum paucis pergens et intimis per nivem, lutum, vel pulverem, aqua calida parata, ipsa lavabat et tergebat venerandi vestigia nec resistente servo Dei et propinabat in patera. Sequenti die, curam domus committens creditariis, ipsa se to-

leucis a Duaco: ubi Sigibertus rex instinctu Frædegundis occisus est. Aliud est ejusdem nominis oppidum in Campania, sed tunc Chlotario non parebat.

(d) Decursus sive cursus pro officii divinis a Gregorio Turonensi et Fortunato non raro usurpari, dictum est in Vita sancti Germani episc. Paris. ad num. 75. Decantare hic et alibi passim pro recitare sumitur.

tam occupabat circa viri justi verba, circa salutis instituta, et circa adipiscenda vitæ cælestis commercia retentabatur per dies. Et si venisset pontifex, in aspectu ejus lætificabatur, et remuneratum relaxabat ipsa tristis ad propria.

9. Illud quoque quam prudenter totum pro sua salute providebat impendere: quoties quasi mafortem (a) novum lineum sabanum, auro vel gemmis ornatum more vestiebat de barbaro, a circumstantibus puellis si laudaretur pulcherrimum, indignam se adjudicans tali componi linteolo, mox exuens se vestimento dirigebat loco sancto, quisquis esset in proximo, et pro palla ponebatur divinum super altare.

10. Qualiter vero si quis pro culpa criminali, ut assolet, a rege deputabatur interfici sanctissima regina moriebatu cruciatu, ne designatus reus moretur in gladio! Qualiter concursabat per domesticos fideles servientes et proceres, quorum blandimentis mulcebat animum principis, donec in ipsa ira regis, unde processerat sors mortis, inde curreret vox salutis!

11. His igitur beatis actibus occupatam intantum provexit divina clementia, ut etiam adhuc in palatio laica Domino largiente declararentur per eam miracula. Denique in Perunna [*Peronne*] villa post prandium dum ambularet per hortum sanctissima, rei retrusi pro crimine succurri sibi clamabant, vociferantes de carcere. Ipsa quid esset interrogat: mentiuntur ministri, quod mendicorum turba quæreret eleemosynam. Credens hoc illa transmittit quo indigebat inopia. Interea a iudice compelluntur tacere qui tenebantur in compede. Cum vero nox supervenisset, dum sibi cursum diceret, fractis vinculis soluti occurrunt sanctæ de carcere. Quo cognito reos se viderunt qui beatæ mentiti sunt, dum qui rei fuerant de catenis soluti sunt.

12. Et quoniam frequenter aliqua occasione, divinitate prosperante, casus cedit ad salutem, ut hæc religiosius viveret, frater interficitur innocenter [innocens] (b). Directa igitur a rege veniens ad beatum Medardum Noviomago, supplicat instanter, ut ipsam mutata veste Domino consecraret. Sed memor dicentis apostoli: Si qua ligata sit conjugi, non quærat dissolvi (I Cor. vii), differebat reginam, ne veste le-

(a) Maforte muliebre capitis tegumentum; *lineum sabanum* (a voce theotisca *Sabam*, quæ linteum significat) hic sumi videtur pro vestimento ex lino confecto, cui aurum et gemmæ assutæ erant.

(b) Fortunatus in carmine de excidio Thoringiæ, suppl. 1, inducit Radegundem fratris necem pateticos deflentem.

(c) Et tamen paulo ante concilium Aurelianense II, anno Christi 533 celebratum sic statuit canone 18: *Placuit etiam ut nulli postmodum feminæ diaconalis benedictio pro conditionis hujus fragilitate credatur: qui licet ex antiquorum canonum præscripto, annorum quadraginta probationem revocare duntaxat videatur Joanni Morino, exercit. 10, de Sacr. Ordin. cap. 3, neque sic tamen in Radegundelocum habuit. Diaconissas omnino desiisse ante sæculum x apparet ex Attonis episcopi Vercellensis epistola ad Ambrosium sacerdotem in t. VIII Spicilegii Vet. Scr., p. 123.*

(d) In Cod. Sangermanensi legitur *stupione*, in sexto

geret monacham. Adhuc beatum virum perturbabant proceres et per basilicam graviter ab altari retrahebant, ne velaret regi conjunctam, ne videretur sacce doti ut præsumeret principi subducere reginam, non publicanam, sed publicam (*Id est*, publice seu solemniter nuptam). Quo sanctissima cognito, intrans in sacrarium, monarchica veste induitur, procedit ad altare, beatissimum Medardum his verbis alloquitur dicens: Si me consecrare distuleris, et plus hominem quam Deum timueris, de manu tua a pastore ovis anima requiratur. Quo ille contestationis concussus tonitruo, manu superposita, consecravat diaconam (c).

13. Mox indumentum nobile quo celeberrima die solebat pompa comitante regina procedere, exuta ponit in altare, blattas, gemmataque ornamenta [*Al.*, blattis, gemmis ornamentis]: mensam divinæ gloriæ tot donis onerat per honorem. Cingulum auri ponderatum fractum dat in opus pauperum. Similiter accedens ad cellam sancti Jumeris, die uno quo se ornat barbaro, stapionem (d), camisas, manicas, cofeas, fibulas, cuncta auro, quædam gemmis exornata, per circulum sibi profutura sancto tradit altari. Inde procedens ad cellam venerabilis Datdonis, die qua debuit ornari præstanter in sæculo, quidquid indui poterat, censu divite femina, abbate remunerato totum dedit coenobio. Æquiter [similiter] sancti Gundulfi, post facti Mettis episcopi (e) progressa receptaculo, non minore laboratu nobilitavit Synergium (f).

14. Hinc felici navigio Turonis appulsa quæ suppleat eloquentia, quantum officiosam, quantumque se monstravit munificam? Quid egerit circa sancti Martini atria, templa, basilicam, flens, lacrymis insatiata, singula jacens per limina, ubi missa revocata (g), vestibus et ornamento, quo se clariori cultu solebat ferre in palatio, sacrum componit altare. Hinc cum in vicum Condatensem [*Conde*], ubi gloriosus vir Martinus et Christi satis intimus senator migravit de sæculo, ancilla Domini pervenisset, dedit non inferiora, Domini crescens in gratia.

15 Hinc cum in villa Suædas [*Sais* inter Turones et Pictones] Pictavo territorio juxta prædictum vicum decenter accederet, itinere prosperante, qualiter se

D casu. Scribendum videtur, *scapionem*, ad regium diadema designandum. Nam Germanis hodieque Scappel vitta seu capitis redimiculum dicitur. Si vero quis *stapionem* retinendum velit, vox ista de pedum ornamentis interpretanda erit, qualia Isaïas in cap. III commemorat. Nam stapio, equestre suppedaneum.

(e) Ita mss. Codd. et tamen nullus Gundulfi in nomine legitur Mettensis episcopus usque ad Ludovici Pii ætatem. An forte pro Gundulli legendum Goscelini, qui sæculo VI sedi Mettensi præfuit?

(f) Synergium, locus in quo plures simul operantur, hic usurpari videtur pro monasterio, quod eadem ratione non nunquam asceterium appellatur.

(g) Sic legendum probant veteres membranæ, non vero *misso revocato*, vel *missore vocato*, ut apud Saurium. Codex D. d'Herouval ex amanuensis interpretatione habet *missa celebrata*, sed perperam ut constare videtur ex adnotatis in Vitam sancti Germani episcopi Parisiensis, num. 59.

gessit per singula, quis enumeret infinita? quæ in mensa sub fladone (a) segalatum [siligineum] panem absconsum et hordeaceum manducabat occulte, sic ut nemo perciperet. Nam ex illo tempore, quo beato Medardo consecrante velata est, usque ad infirmitatem præter legumen et olera, non pomum, piscem, vel ovum nec quid aliud edit: potum vero præter aquam mulsam atque piratum non bibit; vini (b) vero puritatem aut medi [potio ex melle] decoctionem, cervisiæque turbidinem non contigit.

16. Tum more sancti Germani jubet sibi molam secretissime deferri, ad quam tota quadragesima tantum laboravit, quantum quatrduana refectio postulavit. Oblationes etiam suis manibus faciens, locis venerabilibus incessabiliter dispensavit. Ergo apud sanctam non minus usus misericordiæ quam erat concursus de plebe, ut nec deesset qui peteret, nec deficeret quod donaretur. Mirandum ut omnibus satisfaceret, unde thesauri tot exuli, unde tot divitiæ peregrinæ.

17. Quantum expendebat diurna redemptio, sola sciebat quæ petentibus deportabat. Nam præter quotidianam mensam quo refovebat matriculam (c) duobus semper diebus sabbati quinta et sabbato vicibus balneo parato ipsa succincta de sabano [linteo] capita lavans egenorum, defricans quidquid erat, crustam, scabiem, tineam nec purulentam fastidians, interdum et vermes extrahens, purgans cutis putredines, sigillatim capita pectebat ipsa quæ laverat. Ulcera vero cicatricum, quæ cutis laxa, detexerat aut unguis exasperaverant, more evangelico, oleo superfuso mulcebat morbi contagium. Mulierum vero descendendum in tinam [doliolum vulgo *tinette*], ipsa cum sapone a capite usque ad plantam membra singula diluebat; egredientibus exinde si cui veterata indumenta conspiceret, tollens rasa, nova reddens: ante pannosos faciebat venire cultos ad prandium; quibus congregatis, ministerio parato, ipsa aquam sive mappam singulis porrigebat, et invalidis ipsa pariter os et manus tergebat. Hinc tribus ferculis illatis, farcitis deliciis, stans ante prandentes jejuna, præsens convivis, ipsa incidebat panem, carnem, vel quidquid apponeret. Languidis autem et cæcis non cessabat ipsa cibos cum cochleari porrigere, hoc præsentibus duabus, sed se sola serviente, ut nova Martha satageret, donec potulenti [A. purulenti *lectum cum in Mss. sit potolenti*] fratres læti fierent convivii. Tunc illa removens se loco ut ablueret

(a) Eadem voce iterum utitur Fortunatus infra, num. 21, quo in loco Codex Conchensis scribit, *sub placentis*, cum in aliis habeatur, *sub fladone*. Ex quo intelligas fladones esse placentas, quas vernacule *flaons* nostrates appellant. Apud Bollandum tom. II Febr., pag. 105, in scripto Henrici abbatis Centulensis: *Sunt ibi clibana tredecim, quæ reddunt unum quodque per annum decem solidos et panes trecentos, fladones in litanis unumquodque triginta*. Ubi vir doctissimus fladones, placentas interpretatur. Udalricus, in lib. II Consuetud. Cluniac., cap. 4: Pro signo fladonum, inquit, *præmisso generali panis et casei, de una manu omnes digitos inflecte, et ita manum cava et in superficiem alterius pone*.

A manus, jam bene culto convivio tota gratificabatur. Si quid audiret de fremitu, jubebat tamen ut sederent, donec vellent adsurgere.

18. Venerabili vero omni Dominico die hoc habebat in canone vel æstate vel hieme, ut pauperibus collectis primo merum sua manu de potu dulci porrigeret, puellæ postea committens, ut omnibus illa propinaret: quia ipsa festinabat orationi occurrere, quo et cursum consummaret, et sacerdotibus ad mensam invitatis occurreret, quos adhuc regali more ad propria cum redirent, sine munere non laxaret.

19. Hanc quoque rem intremiscendam qua peragebat dulcedine! Cum leprosi venientes signo facto se proderent, jubebat adminiculæ, ut unde, vel quanti essent pia cura requireret. Qua sibi renuntiante, parata mensa, missorium (d), cochleares, cultellos, cannas (e), potum et calices sola subsequente intromittebat furtim, quo se nemo perciperet. Ipsa tum mulieres variis lepræ maculis perfusas comprehendens in amplexu, osculabatur et vultum, toto diligens animo. Deinde, posita mensa, ferens aquam calidam, facies lavabat, manus, ungues et ulcera, et rursus administrabat ipsa pascens per singula. Recedentibus præbebat aurum vel vestimenta, vix una teste munifica. Ministra tamen præsumebat eam blandimentis sic appellare: Sanctissima domina, quis te osculetur quæ sic leprosos amplecteris? Illa respondit benevole: Vere si me non osculeris, hinc mihi cura nec ulla est.

C 20. Quæ tamen, præstante Deo, diverso fulsit miraculo. Denique si quis pustulæ desperaret de vulnere, offerebat ministra sanctæ folium pampini, mentiens, sibi opus hoc esse. Sicque vix obtento signaculo portans ad desperatum, vulneri superposito mox occurrebat remedium. Itidem frigoriticus qui venisset aut languidus, dicens in somnis se vidisse ut pro sua salute feminæ sanctæ occurreret, offerens candelam alicui ex ministris; qua accensa per noctem morbus accipiebat mortem, morbidus sanitatem. Quoties autem cum cognovisset decubantem in lectulo portans poma peregrina, dulce simul et calidum, reficiebat ægrotum: et qui nec decimo jam die quid percepisset, cibaria ipsa mox administrante, languidus accipiebat cibum pariter et salutem; quod tamen ipsa imperabat, ne quis proferret in fabula.

21. Quanta vero congressio popularis exiit die qua se sancta deliberavit recludere! ut quos plateæ non caperent, ascendentes tecta complerent. Quid autem

(b) Exstat apud Fortunatum, in lib. II, carm. 3, ad Radegundem, quo eam ad bibendum vinum hortatur. Idem auctor in lib. VIII, carm. 7 ac 11, de mundi contemptu et reclusionem beatæ reginæ gratulatur.

(c) Matricula sumitur tum pro libello, cui pauperes ecclesiæ sumptibus alendi inscribebantur, cum pro ipsis egenis, ut hoc loco. Vide Gregorium Turonensem, lib. II Mirac. sancti Martini, c. 22.

(d) Missorium nonnunquam designat donarium a principe missum, alias concham modicam, in qua aliquid liquoris reponitur. Quo sensu hic usurpari videtur.

(e) Cannæ sunt fiscellæ seu vasa viminea.

sanctissima jejunii, obsequii, humilitatis, charitatis, laboris et cruciatus ferventer indepta sit, si quis cuncta percurreret, ipsam prædicaret tam confessorem quam martyrem. Ergo venerabilem præter diem Dominicum fuit sacratissima omnis dies [Al., omnibus diebus] jejunium: lenticulæ vel oleris prope jejuna refectio; non avem, piscem vel pomum, vel ovum habens edulium. Panis vero deliciarum segalatum fuit aut hordeaceum, quem absconsum sub fladone sumebat, ne quis perciperet. Hæc fuit etiam potio aqua mulsa, piracium, sed modice libata sitibunda potatio.

22. Prima quoque Quadragesima, qua se reclusit in cellula, donec fuisset transacta, panis non sumpsit cibaria, nisi die Dominica, sed tantum radices herbarum, aut olera de malvis sine olei gutta, sine sale composita. Verum aquæ toto jejunio nec sumens duo sextaria, hinc tanta siti laborabat, ut faucibus desiccatis, vix psalium diceret arida. Cilicium etiam habens ad corpus pro linteo jugiter: cursum decantans peragebat vigilias: ante se cinerem stratum superjecto cilicio, hoc utebatur pro lectulo: ipsa requies fatigabat, cui parum videbatur hoc sustinere corpusculum (a).

23. Adhuc monachabus omnibus soporantibus caleamenta tergens et ungens, retransmittebat per singulas. Aliis quadragesimis (b) aliquid relaxatus [Al. relaxans] quinta feria sumebat, deinde Dominica. Nam et reliquo tempore præter dies paschales ac summæ festivitatis, donec infirmitas permisit, in cinere et cilicio semper vitam duxit austeram. Prius se levans ut psalleret quam congregatio surrexisset. Nam de officiis monasterialibus, nihil sibi placuit, nisi prima serviret, et ipsa se castigabat si bonum post alteram ageret. Ergo suis vicibus scopans monasterii plateas simul et angulos, quidquid erat sædum purgans, et sarcinas quas alii horrent videre, non abhorrebat evehere. Secretum etiam purgare opus non tardans, sed occupans [Al., scopans]; ferens fœtores stercoris, credebatur se minorem sibi, si se non nobilitaret vilitate servitii. Ligna supportans brachiis, focum flatibus et forcipibus admovent, calens nec læsa se retrahens, extra suam hebdomadam infirmantibus serviens. Ipsa cibos decoquens, ægrotis facies abluens, ipsa calidum porrigens, visitabat quos fovebat, jejuna rediens cellulam.

24. Illud quoque quis explicet, quanto fervore excitata ad coquinam concursitabat suam faciens septimanam? Denique nulla monacharum nisi ipsa de positio (c), quautum ligni opus erat, sola ferebat in

(a) Apud Surium ista adduntur: *Non illam aliquando mollis pluma fulcivit, neque lintheaminis nitor instruxit Manicam qua brachium indueret, non habebat, nisi quod de caliga sua sibi duas fecit manicas. Sed ita se tractabat, ut hæc nec abbatisa sentiret.* Quæ desunt in Dodd. mss. et ex lib. II, num. 8, desumuntur.

(b) Alias quadragesimas de quadragesima adventus Domini aliisque explicarunt qui Surium recensuere: at de aliis quadragesimis quas ante Pascha post primam in claustro exegit Radegundis, hunc locum esse interpretandum textus consecutio docet.

(c) *Porticium*, inquit Papias in Vocabul., *est latens ostium sic dictum quod remotum sit a publico,*

A sarcina. Aquam de puteo trahebat et dispensabat per vascula. Olus purgans, legumen lavans, flatu focum vivificans; et ut decoqueret escas, satagebat exæstans. Vasa de foco ipsa levans, discos lavans et inferens. Hinc consummatis conviviis ipsa vasculadiuens, purgans nitide coquinam, quidquid erat lutulentum ferebat foras in locum designatum [Al., ima purgamina]. Inde per ægrotantes inferens necessaria ibat non tepida et priusquam exciperet Arelatensem regulam, hebdomada subtransacta sufficienter ad omnes calidam faciebat, humilitate sanctissima pedes lavans et osculans et adhuc omnes prostrata deprecabatur veniam negligentia pro commissa.

25. Itaque post tot labores quas sibi pœnas intulerit, et ipsa quæ voce refert perhorrescit. Quadam vice dum sibi latos tres circulos ferreos diebus Quadragesimæ collo vel brachiis nexuit, et tres catenas inserens circa suum corpus dum alligasset astricte, inclusit durum ferrum caro tenera supercrescens. Et transacto jejunio cum voluisset catenas sub cute clausas extrahere nec valeret, caro per dorsum atque pectus super ferrum catenarum est incisa per circulum ut sanguis fusus ad extremum exinaniret corpusculum.

26. Inde vice sub altera, jussit fieri laminam in signo Christi aurichalcam, quam accensam in cellula locis duobus corporis altius sibi impressit, tota carne decocta. Sic spiritu flammante membra faciebat ardere. Adhuc aliquid gravius in se ipsa tortrix excogitans, una quadragesimarum, super austerum jejunium et sitis torridæ cruciatum, adhuc lima cilicii membra tenera setis asperis dissipante, jubet portari aquamanile (d) ardentibus plenum carbonibus. Hinc discedentibus reliquis membris trepidantibus, animus armatur ad pœnam, tractans quia non essent persecutionis tempora, a se ut fieret martyr. Inter hæc ut refrigeraret tam ferventem animum, incendere corpus deliberat, apponit æra candentia, strident membra cremantia, consumitur cutis, et intima, quo attigit ardor, fit fossa. Tacens tegit foramina: sed computrescens sanguis manifestabat quod vox non prodebat in pœna. Sic femina pro Christi dulcedine, tot amara libenter accepit. Hinc actum est, ut quod ipsa abdiderit, hoc miracula non tacerent.

27. Itaque matrona Gislaadi proceris, nomine Bella, sed longa cæcitate miserrima, rogavit se de Francia Pictavis ad sanctæ duci devote præsentiam. Quam, licet tarde exorata, sibi fecit occurri per tetræ noctis Sæpius in posteriore ædium parte locatum. Porticaria est quæ curam habet recipiendi ea quæ in monasterium deportantur, et transmittendi quæ transmittuntur, vulgo *la tourière* ut Menardus noster probat in Concord. Regul., cap. 61, § 14.

(d) Quid sit aquamanile, discimus ex ordine Romano, ubi agit, qualiter celebrandum sit officium missæ: *aquamanile, hoc est vas manuale, pelvis nimirum aptus excipiendis aquis ex manu lotionis.* Isidorus, lib. II offic., cap. 10: *Ab archidiacono scyphum aquæ cum aquamanili et manutergium accipimus.* Male ergo aquamanile cum urceolo a nonnullis confunditur.

silentia. Prostrata cujus ad gēna ut dignaretur oculos ejus signare, vix impetrat. Quæ mox ut in nomine Christi signum crucis impressit, cæcitas fugit, lux rediit, et nocturno sub tempore orbæ diu dies illuxit: ita ut tracta cum venisset, nullo ducente recederet.

28. Item puella Fraifledis, inimico instigante, dum torqueretur tam nequiter sacras [Al., Suædas] inter manus sanctæ, nec data dilatione, curari promeruit. Nec illuc prætereatur, tempus beatæ quod præstitit. (Sic). Femina quædam Leubilis dum vexaretur in rure ab adversario graviter, sequenti die sancta orante, nova Christi curatione in scapula crepante cute, et verme foras exeunte, sana est reddita publice; et ipsum vermem calcans pede liberata se retulit.

29. Illud quod gessit in secreto, proferatur in populum. Monacha quædam toto anno, in die gelata frigore, per noctem cremata igni, sex mensibus nec gressum movens, cum jaceret exanimis, Sanctæ de ejus infirmitate soror altera nuntiavit. Et quia perinanis esset, tepidam fieri præcipit, ipsam ægotam ad se facit in cellula deportari et in tepida deponi. Hinc jubet omnes removeri, remanente tantum sola simul ægota cum medica fere per horas duas. Quantum est corporis forma a capite usque ad plantam, infirma membra combajulat. Dehinc quo manus attingebat, fugiebat dolor de languida; et quam duæ deposuerant, exiit salubris de tepida. Quæ vinum nec odorabat, accepit, bibit, et refecta est. Quid plura? Sequenti die cum jam speraretur [pro crederetur] migrare de sæculo, salva processit in publicum.

30. Adjiciatur laudi quod non deperit merito. Mulier quædam dum inimici invasione graviter laboraret, et vix ad sanctam potuissent hostem rebellem adducere; imperat adversario, ut se suo cum timore pavimento prosterneret. Mox ad beatæ sermonem in terram se dejiciens, qui timebatur, extimuit. Cui sancta plena fide cum calcasset in cervice, fluxu ventris egressus est. Est et in rebus minimis magna gloria creatoris. Ergo casu cum glomus quem sancta filaverat, perpenderet de camera, veniens sorex ut tangeret, antequam filum incideret, mortuus in morsu pependit.

31. Inseratur operi res tam digna miraculo. Floreus quidam nomine, homo ejusdem sanctæ, pro piscatione dum in mare satageret, oborto ventorum turbine, fluctuum surgente mole, nec tam nauta sentinante [sentinam ejiciente], quam unda supervergente, cum navis plena submergeretur, in extremitate clamat: Sancta Radegundis, dum tibi obedimus, non subsidamus naufragio, sed obtine apud Deum ut liberemur de pelago. Quo dicto, mox fugata nube, reddita serenitate, unda cadente, prora surrexit.

(a) Non ergo Radegundis, ut quidam asserunt, sed Agnes abbatissa erat, quod etiam ex Fortunato in lib. viii, cap. 8, de Virginitate, manifeste apparet tum

A 32. Goda puella sæcularis, post Deo monacha serviens, dum longo sub tempore, lecto flebilis decubaret, et impenso multo medicamine plus langueret, facta candela ad mensuram suæ staturæ, Domino miserante in nomine sanctæ feminæ, qua hora frigus spiraret, lumen accendit et tenuit, cujus beneficio ante fugata sunt frigora, quam esset candela consumpta.

33. Si propter brevitatem multa prætermittimus plus peccamus. Igitur purgatis velociter reliquis, dilato remedio, carpentarii cujusdam uxor dum plurimis diebus energumeno (sic) torqueretur, venerabilis ejus abbatissa (a) joculariter dicit ad sanctam: Crede, mater, excommunico te, si intra hoc triduum mulier hæc ab hoste purgata non redditur. Dixit plane, sed fecit sanctam mulierem occulte refligendi tempore poenitentem. Quod ne moremur quid actum sit, altera die sancta precante adversarius rugiens per aurem egrediens, invasum vasculum deserit, mulier cum marito sospes redit hospitium. Nec illud prætereatur quod est actum simillimum. Rogat beatissima de loco suo evelli arborem validam lauri, et ad suam cellulam pro jucunditate transferri. Quo facto, transplantata, non adhærente radice, fit tota foliis arida. Cui abbatissa joculariter imputat, nisi exoraret ut arbor terræ adhæreret, se de cibo suspenderet. Quod non inaniter dictum est: Nam sancta intercedente, foliis, ramis, radice laurus siccata revivuit.

C 34. De monachabus quædam sibi familiarior, cujus ex humore sanguis contexerat oculum, apprehensa herba absynthio, quam sancta circa pectus ut refrigeraret habuerat, cum super oculum posuit, dolor et cruor mox effugit; et de viriditate herbæ puritas lucis emicuit. Revocetur memoria quod tacitum pene præterii. Anderedus agens ejusdem beatissimæ cam sibi filii nascerentur, quos ut videret mox perderet, et cogitaret sepelire mater tristis dum pareret, exanimen infantulum lacrymosi parentes jactant in sanctæ cilicium. Qui ut saluberrimam vestem mox panni nobilis attigit, ad officium vitale redit infans de funere, et rubens levat de pallio pallor vicinus ad tumulum.

D 35. Quis numeret mirabilia quæ Christi misericors operatur clementia? Animia monacha dum tantum hydropis morbo tumefacta tenderetur, ut salus esset in ultimo, et deputatæ sorores spectarent quo momento exhalaret spiritum, visa est illi per soporem cum veneranda abbatissa beata Radegundis, in balneo sine liquore nudam jubere descendere. Deinde manus Beatæ visa est oleum ægotæ super caput effundere, et nova veste contegere. Quo peracto mysterio, evigilanti de sopore de morbo nihil apparuit, ita ut nec subsudasset, et intus aqua consumpta sit. Quo novo sub miraculo non reliquit in utero nec morbi vestigium. Nam quæ credebatur deferri

etiam ex lib. n Vitæ, infra, num. 5. Lege rursus Fortunatum, in lib. viii, carm. 4, qui carmine 3, de Agnetis natalitio Radegundi gratulatur.

præceps ad tumulum, levat ad cursum de lectulo, ut olei testimonium odor inesset capitis et ventris nulla perniciēs.

36. Proferatur in medio quo gratuletur regio. Quadem vice obumbrante jam noctis crepusculo, inter choraulas (a) et citharas dum circa monasterium a sæcularibus multo fremitu cantaretur, et Sancta duabus testibus perorasset diutius, dicit quædam monacha sermone ioculari: Domina, recognovi unam de meis canticis saltantibus prædicari. Cui respondit: Grande est si te delectat conjunctam religioni audire odorem sæculi. Adhuc soror pronuntiat: Vere, Domina, duas et tres hic modo meas canticas audivi quas tenui. Sancta respondit: Teste Deo [*Id est, testor Deum*], me nihil audisse modo sæculari de cantico. Unde manifestum est, ut carne licet in sæculo, mente tamen esset in cælo.

37. Prædicetur in laude Christi, more beati Martini, tempore præsentis, antiqui norma miraculi. Cum beatissima femina reclusa esset in cellula, audivit fletum de monacha, et signi tactu venientem quid illud esset interrogat. Quæ mortuam sororem nuntiavit infantulam, et frigidam qua lavaretur, paratam, esse jam calidam. Condolens sancta tunc imperat ut cadaver ipsius suam deferret in cellulam. Quo sibi deportato, excepit manu propria, reclusa post se mox janua, jubens longe discedere, ne quis sentiret quid ageret: sed quod occulte gessit, celari diu non potuit. Inter hæc dum defunctæ exsequiæ præparantur, fere per horas septem mortuæ tractat corpusculum. Sed Christo vidente fidem, cui negare non potuit, reddita prorsus salute, surgit hæc ab oratione, resurgit illa de funere: et se tunc sublevat vetula, cum revixisset infantula. Quam tactu iterum signi, lætificata reddit vivam quam flens acceperat mortuam.

(a) Choraules, symphoniaci, et si Vossius de Vitiis serm., hanc vocem non pro symphoniacis, sed pro iis qui tibiam inflant ac choro præeunt usurpant

38. Commemoretur et illud nobile factum per somnium. Tribunus fisci, cognomento Domolenus, die qua sanctissima migravit de sæculo, dum graviter suffocationis languore totus deficeret, videbatur ipse quod sancta in vicum ejus dignabiliter accessisset. Currit, salutat, interrogat quid beata requireret. Tunc ipsa dicit quod ad eum illic videndum pervenerit. Et quia votum plebis erat ut beati Martini oratorium conderent; apprehendit tribuni manum beatissima dicens: Hoc loco sint confessoris venerandæ reliquiæ; per hoc ædificate templum quod sibi dicat dignissimum. Quale Dei mysterium! fundamentum et pavimento repertum est, quo basilica facta est. Adhuc in ipso sopore manum trahit per fauces ejus, et gulam diu deliniens, insuper et hoc dicens: Veni ut tibi melior a Deo sanitas conferatur. Et videbatur sic rogare: Per meam vitam ut propter me relaxes illos quos habes in carcere. Evigilans Tribunus refert quod viderat conjugem dicens: Vere credo quod hac hora exiit sancta de sæculo. Dirigit ad civitatem ut per hoc vera cognosceret: transmittit ad carcerem, qui septem reos ibi detentos admonitus, relaxaret; redeunte transmissio refert ea hora migrasse justam de sæculo; et triplici mysterio carcere relaxato, tribuno sano reddito, ædificato templo, sanctæ probavit oraculum.

39. Sed de beatæ virtutibus sufficiat exiguitas, ne fastidiatur ubertas; nec reputetur brevissimum, ubi de paucis agnoscitur in miraculis amplitudo. Quæ pietate, parcitate, dilectione, dulcedine, humilitate, honestate, fide, fervore sic vixerit, ut et ipsam post obitum gloriosi transitus, mirabilia prosequantur, humanæ eloquentiæ modus admirando attonitus viribus explicare minime valet. Sit tamen illi qui dedit, gloria, laus et imperium in sæcula sæculorum. Amen.

probat hoc proverbio: Malus choraules, bonus symphoniacus.

LIBER SECUNDUS.

AUCTORE BAUDONIVIA MONIALI ÆQUALI.

Ad mss. Cod. Sancti Germani Pratensis et Sancti Theodorici Rhemensis et D. d'Herouval.

PROLOGUS AD DEDIMIAM ABBATISSAM.

1. Dominabus sanctis meritorum gratia decoratis Dedimiæ abbatissæ, vel omni congregationi gloriosæ dominæ Radegundis Baudonivia [Al., Bandonivia, Bandomina] humilis omnium.

Injungitis mihi opus agere non minus impossibile, quam sit digito celum tangere, scilicet ut de vita sanctæ dominæ Radegundis, quam optime nostis, aliquid dicere præsumamus. Sed istud illis debet injungi, qui habentes intra se fontem eloquentiæ, inde * quidquid illis injungitur, carmine irriguo copiosius explicatur. Verum econtra quicumque angustæ intelligentiæ sunt, nec habent affluentiam eloquii, per quam vel alios reficere vel suæ siccitatis possint inopiam temperare, tales non solum per se aliquid dicere non appetunt, verum etiam, si quid eis injunctum fuerit, pertimescunt. Quod in me ego recognosco quæ sum pusillanimis, parvum habens intelligentiæ eloquium, quoniam quantum doctis proloqui, tantum indoctis utile fit tacere. Nam illi de parvis sciunt magna disserere, isti de magna nesciunt parva proferre: et ideo quod ab aliis quæritur, ab aliis formidatur.

* Forte legendum, qui habent... fontem eloquentiæ unde. EDIT.

2. Cum sim igitur minima omnium minimarum, quam ab ipsis cunabulis ante sua vestigia peculiarem vernulam familiariter enutrivit, ut officio impensi muneris de ejus claro opere, etsi non plene, vel ex parte complexa perstringerem; quatenus dum sui gregis auribus ejus gloriosæ vitæ præconia pendentur, etsi non digno, devoto tamen eloquio, benignissimæ vestræ voluntati obediens pareo; vestra me oratione peto juvari, quæ sum minus docta, plus devota. Non ea quæ vir apostolicus Fortunatus episcopus (a) de beatæ vita composuit iteramus, sed ea quæ prolixitate sui prætermisit, sicut ipse in libro suo disseruit cum diceret de Beatæ virtutibus (*in Æne*): « Sufficiat exiguitas, ne fastidiatur ubertas, nec reputetur brevissimum, ubi de paucis agnoscitur amplitudo. » Ergo inspirante divina potentia, cui beata Radegundis placere studuit in sæculo et cum quo regnat post sæculum, non polito, sed rustico tentamus de his quæ gessit sermone appetere et de multis ejus miraculis pauca complecti.

LIBER SECUNDUS INCIPIT.

1. Igitur de beatæ Radegundis vita in primo libro A sicut continetur ejus regalis origo vel dignitas, nulli habetur incognitum, qualis fuit ejus actio dum cum terreno principe conjuge rege præcelso Chlothario conversaretur. De regali progenie nobile germen erupit, et quod sumpsit ex genere, plus ornavit ex fide. Conjuncta terreno principi nobilis regina, cælestis fuit plusquam terrena, sed in ipso conjunctionis brevi tempore ita se sub conjugis specie nupta tractavit, ut Christo plus devota serviret, et hoc ageret in laicali proposito, quod ipsa desideraret imitari religio (b); jam antecedens animo futuræ conversationis adventum, dum sæculari sub habitu religionis formabatur exemplum. In nullo hujus mundi compede catenata, in servorum Dei obsequio succincta, in redemptione captivorum sollicita, in egenorum erogatione profusa, proprium credidit quidquid de se pauper accepit.

2. Dum esset cum rege adhuc in mundiali habitu, mens intenta ad Christum (teste Domino loquor, cui ore tacente pectora confitentur: cui et si lingua taceat, conscientia nihil occultat, quia quod audivimus dicimus, et quod vidimus testamur), invitata ad prandium a Sifride [Al., Ansifredæ matronæ] matrona, dum iter ageret sæculari pompa se comitante, interjecta longinquitate terræ ac spatio, fanum quod a Francis colebatur, in itinere beatæ reginæ, quantum miliario uno proximum erat. Hoc illa audiens, jussit famulis fanum igni comburi, iniquum judicans Deum cœli contemni et diabolica machinamenta venerari. Hoc audientes Franci universaque multitudo cum gladiis et fustibus vel omni fremitu diabolico conabantur defendere, sancta vero regina immobilis perseverans, et Christum in pectore gestans, equum quem sedebat inantea non movit, antequam et funum perureretur, et ipsa orante inter se populi pacem firma-

rent. Quo peracto virtutem et constantiam beatæ reginæ omnes admirantes Dominum benedixerunt.

5. Postquam operante divina potentia a rege terreno discessit, quod sua vota poscebant, dum Suedas [Sais, supra num. 15] in villa quem ei rex dederat, resideret, in primo anno conversionis suæ, vidit in visu avem [Al., navem] in hominis specie, et in totis membris ejus sedentes homines, se vero in ejus genu sedentem. Qui dixit ei: Modo in genu sedes, adhuc in pectus meum sessionem habebis. Hinc ostendebatur ei gratia, qua fruitura erat. Hunc visum cum contestatione secretius suis fidelibus retulit, ut ea superstitie hoc ne quis sciret. Quam cauta in collocatione, quam devota in omni actione! In prosperis et in adversis, in lætitia et tristitia semper æqualis; nec in adversis se fregit, nec in prosperis extulit.

4. Dum in villa ipsa adhuc esset, fit sonus quasi eam rex iterum vellet accipere, se dolens grave damnum pati, qui talem et tantam reginam permisisset a latere suo discedere: et nisi eam reciperet, penitus vivere non optaret. Hæc audiens beatissima nimio terrore præterrita, se amplius cruciandam tradidit cilicio asperrimo, ac tenero corpori aptavit; insuper et jejunii cruciationem indixit, vigiliis pernoctans in oratione se totam diffudit, despexit sedem patriæ, vicit dulcedinem conjugii, exclusit charitatem mundialem, elegit exsul fieri ne peregrinaretur a Christo. Adhuc de regali secum habens ornameto felte (c) fusum, ex auro et gemmis vel margaritis factum habentem in se auri solidos mille, quam per nonnam suam nomine Fredovigiam, quam proximam habebat, cum suis fidelibus transmisit viro venerabili, domno Joanni (d) reclauso in Castello Cainone, ut pro ea oraret, ne iterum ad sæculum reverteretur, et vestem ei cilicinam transmitteret, unde corpus suum limaret. Transmisit ei et rachinam (e)

(a) Notandus hic locus adversus eos qui Fortunatum ex albo Pictavensium pontificum expungunt, quibus si non sufficit Pauli diaconi auctoritas, lib. 11, cap. 9, certe Baudonivia Fortunato æqualis debet lacere satis.

(b) Videas non esse rem novam, religionis nomen pro statu religioso usurpari, ut quibusdam perperam videtur. Vide infra, num. 8, et supra, num. 36.

(c) Felte, seu feltum, filtrum, pannus est seu vestis ex lana et pillis coacta, non texta: ad cujus similitudinem vestis auro ac gemmis fusa, felte dici videtur. In ms. cod. d'Hérival pro felte legitur cifum,

an scyphum?

(d) De Johanne recluso apud Cainonem, Chinon, in confinio Pictorum et Turonum, ad confluentes Vigenæ et Ligeris, legendus Gregorius Turonensis, de Glor. conf., cap. 23. Præter eum Junianus abbas Mariacensis Radegundi etiam charus admodum et familiaris fuit, qui caracallam ab ea accepisse supra in propriis Actis legitur.

(e) Rachina seu rachana Menardo nostro, in Concord. regul., pag. 922, est operimentum lectorum. Vossio de Vitiis serm., est vestis e panno crasso ac vili a græco *ράχα*. Lege Vitam sancti Germani.

cilicinam, unde et interius et superius sibi fecit indumentum, et si quid de causa, quam timebat, supradictus vir in Spiritu sancto sentiret, eam certiores redderet. Quod si hoc rex vellet, ipsa ante optaret vitam finire, quam regi terreno iterum jungi, quia jam regis cælestis copulabatur amplexibus. Sic vir Dei tota nocte in vigiliis et orationibus pernoctans, inspirante sibi divina potentia in crastino, mandavit ei hoc regis esse voluntatem, sed Dei non esse permissum: ante rex Dei iudicio puniretur, quam eam in conjugium acciperet.

5. Post hoc dictum supradicta domina Radegundis mente tota intenta ad Christum, Pictavis, inspirante et cooperante Deo, monasterium sibi per ordinationem præcelsi regis Chlotharii construxit, quam fabricam vir apostolicus Pientius [Pictaviensis] episcopus et Austrapius dux per ordinationem dominicam [Al., Dei] celeriter fecerunt: in quod monasterium sancta regina, mundi falsa blandimenta respuens, gaudensque ingressa est, ubi perfectionis ornamenta conquiret, et magnam congregationem puellarum Christo nunquam morituro sponso traderet. Quo electa abbatissa etiam constituta, tam se quam sua omnia ejus tradidit subdita potestati, et ex proprio jure nihil sibi reservans, ut curret expedita post Christi vestigia, et tantum sibi plus augeret in celo quanto magis subtraxisset de sæculo. Mox etiam ejus sancta conversatio cœpit fervere in humilitatis conversatione, in charitatis ubertate, in castitatis lumine, in jejuniorum pinguedine: et ita se toto amore cælesti tradidit sponso, ut Deum mundo corde complectens, Christum in se habitorem esse sentiret.

6. Sed invidus bonorum humani generis inimicus, cujus voluntatem, etiam dum in sæculo esset, facere abhorruit, eam persequi non cessavit. Sicut enim jam per internuntios cognoverat (quod timebat) præcelsus rex Chlotharius cum filio suo præcellentissimo Sigiberto Turones advenit quasi devotionis causa, quo facilius Pictavis accederet, ut suam reginam acciperet. Quo cognito beata Radegundis sacramentales fecit litteras sub contestatione divina viro apostolico domno Germano Parisiorum civitatis episcopo qui tunc cum rege erat, quas per Proculum suum agentem secretius direxit cum exenio vel eulogiis (a). At ubi eas relegit vir Deo plenus lacrymans, prosternit se pedibus regis ante sepulcrum beati Martini cum contestatione divina, sicut ei litteris fuerat intimatum, ut Pictavis non accederet. Sic rex amaritudine plenus intelligens hanc petitionem esse reginæ, penitentia ductus, malis consiliariis istud reputans, seque indignum judicans quod talem habere reginam diutius non meruisset, prosternit se et ille ante limina sancti Martini pedibus apostolici viri Germani, rogans ut sic pro ipso ve-

(a) Eulogiæ non semper pro pane aliisque rebus benedictis, sed pro quolibet munusculo ex charitate facto. Apud Fortunatum, in lib. II, Carm. 12 et seqq. leguntur castanæ, lac, prunellæ, ova et prunæ in eulogias transmissa. De eulogiis lege Albas-

niam peteret beatæ Radegundi, ut ei indulgeret quod in ea per malos consiliarios peccaverat. Unde ultio divina de præsentī in eos vindicavit. Sicut enim Arius, qui contra fidem catholicam certans, omnia [Al., omnem intestinam] intestina sua in secessum dimisit; ita et de istis evenit qui contra beatam reginam egerunt.

7. Tunc rex timens Dei iudicium, quia regina magis Dei voluntatem fecerat quam suam dum cum eo commorata fuerat, rogat beatum virum, illuc celeriter ire. Sic vir apostolicus dominus Germanus Pictavis veniens, ingressus monasterium, in oratorio domnæ Mariæ nomini dedicato prosternit se ad sanctæ reginæ pedes pro rege veniam poscens. Illa vero gaudens se de sæculi faucibus ereptam, benigne indulget, et se ad Dei aptavit servitium: expedita jam sequi Christum quocunque iret quem semper dilexit, et animo devoto ad eum percurrit. Talibus ergo rebus intenta, addito vigiliarum ordine, quasi carceris se sui corporis fecit pernoctando custodem. Et cum esset aliis misericors, sibi iudex effecta est, reliquis pia, in se abstinendo severa, omnibus larga, sibi restricta, ut confecta jejuniis non sufficeret nisi et de suo corpore triumpharet.

8. His igitur studiis occupata per omnem modum, sicut est in libro primo intimatum, meruit soli Deo prompte vacare. Quo tamen tempore fortioribus armis induta, sine cessatione orationibus, vigiliis, lectione propensa, peregrinis ipsa cibos ministravit ad mensam, ipsa suis manibus lavit et tersit infirmantium vestigia. Non famulæ permisit sibi dare solatium, quæ devota cursitabat implere servitium: æ autem in tam ardua abstinentiæ districtione reclusit, usque quo infirmitas permisit, ut mens intenta Deo terrenum jam nec requireret cibum. Lectulum vero pœnalem sibi construxit, postquam religionis induit habitum; non aliquando illam mollis pluma fulcivit, neque linteaminis nitor instruxit, quæ pro indumentis universis cinere et cilicio tenera membra domavit. De abstinentiæ rigore vel servitii anterior liber multa docuit. In tantum enim se propter Deum pauperem fecit, ut cæteris præberet exemplum. Manicham quam brachio indueret non habebat, nisi de caliga sua sibi duas fecit manicas: sed ita se pauperem tractabat, ut hoc nec abbatissa (b) sentiret. Quis enim ejus patientiam, quis charitatem, quis fervorem spiritus, quis discretionem, quis benignitatem, quis zelum sanctum, quis jugem meditationem die noctue in lege Domini poterit explicare? Quæ cum a meditatione psalmorum aut prædicatione cessare videretur, lectrix ante eam una monacharum legere non desistebat. In tantum de corde vel ore illius Dei laus non discedebat, ut cum quadam vice vidisset posticiariam monasterii transeuntem nomine Eodegundem, ubi eam voluit appellare, pro ejus nomine Allepinæum, lib. 1, observat. 8, et Menardum, in Concord. Regul., cap. 61, § 1, et alios.

(b) Prima monasterii Sanctæ Crucis abbatissa Agnes cui successit Leubovera.

rit. Hoc millies fecit; nunquam de ore
tio, nunquam mendacium, nunquam ma-
ntra qualemcumque personam processit:
m non detraxit cuiquam, sed nec detra-
ntienter audivit. Pro persequentibus se
vit et orare docuit. Congregationem, quam
Domini plena Dei desiderio congregavit,
lilexit, ut etiam parentes vel regem conju-
nisse nec reminisceretur. Quod frequenter
prædicaret dicebat: Vos elegi filias, vos
a, vos mea vita, vos mea requies totaque
s novella plantatio; agite mecum in hoc
le gaudeamus in futuro. Plena fide, pleno-
affectu servivimus Domino in timore, et
late cordis quæramus eum, ut cum fiducia
oessimus: Da, Domine, quod promisisti, B
is quod jussisti.

iam imposuit facere, quod ipsa prius non
idecunque servus Dei venisset, sollicite
tur qualiter Domino serviret: si quid
agnovisset quod ipsa non faceret, conti-
nani alacritate sibi prius imposuit, et post
onem tam verbo docuit quam exemplo
um ante eam vicibus psalmus cessaret,
quam discessit, non die, non nocte, non
ululum corpus suum refecit. Cum lectio
illa sollicitudine pia animarum nostrarum
ans, dicebat: Si non intelligitis quod le-
est quod non sollicite requiritis specu-
rum vestrarum? Quod etsi minus pro re-
terrogare præsumebatur, illa pia sollicitu-
noque affectu, quod lectio continebat, ad
item prædicare non cessabat. Sicut apis
iera florum congregans unde mella confi-
a ab his, quos invitabat, spiritales stude-
flosculos, unde boni operis fructum tam
suis sequacibus exhiberet. Dum nocte
anuis horæ spatium videretur somnum
mper lectio legebatur. Quæ legebat, in se
corem sentiens, putabat eam jam paulu-
scere. Ubi a lectione cessasset mens intenta
n, tanquam si diceret: *Ego dormio, et cor-
lat (Cant. v)*, aiebat: Quare taces? Lege,
t ubi surgendi horam mediam faceret nox,
antea totum implevisset cursum quæ adhuc
n senserat, jam parata de strato ad Do-
ium gaudens surgebat ut cum fiducia di-
ta nocte surgebam ad confitendum tibi, Do-
cxviii). Nam frequenter et dormire visa
um decantare in ipso sopore, ita ut recte
diceret: *Meditatio cordis mei in conspe-
nper (Psal. xviii)*. Charitatis autem ejus
no omnes homines dilexit, quis unquam
tari? Resplenduerunt in ea quæque virtu-
tia cum verecundia, sapientia cum simpli-
ritas cum mansuetudine, doctrina cum
vita denique immaculata, vita irrepre-
vita sibi met semper æqualis.
ntum se extraneam de rebus propriis fe-

cit, ut si alicui de sororibus merum dare voluisset,
de suo sibi cellario tangere non præsumpsit. Quo
cognito venerabilis abbatissa, dedit ei tonnellam octo
modiorum, quam beatæ Felicitati cellarie ad ex-
pensam commendavit. De vindemia usque ad aliam
omnibus diebus ubicunque ei Sancta jussit, dispen-
savit, et nunquam minuit, sed semper æqualis per-
mansit. Ubi novum vinum advenit quod cellarium
implevit, se tonnella satis fecisse credidit; ante pon-
tones et tonnæ defecerunt quam hæc quæ beatæ in
omnibus fecit voluntatem. Dominus de quinque
panibus et geminis piscibus quinque pavit millia
hominum, et suam ancillam, ubicunque indigere
vidit, de hoc parvo [supple vasculo] toto anno
refecit.

11. Semper de pace sollicita, de salute patriæ an-
riosa, quandoquidem inter se regna movebantur,
quia totos diligebat reges, pro omnium vita orabat,
et nos sine intermissione pro eorum stabilitate orare
docebat. Ubi eos inter se amaritudinem movere au-
disset, tota tremebat, et quales litteras uni, tales al-
teri dirigebat, ut inter se non bella nec arma tracta-
rent, sed pacem firmarent ut patria ne periret. Simi-
liter et ad eorum proceres dirigebat, ut præcelsis re-
gibus consilia salutifera ministrarent, ut eis regnan-
tibus, populi et patria salubrior redderetur. Congre-
gationi suæ assiduas vigilias imponebat: et ut sine
intermissione pro eis orarent cum lacrymis docebat.
Se vero in quantum cruciatu affligebat, quis hoc verbis
explere valeat? et intercedente ea pax regum, miti-
gatio belli, salus patriæ aderat; ut ejus obtentum in-
telligentes, benedictum nomen Domini collaudarent.
Quamlibet de pace regum cum rege cœli victoriam
obtineret, magis se Deo devotam prompte optabat,
et omnium servitio mancipabat, non curans quale
obsequium faceret, quæ totis [omnibus] implere stu-
debat servitium: pedes omnium manibus propriis
lavans, sabano tergens et osculans, et, si permissum
fuisset, ad similitudinem Mariæ fuis crinibus exte-
gere non retinebatur. Unde pro tam immensis bene-
ficiis, quæ sunt in ea divino munere collata, Domi-
nus virtutum largitor eam in miraculis clariorem red-
didit in Francia: ubi dum regnare videretur, sibi
magis cœleste quam terrenum præparavit regnum.
Fecerat sibi oratorium, quatenus vicibus dum se
regi subduceret, semper ibi Dominum cœli invoca-
ret, in quo beneficia Dei præstantur ad invocationem
ejus nominis, cujus assidua ibi fuit oratio.

12. Postquam se in monasterio reclusit matrona
Mammezo, nomine, dum iter ageret, in oculo suo
gravis est sordicula ingressa. Ubi una vox, unus dol-
or, unus clamor, diu noctaque inerat ei, ut suam
fidelem Dominus declareret. Quanquam ibi corpore
jam non esset, ad invocationem quoque nominis sui
benigne adfuit. Dominus posuit ei in sensu, ut ad
suum oratorium pergeret, et ad ejus invocationem se
salvari crederet. At ubi femina dolore plena manibus
servulorum suorum sustentata, vix ad illud orato-
rium duci poterat, validissimum sustinens dolorem

se in pavimentum projecit et clamare cœpit : Domina Radegundis, credo te virtute Dei esse plenam, cujus voluntatem magis fecisti quam hominum : domina bona, pietate plena, miserere mei, subveni infelici, ora pro me ut mihi reddatur oculus, quia præ gravi cruciatu et dolore affligitur anima mea. Sic illa, quæ dolores omnium in se sola [solam] transtulit dum in corpore fuit, usque dum eis mederi potuisset, benigne exaudivit ad invocationem nominis sui. Domino miserante per ejus interventum dolor fugit, salus advenit, oculum quem jam se perdidisse credebat, solum dolorem sentiens, sanum recipit : quæ tot diebus nec cibum sumpserat, nec lumen diei viderat, pedibus suis nullo sustentante incolumis ad domum suam reversa est, Domino usque in præsentem diem gratiam agens.

13. Adjiciatur et aliud ad laudem Christi miraculum qui suos *trepidare* aliis facit. Vinoberga una ejus fuit famula, quæ ausu temerario in cathedra beatæ reginæ post ejus discessum sedere præsumpsit. Quo facto, judicio Dei percussa sic arbebat, ut viderent omnes fumum de ea in altum procedere, et illa coram omni populo proclamaret, confitens se peccasse ; et propterea arderet, quia in beatæ sede consederat. Tribus diebus et tribus noctibus incendium passa vociferans clamabat : Domina Radegundis, peccavi, male egi, indulge, refrigera membra duro cruciatu exusta ; misericordia larga, bonis operibus gloriosa, quæ omnibus miseris, miserere mei. In tanta pœna ipsam omnis populus videns, pro ea precabatur tamquam si præsens esset, dicens : Quia ubicunque ex fide invocatur, adest : domina bona, parce ei ne tanto cruciatu infelix deficiat. Sic beatissima ad preces omnium benigne indulget [indulgens], ignem ferventem compescuit, sospes ad domum suam rediit : et sic istius pœna omnes fecit cautos ac devotos.

14. *Suædas* [*Sais*, lib. 1, num. 15] in villa dum esset, devoto ac fidei animo mens [mente] intenta Christo reliquias sanctorum omnium plena devotione habere cupiens, exoranti advenit vir venerabilis Magnus presbyter cum reliquiis domni Andree et aliorum quam plurimorum. Quibus super altare positis, cum nocte devota vigilat super formulam, et se ad orationem prosternit, parvus sopor ei accessit, qualiter ei Dominus declararet votum suum impletum, dicens ad eam : Cognosce, benedicta, quia non hæ solum reliquiæ, quas presbyter Magnus attulit, hic sunt tantum, sed quantas in *Atheia* [*Athiis*] villa congregasti, totæ hic convenerunt. Ubi oculos aperuit, vidit virum splendidissimum qui hoc ei nuntiaverat, et gaudens Dominum benedixit. Postquam in monasterium est ingressa, quantam multitudinem sanctorum fidelissimis precibus congregaverit, hoc Oriens testatur, Aquilo, Auster, vel Occidens profitetur : quia undique pretiosas gemmas cœloque reconditas,

(a) Vitam sancti Mamantis, seu Mammetis martyris, qui apud Cesaream Cappadociæ urbem iv Nonas septemb. passus dicitur, habes in biblioth.

et quas paradisus habet, ipsa devota tam muneribus quam precibus sibi obtinuit. Cum quibus incessabiliter jugi meditatione psalmos et hymnos se decantare credebat.

15. Pervenit tandem ad eam de domno Mammete (a) martyre, quod Hierosolymis sancta sua requiescerent membra. Hæc audiens avida et sitibunda potabat velut hydrops qui quantum fontem trahit, tantum sitis addita crescit ; ista de rore Dei plus madefacta calet. Transmisit virum venerabilem Reovalem presbyterum, qui tunc sæcularis erat et adhuc superstes est corpore, ad patriarcham Hierosolymitanum poscens de beati Mammetis pignoribus. Quod vir Dei benigne suscipiens rogationes populo indixit, voluntatem Dei inquirens : tertia die, missa celebrata, beati martyris sepulcrum cum omni populo adiit, alta voce, plena fide hujusmodi verbis protestatur dicens : Precor te, confessor et martyr Christi, si vera est ancilla Dei beata Radegundis, innotescat in gentibus potentia tua, permitte ut de pignore tuo mens fidelis accipiat quod poscit. Oratione completa, ubi omnis populus amen respondit, venit ad sanctum sepulcrum, semperque beatæ fidem pronuntians, tangebatur membrum, quale beatissimum ad petitionem domnæ Radegundis dare juberet. Tetigit in manu dextera singulos digitos : ubi ad minorem venit digitum, se suavi tactu de propria manu tulit, ut beatæ reginæ desiderio satisfaceret, et ejus voluntatem impleveret. Quem digitum vir apostolicus cum digno honore beatæ Radegundi direxit : de Hierosolyma usque Pictavis in ejus honore semper laus Dei personuit. Quid putas quam ardenti animo, quam fidei devotione tanti pignoris præmium expectans, se abstinentiæ mancipavit ? At ubi se beata regina hoc munus cœlestæ accepisse cum omni alacritate gauderet, tota hebdomada cum omni congregatione se in psallentium vigiliis et jejuniis aptavit, Dominum benedicens se tale munus accipere meruisse. Sic Deus suis fidelibus quæ postulant non ahnegat. Frequenter et dulciter quasi in figura, ut nemo intelligere posset, dicebat : Cui animarum cura est, fortiter laudem ab hominibus debet timere. Sed nihilominus quantum illa hoc vitare volebat, tanto magis ac magis virtutum largitor sibi in omnibus fidelem declarare studebat : ita ut ubicunque infirmus a quacunque detentus infirmitate eam invocasset, salutem recipiebat.

16. Vir illuster, Leo nomine, ad concilium synodi evocatus a viris apostolicis Leontio [*Burdegalensis*] et Eusebio [*Sanctonensis*] episcopis, dum iter ageret, oculi ejus gravi sunt caligine obducti, sanguinis nube cooperti, ut non nisi a famulis sustentatus pergeret, penitus nec viam videret. Qui ingressus monasterium beatæ, ubi filias suas ei devotus tradidit Domino servituras, introivit in oratorium domnæ Mariæ nomini dedicatum : post orationem datam prosternit se fide plenus supra sanctæ cilicium, viriliter eam invocans,

Floriac. Johannes a Bosco, ejusdem martyris translationem brachii Lingonas factam refert. In Martyrologio Rom. xvi Kal. Septemb. colitur.

perjacuit quousque dolor discessit, castus, coagulatus sanguis se venis minuerdixit, clarisque oculis qui manibus venerat, sanus rediit, de cilicio beatæ nit, lætus atque incolumis, ad synodum, ambulavit, quod post ipso referente odus audivit, ac inde regrediens nobis prio disseruit. Ipsa ei fecit devotio funasilicæ domnæ Radegundis percutere, n dedit solidos ad fabricam ipsam facieninfirmi ad ejus invocationem sunt sani enumerare valeat? Quis eam unquam num hominem esse credidit? Per Deum iter et veraciter dico, quia sic semper in m resplendebat cum anima vultus ejus, rito extrinsecus appareret, quod intrinatur.

ongregatas sanctorum reliquias, si fieri sum Dominum de sede majestatis suæ habitare expetiisset. Et quanquam eum ulis non intueretur, spiritalis mens inprecibus contemplabatur. Sed quia Dorivabit bonis eos pui ambulant in inno i eum ex toto corde et ex tota anima et te quæsierit (*Psalm. LXXXIII*), sicut hæc livina clementia se benignam exhibuit, su posuit, in cujus pectore die noctuque, ut sicut beata Helena, sapientia im: Dei plena, bonis operibus gloriosa li-re, ubi pretium mundi pro nostra salute aerat ut nos de potestate diaboli eripevivi, ita ut, invento, ambabus manibus t in terra genu flexo Dominum adoraret a mortuo suscitato dominicam crucem m agnovit dicens: *In veritate tu es Christi, qui in hunc mundum venisti, tuosque creasti pretioso sanguine redemisti*; quod rienti patri, hoc fecit beata Radegun-

a sine consilio in mundo dum vixit, nioluit, transmisit litteras ad præcellenmnum Sigibertum regem, cujus imperio gebatur, ut ei permetteret pro totius pat ejus regni stabilitate, lignum crucis mperatore [Justino] expetere: quod ille D ad petitionem sanctæ reginæ assensum a devotione plena, desiderio accensa ad i non munera dirigit, quæ se propter rem fecit; sed oratione obtinente, cum nctorum quos incessabiliter invocabat, direxit. Sed quod sua vota poscebant beatum lignum crucis Domini auro et iatum, et multas sanctorum reliquias, retinebat, uno residens loco se habere Ad petitionem sanctæ transmisit impe-

rator legatorios cum evangelis auro et gemmis ornatis.

19. At ubi lignum, ubi salus mundi pependerat, Pictavis (a) civitatem cum congregatione sanctorum advenit, et pontifex loci cum omni populo devote hoc vellet excipere; inimicus humani generis per satellites suos egit, ut pretium mundi repellerent, nec in civitate recipere vellent, qualiter beata Radegundis tribulationibus subjaceret, aliud pro alio asserentes, Judaico ordine; quod nostrum non est disserere, ipsi viderint: *Dominus novit qui sunt ejus*. Sed illa spiritu fervente, animo dimicante, iterum ad benignissimum regem dirigit, quia in civitatem salutem recipere noluerunt. Interim quousque missi sui de domno rege reverterentur, in Turonico suo monasterio virorum quod condidit, ut ipsam salvaret, ibi cum psallentio sacerdotum crucem Domini vel pignora sanctorum commendavit. Non minorem injuriam est passa sancta crux per invidiam, quam Dominus qui per cursorem [*Al.*, percussorem] fidelem vocatus et revocatus ante presides et iudices omnem malitiam patienter sustinuit, ut quod creaverat non periret. In quanto se cruciatus posuit, in jejuniis, in vigiliis, in profusione lacrymarum tota congregatio sua, in luctu et fletu omnibus diebus usque quo respexit Dominus humilitatem ancillæ suæ, qui dedit in corde regis ut faceret judicium et justitiam in medio populi? Nam devotus rex per fidelem suum virum illustrem Justinum comitem transmisit ad virum apostolicum domnum Eufromium (b) Turonicæ civitatis episcopum, ut cum honore digno gloriosam crucem Domini vel sanctorum reliquias in monasterio domnæ Radegundis introponeret; quod et factum est. Exultavit in gaudio beata cum omni cella sua, seque hoc de cœlis donum bonum et datum perfectum suæ congregationi, quam ad Domini servitium congregavit, contulit, in spiritu sentiens quod post ejus transitum parum habere posset. Quamquam illa cum rege cœli gloriaretur, unde eis subvenire posset: hoc donum cœlestis provitrix optima, gubernatrix bona, ut oves non usquequaque relinqueret, pretium mundi de pignore Christi, quod de longinqua regione expetiit, ad honorem loci et salvationem populi suo in monasterio dimisit; ubi virtute Dei cooperante, potentia cœli ministrante, cœcorum oculi lumen recipiunt, aures surdæ patefiunt, mutorum lingua ad suum redit officium; claudi ambulant, dæmones effugantur. Quid plura? Quisquis a quacumque infirmitate detentus ex fide venerit, per virtutem sanctæ crucis sanus redit. Quis queat dicere quantum et quale donum huic urbi beata contulit? Unde quisquis ex fide vivit, ejus nomini benedicit. Præcellentissimis enim dominis regibus et serenissimæ domnæ Brunighildæ reginæ, quos caro dilexit affectu, et sacrosanctis ecclesiis vel pontifi-

ius Turonensis, lib. 9, c. 40: *Delatis reli, petiit regina episcopum ut cum honore de psallentio in monasterium collocarentur: iclens suggestionem ejus, ascensis equiti-*

bus villæ se contulit. Maroveus tunc Pictavos regebat.

(b) Mortuus anno 573 Gregorium habuit successorem.

cibus earum cum contestatione divina suum commendavit monasterium.

20. Post hoc donum cœleste acceptum transmisit beata missos suos, supradictum presbyterum, cum aliis, ad imperatorem cum simplici vestimento gratias agere. In redeundo cœpit mare fluctibus agi, ubi sunt multa pericula passi, procellas scilicet et tempestates, quales se nunquam vidisse fatebantur; quadraginta diebus et quadraginta noctibus in medio mari navis eorum periculo subiacebat. Jam de vita desperantes mortem præ oculis habentes, inter se pacem facientes, quia jam eos mare absorbere cupiebat, se videntes in tanto periculo, voces ad cœlum dabant clamantes ac dicentes: Domina Radegundis, subveni servis tuis: dum tibi obedimus, submersi non pereamus; libera nos de mortis periculo quia jam mare paratum est ut nos vivos absorbeat. Ubicumque invocata fuisti miserta es, nunc adjuva tuos ne pereant. Ad has voces in medio mari advenit columba, quæ ternavem eorum circumiens, tertia vice in nomine Trinitatis quam beata semper corde dilexit, cum volaret, servus beatæ reginæ nomine Baisaios extendit manum, de cauda ejus tres tulit pennas, quas mari intinguens tempestatem compecuit et ad invocationem nominis beatæ Radegundis columba quæ apparuit, ejus famulos de mortis janua vitæ reddidit, et facta es tranquillitas magna in medio mari. Illi vero alta voce clamantes dicebant: Advenisti, bona domina, pietate plena, tuos captivos eripere ne fluctibus mergerentur. Ad ejus invocationem non tantum sui, sed omnes sunt liberati per virtutem ipsius domnæ Radegundis. Ipsas pennas huc attulerant, et fabricatas ipsi qui de morte sunt liberati, per loca sancta devoti dederunt. Ubicumque invocata fuerit, benigne exaudit; si febricitans, aut pustulam habens, aut a quacunque tentus infirmitate, pro interjecto longinquitatis terræ spatio ad eam venire non potuisset, candela in ejus nomine accensa omnem febrem depulit.

21. Quantum suam congregationem dilexerit quis effari valeat? nec si centeno sonitu linguæ plectrum moveat hoc explorare valet. Instituit ut, dum reficerent, semper lectio legeretur, ut non solum fauces accipiant cibum, sed et aures audiant Dei verbum. Quidquid aut aliis præcepit aut ipsa fecit, omnia propter Deum semper implevit. Quidquid aut prohibuit fieri, aut ipsa vitavit facere, omnia in zelo Dei et nihil carnaliter aut egit, aut sapuit. Et quia nunquam otiosa ab opere Dei esse voluit, insistebat utique orationi, lectioni et elemosynis ac prædicationibus incessanter, omnibus diebus, ut nulla esset quæ se de ignorantia excusaret.

22. Tantum denique donum in se largiente divina gratia habuit, ut humilitatis magistrum qui de cœli solio ad terras descendit imitando, Dominum sequeretur in spiritu, quocunque iret. Postquam congregatio se recondebatur jam ad pausationem, illa, ut pernoctans in oratione, sua sancta dextera monasterium per signum crucis salvabat. Quadam vice dum beata

illud signaret, aliqua de sororibus vidit supra murum millia millium dæmonum in specie caprarum astare: ubi sancta dexteram beatam cum signo crucis elevavit, omnis illa multitudo dæmonum fugata nusquam comparuit.

23. Simili modo dum ante suam cellam nocte astaret, semper corde et in ore cursum decantans, intra arcana cordis sui secrete jugis laus Dei personabat, nocturna avis, quæ hominibus est ingrata, vociferans in medio monasterio in arbore se infestabat. Dicit ad eam una de astantibus: Domina beata, si jubes, in verbo tuo ejicio avem. Quæ dicit ei: Si nocet, in nomine Domini vade, nihilominus signum crucis super eam faciens. Ambulavit dixitque avi: In nomine Domini nostri Jesu Christi jubet domina Radegundis, si non ex Dei parte venisti, ut ab hoc loco discedas, et penitus hic cantare non præsumas. Tanquam si ex ore Dei prolutum audisset verbum, dedit volatum et nusquam comparuit. Merito ei aves et bestię obediunt, quia illa nunquam præterit Domini obedire præcepto.

24. Et si pro infirmitate aliquoties requiescere voluisset, spiritu vigilanti dicebat, tanquam admonens eam quæ psalmum dicebat: Age, dic. Nulli dubium est quod spiritaliter cum sanctis psallebat, aut certe nec sopor eam superabat. Mens intenta ad Christum frequenter etiam in sopore posita, de futuro judicio et de æterno præmio prædicans, expergefata nobis dicebat: Colligite, colligite triticum dominicum, quia vere dico vobis non diu erit ut colligatis. Videte quod dico, colligite quia vere quæsituræ estis istud tempus; vere, vere quæsituræ estis istos dies et valde desideraturæ. Quod etsi tunc ignavia nostra hic tepide accipiebat, jam tamen nunc venisse probemus quod dixit. Illud propheticum in nobis impletum est: *Mittam vobis famem in terra (Amos vi)*; famem, inquit, non panis et aquæ sed audiendi verbum Dei. Licet prædicationes quas instituit recitentur; tamen cessavit illa incessabilis vox, desiderabilis admonitio, dulcis affectus. Nam qualem vultum, Deus plasmator bone! qualem faciem, qualem personam habuit, quis potest unquam exponere? Sed et hoc reminisci supplicium est. Nos vero humiles desideramus in ea doctrinam, formam, vultum, personam, scientiam, pietatem, bonitatem, dulcedinem: quam specialem a Domino inter cæteros homines habuit.

25. Quam sancta fuit vita ejus, tam purus et dulcis aspectus. Ante annum transitus sui, vidit in visu locum sibi paratum, venitque ad eam juvenis prædives pulcherrimus, et quasi juvenilem habens ætatem, qui suavi tactu blandoque colloquio dum cum ea loqueretur, illa de se zelans, blanditiâ respuebat. Qui dixit ei: Quid me desiderio accensa cum tantis lacrimis rogas, gemens requiris, fuis precibus poscis, pro me tanto te cruciatu affligis qui semper tibi adsisto? Tu, gemma pretiosa, noveris te in diademate capitis mei primam esse gemmam. Nulli dubium quod ipse eam visitavit cui se tota devotione tradidit vivens in corpore et gloriam quæ fructura erat ei ostendit. Sed

hunc visum secretius cum contestatione duabus satisfidelibus dissevit, ut se superstiti nulli narrarent.

Et quia multa sunt adhuc satis et magna quæ propter prolixitatem præterimus, ne prolixitas nostra audientibus potius fastidium generet, quam nitorem sermonis [*Al.*, sermo] ostendat. Quantum de amore, de nutrimentis, de charitate, de prædicatione, de omni omnino sancta ejus conversatione reminiscimur, cruciamur et dolentes oculis distensis requirimus tantam pietatem, sed nec invenimus quod perdidimus. O tam dura conditio quæ nobis infelicibus evenit! o piissima domina, utinam obtinuisses cum cæli Domino, ut ante te oves quas congregaveras direxisses! Tu, pastorem bonum sequens, gregem Domino tradidisses.

26. Jam ad gloriosum ejus venimus transitum, quem sine profusione lacrymarum dicere non possumus. Fluunt lacrymæ, de imis medullis gemitus prorumpunt, sed in nullo consolationis locum inveniunt, dum plangimus; si de ejus fideli devotione minus dicimus, plus peccamus. Usque ad diem transitus sui numquam minuit cursum implere; et quod cœpit, corde retinuit: quia non qui cœperit, sed qui perseveraverit usque in finem, ipse salvus erit. Ubi jam ad finem vitæ venit sanctum ejus corpusculum, longum trahens martyrium pro amore Domini; beati [*forsan beatæ id est Moniales*] omnes congregati luctuose circa ejus thorum flentes et ejulantes, pectora duris pugnis et lapidibus ferientes, voces ad cælum dabant clamantes ac dicentes: Domine, ne permittas nos tam grave damnum pati; lumen nostrum recipis, nos cur in tenebris relinquis? Et quia illa quidquid potissimum facere voluit, semper die natalis Domini facere elegit, gloriosus transitus ejus sic contigit, Nam quarta feria mane primo idus Augustas, quod fecit idem mensis dies XIII (a), clausi sunt ejus oculi (b) et obscurati sunt nostri. Væ nobis quia peccavimus, afflictum est dolore cor nostrum, flevimus et plangimus, quod diutius una nos te habere non meruimus. Ipsum mane ubi nobis tantum malum contigit, ubi una vox, unus planctus, unus clamor cælos penetrabat; lapidarii qui in monte operabantur, in aere audierunt angelum Dei loquentem; unus dixit ad alios: quid facitis? dimittite eam adhuc; quia hæ voces ad Domini pervenerunt aures. Angeli, qui eam ferebant, respondentes dixerunt: Jam factum est. Quid faciemus? Illam recepit paradisos, ubi gloriatur cum Domino. Credimus quod nos non de se separat, quæ se ei placere voluit cum quo regnat.

(a) Quarta feria Christum Dominum natum esse Cedrenus et Maximus Monachus æque existimarunt, ut Scaliger lib. vi de emendat. temp. ubi de anno natalis Domini, observavit.

(b) Gregorius Turonensis lib. ix c. 2, obitum sanctæ Radegundis illigat anno duodecimo regis Childberti, qui respondet anno Christi d. LXXVII, quo dominica littera E currebat.

(c) In illam basilicam modo sanctæ Radegundis nomini dicatam collegium canonicorum successit: alia vero titulo sanctæ crucis insignita hodieque a sanctimonialibus Benedictinis occupatur.

Flenda ergo nobis talis non est, sed tremenda. Amissimus quidem in præsentī sæculo dominam et matrem: sed in regnum Christi præmisimus intercedentem. Admirabile quidem gaudium fecit in cælis, in terris vero intolerabilem luctum reliquit.

27. Quando ejus sancta anima de hoc sæculo migravit ad Christum, non erat ibi pontifex loci. Ambulavit nuntius ad virum apostolicum domnum Gregorium Turonicæ civitatis episcopum, et advenit. Sed quantum præsens vidit oculis antequam eam sepeliret, de ejus virtutibus in libro miraculorum (*Greg. Turon. de Gl. Confes.* 106), quem composuit, inseruit. Cum autem venit ad locum ubi sanctum corpus jacebat (quod ipse postea cum sacramento lacrymans dicebat, quod in specie hominis angelicum vultum viderat) facies illius velut rosa et lilium fulgebat; ita tremefactus est ac metu concussus, tanquam si ante præsentiam beatæ genitricis Domini adstaret devotus vir Deo plenus. Expectabatur pontifex loci ut eam cum digno sepeliret honore. Tota congregatio circa ejus torum stans psallebat; ubi psallentium vel paululum quiescebat, intolerabilis planctus aderat. Triduo expectatus est pontifex, quia vicos circumiebat; sed quia non venit, supradictus vir apostolicus de caritate sisus quia *perfecta caritas foris mittit timorem* (I Joan. iv), in Basilica sanctæ Mariæ (c) nomine condita, ubi sacra virginum corpora de monasterio suo conduntur, eam cum digno sepelivit honore.

28. Dum sub muro cum psallentio sanctum ejus corpus portaretur, quia instituerat ut nulla vivens foras monasterii januam egrederetur (d), tota congregatio supra murum lamentans, ita ut planctus earum superaret ipsum psallentium, pro psalmo lacrymas, pro cantico mugitum, et gemitum pro alleluia (e) reddebant. Rogaverunt desursum ut subitus turrem repausaretur feretrum in quo beata portabatur, graviter sustinentes ejus absentiam. Sed ut suam fidelem Dominus declararet in medio populi, ibi dum pansaretur sanctum corpus, cæcum illuminavit: qui multis annis lucem diei non viderat, lumen recepit; qui ad manus tractus venerat, post feretrum nullo sustentante videns, tanquam si nullum habuisset laborem oculorum, ad sanctum sepulcrum abiit, et usque hodie clare videt.

29. Ne prætermittatur et aliud miraculum. Ubi eam sepelivit supradictus episcopus, coopertorium non posuit, antequam pontifex loci veniret. Liberæ quæ ante eam cereos portaverunt, totæ in gyro se-

(d) Nempe juxta regulam quam sanctus Cæsarius monialibus præscripsit. Nam recapitulationis Artic. i statuit *ut nulla ex vobis usque ad mortem suam de monasterio egredi, vel de ipsa basilica in qua januam habetis, aut permittatur, aut per seipsam præsumat exire.*

(e) Hanc lætitiae vocem *alleluia* olim in Exsequiis usurpatam jam annotavit Menardus noster in librum sacramentorum: quam vocem præcipue in funeribus sacerdotum Græci sæpius ingeminant, ut constat ex Euchologio.

pulcri adstabant; unaquæque in suo cereo suum nomen dabat scriptum, totæ uni ex famulis cereos ipsos juxta ordinationem tradebant. Fit contentio in populo; alii dicebant cereos ipsos in ejus sanctum sepulcrum mitti debere, alii dicebant, non. Dum istud ageretur, de pueri brachio qui totos tenebat, unus exilivit in altum super omnem populum, et se in sancto sepulcro ad pedes beatæ posuit, et quod hæsitabatur, declaravit. Respicientes ad nomen, cujus esse, cereus, inventum est Calvæ nomen. Hoc videns episcopus vel omnis populus, admirantes virtutem beatæ Radegundis, Domino benedixerunt. Quantæ post ejus transitum ibi sunt factæ virtutes, quanti dæmoniacci liberati, quanti febricitantes sunt rediti sanitati, quis enumerare valeat?

30. De Burgundia cum viro apostolico Leifasto (a) B episcopo veniens ejus abba nomine Abbo, dum esset Pictavis in civitate, dentis incurrit validum dolorem. Die noctuque una vox, unus dolor inerat ei, mortem evenire sibi optans ut tanto careret dolore. Qui inspirante sibi divina misericordia rogavit se duci ad sanctæ basilicam: ubi ingressus, cum fide se ante sanctum sepulcrum terræ projecit, mortem præ oculis habens, pallam corporalem desuper sanctum tumulum mordicus apprehendit. Qui septem diebus nec cibum sumpserat, nec somno refici poterat, in hoc morsu sopor accessit; dolor discessit, sanus ad hospitium rediit. Quod post ipso referente plures cognoverunt, ubi se fatebatur de mortis janua per virtutem domnæ Radegundis esse revocatum.

31. Et quia mos est in festivitate beati Hilarii reliquis Monasteriis circumcirca proximis, quæ sunt ibi, usque in mediam noctem vigiliis celebrare; de media nocte unusquisque abbas cum suis fratribus ad suum revertitur manasterium cursum celebrare. Quamdiu

in beati Antistitis Basilica vigilaverunt, tota nocte energumeni clamaverunt; inter quos mulieres duas graviter infestabat inimicus, præcipue una tantum bacchabatur, ut in ejus fremitu tota tremere basilica. Postquam inde vir venerabilis Arnegisilus abbas basilicæ beatæ reginæ cum suis Monachis exivit, ad suam vadens basilicam cursum implere, quam illa satis dilexerat, ipsas post se mulieres audierunt clamantes, Venite. Quæ ingressæ basilicam vociferantes domnam Radegundem ut eis parceret supplicabant. Una ex illis, quæ gravius tribulabatur, jam ter quinos habens annos ex quo eam spiritus nequam flagellabat, cum matutina dicebatur, sæviens inimicus vas quod invaserat, reliquit. Illa alia ad tertiam ante ostium ipsius basilicæ est liberata, et ultra nequissimus hostis eis nocere non valuit. Quam larga est et dives misericordia Dei quæ suos vereri facit, et loca requirit ipse virtutum largitor ac dispensator, ubi per suos fideles suam ostendit potentiam. Ad basilicam sancti viri sunt alii liberati, alii vero basilicæ domnæ Radegundis sunt directi: ut sicut æquales gratia erant, ita æqualis et virtus ostenderetur.

32. Quis male habens, quamvis vita desperatus, si pallam subteriore custodit ejusdem sacri sepulcri intinxit in calice aquæ, et dedit ei febricitanti poculum, non statim ut bibit ante sanctum ejus sepulcrum jacens sopor accessit, morbus recessit? Christo largiente omnibus diebus in nomine ipsius Domini Jesu Christi ibi multæ virtutes fiunt, unde recessit. Nos quoque etiam fidei devotione et sedulitate debita veneramur in terris, cujus anima confidimus, gaudemus et gloriamur quod præfulgeat in cælis, ipso præstante qui cum Patre et Spiritu sancto vivit et regnat in sæcula sæculorum. Amen.

(a) Leifastus seu Lefastus episcopus Æduensis, d'Autun, post Siagrium, qui anno DC obiit, ut sentit Carolus le Cointe in Annal. Franc. ad an. 600,

num. 7. Sammarthani Auspiciis inter Siagrium et Lefastum locant: sed prior sententia ob Baudonivæ ætatem præferenda.

SANCTÆ RADEGUNDIS, REGINÆ FRANCÆ.

TESTAMENTUM,

SIVE

EPISTOLA^a AD EPISCOPOS.

Hanc initio institutæ congregationis suæ pro ejus tutela et stabilitate scripsit, concilioque Turonensi confirmandam absens obtulit.

^a Non video quod tempus huic epistolæ aptius congruat, quam concilii ii Turonensis. Cum enim scripta sit ad episcopos illos ipsos (quod ex illorum rescripto patet) qui concilio Turonensi adfuerunt, verisimile est tum ad eos missam, cum una essent in eo concilio congregati. Qui hanc in longiora tempora differunt, et post annos viginti paulo ante obi-

tum a sancta Radegunde scriptam volunt, præterquam quod a Gregorio Turonensi refelluntur, qui initio institutæ ab ea congregationis editam docet, lib. II, cap. 39, hoc etiam non animadvertunt, Euphronium episcopum (ut de cæteris qui una rescribunt, nihil dicam) ea tempora non attigisse, totoque amplius decennio sanctæ Radegundis obitum prævertisse.

Dominis sanctis, et apostolica sede dignissimis in Christo patribus, omnibus episcopis Radegundis peccatrix.

Congruæ provisionis tunc roboraliter ad effectum tendit exordium, cum generalibus patribus, medicis, ac pastoribus, ovilis sibi commissi causa auribus traditur, eorumque sensibus commendatur, quorum participatio de charitate consilium, de potestate suffragium, de oratione ministrare poterit interventum. Et quoniam olim vinclis laicalibus absoluta, divina providente et inspirante clementia, ad religionis normam visa sum voluntarie duce Christo translata; ac

^a Soror sancti Cæsarii: aut certe junior altera, si *degūt* legas. Duæ siquidem ejusdem nominis et muneris Cæsariæ fuerunt. Una sancti Cæsarii germana, quam Cæsarius frater condito a se monasterio abbatissam præfecit, eique regulam, sub qua cum suis viveret, instituit. Posterior altera, quæ priori, su-

perstite adhuc Cæsario defunctæ, in abbatissæ munere successit, ut auctor est Cyprianus in Vita sancti Cæsarii, quam Cæsariæ hujus rogatu composuit. Ab hac eadem Radegundis regulam Cæsarii, quam monasterio suo traderet, expetit. JAC. SIRM.

Reliqua videsis tom. præced. col. 522, ubi hæc epistola a Gregorio Turonensi refertur.

DECRETUM EPISCOPORUM,

QUOD SUSCEPTA BEATÆ RADEGUNDIS EPISTOLA CONSCRIPSERUNT.

Dominæ beatissimæ, et in Christo ecclesiæ filiæ Radegundi, Euphronius, Prætextatus, Germanus,

Felix, Domitianus, Victorius et Domnolus, episcopi.

Sollicita sunt jugiter circa genus humanum im-

mense divinitatis provisura remedia, etc.

Reliqua videsis Greg. Turon. lib. ix, cap. 39, col. 516 tom. præced.

ANNO DOMINI DLXXIII-DLXXVII.

BENEDICTUS PAPA I.

NOTITIA EX LIBRO PONTIFICALI.

Benedictus ^a natione Romanus ex patre Bonifacio, ^c eodem] tempore gens Langobardorum^e invasit totam Italiam, simulque et fames nimia, ut etiam multitudo castrorum se traderet Langobardis, ut tempe-

sedit annos ^b quatuor (a), mensem unum, dies viginti octo [Cod. Luc., novem]. Ejusdem [Cod. Luc.,

NOTÆ SEVERINI BINII.

^a Cum Romana sedes ob tumultus bellicos vacasset menses decem et tres dies, Benedictus, quem Græci Bonosum nominant, creatus est pontifex die 16 Maii, anno Christi Redemptoris 573. Hujus tempore Langobardi maxima ex parte idolorum cultores. Ecclesiam dira persecutione vexarunt, loca sacra effossis sanctorum martyrum sepulcris profanarunt, ædificia in suburbis Romæ diruerunt, sanctum Cerbonium episcopum cum suis clericis in exilium fugarunt octoginta rusticos, quorum quadraginta immolatiæ carnes comedere, alii caput capræ adorare recusabant, supplicio mortis affecerunt. Hac persecutione ea miracula contigerunt quæ in libris dialogorum recensentur apud eundem Gregorium de sancto Cerbonio episcopo, Santulo, aliisque presbyteris. Justinus imperator Anastasium Antiochenum, ob quædam crimina illi objecta depositum, relegavit. Qua re cum magnam apud Deum offensam merito incurrisset, omnia illi deinceps in pejus ruere cœperunt. Persæ

magna strage exercitum ejus prostraverunt. Cujus rei nuntium dum ad ipsum imperatorem perlatum esset, mente abalienatus fuit, dilucidis interdum intervallis ad modicum duntaxat temporis spatium resipiscens. Ab hoc malo corporis liberatus est quando ad conciliandum sibi divinum numen templum exstruxit Dei genitrici Mariæ, quæ ei tantum sanctitatis præstitit, ut dilucido intervallo potius, cunctis recte dispositis, statum reipublicæ in tuto collocaret. (*Ex miscell. Hist.*)

^b Annis quatuor, mense uno et viginti octo diebus sedem pontificiam tenuit. Obiit enim anno Redemptoris nostri 577, pridie Kalendas Augusti.

^c Quo tempore Langobardi in Italiam venerint, supra dixi in notis ad Vitam Joannis. Hæc Anastasii fortasse intelligenda sunt de eorumdem grassatione illa, quam sanctus Gregorius inter sævas Ecclesiæ persecutiones anumerat.

(a) Eadem habet Cod. ms. Hardysil. LABB.

rare posset inopiam famis. Quod dum cognovisset Justinus [*Cod. Luc.*, Justinianus] piissimus imperator, quia Roma periclitaretur fame et mortalitate [*In Cod. Luc. deest et mortalitate*], misit in Ægyptum, et oneravit naves frumento, et transmisit Romam. Et sic misertus est Deus Italiæ. In istis laboribus et afflictionibus positus [*Cod. Luc.*, his diebus] sanctissimus Benedictus papa mortuus est. Qui sepultus est in

basilica beati Petri apostoli secretario, pridie Kalendas Augusti [*In Cod. Luc. deest pridie Kalendas Augusti*]. Hic fecit ordinationem unam per mensem decembrem, presbyteros quindecim, diaconos tres, episcopos per diversa loca numero viginti unum. Et cessavit episcopatus menses tres, dies decem [*Cod. Luc. addit sub die 30 mensis Julii*].

JOANNI DOMINICI MANSI.

IN FRAGMENTUM EPISTOLÆ BENEDICTI CENSURA.

Longiusculum fragmentum epistolæ Benedicti papæ ex Gratiani palea ad can. 18, c. 27, q. 2, hic exhibeo ab omnibus quidem ceu apocryphum rejectum, sed dubito an merito. Quanquam enim suspicionis suæ titulus ipse, ut in Editis legitur, mereri potest, ambiguum est tamen, num sincerus Gratiani Codex eundem præferat qui in Editis apparet. Gratianus enim editus epistolam hanc latam præfert *Patriarchæ Gradensi*, qui sane patriarcha Benedicti I ætate audiri nondum cœperat. Verum in meo decreti Codice, quod sæculo ipso Gratiani, vel initio succedentis, scriptum non inani conjectura suspicor, ita lego: *Benedictus servus servorum Dei N. salutem*. In margine vero alia, ut suspicor, sed æque antiqua manu additum est: *Graduensi patriarchæ, et Dominico ejus suffraganeo*. Lectio ista præcipuum argumentum adversus sinceritatem hujus epistolæ enervat. Verum adhuc perseverat suspicio, in eo quod Benedictus *servum servorum Dei* sese appellat, quem sane titulum cœpisse aŭnt, a sancto Gregorio. At cum testis ejus institutionis a sancto Gregorio cœptæ Joannes diaconus afferatur scriptor multo recentior ætate sancti Gregorii, unica ejus auctoritas tanti æstimanda non est, ut validum ex ea argumentum contra illam deducatur. Utunque res habeat sese, cum ex Gratiano minime constet cuinam Benedicto tribuenda epistola sit, alterius fortasse Benedicti scriptum erat sincerum. Variantes quæ in ansulis adscriptæ sunt, Romanis decreti correctoribus debentur.

BENEDICTI PAPÆ I

FRAGMENTUM EPISTOLÆ AD GRANDENSEM PATRIARCHAM.

PALEA.

Benedictus Servus servorum Dei ^a Grandensi patriarchæ salutem, etc.

Lex divinæ constitutionis apostolicam cathedram [*Al.*, sedem] totius posuit orbis terrarum magistram [*Cod. Luc.*, magistratum], ut quidquid ubique locorum dubitatur, ab ea ratio ejusdem requiratur. Affatus est autem nos suis litteris ejusdem cathedræ ~~sedem~~, ac percunctatus est quidam vestras [*Al.*, vir] nomine Joannes, pro connubio filiæ suæ superstitis: cujus soror defuncta cuidam juveni, Stephano nomine, simplicibus verbis fuérat desponsata, et antequam ad nuptias perveniret, morte præventa: utrum scilicet cum eodem juvene possit matrimonium celebrari superstitis filiæ, nec ne. Namque testatus hujus rei rationem apud vos haberi ambigui. Quam Deo docente reddimus his verbis certissimam. Protoplastus ille, radix et origo nostro [*Cod. Luc.*, nostra] detractam sibi costam in mulierem videns, formatam, prophetico spiritu inter alia protulit: *Propter hoc relinquet homo patrem et matrem, et adhærebit*

^B uxori suæ, et erunt duo in carne una (*Gen. II*). Quibus verbis innotuit non aliter virum et mulierem posse fieri unam carnem, nisi carnali copula sibi cohæreant. Qui ergo nequaquam mistus est extraneæ mulieri fœdere nuptiali, quo pacto per nuda sponsionis verba possunt una caro fieri, nullatenus valemus intueri. Propinquitas enim sanguinis verbis dicitur, non verbis efficitur, sed [*Cod. Luc.*, non verbis efficitur, sed] neque osculum parit propinquitatem, quod [*Al.*, quia] nullam facit sanguinis commixtionem. Quoniam vero ita prorsus sese habet res Joannis istius, ut velit secundam filiam illis nuptiis copulare, cui primam jam decreverat desponsare, censura apostolici magistratus mandamus hoc absque ullius criminis vitio posse fieri, si utriusque partis sederit voluntati. Nam cur prohibeatur, quod prohibendum [*Al.*, prohibitum] nunquam sancta Scriptura declarat? Sed neque mundanæ leges, connumeratis personis quæ inter se nuptias non ^b contrahunt, de hujusmodi aliquid dicunt. Ne ergo abnegetis quod negandum nulla ratione docetis [*Al.*, monstratis].

^a De hoc titulo ut est in Codice Lucensi, superius dixi. Deest vero in eodem Codice vox palea. MANSI.

^b In *Cod. Luc.* deest non, et sequitur, contrahunt de re hujusmodi. Idem.

BENEDICTI PAPÆ I

EPISTOLA^a AD DAVID EPISCOPUM.

• Probat ex sacris litteris, summam Trinitatem unitatem esse.

Reverendissimo fratri episcopo David, Benedictus salutem in Domino.

Respondere litteris vestris plenius cogitavi; sed cum hoc meditarer, tantus me dolor tetigit, ut magis flere quam aliquid dicere, delectatus sim. Sed ne funditus remaneret, pauca vobis rescribere curavi, ad potiora vos tempora congrue invitans. Quod autem litteræ tuæ testes sunt, quosdam intra provinciam Bæticam esse, qui dicerent, neminem veraciter posse probare, Trinitatem unitatem fieri, cum neque tres unum, neque unum in tribus posset quemquam proprie approbare: quas ob causas, dilectissime fili, consulta tibi apostolicæ sedis misimus, ut aut his eos ad rectam fidem converti facias, aut ab ecclesia antequam pestis hæc latius divulgetur, repellas. His (frater) Scripturarum testimoniis (*Ithacius adv. Varimadum*, c. 1) unitatem Trinitatis agnosce, et desine Arianorum pravitatem sequi, ut ab eadem possis peccatorum indulgentiam promereri, Isaia propheta dicente: *Vide Dominum sabaoth sedentem super thronum excelsum, et seraphim stabant in circuitu ejus: sex alæ uni, et sex alæ alteri. Duabus velabant faciem ejus, duabus autem velabant pedes ejus, et duabus volabant. Et clamabant ad alterutrum, dicentes: Sanctus, sanctus, sanctus; Dominus Deus sabaoth* (Isa. vi). Si Trinitas non est, quare tertio, sanctus, dixerunt? Et si unitas non est, quare sub trina repetitione unum Deum ac Dominum intimarunt? Si Trinitas non est, cur in Geneseos dicitur: *Dixit Deus, fecit Deus, et benedixit Deus* (Genes. 1)? Si vero unitas non est, quare tertio dixit, Deus, et non deos pluraliter commendavit? Et si Trinitas non est, quare in Exodo dictum est tertio: *Domine, domine, domine, miserator et misericors* (Exod. xxxiv)? Si unitas non est, quare ~~domine~~ tertio diceret, Domine, postea miserator singulariter dixit, et non miserator, ut plures ostenderet, intimavit? Si Trinitas non est, cur Abraham ad ilicem Mambre sedens, tribusque occurrens, uni domine, dixit (Genes. xviii); et non (ut viderat) tribus salutationis obsequium reddidit? Si unitas non est, quare cum Mos. (Exod. iii), *Deus Abraham, et Deus Isaac, et Deus Jacob*, tertio diceret, unitatem ostendens, *Hoc mihi nomen est*, dixit; et non, Hæc sunt nostra nomina, designavit? Si Trinitas non est, quare David tertio dixit: *Benedicat nos Deus, Deus noster, benedicat nos Deus* (Psalm. xcvi)? Si unitas non est, quare cum, *Deus* tertio nominasset, benedicat, et non, benedicant, adjunxit? Si Trinitas non est, cur Isaïas denuo dixit: *Domine Deus sabaoth,*

A *Deus Israel, qui sedes super cherubim* (Isa. xxxvii)? Si unitas non est, quare: *qui sedes*, dixit, et non qui sedetis, et adjunxit [*Labb.*, abstruxit]? Si Trinitas non est, quare in Regnorum libro dicitur, *Domine Deus omnipotens, Deus Israel, sermones tui fideles sunt* (II Reg. vii, III Reg. viii)? Si unitas non est, quare *tui*, dicitur, et non, vestri, potius intimetur? Si Trinitas non est, cur in psalmo lviii cantatur: *Domine Deus virtutum, Deus Israel, intende ad visitandas omnes gentes*? Si unitas non est, quare *intende* posuit, et non, intendite, ut prædicatus est, intimavit? Si Trinitas non est, quare in Apocalypsi tertio dixit: *Sanctus, sanctus, sanctus, Dominus Deus omnipotens, qui est, et qui erat* (Apoc. iv)? Si unitas non est, quare non, qui sunt, pluraliter, sed, *qui erat*, designavit? Si Trinitas non est, quare in Deuteronomio dictum est: *Dominus Deus tuus, Deus misericors est, et audiet vocem tuam* (Deuter. iv)? Si unitas non est, quare *audiet*, posuit, et non audient, intimavit? Si Trinitas non est, quare in Jesu Nave dicitur libro: *Dominus Deus deorum est* (Josue ii; Deut. x)? Si unitas non est, quare *est*, dixit, et non, sunt, more locutionis induxit? Si Trinitas non est, quare Elias orando (III Reg. xviii), *Domine, domine, domine Deus Israel, ostende quia tu es Deus meus*, dixit? Si unitas non est, quare, *ostende*, et non ostendite, posuit? Si Trinitas non est, cur Marthochæus orando (Esther. xii), *Domine, domine Deus omnipotens, omnia in potestate tua sunt*, dixit? Si unitas non est, quare *in tua* posuit, et non in vestra, signavit? Si Trinitas non est, cur etiam Judith orando dixit: *Domine Deus omnium virtutum, respice in orationem meam* (Judith. ix)? Si unitas non est, quare, *respice*, posuit, et non, respicite, designavit? Si Trinitas non est, quare in Jeremia dicitur, *Dominus Deus vester Deus verax est* (Jerem. x)? Si unitas non est, quare, *verax est*, dixit, et non, veraces, potius intimavit? Si Trinitas non est, quare in Apocalypsi scriptum est: *Dominus Deus et spiritus prophetarum misit angelum suum, ostendere servis suis quæ oportet fieri cito* (Apoc. i)? Si unitas non est, quare cum Patrem et Filium et Spiritum nominasse, *misit Dominus*, dixit, et non, miserunt, sub prætextu trium personarum et nominum introduxit? Si Trinitas non est, quare in Deuteronomio dicitur: *Dominus Deus vester hic est, Deus* (Deut. x)? Si unitas non est, quare, *Hic est*, dixit, et non, hi sunt, plurali numero designavit? Si Trinitas non est, quare in eodem dicitur libro: *Dominus Deus tuus, Deus magnus et potens est* (Ibid.)? Si unitas non est, quare, *magnus et po-*

^a Falsa et commentitia ab eodem Mercatore farrago. LABB.

tens, et non pluraliter nominatur? Si Trinitas non est, cur Tobias filium suum cum in Rages civitatem cum Raphaele angelo mitteret, benedicens eos, ita dixisse docetur: *Deus Abraham, et Deus Isaac, et Deus Jacob, ipse impleat benedictionem suam in vobis* (Tob. vii)? Si unitas non est, quare, *ipse impleat*, dixit, et non ipsi impleant, intimavit? Postremo, si Trinitas non est, quare Dominus discipulos suos in nomine Patris et Filii et Spiritus sancti universas gentes misit baptizare (Matth. xxviii)? Si unitas non est, quare in nomine, dixit, et non, in nominibus, præcipiendo perducit? Si Trinitas non est, quare apostolus Paulus ait: *Ex ipso, et per ipsum, et in ipso sunt omnia* (Rom. xi)? Si unitas non est, quare, *ex ipso*, posuit, et non, *ex ipsis*, astruxit? Si enim certo certius volueris unitatem Trinitatis agnoscere, a sæpe dicto doctore gentium apostolo poteris universa condiscere, et sequi catholicam fidem, et Arianorum pravitatem respuere: *Gratia Domini nostri Jesu Christi, inquit, et charitas Dei, et communicatio sancti Spiritus. Ipsa est Patris, et Filii, et Spiritus sancti* (II Cor. xiii). Quomodo autem in Trinitate unum sunt? quia natura atque ^a ab invicem separari non possunt. Cæterum, frater charissime, quæ tua continebant scripta, ex subjectis sententiis maxime omnia poteris colligere ^b. Necesse est, frater charissime, adesse divinum, ubi humanum cessat auxilium. Et ut juxta apostolum Paulum dicamus, licet verba replicemus, quæ ipse Timotheo scribit dicens: *Ecclesia Dei vivi, columna et firmamentum est veritatis. Et manifeste magnum est pietatis sacramentum, quod manifestatum est in carne, justificatum est in spiritu, apparuit angelis, prædicatum est in gentibus, creditum est in mundo, assumptum est in gloria. Spiritus autem manifeste dicit, quia in novissimis temporibus discedent quidam a*

^a Hactenus verba Ithacii. LABB.

^b Hincm. dial. de statu ecclesiæ citat ex Philone maximo legatorum a Judæis Caio imp. directorum.

A fide, attendentes spiritibus erroris et doctrinis demoniorum in hypocrisi loquentium mendacium, et cauteriatam habentium suam conscientiam, prohibentium nubere, abstinere a cibis quos Deus creavit ad percipiendum cum gratiarum actione, fidelibus, et his qui cognoverunt veritatem, quia omnis creatura Dei bona est, et nihil rejiciendum, quod cum gratiarum actione percipitur. Sanctificatur enim per verbum Dei et orationem. Hæc proponens fratribus, bonus eris minister Christi Jesu, enutritus verbo fidei et bonæ doctrinæ, quam assecutus es. Ineptas autem et inanes fabulas devita, et exerce teipsum ad pietatem. Nam corporalis exercitatio ad modicum utilis est. Pietas autem ad omnia utilis est, promissionem habens vitæ quæ nunc est, et futuræ. Fidelis sermo et omni acceptione dignus. In hoc enim laboramus et maledicimur, quia speramus in Deum vivum, qui est salvator omnium hominum, maximeque fidelium. Præcipe hæc et doce. Nemo adolescentiam tuam contemnat, sed exemplum esto fidelium in verbo, in conversatione, in charitate, in fide, in castitate. Dum venio, attende lectioni, exhortationi, doctrinæ. Noli negligere gratiam quæ in te est, quæ data est tibi per prophetiam cum impositione manuum presbyterii. Hæc meditare, in his esto, ut perfectus tuus manifestus sit omnibus. Attende tibi et doctrinæ, insta in illis. Hoc enim faciens, et teipsum salvum facies, et eos qui te audiunt (I Tim. iii). Fame enim nimis affligitur populus Romanus, quæ clade atque aliis anxietatibus vexatus longam epistolam minime scribere valui. Tempore congruo denuo (si necesse fuerit) mitte, et ea quæ desideraveris, sume. Deus te incolumen custodiat, frater charissime. Amen. Data iv Nonas Aprilis, Justino [Labb., Justiniano] et Libio viris clarissimis consulibus ^c.

^c Mendax consulum adnotatio. LABB.

LABB.

ANNO DOMINI DLXXXIV.

LICINIANUS, CARTHAGINENSIS EPISCOPUS.

NOTITIA EX CAVE.

Licinianus Carthaginis Spartariæ in Hispania episcopus, claruit anno 584. Exstant epistolæ aliquot hactenus ineditæ: nempe 1^o epistola ad sanctum Gregorium papam; 2^o ad Epiphanium diaconum suo et Severi episcopi, ut videtur Malacitanî nomine, in qua ostenditur angelos esse totius corporis expertes; 3^o ad Vincentium Ebusitanæ insulæ episcopum, contra

quosdam qui credebant epistolæ de cælo cecidisse. Descriptæ sunt hæ epistolæ ex Codice ms. Toletano, quas prelo paravit cardinalis d'Aguires, uti in notitia sua ipse nos docet, pag. 100. Et fidem quidem suam hac in parte liberavit eminentissimus cardinalis, editis his tribus epistolis Conc. Hisp. tom. II, pag. 427. Scripsit Licinianus et alia quædam, teste Is-

doro Hispalensi de Script. Eccles. cap. 29, pag. 89, et in iis præcipue epistolam de Sacramento baptismatis, ad Eutropium abbatem, postea Valentini episcopum, qui ab eo petierat, quare baptizatis infantibus chrismatis unctio tribueretur? sed hæc epistola periisse videtur. Subdit Isidorus, Licinianum Constantinopoli occubuisse, veneno, ut ferunt, ex-

stinctum ab æmulis. De Liciniani opusculis et Pseudomaximi in Chronico circa illa fingendi licentia, non pauca notavit clarissimus Antonius Bibl. Hisp. Vet. lib. iv, cap. 2, p. 244, etc. Epistolam ad Gregorium papam de libro Regularum eruit, ediditque Dacherius Spicileg. tom II, pag. 368.

LICINIANI, CARTHAGINENSIS EPISCOPI,

EPISTOLA PRIMA, AD SANCTUM GREGORIUM PAPAM.

(De libro Regularum.)

Domino beatissimo Gregorio papæ Licinianus episcopus.

Librum Regularum a Sanctitate tua editum, et ad nos divina gratia opitulante perlatum, tanto libentius legimus, quanto in eo spirituales regulas inesse cognoscimus. Quis non libentius legat, ubi jugi meditatione medicinam animæ suæ inveniatur, ubi contemptis hujus sæculi rebus caducis, in sua mutabilitate variantibus, ad æternæ vitæ stationem oculos mentis aperiat? Liber hic tuus omnium est aula virtutum. Illic prudentia inter bonum et malum discretionem limitis figit: justitia unicuique sua tribuit, dum Deo animam, corpusque animæ subdit. Illic fortitudo etiam in adversis et in prosperis reperitur semper æqualis, quæ nec in contrariis frangitur, nec in prosperis exaltatur. Illic temperantia furorem libidinis frangit, discreteque voluptatibus modum imponit. Illic cuncta quæ ad vitæ æternæ participium pertinent comprehendis: et non solum pastoribus regulam vivendi describis, sed etiam his qui regiminis officium nullum habent, vivendi regulam tribuis. Habent enim pastores in quadripartita tua distributione quales ad hoc officium veniant; quales vitam gerant cum venerint; qualiter vel qualia doceant; et ne in tanto sacerdotali culmine extollantur, quid agant.

Attestantur huic eximie doctrinæ sancti antiqui Patres doctores, defensoresque Ecclesiæ, Hilarius, Ambrosius, Augustinus, Gregorius Nazianzenus: hi omnes testimonium tibi præbent, sicut apostolis præbuerunt prophetæ. Hilarius sanctus dicit, exponens verba Apostoli doctoris gentium. Ita etenim quæ propriæ disciplinæ et morum sunt, ad sacerdotii meritum utilia esse significat, si etiam hæc quæ ad docendæ ac tenendæ fidei scientiam necessaria sunt, inter reliqua non deerunt: quia non statim boni atque utilis sacerdotis est, aut tantummodo scienter [*Ms. Tolet.* innocenter] agere, aut tantummodo scienter prædicare; cum et innocens tantum sui sufficiat si [*Ms. Tolet.*] sibi proficiat nisi, doctus sit, et doctus nisi doctrina vivendo.

Attestatur huic [*Ms. Tolet.*, Si doctrinam vivendo non adjuvet, omnino sibi nihil prosit. Attestatur huic, etc.] libro tuo sanctus Ambrosius in illis libris quos fecit de Officiis. Attestatur sanctus Augustinus dicens: « In actione non amandus est honor in hac

vita sine [*Ms. Tolet.* sive in] potentia, quoniam omnia vana sub sole. Sed opus ipsum, quod per eundem honorem vel potentiam fit, si recte atque utiliter fit, id est, ut valeat ad eam salutem subditorum quæ secundum Deum est. » Propter quod ait Apostolus: *Qui episcopatum desiderat, opus bonum desiderat.* Exponere voluit quid sit episcopus, quia nomen est operis, non honoris: Græcum est enim, et inde ductum vocabulum, quod ille qui præficitur, eis quibus præficitur superintendit, curam scilicet eorum gerens: episcopus [*Ms. Tolet.*, episcopatus episcopi] quippe intentio est. Ergo episcopum, si velimus Latine, superintendere [*Ms. Tolet.*, superintendentem] possum dicere. Ut intelligat non se esse episcopum, qui præesse dixerit [*Ms. Tolet.*, dilexerit], non prodesse. Ita enim ab studio cognoscendæ veritatis nemo prohibetur, quod ad laudabile pertinet otium: locus vero superior, sine quo regi populus non potest, etsi ita teneatur atque administretur ut decet, tamen indecenter appetitur. Quamobrem otium sanctum quærit charitas: percipiendæ ac tuendæ vacandum est veritati [*Ms. Tolet.*, veritatis negotium justum suscipit necessitas charitatis]. Si autem imponitur, suscipienda est propter charitatis necessitatem. Sed nec sic omnimodo veritatis [*Ms. Tolet.*, veritati] delectatio deserenda est, ne sutrahatur illa suavis, et opprimatur ista necessitas.

Attestatur Gregorius sanctus, cujus stylum sequeris, cujus exemplo delitescere cupiebas, ut pondus sacerdotii declinares, quod quale sit in toto libro tuo liquide declaratur; tamen portas quod metuebas. Pondus enim tuum sursum fertur, non deorsum: non quod te ad ima premat, sed quod ad astra sustollat; dum per Dei gratiam, et obedientiæ meritum, operisque boni efficientiam, fit suave quod per imbecillitatem humanam videbatur habere gravedinem. Dicis enim ea quæ consonant apostolis et apostolicis viris: pulcher enim pulchra dixisti, et in his pulchrum te esse ostendisti. Nolo ergo te simile indecoro pictori pulchra pingenti; quia spiritalis doctrina a spiritali mente proficiscitur. Plus plerisque æstimatur pictor homo quam inanimata pictura: sed hoc non assentationi aut adulationi reputes, sed veritati; quia nec me decet [*Ms. Tolet.*, oportet] mentiri, nec te decet falsum laudare [*Ms. Tolet.*, falso

laudari]. Ergo plane licet fidus [Ms. Tolet., fœdus] et te, et omnia tua pulchra consexpi, et memet in comparationem tui satis indecorum vidi.

Unde precor per gratiam Dei, quæ in te exuberat, ut non respuas deprecantem; sed libenter doceas quæ me fateor ignorare. Compellimur enim necessitate facere quod doceas [Ms. Tolet., dicis non fieri]. Peritus enim dum non reperitur qui ad officium sacerdotale veniat, quid fiendum est, nisi ut imperitus, ut ego sum, ordinetur? Jubes ut non ordinetur imperitus. Sed pertractet prudentia tua, ne forte ad peritiam [Ms. Tolet., non] sufficiat ei scire Jesum Christum, et hunc crucifixum: si autem non sufficit, nemo erit in hoc libro [Ms. Tolet., loco] qui peritus esse dicatur; nemo erit utique sacerdos, si nisi peritus esse non debet. Bigamis enim aperta fronte resistimus, ne sacramentum utique corrumpatur. Quid si unius uxoris vir ante uxorem, mulierem tetigerit? Quid si uxorem non habuerit, et tamen sine mulieris tactu non fuerit? Consulare nos stylo tuo, ut non puniamur nec nostro, nec alieno peccato. Valde enim metuimus, ne per necessitatem ea faciamus quæ non debemus. Ecce obediendum est præceptis tuis, ut talis fiat, qualis [Ms. Tolet., qualem], apostolica docet auctoritas: et non reperitur qualis queritur; cessabit ergo fides quæ constat ex auditu, cessabit baptismus, si non fuerit qui baptizet. Cessabunt illa sacrosancta mysteria, quæ per sacerdotes fiunt et ministros. In utroque periculum manet; aut

talis ordinetur qui non debet, aut non sit qui sacra mysteria celebret vel ministret.

Ante paucos annos Leander episcopus Spalensis remeans de urbe regia, vidit nos præteriens, qui dixit nobis habere [Ms. Tolet., se] homilias a vestra Beatitudine editas de libro sancti Job. Et quia festinans pertransiit, minime easstantibus nobis ostendit. Postea vero scripsisti ei de trina tinctione; in qua epistola memoras displicuisse vobis illud opus, sed hoc salubriori consilio statuiste ut in librorum ductu [Ms. Tolet., ductus] eas transponeres. Habemus sane libellos sex sancti Hilarii episcopi Pictaviensis, quos de Græco Origenis in Latinum vertit: sed non omnia secundum ordinem libri sancti Job exposuit. Et satis miror hominem doctissimum et sanctum, ut de stellis mænas Origenis transferret. Mihi, sanctissime Pater, nullo pacto suaderi potest, ut credam astra cœli spiritus [Ms. Tolet., habere] rationales, quæ neque cum angelis, neque cum hominibus facta esse Scriptura sancta declarat. Dignetur ergo Beatitudo vestra opus ipsum de libro sancti Job; sed et alios libros morales, quos fecisse te memoras in hoc libro Regularum, exiguitati [Ms. Tolet., nostræ] transmittere. Tui enim sumus, tua legere delectamur. Optabile namque est mihi et præclarum, sicut tuus Gregorius ait, usque ad ultimam discere senectutem. Incolumem coronam vestram ad erudiendam Ecclesiam suam sancta Trinitas Deus conservare dignetur, sicut optamus, beatissime Pater [Ms. Tolet., Papa].

LICINIANI

EPISTOLA II, AD EPIPHANIAM DIACONUM,

IN QUA OSTENDITUR ANGELOS ET ANIMAS RATIONALES ESSE SPIRITUS, SIVE TOTIUS CORPORIS EXPERTES.

(Ex. ms. Ecclesiæ Toletanæ.)

Domino sancto fratri Epiphania diacono, Licinianus et Severus exigui.

Lectis litteris tuis, frater charissime, grandi sumus admiratione permoti, eo quod quemdam virum in tanto sacerdotali culmine constitutum, cujus nomen ob reverentiam ejus dicere nolumus, sentire dicas creaturarum nihil esse quod spirituali nomine censeatur, omnemque naturam quæ non est quod Deus est, corporali modo tantum finiri; et excepto Trinitate Deo, non solum irrationalium spiritus jumentorum, ferarum, vel avium, vel reliquorum, in quibus est secundum Scripturas spiritus vitæ, verum etiam rationalium spiritus angelorum vel hominum, non debere dici spiritus, sed corpora, tanquam homines non jam ex spiritu et corpore, sed ex duobus subsistant corporibus, et angeli tantummodo corporei esse credantur. Hoc etiam in prejudicio animarum adducens, quod si locales forent, profecto et corporales forent.

Unde subito præventus, nonnulla testimonia Scripturarum contra hoc opposuisse scriptis tuis inserta

cognoscimus, quod quanto congruenter responderis, omnis qui Scripturas sanctas legere et credere studet, intelligit. Addis etiam, ut tibi libros beati Augustini, sed et cæterorum qui de hac re definierunt, quantoscunque habere videmur, ad convincendum virum, qui responsionibus tuis nullatenus assentire dignatur, transmittere debeamus: vel certe nobis si aliquid divinitus fuerit inspiratum, ut scribamus hortaris. Unde sciat sanctitas vestra, si otium nostrum non perturbaret temporis qualitas, et liceret ut libros eosdem, quos memoras, haberemus in promptu, voluntati tuæ voluisse parere. Sed quia non possumus quod volumus, id saltem volumus quod possumus: et tibi non quæ nos ipsi voluntatem sequentes nostram definire potuerimus, quodque [Videtur legendum, sed quod] in memoriam nostram ex seniorum nostrorum definitionibus colligentes coacervavimus, scribere profecto curabimus.

Sed nunc jam videamus quid de angelis Psalmodigraphus dicat: *Qui facit (inquit) angelos suos spiritus,*

et ministros suos flammam ignis. Advertat igitur qui dicit angelos corporeos esse, quia dixit : *Qui facit Angelos suos spiritus*, non corpora. Angelus enim Græce, Latine nuntius dicitur, id est, qui facit spiritus suos nuntios. Propterea et apostolus Paulus ad Hebræos ait : *Nonne omnes sunt administratores spiritus in ministerium missi propter eos qui hæreditatem capiunt salutis?* In angelo enim nomen officii intelligit, in spiritu scilicet nomen naturæ. Similiter etiam in Actis apostolorum Lucas de Philippo refert quod angelus sit ei locutus, ut descenderet in occursum Æthiopi eunuchō; et post paululum dicit, prætermisso nomine angeli : *Dixit autem spiritus Philippo : Accede, et adijunge te ad currum istum.* Videat profecto quem superius dixerat angelum; postea spiritum nuncupari.

Sed et de angelis malis, quamvis de societate bonorum angelorum desciverint, tamen quia unius sunt naturæ, sancta Scriptura multis locis non eos corpora, sed spiritus esse refert. Paulus apostolus ait : *Quod non sit nobis collectatio adversus carnem et sanguinem, sed adversus principes et potestates, adversus mundi rectores tenebrarum harum : contra spiritualia nequitiae in caelestibus.* Si igitur corpora essent, non spiritus, non dixisset : *contra spiritualia nequitiae*; sed, contra corporalia nequitiae. Et Dominus in Evangelio, *Cum spiritus* (inquit) *immundus exierit ab homine, ambulat per loca iniqua, quærens requiem, et non inveniet, et deinde vadet et assumet septem spiritus nequiores se.* Et in Regnorum libris scribitur : *Egre diar* (inquit) *et ero spiritus mendax in ore omnium prophetarum ejus.* Et alibi : *Spiritus fornicationis decepit eos.* En habet non solum angelos bonos, verum etiam angelos malos spiritus nuncupari.

Et quia multa, de thesauro Scripturarum propter brevitatem sermonis pauca inde decerpentes, prætermittimus, ne fastidium scilicet legentibus generemus, ipse qui angelos spiritus non esse credit, saltem unius testimonii paupertate lætetur. Proferat si uspiam Scripturarum reperiri potuerit angelos non debere spiritus appellari. Verumtamen quia hoc invenire nullatenus poterit, credat multifarie multisque modis dici spiritus. Dicitur spiritus Deus, quod est tota Trinitas, secundum quod legitur in Evangelio Joannis : *Cum Deus spiritus est.* Dicitur et Spiritus Deus, qui est tertia in Trinitate persona, qui proprie appellatur *Spiritus sanctus*, dicente Apostolo : *Ubi autem spiritus Domini, ibi libertas.* Et iterum : *Si quis autem spiritum Christi non habet, hic non est ejus.* Dicitur et spiritus angelus : *Qui facit* (inquit) *angelos suos spiritus.* Unde jam superius testimonia redhibuimus.

Dicitur et spiritus anima hominis secundum illud Genesis : *Formavit igitur Dominus Deus hominem de limo terræ, et inspiravit in faciem ejus spiraculum vitæ, et factus est homo in animam viventem.* Et Salomon ait : *Quis scit si spiritus Domini ascendit sursum?*

Dicitur et spiritus mens, quæ est veluti oculus animæ; id est intellectus, unde cuncta intelligibilia

intelligit, vel ratiocinatur, secundum quod dicit Apostolus : *Testis est enim mihi Deus, cui servio in spiritu meo.* Quem dixit hic spiritum, alibi mentem appellat, dicendo : *Ego autem mente servio legi Dei.* Et iterum : *Nos autem* (inquit) *sumus circumcisio, qui spiritu Deo servimus.*

Dicitur et spiritus vis quædam animæ mente inferior, ubi cunctas imaginatur similitudines corporum, secundum illud Apostoli : *Orabo spiritu, orabo et mente.*

Dicitur et spiritus omnium animalium irrationalium, secundum illud Genesis : *Universaque jumenta in genus suum, et omne quod movetur in terra in genere suo, cunctumque volatile secundum genus suum, universæ aves, omnesque volucres ingressæ sunt ad Noe in arcam, bina et bina, ex omni carne in qua erat spiritus vitæ.* Et paulo post : *Consumpta est omnis caro quæ movebatur super terram, volucrum, animantium, bestiarum, omniumque reptilium quæ reptant super terram, universi homines, et cuncta in quibus spiraculum vitæ est, in terra mortua sunt.*

Videat igitur qui nullam creaturam dicit esse spiritum, quantis testimoniis sacrarum Scripturarum convincatur; et desinat dicere præter Trinitatem Domini, omne quod esse potest, corpus esse. Omne videlicet corpus, et altum et latum, et longum est, inveniat et dicat utrum tripedalis an quatripedalis sit anima hominis vel spiritus angeli, dicat etiam ex quo elemento habeat substantiam : exceptis quatuor elementis, terra scilicet, et aqua, aere, vel igne, unde alia compacta sunt corpora, dicat quantum aliquod elementum unde angelo vel animæ substantiam det. Sed quia invenire non potest, fortassis quia in elementis excellentior aer vel ignis est, aerem aut ignem allegat naturam animæ esse hominis, vel spiritum angeli, et non pudet ut credatur inde esse animam hominis, aut spiritum angeli, unde est corpus pecoris vel hominis. Omne igitur corpus quod vivit, ex quatuor elementis subsistit : corpus enim proprie pertinet ad terram, humor ad aquam, aer ad pulmones, quem accipiunt et reddunt tanquam folles, ignis ad oculos.

Nec moveat quod diximus, omne corpus quod vivit, cum et arbores vivant et oculos non habeant, nec unde aerem accipiant et reddant. Certum est scilicet quod ista non habeant; verumtamen et ipsæ ex quatuor elementis constare videntur. Quantacunque sit proceritas arboris, nisi fixa radicibus continetur a terra, arbor esse non potest, et nisi aqua ab aere attracta per medullas arboris usque ad summitatem fuerit perducta, vivere nullatenus potest : et nisi aer ab igne fuerit calefactus, aquam levare non potest. Denique ideo autumnus frigore lapsa cadunt folia, quia aer non sicut verno aut æstivo tempore calefactus tantam vim habet, ut aquam ad superiora arboris elevet, et viriditatem foliis servet; sed paulatim, hiberno tempore succedente, frige factus, aqua ad inferiora descendens, arbor arescit.

Ergo non improbabiler diximus omne corpus

vivens ex quatuor elementis subsistere. Quocirca **A** absurdum est, et a veritatis regula alienum, ut anima de aliquo elementorum horum credatur subsistere. Si omne peccatum (dicente Apostolo) quodcumque fecerit homo, extra corpus est, anima quæ peccare potest utique corpus non est, sicut Apostolus ipse ait : *Corpore absens, spiritu autem præsens*, iudicat hominem in tanta terrarum longitudine disparatum, procul dubio anima localis non est. Si corpus occidi potest, anima, secundum quod Dominus in Evangelio ait, occidi non potest; profecto anima quæ occidi non potest, corpus non est. Si anima imago Dei est (ipse quippe dicit : *Faciamus hominem ad imaginem nostram et similitudinem nostram*), et fecit Deus hominem ad imaginem suam, et Deus incorporeus est; profecto anima, quæ imago Dei est, corpus non est. **B** Porro si anima corpus est, imago Dei non est. Sed quia verum est imaginem Dei esse animam, et contrarium Scripturæ sanctæ dici non potest, anima corpus non est.

* Sed in defensione animarum corporearum illud maxime astruere videtur, quod anima contineatur in loco. Rogamus itaque respondeat a quo loco contineri animam posse. Si a corpore suo, ergo melius est corpus quod continet, quam anima quæ continet corpus. Verumtamen quia melius esse corpus anima absurdum est dicere; ergo non anima continetur a corpore, sed anima continet corpus. Si ab anima regitur, si vivificatur, quanto magis et continetur? Nec enim sic implet corpus quod continet, sicut uter impleri videtur aqua, ut tantum interius sit, non exterius. Tota igitur anima interius est, tota exterius, tanta est in minore corporis parte, quanta in maiore. Si enim extrema corporis pars vel digito tangatur, tota sentit. Et cum sensus corporis quinario numero dispersi sint, illa dispersa non est in sensibus: tota itaque videt, tota audit; tota odorat, tota tangit, tota gustat: et cum corpus movet ipsa per locum, non movetur ipsa in loco.

Quocirca valde veraciter tres intelliguntur motiones naturarum: una Dei, quæ nec in tempore est, nec in loco: alia spiritus rationalis, quæ tantum in tempore est. Sed forsitan respondebit: Ut quid requiritur a me quanta anima magnitudine extendatur, cum veraciter pateat, extra corpus suum esse non **D** posse, et secundum magnitudinem corporis animam quantitate finire? Ergo si juxta quantitatem corporis quantitas est animæ, tanto quisque debeat esse sapientior, quanto fuerit corpore grandior. At vero cum plerumque cernamus sapientiores esse minores, quam corpore grandiores, non est animæ secundum corporis quantitatem quantitas. Porro autem, si tantam magnitudinem habeat anima, quantam corpus; quomodo in parvum corpus tantas corporum granditates imaginum continet? An non omnes magnitudines civitatum quas novimus, montium, fluminum, cœli et terræ, vel reliquarum specierum animo continemus? Quis etiam locus tam grandis animæ cum tanta spatia locorum continet? Sed quia ipsa corpus non est,

omnia loca illocaliter continet. Si vas igitur a vase contineatur, illud profecto minus est quod interius, illud majus est quod exterius. Quomodo ergo anima, sicut dicitur parvum corpus, tantas magnitudines corporum continet? Et idcirco rite creditur anima, quantitatem nullam, qualitatem habere ullam, Deum nec quantitatem nec qualitatem habere: quia igitur æqualis Deo non est, qualitatem habere; quia corpus non est, quantitatem non habere.

Cum etiam cogitet, si potest, quid sit in geometriæ disciplina punctum, quid in linea, quæ nullam habet latitudinem, nullam altitudinem, sed solum habet longitudinem; auferat etiam cogitationem ab omnium rerum corporearum, quamvis minutissimarum, usque ad filum aranæ, quod pro modulo suo et latitudinem et altitudinem habere dignoscitur. Et cum intellexerit hanc lineam, quam diximus non esse corpoream, intelligatque rem incorpoream, intelligat corpus non esse; intelligat rem, quæ regi in corpore confirmatur, corpus esse non posse. Apostolus enim ait: *Quos præscivit prædestinavit conformes fieri imaginis Filii ejus*. Intelligat igitur quod Apostolus ait: *Qui adhæret meretrici unum corpus efficitur; qui autem adhæret Domino unus spiritus est*.

Quapropter secundum rectæ fidei catholicæ veritatem, credimus Dominum incorporeum fecisse aliqua incorporea, aliqua corporea, præposuisse in genere corporearum rerum rationalia irrationalibus, intelligibilia non intelligentibus, iusta iniustis, **C** recta praviq, immortalia mortalibus. In genere igitur rerum corporearum, sensibilia insensibilibus, viventia non viventibus, coelestia terrestribus, masculinum feminino, maxime valentem minus valentiori.

Sed hæc dicimus ostendentes quid habeat ordo naturæ, non quid nostrum asserat commodum. Quis non etiam malit habere panem quam sorices, gemmam quam famulam? et plerumque etiam amplius appenditur equus quam servus, dum scilicet utilitas appenditur, non ordo creantis.

Sed jam vel nunc accipiat, charissime frater, qui te minime audire detractat, sanctum atque egregium prædicatorem antistitem Augustinum: et licet pene in omnibus opusculis suis, ubi eum causa exegit, animam vel angelum iustruat incorporeum, verumtamen quia angustia temporis (sicut jam diximus) coarctat, libros ejus nec vobis transmittere, nec nobis legere vacat, pauca etiam quæ nobis ex libris ejus ad incorporalitatem animæ aut angeli astruendam in mentem veniunt, scribere curavimus. In libro igitur qui titulum habet, De summo bono, supra memoratus antistes: « Omnis natura (inquit) aut spiritus aut corpus est; spiritus incommutabilis Deus est, spiritus commutabilis facta natura, sed corpore melior. » In libro etiam de Virginitate sanctæ Mariæ, quem ad Volusianum scripsit: « Si autem (inquit) quidam rationem reddi sibi flagitant, quomodo Deus homini permistus sit, ut una fieret persona Christi; cum

hoc simul fieri oportuerit, quasi rationem ipsi reddant de re quæ quotidie fit, quomodo misceatur anima corpori, ut una persona fiat hominis. Nam sicut in unitate personæ anima utitur corpore, ut homo sit; ita in unitate personæ Deus utitur hominē ut Christus sit.» Et post paululum dicit: «Persona hominis mistura est animæ et corporis; persona autem Christi mistura est Dei et hominis.» Et post paululum: «Verumtamen duarum incorporearum rerum commistio facilius credi debuit, quam unius incorporeæ et alterius corporeæ. Nam si anima in sua natura non fallitur, incorpoream se esse comprehendit. Multo magis incorporeum est Verbum Dei, ac per hoc Verbi Dei et animæ credibilior debet esse commistio, quam animæ et corporis. Sed in nobis ipsis experimur illud; in Christo credere jubemur: si autem utrumque nobis inexpertum credendum præciperetur, quid horum citius crederemus? Quomodo non fateremur duo incorporea, quam unum incorporeum alterumque corporeum facilius potuisse misceri?» Hæc disputatio vera ratione plenissima magni antistitis incredulos provocans ad fidem ducet; ut scilicet sicut credunt animam incorpoream corpori, ut una persona fiat hominis, potuisse misceri; multo facilius credere debent Verbum Dei incorporeum, incorporeæ animæ potuisse misceri.

In libro etiam *de Origine animæ*, quem ad sanctum Hieronymum presbyterum scripsit, incorpoream quoque esse animam inquit: *et si difficile tardioribus persuaderi potest, mihi tamen fateor esse persuasum.* Hæc verba beati Augustini ostendunt illos non posse intelligere animæ incorporealitatem, qui ingenio pusillo non valent se jungere corporea ab incorporeis rebus: quia scilicet tantum corporis sensibus dediti, nihil esse existimant quod non per sensus corporis percipisse meminerint. Scripsit autem idem egregius Doctor librum de quantitate animæ, multis et multiplicibus disputationibus refertum, in quo inter cætera de incorporealitate animæ disputat. «Non enim, ait, ullo modo, aut longa, aut lata, aut quasi valida suspicanda est anima corporea.» Ista sunt, ut mihi videtur, et de consuetudine corporum sic animam quærimus, ideoque bene præcipitur etiam in mysteriis, ut omnia corpora contemnat, universoque huic mundo renuntiet, qui, ut videmus, corporeus est, quisquis se talem reddi desiderat, qualis a Deo factus est, id est similis Deo. Non enim alia salus animæ est, aut renovatio, aut reconciliatio auctori suo.

Claudianus, vir disertissimus, edidit libros de Incorporealitate animæ tres, omni eloquentiæ splendore fulgentes: in quibus inter cætera ingenii sui documenta præclarissima: Omne, inquit, illocaie incorporeum quoque est. Porro vita corporis anima est, et in corpore vivit; et tam vivit anima in parte corporis, quam in toto corpore; tantum ergo vitæ in parte corporis est, quantum in toto corpore, et vita hæc anima est: nec locale est quod tam magnum est

A in toto quam in aliquo, et tam magnum in parvo quam in magno. Non igitur localis est anima. Et quidquid illocaie est, corporeum non est. Igitur anima corpus non est. Item ratiocinatur: Anima rationalis est, et substantialiter inest animæ ratiocinari, et ratio incorporealis atque illocalis est: igitur incorporealis est anima. Item voluntas animæ substantia ejus est, et si tota vult anima, tota voluntas est, et voluntas corpus non est. Igitur anima non est corpus. Item memoria illocalis quædam capacitas est, quæ nec multitudine recordabilium distenditur, nec paucitate tenuatur, et incorporaliter etiam corporalium reminiscitur. Et cum meminit animus, totus meminit, et totus memoria est, qui meminit totus: et memoria corpus non est. Non igitur corpus est animus. Item corpus nec appropinquat Deo, nec recedit a Deo; animus autem et proximat et longinquat illocaliter; igitur animus localis non est.» Et hactenus de incorporealitate animæ disputatum sit.

Videamus deinceps utrum assertio nostra eo quod angelorum natura sit incorporea, aliquo testimonio roboretur. Beatus certe Augustinus, licet in multis opusculis astruat angelos incorpoream esse naturam, veruntamen in libro Trinitatis non solum ex incorporeo, verum etiam ex corporeo, id est ex duplici substantia, eos esse asseverat, ut ex una ad Dei contemplationem non recedant, secundum quod Dominus in Evangelio cum de non condemnandis parvulis ageret: *Quia angeli eorum semper vident faciem Patris mei, qui in cælis est*; ex alia ad aliqua agenda in conspectu hominum veraciter appareant. Sic enim in libro II ejusdem operis: «Assumentes, inquit, angeli corporalem speciem a creatura corporea in usum ministerii sui, sicut cuique opus esset, aut ipsum corpus suum cui non subduntur, sed subditum regunt, in species quas volent accommodatas atque aptas actionibus suis immutantes atque vertentes, secundum attributam sibi a Creatore potentiam.» Item in libro III supra memoratorum librorum: «Non solum malos, inquit, sed nec bonos angelos fas est putari creatores, si, pro subtilitate sui sensus et corporis, semina rerum istarum nobis occultiora noverunt.» Et paulo post: «Quæ in cælis sunt, inquit, non investigamus, quo rerum genere, et corpora angelica secundum propriam dignitatem, et eorum quædam corporalis actio continetur.» Item libro VIII, docens Dominum non esse corpus, nec sicut cogitatur, inquit: «angeli mundi spiritus coelestia corpora inspirantes, atque ad arbitrium quo serviunt Deo mutantes, atque se vertentes, nec si omnes cum sint millia millium in unum collecti unus fiant, nec tale aliquid Deus est, nec si eosdem spiritus sine corporibus cogites, quod quidem carnali cogitationi difficillimum est.

Memores, frater, dilectæ sententiæ Domini, quia duorum aut trium hominum testimonium verum sit, labori nostro in arcto tempore providentes, hos duos excellentissimos tractatores, ut facilius credat, in

quantum quivimus ex opusculis eorum memoria re- A Quod si his noluerit assentire, nec plurimorum te-
tinere, scripta per vos notescenda mandavimus. stium, si producti fuerint, assentire curabit.

LICINIANI, CARTHAGINENSIS EPISCOPI,

EPISTOLA III, AD VINCENTIUM EPISCOPUM

EBOSITANÆ INSULÆ.

Contra eos qui credebant epistolas de cælo cecidisse in memoriam sancti Petri Romæ.

(Nunc primum edita ex Ms. Ecclesiæ Toletanæ.)

Inter varias tribulationum angustias non nos pi- B torquere, et ad excitandam libidinem nugatoribus
guit, cogente charitate Christi, hæc qualiacunque cationibus proclamare.
sunt, ad Sanctitatem vestram verba dirigere, insi-
nuantes accepisse nos litteras tuas, et de vestræ Absit ergo a Sanctitate tua hoc credere, ut epistolæ
sospitatis bono gavisos. Sed in id non minime con- nunc nobis mittantur a Christo. Sufficiat enim quod
tristati sumus, quod litteras cujusdam, quas ad nos locutus est in prophetis per se ipsum, et per suos
direxistis, sicut tuæ indicant litteræ, suscepis, et apostolos. Nam et his non litteras trans mittebat e
de tribunali populis eas feceris annuntiari. Ego enim cælo, sed Spiritu sancto eorum corda replebat. Ex-
mox a te transmissas accepi, in præsentia ipsius ceptis enim decem præceptis, quæ in tabulis lapideis
perlatoris exordium litterarum ipsarum legens; et apostolorum Epistolæ missæ sunt de cælo. Non igitur
et non patienter ferens, nec dignum ducens nœnias credas quæ nunquam facta leguntur: que etsi
ipsas perlegere, statim scidi, et eas in terram pro- facta essent, post prædicationem Evangelii jam ne-
jeci, admirans quod his credulus fueris, et post pro- cessaria non sunt. Et si forte ipsum nomen novum te
phetarum vaticinia, et Christi Evangelia, apostolo- delectavit, quia ipsa epistola, sicut simulator scrip-
rumque ejus Epistolas, nescio cujus hominis litteras psit, de cælo descendit super altare Christi in me-
sub nomine Christi factas, ejus esse credideris; ubi C moria sancti Petri apostoli, scito diaboli esse figmen-
nec sermo elegans, nec doctrina sana poterit re- tum, et omnem scripturam divinam, epistolam, aut
periri. epistolas esse cœlestes, et ad nos de cælo fuisse
transmissas.

In principio ipsius epistolæ legimus ut dies Domi-
nicus colatur. Quis enim Christianus, non propter
ipsum diem, sed propter resurrectionem Domini
nostri Jesu Christi, eo quod in ipso a mortuis resur-
rexit, reverendissimum non habeat? Sed, quantum
sentio, ideo novus iste prædicator hoc dicit, ut nos
judaizare compellat, ut nullus sibi in eodem die
necessaria victus præparet, aut viam ambulet. Sed
hoc quam pessimum sit, Sanctitas tua perpendat.
Utinam populus Christianus si die ipso ecclesiam non
frequentat, aliquod operis faceret, et non saltaret.
Meliusque erat viro hortum facere, iter agere, mu-
lieri colum tenere, et non, ut dicitur, ballare, sal-
tare, et membra a Deo bene condita saltando male

Emendet ergo quod temere credidit Sanctitas tua,
et in præsentia populi ipsam epistolam, si est penes
te, rescinde: et hoc te pœniteat quod de tribunali
eam feceris recitari, beati apostoli sequens doctri-
nam, quod inter cætera ad Galatas scripsit: *Si quis
evangelizaverit vobis præter id quod accepistis, ana-
thema sit.* Sed et illud Evangelium omnis lex et pro-
phetæ usque ad Joannem prophetaverunt. Deinceps
si qua nova vel inusitata divulgata fuerint, omnino
abjicienda et detestanda Sanctitas tua noverit. Ora
pro nobis, domine sancte et in Christo charissime
frater.

ANNO DOMINI DLXXXVI.

SANCTUS VERANUS.

OBSERVATIO SIRMONDI IN SEQUENS FRAGMENTUM.

Satis apparet hanc sententiam in synodo aliqua dictam a Verano episcopo. Sed cujus sedis fuerit episcopus, Codex
sancti Germani, unde excerpta est, non exprimit. Cum hoc loco intexeretur, veniebat in mentem Veranus Cabelli-
censis episcopus, qui proximæ synodo Matisconensi II subscribit. Nunc vero aptius tribui posse videtur Verano
Lugdunensi, ad quem exstant Hilari papæ epistolæ, ab eoque tum dicta, cum in synodo provinciales suos affaretur.

SANCTI VERANI SENTENTIA.

IN ALIQUA HUIUS TEMPORIS SYNODO DICTA, DE CASTITATE SACERDOTUM.

Veranus episcopus dixit : Quis præsentem sacris altaribus, atque ad ipsa sancta sanctorum honoris privilegio venientem indignissimis carnalium voluptatum contaminari illecebris patitur; ac sub ipso conjugalis licentiæ nomine acquiescat quempiam clericorum, et sacerdotis agere officium, et mariti implere personam; cum purificatis corporis atque animi moribus multa cogitatione perpendendum, quam idoneus esse debet is qui ad celebranda mysteriorum loca non solum pro suis, verum etiam pro alienis peccatis intercessurus accedit. Incongruum siquidem mihi videtur, de conjugali toro aliquem consurgentem altariorum septa penetrare. Ipsi utique illuminati et docti de Spiritu sancto, optime notis oblatorum spiritualis sacrificii victimas quali oporteat igne flagrare. Si enim in lege veteri, ubidum evangelicæ perfectionis auctoritas præfulgeat, sancto David, cum fugæ necessitate premeretur, sacerdos Sa-

doch non prius panes propositionis tradidit, quam se et pueros suos jam die tertio mundos esse a mulieribus fateretur; quis immaculatas agni carnes ad salutem mundi præstittas post passionum inquinamenta, vel etiam audeat consecrare? Beatus Paulus apostolus in veritate nos contestatur dicens: Probat se unusquisque ministrorum, et sic panem illum præsumat offerre (I Cor., xi). Notum vobis est, circa loca beatitudinis vestræ, sub magnorum Patrum disciplina, monachorum congregationes esse non parvas, unde ad supplenda clericorum officia in promptu est viros bonos assumi. Utilior est enim in Ecclesia paucorum bonorum electa probatio, quam erraticæ multitudinis præsentia conglobata; ac plus ædificationis afferunt rara virtutis exempla, quam popularis licentiæ abundans et incorrecta præsumptio.

ANNO DOMINI DXC.

PELAGIUS PAPA II.

(Mansi Collectio Concil. tom. IX.)

NOTITIA, EX LIBRO PONTIFICALI.

Pelagius * natione Romanus ex patre Vinigildo C [Cod. Luc., Unigeldo], sedit annos decem, menses

NOTÆ SEVERINI BINII.

* Post vacationem trium mensium et undecim dierum, die 11 Novembris anni 577 post Christum natum, sublegitur Pelagius junior ejus nominis secundus Romanus pontifex, patre Vinigildo, et, ut putatur ex nomine, Gothico potius quam Romano genere. Pontificatus illius incidit in calamitosa tempora, quibus Langobardi Italiam vastabant, atque occidentalis Ecclesia, propter synodum vā sede apostolica approbatam, diro schismate usque ad Hibernos divisa erat. His consulturus pontifex sanctissimus, consilio et auxilio sancti Gregorii successoris sui librum edidit pro quinta synodo, quam defendens ait, tria capitula jure meritoque condemnata esse. Meminit hujus libelli sanctus Gregorius in epistola ad Hibernos, quem infra inter epistolas Pelagii nunc primum ex Annalibus Baronii in lucem emittimus: de quo plura vide infra in notis ibidem. Hujus temporibus a Joanne sacræ Romanæ Ecclesiæ presbytero erectum est oratorium apud thermas Agrippinas, quod servis Dei, monachis nimirum, inserviret, illudque redivitibus D

conditorum arbitrum esse, ita ut in alium æque pium usum illa mutare possit, si id ratio persuadeat. Justinus imperator precibus sanctæ Mariæ virginis mentis sanitati restitutus, designato successore Tiberio, post exactos imperii annos sexdecim mensesque novem cum dimidio, ex hac vita recessit. Tiberius antequam coronaretur, loca sancta obivit, Sophiæ uxoris Justiniani insidias Dei auxilio evasit, et dum insidiantem bonis omnibus spoliasset, eandem in ordinem redegit. Unde factum sine dubio quod non tantum contra hostes, sed etiam adversus iteratam Sophiæ conjunctionem cum Justiniano Justiniani cognato initam, præclare triumphavit. Hic cum ægrotantem Eutychium Constantinopolitanum episcopum, Constantinopoli benedictionem ab eo percepturus, invisisset, intellexit se post quatuor menses ex hac vita avocandum. Quarto mense adveniente in morbum incidens, Mauritium civili et castrensi militia clarum, catholica quoque religione et virtutibus illustrem, Cæsarem creat, datque illi uxore filia Constantina, imperium eidem pro dote assignavit. Mense Augusto anni 586, Tiberius imperator piissimus magno dolore bonorum omnium ab imperio inquieto, prout in somnis viderat, ad pacatum cœleste regnum transiit. Mauritius imperium adeptus, per litteras ad Theodorum archimandritam datas rogavit pro se orari, ut imperium in pace tueri, et ab hostibus defendere posset.

duos, dies decem *. Hic ordinatur (a) absque jussione principis, eo quod Langobardi obsiderent civitatem Romanam, et multa vastatio ab eis in Italia fieret. Eodem tempore tantæ pluviae fuerunt, ut omnes dicerent, quia aquæ diluviae superinundarent, Et talis clades fuit, qualem a sæculo nullas meminit fuisse. Eodem tempore investivit corpus beati Petri apostoli tabulis argenteis deauratis. Hic domum suam xenodochium fecit pauperum senum. Hic fecit cœmeterium beati Hermetis martyris. Hic fecit supra corpus beati Laurentii martyris ^b basilicam a funda-

mento constructam, et tabulis argenteis exornavit sepulcrum ejus. Qui mortuus est, et sepultus ad beatum Petrum apostolum vi Idus Februarias [In Cod. Luc., vi Idus Februarias deest]. Hic fecit ordinationes duas per mensem Decembrem, presbyteros LXXXII, diacones VIII, episcopos per diversa loca numero XLVIII [Cod. Luc., presbyteros XXVIII, diaconos VII, etc.]. Cessavit episcopatus ejus menses VI, dies XXV [Cod. Luc., menses III, dies XXV, sub die 7 Februarii, ind. 5].

NOTÆ SEVERINI BINII.

* Anno Christi 590, vi idus Februarii defunctum esse Pelagium, cum sedisset annos XII, menses II, et dies XXVII, constat ex initio pontificatus sancti Gregorii, qui postquam sedes apostolica vi mensibus et XXV diebus pastore vacasset, III Nonas Septembris anno v Mauriti imperatoris, qui est Christi Redemptoris 590, Pelagio in pontificatu successit. Manifesto igitur errore labuntur qui depravatam Anastasii textum secuti, huic pontifici annos duntaxat X menses II et dies X, attribuunt. Et quidem majore errore decipiuntur qui obitum Pelagii, et creationem Gregorii, vel in sequentem annum rejiciunt, vel diverso anno contigisse scribunt. Longius vero hæc in re aberrat Beda, qui, de Gestis Angli. libro I, cap. 23, creationem Gregorii collocat sub anno decimo Mauriti imperatoris quam anno quinto ejusdem imperatoris inchoante indictione nona contigisse ipsiusmet Gregorii testificatione constat, principio libri II Epistolarum, ubi pontificatus sui annum secundum numerat Mau-

ritii imperatoris annum septimum. Vide Baron. 590, num. 2.

^b Cum sancti Laurentii corpus ab operariis quaeretur, miranda atque pavenda illa contigerunt quæ sanctus Gregorius libro III, epistola 30, enarrat his verbis : « Sanctæ memoriæ decessor meus itidem ad corpus sancti Laurentii martyris quædam meliorare desiderans, dum nescit ubi venerabile corpus ejus esset collocatum; et effoditur exquirendo, subito sepulcrum ejus ignoranter apertum est, et ii qui præsentibus erant atque laborabant monachi et mansionarii, qui corpus ejusdem martyris viderunt, quod quidem minime tangere præsumperunt, omnes intra decem dies defuncti sunt, ita ut nullus superesse potuisset, qui sanctum et justum corpus illius viderat. » Hæc Gregorius de inventiæ corporis sancti Laurentii.

(a Cod. Luc. habet aliquid erasum, post quæ legitur : *cepto jussione principis.* MANSI.

OBSERVATIO PHILIPPI LABBÆ, S. J.

In fine Cod. ms. viri clarissimi Claudii Hardyi senatoris Parisiensis eruditissimi quo hactenus usi sumus hæc habentur : *A beato Petro usque nunc* ^{not} *anni CCCCXLIV, et menses VI, exceptis intervallis episcopatum.* Finis. Unde manifestissime arguitur Ana-

stasium bibliothecarium non omnes vitas scripsisse Romanorum pontificum, qui a Damasi papæ ætate ad sua tempora floruerunt, sed ex variis hinc inde coagmentasse universam illam, quæ sub ejus nomine apparet, collectionem.

PELAGII PAPÆ II EPISTOLÆ ET DECRETA.

EPISTOLA PRIMA [Olim III],

AD GREGORIUM DIACONUM

Ut ab imperatore auxilium contra Langobardos sibi impetret.

Pelagius episcopus dilecto filio Gregorio diacono.

Omnia quidem quæ necessaria fuerunt, per Honoratum notarium tibi curavimus indicare; quem cum fratre, et coepiscopo Sebastiano ad dilectionem tuam direximus, ut quia illis in partibus ad Ravennam usque nunc cum viro glorioso domino Decio Patricio fuit, ipse sua relatione te de omnibus studeat informare: vel si qua necessaria judicaveris, possis domino imperatori suggerere. Quia tantæ calamitates ac tribulationes nobis a perfidia Langobardorum illatæ sunt, contra suum proprium jusjurandum, ut nullus possit ad referendum sufficere.

* Ex annotationibus Labbæi quæ apud Mansi erant ad marginem, breviores nos in textu inter uncinos collocamus, longiores vero infra paginam relegamus.

Prædictum autem fratrem Sebastianum quomodo suscepimus, vel in quali apud nos, te suggerente, fuerit charitate, ipsius poteris relatione cognoscere; qui etiam promisit nobis necessitates vel pericula totius Italiæ piissimo domino imperatori suggerere. Loquimini ergo, et tractate pariter, quomodo nostris possitis celeriter subvenire periculis: quia ita hic coangustata est respublica, ut nisi Deus piissimi in corde principis inspiraverit, ut insitam sibi misericordiam suis famulis largiatur, et super illam diaposin, vel unum magistrum militum, et unum ducem dignetur concedere, in omni sumus angustia destituti, quia maxime partes Romanæ omni præsidio vacuatæ videntur. Et Exarchus scribit, nullum nobis posse remedium facere, quippe qui nec ad illas partes custodiendas se testatur posse sufficere.

mus. Vide quod in fine operum Pelagii notavimus, infra col. 759. EDIT.

Imperet ergo illi Deus nostris velociter periculis subvenire, antequam nefandissimæ gentis exercitus loca, que adhuc a republica detinentur, Deo sibi contrario, quod absit, prævaleant occupare. Presbyterum ^a autem ad nos, Deo adjuvante, retransmittere festina : quia et in monasterio tuo et in opere, cui eum præposuimus, necessarius esse omnino cognoscitur. Data iv Nonas Octobris, indictione 3.

EPISTOLA II [Olim IV],

AD AUNACHARIUM EPISCOPUM AUTISIODORENSEM ^b

Regum Francorum fidem orthodoxam commendat, hortaturque ut illis suadeat, ne cum Langobardis fœdus habeant, et de reliquiis quas mittit.

Dilectissimo fratri Aunario Pelagius urbis Romæ episcopus.

Laudanda tuæ charitatis vota relegimus, quibus ^B te, nisi gentilis motus obsisteret, ad nos venire voluisse significas. Licet enim spiritaliter, et simul et unum semper simus in Domino, verumtamen etiam præsentias corporales et antiquiores patres, et ipsos quæsisse invenimus apostolos. Sed dum tua desideria, causasque quibus obstareris exponeres, mirati sumus minus te illud quod ipsis obviaret excusationibus attendisse. Si enim mundo venerabilem iudicatis hanc urbem, si ad pacem sedis apostolicæ cunctarum regere moderamina ecclesiarum prædicatis; cur non et tribulationes nostras, et temporales angustias charitatis compassione gemiscitis? scientes divino per Apostolum nobis ore mandari [Rom. xiii, Gal. vi], ut nos invicem diligamus, ut onera invicem nostra portemus, ut quoties fratrum quicumque uritur, nos uramur : dum pene in conspectu vestro tantus sanguis innocentium sit effusus, ita sacra violentur altaria, ita catholicæ fidei ab idololatriis insultetur. Novimus et vos, quod temporalia ista flagella sint et ad probationem, sicut de cælesti confidimus miseratione, proficiant; et proximum, sicut a vobis scribitur, Dominus noster de tribulatione det gaudium:

^a Maximianum, de quo sanctus Gregorius Dial. lib. iii, c. 36.

^b Castiganda inscriptio, ut legitur *Pelagii Papæ II epistola*. Autisiodorensis episcopi verum et antiquum nomen Aunacharius, pro quo interdum Aunaharius et Aunaarius, et Aunarius, ut hoc loco, sicut ex Chlothario factum Clotarius. Alteram Pelagii hujusce papæ ad Aunarium epistolam paulo post exhibebimus ex pag. 420 tom. I bibliothecæ nostræ novæ ^D mss. librorum. JAC. SIRM.

^c Cum innotuisset Pelagio Romano pontifici Mauricius imperatorem post Tiberum coronatum, teste sancto Gregorio in epistola ad Eulogium et Joannem Constantinopolitanum, novum (prout fieri consueverat) diaconum cardinalem apocrisarium nomine Laurentium ad eum misit. Gregorius igitur tempore Tiberii illo munere bene functus, magnisque muneribus sacrarum reliquiarum, brachio nimirum S. Andree, et capite S. Lucæ evangelistæ donatus, post obitum Tiberii Romam reddiit, ibique jussu Pelagii adversus ingruentes ob tria capitula schismaticos stylum exercuit. Eorum omnium caput fuit Paulinus Aquileiensis antistes, posteaque ejus successor, inde vero Severus. De his apostolis Diaconus lib. iii cap. 10 de gestis Langobard. hæc scribit: *Pelagius papa Eliæ Aquileiensi episcopo nolenti tria capitula Chalcedonensis synodi suscipere* (potius nolenti trium

^A quia qui nequiter agunt exterminabuntur, et inimici Dei mox ut exaltabuntur, sicut fumus deficient [Psalm. xxxvi, et generaliter peribunt gentes de terra ejus. Propter quod vos decuerat, qui illic catholicæ membra estis Ecclesiæ, uni corpori unius capitis gubernatione conjuncta, omnibus quibus viribus valeretis, paci quietique nostræ pro ipsa sancti Spiritus unitate concurrere. Nec enim credimus otiosum, nec sine magna divinæ providentiæ admiratione dispositum, quod vestri reges Romano imperio in orthodoxæ fidei confessione sunt similes; nisi ut huic urbi, ex qua fuerat oriunda, vel universæ Italiæ finitimos, adjutoresque præstaret. Cavete igitur, charissime frater, ne dum regibus vestris juvandi nos virtus sit data divinitus, charitatis vestræ circa nos levitas arguatur: qui illis et in fide, et in consiliis, vestro sacerdotio sic devotis, suadere talia, aut negligitis, aut differtis. Sacras autem reliquias, quas et tua charitas, et gloriosissimus filius noster petiit dirigendas, cum cohærenti sibi sanctificatione transmisimus. Propter quod nihilo minus admonemus, ut quorum virtutem quæritis, eorum templa a pollutione gentium liberari, in quantum vobis est possibile, festinetis: et vestris regibus instantissime suadeatis, quatenus ab amicitia et conjunctione nefandissimi hostis, Langobardorum, salubri se provisione segregare festinent; ne dum illorum vindictæ tempus advenerit, sicut et celere fieri divina miseratione confidimus, eorum etiam illi inveniuntur esse participes: quia scriptum est: *Non solum qui ea faciunt? sed etiam qui consentiunt facientibus puniendos* [Rom. i]. Deus te incolumem custodiat, charissime frater. Datum iii Nonas Octobres, imperante domno Tiberio Constantinopoli Augusto, anno 7.

EPISTOLA c III [Olim V].

QUÆ EST PRIMA AD ELIAM ET EPISCOPOS ISTRÆ.

Dilectissimis fratribus Eliæ aliisque episcopis, universis filiis in Ecclesiæ Istræ partibus constitutis,

capitulorum damnationem in quinta synodo factam approbare et ratam habere) epistolam satis utilem misit, quam beatus Gregorius cum adhuc esset diaconus scripsit. Hæc epistola sancti Pelagii a Gregorio adhuc diacono conscripta, ejusdem plane generis est, cujus erat illa beati Leonis decima ad Flavianum scripta; quæ cum epistolæ nomine scripta esset, ob sui amplitudinem atque tractatum tomus dicebatur. Nam et ipsa Pelagii epistola ab ipso sancto Gregorio liber est nuncupata, de quo ad Hiberniæ episcopos dum scribit, epistola 36, lib. ii, hæc habet: *Ut igitur de tribus capitulis, animis vestris ablata dubietate, possit satisfactio abundanter infundi; librum quem de hac re sanctæ memoriæ decessor meus Pelagius papa scripserat, vobis utile judicavi transmittere: quem siposito voluntariæ defensionis studio puro vigilantique corde volueritis relegere, eum vos per omnia secuturos, et ad unitatem nostram reversuros nihilo minus esse confido*: Quantæ autem esset efficaciam liber iste, ex his quæ mox idem Gregorius subdit intelligere possumus, ubi ait: *Porro si post hujus libri lectionem in ea qua estis volueritis deliberatione persistere, sine dubio non rationi operam, sed obstinationi vos dare monstratis*. Hanc epistolam illustrissimus cardinalis Baronius una cum duabus sequentibus ejusdem Pelagii a Nicolao Fabro Parisiensi viro doctissimo accepit.

Cum adhibitum satis bene præparatum pharmacum

Pelagius episcopus sanctæ Ecclesiæ catholicæ urbis Romæ.

Quod ad dilectionem vestram, fratres filique charissimi, nostra tardius scripta dirigimus, non malevolæ voluntatis, aut dissimulationis vel negligentiae fuisse credatur, sed, sicut nostis, temporalis qualitas et hostilis necessitas hactenus impedivit. Nam sicut ait Dominus per prophetam: *Nunquid obliviscitur mulier filium uteri sui* (Isa. XLIX)? Non ergo credatur nos viscerum nostrorum divisionem non cum gravi fletu ac gemitu doluisse: sed utinam, charissimi, illuminet Dominus oculos cordis vestri, ut nostri cordis gemitus pro vobis videre possitis. Quis enim, sicut ait beatus apostolus (II Cor. XXI), infirmatur, et ego non infirmor? quis scandalizatur, et ego non uror? Et alibi (I Cor. XII): *Quia patitur unum membrum, compatiuntur omnia membra*. Postea ergo quam Deus omnipotens pro felicitate Christianorum principum per labores atque sollicitudinem filii nostri excellentissimi Smaragdi exarchi et chartularii sacri palatii pacem nobis interim vel quietem donare dignatus est, cum omni sollicitudine festinamus presentia ad vos scripta dirigere, hortantes et obsecrantes, ne in divisione ecclesiæ ulterius quisquam studeat permanere. Nos enim secundum evangelicam vocem studeamus fraternitati ac dilectioni vestræ, in quantum fragilitas nostra sufficit, quæ nobis iussa sunt, cum sinceritate cordis humiliter exhibere. Nostis enim in Evangelio Dominum proclamantem (Luc. XXII): *Simon, Simon, ecce Satanas expetivit vos, ut cribraret sicut triticum; ego autem rogavi pro te Patrem, ut non deficiat fides tua, et tu conversus confirma fratres tuos*.

Considerate, charissimi, quia veritas mentiri non potuit, nec fides Petri in æternum quassari poterit vel mutari: nam cum omnes discipulos diabolus ad excribrandum poposcerit, pro solo Petro se Dominus rogasse testatur, et ab eo voluit cæteros confirmari; cui etiam pro majori dilectione quam præ cæteris Domino exhibebat, pasceendarum ovium sollicitudo commissa est: cui et claves regni cælorum tradidit; et super quem Ecclesiam suam edificaturum esse promissit, nec portas inferni adversus eam prevalere testatus est (Matth. 16). Sed quia inimicus humani generis usque in finem sæculi non quiescit in Domini Ecclesiam bono semini superseminare zizania, ideoque ne forte quisquam maligno studio aliqua de fidei nostræ integritate diaboli instigatione fingere præsumpserit et argumentari, et ex hoc vestri fortasse videantur animi perturbari, necessarium iudicavimus per presentem epistolam nostram, et ad viscera vos matris Ecclesiæ ut reverti debeatis, cum lacrymis exhortari, et de fidei nostræ integritate vobis satisfactionem nostram mittere; quatenus nulla possit in cordibus vestris de nobis remanere suspicio, ut in divini tremendique iudicii die de taciturnitate mea reus inveniri non possim.

animis schismaticorum male affectis nihil prodesset, imitatus Pelagium I, adversus ipsos Smaragdum Italici exarchum Ravennæ degentem exagitavit: qui haud impigre eosdem coercere aggressus est, nec

Nos enim illam fidem prædictam tenemus, et cum omni puritate conscientiæ usque ad sanguinis effusionem defendimus, quæ ab apostolis tradita, et per successores eorum inviolabiliter custodita, reverenda Nicæna synodus trecentorum decem et octo Patrum suscepit atque reliquit [redegit] in symbolum, sed et Constantinopolitana centum et quinquaginta Patrum sub piæ memoriæ Theodosio seniore principe factum; etiam Ephesina prima, cui præsedit beatæ recordationis prædecessor noster Cælestinus Romanæ urbis antistes, et Cyrillus Alexandrinæ episcopus: sed et Chalcedonensis sexcentorum triginta patrum, quæ sub piæ memoriæ Marciano imperatore convenit: cuique sanctæ recordationis papa Leo per legatos vicarios suos præsedit; et ut diversarum hæreticorum damnanda exigebat adversitas, eandem fidem uno eodemque sensu clamanter [clamantes] latius ediderunt. Sed et epistolam prædicti beatæ memoriæ Leonis ad Flavianum Constantinopolitanum episcopum datam, quæ et totius appellatur, per omnia veneramur, tenemus, defendimus, atque secundum ejus tenorem, adjuvante Domino, prædicamus. Et sicut prædecessor noster sæpe dictus beatæ memoriæ papa Leo synodum Chalcedonensem suscepit atque firmavit, ita et nos per omnia, operante divina gratia, veneramur, custodimus atque defendimus.

Si quis autem contra hanc fidem aut sapit, aut credit, aut docere præsumit secundum eorundem Patrum sententiam, damnatum atque anathematizatum se esse cognoscat. Non ergo patiamini falsis suspicionibus aut rumoribus denuo agitari, et in divisione Ecclesiæ malorum hominum persuasionibus (quod avertat Dominus) remanere. Quid enim vos sanctæ Ecclesiæ unitate dividitis? quando nihil novi, nihil [quod absit] contrarium in dicta Ecclesia prædicari cognoscitis vel teneri? Sed unam eandemque fidem, quæ ab apostolis tradita, et a sanctis Patribus et prædictis quatuor synodis explanata atque confirmata dignoscitur, sincerissime teneri atque defendi modis omnibus comprobatur. Ubi ergo de fidei firmitate nulla vobis poterit quæstio vel suspicio generari, in unitate fidei, atque in sinu sanctæ matris catholicæ atque apostolicæ Ecclesiæ permanere. Si quid forte causæ est, unde vestri scandalizati animi videantur, manentes in unitatis charitate, eligite de fratribus ac filiis nostris, quos ad nos, inquirendo [in quærendo] de quibus movemini, transmittere debeatis; et parati sumus secundum præceptionem apostolicam [I Petr. III], et cum charitate eos suscipere, et cum humilitate ad placita satisfactionis reddere rationem; et sine aliquo impedimento cum omni dilectione, quando reverti voluerint, voluntate sincerissima relegare.

Audiamus autem Doctorem gentium clamantem: *Sicut accepistis Christum Jesum Dominum, in ipso ambulate, radicati et superædificati in ipso*, et concessavit, quousque depascentem Ecclesiam morbum ex iis regionibus, teste Diacono lib. III cap. 21, penitus auferret. SEV. BIN.

mati in fide, sicut didicistis, abundantes in gratiarum actione. Videte ne quis vos decipiat per philosophiam et inanem fallaciam, nec ad contentionem aut superfluas quæstiones vestra ulterius studia convertantur (Coloss. ii). Vocem ejusdem apostoli cum humilitate cordis attendite; sic enim scribens ad Timotheum ait: *Stultas autem et sine disciplina quæstiones devita, sciens quia generant lites; servum autem Domini non oportet litigare* (II Tim. ii); et iterum ad Corinthios: *Si quis autem videtur inter vos contentiosus esse, non talem consuetudinem non habemus, neque Ecclesia Dei* (I Cor. xi); et iterum post alia: *Non est Deus dissensionis, sed pacis.*

Considerate ergo, quia quicumque in pace et unitate Ecclesiæ non fuerit, Dominum habere non poterit. Item ad Galatas scribens ait: *Qui ex fide sunt, hi sunt filii Abraham* (Gal. iii). Providens autem Scriptura, quia ex fide justificat gentes Deus, prænuñtiavit Abraham, quia *benedicentur in te omnes gentes* (Genes. xxii). Igitur qui ex fide sunt, benedicentur cum fidei Abraham. Quam ergo excusationem apud Dominum post præsentem satisfactionem nostram habere ulterius potestis, quando nulla vobis de fidei nostræ sinceritate et puritate contraria suspicio remanebit? Audite potestatem et commonentem eundem apostolum: *Nolite seduci, corrumpunt mores bonos colloquia mala* (I Cor. xv). Non ergo circumveniamur a Satana, non enim ignoramus cogitationem ejus. Cum dilectione ergo fraternæ et humilitate Deo placita, si cuius forte animi scandalizari videntur in aliquo, manens in unitatis charitate, perquirat atque cognoscat. Nam sicut beatus Jacobus apostolus ait: *Ubi zelus et contentio, ibi et inconstantia et omne opus pravum* (Jac. iii); et iterum Doctor gentium: *Quis vos impedit charitati non obedire: persuasio hæc non est ex eo qui vocavit vos: modicum fermentum totam massam corrumpit* (Gal. v); et alibi: *Ego confido in Domino, quod nihil aliud sapiatis; qui autem conturbat vos portabit judicium quicumque est ille* (Ibid.); et in subsequenti ait: *Utinam abscindantur qui vos conturbant* (Ibid.)! Et rursum admonens dicit: *Quod si invicem mordetis, et comeditis, videte ne ab invicem consumamini* (Ibid.); et iterum: *Si spiritu vivimus, spiritu et ambulemus; non efficiamur inanis gloriæ cupidi, invicem provocantes, invicem invidentes. Alter altarius onera portemus, et sic adimplebimus legem Christi* (Ibid.); et alibi idem apostolus ait: *Flecto genua mea ad Dominum Patrem Domini nostri Jesu Christi, ex quo omnis paternitas in cælis et in terra nominatur, ut det vobis secundum divitias gloriæ suæ virtutem, corroborari per Spiritum ejus in interiorem hominem, habitare Christum per fidem in cordibus vestris, in charitate radicati et fundati, ut possitis comprehendere cum omnibus sanctis* (Ephes. iii). Et post alia: *Obsecro itaque vos ego vinctus in Domino, ut digne ambuletis in vocatione qua vocati estis, cum omni humilitate et mansuetudine, cum patientia supportantes invicem in charitate, solliciti servare unitatem spiritus in vinculo pacis. Unum corpus et unus spiritus, sicut vocati estis in*

una spe vocationis vestræ. Unus Dominus, una fides, unum baptisma, unus Deus et Pater omnium, qui super omnia, et per omnia, et in omnibus nobis (Ephes. v). Et dum tales exhortationes apostolicas habeamus, quis nos separabit a charitate, quæ est in Christo Jesu Domino nostro? Si enim cum humilitate et fletu diligenter intendimus, consideramus et intelligimus quod ille sit insidiator noster, de quo dictum est: *Quia adversarius vester diabolus, sicut leo rugiens circuit quærens quem devoret* (I Pet. v); cui secundum ejusdem apostoli exhortationem, cum omni nos concordia et unitate in fortitudine fidei resistere atque obviare necesse est. Exemplo enim omnes didicimus, charissimi fratres ac filii, quanta mala quantaque flagella divisionem Ecclesiæ fuerint subsecuta. Unde in ipsius misericordia, licet indigni, confidimus, quia si Ecclesiam suam adunare atque pacificare concesserit, omnia a nobis quæ pro delictis nostris suscepimus flagella, celerius remonentur, et unitas ac firmitas pacis Ecclesiæ pacem nobis et temporalem obtinet et æternam.

Tantummodo rogamus, et obsecramus, et per divinum vos tremendumque Dei judicium obtestamur, ubi sibi nullus hominum poterit argumentis vel excusationibus subvenire; ne ulterius per vos Dei dividatur Ecclesia, sed hæreditatem Domini communi possideamus et teneamus studio. Quæ autem sit ejus hæreditas, ipsius verba quæ ad discipulos dicta sunt audiamus: *Pacem meam do vobis, pacem meam relinquo vobis* (Joan. xiv); et iterum: *In hoc cognoscetis omnes quia mei estis discipuli, si dilectionem habueritis ad invicem* (Joan. xiii). Idipsum autem, sicut ait Vas electionis, dicamus omnes, et non sint in vobis schismata, simus autem perfecti in eodem sensu et in eadem scientia (I Cor. i), ut in sinum matris Ecclesiæ congregati efficiamur unus grex, et unius Christi pastoris custodia ab omnibus externis internisque hostis insidiis ejus protectione atque defensione servemur illæsi. Hæc autem ad vos direximus per fratrem et coepiscopum nostrum Redemptum et Quodvultdeum abbatem monasterii majoris basilicæ beati Petri apostoli, quos vestra dilectio et complacita Deo charitate suscipiat, et ad nos cum unitatis vestræ gaudio sine mora reverti dimittat: quatenus cognoscentes dilectionem atque obedientiam charitatis vestræ, cum sanctis angelis communiter atque veraciter dicere mereamur: *Gloria in altissimis Deo, et in terra pax hominibus bonæ voluntatis* (Luc. ii).

EPISTOLA IV [Olim VI]

QUÆ EST SECUNDA AD EPISCOPOS ISTRÆ.

Dilectissimæ fratribus Eliæ vel aliis episcopis Istræ Pelagius episcopus.

Dilectionis vestræ per eos quos direxistis scripta suscepimus, relectisque his gravi sumus mœrore et dolore perculsi: cum neque his quæ nos vobis scripsimus respondistis, neque, ut fraternam decuerat charitatem, fidei nostræ satisfactione suscepta ad unitatem Ecclesiæ revertendi obedientiam commodastis; postremo nec eos aliter qui venerunt dirigere pertuli-

stis, ut apertissimam lucidissimamque satisfactionem se paterentur accipere: sed scripto nobis quasi capitulare, vel interdictum potius ostenderunt, nihil injunctum sibi a vobis aliud asserentes, nisi ut vestra tantummodo essent portatores epistolæ. In qua tamen nullam rationis satisfactionem quæsisse vos legitur, sed velut iudicatum quid nobis expressisset, quod quam pravum sit, quam injustum, Patrumque regulis inimicum, si volueritis ad cognitionem veritatis accedere, splendidissime cum divino auxilio potestis addiscere. Unde nos cum propheta lacrymabiliter convenit exclamare: *Obmutui, et humiliatus sum, et silui a bonis, et dolor cordis mei renovatus est* (Psal. xxxviii). Renovatus est dolor cordis nostri, quando diuturnæ divisionis scandalum minime tanto fidei fulgore superatur, maxime quia pravorum hominum persuasionem decepti, scripta nobis diversimodum infecta contagiis direxistis: et quod in epistolis Patrum quædam testimonia non incongrua solum, sed nec ad causam pertinentia tentastis inserere, ita ut nec ordinem testimoniorum, qui in ipsis epistolis Patrum, servaretis, quippe ut quod scriptum nomine alterius fuerat, alterius nominis titulo promeretur. In quo evidenter dictum vobis apostolicum constat aptari: *Nescientes neque de quibus dicent neque de quibus affirmant* (I Tim. i).

Quod quidem non vestrae malitiæ vel calliditati credimus ascribendum, sed veneno hostis malignissimi perspicimus exquisitum, qui zizania seminare per vasa iræ usque in finem sæculi, in Dei Ecclesia non quiescit. Ex quo intelligimus, fraternitatem vestram epistolas, de quibus posuistis testimonia, non legisse; neque enim si vobis eorum scriptura constaret, illa quæ apertissime pro fidei tantummodo causa sunt posita, aliis congruere fingeretis, propter quod ab errore divisionis, in quem falsis opinionibus incidistis, hortor et opto vos celerius revocari, et non (sicut scriptum est) *jugum cum infidelibus ducere* (II Cor. vi), sed illi iterum iugo mansueta colla submittere, de quo ipse Dominus dicit: *Jugum enim meum suave est, et onus meum leve est* (Matth. xi); quod nullo modo poterit quis vel ferre vel discere, nisi eidem iugo charitatis vinculis fuerit subjugatus, ipsi oneri per dilectionem quippe ut spiritali sarcinæ mentes, humeros, viresque subdiderit. Sicut namque animositas abscissionis intellectum facit per superbiam colligare, ita recuperatæ charitatis humilitas mentes in unitate fidei perseveranter ad cognitionem veritatis illuminat.

Propter quod præsentium portatoribus quos fraternitas vestra direxit, et ex Codicibus et ex antiquis polyptichis [polyptichis] scrinii sanctæ sedis apostolicæ relecta sunt aliqua, quibus evidenter apparet, nihil eorum quæ in vestra posuistis epistola causa trium capitulorum convenire ullatenus, aut verisimiliter coaptari. Ideoque necesse est vos omnes epistolas synodales sollicite vigilanterque percurrere, ut evidentius agnoscatis, quia sancti Patres nihil aliud de Chalcedonensi synodo in suis epistolis fir-

maverunt, nisi ut inviolabilis fidei definitio servaretur. Nam ad eandem synodum confirmandam beatæ recordationis prædecessor noster papa Leo scribens, inter alia sic ait: « Ne ergo per malignos interpretes dubitabile videatur, utrum quæ in synodo Chalcedonensi per unanimitatem vestram de fide statuta sunt approbarim, hæc ad omnes fratres et cœpiscopos nostros, qui prædicto concilio interfuerunt, scripta direxi, quæ gloriosissimus et clementissimus princeps, sicut poposci, in notitiam vestram mittere pro catholicæ fidei amore dignabitur; ut et fraterna universitas et omnium fidelium corda cognoscunt, me non solum per fratres qui vicem meam executi sunt, sed etiam per probationem gestorum synodaliū, propriam vobiscum munisse sententiam: in sola videlicet fidei causa (quod sæpe dicendum) propter quam generale concilium, et ex præcepto Christianissimorum principum, et ex consensu apostolicæ sedis, placuit congregari. » [Huc usque verba sancti Leonis.]

Sed ne forte animis vestris aliqua adhuc videatur quæstio aut dubietas remanere, apertius quæ ad Maximum Antiochenæ Ecclesiæ antistitem scripserit pariter curavimus indicare. Post plurima itaque sic ait: « Si quid sane ab his fratribus, quos ad sanctam synodum vice mea misi, præter id quod ad causam fidei pertinebat, gestum esse perhibetur, nullius erit firmitatis: quia ad hoc tantum ab apostolica sede directi sunt ut excisis hæresibus, catholicæ essent fidei defensores. Quidquid enim præter speciales causas synodaliū conciliorum ad examen episcopale defertur, potest dijudicandi habere rationem, » etc. Ecce, sicut superius dictum est, cognoscitis, fratres charissimi, nihil aliud sæpe fatum prædecessorem nostrum, quam ea quæ de fidei firmitate definita sunt, confirmasse, quod pene in omnibus epistolis ejus, si volueritis, plenius potestis cognoscere. Nam privatæ causæ, quæ illic post definitionem fidei actæ sunt, non solum minime confirmavit, sed et retractari atque dijudicari concessit. In encycliis vero (quod est episcopaliū collectio litterarum, ex quibus aliqua in scriptis vestris testimonia incongrue similiter posuistis) unde mota sit causa, vel quid piæ recordationis Leo imperator per universas provincias sacerdotibus scripserit consulendo, aut qualiter ab ipsis responsa suscepit, nobis quoque tacentibus, eorum lectione valebitis plenius informari: ut nulla de cætero in vestris cordibus malignæ exco- gitatio pravitatis locum subreptionis inveniat. Nos enim propter prolixitatem hujus epistolæ ordinem causæ ipsius declinavimus indicare. Nam si cum studio charitatis, quæ a nobis scribuntur, cum timore Domini sollicite vigilanterque relegetis, facile sentietis quantum sit periculum pro superfluis quæstionibus, et hæreticorum defensione capitulorum, tandiu ab universali Ecclesia segregari.

Nolite ergo amore jactantiæ, quæ superbiæ semper est proxima, in obstinationis vitio permanere, quando in die iudicii nullus vestrum excusare se valeat.

A Theodorus Mopsuestenus, neque Ibæ episcopus ab adversariis est prolata, ante tribunal dicis vobis valeat subvenire. Doctore itaque pareamus, qui in prima ad Corinthios episcopus ait: *Emulamini charismata meliora, et adhuc altiore viam vobis demonstro (I Cor. xi).* Quæ ajora sint, et a se demonstranda promittat, ut voce audiamus intentius: *Si linguis hominibus et angelorum, charitatem autem non habetis, sicut æs sonans, aut cymbalum tinens, et si habuero prophetiam, et noverim omnia, et si habuero omnem fidem, ita ut montes transvertem, et si distribuero in cibos pauperum omnes res meas, et si tradidero corpus meum ut ardeat, cum autem non habuero, nihil mihi prodest (I Cor. xiii);* et iterum: *Fides, spes, charitas, tria sunt, et major autem his charitas (Ibid.).* Quam igitur minimum poteritis habere fiduciam, quando scandalum generari vobis de fidei nostræ incernentes, tantis temporibus persuperfluas res ab Ecclesia Dei, quæ una est, et a fraternitate vos dividi duratis. Ubi namque sit constituta, licet ipsius Domini voce in sancto liosito apertum, quid tamen beatus Augustinus a dominicæ memor sententiæ definierit, ait. In his namque, ait, esse Dei Ecclesiam contra, qui sedibus apostolicis per successionem unum præsidere noscuntur. Et quicumque ab eodem sedium se communionem vel auctoritatem legerit, esse in schismate demonstratur. Et post sitis foris, etiamsi pro Christi nomine moriaris, inter membra Christi [non numeraberis]. pro Christo, hærens corpori, pugna pro caelo et beatus Cyprianus egregius martyr in limine de unitatis nomine titulavit, inter alia sic exordium ab unitate proficiscitur; et primatus datur, ut una Christi Ecclesia et cathedra stet; et pastores sunt omnes, sed grex unus est, qui ab apostolis unanimi consensione regitur. Et post pauca: Hanc Ecclesiæ unitatem tenet, tenere se fidem credit? Qui cathedræ, super quam Ecclesia fundata est, deservit, in Ecclesia se esse confidit? Item post ad pacis præmium pervenire non possunt, eorum Domini discordiæ furor ruperunt. Ex eodem libro sic ait: Ad sacrificium cum pace venientes revocat ab altari, et jubet prius munus offerre (*Matth. v*); quia nec ad Cain respexit Deus (*Genes. iv*); neque enim habere pacem poterat, qui cum fratre pacem discordiam non habebat. Quam sibi igitur promittunt inimici fratrum? Quæ sacrificia se credunt æmuli sacerdotum? Secum esse non cum collecti fuerint opinantur, hi qui exesiam colliguntur? Tales etiam si occisi in nomine nominis fuerint, macula ista nec sanguinitur. Inexpiables et gravis culpa discordiæ sione purgatur. Esse martyr non potest, qui

in Ecclesia non est: ad regnum pervenire non poterit, qui eam quæ regnatura est dereliquit. Et post alia: Cum Deo manere non possunt, qui esse in Ecclesia Dei unanimiter noluerunt, ardeant licet flammis et ignibus traditi, vel objecti bestiis animas suas ponant: non erit illa fidei corona, sed poena perfidiæ; nec religiosæ virtutis exitus gloriosus, sed desperationis interitus: occidi talis potest, coronari non potest.

Item ejusdem: An esse sibi cum Christo videtur, qui adversus sacerdotes Christi facit? qui se a clero ejus et plebis societate secernit? Arma ille contra Deum portat, contra Dei dispositionem repugnat: hostis altaris adversus sacrificium Christi rebellis, pro fide perfidus, pro religione sacrilegus, inobsequens servus, filius impius, frater inimicus, contemptis episcopis et Dei sacerdotibus derelictis, constituit audet aliud altare. Item cujus supra: Pejus schismatis crimen est, quam quod hi qui sacrificaverunt, qui tamen in poenitentia criminis constituti Dominum plebis satisfactionibus deprecantur. Hic Ecclesia quaeritur et rogatur, illic Ecclesiæ repugnatur. Hic potest necessitas fuisse, illic voluntas tenetur in scelere. Hic qui lapsus est, sibi tantum nocuit, illic qui hæresim vel schisma facere conatur, multos secum trahendo decepit. Illic animæ unius est damnum, illic periculum plurimorum. Certe se peccasse hic intelligit et plangit, ille tumens in peccato suo, et ipsis sibi delictis placens, a matre filios segregat, oves a pastore sollicitat, Dei sacramenta disturbat, et cum lapsus semel peccaverit, ille quotidie peccat. Postremo lapsus martyrium postmodum consecutus potest regni promissa percipere: ille si extra Ecclesiam fuerit occisus, ad Ecclesiæ non potest præmia pervenire.

Item qui supra: Quod si in Scripturis sanctis frequenter et ubique disciplina præcipitur, et fundamentum religionis a fidei observatione ac timore proficiscitur, quid cupidius appetere, quid magis velle ac tenere nos convenit, quam ut radicibus fortius fixis, et domiciliis nostris super petreæ robustæ mole solidatis, inconcussi ad procellas ac turbine sæculi stemus, ut ad Dei munera per divina præcepta venire possimus?

Et ideo hortamur dilectionem vestram, et obsecramus, ut tam terribilia Patrum testimonia agnoscetes, nullo modo patiamini ulterius in divisione Ecclesiæ persistere; sed in viscera sanctæ matris catholicæ atque apostolicæ regredi tota mentis intentione celerate (eccelerate): ut radicati in charitate unitatis atque fundati dicere mereamur: *Ecce quam bonum et quam jucundum, habitare fratres in unum (Psal. cxxxii):* veraciter exclamantes: *Repletum est gaudio os nostrum, et lingua nostra exultatione (Psal. cxxv).* Quibus breviori quidem stylo, abundanti tamen charitate responsis, et de fraternitatis vestre mentibus, et de divinæ misericordiæ virtute confidamus, vos sanctæ citius reformari indubitanter Ecclesiæ. Si tamen pro nostris adhuc delictis aliquid inimicus animarum vobis obstinationis (quod absit) aut

dubietatis intulerit, secundum quod interlocutio nostra gestorum apud nos habitorum suprema complectitur, et sicut excellentissimo domino filio nostro Smaragdo exarcho Italiæ supplicare curavimus, instructas huc ad nos personas, quibus facilius reddenda recipiendaque sit ratio, mittere festinate, ut nulla deinceps consensus vestri dubietas supersit, aut tarditas, si eis satisfactio plena reddatur. Vel si pro longinquitate locorum, vel temporum qualitate pavescit, illic Ravenne fiat congregatio sacerdotum, quo nos etiam qui loco nostro intersint, divinitate propitia, dirigemus, a quibus satisfactionem plenissimam capiat; ne amplius animæ simplices divisæ a sancta Ecclesia pro superfluis quæstionibus tam longa obstinatione remaneant, nec per vos, quos dominici gregis decet esse pastores, oves a septis ecclesiasticis evagantes rapacis lupi dentibus consumantur.

EPISTOLA V [Olim VII],

QUÆ EST TERTIA AD ELIAM ET EPISCOPOS ISTRIE.

Hujus epistolæ meminit beatus Gregorius lib. II, epist. 36, ad episcopos Hiberniæ, quam librum appellat. Eam ab eodem beato Gregorio, cum adhuc esset diaconus scriptam fuisse nomine Pelagii papæ, testatur Paulus Warnefridus lib. III de Gestis Langobardorum, cap. 10, al. 20.

Dilectissimis fratribus, Eliæ, vel universis episcopis in Istriæ partibus constitutis, Pelagius episcopus.

I. Virtutum mater charitas (I Cor. XIII), quæ Redemptoris sui lucris serviens, quæ nunquam ea quæ sua sunt quærit, desiderio anhelanti me impulit dudum fraternitati vestræ plena dulcedinis scripta transmittere, quæ disjuncta diu possint suo corpori Christi membra sociare. In quibus plus precibus quam monitis loquens, affectu quo valui, exhortari curavi, ut quos aptos discutiendæ rationi præviderit, huc Dilectio vestra dirigeret, quatenus in trium capitulorum negotio, vel quæque aperta sunt cognoscèrent, vel quæque forsitan obscura viderentur, hæc eis collatio pacificæ intentionis aperiret: tandem Dilectionis vestræ scripta suscepi, quæ non rationis causas quærerent, sed deliberata apud vos iudicii sententia imperarent. Hoc autem quod vos audere de vestra sapientia video, fateor, dolens miror; et quidem per epistolas exempla, ut puto, ostendit humilitatis, amoris specimen præbui. Sed dum nihil apud vos reperī admonitionis meæ verba proficere, flens gemensque cum propheta cogor exclamare: *Curavimus Babylonem, et non est sanata* (Jer. LI). Ignem quantum valui charitatis accendi, et tantæ scissionis exurere biginem volui; sed impletam prophetæ sententiam peccatis exigentibus inveni, qui ait: *Frustra conflavit conflator, scorix ejus non sunt consumptæ* (Jer. IV). Nulla in rescriptis flamma charitatis aspicitur, nullam vel post exemplum dulcedinem redolent in cunctis suis sermonibus, nihil quod ad pacem perveniat, sonat. Pensate, quæso, hoc (quod dicere nisi singultu interrumpente non valeo)

A longo divisionis usu quanto mentis frigore fraternitas vestra torpuerit, quæ nec confricta recalescit. Quid igitur inter hæc faciam, nisi ut pro vobis ad lacrymas vertar? Quia enim leo rugiens circuit quærens quem devoret (I Petr. V), scio et vos stantes extra caulas ovium (devorandos). Non demptis fructibus palmites attendo, sed abscissos a radice vitis aspicio. Et sudantes vos operarios cerno, sed tamen laborare extra vineam non ignoro. Ecce urgente fine, cuncta vastantur, ad solitudinem terra redigitur, atque (ut ita dixerim) procella diluvii mundum subruit, et vestra fraternitas arcam fugit. Cum Jeremia dicam: *Quis dabit capiti meo aquam et oculis meis fontem lacrymarum* (Jer. IX); et rursum: *Deducant oculi nostri lacrymas, et palpebræ nostræ defluant aquis* (Ibid.); dicam cum illo iterum: *Plorabo et requiescam*. Quia enim quietem concordix in vestro corde non invenio, fessæ menti lacrymas sterno. Quæ enim mei spiritus requies esse potest, si ab occulto hoste inflictum vulnus mederi non potest? Ecce in cunctis mundi partibus sancta et universalis Ecclesia unitatis suæ radiis fulget, sed tamen adhuc umbram vestræ divisionis sustinet. Ubique in fidei statu perdurat; sed gaudere eam de sua salute prohibet vulnus, quod de vestra abscissione tolerat. Neque enim sanum caput brachiis morientibus gaudet; nec se quasi incolume esse pectus letatur, cum subjectorum viscerum doloribus tangitur; tota namque corporis compago afficitur, si pars ejus vel extrema laceratur. Quidquid ergo est quod aliam pati sentit, in se harmonia charitatis attrahit, Paulo attestante, qui ait: *Et si quid patitur unum membrum, compatiuntur cætera membra* (I Cor. XI). Nos itaque sumus, qui vestro dolore transligimur, nos qui vestris scissionibus secamur. Tanto igitur damnis vestris festina debemus consolatione succurrere, quanto ea per charitatem cogimur ut nostra sentire. Nam etsi differre forsitan volumus, supernæ increpationis voce terremur, quæ ignavos pastores increpans dicit: *Quod fractum erat, non alligastis, et quod abjectum non reduxistis, et quod perditum non quæstistis*. Si differre volumus, indiscretæ interventionis increpamur, qua per prophetam Dominus dicit: *Numquid resina non est in Galaad, aut medicus non est ibi? Quare ergo non est obducta cicatrix filix populi mei* (Ezech. XXXIV)? Quid enim per resinam, quæ fomentum ignis est, quæ et in ornamentum domus marmora dissipatæ conjungit, nisi charitas designatur? Quæ et in amore corda succendit, et sanctam Ecclesiam unitatis ornamento componat, discordes hominum mentes per pacis in se studium ligat? Quid per Galaad, quæ acervus testimonii interpretatur, nisi in Scripturæ sacræ altitudinem innumera sententiarum densitas dicit? Quid per medici vocabulum, nisi unusquisque prædicator? Quid per non obductam filix cicatricem, nisi culpa plebis ante Dei oculos nuda monstratur? Resina ergo in Galaad defuisse convincitur, si pro ostendenda veritate, cum tanta adsint Scripturæ sacræ testimonia, associando vos sanctæ Ecclesiæ, nequaquam digne ardoris cha-

ritas exhibetur; et velut absente medico cicatrix non obducitur, in exhortatione cessante, tantæ scissionis culpa nullo velamine subsequentis pacis operitur. Sed jam tempus est, ipsa nos susceptionum vestrarum vulnera tangere, eisque auctore Deo medicamina patefactæ veritatis adhibere.

II. Per ea quæ piæ memoriæ Justiniani principis temporibus acta sunt, fraternitas vestra suspicatur sanctam Chalcedonensem synodum fuisse convulsam. Sed absit hoc a Christiano opere, a Christiana cogitatione. In ipsa quippe Nicæna, Constantinopolitana, ac prima synodus Ephesina firmata est; et quisquis illam partem aliqua convellere nititur, illas nimirum funditus, quæ per hanc firmatæ sunt, destruere conatur. Cui suspitioni in scriptis vestris ex sancti prædecessoris nostri Leonis epistolis ac encycliis testimonia adiungitis, ut præfatam sanctam Chalcedonensem synodum illibatam debere observari monstretur. Quæ quidem, fratres charissimi, ex paucis epistolis sumpta permixto ordine confusoque posuistis, ut dum interjecta alia epistola, ad alia prioris epistolæ verba recurritur, quasi ex multis epistolis prolata viderentur. Et valde miramur, cur fraternitas vestra de tam [sicut diximus] paucis epistolis non pauca sumpserit, cum constet quod de sanctæ Chalcedonensis synodi illibata veneratione et prædecessorum nostrorum assertio innumera, et multorum Patrum consensus in encycliis, quasi quædam se mundo, nobis infudit [Forsan sumendo lux mundo se n. inf.]. Sed quia semper dictandi ordo tanta sibimet connexionem subiungitur, ut et præcedentia subsequentibus serviant, et subsequencia ex præcedentibus suspendantur: eorum sensum quæ prolata sunt, melius pandimus, si infra supraque legentes, vel quo tendant, vel unde pendeant, demonstramus.

III. A dilectione igitur vestra primum testimonium sancti prædecessoris nostri Leonis ponitur, quod in ejus epistola ultima continetur [Epist. 78 ad Leon. imp.], quo ait: De rebus apud Nicæam et apud Chalcedonem sicut Deo placuit definitis, nullum audemus inire tractatum, tanquam dubia vel infirma sint, quæ tanta per Spiritum sanctum fixit auctoritas. (Cui secundum testimonium ex ea epistola a vobis adiungitur, quod illic paulo superius habetur, quo dicitur [Ibid.]: Quia sicut sancte veraciterque dixistis, perfectio incrementum, et adjectionem plenitudo non recipit.) Interjectis autem duobus testimoniis de encycliis assumptis, præfati prædecessoris nostri Leonis item ad Leonem principem scripto vestro verba replicantur quibus dicitur: Legitimas divinitus inspiratas constitutiones velle movere, non est pacifici hominis, sed rebellis, dicente apostolo: *Verbis contendere, ad nihil est utile, nisi ad subversionem audientium* (II Tim. II). Nam si humanis persuasionibus semper disceptare sit liberum, nunquam deesse poterunt qui veritati audeant resultare. (Et ejus rursus ad eum: Non sinas contra dexteræ omnipotentis Dei triumphos redivivis exurgere motibus extincta certamina). Cujus adhuc testimonium post pauca subdi-

disti: nihil prorsus de bene compositis retractetur. Ultimum vero a vobis ponitur testimonium, quod in priori ejus epistola, de qua multa jam testimonia prolata fuerant, continetur, primum dicitur (Ibid.): Quæ jam patefacta sunt quærere, quæ perfecta sunt retractare, et quæ sunt definita convellere, quid aliud est, quam de adeptis gratiam non referre, et ad interdictæ arboris cibum improbos appetitus mortiferæ cupiditatis extendere? Ilæc sunt, fratres dilectissimi, quæ beati Leonis ad Leonem principem verba posuistis; quæ videlicet ab eo pro custodia illibata fidei, non autem pro causis episcoporum specialibus, quæ apud Chalcedonem gestæ sunt, proferuntur. Nam quia pro solius fidei intemerata observatione dixerit, pensandum est in eadem epistola quid præmisit; ait enim, ad eundem principem loquens (Ibid.): Supra curam rerum temporalium religiosæ providentiæ famulatum divinis et æternis dispositionibus perseveranter impenditis, ut scilicet catholica fides, quæ humanum genus sola vivificat, sola sanctificat, in una confessione permaneat; et dissensiones quæ de terrenarum opinionum varietate nascuntur, a soliditate illius petra, supra quam civitas Dei ædificatur, abigantur. (Si igitur fidem, fratres charissimi, in cunctis mundi partibus uno ac solido statu vigere non cerneretis, convulsum quidquam de sancta Chalcedonensi synodo recte dicere-
tis. At postquam nihil nunc aliud nisi de personis agitur, nihil de sancta Chalcedonensis synodi fide quæritis, auctoritatem patrum quasi sequendo declinati. Namque ut iisdem beatus Leo ostenderet, retractari quæ perfecta sunt non debere; qua hæc intentione dixisset, illico subdidit (Ibid.): Quia ad pacem universalis Ecclesiæ, et ad custodiam catholicæ fidei cura dignamini sollicitiore vivere [respicere]. Quid igitur cum prohiberet definita convelli, admonitionem protinus de custodia catholicæ fidei subjunxit, et quia non hoc de retractandis causis specialibus, sed de sola fidei professione dixisset, indicavit? Illa namque nunc in vestra quæstione vertentur, quæ ipse quoque prædecessor noster beatus Leo dijudicat; dum non nisi ea quæ apud Chalcedonem de fide sunt statuta, confirmat. Ipse quippe ad Anatolium Constantinopolitanæ urbis episcopum scribens, dum eum de quodam novo ausu corripere, dicit (Epist. 58): Ut sanctam synodum ad extinguendam solum hæresim, et ad confirmationem fidei catholicæ studio Christianissimi principis congregatam, in occasionem ambitus trahas. (Et rursum (Ibid.): Ita abuti voluit concilio synodali, ut fratres in fidei tantummodo negotio convocatos, et definitionis ejus causa, quæ erat curanda, pertractos [definitione ejus causæ, q. e. c. perfunctos], ad consentiendum sibi aut depravando traduceret, aut terrendo compelleret). Qui ut nihil se omnimodo de Chalcedonensi synodo suscipere, nisi de sola fide gestum fuerat, demonstraret, eidem synodo scribens, ait (Epist. 61): Ut et fraterna universitas, et omnium fidelium corda cognoscant, non solum per fratres,

qui vicem meam executi sunt, sed etiam per approbationem gestorum synodaliū propriam vobiscum inisse sententiam, in sola videlicet fidei causa, quod sæpe dicendum est. (Qui ergo unit cum Chalcedonensi synodo in sola fidei causa convocata, cuncta quæ illic specialiter gesta sunt, se procul dubio extraneum demonstrat. Hinc est rursum quod cum præfato Anatolio de recipiendo Attico presbytero scribere, dicit (*Epist.* 77): Ita ut Chalcedonensis synodi definitionem de fide, cui etiam dilectio tua subscribendo consensit, quam apostolicæ sedis firmavit auctoritas, profiteatur se per omnia servaturum.) Qui Chalcedonensis synodi definitionem dicens, Vigilanter etiam, de fide, non adderet, nisi causas, quæ illic specialiter motæ fuerant, reprobasset (solum nihilominus exciperet) (a) quæ ei singulariter displicerent. At postquam nihil aliud synodi, nisi fidei definitionem recepit: quid est aliud, nisi quod cætera quæ illic specialiter mota sunt, refutavit? Neque enim si vellet, unam tantummodo causam præfati Anatolii reprehendere vereretur, qui hanc suo iudicio non approbatam, et serenissimis principibus, et auctori ejus eidem Anatolio non est veritus scriptis discurrentibus indicare. Cum vero et de illa præfato Anatolio private loquitur, et rursum ad synodum scribens, quod de sola fide gestum fuerat, se recipere confitetur; constat quod et Anatolium de speciali criminis causa redarguit, et cuncta privata negotia, quæ mota in synodo fuerant, retractari concessit.

IV. Rursum in scripto vestro testimonium ac exemplum de encycliis ponitur, quod multi episcopi simul dicunt: Neque unum iota vel apicem possumus aut commovere, aut commutare eorum quæ apud Chalcedonem decreta sunt. (Cui aliud quoque testimonium quasi ex eadem epistola subjunxisti, quod videlicet Anatolii Constantinopolitanæ urbis episcopi esse non dubium est, quo ait: De Chalcedonensi vero sancta synodo dico, quoniam ipsum quærere omnino, aut revolvere aliquid eorum quæ ab ipsa finita sunt, hominum est insidiantium tantummodo Ecclesiis, et universali Christi paci.) In quo revolvere et convelli prohibeat, ipse subjungat; ait enim: Quando apostolica quidem et paterna dogmata olim nobis tradita, in eo roborata sunt atque firmata. (Si igitur insidiantium est hominum apostolica dogmata et paterna convellere, qui eadem paterna et apostolica dogmata illibata recipiunt, constat procul dubio, quia insidiantes non sunt. Ejusdem namque synodi fidem intemeratam Deo auctore retinemus, et sic privata negotia quæ illic gesta sunt, cum sancto prædecessore nostro Leone præterimus, ut definitionem fidei illic prolatam, proposita etiam morte, reservemus. In præcedenti autem testimonio multorum simul episcoporum utrum dictator, an scriptor præceperit, ignoramus; neque enim in encycliis continetur ipsi in scriptis vestris posuistis. Neque a unum aut apicem possumus commovere

se his quidpiam videtur. HARD.

A aut violare eorum quæ ab ea recte sunt et inviolabiliter definita.) At longe est aliud, non posse commoveri ea quæ decreta sunt, et non posse commoveri ea quæ recte et inculpabiliter sunt decreta. Sciebant enim viri doctissimi, ea quæ illic gesta fuerant de causis specialibus, a prædecessore nostro Leone recepta omnimodo non fuisse; et idcirco cautissime scribunt, commoveri aut violari quæ recte ab ea et inculpabiliter definita sunt, non debere; ne si cuncta confirmare se dicerent, sententiæ sæpe fati prædecessoris nostri Leonis obviarent. Unde et illic illico subjungunt: Ita sapiamus semper, sicut sapit apostolica Romanorum sedis Ecclesia.) -

V. Post hæc quoque exempla ejusdem prædecessoris nostri Leonis ad Basilium episcopum testimonium posuistis, quo ait: Obsecro Dilectionem tuam ut Chalcedonensis synodi definitionibus in nullo animum relaxetis; et quæ ex divina sunt inspiratione composita, nulla patiamini novitate temerari (et rursum: Ut autem possit hæc exhortatio ad omnium fratrum et coepiscoporum notitiam pervenire, diligenter vestræ Fraternitatis cura perspiciat, quia (quod sæpe dicendum est) tota religio Christiana turbatur, si quidquam de his quæ apud Chalcedonem constituta sunt, convellatur.) Sed utrum de causis quarundam personarum specialibus, an de sanctæ fidei definitione asserat, inquiratur ipse quid superius dicat; ait enim: Hæc scripta direxi, quibus Dilectionem vestram credidi commonendam, ut sceleratis ausibus sancta constantia resistatis, ne in quoquam nostra communis fides aut trepida inveniat, aut tepida. (Qui igitur admonitionem servandæ fidei præmisit, ubi custodiri synodum voluit, indicavit. Si autem in hujus epistolæ sermonibus ambigimus, eum ex aliis suis epistolis quo sensu hæc dixerit, requiramus. Marciano namque Augusto scripta sua pro eadem synodo dirigens, ait (*Epist.* 59): Ad Gloriam vestram et ad Constantinopolitanum antistitem scripta direxi, quæ evidenter ostenderent, me, quæ de fide catholica in prædicta synodo definita fuerant, approbare.) Qui si cunctas et speciales causas ejusdem synodi recepit, cur ea se approbare quæ de catholica fide in prædicta synodo definita sunt, specialiter asserit? Rursum quoque præfato principi scribens (*Ibid.*): Quia omnibus modis obediendum est potestati [pietati] vestræ et religiosissimæ voluntati, constitutionibus synodalibus, quæ mihi de confirmatione fidei catholicæ placuerunt libens adjeci sententiam meam. (Si ergo confirmationem fidei catholicæ sibi placuisse, eique sententiam adjecisse astruit; in his, in quibus confirmatio fidei non fuit, constat quia sententiam non adjecit.

VI. Adhuc autem ex ejusdem beati Leonis epistola testimonium scriptis vestris inseritis, quæ ad Basilium dicit: Pie nobis et constanter utendum (Forsan vivendum) est, nedum talium disputatio admittitur, eorum quæ divinitus definita sunt, auctoritati derogetur. Et infra: Nec enim aliquam [Forsan

ad aliquam] disceptationem plene definita revocanda sunt, ne ad arbitrium damnatorum ipsi de his videamur ambigere, quæ manifestum est per omnia prophetica et evangelica atque apostolica auctoritatibus consonare. (Quæ autem vel superius definita divinitus, vel inferius plene definita asserat, ex ipsa vel ex aliis ejus epistolis vestra Fraternitas penset: in quibus nunquam specialia gesta commemorari, sed sola quæ de fide sunt prolata confirmat. Unde in his quoque verbis vigilanter imprimitur [Forsan exprimitur], et quæ plene definita dixerit attenditur [Forsan ostenditur], cum dicit: Ne de his ipsis videamur ambigere, quæ manifestum est per omnia prophetica et evangelica atque apostolica auctoritatibus consonare). Pensate, quæso, fratres charissimi, si scripta Theodori prophetica et evangelica atque apostolica auctoritatibus consonant, quæ redemptorem nostrum iniquis ausibus Dominum negant. Pensate si illa epistola prophetica et evangelica atque apostolica auctoritatibus consonare videatur, in qua et hostis Ecclesiæ Nestorius defenditur, et defensor Ecclesiæ Cyrillus accusatur. Pensate si illa Theodori scripta prophetica, evangelica atque apostolica auctoritatibus consonant, quæ prius contra rectam fidem edita, ipse postmodum conversus damnat. Extremum quoque sæpe fati Leonis ad Actium presbyterum testimonium ponitis, quo ait *: Ne patiar sopitarum rerum certamen afferri, quarum retractator non nisi sacrilegus invenitur. (Quod de quibus rebus astruat, ad eundem Aetium scribens ipse manifestat dicens **: Nihil ab apostolicis unquam potero sentire diversum, nec a mea ipse deviare sententia; et quod sancto Spiritu revelante confessus sum, quodque mecum totius synodi professione prædicante patefeci, aliqua varietate commutem: cum facilius mihi sit quibuslibet et suppliciis ab hoc mundo auferri, quam ab ea quam generaliter credidi, professione mutari). Si ergo cuncta res quæ retractari non debet, sola est professio fidei, ille retractator rerum erit sacrilegus, qui professioni ejus fuerit diversus. Nam quod idem beatus Leo solam in synodo professionem fidei summo ardore custodiat, innumeris epistolis demonstrat, ex quibus pauca breviter perstringimus, ut in eis certior facta vestra Fraternitas colligat quam multa taceamus. Hinc est enim quod Marcianum Augustum scripto suo alloquitur, dicens (*Epist.* 59): Fratri autem meo Juliano episcopo noverit vestra Clementia hoc me proprie delegasse ut quidquid illic ad custodiam fidei pertinere probaverit, me nomine vestræ fiducialiter suggerat potestati. (Hinc est quod Pulcheriæ Augustæ scribens, ait (*Epist.* 60): Quod vero piissimus imperator ad omnes episcopos qui Chalcedonensi synodo interfuerunt, voluit me scripta dirigere, quibus ea quæ illic de fidei regula sunt definita firmarem, libenter implevi). Hinc est quod Juliano episcopo scribens, dicit: Quod necessarium credidit clementissimus imperator, libenter implevi,

* Non exstat hæc epistola.

ut ad omnes fratres qui Chalcedonensi synodo interfuerunt, scripta dirigerem, quibus placuisse mihi quæ a sanctis fratribus nostris de regula fidei confirmata sunt, demonstrarem. (Hinc est quod Pulcheriæ Augustæ iterum scribens, ait (*Epist.* 58): Circa fratrem autem meum veneratorem vestrum Julianum episcopum quantum debeat credere vestra dignatio, apostolicæ sedis æstimate iudicio, cum in causa fidei, cui gloriosa Pietas vestra famulatur, vicem ipsi meam eatenus delegarim, ut ab ea quæ vobis debetur observantia non recedens, me Pietati vestræ præsentare non desinat.) Causam quippe fidei memorans, nequaquam, Eatenus, diceret, nisi quidquid extra fidem ageretur, ex synodo excludi voluisset.

VII. Rursum per epistolam vestram dicitur, a sede apostolica vos doctos, atque ab scrinio sanctæ Ecclesiæ, cui Deo auctore præsumus, confirmatos, ne huic rei quæ sub piæ memoriæ Justiniano principe gesta est, consentire debeatis: atque hanc opitulationem excusationi vestræ adjungitis dicentes, quod in causæ principio et sedes apostolica per Vigiliū papam, et omnes Latinarum provinciarum principes damnationi trium capitulorum fortiter restiterunt. In quibus verbis attendimus, quod res quæ provocare vos ad consensum debuit, a consensu vos ipsa divellit. Latini quippe homines et Græcitatibus ignari, dum linguam nesciunt, errorem tarde cognoverunt; et tanto eis celerius credi debuit, quanto eorum constantia, quousque verum cognoscere, a certamine non quievit; quorum consensum certe [recte] Fraternitas vestra despiceret, si ausu præcipiti, priusquam verum cognoscere, consensissent: at postquam diu ab eis laboratum est, et longe tempore ad injurias usque certatum, hinc vestra Fraternitas penset quia tot labores repente non relinquerent, nisi quæ vera sint agnovissent. Quid enim divini consilii fuisse credimus, fratres, quod diu Saulum omnipotens Deus repugnatorem suæ fidei esse permisit, et sic eum suæ fidei prædicatorem fecit, nisi ut cunctis, quibus per illum fuerat prædicaturus, ostenderet, quia valde verum est Dei Evangelium, quod et tanta duritia inclinata prædicaret, ut dum ea auditores ejus quæ ab illo contra fideles gesta recolerent, repente eum ad fidem versum non sine evidenti ratione sentirent? Unde ipse quoque dum prædicationem suam debere facile ab infidelibus recipi Domino diceret, ait: Domine, ipsi sciunt quia ego eram concludens in carcere, et cædens per synagogas eos qui credebant in te (*Act.* xxii). Et cum Galatas, relicta Evangelii regula, in Judaismi conspiceret errorem declinasse, suam eis priorem contra Evangelium duritiam retulit, et ab intentione perfidiæ eorum mentes retorsit, dicens: Audistis conversationem meam aliquando in Judaismo, quoniam supra modum persequabar Ecclesiam Dei, et expugnabam illam; et proficiebam in Judaismo supra multos cœtaneos meos in genere meo, abundantius æmulator existens paternarum mearum traditionum.

** Neque hæc adhuc exstat.

Cum autem placuit ei qui me segregavit de utero matris meæ, et vocavit per gratiam suam, ut revelaret Filium suum in me, ut evangelizarem illum in gentibus, continuo non acquievi carni et sanguini. Ecce, fratres charissimi, Paulus egregius doctor, quia diu veritati restitit, inde ad confirmanda corda audientium in ejusdem prædicatione veritatis adjutorium sumpsit: ostendens profecto, quia fidem, cui tanto prius labore restiterat, postmodum sine magnæ rationis certitudine non tenebat.

VIII. Debet ergo perpendere vestra Dilectio, quia prædecessorum nostrorum in hac causa consensus tanto post inanis non fuit, quanto prius duris contradictionum laboribus insudavit. Sed his insuper factum Petri, qui et Paulum superat, vestra Fraternitas ad memoriam reducat. Diu quippe restitit, ne ad fidem gentes sancta Ecclesia sine circumcisione reciperet, diu se a conversarum gentium communione subtraxit, Paulo attestante, qui ait: *Cum venisset Antiochiam, in faciem ei restiti, quia reprehensibilis erat. Prius enim quam venirent quidam ab Jacobo, cum gentibus edebat; cum autem venissent, subtrahat se, timens eos qui ex circumcisione erant* (Galat. 1). Et Paulo post: *Et cum vidissem quod non recte ambularet ad veritatem evangelii, dixi Petro coram omnibus: Si tu cum Judæus sis, gentiliter et non judaice vivis, quomodo gentes cogis judaizare?* Qui tamen ab eodem Paulo postmodum ratione suscepta, dum quosdam conspiceret qui gentiles ad Ecclesiam venientes pondere servandæ circumcisionis onerarent, dicit: *Cur tentatis Deum, imponentes jugum cervicibus discipulorum, quod neque patres nostri, neque nos portare potuimus* (Act. xv)? Nunquid, fratres lectissimi, Petro apostolorum principi sibi dissimilia docenti debuit ad hæc verba responderi? Hæc quæ dicis, audire non possumus, quia aliud ante prædicasti? Si igitur in trium capitulorum negotio, aliud cum veritas quæreretur, aliud autem inventa veritate, dictum est, cur mutatio sententiæ huic sedi in crimine objicitur, quæ a cuncta Ecclesia humiliter in ejus auctore veneratur? Non enim mutatio sententiæ, sed inconstantia sensus in culpa est. Quando ergo ad cognitionem recti, intentio incommutabilis permaneat, quid obstat, si ignorantiam suam deservens, verba permutet? De ipso quoque auctore omnium Deo Scriptura attestante cognoscimus, quia dum consilium non manet (*Forsan mutat*), sæpe sententiam mutat; neque enim inopinatus ei proventus accesserat, cum de eo quem ipse ungi præceperat, dicebat: *Pœnitit me Saulem unxisse regem in Israel* (I Reg. xv). Hoc quippe se facturum etiam tunc præscivit, cum eum quasi approbando prætulit; nec ad pœnitentiam quasi inopinatus dolor accessit, sed tamen pœnitere se insinuat, quia non mutato consilio, ea quæ dudum dixerat de illo verba permutat.

IX. In his autem testimoniis quæ ex epistolis Leonis prædecessoris nostri posuistis, præmisistis

(a) Locus corruptus. Forte, *inspiciamus, si Jesum.*

A dicentes: *Doctrina vestræ reverendæ sedis est per beatum Leonem, successoresque ejus, unde pauca commemorare præsumpsimus, mortuum ab hominibus damnari nullatenus oportere; (et tamen nulla ejus testimonia subdidistis, quibus hanc sententiam firmaretis. Etenim quæ a vobis subjuncta sunt, retractionem fidei fieri prohibent, non autem damnari infideles mortuos contradicunt. Sed neque hoc beatum Leonem prædecessorem nostrum quodam loco dixisse meminimus. Quis autem nesciat, quod in nullo sibi ejusdem Leonis et beati Augustini prædicatio contradicat? Ipse namque ad Bonifacium comitem scribens, ait (Epist. 50, sup. coll. 5): Si vera essent quæ ab eis objecta sunt Cæciliano, et nobis possent aliquando monstrari, ipsum jam mortuum anathematizarem. Sed tamen Ecclesiam Christi, quæ non litigiosis opinionibus fingitur, sed divinis attestatationibus comprobatur, propter quemlibet hominem relinquere non debemus.)* Ecce mirabilis prædicator et scissionem Ecclesiæ propter hominem vetat, et si qua perversa deprehendat, eum quem publice defendebat Cæcilianum, se etiam post mortem anathematizare non abnegat, quia videlicet tunc viventibus vere consulatur, cum culpa in fide perpetrata nec morte interveniente laxetur. Si vero hoc faciendum, dicere fortasse præsumimus, hoc procul dubio facimus, quod fieri vetamus. Theodorum quippe mortuum sancta synodus prima Ephesina damnavit (Act. vi). Nam cum ab ejus discipulis dictatum ab illo symbolum eadem synodo fuisset prolatum, illico illic a sanctis Patribus cum auctore damnatum est. Et quidem ipsi sancti Patres in eadem synodo residentes ad Dominum jam recepti sunt, postquam Theodorum damnare: et si damnari mortuum non debuisset dicimus, procul dubio mortuos accusamus, et incipimus committere, quod nitimur prohibere. Sed cur diu et quæ nostis loquimur? Ejusdem Theodori ex libris illius dicta replicemus. Et si Jesum (a) Dominum ac Deum nostrum, qui post mortem vivere, imo quia vivere creditur, post mortem Theodorus postposita dubitatione damnavit; neque enim nostra fides patitur ut qui tot blasphemias Redemptori nostro hostis exstitit, a vobis ulterius defendatur. Ipse quippe contra Apollinarem in libro tertio loquens ait (Sup. coll. 4):

X. « Quomodo igitur tu, cui super omnes maxime decet mentium regimen, illum qui ex Virgine natus est, Deum esse, et ex Deo consubstantiali Patri existimari dicis, nisi forte sancto Spiritui illius creationem imputare non jubes? Sed quis est Deus, et ex Deo, et consubstantialis Patri? Is idem qui ex Virgine natus erat, (o mirandum!) et qui per Spiritum sanctum secundum divinas Scripturas plasmatus est, et confictionem in muliebri accepit ventre? Inerat forsitan, quia mox quam plasmatus est, et ut templum Dei esset accepit: non tamen existimandum nobis est Deum de Virgine natum esse. » Et post pauca: « Nec secundum tuam vocem pronuntiandam

HARD.

est, omnino ex Virgine natum Deum esse, et ex Deo consubstantiali Patri. » Et post pauca : « Si igitur cum carne eum natum esse dicunt, quod autem natum est, Deus et ex Deo, et consubstantialis Patri est, necesse est et hoc carnem dicere, quod si non hoc caro est, quoniam nec Deus, nec ex Deo, nec consubstantialis Patri, sed ex semine David, et consubstantialis ei cujus semen est, non id quod natum est ex Virgine, Deus, et ex Deo, et consubstantialis Patri. »

Et post pauca : « Non Deus Verbum ex Maria natus est, natus autem est ex Maria, qui ex semine est David ; non Deus Verbum ex muliere natus est. » Et iterum : « Quod edictum est enim *Ducebatur a Spiritu* (*Matth. iv*) aperte hoc significat, quod ab eo regebatur, ab eo ad voluntatem [virtutem] propositorum confortabatur ; ab eo ad hæc quæ oportebat ducebatur, ab eo quod decebat docebatur, ab eo cogitationibus roborabatur, ut ad tantum certamen sufficeret, sicut et beatus Paulus dicit : *Quicumque enim Spiritu Dei aguntur, hi sunt filii Dei* (*Rom. viii*). »

Idem cujus supra : « Dicant igitur nobis omnium sapientissimi, si pro sensu Domino Jesu Christo qui est secundum carnem, divinitas facta esset, sicut dicunt, quid sancti Spiritus cooperatione ad hæc Christus indigebat ? Nec enim unigeniti divinitas Spiritu indigebat ad justificationem, Spiritu indigebat ad vicendum diabolum, Spiritu indigebat ad operanda miracula ; Spiritu indigebat ut doceretur ea quæ decebat peragere ; Spiritu indigebat ut immaculatus appareret. »

Et post pauca : « Ac si dicat Jesus : Ego quidem, quem videtis, nihil quidem facere possum secundum meam naturam, cum homo sim, operor autem, quia *in me manens Pater omnia facit* (*Joan. xiv*). Quoniam enim et ego in Patre, et Pater in me (*Ibid.*), Deus autem Verbum unigenitus Dei in me est, certum est quod et Pater cum ipso in me manet, et opera facit. Et non est mirandum de Christo hæc existimari, cum evidenter ipse de cæteris hominibus dicat : *Qui diligit me, meum verbum observet : et Pater diligit eum, et ad eum veniemus, et mansionem apud ipsum faciemus* (*Ibid.*). » Et iterum : « Sciebat subtiliter, ut notam quidem faceret gentibus pietatem, pateretur autem laborantium infirmitates, et sic ad effectum suam voluntatem educeret : et justificabatur inde, et immaculatus ostendebatur, sive reparatione [pejorum], sive custodia meliorum, sive etiam paulatim ad meliora profectibus. »

Et post pauca ejusdem Theodori ex commento secundum Joannem : « Dicit ad Thomam : *Infer digitum tuum huc, et vide manus meas, et porrige manum tuam, et mitte in latus meum, et noli esse incredulus, sed fidelis* (*Joan. xx*). Quoniam, dicit, non credis, et tactum solum sufficere tibi ad credendum putas, (hæc enim dicens non me latuisti) tange manu, et cape experimentum, et discere credere, et non diffidere. Thomas quidem cum sic credidisset, *Dominus meus et Deus meus*, dicit, non ipsum Dominum et

Deum dicens (non enim resurrectionis scientia docebat et Deum esse eum qui surrexit), sed quasi pro miraculo facto Deum collaudat. » Ejusdem Theodori ex commento quod est in Actus apostolorum libro primo : « Ille autem dixit, oportere poenitentiam agentes eos pro crucis in iniquitate, et agnoscentes Salvatorem et Dominum, et omnium auctorem bonorum Jesum Christum, quoniam per ista pervenit et assumptus est divina natura, in [ipsum] Spiritu quidem fidem suscipere, et ejus discipulos fieri ante omnia ad baptismum accedentes, quod et ipse tradidit nobis, reformationem quidem habens inspirationis [præformationem q. h. sperationis] futurorum, in nomine autem celebrandum Patris et Filii et sancti Spiritus. Hoc enim quod est : *Et baptizetur unusquisque in nomine Jesu Christi* (*Act. ii*), non hoc dicit, ut vocationem quæ in nomine Patris et Filii et sancti Spiritus est, relinquentes, Jesum Christum in baptismo vocet ; sed quale est hoc, quod in Moyse baptizati sunt in nube et in mari (*I Cor. x*), ut diceret quia sub nube et in mari Ægyptiorum separati sunt, liberati eorum servitute, ut Moysis leges attenderent ; tale est, et baptizetur unusquisque in nomine Jesu Christi : ut cum ad ipsum accessissent tanquam Salvatorem, et omnium bonorum auctorem, et doctorem veritatis, ab ipso utpote auctore bonorum et doctore veritatis vocarentur, sicut omnibus hominibus quamcunque sectam sequentibus consuetudo est ab ipso dogmatis inventore vocari, ut Platonici, et Epicurei, et Manichæi, et Marcionistæ, et quidem [si quidem] tales dicuntur. Eodem enim modo et nos nominari Christianos judicaverunt apostoli. »

Ejusdem Theodori in libris de incarnatione : « Plus inquietabatur Dominus, et certamen majus habebat ad animæ passiones, quam corporis ; et meliori animo libidines vincebat, mediante deitate ad perfectionem. Unde et Dominus ad hæc maxime instituere videtur certamen. »

Item ejusdem in libro contra Synusiastas, vel Apollinaristas : « Sed si caro erat, inquit, crucifixa, quomodo sol radios avertit, et tenebræ occupaverunt terram omnem, et terræ motus, et petræ scissæ sunt, et mortui surrexerunt (*Matt. xxvii*) ? Quid igitur dicant et de tenebris in Ægypto factis temporibus Moysis non per tres horas, sed per tres dies (*Exod. x*) ? Quid autem propter alia per Moysem facta miracula, et quæ per Jesum Nave, qui solem stare fecit (*Josue x*), qui sol temporibus Ezechie regis et contra naturam retroversus est (*IV Reg. xx*) ; et de Elisæi reliquiis, quæ mortuum suscitaverunt (*IV Reg. xiii*) ? » Ejusdem ex libro octavo de Incarnatione : « Manifestum autem est quod unitas convenit : per eam enim collectæ naturæ, unam personam secundum unitatem effecerunt. Sicut enim de viro et muliere dicitur, *quod jam non sunt duo, sed una caro* (*Genes. ii* ; *Matth. xix*) ; dicamus et nos rationabiliter secundum unitatis rationem, quod non sunt duæ personæ, sed una, scilicet naturis discretis. »

Et post pauca : « Quomodo igitur homo et Deus unum per unitatem esse potest? qui vivificat, et qui vivificatur; qui salvificat, et qui salvificatur; qui ante sæcula est, et qui ex Maria apparuit? » Ejusdem ex interpretatione symboli trecentorum decem et octo Patrum : « Sed Christum quidem secundum assumptam servi formam, eum autem qui eam assumpsit, super omnia nominans Deum; intulit tamen hoc secundum conjunctionem, ut per significationem nominum naturarum manifestam divisionem faciat. Nemo igitur, neque eum qui secundum carnem ex Judæis est, dicat Deum : nec iterum Deum [Al., Dominum, nec ne iterum Dominum] qui est super omnia, secundum carnem ex Judæis. »

Item ex commento epistolæ ad Hebræos : « Jesum enim dicit a Nazareth, quem unxit Deus Spiritu sancto et virtute (Act. x) : qui autem de Spiritu unctus est, omnimodo aliquid inde assumpsit. Quis autem furens dicat, de Spiritu aliquid assumpsisse divinam naturam? » Et iterum : « Certus quidem et ipse, Filium Dei se non secundum divinitatis dicens nativitatem, sed secundum quod domesticus Dei erat : per quod filii Dei, per voluntatem [virtutem] domestici Deo constituti homines, interim vocabantur. »

XI. Hæc de innumeris pauca prætulimus, ut quasi per foramen angustum, quam nimium barathrum intus lateret, monstraremus. Ecce quales plus quam decem millia librorum Theodorus scripsisse perhibetur. Pensate, quæso, si non tanto acriora tormenta promeruit, quanto plura conscripsit. Sed hæc illius dicta quæ prolata sunt, utrum ejus sint, fortasse dubitatur. Patrum, si placet scripta proferamus : ita apud vos libros ejus, quos de perfida illius testes deduximus, deductis insuper testibus affirmemus. Armeniæ quippe episcopi Proclo Constantinopolitanæ urbis episcopo libellos contra Theodorum porrigentes, dicunt (Sup. coll. 5) : Fuit autem aliquis pestis [pestifer] homo, magis autem fera, hominis habens formam diabolicam, mentito nomine Theodorus, qui schema et nomen episcopi habuit, in angulo et ignobili loco orbis terrarum latitans, in Mopsuesteno Ciliciæ secundæ vili oppido, vere quidem et principaliter a paulo Samosateno descendens, licet Photino et cæteris hæresiarchis in libro de Incarnatione Domini nostri Jesu Christi, in toto suo proposito ipsis verbis inveniatur usus, et si quid pejus. Iste per machinationem et audaciam et errorem diaboli volebat omnes homines acuta sua sicut colubri lingua, et veneno quod sub lingua aspidis est, deperire. Et interim quidem retinebatur suo latibulo, timens potestatem eorum qui a magno Deo et Salvatore nostro Jesu Christo potestatem acceperunt calcare super colubros et scorpiones, et omnes virtutes inimici (Luc. x) : dico autem sanctos apostolos, et qui consequenter ab his susceperunt, martyres et confessores et episcopos et cæteros sanctos. Invenio autem, nescio quomodo, tempore, cœpit reperire et extra fines suos, fiduciam gerens et in parochiam ad eum non perti-

nentem, tanquam eruditus sermocinator, et in Antiochia Syriæ in ecclesia alloquens, sic dixit : « Homo Jesus, quid est enim homo quod memor es ejus? (Psal. viii) ; Apostolus autem, de Jesu dictum fuisse hoc, dixit : Eum enim qui paulo minus ab angelis minoratus est, vidimus, inquit, Jesum (Hebr. ii). Quid ergo? Homo Jesus similiter omnibus hominibus, nullam habens differentiam ad homines ejusdem generis, præter ea quæ gratia ei dedit. » Quibus Proclus Constantinopolitanæ urbis episcopus rescribens, ait (Sup. coll. 5, conc. v) : Fugiamus turbulentos et apertos fallaciæ rivos, septa Dei [sectas Deum] impugnantes : dico Arii furorem dividentem individuum Trinitatem, Eunomii audaciam circumcludentem scientia incomprehensibilem naturam, Macedonii rabiem separantem a deitate inseparabiliter procedentem Spiritum, et novam istam blasphemiam quæ Judaismi multo amplius superat blasphemiam, introducentes, nam illi quidem cum Filium negant, fraudant ramo radicem; isti vero cum qui est negantes, alterum [Al., eum qui est Filius] denegant, fraudantes ramo radicem, isti vero ei qui est alterum] introducunt, detrahentes sinceram naturam. (Rursus de hujus errore Joannes quoque Antiochenæ Ecclesiæ antistes ait : Multo autem tempore perverans Theodorus, persuasit multis et Nestorio, quod Christus Filius Dei vivi, qui de sancta virgine Maria natus est, non est qui ex Patre natus est Deus Verbum consubstantialis Genitori, sed homo pro qualitate suæ voluntatis ex Deo Verbo cooperationem suscipiens.) Rursus de ejus errore Cyrillus ad Lamponem presbyterum scribens, ait : Cum apud Æliam commorarer, vir aliquis ex his qui nobiliter militant in palatio, epistolam multorum versuum et grandem obtulit mihi signatam, quam se dicebat accepisse ab Antiochenis orthodoxis; subscriptiones autem erant in ea plurimorum clericorum et monachorum et laicorum. Accusabant autem orientales episcopos, quasi tacentes quidem Nestorii nomen, et dissimulantes ei adversari, transeuntes autem ad Theodori Codices de incarnatione factos, in quibus multo peiores nefariæ blasphemiæ [Nestorii blasphemias] positæ sunt : pater enim fuit Nestorii perfidi, qui et illius mala locutus, impius et in his factus est. Rursum de errore illius idem Cyrillus Alexandrinæ urbis episcopus ad Acacium Melitenæ urbis episcopum scribens, ait : Non oportebat latere Sanctitatem vestram, aut forsitan cognovit, quod omnes orientales religiosissimi episcopi in Antiochia conveniunt, cum transmississet eis tomum dominus meus sanctissimus Proclus honorum plenum intellectum et rectorum dogmatum. Erat enim ei ratio multa et longa de dispensatione Domini nostri Jesu Christi. Supposuit vero capitula quædam collecta e Theodori Codicibus, quæ consonantem Nestorii perfidiis intellectum habent, et adhortatus est eos etiam illa anathematizare.

rusus de errore illius [Rabbula] Edessenæ antistes ad beatum Cyrillum scribens, ait : quidam unitatem secundum subsistentiam nodis abdicant. Morbus enim aliquis sublaeravit Orienti, immedicabilis modo vulnens Ecclesiæ corpus, apud aliquos quasi stupercilia extollentes eruditione, latenter. Episcopus enim quidam provinciæ Ciliciæ s, vir verisimilis dicendi, et potens suadere, m supra tribunali de Ecclesiæ statu [ecclesia icebat ad populi placentiam, alios autem erditionis] in scriptis ponebat, qui in primumdam ejus Codicum anathemate circumnspicentem non manifestare aliis scripta. us exposuit, non esse vere Dei genitricem /irginem, tanquam Deo Verbo non susci- eundum nos nativitate. (Et post pauca : dicunt, secundum substantiam, vel secun- stentiam unitum esse Deo Verbo hominem, voluntate quadam, tanquam divina natura iente alterum modum unitatis propter non iptibilem. Iste dixit Dominum nostrum istum non oportere adorari sicut Dominum, ne Dei honorari sicut imaginem quamdam : em manifestius secundum eos dicere, sicut, uid relatione assidentis dæmonis. Iste et omni pronuntiavit nihil omnino prodesse, Domini vocem, quæ est : *Caro nihil prodest*. Iste et apostolos dicit non cognovisse quod Deus erat; sed supra fidem quæ est : ædificatam esse Ecclesiam (*Matth. xvi*).

irsum de errore illius Hesychius Hieroso- presbyter, ecclesiasticæ Historiæ scriptor, otinum multis ante eos sæculis Theodorus ræcipue imitatus est, malitiosus quidem et lingua paratissimus, et ipse tamen instate, qui huc et illuc inclinans ferebatur.

enim Antiocheno a prima ætate connume- bene conversari pollicitus, ad sæculares li- versus iterum delectabatur. In omnibus au- imitabilis et beatus vir Joannes Constanti- us episcopus scripsit epistolam, quæ usque codicibus legitur, et a pejore ad meliorem am eum transferre prævaluit; et iterum ersari, iterum in clericatu esse cœpit. Et

relicta, in Tarsum transmigravit, ex Mopsuestiam transiit, ordinatus in ea, nondum Deo volente manifestam im- lius prædicationem fieri. Prima autem suæ doctrinæ ex Judaico vaniloquio incilicem in prophetiam psalmorum conscripsit, Domino prædicationes [*Forsan* prædictio- gantem : culpatus vero et periclitatus, con- dixit, non ex voluntate, sed compulsus om- rimoniis; et Codicem ipsum delere pollici- ter conservabat Judaicæ impietatis viati- ost pauca : Christum enim Jesum generis lvatorem et Dominum (quem splendorem floriæ et imaginem substantiæ Paulus vo-

cat [*Hebr. i*], ferre eum omnia dicens verbo suæ virtutis, qui purificationem nostrorum fecit peccato- rum, et ad dexteram paternæ majestatis consedit; de quo ad Colossenses scripsit epistola : *Quod in eo omnia creata sunt, quæ sunt in cælis et in terris, visi- bilia et invisibilia, quod per eum creata sunt omnia* [*Coloss. i*], hunc non incarnatum Verbum, sicut evangelicis vocibus edocti sumus, sed hominem per vitæ provectionem et passionum perfectionem con- junctum Deo Verbo, scripsit stultus in omnibus. Et hæc in mysticis sermonibus ausus est.

XIV. Contra errores ejusdem Theodori, piæ re- cordationis Theodosius et Valentinianus legem pro- mulgantes, inquirunt : Debitam a nobis venerationem piissimæ doctrinæ reddentes, eos qui ausi sunt con- tra Deum impie conscribere, debitæ condemnationi subjicere, et nominibus dignis vocari oportere existi- mavimus. Justum igitur circumdari eos confusione suorum peccatorum, et in tali vocabulo permanere in æternum, quatenus nec vivi liberentur, et post mor- tem permaneant contempti. Igitur doctrina Theodori et Nestorii impiorum et pestiferorum visa est nobis abominanda esse : similiter autem et omnes qui se- quuntur eorum errorem, et consentiunt eorum im- pietati, justum est ipsos eandem nominationem me- reri, et confusionem indui, ut non Christiani, sed Nestoriani nominentur; ne, dum nominantur Chri- stiani, ex ipso inveniantur decorati vocabulo, longe constituti a Christianorum proposito, et alienati a recta et immaculata fide. Et post pauca : Si quis præ- terierit præsentem nostram sanctionem, ut Theo- doro et Nestorio assenserit, et illorum socios imitatus fuerit, post gladii ultionem omnis ejus substantia fisco addicatur. (Rursum contra errores illius, piæ recordationis Theodosius et Valentinianus legem pro- mulgantes, inquirunt : Nemo habeat, aut legat, aut scribat, aut proferat Nestorium, seu illius libros, vel Codices omnino inutiles [nocibiles]; vel ipsius Nes- torii, vel alterius, et maxime Nestorii adversus solos Christianos conscripta, aut Theodori : sed unusquis- que habens tales Codices, publice illos proferat, et in conspectu omnium igni tradat.)

XV. Et si adhuc fortasæ post tot prolatas Patrum contra illum sententias vestra Fraternitas dubitat, Theodoretum libros legat, in quibus dum contra Cyril- lum Alexandrinæ urbis antistitem eum defendere nititur, verius accusat, dicens : « Interpretationem Cyrillus accusat octavi psalmi, et arguit hæc verba divini Theodori : Consideremus igitur, quis est homo, de quo stupescit et miratur quod unigenitus dignatus est ejus memoriam et visitationem facere. Sed quod quidem non dictum est de omni homine, in superio- ribus demonstratum est; quod autem [*Al., nec*] de uno quolibet, et hoc certum est. » Deductas itaque tot testibus blasphemias has ejus esse quis dubitat? Et tantis blasphemiiis illius cognitis, eum damnatum jure quis neget?

XVI. Discusso ergo primo de Theodori damnatione capitulo, nunc ad dicta epistolæ Theodoretum [*Ibæ*]

indaganda transeamus, cujus tota series si solerter aspiciatur, sanctæ Chalcedonensi synodo quam sit adversa pensatur. In gestis namque ejusdem synodi et scriptis Leonis Cyrillus prædicatur; in epistola vero illa Theodoret (a) Cyrillus in Apollinaris dogma corruens reprobatur; scriptum quippe in ea est: « Cyrillus autem libros Nestorii volens destruere, lapsus est et inventus est in Apollinaris dogma cadens. » In gestis Nestorius ut Redemptoris nostri adversarius jure damnatus ostenditur; verbis vero epistolæ damnatus injuste memoratur. Sic quippe in ea dicitur: « Antequam in synodo adveniret, reverendissimus ac sanctissimus archiepiscopus Joannes, Nestorium ex episcopatu deposuerunt, iudicio et inquisitione non facta. » In gestis synodi in Dei et Domini nostri una persona duas naturas Cyrillus confessus ostenditur; in Verbis epistolæ unam naturam tradere dicitur, atque ab hoc sensu correptus vix resipuisse narratur. In gestis synodi anathematizatus Nestorius etiam post mortem dicitur; in verbis vero epistolæ etiam post depositionem suam, pro solo civium suorum odio ad civitatem suam non redisse perhibetur. Sic quippe illic scriptum est: « Nestorius autem quia in suæ erat odio civitatis, et virorum qui in ea sunt maximorum, illuc reverti non potuit. » In gestis ac definitionibus synodi unus Filius Jesus Christus dicitur; at juxta doctrinam Theodori atque Nestorii Deus tacetur. Et in gestis synodi nusquam Theodorus veritatis doctor dicitur; in verbis vero epistolæ idem, cujus blasphemias supra protulimus, veritatis doctor clamatur: qui nimirum si vera dixit, falsa erunt quæ de veritate synodus protulit. Quisquis igitur qui epistolam quæ Ibæ dicitur, ostendere quod sit de synodo nitiatur, quid aliud quam gesta ejusdem synodi destruere conatur? Si enim sibimetipsis diversa sunt, nulla procul dubio auctoritate subsistent, quia quæ se impugnando destruunt, alios ædificare non possunt: si sibimetipsis diversa sunt, nulla firmitate convalescunt, Domino attestante qui ait: *Regnum in se divisum non stabit* (Luc. xi). Sed absit hoc, absit ab illo venerando concilio, ut sibimet contraria sapiat; et vel superiora subsequenter discordia præferat, vel inferiora præcedentibus impugnatura subjungat. Sancta enim fides, quæ uno illic spiritu accepta est, uno sensu credita, una est et fide [Forsan, voce] prædicata. Idcirco in cunctis mundi partibus forma nostræ professionis facta est, quia in precantium vocibus sibimet ipsa dissimilis non est.

XVII. Sed cur tantummodo sanctam Chalcedonensem synodum convelli dicimus, si auctoritatem huic epistolæ reprobemus? Quæ nimirum si vera creditur, etiam tota sanctæ Ephesinæ synodi fides ac reverentia dissipatur. Hæc quippe ait, quod in ea Cyrillus præmiorum medicamine sapientum oculos excæcavit. Quid ergo illic de veritate certum dicitur, ubi ipsa veritas sacerdotibus vendita esse perhibetur? Sed quis hoc dicere, quis hoc consentiat patienter audire? Reprobetur ergo una epistola mentiens, ne utraque san-

(a) Legendum omnino Ibæ, cujus sunt verba quæ

acta synodus tantæ falsitatis crimen sustineat. Vestræ fidei fundamentum tenemus, ne postquam sancta prima Ephesina synodus quasi venalis arguitur, Chalcedonensis etiam (quod absit) culpa varietatis notetur: quæ ut in verbis suis quantæ sit concordiæ clareat, necesse est ut vestra Fraternitas ubi sit completa cognoscat. Omnes namque novimus, quod in synodo nunquam canones, nisi peractis definitionibus fidei, nisi perfectis synodalibus gestis habeantur, ut servato ordine cum prius synodus ad fidem corda ædificet, tunc per regulas canonum mores Ecclesiæ actusque componat. Vigilanti ergo cura respicite, quæ in sexta illius actione sanctæ fidei professio consummatur; moxque in septima ad institutionem jam fidelium regula canonum figitur. Ulterioribus vero actionibus nihil de causa fidei, sed sola negotia privata versantur. Quod cum responsales vestri ita esse ambigerent, curæ nobis fuit ex prolatis multis hoc Codicibus demonstrare. Nos tamen hac de re nunquam dubitari posse credidimus, quia et eadem series sic se insinuat, ut credi aliter contradicat.

XVIII. Primum quidem, quia (sicut dictum est) dum definita fidei regula in actione sexta ostenditur, ordo causæ indicat, ut in actione subjuncta canonum forma sequeretur. Secundum vero est, quia et in actionis sextæ terminum jam canonum norma prælibatur, dum illic a principe venerabilibus episcopis dicitur: Aliqua sunt capitula, quæ ad honorem vestræ reverentiæ vobis reservavimus, justum existimantes hæc a vobis regulariter per singula synodum firmari [potius per synodum formari], etc. Prælibatione itaque sextæ actionis ostenditur quia jure constitutiones canonum non nisi in septima continentur. Quid enim supererat quod perfecta fidei professione fieret, nisi ut quorundam fidelium actiones illicitas sancta synodus positis regulis judicaret? Quamvis si solerter aspiciamus, canonum regulas positas non, sicut putatur, in septima, sed intextas sextæ actioni intremimus. Nam cum in eisdem constitutionibus sancientis non dies, non imperium ponitur, non qui residerent, describuntur, procul dubio cum non consuetudo exordio cœptæ sunt, quia præcedenti actioni subnexæ sunt demonstratur. Quia vero in actione sexta fidei causa perficitur, ipsa episcoporum omnium generali subscriptione declaratur. Nam qui post subscripserunt sententiam, cuncta quæ de fide agenda fuerant, finita testati sunt. Unde et in causis post specialibus, nudis tantummodo verbis loquuntur, atque ea quæ decernentes dixerant, nulla supposita subscriptione firmaverunt. Quæ [Forsan Qui] reverendissimi episcopi ita in actione sexta omnia quæ de fide agenda fuerant, cognoscebant; ut, sicut illic scriptum est clamarent: Supplicamus, dimitte nos, pie imperator, dimitte nos. (Quodque non pro fide, sed pro specialibus causis detenti sunt, principali illic responsione monstratur, cum dicitur: Sacratissimus et piissimus dominus noster Marcianus Augustus ad sanctam synodum dixit: Laborastis mox afferuntur sup. coll. 6.

spatio fatigationem perpersi: sustinet autem it quatuor dies adhuc, et præsentibus magnissimis iudicibus nostris, singula quæcunque novere, competens adepturi solatium [A. l., au-].) Qui igitur ad singula quæque vellent motenti sunt, licet [Forsan liquet] quia nequa-ultra actionis sextæ terminum pro fidei causa runt [remanserunt].

cur de his extensa ratione agimus, qui tanta cessoris nostri beati Leonis auctoritate fulci- Ipse namque, sicut multa superius epistola- jus attestazione docuimus, gesta multiplicia dm specialium reprobando, auctoritatem sy- sola fidei definitione constrinxit. Hinc est enim peracta synodo cunctas nobis suspicionum ne- ergens, aperte ad Maximum Antiochenæ sedis B tem scribit, dicens (Epist. 62): Si quid sane fratribus, quod ad sanctam synodum vice- nisi, præter id quod ad causam fidei pertine- istum esse prohibetur, nullius erit penitus fir- s, quia ad hoc tantum ab apostolica sede sunt, ut excisis hæresibus, catholicæ essent fidei ores. Quidquid enim præter speciales causas dium conciliorum ad examen episcopale de- potest aliquam dijudicandi habere rationem. olent nonnulli dicere, hæc eum pro Anatolii ntinopolitanæ urbis episcopi præsumptione: qui si et res gestas, et ea quæ nunc protu- epistolæ verba considerant, suspicari protinus ssant. Namque cum prædictus Constantinopo- urbis episcopus novum aliquid conaretur ar- constat illic ei legatos sedis apostolicæ cum auctoritatis libertate restituisse (Act. xvi). Quod um in synodo legitur, et ejusdem synodi ad um prædecessorem nostrum epistolis approba- sæpe fato autem eodem prædecessore nostro imum, sicut prædiximus, novimus scriptum: lsane ab his fratribus, quos ad sanctam syno- ice mea misi, præter id quod ad causam fidei bat, gestum esse prohibetur, nullius erit peni- nitatis, quia ad hoc tantum sunt ab apostolica irecti, ut excisis hæresibus, catholicæ essent fensores.) Si ergo de Anatolii causa loquens, od a vicariis suis actum in synodo fuerant, re- t; nimirum quia contradixerant, reprehendit. hæc vel stultus sentiat? Dum constat quod re beatus Leo Anatolio conquerenti, multa riorum suorum, quia contradixerant, laude at (Epist. 53): cujus epistolæ nunc idcirco non ponimus, ne volumen hoc immoderatus amus. Cum vero et subjicitur: Quidquid enim speciales causas synodali conciliorum ad a episcopale deferitur, potest aliquam dijudi- habere rationem, (aperte nobis licentia tri- ut quidquid illic extra fidei causas de perso- tum est, retractetur. Specialis quippe syno- conciliorum causa est fides. Quidquid ergo fidem agitur, Leone docente, ostenditur, nil obstat, si ad iudicium revocetur. Quia

A vero et apud eosdem episcopos qui in Chalcedone resederunt, in veneratione synodus nonnisi usque ad fidei definitionem fuit, per hoc aperte ostenditur, quod plerique Græci antiquiores Codices continere synodum nonnisi in sex actionibus subjunctis cano- nibus demonstrantur, ut omnino cætera quæ privato studio fuerant mota, non habeant. Unde et encyclia hæc ita esse testantur. Nam Leone Augusto Alypius episcopus Cæsareæ Cappadociæ scribens, ait (lvi 3 part. Chalced. con., c. 50): His itaque sic se habem- tibus, vestræ Pietati significo, quia ea quidem quæ particulariter examinata sunt, et quæ [atque] gesta a sanctis episcopis in Chalcedonensi civitate colle- ctis, non legi, neque enim a sanctæ memoriæ tunc episcopo Thalassio, qui interfuit sancto concilio, aliquid huc amplius est allatum ex his quæ gesta noscuntur, sed tantummodo definitionem expositam ab illo sancto concilio ab eo delatam inspexi.) At- testante ergo Alypio episcopo perdocemur, quia præter causam fidei nihil de synodo in veneratione Thalassius tenuit qui illic et præter causam fidei episcoporum negotiis privatis interfuit. Si igitur in actione sexta professio fidei consummatur, moxque canonum regula figitur; si beatus Leo negotiis, quæ illic private mota sunt, contradicit: si hoc quod ul- tra fidem gestum est, nec is qui fecit Thalassius tenuit; cur nos hæreticam epistolam retractasse re- prehendimur, qui hac in re cunctorum nos præce- dentium auctoritate roboramur? Et quamvis ab ea- dem epistola alienum se libas respondeat; quamvis quia approbata sit, aut difficulter, aut nullatenus demonstratur, licenter tamen unusquisque eam re- prehenderet, etiamsi episcopi in eodem concilio re- sidentes suis illam subscriptionibus approbassent; quia postquam, beato Leone scribente, jus retra- ctandi et dijudicandi conceditur, etiam si qua esse poterat eorum qui interfuerant in privatis negotiis auctoritas, vacuatur.

XX. Discusso itaque secundo capitulo, tertium su- perest, quod tanto debemus in brevitate constrin- gere, quanto et vos nobis hæc in re non credimus resultare. Neque enim Theodoretum omnia scripta damnamus, sed sola quæ contra duodecim Cyrilli capitula, sola quæ contra rectam fidem aliquando scripsisse monstratur; quæ tamen et ipse damnasse cognoscitur, quia in sancta Chalcedonensi synodo vera confessus invenitur. Nam quomodo post erro- rem recte sapiat, et ea quæ prius scripserat, et ea quæ in Chalcedonensi synodo ab illo sunt gesta, ma- nifestant. Ipse namque Nestorio scribens, ait (Col- lat. 3): « In his quæ in tuam Venerationem injuste atque inique prolata sunt, nec si mihi quis utram- que manum absciderit, potero præbere consensum.» Aemerio [A. l. Himerio] quoque Nicomediæ episcopo scribens, ait (Epist. 71 synod.): « Damnatione vene- randi et sanctissimi episcopi Nestorii quæ facta dici- tur, non debemus præbere consensum.» (Ad Alexan- drum quoque Hierapolitanum episcopum scribens, ait: « Et ante tuæ Sanctitati prædixi, quasi domini

mei venerabilis et sanctissimi episcopi Nestorii fuerit dogma damnatum, nec ego cum his qui faciunt communicabo.») Ad Alexandrum vero Syriæ Palæstinorum præsulem scribens (a), ait : « Existimo præ omnibus maxime satisfactum esse domino meo sanctissimo ac venerando Joanni episcopo, quod nullatenus acquiescam in damnatione domini mei sanctissimi et venerandi Nestorii episcopi præbere consensum, quæ in Tharso et in Epheso facta est. » (Qui postmodum tamen cum resistentium certamine a sancto Chalcedonensi concilio admissus, aperte anathema in Nestorium protulit; seque orthodoxum, ipso hæretico reprobato, monstravit. Dudum namque sanctæ Ecclesiæ diversa sentiens, et contra beati Cyrilli duodecim capitula scribens, ait (In 3 part. concil. Ephes. ad 3 anathem.) : « Sanctam Virginem Θεοτόκον, id est, Dei genitricem vocamus, non quod Deum peperit per naturam [natura], sed quod hominem ediderit conjunctum Deo, quem ipse formavit. ») Et post pauca : « Si naturalis conjunctio facta est formæ Dei et formæ servi, iniquietur legislator necessitatibus hominis serviens. » (Et rursum [Ad anathem. 5] : « Nomine communicationis nitentes, ut unum quidem Filium adoramus, et eum qui assumpsit et eum qui assumptus est; differentiam tamen cognoscimus naturarum. Theophoron autem dicere portans vel dominum indutus hominem Christum [θεοφόρον id est, dēiferum hominem dicere, ut a multis], ut a multis sanctis patribus dictum est, non recusamus. » Et post alia [Ad anathem. 10] : « Considerate, inquit, apostolum et pontificem confessionis nostræ Jesum fidelem ei qui fecit illum [Hebr. iii], sicut et Moyses in omni domo sua. Facturam autem eum quis esse dixerit recta sentiens, increatum et cum Patre coæternum et addam, verum [Deum Verbum]? sed eum qui est ex semine David, qui liber ab omni peccato pontifex noster fuit, et victimam ipse se pro nobis obtulit Deo, habens in se certe Dei Verbum adunatum sibi, inseparabiliterque conjunctum.») Et rursum, ut eum quasi ostenderet ad divinitatem per incrementa crevisse, in eodem opere subjungit, dicens : « Ait angelus Virgini : Spiritus sanctus superveniet in te, et virtus Altissimi obumbrabit tibi : ideoque quod nascetur ex te sanctum, vocabitur Filius Dei (Luc. i.) Considerate hic etiam, quia cuncta humanitus dicuntur : Erit, inquit, magnus, non dixit, est; et filius Altissimi vocabitur, non dixit vocatur, et dabit ei Dominus sedem David Patris sui, non dixit, habet, sed dabit ei Dominus; et regnabit, non dixit, regnat; et super quos? super domum Jacob; non dixit, super angelos et archangelos.» Rursum in eodem libro secundo ait : « Jesus autem plenus Spiritu sancto regressus est a Jordane (Luc. iv, 1). Et iterum : Regressus est Jesus in virtute Spiritus in Galileam (Ibid., 14) : non Dei Verbum cooperatione vel auxilio eguisse Spiritus sancti arbitreris, sed visibile templum variis sancti Spiritus donatio-

(a) Est epistola 66 Synodici Casinensis a Baluzio editi. At Alexander Hierapolitanus in Syria Euphra-

nibus fruebatur. » (Et post alia : « Jesus Christus, inquit, heri et hodie, ipse et in sæcula. Quomodo igitur, sapientissimi, debemus advertere, quomodo idem ipse heri et hodie et in sæcula, et temporaliter et æternus, et in tempore et super tempora : nam si æternus est, temporalis non est, et si in tempore est, super tempus non est. » Et rursum in Domino Deo nostro Jesu Christo deitatis et humanitatis quasi unitatem astruens, ait : « Naturas discernimus Dei Verbi; naturam integram dicimus, et personam sine dubitatione perfectam; nec enim sine persona fas est asseverare substantiam : perfectam quoque humanam naturam cum sua persona similiter confitemur. Cum vero ad conjunctionem respicimus, tunc demum unam personam merito nuncupamus. ») Quis hæc, fratres charissimi, plena omni impietate non videat? A quibus tamen constat, quod se postmodum ipse correxit, qui in sancta Chalcedonensi synodo Nestorium anathematizare consensit. Quis non videat quanta temeritate plenum sit Theodoretii scripta superbiendo defendere quæ eundem ipsum constat, recta post profitendo, damnasse? Deum vero ejus et personam recipimus, et ea quæ dudum latuerant, prava scripturæ probamus [Forsan prava scripta reprobamus], in nullo a sanctæ synodi actione deviamus : quia sola ejus hæretica scripta respuentes, et cum synodo adhuc Nestorium insequimur, et cum synodo Theodoretum profitentem recta veneramur (Sup. coll. 4). Alia vero scripta illius non solum recipimus, sed eis etiam contra adversarios utimur. Nam cum Theodorus Canticum canticorum vellet exponere, et non ad commenta, sed potius ad deliramenta laboraret, per hunc librum Æthiopissæ reginæ blanditum fuisse, professus est, quod Theodoretus apprehendens, nomen quidem ejusdem Theodori suppressit, sed tamen vesaniam patefecit. Ejusdem namque libri commenta conscribens, ait (In proæm.) : Audio plures Canticum canticorum detrahentes, et non credentes spiritalem esse librum, fabulas autem quasdam aniculares per vesaniam textentes componere, et præsumere, dicentes quia sapiens Salomon ad seipsum et filiam Pharaonis hunc librum conscripsit. Quomodo ergo nulla scripta ejusdem Theodoretii recipimus, qui illum etiam contra Theodorum, assertorem veritatis invenimus? Hæc ad scripta vestra respondemus.

XXI. Sed opportunum valde judicamus, ut ea quæ sine scripto a responsalibus vestris audivimus, breviter verba replicemus. Dixerunt enim Theodorum a Joanne Antiochenæ urbis episcopo mira per epistolam attestatione laudatum, quod verum nos nullo modo credimus. Si tamen et tale aliquid fortasse reperitur, plus fidei primæ Ephesinæ synodo, plus Cyrilli libris, plus Hesychii, quam aliis quæ innotescere nunc usque nequiverunt epistolis commodamus. Debemus tamen accedere, etiam concedentes aliquid dicere. Ita ergo ut responsales vestri assertes episcopus fuit, non in Palæstina. Error fortasse librarii. HARD.

ntiamus. Vos scitis, fratres dilectissimi, **A** ~~æ~~ dubietati subjacet in partem semper etanda meliorem. Quid itaque obstat, si ~~s~~ errore occultum adhuc et dubium fuit, ~~re~~ laudatus est; et innotescente post ~~per~~ omnium magnorum Patrum sententiis ~~anis~~ bestia quasi crebrescentibus jaculis ~~is~~? An non et malos a bonis aliquando ~~vimus~~, nec tamen eisdem laudibus ~~ded~~ namque in hæresiarchis Origene ~~det~~ in historiographis inveniri Eusebio ~~h~~ otest? Et quis nostrum nesciat in libris ~~Origenem~~ Eusebius præconiis attollat? ~~n~~cta Ecclesia suorum fidelium corda ~~be~~ iam verba districtius pensat; et plus in ~~ensum~~ proprium, quam testatio Eusebii ~~B~~ otuit, nec rursum Eusebium laudati Ori- ~~dam~~navit. An non et Gregorius Nyssæ ~~pus~~ cum Canticum canticorum exponit, ~~gem~~ laudibus præfert? An non et Hie- ~~stræ~~ Ecclesiæ presbyter, et singularis ~~nonis~~ interpres, tanto erga Origenem fa- ~~itur~~, ut pene discipulus ejus esse vide- ~~ia~~ plus causa quam verba pensanda sunt, ~~ia~~ benignitas nocuit, nec illum a reatu ~~or~~ alienæ attestationis excusavit.

~~or~~ post hæc, fratres charissimi, dolens ~~dicere~~ : *Testimonium perhibeo vobis quod* ~~n~~ *Dei habetis, sed non secundum scientiam* ~~ujus~~ erga unitatem sanctæ ecclesiæ dum ~~itatis~~ aspicio, discordes vos intolerabilius ~~C~~ Pensate, quæso, quo ardore sanctæ uni- ~~bat~~ cum Philippensis diceret : *Si qua* ~~Christo~~, *si quod solatium charitatis, si* ~~is~~ *spes, si qua viscera et miserationes, im-* ~~um~~ *meum, ut idem sapientes, eandem cha-* ~~mentes~~, *unanimis, id ipsum sentientes* (Phi- ~~i~~ igitur unanimitem locuturus, tot et ~~itiones~~ præmisit, quantum esset hujus ~~ritum~~, non explendo, sed inquirendo

At contra quam sit malum discordiæ, ~~rinthiis~~ ostendit. Ait enim : *Significatum* ~~vobis~~, *fratres mei, ab his qui sunt Chloes,* ~~tion~~ *es sunt inter vos : hoc autem dico, quod* ~~vestrum~~ *dicit, ego sum Pauli, ego autem* ~~vero~~ *Cephæ, ego autem Christi* (I Cor. III). ~~quanta~~ animadversione loquatur, agno- ~~sub~~ junctæ increpationis verba pensamus. ~~Divisus~~ est Christus? *nunquid Paulus cru-* ~~oro~~ *vobis? aut in nomine Pauli baptizati* ~~? Considerate~~ igitur, fratres mei, et dum ~~expectante~~, omni incerto vitæ fine per-

t illa epistola Pelagii, qua Pelagius, teste ~~torio~~, synodi Constantinopolitane omnia ~~rquam~~ absolutionem Gregorii Antiocheni ~~ussavit~~ et reprobavit : præcipue vero illum ~~pro~~ Joannes Constantinopolitanus episco- ~~ti~~ œcumenici sibi arroganter usurpaverat. ~~vide~~ quæ infra dicam in notis allegatæ sy- ~~lantinopolitanæ~~. Ridiculum est quod ex

~~mittimur~~, vigilanti cura perpendite, quia illam ~~scissionem~~ sanctæ Ecclesiæ pro Theodoro facere ~~Fraternitas~~ vestra non metuat, quam pro se vel pro- ~~fiteri~~ Paulus expavit. Cur non ad memoriam pro uni- ~~tate~~ servanda beati Augustini dictum reducit (Au- ~~gust.~~, lib. de unico Baptis.)? qui dum de unico bap- ~~tismate~~ loqueretur, idcirco Cyprianum martyrem, ~~qui~~ de iterando baptismate scripserat, defunctum ~~perhibuit~~, quia licet parvum quid senserit, nunquam ~~tamen~~ se a totius Ecclesiæ communione suspendit. ~~Sic~~ igitur permanere in sanctitate servante constat, ~~fratres~~ dilectissimi, quia dum vos ab ecclesiæ uni- ~~tate~~ disjungitis, omne virtutis meritum perdidistis, ~~etiam~~ si recte teneatis. Scriptam quippe est : *Pacem* ~~sequimini cum omnibus et sanctimoniam; sine qua~~ ~~nemo~~ videbit Dominum (Hebr. XII).

XXIII. Multa locuti sumus, quia et ad multa ratio- ~~cinando~~ respondimus. Et cum testimonia ex patrum ~~dictis~~ innumera suppeterent, ~~per~~ pauca posuimus : ~~videlicet~~ cupientes ut scripta nostra in ~~causis~~ singu- ~~lis~~ narratio breviate succingeret, ne fortasse tedium ~~legendi~~ generarent. Unum tamen quod jam superius ~~diximus~~, non tædet si etiam crebro replicemus : ~~Quia~~ fidem sanctæ Chalcedonensis synodi illibatam ~~per~~ omnia Deo auctore servamus, ejusque definitio- ~~nes~~, sicut Ephesinæ primæ, Constantinopolitanæ, ac ~~Nicænæ~~ synodi irretractabiles nunc usque tenuimus, ~~vel~~ morte proposita irretractabiles custodimus. ~~Vestra~~ igitur Dilectio communionem fidelium ortho- ~~dorum~~ fratrum non fugiat, ne præsentis ~~vocis~~ no- ~~stræ~~ adjutorium si audire neglexerit, contra se in ~~testimonium~~ vertat. Nos autem ad Dominum post ~~verba~~ recurramus, eumque quantum possumus fletibus ~~exoramus~~, ut hoc quod vobis ad sequendam con- ~~cordiam~~ a nobis dicitur, ipse in vestris mentibus ~~manu~~ intimæ inspirationis operetur.

EPISTOLA VI ^a [Olim VIII],

AD JOANNEM EPISCOPUM CONSTANTINOPOLITANUM (a). *Eum arguit, qui universalis episcopi nomen sibi vin-* ~~dicabat, qua de causa generalem~~ *synodum convocaverat.*

Dilectissimis ~~fratribus~~ universis episcopis, qui illi- ~~cita~~ ~~vocatione~~ Joannis Constantinopolitani episcopi ~~ad~~ synodum Constantinopolim convenerunt, Pelagius.

~~Manifesto~~ (sicut optavimus) per gratiam Dei [S. Leo. ~~epist.~~ 53] lumine evangelicæ veritatis, ab universali ~~Ecclesia~~, perniciosissimi erroris nocte depulsa, inef- ~~fabiliter~~ gaudemus in Domino : sed non modico con- ~~tristamur~~ mœrore, quia ea quæ olim calcata fuerant, ~~et~~ funditus damnata, nec unquam fieri debuerant, ~~redivivis~~ radicibus germinant atque pullulant. Et ~~quoniam~~ multa, quæ pœnitundinem possunt generare

~~hæc~~ epistola novantes hæretici primatum Ecclesiæ ~~impugnent~~, cum hinc potius undecim validissima ar- ~~gumenta~~ colligi possint, quibus Romani pontificis ~~primatus~~ firmissime corroboratur. Vide Baron. ann. ~~587~~, num. 7 et 13, 14 et 15. SEV. BIN.

(a) Neque hanc a subdolis Isidori mercibus fas est ~~sejungere~~. Vera enim periit, in ejus locum hæc ~~conficta~~ est, ut stylus aliique docent.

[*Idem epist. 47*], proveniunt, necesse est ea cassare, quæ contra ordinem et omnem auctoritatem facta esse noscuntur. Unde, fratres, rejecta penitus audacia, quæ contra apostolicam sedem et contra ipsam Domini Salvatoris vocem, qua dictum est: *Tu es Petrus, et super hanc petram ædificabo Ecclesiam meam* (*Matth. xvi*), sumpta est disputandi contra Domini præcepta, vana errantium corda conquiescant, nec liceat defendi (*Ibid.*), quod non licet agere [licet agi]. Relatum est ergo ad apostolicam sedem, Joannem Constantinopolitanum episcopum universalem se subscribere [scribere], vosque ex hac sua præsumptione ad synodum convocare [convocasse] generalem, cum generaliam synodorum convocandi auctoritas apostolicæ sedi beati Petri singulari privilegio sit tradita, et nulla unquam synodus rata legatur quæ apostolica auctoritate non fuerit fulta. Quapropter, quidquid in prædicto vestro conventiculo (quia synodus taliter præsumpta esse non potuit) statuistis, ex auctoritate sancti Petri apostolorum principis, et Domini Salvatoris voce, qua beato Petro potestatem ligandi atque solvendi ipse salvator dedit, quæ etiam potestas in successoribus ejus indubitanter transivit, præcipio omnia quæ ibi statuistis, et vana, et cassata esse, ita ut deinceps nunquam appareant, nec ventilentur. Etenim ipse Salvator beato Apostolo Petro tanquam ipsa per se veritas loquitur, dicens: *Quæcumque ligaveris super terram, erunt ligata et in cælo; et quæcumque solveris super terram, erunt soluta et in cælo* (*Matth. xvi*). Multis denuo apostolicis et canonicis atque ecclesiasticis instruimur regulis, non debere absque sententia Romani Pontificis concilia celebrari [*Soer. ii, 8 et 13, Soz. iii, 9*]: quapropter (ut jam dictum est) recte non concilium, sed vestrum conventiculum vel conciliabulum cassatur; et quidquid in eo actum est, irritum habetur ac vacuum. Vos quoque deinceps, ut nullius hortatu talia præsumatis, si apostolicæ sedis communionem carere non vultis. Modo vero ideo suspenditur ultio, ut locum possit habere correctio [*S. Leo, epist. 47*]. Prædecessores vero Joannis, et ipse Joannes, non semel, sed sæpissime epistolas atque libellos propria manu subscriptos sanctis antecessoribus nostris miserunt, quibus coram Deo protestati sunt, nihil unquam proterve contra apostolicam sedem agere, nec de illius aut aliorum privilegiis quidquam usurpare: qui hactenus in archivo sanctæ Romanæ Ecclesiæ sub sigillis ac chirographis eorum roborati habentur integri. In ipsis enim epistolis vel libellis, anathematis vinculo se et successores eorum constrinxerunt, si unquam aliquid contra eos præsumpissent, aut contra apostolicam, vel ullius alterius episcopi sedem, quidquam adversi quoquo modo essent moliti. Idcirco eos non est necesse excommunicare, aut anathematizare; quia ipsi anathematis vinculo, propriis manibus professiones suas suæque scripta roborando, constrinxerunt. Sciat se tamen et ipse Joannes, nisi

(a) Sententia sancti Gregorii papæ, epist. 36, lib. iv.

errorem suum cito correxerit, a nobis excommunicandum fore, et apostolicæ sedis atque omnium sanctorum episcoporum communionem carere. Universalitatis quoque nomen, quod sibi illicite usurpavit, nolite attendere, nec vocatione ejus ad synodum, absque auctoritate sedis apostolicæ, unquam venite, si apostolicæ sedis et cæterorum episcoporum communionem vultis frui. Nullus enim patriarcharum hoc tam profano vocabulo unquam utatur (a), quia si summus [unus] patriarcha universalis dicitur, patriarcharum nomen cæteris derogatur. Sed absit (b) a fidelis cujusquam mente, hoc sibi vel velle quempiam arripere, unde honorem fratrum suorum imminuere ex quantulacunque parte videatur. Quapropter charitas vestra neminem unquam suis in epistolis universalem nominet, ne sibi debitum subtrahat, cum alteri honorem offert indubitum. *Adversarius namque noster diabolus*, qui contra humiles sæviens, sicut leo rugiens circuit quærens quem devoret [*I Pet. iii*], non jam, ut cernimus, caulas circuit [*S. Greg., ibid.*], sed ita valide in quibusdam Ecclesiæ necessariis membris dentem figit, ut nulli sit dubium, quia nisi unanimiter, favente Domino, cunctorum provida pastorum turba concurrat, omne, quod absit, citius ovile dilaniet. Perpenditis, fratres charissimi, quid e vicino subsequatur, cum et in sacerdotibus erumpunt tam perversa primordia. Quia enim juxta est ille [illi] de quo scriptum est: *Ipse est rex super universos filios superbix* (*Job. xli*) (quod non sine gravi dolore dicere compellor, dum frater et coepiscopus noster Joannes mandata dominica, et apostolica præcepta, regulasque Patrum despiciens, eum per elationem præcurrere conatur in nomine) vestræ beatitudinis indicet omnipotens Deus, quam gravi considerationis hujus gemitu torqueor, quod ille quondam mihi notissimus, ille omnibus dilectus, ille qui eleemosynis, orationibus, atque jejuniis videbatur occupatus, et ex eo quo fœtebat cinere, ex ea quam prætendebat humilitate jactantiam tantam sumpsit, ita ut universa sibi tentet adscribere, et omnia, quæ soli uni capiti coherent, videlicet Christo, per electionem pompatici sermonis ejusdem Christi sibi studeat membra subjugare. Nec mirum, quod ille tentator qui initium omnis peccati scit esse superbiam, et tunc ea in primo homine ante omnia usus est, et nunc eam in quibusdam hominibus ponit in fine virtutum; et qui aliquatenus bonis vite studiis videbantur crudelissimas manus ejus effugere, eis in ipsis metis boni operis, et in ipsa quodammodo apponat perfectionis conclusione tendiculum. Unde magnopere orandum est, ut omnipotens Deus assiduus precibus implorandus, ut hunc a mente illius avertat errorem, hoc ab unitate atque humilitate Ecclesiæ, malum superbiæ et confusionis amoveat, et favente Deo, omnibus viribus concurrendum atque providendum, ne in unius veneno sermonis, riventia in Christi corpore membra moriantur. Si enim dici

(b) Editio Romana addit: *hoc absit*.

hoc licenter permittitur, honor patriarcharum omnium negatur; et fortasse is in errore perit, qui universalis dicitur, et nullus jam episcopus remansisse in statu veritatis invenitur. Oportet ergo ut constanter ac sine præjudicio servetis, sicut accepistis, ecclesias, et nihil sibi in vobis hæc tentatio diabolicæ usurpationis ascribat. State fortes, state securi, scripta quæ universalis nominis falsitate condemnata sunt, nec dare unquam, nec accipere præsumatis. Omnes episcopos curæ vestræ subjectos ab hujus adulationis iniquatione prohibete, ut universa vos Ecclesia patriarchas non solum in bonis operibus, sed etiam in veritatis auctoritate cognoscat. Si qua autem forsitan adversa subsequantur, unanimiter persistentes, etiam moriendo debemus ostendere, quia in damno generalitatis nostrum specialiter aliquid non amamus. Dicamus cum Paulo: *Mihi vivere Christus est, et mori lucrum* (Philipp. i). Audiamus quod primus omnium apostolorum dicit: *Si quid patimini propter justitiam, beati eritis* (II Pet. iii). Mihi enim credite, quia honorem quem pro prædicanda suscepimus veritate, si necessitatis causa exigat, securius pro eadem veritate relinquimus, quam ~~temus~~ [Huc usque sancti Gregorii verba interpolata aut corrupta]. Orate, fratres, ut honor ecclesiasticus nostris diebus non evacuetur; nec unquam Romana sedes, quæ (instituenta Domino) caput est omnium Ecclesiarum, privilegiis suis usquam careat aut expolietur. *Confidimus autem de vobis, charissimi, meliora atque vicina salutem* [Edit. Rom., salutis]: *quia neque mors, neque vita, neque angeli, neque principatus, neque instantia, neque fortitudo, neque altitudo, neque profundum, neque creatura alia* (magistro gentium docente) poterit nos separare a charitate Domini nostri Jesu Christi, et quæ in ipso est, recta fide. Nolite itaque amittere confidentiam vestram, quæ magnam habet remunerationem (Hebr. v, Rom. viii, Hebr. x).

Patientia enim nobis necessaria est ad collectationes adversariorum, quatenus fidem intemeratam usque in finem conservantes, repromissionem percipiamus, quam repromisit his qui legitime certare deproperant. *Adhuc enim modicum aliquantulum, qui venturus est veniet, et non tardabit* (Habac. ii, sec. LXX). *Ecce enim iudex ante januam assistit* (Jac. v), coronas hilariter promittens his qui pro eo passionibus submituntur. *Quod si quis se subtraxerit, non placebit animæ meæ; sed cadet de promissione propter negationem*. Nos autem non sumus subtractionis filii in perditionem animæ. Propter quod assumite arma Dei, ut possitis resistere in die malo adversus omnes inimicos sanctæ Dei Ecclesiæ et vestros, et induite lorricam justitiæ, calceati pedes in præparationem evangelii pacis, in omnibus assumentes scutum fidei, in quo possitis omnia jacula nequissimi ignea extinguere: et galeam salutis accipite, et gladium Spiritus, quod est Verbum Dei, per omnem orationem et obsecrationem radicati et fundati in solatio fratrum pro Christo Jesu Domino nostro (Hebr. x; Ephes. vi).

Sed et nunc, fratres, commendamus vos omnes Do-

mino, et verbo gratiæ ejus, qui potest perficere et dare hæreditatem vobis cum omnibus sanctis. Ipse autem Deus pacis et consolationis det vobis idipsum sapere in alterutrum, ut vobis invicem succurratis, et non sitis divisi, ut unanimes, uno ore et uno corde honorificemus eum in concordiam et consolationem fratrum, qui potens est confirmare vos secundum evangelium ejus, et juxta revelationem mysterii æternis temporibus taciti (Act. xx; Rom. xv, xvi), quibus vobis futurorum gaudiorum largienda sunt munera. Summopere etiam considerare debetis, quod hi qui fratribus invident, eosque damnare aut perdere cupiunt, per se et sua dogmata destruuntur [per se sua dogmata destruunt]. Dicit enim Dominus: *Omne regnum in se divisum non stabit; et omnis scientia et lex adversum se divisa, non stabit* (Matth. xii). Ideoque necesse est ut concorditer salubres suscipiatis hortatus [S. Leo, epist. 87], et nihil per contentionem agentes, sed ad omne studium devotionis unanimes divinis et apostolicis constitutionibus pareatis, et in nullo patiamini providentissima canonum decreta violari, quatenus et Nicænorum canonum constituta, et quæ a nobis, vel a prædecessoribus nostris sunt provide et salubriter decreta, intemerata permaneant in futuro; et in Apocalypsi Dominus per Joannem loquitur dicens: *Nolite timere, ego sum primus et novissimus, et vivus, et fui mortuus, et ecce sum vivens in sæcula sæculorum* (Apoc. i). Et: *Habeo claves mortis et inferni*. Et paulo post: *Vincenti dabo edere de ligno vitæ, quod est in paradiso Dei mei* (Apoc. ii). Et idem [Edit. Rom. item]: *Esto fidelis usque ad mortem, et dabo tibi coronam vitæ*. Et iterum: *Qui vicerit, et custodierit usque in finem opera mea, dabo ei potestatem super gentes, et reget illas in virga ferrea, et tanquam vas æguli confringentur*. Item idem: *Ecce sto ad ostium, et pulso. Si quis audierit vocem meam, et aperuerit mihi januam, introibo ad illum, et cenabo cum illo, et ipse mecum. Qui vicerit, dabo ei sedere mecum in throno meo, sicut et ego vici, et consedi cum Patre meo in throno ejus* (Apoc. iii). Vos, fratres, si non vultis cum eo damnari (quia non solum, qui faciunt, sed qui consentiunt facientibus, rei sunt (Rom. i) hortamini eum, et monete recedere a præfatis illicitis, et memor sit unde exciderit, et agat pœnitentiam, et prima opera faciat. Sin minus, non mea loquar verba, sed ipsa Domini Salvatoris, quæ per prædictum Joannem in jam dicto libro locutus est, replicans, aio: *Veniam et movebo candelabrum tuum de loco suo, nisi pœnitentiam egeris* (Apoc. ii). Ipse enim magis tenet doctrinam Balaam, qui docebat Balac mittere scandalum coram filiis Israel, sicut iste docet vos scandalizare sanctam matrem Ecclesiam, et universum cœtum tam sacerdotum, quam religiosorum Christianorum atque fidelium. Unde et in supradicto libro continetur ita (semper enim potius vos verbis Domini Salvatoris ferire et instrui cupio, quam meis, licet et ipsa apostolicæ auctoritatis sint ponderibus plena): *Novi opera tua novissima plura prioribus. Sed habeo adversus te pauca* [In Edit. Rom. deest

pauca], quia permittis mulierem Jezabel, quæ se dicit propheten, docere, et seducere servos meos, fornicari et manducare de idolothytis. Et dedi illi tempus, ut pœnitentiam ageret, et non vult pœnitere a fornicatione sua. Ecce ego mitto eam in lectum, et qui mœchantur cum ea, in tribulationem maximam, nisi pœnitentiam egerint ab operibus suis, et filios ejus interficiam in morte. Et scient omnes Ecclesiæ, quia ego sum scrutans corda et renes, et dabo unicuique vestrum secundum opera vestra (Apoc. II). Hæc, fratres, valde cavenda sunt, et præcepta Domini, atque sanctæ sedis apostolicæ, quæ vice Domini Salvatoris legatione fungitur, monita fideliter amplectenda et peragenda. De cætero, fratres, super provinciæ causa unde sedem apostolicam dudum consulere voluistis [Hincm. LV, c. 13], videtur nobis sufficienter tractatum a sanctis prædecessoribus nostris. Sed quia denuo nostram mediocritatem de eadem re interrogare dignum duxistis, scitote certam provinciam esse, quæ habet decem vel undecim civitates, et unum regem, et totidem minores potestates sub se, et unum episcopum, aliosque suffragatores decem, vel undecim episcopos judices, ad quorum judicium omnes causæ episcoporum, et reliquorum sacerdotum, ac civitatum causæ referantur, ut ab his omnibus juste consona voce discernantur, nisi ad majorem auctoritatem fuerit ab his qui judicandi sunt appellatum. Unde non oportet ut degradetur, vel dehonoretur unaquæque provincia, sed apud semetipsam habeat judices, sacerdotes, et episcopos singulos videlicet juxta ordines suos. Et quicumque causam habuerit, a suis judicibus judicetur (a), et non ab alienis, id est, a suæ justis judicibus provinciæ, et non ab externis, nisi (ut jam prælibatum est) a judicatis fuerit appellatum. Si vero in qualibet provincia ortæ fuerint quæstiones, et inter ipsius provinciæ episcopos discrepare cœperit ratio, atque inter ipsos dissidentes non conveniat, ad majorem tunc sedem referantur. Et si illæ facile et juste non discernuntur, ubi fuerit synodus regulariter congregata, canonice et juste judicentur. Majores vero et difficiles quæstiones [Innoc. epist. 2], (ut sancta synodus statuit, et beata consuetudo exigit) ad sedem apostolicam semper referantur. Cæterum sanctorum Patrum statuta sequentes, synodali auctoritate omnes qui adversus Patres armantur (b), ut Patrum invasores et mactatores, infames esse censemus : quoniam ea vulnera, quæ fomentis non sanantur, ferro abscindi vel curari necesse est (c). Unde, fratres, cessent injustæ æmulationes, cessent insidiæ, cessent falsæ criminationes, ne infirmus quisquam, propter quem Christus mortuus est, talibus laceretur insidiis : ne ovis, pretio Christi redempta, lupinis a fratre saucietur morsibus. Merito ergo causa nos respicit [S. Cælest., epist. 1], si talibus favere cœperimus. Corripiantur semper talia, nec illis, qui hæc exercere conantur, aut patribus vel

A fratribus insidiantur, libere loqui conceditur, aut pro voluntate sermo proferri permittatur. Lique omnino quod conniveant illis qui talia eos loqui permittunt; quoniam occurreret veritas, si falsitas et calumnia displiceret vel odium. Desinat igitur falsitas incescere veritatem; desinat suspicio, quæ juste repellitur, insidiari; desinat odium et inimicitia persequi patres vel fratres; desinat conspiratio, quæ ab omnibus est repudianda, infestare magistros. Horum igitur vitiorum auctores vel patratores, non sunt in accusatione pontificum recipiendi, sed penitus repellendi : quoniam jubent canonica decreta Patrum, ut accusatio vel testimonium eorum qui odio quoslibet insequuntur, vel qui inimici aut suspecti habentur, nullo modo recipiantur. Quorum statuta et nos firmantes, eadem omnibus inviolabiliter futuris temporibus tenere censem. Quidquid autem per hac causam patres nostri decernendum duxere dignum, ut condecet, necesse est, cum labe factari vel infirmari cœperit, apostolica denuo auctoritate firmari ac renovari, fratribusque dari. Data Kalendis Martii anno (d) Domini 587, indictione 5.

OBSERVATIO PHILIPPI LABBE, S. J.

Tomo I Bibliothecæ novæ mss. librorum exhibimus nunquam antehac publicatam episcoporum Antissiodorensium historiam cujus cap. 19 hæc de Aunario, sive Anna-chario habentur inter cætera : « Exstant quoque epistolæ Pelagii papæ ad eundem beatissimum pontificem, quarum unam nimia vetustate fuscata ab authenticis librorum nequaquam pleniter extrahere volumus (hæc forte est quam supra edidimus ordine quartam [Sup., col. 705]), alteram vero huic operi inserendam dignum duximus.

C Plura ab eodem Aunario sanctissime instituta circa rogationes, litanias, vigilasque deinde recitat; tum de synodo, quam postea integram representabimus hæc subjicit : Denique congregavit venerabilem synodum in urbe Antissiodorensi, ubi plurima pertractans de salute populi sibi commissi, necessaria quæque et valde utilia in 44 capitulis perstrinxit, etc.

EPISTOLA VII.

EXEMPLAR LITTERARUM PELAGII PAPE URBIS ROMÆ AD AUNARIUM ANTISSIODORENSEM EPISCOPUM.

Dilectissimo fratri Aunario Pelagius.

Quantum Deo placitos sedis apostolicæ veneratione vos redditis, tanto commodatior illi, cujus sedes est, sit vestræ fiducia charitatis; nec aliter unam solamque Dei confitemur Ecclesiam, nisi omnes ad petram super quam fundata est fides catholica construamur : propter quod Dilectionis tuæ desideriis successit effectus, et celeritas facilis; quia eorum sanctuaria quæeruntur, a quibus principibus sumpsit prædicatio veritatis exordium. Quod vero in vestris regionibus abundare indicatis ecclesias novas, gratulanter suscipimus, tamen si scienter expetere studium propheticæ vocis amplecteris, quærite faciem ejus semper. Quantum namque humanis intellectibus incarnationis Domini nostri veritas aperitur, tanto amplius et honoratur et colitur. Sicut autem vos cupitis Deo nostris orationibus commendari, vos etiam nostris necessitatibus et angustiis, quibus in-

(a) Hadr. I, col. 10 et 17, ex Cod. Theod., lib. IV, tit. 1, const. 10 et 16.

(b) Proclus, episcopus Constantinopolitanus, epist.

ad Domnum Ant.

(c) Concil. Rom. VI, sub Symmacho.

(d) In Edit. Rom. deest anni ascriptio, et recte.

oneramur, intercessionis continuum
um orantes, et quibuscunque valetis vi-
rentes, quatenus sicut prædicationi sedis
consonatis, ita ejus paci vestra impetratio
et quieti. Deus te incolumem custodiat,
rissime. Datum pridie Kalend. Novem-
perante domino Mauricio Tiberio imper.
anno 5, indictione 5.

DECRETA PELAGII.

FRATIANO QUÆ SECUNDO TRIBUUNTUR.

VIII.

papa Antoninæ patriciæ, et Deciæ.

Antium portitore, quod defensor factus
ulla vobis animi molestia sit, quia vere
ssimum habeo de isto proposito ad illud
| officium homines deduci, in quo nullo
a monachis Deo promissa sunt valeant

Omnimoda enim est illius habitus et
i diversitas. Illic enim quies, oratio, la-
m; at hic causarum cognitio, conventio-
publica litigia, et quæcunque vel eccle-
tituta, vel supplicantium necessitas pos-
autem Deus ut tales sint hi qui vel a no-
habitu nutriuntur, vel in monasteriis
it propecta ætate et vita probata non ad
officia, sed ad sacerdotium valeant pro-

IX.

papa Florentino episcopo. Qui post mor-

atis tuæ relatione suscepta, ejus latorem
aidem nuptias, expertum non fuisse didi-
tatem tamen eum [Al., cum] priori non
njugio designasti. Et quamvis multa sint
usmodi casibus observari canonice jubeat
[Al., subtilitatis] auctoritas, tamen quia
strorum temporum, quibus non solum
corpora ipsa hominum defecerunt, di-
lius non patitur in omnibus manere cen-
etas istius, de quo agitur, futuræ inconti-
icionem auferre dignoscitur; ut ad diaco-
sit provehi, temporum, ut dictum est,
entes defectui concessisse nos noveris.
liscenam [Al., Micinam] vero ancillam
a post transitum uxoris filios habere con-
ubemus, ut tua dispositione cuiquam mo-
ntinentium professura tradatur.

X.

papa clero Catinensi. Qui in episcopum

lem jamdudum ad fratrem et coepiscopum
icarpum de visitatione Carmensis Eccle-
direximus, ut in eis iudicium nostrum po-
noscere. Verumtamen, quia quosdam ibi
tentione, sed pravis studiis dissensiones
estra etiam relatione cognovimus, qui

tus est hic locus ex Anselmo et Polycarpo.

PATROL. LXXII.

scientes se ad episcopatum nec ætate, nec scientia,
nec vitæ meritis posse perducere, ad hoc tantummodo
inquieta Ecclesiam volunt, ut sibi de his, quæ ex
ipsa præsumpta sunt, impunitatem futurus promittat
episcopus, et fiat rapinæ securitas, episcopatus am-
bitio; hoc etiam vos duximus commonendos, ut de-
cretum in Elpidium diaconum factum, et subscrip-
tum ab omnibus, quos vestra relatio designavit, ad
nos cum prædicti visitoris epistola, et cum eodem
diacono maturetis, Deo propitiante, perducere. Et
post pauca. Cum igitur huc filius noster magnificus
vir Leo prætor venisset, retulit nobis de singulis
quæ ibi mota sunt, et quomodo vota prope totius ci-
vitatibus in Elpidio diacono concordarent. Unde qui
de memorati viri testimonio dubitare omnino non
possumus, idcirco, sicut dictum est, Elpidium dia-
conum ad nos facite properare, nec expectetis ulte-
rius, ut admonitio ad eum nostra debeat destinari
[Al., iterari *]. Quem tamen hoc per vestram di-
lectionem in præsentem jussione specialiter admo-
mus, ne cui se aliquid dare, vel daturum esse pro-
mittat: sed neque de ecclesiasticis præteritis causis
aliquam securitatem cuiquam audeat facere, sive
promittere, aut quasi factus episcopus ea quæ dire-
pta sunt non repetat, sed apud eos a quibus direpta
sunt permanere libere patiat: sciens quod si tale
aliquid fecit, vel fecerit, nec a nobis omnino per-
mittitur valere ipsa promissio, et cum iudicii nostri,
quod de ipso habuimus, damno, pastoralis conse-
crationis ordinem promereri non poterit.

XI.

Pelagius papa Cresconio illustri. De exactionibus
episcoporum.

Illud te volumus modis omnibus custodire, ne qui
episcoporum Siciliæ de parochiis ad se pertinentibus
nomine cathedratici amplius quam duos solidos præ-
sumant accipere, neque compellere presbyteros, aut
clerum parochiarum suarum supra vires suas eis
convivia præparare.

XII.

Pelagius papa Benogesto defensori. Ante iudicem
civilem clerici non accusentur.

Experientiæ tuæ præsentem auctoritatem mandamus,
ut in causis, in quibus quælibet ecclesiastici officii
persona loco petitoris existit, quæquam laicum pul-
satura apud suæ provincie iudicem suas proponere
actiones non deserat. In iis vere negotiis, in quibus
ecclesiastici officii persona pulsatur, totius sub-
moto pulsationis obstaculo, ad episcopi, vel presby-
terorum in loco, ubi quæstio vertitur, constitutorum
occurrat indifferenter examen.

XIII.

Item Sergio cancellario.

Si quisquam [Al., idem] clericus, sive inferioris,
sive potioris gradus petitor existat, et contra laicam
personam suas dirigat actiones, in modis omnibus

non alibi, quam apud provinciæ judicem negotium suum dicturus occurrat. Si quis autem laicus clericum cujuscunque gradus duxerit esse pulsandum, ad episcoporum judicium in eadem civitate vel territorio constitutorum proponat eas quas se habere existimat actiones. Quem ordinem legibus per omnia convenientem, atque consentaneum demonstrari illa regula manifestat, quæ præcepit actorem forum semper sequi pulsati. Clericis vero pulsatis in episcopali judicio forum competere, principalium quoque sanctionum designat auctoritas.

PELAGII II EPISTOLARUM FRAGMENTA.

Synodorum congregandarum auctoritas Apostolicæ sedi privata commissa est potestate, nec ullam synodum generalem ratam esse legimus, quæ ejus non fuerit auctoritate congregata vel fulta. Hæc auctoritas testatur canonica, hæc historia ecclesiastica roborat, hæc sancti Patres confirmant ^a.

XIV.

Pelagius Eucarpo episcopo Messanensi.

Charitatem illam, qua Dilectionem tuam semper amavimus, omnia superare secundum Apostolum credimus, et nullum sanctitati tuæ laborem pro ecclesiastico statu onerosum existere. Scit Fraternitas tua, quia pro peccatis nostris omnes quæ sua quærunt, non quæ Jesu Christi. Hæc ideo prælibavimus, quia tibi rursus Catinensis [Al., Cathenensis] Ecclesiæ visitationem injungimus, cujus episcopus de hac luce transisse suscepta cleri relatione didicimus. (Impossibile est enim ut nos in provincia illa duntaxat in Syracusanis partibus alii cuilibet causas, quæ ad Deum pertinent, committamus, nisi forte talem per te Deus nunc in Catinensi eligere voluerit, de cujus conscientia possimus esse securi, ut a te labores istos paululum remove-re possimus.) Mox ergo Dilectio tua ad supradictam Catinensem ecclesiam pergat, et hominem de clero, qui nec uxorem habeat, nec filios, nec crimen aliquod canonibus inimicum, eligi cum auxilio Dei compellat atque suadeat, et statim eum ad urbem Romam cum decreto et testificatione relationis tuæ transmittit ^b.

IDEM.

* Fraternitatis tuæ relatione suscepta, ejus latorem secundas quidem nuptias expertum non fuisse didicimus, castitatem tamen eum priori non servasse conjugio designat. Et quamvis multa sint quæ in hujusmodi casibus observari jubeat subtilitatis auctoritas, tamen quia defectus temporum nostrorum, quibus non solum merita, sed corpora ipsa hominum defecerunt, districtio illius non patitur in omnibus manere censuram, et ætas istius, de quo agitur, futuræ incontinentiæ suspicionem auferre dignosci-

^a Hæc cum sequentibus extant apud Baluzium Miscell. t. V, pag. 467.

^b Hujus epistolæ fragmentum refert etiam Gratianus, ex quo dedi periodum illam interjectam, quam uncis distinxi, quæque apud Baluzium desideratur. Mansi.

^c Fragmentum istud sub Pelagii papæ nomine edidit Gratianus, nec indicat an primi, vel secundi

tur, ut diaconatus possit ordinem provehi, temporum condescendentes, ut dictum est, defectui, concessisse nos noveris; ita tamen, ut de moribus et vita vel actu ipsius tu in die judicii ante tribunal illud terribile reddas communi Domino rationem: quia sic præterita præ angustia temporis mitigamus, ut caute atque sollicitè futuris excessibus obviamus. Propter quod jubemus Micinam ancillam, de qua se post uxoris transitum habere confessus est filios, neque cum ipso manere liceat, et quicumque [Al., cuicumque] monasterio continentiam professura, tua dispositione tradatur, ut meliori sorte ad quod promovetur officium sub bonæ possit famæ merito ministrare, nec aliqua opinionis ejus scandalandæ relinquatur occasio (Gratianus Dist. 34, cap. Fraternitatis).

PELAGII II DECRETA.

Ex Gratiano aliisque.

ADMONITIO COLLECTORIS.

Pelagii papæ II decreta quædam ex Gratiano Labbeus dedit, sed ita collecta ut nonnulla omiserit. Ne quid ergo ad plenam eorumdem decretorum collectionem desit, quæ illius diligentiam fugerunt, supplenda hic assumpsi.

XV.

Pelagius papa clero Narniensi.

Quia frater et coepiscopus noster Joannes, ecclesiasticæ utilitatis studio suadente, et naturæ suæ simplicitate laudabili consideratione tractata, ob hoc quod se in gerenda patrimonii gubernandi cura, vel in disciplina ecclesiastica conservanda minime fatur idoneum; Constituti presbyteri ad hæc explenda sibi exposcit adhiberi personam: ut ea quæ sunt necessaria, competentem disponentem sollicitudine fiant, nihil indecens fieri, vel inutile permittatur. Ideoque præsentem vobis jussione præcipimus, ut servata primo in loco episcopo memorato reverentia, quam vos [Cod. Vat. nos] convenit inculpabiliter exhibere, in omnibus, quæ ad divini cultus obsequium pertinent, vel quæ ecclesiasticæ utilitatis peragere cura suaserit, præbeatis obedientiam Constituto [Constituto abest a Cod. Vat. ubique] competentem, in nullo dispositionibus ejus spiritu contumaci resistentes (Forsan reluctantes), imo, competentem vigilantiam vestræ studio, quæ pro ecclesiastica utilitate gerenda Constitutus monuerit, adimplentes; ut his ita dispositis, et consueta vobis stipendia ministrantur, et quæcunque in præfatæ ecclesiæ patrimonio, vel de rebus ad eam pertinentibus repetendis sunt necessaria, compleantur.

XVI.

Pelagius papa II ^d Oplioni [Al., Apollonio] defensori.

Nullam potestatem de cætero, nullam licentiam Pelagii. Secundo tamen ideo tribuendum censeo, quod sub priori Pelagio Narniensibus præerat Juvenalis II, ut ex tabulis Ughellii discimus. Idem.

^d Deest II in editis, sed supplet Cod. meus ms.

* Hoc fragmentum vix differt a decreto quod superius legitur sub num. IX Edit.

monachis relinquimus pro arbitrio suo aut abbatem expellere aut sibimet alios ordinare, quia nulla auctoritas remanebit abbati, si monachorum potestati cœperit subjacere, ut de cætero fideliter [Val. Cod., discrete] et studiose universa quæ ad divini cultus

reverentiam vel ad utilitatem ejusdem [Deest in Vatic.] monasterii pertinent, abbatis sollicitudo ad quem potestas tota pertinere convenit, debeat adimplere. (Gratian. xviii, q. 2, cap. Nullam.)

APPENDIX

AD EPISTOLAS ET DECRETA PELAGII PAPÆ II.

EPISTOLA [Olim. I].

AD BENIGNUM ARCHIEPISCOPUM *.

Reprobat episcoporum de una ad aliam ecclesiam transitus, ecclesiæ utilitate id non expostulante.

Dilectissimo fratri Benigno archiepiscopo Pelagius episcopus.

Lectis Fraternitatis tuæ litteris (S. Leo, epist. 3), vigorem fidei tuæ, quem dudum noveramus, agnovimus, congratulantes Dilectioni tuæ, quod ad custodiendum gregem Christi pastorem curam vigilanter impendis, et pro tibi subditis sollicitus existis. Ad nostram enim lætitiā et benefacta perveniunt. (S. Cælest., epist. 2); et si aliqua secus quam oportet provenierint, non modico nos mœrore conturbant. Magnam enim gratulationem divina concedit gratia (Conc. Tolet. x), quando tribuit inter nos et salutaris disciplinæ normam litteris conferre [Al., proferre], et provenire ad pacificorum studia facit præoptata. Exigit ergo Dilectio tua [Hosimus] consulta sedis apostolicæ, si licitum foret episcopum transire, aut mutare de civitate ad civitatem, dum quidam canones (ut tibi videtur) hoc fieri prohibeant. Significasti etiam litteris tuis, quemdam fratrem, nomine et actu Dei Servum, causa utilitatis mutare te velle in locum et civitatem defuncti, licet quidam dicant hoc fieri non licere, nisi [etiamsi] consensum apostolicæ sedis habuisses. Quapropter scias, frater dilectissime, aliud esse causam necessitatis et utilitatis, et aliud causam præsumptionis et propriæ voluntatis. Non ergo mutat sedem, qui non mutat mentem, id est, qui non causa avaritiæ, aut dominationis, aut propriæ voluntatis, vel suæ electionis migrat de civitate ad civitatem, sed causa necessitatis aut utilitatis mutatur. Nam et plurimorum utilitas unius utilitati aut voluntati præferenda est. Aliud est enim mutare, et aliud mutari; sicut aliud ministrare, et aliud ministrari. Unde Dominus in Evangelio loquitur, dicens: *Non veni ministrari, sed ministrare* (Matth. xx). Quod enim in canonibus legitur, non debere episcopum de civitate ad civitatem transire (Concil. Antioch., can. 21), vel transferri, non de his dicitur, qui aut vi expulsi, aut necessitate coacti, aut auctoritate majorum hoc agunt: sed de his, qui avaritiæ ardore inflammati,

sponte sua prosiliunt, et potius ambitioni quam utilitati Ecclesiæ servire, et ut dominationem agant, insistere cupiunt^b. Unde et in subjectis canonibus continetur: Si aliquis extiterit temerarius (Conc. Sard., c. 2), qui forsitan excusationem afferat, quod populi litteras acceperit, et ideo migravit, dum manifestum sit præmio et mercede paucos, qui sinceram fidem non habent, potuisse corrumpi, ut clamarent in ecclesia, et ipsum petere viderentur, omnino has fraudes removendas esse censemus. His verbis et aliis multis exemplis liquet non de his dicere (ut paulo superius prælibatum est) qui pulsi, ut non recepti a civibus, vel a quibuscunque, aut necessitate cogente, vel auctoritate majorum transeunt de civitate ad civitatem; sed de his qui sponte prosiliunt, aut temeritatis, aut ambitionis causa hoc faciunt. Nam aliud est sponte transire, et aliud est coacte aut necessitate venire. Unde non isti mutant civitates, sed mutantur: quia non sponte, sed coacte hoc agunt. Quis enim unquam audet dicere, sanctum Petrum apostolorum principem non bene egisse, quando mutavit sedem de Antiochia in Romam? Aut quis eum negat ob id sanctum non esse, aut meritum unquam apostolatus tam in cælis, quam in terris perdidisse? Aut quis negat sanctos non esse multos alios episcopos, qui de civitatibus ad civitates translati sunt, aut meritum pontificatus perdidisse: quorum nomina si cœperim enumerare, ante dies pertransiret quam hæc omnia perscribere possem [Al., scribi posset], et prolixior erit epistola quam necesse sit? Aut quis unquam potest approbare, sanctum non esse Alexandrum qui Hierosolymam de altera civitate translatus est (Soc. vii, c. 36)? aut sanctum Gregorium Nazianzenum, qui in Nazianzo constitutus est? aut sanctum Proclum, qui de Cyzico translatus, et Constantinopolim inthronizatus est? Non ergo bene intelligunt ecclesiasticas regulas, qui hoc negant causa utilitatis aut necessitatis fieri non posse, quoties communis utilitas aut necessitas persuaserit. Nullus enim ex his, aut ex aliis, qui meliori consilio mutaverunt civitates necessitate quadam, vel utilitate ecclesiastica, aut laica communione carere reperimus, nec ullatenus unquam fieri debet. Sententia

* Quin hæc sit ex suppositis Isidori mercibus nemo unquam dubitabit in legendis veterum monumentis exercitatus.

^b Bar. anno 590, n. 7, atque ex eo Binius hæc ediderant tanquam decimam Pelagii epistolam ejusve fragmentum.

vero quæ in Antiocheno concilio habetur (*Can. 21*), ut episcopus ab alia parochia nequaquam migret ad aliam, tota, atque omnes sententiæ de ea [eadem] re vim superius comprehensam retinent, et nihil prætaxato modo translationibus episcoporum actis aut agendis nocent, sed magis robur eis ac Domini Salvatoris quæ omnes canonicos superexaltat libros, auctoritatem præstant. Tales autem quæstiones magis ex invidia quam ex charitate aut utilitate nasci videntur, cum ipsa per se Veritas dicat: *Si vos persecuti fuerint in unam civitatem, fugite in aliam* (*Matth. x*), et reliqua. Huic ergo sententiæ nullus catholicorum usquam contradicere potest, quæ non alterius, sed ipsius proprio Domini ore prolata, et firmata esse dignoscitur. Cui si aliquis contradixerit, non solum extorris, sed etiam anathematizatus ab ecclesia pelatur. Et Dominus in Evangelio alias dicit: *Beati qui persecutionem patiuntur propter justitiam* (*Matth. v*). Si eos Dominus beatos dicit, qui persecutionem patiuntur propter justitiam, quis eos damnare potest? Et si ipse de civitate ad civitatem propter persecutionem fugere præcipit, quis eos detrahere, aut damnare propterea audet vel potest, quod verbis dominicis obtemperant? Profecto is qui contradicit aut resistit, seipsum damnat, quia ori Domini contumax et inobediens existit. Unde et ipsa per se Veritas dicit: *Quis ex vobis arguet me de peccato? Si veritatem dico, quare vos non creditis mihi? Qui ex Deo est, verba Dei audit. Propterea vos non auditis, quia ex Deo non estis* (*Joan. viii*). Omnino oportet Deo obedire plus quam hominibus (*Act. v*). Et idcirco quod Deo obedimus, et de civitate ad civitatem (ipso præcipiente) persecutionis causa, id est, necessitatis aut utilitatis transimus, damnandi sumus? Non omnino, sed potius venerandi atque portandi, quoniam ne ipsis episcopis hoc imputari potest. Qui his resistit, profecto Dei ordinationi resistit, et est infideli deterior: quia melius est non cognoscere viam veritatis, quam post agnitionem retrorsum abire. Nam et ipse Dominus de loco ad locum secessit, id est, transivit, Judæis illum quærentibus. Fugiens ille quærentes et persequentes se, dedit nobis exemplum fugere non persequentes, et de civitate ad civitatem transire, dicens: *Si vos persecuti fuerint in civitate ista, fugite in aliam* (*Matth. x*), et cætera his similia. Nam si fugere, malum est (*Hist. Trip.*, c. 22, *lib. vi*, ex *apologia S. Ath. pro fuga sua*), persequi, multo deterius. Hic quidem ne moriatur absconditur; hic autem persequitur ut occidat; et ut fugiatur, præcipitur: quia qui quærit occidere prævaricatur legem, et magis fugiendi præbet occasionem. Si fugam impropere persequentes, erubescant potius semetipsos, et quiescant insidiari, et quiescent continuo fugientes. Nemo enim mitem fugit aliquando, sed magis ferocem simul et callidum. Omnis enim qui gemebat et vexabatur a Saul, fugiebat et veniebat ad David (*I Reg. xxii*). Si ergo piissimus atque justissimus David sciret peccatum esse, persecutionem fugientes, et transeuntes

* Huc usque Bar. et Binius, quæ jam sublata

A de loco ad locum, et de civitate ad civitatem, tales nequaquam reciperet, nec secum teneret, nec in aliis civitatibus eos collocaret. Qui enim persequuntur Domini episcopos, eosque de civitatibus ad civitates transire compellunt, non eos tantum persequuntur, quantum Dominum nostrum Jesum Christum, cujus legatione funguntur. Nec ipsi in hoc peccant episcopi, quoniam non sponte, sed coacte hoc agunt: sed illi a quibus persequuntur; nec ipsis episcopis hoc imputari potest, sed illis qui eos hoc agere cogunt. Sanctus enim protomartyr Stephanus lapidabatur, sed Jesus suscipiebat plagas. Ideoque unicuique prævidendum est (*Hadr., col., cap. 66*) ne aliquem injuste persequatur, judicet, vel puniat, ne Jesum persequatur, judicet, et puniat. Qui autem negant misericordiam faciendam fugientibus, ac necessitatem patientibus, ipsum Christum negant, qui est misericordia, et veritas, et omnibus necessitatem patientibus subvenire jubet. Pauca sunt, frater, quæ asserui; sed quanta ex his pendeant, tua providentia poteris æstimare. Quare hanc annuntur malevoli irrumpere misericordiam (*Ennodius in apologia pro Symmacho papa*)? Cur illudere vanis intentionibus felicitatem? Excusationem jam non habet furor iste in credentibus; nec interest quibus itineribus ad mundi principem currat, qui a benevolentia fratrum desciscit, aut necessitatem patientibus misericordiam negat. Negat misericordiam necessitatem patientibus, qui populis indigentibus divinis mysteriis, et non habentibus proprium episcopum qui eos instruat, causa utilitatis atque necessitatis, ex alia civitate (licet minor sit) in eam que non habet episcopum, doctiorem vel utiliorum, meliori consilio, non sponte transeuntem, sed majorum exhortatione mutare, aut episcopum ejectum et persecutionem patientem, causa utilitatis aut necessitatis inthronizari non permittit. Apud veteres enim (*Hist. Trip.*, cap. 8, *lib. xii*, ex *Socrate lib.*), sine ulla differentia de una civitate ad alteram migrabat episcopus, dum utilitas aut necessitas evocaret. Quapropter ipsam etiam regulam huic epistolæ placuit inseri, ut monstretur eos mentitos esse, qui episcopum non posse inthronizari dixerunt. Unde et in canonibus legitur ita (*vii, c. 6, Antiochen conc. can. 18*): *Si quis episcopus ordinatus, ad parochiam in qua ordinatus est, minime profisciscitur, non sua culpa, sed aut populo respiciente, aut propter aliam quamlibet causam necessitate factam, hunc honorem ministerioque participare, nec tamen misceri rebus ecclesiæ, in qua collectas celebrat, sed sustinere quoque quod provinciæ synodus suo judicio terminaverit, discernimus.* Huic regulæ contradicere nullus potest, quæ etiam causa utilitatis aut necessitatis inthronizari episcopum jubet, et mutari ac transire eum de civitate ad aliam civitatem non proprium habentem episcopum sinit. Pingues hostias litat diabolo (*Ennodius jam citatus*), qui his resistere nititur, aut misericordiam et utilitatem Ecclesiæ jam dictis negat, id est, et episcopis et populis. In vanum ergo contra fuerunt in edit. regia.

simplices, qui hæc olim dicentes agere prohibuerunt, A tendicula dainceps parabunt, cum his et aliis armati adminiculis, noverint quid super his sit agendum, et quid vitandum. Nimis enim armatus est (*Idem Ennodius, ibid.*) qui illa, quæ adversarius misericordiæ, utilitatis atque concordie ministrat, tela contemnit. Sufficit ergo contra omnia jacula jurgiorum fidei nuda oppositio. Scio te non ignorare, frater, memoratas canonum sententias atque evangelicas sanctiones, novas non esse, sed nostro eas assensui mancipari. Cur his contradicentes, et emigrationes episcoporum utilitatis et necessitatis causa fieri prohibentes, ut sæpe dictum est, et avaritiæ aut temeritatis, in perniciem sacerdotum ac populorum, lædunt sacerdotale consilium? Cur lacerant sententiam, in qua, inspirante Christo, oracula superna patuerunt, et inter Deum et homines interpret exstitit lingua pontificum? Illa enim cœli curia variarum dotibus aucta curulium, et multo Redemptoris nostri auro ostroque decorata, nihil in illa decisione auctore se protulit, sed per humanæ linguæ ministerium divino militavit imperio. Intellexit non esse suum, quidquid impulsa constituit; nihil quoque habet in illa sententia, nisi unde de sola devotione gratuletur. Nam dum profanis memoratorum verbis creditur, et sæve sanie inscitiam produnt, et livorem. Quis hic locus erroris, ubi congruentia pari ductu exempli et historiæ verba concurrunt? Nec diversum est ab intellectu catholico et lectionibus, quod profertur. Nam non bene nodus in scirpo quæritur, dum involvit nebula prædicatæ lucis auctores. Fœda quoque a nitore Domini sui obligatione dissolvitur, qui statutis cœlestibus minus mera fide dependit officia. Talium ergo dictiones vel prohibitiones indignæ etiam fiunt memoratu. Profunda est ergo nimis imperitia eorum, et sepulcrum patens guttur eorum, quia linguis suis dolose agunt (*Psal. v, interprete S. Hier.*). Non est enim in ore eorum rectum, interiora eorum insidiæ, densis cor eorum vepribus suffocatur (*Verba sunt ejusdem Ennodii*), et interna vitia aliis certant ascribere. Nobilitatem ergo dat facinoribus, qui in talibus ventilationem ipsorum in exemplum sumit, aut ad aures posteras digna relatione transmittit. Tibi autem non sit cura talium quæstionum, sed sequere sententiam beati Pauli apostoli, qui monet per discipulum cunctos, et clamat, dicens: *Inanes quæstiones evita* (*I Tim. iv*). Inanes, namque (juxta Apostolum) quæstiones semper evita, et age quod meliori consilio, non avaritiæ vel temeritatis, sed utilitatis et necessitatis (ut sæpe dictum est) causa faciendum utiliter perspexeris. Quapropter, charissime, his apostolicis fultus auctoritatibus, muta episcopum causa necessitatis aut utilitatis, super quo consulere nos voluisti; et alios fratres nostros, quibus hoc faciendum necessitas aut utilitas compulerit, agere doce: quia hoc quod tibi soli scribimus, generaliter omnibus tenere mandamus. Quia sicut potestatem habemus episcopos et sacerdotes regula-

riter titolare et ordinare, ita (ut prædictum est) causam necessitatis aut utilitatis habes et mutare, ac de titulo ad titulum translatare [transferre, ita et C. Just.], licet de minori ad majorem urbem mutandus sit. Hoc tamen summo prævidendum est, ne causa arrogantiae aut avaritiæ unquam fiat: quia hi a prædictis canonibus damnantur, non illi qui necessitate aut utilitate, majorum consilio, et sana ac pura, et Deo placita intentione hoc faciunt. Tu, frater, semper sectare justitiam, pietatem, fidem, charitatem, patientiam et mansuetudinem (*I Tim. vi*). Certa etiam bonum certamen fidei, et apprehende vitam æternam, in qua vocatus es: quoniam^a spiritus timentium Dominum, quæritur ab illo, et in respectu illius benedicitur. Spes enim illorum in salvantem illos, et oculi Dei in diligentes se. Qui timet Dominum, nihil trepidabit, et non pavebit, quoniam ipse est spes ejus. Timentis Dominum beata est anima, ad quem respicit, et quis est fortitudo ejus? Oculi Domini super timentes eum: protector potentie, firmamentum virtutis, tegmen ardoris, et umbraculum meridiani, et prædicatio offensionis, et adjutorium casus, exaltans animam, et illuminans oculos, dans sanitatem, et vitam, et benedictionem. Immolantis ex iniquo oblatio est maculata, et non sunt beneplacitæ subsannationes injustorum, Dominus solus sustententibus se in vita veritatis et justitiæ. Dona iniquorum non probat Altissimus, nec respicit in oblationibus injustorum, nec in multitudine sacrificiorum eorum propitiabitur peccatis. Qui offert sacrificium ex substantia pauperum, quasi qui victimat filium in conspectu patris sui. Panis egentium vita pauperum est: qui defraudat illum, homo sanguinis est; qui aufert in sudore panem, et sudanti cibos, quasi qui occidit proximum suum. Qui effundit sanguinem, et qui facit fraudem mercenario, fratres sunt. Unus ædificans, et unus destruens; quid prodest illis nisi labor? Unus orans, unus maledicens; cujus vocem audit Deus? Qui baptizatur a mortuo, et iterum tangit eum, quid proficit lavatio ipsius? Sic homo qui jejuna in peccatis suis, et iterum eadem faciens, quid proficit humiliando se? Orationem illius quis audit? Qui conservat legem, multiplicat orationem. Sacrificium salutare est attendere mandatis, et discedere ab omni iniquitate: et propitiatio, litare sacrificium super injustitias; et deprecatio pro peccatis, recedere ab injuria. Retribuit gratiam, qui offert similaginem; et qui facit misericordiam, offert sacrificium. Beneplacitum est Domino recedere ab iniquitate; et deprecatio, recedere ab injuria. Non apparebis ante conspectum Dei vacuus. Hæc enim omnia propter mandatum Domini fiunt. Oblatio justi impinguat altare, et odor suavitatis est in conspectu Altissimi. Sacrificium justi acceptum est, et memoriam ejus non obliviscetur Dominus. Bono animo gloriam redde Deo, et non minuas primitias frugum tuarum. In omni dato fac hilarem vultum tuum et in exaltatione sanctifica decimas tuas. Da Altissimo secundum datum ejus, et in oculo bono adinventionem fac manuum tuarum, quoniam Dominus retribuens est,

^a Hanc ex capitibus Eccles. xxxiv et xxxv laciniam non legi in Cod. Just.

et septies tantum reddet tibi. Noli offerre munera prava; non enim suscipiet illa. Et noli inspicere sacrificium injustum, quoniam Dominus iudex est, et non est apud illum gloria personæ. Non accipiet Dominus personam in pauperem, et precationem læsi exaudiet. Non despiciet preces pupilli, nec viduam, si effundat loquelam gemitus. Nonne lacrymæ viduæ ad maxillam descendunt, et exclamatio ejus super deducentem eas? A maxilla enim ascendunt usque ad cælum et Dominus exauditor non delectabitur in illis. Qui adorat Deum, in oblatione suscipietur, et precatio illius usque ad nubes propinquabit. Oratio humiliantis se nubes penetrabit; et donec propinquet, non consolabitur. Et non discedet, donec aspiciat Altissimus: et Dominus non elongabit, sed judicabit injustos, et faciet judicium, et fortissimus non habebit in illis patientiam, ut contribulet dorsum ipsorum, et gentibus reddat vindictam, donec tollat plenitudinem superbiorum, et sceptrum iniquorum contribulet, donec reddat omnibus secundum actus suos, et secundum opera Adæ, et secundum præsumptionem illius, donec judicet judicium plebis suæ, et oblectabit justos misericordia sua. Deus autem (frater charissime) impleat desiderium, et ministerium tibi divinitus collatum, secundum divitias suas in gloria in Christo Jesu Domino nostro. Deo autem et Patri nostro gloria in sæcula sæculorum. Amen. Data 13 die Aug. mensis, indictione 14.

EPISTOLA ^a [Olim II]AD EPISCOPOS ITALIÆ ^b.

Episcopos summo in honore esse habendos, nec posse a quolibet accusari.

Dilectissimis atque clarissimis fratribus universis episcopis, et cunctis specialiter per Campaniæ et Italiæ provincias militantibus Domino, Pelagius salutem.

Sollicitudinem omnium Ecclesiarum (juxta Apostolum) circumferentes, divinæ circa nos gratiæ memores esse debemus (Acacius episc. CP., epist. ad Simplicium papam), quod nos per dignitationis suæ Dominus misericordiam ad hoc fastigium sacerdotale prorexit, ut mandatis ipsius inherentes, in quadam sacerdotum ejus specula constituti prohibeamus illicita, et sequenda doceamus (Hilarii papæ epist. ad Ascanium episc. Tarraconensem). Omnes, charissimi qui volunt in Christo pie vivere (II Tim. in), necesse est, ut ab impiis et dissimilibus patiantur opprobria (Prosperi sent. 32, ex S. Aug. in ps. cxxii), et despiciantur tanquam stulti et insani, qui ideo præsentia bona perdunt, ut invisibilia ac sibi profutura acquirant. Sed hæc despectio et irrisio in ipsos retorque-

^a Cum bello Langobardorum, quo universa Italia flagrabat, adhuc vigente, cultus episcopis deferri solitus nonnihil diminutus esse videretur, persuasive bellorum tempore jura silere, bonis Ecclesiæ non parcerent, hanc decretalem epistolam de accusationibus ac judiciis episcoporum pontifex conscribere debuit. Ea in primis de causa, quod frequenter eveniret, ut cum episcopi bona ecclesiarum a laicis usurpata repetebant, atque in usum pristinum vindicare studebant, in se illorum linguas provocarent,

bitur, dum et abundantia eorum in egestatem, et superbia eorum transierit in confusionem. Justo enim judicio datur plerumque potestas peccatoribus (*Ejusdem sent. 23, ex S. Aug. in ps. cxviii*), qua sanctos sjus persequantur, ut qui spiritus Dei juvantur et aguntur, fiant per laborum exercitia clariores. Et quanquam, fratres, hæc ita se habeant, non tamen sunt consentiendi, sed reprobandi, qui prælatos suos reprehendunt, vel accusant. Unde canonica sanctorum Patrum statuta ^c, ne columnæ sanctæ ecclesiæ vacillent, sequentes ac roborantes, omnes infames, cunctosque suspectos vel inimicos, et eos qui non sunt eorum gentis, vel quorum fides, vita et libertas nescitur, et qui non sunt bonæ conversationis, vel quorum vita est accusabilis, ab omni accusatione episcoporum funditus submovemus. Similiter et omnes, quos divinæ leges mortuos appellant, submovendos esse ab eadem accusatione, et publicæ poenitentiae submitteudos judicamus. Neque dum Ecclesiæ alicujus episcopi, aut possessiones, vel res ab æmulis ejus, vel a quibuscunque aliis non sua sponte detinentur, aliquid illi debet, aut potest a quoquam ante redintegrationem omnium rerum suarum objici: sed prius illi legibus redintegranda sunt omnia, et postea tempore a Patribus præfinito sunt negotia ventilanda. Refutandi sunt etiam raptores, fures, sacrilegi, adulteri, et horum similes. Manifestum est enim quod semper tales magis discordiam quam pacem sectantur. Nullus quoque monachus talia unquam arripiat, nec sæcularia aut ecclesiastica negotia perturbare præsumat, quia mortua in talibus vox est eorum. Immobiles enim Dominus suos summos semper vult manere prædicatores, et non a quibusdam temerari, sed sibi libere et quiete famulari ^d. Unde et ipse ait: *Qui vos tangit, tangit pupillam oculi mei. Et qui vos contristat, me contristat* (Zach. ii; Coloss. iii). Et, *qui fecerit injuriam, recipiet quod inique gessit* (Matth. x). Et alibi: *Qui vos recipit, me recipit; et, qui vos spernit, me spernit* (Luc. x). Ita quoque et a plebibus vel cæteris generaliter omnibus sunt timendi et ferendi atque venerandi pastores et prædicatores Ecclesiæ, ut sub exercitatione bonæ voluntatis sustineantur temporalia (*Prosp. sent. 34, ex Aug. in ps. cxxiv*), sperentur æterna. Auget enim merita virtutis, qui propositum non violat, sed auget, religionis. Charitas vero semper hominem innovat (*Ejusdem sent. 273*). Et sicut malignitas veteres, ita dilectio novos facit. Fides eorum, qui Deum visuri sunt (*Ejusdem sent. 361*), quod non videt, credit. Nam si videt, non est fides. Credenti colligitur meritum, videnti redditur præmium. Tunc pretiosum pastoris

qui ne quod abstulerant redderent, criminosis primum omnium episcopos accusationibus impetebant. (*Baron. anno 582, num. 8.*)

^b Hæc quoque adulterina est.

^c Quæ sequuntur usque ad Prosperi sententias ex adulterinis superiorum pontificum epistolis desumpta sunt ab inepto consarcinatore. Quam vero dissimilis finis hujus epistolæ a principio!

^d Reliqua absunt a G. Just.

diadema est (*Ennodius in dict. incip. episc.*), quando suasioni ejus grex ecclesiasticus, dum ad probitatem graditur, non repugnat. Ille sine fuco monitorem et veridico ore diligit, qui ejus instituta sectatur. Præbent hominibus, naturæ institutiones, et monitare sponsum. Redit ad mortales vicissitudo clamoræ sollicitudinis, quia unusquisque prout gesserit recipiet. Nam perit, quod linguæ acceperunt, frustra beneficium (*Idem, epist. 22, lib. vii*), nisi legitime cœptum fuerit negotium, et canonicè peractum. De fiducia enim partiumstrarum mittitur, quod apostolica mandat auctoritas. Vos tantummodo præsules Christi benignitatem vestram, salva aurium animorumque æquitate (*Idem, dict. 21*), et bona voluntate semper præstate. Nam adversus impetum juvare, peregrinantem reducere post intervalla, est justitia. Libat enim Domino prospera, qui ab afflictis pellit adversa (*Conc. Tolet. viii, c. 4*). Statutus, venerandi præsules, sudoribus fructus est, cum judicio purissime reddendus, ut in utroque congruus nitor, nec suscipientem devenustet, si indigno auctore provenierit (*Ex eodem Ennodio, dict. 21*); nec, si conferatur immerito, maculet largientem. Sit semper adversus pravos et impios, atque servorum Dei persecutores, libera vox, et oris gladio feriantur et redarguantur. Persequantur et repellantur, confundantur et advertantur, nec lædendi pie viventes ullam habeant facultatem. Plerumque periculis plena sunt (*Ex eodem in Vita Antonii monachi*); quæ videntur esse tutissima. Vide, quantis laborent tales insidiis: ideo absconditum esse non licet, quod audimus. Jam latebat nostra persecutio manifesta: misericordia est, circa persecutores et facinorosos servata districtio. Ergo sopori quietem tribuite: cœlestium mandatorum hostem quoque depellite, ne candida conversatio vobiscum habitantium fusca supervientis contagione violetur. Ante enim providenda sunt remedia, quam morbus increseat. Sanctorum quoque apostolorum et reliquorum sacerdotum petamus exercitum, et prædictorum persecutorum ora claudamus. Sæculi conversatio legum metu retinetur (*Idem, epist. 13, l. v*): ecclesiastica quoque custodia regularum frenis servatur et regitur. Deus, charissime, semper procul avertat invidiam (*Idem, epist. 14 ejusdem libri*). Vos ergo armamini (juxta Apostolum) gladio spiritus, quod est verbum Dei, et apostolicæ auctoritatis clypeo (*Ephes. vi*), ut ecclesiasticæ fecunditatis jura nulla sævientis procellæ possint impulsione subverti (*Idem, ibid.*). Nullo unquam præjudicio gravate quemquam, sed inspicite semper quæ regularum testimonio declarantur. Superest, salute prælata, ut ad gaudia semper fratrum devote properetis, quia divina beneficia gradibus semper accedunt, et quibus bona conferunt, meliora pollicentur. Semper enim incrementis ad culmen ascen-

ditur, ubi supernus favor præstat exordium. Deus omnipotens indulta semper custodiat, augeatque successibus profutura (*Idem, epist. 19, lib. v*). Omnia enim vestra semper, fratres, in charitate fiant (*I Cor. vi*). Et detrahentibus nolite detrahare quoniam detrahentibus detrahare non est bonum, ne ad ea quæ scripta sunt, commoti minime certamen faciamus (*Deusdedit Caralitanus consult. 4 conc. Later., an. 649*). Non debemus omnino timere opprobrium hominum, ~~ip~~que eorum exprobrationibus vinci (*Martinus I papa consult. 3 ejusdem concilii*), quoniam hoc nobis Dominus jubet per Isaiam prophetam, dicens: *Audite me, qui scitis judicium, populus meus, in quorum cordibus lex mea est. Nolite timere opprobrium hominum, et blasphemias eorum ne timeatis* (*Isai. li*), considerantes quod in psalmo scriptum est: *Nonne Deus requireret ista? ipse enim novit occulta cordis, et cogitationes talium hominum, quoniam vana sunt. Vana autem locutus est unusquisque ad proximum suum: labia dolosa, in corde et corde locuti sunt mala. Sed disperdat Dominus universa labia dolosa, et linguam magniloquam. Qui dixerunt: Linguam nostram magnificabimus, labia nostra a nobis sunt, quis noster Dominus est* (*Psalm. xliii; psalm. xciii; psalm. xi*)? Nam si hæc in memoria retinerent, minime ad tantam prosilirent iniquitatem. Non enim per probabilem et paternam doctrinam hoc faciunt, sed ut suam exerceant in servos Dei vindictam (*Idem, Mart. ibid.*). Scriptum est namque: *Via stulti recta in oculis ejus* (*Prov. xii*). Et: *Sunt viæ quæ videntur homini justæ, novissima autem earum deducunt ad mortem* (*Prov. xiv*). Nos enim qui hæc patimur, judicio Dei hæc reservare debemus, qui reddet unicuique juxta opera sua (*Matth. xvi*). Qui etiam per ministros suos intonuit, dicens: *Mihi vindictam ego retribuam* (*Rom. xii*). Vos enim in recta fide ac pura, in bona voluntate succurrite vicissim, nec aliquis a supplemento fratris subtrahat manum: quoniam *in hoc* (ait Dominus) *cognoscent omnes, quia mei estis discipuli, si dilectionem habueritis ad invicem* (*Joan. xiii*). Data Kalendis Decembris indictione 15 (Anno Domini 582).

EPISTOLA [Olim IX]

AD EPISCOPOS GERMANIE ET * GALLIÆ.

D *Novem præfationes, inter missarum solemnia decantandæ, a Romana Ecclesia recipi b.*

Pelagius Romanæ ecclesiæ et apostolicæ sedis episcopus universis Germaniarum ac Galliarum regionum episcopis (*S. Leo epist. 88*).

Cum in Dei nomine in Romana Ecclesia synodum episcoporum sive cæterorum consacerdotum Dei fidelium congregatam habuissemus, et de ecclesiasticis statutis, ut sunt ab apostolis et sanctis Patribus tradita, diligentius tractaremus; supervenere litteræ vestræ, et ut magnæ essent auctoritatis, etiam vivæ

* Neque hæc ab Isidori stylo discrepat.

^b De præfationibus meminere concilium Milevit. cap. 12, et Africanum cap. 70. Earum novem, de quibus hic, auctor proditur Gelasius libro Pontificali.

Decimam de beata Virgine edidit Urbanus II, in concilio Placentiæ habito, ut ait Gratianus ad d. 70, et alii. Sev. Biv.

voces præcesserunt, rogantes, ut ordinem præfationum, quem sancta Romana Ecclesia hactenus haberet, nostris litteris vobis remandaremus. Tunc de vestra voluntate et studio tam bono multum gavisi sumus, et sacrum ordinem Romanum, sacraque constituta nostrorum antecessorum solerter relegentes, invenimus has novem præfationes in sacro catalogo tantummodo recipiendas, quas longa retro veritas in

A Romana Ecclesia hactenus servavit: unam in Albis paschalibus, aliam de Ascensione Domini, tertiam de Pentecoste, quartam de Natali Domini, quintam de apparitione Domini, sextam de apostolis, septimam de sancta Trinitate, octavam de cruce, nonam in jejunio et Quadragesima tantummodo dicendam. Has præfationes tenet et custodit sancta Romana Ecclesia. Has tenendas vobis mandamus.

OBSERVATIO. Lectorem hic monere juvat, ~~notas~~ quæ Pelagii II opuscula illustrent Labbæo esse tribuendas quoties nullo nomine signantur. EDIT.

EODEM TEMPORE.

SANCTUS AUNARIUS, EPISCOPUS ANTISSIODORENSIS.

NOTITIA EX GALLIA CHRISTIANA.

Aunacharius, qui et per syncopem Aunarius, filius erat Pastoris et Ragnoaræ, germanus autem Austrini episcopi Aurelianensis et Austregildis, matris sancti Lupi Senonensis antistitis, ut ex ejusdem Lupi Vita discimus. Hunc aliquando monachum fuisse et abbatem Sancti Germani vulgati indices asserunt, quia forte cœnobium Sancti Germani vocatur ejus monasterium in Actis sancti Walarici, seu quia, ex Herico, sancti Germani basilicam magnificis prædiis locupletavit. Nam eodem auctore primos adolescentiæ annos in aula Guntramni regis exegit, quo relicto postpositisque parentibus Turones aufugit, ubi ad sepulcrum sancti Martini, coma capitis detonsa, clericali sæcularem vestem mutavit. Tum ad Sigi-rium Augustodunensem episcopum adductus, tantum apud eum eruditione et disciplina profecit, ut C usque ad culmen pontificiæ dignitatis gradatim proveheretur. Atherio itaque Autissiodorensi præsule e vivis exemplo, a clero simul et populo unanimi vocatur Aunacharius, qui pridie Kalendas Aug. officium episcopatus suscepit. Sextum eum a beato Germano Autissiodori episcopum nominat Hericus idem epistola ad Carolum Calvum imperatorem, in qua refert Aunarii litteras rogantis Stephanum Africanum presbyterum ut vitam ejusdem sancti metricè describeret et acta sancti Amatoris prosaice: at librarii proculdubio mendum est, nam ipse Hericus episcopos inter medios commemorat. Factus autem episcopos Aunacharius plurima in ecclesia Autissiodorensi constituit quæ, ut præcipuo observarentur vigore, Guntramni regis auctoritate roboravit; in his, 1^o ut monasteria, basilicæ et ecclesiæ parœciales certis diebus per mensem cum clero et populo rogationes facerent; 2^o quibus horis vigiliæ diebus Dominicis ac archipresbyteris et abbatibus propriis in locis fierent; 3^o a quibus vigiliæ in basilica sancti Stephani cum abbatibus singulis hebdomadæ diebus

B celebrarentur. Ex quibus satis apparet tunc majoris ecclesiæ ædium non admodum frequentem fuisse. Tribus subscripsit conciliis Aunacharius, Parisiensi iv anno 573 et Matisconensibus duobus annis 583 et 585, et Augustodunensi an. 589, cujus cum episcopis scripsit ad Gundegilsum Burdegalensem epistolam quæ refertur a Gregorio Turonensi lib. ix, cap. 41 (*Tom. Patrol. LXXI, col. 510 et seqq.*). Synodum ipse habuit in urbe sua cum diœcesis abbatibus, presbyteris et diaconis in qua plurimi editi sunt canones in quibus multa sunt observatione digna. Duæ exstant Pelagii papæ ad Aunacharium epistolæ, qui ab ipso sanctuaria, id est brandea seu pannos ex tumulis apostolorum petierat pro novis ecclesiis quæ tum complures in his partibus construebantur. Petenti annuit pontifex: at queritur quod Aunarius Italiæ calamitatibus non compatiatur et quod Francorum reges ad opem ei ferendam non excitet. Superius diximus quid decessorum suorum Germani et Amatoris in gratiam egerit. Lupum nepotem suum cum Austrino germano ad insulas educando provexit. Sanctum Austregisilum, futurum Bituricensem episcopum clericum fecit et subdiaconum ordinavit. Walaricum in monasterium suum admisit, quod in suburbio civitatis constructum de monasterio sancti Germani interpretamur. Huic monasterio, ubi corpus suum sepulturæ mandari decreverat, et ecclesiæ suæ agros et villas donavit, plenusque dierum, sanctitate quoque et miraculorum gloria clarissimus decessit vii Kal. Octobr., initii præsulatus 44, mense 4, diebus 23. Corpus ad sanctum Germanum funebri pompa tumulatum, inde capsula argentea inclusum, calvinistarum postea præda fuit. Projecta vero ossa a Catholicis collecta cum aliis in cryptis ad meridionalem fenestram recondita fuere. Colitur vii Kal. Octobr.

CONCILIIUM^a ANTISSIODORENSE^b. SYNODUS

AB AUNACHARIO EPISCOPO ANTISSIODORENSI, CUM DIOECESIS SUE ABBATIBUS, ET PRESBYTERIS
CELEBRATA IC SUB ANNUM CHRISTI DLXXVIII^c, ID EST, PELAGII II PAPE I, CHILPERICI
REGIS XVIIII.

1.

TITULI CANONUM.

- | | | | | |
|--------|--|----------|----------|---|
| I. | De Kalendis Januariis. | A | XXIII. | De poena abbatis qui monachi peccata non emendat, aut denuntiat. |
| II. | Ut Quadragesimæ initium in epiphania nuntiatur. | XXIV. | XXIV. | Abbati aut monacho ad nuptias ire non licet. |
| III. | Ut vota et vigiliæ in ecclesia exsolvantur. | XXV. | XXV. | Abbati aut monacho filios de baptismo habere non licet. |
| IV. | Ut auguria et sortilegia non fiant. | XXVI. | XXVI. | De poena abbatis qui mulierem in monasterium ingredi permiserit. |
| V. | Vigiliæ sancti Martini interdictæ. | XXVII. | XXVII. | Novercam in uxorem accipere non licet. |
| VI. | Ut chrisma a media Quadragesima petatur. | XXVIII. | XXVIII. | Nec privignam ducere. |
| VII. | De synodis presbyterorum, et abbatum. | XXIX. | XXIX. | Nec cognatam. |
| VIII. | Quod mulsum in altari offerre non liceat. | XXX. | XXX. | Nec duas sorores. |
| IX. | Ne chori et cantica puellarum, nec convivia in ecclesia permittantur. | XXXI. | XXXI. | Nec consobrinam, aut sobrinam. |
| X. | Ne in altari ubi episcopus missas dixit, presbyter illa die missas dicat. | XXXII. | XXXII. | Nec relictam avunculi. |
| XI. | De vigiliis Paschæ, natalis, et aliarum solemnitalum. | XXXIII. | XXXIII. | Ut presbyteri et diaconi reorum supplicia non spectent. |
| XII. | Ne mortuis eucharistia detur, nec osculum : et ne velo vel palla involvantur. | XXXIV. | XXXIV. | Ut presbyter iudicio capitis non intersit. |
| XIII. | Ut diaconus pallis scapulas non involvat. | XXXV. | XXXV. | Ut clericus clericum ad iudicem sæcularem non trahat. |
| XIV. | Ne quis in baptisterio sepeliatur. | XXXVI. | XXXVI. | Ut mulier eucharistiam nuda manu non accipiat. |
| XV. | Ne mortuus supra mortuum mittatur. | XXXVII. | XXXVII. | Ne mulier pallas dominicas contrectet. |
| XVI. | De observatione diei Dominicæ. | XXXVIII. | XXXVIII. | Ut nullus cum excommunicato communicet. |
| XVII. | De iis qui sibi mortem consciscunt. | XXXIX. | XXXIX. | Ut qui cum excommunicato communicat simili sententiæ subiaceat. |
| XVIII. | Ut baptismus extra Pascha nisi moribundis non conferatur. | XL. | XL. | Ne presbyter inter epulas cantet, aut saltet. |
| XIX. | Ut missæ a jejuniis clericis celebrentur et audiuntur. | XLI. | XLI. | Presbytero, vel diacono accusare non licet. |
| XX. | Ut archipresbyter de clericorum adulteriis episcopo, vel archidiacono denuntiet. | XLII. | XLII. | Ut mulier sine dominicali non communicet. |
| XXI. | Ut clerici conjugati ab uxoribus abstineant. | XLIII. | XLIII. | De poena iudicis qui clericum sine episcopi voluntate distrinxerit. |
| XXII. | Relictæ clerici post ejus mortem alteri nubere non licet. | XLIV. | XLIV. | De poena laici qui archipresbyteri admonitionem contemnit. |
| | | XLV. | XLV. | De observatione horum canonum. |

CANONES.

I.

Non liceat Kalendis Januarii vetula, aut cervolo facere², vel stenas diabolicas observare ; sed in ipsa

NOTÆ JACOBI SIRMONDI, S. J.

¹ In synodo Antissiodorensi nihil est quod tempus denotet, præter nomen Aunacharii episcopi qui præfuit. Nos, quia verisimile videbatur sub initia prescopatus habitam fuisse, satius duximus paulo post concilium iv Parisiense, cui interfuerat, collocare, quam ad annum Christi 590, quod nonnullis placuit, rejicere. Absurdus autem illi faciunt, qui anno 614 collocant, cum exploratum sit Aunacharium vitam ad ea usque tempora non produxisse.

² Quidam libri *vecola*, alii *væcola*, aut *vecolo*, legunt. Lectio nostra auctorem habet sanctum Eligium in sermone ad omnem plebem : « Nemo in Kalendis

die sic omnia beneficia tribuantur, sicut et reliquis diebus.

Januarii nefanda et ridiculosa, vetulas aut cervolos, vel jocticos faciat. » Exstat hic sermo in appendice tomi ix operum sancti Augustini, tract. 20, sine nomine auctoris ; revera autem est sancti Eligii episcopi Noviomensis veterum exemplarium consensu, et Audoeni testimonio in Vita sancti Eligii. Hanc autem lectionem confirmat, simulque quid sit vetula aut cervolo facere docet vetus pœnitentiale in Codice Andegavensi. « Si quis, inquit, in Kalendis Januariis in cervulo et in vetula vadet, tribus annis pœniteat, quia hoc dæmonum est. » Utrobique porro *vetula* prisco more scriptum pro *vitula*.

NOTÆ SEVERINI BINII.

* Ad ecclesiasticam disciplinam nec non monasticam observantiam retinendam, in hoc concilio sanciti reperiuntur quadraginta quinque canones ; quorum nonnulli etsi in usu esse desierint, antiquitatis tamen indices remanserunt. Concilium fuit non provinciale, sed diocesanum duntaxat, cui solus Aunacharius ejusdem civitatis episcopus cum abbatibus et presbyteris ejusdem diocesis præfuit. Plura ex iis, quæ in Matisconensi ii concilio statuta fuerant, cuique ipse Aunacharius interfuit, et sexto loco subscripsit, pariter hic repetita esse reperiuntur.

^b Antissiodorum, inquit Ortelius, « urbis est in

Burgundionibus, vino, quod inde nomen habet, plurimum nobilitata. Hodie *Auxerre* dicitur [Hoc certissimum] secundum quosdam. » Ita Hortelius ; alius est civitas Galliæ Lugdunensis juxta Sequanam [Icaunam], sita, quæ a Ptolemæo Autricum dicitur : meminit ejus Antoninus in Itinerario.

* Paulo post concilium Matisconense ii hanc synodum habitam fuisse hoc indicio colligitur, quod Aunacharius utrique interfuerit, quæque illo Matisconensi ii communi Patrum consensu sancita fuerant, hac synodo diocesana suis subditis intimaverit.

II.

Ut omnes presbyteri ante epiphaniam missos suos dirigant, qui eis de principio Quadragesimæ nuntient, et in ipsa Epiphania ad populum indicent.

III.

Non licet compensos in domibus propriis, nec pervigilias in festivitibus sanctorum facere *; nec inter sentes, aut ad arbores sacros, vel ad fontes vota exolvere; sed quicumque votum habuerit, in ecclesia vigilet, et matriculæ ipsum votum, aut pauperibus reddat: nec sculptilia [subtilia] aut pede, aut homine lineo fieri penitus præsumat.

IV.

Non liceat ad sortilegos, vel ad auguria respicere, non ad caragios *, nec ad sortes, quas sanctorum vocant, vel quas de ligno, aut de pane faciunt, aspicere; sed quæcunque homo facere vult, omnia in nomine Domini faciat.

V.

Omnino et inter supradictas conditiones, pervigilias, quas in honore domni Martini observant, omnimodis prohibete.

VI.

Ut a media Quadragesima presbyteri chrisma petant: et si quis infirmitate detentus venire non potuerit, ad archidiaconum suum, vel archisubdiaconum * transmittat, sed cum chrismario et linteo, sicut reliquæ sanctorum deportari solent.

VII.

Ut medio Maio omnes presbyteri ad synodum in civitatem veniant, et Kalendis Novembris omnes abbates ad concilium conveniant.

VIII.

Non licet in altario in sacrificio divino mellitum, quod mulsum appellant, nec ullum aliud poculum extra vinum cum aqua mixtum offerre, quia ad grande reatum et peccatum pertinet presbytero illi, quicumque aliud poculum extra vinum in consecrationem sanguinis Christi offerre præsumperit.

IX.

Non licet in ecclesia choro sæcularium, vel puelarum cantica exercere, nec convivia in ecclesia

A præparare, quia scriptum est: *Domus mea, domus orationis vocabitur* (Matt. xxi).

X.

Non licet super uno altario in una die duas missas dicere, nec altario ubi episcopus missas dixerit, ut presbyter in illa die missas dicat.

XI.

Non licet in vigilia Paschæ ante horam secundam noctis vigiliis perexplere, quia in illa nocte non licet post mediam noctem bibere, nec [nec manducare] in natali Domini, nec in reliquis solemnitatibus.

XII.

Non licet mortuis, nec Eucharistiam, nec osculum tradi, nec velo vel pallis corpora eorum involvi.

XIII.

B Non licet diacono, velo vel palla scapulas suas involvi.

XIV.

Non licet in baptisterio corpora sepeliri.

XV.

Non licet mortuum super mortuum mitti.

XVI.

Non licet die Dominico boves jungere, vel alia opera exercere, nisi pro causis constitutis.

XVII.

Quicumque se propria voluntate in [aut] aquam jactaverit, aut collum ligaverit, aut de arbore præcipitaverit, aut ferro percusserit, aut qualibet occasione voluntariæ se morti tradiderit, istorum oblatio non recipiatur. (Capitular. l. vii, c. 334. Ivo part. C 10, c. 5, 6.)

XVIII.

Non licet absque Paschæ solemnitate ullo tempore baptizare, nisi illos quibus mors vicina est, quos grabatarios dicunt. Quod si quis in alio pago, contumacia faciente, post interdictum hoc infantes suos ad baptismum detulerit in ecclesias nostras, non recipiantur usque ad satisfactionem. Et quicumque presbyter ipsos extra nostrum permissum recipere præsumperit, tribus mensibus a communione ecclesiæ sequestratus sit.

XIX.

Non licet presbytero, aut diacono, aut subdiacono,

NOTÆ JACOBI SIRMONDI S. J.

* Sanctus Eligius in eodem sermone: « Arbores, quas sacros vocant, succidite; pedum similitudines, quas per bivios ponunt, fieri vetate, et ubi inveneritis igne cremate. »

* Vulgati *characteres*; sed *caragios* habent omnes antiqui, Tilianus, Bellovacensis ac Pithæanus. Item

D et sanctus Eligius: « Non caragios promittentes, quæ explere non valent, non divinos, non sortilegos, etc., consulere præsumatis, » et sanctus Augustinus, sermone 241, de tempore.

* Pithæanus, *subarchidiaconum*.

NOTÆ SEVERINI BINII.

Prohibentur vigilie quæ cum quadam superstitione quam admixtam habebant in privatis domibus fieri consueverant (Cap. 3: *Quæ vigilie prohibeantur*). Cum enim immediate ante dixisset: *Non licet conventus in domibus propriis facere, subjuxerunt, nec vigilias in festivitibus sanctorum*. Et Paulo post: *sed quicumque votum habuerit, in ecclesia vigilet*. Ita intelligenda sunt quæ de superstitione vigiliarum observatione canone quinto habentur. Hæc expositio confirmatur eo argumento, quod Patres concilii Matisconensis II, quemlibet diem Dominicum præce-

dentibus nocturnis vigiliis a fidelibus celebrari constituerint. Quod decretum provincialis concilii, cum ipse Aunacharius Antissiodorensis episcopus sua presentia et subscriptione confirmaverit, non est probabile, ut per hoc diæcesanum concilium illi constitutioni aliquid derogatum voluerit, cum præsertim canone undecimo hujus concilii, de vigiliis Paschæ religiose servandis sanctissimam constitutionem ediderit. Quam frequens fuerit hoc tempore usus vigiliarum in Gallia, ex canone primo concilii Matisconensis satis liquido apparet.

cibum vel poculum missas tractare, **A**
dum missæ dicuntur stare.

XX.

sbyter, quod nefas est dicere, aut dia-
bdiaconus, post acceptam benedictio-
procreaverit, aut adulterium commise-
esbyter hoc episcopo aut archidiacono
t si scit, integro anno non communi-
qui hoc commiserint deponantur.

XXI.

esbytero, post acceptam benedictionem,
um presbytera sua dormire, nec in pec-
nisceri, nec diacono, aut subdiacono.

XXII.

lictæ presbyteri, nec relictæ diaconi,
i, post ejus mortem maritum accipere. **B**

XXIII.

us in monasterio adulterium commise-
are habere præsumpserit, aut furtum
: abbas per se non emendaverit, aut
archidiacono non innouerit, ad pœni-
lam in alio monasterio retrudatur.

XXIV.

bati, nec monacho, ad nuptias ambu-
:, *dist. 4*).

XXV.

abbati filios de baptismo habere, nec
matres habere.

XXVI.

s abbas mulierem in monasterio suo in-
erit, aut festivitates aliquas ibi spectare
repperit, tribus mensibus in alio mo-
datur, pane et aqua contentus.

XXVII.

aliquis suam novercam accipiat uxorem.

XXVIII.

filiam uxoris suæ quis accipiat.

XXIX.

: relictam fratris sui quis in matrimo-

XXX.

ias sorores, si una mortua fuerit, alte-
gium accipere.

XXXI.

onsobrinam, hoc est quæ de duobus **D**
: de duabus sororibus procreatur, in
cipere: nec qui de ipsis nati fuerint,
scentur.

XXXII.

: nepos avunculi uxorem accipiat.

XXXIII.

esbytero, nec diacono, ad trepalium,
mtur, stare.

XXXIV.

Non licet presbytero in judicio illo stare, unde ho-
mo ad mortem tradatur.

XXXV.

Non licet presbytero, aut diacono, vel cuiquam
clericorum, de qualibet causa conclericum suum ad
judicem sæcularem trahere.

XXXVI.

Non licet mulieri nuda manu Eucharistiam acci-
pere.

XXXVII.

Non licet mulieri manum suam ad pallam domi-
nicam mittere.

XXXVIII.

Non licet cum excommunicato communicare, nec
cum eo cibum sumere.

XXXIX.

Si quis presbyter, aut quilibet de clero, aut de
populo, excommunicatum absque voluntate ipsius,
qui eum excommunicavit, sciens receperit, aut cum
illo panem manducaverit, vel colloquium habere
decreverit, simili sententiæ subiacebit.

XL.

Non licet presbytero inter epulas cantare vel
saltare.

XLI.

Non licet presbytero, nec diacono, quemquam in-
scribere; sed in vice sua si causam habuerit, aut
fratrem, aut quemcunque sæcularem roget.

XLII.

Et unaquæque mulier, quando communicat, do-
minicalem (*Can. 42*) suum habeat*. Quod si qua
non habuerit, usque in alium diem Dominica non
communicet.

XLIII.

Quicumque iudex, aut sæcularis, presbytero, aut
diacono, aut cuilibet de clero, aut de junioribus abs-
que voluntate episcopi, aut archidiaconi, vel archi-
presbyteri, injuriam inferre præsumpserit, anno ab
omnium Christianorum consortio habeatur extraneus.

XLIV.

Si quis ex sæcularibus institutionem aut admoni-
tionem archipresbyteri sui, contumacia faciente, au-
dire distulerit, tandiu a liminibus sanctæ ecclesiæ
habeatur extraneus, quandiu tam salubrem institu-
tionem adimplere non studuerit. Insuper et muletam,
quam gloriosissimus dominus rex præcepto suo in-
stituit, sustineat.

XLV.

Si quis hanc definitionem, quam ex auctoritate
canonica communi consensu et convenientia conscri-
psimus ac instituimus, tam ad clerum, quam ad po-
pulum commonendum, vel ad id quod constitutum

*

NOTÆ SEVERINI BINII.

dominicalem intelligi debeat, accipe ex
ino, qui de hoc agit sermone centesimo
o secundo de tempore, ubi ait: « Omnes
communicare desiderant, lavent manus,
ieras nitida exhibeant linteamina, ubi

corpus Christi accipiant, » etc (*a*).

(*a*) Errare hic videtur Binius, ut in nostris Annotatis
observabimus. LABB.

est conservandum, negligens inventus fuerit, et ob hoc observare distulerit, aut eos qui ipsum audire neglexerint celeravit aut suppresserit, et in notitiam episcopi non deposuerit, anno a consortio fratrum, vel ab omnium Christianorum communione habeatur extraneus.

SUBSCRIPTIONES.

Aunacharius in Dei nomine episcopus constitutionem hanc [confirmavi et] subscripsi.

Vinobaudis [Winebaudus] abbas subscripsi.

Baudonius [Baudoveus] abbas subscripsi.

Francolus [Franulfus] abbas subscripsi.

Cæsarius abbas subscripsi.

Desideratus abbas subscripsi.

Amandus abbas subscripsi.

Tegredus abbas subscripsi.

Vigilius presbyter subscripsi.

Gregorius presbyter [abbas] subscripsi.

Claudius presbyter subscripsi.

Anianus [Ananias] presbyter subscripsi.

Saupandus presbyter subscripsi.

Theodulfus presbyter subscripsi.

Ruricius presbyter subscripsi.

Niobaudis presbyter subscripsi.

Antonius presbyter subscripsi.

Sevardus presbyter subscripsi.

Addo presbyter subscripsi.

Sindulfus presbyter subscripsi.

Audovius [Audoveus] presbyter subscripsi.

Medardus presbyter subscripsi.

Badericus presbyter subscripsi.

Syagrius presbyter subscripsi.

Friobaudis presbyter subscripsi.

Eominus presbyter subscripsi.

Elladius presbyter subscripsi.

Theodemodus presbyter subscripsi.

Launovius presbyter subscripsi.

Leonastis presbyter subscripsi.

Medardus presbyter subscripsi per diaconum Leudegisilum.

Eunius presbyter subscripsi.

Filmatus presbyter subscripsi.

Nonnovius presbyter subscripsi.

B Ballomeris presbyter subscripsi.

Romacharius presbyter subscripsi.

Medardus presbyter subscripsi.

Audila presbyter subscripsi.

Genulfus presbyter subscripsi.

Syagrius presbyter subscripsi.

Sindulfus presbyter subscripsi.

Vinobaudis presbyter subscripsi.

Barbario diaconus subscripsi.

Leudegisilus diaconus pro Medardo subscripsi.

In hac synodo fuerunt congregati episcopus unus, abbates septem, presbyteri triginta quatuor, diaconi, qui in vice presbyterorum subscripserunt, tres tantum.

SANCTI AUNARII, ANTISSIODORENSIS EPISCOPI,

EPISTOLA AD STEPHANUM ABBATEM

(Ex Bolland., prima die Maii.)

HUNC HORTATUR UT VITAM SANCTI AMATORIS CONSCRIBAT.

Dilectissimo atque amantissimo et interno mihi vinculo charitatis connexo Stephano presbytero, Aunarius gratia Dei episcopus, in Domino æternam salutem.

Tuæ nobis doctrinæ multis jam experimentis comprobata prudentia compulit nos, quamdam tuis humeris imperiosam superponere sarcinulam; sed eam quæ tibi non sit oneris, sed honoris; nec quæ deorsum iniquo pondere premat, sed quæ potius cælum usque sustollat. Cognitum tibi est, charissime frater, et quæ sit humanarum mentium diversitas, et quemadmodum in studia contraria non solum inane vulgus, verum etiam universa scindatur nobilitas. Et quidam quidem prosaico oblectantur stylo,

quidam autem numeris se rhythmisve ac cantibus versuum delectari fatentur. Ergo, ut omnium votis occurrerem, et nullus suo desiderio fraudaretur, placuit mihi ut vitas beatissimorum confessorum quasdam pede libero describeres, quasdam vero lege metrica impeditas digereres: ob quam rem obsecro unitam mihi tuæ dilectionis amicitiam, ut beatissimi Germani episcopi vitam in versuum qualitatem, commutare non desistas; sancti vero Amatoris prosaica modulatione describas; ut sectatores apostolicæ prædicationis effecti, omnibus omnino efficiamur, et nulli quidquam debeamus, nisi ut invicem diligamus. Indivisi duam mihi charitatem vestram divina custodiat pietas, venerabilis frater.

STEPHANI ABBATIS

COLLA AD SANCTUM AUNARIUM,

AUTISSIODORENSEM EPISCOPUM.

issimo et apostolicis infulis decorato Aunario episcopo, Stephanus, omnis Christi famulus.

ris apostolatus vestri, quod sancti summa alacritate prætendit, lucevi. Est ergo devotionis vestræ prom opinatissimorum Germani et Amæ nobiles actus describi; sed ad eos s vestri dirigatur intentio, qui postumina æquiparis afflatibus inspicere. jus iners ingenium gemino rigore aqua balbutiens, faucium inter rauquallido sitis impedita rigore, non otius stridet) quomodo potero divivirorum sanctissimorum munera sermone, qui nec privata possum B ongesta negotia explicare? Ridiculo, explicabili ludibrio semet impendit irium suarum possibilitatem onus

assumit. Nonne ferarum sectatores, si minus captiosa industria formaverit, audax temeritas pessumdabit? Nunquam tiro victoriæ monumenta parma, quæ est picta, gestavit, si eum docta veterani exempli manus non instruxit. Nunquam etiam aeris sibi concessum patulum iter ales tutius resecavit, cui prævia dux penniger mater non fuerit. Jacebit profecto fluctuum elisione truncatus, quisquis suæ procacitatis sisus auctoramento, indocilem ratis dexteram ingerit clavo: sic unusquisque in diversum imperitiæ hamo inscinditur, si doctorum favoribus minime adjuvetur. Ego, beatissime vir, quæso ut illa mihi culmen apicis tui imponat, quæ facile me posse perficere non dubitat; si tamen et in hoc opere, quidquid illepide aut infacete rustica garrulitas digesserit, æquanimiter feras, aggrediar; et faciam quæ paterna infert ac jubet auctoritas. Vale in longum tempus, domine papa.

EODEM TEMPORE.

SEDATUS, BITERRENSIS EPISCOPUS.

NOTITIA.

Ex Fabricii Bibliotheca.

copus Biterrensis, qui an. 589 concilii Narbonensi interfuit, auctor est honania primum Lugduni cum opusculis atrum 1615 a Thoma Galletto editæ, aeca Patrum Parisina et Coloniensi ertæ scriptores positæ, cui tandem in XI, p. 1093, nomen episcopi Biterunt. Inter Opera Augustini, t. V edit. l., p. 735, exstat sermo de Kalendis i Ms. Floriacensis abbatiae Sedato episcopi; dubium an huic nostro. Denique

mentio faciendæ est epistolarum trium Sedati ad Ruricium Lemovicensem, quas Canisius edidit *Antiq. Lectionum* t. V, part. II, p. 438, edit. novæ tom. II, part. II, p. 360, 362, 367; cujus quoque ad nostrum aliquot epistolæ exstant. Habentur quoque tomo II Conciliorum Harduini, ut alias editiones taceam. Has epistolas quidam Sedato Nemausensium episcopo tribuunt, qui an. 506 concilio Agathensi, et an. 507 Tolosano interfuit *. Adde *Hist. littéraire de la France*, tom. III, p. 362.

pistolas videsis Patrol. tom. LVIII, coll. I a Margarino de la Bigne, ex cujus Bi-

bliotheca desumptæ sunt, Fausto Rhegiensi tribuuntur, sed Sedati suppositio nomine, ad Ruricium scribentem. Exst.

SANCTI SEDATI, BITERRENSIS EPISCOPI,
HOMILIA DE EPIPHANIA.

Proxime, fratres charissimi, redemptionis nostræ celebravimus sacramentum, quo Deus hominem cum infirmitatibus induit. Hodie illud excolimus quo se in homine Deum virtutibus declamavit. Pro eo quod in hac diesive cælo stellam ortus sui nuntiam præbuit, sive quod in Chanaam Galilææ in convivio nuptiali aquas in vina convertit, sive quod in Jordani undis aquas ad reparationem humani generis suo baptismo consecravit. In quolibet horum trium salutis nostræ mysteria continentur et gaudia. Nobis enim ex Virgine natus est, quod stella monstravit: nos in melius esse mutandos operis miraculo, et aquarum conversione signavit. Nobis remedia providit ex baptismo quod in Jordani alveo aquas dedicavit; et ideo, fratres charissimi, in omni actu nostro stellam fidei præferamus, et in custodia puritatis Christi baptismum celebremus. Quia hæc Christi generatio tuæ fidei confirmatio est. Et quia per universum mundum sacramento baptismi humano generi opus erat, aquis benedictionem dedit, quando in Jordani alveum, unica, ac singulari pietate descendit. Tibi ergo nascendo, Christus advenit, tibi vivendo militavit, tibi moriendo conflavit,

Quem vides pro te mortuum, propter te intellige baptizatum. Illud, fratres charissimi, quod die tertia nuptiæ factæ sunt, hoc, quod aquam in vinum conversam fuisse, modo cum Evangelium legeretur, audistis. Sex autem hydriæ sunt sex mundi hujus ætates, per quas justis figuram et typum Domini prætulerant. Capiunt metretas binas, vel ternas, quia fidem intra se continent Trinitatis. Sed videamus quid dicit sermo divinus, et ipsa sacri Evangelii tractemus oracula. In Cana Galilææ aquas in vina convertit, et latentem sub homine Deum operum virtute detexit. *Et die, inquit, tertia nuptiæ fiebant.* Quæ sunt istæ nuptiæ, nisi gaudia salutis humanæ? quare die tertia, nisi quia die tertia resurrexit? Itaque tanquam sponsus procedens de thalamo suo descendit ad terras, Ecclesiæ ex gentibus congregandæ, incarnatione jungendas. Cui quidem et hujus Ecclesiæ, quæ utique sumus nos, et arrhas, et dotem dedit. Arrhas dedit, quando nobis est ex lege promissus. Dotem dedit, quando pro nobis est immolatus.

Et alio modo hoc potest accipi, ut arrhas, præsentem gratiam, dotem intelligamus vitam æternam. Videamus quid agit in Chanaam Galilææ. Hic jam prodant nobis Deum stupenda miracula. Statuuntur hydriæ capientes metretas binas, vel ternas. Implentur hydriæ, mutantur subito aquæ, homines postmodum maturi dum in melius reformantur, velut baptis mate vini liquantur quodammodo; deficiente ergo vino, dicit ad Jesum mater ejus (Joan. 11): *Vinum non habent.* Jam primo loco requiramus quod

sit vinum quod defecisse dicitur, et quod sit aliud vinum quod mirabiliter præparatur, quod architriclinus melius esse pronuntiat ibidem dicens: *Omnis homo primum vinum bonum ponit, et cum inebriati fuerint, tunc id quod deterius est. Tu vero servasti vinum bonum usque nunc.* Vinum multis locis accepimus divina præcepta et Scripturas sanctas, meracissimum vigorem cœlestis sapientiæ continentes, quibus ad timorem Dei incalescat sensus, et inebrietur affectus.

Secundum illud, quod de Sapientia dictum est: *Paravit mensam suam, miscuit vinum suum in cratere.* Scripturarum ergo divinarum virtus, si quando aliquis interiora repleverit, dicere poterit cum Propheta (Psalm. LIX): *Potasti nos vino compunctionis, et populum tuum inebrians quam pæclarum est!* Operante ergo Christo in Cana Galilææ, vinum defecit, et vinum sit, id est, umbræ remouentur, et veritas præsentatur. Recedit lex, gratia succedit. Carnalia in spiritualia commutantur. In novum Testamentum observatio vetusta transfunditur; sicut beatus Apostolus dicit (II Cor. 11): *Vetera transierunt, et ecce facta sunt nova.* Quomodo autem hydriæ illæ impletæ aqua nihil minuunt ex eo quod erant, ita lex non perit per adventum Christi dissoluta, sed proficit. Vino ergo deficiente, vinum aliud ministratur. Bonum quidem est vetus Testamentum, sed sine spiritali intellectu vanescit in littera (II Cor. 11). Novum vero odorem vitæ reddit in gratiam (II Cor. 11). Cum hæc ita sint, Architriclinum ipsum præpositum in domo sponsi, videamus, quem sentire possimus. Et quem alium, nisi beatum Paulum intelligere debemus, qui post legis litteram, acceptum novi Testamenti mysterium suavissimo, vel odore, vel gustu, et spiritalium sensuum flagrantia repletus, et inebriatus exclamat et laudat: *Tu servasti bonum vinum usque adhuc?* (Joan. 11). Videamus tamen quemadmodum ipsum vinum laudat? *Nec oculus, inquit, vidit, nec auris audivit, quæ præparavit Deus diligentibus se.* Ecce vera, ecce prædicanda miracula, quæ in nobis operatur, quando de pessimis bonos facit, de superbis humiles, de inhonestis castos, de sectatoribus sæculi, amicos Dei.

Quæ potest majora exercere miracula, quam quando hominem vermem et putredinem dignatur in statum angelicum promovere? de terrenis in cœlestibus collocare, et in gratia suæ adoptionis? solemnitatem, quæ de Domini nativitate præcessit, ea fide celebravimus, qua ex homine Deus natus est, hanc vero ea observatione veneramus, qua Deus in homine declaratus est. Illic infirmitatibus absconditur, hic virtutibus revelatur. Hodie enim magos ab Oriente venientes usque locum, gentibus Salvatoris stella

Christum quærentibus, monstratura perduxit. Expe- titur sub humili tugurio sacra nativitas. Adoratur in pannis, id est, sub tectiōe corruptionis humanæ involuta majestas revelatur. Innuitur mysterio divinæ misericordiæ magnitudo, in eo quod ad Christum primum Æthiopes, id est, gentes, ingrediuntur.

Interea beata perductam se ad sacra cunabula radio desuper currente, miratur extrema gens, bono publico prima fruitur. Quam stupenda dignatio! Inter amplexus genitricis includitur, qui cælum terramque complectitur. In sinu matris latet, qui regnum Patris excedit. Per simplex officium spiritale revelatur arcanum. Humanitas cernitur, et divinitas adoratur. Exhibent aurum, thus et myrrham. Plus in mysteriis quam in conscientiis offerentes, in auri munere, regia dignitas, in thuris vapore, divina majestas. In myrrhæ specie sepelienda demonstratur humanitas. Ac sic Trinitatem oblationis numerus loquitur, unitatem devotio una testatur; ac per hoc, vigili intentione cordis cælum studeamus aspicere, si ad Christum cupimus pervenire. Dirigat nobis semitas viæ perfectas stella justitiæ. Ei, qui dixit: *Non apparebis in conspectu meo vacuus* (*Exod. xxiii*) offeramus, et nos aurum fidei, pietatis aromata, castitatis holocausta, spiritalem quoque myrrham habeamus in nobis, quæ ita animas nostras condiat, ut illæsas a peccati corruptione custodiat. Mutemus viam, si pervenire optamus ad patriam, ad patriam utique cœlestem. Ac si inter utrumque commercium, ut illius nobis proprietatem usu istius comparemus; ita elaboramus, ut illius ista sit pretium.

Illud autem quod ait Evangelista, magos admonitos esse in somnis, ne redirent ad Herodem, sed per

aliā viam ad regionem propriam remearent, hæc etiam nobis spiritualiter præcipiuntur. Et per aliā viam, id est, per aliā conversationem revertamur ad patriam. Fortè aliquis requirit quomodo id fieri possit? Qui hoc scire desiderat, audiat prophetam dicentem: *Diverte a malo, fac bonum, inquire pacem, et sequere eam* (*Psal. xxxiii*). Hoc enim ordine per aliā viam reditur ad patriam.

Nam quia per superbiam cecidimus in mundum, oportet ut per humilitatem redeamus ad paradisum. Per cupiditatem ad servitium diaboli venimus, per misericordiam ad Christum Dominum redeamus. Per voluptatem, atque luxuriam durissimum jugum diaboli sustinuimus, per charitatem, atque justitiam leve jugum Christi suscipere festinemus. Per vias infidelitatis atque nequitie diabolo infelicitèr servientes, ab angelorum societate discessimus, per vias bonitatis ac fidei redire ad principale studeamus. Si hoc ordine vias mortiferas relinquentes, vias vitæ tenere voluerimus, de sinistra translati ad dextram, magorum itinera fideliter ac feliciter possumus imitari. Qui prius solebat res alienas tollere, et nunc suas cæperit misericorditer erogare, non tibi videtur per aliā viam incedere; qui fuit adulter, et est castus; qui fuit ebriosus, et est sobrius; qui solebat maledicere, et benedicit; qui fuerat invidus, et est benignus: si enim orationibus simul et bonis operibus, Deo auxiliante, contendimus hoc ordine conversionum nostrarum itinera in melius commutare, ad æternam beatitudinem poterimus feliciter pervenire. Quod præstare dignetur qui cum Patre et Spiritu sancto vivit et regnat in sæcula sæculorum. Amen.

SERMONES DUO

SANCTO SEDATO BITTERRENSI EPISCOPO TRIBUTI.

(*Exstant sub nomine sancti Augustini, Patrol. tom. V, part. II, col. 1001-1003.*)

ANNO DOMINI DXCI.

SANCTUS AREGIUS,

VEL

ARIDIUS,

ABBAS ATTANENSIS.

(*Hujus sancti Vitam et testamentum legere est inter opera Gregorio Turonensi attributa, tom. præced., col. 1119 et 1143.*)

EODEM TEMPORE.

COGITOSUS.

Canis., Thesaurus monum. tom. I.

NOTITIA, EX BASNAGIO.

Cogitosum hic reponimus, aliorum vestigiis insistentes potius, quam nostræ sententiæ addicti. Quippe multo recentiore credimus illum scriptorem. Postulat quidem Cogitosus, ut oreitur pro se nepote culpabili. Sed se Brigidæ nepotem non dicit, nec rem ipsi gloriosam siluisset. An ex filia, an ex sorore vel fratre nepos dictus est? Sed nulli memorantur Brigidæ vel fratres vel sorores, nec filiam potuit habere quæ virgo permansit. Qua ratione igitur se nepotem appellaverit, nobis æque ac Canisio incertum. Ait præterea Cogitosus virtutes Brigidæ non solum audivisse, sed oculis suis vidisse. Sed hic non agitur demiraculis a Brigida dum viveret patris. Viderat Cogitosus portenta quædam, in ejus templo operari solita; quod illam jam prius defunctam indicat, probatque non coævum, sed recentiore fuisse Cogitosum, qui Brigidæ viventis virtutes a majoribus tantum inaudiverat, non viderat ipse. Describit Cogitosus parietes decoratos pictis tabulis, et imaginibus depictis, quæ posteriora redolent sæcula; non enim ineunte sæculo vi pingebantur imagines in templis Hibernorum. Denique contra Gram-

maticæ leges peccat sæpius ille scriptor, et stylus Barbariem sæculi quo vixit indicat. Vita Brigidæ quam descripsit tota miraculis scatet, utpote quæ, secundum ipsum, *potenter omnia quæ desiderabat operaretur*. Canis non ausus est, ut quidem asserit, comedere depositum beatæ virginis, sed custos *patiens lardi* divina refrenatus virtute exstitit. Mirare quod illa virgo virum eremiticum convocaverit, ut ecclesiam in episcopali dignitate cum ea gubernaret; et postea *sic unctum caput et beatissima puellarum principalis felici comitatu*, principalem ecclesiam erexit. Stupendum etiam, virginem *saluberrima semina verbi dominici ex more consuetudinis omnibus seminasse*. Hæc enim legibus adversantur. Nata dicitur Brigida anno 439. Obiit, secundum Sigebertum, anno 518, vel anno 521, secundum Martinum Polonum, quem sequitur Baronius. Distingui debet ab altera Brigitta, quæ sæculo xiv vixit, et cælo ascripta fuit a Bonifacio pontifice Romano an. 1391. De illa consuli potest Casimirus Oudin, qui eam anno 530 assignat. suppl. de Scrip. ep. 108.

SANCTÆ BRIGIDÆ VIRGINIS VITA

A COGITOSO ADORNATA.

Prologus.

Cogisti me, fratres, ut sanctæ et beatæ memoriæ Brigidæ virginis virtutes et opera, more doctorum, memoriæ litterisque tradere aggrediar. Quod opus impositum, et delicatæ materiæ arduum, parvitatibus et ignorantibus meæ et linguæ minime convenit. Sed potens est Deus de minimis magna facere, ut de exiguo oleo et farinæ pugillo domum implevit pauperculæ viduæ (III Reg. xvii; IV Reg. iv).

Itaque jussionibus vestris coactus, satis habeo meam non defuisse obedientiam, et ideo pauca de pluribus, a majoribus et peritissimis tradita, sine ulla ambiguitatis caligine, ne inobedientiæ crimen incurram, patefacere censeo. Ex quibus quanta qualisque virgo virtutum bonarum florida, cunctorum oculis innotescat. Non quod memoria, et mediocritas, et rusticus sermo ingenioli mei tanti muneris officium explicare valeat, sed fidei vestræ beatitudo, et orationum vestrarum diuturnitas meretur accipere quod non valet ingenium dictantis.

Hæc ergo egregiis crescens virtutibus, et per famam bonarum rerum ad eam de omnibus provinciis Hiberniæ innumerabiles populi de utroque sexu confluentes, vota sibi voventes, voluntarie ædum monasterium, caput pene omnium Hiberniensium Ecclesiarum, et culmen præcellens omnia monasteria Scotorum, cujus

parochia per totam Hibernensem terram diffusa, a mari usque ad mare extensa est, in campestribus campi Liffeim, supra fundamentum fidei firmum construxit, et prudenti dispensatione de animabus eorum regulariter in omnibus procurans, et de Ecclesiis multarum provinciarum sibi adhærentibus sollicitans, et secum revolvens, quod sine summo sacerdote, qui ecclesias consecraret, et ecclesiasticos in eis gradus subrogaret, esse non posset; illustrem virum et solitarium, omnibus moribus ornatum, per quem Deus virtutes operatus est plurimas, convocans eum de eremo et de sua vita solitaria, et ibi sibi obviam pergens, ut Ecclesiam in episcopali dignitate cum ea gubernaret, atque ut nihil de ordine sacerdotali in suis deesset Ecclesiis, accersivit.

Et postea sic unctum caput et principale omnium episcoporum et beatissima puellarum principalis, felici comitatu inter se et gubernaculis omnium virtutum suam erexit principalem ecclesiam, et amborum meritis sua cathedra episcopalis et puellaris, ac si vitis frugifera diffusa undique ramis crescentibus, in tota Hibernensi insula inolevit.

Quam semper Archiepiscopus Hiberniensium episcoporum et abbatissa, quam omnes abbatissæ Scotorum venerantur, felici successione et ritu perpetuo dominantur. Exinde ergo, ut supra dixi, a fratribus coactus, beatæ hujus virginis Brigidæ virtutes tam eas quas ante principatum, quam alias quas in principatu gessit, multo studio brevitatis, licet præpostero ordine virtutum compendiose explicare conabor.

INCIPIT VITA SANCTÆ BRIGIDÆ.

Sancta itaque Brigida, quam Deus præscivit, ad suam imaginem et prædestinavit, a christianis nobilioribusque parentibus, de bona ac prudentissima Etech prosapia in Scotia orta, patre Dublocho^a, et matre Brocca genita, a sua pueritia bonarum rerum studiis inolevit. Electa enim ex Deo puella moribus sobria, ætatis ac pudicitiae plena, in meliora semper crescebat.

Et quis sua opera, quæ etiam in hac ætate gessit, plene potest enarrare? sed hæc pauca de innumerabilibus exempli causa posita demonstrabimus.

Exinde hæc, cum tempus maturum advenit, in opus coaguli, ut de turbato vaccarum lacte butyrum aggregaret, a matre transmissa est; ut sicut aliæ feminæ hoc opus exercere solebant, ipsa quoque equali munere perageret; ut cum cæteris in tempore placido, vaccarum fructum ac pondus, mensuratumque butyri solum plenissime in usum redderet. Sed hæc moribus pulcherrima et hospitalis virgo, obaudire magis volens Deo quam hominibus, pauperibus et hospitibus lac largitur, et butyrum distribuit. Et cum secundum opportunum advenit tempus, ut omnes redderent fructum vaccarum, ad eam perventum est. Sed cum cooperatrices ejus

monstrabant sua opera completa, quæsitum est a beata supradicta virgine, ut et ipsa similiter assignaret suum opus. Et ipsa matris timore pavida, cum non haberet quod monstraret, quia totum pauperibus erogavit, crastinum non procurans tempus, et inextinguibili flamma fidei accensa, ac firma, ad Dominum se convertens oravit. Nec mora, Dominus vocem virginis audiens ac preces, largitate divini Numinis, sicut est adiutor in opportunitatibus, adfuit, et pro sua in se virginis confidentia affluenter butyrum constituit. Mirum in modum et illa hora post orationem virgo sanctissima, nihil de suo opere deesse ostendens, sed super omnes cooperatrices abundasse monstravit complexu suum officium. Et cum plenissime inventum in oculis, omnium tanti muneris miraculum innotuit, et laudantes Dominum, qui hoc fecit, tantam fidei virtutem virginali pectore constitisse admirati sunt.

Ac non multo post, cum eam sui parentes, more humano, viro desponsare vellent, illa cœlitus inspirata, se virginem castam exhibere volens Deo, ad episcopum sanctissimum beatæ memoriæ Macca^b perrexit. Qui cœleste intuens desiderium et pudicitiam, et tantæ castitatis amorem in tali virgine,

In burgo Duno, tumultu tumultantur in uno
Brigida, Patritius, atque Columba pius.

Hæc Giraldus, qui, ibidem, cap. 17, hæc: « Obiit autem B. Patritius et in Domino quievit, anno ætatis suæ 120, ab incarnatione Domini 485, ab adventu Hibernensium 1800. » Ubi tamen in margine hæc varia lectio apposita est: « Anno ætatis suæ 123, incarnationis Dominicæ 493, pontificante Felice papa I, imperante Anastasio, principante in Britannia Aurelio Ambrosio, in Hibernia autem Forkero. »

CAN.

Ibidem, cap. 16: Patritius, natione Britannus, vir vita et sanctitate conspicuus, etc., tota jam insula ad fidem Christi conversa, apud Ardmacham sibi sedem elegit, quam etiam quasi metropolim constituit, et proprium totius Hiberniæ primariæ locum. Hæc Girald. Ubi in margine hæc: « Anno quo sanctus

^a Surius, qui vitam sanctæ Brigidæ paraphrastice dedit, patrem Duplacum, matrem Brotsech vocat.

CAN.

^b Apud Surius vocatur Machillus sancti Patritii discipulus. Fuerant autem contemporanei Patricio (inquit Sylvester Giraldus Cambrensis in topographia Hiberniæ, distinctione 3, cap. 18; cui capiti hunc titulum præfigit: *Quod tria corpora Patritii, scilicet, Columbæ, et Brigidæ, apud Ultoniam in Dunnensi civitate, his nostris diebus inventa, sunt translata*) sanctus Columba, et sancta Brigida, et apud Ultoniam, in eadem civitate, Dunnensi scilicet, quo dominus Comes Joannes primo in Hiberniam venit, quasi in spelunca triplici, Patritio in medio jacente, aliis duobus hinc inde, Joanne vero de Curci tunc ibidem præsidente, et hoc procurante tres nobiles thesauri, divina revelatione inventi, sunt translati. Unde Versus:

pallium album et vestem candidam super ipsius venerabile caput imposuit. Quæ coram Deo et episcopo ac altari genua humiliter flectens, et suam virginalem [F. virginitatem] coram Domino Omnipotente offerens, fundamentum ligneum, quo altare fulciebatur, tetigit. Quod lignum in commemoratione pristinae virtutis, usque ad præsens tempus viride, ac si non esset excisum, et decorticatum, sed in radicibus fixum viresceret^a; et usque hodie languores et morbos de hominibus expellit fidelibus.

Nec prætereundum mihi videtur commemorare de illa virtute, quam hæc famosissima famula dicitur ac divino incessanter famulatu tradita, operata est. Nam cum illa aliquando in caldario lardum advenientibus hospitibus coxerat, cani adulanti, ac flagitanti, misericorditer eam tradidit; et cum lardo de caldario tracto, ac postea hospitibus esset divisa, ac si non esset dempta, plenissime reperta est^a. Et valde hi qui hoc viderunt, admirantes puellam incomparabilem virtute fidei, merito bonarum virtutum, dignis laudibus divulgaverunt.

Et eadem messorum ac operarios convocat in messem suam; et facta illa messorum conventionem, nebulosa ac pluvialis dies illa accidit conventionis. Et pluviis largiter ex nubibus effusis, per totam illam in circuitu provinciam, ac rivulis guttarum effluentia per convales et rimas terrarum currentibus, sola messis sua arida sine pluviarum impedimento et perturbatione perstitit; et cum omnes messorum undique ipsius regionis prohibiti pluviali die, sui, sine ulla umbra caliginis pluviae, illa die tota, ab ortu usque ad occasum, messorum, Dei potentia opus exercebant.

Ecce inter cæteras virtutes ipsius hoc dignum admiratione videtur esse, et admirabile. Advenientibus enim episcopis, et cum ea hospitantibus, cum non haberet unde eos cibaret, adjuta Dei multiplici virtute solito more abundanter, ut sua poscebat necessitas, vaccam unam tribus, contra consuetudinem, in una die vicibus mulsit. Et quod solet de optimis tribus vaccis exprimi, ipsa mirabili eventu de una sua expressit vacca.

Ecce et hanc virtutem beatitudini vestrae intimare censeo, in quam mens pura virginalis, et manus cooperatrix in unum convenire apparent. Nam hæc cum suas ope pastoralis pasceret oves in campestri, loco herboso, largitate nimia pluviarum profusa, humidis vestibus domum rediit. Et cum umbra solaris per foramina domum intrinsecus intraret, illam umbram obtusa oculorum acie, arborem fuisse

Augustinus doctor mortuus est, scilicet 418, missus est Patritius in Hiberniam, venit vero eo 432. Sancta Brigida nata 439. Obiit Patritius 493, anno ætatis suæ 120. Hæc in quodam vetusto libro Chromelliae inveni. » Hæc ibi in margine. CAN.

^a Hujus miraculi mentio in Rom. Martyrolog. 1. Febr. N B.

^b Silvester Giraldus in topographia Hiberniæ, distinct. 2, cap. 36, hæc: « Sunt et hic (intellige apud Kyldariam Lageniæ quam gloriosa Brigida reddit

^c Phrasis mendosa. Cæterum quam imperfecto stylo tota Vita scripta sit, facile patebit legenti. Edrr,

A transversam et fixam putans, ac desuper complutam vestem ponens tanquam in arbore grandi et firma, in ipsa tenui solari umbra vestis pependit. Et cum ipsius domus habitatores vicini hoc ingenti miraculo fuissent percussi, hanc incomparabilem dignis laudibus extollebant.

Et hoc silentio opus non est prætereundum. Cum enim hæc sancta Brigida in agro juxta gregem ovium pascendum cura pastoralis esset sollicita, aliquis nequam adolescens callide subripiens, et ipsius largitatem in pauperibus comprobans, et mutato septem ab ea vervecis in una die detulit, et in secreto abscondit. Et cum grex ad vesperum ad caulam esset dirigendus ex more, duabus vel tribus vicibus diligentissime adnumeratus, sine damno mirum in modum totus integro repertus est numero. Et admirantes hi, qui conscii facti erant, virtutem Dei manifeste factam per virginem, septem quos absconderunt vervecis ad suum remiserunt gregem, et ille gregis numerus nec plus nec minus, sed ut ante integer repertus est^b.

His et aliis innumeralibus virtutibus famosissima Dei famula in ore omnium non immerito, sed dignis laudibus excelsissima visa est.

Mirabili quoque eventu ab hac venerabili Brigida leprosi cervisiam petentes, cum non haberet illa, videns aquam ad balnea paratam, cum virtute fidei benedicens, in optimam convertit cervisiam, et abundanter sitientibus exhaustit. Ille enim, qui in Cana Galilææ aquam convertit in vinum, per hujus quoque beatissimæ feminae fidem aquam mutavit in cervisiam.

Et secundum quod omnia possibilia sunt credentibus sine ulla possibilitate quotidie innumera miracula operabatur.

Quadam enim die, cum quidam sal petens veniret, sicut cæteri pauperes, et egeni et innumerabiles venire solebant, pro suis necessitatibus, ipsa beatissima Brigida in illa hora sal factum de lapide, quem benedixit, in opus poscentis sufficienter largita est. Et sic ab ea sal portans lætus propriam domum rediit.

Et hoc potentissimum opus divinum ejusdem jungendum esse mihi videtur inter cætera, quo Salvatoris instar imitatrix, divini nominis excelsissimam operata est virtutem.

Nam secundum exemplum Domini et hæc oculis cæci nati aperuit. Sua enim nomina et opera membris Domini largitus est suis, quia de se ipso cum loqueretur: *Ego sum lux mundi* (Joan. viii), nihilominus suis dicit apostolis: *Vos estis lux mundi*,

illustrum, ut inquit cap. 34) campestris pulcherrima, quæ Brigidæ pascua vocantur; in quæ nullus aratrum ausus est mittere, de quibus pro miraculo dicitur, quod licet provinciæ totius animalia solo tenus vesperi herbam corroserint, mane facto, non minus herbositas apparebit. Tanquam de pascuis illis dictum fuerit:

Et quantum longis carpunt armenta diebus,
Exigua tantum gelidus ros nocte reponit.

(*Matth. v.*), et eisdem dicens intulit : *Opera quæ ego facio, ipsi facient, et maiora horum facient* (*Joan. xiv.*).

Inde quem naturalis partus cæcum protulit natum, fides ejusdem Brigidæ grano operata sinapis, et consimilis eidem, oculos simplices et lucidos ingenii miraculo aperuit. Hæc itaque tantis virtutibus illustris, humilitate cordis et puritate mentis, morum temperantia et spirituali gratia plena, tantam auctoritatem et celebre nomen præ omnibus coætaneis virginibus habere meruit.

Et quadam die, cum una ex adhærentibus sibi extrinsecus femina, cum filia duodecim annos ætatis, ex naturali procreatione muta, ad eam veniret visitandam, cum digna veneratione et reverentia, ut omnes solebant, se inclinans et humili collo ad ejus pacificum osculum procidens, ipsa omnibus affabilis Brigida, et felix, conditis sale sermonibus divino eam salubriter allocuta est, ac Salvatoris nostri jubentis exemplo parvulos ad se venire, filiæ manum retinens manu sua, nesciente illa quod esset muta, et voluntatem ipsius interrogans, utrum velato capite permanere virgo an nuptiis tradenda esse vellet, matre ipsius admonente, quod sibi filia nulla daret responsa, respondens matri dixit, se non dimissuram filiæ manum, ni sibi prius responsum redderet. Et filiam cum secunda vice interrogaret, respondit filia sibi dicens : Non aliud, nisi quod tu volueris, volo agere. Ac sic postea aperto ore sine linguae impedimento, et soluto ipsius vinculo, loquebatur sana.

Et quibus hoc ejusdem opus nullis multorum auribus inauditum scrupulum non moveret ?

Dum enim hæc animo esset intenta cœlestium meditatione, ut semper solebat, suam de terrestribus ad cœlestia elevans conversationem, quamdam non parvam, sed grandem lardi partem cum cane dimisit. Et cum esset inquisita, non alicubi, sed ubi canis in eo loco solebat esse, mense transacto, intacta et integra reperta est. Non enim canis ausus comedere depositum beatæ virginis, sed custos patiens lardi et idoneus contra suum solitum morem divina refrenatur virtute exstitit.

Accrescente quotidie miraculorum numero, quæ vix enumerari possunt, quantum misericordiæ et pietatis, et in pauperes elemosynarum opportune et inopportune postulantium operata est ! Nam cum aliquis indigens cibo pauperum eam rogaret, illa ad eos qui carnes coxerant, ut ab illis aliquid pauperi deferret, festinavit, et illorum unus stolidissimus famulus, qui carnes coxerat, insipienter partem nondum carnis coctam, in albatum ipsius sinuatæ vestis receptaculum transjecit, et sic illa, non suffocato mantili, et in suo candido colore manente portans pauperi tribuit. Nec non et hoc de gestis felicibus admirari debet. Confluentibus enim ad eam undique pauperibus et peregrinis, ingenti fama virtutis, et nimis largitatis tracti, accedens ad eam inter eos ingratus quidam leprosus, optimam de armento vaccam cum optimo vitulo omnium vitulorum insimul sibi donari

poscebat. Nec ipsa ejus audiens preces distulit ; sed mox illam quam optimam de omnibus vaccam, et alius vaccæ vitulum elegantem et optimum roganti infirmo voluntarie donavit ; et misericorditer suum cum illo transmittens currum pariter, longum et latissimum campum, ne molestiam in vacca minanda infirmus longo fessus itinere sustentaret, vitulum post tergum ejus in currum poni præcipiebat. Et sic eum vacca lingua lambens, et tanquam proprium diligens, nemine eam cogente, usque ad loca destinata consecuta est.

Charissimi videtis fratres, quod et bruta contra consuetudinem ei famulabantur animalia.

Quodam intervallo temporis alii nequissimi fures, qui nec Dominum nec homines verebantur, de aliqua provincia ob latrocinium venientes, peramnem grandem facili meatu pedum egredientes, bovem ipsius furati sunt. Sed eos eandem revertentes viam impetus ingentis fluminis, inundatione aquarum subito facta, conturbavit. Non enim flumen instar muri erectum scelestissimam boum fraudem beatæ Brigidæ per se transire permisit ; sed eosdem fures demergens et secum trahens, boves de ipsorum manibus liberati, loris in cornibus pendentibus, ad proprium armentorum ad bubulum reversi sunt. Ecce et hic virtus divina apparet.

Cum quadam die ipsa sanctissima Brigida, cogente aliqua necessitate utilitatis, ut conventionem plebis visitaret, in curru sedens equis binis vehebatur, et cum in suo vehiculo meditatione theoricæ cœlestem agens in terris vitam, suum, ut, solebat, dominatorem oraret, de alio procidens loco, alter bruto animo equus saliens in curru, et inrefrenatus habenis fortiter se excutiens, et de jugo exterritus per campestria cucurrit ; et sic manus Domini jugum pendens sine præcipitio sustentavit. Et vidente turba, ob testimonium divinæ virtutis secuta, in suo orans vehiculum cum uno equo sub curru posito, ad plebis conventionem, discursu placabili, illæsa pervenit, et sic signis et virtutibus sua confirmans, doctrina, sermonibus salutaribus, et sale divino conditis, plebem exhortata est. Et hoc virtutibus ejus videtur nobis esse deputandum.

Cum aper ferus singularis et silvestris territus et fugitivus esset, ad gregem porcorum Brigidæ felicissimæ concitus cursu præcipiti pervenit. Quem ipsa ventum inter suas cernens benedixit. Deinde impavidus ac familiaris cum ipsius porcorum grege mansit. Ecce, fratres, videtis quod et bruta animalia et bestię sermonibus et voluntati ejus resistere non poterant, sed domita et subjecta sibi famulabantur.

Quadam autem die, cum aliquis nulla suffultus scientia, vulpem regis ad palatium ambulanti videret, putans illam, obcæcatis sensibus suis, feram esse bestiam, et quod in aula regis familiaris et mansueta esset, variis artibus edocta agilitate corporis, et subtilitate animi, regi et suis comitibus grande præstans signaculum, ignoraret, vidente multitudine occidit eam. Et statim ab his qui viderunt factum alliga-

tus et diffamatus est, ad regem perductus est. Et cum rex iratus rem discens gestam, nisi sibi vulpis similis in omnibus calliditalibus, quas sua vulpis operabatur, restituta esset, illum jussit occidi, et uxorem et filios et omnia quæ habeat in servitum redigi præcipit.

Cumque rem gestam sancta et venerabilis Brigida didicisset, tanto miseriarum et pietatis affectu permota, currum sibi jungi præcepit, et ex intimo corde dolens pro ipso infelici, qui injuste judicatus est, precibus ad Dominum fuis, et per planiciem campi equitans, perrexit in viam quæ ad regis palatium ducebat. Nec mora Dominus exaudit ipsam, suas fundentem assiduas preces. Unam de suis vulpibus feris ad eam venire jussit. Quæ cum velocissimo cursu ad eam veniret, et beatissimæ Brigidæ currui appropinquaret, leviter se elevans in curru sedebat, et sub receptaculum Brigidæ vestis se constituens, sobrie in curru cum ea sedebat.

At cum ipsa ad regem veniret, ut ille miser improvidus, qui reatu suæ ignorantie tenebatur, liber et absolutus de vinculo egrediretur cœpit precari. Et cum rex ejus precibus consentire noluisset, obtestans se non illum dimissurum, nisi talem vulpem tantæ mansuetudinis et calliditatis qualis vulpes sua fuerat restituta esset, ipsa suam in medium vulpem protulit. Quæ coram rege et omni multitudine, omnes mores, et subtilitatem docibilem variis artibus alterius agens vulpis, in eadem forma prioris palam omnibus lusit. Tunc rex placatus est, hæc videns, et optimates ejus cum ingenti plausu multitudinis admirantis mirabile factum, illum solvi, et liberum abire, qui fuerat ante reus delicti, jussit.

Nec multo post, cum sancta Brigida solutione ipsius et libertate facta, ad suam rediret domum, ipsa vulpes dolosa se inter turbas torquens, et callide movens, fugitiva ad loca deserta et silvestria, et ad suum antrum, multis equitibus et canibus sequentibus se, illudens ac per patentes campos fugiens, incolumnis evasit. Et omnes admirantes, quod factum fuerat, privilegio sanctitatis, et prærogativa multarum virtutum semper pollentem majoribus gestis sanctam venerati sunt Brigidam.

Et cum in alia die anates pectore carnali natantes in aqua, et per aera interdum volitantes, beata vidisset Brigida, eas ad se venire jussit. Quæ pennigero volatu, et toto ardore obedientiæ ejus vocibus tanquam humana cura consueta, sine ulla formidine multitudo ad eam volitavit. Quas manu tangens, et amplectens, et per aliquantum temporis hoc idem faciens, redire ac volare suis in aerem alis permisit. Collaudans Creatorem omnium rerum, cui omnia subjecta sunt animantia, et cui omnia vivunt, ut quidem ait, officio gerendi.

Et ex his omnibus manifeste colligi potest quod omnis natura bestiarum et pecorum et volucrum subjecta ejus fuit imperio. Et hoc ejus miraculum omnibus sæculis celebrandum auribus fidelium insinuandum est.

Nam cum semina saluberrima verbi Dominici ex more suæ consuetudinis omnibus seminare, vidit novem viros in quadam forma speciali vanæ et diabolicæ superstitionis plausum habentes, vocis ridiculæ ac insaniam mentis maximam. In quorum viis contritio et infelicitas, et antiquo hosti, qui in illis regnabat votis scelestissimis et juramentis, sitientes effusionem sanguinis, antequam calendæ Julii illius mensis supervenirent, venturi, aliorum jugulationem et homicidia deposuerunt. Quibus reverentissima et affabilis Brigida melliflua verborum copia prædica- vit, ut mortiferis erroribus relictis, crimina per cordis compunctionem et veram delerent pœnitentiam. Qui hebetudine mentis suæ, nisi prius vana sua complessent vota, illud resistentes, in viam perrexerunt suam; et pro hac re fuis ad Deum precibus affluenter veneratæ virginis, volentis, Domini exemplo, omnes salvos fieri, et ad agnitionem veritatis.

Et egredientes illi nefari imaginem instar viri, quem debuissent jugulare, contemplantes, et continuo suis jugulantes lanceis, et gladiis decollantes, quasi post triumphum de suo adversario armis sanguineis reversi multis apparuerunt. Mirum in modum cum neminem occiderent, illis visum est complesse sua vota: atque cum nemo deerat de illa provincia, de quo illi triumpharent, largitas divini muneris per sanctissimam Brigidam facta omnibus innotuit. Et sic illi qui antea erant homicidæ, per pœnitentiam ad Dominum conversi sunt.

Et in hoc opere per sanctam Brigidam cultu inenarrabili sacræ religionis divina manifestata est potentia. Illam enim, Luguidinam nomine, validus vir valde, et virorum fortissimus, duodecim virorum opera per semetipsum tota fortitudine sui corporis, in una, cum vellet, laborans die, et cibaria, quibus sufficienter duodecim viri vesci possent, simul comedens (sicut enim illorum opera solus, sic et cibaria æquali modo unus contra plures comedere poterat), deprecatus est, ut ipsa Dominum oraret Omnipotentem, ut ejus ingluviem, qua superflua devorabat, temperaret; nec antequam virtutem sui corporis pro hac amisisset causa. Et sic illa Brigida illum benedicens, et pro illo Dominum orans; ipse postea victu unius viri satis contentus, ac, ut antea solebat, laborans, sicut duodecim operarii operabatur, in eadem antiqua permansit virtute.

Item arbor quædam grandis et maxima, ad aliquem paranda usum, cum his qui artificia exercere solebant in ligna lignorum securibus excisa est. Ad quam conventio virorum fortium propter ejus molestiam et ingentem molem, loca difficillima in quibus ramorum cum fragore suorum, ut deponerent, attraherent cum multis bubus, et artificum machinis ad locum destinatum, ut necessitas rei poscebat, congregata est. Et cum nec multitudo virorum, vires boum, et variæ artificum artes, movere vel trahere ullo modo possent eam arborem, recedentibus cunctis ab ea, per fortissimam fidem beatæ Brigidæ grano sinapis similem, per quam fidem, ut Magister cœlestis organq

evangelicæ vocis docet, montes moventur, sic possibilia sunt omnibus credentibus (*Matth. xvii*), eam gravissimam arborem evangelicæ virtutis, per divina mysteria, nullo mortalium auxilio levantes sine ulla difficultate ad locum, quem voluit sancta Brigida, detulerunt, ac per omnes provincias tanta divinæ virtutis excellentia divulgata est.

Et nostro occurrit animo, non excludere et hanc virtutem silentio nostro.

Quidam enim vir sæcularis, et gente nobilis, et dolosus moribus exardescens in cujusdam feminæ concupiscentiam, et quo modo ejus concubitu frui posset callide cogitans, ac sentem argenteam pretiosam in depositum sibi commendans, quam dolose retraxit illa ignorante, et jecit in mare, et cum ipsa non posset reddere, sibi esset ancilla, et ejus postea uteretur, ut vellet, amplexibus, machinatus est hoc perficere malum, nulla alia re ac redemptione placatus fieri posse dicens, nisi aut propria sibi sente argentea reddita, aut ipsa femina in servitutem sibi redacta pro causa culpabili fragilis concupiscentiæ uteretur. Et hæc timens pudica femina quasi ad civitatem refugii tutissimam, ad sanctam Brigidam confugit. Quæ cum talem comperisset causam, vel quid pro hac re ageret cogitaret, cum nec dum verba compleret, supervenit ad se quidam cum piscibus de flumine tractis. Cumque illorum viscera excisa et aperta essent, sentis illa argentea, quam ille crudelis jecit in mare, in medio unius piscis reperta est. Et sic postea secuta mente eandem sentem secum portans; et ad conventum multitudinis pro hac culpa cum tyranno infami progrediens, et monstrans sibi eandem sentem, multis testantibus, qui eam agnoscere poterant, non aliam esse, sed ipsam de qua talis sermo ferebatur, adhærentem sibi feminam pudicam de manibus tyranni crudelissimi liberavit. Ille vero postea confitens suam culpam, sanctæ Brigidæ humiliter sua subdidit colla. Tunc illa ab omnibus gloriosa peracto hoc ingenti miraculo gratias agens Deo, et omnia in ejus gloriam faciens, domum rediit propriam.

Et his miraculis gloriosum ejus cum aliqua fideli femina hospitium jungi debet. Quo prosperum iter faciens sancta Brigida in Dei voluntate in amplissimo campo Breg, cum declinaret ad vespertinum dies, ad habitaculum ejus veniens cum ea pernoctavit. Quæ obvis manibus et gratulanter suscipiens, gratias Omnipotenti agens de felici adventu reverentissimæ Brigidæ virginis Christi.

Cumque non haberet, propter suam inopiam, unde tales nutriret, et cibum unde tales hospites cibaret, incidens ligna telaria, in quibus textura telarum operabatur in pastu ignis, vitulum suum, quem occidit, super struem lignorum ipsorum ponens, igni assavit cum bona voluntate. Et cœna facta, et nocte assuetis transacta vigiliis, expurgiscente post illam de mane noctem, ut nullum de receptione et refectione sanctæ Brigidæ ullius rei sustineret damnum ipsa hospitalis, quæ vitulum amiserat suæ vaccæ, alterum in

A eadem forma vitulum cum sua invenit vacca, quem ut priorem ipsa dilexerat. Et telaria ligna similiter sibi præ cæteris reparata, in tali forma et quantitate in qua priora fuerant, contemplata est.

Et sic sancta Brigida felici progressu, et mirabili facta virtute, et habitatoribus valedicens, pontifice in suam viam perrexit.

Et ecce in tanta miraculorum magnitudine hoc ejusdem opus præclarum admirari solet. Tribus enim leprosis postulantibus munus aliquodcunque ab ea accipere, vas largita est argenteum. Et ne illis esset causa discordiæ et contentionis, si illi inter se dividerent, cuidam in ponderibus auri et argenti comperto dixit ut inter illos hoc ponderaret tribus æqualibus partibus. Cumque excusare se cœpisset dicens, ponderare se æqualiter non posse, ipsa felicissima Brigida, apprehenso vase argenteo, allidit contra lapidem, et confregit in tres, ut voluit, æquales partes. Mirum in modum, cum postea istæ tres partes in pondere essent emensæ, nulla pars alia minor vel alia quæ aliam superaret, licet uno obolo, de his inventa est tribus partibus. Et sic ipsi pauperes sine ulla injuriæ et invidiæ causa læti recesserunt cum suis donis.

Secundum enim beatissimi Job exemplum nunquam inopes a se recedere sinu vacuo passa est. Nam vestimenta transmarina et peregrina episcopi Conleath decorati luminis, quibus in solemnitatibus Domini et vigiliis apostolorum sacra in altaribus offerens mysteria utebatur, pauperibus largita est. Et cum tempus solemnitatis advenit, secundum consuetudinem, ut ipse summus populorum pontifex suis indutus esset mutatorii vestibus, sancta Brigida quæ priora vestimenta illius episcopi Christo in forma pauperum posito donabat, alia similia per omnia vestimenta prioribus tam texturis, quam coloribus, quæ in illa hora a Christo, quem per pauperem induebat, perlata in curru duarum acceperat rotarum, tradidit pro aliis. Voluntarie enim alia pauperibus vestimenta obtulit, et hæc pro eis opportune recepit. Nam cum ipsa esset vivum et felicissimum summi capitis membrum, potenter omnia, quæ desiderabat, operabatur.

Item et hoc sancta fulsit Brigida miraculo. Quia cum regis illius patriæ in qua ipsa fuit per plebes et provincias quæ sub ejus erant ditione præceptum invalesceret, ut de omnibus ejus regionibus et provinciis convenirent populi omnes, atque ædificarent viam latam, et firmam ramis arborum, petris in fundamento positis, et munitionibus quibusdam firmissimis in gronna profunda et bene intransmeabili, et in locis humentibus, atque in paludibus, in quibus grandis currebat fluvius, quæ constructa quadrigas, et equites, et currus, et plaustrorum rotas, et impetum populorum atque incursum undique hostium sustinere posset.

Convenientibus autem undique populis per cognationes et familias diviserunt viam illam, quam ædificare debuerant, in partes proprias, ut unaquæque cognatio et familia suam sibi creditam construxisset.

partem. Et cum illa pars fluminis difficillima, et laboriosa in sorte alicujus ex ipsis nationibus evenisset, ipsa natio durissimum devitans laborem, per suam fortitudinem sanctæ Brigidæ infirmiore coegit nationem, ut hanc operaretur difficilem pariter in structura viæ; ut suam quam faciliorem habebat partem eligens, ipsa crudelis natio ædificaret sine ulla fluminis perturbatione.

Atque cum ad sanctam Brigidam sui secundum carnem cognati fuissent religiose prostrati, ipsa illis probabiliter dixisse fertur: Abite, voluntatis Dei est et potestatis ut ille fluvijs transeat de loco in quo est, et ubi vos dura opprimunt opera, in illam quam ipsi elegerunt partem. Et cum de mane ipsius diei omnes surrexissent ad opera populi, fluvijs ille, quem querebantur, visus est reliquisse suum locum antiquum et convallem, inter ambas currere solebat ripas, et transmutasse de parte, ubi sanctæ Brigidæ natio compulsa operabatur, in illorum fortium et superborum partem, qui alios pauciores et infirmiores se injuste operari compellebant; et in testimonium virtutis vestigia fluminis, et vallis vacua, ubi inundans et emanans antiquo currebat fluvijs tempore, ipso ad alterum flumine recedente locum; ipse locus siccatus sine ullis apparet fluitantibus aquis.

Non solum autem in sua vita carnali, antequam sarcinam deponeret carnis, virtutes operata est plurimas, sed largitas divini muneris in suo monasterio ubi ejus venerabile requiescit corpus, semper operari virtutes non cessat, quas nos virtutes non solum audivimus, sed etiam oculis nostris vidimus.

Nam præpositus maximi et clarissimi monasterii sanctæ Brigidæ, de quo in ejus opusculi principio brevem fecimus mentionem, operarios et lapidum cæsores quærere lapidem et incidere molarem, per loca quæcumque ibi possent invenire, transmisit. Et illi sine ulla providentia viarum arduam ascendentes viam, ad cacumen petrosi montis perrexerunt, et elegerunt lapidem grandem in ipso montis altissimi cacumine. Et cædentes eum de omni parte in rotundum, et perforatum molarem [*Leg. molarem*] lapidem formaverunt. Cum vero præpositus de monasterio invitatus ab eis venisset cum bubus ad illum montem, in quo lapis formatus fuit molaris, atque cum boves secum propter arduam montis ascensionem trahere et cogere non posset, durissimum iter cum paucis illum sequentibus vix ascendere potuit:

Ille vero cum omnibus suis operariis, dum cogitaret quomodo illum molarem deportaret lapidem de jugo altissimi montis, cum boves in illo prærupto montis sub oneribus et jugum esse nullo modo potuerint. Tunc facta desperatione, alijs ex eis descendentibus, illum deserere lapidem, et eos in vanum laborasse, qui illum formaverunt. Ille præpositus prudenti dispensatione, et consilio suis operariis fide-

ter dixit: Nequaquam hoc ita fiat; sed hunc levate viriliter molarem, et submittite in præcipitium de altissimo isto montis cacumine, in nomine et virtute reverentissimæ sanctæ Brigidæ. Quia nos nullis artificijs et viribus per ista loca petrosa hunc molarem lapidem possumus portare, nisi Brigida, cui nihil impossibile est, secundum illud quod omnia possibilia sunt credenti, illum portaverit ad locum, ex quo vires boum trahere ipsum possint. Et sic fide firma præcipitans illum in vallem, et paulatim de monte ascendens, aliquando petras devitans, aliquando super eas saliens, et in locis currens humidis in radice montis positus, in quibus nec homines nec boves stare poterant, pro illorum funditate, mirabili comitatu usque ad loca plana sine ulla fractione, ubi illorum erant boves, cum eis progressus est. Et exinde cum bubus, usque ad molendinum vectus est, artificiose cum altero junctus est lapide.

Et ut plus iste molaris lapis, qui in nomine beatæ directus est Brigidæ, omnibus adhuc innotesceret, addit et hoc inauditum antea et præclarum miraculum. Nam cum quidam paganus ac molendino vicinus suo habitaculo dolose per alium simplicem virum, ignorante molendinario, qui opus molituræ exercebat, suum granum ad hoc transmisit molendinum. Et cum inter hos molares transiectum et fustum fuisset lapides, illum supradictum lapidem molarem nullus impetus fortis fluminis et nulla aquarum violentia, nulla artificum conamina movere potuerunt. Et dum illi qui hoc viderunt de hac re cogitarent, nimio perculsi stupore, granum illud magi esse cognoscentes, nullo modo dubitabant, quod ille molaris lapis in quo sancta Brigida virtutem operata est divinam, granum gentilis hominis in farinam comprimere respuisset. Et statim tollentes foras granum ipsius pagani, et suum granum monasteriale subter molarem illum lapidem ponentes, cursus solitus, et quotidianus sine ullis impedimentis reparatus est mola.

Et post intervallum temporis accidit ut molendinum ipsum igne combureretur. Nec et hoc parvum fuit miraculum, cum ignis totam domum combureret, et alterum lapidem, qui junctus supra dicto lapidi fuit, hunc tantum specialem sanctæ Brigidæ lapidem nullo modo tangere est ausus et comburere. Sine ulla molestia ignis in magno molendini incendio permansit incolumis.

Postea hoc viso miraculo ad monasterium perlatus est, et juxta portam interioris castelli, quo ecclesia ambitur, ubi multi conveniunt ob venerationem sanctæ Brigidæ in ipsa porta honorifice positus est, et de fidelibus hunc lapidem tangentibus morbum expellit.

Nec et de miraculo in reparatione ecclesiæ tacendum est, in qua gloriosa amborum, hoc est episcopi Conleath et hujus virginis sanctæ Brigidæ usitata nec mirabilis ei convenit, ideo nihil debet immutari. BASN.

c Jam antea citavi ex Giraldo hos versus:

In Burgo Duno tumulto tumultantur in uno,
Brigida, Patritius, atque Columba pius.

* Marianus Scotus ait obiisse sub Justino Seniore imperatore anno 524, quem potius sequor cum Baronio tom VII, an. 521, num. 41, quam Sigebertum. NB. CAN.

b Concitatu Hanckius N. ms. Sed ea vox parum

corpora a dextris et a sinistris altaris decorati, in monumentis posita ornatis, vario cultu auri et argenti et gemmarum, et pretiosi lapidis, atque coronis aureis et argenteis desuper pendentibus requiescunt.

Ecclesia namque crescente numero fidelium et utroque sexu, solo spatiosa, et in altum minaci proceritate porrecta, ac decorata pictis tabulatis, tria intrinsecus habens oratoria, ampla et divisa parietibus tabulatis, sub uno culmine majoris domus, in quo unus paries decoratus, et imaginibus depictus, ac linteaminibus tectus, per latitudinem in orientali ecclesiæ parte, a pariete ad alterum parietem ecclesiæ se tetendit; qui in suis extremitatibus duo habet in sua ostia; et per unum hostium in externa parte positum intratur ad sanctuarium ad altare summus pontifex cum sua regulari scola et his sacris sunt deputati ministeriis, sacra ad dominica et immolare sacrificia. Et per alterum ostium in sinistra parte parietis supra dicti et transversi positum, abbatissa cum suis puellis et viduis fidelibus tantum iverat [*Leg. intrat*], ut convivio corporis et sanguinis fruantur Jesu Christi. Atque alius paries pavimentum domus in duas æquales dividens partes, a parte orientali usque ad transversum in latitudine parietem extensus est. Et hæc tenet Ecclesia in se multas fenestras, et unam in latere dextro ornatam portam, per quam sacerdotes et populus fidelis masculini generis sexus intrat Ecclesiam; et altera portam in sinistro latere, per quam virgines et fidelium feminarum congregatio intrare solet. Et sic in una basilica maxima, populus grandis in ordine, et gradibus, et sexu, et locis diversis interjectis et inter se partibus ^a, diverso ordine et uno animo Dominum omnipotentem orat.

Et cum ostium antiquum portæ sinistralis, per quod solebat sancta Brigida Ecclesiam intrare, ab artificibus in suis esset cardinibus situm, totam concludere portam instauratam et novatam novam non potuit. Quarta enim portæ pars aperta sine conclusione et patefacta apparebat. Et si addita et juncta ad altitudinem ostii quarta pars fuisset, tunc totam concludere portam posset altam et instauratam. Et cum artifices alterum majus novum facere ostium deliberarent, quod totam concludere portam, aut tabulam facere junctam in vetus ostium, ut postea sufficere posset, prædictus doctor et omnium prævius

^a Forte parietibus. De hoc antiquo more, quo feminae a viris separatæ orabant in templis, Clement. cons. lib. II cap. 64; Greg. Naz., in Som. de Ana-

artifex Hibernensium prudenti locutus est consilio: In hac superventura nocte orare Dominum juxta sanctam Brigidam fideliter debemus, ut ipsa nobis de mane, quid in opere hoc acturi sumus, provideat. Et sic orans juxta monumentum sanctæ Brigidæ totam noctem transegit.

Et mane surgens, oratione præmissa, ostium antiquum trudens ac ponens in suo cardine, januam conclusit totam: nec aliquid defuit de ipsius plenitudine, nec ulla in ejus magnitudine superflua pars reperta est. Et sic sancta Brigida illud ostium extendit in altitudinem, ut tota porta illa ab eo sit conclusa, nec in ea ullus locus patefactus videatur, nisi cum ostium retruditur, ut ecclesia intretur. Et hoc virtutis dominicæ oculis omnium videntium miraculum, illam januam et valvam manifeste patet.

Et quis sermone explicare potest, maximum decorem hujus ecclesiæ, et innumera illius civitatis qui dicemus miracula? si fas est dici civitas, de qua vita in se multorum nomen accepit. Maxima hæc civitas et metropolitana est, in cujus suburbanis, quæ sancta certo limite designavit Brigida, nullus carnalis adversarius, nec cursus timetur hostium. Sed civitas est refugii tutissima de foris suburbanis in tota Scotorum terra, cum suis omnibus fugitivis in qua servantur thesauri regum, et decorati culminis excellentissima esse videntur.

Et quis enumerare potest diversas turbas et innumerales populos de omnibus provinciis confluentes: alii ob epularum abundantiam, alii languidi propter sanitates, alii ad spectaculum turbarum; alii cum magnis donis venientes ad solemnitatem nativitatis sanctæ Brigidæ, quæ in die Kalendarum Februarii mensis dormiens secure sarcinam dejecit carnis, et Agnum Dei in cœlestibus mansionibus secuta est?

Veniam peto a fratribus et lectoribus hæc legentibus, qui causa obedientiæ coactus, nulla prærogativa scientiæ sufflatus, pelagus immensum virtutum sanctæ Brigidæ et viris fortissimis formidandum, his paucis rustico sermone dictis virtutibus de maximis et innumerabilibus currerim.

Orate pro me Cogitoso nepote culpabili, et ut oratione vestra pio Domino me commendetis exoro, et Deus vobis pacem evangelicam sectantes exaudiat.

Explicit Vita sanctæ Brigidæ virginis.

stasia; Ambros., ad virg. laps.; Baron., in Apparatu Eccles., ad num. 52. CAN.

MARIUS,

AVENTICENSIS EPISCOPUS.

(Galland. Biblioth. tom. XII.)

NOTITIA.

I. In Ædvis nobili genere ortus est Marius, stante adhuc Burgundiæ regno, circa annum Christi 532, ut produnt Cointius (a) ac Historiæ litterariæ Gallicæ scriptores eruditi (b), Chiffletium assectati (c). Anno autem circiter 576, ut postmodum ex dicendis com-
pertum fiet, dum ætatis annum ageret quadragesimum quartum, evectus est ad ecclesiam Aventicensem regendam in Helvetiorum tractu sitam : quam quidem sedem episcopalem diu tenuit, donec sub finem sæculi hujus vi, Childeberti Francorum regis permissu, eam Aventico Lausannam transtulit, ut ex Claudio Roberto tradit laudatus Cointius (d). Childebertus enim Burgundiæ regnum in quo Aventicus et Lausanna censebantur, post obitum Guntchramni patruï obtinuit ab anno duntaxat 593, ad annum 596. Verum, si Adrianum Valesium audiamus (e), tertio quidem anno in Burgundia exacto supremum diem obiit Childebertus anno 595, qui nimirum anno 592 regnum Burgundicum hæreditario jure acquisierat. Sed ut ad Marium revertamur, inter subscriptiones episcoporum qui concilio Matisconensi ii interfuere, auno Guntchramni regis 25, æræ Dionysianæ 585 celebrato, adfuisse comperitur *Marius episcopus ecclesiæ Aventicæ* (f) : unde liquet sedem Aventicensem nondum eo anno Lausannam fuisse translata; adeoque serius post novem aut decem circiter annos, sub Childeberto scilicet, id contigisse, ut modo innuimus. Porro ex antiquis Lausannensium tabulis perhibet Chiffletius (g) Marium in episcopatu egisse annos xx, ac menses viii; vixisse autem omnino annos lxi, obiisse vero pridie Kalendas Januarias, anno videlicet 596. Qua quidem die Sanctorum ordinibus ascriptus traditur, quippe qui morum integritate ac pietate insigni claruerit. Miror equidem Saussayum

ejus mentionem prætermisisse in suo Martyrologio Gallicano : quod tamen præstitit eruditissimus Claudius Castellanus (h). Cæterum beati Marii corpus Lausannæ sepultum est in æda sancti Thyrsi, quæ postea sancti Marii nomen accepit. Hæc paucis contrahunt Adrianus Valesius (i) et Cointius (j). Latius refert Basnagius (k); qui verbo tenus Chiffletium exscribens, suppresso tamen ejus nomine, bifariam errat, asserens interfuisse Marium concilio Matisconensi iv, ejusque Chronicon ab anno 465 initium ducere.

II. Episcopi hujus Aventicensis unum Chronicon superest, strictim contextum a tempore quo Prosper desierat. Incipit autem ab anno Christi 455, quo *levatus est Avitus imperator in Gallias*, usque ad annum 581, quo *Mummolus patricius fuga se Avenionem recepit, anno 2 consulatus Tiberii Constantini Augusti, indictione 14*. Quod itidem narrat ejusdem ævi scriptor Gregorius Turonensis (l); cujus propterea historiam chronologicis notis satis destitutam, eoque obscuriorem, si quis cum hujusmodi Marii opusculo diligenter contulerit, ex eo enim vero eidem Historiæ Gregorianæ magnam lucem accedere plane intelliget : quæ est sententia sæpius laudati Chiffletii, cui concinit et Cointius (m). Verum de hujusce Chronici pretio ipsum clarissimum editorem disserentem audire præstat : « Desideratus est hactenus, inquit, antiquus scriptor, qui occidenti Romano veteri imperio funus duceret, qui barbarorum illa tempora, provincias Romani juris armis arbitris inter se dividendum illustraret; qui Francorum, Burgundionum, Gothorumque regum veterum exordia, res gestas, obitusque optimis temporum characteribus consignaret. Et nescio quid libaverat auctor

(a) Coint., Annal. eccl. Francor., ad ann. 581, § 1, tom. II, pag. 220.

(b) *Hist. littér. de la Franc.*, tom. III, p. 400.

(c) Chiff., præfat. ad Marii Chron., inter Hist. Francor. scriptor., *Duchén.*, tom. I, p. 210.

(d) Coint., loc. cit.

(e) Vales., *Rer. Franc. lib. xvi*, tom. II, pagg. 464-477.

(f) Conc. tom. VI, p. 680, edit. 1 Ven. Labb.

(g) Chifflet., loc. cit.

(h) *M. Chatelain*, Martyrol. univers. pag. 663.

(i) Vales., loc. cit., lib. xiii, pag. 274.

(j) Coint., loc. cit.

(k) Basnag., *Annal. Polit. eccl.*, ad ann. 581, § 10, tom. III, pag. 874.

(l) Greg. Turon., *Hist. Franc. lib. vi*, cap. 1.

(m) Coint., loc. cit., p. 219.

appendicis ad Marcellinum comitem : sed is huc usque ita deformatus in publicum prodiit, ut cum trium duntaxat Franciæ regum exitus perstrinxerit, Childeberty quidem senioris obitum anno uno; Chramni vero cædem, tum etiam Theodebaldi interitum, biennio antevertat. Plura id genus et diligentius in hoc opusculo adnotata leges. Thesaurum hunc ad hanc usque diem defossum, ac ne quæsitum quidem, forte membranæ vetustissimæ mihi objecerunt, inscriptum Mario episcopo. Quem ut in persequendis Burgundionum rebus accuratiorem vidi, ac nominatim in Vallensis agri ad lacum Lemannum, finitimorumque Agaunensium describendis casibus, expensis rerum omnium, nominis, conditionis, locorum temporumque adjunctis, non dubitavi, quin is ipse esset Marius Aventicensis seu Lausannensis episcopus. » Hactenus vir eruditus.

III. De eodem Chronico verba facientes Historiæ litterariæ Gallicæ auctores, primo advertunt (a) in eo plura scitu digna occurrere, quæ alibi frustra quærantur; deinde illius scriptorem in mundi annis supputandis eam iniisse rationem, cui pressius deinceps inhæsit Gregorius Turonensis: illudque præterea observant, Marium in eam descendisse sententiam, ut existimarit a principio mundi usque ad annum primum consulatus Justini Junioris Augusti, indict. 15, id est, usque ad annum 567 annos excursisse vmdcclxviii. His autem aliisque animadversis, admonent in errorem aliquando fuisse lapsum auctorem.

IV. Præsulis nostri Aventicensis Chronico subjicitur appendix, de qua hæc Chiffletius: « Quod spectat ad Marii appendicem quam ex iisdem antiquis membranæ excerpimus, contractior illa quidem est quam optandum esset, nec certum auctoris nomen præfert. Suum tamen pretium habebit apud erudi-

tos, vel ob res ex quibus constat, vel propter auctoris antiquitatem; qui videlicet Heraclii imperatoris anno 14, Clotarii porro secundi Francorum regis anno 40, hoc est anno Christi 623 aut 624 eam se conscripsisse significat. » Ex hac sane appendice dignum censuit quod exscriberet clarissimus Ruinartius excerptum de morte Brunichildis reginæ (b), ad illustrandum nimirum Fredegarii Scholastici Chronicon ubi ea de re mentio (c), Historiæ Francorum Gregorii Turonensis subjectum. Notanda vero in primis annorum summa quam ab exordio mundi ad suam usque ætatem contractam ad finem suæ appendicis exhibet hic anonymus auctor, conferendam cum superiore quam ex Mario Aventicensi descripsimus. Sic enim ille: *Fiunt igitur, inquit, ab exordio mundi usque in Heram præsentem, id est, Heraclii 14, et Chlothacarii regis annum 40, anni vmdcccxii.*

V. Erit fortasse cur quispiam miretur prætermisum a Gerardo Joanne Vossio, cætera solertissimo, nostrum chronographum, haud certe imparem, quomodo mihi persuadeo, Prospero, Idacio, Marcellino comiti, Victori Tununensi, Joanni Biclariensi aliisque, de quibus ille verba facit in libris de Historicis Latinis. Neque vero hujusmodi chasma eo in opere complendum curavit Sandius in suis Supplementis Vossianis: quod tamen, paucis licet, præstitit Hallervordius (d). Miræum prætereo Caveumque atque Oudinum, qui de nostro scriptore nihil novi, præter ea quæ ex Chiffletio exscripsere, in medium afferunt. Ad editionem nostram quod attinet, eam diligenter exegimus ad unam Petri Francisci Chiffletii, qui Marii Chronicon ex pervetusto Codice ms. primum in lucem edidit inter Historiæ Francorum scriptores cœtaneos, opera et studio Andreæ du Chêne anno 1636 Lutetiæ Parisiorum evulgatos.

gor Turon.

(d) Hallerv., Spicil. de Hist. Latin., pag. 759, edit. Fabric.

(a) *Hist. littér. de la Franc.*, loc. cit. pag. 401.
(b) Ruinart., in append. ad Gregor. Turon., pag. 1331.

(c) Fredeg., Chron. cap. 42, p. 523, edit. Gre-

MARI

AVENTICENSIS EPISCOPI

CHRONICON.

Usque hic Prosper: quæ sequuntur Marius episcopus. D

Consule supra scripto levatus est Avitus imperator in Gallias: et ingressus est Theodoricus rex Gothorum Arelato cum fratribus suis in pace.

JOANNE ET VARANA.

His consulibus dejectus est Avitus imperator a Majoriano et Ricimere Placentia, et factus est episcopus in civitate.

Eo anno Burgundiones partem Galliæ occupaverunt, terrasque cum Gallis senatoribus diviserunt.

CONSTANTINO ET RUFO,
MAJORIANO ET LEONE,
RECIMERE ET PATRICIO,
MAGNO ET APOLLONARE [*Ex fastis APOLLONIO*].

His consulibus Majorianus imperator profectus est ad Hispanias.

Eo anno captæ sunt naves a Vandalis ad Elecem; juxta Carthaginē Spartaria.

SEVERINO ET DAGALAIFO.

His consulibus dejectus est Majorianus de imperio in civitate Bertona a Ricimere Patricio, et interfectus est super Ira fluvio; et levatus est Severus imperator Ravenna.

LEONE II ET SEVERO,
BASILIO, ET BIBIANO.

His consulibus pugna facta est inter Ægidium et Gothos, inter Ligere et Ligerecino, juxta Aurelianis; ibique interfectus Frediricus rex Gothorum.

OLYBRIO ET RUSTICIO,
ERMENERICO ET BASILISCO,
LEONE III ET TASSIANO,
POSEO ET JOANNE.

His consulibus levatus est Anthemius imperator.

Eo anno interfectus est Theodoricus rex Gothorum a fratre suo Euthorico Tholosa.

ANTHEMIO AUGUSTO,
MARCIANO ET LEONE,
SEVERO ET JORDANO,
LEONE IV ET PROBIANO,
FESTO,
LEONE V.

Hoc consule levatus est Glycerius imperator Ravenna.

LEONE JUNIORE.

Hoc consule depositus est Glycerius de imperio, et levatus est nepos imperator.

P. C. LEONIS JUNIORIS AUGUSTI,
BASILISCO ET ARMATO.

His consulibus levatus est Odovacer rex.

P. C. BASILISCI ET ARMATI,
ILLONE,
ZENONE,
BASILIO JUNIORE,
PLACIDO,
SEVERINO JUNIORE,
FAUSTO,
VENANTIO ET THEODORICO,
SYMMACHO,
DECIO ET LONGINO,
BOETIO,
DINAMICO ET SIFIDIO,
PROBINO ET EUSEBIO.

His consulibus ingressus Theudoricus rex Gothorum in Italia Ponte Isonti.

LONGINO ET FAUSTO,
OLYBRIO,
ANASTASIO ET RUFO,
ALBINO ET EUSEBIO.

His consulibus occisus est Odovacer rex a rege Theuderico in Laureto.

ASTERIO ET PRÆSIDIO,
VIATORE,
P. C. VIATORIS,
P. C. VIATORIS ANNO II,
PAULLINO,
P. C. PAULLINI,
PATRICIO ET HYPATIO.

His consulibus pugna facta est Divione inter Fran-

cos et Burgundiones, Godegeselo hoc dolose contra fratrem suum Gundobagaudum machinante. In eo prælio Godegeselus cum suis, adversus fratrem suum cum Francis dimicavit: et fugatum fratrem suum Gundobagaudum, regnum ipsius paulisper obtinuit, et Gundobagaudus Avenione latebram dedit.

Eo anno Gundobagaudus resumtis viribus Vienne cum exercitu circumdedit, captaque civitate fratrem suum interfecit; pluresque seniores ac Burgundiones qui cum ipso senserant, multis exquisitisque tormentis morte damnavit; regnumque quod perdidit, cum eo quod Godegeselus habuerat, receptum, usque in diem mortis suæ feliciter gubernavit.

ABIENO ET POMPEIO,
B ABIENO JUNIORE ET PROBO,
VOLUSIANO,
CETHEGO,
SAVINIANO ET THEUDORO,
MESSALA ET ARIOBINDA,
VENANTIO ET CELERE,
P. C. VENANTII,
IMPORTUNO.

Hoc consule Mammo dux Gothorum partem Gallie deprædavit.

BOETIO,
FELICE ET SECUNDINO,
PAULLO ET MUSCIANO,
CLEMENTINO ET PROBO,
C SENATORE,
FLORENTIO ET ANTHEMIO.

His consulibus monasterium Acauno a rege Sigismundo constructum est.

PETRO.

Hoc consule rex Gundobagaudus obiit, et levatus est filius ejus Sigismundus rex.

ANASTASIO ET AGAPETO,
MAGNO,
JUSTINO ET EUTECIO,
RUSTICIO ET VITALIANO,
JUSTINIANO ET VALERIO,
SYMMACHO ET BOETIQ.

His consulibus Segericus filius Sigismundi regis, jussu patris sui injuste occisus est.

D *Maximo, indictione i.*

Hoc consule Sigismundus rex Burgundionum a Burgundionibus Francis traditus est, et in Francia in habitu monachali perductus; ibique cum uxore et filiis in puteo est projectus.

Justino ii et Opilione, ind. ii.

His consulibus Godemarus frater Sigismundi, rex Burgundionum, ordinatus est.

Eo anno contra Chlodomerem regem Francorum Viseroncia præliavit; ibique interfectus est Chlodomer.

Eo anno interfectus est Boetius patricius in territorio Mediolanense.

Probo juniore et Philoxeno, ind. iii.

His consulibus occisus est Symmachus patricius A
Ravennæ.

Olybrio, ind. iv.

Hoc consule defunctus est Theudoricus rex Gothorum in urbe Ravenna, et levatus est rex Atalaricus nepos.

Mataro, ind. v.

Justiniano II, ind. vi.

Decio juniore, ind. vii.

Lampadio et Oreste, ind. viii.

Item P. C. Lampadii et Orestis, ind. ix.

Item P. C. Lampadii et Orestis, ind. x.

His consulibus Hypatius patricius, seditione populi imperator levatus, et jussu Justiniani Augusti interfectus est, et cum eo Pompeius, et pene triginta millia hominum in circo gladio necati sunt.

Justiniano Augusto II, ind. xi.

Paullino juniore, ind. xii.

Hoc consule reges Francorum Childebertus, Chlotharius et Theudebertus Burgundiam obtinuerunt; et fugato Godomaro rége, regnum ipsius dividerunt.

Eo anno Africa Romano imperio post nonaginta et duos annos per Belesarium patricium reducitur; et Gelimer rex Vandalorum captivus Constantinopoli exhibetur, et Justiniano Augusto cum uxoribus et thesauris a supra scripto patricio præsentatur.

Belesario, ind. xiii.

Hoc consule, eo anno quo consulatum dedit, Siciliam ingressus, eam imperio Romano restituit.

P. C. Belesarii, ind. xiv.

Item P. C. Belesarii, ind. xv.

Joanne, ind. i.

Hoc consule Mediolanus a Gothis et Burgundionibus effractus est; ibique senatores et sacerdotes cum reliquis populis, etiam in ipsa sacrosancta loca interfecti sunt; ita ut sanguine eorum ipsa altaria cruentata sint.

Appione, ind. ii.

Hoc consule Theudebertus rex Francorum Italiam ingressus, Liguriam Æmiliamque devastavit; ejusque exercitus loci infirmitate gravatus valde contribulatus est.

Justino, ind. iii.

Hoc consule Persi Antiochiam vastaverunt, universamque Syriam, depopulantes.

Eo anno Belesarius patricius Wittegis regem Gothorum, de Ravenna captivum abductum, Constantinopoli cum uxore et thesauris, Justino ^a Augusto præsentavit.

Basilio, ind. iv.

P. C. Basilii anno i, ind. v.

P. C. Basilii anno II, ind. vi.

P. C. Basilii anno III, ind. vii.

P. C. Basilii anno IV, ind. viii.

P. C. Basilii anno v, ind. ix.

P. C. Basilii anno vi, ind. x.

Hoc anno Vigilius papa Romanus Constantinopoli properavit.

^a Sic edit. mendose. Rescribe *Justiniano*. Atque ita legit Pagius ad annum 540, § 11.

Eo anno Baduila rex Gothorum Roma capta depulavit, dejectisque muris partem civitatis incendit.

Eo anno resumtis viribus Belesarius dux Romanus ad Romanum dominium revocavit.

P. C. Basilii anno VII, ind. xi.

Eo anno Theudebertus rex magnus Francorum obiit; et sedit in regno ejus Theudebaldus filius ipsius.

Eo anno Lanthacarius dux Francorum in bello Romano transfossus obiit.

P. C. Basilii anno VIII, ind. xii.

P. C. Basilii anno IX, ind. xiii.

P. C. Basilii anno x, ind. xiv.

P. C. Basilii anno xi, ind. xv.

P. C. Basilii anno xii, ind. ii.

B Hoc anno Baduila rex Gothorum ab exercitu reipublicæ per Narsetem chartulharium eunuchum interficitur; et Teja accepit regnum ejus.

P. C. Basilii anno xiii, ind. ii.

Hoc anno Teja rex Gothorum a supra scripto Narsete interficitur.

P. C. Basilii anno xiv, ind. iii.

Hoc anno Theudobaldus rex Francorum obiit, et obtinuit regnum ejus Chlothacarius, patruus patris ejus.

Eo anno Chramnus filius Chlothacarii regis, sollicitante Childeberto patruo suo, ad ipsum latebram dedit.

Eo anno Saxonibus rebellantibus, Chlothacarius rex cum gravi exercitu contra ipsos dimicavit; ubi multitudo Francorum et Saxonum ceciderunt; Chlotharius tamen rex victor abscessit.

C Eo tempore Buccelenus dux Francorum in bello Romano cum omni exercitu suo interiit.

P. C. Basilii anno xv, ind. iv.

Eo anno iterum rebellantibus Saxonibus Chlotharius rex pugnam dedit; ibique maxima pars Saxonum cecidit.

Eo anno Franci totam Thoringiam, pro eo quod cum Saxonibus conjuraverat, vastaverunt.

Ipsis diebus Chramnus collecto exercitu regionem patris sui devastat.

Eo anno exercitus Francorum reipublicæ Romanæ exercitum vastavit, atque effugatum devastavit, cum illis et divitiis multis abductis.

D Eo anno exercitus reipublicæ resumtis viribus partem Italiæ, quam Theudebertus rex adquisierat, occupavit.

P. C. Basilii anno xvi, ind. v.

P. C. Basilii anno xvii, ind. vi.

Hoc anno Childebertus rex Francorum transiit, et obtinuit regnum ejus Chlotarius rex, frater ejus.

P. C. Basilii anno xviii, ind. vii.

P. C. Basilii anno xix, ind. viii.

Hoc anno, serenitate cœli, inter stellas splendidas obscurata est luna xvi, ut vix conspici posset.

Eo anno Chramnus post sacramenta quæ patri dederat, ad Britannos petiit: et moliens regnum patris

invadere, adversus ipsum cum Britannis movere ausus est, multaque loca graviter deprædavit. Ad cuius insaniam reprimendam pater cum exercitu properavit; et interfecto comite Britannorum, Chramnum vivum cepit, incensumque cum uxore et filiis, totius regionis incidit excidium.

P. C. Basilii anno xx, ind. ix.

Hoc anno Chlothacarius rex mortuus est; et diviserunt regnum ejus filii ipsius, id est, Charibertus, Guntetramnus, Hilpericus et Sigibertus.

P. C. Basilii anno xxi, ind. x.

P. C. Basilii anno xxii, ind. xi.

Hoc anno mons validus Tauretunensis, in territorio Vallensi, ita subito ruit, ut castrum cui vicinus erat, et vicos cum omnibus ibidem habitantibus oppressisset; et lacum in longitudine lx millium, et latitudine xx millium, ita totum movit, ut egressus utraque ripa vicos antiquissimos cum hominibus et pecoribus vastasset; etiam multa sacrosancta loca cum eis servientibus demolisset, et pontem Genavacum, molinas et homines per vim dejecit; et Genava civitate egressus plures homines interfecit.

P. C. Basilii anno xxiii, ind. xii.

P. C. Basilii anno xxiv, ind. xiii.

Hoc anno monachi Agaunenses iracundiæ spiritu incitati, noctis tempore episcopum suum Agricolam cum clero, et cives qui cum ipso erant, occidere nitescentes, domum ecclesiæ effregerunt: et dum episcopum suum clerici vel cives defensare conati sunt, graviter ab ipsis monachis vulnerati sunt.

Eo anno transiit Magnacarius dux Francorum.

P. C. Basilii anno xxv, ind. xiv.

Hoc anno sigum apparuit in cælo per dies lxx.

Eo anno mortuus est Justinianus Augustus, et suscepit Justinus nepos ipsius imperium.

Eo anno hiems valentissima fuit, ut quinque aut eo amplius mensibus propter nivis magnitudinem terra videri non posset: ipsaque asperitas multa animalia necavit.

Eo anno Sindewala Erolus tyrannidem assumpsit, et a Narseo patricio interfectus est.

Anno primo consulatus Justini junioris Aug., ind. xv.

A principio mundi usque ad hunc consulem fiunt anni vmdcclxviii.

Anno ii cons. Justini jun. Aug., ind. i.

Hoc anno Narses ex præposito et patricio, post tantos prostratos tyrannos, id est Baduilam et Tejam reges Gothorum, et Buccelenum ducem Francorum, nec non et Sindewalem Erolum; Mediolanum vel reliquas civitates quas Gothi destruxerant, laudabiliter reparatas, de ipsa Italia a supra scripto Augusto remotus est.

Anno iii cons. Justini jun. Aug., ind. ii.

Hoc anno Alboenus rex Langobardorum cum omni exercituroelinquens atque incedens Pannoniam, suam patriam, cum mulieribus, vel omni populo suo, ut fera Italiam occupavit: ibique alii morbo, alii fame, nonnulli gladio interempti sunt. Eo anno etiam in finitima loca Galliarum ingredi præsumperunt, ubi

A multitudo captivorum gentis ipsius venundata est.

Anno iv cons. Justini jun. Aug., ind. iii.

Hoc anno morbus validus, cum profluvio ventris et variola, Italiam Galliamque valde afflixit, et animalia bubula per loca supra scripta maxime interierunt.

Eo anno mortuus est Celsus patricius.

Anno v cons. Justini jun. Aug., ind. iv.

Hoc anno infanda infirmitas atque glandula, cuius nomen est pustula, in supra dictis regionibus innumerabilem populum devastavit.

Anno vi cons. Justini jun. Aug., ind. v.

B Hoc anno Albuenus rex Langobardorum a suis, id est, Hilmegis cum reliquis, consentiente uxore sua, interfectus est; et supra scriptus Hilmegis, cum ante dicta uxore ipsius quam sibi in matrimonium sociaverat, et omni thesauro, tam quod de Pannonia exhibuerat, quam quod de Italia congregaverat, cum parte exercitus, Ravennæ reipublicæ se tradidit.

Anno vii cons. Justini jun. Aug., ind. vi.

Hoc anno dux Langobardorum, nomine Cleb, genti ipsius rex ordinatus est, et plures seniores et mediocres ab ipso interfecti sunt.

Eo anno Væfarius dux Francorum obiit, et ordinatus est Theodofridus in locum ejus dux.

Anno viii cons. Justini jun. Aug., ind. vii.

Hoc anno Clebus rex Langobardorum a puero suo interfectus est.

C Eo anno iterum Langobardi in Valle ingressi sunt, et Clusas obtinuerunt, et in monasterio sanctorum Acaunensium diebus multis habitaverunt; et postea in Baccis pugnam contra exercitum Francorum commiserunt, ubi pene ad integrum interfecti sunt, pauci fuga liberati. Sed et Mauri et aliæ gentes, qui in Provincia eorum ingredi præsumperunt, ab ipsis Francis devicti sunt.

Anno ix cons. Justini jun. Aug., ind. viii.

Anno x cons. Justini jun. Aug., ind. ix.

Hoc anno Sigibertus rex Francorum, bellum contra fratrem suum Hilpericum movet; et cum eum jam inclusum haberet, et de ejus interfectione cogitaret, ab hominibus Chilperici per fraudem interfectus est: et suscepit regnum ejus Childebertus filius ipsius.

Anno xi cons. Justini jun. Aug., ind. x.

D Eo anno mortui sunt regii atque egregii adolescentes, Chlotacarius et Chlodomeris, filii Gunthegramni regis.

Anno xii cons. Justini jun. Aug., ind. xi.

Hoc anno Meroveus filius Hilperici regis occisus est.

Anno xiii cons. Justini jun. Aug., ind. xii.

Hoc anno duo Germani, Salonus et Sagittarius, episcopi a synodo quæ Cabalonno collecta est, pro diversis criminibus ab episcopatus honore dejecti sunt.

Eo anno mortuus est Justinus Augustus, et successit Tiberius in loco ejus.

Anno i cons. Tiberii Constantini Augusti, ind. xiii.

Eo anno, mense Octobre, ita in Vallensi territorio

Rhodanus exundavit, ut copias messium denegaret; et intra Italiam ita fluvii exundaverunt, ut damna agricolæ paterentur.

Anno II cons. *Tiberii Constantini Augusti, ind. XIV.*
Ea indictione, mense Septembri, Austregildis re-

gina obiit; propter cuius transitum interfecti sunt duo medici, Nicolaus et Donatus.

Eo anno Mummolus patricius cum uxore et filiis, et multitudine familiæ ac divitiis multis, in marca Childeberti regis, id est, Avinione, confugit.

APPENDIX

AD MARI, AVENTICENSIS EPISCOPI, CHRONICON,

AUCTORE IGNOTO, SED PERANTIQUO.

Usque hic Marius episcopus.

Anno III *Tiberii Aug., ind. XV.*

Anno IV *Tiberii Aug., ind. I.*

Anno V *Tiberii Aug., ind. II.*

Anno VI *Tiberii Aug., ind. III.*

Anno VII *Tiberii Aug., ind. IV.*

Gothi sud Ermengildo Leubegildi regis filio bifarie divisi, mutua cæde vastantur.

Indictione V.

Mauricius annis XXI Suevi a Leubegildo rege obtenti, Gothis subjiciuntur.

Indictione VI.

Gothi Recarido rege intendente, a fide catholica revertuntur.

Avares adversus Romanos dimicantes, auro magis quam ferro pelluntur.

Phocas annos IX. Iste seditione militari imperator factus, Mauricium Augustum nobiliumque multos. [*Leg. interfecit*].

Hujus tempore Parisini et Veneti per Orientem vel Ægyptum civile bellum faciunt, ac se mutua cæde prosternunt. Prælia quoque Persarum gravissima adversus rempublicam excitantur, a quibus Romani fortiter debellati, plurimas provincias et ipsam Hierosolymam amiserunt.

Heraclius quinto imperii sui dum fungitur anno, Sisebotus Gothorum rex in Spania plurimas Romanæ militiæ urbes, quarto regni sui sibi bellando subicit; et Judæos sui regni subditos, præter eos qui fuga lapsi sunt ad Francos, ad Christi fidem convertit.

Hujus imperatoris temporibus, ad usque imperii sui annum 14, et Chlotacarii gloriosissimi Francorum principis regni sui annum 40, multa reipublicæ partibus, ubique pene a diversis gentibus dispendia illata fuere.

B Hujus tempore Persi Calcedoniam usque pervenerunt.

Huni murum longum interrumpentes, et ad mœnia Constantinopolis peraccedentes, cum prædicto imperatore, mutuo in muro stante [*Forte stantes*] collocuntur; qui acceptum ab eo pacis pretium, ad tempus recedunt.

Per idem tempus divisa in tribus olim regnis Francia, in uno a præfato rege Francorum regnum conjungitur; atque persequente Theuderico rege germanum suum Austrasiorum regem Theudebertum, vincentes Franci in Burgundiam moventes Austrasios, ad extremum ipsum occiderunt. Nec mora, victor Theudericus Mettis cum obiisset, Sigoberto filio parvulo cum avia sua Brunihilde, regnum male usurpatum reliquit; qui vivente adhuc germano suo, nepotem suum ad petram in albis elidi jussit.

C Per idem tempus victi filii sui a rege præfato Chlotacario capiuntur; ac præfata regina, prædictorum avia, ab eo capta, diversoque pœnarum genere afflictæ, deinde camelo impositæ, multis suis spectaculum præbuit: postremo ferocissimo [*Forte ferocissimi*] colligata pedibus equi tergo, extremum spiritum exhalavit. Cujusque deinceps corpusculum incendentes populi, sepulcrum ignis fuit; ad deinceps judicium paternum sine misericordia in germano et nepote quondam datum, in filiis redundavit; eosque a quibusdam, ut aiunt, interemptos, monarchiam prænuncupatus rex in tribus regnis obtinuit; quam feliciter religioseque gubernans, nunc cum prioribus regni sui anno 40 vitam ducit.

Fiunt igitur ab exordio mundi usque in æram præsentem, id est, 14 Heraclii et Chlotacarii regis annum 40, anni *VMCCCLXII*.

LUCULENTIUS.

LUCULENTII

IN ALIQUOT NOVI TESTAMENTI PARTES

COMMENTARII

EX CODICIBUS PRISCIS BIBLIOTHECARUM VATICANÆ ET VALLICELLIANÆ.

I.

Lectio sancti Evangelii secundum Matthæum (vi, 24) ; *In illo tempore dixit Jesus discipulis suis : nemo potest duobus dominis servire, et reliqua.*

COMMENTUM LUCULENTII.

Quidam duos homines volunt intelligere Christum, et diabolum, quorum societas esse non potest. Quæ enim societas luci ad tenebras ? quæ conjunctio Christi ad Belial ? vel quæ pars fideli cum infidele ? subauditur nulla. Sed qui sint duo domini deinceps aperit cum subjungit : NON POTESTIS DEO SERVIRE, ET MAMMONÆ. Non enim dixit : qui divitias habent, Domino servire non posse ; sed qui divitiis serviunt. Multi enim habentes divitias non distribuunt eas ut domini, sed custodiunt ut servi. De qualibus dicit Apostolus : *Thesaurizat sibi iram in die iræ, et revelationis in judiciis Dei.* Et e regione, multi habent divitias, et distribuunt ut domini, non custodiunt ut servi, sicut Abraham, Isaac, Jacob, Job, cæterique qui suis divitiis bene præesse noverunt, eas fideliter distribuendo. AUT ENIM UNUM ODIO HABEBIT, ET ALTERUM DILIGET, id est Deum ; AUT UNUM SUSTINEBIT, ET ALTERUM CONTEMNET ; non dixit odio habet, sed contemnet, non ideo timet. Nullus enim tam demens est ut dicat, se Deum odio habere, sed Deus illum odit, qui præcepta illius contemnit, dicente propheta : *Odisti omnes qui operantur iniquitatem.* Sicut enim ex uno fonte dulce et amarum, utrumque simul emanare non potest, ita nullus pariter duobus dominis, Deo scilicet et divitiis, servire potest. *Non potestis Deo servire et mammonæ.* Mammon Syrum est, quod Latine divitiarum nuncupatur. Nemo potest Deo pariter, et divitiis servire, quia qui Deo toto corde servierit, servus divitiarum esse non poterit. Omne quodcumque plus diligit homo, hoc est avarus, aurum Deum habet, et vorantium Deus venter est. *Quorum finis interitus, quorum Deus venter est, et gloria in confusione ipsorum qui terrena sapiunt.* Et quid dicam ? quodcumque amplius diligit homo quam Deum, utique illi est Deus, et ideo *nemo potest Deo servire et mammonæ* ; quia qui avaritiæ studuerit, Deo servire non poterit : *ubi enim est thesaurus*

A tuus, ibi est et cor tuum.

IDEO DICO VOBIS NE SOLLICITI SITIS ANIMÆ VESTRÆ QUID MANDUCETIS. Cum cibus plus pertineat ad corpus, quam ad animam, quare dicit : *Ne solliciti sitis animæ vestræ, quid manducetis* ? sed animam hoc in loco pro præsentī vita nosse debemus ; sicut et in multis Scripturæ locis, ut est illud David : *Viri isti animas suas posuerunt in manibus suis ; et anima mea in manibus meis semper.* Paulus quoque apostolus : *Nec facio animam meam pretiosiores quam me.* Sicut et hic cum dicit : *Ne solliciti sitis animæ vestræ quid manducetis* ; ac si dicat : Vitæ vestræ qualiter vivere possitis. Sed quæritur quare dicat : *Ne solliciti sitis animæ vestræ quid manducetis*, cum Paulus dicat : *Sollicitudine non pigri.* Sed ibi sollicitudo spiritualis intelligenda est, in qua pigri esse non debemus, quia ea quæ spiritus sunt, cum aviditate quærere debemus. Ad exteriorem pertinens hominem, labor quidem exercendus est, sollicitudo tollenda. De qua Dominus Judæis, cum eos videret in terrena cupiditate laborare, dixit : *Operamini non cibum, qui perit : sed qui permanet in vitam æternam.* Et ideo quidem opus exercendum est, sicut Paulus apostolus dixit : *Qui non vult operari, nec manducet.* Et alibi : *Operantes cum silentio manducant.* Et hoc est quod ait : *Ne solliciti sitis animæ vestræ quid manducetis* : ac si dicat : Qui majora dedit ; utique et minora præstabit ; quia, qui animam et corpus fecit, dabit et subsidium. NONNE ANIMA PLUS EST QUAM ESCA ? ET CORPUS PLUS QUAM VESTIMENTUM ? Anima plus est quam esca, quia semper manebit ; esca vero peribit. Et corpus plus quam vestimentum est, quia quamvis in cinerem redigatur, tamen instar prioris reformabitur. Scriptum est enim : *Velut amictum mutabis eos, et mutabuntur* ; vestimentum vero ad nihilum redigitur.

RESPICITE VOLATILIA CÆLI QUONIAM NON SERUNT,

NEQUE CONGREGANT IN HORREA, ET PATER VESTER COELES-
TIS PASCIT ILLA. Dederat comparationem de majore
ad minorem; de anima ad corpus, et de minore ad
majorem, de esca ad animam; nunc iterum de minore
ad majorem dat comparationem, de volucris ad
hominem cum dicit: *Respicite volatilia cœli*. Quidam
volatilia cœli angelos intelligere voluit, propter il-
lud: *Volavit, inquit propheta, ad me unus de sera-
phin, qui non laborant*. Ideo quidem visione Dei per-
fruuntur, dicente Petro apostolo: *In quem desiderant
angeli prospicere*. Sed nequaquam ita intelligendum
est, ut homo malus sit apud Deum quam angeli. Sed
melius est ut intelligamus volatilia cœli, aves quæ
per hunc aerem discunt, unde et aves cœli vocan-
tur: non laborant neque metunt, sed rostro, et ungui-
bus pascuntur. Si inquit volatilia cœli, quorum anima
cum corpore moritur, Deus sic pascit, quanto magis
vos qui ad imaginem Dei facti estis illis? Ratio enim
hæc non ad numerositatem, sed ad comparationem
intelligenda est. Si ad numerum intelligas, plus
sunt volatilia cœli quam homines; sed ad quantita-
tem, et comparationem est intelligendum quod dicit:
NONNE VOS MAGIS PLURES ESTIS ILLIS? id est meliores
et chariores estis, et plus valetis; illa enim si læsa
fuerit anima, corpus interibit. Homo moritur corpo-
re, anima ad cœlestia tendit. Deus enim omnipotens
non homines propter aves, sed aves propter homines
fecit, et propter homines venit in mundum, non
propter aves, quos et caro pretio emit, sicut scri-
ptum est: *Empti enim estis pretio magno*. QUIS AUTEM
VESTRUM COGITANS POTEST ADJICERE AD STATURAM
SUAM CUBITUM UNUM? Nullus enim ad staturam suam
cubitum unum adjicere valet; imo nec unum capil-
lum capitis album facere aut nigrum. Danda erat
comparatio de vestimento ad corpus, sicut et de ani-
ma data erat. Quod dicit istiusmodi est: illi relin-
quite curam qui fecit staturam; qui enim corpus qua
voluit mensura constituit, scilicet quam longum,
quam breve esset, utique quod minus est dabit, sci-
licet indumentum et tegumentum. Qui enim majora
contulit, nec non utriusque et minora præstabit.

CONSIDERATE LILIA AGRI QUOMODO CRESCUNT, NON
LABORANT, NEQUE NENT. Hoc loco non specialiter li-
lium, sed omnes herbas intelligamus, quæ hieme
arefactæ videntur, æstate diversis floribus adornan-
tur. Agrum mundum istum intelligamus; de quo Do-
minus in Evangelio: *Ager enim est mundus*. Non la-
borant in filando, nec in texendo, nec telam ordien-
do, sed Dei providentia crescunt. DICO AUTEM VOBIS,
QUONIAM NEC SALOMON IN OMNI GLORIA SUA COOPERTUS
EST SICUT UNUM EX ISTIS. Quid est quod, tot regibus
prætermisissis, qui ante Salomonem, vel post eum
fuerunt, omnibus ipsum prætulit? nempe propter
sapientiam, vel divitias, eo quod omnibus sapien-
tior, vel ditior fuerit, dicente sibi Deo: *Quia non
petisti tibi divitias auri et argenti, nec dies multos, ne-
que animas inimicorum tuorum; sed sapientiam ad
discernendum bonum et malum, ecce dedi tibi sapientiam
ad discernendum bonum et malum, ecce dedit tibi sapien-
tiam ut sis sapiens super omnes qui fuerunt ante te*.

A *Insuper, et quod non petisti, dabo tibi, divitias sæculi,
auri et argenti*. Sed in omni multitudine divitiarum,
et varietate vestium non est coopertus, sicut unum
existis, subauditur liliis agri. Non enim sericum, nec
regum purpura, nec pictura texttricum potest flori-
bus comparari. Quid enim ita rubet ut rosa? quid ita
candet ut lilium? violæ vero purpura, nullo supe-
rari murice, oculorum magis quam sermonum judi-
cium est. Fecit enim Salomon vasa aurea in domo
Domini, velut ad dignitatem regiam. Sed et *fercu-
lum fecit Salomon de lignis Sethim, columnasque fecit
argenteas, ascensum purpureum, reclinatorium au-
reum medio claritate constravit propter filias Jerusa-
lem*. Ferculum enim sanctam significat Ecclesiam,
columnæ vero sanctos doctores, sicut de quibusdam
eorum dictum est: *Jacobus et Cephas, et Johannes,
qui videbantur columnæ esse*. Ascensus purpureus
sanctos significat confessores, reclinatorium aureum,
divinam sapientiam. De qua alibi: *Thesaurus deside-
rabilis, requiescit more sapientis*. Filiæ Jerusalem si-
gnificant animas sanctas. Quamvis enim sic decora-
tus fuisset Salomon, tamen nunquam potuit sic can-
didum habere vestimentum ut est lilium, nec purpu-
reum sicut viola, nec coccineum sicut rosa. Spiritu-
aliter per lilium significatur virginitas, per violæ
confessores, per rosas martyres. Salomon namque
virginitatem non habuit, sed etiam cor ejus deprava-
tum est per mulieres.

SI AUTEM FENUM AGRI QUOD HODIE EST, ET CRAS IN
CLIBANUM MITTITUR, DEUS SIC VESTIT. Hic aperte da-
tur intelligi quia superius omne genus herbarum
comprehendere voluit cum dicit: *Si autem fenum
agri quod hodie est, et cras in clibanum mittitur*. Ho-
die pro præsentis tempore posuit, cras pro futuro;
ut est illud Jacob: *CRAS EXAUDIET ME JUSTITIA MEA*.
Et Samuel dixit ad Saul: *Cras tu, et filii tui, me-
cum eritis*. QUANTO MAGIS VOS MINIMÆ FIDEI? Repre-
henditur fides apostolorum, vel Judæorum, qui mo-
dicam habent fidem. NOLITE ERGO SOLLICITI ESSE
DICENTES: Quid MANDUCABIMUS, AUT Quid BIBEMUS,
AUT QUO OPERIEMUR? De esca, et vestimento superius
sollicitudinem tulerat, de potu reticuerat. Recapitu-
lando subdit: *Nolite solliciti esse dicentes: Quid
manducabimus aut quid bibemus? aut quo operiemur?*
subauditur exquisitas epulas; aut quid bibemus,
quot genera potionum; aut quo operiemur, vesti-
menta scilicet pretiosa. HÆC OMNIA GENTES INQUI-
RUNT. Hæc, quæ superius dicta sunt, scilicet mandu-
care, bibere, vestimenta pretiosa indui, omnia ista,
et his similia, gentes quæsierunt, quæ erant *sicut
equus et mulus, quibus non est intellectus*, ignorantes
Dominum. SCIT ENIM PATER VESTER COELES-
TIS, QUA HIS OMNIBUS INDIGETIS. Nonnulli fuerunt qui dicerent.
Si Deus omne quod nobis necessarium est scit, quid
indigemus ei petere? scit enim ille omnia; attamen
petendus est et rogandus. Dicit enim ipse: *Petite et
accipietis, quærite et invenietis*. Laboribus etiam
manuumstrarum vivere debemus; quia primo ho-
mini dictum est: *In sudore vultus tui vesceris pane
tuo*. QUÆRITE AUTEM PRIMUM REGNUM DEI ET JUSTITIAM

EJUS, ET HÆC OMNIA ADJICIENTUR VOBIS. Regnum Dei multis modis accipitur, sed hic aut Filii Dei, aut Scriptura sacra intelligitur regnum Dei, quod utrumque quærere debemus. Filii Dei, sicut dicit propheta : *Quærite Dominum, et confirmamini, quærite faciem ejus semper.* Vel Scriptura sacra, quam legendo et perscrutando, invenire possumus, qualiter justitiam et præcepta ejus custodiamus, vel qualiter ab ipso

A remunerari mereamur. *Et omnia hæc adjicientur vobis;* scilicet superius dicta adjicientur vobis. Non dabuntur dixit, sed adjicientur; quia quidquid in præsentia accipimus, vile est ad comparisonem supernorum præmiorum; et ideo prius illa quæ majora sunt petenda sunt, scilicet regnum Dei, et justitia ejus, ut ista quæ necessaria sunt corpori adjiciantur, insuper et majora dentur.

II.

Lectio sancti Evangelii secundum Joannem (I, 29) : *In illo tempore vidit Joannes Jesum a Nazareth venientem ad se, et dicit ei : Ecce Agnus Dei, etc.*

HOMILIA * LUCULENTII.

Recte beatus Joannes agnum appellat Jesum Dei Filium; agnus enim quia innocens. Iste est agnus de quo multo ante dixerat Isaias : *Tanquam ovis ad occisionem ductus est, et sicut agnus coram tondente se obmutescet, et non aperuit os suum.* De quo agno Joannes in Apocalypsi : *Agnus qui occisus est a vobis a constitutione mundi;* quia agnus occisus est in Abel, offertus [Ita Cod.] in Isaac, immolatus in Ægypto; quia ipse in mundum veniens adimplevit in veritate quidquid ante de eo per figuras dictum vel gestum fuerat, cum vespascente mundo pro nobis in ara crucis est immolatus, Apostolo dicente : *Etenim pascha nostrum immolatus est Christus.* ECCE AGNUS DEI. Ecce particula adverbium est ostendentis : quia enim beatus Joannes oculo videbat, digito ostendebat, recte dicebat : *Ecce Agnus Dei.* Dicti sunt et apostoli agni, Domino dicente : *Ecce ego mitto vos sicut agnos inter lupos.* Bene agni, quia innocentes, quia simplices; veri enim agni instar [Cod., vero agno inserat], de quo superius diximus. Agnus erat et Joannes, quia et ipse innocens quantum Christus. Omnes enim cum peccato nascimur, dicente propheta : *In iniquitatibus conceptus sum.* Solus ille sine peccato venit, solus macula peccati caruit. Venit enim in similitudine carnis peccati, tamen sine peccato. *Qui peccatum non fecit, nec inventus est dolus in ore ejus.* Carnem assumpsit de Adam, peccatum non assumpsit. Et ideo quia non assumpsit de nostra massa peccatum, ipse est qui tollit peccatum nostrum. Sed dicit aliquis, quid nobis prodest ille Agnus Dei? *Ecce agnus Dei, ecce qui tollit peccata mundi.* Tulit peccatum mundi, quia signa et miracula faciens, cæcos illuminavit, mortuos suscitavit. Insuper cui volebat potentialiter dicebat : *Dimittuntur tibi peccata tua.* Tulit etiam peccata mundi, cum pendens in cruce, aperto latere emanavit sanguis et aqua. Hinc de eo Petrus dicit : *Peccata nostra pertulit in corpore suo super lignum.* Tollit quotidie peccata mundi per participationem corporis et sanguinis sui. Ferunt enim quia sicut stipulam consumit ignis, sic minora peccata per participationem corporis et sanguinis ejus. Ipse enim dicit : *Nisi manducaveritis*

B *carnem Filii hominis, et biberitis sanguinem ejus, non habebitis vitam in vobis.* Et iterum : *Qui manducat carnem meam, et bibit sanguinem meum, in me manet, et ego in eo.*

Sed quæri potest cur Dei Filius ad baptismum venire voluit, cum non haberet peccatum, quod illi necesse fuisset expiare? Certe quia futuri erant in Ecclesia catechumeni excellentiores genere, qui dedignantur venire ad baptismum, dicentes apud semetipsos : Hoc sum accepturus quod habet ille? ego melior sum illo et illo fidele; ut horum superbiam frangeret, venire dignatus est ad baptismum servi, quasi alloquens superbientem dicat : Quid te extollis? quid te extendis? quanta potestate est gratia tua? quanta excellentia? Nunquid major potes esse quam me [Ita Cod.].? Si ego veni ad baptismum servi, ut dedignaris venire ad baptismum Domini? Vel certe baptizari voluit, ut omnibus aquis sanctificationem daret et purificationem. Sive etiam ut Veteri Testamento finem daret, et novum inchoaret. Ipse enim tandiu sub lege fuit, quandiu baptizatus legi Veteris Testamenti finem, et gratiæ sancti Evangelii initium daret. Baptizari voluit, ut omnem humilitatem doceret. Unde, sicut alii dicunt evangelistæ, cum veniret ad Joannem ut baptizaretur ab eo, ait illi Joannes : *Tu ad me venis baptizari? ego a te debeo baptizari.* Et Dominus ei : *Sine modo impleatur omnis justitia.* Quid est impleatur omnis justitia, nisi impleatur omnis humilitas? Ac si dicat : *Mori veni, baptizari non veni. Mori habeo pro hominibus, baptizari non habeo pro hominibus.* Et certe suscipere debuit baptismum a bono servo, qui passionem suscepit a malis servis. Hic EST DE QUO DIXIT : POST ME VENIT VIR, QUI ANTE ME FACTUS EST. Ubi hoc dixerat Joannes de Domino? ubi interrogatus a sacerdotibus et levitis negavit se esse Christum, Eliam, atque prophetam. Adhuc illis percunctantibus : *Quid ergo baptizas? si tu non es Christus, neque Elias, neque propheta;* respondit et ait : *Ego baptizo in aqua, medius autem vestrum stetit, quem vos nescitis.* Hoc ipsum recapitulat dicens : *Post me venit vir qui ante me factus est.* Virum recte

* Ita Codd. : modo commentum; modo homilia; modo expositio.

appellat, de ipso enim propheta dicit : *Ecce vir, Oriens nomen ejus*. Post me venit, qui postmodum natus est. Præcessit enim beatus Joannes Dei Filium in conceptione, in nativitate, in passione. *Qui ante me factus est*, id est prælatus est nihil, *quia prior me erat : prior me erat quia in principio erat Verbum, et Verbum erat apud Deum, et Deus erat apud Deum, et Deus erat verbum*. Prior Joanni, prior et Mariæ, ipse enim fecit Mariam, et ipse natus est per Mariam. Prior etenim et omni creaturæ, sicut ipse dicit in Sapientia : *Dominus possedit me in initio viarum suarum, antequam quidquam faceret a principio*. Et : *Ante luciferum genui te*. Et EGO NESCIEBAM EUM; SED UT MANIFESTETUR IN ISRAEL, PROPTEREA VENI EGO IN MUNDUM, IN AQUA BAPTIZANS. Ut manifestaretur in Israel dicit, id est ipsi populo Israel. Propterea missus est Joannes in aqua baptizans, ut manifestaret Dei Filium populo Israel, quia occultus veniebat, ut vix a paucis vel a nullo cognosci potuisset. Unde ipse Joannes alibi ait : *Ego baptizo in aqua, medius autem vestrum stat quem vos nescitis*. Aqua tantummodo baptizabat, peccata dimittere non poterat, sicut et modo sacerdotes in Ecclesia faciunt. Corpora tingunt aqua, cæterum [Cod., cætera] peccata nullus dimittere potest, nisi solus Deus.

ET TESTIMONIUM PERHIBUIT JOANNES, QUIA VIDI SPIRITUM DESCENDENTEM. Alius evangelista dicit, quia baptizatus Dominus confestim ascendit ab aqua, et ecce aperti sunt ei cæli, et vidit Spiritum quasi columbam descendentem, et mansit super eum. Aperiuntur cæli baptizato Domino, et descendit Spiritus sanctus super eum, ut nobis daretur intelligi quia omnis homo antequam veniat, ad baptismum aditum regni cælestis clausum habet propter originale peccatum, sed in baptismo egreditur spiritus malus, et incipit habitare Spiritus sanctus, dicente Apostolo : *Scitis quia templum Dei estis vos, et Spiritus sanctus habitat in vobis*. Habes hoc in loco totam Trinitatem comprehensam. Pater auditur in voce, Filius in nomine, Spiritus sanctus demonstratur in columba. Sed quid est Spiritus sanctus, non jam alterius avis similitudine demonstrari voluit, nisi a columba. Certe quia columba simplex est animal, atque a malitiæ fœce alienum. Ut ostendat quia nullus nisi simplex fuerit effectus, Spiritum sanctum accipere potest. Quidam enim in corvi specie Spiritum sanctum accipere voluerunt, sicut fuit Simon magus, qui sanctis apostolis pecuniam obtulit dicens : *Date mihi hanc potestatem, ut cuique manus imposuero, accipiat Spiritum sanctum*. Emere volebat, quod charius venundaret, et ideo audivit a Petro : *Pecunia tua tecum sit in perditione, quia existimasti donum Dei pecuniis possideri. Non erit tibi pars, neque sors in sermone isto*. Ergo qui Spiritum sanctum accipere desiderat, in columba, id est in simplicitate, illum querere debet. Propter illud quod scriptum est : *In simplicitate cordis*

A quærite illum. Et Dominus dicit discipulis : *Estote prudentes sicut serpentes, et simplices sicut columbæ*.

ET EGO NESCIEBAM EUM. Quid est quod dicit nesciebam eum? cum jam tot et tanta testimonia perhibuerat; jam enim digito ostenderat eum, jam dixerat ecce Agnus Dei. Si enim nesciebat eum, quomodo ad se venienti ut baptizaretur dicebat : *Tu ad me venis? ego a te debeo baptizari*. Sed intelligendum est quia aliquid in eo non noverat, et aliquid noverat. Noverat Dominum, noverat Dei Filium, sed nondum noverat potestatem baptizandi sibi Dominum retenturum, et in neminem servorum translaturum. Hoc noverat et hoc didicit per columbam. Si enim daret alicui potestatem, forsitan alicui eligerent sibi sanctiores viros a quibus baptizarentur. Sed sive bonus, sive malus baptizet in ministerio in potestate; hic enim qui baptizat, sive adulter, sive castus, sive ebriosus baptizet, hic est qui baptizat. Sive columba, sive milvus baptizet, hic est qui baptizat. Petrus baptizet, Paulus baptizet, Judas baptizet, hic est qui baptizat, qui peccata dimittit, qui Spiritum sanctum tribuit, qui discipulis suis dicit : *Joannes baptizavit aqua, vobis autem baptizemini Spiritu sancto*. Hoc nesciebat de Domino beatus Joannes, et hoc didicit per columbam. SED QUI ME MISIT BAPTIZARE IN AQUA, IPSE MIHI DIXIT : SUPER QUEM VIDERIS SPIRITUM DESCENDENTEM ET MANENTEM SUPER EUM, HIC EST QUI BAPTIZAT IN SPIRITU SANCTO ET IGNE. Et testimonium perhibuit Joannes dicens : QUIA HIC EST FILIUS DEI. Vidit beatus Joannes cælos apertos super Dominum, vidit Spiritum sanctum descendentem in columba. Audivit vocem Patris dicentem : *Hic est Filius meus dilectus*. Et ideo dicebat : EGO VIDI, ET TESTIMONIUM PERHIBUI, quia hic est Filius Dei. Sed notandum est, quod dicit : *Super quem videris Spiritum descendentem et manentem super eum*. Sic enim descendit Spiritus sanctus super Dominum baptizatum, ut nunquam ab eo discederet. Nullum enim fecit peccatum, pro quo ab eo discedere debuisset. Sed non diceret *manentem super eum*, nisi a sanctis aliquoties discederet, aut per malas cogitationes, aut per mala opera. Scriptum est enim : *Spiritus sanctus disciplinæ effugiet fictum*. Et iterum : *Perversæ enim cogitationes separant a Deo*; non est enim homo super terram qui faciat bonum, et non peccet. Sicut apostolus dicit : *Si dixerimus quia peccatum non habemus, nos ipsos seducimus, et veritas in nobis non est*. Et iterum : *In multis offendimus omnes*. Cæterum super Dominum baptizatum venit, ut ab eo nunquam discederet. Et ideo in solo Filio sibi complacuit Pater, sicut dicit : *Tu es Filius meus dilectus, in te complacuit*. Et propheta : *Juravit Dominus et non pœnitebit eum*. De mortalibus vero scriptum est Dominum dixisse : *pœnitent enim me fecisse hominem super terram*.

III.

Lectio Epistolæ beati Pauli apostoli ad Romanos (xii, 1) : *Fratres obsecro vos per misericordiam Dei, ut exhibeatis corpora hostiam viventem, sanctam, Deo placentem, rationabile obsequium vestrum.*

COMMENTUM LUCULENTII.

Dixerat Paulus apostolus superius, qualiter omnis observatio mandatorum Dei transisset de Judæis ad gentes. Jam nunc omnes, scilicet gentes, et eos qui de circumcisione ad fidem venerant, hortatur ut fidem quam acceperant inconcussam servarent. Imo vero sicut ante consueverant hostias mortuorum animalium, sic jam inciperent se ipsos hostiam vivam offerre Deo, dicens : OBSEURO VOS PER MISERICORDIAM DEI. Inter rogare et obsecrare hoc interest, quia rogamus de minimis, obsecramus pro maximis. Sed obsecrabat Apostolus Romanos, id est, obnixe rogabat, dicens : *Obsecro vos per misericordiam Dei.* Ac si diceret : Per illius misericordiam vos obsecro, qui vos vocavit de tenebris in admirabile lumen suum, et per illam misericordiam vos obsecro, qua reconciliati estis Deo, non per philosophiam, nec per aliquam mundanam sapientiam, non per potentiam, non per suasoria verba, sed per Dei misericordiam vos obsecro qua regenerati estis in fonte baptismi. Quid vero eos obsecret, aperit cum subjungit : UT EXHIBEATIS CORPORA VESTRA HOSTIAM VIVENTEM. Mos fuit filiis Israel, et lex præcipiebat, ut offerrent sacrificium Deo, vitulos, arietes, et hircos, agnos, turtures, seu columbas, et cætera quæ in lege præcipiebantur. Sed quod illi carnaliter faciebant in pecudibus, nobis in corporibus nostris specialiter convenit. Etenim corpora nostra, et hostia sunt et viva. Hostia scilicet, quia mortificatur caro; viva, quia vivificatur spiritus secundum ejusdem apostoli præceptum dicentis : *Mortificate membra vestra quæ sunt super terram.* Vel quia in bonis inhabitat ille qui dicit : *Ego sum via, veritas, et vita.* Et de quo Apostolus : *Habitare Christum per fidem in cordibus vestris* : veteres namque offerebant Deo hostias pecudum mortuas, sed nunc jam hostiam vivam offerimus nos metipsos, quando vitia et peccata in nos mortificamus, et virtutes nutrimus; implentes illud quod idem Apostolus ait : *Ut sciat unusquisque vestrum suum vas possidere in sanctificatione et honore.* Vas in sanctificatione et honore possidemus, quando in nobis vitia mactamus, et per bona opera sancti efficimur, Domino dicente : *Sancti estote, quia ego sanctus sum Dominus Deus vester.* Et Psalmista : *Cor contritum et humiliatum Deus non spernit.* Multi videntur vivere, sed mortui sunt. Sicut de vidua scribit Paulus : *Vidua in deliciis vivens, mortua est.* Et Psalmista de talibus : *Descendant in infernum viventes.* Hi tales non offerunt semetipsos vivam hostiam Deo, Sanctam, Deo placentem. Cum dixit sanctam, subjecit : *Deo placentem*; quia multi videntur hominibus sancti, sed ante Deum reprobi sunt; de quibus scriptum est : *Sunt viæ quæ videntur homi-*

nibus rectæ, quarum finis usque ad profundum inferni demergitur; et ideo necesse est ut unusquisque de bono quod agit non hominibus, sed Deo placere studeat, ne dicatur ei : *Recepisti mercedem tuam.* Quod qui fecerit, hostia Deo placita effici poterit.

RATIONABILE OBSEQUIUM VESTRUM. Ad hoc pertinet quia supra dictum est quod offerebant vitulos, arietes, et horum similia. Quod illi faciebant carnaliter, nos modo spiritualiter; quod illi in figura, nos in veritate facere debemus. Quia sicut Apostolus dicit : *Omnia in figura contingebant illis.* Et ideo rationabile obsequium nos præcipit exhibere Apostolus dicens : *Rationabile obsequium vestrum.* Inter rationale et rationabile hanc distantiam dicunt esse doctores, ut rationabile pertineat ad rationem et opera bona; rationabile vero ad discretionem. Et bene dicit *rationabile obsequium vestrum*, quia illud quondam obsequium vestrum non erat rationabile. Stultum est enim ut vivo Deo et invisibili mortua cadavera offerantur. Sicut enim mortuum vivo obsequium non præstat, ita nullus immortalis et incorporeo Deo vitulos seu arietes digne potest offerre. Et *NOLITE CONFORMARI HUIC SÆCULO, SED REFORMAMINI IN NOVITATE SENSUS VESTRI.* Sæculum non ambitus cæli et terræ, quem solem, lunam, stellas, arbores appellant, quibus nullus se conformare potest, sed amatores sæculi dicuntur. *Filii autem regni ejicientur in tenebras exteriores.* Cui sæculo, id est amatoribus sæculi, nullus se conformare debet, quia scriptum est : *Qui tetigerit picem, inquinabitur ab ea.* Sic quicumque se stulto conjunxerit, communicaverit operibus ejus. *Cum sancto sanctus eris*; quod ille facit qui opera carnis a se repellit, et fructus spiritus operatur. Qui vero fornicationum impudicitiae et immunditiae servit, conformat se huic sæculo, hoc est amatoribus sæculi. Sed nos potius reformari debemus, non exterius, sed interius, sicut dicit : *In novitate sensus vestri*, quando deponentes veterem hominem induimus novum. De quo idem Apostolus : *Si exterior homo noster corrumpitur, is tamen qui intus est renovatur de die in diem.* Et alibi : *Renovamini spiritu mentis vestræ.* Tunc reformamur in novitate sensus nostri, quando mundamus nos ab omni inquinamento carnis et spiritus. Quod qui fecerit, dicitur illi a Deo : *Tota pulchra es amica, et macula ulla non est in te.*

UT PROBETIS QUÆ SIT VOLUNTAS DEI BONA ET BENEPLACENS ET PERFECTA. Voluntas Dei quæ sit, nullus approbare potest, nisi fuerit reformatus in mente, et a vetustate vitæ mundatus. Sicut enim probat homo cibum, utrum salsum an insalsum sit, dulce an ama-

rum, calidum an frigidum, ita tribus qualitatibus probatur voluntas Dei. Aut enim in cogitatione, locutione, et opere approbatur, aut reprobatur; quia bona est voluntas Dei in cogitatione, beneplacita in locutione, perfecta in operatione. In multis videtur voluntas Dei bona, et beneplacita et perfecta, sed non est bona: qui demoliuntur facies suas, qui eleemosynam, orationem, et omnia quæ faciunt, non propter Dominum, sed propter favores hominum faciunt. Quod Apostolus faciebat qui dicebat: *Si hominibus placere vellem, Christi servus non essem.* Sed in illis est voluntas Dei bona, et beneplacens et perfecta, quodcumque faciunt. Sicut enim, verbi gratia dicam, granum tritici cadens in terram, surgit in herba, elevatur in calamo, acuitur in spica, sic voluntas Dei, ut dixi. Voluntas Dei bona in cogitatione, beneplacita est in locutione, perfecta in operatione. Hinc enim scriptum est: *Corde enim creditur ad justitiam, ore confitetur ad salutem.* Aliter: voluntas Dei bona est in conjugatis, beneplacita in continentibus, perfecta in virginibus; vel bona in spe, bona pleniter in fide, perfecta in charitate. Et ideo admonet apostolus Paulus, ut in omni actu nostro, sive cogitandi, sive loquendi, sive aliquid faciendi, illud semper tota intentione quæramus, quid Deo placitum sit.

DICO ENIM PER GRATIAM, QUÆ DATA EST MIHI OMNIBUS QUI SUNT INTER VOS, NON PLUS SAPERE QUAM OPORTET SAPERE. More solito Apostolus per gratiam sibi datam loquitur, non in suasoriis humanæ sapientiæ verbis, non per philosophiam, nec inanem jactantiam; sed per gratiam sibi datam loquitur. Est enim multa differentia per gratiam loquentis et per humanam jactantiam. Multi enim eluculento sermone et composito loquuntur rhetorice, sed auditores suos non ædificant; neminem enim ad compunctionem possunt incitare, quia quod verbis dicunt, operibus destruunt. Hi tales non loquuntur per gratiam, quæ data est Paulo. Et e regione sunt alii, qui non magna eloquentia, sed simpliciter tantum et incomposite loquuntur, attamen auditores suos et multos infidelium converterunt potius bonum operando. Et hoc est loqui per gratiam, quæ data est Paulo. *Omnes qui sunt inter vos*, scilicet presbyteris, diaconibus, et omnibus qui sunt in ecclesia. Sed quid est quod dicit, *non plus sapere quam oportet sapere?* cum nullus pleniter omnia possit scire, quia *nec oculus vidit, nec auris audivit, quanta et qualia præparavit Deus diligentibus se.* Et iterum: *O altitudo divitiarum sapientiæ et scientiæ Dei! quam incomprehensibilia sunt judicia ejus, et investigabiles viæ ejus! Ex parte enim cognoscimus, et ex parte prophetamus.* Et hic dicit: omnes schismatici, omnes superbi, qui male de Deo sentiunt; omnes, qui ea docent quæ nec Dominus nec apostoli docuerunt, hi omnes plus sapiunt quam oportet sapere. Potest in adversos superbos Romanos, qui se extollebant adversus olivam, quibus idem dicit: *Noli gloriari adversus ramos; quod si gloriaris, non tu radicem portans, sed radix te.* Dicit ergo: *Fracti sunt*

A rami, ut ego inserar. Bene propter incredulitatem fracti sunt. Tu autem fide stas. Noli altum [Cod., autem] sapere, sed time. SED SAPERE AD SOBRIETATEM. Sobrietas, ut a majoribus traditur, una est ex quatuor virtutibus principalibus, quæ sunt prudentia, fortitudo, temperantia, atque justitia. Temperantia ipsa est et sobrietas, quæ non solum exterius, propter illud: *Attendite ne graventur corda vestra in crapula et ebrietate*, sed interius habenda est. Ergo sapere ad sobrietatem, temperate sapere. Unde et idem dicit: *Non alta sapientes, sed humilibus consentientes.* Et alia Scriptura: *Altiora te ne quæsieris, et fortiora te ne scrutatus fueris.*

ET UNICUIQUE SICUT DEUS DIVISIT MENSURAM FIDEI. Subauditur, ita sapiat. Et recte dicit, mensura fidei, quia quanto quis fidem habet, tantum accipit donum sancti Spiritus. Non quantum vult quis accipit, nec unus omnia, sed inter omnes: *Alii enim datur per Spiritum sermos sapientiæ, alii sermo scientiæ, secundum eundem Spiritum. Dividens singulis prout vult.* Et iterum: *Unicuique datur in manifestatione spiritus ad utilitatem, juxta propriam scilicet capacitatem, quantum humana fragilitas capere potest.* Huic simile est: *Habentes donationes secundum gratiam quæ data est vobis, differentes.* SICUT ENIM IN UNO CORPORE MULTA MEMBRA HABEMUS, OMNIA AUTEM MEMBRA NON EUNDEM ACTUM HABENT, ITA MULTI UNUM CORPUS SUMUS IN CHRISTO. Physice loquitur apostolus Paulus, disputans de membris hominum. Quis enim dubitare potest quod multa sunt membra in corpore, sed non unum actum habent? Quia nec manus loquitur, nec os operatur, nec audiunt nares, nec odorantur aures; sed oculi vident, aures audiunt, os loquitur, nares odorantur manus operantur, pedes discurrunt; tamen unum est corpus, et omnia membra se indigent. *Non enim possunt manus dicere auribus: Non estis mihi necessariæ [Cod., necessarij]; nec aures manibus: Opera vestra non indigemus.* Sed si quid patitur unum membrum, *compatiuntur omnia membra*, dicente Apostolo: *Vos estis corpus Christi, et membra de membris vestris.* Sed neque omnia membra eundem actum habent, quia alius est in Ecclesia oculus videndo; alius os qui recte prædicat; alius manus bonum operando, tamen non potest alius alio [*Ita Cod.*] dicere: Non te indigeo, quia omnes nos indigemus; sicut prædicator quilibet non potest dicere subjectis: Non vos indigeo, quia necesse habet sumptus accipere ut valeat implere officium sibi commissum. Dicit enim apostolus Paulus: *Si nos vobis spiritualia seminavimus, magnum est si carnalia vestra metamus?* SINGULI AUTEM ALTER ALTERIUS MEMBRA, id est, ego tibi sum oculus, ille mihi pes, tu mihi manus: sic invicem onera nostra portamus, unum corpus sumus, et alter alterius membra, implentes illud: *Alter alterius onera portate, et sic adimplebitis legem Christi.* Et hoc in Christo Jesu, quia in ipso nobis, et per ipsum omnis tolerantia datur, et dilectio, ut alterutrum sufferre possimus.

IV.

Lectio Epistolæ beati Pauli apostoli ad Romanos (xii, 6) : *Fratres, habentes donationem secundum gratiam, quæ data est vobis, differentes.*

COMMENTUM LUCULENTII.

Donum non ex nostro, sed ex donantis pendet arbitrio. Sed donationes quæ donantur, quas in sequentibus Apostolus enumeratus est, superius pertinent ubi dixerat : *In uno corpore multa membra habemus* ; et recte donationes vocantur, quia desuper dantur : *Omne enim datum optimum et omne donum perfectum de sursum est.* Et illud Pauli : *Quid enim habes quod non accepisti, et si accepisti, quid gloriaris, quasi non acceperis?* Et recte dicit : SECUNDUM GRATIAM QUÆ DATA EST VOBIS, DIFFERENTES ; quia quantum gratia sancti Spiritus tribuit, tantum quis accipit, sicut superius dixerat : *Unicuique sicut Deus divisit mensuram fidei.* Non enim quilibet hoc aut illud quod vult accipit, sed gratia sancti Spiritus illi largiri dignatur. Et bene differentes, quia differt una donatio ab alia. Ego enim habeo quod alius non habet, et tu habes quod ego careo, et ille alius habet quod nec ego nec tu habemus. Sic differt una ab alia donatione. *Alii datur per Spiritum sermo sapientiæ, alii sermo scientiæ.* Nullus omnia habet nisi ipse solus, super quem septiformis Spiritus requievit, cui non ad mensuram dat Deus Spiritum. Cæterum fideles inter omnes habent omnia.

SIVE PROPHETIA SECUNDUM RATIONEM FIDEI. Jam incipit enumerare donationes quæ sint, primo loco ponens prophetiam. Prophetia dicitur quæ non in præsentem videtur, sed in futuro protendit. Et bene dixit, *secundum rationem fidei*, quia fides illam promeruit. Nam lex vel prophetia secundum fidem datur, quia quantum quis habet fidem, tantum accipit a Domino, Christo dicente : *Sicut credidisti, fiat tibi.* Et : *Si bene habueritis fidem ut granum sinapis, diceretis huic monti : Tollere et mittere in mari, obediret vobis.* Et in Veteri Testamento legimus quosdam per fidem Deo placuisse ; sicut Abraham, de quo scriptum est : *Credidit Abraham Deo, et putatum est illi ad iustitiam.* Sed magis in Novo : SIVE MINISTERIUM [Cod., mysterium] ; IN MINISTRANDO. De ministris Ecclesiæ dicit, scilicet diaconibus, subdiaconibus ; et cæteris ordinibus, quæ qui accipit, fideliter et sollicitè exercere debet, propter illud : *Quis putas est fidelis dispensator et prudens, quem constituit Dominus suus super familiam suam?* Et si quis ministrat, tanquam ex virtute quam administrat Deus. SIVE QUI DOCET IN DOCTRINA. De doctoribus Ecclesiæ dicit, qui ministerium prædicationis acceperunt fideles servi, et non abscondunt quod acceperunt. Scriptum est enim : *Sapientia abscondita, et thesaurus invisus, quæ utilitas in utrisque?* Et Daniel dicit : *Docti fulgebunt ut splendor firmamenti ; et qui ad iustitiam erudiunt plurimos, sicut stellæ in perpe-*

A *tuas æternitates.* QUI EXHORTATUR IN EXHORTANDO. Inter docere et exhortari hoc interest : major est qui docet quam qui exhortatur ; docere non potest nisi sit doctus, quia qui non fuerit discipulus veritatis, erit magister erroris. Exhortari vero omnes possumus dante Deo, quibonum operatur, et cæteros ad peragendum hortatur. Hinc Apostolus dicit ad Titum : *Hæc loquere et exhortare.* Et Dominus in Evangelio : *Sic luceat lux vestra coram hominibus ut videant opera vestra bona, et glorificent Patrem vestrum qui in cælis est.*

QUI TRIBUT IN SIMPLICITATE. De eleemosynariis dicit, qui egentibus necessaria præbent. Propter illud : *Cum videris nudum, operi eum, et carnem tuam ne despexeris.* Quod qui facit, cum simplicitate debet facere, non cum irrugata facie. *Hilarem enim datorem diligit Deus* ; et si hilarem diligit, tristem sine dubio odit. Et alibi : *In omni dato hilarem fac vultum tuum.* Vel cum simplicitate facit, ne laudem capetur ab hominibus. Et propter illud : *Cum facis elemosynam, nesciat sinistra tua.* QUI PRÆEST IN SOLICITUDINE. De his dicit, qui præsent in Ecclesia, qui locum magisterii accipiunt, admonet ut solliciti sint supra gregem sibi commissum, ne aliquis propter ejus inertiam pereat, et dicatur ei : *Sanguinem ejus de manu tua requiram.* Quos idem admonet dicens : *Attendite vobis et universo gregi.* Et iterum : *Pascite qui in vobis est gregem Dei.* QUI MISERETUR, IN HILARITATE facere debet, juxta præfatam rationem. Vel qui nescienti litteras imbuat, cum hilaritate facere debet, sicut dictum est : *In omni dato hilarem fac vultum tuum.* DILECTIO SINE SIMULATIONE. Fingere reproborum est, qui timent ne puniantur ; diligere, filiorum, et ideo nulla finctio debet esse in Christiano. Multi videntur diligere foris, interius machinantur malum : quorum typum Joab tenuit, qui tenens manu sua mentum Amasæ, defixit gladium in ventrem ejus. De talibus scriptum est : *Simulator ore decipit amicum suum.* Et Psalmista : *Vana locuti sunt unusquisque ad proximum suum.* Et iterum : *Qui loquuntur pacem cum proximo suo, mala autem sunt in cordibus eorum.* Sed viri Christiani dilectione, sicut dixi, non simulata debent esse, sed cum exhibitione operis, propter illud : *Qui viderit fratrem suum necessitatem patientem, et clausit viscera sua ab eo, quomodo charitas Dei manet in eo?*

ODIENTES MALUM, ADHÆRENTES BONO. Odientes malum, id est diabolus, de quo Dominus dicit in Evangelio : *Malus homo superseminavit zizanium in medio tritici, et abiit, et venit malus, et rapuit.* Adhærentes bono, id est Christo, dicentes cum Psal-

mista : *Mihi autem adhærere Deo bonum est.* Aliter : *A* odit malum, id est vitia et peccata. Adhærentes bono, virtutibus spiritualibus, quas enumerat Paulus dicens : *Fructus est spiritus, charitas, gaudium, pax, patientia,* et cætera his similia. Non edim sufficit odire malum, nisi e contrario adhæreatur bono. De quo Psalmista dicit : *Declina a malo et fac bonum.* Ante certe malum odire debemus hominem, scilicet non naturam ejus, sed vitium. Sicut ille faciebat qui dicebat : *Iniquos odio habui.* Adhærere bono propter illud : *Cum sancto sanctus eris.* CHARITATE FRATERNITATIS INVICEM DILIGENTES. Ibi est enim vera fraternitas, ubi est vera charitas, et ideo invicem diligere debemus, dicente Domino : *In hoc cognoscent omnes quia mei estis discipuli, si dilectionem habueritis ad invicem.* Sciendum est enim quia fratres uterini in tantum se diligunt, ut unus pro alio morti se tradat. Et si illi tantum se diligunt, quanto magis spirituales se debent diligere ! Omnes enim redempti in Christo fratres sumus, Domino dicente : *Omnes enim vos fratres estis.* De qua fraternitate sanctus David dicit : *Ecce quam bonum et quam jucundum habitare fratres in unum.* HONORE INVICEM PRÆVENIENTES, id est antevenientes. Omnes enim nos invicem diligere debemus et honore prævenire, propter illud : *Cum vocatus fueris ad nuptias, non discumbas in proximo leco.* Dicit et alibi idem : *Alter alterius onera portate, et sic adimplebitis legem Christi.* Non enim debes expectare ut quis te prius diligat, sed tu potius eum debes prævenire diligendo, quia si te alius prior diligat, jam non tam magnam habes mercedem. *Si enim diligis eos qui te diligunt, quam mercedem habebis ? nonne ethnici hoc faciunt ?*

SOLLICITUDINE NON PIGRI. Superius dixerat, *qui præst in sollicitudine* ; et hic, *sollicitudine non pigri.* Superius admonuerat, hic omnes hortatur. Sed quid est quod dicit : *Sollicitudine non pigri,* cum Dominus dicat : *Nolite solliciti esse ?* Et ipse alibi : *Nihil solliciti sitis.* In his enim quæ Dei sunt, quæ animæ necessaria sunt, non pigri, non solliciti esse debemus, scilicet in jejuniis, in vigiliis, et oratione, et his similibus. Cæterum de transitoriis et caducis solliciti esse non debemus. SPIRITU PERVERENTES ; id est calentes, propter illud : *Utinam frigidus esses aut calidus ! sed quia tepidus es, incipiam te vomere ex ore meo.* In tepidis enim nauseatur Dominus, in frigidis injuriam patitur, in ferventibus inhabitat. Judas enim quia tepidus erat, evomit eum Deus. Sicut enim succensæ ollæ non appropinquant muscæ, tepidæ vero superinsedunt (*Ita cod.*), sic qui ferventes sunt in illo igne, de quo Dominus dicit : *Ignem veni mittere in terram, et quid volo nisi ut accendatur ?* illis appropinquare non audent maligni spiritus, tepidum vero illudunt. Et ideo in bono opere non tepidi, sed ferventes esse debemus. DOMINO SERVIENTES, id est ejus præceptis obedientes. SPE GAUDENTES. Spe gaudet qui non respicit ea quæ videt, sed futurum exspectat gaudium. *Spes enim quæ vi-*

detur, non est spes, sed quæ non videtur. In omnibus enim quæ patimur propter spem gaudere debemus, monente Jacob apostolo : *Omne gaudium existimate vos, fratres mei, cum in variis tentationibus incideritis.* *Spe gaudentes,* IN TRIBULATIONE PATIENTES. De gaudio enim spei tolerat tribulationes, scilicet multo majora esse quæ pro illis promissa sunt præmia. Et ideo in omnibus tribulationibus gaudere debemus, propter illud : *Beati qui persecutionem patiuntur propter justitiam.* Et iterum : *Si quid patimini propter justitiam, beati.*

ORATIONI INSTANTES. Necessaria est valde oratio, quia ut tribulatio possit tolerari, precibus est insistendum. Præstat enim vobis auxilium in adversis oratio assidua. Et ideo præcipit orationi insistere. *B* Et Dominus in Evangelio : *Orate ne fiat fuga vestra hieme vel sabbato.* Et Petrus : *Vigilate itaque orantes, omni tempore.* NECESSITATIBUS SANCTORUM COMMUNICANTES. Dupliciter intelligi potest, scilicet ut sancti tribulantur, sic cum illis contribulemur, propter illud : *Si fuerimus socii passionum, simul et resurrectionis erimus.* Et illud : *Scientes eandem passionem ei, quæ in mundo est, veræ fraternitati fieri.* Vel certe ad fidem venientes, infideles eorum substantiam diripiebant, quos idem Apostolus laudat : *Nam et vincti compassi estis, et rapinam bonorum vestrorum cum gaudio suscepistis.* Hortabat a cæteros Apostolus : *Recordamini fratrum [Cod., fratribus] qui erant in Jerusalem.* Sicut tunc, ita et nunc, necessitatibus sanctorum communicandum ; hoc est in cibo, et potu, et vestimento, et in omnibus quæ indiget frater. *Qui enim habuerit substantiam mundi, et viderit fratrem suum necessitatem patientem, et clausit viscera sua ab eo, quomodo charitas Dei manet in eo ?* HOSPITALITATEM SECTANTES. Magna virtus est hospitalitas. Per hanc quidam placuerunt Deo, angelis hospitio receptis ; sicut Abraham vel Loth, qui propter hospitalitatem de Sodoma liberari meruerunt. Legimus enim quod non solum venientes suscipiebat, sed trahebat ; unde et angelos in suo hospitio suscipere meruit. Hic datur intelligi, quia hospites non solum invitandi, verum etiam trahendi sunt. Inter suscipere hospitem et hospitalitatem sectari, multa distantia est. Multi hospites ad se venientes suscipiunt, sed non est hoc hospitalitatem sectari. Sed qui circum-eunt vicos et plateas, invitos trahentes hospites ad domum suam, isti sunt sectatores hospitalitatis. Habemus enim scriptum quod duo discipuli Domini eum ad hospitium cogentes, in fractione panis cognoscere meruerunt, quem per totum spatium itineris non cognoverant. Scriptum est enim : *Non auditores legis justi sunt apud Deum, sed et factores legis justificabuntur.* Hinc Dominus in fine dicet : *Hospes fui, et suscepistis me.*

BENEDICITE PERSEQUENTIBUS VOS, BENEDICITE ET NOLITE MALEDICERE. Ipsum est quod et Dominus dicit : *Orate pro persequentibus et calumniantibus vos.* Hoc enim et ipse prior fecit, quando in cruce pro cruci-

* Ita etiam Cicero pro Archia Class. AA, t. II,

figentibus se rogavit Patrem, dicens : *Pater, ignosce illis, non enim sciunt quid faciunt*. Sicut et nos inimicis nostris bonum potius quam malum reddere debemus, propter illud quod monet Petrus : *Non reddentes malum pro malo, nec maledictum pro maledicto, sed e contrario benedicentes*. Multi sunt qui non maledicunt, sed e regione benedicunt. Isti impleant apostoli Pauli praeceptum : GAUDERE CUM GAUDENTIBUS, FLERE CUM FLENTIBUS. Evidenter percunctandum est cum quibus gaudendum, cum quibus sit flendum. Non est gaudendum cum his qui gaudent in acquisitione rerum temporalium, in copia auri et argenti, et in venustate mulierum, in procreatione filiorum, qui laetantur cum male fecerint, et exsultant in rebus pessimis. Cum his talibus non est gaudendum, quia de his scriptum est : *Vae vobis qui ridetis nunc ! quia lugebitis et flebitis*. Sed cum illis est gaudendum qui gaudent pro spe vitae aeternae, quibus dicit Dominus : *Gaudete, quia nomina vestra scripta sunt in caelo*. Vel cum eis qui in persecutionibus positi gaudent, tenentes apostoli Jacobi praeceptum qui dicit : *Omne gaudium existimate vos, fratres mei, cum in variis tentationibus incideritis*. Talibus Dominus dicit : *Iterum videbo vos, et gaudebit cor vestrum*. Flendum quoque non cum illis est qui dolent in amissione rerum, in morte parentum, sed cum illis flere debemus, qui propria peccata deplorant, conversi ad fidem, quod nequiter egerunt deflentes, sicut ille faciebat qui dicebat : *Ego enim sum minimus apostolorum, qui non sum dignus vocari apostolus, quoniam persecutus sum Ecclesiam Dei*. Cum his

A talibus flendum est, quia scriptum est : *Beati qui lugent, quoniam ipsi consolabuntur. Melius est ire ad domum luctus, quam ad domum gaudii, convivii exultantis* [Cod., *cibi tantis*].

IDIPSUM INVICEM SENTIENTES. Haec sententia in superficie obscurior videtur cæteris ; attamen idipsum invicem sentire debemus, quod variare non licet, scilicet quod sentis de Patre, hoc de Filio, hoc de Spiritu sancto. Sicut habes in psalmo : *In pace in idipsum, obdormiam et requiescam*. Potest aliter intelligi, quod dicit idipsum, scilicet ut unanimes una voluntate simus, sicut de primitiva Ecclesia in Actibus apostolorum : *Erat illis cor unum et anima una. Ut unanimes uno ore honorificetis Deum et Patrem Domini nostri Jesu Christi*. Vel certe de tribulationibus intelligi potest in compatiendo cæteris, sicut supra : *Gaudere cum gaudentibus, flere cum flentibus : si quid patitur unum membrum, compatiuntur omnia membra : et si fuerimus socii passionis, simul et consolationis erimus*. NON ALTA SAPIENTES, SED HUMILIA RESPICIENTES. Quia *superbis Deus resistit, humilibus autem dat gratiam*. Et alibi scriptum est : quia *radix omnium malorum est superbia*. Et Psalmista : *Alta a longe agnoscit*, id est superbiam. Et ideo juxta apostoli Petri praeceptum, humiliari nos debemus in conspectu Dei. Dominus enim sic ait : *Super quem requiescam, nisi super humilem et quietum, et trementem verba mea ? Et : Discite a me quia mitis sum et humilis corde*. Superbia de angelis dæmones fecit humilitas vero de hominibus angelos.

V.

Lectio Epistolæ beati Pauli apostoli ad Romanos (xii, 16) : *Fratres, nolite esse prudentes apud vosmetipsos*.

COMMENTUM LUCULENTII.

Superiori capitulo dixerat : *Non alta sapientes, id est superba*. Subdit : *NOLITE ESSE PRUDENTES APUD VOSMETIPSOS*. Duas novimus prudentias, Dei et diaboli, carnis et spiritus. De prudentia Dei idem ipse dicit : *Estote prudentes sicut serpentes*. De prudentia carnis idem apostolus dicit : *Prudentia carnis mors est ; et : Vae qui sapientes estis in oculis vestris, et coram vobismetipsis prudentes !* Et notandum quia non dixit tantum, *nolite esse prudentes* ; sed cum omni additamento, *apud vosmetipsos*. Apud semetipsum prudens est ille qui ulcisci se vult de inimico suo, qui maledicenti se remaledicit, percutientem se percutit. Hic talis apud semetipsum prudens est. Nos prudentiam animæ tenere debemus, ut possimus resistere malo ; prudentiam carnis nequaquam, ut nos ulciscamur. Nulli malum pro malo reddentes. Nullus nostrum malum pro malo reddere debemus [debet], sed potius pro malo bonum : propter illud : *Orate pro persecutibus et calumniantibus vos*. Qui malum pro malo red-

dit, filius est Adæ ; qui bonum pro bono, filius est hominis ; qui malum pro bono, filius est diaboli : sicut Judæi quibus Dominus multa bona opera ostendit pro quibus occiderunt eum. Et ideo filii diaboli appellati sunt, Domino eis dicente : *Vos ex patre diaboli estis*. Qui vero reddidit bonum pro malo, filius est Dei, qui pro Judæis crucifigentibus oravit dicens : *Pater, ignosce illis, quia nesciunt quod faciunt*. PROVIDENTES BONA NON TANTUM CORAM DEO, SED ETIAM CORAM OMNIBUS HOMINIBUS. Id est facientes bona, ostendentes bonum, operantes bonum, non ut ab hominibus laudes captemini, propter illud : *Attendite ne justitiam vestram faciatis coram hominibus, ut videamini ab eis* ; sed propter intentionem vitae aeternae, vel ut cæteris bonum exemplum ostendamus, Domino dicente : *Sic luceat lux vestra coram hominibus, ut videant opera vestra bona, et glorificent Patrem vestrum qui in caelis est*. Et illud Apostoli : *Conversationem vestram inter gentes habentes bonam, ut in eo quod de-*

^a De patre diaboli videndus est Photius in Amphiloichianis.

tractant de vobis tanquam de malefactoribus, ex bonis operibus vos considerantes, glorificent Dominum in die visitationis. Omnibus hominibus dicit, Judæis, Barbaris et Scythis, Græcis, Latinis, et omnibus omnino, bonum exemplum ostendere debemus; *coram Deo*, ut illi placeamus; *coram hominibus*, ut nos imitentur.

SI FIERI POTEST, QUOD EX VOBIS EST, CUM OMNIBUS HOMINIBUS PACEM HABENTES. Quantum in nobis est, cum omnibus hominibus pacem habere debemus, et dicere cum Psalmista: *Cum his qui oderunt pacem eram pacificus.* Sed hæc humana fragilitas dicere solet: Quomodo pacem habere possum cum eo qui me persequitur, qui mihi res meas aufert? Audi eundem apostolum dicentem: *Dilectio proximi malum non operatur.* Cæterum, si quis paganus, si quis schismaticus, si quis hæreticus, de via veritatis deviare vult, pacem cum eis habere non possumus nec debemus. Sed melius est permittere scandalum nasci, quam ut veritas Christi relinquatur. Cæterum in illis naturam diligere, vitium odire debemus. Non vosmetipsos defendentes, CHARISSIMI, id est ulciscentes. Nullus enim nostrum semetipsum defendere debet, propter illud: *Si quis te percusserit in dextera maxilla, præbe ei et alteram.* Et: *Orate pro persequentibus et calumniantibus vos.* Duobus etenim modis LOCUM IRÆ dare debemus, scilicet aut non resistendo, aut certe fugiendo. Locum iræ dare debemus non resistendo, non remaledicendo, non repugnando, non reluctando, juxta præfatum testimonium. Locum iræ dare debemus fugiendo, sicut et ipse Dominus fecit, qui fugiendo ex Ægypto declinare voluit. Et alibi cum lapidare eum vellent, abscondit se ab eis, quando, sicut dicit Evangelium, *tulerunt lapides ut jacerent in eum, Jesus autem abscondit se et exivit de templo.* Et de eo scriptum est *quia cepit Jesus facere et docere.* Melius est enim fugiendo locum dare, quam superbe manendo residere [pro resistere]. MIHI VINDICTAM, EGO RETRIBUAM, DICT DOMINUS. Sic se dicit Dominus injuriam sanctorum vindicaturum quasi suam. Et ideo nullus nostrum seipsum vindicare debet, quia habemus ultorem Deum qui nostras injurias quasi suas vindicaturus est. Qui per prophetam dicit: *Qui tangit vos, quasi qui tangit pupillam oculi mei.* Et in Evangelio: *Qui scandalizaverit unum ex his pusillis, qui in me credunt, oportet ut suspendatur*

A mola asinaria in collo ejus, et demergatur in profundum maris. Ergo illi ultio reservanda est, qui ita novit ulcisci injurias sanctorum.

SED SI ESURIERIT INIMICUS TUUS, CIBA ILLUM. Non sufficit alicui malum pro malo non reddere, nisi e contrario non dederit vel tribuerit ea quæ indiget; propter illud: *Qui habuerit substantiam mundi, et viderit fratrem suum necesse habere, et clausurit viscera sua ab eo, quomodo charitas Dei manet in eo?* Et specialiter verbo prædicationis unusquisque prout valet proximum cibare debet. HOC ENIM FACIENS, CARBONES IGNIS CONGERES SUPER CAPUT EJUS. Sunt nonnulli qui ea intentione cibant inimicos suos, ut carbones ignis, hoc est pœnas, illis ingerant. Qui enim taliter cibatur vel potatur inimicum suum, non eum diligit sicut se. Sed non taliter cibare vel potare debemus inimicum nostrum, sed potius ut eum convertamus ad nos. Ut qui ante nos exosos habebat, incipiat diligere. Qui taliter diligit inimicum suum, carbones ignis illi congeret super caput, hoc est amorem charitatis. Carbones enim mortui, si vivo conjungantur, solent accendi. Sic et is qui ante nos exosos habebat, si viderit se diligi a nobis, incipit et ipse diligere nos. Scriptum enim est: *Cum sancto sanctus eris.* Hi sunt carbones de quibus dicit propheta: *Habes carbones ignis, sede superbos, hi erant tibi in adjutorium.* Caput vero illud intelligere debemus, de quo Dominus in Evangelio: *Levate capita vestra, quoniam appropinquabit redemptio vestra* NOLI VINCI A MALO, SED VINCE IN BONO MALUM. *Noli vinci a malo*, id est ab eo qui te persequitur et odit: si te similem sibi fecerit, victus es ab eo. *Sed vince in bono malum*, id est in patientia vince ejus malitiam. Aliter: *Noli vinci a malo*, id est a diabolo, de quo in Evangelio scriptum est, quod *malus homo superseminavit zizaniam in medio tritici et abiit.* Et illud: *Aut facite arborem malum et fructus ejus malos;* quo intelligitur diabolus et mala ejus opera. Bonus autem Christus: unde dicitur: *Aut facite arborem bonam et fructus ejus bonos.* De quo in psalmo: *Mihi autem adhærere Deo bonum est. In bono vince malum*, in Christo diabolus. Aut certe *noli vinci a malo*, id est a peccato, ab opere carnis. *Sed vince in bono malum*, id est in fructu spiritus. De quo idem apostolus dicit: *Fructus autem spiritus est. Vince malum*, id est peccatum, mortificando opera carnis.

VI.

Lectio Epistolæ beati Pauli apostoli ad Romanos (XIII, 8): *Fratres, nemini quidquam debeatis, nisi ut invicem diligatis.*

COMMENTUM LUCULENTII.

Superius admonuerat Apostolus Romanos omnibus debitum persolvere, dicens: *Reddite omnibus debitum, cui tributum tributum, cui honorem honorem, cui timorem timorem, cui vectigal vectigal;* nunc subinfert et dicit: NEMINI QUIDQUAM DEBEATIS, NISI UT INVICEM DI-

LIGATIS. Hoc ipsum et Dominus facere præcipit cum dicit: *Reddite quæ sunt Cæsaris Cæsari, et quæ sunt Dei Deo.* Est enim debitum quod ita persolvere debemus: id est si aliquis nos læsit vel injuriatus est, hoc debitum persolvere, ut ultra malum pro hoc non

respondeamus. Ut libere audeamus dicere in oratione Dominica: *Dimitte nobis debita nostra, sicut nos dimittimus debitoribus nostris.* Quod ille servus facere noluit, cui a domino dimissa sunt decem milia talenta, et ipse conservo centum denarios noluit dimittere. Est aliud debitum, scilicet peccatum, quod ita persolvere debemus, ut ultra ad illud non redeamus. De quo alio loco idem apostolus dicit: *Debitores sumus non carni, ut secundum carnem vivamus.* Et est debitum, quod ita solvere debemus, ut semper teneamus; ita tenere, ut solvamus semper: scilicet charitas, quam semper solvere et semper tenere debemus. Hoc est quod dicit, *nemini quidquam debeatis, nisi ut invicem diligatis.* Quia nunquam a dilectione proximi cessare debemus, scilicet esurienti cibum, sitiendi potum, argenti vestimentum, et cætera quæ indigere videmus, exhibeamus, et semper Deum toto corde diligere, proximum sicut nosmetipsos. Et hoc indeficiente, propter illud: *Qui perseveraverit usque in finem, hic salvus erit.* Hinc idem apostolus dicit: *Alter alterius onera portate.* Et Dominus ipse: *Mandatum novum do vobis, ut diligatis invicem.* QUI ENIM DILIGIT PROXIMUM, LEGEM IMPLEVIT.

Dilectio et in Veteri Testamento et in Novo obtinet principatum. In Veteri habemus scriptum: *Diliges Dominum Deum tuum ex toto corde tuo, ex tota anima tua, et proximum tuum sicut te ipsum.* In Novo Dominus recapitulat, cum legis perito interroganti, quod esset maximum omnium et primum mandatum, Dominus ait: *Diliges Dominum Deum tuum ex toto corde tuo, et ex tota anima tua, et ex tota mente tua.* Hoc est maximum et primum mandatum. Secundum autem simile est huic: *diliges proximum tuum sicut te ipsum.* Proximum hoc in loco non consanguineum tantum intelligere debemus, sed omnem hominem. Si proximum consanguineum tantum vel propinquum intelligere volueris, videtur tibi dari licentia ut alios odiis insequaris, cum tuis tantum charitatem tenere. Sed melius est ut proximum, omnem hominem intelligas: quem qui sicut se diligit, implet legem Christi, qui dicit: *In hoc cognoscent omnes quia mei estis discipuli, si dilectionem habueritis invicem.* Et hoc mandatum habemus a Deo, ut qui diligit Dominum, diligat et fratrem suum. NAM NON ADULTERABIS. Qui ita diligit proximum sicut se ipsum, id est omnem hominem, adulterare non potest uxorem, quia nec ipse vult ut alius uxorem ejus adulteret, maxime cum Apostolus dicat: *Fornicatores et adulteros judicabit Deus.* Et: *Fugite fornicationem, quia omne peccatum, quodcumque facit homo, extra corpus est: qui autem fornicatur, in corpus suum peccat.* Non occides. Et facillime patet quia nullus proximum suum occidere potest, si diligit eum sicut se, quia ipse non vult ab aliquo occidi se, sciens scriptum: *Omnis qui occiderit gladio, gladio peribit, vel Dei vel hominis.* NON FURABERIS. Et sicut superius diximus, nullus fratri suo furatur, si eum sicut se diligit; sciens scriptum, quia *fures ad pœnam va-*

dunt. NON FALSUM TESTIMONIUM DICES: similiter intelligendum est, quia qui fratrem diligit sicut semetipsum, contra eum falsum testimonium proferre non potest; propter illud quod scriptum est: *Falsus testis non erit impunitus.* Sicut nec illi duo senes fuerunt, qui contra Susannam falsum dixerunt testimonium. Et in passione Domini et in beati Stephani legimus falsos testes adfuisse, quorum nullus impunitus esse potuit.

NON CONCUSPISCES REM PROXIMI TUI. Sicut superius diximus, ita intelligendum est. Sed est alter proximus, videlicet Dominus Jesus Christus, qui cum esset Deus noster, proximus fieri dignatus est, sicut ipse in parabola hominis qui descendebat a Jerusalem in Jericho, et incidit in latrones, dicit. Cum enim dixisset quod sacerdos et levita, viso saucio pertransissent, et miserti non sunt, Samaritanus transiens misertus est: statim subintulit: *Quis horum trium videtur tibi proximus fuisse illi qui incidit in latrones? At ille dixit: Qui fecit misericordiam in illo.* Hunc dicit proximum, qui diligit omnem legem, et universa mandata in ejus amore complet. De quo scriptum est: *Finis legis Christus.* Neque ullo pacto fieri potest, ut ex toto corde totisque visceribus suis quis diligens Christum, faciat aliquid quod non placeat Christo. Non enim adulterat verbum illius, si veraciter eum diligit; sicut nec apostolus faciebat, qui dicebat: *Non sumus adulterantes verbum Dei, sed sicut ex Deo coram Deo in Christo loquimur.* Et propheta in psalmo: *Perdidisti omnes qui fornicantur abs te.* Hic talis non solum non adulterat, sed nec mulierem respicit ad concupiscendum, sed magis dicit cum Psalmista: *Sitivit anima mea ad Deum fontem vivum; quando veniam et apparebo ante faciem Deo?* Non solum autem non occidit, sed nec irascitur; propter illud: *Omnis qui irascitur fratri suo, reus erit iudicio.* Sed neque furatur verba illius, sicut illi faciebant de quibus ille dicit: *Quotquot venerunt ante me, fures fuerunt et latrones.* Neque falsum testimonium dicit, sciens ipsum quem diligit falso testimonio proditum. Vel non eum minorem Patri facit, sicut Ariani, qui dicunt Patrem majorem, Filium minorem, Spiritum vero sanctum per minorem dicunt falsiloqui et seductores. ET SI QUOD EST ALIUD MANDATUM IN HOC VERBO INSTAURATUM. Sunt quidem alia mandata vel quæ superius sunt dicta, vel in tabulis lapideis sculpta, sed in hoc verbo instaurantur, scilicet in dilectione Dei et proximi, Domino dicente: *In his duobus mandatis tota lex pendet et prophetæ:* DILIGES PROXIMUM TUUM SICUT TE IPSUM. Et nota quia in dilectione Dei æqualitatem, in proximi vero dilectione quantitatem cum dixit: *sicut te ipsum.* Dilectio autem Dei nulla mensura constringitur. DILECTIO PROXIMI MALUM NON OPERATUR. Verum est, quia nunquam in proximum suum malum operatur, quia ita illum diligit ut se. Vel qui Christum diligit ut se, malum non operatur, id est peccatum non facit, quia omnis qui natus est ex Deo, non peccat. Plenitudo ergo legis est dilectio,

quia omnia mandata de charitate procedunt, et ad ipsam usque perveniunt; sine qua virtutes vitia reputantur. Et hoc est quod dicit Dominus per prophetam : *Verbumbreviatum faciet Dominus super terram*. Quid enim plus breve potest esse, quam in

A duobus præceptis omnia concludi? Si enim omnia perquirere non vales, tene ista duo, et omnia implesti, quidquid patet, quidquid latet in divinis Scripturis.

VII.

Lectio Epistolæ I beati Pauli apostoli ad Corinthios (1, 4) : *Fratres, gratias ago Deo meo semper pro vobis*, etc.

COMMENTUM LUCULENTII.

Corinthii sunt Achæi : hi prædicati a Paulo apostolo, post ejus discessionem illius doctrinam deserentes seducti sunt a falsis prophetis. Hoc Apostolus cupiens reformare scribit illis epistolas duas. In prima laudat eos in capite, inferius valde reprehendit more periti medici dicens : sic enim peritus prius tangit carnes sanas ut perveniat ad putridas : si enim prius infirmas tangeret, forsitan æger ejus medicinam respueret. Sic Apostolus prius tetigit hoc quod sanum erat in Corinthiis, cum laude inchoavit : *FRATRES, GRATIAS AGO DEO MEO SEMPER PRO VOBIS IN GRATIA DEI, QUÆ DATA EST VOBIS IN CHRISTO JESU*. Ad putrida pervenit cum ait : *Audiuntur inter vos fornicatores*. Si enim in primo capite redarguerentur, forsitan non reciperent ejus doctrinam. Ait ergo : *Gratias ago Deo meo semper pro vobis*. Ac si dicat : Gratias quidem ago Deo, qui habet scientiam matrem virtutum; sed volo vos scire quæ illa sit vera scientia, ubi mores cum vita concordant; non quæ inflat, sed quæ ædificat. Scientia enim inflat, charitas autem ædificat. *QUIA IN OMNIBUS DIVITES FACTI ESTIS IN ILLO, IN OMNI VERBO, ET IN OMNI SCIENTIA*. Ostendit in omni bono eos ditatos, quoniam ad fidem Christi venerunt; scilicet in omnibus virtutibus, in omni verbo, et in omni scientia, in utroque Testamento, Veteri et Novo. In omni verbo dicit, in lege, in scientia, in Evangelio. Ille enim dives in omni verbo, et in omni scientia, qui omnes pene Scripturas valet discere, et alios erudire. Ille est veraciter sapiens in omni verbo et in omni scientia, qui hoc quod legit et intelligit, aliis prædicat; si prius opere implet, ne aliis prædicans ipse reprobus efficiatur. Nonnulli sunt divites in omni verbo, sed non in omni scientia; sicut Judæi putant, qui tantum litteram legis custodiunt, Evangelium vero respuunt. Sunt alii divites in scientia, sed non in verbo, qui Evangelium respuunt, sicut Manichæi. In omni verbo dicit in superficie, in scientia, in intellectu spirituali. Et hoc forsitan ideo dicit, quia erant in Corinthiis qui utrumque Testamentum recipere volebant. Et ideo sicut magister imperfectos discipulos laudando ad meliora provocat. Sic enim et ad Galatas ait : *Vos qui spirituales estis, hujusmodi instruite in spiritu lenitatis*.

SICUT TESTIMONIUM CHRISTI CONFIRMATUM EST IN VOBIS, ITA UT NIHIL VOBIS DESIT IN ULLA GRATIA. Testimonium Christi utrumque dicit Testamentum, quod

B Christi adventum vel prophetavit vel ostendit. Unde et ipse Dominus : *Ideo omnis scribe doctus in regno colorum similis est homini patrifamilias, qui profert de thesauro suo nova et vetera*. Confirmatum est, inquit, in vobis, id est me prædicante; nec novum enim sine Veteri, nec Vetus sine Novo; sed utrumque eos docuit, sicut alibi dicit : *Tradidi enim vobis in primis quod et accepi; ita ut nihil vobis desit in ulla gratia*. Huic simile est, quod ait Salomon : *Venerunt mihi omnia bona pariter cum illa*. *EXPECTANTIBUS REVELATIONEM DOMINI NOSTRI JESU CHRISTI*. Ille qui dives est in omni verbo et in omni scientia, nihil ei restat, nisi ut expectet revelationem Domini, sicut Dominus ait : *Estote parati, similes hominibus expectantibus dominum suum quando revertetur a nuptiis*. Quod dupliciter intelligi potest, et specialiter, et generaliter. Specialiter quando uniuscujusque anima viri perfecti a corpore egrediens migrat ad Dominum, ipso dicente : *Volo, Pater, ut ubi ego sum, ibi sit et minister meus*. Generaliter vero in die judicii, quando omnes astabimus ante tribunal Dei. Unde et alibi : *Nolite ante tempus judicare, quoadusque veniat Dominus*. Unusquisque enim fidelis sic vivere debet, ut possit expectare revelationem Domini; scilicet cupiat *dissolvi, et esse cum Christo*, propter illud quod Dominus dicit : *Beati servi illi, quos cum venerit Dominus invenerit vigilantes*.

QUI CONFIRMAVIT VOS USQUE IN FINEM SINE CRIMINE. Expectant enim sancti revelationem Domini, quia nunc *vita nostra abscondita cum Christo in Deo*. Revelabitur vero, quia *cum Christus apparuerit vita vestra, tunc et vos apparebitis cum ipso in gloria*. Nunc enim *filius Dei sumus, et nondum apparet quoderimus*. Revelabitur vero quod expectamus, quia *cum apparuerit, similes ei erimus, et videbimus eum sicuti est*. *Qui et confirmavit, qui de tenebris vos vocavit in admirabile lumen suum*. Illuminavit enim *his qui in tenebris, et in umbra mortis erant*. Et hoc est quod dicit, *qui et confirmavit vos*. *Usque in finem* dicit, id est, mortem, vel in diem judicii. Et nota quia non dicit sine peccato, sed *sine crimine*. Nec contrarius videtur Joanni qui dicit : *Si dixerimus quia peccatum non habemus, nos ipsos seducimus, et veritas in nobis non est*. Aliud est peccatum, aliud est crimen. Dante Deo sine crimine potest esse homo, scilicet sine sacrilegio, sine adulterio, sine furto, vel majori crimine; sine peccato vero nullus. Quia non est homo

super terram qui facit bonum, et non peccet. *In multis enim offendimus omnes.* Et ideo non ait sine peccato, sed *sine crimine.* IN DIE ADVENTUS DOMINI NOSTRI JESU CHRISTI, vel in diem mortis, quando ad suos venire dignatur. Unde et dicit : *Sic cum volo manere donec veniam.* Vel in diem iudicii, quando venturus est iudicare vivos et mortuos. Bene dicitur in die adventus Domini nostri Jesu Christi. Unde et Matthæus : *Cum sederit rex in solio regni sui, et cæperit iudicare.* Quæ dies amara erit injustis, blanda et mitis justis

et piis, quibus dicetur a Domino : *Venite, benedicti Patris mei, percipite regnum, quod vobis paratum est ab origine mundi.* Reprobis autem : *Ite, maledicti, in ignem æternum, qui vobis paratus est.* Quem diem propheta prospiciens dicit : *Dies iræ dies illa, dies tribulationis et angustiarum, dies calamitatis et miseriæ, dies nebulæ et turbinis, dies nubes et clangoris.* De qua et alius propheta : *Beatus qui intelligit super egenum et pauperem, in die malo liberabit eum Dominus.*

VIII.

Lectio Epistolæ beati Pauli apostoli ad Ephesios (III, 13) : *Fratres, obsecro vos ne deficiatis in tribulationibus meis pro vobis, quæ est gloria vestra, etc.*

EXPOSITIO LUCULENTII.

Videbat Paulus apostolus consummari cursum [Cod., cor] suum, et simulacra deorum ad nihilum redigi, principem mundi foras projici, pullulare fidem credentium, ædificari Ecclesiam et crescere, se autem atrociter persequi propter instantiam laboris et prædicationis accepti officii ad construendam Ecclesiam. Discipulos, quos ante prædicaverat verbis, voluit instruere exemplis, cum ait : OBSEURO VOS NE DEFICIATIS IN TRIBULATIONIBUS MEIS; ac si dicat : Totum quod patior, quo auctor, quo tribulor, mea tribulatio vestra est gloriatio, quia tunc in fide discipuli solidantur, cum propter eos magister patitur et angustiat. Potest et aliter intelligi quod dicit : *Obsecro vos ne deficiatis in tribulationibus meis pro vobis;* ac si dicatur : Sicut ego inter procellas mundi istius et persecutiones non titubo, ita et vos appositae suppliciae, si contigerit, pro Christi nomine formidare nolite. Bene dicit, QUÆ EST GLORIA VESTRA. Cui simile est : Si quid patimini propter justitiam, beati eritis. HUIUS REI GRATIA FLECTO GENUA MEA AD PATREM DOMINI NOSTRI JESU CHRISTI. Et hic convenit sensus superioris causæ, quod Apostolus rogat pro Ephesiis, ne deficiant in tribulationibus, cum dicit : *Hujus rei gratia flecto genua mea ad Patrem Domini nostri Jesu Christi.* Sicut enim sunt genua exterioris hominis, sic sunt et interioris. Tale quid et ad Philippenses idem apostolus ait : *Ut in nomine Jesu omne genu flectatur caelestium, terrestrium et infernorum.* Quod utique non ad solam corporis perlinet genuculationem. Multi enim videntur erecta cervice orare, apud Deum vero humiliter poplite flectuntur. Et e regione nonnulli prolixè orantes, poplitem figunt ante homines humiliter, apud Deum erectam cervicem habent. Paulus vero non tantum genu flexo, quantum affectu mentis, orabat cum diceret : *Hujus rei gratia flecto genua mea ad Patrem Domini nostri Jesu Christi,* EX QUO OMNIS PATERNITAS IN CÆLIS ET IN TERRA NOMINATUR. Paternitatis honorem dicit apostolus Paulus nominari in cælis et in terra. In cælis, scilicet in angelicis potestatibus, quia sicut nos in terris propter reverentiam, venerationis causa, anteriores nostros

patres nominamus patriarchas et prophetas sic et digniores potestates in cælestibus paternitatem obtinent. Dicuntur enim angeli minoris ordinis. Archangeli, throni, dominationes, principatus et potestates paternitatem habent. Et ideo dicit apostolus Paulus : *Ex quo omnis paternitas in cælis et in terra nominatur.* Et nota quia non dixit ex quo nata est, sed *ex quo nominatur;* ac si dicat, ex Domino qui exemplum reliquit sanctis ita faciendi.

UT DET VOBIS SECUNDUM DIVITIAS GLORIÆ SUÆ VIRTUTE CORROBORARI PER SPIRITUM EJUS. Divitiæ ipsius sunt, utpote dona charismatum, dona virtutum, quæ sanctis largitur, sicut unus ex eis qui acceperat dicebat : *Nos de plenitudine ejus accepimus gratiam pro gratia.* Orat apostolos pro Ephesiis dicens : *Ut det vobis secundum divitias gloriæ suæ virtute corroborari per Spiritum ejus.* Ac si dicat : Tantis fulti sitis donis virtutum, ut inter persecutiones fortes maneatis, quod nullus utique facere poterit, nisi gratia sancti Spiritus fuerit imbutus. Sicque dicit virtute corroborari per Spiritum ejus; qui enim Spiritum Dei in se habitantem habuerit, erit fortis, et habebit virtutes. IN INTERIOREM HOMINEM HABITARE CHRISTUM PER FIDEM IN CORDIBUS VESTRIS. In hoc vult ostendere duos homines esse in uno homine, exteriorem videlicet et qui corrumpitur, interiorem qui renovatur de die in diem, sicut ipse in alio loco dicit : *Si exterior homo noster corrumpitur, in tamen qui intus est renovatur de die in diem.* Habitat enim Christus in interiorem hominem, et hoc non nisi per fidem. *Sine fide enim impossibile est placere Deo:* et contra, *Justus ex fide vivit.* Qui enim perfectam habet fidem, habet Christum habitantem in se. Utique et Pater loquitur, *Et inhabitabo in illis, et inambulabo.*

IN CHARITATE RADICATI ET FUNDATI, UT POSSITIS COMPREHENDERE CUM OMNIBUS SANCTIS QUÆ SIT LATITUDO, LONGITUDO, SUBLIMITAS, ET PROFUNDUM. Ille in charitate radicus pariterque et fundatus est, quem nec prospera elevant nec adversa perturbant. Sicut ille erat qui dicebat : *Quis nos separabit a charitate Dei?* subauditur nul-

lus. Cæterum multi videntur in charitate radicati, sed non sunt fundati, quos prospera elevant, adversa perturbant; qui tempore pacis credere videntur; tempore adversitatis negant; sicut de false credentibus dicit Dominus: *Non omnis qui dicit mihi: Domine, Domine, intrabit in regnum cælorum.* Et Paulus: *Qui confitentur se nosse Deum, factis autem negant.* Orat beatus Paulus apostolus pro Ephesiis, ut essent in charitate radicati et fundati, et cum omnibus sanctis comprehendere potuissent quæ sit latitudo, sublimitas, et profundum; non mundanæ sapientiæ, quæ *stultitia est apud Deum*, sed spiritualis, quæ *amica est Dei*. Sapientes enim hujus mundi comprehendere solent spatia terrarum, latitudinem scilicet ab aquilone usque ad meridiem, longitudinem autem ab ortu solis usque ad occasum, sublimitatem vero a terra usque ad cælum, profunditatem usque ad abyssum; numerantes etiam guttas maris Oceani, numerum arenarum ejusdem maris, stellas cæli, et hæc fatuitas est. Nos autem cum apostolo Paulo *spiritualibus spiritualia comparantes*, comprehendamus cum omnibus sanctis, quæ sit latitudo, longitudo, sublimitas, et profundum. Primo crucem nostri Redemptoris considerantes in qua mysteria significata sunt. Ibi namque fuit latitudo, longitudo, et profunditas primo, et non statim sublimitas: latitudo fuit lignum quod in transversum jacuit, ubi manus nostri Redemptoris fixæ fuerunt: longitudo lignum illud quod ab eo in terra figebatur, usque ad latitudinem pertingens, in quo corpus nostri Redemptoris tensum fuit; profundum illud quod in terra fixum fuit, ubi steterunt pedes ejus. Primo namque crux in similitudinem *tau* litteræ facta fuit, sed postea additum fuit ibi lignum, ubi causa ipsius scripta fuit: et nutu Dei hoc actum fuit, ut plenum mysterium in se contineret, ut sancto signo crucis muniti, tuti manerent ab hoste antiquo. Hæc ad litteram.

Spiritualiter vult apostolus Paulus intelligere quæ sit latitudo, et longitudo. Latitudo est charitas, quæ non solum amicos in Deum, verum inimicos propter Deum diligere consuevit, de qua scriptum est: *Latitudo mandatum tuum nimis.* Longitudo est perseverantia boni operis, de qua Dominus dixit: *Qui perseveraverit usque in finem, hic salvus erit.* Sublimitas, est spes. *Quod enim non videmus speramus, per pa-*

tientiam expectamus. Quod illi possunt dicere qui mente in cælestibus habitant, sicut ille qui dicebat: *Conversatio autem nostra in cælis est.* Profundum est fides, sperandarum substantia rerum, argumentum non apparentum. Aliquis enim cæpit diligere proximum, id est omnem hominem, et nunquam etiam nec in persecutione cessavit ab ejus dilectione; hæc latitudo est. Facit hoc totum propter adipiscendam vitam æternam; et hoc sublimitas est. Pendent hæc omnia ex occulta divina misericordia quæ interius semper hominem protegit; et hoc profundum est. Si autem quislibet ingeniosus altero sensu indagare sat egerit, intelligat id quod sequitur: SCIRE ETIAM SUPEREMINENTEM SCIENTIAM CHARITATEM CHRISTI, UT IMPLEAMINI IN OMNEM PLENITUDINEM DEI. Supereminens est enim charitas Christi et præcellens omnia ista. Quod sequitur: EI AUTEM QUI POTENS EST FACERE OMNIA SUPERABUNDANTER QUOD PETIMUS AUT INTELLIGIMUS, SECUNDUM VIRTUTEM QUÆ OPERATUR IN NOBIS. Nullus enim tantum petere potest et intelligere quod petat, quantum ipse potest largire, qui dat ut petamus, qui per prophetam loquitur dicens: *Antequam me invocetis, ego exaudiam.* Et per semetipsum dicit: *Sine me nihil potestis facere.*

IPSI GLORIA, ET IN ECCLESIA IN CHRISTO JESU IN OMNES GENERATIONES SÆCULI SÆCULORUM. AMEN. *Ipsi*, scilicet Deo Patri; *in Ecclesia*, hoc est in congregatione justorum fidelium, qui eum *sine intermissione* glorificant, *gratias agentes Deo*, et hoc per Christum. Cum dicit in Christo Jesu in omnes generationes, per Filium ejus laudatur Pater in terris. Et bene dicit *in omnes generationes sæculi sæculorum. Amen.* Ante enim quam Dei Filius venisset in mundum, unam plebem tantum cognoverat, juxta quod scriptum est: *Notus in Judæa Deus, in Israel magnum nomen ejus.* Postquam vero Dei Filius venit in terris, ejus doctrina per universum mundum claruit. Jam nunc dicitur: *Exaltare super cælos, Deus, et in omnem terram gloria tua.* Hoc est quod dicit Apostolus: *In omnes generationes sæculi sæculorum. Amen.* Cum vero dicit *sæculi*, formam ostendit præsentis temporis; cum autem subjungit *sæculorum*, sine fine ostendit laudare Deum in sanctis. Et ideo sine intermissione illi gratias agere debemus, qui talem nobis dedit doctrinam, ut sic eum cognoscere possimus.

IX.

Lectio Epistolæ beati Pauli apostoli ad Ephesios (iv, 1): *Fratres, obsecro vos ego vinctus in Domino, ut digne ambuletis vocatione qua vocati estis, etc.*

COMMENTUM LUCULENTII.

In hac sententia duplex intelligenda est ratio. Quantum enim ad litteram attinet, vinctus erat in Domino, id est propter Dominum, quia fidem Christi prædicans, a nullo persecutore obsisti potuit vel elevari, et ob hanc causam in carcere trusus fuit, et hoc est quod ait: Ego vinctus in Domino. Aliter

vinctus in Domino erat vinculo charitatis cum Ephesiis; de quo in alio loco dicit: *Super omnia autem hæc charitatem habentes, quæ est vinculum perfectionis.* Sic sancti postquam in charitate agglutinantur, separari non queunt. Sic de David et Jonathan legimus: *Conglutinata est anima Jonathæ cum anima David.* Et

ideo præ tanta dilectione cum Euphæsiis junctus erat Paulus, ita ut non solum tempore pacis, verum etiam nec in persecutione ab eis non recedat; licet corpore absens fuisset, spiritu cum illis erat. Exorabat etiam ut fidem quam acceperant inconcussam servarent: UT DIGNÈ AMBULETIS VOCATIONE QUA VOCATI ESTIS. Quasi diceret, eum *qui de tenebris vos vocavit in admirabile suum lumen*, digne sequimini vestigia ejus, humilitate, patientia, obedientia, cæterisque virtutibus. Quod iter quomodo ambulandum est? videlicet non gressu pedum, sed affectu mentis. Ille etenim digne ambulat vocatione qua vocatus est, qui nec in prosperis erigitur, nec in adversis dejicitur, nec declinat ad dextram sive ad sinistram, audiens prophetam dicentem: *Hæc via, ambulate in ea, neque ad dextram neque ad sinistram*. Nam qualiter ambulare debet unusquisque fidelis, quasi exponens Apostolus statim subjecit cum ait: CUM OMNI HUMILITATE, ET MANSUETUDINE, CUM PATIENTIA. Recte primo dixit, *cum omni humilitate*, quia qui sine humilitate virtutes congregat, quasi qui in ventum pulverem portat. De humilitate Dominus dicit: *Super quem requiescam, nisi super humilem, et quietum, et trementem sermones meos*? Hinc est enim quod Petrus ait: *Humiliamini sub potenti manu Dei, ut vos exaltet in tempore visitationis*. Hinc iterum ipse Dominus dicit: *Omnis qui se exaltat humiliabitur. Et mansuetudine*; quam qui habet non solum domesticis, verum etiam agrestibus, semitam præbebit, imitans Deum qui ait: *Discite a me quia mitis sum et humilis corde*. Et iterum: *Beati mites, quoniam ipsi Deum videbunt. Cum patientia*: quidquid fidelibus evenierit adversitatis, omnia patienter tolerant; sicut idem apostolus alio loco dicit: *In multa patientia*. Et propter illud: *Beati pacifici, quoniam filii Dei vocabuntur*. Alibi quoque dicitur: *In patientia vestra possidebitis animas vestras*. Hanc virtutem Dominus ad passionem pergens commendavit discipulis suis dicens: *Pacem relinquo vobis, pacem meam do vobis*.

SUPPORTANTES INVICEM IN CHARITATE. Hanc sententiam in Epistola ad Galatas edisseruimus in loco quo dicitur, *Alter alterius onera portate, et sic adimplebitis legem Christi*. Lex Christi est dilectio, sicut ipse dicit: *In hoc cognoscent omnes quia mei estis discipuli, si dilectionem habueritis in invicem*. Et ideo cum patientia nos supportare debemus in invicem, sic ut qui viderit errantem, ad viam veritatis revocet, irascentem ad concordiam, lapsum erigere, dolentem consolare, esurienti cibum, sitiienti potum, algenti vestimentum tribuere. Sicque fit ut omni necessitate fraterna consolando cum patientia supportemus. UNUM CORPUS. Unum corpus dicit sanctæ Ecclesiæ, sicut in alio loco dicit, quia *unum corpus, et unus panis sumus in Christo*. Nam quanquam in membris divisa sit sancta Ecclesia, tamen in unitate fidei consistens, unum est corpus, sicut idem apostolus dicit alibi: *Vos estis corpus Christi, et membra de membris*; addidit: UNUS SPIRITUS. Una-

nimitatem ostendit, quam omnes fideles habere debent, juxta quod scriptum est: *Qui habitare facit unanimes in domo*. Petrus quoque admonet dicens: *Omnes unanimes in oratione estote compatiētes*. Aliiter, unum spiritum dicit, id est Spiritum sanctum, qui dividitur in septiformes gratias, quo omnes fideles innuuntur. Ideo unus spiritus Trinitatem tenet. SICUT VOCATI ESTIS IN UNA SPE VOCATIONIS VESTRÆ. Unam spem vocationis vestræ dicit celestem beatitudinem, ad quam tendent omnes electi. Sed valde contraria videtur esse sententia apostoli Pauli verbo Domini ubi ait: *In domo Patris mei mansiones multæ sunt*. Et Apostolus ait: *In una spe vocationis vestræ*: attamen si recte consideres, et Dominus verum dicit, et apostolus Paulus verus. *In domo*, inquit Dominus, *Patris mei mansiones multæ sunt*; sicut idem subjecit, *alius autem sic, alius vero sic*. Et hoc propter diversorum merita, quia unusquisque sanctorum prout meretur, ita et accipit præmium. Dicit enim ipse Dominus de se: *Fulgebunt justi sicut sol in regno Patris eorum*; attamen non omnes æqualiter: sed, sicut ait Scriptura, *stella differt in claritate, sic erit in resurrectione multorum [mortuorum]*. Alia est enim claritas solis, alia claritas lunæ, alia claritas stellarum, sic erit et in resurrectionem mortuorum, juxta præfatam rationem. Hinc angelus ad prophetam Danielem ait: *Docti fulgebunt ut spendor armamenti; et qui ad justitiam erudiunt plurimos, quasi stellæ in perpetuas æternitates*. Attamen una spes omnium electorum, coeleste scilicet regnum, ubi semet jungentes nequeunt separari.

UNUS DOMINUS, UNA FIDES, UNUM BAPTISMA, UNUS DOMINUS ET PATER OMNIUM, QUI EST SUPER OMNES, ET IN OMNIA. *Unus est Dominus*, id est Dominus Jesus Christus, qui non partitur, sed in unitate semper consistit. Et *una fides* credentium, pariter et *unum baptisma*, sicut ipse Dominus dicit: *Ite, docete omnes gentes, baptizantes eos in nomine Patris, et Filii, et Spiritus sancti*. Valde pensandum est quare dicat Apostolus *unum baptisma*. Sic et Lucas in Actibus apostolorum testatur cum dicit: *Baptismum quod prædicavit Joannes, Jesum a Nazareth quomodo unxit eum Dominus Spiritu sancto et virtute. Unum est enim baptismum*, quod in Trinitate dari testetur; sicut ipse Dominus in alio loco dicit: *Joannes quidem baptizavit aqua, vos autem baptizabimini Spiritu sancto*. Et ideo *unus Dominus est, una fides, unum baptisma, unus Deus et Pater omnium, qui est super omnes, et per omnia*, ET IN OMNIBUS NOBIS. Deus pater dicitur unus esse: et bene dicit *Pater omnium*, quia Pater omnium creaturarum, juxta quod scriptum est: *Qui manet in æternum cuncta creavit simul*.

Quia hic de Trinitate mentio facta est, restat ut inde restrictius aliquid loquamur. Dixit enim primo, *unus Spiritus*; deinde *unus Dominus*; tertio *unus Deus et Pater omnium*. Primum posuit Spiritum sanctum, deinde Filium, tertio Patrem. Utitur hoc testimonio contra Arium, suosque similes, qui dixe-

* Ergo noster in Epistolam quoque ad Galatas commentarios scripserat.

rant : Pater major, Filius minor, Spiritus sanctus perminor Patre et Filio. Quem enim ille perminorem dicebat, Apostolus primum posuit cum dicit, *unus Spiritus*. Rursumque quem ille minorem dicebat Patri, in secundo loco posuit cum dixit, *unus Deus et Pater omnium, qui est super omnes et per omnia*. Non solum autem Paulus, verum etiam et sanctus David, et Spiritum sanctum præmunens [*Cod.*, prævidens] fidemque sanctæ Trinitatis et honorem ab hæretica pravitate, ita distinguit : *Cor mundum crea in me, Deus, et spiritum rectum innova in visceribus meis*. Dicens *spiritum rectum*, ostendit Spiritum sanctum. Et cum subjungit : *Ne projicias me a facie tua*, de Filio dicit. Cum vero infert : *Redde mihi lætitiā salutaris*

tui, Patrem utique insinuat. Et nota quod dicit Paulus : *Qui est super omnia Deus benedictus in sæcula* ; non qui sunt dii, sed qui est Deus. Prudenter namque Trinitatem distinxit, sed fideliter univit cum dixit : *qui super omnes*, id est, Deus Pater ; *et super omnia*, Deus Filius. In ipsa enim, ait Apostolus, *vivimus, movemur, et sumus*. Et in omnibus, Spiritus sanctus, qui vadens circuiensque replet corda fidelium, juxta quod scriptum est : *Scitis quia templum Dei estis vos, et Spiritus sanctus habitat in vobis, qui est benedictus in sæcula* ; in omni creatura, in quibus laudatur et benedicatur Deus, sicut scribitur in hymno trium puerorum : *Benedicite, omnia opera Domini, Dominum ; laudate et superexaltate eum in sæcula*.

X.

Lectio Epistolæ beati Pauli apostoli ad Ephesios (iv, 23) : *Fratres, renovamini spiritu mentis vestræ*, etc.

EXPOSITIO LUCULENTII.

Renovari præcepit Apostolus spiritu mentis vestræ, de quo alibi : *Si exterior homo noster corrumpitur, is qui intus est renovatur*. Et recte dicit : **RENOVAMINI SPIRITU MENTIS VESTRÆ** ; quia nec in sensu sine spiritu, nec in spiritu sine sensu renovamur. Sicut enim psallimus spiritu, psallamus et mente ; oramus spiritu, et mente oremus ; ita renovari debemus sensu, ut cum ipse mundus fuerit atque purgatus, adjungatur ei et renovatus spiritus. Quod qui fecerit, jam non simplex ejus spiritus dicitur, sed spiritus sensus dicitur esse. Et **INDUITE NOVUM HOMINEM QUI SECUNDUM DEUM CREATUS EST**. Id ipsum mihi videtur esse quod dicit et alibi : *Induimini vos Christum Jesum*, quoniam omnes fideles Christum induunt, et dicitur eis ab Apostolo : *Quotquot credidistis, Christum induistis*. Nam et sancti indumentum Domini interdum dicuntur, sicut alibi dicit : *Vivo ego, dicit Dominus, quia omnibus his velut ornamentum vestiris*. Sancti autem induunt Dominum, dum renovant spiritum mentis suæ. Et recte novum hominem dicit Dominum Jesum, quia novus homo venit in mundum, nova præcepta dedit mundo. Nova etenim fuit conceptio, partus, natiuitas, baptismum, doctrina, passio, mors, resurrectio, et in cœlis ascensio. Quidquid in illo consideres, in assumpto homine tantum novitas fuit. Qui enim in sua Deus ante sæcula exstitit, in fine seculi in nostra novus homo apparuit. Quem novum hominem novi homines indui debent, eum imitando, ut sint mansueti, mites, humiles, misericordes, non reddentes malum pro malo, vel maledictum pro maledicto, et his similia que ipse jubet implendo. Quod qui fecerint, induuntur novum hominem Christum, et valent dicere : *Vivo autem jam non ego, vivit vero in me Christus, QUI SECUNDUM DEUM CREATUS EST*.

Nota quia in Scripturis sacris non de minimis, sed de summis et præcipuis creationibus invenitur nomen. Verbi gratia : creatus est mundus, ædificata est domus, condita est urbs. Considera ordinem, et vide magnitudinem assumptum hominem Deum.

B Quasi creatus dicitur, quomodo mundus. Qui enim ante sæcula Deus una cum Patre exstitit, sicut habes in Sapientia : *Dominus possedit me in initio viarum suarum* ; in fine sæculorum novus, novus homo secundum Deum creatus est. Sed contrarium videtur fidei nostræ, quam confitemur dicentes : *Filius a Patre solo est, non factus, non creatus sed genitus*. Sed semper, ut sæpe dictum est, duas naturas in Dei Filio intelligere debemus, divinam scilicet atque humanam ; divinam, in qua æqualis est Patri, in qua nec factus nec creatus est ; *humanam, in qua de matre natus est homo*. Ordinem exponit quomodo in JUSTITIA ET SANCTITATE ET VERITATE. Jesus ergo Filius Dei in justitiâ et sanctitate creatus est, quia Deus veri Dei Filius est. Et nota : religio atque justitia in illo cum veritate completa est ; et ideo bene in justitia, quia maculam peccati non habuit ; justus, quia justitiam diligit ; sanctus, sicut ipse dicit : *Sancti estote, quia et ego sanctus sum Dominus Deus vester*. Et veritas, cum dicit : *Ego sum via, veritas et vita*.

D PROPTER QUOD DEPONENTES MENDACIUM, LOQUIMINI VERITATEM UNUSQUISQUE CUM PROXIMO SUO. Propterea quia novum hominem indui debetis, primo mendacium deponere debetis, et veritatem loqui. Simile est quod peccatori dicit sanctus David : *Declina a malo, et fac bonum*. Et idem apostolus ad Titum : *Ut abnegantes impietatem et sæcularia desideria*. Petrus ad sparsos (Epist. I, iii, 10) : *Qui vult vitam diligere et videre dies bonos, coerceat linguam suam a malo*. Sic et hic deponentes mendacium. Mendacium est omne verbum dolosum. Augustinus dicit omne mendacium peccatum esse. Audi et aliud : *Odisti omnes qui operantur iniquitatem*. Proximum hoc in loco consanguineum, vel propinquum, aut vicinum tantum intelligere non debemus ; sed omnem hominem ; alioquin qui proximus non est debet mendacium audire ? non utique. Si enim proximum consanguineum ut propinquum intelligere tantum debemus, quid faciemus de quo alibi dictum est, *Non adulterabis uxorem*

proximi tui ? Si proximum consanguineum intelligis solummodo, videtur dare illi licentiam cum extraneis mulieribus concumbendi. Et vere omnes adulteri ad pœnam vadunt : et *fornicatores et adulteros iudicabit Deus*. Ergo proximum omnem hominem intelligi debet, cum quo, relicto mendacio, veritatem loqui necesse est. QUONIAM SUMUS INVICEM MEMBRA. Hic distantia facta est, ut proximum intelligas omnem hominem. Membrum autem non potest esse, nisi fidelis fidei. *Quæ enim societas luci ad tenebras ? aut quæ pars fidei cum infidei ?* subauditur Nulla. Ita nec paganus Christiano membrum esse potest, nisi illi quibus Apostolus dicit : *Vos estis corpus Christi, et membra de membris*.

IRASCIMINI, ET NOLITE PECCARE. Duplex non solum apud nos, verum etiam apud philosophos est ira. Est enim ira, quæ naturaliter accedit homini, concitato furore mentis, de qua propheta : *Turbatus est a furore oculus meus*. Quam funditus vetare non potuit, et ideo ait : *Irascimini, et nolite peccare*. Est enim et alia ira quæ ex livore invidiæ descendit, de qua nascitur rixa, et odium, quam in catalogo vitiatorum enumerans dicit : *Iræ, rixæ dissensiones, sectæ, invidiæ, homicidia, ebrietates, comessiones*. SOL NON OCCIDAT SUPER IRACUNDIAM VESTRAM. Si simpliciter hunc solem intelligimus, quem oculis corporeis cernimus, videtur nobis licentia data per diem irascendi. Et quid faciemus ? quia potest homo una die peccare quantum non potest annorum curriculum penitere. Ergo non de isto sole, sed de sole Christo, qui occidit malis, juxta quod de pseudopropheta dicitur : *Occidit eis sol in meridie* ; oritur vero sanctis, juxta quod dicitur : *Vobis timentibus nomen Domini orietur sol justitiæ*. Et hoc est quod dicitur : *Sol non occidat super iracundiam vestram*. Ac si dicat, si concitata mente ira subrepserit, cito ad pœnitentiam convertimini, ne subito rapta anima obtenebretur, vel sol justitiæ, vel principale cordis tenebris obvolvatur. Potest adhuc et simpliciter de hoc sole intelligi dictum, juxta quod in quarto psalmo dicit David, unde sumptum videtur : *Quæ dicitis in cordibus vestris, et in cubilibus vestris compungimini* ; id est quæcunque in die cogitatione, ira, vel opera, delinquitis, in cubilibus vestris compungimini. Ante solis occasum in pace revertimini, vel in crastinum non differatis. NOLITE LOCUM DARE DIABOLO. Diabolus ergo, cum nomen est, Latine criminator dicitur ; lingua Hebraica Satan, adversarius appellatur, sive contrarius : ab Apostolo Belial nominatur, id est absque jugo, eo quod de collo suo abjecerit servitutem,

A quem Aquila apostatam transtulit : cui locum dare non debemus peccando, irascendo ; locus enim diaboli peccatum est. Locum quotidie quærit circumiendo, dicente Petro apostolo : *Adversarius vester diabolus tanquam leo rugiens circuit quærens quem devoret*. Et hoc ideo, quia invidet omni bono. *Invidia enim diaboli mors introivit in orbem terrarum*.

QUI FURABATUR, JAM NON FURETUR. Furtum nominal apostolus Paulus omne nocumentum proximi ; amatores enim sæculi hujus facultates præsentis temporis amplectendo, proximis invident, vi rapiunt, vel in negotiis circumveniunt, et auferunt ; ideo admonet Ephesios ne in occasione lucri incurrant crimen furti. Hinc aliis discipulis dicit : *Næque circumveniat avarus in negotio fratrem suum*. Potest et alius intellegi quod dicit, *qui furabatur jam non furetur* ; scilicet sicut de pseudopropheta dictum est, quia sermones furabatur unusquisque a proximo suo : et *quotquot venerunt, fures fuerunt et latrones*. Hi tales omnes furantur verbum Dei, loquuntur mendacium cum proximo suo. Et hos tales prohibet furtum facere, juxta quod et superius dixit : *Deponentes mendacium, loquimini veritatem unusquisque cum proximo suo*. MAGIS AUTEM LABORET OPERANDO MANIBUS SUIS QUOD BONUM EST. Simile est quod jam dictum est : *Declina a malo, et fac bonum*. Et recte dicit *operando manibus, quod bonum est*, ut qui antea res alterius furto rapiebat, incipiat propria largiri. Similiter et de cæteris rebus intelligendum est. Et nota non dixit, quia laboret operando manibus suis quod bonum est, ut habeat victum, et non indigeat, vel nulli molestiam faciat ; sed laboret, inquit, UT HABEAT UNDE TRIBUAT NECESSITATEM PATIENTI. Qui enim sibi laborat, ut non indigeat ipse, necdum Apostoli præceptum implet. Ergo laboret operando manibus suis ; quia sicut sæpe dictum est, quilibet homo quam promptus esset ad bonum faciendum. Si promptior non potest, saltem quasi mensura [*Ita se habet locus in Cod.*], sicut alibi idem apostolus dicit : *Sicut enim exhibuistis membra vestra servire immunditiæ et iniquitati ad iniquitatem, ita nunc exhibete membra vestra in sanctificatione*. Ex proprio labore cibare esurientes, vel potare sitientes, et in cæteris quæ indigere prospexerit subvenire. Vel specialiter operare in agro animæ suæ, ut spiritualibus panibus impleatur, et dare possit cibaria in tempore suo conservis suis propter illud : *Quis putas est fidelis dispensator, et prudens, quem constituit dominus super familiam suam, ut det illis cibum in tempore ?*

XI.

Lectio Epistolæ beati Pauli apostoli ad Ephesios (v, 15) : *Fratres, videte itaque quomodo caute ambuletis, non quasi insipientes, sed ut sapientes, etc.*

COMMENTUM LUCULENTII.

Sæpe dictum est, quia sicut sunt exteriores oculi corporis, cum quibus hanc lucem videmus, sic sunt

et interiores cordis, cum quibus Deus videtur, de quibus ipse dicit : *Beati mundo corde, quoniam ipsi*

Deum videbunt. Et sicut sunt exteriores gressus corporis, sic sunt et interiores mentis, de quibus scriptum est : *A Domino gressus hominis diriguntur.* Quod vero hic dicit : *VIDETE ITAQUE QUOMODO CAUTE AMBULETIS*; tale est quod ait Salvator : *Ambulate dum lucem habetis.* Sicut enim, verbi gratia dicam, aliquis homo iter faciens prospicit ubi gressus figat pedis, sic qui spiritaliter ambulare desiderat, prospicere debet ubi gressum mentis figat, ne corruat. Ergo unusquisque caute ambulare debet, ne cedat, nec declinet ad dexteram, sive ad sinistram; sed per arma justitiæ tutus incedat, audiens prophetae monita : *Hæc via, ambulate in ea.* Quod qui fecerit, valebit dicere : *Lucerna pedibus meis verbum tuum, Domine, et lumen semitis meis.* REDIMENTES TEMPUS, QUIA JAM DIES MALI SUNT. Illud dicit tempus quod in Adam omnes perdidimus, scilicet immortalitatem, et paradisiacam beatitudinem. Sciendum enim est quia a Deo immortalis conditus fuerat, si non peccasset. Non fuisset necesse redimere tempus, quia cæli cives effecti, Deum facie ad faciem conspiceremus, sicut ipse faciebat, antequam peccasset. Quod si tempus quis vult redimere, consilium Domini audiat dicentis : *Si quis te percusserit in dexteram maxillam, præbe ei et alteram.* Et iterum : *Orate pro persequentibus et calumniantibus vobis.* Et hoc est quod ait : *Redimentes tempus, quoniam dies mali sunt.* Tempus quippe redimimus quando anteactam vitam ad memoriam reducimus, et ea quæ negligenter commisimus, flendo punimus, quod iniqui ne quam faciunt, dicente propheta : *Viri sanguinum et dolosi non dimidiabunt dies suos. Quoniam dies mali sunt.* Quantum ad rationem, et spiritalem intelligentiam pertinet, dies boni a Deo facti sunt, dicente Scriptura : *Vidit Deus cuncta quæ fecit, et erant valde bona.* Habes in libro Genesi scriptum, quia per intervalla dierum Deus cuncta creavit. Et dicitur ibi : *Vidit Deus cuncta quæ fecit, et erant valde bona.* Si ergo cuncta quæ fecit Deus valde bona fuerunt, ergo et dies boni. Sed vitio hominum depravati sunt, et facti sunt dies mali. Et quid dicam? ex quo Adam in paradiso peccavit, nunquam fuerunt dies nisi mali. Nascuntur pueri, a ploratu incipiunt et a miseria, fiunt hi dies mali calamitatis suæ. Hæc lugebat propheta cum diceret : *Heu me! quia incolatus meus prolongatus est.* Quos dies redimere debemus abstinendo; jejunando, orando, vigilando, et cætera quæ Dominus jussit implendo. Quod qui facit, redimit dies malos, et facit non præsentis temporis, sed futuri, dies bonos. In tantum ut jam non plurali numero dies dicatur. De qua propheta : *Melior est dies una in atriis tuis super millia.*

PROPTEREA, NOLITE FIERI IMPRUDENTES. Imprudens est ille homo qui non prospicit sibi viam qua gradere debeat, ne offendat, sed caute ambulet. *Non quasi insipientes, sed ut sapientes.* Imprudens est qui non redimit tempus et dies malos ad pœnitentiam sibi concessos, de quibus Apostolus : *Ignoras quia patientia Dei ad pœnitentiam te expectet?* Imprudens

est qui non intelligit quæ sit voluntas Dei bona, et bene placens, et perfecta. Et ideo dicit : *Propterea nolite fieri imprudentes.* Voluntas Dei est ut declinet a malo, et faciat bonum. Dicit enim propheta : *Nolo mortem peccatoris, set ut convertatur et vivat.* Et iterum : *Declina a malo et fac bonum.* Voluntas Dei est ut diligamus invicem. *In hoc cognoscent omnes, quia mei estis discipuli, si dilectionem habueritis in invicem.* Voluntas Dei est, ut omnes sancti simus, sicut ipse dicit : *Sancti estote, quia ego sanctus sum.* Et NOLITE INEBRIARI VINO, IN QUO EST LUXURIA. Sicut enim homo non potest duobus dominis servire, Deo scilicet et mammonæ, ita nullus potest inebriari vino pariter et SPIRITU SANCTO repleti. Qui spiritu sancto repletus fuerit habebit prudentiam, castitatem, munditiam, pudicitiam, mansuetudinem, verecundiam. E regione qui vino inebriatur, habebit procacitatem, insipientiam, audaciam, furorem, libidinem. Et ideo præcipit Apostolus, non debere *inebriari vino, in quo est luxuria.* Unde dicit et Salomon : *Ne aspicias vinum cum flavescit in vitro; color enim blande [Cod., blandis] ingreditur, sed mordet ut coluber.* Potest et aliter intelligi quod dicit : *Nolite inebriari vino,* id est vino malitiæ, de quo Moyses in cantico Deuteronomio : *De vinea Sodomorum, vinea eorum.* Hoc vino inebriantur omnes amatores mundi. De quibus dicit Apostolus : *Quorum finis interitus, quorum Deus venter est, et gloria in confusione ipsorum qui terrena sapiunt.*

LOQUENTES VOBISMETIPSIS PSALMIS, ET HYMNIS, ET CANTICIS SPIRITALIBUS. Qui abstinerit a vino, et Spiritu sancto repletus fuerit, omnia ista repleta [Ita Cod.] impleri poterit. Psalmi, et hymni, et cantica in psalterio reperiuntur; sed inter psalmum et hymnum hoc interest, quod psalmus pertinet ad corpus, quia per organum corporis discitur qualiter perveniatur ad organum mentis; hymnus vero pertinet ad orationem; canticum ad laudem Dei. Si vero altius intelligere volueris, psalmus pertinet ad corpus, hymnus ad laudem Dei, canticum ad fortitudinem et virtutem Dei. Et nota quia cum dicit *psalmis, hymnis, et canticis*, addidit *spiritualibus*, quod utique non fecisset, nisi essent cantica quæ non sunt spiritualia, sicut sunt carmina poetarum, dicta philosophorum, cantica luxuriosa, et verba risum moventia, quæ ad rem non pertinent, et scurrilitas. IN GRATIA CANTANTES IN CORDIBUS VESTRIS. Audiant hoc pueri, audiant adolescentes, et omnis ordo ecclesiasticus, quibus officium psallendi commissum est in Ecclesia, ut sicut psallunt ore, psallere discant et corde, ne dicatur de illis : *Populus hic labiis me honorat, cor autem eorum longe est a me.* E contra multi psallunt corde, et non psallunt ore. Clamant corde, silent ore. Sicut ille faciebat cui dicitur : *Quid clamas ad me?* E certe ibi non est scriptum, quid clamasset Moyses; sed clamabat, et corde clamabat, et ideo dicit ei Deus : *Quid clamas ad me?* Ideo melius est psallere corde, silere ore, quam tacere corde, psallere ore. Et

ideo qui psallit ore, psallat et corde; psallamus spiritu, psallamus et mente.

DOMINO GRATIAS AGENTES. Hæc sententia dupliciter intelligi potest, hoc est in rebus acceptis, et perditis, sicut Job ait: *Dominus dedit, Dominus abstulit, sicut Domino placuit ita factum est, sit nomen Domini benedictum.* Vel in prosperis et adversis. Hinc in psalmo canitur: *Benedicam Dominum in omni tempore, semper laus ejus in ore meo.* Aliter: si habes officium psallendi in ecclesia, non propterea te extollere debes super cæteros, sed magis Deo gratias agere, dicens cum Psalmista: *Non nobis, Domine, non nobis, sed nomini tuo da gloriam.* DEO ET PATRI SUBJECTI INVICEM IN TIMORE CHRISTI: Deo scilicet Dei Filio, qui cum esset Deus, homo fieri dignatus est, assumens nostram humanitatem, et ideo Patri vide-

licet subjecti invicem. Audiant hoc episcopi, presbyteri, et omnes qui præsunt in Ecclesia, ut sicut cæteri subjecti sunt eis, et ipsi ita per charitatem suis subjecti sint, hortante [*Cod., orante*] Salomone: *Principem te constituere, noli te extollere, sed esto inter ipsos sicut unus ex ipsis.* Et Paulus apostolus dicit: *Cum essem liber ab omnibus, omnium me servum feci,* et hoc IN TIMORE CHRISTI. Timentes ne præter voluntatem ejus aliquid faciamus, ne propter favores hominum vel laudes; ne dicatur de nobis: *Receperunt mercedem suam;* sed totum pro amore Christi faciamus, monente Apostolo: *Sive manducatis, sive bibitis, sive aliud aliquid facitis, omnia in nomine Domini facite.* Et iterum: *Omne quodcumque facitis in verbo, aut in opere omnia in nomine Domini facite.* Et hoc est quod ait, *in timore Christi.*

XII.

Lectio Epistolæ beati Pauli apostoli ad Ephesios (vi, 10): *Fratres, de cætero confortamini, et in potentia virtutis ejus, etc.*

COMMENTUM LUCULENTII.

Admonuerat enim superius apostolus Paulus seorsum viros, seorsum feminas, dominos et servos, filios et patres, dicens: *Viri, diligite uxores vestras, sicut et Christus Ecclesiam. Mulieres viris suis subditæ sint; filii, obedite parentibus per omnia.* Hoc enim placitum est in Domino. *Patres, nolite ad iracundiam provocare filios vestros, ut non pusillo animo fiant. Servi, obedite dominis carnalibus, non ad oculum servientes quasi hominibus placentes,* sed magis Deo, et his similia. Deinde vero omnes in unum comprehendens dicit: *DE CÆTERO CONFORTAMINI IN DOMINO.* De cætero, id est de reliquo. Noverat enim scriptum: *Maledictus homo qui confidit in homine.* Et rursum: *Benedictus vir qui confidit in Domino.* Et ideo dicit: *Confortamini in Domino,* id est nihil de vestris meritis præsumatis, et semper in Domino gloriamini, juxta quod idem apostolus dicit: *Qui gloriatur, in Domino gloriatur.* Et Psalmista: *Non nobis, Domine, non nobis, sed nomini tuo da gloriam.* Et ne aliquis putaret in nomine tantum spem ponere debere, ideo adjunxit: *ET IN POTENTIA VIRTUTIS EJUS.* Ac si diceret: *In Christo Domine ponite spem vestram, sine quo nullum bonum esse potest, et per quem omnia bona largiuntur,* dicente Jacobo apostolo: *Omne datum optimum de sursum est.* INDUITE VOS ARMATURAM DEI, UT POSSITIS STARE ADVERSUS INSIDIAS DIABOLI. Ex his enim quæ infra leguntur, et iis quæ hic dicit apostolus Paulus, totum de Christo intelligere possumus. Sicut enim cingulum veritas, et lorica justitia est, quin dubium Christus et veritas, et justitia est; ergo qui veritatem et justitiam indutus fuerit, Christum indutus erit; quem necesse est indui, qui contra diabolum vult dimicare. Diabolus enim nomen Græcum est, Latine criminator dicitur: iste est criminator, de quo in Apocalypsi legimus dixisse sanctos Deo: *Gratias tibi agimus, quia projectus est accusator*

fratrum nostrorum, qui accusabat illo ante conspectum Dei nostri. Juxta Hebraicam veritatem deorsum fluens interpretatur, qui nos invisibiliter telis suis percutere vult, contra quem invisibilia sunt arma sumenda ad resistendum ei.

QUONIAM NOBIS NON EST COLLECTATIO ADVERSUS CARNEM ET SANGUINEM. Caro et sanguis aliquoties viva, aliquoties peccata significat, aliquoties parentelam, aliquoties propagationem humani generis, aliquoties persecutores homines, de quibus hoc in loco dicit Paulus: *Nobis non est collectatio adversus carnem et sanguinem, SED ADVERSUS PRINCIPES ET POTESTATES.* Sed magis vult ostendere quod ipsi persecutores diabolum habeant auctorem, contra quem arma invisibilia sumenda sunt, ut ipso extincto homines non timeamus. Est enim collectatio adversus carnem et sanguinem, quando concupiscit caro adversus spiritum. Scilicet ex hoc exemplo colligere possumus quando ipsa caro concupiscit adversus spiritum, non nisi instinctum diaboli, quoniam non est nobis collectatio, etc. Peragratis enim legendo seriebus Veteris ac Novi Testamenti, nusquam reperire poteris principes et potestates dæmones esse dictos, nisi primum hoc in loco. Quo nomine Apostolus ideo ad Ephesios scripsit de invisibilibus creaturis, multa illis ostendere volens. Et quia exercitatos habebant sensus ad intelligenda etiam occulta, ideo de invisibilibus creaturis diversa nomina eis prædixit. Dixit enim: *Non est nobis collectatio adversus carnem et sanguinem, sed adversus principes et potestates, ADVERSUS MUNDI RECTORES TENEBRARUM HARUM.* Appellat enim principes et potestates mundi rectores, dæmones qui sunt majores. Sed minoris ordinis dæmones sunt. Sicut dicimus de angelicis dignitatibus angelos, archangelos, propter diminutionem minorum; sic dicimus dæmones principatus et potestates, propter

scelerum malitiam. Quanto enim callidiores sunt ad suadendam malitiam, tanto majores esse videntur. Ut verbi gratia dicam, mali sunt dæmones qui perpetrantur homicidia, peiores qui fratricidia et parricidia. Sic de adulteris, de incestis, de quibus propheta dicit : *Spiritu fornicationis seducti sunt*. Hos enim appellat principes et potestates, hos mundi rectores tenebrarum harum, hos nominat SPIRITALIA NEQUITIÆ [In Cod., *constanter nequitia*] IN CÆLESTIBUS. Mundi rectores dæmones appellat, unde et Dominus : *Nunc princeps mundi ejicietur foras*. Ipse fuit angelus primus, qui propter superbiam cecidit de cælo. Ipsum impropere dicens : *Quomodo cecidisti de cælo, lucifer, qui oriebaris mane ? corruisti, qui vulnerabas gentes ?* Ipse est angelus tenebrarum, de quo dicit Paulus : *Qui cum sit angelus tenebrarum, figurabat se in angelum lucis*. Est mundi rector, omnium scilicet amatorum mundi, qui mundum diligunt. Horum enim rector, et sessor pariter, et diabolus est, et omnes peccatores tenebræ aliquoties mutantur, et fiunt lux, sicut dicitur de illis : *Fuistis aliquando tenebræ, nunc autem lux Domino* : quorum rector efficitur Christus, et dicitur de illis : *Quicumque spiritu Dei aguntur, ii filii sunt Dei. Contra spiritalia nequitia in cælestibus*. Spiritalia enim nequitia fuit, qui habitat in cælestibus. Quanquam amisissent beatitudinem, et perdidissent claritatem, non amiserunt subtilitatem, et ideo dicit in cælestibus, quia in cælestibus sunt, de quibus in Evangelio Dominus dicit : *Volucres cæli comederunt illud*. Non dico cælum æthereum, vel sidereum, sed æereum, quidquid aves cæli volitant. Cælum hoc, quod inter cælum et terram est medium, spiritali nequitia plenum esse dicitur. Et ideo spiritalia nequitia superare pro cælestibus, scilicet, dimicare debemus, quia *regnum cælorum vim patitur*.

PROPTEREA ACCIPITE ARMATURAM DEI, UT POSSITIS RESISTERE IN DIE MALO, ET IN OMNIBUS PERFECTI STARE. Propterea quia non vobis collectatio adversus carnem et sanguinem, *accipite armaturam Dei*, quæ in subsequentibus apostolus Paulus enumeratus est. *Ut possitis resistere in die malo*. Diem malum dicit præsens tempus, de quo supra dictum est : *Redimentes tempus, quoniam dies mali sunt*. Aut diem iudicii, de quo propheta ait : *Dies illa dies iræ. Ut in die malo resistere possitis, accipite armaturam Dei*, id est accingimini vos Dominum Jesum Christum. Et in omnibus perfecti stare. Scilicet *per arma justiciæ a dextris et a sinistris*. ESTOTE ERGO SUCCINCTI LUMBOS VESTROS IN VERITATE, ET INDUTI LORICAM JUSTITIÆ. Jam enim incipit exponere quæ sit armatura Dei, quam superius indui jusserat. Et quem alium debuit primum ponere in armatura Dei, quam cingulum ? Verbi gratiam dicam, in quis belligerator contra hostem pergens, necesse habet cingulum, ne fluxa vestimenta impedimento fiant, et corruat in conspectu inimici sui ; sic nimirum necesse est, ut lumbi vestri præcincti sint in castitate, de quo in Evangelio Dominum dixisse puto : *Sint lumbi vestri præcincti*. Hinc est enim quod Joannes zonam pelliciam cingebat

A circa lumbos suos, ne fluxu seminis pollueretur. Hinc Salomon dixit : *Tria sunt quæ bene gradiuntur, et quantum incedit feliciter ; leo fortissimus bestiarum a nullius pavebit occursum ; gallus succinctus lumbis ; et aries, nec est rex qui resistat ei*. Gallus succinctus lumbos, sanctos significat prædicatores, qui in membris fluxum luxuriæ restringunt. *Estote ergo succincti lumbos vestros in veritate*, id est castitate muniti ne ab hostibus corruatis.

ET CALCIATI PEDES IN PRÆPARATIONE EVANGELII PACIS. Sicut enim sunt exteriora membra, manus scilicet, oculi, auditus, olfactus, et tactus, sic sunt et interiora. Et nota quia quidem virtutem animæ dixit, pedes esse, quia exteriores pedes nisi calciati fuerint, offendunt in lapidem seu sentem, et expediti iter carpere non possunt. Sic pedes animæ nostræ nisi fuerint calciati ex coriis mortuorum animalium, antiquorum scilicet exemplo patrum muniti, recte absque offendiculo in via mandatorum Dei currere non valent. Recte dicit *Evangelii pacis*, de quo alibi Scriptura : *Quam speciosi pedes evangelizantium bona ! Induti lorica justitiæ*. Lorica enim ex multis virgulis textitur, sic homo multis virtutibus fultus, interiori lorica justitiæ indutus, ab omni zelo inimici erit illæsus. IN OMNIBUS SUMENTES SCUTUM FIDEI. Sicut superius texere cœpimus de armis, sic nunc de scuto aliquid dicendum est. Si quis enim homo cinctus, indutus lorica fuerit, et calciatos habuerit pedes, pergens in inimicum suum, non habens scutum, vulneratus a lanceis seu sagittis, in similitudine cervi corruit ; si autem scutum habuerit, jacula inimici luc et illuc projicere valebit. Spiritaliter autem per scutum fidem intelligere possumus, quam miles Christi plenam habere debet : quam qui habuerit, hostem suum, id est diabolus, interimere poterit, in tantum ut in mare mergatur ; sicut Dominus dicit : *Si habueritis fidem ut granum sinapis, diceretis huic monti transire in mare, obediret vobis*. IN QUO POSSITIS OMNIA TELA NEQUISSIMA IGNEA EXTINGUERE. Tela diaboli ipsius jacula intelligenda sunt, sicut est gastrimargia, ebrietas, comessiones, adulteria, et his similia. Et bene dixit *igneæ*, quoniam igneæ sunt sagittæ diaboli. Hæc enim omnia per charitatem, quæ est pacis fœdera possumus extinguere, et GALEAM SALUTIS assumere. Sicut enim per scutum fidem intelleximus, quid per galeam nisi spei intelligere possumus ? Galea enim in capite ponitur, ne ab inimico feriat. Sic spiritaliter galea nostra, id est spe firma, caput nostrum, quod est principale mentis, munire debemus, ne ab inimico, id est diabolo, feriamur.

ET GLADIUM SPIRITUS, QUOD EST VERBUM DEI. Jam enim dederat cingulum, dederat lorica, dederat calciamentum, dederat scutum, sed necdum dederat gladium. *Et quid prodest homini, si totum mundum lucretur ?* si omni armatura, quæ superius enumeratur, indutus sit, et gladium in manu non teneat ? Certe quanquam ejus tela possit vitare, ipsum inimicum non poterit interficere. Et si habuerit gladium, ab ejus jaculis non ferietur, et ipsum interficiet. Sic

omnia spiritualiter intelligenda sunt; castitas scilicet, justitia, charitas, evangelica doctrina, fides, atque spes. Hæc omnia qui habuerit, a cæde inimici tutus manebit; et si gladium habuerit, ipsum prostrare potuerit; illum nimirum gladium, quem Dominus venit mittere in mundum, de quo ipse dicit: *Non veni pacem mittere, sed gladium*; quem semper sancti in manu tenent, qui plurali numero apud Psalmistam scriptus est: *Et gladii ancipites in manibus eorum*.

A Hoc Paulus aperit cum dicit: *Et gladium spiritus quod est verbum Dei*. Sermo enim Dei acutus est; ipse enim est gladius, de quo idem Paulus alibi scribit: *Vivus (Cod., unus) est enim sermo Dei et efficax et penetrabilior omni gladio ancipiti, et pertingens usque ad divisionem animæ ac spiritus, compagum quoque et medullarum, et discretor cogitationum et intentionum cordis*.

XIII.

Lectio Epistolæ beati Pauli apostoli ad Philippenses (1, 6): *Fratres, confidimus in Domino Jesu, qui quod cœpit in vobis opus bonum, perficiet usque in diem Christi Jesu, etc.*

COMMENTUM LUCULENTII.

Philippenses sunt Macedones: hos prædicavit apostolus Paulus, qui acceptam fidem firmiter tenuerunt, nec falsos receperunt apostolos, sicut quidam, nec persecutiones malorum hominum timuerunt. Scribit enim epistolam apostolus Paulus, nil causa reprehensionis ostendit, sed exhortationem tantum, ut fidem, quam acceperant, et cœptum opus bonum, usque ad consummationem perducerent, et ut semper proficerent hortatur. In tantum enim perfecti erant, ut suos eos oraret fieri imitatores, et ut semper ad meliora proficerent, dicens: *CONFIDIMUS IN DOMINO JESU, QUIA QUI CŒPIT IN VOBIS OPUS BONUM, PERFICIET USQUE IN DIEM CHRISTI JESU*. Omnis enim mea spes et confidentia de vobis in Domino talis est, ut hoc bonum quod cœpistis, usque ad consummationem perducatis, et doctrinam quam a me accepistis firmam teneatis. *Quia qui cœpit in vobis opus bonum, perficiet*: id est aliquis ex vobis bonum opus vovit, scilicet servire se Deo, et hoc usque ad diem mortis perducatur. *Seu qui cœpit in vobis*, id est ipse Dominus qui fidei fundamentum posuit in vobis, ipse dabit perseverantiam boni operis. Diem Christi dupliciter intelligere debemus; specialiter diem mortis, quando aliquis vir perfectus de hac vita migrat ad Christum. Generaliter diem iudicii quando *omnes astabimus ante tribunal Christi*. Sicut est mihi justum hoc sentire pro omnibus vobis. Ac si dicat: Charitas me compellit ut ipsum de vobis sentiam, ipsum intelligam; quia *charitas omnia credit*. Justum est mihi ut taliter de omnibus vobis sentiam, ut qui cœpit opus bonum, perseveret usque in diem mortis. Consuetudo est enim sanctorum, ut de bonorum actione gaudeant, de malorum doleant, sicut ipse Paulus faciebat qui dicebat: *Quis infirmatur, et ego non infirmor*? Et alibi: *Lugeam plures ex his, qui non egerunt pœnitentiam*. Eo quod habeam vos in corde et in vinculis meis. Quos enim caro semel copulaverit, quanquam simul non sunt corpore, tamen mente semper juncti sunt. Et quia Philippenses perfecti erant in opere bono, apostolus absens corpore, in arcano pectoris semper eorum memor erat. Et hoc est quod dicit: *Eo quod habeam vos in corde et in vinculis meis*. Reddit causam quare, cum dicit: *ET IN DEFEN-*

B SIONE ET CONFIRMATIONE EVANGELII: quia sicut ille defendebat Evangelium Christi, id est doctrinam veritatis, ita et illi firmiter tenendo, et alios admonendo. SOCIOS GAUDII MEI OMNES VOS ESSE. Societas hoc in loco non præsentis temporis intelligenda est, sed futuri, id est vita æterna. De quo gaudio Salvator discipulis ait: *Iterum videbo vos, et gaudebit cor vestrum*; aut certe si de præsentis tempore malum intelligi vult, possumus eo aptari, juxta quod apostolus Jacobus ait, videlicet: *Omne gaudium existimate, fratres mei, cum in variis temptationibus incideritis*. Consuetudo est sanctorum, ut inter persecutionem plus gaudeant, quam tristentur, scientes scriptum: *Non coronabitur, nisi qui legitime certaverit*.

C TESTIS EST MIHI DEUS QUOMODO CUPIAM OMNES VOS IN VISCERIBUS JESU CHRISTI. Est etiam consuetudo sanctorum, ut quando aliquid affirmare volunt, Deum qui est inspector cordis testem sibi adhibeant, sicut Moyses coram filiis Israel: *Testes, inquit, hodie invoco cælum et terram*. Et quia Paulus apostolus multum diligebat Philippenses, Deum sibi adhibuit in testimonium dicens: Testis enim mihi est Deus quomodo cupiam ut Dominus Jesus Christus in vestris habitet visceribus. Ipse, qui per prophetam loquitur, dicens de sanctis: *Et inhabitabo in illis et inambulabo*. Et idem apostolus alibi: *Habitare Christum per fidem in cordibus vestris*. Vel certe omnes vos in ejus cupio inesse visceribus, ut sic cum omnibus vos diligatis, ut nec inter persecutiones ab ejus visceribus separemini. *ET HOC ORO UT CHARITAS VESTRA MAGIS ABUNDET*. Oro ut Deum toto corde, toto ore, tota mente, totis visceribus diligatis IN SCIENTIA, ET OMNI SENSU. In scientia, dicit seriem Veteris Testamenti; sensu autem, scripturas Novi Testamenti. Aliter: scientia omnes series tam Veteris, quam novi Testamenti. Et sensu, ut quid spiritualiter intelligere valeas, quia scientia sine sensu nihil est; *scientia enim inflat, charitas autem ædificat*. Ut probetis POTIORA, ET SITIS SINCERI, ET SINE OFFENSIONE IN DIEM CHRISTI. Potiora dicit, id est majora. Scientes sitis ut de visibilibus invisibilia comprehendere valeatis. Sicut enim cum cibo palati crescit ætas corporis, sic cuir cibo spiritali debet crescere et sensus mentis.

Ut sitis sinceri, et sine offensa in diem Christi; casto videlicet corpore, et mundo corde; sicut de universali Ecclesia Apostolus dicit: *Aptavi vos uni viro virginem castam exhibere Christo.* Sinceritas est enim ubi duo simul concordant, spiritus videlicet, et caro, de quibus Dominus ait: *Si duo ex vobis consenserint super terram, de omni re quodcunque petierint, fiet illis a Patre meo,* dicit Dominus. *Et sine offensa.* Sine offensa dicit sine criminali actione. Aut certe sic sitis sinceri, ut in diem Christi nulla rubigo peccatorum in vobis appareat ne cum fatuis virginibus a thalamo regis excludamini. Diem vero Christi, sicut jam diximus, diem mortis, vel diem iudicii debemus intelligere, in quo die, qui sine offensa fuerit, a Domino remunerabitur, juxta quod ait Salomon: *Date ei fructum manuum suarum, et laudent eam in portis opera ejus.* REPLETI FRUCTU JUSTITIÆ PER JESUM CHRISTUM IN GLORIAM ET LAUDEM DEI; id

est fructu boni operis; de quo fructu idem apostolus dicit: *Fructus spiritus est gaudium, charitas, pax, patientia,* et his similia. Quod qui fecerit, fruebit [*Ita Cod.*] illam in vitam æternam; fructus enim a fruendo dicitur. Quod fructificare nemo poterit, nisi per Jesum Christum qui dicit: *Sine me nihil potestis facere. In gloriam et laudem Dei,* ut semper glorificetur Deus in nobis; juxta quod alio loco dicit: *Qui gloriatur, in Domino gloriatur. Et laudem Dei;* scilicet ut semper Deus laudetur, sicut psalmista dicit: *Benedicam Dominum in omni tempore, semper laus ejus in ore meo.* Aliter: *in gloria,* id est in opere bono fructificantes. *Et laudem Dei,* in prædicatione. Sit gloria in opere, laus in verbis; ut impleatur in nobis illud quod ait Salvator: *Sic luceat lux vestra coram hominibus, ut videant opera vestra bona, et glorificent Patrem vestrum qui in cælis est.*

XIV.

Lectio Epistolæ beati Pauli apostoli ad Colossenses (1, 9): *Fratres, non cessamus pro vobis orantes et postulantes, etc.*

COMMENTUM LUCULENTII.

Audierat enim beatus Paulus apostolus Colossensium fidem ex dilectione quam habebant in Deum, et ut in virtutibus sequentibus se crescerent, orabat dicens: *NON CESSAMUS PRO VOBIS ORANTES ET POSTULANTES.* Hanc consuetudinem habebant apostoli, et nos tenere debemus, ut invicem oremus, et magistri pro discipulis, et discipuli pro magistris, sicut in alio loco dicit: *Deus autem spei repleat vos omni gaudio, et pace in credendo, ut abundetis in spe et virtute Spiritus sancti. Deus autem patientiæ et solatii det vobis idipsum sapere in alterutrum secundum Jesum Christum, ut unanimis uno ore honorificetis Deum et Patrem Domini nostri Jesu Christi.* Et iterum: *Flecto genua mea ad Patrem Domini nostri Jesu Christi.* Ut autem et discipuli pro magistris orare debeant, ipse et alibi dicit: *Expedit vobis orare pro nobis.* Nam de beato Petro in carcere posito legimus, quia oratio fiebat sine intermissione ab ecclesia ad Deum pro eo. Quod autem non dixit singulariter non cesso, sed pluraliter *non cessamus,* et de se hoc dicebat, et de aliis qui cum illo erant. Quamvis orare postulare unum sit, hoc interest, quia orare dicimus de levioribus rebus, postulare autem de majoribus et difficili-
Coribus. Orando est, qui stant ne cadant; postulando, ut qui jacent surgant. Orandum est ut justii remunerentur, postulandum ut sceleratiificentur. Ut impleamini in agnitione voluntatis Dei. Primum quærendum est quid sit Deus, juxta psalmistæ vocem, qui ait: *Quærite Dominum, et confirmamini; quærite faciem ejus semper;* deinde agnitio voluntatis ejus quid velit Deus, sicut idem apostolus ait: *Ut probetis quæ sit voluntas Dei bona, et bene placens, et perfecta.* De quo [*Ita Cod.*] qualiter ser-

viamus Deo, quod facere non possumus, nisi ejus voluntatem faciamus. IN OMNI SAPIENTIA, ET INTELLECTU SPIRITUALI. Omnis sapientia, et intellectus, et operatio, scilicet quia impossibile est sine fide placere Deo; sic et *fides sine operibus mortua est.* Omnis sapientia est non solum historiam Veteris Testamenti scire, sed etiam spiritalem intelligentiam cognoscere. UT AMBULETIS DIGNÉ DEO, PER OMNIA PLACENTES. Ambulare dicit, non solum corpore, sed mente; ambulare de virtute in virtutem. Digne ambulat, qui recte vivit, et alios per bonum exemplum attrahit, juxta illud: *Qui audit, dicat: Veni.* Deo per omnia placet qui hoc adimplet quod subditur: IN OMNI OPERE BONO FRUCTIFICANTES, ET CRESCENTES IN SCIENTIA DEI. Non dixit in uno, sed in omni; non dicit constantes ad tempus, sed *fructificantes et crescentes in scientia Dei,* id est de omnibus bonis illi sciamus gratias referre, juxta illud: *Gratia Dei sum; et: Non nobis, Domine, non nobis, sed nomini tuo da gloriam.* Quoniam ipsius est nobis perficere in OMNI VIRTUTE. Omnis virtus est Dei donum, qui omnia præstare potest. Omnis virtus est et mentis et corporis. Confirmati a quo? nisi a Domino. Unde et alibi ait: *Qui et confirmavit vos usque in finem sine crimine.* SECUNDUM POTENTIAM CLARITATIS EJUS, id est secundum ejus virtutem, dicente Psalmista: *Fortitudinem meam ad te custodiam.* Hinc Dominus ait: *Sine me nihil potestis; Lucerna pedibus meis verbum tuum, Domine, et lumen semitis meis.* IN OMNI PATIENTIA, id est cum proximis et subjectis atque extraneis, et persequentibus nos. Et LONGANIMITATE, ut semper simus patientes ut in prosperis, ita in adversis. CUM GAUDIO. Scilicet ut in tribulationibus semper gaudeatis, monente Jacobo

apostolo : *Omne gaudium existimate, fratres mei, cum in variis tentationibus incideritis. Vel per passiones et tribulationes futurum gaudium cum Christo percipiat, secundum ipsius promissum dicentis : Beati*

estis cum maledixerint vobis homines, et persecuti vos fuerint, et dixerint omne malum adversum vos mentientes propter me; gaudete et exsultate, quoniam merces vestra multa est in cælo.

XV.

Lectio Epistolæ beati Pauli apostoli ad Colossenses (III, 12) : *Fratres, induite vos, sicut electi Dei, sancti et dilecti, viscera misericordiæ, etc.*

COMMENTUM LUCULENTII.

Colossenses sunt sicut Laodicenses Asiani. His, accepto verbo veritatis, firmiter steterunt in fide, nec falsos receperunt apostolos. In tantum perfecti [Cod., persecuti] erant, ut apostolo non indigerent, nisi admonet qualiter Christum induant, dicens: FRATRES, INDUITE VOS, SICUT ELECTI DEI, VISCERA MISERICORDIÆ. Nota quia aliis discipulis dicit : *Quotquot credidistis, Christum induistis*; hic vero Colossensibus dicit : *Induite vos, sicut electi Dei*. Ac si dicat : *Induite vos Jesum Christum*. Et bene dicit, *sicut electi Dei sancti*, quia a Deo electi erant, sicut Dominus discipulis dicens : *Non vos me elegistis, sed ego elegi vos*. Et Apostolus : *Quos præscivit, hos et vocavit*. Bene *sancti*, quia et ipse sanctus est qui dicit : *Sancti estote, quia ego sanctus sum*. *Viscera misericordiæ* dicit viscera pietatis, quia in tantum vos dilexit, ut non pretium aliud pro vobis daret, sed proprium sanguinem funderet. De quo olim propheta prædixerat : *Per viscera misericordiæ Dei nostri, in quibus visitavit nos oriens ex alto*. BENIGNITATEM. Jam incipit exponere quid aut qualiter indui se debeant cum dicit *benignitatem*. Bene dicit *benignitatem*; hoc est benevolentiam, hoc est ut sitis benevoli ad omnes, ita diligentes ut vosmetipsos. HUMILITATEM. Post benignitatem sequitur humilitas. Humilitas magna est virtus, quæ homines angelos fecit. De hac namque dicitur : *Qui sine humilitate virtutem congregat, quasi qui in ventum pulverem portat, et quasi qui merces congregavit, misit eas in sacculum pertusum*. Et Dominus dicit : *Discite a me quia mitis sum et humilis corde*. MODESTIAM. Modestia ipsa est et temperantia, una ex quatuor virtutibus principalibus. Modestus enim, id est temperatus, debet esse quilibet vir perfectus, non solum in cibo et potu propter illud : *Attendite ne graventur corda vestra in crapula et ebrietate*, verum etiam in cogitatione, et locutione, et operatione, et in omni actu. PATIENTIAM. Patiens debet esse vir perfectus, monente Apostolo : *Pacem sectamini, et sanctioniam*. Et Dominus dicit : *In patientia vestra possidebitis animas vestras*. Et alia Scriptura dicit : *Sapientia viri per patientiam dignoscitur*. SUPPORTANTES INVICEM. Ipsum est quod alibi dicit : *Alter alterius onera portate, et sic adimplebitis legem Christi*. Lex Christi dilectio est, quam tunc implemus, si invicem nos sufferimus. Et Dominus dicit : *In hoc cognoscent omnes quia mei estis disci-*

puli, si dilectionem habueritis in invicem. ET DONANTES VOBISMETIPSIS. Id est alterutrum dimittentes. Si quis ADVERSUS ALIQUEM HABET QUERELAM. Id est si tu in aliquo fratrem, aut frater te læsit, invicem dimittere debetis, id est donare, propter illud : *Dimittite, et dimittetur vobis; date, et dabitur vobis*; quod qui fecerit, fiducialiter audent dicere in oratione Dominica : *Dimitte nobis debita nostra, sicut et nos dimittimus debitoribus nostris*.

SUPER OMNIA AUTEM HÆC, CHARITATEM HABENTES, QUOD EST VINCULUM PERFECTIONIS. Huic simile est illud apostoli Petri : *Estote prudentes, et vigilate in orationibus; ante omnia autem mutuam in vobismetipsis charitatem continuam habentes*. Charitas aliquoties inter cæteras virtutes prima ponitur ab apostolo propter dignitatem, vel mansuetudinem, eo quod major sit cæteris virtutibus. Ubi vero ultimo loco ponitur, non propter exiguitatem vel diminutionem, quod minor sit, sed propter fundamentum vel solidamentum ponitur, sicut pro Ephesiis orat dicens : *In charitate radicati et fundati*; ipsa est enim radix omnium virtutum, sine qua virtutes cæteræ vitia reputantur. Sicut enim, verbi gratia dicam, aliquis homo manipulum faciens ex virgulis agrestibus, necesse est ut cum una ex illis et cæteras constringat, ne huc illucque dispergantur; sic necesse est ut quicumque cæteras virtutes habere desiderat, habeat vinculum perfectionis, charitatem, quia ut dixi cæteræ virtutes sine charitate nihil sunt. Hinc alibi dicit apostolus : *Si linguis hominum loquar et angelorum, charitatem non habeam, factus sum velut æs sonans aut cymbalum tinniens*. ET PAX CHRISTI EXSULTET IN CORDIBUS VESTRIS.

Pax nostra Christus est, dicente Apostolo : *Ipse est pax nostra, qui fecit utraque unum*. Et iterum : *Pax Dei quæ exsuperat omnem sensum, custodiat corda vestra et intelligentias vestras*. Exsultat enim in cordibus sanctorum, cum eos exsultare facit. De qua exsultatione propheta dicit : *Exsultabunt sancti in gloria*. Huic simile est quod alibi : *Misit Deus Spiritum Filii sui in corda clamantem : Abba Pater, et : Ipse Spiritus testimonium reddet spiritui nostro, quod sumus filii Dei*.

IN QUO ET VOCATI ESTIS, id est in Christo, qui vos vocavit de tenebris in admirabile lumen suum. Unum corpus dicit sanctam Ecclesiam, quanquam in partes divisa sit, membris fidelium tamen collecta unum est corpus. Vos estis corpus Christi, dicit Apostolus, et

membra de membris, et : Sicut in uno corpore multa membra habemus. ET GRATI ESTOTE. Id est gratiosi, acceptabiles ad omnes. Sicut idem de se dicit : *Sicut et ego per omnia omnibus placeo.* VERBUM CHRISTI, id est doctrina Christi, et Evangelium Christi, HABITET IN VOBIS ABUNDANTER, ut hoc quod intelligitis opere compleatis. Abundanter enim in quolibet, cum recte intelligit, et opere implet; superabundanter, cum aliis erogat. Propter illud quod Dominus dicit : *Quis putas est fidelis dispensator et prudens quem constituit Dominus super familiam suam?* Et iterum : *Omnis scriba doctus in regno colorum, similis est homini patrifamilias, qui profert de thesauro suo nova et vetera.* IN OMNI SAPIENTIA, id est in Veteri et in Novo Testamento. Qui enim recipit Novum Testamentum, et

respuat Vetus, non est doctus omni sapientia. Aliter : *in omni sapientia*, in littera et intellectu spirituali, in allegoria ut hoc quod legit spiritualiter disserere valeat. DOCENTES ET COMMONENTES. Docentes alios, commonentes vosmetipsos. Id ipsum est quod aliis discipulis dicit : *Qui docet in doctrina, qui exhortatur in exhortando.* Quod ibi dicit, *qui docet in doctrina*, hoc et hic dicit *docentes*. Et quod ibi, *qui exhortatur*, hoc et hic *commonentes* vosmetipsos. Unde et ad Titum : *Hæc loquere et exhortare.* Sed in quo se commonere deberent, evidenter aperuit cum subiunxit : IN PSALMIS ET HYMNIS. Psalmus pertinet ad corpus, hymnus ad mentem, canticum ad fortitudinem...

XVI.

Lectio Epistolæ beati Pauli apostoli ad Titum (II, 11) : *Apparuit gratia Dei Salvatoris nostri omnibus hominibus*, etc.

COMMENTUM LUCULENTII.

Titus interpretatur quærens bonum sive luctatus. Secutus est Paulum apostolum et pastor ecclesiæ sive magister ab eodem constitutus est, cum dicit : *Hujus rei gratia reliqui te Cretæ ut quæ desunt corrigas et constituas episcopos per civitates, sicut ego tibi disposui.* Omnis qui bonum quærit, id est Dominum ac vitam æternam, Epistolam hanc ad se noscat conscriptam, per quam erudiatur. Dupliciter intelligi potest quod dicit. APPARUIT GRATIA SALVATORIS; hoc est vel ipse Salvator, de quo Joannes : *Vidimus gloriam ejus, gloriam quasi unigeniti a Patre.* Qui apparuit ad hoc ut in se credentibus daret bravium vitæ æternæ, quod [Cōd., quem] nullus valet consequi, nisi gratuita Dei misericordia. Aut certe gratia sancti Evangelii, quæ per universum claruit mundum, Domino præcipiente discipulis : *Ite in mundum universum; prædicate Evangelium omni creaturæ.* De qua gratia dicit propheta : *Exæquavit gratiam in gratiam.* Et Joannes : *De plenitudine ejus omnes accepimus gratiam pro gratia.* OMNIBUS HOMINIBUS, sive Judæis, sive omnibus nationibus quæ in eum crediderunt. Ad hoc illis apparuit, ut, relicta creatura, adorent Creatorem. ERUDIENS NOS. Id est, docens nos. Eruditus enim dicitur doctus, imbutus atque instructus. Sicut e contra, ineruditus dicitur brutus, ideo quod carere videtur sensu vel prudentia. Erudire dicitur, quasi a rure sublevare. Erudire nos voluit, qui ligna et lapides colebamus, se cognoscere fecit. Sicut ad Jerusalem peccatricem per Jeremiam prophetam dicitur : *Erudire, Jerusalem, nec recedat anima a te.* Et bene post decalogum doctrinæ, quid senex? quid anus? quid virgines? quid adolescentes? quid ad extremum servos admonere debuisset? omnes in unum comprehendit dicens : *Apparuit enim gratia Salvatoris nostri omnibus hominibus, erudiens nos;* quia nulla est apud illum differentia, Judæi et Græ-

ci, Barbari et Scythæ, servi et domini, circumcisi et præputia habentis, masculi et feminæ, sed omnes in Christo unum sumus. Non est enim personarum acceptor, *qui omnes vult salvos fieri, et ad agnitionem veritatis venire.* Omnes enim ad regnum suum vocat; omnes post offensam Patri nostro sumus reconciliandi, non per merita nostra, sed per gratiam Salvatoris, id est Filii. Quæ gratia patris, aut gratia Filii? qua redempti sumus, cui dicitur per prophetam : *Pro nihilo salvabis nos.*

UT ABNEGANTES IMPIETATEM. Impietatem, idololatriam, vel infidelitatem dicit : ipsa est impietas quam Zacharias propheta vidit sedere super massam plumbeam, in foramine amphoræ. SÆCULARIA DESIDERIA dicit actus carnales, quos Apostolus exponit : *Manifesta sunt opera carnis, quæ sunt fornicatio, immunditia, luxuria, idolorum servitus.* Et adjungit virtutes cum dicit : *Fructus Spiritus est gaudium, pax, patientia, longanimitas, bonitas, benignitas.* Ita hoc in loco omnia vitia comprehendit cum ait : *Declina a malo.* Perstringit et virtutem cum ait : *Et fac bonum.* SOBRIE. Sobrietas, ut a majoribus traditur, una est ex quatuor virtutibus principalibus. Quatuor virtutes principales, prudentia, fortitudo, temperantia, justitia. Sobrietas ipsa est temperantia; est enim temperantia in cibo et potu, propter illud quod Dominus ait : *Attendite ne graventur corda vestra in crapula et ebrietate.* Sed in cogitatione quoque et locutione et operatione, in omni actu nostro temperati esse debemus, quia omne quod nimis est, sive de sursum sit, sive de deorsum, in vitium reputabitur. Et JUSTE, id est fideliter. *Justus ex fide vivit.* Unde et Joannes : *Omnis qui facit justitiam, ex Deo est.* Cujus participes sunt, pudicitia, castitas, et horum similia. Et PIE VIVAMUS, hoc est religiose. Ne enim immoderata sit justitia, pietas comitanda est,

quæ pars est justitiæ. Et sicut beatus Augustinus dicit, Dei cultor intelligitur. In hoc sæculo, id est in præsentī vita, propter illud quod Dominus ait : *Qui perseveraverit usque in finem, hic salvus erit.* Quæ pietas ADVENTUM GLORIÆ ET SALVALORIS NOSTRI JESU CHRISTI expectat, secunda de fide et opere suo; sicut e contra impietas reformidat. BEATAM SPEM dicit cœlestem patriam. Est enim spes expectatio futurorum honorum. Spes dicta est, quasi recte gradiendi pes. De qua Apostolus : *Spes quæ videtur, non est spes.* Contraria est illi desperatio, cui nulla est penitendi facultas. Quandiu enim homo peccatum amat, futuram beatitudinem non sperat; sed ille fiducialiter expectat, qui ejus præceptis in omnibus obtemperat. De qua non potuit amplius sentire, ut eam beatificaret, quam cum ait : *EXPECTANTES beatam spem.* Bene *beatam spem*, quia *nec oculus vidit, nec auris audivit, nec in cor hominis ascendit, quod præparavit Dominus diligentibus se.* Nullus enim narrare potest qualis est illa beatitudo sanctorum; quod Joannes considerans dicebat : *Nunc filii Dei sumus, et nondum apparet quod erimus.*

Et adventum gloriæ MAGNI DEI. Adventum gloriæ dicit diem judicii, quando omnes astabimus ante tribunal Christi. Bene *magni Dei*, quia magnus veniet, qui primo humilis venit, sicut ipse dicit : *Cum sederit rex in solio regni sui, congregabuntur ante eum omnes gentes.* Et iterum : *Tunc videbunt Filium hominis venientem in nube, cum potestate magna et majestate.* De hoc dicit et Petrus : *Inveniatur in laudem et gloriam et revelationem Jesu Christi Domini nostri, et Salvatoris nostri Jesu Christi.* Notandum quod in hac brevi Epistola bis Deum nominavit Dominum Jesum; supra ubi ait : *Apparuit gratia Salvatoris nostri Dei.* Et hic cum dicit : *adventum gloriæ magni Dei et Salvatoris nostri Jesu Christi.* Jesus proprium nomen est, interpretatur Salvator sive salutaris. Christus vero ab unctione dicitur. Chrisma namque unctio interpretatur. Unctus est ipse specialiter præ omnibus dono Spiritus sancti, sicut dicit propheta : *Unxit te Deus, Deus tuus oleo lætitiæ præ consortibus tuis.* Idcirco autem apostolus bis Deum nominavit, ut plus mulceat audientes. Sicut etiam in Psalmis dicitur : *Deus, Deus meus, respice in me.* QUI DEDIT SEMETIPSUM PRO NOBIS. Jesus Filius Dei dedit semetipsum pro nobis, quia pro salute totius generis humani se immolari permisit in ara crucis.

A Sicut idem apostolus dicit : *Tradidit semetipsum pro nobis oblationem et hostiam Deo in odorem suavitatis.* Quare ergo culpamus Judæos vel Judam, cum dicat Apostolus, quia ipse se tradidit? Sciendum tamen est quia tradidit eum Judas propter avaritiam, Judæi propter invidiam, Deus Pater pro nostra redemptione, Filius ipse se tradidit pro nostra charitate. Sicut in Apocalypsi dicit Joannes : *Qui dilexit nos, et lavit nos a peccatis nostris in sanguine suo.* Aliter ergo eum Judas tradidit, aliter Judæi, aliter Pater, aliter ipse se tradidit.

UT NOS REDIMERET AB OMNI INIQUITATE. Redemit nos ab omni iniquitate, fundendo pro nobis sanguinem suum; eodem dicente : *Empti enim estis pretio magno.* Et propheta dicit : *Gratis venundati estis.* B *Ab omni iniquitate.* In baptismo, ubi originalia et actualia peccata dimittuntur; sive, sicut dictum est, fundendo sanguinem suum pro nobis, juxta præfatum testimonium : *Qui dilexit nos et lavit nos a peccatis nostris in sanguine suo.* Quod dicit Joannes : *Fecit nos Deo nostro regnum, sacerdotes Deo et Patri,* hoc et hic dicit Apostolus. POPULUM ACCEPTABLEM, id est placitum vel perfectum, ut Deo sit acceptus, et qui ante diaboli, nunc Dei est populus, dicentes cum Psalmista : *Nos autem populus ejus et oves pascuæ ejus.* SECTATOREM BONORUM OPERUM, id est, virtutum. Sicut idem dicit : *Ut in omnibus exhibeamus nosmetipsos sicut Dei ministros, in multa patientia, in vigiliis, in jejuniis, et charitate non ficta, per arma justitiæ a dextris et a sinistris.* Ergo sectatores debemus esse bonorum operum, ut in bonis operibus crescamus. In illis videlicet quæ Apostolus enumerat dicens : *Fructus Spiritus est. Hæc loquere et exhortare.* Loquere verbis, hoc est prædica; exhortare exemplis; quod dicis, fac prius. Tunc enim erit apta locutio, si quod prædicat magister, prius operatus fuerit, sicut de Domino scriptum est : *Quia cepit Jesus facere et docere.* Sed e diverso nonnulli majora dicunt, minora facere nolunt, sicut Scribæ et Pharisei, de quibus scriptum est : *Alligant onera gravia et imponunt in humeros hominum, digito autem sua volunt [Ita Cod.] ea movere.* Et quia noverat beatus Paulus apostolus scriptum : *Qui solverit unum de mandatis istis minimis et docuerit sic homines, minimus vocabitur in regno cælorum;* ideo exhortari curavit discipulum, ut quæ docebat verbis, operibus impleret prius.

XVII.

Lectio Epistolæ beati Pauli apostoli ad Hebræos (1, 1) : *Multifarie multisque modis olim Deus loquens patribus in prophetis, etc.*

COMMENTUM LUCULENTII.

Hebræi ab Heber sumpserunt nomen, qui fuit septimus ab Adam. Hebræus interpretatur transiens, Hebræi transeuntes, quam gentem Deus multum dilexit, in tantum ut dicat : *Israel primogenitus meus; et sanctus Israel Domino, primitiæ frugum*

ejus. Legimus in libro Geneseos quod congregati filii Noë post aquas diluvii in terra Senaar cœperunt ædificare turrem, de qua dixerunt, quod cacumen illius pertingeret usque ad cælum, et si iterum inundasset diluvium non perirent, sicut dudum illi

qui ante eos exstiterant. Non reminiscetes quod dixerat Deus ad Noe : *Ponam arcum meum in nubibus cæli, et recordabor fœderis mei, ut non perdam aquis diluvii omnem carnem.* Creverant enim nimis, et simul habitare non poterant : antequam dividerentur in regiones vel terras, voluerunt sibi acquirere nomen sempiternale. Habueruntque lateres pro saxis et bitumum [*Ita Cod.*] pro cæmento, et cœperunt ædificare cujus operis auctor exstitit Nemphrot. Videns vero Deus eorum irrevocabile propositum, ait : *Venite ascendamus et confundamus ibi linguam eorum.* Sicque factum est ut qui unam loquebantur, dividerentur in septuaginta duo. Lingua vero, qua omnes loquebantur antea, non remansit nisi solummodo in domo Heber.

De cujus domo longo post tempore natus est Abraham, quem Deus multum dilexit. Dedit ei circumcisionem signaculum fidei, et reputatum est ei ad justitiam : insuper promissum est ei quod in semine ejus benedicentur omnes gentes, his verbis dicens : *In semine tuo benedicentur omnes gentes.* Quod exponens Apostolus : *Non dicit, inquit, et seminibus quasi in multis, sed quasi in uno, et semini tuo qui est Christus.* Dedit ei Isaac filium suum in senectute, quem die octavo circumcidit in typum nostri Salvatoris : et Isaac Jacob, et Jacob duodecim patriarchas, qui ducti fame descenderunt in Ægyptum, ubi multiplicati nimis afflicti sunt vehementer. Sed in manu valida liberati, in signis et portentis de Ægypto educti, transierunt mare Rubrum, per quadraginta annos manna aliti sunt, non sunt attrita vestimenta eorum. Deus dedit illis legem, templum, aram, mensam, panes propositionis, velum interioris, victimas, holocausta, sacrificia. Insuper promisit et Filium suum de eadem stirpe nasciturum. Qui veniens adimplevit quæ Pater promiserat, quia de eorum stirpe secundum carnem natus est, sicut testatur Paulus : *Dico enim Christum Jesum ministrum fuisse circumcisionis propter veritatem Dei ad confirmandas promissiones patrum.* Quem videntes non sicut debuerant receperunt, sed ejicientes extra vineam occiderunt. Non de omnibus dico, quia ex eis processit radix sancta et massa, hoc est sancti apostoli et primi credentes, sed quam plures in cæcitate remanserunt ; de quibus scriptum est : *Cæcitas ex parte contigit in Israel donec plenitudo gentium introeat, et sic omnis Israel salvus erit.* Hi vero qui in infidelitate remanserunt, eos qui ad fidem veniebant eorum substantiam diripiebant, sed ipsi patienter substinebant. Quos collaudat apostolus Paulus : *Nam et vincti compassi estis, et rapinam bonorum vestrorum cum gaudio suscepistis.* Eorum curam gerens per singulos annos collectam faciebat dicens fratribus : *Recordamini fratrum* [*Cod., fratribus*] *qui sunt in Jerusalem ;* mittebatque eis.

Scribens etiam Epistolam misit eis, in qua voluit ostendere, omnia quæ tunc ad litteram gerebantur, sabbatum scilicet, circumcisionem, neomeniam, et cætera quæ lex præcipiebat, omnia typica fuisse, et

in adventu Filii Dei spiritualiter fuisse adimpleta. De qua Epistola multi Latinorum dicunt, quod non sit apostoli Pauli, eo quod nomen ipsius in capite prætitulatum non sit, sed Barnabæ juxta Tertullianum, vel Lucæ, aut Clementis, aut alicujus ex discipulis apostolorum. Quibus respondendum est, quia si apostoli Pauli non est, pro eo quod nomen ipsius in capite prætitulatum non est, ergo nec alicujus illorum erit, quia nullus eorum habetur in capite. Sed omnino scire debemus ipsius esse hanc Epistolam. Quod vero nomen suum in capite prætitulare noluit, ob varias causas egit. Prima causa exstitit, quia noverat ibi Deum et magistrum suum fundamentum posuisse. Ideo non fuit ausus *fundamentum ponere præter id quod positum est, quod est Christus Jesus.* Secunda causa fuit, quia non acceperat in eis officium prædicationis, sed in gentibus, dicente Spiritu sancto : *Segregate mihi Paulum et Barnabam, in opus quo assumpsi eos.* Quia unusquisque suam provinciam ad prædicandum acceperat, unde ipse ait : *Qui operatus est Petro in apostolatu circumcisionis, operatus est et mihi inter gentes.* Tertia causa fuit quia exosum eum habebant Judæi, eo quod evacuaret omnem ritum legis. Quidam enim ad fidem venientes, filios suos baptizare pariter et circumcidere volebant, quod Paulus funditus prohibuit dicens : *Si circumcidimini, Christus vobis nihil proderit, in Christo enim Jesu neque circumcisio aliquid valet, neque præputium, sed fides quæ prædilectionem operatur.* Quod si nomen suum prætitulasset in ea, forsitan non eam reciperent, quia quilibet homo eum quem odio habet, non solum epistolam ejus non recipit, sed etiam nomen illius audire non vult. Quarta causa humilitatis exstitit, sciens eorum superbiam et suam humilitatem, nomen suum noluit ante ponere. Hujus rei causa etiam beatus Joannes, in capite Epistolæ suæ non protulit. Dicunt etiam eam ideo non esse Pauli, quia cæteras Epistolas non sic rhetorico sermone composuit, et ex Veteri Novoque Testamento fulcivit, quomodo ista composita est quæ ad Hebræos legitur. Quibus respondendum est, quia cæteras Epistolas in peregrina scripsit lingua, hanc vero in propria, cæteras in Græca, hanc in Hebræa. Nec mirum si eloquentior, quæ in propria lingua scripta est, quam quæ in Græca. Dignum enim sic erat ut ea quam in propria lingua scribebat plus luculento sermone componeret, et Veteri Novoque Testamento fulciret. Cujus sensum et ordinem tenens evangelista Lucas post excessum apostoli Pauli Græco sermone composuit. Sed jam nunc ipsam apostolicam Epistolam tractemus quæ ita exordium habet.

MULTIFARIE MULTISQUE MODIS OLIM DEUS LOQUENS PATRIBUS IN PROPHETIS. Quod dicit *multifarie*, ostendit quoddam vaticinium fuisse ex Filio Dei. Phari Græce, Latine loqui dicitur. Multifarie dicit, multis locutionibus. Multis enim modis locutus est Dominus anterioribus Patribus, qui fuerunt in Veteri Testamento : aliquoties per visiones, aliquoties per simi-

litudines, aliquoties per modos. Per visiones, ut est illud : *Ego quoque visiones multiplicavi, et in manibus prophetarum assimilatus sum.* Locutus est per similitudines, sicut multis locis inveniri dicitur. Sic Ezechiel cum ait : *Et tu, fili hominis, perfode tibi parietem manu.* Per verba, sicut Isaïæ prophetæ : *Verbum Domini quod factum est ad Isaïam prophetam.* Per revelationem, sicut Danieli. Per se ipsum, sicut Abrahæ : *Exi de terra tua.* Et Moysi : *Loquebatur Moyses cum Deo facie ad faciem.* Et hoc est quod dicit : *Multifarie et multis modis.* Olim, dicit ante, in Veteri Testamento scilicet. Novissime, dicit novissimo tempore, diebus incarnationis Domini. De quibus diebus idem Paulus dicit : *Nos sumus, in quos fines sæculorum devenerunt.* Et Joannes : *Filioli, novissima hora est.* Et iterum Paulus : *At ubi venit plenitudo temporis, misit Deus Filium suum.* Cum vero dicit : *NOVISSIMIS DIEBUS ISTIS, LOCUTUS EST NOBIS IN FILIO;* ac si dicat : quid mirum si patribus misit prophetas, et per eos eis locutus est, qui nobis per Filium est locutus? Illis prophetas destinavit, nobis Filium suum misit, et per eum loqui nobis dignatus est. De quo Matthæus dicit : *Erat docens eos sicut potestatem habens, non sicut Scribarum et Phariseorum.* Ipse qui quondam per patriarchas et prophetas loquebatur, per semetipsum loqui dignatus est.

QUEM CONSTITUIT HÆREDEM UNIVERSORUM. Hæreditas ab hero, id est a Deo dicta est, quod ea libera potestate donetur. Constituit Pater Filium hæredem universorum, id est totius mundi cum dicit : *Omnia subiecisti sub pedibus ejus.* Unde et idem Filius dicit : *Ego autem constitutus sum rex ab eo.* Resurgens ergo a mortuis datam sibi asserit potestatem; sicut idem *Datu est mihi omnis potestas in cælo et in terra.* Et iterum : *Pater non judicat quemquam, sed omne iudicium dedit Filio.* Ergo non jam portio Domini tantum Jacob, et sors ejus tantummodo Israel, sed omnes gentes et nationes, toto orbe diffusas, in hæreditatem sanguinis Christi amplectimur. *Ut in nomine Jesu omne genu flectatur;* in id quod homo constitutus est a Patre, et omnia ei subjecta sunt ab eo; in id quod æqualis Patri, idem Filius dicit : *Omnia mea tua sunt, et tua mea.* PER QUEM FECIT SÆCULA. Subauditur per filium. Utilitur hoc apud hæreticos qui dicebant : Si est Christus, erat tempus quando non erat, sed in hoc eos destruit cum dicit : *Per quem fecit et sæcula.* Quod enim dicit, et quem constituit hæredem universorum, ad humanitatem pertinet. Quod vero addidit, *per quem fecit et sæcula,* ad divinitatem. Per Filium enim fecit Deus cælum et terram, sicut habes scriptum : *In principio fecit Deus cælum et terram.* Ostendit eum ante omnia sæcula fuisse cum Patre, et cum eo omnia condidisse. Unde et Joannes : *Omnia per ipsum facta sunt.* Et ipse in Sapientia loquitur : *Dominus possedit me in initio viarum suarum.* Sicut enim neminem judicat Pater, sed omnia dicit judicare per Filium, quem judicem genuit, sic etiam dicitur operari per Filium, quem constat opificem genuisse.

QUI CUM SIT SPLENDOR GLORIÆ. Ipse est enim splen-

dor gloriæ, hoc est Deus de Deo, lumen de lumine, omnipotens de omnipotente, Filius de Patre, qui dicit : *Ego sum lux.* Et de quo Joannes : *Erat lux vera quæ illuminat omnem hominem venientem in hunc mundum.* ET FIGURA SUBSTANTIÆ EJUS. Cum audis figuram, noli scandalizari; figuram enim vel characterem hoc in loco non pro similitudine, sed pro veritate intelligere debes, qualiter si videris imaginem pictam in pariete et dicas : Ecce homo, ecce manus, ecce pedes. Sed aliter est imago, aliter tu; illa per similitudinem, tu per veritatem. PORTANSQUE OMNIA VERBO VIRTUTIS SUE. Verbum et veritas Christus est, de quo Paulus : *Christus Dei virtus et Dei sapientia.* Et de quo Joannes : *In principio erat verbum.* Dicit autem Apostolus de Filio Dei, quod *portans omnia,* destruit Arianorum vesaniam, qui dicunt, quod Pater præcipit diceps : *Fiat lux* et Filius obedierit; quia ostendit, quod suo verbo cuncta perfecit, *portans,* inquit, *omnia,* id est gubernans. Continet namque cadentia, et ad nihilum tendentia. Sicut enim absque ullo labore cuncta creavit ex nihilo, juxta quod scriptum est : *Qui manet in æternum, cuncta creavit simul;* sic omnia regit et continet et portat absque labore. *In ipso enim vivimus, movemur et sumus,* et *omnia in ipso constant,* sicut idem apostolus alibi ait. Neque enim aliquid subsistere poterat, nisi per se omnia contineret. Et hoc est quod ipse Filius dicit Judæis : *Pater meus usque modo operatur, et ego operor.* Tam [Cod., non] enim missus est gubernare mundum quam creare. Quando enim creatus est mundus, ex nihilo facta sunt omnia ut essent. In gubernatione vero agitur ut ea quæ sunt ad nihilum non redigantur nec pereant.

PURGATIONEM PECCATORUM FACIENS. Postquam enim apostolus ostendit, quia omnia gubernaret et contineret Filius quæ fecit, voluit etiam manifestare ejus curam, ejus misericordiam, quam erga nos exhibuit, dicens : *Purgationem peccatorum faciens.* Fecit enim purgationem peccatorum, quando pendens in cruce, aperto latere ejus manavit sanguis et aqua pro redemptione nostra, dicente apostolo : *Empti enim estis pretio magno.* Et illud : *Qui dilexit nos et lavit nos a peccatis nostris in sanguine suo.* De hac purgatione peccatorum per Petrum dicitur : *Qui peccata nostra ipse pertulit in corpore suo super lignum.* Facit quotidie purgationem peccatorum per baptismum; de quo dicitur : *Quotquot credidistis, Christum induistis.* Facit etiam purgationem peccatorum, cum fidelibus suis corpus et sanguinem suum dat comedendum ipse qui dicit : *Ego sum panis vivus qui de cælo descendi;* et : *Caro mea vere est cibus, et sanguis meus vere est potus.* Et iterum : *nisi manducaveritis carnem Filii hominis et biberitis ejus sanguinem, non habebitis vitam in vobis.* Et : *Qui manducat meam carnem et bibit meum sanguinem, in me manet et ego in ipso.* Ille namque ad passionem discipulis ait : *Hoc est corpus meum quod pro vobis tradetur in remissionem peccatorum.* Sicut enim ignis liquefacit ceram, et sicut flamma comburit stipulam, sic minora peccata per participationem corporis et sanguinis Christi...

XVIII.

Lectio Epistolæ I beati Petri apostoli (v, 6) : *Charissimi, humiliamini sub potenti manu Dei, ut vos [Cod., nos] extollat in tempore visitationis, etc.*

COMMENTUM LUCULENTII.

Humiliatio enim ultima intelligitur; nam unusquisque se humiliare debet jejunando, orando, obediendo, patienter adversa tolerando, propter illud quod scriptum est : *Omnis qui se exaltat humiliabitur, et qui se humiliat exaltabitur.* Humiliari nos præcipit apostolus Petrus dicens : HUMILIAMINI SUB POTENTI MANU DEI. Humilitas enim multiformis est gratia. Humiles non oportet esse propter illud quod Dominus ait : *Discite a me quia mitis, sum, et humilis corde.* Et alibi : *Super quem requiescam, nisi super humilem, et quietum, et tremementem sermones meos? Sub potenti manu Dei.* Manus enim Dei aliquoties intelligitur Filius, aliquoties protectio divina; Filius intelligitur manus, ut est illud propheticum : *Emitte manum tuam de alto.* Protectio divina, ut est illud : *Facta est super me manus Domini.* Sed in hoc loco protectio divina intelligitur, teste psalmista : *Protexisti me, Deus, a conventu malignantium.* Sub cujus manu nos humiliari debemus, scilicet sub divina protectione, ut nos exaltare dignetur in die visitationis. ET IN TEMPORE VISITATIONIS; hoc est in die iudicii quando omnes humiles exaltari merebuntur, et superbi humiliari, sicut jam superius dictum est : *Omnis qui se exaltat humiliabitur, et qui se humiliat exaltabitur.* Et omnes reprobi una cum capite suo projicientur in infernum. OMNEM SOLLICITUDINEM VESTRAM PROJICIENTES IN EUM, QUONIAM IPSI CURA EST DE VOBIS. Simile est illud quod ait Psalmista : *Jacta cogitatum tuum in Domino.* Et Dominus in Evangelio : *Nolite solliciti esse dicentes : Quid manducabimus, aut quid bibemus? scit enim Pater vester quid vobis opus est.* Ideo omnem sollicitudinem nostram in eum projicere debemus, a quo omne bonum largiri credimus. Et quidquid perfectum, quidquid bonum est quod agit homo, ab ipso accipit, teste Jacobo qui dicit : *Omne datum optimum et omne donum perfectum desursum est.* Et alibi scriptum : *Quis speravit in Domino et confusus est?*

SOBRII ESTOTE. Sobrietas enim non solum corporis, sed et animæ intelligenda est. Sicut enim sobrius debet esse homo exterior, parens videlicet a cibo et potu, propter illud quod Dominus dicit : *Attendite ne graventur corda vestra in crapula et ebrietate;* ita homo interior in vigiliis, jejuniis, et orationibus, et cæteris bonis operibus. Et VIGILATE JUSTE. Vigilare nos oportet propter illud quod scriptum est : *Et vigilate juste, et nolite peccare.* Et Dominus in Evangelio : *Vigilate ne fiat fuga vestra hieme, vel sabbato.* Et iterum : *Hoc autem scitote quia si sciret paterfamilias qua hora fur veniret, vigilaret utique.* Sed hoc in loco propter quid nos oportet vigilare, insequenter ostenditur, quia ADVERSARIUS VESTER DIABOLUS TANQUAM LEO RUGIENS CIRCUIT QUÆRENS QUEM DEVORET.

A Diabolus enim adversarius atque hostis est generis humani, qui ab initio mundi semper sanctos persecutus non destitit, atque caulas fidelium dispergere nititur. Leo namque dicitur diabolus, non propter fortitudinem, sed propter sævitiam; quia non solum occulte insidiatur, verum etiam aperte sævit. Occulte insidiatur, quia nonnunquam per nefarias cogitationes suadet aliquem, per gastrimargiam, per ebrietatem, per avaritiam, supplantat iracundia, vel luxuria inquinat : aliquem vero ut leo sævit, aperte persequitur hominem, sicut hic dicit Petrus apostolus : *Adversarius vester diabolus tanquam leo rugiens, circuit quærens quem devoret.* Diabolus enim circuit unumquemque nostrum, prospiciens sibi aditum per quem irrumpere possit, atque decipere, in qua parte ad peccandum videt esse procliviorum in ea amplius inardescit. Scilicet aut per dexteram; tentans enim hominem in majora vitia, si decipere non prævalet, minora infert, et de bono quod videt superbiam ingerit, ut sic per dexteram partem ingrediat. Quia, ut dixi ab initio, ex quo primus homo justus Abel a Can fratre suo per invidiam est interemptus, usque ad ultimum sanctum, qui in finem nasciturus est, diabolus persequi non cessat. CUI RESISTITE FORTES IN FIDE. Imitamini ergo Christum, qui diabolum tentatorem in deserto vicit. Et nota, quia cum dicit *resistite*, addidit *in fide*, quia nulla virtus sic poterit diabolum prostrare quomodo fides perfecta, de qua Dominus : *Si haberetis fidem ut granum sinapis diceretis huic monti, transire, obediret vobis.*

C SCIENTES EAMDEM PASSIONEM EI QUÆ IN MUNDO EST, VESTRÆ FRATERNITATIS FIERI. Eamdem passionem dicit in mundo, scilicet quam universa patitur Ecclesia. Nullus enim fidelis in mundo est, qui bravium vitæ æternæ percipere cupiat, ut sine passione ad portum pervenire possit, juxta quod scriptum est : *Multæ tribulationes justorum, et de his omnibus liberavit eos.* Et ideo, si fuerimus socii passionis, simul et resurrectionis erimus. Et alibi : *Non coronabitur, nisi qui legitime certaverit.* Et Paulus apostolus : *Foris pugnae, intus timores.* Attamen non sunt condignæ passionibus hujus temporis ad futuram gloriam, quæ revelabitur in nobis. DEUS AUTEM OMNIS GRATIÆ, QUI VOCAVIT NOS IN ÆTERNAM SUAM GRATIAM IN CHRISTO JESU MODICUM PASSOS. Vocavit enim nos Deus in æternam suam gloriam primo de tenebris in admirabile lumen suum, quia quos præscivit et prædestinavit conformes fieri imaginis filii sui, ut sit ipse primogenitus in multis fratribus. Tamen præsentis temporis gloria non est æterna, quia nonnunquam deficit, de qua dicit Joannes : *Filioli, nunc filii Dei sumus, et nondum apparet quid erimus.* Illa est æterna, quæ permanet

cum Deo, in qua *ibunt sancti de virtute in virtutem*. Et hoc in Christo Jesu, quia per Filium sumus redempti, et per ipsum remunerati. Deus Pater per Filium suum nos redemit, per quem et vocavit, quem pro redemptione generis humani incarnari [*Cod.*, incoronari] constituit. *Modicum passos*. Bene dicit, *modicum passos*, quia passiones hujus temporis modicæ

sunt ad comparationem futuræ beatitudinis. Sic enim ait Dominus : *Nolite timere eos qui occidunt corpus, animum autem non possunt occidere*. IPSE PERFICIET, scilicet Deus, qui vocavit nos in æternam suam gloriam, perficiet corpore, CONFIRMABIT animo, SOLIDABIT spiritu : perficiet in perseverantia boni operis, confirmabit præmio, solidabit bravio vitæ æternæ.

EODEM TEMPORE.

JOANNES, ARELATENSIS EPISCOPUS.

JOANNIS, ARELATENSIS EPISCOPI,

EPISTOLA AD VIRGINES MONASTERII SANCTÆ Mariæ.

Sanctis ac venerandis in Christo sororibus, ipsis quibus sanctæ memoriæ prædecessor noster Aurelianus episcopus monasterium sanctæ Mariæ intra muros Arelatensis urbis constituit, præcepta vivendi sancivit, Joannes, gratia Domini ac Dei nostri Jesu Christi, episcopus.

Cum plenissime series regulæ vobis constitutæ victus et vestitus qualitatem et quantitatem vestræ sanctitatis contineat, nihilque indignum in ea, quod ad emendationem formulæ ejus pertineat, inveniat; tamen pro charitate et cura ejusdem, quam Dominus Ecclesiæ suæ commendavit, admonemus, ut cum quanta possumus industria vigilemus, ne aliquam occasionem antiquo hosti subripiendi sanctum gregem relinquamus; nobisque futuro iudicio censura pro torporis negligentia justissime inferatur; aliqua vestræ sanctitati addicimus, per quæ, ut nobis videtur, liberis gressibus, nullisque præpedientibus occasionibus inter [*forte iter*] cælestis Jerusalem, Christo Domino præviante, incedere valeatis. Præcipimus

itaque, postulantes sanctam charitatem vestram, ut in ipsis temporibus, quibus jejunandi et reficiendi vobis statuta præcepta sunt, nulla sit vobis cum viris aut mulieribus religiosis aut laicis, quamvis quibuslibet propinquis aut extraneis, potandi licentia. Sed et tantum ipsis, quibus præfati sumus, pro charitatis officio, sicut concedat vestram sanctitatem, poculos offerre præcipimus. Vos tamen in eorum præsentia in omnibus abstinete; ne si licentius cum eis indulta occasione potatæ fueritis, in resolutione potandi aut cor vestrum contraria cogitatio subripiat, aut jocus indecens per oculos et aures, et verba aut cachinnos prorumpat. Sed sicut diximus, ab hujusmodi licentia in omnibus abstinentes, et per gradus singulos regulæ constitutæ ambulantes, vitæ præsentis cursum feliciter gradiamini; et vitæ æternæ mansiones permissione Domini nostri Jesu Christi ingredi festinetis. Quod ipse præstare dignetur, qui cum Patre et Spiritu sancto unus Deus permanet a sæculis, per sæcula, in sæcula sæculorum.

EODEM TEMPORE.

JOANNES, BICLARENSIS ABBAS.

(Galland. Biblioth. t. XII.)

NOTITIA.

I. Joannes, Gothis oriundus, Scalabi in Lusitanie provincia ortum duxit. De eo hæc Isidorus Hispalensis (a): « Hic cum esset adolescens, Constanti-

nopolim perrexit, ibique Græca et Latina eruditione nutritus, post decem et septem annos in Hispania reversus est eodem tempore quo, incitante rege Leu-

(a) Isid. Hisp., lib de Vir. illustr., cap. 31.

vigildo, Ariana fervehat insania. Hunc supra dictus rex cum ad nefandæ hæresis credulitatem compelleret, et hic omnino resisteret, exilio trusus et Barcinonem relegatus, per decem annos multas insidias et persecutiones ab Arianis perpessus est. Qui postea condidit monasterium, quod nunc Biclaro dicitur. » Hæc ille. Hinc noster auctor Joannes abbas Biclarensis vocari consuevit. De hoc autem cœnobio Biclaro (Vallis claræ) appellato, plerique post Mariana (a), constructum ad Pyrenæi montis radices perhibent. Qua de re consulendus omnino Mabillonius (b). Deinceps vero a Recaredo rege christianissimo ab exilio revocatus, ad ecclesiam Gerundensem regendam fuit evectus anno 592, ut arguit Nicolaus Antonius (c). Porro concilio Barcinonensi subscripsisse anno 599 comperitur (d) ac demum Svinthilæ regis ætate, id est, post annum 621, quo ille regnare cœpit, Sisebuto et Recaredo ejus filio morte sublatis, ipsum ad cœlos migrasse, ecclesiæque Gerundensis regimen Nonito reliquisse, litteris commendavit laudatus Mariana (e). Paulo aliter Nicolaus Antonius, ex quo eum vitam produxisse usque ad annum 620 edocemur (f).

II. Scripsit Chronicon ab anno 566 quo Victor Tununensis desiit, usque ad annum 590, id est, ab anno 1 Justinii junioris ad annum 8 Mauritiï imperatoris et Recaredi regis 4. Adisis Pagium (g). Unde Vossius corrigendus, qui Mauritiï annum 8 et Recaredi 4 statuit Christi annum 594. Porro ex purpurato patre de Aguirre intelligimus (h), exstare apud se additionem incerti auctoris ad istud Chronicon, complectentem gesta ab anno Christi 601 usque ad annum 742 quam se in lucem editurum pollicetur. Hæc Pagius (i). Ejusmodi vero nostri præsulis Gerundensis Chronicon, descriptum ab Andrea Schotto ex Codice bibliothecæ Toletanæ, primus publici juris fecit Ingolstadii anno 1600, cum Victore Tununensi, legatione Luitprandi ad Nicephorum Phocam et synodo Bavarica Henricus Canisius; quod postea Scaliger emendatius excudendum curavit Amstel. anno 1606 in Thesauro Temporum cum Eusebio aliisque Chronographis. Aliæ duæ præterea exstant hujusce Chro-

nici editiones: altera Francisci Schotti (j), altera doctissimi cardinalis de Aguirre (k). Ad nostram vero quod attinet, Scaligerianam potissimum secuti sumus; quam enim Basnagius ex Canisio evulgavit (l), haud paucis mendis obsitam quin et alicubi hiulcam animadvertimus: quod et contigit in Victore Tununensi, ut pluribus superius docuimus.

III. Operæ porro pretium nos facturos ducimus, si notis quas Chronico auctoris nostri subjecimus, unam et alteram hic adjiciamus, post operis impressionem nobis obiter observatas. Et primum quidem ad annum 7 Justinii junioris, hæc abbas (m) *Leovigildus Sabariam ingressus, Sabos vastat, et provinciam ipsam in suam redigit ditionem*. Ad quem locum dubitat Wesselingius (n), sitne abbas Sabaria atque in Isidori Chron. Goth., æra 608, *Sibaria*, eadem atque *Sibaria* in Itinerario Antonini Augusti. « Videntur enim, inquit, provinciam fuisse indicare, quanquam et ea ab urbe cognomen ducere potuerit. Ut ut est, nihil opus erit ad episcopi Sibaricensis Januarii qui Illiberitanæ synodo interfuit, sedem constituendam nugis Higuerræ ex Luitprandi Adversariis, num. 226, a quibus, quod obiter moneo non bene sibi cavit ampl. Cuperus ad Lactantium de Mortib. persecut. caput 16. » Hæc ille. Alter præterea locus exstat ad annum 9 Justinii, qui sic se habet (o): *Aramundarus Saracenorum rex Constantino-polim venit et cum stemate suo*, etc. Ubi Cotelarius (p).

« Reponi potest, inquit, *schemate*, seu potius *stemmate*; $\sigma\chi\eta\mu\alpha$ enim, *schema*, *habitus*, passim hoc sensu occurrunt: » $\sigma\tau\acute{\epsilon}\mu\mu\alpha$ vero, *stemma*, id est, *corona*, *sertum*. Tertius denique locus habetur ad annum 3 Mauritiï, ubi sic (q): *Castrum vero quod Hodierno vocatur*. Hic autem pro *Hodierno* legendum *Ugernum* ex Gregorio Turonensi liquet, qui memorat *Ugernum Arelatense castrum* (r). Ad quæ verba videas adnotata Ruinartio. De celebris hujus castri nomine plura item observat Pagius (s) post Adrianum Valesium (t), et post Pagium Wesselingius modo laudatus (u).

(a) Marian., de Reb. Hisp., lib. v, cap. 13, tom. I, p. 188, edit. Hag. Comit. 1733.

(b) Mabill., Annal. Bened., lib. III, § 35, tom. I, p. 66.

(c) Nic. Ant., Bibl. vet. Hisp., lib. IV, cap. 5, tom. I, pagg. 227 seq.

(d) Concil. tom. VI, p. 1340, c, edit. 1 Ven.-Labb.

(e) Mabill., loc. cit.

(f) Nic. Ant., loc. cit.

(g) Pag., ad ann. 589, § 7; et 591, § 5; et 593, § 3.

(h) De Aguirr., Notit. concilior. Hispan., pag. 95.

(i) Pag., ad ann. 589, § 7.

(j) Fr. Schott., Hispan. illustr. tom. IV, p. 153.

(k) De Aguirr., Concil. Hispan. tom. II, p. 421.

(l) Basnag., Thes. Monum. eccl. tom. I, pag. 337.

(m) Biclari., Chron., infra. (Col. 864.)

(n) Wessel., Vet. Roman. Itiner., pag. 435.

(o) Biclari., Chron., infra. (Col. 865.)

(p) Cotelari., Eccl. Gr. Monum. tom. I, p. 806, e.

(q) Biclari., Chron., infra. (Col. 867.)

(r) Greg. Turon., Hist. Franc. lib. VIII, cap. 30.

(s) Pag., ad ann. 584, § 4.

(t) Adr. Vales., Notit. Galliar., verbo *Ugernum*.

(u) Wessel., loc. cit., pag. 553.

JOANNIS, ABBATIS BICLARENSIS,

CHRONICON,

CONTINUANS UBI VICTOR DESINIT.

Post Eusebium, Cæsariensis Ecclesiæ episcopum, Hieronymum toto orbe notum presbyterum, nec non et Prosperum, virum religiosum, atque Victorem Tununensis Ecclesiæ Africanæ episcopum, qui historiam omnium pene gentium summa brevitate et diligentia contexere visi sunt, et usque ad nostram ætatem congeriem perduxerunt annorum, et quæ acta sunt in mundo ad agnitionem nostram trans-miserunt : nos ergo in adiutorio Domini nostri Jesu Christi, quæ temporibus nostris acta sunt, ex parte quod oculata fide pervidimus, et ex parte quæ ex relatu fidelium didicimus, studuimus ad posteros notescenda brevi stylo transmittere.

Quinta decima ergo indictione, ut dictum est, Justiniano mortuo, Justinus junior nepos ejus Romanorum efficitur imperator.

Romanorum LIII, regnat JUSTINUS junior annis XI. Qui Justinus anno primo regni sui, ea quæ contra synodum Chalcedonensem fuerant commentata, destruxit symbolumque sanctorum CL Patrum Constantinopoli congregatorum, et in synodo Chalcedonensi laudabiliter receptum, in omni catholica Ecclesia a populo concinendum intromisit, prius quam Dominica dicatur oratio.

Armenorum gens et Iberorum, qui a prædicatione apostolorum Christi susceperunt fidem, dum a Cosdra Persarum imperatore ad culturam idolorum compellerentur, renuentes tam impiam jussionem, Romanis se cum provinciis suis tradiderunt; quæ res inter Romanos et Persas pacis fœdera rupit.

Anno II memorati principis, in regia urbe Æthorius et Additus patricii, dum Justino mortem vellent veneno potius quam ferro per medicos inferre, detecti, capitali sententia puniri jussi, prior a feris devoratus, secundus incendiis concrematus interiit. Justinus filius Germani patricii, consobrinus Justinii imperatoris, factione Sophiæ Augustæ in Alexandria occiditur. His temporibus Athanaïdus rex Gothorum in Hispania vitæ finem suscepit, et Luiha pro eo in regnum provehitur.

Anno III Justinis imperatoris Garamantes per legatos, paci R. P. et fidei Christianæ sociari desiderantes poscunt : qui statim utrumque impetrant. Theodorus præfectus Africæ a Mauris interfectus est. Mauritarum gens his temporibus fidem recipit. Hujus imperii anno III Leovigildus germanus Luihani regis, superstite fratre, in regnum citerioris Hispaniæ constituitur; Gosuintham relictam Athanaïdi in conjugium accipit; et provinciam Gothorum quæ jam pro rebellionem diversorum fuerat diminuta, mirabiliter ad pristinos revocat terminos.

Anno IV Justinii imperatoris qui est Leovigildi regis secundus annus, Theoctistus magister militum provinciæ Africanæ a Mauris bello superatus interiit.

Leovigildus rex loca Bastaniæ et Malacitanæ urbis, repulsis militibus, vastat, et victor solio redit. Justinus imperator per Tiberium excubitorum comitem in Thracia bellum genti Barbarorum ingerit, et victor Tiberius Constantinopolim redit. In provincia Gallaciæ, Miro post Theodomirum Suevorum rex efficitur.

Anno V Justinii imperatoris qui est III Leovigildi regis annus, Justinus imperator Armeniam et Iberiam, repulsis Persis, Romanas provincias facit : et bellum Persarum imperator per duces parcit [peragit]. Amabilis magister militiæ Africanæ a Mauris occiditur. Leovigildus rex Asinodam fortissimam civitatem, proditione cujusdam Frainidanei nocte occupat : et militibus interfectis, memoratam urbem ad Gothorum revocat jura. Donatus abbas monasterii Pernitani mirabilium operator clarus habetur.

Anno VI Justinii imperatoris qui est Leovigildi regis IV annus, Gepidarum regnum finem accepit, qui a Langobardis prælio superati, Cunicmundus rex campo occubuit; et thesauri ejus per Trasarium Arrianæ sectæ episcopum, et Reptilanem Cunicmundi nepotem Justino imperatore Constantinopolim ad integrum perducti sunt. Leovigildus rex Cordubam civitatem diu Gothis rebellem nocte occupat, et cæsis hostibus propriam facit; multasque urbes et castella, interfecta rusticorum multitudine, in Gothorum dominium revocat. Miro Suevorum rex bellum contra Aragones movet. Domnus Helenensis Ecclesiæ episcopus clarus habetur.

Anno VII Justinii imperatoris qui est Leovigildi V annus, Alboinus Langobardorum rex factione conjugis suæ a suis nocte interficitur. Thesauri vero ejus cum ipsa regina in reipublicæ Romanæ ditionem obveniunt, et Langobardi sine rege et thesauro remansere. His diebus Luiha rex vitæ finem accepit, et Hispania omnis in regno et potestate Leovigildi regis Galliaque Narbonensis concutitur. Justinus imperator gravi infirmitate concutitur : quæ infirmitas ab aliis quidem cerebri motio, ab aliis demonum vexatio putabatur. In regia urbe mortalitas inguinalis plagæ exardescit, in qua multa millia hominum vidimus defecisse. Leovigildus rex Sabariam ingressus Sabos vastat, et provinciam ipsam in suam redigit ditionem : duosque filios suos ex amissa conjugē, Ermenegildum et Recaredum, consortes regni facit. Legati gentis Macuritarum Constantinopolim ve-

niunt : dentes elephantinos et camelopardalim Justinino principi munera afferentes sibi cum Romanis amicitias conciliant. Post Joannem Romanæ Ecclesiæ Benedictus ordinatur episcopus. Præfuit annis iv. Mausona Emeritensis Ecclesiæ episcopus in nostro dogmata clarus habetur.

Anno viii Justini, qui et Leovigildi vi annus, Persæ cum Romanis pacis fœdera rumpunt; et congressione facta Daras civitatem fortissimam bello superant, et cæsa multitudine Romanorum memoratam urbem ingressi depopulati sunt.

His diebus Leovigildus rex Cantabriam ingressus provinciæ pervasores interficit; Amaya occupat: opes eorum pervadit, et provinciam in suam revocat ditionem.

Justinus imperator Tiberium quem superius excubitorum comitem diximus, Cæsarem facit, et non multo post imperiali fastigio provehit et reipublicæ principem designat. Hujus Tiberii Cæsaris die prima in regia urbe inguinalis plaga sedata est.

Anno ix Justini imperatoris, qui est Leovigildi regis vii annus, Cosdroes Persarum imperator cum nimia multitudine exercitus ad vastandos Romanorum terminos promovel: cui Justinianus dux Romanæ militiæ et magister militum orientis a Tiberio destinatus bellum parat; et in campis qui inter Daras et Nezinios [Nezivios] ponuntur, forti pugna congressus, habens secum gentes fortissimas quæ barbaro sermone Hermam nuncupantur, memoratum imperatorem bello superat. Quo cum suo exercitu in fugam verso, castra ejus pervadit; et provinciæ Persidæ fines victor Justinianus vastat, exuviasque eorum pro triumpho Constantinopolim dirigit, xxiv elephantos inter cætera, qui magnum spectaculum Romanis in urbe regia exhibuerunt. Prædam vero de manubiis Romanorum... Persarum multitudo ob nimiam vilitatem nummo publico venundata sunt. Leovigildus rex Aregenses montibus [Arægonenses montes] ingreditur. Aspidium loci seniore cum uxore et filiis captivos ducit, opesque ejus ac loca in suam redigit potestatem. Aramundarus Saracenorum rex Constantinopolim venit, et cum stemate suo et donis Barbariæ Tiberio principi occurrit. Qui a Tiberio benigne exceptus et donis opimis exornatus ad patriam abire permissus est.

Anno x Justini imperatoris qui est Leovigildi regis viii annus, Bandarius gener Justini principis a Langobardis prælio vincitur, et non multo post vitæ finem accipit. Romanus filius Anagasti patricii magister militiæ, gentis Suevorum regem vivum cepit: quem cum suo thesauro, uxore et filiis Constantinopolim adducit, et provinciam eorum in Romanorum dominium redigit. Leovigildus rex in Gallæcia Suevorum fines conturbat, et a rege Mirone per legatos rogatus pacem eis pro parvo tempore tribuit. Sclavini in Thracia multas urbes Romanorum pervadunt quas depopulatas vacuas reliquere. Abares littora maris captiose obsident, et navibus littora Thraciæ navigantibus satis infesti sunt. Post Benedictum

A Romanæ Ecclesiæ Pelagius junior ordinatur episcopus. Præest annis xi.

Anno xi regni sui Justinus diem clausit extremum, et Tiberius singulare obtinuit imperium.

Romanorum LIV, TIBERIUS regnat annis vi.

Anno ergo primo imperii Tiberii, qui est Leovigildi annus ix, Abares Thracias vastant, et regiam urbem a muro longe obsident. Leovigildus rex Orospedam ingreditur, et civitates atque castella ejusdem provinciæ occupat, et suam provinciam facit; et non multo post inibi Rustici rebellantes a Gothis opprimuntur; et post hæc integra a Gothis possidetur Orospeda.

B Anno ii Tiberii imperatoris qui est Leovigildi annus x, Gennadius magister militum in Africa Maurosvastat; Gasmulem fortissimum regem qui jam tres duces superius nominatos Romani exercitus interfecerat, bello superat, et ipsum regem gladio interficit. Tiberius Mauricium excubitorum comitem magistrum militiæ orientis instituit, et ad repugnandum Persis direxit. Romani contra Langobardos in Italia lacrymabile bellum gerunt.

Leovigildus rex, extinctis undique tyrannis et pervasoribus Hispaniæ superatis, sortitus requiem propria cum plebe resedit, et civitatem in Celtiberia ex nomine filii condidit, quæ Recopolis nuncupatur, quam miro opere et mœnibus et suburbanis adornans privilegia populo novæ urbis instituit. Joannes presbyter Ecclesiæ Emeritensis clarus habetur.

C Anno iii Tiberii imperatoris qui est Leovigildi xi annus, Abares a finibus Thraciæ pelluntur, et partes Græciæ atque Pannoniæ occupant. Leovigildus rex Hermenegildo filio suo filiam Sisberti regis Francorum in matrimonium tradit, et provinciæ partem ad regnandum tribuit. Leovigildo ergo quieta pace regnante adversariorum domestica rixa conturbat. Nam eodem anno filius ejus Hermenegildus factione Gosuinthæ reginæ tyrannidem assumens, in Hispali civitate rebellionem facta recluditur, et alias civitates atque castella secum contra patrem rebellare facit. Quæ causa in provincia Hispaniæ tam Gothis, quam Romanis majoris exitii, quam adversariorum infestatio fuit. Novellus Complutensis episcopus clarus habetur.

D Anno iv Tiberii, qui est Leovigildi xii annus, Māuricius magister militum orientis contra Persas bellum movet, et repulsa Persarum multitudine in oriente hiemavit. Leovigildus rex in urbem Toletanam synodum episcoporum sectæ Arianæ congregat, et antiquam hæresim novello errore emendat, dicens de Romana religione ad nostram catholicam fidem venientes non debere baptizari, sed tantummodo per manus impositionem et communionis præceptionem pollui [perceptionem ablui], et gloriam Patri per Filium in Spiritu sancto dare [Dari]. Per hanc ergo seductionem plurimi nostrorum cupiditate potius impulsus in Arianum dogma declinant.

Anno v Tiberii, qui est Leovigildi xiii annus, Langobardi in Italia regem sibi ex suo genere eli-

gunt vocabulo Antarich, cujus tempore et milites Romani omnino sunt cæsi, et terminos Italiæ Langobardi sibi occupant. Sclavinorum gens Illyricum et Thracias vastant.

Leovigildus rex partem Vasconię occupat, et civitatem quæ Victoriacum nuncupatur, condidit. Tiberius imperator magistro militum orientis filiam suam in conjugium tradit.

Anno vi Tiberii qui est Leovigildi xiv annus, Tiberius vitæ terminum dedit, et Mauricius pro eo Romanorum imperator efficitur.

Romanorum XV [Leg. LV]. MAURICIUS regnat annos xx. Leovigildus rex exercitum ad expugnandum tyrannum filium colligit.

Anno ergo primo Mauricii imperatoris, qui est Leovigildi regis xv annus, Leovigildus rex civitatem Hispalensem congregato exercitu obsidet, et rebellem filium gravi obsidione concludit : in cujus solatio Miro Suevorum rex ad expugnandam Hispalim devenit, ibique diem clausit extremum ; cui Eburicius filius in provincia Gallæciæ in regnum succedit. Interea Leovigildus rex supra dictam civitatem, nunc fame, nunc ferro, nunc Bætis conclusionem omnino conturbat.

Anno ii Mauricii imperatoris, qui est Leovigildi xvi annus, Leovigildus muros Italiciæ antiquæ civitatis restaurat, quæ res maximum impedimentum Hispalensi populo exhibuit. His diebus Andeca in Gallæcia Suevorum regnum cum tyrannide assumit, et Sifeguntiam relictam Mironis regis in conjugium accepit : Eboricum regno privat, et monasterii monachum facit. Leovigildus rex filio Hermenegildo ad rempublicam commigrante, Hispalim pugnando ingreditur : civitates et castella quas filius occupaverat, cepit, et non multo post memoratum filium in Cordubensi urbe comprehendit, et regno privatum in exilium Valentiam mittit.

Mauricius imperator contra Langobardos Francos per conductelam movet, quæ res utrique genti non parva contulit damna.

Eutropius abbas monasterii Servitani discipulus sancti Donati clarus habetur.

Anno iii Mauricii, qui est Leovigildi xvii annus, Mauricius per duces bellum infert. Leovigildus rex Gallæcias vastat. Andecanum regem comprehensum regno privat. Suevorum gentem, thesaurum et patriam suam in potestatem redigit, et Gothorum provinciam facit. Hermenegildus in urbe Tarraconensi a Sisberto interficitur.

Franci Galliam Narbonensem occupare cupientes cum exercitu ingressi : in quorum congressionem Leovigildus Recaredum filium obviam mittens, et Francorum est ab eo exercitus repulsus, et provincia Gallæciæ [Galliæ] ab eorum infestatione est liberata. Castra vero duo cum nimia hominum multitudine, unum pace, alterum bello occupat. Castrum vero quod Hodierno vocatur, tutissimum valde in ripa Rhodani fluminis ponitur ; quod Recaderus rex fortissima pugna aggressus obtinuit, et victor ad pa-

trem patriamque redit. Andeca vero regno privatus tondetur, et honore presbyterii post regnum honoratur. Non dubium quod in Eiborico regis filio rege suo fecerat patitur, et exsilio Pacensi urbe relegatur. Malaricus in Gallæcia tyrannidem assumens, quasi regnare vult : qui statim a ducibus Leovigildi oppressus comprehenditur, et Leovigildo vinctus præsentatur. Leander Hispalensis Ecclesiæ episcopus clarus habetur.

Anno iv Mauricii imperatoris, qui est Leovigildi regis xviii annus, Anthane Langobardorum rex cum Romanis congressione facta superat, et cæsa multitudine militum Romanorum Italiæ fines occupat.

Hoc anno Leovigildus rex diem clausit extremum, et filius ejus Recaredus cum tranquillitate regni ejus sumit sceptrum.

Anno v Mauricii imperatoris Romanorum, qui est Recaredi regis primus feliciter annus, Mauricius Theodosium filium suum ex filia Tiberii imperatoris natum Cæsarem facit. Pelagio juniore mortuo, Romanæ Ecclesiæ Gregorius in episcopatum succedit. Præestannis xv. Romani per Francorum adjutorium Langobardos vastant, et provinciæ Italiæ partem in suam redigunt potestatem. Sisbertus interfector Hermenegildi morte turpissima perimitur. Recaredus primo regni sui anno, mense x, catholicus, Deo juvante, efficitur, et sacerdotes sectæ Arianæ sapienti colloquio aggressus ratione potius quam imperio converti ad catholicam fidem facit, gentemque omnium Gothorum et Suevorum ad unitatem et pacem revocat Christianæ Ecclesiæ. Sectæ Arianæ, gratia divina, in dogmate veniunt Christiano.

Desiderius Francorum rex dux Gothis satis infestus a ducibus Recaredi regis superatur ; et, cæsa Francorum multitudine, in campo moritur.

Recaredus rex aliena a prædecessoribus direpta et fisco sociata placabiliter restituit. Ecclesiarum et monasteriorum conditor et ditator efficitur.

Anno vi Mauricii, qui est Recaredi ii annus, quidam ex Arianis Sunna episcopus, et Seggo cum quibusdam tyrannidem assumere cupientes, deteguntur. Convicti, Sunna exsilio truditur, et Seggo manibus amputatis Gallæciam exsulans mittitur. Mauricius Theodosium filium quem supra Cæsarem diximus, Romanorum imperatorem facit.

Anno vii Mauricii, qui est Recaredi regis iii annus, Uldila episcopus cum Gosuintha regina insidiantes Recaredo manifestantur ; et fidei catholicæ communionem quam sub specie Christiana quasi sumentes projiciunt, publicantur. Quod malum in cognitionem hominum deductum, Uldila exsilio condemnatur ; Gosuintha vero catholicis semper infesta vitæ tunc terminum dedit. Francorum exercitus a Gonterano rege transmissus, Bosone duce, in Galliam Narbonensem obveniunt, et juxta Carcassonensem urbem castra metati sunt. Cui Claudius Lusitanæ dux a Recaredo rege directus obviam inibi occurrit : cum quo congressione facta, Franci in fugam vertuntur, et direpta castra Francorum, et exercitus a

Gothis cæditur. In hoc ergo certamine gratia divina, et fides catholica quam Recaredus rex in Gothis fideliter adeptus est, esse noscitur operata : quoniam non est difficile Deo nostro, si in paucis [Si paucis] una in multis [Una multis] detur victoria. Nam Claudius dux cum ccc viris lx millia ferme Francorum noscitur infugasse, et maximam eorum partem gladio trucidasse. Non immerito Deus laudatur temporibus nostris in hoc prælio esse operatus, qui similiter ante multa temporum spatia per manum ducis Gedeonis mccc^a viris multa millia Madianitarum Dei populo infestantium noscitur extinxisse.

Anno viii Mauricii imperatoris, qui est Recaredi iv annus, sancta synodus episcoporum totius Hispaniæ, Galliæ et Gallæciæ in urbe Toletana, præcepto principis Recaredi congregatur episcoporum numero lxii, in qua synodo intererat memoratus Christianissimus Recaredus, ordinem conversionis suæ et omnium sacerdotum, vel gentis Gothicæ confessionem tomo scriptam manu sua episcopis porrigens, et omnia quæ ad professionem fidei orthodoxæ pertinent, innotescens; cujus tomi ordinem decrevit sancta episcoporum synodus canonicis applicare monumentis. Summa tamen synodalis negotii penes sanctum Leandrum Hispalensis Ecclesiæ episcopum, et beatissimum Eutropium monasteri Servitani abbatem fuit. Memoratus vero Recaredus rex, ut diximus, sancto intererat concilio renovans temporibus nostris antiquum principem Constantinum magnum sanctam synodum Nicænam sua illustrasse præsentia : nec non et Marcianum Christianissimum imperatorem, cujus instantia Chalcedonensis synodi decreta formata sunt. Siquidem et in Nicæna urbe hæresis Ariana et initium sumpsit et damnationem meruit, radicibus non amputatis. Chalcedone vero Nestorius et Eutychius una cum Dioscoro ipsorum patrono, et hæresibus propriis condemnati sunt. In hac vero sancta Toletana synodo Arii perfidia post longas Catholicorum neces atque innocentium stra-

ges ita radicitus amputata est, insistente principe memorato Recaredo rege, ut ulterius non pullulet, catholica ubique pace data Ecclesiis. Hæc ergo nefanda hæresis, secundum quod scriptum est, *De domo Domini exiet tentatio ab Alexandria*, etc., detegente sancto Alexandro ejusdem urbis episcopo, per Arium presbyterum inolevit : qui in Nicæna synodo cccxix episcoporum judicio, vigesimo imperii Constantini senioris anno synodaliter damnationem cum proprio errore suscepit. Quæ post hæc non solum Orientis et Occidentis partem maculavit, sed et Meridianam et Septemtrionis plagam, et ipsas insulas sua perfidia irretivit. A vigesimo ergo Constantini principis anno, quo tempore hæresis Ariana initium sumpsit, usque in octavum annum Mauricii principis Romanorum, qui est Recaredi quartus regni annus, anni sunt cclxvi, quibus Ecclesia catholica hujus hæresis infestatione laboravit. Sed favente Deo vicit, quoniam fundata est super petram. In his ergo temporibus quibus omnipotens Deus, prostrato veterinosæ hæresis veneno, pacem suæ restituit Ecclesiæ, imperator Persarum Christi suscepit fidem, et pacem cum Mauricio imperatore firmavit. Recaredo ergo orthodoxo quieta pace regnante, domesticæ insidiæ prætenduntur. Nam quidam ex cubiculo ejus etiam provinciæ dux, nomine Argimundus, adversus Recaredum regem tyrannidem assumere cupiens, ita ut, si posset, eum et regno privaret et vita. Sed nefandi ejus consilii detecta machinatione, comprehensus, et in vinculis ferreis redactus, habita discussione, socii ejus impiam machinationem confessi condigna sunt ultione interfecti. Ipse autem Argimundus qui regnum assumere cupiebat, primum verberibus interrogatus, deinde turpiter decalvatus, post hæc dextra amputata, exemplum omnibus in Toletana urbe, Asino sedens pompizando dedit, et docuit famulos domini non esse superbos.

^a Rescribe ccc. Vid. *Jud.* vii, 7. Locum istum præteriere Scaliger et Canisius.

^b Ita Scaliger. At Canisius in edit. Basnag., *Domini*. Quæ quidem haud paucis et lacunis laborat.

EODEM TEMPORE.

SANCTUS LEANDER,

HISPALENSIS EPISCOPUS.

NOTITIA.

(Ex Cave.)

Leander, gente Hispanus, domo Carthaginensis, Severiani (cujus sororem Sanctiam in uxorem duxit Theodoricus Ostrogothorum rex) ac Turturæ filius,

Isidori Hispalensis frater natu major, post diuturnam vitæ monasticæ professionem Hispalensis Ecclesiæ archiepiscopus factus est. Claruit anno 583, quo ab

Hermenigildo principe, quem ob fidei catholicæ studium armata manu persecutus est Leuvigildus pater Gothorum in Hispania rex, ad Tiberium imperatorem Constantinopolim legatus est, ut suppetias obtineret; quod quidem feliciter effecit, magnamque ibi cum Gregorio diacono Pelagii papæ apocrisiario amicitiam iniit. In Hispaniam reversus, anno 584, a Leuvigildo rege exsilio multatus est: qui tamen anno sequenti jam morti vicinus facti pœnitentia ductus est et Reccaredum filium Leandri curæ commendavit. Leander tantum discipulum nactus sedulo excoluit, et ab Ariana hæresi primo eum, deinde illius ope Gothorum magnates, ac tandem totam fere Gothorum gentem ad catholicam fidem convertit; adeo ut Gothorum apostolus dici meruerit; habitaque, anno 589, synodo Toletana III, cujus magna pars fuit, conversos a se Gothos in Ecclesiæ sinum admisit, orthodoxamque fidem omnium subscriptione confirmari fecit. Obiit anno 595. Vir erat, teste Isidoro fratre (*Cap.* 28), suavis eloquio, ingenius præstantissimus, vita non minus quam doctrina clarissimus. Scripsit ad Florentiam sororem Regulam de institutione virginum et contemptu mundi; quam primus edidit Lucas Holstenius in *Collectione Regularum*, Paris. 1663, part. III, p. 89, exinde translata in *Bibliothec. Patr.* tom. XII, pag. 999. Exstat ejusdem homilia in laudem Ecclesiæ ob conversionem Gothorum

Toleti post finitam synodum habita, *Concil. tom. V*, pag. 1018. Scripsit præterea, ab Isidoro memorata, sed jam deperdita, *Adversus hæreticorum dogmata* libros II; *Adversus instituta Arianorum opusculum*; Epistolas multas ad Gregorium papam, de baptismo unam, alteram ad fratrem de morte non timenda, ad cæteros quoque coepiscopos plurimas familiares Epistolas. « In Ecclesiasticis denique officiis, inquit Isidorus, non parvo elaboravit studio. » In toto enim Psalterio duplici editione orationes conscripsit. In sacrificii quoque laudibus atque Psalmis multa dulcissime composuit. Ex hoc loco nonnulli non male concludunt Leandrum nostrum *Missæ Mozarabicæ* auctorem fuisse. In Gothorum enim usum Liturgiam composuisse Leandrum credi par est, quæ in Ecclesia deinceps Hispanica per plura sæcula usurpata, *Missæ Mozarabum* seu potius *Mixtarabum* appellari demum cœpit; postquam Christiani Arabibus Hispaniam ab initio sæculi VIII incolentibus immixti *Mozarabum* nomen accepissent. Missam istam, a Leandro primum concinnatam, Isidorus frater auxit. Procedente tempore variorum episcoporum additionibus mutata in Ecclesiis quibusdam civitatis Toletanæ hodiernum usurpatur*. Eam e Gothorum rudieribus suscitata, novisque characteribus vestitam edidit Fr. Ximenes cardinalis Toleti 1504. Habetur etiam, sed non integra, in *Bibliotheca Patr.*, tom. XXVII.

* Hanc dabimus inter monumenta liturgiæ Mozarabicæ quæ operibus Isidori Hispalensis subjicere destinamus. EDIT.

SANCTI LEANDRI, HISPALENSIS EPISCOPI

REGULA,

SIVE

LIBER DE INSTITUTIONE VIRGINUM ET CONTEMPTU MUNDI,

AD FLORENTINAM SOROREM.

(Codex regularum Lucæ Holstenii.)

DE SANCTO LEANDRO EJUSQUE REGULA VETERUM TESTIMONIA.

Martyrologium Rom. die 27 Febr., item Bedæ, Usuardus, Ado et alii.

Hispani in Hispania natalis sancti Leandri ejusdem civitatis episcopi, cujus prædicatione et industria Wisigothorum gens, adjuvante Reccaredo eorum rege, ab Ariana impietate ad catholicam fidem conversa est.

Idem Martyrolog. Rom. die 20 Junii.

Hispani in Hispania depositio sanctæ Florentinæ virginis, sororis sanctorum Leandri et Isidori episcoporum.

Isidorus Hispal. de Script. Eccles. cap. 28.

Leander genitus patre Severiano Carthaginensis provinciæ Hispaniæ, professione monachus, et ex

C monacho Hispalensis Ecclesiæ provinciæ Bæticæ constitutus episcopus: vir suavis eloquio, ingenio præstantissimus; vita quoque tantum atque doctrina clarissimus, ut etiam fidei ejus atque industria populi gentis Gothorum ab Ariana insania ad fidem catholicam reverterentur. Hic namque in exsilio sui peregrinatione composuit duos adversus hæreticorum dogmata libros, eruditione sanctarum Scripturarum ditissimos, etc. Præterea edidit unum ad Florentinam sororem de Institutione virginum, et Contemptu mundi libellum, titulorum distinctionibus prænotatum. Floruit sub Reccaredo, viro religioso ac principe glorioso, cujus etiam temporibus mirabili obitu actualis vitæ terminum clausit.

S. Gregorius M. PP., Dial. lib. III, cap. 31.

Sicut multorum, qui ab Hispaniarum parentibus veniunt, relatione cognovimus, nuper Ermigildus rex, Livigildi regis Wisigothorum filius, ab Ariana hæresi ad fidem catholicam viro reverendissimo Leandro Hispalitano episcopo, dudum mihi in amicitiiis familiariter juncto, prædicare conversus est.

Idem, Præfatione in librum Job.

Reverendissimo et sanctissimo fratri suo Leandro coepiscopo Gregorius S. S. D. Dudum te, frater beatissime, in Constantinopolitana urbe cognoscens, cum me illic sedis apostolicæ responsa constringerent, et te illuc injuncta pro causis fidei Wisigothorum legatio perduxisset, omne in tuis auribus, quod mihi de me displicebat, exposui, etc. Tunc eisdem fratribus, etiam cogente te, placuit, sicut ipse meministi, ut librum beati Job exponere importuna me petitione compellerent.

Idem, lib. I, epist. 41, ad Leandrum episcopum.

Ea quæ in beati Job expositione dicta fuerant, et vobis dirigenda scribitis, nisi portitoris præsentium me festinatio coangustasset, cuncta vobis transmittere sine aliqua imminutione voluissem; maxime quia et hoc ipsum opus ad vestram reverentiam scripsi; ut ei quem præ cæteris diligo, in meo iudicio labore desudasse. Præterea si vobis indulgeri tempora ab ecclesiastica occupatione cognoscetis, quid sit jam faciendum scitis; quamvis etiam absen-

tem corpore, præsentem mihi te semper intueor, quia vultus tui imaginem intra cordis viscera impressam porto.

Idem, lib. IV, epist. 46, ad eundem.

Quanto ardore videre te siliam, quia valde medigis, in tui tabulis cordis leges. Sed quia longo terrarum spatio disjunctum te videre nequeo, unum, quod mihi de te dictavit charitas feci, ut librum Regulæ pastoralis, quem in episcopatus mei exordio scripsi, et libros quos in expositionem beati Job jamdudum me fecisse cognovisti, Sanctitati vestræ transmittere curavi.

Idem, lib. VII, epist. 126, ad eundem.

Sanctitatis tuæ suscepi epistolam, solius charitatis calamo scriptam. Ex corde enim lingua tinxerat, quod in chartæ pagina refundebat. Boni autem sapientesque viri cum legeretur adfuerunt, quorum statim viscera in compunctione commota sunt. Cœpit quisque amoris manu in suo corde te rapere, quia in illa epistola tuæ mentis dulcedinem non erat audire, sed cernere. Accendebantur et mirabantur singuli, atque ipse ignis audientium demonstrabat, qui fuerat ardor dicentis. Nisi enim prius in se faces adeant, alium non succendunt. Ibi ergo vidimus quanta charitate tua mens arserit, quæ sic et alios accendit. Vitam vero vestram, cujus ego semper cum magna veneratione reminiscor, minime noverant, sed eis altitudo vestri cordis patuit ex humilitate sermonis.

OBSERVATIO CRITICA IN REGULAM SEQUEM.

Sanctum Leandrum Hispalensem episcopum, et sancti Isidori fratrem seniore, ab adolescentia monasticæ vitæ cultorem, ac Benedictinæ disciplinæ apud Hispanos insignem propagatorem exstitisse, consentiunt omnes; quamvis in hac præsentī Regulā pro virginibus scripta nullam sancti Benedicti mentionem faciat. Nec sane ex tali silentio aliquid contra sancti episcopi monachatum Benedictinum inferri debet, cum sanctus Benedictus Regulam suam non pro sanctimonialibus feminis, sed pro monachis scripserit, et præsens hæc Regula XXI capitulis contenta potius dicenda sit exhortatio et admonitio, omnibus sacris virginibus data; quatenus illæ mundanam pompam contemnant, et soli Deo spirituali suo sponso inservire studeant. Habuit enim sanctus Leander sororem Florentinam, quæ simul cum matre ingressa fuit monasterium extra patriam situm. Eandem ad perseverantiam exhortatur, piaque et salutaria monita dedit, quæ quidem vitæ monasticæ normam rite conficiunt. Hanc igitur Regulam Florentinæ, pergratæ sibi in Christo filiæ et sorori inscripsit et imprimis omnium terrenorum contemptum inculcat, nihil in terris esse amore et affectu sacrae virginis dignum asserens, sed ad cœlestia aspirandum ait, ubi verum virginitatis præmium inveniet. Monet vitandas esse laicas mulieres uti organum Satanæ; quippe quod amant, hoc suggerunt, et eas res insinuant aliorum auribus, quæ in suis desideriis versantur. Vitandos quoque viros quantumvis sanctos, ne videndi jugitate aut infametur utriusque sanctitas, aut pereat. Lectionem assiduam et meditationem rerum spiritualium inculcat, esum carnis prohibet sicuti et balneorum, nisi infirmis, atque silentium mandat sicuti in monasterio perseverantiam; quatenus et multarum societate proficiat, ac earum assequi valeat merita, quarum imitetur exempla. Sanctus autem Leander hanc Regulam paræneticam piissimæ sorori Florentinæ inscripsisse videtur post adeptum episcopatum Hispalensem, quem ab anno 575 ad annum 603 sanctissime rexit.

INCIPIT IN CHRISTI NOMINE

SANCTI LEANDRI REGULA.

Leander Dei misericordia pergratæ iu Christo mihi filiæ et sorori Florentinæ.

PATROL. LXXII.

Perquirenti mihi, soror charissima Florentina, quibus te divitiarum cumulis hæredem facerem, qua te

patrimonii sorte ditarem, multæ rerum fallacium occurrebant imagines; quas cum ego ut importunas muscas manu mentis abigerem, tacitus aiebam: Aurum et argentum de terra est, et in terram revertitur; fundus et patrimonium reditus vilia et transitoria sunt, *præterit enim figura hujus mundi (I Cor. vii)*. Quidquid enim sub sole consexi, nihil te dignum, sorore arbitratus sum; nihil muneri tuo credidi esse gratissimum: omnia mutabunda, caduca, et vana fore consexi. Unde veram esse attendi Salomonis sententiam, dicentis (*Eccle. ii*): *Magnificavi opera mea, ædificavi mihi domos, plantavi vineas, feci hortos et pomaria, et consevi cunctis generibus arborum, instruxi mihi piscinas aquarum, ut irrigarem silvam germinantium lignorum. Possedi servos et ancillas, multamque familiam habui; armenta quoque et agnos ovium, greges quoque caprarum, ultra omnes qui fuerunt ante me in Jerusalem. Coacervavi mihi argentum et aurum, et substantias regum ac provinciarum; feci mihi cantores et cantatrices, et delicias filiorum hominum; scyphos et urceos in ministerio ad vina fundenda. Et supergressus sum opibus omnes qui fuerunt ante me in Jerusalem. Quam igitur omnem mortalium pompam tali termino conclusit, ut diceret: Cumque me convertissem ad omnia quæ fecerant manus meæ, et labores in quibus frustra sudaveram, vidi in omnibus vanitatem et afflictionem animi, et nihil permanere sub sole. Et iterum ipse dicit: Detestatus sum omnem industriam meam, quam sub sole studiosissime laboravi, habiturus hæredem post me, quem ignoro, utrum sapiens aut stultus sit, dominabitur id laboribus meis quibus desudavi et sollicitus fui, et est quidquam tam vanum? Unde cessavi renuntiavitque cor meum ultra laborare sub sole. Tali quoque informatus oraculo, non esse me parentem verum existimares, soror, si te iis ditarem rebus, quæ stabilitate nulla consisterent, quæ mundanis subjectæ casibus de destituerent, nudamque relinquerent. Ærumnis quoque te cumulare, et timori metuique subjicerem, si ea quæ fur auferre poterat, sulcare tineæ, ærugo vorare, ignis absumere, terra obruere, aqua delere, sol torrere, imber fœdare, glacies stringere, tuæ germanitati conferenda esse putarem. His certe rebus humanis implicatus animus a Deo avertitur, et ab illa immobili ac permanentis veritatis forma recedit. Nec potest ad se admittere divini verbi dulcedinem, aut Spiritus sancti suavitatem, pectus quod tot mundanis agitatur molestiis, tot curarum temporalium stimulis verberatur. Si ergo te his nexibus alligare, talibusque onerarem ponderibus, et mole terrenæ cogitationis opprimerem, inimicum me, non parentem deberes æstimare; interemptorem, non fratrem esse sentires. Eia! soror charissima, quoniam quidquid axe cœli concluditur, terrena sustinent fundamenta, et telluris super faciem volvitur, nihil dignum quo ditari posses invenimus, supra cœlos quærendum est, unde munus virginittatis auxisti, ut ibi præmium et patrimonium virginittatis invenias. Ex compensatione enim integritatis meritum agnoscitur et de sua retributione pensatur. Quanto enim vilis*

A putaretur, si transitoriis terrenisque ditaretur muneribus; tanto præclara est virginittas et excellens, quæ calcatis abdicatisque mundanis voluptatibus, dum in terris angelorum servat integritatem, Dominum angelorum sortita est portionem. Quæ ergo est virginittatis hæreditas? nonne ea quam dicit Psalmista: *Dominus pars hæreditatis meæ (Psal. xv)*? Et iterum: *Portio mea Dominus (Psal. cxviii)*? Vide, soror, quantum profeceris, vide quam summum teneas apicem, ut multorum gratiam beneficiorum in unum eundemque inveneris Christum. Sponsus est, frater est, amicus est, pars hæreditatis est, amicus est, Deus et Dominus est. Habes in eo sponsum, quem diligas: *Speciosus est enim forma præ filiis hominum (Psal. xlv)*. Est verus frater quem teneas; adoptione enim et tu ejus filia, cujus filius est ille natura. Est amicus de quo non dubites; ipse enim dicit: *Una est amica mea (Cant. vi)*. Habes in eo hæreditatem quam ambias; pars enim hæreditatis tuæ ipse est. Habes in eo pretium quod agnoscas, quia sanguis ejus redemptio tua est. Habes in eo Deum a quo regaris, Dominum quem metuas et honores. Totam sibi in Christo prærogativam virginittas vindicat, ut ante quam tremunt angeli, cui serviunt potestates, cui virtutes obtemperant, cui cœlestia et terrestria genuflectunt, hunc sibi virgo sponsum vindicet, ad hujus thalamum ornata virtutibus properet, hunc cubili cordis, casto cubili confoveat. Et quid amplius ei conferre potuit, cui se Christus sponsum tribuit, sanguinem suum dotis ac muneris titulo compensavit? Solent ergo qui uxores ducunt dotes tribuere, conferre præmia, et ad vicem perdendi pudoris sua tradere patrimonia; ut emisse potius quam duxisse videantur uxores. Tuus, virgo, sponsus dotem tibi sanguinem suum dedit, eo te redemit, eo te suæ copulæ sociavit, ut pudorem non perdas, et habeas præmia. Quanto enim munificentius est dotis præmium, tanto est amor immensior. Multum enim diligit, quam proprio sibi sanguine desponsavit. Et ob hoc suum corpus vulneris ictu et telo gladii maluit aperiri, ut tuam sibi integritatem emeret, pudicitiam conservaret. E contrario enim curavit hominem: ut sicut mors ejus vita est nostra, ejusque humilitas nostræ est superbiæ medicina, sic et vulneribus ipsius nostra integritas emptata est, qui ideo feriri se vulnere voluit, ne malleo universæ terræ nos feriri sineret. *Pretio enim empti estis*, ait Apostolus, *nolite fieri servi hominum (I Cor. vii)*. Cur virgo dare vis corpus viro, quod jam est redemptum a Christo? Alius te redimit, et alii nubere cupis? alterius pretio libertatis militas, et spontanea te servitute condemnas? Si mundus omnis titulo dotis scribitur, quid pretiosius sanguine Christi, quo redemptus est mundus? Appende mercedem et pretium ut videas plus valere qui redemit, quam id quod redemit. Quanto itaque prave intelligit virgo quæ contempto emptore mercedem sequitur; sanguine Christi postposito, mundum qui redemptus est amplexatur. Non sum idoneus eloqui, soror amantissima, præmia virginittatis: est enim ineffabile donum, absconsum oculis,

celatum auribus, intelligentiæ obseratum. Quod omnes esse sperant sancti, et post resurrectionem cuncta præstolatur Ecclesia fieri, vos jam estis. *Corruptibile hoc*, ait Apostolus, *induet incorruptionem* (I Cor. xv). Sed revera post resurrectionem corporis. Ecce vos incorruptionis gloriam jam scitis. Vos istam jam in præsentī sæculo partem gloriæ possidetis. Quanta est enim beatitudo, quæ vobis reponitur in futurum! quæ vobis corona manet in æternum, quæ incorruptionis gratiam, ad quam multi pervenire desiderant, hic habetis! Gaude ergo talem te esse, qualis Dei formata es manibus. Ille ergo integra condit utique, quam integritate ditavit; quam ad integritatis præmia præparavit. Perversi enim naturalem corrumpunt homines, quam Deus formavit integram. Et hæc offensa humani generis prima, hæc damnatæ originis causa dum protoplasti esse noluerunt quod fuerant conditi: idcirco meruerunt in se et in prole damnari. Reparatæ castimonie in vobis retentaculum, ovirgines, quod perdiderunt in paradiso primi homines. Vos enim conditionem servastis primigenorum hominum, quæ tales perseverastis, quales illi sunt instituti. Sed cavete exempla eorum. Heu! proh dolor! soror charissima, fuge primorum hominum exempla, horresce serpentis antiquissimi sibila; ne incipiat tibi germinare spinas et tribulos vitata terra, et quæ pro insigni virginitatis lilia rosasque parturire debet, urticam et paleam producat: istam, quæ urat, illam, quæ laceret. Vos enim estis prima delibatio corporis Ecclesiæ. Vos itaque ex tota Christi corporis massa oblationes Deo acceptæ, et in supernis altaribus consecratæ. Pro vestro enim proposito, et pro fide sua, omnis Ecclesia nomen virginitatis indepta est, dum in ea melior pars et propensior vos estis, quæ animæ corporisque vestri integritatem Christo dedicastis. Et licet in omnibus suis generaliter membris fide maneat virgo, tamen suorum parte membrorum, quod estis vos, non incongrue virgo etiam corporea: genere scilicet illius locutionis, quo aut totum a parte, aut pars nominatur a toto. Meditare ut columba, sanctissima virgo, et mente pertracta quæ in futuro tibi maneat gloria; quæ non acquievisti carni et sanguini; neque corpus illud sanctissimum prostrasti corruptioni. Age ergo, cogitare præsume, intellige, quibus te amplexibus cupiat Christus, quæ mundi calcasti illecebras; quo te desiderio chorus ille expectet virgineus, quam ipsis gradibus properantem cælorum ardua vident, quibus choris ipse virginalis pervenit ad Christum. Gaudet et Maria mater Domini, apex et specimen virginitatis, incorruptionis mater, quæ vos exemplo suo genuit, et manet integra; vos documento suo peperit, et dolores nescivit; genuit sponsum, et virgo est. Felix ille venter, qui novit gignere, non corrumpi. Beata illa fecunditas, quæ pariendo implevit mundum, hæreditavit cælos, nec amisit velamina virginitatis. Ardeat cor tuum, soror, igne illo, quem Christus misit in terram. Excitet te flamma ignis ejus, et chorus ille virgineus prose-

quens Mariam. Ipsam ergo oculo mentis suscipe, ipsos comitare choros, ipsis te animi desiderio junge, ibi festina, ibi propera: ibi *reposita est corona justitiæ, quam reddet tibi Dominus justus judex in illa die* (II Tim. iv). Senti fratris animum tuos desiderare profectus, senti fratris concupiscentiam velle te esse cum Christo. Qui etsi in me non habeo quod in te perficere volo, perdidisse me doleam quod te tenere desidero: erit mihi interim quædam portio remissionis, si tu quæ pars melior nostri es corporis, in via peccatorum non steteris; si quod tenes, firmissime teneas. Heu mihi! si alius accipiat coronam tuam. Tu apud Christum tutamen meum, tu charissima meum pignus, tu hostia mea sacratissima, qua expiari a colluvione peccati non dubito. Si tu accepta es Deo, si tu casto cubili cum Christo cubaveris, si tu Christi amplexibus fragrantissimo virginitatis odore inhæseris, profecto peccatoris memor fratris obtinebis pro reatu germani indulgentiam quam poposceris. Non te contristabit, qui te suæ copulavit societati. Sinistra ejus, in qua est honor et gloria, sub capite tuo; et dextera ejus, in qua est longitudo vitæ, amplexabitur te (*Cant. ii*). Talibus sponsi oblata amplexibus, meam veniam postulans obtinebis. Amor tuus in Christo erit indulgentia mea: et quantulumcunque spem remissionis habeo, si soror quam diligo ad nuptias Christi transierit; atque in illo terribili metuendoque judicio respiramentum aderit, ubi de factis, actibus, vel de commissis discussio fuerit; ubi de meis dispendiis, heu mihi! sum cogendus reddere rationem, tu solatium meum, tu respiramentum meum. Et vindicta quæ mihi debetur pro negligentia mea, forte castitatis tuæ sedabitur intercessione. Defendes me profectu tuo a meo reatu operis, si tu Christo adhæseris, et si tu illi placueris, ego unde ei displiceo non gravabor, dum tibi indulget, mihi parcat; nec perire fratrem sinet, cujus spondit sororem. Per te forte mihi donabitur chirographum quod contraxi; dum te Christus fovet charitate, me non punit pro crimine. Miserere, soror, non tantum tui, sed et mei; ut unde tibi restat gloria, saltem mihi vel venia concedatur. Multæ in tuo erunt virgines comitatu: cum iis facile impetrabis pro me quod poposceris. Imo ipsa mater et dux virginum Maria suum interpellabit pro tuo merito Filium; et ne te contristet pro me orantem, me eriget forte jacentem, et conscientie reatu merentem consolabitur. Non confundatur spes mea per te ad Deum. Meo igitur hortamento, meo ministerio, Dei quidem dono, sed meo obsequio, hanc tenes professionem. Sit ergo mihi integritas tua causa veniæ, quæ tibi erit causa coronæ. Averte, quæso, oculos a mundi falsis inanibus. Cælos aspice, ubi est sponsus tuus. Illuc animum dirige, *ubi Christus est in Dei dextera sedens* (Col. iii). *Omne enim quod in mundo est, concupiscentia carnis, et concupiscentia oculorum est* (I Joan. ii). Quæ sursus sunt quære: ubi est vita tua, illic sunt et desideria tua; ubi est sponsus tuus, ibi sit et thesaurus tuus. Nolo te moveri voluptate

sæculi, nolo te fulgore carnis decorari. Cito movet alienam libidinem caro ornata, et aspectus juvenum in se provocat, quæ se componit ut ornata procedat. Placere velle oculis alienis, affectus est meretricis; et ad sponsi cœlestis refertur injuriam, si ita incedas ut oculis libidinis placeas. Esto, quæso, iudex inter nubentes et virgines: spem utriusque considera, quis quam teneat viam æstima. Virgo studet placere Deo; nupta sæculo. Virgo servat integritatem qua nata est; nupta corrumpitur. Et quale est, ubi non permanet integra ut cœpit esse natura? Primum divino operi irrogatur injuria, dum quod ille formavit integrum libidine corrumpitur, libidine maculatur. In vos Deus cognoscit opus suum; quas tenet sæculum, et non corrumpit; quas tales Deus recipit, quales fecit. Omnia itaque restauranda sunt in resurrectione quæ nunc pereunt de corpore. Virginitas semel perditā nec hic reparatur, nec in futuro recipitur. Verum est quod Deus præceperit nuptias; sed idcirco, ut inde nasceretur virginitas: ut multiplicata virginum successione, lucraretur in prole, quod perdiderant nuptiæ. Et radix et fructus nuptiarum virginitas est. De conjugio certe nascitur virgo: quæ si non corrumpitur, ad nuptiarum additur præmium. Habent nuptæ unde lætentur, si sui fructus cœlesti horreo reponantur. Tu quoque communium parentum cumulabis merita; tuis utrique honoribus munerabuntur; te prole Christo adhærente, ipsi recipient in fructu quod in cespite perdiderunt. Recole, mea soror, humanarum nuptiarum ærumnas, et claude oculos, ne videas vanitatem. Prima pericula nuptiarum hæc sunt: corruptio, corruptionis fastidia, pondus uteri gravidati, dolor partus plerumque ad discrimen mortis perveniens, ubi et munus nuptiarum perit et fructus; dum simul mater cum prole deficit, et omnis illa pompa nuptialis mortis frustratur termino. Quam putabant causam esse lætitiæ, quis eam occasionem interimendi invenit? Quid aget post mortem, quæ totam lætitiā nuptiis deputavit? Quæ viro placere voluit, non Deo, quid aget dum exit a sæculo? Quæ sollicita fuit quomodo placeret mundo, quam poterit habere partem cum Christo? Quæ primum non bene viris se distrahunt, simulque cum pudicitia libertatem perdunt, quando captivam virginitatem suscepta dote addicunt. Quid miseræ illi remanet, quæ pudorem venditat? Quod si forte mundi, ut fieri solet, casu perdat donationem, tunc et pudore caruit, et amisit pretium. Vides quam nuda et destituta in utroque remansit! Pro viro certe gemino timoris addicta periculo, timet bonum perdere, timet malum habere. Quis ergo inter hæc medius est locus lætitiæ? Quas formas lenocinii meditatur ut placeat oculis? quibus peregrinis odoribus inficit vestem? et ut oblectet sensus, cutem mentitur alienam. Que fuco illitam vario adulterat figmento faciem, ne sit ipsa quæ nata est, et decipiat virum specie aliena, non propria. Vide si non maleficii genus est, excogitare artem qua provocat libidinem alienam. Et quæ sic corrumpit faciem, quam

putas corruptam habet mentem? Triplex commisi adulterium: mentis, quæ talem meditata est fraudem; corporis, quæ figmento mutavit speciem; vestitus, quæ non proprio, sed alieno fragrat odore. His malis virgo nescia, sexum habet, et sexus necessitatem ignorat. Femineæ fragilitatis oblita rigore virili subsistit, atque infirmum sexum virtute solidavit: nec addixit servitute corpus, quod lege naturæ viro subjacet. Felix virgo, quæ corpus trahit ex Eva, non pœnam! Illa peccati merito audit: *Sub viri potestate eris, et in doloribus paries* (Gen. 1). Tu virginitatem adepta, a tali jugo excussisti cervicem; nec pressa jugali necessitate curvaberis ad terram, sed in sublimi erecta cœlos suspicis; ut unde illa vetitum præsumendo cecidit, ubi tu licita contemnendo conscenderes. Eva gustavit de illicito, et virginitatem perdidit. Licebat nubere virgini, sed quæ non nupsit, angelis adhæsit. *In resurrectionem enim non nubunt, neque uxores ducunt; sed erunt sicut angeli Dei* (Matth. xxii). Vide, virgo quæ non nubit, angelis comparatur. Licet enim gignere filios; sed quæ hanc spreverunt necessitatem, Christum dicentem audiunt: *Beatæ steriles quæ non genuerunt, et ubera quæ non lactaverunt* (Luc. xxiii). E contrario illic dicitur nuptis: *Væ prægnantibus et nutrientibus in illa die*. Itaque virginei sensus pro filiis reputantur. Quid ergo quærit quos pariendo doleat, quæ pios habet sensus, quibus meditando congaudeat? *Propter timorem tuum, Domine, inquit, in utero accepimus, et parturivimus Spiritum salutis* (Isai. xxvi). Ecce felix conceptio, incorrupta progenies, utilis partus: ubi et proles bonæ cogitationis editur, et ignoratur dolor. Tot felicia germina, quot sanctæ cogitationes, toties concipit, quoties sancta meditatione Spiritum divinum capit. Conceptio enim superna virtutes parit. Et ne putes te esse sterilem, tot filios habebis, quot virtutes protuleris. Una sancti Spiritus conceptione multos edes partus. Primus partus virginis, verecundiæ virtus; secundus patientiæ, tertius sobrietatis, quartus temperantiæ, quintus charitatis, sextus humilitatis, septimus castitatis, ut impleatur quod legitur, quia *sterilis peperit septem* (I Reg. 11). Ecce una septiformis Spiritus conceptione septem partus edidisti. *Non dicas: Ecce ego lignum aridum, quia hæc dicit Dominus eunuchis: Qui custodierint requiem meam, et elegerint quæ volui, et tenuerint fœdus meum, dabo eis in domo mea et in muris meis locum, et nomen melius a filiis et a filiabus; nomen sempiternum dabo eis, quod non peribit* (Isa. lvi). Vides, amantissima soror, quod principalem in regno Dei virgines tenent locum? Et non immerito. Mundi enim contempserunt habitum, ideo pervenerunt ad cœleste regnum. Vitæ cœlestis beatitudinem hic incipient, quæ generare in doloribus filios nesciverunt; et quæ contagia libidinis et fœda conjugum simenta respuunt, recte Christi nuptias impetrarunt. Nolo movearis pompaticis nuptiarum incessibus, clientumque stipato comitatu. Hos incurrunt plerumque insidiatores pudicitiae, quos custodes castitatis putabant. Et

cum se ambiri tot virorum formis vident, hoc in A illidaris scopulo, aut in sinistram Charybdis degluti-
mentem venit, quod cum viris in lectulis agunt pro-
priis; et quod expertæ sunt in singulis, hoc in plu-
rimis meditantur. Non verebor invidiam, si locutus
fuero veritatem. Feriant me livore quas momorderit
conscientia, dummodo proficientibus loquar quid ca-
vere debeant in eis quæ solo nitent opere carnis.
Certum est, mi soror, quæ mitorem vestium compo-
suerit, odore peregrino fragraverit, fuco mutaverit
oculos, faciem candore alieno obduxerit, brachia
circulis instruxerit aureis, digitis annulos inseruerit,
et distinctione gemmarum sidereo radiaverit fulgore
manibus, aures metallo aggravaverit, colla marga-
ritis et vario gemmarum absconderit tegmine, caput
ponderaverit auro; certum, inquam, est, hanc non
esse castam: quæ ad hoc se ita composuit, ut mul-
torum feriat oculos, multorum animos moveat, illi-
ciatque mentes. Quæ etsi metu viri non gerat stu-
prum in aperto fornicatur tamen interius animo. Illa
vero casta est, quæ de simplici habitu bonisque mo-
ribus placet viro, et de bono castimonie Deo. Ha-
rum habitum exprimit Petrus apostolus, et cultum
vestium, vel æquitatem morum sua pingit præcep-
tione, cum dicit: *Sit in muliere non exterior orna-
menti aut auri, aut vestis cultus, sed cultus cordis* (I
Pet. iii). Eadem ergo et Paulus apostolus intulit, di-
cens: *Similiter et mulieres cum verecundia et sobrie-
tate ornantes se, non in tortis crinibus, aut auro, aut
margaritis, vel veste pretiosa; sed quod decet mulieres,
promittentes pietatem per opera bona* (II Tim. ii).
Quas dissonare ab iis præceptionibus et discrepare
comperis, velut gehennæ duces et inferni comites
fuge. Hoc enim suadebunt quo plenæ sunt, quæ etsi
non verbo, ipso tamen habitu loquuntur flagitia. Et
quæ auro coruscaverit, et radiaverit gemmis, tan-
quam simulacra declina; idolumque æstimato, non
hominem, quæ a Deo bene conditam formam vario
præsumpsit stuprare figmento. Unde et Scriptura
dicit: *Fallax imago, et vana est pulchritudo, mulier
timens Deum ipsa laudabitur* (Prov. iii).

CAPUT PRIMUM.

Ut vitentur laicæ mulieres.

Precor te, soror Florentina, ut feminæ, quæ tecum
non tenent professionem unam, ad tuam non acce-
dant societatem. Quod enim amant, hoc suggerunt: D
et eas res tuis insinuabunt auribus, quæ in eorum
versantur desideriis. Heu mihi, soror, *corrumpunt
mores bonos colloquia mala* (I Cor xv). *Cum sancto
sanctus eris*: longe a te sit, soror, *et cum perverso per-
verteris* (Psalm. xvii). Quid in unum agit nupta, et
virgo? Illa te non sequitur, quæ virum diligit. Pro-
positum tuum fugit; quod etsi amare se finxerit,
mentitur ut decipiat. Quid tecum agit, cum qua com-
muni collo Christi jugum non ducis? dispar habitu,
dispar affectu. Organum Satanæ hoc tibi canet, quod
illecebris sæculi moveat, et semitas diaboli impin-
guat. Fuge Sirenum cantus, mi soror: ne dum pru-
rientibus auribus oblectamenta delectaris audire
terrena, avertaris a recto itinere, et aut in dexteram

illidaris scopulo, aut in sinistram Charybdis degluti-
tiar rictu. Fuge Sirenum cantus, et a lingua male-
suadentis sepi aures tuas. Muni cor tuum scuto fidei,
dum tui propositi disparem videris; et frontem tuam
trophæo arma crucis contra eam quæ professioni
tuæ dispar est.

CAPUT II.

Ut viri sancti vitentur.

Jam quali fuga viros fugias, soror Florentina, tu
judica, si tam sollicite feminas sæculi declinabis.
Quisque vir, si sanctus est, nullam tecum gerat fami-
liaritatem; ne videndi jugitate aut infametur utrius-
que sanctitas, aut pereat. Decidet enim a charitate
Dei, quæ perpetrandi mali operis occasionem præ-
buerit; decedet a charitate proximi, quæ etsi malum
B non agit, opinione tamen pessimam famam nutrit.
Dispar enim sexus in unum locatus, eo titillatur in-
stinctu quo nascitur; et naturalis movetur flamma
si composita attigerit. Quis colligavit ignem in sinu
suo, et non comburetur? Ignis et stupa sibi utraque
contraria, in unum redacta flammas nutriunt. Viri
sexus et feminæ diversus, si conjungitur, quod lex
naturæ provocat, commovetur.

CAPUT III.

Ut declinare virgo debeat juvenes.

Et si taliter viri declinandi sunt sancti, ne utro-
rumque bonis moribus offensio subrepat, qualiter
fugiendi sunt juvenes, et tenebrosas vias temporalis
vitæ sequentes? quos ad hoc diabolus objicit, et vir-
gineis opponit oculis ut formas eorum, quos per
diem viderit, virgo meditetur in nocte. Quod si et
contradicat mentis ratio, talesque imaginationes ab
animo respuat, recens tamen visio et corporalis in-
spectio exhibet memoriæ formas: quas videndo di-
dicit, ut etsi paululum talis imaginatio oblectet men-
tem, occurreret etiam per somnium, quod viderit ocu-
lis. Sic diaboli sagitis pectus virginis vulneratur,
et infligitur cordi amor noxius; ut quod in nocte
recordata est, cum amore velit iterum videre in cra-
stinum. Et sic intrat Satanæ sagitta usque ad inti-
mum cordis per januas oculorum, sicut dicit Pro-
pheta: *Intravit mors per fenestras nostras* (Jer. ix).
Nec enim subrepat diabolus ad interiora mentis, nisi
per sensus cordis. Si pulchrum aliquid videas quod
concupiscentiam moveat, si oblectet aures turpis
cantus, si odoratum nidus attigerit fragrans, si gu-
stum illecebrosus sapor commoverit, si tactus mol-
lem et nitidam contigerit formam, tunc oblectatione
sensibili carnis movetur illecebra. Dei enim opus
uterque est sexus. Amandi sunt certe viri, ut opus
Dei; sed absentes, pro operibus bonis, et propter
Deum qui eos fecit, non propter pulchritudinem
corporis.

CAPUT IV.

De abstinentia.

Quid ad te de cibis, soror Florentina, puto, loquar,
quæ fragilitate corporis nec tantum accipis quantum
ratione doceris? Maneat tamen in animo ut etsi in-
firmo corpori aliquid relaxandum est a rigore, in

terium non solvatur animus, si corpus infirmum meretur aliquid indulgentius. Nullus est enim usus edendi culpabilis, sed concupiscentia, sed immoderatio, si plus quam opus est sumpseris, si desideres sine quo vivere possis. Triplex certe est gulæ intemperantia : si quod non licet, avidius appetas, si licita quæque exquisitis impendiis præparata accuratius quæras, si tempus edendi licitum non sustineas. Primi generis homines ob hoc paradisi delicias et immortalitatis præmia perdidērunt, quia illicita concupierunt. Esau vero pro eo quod avidius ambiit licita, primogeniti perdidit primitiva. Et quia edendi tempus non servant animalia, ideo sunt irrationabilia. Probavimus ergo triplicem excessum intemperantiæ : dum primi homines gustaverunt de illicito; dum Esau lenticulæ appetitu perdidit primogenita; dum edendi tempus non servant animalia, et sunt irrationabilia. Non est igitur abstinens, avide vorans etiam viles cibos. *Sepulcrum patens est guttur eorum*, ait Psalmista (*Psalm. v*). Namque et ille mollis et dissolutus est qui, contemptis præsentibus, pretiosis ac peregrinis epulis delectatur. Piscis per illecebram hamo capitur. Avis objecta escæ in decipulam cadit. Bestiæ quæ naturali virtute sunt rigidæ, cupiditate cibi in foveam proruunt; et quas non emollit natura, decipit esca. Tu vero temperantiam, et parcimoniam, seu oraculo seu exemplis discis majorum. Oraculo, quia dicit Dominus : *Non graventur corda vestra in crapula et ebrietate* (*Luc. xxi*). Exemplis, quia David cupitam aquam noluit bibere, quam periculum alieni esse sanguinis intellexit (*II Reg. ii*); vel quia Daniel, contemptis dapibus regis, leguminibus vixit (*Dan. xiv*). Sint tibi accepta quæ sunt comitibus tuis communia, et aliorum non sis intemperationis causa; et quibus forma esse debes hortamento ac vitæ bonæ documento, scandali non efficiaris occasio.

CAPUT V.

Ut virgo singula non loquatur cum singulo.

Nullus te singularem alloquatur, nec tu præter duarum aut trium testimonium alloquaris aliquem singularem. Memento sponsi tui Salvatoris nostri, qui certe non verebatur labem peccandi, attamen in montibus cum Moyse et Elia eorum tribus, Petro et Jacobo et Joanne, locutus est testibus. Sic et cum suscitaret archisynagogi filiam, eos adhibuit testes, ut falsi rumoris non daret occasionem. Mirabantur autem et discipuli, quod ad puteum Jacob loqueretur cum muliere. Et revera non mirarentur, nisi quid viderent inusitatum; et nisi illi abiissent cibos emergere, non loqueretur citra eos Christus cum muliere.

CAPUT VI.

Ut jugiter virgo oret et legat.

Lectio tibi sit assidua, jugisque oratio. Dividantur tibi tempora et officia, ut postquam legeris ores, postquam oraveris legas. Sic alternes perpetim hæc duo bona, ut ab iisdem nullo sis tempore otiosa. *Quod si aliquid manibus operandum est, vel certe*

A sustentaculis ciborum corpus reficiendum, alia tibi legat : ut dum manus vel oculi intenti sunt operi, pascat aures gratia sermonis divini. Si quidem oramus et legimus, et lubricam mentem a surreptionibus diaboli vix retrahimus; quanto proclivius humanus animus reptat ad vitia, si lectionis et orationis assiduæ retentaculo non frenetur? Lectio te doceat, aliquid orando petas; postquam vero oraveris, iterum legendo inquire quod potest.

CAPUT VII.

Ut carnaliter non legi debeat Vetus Testamentum.

Vetus Testamentum legens non temporis illius nuptias, sed prolis numerositatem considera : non esum carniū et sacrificia sanguinolenta crimina morte carnis expiata, uni viro multarum uxorum permissa consortia. Licuit enim illo tempore quod isto non licet, et sicut per legem concessæ sunt nuptiæ, sic per Evangelium virginitas prædicata. Gens enim erat Hebræa ab omni discreta consortio populorum, et ad prophetandum Christum Ecclesia deputata. Ne periret, cunctis permissæ sunt nuptiæ, causa prolis propagandæ. Et quia carnalis erat populus, carniū crapula pascebatur. Sacrificia certe idcirco pecudum litabantur, quia verum sacrificium, hoc est, Christi corpus et sanguinem figurabant. Venit veritas, umbra discessit; venit verum sacrificium, et cessavit hostia pecudum. Venit virgo virginis filius, et virginitatis præbuit documentum. Omne enim quod in Veteri Testamento legeris, quamvis opere gestum fuerit, spiritualiter tamen intellige, et de historiæ veritate intelligentiæ spiritualis sensum cape. Jam pro peccato non occiditur homo corpore; sed necem quam illi carni dabant per gladium, nos carnalibus vitiis imponimus per penitentiae usum. Cantica canticorum juxta auditum aurium ne sentias, quia carnalem illecebram terreni amoris insinuant, quæ per species actionis Christi et Ecclesiæ charitatem figurant. Merito a veteribus isti libri prohibiti sunt legere carnalibus, hoc est, Heptateuchum, et Cantica canticorum : ne dum eos spiritualiter nesciunt, libidinis ac voluptatum incitamento solvantur.

CAPUT VIII.

De jejunii modo.

Jejunia certe valido corpori imponenda sunt; et quos rebellis caro lege vitiorum impugnat, jejuniū attenuandi sunt jugi. Subjuganda est jejuniis caro rigida, et eatenus refrenanda, ut legi mentis et imperiis animæ subjaceat ut ancilla. Et quam debilitavit jugis infirmitas, si eam jejuniis temperes, tantumque sumas quantum saluti sufficiat, non peccabis. Meliorem tamen judica eam quæ salutis robore infirmitatis non egeat remedio. Nec debet scandalizari quæ sana est, si remissius vel indulgentius quæ infirma est alitur; sed magis eo se meliorem sanctioremque esse consideret, quod fragilibus rebus non indiget, quibus eget infirmitas. Illa autem quæ infirmitatis obtentu meretur aliquid lenius, sit præ cæteris humilis,

doleat que se non posse quæ alia possunt; et abstinentiam tempore laxatam non reputet virtuti, sed infirmitati.

CAPUT IX.

De usu vini.

Vino secundum Apostoli utere regulam. Ait enim Timotheo : *Modico vino utere propter stomachum tuum, et frequentes tuas infirmitates* (Tim. v). Dum enim dicit modicum, medicinaliter bibendum fore monstratur, non ad ebrietatem. Nam alio loco idem sic dicit Apostolus : *Vinum dixisti, omne vitium dixisti* (Tit. ii). Ebrietas enim mortale est crimen : inter homicidia, et adulteria, vel fornicationes reputatur. Sic ejicit a regno Dei vini temulentia, quemadmodum facinus adulterii, vel homicidii, vel aliorum criminum flagitia. Confirmat hoc dum dicit Apostolus : *Nolite errare : neque fornicarii, neque idolis servientes, neque adulteri, neque molles, neque masculorum concubitores, neque fures, neque avari, neque ebriosi, neque maledici, neque rapaces regnum Dei possidebunt* (I Cor. vi). Vide quantum sit execranda ebrietas, ut etiam a regno Dei suos amatores ejiciat. Quam etiam terribiliter propheta increpet vino deditos vide, dicit enim : *Væ qui potentes estis ad bibendum vinum, et viri fortes ad miscendam ebrietatem. Væ qui consurgitis mane ad ebrietatem sectandam, et potandum usque ad vesperam, ut vino æstuetis* (Isai. i). Bibit vinum Noe, atque ebrietate sopitus, parte corporis verecundiori denudatus est (Gen. ix) : ut noveris sic consternari animum humanum vino, et rationem humanæ mentis obtundi, ne seipsum quidem meminerit, multo minus etiam Deum. Et licet illa Noe ebrietas ac nudatio mysterium Christi passionis et mortis contineat, tamen ad litteram errorem facti insinuat. Loth vino crapulatus incestum intulit filiarum (Gen. xix), nec sensit errorem; de quo incentivo concubitu nascuntur Moabitæ et Ammonitæ. Et Dominus dicit : *Moabitæ et Ammonitæ non intrabunt in Ecclesiam meam usque in decimam generationem* (Deut. xxiii). Senti quantum sit fugienda vini satietas, ut etiam patriarchis scandali et culpæ causa exstiterit. Ergo et virgo quæ virtute corporis viget, bene facit si omnino se a vino abstinuerit. Invalidam vero et imbecillem pro medicina decet uti vino, non pro temulentia.

CAPUT X.

Quatenus uti virgo lavacro debeat.

Balneo non pro studio vel nitore utaris corporis, sed tantum pro remedio salutis. Utere, inquam, lavacro quando poscit infirmitas, non quando suaserit voluntas. Quod enim necesse non est, si egeris, peccabis. Scriptum est : *Et carnis curam ne feceritis in concupiscentiis* (Rom. xviii). Cura carnis veniens ex concupiscentia habetur in vitio; non ea quæ saluti reparandæ convenit. Quapropter non te illiciat lavare sæpius carnis voluntas, sed infirmitatis imperet necessitas. Cares enim culpa, si quod necesse est egeris.

CAPUT XI.

Quod peccatum sit virgini videre.

Esto in Deo gaudens lætitia animi tranquilla et moderata, juxta quod ait Apostolus : *Gaudete in Domino semper, iterum dico gaudete* (Phil. iv). Et alio loco dicit : *Fructus autem Spiritus est gaudium* (Gal. v). Talis jucunditas non perturbat mentem ridendi fœditate, sed sublevat desideriis animam ad supernam quietem; ubi possis audire : *Intra in gaudium Domini tui* (Matth. xxv). Quale sit cor virginis plerumque risu monstratur. Neque enim impudenter virgo rideret, si cor castum haberet. Speculum cordis facies est hominis : non ridet lascive, nisi quæ corde lasciva est. *Ex abundantia enim cordis*, ait Dominus, *os loquitur* (Matth. xii), ergo ex abundantia vanissimi pectoris ridet facies virginis. Quid de hoc legitur vide : *Risum reputavi errorem; et gaudio dixi, quid frustra decipis* (Eccl. ii)? Et iterum ibidem : *Risus dolore miscetur : et extrema gaudii luctus occupat*. Et Dominus ait : *Beati qui lugent, quoniam ipsi consolabuntur* (Matth. v). Verum et apostolus insane lætantibus dicit : *Risus vester vertatur in luctum* (Jac. iv). Risum ergo, soror, ut errorem fuge, et temporalem lætitiâ commuta in luctum; ut beatificeris, si peregrina in mundo luxeris : quoniam qui secundum Deum lugent, beati sunt, et ipsi consolabuntur. Peregrinari te in mundo scito; nec hic habere patriam, sed in cœlo. Si tali desiderio ardebat Christi servus, ut diceret : *Cupio dissolvere, et esse cum Christo* (Phil. i); quanta amoris flagrantia virgo debet accendi, quam uberes lacrymas desiderio sponsi sui effundere, donec ad amplexum Christi valeat pervenire, et ubertim flere non desinat, usquequo Christum, quem videre cupit, attingat. Lugebat ille se peregrinum in hac vita, qui mœrens dicebat : *Heu me! quod incolatus meus prolongatus est a me* (Psalm. cxix). Nam exultans te cœlestis sponsus et charissimis excipiet amplexibus, si te sui desiderio flagrare didicerit, et si absente eo flevieris, ille te præsens consolabitur.

CAPUT XII.

Qualiter habeantur ancillæ virginitatem professæ.

Quas tibi fecit, aut fecerit ancillas conditio, et sorores professio, jam non pro nexu servitutis exulceres, sed pro paritate professionis honores. Quæ ergo tecum in Christo virginitatis stipendiis militat, pari tecum libertate exultat. Nec sic vos provocamus ad humilitatem, ut illas superbia erigamus : quas dum tu accipis ut sorores, gratius illæ tibi sint famulæ, præbeantque obsequium non servitute addictæ, sed liberæ charitate. Quoniam quidem *non est personarum acceptio apud Dominum* (Ephes. vi), scilicet, in distribuenda fide, ubi pariter consulitur dominæ et ancillæ, ubi non eligitur domina, et reprobatür ancilla, æqualiter baptizatæ, simul Christi corpus et sanguinem sumunt. Nam et patriarchæ dum essent sanctissimi, quantum ad res terrenas et temporales, discernabant inter servos et filios : illos famulos, hos dominos judicabant; quod vero ad spei futuræ mu-

nus atinet, ex æquo filiis et vernaculis consulebant, A quos una circumcissione signabant.

CAPUT XIII.

De discretione senioris erga personas singulas.

Quod quidem sub una professione manentibus omnia erunt communia omnibus, verum est, et legitur (Act. iv) : scilicet, si omnes æqualiter valeant. Attamen interest quædam discretio senioris providentis quid unaquæque poscit. Sic enim dividendum est, prout unicuique opus est. Quæ potuit honorari in mundo, et dives fuit in sæculo, blandius fovenda est in monasterio; et quæ reliquit in sæculo vestem pretiosam, cultiorem in monasterio meretur. Quæ vero sub penuria vixit in sæculo, et tegumento victique eguit, grate ferat in monasterio nec algeat, nec esuriat, nec murmuret, si ea tractetur indulgentius quæ vixit in sæculo delicatius. Nam si prout cuique opus est non dividitur, sit superba in monasterio, quæ fuit vilis in mundo; et quæ erat potens in sæculo, humiliatur in monasterio. Sic agit, qui discrete non sapit, ut superbire faciat ex vili censu conversas, et dolore stimules honesto loco natas. Et si sufficit unde omnibus tribuatur æqualiter, nulla est unde murmuret : quoniam discretio senioris dividet unicuique prout opus est. Sed dicis : Cum conversa est, nisi ut fiat humilis ex potente? Si ergo ista ex inclyto ad humilitatem descendit, illa ex paupere quod humiliaretur non habuit, forsitan si superbit. Charitas autem omnia temperat, atque ad eundem pacis pertrahit limitem; ut nec illa infletur, quæ reliquit potentiam; nec illa frangatur; quæ fuit pauper, vel ancilla. Laudanda tamen est senior, si discrete cum singulis se gesserit, et unicuique prout opus est, dividerit. Ista sint dicta de veste, cibo, potu, vel opere pro invalidis ac delicatis, ut quæ durius ferre non potest, tractetur lenius. Cæterum si circa eas quæ ferre potuerint, factura est senior prout viderit, et quibus consulit pro usu delicatæ vitæ, vel corporis fragilitate, non eas præferas honore seniorum, si posteriore conversæ sunt tempore. Dum ergo ad te meus, soror Florentina, sermo dirigitur, derivavimus orationem studiis plurimum; nulli tamen jugum imponimus, sed quod honestum est suademus.

CAPUT XIV.

Ut virgo æqualis sit et in paupertate et in abundantia.

Nunc ad te loquendo revertar, soror Florentina, pro qua me familiaris cura sollicitat. Hortor itaque æqualem te et uniformem habere semper animum, ut nec adversitate frangaris, quæ patientiam et penuriam Job sapis; nec eleveris prosperitate, quæ patriarchas divites opibus, sed humiles animo fuisse legis. Beata enim eris, si et in adversis et prosperis semper Deo gratias egeris; et vitæ istius prosperitatem fumum vaporemque illico evanescentem credideris. David certe regnabat, et cum abundaret thesauris, ac manu forti infinitis populis imperaret, humilem se canit, et dicit : *Pauper sum ego, et in laboribus a juventute mea* (Psalm. lxxxvii). Et ipse

iterum ad filiam Saul dicit (II Reg. vi) : *Vilis incedam, et vilis apparebo ante Deum qui elegit me, potius quam patrem tuum* (Psalm. cxvii). Similiter idem dicit : *Incolu ego sum in terra et peregrinus, sicut omnes patres mei*. Terrenis ergo nunquam delectata rebus, etiamsi se vitæ commoda ingerant, non eis animo innitatis, nec de mundanis gaudeas lucris; et non contristaberis damnis. Etenim scriptum est : *Divitiæ si affluent, nolite cor apponere* (Psalm. li). Cum amore enim possessa cum dolore utentis pereunt; et inde tribulari quemquam necesse est, unde carnaliter gaudet. Tu ad instar cœlestis sponsi honorari in sæculo fuge. Ne velis ab aliis dici, aut esse prælator, quæ legis : *Si quis vult inter vos esse major, sit vester servus* (Matth. xx), quoniam et ipse B Salvator dum a turbis ut rex fieret quæreretur, se ipsum abscondit. Quomodo enim ab homine regnum acciperet, cui cum Patre regnum perpetuum manet? Sed quia venerat docere humilitatem, hominum declinavit honorem. In forma enim Dei manens semetipsum pro nobis humiliavit (Phil. ii); et cui cœlestia serviunt ac terrestria, pro mortalibus factus est pauper, ut ejus inopia nos ditaremur. Tu ergo insiste vestigiis, quibus præcessit sponsus; et passibus indefessis ducem sequere cœlestem : ne dum factis suis probat esse dissimilem, in cœlestibus regnis nolit habere consortem. Etenim ista dicimus, ut parvipendas, aut ne pro magno cupias lucra terrena; vel ne aestimes magnos, quos in sæculo propicias divites. Quod enim habere possunt et mali, C libenter debent contemnere boni. Dat enim malis Deus temporales divitias, quibus negat æternas, dat eas certe et bonis, sed quos novit non superbis ex eis. Boni propitio Deo fiunt divites, propitio Deo fiunt pauperes : in utroque Deo gratias agunt, qui voluntatem Dei libenter accipiunt. Malis quando tribuuntur divitiæ, pœnaliter tribuuntur, ut male de eis gaudeant; et quando subtrahuntur, pœnaliter auferuntur, ut male de eis doleant, utraque justo ad gloriam; utraque impio ad vindictam. Quid ad te, quæ habes Regulam quam sequaris? Virginitatem itaque et paupertatem Mariæ prospice : quæ tam dives in Domino fuit, ut mater Domini esse mereretur, et tanto rebus paupercula, ut partus tempore nec obstetricis, nec ancillæ uteretur solatio, ipsum quoque diversorium tam angustum, ut præsepe assumeret pro cunabulo. Sed et Joseph, cui fuerat desponsata, cum esset justus, erat tamen et pauper, ita ut victum et vestitum artificio quæreretur. Certe faber ferrarius fuisse legitur. Habes exempla, normam sequere, ne te velis divitiarum periculis committere. *Quoniam qui volunt divites fieri, incidunt in tentationem et laqueum diaboli* (I Tim. vi), et desideria multa inutilia et nociva, quæ mergunt hominem in interitum. Illas a se sponte auferunt, quibus in Domino devotus est animus. Et plerumque contemptores suos magis appetunt divitiæ, quam sequaces. *Quærite, inquit, regnum Dei, et hæc omnia apponentur vobis* (Matth. vi).

CAPUT XV.

De indulgentia et prohibitionem carniū.

Esum carniū infirmitatis tuæ obtentu nec prohibere tibi audeo nec permittere. Cui tamen suppetit virtus, a carnibus se absteineat. Nam dura est conditio, nutrire contra quem dimices; et carnem propriam sic alere, ut sentias contumacem. Quod si talibus utitur virgo, qualibus et sæculares utuntur, dat sensum, ut ea agat quæ a sæcularibus aguntur. Quid poterit caro nutrita carnibus nisi erumpere ad libidinem, miseramque animam crudelitate luxuriæ debacchare? Unde et quidam auctor ait, *Deliciarum finis corruptio*. Et Apostolus voluptuosam viduam sic notat: ut dicat: *Quæ autem in deliciis est, vivens mortua est (II Tim. v)*. Quod si abstinencia marcidum corpus vix a lege peccati, quæ habitat in membris nostris, prohibemus; quid faciet quæ sic obruit terram carnis suæ, ut et possit spinas et tribulos germinare? Fomenta vitiorum, esus carniū: nec solum carniū, sed et nimia satietas aliorum ciborum. Quoniam non culpatur escæ qualitas, sed quantitas reputatur in vitio. Quidquid enim accipitur nimis, hoc aggravat animam, et abundantiori cibo extensus stomachus obtundit animæ sensus. Virgo tantum sana debet esse, non rigida; pallida gestare ora, non rubentia; quæ suspiria cordis emittat ad Deum, non ructet cruditates ciborum. Quibus ergo vires corporis opus sunt, habeant carnis usum: scilicet, qui metalla effodiunt; qui in agone terreno certant; qui construunt celsum culmina ædificiorum, vel in diversis opificiis labore desudant corporis; his reparandarum virium aptus est usus carnis. Virgo quæ magis defectus sustinet corporis, bona virgo est. Ad quos usus carnes sumet, nisi ut miserum corpus fæce vitiorum inundet? Verum si cogit infirmitas, medicinaliter sumendæ sunt carnes. Medicinaliter enim est, quod non gravat, sed relevat: quoniam et ipsam medicinam artis ipsius periti impendunt, ut sensim adhibita non onerent infirmum, sed allevant. Unde et illa vera est sententia philosophorum: *Ne quid nimis*.

CAPUT XVI.

Ut in Monasterio quo cepit virgo permaneat.

Ut enim in monasterio permanes sollicite admono, multarum enim societate proficies; et virtutes aliarum videndo eris virgo virtutum. Et si interdum pro varietate voluntatum oriaur quædam congregationi simulas, et nonnunquam murmurationibus carnalium tristentur spirituales, non tamen deerunt quas in bonis actibus imiteris. Et certe tolerare carnales, probatæ virtutis est; imitari vero spirituales, spei est maximæ. Erudiunt carnales spiritualium patientiam, et dant quæ sanctæ sunt bonarum documenta virtutum: ac sic animæ proficienti utræque sunt utiles, et quas patienter tolerat, et quas imitatur suaviter. *Libenter*, inquit Apostolus, *sustinetis insipientes, cum sitis sapientes (II Cor. xi)*. Et ipse idem dicit: *Debetis autem vos qui firmiores estis imbecillitates infirmorum sustinere, et non vobis placere. Unus-*

A quisque autem proximo suo placeat in bonum ad ædificationem (Rom. xv). Non enim te carnalium scandalizant murmuraciones; sed consoletur proficientium vita; et quæ nescis quantum demoreris in sæculo, debes esse patiens pro cœlestis gloriæ dono.

CAPUT XVII.

Qualiter vita fugiatur privata.

Fuge quæso privatam vitam; nec velis imitari eas virgines quæ in urbibus per cellulas demorantur: quas multimoda cura constringit; prius placendi sæculo, ne fœdo prodeant amictu; et domestica oppressæ sollicitudine, dum pro vitæ subsidio satagunt, minus quæ ad Deum pertinent quærunt. Privatam enim vitam de usu gentiliū traxit Ecclesia, quos dum non quiverunt apostoli ad normam suæ vitæ traducere, Ecclesiæ venienti ex gentibus permiserunt private vivere, propriisque rebus uti. Cæterum qui sub apostolis crediderunt ex Hebræis, eandem normam, quam nunc tenent monasteria, servaverunt. Quære quod legitur in Actibus apostolorum, et verum esse quod dico probabis: *Multitudinis*, inquit, *credentium erat cor unum, et anima una. Nec quisquam eorum quæ possidebat, suum aliquid esse dicebat, sed quotquot possessores agrorum erant, vendebant, et pretia eorum ponebant ante pedes apostolorum, et distribuebatur prout unicuique opus erat (Act. iv)*. Vide, quod viventes in monasterio regulariter apostolorum teneant vitam; nec dubitent eorum assequi merita, quorum imitantur exempla.

CAPUT XVIII.

Ne peculiare virgo in monasterio quid possideat.

Peculiare, quod in cœnobii pro magno habetur crimine, tu pro grandi vitæ contagione. Adulterium certe est, quia conscientie integritatem usurpatæ rei pravitate maculat. Furti crimen est; quoniam dum omnia quæ habentur in monasterio, omnibus sunt communia, habere una latenter præsumit, quod a cæteris ignoratur, et aliud publice cum omnibus utitur, aliud furtive abscondit. Fraus est manifesta, quia non reponit in commune quod possidet, sed exiguum parvitatem privatim occultat fraude. Unum crimen, sed plura contagia. Tantæ nequitie malum velut gehennæ evita præcipitium, et quasi iter cave ducens ad infernum. Inde usque ad malum proditionis et Domini traditionem Judas erupit, quod furti crimen tractus cupiditate commisit. Denique cum haberet cum apostolis quidquid illis esset commune, non fuit contentus communionis sufficientia. Sed quid dicit de eo Evangelium? *Fur erat, et oculos habens, ea quæ mittebantur portabat (Joan. xii)*. Nec non Ananiæ et Saphiræ exempla recale; qui offerentes Apostolo partem pretii, partem vero celantes, præsentis sunt iudicio damnati (Act. v); et pro terrore sequentium non est dilata facinoris ultio. Quæ autem a communionem monasterii privata secernitur, necesse est ut a cœlestis vitæ consortio separetur. Quidquid manus tua attigerit, seniori ostende; in commune repone. Noli quidquam transportare seorsum, quia nimium Judæ proditoris exempla cavenda sunt.

CAPUT XIX.

Ne virgo jurare debeat.

Nunquam jurare, sed semper verum dicere, pari observa studio. Nam sicut carnalibus pro terrore fraudis jurare permissum est, sic prohibita sunt spiritualibus, etiam dum sibi bene conscii sunt, sacramenta. *Sit*, inquit, *sermo vester, Est, est; Non, non; quod autem plus est, a malo est* (Jac. v). Cave itaque jurare in bono, quia de malo est. Et propterea dicitur esse a malo, eo quod jurandi necessitas ex infideli sit conscientia. Ejus autem hominis jurandi extorquetur necessitas, cujus fides manet in dubio. Tu vero, quæ simplicitatem cordis debes ostendere laicis, cur te spontaneo alliges sacramento? Tolle jurandi usum in bono, et non perjurabis in malo. Loquere veritatem ex corde, et aberit juranti necessitas. Legimus enim : *Ne assuescas jurationi, quoniam multi casus in illa* (Eccl. xxv).

CAPUT XX.

Ne sola virgo cum sola loquatur.

Noli assumere unam loquendi familiaritatem, et declinare alias. Sed quo scire uni utile est, sciatur ab omnibus. Audi Dominum quid dicat : *Quod dico vobis in tenebris, dicite in lumine; quod in aure auditis, prædicate super tecta* (Matth. xvii). Hoc est, si quid vobis in secreto mentis fuerit revelatum, palam dicite : et quod corde concepistis, omnibus manifestate. Si bonum est quod loqueris, cur una tantum et non omnes potius informetur? Si turpe est, nec cogitare, nec loqui debes, quod alias erubescis scire. Non jam de bono est, quod singulariter virgo loquitur. *Omnis enim qui male agit, ait Dominus, odit lucem* (Joan. iii). Unde et ille philosophorum prudentissimus dixit : « Omnia recte facta in luce se amant collocari. » O virgo ideo occulte loqueris, quia non est unde publice glorieris. Sed si aures et oculos humanos fallis, nunquid Dei cognitionem fallere poteris? Pulchre et alius ait : « Quod vis Deum nescire, nec agas, nec cogites. » Sit ergo tibi conscientia innocua, sermo liber a culpa. Respuenda nec audire te, nec cogitare delectet; multo minus loqui, vel agere.

CAPUT XXI.

Ne velit virgo reverti ad sæculum.

Jam ad portum navem orationis dirigimus, et emenso dictorum pelago in littore quiescendi anchoram ponimus, flatu tamen charitatis tuæ iterum in fluctibus verborum revehor. Te quæso, soror Florentina, per beatam quoque Trinitatem unicæ divinitatis obtestor, ut quæ de terra tua et de cognatione tua cum Abraham egressa es, cum uxore Loth non respicias retro (Gen. xix); ne efficiaris exemplo malo documentum aliarum ad bonum, et ne in te aliæ videant quod in se caveant. Illa vero aliis facta est condimentum sapientiæ, sibi vero simulacrum stultitiæ, sibi enim nocuit malefactum, aliis profuit exemplum contrarium. Ne te unquam reverti ad genitale solum sollicitet cogitatio; ubi si te Deus habi-

Atare voluisset, non inde ejiceret. Sed quia utile proposito tuo fore prospexit, bene sicut Abraham a Chaldeis, et tanquam Loth te abstraxit a Sodomis. Denique errorem meum ipse fateor, ne communem matrem sæpe allocutum, nosse cupiens si vellet reverti ad patriam; illa autem, quæ se noverat Dei voluntate causa inde salutis exiisse, sub divina obtestatione dicebat, nec velle se videre, nec unquam visuram illam patriam esse, et cum magnis dicebat fletibus : Peregrinatio me Deum fecit agnoscere, peregrina moriar; et ibi sepulcrum habeam, ubi Dei cognitionem accepi. Teste Jesu hoc in ejus experiisse desideriis memor sum, ut etiamsi diu viveret, patriam illam non reviseret. Tu, quæso, cave, soror Florentina, quod mater timuit, et malum quod illa experta fuit, tu prudenter evita. Miserum me doleo, qui ibidem communem fratrem transmisi Fulgentium, cujus pericula jugi formidine pertimesco. Tumor tamen erit, si tu securior et absens pro illo oraveris, Ea inde ætate abstracta es, ut vel si ibidem nata fueris, non memineris. Nulla est recordatio quæ moveat desideriis animam; et beata es, quæ ignoras quod doleas. Ego tamen expertus loquor, sic perdisse statum et speciem illam patriam, ut nec liber quisquam in ea supersit, nec terra ipsa solita sit ubertate fecunda, et non sine Dei judicio. Terra enim cui cives erepti sunt, et concessi extraneo, mox ut dignitatem perdidit, caruit et fecunditate. Vide, soror Florentina, quod te pavens mœrensque conveniam, ne te serpens præripiat a paradiso, et in eam ponat terram quæ spinas et tribulos germinat, de qua rursum si velis manum extendere, et lignum vitæ edendum assumere, non permittatis attingere. Testor enim te cum Propheta, et conscio Jesu Christo admoneo, dicens : *Audi, filia, et vide : et inclina aurem tuam; et obliviscere populum tuum, et domum patris tui, quia concupivit Rex speciem tuam, et ipse est Dominus Deus tuus* (Psalm. xliiv). *Nemo mittens manum suam in aratrum, et respiciens retro, aptus est regno Dei* (Luc. ix). Noli ab eo avolare nido, quod invenit turtur, ubi reponat pullos suos (Psalm. lxxxiii). Simplicitatis filia es, quæ turture matre nata es. In eadem una persona complurium necessitudinem uteris officio. Turturem pro matre respice. Turturem pro magistra attende, et quæ te Christo quotidie affectibus generat, chariorem qua nata es reputa matrem : ab omni procella, ab omni mundano turbine in ejus te sinibus conde. Sit tibi suave ejus lateri adhærere. Sit tibi dulce ejus gremium jam provectæ, quod erat infanti gratissimum. Postremo charissimam te germanam quæso, ut mei orando memineris, nec junioris fratris Isidori obliviscaris : quem quia sub Dei tuitione, et tribus germanis superstitionibus parentes reliquerunt communes, læti, et de ejus nihil formidantes infantia, ad Dominum commearunt. Quem cum ego ut vere filium habeam, nec temporale aliquid ejus charitati præponam, atque in ejus pronus dilectione recumbam tanto eum charius dilige, tantoque Jesum exora pro illo, quanto nosti eum a parentibus terrenis fuisse dile-

. Certus sum quod flectat pro nobis aures divinae virginis oratio. Et si pactum quod cum te pepigisti servaveris, bene agenti tibi debetur corona, et exhortanti Leandro praestabitur venia; et si perseveraveris usque in finem, salva eris. Amen.

BEATORUM LEANDRI, ISIDORI ET FLORENTINAE EPITAPHIUM.

hæc alma gerit sanctorum corpora fratrum,
dri Isidorique piorum ex ordine vatum.
a Florentina soror devota perennis.
sita amorum consors sic digna quiescit.
rus medio disjungit membra duorum.
ales fuerint libris inquirito, lector,
gnosce illos bene cuncta fuisse locutos,

Dogmate sanctorum cernens crevisse fideles
Æterno Domino, quos impia jura tenebant.
Utque viros credas sublimes vivere semper
Aspiciens sursum pictos contende videre.
Obiit felicis memoriæ Leander episcopus die III Kalend. Martias, æra DCXLI.

SANCTI LEANDRI, HISPALENSIS EPISCOPI, HOMILIA IN LAUDEM ECCLESIAE,

Ob conversionem gentis, post concilium et confirmationem canonum edita.

(Mansi Concil. Collect.)

stivitatem hanc omnium esse solemniores festi-
atem, novitas ipsa significat. Quoniam sicut
est conversio tantarum plebium causa, et no-
a sunt solito Ecclesiae gaudia : nam multas
mitates per anni discursum celebrat Ecclesia,
ibus tametsi habet gaudia consueta, nova vero
in hac non habet. Aliter enim gaudet de rebus
er possessis, aliter de lucris magnis his nuper
tis. Pro qua re et nos majoribus gaudiis eleva-
quia repente novos Ecclesiam parturisse popu-
tuemur; et quorum asperitatem quondam ge-
mus, de eorum nunc gaudemus credulitate.
materia gaudii nostri tribulationis præteritæ
io fuit. Gemebamus dum gravaremur, dum
baremur; sed gemitus illi id egerunt, ut hi,
ær infidelitatem nobis erant sarcina, fierent
aper suam conversionem corona. Hoc enim gra-
ve profert in Psalmis Ecclesia dicens : *In tri-
bulatione dilatasti me* (Psal. iv); et Sara dum sæpe a
us concupiscitur, nec maculam pudicitiae sentit,
raham causa pulchritudinis suae divitem facit
(Gen. xx); ab ipsis enim regibus Abraham ditatur,
bus Sara concupiscitur. Condigne ergo Ecclesia
lica gentes, quas simul senserit fidei suae de-
ad sui eas sponsi, hoc est, Christi lucra trans-
et per ea regna suum virum divitem reddit,
iæ se inquietari persenserit; sic enim dum ex
laccssitur, vel invidentium dentibus mordetur.
premitur, eruditur; et dum insectatur, dilata-
tionem patientia sua æmulatores suos aut supe-
it lucratur. Dicit enim ad eam divinus sermo :
: *filiæ congregaverunt divitias, tu autem super-
es universas* (Prov. xxxi). Si non mirum quod
es filiæ dicuntur, sed attendendum quod loco-
rum ponuntur : filiæ sunt, eo quod ex semine
iano generantur; spinæ sunt, eo quod foris a

Dei paradiso, hoc est, extra catholicam Ecclesiam
nutriuntur; et hoc non lectura [conjectura] sensus
nostri, sed Scripturæ divinæ auctoritate probatur,
dicente Salomone : *Sicut lilium inter spinas, sic
amica mea inter filias* (Cant. xi). Ergo ne magnum
vobis videretur quod hæreses direxit filias, continuo
eas numerat [nominat] esse spinas; hæreses, inquam,
aut in aliquem angulum mundi, aut in unam gentem
inveniuntur versari. Ecclesia vero catholica, sicut
per totum mundum tenditur ita, et omnium gentium
societate constituitur. Recte ergo hæreses in caver-
nis, quibus latent, congregant ex parte divitias :
Ecclesia autem catholica in speculo [specula] totius
mundi locupleta supergreditur universi. Exsulta
ergo, et lætare, Ecclesia Dei, gaude, et consurge
unum corpus Christi, induere fortitudine, et júbila
exultatione; quoniam tui mœrores in gaudium sunt
mutati, tristitiæ hâbitum in amictum lætitiæ versum
est. Ecce repente oblita sterilitatis et paupertatis tuæ,
uno partu populos innumeros genuisti Christo tuo.
Nam dispendiis tuis proficis, tuoque damno subcre-
scis : tantus denique est sponsus tuus, cujus imperio
regeris, ut dum te patiatür deprædari ad modicum,
rursum prædam tuam ad te reducat, et hostes tuos
tibi conquirit. Sic autem agricola, sic piscator, dum
lucra attendit futura, quæ seminat, et quæ amodo
incesserit, non imputat damna. Tu proinde jam ne
fleas, ne lugeas, temporaliter quosdam recessisse a
te, quos cernis cum magnis lucris rediisse ad te.
Exsulta ergo fidei confidentia, et tui capitis merito,
fide esto robusta; dum quæ recolis olim repromissa,
nunc cernis fuisse completa. Ait enim in Evangelio
ipsa Veritas : *Oportebat Christum mori pro gente, et
non tantum pro gente, sed ut filios Dei, qui erant di-
persi, congregaret in unum* (Joan. xi). Tu profecto in
Psalmis proclamas, odientibus pacem dicens : *Ma-*

nificate Dominum mecum, et exaltemus nomen ejus in unum (Psal. xxxiii); et rursum : In conveniendo populos in unum, et regna, ut serviant Domino (Psal. ci).

Quam dulcis sit charitas, quam delectabilis unitas non nesciens per prophetica vaticinia, per evangelica oracula, per apostolica documenta, non nisi connexionem gentium prædicas, non nisi unitatem populorum suspiras, non nisi pacis, et charitatis bona disseminas. Lætare ergo in Domino, eo quod non sis fraudata desiderio tuo; nam quos tanto tempore, gemitu teste, et oratione continua concepisti, nunc post glaciem, post hiemem, post durtiam frigoris, post austeritatem nivis, velut jucunditatem agrorum, frugem, et lætos verni flores [Forte, veris, aut temporis verni], vel ariditatem vinearum stipitibus palmis, repente in gaudio peperisti, Ergo, fratres, tota charitate animi exsultemus in Domino, et jubilemus Deo salutaris nostro. Hoc de cætero per ea quæ jam sublata sunt, ea quæ adhuc expectantur implenda vera esse credamus. Quæ enim præfata sunt, Domino dicente : *Alias oves habeo, quæ non sunt ex hoc ovili, et illas oportet me [ad me] adducere, ut sit unus grex, et unus pastor* (Joan. x), ecce contuemur fuisse completa. Pro qua re non dubitemus totum mundum posse in Christo credere, atque ad unam ecclesiam convenire. Quoniam rursus ipso testificante didicimus in Evangelio : *Et prædicabitur (inquit) hoc Evangelium regni in universo orbe, in testimonium omnibus gentibus; et tunc (inquit) veniet consummatio* (Matth. xxiv). Si ergo remansit pars aliqua mundi, vel gens barbara, quam fides non irradiaverit Christi, profecto credituram, atque in unam Ecclesiam esse venturam nullo modo dubitemus, si ea quæ Dominus dixit vera esse putamus. Ergo, fratres, reposita est loco malignitatis bonitas, et errori occurrit veritas : ut quia superbia linguarum diversitate ab unionem gentes separaverat, eas rursus gremio germinatis colligeret charitas; et quemadmodum unus possessor est totius mundi Dominus, ita ut [ita, et] possessionis ejus esset unum cor, et animus unus : *Pete a me (ait) et dabo tibi gentes hæreditatem tuam, et possessionem tuam terminos terræ* (Psal. ii); propterea et ex uno homine propagatum est omne hominum genus, ut qui ex uno illo procederent unum saperent, unitatem quærerent et diligerent. Ordo ergo naturalis exposcit ut qui ex uno homine trahunt originem, mutuam teneant charitatem : nec dissentiant a fidei veritate, qui non disjunguntur naturali propagine. Hæreses vero, et divisiones e fonte manant vitiorum; unde quisquis ad lenitatem venit, ex vitio ad naturam redit : quia sicut naturæ est fieri ex pluribus unitatem [Forte, ad unitatem], sic est vitii, fraternitatis declinare dulcedinem. Erigamur ergo tota mente, in gaudio; ut quia gentes studio decertandi perierant, sibimet in amicitiam Christus unam Ecclesiam procuraret, in qua eas rursus reduceret concordia charitatis. De hac profecto Ecclesia vaticinatur propheta, dicens : *Domus mea domus orationis vocabitur omnibus gentibus* (Isa. ii); et iterum : *Erit (inquit) in*

novissimis diebus præparatus mons domus Domini in vertice montium, et elevabitur super colles, et fluent ad eum omnes gentes, et ibunt populi multi, et dicent : Venite ascendamus ad montem Domini, et ad domum Dei Jacob (Ibid.). Mons enim Christus est, et domus Dei Jacob, una Ecclesia est ejus, ad quam, et gentium concursus, et populorum pronuntiat confluere conventum; de qua rursus in alio loco dicit propheta : *Surge, illuminare Jerusalem, quia venit lumen tuum, et gloria Domini super te orta est; et ambulant (ait) gentes in lumine tuo, et reges in splendore ortus tui. Leva in circuitum oculos tuos, et vide : omnes isti congregati sunt, et venerunt tibi; et ædificabunt (inquit) filii peregrinorum muros tuos, et reges eorum ministrabunt tibi* (Isai. lx). Qui, ut notesceret quæ ventura essent genti, vel populo, quæ ab unius Ecclesiæ communionem recidissent (sic), secutus est : *gens enim, et regnum, quod non servierit tibi, peribit* (Isai. lv). Alio denique loco similiter ait : *Ecce gentem, quam nesciebas vocabis; et gentes, quæ non cognoverunt te, ad te current*. Unus enim est Christus Dominus, cujus est una per totum mundum Ecclesia, sancta possessio; ille igitur caput, et ista corpus, de quibus in principio Genesis dicitur : *Erunt duo in carne una* (Genes. ii); quod apostolus in Christo intelligit et in Ecclesia. Dum ergo ex omnibus gentibus unam vult Christus habere Ecclesiam, quicumque extraneus est ab ea, licet Christi nomine nuncupetur, Christi tamen corporis compage non continetur (Ephes. v). Hæresis enim, quæ respuit catholicæ Ecclesiæ unitatem, eo quod adulterino amore diligit Christum, non uxoris, sed concubinæ obtinet locum. Quoniam revera duos dicit Scriptura esse in carne una; videlicet Christum et ecclesiam, quo locum meretrix nullum invenit tertium. *Una est enim (ait Christus) amica mea, una est sponsa mea, una est genitricis suæ filia* (Cant. vi). De quo item eadem Ecclesia pronuntiat dicens : *Ego dilecto meo; et dilectus meus mihi* (Cant. vii). Quærant nunc hæreses, a quo constuprentur vel cujus sint prostibulum factæ : quoniam ab immaculato toro recesserunt Christi; a quo quanto pretiosam esse novimus copulam charitatis, tanto Deum hac celebritate laudemus : quod gentes, pro quibus sanguis fusus Unigeniti sui, non passus est extra unum ovile diaboli dentibus devorari. Lugeat igitur veterosus prædo suam prædam amisisse, quia impletum videmus quod propheta vaticinante audivimus (Isai. xlix) : *Equidem (inquit) hæc captivitas a forti tollitur [tolletur], et quod ablatum fuerat a robusto, salvatur [salvabitur]*; parietem enim discordiæ, quem fabricaverat diabolus, pax Christi destruxit : et domus, quæ divisione in mutuam certabat cædem, uno jam Christo lapide angulari conjungitur. Dicamus ergo omnes : *Gloria in excelsis Deo, et in terra pax hominibus bonæ voluntatis* (Luc. ii). Nullum enim præmium charitati compensatur. Inde omni gaudio præponitur, quia et charitas facta est, quæ omnium

virtutem obtinet principatum. Superest autem ut **A**stis, Deum precibus adeamus; ut regnum, et gens, unanimiter unum omnes regnum effecti, tam pro quæ Christum glorificavit in terris, glorificetur ab stabilitate regni terreni, quam felicitate regni cele- illo non solum in terris, sed etiam in cælis. Amen.

AUCTORES INCERTI ANNI.

ANTONINUS PLACENTINUS*.

ANTONINI PLACENTINI ITINERARIUM.

(Bolland. Maii tom. II.)

PROLOGUS.

Tornacense ms. titulum hunc præfert : *De locis sanctis quæ perambulavit beatus Antoninus martyr*. Bibliothecæ autem Vaticanæ Codex sub numero 636, cui titulus Bedæ et aliorum, opusculum idem sic inscribit : *Relatio Beati Antonini martyris*. De hoc, inquit Pater Daniel a Virgine Maria in *Vinea Carmeli* num. 1334, Molanus in Martyrologio ad diem 13 Novembris, *Placentiæ Revelatio sancti Antonini martyris*. Sed addiderat notulam, ut significaret festum hoc esse minus principale istius sancti, nec in Usuardo repertum, sed aliunde acceptum. Principale autem festum tam apud antiquos, quam in Romano hodierno notatur die 30 Septembris; ubi Baronius lectorem remittit ad Petrum de Natalibus lib. viii, cap. 133. Cur huc non remisit nos Pater Daniel? Legissemus ibi quod « Sanctus Antoninus martyr... de Placentinis finibus egressus, per orientales provincias pertransivit, et multa miracula fecit, demum ab infidelibus tentus, et capite cæsus glorioso martyrio coronatus est? » Sed ista legentes, etiam legissemus, quod iste « sanctus Antoninus fuit ex sacra legione Thebæorum, et socius beati Mauritii martyris. » Hoc autem indicare lectori, erat evertere totam auctoritatem ejus scripti, cui summa fides postulabatur. Fieri enim non poterat, ut idem sub Diocletiano ac Maximiano imperatoribus militasset, duce sancto Mauritio, cujus martyrium anno 297 ascribit Baronius; et ea omnia reperisset in Terra Sancta, quæ hic narrantur, quæque non nisi sub Constantino Magno cœperunt innotescere; ut de Justiniano nihil dicam, cujus hic mentio fit aliquoties, et cujus imperium cœpit anno 527. Ego ut neminem hic accuso, sic nec puto mihi sequendum exemplum tale; et Leonis Allatii judicium laudo, qui Vaticanæ Bibliothecæ monumenta omnia notissima habens, alia quidem inde excerpsit Symmictis suis adjungenda; sed Itinerarium S. Antonini martyris nomen præferens, luce publica indignum censuit. Sic autem censuit, non tantum quia tempori non suo ascriptum, sed quia ipsum inveniebat, præ aliis similis argumenti Latinis scriptis, refertum fabellis plane anilibus, quas nobis satis erit asterisco * notare, ut animum advertat lector. Iis porro, qui paulo notiores habent locorum situm, quique alias legerunt itinera sacra atque profana, considerandum relinquo, utrum in hac relatione inveniri possit verisimilis ratio itineris alicujus; ubi nihil ordinatum digestumque, ex more eorum qui prudenter et certo ductu peregrinantur; sed confusa omnia, velut si per somnium res agatur in mente, non autem corporeo motu super terram. *Antonini Placentini Itinerarium* simpliciter vocavi, ut neque errorem evidentem secutus videar, si scripsero *Martyrem*; neque prorsus a jam nota appellatione recedam, si omisso nomine *Antonini* vocavero *Anonymi Itinerarium*; respectu auctoris nomen suum non exprimentis. Nunc ipsum lege, et adnotationes sub textu appositas. Ut vero etiam discernere valeas ea loca, quæ hinc excerpta nobis obijciuntur, tanquam luculenta prætensæ antiquitatis documenta, placuit illa Italico caractere repræsentare.

* Martyr sæculo vi; sub cujus nomine incerta fide fertur, *Itinerarium de locis Terræ Sanctæ quæ perambulavit*, præmissum a Papebrochio Actis Sanctorum, tomo II Maii, Antwerpæ 1680, in-fol., atque editum primum a Claudio Menardo. Andegavi sive Juliomagi 1640, in-4°.

ITINERARIUM.

(Ex ms. Codice Tornacensi.)

1. *Procedente beato Antonino martyre una cum collegis^a suis, ex eo quod civitatem Placentiam egressus est, in quibus locis peregrinatus est, ire vestigia Christi sequentes, et miracula sanctorum prophetarum pervidere cœperunt.* Ita exeuntibus nobis de Constantinopoli pervenimus Cyprum^b in civitatem Constantiam, in qua requiescit sanctus Epiphanius : civitas pulchra, deliciosa, ornata palmis dactylorum. Deinde venimus partibus Syriæ, in insulam Santaricus^c ad Tyrum. *Tunc venimus Tholomaidam civitatem : millia sex in castra Samaritanorum^d milliario a Sugamia sub monte Carmelo. Super ipsa castra milliario semis, monasterium Elisæi prophetæ, ubi occurrit mulier, cujus filium suscitavit, in monte Carmelo.* Ibi que est petra modica rotunda^e : quando exagitur sonat, quia solida est. Talis autem petræ illius [Supple virtus], ut si suspensa fuerit mulieri vel alicui animali, jactum^e nunquam faciet : et a civitate vi aut vii millia personat.

2. De Tholomaida maritima venimus in fines Galilææ, in civitatem quæ vocatur Neocæsarea^f : in qua adoravimus amulam et canistellum sanctæ Mariæ : in quo loco erat cathedra ubi sedebat quando ad eam angelus veniebat. Deinde millia tria venimus in Cana, ubi Dominus fuit ad nuptias : et accubimus in ipso accubitu, ubi ego indignus parentum meorum nomina scripsi. Ex quibus hydriæ duæ ibi sunt. Implevi aqua unam^g, et protuli ex ea vinum : et in humero plenam levavi, et obtuli ad altare, et ipso in fonte lavavimus pro benedictione.

^a Ms. Tornacense, *collega suo* ; sed patet ex contextu num. 7 plures a scriptore induci socios itineris, ideo Ms. Vaticanum sequi hic malui.

^b Scivitis hic scriptor Constantinopolim et Cyprum pari intervallo distare ab Italia : et in Syriam quidem recta ituris præternavigandam Cyprum ; Constantinopolim vero illis non magis necessariam esse quam Bruxellæ sint ei qui Antuerpiæ moratur, ut Gandavo Brugas perveniat ?

^c Nullam ad Tyrum insulam norunt geographi, ac ne alibi quidem, quæ vocetur *Santericus* vel simili aliquo nomine.

^d Castra Samaritanorum æque ignotæ appellationis sunt. Sunam autem, hic Sugamia, unde mulier Sunamitis x milliaria horaria ut minimum distat Ptolemaide, nec modice abest a monte Carmelo, saltem ea parte qua prophetæ creduntur habitasse.

^e Nescio an jactus nomine aborsum intelligat : modicam concipi oportet, quæ suspendatur mulieri vel animali : sed causa portentosi sonitus reddi, quia solida est, tam est incongruum, quam si dicatur facile gestari, quia gravis : nam ut sonum reddat petra, cavam esse convenit, non solidam.

^f Neocæsarea Galilææ nulla est, sed in extrema Syriæ parte ad radices Tauri montis una, a finibus Galilææ plus quam c milliariis distans, sed nec Cæsaream Philippi, ad Jordanem sitam in Galilæa, cogitare hic congrue possumus ; distat enim a Ptolemaide triplo longius quam Cana, ad quam tamen ducere hic supponitur.

^g Colitur sanctus Leontius celeberrimus martyr, Tripoli in Syria passus 18 Junii. Hinc facile est nomen urbis, quod exciderat, supplere ; non item fa-

3. Et inde venimus in partes Syriæ [et civitatem Tripolim], ubi requiescit sanctus Leontius^g ; quæ quidem civitas tempore Justiniani imperatoris subversa est a terræmotu^h cum aliis civitatibus. Venimus inde Vibulumⁱ, quæ et ipsa civitas cum hominibus subversa est ; post in civitatem Tani, quæ et ipsa subversa est. Deinde venimus in civitatem splendidissimam Berytho, in qua nuper fuit studium litterarum^j, quæ civitas subversa fuit, dicente nobis episcopo civitatis, [quia cognitæ fuerunt personæ exceptis peregrinis, quæ ibi perierant. Ipsa civitas posita est sub montana Libani.

4. A Berytho venimus Sidonem, quæ ex parte ruit et ipsa adhæret Libano. Homines in ea pessimi. Illic currit fluvius Asclepius^k : et fons, unde surgit, stat. *De Sidone venimus Sareptam : quæ civitas modica et valde Christiana est : in qua est cœnaculum illud quod factum fuerat Eliæ, et lectus ubi recubuit, et altus marmoreus ubi vidua illa fermentavit : in quo loco multa offeruntur et multæ virtutes sunt.* Exeuntes de Sarepta venimus in civitatem Tyrum. A Tyro usque ad Sareptam continue millia vii^l. Tyrus civitas homines habet potentes, vita pessima, tanta luxuria, quod dici non potest ; gynæcea publica, holosericum, et diversa genera telarum.

5. At vero de Tyro venimus in civitatem Nazareth, in qua sunt multæ virtutes. Ibi et pendet tomus in quo Dominus A B C^m habuit impositumⁿ : in qua est synagoga posita, et trabs ubi cum aliis se-

cile divinare quid scriptorem moverit, ut a Cana Galilææ, unde porro versus mare Galilææ et loca Christi prædicatione ac miraculis illustra ascendere mos ferebat peregrinorum, vel ad Nazareth ac montem Thabor deflectere ; non, inquam, apparet quid eum moverit ut a Cana flectat narrationem in Boream milliariis plus quam xxx, ad perlustrandam Pheniciæ maritimam, a Tripoli usque Tyrum, quo primum appulerat.

^h Terræmotus horrendi anno Justiniani 27, Christi 553 meminit Baronius, additque ex Agathia, non solam Constantinopolim fœde concussam, sed et regiones Orientis et civitates solo æquatas, ut inter alias Berythum in Phœnicia.

ⁱ Biblum intelligo, media inter Tripolim et Berythum via ; sed Tanim nullam novi extra Ægyptum, nec reperio quidquam quod huc flectam in tota veteri geographia.

^j Cum *studium litterarum* legis pro *academia*, agnoscis phrasim, credo, vix antiquiorem xisæculo.

^k Nec Asclepium fluvium antiquitas novit : inter Sidonem autem et Tyrum Eleutherus decurrit, ex Libano defluens.

^l Licet Placentinus sit scriptor, qui proinde posset milliaria numerare æstimatione Italica, ut tria æquivalent uni leucæ horariæ, apparet tamen ex toto contextu eum numerare milliaria horaria, sicut etiam faciunt alii rerum in Terra Sancta gestarum scriptores.

^m Quid ergo de Christo Nazarethani quærebant (Joan vii) : *Quomodo hic litteras scit, cum non didicerit ?*

debat infantibus : quæ trabs * a Christianis agitur et sublevatur; Judæi vero eam nullo modo agitare possunt : sed nec permittit se foras tolli. Domus sancta, basilica est; et multa sunt ibi beneficia de vestimentis ejus. In civitate vero tanta est gratia mulierum Hæbræarum, ut intra illam inter Hæbræas pulchriores non inveniantur : et hoc * a sancta Maria sibi concessum dicunt (nam et parentem suam dicunt eam), et dum nulla sit charitas Hæbræis erga Christianos, illæ sunt omni charitate plenæ. Provincia paradiso similis in tritico, in frugibus similis Ægypto; sed præcellit in vino et oleo et pomis ac melle. Sed et milium extra naturam altum nimis, supra naturam hominis talea grossa *.

6. De Nazareth venimus in montem Thabor: qui mons exit in medio campestri, terra viva, tenens circuitum millia vi, ascensum millia iii, sursum ad i milliarium planum, in quo sunt tres ecclesiæ, dictum est a discipulis : *Fuimus hic tria tabernacula*. In circuitu diversæ civitates quæ in libro Regum leguntur. De Thabor venimus ad mare Tiberiadis, in civitatem quæ alio tempore est appellata Samaria. nunc vero dicitur Neapolis ^b, in qua puteus est ex quo Dominus aquam a muliere Samaritana petiit; et ibi basilica est sancti Joannis Baptistæ; et ipse puteus est ante cancellos altaris; et situla de qua dicitur Dominus bibisse, et multi ægri ibi veniunt et sanantur.

7. Deinde venimus in civitatem Tiberiadem in qua sunt thermæ salsæ. Hic aqua maris illius dulcis est, quod mare circuit millia viii. Deinde venimus in Capharnaum in domum beati Petri, quæ est in basilica. Inde venientes per castra, vel vicos, vel civitates, ad duos fontes venimus, scilicet Jor ^c et Dan, qui in unum effluunt, et vocitur Jordanis. Parvus ingreditur mare, et pertransit totum maris pelagus usque ad litus maris. Revertentes post nos venimus ad locum ubi Jordanis egreditur mare. *Et in ipso loco transivimus Jordanem, et venimus in civitatem quæ vocatur Gaddera ^d quæ et Gabaon dicitur. In ista parte civitatis, milliario iii ab urbe, sunt aquæ calidæ, quæ appellantur thermæ Eliæ, ubi leprosi mundantur. Ibi est xenodochium, delicias de publico habens, et hora*

* Id est hominis proceri; talea autem pro longitudine, vox est accepta ex vernacula Italicorum lingua *taglia*, Francis *taille*.

^b Samaria urbs mediterranea, distat a mari Tiberiadis duplo longius quam ipse mons Thabor: neque hæc, sed vicina civitas Sichar postea dicta est Neapolis. Cum ergo Joannis iv dicitur: *Venit Jesus ad civitatem Samariæ quæ dicitur Sichar*, accipitur Samaria, non pro ipsa civitate, sed pro toto eo territorio, cujus caput erat Samaria.

^c Ut ad hos fontes veniretur, remetienda erat tota fere Galilæa superior, per spatium horarum circiter 20.

^d Gadaram prope lacum Genezareth novi: Gabaon unicum sacræ Litteræ nominant in tribu Benjamin prope Jerusalem, longe a dicto lacu.

* Quinque ut summum horarum iter est Gadara Scythopolim, proinde in tam brevi spatio non potuit quis multas urbes transisse.

vespertina mundantur thermæ. Ante ipsum vero clibanum grande est solium, quod dum impletum fuerit omnia ostia clauduntur: et per ostium mittuntur intus luminaria et incensum; et sedent in isto solio tota nocte: et dum soporati fuerint, videt ille qui mundatus est aliquam ^d visionem: et dum ipsam recitaverit, mundantur thermæ per septem dies. Ibi vero defunctus est collega noster Joannes de Placentia. Ipse fluvijs calidus, qui Gaddera dicitur, descendit torrens et intrat Jordanem, et ex ipso ampliatur Jordanis et major fit.

8. Et tunc descendimus per Galilæam juxta Jordanem, transeuntes multas civitates quæ leguntur; et venimus in civitatem metropolim Galilææ quæ vocatur Scythopolis ^e, in monte posita, ubi sanctus... multas operatus est virtutes. *Deinde descendimus per alia loca Samariæ et Judææ in civitatem Sebastæam ^f, in qua requiescit Elisæus propheta*. Descendentes per campestria, [per] civitates vel vicos Samaritanorum et plateas unde transivimus [vidimus] venientes Judæos post nos cum paleis, vestigia nostra * incendentes, tanta est illorum execratio ^g. Utique Christianis quidem responsum faciunt: at cavent, quod ab illis emere vis, non tangas priusquam pretium des: quod si tetigeris, et non comparaveris ^h mox scandalizabuntur. Nam foris in vico habent cum domo una posita ⁱ quod ipsum faciunt responsum. Nummos de manu tua non accipient, * sed tu in aquam projicies eos; et denuntiant tibi quod [non] ingrediaris. Tu vero noli expuere; si autem expueris, scandalizabuntur. Sero autem purificant se in aqua: et sic ingrediuntur in vicum aut in civitatem.

9. Deinde venimus in locum ubi Dominus de quinque panibus et duobus piscibus quinque hominum millia satiavit, extra mulieres et parvulos: extenta campania, oliveta et palmeta. *Inde venimus ad locum ubi baptizatus est Dominus. In illo loco filii Israel transiverunt Jordanem, et filii prophetarum perdidierunt securim; et ex ipso loco Elias assumptus est in cælum*. Ibiq; mons Hermon ^j modicus, qui legitur in Psalmo. Ad pedes montis ipsius ascendit de fluvio nubes, et hora prima oriente sole Hierosolymam venit * su-

^f Ut Sebastæam; id est Samariam veniatur, nec unus quidem Judææ locus attingendus est: ad hanc autem primum venit, post emensam totam regionem Samaritanorum.

^g Videtur supponere auctor quod totam regionem jam dictam Judæi tenerent, et quidem tam scrupulosi contra Christianos, ut sequitur.

^h Comparare, Italis proprio idiotismo, *emere*, vulgo *comprare*, unde *compra*, emptio.

ⁱ Ædipo eget hic locus. Suspicio indicari forum rerum venalium, extra vicos positum pro Christianis emere volentibus, ubi illis responsum faciant Judæi, ne eorum ingressu immundæ fiant habitationes suæ. Sed quis talia unquam Judæis affinxit?

^j Non ad Jordanem est mons Hermon; sed alius major in Cœlesyria, continuatus cum Libano; alius minor in Galilæa, ad torrentem Cisson, haud longe a Thaboræo monte trans torrentem posito.

per basilicam sanctæ Mariæ ad sanctam Sophiam ^a, quæ fuit prætorium ubi auditus est Dominus. Super his locis descendit ^{*} ros sicut pluvia, et colligunt eum medici; et in ipso coquuntur omnes confectiones per xenodochia: nam multi languores sanantur ibi, ubi cadit ipse ros. Ipse est ros de quo canitur: « *Sicut ros Hermon qui descendit in Sion.* » In ipsa ripa est fons ubi baptizavit sanctus Joannes. Inde usque ad Jordanem millia duo. In ipsa valle inventus est Elias, quando corvus ^b ei deferebat panem et carnem. In circuitu autem vallis ipsius multitudo eremitarum.

10. Et ibi prope est civitas quæ vocatur Salamiada ^c, ubi remanserunt duæ et semis tribus Israel, priusquam transirent Jordanem: in quo loco sunt thermæ ex se lavantes, ^{*} quæ vocantur Thermæ Moysis: ubi etiam leprosi mundantur, et ibi est dulcissimus aquæ fons, cui bibitur pro catarrho, et multos sanat languores. Non longe a mari Salinarum, ad quod Jordanis ingreditur. Subtus est Gomorrha et Sodoma, ad cujus littus bitumen et sulphur colligitur; in quo mari, mense Julio et Augusto et usque ad medium Septembris, tota die jacent leprosi ^{*} et ad vesperum lavantur in ipsis thermis: et aliquoties Dominus, quem vult, mundat: nam in generalitate est aliqua primitia. In quo mari nihil vivificatur, nec ligna ibi natant, nec paleæ, neque homo; sed quicquid ibi projectum fuerit, in profundum demergitur. De Jordane usque ad locum in quo Moyses de corpore exivit, sunt millia viii. Exinde a Segor, in quibus locis sunt multi eremitæ. Vidimus ibi et monumentum Absalon ^d filii David.

11. Venimus (sic) Theophania juxta Jordanem: et ibi fiunt mirabilia, ubi baptizatus est Dominus, in ipsa nocte: et ibi tumulus cancellis circumdatur: et in loco ubi redundat aqua in alveum suum, posita est crux lignea. Itur in aquam ex utraque parte marmoris. In vigilia Theophaniæ grandes fiunt vigilie: populus infinitus; et quarta aut quinta vice gallo cantante fiunt vigilie. Completis matutinis primo diluculo surgentes, procedunt ministri sub divo et diaconi, tenentes sacerdotem. Ter descendit sacerdos in fluvium; et hora qua cœperit benedicere aquam, mox Jordanis ^{*} cum magno rugitu revertitur post se, et stat aqua superior in se usque dum baptismus

^a De sancta Sophia Constantinopolitana forte inaudiverat aliquid scriptor, quod inde Hierosolymam transtulit.

^b Integri diei itinere locus baptismi distat a torrente Carith. Est tamen verisimile satis, ad locum memoria absconditi quondam ibi Eliæ celebrem aliquando habitasse eremitas. An etiam quod Elias, usque adeo tunc abductus a notitia hominum, ut necesse habuerit a corvis pasci, eos ibi collegerit, volens post se relinquere monasticæ vitæ successores, ut dicitur in libro de Instit. monachorum? Credat hoc qui potest credere Græcum esse auctorem, qui in voce Carith mysticam hanc significationem reperit, quod Elias sedit in torrente Carith, qui est contra Jordanem: quia in Carith, id est, in Dei charitate, eum dividente a Jordane, id est a peccatorum descensione, ex tunc semper exstitit.

^c Totam regionem secundum Jordanem, quam longe fluit a suis fontibus usque ad mare Mortuum

A perficitur; inferior vero fugit in mare, dicente Psalmista: *Mare vidit et fugit, Jordanis conversus est retrorsum.* Tunc omnes Alexandrini habent ibi ^{*} naves suas cum hominibus, habentes calathos plenos aromatibus et balsamo: et hora qua benedixerunt fontem antequam incipiant baptizare, fundunt illos calathos in fluvium et tollunt aquam benedictam, et exinde faciunt aquam aspersionis in suis navibus, antequam exeant navigandum. Baptismo completo, omnes in fluvium pro benedictione descendunt, induti sindones; et alias multas sindones [intingunt aquæ], quas sibi ad sepulturas servant. Post hæc omnia perfecta, statim aqua in proprio revertitur alveo: nam unde surgit Jordanis a mare Tiberiadis usque ad mare Sabinarum sunt millia cxxx f.

B 12. In ipsa vero ripa Jordanis est spelunca, in qua sunt septem cellulæ cum septem puellis, ^{*} quæ ibi infantulæ mittuntur: et cum aliqua ex eis mortua fuerit in ipsa cellula sepelitur; et alia cellula inciditur, et alia ibi mittitur puella ut numerus stet; et habent foris qui eis cibaria præparet. In quo loco cum magno timore ingressi sumus ad orationem; nullius ibi faciem vidimus. In ipso loco dicitur esse sudarium quod fuit super caput Jesu. Non multum longe a Jordane, ubi baptizatus est Dominus, est monasterium sancti Joannis valde magnum, in quo sunt xenodochia duo. In ista vero... illa ripa Jordanis invenimus serpentes de quibus theriaca conficitur. Inde venimus ad Jordanem.

C 13. De Jordane usque ad Jericho millia vi. Jericho autem in oculis hominum ita videtur esse ut paradisus, a terræmotu muri diruti; domus Raab restat, et est xenodochium, sed et cubiculum, de quo exploratores deposuit, oratorium est sanctæ Mariæ. Lapides vero illi quos levaverunt filii Israel de Jordane, non longe a civitate Jericho positi sunt in basilica post altare; et ante basilicam est campus qui dicitur Ager Domini: ^{*} in quo Dominus manu propria seminavit, ferens satum tritici tria modia qui et colligitur, et nunquam seritur, sed ex se profert semen. Colligitur a mense Februario, et inde communicatur in Pascha. Cum collectum fuerit, aratur, et iterum cum reliquis messibus colligitur.

14. At vero fons aquæ quem indulcavit Elisæus occupaverunt tribus Ruben et Gad cum dimidia tribu Manasse, sed nusquam leguntur invenisse civitatem Salamiada: verum Antonini imperatoris Itinerarium Salamiadam habet procul inde, inter Ocoram et Emissam Cœlesyriæ urbes.

^d Econtra ex lib. II Regum, cap 18, scimus pugnam inter exercitus David et Absalon commissam esse in saltu Ephraim in Galaaditide, haud longe a mari Tiberiadis, ibique occisum, et sub acervo lapidum sepultum Absalonem esse.

^e Diceret mare Mediterraneum, per quod Alexandrini navigantes stationem capiunt in aliquo Palestinæ portu, puta Joppe, confundi a scriptore cum mari Mortuo, nullam cum altero communicationem habente; adeo ut impossibile sit Alexandrinorum naves ascendere ad locum baptismi dominici.

^f Abundat hic numerus centenarius, nam xxx sufficere reipsa patet.

propheta, irrigat omnem Jericho, ubi nascitur vinum potens quod febricitantibus datur. Ibi nascitur dactylum ^a de libra : ex quibus mecum adduxi in provinciam, et dedi unum domino Paterio Tributio patricio. Ibi nascitur cedrus de cubitis quadraginta, et virga fasioli duos pedes longa. Ibi est vitis unde in Ascensione Domini plenæ cistæ racemis in monte Oliveti venales, et in die Pentecoste mixtim exinde plena calatha proponuntur.

15. Exeuntes de Jericho venimus contra Hierosolymam. Non longe a Jericho est illa arbor ubi Zachæus ascendit ut videret Dominum : quæ arbor infra oratorium inclusa est, et per tectum desuper sicca videtur. Igitur exeuntes de Jericho, venimus contra occidentalem ^b in sinistra manu : et intravimus villas Sodomæ et Gomorrhæ : super quam provinciam semper ascendit nubes cum odore sulphureo. Quod dicunt homines de uxore Loth, et quod lingendo ab animalibus minuatur, mendacium est : sed stat in statu suo in quo fuit.

16. Ascendentes de montanis Hierosolymorum Barrideum ^c, indeque revertentes ad sinistram ad oppida montis Oliveti, venimus in Bethaniam ad monumentum Lazari, respicientes valles illas et perambulantes monasteria multa et mirabiliorum loca, vidimus clausam multitudinem in monte virorum et mulierum. *Et rursum in monte unde Dominus ascendit ad Patrem, ubi et judicare venit, vidimus monasteria copiosa et cellulam ubi inclusa fuit vel jacet in corpore sancta Pelagia*, et in ipso monte jacet Jacobus Zebedæi, et Cleophas et multa sanctorum corpora.

17. Descendentes de monte Oliveti venimus in villam Gethzemani, in loco ubi traditus est Dominus : in quo sunt tria accubita, in quibus ille accubuit, et nos pro benedictione accubuimus : et in ipsa est domus sanctæ Mariæ, de qua eam dicunt ad cælos fuisse sublatam. Et in ipsa valle Gethzemani ibidem vocatur vallis Josaphat. In dextera portæ est olivetum et ficulnea in qua se Judas laqueo suspendit, hoc est ad portam Jerusalem, cujus talea stat munita perticis. Portam civitatis (quæ cohæret portæ Speciosæ, quæ fuit templi, cujus liminare et tabulatio stat) inclinanter proni in terram ingressi sumus in sanctam civitatem, in qua adoravimus Domini monumentum.

18. Ipsum monumentum, in quo corpus Domini positum fuit, in naturalem excisum est petram. Lucernæ hydria quæ illo tempore ad caput ejus posita fuerat, ibidem ardet diu noctuque : ex qua benedictionem tulimus, et recomposuimus eam. In quo monumento de foris mittitur terra, et ingredientibus benedictionem tollunt. Lapis vero unde clausum fuit monumentum ipsum, est ante illud monumen-

tum. Color vero petræ, quæ excisa est de Golgotha non dignoscitur : nam petra ipsa ornata est auro et gemmis ; et postmodum de ipsa petra factum est altare, in loco ubi crucifixus est Dominus. Petra vero monumenti velut molaris est, et infinite ornata : virgis ferreis pendent brachialia, dextrocheria, murenæ, monilia, annuli capitulares, cingella, baltei, coronæ, imperium ex auro vel gemmis, et ornamenta plurima. Et ipsum monumentum in modum ecclesiæ coopertum ex argento : et ante monumentum altare positum.

19. A monumento usque Golgotha sunt gressus octoginta. Ab una parte ascenditur per gradus, unde Dominus ascendit ad crucifigendum. Nam in loco ubi fuit crucifixus, apparet cruor sanguinis. Et in ipso latere petræ est altare patriarchæ Abraham, in quo ibat offerre Isaac, quando tentavit eum Dominus. Ibi et Melchisedech obtulit sacrificium Abraham ; quando revertebatur cum victoria a cæde ^d Amelech. Tunc ibidem dedit ei Abraham omnem decimationem in hostias. Juxta ipsum altare est crypta, ubi ponis aurem, et audis flumina aquarum ; et jactas ^e pomum aut aliud quod natare potest, et vadis ad Siloa fontem, ubi illud recipies. Intra Siloa et Golgotha credo est milliarium : nam Hierosolyma aquam vivam non habet, præter in Siloa fonte.

20. De Golgotha usque ubi inventa est crux sunt gressus L. In basilica Constantini cohærente circa monumentum vel Golgotha, in atrio ipsius basilicæ, est cubiculum ubi lignum crucis reconditum est ; quam adoravimus et osculavimus. Nam et titulum, qui super caput ejus positus fuerat, in quo scriptum est *Jesus Nazarenus Rex Judæorum*, tenui in manu et osculatus sum. Lignum crucis de nuce est : procedente vero sancta cruce de cubiculo suo apparet ^f stella in cælo, et venit super locum ubi crux residet, et dum adoratur crux, stat super eam stella. Et affertur oleum ad benedicendum ampullis onychinis. Hora vero qua tetigerit lignum crucis ampullas ^g, mox ebullit foras. Revertente cruce in locum suum, et stella pariter revertitur, et post reclusam crucem non apparet stella. Etiam ibi est canna et spongia de quibus legitur in Evangelio, cum qua spongia aquam bibimus : et calix onychinus quem benedixit Dominus in cœna, et aliæ multæ virtutes. Species beatæ Mariæ in superiori loco, et zona ipsius, et ligamentum quo in capite utebatur : et ibi sunt septem cathedræ marmoræ seniorum.

21. Inde ascendimus in turrim David, ubi decantavit Psalterium. Magna est valde : in singulis cœnaculis, quæ quadrangula, turris est ; et opus sculptum, non habens tectum, in qua Christiani pro devotione ascendunt ad mansionem ; et circa medium noctis spatium surgentes, audiunt voces ^h murmu-

Sanctæ scriptoribus.

^d Abraham non percussit Amalec, sed Saul : victoria autem a qua revertebatur Abraham relata fuit de quinque regibus qui victo rege Sodomorum et sociis ejus nepotem Loth captivum ducebant.

^a Si sensus est dactylos qui ibi nascuntur unius libræ singulos esse, cæteris fabellis eos annumeres licet.

^b Imo ad meridionalem plagam respectu Jericho sitæ fuerunt Sodoma et Gomorrha.

^c Barrideum, nomen hactenus ignotum Terræ

rantium deorsum in valle Josaphat, ad loca quæ respiciunt contra Sodomam et Gomorrhæm.

22. Deinde venimus in basilicam Sion, ubi sunt mirabilia multa : inter quæ est quod legitur de lapide angulari, qui reprobatus est ab ædificantibus. Domino enim ingrediente in ipsam ecclesiam, quæ fuit domus sancti Jacobi, invenit lapidem * deformem, in medio jacentem; tenuitque eum, et posuit in angulo. Quem tenens levavit et ponit aurem in ipso angulo *, et sonat in auribus tuis quasi murmuratio multorum hominum. In ipsa Ecclesia est columna, in qua tale est signum, ut dum eam quidam amplexus fuisset, in ipsa ei pectus adhæsit et apparent in ea palmæ et digiti; ita ut inde per singulos languores tollatur, et qui circa collum habent, sanantur. In ipsa columna est cornu illud de quo reges ungebantur, unde et David in regno unctus est. Ibi est corona spinea de qua Dominus coronatus est, et lancea de qua in latere percussus est, et lapides multi, cum quibus fuit lapidatus Stephanus. Ibi columna in qua posita fuit crux beati Petri, ubi crucifixus est Romæ; ibi et calix in quo post resurrectionem Domini missas celebrarunt apostoli; et multa alia mirabilia quæ non recolo. Ibi est monasterium puellarum : et ibi vidi testam hominis inclusam in loculo aureo ornato gemmis : quam dicunt esse caput martyris Theodotæ * in qua multi aquam pro benedictione bibunt, et ego bibi.

23. De Sion usque basilicam sanctæ Mariæ, ibi est congregatio magna monachorum ac mulierum mensæ innumerabiles, lecta languentium plus quinque millia*, ad minus tria. Et oravimus in prætorio ubi auditus est Dominus; et in eo basilica sanctæ Sophiæ. Ante ruinas templi Salomonis sub platea aqua decurrit a fonte Siloe. Secus porticum Salomonis in ipsa basilica est sedes in qua sedit Pilatus, quando audivit Dominum. Petra est quadrangula in qua reus levabatur, ut ab omnibus audiretur et videretur. In ea levatus est Dominus, quando auditus est a Pilato, ibique illius remansit imago, pedem habens modicum, pulchrum, subtilem. Natura communis, pulchra facies, capillo subannulato, manus formosa, digiti longi, quantum imago designat, quæ illo vivente et pedibus ambulante * picta est, et posita in ipso prætorio. Etiam de ipsa petra multæ fiunt virtutes : tol-
D lentes mensuram de ipso vestigio, ligant per singulos languores et sanantur. Et ipsa porta ornata est ex auro et argento.

24. Inde venimus ad aram ubi fuit antiquitus porta civitatis : in ipso loco sunt aquæ putridæ, in quas missus est Jeremias propheta. Ab arcu illo descendunt nobis ad fontem Siloa per gradus multos,

* Variæ variis diebus Theodotæ martyres coluntur a Græcis, nec facile est divinare utrum harum aliquam vel aliam diversam intelligat auctor.

^b Nullam hoc nomine uxorem habuit Justinianus, nec Theodora, quam habuit, Hierosolymas unquam venit; sed intelligenda esset Eudocia, uxor Theodosii junioris, de cujus in Terra Sancta rebus gestis et ædificiis sacris licebit multa legere apud antiquos;

A est ibi basilica volubilis, de sub qua surgit Siloa, clausura cancellorum; in quibus pro benedictione in uno lavantur viri, in altero vero mulieres : in quibus aquis multa ostenduntur, imo et leprosi mundantur. Et ante atrium est piscina grandis, manu hominum munita, in qua lavatur populus assidue solis certis horis : nam ille fons irrigat aquas multas, quæ descendunt per vallem Josaphat, quæ et Gethzemani, et ingrediuntur in Jordane fluvio, ubi Jordanis deficit in mare Salinarum, subtus Sodomam et Gomorrhæm.

25. Ipse fons Siloa infra civitatem inclusus est, quia Eudoxia ^b uxor Justiniani imperatoris addidit muros in civitate Jerusalem, et ipsa munivit sepulcrum et basilicam beati Stephani, et ipsa suum habet sepulcrum juxta sepulcrum beati Stephani; et infra sepulcrum sunt gressus xxvi, et beatus Stephanus requiescit foris portam sagittæ jactu, unaque modo porta ex nomine ipsius martyris vocatur, et est ad viam quæ respicit ad Occidentem, quæ descendit ad Joppem et Cæsaream Palæstinæ vel Diospolis civitatem, quæ antiquitus dicebatur Azotus *, in qua requiescit sanctus Georgius martyr. In ipsa via, non longe astat columna marmorea, in qua Dominus prius ducebatur ad flagellandum : quæ * fugiens levata est ad nubes, et deposita est in ipso loco; et in tantum verum cognoscitur esse, quia non habet basim ubi debet esse fundata, sed sic stat super terram et agitur. In cujus summitate Crux ferrea posita est. Et rursus per scalam ascenditur, et fiunt ibi luminaria et incensum, et dæmoni-
C acii mundantur : nam et in ipsa provincia est beatus martyr Georgius.

26. Itaque exeuntes ex Siloa fonte, venimus in agrum qui comparatus est pretio sanguinis Domini, qui vocatur Haceldama, id est Ager sanguinis, in quo sepeliuntur omnes peregrini. Et intra ipsa sepulcra sunt cellulæ servorum Dei, ubi fiunt multæ virtutes : et per loca infra ipsa sepulcra sunt vineæ et poma.

27. Revertentes in civitatem, venimus ad piscinam natatoriam, quæ quinque porticus habet, et in una earum est basilica sanctæ Mariæ, ubi multæ fiunt virtutes. Ipsa vero piscina modo jactata est in stercore, et ibi lavantur omnia quæ necessaria sunt. Vidimus et in uno angulo catenam ferream *, cum qua se illaqueavit infelix Judas. Iterum exeuntes ad portam majorem, venimus ad locum in quo requiescit beatus Ysitius ^d : ibique erogantur panes pauperibus, quos deputavit beata Helena.

28. Via quæ ducit ad Bethleem milliario tertio ab Jerusalem, jacet Rachel, uxor Jacob, mater scilicet

uti et hoc, quod mortuo conjuge eodem reversa, sepulta sit in ecclesia sancti Stephani.

^c Ast diversissimæ civitates sunt Diospolis (alias Liddo ac Ramula) et Azotus; hæc enim ad mare sita est in finibus Dan ad meridiem, illa vero in ejusdem tribus finibus Borealibus mediterranea.

^d Neque Ysitiū, neque Hesychium sanctum aliquem novi de quo hic locus possit intelligi.

Joseph et Benjamin, quæ requiescit in finibus Rama. **A** In medio loco in media via aqua surgit, habens quasi sextarios septem, unde omnes complent satietatem bibendi, et nec augetur nec minuitur, et est suavis ad bibendum; et dicunt quod fugiens beata Maria in Ægyptum, sederit ibi cum puero, et sitiens oravit, et continuo aqua emanavit; et ipso loco modo ecclesia constructa est.

29. Inde usque Bethleem milliaria III. Et Bethleem est locus splendidissimus, servi Dei multi. Ibi est spelunca ubi natus est Dominus, et præsepium ex auro et argento ornatum, et jugiter ibi fiunt luminaria, os vero speluncæ angustum. Hieronymus presbyter, in loquendo peritus, in interpretatione clarus, inter cunctos relator conspicuus, in ipsius ore speluncæ petram sculpsit, et ob devotionem Salvatoris ibidem sibi monumentum fecit. Milliario semis de Bethleem in sub urbe David, jacet David: sed et infantes quos occidit Herodes, ipso in loco habent sepulcra, et videntur eorum sancta ossa. *Ante Bethleem est monasterium muro cinctum, in quo multitudo est monachorum.*

30. De Bethleem usque ad ilicem Mambre sunt millia XXIII^a; in quo loco requiescunt Abraham, Isaac, et Jacob, et Sara, et simul ossa Joseph; et basilica ædificata est. In quadriporticu atrium in medio discoopertum; et per medium cancellorum ex uno latere intrant Christiani, ex alio Judæi, facientes incensa multa; nam depositio David et Jacob ^b in terra illa, die primo post Natale Domini devotissime ab omnibus celebratur, ita ut ex omni terra, Judæorum conveniat innumerabilis multitudo, incensa ferentes vel luminaria, et dantes munera ac servientes ibidem. Iterum revertentes in Jerusalem, descendimus per viam quæ vadit ad Gazam et Ascalon millia XX.

31. De Jerusalem venimus in montem Gelboe, ubi occidit David gigantem Goliath, ^c, et ubi mortuus est Saul et filius ejus Jonathas. Jacet ibi Goliath in media via, ligneum habens ad caput acervum, et super eum congeries magna petrarum, ita ut a XX millibus non possis invenire lapidem quem movere possis, quia usus est talis. Quoties quis ibi transit, ternos lapides secum defert, et eos ibi projicit; sed et nos similiter fecimus. In ipsos montes nec ros nec

pluvia descendit, postquam David eos maledixit; et nocturnis horis secreto videntur ibi volvi immundi spiritus, tanquam vellera lanæ vel undæ maris.

32. Deinde viantes ad latus, venimus in civitatem quæ dicitur Heliopolis ^d, in loco ubi Sampson fortissimus cum maxilla asini mille occidit viros, ea qua maxilla ipso orante aqua profluxit, qui fons usque in hodiernum diem loca illa irrigat: nam in loco ubi surgit, fuimus. Deinde venimus inter templum et altare ubi occisus est Zacharias, et ubi requiescit. Inde venimus ad locum ubi Isaias propheta de lignea serra secatus est. Et ipse jacet ibi sub quercu Rogel juxta aquarum decursum; et ipsa serra pro testimonio posita est ad sanctum Zachariam. Et inde venimus ad locum ubi Abacuc propheta prandium **B** ferebat messoribus, quando cum angelus per verticem tenens, duxit in locum ubi Daniel inter leones orabat. Et ibi surgit fons ubi Philippus baptizavit Eunuchum. In ipsis sunt putei quos foderunt Abraham et Isaac, et appellarunt Calumniam.

33. Inde ingressi sumus Ascalon. Ibidem est puteus Pacis, in modum theatri factus, in quo usque ad aquam descenditur per gradus; ubi requiescunt tres fratres martyres ^e. Propria quidem habent nomina, sed vulgariter Ægyptii vocantur. Milliario a civitate, Herapia est, civitas Maxoni Ascalonitæ. Inde venimus in civitatem Axomates, in qua requiescit sanctus Victor martyr ^f. De Mazona venimus usque Gazam milliarium: Gaza autem civitas splendida, deliciosa, homines honestissimi, omni liberalitate decori, amatores peregrinorum. Inde milliario secundo requiescit sanctus Hilarion ^g.

34. Inde venimus in civitatem Dunaal ^h, in caput eremi quæ vadit ad Sina montem: in qua ex relatione episcopi ipsius civitatis, unum audivimus miraculum, quod silere non oportet. Puella quædam nobilissima nomine Maria, cum nupta fuisset, ipsa nocte nuptus sui mortuus est sponsus ejus; ipsaque hanc rem patienter portavit, et infra septimanam omnia sua distribuit pauperibus. Celebrato die septimo, nocte ipsa veste sponsi sublata, inventa non est: de qua dictum est nobis quia esset in eremo trans Jordanem, inter calameta vel palmeta ante nos in finibus Segor, in mari Salinarum: in quibus **D** locis invenimus monasteria XV vel XVIII puellarum,

^a Expunctis XX, sufficere reliquias III.

^b De David ex Menæis constat. Jacob una cum cæteris progenitoribus Christi festum habet Dominica ante Natalem Domini, sicut ad Ephemerides Græcomoscas docui.

^c Lib. I Regum, cap. XVII, Goliathi cædem describit, factam in valle Terebinthi, ubi castrametatus erat Saul contra Philistæos, habentes castra sua inter Sochet Judæ et Azeca in Finibus Dommim, quæ omnia loca sunt media via inter Jerusalem et Joppe, a montibus Gelboe, procul inde ad Euroboream sitis, plus quam XX leucis.

^d A valle Terebinthi usque ad civitatem solis, cui propinquus est fons Sampsonis, X circiter leucæ extenduntur versus meridiem, et hinc cætera satis commode sequuntur, nisi quod iterum auctor recurat Hierosolymam, propter Zachariam et Isaiam.

^e Menæa ad 6 Aprilis meminerunt duorum martyrum Ascalone passorum, post factam memoriam sanctæ Platonidis, quam Baronius in hodierno Romano pro viro accipiens, duobus Ascalonitis martyribus junxit.

^f Neque Victorem martyrem, qui huc spectare possit, ullum novi; neque Herapiam, Axomatem, Mazonam civitates; nisi forte ultima est Majuma, quæ Gazæ emporium nominatur a sancto Hieronymo in Vita Hilarionis.

^g Sancti Hilarionis monasterium septimo a Majuma milliario, id est duabus ac semileucis, idem Hieronymus constituit, cui certior fides adhibenda.

^h Dunaal urbs, et quidem episcopalis, in tota sacra ac profana geographia nulla est; uti nec Eulatia aliqua, ad introitum eremi, capite seq. nominata.

quæ Christiani populabant; quæ habebant asellum qui eis cibaria deferebat, et nutriebant leonem terribilem ad videndum. Cumque appropinquassemus cellulæ, omnia animalia quæ erant nobiscum * a rugitu illius minxerunt, et in terram corruerunt; et dicebatur nobis quod ipsum asellum leo ipse gubernaret in pascuis: quem offerebant nobis pro centum solidis. Sed Pater Antoninus suscipere noluit, sed misit in Jerusalem cito, et adduxit eis ternas tunicas et oleum ad luminaria, et legumina multa. Et ipsæ nobis dixerunt de virtutibus Mariæ, cujus superius mentionem fecimus, quæ ambulaverat in Hierosolyma, sola portans legumina, sportellas plenas et tunicas; quas ei cupiebant auferre; sed nullus eam invenire potuit * attamen de iis quæ secum duxit de eremo nihil reportavit revertens. Cujus afflictionem vel ploratum nulla ratione consolari potuimus; sed tantum sæpius dicebat flens: Væ mihi miseræ! cujus causa me dico Christianam?

35. Proficiscentes de Eulatia introivimus eremum milliario xx, in quo est castrum ubi est xenodochium sancti Gregorii, in quo habent transeuntes vel eremitæ refugium vel stipendia. Inde intrantes interiorerem eremum, venimus ad locum de quo dicitur in psalmo, *Terra fructifera in salsugine* (id est, in amaritudine), *animalia habitantium in ea*. Et ibi vidimus homines rasos, fugientes cum camelis. Nam et in Hierosolyma vidimus homines ex Æthiopia habentes fissas nares * et aures, caligulas calceati, et per digitos in pedes annulos missos. Interrogavimus quare sic, et dixerunt: quia Trajanus b imperator signum hoc nobis reliquit.

36. Ambulantes per eremum dies vi, camelis nobis aquam portantibus, sextarium mane et sextarium vespere dabatur per hominem quotidie: amarescente aqua in utribus per modum fellis, mittebatur in eam * arenam, et dulcorabatur. Familiæ autem Saracenorum et uxores eorum venientes de eremo..... in via sedentes deposita sarcina, petebant panes a transeuntibus; et veniebant viri earum de interiori parte eremi, adducebantque utres cum aqua frigida, et accipiebant sibi panes, et adducebant restes cum radicibus, quarum odor suavissimus super aromata, et dies festos suos celebrabant. Populus autem qui per majorem eremum ingrediebatur ad explorandum D numero xii * millia dc.

37. *Perambulantes eremum octavo die venimus ad montem Domini Horeb; et inde moventes ut ascendere-mus montem Sina, ecce multitudo monachorum eremitarum cum crucibus psallentes obviaverunt nobis, et prostrati in terram adoraverunt: simili modo et nos*

* Nullum commodum sensum ex ultima hujus capitis parte hactenus elicere potui conjectando; nec magni refert, quia talis Maria nusquam inter sanctas nota est.

b Nihil juris Trajano in Æthiopes fuit, neque bellum cum iis: scissæ igitur ejus jussu aures, et nares Æthiopum pro fabula haberi debent.

c Quid si pro Bessa lingua, legas Persam seu Persicam? Nam Bessi, exigui olim in Thracia po-

A fecimus, et lacrymavimus. Tunc introduxerunt nos in vallem inter Horeb et Sina ad cujus montis pedes est fons ubi Moyses adaquabat oves, quando vidit rubum ardentem. Qui fons est inclusus infra monasterium, in quo sunt tres abbates scientes linguas, id est Græcam, Latinam, Syram, Ægyptiacam c et Bessam. Inde venimus ad speluncam ubi absconditus fuit Elias propheta, quando fugit Jezabel mulierem perfidam. Ante ipsam speluncam surgit fons qui irrigat ipsum montem. Inde ascendimus summum cacumen montis, in quo est oratorium modicum, habens longitudinem sex pedum, similiter et latitudinem, in quo manere nullus præsumit; sed orto jam die ascendunt monachi de supradicto monasterio, et celebrant ibi officium: in quo loco pro devotione multi tondent capillos suos et barbam; nam et ego totondi ibi barbam meam.

38. Mons vero Sina petrosus est, raro habet terram, et in circuitu ejus cellulæ multæ servorum Dei similiter et in Horeb, et in parte illius montis habent Saraceni idolum * suum marmoreum positum, candidum tanquam nivem. Ibi et permanet sacerdos eorum ipsorum indutus dalmatica et pallio lineo. Quando venit tempus festivitatis eorum, percurrente luna antequam egrediat a festo ipsorum, incipit marmor illud mutare colorem; et quando cœperunt adorare idolum, fit marmor illud nigrum tanquam pix; completo tempore festivitatis eorum, revertitur iterum in pristinum colorem, unde valde miratus sum.

C 39. Inter Sina et Horeb est vallis in qua certis temporibus ros de cœlo [cadt], quem manna appellant. Et coagulatur, et fit tanquam granum masticis; et habent inde plena dolia, et dant aliis pro benedictione, et nobis dederunt sextarios quinque: ex quo et perditæ bibunt, et nobis dederunt bibere. Nam et in ipsis montibus leo et pardus *, capræ et burdones simul pascunt: et ex eis nullus læditur a leone, propter eremi vastitatem. Et quia jam se complebant dies festi Ismaelitarum, præco exiit ut nullus subsisteret per eremum, per quam ingressi sumus; [sed] alii per Ægyptum, alii per Arabiam revertentur in civitatem sanctam.

40. De monte Sina usque in Arabiæ civitatem quæ vocatur Abela d, sunt mansiones vii; in Abela autem descendentes naves de India cum diversis aromatibus, visum est nobis per Ægyptum reverti. Et venimus in civitatem in qua pugnavit Moyses cum Amalech, ubi est oratorium, cujus altare positum est super lapides illos quos posuerunt Moysse orante. In loco ipso est civitas munita de lateribus, locus sterilis valde propter aquas. Ibi occurrerunt nobis mulie-

pulus, et eo quo hæc composita sunt ævo sub tali nomine non amplius notus, non videntur huc potuisse irrepere per aliquem ipsius auctoris errorem.

d Deberet hæc civitas Abela concipi ad mare Rubrum, haud longe a Meca; sed nec ibi nec alibi in tota Arabia nomen istud apud geographos veteres novosque reperitur; bene autem in Madianitide et ad lacum Genezareth, vel Abila in Coesylia, unde Abilina Tetrarchia nomen sumpsit.

res cum infantibus, palmas in manibus portantes, et ampullas cum rafano oleo, [quæ] prostratæ pedibus nostris ungebant plantas nostras et capita nostra, lingua Ægyptiaca psallentes antiphonam : « Benedicti vos a Domino, et benedictus adventus vester, Hosanna in excelsis. » Ipsa est terra Madian, et ipsi habitantes in ea civitate. Dicitur autem quia ex familia Jethro, soceri Moysis, descendunt LVIII * condomæ, militantes in publico cum uxoribus suis, annonam et vestes accipientes ex Ægypto.

41. De quibus locis venimus Magdalo ^b et Sohot et ad LXX palmas et ad XII fontes ; et applicuimus ibi per duos dies, fatigati per tantum laborem et eremi vastitatem. In quo loco est castellum modicum quod vocatur ^c Surandela, et est infra ipsum castellum ecclesia cum xenodochio propter transeuntes. **B** *Inde venimus ad locum ubi filii Israel transeuntes mare Rubrum castrametati, et ibi similiter castellum cum xenodochio, et in loco quo exierunt de mari est oratorium Eliæ.* Et transeuntes venimus in locum ubi intraverunt in mare, ubi est oratorium Moysis. Ibi est civitas parva quæ appellatur Clysmā ^d, ubi de India naves veniunt. In loco ubi transierunt * fulgur exit de pelago majori et extenditur in multis millibus, quia accessus et recessus aquæ habetur. Recedente mari apparet omnis submersio Pharaonis, et omnia arma in marmora mutata videntur. Ibi accipimus nuces virides, quæ de India venerunt, quas de paradiso credunt homines esse ; et qui ex his gustaverit * sanatur.

42. Intus autem in ipso pelago modica est insula, in qua est petra viva, ubi pendent * molles, ut caruei, in modum dactylorum, qui fundunt unguentum quod oleum petrinum vocant, quod pro maxima benedictione tollitur. Vas in quo portatur, si impletum fuerit, et volueris reditere ad tollendum, jam non eum capit. In quo loco quanticumque ægroti pertinere possunt, * sanantur. Quem [liquorem] tollentes probenedictione, non eum permittunt iterum introire

* Condoma videtur hic scribi pro Familia.

^b Hic iterum loca disparatissima conjungere videtur auctor : necdum enim pervenerat ad Elim, sextam stationem Israelitarum, ubi erant LXX palmæ et XII fontes, ut dicitur Exodi XV, cum loquitur de Magdalo et Socoth, urbibus Ægypti, ad quas iidem Israelitæ constiterunt antequam transirent mare Rubrum.

^c Novimus ibi desertum Sur, sed castellum Surandela nescio unde hic scriptor acceperit.

^d Clysmā præsidium Ægypti ad mare Rubrum Ptolomæo est hoc circiter loco : quare correxi nomen in ms. Tornac. expressum hic et infra *Disma*, quod nusquam est.

* Speluncam sancti Pauli ad 28 gradum altitudinis collocat Rosweidus e regione Antinoi : ab hac usque ad Nili cataractas, in Æthiopia sub gradu 22 sitas, opus est itinere leucarum ut minimum cxx ; hic vero scriptor ad Babylonem eas collocat, longe infra Antinoem leucis circiter xl ; deinde cætera omnia loca Ægypti quæ nominat sic permiscet, nullo servato situs eorum ordine, ut palam faciat Ægyptum nunquam a se inspectam ; sed civitatum nomina in chartam conjecta, prout alibi lecta se memoriæ of-

per Clysmā antequam commisceatur cum oleo : nam si non adulteraretur, credo quia ipsam virtutem semper faceret : nam liquor ipsius tenet [odorem] continuo per duo millia. Infra civitatem ipsam quæ dicitur Clysmā, intus in basilica vidimus oculos ligneos sanctorum eremitarum Patrum XIV.

43. Et inde venimus per eremum ad speluncam beati Pauli eremitæ ^e, quæ vocatur Siracumba, quia fons ipsum locum irrigat. Exinde pergentes venimus ad cataractas Nili, ubi ascendit aqua ad signum manus hominis facta, et habet gradus XII. Ex utraque parte cataractarum sunt duæ civitates, quas ædificasse dicunt filias * Loth, et una earum dicitur Babylonia. Inde venimus per campos Taneos et in Memphis civitatem, et Antinoum, in qua residebat Pharo ex qua ^f filii Israel exierunt. In ipsis locis sunt horrea Joseph XII * plena.

44. In Memphis fuit templum quod est modo ecclesia, cujus una porta se clausit * ante Dominum nostrum, quando beata Maria cum ipso fugit in Ægyptum ; et adhuc non potest aperiri. Ibi vidimus pallium lineum in quo dicunt illum tempore * illo transisse, et idcirco ibi ejus remansisse vestigia quæ imago ibi singulis temporibus adoratur, et nos adoravimus *, et propter splendorem non potuimus in eam intendere, quia quantum in ipsam intendis, immutatur in oculis tuis.

45. Descendentes per Ægyptum, venimus in civitatem Alepi ^g, ad sanctum Mennatum ^h qui multas virtutes ibi operatur. Inde per stagnum navigantes, Alexandriam venimus. In ipso stagno vidî multitudinem crocodilorum. Alexandria civitas est pulchra, populus levis, sed amatores peregrinorum, hæreses multæ. Ibi et requiescit Athanasius, ipsius civitatis episcopus, qui contra Arium ipsius civitatis presbyterum hæreticum pro fide Christi certando, multa pericula mortis sustinuit, temporibus Constantii [filii] imperatoris Constantini, Helenæ filii. Ibi dem requiescit sanctus Faustus et sanctus Epima-

ferebant. Mox enim per campos Taneos venisse se dicit Memphim et Antinoum : atqui jam in Æthiopia aut saltem superiori Ægypto eramus, unde descendentem occurrisset Antinous, tunc Memphis, ac denique in infima Ægypto Tanis.

D ^f Pharaones Ægypti reges Memphi aut Babylone habitabant, longe infra Antinoum, quam Hadrianus imperator ædificavit. Filii autem Israel egressi sunt de ea quæ sibi concessa fuerat terra Gessen, inter Ægyptum et Syriam.

* Quo iterum rapimur ? Alepiim, antiquis dicta Hierapolis, urbs Syriæ et quidem regia est ; hinc vero Alexandriam, Syriæ ejusdem urbem maritimam, iter, sed terrestre est, leucarum circiter XVIII. Hanc vero noster homo confundit cum Alexandria Ægypti, tantum dissita quanta est latitudo totius Syriæ atque Ægypti.

^h Sanctus Menas martyr, qui colitur 11 Novembris, Ægyptius quidem patria fuit, sed Cothyæi in Phrygia passus. Alius vero hujus nominis martyr, Alexandria in Ægypto decollatus, cum sociis Hermogene et Euprapho, corporibus mari mersis, allatus est Byzantium, ibique celeberrimum cultum habet 10 Decembris.

chus, et sanctus Antonius vel sanctus Maurus ^a et alia multa sanctorum corpora.

46. Iterum venimus Hierosolimam, ubi ego ægrotus per multum tempus jacui, usque dum vidi per visionem sanctum Antonium et beatam Euphemiam, qui me pariter sanaverunt. Egressi de Hierosolyma venimus Joppen, ubi jacet sancta Thabita, quæ dicitur Dorcas. Deinde Cæsaream Philippi ^b, quæ Turris Stratonis, quæ et Cæsarea Palestinæ vocatur, in qua requiescit sanctus Pamphilus, et sanctus Procopius, et sanctus Cornelius, ex cujus lecto benedictionem tulimus. Inde per Galilæam ascendimus, et venimus Damascum, ubi est monasterium ubi sanctus Paulus conversus est, in vico qui vocatur Rectus, ubi multæ virtutes fiunt. Deinde Heliopolim; et inde venimus Emissam, ubi est caput sancti Joannis Baptistæ in dolio vitreo: et nos ibidem ipsum vidimus et adoravimus. Et inde transeuntes per civi-

^a Quomodo supra per loca, ita nunc per corpora sanctorum evagatur auctor. Sanctus Faustus, diaconus sancti Dionysii episcopi Alexandrini, vere huc spectat et colitur 19 Novembris, passus sub Diocletiano. Sanctus Epimachus, passus quidem Alexandriæ etiam est, sed corpus Romam translatus, uti 10 Maii diximus, in medio relinquentes veteremne an novam Romam, id est Constantinopolim, oportet intelligere. Sancti Antonii corpus sub Justiniano repertum translatusque Alexandriam, sub Heraclio allatum est Constantinopolim, atque inde in Viennensem Galliæ diocesis sæculo x sub Lothario II. Pro sancto Mauro, Ægyptiis ignoto, legendus forsitan sanctus Macarius Alexandrinus sancto Antonio sub disjunctione junctus utpote ejusdem professionis cum eo.

^b Medio ævo, cum jam Cæsarea Philippi diceretur Paneas, et extra Palestinam non alia quam Cæsarea Cappadociæ nosceretur, confusam fuisse nomenclaturam hujus urbis, patet etiam ex Joanne Phoca, qui hanc ipsam Palestinæ Cæsaream cognominavit Philippi.

^c Videntur hæc nomina sic restitui posse, ut pro Arissa, Larissa; pro Aristola, Arethusa; pro Piphania, Epiphania, legantur, civitates Syriæ, sicut et Emesa inter Heliopolim et Apameam. Ita tamen hæc loca vicina inter se sunt, ut recto itinere non occurrant, sed grandi utrinque excursu opus sit.

^d Bacchus et Sergius, fide non sanguine fratres, sub Maximiano in Armenia passi, coluntur 7 Octobris. Ex his Bachus secundum Latinam acta apud Mombritium, Barbarysi capite plexus dicitur: hæc autem videtur esse Arabissus, sub metropoli Melitena, haud longe a Comana Cappadocia; nec ita longe, interjecto Tauro monte, in provincia Euphratesia est Sergiopolis, a sancti Sergii cultu et corpore nomen adepta.

Hic vero adductus quidem est in castellum Suro- rum, quo nomine Sura ad Euphratem intelligitur, inter Chalcidem et Carram, sed denique martyrium consummavit in Castello Chuzaphata, quod ab eo deinde creditur nomen Sergiopolis recepisse. Itaque hæc quidem omnia male consuta sunt, ex male intellectis sanctorum istorum Actis: indicant autem magnam ignorantiam auctoris, qui ex Carra Mesopotamiæ in Arabissum Armeniæ descendens, spatio leucarum circiter c, rursum ab Arabisso revolat Suram, pari omnino intervallo: nam Carra et Sura satis vicinæ urbes sunt. Deinde nescio quid infert de Tyro Phœnicie urbe, tantumdem distante ab urbe Sura occidentem versus, quantum ab eadem Sura distat Arabissus ad septentrionem. Ms. Tornacense, cujus solius integrum egraphum habeo, sanctum

tates, hoc est, Arissam, Aristolam, Piphaniam ^c, venimus in civitatem splendidissimam Apamiam, in qua est omnis nobilitas Syrorum.

47. Inde exeuntes venimus Antiochiam majorem, in qua requiescit sanctus Babylas episcopus et tres parvuli, et sancta Justina, et Julianus, et fratres Machabæi, hoc est septem sepulcra; et super uniuscujusque sepulcrum scriptæ sunt passionες eorum. Exinde descendimus Mesopotamiam, in civitatem Chalcidam. Inde venimus Carram, ubi natus fuit Abraham. Et inde venimus in civitatem Barbarissum, ubi requiescit sanctus Bacchus ^d frater sancti Sergii. Inde venimus in civitatem Suram per quam mediam descendit Euphrates, qui ibidem per pontem transitur. In ipsa civitate passi sunt sanctus Bacchus et ^B sanctus Sergius, qui requiescit in civitate Tyro.

48. Inde tanta alia vidimus loca, in miraculis posita, reversi post nos per multa castella, per plateas,

Georgium perpetuo appellat pro Sergio. Sed hunc errorem libenter excusavero, propter utriusque nominis inter se facillime commutabilis affinitatem.

^c Ignosce, lector, quod post auctorem adeo gravem, pium, elegantem, qualis est Joannes Phocas, voluerim te fatigare inconcinna hac Placentini scriptoris balbutie, nullo stylo, nullo ordine; nulla verisimilitudinis cura conjungentis vera falsis, affinia disparatis.

Oportuit ntrumque integre legendum exhibere, ut si cui fuerit hactenus suspectus Phocas, quia a me laudatus; non suspectus Antoninus, quia sibi favens; is nunc collato inter se utroque, non mihi sed oculis suis atque judicio credat. Credet certe, cui tam vacuus a præjudiciis erit animus, ut de Antonino dubitare possit. Potuit R. P. Fr. Joseph Ignatius a sancto Antonio, Carmelita disacalceatus Gallobelga, ex illustrissima familia Toparcharum de Rebec oriundus, laudatusque in præfat. ad tom. XII Spicilegii Acheriani, velut longe eruditissimus et antiquarum rerum peritissimus: qui ante hos novem annos istud quæcunque Itinerarium sua manu transcriptum Tornaco misit, quærens quid tandem de auctore sentirem, qui ipsius judicio neque posset fuisse tam antiquus, quam præfert sancti Antonini martyris Placentini titulus; neque videretur esse tam novus, quam suggerebat tertia quartave a principio linea, ubi legebatur: *Antoninus in quibus locis per regnum conatus est ire*, intelligendo regnum Neapolitanum, per quod ab urbe Placentina usque ad extremam Italianam iter aliqui erat ituro in Orientem. Regnum enim, aiebat, hoc sensu sumitur pro magna Græcia, seu reliqua post Romam Italia; et sic primum appellari coepit sæculo xii; necesse est autem uno ut minimum sæculo citius scriptum Itinerarium fuisse, cum nulla mentio uspiam fiat Latinorum qui in Syria eo tempore essent, vel antea aliquando fuissent, nulla etiam alicujus in Carmelo monasterii.

Respondi ego, idemque nunc censeo, decimi vel undecimi sæculi scriptum istud videri, tum ex styli barbarie, tum ex aliis adjunctis; sed pseudepigraphum: idque non tantum quia se Antonini martyris socium facit, et illum qui miles fuit transformat in presbyterum vel monachum Patrem Antoninum appellando cap. 34; sed maxime quia se dicit socium itineris, quod non potuit nisi somnians fecisse: quo fit ut taceat de celebrioribus quæ in Terra Sancta antiquitus fuerunt, et tunc adhuc erant, monasteriis, puta Sabæ, Charitonis, Euthymii, Gerasimi, Theodosii, Calamonis, Chozebes; de aliis vero non nisi incerta quædam et sæpe fabulosa percurrrens, nihil nos docere possit circa statum monasticum in Oriente, pro illo quo vixit et scripsit sæculo, quantumcunque dilato.

vicos, villas, vel civitates. Fatigati ex tam longo itinere cœpimus iter carpere transeuntes mare, et venimus in Italiam, adjuvante Domino Jesu Christo, pro cujus amore ab hoc loco egressi pervidere iuvimus tanta ejus mirabilia quæ ipse inter homines habitans

A fecit, vel quæ ante tempus incarnationis suæ olim per patriarchas et prophetas suos fecerat; viventes, ovantes, venimus Placentiam civitatem nostram, positam super fluvium qui dicitur [Padus] infra jam dictam Italiam.

FLORIANUS, ABBAS ROMANI MONASTERII.

FLORIANI, ROMANI MONASTERII ABBATIS, EPISTOLA AD SANCTUM NICETIUM.

Domino suo Nicetio papæ, Florianus ex monasterio Romano [Al., Remano].

Benedicitur una Trinitas, Deus noster, qui vos pontificalibus meritis pontificali locavit in vertice, ut non beatitatem dignitas, sed beatitudo præcederet dignitatem. Nec immerito: cum ab ineunte pueritia dominicis militaveris in castris, ut illuc tutius et validius discretis, quibus jaculis intelligibilis ille prosternitur Amalech, scilicet quando et ipse victor es nomine. Sic enim estis Deo præsule in statutis cenobialibus eruditi, ut per mare sæculi sine sæcularibus fluctibus inoffenso vestigio transiretis, et triumphalem hymnum cum Moyse merito concinentes: *Cantemus Domino, gloriose enim honorificatus est; equum et ascensorem projecit in mare*. Sic individuus comes Eliæ, ut nequaquam deserens altiora, quo humilitate conscenderas, unde cum apostolis in montem glorificatum aspiceres Dominum Salvatorem. Quia igitur tantæ sanctimonie vestræ prærogativæ suffultat, quæso ut pro me, qui impetrastis oretis. Quoniam Deus præsciis futurorum, qui fecit quæ ventura sunt, sciens me sanctorum solatio indigere vivorum, ut bonus Dominus præparavit auxilia.

Vide ergo quantis adjutoribus uteris, cum pro me cœperis obsecrare sanctæ memoriæ dominum Ennodium pontificem Ticinensis Ecclesiæ, qui generosi sanguinis nobilitatem humilitate prævenit ad gloriam, ut in cœlestis patriæ senatu fieret et ibi senator, cujus incomparabilem doctrinæ facundiam non solum testatur Occidens, sed et Oriens instructa mi-

pro filio. Sed et coronæ vestræ socium beatæ memoriæ dominum Cæsarium Arelatensem episcopum, qui vixit inter barbaros pius, inter bella pacatus, pater orphanorum, pastor egentium, qui tanti census effusione nil perdidit, catholice regulam disciplinæ dictis factisque demonstrans. Ipse igitur mihi Latinis elementis imposuit alphabetum, sed et hunc pro famulo discipuloque suo impetrare confido. Addo tertium, imparem quidem dignitate, sed meritis cœqualem sanctæ memoriæ Theodatum abbatem meum, et archimandritam, sæculi hujus inimicum, cui crucifixus est mundus, templum vere dignissimum Trinitatis, plenum reverentiæ Christianitatis, ex placida bonitate mitissimum, jejuniis castigatum, orationibus refectum, puritate mundissimum, qui mihi sacras exposuit Scripturas, et flores teneræ lanuginis ipse suscepit; qui pro filio et discipulo, successoreque suo, licet indigno, non ambigo quod laus [Forte, lætus] exoret. Vincunt ergo, Domine mi, tanti justi orationem peccatorum. Igitur quia conversatio vestra in cœlis est, sicut dicit Apostolus: *Vestra autem conversatio in cœlis est*, orate cum his, et rogate illum meum sacratissimum confessorem Ambrosium, quatenus me ut peculiarem famulum tueatur, ut proprium civem foveat, ut familiarem alumnum eruat: qui apud Dominum Jesum quod oraverit exorabit. Quocirca salutationis obsequium famulanter insinuans, precor ut pro beatissimo viro, domino meo Datio episcopo fratre vestro, semper oretis. Æquum est enim ut pro eo, quem monasterii septa sacrarunt successorem, etiam confessorum successor egregius beatorum, exorare non desinas. Et hoc si dignum ducitis supplicamus ut Beatitudinis vestræ sospitati parvitatem nostram faciatis, sicut petimus, successorem [Forte, certiore].

ANONYMUS.

ANONYMI AD EUSEBIANUM CHRONICON APPENDIX.

(*Hæc appendix inter opera Eusebii Pamphili opportuniorem locum obtinebit.*)

SÆCULI SEXTI SUPPLEMENTUM.

SYNTAGMA

*Decretorum, præceptionum ac editorum præcipuorum
quibus sive imperatores, sive reges sese rebus eccle-
siasticis ingesserunt.*

I.

JUSTINIANUS IMPERATOR

NOTITIA EX CAVE.

Fl. Justinianus, gente Illyricus, Sabbatii et Biglizonizæ filius, Tauresii, hodie Achriduntis in Dardania natus est anno 483. Avunculum habuit Justinum Augustum, a quo in Castello Bederiano summa cura educatus est, et in filium adoptatus. Nondum imperator Theodoram ortu Cypriam uxorem duxit, feminam insolentem et Eutychianæ hæresi perditæ addictam. Anno 519, a Justino imperatore magister militum factus est, et in Orientem cum exercitu missus, rem contra Persas bene gessit. Anno 521, consulatum obiit; mox patricius, deinde nobilissimus; ac tandem anno 527, Kalendis Aprilibus, Augustus renuntiatus, cum avunculo regnare cœpit; quo defuncto Kalendis Augusti ejusdem anni, imperium deinceps solus tenuit. Anno 528, edictum promulgavit, quo Nestorianos et Eutychianos, tanquam hæreticos pœnis civilibus multandos decrevit, eodem post quinquennium renovato. Anno 541, Origenem ipse edicto damnavit, et habita mox sub Menna synodo Constantinopoli, illum cum sectatoribus anathemate percutiendum cœnavit. Anno 545, edita constitutione, tria Capitula damnavit, quod et exeunte se-

A quente anno synodus Constantinopolitana itidem fecit. Anno 553, concilium œcumenicum Constantinopoli habendum indixit: in quo a Patribus, ut tria Capitula damnarentur postulavit et obtinuit (*Evagr. l. iv, c. 39*). Anno 563, fatiscientibus cum corpore animi viribus, ab hæreticis quibusdam delusus, edictum condidit, quo Christi corpus pari modo ante ac post resurrectionem corruptionis et naturalium affectionum expers fuisse docuit; utque sententiæ suæ omnes episcopi subscriberent, mandavit. Episcopos Orientales ad Anastasii Antiocheni sententiam provocantes gravissime afflixit; ipsum vero Anastasium et Eutychium patriarcham Constantinopolitanum constanter reluctantes sedibus suis exturbavit, et in exsilium deportari jussit. Hujusmodi deliriis intentus, rebus humanis exemptus est anno 565, die 14 Novembris, dierum, gloriæ, et triumphorum satur. Non deerant olim, nec desunt hodie, qui in sacratissimum principem, non minus doctrina, pietate, quam potentia et rerum gestarum gloria clarum, tota calumniarum et conviciorum plaustra exonerant. Nemo vero unquam iniquiori censura, et inverecundia

longe infra summi principis sortem, in augustissimos Justiniani manes debacchatus est, quam cardinalis Baronius *, omnes in hoc eloquentiæ nervos intendens, ut ex imperatore non hominem, sed diabolum nobis exhiberet. Ut fidem faciam, quædam lectori ob oculos ponam. « Fuit, inquit, homo penitus illiteratus; adeo ut nec alphabetum aliquando didicisset. Sacrilegus imperator, qui non levem persecutionem excitavit, furore percitus, mente dimotus, corruptus maligno spiritu, agitatus a Satana, quique omnem in Ecclesia dissolvit ordinem, fecitque ex regno cœlorum ergastulum inferorum (*Annal. ad an. 551, num. 3, 4; 528, num. 20; 553, num. 21*). » Infinitus essem, si omnia percurrerem. Non mihi in animo est, post Guinetum, Giphanium, Trivorium, Rivium nostratē, aliosque, egregii principis vindicias agere. De eximiis Justiniani virtutibus unicum aut alterum veterum testimonium proferam. De doctrina ejus et pietate hæc Procopius, in Justinianum adhuc æquus (*De Bell. Goth. l. III; de ædif. Just. l. I*). Solitum eum tum libros de rebus divinis agentes pervolutare, tum de iisdem colloquia cum episcopis et presbyteris in multam noctem pertrahere: in more ei semper fuisse multis ante Pascha dierum hebdomadibus corpus vigiliis et inediis plusquam asceticis macerare, semel in biduo cibum capere, vino, pane aliisque cibariis penitus abstinuisse, herbis tantum sale et aceto conditis, atque aqua contentum. De egregio autem illius erga fidem catholicam studio audiamus Agathonem papam ex episcoporum CXXV synodo testimonium ferentem: « Et præ omnibus, inquit, æmulator veræ apostolicæ fidei piæ memoriæ Justinianus Augustus, cujus fidei rectitudo, quantum pro sincera confessione Deo placuit, tantum rempublicam Christianam exaltavit; et usque ab omnibus gentibus ejus religiosa

* Hujus critices acrimonia hominem Anglicanum prodit. Cæterum quatenus Caveo assentiendum sit, judicet lector eruditus. EDIT.

A memoria veneratione digna censetur, cujus fidei rectitudo per augustissima ejus edicta in toto orbe diffusa laudatur. »

Præter *Corpus juris Civilis* (Viz. *Institutionum libros IV, Pandectarum, sive Digestorum libros L, et Codicis*, cui plurima de religione admixta sunt, libris XII), quod Triboniano atque aliis adjutoribus usus, anno 528, condere incœpit, anno 535, ad exitum perduxit, et *Novellas* post annum 535 editas, quarum plurimæ fori sunt ecclesiastici, seorsim typis excusas Græce per Haloandrum Paris. 1553, 8°; per Schringerum ibid. 1558; Gr. Lat. Antwerp. 1575; scripsit Justinianus plurima ad rem ecclesiasticam spectantia, ex quibus hodie exstant: *Constitutio contra Anthimum, Severum, Petrum, et Zoarum*, anno 536 facta; quæ quidem, ex Novellis desumpta, habetur Gr. Lat. Concil. tom. V, p. 264. *Epistola ad Patres concilii v generalis*, anno 553 scripta: exstat Lat. Concil. tom. V, pag. 419. *Tractatus sive edictum adversus Origenem, et errores ejus*, ad Mennam patriarcham Constantinopolitanum anno 541, missus: exstat Concil. Tom. V, p. 635. *Epistola ad Synodum Constantinopolitanam*, anno 541 a Menna habitam adversus Origenem et sectatores ejus: habetur Gr. Lat. Concil. tom. V, pag. 679. *Confessio rectæ fidei (sive Edictum contra tria Capitula)* anno 545 scripta: exstat Gr. Lat. Concil. tom. V, p. 684. *Epistola ad Patres synodi Constantinopolitanæ*, anno 546 habitæ adversus tria Capitula: exstat Gr. Lat. Concil. tom. V, p. 724. In scriptis hisce concinnandis si modo Theologorum suorum consilio atque industria usus est Justinianus, nec novum id, nec mirum cuiquam videri debeat, nec minus idcirco hæc proprio Marta scripsisse dicendus erit.

JUSTINIANI IMPERATORIS NOVELLÆ AD RELIGIONEM PERTINENTES.

NOVELLA III.

Ut determinatus sit numerus clericorum sanctissimæ majoris ecclesiæ, neque non cæterarum sanctissimarum ecclesiarum hujus augustissimæ urbis.

Imperator Justinianus Augustus Epiphanio regiæ hujus urbis archiepiscopo, et universi ejus tractus patriarchæ.

Communi quidem ac generali lege jam pridem tam beatitudinem, o patriarcha, tuam, quam reliquos sanctissimos patriarchas de ordinatione sanctissimorum episcoporum, et reverendissimorum clericorum, neque non mulierum, et diaconorum, et ne ordinatorum numerus veterem modum excederet, conscripta disposuimus quæcunque nobis honesta, et decora, sacrisque regulis conformia esse videbantur. Præterea vero legem specialiter ad beatitudinem tuam

D scribimus, digerentes item in ordinem ea quæ ad numerum reverendissimorum clericorum in hac urbe pertinent.

Ac cum nihil pene eorum quæ honesta et pulchra sunt, si modum egrediantur, deceat, ne reverendissimos quidem clericos aut reverendissimas diaconissas tot ordinari conveniat, ut illis alendis sacrosancta major ecclesia in necessitatē magni æris alieni incidat, et ad extremam paulatim inopiam deferatur. Siquidem compertum habemus sacrosanctam hujus regiæ urbis majorem ecclesiam nostri imperii matrem, per hanc occasionem tam magno alieno ære inquietari, ut singulatim erogationes in reverendissimos clericos aliter facere nequeat, nisi prius immensam auri vim partim sub obligatione hypotecharum, partim datione pignorum in præstantissimis ejus

prædiis et suburbiis mutuo desumat. Ea propter visum nobis est, ipsos nos ad causæ inquisitionem demittere, ac perdiscere, quo se modo initio habuerit, quidve postea temporum series adinvenerit. Ex omni igitur parte ea pervestigantes, deprehendimus eos qui sacrosanctam aliquam ecclesiam in hac alma urbe exædificaverunt, non solum curam ædificii egisse, sed etiam ut sacris ædibus, quas ipsi instituissent, sufficiens erogatio suppeteret, utque definirent quot per singulas versari ecclesias presbyteros conveniret, quot diaconos vel mares vel feminas, quot subdiaconos, et item cantores simul et lectores, et ostiarios; ad hæc ædis sumptum determinasse, adiecisse præterea peculiares redditus, qui instituto huic suo satis essent; neque multitudinem aliquam adjectam, cui exinde competens solutio fieri non posset. Atque hæc sane in ea observatione longo temporis spatio permanisse, et quandiu manserunt, tandiu et sibi deputatis sacrosanctarum ecclesiarum res suffecisse. Simul ac vero Dei amantissimi episcopi assiduis nonnullorum precibus intenti, ad plures ordinandos effusi sunt, excrevisse quidem sumptus quantitatem in immensum, undique vero creditores et usuras, ac postremo ob vacillantem jam fidem ne creditores quidem de cætero, sed (indignum factu, et neque in privata familia utcunque instituta ferendum) necessitate extortas et legibus prohibitas alienationes extitisse, ut ex huiusmodi absurditate neque prædia neque suburbia ad hypothecas et pignora sufficerent, eamque ob causam neque creditorum copia esset, et ad summam ipsa inopiam deveniret, neque ipsis amplius ministris alimenta præbere posset, imo etiam ad conditionem omnium calamitosissimam delaberetur, ut creditoribus bonis universis cederet, id quod etiam veremur dicere, et ne in posterum fiat, providemus. Nam si nemo facile eum, qui ultra substantiæ suæ modum sumptus faciat, æquo animo ferat, quare non et nos ea ad sollicitudinem nostram revocabimus? Præterea si non oportet undique ad sumptus possessiones conquerere (nam id insatiabili cuidam avaritiæ simul et impietati proximum est), sed ex moderatis facultatibus sumptum temperare, ea propter convenienter et quæ ista concernunt, lege includemus, et infinitatem manifeste ei rei medicina adhibita ejiciemus. Sancimus igitur, ut reverendissimi clerici, et ministrantes mulieres, et ostiarii, qui ad hunc usque diem in eadem sacrosancta maiore ecclesia cæterisque sacris ædibus consistunt, in ea forma, in qua jam sunt permaneant. Neque enim quod modo est, minimus, sed potius ista lege complectimur, ut futuro prospiciamus. Reliquo vero tempore nulla omnino ordinatio fiet, donec ad veterem numerum ab ipsis sanctæ ecclesiæ ædificatoribus institutum reverendissimorum clericorum quantitas revertatur.

Et sane reverendissimorum clericorum sacrosanctæ maiore ecclesiæ regiæ urbis nostræ mensura certis finibus descripta, et in arctum admodum contracta erat, quo tempore sola adhuc erat sacrosancta maior ecclesia. Postquam vero et veneranda domus sanctæ

et gloriosæ virginis Dei que genitricis Mariæ in vicinia sacrosanctæ maiore ecclesiæ posita, ab ipsa piæ memoriæ Verina cœpit extrui, item religiosa domus sancti martyris Theodori a Sphracio gloriosæ memoriæ consecrata, et veneranda domus sanctæ Irenes sacrosanctæ maiori ecclesiæ copulata fuit, redigere plane numerum ad veterem formam impossibile est. Neque enim tot simul ecclesiis pauci quidem sufficere possint, quandoquidem nulla harum trium ædium peculiares clericos habeat, sed pro communibus utatur iis qui ad sacrosanctam maiorem ecclesiam pertinent, qui omnes eas ordine et veluti in orbem obeuntes, sacra in eis officia concelebrant, præsertim vero ingenti multitudine ex hæreticorum conciliabulis ad sacrosanctam maiorem ecclesiam, partim gratia beatissimi Dei et servatoris nostri Jesu Christi, partim laboribus depulsionibusque nostris adducta, ut duplo plura, quam ab initio, ministeria ad christianæ pietatis officium peragendum deputari oporteat. Quapropter sancimus ne quando in sacrosancta maiore ecclesia ultra LX, presbyteros, diaconos vero mares centum, feminas XL et subdiaconos XC, lectores autem ultra CX, cantores ultra XXV, existant, ut universus reverendissimorum clericorum maiore numerus in CCCXXV personis, et centum præterea ostiariis (ut vocant) consistat. In sanctissima igitur maiore almæ hujus urbis nostræ ecclesia, et tribus illis sacris ædibus ei coadunatis, tanta clericorum multitudo esto, nemine eorum, qui nunc sunt, ejiciendo, tametsi multo major numerus existat, quam a nobis definitus est; nemine item de cætero per ullum ordinem, qui hoc tempore est, adjiciendo, donec intra hunc numerum mensura consistat. Illo etiam adjiciendo, ne quod hactenus indecore fieri consuevit, deinceps in usu habeatur ut reverendissimorum clericorum nonnulli in sanctissimis ecclesiis, in quas vel hic, vel per provincias ordinati sunt, manere dedignentur, ac per patrocinia in sacrosanctam maiorem ecclesiam ejusque clerum subeant, quod omnibus modis in posterum fieri prohibemus. Nam si in sacris monasteris prohibemus, ne quis de uno ad aliud trans-eat, multo minus id reverendissimis clericis permittemus, rati huiusmodi cupiditatem speciem præ se ferre quæstus et nundinationis. Cæterum si quando et hoc transitionis genus vel beatitudini tuæ, vel pro tempore majestati imperatoriæ probabitur: ne aliter id fiat, nisi prius res ipsa ad numerum, quem prædiximus, redigatur, ut ea transitio in deficientis locum fiat, neque supernumerarius omnino aliquis irrepât; nulla enim id machinatione neque ullo modo fieri permittimus. Atque hæc quidem de sacrosancta maiore ecclesia. In omnibus autem aliis ecclesiis, quibus expensas sacrosancta maior ecclesia suppeditat, sancimus, ut qui hoc tempore sunt, consimiliter et ipsi sub eadem forma maneant; in posterum vero nemo erdinetur, priusquam ad statutum cujusque ecclesiæ (ut vocant) quod per ædificatores harum ab initio determinatum est, presbyterorum simul et diaconorum, tam marium, quam feminarum, et subdia-

conorum, neque non lectorum, cantorum, et ostiariorum numerus redigatur, neque quisquam interea temporis adjiciatur. Nam et ipsi nos præcavebimus, ne quid ejusmodi faciamus ordinatumve aliquos mittamus, neque magistratuum nostrorum aliquis tale quid faciet, reveritus legem nostram, et beatissimus archiepiscopus et patriarcha hujus regiæ urbis potestatem habebit ordinationi contradicere, licet de palatio jussio procedat. Nam et qui præcipit, et cui præcipitur, uterque sub censura erit ecclesiastica, si quid tale peregerit. Sed neque in aliis ecclesiis, quæ alimenta et sumptus ex sacrosancta majore ecclesia non habent, conveniens est ut ordinandorum in ipsis multitudo intromittatur, aut mensura initio in illis statuta de cætero transcendatur, ne quando qui sacra in illis obeunt, ad immensam multitudinem delapsi, interque se redditus ex piorum hominum collatione quæsitos patientes, nec illos exinde suæ mensuræ sufficere videntes, in magnam animi angustiam incidant. Si vero ultra mensuram in sacrosancta majore ecclesia aut aliis ecclesiis statutam sanctissimus archiepiscopus, qui sacrosanctæ majori ecclesiæ præest, ordinaverit, Deique amantissimi ejusdem sacrosanctæ ecclesiæ oekonomi sumptum ad hæc de redditibus ecclesiasticis expenderit, tam ipsi quam etiam beatissimus patriarcha, qui hæc ipsis suppeditare permisit, de suo, deque propriis facultatibus expensa restituent. Noverint enim, si quid tale perpetraverint, quod non solum sanctissimis patriarchis, qui talia patranti succedent, et secuturis oekonomis, sed etiam omnibus cæteris reverendissimis clericis talium curiose perquirendi, et cum fiunt, prohibendi, deferendique ad imperatoriam majestatem potestatem damus, quo magis hoc cognoscens ipsa, ex substantia oekonomorum, qui hoc fecerint, aut etiam permittentis archiepiscopi, sacrosanctæ majori ecclesiæ ista servari demandet, ne rursus ejusmodi confusio et perturbatio in ea re incidat. Enimvero negotio ad pristinam mensuram redacto, tunc liberum erit ordinare, usque eo tamen, ne dictam mensuram transcendant, aut numerum superent, neve dolus circa hoc malus interveniat. Neque enim ullo pacto locum habere patimur quod plerisque in ore est, facultatem quidem ordinandi suppetere, non autem præbendorum alimentorum. Si quidem hoc iterum illorum est, qui confusionem pariunt, aut super numeraria adjectione altera pro unis collegia constituunt, præsertim cum multas eas res circumscriptiones producat, ut sub prætextu alimentariæ præstationis alias sibi vias insatiabilis ejusdam avaritiæ inveniant. Hoc igitur etiam ipsum fieri prohibemus et sub censuram (ut appellant) ecclesiasticam deducimus, magno usui futurum arbitantes, si sacrosanctam majorem ecclesiam neque creditoribus obnoxiam, neque rebus angustis afflictam, neque perpetuo egentem, sed omnium rerum copia abundantem cernamus.

Quemadmodum autem ad eam pertinentes sumptus certa sine descripsimus, ita convenit, ut sanctissimus pro tempore patriarcha et reverendissimi cle-

rici circumspiciant, ne reliqui sumptus, qui ex ecclesiasticis redditibus fiunt, aliter quam in pias et Deo placitas causas insumantur, et utin illos conferantur, qui et revera egent, nec aliunde habent unde vivant (hæc enim Dominum Deum conciliare solent), non vero per patrocinia et hominum studia in locupletes distribuunt ea quæ ad ecclesiasticos sumptus suppetunt, ut exinde egentes vitæ necessariis defraudentur. Noverint enim Dei amantissimi oekonomi, tam qui nunc, quam qui olim pro tempore futuri sunt, quod si quid in his deliquerint, non tantum pœnis cœlestibus erunt obnoxii, sed etiam de substantia sua sacrosanctæ ecclesiæ indemnitate præstabunt. Sancimus igitur, ut beatitudo tua, quæ initio et a tenera propemodum ætate per omnes sacerdotales gradus et dignitates sacrosanctam exornavit Ecclesiam, utpote quæ ex sacerdotibus etiam genus et originem ducat, in perpetuum custodiat, certo scientes, non minus nobis sacrosanctarum ecclesiarum commoda curæ esse, quam ipsam vitam. Dat. xvii Kalend. April. d. n. Bilis. v c. cons.

NOVELLA V.

De monasteriis et monachis, et eorum antistitibus.

Imperator Justinianus Augustus Epiphano, sanctissimo et beatissimo hujus regiæ urbis archiepiscopo, ejusque universi tractus patriarchæ.

Conversationis monachalis vita sic honesta est, sic commendare novit Deo ad hoc venientem hominem, ut omnem humanam ejus maculam detergat, et purum ac rationabili natura decentem, et plurima secundum mentem operantem, et humanis cogitationibus celsiorem reddat. Si quis igitur futurus est monachus perfectus, indiget et divinorum eloquiorum eruditione, et conversationis integritate, ut tanta dignus factus sit mutatione.

Credimus igitur et nos explanare quid agendum ab eis sit, et decertatores eos veros ad sacram viam constituere. Et ita nobis intentio præsentis est legis, ut post illa, quæ de sanctissimis episcopis sancivimus et quæ de reverendissimis clericis disposuimus, neque quod monasticum est, extra competentem formam relinquamus. Illud igitur ante alia dicendum est, ut quocunque tempore et quocunque loco quis ædificare venerabile monasterium voluerit, non prius licentia sit hoc agendi, quam Deo amabilem locorum episcopum advocet. At ille extendat manus ad cœlum, et per orationem locum consecret Deo, figens in eo salutis nostræ signum (dicimus autem adorandam et vere honorandam crucem), sicque inchoet ædificium, bonum utique quoddam in hoc et decens fundamentum ponens hoc; itaque principium piæ venerabilium monasteriorum fabricæ fiat.

Hinc autem nobis etiam de singulis monachis cogitandum est, quo conveniat fieri modo, et utrum liberos solum, aut etiam forte servos, eo quod omnes similiter divina suscepit gratia prædicans palam, quia quantum ad Dei cultum non est masculus, neque femina, neque liber, neque servus, omnes enim in Christo unam mercedem percipere. Sancimus ergo

sacras sequentes regulas, eos qui singularem conversationem profitentur, non prompte mox a reverendissimis præsulibus venerabilium monasteriorum habitum percipere monachalem, sed per triennium totum (sive liberi forte sint, sive servi) tolerare, nondum monasticum habitum promerentes, sed tonsura et veste eorum qui laici vocantur, uti et manere, sic divina addiscentes eloquia. Et reverendissimos eorum abbates requirere eos, sive liberi sint, sive servi, et unde eis desiderium vitæ singularis accesserit, et discentes ab eis quia nulla maligna occasio ad hoc eos induxit, et habere eos inter illos, qui adhuc docentur, atque monentur, et experimento percipere eorum tolerantiam, et honestatem; non enim facilis est vitæ hominum mutatio, sed cum animæ magno fit labore. Et cum triennio toto in ea vita permanserint, optimos semetipsos et tolerabiles aliis monachis et præsuli demonstrantes, hos monasticam promereri vestem, atque tonsuram, et sive liberi sint, sine calumnia permanere, sive servi, penitus non inquietari migrantes ad communem omnium. Dicimus aatem cœlestem Dominum, sed in libertatem eripi. Nam si in multis casibus etiam ex lege hoc fit, et talis quædam libertas datur, quomodo non prævalebit divina gratia talibus eos absolvere vinculis? Si vero intra triennium venerit quispiam, et aliquem horum, qui conversationem professi sunt, abstrahere tanquam servum voluerit, hoc quod nobis nuper ex Lycia nuntiavit Zosimus Deo amabilis, vir famosissimus in conversatione, et prope vicesimum et centesimum ætatis agens annum, pollens autem et animi virtutibus et corporis operationibus, quia tanta quædam in eo gratia Dei floret. Si quis igitur (sicut prædiximus) intra triennium veniat aliquem eorum qui volunt esse et perseverare monachi, in servitutem tracturus, et dicat quod abripuerit quasdam res, et propterea recurrerit ad monasterium, sancimus eum non prompte agere, sed primo probare pro veritate, quia et servus est, et pro furto forsan, aut pro vita maligna, aut pro vitiis pessimis fugerit quidem, propter suum autem vitium ad monasterium venerit. Et si quidem verax ostenditur, et apparuerit propter hujusmodi causam monasticam eum simulasse conversationem, aut propter turpitudinem vitæ forte diffugisse, et non pro veritate sanctimonie habitum concupivisse, hunc reddi domino, cum iis quæ forsan abripuit, si tamen hæc etiam in monasterio fuerint. Eum vero, qui dominus approbatur, dare ei iusjurandum, quia nihil mali ei faciet, et susceptum eum reducet domum. Si vero is quidem qui dicit se esse dominum, nihil tale probaverit, et appareat is qui in talibus accusatur, ex ipsa conversatione honestus ac mitis, et forte testimonium habeat aliorum, quia etiam apud dominum consistens discendi cupidus fuerit, et honestatis amator, et si nondum forte completum est triennii tempus, attamen etiam sic maneat in venerabili monasterio, abstrahere cupientium asperitate liberatus.

Triennii vero semel expleto tempore, iudicatus,

A quia monastica dignus est honestate, maneat in monasterio. Nequaquam enim damus licentiam ulli penitus perscrutari, quæ ejus sunt, sed sive liber, sive servus sit, manere eum in conversatione volumus. Nam et si vitium in priori ab eo forte gestum est vita (humana enim natura quodammodo labitur ad delicta), attamen sufficit ad mediocrem purgationem peccatorum, et ad virtutis augmentum triennalis temporis testimonium. Ea vero quæ raptâ sunt, apud quoscumque tandem inveniantur, modis omnibus reddantur prisco domino. Si vero servitii necessitatem effugiens, tentaverit monasterium quidem derelinquere, aliam autem vitæ sectari figuram, licentiam damus domino retrahere eum, et probanti fortunam inter servos habere: non enim injuriam patietur tantam ad verum servitium retractus, quantum ipse injuriatus est Dei culturam refugiens. Ex hoc quidem de fortuna horum qui inter monachos profiteri volunt sancimus. Cogitandum vero est, quomodo ipsos habitantes et ibi degentes monasticæ philosophiæ certatores dignos esse ostendamus. Neque enim volumus in ullo monasterio sub ditione nostra constituto, sive plurimorum hominum est, sive paucorum, monachos qui ibi sunt, divisos ab alterutris esse, et propriis habitationibus uti, sed communiter quidem eos comedere sancimus, dormire etiam omnes in communi, unoquoque quidem in quadam propria statura jacente, in domo uero una collocatos, aut si forte non sufficit ad multitudinem monachorum domus una, in duas forsan, aut plures, non tamen seorsim, et apud semetipsos, sed in communi, testes alterutri sint honestatis et castitatis. Et neque somnum desidiosum habeant, sed et in somno meditantibus bene composito esse corpore propter increpationem respicientium. Nisi tamen quidam eorum in contemplatione et perfectione degentes vitam remotam habeant in secessu, quos vocare anachoretas, et hesychastas consueverunt tanquam a communione ad meliora exceptos. Alioquin alios, quibuscumque inter multitudinem conversatio est, in his quæ vocantur cœnobias, esse volumus. Sic enim zelus eis ad virtutem crescit, et maxime juvenibus, si cum senioribus constituantur. Fiet enim seniorum conversatio juventutis educatio perfecta. Et sic sint in cœnobiis suo proprio abbati obedientes, et traditam sibi conversationem inculpabiliter observantes.

D Si quis autem forte semel dedicatus, habituque politus, deinde a monasterio discedere voluerit, et privatam fortassis eligere vitam, ipse quidem sciet quam pro hoc dabit Deo satisfactionem; res autem quasque habuerit, dum in monasterium intrabat, eæ dominii sint monasterii, et nihil inde penitus eliciat. Illud quoque decernimus eum qui in monasterium introire voluerit, antequam monasterium ingrediatur, licentiam habere suis uti quo voluerit modo; ingredientem namque simul sequuntur omnino res, licet non expressim, cum introduceret eas, dixerit; et non erit dominus earum ulterius ullo modo. Si vero filios habuerit, si quidem contigerit jam cum

res aliquas donasse eis, aut per antenuptialem donationem, aut per dotis occasionem contulisse, et faciant hæc quartam ab intestato ejus substantiæ partem, nullum in reliquis rebus habeant participium filii. Sin autem nihil eis donaverit, aut minus quarta, et postquam abrenuntians conversatus fuerit inter monachos, nihilominus quarta debetur filiis, ut aut in totum eis detur aut, si contingat eos jam aliquid accepisse, suppleatur. Si autem uxorem habens, deinde eam relinquens, in monasterium ingredia-
tur, et dos mulieri servetur, et ex morte pactum, quod in alia nostra sancivimus constitutione. Omnibus, quæ super monachis dicta sunt, et in mulieribus monasterium ingredientibus, valituris. Si vero relinquens monasterium ad quamdam veniat militiam, aut ad aliam vitæ figuram, substantia ejus etiam sic in monasterio, secundum quod a nobis prius dictum est, remanente, ipse inter officiales clarissimi provinciae judicis statuatur, et hunc habebit mutationis fructum, quod pro sacro ministerio despecto, tribunalis terreni observet servitium. Si vero relinquens monasterium, in quo conversationem habuerit, ad aliud transeat monasterium: etiam sic quidem ejus substantia maneat, et vindicetur a priori monasterio, ubi abrenuntians hanc reliquit. Competens autem est reverendissimos abbates non suscipere eum qui hoc egit. Erronea namque est talis vita, et nullatenus monasticæ tolerantiae proxima, neque constantis et persistentis animi, sed judicium habens circulatoris, et aliud de alio requirentis. Ea propter etiam hoc prohibeant Deo amabiles episcopi et archimandritæ nuncupati, monasticam honestatem secundum regulas sacras conservantes. Si quis autem monasticam profitentium conversationem meruerit clerici ordinationem, maneat etiam sic puram servans conversationem. Quod si facti clerici abutatur fiducia, et ad nuptias venire (quippe tali gradu constitutus inter clericos, qui ei uxorem ducere permittat, dicimus autem cantorum aut lectorum, aliis enim omnibus nuptias secundum sacras regulas penitus interdiciamus), aut concubinas habere, aut luxuriis tradere vitam præsumat, excludatur nobis omnibus a clero, tanquam priorem conversationem et solitariam confundans vitam, et privatus sit de cætero. Ad militiam quidem, aut ad aliud officium venire non præsumens, nisi a nobis voluerit dudum interminatis subjacere poenis. Ipse autem apud semetipsum reputans et agnoscens, qualem pro hoc daturus sit magno Deo satisfactionem.

Ordinatione vero abbatum si quando contigerit egere monasterium, jubemus abbatem non per ordinem reverendissimorum fieri monachorum, nec omnino eum qui mox post primum est, nec qui post illum secundus est, neque tertium, aut reliquos, hoc quod etiam alia lex nostra dicit, sed Deo amabilem locorum episcopum percurrere quidem consequenter per omnes (non enim exhonorandum est omnino tempus, et ex eo ordo) et eum qui apparuerit prius optimus inter monachos optimos constitutus, et dignus præ-

Asulatu eorum, hunc eligere, eo quod humana natura talis est, ut neque omnes per ordinem inter summos boni, neque rursus omnes inter novissimos mali constituti sint, sed procedat quidem secundum gradum antistitis inspectio. Qui vero prior, mox inter numeratos optimus apparuerit, is abbas sit, et ordinem simul et virtutem suffragantem habens. Oportet enim eos qui discernunt quod melius est a pejore, aliud quidem ad regendum dimittere, aliud vero inclinari jubere, et paulatim per eruditionem hoc etiam ad melius adducere. Quæcunque tamen a nobis in omnibus, quæ prius, et quæ nunc prolatae sunt, sacris nostris constitutionibus sunt sancita de clericis, aut monachis, aut monasteriis, hæc communia ponimus et in masculis et feminis, et monasteriis, et asceteriis, non discernentes (quantum ad istos) masculum aut feminam, eo quod (sicut prædiximus) unum omnia in Christo consistunt.

Hæc igitur omnia sanctissimi patriarchæ sub se constitutis Deo amabilibus metropolitanis manifesta faciant. At illi subjectis sibi Deo amabilibus episcopis declarent, et illi monasteriis Dei sub sua ordinatione constitutis cognita faciant, quatenus per omnia Domini cultura maneat undique incorrupta. Imminebunt enim maximæ pœnæ ista transgredientibus: dicimus autem de cælo quas necesse est rectorum dogmatum contempторibus imminere. Et nostræ quoque reipublicæ judices, si hæc eis nuntientur, omnibus studeant modis ea quæ sacris regulis continentur, quas nostra loquitur lex, ad effectum perducere procurare, nam nec illos deserit pœna hæc negligentes. Quapropter sequentem hanc tuam sanctitatem decet omnibus sub se positis sanctissimis metropolitanis hæc facere manifesta. Dat. xiv Kalend. April. Constantinop. Bilisario v. c. coss.

NOVELLA VI.

Quomodo oporteat episcopos et cæteros clericos ad ordinationem perducere, et de expensis ecclesiarum.

Imperator Justinianus Augustus Epiphanio archiepiscopo et patriarchæ Constantinopolitano.

Maxima quidem inter homines dona Dei sunt a superna collata clementia, sacerdotium et imperium. Quorum illud quidem divinis ministrans, hoc autem humanis præsidens ac diligentiam exhibens rebus, ex uno eodemque principio utraque procedentia, humanam exornant vitam. Ideoque nihil sic erit studiosum imperatoribus, sicut sacerdotum honestas cum utique et pro illis ipsi semper Deo supplicent. Nam si id quidem inculpabile sit, undique et erga Deum fiducia plenum, imperium autem recte et competenter exornet traditam sibi rempublicam, erit bella quædam consonantia, omne quidquid utile est, humano conferens generi.

Inde adeo maximam habemus sollicitudinem circa vera Dei dogmata, et circa sacerdotum honestatem, quam illis obtinentibus credimus, quia per eam maxima nobis dona dabuntur a Deo, et ea quæ sunt, firma habebimus, et quæ nondum hactenus venerunt, acquiremus. Bene autem universa geruntur et com-

petenter, si rei principium fiat decens et amabile Deo. Hoc autem futurum esse credimus, si sacrarum regularum observatio custodiatur, quam justī laudandi et adorandi inspectores et ministri Dei tradiderunt, apostoli et sancti Patres custodierunt et explanarunt. Sancimus igitur sacras per omnia sequentes regulas, cum quispiam omni post venturo tempore ad episcopatus ordinationem adducitur, considerari prius oportere ejus vitam secundum sanctum apostolum, si honesta, et inculpabilis, et undique irreprehensibilis sit, et a bonis testimonium habeat sacerdotem decens. Et neque ex officiali aut ex curiali veniat fortuna, nisi forsā ex novella ætate (secundum quod jam dispositum est) in monasterio constitutus, fortuna liberetur, quartam tamen prius substantiæ reddens curiæ. Neque etiam ex idiota et his qui vocantur laici existens, et ita mox ad episcopatum ascendens, quasi imaginariam suscipiat ordinationem, ut qui modo quidem idiota sit, mox autem clericus, deinde parvo admodum tempore præterito episcopus appareat. Et neque uxori alteri copulatus, sed aut in virginitate degens a principio, aut uxorem habens ex virginitate ad eum venientem, et non viduam, neque se junctam a viro, neque concubinam, neque filios aut nepotes habens, neque cognitos legi, neque illi odibiles. Alioquin qui præter hoc aliquid agit, et ipse cadet sacerdotio, et qui eum ordinat, extra episcopatum deget, hanc legem offendens. Sed neque pecuniis ullis emere sacerdotium ei permittimus. Solum vero eum respicere Domini Dei culturam volumus, et non plurimis humanis cogitationibus distrahi. Sed neque ineruditus existens sacrarum dogmatum ad episcopatum accedat, nisi prius aut monasticam vitam professus, aut in clero constitutus non minus mensibus sex, uxori tamen non cohærens, aut filios, aut nepotes habens. Hoc enim omnimodo in Deo amabilibus episcopis requirimus, sicut etiam prius sacris duabus nostris constitutionibus hoc sancitum est, per quas dudum cohærentes uxoribus non perscrutamur, omne præteritum relinquentes, de cætero autem nulli permittentes a positione legis uxorem habenti talem imponi ordinationem. Quam legem etiam nunc renovamus, ne forte si præter hoc aliquid fiat et ipse cadat sacerdotio, et ordinantem similiter excludi procuret. Igitur ordinandus episcopus, aut ex monachis, aut ex clericis sit. Etiam in hujusmodi vita testimonii boni, vita bonus, et honestus, et gloria fruens bona, et hoc fundamentum pontificatus deponens animæ suæ. Sed etiam sic eum constitutum et ad episcopatum præparatum competens est venerabiles et undique probatas legere regulas ante ordinationem, quas recta et inviolata nostra suscepit fides, et catholica Dei apostolicaque disposuit et tradidit ecclesia. Et cum frequenti eas lectione percurrerit, qui ad ordinationem deducitur, tunc is qui ordinationem impositurus est interroget eum, si sufficiens sit custodire et agere quæ sacræ regulæ sancierunt, et si quidem ille *declaraverit et dixerit præcepta sacrarum regularum non se valere servare*, nullo modo ei ordinationem

imponi; si vero ille susceperit et dixerit quia, quantum homini est possibile, complebit hæc quæ his continentur, tunc monere eum, et dicere quia nisi hæc observaverit, et a Deo alienus erit, et cadet jam dato honore, et neque civiles leges dilectum inultum relinquent, eo quod a præcedentibus nos imperatoribus, et a nobis ipsis recte dictum est oportere sacras regulas pro legibus valere. Etsi etiam sic permanserit causam amplectens, tunc super his professionibus unumquemque sacram suscipere episcopatus ordinationem. Et hanc non pecuniis redimere, neque per rerum aliarum dationem suscipere, sed puram percipere, et sine mercede tanquam a Deo datam. Tametsi enim alia omnia habeat utilia, quæ prius a nobis dicta sunt, pecuniis autem vel rebus etiam videatur episcopatum emisse, sciat se et ab ipso episcopatu casurum, et hoc munus retributurum ordinanti, ut et ille episcopatum amittat, et a clero cadat, et utrique causa talem præstet retributionem, ut et hic quidem non adipiscatur quæ sperabat, ille autem etiam quæ habebat amittat. Nihilominus etiam pecuniis ac rebus datis occasione ordinationis sanctissimæ assignandis ecclesiæ, sive episcopus sit accipiens, et propterea a sacerdotio cadat, sive etiam quilibet alius in clero constitutorum: nam et illi æqualem imponimus penam, ut ordine quem inter sacerdotes habuerit cadat, et reddat aurum, aut res quæ ordinationis occasione datæ sunt, injuriam passæ (quantum ad ipsum) ecclesiæ. Si quis autem extraneorum sit, et non in clero constitutus, qui aurum aut rem aliquam propter patrocinium ordinationis accepit, et maxime si administrationem aliquam gerat, habebit ipse non tantum a Deo penam, et succedent ei de cælo supplicia, verum etiam illud quod datum est, ablatum ab eo, sanctissimæ ecclesiæ omnibus reddatur modis in duplum. Insuper etiam, si quam administrationem habet, ea cadat, et perpetuo exilio condemnatur. Illud quoque sciat aperte qui pecuniis aut rebus aliis emerit præsulatum, quia si prius diaconus aut presbyter sit, deinde per suffragium ad sacerdotium veniat, non solum cadet episcopatu, sed nec prior ei relinquetur ordo presbyterii forsitan, aut diaconatus. Amittet etenim etiam illud, et omni sacerdotali excludetur ordine, utpote decentia indigne concupiscens. Oportet autem in ipso ordinationis tempore eum qui hanc imponit, illic coram omni fidei populo sanctissimæ ecclesiæ hæc omnia prædicere, ut agnoscens eum omnia quæ prius a nobis dicta sunt habere, ad sacram eum deducat ordinationem, ut etiam ille coram omnibus hæc audiens, non solum habeat Dei timorem, sed etiam coram omnibus denuntiationem et professionem erubescat. Si quis autem talis quidem esse putetur, et ad episcopatus ordinationem transeat, contradicat autem aliquis, atque dicat conscium se esse alicujus quod illicite admiserit, non prius mereatur episcopatus ordinationem, quam examinatio querimoniarum fiat, et appareat undique innoxius. Quod si etiam post hujusmodi contradictionem non passus is qui ordinationem facit legitimam examina-

tionem imponi causæ, currat ad ordinationem; sciat quod ab eo fit pro nihilo esse. Sed et is qui contra legem facit, cadet sacerdotio, et qui sine probatione imponit ordinationem, et ipse quidem similiter cadet sede sacerdotali, reus autem erit Deo qui omnium præcipue querit suorum sacerdotum puritatem. Si tamen is qui ordinationi contradicit, aut examinatione facta probetur calumniator, aut in ipso principio, neque in examinatione persistere confidat, segreget istum in perpetuum a sacra communione is qui ordinationem facere vult, ut non ipsa falsitas impunita sit. Sicut enim bonam gloriam in eo, qui ordinandus est querimus, ita etiam calumniam in eo qui frustra accusavit, punimus. Si vero nemo accusaverit omnino, aut in toto denuntians examinationem non faciat, aut facta examinatione demonstrare (sicut prædiximus) non valuerit accusationem veram, tunc oportet eum qui per tot vias inculpabilis apparuerit, accedere ad futuram ordinationem. Qui enim ita ordinatur, ex hoc multa et meliora cognoscit præcepta, neque qui taliter animo, verbo, corporis exercitatione et sapientia eruditus est, incurreret in vitam animadversione dignam. Et illud etiam definimus, ut nemo Deo amabilium episcoporum foris a sua ecclesia, plusquam per totum annum, abesse audeat, nisi hoc per imperialem fiat iussionem; tunc enim solum erit inculpabile. Et ut sacratissimi patriarchæ uniuscujusque dioceseos compellant Deo amabiles episcopos suis inhærere sanctissimis ecclesiis, et non longo itinere separari, neque in peregrinis demorari velle, neque sanctissimas ecclesias negligere, neque annum excedere, quem et ipsum propter misericordiam constituimus. Si vero ultra annum erraverit, et dereliquerit, neque ad proprium episcopatum remeaverit, neque imperialis aliqua eum (sicut prædiximus) detineat jussio, tunc siquidem sit metropolitanus, contra ecclesiasticam dispositionem absentem regionis illius patriarcha revocet quidem eum legitimis proclamationibus, servans ubique sacrarum regularum observationem. Si vero maneat per omnia inobediens, expellatur a sacro episcoporum choro, et alium introducat hujusmodi et reverentia, et verecundia, et honestate dignum. Si vero non metropolitanus, sed aliorum episcoporum aliquis sit, qui erraverit, hæc omnia a metropolitano fiant. Nemo enim eorum talem suscipiat prætextum, si dixerint propterea se proprias derelinquere ecclesias, quod litium causas, aut aliarum rerum propriarum, aut ad sacras ecclesias respicientium circumlustrant, et hic constituti hærent, aut in aliis aberrant locis. Hoc enim non habet decentem rationem, ut cum multitudine famulicii quod necesse est episcopum habere proficiantur, et peregre sumptus faciant, cum neque ullum sanctissimis ecclesiis lucrum inde et juvenem accedat, neque (secundum quod decet sacerdotem) proprium habere possint habitum, et ut maximæ quædam sint lites forte sanctissimis ecclesiis, propter quas tales prætextus afferunt, rectius eas per illos qui sub ipso sunt religiosos clericos, aut apocrisia-

rios, aut œconomos movere liceat, et petitionibus ad imperium directis impetrare desiderata. Propterea sancimus, si quando propter ecclesiasticam occasionem inciderit necessitas, hanc aut per eos qui res agunt sacrarum ecclesiarum, quos apocrisarios vocant, aut per aliquos clericos huc destinatos, aut œconomos suos notam imperio facere, aut nostris administratoribus, ut impetrent quod competens est, neque hoc Deo amabilibus episcopis erroris et absentiæ, et sanctissimis ecclesiis læsionis occasionem fieri, tam in provincia ecclesiasticis rebus per absentiam eorum neglectis, quam etiam hic expensis multis ab ipsis factis, præterea peregre habitatione non habili constituta, et undique causa nullum juvenem, magis autem læsionem sanctissimis ecclesiis inferente. Non autem aliter aliquem Deo amabilium episcoporum præsumere, dirigere se ad hanc felicissimam civitatem, priusquam siquidem episcopus sit, litteras acceperit proprii metropolitani ad imperium, quæ secundum divinas regulas commendatiæ vocantur, testimonium perhibentes necessitatis ejus præsentis. Si vero metropolitanus sit, qui proficisci vult, litteras sumat ejusdem dioceseos patriarchæ ejus præsentiam necessariam esse dicentes, et sic oportere imperatorem jubere hunc præsentari, et non temere ac sine conscientia metropolitanorum aut patriarcharum proficiantur, propterea quod hoc divinis interdictum est regulis. Unde huc advenientes non presumant per semetipsos se prius pronuntiare ad imperium, sed primitus aut ad Deo amabilem patriarcham proficiantur, aut ad uniuscujusque dioceseos, ex qua sunt, apocrisarios, et cum ipsis conferant causas, propter quas venerunt, et cum eis ingrediantur ad imperium, et deinceps imperiali perfruantur aspectu. Mox quam imperanti astiterint, liceat quidem petentibus episcopis aut per eos qui vocantur referendarii sanctissimæ majoris ecclesiæ, aut per religiosos apocrisarios cujusque dioceseos sanctissimorum patriarcharum suggerere se imperio, et promereri responsum celeriter, ita ut si aut justa ab imperio petierint, hæc accipiant, aut si non justa querunt, velociter revertantur unde profecti sunt. Hæc autem de Deo amabilibus episcopis secundum divinas constituentes regulas, et religiosos clericos cum multa fieri inquisitione secundum divinas regulas, et boni testimonii viros ordinari sancimus, litteras omnino scientes, et eruditos constitutos (litteras enim ignorantes omnino nolumus, neque unum ordinem suscipere clericorum, videlicet presbyterorum et diaconorum, tam sacras orationes dicentium quam ecclesiarum et canonum legentium libros), et ordinationem sine querela, et inculpabilem, et sine aliqua contradictione, et sine datione pecuniarum aut rerum suscipientes. Neque autem eos volumus omnino, qui officiales aut curiales constituti sunt, suscipere ordinationem, nisi secundum leges, quas super his superius posuimus pridem, quas et hic nunc confirmamus. Et episcopi auctoritate ordinatos sacra præcepta in conspectu totius populi suscipere propter

easdem causas, propter quas hoc ipsum agi etiam supra in Deo amabilibus episcopis sancivimus. Sed neque eum qui secundas habet aut habuit nuptias ordinari in diaconum aut presbyterum, neque si mulieri conjungatur sejunctæ et proprium virum derelinquenti, neque si concubinam habeat, sed saltem ejusmodi uxorem quæ cum castitate et ex virginitate sit. Nihil enim sic in sacris ordinationibus diligimus, quam cum castitate viventes, aut cum uxoribus non cohabitantes, aut unius uxoris virum, qui sive fuerit, sive adhuc sit, et ipse castitatem eligat, secundum divinas regulas primum principium et manifestum fundamentum residuæ virtutis constitutam. Si autem et aliquis presbyter, aut diaconus, aut subdiaconus postea ducat uxorem aut concubinam, aut palam, aut occulte, sacro statim cadat ordine, et deinceps idiota sit. Quod si et lector secundam ducat uxorem certis de causis et ex irrecusabili quadam necessitate, neque omnino ad altiorem accedat gradum, neque perfruaturs gradu majore in sacerdotio, sed maneat in eodem gradu perpetuo. Sed non et ad tertias veniat nuptias, satis est enim si ad nuptias veniat. Si vero aliquid tale egerit, et ad secundas veniens nuptias, ad majorem gradum venire festinaverit, exinde idiota erit, et laicus, omnino sacro ministerio cadens. Pudice enim nos per omnia decet vivere. Si enim tales constituti hi qui in clero adducuntur ordinentur, facilis eis ad episcopatum ascensus erit, et ex multis bonis viris facilius invenientur qui digni adducantur ad primum gradum sacerdotii. Quanta igitur super venerabiles clericos a nobis dicta sunt, hæc etiam super Deo amabilibus diaconissis intelligi volumus, ut neque ipsæ citra observationem fiant. Sed primum quidem eis ætatem, neque novellam esse, neque crescentem, ne hac occasione delinquendum prosiliant, sed super mediam constitutas ætatem, et circa quinquaginta annos secundum divinas regulas agentes. Sicque sacram promereri ordinationem aut virgines constitutas, aut quæ unius viri fuerant uxores. Non enim permittimus neque secundas contrahentibus nuptias, neque vitam non habentibus (ut diximus) irreprehensibilem, omnique suspicione liberam ad sacrum venire mysterium, et adorandis ministrare baptismatibus, et aliis adesse secretis quæ in venerabilibus ministeriis per eas rite aguntur. Si vero quædam necessitas fiat, et minorem ab hac ætate quam diximus ordinari diaconissam contigerit, liceat eam in aliquo venerabilium asceteriorum destinari, in quo habitare possit nequaquam admista viris, neque suo habitans arbitrio, sed vitæ separatæ et modestiæ a convenienti multitudine bonum testimonium habens. Volumus autem et ipsas quæ ad ordinationem perducuntur diaconissas, sive ex viduitate, sive ex virginitate, non cum aliquo cohærere, aut cognatorum, aut eorum quos appellant dilectos (talibus enim nominibus utentes, maligna suspicione suam replent vitam), sed aut solæ habitent, aut cum parentibus solis, et filiis, aut vere fratribus, aut cum his de quibus si quis suspicari aliquid præsumpserit malignum, ipse insipiens simul et impius forsân putabitur.

Et si dicatur tale aliquid de aliqua eorum quæ in diaconissarum ordinationem ingredi vult, quod aliqui adhæserit sub imagine quidem bonæ appellationis, cum maligna vero suspicione, non oportet hujusmodi mulierem perducî omnino ad ordinationem diaconicæ. Nam et si ordinetur, et tale aliquid egerit, et cohæserit alicui cum prædicto nomine, aut schemate, cadat quidem ipsa a diaconia, et tam ipsa quam ille subjecti erunt huic legi, et reliquis quæ corruptores puniunt. Oportet enim omnes quæ ordinantur venerabiles diaconissas tempore ordinationis etiam moneri, et coram reliquis quæ dudum sunt venerabiles diaconissæ sacrorum audire mandatorum præcepta, ut et ipsæ Dei timorem habeant et adhærentem sacris mandatis fiduciam, timeant autem et confundi, et sacro cadere ordine: scituris quod si præsumperint, aut erubescerent ordinationem, aut derelinquentes sacrum ministerium, ad nuptias venire, aut aliam omnino vitam elegerint, ipsæ quidem obligatæ efficiuntur morti, et substantia earum applicabitur sanctissimis ecclesiis, aut monasteriis in quibus sunt. Qui vero eas aut in uxores accipere, aut corrumpere præsumpserint, obnoxii quidem et ipsi gladio erunt, substantia autem eorum applicabitur fisco. Si enim in antiquis legibus virginibus illis quæ in eorum errorem vocabantur mortis incumberebat periculum, corruptis quomodo non magis nos in his quæ a Deo glorificantur idem definimus, pudicitiam, quæ quam maxime mulieres exornat, conservari volentes, cum conveniat venerabilibus diaconissis, ut et quod naturam decet custodiant, et quod debetur sacerdotio conservent. Secundum hoc autem et semel factos diaconos aut presbyteros nullo modo derelinquere sacerdotium. Quod non solum in presbytero et diacono sancimus, sed etiam si subdiaconus, aut forte lector fiat aliquis, neque hunc relinquere pristinum schema, et ad alteram migrare vitam: quia si tale aliquid egerit, secundum quod a nobis jam sancitum est, aut in curiam cum substantia, aut sub inopia degens ad officialem deponetur fortunam. Sed neque effusas competit fieri de cætero reverendissimorum clericorum ordinationes. Quod enim hactenus gestum est, licet corrigi oporteret, attamen propter tempus sinimus. De cætero autem non propter hoc fieri, neque ad damnum sanctissimarum ecclesiarum venire sancimus. Quæcunque igitur oportebat de tali modo in sanctissima majore ecclesia hujus nostræ regis civitatis, et sub ea constitutis sanctissimis ecclesiis, et aliis, quæ hic sunt, fieri, hæc speciali lege complexi sumus. In omnibus autem quæ foris sunt locis sancimus, si quis cum constituit ab initio edificare ecclesiam, definivit ordinandorum mensuram, tanquam secundum eam expensas constituens, non prius ordinari quemquam in eadem ecclesia, nisi ad numerum a principio definitum ejus mensura redigatur. Si vero hoc non fecerit, ipsa vero civitatis ecclesia ministrat emolumenta, et sibi et aliis ecclesiis, tunc non promptum sit augere illi clericos, neque propter aliquas forte compassionem aut beneficia ex hoc eam sumptibus prægravare. Non sunt

enim hæc pia, neque sacerdotibus digna, sed ex his quæ Dominus Deus dederit, quæ possibilia sunt, administrare, aut antiquam conservare consuetudinem nihil penitus innovantem. Unde competit Deo amabiles patriarchas et metropolitanos hujus habere providentiam, et eos quidem qui hactenus sunt sinere in schemate in quo sunt clericos. Metiri vero uniuscujusque ecclesiæ facultates, et ita ipsos quoque sanctissimos patriarchas sub se constitutas ecclesias ordinare, et metropolitanos hoc ipsum a sanctissimis patriarchis commonitos facere, illos autem alios omnes sub se positos episcopos ad mensuram hanc deducere, et studere non ultra expensas facere clericorum ordinationes. Scimus enim quot sanctissimæ ecclesiæ propter hanc ordinationem et alias expensarum effusiones inopes factæ sunt.

Et quia aliquas earum vix quidem, tamen liberavimus, quædam vero adhuc oneratæ jacent ex tali elevari angustia non valentes, ideoque hoc provideant sanctissimi patriarchæ, et metropolitani, et reliqui Deo amabiles episcopi, ut et nos quæ ab eis aguntur discentes, approbemus eos qui nostram legem in litteris positam apud semetipsos ostenderunt operibus adimpleri. Quæ igitur a nobis sancita sunt, et sacrum ordinem statumque custodiunt secundum sacrarum regularum observationem et tenorem, de cætero conservent perpetue integra et sanctissimi patriarchæ uniuscujusque dioceseos, et Deo amabiles metropolitani, et reliqui reverendissimi episcopi, atque clerici, ubique Dei culturam et sacram disciplinam custodientes inviolatam, poena imminente ista prævaricanti, quo penitus alienus sit a Deo, et imposito sibi sacerdotii ordine. Nam velut indignus hoc excluditur. Licentiam vero universis damus, cujuscunque sunt officii, vel conversationis, respicientibus aliquid horum prævaricari, nuntiare nobis et ad imperium, quod semper est, ut nos, qui hoc secundum sacrarum regularum explanationem apostolicamque traditionem constituimus, decentem etiam indignationem prævaricatoribus inferamus, his videlicet etiam quæ sancita sunt a nobis de hæreditatibus Deo amabilium episcoporum custodiendis. Sanctissimi sane patriarchæ uniuscujusque dioceseos hæc proponant in ecclesiis sub se constitutis, et manifesta faciant Deo amabilibus metropolitanis, quæ a nobis constituta sunt. Illi quoque rursus etiam ipsi proponant in metropolitana sanctissima ecclesia, et constitutis sub se episcopis hæc manifesta faciant. Illorum vero singuli in propria ecclesia hæc proponant, ut nullus in nostra republica ignoret, quæ a nobis ad honorem et magnificentiam magni Dei et Salvatoris nostri Jesu Christi disposita sunt. Insuper sequens hæc tua sanctitas omnibus, qui sub ea sunt, sanctissimis metropolitanis hæc faciat manifesta universo tempore tenenda. Scriptum exemplar Epiphanio sanctissimo archiepiscopo magnæ hujus et almæ urbis. Scriptum exemplar sanctissimo archiepiscopo Hierosolymorum. Scriptum exemplar Joanni viro gloriosissimo præfecto sacrorum prætoriorum secundo exconsule et patritio, cui etiam

A hoc adjectum est. Et tua quoque celsitudo hæc sciens una cum semper suscepturis sedem tuam hæc servare festinet. Et si denuntiatum aliquid fuerit, tale delictum prohibeat, et maxime quæcunque in ordinationibus curialium vel officialium interdicta sunt. Nuntiet autem etiam nobis, ut decens super eis imponatur correctio, utatur quoque præceptis ad clarissimos provinciarum judices, ut et ipsi, quæ fiunt inspicientes non permittant aliquid extra hoc, quod a nobis constitutum est, fieri: imminet enim eis et poena quinque librarum auri, siquidem et ipsi prævaricari videntes non denuntiaverint, aut sedi tuæ, aut imperio, ut undique decens ornatus ordinationis gradui conservetur. Scripta cum adiectione dominica.

B

NOVELLA VII.

De non alienandis aut permutandis rebus ecclesiasticis immobilibus, aut in specialem hypothecam dandis creditoribus, sed ut sufficiant generales hypothecæ.

Imperator Justinianus Augustus Epiphanio archiepiscopo, et patriarchæ Constantinopolitano.

C Unam intentionem hanc semper proponimus, omne quidquid prius imperfectum aut confusum videbatur, hoc et expurgare, et perfectum ex imperfecto declarare, quod etiam in omni legislatione facientes, credimus oportere et in alienationibus, quæ fiunt super sacris rebus una complecti lege, quæ priores omnes et renovet, et emendet, et quod deest adjiciat, et quod superfluum est, abscindat. A Leone siquidem bonæ memoriæ, qui post Constantinum piæ memoriæ Christiana fide inter cæteros imperatores principatum auxit, et constituit sacrarum ecclesiarum honorem et disciplinam scripta, lex est de alienationibus ecclesiasticis conclusa in sola hujus felicissimæ civitatis sanctissima majore ecclesia. Et laudamus plurima hujus legis cum omni vehementia et Dei cultura posita. Sed eo quod non generaliter posita sit, in omnibus, indigere etiam eam quadam correctione credimus. Ab Anastasio quoque piæ memoriæ scripta quædam de talibus lex est, neque similis priori, et omnino minus habens, effusa namque et per loca foris posita, nihilominus mansit imperfecta, eo quod ad solum sacerdotium et diocesin respiciat, constitutam sub beatissimo patriarcha hujus regiæ et felicissimæ civitatis, alias autem omnes non perscrutata sedes, cum utique dignam correctione esse eam arbitratus, propter quam occasionem alia quidem corrigebat, alia vero incomposita relinquebat. Quamobrem eam quoque vacare de cætero sancimus, utpote imperfectam, et loco circumclusam, et non generalem inter leges existentem, neque aliquid studiosum introducentem.

Hæc ergo nos omnia emendantcs, unam existimamus legislationem omnibus sanctissimarum ecclesiarum, xenodochiorum, nosocomiorum, monasteriorum, brephotrophiorum, gerontocomiorum, et totius sacratæ collegii rebus imponendam, et hanc legem Leonis piæ memoriæ constitutioni adjiciendam esse:

prius quidem breviter legislationem exponentes, A
sicque omne quod reliquum est intextentes.

Vult autem illa neque Deo amabilem archiepiscopum et patriarcham hujus felicissimæ civitatis, seu sanctissimæ majoris ecclesiæ, neque œconomum vendere, aut donare, aut aliter alienare rem immobilem, domum forsitan, aut agrum, aut colonum, aut mancipia rustica, aut civiles annonas (nam et hæc inter immobilia numeranda sunt quæ competunt Constantinopolitanæ sanctissimæ majori ecclesiæ), sed neque pro ulla compensatione, aut qualibet alia circumventione tale aliquid agi. Et interminatur emptori quidem rei restitutionem, ut reddat pro tempore œconomus rerum sanctissimæ ecclesiæ rem, quam ipse perceperit, cum omni medii temporis fructu, et aliis lucris, casu imminente pretiorum ei B
qui tale aliquid accipere aut comparare præsumpserit cum etiam hoc quidem, quod contra leges actum est, ita ponat, ac si neque a principio gestum sit. Œconomus vero hæc prævaricantem dare quidem de suo sanctissimæ ecclesiæ jubet omne, quicquid ex ea causa lucratus est, aut sanctissimæ ecclesiæ, damni intulit. Super hoc autem etiam excludit officio œconomum, et dat actionem sanctissimæ ecclesiæ, non solum contra Deo amabiles œconomos, sed etiam contra successores eorum, sive ipsi hæc alienaverint, sive pro tempore Deo amabilem episcopum, aut alium quempiam clericorum videntes alienantem degeneri et illiberali taciturnitate passi sunt, et multo potius, si cum viderent, consentientes tale aliquid permiserunt, et non prohibuerunt. Ad hæc autem etiam tabellionem, qui talia confecit instrumenta, perpetuo tradit exsilio nullam ei clementiam neque per reversionem participans. Ipsos quoque maximos judices, qui ad hæc accedunt, et talibus ministrant causis, aut confici apud semetipsos monumenta pro confirmatione talium donationum aut aliorum actuum patiuntur, cingulo, et dignitate, et substantia interminatur excludere. Hæc igitur increpans vehementer, C
permittit rei ecclesiasticæ usum, aut qui vocatur ususfructus, sub certo quodam tempore, aut etiam usque ad vitam percipientis dare sanctissimam majorem ecclesiam, sub hac tamen definitione, ut is qui hanc accepit munificentiam, ejusdem quantitatis rem recompenset sanctissimæ majori ecclesiæ jure proprietatis, ex qua possit eundem redditum sanctissima ecclesia habere, quantum ille ex usu accepit, post percipientis utique mortem, aut definitum tempus, usu videlicet et usufructu datæ ecclesiasticæ rei ad sanctissimam majorem ecclesiam redeunte, et item usu donatæ rei cum proprietate sanctissimæ ecclesiæ vindicando; talem namque contractum sine periculo esse ponit lex. Si vero minoris fuerit quam quod datur a sanctissima ecclesia illud quod compensatur ei cujus mox quidem percipiet proprietatem, sperat autem et usum accipere, infirmum contractum et pro non facto ponit, datque licentiam vindicationis, utpote circumventionem contra jus sanctissimæ ecclesiæ facta. Lex itaque talia sub brevitate decer-

nit, et multam imponit, et usque ad res sanctissimæ majoris ecclesiæ stat solummodo, et quanquam omnem perimit circumventionem, quam prædiximus, non tamen retinere calliditatem postea insurgentium valuit. Quidam enim dudum hoc quod vocatur colonarium jus (est autem colonarium jus veluti si domum valentem centum solidos, et præstantem pensionem solidos decem accipiat quis ab ecclesia, et det pro ea solidos centum, seu amplius, aut etiam minus, et quasi jam de proprio aggravet se dare singulis annis quasi pensionis nomine solidos tres; iste autem appellatur parœcus. Sed ipsam domum sub tam parva pensione in perpetuum et ipse et hæredes ejus possidebant) adinvenientes neque nostris legibus, neque cujusquam omnium notum, circumventionem non parvam meditati sunt contra legem, perpetuas pene excogitantes alienationes. Quod nos de cætero agi prohibemus, et pro eo ipso conscripsimus legem.

Dudum autem et ad emphyteusin respexerunt, et imminuerunt plurimam quantitatem veri redditus illis qui emphyteusin accipiunt, præstantes hi qui rebus quidem sanctissimæ majoris ecclesiæ præsidebant.

Ideoque nos in quadam constitutionumstrarum definimus quidem usque ad personas tres emphyteusin fieri, accipientis, et duorum aliorum successorum: hoc etiam super rebus sanctissimæ majoris ecclesiæ fieri permittentes, non autem ultra sextam partem propter fortuitos casus emphyteusin accipientes relevari sancientes. Quia vero didicimus sic effuse et impie ab aliquibus fieri documenta, ut neque sexta relinquatur sanctissimæ ecclesiæ pars, reliquis omnibus emphyteusin accipientibus donatis: porro autem Anastasius piæ memoriæ gesta monumentorum constituens fieri super alienationibus, sic ut etiam hujus rei tempus adjiceretur, et emphyteusin statuens, sine gestis quidem usque ad solam vitam accipientis emphyteusin, cum gestis autem in perpetuum eam extendens, neque perfectam fecit, neque utilem legem, et undique imperfectam, usque ad solam diœcesin patriarchicæ sedis hujus felicissimæ civitatis (sicut prædiximus) legislationem statuens.

Nos igitur (jam enim ad legem veniendum est) sancimus, neque sanctissimam hujus felicissimæ civitatis majorem ecclesiam, neque sub ea constitutas ecclesias, quarum ipsa erogationem suscepit (sicut eam Anastasius piæ memoriæ interpretatus est), neque alias omnes ecclesias in hac felicissima existentes civitate, aut circa ejus confinia, neque sub patriarchica sede hujus felicissimæ civitatis constitutas, quarum metropolitanos ipse ordinat, neque alium ullum ubicunque, sive patriarcham, sive episcopum (dicimus autem et eos qui in Osiente, et qui in Illyrico, insuper et in Ægypto, et Lycaonia, atque in Lycia, et eos qui in Africana provincia, atque, ut strictim dicamus, per omnes nostræ ditionis terras, necnon, qui in Occidente sunt, Deo amabiles episcopos ab ipsa seniore Roma usque ad Oceanum consistentium sanctissimarum orthodoxarum ecclesiarum)

neque aliquem xenodochum, aut ptochotrophum, aut nosocomum, aut orphanotrophum, aut brephotrophum, aut gerontocomum, aut monasteriorum (virorum vel mulierum) abbatem seu abbatissam, aut quemlibet omnino præidentem venerabilibus collegiis, licentiam habere alienare rem immobilem, aut in domibus, aut in agris, aut in hortis, aut omnino in hujusmodi consistentem, neque rusticum mancipium, neque civilem annonam, nec per specialis pignoris occasionem tradere creditoribus.

Alienationis autem nomen generalius ideo posuimus, ut prohibeamus et venditionem et donationem et computationem, et in perpetuum extensam emphyteusin, quæ non procul ab alienatione consistit, sed omnes ubique sacerdotes ab hujusmodi alienatione prohibemus, subdendos pœnis, quibus Leonis piæ memoriæ usa est constitutio : illam namque per omnia valere et ratam esse sancimus. Præterea autem proposuimus et protulimus, et conscripsimus hanc legem non paterna voce, sed hac communi et Græca, ut omnibus sit nota propter facilem interpretationem.

Quod itaque jam præterit, relinquimus. Nam documenta tam longo ab hinc tempore facta denuo commovere, multæ erit tergiversationis. Quapropter, quæ usque huc hactenus exstant, proprium habeant vigorem, de cætero autem omnem alienationem interdiciamus, prædictas eis pœnas imponentes.

Ut autem lex ad humanæ naturæ varietatem permaneat, et ad id quod semper venit accommodata, per omnia immota permaneat (quid enim esse potest stabile inter homines et immobile, ut nullam patiatur mutationem, cum omnis noster status sub perpetuo motu consistat ?) necessarium existimavimus, quasdam exceptiones dare legi, cum multis vigiliis et subtilitate adinventas, ut eas habens in auxilio lex, nequaquam moveatur.

Sinimus ergo imperio, si qua communis commoditas est, et causa ad utilitatem reipublicæ respiciens, et talem exigens possessionem alicujus immobilis rei, qualem proposuimus, hanc ei a sanctissimis ecclesiis, et reliquis venerabilibus domibus et collegiis, percipere licere, undique sacris domibus indemnitate servata, recompensanda re eis ab eo qui percepit, æqua aut etiam majore, quam data est. Quid enim D causetur imperator, ne meliora det, cui plurima dedit habere Deus, et multorum dominum esse, et ut facile dare potest, et maxime in sanctissimis ecclesiis, in quibus omnis donatarum eis rerum immensitas optima mensura est ? Unde si quid tale fiat, et pragmatica processerit forma, præcipiens imperio dare aliquid talium rerum, et recompensaverit mox rem meliorem, et uberiores, et utiliores, sit ea permutatio firma, et hi qui præident domibus, quarum est quod alienatur, et qui talibus administrant litteris, sine querela undique sint, nullam metuentes pœnarum, quæ a Leone piæ memoriæ interminantur, et a nobis firmatæ sunt. Utique cum nec multum differant ab alterutro sacerdotium et imperium, et sacræ

A res a communibus ac publicis, quandoquidem omnium rerum sanctissimis ecclesiis abundantia et status ex imperialibus munificentis perpetuo præbeatur. Alterutris itaque compensantes, quæ decent, non ab aliquibus jure culpabuntur. Aliam vero omnem, sive ad ipsum imperium, sive ad aliam quamcunque personam factam, sive venditionem sive emphyteusin perpetuam omnino perimimus. Sed neque donationem, sive permutationem, sive dationem cujusdam pignoris in re immobili factam occasione mutuum fieri sinimus. Et hæc valere volumus in omni ecclesia, omnique monasterio, et nosocomio, et xenodochio, et brephotrophio et asceterio, et gerontocomio, et omni absolute collegio, quod actio pia constituit, nullo penitus horum accipere aliquid ab eis valente.

B Unde neque constitutione Anastasii divæ memoriæ ulterius opus erit, neque secundum illam facienda decreta memoratæ observationis. Ipsa enim rei principia perimentes, et prohibentes quod fit, nequaquam perscrutatione deinceps indigebimus.

Emphyteusin autem, sive in sanctissima majore ecclesia, sive in omnibus reliquis adorandis domibus, fieri sinimus, et in persona accipientis, et in duobus ejusdem personæ hæredibus deinceps, filiis duntaxat solis masculis aut feminis, aut nepotibus utriusque sexus, aut uxore, aut viro, si hoc videlicet de uxore aut viro, expressim nominetur ; alioquin non transire ad aliquem alterum hæredem, sed usque ad solam vitam percipientium standum, nisi filios aut nepotes habuerint. Aliter autem penitus emphyteusin C agi ecclesiasticæ cujusdam, aut ptochicæ rei immobilis, aut mancipii rustici, aut civilis annonæ, nullo modo permittimus, neque quod fit, aliquod penitus robur habere sinimus.

Quia vero Leonis quidem piæ memoriæ, constitutio sub nulla penitus deminutione dari rem ecclesiasticam sancivit, nos autem in alia constitutione a nobis scripta, sextam solum excipi super emphyteusi sancivimus, hujusmodi quemdam deminutionis rei ordinem damus, ut quæretur cum omni veritate et subtilitate pensio eorum quæ dantur, an tanta sit quanta ab initio fuerit, quando ad sanctissimam venit ecclesiam, et detur emphyteusis talibus personis, quales dudum diximus. Tunc enim sextam partem cum scrupulositate imputandam concedimus. Si vero minui contigerit per quamdam calamitatem pensionem, aut in totum tunc constantem pensionem accipiat, qui emphyteusin subire vult, aut penitus abstineat, cum liceat elocare potius quam tales deminutiones in emphyteusi celebrare. Si vero alicujus ecclesiastici suburbani prædii emphyteusis detur, qualia plurima, maxime in hac novimus felicissima consistere civitate, multo quidem digna pretio, parvas vero reddentia pensiones, aut nihil pensionum omnino non ex redditibus metiri emphyteusin, sed æstimare suburbanum subtiliter, et reputari ex pretio redacto redditus possibiles in viginti annis computari, et in redditibus secundum hoc computatis agi emphyteusin, non perpetuo, sed in eum qui percipit, et duas ex eo

successiones, et viro et uxori (sicut prædiximus) faciendam.

Scire autem emphyteutas convenit, quia si in biennio continuo non exsolverint emphyteuticum cano- nem (hoc enim tempus pro triennio aliorum hominum sufficere ad casum ecclesiasticarum aut ptochicarum emphyteuseon pro non soluto canone ponimus), fient omnino extranei emphyteumatos, et volentibus præpositis sanctarum domuum licebit prædia aut domus vindicare, nullam metuentibus meliorationum repetitionem. Sed siquidem deterius fecerit prædium, aut suburbanum, aut domum, qui emphyteusin percepit, cogi eum de suo diligentiam ac restitutionem prisci status facere, obligatumque ad hoc esse et ipsum, et hæredes ejus, et successores, ejusque res, insuper et debitos omnes redditus sine dilatione exigi.

Quod autem dictum est a nobis, ut nullius immobilis rei ecclesiasticæ aut ptochicæ alienatio sit permissa, ad nullam nostræ reipublicæ personam sancimus valere, non solum super constantibus domibus, et suburbanis, et hortis, et agris, sed etiam super ruinis (sive ex igne, sive ex terræmotu, sive ex qualibet eausa ruina sit) et in his quæ omnino destructa sunt, et in pavimento jacent, sive etiam in puris ruinis nullum ædificium habentibus, neque materiam jacentem. Non enim in illis alienationem fieri permittimus, nisi in sola emphyteusi temporali, secundum quod dudum a nobis dictum est, et in tribus personis talibus, quales prædiximus.

Et ut neque ulla circumscriptio in rem ecclesiasticam in talibus fiat, duobus per tempora primatibus mechanicis, aut architectis, sive in hac regia et maxima civitate una cum Deo amabilibus œconomis, et quinque reverendissimis presbyteris, et duobus diaconis, præsentem quoque Deo amabili episcopo, sive etiam in provincia duobus insignibus mechanicis aut architectis, aut etiam uno (si unum solum civitas habeat) intervenientibus in illis locis, sacrosanctis Evangeliiis propositis, definiatur ab architectis, quantum competat pro hoc solvi sanctissimæ ecclesiæ secundum modum emphyteuseos, et sub his emphyteutica conscriptio in eo celebretur secundum figuram prius dictam: ille vero et ædificet, et utatur materiebus (si materias habeat) et transmittat emphyteusin usque ad duas successiones (sicut dictum est) et sic revertatur post trium personarum mortem ad sanctissimam ecclesiam aut venerabilem domum, ex qua facta est emphyteusis, et valeat etiam talis contractus, utpote præsentem non repugnans legi.

Neque illud quod hactenus contra tales contractus agebatur, valere permittendum est de adiectione, ut si duorum hæredum compleatur tempus, licentia sit eis, qui post illum sunt, in emphyteusin dare id, de quo agitur, et semper eos præponi aliis. Hoc enim nihil aliud est quam per revolutionem et machinationes perpetuas eis emphyteuses, magis autem pri-
vationes ecclesiasticarum agi rerum. Sed et si quid

A factum est tale, nullam necessitatem esse reverendissimis œconomis, duobus hæredibus cessantibus, cæteris tradere.

Si quis autem voluerit accipere secundum rationem usus, aut qui vocatur ususfructus, rem ecclesiasticam aut sanctissimæ majoris ecclesiæ, aut alterius cujuslibet, quæ in omni nostra ditione sunt positæ, aut ptochiorum, omnino percipiat hoc, et secundum prædictam observationem, et secundum formam constitutionis Leonis piæ memoriæ, ut iste locuples existens, et substantiæ immobilis dominus aliam mox rem secundum proprietatis jus compen- set sanctissimæ ecclesiæ, aut venerabili domui, ex qua hoc percepit, tantos et tales inferentes redditus, quantos aut quales habet id, quod datur, ut ita post
B ejus obitum ecclesiastica aut ptochica res revertatur ad venerabilem domum cum usu, qui datus est, non transcendente tempus vitæ percipientis, accipiat autem similiter et rei in compensationem datæ usum, quatenus post percipientis obitum aut tempus, in quo donatio usus convenit, non transcendens videlicet percipientis vitam, utrumque ex toto et secundum proprietatem et secundum usum apud sanctissimam ecclesiam remansurum sit.

Quia vero Leonis piæ memoriæ constitutio pœnas pene solummodo in venditiones decrevit, nos autem interdiximus non venditiones solum, sed etiam donationes, et permutationes, et perpetuas emphyteuses, et pignorum dationes in rebus immobilibus, videmus autem quosdam sic amatores periculi constitutos, ut præsumant ad ea quæ interdicta sunt accedere, et circumventionem facere legibus ex voluntate et præsumptione quam habent, et quæ omnibus modis interdicta sunt, et quæ forsitan deducunt homines ad mortem, qui id agunt, propterea necessarium existimavimus in unoquoque contractu etiam certam statuere pœnam. Hæc scilicet pœnis, quæ positæ sunt adversus œconomos ex constitutione prædicta piæ memoriæ Leonis, similiter et nunc imminentibus œconomis. aut xenodocho, aut nosocomio, aut brephotrocho, aut abbati, aut abbatissæ monasterii, aut asceterii secundum quod prius dispositum est.

Si quis igitur emere præsumperit rem ecclesiasticam, aut ptochicam, cadat quidem mox pretio, ex-
D gatur autem res quam accepit, cum omni medii temporis incremento, et contra sanctissimam ecclesiam quidem, aut venerabilem domum nullam omnino habeat actionem, contra venerabiles vero œconomos, aut qui omnino vendiderunt, in propriis eorum substantiis ex contractu habeant actionem, ut etsi non propter Dei timorem, tamen metu suæ substantiæ segiores circa venditionem fiant. Si quis autem per donationem accipere præsumperit rem ecclesiasticam, aut ptochicam, et ipso, quod datum est, omnino cadat, et aliud tantumdem ex sua substantia repenset sanctissimæ ecclesiæ, aut venerabili domui, ex qua hoc suscepit, ut quam visus est ingerere contra eam novitatem, suam exercens malignitatem, eam ipsemet in propriis bonis sentiat. Si autem per-

mutatio in quibusdam personis fiat, præter solum imperium, sicut prædiximus, et qui permutationem accepit, subiaceat pœnæ et datam sibi rem amittat, et recurat rursus hæc ad venerabilem domum, unde progressa est, et quod pro compensatione dedit, maneat apud venerabilem domum, et qui accesserit ad causam legi contrariam, cadat utroque juste, et secundum hoc pœnæ subdatur, secundum quam et propriis cadat, et quod speravit, non acquirat, etiam hic actione ei servata in propria substantia eorum, qui contractum cum eo celebraverunt.

Si autem creditor in pignora corporali elegerit accipere rem immobilem ecclesiasticam, aut ptochicam in domibus forsitan, aut suburbanis, aut agris, aut hortis, aut civilibus panibus, aut rusticis mancipiis, et dederit aurum, ab hoc cadat creditor, et quæ mutuum acceperit sanctissima ecclesia aut venerabilis domus, quod mutuatum est aurum, lucro habeat etiam hic contra celebrantem mutuum œconomum, aut xenodochum, aut brephotrophum, aut præsulem monasterii, aut asceterii, aut aliorum venerabilium collegiorum creditori actione manente, his omnibus etiam in abbatissis muliebrium ascetiorum aut monasteriorum valentibus. Si enim omnino sanctissimis ecclesiis aut aliis venerabilibus domibus credito opus sit, idque forte aut in necessariam quamdam et inevitabilem occasionem, et præter quam non poterit, quod imminet adimpleri, aut in aliam causam utilissimam sanctissimæ ecclesiæ consistentem, licebit præpositis earum usque ad generalem hypothecam stare, et nullum speciale pignus creditoribus præbere.

Si vero etiam perpetuam quispiam emphyteusin accipere præsumperit, quod non licet, aut temporalem quidem, non tamen secundum hujus nostræ legis observationem, etiam sit cadat quidem de emphyteusi, et quod datum est maneat apud venerabilem domum. Debebit autem continuo et post casum emphyteumatosolvere, quantum soluturus erat, si secundum legem emphyteusin subiisset, nihil apud eum manente ex rebus pauperum quæ frustra per emphyteusin datæ sunt.

Hæc igitur omnia custodiantur prædictis subjecta pœnis, neque tabellionibus præsumptibus instrumentis talibus ministrare, sed usque metuentibus exsilium, ex quo nunquam revertantur, nec si sacra hoc præbeat forma, neque iudicibus vel dictare talia instrumenta præsumptibus, vel facta suscipere et gestis monumentorum ea firmare, ne etiam ipsi et cinguli ac dignitatis et substantiæ casum secundum Leonis constitutionem sustineant. Iisdem pœnis servandis etiam adversus eos qui sacrata vasa contra nostram legem aut pignori dant, aut vendunt, aut conflant propter alienationem. Nam et illos æquali, aut majore pœna dignos esse sancimus, quando etiam circa sacras res et Deo dedicatas præsumperunt impie agere, nisi tamen aliquod tale fiat, quod diximus, circa redemptionem captivorum, ubi animæ hominum liberantur a mortibus et vinculis inanima-

torum venditione vasorum. Simili videlicet observatione et super alienatione civilium panum custodienda, sicut sæpe diximus, eo quod tales esse panes non solum in hac felicissima civitate, sed etiam in magna Alexandria. et in Theopoli esse didicimus, forsitan autem tale aliquid etiam in aliis provinciis quibusdam est. Unde tametsi alibi quoque hujusmodi quædam est possessio, et in illa lex servetur, et suam observationem extendat.

Quia vero verisimile est quempiam etiam in circumventionem hujus legis tentare pragmaticas sacras formas accipere, tale aliquid eis agere permittebimus, et hoc prohibemus in omni persona majore, vel minore, sive in cingulo constituta, sive horum qui circa nos sunt, sive aliorum quispiam inter populos habitantium. Et sancimus, nulli penitus licentiam esse talem quempiam pragmaticum proferre typum, neque ex hoc accipere aliquod de sanctissimis ecclesiis compendium, aut de monasteriis aut ptochiis, aut aliis venerabilibus collegiis immobilium rerum. Sed et gloriosissimo quæstori pœnam imminere centum librarum auri, si quid tale dictaverit, simul et suscipientibus insinuationem talis cujuspiam sacræ formæ gloriosissimis iudicibus, aut aliis quibusdam eandem imminere pœnam, et tabellionibus succumbere Leonis piæ memoriæ constitutioni, si confecerint tale aliquod instrumentum, et Deo amabiles episcopos, aut venerabiles œconomos sine periculo refutare hujusmodi sacras pragmaticas formas, magis autem cum periculo suscipere et agnoscere, quia circa ipsum sacerdotium periculum sustinebunt, si negligentes has leges, quæ ita sunt, pragmaticas sequantur formas. Oportet enim ea quæ communiter et generaliter ad omnium utilitatem sanciantur, potius valere, quam ea quæ circa aliquos studentur agi ad corruptionem communium legum. His solis videlicet conducendis et in emphyteusin dandis rebus, quascunque putant tali aliquo egere. Si tamen voluerint quædam sub propria gubernatione habere Deo amabiles œconomi, aut aliorum præsules collegiorum, nulli horum, qui in potentatu sunt, neque secundum sacram pragmaticam formam, licentiam esse cogere eos, aut per conductionem, aut per emphyteusin hæc tradere ei, qui hoc agit, et sacrilegii subiacere pœnæ et omnibus multis, quæ hac nostra lege sacra continentur et suppliciis. Quia vero cognovimus aliquod pessimum delictum factum et apud Alexandrinos et Ægyptios, jam autem et in aliis quibusdam imperii locis quosdam præsumere vel ipsa venerabilia monasteria vendere, aut permutare, aut donare, in quibus et altare collocatum est, et sacrum exhibitum ministerium, quale moris est in sanctissimis ecclesiis celebrari, quippe sacris lectis Scripturis, et sacrosancta et ineffabili communione tradita, et monarchica illic facta habitatione, ita ut hæc mutarentur ex sacra et Deo amabili figura ad privatam mansionem et statum, hæc omnino de cætero fieri prohibemus, nulli hominum permittentes hæc delinquere, sed etiam factum infirmum omnibus

declaramus modis, et pretiorum casum imponimus accipientibus, et venditorem quoque damnificamus, et rei casu et pretii amissione, sanctissimæ ecclesiæ ejus loci et venerabilibus monasteriis hoc tribuentes, quatenus ipsi provideant ut quod male alienatum est rursus ad monachicam revocent figuram, neque hypotheca super his valente, sed etiam ipsa infirmenda, et rursus sacro monasterio assignanda.

Sicut autem damnosas alienationes prohibemus, sic et damnosas possessiones interdicimus. Multæ enim apud nos motæ sunt quæstiones, ubi quidam minus idonea prædia donaverunt sanctissimis ecclesiis, aut venerabilibus domibus, aut etiam vendiderunt tanquam idonea, cum utique sterilia a principio essent, et ex hoc venerabilibus domibus nocuerunt. Interdicimus igitur rectoribus venerabilium domorum tale aliquid agere, aut certe cognoscere, quia si non cum omni subtilitate fecerint contractus, sed fenequa quædam possessio aut damnosa detur ecclesiis, aut monasteriis aut xenodochiis, aut nosocomiis, aut aliis venerabilibus collegiis, contractus quidem pro non facto erit, et recipiet omnino, qui dat, quod per circumventionem et fallaciam datum est. **O**conomus autem qui tale aliquid egerit, aut abbas, aut xenodochus, aut nosocomus, aut ptotchotrophus, aut orphanotrophus, aut gerontocomus, de suo ei qui dedit salvabit ex hoc damnum. Si vero sic causa fingeretur, ut etiam aliquod aurum pro hoc detur, et hoc lucrabitur quidem venerabilis domus quæ feneum aliquod acceperit. Qui vero aurum dedit, habebit contra eum qui contractum celebravit ex hoc actionem, sicut prædiximus. Hæc omnino a nobis super ecclesiasticarum aut ptochicarum rerum alienatione posita sit lex, Leonis quidem piæ memoriæ sequens constitutionem, et non aliud quidem curans, aliud autem incuratum relinquens, sed in omni terra quam Romanorum continet lex, et catholicæ ecclesiæ sanctio, hæc extendatur, et determinet quæ sua sunt, et valeat perpetuo, custodita a sanctissimis patriarchis uniuscujusque dioceseos, et a Deo amabilibus metropolitanis, et ab aliis episcopis, et clericis, et æconomis, et abbatibus et xenodochis, et nosocomis, et brephotrophis, et gerontocomis, et orphanotrophis, et omnibus similiter rectoribus aliquorum sanctorum collegiorum, omnibus imponens proprium robur et licentiam præbens volenti denuntiare quæ delinquantur. Laudabilis enim hujusmodi est, et calumniatoris effugiet nomen, qui causam contra leges factam redarguit, auctor pietatis et utilitatis sacris domibus factus. Servabunt autem eam nihilominus et nostræ reipublicæ iudices majores et minores, civiles et militares, et præcipue per omnes dioceses constituti gloriosissimi præfecti sacrorum prætoriorum, et medias habentes administrationes, quas spectabiles vocant (dicimus autem Augustalem et proconsulares, et spectabilem comitem Orientis) et alios, et qui post illos sunt magistratus, hoc est provinciarum consulares sive præsides constituti, atque defensores civitatum, et

A simpliciter omne civile, militare, et publicum auxilium hanc nostram legem tanquam ad communem utilitatem et pro totius terræ pietate positam servet, et prævaricatores subdat poenis quas primitus diximus. Si quid autem de conductionibus ecclesiasticarum rerum, aut in aliis capitulis sancivimus, aut a prioribus nostris sancitum est, maneat hoc in propria firmitate, neque ex præsentī sacra nostra constitutione novandum; alia enim omnia manere in propriis terminis sinimus, nisi tamen aliquid de his habeat, quæ hic constituimus, cum sufficiat pro omnibus hæc lex super id quod a Leone piæ memoriæ factum est, omnem adversus ptochicas res auferre alienationis occasionem. Tua igitur beatitudo, et qui post illam in pontificalibus sedibus fuerint, quæ a nobis disposita sunt, operi effectuique tradere festinet. Dat. XVIII Kal. Maii. Belisario v. c. cos.

NOVELLA VIII.

Ut præsides absque ulla datione pecuniæ ad officia mittantur.

Imperator Justinianus Augustus Joanni præfecto prætorii iterum exconsule et patricio.

Nobis equidem, dum sedulo consultamus, quibus modis boni aliquid, et quod Deo placeat, subditis per nos inferatur, usu venit planissime, ut diu simul noctuque in curis et vigiliis versemur. Neque eam animi vigilantiam supervacue aut præter rem suscipimus, sed sive interdiu quid geramus, sive noctibus ex æquo utamur cum die in tam numerosa eam consilia impendimus, ut nobis pro omnibus curam gerentibus, subditi nostri omni sollicitudine vacui in tuto et summa tranquillitate collocentur. Omni enim cum pervestigatione et accurata inquisitione progredimur, ea efficere cupientes, quæ utilitatem subditis nostris adferant, simulque omni eos onere ac damno, quod præter descriptionem publicam et justam ac solitam collationem alicunde inductum est, exsolvant. Invenimus namque plurimum in rempublicam iniquitatis irrepsisse, quæ non initio sed paucis abhinc annis intrusa, subditos nostros ad paupertatem adigat, ut periculum sit, ne ad summam omnium rerum inopiam delabantur, et secundum descriptionem publicam, ne consueta quidem et solita, verique pia tributa publica sine gravi dispendio et necessitate queant persolvere. Ac cum et qui imperium aliquod retro annis parum probe gesserant semper aliquid cuperent rebus suis lucri per officiorum delationem accedere, meritoque illos sequerentur etiam gloriosissimi prætoriorum præfecti, qui unquam fieri potuit ut collatores extraordinariis dispendiis simul et solitis ac pientissimis publicis præstationibus per id genus iniquitatis sufficerent? Subiit igitur animum cogitatio, quo tandem facto, quidquid uspiam in provinciis nostris noxium existit, possemus uno generali actu ad meliora traducere. Et reipsa hoc eventurum deprehendimus, si demus operam ut gentium præsides, qui civilia in provinciis officia administrant, puris utantur manibus, et omni præda

abstineant, his solis contenti, quæ præbentur ex publico. Quod quidem aliter non fiet, nisi quoque ipsi officia gratuita susceperint, neque prætextu (ut vocant) suffragiorum, neque iis, qui magistratus gerunt, neque cuiquam alii quidquam dantes. Tametsi enim non exiguus imperio reditus ea re decedit, animadvertimus tamen collatoribus nostris, si iudices atque illæsi a iudicibus conserventur, ingens incrementum accipientibus, tam imperium quam publicum ærarium recte se habiturum, semper usibus suis paratos habens subditos locupletes, et unico hoc ordine introducto, amplam et ineffabilem omnium rerum copiam exstituram. An vero omnibus manifestum non est, quod qui aurum dat, quique eo pacto officium redimit, non hoc tantum dat, quod prætextu (ut appellant) suffragiorum excogitatum est, sed etiam aliud extrinsecus multo amplius accumulatur, ut prius ab iis gratiam ineat, qui vel conferre officium, vel ambire solent? Et sic uno absurdo principio admissio, multas deinde manus obeat necesse est, qui semel largiri cœpit, et quidquid id auri est, non de suo forte præbeat, sed mutuo sumptum, et ut mutuum accipere possit, damno obnoxius secumque ratiocinetur, quod conveniens sit, tantum ex provincia recipere, quantum vel ad dissolvendum æs alienum suum tam in sorte quam usuris, quam etiam damno, quod ut mutuum acciperet, sustinuit, satis sit, vel administrationis tempore tam iudici, quam circa ipsum versantibus, largiores sumptus atque ante fecerunt, suppeditet, vel post officium depositum, quo forte tempore cum potestate non erit, in longiores sibi usus veluti reditum reponat, ut quod a collatoribus nostris exigitur, in triplo aut potius (si vera decet proloqui) in decuplo superet id, quod ab ipsis dabatur, qua re et fisci detrimentum sentiet. Nam quæ in fiscum inferri debebant, si puris manibus uteretur ille qui officium obtinet, ea postquam qui officium gerit in usus suos convertit, penitus ad inopiam redacto collatore, huius deinde inopiam ab ipso inductam nobis reputat. Ad hæc quæcumque impie geruntur, ea merito in huiusmodi futurorum occasionem referuntur. Siquidem provinciarum moderatores si lucro et prædæ intenti sint, multos reos fontes accepta pro delicto pecunia absolvunt, multos rursus insontes, ut son-

est, nempe avaritiam omnium malorum matrem existere, et maxime, cum in animis non privatorum sed magistratuum innascatur. Quis enim absque metu periculi non furetur, quis non secure latrocinetur, conversis ad magistratum oculis vidensque illum omnia auro habere venalia, confidens fore, ut nihil tam turpe admittat, quod non data pecunia possit redimere? Inde homicidia, adulteria, latronum aggressuræ, vulnera, raptus virginum, nundinarum et publicorum conventuum confusio, contemptus legum et magistratum, omnibus tanquam vile aliquod mancipium venum eas proponi existimantibus. Adeoque non sufficimus, ut vel cogitatione complectamur, vel prosequamur dicendo, quam multa ex provincialium magistratuum furtis atrocia eveniant, nemine audente eos libere increpare, continuo illis administrationis emptionem prætendentibus. His omnibus apud nos ipsos in consultationem propositis, assumptaque postmodum in consultationis societatem pientissima a Deo nobis data conjuge, communicato præterea cum excellentia tua negotio, quantum ex suggestionem consilii tui suscepto, ad divinam hanc legem pervenimus, per quam sancimus, ut neque ulla proconsularis, neque (ut hactenus appellantur) vicaria, neque comes Orientis, neque quæcumque alia administratio, sive consularis, sive correctoria (quarum expresse mentionem divinæ huic nostræ legi subjecta tabula facit, quas etiam solas sub hanc legem deducimus) suffragium, aut pro officio aliquid ulli magistratui, vel iis qui circa magistratus sunt, aliæ personæ patrocinii nomine præstent, sed cum gratis officia adipiscantur, modica tantum quædam nomine codicillorum et chartarum, quæ super unoquoque dari solent, præbeant. Siquidem tabulam huic divinæ legi nostræ subiecimus, quæ declaret quid unumquodque officium vel in sacro nostro laterculo, vel in iudicio excellentiæ tuæ codicillorum, sive instrumentorum, vel jussionum nomine præbere conveniat, ut id tamen ad moderationem redactum, non magnum illi sensum et detrimentum adferat.

Illud sane decernimus, ne Asiæ provinciæ vicarius, qui et Phrygiæ Pacatiæ præses est, amplius eo appelletur nomine, sed de cætero nomen habeat Comitum Pacatiæ Phrygiæ, eademque ex fisco annonarum et capitum titulo ferat, quæ pro utroque officio usque adhuc percepit, nullo ex hoc deminuto. Neque duabus cohortibus utatur, sed ex utraque tam præsidis, quam vicarii simul permista, una Comitiana re et nomine constituatur publicorum tributorum periculo ipsi simul et omnibus imminente, nimirum una cohorte constituta, et in nullo penitus divisa, sed universis in uno veluti collegio conjunctim militantibus: ferens item ex publico annonas et capita propter congeminationum periculum, quæ utraque antea cohors ferebat. Non tamen ut ante quidem vicarius, nunc vero spectabilis Pacatiæ Phrygiæ comes, ullam omnino in cæteras Asiæ tractus provincias potestatem sibi et imperium usurpet, sed quemad-

modum spectabilis Pacatianæ Phrygiæ comitis appellationem obtinet, ita etiam sola (ut prædiximus) Pacatiana Phrygia contentus sit. Hoc ipsum vero et in altero vicariorum, qui ante per Ponticum tractum erant constituti, definimus, ut non duo in posterum existant, sed unus tantum qui quidem comes appelletur Galatiæ primæ, habeat autem (ut hodie quoque solet) etiam in milites potestatem, ei utriusque officii annonas ferat. Ut tamen extra Galatiam primam (nullam enim omnino aliam ei permittimus) nihil obtineat imperii in ullam Ponticam provinciam, sed per solam Galatiam primam consimiliter et cohorte permista, et pro uno (ut diximus) Comitiano collegio re et nomine intellecta et numerata, nemine ex ipsis ullam erga alios omnino differentiam obtinente, sed una cohors sit iis qui uni præsidi unius provinciæ rectori subjecti sunt, tota simul cohorte una cum suo præside circa tributa periclitante.

Nulli quoque iudici penitus concedimus, neque civili, neque militari, mittere per civitates provinciæ, quibus præsidet, eos qui vocantur loci servatores; scientibus, quod si quid tale fecerint, ipsi cadent administratione, præsumentes alios in suum officium elevare.

Idem hoc dicimus et in clarissimo comite Orientis et clarissimo præside (nam et illic ex utraque unam administrationem facimus) ut nomen quidem spectabilis comitis Orientis habeat, uni vero tantum re et nomine Comitianæ cohorti imperet, et primam solummodo Syriam et Cyrrhesticos regat, et utriusque pariter officii annonis perfruatur. Æqualem enim vicariis ipsum quoque ponimus, ut et ipse una cum cohorte illi obsecundante pro tributorum exactione et civilis ac publicæ disciplinæ conservatione periclitetur.

Porro volumus ut omnes omnino provinciarum nostrarum præsidibus subiciantur. Plebei quidem (prout jurisdictionis proprium est) in omnibus causis, et quacunque occasione, tam pecuniaria quam criminali. Qui vero militia decorati, et propriis iudicibus deputati sunt, nihilominus etiam isti per omnia illis tributorum et criminum occasione subiciantur. Sed neque eos qui ex quocunque hinc iudicio quascunque sententias executuri comeant, patiantur provinciarum præsides consuetudinum seu sportularum nomine amplius aliquid, quam sacra nostra constitutione promulgatum est, accipere scientes quod si hoc neglexerint, omne damnum, quod exinde subditis nostris irrogatur, ipsi dependent. Damus autem eis licentiam, non tantum ut ad eos ista iudices referant, a quibus destinati sunt, sed etiam ad nos, ut et nos iis cognitis factum ipsum competenti animadversione persequamur. Præterea si quos dignitatis seu cinguli fastu tumidos compererint collatoribus nostris injurios esse, damus illis licentiam ut et de maleficio cognoscant, et iis qui fontes deprehenduntur cingulum adimant, nostrasque vices in provinciis obeant, id quod antiquis etiam legibus promulgatum fuit. Quem admodum enim omni eos injusto arcemus lucro,

ita sancimus ut qui integre se in officiis gerunt, omni honore, reverentia, auctoritate potiantur.

Ad eum itaque modum discretis a nobis magistratibus, convenit ut hic facta de Deo mentione coram nobis, aut (si tantum nobis otii non suppetat) coram celsitudine tua et iis qui unquam sedem tuam condecoraverint, coramque eo qui unquam sacrarum nostrarum largitionum gloriosissimus comes futurus est, et gloriosissimo quæstore sacri nostri palatii, et gloriosissimo comite ubicunque constitutarum sacrarum nostrarum rerum privatarum, præsentem item pro tempore magnificentissimo chartulario sacri nostri cubiculi, qui nobis a codicillis est; is qui magistratum suscepit, iurjurandum præstet, nemini se quidquam omnino vel muneris vel patrocini loco dedisse, promissive, aut ex provincia mittere pactum esse, sive gloriosissimi præfecti sint, sive alii cum potestate existentes, sive circa illos versari soliti, sive quicunque, titulo inquam patrocini, sed quemadmodum gratuitum magistratum capit, percipit, præterea ex publico annonas (quas quidem et solas ipsum percipere sinimus), ita et puris ipsum manibus conservabit, Deo simul et nobis eo nomine rationem redditurus. Sciat enim celsitudo tua, et qui eundem thronum post te conscendent, quod sive ipsi, sive huiusmodi opera in commissa sibi parte reipublicæ utuntur, sive cohors tua, aut ab iis qui ad prædicta officia proficiscuntur, aut quovis alio, quidquam præter consuetudines ipsis a nobis definitas (quas etiam solas arbitantes sufficere, dari decrevimus) accipere præsumserint: pœna haudquaquam levis infligetur, sed summi quidem magistratus, qui aliquid ab iis qui ad prædicta officia proficiscuntur, vel ipsi accipere ausi fuerint, vel cohortem suam consimile aliquid facere permiserint, vel ad se delatum non emendaverint, non solum quod acceperunt, ejus quadruplum restituent, verum etiam gravem indignationem sustinebunt, et ne de potentatu periclitentur, solliciti erunt. Si vero qui circa ipsos sunt, cohorsque ipsis obtemperans ultra ea quæ a nobis concessa sunt accipere aliquid pertentaverint, tenebuntur, et ipsi quadrupli restitutione iis qui damno affecti sunt, et ultra hoc quod pœnis subiciantur, quæ ipsorum delicta promeruerint, spoliabuntur etiam bonis et cingulo.

Proinde cum ita gratis officia suscipiant, ante omnia studio eos habere oportet, ut diligenter ad tributa advigilent, et indevotos quidem ac intractabiles, et qui compulsione indigent cum summa vehementia exigant, in nullo cedentes. Neque eo nomine lucri aliquid captantes, erga devotos vero paterno se gerant affectu.

Deinde ut subditos nostros ex omni parte illæsos conservent, nihil quidquam ab ullo eorum accipientes, sed æquos se in disceptandis controversiis, æquos in conservanda disciplina publica præbeant, in persequendis quidem criminibus insontes a calumniis redentes liberos, reis vero sontibus pœnas legitimas imponentes, neque aliter inter subditos imperium exercentes, quam patres solent inter filios, ut diligant qui-

dem eos, si crimine vacui sint, coerceant vero ac puniant, si criminibus videantur esse obnoxii, justitiam denique illis exhibentes tam in causis publicis, quam privatis contractibus. Neque ut ipsi tantum hoc agant, sed etiam ut assessorem et omnes circa ipsos versari solitos sibi similes assumant, ne quando cum ipsi culpa careant, per alios delinquere, et furari, et (quod multo fœdus est) maleficiorum sibi socios asciscere videantur. Quapropter celsitudinis tuæ intererit, ut eos ad officia mittat, qui et gravitate morum cæteros præcellant, et peritiam habeant rationum publicarum, quales esse solent decuriones, et alii, qui bonitatis de se experimentum dederunt, et gerendis magistratibus sunt idonei. Et quis eum non diligat, atque omnibus honestis artibus abundare non existimet, qui ad officium proficiscatur non solum nostro decreto et iudicio tui culminis comprobatus, quia frugi et bonus vir sit, verum etiam gratis ipsa administratione suscepta, neque ulli omnino per provinciam vitiosæ rei deditus, vel quomodo pro officio numeratam pecuniam corrodatur, vel unde aurum in usus suos colligat, sed in hoc tantum studia sua conferat, ut Deo se et nobis commendatum reddat, bonumque et memorabile nomen consequatur, ac futuræ a nobis amplæ remunerationis spem sibi comparet?

Cæterum si quis hæc contra quid fecerit, sciat quod etiam administrationis tempore, quo iudex est, furti reus postulabitur. Et quidem si ut vel magistratum perciperet, vel ex magistratu reciperet (utrumque enim æque hæret in crimine) aurum dedisse videbitur, non solum honorum publicationem, et exilium, et corpori adhibita tormenta ac supplicia sustinebit, sed etiam eum qui ab ipso (ut prædiximus) susceperit, ingentibus malis involvet. Puras enim a provinciarum moderatoribus manus requirimus, ut undique subditos illæsos et omnium rerum copia affluentes conservemus. Atquæ hæc quidem pœnæ tam ex legibus quam a magistratibus inferentur illis qui tale aliquid perpetraverint, etiam dum in prædictis sunt officiis. Damus autem et inter provinciales licentiam, si quid per provinciam præses contra fas egerit, aut etiam collatores ipsos damnis forte aut dispendiis objecerit, ut Dei amantissimus episcopus et primores ejus loci, præsidis delicta enumerantes, preces ad nos dirigant. Nos enim re comperta destinabimus in provinciam aliquem, qui ista examinet, ut ibi delictorum pœnas sufferat, ubi et deliquit, et ut alius ad hoc exemplum respiciens, consilia facere non præsumat.

Secundum veteres constitutiones necessitatem habente eo qui magistratu defungitur, ut cingulo deposito, per quinquaginta dies in provincia sub publico aspectu commoretur, et omnium adversus se intentatas actiones excipiat. Quod si prius quam quinquaginta dies compleat, diffugiens tanquam vile aliquod mancipium comprehendatur, tribuimus collatoribus licentiam ut et ibi eum locorum detineant, et quidquid illi dederint, totum furti titulo exigant, præsentem

videlicet Dei amantissimo episcopo, et causam sine scriptis cognoscente, donec universum, quod rapuisse videbitur, restituat. Adeoque ipsis etiam provincialibus, si præsidum rapinam sentiant, referendi ea ad nos licentiam, aut potius necessitatem permittimus ut nos edocti quod omnino jus auro venale habeat, ultra cœlestia supplicia, quibus ut jurisjurandi, sub quo magistratum suscepit, violator est obnoxius, etiam prædictis illum pœnis subjiciamus.

Si autem voluerit ex quacunque causa, non completis quinquaginta diebus, ex provincia fugere, tunc comprehensus, ubicunque degere videtur, revocabitur quidem in provinciam, in qua administrabat; omne vero quod inventus fuerit accepisse, restituat in quadruplum.

Illo scilicet observando, in nullo alio subditis nostris contra præsidem ista facere permissum esse quam ob rapinas. Non enim si in exigendis tributis contra indevotos, aut in persecutione criminum paulo vehementior visus est, aliquid adversus ipsum conari subditos permittemus. Quin contra potius omnium eos acerbissimis pœnis subdemus, si illos qui puris usi sunt manibus, et in exactionem tributorum omni cura ac diligentia incubuerunt, deposito postmodum magistratu injuriis afficere præsumperint, ac non lætis acclamationibus post deputatum tempus provincias excedentes persecuti fuerint. Oportet enim clarissimos provinciarum nostræ ditionis præsidem, qui post hanc legem futuri sunt, non solum animo revolvere, quanta illos maneat gloria, si tales se præbeant, sed etiam in quantas difficultates incident, si (quantum in ipsis est) hanc legem dissolvere, et pro abrogata habere præsumperint. Absurdum namque fuerit, si in levibus quidem furtis deprehensos ipsi coerceant, tormentisque subjiciant, nec prius veniam dent quam res ablatas restituerint, ipsi vero maximorum furtorum rei absque causæ dictione noxa solvantur, neque exempli eos pudeat, quod subditis in hoc exhibent, cum interim si istis abstineant, non tantum inter honestos, ingenue viventes, et omni laude cumulosos censeri, sed etiam bonum a nobis testimonium obtinere possint.

Enimvero ut et nos illis honorem ac reverentiam tueamur, et illi nobis vicissim integritatem reddant et benevolentiam, neque spectabilibus ducibus, neque cuiquam alii potestatem facimus, ullam sibi contra eos prærogativam usurpare, aut inferre injuriam, aut ullo se pacto civilibus immiscere negotiis. Noverint enim universi subditi, quod propter ipsorum commoda, nempe ne quid damni ulla ex parte sentiant, ut sub tranquillo et felici omnium rerum statu agant, neve sedes suas relinquere, et in peregrino solo miseras perpeti cogantur, propterea præsentem legem conscripsimus, Deo simul ipsam et instantibus venerandis magnis ejus et publici festi diebus dedicantes, ut omnes intelligant, magis se patres in præsidem quam fures et vilissimis mancipiis similes habituros. Ex quo autem, o collatores nostri, scitis quantam pro vobis in animo curam reposuimus,

æquum est ut et vos cum summa animi alacritate et absque ullo detrimento publica tributa inferatis, non expectata compulsione præsidum, imo ita vos alacres, et devotos ultro præbeatis, ut nobis ex ipsis factis indicium fiat quod pro tam ampla erga genus humanum benignitate vestram nobis devotionem repræsentetis, et merito apud præsidem occasione devotionis summum favorem obtineatis et providentiam. Ac cum omnino præsidibus tributorum periculum immineat, et in confesso est quod suo periculo ad officia proficiscuntur, idque etiam vos cognoscitis, convenit ut et vos ista scientes, indevotionem omnibus modis evitetis, neque ita rationes ac consilia vestra ad inobedientiam traducatis, ut ipsorum vehementia opus sit, quam necesse est eos assumere propter inevitabilem tributorum exactionem. Siquidem et vobis notum est, o subditi nostri, quod militares expensæ, et persecutiones hostium, tum magna indigent assiduitate, tum sine pecuniis omnino confici nequeunt, cum neque ullam ea res dilationem recipiat, neque nos æquis oculis Romanorum ditionem deminutam aspicere sustineamus, sed potius universa jam Libya recuperata, et in servitutem redactis Vandalis, multo quotidie his majora nos a Deo percepturos et peracturos speremus, ad quæ conveniens est tributa publica sine detrimento, et cum alacritate, et deputatis exigi temporibus. Inde adeo si et vos præsidibus devote ad solutionem occurratis, et illi libenter expediteque tributa ad nos perferri curaverint, tam præsidem ob diligentiam laudabimus, quam etiam vos ob promptam voluntatem amplexabimur, eritque bella quædam, et undique consona inter eos qui præsent, quibusque præsidetur, harmonia. Magno igitur Deo et Servatori nostro Jesu Christo laudes pro hac lege simul omnes offerant, quæ ipsis præstabit ut in sua quisque patria secure habitent, sua quisque bona possideant, et fructum præterea ex præsidum justitia percipiant. Et sane nos quoque hac de causa ipsam posuimus, ut per hanc legis æquitatem eo facilius nos Deo conciliare, nostrumque illi imperium commendatum reddere possemus, neve homines, quos Deus nobis in hoc tradidit, ut secuti illius bonitatem, per omnia rationem illorum clementer haberemus, oppressos injuria despiciere videremur. Unde (quantum ad nos) consecrata sit Deo propterea quod nihil eorum bonorum, quæ pro tuitione subditorum nobis in mentem veniunt, omittimus. Volentes enim illiberalia illa, et servilia furta tollere, et collatores nostros tueri, ne quid asperum a provinciarum moderatoribus patiantur, propterea gratis illis officia conferre studuimus, ne quam ad delinquendum diripiendumque subditos, quorum gratia nihil non laboris sustinemus, occasionem habeant, dedignantes imitari eos qui ante nos imperio præfuerant, qui pro pecuniis conferentes officia, sibi ipsis juste increpandi eos qui injuste se in officiis gerebant copiam ademerunt, digni profecto quibus propter turpiter acceptam pro officiis pecuniam capita obvolverentur pallio cum neque suos ea re collatores ab improbis præsi-

bus eripere, neque ob prædictam causam ipsos præsidem coercere potuerint. Nos autem satis esse reddituum imperio arbitramur, si vel sola publica tributa collatores inferant, neque opus esse, ut extra ordinem in dies alia atque alia conquirantur, quæ universam vitæ rationem subditis concutiant.

Quod vero a nobis paulo ante dictum est, id majore etiam, et exquisitiore legislatione muniendum censuimus, ut animi nostri propositum omnibus elucescat. Sancimus enim ut clarissimi subjectarum nobis provinciarum præsidem, absque ulla pecuniarum datione creati, et præstiti a se jurisjurandi memores, hoc etiam jus a nobis obtineant, ne qua sit omnino apud ipsos fori præscriptio, sive de vi aliquibus illata, sive de criminibus, et inde natis injuriis, sive de instantiis ac judiciis publicis, sive de publicorum tributorum exactionibus agitur, sed ex æquo omnes horum jurisdictioni subjaceant, non expectantibus ipsis donec a magistratibus, quibus sunt suppositi, jussa accipiant, aut donec ad illos referant, sed contenti sint hac nostra lege, per quam plenam eis potestatem tradimus, nemine omnino licentiam habente in prædictis causis uti ullo privilegio, aut exinde sibi impune delinquendi auctoritatem sumere. Neque enim præsidem, si omni munere abstineant, quidquam timori Dei, legis, et nostri præponent, sed eo respicientes, subditis conservabunt justitiam, omnia secundum leges nostras, et judicantes, et agentes. In talibus enim etiam milites qui in provinciis resident, ipsis submittimus, non sane indigentibus ad hoc speciali jussu, vel nostro vel nostrorum procerum, sed tantum præsentem legem utentibus, et militibus eam ostendentibus, ut potestate officii ipsis utentibus auxilio sint: scientes quod si hoc non egerint, non solum annonarum et militiæ amissionem sustinebunt, sed etiam de corpore venient in periculum. Ut nullo præterea nobis alio magistratu opus sit, aut etiam vel latruncultores, vel quos vocant violentiis cohibendis (imo grassationibus exercendis) præpositos, vel exarmatores emittere, satis quidem honestos præ se ferentes titulos, re autem ipsa penetrantes omnium flagitiosissima. Nam si provinciarum præsidem unuscujusque, vel maximorum magistratum locum implent, multorumque aliorum judicum instar sunt provinciis, et quantum in ipsis est, secundum leges nostras sententias proferunt, quis aut præscriptione fori, aut alio ejus generis uti apud ipsos audeat?

Interdicimus autem et gloriosissimo per Orientem magistro militum, et omnibus omnino magistratibus nostris, ne vel latruncultores, vel violentiis cohibendis præpositos, vel exarmatores, vel ejusmodi alios in provincias emittant. Sciant enim, qui ad hoc institui post hanc nostram legem præsumperint, quoniam capti a nostris judiciis provinciarum, et in vincula rediguntur, et causa ad nos nuntiata summum a nobis periculum sustinebunt; et qui hujusmodi eis præcepta tradiderint, triginta librarum auri poenam sustinebunt, et majorem insuper, ac vehementiorem

nostram indignationem experientur. Oportet igitur provinciarum præsidēs tanta a nobis potestate dignatos, ita se in agendis rebus gerere, ut (quoad tamen justitia, et leges permittunt) ab omnibus formidentur: scientes quod si male et præter dignitatem a nobis commissæ eis potestatis tradita administratione utantur, antedictis subjacebunt suppliciis: sustinentes scilicet ea dum adhuc in officio sunt, majoribus etiam tentandi periculis eo deposito. Denegamus enim illis quas rexerunt provincias, prius excedendi licentiam, quam legitimum quinquaginta dierum spatium compleatur, sive occasione revocatoris, sive obtentu fugæ, sive alia quacunque de causa: scientibus, quod sive (ut ante diximus) in hac alma urbe, sive alibi locorum versentur, ad provinciam denuo reducti, quam rexerunt, pœnas excipient, quas prædiximus. Jusjurandum vero dabunt, hic quidem secundum formam superius expressam. Si quibus vero, quod in provinciis existant, administrationis codicillos mitti placuerit, jusjurandum coram Dei amantissimo episcopo metropolis ejusque civitatis primoribus subibunt, et ita rerum administrationem suscipient, celsitudine videlicet tua providente, ut sive in ampla hac urbe magistratum quis suscipiat, sive a celsitudine tua ejus codicilli in provinciam mittantur: is, qui suscipit, cautionem fisco de tributis sine querela exigendis præstet, prout ipse prorsus statueris. Feratur autem nobis hæc lex de omnibus qui jam inde expresse a nobis nominanda officia gratuita percipient. Præterita enim jam ante positis subjaceant legibus, nulla defnitarum in hac nostra lege pœnarum imminente iis qui usque adhuc officia administrant, nisi forte et ipsi post hujus legis insinuationem rapuisse aliquid deprehendantur. Hæc igitur omnia perdiscens celsitudo tua, ut apud omnes sub se constitutas gentes manifesta fiant, procurel ex more destinatis ad omnes provinciarum rectores præceptis, ut nostrum circa subditos studium deque creandis præsidibus sententiam agnoscentes, ipsi, sciant quanta in illos beneficia contulerimus, qui ut meliore fortuna utantur, ne regio quidem famulicio pepercimus. Dat. xvii Kalend. April. Constantinop. Belisario v. c. cos.

EDICTUM

Ubique locorum constitutis Dei amantissimis archiepiscopis, religiosissimisque patriarchis conscriptum.

Curam gerentes traditæ nobis a Deo reipublicæ, simulque ut subditi nostri ex omni parte cum justitia vitam degant, studentes, subjectam legem descripsimus. Quam quidem et sanctitati tuæ, et per eam omnibus, qui in provincia tua sunt, manifestam facere pulchrum duximus. Tuæ igitur religionis et reliquorum episcoporum fuerit ista observare, et si quid præsidēs transgrediantur, ad nos referre, ne quid eorum quæ religiose simul et juste a nobis sancita sunt, despiciatur. Nam si nos quidem subditos nostros miserati, quod ultra publicorum tributorum

A pensationem, ingentibus præterea injuriis propter venditiones provinciarum ex præsidum rapina supprimebantur, eas per subjectam legem tollere properavimus, vos autem in utramque dormientes aurem, nihil nobis renuntietis. Sit quidem domino Deo consecrata, vos autem rationem ei reddetis de injuria aliis illata, si per hanc occasionem, quod de his non instruamur, nocumenti aliquid vestris istis hominibus irrogetur. Imo vos, qui in loco præsentēs estis, et tam pro vobis quam pro cæteris decertatis, oportet certiores nos reddere, et de iis qui recte se in administratione gerunt, et qui hanc nostram legem transgrediuntur, ut utroque cognito, in hos quidem animadvertamus, illis vero aliquam referamus gratiam. Simul ac vero lex publico proposita, et omnibus manifesta facta est, tunc suscepta intra sacrosanctam recondatur ecclesiam una cum sacris vasis, nimirum cum et ipsa Deo dedicata, et ad salutem sub ipso constitutorum hominum scripta sit. Multo autem speciosius, et magis ex usu hominum, qui per ea loca sunt, facietis, si eam tabulis, aut lapidibus insculptam, in porticibus sacrosanctæ ecclesiæ præscribatis, promptam omnibus legendi et parandi ea quæ sancita sunt, facultatem præbentes. Cum vero de præsidum sinceritate tantam in animo sollicitudinem reposuimus, manifestum est multo nos minus permissuros civitatum defensoribus, ut vel aliquid accipiant, vel dent. Dabunt enim pro præbitis sibi in foro gloriosissimorum præfectorum jussionibus siquidem majores sint civitates, tantum solidos quatuor; si minores, solidos tres, et præterea nihil. A nemine autem quidpiam, si redditus illis ex publico constitutus erit, aut si nihil ex publico percipiant, ultra ea quæ sacra nostra constitutione ipsos ferre debere expressum est accipient. Alioqui si quid vel ipsi, vel ipsorum (ut vocant) chartularii, vel quispiam eorum qui circa ipsos sunt accepisse deprehenduntur in quadruplum ei quod acceperunt restituent, neque non ea sollicitudine depellantur; et præterea perpetuo exsilio multati, et corpore castigati, locum dabunt melioribus viris, qui pro malis eam sollicitudinem obeant.

Eritis autem vos quoque hujus rei custodes, simul inhibentes ea quæ contra hæc sunt, simul ad hos referentes, ut neque aliquid ejusmodi admissorum lateat, neque latendo relinquatur impunitum, sed undique subditis nostris æquitas, et justitia reflorescat. Sed et qui etiamnum in officiis sunt, si post hujus legis insinuationem non omni rapina abstinuerint, sciant etiam ipsi se constitutis in hac lege pœnis subjiciendos. Scriptum est edicti exemplum Constantinopolitanis in hæc verba: Quantam in animo sollicitudinem de universis subditis reposuimus, satis indicat lex nuper a nobis posita, quam ad gloriosissimos nostros præfectos conscripsimus. Sed conveniens est ut et vos providentiam nostram, quam circa omnes homines gerimus, cognitam et perspectam habeatis. Eaque de re legem ipsam in forma edictorum proposuimus, ut vos Domino Deo et Servatori nostro Je-

su Christo justas laudes referatis, sed et nostro imperio, quod ob vestra commoda nihil non laboris sustineamus.

Notitia, sive index ejus quantitatis, quæ pro singulis infra designatis officiis consuetudinum nomine ab iis qui ea administrant præstari debet, nemine ultra præscripta audente quidquam amplius, vel dare, vel accipere.

A spectabili comite Orientis sic : in sacro nostro cubiculo, solidos LXIII, primicerio clarissimorum tribunorum notariorum cum quatuor scriniis sacri laterculi, solidos L; ejus adjutori, solidos III; cohorti gloriosissimorum præfectorum pro jussione, solidos LXXX.

A proconsule Asiæ sic : in sacro nostro cubiculo, solidos LXIII; primicerio clarissimorum tribunorum notariorum cum quatuor scriniis sacri laterculi, solidos L; ejus adjutori, solid. III; cohorti gloriosissimorum præfectorum pro jussione, sol. LXXX. A spectabili comite Phrygiæ Pacatianæ sic : spectabilibus tribus chartulariis sacri nostri cubiculi, solid. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione sol. L. A spectabili comite Galatiæ primæ sic : spectabilibus tribus chartulariis sacri nostri cubiculi, sol. IX. Primicerio clarissimorum tribunorum notariorum, sol. XXIV; ejus adjutori sol. III. Cohorti gloriosissimorum præfectorum, pro jussione, sol. L. Avicario Longimuricic : spectabilibus tribus chartulariis sacri nostri cubiculi, sol. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione, sol. XL. Et quæcunque consulares administrationes sunt. A præside Palæstinæ primæ sic : spectabilibus tribus chartulariis sacri cubiculi, solid. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione, sol. XL. A præside Palæstinæ secundæ sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione, solid. XL. A præside Phœniciæ maritimæ sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione, sol. XL. A præside Syriæ primæ sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione, sol. XL. A præside Syriæ secundæ sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, solidos XXIV; ejus adjutori, solidos III; cohorti gloriosissimorum præfectorum pro jussione, solid. XL.

A præside Theoderiadis sic : spectabilibus tribus

A chartulariis sacri cubiculi, solidos IX; primicerio clarissimorum tribunorum notariorum, solid. XXIV; ejus adjutori, solid. III; cohorti gloriosissimorum præfectorum pro jussione, solid. XL. A præside Osdroenæ sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione, sol. XL.

A præside Ciliciæ primæ sic : spectabilibus tribus chartulariis sacri cubiculi, solid. IX; primicerio clarissimorum tribunorum notariorum, sol. XXIV; ejus adjutori, solid. III; cohorti gloriosissimorum præfectorum pro jussione, solid. XL.

B A præside Cypri sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione, sol. XL. A præside Pamphylæ sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione, solid. XL. A præside Bithyniæ sic : spectabilibus tribus chartulariis sacri cubiculi, solid. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione, sol. XL. A præside Hellesponti sic : spectabilibus tribus chartulariis sacri cubiculi, solid. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione, solid. XL. A præside Lydiæ sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione, sol. XL. A præside Phrygiæ salutaris sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione, sol. XL. A præside Pisidiæ sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XXIV; ejus adjutori, solid. III; cohorti gloriosissimorum præfectorum pro jussione, sol. XL. A præside Novæ Justinianæ sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione, sol. XL. A præside Armeniæ secundæ sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione,

sol. XL. A præsidente Armeniæ magnæ sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione, sol. XL. A præsidente Cappadociæ primæ sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione, solidos XL.

A præsidente Cappadociæ secundæ sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, solid. XXIV; ejus adjutori, sol. III; cohorti gloriosissimorum præfectorum pro jussione, sol. XL.

A præsidente Hellenoponti sic : spectabilibus tribus chartulariis sacri cubiculi, solidos IX; primicerio clarissimorum tribunorum notariorum, sol. XXIV; ejus adjutori, solid. III; cohorti gloriosissimorum præfectorum pro jussione, solidos XL. A præsidente Europæ sic : spectabilibus tribus chartulariis sacri cubiculi, solid. IX; primicerio clarissimorum tribunorum notariorum, solid. XXIV; ejus adjutori, sol. III; cohorti gloriosissimorum præfectorum pro jussione, solid. XL. A præsidente Thraciæ sic : spectabilibus tribus chartulariis sacri cubiculi, solid. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione, sol. XL. A præsidente Rhodopæ sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione, sol. XL. A præsidente Æmi montis sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione, sol. XL. A præsidente Carie sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione, sol. XL.

A præsidente Lyciæ sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione, sol. XL. A præsidente Augustaniæ primæ sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione, sol. XL. Et quæcunque præsidales, aut correctoriæ administrationes sunt. A præsidente Libyæ superioris sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissi-

morum præfectorum pro jussione, sol. XXXVI. A præsidente Ægypti primæ sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XV; ejus adjutori, sol. III; cohorti gloriosissimorum præfectorum pro jussione, sol. XXXVI. A præsidente Ægypti secundæ sic : spectabilibus tribus chartulariis sacri cubiculi, solidos IX; primicerio clarissimorum tribunorum notariorum, sol. XV; ejus adjutori, sol. III; cohorti gloriosissimorum præfectorum pro jussione, sol. XXXVI. A præsidente Augustaniæ secundæ sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione, sol. XXXVI. A præsidente Palæstinæ tertię sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XV; ejus adjutori, sol. III; cohorti gloriosissimorum præfectorum pro jussione, solidos XXXVI. A præsidente Arabiæ sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XV; ejus adjutori, sol. III; cohorti gloriosissimorum præfectorum pro jussione, sol. XXXVI. A præsidente Euphratensis sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XV; ejus adjutori, sol. III; cohorti gloriosissimorum præfectorum pro jussione, sol. XXXVI. A præsidente Mesopotamiæ sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XV; ejus adjutori, sol. III; cohorti gloriosissimorum præfectorum pro jussione, sol. XXXVI. A præsidente Ciliciæ secundæ sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XV; ejus adjutori, sol. III; cohorti gloriosissimorum præfectorum pro jussione, sol. XXXVI. A præsidente Armeniæ primæ sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XV; ejus adjutori, sol. III; cohorti gloriosissimorum præfectorum pro jussione, sol. XXXVI. A præsidente Galatiæ secundæ sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione, sol. XXXVI.

A præsidente Honoriadis sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XV; ejus adjutori, sol. III; cohorti gloriosissimorum præfectorum pro jussione, sol. XXXVI. A præsidente Insularum sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione, solid. XXXVI. A præsidente Mysiæ secundæ sic : spectabilibus tribus chartulariis sacri cubiculi, sol. IX; primicerio clarissimorum tribunorum notariorum, sol. XXIV; ejus adjutori, sol. III; cohorti gloriosissimorum præfectorum pro jussione, sol. XXXVI.

simorum tribunorum notariorum, sol. xv; ejus adjutori, sol. iii; cohorti gloriosissimorum præfectorum pro jussione, solid. xxxvi.

A præside Scythiæ sic: spectabilibus tribus charulariis sacri cubiculi, sol. ix; primicerio clarissimorum tribunorum notariorum, sol. xv; ejus adjutori, sol. iii; cohorti gloriosissimorum præfectorum pro jussione, solidos xxxvi.

A defensore cujusque civitatis, siquidem metropolis sit, pro jussione cohorti gloriosissimorum præfectorum dentur solidi quatuor; si alia civitas, solidi tres, et præterea nihil. Nam neque defensores volumus, vel summis magistratibus, aut alicui alii quidpiam dare, vel accipere, nisi ex publico illis consuetudines quædam præbeantur, scientibus illis quod si de aliquo ipsorum ad nos referatur quod sancita nostra, transgrediatur, et quod accepit in quadruplum restituet, et abrogato officio perpetuum incolet exsilium. Cum neque ipsi provinciarum præsides minorem pœnam excepturi sint, si hoc neglexerint, et sub suo veluti aspectu defensores rape-re patiantur.

[Scriptum hujus legis exemplum Dominico gloriosissimo prætoriorum per Illyricum præfecto, his quoque additis. Jusjurandum subeant secundum proprium de hoc factum, et infra positum sacramentum, cujus exemplum etiam directum est tuæ celsitudini. Qui vero administrationes suscipiunt a tua celsitudine, directo hinc eis a nobis codicillos suscipiant, præsentem Deo amabili civitatis in qua degunt episcopo, et aliis qui in civitate sunt in judicio tuæ celsitudinis congregatis, et omni tuo officio, coram quibus etiam codicillos accipiant, et jurent prædictum jusjurandum. Et maxime hoc præcipimus circa curiales agi, quos competens est magna frui, et a tua celsitudine: et qui eundem cingulum, optima erit providentia, et studium, ut nihil ab eis lucreris omnino, neque permittas eos ab ullo lædi. Eos enim qui hanc nituntur iniquitatem, quatenus et felicissimo nostro utantur exercitu, et reliquas curiales adimpleant functiones: quia non oportet talia attentari solatia, ut possit referri ad tantam tarditatem. Nihil enim nobis commendat tuam celsitudinem, quomodo circa curiales uniuscujusque civitatis provinciæ, quam præberi volumus istis, et a tua celsitudine, ac cinguli semper successoribus. Quapropter dum codicillos dederis administrationes accipientibus a te, aut præsentem, hoc eis tuam denunciare volumus sedem, ut curialibus omnem ferat favorem, nihil penitus ab eis accipiens. Prohibeantur autem et ab aliis eis afferri damna, et agnoscant per te quia si præter, hoc aliquid egerint, pœnis subjacebunt pravissimis. Sicut enim curialibus parcere te volumus, ita et defensorum castigare, et retinere avaritiam sancimus, et ab eis præsumere accipere a nostris subjectis, nisi secundum quod eis administrat respublica aut si non est aliquod eis pu-

A blicum solatium, quantum inculpabilis antiquitas definivit, ut a spontaneis ipsis magis quam ab invitis accipiant, et hoc parum, et quantum eis ad mediocrem sufficit vitæ gubernationem. Sciant enim quia si citra hæc pliquid acceperint, non solum quadrupli subjacebunt pœnæ, sed etiam exsilium habitabunt continuum prius eis plagis corporis infligendis*.]

NOVELLA IX.

Jusjurandum, quod præstari solet ab iis qui officii suscipiunt.

Testor ego jurando omnipotentem Deum, et unigenitum Filium ejus Deum nostrum Jesum Christum, et Spiritum sanctum, necnon sanctam, ac gloriosam Dei genitricem, et perpetuo virginem Mariam, et quatuor Evangelia, quæ hisce manibus teneo, et sanctos archangelos Michaellem et Gabrielem, quod sacratissimis et pientissimis dominis nostris Justiniano, et Theodoræ conjugii potentiae illius existenti, occasione concessi mihi ab illorum pietate officii, puram conscientiam et genuinum præstaturus sum servitium. Quodque pro ipsorum imperio et republica, in concessio mihi ab ipsis officio, summa cum animi promptitudine, sine dolo et absque fraude, omnem operam ac laborem subiturus sum. Et quod cum sanctissima Dei catholica, et apostolica Ecclesia communionem habeo, neque ei ulla unquam in re, aut modo adversabor, neque (quantum in me erit) alicui alii permittam. Eodem juramento testor, quod neque occasione traditi mihi officii, neque per causam patrocinii, aut præstiti apud Dominum suffragii, ulli omnino quidquam, vel dedi, vel dabo, vel promisi, vel pactus sum ex provincia mittere, vel mittam, sive gloriosissimi præfecti sunt, sive alii celeberrimi viri cum potestate existentes, sive circa illos versari soliti, sive quisquam omnium: sed quamadmodum gratuitum officium suscepi, ita et erga pientissimorum nostrorum dominorum collatores integrum me et sincerum exhibebo, constitutis mihi ex publico annonis contentus. Ac præ omnibus sane operam dabo ut tributis diligenter incumbam, et indevotos quidem ac compulsione indigentes cum omni vehementia exigam, in nullo eis cedens, neque omnino lucri captandi studio, vel per gratiam, vel odium, ultra quam convenit, sive petam ab aliquo, sive alicui remittam, devotos vero paterno quodam affectu complectar. Et subditos pientissimorum nostrorum dominorum (quantum in me erit) undique noxa, et damno liberos conservabo. Atque æquum me utrique parti, tam in disceptandis controversiis, quam tuenda disciplina publica præbens, neutri parti præter jus et fas addictus ero, sed omnes delinquentes persequar, et æquitatem omni ex parte conservabo, et prout mihi justum videbitur. Simul insontes, ne quid sentiant dispendii, tuebor, simul reis sontibus secundum leges irrogabo supplicium. Et (ut dictum est) tam in publicis quam privatis contractibus: præterea et si sicco adferatur injuria, justitiam observabo. Neque ego

* Hoc non invenitur in Græcis exemplaribus.

tantum ista perficiam, sed etiam qui unquam mihi assident, quique circa me sunt, tales studebo assumere, ut non solus ego innocenter vivere, qui vero circa me sunt, rapere, et delinquere videantur. Si quis autem circa me talis invenietur, præstabo, quod ipse admisit, eumque abigam. Quod si non omnia hæc, ut dixi, observavero, omnibus incommodis ero expositus, tam hic quam, in futuro sæculo, in horrendo iudicio magni Domini Dei, et servatoris nostri Jesu Christi, habeboque partem cum Juda, et lepram Giezi, et tremorem Cain, ultra hoc, quod etiam pœnis lege eorum pietatis comprehensis ero obnoxius.

Scriptum exemplum hujus Dominico gloriosissimo per Illyricum prætoriorum præfecto.

NOVELLA XI.

De referendariis sacri palatii.*

Imperator Justinianus Augustus Hermogeni gloriosissimorum sacrorum officiorum magistro, exconsule et patricio.

Inter cætera quæ in decentem ordinem reduimus, neque ea quæ spectabiles nostros referendarios concernunt, extra providentiæ nostræ terminos relinquenda putavimus, idque eo magis quo pluribus in rebus magno nobis esse solent usui. Nam cum initio non amplo admodum numero inclusi essent, nos, quo magis multos illorum interventu adjuvaremus, facilius singulorum desideria perdiscentes, ut plures essent quam dudum effecimus. Cæterum exstiterunt quidam, qui liberalitatem nostram ad immensum provocantes, partim multos introducendo, qui nobis supplicarent, partim multis utendo precibus, dignitatis plenissimam rem quotidianis additamentis pene ad infinitum deduxerunt. Neque enim ante petendi finem fecerunt, quam in quatuordecim usque illorum numerus evaderet. Ne igitur quod jure a nobis in pretio habitum est, si ad multitudinem effundatur, suam amittat dignitatem, placuit nobis ad certam illorum numerum mensuram contrahere, non ut iis qui hoc tempore sunt, concessa derogemus (neque enim regiæ hoc magnificentiæ proprium est) præsertim cum neminem eorum qui nobis placeant, quique nobis honeste subserviunt, nostro expellere ministerio ullo unquam modo soleamus. Sed manere illos sub eadem qua modo sunt forma sancimus, neque omnino quisquam apponatur, donec intra octo viros illorum mensura consistat, ut perpetuo octo existant, nullo quidem, neque modo, neque tempore eo numero augendo, semper autem contententibus illis, circa nos obsequio, et erga imperatoriam majestatem benevolentia alter alterum vicissim superent. Neminem licentiam habente ut ejus generis aliquid de cætero petat, sciente quod neque ea quæ petit assequetur, et quia petere ausus est, non solum decem librarum auri pœnæ erit obnoxius, sed etiam propria excidet militia. Volumus enim ut ad prædictum usque

* Hæc verba non habentur in Græco.

numerum intra mensuram cohibeantur, semperque justitia et aliis augeantur, magisque ac magis illustrentur virtutibus. Nullam enim dignitatem obtinet multitudo quæ solo spectatur numero, quandoquidem ex tam multis vix paucos reperias, in quibus vita secundum virtutem salva sit. Quapropter maneant quidem (ut diximus) nunc sub hac forma. Cognoscens vero ea excellentia tua, ita custodiat, ut nullo unquam tempore transiliri eorum aliquid quæ a nobis sancita sunt permittat, quin potius ab iis qui hæc contra quid faciunt prædictam pœnam exigat, utpote qui ea expetant quæ neque petere licitum, neque dari possibile est. Atque ita prorsus nostra hæc lex multitudine expulsa virtutem inducat, quæ non admodum in multis elucescit, præsertim in iis viris qui tametsi bonis prognati sunt parentibus, fortunatas tamen ac facultates suas in exponendis supplicum precibus, et impetrando illis a nobis auxilio repositas habent. Quæ igitur nobis placuerunt, et per hanc sacram exprimuntur legem, ea studeat excellentia tua ad effectum deducere, certoque fini tradere. Dat. Idib. Maii, Constantinop. Belisario v. c. cos.

NOVELLA XV.

De defensoribus civitatum.

Imperator Justinianus Augustus Joanni gloriosissimo præfecto prætoriorum, iterum exconsule et patricio.

Nisi primo quoque tempore defensorum sollicitudinem in competentem reducamus ordinem, neque ipsa antiquorum vocabulorum veritas denuo nobis suppediet. Nam cum a vetustate aliis alia sint imposita nomina, quæ aperte earum rerum vim significarent, tum vero hoc ipsum defensorum nomen clare ostendit, vetustatem quosdam rebus præfuisse, qui ab omni eas injuria liberas tuerentur; hacque adeo de causa patria etiamnum lingua defensores eos vocamus, quod injuria oppressos a malis eriperent. Nunc vero ea ipsa defensorum sollicitudo ita in plerisque reipublicæ nostræ partibus proculcata est, et vehementer despiciatui habita, ut contumeliæ potius quam honori et dignitati alicui exposita esse videatur. Inde obscuro ad hanc homines assumuntur, et decreta super ipsis ex commiseratione magis quam vera electione fiunt. Quibus enim alimonia et victus aliunde sufficiens non est, hi emendicatis defensorum suffragiis, ad hanc sollicitudinem accedunt, et pro quodam vœluti ludicro præsidium animis sunt propositi, siquidem et remorent eos quancumque volunt, minima quæque vertentes vitio, et alios in illorum locum ingerunt, vicarios quoque defensoribus constituentes, perque unum nonnunquam annum in pluribus id hominibus admittentes. Unde et cohortales, et civitatum magistratus, et qui has incolunt, omnes in summo contemptu defensorem habent. Quæ vero apud ipsos geruntur, perinde ac si neque gesta essent, haberi solent. Nisi enim provinciarum præsides jubeant, ne præsumere quidem audent aliqua gestorum mo-

numenta conficere apud semetipsos per omnia eis servientes defensores, et illorum nutibus intendentes solis. Si vero quædam conficiunt, primum quidem et illa vendunt. Deinde cum nullum ad hoc paratum archivum habeant, in quo reponant apud se gesta, deperit quod gestum est, neque apud ipsos ulum facile omnino longi temporis monumentum reperias, sed qui actis indigent, ipsa apud hæredes eorum et alias successiones quærent, ubi partim indigna inveniuntur, quibus habeatur fides, partim etiam depereunt et intercidunt, usque adeo, ut perinde putentur, ac si facta non essent. Nos igitur quoniam præsidum partes bene disposuimus, majorque ut ipsis inter gentes esset potentia effecimus, et longius absunt quam ut civitatum commoda semper in conspectu habere possint, propterea existimavimus ipsam quoque defensorum sollicitudinem ad pristinum erigendam esse statum. Existet enim bella quædam hoc modo consonantia et harmonia, si civitatum defensores judicum ordinem occupent, et provinciæ moderator potius judicum iudex, et per hoc decessoribus suis honoratior esse videatur. Quanto enim quisque præstantioribus imperat, tanto ipse et major et honoratior est. Interea igitur illud primo sciendum est, ut ne cuiquam omnium facultas sit ad defensoris ordinationem repudiandam, sed per vices quique honoratissimi incolæ suis hoc munus civitatibus impleant (hoc enim et clapsis temporibus obtinuisse inque usu fuisse didicimus) nemini patefacta copia hoc repudiandi, neque si magnificentissimorum illustrium dignitate decoratus sit, neque si insignem aliquam militiam habeat, neque si quod privilegium ex ipsis sacris formis prætetendat, et si concessæ formæ pragmaticæ sint, sed omnibus civitatis incolis, qui scilicet in aliqua sunt reputatione, hanc sollicitudinem in circulum implentibus, et cum circulus desinit, iterum ad eam revertentibus, et prædictum munus obeuntibus, ut defensor iudex potius, quam defensor esse videatur. Decreto utique cum omnium communiter iurejurando facto, qui illius civitatis incolæ sunt, non autem eorum qui ibi tantum commorantur.

Jusjurandum vero præstet, omnia se secundum leges et jus acturum, et confirmetur (quemadmodum modo dicimus) jussione gloriosissimorum nostrorum præfectorum, et per biennium duntaxat administret, posteaque a sollicitudine removeatur, non habente licentiam clarissimo præside provinciæ removendi eum, sed tantum si quid parum recte agere videatur, referendi ad gloriosissimos præfectos, ut ab eo contingat sellicitudinis absolutio, a quo etiam datur. Nulla facultate existente vel moderationem provinciæ habenti, vel ipsis defensoribus, ut defensorum vicarios constituent, sed hæc illis omnibus prohibemus modis. Quin potius neque clarissimos præsides pro se vicarios in civitates dimittent, exceptis ipsis defensoribus, quos præsidum locum in civitatibus supplere volumus, ipsosque in omnibus civitatibus in quibus sunt curam gerere. Item ut

apud defensores insinuentur testamenta, donationes, et omne denique quod proprie ad jus monumentorum pertinet, nequeunte clarissimo præside provinciæ vel quod confici debet, impedire, vel præscribere, quomodo confici velit, vel confectum non edere. Neque enim omnino ei licentiam ad ejusmodi præbemus, absurdissimum putantes ut necessaria acta hominibus propter præsidum forte affectionis præceptionesque nulla ratione subnixas intercidant. Sed et in acta referant quæcunque quis voluerit, edantque, tametsi quod in acta refertur, perstringat ipsum provinciæ præsidem, vel aliquem potentiorum, neque hoc quisquam prohibeat. Oportet enim eos qui vel in officiis, vel cum potestate aliqua sunt, ita se gerere, ut confici adversus se acta non prohibeant, imo ita se moribus inculpatos præbere, ut nemini detur opportunitas movendæ alicujus contra ipsos querelæ. Nemo insuper prohibeatur apud defensores in acta referre, quibus de rebus vult, sive præses in civitatibus præsto sit, sive non sit, his solis exceptis quæ jurisdictionem requirunt, et ex ipsa præsidum auctoritate pendent.

Deinde ut civitatum defensores iis qui publicarum exactionum negotium habent modis omnibus auxilio sint, et sive propter indevotorum collatorum contumaciam momumenta conficere, sive interesse et flagitiosos præsentibus oculis aspicere; sive publicum sedare tumultum opus sit, alacriter hoc faciant, uno denique verbo, per omnia præsidis locum obtineant, et maxime cum absunt. Et ut cohortales quoque ei regioni addicti, qui per illam consistunt civitatem, in qua defensor est, illi obediant et opem ferant, ut absentibus provinciarum moderatoribus nihil civitatibus deesse per illorum præsentiam videatur. Habeant autem et ex cohorte illi provinciæ destinata exceptorem futurum illis in ministerio, et duos cohortales, qui ab ipsis iudicata exsequantur.

Dicantque jus in omnibus pecuniariis causis usque ad trecentos aureos, nequeuntibus collatoribus nostris eos quos sibi obligatos putant, protrahere ad clarissimos provinciarum præsides, si intra dictam trecentorum solidorum quantitatem causa consistat. Sed neque actores ea ipsa de re litem pluris estimant, ut reos conterant, non ad defensorem civitatis, sed ad loci præsidem deductos. Immo si quid tale fecerint, et sententia ostendat causam minorem esse trecentis solidis, deditaque opera æstimationem ampliatam, ut apud præsidem provinciæ, non apud civitatis defensorem examinaretur, solus actor totius litis subjiaciatur dispendio. Enimvero appellationes a defensoribus ad ipsos deferantur præsides. Si quid vero cohortales contra defensores contumeliose admiserint, tunc provinciarum rectores vindictam repetant, cohortalesque castigent. Damus enim defensoribus licentiam, si hoc gentium præsides negligant, ea referre ad thronum excellentiæ tuæ, ut illis inde auxilium impertiat et competens vindicta, et defensores revera habeant contra delinquentes quamdam judiciariæ gravitatis imitationem

et figuram. Ac si civitatis defensorem contingat intercidere, protinus ad alium, qui ex ordine circuli vocatur, cum prædicto juramento decurrat calculus, protinusque is eam curam subeat. Decretum vero referatur et roboretur a celsitudine tua. Neque ullo unquam tempore constituentur (uti diximus) defensoribus vicarii, ne rursus absque ratione ansam priori perturbationi præbeamus. Conficiat etiam jussiones excellentia tua per unamquamque provinciam ut in civitatibus domus aliqua publica scernatur, in quam defensores deceat actorum suorum monumenta reponere, creato aliquo ibi locorum, penes quem hujus sit custodia, quo magis et incorrupta ea maneant, et celerius quæsita inveniantur. Sitque apud ipsos aliquod archivum, et quod hactenus in civitatibus peccatum est, modo ad pristinum statum reducatur. Fient autem et defensores omnino gratis. Et pro ipsis jussionibus, si majores sint civitates, quatuor tantummodo aurei dabantur in judicio tuæ celsitudinis; si minores, tres, quemadmodum nostris jam legibus constitutum est. Si quas vero ex publico annonas habent, percipient et ipsas more solito.

Cognoscent utique et de levioribus criminibus, et competentem castigationem adhibebunt. Sed eos, qui in majoribus delictis capiuntur conjicient in custodiam, et ad provinciæ moderatorem transmittent. Ita enim quæque pro se civitas judiciali cura fruetur, et universa gens sub majore constituta judice, majorem sentiet providentiam, et bona pars præsidalium curarum præscindetur, si civitatum defensores eas in se transponant, relevantque curas præsidibus, quas pro populis gerunt, ipsi per partes vel ea quæ per injuriam admittuntur, componentes, vel disceptantibus dirimentes controversias (et prout sæpe dictum est), per hoc eos qui officiis præsidet honoratiores efficientes. Si qui etiam per indevolutionem circa publica tributa solvenda segniores existant, eorum exactiones qui ita se indevotos præbent, gentium præsidēs demandent defensoribus, ut et in hoc ipsis auxiliō sint. Cæterum si qua defensoris ordinatio præter hæc facta sit, aut is ad quem ex ordine defensoris creatio pervenit, prætextu dignitatis, vel militiæ, vel privilegii, vel alterius rei, eam sollicitudinem deprecetur, sciat ille quinque se librarum auri pœnam subiturum, et nihilominus post ejus pecuniæ in civitatis opera cessuræ exactionem, cogendum defensoris expedire sollicitudinem. Convenit enim, ut honestiores quique civitatibus, quas incolunt, operam et ministerium suum exhibeant, et hanc quodammodo ipsis pro incolatu gratiam rependant. Quæ igitur nobis placuerunt, et per hanc sacram exprimuntur legem, ea studeat excellentia tua per provincias quibus præest, propriis destinatis jussionibus, manifesta facere, ut omnes cognoscant quod et maxima, et mediocria, et minima æque nobis curæ sint, nihilque ejus generis a sollicitudine nostra removeamus.

Assumet vero excellentia tua et hoc in partem tuarum jussionum, ut jam inde scilicet gentium præsidēs

operam dent, quo magis hi defensores nominentur (in circulum scilicet, ut dictum est) de quibus bona est in quaque civitate opinio, et ut decreta in commune fiant una cum jusjurando ab ipsis præstando, neque non dictus circulus describatur, et ita singuli per biennium ordine eam sollicitudinem obeant. Ac si quis ex istis intercitat, in demortui locum alius sufficiatur, semper quidem decreto cum jusjurando conficiendo. Ipso quoque, cum sollicitudinem suscepturus est, præfinitum jusjurandum subeunte, et creatione ejus a Dei amantissimo episcopo, et venerabili clero, atque aliis, qui bonam in civitate opinionem obtinent, perficienda. Quod quidem et nunc continuo fieri convenit, omnibus (ut dictum est) secundum hanc nostram generalem legem procedentibus. Præterea ut ii quoque, qui hoc etiamnum tempore defensores sunt, in circulum describantur, si ejusmodi videantur, qui placere possint, et sollicitudinem usque ad biennium continuent. Quod si jam biennium in ea cura consumpserint, a defensoris sollicitudine dimoveantur, nisi communi ipsum decreto velint in alterum quoque biennium in eodem detinere officio. Si vero nondum biennium expleverunt, dignique videntur, qui in societatem circuli recipiantur, reliquum tempus compleant, ut tamen nemo ultra id civitatem defendat, sed ad hoc duntaxat tempus usque subsistat, nisi communis eum civitatis consensus nullo reclamante comprobet. Quod si fit, altero quoque biennio eam sollicitudinem recipiet, et post id finitum omnino ea desistat, tunc demum rursus defensor futurus, cum ipse eum circulus in hunc reduxerit ordinem, ne perpetua ejus sollicitudinis continuatione, et fraudulenta per singula biennia renovatione, aliquibus prædicta administratio usque in infinitum extendatur. His omnibus in omne ævum obtinentibus quandoquidem summo cum studio ea, et vigilantia, et Domini Dei erga nos benevolentia adinvenimus, nostrisque subditis condonavimus. Dat. xvi Kal. Aug. Constant. Bilis. v. c. cons.

NOVELLA XVI.

Ut clerici ex una ecclesia in aliam transferantur ad supplendum deficientium statutum numerum.

Idem imperator Anthemio sacratissimo et beatissimo archiepiscopo Constantinopolitano et universi ejus tractus patriarchæ.

Legem nuper de mensura ordinationum conscripsimus, quodque nec in sacrosancta majore ecclesia, neque in aliis effusas eas esse conveniat. Quam sane ratam manere, et pro universo suo tenore firmitatem obtinere etiamnum volumus. Quoniam vero intendimus ordinationes in arctum contrahere, indeque expensarum exuperantiam ad mediocrem et tolerabilem quantitatem sacrosanctæ majori ecclesiæ reducere, quo magis sumptuum illi multitudo minuat, propterea per omnes undique vias oberrantes, tandem ad hanc etiam præsentem legem pervenimus, non quidem plane diversam a priore, sed quæ ex eodem profecta proposito, aliquando amplius sacrosanctæ majori prodesse possit ecclesiæ.

Sancimus enim, si in una aliqua sacrosanctarum ecclesiarum, quarum administrationem simul et expensas eadem sacrosancta major ecclesia sustinet, presbyterum, aut diaconum, aut lectorem, aut cantorem mori contigerit, ne statim alius extrinsecus introducatur, sed prius beatitudo tua despiciat, quam magnus adhuc venerabilium clericorum sit numerus, qui illic ministrant. Ac si nondum quidem clericorum numerus deminutus est, sed quo ad numerum ab initio definitum et (ut vocant) statutum, quidam etiamnum superfluent, ne qua in ejus locum instituat ordinatio, donec numerus sibi ipsi restituatur. Si vero multitudo ita deminuta est, ut in defuncti locum alium clericum introduci necesse sit, ne quid statuto desit, beatitudo tua dispiciat, an citra sacrosanctam majorem ecclesiam ejusdem ordinis clericus in aliis ecclesiis inveniat superfluent, et exinde in demortui locum alium subleget, non autem novam ordinationem celebret. Eo enim pacto si id, cui deest, ex eo suppleatur, cui superfluit, bella quædam neque Deo ingrata commensuratio imponetur negotio, et sacrosancta major ecclesia paulatim ære alieno liberabitur. Alioqui si id, cui deest, forensibus superinductionibus suppleatur, id vero cui superfluit non minuat, longum et infinitum temporis spatium decurret, donec omne id, quod abundat, deminuat. Tua igitur beatitudo ea quæ decenter nobis propter sacrosanctarum ecclesiarum utilitatem placuerunt, effectui et fini tradere studeat. Et si quid hæc contra fiat, scire necesse est, eum qui contra hanc nostram legem ordinationem suscipere ausus fuerit, quod nullam exinde utilitatem habebit, neque venerabiles æconomi eam impensam, quæ in hanc partem fit, in rationes sacrosanctæ majoris ecclesiæ referent, sed damnum inde emergens ipsi agnoscent, per semetipsos hunc socordiae suæ fructum recipientes. Dat. Idibus Augusti, Constantinop. post consulatum Belisarii v. c. Dat. xvii Kal. Aug. Constant. d. n. Bilis. v. c. cons.

NOVELLA XXI.

De Armeniis, ut et ipsi per omnia Romanas sequantur leges.

Imperator Justinianus Augustus Acacio magnificentissimo proconsuli Armeniæ.

Cupientes ut Armeniorum provincia perfecte bonis regatur legibus, neque in ullo a reliqua differat república, prioribus sublatis nominibus, Romanis eam magistratibus adornavimus, ut Romano uterentur habitu assuefecimus, ut denique aliæ apud ipsos leges non essent quam quas Romanas nominant, constituimus. Proinde scripta etiam lege illud quod perperam apud eos delinquitur, corrigendum putavimus, ne scilicet more barbarico parentum et fratrum, et reliqui generis successiones ad viros pertineant, ad mulieres non item, neve hæ absque dote in domum mariti commigrent, aut ab iis quibus cum consuetudinem habituræ sunt redimantur, id quod multo etiam magis barbarice in hunc usque diem moribus apud ipsos comprobatum est, non ipsis tantum ista ferino more opinantibus, sed et aliis gentibus ita dehonestantibus

naturam, sexumque femineum contumelia afficientibus, quasi non et ipse a Deo creatus sit, aut generationi aliquid conferat, sed quasi abjectus et ignominiosus extra omnem dignationem ac honorem haberi debeat. Sancimus igitur per hanc sacram legem, ut et apud Armenios occasione successionis feminarum eadem obtineant, quæ et apud nos, neque ulla sit inter marem et feminam differentia, sed qua quidem forma inter nostros constitutum est, ut parentibus, hoc est patri, mari, avo, aviæ, remotioribusque, item posteris, hoc est filio, filiæ succedant, et vicissim ipsis quoque succedatur, ita et apud ipsos sit, neque Armenicæ leges a Romanis differant. Nam si de nostra sunt república, si serviunt æquo nobis cum cæteris gentibus, si omnibus nostris perfriuntur, nunquid solæ apud ipsos feminae a nobis introducta expellentur æquabilitate? Sed in pari apud omnes observatione sint leges nostræ, sive quas ex veterum libris collegimus, et in nostris Institutionibus et Digestis ordinavimus, sive quæ ex imperatoria sanctione, tam priorum principum quam nostra, subscriptæ sunt.

Quapropter omnia hæc, ex initiis præsentis quartædecimæ indictionis, et ipsius qua hanc conscribimus legem, sumpto principio, in omne ævum valere sancimus. Vetera enim curiosius perquirere, et ad præterita jam tempora recurrere, confusionis potius quam legislationis est. Sed (ut diximus) jam inde a temporibus præsentis quartædecimæ indictionis et ipsius, in omne reliquum tempus, ipsæ quidem successiones similes sunt iis quæ quacunque ex causa ad successionem pertinent, æqualiter tam inter mulieres quam etiam viros de cætero observandis. Quod vero jam ante exstitit, id universum in priore forma manere sinimus, sive in iis factum est prædiis quæ princeps olim generis familiæ suæ adscripsit, sive in aliis nullam habentibus communionem femineis personis in his prædiis quæ insulse genearchia, hoc est a principe olim generis familiæ suæ ascripta laudant, aut successionibus quæ usque ad decimamtertiam indictionem et ipsam obvenerunt. Sed a prædicto tempore, hoc est a decimaquarta indictione, valere ea quæ a nobis constituta sunt, sancimus. Quæ igitur nobis placuerunt, et per hanc exprimuntur legem, ea tam magnificentia tua, quam qui post ipsam eundem magistratum suscepturi sunt, in perpetuum observare studento. Dat. xv Kal. April. Constantinop. post Bilis. v. c. cons.

NOVELLA XXXVII.

De Ecclesiis constitutis in Africa.

Venerabilem ecclesiam, etc. Ab Arianis ablata capiunt, sibi que habento Ecclesiæ Africæ, ut tamen publicas pro illis pensiones conferant, ab iisdem acceptis immobilibus a nemine lædendis. Hæreticus non baptizato, ad rempublicam non accedito, catechumenum non circumcidito. Nulla omnino hæresis domum aut locum orationis habeto. Carthaginensis Ecclesia privilegia obtineto, quæ in universum de omnibus dicta sunt ecclesiis in Codice.

Qui ad Carthaginensem ecclesiam confugerit, si

impunitatem habeto, nisi homicidium, aut raptum virginis, aut vim in Christianum admiserit. Ecclesiis Africæ ab aliquo pro sua ipsius salute oblata, a nemine prorsus auferuntur.

Hoc ipse generaliter de omnibus ecclesiis accipito.

NOVELLA XLII.

Ut Anthimus, Severus, Petrus, Zooras, et reliqui hæretici ecclesiastico gradu detruantur.

Idem Augustus Mennæ sanctissimo et beatissimo archiepiscopo Constantinopolitano, universique ejus tractus patriarchæ.

Non insolitam imperatoriæ majestati rem agentes, ad præsentem legem pervenimus. Quotiescunque enim sacerdotum sententiæ aliquos qui sacerdotio indigni essent sacerdotalibus deturbarunt sedibus (quale sit, Nestorium, Eutychetem, Arium, Macedonium, Eunomium, et alius non inferiore quam illi malitia), toties etiam ad sacerdotum auctoritatem imperatoris consensus accessit, ut divina cum humanis coeuntia, rectis sententiis symphoniam quamdam et unam consonantiam inducerent. Simile quiddam nuper circa Anthimum evenisse scimus, tam ab Agapeto religiosæ et celebrandæ memoriæ, præsule sacrosanctæ in vetere Roma ecclesiæ constituto, e sede hujus regiæ urbis depulsum, ut qui in sedem neque ulla sibi ratione competentem, et præter omnes canones insiliisset, quam communi sententia; ejusque viri sanctæ memoriæ multis noninibus exosculari videretur (id quod variis postmodum commentis refugit), simulans quidem sancta se quatuor concilia sequi, nempe trecentorum decem et octo sanctorum Patrum Nicææ, centum et quinquaginta in hac alma urbe, ducentorum præterea Ephesi primum congregatorum, neque non Dei amantissimorum sexcentorum et triginta Patrum Chalcedoni, non vero re ipsa illorum dogmata consequens, neque nostram benignitatem et submissionem, quam pro ejus salute suscepimus amplecti, neque renuntiare tam impiorum dogmatum auctoribus a sanctis Patribus in synodis rejectis volens, sed ratus in unum et eundem auctoritatis gradum utrosque tam condemnatos quam qui condemnarint, collocandos. Semel enim peregrinis a sacrosancta Ecclesia cogitationibus mancipatus, et a rectis dogmatibus alienus factus, merito ad eorum rectitudinem regredi non valuit, quanquam a nobis quoque diligenter et summo studio ad ejus salutem contendentibus, commonstrata via, admonitus. Propter omnia hæc igitur, quæ cum ipso gesta sunt, et depositionis a gradu ecclesiastico sententiam a sancta synodo tam per causam illicitæ neque per sacros canones approbatæ in sacerdotales hujus regiæ urbis sedes irreptionis, quam a rectis et veris dogmatibus diversionis prolatam, ratam nostra facit majestas, deque iis præsentem legem conscribit. Et interdicimus ne in alma hac urbe ejusque confiniis moram trahat, neve in ulla insigniorum urbium quietem agat: sancientes ut cum his acquiescat quibus se dignum præbuit, neque cum ullis consuetudinem ineat, aut eos in perniciem prohibitorum dogmatum

inducat. Enimvero neque sententiam juste contra Severum promulgatam, et ex omnibus archiepiscopis et patriarchalibus sedibus una cum prudentia monachali procedentem, exortem confirmationis regiæ efflicimus, qui prius sacrosanctæ Theopolitano- rum Ecclesiæ sede contra sacros ritus occupata, ita omnia conturbavit, ita conturbata transmutavit, ut generale quoddam et absque fecialium interventu susceptum sacrosanctis inter se ecclesiis bellum inferre videatur. Atque hoc etiam ab his qui ante nos sceptrum imperii tenuerunt, ad ipsum scriptum esse, tam variis atque recto alienis dogmatum fraudibus ac blasphemis utentem, quam omnia jam nunc perturbata reddentem, et de errore solum utriusque hæresiarchæ (Nestorii scilicet et Eutychetis) haustis abominandis et cum religione pugnantibus dogmatibus innitentem, et utriusque horum perversissimorum ducum, qui tametsi nonnihil inter se dissidere videantur, ad unum tamen impietatis finem tendunt, notorias disputationes effingentem. Nam cum duo inter se contraria sint dogmata, tam Nestorii, quam Eutychetis (ut diximus) quorum utrumque ex æquo mortem animæ importat, quæ ex ipsis Arianorum et Apollinaris impiamentis constant, mirabiliter tamen et præter opinionem ipse affectus, similiter in utrumque incidit, et nunc huic, nunc illi primas partes deferens, commune se suosque sermones tantorum piaculorum receptaculum constituisse videtur. Esto igitur et ipse prædicto anathemati obnoxius, quod universus patriarchalis, sacerdotalis et monachalis reipublicæ nostræ (ut ita dicamus) ordo juste ei induxit, ex Theopolitanorum Ecclesia ejectus propterea quod et illius urbis sedes eum repulerit, quasi qui ne initio quidem rite ipsam occupavit, vivente nimirum adhuc et in sacrosanctis ecclesiis hinc inde sacras conciones habente eo qui ante ipsum sacerdotio functus est; et nunc a successore suo sacerdotio exclusus sit; neque intra hosce tantum terminos resisterit, sed jam etiam sub generale anathema orthodoxæ et catholicæ Ecclesiæ rejectus sit, et multis maledicis et prohibitis libris rempublicam nobis referferit. Unde in universum omnibus interdicimus ne quid librorum ejus comparent. Et quemadmodum Nestorii libros describere aut comparare non licet, propterea quod ante nos imperatoribus in suis constitutionibus videantur Porphyrii scriptis contra Christianos editis similes existere, ita neque Severi dicta scriptave apud quemquam Christianorum manento, sed profana sunt, et a catholica Ecclesia aliena, ignique comburuntur a possessoribus, nisi illis retinendis in periculum adduci velint. Præterea a nemine in posterum conscribuntur, sive librarius aliquis, sive notarius, sive quisquam alius sit: sciens quod illius dicta conscribentibus abscissa manus in pœnam irrogabitur. Nolumus etenim ut illorum blasphemiam ad alia prorepat sæcula. Consimiliter et illi hujus regiæ urbis, ejusque confiniorum, et alicujus insignioris civitatis ingressu interdicimus; sed ut in solo aliquo loco et silentio desideat, neque alios cor-

rumpat, neque ad proferendas blasphemias eos inducat, neque contra vera dogmata novi aliquid inveniat, per quod denuo nobis sacrosanctas perturbare studeat Ecclesias.

Sed neque Petrum, qui Apameæ episcopus fuit, remotum a gradu ecclesiastico, et iisdem de causis, quamobrem Severus, anathemate (ut vocant) percussus, majestas imperatoria admittit. Sed rata sunt etiam quæ adversus ipsum decreta sunt: et quemadmodum sub generale anathema redactus est, ita et redactus esto, sententia quæ de his ipsis a sanctissimis summis pontificibus processit rata permanente. Ac neque illi permittimus ut hanc regiam urbem, ejusve confinia, aut præstantiorem aliquam civitatem incolat, sed quorum secutus est errorem, horam imitetur etiam in degenda vita rationem, quam longissime ab hominum consuetudine remotus, seque ipsum latebris occultans. Siquidem multo præstabilius est hoc genus hominum latitare, quam in publica luce ante omnium oculos versari. Nam si latitent, sibi ipsis tantummodo erunt incommodi; si vero dogmata sua publicent, et vulgo proferant, multis simplicioribus occasionem præbent ad interitum. Quod quidem ut aliquo modo in Christiano Dei ovili et pio recteque sentiente populo eveniat, neque justum est, neque a majestate imperatoria concedendum. Quia vero et Zoroam religiose simul et juste judicantes episcopi dignum putaverunt quem omnino sub anathema redigerent, ut qui veluti breve quoddam additamentum esset ejusmodi malorum, ad quæ peragenda promptissimus fuit, et magnam facultatem habuit, ne omnino memoriam illi adimamus, quod aliqua in re facultate præditus fuerit: esto sane Zoroas etiam particule hujus (de Anthimo, Severo et Petro loquimur) leve quoddam additamentum, et inter eos qui anathemate notati sunt, et sacerdotali contra ipsum prolata sententia ipse quoque collocatur, quam tametsi per se satis valentem, multo tamen adhuc valentior reddit majestas imperatoria, quæ regia hac urbe ipsum expellit, ejusque confiniis et urbium incolatu omnifariam ei interdicit: ut cum solis illis quos ante recensuimus, ad eundem modum blasphemantibus, ad eundem quoque mundum relegatis, habitet captetque consilia. Si quid præterea aliud quoque sanctissimorum episcoporum sententia, quæ prædictos a gradu detrahit ecclesiastico, et anathemate percellit, continetur, pro rato

A et illud habemus, imperialibusque id legibus corroboramus, perinde quasi ab ipsa majestate imperatoria prodiisset. Quod si quis eorum adversus hæc statuta deprehendatur delinqueret, sciat quod in civiles leges incidet, quæ in majorem indignationem et animadversionem conjiciunt eos qui pœnas leviores declinant. Porro omnibus qui vel secundum doctrinam dementis Nestorii, vel secundum stolidam traditionem Eutychetis, vel secundum Severi, qui idem cum illis sentit, aut illos sequentium blasphemiam, catholicam Dei Ecclesiam conantur divellere, prohibemus ne tumultus Ecclesiis immittant, aut de fide aliquid disserant. Sed sancimus ut unusquisque eorum silentium agat, et neque ullos in unum convocent, neque adeuntis recipiant, neque improbo more baptizare aut sacram communionem defœdare, et aliquibus eam distribuere, aut vetitas doctrinas explanare audeant vel in regia ac nostra urbe, vel alia, sed nihil non periculi revereantur, si quid tale perpetraverint. Omnibus iusuper prohibemus ne quis hunc recipiat. Quin potius sancimus ut ex urbibus etiam, quæ ab ipsis seducuntur, ejiciant: scientes pœnas sacris nostris jam comprehensas constitutionibus, quæ ipsas etiam domus in quibus tale quid peragitur, et prædia ex quibus alimenta suppeditantur, sacrosanctis addicunt Ecclesiis, suis adimenda possessoribus, quia simplicioribus causam mali præbent; optimo vero jure sub dominium sacrosanctarum eas Ecclesiarum deducentes. Hæc nos pro communi sacrosanctarum Ecclesiarum pace sancimus, hæc decernimus sanctorum Patrum decreta secuti, ut omnes de cætero sacerdotes sub tranquillitate et quiete permaneant: quibus ipsis in pace conservatis, reliqua etiam reipublicæ portio nobis pergiscet, pace desuper vigescente, quam omnibus magnus ille Deus et Servator noster Jesus Christus, unus de Trinitate, unigenitum Dei verbum, tam prædicat quam suppeditat his qui vere et ex animo glorificare ipsum et adorare dignantur. Quæ igitur recte nobis placuerunt, ea beatitudo tua conservato, et ad effectum deducito, per Dei amantes suas litteras ea omnibus sub se constitutis religiosissimis metropolitanis transmittens. Quorum unicuique curæ erit sacrosanctis sub se constitutis Ecclesiis hæc manifesta facere, ut neminem omnium D lateant quæ summum sacerdotium decreverit, quæ item majestas imperatoria corroboraverit. Dat. xvii Kal. Aug. Constantinop. Bilis. v. c. cons.

CONSTITUTIO * SACRA JUSTINIANI IMPERATORIS.

Contra Anthimum, Severum, Petrum et Zooram.

In nomine Domini Jesu Christi Dei nostri, imperator Cæsar Flavius Justinianus, Alemanicus, Gothicus, Francicus, Germanicus, Anticus, Alanicus, Wandalicus, Africus, Pius, felix, gloriosus, victor, triumphator, semper Augustus, Mennæ patriarchæ.

* *Hic subjicere visum est ejusdem novellæ textum Græcum cum vetustissima interpretatione quam e*

Ἡ ΔΙΑΤΑΞΙΣ ἸΟΥΣΤΙΝΙΑΝΟΥ ΒΑΣΙΛΕΩΣ

Κατὰ Ἀνθίμου, Σεβήρου, Πέτρου, καὶ Ζωόρα.

Ἐν ὀνόματι τοῦ δεσποῦ τοῦ Ἰησοῦ Χριστοῦ τοῦ Θεοῦ ἡμῶν, αὐτοκράτωρ Καῖσαρ, Φλάβιος Ἰουστινιανός, Ἀλεμανικός, Γοθικός, Φραγγικός, Γερμανικός, Ἀντικός, Ἀλανικός, Οὐανδαλικός, Ἀφρικός, εὐσεβής, εὐτυχής, ἐνδοξός, νικητής, τροπαιούχος, ἀεισέβαστος Αὐγουστός. Μηνῆ πατριάρχῃ.

regione descripsit Mansi Concil. tom. IX, ubi since-
rus præligitur titulus, alibi depravatus. Edr.

Πρᾶγμα οὐκ ἄθες βασιλείᾳ καὶ ἡμεῖς πράττοντες, ἐπὶ τὸν παρόντα ἐληλύθαμεν νόμον. Ὅσαίς γὰρ ἡ τῶν ἱερέων ψήφους τινὰς τῶν οὐκ ἀξίων τῆς ἱερωσύνης τῶν ἱερατικῶν κατεβίβασε θρόνων, ὅποιον δὴ Νεστόριον τε, καὶ Εὐτυχῆ, Ἀρειόν τε, καὶ Μακεδόνιον, καὶ Εὐνόμιον, καὶ ἄλλους δὴ τινὰς εἰς κακίαν οὐκ ἐλάττους ἐκείνων, τοσαυτάκις ἡ βασιλεία σύμφηρος γέγονε τῇ τῶν ἱερέων αὐθεντίᾳ, ὥστε τὰ θειοτέρα τε, καὶ ἀνθρώπινα συνδραμόντα μίαν σύμφωνίαν ταῖς ὁρθαῖς ποιήσασθαι ψήφοις. Ὅποιον δὴ τι καὶ ἐναγχος γινόμενον περὶ Ἀντιμον ἔτμεν, ἀπελαθέντα μὲν τοῦ τῆς βασιλίδος ταύτης πόλεως θρόνου παρὰ Ἀγαπητοῦ τοῦ τῆς ὁσίας καὶ αἰδιμίου μνήμης προέδρου γεγονότος τῆς κατὰ τὴν πρεσβυτέραν Ῥώμην ἀγιοτάτης Ἐκκλησίας, οἷα τε κατὰ μὴδένα τρόπον αὐτῷ προσήκοντι παρὰ πάντας τοὺς εὐαγεῖς κανόνας ἐπιστηθῆσαντα θρόνῳ, κοινῇ δὲ ψήφῳ τοῦ τε αὐτοῦ τῆς ἁγίας μνήμης ἀνδρὸς πρότερον, καὶ μὴν καὶ τῆς ἐν ταῦτα γενομένης ἱερᾶς συνόδου καταδικασμένον τε, καὶ καθηρμένον, διότι τῶν ὁρθῶν ἀπεφοῖτα δογμάτων, καὶ οἷς πρότερον πολλαχόθεν ἐφαίνετο στέργων, ταῦτα ὕστερον διαφόροις ἀπέφυγε περινοίαις, προσποιούμενος μὲν ταῖς τίσσασιν ἁγίαις συνόδοις ἀκολουθεῖν, τῇ τε τῶν τῆς Πατέρων τῶν ἐν Νικαίᾳ, τῇ τε τῶν Ῥ καὶ Ν τῶν ἐν ταύτῃ τῇ εὐδαίμονι πόλει, τῇ τε τῶν ἐν Ἐφέσῳ τὸ πρῶτον συναχθέντων σ', τῇ τε τῶν θεοφιλῶν Πατέρων τῶν ἐν Χαλκηδόνι χλ'. Οὐ μὴν τοῖς τούτων δόγμασι κατὰ ἀκολουθίαν, οὔτε τὴν ἡμετέραν φιλανθρωπίαν, καὶ τὴν συγκατάβασιν, ἣν διὰ τὴν αὐτοῦ σωτηρίαν ἔχομεν, προσδέξασθαι βουλῆθεις, οὐδὲ ἀποκηρύξαι καὶ αὐτοὺς τοὺς τῶν ἀτεβῶν δογμάτων ἀρχηγούς τοὺς ὑπὸ τῶν προτέρων ἁγίων ἐκβεβλημένους συνόδων· ἀλλ' οἷόμενος χρῆναι καὶ τῶν κατὰ ταυτὸν καὶ ἐν ἱστώ τοὺς καταδικασμένους, τοὺς τε καταδικάσαντας ἄγειν. Ἀπαξ γὰρ ταῖς ἁλλοτρίαις τῆς ἀγιοτάτης ἐκκλησίας ἐννοίαις κατανδραποδισθεῖς, καὶ τῶν ὁρθῶν ἡλλοτριωμένους δογμάτων, εἰκότως εἰς τὴν αὐτῶν οὐκ ἔσχυσεν ἐπανελθεῖν ὁρθότητα, καὶ ταῦτα παρ' ἡμῶν καὶ προτραπείς καὶ ὀδηγηθείς, πᾶσι χρησαμένων σπουδῇ, πρὸς τὴν σωτηρίαν τὴν αὐτοῦ.

Διὰ ταῦτα τοίνυν ἅπαντα, τὴν γενομένην ἐπ' αὐτῷ τῆς καθαιρέσεως ψήφον παρὰ τῆς ἁγίας συνόδου, προφάσει τῆς τε οὐ θειμῆς, οὐδὲ ὑπὸ τῶν ἁγίων κανόνων μαρτυρουμένης τῶν τῆς βασιλίδος ταύτης ἱερατικῶν θρόνων ἀρπαγῆς, καὶ τῆς ἀπὸ τῶν ὁρθῶν τε καὶ ἀληθῶν δογμάτων ἐκτροπῆς, κυρίαν ἡ ἡμετέρα τίθεται βασιλεία, καὶ ἐπὶ τούτοις τὸν παρόντα γράφει νόμον. Ἀπαγορεύομεν δὲ αὐτῷ καὶ τῆς κατὰ τὴν εὐδαίμονα ταύτην πόλιν, καὶ τῆς περιουκίδος αὐτῆς διατριβῆς, καὶ πάσης ἐτέρας τῶν ἐπιστῆμων πόλεων, θεσιζόντες ἐφ' ἡσυχίας εἶναι, καὶ τούτοις στέργειν, οἷς ἑαυτὸν ἀξίως ὑπέθηκε, καὶ μήτε τισὶν ἐπικοινωνεῖν, μήτε ἐκδιβάζειν αὐτοὺς τὴν τῶν ἀπηγορευμένων δογμάτων ἀπώλειαν. Οὐ μὴν οὐδὲ τὴν δικαίως ἐξενεχθεῖσαν κατὰ Σενήρου ψήφον, τὴν ἐκ πάντων, ὡς εἰπεῖν, τῶν ἀρχιερατικῶν τε, καὶ πατριαρχικῶν, μετὰ τῆς μοναχικῆς συνανέσεως προσελθοῦσαν θρόνων, τὴν τὸν ἀναθέματισμὸν ἐπάγουσαν αὐτῷ, βασιλικῆς ἔξω καταλιμπάνομεν ἐπικυρώσεως, ὅς πρότερον παρὰ τοὺς ἱεροὺς θεσμούς καταλαβὼν τὸν θρόνον τῆς Θεουπολιτῶν ἀγιοτάτης ἐκκλησίας, οὕτω συνετάραξεν ἅπαντα, οὕτω μεταπειποίηκε ταραχῆς, ὡς κοινόν τινα καὶ ἀκέρυκτον

A CAPUT PRIMUM. — Rem non insolitam imperio et nos facientes, ad præsentem venimus legem. Quoties enim sacerdotum sententia quosdam indignos sacerdotio de sacris sedibus deposuit (quemadmodum Nestorium, Eutychem, Arium, Macedonium, et Eunomium, ac quosdam alios ad iniquitatem non minores illis), toties imperium ejusdem sententiæ et ordinationis cum sacerdotum auctoritate fuit. Sicque divina et humana pariter concurrentia unam consonantiam rectis sententiis fecere : quemadmodum et nuper factum esse circa Antimum scimus, qui quidem dejectus est de sede hujus regiæ urbis sanctæ et gloriosæ memoriæ Agapito sanctissimæ ecclesiæ antiquæ Romæ pontifice ; eo quod nullo modo sibi ipsi convenienti (contra omnes sacros canones) se intruserat sedi, sed et communi sententia ipsius sanctæ memoriæ viri primum, atque etiam sacræ synodi hic celebratæ condemnatus et depositus fuit, eo quod a rectis dogmatibus recessit ; et quæ prius multoties diligere videbatur, hæc demum diversis lustrationibus [fraudibus] fugit ; simulans sequi sanctas quatuor synodos (trecentorum videlicet decem et octo Patrum in Nicæa, et centum quinquaginta in hac felici civitate ; et in Epheso primo congregatorum ducentorum, et sexcentorum triginta venerabilium Patrum in Chalcedone). At quidem nec istorum dogmata sequi, nec nostram clementiam et condescensum, quem propter ipsius salutem habebamus, suscipere voluit ; neque ipse abdicare auctores impiorum dogmatum, qui prius a sanctis synodis expulsi fuerant ; sed putavit oportere secundum ipsum et in æquali ducere et condemnatos, et condemnatores. Nam semel alienis a sanctissima Ecclesia intellectibus mancipatus, et a rectis dogmatibus alienatus, merito ad ipsorum rectitudinem reverti non valuit, etiam ad hæc invitatus a nobis et directus, qui omni studio usi sumus ad ipsius salutem.

C Propter hæc igitur omnia, sententiam depositionis in ipsum a sancta synodo factam occasionem non liciti, neque a sanctis canonibus approbati raptus sacrarum sedium hujus regiæ urbis, et aversionis a rectis et veris dogmatibus, firmam nostrum reddit imperium, et contra istum præsentem scribit legem. Interdicimus autem et ei commorari in hac felici civitate et ejus districtu, ac in quacunque alia insigni civitate sancientes in quiete esse, et iis contentum esse, quibus seipsum merito obnoxium reddidit ; et non aliquibus communicare, neque eos imbucere in perditionem interdictorum dogmatum. Nec utique extraimperialem confirmationem relinquimus sententiam juste contra Severum latam, ac ex omnibus (ut ita dicamus) pontificalibus et patriarchalibus (una cum monachicis consensibus) provenientem sedibus, et anathematismum ipsi inferentem : qui prius contra sacras sanctiones accipiendo sedem sanctissimæ ecclesiæ Theopolitanorum, sic universa conturbavit, sicque accumulatas turbationes fecit, ut commune quondam ac abominabile bellum sanctia-

simis Ecclesiis ad invicem immitteret. Et hoc etiam a sceptris quæ ante nos fuerunt contra ipsum scriptum erat, variis dogmatum et a rectitudine alienatis fraudibus et commentis ac blasphemiiis usum fuisse, ac universa conturbasse, et illum quemcunque errorem abominabilium hæresiarcharum et iniquorum dogmatum recipere, Nestorii dicimus, et Eutychis; et cum uterque horum præceptorum contrarii quodammodo invicem esse videantur, ad unum vero impietatis finem tendant, etiam illorum divulgatos sermones, eum in unum formavisse. Duobus enim existentibus dogmatibus ad invicem repugnantibus, quorum utrumque similiter ad animæ perditionem adducit, Nestorii videlicet et Eutychis (quemadmodum dicendo narravimus) qui ex Arianorum et Apollinarij contagione consistunt; ipse paradoxum quid perpressus in utrumque similiter incidit: et ibi quidem illud mittendo, seipsum et sermones suos visus est constituisse commune receptaculum tantorum delictorum. Sit itaque et ipse sub prædicto anathematismo, quem universus patriarchalis, pontificalis, ac monachus nostræ, ut ita dicamus, reipublicæ cœtus juste in ipsum induxit: de Theopolitana quidem Ecclesia ejectus, idcirco quod thronus illius ipsum removet, eo quod ipsius principatum recte non acceperat, sed adhuc vivente eo, et in sanctissimis Ecclesiis commemorato, qui ante ipsum sacerdotium habebat, et propter eum qui post ipsum fuit, de sacerdotio exciderat. Nec vero progressus huc usque substitit, sed et sub communi orthodoxæ ac catholicæ Ecclesiæ anathematismo positus, multis libris, blasphemiiisque et abominationibus nobis rempublicam implevit. Quare universis interdicimus aliquid de libris ipsius possidere. Et sicut non licet Nestorii libros scribere, vel possidere (quia prædecessoribus nostris imperatoribus in suis constitutionibus visum est statuere similia his quæ dicta et scripta sunt a Porphyrio in Christianos), sic nec dicta et scripta Severi maneant penes aliquem Christianum, sed sint profana et aliena ab Ecclesia catholica, igneque comburantur a possidentibus, nisi qui ipsa habent, velint periculum pati. A nemine ergo scribantur, neque ad pulchritudinem, neque ad velocitatem scribentium, sciendo quia amputatio manus his qui scripta ejus scripserint, poena erit. Neque enim volumus in futuro tempore ex illis blasphemiam protrahi. Similiter autem et huic interdicimus omnino regiam civitatem ingredi, aut districtum ejus, nec aliquam aliam de insignibus, sed in aliqua solitudine et in silentio sedere, et non corrumpere cæteros, neque in blasphemiam ipsos adducere, et non semper aliquid novi invenire contra vera dogmata, per quod rursus nobis conturbare sanctissimas Ecclesias festinet.

CAP. II. — Sed nec Petrum episcopum Apamiæ, et simul ab ipsis, a quibus Severus, sub prædicto anathemate positum, imperium admittit, sed sint *valida quæ contra ipsum fuere statuta*. Et qui sub *communi anathematismo* positus est, sub ipso esto;

ταῖς ἀγνωτάταις ἐκκλησίαις ἐμβαλεῖν πρὸς ἀλλήλους πόλεμον, καὶ τοῦτο καὶ τοῖς πρὸ ἡμῶν σκήπτροις πρὸς αὐτὸν γεγράφθαι, ποικίλαις μὲν δογματῶν καὶ ἀπειλοτριωμέναις τῆς ὀρθότητος περινοίαις τε, καὶ βλασφημίαις χρυσάμενον, ἅπαντα δὲ συνταράξαντα, καὶ μόνον τῶν τῆς ἐκατέρου τῶν αἰρεσιάρχων πλάνης βδελυρῶν τε, καὶ ἀνοσίων δογμάτων ἀντεχόμενον, Νεστορίου τε, καὶ Εὐτυχούς, καὶ τῶν ἐκατέρου τούτων καθηγμένων ἐξ ἐναντίας μὲν πως εἶναι δοκούντων ἀλλήλοις, πρὸς ἐν δὲ τέλος τῆς ἀσθεΐας ἐπειγομένων, καὶ τοὺς ἐκείνων χαρακτηριστικούς ἐντυπωσάμενον λόγους. Διοὺν γὰρ ὄντων ἐναντίων ἀλλήλοις δογμάτων, ὧν ἑκατέρον ὁμοίως εἰς ψυχικὴν ἀπώλειαν ἄγει, τοῦ Νεστορίου, τοῦ τε Εὐτυχούς, καθάπερ εἰπόντες ἐβήμεν, ἅπερ ἐκ τῶν Ἀρειανῶν, καὶ τῶν Ἀπολιναρίου συνίστη μαισμάτων, αὐτὸς τε παράδοξον παθὼν, ὁμοίως εἰς ἐκάτερον ἐμπίπτωκε. Καὶ πῃ μὲν τοῦτο, πῇ δὲ ἐκεῖνο πρεσβεύων, κοινὸν ἔδοξε δοχεῖν ἑαυτὸν τε καὶ τοὺς αὐτοῦ λόγους τῶν τηλικούτων πλεγμαμάτων καταστῆσαι. Ἔστω τοίνυν καὶ αὐτὸς ὑπὸ τὴν εἰρημένον ἀναθεματισμὸν, ὃν ἅπαν τὸ πατριαρχικὸν τε, καὶ ἱερατικὸν, καὶ μοναχικὸν τῆς ἡμετέρας, ὡς εἰπεῖν, πολιτείας σχῆμα δικαίως ἐπ' ἐγγαγεν αὐτῷ, τῆς μὲν Θεοῦ πολιτῶν ἐκβεβλημένος, διότι περ αὐτοῦ ὁ κατ' ἐκείνην ἀπεσείσατο θρόνος, οἷα μὴδὲ τὴν ἀρχὴν ὀρθῶς αὐτῆς ἐπιλημμένον, ἀλλ' ἐτι ζώντός τε καὶ ἐν ταῖς ἀγνωτάταις ἐκκλησίαις ἀνακηρυττομένου, τοῦ πρὸ αὐτοῦ τὴν ἱερῶν σύννην ἐσχηκότος, παρὰ δὲ τοῦ μετ' αὐτὸν τῆς ἱερῶν συνῆς ἐκπεπτωκότος· οὐ σπάντα δὲ μέχρι τούτου μόνον, ἀλλ' ἤδη καὶ ὑπὸ κοινὸν ἀναθεματισμὸν τῆς ὀρθοδόξου καὶ καθολικῆς ἐκκλησίας γενόμενον, καὶ πολλῶν ἡμῖν βιβλίων, βλασφημῶν τε, καὶ ἀπαγορευμένων ἐμπλήσαντα τὸ πολίτευμα. Ὅσπερ καὶ ἀπαγορευόμεν ἅπασι τῶν αὐτοῦ τι κεκτῆσθαι βιβλίων. Καὶ ὥσπερ οὐκ ἔξεστι τὰ Νεστορίου γράφειν, ἢ κεκτῆσθαι βιβλία, διότι τοῖς πρὸ ἡμῶν ἀτοκράτορσιν, ἐν ταῖς ἑαυτῶν διατάξεσιν, ἔδοξε τοῖς παρὰ Πορφυρίου κατὰ Χριστιανῶν εἰρημένους ὁμοία καθιστάναι, οὕτω μῆτε τὰ Σευήρῳ ρηθέντα τε, καὶ γραφέντα μινῶ παρὰ τινι Χριστιανῷ, ἀλλ' ἔστω βέβηλα, καὶ ἄλλοτρια τῆς καθολικῆς ἐκκλησίας, πυρί τε φλεγίσθω παρὰ τῶν κεκτημένων, εἰ μὴ βούλονται κινδυνεύειν οἱ ταῦτα ἔχοντες. Γραφίσθω τε παρὰ μηδενὸς τὸ λοιπὸν, μηδὲ τῶν εἰς κάλλος, μηδὲ τῶν εἰς τάχος γραφόντων, μηδὲ ἄλλου τινὸς τῶν πάντων, εἰδότης ὡς ἀποκοπὴ χειρὸς ἔσται τοῖς τὰ ἐκεῖνον γράφουσιν ἢ ποιῇ. Οἷδε γὰρ βουλόμεθα καὶ τῷ λειπομένῳ χρόνῳ τὴν ἐξ ἐκείνων ἐπιστηρίσθαι βλασφημίαν. Ὅμοιως δὲ δὴ καὶ τούτον παντοίως ἀπαγορευόμεν τῆς βασιλίδος ἐπιβαίνειν πόλεως ἢ περιουχίδος αὐτῆς, ἄλλης τε τῶν ἐπιβαίνειν πόλεως ἢ περιουχίδος αὐτῆς, ἄλλης τε τῶν ἐπιστημοτέρων τινὸς, ἀλλ' ἐν ἑρμῇ τινι, καὶ ἡσυχίᾳ καθῆσθαι, καὶ μὴ διαφύρειν ἑτέρους, μηδὲ εἰς βλασφημίαν αὐτοὺς προάγειν, μηδὲ αἰεὶ τι καινὸν ἐξευρίσκειν κατὰ τῶν ἀληθῶν δογμάτων, δι' οὗ πάλιν ἡμῖν συνταράξαι τὰς ἀγνωτάτας ἐκκλησίας σπεύσειν.

Οὐ μὴν οὐδὲ Πέτρον τὸν Ἀπαμείας γενόμενον ἐπισκοπον, καὶ ἅμα μὲν καθηρημένον, ἅμα δὲ ἐπὶ τοῖς αὐτοῖς ἐφ' οἷς Σευήρῳ ὑπὸ τὸ εἰρημένον ἀνάθεμα γενόμενον, ἐ βασιλείᾳ προσίσταται, ἀλλ' ἔστω κυρία καὶ τὰ κατ' αὐτοῦ ἡρησθέντα. Καὶ ὑπὸ τὸν κοινὸν ταχθεὶς ἀναθεματισμὸν,

ὕπ' αὐτὸν, ἴστω, τῆς τῶν ἁγιωτάτων ἀρχιερέων προει-
 θούσης ἐπ' αὐτοῖς ψῆφου κυρίας διαμενούσης. Οὐκ ἐπίσ-
 μιν δὲ οὐδὲ ἐκείνῳ ταύτην οἰκεῖν τὴν βασιλίδαν πολιν, ἢ
 τὴν αὐτῆς περιοικίδα, ἢ τινὰ τῶν σεμνοτέρων, ἀλλ' ὥν
 ἠκολούθησε τῇ πλάνῃ, τοῦτων μισεῖσθαι καὶ τὴν δίκαιαν,
 ἀπωκισμένους ὅτι πορρωτάτω, καὶ κρύπτων ἑαυτὸν, ὡς
 τοῖς γε τοιοῦτοις τὸ κρύπτεσθαι μᾶλλον τοῦ φαίνεσθαι
 λυσιτελέστερον. Ἀφανεῖς μὲν γὰρ ὄντες ἑαυτοὺς κατα-
 βάψουσι μόνους· δημοσιεύοντες δὲ τὰ ἑαυτῶν δόγματα
 πολλοῖς τῶν ἀφελεστέρων ἀφορμὴν ἀπολείας παρέχουσιν,
 ὕπερ κατ' οὐδένα γίνεσθαι τρόπον. ἐν τῇ Χριστιανικῇ
 τοῦ Θεοῦ ποίμνῃ, καὶ τῷ ὀρθοδόξῳ λαῷ δίκαιόν ἐστιν,
 οὐδὲ παρὰ τῆς βασιλείας συγχωρούμενον.

Ἐπεὶ δὲ καὶ Ζωόραν ἤξιωσαν ὅλως ὑπὸ ἀναθεματισμὸν
 οἱ σθεασμώτατοι, καὶ τὰ δίκαια κρίναντες ἐπίσκοποι
 ποιήσασθαι, μικρὰν τινὰ παρενθήκη τῶν τοιούτων ὄντα
 κακῶν, ἐν οἷς ἡτιμασται, τὸ γοῦν ὅλως τυχεῖν τινὸς εὐ-
 πορήσαντα μνήμης, ἴστω καὶ Ζωόρας τῆς πονηρᾶς ταύ-
 τῆς μερίδος, Ἀνθίμου τε, καὶ Σευήρου, καὶ Πέτρου φαμέν
 παρενθήκη τις εὐτελής, καὶ ἐν τοῖς ἀναθεματισμένοις
 καὶ αὐτὸς τετάχθω τῆς ἱερατικῆς αὐτὸν κατενεχούσης
 ψῆφου, ἣν κυρίαν καὶ αὐτὴν ἐφ' ἑαυτῆς οὔσαν κυριωτέ-
 ραν ἐτι μᾶλλον ἢ βασιλεία ποιεῖ, καὶ τοῦτον ἐξελεύουσα
 τῆς βασιλίδος ταύτης πόλεως, καὶ τῆς αὐτῆς περιοικίδος,
 καὶ ἐπὶ τὴν τῶν πόλεων οἰκήσιν αὐτῷ παντοίως ἀπαγο-
 ρεύουσα, ὥστε μετ' ἐκείνων μόνων οἰκεῖν τε, καὶ βουλευε-
 σθαι τῶν ἐμπροσθεν ἡμῖν εἰρημένων, ὅμοια μὲν βλασφη-
 μούντων, ὅμοια δὲ καὶ παθόντων, ὁμοίως δὲ καὶ περιω-
 ρισμένων. Εἰ δὲ τι καὶ ἕτερον τῇ τῶν ἁγιωτάτων ἐπισκό-
 πων περιέχεται ψῆφῳ τῇ τοῖς προειρημένους καθαιρούσῃ
 τε, καὶ ἀναθεματίζουσῃ, κύριον δὲ καὶ τοῦτο τιθέμεθα,
 καὶ τοῖς θεοῖς, καὶ βασιλικοῖς ἡμῶν αὐτὸ νόμοις ἐπικυ-
 ρούμεν, ὡς ἂν εἰ παρὰ τῆς βασιλείας οὐτῆς προελθὼν
 ἐτύγχανεν. Εἰ δὲ καὶ τις αὐτῶν ἄλοιγ' τὸ λοιπὸν πράττων
 τι παρὰ τὰ διατετυπωμένα, ἴστω καὶ τοῖς βασιλικοῖς
 ὑποπεσούμενος νόμοις, οἱ τὰς ἐλάττους τῶν ποινῶν ἐκ-
 κλίνοντες, εἰς μείζους ἐμβάλλουσι τὰς ἀγανακτήσεις.
 Ἀπαγορεύομεν δὲ καὶ παντὶ τῷ τὴν καθολικὴν ἐκκλησίαν
 τοῦ Θεοῦ διασπᾶν ἐπιχειροῦντι, εἴτε κατὰ τὴν Νεστορίου
 τοῦ φρενοβλαβοῦς ὑφήγησιν, εἴτε κατὰ τὴν ἀνόητον Εὐ-
 τυχοῦς παράδοσιν, εἴτε κατὰ τὴν Σευήρου βλασφημίαν
 ταυτὰ κακείνους νοήσαντος, εἴτε τῶν ἐκείνοις ἀκολουθούν-
 των ταῖς ἁγιωτάταις Ἐκκλησίαις παραχᾶς ἐμβάλλειν, καὶ
 φθέγγεσθαι τι περὶ πίστεως· ἀλλὰ θεσπίζομεν ἕκαστον
 τῶν τοιούτων τὴν ἡσυχίαν ἄγειν, καὶ μηδὲ συγκαλεῖν εἰς
 ἑαυτὸν τινας, μήτε προσιόντας δέχεσθαι, ἢ παραβαπτί-
 ζειν θαρρύνειν· ἢ τὴν ἱεράν κοινωνίαν ῥυπαίνειν, καὶ ταύ-
 τῆς μεταδιδόναι τισίν, ἢ τὰς ἀπηγορευμένας διδασκαλίας
 ὑφ' ἡγήσθαι, ἢ ἐπὶ ταύτης τῆς βασιλίδος ἡμῶν πόλεως,
 ἢ ἐφ' ἐτέρας, ἀλλ' ὑφορασθαι πάντα κίνδυνον, εἴ τι τοιοῦ-
 του πράττειν. Ἀπαγορεύομεν δὲ καὶ πᾶσι τούτους ὑπο-
 δέχεσθαι. Ἀπελευθεῖν μὲν οὖν θεοπιζόμεν αὐτοὺς τῶν
 ὑπ' αὐτῶν ταραττομένων πόλεων, εἰδότες τὰς ποινὰς,
 τὰς ταῖς θεαῖς ἡμῶν ἡδὴ περιεχόμενας διατάξεις, αἶψα
 καὶ τὰς οἰκίας αὐτὰς, ἐν αἷς τοιούτων τι πράττεται, καὶ
 τὰ χωρία ἐξ ὧν τὰς ἀποτροπὰς χορηγοῦνται, ταῖς ἁγι-
 ωτάταις Ἐκκλησίαις προσκυροῦσι, τῶν μὲν κεκτημένων
 ἀφαιρούμεναι, διότι βλάβης αἰτία τοῖς ἀπλουστεροῖς γί-
 νεται, ὑπὸ δὲ τὰς ἁγιωτάτας καὶ ὀρθοδόξους Ἐκκλησίας

A et sententia sanctissimorum pontificum, quæ ipsum
 prævenit, firma permaneto. Neque vero permittimus
 illi hanc regiam urbem habitare, aut ipsius distri-
 ctum, vel aliquam de insignibus; sed quorum secu-
 tus est errorem, horum imitetur victus rationem,
 quam longissime abscedens et occultans seipsum;
 nam talibus occultari, quam videri utilius est. Ignoti
 etenim existentes, se ipsos lædunt solos: publican-
 tes vero sua dogmata, multis ex simplicioribus oc-
 casionem perditionis præbent; quod nullo modo
 fieri in Christiano ovili Dei et orthodoxo populo
 æquum est, neque ab imperio permissum est.

CAP. III. — Quoniam vero et Zoaram dignum pe-
 nitus judicarunt sub anathematismo esse reveren-
 B dissim, et qui justa judicant episcopi (cum parva
 quædam talium malorum interpositio sit), et in quib-
 us dehonestatus est, omnia videlicet comprehendo
 ex memoria quadam abundanti; sit et Zoaras inter-
 positio quædam parva hujus malæ partis (Anthimi
 dicimus et Severi ac Petri), et numeretur ipse quo-
 que inter anathematizatos, sacra sententia ipsum
 dejiciente: quam firmam et ipsam ex seipsa existen-
 tem, adhuc firmiorem imperium reddit: et hunc de
 hac regia urbe et ejus districtu abjicit, et habita-
 tionem in aliis civitatibus ipsi omnino interdicit;
 itaque cum illis solis habitat et consulat qui a nobis
 ante memorati sunt: qui similia quidem blasphemant,
 similia vero patiuntur, et similiter in exilium
 mittuntur. Si quid vero aliud in sententia sanctissi-
 C morum episcoporum continetur, quæ prædictos
 deponit, et anathematizat, hoc firmiter reddimus et
 diutius, ac imperialibus nostris legibus ipsum cor-
 roboramus, ac si ab imperio ipso provenisset. Si vero
 aliquis ipsorum deprehendatur de cætero facere ali-
 quid præter constituta, sciat se incidisse in leges im-
 periales, quæ minores pœnas declinantes, ad majores
 immittunt indignationes. Interdicimus autem et om-
 nibus conantibus catholicam Dei Ecclesiam divellere
 (sive secundum Nestorii hæretici doctrinam, sive
 secundum insensati Eutychis traditionem, sive se-
 cundum blasphemiam Severi, qui et similia illis intel-
 lexit, aut eorum qui illos sequuntur), seditionem im-
 mittere sanctissimis Ecclesiis, et loqui aliquid de fide;
 D sed sancimus quemlibet talium quietum esse, et non
 convocare aliquos ad se, neque accedentes recipere,
 aut perperam baptizare audere, aut sacram com-
 munionem sordidare, et ipsam aliquibus tradere aut
 interdictas doctrinas exponere sive in hac nostra regia
 sive in alia civitate; sed omne periculum reformi-
 dare, si quid tale faciat. Interdicimus etiam omni-
 bus, ne istos suscipiant. Abjici ergo ipsos sancimus
 de civitatibus ab ipsis concitatis, scientes pœnas
 jam contentas in nostris divinis constitutionibus,
 quæ et domos ipsas, in quibus tale quid fit, et
 campos ex quibus nutrimenta præbentur, sanctissi-
 mis Ecclesiis assignant, et a possidentibus auferunt,
 quia detrimenti causa fit simplicioribus; sanctissi-
 mis vero et orthodoxis Ecclesiis hæc iuste subiiciuntur.

Hæc pro communi pace sanctissimarum Ecclesiarum statuimus, hæc decernimus, sequentes sanctorum Patrum dogmata, ut omne sacerdotium imperturbatum de cætero nobis permaneat. Quo in pace servato, reliqua nobis exuberabit respublica desuper pacem habens : quam omnibus magnus Deus et Salvator noster Jesus Christus Trinitatis unus, unigenitus Dei Filius prædicat, ac donat [Al., præbeat ac donet] his qui sincere ipsum et vere glorificare ac adorare digni habiti sunt.

Custodiat itaque beatitudo tua, quæ recta adnotata sunt ; et mittat ipsa per suas Deo dilectas litteras omnibus sanctissimis metropolitibus sub ipsa existentibus : quorum cuilibet cura erit ipsa manifesta facere sanctissimis Ecclesiis sibi subjectis, ut neminem ex omnibus lateant quæ sacerdotio visa sunt et ab imperio confirmata.

Divina subscriptio.

Divinitas te servet per multos annos, sancte et religiose Pater.

Dato octavo Idus Augustas, Constantinopoli, post consulatum Belissarii, viri clarissimi [anno Domini 536].

NOVELLA XLIII.

De officinis sive tabernis Constantinopolitanæ urbis, et ut mille tantum et centum officinæ sacrosanctæ majoris ecclesiæ excusentur; omnes reliquæ, ad quemcunque dominum pertineant, consueta obeant munia.

In nomine Domini Jesu Christi Dei nostri. Imperator Cæsar, Flavius, Justinianus, Alemannicus, Gothicus, Francicus, Germanicus, Lazicus, Alanicus, Vandalicus; Africanus, pius, felix, gloriosus, victor, triumphator, nunquam non colendus Augustus, Longino præfecto urbi.

Quoniam potentia nostræ, subditi nostri, sive vivant, sive moriantur, curæ sunt, ne vel graves ipsis sepulturæ, vel defuncti cognatis damnosæ existant, propterea et hæc quæ eorum sepulturam concernunt, quo convenit modo, disposuimus. Et quia tam divæ memoriæ Constantinus amplæ hujus nostræ urbis conditor quam etiam pientissimus princeps Anastasius lecticariorum seu decanorum (ut vocant) numerum ad certam mensuram redegerunt, mille et centum tantummodo decanis totidemque officinis definitis, ut nullo hæc unquam tempore augmentum reciperent; propterea sane cupientes ut numerus eorum quos ex unoquoque collegio convenit esse lecticarios, divæ memoriæ Anastasii formulæ subja- ceat, firma ea et fixa manere volumus.

Cæterum quia adeuntes nos almæ hujus et regiæ nostræ urbis collegiati, quorum excellenter et præ cæteris curam gerimus, potentiam nostram edocuerunt, magnam et intolerandam se necessitatem sustinere. Sacrosanctam etenim majorem ecclesiam centum et mille officinas in fructu habere ab omni vectigali liberas, quas oppido quam libenter illi concedant, eo quod ad peragendas in commune omnium hominum exequias proficiant; sed cætera se onera ferre non posse. Nam cum plurimæ in alma hac urbe diversarum mercium et negotiationum offi-

ταῦτα δικαίως ἄγονται. Ταῦτα ὑπὲρ τῆς κοινῆς εἰρήνης τῶν ἀγιωτάτων Ἐκκλησιῶν νομοθετοῦμεν, ταῦτα ψυχεῖς μέλα τοῖς τῶν ἁγίων Πατέρων κατακολοῦθουντες δόγμα- σιν, ὅπως ἂν τὸ ἱερατικὸν ἅπαν ἀτάραχον ἡμῖν τοῦ λοι- ποῦ διαμένει. Οὐπὲρ ἐν εἰρήνῃ φυλαττομένου καὶ τὸ λοι- πὸν ἡμῖν εὐθνήσῃ πολίτευμα τῶν ἀνωθέν ἔχον εἰρήνην, ἣν πᾶσιν ὁ μέγας Θεὸς καὶ Σωτὴρ ἡμῶν Ἰησοῦς Χριστὸς, ὁ τῆς Τριάδος εἷς, ὁ μονογενὴς τοῦ Θεοῦ Λόγος, κερύττει τε, καὶ χορηγεῖ τοῖς γνησίως ἀγτόν, καὶ ἀληθῶς δοξάζειν τε, καὶ προσκυνεῖν ἡξιωμένοις.

Ἡ ναῖνυν σὴ μακαρίστη, τὰ ὀρθῶς παραστάντα γυ- λαττέτω, καταπέμπονσα ταῦτα διὰ θεωριῶν αἰτῆς γραμ- μάτων πᾶσι τοῖς ὑπ' αὐτὴν τεταγμένοις ὁσιωτάτοις μη- τροπολίταις, ὧν ἐκάστῳ γενήσεται φροντίς τοῖς ὑπ' αὐτοῦς τεταγμέναις ὁσιωτάταις Ἐκκλησίαις, ταῦτα ποιῆ- σαι φονερά, ὥστε μηδένα τῶν πάντων διαλαθεῖν, τὰ τε τῇ ἀρχιερωσύνῃ δόξαντα, τά τε ὑπὸ τῆς βασιλείας κεκυ- ρωμένα.

Ἡ θεία ὑπογραφή.

cinæ tabernæque existant, non hasce solas (nempe centum et mille) officinas prædictis publicis muniis obeundis exemptas esse, sed etiam multas sacrosanctas ecclesias, multa sacra hospitalia, monasteria, et alias sacras ædes, quarum pleræque prius hæreticis mancipatæ, deinde ad orthodoxam fidem reversæ sunt, multas quoque regias domus, et insuper magi- stratum, ac senatorum, et illustrium, et cubiculario- rum a præstatione vestigalium eximi, harumque do- minos peculiarem sibi exinde redditum comparare, et oblædere rempublicam, exemptionum multitudine rem ipsam angustis admodum terminis concludente, ut paucissimi existant, qui publica agnoscant et sus- tineant munia, et priores contributiones aliquoties in triplo et quadruplo, hoc tempore etiam decuplo majores factæ sint : quanquam divus princeps Ana- stasius in statuta ab ipso formula nulli omnino alii immunitatem concedat, præter centum et mille of- ficinas, quæ per causam exsequiarum sacrosanctæ majori ecclesiæ attributæ sunt. Ea propter et nos putavimus, tum proceribus nostris et insuper beatissi- mo hujus almæ urbis archiepiscopo id negotii dan- dum, ut certo loco convenirent et rem ipsam exami- narent, atque placita ad nos sua referrent, tum ad excellentiam tuam præsentī utendum lege, confir- mantes ea quæ Anastasio pientissimo in hoc principi placuerunt. Et sancimus ut centum quidem illæ et mille officinæ sacrosanctæ majori ecclesiæ occasione decanorum sive lecticariorum, et ad peragendas de- functorum exsequias deputatæ, omnibus modis integro numero et omni præstatione liberæ conserven- tur : præter ipsam nulla alia queunte decanum exi- gere, sive ex hæreticis recepta, sive quacunque sa- crosancta ecclesia. Sed quod nuper constituimus va- leat, et octogintæ quidem officinæ corpora præsent, trecentæ autem in exactione pecuniarum consistent. Nam quod exinde corraditur, ad quid proficere con-

veniat, sacra jam nostra pragmatica forma disposuit. Semperque quod intercedit restauretur. At qua ratione fieri debeat restauratio, satis per Anastasii piæ memoriæ jussiones expressum est. Hæ igitur ut immunes et ab omni vectigali maneant exemptæ, sancimus, neque his ipsis officinis, neque vectigalia imperantibus collegiis quæ istas præbent, quidquam damni sustinentibus aut ullos titulos agnoscentibus. Cæteræ vero omnes hujus almæ urbis quatuordecim regionum officinæ, sive sacrosanctæ alicujus sint ecclesiæ, sive hospitalium, sive monasteriorum, sive orphanotrophiorum, sive ptochiorum, sive alterius cujuscunque dominii, sive regiarum domuum, sive aliquorum magistratuum, ampla, media, minutave officia administrantium, sive gloriosissimorum senatorum, sive magnificentissimorum illustrium, sive spectabilium cubiculariorum, sive aliquorum militiis adscriptorum; hæ, inquam, omnes publica ipsis imposita præstent vectigalia, et omnia alia tum faciant, tum impleant, quemadmodum quemque in suo collegio facere æquum est, nemine queunte ea de causa inniti privilegiis, aut ejusmodi alia uti excusatione. Neque enim sustinemus aliorum onus ad alios deferri, aut tam immitem proponere formulam, ut quodidie vectigalia augeantur, et (quemadmodum edocti sumus) quadruplo, aut quincuplo, adeoque etiam decuplo majora irrogentur, cum nihil tam magno studio, tamque serio affectemus, quam ne novo quisquam vectigali oneretur. Novum autem fuerit non tantum quod nunc primum impositum est, sed etiam quod primum modum excedit. Sed eadem conditione ac fortuna omnes sunt, et sacra hæc nostra pragmatica forma (quam legem etiam appellare liquerit) contra omnes communis esto, ut omnibus largiatur, quo molestia vacent. Neque enim facile eam quis ægre tulerit, si neminem alium præterea exemptum intueatur, nisi quod in centum et mille officinis exsequiarum defunctorum ratio habeatur, quæ maxime communis est omnibus, et ex æquo universis parata hominibus. Si quis vero conetur excusatione aliqua uti, et seipsum a præstanda alleviare contributione, et aut non committere, quo magis ab inquilinis suis exigatur, aut præstare etiam patrocinium, sive militare, sive civile, sive ecclesiasticum, sive quodcunque tandem in universum officinæ dominio excidito, estoque ipsis publica, toti addicta collegio. Eo enim pacto et cautores erunt, et vetita non attentabunt. Porro si minutatim et pariter in omnes vectigalia distribuantur, non solum paululum erit, quod præstitum fuerit, sed etiam tanto moderatius, levius, tolerabilius, faciliusve, quod confertur existet, quanto a pluribus colligitur. An vero non multo absurdissimum fuerit, homines propriis laborantes manibus, et uxores ac liberos alentes, et reliqua denique vitæ necessaria inde acquirere satagentes, etiamnum majoribus onerare vectigalibus? et quanto plures inter alleviatis referuntur, tanto etiam majores exinde læsiones oboriri? idque onus infinitum sit, neque possit ullum habere terminum? Hæc nos omnia pro-

Ahibentes, sacram hanc pragmaticam formam proponimus, amissionis pœnam similiter omnibus ordine subditis interminantes, si ex quoquo collegio imperitantes solita illa et ab initio statuta vectigalia percipere prohibuerint, aut vectigalia conentur in pensiones privatas convertere; sed quisque pro se quidem pensionum illatione perfruitor, officinas autem seu tabernas solito receptoque more contributiones agnoscere concedito. Quemadmodum enim quisque pro se rebus suis prospicit, ita et non necesse est ei quod amplæ et regiæ huic urbi expedit et confert nutanti quodammodo et jam lapsuro manus porrigere. Neque enim aliter quæ publice expediunt progressus habitura sint. Nemo itaque ex his qui tali hactenus onere liberati, quique huc usque id ferre coacti sunt. Quæ igitur nobis placuerunt, et sacra hac exprimuntur lege, ea excellentia tua, imo non ipsa tantum custodies, sed et quicunque post te idem officium suscepturi sunt, et obtemperans tibi cohors, jam inde in omne reliquum tempus custodiet. Dat. xvi Kal. Jun. Constantinop., post Bilis. v. c. cons. ann. 1.

NOVELLA XLV.

Ne Judæi, Samaritani, et hæretici, per causam religionis et cultus sui curiali fortuna liberentur, sed cum curialibus muneribus subdantur, privilegiis eorum non perfruantur. Item ut iidem possint contra orthodoxos, qui curiali fortunæ subditi sunt testimonium dicere, ut qui præclare pro orthodoxa republica testimonium perhibeant.

Imperator Justinianus Augustus Joanni præfecto prætorio, iterum exconsule et patricio.

C Retulit nuper vivo apud nos sermone excellentia tua, plerosque inter decuriones Judæos forte, aut Samaritanos, aut Montanistas, aut alioqui detestandos esse homines, quos nondum ne nunc quidem recta nostra et inculcata fides illuminarit, sed in tenebris resideant, neque illorum animo ullo verorum mysteriorum sensu tangantur. Item quia hæreticos odio prosequimur, quod per hanc causam et prætextum petierunt curialibus se liberari muneribus. Et quo modo conveniat ea quæ illo pertinent discernere. Cæterum vehementer mirati sumus quod ejusmodi illorum rationes prudentia et ingenii tui acumen sustinerit, ac non protinus eos qui talia proferrent discerpserit. Nam si ulli sunt homines qui per extremam improbitatem illis se dignos esse muneribus arbitrantur, quæ summis tantummodo dignitatibus reservavimus: quis non perditissime eos oderit? Unde nobis sunt decuriones, quemadmodum et cohortalibus, ut jam ante legibus expressum est. Neque ullus religionis cultus tali eos fortuna eximit. Nihil enim horum neque antiquior aliqua, neque recentior lex protulit. Indigni tamen in universum omni curiali existunt honore, et quia multa leges decurionibus privilegia tribuunt, tum ne ictus fustium illis inferatur, tum ne velut sordidati rei sistantur judicio, neve in aliam ducantur provinciam, et infinita alia, nullo horum perfruuntur. Imo si quid omnino de decurionibus scriptum est, cum per privilegia illis gratia non sit, hoc et in illis obtineo, et implento tam perso-

naliam quam patrimonialia munera, neque eos lex ab his eximat. Honore autem nullo perfruuntur, sed fortunam sustinento cum infamia, qua etiam animum notatum esse voluerunt. Atque ita sane de hoc ipsis disponitur.

Enimvero et illud nobis questione tibi dignum visum denuntiasti. Ex quo enim hæreticos a dicendo testimonio arcuimus, in quibus causis orthodoxi inter se litigant, permittentes illis in nostra constitutione, si quidem qui inter se miscentur et litigant, uterque hæreticus sit, tam actor quam reus, ut possint testimonium dicere, cum alter altero dignus sit, sive litigator, sive testis. Et rursus si hæreticus sit orthodoxus, ut contra hæreticos quidem nimis quam testimonium perhibere possint, de orthodoxis non item. Litigatoribus vero utrinque orthodoxis existentibus, ut nullus omnino illis ad testimonium dicendum pateat aditus. Inde adeo docuisti nos, quod quidam cum orthodoxi sint, inficiuntur se curialis esse fortunæ, et necesse sit vel genere illis conjunctos, vel qui alioqui de illorum fortuna habeant notitiam, in testimonium produci. Et quia lex de orthodoxis prolata hæreticorum testimonia arcet, propterea iudices vereantur hæc admittere. Atqui inani sollicitantur metu, qui istiusmodi testimonia suscipere recusant. Primum quidem, quia pro orthodoxis interponuntur, id quod leges hæreticos facere non vetant. Mox si quis eos qui decuriones sunt, renuentes deinde conditionem, ad curiam retrahat, et hæreticos in testimonium advocet, quomodo pro nostra hoc republica non facit? ut ipsa quidem respublica litigatoris locum teneat, orthodoxa existens, et maxime ab eo tempore, quo Deus illi nos imperare permisit; qui vero eo nomine testimonium dicunt, pro orthodoxis testificentur. Si quidem nostra respublica recta est, et orthodoxa jam imbuta fide, omnia alia hæresi exosa. Καὶ τοῦτο τοῖνον ἡ σὴ ὑπεροχὴ παραφυλαττέτω, τὸν τε ἡμέτερον γινώσκουσιν νόμον, καὶ τὸ τῇ πολιτείᾳ συμφέρον μνηστεύουσα, καὶ ἐπισταμένη διὰ παντὶν ὡς ἐκεῖνα ἡμῖν καὶ πράττειν καὶ νομοθετεῖν διςσπούδασται, ὅποσα τῇ ἡμετέραν ὠφελεῖ πολιτείαν. Dat. xv Kal. sept., Constantinop., post Bilis. v. c. cons.

NOVELLA XLVI.

De ecclesiasticarum rerum immobilium alienatione et solutione.

Imperator Justinianus Augustus Joanni gloriosissimo sacrorum per Orientem prætoriorum præfecto, iterum exconsule et patricio.

Et circa leges studium, et alia omnia a nobis ideo quotidie cum labore aguntur, ut utilitatem nostris subjectis inveniamus: quod effusum quidem et immensum est removens, quod autem et optimum et metitum, subrogantes. Et sæpe quoque ex studio propter priorem immensitatem etiam ultra mensuram legem constrinximus, ut quod primitus affluebat retinentes, ita æqualitatem de cætero introduceremus. Nuper igitur scripsimus legem de sanctissimis ecclesiis omnibus, et monasteriis, et reliquis venerabilibus domibus, nullam eis rerum immobilium aliena-

tionis licentiam permittentem. Videbamus enim causam effusam, et paulatim ad alios ecclesiasticas migrantes possessiones, neque pretiis solutis dignis, neque opere inevitabili imminente alienatis, sed etiam contra positas jam leges decies millies circumventiones factas. Quocirca primam perimentes viam, omnibus similiter inaccessibiles contra eas facimus circumventiones. Sed hinc plerique quidem sanctissimarum ecclesiarum, aliarumque venerabilium domuum utilitatem habuerunt nullo possessiones has minuire præsumente: occurrit tamen etiam aliquid difficile. Debita enim, aut longo tempore constituta, aut etiam postea ex quadam necessitate, et maxime per fiscales occasiones eis accidentia ad alienationis necessitatem sacras perduxerunt domos. Mobilis enim non exstante substantia sufficiente periclitabantur in novissimam venire necessitatem. Harum præsules neque vendere potentes, neque unde debita solverent habentes, sed pro talibus quidem debitis posse pro solutione creditoribus dari possessiones ecclesiasticas; tamen cum competenti subtilitate et observatione facienda solutione jam sæpe permisimus, sicut neque palam hac nostra prius permisimus lege. Si vero non privatus aliquis est creditor, sed præeminet fiscus, et exigit debita, est autem inopia pecuniarum, accipere vero immobilem possessionem impossibile est fiscum, hic relaxare aliquid subtilitatis legis competere judicavimus. Et si qua necessitas hujusmodi fiat, etiam alienationem sine re prospeximus. Sancimus igitur si sanctarum aliqua ecclesiarum, aut reliquarum colendarum domuum, fiscales debeat functiones, et unde faciat horum redditionem non habeat, convenire omnes in unum, et qui ex clero sunt, et Deo amabilem episcopum ejus civitatis, insuper et metropoleos, et sacris propositis eloquiis causam examinari. Et si non apparuerit ullus quæstus citra alienationem immobilis rei valens solvere fiscale debitum, tunc licentiam esse eis, sententia tali procedente, et decreto celebrato apud provincie judicem, etiam possessiones immobiles contingere, et eas alienare ad solutionem debiti, ementibus quidem in fiscum solventibus, et desuscepta inde percipientibus, et subeuntibus fiscale debitum, et cautelam inde habentibus, et nihil metuentibus. D primitus positam legem, constitutis et fiscalibus desusceptis, et insinuatibus inter monumenta gestorum, deponentibus his qui fecerint eam, ut et apud sanctissimas ecclesias salventur clara desuscepta, eo quod fiscalia soluta sint tributa, et omnia secundum nostram legem gesta sint. Non potentibus aliquibus fingere fiscale debitum, et ita ad alienationes immobilium rerum accedere, ideo etiam et decreti factionem permisimus, ut et fiscale debitum testimonio pandatur, et ex quantis descendit temporibus, et quoniam non pecuniis solutum est, sed in necessitatem alienationis venit, ut veritas indique quidem protestata sit, omnibus coram sacris Evangeliiis agendis: scientibus et episcopis, et clericis, et aliis omnibus, quia Deus respicit quæ geruntur ab eis. Et

si quid egerint per dolum, aut lucrum, aut machinationem, hoc in suis recipient animabus viventes ac morientes.

Sivero privatus aliquis creditor fuerit, possit secundum pro soluto schema accipere immobiles possessiones. Hoc quoque decreto faciendo, pro mensura vero eorum debitorum assignandis eis possessionibus. Si vero fiscale debitum fuerit, potentibus eis ad alienationem immobilium accedere secundum priorem observationem, ut nihil desit, neque subtilitatis, neque communis utilitatis. His autem universis sanctissimam majorem ecclesiam felicissimæ hujus urbis, et ejus confinia, et orationum domos, quarum ipsa curam suscepit, omnibus excipimus modis quæ jam de hoc sancita sunt a nobis, in sua virtute durantibus. Si autem et aliqua monasteria sub eadem sanctissima majore ecclesia sint, nec ea sub præsentem facimus legem forinsecus in provinciis eam constituentes solum, in quibus multa quidem est inopia pecuniarum, per quam sanctissimæ ecclesiæ solvere per pecunias debita non valuerunt. Tua igitur celsitudo quæ placuerunt nobis cognoscens, secundum hoc procedere super sacris rebus alienationes custodiat. Datum xiv Kalend. Septemb. Constantinop., post consulatum Belisarii v. c., anno secundo.

NOVELLA LV.

Ut de cætero commutationes ecclesiasticarum rerum non factæ fiant ad piissimum imperatorem, et hoc modo ad alias personas legitimas transeant res, sed hæc tantummodo fiant ad imperialem domum. Et ut liceat perpetuas emphyteuses agi ab oratoriis in oratoria, decreto videlicet interposito, exceptu hac majore ecclesia, ne tamen in privatam personam transeat emphyteusis.

Imperator Justinianus Augustus Mennæ archiepiscopo Constantinopolitano.

Legem scripsimus dudum ecclesiasticas quidem alienationes prohibentem, solam autem commutationem permittentem sanctissimis ecclesiis, necnon sanctissimæ majori ecclesiæ hujus felicissimæ civitatis, dum imperium accipere aliquid ab aliqua venerabilium domum voluerit. Postea si quidem aliam scripsimus legem, qua excipimus sanctissimam majorem ecclesiam, permittentes quasdam alienationes, quas illa lex dicit.

Quia vero cognovimus quod aliqui prioris constitutionis capitulum, quod de permutatione competentium rerum sanctissimis domibus ad imperium scripsimus, ad artem legi contrariam converterunt, postulaveruntque nos quidem a sanctissima Ecclesia accipere, his autem hæc dare, hinc aggressi sunt multi quidam, qui similibus petitionibus omnibus utentes, sacram nituntur circumvenire constitutionem. Quæcunque ergo gesta sunt a nobis usque ad præsentem diem, hæc sub schemate, in quo nunc sunt manere volumus, nulla permutando horum quæ jam a nobis cum sanctissima Ecclesia in talibus contractibus gesta sunt, aut cum his qui hæc a nobis perceperunt.

De cætero autem sancimus nulli penitus ullam esse licentiam aliquid tale agere, sed illas solas valere

A permutationes quæ in imperialem domum in hoc factæ sunt, ut perpetuo apud imperium manean, et non transferantur ad privatum, neque illarum jus per medium imperium ad eos profisciscatur. Sed si quid tale fiat, licentiam damus reverendissimis æconomis res apprehendere hujusmodi, et tradere eas rursus ad sanctissimam ecclesiam, tanquam si nec ab initio contigisset permutationes harum ad imperium factas, sed servari hoc schema in perpetuum ex præsentis die inchoatum. Omnibus quæ dudum (sicuti prædiximus) post priorem legem secundum modum prædictum gesta sunt ratis manentibus, eo quod illa quidem quæ sic facta sunt, a viris gesta sunt. Nunc autem quidam volunt illorum exemplo utentes, et nobis esse molesti, et sanctissimam majorem ecclesiam hujus felicissimæ civitatis circumvenire, quod per omne tempus nullo modo fieri volumus. Sed et si fiat quolibet schemate, hoc etiam infirmum esse, et a sanctissima majore ecclesia in perpetuum vindicari, nulla ei temporis præscriptione in hoc objicienda.

Illud quoque sancimus, ut aliis omnibus de jure emphyteuseos sancitis, et in sanctissima majore ecclesia, et in aliis omnibus venerabilibus domibus proprium robur habentibus, licentia sit sanctissimis ecclesiis et venerabilibus domibus ad invicem et emphyteusim perpetuam agere, decreto quippe hoc faciendo, excepta quidem hac sanctissima majore ecclesia. In hoc autem celebrata emphyteusi, ut non ad privatam personam extendi omnino possit. Tua igitur beatitudo quæ jussa sunt a nobis custodiat, et his qui sub ea metropolitanas sedes habent faciat manifesta, ut et ipsi quæ nobis placuerunt cognoscentes nihil horum prævaricari præsumant. Erit enim universis a Deo judicium, et exinde pœna, si quid præter hoc aut ipsi egerint, aut agi permiserint. Dat. xv Kal. Nov. Constantinop., imp. d. n. Justin. PP. Aug. ann. 11 post Bilis, v. c. cons.

NOVELLA LVI.

Ut ea, quæ vocantur insinuativa super clericis in majore quidem ecclesia dentur, in aliis autem ecclesiis penitus non dentur.

Imperator Justinianus Augustus Mennæ archiepiscopo regiæ civitatis Constantinopolitano.

Plurimas additiones suscipientes hanc legem dirigere ad tuam beatitudinem justum existimavimus. Qui enim ordinantur a tua reverentia clerici in sanctissimis ecclesiis (absque tamen sanctissima majori ecclesia) omnium patiuntur crudelissima, non suscipientibus eos illic ecclesiis, antequam quantum voluerint, accipiant aurum. Et novimus hoc ex frequentibus additionibus de hoc factis nobis. Sancimus igitur beatitudinem tuam hoc validissime custodire. Et si quidem consuetudo est dare eos qui ordinantur in sanctissima majore ecclesia, hoc eos præbere. Nihil enim de his quæ dantur in sanctissima majore ecclesia, novamus. Præterea vero in aliis omnibus, nullis in eis clericorum licentiam esse penitus pro his quæ vocantur insinuativa aliquid ferre. Sed et si quis tale aliquid egerit, illum quidem privari sacerdotio,

in illius autem officium introire qui missus est, et hanc eum avaritiæ ferre mercedem. Custodire vero hæc etiam Deo amantissimos defensores sanctissimæ majoris ecclesiæ, pœnam formidantes x librarum auri, si quid neglexerint. Sed gratis omnia procedere. Deinde etenim defunctiones et ministeria, non per venditionem, nec per mercationem fieri aliquam volumus, sed pure et citra redemptionem. Sic enim rei digni fient nulla venditione ac mercatione facienda. Tua igitur beatitudo, et qui postea in pontificales accesserint sedes, quæ a nobis ordinata sunt, et per hanc declarata sunt legem, operi effectuique tradere festinet. Dat. III Kal. Nov. Constant. imp. d. n. Justin. Aug. an. 11, post Bilis. v. c. cons. ann. 2.

NOVELLA LVII.

Ut in privatis domibus sacra mysteria non fiant.

Imperator Justinianus Augustus Mennæ archiepiscopo regiæ civitatis Constantinopolitano.

Et priscis sancitum est legibus nulli penitus esse licentiam domi quæ sacratissima sunt agere, sed publicesinere procedere incredulitatem Dei culturam secundum sanctionem de his sacratis actibus traditam, et nos etiam hanc in præsentī ponimus legem, quam cum omni cautela tenere volumus. Omnibus enim interdiciamus magnæ hujus civitatis habitatoribus, magis autem etiam totius nostræ ditionis, in domibus suis habere quasdam quasi orationum domos, et in his sacra celebrare mysteria, et hinc fieri quædam catholice et apostolicæ traditioni extranea. Sed si quidem domos ita simpliciter aliqui habere putant oportere in sacris suis, orationis videlicet solius gratia, et nullo celebrando penitus horum, quæ sacri sunt mysterii, hoc eis permittimus. Invidia enim nulla est, si volunt citra hæc habere habitacula quædam, et in eis tanquam in sacris orare, aliis autem omnibus abstinere. Nisi tamen in eis voluerint aliquos invitare clericos, hic quidem sanctissimæ majoris ecclesiæ et sub ea sanctissimarum domuum, voluntate ac probatione sanctissimi archiepiscopi ad hoc deputatos, in provincia vero Deo amabilium episcoporum. Nulla novitate sedi ejus beatitudinis ex præsentī nostra lege facienda, circa existentia ei quolibet modo in ordinationibus, aut gubernationibus hic, aut in provinciis jura, sed omnibus etiam competentibus ei quolibet modo et tempore ratis nunc et in omne reliquum tempus servandis: sancimus tuam hæc conservare gloriam, et manifesta omnibus per litteras proprias constituere, quatenus per omnia valeat lex. Hæc enim et gloriosissimo præfecto felicis hujus urbis, et sanctissimo archiepiscopo, et universali patriarchæ præcipimus, ut ex civili et sacerdotali virtute hæc perpetue custodiantur. Sciant enim et ipsi domuum domini, quia si non hæc custodierint, ipsi quidem sub imperiali fient motu, domus autem in quibus aliquid tale agitur, et publicæ fient, et sub sacratissimum nostrum ærarium deducuntur. Si autem et aliques contingit tale aliquid in suis habere domibus, sciant quod nisi intra tres

meñses, ex quo hæc lex insinuata fuerit, hæc correxerint, et ad figuram a nobis ordinatam deduxerint, sub prædicta pœna fient. Hæc autem agi cum veritate, non per aliquam calumniam volumus, veracium enim solummodo sumus amatores. Hæc sancimus tuam custodire celsitudinem, et nihil tale fieri concedere. Scito enim quia si didicerimus, tibi tale aliquid denuntiatur, deinde non prohibuisti, aut tu, aut successores tui quicumque futuri, ipse quidem quinquaginta librarum auri expones pœnam, sed et qui successores cinguli fuerint. Parens autem tibi officium sustinebit idem damnum, si rem nobis studiosam et sanctissimæ Ecclesiæ custodientem unitatem, et prohibentem quæ a nobis aperte interdicta sunt, agi latenter passum est, et despicere commissum, et

circa ipsum cingulum periclitabitur, insuper et ipsam donum in qua aliquid tale agitur, fieri publicam, et sub sacratissimum venire ærarium. Scriptum exemplar a nobis et sanctissimo patriarchæ felicis hujus urbis, ut et ipse hujus ponat rei providentiam. Volumus enim sacerdotaliter et judicialiter hæc servata durare in reliquum tempus et immutata. Dat. III N. Nov. Constant. imp. d. n. Justin. PP. Aug., ann. 11 post Bilis. v. c. cons.

NOVELLA LVIII.

De clericis, qui a suis destiterunt ecclesiis. Item de his qui oratoria ædificant.

Imperator Justinianus Augustus Mennæ sanctissimo hujus regiæ urbis archiepiscopo, et universi ejus tractus patriarchæ.

Multi sæpenumero clerici, certis vacantes oratoriis, aut etiam pro aliquibus forte subrogati, simul atque solemnem erogationem perceperunt, a sacris se mysteriis in universum segregant (quas ob causas, melius ipsi noverunt) aut quacumque occasione a sacrosancta omnino ecclesia in qua consistunt recedunt. Sancimus igitur ne sacro id impedimentum ministerio ingeratur, sed a Dei amantissimis episcopis, sub quorum tutela hæc ecclesiæ constitutæ sunt, in illorum locum alii sufficiantur, qui ista percipiant. Neque enim ullis concedere volumus ut ea quæ ab ipsis aut per ipsos sacrosanctis jam ecclesiis erogantur, in suum lucrum convertant. Siquidem nullo prætextu aut occasione volumus ut ex aliorum defraudatione aliis lucrum accedat; sed ut quemadmodum quæque jam inde ab initio erogata sunt, ita et porro absque ulla temporis præfinitione præstentur, neque sacrum ea re ministerium corrumpatur et intercidat, nullam licentiam habituris his qui ab ecclesiis destiterunt, postquam vel a sanctissimo patriarcha, vel provincialibus episcopis in illorum locum alii subrogati sunt, ut aut ipsis subrogatos inde detrudant, si regredi velint, aut eos qui id erogationis genus sustinent, conduplicatas impensas suppeditare, et tam subrogatis, quam ipsis qui redire volunt, præbere compellant. Sed (ut simplicissime dicamus, illi quidem, si redeant, non recipiantur; his vero qui post priorum discessum suspecti sunt, præbeantur provisiones annonariæ, nullo lucro exinde his qui

suppeditare solent accedente. Ut qui talia lucrifacere attentaverint, omni modo subrogatis ab ipsis tam promissiones annonarias quam alias erogationes, tam ipsi quam hæredes ac successores eorum præbeant: scientes quod si etiam postea defraudaverint, certa ex illorum patrimonio possessio sacris nostris rebus privatis segregabitur ut illis exinde fiat erogatio. Illud quoque ad honorem nostrum et cultum sedis tuæ decernimus, ut si quis ædificans ecclesiam, aut etiam aliter expendens in ea ministrantibus alimenta voluerit aliquos clericos statuere, non esse ei fiduciam ullam, quos vult per potestatem deducere tuæ reverentiæ ad ordinandos eos; sed examinari a tua sanctitate, sententiaque tua, et qui pontificalem sedem rexerint, semper hos suscipere ordinationem, siquidem tuæ beatitudini, et posteris opportuni videbuntur existere, et Dei ministerio digni, ut non profanentur sancta Dei (hoc videlicet quod sacris sancitur eloquiis), sed intacta et ineffabilia tremendaque constituta, sancte et Deo amabiliter et venerande tractentur. Quæ igitur nobis placuerunt, et per hanc sacram exprimuntur legem, ea ut in perpetuum beatitudo tua custodiat, sancimus: certo scientes quod non minus nobis sacrosanctarum ecclesiarum commoda curæ sint, quam ipsa vita. Dat. xv K. Novem. Constant. imp. d. n. Justin. Aug., post Bilis. v. c. cons. ann. 3.

NOVELLA LIX.

De exsequiis, quas fieri oporteat in defunctorum funerationibus.

Imperator Justinianus Augustus Joanni factorum per Orientem prætoriorum præfecto iterum exconsule et patricio.

Si quidquid usquam est bonorum operum, id oportet (volente Deo) per nos initium capere: conveniet item ut ea bona quæ per alios cœperunt, si his immineat exitium, per nos denuo restaurentur et in veterem reducantur ordinem, ut semper nobis vel ipsa rei confectione, vel restauratione ad præclaras actiones contendendi facultates adsint. Cujusmodi sane quiddam cum et in defunctorum funerationibus perperam administretur, corrigere id visum est, et hominibus exinde largiri, ne geminam incommoditatem sustineant, tam suos amittentes quam etiam illorum nomine subeuntes dispendia. Sed quod divus princeps Constantinus recte excogitatum disposuit, et postmodum Anastasius pientissimus princeps confirmavit, adjecto insuper et redditu, id nos ruinam minitans restaurare simul, et undique ad stabilitatem redactum convenientibus astringere juramentis properamus, efficientes ea re ut immortale permaneat.

Nam cum pientissimus princeps Constantinus non-gentas quinquaginta officinas ex diversis collegiis hujus almæ urbis sacrosanctæ majori ecclesiæ cum immunitate dederit, Anastasius quoque item pientissimus princeps non solum officinis illis centum quinquaginta alias apposuerit, sed etiam pro libera-

litate sua per duas pragmaticas formas certum redditum constituerit, ut aurum ex eo redditu redactum in eamsummam proficiat, quæ a Dei amantissimis æconomis datur his qui circa hoc laborant: multi undique nos adierunt, dicentes rem non procedere æqualiter, neque defunctorum funerationes absque pacta mercede celebrari, quin potius amarulente mercedes exigere, multa etiam extrinsecus inveniri nomina et collegia, quæ vel in medio luctu ab invitis exigant, et eos qui dare non possint, ut dent, vi compellant. Hæc nos convenienti correctione dignari justum putavimus. Inde adeo primum omnium sacrosanctæ majori ecclesiæ officinas magnam jacturam et diminutionem perpessus ad integrum numerum reparavimus, conscripta de hoc sacra forma ad præfecturam urbicariam, ut omnibus modis ea una cum obsecundante illi cohorte mille et centum officinas Dei amantissimis defensoribus et æconomis prædictæ sacrosanctæ ecclesiæ tradant: octingentis quidem officinis cum corporibus præbendis Dei amantissimis defensoribus, trecentis vero pientissimis erga Deum æconomis: ut Dei quidem amantissimi æconomi trecentas illas officinas et redditum ab Anastasio sacratissimo principe donatum in fructu habeant, nihil amplius ob diminutum conquerentes numerum, sed in supplementum habentes quæ præbent trecentæ officinæ, tam decanis quam reliquis cœtibus men-

struarum præstationum erogationem faciant: Dei vero amantissimi defensores ad manum habentes octingentas officinas, tam lecticarios (ut vocant)

exhibeant, quam reliquum ministerium, quod defunctorum exsequiæ requirunt, sufficiant, quo magis ea re defunctos a damno asseramus et injuria. Eas igitur prædictas mille et centum officinas Dei amantissimis æconomis et defensoribus absque ulla temporis præfinitione cum immunitate et citra diminutionem custodiri, et si quocunque modo aliqua intercidat, lumenve mutet, aut commercium, a gloriosissimo hujus almæ urbis præfecto suppleri recuperarique oportet, ut Dei quidem amantissimi æconomi fundorum, qui sepulchris attributi sunt, administrationem habentes, habentes item et a vectigalium præstatione immunes trecentas officinas, defensores vero octingentas alteras, utrique defunctorum exsequias rite gubernent. Omnimodo sane quod ex annuo fundorum redditu provenit, a Dei amantissimis æconomis in sepulchrarum usum conferatur, quemadmodum inferius in progressu dicemus, apponentes non-nihil de trecentarum officinarum redditu, prout de facto hi a nobis capere petierunt. Ac quoniam de mille et centum officinis, quæ in alma hac urbe sunt, pleræque interciderunt, præcipimus in præsens, ut hæ suppleantur, et Dei amantissimis æconomis pientissimisque erga Deum defensoribus (quo modo a nobis dictum est) mille et centum officinarum numerus indiminutus et simplicissime divisus conservetur, ne quo pacto pauciores decani sive copias, quam octingenti, Dei amantissimis defensoribus attributi sint. Pro trecentis autem illis quæ

exhibeant, quam reliquum ministerium, quod defunctorum exsequiæ requirunt, sufficiant, quo magis ea re defunctos a damno asseramus et injuria. Eas igitur prædictas mille et centum officinas Dei amantissimis æconomis et defensoribus absque ulla temporis præfinitione cum immunitate et citra diminutionem custodiri, et si quocunque modo aliqua intercidat, lumenve mutet, aut commercium, a gloriosissimo hujus almæ urbis præfecto suppleri recuperarique oportet, ut Dei quidem amantissimi æconomi fundorum, qui sepulchris attributi sunt, administrationem habentes, habentes item et a vectigalium præstatione immunes trecentas officinas, defensores vero octingentas alteras, utrique defunctorum exsequias rite gubernent. Omnimodo sane quod ex annuo fundorum redditu provenit, a Dei amantissimis æconomis in sepulchrarum usum conferatur, quemadmodum inferius in progressu dicemus, apponentes non-nihil de trecentarum officinarum redditu, prout de facto hi a nobis capere petierunt. Ac quoniam de mille et centum officinis, quæ in alma hac urbe sunt, pleræque interciderunt, præcipimus in præsens, ut hæ suppleantur, et Dei amantissimis æconomis pientissimisque erga Deum defensoribus (quo modo a nobis dictum est) mille et centum officinarum numerus indiminutus et simplicissime divisus conservetur, ne quo pacto pauciores decani sive copias, quam octingenti, Dei amantissimis defensoribus attributi sint. Pro trecentis autem illis quæ

Dei amantissimis viris œconomis assignantur, sive officinas in corporibus percipere velint, vel omnes vel quasdam ex his, sive ferre per causam (ut vocant) excusatarum officinarum vel omnium, vel quarundam pecunias, insumantur et hæ circa defunctorum exsequias, ut ex his pecuniis simul et fundorum proventibus distributio fiat in decanos, ascetrias, canonicas, acoluthos, et alios, prout inferius in progressu constituimus. Nam cum digestis in ordinem rationibus Dei amantissimi œconomi ostenderint impossibile esse ut ex fundis de cætero idem redditus colligatur, merito trecentarum nos officinarum additamentum huic parti attribuimus, ut quod hactenus circa cadaverum elationem laborantibus dabatur, citra reprehensionem deinceps quoque præbeatur, per singulos scilicet menses, tam decanis et acoluthis quam canonicis et ascetriis, et aliis, pro consuetudine hactenus apud ipsos obtinente. Hoc est decanis quidem per singulos menses solidos LXXII, ascetriis et acoluthis, solid. xci, et canonicis solid. xxxvi. Qui quidem ab ipsis Dei amantissimis colligantur œconomis, solvantur vero per singulos sex menses, quibus et antea percipi consueverunt. Oportet autem eam quidem auri partem, quæ ascetriis competit, a Dei amantissimis œconomis prædicto termino dari Eugenio Dei amantissimo diacono, et ipsius Sampsonum religiosæ memoriæ xenonis, aliorumque a nobis illi commendatorum xenodocho, et qui unquam ipsum Dei amantissimum horum xenonum xenodochi secuturi sunt: propterea quod ascetriæ quæ in hunc usum adhibentur et ministerium præstant, sub prædictorum venerabilium xenonum pro tempore xenodochis censeantur; alteram vero illam quæ tam acoluthis quam reverendissimis canonicis competit: consimiliter ab ipsis Dei amantissimis œconomis dari his qui et modo illis præfecti sunt, et qui pro tempore unquam in illis principatum obtinent, ut per ipsos ante designatis et sub ipsis censitis ascetriis, et canonicis, et insuper etiam acoluthis distributio fiat. Si vero moram circa ejusmodi solutionem admittant Dei amantissimi œconomi, idque clarum existat, forte sæx alteris jam mensibus post prius semestre decurrentibus, cum nulla adhuc solutio facta sit, tunc quidquid post prius semestre debitum fuerit, hoc a Dei amantissimis œconomis exigatur cum trientibus usuris legitimæ centesimæ, providentiam in hanc rem collocante religiosissimo pro tempore archiepiscopo et patriarchæ sacrosanctæ in hac alma urbe majoris ecclesiæ. Si vero et alter annus prætereat, et ne tum quidem aliquid Dei amantissimi œconomi solverint, sanctissimo pro tempore patriarchæ licentia sit non solum quod reverendissimis mulieribus et prædictis decanis debetur, a Dei amantissimis œconomis cum præfatis usuris exigere, sed etiam ipsos cogere ut omnia quæ deputata sunt præstent; et si sanctissimus patriarcha voluerit, ut etiam sollicitudine fundorum ipsos ejiciat, et repetat horum inspectionem, quemadmodum modo apud ipsos est:

A his omnibus curam impertiente beatissimo pro tempore archiepiscopo hujus almæ urbis et universi ejus tractus patriarchæ, sub cujus tutela et ditione censentur et Dei amantissimi œconomi et universus clerus, et totus sacrosanctæ ecclesiæ ordo. His ita evenientibus, nemo omnino ab invito pro curato defuncti corpore quidquam auferat. Sed ut totum discernamus, sancimus ut unicuique feretro, quod gratis conceditur, unam accedat ascetiarum aut canonicarum asceterium, non minus octo mulieribus feretrum præcedentibus, et psallentibus, et tribus acoluthis, qui nec ipsi quidquam accipient. Si quis vero ex defuncti cognatis et affinibus qui elationem procurant velit sua sponte, nemine cogente, aliud insuper asceterium vel unum, vel duo, vel plura assumere, esto illud quidem in ipsius positum munificentia. Cæterum neque hoc indeterminatum relinquimus, eandem hic quoque mensuram in ascetriis, canonicis et acoluthis qui per munificentiam assumuntur esse volentes quam supra definivimus, ne pauciores scilicet quam octo ascetriæ vel canonicæ ex uno quoque asceterio assumantur, et tres ad unum quodque asceterium acoluthi. Dentur autem ascetriis sive canonicis quæ ultra id ipsum asceterium, quod gratis ministerium funerationi præbet, assumuntur: siquidem intra novos muros hujus almæ urbis elatio peragatur, usque ad tres solidos, nihil ex hoc penitus auferentibus acoluthis, neque partientibus ista cum reverendissimis ascetriis et canonicis. Sed acoluthis qui post tres illos gratis funerationi ministrantes assumuntur, siquidem tres alii sint tribus siliquis contentis; si sex, siliquis sex; ut ad eum modum quæcunque hoc concernunt ita deinceps gerantur ordine. Illud sane manifestum est, si majus intervallum sit, et qui feretro inserviunt decani plures sint, et plura asceteria, quod propter hujus pondus et ipsis paululum dabitur, ad similitudinem ascetiarum quæ circa funerationem laborem sustinent. Ut propter distantiam et ipsi copias videantur exinde nonnihil habere solatii, videantur autem intra novos muros, et terminum Justinianum et Ficus, quandoquidem non longe distant, neque opus est longiore tempore, majoreve labore, ut illo perveniant. Si vero extra novos muros hujus almæ urbis, aut ad alios terminos quam dictum est, elatio fiat, tunc ascetriæ quidem sive canonicæ tres et dimidium solidum percipiant, neque hic quidquam omnino communionis habentibus acoluthis. Ipsis autem acoluthis ad singula asceteria quaternas auferentibus siliquis, et præterea nihil: secundum prædictam divisionem asceterio cum tribus acoluthis feretrum gratis præbitum sequente, et omnino illi accedente per octo ascetrias sive canonicas et tres (ut dictum est) acoluthos, nihil prorsus auferentes, aut per dationem cereorum exigentes, aut sub alio velamento quæcunque exactionis modum excogitantes. Hæc autem omnia de his tantum definimus, qui non per ambitionem et munificentiam magna illa duo feretra in pretiosarum rerum thesauro recondita, nempe gloriosæ

memoriæ Studii, et magnificæ memoriæ Stephani, requirunt. Si quis enim illa habere cupiat, ut quæ et multis hominibus indigeant, et majorem custodiam, atque in summa plenam negotii asservationem desiderant, hoc prædictis non connectimus, sed quasi qui ambitiosius mortuos suos efferri gestiant, quidquid pro labore se decanis, aut reverendissimis ascetris, aut canonicis daturos compromiserint, tantum et præstent, ut tamen ad ipsum in duobus feretris Studii et Stephani duodecim solidorum quantitatem excedere nequeat. Pro eo vero quod auro intertextum est, quod in sacrosancta majore ecclesia reponitur, si quidem uno solo in ejus locum (ut probabile est) apparando, quatuor solidis; ascetriis autem, sive canonicis, sive acoluthis, duplo majora quam ante de iis præfinivimus ferentibus: ut videlicet ipsum quoque ascetiarum seu canonicarum asceterium, quod gratis cætera feretra præcedit, eandem quantitatem percipiat quam et reliqua asceteria. Eodem hoc, quod prædiximus, et in acoluthis observando, ut et hi duplum eorum quæ jam a nobis constitutæ sunt auferant: nimirum si id in quo funeratio peragitur, unum de tribus illis feretris sit, hoc scilicet volente eo cui funerationis cura incumbit. Necessitatem scilicet tantummodo habentibus Dei amantissimis defensoribus, ut decanorum corpora ex octingentis illis officinis, quas ipsis assignavimus, et item feretra exhibeant, non autem ut sumptum aliquem impendant. Dei vero amantissimis œconomis cogendis, ut tam ex reditu a sacratissimo principe Anastasio relicto, quam ex trecentis officinis in prædictas personas, secundum a nobis in omnibus constitutam distributionem, omnes præfatas impensas faciant. Ita nihil indeterminatum erit, sed et qui moderatiores sepulturas fieri volunt, ex hac dispositione fructum capient; et qui ad ambitionem respiciunt, non per inde magnis involventur dispendiis, sed intra certum modum munifici erunt. Hæc nos igitur tam de officinis quam redditibus, et funerum elationibus, sive gratis, sive cum quadam ambitione peragantur, definivimus. Ut autem officinarum numerus nullo unquam tempore diminutionem patiatur, custodes ejus rei constituimus, non tantum gloriosissimum hujus almæ urbis præfectum, et obtemperantem illi cohortem, sed etiam multo magis excellentiam tuam, et qui unquam hoc dignitatis fastigium, cui tu modo præes, tenuerint. Et insuper pœnam cohorti tuæ quinquaginta pondo auri irrogamus, si negligentius egerit: item duplicem contra eos qui unquam thronum tuum suscepturi sunt, quo minus committant ut secundum a nobis dictam divisionem mille et centum officinarum numerus deficiat. Sed si hoc doceatur, ut vel ipse, vel successores tui, in hanc rem providentiam confertis, procuretisque ut per omnia is sine diminutione, sine onere, sine machinatione aliqua, tum per excellentiam tuam, tum per quamvis aliam personam permaneat: ne exinde nova oboriatur occasio, ut præter definitionem nostram denuo merces pro personæ

Alicujus funeratione danda sit. Nulla inter defunctorum personas distinctione introducenda; sive divitiis affluant, sive premantur inopia, nisi forte (ut diximus) unam ex tribus illis feretris diligant, in quibus et ipsi convenientia disposuimus. Volumusque illa et ad hunc obtinere modum, et absque præfinitione temporis immota manere et æterna. Atque sacra hac pragmatica lege in perpetuum valente, quamdiu homines sunt, quamque diu magnum illud et longe celeberrimum Christianorum nomen inter homines habebitur, quotidie etiam domini Dei benignitate incrementum accipiat. Huic videlicet negotio præ cæteris omnibus ipso religiosissimo patriarcha hujus almæ urbis prospiciente, ne hac causa pro sacerdotali potestate usus committat, ut ab ulla persona vel sacerdotali, vel magistratu decorata, vel quacunque, in nostra delinquatur constituta. Sed et ut ipsa majestas imperatoria in tam amplam dignitatis et honoris sedem conversis oculis, quicunque tandem imperii sceptrum tenebit, huic rei provideat, decernimus. Neque enim pro defunctis tantum istud, sed etiam pro viventium, adeoque imperitantium salute est, ut omnimodo piæ actiones ad effectum deducantur, neque præclara majorum instituta per negligentiam posterorum depereant. Quemadmodum autem centum illas et mille officinas indiminutas et immunes custodiri disposuimus, ita omnes reliquas officinas præstandi vectigalibus sancimus esse obnoxias: nemine omnino licentiam habente ut eas eximat, sive ad sacras aedes, sive ad xenonas, sive ad asceteria, sive monasteria, sive quodcunque aliud, sed neque si ad regias nostras domus, vel magistratu, aut potentia præditos pertineant; sed ex æquo omnibus officinis vectigalium præstationem agnoscantibus, ne si paulatim unusquisque excusetur, et quisque sua releve, paucis quibusdam, qui relinquuntur, totum præstationum onus imponatur, et magnum exinde dispendium sustineant hi qui id ferre nequeant.

Quæ igitur per præsentem sacram pragmaticam formam nobis placuerunt, ea tam excellentia tua quam qui post te eundem magistratum suscepturi sunt, et obtemperans tibi cohors custodient. Dat. III Nov. Constant imp. d. n. Justin. PP. Aug. ann. 11, post Bilis. v. c. cons. anno 2.

NOVELLA LXV.

De his quæ relicta sunt ecclesiæ Mysiæ.

Scimus antea legem, etc. Relicta ecclesiæ Mysiæ ad redemptionem captivorum et pauperum sustentationem venduntur, si longius ab eo loco in ædibus aut vineis consistant: ut tamen qui ea reliquit, ex venditione relictorum jusserit erogationem fieri. Is qui in jure postulatur, si se absente, condemnator, videlicet malam rem agens, quod contestata lite et legitime vocatus, non obtemperaverit. PP., mense Aprili, anno imperii d. Justiniani 12, Joanne v. c. cos.

NOVELLA LXVII.

Ne quis oratorium citra scientiam episcopi ædificet. Et ut prius definiat quæ ad curam et institutionem oratorii ædificandi necessaria futura sint. Et ne episcopi absint a suis Ecclesiis, ac de alienatione immobilium rerum ecclesiasticarum.

Imperator Justinianus Augustus Mennæ sanctissimo et beatissimo archiepiscopo Constantinopolitano et universi ejus tractus patriarchæ.

Quoniam multis jam legibus ea quæ sacrosanctas concernunt ecclesias, comprehendimus, indigemus tamen adhuc alia quadam, quæ ad emergentes et denuo nascentes casus sufficiat. Multi enim comparandi nominis ergo animum solent ad sacrosanctarum ecclesiarum extructionem appellere, simulque ut eas exædificarent, nullam præterea curam adhibere, quo decentes item sumptus illis tum ad incendenda luminaria, tum ad sustentationem eorum qui illis vacent et assideant, neque non ad sacrum ministerium definiant; sed relinquunt eas in nudis ædificiis, vel iterum destruendas, vel sacro orbatas ministerio.

Sancimus igitur ut ante omnia quidem illud peragatur, ne quis licentiam habeat vel monasterii, vel ecclesiæ, vel oratorii ædificationem incipere, prius quam Dei amantissimus civitatis episcopus interveniens, in loco preces fundat, et publico illuc processu instituto, crucem ligat, et factum omnibus manifestum reddat. Multi enim simulantes se oratoria fabricaturos, suis obsequuntur affectibus et morbis animi, non ut orthodoxarum ecclesiarum, sed illicitarum speluncarum conditores sint. Deinde ne aliter de novo ecclesiam ædificet, quam cum Dei amantissimo episcopo ea de re verba faciat, et tam ad incendenda luminaria et ad sacrum ministerium, quam ut ædes sarta tecta habeatur, et ad sustentationem eorum qui illis vacent et assideant, certum pecuniæ modum finierit. Ac si sufficere videatur, ut prius eorum quæ deputanda sunt donationem celebret, tum demum sacram ædem exstruat. Cæterum si cum quis ad id non sufficiat, nihil ominis tamen cupiditate et amore comparandi nominis, ut scilicet ipse ecclesiæ conditor appelletur, hoc velit facere, quia multa sunt hinc inde, tam in hac regia urbe, quam in provinciis ecclesiæ, in quibus tametsi convenienter omnia obeantur ministeria, tamen periculum est ne præ vetustate concidant, aut etiam parvæ existant, aut minore ornatu quam cupiant hi qui sacra in iis tractant manibus, licebit sane ei unam ex hujusmodi ecclesiis desumere, et hanc exædificare, hic quoque cum scientia et consensu Dei amantissimi orthodoxorum episcopi ea re conficienda. Ita enim futurum est ut et sacræ ædis conditor appelletur, neque de suo quidquam præterea sumptus addat, sumptibus pro more jam ad hoc deputatis suppediendis ab his qui prius quoque eas erogationes faciebant.

Illud quoque sancimus, quatenus secundum jam a nobis prolatam legem, Deo amabiles episcopi in suis Ecclesiis maneant et non relinquunt quidem eas, per tempus vero multum hic morentur, et cogant per

A provincias œconomos expensas sibi transmittere, et sanctissima ecclesia expendat quidem, quod ipse eique inde observare non patiatur. Sancimus igitur, jam a nobis positam legem in sua manere virtute sive defuerit Deo amabilis episcopus Ecclesiæ suæ, sive amplius tempus nullam ei mitti expensam de provincia, sed illam quidem circa actus pios et sanctissimam Ecclesiam expendi, ipsum vero hic errantem non expensis sanctissimam Ecclesiam prægravare: cum certum sit quod si plurimo tempore defuerit, quæ jam a nobis super eisdem sancita sunt, valebunt. Quoniam vero contingit jam nos sanxisse ut si qua in provinciis alienatio rei immobilis ecclesiastica facienda est, secundum decretum hanc procedere, sicuti dudum prolata a nobis constitutio dicit, agi vero decretum non solum præsentem Deo amabili episcopo civitatis ejusque clero, sed etiam metropoleos episcopo, nec non et illud insuper est sancitum, ut si metropoleos sanctissimus episcopus futurus est venvundare, sive ejus ecclesiæ sanctissimi œconomi, quid oporteat fieri, etiam hoc adjicimus, ut duo ex synodo quæ sub eo est Deo amabilium episcoporum, quoscunque elegerit, ipsi intersint, et alia omni observatione custodita, quæ jam sancita est, præsentia duorum Deo amabilium episcoporum adjiciatur ut secundum se videatur cum sua synodo rem agere et sicut ipse rem facit credibilem, et sufficientem ei qui sub eo constitutus est, dum præsens est, ita et ipsi quæ sub eo est synodus præsens per duos Deo amabilium episcoporum videbitur rem præbere sanctissimam sumente ex hujusmodi synodo testimonium.

C Hanc vero nostram legem, tam ad sedem beatitudinis tuæ quam ad cæteros transmissam patriarchas, ipsi per proprias litteras sub vobis constitutis metropolitans manifestam facietis. Qui rursum sub se positus episcopis eam divulgabunt, ne quid lateat eorum quæ a nobis constituta sunt. Dat. K. Maii. Constantin. imp. dn. Justin. PP. Aug. ann. 12. Joanne. v. c. cons.

NOVELLA LXXV.

Hæc constitutio interpretatur priorem constitutionem, quæ de his lata est, qui ingrediuntur monasteria, et substantias suas consecrant, et ex quo ipsam tempore valere oporteat.

Idem imperator Joanni gloriosissimo Orientalium prætoriorum præfecto, iterum ex consule et patricio.

D Causa talis ad nos pervenit, quam existimavimus oportere competenti uti a nobis interpretatione simul et adjutorio. Cognovimus etenim quia mulier quædam habens filium, sibi ex nuptiis legitimis procreatum, voluit quidem segregare se a communi ista conversatione, et in quodam mulierum monasterio commanere, plurima bona faciens mulieribus reverendissimis ibidem congregatis. Et quoniam nostræ pietatis lex vult eos qui se monasteriis dedicarint, seu viros, seu mulieres, antequam ingrediantur monasterium, eo quo voluerint modo quæ sua sunt disponere, nec posse, postquam ingrediuntur monasterium, ulterius agere quidquam de propriis, ut pote domini rerum non ulterius existentes, eo quod sic sanciverimus

hujusmodi viros et mulieres cum corpore et anima ipso ingressu ad monasterium dedicare se suasque substantias, et siquidem discesserint, manere etiam sic eorum substantias in monasterium, eo quod domini harum ulterius non existunt: hinc autem metuere, ne forte (quamvis nostra constitutio multo posterior sit quam cum in prædictam venerabilem domum ingressa est (aliqui prohibeant eam prospicere suo filio, et oportere propter prædictum metum hæc interpretari, et lege nostra fieri manifesta, quia nihil læsa sit, aut ipsa aut filius ejus circa ejus ex memorata constitutione successionem. Propterea sancimus, si quis monasterium habitaverit vir aut mulier ante prædictam nostram constitutionem, aut hactenus habitat, et maxime filiis existentibus, nullam habere necessitatem nunc eorum substantiam in monasterium, sed filio aut filiæ transmittere, aut totam aut etiam partem suæ substantiæ, aut etiam quo voluerit modo res suas disponere: utpote primam illam legem alia nostra hac constitutione interpretante (eos enim qui semel ante memoratam dudum nostram legem monasteria intraverint, in nullo posita postea lex contristatura, aut ablatura est his ea quæ prius eis, ut licet, data sunt), neque prius nostræ legis impedimentum penitus faciente, eo quod neque possibile sit hoc fieri, ut oportuisset prius disponere, et ita ingredi monasterium. Si vero nulla tunc tali lege posita in monasterium ingressa est, quomodo fieri potuerit converti ordinem legis, et exigere ut qui prius ingressi sunt monasterium, illa faciant quæ prius ignorata, postea per sacram nostram constitutionem sunt innovata. Sed unumquique competit secundum sua tempora expectare ea; et quidem quæ post legem sunt, ita quærere fieri, sicut lex vult. Si quid autem ante legem subsecutum est, hoc non commovere, neque perscrutari, sed in priori figura relinquere. Hæc igitur lex pro interpretatione utili posita sit prioris nostræ illius constitutionis, ut illa in posterioribus temporibus, ex quo facta est, locum habeat; et his qui postea convertentur, viris ac mulieribus posita sit, sibi que potestatem in illis custodiat, nullo horum quæ antea fuerint perscrutando: cum licentia sit prioribus viris ac mulieribus qui habitaverunt, aut etiam hactenus habitant in monasteriis, et maxime filiis existentibus, suas res quo volunt disponere modo. Tua igitur eminentia quæ placuerunt nobis, et per hanc sacram declarata sunt legem, solemniter per programmata sua omnibus facere manifesta festinet. Dat. Id. Octob., imp. d. n. Just. PP. Aug. ann. 11, Joanne v. c. cons., ind. 2.

NOVELLA LXXVII.

Ut qui contra naturam luxuriantur, et per Deum adjurant, item blasphemias in Deum ingerunt, afficiantur supplicio.

Imperator Justinianus Augustus Constantinopolitanis.

Omnibus jam hominibus qui recte sapiunt, manifestum esse putamus, in nullam nos rem æque omnia conferre studia, aut perinde aliquid in votis habere,

PATROL. LXXII.

quam ut qui fidei nostræ a domino Deo concrediti sunt, honeste vivant, et ejus benevolentiam mereantur, præsertim cum Dei erga homines amor non interitum, sed conversionem ac salutem velit; et eos qui alicubi offenderunt, Deus simul atque eriguntur et in viam redeunt, suscipiat. Quæ etiam de re omnes cohortamur, ut Dei timorem in animo concipiant, et ejus implorent benignitatem. Et scimus quod qui Deum diligunt, quique ejus præstolantur misericordiam, hoc agant. Quia vero diabolica quidam instigatione detenti, gravioribus seipsum luxuriis commiserunt, et ipsi naturæ contraria faciunt, adhortamur et hosce, ut Dei timorem et futurum judicium in animo concipiant, et istiusmodi diabolicis et illicitis luxuriis abstineant, ne per tam impia facinora a justa Dei ira vel urbes cum suis incolis pessum ire inveniuntur. Per sanctas enim Scripturas edocemur, quod ob tam impia facinora etiam urbes una cum hominibus perierint. Insuper quia ultra prædictos quidam execrabilia etiam verba et juramenta de Deo proferunt, Deum provocantes ad iracundiam, consimiliter et hos admonemus, ut tam execrabilibus verbis, et item per capillum, et caput adjurationibus, et id genus aliis verbis abstineant. Nam si convicia hominibus ingesta saltem inulta non relinquuntur, multo magis qui divinum numen conviciis incessit dignus est qui supplicium sustineat. Propterea igitur omnes hujusmodi cohortamur, ut præfatis delictis abstineant, et Dei timorem in animum sumant, et eos qui honeste vitam transigunt, imitentur. Propter hujusmodi enim delicta et fames, et terræmotus, et pestilentia oboriuntur. Atque hoc genus hominum propterea, ut memoratis illicitis actionibus abstineant, admonemus, ne suas ipsorum animas concipiant in interitum. Nam si post hanc nostram admonitionem iisdem inhærere delictis aliqui deprehendantur, principio quidem indignos se præbunt Dei erga homines amore, deinde legitimas etiam sustinebunt pœnas. Dedimus etenim gloriosissimo regiæ urbis præfecto negotium, ut eos qui post hanc nostram admonitionem prædictis illicitis et impiis actionibus inhærere non dubitaverint, et comprehendat, et ultimo submittat supplicio: ne quando ex talium peccatorum contemptu, per tam impia facinora, inveniatur tam ipsa hæc civitas, quam tota civitas et respublica sustinere injuriam. Si quidem et si post hanc nostram cohortationem aliqui tales invenientes, eos occultaverint, consimiliter et ipsi a Domino Deo condemnabuntur. Sed et ipse gloriosissimus præfectus, si quos tale aliquid delinquere deprehenderit, neque illis secundum leges nostras vindictam induxerit, principio quidem Dei judicio obnoxius erit, deinde vero etiam a nobis indignationem excipiet.

NOVELLA LXXIX.

Apud quos oporteat litigare monachos et ascetrias.

Imperator Justinianus Augustus Mennæ archiepiscopo Constantinopolitano, et universi ejus tractus patriarchæ.

Rem cognoscentes non rectam fieri in hac regia

civitate, communi lege existimavimus hoc mederi, inchoantes quidem ab hac felicissima civitate, in omni vero loco ea quæ subjecta sunt distendentes. Quidam enim volentes corrumpere orthodoxæ fidei honestatem, si quidem litem habuerint quasi cum monachis aut ascetriis, civiles iudices interpellant. At illi mittunt exsecutores præsumentes accedere intra loca sancta, et monachos trahere, atque monastrias, vel ascetrias inquietare forsitan eas quæ non videntur. Et hinc injuriam et confusionem non parvam adorabilibus fieri locis. Propterea igitur sancimus, si quis quamcunque habuerit causam cum aliquibus venerabilibus sanctimonialibus, aut sacris virginibus, aut mulieribus omnino in monasteriis consistentibus, Deo amabilem civitatis illius episcopum interpellat. Ille vero mittat, et cum omni honestate quæ sunt de personarum præsentia disponat, sive oportet per abbates, sive per responsales, sive per alios quoslibet hoc fieri. Ipse vero cum omni veneratione sacerdotali causam examinet et judicet, et civiles non sint penitus ejus iudices, neque confundant eorum honestatem, cum idonei sint Deo amabiles singularum civitatum episcopi, et quæ de lite sunt, et de cautela iudiciorum disponere, et judicare, honeste atque sacerdotaliter, et secundum leges nostras et sacratissimas regulas. Sic enim et qui aliquam ratiocinationem habere putantur, merebuntur justitiam, et honestas sacratorum inviolata, integraque servabitur. Communis igitur sit lex, habeatque custodiam a gloriosissimis præfectis, qui per cunctas existunt dioceses (et Illyrici dicimus, et Libyæ Italiæque, et Orientis totius) et a gloriosissimis præfectis utriusque Romæ, et magnificentissimo prætore populorum, et iudicibus gentium, eorumque officiis, et nulla eis fiat omnino corruptio, sed integra ad honorem reverendissimorum monachorum custodiatur. Hæc autem etiam tua beatitudo cognoscens, et ipsa custodiat in hac felicissima civitate et ejus confiniis. Utatur autem ad Deo amabiles civitatum metropolitanos, quorum ipse suscepisti ordinationem, proponens propriis litteris hanc nostram sacram legem. Verum ille sub se constitutis episcopis hæc nuntient, ut ex paucis litteris una continuatio legis ad omnem perveniat ditio-nem. Sed etiam accelerare lites sancimus monachis illibatis, ut non mens eorum occupetur circa litis sollicitudinem, sed velociter liberati sacris operibus obsecundent. Sciant igitur qui præter hæc aliquid egerint, si quidem iudex sit qui talem proferre sententiam præsumperit, quod ab administratione repellatur tanquam Divinitati contumeliam faciens, et poena decem librarum auri una cum officio suo multabitur, sacratissimo nostro danda ærario. Exsecutores aut præsumentes offerre omnino admonitionem, ab ipsis Deo amabilibus episcopis prohibeantur, et retrudantur in locis quæ decanica nuncupantur: poenas competentes passuri, exactionem nullam de cætero agere permittendi. Hac valente lege, si quis cum aliquo reverendissimorum monachorum, aut virginum, aut mulierum omnino sacrarum, et in venera-

bilibus monasteriis habitantium habuerit causam. De clericis etenim et ordine conventionis eorum jam leges conscripsimus, quas valere et firmas esse omni volumus modo. Scriptum exemplar viro clarissimo Joanni præfecto sacrorum orientis prætorio, iterum exconsule ordinario et patricio. Scriptum exemplar Basilidi gloriosissimo magistro sacrorum officiorum. Scriptum exemplar Longino gloriosissimo præfecto urbi. Dat. vi Id. Mart., Const., imp. d. n. Justin. PP. Aug. ann. 15, Arione v. c. cons.

NOVELLA LXXXI.

Constitutio, quæ per dignitates et episcopale munus filias liberat potestate patria.

Imperator Justinianus Augustus sacro regis urbis senatui.

Si quid ad utilitatem et decus traditæ nobis a Deo spectat reipublicæ, id semper cum summa animi alacritate studemus ad effectum deducere. Inde adeo et jam antea legem de gloriosissimis nostris patriciis conscripsimus, quæ datione dignitatis ostenderet eos patria liberatos esse potestate. Indecorum enim esse putavimus, ut hi sub alterius degant potestate, quos in loco nos parentum ducimus. Nam si actus emancipationis, qui olim sub legis actiones (ut vocant) constituebatur, vel cum contumeliis et alapis, hujusmodi eos vinculis liberabat, quomodo non item codicilli, qui omnibus hominibus dignitate præstant, dari soliti a majestate imperatoria, quæ summæ rerum præsidet, patriæ potestatis jure ipsos liberent? Nunc vero cum humaniorem quamdam et plus amplitudinis allaturam reipublicæ sententiam agitemus in animo, etiam de gloriosissimis consulibus, qui post majestatem imperatoriam nomen suum addunt temporis, neque non de his qui consularibus tantummodo honorantur codicillis, atque magistratibus a nexu curiæ liberare queuntibus, hoc est præfectura juxta et magisterio militum (qui tamen in ipsis thronis atque actu fuerint cogniti), hoc idem sancimus, ut omnis ejusmodi dignitas talisque magistratus nonnullis, quos ipsi nos probaverimus, acquisitus, qui et a curia ipsos liberos reddit, is valeat etiam jure patriæ aut avitæ eos potestatis liberare. Si enim lege cavimus ut si servus aliquis sciente domino militia aut aliqua forte dignitate a majestate dignatus sit imperatoria, protinus liberetur, et ad ipsam rapiatur ingenuitatem, quomodo non justum fuerit eum quoque qui tam amplis codicillis dignatus sit, ab alienæ potestatis jure liberum fieri? Ea propter amplissima hac lege usi, sancimus ut ordinarii consules, si sub alterius potestate degant, una cum dicto, quod hunc dignitatis gradum ipsis largitur, ad suæ potestatis arbitrium deferantur. Insuper ut his quoque qui consularibus codicillis a majestate honestantur imperatoria, siquidem sub manu patrum constituti sunt, codicillus emancipationis loco sit. Porro et si quem cuicumque harum administrationum, quibus gloriosissimi præfecti sacrorum nostrorum prætoriorum præsumt, præfecerimus, aut ad urbicariam præfecturam utriusque Romæ produxerimus, magisterium

ve aliquod militum, ut hi quoque protinus suæ potestatis efficiantur. Nam ut is qui tot hominibus præiturus est imperio, totque hominibus daturus est mandata, sub alterius etiamnum potestate maneat, neque inter patres familiarum censeatur, legibus simul et sedibus nostris indignum duximus. Sane in genere (prout dictum est) sancimus ut quæcunque dignitas, quicunque magistratus, qui a curia liberandi potestatem habet, is et suæ potestatis jus in præmium ipso honoratis præbeat. Hoc certe patres quoque venerabiliores reddit, cum talium patres sint qui ita ab imperatoria majestate afficiuntur honoribus. Neque enim tantopere horum nomine precibus majestatem fatigassent imperatoriam, nisi conjunctis studiis una cum filiis id contendissent. Unde sive hoc tempore aliquis filius familias hisce honoribus aut magistratibus fruitur, quos ante enumeravimus, sive etiam postea fruiturus est, consequitur omnes hosce potestatis suæ jus, quod illis et peculium largiatur, et plenam arbitrii libertatem tribuat, ut ethonore, et imperiali de ipsis judicio digna faciant. Ita enim patribus majori ea res laudi erit, et magnam eis lætitiæ ansam præbebit.

Sed et illud insuper lege statuimus, ne istiusmodi suæ potestatis jura consimilia largiantur, atque alia quæ per emancipationes proveniunt; sed imperatoria majestas per hujusmodi suæ potestatis jura eximium quoddam munus præbeat. Neque enim volumus ut qui eo modo pater familias factus est, aut sit, aliquid legitimi juris amittat, sed tam familiæ ad ipsos quam ipsis ad familiam legitima simul et naturalia jura intacta sunt; et filii eorum post avorum mortem in ipsorum potestatem recidunt haud aliter quam si horum patres morte suorum parentum, non autem ex præsentī forte lege patres familiarum facti essent, et merito filios suos post mortem suorum parentum in potestate haberent, ut in nullo ea quæ a majestate proveniunt imperatoria, aliquid ipsis videantur adimere, cum quidquid sive a Deo, sive a majestate imperatoria Deum imitante hominibus accedit, bonum sit, et deceat esse mansurum, et omnis malitiæ et diminutionis extraneum. Palam vero est neminem existere qui ignoret præ omnibus utique religiosissimis etiam episcopis una cum ordinatione suæ potestatis jus accedere. Nam qui omnium spirituales patres sunt, quomodo aliorum adhuc potestati subditi sint? Sed convenit ipsos quoque tali honore perfrui, atque hunc ex legislatione hac nostra fructum percipere. Quæ igitur nobis ad reverentiam honoremque vestrum, amplissimi patres, placuerunt, ea in perpetuum volumus, tum ad ornatum vestrum, tum ad largitatem nostram, quam patribus nostris, consulibus et sacerdotibus contulimus, demonstrandam, nostræ decus addere reipublicæ. Dat. xv K. April., Const., imp. d. n. Justin. PP. Aug., Arione v. c. cons.

NOVELLA LXXXIII.

Ut clerici apud proprios episcopos primum conveniantur, et post hoc apud civiles judices.

Idem Augustus Joanni gloriosissimo per Orientem prætoriorum præfecto, iterum exconsule ordinario et patricio.

Plurimas sacras scribentes leges, et de Deo amabilibus episcopis, et reliquo omni sacerdotio, nec non de reverendissimis monachis et nuper hoc agentes, in quibus volumus reverendissimos monachos apud solos civitatis episcopos, sub quibus sunt monasteria, conventiones suscipere petiti sumus a Menna Deo amabili archiepiscopo hujus felicissimæ civitatis, et universali patriarcha, reverendissimis clericis hoc dare privilegium, ut si quis habet adversus eos quemlibet pecuniariam causam, prius ad Deo amabilem archiepiscopum pergat, sub quo constitutus est, et interpellet eum, et ex non scripto iudicium mereatur. Et si hoc fiat, ne eum inquietet, nec trahat ad auditoria civilia, neque a sacro eum vacare faciat ministerio, sed ex non scripto examinetur negotium sine damnis, et accipiat formam forsitan etiam scriptam, si hoc quoque partes voluerint, et poposcerint, et liberentur mutuo certamine. Si vero aut propter causæ naturam, aut propter quamdam forte difficultatem non fuerit possibile Deo amabili episcopo decidere negotium, tunc licentiam esse et ad civiles judices pergere, et privilegiis omnibus custoditis, quæ reverendissimis clericis sacræ præstent constitutiones, et litigare, et examinationem fieri, et terminum imponi liti, et ita liberam fieri causam, clarissimis iudicibus secundum nostras constitutiones, vel leges studentibus, cum magnanimitate et velociter lites decidere, ut non propter hujusmodi causas sacris amoveantur obsequiis; et cum oporteat Deum placari, et decencia a sacerdotibus agi, auditoriis et illorum turbis detineantur, atque tumultu litigantium inhærentes noceant animabus. Si tamen de criminibus conveniantur, siquidem civilibus, hic quidem competentes judices, in provinciis autem earum præsides sint judices: non transcendente lite mensium duorum spatium, ex quo litis contestatio fit, quatenus brevis imponatur causæ terminus. Illud palam est, si reum esse provinciæ præses putaverit eum qui convenitur, et pœna iudicaverit dignum, prius hunc spoliari a Deo amabili episcopo sacerdotali dignitate, et ita sub legum fieri manu. Si vero ecclesiasticum sit delictum, egens castigatione ecclesiastica et multa, Deo amabilis episcopus hoc discernat, nihil communicantibus clarissimis provinciæ iudicibus. Neque enim volumus talia negotia omnino scire civiles judices, cum oportet talia ecclesiastice examinari, et emendari animas delinquentium per ecclesiasticam multam secundum sacras et divinas regulas, quas etiam nostræ sequi non dedignantur leges. Si vero quædam prius contestatæ sunt lites, hæc maneant in ipso schemate, velocem accipientes finem, omnibus quæ jam a

nobis sancita sunt, sive super sanctissimis ecclesiis, sive super Deo amabilibus episcopis, sive super clericis, sive super monachis propriam virtutem habentibus.

Tua igitur eminentia quæ placuerunt nobis, et per hanc sacram declarata sunt legem, per programmata propria manifesta faciat universis, et in perpetuum studeat custodiri. Dat. xv Kal. April., Constantinop., imp. d. n. Justin. PP. Aug., Arione v. c. cons.

NOVELLA LXXXVI.

IMPERATORIS JUSTINIANI AUGUSTI EDICTUM.

Ut præsides, qui interpellantis allegata audire differunt, compellantur id facere ab episcopis. Et ut si quis præsidem suspectum habet, in cognitionem litis adhibeat societque etiam civitatis episcopum. Item ut qui a præside offensionem patiuntur et injuriam, adeant ea de re episcopum. Deque alia cautela, quæ ab episcopis omnino corroborari, fieri vero debet a præsidibus.

Ex quo Deus nos Romanorum præfecit imperio, semper summo elaboramus studio, ut omnia quæ ad subditorum a Deo nobis concredita reipublicæ utilitatem tendunt agamus, agamusque illa quæ omni eos difficultate, læsione et attritione liberent, ne quando per causam litium et alia hujusmodi e sua cogantur proficisci patria, et in peregrino solo miseriis affici. Eapropter et in præsentia visum nobis est præsens edictum in universam imperii nostri ditionem emitte, et omnium civitatum ac pagorum incolis clarum facere: nempe si quis cum altero habeat controversiam, sive de pecuniaria causa, sive quod res illi mobiles abreptæ sint, vel immobiles, vel seipsas moventes, sive de criminalibus, ut prius ea de re clarissimum provinciæ præsidem adeat, quo magis et his quæ in litem referuntur, secundum leges nostras examinationem interponat, et cuique jus suum reservet. Si vero aliquis cum provinciæ præsidem adiisset, jus suum non obtinuit, tunc jubemus ut ad religiosissimum ejus loci episcopum accedat, et is ad clarissimum provinciæ præsidem mittat, aut etiam per se ipse progrediatur, et procuret, quo modis omnibus adeuntem audiat, et juste eum liberet secundum nostras leges, ne cogatur peregre de sua proficisci patria.

Si vero etiam sanctissimo episcopo præsidem compellente, nihilominus præses secundum jus dirimere adeuntium negotia differat, aut disceptet quidem controversiam, non vero ejus se judicio permittentibus tueatur jus suum, præcipimus religiosissimo illius civitatis episcopo ut ei qui jus suum non obtinuit det ad nos litteras, quæ declarent quod impulsus ab ipso præses adeuntem audire, et quæ inter ipsum et alterum adversus quem accusationem habet controvertantur disceptare differat, ut nos, hisce cognitis, provinciæ præsidi irrogemus supplicium, eo quod et ab injuria affecto aditus, et a religiosissimo episcopo ad id inclinatus, controversa non disceptaverit. Quod si usu veniat ut nostrorum subditorum aliquis præsidem suspectum habeat, jubemus ut religiosissimus episcopus una cum clarissimo provin-

ciæ præside audientiam accomodet, et utrique vel amicabili conciliatione controversa transigant, vel per annotationem scripto comprehensam, aut cognitionaliter disceptent ea de quibus inter litigatores contentio est, et causæ formam dent juri et legibus convenientem, ne per hujusmodi causam subditi nostri sua cogantur excedere patria. Cæterum si quis ratus qualemcumque se adversus aliquem habere actionem, neque clarissimum provinciæ præsidem adeat, neque alloquatur religiosissimum civitatis episcopum, atque ita progrediatur huc sine litteris religiosissimi episcopi, certus esto easdem se penas subiturum quas sustinuisset præses, si ab ipso aditus, jus illi suum tueri non studuisset. Hæc autem omnia sancire visum est propter eorum utilitatem qui

urbes et pagos incolunt, ne si patrias suas deserant, et ipsi in peregrino solo affligantur, et interim res eorum familiaris pessum eat. Propterea enim magistratus gratis constituimus, et jusjurandum insuper ipsos subire jubemus, ut unicuique ipsos adeunti, id quod justum est, secundum leges nostras tueantur. Porro si contingat subditorum nostrorum aliquem a clarissimo provinciæ præside injuria affici, jubemus ut religiosissimæ civitatis illius episcopum adeat, qui inter clarissimum præsidem interque eum qui sibi ab ipso illatam putat injuriam disceptet. Ac siquidem contingat præsidem a religiosissimo episcopo legitime aut juste condemnari, omni modo ei qui de injuria ipsum postulavit, satisfaciat. Si id facere præses recuset, eaque causa ad nos perveniat, siquidem invenimus juste ipsum secundum leges nostras a religiosissimo episcopo condemnatum judicata non fecisse, ultimo hunc supplicio subdi jubebimus, propter ea quod cum alios injuria oppressos vindicare et defendere debuisset, ipse injuria oppressisse deprehensus sit. Obtemperantem quoque illi cohortem, et quicumque clarissimis præsidibus in ministerio sunt, jubemus ut horum lites qui illum adeunt dirimi faciant, nihil accipientes ultra ea quæ nostris continentur constitutionibus. Si vero hæc non custodiant, subdi jubemus suppliciis.

Certe si quem religiosissimorum episcoporum deprehenderimus, in gratiam alicujus, contemnere id quod facere justum est, canonicam illi castigationem inferri jubemus, quo magis cum timore Dei juste judicare studeant, ne si jus suum homines non obtineant, cogantur deserere suas urbes, provincias ac sedes et huc currere. In quibus vero civitatibus præsides præsto non sunt, jubemus, ut qui aliquid controversiæ habent, hi adeant defensorem, et is disceptet quæ inter ipsos controvertuntur. Quod si qui cum litem habent, non defensorem, sed religiosissimum judicare velint episcopum, jubemus et hoc fieri.

Sed neque monachum, neque clericum, neque episcopum jubemus huc accedere sine religiosissimi patriarchæ sui litteris, aut certi sunt quod religionis habitu se indignos facient. Præterea si quis magisterianus, aut præfectianus, aut cujuscunque tandem

fortunæ, ampliores sportulas quam sacris nostris definitæ sunt constitutionibus acceperit, jubemus ut præses provinciæ suo periculo secundum legem nostram modis omnibus hoc vindicet, et castigationem his qui talia præsumpserint inferat. Si præses non vindicaverit, licentiam damus religiosissimo illius civitatis episcopo, certiores nos de his reddere, et qualem præterea militiam aut dignitatem habeat is qui hæc præsumpsit, adjicere, ut et præsidii periculum irrogemus, qui hæc concesserit, et jussionem nostram despexerit, et ipsum qui talia præsumpserit jubeamus affici supplicio.

NOVELLA CIX.

De mulieribus fide hæreticis.

Imperator Justinianus Augustus Joanni gloriosissimo Orientalium prætoriorum præfecto, iterum exconsule ordinario et patricio.

Unicum nobis auxilium per omne administratæ reipublicæ gestique a nobis imperii tempus, spem in Deum esse confidimus: scientes quod hoc nobis ipsius etiam animæ salutem præbeat. Unde convenit ut et legislationes nostras exinde pendeant, et eo respiciant, et hoc eorum principium simul, et medium, atque finis sit.

Omnes igitur noverunt quod qui ante nos imperium rexerunt, et maxime Leo piæ memoriæ, et sacratissimus princeps Justinus pater noster, in constitutionibus suis in universum omnibus hæreticis interdixerint, ne quam ipsi vel militiam capesserent, vel in publicis sollicitudinibus ullam communionem haberent: quominus occasione tum militiarum, tum tractatione insuper publicorum negotiorum, sanctæ catholicæ et apostolicæ Dei Ecclesiæ partes viderentur corrumpere. Et nos quoque hoc ipsum fecimus, hisce per constituta nostra corroboratis. Hæreticos autem illi dixerunt, et nos dicimus, quicumque diversarum sectarum sunt. Quibus connectimus et connumeramus eos quoque qui Judaicam Nestorii sequuntur vesaniam, et Eutychanistas, et Acephalos, et qui perversa Dioscori et Severi opinione laborant, qui Manichæorum et Apollinaris impietatem renovarunt; et insuper quicumque membrum sanctæ Dei catholicæ et apostolicæ Ecclesiæ non sunt, in qua et omnes sanctissimi totius habitati orbis patriarchæ, tam Romæ occidentalis quam hujus regiæ urbis, et Alexandria, et Theopolis, et Hierosolymorum, et omnes sub iis constituti religiosissimi episcopi, uno ore apostolicam fidem et traditionem prædicant. Qui igitur incontaminata communione in catholica ecclesia cum Dei amantissimis hujus sacerdotibus non participant, optimo jure vocamus hæreticos. Tametsi enim Christianorum sibi nomen imponunt, eo tamen ipso quod a vera Christianorum fide pariter et communione seipsos separant, Dei se judicio subdi cognoscunt. Ac leges quidem quæ de hæreticis promulgatæ sunt, omnibus manifeste existunt. Nos vero cum eos qui orthodoxam exosculantur fidem, et mordicus eam retinere conantur, amplius privilegium habere velimus, quam eos qui seip-

nos ab ovili Dei segregant, quando quidem justum non est ut æqualibus privilegiis hæreticos dignemur cum orthodoxis, eapropter et ad præsentem legem respeximus. Ex quo enim prærogativam mulieribus dedimus in dotibus quidem, ut antiquioribus creditoribus præferantur, et meliore loco sint, quanquam tempore vincantur; in donationibus vero propter nuptias, ut pro ratione temporum quibus factæ sint hypothecarum jus habeant; omnibus in præsentia per hanc sacram legem nostram notum facimus quod et hanc prærogativam, et tacitas hypothecas, et omnia alia quæ mulieribus in diversis privilegiis a nostris concessa sunt legibus, his solis præbemus, ut ex his fructum capiant, illorumque utantur beneficiis, quæ diligentiam adhibent, quo magis rectam et adorandam fidem nostram (nempe catholicæ et apostolicæ Ecclesiæ) retineant, et participant salutari in ea communione. Quæ enim a sancta catholica et apostolica Dei Ecclesia seipsas separant neque incontaminata in ea communione cum Dei amantissimis hujus sacerdotibus participare sustinent, eas ne utique volumus hujusmodi privilegiis perfrui. Nam si a Dei se muneribus separant, et a sancta et incontaminata se communione alienas faciunt, multo magis neque nos concesserimus ut privilegiis dignæ habeantur, atque ex legum nostrarum applausu ac favore fructum percipiant. Quin potius beneficia e legibus profecta penitus ipsis inaccessa sunt, et omni privilegio a constitutionibus nostris ipsis concesso privabuntur. Licebit autem eis, ubi meliorem sententiam amplexæ, et rectam veramque fidem exosculatæ, neque non mordicus usquequaque eam retinere conatæ fuerint, istiusmodi muneribus et privilegiis perfrui. His per universam imperii nostri ditionem obtinentibus et observandis principaliter quidem a Dei amantissimis sacerdotibus, deinde vero et a nostris magistratibus et iudicibus, sive majores, sive minores existant, et insuper ab excellentia tua, ad quam et præsentem legem proferimus. Unde conveniens est ut iudices apud quos vel contra mulieres, vel a mulieribus quædam sibi privilegia vindicare volentibus, aliquæ moventur lites, ad præsentis legis respiciant vigorem, et potentiam. Et si deprehenderint eas orthodoxæ fidei non esse, neque incontaminata et adoranda illa communione in sancta catholica et apostolica Ecclesia cum venerandissimis hujus sacerdotibus participare, non concedant hisce ut privilegiis e nostris constitutionibus profectis perfruantur.

Quæ igitur nobis placuerunt, et per hanc sacram declarantur legem, ea cognoscens excellentia tua, simul curæ habeto, ut in movendis apud ipsam litibus observet, et effectui ac fini tradat, simul per solita edicta et proprias jussiones omnibus manifesta facto, tam in alma hac urbe, quam in provinciis, ut omnes cognoscant quantum nobis curæ sit, tum vera in Dominum Christum verum Deum fides, tum subditorum nostrorum salus. Dat. 11 Kalend. Maii, Constant., d. n. Just. P. P. Aug., Basil. v. c. cons.

NOVELLA CXI.

De tempore actionum quæ sacris locis competunt.

Imperator Justinianus Augustus Theodoto Orientalium prætoriorum præfecto.

Quod medicamenta morbis, hoc exhibent jura negotiis. Unde consequitur ut nonnunquam a judicio discordet effectus, et quod credebat conjectura prodesset, experimento inveniatur inutile. Probat igitur hoc præsentis etiam necessitas sanctionis, in qua privilegium ex religioso proposito sacrosanctis ecclesiis Dei et monasteriis, aliisque religiosis locis, constitutione nostra nuper indultum, necessaria correctione distinguimus. Dudum si quidem jusseramus ad centum illis annos exceptionis propagari curricula per cujus licentiam sanctionis negotia quidem multa commota sunt, et velut antiquorum vulnerum obductæ patuerunt iterum cicatrices. Sed eorum sanitas provenire non potuit, probationum scilicet difficultatibus impedita, quoniam per tantum sæculi magis quam temporis spatium, nec documentis integritas, nec actis fides, nec ætas valet testibus suffragari. Verum quia largitati nostræ causarum non occurrit angustia, cum ratione simul ac religione tractantes prædictum privilegium usque ad possibilem modum deducere, experimento retraximus. Et jubemus in negotiis quæ ante hac triginta annorum removebat exceptio, nunc venerabilibus ecclesiis, monasteriis, et xenodochiis, necnon orphanotrophiis, et brephotrophiis, et ptochiis quadraginta annorum protelatio conferatur, salva scilicet circa alias personas et causas virtute quam semper tricennalis sibi præscriptio vindicabat, quoniam hanc decem annorum adjectionem solis (ut dictum est) religiosis locis, eorumque juri, vel contractibus indulgemus, ut sopitæ hoc temporis spatio tam personales quam hypothecariæ actiones in perpetuum conquiescant, nihil penitus aliis exceptionibus derogantes, sed tam in aliis quam triennio vim roburque tenentibus. In illis namque (ut dictum est) tantum negotiis religiosos contractus memorato quadraginta annorum privilegio volumus perfrui, in quibus eis centum annorum prærogativam constitutio nostra contulerat. Si quas plane causas ante hanc nostram constitutionem ab ecclesiis cæterisque sacris locis ubicunque commotas, judicialis sententia aut transactionum conventio terminavit, nolumus refricari, red in reliquum illis hanc objici sanctionem, quas antehas sopitas octo lustrorum silentio moveri hactenus aut motas terminari non contigit. Illustri igitur et magnifica auctoritas tua, quæ per hanc generalem legem nostra statuit æternitas, edictis propositis ad omnium notitiam faciat pervenire. Dat. Kalen. Junii, Constantinop. imperii, d. n. Justiniani A. PP. anno 15, Basilio v. c. cos.

NOVELLA CXX.

De alienatione et emphyteusi rerum ecclesiasticarum.

Imperator Justinianus Augustus Petro gloriosissimo Orientalium prætoriorum præfecto.

Cum multæ diversæque leges de alienationibus, et

A emphyteusibus, et locationibus, et reliqua rerum ecclesiasticarum administratione promulgatæ sint, visum nobis est omnia præsentem complecti lege. Sancimus igitur ut qui sacrosanctæ in urbe regia majoris ecclesiæ, aut orphanotrophii, aut xenodochii, aut ptotchotrophii, aut nosocomii, aut alterius venerabilis domus in regia civitate, aut ejus territorio constitutæ (exceptis venerabilibus monasteriis) res gubernant, hi nullam licentiam habeant vendere aut donare, aut permutare, aut remunerandæ donationis gratia dare, aut quacunque alia forma alienare vel rem immobilem, vel civilem annonum, vel rusticum mancipium, nisi cum imperiali domo instituat permutatio, et quidem solum. Sed neque colonario jure dari aliquid permittimus. Emphyteuses vero a prædicta sacrosancta regiæ urbis majore ecclesia et memoratis venerabilibus domibus celebrari jubemus, tum in persona ejus qui accepit, tum in aliis duobus ordine hæredibus, ut tamen ultra sextam partem subsistentis canonis nihil ei qui emphyteusim suscipit indulgeatur. De suburbanis autem quæ ad sacrosanctam majorem ecclesiam et prædictas venerabiles domos in urbe regia vel ejus territorio constitutas pertinent, jubemus ut siquidem suburbana integrum et solidum canonem habeant in reditu, ab his qui ea ipsa venerabilia loca gubernant, dentur prædicto modo in emphyteusim, tam suscipienti, quam aliis duabus successioneibus, neque aliqua in re fiat relevatio, sed potius augmentum. Si ea suburbana aliquem omnino redditum non habeant, licentiam præbemus venerabilium locorum dispensatoribus sub certa quantitate (uti prædictum est) dare ea in emphyteusim. Porro si quamlibet rem ab aliquo prædictorum venerabilium locorum emphyteutico jure dari, vel ad domum imperialem, aut sacrum nostrum ærarium, aut civitatem aliquam, aut curiam, aut aliam quamcunque venerabilem domum pervenire contigerit, licentiam præbemus venerabilium locorum dispensatoribus, a quibus initio celebrata fuit emphyteusis, quando ad unam aliquam prædictarum personarum hujusmodi pervenit emphyteusis, ut suam declarent sententiam intra biennium, velintne apud illos eam rem relinquere, ad quos pervenit, et annum redditum qui pacto comprehensus est auferre, an resoluta emphyteusi, hanc recipere, si expediens hoc ipsis esse putaverint. Si qua vero loca sunt, vel ad sacrosanctam majorem ecclesiam, vel ad aliquam prædictarum venerabilium domuum pertinentia, in quibus antiquæ domus collapsæ existant, ex quibus nullus omnino redditus præbeatur, memoratæ autem venerabiles domus, ad quas hæc loca pertinent, exædificare eas nequeant, licentiam damus ut harum curatores ea loca perpetuo jure emphyteuseos tradant. Ita tamen, ut emphyteusis aut in tertia parte pensionum, quæ ex ædibus adhuc stantibus colligebantur, ex primordiis emphyteutici temporis procedat; aut si emphyteuta ea conditione loca accipere maluerit, ut prius ædificet, et dimidiam pensionum partem quæ exinde æstimatione inita accedunt, præ-

stet ei venerabili domui a qua ea ipsa loca suscipit, et hoc fieri concedimus. Utatur autem istiusmodi emphyteuta ex dirutis etiam ædibus illic inventis materiebus ac ruderibus. Cæterum si quis voluerit quancunque rem immobilem usus nomine a sacrosanctæ regię urbis majore ecclesia, aut una memoratarum venerabilium domuum accipere, non aliter hanc percipito nisi protinus alteram rem venerabili domui a qua eam rem suscipit, jure domini præbuerit, quæ et tantumdem redditus habeat, quantum habet res quæ illi datur, neque majoribus publicis prægravata sit præstationibus, ita ut post mortem, aut illud tempus in quod usus datio pacto convenit, quod tamen accipientis vitam non transcendat, utraque res in solidum, tam proprietate, quam usufructu ad eam venerabilem domum perveniat. Locationes quoque ab iisdem venerabilibus domibus contrahi concedimus, ad quocunque annos contrahentibus placuerit, qui tamen triginta annorum spatium non transcendant. Quod si usu veniat ut aliqua prædictarum venerabilium locorum nomine publicarum contributionum, aut ob quamlibet aliam venerabili domui incidentem necessitatem indigeat pecuniis, licitum esto hujus dispensatoribus immobilem rem obligare, et in speciale pignus dare, ut creditor ipsam rem possideat, et inde fructus colligat, eosque sibi tam in ipsam creditam pecuniam reputet, quam etiam in usuras non ampliores quadrantibus legitimæ centesimæ. Si vero res alienum ejus venerabilis domus antistes dissolverint, aut creditori satisfactum sit ex fructibus, recurrito ea res denuo ad venerabilem domum unde et data fuit. Verum enim vero emphyteuses, et hypothecas, et quinquennium excedentes locationes contrahi volumus, a sacrosancta quidem regię urbis majore ecclesia, sententia et consensu beatissimi hujus archiepiscopi et patriarchæ, jurantibus ipso præsentē et chartulariis, et Dei amantissimis ejus sacrosanctæ majoris ecclesiæ œconomis, quos is contractus non ad fraudem et circumscriptionem ejus jurium fiat. In aliis autem venerabilibus domibus siquidem chartularii sint, juranto et ipsi consimili modo præsentē venerabilis domus antistite. Si chartularii non sint, ipsi venerabilium domorum antistites propositis sacrosanctis Evangeliiis contractum celebrant, describentes in talia instrumenta cum jurejurando, quod contractus ad læsionem aut circumscriptionem venerabilis domus non fiat. Œconomis certe, et orphanotrophis, et reliquarum venerabilium domuum dispensatoribus, atque insuper omnium chartulariis, et horum parentibus simul et liberis, et aliis vel genere ipsis, vel jure affinitatis conjunctis, interdicimus ne emphyteuses, aut locationes, aut hypothecas rerum iisdem venerabilibus domibus competentium, vel per se, vel per interpositam personam percipiant: scituris ipsis quod si quid ejus generis factum sit, non solum hoc invalidum erit, sed etiam universum patrimonium ipsorum, tam accipientium quam œconomorum, et chartulariorum, et dispensatorum, quibus hi prædicto modo

conjuncti sunt, post ipsorum mortem ad venerabilem domum unde rem susceperunt, pervenire jubemus. Atque hæc quidem de sacrosancta majore ecclesia, et prædictis venerabilibus domibus in regia urbe et ejus territorio consistentibus disposuimus. Consequenter autem et in aliis sacrosanctis ecclesiis, et monasteriis, et xenonibus, et nosocomiis, ac reliquis venerabilibus domibus in omnibus provinciis nostræ reipublicæ positis, neque non etiam monasteriis tam in urbe regia quam territorio ejus consistentibus definire nobis visum est. Licentiam igitur præbemus prædictis venerabilibus domibus, non solum ut rerum immobilium ad se pertinentium temporariam emphyteusim contrahant, sed etiam ut in perpetuum eas jure emphyteutico tradant volentibus. Et quidem si sacrosanctæ sint ecclesiæ, aut aliæ venerabiles domus, quarum gubernationem locorum episcopus vel per se, vel per venerabilem ejus clerum exsequatur, sententia ac consensu ejus hujusmodi contractus perficitur, jurantibus præsentē eo œconomis et dispensatoribus, et chartulariis venerabilis ejus cleri, quod ex ea emphyteusi nihil damni venerabili inferatur domui. Quod si ptochia, aut xenones, aut nosocomia, aut aliæ venerabiles domus sint, quæ propriam gubernationem habeant, siquidem sancta ibi contingat esse oratoria, sententia majoris partis clericorum illic ministrantium, neque non etiam locorum antistitum. Si solummodo xenon, aut ptochium, aut nosocomium, aut alia venerabilis domus sit, antistes locorum contractum celebrato, jurantibus earum venerabilium domorum dispensatoribus in præsentia Dei amantissimi episcopi, a quo vel promoventur, vel ordinantur, quod nihil in eo contractu ad læsionem aut circumscriptionem earum venerabilium domuum fiat. In venerabilibus autem monasteriis præsules eorum cum majore parte monachorum illic ministeria obeuntium contractum perficiunt. Atque in prædictis sane omnibus jubemus ut cum jurejurando describatur in instrumento quod non ad læsionem aut circumscriptionem venerabilium domuum negotium conficiatur, et ea observatione sic procedente, relevatio non ultra sextam redditus partem fiat, quem res in emphyteusim data habet.

Quæ vero de collapsis ædibus ad venerabiles domus in hac regia urbe positas pertinentibus superius disposuimus, ea et illic in venerabilibus domibus obtinere volumus. Sed et hoc de venerabilibus dominis disponere nobis visum est, ut si quæ ex ipsis, sive pro tributis publicis, sive ex alia necessaria ei domui causa, debitis reddantur obnoxie, neque fieri possit ut ex mobilibus rebus ea debita dissolvantur, primo quidem loco creditori res immobilis in speciale pignus dator, ut collectis ejus fructibus, reputet eos sibi partim in ipsam creditam pecuniam, partim in usuras non majores quadrantibus legitimæ centesimæ. Si eo modo debitum dissolvere nequeant, jubemus ut ab his quidem qui a sanctissimis ordinantur patriarchis, sive metropolitani, sive episcopi, sive archimandritæ fuerint, sive orphanotrophi

sive ptochotrophi, sive xenodochi, aut nosocomi, aut aliarum venerabilium domuum dispensatores, apud ipsos sanctissimos patriarchas, a quibus ordinantur aut promoventur, actorum monumenta conficiantur, et cum jurejurando dispensatorum et consensu majoris partis eorum qui in his obeunt ministeria debitum insinuetur, quodque ex re mobili ad ipsum dissolvi nequeat. Hi vero, qui a metropolitanis episcopis ordinantur, sive episcopi sunt, sive archimandritæ, sive orphanotrophi, sive ptochotrophi, aut aliarum venerabilium domuum dispensatores, consimiliter apud ipsos metropolitanos episcopos hujusmodi monumenta conscribunt. Apud eos item episcopos, qui vel a patriarchis, vel metropolitanis episcopis ordinantur, et habent sub jurisdictione sua aut monasteria, aut ptochia, aut xenonas, aut nosocomia aut alias venerabiles domos, consimili modo monumenta conficiuntur. Ita tamen, ut sive apud patriarchas, sive apud metropolitanos, sive apud alios episcopos id genus monumenta conficiantur, nullum pro iis dispendium aut sumptum venerabiles domus sustineant. Propterea enim nolumus ut de cætero apud provinciarum præsides, aut locorum defensores a memoratis personis seu domibus ejusmodi monumenta conficiantur, ne quod exinde sustineant dispendium. Simul atque vero hæc ita apud memoratos sanctissimos patriarchas, et metropolitanos, aut alios episcopos secuta fuerint, tunc prædicti ære alieno oppressæ venerabilis domus dispensatores per viginti dies scriptum aliquod in publico civitatis loco proponunt, et eo modo rem immobilem emere volentes provocant, ut qui plus præbiturus est, is cæteris præferatur. Quæ si omnia ita processerint, celebrator venditio, pretio rei omnibus modis pro ære alieno dando, ut emptor non aliter eam rem firmiter tenere possit, nisi pretium pro ipso solvatur debito, et hoc expresse cum jurejurando in syngrapham emptionis describatur, quodque nihil ad læsionem aut circumscriptionem venerabilis domus fiat. Si prædicto modo ejus rei venditor non fuerit inventus, jubemus ut cui ab aliqua prædictarum domuum debetur, is eo jure, quod pro soluto dicitur, hanc ipsam possessionem capiat, justa et exquisita æstimatione inita, addita item pretio decima parte totius æstimationis ad eandem quantitatem: capiatque rem creditor pro soluto, firmo eam domino possessurus. Ita tamen, ut dispensatores debito oppressæ venerabilis domus, et major pars in ea ministrantium hujusmodi venditionibus consentiant. Quæ vero immobilis res in hoc traditur, ea non ad optionem creditoris, sed æquabili mediocritate partim inter fertiles, partim inter steriles venerabilis domus possessiones, et harum redditus, neque non tributorum, et reliqui status ac qualitatis detur. At si quis episcopus, aut æconomus, aut dispensator cujuscunque venerabilis domus, sive in regia urbe, sive in provinciis positæ, pecunias mutuo desumpserit, aut posthac desumet, jubemus ut neque ipsi venerabili hoc domui impu-

tent, nisi prius ostenderint quod in usus præfatæ venerabilis domus hæc processerint; neque creditor aut hæredes ejus aliquam pro iis contra venerabilem domum actionem habeant, nisi prius ostenderint quod in causas venerabili domui competentes hæc pecuniæ profecerint; sed actiones suas contra eum moveant qui pecunias mutuo sumpsit, aut heredes ejus.

Hoc quoque jubemus, ut excepta sacrosancta regię urbis majore ecclesia, et venerabili orphanotrophio, et xenonibus, et ptochiis in urbe regia aut territorio ejus existentibus, liceat omnibus sacrosanctis ecclesiis, et venerabilibus domibus, neque non etiam monasteriis, tam in urbe regia quam in diversis provinciis positis, permutationes inter se rerum facere, cum utrique venerabili domui conservatur indemnitas consentientibus in hunc contractum, sive interveniente scriptura, sive per confessiones apud sancta Dei eloquia propositas, non solum utriusque venerabilis domus dispensatoribus, sed etiam majore parte eorum qui ibi ministerium habent. Quæ vero a domo imperiali ad quamcumque venerabilem domum pervenerunt, aut posthac perventuræ sunt, eas nullo modo vendere, aut pignori opponere, aut permutare, aut omnino alienare concedimus, neque si venerabiles id domus inter se faciant. Quia vero cognovimus quod ab aliquibus monasteriorum quoque alienationes fiant in hoc, ut a sacrata forma ad privatam et profanam transferantur conversationem, et hoc omnibus modis prohibemus. Quod si tale aliquid factum inveniat, præbemus licentiam religiosissimo ejus loci episcopo ut id monasterium vindicet, et ad veterem formam reducat. Porro si qua prædictarum venerabilium domuum tum in regia urbe, tum in provinciis existentium, excepta sacrosancta regię urbis majore ecclesia, possessionem habeat multis præstationibus publicis gravatam, ex qua nullus redditus inferatur venerabili domui, licentiam præbemus ejus venerabilis domus dispensatoribus ut talem possessionem, quocunque velint moda, ad ejus venerabilis domus utilitatem alienent: monumentis videlicet et in hac alienatione apud eos conficiendis, a quibus hujusmodi locorum dispensatores promoventur, aut ordinantur; et ad sanctas Scripturas jurantibus, tam ejusmodi venerabilis domus antistitibus, quam majore parte eorum qui ibi ministeria obeunt, quod neque per prodicionem, neque ad gratiam, neque qualibet circumscriptione fiat alienatio, sed ut indemnitas ei venerabili domui conservetur. Atqui æconomis, et dispensatoribus, et chartulariis quorumcumque venerabilium domuum, neque non eorum parentibus, ac liberis, et aliis, qui genere, aut affinitatis jure illis conjuncti sunt, locationes, vel emphyteuses, vel emptiones, vel hypothecas rerum immobilium ad eas venerabiles domos pertinentium subire vel per se, vel per interpositam personam, quemadmodum et in iis qui in regia urbe sunt, iisdem poenis interdicimus.

Si quis vero colonus, aut emphyteuta ex rebus

vel ad sacrosanctam maiorem ecclesiam, vel aliam venerabilem domum ubicumque locorum nostræ reipublicæ positam pertinentibus aliquam, quam accepit, aut posthac acceperit, deteriorem fecerit, vel per biennium confessum et pacto conventum emphyteuticum, aut pensionarium canonem non intulerit, damus licentiam venerabili domui, a quo locatio aut emphyteusis celebrata fuit, ut tam præteriti temporis debita, et veterem statum ac qualitatem locatæ seu in emphyteusim datæ rei exigit, quam emphyteusi aut locatione depellat eum qui neque meliorationum nomine contra venerabiles domos actionem aliquam movere possit. Cæterum si depellere eum dispensatores harum nolint, exigi quidem ab eo præcipimus ea quæ ex conductione aut emphyteusi debere cognoscitur. Tantisper autem, dum præfinitum tempus exeat, datam sibi rem is obtineat, si pacto conventa præstet. At si diffugiat, licentiam præbemus earum venerabilium domuum antistitibus, ut venerabilibus domibus ex illius bonis indemnitate asserant, nequeunte eo ne hac quidem parte aliquid de meliorationibus proponere.

Sacrosanctis ecclesiis Odessi et Tomensis civitatum permittimus, ut res immobiles pro captivorum redemptione alienent, nisi ea conditione quæpiam ipsis possessiones datæ sunt, ne ullo pacto alienentur. Hoc quoque concedimus, ut sacrosancta Hierosolymorum Ecclesia licentiam habeat domos ad se pertinentes, et in ipsa sancta civitate positas vendere; sed non minore pretio quam quantum et ipsis pensionibus per quinquaginta annos possit colligi, ut ex harum pretio meliores redditus comparentur. Enimvero si qui cuicumque venerabili domui, sive in regia civitate, sive in provinciis positæ steriles possessiones donaverint, aut vendiderint, aut alio modo præstiterint, aut reliquerint, jubemus ut nulum pro iis rebus damnum venerabilis domus ad quam talis pervenit possessio sustineat, aut tributorum nomine, vel quacumque alia de causa prægravetur, sed omne id onus in eos qui dederunt hæredesve eorum devolvatur, cogendos recipere huiusmodi possessiones, et de patrimonio suo omne dispendium venerabili domui ex hac illi causa proveniens restituere. Sed et si huiusmodi dolus in ea re subsequatur, ut pro eo venerabili domui certa detur pecuniæ summa, jubemus ut et hanc sibi ea venerabilis domus lucro habeat. Steriles autem res ei qui dedit aut omni modo hæredibus ejus restituant. Ad hæc jubemus ut nulla sacrosanctis ecclesiis, aut aliis venerabilibus locis, tam in regia urbe quam in omnibus reipublicæ nostræ provinciis positis, necessitas inducatur ut steriles aut fertiles possessiones ubicumque locorum sitas emant, ne per hanc occasionem vel eas quas habent, obligare deprehendantur. Insuper si quis rem immobilem velit usus nomine ab aliqua prædictarum venerabilium domuum (quem admodum et superius de venerabilibus domibus in regia urbe positis disposuimus) capere, non aliter hanc capito, nisi protinus alteram rem venerabili domui a qua eam rem capit, jure dominii præbeat.

quæ et tantundem redditus habeat quantum res habet quæ ipsi datur, neque gravioribus præstationibus publicis gravata sit, ut post illius mortem, aut tempus ad quod datum usum durare placuit, non transcendens videlicet accipientis vitam, utraque res tam proprietate quam usufructu ad eandem venerabilem domum perveniat. Atque hæc quidem de immobilibus rebus præcepimus. De sacris vero vasis quæ ad eandem sacrosanctam regiæ urbis maiorem ecclesiam, aut ad alia oratoria ubicumque locorum nostræ reipublicæ posita pertinent, generaliter disponimus ut non aliter hæc vendantur, opponanturve pignori, quam pro captivorum redemptione. Sane si plura vasa in una aliqua memoratarum venerabilium domuum sint, quæ necessarium de se usum non præbeant, et usu veniat, ut ejusmodi venerabilis locus ære alieno gravetur, neque suppetant aliæ res mobiles, ex quibus æs alienum restitui debeat, licentiam eis damus ut confectis (sicut superius dictum est) actorum monumentis, quæ vasa supervacua inveniuntur, ea aut illis venerabilibus locis quæ his opus habent vendant, aut conflent, et similiter vendant, pretiumque eorum ad dissolvendum æs alienum conferant, ne res immobiles alienentur.

Si contra ea quæ præsentem a nobis lege interdicta sunt contractus aliquis in rebus mobilibus quæ ad unam aliquam prædictarum venerabilium domuum pertinent celebretur, non tantum sacrosanctæ ecclesiæ, aut venerabili domui ea res, in qua tale quid subsecutum est, cum medii temporis fructibus restituitur, sed etiam pretium, aut quod remunerandæ donationis, aut permutationis, aut alterius cujuscumque causæ nomine datum est, apud ipsam remanet. Quod si emphyteusis contra interdicta nostra peracta sit, jubemus ut et sacrosanctæ ecclesiæ aut venerabilibus locis ea res reddatur, et præterea emphyteuticum, secundum quod placitum est, præstetur, finiaturque pactum secundum virtutem emphyteuticalium instrumentorum. Si res ecclesiastica, aut alterius venerabilis domus donata sit, tam ipsa eidem sacrosanctæ majori ecclesiæ, aut aliis venerabilibus domibus cum medii temporis fructibus reddatur, quam etiam alterum tantum, quod æstimatione eam rem æquet. Si hæc contra pignus datum fuerit, creditor et debitum amittito, et eam rem venerabili domui restituito, tabellionibus qui contra hanc nostram legem talibus inservire instrumentis præsumpserint, perpetuo condemnandis exilio. Postremo si quid ante hanc legem secundum veteres constitutiones factum est, jubemus ut hoc omnibus modis suum robur obtineat. Omnia vero quæ contra veteres facta sunt leges, subverti sancimus; et res quæ contra earum tenorem datæ fuerunt, venerabilibus domibus restitui. De cætero autem omnia secundum præsentem fieri legem decernimus, vacantibus posthac omnibus aliis constitutionibus, quæ in huiusmodi casibus antea promulgatæ sunt. Quæ igitur per præsentem in perpetuum valituram legem nostra sanxit tranquillitas, ea studetis excellentia

tua insauicia et inconuulsa conservare, edictis consuetis et solemnibus locis per decem dies proponendis, nullis tamen jussionibus per hanc causam in provincias destinandis. Nos enim providebimus quomodo absque subditorum collatorumque læsione omnibus præsens nostra generalis constitutio insinuetur. Dat. vii Id. Maii, Constantinop., d. n. Just. PP. Aug., Basilio v. c. cons.

NOVELLA CXXIII.

De ecclesiasticis diversis capitulis.

Imperator Justinianus Augustus Petro gloriosissimo magistro sacrorum nostrorum officiorum.

De dispensatione, et privilegiis, aliisque diversis capitulis earum rerum quæ ad sacrosanctas ecclesias et alias venerabiles domos pertinent, nonnulla jam ad certam redeimus formam. In præsentia vero ea quæ religiosissimos concernunt episcopos, clericos, et monachos, in diversis pridem disposita constitutionibus, hac lege cum competente nobis correctione complecti visum est. Nam si leges civiles, quarum potestatem fidei nostræ Deus pro suo erga homines amore concredidit, per omnia firmas ac stabiles conservari ad subditorum securitatem studemus, quanto plus studii debemus circa sacrarum regularum et divinarum legum observationem reponere, quæ pro salute animarum nostrarum definitæ et constitutæ sunt? Qui enim sacros observant canones, hi Domini Dei potiuntur auxilio: et qui in hosce prævaricantur, ii seipsos condemnationi subjiciunt. Majori autem condemnationi obnoxii erunt religiosissimi episcopi, quorum fidei commissa est canonum inquisitio et custodia, si quid in his transgressum inultum reliquerint. Sacris sane canonibus non observatis, varias contra clericos, et monachos, ac nonnullos episcopos interpellationes suscepimus, quod secundum sacros canones vitam non instituunt. Alii etiam ne ipsas quidem sacræ oblationis et sacri baptismatis preces scire dicuntur. Dei itaque iudicium revolventes in animo, in unoquoque horum quæ renuntiata nobis sunt, quæstionem et correctionem canonice jussimus procedere. Nam si generales leges ea quæ perperam admittuntur a laicis non concedunt sine quæstione et vindicta relinqui, quomodo ea quæ a sanctis apostolis et patribus ad fidelium hominum salutem regulariter disposita sunt, despici sustineamus? Multos præterea ex hoc deprehendimus in peccata incidisse, quod synodi religiosissimorum sacerdotum secundum ea quæ a sanctis apostolis et sanctis Patribus præfinita sunt non celebrentur. Namque si id observatum fuisset, unusquisque reveritus subeundam a se in synodo redargutionem, studuisset utique et sacra ediscere ministeria, et honeste vivere, et condemnationi subiceretur sacrorum canonum. Sed et illud plerisque non parvam delinquendi occasionem præbuit, quod episcopi ac presbyteri, neque non diaconi, et reliqui clerici sine examinatione et de recta fide et vitæ honestate testimonio ordinentur. Nam si illi quibus negotium datum est orandi pro populo, indigni ministerio Dei inventi fuerint, quomodo pro populi delictis

A placare Deum poterunt? Quod vero ordinationes sacerdotum conveniat cum summa fieri diligentia, docet nos inter sanctos habitus Gregorius Theologus, sanctos apostolos et sacros secutus canones. Ita enim dicit in magno Apologetico: « Quis autem ad Pauli se regulas et præscripta dimetiens quæ de episcopis et presbyteris fecit, ut sobrii sint, modesti, non vinolenti, non percussores, instructi ad docendum, irreprehensibiles in omnibus, et nihil cum improbis habentes commercii, non deprehendat multum se ab hac regularum rectitudine discrepare? » Et rursus idem sic dicit: « Mundum prius esse oportet, deinde mundare; instructum sapientia, atque ita ad sapientiam instruere; lucem fieri, et illuminare; appropinquare Deo, et alios ad Deum adducere; sanctum esse, et sanctificare; deducere, sed cum manibus; dare consilium, sed cum prudentia. » Et rursus idem in sanctis habitus Gregorius de iisdem in eadem oratione hoc scribit: « Quis, obsecro, quasi figlina uno eodemque die fingat veri ministerii antistitem, qui cum aliis angelis stationes habeat, cum archangelis laudes Deo dicat, cum Christo sacerdotali fungatur munere? » Et per hæc quidem ostendit Theologus quales ad sacerdotium promoveri oporteat. De his vero qui indigne ordinantur, idem hæc dicit in eadem oratione: « Qui cum nihil antea in sacrum Dei alveare intulerint, nihil antea laboris ad id quod pulchrum est assequendum sustinuerint, simul discipuli et magistri pietatis designantur, et prius quam purgentur ipsi, purgant: heri sacrorum direptores, hodie sacerdotes; heri sacrilieni, hodie sacrorum principes: veterani malitia, tyrones pietate, beneficio humanæ gratiæ, non spiritus. » Quod autem eos qui alteram duxerunt uxorem sacri canones clericos esse prohibeant, in sanctis etiam habitus Basilius docens, ita inquit: « Eos qui nuptias iterarunt, canon exclusit ministerio. » Atque hæc quidem inter sanctos habitus Basilius. In tantum autem sancti Patres pro sacerdotio gesserunt curam, ut hi qui Niceæ conveniunt ita se habentem canonem ediderint: « Interdixit in universum magna synodus, ne cui vel episcopo, vel presbytero, vel diacono, vel qui omnino in clero constitutus sit, liceat ascititiam secum uxorem habere, præter matrem, aut amitam, materteramve, aut quæ solæ personæ suspicionem effugiunt. »

Sequentes igitur ea quæ sacris definita sunt canonibus, pragmaticam legem facimus, per quam sancimus ut quoties opus fuerit ordinare episcopum, coeant in unum clerici et primates civitatis, cui episcopus ordinandus est, et propositis Evangeliiis, de tribus personis decreta faciant; et quisque eorum juret per sacra eloquia, idque ipsis decretis inserant, quod neque per largitionem, neque promissionem, aut amicitiam aut gratiam, aut quamcunque aliam affectionem sed quod sciant ipsos rectæ et catholicæ fidei, ac honestæ vitæ, esse et supra tricesimum quintum ætatis annum, hoc elegerint; et quod neque uxorem, neque filios quempiam ipsorum habere sciant, aut concubinam, aut naturales liberos noverint ipsos habuisse, aut habere;

sed et si quis ipsorum prius uxorem habuerit, tamen eam solam, et neque viduam, neque sejunctam a viro, neque sacris canonibus interdictam habuerit; sed neque curiæ muneribus addictum, neque cohortalem esse aliquem ex his noverint qui decretis electus est: præterquam si curiæ muneribus addictus, aut cohortalis, non minus annis quindecim, monachicam in monasterio vitam extra omnem calumniam transegerit videlicet: observatione quæ prius a nobis dicta est, per facienda de ipsis decreta, et in his personis custodienda, ut ex tribus illis personis quæ decretis hoc modo eliguntur, melior ordinetur, electione et iudicio ejus qui ordinandi jus habet. Curialis vero vel officialis qui (sicut dictum est) quindecim annis in monasterio conversatus est, et ad episcopatum provocatus, liber a propria fortuna sit: ita tamen, ut liberatus a curia, quartam substantiæ suæ partem sibi retineat, reliquis ejus rebus secundum nostram legem curiæ et publico vindicandis. Damus autem licentiam decreta facientibus, si quempiam laicorum dignum memorata electione esse putant, ut hunc cum aliis duobus clericis aut monachis eligant, quo magis si laicus hoc modo ad episcopatum eligatur, non repente episcopus ordinetur; sed primo clericis non minus tribus mēnsibus connumeretur, et ita sanctas regulas et quotidianum ecclesiæ ministerium edoctus, episcopus ordinetur. Qui enim alios debet docere, post ordinationem ab aliis doceri non debet. Si vero (ut evenit) in quibusdam locis non inveniantur tres personæ ad talem electionem opportuna, liceat decreta facientibus in duabus et in una persona decretum facere, omnes tamen dicta a nobis habentes testimonia. Si vero qui debent episcopum eligere cito ipsa decreta intra menses sex id ipsum non faciant, tunc periculo propriæ animæ ille quem ordinare convenit episcopum ordinet, omnibus aliis quæ prædiximus observandis. Exigatur autem prius ab eo qui ordinandus est, per eum qui ordinat, libellus cum propria illius subscriptione, quæ rationem rectæ ejus fidei comprehendat. Pronuntiet autem is sacram etiam oblationem quæ in sancta sit communione, et cum cæteris precibus eas quoque quæ in sacro proferuntur baptisinate. Subeat insuper is qui ordinatur jusjurandum per sanctas Scripturas, quod neque per se, neque per aliam personam quidquam dederit, aut promiserit, aut postea daturus sit, vel ei qui ipsum ordinat, vel his, qui pro ipso decreta confecerunt, vel cuiquam alii omnium, conferendæ in ipsum ordinationis nomine. Si quis contra memoratam observationem episcopus ordinatus fuerit, tam ipse omnibus modis episcopatu ejiciatur, quam etiam is qui hæc contra ordinare præsumpserit, segregetur anno uno a sacro ministerio, et omnis ejus substantia, quæ quolibet tempore aut modo in ejus dominium deducta est, propter culpam, quam fecit, dominio ecclesiæ, cujus episcopus est, vindicetur. Cæterum si quis contra eum qui episcopus aut presbyter, aut diaconus, aut alius clericus, aut etiam præsul monasterii ordinandus est, accusationem aliquam instituat quacunque de causa, quæ possit secundum leges aut canones ejus

A impedire ordinationem, differtor hujusmodi ordinatio, et interponitor prius examinatio accusationis, præsentem etiam accusatorem, et ea quæ ab ipso in crimen delata sunt ad terminum usque persequente. Imo quāvis accusator se absentet, aut moras nectat, nihilominus sic quoque is qui ordinationem facturus est, intra menses tres, exactissimam ea de re quæstionem habeto. Et siquidem eum qui accusatione in crimen vocatus fuit, sive secundum sacros canones, sive secundum nostras leges obnoxium invenerit, prohibetor ordinatio. Si vero innoxius apparuerit, celebrator ordinatio, sive præsentem, sive absentem accusatorem. Accusator autem, sive præsentem non probaverit, sive institutam accusationem deseruerit, siquidem clericus sit, proprio gradu depellitor; si laicus, competentem coercionem sustinet. At si quis accusatum ante examinationem ordinaverit, tam qui ordinavit quam qui ordinatus est, uterque sacerdotio depellitor.

Præ omnibus autem illud custodiri sancimus, ut nemo per largitionem auri aut aliarum rerum ordinetur episcopus. Si quid tale delinquatur, tam qui dant quam qui accipiunt, et mediatores eorum, ipsi seipsos condemnationi secundum divinas Scripturas et sacros canones subiciunt. Ac propterea tam is qui dat quam qui accipit, et mediator existens, a sacerdotio aut clericali honore removetur. Quod vero per hanc causam datum fuerit, illi ecclesiæ vindicator cujus sacerdotium voluit redimere. Si mundanus sit, qui per hanc causam accipit, aut mediator in negotio factus est, datas res in duplum ab eo exigi jubemus, vindicandas scilicet ecclesiæ. Non solum autem quæ hoc modo data sunt vindicari præcipimus, sed etiam omnem cautionem pro hoc quocunque modo expositam, et pignorum ac fidejussoris obligationem, omnem denique aliam quācumque actionem vacare sancimus. Atque insuper qui promissionem acceptavit, non solum confessionem reddito, sed etiam alterum tantum quantum confessione continetur exigitor, quod ipsum dari debet ecclesiæ. Si quis tamen ex episcopis, sive ante ordinationem suam, sive post ordinationem, voluerit proprias res suas aut ex iis partem ecclesiæ cujus sacerdotium suscepit offerre, non solum id non prohibemus, et omni eum condemnatione ac pœna præsentis legis liberum esse sancimus, sed etiam omni laude dignum judicamus, quandoquidem id non emptio, sed oblatio est.

Pro consuetudinibus vero illa solum ab his qui episcopi ordinantur præberi concedimus, quæ ordine deinceps præsentem comprehenduntur lege. Jubemus igitur ut beatissimi quidem archiepiscopi et patriarchæ, hoc est senioris Romæ, Constantinopolis, Alexandriæ, Theopolis, et Hierosolymorum, si consuetudo habeat ut episcopis aut clericis in eorum ordinatione minus quam viginti libræ auri dentur, ea sola præbeant quæ consuetudo agnoscit. Si plus ante hanc præbebatur legem, ne quid ultra viginti libras auri præbeat. Metropolitani vero qui a synodo sua vel a beatissimis ordinantur patriarchis, neque non

omnes alii, qui aut a patriarchis, aut a metropolitanis ordinantur, si quidem ejus ecclesia qui ordinatur non minus in redditu habeat quam triginta libras auri, dent pro enthroniastico quidem solidos centum; notariis vero ordinantis et aliis qui illi in ministerio sunt, et ex more capiunt, solid. ccc. Si vero ecclesiæ redditus minus quidem in annum conferunt quam triginta libras auri, non minus autem libris decem, pro enthroniasticis quidem solid. cc; aliis autem omnibus qui ex more capiunt, solid. c. Sin minus quam decem, non minus autem quinque auri libris ecclesiæ redditus esse contingat, dent pro enthroniasticis quidem solid. l; omnibus autem aliis qui ex more capiunt, solid. lxxv. Si minus quam quinque, non minus autem tribus libris auri in redditu habeat, præbeant quidem pro enthroniasticis solid. xviii; omnibus autem aliis qui ex more capiunt, solid. xxiv. Si minus tribus, non minus autem duabus libris in quantitate reddituum ecclesiæ inveniatur, dent pro enthroniastico quidem, solid. xii; pro omni vero alia consuetudine, solid. vi. Episcopum enim ecclesiæ quæ minus in redditu habet quam duas auri libras neque pro enthroniasticis, neque pro quacunque alia consuetudine dare aliquid concedimus. Hæc autem quæ præberi disposuimus, primus presbyter ordinantis episcopi et archidiaconus suscipientes, inter eos qui ex more capiunt dividunt. Hæc igitur jubemus omnibus observari modis, ne per hujusmodi occasiones ecclesiæ prægraventur debitis, et sacerdotia fiant venalia. Certe si quis ultra quantitatem a nobis definitam, enthroniasticorum aut consuetudinum nomine, quocunque modo capere aliquid præsumpserit, jubemus ut quod amplius acceperit, id in triplum ex bonis ejus vindicetur ecclesiæ illius qui dedit. Atque hæc quidem de ordinatione episcoporum dicta sunt. Post ordinationem vero tam servili quam ascriptitia fortuna episcopos liberos esse jubemus, nisi decurio aut cohortalis præter prædictam observationem ordinatus sit. Ejusmodi enim remotos ab episcopatu, curiæ aut cohorti suæ restitui jubemus, ne qua ex tali fortuna sacerdotio oboriatur contumelia. Illos autem qui ante hanc nostram legem ex curiali fortuna ordinati inveniuntur episcopi, sancimus quidem ut hujusmodi fortuna liberi sint, sed legitimam partem ex bonis suis assignent curiæ et publico. Ita sane, ut nullum ecclesiastica jura detrimentum sustineant in rebus, quas post episcopatum insuper quæsitæ ad eorum ecclesiam pertinere disposuimus. Quod si contingat ut is qui ordinatur episcopus sub patris sui potestate sit, ex ipsa ordinatione sui juris esto.

Porro Dei amantissimos episcopos et monachos nulla lege tutores aut curatores cujuscunque personæ fieri concedimus. Presbyteros autem, et diaconos, et subdiaconos, si jure ac lege cognationis ad tutelam aut curam vocentur, ejusmodi munus suscipere concedimus, si tamen intra menses quatuor exinde numerandos ex quo vocati sunt, apud competentem judicem scripto declaraverint id se munus propria voluntate *uscepisse*. Et si (ut probabile est) eorum aliquis hoc

A fecerit, nullum ex hoc præjudicium circa aliam tutelam aut curam sustineto. Sed neque susceptorem, aut exactorem publicarum contributionum, aut conductorem vectigalium, vel alienarum possessionum, aut curatorem familiæ, aut dispensatorem, aut procuratorem litis, aut fidejussorem pro his causis esse episcopum, aut oeconomum, aut cujuscunque gradus alium clericum aut monachum, concedimus, sive suo, sive ecclesiæ, aut monasterii nomine id subeat, ne per hanc causam sacræ ædibus infligatur damnum, et divina impediatur ministeria. Cæterum si ecclesiis aut monasteriis aliquæ adjacere inveniuntur possessiones, velintque venerabilium domuum dispensatores in conductionem aut emphyteusim eas accipere, tunc si omnes clerici et monachi de hujusmodi causis, B aut in ipso instrumento, aut sub actorum confectione, et consentiant, et declarent, ad utilitatem venerabilium domuum hoc fieri, procedere et id genus conductionis seu emphyteuseos concedimus. Sed et ipsis sacrosanctis ecclesiis et reliquis venerabilibus domibus licentiam damus ut conductiones et emphyteuses inter se celebrent: consimiliter et clericis, ut suarum ecclesiarum possessiones conducant et gubernent, sententia tamen episcopi et œconomi concedimus, exceptis personis quas per alteram legem hoc facere prohibuimus. Si quis contra prædicta aliquid egerit, si quidem episcopus sit, omnes res ejus quæ ex quacunque causa aut persona, sive ante episcopatum, sive post episcopatum ad ipsum pervenerunt, ecclesiæ ejus vindicare sancimus. Si vero œconomi, aut alii C clerici sint, qui in hoc deliquerunt, pœna ab ipsis pecuniaria, quam episcopus eorum probaverit, exigitur, vindicanda ecclesiæ, quando et hi qui vectigalium aut cujuscunque possessionis conductionem, aut publicorum tributorum susceptionem profligationemve, aut curam familiæ illorum fidei crediderunt, aut pro memoratis causis fidejussores eos acceperunt, nullam contra ecclesiam, aut monasterium, aut res ejus, aut dispensatores, aut etiam contra eas personas quarum fidem secutæ sunt, aut facultates, aut fidejussores earum actionem habituri sint. Quin si quid publico damni obvenerit, illi qui publicarum contributionum aut vectigalium susceptionem, aut conductionem, aut profligationem memoratis personis crediderunt, D aut fidejussores eos susceperunt, hoc ipsum ex propria substantia restituere compelluntur.

Præterea nulli magistratum licebit Dei amantissimos episcopos cogere, ut perhibendi testimonii causa in ejus prodeant; sed judex mittito ad eos aliquod ex personis ipsi apparentibus, ut propositis sanctis Evangelii, prout sacerdotes decet, dicant quæ noverunt. Sed neque ut episcopus pro pecuniaria aliqua aut criminali causa ad civilem militaremve magistratum invitus perducatur, sistaturve sine imperiali jussione concedimus: sed magistratus qui hoc vel scripto vel sine scripto mandare præsumpserit, post cinguli detractorem viginti librarum auri penam persolvito, dandam ecclesiæ cujus episcopus perductus, aut sisti jussus est: consimiliter exsecutore quo-

que post cinguli detractorem tam tormentis subji-
ciendo, quam in exilium mittendo.

Interdicimus autem Dei amantissimis episcopis, ne proprias deserant ecclesias, et in alias proficiscantur provincias. Sed et si hujus agendi necessitas aliqua incidiat, non aliter, nisi cum litteris beatissimi eorum patriarchæ aut metropolitani, aut imperiali videlicet jussione hoc faciant: ita sane, ut ne illis quidem episcopis qui sub beatissimo archiepiscopo Constantinopolitano et patriarcha constituti sunt, sine ejus mandatu, aut nostra jussione ad regiam venire urbem liceat. Quod si eo modo episcopus quocunque loci peregrinetur, non amplius uno anno ecclesiam suam relinquit. Episcopi vero, qui ad regiam (ut dictum est) urbem accesserint, cujuscunque diœceses sint, ante omnia beatissimum archiepiscopum Constantinopolitanum et patriarcham adeunto, atque ita per ipsum ad nostram ingrediuntur tranquillitatem. Qui vero contra nostram dispositionem vel peregrinantur, aut ultra præfinitum anni tempus extra ecclesiam suam alibi commorantur, his primum quidem non subministrantur ab ecclesiæ suæ æconomis sumptus: deinde citantur sacerdotum litteris, sub quibus censentur, ut ad ecclesias suas revertantur. Si reverti differant, secundum sacros evocantur canones. Et nisi intra tempus a sacerdotibus præfinitum ad ecclesias suas revertantur, ipsi quidem ab episcopatu depelluntur, alii autem meliores in ipsorum locum ordinantur pro tenore præsentis legis. Eodem hoc obtenturo et in clericis, cujuscunque gradus fuerint seu ministerii. Quia vero quod a sacris dictum est canonibus de sanctissimorum episcoporum synodis, quæ per singulas celebrari debent provincias, hucusque observatum non est, maxime necessarium fuerit ad rectam id denuo viam reducere. Ac sancti quidem apostoli et Patres definierunt ut bis per singulos annos religiosissimorum sacerdotum seu episcoporum in quaque provincia celebrarentur synodi, et quæ suppullarent, examinerentur, potirenturque competenti correctione: hoc est altera quidem quarta feria sanctæ Pentecostes, altera vero in mense Septembri. Nos autem ex hujusmodi negligentia multos variis implicitos peccatis invenerimus, jubemus ut omnibus modis in quaque provincia per singulos annos, vel in mense Julio, vel Septembri, una synodus celebretur, coeantque in unum apud beatissimos quidem patriarchas illi qui ab iis ordinantur, neque jus habent alios ordinare episcopos; apud religiosissimos vero cujusque provincie metropolitanos hi qui ab ipsis ordinantur: quo magis motæ causæ, et quæ ab aliquibus denuntiantur vel occasione fidei, vel canonicarum quæstionum vel administrationis rerum ecclesiasticarum, vel de episcopis, aut presbyteris, aut diaconis, aut aliis clericis, vel de monasteriorum præsulibus, aut monachis, vel de reprehensibili vita, aut aliis quæ correctionem desiderant, agitentur juxta et convenienter examinentur, neque non correctio iis adhibeatur quæ sacris canonibus et nostris conveniat legibus.

A Non tantum autem hæc quærantur in synodis per singulos annos celebrandis: sed etiam quotiescunque aliquis vel sacerdotum, vel clericorum, vel præsulum, vel monachorum, vel de fide, vel de turpi vita, vel quod contra sacros aliquid canones peregerit, accusatus fuerit. Et si quidem is qui accusatur episcopus fuerit hujus metropolitanus, ea quæ proferentur examinato; si vero metropolitanus beatissimus archiepiscopus sub quo censetur; si presbyter, aut diaconus, aut alius clericus, aut præsul monasterii, aut monachus, religiosissimus episcopus, sub uno hi censetur, delata in accusationem examinato. Et veritate comprobata, unusquisque pro modo delicti, canonicis censuris subijctorum judicio ejus qui causæ examinationem accommodat. Atque hæc omnia non tantum obtinento in iis episcopis et clericis, neque non præsulibus, qui posthac ordinabuntur, sed etiam in iis qui modo sunt, si quis (quod licet conjicere) de certis causis per sacros canones nostrasque leges prohibitis accusetur. His enim ita observatis, laici quoque magnum circa rectam fidem et honestam vitam profectum, atque in melius emendationem promerebuntur. Ad hæc jubemus ut omnes episcopi pariter et presbyteri non tacito modo, sed clara voce, quæ a fideli populo exaudiat, sacram oblationem et preces in sancto baptismate adhibitas celebrent, quo majore exinde devotione in deprecandis Domini Dei laudibus audientium animi efferrantur. Ita enim et divus Apostolus docet, dicens in prima ad Corinthios Epistola: Enim vero si solummodo benedicas spiritu, quomodo qui privati locum implet dicet ad gratiarum actionem tuam Deo ipsum Amen, quandoquidem quid dicas non videt? Tu quidem pulchre gratias agis, alter autem non ædificatur. Et rursus in epistola ad Romanos sic inquit: Corde quidem creditur ad justitiam, ore autem fit confessio ad salutem. His igitur de causis convenit ut inter cæteras preces et ea quæ in sancta oblatione dicuntur, clara voce a religiosissimis episcopis et presbyteris Domino nostro Jesu Christo Deo nostro cum Patre et sancto Spiritu proferantur: scituris religiosissimis sacerdotibus quod si quid horum neglexerint, et in horrendo judicio magni Dei et Servatoris nostri Jesu Christi de his rationem reddent, neque nos hæc cognoscentes conquiescimus, relinquemusque inulta. Jubemus autem et provinciarum præsides, si quid eorum quæ a nobis sancita sunt negligenter haberi viderint, ut primum quidem metropolitanos et alios episcopos urgeant ad celebrandas prædictas synodos, et ut omnia impleant quæ per synodos præsentem lege præcipimus. Quod si eos moram neclere et segnius ea peragere viderint, tunc per suggestionem nos ea de re certiores reddant, quo magis contra eos qui synodos celebrare differunt, conveniens a nobis procedat correctio: scituris tam ipsis præsidibus quam cohortibus qui illis obtemperant, quod si hæc minus observaverint, extremis subijciuntur suppliciis. Insuper interdicimus religiosissimis episcopis et presbyteris, neque non dia-

conis, et subdiaconis, ac lectoribus, et cuicunque alii cujuslibet venerabilis ordinis et gradus constituto clerico, ne ad tabulam ludant aut tali ludo utentibus se associant, aut spectatores sint, aut ad quodcunque spectaculum spectandi gratia accedant. Si quis autem eorum in hoc deliquerit, jubemus, ut in tres annos ab omni sacro ministerio prohibeatur, mittaturque in monasterium. Quod si condignam erroris sui poenitentiam medio tempore ostenderit, licentia esto sacerdoti sub quo collocatus est, et tempus minuere, et proprio hunc denuo restituere ministerio: scituris item religiosissimis episcopis qui ea vindicare debent, quod si hujusmodi aliquid edocti non caverint, ipsi rationem Deo pro hac causa reddituri sunt. Nemo tamen episcopus compellitur invitus qualemcunque clericum sub ipso constitutum suo dimittere clero.

Omnibus vero episcopis et presbyteris interdicimus ne quempiam a sacra communione prius segregent quam causa monstretur quamobrem ecclesiastici hoc canones fieri jubent. Si quis autem hæc contra a sancta communione aliquem separaverit, ille quidem qui injuste a communione separatus fuit, resoluta separatione per majorem sacerdotem, sancta dignus habeatur communione. Is vero qui injuste aliquem a sancta separare communione ausus fuerit, omnibus modis per sacerdotem sub quo collocatus est a communione separabitur, quantocunque tempore illi visum erit, ut quod injuste alii fecit, ipse juste sustineat. Ac neque propriis aliquem manibus episcopo verberare licet, siquidem hoc alienum a sacerdotibus est. Certe si quis episcopus, cum secundum ecclesiasticos canones sacerdotio ejectus est, ingredi civitatem ausit ex qua ejectus, aut locum derelinquere in quo degere jussus est; jubemus hunc in monasterium in alia provincia constitutum tradi, ut quæ in sacerdotio deliquit, ea degens in monasterio corrigat.

Clericos autem non aliter ordinari concedimus, nisi litteras sciant, et recta fide ac honesta vita sint, et neque concubinam, neque naturales habuerint aut habeant liberos, sed qui vel cœlibem vitam agunt, vel uxorem habuerunt aut habent legitimam, et eam unam et primam, neque viduam, neque divortio separatam a viro, neque alioqui legibus aut sacris interdictam canonibus. Presbyterum vero minorem annis triginta quinque fieri non concedimus. Sed neque diaconum aut subdiaconum minorem viginti quinque; neque item lectorem minorem annis decem et octo. Diaconissa autem in sancta Ecclesia non ordinator, quæ minor quadraginta annis sit, aut ad secundas pervenit nuptias.

Cæterum si tempore ordinationis contra clericum cujuscunque ordinis aut gradus accusator aliquis exortus fuerit, qui dicat indignum eum esse ordinatione, differtor ipsa ordinatione, et omnia, tam in examinatione quam in censuris, procedunt, quæ quidem in episcoporum ordinationibus superius sanximus. Enimvero si is qui ordinandus est diaconus

A uxorem (quemadmodum superius dictum est) sibi junctam non habeat, non aliter ordinator, nisi prius ab eo qui ipsum ordinat interrogatus, profiteatur posse se post ordinationem vel sine legitima uxore caste vivere: nequeunte eo qui ordinat, ordinationis tempore, diacono permittere ut post ordinationem uxorem ducat. Sin vero hoc fiat, episcopus qui id permisit, episcopatu ejicitor. Quod si post ordinationem presbyter, aut diaconus, aut subdiaconus uxorem duxerit, ejicitor e clero, et curiæ civitatis in qua clericus erat cum bonis suis traditor. Item si lector secundam uxorem duxerit, aut primam quidem, sed viduam, aut divortio separatam a viro, aut legibus, aut sacris interdictam canonibus, non amplius ad alium ecclesiasticum gradum procedito. Et si quocunque modo ad majorem gradum provehatur, deficiatur ab eo, et priori restituatur.

Sed neque cohortales, neque decuriones clerici fiunt, ne qua exinde venerabili domui inferatur contumelia. Si vero tales personæ referantur inter clericos, perinde quasi ordinatione facta non esset, ita propriæ fortunæ restituuntur, dempto, si (ut licet conjicere) monachicam aliquis ex ipsis vitam non minus quindecim annis transegerit. Tales enim ordinari jubemus, legitima videlicet portione a decurione assignanda curiæ et reipublicæ. Sed et in clerum allecti, monacho decentem vitam ad finem usque præstanto. Nam si post cleri honorem adeptum uxorem aliquis eorum duxerit, aut concubinam habuerit, curiæ, aut cohorti, aut fortunæ, cui erat obnoxius, redditor, ut maxime in eum gradum ecclesiasticum allectus fuerit, in quo constitutus aliquis a sacris canonibus et legibus uxorem ducere non prohibetur. Eademque hæc et in aliis omnibus monachis valere sancimus, qui e monasterio ad quemcunque gradum ecclesiasticum transferuntur, et si nulli fortunæ obnoxii fuerint. Et generaliter lege promulgamus, ne cui liceat in quocunque ecclesiastico gradu constituto ab eo decedere, et sæcularem fieri: scituris his qui ita egerint, quod et cingulo (si quod illis attributum erit) aut dignitate, aut militia denudabuntur, et cohorti civitatis suæ tradentur. Qui vero ante hanc nostram legem e curiali fortuna ordinati sunt clerici, patrimonialia munera per substitutas personas implento, a personalibus liberi conservantur. Sed neque clericum cujuscunque gradus dare aliquid illi a quo ordinator, aut quicunque alii personæ concedimus, sed solas præbere ipsum consuetudines, ex more percipiendas ab his qui ordinanti in ministerio sunt, quæ tamen unius anni diaria non excedant. Certe in sacrosancta ecclesia in qua constituitur, ut divinum impleat ministerium, omnino ne tantillum quidem collegis suis pro insinuatione sua dato, neque propter hanc causam solatiis suis, aut aliis distributionibus defraudator. Sed neque renodochus, aut prochorophus, aut nosocomus, aut cujuscunque alterius venerabilis domus dispensator, qui qualemcunque ecclesiasticam sollicitudinem tractat, dato aliquid illi a quo promovetur, aut cuicum-

que alii personæ pro credita sibi dispensatione. Qui autem contra hæc quæ disposuimus, vel aliquid dederit, vel acceperit, vel mediator factus fuerit, sacerdotio, sive clero, sive credita sibi qualicunque administratione denudabitur, his quæ data sunt vindicandis venerabili domui cujus ordinationem, aut sollicitudinem, aut dispensationem talis persona acceperit. Si sæcularis sit qui acceperit, aut mediator exsitit, quod datum est in duplum exigetur, et venerabili domui in qua ordinationem, aut sollicitudinem, aut dispensationem acceperit, præbetor.

Si quis vero cujuscunque gradus clericus, aut cujuscunque venerabilis domus dispensator, vel ante ordinationem creditamve sibi qualemcunque dispensationem, aut sollicitudinem, vel postea, voluerit aliquid rerum suarum offerre ecclesiæ in qua ordinatur, aut loco cujus dispensationem aut sollicitudinem suscipit, non solum id fieri non prohibemus, sed etiam cohortamur eos ut pro salute animæ suæ talia faciant. Nos enim ea sola dari prohibemus quæ specialibus aliquibus præbentur personis, non quæ sanctis ecclesiis, aut aliis venerabilibus locis offeruntur.

Si servus, sciente domino et non contradicente in clerum allegatur, ex ipsa allectione liber et ingenuus esto. Nam si ignorante domino celebretur ordinatio, licentiam habeto dominus intra anni spatium, et quidem unius tantum, fortunam comprobare, et servum suum recipere. Quod si servus, sive sciente, sive ignorante (ut diximus) domino, allectione in clerum liber factus, ecclesiasticum ministerium relinquat, et ad sæcularem vitam transeat, domino suo in servitutem traditor. Ascriptitios vero in his solis possessionibus quarum ascriptiti sunt, clericos citra voluntatem dominorum fieri concedimus, ea tamen conditione, ut clerici facti nihilominus impostam sibi agricolationem adimpleant.

Si quis oratorium extruxerit, volueritque in eo promoveri clericos, vel ipse, vel hæredes ejus, si sumptu ipsi clericis subministrant, et dignos nominaverint, nominati ordinantur. Si vero qui ab ipsis electi sunt eos tanquam indignos ordinari sacri prohibebunt canones, tunc locorum sacratissimus episcopus eos quos præstantiores putaverit promoveri curam agito. Sancimus autem ut reverendissimi clerici suas obeant ecclesias, et omne ecclesiasticum ministerium ipsis competens impleant, hoc requirentibus tam uniuscujusque civitatis religiosissimo episcopo, quam ecclesiasticis, qui in quoque gradu primatum habent, atque hæc non observantes sub canonicam redigentibus censuram. Enimvero neque effusas de cætero fieri reverendissimorum clericorum ordinationes convenit. Nam quod usque adhuc obtinuit, tametsi emendatum oportuit, tamen propter tempus relinquimus. De cætero autem non temere id fieri, neque in damnum sacrosanctarum ecclesiarum cedere sancimus. Quæ igitur in hujusmodi casibus circa sacrosanctam regiæ hujus nostræ urbis ecclesiam, et sacrosanctas ecclesias sub ipsa, neque non alias hic positas, fieri oporteat, ea speciali lege

comprehendimus. In omnibus autem forensibus locis sancimus ut siquidem is qui initio instituit edificavitque ecclesiam, definierit ordinandum modum, nimirum ad eum etiam sumptus accommodans, non prius aliquis in eam ecclesiam ordinetur, quam ad numerum initio definitum eorum mensura redacta sit. Sin minus factum sit, ipsa autem civitatis ecclesia annonas sibi cæterisque ecclesiis suppeditet, tunc non temere clericorum illic numerum augeat, neque propter aliquas forte affectiones animi, aut gratiam, sumptibus ipsam inde provenientibus oneret. Neque enim talia pietati consentanea sunt, aut sacerdote digna, sed ex iis quæ Dominus Deus dederit, pro facultatibus erogationes faciat, aut veterem saltem consuetudinem observet, nihil penitus innovans.

Unde convenit ut Dei amantissimi patriarchæ et metropolitani in eam rem providentiam collocent, et tam eos clericos qui modo sunt ea forma relinquant qua sunt, quam etiam cujusque inter se ecclesiæ vires metiantur. Atque ita tum ipsi religiosissimi patriarchæ sub se positas ecclesias in ordinem cogant, tum metropolitani de hoc a religiosissimis patriarchis admoniti, et idem faciant, et omnes alios sub se constitutos episcopos ad hanc commensationem adigant, quo magis operam dent ne ultra modum census clericorum ordinationes celebrent. Scimus enim quam multæ ex hac ordinandorum et sumptus effusa immensitate sacrosanctæ ecclesiæ inopia oppressæ sint, quodque nonnullas ex ipsis, licet ægre, servarimus tamen; quædam vero etiamnum onustæ jaceant, nequeuntes ex tanta se rerum angustia efferre. Quapropter providentiam in hanc rem adhibebunt sanctissimi patriarchæ, et metropolitani, neque non reliqui Dei amantissimi episcopi, ut non de his quæ ab ipsis facta sunt edocti eos amplexemur, quod legem nudis comprehensam litteris ipsis factis administratam ostenderint.

Presbyteri autem, et diaconi, neque non subdiaconi, et lectores, ac cantores, quos omnes clericos appellamus, ut res quocunque modo ad ipsorum dominium devolutas sub potestate sua habeant ad instar castrensium peculiorum, præcipimus ut et donare eas possint, et de his testari, tametsi sub potestate parentum sunt. Ita tamen, ut horum filii, aut his non subsistentibus, parentes eorum legitimam portionem ferant.

Reverendissimis presbyteris, et diaconis, si pro pecuniaria causa falsum dixisse testimonium deprehendantur, satis erit si tormentarum loco per tres annos a sacro ministerio separentur, et in monasteria tradantur. Pro criminalibus autem causis, si quis falsum testimonium dixerit, præcipimus ut clericali dignitate denudatus, legitimis pœnis subdatur. Cæteri vero, qui in aliis ecclesiasticis recensentur ordinibus, si falsum testimonium in quocunque negotio, sive criminali, sive pecuniario, dixisse deprehendantur, non solum clero et ordine ecclesiastico dejiciantur, sed etiam subjiciantur tormentis.

Si quis contra quempiam vel clericum, vel monachum, vel diaconissam, vel monastriam, vel ascetiam habeat aliquam actionem, instruito prius religiosissimum ea de re episcopum, cui unusquisque horum subditus est. Hic autem negotium inter ipsos disceptato. Et quidem si utraque pars judicatis acquiescit, jubemus ut per loci magistratum ea plenarie tradantur executioni. Si quis vero litigatorum intra decem dies judicatis contradicat, tunc locorum magistratus negotium examinato. Et si comperit recte judicationem interpositam, sua etiam sententia hanc firmato, et judicata executioni tradito : neque licitum esto ei qui victus fuit iterum in ejusmodi negotio provocare. Quod si magistratus sententia contraria sit his quæ a Dei amantissimis episcopis judicatasunt, tunc contra magistratus sententiam locum habeto provocatio, atque ea secundum ordinem legum refertor et exercetor. Cæterum si episcopus ex jussione imperiali, vel judiciario mandato inter quasunque personas judicet, appellatio ad majestatem imperatoriam, aut eum qui causam deligavit, refertor. At si contra quasunque memoratas reverendissimas personas crimen inferatur, siquidem apud episcopum aliquis accusatus fuerit, et is veritatem potuerit deprehendere, honore sive gradu hunc secundum ecclesiasticos canones dejecito, tuncque competens iudex hunc comprehendito, et secundum leges causam examinato, et finem ei imposito. Si vero accusator prius civilem iudicem adeat, et crimen legitima disceptatione comprobari poterit, tunc locorum episcopo actorum monumenta intimantor. Et si ex iis innotuerit proposita eum crimina deliquisse, tunc episcopus ejus hunc ab honore sive gradu quem tenet secundum canones separato, iudex autem vindictam ei inferito legibus competentem.

Verum si episcopus putaverit acta non juste constitisse, tunc licitum ei esto, ad accusatam personam honore seu gradu denudandam, moram interponere sic tamen, ut ea persona sub legitima constituatur fidejussione, atque ita causa tam per episcopum quam etiam per iudicem ad nos referatur, ut hanc cognoscentes nos, quæ nobis videantur jubeamus. Certe si quis pro pecuniaria causa contra aliquam memoratarum personarum quampiam actionem habeat, et episcopus inter ipsos judicare differat, licentiam habeto actor ut civilem judicet adeat. Ita tamen, ut accusata persona nullo modo cogatur fidejussorem dare, sed solum confessionem absque juramento cum oppigneratione rerum suarum exponere. Si pro criminali causa accusatio contra aliquam memoratarum personarum proponatur, persona quæ accusatur sub legitimam fidejussionem constituatur. Si ecclesiasticum negotium sit, nullam communionem habento civiles magistratus cum ea disceptatione, sed religiosissimi episcopi secundum sacros canones negotio finem imponunto.

Præterea si qui ejusdem synodi religiosissimi episcopi aliquam inter se controversiam habeant, sive *de jure ecclesiastico*, sive de quibusdam aliis rebus,

A prius metropolitanus ipsorum cum aliis duobus de sancta synodo episcopis rem dijudicato. Et nisi utraque pars judicatis insistat, tunc beatissimus patriarcha illius dioceseos audientiam ipsis accommodato : et illa definito, quæ ecclesiasticis canonibus et legibus concinunt, neutra parte sententiæ ejus contradicere queunte. Sed et si a clerico, aut quocunque alio contra episcopum quacunque de causa fiat interpellatio, primum religiosissimus metropolitanus secundum sacros canones et nostras leges negotium dijudicato. Si quis judicatis reclamet, causa ad beatissimum illius dioceseos archiepiscopum et patriarcham deferitor, et ille secundum canones et leges huic finem adhibeto. Quod si contra metropolitanum istiusmodi interpellatio procedat, sive ab episcopo, sive a clerico, aut quacunque alia persona, dioceseos illius beatissimus patriarcha consimili modo negotium disceptato. Pro quibuscunque causis denique episcopi conveniuntur, sive apud suum metropolitanum, sive apud patriarcham, sive apud alios quoscunque iudices, nulla ab iis fidejussio aut confessio de lite exigitor. Ita tamen ut et ipsi studeant illatis sibi accusationibus se eximere.

OEconomos vero, aut ptochotrophos, aut xenodochos, aut nosocomos, et aliarum venerabilium domuum dispensatores, neque non omnes alios clericos jubemus, ut pro administrationibus ipsis conceditis apud episcopum suum, cui subsunt, respondeant, et administrationis suæ rationes reddant, et exigantur quod ex ipsis debere comprobati fuerint, illi venerabili restituendum domui, cui ex administratione debitum apparuerit. Si se in exigendo gravatos putaverint, metropolitanus negotium examinato. Si metropolitanus sit qui contra aliquam prædictarum personarum istiusmodi causas examinavit, et debitum exegit, et a quo exactum est, is putet se gravatum, dioceseos illius beatissimus patriarcha negotium disceptato. Neque enim prædictis personis concedimus ut de memoratis causis ante examinationem et exactionem debiti suos refugiant episcopos, et ad alia se conferant iudicia. Quod si quis ex ecclesiasticis cui ejusmodi aliqua administratio concedita est ante expositas rationes et debita persoluta moriatur, jubemus ut ejus hæredes consimili modo et reddendis rationibus, et exactionibus obnoxii sint.

D Si quis episcopus, aut clericus ex quacunque provincia Constantinopoli reperiatur, et voluerit aliquis contra ipsum actionem proponere, siquidem litis contestatio in provincia de ea controversia facta est, illic lis impletor. Si lis vero nondum cœpit, apud solos gloriosissimos præfectos prætoriorum Orientis, aut sacros iudices, qui a nobis deputati fuerint, his qui eum conveniunt respondeto. Reverendissimi autem apocrisarii cujuscunque sacrosanctæ Ecclesiæ qui in regia urbe versantur, aut ad beatissimos patriarchas sive metropolitanos a suis mittuntur episcopis, neque pro suis episcopis, neque pro negotio Ecclesiæ suæ, aut debito publico seu privato, actionem aut exactionem aliquam sustinento, nisi mandatum habeant a

suis episcopis, aut œconomis, ut aliquos convenient. Tunc enim solis his qui ab ipsis conveniuntur, licentiam damus, ut si quam actionem contra Ecclesiam aut episcopum habeant, contra ipsos proponant. Sed et si de certis rebus aut actionibus seipsos reddiderint obnoxios eo tempore quo respondendi munere et legatione defungitur, eas etiam actiones quæ pro iis intentantur excipiunt. Item et si episcopi aut clerici pro civitate per causam legationis, aut ordinandi episcopi in regia urbe, aut ubicunque locorum peregrinantur, jubemus ut nullam ipsi molestiam aut inquietudinem a quacunque persona sustineant, licentia existente his qui se putant illos habere obnoxios, postquam reversi sunt in provinciam, ipsos conveniendi, nullo his qui se putant illos habere obnoxios præjudicio generando circa longi temporis præscriptionem propter id tempus quod in hujusmodi peregrinatione prodixerint. Si quando causa emerit quamobrem clerico, aut monacho, aut monasteriæ, aut ascetriæ cujuscunque tandem monasterii, et maxime mulierum pro quacunque pecuniaria causa, sive publica, sive privata, citatio vel executio inferatur, jubemus ut citra contumeliam et cum honore quo decet citatio vel executio expediatur, nulla tamen monasteria aut ascetria e monasterio abstrahatur, sed procurator ab iis constituatur, qui de eo negotio respondeat. Monachis vero licitum esto proprias aut monasterii causas, sive per se, sive per procuratorem agere. Scituro iudice aut exsecutore qui in hæc prævaricatus fuerit, quod et cingulo denudabitur, et per magnificentissimum comitem rerum privatarum ab eo quinque librarum auri pœna exigetur, exsecutore videlicet utra hæc et tormenta subituro, et in exilium mittendo. Religiosisimisque locorum episcopis providentiam adhibituris ut nihil his contrarium fiat; aut si quid delinquatur, ut prædicta ultio procedat. Sed si magistratus ultionem irrogare differat, episcopus eam rem ad nostram scientiam referto.

Sportularum autem nomine nullam personam quæ in quocunque ecclesiastico recenseatur ordine, insuper neque diaconissam, neque monachum, neque ascetriam, neque monasteriam, in ulla criminali et pecuniaria causa, cujuscunque quantitatis fuerit, sive a clerico, sive ab aliquo in militiam allecto citationem suscipiant, sive in regia urbe, sive in provinciis, in quibus degunt, ultra quatuor siliquas dare concedimus. Sed si quis exsecutor nostra jussione, aut magistratus, aut beatissimi patriarchæ missus in alias provincias, alicui memoratarum personarum citationem inferat, non ultra unum solidum aufertor. Quod si in una et eadem causa multos ex memoratis personis citari contingat, unicæ tantummodo personæ sportulas pro omnibus auferri sancimus. Episcopus autem pro rebus ecclesiæ suæ nullam aggressionem aut inquietudinem sustinet. Sportulæ vero ab eo, neque si rerum suarum nomine citetur, exiguntur, actiones scilicet quæ contra Ecclesiam proponuntur, excipientibus œconomis, aut illis quibus id negotii

commisum est. Qui vero hæc contra exigere sportulas præsumpserit, in duplum id quod accepit personæ a qua exactum est reddere compellitur. Et si quidem militiam habet, etiam cingulum amittito; si clericus fuerit, e clero ejicitur.

Presbyteris sane, et diaconis, et subdiaconis, et omnibus aliis qui in clero collocati sunt, qui uxores secundum sacros canones non habent, interdicimus et nos pro tenore sacrorum canonum ne mulierem aliquam domi suæ adscititiam habeant, excepta tamen matre, et filia, et sorore, et aliis personis quæ omnem suspicionem effugiunt. Si quis vero contra hanc observationem mulierem domi suæ habuerit quæ possit suspicionem contra ipsum inducere, et semel atque iterum vel a suo episcopo, vel a collegis suis admonitus ne cum tali muliere habitet, domo eam sua ejicere noluerit, aut emergente accusatore probatus fuerit inhoneste cum tali muliere conversari, tunc episcopus ejus secundum ecclesiasticos canones clero ipsum ejicito, curiæ ejus civitatis, in qua clericus fuit, tradendum. Episcopum autem nullam omnino mulierem habere, aut cum ea habitare concedimus. Sed si id minus observasse comprobatus fuerit, episcopatu dejicitur. Ipse enim seipsum episcopatu indignum commonstrat. Diaconissam quoque nulla ratione cum viro ex quo inhonestæ vitæ suboriri potest suspicio habitare concedimus. Quod si hæc non observaverit, sacerdos cui subdita est hanc admoneto, ut omnibus modis talem virum domo sua ejiciat. Si hoc facere differat, ecclesiastico ministerio et suis spoliata diariis, in monasterium traditor, et illic omne vitæ suæ tempus ad finem usque transigito, bonis ejus, si filios habeat, inter ipsam et illos pro personarum numero dividendis, ut portionem quæ ipsi mulieri competit monasterium percipiat, et eam alat. Si filios non habeat, omnis ejus substantia inter monasterium in quod conjicitur et ecclesiam in quam prius ordinata fuit æquis portionibus dividitur. Si quis cum divina mysteria aut alia sacra ministeria celebrantur, sanctam ingressus ecclesiam, vel episcopo, vel clericis, vel aliis ministris ecclesiæ, contumeliæ aliquid intulerit, jubemus ut ista tormenta sustineat, et in exilium mittatur. Quod si ipsa etiam divina mysteria, aut sacra ministeria turbaverit, aut celebrari prohibuerit, capitali supplicio afficitur. Eodem hoc et in supplicationibus publicis in quibus episcopi aut clerici inveniuntur custodiendo, ut quidem, si duntaxat contumeliam fecerit, tormentis et exilio tradatur; si supplicationem publicam dissipaverit periculum capitis sustineat. Atque hæc vindicare jubemus, non tantum civiles, sed etiam militares magistratus. Omnibus eutem laicis interdicimus ne supplicationes publicas peragant sine religiosissimis episcopis, et qui sub eis sunt reverendissimis clericis. Quomodo enim supplicatio publica esse potest, in qua sacerdotes non inveniuntur, qui solemnes preces peragant? Sed et venerabiles cruces, cum quibus sacerdotes in supplicationibus ingrediuntur, non alibi quam in venerabilibus locis reponuntur, et a

quando usus postulaverit ad celebrandas supplicationes, tunc solum ipsas cruces hi qui ex more eas portare solent accipiunt, et cum episcopis ac clericis supplicationes celebrant, hæc custodientibus sanctissimis locorum episcopis simul et ipsis clericis, neque non ibi locorum magistratibus. Si quis vero in hoc capite præsentis nostræ legis vigorem vel transgressus fuerit, vel non vindicaverit, prædictas pœnas sustinebit. Reliquum est nobis et de venerabilibus monasteriis et de reverendissimis monachis certam formulam præscribere. Illud igitur ante cætera dicendum, ut per omne ævum, et ubique terrarum nostri imperii, si unquam aliquis venerabile monasterium ædificare voluerit, non prius ejus agendi licentia sit, quam Dei amantissimum locorum episcopum accersat, qui et manus in cælum protendat, et prece sua locum Deo consecret, fixo in eo salutis nostræ signo (nempe adorandam illam et vere preciosam crucem dicimus), sicque ædificationi detur initium, cum præclarum illud et condecens fundamentum jecerit. Atque hoc quidem principium piæ venerabilium monasteriorum exstructionis esto.

Jubemus autem ut abbas sive archimandrita, qui in singulis existunt monasteriis, non per omnia secundum gradus monachorum, sed secundum actiones vitæ creentur: sed et quem omnes monachi qui meliore opinione sunt elegerint, propositis sanctis Evangeliiis aientes quod non per amicitiam aut quamcunque aliam gratiam ipsum elegerint, sed quod eum et fide rectum noverint, et vita honestum, et administratione dignum, quodque monachorum scientiam et omnem monasterii disciplinam ac statum utiliter conservare possit, religiosissimo episcopo sub quo monasterium constitutum est omnibus modis præsullem qui eo modo electus est promoturo. Atque omnia hæc, quæ de præsulum promotione a nobis disposita sunt præcipimus item valere in venerabilibus monasteriis et asceteriis mulierum.

Cæterum si quis ad monasticam venire vitam voluerit, jubemus ut si quidem de eo constet quod nulli servili conditioni obnoxius sit præsul monasterii, habitum illi, quando sibi visum fuerit, adhibeat. Si de eo non constet cuinam conditioni obnoxius sit, intra tres annos habitum is monasticum non assumat, sed intra prædictum tempus monasterii præsul periculum facito, si pedem referre velit. Etsi intra triennium emergat aliquis qui hunc vel servum, vel colonum, vel ascriptitium suum esse dicat, quodque vel agriculturalionis laborem fugiens, vel aliquid furatus, vel propter aliquod delictum in monasterium ingressus sit, et hæc comprobata fuerint, restituitor is domino suo cum rebus quas in monasterium intulisse probatus fuerit, data prius et accepta fide quod nihil a domino suo mali perpetietur. Si nemo intra triennium contra aliquam prædictarum personarum actionem et controversiam moverit, monasterii præsul post triennii decursum tunc illi habitum præbeto, si istiusmodi hominem dignum judicaverit, neque postea quisquam ei negotium de statu ac conditione sua facessito,

quandiu tamen in monasterio cægit. Res vero quas in monasterium intulisse videbitur, probanti id domino restituntor. At si quis prædictarum personarum reliquerit monasterium, et ad sæcularem vitam transierit, sive in urbibus, sive per agros oberrans, suæ fortunæ ac conditioni redditor. Porro in omnibus monasteriis quæquidem cœnobia appellantur, jubemus ut secundum præscripta et formulas monasticas omnes in una domo habitent, omnes in commune alantur, omnes in una domo consimili modo separati cubent, ut vicissim alter alteri honestæ conversationis testimonium præbeat. Nisi quidam tamen ex eis aut propter longævam in monasterio conversationem, quiete volentes vivere, aut senectutis atque corporis infirmitatis causa in remotis cellulis intra monasterium constitutis degant, et hoc cum conscientia et voluntate abbatis fiat. His omnibus et circa monasteria et asceteria mulierum conservandis. In nullo reipublicæ nostræ loco concedimus ut in uno monasterio monachi simul et monastriæ cohabitent, et (ut appellantur) duplicia sint monasteria. Quin si cubi tale monasterium inventum fuerit, jubemus ut viria mulieribus separentur, et hæc quidem tanquam imbecilliores in eo monasterio maneant in quo sunt, viri autem aliud sibi monasterium exstruant. Si vero plura ejusmodi monasteria existant, neque necesse sit nova exædificare monasteria, religiosissimum locorum episcopus monachos cum monachis, mulieres cum mulieribus separatim in aliis atque aliis monasteriis colligere curæ habeto. Quas vero res communes inter se habent, hæc pro eo, quantum cuique juris competit, dividuntur. Mulieribus autem, quemcunque ipsæ elegerint, sive presbyterum, sive diaconum, ut pro ipsis respondeat, aut sanctam eis communionem deportet, religiosissimus episcopus, sub quo sunt, quasi ductis sortibus attribuito, si rectæ fidei et honestæ vitæ hunc esse cognoverit. Quod si presbyter aut diaconus non sit qui ab ipsis electus est, dignum autem tali ministerio episcopus judicet, ordinatione ei imposita, qua dignus esse videbitur, respondendi (ut dictum est) muneri eum pro monasterio attribuito. Ita tamen, ut neque qui eo modo ad ea quæ pro mulieribus respondenda sunt electus est, in monasterio commaneat.

Si quis sub conditione nuptiarum aut susceptorum filiorum, vel dotis, aut nuptialis donationis gratia, vel donaverit, vel reliquerit filiis suis, aut cuicunque alii personæ, vel hæreditatem, vel legatum, aut si initio pure ipsis relinquat, postea sub una aliqua memoratarum conditionum substitutione aut restitutione eos prægravet, jubemus ut si mares aut femine qui talibus conditionibus obnoxii sunt monasterium ingrediantur, aut clerici, diaconissæve, aut ascetriæ fiant, istiusmodi conditiones invalidæ, et pro non scriptis sint. Hoc autem auxilio tam clerici quam diaconissæ ecclesiarum perfruuntor, si usque ad finem vitæ suæ iis insistant, et res ea conditione donatas aut relictas in pios usus insumpserint aut reliquerint. Nam in personis quæ in monasterium

aut asceterium ingrediuntur, et hujusmodi castam conversationem relinquunt, jubemus ut res quæ ea conditione donatæ aut relictæ sunt, cum alia eorum substantia ad monasterium aut asceterium, in quo initio erant, cum ingrederentur, pertineant. Si tamen ad redemptionem captivorum, aut exhibitionem pauperum prædictis conditionibus substitutio aut restitutio fiat, nullo prædictorum modorum hanc excludi concedimus.

Si mulier aut vir monasticam vitam elegerit, et monasterium ingrediatur, filiis non existentibus, bona ejus ad monasterium, quod ingressus est, pertinere jubemus. Si hujusmodi persona filios habeat, neque prius quam monasterium ingrediatur de filiis suis voluntatem suam exprimat, et legitimam portionem illis deputet, sic quoque licitum ei esto, vel post monasterii ingressum, ut patrimonium suum in filios suos dividat. Ita tamen, ut nulli ex ejus filiis legitimam portionem minuat. Quæ vero pars filiis data non erit, ea ad monasterium pertineto. Quod si omnem substantiam inter filios dividere voluerit, propria ejus persona filiis connumerata, unam sibi partem omnibus modis reservato, quæ ad jus monasterii pertinere debeat. Si cum in monasterio degat, antequam inter filios bona sua distribuat, moriatur, legitimam partem filii capient, reliquum patrimonium ad monasterium pertineto.

Porro legitimis inter aliquos sponsalibus contractis, sive sponsus in monasterium ingrediatur, recipito ea quæ pro sponsalibus arrhæ nomine data sint, sive sponsa monasticam vitam eligat, illa sola reddito, quæ similiter arrhæ nomine accepit. Pœna utrique personæ per indulgentiam remissa. Quod si constante adhuc matrimonio vel maritus solus, vel uxor sola monasterium ingrediatur, dissolvitur matrimonium vel sine libello repudii, simul atque tamen persona quæ monasterium ingreditur monasticum habitum suscepit. Et quidem si maritus monasticam vitam delegerit, restituito mulieri tam dotem, et si quid aliud ab ea percepit quam insuper ex nuptiali donatione tam magnam partem quanta mulieri competisset ex morte mariti secundum pactum conventum quod dotalibus instrumentis insertum est. Sin mulier monasterium ingressa sit, consimili modo maritus nuptialem sibi donationem retinet, et casum dotis qui ex morte mulieris pacto convenerat reliquum dotis mulieri restituere præcipimus, et si quid aliud ex rebus uxoris apud ipsum inventum erit. Si utrique vero monasticam vitam deligant, jubemus ut dotalibus instrumentis vacantibus, maritus nuptialem donationem relineat, et uxor dotem suam, et si quid aliud præterea marito dedisse probabitur, recipiat, ut unusquisque rebus suis sine damno perfruatur: nisi sponsus sponsæ, aut sponsæ sponso, aut maritus uxori, uxore marito aliquid donare aut remittere voluerit, quando neque ex pactis nuptialibus viro aut mulieri quidquam lucrari conceditur.

Nullam autem licentiam damus aut parentibus ut

liberos, aut liberis ut parentes qui sæcularem conversationem relinquunt, tanquam ingratos hæreditate suâ excludant per causam aliquam quæ monasticam vitam præcesserit. Interdicimus item parentibus ne filios suos, simul atque monasticam vitam elegerint, c venerabilibus monasteriis abstrahant.

Si monachus monasterium suum reliquerit, et aliud ingressus fuerit, aut res aliquas per id tempus, dum monasterium reliquit, habere videatur, ad primum monasterium, in quod initio ingressus fuit, has pertinere jubemus. Porro religiosissimi locorum episcopi providentiam adhibento ne monachi neve monastriæ per urbes oberrent; sed si quid habeant de quo cogantur respondere, per apocrisarios id suos pergunt, ut ipsi in suis permaneant monasteriis. Quod si monachus monasterium reliquerit, et ad sæcularem vitam transierit, hic militia primum et honore, si quem habet, denudatus per locorum episcopum et provinciæ præsidem, in monasterium remittitor, et res quas postea habere monstratus fuerit, ad monasterium in quod immittitur pertineto. Si denuo quoque monasterium relinquat, tunc præses eum provinciæ in qua inventus fuerit delineto, et subjectæ sibi cohorti connumerato.

Si quis ascetiam, aut diaconissam, aut monastriam, aut aliam mulierem, quæ sanctimoniam vitam colit habitumque gestat rapuerit, aut sollicitaverit, aut constupraverit, jubemus ut tam hujus res quam eorum qui in hujusmodi se scelere huic sociarunt, venerabili loco in quo talis mulier habitabat per religiosissimos locorum episcopos et eorum æconomos, neque non et cujusque provinciæ præsides ac cohortes eorum vindicentur. Qui vero talia deliquerunt, aut sceleris cum ipsis societatem habuerunt, periculum quod ex lege irrogatur sustineant. Ejusmodi quoque mulier ubique requiratur, et cum rebus suis conjiciatur in monasterium, in quo cautius asservari possit, ne rursus in eodem deprehendatur crimine. Plane si diaconissa sit, et filios habeat legitimos, legitima pars dator filiis. Si intra annum quam ejusmodi scelus innotuit, istiusmodi res a venerabilibus domibus vindicatæ non erunt, jubemus ut omnibus modis comes rerum privatarum nostro eas fisco addicat, præside locorum qui ut eas res vindicaret ad sollicitudinem suam non revocaverit cingulo spoliando, multaque ab eo quinque librarum auri per comitem rerum privatarum exigenda. In universum autem omnibus qui in sæculari vita conversantur, et maxime his qui in scenam prodeunt, viris juxta et mulieribus, neque non etiam prostitutis interdicimus, ne habitu monachi, vel monastriæ, vel ascetriæ utantur, aut quocunque modo eum imitentur: scituris omnibus qui vel tali habitu uti, vel eum imitari, vel in quemcunque ecclesiasticum statum illudere præsumperint, quod et corporis supplicia sustinebunt, et in exilium tradentur, providentiam in hujusmodi rem accommodantibus non solum religiosissimis locorum episcopis, et subditis eis clericis, sed etiam civilibus mili-

taribusque magistratibus, et obtemperantibus illis cohortibus, neque non locorum defensoribus. Pœnas denique quæ præsentī legi insertæ sunt, quæ quidem prioribus quoque legibus cognitæ fuerunt, non solum in futuris, sed etiam in præteritis casibus sive delictis valere, et omnibus modis irrogari sancimus. Quæ vero per præsentem legem recenter expressa, et ad certam formulam redacta sunt, futuris solummodo temporibus conservari jubemus. Confirmamus item per præsentem legem omnia reliqua quæ a nobis in diversis constitutionibus sancita sunt, tam de episcopis et presbyteris ac reliquis clericis, quam etiam de xenodochis, ptochotrophis, orphanotrophis, et cæteris qui venerabilibus præsent domibus. Quæ igitur nobis placuerunt, et per hanc nostram declarantur legem, ea per programmata solitis locis in regia urbe proposita, excellentia tua ad omnium notitiam perducere, et provinciarum rectoribus manifesta facere studeto. Dat. K. Maii, Const., Just. PP. Aug., Basilio v. c. cons., κατεπέμφθη Πίστρω ἐπ'ἀρχῶν πρωτοπρίων.

NOVELLA CXXI.

De ecclesiasticis canonibus et privilegiis quæ sacrosanctas respiciunt ecclesias.

Imperator Justinianus Augustus Petro gloriosissimo præfecto sacrorum prætoriorum.

Præsentem legem de ecclesiasticis canonibus, et privilegiis, neque non aliis capitulis quæ sacrosanctas ecclesias et reliquas venerabiles domos concernunt, proferimus. Sancimus igitur ut sancti ecclesiastici canones, qui a sanctis quatuor conciliis (hoc est Nicæno decem trecentorum et octo, Constantino politano centum quinquaginta sanctorum patrum, Ephesino primo, in quo Nestorius condemnatus est, et Chalcedonensi, in quo Eutyches cum Nestorio anathemate percussus est) expositi et confirmati sunt vicem legum obtineant. Prædictorum etenim sanctorum conciliorum decreta perinde ut sacras Scripturas suscipimus, et canones ut leges custodimus. Ac propterea sancimus ut secundum eorum definitiones sanctissimus veteris Romæ papa primus omnium sacerdotum sit, beatissimus vero archiepiscopus Constantinopolis novæ Romæ secundum locum post sanctam apostolicam veteris Romæ sedem obtineat, cæterisque omnibus præferatur. Beatissimus autem pro tempore archiepiscopus Justinianæ primæ patriæ nostræ semper sub jurisdictione sua habeat episcopos provinciarum Daciæ mediterraneæ, et Daciæ ripensis, item Triballæ, ac Dardaniæ, et Mysiæ superioris, et Pannoniæ, et ab ipso hi ordinentur, ipse vero a propria ordinetur synodo, et in provinciis ipsi subjectis locum teneat apostolicæ sedis Romanæ secundum ea quæ sanctus papa Vigilius constituit. Consimili modo et archiepiscopale munus, quod episcopo Justinianæ Carthaginis Africanæ dioceseos dedimus, ex quo Deus nobis hanc restituit, conservari jubemus. Sed et aliæ civitates atque horum episcopi, quibus passim in diversis locis jus metropolitanum concessum est, in perpetuum hoc privilegio

A perfruuntur. Omnia autem privilegia et solatia quæ ex imperiali liberalitate, aut etiam quocunque alio modo sanctis ecclesiis aut aliis venerabilibus locis concessa sunt, firmiter ipsis per omnia conservantur.

Ad hæc sancimus ne ullarum sacrosanctarum ecclesiarum et aliarum venerabilium domuum possessiones sordida munera et extraordinarias descriptiones sustineant. Si tamen sternendæ viæ, aut extruendorum renovandorumve pontium necessitas incidat, sacrosanctæ ecclesiæ atque aliæ venerabiles domus ejusmodi opus ad instar cæterorum possessorum impleant, cum quid in ea civitate possederint in qua opus tale perficitur. Quod si res aliquæ ex curialibus patrimoniis ad quamcunque sacrosanctam ecclesiam, aut aliam venerabilem domum secundum leges pervenerint, aut posthac pervenient, liberas has esse sancimus a lucrativorum descriptione.

Item pro temporalibus decem, et viginti, et triginta annorum præscriptionibus præcipimus, ut sanctis ecclesiis et aliis omnibus venerabilibus domibus quadraginta duntaxat annorum præscriptio opponatur, eodem hoc custodiendo et in petitione legatorum et hæreditatum ad pias causas relictarum.

Præterea si quis voluerit venerabile exædificare oratorium aut monasterium, non aliter ædificationem incipito, nisi locorum religiosissimo episcopo preces illic profuderit, et pretiosam crucem fixerit. Certe qui semel cœpit vel novum oratorium extruere, vel vetus renovare, omnibus modis a beatissimo locorum episcopo, et œconomis ejus magistratuque civili compellitur, vel ipse, si supersit, vel eo mortuo hæredes ejus cœptum opus perficere.

Si quis domi suæ, aut in suburbio, prædiore ecclesiasticum celebrare ministerium præsumperit, aut aliis celebrare sine clericis religiosissimo locorum episcopo subditis concesserit, jubemus ut ea domus, aut suburbium, aut prædium, ubi tale quid admissum fuerit, sacrosanctæ ejus loci ecclesiæ per Dei amantissimum episcopum et œconomum ejus, civilemque magistratum, vindicetur. Quod si ignorante locorum domino procuratores ejus, aut coloni, inquilinive aut emphyteutæ huic contrarium aliquid fecerint, aut fieri concesserint, dominus quidem loci nullum præjudicium seu damnum sustineat. Qui vero id vel fecerunt, vel fieri concesserunt, ex provincia ubi hoc admissum fuit ejiciantur, rebus ipsorum sacrosanctæ ejus loci ecclesiæ vindicandis.

Si quis in nomine magni Dei et Servatoris nostri Jesu Christi hæreditatem aut legatum reliquerit, jubemus ut ejus loci ecclesia, in quo testator domicilium habuit, relictum capiat. Si quis unum aliquem e sanctis hæredem scripserit, aut legatum illi reliquerit, neque specialiter locum nominaverit, in quo veneranda domus sit, inveniantur autem in eodem loco aut urbe plura oratoria ejusdem sancti, illi potius ædiculæ quæ pauperior sit relictum præbetor. Sin vero in ea urbe nulla ædes nominati sancti sit, inveniatur autem aliqua in territorio ejus, illi dator

Si neque in territorio ejusmodi ædes reperiatur, tunc ecclesiæ civitatis in qua testator domicilium habuit relictum præbetor.

Si quis venerabile oratorium, aut xenonem, aut ptochium, aut orphanotrophium, aut nosocomium, aut aliam venerabilem domum exstrui in ultima voluntate disposuerit, jubemus ut oratorium intra quinque annos perficiatur, providentia locorum episcopi et civilis magistratus. Xenon vero aut ptochium, aut alia venerabilis domus intra unum annum extruatur. Si intra annum hæredes xenonem, aut quamcunque venerabilem domum quam testator exstrui disposuit, non fecerint, jubemus ut domum ii vel emant, vel conducant, ubi jussa queant exsequi, tantisper dum ejusmodi venerabilis domus absolvatur. Ac siquidem ipse testator finierit, quinam xenodochi, aut ptoctrophi aut id genus alii dispensatores fieri debeant, aut hæredibus suis hujus rei optionem præbuerit, jubemus ut omnibus modis hæredes ipsius his quæ ab ipso disposita sunt satisfaciant, beatissimis locorum episcopis inspecturis, an dispensatio pulchre procedat. Et si deprehenderint eos qui dispensationem habent nequam homines et nullius bonæ rei esse, licentiam habituris ut sine damno alios in illorum locum magis idoneos sufficiant.

Sed et si quis pro redemptione captivorum aut alimonia pauperum hæreditatem vel legatum in rebus mobilibus, aut immobilibus, sive semel, sive annum reliquerit, et hoc modis omnibus secundum testatoris voluntatem per eos qui id exsequi jussi sunt præstator. Si specialiter non dixerit cujus loci pauperibus hæc reliquerit, jubemus ut religiosissimus civitatis episcopus, in qua testator domicilium habuit, eas res ad se recipiat, et inter pauperes ejus civitatis distribuat. Item si pro redemptione captivorum aliquid relictum sit, neque testator nominatim dixerit, per quem redemptionem fieri oporteat, item jubemus ut res in hoc relictæ locorum episcopus et hujus œconomus capiat, et hujusmodi pium opus impleat. In omnibus enim istis piis voluntatibus volumus etiam ipsos religiosissimos locorum episcopos providentiam accommodare, ut omnia secundum testatoris voluntatem procedant, et si maxime a testatoribus aut donatoribus interdictum ipsis sit ne quid in iis habeant commercii. Certe si illi qui hæc exsequi jussi sunt semel atque iterum a beatissimo locorum episcopo et ejus œconomis per publicas personas admoniti, ea quæ disposita sunt implere distulerint, jubemus ut ii omne lucrum quod ab eo qui ista jussit ipsis relicta sunt, amittant, religiosissimi vero locorum episcopi omnes res quæ quibuscunque (ut dictum est) piis causis deputatæ sunt, cum fructibus et medii temporis accessionibus, atque item memorato lucro vindicent, et quæ testator disposuit adimplcant: scituri quod si et ipsi negligenter egerint, pro omnibus his rationem Deo reddituri sint. Sane si religiosissimus locorum episcopus aliquid eorum quæ a nobis dicta sunt prætermiserit, licitum esto religiosissimo ejus metropolitano hæc exigere atque

implere. Sed et cuivis alii licentia erit ea de re questionem movere, dareque operam ut omnibus modis id genus piæ causæ exsequantur.

Si vero hæres ea quæ in pias causas relicta sunt non impleat, dicens non sufficere ad has relictum sibi patrimonium, jubemus ut omni lucro quod ex Falcidia provenit vacante, quidquid in ejus facultatibus inventum fuerit, providentia sanctissimi locorum episcopi totum in causas ad quas relictum est procedat. Quod si legatum ab aliquo ad pias causas relictum fuerit, jubemus ut intra sex menses ab insinuatione testamenti numerandos omnibus hoc modis præstetur his quibus relictum est. Sin autem qui hoc gravati sunt hujusmodi legatum præstare distulerint, et fructus, et usuræ et omnis legitima accessio, ab ipsis jam inde a tempore mortis ejus qui reliquit exigentur. Si legatum annuum cuicunque venerabili domui relictum fuerit, siquidem hi qui hæc dare jussi sunt, aut locus ex quo id præstari jussum est in eadem aut vicina provincia est, jubemus ne quo modo tale legatum alienetur. Sin loca aut personæ ex quibus aut a quibus hoc dari jussum est in remotioribus sint partibus, tunc integrum illis esto quibus id relictum est, ut si obligata etiam pars consentit, legatum permutent, et vicinum aliquem pro hoc redditum capiant uberem, et cum accessione, quæ non minus quarta relictæ quantitatis parte continet, et neque multis publicis præstationibus onustum. Sed et si vendere tale legatum voluerint, non minus pretii nomine capiant quam ex tali legato per triginta quinque annos colligatur: ita tamen ut ejusmodi pretium ad utilitatem prædictæ venerabilis domus procedat cui relictum est.

Interdicimus item religiosissimis episcopis ne res mobiles aut immobiles, aut seipsas moventes, quæ post adeptum episcopatum quocunque modo ad ipsos pervenerunt, ad cognatos suos aut quascunque alias personas ullo modo transferant. Ad redemptionem tamen captivorum, et alimoniam pauperum, item in alias pias causas, neque non pro utilitate ecclesiæ suæ, ex his expendere licentiam habento. Et si quid ex talibus rebus post illorum obitum in patrimonio illorum permanserit, jubemus ut hoc ad dominium sacrosanctarum ecclesiarum in quibus gesserunt sacerdotium pertineat. In illis enim rebus tantummodo alienandi, aut quibus tandem voluerint relinquendi ipsis licentiam concedimus, quas aut ante episcopatum habuisse comprobati fuerint, aut post episcopatum ad ipsos ab iis pervenerint qui generis proximitate eos contingebant, quibus ab intestato poterant usque ad quartum gradum succedere. Atque omnia hæc quæ de rebus post episcopatum ad religiosissimos episcopos provenientibus diximus, in reverendissimis item orphanotrophis, et ptochotrophis, et nosocomis, et gerontocomis, et xenodochis, et omnibus aliis venerabilium ædium dispensatoribus valere sancimus, et hoc quo ad res quæ dispensationis suæ tempore prædicto modo ad ipsos pervenerint. Quod si quis episcopus, aut clericus, aut cujuscunque ec-

clesiastici gradus minister, aut ecclesiæ diaconissa sine testamenti tabulis et legitimis decedat successoribus, horum successio ad ecclesiam defertor in quam forte ordinati fuerant.

Porro jubemus ne quisquam hæreticus, vel per conductionem, vel emphyteusim, vel emptionem, aut quocunque alio modo res immobiles a quacunque ecclesia aut venerabili domo capiat. Si quid vero ejusmodi delicti admissum fuerit, hæreticus quidem, si quid per hanc causam præbuerit amittat. Istiusmodi vero res venerabili domui a qua et datæ sunt vindicantur. Dispensator autem domus qui hujusmodi res hæretico dedit in universum a dispensatione removetur, et in monasterium conjicitor, et per annum unum a sancta communiione segregator, ut qui Christianos hæreticis tradiderit. At si orthodoxus qui possessionem habet in qua sancta sit ecclesia, vel per emphyteusim, vel conductionem, vel quocunque administrationis genere ea data, ipsam alienaverit, aut reliquerit Judæo, aut hæretico, aut Samaritano, aut Græco, aut Montanistæ, aut Ariano, sacrosancta ejus oppiduli ecclesia horum dominium vindicato. Si quis autem hæreticorum, quibus connumeramus etiam Nestorianos, et Acephalos, et Eutychianistas, speluncam ausit fidei suæ exædificare, aut Judæi novam sibi synagogam exstruere, sancta locorum ecclesia eas fabricas suo dominio vindicato. Cæterum si quis per emphyteusim, aut conductionem, aut quocunque alio administrationis genere possessionem suam hujusmodi personæ dederit, siquidem possessionis dominus novit quod hæretico hanc commiserit, omnes redditus illius temporis quod contractui accessit, ecclesia civitatis sub qua possessio posita est vindicet. Si vero possessionis dominus ignorabat quod hæreticus esset cujus fidei hanc commiserat, ipse quidem ob ignorantiam indemnus conservetur, hæreticus vero in utroque casu et possessionibus ejiciatur, et substantia ejus addicatur fisco.

Sane orphanotrophi tutorum et curatorum locum obtinento: ita tamen, ut de rebus quæ ad orphanotrophia vel proprietatis jure ad ipsos orphanos pertinent, etiam sine satisfactione actiones intentent et excipiant. Res vero quæ ad quempiam forte orphanorum pertinere contigerit, orphanotrophi presentibus tabulariis publicis, et sub actorum publicorum confectione, tam in regia civitate apud magistros census quam in provinciis apud earum præsides aut locorum defensores capiunt, et orphanis reservato, aut alias res in illarum locum comparant. Sed et tutelaribus ac curatorii rationibus sunt obnoxii. Conservari autem jubemus venerabili orphanotropho-regiæ urbis, et xenoni sanctæ memoriæ Sampsorum, et his quæ ejus dispensationi subsunt oratoriis atque xenodochiis, aut aliis venerabilibus domibus omnia privilegia, quæ quidem sacrosancta major Constantinopolitana habet ecclesia. Quæ igitur per præsentem legem in perpetuum valituram nostra sanxit tranquillitas, tua celsitudo edictis solemniter in hac regia urbe propositis, ad omnium studeat pervenire notitiam. Nos

enim providebimus quatenus sine collatorum dispendio fiat etiam in provinciis manifesta. Dat. xv Kal. April., Constantin., dn. Justinia. PP. Aug., Basilio v. c. cons.

NOVELLA CXXXII.

Edictum de fide, Constantinopolitanis.

Præcipuum summumque omnibus hominibus bonum esse credimus rectam veræ et irreprehensibilis Christianæ fidei confessionem, in hoc ut per omnia ipsa valentior reddatur, et omnes habitati orbis religiosissimi sacerdotes ad concordiam copulentur, et uno ore rectam Christianorum profiteantur ac prædicent fidem, et omnis ab hæreticis excogitata adimatur occasio. Id quod ex orationibus simul et edictis a nobis diverso tempore perscriptis ostenditur. Sed quia hæretici, dum neque Dei timorem mente concipiunt, neque per legum severitatem interminatas istiusmodi hominibus poenas reputant in animo, et nonnullos e simplicioribus decipiunt, præter morem sanctæ Dei catholicæ et apostolicæ ecclesiæ conventicula atque baptismata clam concelebrant, pium arbitrati sumus per præsens nostrum edictum tales cohortari, ut et ipsi ab hæretica deciscant vesania, neque aliorum animas per fraudem deducant in interitum, sed potius ad sanctam Dei accurrant ecclesiam, in qua nihil antiquius habetur rectis dogmatibus, et omnes hæreses cum ipsarum ducibus percelluntur anathemate. Quin universos volumus cognoscere quod si de cætero inveniantur aliqui qui improbo more ita conventicula agitarint, aut ad ea convenerint, amplius eos non tolerabimus, sed tam domos in quibus tale quid peccati perpetratum fuerit sanctæ addicemus ecclesiæ, quam iis qui ita perverso more conventicula egerint, quique ad eos convenerint, constitutionum poenas omnibus inferri modis jubebimus. Dat. Prid. Non. April., Constantinop., dn. Justiniano PP. Aug., Basilio v. c. cons.

NOVELLA CXXXIII.

De monachis et ascetis, et eorum conversatione.

Imperator Justinianus Augustus Joanni beatissimo archiepiscopo.

Solitaria vita atque in ea contemplatio res plane sacra est, et quæ suapte natura animas ad Deum adducat, neque iis tantum qui eam incolunt commodet, sed etiam omnibus aliis puritate sua et apud Deum interpellatione competentem de se utilitatem præbeat. Unde et olim ea res imperatoribus studio fuit habita, et nos non pauca de dignitate et honestate eorum legibus complexi sumus. Sequimur enim sacros in hoc canones et sanctos Patres qui hæc comprehenderunt legibus, quandoquidem nihil non pervium ad inquisitionem majestati existit imperatoriæ, quæ communem in omnes homines moderationem et principatum a Deo percipit. Ac descripsimus quidem jam constitutionem quæ vult ut monachi, et si magno continentur numero, secundum formam canobiorum (ut appellant) in commune vitam degant, neque proprias habeant possessiones, neque opes accu-

mulent, neque clam testibus vivant, sed et communiter cibum capiant, et in communi loco cubent, et undique bene compositam persequantur vitam, testesque sint invicem mutuae honestatis; et juniores reveantur caritatem eorum qui ista inspiciant, nonnunquam etiam dedita opera capessant vigilias, ut ne in somno quidem aliquid intempestivum aut turpe de se aliis edant spectaculum, sed quisque pro se honestatem vel inter dormiendum conservet. Cum vero quæpiam nobis renuntientur, quæ et majore cura digna sint, et firmiore lege indigeant, merito ad præsentem legislationem ad illius perfectionem et supplementum pervenimus, per quam sancimus ut nullus omnino propriam habitationem habeat, neque aliqua (ut appellatur) cellula sit in monasterio his, qui ad vitam in contemplatione et quiete traducendam uno forte aut duobus utantur ministris; sed tametsi plures viri sint, nihilominus unus ipsorum sit conventus, sive precentur, sive naturæ opera faciant, quæ citra reprehensionem tamen et absque calumnia consistunt: et tam communiter (ut dictum est) cibum capiant, quam communiter dormiant, si modo tanta multitudo sit quam una domus possit capere, alioque duæ forte aut tres domus existant quæ ipsos recipiant. Nullus autem omnino quidquam habeat proprii, sed diu noctuque in commune vivat, et noctes eandem inter ipsos cum diebus habeant observationem. Neque enim semper omnes dormiunt, sed manifestarium est quod dum hi dormiendo occupati sunt, illi vigilant, et prorsus quidam dormientes inspiciunt. Cæterum, si quæ habitatiuncula, seu cellula in ullo monasteriorum fuerint, sub generali hujus amplæ urbis patriarcha, sive in ejus confiniis, aut sub sanctitate tua constitutorum, sive a nobis ipsis ædificatorum, sive ab aliis, hæc omnes omnibus modis demolieris, aperiesque ipsis mutuam inter se aspectum, ut quæ vicissim inter ipsos geruntur, omnes intueantur. Cur enim tandem hoc agere reveantur, qui semel se Deo dedicarunt, et omnem popularem conversationem valere jusserunt? Atque hoc quidem ea fini obtinere, tam hoc tempore quam in omne deinceps ævum volumus, nullo (ut dictum est) propriam habitationem habente, sed omnibus in unum congregandis, et quæ vicissim inter ipsos gerantur spectaturis. Illud enim constat, quod ejusmodi peragere studebunt quæ undique reprehensione careant. Quod si quis usque adeo impudens visus erit, ut conari audeat transgredi ea quæ lege promulgata sunt, hæc solitariæ mansionis præsul examinato. Volumus enim ut ista nostra observatio diligentius custodiatur. Et primum quidem, ne monasterium multos habeat aditus, sed unum tantum, aut duos forte. Et ut portæ assistant viri ætate graves, et casti, neque non omnium testimonio comprobati, qui neque ipsos reverendissimos monachos permittant sine præsulis voluntate monasterio egredi, sed intus eos contineant ut ea quæ Deum concernunt perquirant, nec seipsos, actionesque ac studia sua a Deo divellant; neque alios quospiam, vel interdiu, vel noctu in monasterio

A versari sinant, qui quidem ne reverendissimorum monachorum sincera ac recta maneat opinio efficiant. Esto autem monasterium forti muro circumseptum, ne quis alia parte exitus sit quam per portas. Deinde et si ecclesia in monasterio non sit, neque sic tamen licenter prætextu ecclesiarum egrediantur, aut etiam deambulationes illic faciant, et cum aliquibus colloquantur quibus cum non decet, sed tempore quidem sacri ministerii una cum præsule, et primoribus ejus ac ætate provecitis illo accedunto. Ministerio autem impleto, quidquid monachorum est, omnes in cœnobium denuo concedant, et ibi resideant, simulque magnum Deum precibus fatigent, et sacrarum Scripturarum lectioni incumbant. Ingens enim sacrorum istiusmodi librorum existit chorus, et potis est cujusque animum emendare, ac sacris irrigore eloquiis: quæ si continue legant, non unquam erraverint, neque ad humanas delabentur sollicitudines. Porro in sacrosancta ecclesia, quæ in monasterio consistit, quatuor aut quinque ex eadem mansione senes sint, quibus omnis jam difficultas in sancta illa vitæ ac fidei institutione superata est, et qui ordinationem in clero meruerunt, presbyterorum forte, vel diaconorum, vel aliorum deinceps gradum tenentes: atque hi adeuntibus sui copiam faciant, et de Scripturis sanctis exquisitis sermocinabuntur, efficientque ut alii omnes tales reputentur, simul sacram asservantes ædem, simul juventutem insolescentem et terminos suos egredi volentem in tolerantia retinentes. Non ingreditur autem omnino neque mulier in monasterium virorum, neque vir in muliebre, vel obtentu memoriæ defuncti illic reconditi, vel ob aliam causam. Et maxime si quis fratrem forte, aut sororem, aut quempiam ex genere conjunctis se in monasterio habere dicat. Monachis etenim cognatio in terra non est, utpote qui cœlestem vitam affectent. Quid enim omnino tandem volentes hujusmodi aditiones faciunt, nisi si quid perpetrare velint rerum interdictarum, cum et ea quæ viros decent, viris in virorum monasteriis efficere, et consimiliter quæ mulieribus attributa sunt mulieribus liceat in muliebribus monasteriis peragere? nullo alteri admisto, neque si frater, aut soror, aut alius cognatus esse dicatur. Neque enim per hanc causam aditum ipsis patere concedimus. Nam si ipsa præciderimus principia, et errorem, qui per aspectum se animis hominum insinuat, et exinde ad mala lubricitatem prohibuerimus, multo clementior et faciliior existet sacris decertatoribus vitæ in melius emendatio. Omnes itaque huic legi obtemperanto, et neque virum recondunto in muliebrium monasteriorum sepulcris, neque mulieres in virorum monasteriis, seu asceteriis defodiuntor. Neque enim viris mulierum domicilia, neque rursus virorum habitacula conveniunt mulierum consortiis. Nec per eos qui propter defunctos ingrediuntur volumus exinde inhonestas hæc commistiones fieri, ne per hanc causam naturæ fenestra aperiatur, ut ea quæ nefas est delicatius in se admittat, et ludos faciat, sacrasque res defœdet, ac velamento pietatis, et

sub specie exsequiarum, ea perpetret quæ neque dicere neque in animo cogitare solitariam vitam exercentibus pulchrum est. Cum vero illud re ipsa manifestum existat, quod necesse sit eos qui sepulchris peragendis ministerium præbent, et maxime qui feretra deportant, quique defodiunt, ingredi in monasteria, res sane difficilis consistit in muliebribus, cum ob alia multa, tum propter præfatam prohibitionem. Sancimus tamen ut si quando tale aliquid futurum est, et mulier aliqua in muliebri sepeliatur monasterio (virum enim ibi sepeliri non permittimus), reverendissimæ quidem mulieres in suo permanent habitaculo, sola autem ostiaria, sive ostiariæ, et ipsa forte (si velit) antistes his quæ fiunt intersit. Simul atque vero illi quæ circa exsequias fieri solent, tam sepulcro effosso quam corpore recondito, effecerint, statim discedant, neque aliquas ipsi reverendissimi spectantes mulierum, neque ab aliquibus earum spectati. Sed neque aliam ingressuum occasionem excogitanto, vel viri in muliebria monasteria, vel mulieres in ea quæ viris deputata sunt, per causam eorum quæ peraguntur circa exsequias, quas scilicet memorias appellant, in tertium nonnumquam diem convenientes, item cum quadraginta excesserint, aut etiam annus, cum liceat, siquidem muliebri monasterium sit, mulieres omnia peragere; si virile, viros, neque per huiusmodi occasionem venerabilibus monasteriis aliquam inurere infamiam. Quia vero nihil eorum quæ inclusa sunt legibus, uti æquum est, servari potest, nisi convenientem habeat custodiam, sancimus ut qui cujusque monasterii pro tempore præsul fuerit, continue ad ipsum animadvertat, et in unoquoque ad instar rei, et disciplinæ publicæ operam navet. Et sicubi vel paululum quiddam contra decorum fiat, protinus hoc emendet, neque committat ut major exinde lapsus oriatur, et anima quæ ad salutem ex sancta vitæ atque fidei institutione proveniente confugit, pereat.

Ipsæ quoque monasteriorum summus præsul, sive in loco sit, quemadmodum in hac est urbe, sive non, enixe in eam rem operam dato, et apocrisarios suos (ut nuncupantur) per monasteria dimittito; e vicinis etiam interroget, nunquid mali in aliquo vicinorum perpetretur monasteriorum; atque hæc omnia coerco, et competentem pro dignitate impendito providentiam. Sed et cujusque civitatis episcopus in hoc providentiam adhibeto, sive patriarcha, sive metropolitanus, sive quicumque sit; et reverendissimos defensores ecclesiæ suæ mittito, qui hæc perquirant, et observent, neque committant ut præter decorum quidquam fiat. Sed et si quid tale perpetretur, ut primo quoque tempore hoc corrigant. Consimiliter autem et sanctissimus hujus almæ urbis patriarcha ea quæ monasteria hic concernunt perquirito; et ejus rei custodes Dei amantissimos defensores sacrosanctæ majoris ecclesiæ, et quoscunque diligentissimos, honestissimosque esse putaverit constituito, ut majore adhibita custodia, amplior item observatio, et pro delictis vindicta procedat. Enimvero singula mona-

asteria sub aliquo censi oportet antistite, et habere (quemadmodum diximus) quos dicunt apocrisarios, viros ætate graves, qui et in monastica jam disciplina impendio decertarint, neque facile corporis sustineant impetus, et rebus gerendis, atque ipsorum usibus vacarint. Neque hoc tantum, si virorum monasterium sit, sed etiam si mulierum forte sit, duo aliqui viri, vel (si haberi possunt) eunuchi constituentur, qui amplissimo testimonio comprobati, negotia ipsarum gerant, et ineffabilem ipsis communionem, cum ejus rei opportunitas erit, distribuant. Quod si illi de necessitate aliqua monasterii, aut quæ unam aliquam reverendissimarum ascetiarum pertingat, necessarii aliquid dicere voluerint, colloquantur ea de re cum sola antistite, neque præterea cum ulla alia mulierum quæ in eo consistant monasterio, per reverendissimas tamen omnia conficientes ostiarias. Oportet enim et huiusmodi aliquas ad fores collocari, quæ consimiliter et ingressus et exitus respicientes, tam exitus mulierum prohibeant quam inaccessos viris aditus, exceptis apocrisariis, reddant. Hi autem ostiarias accedent, et adventus sui causam exponent. Antistes vero re cognita, et progressa, cum his colloquetur, ipsique ad illam referent ea quæ dispensationem eorum concernunt et necessitatem, quamobrem accesserint. Atque ita et humana pulchre administrabuntur, et ex omni parte nullo tentata malo durabit castitas.

Certe si quis delinquat (ut multa sunt humana, neque quisquam ita continere naturam potest in officio, quin aliquando peccet, hoc enim solius est Dei), hunc quidem, si mediocre delictum sit, et admoneto, et seorsim includito, tempusque illi assignato penitentiae, ut meliore ratione percepta, ad seipsum redeat, neque depensos jam et exhaustos labores amittat. Sin vero major lapsus fuerit, pro modo peccati adhibetor etiam emendationis diligentia, et item vehementiorem admonitionem, et fortiorem penitentiam expetito. Et siquidem hisce modis servare eum valuerit, qui labi coeperat (idem autem et in mulieribus sanctimoniali vitæ deditis, et in viris dicimus), magno Deo gratias agat, qui et angelicis in cælo potestatibus gaudium oboriri dixit si quis peccatorum servetur. At si delictum atrocius sit quam quod medela reparari possit, tunc prorsus monasterio ipsum expellito, ut cum seipsum a melioribus ad deteriora contulerit, ipse solus improbitatis suæ fructum capiat, neque vitiorum suorum aliquid cæteris contagione affricet, quemadmodum peste laborantia et incurabiliter ægrotantia solent pecora. Nam ut maxime hi neglexerint, non tamen majestas ista despiciet imperatoria, neque indignatione contra id factum, contrave locorum episcopum et ecclesiasticos qui sub ipso constituti sunt, abstinebit, nisi hoc observaverint, nimirum cum ejus negotii diligentia necessario ipsi etiam majestati imperatoriæ incumbat. Si enim puris illi nudisque manibus pro republica preces Deo obtulerint, manifestum sane quod et res militaris pulchre se habebit, et civitates in bono statu erunt. Deo item propitio ac benevolo constituto, quomodo non omnia

in summa pace et recta legum moderatione vigeant? **A** Terra quoque nobis fructum feret, et celerius bona sua edet, per Dei benevolentiam precibus illorum universam rempublicam in unum colligentibus. Sed et communis hominum figura venerabilior erit, quærentque quod præstantius est, illorum puritatem reveriti. Unde una fiet conspiratio, omnibus simul ad hoc concurrentibus, et (quoad fieri potest) exterminata omni malitia melioribus sanctioribusque studiis introductis, et dignitatem habentibus. Quod quidem cum desideremus, bonum haud dubie opus, quemadmodum persuasum habemus, perficimus. Illud quoque omnibus observari modis volumus, ut si quis reverendissimorum monachorum in caupona aliqua diversari videatur, illico is tradatur civitatum defensoribus, aut hic iudicio excellentiæ tuæ, castigeturque convictus, certiorque ea de re reddatur antistes, ut eum qui hæc deliquit, et turpem vitam cum angelico hoc statu permutavit, expellat monasterio. Duabus enim potissimum in rebus operam et diligentiam reponere oportet monachos, ut aut sacris vacent Scripturis, aut quas manuiarias vocare solent artes monachos decentes meditentur exerceantque. Siquidem mens inerti otio dedita haud sane quidquam bonorum pepererit. Atque hanc legem de his proponimus, tam in hac regia valituram urbe quam in omnibus gentibus. Nam et ad unumquemque religiosissimum patriarcham pro maiore cautela et competente custodia eam transmittemus. Hi vero ad metropolitanos sub ipsis constitutos eam emittent. Illi autem **C** omnibus aliis impertientur episcopis, et per episcopos hæc reverendissimis monachis eorumque antistitibus manifesta fiet. Porro hujus rei observationem committimus non tantum cujusque mansionis solitariae præsuli, neque solum Dei amantissimis locorum episcopis, aut religiosissimis metropolitanis, aut sanctissimis patriarchis, sed et hic quidem præfectis, ut si res vehementiore aliqua animadversione indigeat, de hoc a Dei amantissimis viris edocti, id exsequantur: in provinciis vero illarum præsidibus, ut tamen quid facto opus sit, prius a Dei amantissimis perdiscent episcopis. Et prorsus tam per sacras personas quam magistratus ea quæ Deum concernunt incorrupta existant; et præ cæteris omnibus per maiestatem imperatoriam, utpote cum nihil divinarum **D** rerum, et quæ custodire justum est, a nobis negligatur, sed per omnia studeamus ut communis reipublicæ status ex magni Dei et Servatoris nostri Jesu Christi erga homines amore fructum auferat per reverendissimorum virorum puritatem: quam custodient et clerici, et monachi, et episcopi, tam majores quam minores, tum sacrorum memores canonum tum nostrarum legum et constitutionum de hoc conscriptarum, quas et valere et ratas esse per præsentem quoque legem sancimus. Quæ igitur nobis placuerunt, et per hanc sacram declarantur legem, ea cognoscens gloria tua, effectui et fini tradere studeto. Dat. xvii Krlend. April., Constant., Arione v. c. cons.

NOVELLA CXLIV.

De samaritanis.

Ut impiam Samaritanorum hæresim et omni ratione carentem horum vesaniam ad meliorem frugem perduceremus, neque non ipsorum animas quo detinentur morbo liberaremus, sæpenumero tam pientissimus princeps pater noster quam etiam nos ipsi studio habuimus. Sed in plerisque horum non potuimus id in quod longo studio incubuimus effectui tradere. Evaserunt enim in tantam nonnulli eorum vesaniam, ut vel salutari baptismo dignati, denuo ad id mali unde discesserant redierint, et eadem cum Samaritanis habere in pretio, eodem cum ipsis agitari furore dignoscantur. Præclarum igitur nobis visum est veterem illam et prius contra ipsos propositam patris nostri legem renovare. Ac propterea sancimus ut ipsi neque ex testamenti tabulis, neque absque iis hæredes fiant, legatave capiant, aut donationis titulo rem aliquam nanciscantur. Sed neque Samaritani, aut in universum hæretici, quive rectam se Christianorum fidem amplecti simulant, cum revera neque ita sentiant, neque huic consentanea faciant, ad hæreditatem ab intestato vocati, successionem habeant. Item neque testamenta conscribant, neque legata relinquunt, aut donent, nisi qui ea percepturi sunt, et recte de fide sentiant, et fideles sint operibus. Nam si nemo horum sit, jubemus ut post ipsorum mortem horum bona ad sacratissimum pertineant ærarium. Unde et sacra illa forma, per indulgentiam ipsis a patre nostro concessa, quæ, legis vicem obtinens, largitur ipsis, ut hæreditatem pariter adire et transmittere, item legatis honorari et legata relinquere possint, in posterum vacabit, neque prorsus ullam firmitatem habebit. Nam si hujus se clementia indignos esse perhibuerint qui Samaritanorum agitantur vesania, neminem alium quam se ipsos accusabunt, cum a benignitate Dei et Servatoris nostri Jesu Christi alieni sint. Liberalitates autem ab imperatoria olim maiestate ipsis concessas amittunt in hoc, ut ad meliorem mentem redeant, non ut perpetuo in perversa hac opinione sua permaneant. Excipimus autem a præsentis lege rusticos, qui Samaritanorum opinionibus honorem habent; idque non ipsorum gratia, sed propter constitutionem prædiorum quæ ab ipsis coluntur, propterque redditus et tributa quæ exinde inferuntur publico, ut qui rusticitate seducantur. His etenim permittimus ut tam ascendentes quam descendentes, et ex transverso cognatos suos hæredes legatariosve scribant, tametsi Samaritanorum errore detineantur, ut tamen fundos recte colant, quo magis et uberius exinde proventus ad prædiorum dominos deferatur, et per ipsos ad fiscum. Sed et sine testamentis prædicti alter ad alterius hæreditatem pervenient propter eandem causam. Quandoquidem et si nemo horum inveniatur, nihilominus tamen volumus ut prædii dominus in quo rusticus defunctus est ab illo relicta capiat, et fisci locum teneat, utpote qui et pro illo publicis satisfacit tributis. Præterea Samaritanum omnino neque militiam capessere con-

cedimus, neque ad civilem administrationem accedere, neque postulare in iudicio, neque postremo in consortium disertissimorum assumi rhetorum, neque adolescentes instituere. Sed et si qui ex iis salutari dignati baptismo, ad pristinum denuo errorem reversi, observaresabbata aut etiam alia quædam agere videantur, quæ coarguant per simulationem ipsos sanctum baptisma assumpsisse, eos proscribi jubemus, et in perpetuum tradi exilium. Iisdem quoque pœnis eos subdimus, qui contra rectam Christianorum fidem impium istis patrociniū præstiterint. Perpulchrum vero nobis videtur ut ad incontaminatum accurrentes baptismum non temere suscipiantur, sed cum quadam observatione et instructione, quæ initiationis tempore fieri solet. Dicimus autem ut qui omnino sensu aliquo bonæ doctrinæ tangi possunt, per duos primum annos in fide instituantur, et pro viribus Scripturas ediscant; tuncque demum sacro redemptionis offerantur baptismati, tam longi temporis pœnitentia prorsus redemptionis fructum assecuti. Pueros autem admodum, qui per ætatem doctrinas intelligere nequeunt, etiam absque hac observatione sacro dignari baptismate admittimus. Porro nullus Samaritanus Christianum habeat mancipium, sed simul atque emptum fuerit, protinus in libertatem rapiatur.

Quod si æque perversa opinione mancipium, ut ipse dominus, fuerit, licitum ei esto, si Christianorum de fide sententiam exosculetur, illico et Romana ipsum libertate potiri. Quæ igitur nobis placuerunt, et per præsentem declarantur legem, ea proponens gloria tua solemnibus locis, effectui et fini contradi præcipito.

NOVELLA CXLVI.

De Hebræis, quomodo oporteat eos Scripturas legere.

Imperator Justinianus Augustus Areobindo gloriosissimo prætoriorum præfecto.

Æquum sane erat ut Hebræi, cum sacris libris aures præbent, non leviter et rebus solummodo gestis delectarentur, sed reconditos in ipsis sensus spectarent, per quos magnum illi Deum et Servatorem humani generis Jesum Christum annuntiant. Verum enimvero quamvis dum commentis inter ipsos interpretationibus se committunt, in hunc usque diem a recta sententia aberrarunt: quia tamen didicimus D habere ipsos inter se controversiam, non sustinui-
mus eum tumultum relinquere ipsis incompositum. Siquidem per interpellationes quæ ad nos referuntur didicimus quod ex ipsis quidam sola lingua tenentur Hebraica, eaque utendum esse in sacrorum librorum lectione volunt, quidam etiam Græcam assumendam contendunt, et longo jam tempore ea de re seditiones inter se agitant. Nos igitur de hac controversia edocti, meliores esse iudicavimus eos qui Græcam etiam linguam in sacrorum librorum lectione voluerunt assumere, et (uno verbo) omnem denique linguam quam locus accommodatiorem et magis familiarem reddat auditoribus. Sancimus igitur ut in quibus omnino locis Hebræi sunt, Hebræis qui volunt

A licentia sit in eorum synagogis Græca etiam lingua, itemque patria ac forte, nempe Italica, aut quacunque alia pro loci ratione mutata lingua, sacros libros intelligentibus legere: quo magis per ipsorum lectionem intelligentibus tota dictorum series ordine manifesta sit, secundumque ea et vitam et studia sua instituant; neque facultas sit ipsorum interpretibus qui solam Hebraicam assumunt linguam ut suo arbitratu malitiose hanc tractent, vulgi ignorantia suam tegentes improbitatem.

Enimvero qui Græca lingua legunt utentur interpretatione Septuaginta, quæ omnibus exactior est, et præter cæteras multa continet occulta, præsertim vero propter id quod in interpretando accidit. Nam cum semper bini seorsim conclusi essent, et diversis B locis interpretarentur, unam tamen omnes compositionem ediderunt. Ad hæc quis non illud in his viris admiretur, quod cum longo tempore salutarem apparitionem magni Dei et Servatoris nostri Jesu Christi præcesserint, tamen illam futuram quasi præsentibus cernentes oculis, prophetica quodammodo gratia ipsos circumfulgente, sacrorum illi librorum interpretationem accommodarunt? Atque hac quidem omnes præcipue utentur. Ne tamen in eam opinionem veniant, quasi cæteras interpretationes excluserimus, damus illis licentiam ut etiam interpretatione Aquilæ utantur, tametsi illæ diversæ nationis fuerit, et in nonnullis dictionibus non mediocrem cum Septuaginta habeat differentiam. Quæ vero deuteriosius, quas secundaria tradito ab ipsis dicitur, in universum interdicimus, ut quæ sacris libris comprehensa non sit, neque desuper tradita per prophetas, sed excerpta quædam virorum contineat, qui terrena duntaxat loquantur, neque quidquam in se divini habeant numinis.

Sed et ipsas utique sacras voces legant, cum sacros libros evolvunt; neque celantes ea quæ inibi prolata sunt, extrinsecus assumant nusquam scriptas vocum inanitates, ab ipsis ad perditionem simpliciorum excogitatas.

Unde hac a nobis præbita licentia, neque aliquibus omnino subdentur dispendiis hi qui Græcam et alias linguas assumunt, neque item ab ullo prohibebuntur. Neque qui archiphærecitæ, aut seniores interim, aut etiam magistri apud eos appellantur, licentiam habebunt ut vafri quibusdam commentis aut anathematismis id prohibeant, nisi velint corporalibus castigati pœnis, atque insuper bonis spoliati, vel inviti consentire nobis, qui et præstantiora et Deo magis accepta velimus jubeamusque. Certe si quis impias et sacrilegas vocum inanitates introducere attentaverit, et vel mortuorum resurrectionem, vel iudicium extremum negare, aut affirmare quod figmentum et creatura Dei per angelos subsistat, hi volumus ut etiam omnibus locis expellantur; neque tam maledicam vocem emittant, qui in universum ipsa etiam cognitione Dei exciderunt. Eos enim qui hujus generis aliquid proloqui pertentaverint omnium acerbissimis suppliciis subijcimus, introducto per hos errore

gentem Hebræorum depurgantes. In votis autem habemus ut per hanc et illam linguam sacris libris præbentes aures, et interpretum perversitatem observent, neque solis attendant litteris, sed res etiam ipsas degustent, et sacratiores omnino sensus percipiant, quo magis et quod præstantius est addiscant, et aliquando decipi atque ab eo, quod omnium præstantissimum est, nempe in Deum fiducia, aberrare desinant. Propterea enim omnem ipsis linguam ad sacrorum librorum lectionem aperuimus, ut si omnes ordine eorum scientiam amplectantur, ad meliora perdiscenda reddantur aptiores, cum in confesso sit multo paratiorem ad meliora discernenda et capessenda esse eum qui sacrorum librorum lectione in-nutritus, non longe a correctione, et ut ad bonam frugem perducatur, dissidet, quam qui nihil horum intelligit, sed ex solo religionis nomine dependet, eique tanquam sacræ adhæret anchoræ, et scientiam

A Dei putat in sola sectæ appellatione versari. Quæ igitur nobis placuerunt, et per hanc sacram declarantur legem, ea observabit tam gloria tua, quam cohors tibi obtemperans. Observabit autem et qui pro tempore in fastigium magistratus tui collocatur, neque committet ut Hebræi contra hæc faciant. Sed et eos qui obstiterint, et omnino prohibere attentaverint, corporalibus primum pœnis subditos, ademptis etiam bonis, compellet incolere exsilium, ne quando insolentius se et temerario ausu contra Deum pariter et majestatem imperatoriam efferant. Utetur autem et jussionibus ad provinciarum præsidēs, adjungens ipsis legem nostram, ut et ipsi de hoc edocti per singulas urbes hanc proponant : scituris quod necessario hæc observanda sint, nostram indignationem metuentibus. Dat. Id. Febr., Constantin. dn. Justin. PP. Augusti, Basilio v. c. cons.

JUSTINIANI IMPERATORIS LEGES SELECTÆ,

Quibus Ecclesiæ res tractavit vel suam in Deum pietatem testatus est.

LIB. I, TIT. III.

De episcopis et clericis.

LEX XLII.

Imperator Justinianus Augustus Alarbio præfecto prætorio.

Omnem adhibentes providentiam circa sanctissimas ecclesias in honorem et gloriam sanctæ et incorruptæ et homousiæ Trinitatis, per quam et nos et communem rempublicam salvos fore credidimus, insistentes etiam doctrinæ sanctorum apostolorum, *de creandis irreprehensibilibus sacerdotibus*, qui quidem ob id potissimum ordinantur, ut suis precibus benignitatem humanissimi Dei rebus acquirant communibus, præsentī lege sancimus, ut quoties in qualicunque civitate sacerdotalem sedem vacare contigerit, decretum fiat ab his qui eam civitatem incolunt, super tribus personis rectæ fidei, et honestæ vitæ, aliorumque bonorum, et virtutum testimonium habentibus, ut ex ipsis idoneior ab episcopatum promoveatur; si enim sancti et gloriosi apostoli sacerdotium a Domino Christo et Deo consecuti, et qui bonis omnibus terram repleverunt, et ejus doctrinam omnibus impartiti sunt, neque ipsi vitæ suæ, quam in hoc mundo degebant, salutis nostræ causa pepercerunt, quomodo æquum non fuerit ut qui subingrediuntur eorum ordinem, et instituuntur sanctissimarum Ecclesiarum sacerdotes, purum habeant propositum, et pecunias contemnunt, omnemque vitam suam ad clementissimum applicent Deum?

C § 1. Convenit igitur hujusmodi eligi, et ordinari sacerdotes, quibus nec liberi sint, nec nepotes; etenim fieri vix potest ut vacans hujus quotidianæ vitæ curis, quas liberi creant parenti maximas, omne studium omnemque cognitionem circa divinam liturgiam, et res ecclesiasticas consumat. Nam cum quidam, summa in Deum spe, et ut animæ eorum salvæ fiant, ad sanctissimas accurrant ecclesias, et eis omnes suas facultates afferant, et derelinquant, ut in pauperes, et egentes, et alios pios usus consumantur, indecens est episcopos in suum illas auferre lucrum, aut in propriam sobolem et cognatos impendere. Oportet enim episcopum minime impeditum affectionibus carnalium liberorum, omnium fidelium spiritualem esse patrem. Has igitur ob causas prohibemus habentem natos aut nepotes ordinari episcopum.

D § 2. De his vero episcopis qui nunc sunt, vel futuri sunt, sancimus nullo modo habere eos facultatem testandi, vel donandi, vel per aliam quamcunque excogitationem alienandi quid de rebus suis, quas, postquam facti fuerint episcopi, possederint et acquisierint, vel ex testamentis, vel donationibus, vel ex alia quacunque causa : exceptis duntaxat his quas ante episcopatum habuerunt ex quacunque causa, vel quæ post episcopatum a parentibus et theiis, hoc est, patris, vel avunculis, et a fratribus ad ipsos pervenerunt, perventuræque sunt; quæcunque enim post ordinationem ex quacunque causa extra præfatas personas ad ipsos pervenerunt, ea jubemus

ad sanctissimam Ecclesiam, cujus episcopatum tenuerint, pertinere, et ab ea vindicari et evinci, nulla alia persona potestatem habente ex eo proprium quid auferre lucrum. Quis enim dubitaverit eos qui ipsis proprias res relinquunt, aut reliquerint, etsi in aliam personam transferunt, aut transtulerunt, non potius ipsum sacerdotium contemplantes, quam ejus personam, et cogitantes quia non solum ab ipsis relicta pie insument, sed et suas ipsorum res adjicient, id fecisse?

§ 3. Ab hac autem generali nostra lege excipimus ea sola quæcunque et qualiacunque in hunc usque diem fuerint Epiphanii archiepiscopi felices hujus civitatis, et sanctissimi patriarchæ. Nam super his, quæ ab hoc tempore ei adquirentur, ea quæ a nobis constituta sunt, obtinere, et ipsa ad sanctissimam majorem ecclesiam pertinere jubemus. — § 4. Post mortem vero Deo amantissimorum episcoporum, jubemus ut pro tempore illarum ecclesiarum æconomi rationes reddant earum quæ ab illis relictæ sunt rerum, idque sanctissimis ecclesiis proficere quod ex hac nostra lege eis debetur.

§ 5. Et ipsos quidem æconomos cum judicio et diligenti discussione creari præcipimus: scientibus ipsis quod singulis annis rationem referent sanctissimo episcopo suæ administrationis; et quacunque in re videbuntur res ecclesiasticas minuisse, vel læsisse, vel proprium quæstum quæsisse, hoc ecclesiasticis rebus restituent. Itaque si quidem superstites istiusmodi rationes subierint, fiant quæ supra dicta sunt; si vero non redditis rationibus defuncti fuerint, tunc ipsorum hæredes subjiciantur tali discussioni, et conveniantur pro restitutione omnium quæ ex ea causa debere illos constiterit. — § 6. Necessarium quoque esse credidimus, etiam super his aliquid definire qui curam susceperunt, suscepturive sunt generabilium xenonum, et nosocomiorum, et ptochiorum, et orphanotrophiorum, et brephotrophiorum; nam et ipsis omnem licentiam auferimus de acquisitis rebus post susceptas hujusmodi curationes vel per testamentum, vel per alium quemlibet modum, vel machinationem quidquam in alias transferendi personas: exceptis quæ prius habuerant, vel postea a parentibus vel theiis, vel fratribus ad ipsos pervenerunt. Omnia enim, quæcunque ad sancta pertinent loca, vel quæ ad ipsorum præpositos post susceptam hujusmodi curam pervenerunt, vel perventura sunt, ad ipsa venerabilia pertinebunt loca; eaque pie in eos distribui et erogari volumus, qui in illis locis sunt, vel curantur. Manifestum enim est quod quidquid derelinquit vel donat, sive in scriptis, sive sine scriptis xenodocho, vel nosocomo, vel ptochotropho, vel orphanotropho, idcirco dat, ut pie per ipsum dispensetur, ut qui multam de eorum pietate præsumptionem et occasionem habeat, qui iis locis præfecti sunt; neque vero justum est ipsum ea quæ sub prætextu eorum qui sub ejus cura sunt accipit, non in ipsos vel pro ipsis impendere, sed in propriam personam auferre, et proprio lucro appli-

care, timore Dei contempto. Quis enim tali curæ præpositum non existimet idcirco eam suscepisse, ut non solum quæ extrinsecus ad eum pervenient, sed etiam omnia quæ habere eum contigerit in eam rem impendat.

§ 7. Amplius id quoque jubemus, ut quæcunque post necessariam erogationem in eos qui eorum curæ commissi sunt et debitam curationem rerum et ædificiorum superesse contigerit, ea ad redituum comparationem proficiant; undique enim noster scopus nostraque intentio est, ad amplificationem et augmentum adducere res ad pios usus segregatas; sic enim quisquis pro sua anima quidquam facere volet, promptius erogabit, si crediderit ea quæ ab ipso data fuerint pie administranda esse. — § 8. Si autem contigerit aliquem ab administratione sua cessare, quam acceperat, sancimus eum qui in ejus loco constitutus est cum timore Domini rationum redditioni subjici gestæ sub eo administrationis, sicut divina nostra lege continetur: sciente et eo qui post ipsum constitutus est quod Domino Deo pro his rationem reddet.

§ 9. Præterea sancimus (quemadmodum et divinis canonibus definitum est) ne quis episcopus et chor-episcopus, aut visitator, sive circuitor aut presbyter, aut alius cujuscunque dignitatis clericus per largitionem ordinetur. Sed nec æconomus, nec ecclesiecdicus, nec xenodochus, nec nosocomus, nec ptochotrophus, nec orphanotrophus, nec brephotrophus, nec quisquis ptochio præficiendus est, per talem fiat largitionem, sed per judicium et probationem eorum qui in illis locis sunt Deo amantissimorum episcoporum. Si vero quis inventus fuerit occasione prædictarum ordinationum et administrationum aliquid dedisse, vel accepisse, sive episcopus sit, sive clericus, et eum qui præbuit, et eum qui accepit, extra sacerdotium et clerum fieri jubemus, ut post hæc Domini Dei subjaceant condemnationi. Si autem quis propter præfecturam dedisse quid compertus fuerit, eum qui ita præfectus factus fuerit, extra clerum esse jubemus; si vero æconomus vel ecclesiecdicus seu defensor vel chorepiscopus, id est, vel periodeuta, visitator vel xenodochus, vel nosocomus, vel ptochotrophus, vel orphanotrophus, vel ptochio præpositus comperietur præbuisse quid, ut sibi cura illa committeretur, et hunc removeri ab hujusmodi cura, jubemus. — § 10. Præterea sancimus ut omnes clerici per singulas Ecclesias constituti, per se ipsos psallant nocturna, et matutina, et vespertina, ne ex sola ecclesiasticarum rerum consumptione clerici appareant, nomen quidem habentes clericorum, rem autem non implentes clerici circa liturgiam Domini Dei. Turpe enim est, pro ipsis scriptos, necessitate ipsis inducta psallere. Si enim multi laicorum, ut suæ animæ consulant, ad sanctissimas ecclesias confluentes studiosi circa psalmodiam ostenduntur, quomodo indecens non fuerit clericos ad id ordinatos non implere suum munus? Quapropter omnimodo clericos psallere ju-

bemus, et ipsos inquiri a Deo sanctissimis pro tempore episcopis, et duobus presbyteris in singulis ecclesiis, et ab eo qui vocatur archos vel exarchos, et ab ecclico, sive defensore cujusque sanctissimæ ecclesiæ, et eos qui inventi non fuerint inculpatæ in liturgiis perseverantes, extra clerum constitui. Nam qui constituerunt, vel fundarunt sanctissimas ecclesias pro sua salute et communis reipublicæ, reliquerunt illis substantias, ut per eas debeant sacræ liturgiæ fieri, et ut in illis a ministrantibus piis clericis Deus colatur. Licentiam autem concedimus omni personæ quæ quid horum prætermisum esse cognoverit, ea denunciare et publicare. — § 11. Ea vero quæ a nobis sancita sunt, fini tradi, et ad effectum perducere cum Dei benignitate jubemus; eos vero qui in suspicionem venerint, aliquid horum ausu temerario prætermisisse, primum quidem ex Domini Dei iudicio periculum, ac deinde positas in hac lege pœnas sustinere. Dat. Kal. Mart., CP., dn. Just., PP. A. II cos. 528.

LEX XLIII.

Idem Augustus Epiphano archiepiscopo Constantinopolitano et patriarchæ.

Omnem semper adhibentes providentiam circa sanctissimas ecclesias, per quas et nostrum imperium sustineri, et communes res clementissimi Dei gratia muniri credidimus, necnon et nostras, et cæterorum omnium animas studentes salvari, et eam ob rem solliciti assidue, ne commoda sanctissimarum ecclesiarum in quacunque civitate sint constitutæ, aliqua ratione minuantur; neve quæ in ipsis fiunt divinæ liturgiæ ex Deo amantissimorum sacerdotum absentia impediatur, aut non convenienter curentur: ac ne etiam sanctissimarum ecclesiarum consumantur res, tam propter itinerum quam etiam commearum huc sacerdotum et comitantium clericorum impensas; unde sæpe et sub fenore accipiendi necessitas emergit, et ex ea re onus ad ipsas sanctissimas ecclesias venit: simul etiam ne ecclesiasticarum rerum non convenienter procedat administratio per absentiam Deo amantissimorum episcoporum tempus, his ad tuam beatitudinem divinis apicibus uti oportere existimavimus. — § 1. Per quos ipsi jubemus fieri omnibus manifestum, per singulas metropoles uniuscujusque provinciæ ipsi subjectis sanctissimis sacerdotibus, quoniam non decet aliquem ipsorum, aut eorum qui in aliis provinciarum civitatibus sub metropolitano ordinati sunt episcoporum, secundum propriam voluntatem absque divina nostra speciali jussione, relinquere quidem gubernatam a se sanctissimam ecclesiam, in hanc vero felicem commearum civitatem, qualiscunque emergat res: sed mittere oportere hunc unum, aut duos ex sibi subiecto pio clero; et facere manifesta nostræ pietati ea quibus opus habent aut per se ipsos, aut per intermediam tuam beatitudinem, sicque perfrui justa et compendiaria nostra ope; si enim quidpiam eorum quæ ad nos relata fuerunt tale nobis visum fuerit, ut indigeat ipsorum Deo amantissimorum sacerdo-

tum præsentia, confestim tum proficisci jubemus ipsos; absque vero tali divina jussione, neminem proficisci concedimus. — § 2. Sciente horum transgressore, et recte ac pie introductam a nobis pro sanctissimarum ecclesiarum honore observantiam prætereunte, quod non parvam indignationem expectetur, sed et sub excommunicatione fiet, si quidem metropolitæ sit, a tua beatitudine; si vero civitatis sit episcopus, quæ metropolitæ subjecta sit, ab ipso metropolita: pecuniarum namque pœnam definire contra contemnentes divinam nostram dispositionem non necessarium esse putavimus, ne inde ad sanctissimas ecclesias quod inde eveniret damni redundet, quarum res ab omni deminutione liberas manere cupimus. — § 3. Hæc igitur ad singulorum notitiam sub ipsa ordinatorum Deo amantissimorum metropolitānorum episcoporum perferre tua sanctitas studeat, et ab unoquoque missas responsiones, tam per metropolitā quam per ipsarum reliquarum provinciæ civitatum Deo amantissimos episcopos de his quæ hac de re didicerint, ad nostram religionem referre. Dat. x cal. Mart., CP., dn. Justiniano PP. A. II cos. 528.

LEX XLIV.

Idem Augustus Mennæ P. P.

Sanctissimarum ecclesiarum et piissimorum monasteriorum decori consulentes, interdicimus omnibus habitantibus monasteria conversari cum mulieribus monastriis, aut occasionem aliquam excogitare, qua communicationem aliquam cum ipsis habeant (hoc enim justam suspicionem introducit, assidue, aut cum voluerint, cum ipsis congregandi); sed ita segregatos esse, ut nullam participationem ad invicem ob quamcunque causam habeant ipsi, neque excogitari aliquam occasionem, vel illis, vel his mutue inter se commorationis; sed soli per se homines in quolibet monasterio degant, a vicinis sibi per quamcunque causam monastriis segregati: Solæ item per se mulieres non commistæ viris, ut omnis suspicio indecoræ conversationis penitus tollatur. Sed si viri fuerint plures, oportet providentia singularum civitatum episcoporum feminas in alium convenientem locum transferri, et dari monasterium ipsis, in quo oporteat ipsas in posterum apud se ipsas honeste conversari: sin plures inveniantur feminae, aut etiam pari numero, viros quidem transferri, feminas autem in monasterio manere, ita ut res ipsius monasterii mobiles et immobiles, et se moventes hi qui exeunt cum his qui manent, pro rata dividant. Necessariis autem responsis apud se degentium separatim mulierum, unum senem a Deo amantissimo episcopo civitatis segregari: ad divinas vero per agendas liturgias et sancta communione participandas unum presbyterum, et unum diaconum honestæ vitæ dari, qui hæc sola supradicta agere debeant, non etiam convesci et conversari, aut cohabitare cum ipsis. His enim servatis, et ipsis felix vita erit, qui solitariam vitam elegerint, et communis nostræ reipublicæ res paratiorem consequentur a Deo clementissimo opem. Quæ igitur super communibus

rebus et nunc recte habere existimavimus, hujusmodi sunt. Sed et credidimus non parvam hinc vim iri additam esse his ex divina nostra constitutione utilitatem.

§ 1. Sed et observatione et cautela diligenti opus est, ne ullo modo prætereantur hæc. Quod non aliter continget, quam si Deo amantissimi cujusque civitatis episcopi inspiciant diligenter monachorum degentium in monasteriis sub sua cura ordinatis, conversationes; et si quid senserint hujusmodi lapsus, omnibus modis compescant tale ipsorum inceptum; et pœnis subiciant eos qui post nostram prohibitionem adhuc talia perpetrant; et cogant ut eorum conversationes sint puræ, et separatæ ab omni commercio muliebri. Nam et ipsis Deo amantissimis episcopis, si hoc recte æstimare voluerint, perspicuum est quod ex observatione honestæ hujus devotissimorum monachorum conversationis, et si eis contingerit nihil indecens, aut inhonestum accidere, clemens Deus propitius res communes nostræ Reipublicæ secundabit.

§ 2. Sed ne vel ipsi Deo amantissimi episcopi supervacuum ducant hoc nostrum præceptum, nosse ipsos volumus, quod si quis ipsorum manifestus sit non cum omni diligentia hæc investigare, aut manifestum lapsum non secundum prædictos modos emendare, obnoxius quidem erit iudicio Domini Dei, et nunc in ipsum veniet imperii nostri indignatio, et circa ipsum periclitabitur sacerdotium, neque alia majore opus erit indignatione. — § 3. Tua igitur excellentia divinam nostram hanc legis positionem manifestam faciat cujuscunque metropoleos Deo amantissimis episcopis, et clarissimis præsidibus provinciarum: addens et hoc, quod et ipsi, si opus sit, omne ferant auxilium piissimis civitatum episcopis, ad hujusmodi [lapsus] coercenda, quæ tolli jussimus; et si qua negligentia eos usos esse invenerint, manifestam eam nobis proprio facient indicio, ut utique omnes cognoscant, et quænam ab ipsis servari debeant, et ex negligentia definitam pœnam. Curent autem et Deo amantissimi metropolitæ, etiam aliis reverendissimis civitatum episcopis ejusdem provincie facere manifestam divinam hanc nostram legem, et denuntiare omnibus, ut vigili studio hæc custodiant, verentes definitam pœnam. — § 4. Ac ne protrahatur plena observatio divinæ nostræ hujus legis, atque etiam ne ipsi reverendissimi monachi, qui in præsentia conversantur cum monastriis, parvum putent tempus sibi dari ad debitam et injunctam ipsis separationem faciendam, annale ipsis definimus decretum ab eo [die] quo manifesta divina nostra lex hæc facta fuerit, ita ut post anni curriculum, si appareant ea quæ ad convictum attinent in eodem manere schomate, locus sit omnimodo insertis divinæ huic nostræ legi pœnis. Datum xv Kal. Feb., CP., Decio v. c. coss. 329.

LEX XLV.

Idem Augustus Juliano P. P.

Sacris canonibus neque Deo amantissimis presby-

teris neque reverendissimis diaconis, aut subdiaconis nuptias contrahere post hujusmodi ordinationem permittentibus, sed solis reverendissimis psaltis et lectoribus id concedentibus, animadvertimus quosdam despicientes quidem sacros canones pueros autem generantes ex quibusdam mulieribus, quibus conjungi secundum sacerdotalem censuram non possunt. Quoniam igitur pœna facinoris hujus in sola sacerdotii erat amissione, sacros autem canones non minus quam leges, valere, etiam nostræ volunt leges, sancimus obtinere in illis et quæ sacris visa sunt canonibus, perinde ac si civilibus inscriptum esset legibus; et omnes istiusmodi homines tam sacerdotio quam divino ministerio, atque etiam dignitate ipsa quam habent nudari. Quemadmodum enim sacris canonibus prohibita sunt talia, sic et secundum nostras leges rem ipsam prohiberi; et præter supradictam excidendi a ministerio pœnam, ne legitimos quidem et proprios esse eos qui ex hujusmodi inordinata constupratione nascuntur, aut nati sunt: sed eam quæ ex talibus seminibus oritur participari turpitudinem; tales enim eos esse disponimus, quales quos leges ex incestis aut nefariis natos nuptiis definiunt, ita ut neque naturales aut nothi seu spurii intelligantur, sed prorsus et undique prohibiti et successionis genitorum indigni; ac nec donationem ab illis capere possint, neque hi neque horum matres, nec per interpositas quidem personas, sed omnibus in hos collatis a patribus beneficiis ad sanctam ecclesiam ex qua sunt qui talia deliquerunt revertentibus. Quod enim sacri canones prohibent, id etiam et nos per nostras abolemus leges. Si vero simulata quædam obligatio sub specie mutui vel alterius contractus instrumenti fiat, quæ obligatum faciat eum qui hujusmodi constuprationis particeps factus est, hanc etiam infirmam esse volumus, et talium rerum donationem non ad eam personam in quam concepta sunt scripta, sed ad sanctissimam ecclesiam pervenire. Data xv Kal. Nov., CP. Lamp. et Oreste vv. cc. coss. 38.

LEX XLVI.

Idem Augustus Juliano P. P.

Sancimus, si quis moriens piam fecerit dispositionem vel per institutionis modum, vel per legatum, aut fideicommissum, aut mortis causa donationem, vel alium quemcunque modum legitimum; sive injunxerit pro tempore episcopo curam agere, ut impleantur quæ ipse voluit, sive et hoc retinuerit, sive etiam in contrarium prohibuerit, necessitatem habere hæredes id quod ordinatum est facere et adimplere omnimodo. Quod si id sponte non fecerint, confestim loci Deo amabiles episcopos, curiosos esse circa hæc, et postulare ut illi omnino impleant secundum voluntatem defuncti. Sed si quidem ecclesiæ ædificationem injunxerit testator, intra triennium instare eos ut perficiatur; si vero xenonis ædificationem, intra unum annum duntaxat id fieri cogere, tanquam sufficiente tempore hoc constituto ad perficienda quæ placuerunt testatoribus: cum sit possi-

bile, et domum conducere, et infirmos illic in lectis sternere, donec opus ædificationis xenonis seu hospitalis compleatur. Si vero quædam dari simul, et una præstatione in pias causas damnati fuerint, confestim cogere eos facere, hoc est, post testamenti insinuationem, et post adprehensam hæreditatem, vel legatum ab his, qui honorati sunt. — § 1. Sin autem transierit prædictum tempus, ac neque ecclesia, neque hospitale ædificatum fuerit, neque hospitalis aliquis sit qui hoc ordinet, mox ipsos Deo amabiles episcopos exigere ea quæ pro eo ordinata sunt, et in id convenienter quæsitæ, et facere ædificationes sanctissimarum ecclesiarum, et hospitalium, et gerontocomiorum, aut orphanotrophiorum præparationem, aut ptochotrophiorum, aut nosocomiorum constructionem, aut captivorum redemptionem, aut aliam quamlibet actionem piam, a testatore ordinatam, designare etiam seu præficere qui hæc administrent xenodochos, vel orphanotrophos, vel brephotrophos, gerontocomos, vel simpliciter piarum actionum diœcetas et curatores: non amplius valentibus post dicti temporis lapsum et dictam indevotionem his qui illa non fecerint immiscere se prædictarum rerum administrationi, aut Deo amabiles episcopos impedire ab illarum rerum administratione. — § 2. Clarissimis præsidibus provinciarum necessitatem imponentibus hæredibus omnimodo ea perficere; namque et veteribus prædicatum est legibus necessitatem imponi implere deficientium voluntates eis qui habere permittuntur quæ illi reliquerunt.

§ 3. Sed Deo amabiles episcopi, si quidem aliquos diserte hi qui defecerunt præposuerint rebus (veluti xenodochos, ptochotrophos, aut nosocomos, aut brephotrophos, aut orphanotrophos, aut gerontocomos, aut paramonarios, aut œconomos, aut simpliciter [dicendo] piarum actionum administratores), illos quidem permittant habere administrationem; ipsi vero non administrent quidem, sed administrationem illorum inspiciant, aut observent, et recte quidem habentem laudent in quibusdam autem aliquid prætergradientem corrigant; pessima autem administratione facta etiam eos expellant, et alios instituant, qui cogitent et animo concipiant magni Dei timorem, et terribilem magni et nunquam finiendi iudicii diem ad quam illos respicientes convenit omnia facere cum ad Deum coordinata mente. Si vero neminem diserte hi qui moriuntur præstituerint administrationi, sed in hæredum potestate totum posuerint, hi autem rem neglexerint, continuo ipsi Deo amabiles episcopi et administrent, et præficiant suprascriptas personas (ut ptochotrophos, aut nosocomos, et cæteros deinceps, qui etiam magni Dei honorem mente præferant), ut omnimodo et via et artificio ad effectum perducantur quæ ordinata sunt. — § 4. Supra autem omne tempus quo distulerint facere disposita scripti hæredes, eos cogi solvere et fructus, et redditus, et omnem legitimam accessionem a tempore ejus qui disposuit mortis sancimus, non inspecta mora a litis contestatione aut conventionem,

sed ipso jure intellecta (quod dicitur vulgo) mora præcessisse, et locum habente fructuum et aliarum rerum accessione. — § 5. Hoc eodem obtinente, et si non ab hærede, sed a fideicommissario aut legatario relictum fuerit hujusmodi pium legatum, et illud acceperit is qui legato honoratus est, et mox quidem licentiam esse Deo amabilibus episcopis poscere tales personas quibusdam rebus honoratas facere disposita.

§ 6. Si vero negligentes fuerint locorum Deo amabiles episcopi id agere, forte gratia corrupti a scriptis hæredibus, vel legatariis, vel fideicommissariis, licentia erit aut metropolitano provinciæ, aut archiepiscopo illius diœceseos, hæc cognoscenti, inquirere, et cogere pium opus aut piam liberalitatem omnimodo impleri; et cuicumque civium idem etiam facere licentia erit, cum sit enim communis pietatis ratio, communes et populares decet etiam affectiones constitui harum rerum executionis: habituro unoquoque licentiam ex nostra hac lege movere ex lege conductitia, et postulare relicta adimpleri: sciente qui hæc neglexerit, Deo amabili episcopo, quod et ipse, præter imminentes e cœlo pœnas, etiam imperialem motum super hujusmodi contemptu experietur. — § 7. Ut autem adhuc majore metu terreantur hæredes morientium, vel harum rerum procurandarum et faciendarum onere gravati, quominus harum rerum effectum differant, et hoc sancimus, ut si impetiti a Deo amabilibus episcopis, qui his rebus honorati sunt, postea cessaverint, seu distulerint, ita ut præsidum exactione opus fuerit, confestim non solum ipsi simplum (quod dicitur) exigantur, sed omnino duplum. Si enim apud veteres erant quædam themata in quibus ex inficiatione dupla condemnationis inducebantur, quomodo utique non etiam hic eos qui non solum ne sponte fecerint, sed tempus præterea protraxerint, ut postremo impetiti a Deo amabilibus episcopis, ac deinde neque ipsis statim parentes, opus habuerint etiam præsidali exactione, dupli exactione non convenit castigari?

§ 8. Si vero morientes suos hæredes voluerint, quando morituri essent ipsi hæredes, actionem aliquam implere piam, non autem in ipsorum vita, et hoc custodiri, et non in medio hæredes cogi facere quid eorum quæ testator post ipsorum mortem voluerit fieri: cum vero moriuntur ipsi, necessitatem habeant omnimodo ista implere; dilatione autem aliqua ab ipsorum hæredibus facta, tunc necesse est illa fieri quæ ante disposuimus. — § 9. Si vero aliqua eorum quæ vocantur annalia legata, relicta fuerint aut donata clero, aut monasterio, aut ascetis, aut diaconissis, aut ptochiis, aut xenonibus, aut nosocomiis, aut brephotrophis, aut sanctissimarum ecclesiarum pauperibus, aut (simpliciter) cœtibus quibusdam piis, aut omnino non prohibitis ex plebe collegiis; velint autem secundum aliquod tempus hi qui tunc reperiuntur auro accepto super tali actione transigere; non liceat id agere, neque quod factum fuerit ratum esto, imo et privationem rerum

qui hæc redemit vel transegit sustineat. Quandoquidem necesse erit, his quidem qui aliqua parte temporis fuerint esse pecuniarum copiam, his autem qui futuri sunt omnimodam relictorum privationem. Sed nec ipsum annaliorum nomen, neque perpetua defuncti memoria, ob quam et annuum hoc reliquit, conservabitur, sed statim exstinguetur una cum ipsa relictorum interiensi alienatione. Manere igitur perpetuo ipsos obnoxios huiusmodi dationibus sancimus, adeo ut si qua fiat alienatio, et ipsa irrita sit, et hi qui quandoque præerunt piis locis licentiam habeant persequi, et exigere ipsa, nulla temporis præscriptione opponenda ipsis, cum per unumquemque annum talis nascatur actio. Quinimo hypothecæ subjecta sint ejus qui reliquit bona, huiusmodi legatorum causa: ita ut licentiam habeant ex ipsis rebus satis piis operibus facere, non solum pro relictis, sed et pro fructibus ipsorum, et redditibus, et omni legitima accessione temporali (ut dictum est), nulla retinentibus præscriptione convenire queunte, quantumcunque quis numeraverit tempus. Nisi inter hunc annali legato oneratum, et eum qui secundum sacros canones et nostras leges præsul constitutus est, istiusmodi exactionis factum fuerit pactum, quo placuerit, *ut redditus pro annuo legato daretur a gravata persona, semper vigens ac perpetuus, et non multis publicis oneribus obnoxius; sed et accessionem habens, omnino quidem non minorem quarta parte puri redditus, aut amplius, quantum scilicet inter eos placuerit.* Si enim tale quiddam in scriptis fiat pactum, et datus fuerit talis redditus, et receptus in scriptis, pactionibus et transactionibus, et id manifestum per gesta monumentorum constitutum fuerit, cessare exactionem annui legati contra eum qui eo oneratus est sancimus; eum vero redditum pro legato constitui, perpetuo ad id deputatum, et qui alienari a nemine quocunque alienationis modo possit: nullo autem horum subsecuto, subjacere perpetuo (ut antea a nobis dictum est) dationi annuorum legatorum eos qui his gravati sunt sancimus, ut et nomen, et memoria defuncti, et annui redditus in ipsis operibus perpetuo conserventur. Datum xv Kalend. Novemb., Constantinop. Lampad. et Oreste coss. 530.

LEX XLVII.

Idem Augustus Juliano P. P.

Sacris nostris legibus existimavimus oportere et hanc addi, quæ ex virtute, non autem ex temporibus, religiosas abbatias, seu præfecturas tribuit: ita videlicet, ut in piis monasteriis, aut asceteriis, non omnimodo mortuo abbate, vel abbatisa, is, vel ea, qui, vel quæ, tempore antiquior est, aut secundus secundave deinceps eligatur. Consentimus enim naturæ, neque omnes similiter bonos, neque omnes in æquo facienti malos, sed quem utique et vita optima, et mores honesti, et circa pium exercitium constantia, et commune reliquorum monachorum complementum, aut maxima eorum pars idoneum ad hoc putaverit, et sacris Evangeliiis propositis elegerit, ad præfecturam vocari, ita ut si quidem primus post

A defunctum utilis sit, et monachis præesse dignus, ille aliis præferatur; si vero qui post illum est, similiter in ipsum feratur futuri præfecti calculus; si vero nullus horum dignus videatur, confestim is qui ex omnibus idoneus erit, cujuscunque gradus sit, præordinetur abbas, qui sit videlicet et vitæ honestæ, et honestæ conversationis, et qui servare creditos sibi possit, cum sit conveniens omnem principatum, et omnem hominum præfecturam, non ex temporibus, neque ex sortibus, neque ex fortuitis circumstantiis, sed ex electione et ex eo quod præstantius est fieri; et bonum apud omnes testimonium et probationem esse, fieri ordinationi ordinem. — § 1. Manifesta autem hæc fieri Deo amabili episcopo, ut cum is dixerit eum qui electus est, et hoc se recte habere B approbaverit, consentientem electoribus calculum ferat, et promoveat ipsum ad huiusmodi abbatis ordinem. Approbare vero oportet hanc ipsam electionem, et pro tempore patriarcham, et qui in his locis sunt, Deo amabiles episcopos, habentes et ipsos iudicium Dei, et futuram condemnationem metuentes, si non per electionem, sed aliquam passionem seu affectionem respicientes humanam, promotionem fecerint: habituris ipsis, et in hac vita, et in futura a Deo immissam poenam, videlicet ipsorum negligentia animabus plurimis peccatorum causas præbente. — § 2. His omnibus et in reverendissimis feminis aut virginibus quæ piis monasteriis præsumt obtinentibus. — § 3. Reliquo omni sacro ordine, sacro ministerio secundum suos gradus præsidente, et nulla in re per præsentem nostram innovato legem. Dat. xv Kalend. Decembr., CP., Lampad. et Oreste coss. 530.

LEX XLVIII.

Idem Augustus Joanni P. P.

Sancimus neminem ad episcopatum ordinari, nisi et in aliis rebus utilis et optimus sit, et neque mulieri cohabitare, neque liberorum existat pater, sed loco uxoris, adhæreat quidem et continens sit circa sanctissimam Ecclesiam; loco vero liberorum, omnem Christianum et orthodoxum habeat populum: cognoscens sic ab initio ea quæ de successione Deo amabilium episcoporum sunt nos disposuisse, et cum ejusmodi cogitatione processisse nostram legem; et D eos qui præter hæc quid faciunt, aut fecerint, omni episcopatu indignos esse; qui enim post hanc nostram constitutionem facere aliquos episcopos præter ejus vim, aut fieri ausi fuerint, neque in episcopis numerabuntur, neque manebunt in sacris, sed expulsi ab his, aliis dabunt locum ordinationis, cum in primis diligentissimæ, tum etiam Deo per omnia placitis. Datum iv Kalend. Sept., CP., post coss. Lampad. et Orest. 531.

LEX XLIX.

Idem imperator Justinianus Augustus Joanni P. P.

Si quis ad declinandam legem Falcidiam, cum desiderat totam suam substantiam pro redemptione captivorum relinquere, eos ipsos captivos scripserit hæredes, ne videatur quasi incertis personis hære-

dibus institutis iudicium suum oppugnandum reliquisse, sancimus ejusmodi et talem institutionem pietatis intuitu valere, et non esse respuendam. —

§ 1. Sed et si pauperes quidem scripserit hæredes, et non inveniatur certum ptochotrophium, vel certæ ecclesiæ pauperes, de quibus testator cogitaverit, sed sub incerto vocabulo pauperes fuerint hæredes instituti, simili modo et hujusmodi institutionem valere decernimus. — § 2. Et si quidem captivos scripserit hæredes civitatis, in qua testator larem fovere ac degere noscitur, episcopus et œconomus hæreditatem suscipiant, et omnimodo in redemptionem captivorum procedat hæreditas, sive per annuos redditus, sive per venditionem mobilium seu se moventium rerum sit: nullo penitus ex hoc lucro, vel œconomo, vel episcopo, vel sacrosanctæ ecclesiæ relinquendo. Si enim propter hoc a speciali hærede recessum est, ut non Falcidiæ ratio inducatur, quomodo ferendum est, hoc, quod in sacrum venerit, per Falcidiam vel aliam occasionem minui? — § 3. Ubi autem indistincte pauperes scripti sunt hæredes, ibi xenonem ejus civitatis omnimodo hæreditatem nancisci, et per xenodochum in ægrotantes fieri patrimonii distributionem, secundum quod in captivis constituimus, vel per reddituum annalium erogationem, vel per venditionem rerum mobilium, vel sese moventium, ut ex his res immobiles comparentur, et annuus victus ægrotantibus accedat. Quis enim pauperior est hominibus qui et inopia tenti sunt, et in xenone repositi, et suis corporibus laborantes, necessarium victum sibi non possunt afferre? — § 4. Licentia omnino danda et in priore, et in secunda specie, et actionem movere, et debita exigere, ut in captivos vel in ægrotantes consumantur. Si enim hæredum eis et jus et nomen dedimus, sine Falcidiæ tamen legis emolumento, necesse est eos debita exigere, et creditoribus respondere. — § 5. Sin autem ampliores in civitate xenones vel ptochotrophia sint, ne incerta videatur pecuniarum datio, tunc ei xenoni vel ptochotrophio, qui pauperior esse dignoscitur, easdem res vel pecunias assignari censemus, hoc videlicet discutiendo a viro reverendissimo locorum antistite et sub eo constitutis clericis.

§ 6. Sin autem nullus xenon in civitate inveniatur, tunc, secundum de captivis sanctionem, pro tempore œconomus sacrosanctæ ecclesiæ vel episcopus hæreditatem accipiat; et sine Falcidiæ ratione pauperibus qui in civitate sunt, vel penitus mendicantibus, vel alia sustentatione egentibus, eadem pecuniæ distribuuntur. — § 7. Hæc tamen omnia locum habere sancimus, quando non certi xenonis vel certi ptochotrophii, vel certæ ecclesiæ nominatio a testatore subsequuta est, sed incertus est ejus sensus. Sin autem in personam certam, venerabilemve certam domum respexerit, ei tantummodo hæreditatem vel legatum competere sancimus, nulla Falcidia nec in hac parte intercedente. — § 8. In omnibus autem hujusmodi casibus cœlestes iracundias sacrosanctarum rerum administratores expectent si quaecunque lucrum ex

PATROL. LXXII.

A hujusmodi gubernationibus sibimet acquisierint, vel si hoc committi ab alio consenserint, et non gravissima pœna et interminatione quod perperam factum est studeant corrigere.

LEX L.

Idem Augustus Joanni P. P.

Cum lege Leonina viris reverendissimis episcopis et presbyteris, et diaconis peculium habere quasi castrense concessum est, eo addito ut et in ipso testari possint dubitabatur si hujusmodi testamenta debeant de inofficioso querela expugnari, cum de omnibus personis quæ hujusmodi peculium meruerunt eadem fuerat quæstio exorta? Sancimus itaque, viris reverendissimis episcopis, et presbyteris, et diaconis qui tale peculium quasi castrense possident, super his tantummodo rebus quæ quasi castrensis peculi sunt, non solum ultima concedere secundum leges elogia licere (quod ex Leonina constitutione descendit), sed etiam eorum ultimas voluntates super his tantummodo habitas de inofficioso querelæ minime subjacere. Dat. Non. Februar., CP., post coss. Lampadii et Orestis, anno 2, 532.

LEX LI.

Idem Augustus Joanni P. P.

Si quis in conscribendo instrumento sese confessus fuerit *non usum fori præscriptione propter sacerdotii prærogativam*, sancimus non licere ei adversus sua pacta venire, et contrahentes decipere, cum regula sit juris antiqui: *Omnes licentiam habere his quæ pro se indulta sunt renuntiare*. Quam generalem legem in omnibus casibus obtinere sancimus, qui necdum per judicalem sententiam vel amicabilem conventionem sopiti sunt. Dat. Kal. Septemb., CP., post coss. Lampad. et Orestis vv. cc. 532.

LEX LII.

Idem Augustus Joanni P. P.

Generaliter sancimus omnes viros reverendissimos episcopos, nec non presbyteros, diaconos et subdiaconos, et præcipue monachos, licet non sint clerici, immunitatem ipso jure omnes habere tutelæ sive testamentariæ, sive legitimæ, sive dativæ; et non solum tutelæ eos esse expertes, sed etiam curæ, non solum pupillorum et adultorum, sed et furiosi, et muti, et surdi, et aliarum personarum, quibus tutores, vel curatores a veteribus legibus dantur. — § 1. Eos tamen clericos et monachos hujusmodi habere beneficium sancimus, qui apud sacrosanctas ecclesias, vel monasteria permanent, non divagantes, neque circa divina ministeria desides; cum propter hoc ipsum beneficium eis indulgeamus, ut aliis omnibus derelictis, Dei omnipotentis ministeriis inhæreant. — § 2. Et hoc non solum in vetere Roma, vel in hac regia civitate, sed et in omni terra, ubicunque Christianorum nomen colitur, obtinere sancimus.

LEX LIII.

Idem Augustus Joanni P. P.

Sancimus neminem omnino, neque curialem, ne-

que taxeatam, episcopum aut presbyterum de cætero fieri; nihil attinente aut attingente hac lege eos qui ante eam huiusmodi sacerdotio digni habiti sunt: de cætero vero neminem omnino qui supradictæ sit fortunæ ad prædictas consecrationes ascendere: et maxime si et jam antea ministraverat, aut taxeatoticis servierat jussionibus; eum enim qui enutritus est in executionibus vehementibus (seu asperis) et his quæ ex ea re accidunt, peccatis, non utique æquum fuerit, modo quidem, et illico esse taxeatam, et buleutam, et facere omnium acerbissima, mox autem sacerdotem ordinari, de humanitate et innocentia exponentem dogmata. Præterquam si ab infantia, et nondum quidem ephēbiam excedente ætate, ei contigit inter reverendissimos monachos connumerari, et morari in eo ipso schemate; tunc enim permittimus ipsi, et presbyterum fieri, et ad episcopatum venire: cum sit manifestum simul atque tale quid evenerit, et dignus sacerdotio apparuerit, quod confestim licentiam habeat manere in episcopatu, et ministrare, dummodo quartam partem suæ substantiæ universæ præbeat decurionibus, et fisco (secundum nuper de quarta parte positam a nobis legem) aut soli fisco, si quidem taxeatotice fortunæ ei esse contigerit. Si vero et in reverendissimis archimandritis censeatur, et manserit inter ipsos, et hoc etiam modo damus fortunæ liberationem, quartam et tunc partem suæ substantiæ (ut prædiximus) præbituro: aliter autem neque illi ordinari concedimus, neque ordinato tale quid agere permittimus. Sciente tua excellentia quia hæc observari debent ab omnibus Deo amabilibus episcopis, pœnam expectaturis circa ipsum sacerdotium, si quid tale fecerint; præter id, quod etiam nec ipse ordinatus sacerdotio fruatur, licet fuerit antea in aliquo gradu sacerdotii ordinatus, sed inter privatos redigetur, et ministeria exsequetur quibus subiacebat prius. Quæ omnia obtinere in futurum volumus tempus, quoniam nunc primum a nobis inventa sunt, non pertinente ullo modo hac lege (ut diximus) ad eos qui semel hac dignitate sacerdotali decorati sunt, sed licentiam habentibus ipsis per substitutos ministrare, juxta Theodosii, et Valentiniani piæ memoriæ constitutionem, quæ ad Thomam rescripta est. — § 1. Ad hæc et illud justum esse, et obtinere, et in usu esse sancimus, quod positum ab initio, et usu observatum, nescimus quonam modo in desuetudinem abiit. Meminimus enim nos in Arcadii et Honorii piæ memoriæ Constitutionem incidisse, volentem clericos, si neglexerint suum ordinem, et in qualemcumque armatam militiam transierint, vel depositi a Deo amabilibus episcopis, militare ausi fuerint, mitti quidem ipsos militia adepti, tradi vero civitatum curiis ministraturos in posterum publico, quando et Domini Dei servitio; quandiu militarunt, se abdicaverunt. Quæ omnia obtinere ex hac nostra sancimus lege, jubentes ipsos statim et confestim civitatis illius ex qua sunt fieri curiales, nisi vehementer curialibus abundet civitas: quo casu vicinæ vel ulterioris etiam usque ad unam provinciam al-

teram, ubi maxime curialium constituta est penuria. Si vero latitantes (ut probabile est) fiant, licentiam damus curialibus, statim ingredi res eorum, eorum bona detinere, et satis sibi secundum legem inde facere. Hæc igitur super reverendissimis clericis cujuscunque gradus obtinere in perpetuum sancimus, et in his quæ jam perpetrata sunt obtinere legem eam volentes quæ et prius erat. Quoniam autem et quamdam constitutionem invenimus de monachis disserentem, et volentem ipsos non relinquere propria monasteria, neque turbare civitates, quam et ad quoddam sancitam esse tempus quidam suspicantur, oportere existimavimus occasionem inde accipientes, perfectiorem, et in omne tempus etiam hoc reformare, ita ut nemini de cætero reverendissimorum monachorum licentia sit, tale quid agere, et relinquere quidem monachicum habitum, circumcingere autem qualemcumque militiam, aut cingulum, aut dignitatem, aut eorum qui in judiciis versantur sequi vitam, et Dei servitio humanas occupationes præferre aut cognoscere, illo qui tale quid fecerit dando curiæ civitatis illius ex qua est, aut etiam alterius, ut prædictum est, et si quidem locuples sit, etiam pecuniaria subiturus munera, sin minus, corporalia munera; et hic licentia danda curiis (ut prædiximus) si invisibiles fiant, occupare bona, et sibi ex his satisfacere secundum legem. In omnibus autem casibus in quibus accipere ex his curias jubemus causis, volumus mediam quidem horum partem curiales suscipere non in auro, sed immobili possessione, vel quæ subsit, vel quæ sit comparanda secundum prius a nobis emissam legem, aliam vero dimidiam generali mensæ tuæ excellentiæ inferri; ut tunc etiam thronus provideat vigilanter, ne quid tale (commisum) lateat, sed, simul atque quid factum fuerit, conveniens super hoc fiat medela, præterquam si nunc ipsi ultro et sponte militiam reliquerint, vel simpliciter quod habent schema et ad monachicam rursum serio et vere revertantur vitam, et inter reverendissimos clericos connumerari festinent. Si enim hoc fecerint intra annum unum ab hæc lege lata, remittimus eis pœnam, sufficere ipsis ex exercitio putantes emendationem. Hæc autem obtinere in sequens volumus tempus, neque illos extra dictam relinquentes pœnam, quotquot a nostro principatu monachi facti tale quid fecerunt; id enim quod præcessit simul quidem ob humanitatem, simul etiam tempus verentes dimittimus, quando nihil diserte statutum prius erat. — § 2. Item illud statuimus: sive pater, sive mater, sive alius quis ex defectu liberorum restitutionem aut substitutionem induxerit quibusdam sive masculis, sive feminis, hi autem ad nuptias venire propter conversationis non elegerint modum, rescindi tales restitutiones aut substitutiones; et habere ipsos potestatem in quem voluerint modum pium tamen quæ inde proficiuntur consecrare; et aut consumere superstites, aut relinquere morientes: sicut et si sub conditione liberorum susceptionis ipsis quid relictum fuerit, oportet et hoc ipsum habere

eos, liberos suscipere minime coactos. Eandem quoque legis positionem, et in mulieribus virginitatem professis, et uxores ducere omnimodo prohibitis reverendissimis clericis extendimus et reponimus, et hanc gratiam Deo pro nostris temporibus dignam referimus. — § 3. Ad hæc sancimus sive vir ad solitariam vitam venire voluerit, sive mulier, viro relicto, ad exercitationem monachicam venerit, ne hoc damni causam præbeat; sed ut sua omnimodo recipiat, ita ut liceat uxori [et] dotem recipere suam, et propter nuptias donationem ei qui cum ea cohabitaverat; et quod inde venit lucrum, non secundum eam quæ per repudium fit disjunctionem vindicare, aut manere apud eum qui non divertit, sed secundum quod in casum mortis factum est pactum; quasi videatur is qui divertit a communi alterius convictu mortuus esse in alterius contubernio, cum cohabitanti sit omnino inutilis; quidquid autem in dotalibus instrumentis receptum fuerit ex pactis in casum mortis, id debitum intelligatur. Non audiente muliere ante anni lapsum in aliud respicere matrimonium, propter generationis (aut seminis) incertitudinem. Sed si quid tale futurum sit, statim mitti divortium, quod idcirco bona gratia vocatur, ab ea quæ conversionem non eligit persona, atque ita agat quod voluerit, lucris (ut ante dictum est) ad ipsam pertinentibus. Sane eo quod lucrandum esset ex tali causa, omnimodo, si et in prioribus nuptiis vel vir vel mulier mansissent, communibus liberis ex eo matrimonio natis, si qui fuerint, conservando. Dat. v calend. Decemb. CP., post cons. Lampad. et Orest. an. 2, 532.

LEX LIV.

Idem Augustus Hermogeni magistro efficiorum.

Raptores virginum, vel viduarum, vel diaconissarum, quæ Deo fuerint dedicatæ, pessima criminum peccantes, capitis supplicio plectendos esse decernimus, quod non solum ad injuriam hominum, sed et ad ipsius omnipotentis Dei irreverentiam committitur. Qui itaque hujusmodi crimen commiserint, et qui eis auxilium tempore invasionis præbuerint, ubi inventi fuerint in ipsa rapina, et adhuc flagrante crimine deprehensi a parentibus sanctimonialium virginum, vel viduarum, vel diaconissarum aut earum consanguineis, vel tutoribus, seu curatoribus, convicti interficiantur. Sin autem post commissum tam detestabile crimen, aut potentatu raptor se defendere, aut fuga evadere potuerit, in hac quidem regia urbe tam viri excelsi præfecti prætorio, quam gloriosissimi præfecti urbi, in provinciis autem, tam viri eminentissimi præfecti prætorio per Illyricum, et Africam, quam magistri militum per diversas nostri orbis regiones, nec non vir spectabilis præfectus Ægypti, et vicarii, et proconsules, et nihilominus viri spectabiles duces, et viri clarissimi rectores provinciarum, nec non alii cujuslibet ordinis iudices, qui in locis illis inventi fuerint, simile studium cum magna sollicitudine adhibeant, ut eos possint comprehendere; et comprehensos in tali crimine, post

A legitimas, et juri cognitatas probationes, sine forti præscriptione, durissimis poenis afficiant, et mortis condemnent supplicio. Bona autem eorum, si hoc commissum fuerit in sanctimoniale virginem, quæ vel in asceterio, vel monasterio degit, sive eadem virgo diaconissa constituta sit, sive non, eidem monasterio, vel asceterio ubi consecrata est addicantur, ut ex his rebus et ipsa solatium habeat, dum vivit, sufficiens, et res omnes sacrosanctum asceterium seu monasterium pleno habeat dominio; sin autem diaconissa cujuscunque ecclesiæ sit, in nullo tamen monasterio, vel asceterio constituta, sed per se degit, raptoris ejus substantia ecclesiæ cujus diaconissa est assignetur, ut ex his facultatibus ipsa quidem usum fructum, dum superest, ab eadem ecclesia consequatur; ecclesia vero omnem proprietatem et plenam possessionem earundem rerum nostro habeat beneficio, nemine vel iudice, vel quacunque alia persona hæc audente contemnere. Poenas autem, quas prædiximus (id est, mortis et bonorum amissionis) constituimus non tantum adversus raptos, sed etiam contra eos qui hos comitati in ipsa invasione et rapina fuerint. Cæteros autem omnes qui conscii et ministri hujusmodi criminis reperti et convicti fuerint, vel eos susceperint, vel quamcunque opem eis tulerint, sive masculi, sive feminæ sint, cujuscunque conditionis, vel gradus, vel dignitatis, poenæ capitali tantummodo subijcimus. Ut huic poenæ omnes subiaceant, sive volentibus, sive nolentibus sanctimonialibus virginibus, sive aliis supradictis mulieribus, tale facinus fuerit perpetratum. Dat xv Kalend. Decem. CP., dn. Justiniano P. P. A. III cos. 533.

LEX LV.

Idem Augustus.

Ut non liceat parentibus impedire quominus liberi eorum volentes monachi aut clerici fiant, aut eam ob solam causam exhæredare: sed si ipsi testamentum condant, necesse habento quadrantem illis relinquere; sin autem hoc non fecerint, locus sit ab intestato.

§ 1. Quod si illi monasteria aut ecclesias relinquunt; atque muudani fiant, omne ipsorum jus ad monasterium aut ecclesiam pertinet.

LEX LVI.

Idem Augustus Joanni PP.

Deo nobis auxilium præbente, omnia quæ pro honore sanctæ Ecclesiæ catholicæ ad Dei placitum fieri properamus, legibus constituere et operibus adimplere desideramus. Et jam quidem multa cum ejus auxilio statuimus quæ ecclesiasticæ doctrinæ atque statui conveniunt: in præsentem vero hoc pia deliberatione duximus corrigendum, quod hactenus contra Dei timorem fiebat. Cognitum etenim nobis est, quod si quis sponsus, vel sponsa, post datas et acceptas arrhas, voluisset se divino deputare servitio, et a sæculari conversatione recedere, ac sanctimoniale vitam vivere, atque in Dei timore permanere, compellebatur vi quidem ea quæ arrharum nomine de-

perat amittere, sponsa vero in duplum id quod acceperet reddere. Quod nostræ mansuetudini, religioni contrarium esse, visum est. Unde per præsentem legem in perpetuum valituram jubemus : ut si quis sponsus vel sponsa, [desideraverit sæculi istius vitam contemnere, et in sanctimonialium conversatione vivere] sponsus quidem omnia quæ arrharum nomine futuri causa conjugii dedit sine ulla deminutione recipiat; sponsa autem non duplum (sicut hactenus), sed hoc tantummodo sponso restituat quod arrharum nomine acceperat, et nihil amplius reddere compellatur, nisi quod probata fuerit accepisse. Nam et maritis et uxoribus qui sæculo renuntiant jam anteriore lege a nobis provisum est : ut sive maritus, sive uxor religionis causa a conjugio recesserit, et solitariam vitam elegerit, unusquisque eorum res suas recipiat, quas pro dote vel ante nuptias donatione præstiterat, et hoc tantummodo lucri nomine consequatur ab eo qui solitariam vitam elegerit, quod debuit legitime vel ex pacto per casum mortis exigere.

§ 1. Hoc etiam cognitum nobis correctione nostra dignum esse judicamus, ut si quis in parentum potestate constitutus vel constituta, vel forsán hujusmodi jure absolutus vel absoluta, elegerit se monasterio vel clero sociare, et reliquum vitæ suæ tempus sanctimonialiter degere voluerit, non liceat parentibus eosdem vel easdem quocumque modo abstrahere, vel propter hanc tantummodo causam quasi ingratum vel ingratam a sua hæreditate vel successione repellere, sed necesse sit eis omnimodo, cum ultimam voluntatem suam, sive per scripturam, sive alio legitimo modo perficiunt, quartam quidem portionem secundum leges nostras eis relinquere : sin autem et amplius voluerint eis largiri, hoc eorum voluntati concedimus. Sin vero ultimam voluntatem parentes neque testamento, neque alio ultimo elogio declarasse monstrati fuerint, omnem parentum substantiam hæredes, quibus ab intestato competit, secundum leges nostras sibi defendant, nullo eis impedimento ex sanctimoniali conversatione generando, sive soli, sive cum aliis ad successionem vocantur.

— § 2. Hujus autem perpetuæ nostræ legis beneficia eos volumus obtinere, qui in monasterio vel clericali perseveraverint. Nam si qui eorum de quibus præsentem legem posuimus sanctimonialem vitam elegerint, ad sæcularem autem conversationem postea remeaverint, jubemus omnes eorum res ad jura ejusdem ecclesiæ vel monasterii a quo recesserint pertinere. — § 3. His ita dispositis, repetita lege jubemus ut nullus Judæus, vel paganus, vel hæreticus servos Christianos habeat. Quod si inventi in tali reatu fuerint, sancimus servos omnibus modis liberos esse, secundum anteriorem nostrarum legum tenorem. In præsentem autem hoc amplius decernimus, ut si quis ex prædictis Judæis, vel paganis, aut hæreticis habuerit servos nondum catholicæ fidei sanctissimis mysteriis imbutos, et prædicti servi desideraverint ad orthodoxam fidem venire, postquam catholicæ ecclesiæ sociati fuerint, in libertatem modis omnibus ex præ-

senti lege eripiantur; et eos tam judices provinciarum quam sacrosanctæ ecclesiæ defensores, nec non beatissimi episcopi, defendant, nihil pro eorum pretiis penitus accipientibus dominis. Quod si forte posthac etiam ipsi domini eorum ad orthodoxam fidem conversi fuerint, non liceat eis ad servitutem reducere illos qui eos ad fidem orthodoxam præcesserunt. Sed si quis talia usurpaverit, pœnis gravissimis subiacebit. Hæc igitur omnia quæ pietatis intuitu nostra sanxit æternitas, omnes judices, et religiosissimi antistites, sive Africanæ dioceseos (in qua maxime hujusmodi vitia frequentari cognovimus), sive aliarum provinciarum, graviter et studiosissime observari procurent. Nam contemptores non solum pecuniaria multa, sed etiam capitis supplicio feriantur.

LEX LVII.

Idem Augustus Joanni P. P.

Præsens lex in alterius legis scriptæ a nobis referatur mentionem, quam proculdubio et denuo confirmare cum quadam meliore putavimus oportere adjectione, majorem pœnam contra delinquentes proferendo; non quia augmentis delectemur pœnarum (nihil enim nobis tam gratum est quam humanitas), sed ut metu pœnæ eos qui ad peccandum proclives sunt a peccando arceamus. Scimus igitur nos scripsisse legem dicentem nullam esse licentiam sanctissimarum ecclesiarum œconomis, aut antistitibus xenonum, aut nosocomiorum, aut ptochiorum, aut monasteriorum, sive virorum, sive mulierum, aut aliorum talium corporum, quorum præfata constitutio meminit, ea quæ in perpetuum illis relicta sunt, quæ annalia vocant leges, secundum aliquod pactum aut auro distrahere certo, aut alienare aliter per quemcunque modum, et posteris adimere id quod eis obveniret exinde solatium : et convenientes legi adjecimus rationes, ut quia non amplius propter tale commentum, nec appellatio quidem annui conservetur, nisi per singulos annos contingat præstari, sed semel representatum, postea perfecte pereat. Hanc iterum cum aliqua adjectione renovantes legem sancimus : si quis aut reverendissimorum œconomorum, aut xenodochorum, aut nosocomorum, aut ptochotrophorum, aut gerontocomorum, aut brephotrophorum, aut orphanotrophorum, aut archimandritarum, aut aliarum contentarum priore nostra divina constitutione personarum, id quod in perpetuum relictum est venerabilibus domibus quibus præsent, sive in auro, sive in aliis rebus tentaverit transmutare, ne videatur esse perpetuum, sed transactionibus aut venditionibus, aut quibusdam aliis machinationibus, ut quod perpetuum manere debebat terminetur, tentaverit, præter vim a nobis nuper profectæ in hujusmodi rebus divinæ legis, nullam habere ullo modo licentiam hoc facere; sed et si fecerit, irritum esse quod factum fuerit; et licentiam esse ei qui post ipsum eandem suscipiet curam, vel etiam eo negligente (ut fieri potest) cæteros deinceps omnes statim revocare id quod fuerit factum, et ita infirmum declarare, atque si ab initio non processisset, ut et fructus

medii temporis, et usuras, et omnem utilitatem ad
pium pertinere omnimodo locum, omnibus quæ
medio tempore attentata sunt quiescentibus. Homini
etenim cuique cursus unus est vitæ ab opifice datus,
cujus finis est omnino mors : venerabilibus vero
domibus, et earum cœtibus, indesinenter a Deo
custoditis, non est neque secundum earum posses-
siones inducere aliquam metam : sed quousque uti-
que permanserint venerabiles domus (manent autem
in perpetuum, et usque ad hujus sæculi consumma-
tionem, quousque Christianorum nomen apud ho-
mines erit et coletur), æquum itidem est manere, et
in perpetuum relictas erogationes aut redditus im-
mortales semper piis actionibus nunquam cessaturis
servituros. Eum igitur qui tale quid deliquerit, et
transfere rem auro accepto, aut per aliam occasio-
nem præsumperit, damnum quidem nullum induci
(secundum ea quæ prædicta sunt) his contra quas
talia perpetrarunt domibus, sed illas quidem domos,
et aurum, et rem lucrari, quam acceperunt; et nihilo-
minus relictum exigere absque ulla quacunque di-
minutione, tam ab ipso qui hoc egit, quam ab ejus
hæredibus et successoribus, et illius res et bona
obligari ipsi qui cum eo contraxit; et ea ipse vindicet,
tam contra illius personam quam bona ipsius,
usque ad plenam et competentem ipsi indemnita-
tem, ne scilicet contra venerabilem domum, quam
contra fas fraudavit, ullam speret datorum recupera-
tionem, aut ejus, quod factum est, instaurationem :
quod autem ad ipsum quocum contraxit attinet,
omnem habeat a legibus licentiam regredi contra
ipsum, et hæredes ejus, et res ejus, et quod datum
est, si possit, exigere; ut, si minus ob Dei metum,
metu saltem propriæ ipsorum substantiæ, et suorum
hæredum tardiores fiant ad hujusmodi pactiones;
quas in confesso est eos nullius boni causa celebrare,
sed vel pecuniis corruptos, vel affectionibus quibus-
dam superatos. Quæ omnia per hanc divinam legem
prohibentes et ipsam sacris nostris inscribi legibus
sancimus, et offerimus ipsi Domino universorum Deo
et Salvatori nostro Jesu Christo, pulchrum quoddam
et conveniens ipsi sacrificium et ipsam adducentes.
Datum prid. Id. Septemb., CP., dn. Justinian. P. P.,
A. iv, et Paulino v. c. coss., 534.

LIB. I, TIT. IV.

*De episcopali audientia et diversis capitulis quæ ad jus
curamque et reverentiam pertinent pontificalem.*

LEX XXI.

Imperator Justinianus Augustus Mennæ. P. P.

Si præsens quidem sit qui pecuniam numerasse
vel alias res dedisse scriptus est, aliquam vero admi-
nistrationem in provinciis gerat, ut difficile esse vi-
deatur, denuntiationem eidem non numeratæ pecu-
niæ mittere, licentiam damus ei qui memorata exce-
ptione uti velit, alios judices adire, et per eos ei ma-
nifestare quia exceptionem hujusmodi objicit, factam
a se super non numerata pecunia querelam esse.

A Quod si non sit alius administrator civilis, vel mili-
taris, vel per aliquam causam ei sit difficile, qui me-
moratam querelam opponit, eum adire, et ea quæ
dicta sunt facere : licentiam damus etiam per virum
reverendissimum episcopum eandem suam exceptio-
nem creditori manifestare, et ita tempus statutum
interrumpere. — § 1. Quod etiam in exceptione non
numeratæ dotis locum habere receptum est. Datum
Kalend. Jul., Constantin., dn. Justiniano. A. ii, cos.
528.

LEX XXII.

Imperator Justinianus Augustus Mennæ P. P.

Neminem volumus in custodiam conjici absque
jussu gloriosissimorum, vel illustrium, vel clarissi-
morum magistratuum hujus felicissimæ urbis, vel
B provinciarum, aut defensorum civitatum.

§ 1. De his autem quicunque conjecti aut conji-
ciendi sunt, Deo amabiles locorum episcopos jubemus
per unam cujusque hebdomadæ diem, id est, feria
quarta, aut sexta, quæ et Parasceve appellatur, eos
qui in custodia habentur visitare, et diligenter in-
quirere causam ob quam detinentur; et sive servi
sint sive liberi, sive pro pecuniis, sive pro aliis cri-
minationibus, sive pro homicidiis conjecti, illustris-
simos, et spectabiles, et clarissimos magistratus ad-
monere, tam eos qui sunt in hac felicissima urbe
quam qui sunt in provinciis, ut ea exsequantur
circa ipsos quæ divalis nostra constitutio ad illustres
præfectos ea de re emissa præcipit : licentia data
Deo charissimis pro tempore episcopis, si quam ne-
gligentiam admissam cognoverint ab illustrissimis
et magnificentissimis atque clarissimis pro tempore
magistratibus, vel iis quæ illis parent officiis, talem
ipsorum negligentiam indicandi, ut conveniens
adversus negligentes animi nostri motus insurgat.
Datum xv Kalend. Februar., CP., Decio cos. 529.

LEX XXIII.

Idem Augustus Mennæ PP.

Privatos carceres modis omnibus in urbibus atque
in vicis constitui vetamus : ipsis qui custodiuntur Dei
amicissimorum loci episcoporum providentia a de-
tentione remissis. Dat. xii Kalend. Feb., CP., Decio
cos. 529.

LEX XXIV.

D Idem Augustus Demostheni P. P.

Nemini licere volumus, sive ab ingenuis genitori-
bus puer parvulus procreatus, sive a libertina proge-
nie, sive servili conditione maculatus expositus sit,
eum puerum in suum dominium vindicare, sive no-
mine dominii, sive ascriptitiæ, sive colonariæ con-
ditionis. Sed neque his qui eos nutriendos sustule-
rint, licentiam concedimus penitus cum quadam di-
stinctione eos tollere. Sed nullo discrimine habito,
hi qui ab hujusmodi hominibus educati, vel nutriti,
vel aucti sunt, liberi et ingenui appareant, et sibi
acquirant, et in posteritatem suam vel extraneos hæ-
redes omnia quæ habuerint, quo modo voluerint,
transmittant. Hæc observantibus non solum præsi-
dis provinciarum, sed etiam viris religiosissimis

episcopis. Datum Chalcedone, viii Kalend. Jul., Lampadio et Oreste vv. cc. coss. 530.

LEX XXV.

Idem Augustus Demostheni P. P.

Quæ de alea sive (ut vocant) cottis, ac de eorum prohibitione, a nobis sancita sunt, ea liceat Dei amicissimis episcopis et perscrutari, et cohibere, si flant, et flagitiosos per clarissimos præsidēs provinciarum, et patres defensoresque civitatum ad modestiam reducere. Datum x Kal. Octobr., CP., Decio cos. 529.

LEX XXVI.

Idem Augustus Juliano P. P.

De his quæ singulis annis ad civitates pertinent (sive civiles redditus sint, sive fructus, ex publicis, aut privatis pecuniis, quæ ab aliquibus eis, aut relinquuntur, aut donantur, aut alio pacto excogitantur, aut instituuntur, sive ad opera, sive ad rem frumentariam, sive ad publicos aquæductus, sive ad balnearum calefactionem, sive ad portus, sive ad murorum aut turrium ædificationem, sive ad pontium atque viarum refectionem, sive ad publicas denique causas pertineant), tam ex publicis quam ex privatis, ut dictum est, causis, sancimus ut in unum conveniant religiosissimus episcopus, ac tres bonæ existimationis, et qui cæteris præstant in ea civitate, ac singulis annis inspiciant opera facta; et curent ut et metiantur, et rationem conficiant qui ea administrant aut qui administraverunt, et in monumentorum gestione ostendant impletionem operum, et administrationem sitonicarum, et balneariarum pecuniarum, sive quæ in viis muniendis, aut aquæductibus, aut aliis rebus consumuntur. Quæ omnia nunquam omnino minui volumus. In monumentorum vero gestione appareat, sitne solutus an obligatus qui ea administravit, et an quod debuit solverit, atque ita erit cautum ei qui eam curam suscepit. Mittemus enim nos, cum placuerit, quem commodum erit, ut inspiciat rationes ab eis factas; et cum recte factas esse repererit, calculum feret quo ipsis hæredibusque et successoribus consuletur, neque aliarum rationum aut controversiarum occasio relinquatur. Omnia vero, propositis sanctis Evangeliiis, diligenter flant, nam inquisitionem nos cum libuerit fieri jubebimus. Oportet itaque studere religiosissimum episcopum, et qui cum eo rationes conficiunt, ut opera in ingentes sumptus præscripta singulis annis diligenter flant ex publicis fructibus atque redditibus reparanda. Sin autem noluerit rationibus subesse qui ea administrat, neque ferat sanctissimum ejus loci episcopum, et illos possessores qui ad eam rem constituuntur, et qui ad rationes reddendas eum vocant, cogatur id agere per clarissimum provinciæ præsidem et cohortem quæ ei parere solet: ac sine ullo damno compellatur ut modis omnibus rationes submittat religiosissimo episcopo, et primis illius civitatis; quodque appareat ab eo deberi, civitati reddatur. — § 1. Omnem vero libertatem tollimus nostris præsidibus mittendi in agros discussores, aut ratiocinatores, aut exæquatores ad pu-

blicarum rationum executionem. Sed si quid hujus modi nobis ignorantibus fleret, si quidem sacra forma ad aliquos per subreptionem emanaverit, liceat religiosissimo episcopo ejus civitatis suscipere quidem sacram formam, renuntiare tamen nobis, ut nos cognoscamus an ex nostra ad illum præsidem jussione, an per obreptionem facta sit, ut si per subreptionem facta esse videatur quod factum sit, inutile fiat, et periculum subeat qui eam quæsivit. Si vero ab aliquo e nostris præfectis emissum decretum aut commitorium sit, aut præceptum aliquod, aut rationum scriptura, et de aliquo ex prædictis capite permittatur, volumus ut modis omnibus non ejus urbis episcopus, et primi civitatum illis rebus præficiantur, sed liceat provinciæ præsidi, et ipsis possessoribus ac civibus jussiones rejicere, ac ne obolum quidem ea de causa præstare. Si vero in ea re sanctissimus episcopus negligens fuerit, habebit et Dominum Deum nostrum infensum, et imperialem vindictam expectabit, si ea servili silentio sacerdotalique licentia indigno, præterierit. — § 2. Si quis autem in provincia renuntiaverit magistratuum aut consulum processiones, sive generales formas gloriosissimorum præfectorum, aut alicujus alterius e nostris magistratibus, sive constitutionem, sive sacrum commitorium, sive generales litteras, sive erectionem imperialium statuarum indicaverit, non liceat amplius sex nummis aureis in singulas nuntiationes, aut in singulas formas, aut constitutiones, aut sacra commitoria, aut generales litteras, aut statuarum erectiones accipere in singulis provinciis, ad quas litteras accepit; ac, licet multæ sint in ea provincia urbes, nihil amplius præstetur, quam illi sex nummi. Si quid vero amplius acceperit, ejus quadruplum restituet; liceatque ejus urbis episcopo hoc prohibere. Eadem tamen pœna decem librarum auri, et provinciæ præsidi, et ei subdito officio, et episcopo imponitur, si illis permittant plus petere, neque id modis omnibus prohibuerint. — § 3. Nemini enim omnino permittimus nostrorum magistratuum hujusmodi formas circa provincias emitte de rivorum, aut de cloacarum purgatione, aut de amolitione ædificiorum a muris, aut stationum a porticibus, aut eorum quæ produlia appellantur, aut de rudium ac dimidiatarum columnarum eversione, aut de imaginibus, aut si quid alio pacto sit excogitatum, aut etiam de civilibus quibuscunque controversiis. Sed liceat episcopo et iis qui primi sunt ejus urbis, et præsidibus provinciarum, et possessoribus ac civibus insinuata aliqua forma, ei quidem non deferre, sed prohibere ac coercere omnem exactionem omnemque vim quæ ex eo eveniat. Eademque pœna afficiat sanctissimos episcopos, nisi id prohibuerint. — § 4. Sed et oportet episcopum, ac patrem civitatis, et cæteros bonæ opinionis possessores providere, ne locus aliquis civilis aut publicus juxta muros urbis, aut in publicis porticibus, aut in plateis, aut in quocunque alio loco ab aliquo indebite possideatur, neve publicus locus alicui sine nostra sacra forma tradatur.

§ 5. Idem inquirent de aquarum distributione, quæ sacra aliqua forma cuique pertineat, ut ne hic plus, ille minus habeat, quam ei competit. — § 6. Neque vero fidejussionis causa, aut supra mandati formam nostros subjectos affici pateremur, sed si quidem immobiles res habeant idoneas, iusjurandum tantum præstent, et conscribantur; sin autem non habeant, usque ad quantitatis æstimationem, fidejussionem sine ullo damno præbeant. Si vero dubitaverint exactores de fidejussorum fide, facultatibus aut cautione, in eundem locum religiosissimus episcopus, et patres civitatis, ac defensor convenient, ac decernant, an idoneus esse fidejussor videatur usque ad quantitatem de qua agitur, et necesse habeat exactor suscipere eum in fidejussorem, qui nihil pro fidejussione aut sacramento præstabit, præterquam si privata nostra, aut cujusquam magistratus majoris jussione *personam ducendam esse, fidejussori non esse credendum* decernatur. Tunc enim licebit exactori fidejussorem non accipere, id vero agere sine ullo detrimento. Cæterum eadem multa adversus religiosissimum episcopum et clarissimum provinciæ præsidem imponitur, si quid eorum transgredi passi fuerint, aut si cum transgressum erit, non id statim renuntiaverint. — § 7. Neque etiam patiantur ut plus definita parte a nostra constitutione pro sportulis accipiantur; neve descriptio ob aliquam causam in civitatibus fiat nisi ob illas tantum, quas supra enumeravimus, renuntiationes processionum, constitutionum, sacri et generalis commonitorii, aut formæ, aut litterarum, et hujus modi omnium rerum, de quibus antea sanximus: item quæ propter suam conservationem, atque salutem cives facere voluerint ad opera forte publica, vel ad sitoniam, vel ad aliam quamvis causam, quæ omnibus placeat propter urbis honorem fieri, ex quo respublica adjuvetur. Contra eos vero qui hæc transgredi tentaverint, et si ad nos religiosissimi episcopi id non retulerint, ea servantur quæ antea a nobis commonita sunt. — § 8. Atque oportet singularum urbium Dei amantissimos episcopos, cum omnia cognoverint quæ a nobis de his rebus disposita sunt, et de metatorum exactione, et de rapinarum prohibitione, ac de cæteris rebus quæ nostra sacra constitutione continentur, quæ de omnibus edita est, finem competentem imponant. Datum viii Kalend. Jul., Chalced., Lampad. cos. 530.

LEX XXVII.

Idem Augustus Juliano P. P.

De creationibus curatorum, qui furiosis utriusque sexus dantur, necessarium nobis visum est constituere quemadmodum eas celebrari oporteat. Et, si quidem pater curatorem furioso vel furiosæ in ultimo elogio hæredibus institutis vel exhæredatis dederit, ubi et fidejussionem cessare necesse est, paterno testimonio pro ejus satisfactione sufficiente, ipse qui datus est ad curationem perveniat: ita tamen, ut in provinciis apud præsides earum, præsentem eis tam viro religiosissimo locorum antistite, quam tribus primatibus, actis intervenientibus, tactis sacrosan-

ctis Scripturis, depromat, *omnia se recte et cum utilitate furiosi gerere, neque prætermittere quæ utilia esse furioso putaverit, neque admittere ea quæ non utilia furioso esse existimaverit*; et, inventario cum omni subtilitate publice conscripto, res suscipiat, et secundum sui opinionem disponat sub hypotheca rerum ad eum pertinentium, ad similitudinem tutorum et curatorum adulti. Sin autem testamentum quidem parens non confecerit, lex autem curatorem, utpote agnatum, vocaverit, vel, eo cessante, aut non idoneo forsitan existente, ex judiciali electione curatorem ei dare necesse fuerit, tunc scilicet et in provinciis apud præsides cujuscunque provinciæ, et virum religiosissimum episcopum civitatis, necnon tres primates, creatio procedat; ita ut, si quidem curator substantiam idoneam possidet, et sufficientem ad fidem gubernationis, sine aliqua satisfactione creatio procedat. Sin autem non talis census ejus inveniatur, tunc et fidejussio, in quantum possibile est, ab eo exploretur; creatione omnino, sacrosanctis Scripturis propositis, in omni causa celebranda; ipso autem curatore, cujuscunque substantiæ vel dignitatis sit, præfatum sacramentum pro utiliter rebus gerendis præstante, et inventarium publice conscribente; et hypotheca rerum curatoris modis omnibus adhibenda, quatenus res possint furiosi undique utiliter gubernari. Datum Kal. Sept. Constantin., Lamp. et Oreste vv. cc. coss. 530.

LEX XXVIII.

Idem Augustus Juliano P. P.

Tam dementis quam furiosi liberi, cujuscunque sexus, possunt legitimas contrahere nuptias, tam dote quam ante nuptias donatione a curatore eorum præstanda: æstimatione tamen in hac quidem regia urbe excellentissimi præfecti urbi, in provinciis autem virorum clarissimorum earum præsidum vel locorum antistitem, tam opinione personæ quam dotis moderatione, et ante nuptias donationis, statuenda; præsentibus tam curatoribus dementis quam furiosi, necnon his qui ex genere eorum nobiliores sunt; ita tamen, ut nulla ex hac causa oriatur, vel in hac regia urbe, vel in provinciis jactura substantiæ furiosi, vel dementis, vel mente capti, sed gratis omnia procedant, ne tale hominum infortunium etiam expensarum detrimento prægravetur.

LEX XXIX.

Idem Augustus Juliano P. P.

Sancimus ut nemo venerabilis clericus ab aliquo sive clerico, sive laico ab initio apud beatissimum provinciæ Patriarcham accusetur, sed prius juxta sacra instituta apud episcopum civitatis in qua clericus versatur; tum, si is suspectus est, apud metropolitanum episcopum reum agat; sed si forte ne ei quidem accusatio placuerit, ad sacram ejus regionis synodum accusatum deducat; et cum metropolitanum, tribus convenientibus religiosissimis episcopis, qui cæteris propter ordinationem præferuntur, de causa coram tota synodo cognoscatur; et si quidem ei quæ judicata erunt placuerint, ab accusando disce-

dat. Si vero se lædi existimaverit, provocet illius provinciae beatissimum patriarcham, atque iis quæ ipse iudicaverit omnino pareat, perinde ac si eum ab initio iudicem esset consecutus; nam contra horum antistitum sententias non esse locum appellationi, a maioribus nostris constitutum est. Hoc idem servandum est, si episcopus ab aliquo laico, sive ab aliquo clerico, sive ab altero religiosissimo episcopo accusatus sit. Nam ut statim accusatio ad sanctissimos patriarchas deferatur, et ut accusati in aliam provinciam mittantur, omnino prohibemus, præterquam si accusationem quis ob eam rem intulerit, quod causa illius regionis religiosissimo episcopo commissa fuerit, quo casu licet ad ipsos quoque sanctissimos patriarchas deferre accusationem. Litteræ tamen conficiantur ad aliquem ex episcopis eorum locorum, ut is causam audiat, ut antea a nobis dictum est. — § 1. Non vero ei liceat facere ut descendant in provincias venerabiles clerici, et immodicas sportulas, dum accusantur, inferant, qua in re hucusque peccatum esse cognovimus. Neque enim in singulas reorum personas plus sexta aurei nummi parte pro sportulis dari concedimus iis qui a sanctissimis patriarchis ac metropolitanis mittuntur; aut si episcopus missus est, sex tantum aurei ex quacunque quantitate ac causa, neque amplius præbeatur. Hoc in metropolitanis etiam teneat, cum ad eos accusatio contra episcopum qui sub eo sit aut ejus provinciae clericum deferatur. Nam si in civilibus judiciis moderari sportularum et sumptuum modum curavimus, eaque ex lege præstari voluimus, multo magis in ecclesiasticis accusationibus modum servari sancimus. — § 2. Enimvero, si remissa causa ad sanctissimum patriarcham, aut ad aliquem ex religiosissimis metropolitanis, aut ad alium Dei amantissimum episcopum sententia lata sit, quæ alicui parti displiceat ac provocetur, ad archiepiscopalem hanc sedem referatur appellatio, in qua (ut adhuc servatum est) lis cognoscatur.

§ 3. Si vero quis ausus fuerit adversus hæc quidquam tentare, is quidem omne quod accepit cum altero tanto ei qui negotium passus est præstabit, fietque ecclesiasticæ multæ subjectus apud sanctissimum patriarcham, aut religiosissimum metropolitanum, qui tunc erit ecclesiasticorum numero ejiciendus.

§ 4. Has autem actiones, siquidem ad ecclesiastica negotia pertinent, necesse fore jubemus ut a solis religiosissimis episcopis aut metropolitanis, aut a sacris synodis, aut a sanctissimis patriarchis cognoscantur; si vero civilium rerum controversia sit, volentes questionem apud antistites instituere, patiemur, invitos tamen non cogemus, cum judicia civilia sint, si ea adire malint, apud quæ licet etiam de criminibus cognoscere.

§ 5. Quoniam vero quidam sunt sanctissimi patriarchæ, qui in provinciis in quibus existunt metropolitanorum officium gerunt, alii per totam diocesin, episcoporum, metropolitanorum, atque aliorum qui

sub eis sunt ordinationes faciunt, ea de causa illud observari sancimus, quod de metropolitanis antea disposuimus; is enim jure metropolitanus vocatur qui in episcopos minores ex sacris regulis eam potestatem habet. Dat. xv Kal. Nov., CP., Lamp. cos. 530.

LEX XXX.

Idem Augustus Joanni P. P.

Sancimus, in curationibus juniorum, sive primæ, sive secundæ sint ætatis, aut alii quidam, quibus lex dat curatores, siquidem usque ad quingentos aureos et solummodo facultates sint juniorum, non præsidum provinciarum expectare creationem, neque impensis maximis subijci, præsidibus forte neque morantibus in urbibus illis in quibus prospici curationi contingit, sed apud civitatis illius eccliam [defensorem] aut strategum [magistratum municipale] vel in Alexandrina civitate apud ejus iudicium, una cum religiosissimo ejus episcopo, aut aliis etiam publicis personis, si harum copiam habeat civitas, fieri creationes curatorum seu tutorum; fidejussore secundum mensuram facultatum dato, secundum dictarum personarum iudicium; et aliis omnibus procedentibus, quæcunque super tutorum vel curatorum fidejussione et secundum modum facultatum consueta sunt; sola personarum transmutatione, per quas hæc fiant propter minorum utilitatem a præsentis sanctione introducta; omnibus videlicet his subsola duorum numismatum [id est, solidorum] datione conficiendis, præsertim cum hac maxime de causa hæc posita sit constitutio, pœna imminente; si quis plus accipere ausus fuerit, aut distulerit constituere tutelam seu curationem spe majoris lucri; et eo non solum triplum reddituro omne quidquid acceperit, sed etiam ab ipsa sollicitudine et administratione removendo. Cum autem factæ fuerint tutorum aut curatorum creationes, præsentis etiam religiosissimo civitatis episcopo, in ipsis sanctissimæ ecclesiæ archiis deponi gesta sancimus, ut sit perpetua rei memoria, et non intercidat casibus fortuitis curationis exinde quæsitæ cautela. His quæ in magna hac civitate fiunt tutelis aut curationibus apud solum clarissimum prætorem faciendis, uti jam sancitum est. Dat. v Kalend. Aug., CP., post consul. Lamp.

LEX XXXI.

Idem Augustus Joanni P. P.

Sancimus ut si quando abfuerit is qui res alienas vel creditori obnoxias detinet, et desideret dominus rei vel creditor suam intentionem proponere, et non ei licentia sit, absente adversario suo qui rem detinet, vel infantia, vel furore laborante, et neminem tutorem vel curatorem habente, vel in summa potestate constituto [eamdem rem auctoritate sua usurpare], licentia ei detur adire præsidem provinciae, libellumque ei porrigere, et hæc in querimoniam deducere, et intra constituta tempora interruptionem facere; sin autem nullo poterit modo præsidem adire, saltem ad episcopum locorum eat et suam

manifestare voluntatem in scriptis deproperet. Dat. A Constantin. Kal. Octob. post consul. Lampadii et Orestis vv. cc. coss. 531.

LEX XXXII.

Idem Augustus.

Differente domino recipere emphyteuma, licentiam habet emphyteuta consignare ipsum, et Constantinopoli quidem in fine triennii contestari id ipsum apud hyparchos [seu præfectos prætorio] aut apud præfectum urbis, aut competentem recusantis magistratum, aut patriarcham, si dominus homo sit potens : in provinciis autem apud præsidem, aut, eo non morante ibi, apud defensorem, aut episcopum civitatis, in qua est is qui recusat ; et unius ipsorum assumere testationem : ac nisi aut sic acceperit canonem, canon solvitur, et lucratur canonem emphyteuta etiam sequentis temporis, et eousque quo dominus mittat per testationem petittum : exinde etenim, non autem ex præterito tempore, accipiet, et post triennium post attestatorem ejusmodi indevotum emphyteutam expellere poterit.

LEX XXXIII.

Idem Augustus ubique terrarum constitutis episcopis.

Sacram fecimus constitutionem, nemini permittentes, neque invitam mulierem, ancillam, aut liberam in scenam, aut orchestram pertrahere ; neque converti volentem, prohibere eam ejus fidejussores quasi super hoc ipso certum auri modum promissum repetendo ; sed si quid tale factum fuerit, prohiberi hæc et a clarissimis provinciarum præsidibus, et a civitatum religiosissimis episcopis, constituimus, dantes licentiam religiosissimis episcopis, una cum clarissimo provinciæ præside, etiam invitos trahere ad se eos qui compulerint, aut qui mutari seu converti ab ea actione prohibuerint ; et publicam quidem fieri eorum substantiam, ipsos vero civitate expelli. Si vero qui provinciam regit ipse sit qui eas compulerit, aut a prædicta actione conversionem seu resipiscientiam prohibuerit, damus licentiam, et solos religiosissimos episcopos adire eam, quæ talia patitur, aut ejus fidejussorem, hunc vero (episcopum) adversari magistratum habenti, et non permittere injuste agere ; aut si minus fuerint ad id exsequendum potentes, indicare id nostro imperio, ut a nobis competens exerceatur pœna, fidejussionibus simul liberandis, et fidejussoribus indemnibus conservandis, licentiam dantes conversis hujusmodi mulieribus liberis et ingenuis existentibus ad matrimonium transire legitimum, etiamsi contigerint honestissimis dignitatibus qui illas duxerint decorati, non amplius indigentibus imperialibus rescriptis, sed sua potestate nuptias celebrantibus, nuptialibus nimirum instrumentis omnimodo inter ipsos factis. Eademque et de filiabus scenicarum constituentes. — § 1. Hanc autem dictam constitutionem, et in quinto libro omnium constitutionum hujus scilicet nostræ pietatis cognominis libri, ad civiles magistratus rescriptam, posuimus. Quoniam enim oportebat per præsentem sanctionem et vobis ubique

terrarum positus religiosissimis episcopis hæc facere manifesta, propterea congregantes quæ ad ipsam pertinent, expositione latiore sancita, etiam eandem divinam constitutionem fecimus ad vos, ut sacerdotalem conservantes reverentiam, et continentie studiosi, hæc custodiatis, tam magni Dei metum quam imperialem indignationem, si quid horum prætermiseritis, considerantes. Dat. Kal. Nov., CP., dn. Justin. iv et Paulino coss. 534.

LEX XXXIV.

Idem Augustus Epiphano sanctissimo archiepiscopo hujus felicissimæ urbis, et universali patriarchæ.

Certissime credimus quia sacerdotum puritas, et decus, et ad dominum Deum et Salvatorem nostrum Jesum Christum fervor, et ab ipsis missæ perpetuæ preces, multum favorem nostræ reipublicæ et incrementum præbent, per quas datur nobis, et barbaros subjugare, et in dominium redigere illos quæ antea non obtinuimus ; et quanto plus rebus illorum accedit honestatis et decoris, tanto magis et nostram rempublicam augeri credimus. Si enim hi prætulerint vitam honestam, et undique irreprehensibilem, et reliquum populum instruxerint, ut is ad illorum honestatem respiciens, multis peccatis absterneat, planum est quod inde et animæ omnibus meliores erunt, et facile nobis tribuetur a maximo Deo et Salvatore nostro Jesu Christo clementia conveniens.

§ 1. Hæc igitur nobis speculantibus nuntiatum est, præter communem rerum fidem, quosdam ex reverendissimis diaconis, itemque presbyteris (nam eo amplius etiam dicere erubescimus, Deo amantissimos, nempe episcopos), quosdam, inquam, ex his non ventur, alii quidem per seipsos cubos seu tesseras contrectare, et adeo pudendum atque ipsis etiam idiotis a nobis frequenter interdictum spectaculum participare ; alii vero talem ludum non accusant, sed vel communicant facientibus, aut sedent spectatores actus indecori ; et spectant quidem cum aviditate omnimoda res omnium rerum importunissimas ; sermones vero audiunt blasphemos, quos in talibus necesse est fieri ; polluunt etiam suas manus, et oculos, et aures sic damnatis et prohibitis ludis ; alii vero neque obscure, aut latenter, aut equorum certaminibus se immiscent, aut etiam invitant aliquos super equorum profligatione aut victoria, vel per se ipsos, vel per alios quosdam, ut quia non decenter talia ludant, aut scenicorum, vel thymelitarum spectatores fiunt ludorum, aut varum quæ in theatris certantium ferarum pugnae fiunt, neque cogitant quemadmodum ipsi vel his qui modo et recens initiati sunt et adorandis mysteriis dignati, ipsi prædicunt : *Ut abrenuntient adversarii dæmonis cultui, et omnibus pompis ejus, quarum non minima pars talia spectacula fiunt.*

§ 2. Sæpe quidem ipsis talia custodire debere prædicavimus : videntes autem de his factam nobis relationem, in necessitatem incidimus ad præsentem veniendi legem, tum propter nostrum super religione

studium, tum etiam propter sacerdotii ipsius simul et communis reipublicæ utilitatem. — § 3. Et sancimus neminem, neque diaconum, neque presbyterum, et multo magis, neque episcopum (quod quidem et incredibile forte videri possit, ut quorum in ordinationibus preces ad Dominum mittuntur Christum Deum nostrum, et invocatio sancti et adorandi sit Spiritus, et eorum capitibus, aut manibus imponuntur sanctissima eorum quæ apud nos sunt mysteriorum, ut scilicet ipsis sensoria omnia instrumenta pura fiant, et consecrentur Deo), neminem igitur horum audere de cætero, et post divinam nostram legem, aut cubicare [id est tesseris seu aleis ludere] quocunque aleæ genere, aut ludo, aut ita ludentibus communicare, aut conversari, aut una recreari, aut una cum eis agere, aut eis testimonium perhibere, aut interesse plebeiis huiusmodi spectaculis, quæ prius diximus, aut quid eorum quæ in his prohibentur facere, sed omni ad illa participio in posterum abstinere. Quod enim præcessit jam, tametsi etiam inquirere oportuerat, nec participare indecenter oportebat, tamen propter humanitatem indulgemus, præsentis legis observationem omnibus in posterum injungentes tempus. Decet enim ipsos jejuniis et vigiliis et meditationibus, seu exercitationibus in divinis oraculis, et pro omnium salute fundendis vacare precibus : at eos qui talia non reliquerint, nec cessaverint omnino polluta et prohibita contrectare.

Idem enim etiam sancimus, et in reliquos clericos (subdiaconos nempe et lectores), quando et ipsi sacræ mensæ et omnis circa sanctissimas ecclesias ornatus constituti sunt ministri et operarii, et sacra contrectantes eloquia : dum sacras nobis ex sacris nostris Bibliis illi quidem legunt scripturas, hi vero hymnos et odas canunt. — § 4. Si vero quis de cætero tale quid faciens deprehensus fuerit, et delatus fuerit, id vel in hac felici civitate tuæ sanctitati, vel provinciis sub ipsa positis, Deo amantissimis metropolitæ et cæteris episcopis, quorum ordinationem tuæ beatitudinis facit thronus, et talis quædam supervenerit accusatio, aut diacono, aut presbytero, et multo magis episcoporum Deo amabilem cuidam, tuam hic beatitudinem, et in provinciis positos sub te Deo amantissimos metropolitæ, et qui sub ipsis sunt episcopos, hæc cum diligentia omni secundum ordinationis ordinem quærere, et perscrutari, neque defunctoriam facere inquisitionem, sed et testes fide dignos audire, et per omnem viam procedere ad eruendam veritatem. Sicut enim ipsis talia interdiximus, ita et calumniam peti a quibusdam vetamus : et si, undique discussione divinis propositis eloquiis facta, vere se habere accusatio apparuerit, et convictus fuerit diaconus aut presbyter, vel aleator esse, vel aleatorum particeps, aut talibus assidens vanitatibus, vel prædictis interesse spectaculis, aut etiam forte aliquis Deo amabilem episcoporum (quod quidem neque eventurum esse confidimus) prorsus talis cujusdam particeps esse spectaculi, aut cum aleatoribus una sedere et disponere ac pacisci, aut spon-

siones facere de cætero ausus fuerit, eum mox a tua beatitudine, aut a metropolita, aut Deo amantissimo episcopo sub quo ordinatus est, si quidem aliquis prædictorum sit clericorum, a sacra separari liturgia, imponi autem ipsi canonicam pœnam, et definiri tempus intra quod conveniat ipsum jejuniis et supplicationibus utentem, magnum propitiari Deum super tali transgressionem. Et si per definitum tempus, qui talem pœnam suscepit, maneat lacrymis et pœnitentia, et jejuniis, et ad Dominum Deum oratione, remissionem delicti exorans, confestum eum cui subiectus est hoc diligenter cognito, et sollicite requisito, communem quidem pro ipso orationem fieri curabit, et cum omni diligentia injunget ipsi ut postea a tali sacerdotii dedecoratione absteineat : et si putaverit ipsum sufficienter ad pœnitentiam venisse, tunc sacerdotali eum restituere dignetur clementiæ ; si vero et post excommunicationem inventus fuerit, neque vero pœnitentia usus, et alias etiam aspernatus eam rem, et manifeste ab adversario [diabolo] mente inescatus, ipsum quidem sacerdos sub quo degit sacris eximat catalogis, omnino eum deponens. Ille autem non amplius ullo modo licentiam habeat ad sacerdotalem venire gradum ; sed si quidem habeat facultates, civitatis illius curiam, in qua consecratus est primum ; aut si non habeat curiam ea civitas, alia curia provincię, quæ maxime indiget curiali, accipiet illum in posterum curiæ cum suis facultatibus servitutum : si vero facultates non habet, officialis in posterum fiat provincialis officii pro eo quod ante fuit sacratus, et eam ob rem quod Dei officium dereliquit, erit officialis provincialis, hanc sibi turpitudinem pro pristino honore imponens.

§ 5. Hæc igitur omnia sancimus in hac quidem felici civitate tuam custodire sanctitatem, et singulorum ecclesiarum defensores et œconomos, quibus curæ erit hæc inquirere, et denunciare, et convictos privare datæ eis a sanctis ecclesiis annonæ erogatione : in provinciis autem qui sub tua ordinati sunt beatitudine, Deo amantissimi metropolitæ, ad hæc etiam qui illis subsunt religiosissimi episcopi, et eorum ecclesiecdici et œconomi, et ipsi ad eundem modum qui prædictus est re utentes, et sacram venerationem undique irreprehensibilem et inculpabilem custodientes, conservabunt quidem ista : ut et gloriosissimi sacrorum nostrorum prætoriorum præfecti (dicimus autem Orientis cum subditis gentibus eorum jurisdictioni, item Illyrici, atque etiam Afrorum præeminentes diœcesi) et parentia eis officia, et clarissimi provinciarum præsides et civitatum defensores, ipsi quidem qui maximos magistratus gerunt, indignationem nostram subverentes ; officia autem non obsecundantia ipsis, decem auri librarum expertura pœnam : præsides vero provinciales majores pariter et minores, et obtemperantia ipsis officia, et insuper civitatum defensores, quinque auri librarum pœnam metuentes, si hæc cognoscentes, non annuntiaverint et ipsi sacerdotibus (id est, aut Deo amabilibus episcopis, aut sanctissimis metropo-

litis, aut uniuscujusque dioceseos sanctissimis patriarchis, secundum suam cuique regionem, ut ipsi hæc intelligentes, secundum quod antea definitum est, omnibus se opponant et resistant); et postquam ab eis is qui harum rerum convictus fuerit depositus fuerit, non curiæ civitatis aut officio eum tradi curaverit; et gloriosissimus præfectus hujus felcis civitatis hæc custodiet, si quidem in hac peccetur regia nostra civitate, una cum obediente ipsi officio, ipse quidem indignationem nostram subveritus, ipsius autem officium decem librarum auri metuens poenam. — § 6. Verum ista quidem nos legislationis modo confecimus. Illud vero in confesso est, quia nobis quidem consecrata sunt Deo pro sacerdotum ipsius honestate. Si vero ipsi transgressi fuerint ea quæ sunt ordinata, et dissimulent, et non vindicent, sed quadam videlicet humanitate non laudabili capti fuerint, præter cœlestes pœnas habebunt et illinc condemnationem, quæ illis in ipso Dei representabitur tribunali, quæ indecentem dissimulationem arguet et vindicabit. Si vero et aliquis civilium magistratum majorum, aut minorum, officialium, aut defensorum, aut, cum hæc didicerit, non judicaverit, aut, cum vindicare liceret, neglexerit, aut rem mercede prodiderit, sciat quod, præter interminatas a nobis pœnas, habebit et a maximo Deo nostro poenam sequentem, et obnoxius erit execrationibus omnibus quæ sacris continentur libris. — § 7. Sicut autem hæc nobis ob nihil aliud quam ob Domini sancita sunt cultum, sic et hoc addimus, ut inquisitiones cum summa diligentia fiant, et ne quis calumniator insurgat in aliquos aut falso accusaturus, aut falsum testimonium laturus his de rebus; sicut enim sacerdotibus, si quid tale egerint, tales imposuimus pœnas, ita et his qui calumniari ipsos tentarent, ex cœlo et legibus nostris pœnas imminere volumus, si, accusatione cœpta, seu annuntiatione, aut persequi noluerint, aut perseverare in hujusmodi accusationibus non quieverint. D. Pr. Non. Nov., C. P., Justiniano P. P. A. iv et Paulino v. c. coss. 543.

LIB. I, TIT. V.

De hæreticis et manichæis et Samaritis.

LEX XI.

Græca constitutio Anastasii, aut Justiniani. Ejus epitome.

Ubicunque Manichæi inveniantur, capite damnandi sunt.

Alia epitome ex Eclog. Βασιλ. lib. I, tit. Περὶ Μανιχαίων, cap. 25.

Manichæa in loco Romano degere deprehenso, caput amputator.

LEX XII.

Græca constitutio Justiniani. Ejus epitome ex collectione Græca Constitutionum ecclesiasticarum.

Manichæi undique expelluntur, et capite puniuntur. Reliqui autem hæretici (hæreticus est omnis non orthodoxus) et Græci [seu pagani] et Judæi, et Sama-

ritæ prohibentur magistratum gerere, et dignitatem habere, aut jus dicere, aut defensores, aut patres civitatum fieri (ne habeant licentiam vexare, aut judicare Christianos, aut episcopos). Item militare quoque prohibentur, præterquam si ex genere cohortalinorum sunt; hi enim manent, onera quidem sustinentes, non offendentes autem, neque in orthodoxos quid exsequentes in publicis vel privatis causis. Qui autem tentaverit quid horum facere, præterquam quod factum pro infecto erit, dabit etiam xx libras, et qui publicis ipsos descriptionibus inserere conati fuerint, etiam xx, et Præsides I, et omnes hæc privatis rebus inferuntur. Excipiuntur Gothi, qui fiunt fœderati, et aliter, prout visum imperatori fuerit, honorantur.

Alia ejusdem pars ex Theodoro Hermopolita.

§ 1. Parentibus diversæ fidei existentibus et religionis, illius sententia prævaleat, qui ad orthodoxam illos elegerit perducere fidem, et quamvis pater sit qui contradicit, ne exinde succensendi materiam captans, necessariis eos privet alimentis, aut aliis necessariis expensis.

LEX XIII.

13. Græca constitutio Justiniani, vel Justiniani. Ejus epitome.

Hæretici patres nihil habentes legitimum quo accusent orthodoxos filios, coguntur præter facultates suas etiam alimenta erogare illis, et reliqua necessaria, et conjungere (in matrimonium) orthodoxis, et dare dotes et antenuptiales donationes, providentia præsidum et episcoporum. — § 1. Orthodoxi filii hæreticorum, qui nihil deliquerunt in parentes, illibatum accipiunt, et indeminutum, quod eis ab intestato competit, et adversus hæc facta ultima voluntas infirmatur: conservatis libertatibus, nisi aliqua lege prohibeantur. Si vero quid deliquerint in parentes, accusantur, et puniuntur. Habent autem, et cum deliquerint, quartam facultatum ipsorum [partem] testamento facto. — § 2. Eadem et in Judæis et Samaritis obtinent.

LEX XIV.

Græca constitutio ejusdem imperatoris. Epitome ex Græca collectione Constitutionum ecclesiasticarum et Nomocan., tit. 12, cap. 2.

D Hæretici synacteria, seu collectas facere non possunt, aut parasynaxes, aut synodos, aut ordinationes, aut baptismata, aut exarchos habere, aut paternitates seu abbatias, aut defensiones instituere, aut curare seu administrare villas per seipsos, aut per interpositas personas, aut quid prohibitorum facere. Qui transgressus hæc fuerit, ultimum supplicium luit.

LEX XV.

Græca constitutio. Epitome ex indice Basilicorum κατὰ στήσεων.

Manichæi liberos quidem habentes orthodoxos, in eos et solos ab intestato (transmittant: nulli) autem alii viventes aut morientes alienanto (seu per institutionem, seu per legatum, seu per donationem), om-

nimodo eorum facultatibus ad fiscalem reddituris rationem.

LEX XVI.

Græcæ constitutionis epitome, ex collectione Græcæ ecclesiasticarum Constitutionum.

Ex Manichæo factus orthodoxus, si inventus fuerit ea quæ [pristini] erroris erant tacere, aut saltem una degere duntaxat, et conversari cum Manichæis, nec confestim prodiderit illa competenti iudici, ultimo supplicio punitur. — § 1. Idem qui in dignitatibus et militiis sunt solliciti eos qui in suo consortio sunt ejusmodi inquirant, et prodant : quia si comprehensus Manichæus dixerit sciri se et nosci talem a quibusdam, congrue illi puniuntur, ut qui eadem deliquerint, tametsi non sint tales ; eadem enim delinquere videntur scientes quidem delinquentem, non facientes autem illum manifestum. — § 2. Qui habet libros Manichaicos, et non manifestat eos, ut comburantur, punitur.

LEX XVII.

Græcæ constitutionis Justiniani epitome ex eadem collectione.

Sanctæ, etc. Samaritanorum synagogæ destruuntur ; et, si alias tentent facere, puniuntur. — § 1. Non possunt successores habere ex testamento, vel ab intestato, præter orthodoxos ; neque donant, aut aliter alienant hi qui non sunt orthodoxi, sed fiscus ipsa vindicat providentia episcoporum et præsidum.

LEX XVIII.

Græcæ constitutionis ejusdem Justiniani epitome ex eadem collectione.

Quæ de Samaritis lege statuta sunt circa synagogas et successiones, obtinent et in Montanistis, et Ascodrogitis, et Ophitis. Soli enim orthodoxi succedunt ipsis ex testamento, et ab intestato, et legata capiunt : cæteri autem hæretici, id est, qui non sunt orthodoxi, et Græci, seu pagani, et Samaritæ, non militant, neque ulla dignitate decorantur, neque publicam adipiscuntur curam, neque docent, neque advocacionibus funguntur. Si vero quis ad ea obtinenda simulet se orthodoxum, et appareat uxorem habens, aut liberos hæreticos, et non adducat ipsis ad orthodoxiam, ejicitur. Si vero etiam lateat, non potest quid suarum rerum donare, aut aliter alienare hæretico, sed hæc et hæreticam delatam ipsius successione vindicat fiscus. In universum enim qui participes sunt militiæ, aut dignitatis, aut advocacionis, aut publicæ liberalitatis, aut applausus, solos orthodoxos habent successores, et res ipsorum quocunque modo ad hæreticum delatas, fiscus vindicat. — § 1. Si alter conjugum orthodoxus sit, et alter hæreticus, oportet fieri liberos eorum orthodoxos. Quod si ex his alii orthodoxi fiant, alii hæretici maneant, soli succedunt utrique parenti orthodoxi. Si vero omnes sint hæretici, cognati orthodoxi succedunt, aut iis non existentibus fiscus. — § 2. Habet (constitutio) diversas pœnas contra neglectores, et non persequentibus aut indicantes præsidibus et officia civilia, vel militaria et episcopos, qui quidem et de neglectoribus

A præsidibus referunt principi, pœnæ vero fisco applicantur.

LEX XIX.

Idem Augustus Juliano P. P.

Cognovimus multos esse orthodoxos liberos quibus nec pater nec mater orthodoxæ sunt religionis. Et ideo sancimus ut non tantum in casu ubi alter [non] orthodoxæ religionis est, sed etiam in his casibus in quibus uterque parens alienæ sectæ sit, id est, pater et mater, hi tantummodo liberi ad eorum successionem, sive ex testamento, sive ab intestato vocentur, et donationes, seu aliæ libertates his accedere possint, qui orthodoxorum venerabili sunt nomine decorati : cæteris liberis eorum qui non Dei omnipotentis amorem, sed paternam, vel maternam impiam affectionem secuti sunt, ab omni beneficio repellendis. Liberis autem orthodoxis non existentibus, ad agnationem, vel cognationem eorum (orthodoxos tamen) easdem res, vel successiones pervenire.

Quod si [nec agnatio] vel cognatio recta inveniatur, tunc easdem res fisci nostri juribus vindicari. — § 1. Sed ne videamur morientibus quidem genitoribus liberis providere, viventibus autem nullam inferre providentiam (quod etiam ex facto nobis cognitum est), necessitatem imponimus talibus genitoribus orthodoxos liberos secundum vim patrimonii alere, et omnia eis præstare, quæ ad quotidianæ vitæ conservationem sufficiant : sed et dotes pro filiabus et nepotibus dare, et ante nuptias donationes pro filiis, vel nepotibus perscribere, in omni casu secundum vires patrimonii hujusmodi liberalitatibus æstimandis, ne propter divini amoris electionem, paterna, vel materna sint liberi provisione defraudati.

Omnibus videlicet quæ nostræ constitutiones de pœnis paganorum, et Manichæorum, et Borboritarum, et Samaritarum, Montanistarum, et Tascodrogitarum, et Ophitarum, cæterorumque hæreticorum jam constituerunt, ex hac nostra lege confirmandis, et in perpetuum valituris. Dat. Const. x Kal. Dec., Lampadio et Oreste vv. cc. coss. 530.

LEX XX.

Constitutionis Græcæ epitome ex eadem collectione.

D Hæretici communicantes, aut synaxes, aut baptismata facientes puniuntur, ut qui leges transgrediuntur, et qui domos ipsis ad hoc præbent, jam sancitis pœnis subjiciuntur. — § 1. Soli orthodoxi intra sacra septa habentes ergasteria, utuntur privilegiis, non item hæretici, qui nec intra sacra septa negotiantur, ne divina audiant mysteria. — § 2. Montanistæ vero, neque commorantur cum his qui ex his orthodoxi facti sunt ; et qui dicuntur ex ipsis episcopi, aut clerici, expelluntur urbe Constantino-politana.

§ 3. Vetantur mercari mancipia, neque erogationes percipiunt qui ex his egentes sunt eas quæ dicuntur honoraria ex judiciis vel ecclesiis ; et qui tribuit eis irrationabilem præfecturam, decem libris multatur,

et decem quoque libris præsidēs ex negligentia, et comes privatarum, et officium eorum.

LEX XXI.

Idem Augustus Joanni P. P.

Quoniam multi iudices in dirimendis litigiis nos interpellaverunt, nostro indigentes oraculo, ut eis reseretur quid de testibus hæreticis statuendum sit, utrumne accipiantur eorum testimonia, an repellantur, sancimus contra orthodoxos quidem litigantes nemini hæretico, vel his etiam qui Judaicam superstitionem colunt, esse in testimonia communionem, sive utraque pars orthodoxa sit, sive altera. Inter se autem hæreticis, vel Judæis, ubi litigandum existimaverint, concedimus fœdus permixtum, et dignos litigatoribus etiam testes introducere : exceptis scilicet his quos vel Manichaicus furor (cujus partem et Borboritas esse manifestum est) vel pagana superstitio detinet; Samaritis nihilominus, et qui illis non absimiles sunt, Montanistis, et Tascodrogitis, et Ophitis : quibus pro reatus similitudine omnis legitimus actus interdictus est. Sed his quidem, id est, Manichæis, Borboritis, et paganis, necnon Samaritis, et Montanistis, et Tascodrogitis, et Ophitis omne testimonium, sicut et alias legitimas conversationes, sancimus esse interdictum. Aliis vero hæreticis tantummodo judicialia testimonia contra orthodoxos, secundum quod constitutum est, volumus esse inhibita. Cæterum testamentaria testimonia eorum, et quæ in ultimis elogiis vel in contractibus consistunt propter utilitatem necessarij usus eis sine ulla distinctione permittimus, ne probationum facultas angustetur. Dat. v Kalend. August., Constantinop., post consulatum Lamp. et Orestis vv. cc. 532.

LEX XXII.

Idem Augustus Joanni P. P.

Divinam nostram sanctionem, per quam jussimus neminem errore constrictum hæreticorum, hæreditatem, vel legatum, vel fideicommissum accipere, etiam in ultimis militum voluntatibus locum habere præcipimus, sive communi jure, sive militari testentur. Dat. Kal. Septem. post consulatum Lampadii et Orestis vv. cc. ann. secundo [imperii Justiniani] 532.

LIB. I, TIT. XVII.

Dr veteri jure enucleando, et de auctoritate jurisprudentium qui in Digestis referuntur.

LEX PRIMA.

Imperator Justinianus Augustus Triboniano viro eminentissimo quæstori sacri palatii.

Deo auctore nostrum gubernante imperium, quod nobis a cœlesti Majestate traditum est, et bella feliciter peragimus, et pacem decoramus, et statum reipublicæ sustentamus : et ita nostros animos ad Dei Omnipotentis erigimus adjutorium, ut neque armis confidamus, neque nostris militibus, neque bellorum ducibus, vel nostro ingenio, sed omnem spem ad solam providentiam referamus summæ Trinitatis, unde

et mundi totius elementa processerunt, et rerum dispositio in orbem terrarum producta est. § 1. Cum itaque nihil tam studiosum in omnibus rebus invenitur, quam legum auctoritas, quæ et divinas et humanas res bene disponit, et omnem iniquitatem expellit, reperimus autem omnem legum tramitem, qui ab urbe Roma condita et Romuleis descendit temporibus ita esse confusum, ut [in] infinitum extendatur, et nullius humanæ naturæ capacitate concludatur, primum nobis fuit studium a sacratissimis retro principibus initium sumere, et eorum constitutiones emendare, et viæ dilucidæ tradere, quatenus in unum Codicem congregatæ et omni supervacua similitudine, et iniquissima discordia absolutæ, universis hominibus promptum suæ sinceritatis præbeant præsidium. — § 2. Hocque opere consummato, in uno volumine, nostro nomine præfulgente, coadunato, cum ex paucis et tenuioribus relevati ad summam et plenissimam juris emendationem pervenire properaremus, et omnem Romanam sanctionem et colligere et emendare, et tot auctorum dispersa volumina uni Codici indita ostendere, quod nemo alius neque sperare neque optare ausus est, res quidem nobis difficillima, imo magis impossibilis videbatur, sed manibus ad cælum erectis, et æterno auxilio invocato, eam quoque curam nostris reposuimus animis, Deo freti, qui et res penitus desperatas donare, et consummare suæ virtutis magnitudine potest. — § 3. Et ad tuæ sinceritatis optimum respeximus ministerium : tibi quoque primo et hoc opus commisimus, ingenii tui documentis, ex nostri Codicis ordinatione acceptis, et jussimus quos probaveris, tam ex facundissimis antecessoribus quam ex viris disertissimis togatis fori amplissimæ sedis, ad sociandum laborem eligere. His itaque collectis, et in nostrum palatium introductis, nobisque tuo testimonio placitis, totam rem faciendam permisimus : ita tamen, ut tui vigilantissimi animi gubernatione res omnis celebretur. — § 4. Jubemus igitur vobis antiquorum Prudentium, quibus auctoritatem conscribendarum interpretandarumque legum sacratissimi principes præbuerunt, libros ad jus Romanum pertinentes et legere, et elimare, ut ex his omnis materia colligatur, nulla (secundum quod possibile est) neque similitudine, neque discordia derelicta ; sed ex his hoc colligi, quod unum pro omnibus sufficiat. Quia autem et alii libros ad jus pertinentes scripserunt, quorum scripturæ a nullis auctoribus receptæ, nec usitatæ sunt, neque nos eorum volumina nostram inquietare dignamur sanctionem. — § 5. Cumque hæc materia summa nostri numinis liberalitate collecta fuerit, oportet eam pulcherrimo opere extruere, et quasi proprium et sanctissimum templum Justitiæ consecrare, et in libros quinquaginta, et certos titulos totum [jus] digerere, tam secundum nostri Codicis constitutionem, quam edicti perpetui imitationem, prout hoc vobis commodum esse patuerit, ut nihil extra memoratam consummationem possit esse derelictum : sed his quinquaginta libris totum jus antiquum per mille et quadringentos pene annos

confusum, et a nobis purgatum, quasi quodam muro vallatum, nihil extra se habeat: omnibus auctoribus juris æqua dignitate pollutibus, et nemini quadam prærogativa servanda, quia non omnes in omnia, sed certi per certa, vel meliores, vel deteriores inveniuntur. — § 6. Sed neque ex multitudine auctorum, quod melius et æquius est, iudicatore, cum possit unus [forsitan] et deterioris sententia, et multas, et majores in aliqua parte superare. Et ideo ea quæ antea in notis Æmili Papiniani et Ulpiano, et Paulo, necnon Marciano ascripta sunt, quæ antea nullam vim obtinebant propter honorem splendidissimi Papiniani, non statim respuere; sed si quid ex his ad repletionem summi ingenii Papiniani laborum, vel interpretationem necessarium esse perspexeritis, et hoc ponere, legis vicem obtinens, non moremini: ut omnes, qui relati fuerint in hunc Codicem prudentissimi viri, habeant auctoritatem, tanquam si eorum studia ex principalibus constitutionibus profecta, et a nostro divino fuerint ore profusa: omnia enim merito nostra facimus, quia ex nobis omnis eis impertietur auctoritas; nam qui [non] subtiliter factum emendat, laudabilior est eo qui primus invenit. — § 7. Sed et hoc studiosius vobis esse volumus, ut si quid in veteribus non bene positum libris inveniatis, vel aliquid superfluum, vel minus perfectum [supervacua longitudine semota, et quod imperfectum] est repleatis, et omne opus moderatum, et quam pulcherrimum ostendatis. Hoc etiam nihilominus observando, ut si aliquid in veteribus legibus, vel constitutionibus, quas antiqui in suis libris posuerunt, non recte scriptum inveniatis, et hoc reformetis, et ordini moderato tradatis, ut hoc videatur esse verum, et optimum, et quasi ab initio scriptum, quod a vobis electum, et ibi positum fuerit. Et nemo ex comparatione veteris voluminis, quasi vitiosam scripturam arguere audeat. Cum enim lege antiqua, quæ Regia nuncupabatur, omne jus omnisque potestas populi Romani in imperatoriam translata sunt potestatem, nos vero sanctionem omnem non dividimus in alias, et alias conditorum partes, sed totam nostram esse volumus, quid possit antiquitas nostris legibus abrogare? Et in tantum eadem omnia, cum reposita sunt, obtinere, ut et si aliter fuerint apud veteres conscripta, in contrarium autem in positione inveniantur, nullum crimen scripturæ imputetur, sed nostræ electioni hoc ascribatur. — § 8. Nulla itaque in omnibus prædicti Codicis membris antinomia (sic enim a vetustate Græco vocabulo nuncupatur) aliquem sibi vindicet locum, sed sit una concordia, una consequentia, adversario nemine constituto. — § 9. Sed et similitudinem (secundum quod dictum est) ab hujusmodi consummatione volumus exulare, et ea quæ sacratissimis constitutionibus quas in Codicem nostrum redegimus cauta sunt, iterum poni ex veteri jure non concedimus, cum divalium constitutionum sanctio sufficiat ad eorum auctoritatem, nisi forte vel propter divisionem, vel propter repletionem, vel propter pleniorum indaginem hoc contigerit; et hoc tamen perraro, ne ex continuatione hujusmodi lapsus

oriatur aliquid in tali prato spinosum. — § 10. Sed et si quæ leges in veteribus libris positæ, jam in desuetudinem abierunt, nullo modo vobis easdem ponere permittimus, cum hæc tantummodo obtinere velimus quæ vel judiciorum frequentissimus ordo exerceat, vel longa consuetudo hujus almæ urbis comprobavit, secundum Salvii Juliani scripturam, quæ indicat debere omnes civitates consuetudinem Romæ sequi [et leges], quæ caput est orbis terrarum, non ipsam alias civitates. Romam autem intelligimus non solum veterem, sed etiam regiam nostram, quæ Deo propitio cum melioribus condita est auguriis.

§ 11. Ideo jubemus duobus istis Codicibus omnia gubernari: uno constitutionum, altero juris enucleati et in futurum Codicem componendi, vel si quid aliud a nobis fuerit promulgatum institutionum vicem obtinens; ut rudis animus studiosi simplicibus enutritus, facilius ad altioris prudentiæ redigatur scientiam. — § 12. Nostram autem consummationem, quæ a nobis Deo annuente componetur, Digestorum vel Pandectarum nomen habere sancimus, nullis juris peritis in posterum audentibus commentarios illi applicare et verbositate sua supradicti Codicis compendium confundere: quemadmodum in antiquioribus [temporibus] factum est, cum per contrarias interpretantium sententias totum jus pene conturbatum est; sed sufficiat per indices tantummodo et titulorum subtilitatem [quæ παράτυλα nuncupantur] quædam admonitoria ejus facere, nullo ex interpretatione eorum vitio oriundo. — § 13. Ne autem per scripturam aliqua fiat in posterum dubitatio, jubemus non per simplorum captiones et compendiosas ænigmata, quæ multas per se et per suum vitium antinomias induxerunt, ejusdem Codicis textum conscribi, etiamsi numerus librorum significetur, aut aliud quidquam; nec enim per specialia signa numerorum manifestari, sed per litterarum consequentiam explanari concedimus. — § 14. Hæc igitur omnia Deo placido facere tua prudentia una cum aliis facundissimis viris studeat, et tam subtili quam celerrimo fini tradere; ut Codex consummatus, et in quinquaginta libros digestus nobis offeratur in maximam et æternam rei memoriam, Deique omnipotentis prudentiæ argumentum, nostrique imperii, vestrique ministerii gloriam. Dat. xviii Kalend. Januariis, Lampadio et Oreste viris clarissimis coss. 530. Feliciter.

LEX III.

In nomine Domini et Dei nostri Jesu Christi.

Imperator Cæsar Flavius Justinianus, Alemannicus, Gothicus, Francicus, Germanicus, Anticus, Alanicus, Vandalicus, Africanus, pius, felix, inclytus, victor, triumphator, semper colendus Augustus ad magnum senatum et populum, et omnes orbis nostri civitates.

Dedit nobis Deus post pacem cum Persis initam, post Vandalica trophæa, et totam Libyæ acquisitionem, postque nominatissimam Carthaginem nostrum iterum imperio sociatam, ut veterum legum renovationis opus ad optatum finem perduceremus, quod nemo principum ante nostrum imperium, aut in mentem

induci posse, aut humano ingenio possibile esse existimavit. Erat enim mirabile omnem Romanam sanctionem a condita vetere Roma usque ad nostri imperii tempora, quæ pene in mille et trecentos annos concurrunt, non solum secum in variis suis partibus, sed in imperialibus quoque præsertim sanctionibus inter omnem nutare consonantiam pariter ac discordiam; non tamen id solum quod secum pugnat, tollere, sed etiam quod idem, aut simile reperiebatur, expellere, variamque ipsius pulchritudinis ideam tribuere, ita ut pro singulis rebus singulæ leges constitutæ viderentur. Quod proculdubio superioris Numinis et fluentis inde benignitatis fuit, non humanæ cogitationis, aut incepti, aut potestatis. Nos itaque, more solito manibus ad Deum erectis, eoque, ut nos complecti dignaretur, invocato, et rem aggressi sumus, et omnia tandem confecimus, Triboniano gloriosissimo magistro, et exquæstore sacri nostri patii, et exconsule, ad omne ministerium usi, necnon aliis quibusdam illustribus et prudentibus viris, inquirentes semper ea quæ ab eis componebantur; et id, quod erat dubium perscrutantes, omnibus quoque secundum datam nobis a Domino Deo et Salvatore nostro Jesu Christo scientiam et intellectus vigorem imponentes competentem formam. — § 1. Et piissimas igitur Constitutiones jam ante in duodecim libris comprehensas, Codicem nostræ pietatis cognomine fulgentem composuimus: nunc vero omnium veterum juris conditorum sententias ex multitudine, quæ ad duo millia pene librorum et trecentas myriadas versuum pertingebat, in moderatum et perspicuum collegimus compendium. Quinquaginta igitur libris omnia complexi nunc sumus cœlesti favore, colligentes omne id quod erat utile, et omnes ambiguitates decidentes, nullo seditioso relicto. Quos libros Digesta seu Pandectas appellavimus, ex eo quod legum habeant divisiones et decisiones; itemque ex eo quod omne in unum congregatum receperint, hanc eis appellationem imponentes: nec ultra quindecim myriadam versuum numerum eis dantes, et in septem eos disponentes tractatus. Idque non perperam neque sine ratione, sed ad numerorum naturam et harmoniam respicientes. — § 2. Ea igitur, quæ apud omnes πρώτα, id est primordia, nuncupantur, in quatuor libros seposuimus. — § 3. Deinceps ea quæ de iudiciis tractant, in alios septem libros. — § 4. Item ea quæ de rebus, non in plures quam octo libros. — § 5. Sequentem vero operis partem, quæ quarta et media est totius operis (μέσον ἐστι τοῦ παντός), in aliis octo libris deposuimus, in quibus est quidem hypothecaria, non longe admodum a pignoratitia actione distans; est et Edictum edictum, et de evictionibus stipulatio: quæ duo accessoria, et consequentia constituta venditionum, longe tamen admodum in veteri juris ordinatione ab his devagantia congregavimus propius propter mutuam inter se cognationem, ne quæ de eodem pene loquuntur longe a se distarent. Post hæc introduximus post duos illos libros ea quæ sunt scripta de usuris tam terrestribus quam trajectitiis seu

maritimis, et de probationibus atque præsumptionibus in unum librum; his autem tribus monoblibis, singularibus libris post tractatum de rebus sibi invicem proximis depositis, et rursum ea quæ de sponsalibus, et nuptiis, et de dote legibus dicta sunt congregantes his etiam tria habere in hac ordinatione volumina concessimus. De tutoribus autem minoris ætatis geminos libros, eos, inquam, qui de tutelis apud omnes nominantur, et hic etiam in compendium concidimus memoratam octo librorum ordinationem, et mediam (ut dictum est) hanc partem totius operis confecimus, pulcherrima et utilissima jura in his describentes. — § 6. De testamentis autem, et legatis, et fideicommissis, omnia congregavimus in novem librorum numerum: quorum principatum obtinent ea quæ sunt de testamentis, et codicillis, cum omnium, tum etiam militum, qui ea, ut volunt, faciunt, duobus libris ordinata, et de testamentis inscripta; quinque autem sequentibus continentur ea quæ de legatis et fideicommissis, et omni eorum ambiguitate disputata sunt: et quoniam Falcidiæ narratio continens et consentanea erat legatorum et fidei commissorum proprio tractatui, propterea et ipsam continuo legatorum supposuimus tractationi, libro integro rei applicato, cum brevi quadam adiectione; et rursum quia ad Falcidiæ imitationem [introducitur] erat Trebellianum senatusconsultum in fideicommissis, et huic ultimum hujus ordinationis tribuimus locum, totum jus super his positum, Trebelliano senatusconsulto attribuentes, et supervacuam esse Pegasiani senatusconsulti positionem invenientes, et absurdas horum senatusconsultorum inter se differentias, et communiones, quassane et veteres perosi captiosas et damnosas appellarunt, simpliciore quadam narratione, omne hoc schema congregantes, et ad unius senatusconsulti Trebelliani ordinationem applicantes, et hanc quintam partem totius ordinationis novem his perfecimus libris; in quibus novem libris nihil de quondam caducis dictum a nobis est, quia propter usum quemdam non prosperum, cum increbuisset in republica, et luctuosum monumentum bellorum civilium essent, non oportebat in his manere temporibus in quibus et Deus dedit pacem agere domi et foris, et, cum oportuit bellum gerere, facile cum ipsius favore hostes superare et capere. — § 7. Sequitur deinde et exoritur nobis et sexta pars totius compositionis, octo conclusa libris. Pulchre autem incipit ab his quæ possessiones nominantur, quas nos similiter, ut cætera diligenter considerantes, tam eas quæ ad ingenuos quam quæ ad libertinos pertinent, ex multa anteriorum temporum confusione et obscuritate in purum deduximus compendium, geminorum illis librorum numerum sufficere arbitantes. Applicavimus autem ipsis et omnes ab intestato appellatas successiones, et ipsos generum ordines, eorum gradibus etiam libro inscriptis, et circa omnium finem Tertullianum et Orsicianum composuimus senatusconsultum, ex quibus matres et liberi invicem successores fiunt. Procedit autem post hæc alius liber, qui de ædificio

rum operibus et de ea quæ ob ruinosam et dirutam ædificia [datur] satisfactione, et his qui in his aliquid insidiarum aut fraudis admiserint, et de his qui ex aquarum impetu vicinos læserint, et de publicorum vectigalium coactoribus, atque insuper de donationibus tam indefinitis [seu simplicibus], quam in cogitationem mortis relatis leges ac jura ordinant. Rursum autem quidquid de quacunque manumissione exstat, vel de his quæ super ipsa agitantur causis, et hoc uni traditum est libro. Amplius autem ea quæ de possessione, et per ipsam acquisitione, et de causis eam introducentibus sunt, in unum seposuimus tractatum [seu librum]. Et quidquid etiam de judiciariis exstat sententiis, et his qui in eis aliqua contra seipsum confessi sunt, et de bonorum cessione, et creditorum detentione, et venditione, et de bonorum separatione et curatione, et ne quid patiantur creditores fraudis, et id in unum similiter collatum est librum. Sed et Interdictorum modum non pluribus quam uni dedimus libro. Inde autem et ad præscriptiones [seu exceptiones] et in his ordinata tempora venimus. Et obligationum quidem, et actionum seposuimus modos, et coegimus omnem hanc partem cui præsumt possessiones (ut dictum est) octo librorum numero descriptam, sextam hanc partem totius voluminis seponentes. — § 8. Totius autem extrema pars, quæ et septima est totius tractationis, sex librorum numero demandata est, incipiens quidem a stipulationibus, procedens vero ad ea quæ scripta sunt de fidejussione, et debitorum numeratione, solutione et liberatione ipsorum, et de introductis ex prætorum jurisdictione stipulationibus, quæ omnia duobus a nobis contracta sunt libris, cum apud veteres nec dici posset quot essent libri [ea de re]. Procedit et deinceps ad delictorum narrationem, et omnia recenset quæ ad majora delicta pertinent, quæ vocant privata; et item quæ ad ea quæ necdum ordinaria appellant, sed ipsis extraordinariorum appellationem imponunt: descendit etiam et ad publica crimina, quæ atrocissima sunt et magnam sibi advocant pœnam. Duo autem et hic sunt libri, qui illa quidem quæ ad delicta et crimina pertinent complectuntur: quibus permixta sunt et ea quæ de reis criminum qui se celare tandem conantur scripta sunt, et de eorum bonis, et de ea quæ infligitur condemnatis pœna vel indulgentia. Initium autem nobis alterius rursum libri fit narratio de appellationibus, quæ communis est profecto ad rescindendas tam pecuniarias [seu civiles] sententias, quam criminales. Quæcunque autem de civibus [seu municipibus], et decurionibus, et muneribus, et publicis operibus, et nundinis, et reddituum pollicitationibus, et variis cognitionibus [seu interrogationibus], et publica descriptione, veteribus inventa sunt, et quæcunque de verborum exstant significatione, et de his quæ pro regulis apud veteres dicta sunt, hæc omnia in sese recipit ultimus liber. Hujus igitur compositionis, cujus initium est a stipulationibus, hic liber est sextus quidem si ad proprium principium comparetur; sed est quinquagesi-

mus, si conferatur ad totam consummationis perfectionem [seu harmoniam]. — § 9. Quæ omnia composita sunt, et elaborata peroptime, et ut nostra jussione dignum fuit, per Tribonianum illustrissimum, nec non prudentissimum, magistrum, et exquæstorem nostrorum palatiorum, et exconsulem, virum et in ipsis rerum experimentis, et in eloquentia, et in legibus scribendis satis spectatum, et qui nihil unquam nostrarum jussionum contempsit, nec non per alios [viros] qui sub ipso nobis hoc opus elaborarunt, id est Constantinum magnificentissimum comitem sacrarum largitionum, et antigrapharium [seu magistrum] sacri scrinii, et sacrarum libellorum et cognitionum imperialium, qui nobis bonam de se opinionem in omnibus præbuit; nec non Theophilum magnificentissimum magistrum, et leges [seu jura] in regia hac urbe laudabiliter, et cum summis vigiliis, et ut magisteria sedulitate dignum est, docentem; et Dorotheum magnificentissimum quæstorem, et doctorem in legum civitate designatum; dicimus autem verendam et splendidam Berytiensium metropolim, quem de ipso optima opinio et gloria, et ad nos deduxit ipsum, et ut hujus operis participem faceremus, hortata est: sed et Anatolium magnificentissimum magistrum, qui et ipse apud Berytienses ea quæ ex legibus [profiscuntur] pulchre docet, vir ex tertia stirpe laudabili juris apud Phœnices interpretum descendens; refert enim genus ad Leontium, et Eudoxium, homines in legibus optimæ memoriæ, post Patricium inclytæ recordationis, quæstorium et anticensorem, et Leontium gloriosissimum, ex præfectum et exconsulem atque Patricium ejus filios (summæ admirationis viros); et Cratinum magnificentissimum atque prudentissimum comitem sacrarum largitionum [et optimus quoque est is legum enarrator in regia hac urbe], et præter hos etiam Stephanum, Menam, Prosdocium, Eutolmium, Timotheum, Leonidem, Leontium, Platonem, Jacobum, Constantinum, Joannem, viros prudentissimos, qui universi rhetores quidem sunt gloriosissimorum præfectorum sacrarum nostrorum prætoriorum; gloriam autem seu laudem apud omnes prudentiæ juste habent, et a nobis merito judicati sunt digni ut eligerentur tanti certaminis participes. Hæc igitur nobis circa Digestorum elaborata sunt conscriptionem per jam dictos gloriosissimos viros. — § 10. Tanta autem nobis reverentia antiquitatis fuit, ut neque mutari nomina veterum jurisconsultorum sustinuerimus, sed unicujusque illorum appellationem legibus inscripsimus mutantes quidem, si quid jam habere visum est non recte, partes vero illas nunc tollentes, has nunc addentes, ex multis denique optimum eligentes, et unam [atque parem] omnibus præbentes potestatis vim [seu robur], ita ut quidquid scriptum est in eo libro, id nostra sit sententia: nemine audente comparare ea quæ nunc facta sunt his quæ prius erant, quia multa et numerata non facilia transposuimus in melius, etiamsi quid imperiali aliqua antiquorum imperatorum constitutione in aliam dictum

fuerat formam. Nam nomina quidem veteribus servavimus, legum autem veritatem nostram fecimus. Itaque si quid erat in illis seditiosum (multa autem talia erant ibi reposita), hoc decum est et definitum, et in perspicuum finem deducta est quæque lex. — § 11. Sed cum oportebat et aliquam mediocre isagogem facere in eorum gratiam qui recenter leges attingunt, nec majorem doctrinam portare possunt, neque hoc extra nostram providentiam reliquimus, scilicet Triboniano gloriosissimo, qui et ad totius operis legitimi gubernationem electus est, necnon Theophilo, et Dorotheo magnificentissimis et prudentissimis anticensoribus accersitis mandavimus, ut seligerent ex his quæ apud veteres erant isagogarum modo composita, ea quæ essent aptissima, et in ipsis rerum argumentis obtinentia; utque colligerent, et nobis offerrent, et ut mentionem etiam facerent nostrarum Constitutionum, quas pro emendatione veteris juris promulgavimus, et ita componerent libros quatuor futuros prima elementa totius isagoges, quos vocari Instituta visum est; quam sane legitimi operis partem compositam nobis obtulerunt, et nos eam totam consideratam a nobis, et perpensam, recteque habere visam, nostris sensibus non indignam esse judicavimus, et pro nostris haberi Constitutionibus, et nostrarum Constitutionum robur habere jussimus: quod et ex his quæ in præmiis ejusdem voluminis disseruimus, omnibus manifestum fecimus. — § 12. Sic itaque omni Romani juris dispositione ordinata, et in tribus integris et voluminibus et annis tanto opere perfecto (quod nobis ab initio omnem spem excedere, circa finem autem, cum jam penetrabilem esse rem docuimus, ne in decem quidem annis totum absolvi posse videbatur), tanta ergo trium annorum celebritate consummato opere, et hac opera Domino Deo oblata, qui dedit et pacem agere, et bella feliciter dirigere, et leges ponere præterito, præsentem, et futuro tempore, justum esse putavimus omnibus hominibus facere manifestum nostrum in his rebus studium simul et providentiam, quomodo nempe priori soluti perturbatione, et confusione, et nullum finem habente juris positione, usuri sunt posthac legibus rectis, compendiosis, et omnibus ad manum promptis, et litium compendium afferentibus, et paratis, atque expositis omnibus [hominibus] ad facilem acquisitionem, nec amplius egentibus multis pecuniis, ut illorum inutilium librorum congerant multitudinem, sed vilissima pecunia, tam ditioribus quam ex tenuiore profectis patrimonio, copiam sui comparandi præbentibus. — § 13. Si quid autem ex multitudine ea quæ nunc congesta est, et ex tantis myriadibus collecta, videbitur esse simile [et geminatum] (hoc autem putamus ratum esse), attamen humanæ naturæ [imbecillitatem] considerantibus, non extra justam apologiam ne hoc quidem videbitur esse; in nullo enim aberrare [seu in omnibus irreprehensibilem seu inemendabilem esse], divinæ utique solius, non autem mortalis est constantiæ [seu roboris], quemadmodum et a majoribus dictum est: deinde est ubi

et similium assumpsimus positionem, vel rebus subjectis id exigentibus, ut oporteret idem pluribus applicari titulis, vel quia cum extraneo loco esset commixtum id quod simile superiori videbatur, impossibile fuit eam similitudinem detrabi; vel etiam quia sæpe custodienda fuit integra totius theoriæ [seu visionis] continentia, nec separanda [aut divellenda] mens et intellectus [legendium] per eorum quæ jam scripta fuerant ademptionem: quin et hoc sicubi assumptum est propter rei necessitatem, tamen id breve est, nec ullum fere sui sensum præbens. — § 14. Hoc etiam ipsum, et in Constitutionibus jam inter imperiales Constitutiones relatis, et jure quod ex his resultat, observavimus: nam quæ in illis jam cauta erant, ea nec in hoc volumine poni concessimus, nisi ob aliquam interdum circumstantiam similitudinis aliqua causa relicta est. — § 15. Contrariam autem aliis legibus legem ex his quæ in hoc volumine positæ sunt non facile quis repererit, si modo ad omnes contrarietatis fines animum intendere festinet, sed inest aliquid diversum, quod assumptum alterius generis forte hanc et illam legis positionem apparere faciet.

§ 16. Sed et si quid forte prætermisum est eorum quæ poni debebant (forte enim et aliquid tale contigit propter humanæ imbecillitatem naturæ), multo sane melius est nostris subditis multis inutilibus liberari [legibus], dum privantur forte paucis quibusdam quæ videbantur idonea, myriadibus prope infinitis defossa et deposita, et nemini forte mortalium animadversa. — § 17. Hanc enim ob causam tot libris quos antea scribi oportebat destituti iudices, facilius ex paucissimis juris auctoribus et libris ad finem litium perveniebant, et judicia decidebant, vel propter inopiam librorum, vel quia non sufficebant multis laboribus ad inveniendâ multa utilia necessariis, et viribus erant impares. In præsentem autem consummationem maximus legum obtinentium congestus est numerus ex libris raris, et qui vix inveniri potuerint, et quorum nec nomina nec eruditissimi quidem in legibus complures homines noverant. Quorum sane copiam [seu materiam] nobis uberrimam dictus gloriosissimus Tribonianus præbuit totum librorum, et qui vix numerari possunt, suppeditata multitudine, quibus omnibus perfecte lectis, congesta sunt hæc volumina; sed ex horum multis et variis hi qui a nobis ad hoc congregati erant, cum nihil invenissent idoneum, aut novum ab his quæ jam congregata erant, illationem ex his in hoc opere faciendam optimo animo respuerunt.

§ 18. Si vero postea aliquid novi controverteretur, quod non apparebit legibus his inscriptum (multa enim novare novit natura), sed imperium Deus propter hoc imposuit hominibus, ut emergentia et legis egentia lege definiat, et humanæ naturæ incertum repleat, et certis concludat legibus ac regulis, neque hoc nostrum nunc dicimus, sed jam omnium juris conditorum qui olim claruerunt, prudentissimus Julianus hoc ipsum videtur dixisse, qui et ab imperiali

auctoritate implorat fieri legum repletionem in emergentibus ambiguitatibus et quæstionibus; sed et D. Adrianus piæ memoriæ, quando ea, quæ a prætoribus quotannis edicta fuerant brevi complexus est libello, assumpto ad id op imo Juliano, in oratione quam in commune habuit in seniore Roma, hoc ipsum quoque ait : ut si quid præter id quod jam ordinatum est emergerit, conveniens est eos qui in magistratu sunt illud conari decidere, et remedium imponere secundum eorum quæ jam ordinata sunt consequentiam [imitationem]. — § 19. Hæc igitur omnes (dicimus autem vos, magni senatus et omnes nostræ reipublicæ homines) cognoscentes, gratiam quidem confitemini Deo, qui nostris temporibus tantum bonum servavit; utimini vero nostris legibus, nulli earum quæ veteribus libris inscriptæ sunt attendentes, neque ad ea quæ nunc posita sunt illas comparantes; quia etsi videantur quædam invicem non consonare, tamen prius illud et vetustius nobis ut imperfectum displicuit, nunc autem hoc visum est debere obtinere. Nam prohibemus illis in posterum uti : hæc autem sola observari in republica et obtinere concedimus et sancimus; ita ut qui conatus fuerit ex prioribus libris, et non ex his duobus solis et Constitutionum [libro] a nobis compositis, vel factis, uti quibusdam legibus, vel eas in iudiciis legere, vel si quis iudicaverit ex his apud se recitari eas passus, falsi reus erit, et publicorum criminum iudicatus, et pœnæ addictus: quod etsi non diceremus, vel ex hoc ipso manifestum esset. — § 20. Sed et hoc optimum fore iudicavimus, præponere Digestorum volumini et veteres juris conditores; et illorum volumina, et unde collectio facta sit legum nunc a nobis congestarum : quod et fieri iussimus, et factum est; et simul ea quæ de his rebus conscripta sunt, supponi huic divinæ nostræ Constitutioni præcipimus, ut omnibus fiat manifestum, et quid prioris inexperientiæ simul, et incertitudinis esset, et quid a nobis sit adinventum. Legislatores autem seu legum interpretes illos congestissimus, qui apud omnes probati et recepti erant, et prioribus imperatoribus placuerant, et qui ab his nominari meruerunt. Si enim aliquis nondum veteribus legislatoribus cognitus est, nos et huic interdiximus hujus voluminis communicationem. Omnibus sane hic positus unum ordinem et dignitatem parem dedimus, nulli cuiquam majore quam cæteris data prærogativa. Si enim his quæ ab illis scripta sunt omnibus imperialium Constitutionum dedimus robur, quid est quod in his amplius quodque minus haberi debeat?

§ 21. Illud autem, quod statim, cum hanc compositionem legum congregari mandavimus, iussimus, iterum et nunc sancimus illud confirmando : omnibus similiter interdiximus ne quis audeat hominum qui sunt nunc, aut in posterum erunt, commentarios scribere harum legum, præterquam si velit quis in Græcam linguam hæc transferre, quem etiam volumus sola secundum pedem seu *κατὰ πόδα* nuncupata uti legum interpretatione, et si quid secundum nomina-

torum paratitlorum (ut conveniens est) ascribere voluerint usum; aliud autem nihil omnino ne tantillum quidem circa ea facere, nec rursum dare seditionis, et dubitationis, aut infinitæ multitudinis legibus occasionem, id quod antea in antiqui edicti factum est ordinatione, ita ut illud brevissimum constitutum ex differentium commentariorum differentia seu diversitate in infinitam extenderetur multitudinem. Si quid enim forte ambiguum fuerit visum, vel litium certatoribus, vel his qui rebus iudicandis præsumunt, hoc imperator interpretabitur recte : nam hæc facultas illi soli a legibus permissa est. Itaque quisquis ausus fuerit ad hanc nostram legum compositionem commentarium aliquod adjicere, aliter atque nostræ hujus jussionis forma præscribit, is sciat quod et ipsi falsi reo legibus futuro, et quod composuerit, eripietur, et modis omnibus corrumpetur. — § 22. Eadem pœna imposita et adversus eos qui notis (seu signis) quibusdam in scriptura utentur (quæ signa siglas vocant) et qui per ea conturbare scripturam tentarint, nec per totam consequentiam litterarum numeros, et nomina veterum prudentum, et totam legum positionem scripserint. Sciant etiam librorum ita scriptorum comparatores se inutilis fore libri dominos; neque enim damus licentiam talibus libris in iudiciis uti, et aliquid agere, etiamsi contingat librum in ea ipsa parte quæ recitatur nullum habere tale signum [aut notam], sed in alia quacunque sui parte, quamvis semel tantum id admissum sit. Itaque ipse quidem eum librum pro non scripto prorsus habebit. Is autem qui eum scripserit, et ignoranti emptori dederit, duplum solvet ejus æstimationis ei qui ita in quantitate damnum passus fuerit, nihilominus infligenda criminali pœna. Hoc etenim et in aliis constitutionibus ea de re positae scripsimus, tam his quæ Latina processerunt voce, quam ea quæ Græcorum lingua, quam quidem ad legum professores rescripsimus.

§ 23. Hæc igitur volumina (Institutorum et Digestorum dicimus) ex fine tertii nostri felicissimi consulatus suum robur obtinere sancimus, id est, ex ante tertium calendarum Januariarum præsentis duodecimæ indictionis, in omne ævum valitura, et una cum imperialibus constitutionibus vigorem et locum habitura tam in his quæ postea emergerint quam in his quæ in iudiciis adhuc pendent, nec dum amicalibus tradita sunt transactionibus; quodcumque enim hactenus vel iudicatum, vel transactum est, retractari non sustinemus. Quem quidem consulatum tertium nobis nominatissimum dedit Deus, quando et sub ipso pax cum Persis confirmata est, et hoc tantum legum volumen repositum est, quod a nemine majorum unquam excogitatum fuit, atque ad hæc tertia pars mundi (dicimus autem totam Lybiam) nostris adjuncta est sceptris, omnia hæc a summo Deo et Servatore nostro Jesu Christo dona tertio nostro consulatu indulta. — 24. Omnes itaque laudatissimi nostræ reipublicæ Magistratus divinam hanc nostram suscipientes constitutionem, ut utantur

prædictis nostris legibus, unusquisque in suo procurabit iudicio. Proponet autem eam in maxima et regia hac urbe, et ejus gloriosissimus præfectus. Curæ autem erit excellentissimo et laudatissimo nostro magistro, et gloriosissimis atque beatissimis præfectis sacrorum nostrorum prætoriorum, tam in his quæ ad solem orientem quam in his quæ in Illyride, necnon in his etiam quæ in Lybia sunt, per sua edicta his qui sub ipsis ordinati sunt et ista facere manifesta, ad omnium nostrorum subditorum inexcusabilem notitiam. Data XVII Calend. Januarias, domino nostro Justiniano perpetuo Augusto IIII cos. 533.

LIB. I, TIT. XXVII.

De officio præfecti prætorio Africæ, et de omni ejusdem diœceseos statu.

LEX PRIMA.

In nomine Domini nostri Jesu Christi.

Imperator Cæsar Flavius Justinianus, Alemanicus, Gothicus, Germanicus, Francicus, Anticus, Alanicus, Vandalicus, Africanus, pius, felix, inclytus, victor ac triumphator, semper Augustus, Archelao Præfecto prætorio Africæ.

Quas gratias, aut quas laudes Domino Deo nostro Jesu Christo exhibere debeamus, nec mens nostra potest concipere, nec lingua proferre. Multas quidem et antea a Deo meruimus largitates, et innumerabilia circa nos ejus beneficia confitemur, pro quibus nihil dignum nos egisse cognoscimus. Præ omnibus tamen hoc, quod nunc omnipotens Deus per nos pro sua laude, et pro suo nomine demonstrare dignatus est, excedit omnia mirabilia opera, quæ in sæculo contigerunt, ut Africa per nos tam brevi tempore reciperet libertatem, antea nonaginta quinque annos a Vandalis captivata, qui animarum fuerant simul hostes et corporum: nam animas quidem diversa tormenta atque supplicia non ferentes, rebaptizando ad suam perfidiam transferebant; corpora vero liberis natalibus clara, jugo barbarico durissime subjugabant. Ipsas quoque Dei sacrosanctas ecclesias suis perfidiis maculabant, aliquas vero ex eis stabula fecerunt. Vidimus venerabiles viros qui abscissis radicibus linguis suas pœnas miserabiliter loquebantur, alii vero post diversa tormenta per diversas dispersi provincias vitam in exilio peregerunt. Quo ergo sermone, aut quibus operibus dignas Deo gratias agere valeamus, qui per me ultimum servum suum, Ecclesiæ suæ injurias vindicare dignatus est, et tantarum provinciarum populos a jugo servitutis eripere? Quod beneficium Dei antecessores nostri non meruerunt, quibus non solum Africam liberare non licuit, sed et ipsam Romam viderunt ab eisdem Vandalis captam, et omnia imperialia ornamenta in Africam exinde translata. Nunc vero Deus per suam misericordiam non solum Africam, et omnes ejus provincias nobis tradidit, sed et ipsa imperialia ornamenta, quæ capta Roma fuerant ablata nobis restituit. Ergo post tanta beneficia, quæ nobis Divi-

nitatis contulit, hoc de Domini Dei nostri misericordia postulamus, ut provincias quas nobis restituere dignatus est firmas et illæsas custodiat, et faciat nos eas secundum voluntatem suam ac placitum gubernare, ut universa Africa sentiat [omnipotentis] Dei misericordiam, et cognoscant ejus habitatores a quam durissima captivitate et jugo barbarico liberati, in quanta libertate sub felicissimo nostro imperio degere meruerunt. Hoc etiam deprecantes exoramus sanctæ et gloriosæ semper virginis et Dei genitricis Mariæ precibus, ut quidquid minus est reipublicæ nostræ per nos ultimos servos suos restituit in suo nomine Deus, et dignos nos faciat servitium ejus adimplere.

§ 1. Deo itaque auxiliante, pro felicitate reipublicæ nostræ, per hanc divinam legem sancimus, ut omnis Africa, quam nobis Deus præstitit, per ipsius misericordiam optimum suscipiat ordinem, et propriam habeat præfecturam: ut sicut Oriens, atque Illyricum, ita et Africa prætoriana maxima potestate specialiter a nostra clementia decoretur. Cujus sedem jubemus esse Carthaginem, et in præfatione publicarum chartarum præfecturis aliis ejus nomen adjungi, quam nunc tuam excellentiam gubernare decernimus.

§ 2. Etab ea (auxiliante Deo) septem provinciæ cum suis iudicibus disponantur: quarum Tingi et quæ Proconsularis antea vocabatur, Carthago et Byzacium ac Tripolis rectores habeant consulares; reliquæ vero, id est, Numidia et Mauritania, et Sardinia a præsidibus cum Dei auxilio gubernentur.

§ 3. Et in officio quidem tuæ magnitudinis, necnon pro tempore viri magnifici præfecti prætorio Africæ trecentos nonaginta sex viros per diversa scrinia et officia militare decernimus. In officiis vero consularium ac præsidum quinquaginta homines per singula officia esse sancimus.

§ 4. Quæ vero emolumenta, sive magnificentia tua, sive consulares, et præsides, et quod unusquisque ex officio eorum de publico consequi debeat, notitia subter annexa declarat.

§ 5. Optamus ergo ut omnes iudices nostri secundum voluntatem et timorem Dei, et nostram electionem atque ordinationem sic suas administrationes gubernare studeant; ut nullus eorum aut cupiditati sit deditus, aut violentias aliquas vel ipse inferat, vel iudicibus aut officiis eorum, aut quibuscunque aliis collatoribus inferre permittat. Licet enim per omnes provincias nostras (Deo juvante) festinemus, ut illæsos habeant collatores, maxime tamen tributariis diœceseos Africanæ consulimus, qui post tantorum temporum captivitatem meruerunt (Deo juvante) per nos lumen libertatis aspicere. Ergo jubemus omnes violentias et omnem avaritiam cessare, et justitiam atque veritatem circa omnes nostros tributarios reservari. Sic enim et Deus placabitur, et ipsi possunt celerius, sicut collatores alii nostræ reipublicæ, relevari atque florere. — § 6. Sportulas etiam ab officio tam viri

magnifici, præfecti [prætorio] Africani, quam reliquorum judicum sic exigi jubemus, quomodo in nostris legibus est dispositum, et ab omni republica nostra custoditur, ut nullus audeat quocunque tempore, vel quocunque modo, earum excedere quantitatem. — § 7. Hoc etiam præsentī sanctione credimus ordinandum, ut non multa dispendia pro completionē chartarum, vel codicillorum, vel in nostro laterculo, vel in scriniis præfecti prætorio per Africam iudices sustinere videantur, quia si ipsi dispendiis læsi non fuerint, nullam habebunt necessitatem ejusdem nostræ Africæ tributarios prægravandi. Jubemus ergo ut iudices diœceseos Africanæ tam civiles quam militares in nostro laterculo pro codicillorum atque chartularum promotionis suæ consuetudinibus nihil ultra sex solidos præbeant, at vero in scrinio præfectorum non ultra duodecim solidos cogantur inferre. Quem modum si quis excesserit, ipse quidem iudex triginta librarum auri dispendio subiacebit; officium vero ejus non solum simile dispendium, sed et capitale periculum sustinebit. Nam si aliquis ex quacunque parte ausus fuerit iussiones nostras excedere, et non festinaverit cum Dei timore eas servare, non solum dignitatis aut substantiæ periculum sustinebit, sed etiam ultimo supplicio subiacebit. — § 8. Et est notitia Deo auxiliante. Pro annonis et capitu pro tempore præfecto prætorio per totam Africam, auri libras centum. Pro annonis consularium, auri libras 20. Pro annonis cancellariorum auri libras 7. Item officiis ejus ita. In scrinio primo hominibus decem pro annonis 18; pro capit., sol. 12. Fiunt sol. 148. Item numerario, pro annonis, solid. 5; et pro capit., sol. 4. Fiunt sol. 46. Secundo pro an. 3 annuos sol. 5; et pro capit. 7 cap. sol. 5, et pro capit. 2 cap. solid. 4. Fiunt solid. 16. 3 vero et 4, ad ann. 50, ann. solid. 5; et ad cap. 50, capit. solid. 4. Fiunt 24. Reliquis 3, ad ann. 50, ann. solid. 5; et ad capit. 50, capit. solid. 4. Fiunt solid. 28. In scrinio secundo, ut supra scriptum est. In scrinio tertio, ut supra scriptum est. In scrinio quarto, ut supra scriptum est. In scrinio primi scrinii, quod est subadjuvæ hominibus 10, an. 14, cap. 12. Fiunt solid. 116, scilicet. Ita primi scrinio pro ann. 3, ann. solid. 5; et pro cap. 2, capitu solid. 4. Fiunt solidi 23. Secundo pro ann. 2, ann. solidi, ut supra scriptum est; et pro cap. capit. solid., ut supra scriptum est, et fiunt solidi 16. Tertio et quarto, pro ann. 1, annona solidorum, ut supra scriptum est; et pro cap. 1, cap. solidorum, ut supra scriptum est. Fiunt sol. 23. Reliquis hominibus 6, ad ann. 1, annona solidi 5; et pro capitu, capit. solid. 4. Fiunt solidi 58. In scrinio *commentariensis* hominibus 12, ann. 17, cap. 4. Fiunt solidi 153. Primo *commentariensi* ann. 3, solid. 5; pro capit. 2, capit. sol. 4. Fiunt solidi 23. Sequentes homines 3, ad ann. 2, ann. solid. 5; pro cap. 2, capit. solid. 4. Fiunt solidi 48. Reliqui homines 8, ad ann. 1, ann. solid. 5; et cap. 1, capit. solid. 4.

A Fiunt solid. 27. In scrinio *ab actis* hominibus 10, ann. 14, cap. 12, solid. 118. Ita primo, ann. 3; pro ann. 1, solid. 6; cap. 2, capit. solid. 4. Fiunt solid. 23. Secundo et tertio, ad an. secund., ann. solid. 5; et ad capit. 2, cap. solid. 4. Fiunt solid. 32. Reliquis 17, ad ann. 1, solid. 5. ad capit. 1, capit. solid. 8. Fiunt solid. 64. In scrinio *libellorum* hominibus 7, ann. 6, cap. 6. Fiunt solidi 5. Pro cap. 2, cap. solid. 4. Fiunt solid. 16. Secundo, 2 pro ann., solid., 10; pro capit. 1, solid. 4. Fiunt solid. 12. Reliquis hominibus 4, ad ann. 1, ann. solid. 5; et ad capit. 1, solid. 4. Fiunt solid. 36. In schola *exceptorum* hominibus 60, ann. 7½, capit. 62, solid. 618. Ita primo et secundo, ann. 3, pro ann. solid. 5; et ad cap., capit. solid. 4. Fiunt solid. 46. Aliis hominibus 6, ad ann. 2, ann. solid. 5; ad cap. 1, capit. solid. 4. Fiunt solid. 116. Reliquis hominibus 10, ad ann. 1, ann. solid. 5; et ad capit. 1, capit. solid. 4. Fiunt solid. 115. Reliquis hominibus 44, ad ann. 1, solid. 5; et ad capit., solid. 4. Fiunt solid. 386. In schola *singularium* hominibus 50, ann. 3, cap. 1, solid. 473. Ita 1, ann. 2, ann. solid. 5; capit. 1, capit. solid. 3. Fiunt solid. 34. Secundo, tertio et quarto, ad ann. 5, ann. solid. 5, et ad cap. 1, capit. solid. 4. Fiunt solid. 34. S. Reliquis 46, ad ann. 1, solid. 5; et cap. 1, cap. solid. 4. Fiunt solid. 418. In schola *mittendariorum* hominibus 50, an. 52, S. capit. 50, solid. 442. Ita primo, ann. 2, ann. solid. 5, et ad capit. 1, cap. solid. 4. Fiunt solid. 14. Secundo, tertio et quarto, ad ann. 1, ann. solid. 5; et ad 8, cap. 1, cap. solid. 4. Fiunt solid. 34. S. Reliquis hominibus 46, ad ann. 1, ann. sol. 5; et ad cap. 1, cap. solid. 4. Fiunt solidi 324. In schola *cursorum* hominibus 30, ann. 22, S. cap. 30, solid. 232. Ita primo, ann., ann. solid. 5, cap. 1, cap. solid. 4. Fiunt solidi 17. Secundo, tertio et quarto, ad ann. 1, S. ann. solid. 5; et ad cap. 1, capit. solid. 4. Fiunt solid. 34. S. Reliquis hominibus 26, ad ann. 1, ann. solid. 5; et ad cap. 1, capit. solid. 4. Fiunt solidi 234. In schola *nomenculaturæ* hominibus 22, ann. solidi 5, capitu 12, solid. 4. Fiunt solidi 115. Ita primo, ann., ann. solid. 5; capit. 1, S. capit. solidos 4. Fiunt solid. 16. Reliquis hominibus 11, ad ann. 1, ann. solid. 5, et ad capit. 1, capit. solid. 4. Fiunt solid. 99. In schola *stratorum* hominibus 6, ann. 7, capit. 6, solid. 59. Ita primo, ann., ann. solid. 5; cap. 1, capit. solid. 4. Fiunt solidi 14. Reliquis hominibus 5, ad ann. 1, ann. solid. 5; et ad cap. 1, capit. solid. 4. Fiunt solid. 45. In schola *prætorianorum* hominibus decem, ann. 12, capit. 11, solid. 97. Ita primo, annonæ, pro ann. 2; solid. 5, pro capit. solid. 4. Fiunt solid. 16. Reliquis hominibus 9, ad ann. 1, pro ann., solid. 5; capit. 1, pro capit. solid. 4. Fiunt solid. 71. In schola *dracunariorum* hominibus 10, ann. 11, cap. 10, S. solid. 206. Ita primo, ann., pro ann. solid. 14; capit. 1, pro capit. solid. 4. Fiunt solidi 16. Reliquis hominibus 9, ad ann. 1, pro ann. solid. 5; capit. 1,

pro capit. solid. 4. Fiunt sol. 80. In scrinio *operum* hominibus 20, ann. 24, cap. 21, solid. 224. Ita primo, ann. 3, pro ann. solid. 5; cap. 2, pro capit. solid. 8. Fiunt solid. 24. Reliquis hominibus 3, ad ann. 2, pro ann. solid. 5; et ad capit. 1, pro capit. solid. 4. Fiunt solid. 62. Reliquis aliis hominibus 6, ad ann. 1, pro ann. solid. 5; et ad capit. 1, pro capit. solid. 4. Fiunt solid. 99. In scrinio *arcæ* hominibus 20, ann. 28, capit. 21, solid. 224. Ita primo, ann. 3, pro ann. solid. 5; capit. 2, pro capit. solid. 4. Fiunt solid. 23. Reliquis hominibus 4, ad ann. 2, pro ann. sol. 5; et ad cap. 1, pro cap. sol. 4. Fiunt solid. 42. Reliquis aliis hominibus 6, ad ann. 2, solid. 5; et ad cap. 1, pro cap. sol. 4. Fiunt solid. 68. Reliquis aliis hominibus 110, ad ann. 1, pro ann. sol. 5; et ad capit. 1, pro cap. solid. 4. Fiunt solid. 90. In schola *chartulariorum* hominibus 50, ann. 58, cap. 2, pro capit. solid. 4. Fiunt solid. 24. Ita primo, ann. 3, pro ann. solid. 5; cap. 2, pro cap. solid. 4. Fiunt solid. 23. Reliquis hominibus 3, ad ann. 2, pro ann. solid. 5; et ad capit. 1, pro cap. solid. 4. Fiunt solid. 48. Reliquis aliis hominibus 6; ad ann. 1, pro ann. solid. 5; et ad capit. 1, pro capit. sol. 4. Fiunt solid. 49. Reliquis hominibus 40, ad ann. 1, pro ann. sol. 5; et ad cap. 1, pro capit. solid. 4. Fiunt solid. 360. Fiunt homines 396, ann. 499, solid. 2, 390, capit. 420. Fiunt solid. 4, 73, 3, 682. Item pro ann. et cap. censuallium solid. 449. Officiorum ejus solid. 160. potest medi hominibus 5, ann. 48, capit. 18, solid. 418. Ita primo, ann., pro ann. 15; capit. 5, solid. 5. Secundo, pro ann. 10, capit. 5, solid. 70. Reliquis hominibus 3, ad ann. 8, et ad cap. 2, solid. 150. *Grammaticis* hominibus 2, ad ann. 10, et ad cap. 2, ad solid. 70, sortitas. *Oratoribus* hominibus 2, ad ann. 10, cap. 5, ad solid. 70. — § 9. Hæc igitur, quæ pro dispendiis civilibus iudiciis Africæ, eorumque officiis, id est, tam scriniariis amplissimæ ejus præfecturæ quam cohortalibus, per hanc divinam constitutionem statuimus, tua magnitudo cognocens, ex Kal. Septemb. futuræ tertiæ declinæ indictionis effectui mancipari, observarique procuret, atque edictis publicis omnibus innotescat, his, scilicet, qui ordinati fuerint a tua sublimitate secundum præsentem divinam constitutionem, firmitatem sui status in perpetuo habituris. Nam Deo juvante de militaribus iudiciis et de officiis eorum, et de alio nostro exercitu per aliam sanctionem statuimus. Dat. Constantinop. Domino nostro Justiniano P. P.

LEX II.

Idem Augustus Belisario magistro militum per Orientem.

In nomine Domini nostri Jesu Christi ad omnia consilia omnesque actus semper progredimur; per ipsum enim jura imperii suscepimus, per ipsum pacem cum Persis in æternum confirmavimus, per ipsum acerbissimos hostes et fortissimos tyrannos dejecimus, per ipsum multas difficultates superavimus,

per ipsum Africam defendere et sub nostrum imperium redigere nobis concessum est, per ipsum quoque ut nostro moderamine recte gubernetur et firme custodiatur confidimus. Unde per ejus gratiam etiam civilium administrationum iudices et officia singulis Africanis provinciis constituimus, attribuentes quidem emolumentum quod unusquisque percipere debeat. Ad ejus igitur providentiam etiamnum animum nostrum referentes et armatas milicias, et duces militum ordinare disponimus. — § 1. Sancimus itaque ut dux militum Tripolitane provincie in Leptimagnensi civitate sedes interim babeat. Dux vero Byzacenæ provincie [et] in Capsa, et altera Lepte civitatibus interim sedeat. Dux vero Numidiæ provincie in Constantinensi civitate sedes interim habeat. Dux autem Mauritanie provincie in Cæsariensi civitate interim sedeat. — § 2. Jubemus etiam ut in trajectu, qui est contra Hispaniam, qui septa dicitur, quantos providerit tua magnitudo, de militibus una cum tribuno suo homine prudente, et devotionem servante reipublicæ nostræ, per omnia constituas, qui possint et ipsum trajectum semper servare, et omnia, quæcunque in partibus Hispaniæ, vel Galliæ, seu Francorum aguntur, viro spectabili duci denuntiare, ut ipse tuæ magnitudini referat. In quo trajectu etiam dromones, quantos provideris, ordinari facias. — § 3. In Sardinia autem jubemus ducem ordinari, et eum juxta montes, ubi barbaricæ gentes videntur sedere, habentem milites pro custodia locorum, quantos et ibi tua magnitudo providerit.

§ 4. Et omnes diligenter pro commissis suæ custodiæ provinciis invigilent, et ab omni hostium incursione subjectos nostros tueantur illæsos, et festinent die nocteque Dei invocando auxilium, et diligenter laborando, usque ad illos fines provincias Africanas extendere, ubi ante invasionem Vandalorum et Maurorum respublica Romana fines habuerat et ubi custodes antiqui servabant, sicut ex clausuris et burgis ostenditur; maxime autem civitates quæ prope clausuras et fines antea tenebantur, cum essent sub Romano imperio constitutæ, auxiliante divina misericordia, cum hostes per partes expelluntur, festinent comprehendere, atque munire; et in illis duces et milites per partes accedant, ubi antea fines et clausuræ provinciarum erant, quando integræ Africanæ servabantur sub Romano imperio provincie, quod Deo annuente (cujus auxilio nobis restitutæ sunt) speramus cito nostris provenire temporibus; et ut in securitate et pace provincie cum antiquis finibus integræ servantur, et vigiliis ac laboribus devotissimorum militum, et cura spectabilium pro tempore Ducum custodiantur illæse, quoniam ita convenit ut semper custodes fines provincie servant, ne detur hostibus licentia incurrendi aut devastandi loca quæ nostri subjecti possident. — § 5. Quantos autem milites, sive pedites, sive equites, per unumquemque limitem collocari oportet ad custodiendas provincias et civitates, tua magnitudo, prout consideraverit, ordinet et nobis referat, ut si præviderimus sufficien-

tem esse ordinationem, confirmemus eam; sin autem perspeximus, et aliquid amplius fieri, ut eam augmentemus. — § 6. Quid autem dux stipendiorum nomine pro se suisque hominibus, et quid ejus officium consequetur, hoc in subdita declaratur notitia. — § 7. Sicut ergo prædictum est, interim nunc duces ac milites secundum nostram dispositionem locis, seu civitatibus, in quibus jussimus, sedeant, donec Deo auxiliante nobis ac reipublicæ nostræ per labores nostros in illis locis constitui possint, in quibus uniuscujusque provinciae antiquus limes constitutus erat, quando florente Romana republica memoratæ provinciae integræ tenebantur. — § 8. Pro limitaneis vero ordinandis necessarium nobis esse videtur, ut extra comitatenses milites, qui per castra sunt, milites limitanei constituentur, qui possint et castra, et civitatis limites defendere, et terras colere, et ut alii provinciales videntes eos per partes, ad illa loca se conferant. Et exemplum fecimus unius numeri limitaneorum, ut secundum exemplum quod nos misimus per castra et loca quæ providerit tua magnitudo, eos ad similitudinem nostri exempli ordinet; sic tamen, ut si inveneris de provinciis idonea corpora, aut de illis quos antea milites habebant, limitaneorum constituas in numero, in unoquoque limite, ut si aliqua forsitan commotio fuerit, possint ipsi limitanei sine comitatensibus militibus, una cum ducibus suis adjuvare loca, ubi dispositi fuerint, non longe limitem exeuntes, nec ipsi limitanei, nec duces eorum, et nullum etiam dispendium a ducibus, vel ducianis prædicti limitanei sustineant, nec aliquas sibi consuetudines de eorum stipendiis per fraudem ad suum lucrum convertant. Hæc autem non solum in limitaneos volumus observari, sed etiam in comitatenses milites. — § 9. Et unumquemque ducem et tribunos eorumdem militum jubemus, ut semper milites ad exercitationem armorum teneant, et non concedant eos divagari, ut si quando necessitas contigerit, possint inimicis resistere, et nullum audeant duces aut tribuni commeatalem de ipsis dimittere, ne, dum sibi lucrum student conficere, incustoditas nostras relinquunt provincias. Nam si usurpaverint memorati duces, vel officia eorum, seu tribuni, commeatalem de militibus relinquere, aut aliquod lucrum de eorum emolumentis sibi acquirere, hoc non solum in quadruplum jubemus publico rependere, sed etiam dignitate eos privari. Magis enim debent et duces et tribuni supra deputata sibi emolumenta secundum labores suos de nostra largitate remunerationem sperare, et non de commeatis militum aut eorum stipendiis lucrum sibi acquirere, quoniam ideo ordinati sunt milites, ut per ipsos provinciae vindicentur, præcipue cum sufficienter et ipsis ducibus, et eorum officiis emolumenta præstitimus, et semper providimus unumquemque secundum labores suos ad meliores gradus, et ad majores dignitates pervenire. — § 10. Postquam vero Deo placuerit, et per tuam magnitudinem limes omnis in antiquum statum pervenerit, et bene ordinatus fuerint tunc ubicunque

A necessitas emerit, viri spectabiles duces invicem sibi, quando usus exegerit, auxilium præbeant, ut provinciae, seu limites eorum vigiliis et laboribus (Deo juvante) illæsi custodiantur. — § 11. Sicut autem jubemus audaces et feroces contra inimicos judices ac milites nostros esse, sic volumus eos mites et benevolos circa collatores nostros existere, et nullum damnum, nullamque læsionem in eos efficere. Sin autem quisquam de militibus ausus fuerit quamcunque læsionem tributariis nostris inferre, periculo viri spectabilis ducis seu tribuni et principis digna vindicta afficiatur, ut indemnes tributarii nostri custodiantur. — § 12. Si vero pro quibusdam causis interpellatio apud nostros judices facta fuerit, jubemus non amplius sportularum nomine quam nostris legibus definitum est executores accipere, pœnam eisdem legibus insertam ex transgressione formidantes.

B § 13. Cum autem Deo annuente Africanæ nostræ provinciae per tuam magnitudinem, secundum nostram dispositionem ordinatæ, et limites in antiquum statum reducti, et omnis Africa sic detenta fuerit sicut erat, cum ergo hæc omnia (Deo juvante) præsentis tua magnitudine disposita et perfecta fuerint, et per labores tuos [antiquos] fines omnes Africa receperit, et docuerit nos de omni ordinatione totius Africanæ dioceseos, id est, quanti et qui milites, in quibus locis, vel civitatibus constituti sunt, et quanti limitanei, et in quibus locis et militibus collocati sunt, tunc jubemus tuam magnitudinem ad nostram clementiam remeare. — § 14. Interea vero si aliquas civitates seu castella per limites constituta providerit tua magnitudo nimis esse magnitudinis, et propter hoc non posse bene custodiri, ad talem modum ea construi disponat, ut possint per paucos bene servari. — § 15. Cum autem magnitudo tua, omnibus dispositis, ad nos remeare jussa fuerit, tunc duces uniuscujusque limitis; quoties pro componendis civitatibus, aut castris, et pro dispendiis suis, aut pro annonis aliquod opus habuerint, celerius ad virum magnificum præfectum per Africam significant, ut ipse quæ necessaria fuerint festinet facere, ne aliqua protractio provinciis noceat.

C § 16. Ea vero, quæ ipse fecerit, vel quæ adhuc necessario procuranda sunt postea, et memoratus vir magnificus præfectus [prætorio] Africæ, et viri spectabiles duces, et de aliis omnibus quæ ibi aguntur frequenter ad nos referant, ut benefacta confirmemus, et quæ opportunius debent fieri, ex nostra dispositione peragantur. — § 17. Hoc etiam decernimus, ut judices qui ordinandi sunt per Africanos limites, nihil amplius in sacratissimo palatio cuilibet personæ aut dignitati, vel in prætorio per Africam præfecturæ et magisteriæ potestati præbeant, nisi quantum subter annexa declarat notitia; nam si quis amplius quam in subdita notitia taxatum est usurpaverit, seu acceperit, triginta libras auri multæ pendat nomine, cum quo et periculo indignationis nostræ [serenitatis] subjacebit, nulla alia qualibet

persona, aut dignitate, aut officio accipiente aliquid ab eis, præter illos quorum nomina in subjecta notitia continentur. — § 18. Ad hoc jubemus (ut Deo juvante) unusquisque dux seu eorum officia, secundum quod notitia subter annexa continet, emolumenta sua ex tributis Africanæ provinciæ ex Kalend. Septembris instantis felicissimæ tertiæ decimæ indictionis percipiant. — § 19. Et hæc notitia, Deo volente, debet delegari ducibus, et eorum officiis in Africa constitutis, pro annonis et capitu per singulos annos præbendis. Ita clarissimo viro duci Tripolitane provincie, et hominibus ejus singulis sol. 5. cap. 159. singulis cap. sol. 783. Assessori ducis, et officio ac hominibus ejus 40. ann. 96. S. sing. ann. cap. sol. 6. Simul fiunt pro ann. et cap. sol. 674. Dividuntur sic : Assessori in ann. 8. cap. 4. Primicerio in ann. 8. cap. 2. Ducenariis 3. ad ann. 6. sol. fiunt ann. capitis fiunt capitum cap. Centenariis 6. ann. 5. fiunt. Fiunt ann. 4. et ad cap. 1. fiunt ann. 16. et ad cap. 1. S. fiunt ann. 3. fiunt cap. 8. Circitoribus 9. semis. Aliis 11. ad an. 14. sunt. et ad cap. 3. fiunt cap. 11.

Item viro clarissimo duci Byzacenæ provinciæ, et hominibus ejus ann. 190. singulis in ann. sol. 5. cap. 158. singulis cap. sol. 10. Simul fiunt pro ann. cap. sol. 670. Omnes dividuntur sic : Assessori in ann. 7. cap. 4. Primicerio in ann. 5. cap. 2. Numerario in ann. 6. cap. 3. Ducenario 4. ad ann. 3. fiunt. cap. 3. Centenariis 6. ann. ann. 15. et cap. 1. fiunt cap. 7. Circitoribus 9. ad an. fiunt an. 13. et ad cap. 3. fiunt cap. 7. Circitoribus 9. ad ann. 2. fiunt 18. et ad cap. fiunt an. 13. cap. 9. semis. Alii 11. ad ann. 3. fiunt an. 13. S. et ad cap. 11. Item viro clarissimo duci Numidiæ provinciæ, et hominibus ejus ann. 190. singul. ann. solid. 8. cap. 158. singulis cap. sol. 9. Simul fiunt pro ann. et cap. sol. 351. 34. Assessori ducis et officio ejus hominibus 40. ann. et cap. sol. 5. cap. 49. singuli cap. sol. 5. cap. 472. singulis cap. sol. 3. Simul fiunt pro ann. et cap. sol. 164. S. Dividuntur sic : Assessori in ann. 13. cap. 6. Primicerio ann. cap. 3. Numerario in annum 4. Fiunt ad ann. 16. et ad cap. centenariis ad ann. 11. S. Fiunt duodecim. et ad cap. capita 6. Biarchis 8. Circitoribus 9. ad ann. 2. fiunt an. 127. et ad cap. 3. fiunt cap. 8. semis. Aliis 11. ad ann. 2. fiunt an. 16. sunt. 15. et ad cap. 3. fiunt cap. 11. Item viro clarissimo duci Mauritanæ provinciæ et hominibus ejus an. 190. singulis an. solid. 5. cap. solid. 200. 160. 35. Assessori ducis, et officio ejus hominibus 40. an. 96. S. 3. S. fiunt simul pro ann. et cap. sol. 670. 3. S. Dividuntur sic : Assessori in ann. 9. capit. 4. Primicerio in ann. 5. cap. 1. Numerario in ann. cap. 3. Ducenariis 3. ad ad ann. 3. S. fiunt ann. et capit. 3. fiunt capit. 2. Centenariis 3. ad ann. 3. S. fiunt an.

et cap. 3. fiunt cap. 2. Centenariis 9. ad ann. 10. et ad capit. 3. fiunt capit. 3. Biarchis 8. Circitoribus ad an. 8. fiunt ann. 18. et ad cap. 3. fiunt capit. 3. fiunt cap. 11. Item viro clarissimo duci Sardinie insulæ, et hominibus ejus ann. 190. singulis ann. solidi 282. Assessori ducis, et officio ejus hominibus 40. ann. 96. S. singulis ann. solid. capit. 48. singulis capit. sol. 9. Simul fiunt pro ann. et cap. 150, 186. Dividuntur sic : Assessori ann. 9. et cap. 3. Primicerio in an. 2. cap. 3. Numerario in an. cap. 3. Ducenariis 4. ann. 3. sunt ann. 16. et cap. 3. sunt et cap. 9. Circitoribus 9. an. 3. fiunt an. 29. 29. et cap. 3. fiunt cap. 9. Circitoribus 9. ann. 3, fiunt ann. 4. cap. 9. semis. Aliis 11. ad ann. 16. sunt et ad capit. 3. fiunt cap. 20. — § 20. Notitia consuetudinum, quas in sacro laterculo, et in prætorio amplissimæ præfecturæ per Africam, et in officio magistri militum, pro tempore dux præbere debet uniuscujusque limitis, sic : In sacro laterculo sol. 6. In officio magisteriæ militum potestatis pro insinuandis administrationis suæ divinis nostræ serenitatis affatibus solid. 12. In officio amplissimæ præfecturæ per Africam pro insinuandis ejusdem chartis, solid. 12.

§ 21. Gloria itaque tua, quæ per hanc pragmaticam sanctionem nostra statuit æternitas, effectui ea mancipari observarique præcipiat.

§ 22. Emissa lex Idib. Aprilis, CP., d. n. Justiniano P. P. A. IV, et Paulino v. c. cons. — § 23. Et hæc notitia, Deo volente, debet delegari iudicibus, et eorum officiis in Africa constitutis pro annonis, et capitu per singulos annos præbendis. Item viro clarissimo duci Tripolitane provincie, et hominibus ejus anno nonagesimo singula annona solidos quinque capit, centum quinquaginta novem singulis cap. solidos ducentos octoginta duos : assessori ducis, et officio ac hominibus ejus quadraginta annis nonaginta et septem. Item viro clarissimo duci Byzacenæ, et hominibus ejus similiter. Item viro clarissimo duci Numidiæ, et hominibus ejus similiter. Item viro clarissimo duci Mauritanie provincie et hominibus ejus similiter. Item duci Sardinie, et hominibus ejus similiter.

§ 24. Item notitia consuetudinum, quas in sacro laterculo, et in prætorio amplissimæ præfecturæ per Africam, et in officio magistri militum pro tempore dux præbere solet uniuscujusque limitis, sic : In sacro laterculo sex solidos. In officiis magisteriæ militum potestatis pro insinuandis divinis administrationibus, seu divinæ Serenitatis affatibus, solidos duodecim ; pro officio amplissimæ præfecturæ per Africam pro insinuandis ejus chartis solidos duodecim. — § 25. Gloria itaque tua quæ per hanc pragmaticam sanctionem nostram statuuntur æternitatis effectui mancipari observarique præcipiat.

JUSTINIANI EPISTOLA AD PATRES
(*Hanc epistolam videsis Patrol. tom. LXIX, col. 30.*)

JUSTINIANI EDICTUM CONTRA ORIGENEM
(*Hoc edictum videsis Patrol. tom. LXIX, col. 177.*)

JUSTINIANI EDICTUM CONTRA THEODORUM MOPSUESTENUM.
(*Hoc edictum videsis Patrol. tom. LXIX, col. 273.*)

II. GLYCERII IMPERATOR.

GLYCERII IMPERATORIS
EDICTUM CONTRA ORDINATIONES SIMONIACAS.
(*Hoc edictum videsis Patrol. tom. LVI, col. 896.*)

III. THEODORICUS, REX GOTHORUM.

THEODORICI, GOTHORUM REGIS,
PRÆCEPTIO^a,
MISSA PER GERMANUM ET CAROSUM EPISCOPOS.

Dominis sanctis et venerabilibus patribus. Laurentio, Marcellino, et Petro, et cunctis episcopis in Urbe residentibus, Theodoricus rex.

Vos quidem rem fecistis proposito congruentem, nos potius de reditu vestro secundo consulere, quam indictum concilium alienæ facilitatis imitatione deserere; ne discedentibus universis sub manifesta deserti dispositione iudicii major urbem regiam seditiosis motibus turba concuteret. Sed non optavimus commisisse, sanctæ congregationis examinis sub hac protrahi dilatione negotium, nec universitatis animos gravius præiudicio pendere suspensos. Quia nec tranquillitati urbis definitionis mora, nec sacerdotali proposito sententia potest convenire discordiæ. Molesta igitur accepta confusione, quæ nata est, cæterorumque discessu, qui propter turbam quæ aut ausu aut vitio aliquorum contigit, iterata quæ cœperunt relinquere iudicia (qui tamen, si quid dixerit, potius cogitassent exemplo vestro in urbe residere, expectantes de his quæ illic facta de nostræ providentiæ ordinatione remedium), cum in multas se vias cogitatio nostra disperserit, ad hunc se tramitem consilii cura convertit, ut rursus ad Kalendas Septembris diem, eundem censuerimus sacerdotum nu-

merum convenire, qui dudum fuerat convocatus. Ergo ingravatis sanctitatem vestram reliquorum præsentiam convenit opperiri, ut compresso tumultu et dissensione submota, quæ ab omnibus orta est, ab omnibus causa peragatur. Nam Ravennam, quem admodum speratis, non putavimus revocandum esse concilium, dum aliorum labore, aliorum permovemur ætate, parati ut nisi secundo conventu causæ finem iudicium synodale posuerit juxta desiderium vestrum, quo nos poscitis esse præsentem, occupationibus nostris Romæ quietis amoris postpositis, nos potius Romam Deo auctore veniamus, ut præsentibus saltem nobis citra confusionem atque discordiam secundum Dei timorem, tanta causa terminum sortiat. Ut non diutius urbis regia turbarum tempestate fatigetur, sed vestri æquitate iudicii redeat ad quietem. Ne mora vobis videatur onerosa, fas est vestræ æstimare providentiæ, si commodo sit, aut sub nostrorum temporum tranquillitate tolerandum, solitumve in aliqua definitione concilio sub incerto Ecclesiam sub hoc certamine Romanam perdere civitatem. *Alia manu.* Orate pro nobis, domini ac venerabiles patres. Datum sub die vi Idus Augusti Rufo magno, Fausto Avieno v. c. cos. (*Anno Chr. 501.*)

^a Hæ præceptiones regiæ antecedunt synodum iv palmarem. Eas, cum prius mendis essent inquinatis-

simæ, emendatas ad Collectionem ms. Canonum in Bibl. Paris. soc. Jesu damus ex Harduino.

THEODORICI, GOTHORUM REGIS,
PRÆCEPTIO ALTERA
MISSA AD SYNODUM.

Fl. Theodoricus rex universis episcopis ad synodum convocatis.

Romanæ Ecclesiæ pacem, episcopo Symmacho criminosis propositionibus impetito, sub ea quam cernitis confusione turbæ, quemadmodum magis potuit providentia nostra consulere, quam ut juxta petitionem Senatus et cleri, ad congregandos ex diversis provinciis causam revocare antistites, et de religiøsæ sanctione personæ sanctum facere judicare concilium? In oculis sunt dudum ad universam synodum destinata, et conscientiæ nostræ astipulantur oracula, quibus solius integritatis affectu hoc jus pontificibus commissimus evocatis, ut sub synodalis æquitate sententiæ, aut propter objecta convictus, reatui subjaceret. Post hujusmodi constituta, quis finem tanto dandum dubitarit esse negotio? quis de tam numeroso concilio sacerdotum magis nasci crediderit confusionis ambiguum? quid profuit^a sine vi tam de prolixo itinere cætera ad nos imposuisse negotia? quid tantarum Ecclesiarum absentibus sacerdotibus fuisse suspensum? quid supererit reliquum, si de tanto exitu non datur imperare [*Fortè* impetrare] conventum? Sed transacta sufficiant, quæ ad hoc tantum in memoriam satis est revocare, quod desinant. Bona est præteritorum recordatio, si quæ displicent, secula cura correptionis emendet. Non saltem discedentibus aliquibus dilatoque negotio ad secundæ congregationis venientis repetita judicia, pro fide, pro innocentia, pro æquitate concordis, remotis studiis aliquibus dissentiat integritas. Hoc petitione nostra Romanæ confertur civitati ut sacerdotali consideratione proposito legato terminum detis sine contentione negotio, scientes examem vestrum de his securum esse judicium. Cogitate matrem confusionis esse discordiam, et quemadmodum consensu dubia solidantur, ita etiam firma dissensione dissolvi. Nunquid laboriosa, nunquid conscientiæ vestræ gravia, nunquid inimica proposito ab antistitibus suis pacem poscit Ecclesia, et ab his quibus per rationem professionis vestræ cura debeat esse propensior fidem tu-

^a Locus in Ms. immedicabilis.

multuosam expectat? Intentio est vobis servandæ justitiæ in cognitione, libertas remotis omnibus occasionibus integra sit vestræ voluntatis; objectorum criminum causa examinate judicium, dummodo studiosa certamina defendi amore, et omne confusionis amputetur ambiguum, maxime cum hanc vobis pro religionis reverentia, consideratione justitiæ nostræ, oracula tribuant facultatem, ut sicut vobis est inquirendæ in hoc negotio voluntas et cura veritatis, personis illic omnibus constitutis, per quas potest fides rerum quæsita præstare, vos noveritis, et Deus, quid in ipsa causa judicare debeat, pacem modis omnibus clero, senatui et Romano populo post judicium reddituri, ne qua turbatio, nulla discordia in civitate remaneat. Si vero vultis ut quod propositum est, transeat sine discussione judicium, vos sciatis, et Deus, qualiter ordinetis, dummodo pax clero, senatui, populoque Romano sub vestra ordinatione reddatur. Ecce coram Deo et hominibus arbitrio vestro committentes universa conscientiam nostram, sicut decebat, absolvimus. Tantum est sub justa ordinatione rem fuisse finitam, et unitatem redditam discedentibus incidet. Neque enim tolerabile est ob hanc negligentiam regiæ civitatis amorem quo tenemur adremitti, aut rebus omnibus Deo auctore pacatis sola tranquillitate erigi, et in media urbe confundi, ut desideratur civilitas in archilatoria^b, quæ est sub hostium vicinitatis cura. Et ne quid omisisse videamur, cum necessariam credideritis episcopi Symmachi in cognitione præsentiam, Gudilam et Bedeulphum sublimes viros, majores domus nostræ, quos de præsentemissimus cum Gonzatrierno [*Ms.* cum illum com. Arierno; *forte*, cum illustri comite Arierno] ne quid dubitationis habeat jussio nostra, sacramenta præstabunt satisfacturi designato episcopo, quemadmodum æstimaverit ordinatio vestra: suffecerit ut vocatus ad concilium citra Urbem et molestiæ metu securus occurrat. Orate pro me, domini sancti et venerabiles patres. Datum est sub die vi Kal. Septemb., Ravenna, regnante supradicto feliciter; Rufino Avieno Fausto v. c. cos.

^b Locus sine ope aliorum Codicum insanabilis.

AD THEODORICUM REGEM
RELATIO EPISCOPORUM.

Agimus Deo gratias, qui regum corda pietatis suæ manu et gubernat et temperat, quando ab ipso venit quod clementia vestra ex amore suo præceptis ad nos moderatissimis per majores domus Gudilam et Bedeulphum sublimes vestros missis ostendit. Sic enim mansuetos principes cæli Dominus fecit esse quos diligit, et propitiata Divinitas eos in causis omnibus mandatis suis ordinat obedire; quod scriptum est, dicente Deo: *Sine me nihil potestis facere*

(*Joan. xv*), quod utique boni intelligendum est. Ideoque nostro toto affectu et obsequio jussioni vestræ parere volumus, et ad papam qui impetebatur, quater cum sacerdotes nostros ex secunda synodo direximus, ut ad judicium conveniret. Sed occurrere se audentiæ nostræ penitus non posse statuit, mandans. Primum ad conventum vestrum, quando Romæ venistis, sine aliqua dubitatione properavi, et privilegia mea voluntati regiæ submisi, et auctoritatem syn-

odi dedi; sicut habet ecclesiastica disciplina, restaurationem ecclesiarum regulariter poposci, sed nullus mihi a vobis effectus est. Deinde cum venirem cum clero meo, crudeliter mactatus sum. Ulterius me vestro examini non committo: in potestate Dei est, et domini regis, quid de me deliberet ordinare. Post episcopos tamen ei maiorem domus vestræ illustrem virum Arigerum direximus, cui quid responsi dedit sua suggestionem renuntiat; et intimamus tamen serenissimo domno, quia nobis quid possimus facere non remansit, nec invitum ad disceptionem nostram adducere possumus. Ipsi per canones appellationes omnium episcoporum commissæ sunt; et cum ipse appellat, ecquid faciendum? cum nec in absentem valeamus ferre sententiam, nec contumacis locum deputare, qui se iudicibus occurrisset præclamat; maxime quia res nova est, et pontificem sedis istius apud nos audiri, nullum constat exemplum. Voluimus quod restabat pacem juxta præceptum et voluntatem vestram reddere civitati, quæ res et proposito nostro amica est, et beatitudini vestrorum temporum

congruebat. Quia confusione tantæ civitatis et gemimus, et horrescimus: ad amplissimum senatum collegasque nostros secundo direximus, orantes ex verbis Apostoli, qui monet: *Quod ex vobis est, cum omnibus pacem habentes, non vosmetipsos vindicantes, charissimi, sed date locum iræ. Scriptum est etiam: Mihi vindictam, ego retribuam, dicit Dominus (Rom. xii).* Nec admonitioni clericorum defuimus, quibus regulariter volumus subvenire. Quia etiam salutarem monitum contempserunt; ideo vestri erit imperii nutu Dei respicere Ecclesiæ redintegrationem, Romanæ civitatis et provinciarum quietem. Nunc rogamus ut infirmitatibus et deunitatis [*Fortè indemnitati*] nostræ, quemadmodum pii domini, succurratis; quoniam calliditati sæculari sacerdotum simplicitas non sufficit, et jam diutius nostrorum mortes, et pericula propriarum pati non possumus: sed concedite nobis optatissimo præcepto vestro, ut ad ecclesias nostras liceat nos reverti, quia post hæc quæ suggessimus, nihil est quod a nobis possit ordinari. *Et alia manu: Optamus vobis salutem, domine princeps.*

THEODORICI, GOTHORUM REGIS, PRÆCEPTIO TERTIA.

Flavius Theudericus rex, universis episcopis ad synodum convocatis.

Decuerat quidem beatitudinem vestram divinæ considerationis reverentia exortum jam finisse negotium, ut vobis ordinantibus submoveri potuisset de tanta civitate confusio: maxime cum præteritis affectibus jusserimus, quemadmodum vestrum visum fuisset arbitrium, memoratum vos terminare debere certamen; dummodo sub justa ordinatione finitum, dissentientes unitati et concordie redderentur. Quam miramur denuo fuisse consultum: cum si nos de præsentī ante voluissemus judicare negotio, habito cum proceribus nostris de inquirenda veritate tractatu, Deo auspice, potuissemus invenire justitiam, quæ nec præsentī sæculo, nec futuræ forsitan displicere potuisset ætati? Sed quia non nostrum iudicavimus de ecclesiasticis aliquid censere negotiis: ideo vos die diversis provinciis fecimus evocare; ut sub divini timore iudicii, totius certaminis vobis disponentibus causa transiret, urbiq̃ue nostræ, Deo fa-

vente, optata per vos concordia redderetur. Nunc vero eadem quæ dudum præsentibus intimamus oraculis, non coram Deo et hominibus absolventes, ut causam Dei, quam vestræ congregationis amplissimo senatui, et pacem clericis sperantes, commisimus, quemadmodum visum vobis fuerit, ordinetis; nec a nobis vestri expectetur forma iudicii, sed vos qualiter vultis ordinate. Sive discussa, sive indiscussa causa proferre sententiam, de qua estis rationem divino iudicio reddituri; dummodo, sicuti sæpe diximus, hoc deliberatio vestra provideat, ut pax senatui populoque Romano, submota omni confusione reddatur, ne qua, quod absit, post iudicium turba, aut aliqua remaneat in civitate discordia. Sin autem secundum mandata nostra concordia sacratissimæ urbis a vobis fuerit restituta, tunc universitas agnoscere potuerit justum sacri ordinis vestri extitisse iudicium. Orate pro nobis, domini sancti ac venerabiles Patres. Datum sub die Kalendarum Octobris.

SYNODO ECCLESIASTICÆ VIR SPECTABILIS ANAGNOSTICUS REGIS.

Primum salutandi episcopi, et dicendum eis causa quæ agitur.

Si mihi visum fuisset, aut justitiam habuisset, ut ego debuissē audire cum proceribus palatii mei, potueram tractare quomodo et Deo placuisset, et posteritati ingratum non fuisset, sed quia causa est Dei et clericorum, ideoque modo ad petitionem senatus vel cleri ex diversis civitatibus convenere antistites, velut Deo medio, secundum quod legitis in

Evangelio, et Apostolo ad Corinthios, hoc sequamini. Nam si meum animum requiretis, ut superius dixi, quæ præcipit Deus in Evangelio, hoc sequamini. Si vero vobis visum fuerit sine discussione causam finire, aut discussam, quemadmodum visum fuerit, iudicate. Meam personam nolite metuere, reddituri rationem ante conspectum Dei: tantum est ut senatum, clerum et populum pacificum dimittatis, et quod iudicaveritis scribatis. Nos autem hoc probabi-

mus vos bene ordinare, si populo, senatui, clero pacem integram reddatis. Quod si minime feceritis, ostendetis vos uni parti favisse. Nullius ergo personam ante oculos habeatis : quamvis si vobis aliquis violenter vellet quæ injusta sunt imponere, missis rebus vestris justitiam custodire debeatis. Nam multi et vestræ et nostræ regionis episcopi propter Dei causas, et de Ecclesiis et de rebus suis jactati sunt, et tamen vivunt. Ego non solum impono, sed etiam rogo, ut faciatis quæ Deus præcepit, et quæ legis in Evangelio et Apostolo. Si autem discutitis causam, vel sub aliquo colore melius causam judicatis. Si autem indiscussam dimiseritis, datis exemplum sacerdotibus omnino male conversandi. Hæc cum diceret,

* Locus hic depravatus sic restituendus est ex Cod. Colbert. Ballerinis indicantibus : *aut ipsi vindicent, aut nos deputemus, qui legibus exsequantur culpas.*

THEODORICI, GOTHORUM REGIS,

PRÆCEPTIO QUARTA,

Sive lex data a gloriosissimo rege Theodorico [Thiedérico] contra illos sacerdotes, qui substantiam Ecclesiæ jure directo aut vendere, aut donare præsumunt.

Domitori orbis, præsuli et reparatori libertatis, senatui urbis Romæ, Flavius Theodoricus Rex.

Pervenit ad nos, patres conscripti, de ecclesiæ missa utilitate suggestio, et nostræ mansuetudinis grata sacri cœtus vestri ordinatio corda pulsavit. Et licet post venerabilem synodum ad hujusmodi decreta vestri sufficiat ordinatio sola judicii, tamen pro vestra hujusmodi præsentibus oraculis dedimus consolatione responsum ; ut nulli fas sit Ecclesiæ cuiuslibet antistiti sub qualibet alienatione de proprietate contractus usum fructum plane suum cui salva voluerint [Al., voverint] æquitate præstabunt. Neque

proposuit similitudinem : Aliquando ut ipse fieret imperator, Aspari a senatu dicebatur ; qui tale fertur dedisse reponsum : Timeo ne per me peccandi consuetudo in regno nascatur. Ita dico et modo, ne irascantur sancti Patres nostri, ne per eos, cum non discussierint et ita judicaverint, consuetudo peccandi omnibus sacerdotibus generaliter fiat. Item si voluerit discutere causam, ut securus egrediatur, Arigerius, Gudila, et Bedeulphus sacramenta ei præstabant. De area vero vel de domo Lateranensi, prout judicatum fuerit, eidem synodus reddat. De vindicta, quæ sperant discussionem si eis placuerit, aut ipsi vindicent aut quos deputemus legibus exsequantur culpas *.

enim frustrari sola pontificis voluntate vel cleri peregrinis debita omnibus vel statui Ecclesiæ res delata. Quid enim tam profanum, quam ut hac largientis parte violetur arbitrium ? Dum quod ad ecclesiam quisque voluit pertinere, privatæ [prave] sive vindicent per usufructuariæ personæ contractum. Ergo si quis scelestis ausibus interdicta præsumperit, et ultra usumfructum retinere cupit, episcopo vel clero largiente, alienata res protinus cum fructibus a venerando præsule vindicetur. Et cætera. Data v Idus Martias Ravennæ, Venantio v. c. consule (anno Christ. 507).

IV.

ATHALARICUS, AMALASUINTHA, THEODATUS, VEL THEODAHADUS, VITIGES.

(*Horum pietatis et fidei varia monumenta exstant apud Cassiodorum, in Variarum libris VIII, IX et X. Leges præsertim libri VIII epist. 8, 24, 33 [Patrol. tom. LXXIX, col. 739, 757, 763]; libri IX epist. 5, 15, 16 [Ibid., coll. 770, 778, 781]; libri X epist. 3, 15, 26, 34 [Ibid., coll. 798, 808, 915, 822].*)

V.

CLODOVEUS, REX FRANCORUM.

CLODOVEI REGIS PRÆCEPTUM AD EPISCOPOS POST BELLUM GOTHICUM.

De captivis tum clericis, tum laicis, episcoporum arbitrio et testimonio relaxandis.

Domini sanctis et apostolica sede dignissimis episcopis Chlotovechus rex.

Enuntiante fama, quid actum fuerit vel præceptum omni exercitui nostro, priusquam in patriam Gotho-

rum ingrederemur, beatitudinem vestram præterire non potuit. In primo quoque de ministerio Ecclesiarum omnium præcepimus, ut ullus ad subripiendum in aliquo conaretur, neque de sanctimonialibus, neque de viduis, quæ in religione domini devotæ esse probarentur. Simili conditione et de clericis, vel filiis supradictorum, tam clericorum, quam viduarum, qui cum illis in domo ipsorum consistere videbantur. Idem et de servis ecclesiarum, quos de ecclesiis tractos per episcoporum sacramenta constituerit, præceptum est observare, ut nullus ex ipsis aliquam violentiam vel damnum pateretur. Quod ita ad integrum est agnoscendum, ut ex his supradictis, si aliquis vim captivitatis pertulisset, sive in ecclesia, sive extra ecclesiam, omnino sine aliqua dilatione reddendos esse præcipiamus. De cæteris quidem

A captivis laicis, qui extra pacem sunt captivati, et fuerint approbati, apostolica cui volueritis arbitrii vestri est non negandum. Nam de his qui in pace nostra, tam clerici quam laici, subrepti fuerint, si veraciter agnoscitis, vestras epistolas de annulo vestro infra signatas sic ad nos omnimodis dirigatis, et a parte nostra præceptionem latam noveritis esse firmandam. Sic tamen populus noster petit, ut cuicunque epistolas vestras præstare fueritis dignati, cum sacramento per Deum, et benedictione vestra dicere non taretis rem istam quæ poscitur veram esse, quia multorum varietates vel falsitates inventæ sunt, ut comprehendatur, sicut scriptum est : *Perit justus cum impio* (Genes. xviii). Orate pro me, domini sancti, et apostolica sede dignissimi papæ.

VI. CLOTARIUS, REX FRANCORUM.

CLOTARII REGIS CONSTITUTIO^a GENERALIS.

Chlodacharius [Clotharius] rex Francorum omnibus B agentibus b.

Usus est clementiæ principalis necessitatem provincialem vel subjectorum sibi [omnium] populorum provida sollicitus mente tractare, et pro quiete eorum quæcunque juste sunt observanda indita in titulis constitutione conscribere; quibus quantum plus fuerit justitiæ atque integritatis impensum, tantum pronius amor devotionis incumbit. Ideoque per hanc generalem auctoritatem præcipientes jubemus ut in omnibus causis antiqui juris norma [forma] servetur, et nulla sententia a quolibet judicum vim firmitatis obtineat, quæ modum legis atque æquitatis excedit. In parentum ergo successionibus quidquid legibus decernitur, observetur, omnibus contra impetrandi aliquid licentia derogata: quæ si quolibet C ordine impetrata fuerit vel obtenta, a iudicibus repudiata, inanis habeatur et vacua. Si quis in aliquo ordine fuerit accusatus, non condemnetur penitus inauditus; sed si in crimine accusatur, et habita discussione fuerit fortasse convictus, pro modo criminis sententiam excipiat ultionis. Inter Romanos

negotia causarum Romanis legibus præcipimus terminari. Si quis auctoritatem nostram subreptitiæ contra legem elicerit fallendo principem, non valebit. Si iudex aliquem contra legem injuste damnaverit, in nostri absentia ab episcopis castigetur; ut quod perpere judicavit, versatim [Forte, vel statim, HARD.] melius discussione habita emendare procuraret. Nullus per auctoritatem nostram matrimonium viduæ, vel puellæ, sine ipsarum voluntate præsumat expetere; neque per suggestiones subreptitiæ rapiantur injuste. Sanctimoniales nullos sibi in conjugium audeat sociare. Ut auctoritates cum justitia et lege competente in omnibus habeant stabilem firmitatem, nec subsequentibus auctoritatibus contra legem elicitis vacuentur; ut oblationes defunctorum ecclesiis deputatæ nullorum competitionibus auferantur, præsentī constitutione præstamus. Agraria, pascuaria, vel decimas porcorum, ecclesiæ pro fidei nostræ devotione concedimus; ita ut actor aut decimator in rebus ecclesiæ nullus accedat, ecclesiæ vel clericis nullam requirant agentes publici functionem, qui avi, vel genitoris, aut germani nostri e im-

^a Duo hujus constitutionis exemplaria vidimus: unum e monasterio Corbeiensi, quod in editione nostra secuti sumus; alterum e bibliotheca Tiliana quod fuerat olim monasterii Corbionensis, id est, Blesensis sancti Launomari * JAC. SIRM.

^b Tilianus, omnibus comitibus. Item paulo post, sibi omnium populorum, et rursus, quæcumque justa sunt; et infra, incumbent. Item, et inanis habeatur. JAC. SIRM.

^c Hæc absunt a Tiliano. Ambigi autem hoc loco jure queat, si ad Clotarium I referatur constitutio, quemnam avum suum vocet, qui clericis immunitatem concesserit: si ad Clotarium II, equem dicat germanum. JAC. SIRM.

* Delenda esse verba illa Sirmondum alias monui-
LAM.

munitatem meruerunt. Quæcunque ecclesiæ vel clericis, aut quibuslibet personis, a gloriosæ memoriæ præfatis principibus munificentiae largitate collata sunt, omni firmitate perdurent. Quidquid ecclesia, clerici, vel provinciales nostri, intercedente tamen justo possessionis initio, per triginta annos inconcusso jure possedissee probantur, in eorum ditione res possessa permaneat; nec actio tantis ævi spatiis sepulta ulterius contra legum ordinem sub aliqua

A repetitione consurgat, possessione in possessoris jure sine dubio permanente. Provideat ergo strenuitas universorum judicum, ut præceptionem hanc sub omni observatione custodiant; nec quidquam alium agere aut judicare, quam ut hæc præceptio secundum legum Romanarum seriem continet, vel sexus quarumdam gentium justa antiqui juris constitutione olim vixisse dignoscitur, sub aliqua temeritate præsumant.

VII. CHILDEBERTUS, REX FRANCORUM.

CHILDEBERTI, FRANCORUM REGIS, CONSTITUTIO.

DE ABOLENDIS RELIQUIIS IDOLOLATRIÆ, ET DE SACRORUM DIERUM FESTIVITATIBUS CASTE
CELEBRANDIS.

(Ex Labbæi appendice tomi V.)

Epistola clementissimi et beati regis nostri Childeberti data per ecclesias sacerdotum, vel omni populo.

Credimus hoc, Deo propitio, et ad nostram mercedem, et ad salutem populi pertinere, si populus Christianus relicta idolorum cultura, Deo, cui integram promisimus fidem, in quantum inspirare dignatus fuerit, pure deservire debeamus. Et quia necesse est ut plebs quæ sacerdotis præceptum non ita ut oportet custodit nostro etiam corrigatur imperio, hanc chartam generaliter per omnia loca decrevimus mittendam, præcipientes ut quicunque admoniti de agro, ubicunque fuerint simulacra constructa, vel idola dæmonibus dedicata ab hominibus, facto non statim abjecerint, vel sacerdotibus hæc destruentibus prohibuerint, datis fidejussoribus non aliter discedant, nisi in nostris obtutibus præsententur. Qualiter in sacrilegos Dei injuria vindicetur, nostrum est pertractandum. Et quia fides nostra, ut verbum de altario a sacerdote faciente, quodcunque

B de Evangelio, prophetis, vel Apostolo fuerit annuntiatum, in quantum Deus dat intellectum, ad nos querimonia processit multa sacrilega in populo fieri, unde Deus lædatur, et populus per peccatum declinet ad mortem; noctes pervigiles cum ebrietate, scurrilitate, vel canticis, etiam in ipsis sacris diebus, Pascha, Natale Domini, et reliquis festivitibus, vel adveniente die Dominico dansatrices^a pervillas ambulare. Hæc omnia, unde Deus agnoscitur lædi, nullatenus fieri permittimus. Quicunque post commotionem sacerdotum, vel nostrum præceptum, sacrilegia ista perpetrare præsumpserit, si servilis persona est, centum ictus flagellorum ut suscipiat jubemus; si vero ingenuus, aut honoratior fortasse persona est, districta inclusione digna. Sunt hi autem C in pœnitentiam redigendi, ut qui salubria et a mortis periculo revocantia audire verba contemnunt, cruciatus saltem corporis eos ad desiderandam mentis valeat reducere sanitatem.

^a Dansatrices, hoc est saltatrices, verbo illo sæculo et hodie in Gallia usitato, inquit Holstenius.

VIII. RECCAREDUS, REX VISIGOTHORUM.

RECCAREDI REGIS EDICTUM DE CONFIRMATIONE CONCILII TOLETANI.

Gloriosissimus et piissimus dominus noster Rec- D caredus rex.

Universorum sub regni nostri potestate consistentium amatores nos suos divina^a faciens veritas,

^a Hard., ex Ms. : *Universis sub regimine nostræ potestatis consistentibus. Amatores nos sui divina, etc.*

nostris principaliter sensibus inspiravit, ut causa instaurandæ fidei ac disciplinæ ecclesiasticæ, episcopos omnes Hispaniæ nostro præsentandos culmini juberemus. Præcedenti autem diligenti et cauta deliberatione, sive quæ ad fidem conveniunt [pro fide vera faciunt], seu quæ ad morum correctionem respiciunt; cum enim sensus maturitate et intelligentiæ gravitate constant esse digesta, nostra proinde auctoritas id omnibus hominibus ad regnum nostrum pertinentibus jubet, ut si qua definita sunt in hoc sancto concilio, habito in urbe Toletana, anno regni nostri feliciter quarto, nulli contemnere liceat, nullus præterire præsumat; capitula enim quæ nostris sensibus placita et disciplinæ congrua a præsentī conscripta sunt synodo, in omni auctoritate, sive clericorum, sive laicorum, sive quorumcunque omnium obser-

ventur et maneant. Id est, primum, de observatione priorum canonum; alterum, de symbolo proferendo a populis in ecclesia (*Vid. Mansi Con. t. IX, col. 993*).

Has omnes constitutiones ecclesiasticas, quas summatim, breviterque perstrinximus (sicut plenius in canone continentur) manere perenni stabilitate sancimus. Si quis vero clericus, aut laicus harum sanctionum obediens esse noluerit [obediens observator esse noluerit, superba fronte majorum statutis repugnans]; si episcopus, presbyter, diaconus, aut clericus fuerit, ab omni concilio excommunicationi subiaceat; si vero laicus fuerit, et honestioris loci persona est, medietatem facultatum suarum amittat, fisci juribus profuturam; si vero inferioris loci persona est, amissione rerum suarum multatus in exilio deputetur. *Sequuntur subscriptiones.*

IX.

SIGEBERTUS,

REX FRANCORUM.

AD SIGEBERTUM REGEM

EPISTOLA CONCILII PARISIENSIS,

ANNO CHRISTI 573 HABITI^a.

Ut Promoti causam non defendat.

Domino gloriosissimo, atque sanctæ Ecclesiæ catholicæ filio, Sigeberto regi, Sapudus, Philippus, Priscus, Constitutus, Laban, Felix, item Felix, Germanus, Lucretius, Clementinus, Syagrius, Gallomagnus, Optatus, Salonus, item Salonus, Quinidius, Promotus, Silvester, Genesius, Polemius, Palladius, Victor, Sagittarius, Aunacharius, Hesychius, Claudianus, Desiderius, Heraclius, Tetradius, Pappolus, Licerius, et Leudobaudis, episcopi.

Quantum ineffabili gaudio synodali concilio nuntiatur, quandoquidem a catholico principe res nova pro dilectione Christi concipitur, tantum lamentabile execrandumque censetur, cum in Ecclesia sancta contra Deum et contra canonum disciplinam dissensio generatur. Nuper etenim non absque conniventia gloriæ vestræ, sicut credimus, evocati Parisios venientes, novam inauditamque ordinationem in Castro Dunensi, parochia denique Carnotina, factam fuisse cognovimus. Quam rem licet vix credere possumus cum consensu gloriæ vestræ fieri potuisse, tamen si cujuscunque prava suggestionem præventi, in hac

^a Id ipsum videtur, cujus a Gregorio Turonensi lib. iv, cap. 41, fit mentio his verbis: « Cum autem, inquit, contentio inter Guntramnum et Sigebertum reges verteretur, Guntramnus rex apud Parisios omnes episcopos regni sui congregat, ut inter utrosque, quid veritas haberet, ediscerent, etc. SIMONDS. — Cum in Gallia bellum civile recrudesceret, Guntramnus rex procreaverat ut Parisiis concilium celebraretur, si forte per sanctissimos episcopos res absque bello componi posset. Verum ubi semel res armis agi coepit, ecclesiasticæ leges omnino siluerunt. Ait Gre-

tam obscena et Ecclesiæ universæ contraria consentis, ab hujusmodi scandali defensione sinceritatis vestræ conscientiam expietis, quia satius est ut ille qui ambitionis instinctu rem tam nefariam dolosa ambitione competit, per satisfactionem pœnitentiæ reatum suum ablui compellatur, quam vestra puritas (quod avertat Divinitas) hujus facinoris contagione maculetur. Et quia nobis necesse fuit ut juxta canonum constituta personæ temerariæ deberet præsumptio coerceri, ideo salutis obsequium digno in Christo officiositatis et reverentiæ cultu præbentes, poscimus ut vos, quos Deus et culmine præcipuos et sinceritate præclaros esse præcepit, non quocumque, aut quorumcunque temerato concilio ad defensanda hujusmodi scandala misceatis, quia Deum sufficit nosse, vos nequaquam penitus velle contra vos divinam iracundiam promoveri. Annis multis gloriam regni vestri potentia divina cum omni felicitate conservet, domne gloriosissime, et præcellentissime domne.

Sequuntur subscriptiones.

gorius de gestis Francorum lib. iv cap. 47 et 48, his temporibus accidisse ut Chilpericus per filium suum Theodobertum Turonensibus, Pictaviensibus, atque aliarum civitatum ecclesiis magnam cladem intulerit. Hanc ille paucis perstringens, sic ait: « Vastat, evertit, ecclesias incendit, ministeria detrahit, clericos, interficit, monasteria virorum dejicit, puellas deludit, et cuncta devastat; fuitque illo tempore peior in ecclesiis gemitus, quam tempore persecutoris Diocletiani. » (*Vide Baronium, anno 576.*)

SEV. BIRTUS.

INDEX

RERUM ET VERBORUM

QUÆ IN LIBRIS DE LITURGIA GALLICANA CONTINENTUR.

(In hoc indice citantur numeri in textu crassiori caractere a nobis expressi.)

A

Abstinētia a carnibus et a conjugio, a natali sancti Martini ad Natale dominicum, 100, 101, 459.

Acolythi ordinatio, 301, 302.

Acta seu passionēs sanctorum in missa recitantur, 20, 26.

Adalbero episcopus Rhemensis, 183.

Adventus nomen ante annos mille rarius, tametsi res in usu, 98, 99. Quando olim inceptus, 99, 100. In Africa et Gallia, 458 *et seqq.* Adventus tempore, hoc est a festo sancti Martini abstinentia a carnibus et a conjugio, jejunium ter in hebdomada, et sacrificia vespertina, 100, 101, 102.

Ægyptiorum cursus, 382.

Æmiliani abbatia Acta in missa recitata, 20, 21, 163. Affectare osculis, 295. Africana liturgia, 14. Africanus cursus seu alterna psalmodum modulatio ab Augustino e Mediolanensi typo inducta, 389.

Aganensium martyrum natale, 281.

Agnes seu Agnetis virginis et martyris natale, 215 *et seqq.* Agnorum Dei cereorum origo, 142.

Agobardus episcopus Lugdunensis, 400, 401.

Albis vestibus usi sacri ministri, 61. Non extra rem sacram, *ibid.*

Alcuini locus insignis de Eucharistia, 95, 96.

Alexandrinus cursus, 381.

Alfredi regis Anglorum pietas, 438.

Alleluia quando recitatur, 14. Alleluia laudes dictum, 33. In Quadragesima ne canitur, *ibid.* Alleluia in missa Dominicæ primæ in Quadragesima, 124.

Allocutiones, conciones, 44. Allocutio ad populum in diaconorum, presbyterorum et episcoporum ordinatione, 303 *et seqq.*

Altarium consecratio, 72. Forma, 73, 74, 314. Altaria super cryptas posita, 73. In eorum gradibus orabant fideles, *ibid.* Altaria plura in una Ecclesia, 55, 70, 73, 74. Altari in eodem nulli licet plures missas eodem die celebrare, 55.

Altare ante crucem dominicam, 42. Altaribus columbæ impositam ad reservandum Eucharistiam, 89, 90. Ad designandum Spiritum sanctum, 91. Altari ad quod tempus imponendæ sanctorum reliquiæ, 83, 84. Altare seu mensa altaris lectulus dicta, 70, 71. Altare cum oblationibus opertum velo Sarmatico, 42. Altare pallio serico quo ad missam sacra munera tegebantur coopertum, 41. Altari admoveantur etiam mulieres communicaturæ, 45, 51. Secus apud Hispanos, *ibid.* Altaris ministri albis vestibus usi, 61.

Ambrosiana seu Mediolanensis liturgia, 7 *et seqq.* Ambrosiana consecrationis formula qui immutata, 27. Ambrosianus canon, 26. Ambrosianus seu Mediolanensis cursus, 381. Ambrosius

psalmodiæ in Occidente non institutor, *ibid.*, 388, 389. Ambrosiani hymni, 389, 423. Ambrosii sumpto in viaticum pane eucharistico mors, 87. Ambrosii locus insignis de jejunio et corpore Domini Jesu in Eucharistia, 126.

Amula seu Hamula oblatoria, vas altaris, 186.

Analogus martyris marmoreus, 73. Anastasii descriptio ciborii sancti Petri Romæ, 74, 78.

Anax, urceus ad rem sacram, 63. Andochius et Benignus martyres, 281.

Andræ apostoli natale, 220. Acta ejus antiquissima, 222.

Aniciano ex genere nati Cantiani martyres, 468.

Annus a Natali Domini inceptus, 337. A Paschate, 420.

Ausegius abbas Fontanellensis, 186. Antiphona dictus missæ introitus, unde Antiphonarium, 36. Antiphona post Evangelium, offertorium, 8. Antiphona ad contractionem hostiæ, 12.

Antiphonæ et responsoria, laus et sonus dicta apud Mozarabes, 392. Antiphonæ sic dictæ ab alterno cantu, 383, 384, 389, 405, 406.

Antoliani martyris apud Arvernos ecclesia, 75.

Anulus aureus nigellatus, 463. Apologia sacerdotis in missa, 251.

Apostoli lectio in missa post prophetiæ lectionem, 37, 38.

Aqua lavandis corporalibus pallis adhibita vergatur in baptisterium, 303. Aquæ Gradatæ, 469.

Aquitania fulmenta, columnæ marmoreæ, 80.

Ara Dei apud Tertullianum, 56. *Vide* Altare.

Aranthinus paropsis, 64. Arauscani concilii canon explicatur, 47.

Arca pro ara, 42. Aredii abbas testamentum, 66.

Arelatensis Ecclesiæ ritus antiqui, 403, 406. Ibi promiscue Græce et Latine cantatum etiam a laicis, 403.

Arelatensis dyptycha, 182. Areolæ aræ, 465.

Arianorum communicandi mos, 52. Ascellæ, alæ seu porticus, 69.

Asiaticus cursus, 380. Assumptionis B. Mariæ festum in mense Januario, 118, 119. Quando feriatum, *ibid.*, 211. Assumptio corporalis, 212 *et seqq.*

Athanasii mos canendi psalmos in ecclesia, 391.

Audomari episcopi cappa, 62. Augētis, an corrupte pro neophytis, 249.

Augendus seu Eugendus abbas Juvenensis, 432.

Augustino adhuc diacono tributa ab annis mille benedictio cerei paschalis quæ præconium dicitur, 142, 241, 557.

Augustini Codex in papyro Ægyptiaca seu charta scriptus, 184. Augustini loci

insignes de cantu in Africa recepto, 388 *et seqq.* Augustini locus de liturgia, 14, 15. Augustini pseudoepistola ad Bibianum episcopum Santonensem, 458. Augustino an tribuendus sermo in natali Domini incipiens: *Hodie, fratres charissimi, cæli desuper roraverunt*, 106, 107.

Aureliani ritus officii divini, 406, 407.

Anrora officium ante Primam apud Mozarabes, 393.

Authentica hebdomada, sancta, 128. Avili episcopi Viennensis insignia fragmenta, 65, 128, 239, 245, 265, 268, 269, 402.

B

Baculis innixi clerici et alii inter orandum, 435.

Basilicarum forma vetus apud Francos, 68 *et seqq.*

Basilii Magni vitæ locus de aurea columba, in qua Domini corpus servatum, 90.

Baptismi ritus, 362. Baptisium percipiendi nomen inditum, 248.

Baptisterii appensæ columbæ, 90. Baptisterii illatæ seu conditæ sanctorum reliquiæ, 83.

Baptisterio immersa aqua, quæ lavandis corporalibus pallis adhibita est, 303.

Baudacharius defensor, 465. Beatus et Etherius Hispanici scriptores, 5, 10, 22, 24, 93, 394.

Benedictinus cursus, 381. Benedictiones variæ, 301 *et seqq.*

Benedictiones novarum frugum, 161, 162. Benedictio cerei, id est cerei paschalis, Augustino tributa adhuc diacono, 140 *et seqq.*, 241. Alias Leoni, *ibid.* Benedictio lucernæ, *ibid.* Benedictio episcopalis in fine matutinorum et vespertinarum, 425, 426. Benedictio episcopalis in missa communioni prævia, 18, 34, 51, 189 *et seqq.*

Berno abbas Augiensis, 7, 896. Bertericus nepos illustris matronæ Ermentrudis, 463.

Bertigisilus nepos illustris matronæ Ermentrudis, 463.

Bertovara nurus Ermentrudis illustris matronæ, 463.

Bibiano episcopo Santonensi epistola fictitia Augustini nomine directæ de Adventu incipiendo, 99, 100.

Bibianus episcopus Santonensis, 458 *et seqq.*

Biduana, biduum ante Pascha, 389. Robus tracta carruca matronis nobilibus in usu, 463.

Boherii locus insignis, 50. Bonisiacensis Ecclesiæ, 463, 464.

Brachio abbas, 404. Braulio episcopus Cæsaraugustanus, 24, 163.

Breviarium cursus dictum, 379. Breviarii recitandi quæ obligatio præscripta ab Ecclesia, 426 *et seqq.*

Britannorum comes sæculo vi, 68.

C

Cæcilie virginis et martyris natale, 216.

Cæsarii episcopi homilie per Italiam et Hispaniam distributæ, 32. Ejus loci insignes, 38, 34, 36, 38, 40, 51, 64, 169, 170, 377, 403, 404, 405, 406, 407, 423, 424, 425.

Calensis sancti Georgii basilica, 464.

Calices non plures in altari ponendi, 52. An plures positi, 58, 59.

Calices ansati, 66. Aurei et chrysellini, 67.

Calix Eucharistie seu panis consecrati contactu non consecratur, 47, 48.

Calix coopertus cum filiola post consecrationem elevatur, 42.

Calix imaginatus cum turricula, 406.

Calix vacuus cum patena in ordinatione subdiaconi adhibita, 302.

Cambutus innixi clerici in officio divino, 435.

Cancellis munita altaria, 74. Psalterium chorus, 77. Sepulcra, *ibid.*

Cancelli argentei, *ibid.*, 78.

Canna argentea, 462.

Canon sacerdotalis seu missæ, 39. Antiquus, *ibid.*, et 40.

Canon missæ tacite recitatus, 416.

Canon missæ Gallicanus pro festis variis, 46. Brevissimus, 189 *et seqq.*

Canonis Scripturarum assertores Martyres, 467.

Canonum custodia episcopo debita, 166.

Cantare, recitare etiam privatim, 411, 416, 417, 428, 429.

Cantianorum martyrum passio, 457 *et seqq.*

Cantorum officio diaconi ne fungantur, 387.

Cantus alterni origo, 383, 384.

Cantus Romanus Pippino rege a Gallis receptus, 16.

Capite oblecto in exsequiis uxorum viri, 167.

Capite nudo sacra a viris facta contra profanorum morem, quorum *capitula* velabantur, 62.

Capitulavius dies dicta Dominica Palmarum, 127.

Cappa Romana, 186.

Capsa cum qua et calix offerendus est quid, 47.

Capsa sacerdotalis, seu cappa, 62.

Capsum pars ecclesie qualis? 69.

Capsa navis pars ima navis, *ibid.* Capsum aliquando idem cum ecclesie caput seu presbyterio, *ibid.*, et 70.

Caraxare, pingere, 75.

Carinus imperator ex Aniciorum genere, 468.

Caro et sanguis Christi in Eucharistia, 329. Corporis veritas, 256.

Carruca bobus tracta et strata nobilibus matronis in usu, 463.

Casitas subdiacono dum ordinatur commendata, 303.

Casula sacerdotalis, 62. Casula processoria, 63.

Cathedra sancti Petri Romæ in mense Januario Gallis antiquissima, 120, 131. Per eam confessio et primatus sancti Petri designatur, *ibid.*

Cathedra episcopalis, 310.

Cato presbyter Arvernus, 164, 170.

Caucum argenteum, 462.

Cautinus, episcopus Arvernorum, 58, 59.

Celebrare missam, audire, 34, 58. Alio sensu, 182.

Ceraunia nobilis matrona, 186.

Cere seu cerei paschalis benedictio Augustino auctori tributa, 241, 357.

Alias Leoni, 241.

Cerei benedictio in Sabbato sancto, 140, 141, 142.

Cerei particule contra procillas decerpit sæculo v, 143.

Cercis impressa nomina, 165.

Cherubin alosa, 316.

Chilperici regis hymni seu missæ, 29.

Chrisma in feminino, 248, 364.

Chismal dictum ministerium corporis Christi gerulum, 316.

Christi præsentia realis in Eucharistia certis testimoniis asseritur, 2 *et seqq.*

Christi corporis veritas in Eucharistia, 256, 359.

Christi corpus pro nobis crucifixum, et sanguinem pro nobis effusum in Eucharistia sumimus, 300.

Christi corpus non in imaginario ordine sed sub crucis titulo ciborio impositæ compositum seu pendens, 92, 93, 94.

Christi corpus in altari linteaminibus involutum, 315. Confectam in Patena, *ibid.*

Christi corpus et sanguis immaculata benedictione transformatur, 307.

Christi corpus in Eucharistia immolatum, 225. Hoc vescuntur fideles, 331.

Christi corporis confectio et sanguinis effusio in Eucharistia, 297.

Christi sanguis in vitro, corpus in ligno, 64.

Christi cruor gustatus in Eucharistia, 347, 350.

Christus in cœna sacrificii oblationem instituit, 297.

Chrodegangus episcopus Mettensis, 429, 430, 435.

Chrysostomi locus insignis de Eucharistia, 88.

Ciborii seu turritis ædiculis instructa altaria, 74. Eorum forma, *ibid.*, 75.

Ciciudelis, lampas, 78.

Claudianus monachus, Mamerti episcopi Viennensis germanus et vicarius, 403.

Clausum Paschæ, 147, 148, 149, 259, 373, 374.

Clementis episcopi et martyris natale, 217. Actorum ejus antiquitas, 218.

Clerici itinerantes recitando Breviario obstricti, 530.

Clerici purpureis vestibus ne utantur, 62.

Clericorum recitandi cursus seu Breviarii obligatio quæ, et qua lege præscripta ab Ecclesia, 426 *et seqq.*

Cœmeteria sacerdotali benedictione sacra, 165.

Cœna Domini, natale calicis dicta, 128.

Collectæ, dictæ orationes in missa recitari solitæ, 6.

Collectio post nomina, 181, 188 *et seqq.*

Collectio ad pacem, 188 *et seqq.*

Collectio post Eucharistiam, 196.

Collectiones, dictæ orationes missæ, 23, 25, 36, 43.

Colum seu colatorium, vas sacrificii, 185, 186.

Columbæ tribus in ecclesie locis ad quid appendæ, 90, 91, 92. Columba et peristerium ad repositorium seu Eucharistiam reservandam, 89. Columba sepulcris et ciboriis superposita, 74.

Columnæ ad altare, 69, 73, 74, 75, 78.

Communicantes hostiam in manibus accipiunt, 52.

Communio in triduo ante Pascha, 136. Communione non expectata qui communicaturi non erant in missa olim discedebant, 35. Communio sub altera nempe vini specie, 59. Communio sub una specie sacramenta corporis et

sanguinis Christi appellata, 141.

Competentibus symbolum quando traditum, 127.

Concio sacra non nisi a stantibus excepta, 81.

Confessores proposito castigationis afflicti, 290.

Confractorium, antiphona ad hostiæ confectionem, 8.

Consecratio altaris, 314.

Consecrationis corporis Christi forma antiqua, 46, 47, 192.

Consummatio missæ, seu oratio post communionem, 196.

Contestari beneficia Dei, 28.

Contestatio, immolatio missæ, 24. Præfatio, 28, 45.

Conversio vini in sanguinem Christi, 208. In sacrificium, 209. Transmutatio et translatio, 214, 228.

Cophanum, 210.

Cornelii et Cypriani martyrum natale, 278.

Corporale pallium, 41. Eo contactus calix, 42.

Corporales pallæ, 303.

Corporatio dicta una e novem particulis hostiæ fractæ, 13.

Corporis Christi veritas in Eucharistia, 369.

Corporis Christi vera immolatio in Eucharistia, 256.

Corpus Christi confectum in remissionem peccatorum, 192.

Corpus Christi in Eucharistia immolatum, 325. Hoc vescuntur fideles, 331.

Corpus Christi pro nobis crucifixum et sanguinem pro nobis effusum in Eucharistia sumimus, 300.

Corpus et sanguis Christi immaculata benedictione transformantur, 307.

Corpus Christi in altari linteaminibus involutum, 315. In patena confectum, *ibid.*

Corpus Domini super altare ad viaticum infirmis in buxida reservatum, 84 *et seqq.* Ejus usus in Ecclesia antiquissimus, 85 *et seqq.*

Corpus Domini non in imaginario ordine, sed sub crucis titulo componitur, 92, 93, 94.

Crucifixi imago velata, 77.

Crucis (S.) basilica Parisiensis vel domni Vincentii, nunc sancti Germani, 463.

Crux et signa seu vexilla in supplicationibus præmissa, 154. Crux ipsa titulus crucis, 93. Crucis in modum dispositæ particule novem hostiæ fractæ, 13, 449. Crux argentea aræ imposita, 186. Crux in summo ciborio, 74, 93. Crux ad pedes infirmi agentis in extremis posita, 93. Crux in processionibus delata, 265. Crucis in modum conditæ Ecclesie, 68, 69, 70.

Cucullus cappæ assutus amictiando capiti, 62.

Cursu de Gallicano disquisitio, 379 *et seqq.* Cursus Gallicanus uniformis, 419.

Cursus dicta divina officia, 379. Cursuum ecclesiasticorum varia genera, 380. An idem cum liturgia, 381.

Cursus seu breviarii recitandi quæ clericis obligatio præscripta ab Ecclesia, 426 *et seqq.*

Cypriani episcopi et martyris natale, 278. Ab eo die numeratæ Dominicæ, *ibid.* Ejus loci insignes de Viatico et Eucharistia, 85, 86. De Trinitatis personarum commemoratione in epistolæ I Joannis versu vii, 476, 477.

D

Damasii falsa epistola decretalis, 25. Decimæ quales et quibus solvendæ, 169.

Decimis pro solvendis missa, 169.
Defunctis refrigerium per jejunantium preces et sacrificium, 233, 235, 236.

Denumerationis instantia, 282.
Deorovaldus divæ memoriæ filius Ermentrudis matronæ, 462 et seqq.
Deorovara neptis illustris matronæ Ermentrudis, 463.

Diaconii sacramenta, 171. Diaconi ordinatio, 303. Diaconi cantorum officio ne fungantur, 387. Diaconorum in ordinationibus consulta populi suffragia, 303. Diaconorum in ordinatione missa, 170. Eorum ætas, *ibid.* Diacono aut subdiacono post acceptum cibum vel poculum missas tractare illicitum, 60.

Dionysianæ basilicæ in agro Parisiensi fratres et mensa, 463.

Diptycha ecclesiarum, 182, 183. Diptychorum forma, 43, 44.

Divæ memoriæ Carinus imperator paganus, 468. Item Deorovaldus Francus, 462 et seqq.

Dominica ad carnes tollendas, au Sexagesima, 123. Dominica in Palmis dicta in Symboli traditione, 235, 346. Dominica Palmarum passio olii non lecta in missis privatis, 466. Dominicæ a die natali sancti Cypriani numeratæ, 278.

Domicum cellarium, 414.
Donatio ecclesiæ facta sæculo vi aut vii ineunte, ut oblata quotidie ibi ministraretur, et pro defuncto offeratur, 464. Ut ligna tantum ad oblatam parentur, 465.

Dulcidius præses Aquilegiæ, 468 et seqq.

Duntaxat particula non exclusiva, sed explicativa pro scilicet, 54.

Duodecima, hora Gallis assignata pro divino officio, 409, 424. A vespere distincta, 394. A completorio, 425.

E

Eadgari Anglorum regis statuta, 416, 431.

Eberulfus Guntchramni cubicularius, 41.

Ecclesiæ fundator Petrus, 266. Caput, 266. Ecclesiæ fundamentum in confessione Petri, 227.

Ecclesiæ mos psallendi primitivus, 398.

Ecclesiarum forma vetus apud Francos, 68 et seqq. Ecclesiarum dedicationis ritus, 72. Ecclesiæ domus episcopalis, 80. Ecclesiæ absolute dictæ cathedrales; monasteriales, basilicæ, 103. Ecclesiarum seu basilicarum monasticarum descriptio, 69, 70, 71. Gemeticensis et Wiremuthensis descriptio, 70, 71. Ecclesiæ sancti Benedicti Parisiensis aliis dissimilis, 68.

Eldefonsi episcopi Hispaniensis libellus, 13.

Eligii episcopi mos inter missarum solemnium populo prædicandi, 40, 417.

Ennodii versus præclari, 76, 170, 171.

Eonius episcopus Arelatensis, 64.

Epiphaniæ in vigilia sermo de innocentibus ab Herode occisis, 460 et seqq. Epiphaniæ die principium Quadragesimæ nuntiatur, 116.

Epiphanius episcopus Ticinensis, 433, 434. Anno ætatis xviii diaconus ordinatus, 170.

Episcopalis cathedra, 310. Episcopalis in missa benedictio ante communionem, 34, 35. In fine matutinorum et vesperrarum, 425, 426.

Episcoporum ordinatio, 308. Episcoporum mos clericos ad officium divinum pulsato signo excitandi, 411, 412, 423.

Episcoporum mortuorum corpus expositum, 167.

Epistola in missa non semper a subdiacono, sed quandoque a sacerdote vel episcopo recitata, 21.

Ermentrudis matronæ testamentum, 184, 462 et seqq.

Etherius et Beatus Hispanici scriptores, 5, 10, 22, 24.

Eucharistia communio in missa, 25.

Eucharistiæ sacrificium a Christo in cœna oblatum, 297. Eucharistiæ seu realis Christi in Eucharistia præsentiam fidem semper tenuit Gallicana ecclesiæ, 3, 4, 95, 96. Eucharistia in corpus et sanguinem Domini transformata, 202. Permutata et translata, 214, 228.

Eucharistiæ vinum in Christi sanguinem conversum, 208, 214, 228. Eucharistiæ particula, communicanti data in manus, 52. Eucharistiæ nomine sola panis species designata, 52. Eucharistia in viaticum data infirmis, penitentibus et martyribus, 81, 85, 86. Reservata, 87, 88, 89. Eucharistiæ particula, non forma integra communicantibus data, 183, 184. Eucharistia de reservata, quando deerant infirmi quid fiebat, 96.

Eucharisticus panis mutatus in Christi carnem, poculum versum in sanguinem, ille sumitur in calice qui fluxit in cruce ex Christi latere, 300.

Eugenius, Hildefonsus et Julianus episcopi missarum Mozarabicarum auctores, 31.

Eugippius presbyter, 458.

Eulalia martyr Barcinonensis, 223, 224.

Eulaliæ virginis Emeritensis natale, 223, 224.

Eulalius comes excommunicatus, 51, 52.

Eulogiæ iis datæ qui non communicabant, 53.

Eustasius episcopus Massiliensis, 28.

Eutherius male pro Profuturo dictus episcopus Bracarensis, 32.

Evangelium missæ a diacono in ambone lectum, 38. Evangelii lectionem in missa sequitur sermo ad populum, 34, 35. Evangelium Epiphaniæ ex tribus evangelistis, uti et Pasceves ex quatuor, et sæpe alias ex duobus desumptum, 116, et *passim*.

Excommunicatio et imprecatio in charta matronæ, 465.

Excommunicatis non datæ eulogiæ, 53. — Excommunicati ante sacrificii oblationem ejecti ex ecclesiâ, 40.

Exorcidiare, pro exorcizare, 362.

Exorcismus, 338.

Exorcistæ ordinatio, 301, 302.

Exsuperius episcopus Tolosanus, 64, 65.

F

Faustus Symphoriani martyris pater, 281.

Faustus episcopus Regiensis, 407.

Felix episcopus libri missarum emendator, 30, 31.

Felcis episcopi Bituricensis turris, 95.

Ferreoli et Ferrucionis natale, 269.

Ferreolus episcopus Ucetiensis, 407.

Ferrum oblatorium seu characteratum ad coquendas hostias, 184.

Festa antiquitus in Gallia recepta, 102, 103, 104.

Fibula aurea gemmata ad mentum, 463.

Filiberti abbatis Gemeticensis ecclesiæ, 70.

Filiola dictum velum calicis et amictus, 12, 42, 448.

Filloque additamentum in Symbolo a tempore Caroli Magni, 19.

Fistula seu calamus ad communionem, 186.

Flabellum in sacris, 67.

Flores super altare positi, 84.

Fore, esse, 240.

Formulæ seu inclinatio innixi clerici in choro, 434, 435.

Fortunati loci insignes, 160, 161, 187, 411, 412, 428.

Frenum cum caballo et carruca optinatis, ecclesiæ legata, 463.

Fructuosi episcopi cursus, 393, 394.

Fulbertus episcopus Carnutensis, 411.

Fulmenta Aquitanica, columnæ marmoreæ, 80.

G

Gallicana liturgia, 16 et seqq. Eodem ritu celebrata ac Mozarabica, 20.

Diverso a Romana, 29. Gallicanæ Ecclesiæ de Eucharistia fides, 3 et 4, 95, 96. Gallicanæ ecclesiæ Lectionarium, 97 et seqq. Gallicanæ liturgiæ et supplicationes variis diebus, 154. Gallicana versio antiqua Scripturæ, 471 et seqq. Gallicanum Psalterium ex emendatione sancti Hieronymi, 395 et seqq. Gallicanus ordo Mozarabico antiquior, 27 et seqq.

Gallus Arvernorum episcopus, 154, 167, 421, 433.

Gavata argentea, 463, 464.

Gazum seu Gazeticum vinum a Gaza Palestinæ, 58, 81.

Gelasianus ordo missæ, 6 et seqq. Gelasianum Missale, 17.

Gelasii vulgatum de libris authenticis decretum an Hormisdæ tribuendum? 385, 386.

Gennadii locus insignis de Musæo presbytero Massiliensi, 28.

Genovefæ virginis festum in vetustissimo Lectionario Gallicano, 114. Acta ejus interpolata, *ibid.*

Genuflexio populi et corporis incurvatio ad missæ orationes, 38.

Georgii (S.) Calæ basilica, 464.

Germani (S.) episcopi Antissiodorensis natale, 329.

Germanus (S.) episcopus Parisiensis, 411, 412, 428.

Gloria in excelsis hymnus ab Hilario auctus et consummatus, 29.

Gloria Patri, etc., versus primum a Gallis in fine psalmorum adhibitus, 405, 407, 408, 423. Gloria et honor Patri, etc., non Gloria Patri, in fine psalmorum dici volunt Toletani Patres, 33, 34.

Gloria una e novem particulis hostiæ fractæ; cæteris major, sumpta a sacerdote omnium prima, 13.

Gotescalcus episcopus Aniciensis, 13.

Græce et Latine prosæ et antiphonæ sæculo vii decantatæ a laicis in ecclesiâ Arelatensi, 403.

Gregorii (S.) Sacramentarium, 16, 17. Gregorianus ordo missæ, 6 et seqq. Gregori Magni locus de reservato Christi corpore, 89.

Gregorii episcopi Turonensis loci insignes, 21, 29, 35, 36, 37, 38, 39, 40, 41, 42, 43, 47, 48, 49, 50, 51, 52, 53, 57, 58, 59, 60, 61, 62, 63, 64, 66, 67, 68, 69, 72, 73, 74, 75, 77, 78, 79, 80, 82, 83, 90, 101, 104, 108, 110, 119, 142, 143, 170, 176, 184, 187, 212, 239, 248, 152, 154, 159, 160, 161, 164, 165, 166, 167, 265, 379, 380, 396, 397, 404, 408, 409, 421, 428, 429, 438, 475.

Gregorius episcopus Lingonensis, 429.

Gundobadus Burgundiæ rex, 399.

Guntchramnus rex, 38, 41, 50.

Guntchramnus Boso, 53.

Guthbertus abbas Anglus, 71.

H

Hæreticorum ministeria seu vasa, et templa, 65. An catholicis in usum convertenda, *ibid.*

Harduinus Fontanellæ reclusus, 426.

Helciarri, 81.

Helias Scotigena an episcopus? 301.

Heraclia, 75.

Hermannus monachus Tornacensis, 183.

Hibernica et Britannica liturgia, 15.

Hieronymi locus insignis de epistola I Joannis, 476, 477.

Hilarii (S.) episcopi Pictavensis natale, 318. Auctor libri Hymnorum et mysteriorum, 29. Hilarii episcopi hymni recepti ab Hispanis, 32. Abiecti, 33, 410.

Hildephonsus episcopus auctor missarum, etc., 30.

Hildegarius sancti Hilarii decanus, 441.

Hilduini locus insignis, 20, 29.

Hippolyti martyris natale, 278.

Hippone regiensis ecclesiæ ordo, 100.

Hispanicus seu Mozarabicus cursus, 391, 392.

Honorati episcopi Massiliensis litaniæ, 154.

Honoratus episcopus Novariensis, 66.

Horæ orandi, 427. Horæ canonicæ a regibus persolutæ, 438.

Hormisdæ au tribuendum decretum de canonicis libris, 385, 386.

Hostia in novem particulas fracta apud Mozarabes, 12 et 13, 449. Hostia communicantium manibus immissa, 82.

Hymni Ambrosiani, 389. Hymnos decantari concilium Toletanum concedit, 33. Vetat Bracarense, *ibid.* Hymnus trium puerorum in omnium missarum solemnitate decantatus, 108.

I

Ichthiarium argenteum, 463.

Iconicæ apostolorum in ecclesiis, 160.

Ignatius an auctor alterni cantus in Oriente? 383.

Ilatio seu Inlatio, præfatio missæ, 15, 24.

Illyrici liturgia seu missa Latina, an Gallicana? 17, 18.

Imaginarium ordo, imaginum locus, 93.

Imaginatus calix cum turricula, 466.

Imagines figuræ, 187.

Imagines argenti in tabula altaris, 186. Imagines martyrum et sanctorum adhuc viventium in baptisterio depictæ, 76. Non positæ in altari, *ibid.*, 92, 93.

Immolatio missæ, 188 et seqq.

Immolatum in sacrificio missæ Christi corpus, 325.

Inclinatio populi in missa ad orationes, 38.

Inferni et tartari tenebris ac supplicis qui per fidelium preces et sacrificium missæ animæ liberatæ, 292.

Infirmi cursum seu Breviarium recitare olim soliti, 432. Infirmi soli non sani ex asserta Eucharistia communicabant, 96.

Ingressa, missæ introitus, 7.

Injurious episcopus Turonensis, 409, 423.

Interdictus cursus seu divina officia in ecclesia ob prava presbyteri mores, 417.

Inventio sanctæ crucis, 260.

Isidorus episcopus Hispalensis, 10, 14, An auctor liturgiæ Mozarabicæ, 30,

50. Cursus ejus, 392, 393.

Itinerantes clerici et monachi recitando breviario astricti, 430, 433. Libri ad hoc dispositi, 434.

Itinerariæ tabulæ vice altaris, 73.

J

Jacobi apostoli festum natali sancti Joannis evangelistæ conjunctum antiquitus, 196.

Jacobi a Vitriaco loci insignes, 41, 42, 431.

Jejunium quadragesimale, 228 et seqq. Ad vespem, 230. Jejunium tri-duanum Rogationum, 263, 377. Jejunium in vigilia Pentecostes, 156, 157.

Joannes presbyter Compostellanus, 27.

Joannes monachus et abbas Raven-nensis, 16.

Joannes Bona cardinalis, 18, 19, 20, 21.

Joannis Baptistæ idem conceptus et mortis dies, 160, 275, 458.

Joannis apostoli epistola prima canonica, 476, 477. Testimonium de unitate trium personarum divinarum in ea assertum, *ibid.*

Joannis et Pauli natale, 279. De iisdem epigramma, *ibid.*

Joannis Eleemosynarii vitæ loci insignes, 49, 50, 432.

Judæi in planctu lampades accendunt, 167.

Juliani martyris, Basilissæ ejus uxoris, et sociorum passio, 115.

Justina præposita sanctæ Crucis Pictaviensis, 42.

K

Kyrie eleison litaniarum initium, 153. In missa ad oblationem, 164. Ab omnibus in missa recitatum, 37. Ad matutinos, missas et vespas dicendum, 407.

L

Laici in Ecclesia psalmos et hymnos decantant, 403. Laici dominicis ac festi-vis diebus vespas, matutinas et mis-sas frequentare soliti etiam sæculo IX, 417.

Latina lingua preces ad Dominum fuscæ in Gallia sæculo VI etiam ab ejus linguae ignavis, 404.

Latiniacum in territorio Meldensi, 462, 463, 464.

Lavari nullum linteamen debet cum pallis corporalibus, 303.

Lavatio pedum in ritu baptismatis, 364.

Laudes dictæ matutinum, 420, 421, 422.

Laudum nomine Alleluia intelligunt Toletani Patres, 33.

Laurentii martyris natale, 276.

Leander episcopus, an auctor liturgiæ Mozarabicæ, 30, 181.

Lectiones dictæ sæculo VI missæ, 406. Lectiones in ecclesia a fidelibus stantibus in pedes auscultatæ, 405.

Lectionarium Luxoviensi Ecclesiæ Gallicanæ, 97 et seqq. Lectionarii Gallicani variantes lectiones, 471 et seqq. Lectoris benedictio, 302.

Lectulus seu lectus in ecclesia quid, 70, 71.

Leodegarii martyris natale, 283.

Leoni papæ tributa benedictio cerei paschalis seu præconium, 241.

Leonis papæ IV homilia, 431.

Levare Evangelium, id est librum, 22.

Lex nostra, catholicorum communio, 65.

Licinius episcopus Andegavensis, 55.

Linteamen nullum cum pallis corporalibus lavari debet, 303.

Litaniæ dictæ Rogationes, 152. An ob sanctorum nomina commemorata, *ibid.* Litanie triduanæ post Ascensionem in ecclesia Mediolanensi, 153. Aliæ, 154.

Liturgiæ utiles ad eucharistiæ fidem, 1 et seqq. Liturgiæ variæ apud Latinos, 5 et seqq. Vide Missa.

Ludgerus episcopus, 431.

Lotio pedum Sabbato sancto post baptismum, 179, 180, 249.

Lucernæ benedictio in Sabbato sancto, 140, 141, 142.

Lucernarium in vespis, 302, 393. Lucernarium, serotinæ preces antiquissimæ, 404, 417, 424, 425.

Ludovici IX Francorum regis pietas, 438.

Lugdunensis Ecclesiæ cursus, 399, 400. Lugdunensis Ecclesiæ ritus antiqui, 401.

Luxoviense Lectionarium Ecclesiæ Gallicanæ, 97 et seqq.

M

Macula, neutro in genere, 296.

Manicationes, 422.

Marcus evangelista an auctor cursus Alexandrini? 381.

Mariæ virginis Deiparæ festum assumptionis mense Januario celebratum, 118, 119. Assumptio in corpore, 212 et seqq. Assumptio et Nativitas Bonifacio martyri notatæ, 104, 105. Item concilio Narbonensi anni DLXXXIX et Gregorio Turonensi, *ibid.*

Martini (S.) episcopi festum per omnem Galliam celebre, 103, 104, 290. Ab ejus festivitate Adventus a nonnullis inceptus, 100, 101, 458 et seqq. Inde ad natale Christi abstinencia a carnibus et uxoriis, *ibid.* Jejunia et missæ quadragesimales, 102, 459. Ejus basilica Parisiis sæculo IV aut VII ineunte, 464.

Martyra in feminino, 215 et seqq.

Martyris natale, 319. Martyres canonis Scripturarum assertores, 467. Martyrum passionis lectæ in Ecclesia, 405, 407. An etiam in Ecclesia Romana, 385. Martyrum reliquiæ in collo non deferendæ, 164.

Maseus. Vide Museus.

Massiliensis Ecclesiæ ritus antiqui, 405, 406.

Matricularii, 414.

Matutinum, sumptum pro nocturno officio seu nocturnis vigiliis, 110, 409, 410, 420, 421, 422. Sapius pro laudibus, *ibid.* Pro prima, 420, 423.

Mauricii et sociorum martyrum natale, 281.

Maximus abbas, 67.

Mediolanensis liturgia. Vide Ambrosiana.

Messis tempore missæ non intermittendæ, 424.

Ministerium corporis Christi gerulum Chrismal, 316. Novum sepulcrum, *ibid.*

Ministerium ecclesiæ sacra suppellex, 63, 64, 65, 66, 67, 68, 79. Ministeria hæreticorum, 65. Alia supellex, 66, 67, 71. Ministerium altaris, 40 et seqq. Ad altare non nisi post lectum Evangelium et concionem peractam allatum, *ibid.* In domuncula Ecclesiæ adjuncta vel in armario servatum, *ibid.* In turre, *ibid.* et seqq.

Missa. Vide Liturgia.

Missa sacrificium spirituale, 237. Missa revocata, 57 et seqq. Missam revocare seu celebrare et spectare, 58, 59. Tenere, 60. Missæ ritus qua ratione iidem, qua diversi, 5 et seqq. Missa ante communionem expleta, 38, 36, 54,

Missa Gallicanæ et Romanæ spatium seu duratio, 56, 187. Missa diebus tantum festis præcepta, 56. Hinc missa pro festo, *ibid.* An non etiam diebus jejuniorum, *ibid.* Missæ astantes non semper communicant, 58. Missa quotidie cantata ab episcopo, 55. Missæ plures uno die in uno altari celebratæ, 55. Missa unica in Natali Domini olim in Ordine Gallicano, 103. Item in aliis, *ibid.*, 190. Missæ tres in Natali Domini non eadem in ecclesia Romæ olim celebratæ, 109. Nec ab eodem sacerdote, *ibid.* Missæ tres in Natali Domini, Paschate, Pentecoste et Transfiguratione, 108. Missæ publicæ distinctæ a missis matutinis, quadragesimalibus seu vespertinis, et defunctorum, 46, 54. Missæ Gothicogallicanæ ordo, 188 *et seqq.*

Missa, dicta oratio post missæ offertorium, 11.

Missa, psalmodum, collecta seu oratio, 393.

Missæ dominicales, 292 *et seqq.*, 299. Missæ feriales in Quadragesima, 125, 126. Missa matutinalis tempore paschali, 372. Missa matutinalis pro parvulis renatis tempore paschali, 354. Missa de Adventu Domini, 333. Missa in diaconorum ordinatione, 170. Missa catechumenorum, 11. Missa mortuorum, 60. Missæ et orationes pro mortuis, 164, 165. Missæ jejunii, 231 *et seqq.* In Symboli traditione, 235. Missa pro decimis solvendis, 169. Missæ tempore messis, 422. Missa quotidiana Romanensis, 300. Missa pro requie sancti oblata quo sensu, 57, 58. Missa de exceptato an de expectato, 99.

Missæ sæculo vi dictæ lectiones, 406.

Missale Gothicogallicanum, 174 *et seqq.* Francorum et Gallicanum vetus, *id.*

Missale Gregorianum, 79.

Missale Mozarabum, 440 *et seqq.*

Missorium argenteum ecclesiæ legatum, 463.

Monachi titulo sui monasterii ordinati, 171.

Monasterium Agaunensium, 161.

Monasterium sancti Cyriaci, 79.

Monasterium sancti Petri Hornbancense, 17.

Mortui episcopi cadaver plures per dies venerationi expositum, 167.

Mortuus ablatus vestitusque sepultura traditur, 167.

Mos catholicus in consecratione corporis et sanguinis Domini servatus, 47.

Mozarabica liturgia seu missa, 10 *et seqq.* Mozarabum Missale, 440 *et seqq.*

Mozarabica consecrationis corporis Christi forma qui immutata, 27. Mozarabica seu Hispanica cursus, 321.

Mulieres communicaturæ ad altare accedunt, 45, 51. Secus apud Hispanos, *ibid.*

Mulieres cum linteo dominicali communicabant, 52.

Munmolus comes, 465.

Munegisilus optimas, *ibid.*

Museus presbyter Massiliensis, lectionum quæ in missa aliisque officiis legebantur ordinator, 28. Item Sacramentarii, *ibid.*, 408.

Mysterium, consecratio in missa, 25.

N

Namatii episcopi Arvernensis ecclesiæ, 69, 80.

Natale episcopi, anniversarius consecrationis dies, 165, 166. Natale cathedralis Ecclesiæ, et natale calicis, *ibid.*

Nicetii episcopi tractatus de Psalmo-

dia, 22.

Nicetius episcopus Lugdunensis, 62.

Nicetius episcopus Trevirensis, 39, 42.

Nocte surgere soliti sacerdotes, etiam in itinere constituti, ad nocturnos recitandos, 428, 429.

Nomen in baptismo inditum, 218.

Nomina defunctorum in missa recitata, 218, 221. Nominum recitatio in missa ex dyptichis ad sæculum XI, 182, 183. Innocentii papæ I locus, 182.

Notkerus Balbulus an auctor sequentiarum? 19.

O

Oblata quotidie facta pro defuncto, 464. Donationes ob id factæ, *ibid.* Ut tantum ad illam faciendam ligna parentur, 465. Oblatæ, seu panis rotulæ super pectus defuncti episcopi positæ, 184. Oblatæ quotidianæ, *ibid.* Oblatæ in offertoriis exceptæ, 185. Calix item cum patena involuta, *ibid.*

Oblationes factæ in altari panes propositionis dictæ, 303. Nihil inde residuum remaneat, *ibid.* Oblationum vina in Christi sanguinem conversa, 208, 214, 228. Oblatio pro defuncto instituta, 266.

Oblatio ad Breviarium recitandum, 426 *et seqq.*

Offerentium nomina publice in sacrificio prolata, 207, 218, 221.

Offertorium, vas sacrificii, 185. Solidum, tum lineum et sericum, *ibid.*

Officia divina cursus dicta, 379. Eorum origo et progressus, 380 *et seqq.*

Officia divina uniformiter celebrentur, 410, 418, 419. Officia divina per turnas disposita in ecclesia cathedrali, 402.

Optati locus de Eucharistia reservata, 88, 89. Ejusdem de imagine, an Constantii, 76.

Optimum carrucæ cum bobus, 463.

Oraculum, oratorium, 70.

Orarium sacerdotum, 62.

Oratio Dominica in missa ab omni populo recitata apud Græcos et Gallos, 49. Non apud Romanos, 50. Partim apud Mozarabes, *ibid.* Orationis Dominicæ explicatio, 345.

Oratio post nomina in missa, 12.

Oratio post *Pridie* in missa, 12. Oratio pro defunctis in missa, 181.

Oratio dictus Augustino canon missæ, 25.

Ordinationes et benedictiones ministrorum sacrorum, 301 *et seqq.*

Ordines, etiam minores, olim certo sub titulo collati, 171.

Ordo Germanicus, 155. Ordo missæ Gothicogallicanæ, 188 *et seqq.* Ordo Hipponeregensis Ecclesiæ, 100. Ordo Romanus in missa, 7 *et seqq.* Ambrosianus, *ibid.* Ordo Romanus in Gallia tempore Caroli Magni receptus, 16, 17.

Orientales cursus, 381, 382.

Orientem versus sepulti cujuslibet ordinis Christiani, 167.

Osculum in missa, 209, 217, 234, 236.

P

Palla altaris, pallium dicta, 41. Serica sæpe, *ibid.* Ea involuta pueri Deo oblatis manus, *ibid.* Non tenuis seu rara, 42.

Palladius episcopus Santonensis, 21, 38.

Pallæ corporales majores et minores, 66.

Pallæ in substraturo, 309. Pallæ corporales, *ibid.* Nihil eum illis lavari debet, *ibid.*

Panis et vinum in corpus et sangui-

nem Christi transformata, 208. Permutata et translata, 214. Panis Eucharisticus mutatus in Christi carnem, poculum versum in sanguinem, ille sumitur in calice qui fluxit in cruce ex Christi latere, 300. Panes propositionis dictæ oblationes in altari, 303. Panis rotulæ, oblatæ, 184.

Papa, primus sacerdotum, 276. Papa, Romanensis, 11.

Papyro in Ægyptiaca seu charta scriptus Codex et testamentum, 184.

Parasceves die sacro passio lecta ex quatuor evangelistis ad diversas horas, 129 *et seqq.* Jejunium Parasceves sine cibo, 157.

Parisiensis Ecclesiæ ritus antiqui, 411 *et seqq.* Parisiensis basilicæ, 463, 464. Sacrosancta Ecclesia in civitate, 763.

Particula hostiæ, communicanti data, 52.

Paschate anni initium, 420. Pascha annotinum, 259. Pascha Clausum seu Clausum Paschæ, 147, 148. Paschæ hebdomada feriata, 148, 259, 373, 374. Paschales missæ, 364 *et seqq.*

Passio die Palmarum non in privatis missis, sed duntaxat in publica dicta, 127, 466. Alias sola feria Parasceves recitata, 128. Passio unica, ex Matthæo lecta in Africa tempore sancti Augustini, 136. Passio die sacro Parasceves ex quatuor evangelistis conflata, lecta ad singulas horas, 129 *et seqq.*

Patena et calix vacuus in ordinatione subdiaconi porrecta, 302. Patenæ altaris capacissimæ, 47, 62, 63. Patena calicis major vitrea, 137. Patena velo involuta, 185.

Patientis episcopi Lugdunensis ecclesiæ descriptio, 80.

Patriarchæ Orientis albis vestibus uti, 61.

Patrum tractatus in sanctorum propriorum festis lecti defectu Actorum, 387.

Pauli apostoli conversio, 225. Paulus capite plexus, gentibus caput fidei comprobatur, 273.

Pauli et Stephani regula, 33.

Pauli Silentiarii descriptio ciborii sanctæ Sophiæ, 74.

Paulus episcopus Virdunensis, 418.

Paulus Grammaticus seu Warnefridi, 16.

Pausantium spiritus, id est confesores in missa commemorati, 12.

Pavimentum ecclesiæ ex musivo, 79.

Pedatura vineæ, 462, 463.

Pedum lavatio post baptismum, 364, 249.

Pentecostes in vigilia jejunium, 156, 157. Nulla octava, *ibid.* Pentecostes dies Quinquagesimus absolute dictus, 102.

Perpetui episcopi Turonensis basilicæ, 69. Testamentum, 89, 410.

Petitio in missa quid ex Augustino, 26.

Petri et Pauli apostolorum passio in eorum missa lecta, 159. Imagines eorum in ecclesiis Gallicanis, 160. Petrus Ecclesiæ fundator, 266. Caput, 226.

Petrus præmissis vestigiis, seu pedibus sublati in altum, capite deorsum crucifixus, 273. Petri cathedra Romæ, 220, 226. Gallis antiquissima, 120, 121. Ob primatum ac confessionem, *ibid.*

Petrus episcopus Ilerdensis, missarum emendator, 31.

Pictaviensis Ecclesiæ ritus antiqui, 410, 411.

Picturæ cur in ecclesiis parietibus, 75, 76. Non in altari, *ibid.*, 186.

Plasma in feminino, 227.

Plurius, magis, 306.

Podia, 78.
Pœnitentium genera duo, 241. Pœnitentes non sine viatico moriantur, 85 *et seqq.*

Polycarpus an auctor cursus Asiatici, 380.

Pontifices summi qui, 306. Summum sacerdotium, 309.

Populi votum an consensus in ordinationibus diaconorum, presbyterorum et episcoporum, 303, 305, 308.

Præfatio, prima sacerdotis oratio ad missam, 24, 37, 193.

Præem pro canone missæ usurpant Cyprianus et Gregorius Magnus, 26. Item Vigilinus, 32.

Precis alia notio, 251.

Presbyteri seu sacerdotes dicti seniores, 337. Presbyteri, secundi ordinis viri, 306. Secundi meriti, *ibid.* Presbyteri ordinatio, 303. Presbytero non liceat eo in altari missam celebrare eodem die quo ibi episcopus celebraverit, 55.

Primæ officium, 420, 423, 424. In Gallia sæculo vi quando usitatum, 405, 406.

Primitivius sacerdotum et secundus ejus, 386.

Privilegia sacerdotum in ordinationibus, 303.

Profuturus episcopus Bracarensis, 31, 32. Eutharius perperam dictus, *ibid.*

Prophetæ lectio, item Apostoli in missa, 37, 38.

Protus Cantianorum martyrum pædagogus, 468 *et seqq.*

Prudentii locus de incenso lucernæ vel cereo, 141, 142.

Psallendum, idem cum missæ graduali, 11.

Psalmi communionis nomine cantati apud Afros et Gallos, 53.

Psalmi ante sanctorum reliquias cantandi, 415.

Psalmi in Ecclesia etiam a laicis et mulieribus decantati, 338, 389, 403.

Psalmodie origo et progressus in ecclesiis Gallicanis, 395 *et seqq.*

Psalmus responsorius in missa, 38. Psalterium memoria teneudum a clericis, 433.

Psalterium Gallicanum ex emendatione sancti Hieronymi, 395 *et seqq.* Romanum, 396, 398.

Q

Quadragesimæ caput non a die cinerum, sed a Dominica sequente ducendum, 123. Quadragesimæ dies jejuniorum sæculo vi in Gallia, 125. Quadragesima pro Quadragesima, 238. Missæ quadragesimales, *ibid.* *et seqq.* Jejunia, *ibid.* Initium, *ibid.* Quadragesimales missæ feriales, 125. Ab eis abesse religio, 56.

Quirites, optimates Galli, 465.

R

Ragnemodus episcopus Parisiensis, 55.

Regnum, una e novem hostiæ fractæ particulis, ex ritu Mozarabum, 181, 449.

Reliquiæ sanctorum quo loco positæ, 82 *et seqq.* 92. Columbis inclusæ, 91, 92. Quales in dedicationibus adhibetæ, 73. Reliquiæ martyrum ad collum an deferendæ, 164.

Remigii (S.) Rhemensis episcopi testamentum, 466.

Remigius monachus Antissiodorensis, 416.

Retifex, 220.

Revocata missa quid, 57 *et seqq.*

Rhemenses clerici ad communem vitam adducti, 414.

Ricomagensis vicus civitatis Arvernæ, 39.

Riculfuss episcopus Suessionensis, 417.

Rigobertus episcopus Rhemensis, 414.

Rogationum triduo lecta ad singulas horas epistola et Evangelium, 149 *et seqq.* Rogationum auctor Mamertus, 152. Dictæ Litanie, *ibid.*, 153. Rogationum tempore missis populus interesse debet, 56. Rogationum collectiones, 176. Rogationum jejunia tridua ubique sæculo vi recepta, 263, 377.

Roma Garonnæ, Tolosa, 220.

Romæ an et quando lecta sanctorum Acta, 385, 386.

Romana liturgia, 6.

Romanæ seu Gelasianæ liturgiæ ritus sæculo vi in provincia Bracarensi receptus, 31, 32.

Romanum Psalterium, 396, 398. Romanus cursus, 381. Psallendi modus, 384, 385.

Romensis quotidiana missa, 300.

Rosa dominici corporis sanguis in Eucharistia dictus ab Ambrosio, 41.

Rothomagensis Ecclesiæ status et ritus antiqui, 404.

Ruricius episcopus Lemovicensis, 184, 189.

S

Sabbatis etiam Quadragesimæ aliquando a jejunio relaxatum, 125. Sabbati sancti officium, 137 *et seqq.* Sabbato Paschæ post baptismum lotio pedum, 179, 180.

Sabbatum exita Pascha, id est ex eunte Pascha, 372.

Sacerdos jejuniis et impolluto animo debet consecrare, 60. Sacerdotes feriatis diebus ab alio sacerdote communionem accipiebant, 55. Sacerdotes in via constituti calicem cum patena gestare soliti, 97. Item sacrum chrisma, oleum benedictum et sacram Eucharistiam, 68. Sacerdos aliquando in missa solemnem prophetiam canebat, 38. Apud Mozarabes nusquam conversus ad populum, 13. Sacerdotum unctæ manus in ordinatione, 307. Sacerdotum privilegia in ordinationibus, 303. Sacerdotes etiam in itinere constituti noctu surgere soliti ad nocturnos recitandos, 428, 429.

Sacerdotis apologia in missa, 251.

Sacerdotum primus, Romanus pontifex, 276.

Sacra pari modo Galli Hispanique celebrant, 23.

Sacramenta dictum dominicæ mensæ sacrificium, 29.

Sacramentarium Gregorianum, 16.

Sacramentorum volumen a Musæo compositum, 28. Aliud a Vocono episcopo Castellauensi, *ibid.*

Sacrarium, locus altaris, 78. Locus in quo residuæ oblationes servantur, 303.

Sacrata Deo vasa profanis usibus non aptanda, 63, 64.

Sacrificium corporis Christi, 49.

Sacrificium missæ in institutione Eucharistiæ a Christo oblatum, 180, 181, 237, 297, 184, 185. Missa sacrificium spiritale, 237. Sacrificii oblatio, 39, 40, 66. Pro defunctis, 58.

Sacrificium, dictum offertorium missæ, 11.

Sacrificium vespertinum, 126.

Sacrificium, missa a Cyprino dicta, 26.

Salutatorium, locus in quo sacerdotes vestes induebant, 79, 80.

Salvianus presbyter Massiliensis, Sa-

cramentorum homilias composuit, 29. Salvus abbas Abældensis, 31.

Sanctorum quales reliquiæ ad dedicationem ecclesiarum adhibetæ, 73. Quo loco positæ, 82. Altari qui impositæ, 83, 84, in oratoriis villaribus qui colendæ, 415. Columbis inclusæ, 91, 92. Sanctorum vita in missa recitata, 20, 21. Ante Evangelium, 39. Ante Epistolam, *ibid.* Compendium in contestatione seu præfatione recitatum, 45. Sanctorum Acta quæ in vigiliis nocturnis legebantur, ad præsentis nutum brevata, 116.

Sanctorum festa antiquitus in Gallia recepta, 102, 103, 104.

Sanguis Christi in Eucharistia calamo haustus, 186.

Sanguis Christi in vitro, 64.

Sarnaticum coopertorium, 42.

Saturnini episcopi et martyris nate, 219.

Scripturæ versio antiqua Gallicana, 471 *et seqq.*

Scripturarum canonis martyres assertores, 467.

Scrutinium baptizandorum, 338. Scrutamen, 334.

Scupilio Spatarius, 465.

Scutella argentea cruciata, 463.

Secretaria duo juxta ecclesiæ absidem, 79.

Senior, dictus presbyter seu sacerdos, 307, 337.

Sepulcris appensæ columbæ aureæ et lignæ, 90, 91.

Sepulcrum novum corporis Christi, dictum vasculum in quo Eucharistia continetur.

Sepulti ad Orientem cujuslibet ordinis Christiani, 167.

Sequentiæ sæculo ix in missa dictæ, 19.

Sergii martyris reliquiæ Burdigalæ, 83.

Sermo ad populum in missa post Evangelium, 34, 35, 40.

Servus manu missus ut ligna ad oblatas faciendum procuraret, 181.

Servus cum bolus duobus solum occupatus ad ligna faciendæ oblatæ quotidianæ comparanda, 495.

Sexagesima et Quinquagesima ante Pascha prohibita, 123.

Sidonius episcopus Arvernorum libri Missarum auctor, 29, 79. Ejus locus insignis, 80, 81.

Silentium indictum ad lectiones in Ecclesia, 9. Ter in missa, *ibid.* *et seqq.*, 21 *et seqq.* A diacono, 38.

Silvestri pontificis acta, 386.

Sinsurianus. Vide Symphorianus.

Sisenandus episcopus Compostellanus, 27.

Sisinnius et Theodora a sancto Clemente conversi, 218.

Sisinnius comes, 168 *et seqq.*

Sixti papæ et martyris Natale, 276.

Sonus, vespertinum pars apud Mozarabes, 394.

Species, materia sacrificii, 233.

Spicarum novarum benedictio seu missa de novis fructibus, 161, 162.

Spiritus carorum, 188 *et seqq.*

Stabat in Ecclesia populus inter cantandum, 390.

Subdiaconi ordinatio, 302.

Substratorium in quo pallæ positæ sunt, 303.

Supplicationes Rogationum et aliorum dierum in Gallia, 152, 153, 154.

Sursum corda, antiquissimum in missa, 45.

Symbolum Constantinopolitanum recitatum post canonem a sacerdote tenente corpus Christi super calicem, 2 et 12. Symbolum cur a Romanis non recitatum in missa ante Henrici I im-

peratoris *etatem*, 7. *Symbolum a Gal-
lis antiquitus in missa recitatum*, 7.
*Symboli decantatio in missa ante ora-
tionem Dominicam sæculo vi in His-
pania*, 31. *Symboli expositio seu tra-
ditio in Dominica Palmarum*, 127,
235, 339, 346. *Symbolum non in tabu-
lis scribitur, sed in corde susceptum
memoriter retinetur*, 340, 347, 348.
*Symboli apostolorum non unus, sed
multi conditores*, 341.

*Symbolum publice in ecclesia com-
petentibus traditum ante octo dies
Resurrectionis Dominicæ*, 23, 127.

*Symphonia populi in sacrificio
missæ*, 275.

Symphoriani martyris natale, 280.

*Symphoriani (S.) seu Sinsuriani
basilica*, 463, 464.

T

Tabulæ argenteæ ante altaria, 186.

Tectum ecclesiæ ex cupro, 79.

*Tertiæ ac sextæ horarum officium ab
Injurioso episcopo in ecclesia Turo-
nensi institutum*, 409, 423, 424, 428.

*Tertulliani locus de Trinitatis uni-
tate*, 477.

*Testamentum Ermentrudis matro-
næ*, 462 *et seqq.* *Sancti Remigii*, 466.

Tetricus episcopus Antiasiodorensis, 413.

*Theodemari abbatissæ Casinensis epi-
stola ad Carolum Magnum*, 385.

Thymiamaterium, 186.

Toletani canones de officiis divinis,
418, 419. *Toletani Patres missarum
Mozarabicarum auctores*, 31.

Tolosa, dicta Roma Garonnæ, 220.

*Transformatio, seu conversio panis
et vini in corpus et sanguinem Domi-
ni*, 180, 285, 307, 349. *Transformata*

*Eucharistia in corpus et sanguinem
Domini*, 202. *Permutata et translata*,
214, 228.

*Transitorium, antiphona post com-
munionem*, 8.

Tribuna quotidiana ante altare, 66.
Tribunalia quid, 66, 67.

*Trinitatis testimonium in i Joannis
assertum*, 476, 477.

Trojanus diaconus Santonensis, 458.
Troppus jumentorum, 464.

*Tunicæ nomine an alba vel casula
designata* ? 61, 62.

Turonensis Ecclesiæ ritus antiqui,
409.

*Turonensis concilii ii locus et cano-
nes explicati*, 93, 93, 94, 420, 421,
422. *Turonense Antiphonarium, ibid.*
Turricula et imaginatus calix, 466.

*Turris in qua ministerium dominici
corporis servabatur, 40 et seqq.* *Tur-
res in quibus calices*, 66, 67. *An iis
inclusum corpus Domini* ? 94.

U

Ugo episcopus, 301.

*Uxorum in exsequiis mariti capite
oblecto*, 167.

V

*Vasa Deo sacra profanis usibus non
aptanda*, 63, 64.

*Vasculum seu chrisimal in quo Eu-
charistia continetur, dictum sepul-
crum novum corporis Christi*, 316.

Vela ad ostia ecclesiarum, 66, 78.
Quatuor in ciboriis, ibid.

*Velo involuta calix et ampullæ ad
altare deferuntur*, 185. *Velo involuta
patena unde*, 185.

Velum altaris, calicis et oblationum,

non tenue, sed densum, 42.

Venerius episcopus Masaliensis,
28, 400.

Veritas sacramenti Eucharistici, 192.

Vespertina refectio in jejuniis, 280.

Vespertinum, vesperrarum pars, 394.

Vaticum infirmis reservatum, 84,
85, 87, 88, 89. *Martyribus datum et
penitentibus*, 83, 86.

Victricius episcopus Iothomagensis,
408.

Vidnæ vestimentorum benedictio,
313. *Vidualis præfatio*, 332.

Viennensis Ecclesiæ ritus antiqui,
401, 402.

Vigiliæ nocturnæ matutinum dictæ,
420, 421, 422. *Vigiliarum nocturna-
rum hora in Ecclesia Parisiensi*, 412,
413.

*Vinum Gazetum seu Gazeticum a
Gaza Galilææ*, 58, 81. *Vinum rubrum
ad altare melius tum ob mysterium,
tum ob periculum*, 40.

*Virginis sacræ consecratio et bene-
dictio*, 116, 311. *Virginis benedicen-
dæ præfatio*, 332.

*Vitri factores ab Anglis in Gallia
quæsti*, 71.

Vitrum prasinum in ecclesia, 80.

*Voconius Castellani in Mauritania
episcopus*, 29.

*Walafridus Strabus abbas Augien-
sis*, 8, 33, 35, 396.

*Walburgis virginis miracula cur
cessarunt*, 83.

Wido abbas Fontanellensis, 186.

Z

*Zoelus presbyter martyrum sepulcri
curator*, 470.

ORDO RERUM QUÆ IN HOC TOMO CONTINENTUR.

JOANNES PAPA III.

Vita ex Libro Pontificali.

*Epistola Joannis papæ ad episcopos Germaniæ et
Galliæ.*

Epistola ejusdem ad Edaldum Viennæ antistitem.

S. MARTINUS BRACARENSIS EPISCOPUS.

Notitia.

OPUSCULA SEPTEM.

OPUSCULUM PRIMUM. — Formula honestæ vitæ.

OPUSCULUM II. — Libellus de moribus.

OPUSCULUM III. — De repellenda jactantia.

OPUSCULUM IV. — De superbia.

OPUSCULUM V. — Exhortatio humilitatis.

OPUSCULUM VI. — De ira.

OPUSCULUM VII. — De Pascha.

Nonnulli versus.

S. GERMANUS PARIISIENSIS EPISCOPUS.

Notitia ex Gallia Christiana.

Vita, auctore Venantio Fortunato.

Epistola ad Brunichildem reginam.

Privilegium monasterii S. Germani.

Expositio brevis antiquæ liturgiæ Gallicanæ.

APPENDIX AD OPERA S. GERMANI.

*DE LITURGIA GALLICANA LIBRI TRES, auctore Ma-
billonio.*

Epistola dedicatoria.

Præfatio.

LIBER PRIMUS.

CAPUT PRIMUM. — Liturgiarum consideratio quam utilis

*ad fidem Ecclesiæ catholicæ de Eucharistia confirman-
dam.*

*CAP. II. — Variæ Liturgiæ apud Latinos, earumque
convenientia et differentia.*

*CAP. III. — Quæ et qualis fuerit quondam Liturgia Gal-
licana; an ea quæ a Matthia Illyrico edita est. Certæ ejus
notæ; hæc integra tandem reperta.*

*CAP. IV. — Gallicanæ Liturgiæ cum aliis Latinis, maxi-
me cum Mozarabica comparatio. An Mozarabica anti-
quior. Quinam Gallicanæ auctores.*

*CAP. V. — Missæ Gallicanæ partes singillatim expli-
cantur ex Gregorio Turonensi episcopo, aliisque monu-
mentis.*

*CAP. VI. — Missæ solemnes et privæt, matutinæ et
vespertinæ seu quadragesimales. Unde missa pro festo?
Quid missa revocata? Dispositiones ad missam.*

*CAP. VII. — Ministrorum in missa vestes et apparatus;
ministerium id est sacra supellex, seu vasa sacra et orna-
menta.*

*CAP. VIII. — Ecclesiarum seu basilicarum forma et dispo-
sitiio apud Franco, variæque ejus partes explicantur.*

*CAP. IX. — Quo in loco positæ sanctorum reliquiæ; an
et ubi Eucharistia ad Viaticum reservata ante sæculum
viii? Quæ tunc temporis Ecclesiæ Gallicanæ de Eucha-
ristia fides.*

*LIBER II. — Antiquissimum Lectionarium Gallicanum, cum notis et
observationibus.*

LIBER III. — Missale Gothicogallicanum.

Missale Francorum.

Vetus missale Gallicanum.	339	Epistola Pelagii, etiam adulterina, ad episcopos Italiane.	753
DISQUISITIO DE CURSU GALLICANO, eodem Mabillonio auctore.	381	Epistola altera supposititia, ad episcopos Germaniae et Galliae.	758
§ I. — Quædam præmittuntur de divinorum officiorum origine, progressu et incremento apud Orientales et Occidentales.	Ibid.	S. AUNARIUS.	
§ II. — Psalmody origo et progressus in Gallicanis Ecclesiis, Lugdunensi, Arelatensi, Viennensi et Massiliensi. Ubi de Psalterio Gallicano.	391	Notitia.	759
§ III. — De origine et propagatione divinorum officiorum in Lugdunensi secunda, tertia et quarta, et in utraque Belgica.	398	Relatio concilii Antissiodorensis ab Aunario celebrati.	761
§ IV. — Divinorum officiorum institutio in parochialibus, aliisque ecclesiis.	402	Epistola Aunarii ad Stephanum abbatem.	767
§ V. — Divinorum officiorum in Gallicanis ecclesiis antiqua ordinatio describitur.	404	Epistola Stephani ad Aunarium.	769
§ VI. — De obligatione clericorum ad cursum privatim recitandum; ubi de itinerantibus et infirmis.	409	SEDATUS.	
APPENDICES ad præcedentia liturgiæ monumenta.	415	Notitia.	Ibid.
Appendix prima, continens probationes quasdam liturgiæ Gallicanæ et cursus Gallicani.	Ibid.	Homilia de Epiphania.	771
Appendix altera, in qua variantes Scripturæ sacræ lectiones præcipuæ ex Lectionario Gallicano exhibentur.	441	Sermones duo Sedato attributi (hic tantum memorati).	773
SACRAMENTARIUM GALLICANUM, seu LIBER SACRAMENTORUM ECCLESIE GALLICANÆ, auctore Muratorio.	447	S. AREGIUS.	
Præfatio.	Ibid.	Vita et Testamentum (hic tantum memorata).	Ibid.
Missæ Romensis quotidiana.	451	COGITOSUS.	
Lectiones de adventu Domini.	457	Notitia.	775
Lectiones quotidianæ.	517	VITA S. BRIGIDÆ.	Ibid.
Lectiones Dominicales.	545	MARIUS AVENTICENSIS.	
Benedictiones et exorcismi.	567	Notitia.	791
Judicii poenitentialis.	573	CHRONICON cum appendice.	793
Ratio institutionis cursus ecclesiasticorum.	577	LUCULENTIUS.	
ANTIPHONARIUM Monasterii Benchorensis.	579	COMMENTarii in aliquot Novi Testamenti partes.	803
ORIGO CURSUUM ECCLESIASTICORUM.	605	JOANNES EPISC. ARELATENSIS.	
MARTYROLOGIUM GALLICANUM.	607	Epistola ad virgines monasterii Sanctæ Mariæ.	859
CALENDARIUM ANGLICANUM.	619	JOANNES BICLARENSIS ABBAS.	
LITANIÆ ANGLICANÆ.	623	Notitia.	Ibid.
S. DOMNOLUS CENOMANENSIS.		CHRONICON.	861
Notitia Vitæ duplex.	629	S. LEANDER HISPALENSIS.	
TESTAMENTUM.	649	Notitia.	869
S. RADEGUNDIS.		REGULA sive Liber de Institutione virginum et contemptu mundi.	871
Vita.	651	CAPUT PRIMUM. — Ut vitentur laicæ mulieres.	881
TESTAMENTUM sive epistola ad episcopos.	679	CAP. II. — Ut viri sancti vitentur.	883
DECRETUM episcoporum, quod, suscepta beatæ Radegundis epistola, conscripserunt.	681	CAP. III. — Ut declinare virgo debeat juvenes.	Ibid.
BENEDICTUS PAPA I.		CAP. IV. — De abstinentia.	Ibid.
Notitia.	Ibid.	CAP. V. — Ut virgo singula non loquatur cum singulo.	883
In epistolam sequentem J. D. Mansi censura.	683	CAP. VI. — Ut jugiter virgo oret et legat.	Ibid.
Epistola Benedicti ad Grandensem patriarcham.	Ibid.	CAP. VII. — Ut carnaliter non legi debeat Vetus Testamentum.	884
Epistola ejusdem ad David episcopum.	685	CAP. VIII. — De jejunii modo.	Ibid.
LICINIUS.		CAP. IX. — De usu vini.	885
Notitia.	Ibid.	CAP. X. — Quatenus uti virgo lavacro debeat.	Ibid.
Epistola Liciniani ad sanctum Gregorium papam.	689	CAP. XI. — Quod peccatum sit virgini ridere.	886
Epistola ejusdem ad Epiphanium diaconum.	691	CAP. XII. — Qualiter habeantur ancillæ virginitatem professæ.	Ibid.
Epistola ejusdem ad Vincentium episcopum.	699	CAP. XIII. — De discretionem senioris erga personas singulas.	887
S. VERANUS.		CAP. XIV. — Ut virgo æqualis sit et in paupertate et in abundantia.	Ibid.
Observatio Sirmondii in sequens fragmentum.	Ibid.	CAP. XV. — De indulgentia et prohibitionem carnis.	889
Sancti Verani sententia de castitate sacerdotum.	701	CAP. XVI. — Ut in monasterio quo cœpit virgo permaneat.	Ibid.
PELAGIUS PAPA II.		CAP. XVII. — Qualiter vita fugiatur privata.	890
Notitia.	Ibid.	CAP. XVIII. — Ne peculiare virgo in monasterio quid possideat.	Ibid.
Epistola Pelagii II ad Gregorium diaconum.	703	CAP. XIX. — Ne virgo jurare debeat.	891
Epistola ejusdem ad Aunarium episcopum Antissiodorensensem.	705	CAP. XX. — Ne sola virgo cum sola loquatur.	Ibid.
Epistola ejusdem ad Eliam et episcopos Istriæ.	706	CAP. XXI. — Ne velit virgo reverti ad sæculum.	Ibid.
Epistola ejusdem altera ad episcopos Istriæ.	710	Homilia in laudem Ecclesiæ.	895
Epistola ejusdem tertia ad Eliam et episcopos Istriæ.	715	ANTONINUS PLACENTINUS.	
Epistola ejusdem ad Joannem episcopum Constantinopolitanum.	738	ITINERARIUM.	898
Exemplar litterarum Pelagii papæ urbis Romæ ad Aunarium.	744	FLORIANUS ABBAS.	
DECRETA PELAGII II.	745	Epistola ad S. Nicetium	917
Appendix ad epistolas Pelagii II.		ANONYMUS.	
Epistola Pelagii attributa ad Benignum archiepiscopum.	749	Appendix ad Eusebii Chronicon (hic tantum memorata).	Ibid.
		SUPPLEMENTUM SÆCULI SEXTI.	
		Syntagma legum, præceptionum, decretorumque præcipuorum, quibus sive reges sive imperatores, præsertim sæculi sexti, sese rebus ecclesiasticis ingesserunt, aut suam pietatem in Deum testati sunt.	918



THIS VOLUME
DOES NOT CIRCULATE
OUTSIDE THE LIBRARY

